

CSF

18-0

LES ŒUVRES

DE IEAN BACQVET,

ADVOCAT DV ROY
EN LA CHAMBRE DV THRESOR.

DES DROICTS DV DOMAIN
DE LA COVRONNE DE FRANCE.


DERNIERE EDITION, REVEVE, CORRIGE
& augmentée de plusieurs Arrests & Decisions notables :
& du Traicté des Rentes du mesme Auteur.

DIVISEE EN QUATRE TOMES.



A PARIS,
DE L'IMPRIMERIE
De FRANÇOIS IVLLIOT, rue & près la porte
Saint Victor, au Soleil d'or.

M. DC. XXX.



CSP

KJV

1219

.B324

1630



A MONSIEUR,

MESSIRE ACHILES DE HARLAY,

Cheualier, Conseiller du Roy en son Conseil

d'Estat, & premier President en la Cour

de Parlement de Paris.



MONSIEUR,

*V*n celebre Romain desirant que son amy Plin^e mist en public l'Histoire de son temps, luy remonstroit entr'autres choses pour l'inciter à ce faire, qu'il n'y auoit rien au monde de plus beau, que de laisser à la posterité la louange des faicts illustres, ou escrire choses dignes de l'immortalité: attendu que ceste recommandation venant à passer de siecle en siecle, sert de nourriture aux esprits cupides d'honneur, qui esperēt par mesme moyen de voir leur vie presque eternisée, par la continuation de la memoire de leurs gestes: avec ce qu'il n'y a rien mieux seant à la dignité de l'homme, que de vouloir, ny à la fortune, que de pouuoir profiter à autrui, obligeant la société ciuile d'un lien plus fort, que la nature mesme. Estât d'ailleurs à presumer, que puis que les hommes sont naturellement si amateurs des œuvres antiques, qu'ils se proposent sur tout d'en imiter le modele, & quelque petit fragmēt de medaille sert d'ornemēt ordinaire à leurs thresors & cabinets: par mesme, ou plus forte raison ferōt-ils tousiours tres-grand estat des labeurs & traictez réplis des recherches plus rares de l'antiquité: pource que par le moyen d'iceux l'entēdement forme en soy la cognoissance des choses du tout cachées, dont s'affermist le iugement, par l'aduis duquel s'executent les plus nobles deliberations des hautes entreprises, tant au faict de paix, que de guerre. Seul sujet à vray dire, qui a meu defunct M. I E A N B A C Q V E T, Conseiller & Aduocat du Roy en la Iustice du Thresor,

d'entreprendre le labeur des Traictez du Domaine de la Couronne de France, autant rares, qu'incogneus; craignant outre ce que dessus d'encourir la iuste reprehension des hōmes, si Dieu luy ayant faict ceste grace particuliere, que d'entendre le secret de tels droicts Domaniaux, il n'en laissoit quelque monumēt notable à la posterité, & pour perpetuer la singuliere affection qu'il a tousiours portée, tant au public en general, que particulièrement à la conservation de ces fleurons de la Couronne. Mais, comme si la fortune enuioit aux hommes la perfection de leurs plus beaux ouurages, il arrive ordinairement, que sur le paracheuement, la mort trāche le filet de leur vie: Et ainsi en est-il aduenū au bon personnage pere de ce posthume; lequel ayant esté trouuē de beaucoup par luy enrichy & augmētē depuis les premieres impressions, i'ay pensē de uoir cet hōneur à sa memoire, que de le publier, & luy faire voir le iour, spécialement sous les fauorables auspices de vostre nom, MONSEIGNEVR, sçachant l'estime que de vostre grace auez tousiours faicte du defunct, & laquelle ie souhaite qu'il vous plaise cōtinuer enuers moy son gendre. Sous l'asseurance de quoy, & pour n'en demeurer ingrat, ie me suis efforcē d'en porter ce tesmoignage aux siecles à venir, par la publication que ie fais de cet œure, esperant, puisque selon le vieil prouerbe, les dernieres pensées sont communément reputēes les meilleures, que ces fruiets, lesquels il s'est estudiē de mettre en leur perfection sur l'Automne de son aage, en seront d'autant plus sauoureux au goust, que plus ils ont eu de tēps à meurir en son estude. Aussi me promets-ie de vostre benignité, MONSEIGNEVR, tant d'heur & d'honneur, que de me voir subrogē en l'amitiē & bien-veillance, dont vous souliez honorer le defunct. Auquel si ie me trouue de beaucoup inferieur en merite, au moins succederay-je en bonne volonté & deuotieuse affection de faire paroistre que ie suis,

MONSEIGNEVR,

Vostre tres-humble & obeyssant
seruiteur, N. BELVT.



A V LECTEV R.



L n'est ouvrage si parfait, à qui le temps ne puisse apporter quelque polisseure ou embellissement. Ainsi plaist à Nature de laisser tousiours à dire & à faire pour ceux qui viendront. C'est pourquoy depuis les dernieres impressions de ce Liure, aussi vtile que necessaire, pour la droicte intelligence des Droiets du Domaine, s'estant donné quelques Arrests & Jugemens, qui peuuent servir à la decision de plusieurs importantes questions, que l'Auth eur n'auoit eu le temps d'esclaircir & resoudre, comme il s'estoit proposé; M. N. BELVT son gendre a esté soigneux de les recueillir & agencer selon les niches ou tables d'attente, qui sembloient estre disposées & propres à les receuoir. Il y a esté inuité par l'honneur qu'il doit au merite & à la memoire de feu Monsieur BACQVET son beau-pere, par le fauorable accueil que la France fait à ses ceuures, & par l'affection dont il s'est luy-mesme deuoué à l'vtilité publique. Aussi s'en est-il d'autant plus dignement acquitté, qu'il a suiuy comme pas à pas les traces de l'Auth eur; & que son long exercice luy a d'ailleurs acquis le rang de premier Conseiller en la Chambre du Thresor. Ces notes [N.B.] & ce qui est enclos dans icelles, ce sont ses additions, où il estimera le temps & la peine heureusement employez, s'il void qu'elles seruent au public, & t'apportent en particulier quelque contentement, comme c'est son desir.

TRAICTEZ CONTENVS

au premier Tome.

DV DROICT D'AVBEINE.
DV DROICT DE BASTARDISE.
DV DROICT DE DESHERENCE.
ESTABLISSEMENT DE LA CHAMBRE DV THRESOR.

TRAICTEZ CONTENVS

au second Tome.

DV DROICT DE FRANCS-FIEFS.
DV DROICT D'ANNOBLISSEMENT.
DV DROICT DE NOUVEAUX ACQUESTS.
DV DROICT D'AMORTISSEMENT.

DECLARATIONS que les roturiers & gens de main-morte sont
tenus bailler au Roy, ensemble de la finance deuë, à cause des droicts
de Francs-Fiefs, & Nouveaux Acquests.

Outre sont transcrites certaines Instructions, Memoires, Lettres pa-
tentes, concernans les droicts de Francs-Fiefs, Nouveaux Acquests,
Annoblissemens, & Amortissemens.

LE TROISIEME TOME

contient le Traicté

DES DROICTS DE IVSTICE, H AVT
MOYENNE, ET BASSE.

LE QVATRIESME TOME

contient le Traicté

DES RENTES CONSTITVEES SVR L'HOTEL
DE VILLE, OV DEVES PAR PARTICV-
LIERS.

T A B L E

DES CHAPITRES

DV PREMIER TOME.

PREMIERE PARTIE TRAICTANT DES PERSONNES
des Aubeins demeurans en France, & de leur difference.


- CHAP. I.**  *VE les droicts domaniaux des Empires & Royaumes ont esté anciennement tenus secrets, la cognoissance & utilité de ceux de la Couronne de France, ouuerte par l'auteur en six Traictez qu'il en a dressez: & de l'ordre gardé au premier.* 1
- II.** *Interpretation du nom d'Aubein, avec la definition du droict d'aubeine, & qu'il y a 2. sortes d'aubeins demeurans en France.* 4
- III.** *Qu'és anciennes Republiques la condition des Aubeins a tousiours esté différente des citoyens & originaires du pays, & que le nom de citoyen anciennement n'a esté octroyé aux estrangers, sinon pour tiltre d'honneur & de vertu.* 6
- IV.** *Si le droict d'Aubeine a esté introduit en France, par la loy & ordonnance escripte, ou par coustume & ancienne obseruance seulement; avec un ancien extract de la Chambre des Comptes, iusques à present incogneu, contenant ample declaration tant du droict d'Aubeine, que du droict de Bastardise.* 11
- V.** *Au Roy seul appartient le droict d'Aubeine: pourquoy il a esté introduit en France: ensemble les droicts de cheuage & formariage, & la rigueur qu'on tenoit anciennement aux estrangers demeurans au Royaume.* 16
- VI.** *Qu'il y a trois sortes d'Aubeins demeurans en France.* 19
- VII.** *Des vrais Aubeins subiects à la loy d'Aubeine.* 20
- VIII.** *Des Aubeins qui par priuilege sont exçpts du droict d'Aubeine, mesmes des priuileges octroyez aux Suisses, Escossois & Portugais demeurans en France: ensemble aux habitans de Cambray & Auignon.* 24
- IX.** *Des reputez Aubeins: & si les Flamans & Milanois doiuent à present estre reputez Aubeins en France, avec plusieurs sentences & arrests donnez pour ce regard.* 30
- X.** *Les habitans du Comté de Bourgogne sont reputez Aubeins au Royaume de France, non toutesfois au dedans du Duché de Bourgogne.* 31
- XI.** *Forme des lettres de declaration que les Flamans, Milanois, & ceux du Comté de Bourgogne demeurans en France ont accoustumé obtenir du Roy.* 57
- XII.** *L'estranger encores qu'il soit Officier Royal, beneficié, ou marié en France, & y ayt longuement demeuré, est subiect à la loy d'Aubeine.* 59
- XIII.** *L'estranger, ostage, messager, ou simple passager, est subiect au droict d'Aubeine, & non les Ambassadeurs estans en France, ny celuy qui est demeurant hors de France.* 60
- XIII.** *Les estrangers encores qu'ils soient Docteurs, Principaux de Colleges, ou Escoliers estudians és Vniuersitez de France, sont subiets au droict d'Aubeine.* 62

Table des Chapitres

XIV.

Sçavoir si les biens des marchands estrangers venans es foires sont subiects au droit d'Aubeine: & que les deniers des marchands frequentans les foires de Lyon, n'y sont subiects, avec l'interpretation des privileges octroyez aux marchands frequentans les foires de Lyon, & arrests sur ce donnez.

SECONDE PARTIE TRAICTANT DE LA CONDITION des estrangers non naturalisez demeurans en France, & en quoy ils sont differents des originares du Royaume.

- XV. **P**ar les Ordonnances Royaux, l'estranger ne peut tenir Offices, Benefices, ne Fermes en France. 68
- XVI. L'estranger est tenu bailler caution de payer le iugé, & non l'originare de France, & la caution est tenue de l'amende du sol appel interietté par l'estranger. 73
- XVII. L'estranger ne peut tester des biens estans en France, que iusques à cinq sols parisis, combien qu'il puisse donner entre vifs, & librement contracter. 77
- XVIII. Le testament de l'estranger n'est valable en France, encores qu'il contienne legs pitoyables, & l'authentique omnes peregrini, n'y est gardée. 80
- XIX. Que l'estranger ne peut donner pour cause de mort, & que la donation faicte pendant sa maladie, encore qu'elle soit conceue en forme de donation entre vifs est reputée faicte pour cause de mort. 82
- XX. Homme & femme estrangers, conioincts par mariage, peuvent faire don mutuel ensemble, pour iouyr par le survivant en usufruit seulement: avec les arrests sur ce suruenus. 84
- XXI. Sçavoir si l'estranger par contract de mariage peut donner à sa femme survivante tous les biens qu'il aura lors de son decés: encores que la donation soit reciproque, & que la femme soit natifue de France. 88

TROISIEME PARTIE TRAICTANT DE la condition des estrangers naturalisez demeurans en France.

- XXII. **F**ormes des lettres de naturalité, que les estrangers demeurans en France ont accoustumé obtenir du Roy. 106
- XXIII. Pourquoi les lettres obtenues du Roy par les estrangers sont appellées lettres de naturalité, ou de civilité, avec l'effect & utilité d'icelles. 108
- XXIV. En France le Roy seul peut naturaliser l'estranger: & les lettres de naturalité doivent estre verifiées en la Chambre des Comptes: avec l'interpretation de ces mots, Prouiso quòd haredes impetrantis sint regnicolæ. 112

Les parens

du premier Tome.

- XXV. Les parens de l'estranger naturalisé, nais & demeurans en France, luy succedent & excluent le Roy, encores que le defunct lors de son decés eust parens plus proches, demeurans hors du Royaume : avec les sentences & arrests donnez pour ce regard. 114
- XXVI. L'estranger naturalisé ne peut par testament disposer en faueur de ses parens nais & demeurans hors de France, ny pareillement en faueur de l'estranger demeurant en France non naturalisé, soit par legs vniuersel ou particulier. 122

QVATRIESME PARTIE TRAICTANT DES successions des estrangers decedans en France, tant naturalisez que non naturalisez.

- XXVII. **L**E Roy seul succede à l'estranger, priuatiuement à tous les Seigneurs & hauts Iusticiers du Royaume de France. 125
- XXVIII. Le haut Iusticier ne peut succeder à l'estranger, encores qu'il pretende auoir acquis du Roy, ou prescrit le droit d'Aubeine: comme ce droit estant inalienable & imprescriptible. 127
- XXIX. Le haut Iusticier ne peut s'attribuer la succession de l'estranger par le moyen de la Coustume locale. 131
- XXX. Les parens de l'estranger nais & demeurans hors du Royaume de France, ne luy peuvent succeder es biens estans en France, mesmes ses enfans nais & demeurans hors de France ne luy succedent. 133
- XXXI. Les parens de l'estranger demeurans en France, nais hors du Royaume ne luy succedent, mesmes les enfans demeurans au Royaume, nais hors iceluy, ne peuvent succeder à leur pere estranger, ny demander droit de legitime en ses biens situez en France. 138
- XXXII. Les parens de l'estranger nais en France, & y demeurans, ne luy succedent aucunement, toutesfois les enfans nais & demeurans en France, succedent entierement à leurs pere & mere estrangers non naturalisez. 138
- XXXIII. La veufue de l'estranger ne luy succede point, & le tiltre, vnde vir & vxor, n'a lieu au pays coustumier de France. 141
- XXXIV. A qui appartiennent les biens demeurez par le decés de l'estranger naturalisé, decédé intestat, sans heritiers regnicoles, ou au Roy par le droit d'Aubeine, ou au haut Iusticier à tiltre de biens vacans : avec les arrests donnez pour ce regard. 145
- XXXV. Comme le pretendu heritier, donataire ou legataire de l'estranger se doit pouruoir pour auoir main-leuée des biens demeurez par le decés de l'estranger, saisis à la requeste du Procureur du Roy. 151
- XXXVI. Quand le Procureur du Roy fait saisir un heritage, pretendu qu'il appartient à un estranger ou bastard, le possesseur doit iour pendant le proces : comme s'entend la maxime que le Roy ne plaide point de saisie, & la theorique commune, que omnia sunt Principis. 169

Table des Chapitres

CINQUIESME PARTIE TRAICTANT DE LA condition du François qui s'est retiré & habitué hors du Royaume, ensemble de la succession.

- XXXVII. **L**E François qui s'est retiré hors du Royaume, & habitué en pays estrange, ne peut succeder à ses parens demeurans en France. 163
- XXXVIII. Les enfans conceus & nais hors de France, d'un François qui s'est retiré hors du Royaume, & marié à une estrangere, ne succedent à leurs parens demeurans en France: mesmes à leur pere, & bien situés dedans le Royaume. 168
- XXXIX. Sçavoir si les enfans nais & conceus en France de pere & mere François, en pays estrange, peuvent succeder à leur ayeul, ayeule, & autres parens qui estoient nais & residans en France, venans demeurer au Royaume, & se faisant naturaliser par le Roy apres le decés de leur ayeul, & ayeule, & autres parens, ou sans obtenir lettres de naturalité, comme non necessaires, avec l'arrest donné pour ce regard, vulgairement appelé l'Arrest de l'Anglese. 171
- XL. Sçavoir si le Roy succede par droit d'Aubaine au François habitué hors de France, & ses biens estans dedans le Royaume: ou si ses parens luy doivent succeder. 185
- XLI. *Factum* redigé en Latin contenant les principaux moyens du proces d'entre Geofroy Cenamy demandeur, & maistre Jean de Longueval, defendeur, auquel sont recitées plusieurs antiquitez & choses notables du droit d'Aubaine, mesmes si un François s'estant habitué hors le Royaume, peut succeder en France, avec l'arrest interuenu au proces susdit. 190

ORDRE DES CHAPITRES DV Traicté du droit de Bastardise, diuisé en deux parties.

PREMIERE PARTIE TRAICTANT DE LA condition des Bastards non legitimez demeurans en France, & de leurs successions.

- CHAP. I. **D**E l'ordre & continuation du present Traicté avec le precedent, & de la connexité qu'ils ont ensemble. 212
- Interpretation du nom de Bastard, & definition du droit de Bastardise. 213
- II. En quoy la condition des bastards est semblable à celle des estrangers demeurans en France, & la rigueur qu'anciennement on leur tenoit, mesme qu'en France les bastards ne succedent aucunement à leurs pere, mere, & autres parens, avec la disposition du droit civil pour ce regard. 214
- III. Quand les donations faictes par le pere naturel à ses enfans bastards sont valables, ou non, avec plusieurs & diuers arrests donnez pour ce regard. 218
- IV. Le pere naturel peut donner aux enfans naturels & legitimes de ses bastards, & le frere peut donner aux enfans bastards de son frere, pareillement les autres

- parens leur peuuent donner. 232
- V. Les bastards peuuent demander alimens à leurs pere & mere naturels, ou à leurs heritiers, toutesfois ils ne peuuent demander legitime es biens de leur pere naturel, & comme la legitime est pratiquée au pays coustumier de France. 234
- VI. Les bastards peuuent librement tester, & par testament disposer de tous leurs biens, avec plusieurs arrests sur ce donnez. 242
- VII. Les executeurs des testamens des bastards. sont saisis par an & iour de tous leurs meubles, avec plusieurs matieres concernans les executeurs testamentaires. 244
- VIII. Aux bastards succedent seulement leurs enfans nais en loyal mariage, & s'ils n'ont enfans legitimes, le Roy leur succede, & non les Seigneurs hauts-Iusticiers, qui ne leur peuuent succeder sinon en trois cas concurrens, soit que les bastards soient legitimez, ou non, suivant l'ordonnance cy transcrite, jusqu'à present incogneue. 260

SECONDE PARTIE TRAITANT DE LA
condition des bastards legitimez, à quels parens ils peuuent
succeder, & qui leur doit succeder.

- IX. **E**N France il n'y a que deux sortes de legitimations, par mariage subsequent, & par lettres patentes du Roy, verifiées en la Chambre des Comptes. Que le Roy seul peut legitimer des bastards, & que le Iuge cognoist de la legitimati-
on par mariage subsequent. 267
- X. Forme des lettres de legitimati-
on que les bastards ont accoustumé obtenir du Roy. 272
- XI. En France les bastards legitimez par le Prince ne succedent à leurs peres & meres naturels, si leurs peres & meres n'ont presté consentement à leurs legitimati-
ons: & soient nais ex soluto & soluta, & les enfans de Prestres, encores qu'ils soient legitimez du consentement de leur pere & mere, ne leur succedent au-
cunement. Avec les arrests donnez pour ce regard. 274
- XII. Les bastards legitimez par le Prince du consentement de leurs pere & mere natu-
rels leur succedent en tous biens, encores que les plus proches parens & pre-
sompitifs heritiers n'ayent presté consentement à la legitimati-
on, avec plusieurs
decisions notables & arrests donnez pour ce regard. 281
- XIII. Les bastards legitimez par le Prince, ne peuuent succeder aux parens de leurs pe-
res & meres, s'ils n'ont presté consentement à leur legitimati-
on. 316
- XIV. Sçavoir si les parens du bastard legitime qui n'ont presté consentement à sa legiti-
mation, luy succederont estant decedé intestat sans enfans, ou si le Roy luy
succedra, ou bien le haut-Iusticier. 322
- XV. Quand les enfans nais en loyal mariage des bastards legitimez, ou non legiti-
me, succedent à leur ayeul, ayeule & autres parens, pareillement quand les
ayeul, ayeule & autres parens leur succedent. 336
- Pourquoy l'Auteur n'a traicté plusieurs autres questions concernans les ba-
stards. 338

ORDRE DES CHAPITRES DV
Traicté du droict de Desherence.

DE l'ordre & continuation du present Traicté, avec les precedens, & de la
connexité qu'ils ont ensemble. 339

CHAP. I. Definition du droict de Desherence, & de biens vacans. 340

II. Que le droict de Desherence par la disposition de droict commun appartient au
Roy seul, & par l'usage de France aux hauts-Justiciers, & comme il se
fait pourvoir en concurrence de celles faictes par le Roy & par le haut-Justi-
cier. 341

III. Qu'en matiere de Desherence, chacun haut-Justicier prend les heritages estans
en sa haute Justice, à qui appartiennent les meubles & debtes actives du de-
funct, & comme se payent les debtes passives, avec plusieurs autres questions.
344

IV. Sçavoir si un defunct delaisant heritages propres paternels & maternels, &
n'ayant que parens maternels; si tels parens succederont és heritages paternels,
& à conuerso, ou s'ils appartiendront au Roy, par droict de Desherence,
Aubeine ou Bastardise. 351

V. Quand il y a plusieurs donataires du Roy des biens escheus par Desherence,
Aubeine, ou Bastardise, celui qui est le premier en date, est preferé aux do-
nataires subsequens, avec plusieurs arrests sur ce donnez. 358

VI. Sçavoir si une donation entre vifs faicte par un regnicole, decedé sans hoirs,
ou par un estranger, ou par un bastard, de tous biens presens & aduenir, est
valable. 366

VII. Quand on peut alleguer prescription contre le Roy, soit pour droicts & herita-
ges domaniaux, biens vacans, lots & ventes, & autres droicts. 369

VIII. Quelles solemnitez couvient observer pour faire crier & adinger par decret des
heritages aduenus au Roy par Desherence, Aubeine, Bastardise, ou con-
fiscation: soit que le Procureur du Roy poursuive les criées, ou bien les crean-
ciers du defunct. 381

Etablissement de la Chambre du Tresor: pourquoy elle est ainsi appellée, & en
quoy consiste la Jurisdiction d'icelle. 387



PREMIER TRAICTE

DES DROICTS DV DOMAINE
DE LA COVRONNE DE FRANCE,
contenant le droict d'AVBEINE.

*Divisé en cinq Parties, dont la premiere traicte
des personnes des Aubeins demeurans en
France, & de leur difference.*

QUE LES DROICTS DOMANIAUX
des Empires & Royaumes ont esté anciennement tenus
secrets. De la cognoissance & vtilité de ceux de la Cou-
ronne de France, ouuerte par l'Autheur en six Traictez
qu'il en a dressé. Et de l'ordre gardé en ce premier.

- 1 Prouerbe commun.
- 2 Plusieurs se sont estudiez à obscurité.
- 3 Pourquoy les anciens se sont estu-
diez à obscurité.
- 4 Les droicts Domaniaux des Roy-
aumes anciennement tenus secrets.
- 5 Les droicts Domaniaux de l'Em-
pire Romain diuulguéz.

- 6 Les droicts du Domaine de la
Couronne de France incognus à
plusieurs.
- 7 Intention de l'Autheur, & utili-
té des presens Traictez.
- 8 Six Traictez dresséz par l'Au-
theur.
- 9 Ordre gardé au present Traicté.



NOUS voyons communément que les choses de soy
precieuses & excellentes, sont d'autant plus estimées,
& mieux recueillies, qu'elles sont tenuës secretes, ob-
scures & cachées, au contraire celles qui sont diuulguées
& notoires à tous, le plus souuent sont mesprisées, &
entient on peu de compte, combien qu'elles ne soient
sans grand profit & vtilité. C'est pourquoy plusieurs des anciens
en traictant les sciences, se sont exprés estudiez à obscurité en leurs

1
Prouerbe
commun.

2
Plusieurs se
sont estudiez
à obscurité.

escrits, comme Heraclite, qui en a emporté le surnom. Les autres ont parlé par enigmes, inuolutions & ambages, comme ceux qui presidoient aux Oracles de la Gentilité. Les autres n'ont point voulu parler du tout, ains par certaines notes, figures & signes, ont laissé à deviner ce qu'ils vouloient dire, comme les Egyptiens par leurs lettres Hieroglyphiques. Aucuns ont caché le secret de leur science par fictions & fabuleuses narrations, comme les Poëtes. Ils ont esté meus à ce faire pour attirer davantage les

³
Pourquoy les anciens se sont establis à obscurité.

hommes en admiration, par la nouveauté & inuolution des choses, & les inciter à mettre tous leurs esprits pour penetrer au secret de la chose cachée, & en auoir la pleine & entiere cognoissance. Car tout ainsi que les hommes de leur naturel poursuivent plus ardemment ce qui leur est dénié, que ce qui est à leur deuotion & commandement : aussi ils desirerent plus curieusement la cognoissance des choses obscures, comme si par le moyen de l'obscurité on leur auoit voulu celer quelque grand secret contenu en icelles. Cela semble auoir esté cause que les droicts domaniaux

⁴
Les droicts domaniaux des Royaumes anciens tenus secrets.

des Empires, Royaumes & Principautez souveraines (encores que de soy ils fussent precieux & excellens) ont esté davantage estimez & mieux receus de toutes nations, & qui plus est, reputez saincts & sacrez : d'autant que la cognoissance du secret & grandeur de tels droicts est tousiours demeurée par deuers les Empereurs, Roys & Princes souverains, ou de ceux qui estoient proches de leurs personnes, & de leur Conseil priué; sans estre diuulguee ny communiquee au peuple, comme chose dont dependoit leur autorité & recognoissance de superiorité, que leur deuoiuent leurs subiects. Ainsi a esté obserué & inuiolablement gardé entre les Assyriens & les Perses, desquels les Roys ne se manifestoient au peuple qu'une fois ou deux l'année, & ne rendoient réponse à leurs subiects sinon par personnes interposées : mesmes des droicts appartenans à leur Couronne. Aussi ce que dessus anciennement a esté gardé en la Republique Romaine, en laquelle les Pontifes auoient la charge & garde du droict civil & loix fiscales, & n'en donnoient cognoissance au peuple qu'avec grande difficulté & obscurité. Toutesfois Iustinian apres quelques Empe-
⁵
Les droicts domaniaux de l'Empire Romain diuulguez.

reurs de Rome, considerant que les droicts domaniaux de l'Empire Romain estans tenus secrets & cachez, pourroient par succession de temps estre du tout perdus, ou en partie esgarés; aussi qu'ils ne seroient si volontairement recognus & payez, que s'ils estoient diuulguez & manifestez : a voulu non seulement faire publier ses loix & constitutions domaniales, ensemble celles de ses predecesseurs en l'Empire, contenuës és trois derniers liures du Code : mais aussi a faict recueillir & inserer és Digestes, les decisions des Iuriconsultes, concernans les droicts appartenans au fisque. En sorte que depuis son temps entre toutes les matieres contenuës au corps du Droict Civil, il ne s'en trouue point qui ait esté si exactement traitée, & de laquelle la posterité puisse auoir si ample cognoissance, que des droicts appartenans au fisque & Empereurs de Rome.

⁶
Les droicts du domaine

Et d'autant que les droicts domaniaux du Royaume de France ont tousiours esté, comme ils sont encores à present, secrets, obscurs, & cachés, quoy que ce soit incognus à plusieurs; ainsi qu'anciennement

estoyent les droicts de l'Empire Romain ; & que la cognoissance d'iceux *de la Couronne de France incognus à plusieurs.* depend de certaine ancienne vsance , statuts, antiquitez du Royaume, & anciens Arrests de la Cour de Parlement, qui n'ont esté & ne sont diuulguez. Aussi que ce Royaume n'est aucunement subiet aux loix Romaines & constitutions Imperiales, & que nous obseruons plusieurs coustumes, ordonnances & constitutions domaniales, qui sont du tout diuerfes, voire contraires aux loix fiscales contenuës au corps du Droict Ciuil : il m'a semblé non seulement vtile, mais necessaire donner à cognoistre aux subiets & habitans de ce Royaume, les droicts du Domaine de la Couronne de France : ainsi que les droicts du domaine de l'Empire Romain ont esté manifestez à toutes personnes du temps de Iustinian. A ce que tous François & habitans du Royaume qui recognoissent le Roy de France pour leur vray naturel & legitime Prince & Seigneur *7 Intention de l'Auteur, & utilité des presens Traictés.* souuerain, ayent vraye cognoissance des droicts appartenans à sa Majesté à cause de son sacré Domaine, souueraineté & superiorité : & qu'on puisse clairement cognoistre ce que contre les loix, ordonnances & statuts de ce Royaume, a esté desmembré, desvny & vsurpé des droicts patrimoniaux de la Maison & Couronne de France, pour le reuoir & reincorporer au Domaine.

P O U R donc en langage commun vulgaire iceux esclaircir, & en donner cognoissance à la posterité plus ample & plus certaine que cy deuant, i'ay drellé six petits Traictés des droicts dessusdits, selon l'instruction & cognoissance qu'en ay peu auoir par la recherche & inspection de plusieurs pancartes, anciens tiltres & registres, tant de la Cour de Parlement, Chambres des Comptes, que du Thresor, & qu'ay veu pratiquer & iuger dès & depuis trente-six ans en çà. Le premier du droict d'Aubeine, le second du droict de Bastardise, le tiers du droict de Des-herence, le 4. des droicts de Francs-fiefs, nouueaux acquests, annoblissemens, & amortissemens, le 5. des droicts de Iustice, haute, moyenne & basse, le 6. des droicts de Tabellionnage, mesurage, minage, voirie, bannalité, & plusieurs autres. Sans toutesfois toucher au droict de Regale, ny aux droicts feodaux & censuels, parce que plusieurs gens doctes cy deuant en ont amplement escript. Desquels Traictés i'ay bien voulu mettre en lumiere les trois premiers : pour apres auoir entendu le iugement & censure des lecteurs, aduiser si les autres deuront estre diuulguez, ou tenus sous silence. Et m'a semblé que le Traicté du droict d'Aubeine deuoit tenir le premier lieu, comme le plus incognu, toutesfois la matiere à present la plus frequente, au moyen de la grande multitude d'estrangers, qui depuis quelque temps se sont habitez en ce Royaume subiets à la loy d'Aubeine, comme il sera dict cy apres. Et à ce que clairement on puisse entendre que c'est que droict d'Aubeine, & en quoy il consiste, i'ay diuisé le present Traicté en cinq parties : En la premiere desquelles sera traicté des Personnes des Aubeins demeurans en France, & de leur difference. En la seconde de la condition des estrangers non naturalisez residens en France, & en quoy ils sont differens des originaires du Royaume. En la troisieme de la condition des estrangers naturalisez, avec l'effect

8 Six Traictés dressez par l'Auteur.

9 Ordre gardé au present Traicté.

des lettres de naturalité par eux obtenues. En la quatriesme à qui appartiennent les successions des estrangers, tant naturalisez que non naturalisez decedans en ce Royaume. En la cinquiesme de la condition du François qui s'est retiré & habitué hors du Royaume, & à qui appartient la succession.

INTERPRETATION DV NOM D'AUBEIN, avec la definition du droit d'Aubeine. Et qu'il y a deux sortes d'Aubeins demeurans en France.

- | | |
|--|---|
| 1 Interpretation du nom d'Aubein. | 4 Deux sortes d'Aubeins en France. |
| 2 Deux sortes d'habitans au Royaume de France. | 5 Definition du droit d'Aubeine. |
| 3 Quis dicatur peregrinus. | 6 Le droit d'Aubeine diuersement appelé en Latin. |

CHAPITRE I.



POUR cognoistre qui sont ceux qu'on appelle Aubeins en France, & en quoy consiste le droit d'Aubeine, duquel nous auons à traicter; est besoin sçauoir que signifie le nom d'Aubein, que c'est du droit d'Aubeine, & combien il y a de sortes d'Aubeins.

Nous tenons en France que tout homme qui n'est né dedans le Royaume, pays, terres & seigneuries de l'obeissance du Roy de France est appelé Aubein, ou bien estranger: soit qu'il face residence continuelle au Royaume, soit qu'il y demeure pour certain temps seulement, soit qu'il soit simple viateur & passager. En l'occurrence de mot d'Aubein signifie autant qu'estranger, & homme natif hors de France: vulgairement nous l'appellons *Albinum quasi alibinus*: *ita interpretatur Boerius in consuetud. Bitur. titulo de testamentis, § finali*. Et puis Decision. decis. 13. *Gulielmus Bened. et in cap. Raynnus, in verbis uxorem nomine Adelasiam, numero 1042.*

Et pour clairement l'entendre, est à presupposer qu'il y a deux sortes d'habitans au Royaume de France.

A sçauoir les vrais & naturels François, qui sont naiz dedans le Royaume, pays, terres & seigneuries de la dition, domination & obeissance du Roy, qui appellantur *Galli aut Franci*, possunt etiam vocari *Francigenæ*, aut *Regnigenæ*: & ainsi les appellerons au discours du present Traicté, suivant la loy ciues *origo facit, de incol. & ubi quis domicil. l. origine de municip. & orig. Cod. lib. 10. l. assumptio, in principio, & §. 1. ff. ad municip.*

L'autre sorte d'habitans du Royaume est, des Aubeins, c'est à dire estrangers qui ne sont naiz en France, ains en pays estrange, auquel le Roy de France n'est recognu ny obey, & sont venus demeurer au Royaume, vulgôque *alienigenæ, vel extranei, vel exteri, vel extrarij* appellantur, *l. unum ex familia. §. peto. ff. de leg. 2. l. si patrom filius extrario. ff. ad Trebell. l.*

1
Interpreta-
tion du nom
d'Aubein.

2
Deux sortes
d'habitans
au Royaume
de France.

3
Quis dica-
tur pere-
grinus.

extraneo, vel extrario. ff. de quaestione. A proprement parler *peregrini* vocantur: & ainsi les appellerons: *quia peregrinus est, qui in sua regione non est, vel est qui ex nostra gente oriundus non est*, comme dit le texte, *in principio tituli, ut differentes indices &c. in verbis discedere cogantur à propria patria, & in peregrinis affligi in authenticis, & in authentico omnes peregrini. Cod. communia de successu in l. 1. Cod. de hered. insti. in l. sed & si condit. one. §. solemus. ff. eodem.* De faict à Rome *qui unque ciues non erant aut ciuitatis iura non habebant, peregrini vocabantur, eis que Prator Peregrinus ius reddebat: ut tradit Alciatus libro Parergon primo, cap. 14. & Dispositionum secundo, cap. 21.*

Pareillement est beïcin noter qu'il y a deux sortes d'Aubeins en France: car les aucuns demcurent perpetuellement Aubeins & subiets à la loy d'Aubeine, d'autant qu'ils ne prennent lettres de naturalité du Roy, & *sunt verè peregrini*: desquels est parlé *in l. unica, non licere habitatoribus Metrocomie loca sua ad extraneum transferre. Cod. lib. 11. dicta authentica omnes peregrini, & in dicta l. 1. Cod. de hered. insti.* Et de la difference, condition & successions d'iceux, sera traicté tant en la premiere, seconde, que quatriesme partie du present discours.

4
Deux sortes
d'Aubeins
en France.

Les autres, combien que naturellement ils soient Aubeins, toutesfois se font naturaliser par le Roy, & par le moyen des lettres qu'ils obtiennent de sa Majesté sont reputez naturels François, & semblables aux originaires du Royaume: en sorte qu'ils peuuent estre faicts citoyens de la ville en laquelle ils sont demeurans. *Et dicuntur donati iure regni, & quasi adoptati in regno vel donati ciuitate aut iure ciuitatis in qua habitant, ut tradit Martianaus l. i. de iur. i. l. sed si accepto vsu togæ Romanæ, ff. de iure i. l. 1. Cod. de iure aureo annul. in l. ciues de incol. & ubi quis do. Cod. lib. 10 in verbis adoptio vel allectio, Cicero in orationibus pro Archipoeta, & pro Cornelio Balbo vocat eos ciues factos, vel ascitos, aut cooptatos*, la condition dequels sera amplement declarée en la troisieme partie du present Traicté.

Or de ce nom d'Aubein, est deriué le mot d'Aubeine, qui signifie autant que peregrinité: tellement que le droict d'Aubeine, *sive ius Albinatus, est ius succedendi peregrino in vniuersa bona quæ peregrinus tempore mortis habebat in regno Gallia, l. nihil aliud est l. bonorum appellatio, ff. de verbor. & rer. signif.*

5
Definition
du droict
d'Aubeine.

Et comme l'Aubein est diuersement nommé en Latin, aussi le droict d'Aubeine est diuersement appelé par nos Docteurs & Interpretes coutumiers. Car aucuns l'appellent *ius Albinatus* vel *Albanati*, les autres l'appellent *ius Albana*, vel *legis Albana*. Mais à proprement parler peut estre appelé *ius peregrinitatis*, ou *lex peregrinaria*: et notat Glos in *Pragmatica sanctione. §. & quoties, in verbo liberius, tit. de collat.* Chassaneus in *consuet. t. Burg. tit. des confiscations, §. 1. Conanus lib. nono, C. qui testamenta facere possunt. Guillelmus Benedicti, & Boërius in locis supra citatis, idem Boërius in decisionibus Burdigalensis Senat. decisionem 13. col. 18. & sequentibus. Equinarius Baro in l. finali. ff. de stat. homi. Carolus Molineus in consuetudinibus Parisiensibus, §. 30. col. 182.*

6
Le droict
d'Aubeine
diuersement
appellé en
Latin.

QV'ES ANCIENNES REPVBLIQUES LA condition des Aubeins a tousiours esté differente de celle des citoyens & originaires du pays. Et que le nom de citoyen anciennement n'a esté octroyé aux estrangers sinon par tiltre d'honneur & de vertu.

- 1 *Le nom de Citoyen anciennement n'estoit donné que pour tiltre d'honneur.*
- 2 *Loy des Atheniens pour la creation d'un citoyen.*
- 3 *Corinthij ius ciuitatis Alexandro obtulerunt.*
- 4 *Rois faictz citoyens d'Athenes.*
- 5 *Les Romains tenoient le droit de cité fort precieux.*
- 6 *Augustus Cæsar parcissimè ius ciuitatis Romanæ dedit.*
- 7 *Peregrinitatis reus quis dicatur.*
- 8 *Distinction d'habits entre les Citoyens & estrangers.*
- 9 *Peregrini pro ciuibz non sunt habendi.*
- 10 *Excellence du nom de Citoyen.*
- 11 *Multi ciuitate Romana donati.*
- 12 *Le tiltre de Citoyen excellent en la ville de Venise & en Suisse.*
- 13 *Plusieurs se sont estimez de ce qu'ils estoient naiz en villes ex-*

cellentes & franches.

- 14 *Le nom d'estranger odieux, & la rigueur qu'on leur tenoit anciennement.*
- 15 *A Rome y auoit certains Iuges pour cognoistre des successions des estrangers.*
- 16 *Peregrinorum consuetudo plerumque noxia & periculosa.*
- 17 *En plusieurs citez les estrangers n'estoient receus.*
- 18 *Le Roy Loys douzième ne voulut marier sa fille à un estranger.*
- 19 *La gent estrangere en fin destruit la terre en laquelle elle s'est habitee.*
- 20 *Comme les Turcs s'emparerent du Royaume de Perse.*
- 21 *Lycurgus ne vouloit admettre les estrangers en Lacedemone.*
- 22 *Rigueur que les Atheniens tenoient aux estrangers.*
- 23 *A Athenes les estrangers chacun en payoient tribut.*

CHAPITRE II.

1
Le nom de
citoyen an-
ciennement
n'estoit don-
né que pour
tiltre d'hon-
neur.



ON sans cause les anciennes loix de France ont mis difference entre le naturel François & l'estranger, que nous appellons Aubein : d'autant qu'il est certain qu'en toutes Republiques bien ordonnées la condition de l'estranger a tousiours esté differente du citoyen & originaire du pays:

& que le nom de citoyen a esté anciennement de tous peuples réputé excellent & honorable, en sorte qu'il n'a esté donné, octroyé, ny communiqué à aucun estranger, sinon en recognoissance ou remuneration de grande, rare & excellente vertu.

2
Loy des
Atheniens

De faict à Athenes par la premiere institution, l'estranger ne pouuoit estre faict citoyen que par la voix & suffrage de six mil personnes, & pour

grands & signalez seruices faicts à la Republique: tellement que Demosthene de son temps se plaingnoit comme de chose tres-pernicieuse qu'on bailloit le droict de cité à personnes abiectes: veu qu'anciennement il n'estoit octroyé sinon à ceux qui auoient bien merité du public: comme il est amplement déclaré in *Oratione contra Neeram*.

pour la creation d'un citoyen.

Et conformément à ce Plutarque recite, *Solonem non passim exteris ius ciuitatis Atheniensis tribuisse, nec Xenomania, nimioque externorum studio laborasse, sed vetuisse quemquam ex peregrinis ciuitate donari, nisi qui perpetuò à patria exularet, quique cum Penatibus & vniuersa familia Athenas commigrasset, alicuius artis exercenda gratia.*

Quelque temps apres Pericles legem tulit, *ut hi soli ciues Athenienses haberentur, qui utroque parente Atheniensi ciue nati essent.* Et de son temps y eut cinq mil hommes publiquement vendus, qui s'estoient portez pour citoyens, n'estans naiz de pere & mere Atheniens. Idémque Pericles statuit, *ut qui ex illegitimo matrimonio editi essent, ciuium Atheniensium albo non adscriberentur.* Laquelle loy apres le decez de tous ses enfans naturels & legitimes, il voulut abroger, à ce que son fils naturel peust estre citoyen d'Athenes: laquelle abrogation les Atheniens ne voulurent accorder. Toutesfois en recognoissance des grands biens qu'ils auoient receus de Pericles, & neuf victoires qu'ils auoient obtenues pendant qu'il auoit eu le maniement des affaires publiques, de grace speciale luy fut permis faire immatriculer son fils bastard entre les citoyens d'Athenes, & luy donner son nom, *ut refert Plutarchus in Pericle. Cælius Rhodiginus lib. 19. cap. 32.*

Nous lisons au mesme Autheur, que ceux de Corinthe apres les grandes conquestes faictes par Alexandre, & memorables victoires par luy obtenues, enuoyerent leurs Ambassadeurs par deuers luy, lesquels par forme de gratification & congratulation luy offrirent le tiltre de citoyen de Corinthe. Ce qu'Alexandre de prime face mesprisa, mais les Ambassadeurs luy ayans remonstré, que ceux de Corinthe, *nulli unquam ius ciuitatis, nec obtulerant nec donauerant, præterquam illi & Herculi, hoc audito lubens accepit oblatum honorem, quem illi commendabat partim raritas, partim cum Hercule fortissimo & præclarissimo viro societas.*

3
Corinthij
ius ciuitatis
Alexandro
obtulerunt.

Le semblable fut faict par les Atheniens à Euagoras Roy de Cypre, à Denys de Syracuse Roy de Sicile, à Antigonus & Demetrius Roys d'Asie, lesquels pour tiltre d'honneur ils firent Citoyens, ou plustost bourgeois d'Athenes, comme recite Plutarque in *Demetrio*.

4
Roys faicts
citoyens
d'Athenes.

Aussi les Romains tant qu'ils ont demeuré en leur entier, ont tenu le droict de cité, si precieux & excellent, qu'ils ne l'ont voulu accorder aux peuples qui leur estoient ou alliez, ou en leur obeissance, comme aux Latins encores qu'ils l'eussent requis avec grande instance, & quelques-fois iusques à sedition, comme dit Tite Liue.

5
Les Romains
tenoient le
droict de ci-
té fort pre-
cieux.

Et suiuant ce, Suetone escrit és gestes d'Auguste Cesar, que *parcissimè ius ciuitatis Romanæ peregrinis dedit, ne ius illud vilesceret, si multis concederetur.* Tellement que, *Linia pro tributario Gallo ciuitatem roganti, immunitatem obtulit, ciuitatem negauit: affirmans se facilius passurum fisco aliquid*

6
Augustus
Cesar par-
cissimè ius
ciuitatis

Romanæ
dedit.

de trahi, quàm ciuitatis Romana honorem vulgari. Et Tyberio pro cliente Græco, ius ciuitatis petenti, idem Augustus rescripsit, non aliter se daturum, quàm si præsens sibi persuasisset, quàm iustas petendi causas haberet.

7
Peregrini-
tatis reus
quis dica-
tur.

Le mesme Autheur recite, in *Claudio Casare*, que c'estoit crime capital de s'attribuer le tiltre de citoyen, & qui falsò se pro ciue Romano gerebat, peregrinitatis reus erat: imò verò peregrina conditionis homines gentilia Romanorum nomina assumentes, ciuitatè que Romanam vsarpantes, securi percutiebantur. Et orta inter aduocatos contentione, rogatumne, an palliatum peregrinitatis reum dicere causam oporteret: *Claudius Casar* æquitatem integram ostentans, mutare habitum sapius, & prout accusaretur defenderet úr-ve, iussit. Qui montre que les estrangers par leurs habits estoient distinguez des citoyens de Rome: peregrinís que non licebat sumere togam, que ciuibus Romanis peculiaris erat, sed pallio uti cogeantur, quo Græci & exteri inducuntur. Car l'usage de robe longue estoit signe de bourgeoisie de Rome.

8
Distinction
d'habits
entre les ci-
toyens &
estrangers.

Pomponius Latius in libro de Romanis Magistratibus, dit que le priuilege du citoyen Romain estoit si grand: Combien que Consules summam totius imperij haberent, & lege rogatum esset, ut penes eos summum ius esset: Tamen in caput ciuis Romani inissu populi animaduertere non poterant. Eísque solum relictum erat, ut ciuem Romanum coercere & in vincula publica duci iubere possent.

9
Peregrini
pro ciuibus
non sunt
habendi.

Cicero in libris Officiorum & in *Lælio* tradit, sapientissimos Consules *Crassum*, & *Scauolam* legem tulisse, ne pro ciue haberetur qui ciuis non esset sed peregrinus, necnon de redigendis in suas ciuitates socijs cum Italici populi summa cupiditate ciuitatis Romana tenerentur, ob idque eorum magna pars pro ciuibus Romanis se gereret.

10
Excellence
du nom de
citoyen.

Idém que *Cicero* in Orationibus pro *Archia* poëta, & pro *Cornelio Balbo*, necnon in *Topicis*, recite amplement l'excellence, autorité & grandeur de ce nom & tiltre de citoyen: & multis rationibus contendit *Archiam* poëtam *Antiochia* natum ciuem Romanum fuisse, & ob benemerita *Syllani* lege & *Carbonis* ciuitati adscriptum. Multísque laudibus extollit *Cornelium Balbum*, *Cadibus* natum, à *Cn. Pompeio*, ciuitatis iure donatum: & varijs argumentis probat *Ca. Macinum Numantinis* deditum ab eis non receptum, postliminio ad suos reuersum, ciuitatem semper retinuisse, nec eius iura unquam amisisse: exemplo interpretis *Menandri* ad suos missi, qui perpetuò ciuis Romanus mansit. Licet secus statuendum sit in *Attilio Regulo*, ut ait *Pomponius Iureconsultus* in l. postliminij. §. captiuus. ff. de capt. & postl. reuer. comme il fera amplement traicté és 39. & derniers chapitres.

11
Multi ciui-
tate Roma-
na donati.

Aussi trouuons-nous és anciennes histoires, *Murrinam Syracusanum* ob plurima in rempublicam merita, & quòd è *Sicilia* cum equitu transfisset ad Romanos ex auctoritate Senatus, & rogatione populi ciuitate donatum fuisse loco magni muneris. Et *Theophanes Mytilenus* rerum à *Cn. Pompeio* præclarè gestarum scriptor, in concione militum à *Pompeio* ciuitatis iure donatus fuit. *Diuus* quoque *Casar* medicinam professos, & liberalium artium doctores præcipui muneris loco ciuitate donauit. Il y a plusieurs autres personnages, mesmes plusieurs villes, citez & peuples, quibus ius *Quiritum*, vel ius ciuitatis concessum fuit, ainsi qu'on peut voir apud *Alexandrum ab Alexand.* *Dierum*
genialium

genialium lib. 4. cap. 10. & Alciatum libro Disputationum secundo, capite 12.

Et pour le iourd'huy y a encores plusieurs Republiques bien policées qui tiennent le nom de citoyen si excellent, honorable & recommandable, qu'ils estiment faire grand honneur, mesmes aux Roys & Princes, de leur communiquer leur cité, & leur donner le titre de citoyen, ainsi qu'il s'observe en la Republique des Venitiens, & aux pays des Suisses: lesquels firent le Roy Louys II. bourgeois de Suisse, afin d'estre honorez par l'alliance & bourgeoisie d'un Roy de France.

12
Le titre de
citoyen excel-
lent en la vil-
le de Venise.
& en Suisse.

Aussi l'un des principaux honneurs que les anciens ont donné les uns aux autres, & principales loüanges qu'ils ont estimé leur estre faictes, a esté; Quand ils ont esté dictz & nommez enfans engendrez & naiz en villes excellentes, franchises & de grande renommée. Comme on peut cognoistre par les harangues & oraisons de Thucydide, Isocrate, Demosthene, Cicéron, & autres. Et s'ils estoient estrangers, ils ont estimé à grand honneur d'estre nommez & inscripts au catalogue des familles, & mis au rang des citoyens & bourgeois des villes excellentes & de grand renom. Comme le nom de citoyen estant honorable & bien reçu par toutes nations.

13
Plusieurs se
sont estimez
de ce qu'ils
estoyent naiz
en villes ex-
cellentes &
franches.

Au contraire le nom d'estranger a esté tousiours odieux, & anciennement les Grecs appelloient les estrangers ennemis: comme aussi faisoient les Latins, ainsi que Cicéron a remarqué des douze tables en ses Offices. Et la condition des estrangers a tousiours esté différente des citoyens & originaires du pays. A deo que non seulement les estrangers n'estoient admis és honneurs & dignitez de la Cité en laquelle ils s'estoient retirez, comme il sera dit au quinzième chapitre: Mais en plusieurs cas, *comparabantur servis*, en sorte que *non poterant testari, nec ex testamento aliquid capere*. Comme il sera amplement déclaré en la seconde partie du present Traicté, en laquelle sera déclarée la condition de l'estranger non naturalisé demeurant en France, & en quoy il est différent du François & originaire de France.

14
Le nom d'e-
stranger odi-
eux: & la ri-
gueur qu'on
leur tenoit
ancienne-
ment.

De faict à Rome y auoit de certains Iuges qui cognoissoient des successions des Aubeins, *obsidum & peregrinorum, & procuratores hereditatum vocabatur. l. Diuus. sed & si. ff. de iure fisci. l. 1. in verbo tanquam peregrini. C. de heredib institu.*

15
A Rome y
auoit cer-
tains Iuges
qui cognois-
soient des
successions
des estran-
gers.

Et combien que les estrangers anciennement ayent esté receus en aucunes Republiques, toutesfois *non habuerunt iura ciuitatis. Idque ex prudentum Reipublice moderatorum consilio, qui ciuitatis iura non temerè exteris hominibus concesserunt: quia eorum consuetudo plerumque noxia & periculosa est. Solent enim ciues ex peregrinis dolos & vesutias laurire, temporisque progressu malis & dissimilibus moribus ibi, necnon in alienas leges ritisque peregrinos transire. Vt ait Aristoteles libro septimo Politicon capite sexto. Caelius Rhodiginus libro decimo octauo capite quinto, plures alias refert rationes & ad confirmationem earum plurimos citat auctores.*

16
Peregrino-
rum con-
suetudo
plerumque
noxia &
periculosa.

Pour ces causes & plusieurs autres raisons, Scythæ, Gamphanses, Cythotauri, Seres, & Indiaduenas & peregrinos in suas ciuitates non admisserunt. Et par deux diuerses fois, *nempe lege Petronia, necnon lege rapia*, les estrangers

17
En plusieurs
citez les e-
strangers n'es-
toient recens.

furent du tout bannis & chassés hors de la ville de Rome. Et Macchiauel Florentin en l'Apologie qu'il a faict sur la premiere Decade de Tite Liue chapitre cinquante cinq, tient, Que toutes Monarchies & Republiques doiuent éuiter la reception & meillange d'estrangers, comme suspects, pour les raisons par luy amplement deduites au chapitre susdit, lequel chacun peut voir.

18

*Le Roy
Louys dou-
ziesme ne
voulut ma-
rier sa fille à
un estran-
ger.*

De faict il se trouue és propos memorables des nobles & illustres hommes de la Chrestienté, qu'un iour on parloit au Roy Louys douziesme, de marier Madame Claude sa fille à un Prince estrange. Il respondit, Je ne feray iamais autre alliance, que des souris & des rats de mon Royau- me. Scachant tresbien qu'au cœur de l'estrange harit esleué, y a tous- jours soupçon de quelque poison caché, ie n'ose dire trahison.

19

*La gent
estrangere en
fin destruite
la terre en
laquelle elle
s'est habitée.*

Aussi on tient pour reigle generale, que la gent estrangere en fin de- struit & ruine le Royaume & la terre où elle vient habiter & demeurer. Comme firent les Gots, lesquels ayans esté receus par l'Empereur Va- lentin au Royaume de Thrace, sans nulle paction ne conuenance, vain- quirent en bataille les Romains, & contraignirent Valentin ayant esté nauré se sauuer en vne cabane de Berger, en laquelle ils mirent le feu & le bruslerent vif & nauré. Ainsi qu'il est recité en l'Orloge des Princes premier chapitre quatriesme.

20

*Comme les
Turcs s'em-
parerent du
Royaume de
Perse.*

Pareillement les Turcs, qui a leur commencement estoient peuples Septentrionaux n'ayans aucune region certaine, vagans deçà & delà par le monde és contrées estranges, comme font les Bohemiens, trainans avec eux leur bagage, femmes, enfans, seruiteurs, chambrières, bœufs & moutons: estans par fortune arriuez au Royaume de Perse, auquel ils trouuerent vne grande amenité d'air, & douceur de region, y firent un long sejour, & accorderent avec le Roy qui lors estoit de certain tribut, qu'ils luy payeroient chacun an. Et s'estans augmentez en si grand nom- bre, que les habitans du pays craignoient, que ces estrangers finale- ment ne fussent les plus forts, leur fut enioint par cry public qu'ils eus- sent à vuidier hors du Royaume dedans certain temps. Et ayans troussé leur bagage, s'estans assemblez de toutes parts pour passer la riuere & eux retirer, ils cogneurent leur infinie multitude & grande compagnie. Lors esleurent entre eux un Roy au sort d'une flesche tirée par un enfant de cent flesches liées ensemble & couuertes d'un voile. A la conduite du- quel Roy nommé Solduch, lesdits Turcs s'emparerent du Royaume de Perse, & chasserent le vray & legitime Roy, avec la plus grande par- tie des habitans du pays, & y establirent leur demeure & habitation: Comme il est recité és troisieme & quatriesme chapitres de l'histoire de la Terre sainte.

21

*Lycurgus ne
voulut ad-
mettre le e-
strangers en
Lacedemo-
ne.*

Aussi Lycurgus Legislateur des Lacedemoniens, considerant n'estre rien plus dangereux, pour l'abolition de ses loix, que la reception de nouveaux habitans, il mit toute peine & s'estudia entierement à clorre l'entrée de sa cité aux estrangers. A ceste fin defendit aux Lacedemo- niens la societé & conionction par mariage avec les estrangers & estran- geres: ausquels il refusa le droit de bourgeoisie, & toute communica-

tion des affaires publiques. Et pour empêcher que les estrangers n'eussent affection d'eux habiter & retirer en la ville de Lacedemone: il ordonna toute la monnoye de fer, ou selon l'opinion commune de cuir, & defendit tout commerce & trafic de marchandises estranges. *Vt refert Plutarchus.*

Pareillement en la ville d'Athenes y auoit certain lieu destiné pour la demeure des estrangers qui s'estoient retirez en la ville: Lequel lieu estoit separé des lieux, rues & endroicts, esquels les citoyens faisoient leur residence. Et encore hors les murailles de la ville d'Athenes y auoit vn certain lieu appelé Cynosarges, qui estoit vn parc destiné pour iouïr & exercer les enfans Mestifs: C'est à dire ceux qui n'estoient pas naiz de pere & mere naturels citoyens d'Athenes.

Et en la mesme ville les estrangers estoient tenus payer chacun an tribut. *Viri scilicet peregrini duodecim drachmas in ararium quotannis conferebant, mulieres autem peregrinae sex drachmas tantum perdebant.* Et au payement de ce tribut estoient contraincts par corps. *Imo verò si conuicti fuissent non exoluisse huiusmodi vectigal, vendebantur, & locus peregrinus destinatus tanquam carcer erat, & Metecium appellabatur. Vni metici dicuntur peregrini qui in alienam commigrant ciuitatem animo ibi manendi.* *Vt refert Calius Rhodiginus lectionum antiquarum libro decimo septimo, capite nono.* Aussi Themistocles est appelé Mestif: parce que Abietonon sa mere estoit estrangere natifue de Thrace, comme Plutarque recite en sa vie.

Il y a plusieurs autres passages qui sont recitez au dernier chapitre du present Traicté, à la lecture duquel on peut auoir recours, & infinies autres qui se peuuent recueillir des bons auteurs concernans cette matiere, lesquels n'est besoin reciter, d'autant qu'ay delibéré traicter simplement, briefuement, & clairement ce qui concerne le droict d'Aubeine, selon l'vsance de France, & qu'ay veu pratiquer & iuger tant en la Cour de Parlement, que Chambre du Thresor, comme ay dit en ma Preface.

SI LE DROICT D'AVBEINE A ESTE' INTRODUIT en France par Loy & ordonnance escrete: Ou par Coustume & ancienne obseruance seulement. Auec vn ancien extraict de la Chambre des Comptes (iusques à present incogneu) contenant ample declaration tant du droict d'Aubeine, que du droict de Bastardise.

1 Ne se trouue Ordonnance du droict d'Aubeine.

2 Ancien extraict des Comptes iusques à present incogneu, contenant ample declaration des droits d'Aubeine & de Bastardise.

3 Pourquoy le droict d'Aubeine a esté

introduit en France.

4 Les Aubeins doiuent douze deniers par an au Roy.

5 Le droict d'Aubeine appartient au Roy seul.

6 Seconde raison pour laquelle le droict d'Aubeine a esté introduit en

France.

- 7 Le Roy seul succede aux Aubeins & Bastards.
- 8 L'Aubein ne peut tester que iusques à cinq sols parisis.
- 9 Le Roy succede aux enfans des Aubeins & Bastards.
- 10 Droit de formariage.
- 11 Les enfans des Aubeins naix en France succedent à leur pere & mere.
- 12 Droit de Cheuage.
- 13 Qui sôt ceux qu'on appelle Aubeins.
- 14 Les enfans des Aubeins naix en France succedent à leur pere & mere.
- 15 Condition des Manumis.

- 16 Les enfans estrangers amenez en France ne succedent à leur pere.
- 17 L'extraict susdit est aux registres du Greffe des Comptes.
- 18 Autre extraict des Comptes concernant le droit d'Aubeine.
- 19 Qui sôt ceux qu'on appelle Aubeins.
- 20 Qui sont Espaués.
- 21 Qui sont Estrayeres.
- 22 Autre extraict des Comptes concernant le droit d'Aubeine.
- 23 Qui sont ceux qu'on appelle Aubeins.
- 24 Qui sôt ceux qu'on appelle Espaués.
- 25 Interpretation de ce mot Estrayeres.
- 26 Quels biens sont appellez biens vaquans.

CHAPITRE III.



1
Ne se trou-
ue ordonnā-
ce du droit
d'Aubeine.

N a fort douté en quelle sorte le droit d'Aubeine a esté introduit en France, & si ce a esté par loy generale, qui ait esté escrite & publiée, comme sont les ordonnances de nos Roys: ou si ce a esté seulement par vne longue coustume & ancienne obseruance: ce que plusieurs ont estimé, d'autant qu'on ne trouue aucunes ordonnances, memoires ou instructions par escrit, concernans ce droit, qui cy deuant ayent esté diuulgüées: qui est cause que peu de gens ont eu cognoissance du droit d'Aubeine. Et tient-on communément que *ius illud successionem quadam, & quasi per manus à maioribus nostris accepimus.*

Toutesfois ayant fait plusieurs perquisitions tant en la Cour de Parlement, que Chambres des Comptes, & Thresor, i'ay trouué és registres de la Chambre des Comptes, vne forme d'instruction de l'ancienne vsance, tant du droit d'Aubeine, que du droit de Bastardise, ensemble des Mortes-mains & Formariages, & comme les droits dessusdits doiuent estre obseruez en France: l'extraict desquels registres iusques à present inconnu m'a semblé estre necessaire inserer au present Traicté, comme contenant les principaux poincts du droit d'Aubeine, & que sans la lecture d'iceluy on ne peut auoir vraye cognoissance de ce droit: la teneur duquel extraict ensuit.

2
Ancien extraict des Comptes iusques à present inconnu, contenant ample declaration des droits d'Aubeine. & de Bastardise.

„ Ce sont les droits & seigneuries appartenans au Roy nostre Sire,
 „ au droit, & à cause du gouuernement & administration generale du
 „ Royaume, & par souueraineté & ancien domaine, à cause des mor-
 „ tes-mains & formariages par tout le Royaume de France, en special
 „ au Baillage & ressort de Vermandois, lesquels doiuent estre cueil-
 „ lis, receus & faits venir ens par le Collecteur d'iceux, & par les Lieu-

tenans & Sergents, que pour ce faire il doit commettre & ordonner, «
comme il est noittoire audit Baillage. »

Premierement lesdites morte-mains & formariages furent ancien- «
nement cueillies, pour sçauoir quels gens & de quelles conditions vien- «
droient demeurer audit Baillage, qui est ioignant à plusieurs autres pays «
non subiets. Et pource fut ordonné, que tous Bastards, Espaués, & Au- «
beins fussent chacun an contrains à bailler ou faire mettre par escrit «
leurs noms & surnoms, & payer chacun an douze deniers parisis audit «
Collecteur, qui en faisoit chacun an le compte. Et depuis fut ordonné «
les bailler au Receueur ordinaire de Vermandois, pour iceux douze de- «
niers faire cueillir par ses commis, & en compter, pour controller le «
Collecteur. Et doit payer chacun d'iceux Bastards, Espaués, & Aubeins, «
audit Receueur ou à lesdits commis douze deniers parisis chacun an au «
iour saint Remy premier iour d'Octobre, sur peine de payer sept sols «
six deniers parisis d'amende. Et parce auoit on, & encores peut-on auoir «
chacun an cognoissance de tous ceux qui viennent demeurer audit Bail- «
lage. Et se crient chacun an par le Roy nostredit Seigneur és bonnes «
villes dudit Baillage & és paroisses des villages, ou en a cognoissance «
par les sermens de Maires, Echeuins & Iustices des lieux, & ainsi a esté «
continué iusques cy. Lesquels douze deniers sont appelez Cheuages, «
pource que chacun chef marié ou veufue les doit. »

3
Pourquoy le
droit d'Au-
beine a esté
introduit
en France.

4
Les Aubeins
doient xj.
deniers par
an au Roy

2 Item & pource que audit Baillage y a plusieurs Duchez & Com- «
tez, Pers de France & autres, dont les aucuns ne sortissent qu'en Parle- «
ment, s'il ne leur plaist : quand ils furent creéz anciennement, le Roy- «
qui est souverain & Empereur en son Royaume, retint sur leurs sei- «
gneuries & sur tous autres ayans hautes, moyennes & basses Iustices, & «
sur tous autres nobles & non nobles, toute souveraineté de cas ordinai- «
res à luy appartenans, & des mortes-mains & formariages des Ba- «
stards, Espaués, Aubeins & Manumis : & en a iouy paisiblement ius- «
ques à ce que les guerres & diuisions sont venuës en ce Royaume. »

5
Le droit
d'Aubeine
appartient
au Roy seul.

3 Item du temps ancien les Seigneurs des pays voisins & non subiets «
du Roy nostredit Seigneur, prenoient & encores font morte-mains, «
& autres droicts en leurs terres, tant sur ceux de ce Royaume comme «
autres. Et pource a l'on fait ainsi faire & continuer en ce Royaume, en «
special audit Baillage, & ainsi la chose a esté continuee de temps en «
temps comme les cas sont aduenus. »

6
Seconde rai-
son pour la-
quelle le
droit d'Au-
beine a esté
introduit en
France.

4 Item & parpayant lesdits cheuages l'on a vraye cognoissance de «
tous estrangers qui viennent demeurer & habiter audit Baillage & «
ressort : & a l'on vû, & encores vû roitoirement, que de tous Espaués «
natifs de dehors le Royaume de France, soient nobles ou non nobles, «
quand ils trespassent en quelque terre & seigneurie que ce soit, se ils «
n'ont hoirs legitimes procrez de leurs corps audit Royaume, & tous «
autres desdites conditions, le Roy est leur droit heritier, & ne peuvent «
faire testament que de 5. sols parisis, & au dessous, s'il ne luy plaist. Et «
pour cognoistre les bournes des pays, où s'estendent lesdites morte- «
mains d'ancienneté quant audit Baillage: ce sont les tonq Beranguier, »

7
Le Roy seul
succede aux
Aubeins.

8
l'Aubein ne
peut tester
que iusques
à cinq sols
parisis.

» les bois Dargonne, & la riuere de Meuze. Et pour ces causes sont leurs
 » successions dites mortes-mains, lesquelles se doiuent vendre par ledit
 » Collecteur à cris & remons au plus offrant la chandelle ardant, pource
 » que le Roy n'en peut estre homme de ses subiects. Desquelles ventes
 » il doit faire & bailler ses lettres de vente sous le seel Royal ordonné au-
 » dit office. Et aussi doit faire recepte & despence des deniers, & en com-
 » pter en la Chambre des Comptes.

9
*Le Roy suc-
 cede aux
 enfans des
 Aubeins &
 bastards.*

» 5 Item & de tous leurs enfans & autres heritiers natifs au Royaume
 » succedans à eux, tant comme il en est memoire, se ils n'ont enfans legi-
 » times, par semblable le Roy est leur heritier. Mais ils peuuent testa-
 » menter à leur volonté, & se nomment Aubeins.

» 6 Item & pareillement des Bastards & Bastardes, comme des Espa-
 » ues, & tout ainsi de leurs enfans, comme en l'article precedent, &
 » pource sont-ils nommez Aubeins.

10
*Droit de
 formariage.*

» 7 Item nuls Bastards, Espaues, Aubeins, ne Manumis ne se peuuent
 » marier à personne autre que de leur cōdition, sans le cōgé du Roy nostre
 » dit Seigneur ou ses Officiers, qu'ils ne soient tenus payer 60. souz pari-
 » sis d'amende: lesquelles amendes ont esté souuent supportées pour la
 » pauureté du peuple, veu les guerres & sterilité du pays. Et quand ils de-
 » mandent congé, ils se montrent obeillans au Roy, comme ses person-
 » nes liges, & nul n'en doit estre esconduit. Et en ce faisant ils escheuent
 » l'amende. Mais ce nonobstant ils doiuent formariages, d'auoir prins
 » partie qui n'est pas de condition pareille à eux. Lequel formariage l'on
 » estime à la moitié des biens en la Preuosté de Ribemont, & en celle de
 » Sainct Quentin semblablement à la moitié, à Peronne au tiers, & à
 » Soixons au tiers, & és autres lieux dudit Baillage selon l'usage des lieux:
 » & est ce qu'on dit & appelle Formariage.

11
*Les enfans
 des Aubeins
 naiz en
 France suc-
 cedent à
 leurs pere
 & mere.*

» 8 Item ceux qui se marient à leurs semblables, & de condition pareil-
 » le à eux, cōme aucuns dient, ils ne doiuent amende ne formariage, pour-
 » ce que ils ne foilignent point. Toutes voyes se ils ont lignée audit ma-
 » riage, elle succede au dcuant du Roy. Parquoy l'on pourroit dire l'op-
 » polite, mais ils doiuent chacun an chacune personne desdites condicions
 » 12. deniers parisis au iour S. Remy, sur la peine de 7. souz six deniers pa-
 » risis d'amende, comme dit est, reserué à Soixons. En aucuns lieux ils ne
 » payent pas tant, recours à l'usage. Et aussi où les tournois ont cours, l'on
 » y paye à tournois. Et se payent ces douzaines audit Receueur de Vermā-
 » dois, afin que par ce ledit Collecteur puisse estre cōtrollé des formaria-
 » ges qu'il receura. Et est ce qu'on dit Cheuages de chaire ou 1. article.

12
*Droit de
 Cheuage.*

13
*Qui sont
 ceux qu'on
 appelle Au-
 beins.*

» 9 Item tous Aubeins sont personnes qui ne sçauent dont il sont naiz,
 » ne dont ils sont extraicts: comme on pourroit dire, enfans nouveaux
 » nasquis & gaignez par aucunes ieunes femmes desirans estre celées: &
 » pource les font mettre aux huys d'aucunes Eglises avec du sel, en signi-
 » fiant qu'ils ne sont pas baptisez: ou autres enfans apportez d'estranges
 » pays, cōme enfans prins en guerre si ieunes, qu'ils ne sçauēt dire dont
 » ils sont, ne les noms de pere & mere. Ou aucuns enfans legitimez des-
 » cendus de Bastards ou Espaues, desquels le Roy est heritier du tout

quand ils trespasſent, s'ils n'ont enfans legitimez: mais iceux enfans le-
gitimez peuuent teſtamentier à leur plaisir: & c'eſt ce qu'on dit Aubeins.

10 Item & ſe leſdits Aubeins ſe marient à perſonne qui ne ſoit pas
de leur condition, & ils ont enfans legitimez audit Royaume, tout pa-
reillement en doit eſtre faiſt comme des enfans des Baſtards & Eſpa-
ues deſſuſdits: & ne doiuent aucun Cheuage, & ſi peuuent teſtamentier
à leur plaisir.

11 Item & ſ'aucuns de condition ſeruite demeurans ſous quelque ſei-
gneurie, ſe ſont affranchis de ſeruitude, par quelque moyen que ce ſoit,
ſans eſpecial conſentement du Roy noſtre dit ſeigneur, ils ſeront &
demeureront à luy, en pareille condition comme ils eſtoient de leur
ſeigneur: combien qu'on fait recevoir au Receueur de Vermandois les
mortes-mains d'iceux Manumis, comme domaine ordinaire: Mais
quand ils ſont formariez, en ſpecial les hommes affranchis, ils doiuent
formariage au Roy en la forme deuant dicte. Et les femmes non com-
me l'on dit, pource qu'ils ont lignée en mariage d'homme franc, ſi ſe-
ra lignée de condition ſeruite, à cauſe du ventre: & ainſi en vie l'on, &
ſont ceux que l'on dit Manumis.

12 Item & pource aucuns Eſpaues peuuent bien ſucceder à leurs pa-
rens legitimes, natifs & demeurans en ce Royaume, apres ce qu'ils ont
ſuccédé, s'ils vont de vie à trespasſement ſans hoirs illus de corps oudit
Royaume, le Roy ſuccedera à eux comme Eſpaues, par défaut de ligne
legitime iſſante de leurs corps oudit Royaume. Et ainſi a eſté fait &
receu par feu Eſtienne Paragrion iadis Collecteur, comme il appert par
ſes comptes, & ſe doit ainſi faire. Car Eſpaue mort, ne peut auoir heri-
tier que de ſon corps. Et ſuppoſé qu'il amenast de ſes propres enfans
dehors ce Royaume, quand il y vint, ainſi ſucceder à ſes parens, ſi ne
pourroient eſtre ſes hoirs au deuant du Roy, pource qu'ils ſont Eſpaues
comme leur pere.

Extraict des regîtres en la Chambre des Comptes, en vertu de la re-
queſte à elle representée par le Procureur general du Roy en icelle, de-
cretée le 10. iour de Ianuier l'an 1576. Ainſi ſigné, Danez.

Il y a vn extraict de la Chambre des Comptes, auſſi concernant le
droict d'Aubeine, qui a eſté pluſieurs fois produict en la Chambre du
Threſor, duquel la teneur enſuit.

Aubeins, ſont hommes & femmes qui ſont naiz en ville dehors le
Royaume, prochains que l'on peut cognoiſtre les noms & natiuitez de
tels hommes & femmes. Et quand ils ſont venus demeurer au Royau-
me, ils ſont proprement appelez Aubeins, & non Eſpaues.

Eſpaues, ſont hommes & femmes naiz dehors le Royaume, de ſi
lointains lieux, que l'on n'en peut au Royaume auoir cognoiſſance de
leurs natiuitez. Et quand ils ſont demeurans au Royaume, ſi peuuent
eſtre dits Eſpaues.

Eſtrayeres, ſont les biens demeurez de tels Aubeins & Eſpaues, qui
ſont demeurans au Royaume, & vont de vie à trespasſement ſans hoirs
naturels de leur corps nez au Royaume.

14
Les enfans
des Aubeins
naiz en
France ſuc-
cedent à
leurs pere &
mere.
15
Condition
des Manu-
mis.

16
Les enfans
eſtrangers
ameniz en
France ne
ſuccedent à
leur pere.

17
L'Extraict
ſuſdit eſt
aux regi-
ſtres du
Greſſe des
Comptes.

18
Autre ex-
traict des
Comptes
concernant
le droict
d'Aubeine.

19
Qui ſont
ceux qu'on
appelle Au-
beins.

20
Qui ſont Eſ-
paues.

21
Qui ſont E-
trayeres.

» Estrayeres, pareillement sont les biens des Bastards, qui vont de vie
» à trespas sans hoir naturel de leur corps, & tels biens appartiennent
» au Roy.

22
Autre extrait des
Comptes
concernant
le droit
d'Aubeine.

» Extraict des registres de la Chambre des Comptes, en vertu de la re-
» queste présentée à ladite Chambre par le Procureur general du Roy
» en icelle, le dix-neufiesme Nouembre l'an mil cinq cens soixante &
» vn. Ainsi signé, Fromaget.

» Il y a encores vn autre extrait de la Chambre des Comptes, quasi pa-
» reil & semblable que le precedent, concernant le droit d'Aubeine, le-
» quel a esté quelquefois produit en la Chambre du Thresor, duquel la
» teneur ensuit:

23
Qui sont
ceux qu'on
appelle Al-
bains.

» Albains, sont hommes & femmes, qui sont nez en villes dehors le
» Royaume, si prochains que l'on peut cognoistre les noms & natiuitez
» de tels hommes & femmes. Et quand ils sont venus demeurer au Roy-
» aume, ils sont proprement appelez Albains, & non Espaués.

24
Qui sont
ceux qu'on
appelle Es-
paués.

» Espaués, sont hommes & femmes nez dehors le Royaume, de si
» loingtains lieux, que l'on ne peut au Royaume auoir cognoissance de
» leurs natiuitez. Et quand ils sont demeurans au Royaume, se peuuent
» estre dits Espaués.

25
Interpreta-
tion de ce
mot Estray-
eres.

» Estrayeres, sont les biens demeurez de tels Albains & Espaués, qui
» sont demeurans au Royaume, & vont de vie à trespas sans hoir naturel
» de leur corps né au Royaume.

» Estrayeres pareillement sont les biens des Bastards, qui vont de vie à
» trespas sans hoir naturel de leur corps: & tels biens appartiennent
» au Roy.

26
Quels biens
sont appel-
lez biens
vaccans.

» Plusieurs autres seigneurs veulent nommer tels biens vaccans, &
» pource les lieuent comme biens vaccans: mais ils ne doiuent mie estre
» ainsi entendus. Car biens vaccans sont biens d'auenture: comme vn
» cheual eschappé que l'on ne sçait à qui il est, vne bourse trouuée en vn
» chemin, vn homme incogneu trouué mort ou meurtry en vn chemin.
» Et telles choses & semblables appartiennent au haut Iusticier. Et les
» doit garder en forme & valeur vn an, & rendre à celuy qui y voudroit
» clamer & deuëment monstrier droit.

» Extraict des registres de la Chambre des Comptes, en vertu de la re-
» queste présentée à mesdits Seigneurs desdits Comptes, par le Procu-
» reur du Roy au Thresor, decretée au Bureau le 9. Avril 1540. apres
» Pasques. Ainsi signé, le Maistre.

AV ROY SEVL APPARTIENT LE DROICT
d'Aubeine: Pourquoy il a esté introduict en France, ensemble les
droicts de Cheuage & de Formariage: & la rigueur qu'on tenoit an-
ciennement aux estrangers demeurans au Royaume de France.

1 En France on ne peut reuoquer en
doute le droit d'Aubeine.

2 Le droit d'Aubeine appartient au

Roy seul.

3 Premiere raison pour laquelle le
droit d'Aubeine a esté introduict

- en France.
- 4 Les estrangers anciennement payoient tribut au Roy par an.
 - 5 Seconderaison d'introduire le droict d'Aubeine en France.
 - 6 Anciennement les Estrangers ne pouuoient se marier en France.
 - 7 Ce qui est deu au Roy pour le droict de formariage.
 - 8 Comme on appelloit les successions des estrangers.
 - 9 Collecteur des Mortes-mains & formariages.
 - 10 Le droict d'Aubeine est Domanial.

CHAPITRE IIII.

PAr la lecture de l'extraict des Comptes cy dessus transcrit, on cognoist cuidemment, qu'en France on ne peut reu-quer en doute le droict d'Aubeine, comme de tout temps & ancienneté ce droict ayant esté receu & inuiolablement gardé au Royaume. Et dit-on communément, que *ius illud inconcussum & inuiolabile est in Gallia: ut refert Chassineus in Consuet. Burg. titulo Des confiscations §. 1. Beer. in suis Dec. dec. 13.*

Aussi par la lecture des deuxiesme, quatriesme & neufliesme articles de cet extraict, il appert que le droict d'Aubeine appartient au Roy seul, priuatiuement à tous les Seigneurs & haut Iusticiers du Royaume de France: & que le Roy s'est reserué ce droict, comme souuerain, regal & honorifique sur tous les Pairs, Ducs, Barons, & tous Iusticiers de son Royaume, priuatiuement à tous, & ce deslors de la creation des Pairs, Ducs & Barons: comme le droict d'Aubeine estant vn des fleurons de la Couronne, tout ainsi que le droict de Regale, comme il sera monstré au 28. Chap. à la lecture duquel est besoin auoir recours: & qu'il sera ample-ment deduiet en la quatriesme partie du present traicté, en laquelle nous declarons à qui appartiennent les successions des Aubeins deccedans en France, qui est le vray effect du droict d'Aubeine. Et pour ce regard est besoin voir les Ordonnances des Roys de France n'aguères milés par chapitres & titres par Monsieur Fontanon, au titre des Aubeins & droict d'Aubeine.

Dauantage par l'extraict dessusdit il appert, que le droict d'Aubeine a esté anciennement introduit en France pour deux raisons principales.

La premiere, pour auoir cognoissance de celui qui est nay au Royau-me, & celui qui n'en est pas nay, toutesfois y est venu demeurer: & pour mettre difference entre l'vn & l'autre, *ne pro ciue habereetur, qui ciuis non esset sed peregrinus.*

De faict les estrangers estoient anciennement tenus bailler au Col-lecteur des morte-mains, leurs noms & surnoms par chacun, & payer au Roy douze deniers parisis par an au iour Sainct Remy, sur peine de sept souz six deniers parisis d'amende. *Et sic alienigena quotannis nomina dabant, & singulis annis Regi tributum pendebant.* Et ce droict appellé Cheuage, parce que chacun chef marié ou veuf estoit tenu le payer, *ad instar* des estrangers demeurās à Rome, *qui apud Prætores profiteri cogebantur, & ut vulgò dicitur, nomina sua dare tenebātur, sicut refert Cicero in oratione pro Ar-chia roeta.* Et à l'exemple des estrangers residans à Athenes, qui estoient

1
En France
on ne peut
reuquer en
doute le
droict
d'Aubeine.

2
Le droict
d'Aubeine
appartient
au Roy seul.

3
Premiere
raison pour
laquelle le
droict d'Au-
beine a esté
introduit en
France.

4
Les estran-
gers ancien-
nement pa-
yoient tri-
but au Roy
par an.

tenus chacun an payer tribut, comme il a esté dit à la fin du second chap.

5
Seconderai-
son d'intro-
duire le
droict d'Au-
beine en
France.

6
Ancienne-
ment les
Estrangers
ne pouuoient
se marier en
France.

La seconde raison, pour laquelle le droict d'Aubeine a eu lieu en France, a esté, d'autant que les Princes & Seigneurs voisins du Royaume, ont pris le droict d'Aubeine en leurs terres sur les originaires du Royaume de France. Partant a esté raisonnable, que le Roy ait pris pareil droict en son Royaume, sur ceux qui y venoient demeurer & n'estoient natifs d'iceluy.

Pareillemēt par la lecture de cet extraict on peut cognoistre la rigueur qu'anciennement on tenoit aux Estrangers demeurans en France, qui estoit telle: que l'Estranger ny le Bastard ne pouuoient se marier en France, sinon à leurs semblables, & de condition pareille, sans congé du Roy ou de ses Officiers. Ainsi qu'aux Lacedemoniens estoit prohibée la con-
ionction & société par mariage avec les estrangers & eltrangeres, comme il a esté dit au second chapitre. Et le semblable estoit obserué à Rome: adeo ut nisi ciuis Romanus ciuem Romanam uxorem duxisset, liberos in potestate non haberet. Ciuis enim Romanus cum peregrina, vel contra iustas nuptias non contraheret: ut tradit Alciatus libro Disputationum 2. cap. 22. in fine, & in principio capitis 23. Pour ceste cause anciennement à Athenes & à Rome on ne pouuoit estre vray & naturel Citoyen, si on n'estoit nay de pere & mere qui fussent Citoyens: tellement que les Romains firent vne colonie de quatre mil Espagnols enfans de Romains & d'Espagnols, parce qu'ils n'estoient vrais Citoyens. Aussi en l'ancienne loy estoit defendu se marier à estrāger ou estrāgere: sed viri uxores de tribu sua ducere debebant, & mulieres de eadem tribu maritos accipere, & connubia inter alienigenas prohibita erant, cap. ius gentium distinct. 1. cap. Caus. & cap. sed. 18. qua. 1.

7
Ce qui est
deu au Roy
pour le
droict de
Formariage

Et si les Estrangers ou Bastards auoient prins party en France autre que de leur cōdition, d'autant qu'en ce faisant ils auoient forligné, tels Estrangers & Bastards estoient tenus payer au Roy soixante sols parisis d'amen-
de, avec le droict de Formariage: qui estoit moitié, ou bien le tiers de leurs biens, applicable au Roy, selon la distinction des Preuostez. Et en-
cores que les Estrangers & Bastards eussent obtenu permission du Roy ou de ses Officiers de se marier en France, & prendre femme natieue du Royaume: toutesfois ils deuoient au Roy, pour ceste permission, le droict de Formariage, tel que dessus.

8
Comme on
appelloit les
successions
des Estran-
gers.

Et les successions des Estrangers & Bastards decedans en France, estoient appelez Estrayeres, autrement Morte-mains, & appartennoient, comme de faict elles appartiennent au Roy, priuatiuement à tous Seigneurs du Royaume de France, ainsi qu'il sera dit cy-apres.

9
Collecteur
des Mortes-
mains &
Formaria-
ges.

Dauantage il est euident par la lecture de l'extraict des Comptes cy-
dessus recité, que les droits tant de Cheuage, que de Formariage, ensem-
ble de Mortemains, estoient anciennement recueillis au profit du Roy, par le Collecteur des Mortes-mains & Formariages, qui en estoit com-
ptable en la Chambre des Comptes. Et depuis tels droicts, cōme vraye-
ment domaniaux, ont esté receus par les Receueurs ordinaires des
lieux, ainsi qu'il appert par plusieurs comptes estans en la Chambre des
Comptes: mesmes par le compte rendu par Iean de Nernal Secretaire
du Roy, Collecteur des Morte-mains & Formariages du Baillage de

10
Le droict
d'Aubeine
est dom-
nial.

Vermandois, clos le dix-huictiesme Aoust mil quatre cens cinquante-six.

Et ce qui a esté cy-dessus deduiet, se peut iustifier non seulement par l'extraict des Comptes transcript au precedent chapitre, mais aussi par le procès verbal de Messieurs les Commissaires deputez en l'an mil cinq cens cinquante cinq, pour la redaction de la Coustume de Vermandois, en la Cité, ville, banlieuë & Preuosté foraine de Laon, au titre de Iustice & droicts appartenāns aux hauts Iusticiers. Et encores par la Coustume de Victry en Partois, au titre de Seruitutes, Mortes-mains & Formariages. Pareillement par la Coustume de Meaux au titre des Seruitutes personnelles, article deuxiesme: lesquelles Coustumes il conuient voir, mesmes le cent quarante cinquiesme article de la Coustume de Victry en Partois. *Huc pertinent que traduntur ab Eguinario Barone, in l. finali. ff. de statu hominum.*

QV'IL Y A TROIS SORTES D'AVBEINS demeurans en France.

CHAPITRE V.



E qui a esté cy-dessus deduiet presupposé comme necessai-
re pour la vraye cognoissance du droict d'Aubeine, il faut
noter qu'il y a trois sortes d'Aubeins demeurens en France,
la condition desquels est differente.

*Trois sortes
d'Aubeins
demeurans
en France.*

Car les aucuns sont vrais Aubeins, & leurs biens subjets
à la loy d'Aubeine.

Les autres combien qu'ils soient vrayement Aubeins, toutesfois par
priuileges obtenus des Roys de France, sont exempts du droict d'Au-
beine.

La troisiemesme espece est des reputez Aubeins, les biens desquels sont
subjets à la loy d'Aubeine, tout ainsi que les vrais Aubeins.

Et de ces trois sortes d'Aubeins nous traicterons separément, & par
chapitres distincts, afin d'en auoir plus facile cognoissance.

DES VRAIS AVBEINS SVBIECTS à la loy d'Aubeine.

- 1 *Qui sont les vrais Aubeins.*
- 2 *Les Lorrains sōt Aubeins en Frāce.*
- 3 *Les Sauoyssiens & Piedmontois sont
Aubeins en France.*
- 4 *Lettres de declaration obtenuës
par les Sauoyssiens.*
- 5 *Sçauoir s'il celuy qui est nay en Sa-*

*uoye pendant que le Roy en iouys-
soit, venant demeurer en France
doit estre naturalizé.*

- 6 *Quand les Sauoyssiens doiuent obte-
nir lettres de declaration ou de na-
turalité.*

- 7 *Ceux de Geneue sont Aubeins.*

CHAPITRE VI.

1
Qui sont les
vrais Aubeins.



VANT à la premiere espece d'Aubeins, nous auons dit au premier chapitre, que tout homme qui n'est nay dedans le Royaume de France, pays, terres, & Seigneuries de l'obeissance du Roy, est Aubein ou bien estrangier. Partant est notoire que les Anglois, Espagnols, Allemans, Italiens, & tous autres qui ne sont de la dition, domination & obeissance du Roy, & qui ne le recognoissent aucunement, sont vrais Aubeins: en sorte que s'aucuns d'eux sont venus demeurer en France, & y ont apporté ou acquis quelques biens, tels biens apres leur decez appartiennent au Roy par droit d'Aubeine, comme il sera amplement déclaré en la quatrieme partie du present Traicté.

2
Les Lorrains sont
Aubeins en
France.

Arrest.

Sentence du
Thresor
pour les
biens d'un
Lorrain.

Mesmes ceux qui sont naiz au Duché de Lorraine, & autres Seigneuries circonuoiines, ne recognoissans le Roy de France, sont Aubeins. Car combien que le Duché de Lorraine ait anciennement esté de la Couronne de France, comme il est notoire par les Chroniques & Annales, & pour auoir esté baillé à vn des enfans de France: Toutesfois les Lorrains s'estans mis hors l'obeissance du Roy de France, & attribué la Souueraineté, sans aucunement recognoistre le Roy, iustement ils sont appelez Aubeins. Tellement que decedans en France leurs biens appartiennent au Roy par droit d'Aubeine. Ainsi qu'il fut plaidé en la Cour le 20. Feurier mil cinq cens cinquante trois: Entre le Baron de Fontenay & la Dame du Perroy, respectiuement donataires des biens d'un Lorrain: Et qui a esté iugé en la Chambre du Thresor, en l'an mil cinq cens soixante & treize, pour les biens de defunct Messire Hector de Ligneuille, en son viuant Abbé de S. Sauueur en Laudésie decédé es faux-bourgs S. Victor. Aussi feu Bertignon en son viuant Procureur en Parlement, natif de Lorraine, obtint lettres de naturalité. Pareillement Maistre Nicolas Vuillot Principal du College de la Marche natif de Lorraine, obtint lettres de naturalité du Roy verifiées en la Chambre des Comptes, & deceda au mois de May mil cinq cens quatre vingts treize. Aussi le François n'estant admis à succeder à ses parens demeurans en Lorraine (comme chacun sçait) il n'est raisonnable que le Lorrain succede en France: *ut eodem iure inuicem utantur, & aequalitas seruetur*. Ainsi que Maistre Charles du Moulin a adnoté sur le soixantedouzième article de la Coustume de Victry en Parthois. De faict par le traicté de mariage d'entre Madame Claude de France, & Charles III. du nom Duc de Lorraine, n'a pas esté conuenu, que les Lorrains seroient naturalisez en France, & qu'il leur seroit permis y demeurer, & acquerir biens, & succeder à leurs parens naiz & demeurans au Royaume. Comme il fut accordé par le traicté de mariage passé entre le Roy François deuxième & la Roynie d'Escoffe: ainsi qu'il sera dit au septième chapitre du present Traicté.

Quant à ceux qui sont natifs de Bar, & du pais de Barrois, ils sont vrais & naturels subiets du Roy: d'autant que le Duché de Barrois est tenu en foy & hommage de la Couronne de France: & le Duc

de Lorraine, comme Duc de Bar est vassal du Royaume. Tellement que ceux qui sont natifs du pais de Barrois peuvent librement resider en France, & ne leur est besoin obtenir lettres de naturalité du Roy, comme estans vrais & naturels François.

Au regard de ceux qui sont natifs du Duché de Sauoye, Piedmont & seigneuries circonuoisines, ils sont Aubeins, parce que à present ils ne recognoissent aucunement le Roy de France: Dient le Duché de Sauoye estre tenu de l'Empire. Et combien que le Roy ait pretendu droict en ce Duché, comme heritier de Madame Louyse de Sauoye, mere du Roy François premier du nom, & qu'il en ait ioüy par quelque temps: Toutesfois il n'y a point eu d'Edict publié en la Cour pour vnir le Duché de Sauoye à la Couronne de France, & par le traicté de paix de l'an mil cinq cens cinquante neuf le Roy y renonça.

Ainsi qu'il fut plaidé en la Cour le 23. Iuillet 1565. pour les biens de defunct Pierre Tardi dit Bressaud, surnommé Bourgara natif de Sauoye: lequel dès l'an 1533. s'estoit marié en France, auoit continuellement demeuré au pais de Dauphiné, & par testament auoit donné tous ses biens à deux siennes niepces natifues en France, nommées Anne & Andrée Sauiary. Et d'autant que le Roy a pretendu droict au Duché de Sauoye comme dit est, & qu'il en auoit ioüy depuis l'an 1536. qu'il en print possession, iusques en l'an mil cinq cens cinquante neuf qu'il en fit restitution, ledit Bressaud n'auoit eu que faire d'obtenir lettres de naturalité du Roy, estant taisiblement naturalisé & fait subiect naturel du Roy. Pour ceste cause & plusieurs autres, mesmes qu'il y auoit incidemment lettres de declaration du Roy cy apres recitées, les biens furent adiugez à ses deux niepces ses donataires ou heritieres testamentaires, par arrest solennellement & publiquement prononcé le cinquiesme Auril mil cinq cens soixante-neuf.

Et pour oster les difficultez que chacun iour on faisoit, & obuier aux procez qui ordinairement estoient meus, pour raison des biens & successions des Sauoyfiens demeurans en France: le Roy Charles neufiesme, le cinquiesme Feurier mil cinq cens soixante six, octroya ses lettres patentes recitées au Code du Roy Henry troisieme Roy de France & de Pologne, liure sixiesme, tiltre neufiesme, des estrangers & successions d'iceux. Par lesquelles il ordonna que ceux du pays de Sauoye, qui estoient domiciliés, & demeurans en France deuant la reddition du pais de Sauoye, & qui y sont demeurez depuis, sans estre retournez audit pais, & retirez hors l'obeyssance du Roy, seroient tenus & reputez comme originaires & natifs de France, & comme tels auroient peu & pourroient tenir, acquerir & posseder tous biens, tant meubles qu'immeubles: d'iceux disposer par testament, donation entre vifs, autrement en quelque sorte que ce soit. Et que leurs enfans, heritiers, & autres ausquels ils en auront disposé (pourueu qu'ils soient regnicoles) leur pourront succeder, prendre & apprehender la possession & ioüyssance de leurs biens, comme s'ils estoient originaires natifs de France, & que le pays de

3
Les Sauoy-
fiens & Pied-
montois sont
Aubeins en
France.

Arrest tou-
ché vn Sa-
uoyfiens.

4
Lettres de
declaration
obtenues par
les Sauoy-
fiens.

Sauoye fust demeuré en l'obeyssance du Roy, lequel quant à ce entant que besoin seroit, les auroit habilitéz & dispensez. Et les Lettres susdites furent registrées en la Cour, oüy & consentant Monsieur le Procureur general du Roy pour auoir lieu à l'aduenir seulement, & sans preiudice des procez pendans en la Cour, le vingt-vniesme mil cinq cens soixante six. Et semblable verification fut mise par la Cour sur les lettres de iussion à elle enuoyées d'abtés du dixiesme May audit an.

En sorte que les Sauoysiens demeurans en France pour estre censez François & reputes originaires du Royaume: il est necessaire qu'ils verifient auoir demeuré en France auparauant l'année mil cinq cens cinquante neuf, que la Sauoye par le Traicté de paix fut renduë par le Roy Henry au defunct Duc de Sauoye, & que depuis ladite année ils y ont continuellement residé.

*S
Sçauoir si
celuy qui est
nay en Sa-
uoye, pen-
dant que le
Roy en
ioiuyssoit, ve-
nant demeu-
rer en Fran-
ce doit estre
naturalisé.*

Depuis & le deuxiesme Ianuier mil cinq cens soixante-dixhuiet fut plaidée en la Cour vne cause, en laquelle estoit question de sçauoir; Si vn homme nay en Sauoye, pendant que le Roy ioiuyssoit du pays de Sauoye, & apres la restitution faite des pays de Sauoye & de Piedmont est venu demeurer en France, s'il luy a esté besoin obtenir lettres de naturalité pour succeder à vn sien oncle demeurant en la ville de Lyon, attendu que le Roy pretend droit en Sauoye: & que par la restitution du pays, il n'a peu faire preiudice à l'origine naturelle du Sauoy sien, lequel depuis la restitution du pays estant venu demeurer en France, il a recogneu le Roy pour son vray & naturel Seigneur, & que vrayement le Roy ne peut dire qu'il soit Aubein & estranger. Comme il sera monstré au huitiesme chapitre du Flamant nay auparauant le Traicté de Madric, lequel depuis s'est retiré en France, & qu'il sera amplement deduit au trente-neufiesme chapitre du present Traicté, lesquels il conuient voir. La cause susdite ne fut paracheuée au moyen de ce que l'heure sonna.

*Cause plai-
dée de ce que
dessus.*

Semblable cause s'estant depuis offerte pardeuant le Seneschal de Lyon, pour vne femme natieue de Sauoye pendant que le Roy François premier iouyssoit du pays, laquelle depuis la restitution de Sauoye faicte par le Roy Henry, s'estant retirée & mariée en la ville de Lyon, avec vn marchand natif dudit lieu, lequel par son testament auoit institué pour heritier sadite femme avec vn marchand nay & residant en ladite ville de Lyon. Partage des biens estant faict entre la femme & ledit marchand heritiers instituez: Quelque temps apres ce marchand obtient lettres pour estre releué de ce partage, ensemble de tous actes approbatifs d'iceluy, & soustient que tous les biens luy appartenoint, comme ladite femme estant estrangere, partant incapable de succeder & apprehender legs testamentaires en France: & estant soustenu au contraire par la femme, laquelle auoit obtenu lettres de declaration du Roy. Le Substitut de Monsieur le Procureur General du Roy à Lyon, estant interuenu en cause, soustenant que la portion leguée à la femme appartenoit au Roy par droit d'Aubeine, combien que le defunct ne fust Aubein, ains François, & que la portion de l'incapable accroist au coheritier ou collegataire, non pas au Roy, comme fait la portion de l'indigne, ainsi qu'a-

uons monst^ré au vingt-cinquiesme chapitre du present Traicté. Fut ad-
uisé par les anciens Aduocats de la Cour; Que la femme estoit bien fon-
dée à soustenir la donation à elle faicte, & qu'elle estoit capable d'icelle.
Attendu principalement que par les lettres de declaration par elle obte-
nuës du Roy, elle estoit releuée de la demeure par elle faicte au pays de
Sauoye, depuis la restitution d'iceluy: & de ce que depuis ladite restitution
elle auoit payé tailles en Sauoye: en ce faisant recogneu le Duc de Sa-
uoye pour son Seigneur: & les lettres susdites estoient verifiées en la
Chambre des Comptes. Aussi la verité estoit que le Roy ne pouuoit pre-
tendre aucun droict es biens du defunct pour les raisons cy dessus cou-
chées. Et le coheritier ou collegataire n'estoit receuable de son chef à ob-
tenir le droict d'Aubeine, & s'ayder d'iceluy, comme il sera dit au qua-
rantiesme chapitre du present Traicté.

Pour oster le doute cy dessus aucuns ont esté d'aduis; Que ceux qui
sont naiz au pays de Sauoye, pendant que le Roy a ioüy dudit pays, &
que depuis la reddition d'iceluy faite en l'an mil cinq cens cinquante
neuf viennent demeurer en France, doiuent obtenir simples lettres de de-
claration du Roy. Et ceux qui sont naiz depuis la restitution du pays &
viennent resider en France, doiuent obtenir du Roy lettres de naturalité
comme estrangers. Et est besoyn faire verifier en la Chambre des Com-
ptes tant les lettres de declaration que de naturalité.

⁶
Quand les
sauoyiens
doiuent ob-
tenir lettre
de declara-
tion ou de
naturalité.

Le Ieudy vingt-septiesme Auiil mil cinq cens quatre vingts & vn, fut
plaidée vne autre cause pour les biens demeurez par le decez de Mai-
stre André Roux Prestre habitué en l'Eglise saint Supplice, natif de
Sauoye: Lesquels auoient esté saisis tant à la requeste du Substitut de
Monsieur le Procureur General au Thresor, comme appartenans au
Roy par droict d'Aubeine; Que à la requeste de Monsieur le Cardinal
de Bourbon Abbé de saint Germain Després, pretendait iceux biens
par desherence, comme haut Iusticier. D'autant qu'il maintenoit que
les Sauoyiens n'estoient estrangers, au moyen du droict que le Roy
auoit au Duché de Sauoye, ains originaires de France, comme il
estoit porté par les lettres patentes cy dessus recitées, qu'il disoit estre
declaratiues. En tout euenement que le defunct estant naturalisé par
lesdites lettres, sa succession appartenoit audit seigneur Cardinal, com-
me haut Iusticier à tiltre de biens vaccans, & non au Roy par droict
d'Aubeine, suyuant l'Arrest donné au profit du Chapitre de Clery, re-
cité au trente-quatriesme chapitre du present Traicté. Au contraire
Monsieur le Procureur General remonstroit, que le defunct estoit estran-
ger, parce qu'il estoit nay hors l'obeyssance du Roy, auparauant l'an mil
cinq cens trente-six, que le Roy François premier commença à ioüy-
r de la Sauoye, & estoit decédé l'an mil cinq cens quatre vingts, apres le
delaisement d'icelle. Partant les biens demeurez par son decez appar-
tenoient au Roy par droict d'Aubeine: encores que le defunct fust ve-
nu demeurer en France lors que le Roy ioüyssoit de Sauoye. Et suppo-
sé que le defunct eust esté naturalisé par lesdites lettres, toutesfois
n'ayant esté ny laissé heritier regnicole, le Roy luy succedoit par droict

Autre Ar-
rest que les
sauoyiens
sont estran-
gers.

d'Aubeine, & non le haut Iusticier en faueur duquel les lettres de naturalité n'auoient esté octroyées. Comme il auoit esté iugé par Arrest publiquement prononcé le vingt-neufiesme Mars mil cinq cens quatre vingts, pour les biens de Iean Boissard estranger: depuis l'Arrest de Clery recité audit trente-quatriesme chapitre. Aussi les lettres obtenues par les Sauoy siens portoient, pourueu que leurs heritiers fussent regnicoles: & la verification de la Cour portoit, sans preiudice des procez pendans en la Cour: ce qui demonstroit que les Sauoy siens n'estoient François. Finalement apres que Monsieur le Cardinal a mis en auant que par dons & octrois des Roys de France deuement verifiez en la Cour il auoit droit d'Aubeine au dedans de sa haute Iustice, comme le Chapitre de Clery. La Cour a appointé les parties au Conseil, & ordonné que les biens contentieux seront sequestrez.

7
Ceux de Geneue sont Aubeins.

Arrests.

Aussi les habitans de Geneue sont Aubeins, parce qu'ils ne recognoissent le Roy de France. De faict du temps du feu Roy Henry les biens de ceux qui s'estoient retirez à Geneue ont esté adiugez au Roy par plusieurs Arrests de la Cour de Parlement. Mesmes d'un nommé de Normandie, dont la cause fut plaidée le vingt-sixiesme Nouembre mil cinq cens cinquante quatre. Autre Arrest contre un nommé Deslandes, dont la cause fut plaidée le vingtiesme Iuillet mil cinq cens cinquante neuf. Et par Arrest donné à la Tournelle le dix-huictiesme Auril mil cinq cens soixante-huict, un habitant de Geneue ayant mis en procez un originaire de France pour un pretendu delict, fut condamné bailler caution *iudicatum solui*, qui est payer le iugé tant en principal que despens. Autre Arrest donné en plaidoyrie le Lundy vingt-huictiesme Auril mil cinq cens soixante huict, un habitant de Geneue demandeur en matiere ciuile, fut condamné bailler caution *iudicatum solui*. Ainsi qu'il sera amplement traicté au seiziesme Chapitre.

DES AUBEINS QUI PAR PRIVILEGES SONT exempts du droit d'Aubeine: Mesmes des priuileges octroyez aux Suisses, Escossois, & Portugais demeurans en France. Ensemble aux habitans de Cambray, Tournay & Auignon. Et que ceux de Biard ne sont estrangers.

1 Aubeins exèpts du droit d'Aubeine.

2 Priuileges octroyez aux Suisses demeurans en France.

3 Confirmation du Roy Henry des priuileges octroyez aux Suisses estans à son seruice.

4 Priuileges donnez à ceux de la garde d'Escossoise.

5 Lettres de naturalité données à tous Escossois demeurans en France,

avec la verification d'icelles.

6 Lettres de naturalité données à tous Portugais demeurans en France.

7 Verification en la Cour des lettres obtenues par les Portugais.


8 Priuileges octroyez aux habitans de Cambray de pouuoir succeder en France.

9 Sentence du Tresor donnée au profit d'un habitant de Cambray.

10 Lettres

- | | |
|---|--|
| 10 Lettres de naturalité obtenues par les habitans de Cambray. | dent en France. |
| 11 Sentence du Tresor donnée au profit d'un homme natif du pays de Cambresis. | 13 Ceux de Biard sont regnicoles. |
| 12 Les habitans de Cambresis succe- | 14 Les habitans d'Auignon sont naturalisez. |
| | 15 Les estrangers demeurans à Calais sont naturalisez. |

CHAPITRE VII.



A seconde espèce d'Aubeins demeurans en France, est des Aubeins, qui par priuileges sont exempts de la loy d'Aubeine, lesquels librement peuuent demeurer au Royaume, tout ainsi que les originaires d'iceluy.

1
Aubeins
exempts du
droict d'Au-
beine.

Entre lesquels & plus anciens sont les Suisses, ausquels le Roy Louys XI. au mois de Septembre 1481. octroya ses lettres patentes: par lesquelles il ordonna que les Suisses qui lors estoient, & qui cy apres seroient en son seruice, gages & soulde, qui estoient mariez ou habituez, ou se marieroient & habituerient à l'aduenir au Royaume de France, peussent & leur fust loisible, acquerir au Royaume, tous tels biens meubles, & immeubles, qu'ils y pourroient licitement acquerir, & d'iceux disposer & ordonner par testament & ordonnance de derniere volonté, donation faicte entre vifs, ou autrement ainsi que bon leur sembleroit: & que leurs femmes, enfans & heritiers, qu'ils auoient lors, & pourroient auoir le temps aduenir, leur peussent succeder & apprehender les biens de leurs successions, tout ainsi que s'ils estoient natifs du Royaume. Et quant à ce furent autorisez & habilitez, sans payer aucune finance. Et outre les Suisses estans aux gages & soulde du Roy, ensemble leurs femmes, & vefues pendant leur viduité, furent exemptez de toutes tailles, impôts, & subuentions quelconques, de guet, & de garde de portes, ainsi qu'il est à plain contenu és lettres sur ce expediees. Lesquelles le 5. Octobre 1481. furent verifiées & enregistrées en la Chambre des Comptes, *in libro Chartarum eius temporis sine financia, prouiso quòd haredes supplicantium sint Regnicola.*

2
Priuileges
octroyez aux
Suisses de-
mEURANS en
France estans
de la garde
du Roy.

Depuis & au mois de Feurier, mil cinq cens cinquante & vii, le Roy Henry deuxiesme octroya ses lettres patentes, par lesquelles il confirma aux Suisses estans en son seruice, gages & soulde, mariez ou habituez en son Royaume, & aux vefues des decedez, tous & chacuns les priuileges, franchises, libertez, exemptions & immunitiez à eux donnees & octroyées par ses predecelleurs Roys de France, pour en iouyr par eux & leurs successeurs tant & si auant, & par la forme & maniere qu'ils en ont cy deuant deuëment & iustement iouy & vsé, iouyssent & vsent. Lesquelles lettres & priuileges le dixhuietieme Nouembre ensuiuant, la Cour ordonna estre enregistrées és registres d'icelle, & que sur le reply d'iceux seroit mis, *Registrata audito Procuratore generali Regis, pro utendo per dictos supplicantes priuilegiis, per dictas literas confirmatis, prout ritè & rectè vsi sunt, & de presenti vtuntur.*

3
Confirma-
tion du Roy
Henry des
priuileges
octroyez
aux Suisses
estans en son
seruice.

4
Privileges
donnez à
ceux de la
garde Escos-
soise.

Verification
desdits pri-
vileges.

Aussi les Capitaines, Lieutenans, Enseignes & Archers de la garde Escossoise du Roy, natifs du Royaume d'Escosse, obtindrent lettres du Roy Henry II. du nom, au mois de Nouembre, mil cinq cens quarante-sept: par lesquelles il est porté, que eux & leurs successeurs és estats susdits, qui seront natifs du Royaume d'Escosse, pourront demeurer au Royaume de France, terres & seigneuries de l'obeyssance du Roy, en iceux acquerir tous biens, tant meubles qu'immeubles, les tenir & posseder, avec ceux qu'ils auoient ja acquis, & qui leur pourroient escheoir, competer & appartenir, soit par succession, donation, ou autrement, & d'iceux disposer par testament, donation entre vifs, & autrement. Et que leurs heritiers & autres, aufquels ils en auroient disposé, leur puissent succeder tout ainsi qu'ils feroient & faire pourroient, s'ils estoient originaiement natifs du Royaume de France. Et le 12. Feurier, 1548. ces lettres furent verifiées en la Chambre des Comptes, pourueu que les heritiers des impetrans fussent Regnicoles, pour en iouyr par eux & les heritiers de ceux qui decederoient au seruice du Roy, & qui par vicillesse ou maladie se feroient retirez du seruice du Roy. Et conformément à ces lettres y eut sentence de main-leuée donnée en la Chambre du Thresor, au profit du tuteur d'un nommé Montgommery, nepteu d'un archer de la garde Escossoise, ladite sentence d'abteé du neufiesme Decembre 1567. Aussi par sentence donnée par Messieurs du Thresor le vingt huictiesme Aoust, mil cinq cens quatre-vingts & vn, fut ordonné que Iean Beilandin archer des gardes Escossoises du corps du Roy, ne seroit point tenu bailler caution de payer le iugé. Comme estrangers sont tenus la bailler en France, s'ils ne sont naturalisez par le Roy. Ainsi qu'il sera dit au 16. chapitre du present Traicté.

5
Lettres de
naturalité
données à
tous Escos-
sois demeu-
rans en Frã-
ce, avec la
verification
d'icelles.

Dauantage incontinent apres le mariage du defunct Roy François deuxiesme du nom, y eut lettres patentes du Roy Henry, par lesquelles tous Escossois furent naturalisez, leur fut permis demeurer en France, y acquerir biens, disposer tant entre vifs que par testament de leurs biens, tenir offices & benefices en ce Royaume, & pouuoir succeder les vns aux autres, comme s'ils estoient natifs & originaires du Royaume de France: en sorte que les biens demeurez par leurs decez ne seroient aucunement subiets à la loy d'Aubeine. Toutesfois leurs lettres le vnziesme Iuliet mil cinq cens cinquante huiet ne furent purement & simplement verifiées par la Cour de Parlement: ains pour iouyr par les impetrans de l'effect d'icelles, tant que le Royaume d'Escosse seroit en l'obeyssance, confederation & amitié du Roy. Et à la charge que les subiects du Royaume pourroient en semblable iouyr de pareils droicts & priuileges, biens, terres & possessions, & tenir benefices & dignitez au Royaume d'Escosse.

En ce faisant le priuilege de naturalité donné aux Escossois n'est pas perpetuel, ains à temps seulement, & sous condition. De faict Dauid Crespe Escossois depuis le trespas du Roy François second, estant venu demeurer en ceste ville de Paris rue de Montorgueil, ayant acquis quelques heritages près Monthereau, & quelques meubles. Par testament

ayant disposé d'iceux en faueur de Catherine Gelanier : Tous les biens demeurent par le trespas dudit defunct Crespe Escossois non naturalisé, furent adiugez à Iacques Turquet donataire du Roy. Ordonné qu'il iouyroit d'iceux, suiuant la sentence d'adiudication donnée au profit du Roy, nonobstant l'opposition formée par ladite Gelanier : de laquelle elle fut deboutée & condamnée és despens, par sentence de Messieurs du Thresor du deuxiesme Decembre, mil cinq cens quatre-vingts & cinq, de laquelle sentence y a appel pendant en la Cour.

Semblablement les marchands & autres Portugais au mois d'Aoust, mil cinq cens cinquante, obtindrent lettres du Roy Henry deuxiesme, par lesquelles il fut permis, octroyé & accordé à tous Portugais d'eux retirer & habiter au Royaume de France, & avec eux amener leurs femmes, enfans, seruiteurs, facteurs & entremetteurs, librement y traffiquer, tenir tous & chacuns les biens, tant meubles qu'immeubles, qu'ils y pourroient licitement acquerir, & posséder ceux qui leur pourroient escheoir, competer & appartenir, soit par succession, donation ou autrement, d'iceux ordonner & disposer par testament, codicile, ordonnance de derniere volonté, & autrement en quelque sorte que ce soit, & que leurs heritiers ou autres ausquels ils en auroient disposé, les puissent prendre & apprehender, tout ainsi qu'ils feroient & faire pourroient, s'ils estoient originairement natifs du Royaume de France, terres & seigneuries de l'obeyssance du Roy. Et que tels soient censez & reputez soit en iugement ou dehors, ensemble leurs femmes & enfans ja naiz & à naistre : & qu'ils iouyssent de pareils priuileges, franchises & libertez, dont vsent les propres subiects du Roy, le tout sans payer aucune finance.

Et combien que les lettres generally octroyées à tous Portugais venans demeurer en France, eussent esté verifiées en la Cour de Parlement le vingt-deuxiesme Decembre, mil cinq cens cinquante, & ordonné sur le reply d'icelles estre mis, *Registrata audito Procuratore generali Regis, pro utendo per supplicantes, quandiu in regno morabuntur, beneficio dictarum litterarum, prouiso quod heredes eorum, & persona, in quarum fauorem disponant de suis bonis, erunt Regnicola.*

Toutesfois le 25. Iuin, mil cinq cens cinquante & vn, Messieurs des Comptes ne voulurent generally verifier les lettres dessusdictes : & ordonnerent qu'elles seroient enregistrées aux registres des Chartres lors courant, pour iouyr du contenu en icelles par Francois de Castor, Louys de Borga, & autres iusques au nombre de vingt-trois des impetrans denommez au registre, qui est pour chacun d'eux cinq escus soleil, lesquels ont esté conuertis & employez aux aumolnes par ordonnance du Bureau. A la charge toutesfois que les heritiers des denommez soient Regnicoles.

Dauantage ceux qui sont naiz de la cité de Cambray & du pays de Cambresis, ont cy deuant obtenu lettres & priuileges des Roys de France, par lesquels ils ne sont subiects à la loy d'Aubeine : & s'ils decedent au Royaume de France, & ayent acquis biens au Royaume, ils

6
Lettres de naturalité données à tous Portugais demeurans en France.

7
Verification en la Cour des lettres obtenues par les Portugais.

8
Verification des susdites lettres en la Chambre de Comptes.

Priuileges octroyez aux habitants de Cambray, de pouuoir succeder en France.

en peuuent disposer. Ou bien s'ils decedent intestats, leurs parens demeurans en la cité de Cambray, & pays de Cambresis, leur succedent és biens estans au Royaume. Comme pareillement les François demeurans en France, succedent à leurs parens demeurans au pays de Cambresis és biens estans en la Cité de Cambray & pays de Cambresis.

9
Sentence du Thresor donnée au profit d'un habitant de Cambray.
De sorte que le Procureur du Roy en la Chambre du Thresor, ayant fait saisir les biens de Maistre Jean du Puis, Prestre, natif de Cambresis, decedé en ceste ville de Paris, les Preuosts & Escheuins de la cité de Cambray presenterent requeste au Roy, par laquelle narration faite de leurs priuileges verifiez & emologuez en la Cour de Parlement de Paris, apres auoir eu sur ce l'aduis de Messieurs les Gens du Roy, y eut lettres patentes en forme d'Arrest du Conseil priué du Roy, par lesquelles il fut mandé à Messieurs les Conseillers du Thresor, bailler main-leuée à Maistre Nicolas du Puis Doyen de Cambray, Curé de l'Eglise Paro-chiale dudit lieu, & Ieanne du Puis frere & sœur & vrais heritiers du defunct, de tous les biens tant meubles qu'immeubles demeurez par le trespas dudit defunct. A la charge qu'en semblable les originaires & habitans du Royaume de France ne seront aucunement empeschez de succeder & heriter és biens de leurs prochains parens demeurans au pays de Cambresis. Et les lettres estoient datées du 23. Feurier 1561. suiuant lesquelles y eut sentence de main-leuée en la Chambre du Thresor le 3. d'Octobre 1562.

Date & verification des lettres obtenues par les habitans de Cambray.
Et sont les lettres de naturalité octroyées aux habitans de Cambray par le Roy Charles sixiesme, enregistrées au liure des Ordonnances Royaux de Parlement au troisieme fueillet, datées du penultiesme Iuillet mil quatre cens & six, verifiées en la Cour le dernier Aoust ensuiuant, ainsi qu'il est contenu és Ordonnances du Roy Charles sixiesme. Et encores sont enregistrées en la Chambre des Comptes *in libro G. fol. 52.* Pareillement lesdites lettres sont recitées avec celles octroyées aux natifs & originaires de la ville de Tournay & pays de Tournesis, au Code du Roy Henry troisieme Roy de France & de Pologne, liure sixiesme, tiltre neufiesme, des estrangers & successions d'iceux. Toutesfois le meilleur & le plus seur est, non toutesfois necessaire, prendre lettres de declaration du Roy, comme ceux du Pays-bas, selon qu'il sera declaré au dixiesme chapitre.

10
Lettres de naturalité obtenues par les habitans de Cambray.
Depuis peu de temps les habitans tant de la ville de Cambray que du pays & Comté de Cambresis, s'estans mis en la protection de Monsieur le Duc d'Anjou, & apres son trespas de la Roynie mere du Roy. Lesdits habitans ont esté naturalisez par le Roy declarez Regnicoles; & ordonné qu'ils iouyroient de pareils droicts & priuileges que les naturels François, sans estre aucunement subiets à Loy d'Aubeine. Les lettres ont esté leuës, publiées & registrées en la Cour de Parlement le 22. Decembre, 1584. & en la Chambre des Comptes le neufiesme Ianuier, mil cinq cens quatre-vingts cinq.

11.
Sentence du Thresor donnée au profit d'un habitant de Cambray.
Le vingt-septiesme Octobre, mil cinq cens quatre-vingts & six, y eut vne sentence de main-leuée donnée en la Chambre du Thresor. Le fait

de laquelle estoit, que Iean Pepin natif de Villiers Antreau pays de Cambresis, vint demeurer en France, en l'an mil cinq cens cinquante sept, estant marié avec Marguerite le Feure, natifue de Hainault, & amenèrent en France leurs enfans naiz au pays de Cambresis, entre autres Martin Pepin leur fils. Apres le trespas dudit Iean Pepin Marguerite le Feure sa veufue naturalizée par le Roy, se marie avec Iacques du Clos natif de Rouën: lequel estant decedé, Martin Pepin comme heritier de Iean Pepin son pere, faict adiourner ladite le Feure sa mere, ensemble les heritiers dudit du Clos, afin de declaration de continuation de communauté pour vn tiers; d'autant qu'il n'y auoit eu inuentaie fait apres le trespas de son pere: laquelle communauté par sentence du Preuost de Paris luy est adiugée, & depuis accordée par contract. Ladite le Feure ayant vendu, tant audit Martin Pepin son fils qu'à Nicolas Bachelier son gendre, toute la marchandise qui luy appartenoit moyennant quatre mil escus. Pareillement ledit Martin Pepin ayant vendu audit Bachelier tout le droict qu'il auoit en ladite marchandise, à la charge de l'acquiter de quatre mil escus enuers ladite le Feure sa mere, & outre luy payer deux mil escus. Le terme de payement estant escheu, le Substitut de Monsieur le Procureur du Roy au Thresor, fait saisir és mains dudit Bachelier tous & chacuns les biens & deniers estans de la succession dudit defunct Iean Pepin pere dudit Martin Pepin, comme estranger natif hors de France: pareillement ledit Martin estant estranger. A ceste saisie ledit Martin Pepin s'estant opposé, allegue les priuileges octroyez à ceux de Cambray & du pays de Cambresis. Apres plusieurs & longues procedures fut dit, qu'à bonne & iuste cause ledit Martin Pepin s'estoit opposé à ladite saisie, main-leuée luy en fut faicte, & ordonné que les Commissaires luy rendroient compte, & payeroient le reliqua d'iceluy.

*nee au pro-
fit d'un
homme na-
tif du pays
de Cambre-
sis.*

Par ce que dessus appert, que ceux qui sont naiz de Cambray & du pais de Cambresis sont tellement reputez Regnicoles, que non seulement leurs parens demeurans en France leur succedent, mais aussi leurs parens qui sont demeurans à Cambray, & au pays de Cambresis leur peuuent succeder és biens estans en France. Ce qu'à present n'auroit lieu: attendu que les habitans de Cambray & du pays de Cambresis se sont substraicts de l'obeissance du Roy de France, & assubiectis au Roy d'Espagne.

*12
Les habitans
de Cambre-
sis succedent
en France.*

Quant à ceux de Biard, ils ont esté declarez Regnicoles, non subiets au droict d'Aubeine, & capables de succeder en France, par sentence donnée par Messieurs du Thresor le dix-neufiesme Nouembre, mil cinq cens soixante & dix-neuf, au profit de Bedian de Saint Poy. Lequel comme heritier de defunct Iean de Saint Poy son frere, Tailleur d'habits demeurant à Paris, natif de Biard, eut main-leuée de tous les biens demorez par le trespas de sondit frere, saisis à la requeste du Substitut de Monsieur le Procureur General du Roy au Thresor, pretendant qu'ils appartenoint au Roy par droict d'Aubeine. Il y eut pareille sentence donnée par le Seneschal du Mayne, au profit de Fabrice Nauieres Escuyer, & Damoysselle Ieanne de Badie demeurans au pays de Biard, confirmée par Arrest de la Cour du 8. Aoust, 1573. Lequel Arrest con-

*13
Ceux de
Biard sont
Regnicoles.*

tenant ample recit de la sentence donnée par ledit Seneschal du Mayne, fut produict par ledit Badian de Sainct Poy, au procez qui estoit pendant en la Iustice du Thresor. Pour ce regard conuient voir Monsieur Chopin *in tractatu de Domanio Franciæ, titulo undecimo, De bonis Aduenarum col. 11. 12. & 13.*

¹⁴
Les habitans
d'Auignon
sont natu-
ralisez.

Pareillement les Consuls, manans & habitans de la ville d'Auignon par priuileges à eux octroyez par les Roys de France, mesmes par lettres patentes du Roy Louys 12. du 8. May mil quatre cens soixante dix-neuf, sont declarez naturels Regnicoles, leur est permis tenir & posseder en France tous biens, tant meubles que immeubles, noms, droicts, & actiōs, en disposer, tenir offices, benefices, dignitez, & ioiyr de tels & semblables priuileges, droicts, exemptions, franchises & libertez, dont ioiyrissent les originaires du Royaume. Lesquels priuileges ont esté confirmez à perpetuité, par lettres patentes obtenues du Roy Henry III. estant à Auignon es mois de Novembre & Decembre, mil cinq cens soixante & quatorze. Aussi il est notoire que la ville d'Auignon est assise au dedans du Comté de Prouence, que le Roy est Seigneur de la plus grande partie du Pont d'Auignon, & qu'en la ville d'Auignon y a Notaires pourueuz par le Roy de France, lesquels se intitulent Notaires Apostoliques & Royaux. Pour ce regard est besoin voir ledit sieur Chopin *in dicto capite undecimo.*

¹⁵
Les estran-
gers demeu-
rans à Ca-
lais sont
naturali-
sez.

Aussi par les lettres patentes verifiées en la Cour de Parlement de Paris le troisieme Mars, 1567. le Roy Charles neuuesime a naturalisé, habilité & dispensé tous ceux qui d'autres nations sont venus demeurer en la ville de Calais, & pays reconquis: pourueu qu'ils ne soient naturels Anglois, naiz de la mer en Angleterre. Et s'ils decedent pendant qu'ils tiendront censés, & resideront audit pays, est porté qu'ils ne seront dits Aubeins, & que leurs heritiers successeurs & ayans cause (pourueu qu'ils soient Regnicoles) ioiyront des biens delaillez apres leur trespas; d'autant qu'ils viennent audit pays pour cultiuer & labourer la terre.

DES REPVTEZ AVBEINS, ET SI LES FLA-
mens & Milanois doiuent à present estre reputez Aubeins en France.
Auec plusieurs Sentences & Arrests donnez pour ce regard.

- | | |
|--|---|
| <p>1 Qui sont les reputez Aubeins.</p> <p>2 Raisons par lesquelles les Flamens ne doiuent estre reputez Aubeins en France.</p> <p>3 Le Comté de Flandre est tenu en foy & hommage du Roy de France.</p> <p>4 Teneur du Traicté de Madric par lequel le droict d'Aub. in n'a lieu es Pays-bas.</p> <p>5 Article du Traicté de paix fait l'an 1544. entre le Roy de France & l'Empereur.</p> | <p>6 Lettres de declaration que les Fla-
mens venans demeurer en France,
ont acoustumé obtenir du Roy</p> <p>7 Pourquoi les lettres de declaration
ont esté introduictes.</p> <p>8 Ceux qui demeurent es Pays-bas ne
doiuent succeder en France.</p> <p>9 Cy deuant Messieurs du Thresor
ont reputé les habitans du Pays-bas
Aubeins en France.</p> <p>10 Raisons par lesquelles il semble, que
ceux du Pays-bas doiuent succeder</p> |
|--|---|

en France.

- 12 Recit d'un procez de la succession d'un Flamant, avec les raisons.
- 13 Que les François succedent librement en Flandre.
- 14 Qu'on ne peut rien imputer aux Flamens de ce que à present ils n'obeyssent au Roy de France.
- 15 Raisons des donataires du Roy pretendans la succession du defunct natif de Flandre.
- 16 Sentence de Messieurs du Thresor sur le different cy-dessus recité.
- 17 Arrest intervenu sur ladite sētece.
- 18 Pendant le procez on peut obtenir lettres de declaration du Roy.
- 19 Arrest contenant main-leuée faite à un habitant d'Anuers des biens estans en France.
- 20 Sentence du Thresor contenant main-leuée faite à un habitant d'Anuers des biens estans en France.
- 21 Arrest donné au profit d'un habitant d'Anuers.
- 22 Ceux d'Artois sont declarez Regnicoles.
- 23 Sentence donnée au profit d'un habitant d'Artois.
- 24 Sentence donnée au profit d'un habitant de Namur.
- 25 Les Flamens demourans en France n'ay auparavant le Traicté de Madric, ne doiuent estre reputez Aubeins.
- 26 Seigneuries & droicts quitte, par le Traicté de Madric.
- 27 Sentence du Thresor pour les biens d'un Flamant nay auparavant le Traicté de Madric.
- 28 Pendant les guerres les Flamens sont estrangers.
- 29 Pendant les guerres le Roy fait saisir tous les biens des Flamens estans en France, & fait les fruiets siens.
- 30 Pendant la guerre le Roy d'Espagne fait saisir les biens des François.
- 31 Pendant les guerres le Roy se ven-

dique les successions des parens des Flamens, & en fait don.

- 32 Pendant la guerre le Roy peut donner tous les meubles des Flamens, mesmes les rentes constituées non realisées qu'ils ont en France.
- 33 Pendant les guerres on peut prendre un Flamant prisonnier par droict de represailles.
- 34 Apres le decez d'un Flamant on saisit par Des-herence.
- 35 Pourquoy on estime les Milanois estrangers en France.
- 36 Arrest touchant un Milanois decedé en France.
- 37 Que les Milanois sont François.
- 38 Que le Duché de Milan legitime-ment appartient au Roy.
- 39 Le Royne baille point aux Milanois lettres de Naturalité, ains de simple declaration.
- 40 Cause concernant le testament de feu Monsieur le Cardinal de Birague Chancelier de France.
- 41 Un heritier testamentaire, ou legataire, doit estre capable tribus temporibus.
- 42 Feu Monsieur le Cardinal de Birague auoit obtenu lettres de declaration du Roy.
- 43 Il est prohibé transporter or & argent hors du Royaume de France.
- 44 Ceux de la maison de Birague ont tousiours porté les armes pour les Roys de France.
- 45 Il suffit que le legataire soit capable lors du decez du testateur.
- 46 La capacité du Legataire, come est considerée es legs faits sous cōdition.
- 47 Arrest de la cause du testament de feu Monsieur le Chancelier de Birague.
- 48 Resolution du contenu au present chapitre. Comme les Flamens peuuent succeder en France, & tester des biens qu'ils ont dedans le Royaume.

- | | |
|--|---|
| <p>49 Que les Milanois ne peuvent succeder en France, ny tester des biens qu'ils ont en France.</p> <p>50 Arrest par lequel les habitans de Luxembourg peuvent succeder en</p> | <p>France.</p> <p>51 Arrest par lequel ceux de Frize succedent en France.</p> <p>52 Arrest par lequel ceux de Gand succedent en France.</p> |
|--|---|

CHAPITRE VIII.

1
Qui sont les
reputez Aubeins.



2
Raisons
pour lesquelles les
Flamans ne
doient estre
reputez Aubeins en
France.

3
Le Comté
de Flandre
est tenu en
foy & hom-
mage du
Roy de
France.

4
Teneur du
traicté de
Madric, par
lequel le

A troisieme sorte d'Aubeins demeurans en France est de ceux qui sont reputez Aubeins, combien que vraiment ils ne soient Aubeins, d'autant qu'ils ne sont naiz en pays estrange, & de toute antiquité estant hors la subiection du Roy: ains sont naiz en pays auquel le Roy de France a droit. Toutesfois parce qu'il n'en ioiuyt à present & n'est obey en iceux, ils sont reputez Aubeins. Comme on peut dire de ceux qui sont natifs des Pays-bas, de Flandre, Artois, Tournay, & lieux circonuoisins des habitans, desquels lieux il est certain que le Roy est le vray naturel & souuerain Seigneur, & que lesdits lieux sont tenus en foy & hommage lige de la Couronne de France, inalienables & inseparables d'iceluy.

De faict le pays de Flandre (lequel anciennement estoit appellé *Sylua Carbonaria*, au moyen des grandes forests qui estoient au pays) estant de l'ancien patrimoine, & l'un des membres du Royaume de France, gouverné par Lieutenans, qu'on appelloit Forestiers, fut erigé en Comté par le Roy Charles le Chauue, & baillé en faueur de mariage à Baudouin surnommé Bras de fer, qui espousa Iudith fille dudit Roy Charles, veufue du Roy d'Angleterre, à la charge du serment de fidelité, & hommage lige aux Roys de France, souueraineté & ressort en la Cour de Parlement de Paris. Ce qui a esté continuellement obserué iusques au Traicté de Madric, duquel sera cy apres parlé.

Et est notoire que le Comte de Flandre est l'un des Pairs de France: & que de toute antiquité les appellations des Iuges des pays dessusdits, ont ressorty en la Cour de Parlement de Paris, en laquelle ont esté donnez plusieurs Arrests contre les Comtes de Flandre, ainsi qu'il est porté par les Chroniques de France, & qu'il fut remonstré par Monsieur le Procureur general, és plaidoyez faicts deuant le Roy François premier du nom, seant au Parlement de Paris, tât le dernier Iuin mil cinq cens vingt-trois, qu'en l'an mil cinq cens trente-six. Tellement que ceux qui sont natifs des pays dessusdits, s'estans retirez en France, ne doiuent estre censez Aubeins ny estrangers. Mais peuuent dire que *sunt iure & origine Galli*: comme naiz en pays auquel le Roy de France a droit, & qui legitime-ment luy appartient, quoy que ce soit la souueraineté d'iceluy.

Mesmes que le Traicté de paix fait entre le Roy François premier du nom, & Charles cinquiesme Empereur des Romains, registré en la Cour de Parlement de Paris le dix-neufiesme Nouembre mil cinq cens vingt-neuf, porte ces mots. Item, pour nourrir & entretenir vraye & bonne amitié,

amitié, communication & intelligence entre les subiects, manans & habitans des Duchez, Comtez, terres & Seigneuries dudit Seigneur Empereur es Pays de par deçà: & les subiects, manans & habitans dudit Royaume de France: laquelle se pourroit esloigner & discontinuer au moyen de certain droict d'Aubeine & d'Aubeinité, dont on a accoustumé d'vser en aucunes desdites Duchez, Comtez & Seigneuries dudit Seigneur Empereur, & aussi au Royaume de France: par lequel les parens & heritiers d'aucuns ayans terres, seigneuries & heritages, ou biens meubles en l'un desdits pays ou Royaume, ne peuuent succeder, auoir ne posséder lesdites terres, seigneuries & heritages, ou biens de leurs prochains parens, s'ils ne sont natifs des lieux & pays où lesdites terres, seigneuries & heritages, & biens meubles, seroient situez & assis: A esté & est traicté, accordé, & conclud, que d'oresnauant tous & chacuns les subiects, manans & habitans es Duchez, Comtez, Pays & seigneuries de Brabant, Lembourg, Luxembourg, Comtez de Flandre, d'Artois, de Bourgongne, de Henault, Doutrelen, de Namur, Holande, Zelande, Tournay, Tournesis, Salins, & Malines, appartenans audit seigneur Empereur, pourront & deuront succeder aux fiefs, terres, seigneuries, & biens meubles de leurs prochains parens estans audit Royaume de France, iacoit qu'ils ne soient natifs dudit Royaume. Et pareillement les subiects, manans & habitans d'iceluy Royaume de France, en quel que lieu qu'ils soient natifs, pourront succeder aux fiefs, terres & seigneuries, heritages, & biens meubles qui se delaisseront par leurs parens, estans situez & assis esdits Duchez, Comtez, terres & seigneuries: iacoit aussi qu'ils ne soient natifs en aucun desdits Duchez, Comtez, terres & seigneuries d'iceluy Seigneur Empereur. Nonobstant & sans auoir esgard audit droict & coustume d'Aubeine, ou Aubeinité: laquelle lesdites Dames, & chacune d'elles en vertu de leurdit pouuoir pour le bien de paix abolissent & mettent au neant par cedit Traicté, perpetuellement & à tousiours: Quant aux originaires des Royaumes & pays dessusdits, sans que lesdits Princes, leurs hoirs & successeurs, les Nobles, Prelats, Seigneurs feduez, ou feodaux, & autres sous eux en puissent d'oresnauant vser.

Le semblable quasi en mesmes mots, & mesmes termes, toutesfois plus amples, est contenu au Traicté de paix accordé entre les defuncts Roys François, & Charles cinquiesme, en l'an mil cinq cens quarante-quatre, registré es registres de la Cour de Parlement de Paris, le neuuesiesme Ianuier ensuiuant, contenant entre autres articles ce qui s'ensuit.

Article, au
Traicté de
paix fait
l'an 1544.
entre le Roy
de France
& l'Empe-
reur.

Item pour nourrir & entretenir vraye & bonne amitié, communication & intelligence entre les subiects, manans & habitans des Duchez, Comtez, terres & seigneuries dudit seigneur Empereur au Pays d'embas: & des subiects, manans & habitans du Royaume de France: a esté & est traicté, accordé & conclud, que d'oresnauant tous & chacuns les subiects, manans & habitans es Duchez, Comtez, pays & seigneuries de Brabant, Lembourg, Luxembourg, Comtez de Flandre, Artois, de Bourgongne, de Hainault, d'Ostreuent, de Namur, de Hollande, de

» Zelande, Tournay, Tournesis, Gueldres, Zutphen, Pays de Frize, &
 » Vtreche, Salins & Malignes, appartenans audit Seigneur, pourront &
 » deuront succeder aux fiefs, terres & seigneuries, & biens meubles de
 » leurs prochains parens estans audit Royaume de France, iacoit qu'ils
 » ne soient natifs dudit Royaume. Et pareillement les subiets, manans &
 » habitans dudit Royaume de France, en quelque lieu qu'ils soient natifs
 » pourront succeder aux fiefs, terres, seigneuries, heritages & biens im-
 » meubles, qui se delaisseront par leurs parens, estans situez & assis es-
 » dictes Duchez, Comtez, terres, & seigneuries dudit seigneur Empe-
 » reur: nonobstant & sans auoir esgard au droit & coustume d'Aubei-
 » ne, ou Aubeinité, dont l'on a accoustumé vser en aucune desdites Du-
 » chez, Comtez & seigneuries dudit seigneur Empereur, & aussi au
 » Royaume de France. Laquelle s'abolit, & met à neant par ce present
 » Traicté, perpetuellement & à tousiours, quant aux originels des Royau-
 » mes & pays dessusdits: sans ce que lesdits Princes, leurs hoirs & succes-
 » seurs, les Nobles, Prelats, Seigneurs fiefvez, ou feodaux, & autres
 » soubs eux en puissent d'oresnauant vser.

Aussi les deux traictez cy-dessus mentionnez ont esté confirmez par le
 traicté de paix passé entre le defunct Roy Henry deuxiesme, & le Roy
 Philippes, au Chasteau de Cambresis, le 3. iour d'Auril 1559.

Raisons
 pour les-
 quells ceux
 des pays bas
 sont à pre-
 sent repu-
 tez Aubeins
 en France.

8
 Lettres de
 declaration
 que les Fla-
 mens venans
 demeurer
 en France,
 ont accou-
 stumé obte-
 nir du Roy.

Toutes-fois parce que le Roy ne iouïst à present des Pays-bas, & que
 les habitans d'iceux, *licet sint de regno, tamen de facto non obediunt principi*
nostro, & ne recognoissent aucunement le Roy de France: aussi que le
 seigneur des pays dessusdits s'est substrait du serment de fidelité, & pre-
 station d'hommage lige qu'il doit au Roy, ne le voulant recognoistre pour
 son seigneur souuerain & feodal: & comme anciennement on disoit a
 guerpy l'hommage du Roy de France. Et quand il y a guerre ouuerte, les
 habitans des pays susdits sont les premiers qui plus animeusement met-
 tent la main aux armes, font les premieres incursions, rauages & oppres-
 sions au Royaume de France: en sorte que, *verè hostes appellari possunt*. Ceux
 qui sont natifs des Pays-bas, voulans faire residence en France pour
 oster toute doute, & estre en toute seureté, ont accoustumé obtenir let-
 tres du Roy, non pas de Naturalité, mais de declaration selon la forme
 recitée au dixiesme chapitre du present traicté: par lesquelles le Roy de-
 clarera que les originaires des pays susdits, sont ses vrais & naturels sub-
 iets: qu'il leur est loisible, & entant que besoin seroit, leur permet de-
 meurer & eux habituer au Royaume de France, pays, terres & seigneu-
 ries de son obeissance: y tenir offices & benefices, & iouir des franchi-
 ses, libertez, immunitez & droicts desquels les vrais originaires du Roy-
 aume iouissent. Sera expedient faire verifier les lettres en la Chambre
 des Comptes, ainsi que les lettres de Naturalité. Et si quelque Flament,
 ou autre natif des Pays-bas decede en France, sans auoir obtenu lettres
 de declaration du Roy, ny les auoir fait verifier en la Chambre des Com-
 ptes, on auoit cy-deuant accoustumé de declarer les biens du defunct si-
 tuez dedans le Royaume, appartenir au Roy tant par droit d'Aubeine
 que Desherence, & n'auoit-on esgard au Testament qu'il auoit fait, non
 plus que d'un vray Aubein & estranger.

Et ont esté les lettres de declaration & verification d'icelles introduites, & par aucuns estimées estre nécessaires depuis le delaissement fait par le Traicté de Madric cy-apres recité. A ce que au moyen dudit delaissemēt, & que le Roy n'est à present obey au Pays de Flandre, Artois & lieux circonuoisins, les Flamens & autres natifs des Pays-bas qui viennent demeurer en France, de nouuel aduoient & recognoissent le Roy de France pour leur vray naturel & souuerain Seigneur. Et à ce qu'en temps de guerre contre le Roy d'Espagne on puisse auoir cognoissance des Flamens, Hanoyers, & autres natifs des Pays-bas qui font leur residence en France, afin d'auoir l'œil sur eux. Tout ainsi que le droict d'Aubeine a esté introduit en France pour auoir cognoissance des Aubeins demeurans au Royaume, & les distinguer des originaires de France, comme il a esté déclaré au 4. chap. du present Traicté.

7
Pourquoy les lettres de declaration ont esté introduites.

Et encores cy-deuant plusieurs ont tenu, supposé que les lettres de declaration eussent esté obtenues & deuement verifiées : toutesfois que les parens demeurans au Comté de Flandre, Artois, Brabant, & pays dessusdits ne doiuent succeder és biens estans en France: parce qu'ils les estiment non Regnicoles, & les reputent Aubeins, au moyen de leur desobeissance: comme il a esté cy-dessus montré. Aussi qu'ils transporteroient l'or & l'argent hors de France és seigneuries esquelles le Roy n'est obey, qui seroit directement contreuenir aux Edicts & Ordonnances recitées au 30. chap. du present Traicté. Et admettent seulement à leurs successions, leurs parens naiz & demeurans en France, tout ainsi qu'à l'estranger naturalisé, comme il sera dit au 33. chapitre.

8
Ceux qui demeurent és Pays-bas ne doiuent succeder en France.

Ce qui a esté cy-dessus deduit, a esté cy deuant obserué & practiqué en la Chambre du Thresor; nonobstant le droict de souueraineté, & traicté de paix cy-dessus recitez: Et y a infinies sentences, par lesquelles apres verification sommairement faite à la requeste du Procureur du Roy, que le defunct estoit né en Flandre, Brabant, Artois, & lieux circonuoisins, les biens demeurez par son decez sont declarez appartenir au Roy tant par droict d'Aubeine que Desherence: mesmes pour les biens de feu Pierre Heulan, Jean Iulin & autres.

9
Cy deuant messieurs du Thresor ont reputé les habitans des Pays-bas Aubeins en France.

Neantmoins il semble raisonnable, que ceux qui sont natifs de Flandre & pays dessusdits demeurans & decedans en France, ne soient en temps de paix subiets au droict d'Aubeine, & que leurs parens non seulement demeurans en France, mais aussi ceux qui sont demeurans és Pays-bas denommez és Traicté de paix, leur peuuent & doiuent succeder en tous les biens estans en France, encores que les defuncts n'eussent obtenu lettres de declaration du Roy, comme non nécessaires. Pourueu que les Traicté de paix cy-dessus deduits soient entretenus és Pays-bas, & que les François demeurans au Royaume, terres, & seigneuries de l'obeissance du Roy librement succedent à leurs parens demeurans & decedans és pays de Flandre, Artois, Brabant, & seigneuries susdites: cōme on tient que librement ils y succedent, & qu'il n'y a point de droict d'Aubeine en Flandre & pays dessusdits. Ainsi qu'il fut plaidé en la Cour le vingt-septiesme Feurier mil cinq cens cinquante six. A ce que egalité soit gardée.

10
Raisons pour lesquelles il semble que les habitans des Pays-bas doiuent succeder en France.

& les traictez de paix obseruez. Ainsi a esté iugé par plusieurs Sentences & Arrests, mesmes depuis que lesdits Traictez ont esté par nous diuulguez, lesquels auparauant estoient incogneus à plusieurs, & à present on le doit ainsi obseruer.

11
Recit d'un
proces in-
tenté pour la
suceſſion
d'un Fla-
ment,

De faict Nicolas le Maire maistre tisserant à Paris, natif d'Estiolle près la ville d'Arras, du gouuernement de Doüay en Flandre, ayant longuement demeuré en France, acquis maison à Paris, & rentes sur l'Hostel de ville, avec plusieurs meubles. Estant decedé en l'an mil cinq cens soixante & quinze en la ville de Paris, sans aucuns enfans. Le Procureur du Roy au Thresor fait saisir les biens demeurez par son decez comme appartenans au Roy, tant par droict d'Aubeine que Desherence. Depuis le Roy en fait don à Yues de Francueil dit Meneton Valet de Chambre de la Royne Mere du Roy, & autres. Lesquels apres verifcation de leur don se font subroger au lieu & droict du Roy. A laquelle faisie Michel le Maire frere du defunct, natif & demurant au lieu d'Estiolle près Arras s'estant opposé, & comme heritier requis main-leuée de tous les biens demeurez par le decez du defunct, y a grosses procedures faites en la Chambre du Thresor, entre les donataires du Roy, & le frere du defunct, pretendans respectiuiement la succeſſion.

12
Raisons al-
leguées par
le frere du
defunct de-
mourant en
Flandre.

Le frere pour ses moyens disoit, que par les raisons cy-deuant alleguées il denioit le defunct estre estranger, & soustenoit qu'il estoit vray François, *iure & origine Gallus*, comme nay en pays auquel le Roy auoit droict, & qui legitiment luy appartenoit, quoy que ce soit, la souueraineté d'iceluy. Maintenoit que par les Traictez de paix cy-dessus recitez, tout droict d'Aubeine estoit prohibé, tollu, & osté pour le regard des Flamens & de ceux qui sont naiz és Pays-bas. Et que par les Traictez de paix est expressement porté, que les parens demeurans tant en Flandre & pays circonuoisins, que au Royaume de France, terres, & seigneuries de l'obeissance du Roy, deuoient reciproquement succeder les vns aux autres, sans aucun trouble ny empeschement: tout ainsi que s'ils estoient demeurés en mesme pays & sous mesme Seigneur. Qu'il estoit necessaire inuiolablement garder tels traictez, iurez & confirmez par les Roys de France, & verifiez és Cours souueraines du Royaume: autrement ce seroit occasion d'inimitié, & de guerre entre les Roys de France & d'Espagne, ce qu'il falloit du tout empeschier.

13
Que les
François
succedent
librement
en Flandre.

Et qui plus est, il mettoit en auant & offroit verifier, qu'au pays de Flandre & lieux circonuoisins, les François demeurans au Royaume de France, sont receuz à succeder à leurs parens demeurans és Pays-bas en tous biens, tant heritages anciens & patrimoniaux, que meubles & acquests, sans aucun trouble: sans que le droict d'Aubeine y ait aucunement lieu, pour le regard des François, & sans qu'il leur soit besoin d'aucunes lettres de declaration du Roy d'Espagne, & que des biens à eux aduenus par succeſſion ils peuuent librement disposer. Que selon tout droict & raison, parité & egalité doit estre gardée en France, comme dit la Loy *non tantum. ff. de reiudicata l. maximum vitium. Co. de liberis prateri*. Dauantage disoit qu'on ne pouuoit rien imputer aux habitans

14
Qu'on ne
peut rien
imputer aux
Flamens de
ce que à pre-
sent ils n'o-
beissent au
Roy de Frã-
ce.

du Pays bas, de ce que à present ils n'obeissent *de facto* au Roy de France, ains au Roy d'Espagne: attendu que l'obeyssance qu'ils font au Roy d'Espagne, n'est par leur faute ou coulpe, mais par le faict des predecesseurs Roys de France, qui les ont mis en l'obeyssance & subiection des predecesseurs du Roy d'Espagne, & leur ont commandé luy obeyr, & à les successeurs Comtes de Flandre: tellement que obeissans au Roy d'Espagne Comte de Flandre ils obeyssent au Roy de France, & font ce que les predecesseurs Roys leur ont commandé faire, ainsi qu'il sera amplement déclaré au chapitre subsequnt, à la lecture duquel pour ce regard, est besoin avoir recours. Joint que sa cause est fauorable, d'autant que la succession de son defunct frere luy est deferée, tant par droict diuin, qu'humain.

Au contraire les donataires du Roy disoient, que nonobstant les Traictez de paix cy dessus alleguez, il estoit necessaire aux Flamens & autres natifs des Pays bas, venans demeurer en France, prendre lettres de declaration du Roy, & ainsi se deuoient entendre les Traictez: attendu que depuis le Traicté de Madric les habitans des Pays bas n'obeyssioient au Roy de France, & ne le recognoissoient plus pour Seigneur: au contraire portoient les armes contre sa Maiesté. Partant estoit besoin qu'ils obtinsent lettres de declaration du Roy, par lesquelles de nouuel ils aduouiasent & recogneussent le Roy de France pour leur vray naturel & souverain seigneur. Et qu'en temps de guerre, par le moyen de telles lettres de declaration & verification d'icelles, on eust cognoissance des Flamens, & autres natifs des Pays bas demeurans en France. Et à faute d'obtenir du Roy lettres de declaration, ils estoient reputez Aubeins, comme il a esté cy dessus remonsté. Denioient que les François succedassent librement à leurs parens demeurans en Flandre & lieux circonuoisins: & s'ils estoient admis à leur succeder, c'estoit avec grande peine, & avec telle rigueur, qu'ils ne pouuoient vendre, aliener, ny aucunement disposer des biens qu'ils auoient eu par succession de leurs parens demeurans es pays susdits, fussent heritages anciens & patrimoniaux, ou acquests. Incontinent que la guerre estoit déclarée & ouuerte contre le Roy de France on faisoit tous lesdits biens, & le Roy d'Espagne en iouyssoit par forme de reprefailles. Et supposé que le droict d'Aubeine n'eust lieu en Flādre, toutesfoi on ne pouoit pas inferer qu'il ne deust estre practiqué au Royaume de France: lequel a ses loix & Statuts particuliers, selon lesquels il est regy & gouverné. Outre disoient, que quand il est question de quelques charges, ceux des Pays bas ne veulent recognoistre le Roy de France ny ses Officiers: aussi ne doiuent-ils estre recens à le recognoistre, quand il est question de leur profit particulier, & d'apprehender les biens demeurerez par le decez de leurs parens demeurans en France, afin de les vendre, & emporter les deniers hors du Royaume, contre les ordonnances Royaux, ainsi qu'il a esté cy deuant déclaré.

Finaleme[n]t Messieurs du Thresor, ayans esgard au faict mis en auant par le frere du defunct, ensemble aux Traictez de paix cy dessus alleguez, par leur sentence du vingt-septiesme Octobre cinq cens soixante & seize,

15
Raisons des
donataires
du Roy pre-
tendans la
succession du
defunct na-
tif de Flan-
dre.

16
Sentence de
Messieurs du
Thresor, sur
le different
cy dessus re-
cité.

ont ordonné avant que proceder au iugement diffinitif du procez, qu'il sera informé d'office dedans deux mois sur certains faicts resultans du procez, qui seront extraicts d'iceluy, pour l'information faicte & rapportée par deuers la Cour estre fait droit aux parties ainsi qu'il appartiendra par raison. Et cependant ont fait main-leuée au frere du defunct de tous & chacuns les biens tant meubles qu'immeubles situez en ce Royaume, qui furent & appartindrent au defunct, saisis à la requeste du Procureur du Roy au Thresor, & ce par maniere de prouision, en bail-lant bonne & suffisante caution de restituer les biens, s'il est dit en fin de cause que faire se doieue. A ceste fin a esté leuée la saisie & main-mise & tout autre empeschement, qui mis & opposé auoit esté sur les biens, & ordonné que les commissaires establis luy rendront compte & payeront le reliqua d'iceluy : lesquels en ce faisant en demeureront deschargez, les despens de l'instance reseruez en diffinitue.

17
*Arrest inter-
uenu sur la
sentence des-
susdite.*

De ceste sentence les parties ayans respectiuement appellé. Par arrest du vnziésme Mars mil cinq cens quatre vingts & vn : La Cour faisant droit sur l'appel interiecté par Michel le Maire, mit l'appellation & ce dont estoit appellé au neant, sans amende. Et emendant le iugement, fit main-leuée audit le Maire de tous & chacuns les biens meubles & immeubles delaissez par le trespas dudit feu Nicolas le Maire son frere. Ordonna que les commissaires establis au regime & gouuernement d'iceux, luy rendroient compte & payeroient le reliqua. Et faisant droit sur l'appel desdits Francueil & conforts, la Cour mit les parties hors de Cour & de procez. Condamna neantmoins iceux Francueil & conforts és despens, tant de la cause principale, depuis le iour qu'ils ont esté subrogez au procez, que de la cause d'appel.

18
*Pendant le
procez on
peut obtenir
lettres de de-
claration du
Roy.*

Et au cas susdit le frere du defunct eust bien fait, si pendant le procez, il eust obtenu lettres du Roy : Par lesquelles ledit Seigneur eust déclaré, qu'il n'estoit besoin au defunct obtenir aucunes lettres de naturalité ou autres, & qu'il luy estoit loisible de demeurer au Royaume de France comme originaire d'iceluy, vray & naturel subiect du Roy, sans estre subiect au droit d'Aubeine. Ainsi qu'il fut faict par les heritiers de feu Maistre Iean du Puis natif du pays de Cambresis, dont a esté parlé à la fin du septiesme chapitre.

19
*Arrest con-
tenant main-
leuee faite à
un habitant
d'Anuers
des biens es-
tans en
France.*

Ainsi Iean Gras Marchand demeurant à Anuers estant decédé en ceste ville de Paris, en icelle delaisié plusieurs bagues, pierreries, cedules, obligations, deniers comptans & meubles. Par sentence du Thresor du dernier Ianuier mil cinq cens quatre vingts & vn, tous les biens demeurez par le trespas dudit defunct Iean Gras estans adiugez au Roy par droit d'Aubeine & Desherence, Corneille de May vesue dudit Iean Gras demeurant à Anuers, Corneille Gras dit Norin, & Nicolas Vacquiau executeur du testament dudit defunt, ayans appellé de ceste sentence, releué leur appel en la Cour, en iceluy conclu comme en procez par escrit, avec Monsieur le Procureur General du Roy prenant la cause pour son Substitut au Thresor. Par arrest du cinquiesme Feurier, mil cinq cens quatre-vingts & deux, la Cour pour le regard de l'appel inter-

iecté de la sentence susdite mit l'appellation & ce dont estoit appellé au neant. Et emendant le iugement absout lesdits Corneille May, Corneille Gras, & Nicolas Tacquiau és noms qu'ils procedent, des demandes & conclusions dudit Seigneur Procureur General, ou de sondit Substitut au Thresor, pour raison de l'Aubeine pretendue sur les biens dudit defunct Iean Gras, fit main-leuée ausdits de May, Gras & Vacquiau, de tous & chacuns les deniers, bagues, pierreries, cedules, obligations, & autres meubles appartenans audit defunct Iean Gras, & qu'il auoit en ceste ville de Paris lors de son decez. Et ordonna que les commissaires, & gardiens s'aucuns auoient esté establis en feroient deliurance reelle & actuelle ausdits de May & consorts, en ce faisant en feroient & demeureroient deschargez. Et l'arrest susdit se trouuera au Greffe criminel de la Cour, commençant par ces mots, Entre Damoiselle Adrienne Thibaut. Et conuient noter que ledit Iean Gras estoit Marchand traffiquant en France, partant non subiect au droict d'Aubeine, comme il sera dit au 14. chapitre du present Traicté.

Dauantage Gilles l'Hermite Marchand demeurant à Anuers traffiquant en France, ayant delaisié en ceste ville de Paris en l'Hostellerie des quatre fils Edmon, sise rue de la Colsonnerie, plusieurs papiers, cedules, obligations, lettres & enseignemens, avec deniers comptans, le tout estant en vn coffre, ledit l'Hermite ayant esté submergé en mer, Par sentence de Messieurs du Thresor du May 1583. main-leuée fut faite de tous lesdits biens à Iacques de la Faille, & Iean l'Hermite tuteurs des enfans mineurs d'ans dudit defunct Gilles l'Hermite, en son viuant Marchand traffiquant en France, à la charge de ne transporter l'or & l'argent hors de France, suivant les Edits & ordonnances.

Oltre le Procureur du Roy au Thresor, ayant fait saisir & adiuger au Roy plusieurs pierreries, meubles, cedules & breuets, demeurez par le decez de defunct Simon Hazouard Marchand d'Anuers decedé en ceste ville de Paris, apres y auoir demeuré par quelquetemps. De ceste saisie & sentence d'adiudication y ayant appel par Simon Hazouard fils du defunct demeurant à Anuers. Par arrest donné en plaidoyrie le Ieudy dix-neufiesme Aueil mil cinq cens quatre vingts & quatre, fut ordonné, suivant le requisitoire de Messieurs les Gens du Roy, qu'il seroit informé d'office de l'vsance, & coustume obseruée à Anuers des biens des Marchands estrangers, & sçauoir s'ils sont subiets à Aubeine. Et cependant main-leuée fut baillée à l'appellant de tous les biens saisis, & sans que l'arrest portast qu'il deust bailler caution. Et le donataire du Roy m'a dit qu'il auoit trouué que à Anuers n'y auoit point de droict d'Aubeine.

Conformément à ce qui a esté cy deuant deduit, & aux arrests cy dessus recitez, Maistre Pierre Colé Notaire Royal, & Procureur au siege de Peronne, plus proche & habile à estre heritierr de defunct Maistre Pierre Colé en son viuant Chanoine de Senlis son cousin, natif d'Auancourt pays d'Artois, les biens duquel auoient esté saisis à la requeste du Procureur du Roy de Senlis, comme appartenans audit Seigneur par droict d'Aubeine, voulant obuier à circuit de procez, il se se-

20
Sentence du Thresor contenant main-leuée faite à un habitant d'Anuers de biens estans en France.

21
Arrest donné au profit d'un habitant d'Anuers.

22
Lettres patentes, & Arrests, par lesquels ceux d'Artois sont declarez Regnicoles.

roit retiré par deuers le Roy en son Conseil priué : auquel ayant fait apparoir des Traictez de paix cy dessus recitez, ensemble de sa parenté & consanguinité, auroit obtenu lettres patentes, par lesquelles le Roy l'auroit déclaré habile & capable de succeder audit defunt maistre Pierre Colé, natif d'Auancourt pays d'Artois son cousin, en tous & chacuns ses biens tant meubles qu'immeubles, sans que sur iceux on y puisse pretendre, ny demander droit d'Aubeine : tenant & reputant ledit defunt & Colé, auoir esté vray & naturel Regnicolé, comme natif & originaire du pays d'Artois : & par lesdites lettres a esté donnée audit Colé pleine & entiere main-leuée de tous & chacuns les biens du defunct : nonobstant la faisie & main-mise faite d'iceux biens, laquelle le Roy auroit leuée, & imposé silence à son Procureur General & ses Substituts. Et lettres susdites qui sont fort notables pour tous les habitans d'Artois, furent registrées en la Cour de Parlement ; ouy Monsieur le Procureur General du Roy, pour en iouyr par l'impetrant y denommé selon leur forme & teneur, le dixhuitiesme Feurier mil cinq cens soixante & dixhuit.

23
Sentence donnée au profit d'un habitant d'Artois.

Et qui plus est, le vingt-troisiesme Ianuier mil cinq cens soixante-dixneuf, fut donnée sentence par Messieurs du Thresor, par laquelle main-leuée fut faicte à Anne Gautier demeurante au pays d'Artois, des biens tant meubles qu'immeubles demeurez par le decez de defunt Maistre Nicole Gautier son frere, luy viuant Principal du College d'Arras fondé en l'Vniuersité de Paris, natif du Comté de Saint Paul pays d'Artois. Et par la mesme sentence fut ordonné que Maistre Pierre Lauquier Docteur en Theologie, executeur du testament du defunct, seroit saisi par an & iour des meubles demeurez par le decez du defunct pour l'accomplissement du testament, encores que le defunct qui auoit longuement demeuré & regenté en l'Vniuersité de Paris, n'eust obtenu aucunes lettres de declaration du Roy.

24
Sentence donnée au profit d'un habitant de Namur.

Il y a eu vne autre sentence donnée en la Chambre du Thresor le 24. Decembre mil cinq cens soixante-dixhuit, au profit des heritiers de feu Iean Hanon natif de Namur, demeurans audit Namur, fondée tant sur les Traictez de paix cy dessus recitez, que sur ce que ledit Hanon estoit Marchand, & venu en France pour trafiquer. Les causes & raisons de laquelle sont recitées au quatorziesme chapitre du present Traicté, lequel il conuient voir.

25
Les Flamens demeurans en France, auant le Traicté de Madric, ne doiuent estre reputés Aubeins.

Ce qui a esté cy dessus deduit, pour monstrier que les Flamens, & autres natifs du Pays bas, ne sont Aubeins, ny subiets à la Loy d'Aubeine, & que leurs parens, mesmes ceux qui sont demeurans en France, leur doiuent librement succeder, est fort considerable. Quand le defunct, *de cuius successionē agitur*, estoit nay lors que les Pays bas estoient encores en l'obeissance du Roy de France, & apparauant le Traicté de Madric, par lequel on pretend la souueraineté des Pays-bas contre droit & raison auoir esté quittée. Car on peut dire que *defunctus iure, origine & de facto verè Gallus erat*, estant nay en pays appartenant au Roy, & duquel lors de la naissance du defunct il iouissoit paisiblement, en sorte qu'estant venu demeurer en France, on ne le doit reputer Aubein, comme

nay

ay hors du Royaume, terres & Seigneuries estans hors l'obeissance du Roy. Et tout ainsi que, *originis iuri ac ciuitati renunciare nemo potest. l. 1. & l. origine. de municip. & orig. Cod. 10. l. in adoptionem. Cod. de adopt. Delictumque liberti aduersus patronum commissum liberis iā natis non nocet, nec ob patris ingratitude in seruitutem reuocantur. l. si manumissus. Cod. de libert. & cor. lib. Et calamitas qua post conceptionem vel partus editionem matri accidit liberorum conditioni obesse non debet. l. & seruorum. §. ingenui. ff. de sta. homi. l. emancipatum, in fi. ff. de Senatori.* Aussi le defunt Roy François premier du nom, sous ombre que par le traicté de Madric (outre deux millions d'escus d'or soleil payez pour sa rançon) par force a quitté les droicts, proprieté & seigneuries des Royaumes de Naples & de Sicile, l'Estat & Duché de Milan, Comté d'Ast, la souueraineté, ressort, pairie, feodalité, regale, & tous autres droicts qui luy appartenoient, és Comtez de Flandre, Artois, cité d'Arras, Tournay, Tournes, & autres lieux, n'a peu preiudicier à la condition de ceux qui auparauant estoient naiz és pais susdits, ny les faire Aubeins & estrangers du Royaume, veu qu'ils sont naiz en pais estans lors de leur naissance en l'obeissance du Roy, & sont venus demeurer en France, recognoissans le Roy pour leur vray naturel & souuerain Seigneur. Et ce conformément à la loy *Inuitus. ubi glossa, in verbo non est. ff. de fideicom. liber. Latè tractat Molineus in consuetudinibus Parisiensibus. §. 1. in verbo, penult. tertia questione.* Et y a grande difference entre celui qui volontairement se retire en pais estrange, & celui qui non volontairement est fait subiet d'autre Prince, comme au cas de present, ainsi qu'il fut plaidé en la Cour le 2. Ianuier 1578. pour vn Sauoyen nay au pais de Sauoye pendant que le Roy en iouissoit, lequel depuis la restitution faicte du pais estoit venu demeurer en la ville de Lyon: dont a esté parlé au 6. chapitre. Ioint que pour cognoistre si on est Regnicole ou Estranger, on a accoustumé regarder le lieu auquel on est nay, & si lors de la naissance le lieu estoit du Royaume de France, & obeissance du Roy, ou non. *l. ciues, de incol. & ubi quis do. Cod. lib. 10.* ainsi qu'il a esté amplement déclaré au premier chapitre du present Traicté.

26
Seigneuries
& droicts
quittés par
le Traicté de
Madric.

Et conformément à ce que dessus, le seiziesme Mars mil cinq cens cinquante huit, y eut sentence donnée par Messieurs du Tresor, par laquelle maistre Pierre Galland Principal de Boncourt, & maistre Pierre Gautier Principal du College d'Arras, tant comme executeurs du testament de feu maistre Iean Cousin, natif d'Artois, que comme legataires vniuersels du defunct, eurent main-leuée de tous les biens demeurez par son decez, encores qu'il n'eust obtenu lettres de declaration du Roy. D'autant que le defunt estoit nay auparauant le Traicté de Madric, & auparauant iceluy estoit venu demeurer en l'Vniuersité de Paris, en laquelle il auoit residé par 40. ans entiers.

27
Sentence du
Thresor pour
les biens
d'un Fla-
ment nay
auparauant
le traicté de
Madric.

Bien est vray, quand il y a guerre ouuerte entre le Roy de France, & le Roy Catholique, les Traictés cy dessus recitez ne sont obseruez. Et lors les Flamens, Hanoyers, & autres demeurans és pais dessusdits, iustement sont reputez estrangers, & les prend-on comme rebelles. Car comme dit est, *licet sint de Regno, tamen de facto non obediunt Principi no-*

28
Pendant les
guerres les
Flamens
sont estimez
Estrangers.

stro, portans les armes contre sa Majesté, & pro hostibus habentur.

29
Pendant les guerres le Roy fait saisir tous les biens des Flamens estans en France, & fait les fruits siens Arrest.

Pour ceste cause pendant le temps des guerres, le Roy fait saisir tous les fiefs, terres, Seigneuries, & heritages estans au dedans du Royaume de France, appartenans à tous Estrangers & rebelles. Mesmes aux Flamens, Hanoyers, & autres habitans des pays dessusdits: ensemble leurs offices & reuenu de leurs benefices. Et pendant le temps de guerre fait siens les fruits de tels heritages, offices & benefices par droict de Marque & de Reprélailles. Et est preferé à tous creanciers pour les fruits qui le recueillent pendant le temps de guerre, à l'exemple des Seigneurs fео-
daux, censiers, ou fonciers, qui sont preferéz à tous creanciers. *l. etiam. ff. qui pot. in pigno. hab. in veris, Ita tamen ut potior causa domino solis sit. si non solvatur ei solarium.* Ainsi qu'il fut plaidé en la Cour pour les terres du Comte d'Aiguemont assises au pais de Picardie, le Ieudy seiziesme May, 1560.

30
Pendant la guerre le Roy d'Espagne fait saisir les biens des François.

Et est ceste saisie iuste & raisonnable, d'autant que le Roy d'Espagne incontinent que la guerre est ouuerte, fait saisir tous les heritages appartenans aux François assis es Pais bas, & en temps de paix ne leur est permis de les aliener sinon avec grande peine & congé du Roy d'Espagne. Pareillement fait saisir le reuenu des offices & benefices, desquels les François sont pourueus. Pour ceste cause si pendant les guerres le pere, mere, ou frere d'un Flament ou Hanoyer demeurant en France, va de vie à trespas ayant biens au Royaume, le Roy se vendique la succession, & a accoustumé en faire don à qui bon luy semble: comme lors de la delation de l'heredité le Flament estant incapable d'icelle, ainsi qu'il fut plaidé en la Cour le 27. Feurier 1556. pour vn nommé de Bruges, la mere duquel nommée Marie de Melun estant decedée en France pendant les guerres, le Roy auoit fait don de ses biens à la Dame du Plessis. Et cest arrest est recité par Deluc *in titulo de statu hominum.*

31
Pendant les guerres le Roy se vendique les successions des parens des Flamens, & en fait don.

32
Pendant la guerre le Roy peut donner tous les meubles des Flamens, mesmes les rentes constituées nō realisées qu'ils ont en France.

Toutesfois par les Traictez de paix, on a accoustumé remettre chacun en ses droicts, terres & possessions, offices & benefices, & n'y a que les fruits qui demeurent à ceux qui les ont perceuz. De fait la recreance des biens de ceste succession fut adiugée à de Bruges fils d'icelle de Melun, lequel estoit natif de France, & s'estoit retiré en Flandre au moyen des grands biens qu'il y auoit: depuis estoit venu demeurer en France, où il s'estoit marié.

Conuient noter que pendant l'ouuerture de la guerre, le Roy fait siens, & peut librement disposer & donner, non seulement les fruits des heritages appartenans à ceux des Pais bas, ensemble les meubles qui leur appartiennent par deça, comme or & argent, marchandises, debtes actiues portées par cedulaes & breuets: mais aussi toutes choses reputées meubles, mesmes les rentes constituées qui leur appartiennent, lesquelles par les Coustumes n'estans realisées, sont reputées meubles, comme en la Coustume de Boulongne sur la mer, & autres: ainsi qu'il a esté iugé par arrest du septiesme Septembre mil cinq cens soixante & seize, donné entre Frederic de Vassloc, Seigneur de Bonnic, natif & demeurant en Flandre, appellant du Seneschal de Boulongne, d'une

part : & Guy du Carroüier, Seigneur de Borran, ayant pris le faict & cause pour Adrian de Fauverelle, & Anthoine Blondel Seigneur de Belle-brune, intimé d'autre : tellement que le Flament ou Hanoyer, auquel la rente appartenoit, n'est receuable en temps de paix, & apres la guerre cessée à demander payement & continuation de ceste rente, laquelle (comme dit est) par la Coustume n'estoit que simple meuble. Et sera fort bon que pendant l'ouuerture de la guerre, le donataire du Roy face en sorte, que le debteur rachapte la rente, ainsi que fit le Seigneur de Belle-brune, lequel pendant la guerre fit adiourner à son de trompe de Vvasloë, pour souffrir le rachapt des 80. liures de rente qui luy estoient deuës : receuoir le sort principal & arrerages d'icelle rente. Par vertu du defaut luy fut permis consigner au Greffe les deniers du rachapt, lesquels le Seigneur de Belle-brune, se fit incontinent adiuger comme donataire du Roy. Et l'Arrest dessusdit fut donné au profit du Seigneur de Borran, tant parce que le semblable auoit esté iugé par les Iuges de Malines, pour vne rente constituée non realisée, appartenant à vn François, laquelle fut adiugée au donataire du Roy Philippes. Aussi que par le dernier Traicté de paix, fait entre les Rois de France & d'Espagne, estoit porté par mots exprés, qu'on ne pourroit rentrer qu'aux heritages, rentes foncieres & viagères : & que les fruiets, ensemble les meubles demeureroient à ceux qui les auoient euz.

Pareillement pendant l'ouuerture de la guerre, il est permis à vn particulier, en vertu de lettres patentes, prendre vn Flament, Hanoyer, ou autre subiect du Roy Philippes trouué au Royaume de France, & le tenir prisonnier iusques à ce qu'il ait indemnifié le particulier de la rançon par luy payée, ou marchandise sur luy prise, & ce par droict de Represailles : ainsi qu'il fut plaidé en la Cour le 24. Iuillet 1561. pour vn marchand de Paris, qui auoit esté pris prisonnier en Flandre, & payé six mil florins de rançon, sauf au Flament son recours contre celuy qui auoit eu la rançon. Il y eut pareil plaidoyé fait en la Cour le 12. Iuillet 1558. pour vn escolier Allemant, estudiant à Orleans, constitué prisonnier pendant les guerres. Partant sera bon que les lettres de declaration, qui seront obtenües par ceux du Pais bas, portent que leurs biens ne seront subiects au droict de Represailles, lettres de Marque, ou contre-marque, comme il sera dit au dixiesme chapitre.

Aussi nonobstant les lettres de declaration & Traictes de paix dessusdits, quand vn Flament, Hanoyer, ou autre natif du Pais bas, est decedé en France sans enfans, le Procureur du Roy fait tousiours saisir, tant par droict d'Aubeine que Desherence, c'est à dire, faute d'heritiers : & ceux qui se pretendent heritiers, auparauant qu'obtenir main-leuée, doiuent verifiser leur naissance, parenté, & consanguinité, ainsi qu'il sera dit au 35. chapitre.

Quant à ceux qui sont natifs du Duché de Milan, aucuns les ont reputez Aubeins : Comme n'estans compris és Traictes de paix cy dessus transcripts : aussi que le Roy ne iouit à present dudit Duché. Et que les François ne sont admis à succeder à leurs parens demeurans au

33
Pendant les guerres on peut prendre vn Flament prisonnier par droict de Represailles.

34
Après le decez d'un Flament on saisit par desherence.

35
Pourquoy on estime les Milanois estrangers en France.

36
Arrest tou-
chant vn
Milanois
decedé en
France.

Duché de Milan: Et ont estimé que si vn Milanois vient demeurer en France, & y decede sans enfans naiz en loyal mariage au dedans du Royaume, que ses biens appartiendront au Roy par droit d'Aubeine. Ainsi que fut plaidé en la Cour de Parlement le 17. Mars 1551. pour les biens d'un nommé Hercules Milanois, qui auoit donné aux pauvres de Lyon neuf cens escus, qui luy estoient deuz par vn marchand de ceste ville de Paris. Et fut dit que par prouision la somme seroit mise es mains du Receueur de la ville de Paris.

Autre arrest
de ce que
dessus.

Aussi Denys de la Porte Milanois, ayant obtenu lettres de declaration du Roy, voulant estre receu maistre mercier en ceste ville de Paris: Sa reception fut empeschée par les maistres & gardes de la mercerie de ceste ville de Paris: d'autant qu'ils maintenoient qu'il estoit estranger, & que par leurs statuts il estoit defendu admettre estrangers à l'estat de maistre mercier en ceste ville. Et combien que Messieurs les Gens du Roy eussent requis qu'il fust receu maistre, à la charge de ne prendre apprentifs estrangers: La cause fut appointée au Conseil le Vendredy 26. Feurier 1579.

Et Estienne Reste Milanois demeurant à Lyon obtint semblables lettres de declaration du Roy, lesquelles furent verifiées en la Chambre des Comptes le 10. Mars 1564. & par deuant le Seneschal de Lyon le 5. May audit an.

37
Que les Mi-
lanois sont
François.

Toutesfois on peut iustement soustenir le contraire, & maintenir que ceux qui sont natifs de Milan, & viennent demeurer en France, sont vrais François, *iure & origine Galli*, tout ainsi que les Flamens. D'autant que le Duché de Milan legitimement & hereditairement appartient au Roy de France, & est le vray patrimoine de la Maison d'Orleans, à cause de Valentine fille de Iean Geleace premier Duc de Milan, laquelle l'an mil trois cens quatre vingts dixhuiet fut coniointe par mariage avec Louys Duc d'Orleans, fils du Roy Charles cinquieme: apporta en dot le Comté d'Ast avec vn million de liures: Desquels deniers furent achetez les Comtez de Blois, de Soissons, Beaumont, Coucy, & autres seigneuries. Et par le contract de mariage fut faicte promesse confirmée par le Pape, que la lignée des Vicomtes de Milan defaillant, le Duché de Milan appartiendrait à Valentine & aux siens. Iean Geleace deceda l'an mil quatre cens & deux, delaisa deux enfans masles: Asçauoir Iean Marie l'aîné, & Philippes Marie puisné: Iean Marie succeda à son pere au Duché de Milan, le gouerna neuf ans, & deceda sans enfans l'an mil quatre cens & vnze. A Iean Marie succeda Philippes Marie son frere, lequel n'ayant aucuns enfans legitimes & defaillant la lignée des Ducs de Milan en sa personne, le Duché appartint à Valentine, lors vefue du Duc d'Orleans, & apres elle à Charles Duc d'Orleans son fils, depuis à Louys douzieme Roy de France & Duc d'Orleans; duquel sont descendus nos Rois, lesquels ont longuement iouy dudit Duché, comme il est porté par les Chroniques, & qu'il

39
Le Roy ne
bailleroins

est notoire à chacun.

De faict le Roy voulant tousiours conseruer le droit qu'il a au Duché

de Milan, lequel est inalienable, ne baille point de lettres de naturalité aux originaires dudit Duché : mais simples lettres de declaration, qu'ils sont ses vrais & naturels subiets, & qu'il leur est loisible, & entant que besoin seroit leur permet demeurer, resider, & eux habiter au Royaume de France, terres & seigneuries de son obeissance: ainsi qu'il a esté cy devant dit de ceux de Flandre, Artois, & lieux circonuoilins, & qu'il sera amplement déclaré au dixiesme chapitre.

aux Milanois lettres de naturalité, ains de simple declaration.

Et ce que dessus fut amplement deduit en la cause plaidée en la Cour à huis clos, le Mercredy 29. Aoust 1584. Entre Messire Galeas de Birague Cheualier fils de feu Messire Francisque de Birague dit le Cheualier, frere aîné de feu Messire René Cardinal de Birague Chancelier de France, demandeur d'une part: Contre Messire Iacques d'Amboise Cheualier Comte d'Ambizoux, & Dame Françoisse de Birague fille dudit defunct Seigneur Chancelier, Marquise de Nesle, defendeurs d'autre. Le faict du procez estoit que le defunct Seigneur Chancelier, par son testament solennellement fait par deuant deux Notaires du Chastelet de Paris, apres quelques legs particuliers, auroit nommé son heritiere ladite Dame Françoisse de Birague sa fille, tant en ses meubles, que immeubles, debtes & creances. A la charge toutesfois que la terre d'Amboise, & quarte partie de la seigneurie de la Queuë seront vendus, & le prix procedant d'icelles, toutes debtes payées & acquitées, seroit mis es mains d'un notable marchand, pour en tirer profit & interest, duquel ladite Dame Marquise son heritiere iouyroit sa vie durant seulement. Et apres le decez de ladite Dame, ledit Seigneur testateur veut, que les deniers provenus desdites terres & Seigneuries, ensemble ce qui restera de ses debtes & creances (tout payé & acquité) tournent & viennent au profit dudit Seigneur Galeas de Birague son nepueu, & de ses enfans: dont il leur fait don pour les causes à plain déclarées audit Testament.

40
Cause concernant le testament de feu monsieur le Cardinal de Birague Chancelier de France

Le demandeur pour les moyens de sa demande, par laquelle il requeroit deliurance, ou plustost adiudication de son legs, alleguoit le Testament cy dessus recité & dabté: contenant la derniere volonté & disposition testamentaire du defunct. Seigneur Cardinal Birague.

Moyens du demandeur.

Pour defences contre ceste demande les defendeurs outre l'induction & suggestion du Testament, disoient: Que le demandeur estoit estrangier, natif du Duché de Milan hors l'obeissance du Roy de France: Qu'il estoit demeurant au Duché de Milan lors de la confession du testament duquel est question, lors du decez du defunct, lors de l'impetration des lettres de declaration qu'il pretend auoir obtenues du Roy: Et que encores à present il y est demeurant avec sa femme & famille. Conséquemment suiuant les loix, ordonnances, & statuts du Royaume, conformes à la disposition de droit commun, le demandeur estoit incapable des legs testamentaires à luy faits des biens situez en France. l. 1. §. secundo capite. ff. ad legem falcid. l. 1. C. de hered. instit. l. sed & si §. solemus ff. eodem.

Defenses des defendeurs pretendans le demandeur estre estrangier.

Aussi les defendeurs remonstrent que par la disposition de droit

testamentaire
ou legataire
doit estre
capable tri-
bus tempo-
ribus.

ciuil, vn heritier testamentaire, ou bien vn legataire doit estre capable d'accepter l'heredité qui luy est deferée, ou bien le legs qui luy est fait, *tribus temporibus: videlicet tempore testamenti facti, tempore mortis testatoris, & tempore aditionis hereditatis.* Ce qui n'est & n'a esté en la personne du demandeur par le moyen de sa naissance & demeurance. Partant qu'il deuoit estre debouté de ses conclusions. *l. si alienum seruum. ff. de heredib. institu. §. in extraneis, de hered. qualita. & differen. in Institutio. l. i. ff. de regu. Cat. nia.*

42
Fou Monsieur
le Cardinal
de Birague
auoit obtenu
lettres de de-
claration du
Roy.

Dauantage disoient que le defunct Seigneur Cardinal de Birague auoit obtenu lettres de declaration du Roy en forme de lettres de naturalité, tant pour luy, que pour ladite Dame Marquise sa fille natifue en Piedmont. Et que lesdites lettres dabrées de l'an 1566. auoient esté verifiées en la Chambre des Comptes, encores que le defunct fust nay au Duché de Milan lors que le Roy Louys XII. en iouyssoit paisiblement: & encores que le defunct eust esté Conseiller en la Cour de Parlement, pareillement Conseiller du Roy en son Conseil Priué & d'Estat, & depuis Chancelier de France. Et que par l'impetration desdites lettres le defunct paisiblement confessoit qu'il estoit estranger.

43
Il est prohibé transpor-
ter l'or &
l'argent hors
de France.

Outre les defendeurs alleguoient, que si le legs pretendu par le demandeur, qui consiste en deniers comptans, luy est adiugé: il transportera l'or & l'argent hors du Royaume de France, contre les ordonnances & statuts d'iceluy, conformes à la loy *non solum. C. de commer. & mercato.*

Repliques du
demandeur.

A ce respondoit le demandeur, qu'il estoit *iure, origine, & de facto Gallus*, non pas estranger. Et que le mot d'estranger ne se peut & ne doit estre adapté, sinon à celuy qui est nay en pays estrange, auquel le Roy n'a aucun droit, n'est & ne doit estre aucunement recogneu, comme il a esté dit au premier chapitre.

Que le de-
mandeur est
iure Gallus.

Diloit qu'il estoit *iure Gallus*, d'autant qu'il estoit nay en pais legitime-ment & hereditairement appartenant au Roy de France, ainsi qu'il a esté cy dessus clairement monsté.

Que le de-
mandeur est
origine
Gallus.

Soustenoit qu'il estoit *Gallus origine, siue paterna, siue naturali.* Parce que defunct Francisque de Birague dit le Cheualier pere du demandeur, estoit nay au Duché de Milan, lors que le Roy Louys douziesme iouyssoit paisiblement dudit Duché. Pareillement le demandeur estoit nay au dedans d'iceluy Duché de Milan qui appartenoit au Roy de France. Et pour le regard de l'origine naturelle & paternelle, est besoin voir le 29. chapitre du present Traicté.

Que le de-
mandeur est
de facto
Gallus.

Que le demandeur *de facto Gallus* esset, il estoit euident. D'autant que ses predecesseurs & luy auoient tousiours porté les armes pour les Rois de France, & volontairement souffert toute proscription & abandonnement de leurs biens & patrie, pour se retirer au party & seruice de nos Rois: Iusques à y auoir perdu le Chasteau de Cursac près la ville de Milan, qui auoit esté confisqué sur les predecesseurs du demandeur en la Chambre Imperiale, & le Chasteau d'Octobian, qui est de plus grande valeur, que n'est la succession du defunct Seigneur Cardinal de Bi-

rague. Et que les faits d'armes de ceux de la maison de Birague, pour le service des Rois de France, estoient assez notoires par les Annales & Chroniques de France, & par l'oraison funebre dudit defunct Seigneur Cardinal.

Et encores pouuoit-on dire que le demandeur estoit *spe verissimè Gal* Que le demandeur est *spe Gallus.*
lus. Pour l'esperance qu'on auoit que les Rois de France recouureront la iouissance des Duché de Milan & Comté d'Ast, qui legitiment leur appartiennent. Partant le demandeur soustenoit, que iustement on ne pouuoit dire qu'il fust estranger, ny pour ce regard alleguer incapacité en la personne.

Car encores que pour le General on voulust maintenir qu'il seroit necessaire à ceux qui sont natifs de Milan & viennent demeurer en France, obtenir lettres de declaration du Roy, selon la forme conceuë au 10. chapitre du present traicté: parce que le Roy ne iouyt à present du Duché de Milan. Toutesfois le demandeur soustenoit que pour son regard il ne luy estoit point besoin d'en obtenir, estant *non solum iure & origine, sed de facto*, François vray & naturel subiect du Roy, ayant tousiours porte les armes pour la Majesté & pour son service, ensemble les predecesseurs du demandeur, comme il est notoire. Et les lettres de declaration que tant le defunct Seigneur Cardinal, que le demandeur auoient obtenues n'estoient point necessaires, & auoient esté impetrees *ad maiorem cautelam* (comme on dit) *& ad tollendam omnem dubitationem, si qua esset.* 44
Ceux de la maison de Birague ont tousiours porté les armes pour les Rois de France.

Et supposé qu'en la personne du demandeur y eust quelque incapacité par le moyen de sa naissance & demeurance, cy deuant faite au Duché de Milan (ce qu'il denie formellement:) Toutesfois il suffisoit que ceste incapacité fust tollue, purgée, & ostée, au temps du decez du testateur, & que lors du trespas dudit defunct Seigneur Cardinal de Birague le demandeur fust trouué capable, laquelle capacité les defendeurs ne peuuent denier. Attendu que auparauant le decez dudit defunct Seigneur Cardinal & par son aduis, vouloir, & consentement le demandeur auoit obtenu lettres de declaration du Roy. Par lesquelles la Majesté l'auoit declaré son vray naturel subiect, que luy auoit esté & estoit loisible demeurer & resider au Royaume de France, d'y acquerir tant meubles que immeubles, & de iouyr des droicts, priuileges, & franchises, desquelles iouyssent les vrais subiects & originaires du Royaume. Lesquelles lettres auoient esté presentées à Messieurs des Comptes, le martin 24. Nouembre 1583. veille sainte Catherine, & ledit Seigneur Cardinal n'estoit decedé ledit iour que à l'heure de midy. Estant certain que *solo verbo perfecta est Principis gratia*, comme il sera amplement dit au 5. chapitre du droict de Desherence.

Et combien que suiuant les loix alleguées par les defendeurs il soit requis, que vn heritier testamentaire soit capable de l'heredité qui luy est delaissee par testament, és trois temps cottez par les defendeurs: qui sont le temps de la confection du testament, le temps du decez du testateur, & le temps de l'adition d'heredité. Neantmoins il suffit que le legataire soit capable du legs qui luy est fait, au temps du decez du te- 45
Il suffit que le legataire soit capable lors du decez du testateur.

testateur : encores qu'il fust capable lors de la confection du testament, selon le texte formel. *in l. 3. §. quando autem. ff. de iure fisci. l. si cognatis. §. ceterum ff. de rebus dubiis. notat expresse Paulus de Castro in l. 1. col. 6 ff. de regula Catonia.* comme il sera amplement traicté au 25. chapitre.

46
La capacité
du legataire
comme est
considérée es
legs faits
sous con-
dition.

Aussi disoit le demandeur, que la capacité requië en la personne du legataire, au temps du decez du defunct testateur, ne s'entend & n'a lieu sinon *in legatis puris, vel in diem certum conceptis*, non pas *in legatis in diem incertum relictis, vel sub conditione factis* : & qu'en ce cas il suffisoit que le legataire fust trouué capable d'accepter le legs qui luy estoit fait, *tempore quo dies legati cessit & venit : vel tempore quo conditio extitit*, selon le texte *in l. interuenit. ff. de lega. prestan. l. Catoniana & l. placet ff. de regu. Catonia. l. unica. §. sin. autem aliquid. C. de cadu. tollen. l. si dies. §. at si incerta. ff. quando dies lega. ced.*

Et de ce la raison est apparente. D'autant que auparauant l'euenement du iour incertain, ou bien de la condition incertaine, le legataire n'a au cune iouyssance des choses qui luy sont leguées, *l. cedere diem ff. de verbo significa. cum vulgaribus.*

Or au cas de present le demandeur maintenoit que le legs, qui luy auoit esté fait par le defunct Seigneur-Cardinal de Birague n'estoit pas present ny pur & simple, ny fait à certain iour : mais estoit fait à iour incertain, à sçauoir apres le decez de la Dame Marquise de Nesle.

Que les de-
fendeurs ne
sont receua-
bles à alle-
guer l'incapacité du de-
mandeur.

Consequemment que l'incapacité à present alleguée par les defendeurs n'estoit aucunement considerable, & ne pouuoit estre alleguée sinon apres le trespas de ladite Dame Marquise, laquelle deuoit iouyr sa vie durant de tous les biens demeurez par le decez dudit defunct Seigneur Chancelier son pere. En sorte que le demandeur à present ne requeroit pas deliurance & payement de son legs, mais declaration ou bien adiudication d'iceluy pour en iouyr apres le trespas de ladite Dame.

Parcillement le demandeur maintenoit que ladite Dame Marquise, qui estoit sa cousine germaine, n'estoit receuable à alleguer la pretenduë incapacité & obstacle de peregrinité. D'autant que le droit d'Aubeine appartenoit au Roy seul, estoit introduict en faueur de sa Majesté seulement, & non des parens, ausquels le droit d'Aubeine n'appartenoit, en faueur desquels il n'a esté introduit, & pour le regard desquels les droits de parenté & consanguinité, comme naturels sont indissolubles. *l. cum in adoptiuis. C. de adoptio. §. finali. de legiti. agnator. tut. in Institu.*

Raisons du
legs fait au
demandeur.

Response au
pretendu
transport de
l'or & ar-
gent hors de
France.

D'auantage le demandeur alleguoit que le legs dessusdit luy auoit esté fait par le defunct Seigneur Cardinal, tant en recognoissance des grands biens & aduances qu'il auoit receus par le moyen du Seigneur Francisque de Birague dit le Cheualier, son frere aisné, pere du demandeur, que pour conseruer son bien en la famille des Biragues : au moyen de ce que ladite Dame Françoise de Birague Comtesse de Nesle n'auoit aucuns enfans. Et le defunct, qui estoit versé es affaires d'Estat, entendoit tres-bien qu'il ne dispoit pas de ses biens en faueur d'une personne

inca-

incapable d'accepter le don & legs par luy fait. En sorte que les defendeurs alleguans incapacité en la personne du demandeur, font tort à la memoire du defunct, qui a tenu le premier degré en la Iustice du Royaume, ayant esté Chancelier de France.

Et pour satisfaire à l'obiet du transport des deniers hors du Royaume de France mis en auant par les defendeurs: le demandeur consentoit que la Seigneurie Damboile & quarte partie de la terre de la Queue ne fussent point vendües: & accordoit que defences luy fussent faictes de les vendre & aliener. Disoit qu'il estoit demeurant en France, auoit mandé sa femme & famille pour y venir perpetuellement demeurer. Et que le legs qui luy estoit fait *non erat presens legatum, sed collatum in tempus mortis* de ladite Dame Comtesse de Nesle. Apres le trespas de laquelle seulement, & non auparauant, il deuoit iouyr des choses qui luy auoient esté leguées. Tellement que l'obiet du transport de deniers hors de France n'estoit à present aucunement considerable.

Finalemēt au principal les parties ont esté appointées au Conseil, ordonné que respectiuelement elles articuleront leurs faits, & informeront d'iceux. Et sur la prouision que les parties mettront leurs pieces par deuers la Cour pour en ordonner. Quelque temps apres cest arrest, le demandeur estant decedé en ceste ville de Paris, les defendeurs ont transigé & amiablement accordé avec la vefue, & les tuteurs des enfans du defunct.

Pour resolution du contenu au present chapitre qui est de grande importance: est besoin dire, que le meilleur & plus seur est que ceux qui sont natifs de Flandre, d'Artois, & lieux denommez es Traictéz de paix cy deuant transcrits, ensemble du Duché de Milan, & viennent demeurer en France, obtiennent lettres de declaration du Roy selon la forme prescrite au dixiesme chapitre du present Traicté, & les facent verifier en la Chambre des Comptes. Combien que par les moyens cy deuant deduits, & mots exprés des Traictéz de paix cy dessus recitez, il semble que lescdites lettres de declaration ne sont necessaires, pour le regard de ceux qui sont denommez esdits Traictéz. Et que suiuant iceux ils doiuent succeder à leurs parens decedez en France en tous les biens estans dedans le Royaume, comme vray & legitimes heritiers: soit que lescdits heritiers demeurent en France, ou bien en Flandre, Artois, ou en aucun des lieux denommez esdits Traictéz. Attendu que les François sont admis à succeder à leurs parens decedez esdits lieux: Autrement l'equalité ne seroit gardée. Et ce lors qu'il y a paix entre le Roy de France, & le Roy Catholique, non pas en temps de guerre, auquel temps les lettres de declaration sont necessaires. Aussi ceux qui sont natifs des lieux denommez esdits Traictéz, encores qu'ils n'ayent obtenu lettres de declaration du Roy, peuuent suiuant la teneur desdits Traictéz tester, & par testament disposer de tous les biens qu'il ont en France, comme non sujets au droit d'Aubeine.

De faict au Code du Roy Henry troisieme Roy de France & de Pologne, liure sixiesme, tiltre neuuesme, est dit: Que le Roy Henry second

47
Arrest de la
cause du te-
stament de
feu Monsieur
le Chancel-
lier de Bi-
rague.

48
Resolution
du contenu
au present
chapitre.
Comme les
Flamens
peuvent suc-
ceder en
France, &
tester des
biens qu'ils
ont dedans
le Royau-
me.

par ses lettres patentes données à S. Germain en Laye, au mois de May mil cinq cens quarante neuf, a déclaré, Qu'il entendoit que les natifs originaires du Comté de Flandre peussent demeurer, resider & acquérir biens au Royaume de France, & d'iceux disposer sans auoir obtenu du Roy autre congé, licence, ne permission.

49
Que les Milanois ne peuvent succeder en France, ny tester des biens qu'ils ont en France.

Au regard de ceux qui sont natifs du Duché de Milan, & sont decez en France, sans auoir obtenu lettres de declaration du Roy, deuëment verifiées en la Chambre des Comptes: Il semble n'estre raisonnable que leurs parens leur succedent és biens estans en France. Attendu qu'ils ne sont compris és Traictez de paix cy dessus recitez, & que à present le Roy de France n'est aucunement recogneu au Duché de Milan. S'ils n'estoient venus demeurer en France auparauant que le Roy François premier eust quitté le Duché de Milan. De fait feu Monsieur le Chancelier de Pirague auoit obtenu lettres de declaration du Roy, tant pour luy, que pour Madame sa fille, lesquelles il auoit fait verifier en la Chambre des Comptes: Comme il a esté cy dessus amplement deduit. Aussi les Milanois ne peuvent tester des biens qu'ils ont en France, sans auoir obtenu lettres de declaration du Roy deuëment verifiées.

50
Arrest par lequel les habitans de Luxembourg peuvent succeder en France.

Et pour verifier ce que dessus il conuient noter, Que Maistre Pierre Mesnil Boursier & Regent au College de Nauarre de ceste ville de Paris, natif du Pays de Luxembourg, étant decedé en ceste ville de Paris, ses biens estans donnez par le Roy comme appartenans à sa Majesté par droict d'Aubeine. Pour raison de la succession du defunct, procez étant meü en la Chambre du Thresor, y ayant appel de quelque appointement: Par arrest prononcé le vingt-huictiesme May, mil cinq cens quatre vingts & huit, la Cour a euoqué l'instance pendante au Thresor, pour raison de la succession du defunct. Et y faisant droict, veües les productions des parties, a iugé ladite succession à Iean Meünil, & autres demeurans près Mesieres au Pays de Luxembourg, hors du Royaume de France, comme vrais & legitimes heritiers du defunct. Et a condamné les donataires du Roy rendre ausdits heritiers tous & chacuns les deniers, & autres biens qu'ils auoient euz & receuz de ladite succession, sans despens. Et cest arrest est totalement fondé sur les Traictez de paix cy deuant transcripts. Esquels les subiets, manans, & habitans du Duché de Luxembourg sont denommez.

51
Arrest par lequel les habitans du pays de Frise succedent en France.

Et conformément à cest arrest le dernier de Septembre mil cinq cens quatre vingts neuf, a esté donné autre & semblable arrest, au profit de Nicolas Gerard Brechberges Senateur de la ville Groeningue ville Capitale du Pays de Frise, és Pays du Roy d'Espagne: heritier vniuersel testamentaire de feu Gerad Brechberges en son viuant Marchand de ladite ville, son nepueu decedé en ceste ville de Paris, appellant des sentences d'adiudication des biens donnez par Messieurs du Thresor, faicte & vente desdits biens. Par lequel arrest en emendant les iugemens donnez par lesdits Seigneurs du Thresor: La Cour a fait main-leuée à l'appellant de tous & chacuns les biens meubles & immeubles delaissez par le decez & trespas dudit defunct Gerard Brechberges: Ordonné que les

Commissaires establis au regime & gouuernement d'iceux luy en rendront compte, & payeront le reliqua. Et a condanné les donataires du Roy vn seul & pour le tout, rendre & restituer à l'appellant les biens, cedulaes, & obligations qui leur auoient esté deliurées en consequence des sentences & iugemens donnez audit Thresor. Sans despens, & pour cause. Et audit arrest sont dabtez plusieurs arrests donnez en cas pareil, suivant les Traictez de paix cy dessus recitez. Ensemble les enquestes par lesquelles est verifié que és Pays bas n'y a poinct droict d'Aubeine.

Aussi le dernier Mars mil cinq cens quatre vingts & dix, y eut arrest par lequel apres enqueste faicte d'office, que és Pays-bas on ne prati-

52
Arrest par lequel ceux de Gand succedent en France.

QUE LES HABITANS DV COMTE' DE BOVRGONGNE ne sont reputez Aubeins au Royaume de France: Mesmes au Duché de Bourgongne.

- | | |
|---|---|
| <p>1 Quel Comté de Bourgongne est de toute antiquité mouuant de la Couronne de France.</p> <p>2 Diuision des Duché & Comté de Bourgogne.</p> <p>3 Union des Duché & Comté de Bourgogne.</p> <p>4 Pourquoi les habitans du Comté de Bourgogne ne doiuent estre reputez Aubeins en France.</p> <p>5 Pourquoi à present les habitans du Comté de Bourgogne sont reputez Aubeins.</p> <p>6 Remonstrances des Estats de Bourgogne pour empescher le droict d'Aubeine, qu'on vouloit introduire au Duché.</p> | <p>7 Les François succedent librement en la Franche-Comté.</p> <p>8 Raisons pour lesquelles le droict d'Aubeine ne doit estre introduict au Duché de Bourgogne.</p> <p>9 Pourquoi les habitans du Comté de Bourgogne ne doiuent estre reputez Aubeins, au dedans du Duché de Bourgogne.</p> <p>10 Sentence du Thresor pour la succession d'un homme natif du Comté de Bourgogne.</p> <p>11 Lettres de declaration obtenues par aucuns natifs de la Franche Comté.</p> <p>12 Les habitans du Comté de Bourgogne ne sont subiets au droict d'Aubeine.</p> |
|---|---|

CHAPITRE IX.

¹
Que le Com-
te de Bour-
gongne est
de toute an-
tiquité mou-
uant de la
Couronne de
France.



VANT au Comté de Bourgongne, il est certain qu'ancien-
nement il estoit des dependances du Royaume de
France : & fut premierement conquis par Clouis premier
Roy Chrestien, qui en expulsa Gondebaut Roy de Bour-
gongne, qui auoit occis Odefille oncle de Clotilde fem-
me de Clouis. Et ce Comté & autres pays circonuoisins,
furent baillez par Clouis à Sigismond fils de Gondebaut, à la charge de
l'hommage, & de certain tribut annuel enuers les Roys de France. Et
Sigismond s'estant reuolté fut pris prisonnier, & mené à Orleans, où il
deceda. Et peu de temps apres le frere de Sigismond fut desconfit par le
Roy Clotaire, qui iouyt paisiblement de toute la Bourgongne. Et de-
puis Clotaire aussi Roy de France II. du nom, vnit toute la Bourgongne
à la Couronne de France, & y establit Gouverneurs qu'on appelloit Ma-
jeurs d'Estat. Ce qui fut continué par Pepin, Charlemagne & Louys
Debonnaire. Et Charles le Chauue donna tout le Pays de Bourgongne à
Bosso son beaufrere, à la charge de l'hommage enuers les Roys de Fran-
ce. Depuis par accord fait avec Bosso les Duché & Comté de Bourgon-
gne furent diuisez, le Comté delaislé à Bosso, & le Duché retenu par
les Roys de France, qui le donnerent à Richard fils de Theodoric Com-
te d'Authun.

²
Diuision des
Duché &
Comté de
Bourgon-
gne.

Quelque temps apres la propriété du Duché de Bourgongne ayât esté
donnée à Robert Roy de France, il en inuelt Robert son second fils,
duquel sont descendus douze Ducs de Bourgogne de la lignée de France.
Le troisieme desquels acquist droict au Comté de Bourgongne : & par
accord delaisla la seigneurie vile du Comté, au Duc de Sauoye, à la
charge d'en faire la foy & hommage aux successeurs Ducs de Bourgon-
gne, comme le Comté estant fief mouuant du Duché de Bourgongne,
& arriere-fief de la Couronne de France.

³
Vnion des
Duché &
Comté de
Bourgogne.

Aussi Othelin Comte de Bourgongne, ayant donné le Comté à Phi-
lippes le Bel, au moyen de la saisie feodale faite de ce Comté par Robert
Duc de Bourgongne, le Comté fut baillé à Philippes le Long second fils
de Philippes le Bel, qui espousa la fille d'Othelin, à la charge de faire la
foy au Duc de Bourgongne. Et depuis Philippes le Long estant Roy de
France, bailla le Comté à Eudes Duc de Bourgongne, qui espousa la fille
de Philippes le Long : par ce moyen les Duché & Comté furent vnis.

Et Philippes dernier Duc & Comte de Bourgongne, estant decédé
sans hoirs masles, les Duché & Comté appartindrent au Roy Iean, &
Louys Comte de Flandre, descendu à cause de sa mere de la maison
de Bourgongne, s'estant emparé du Comté de Bourgongne. Pour com-
poser le different qui estoit entre le Roy Iean & le Comte de Flandre,
le Duché de Bourgongne fut baillé en mariage à Philippes le Hardy
fils du Roy Iean, qui espousa la fille du Comte de Flandre : par ce moyen
fut Duc & Comte de Bourgongne. Et ont ses successeurs tousiours

iouy des Duché & Comté iusques à Charles, qui mourut à Nancy : lequel n'ayant laissé qu'une fille, le Roy Louys vnziesme fit saisir les Duché & Comté de Bourgongne, comme retournez à la Couronne de France par faute d'hoirs mâles. Et depuis Charles huietiesme, estant sur son partement du voyage de Naples, delaisa le Comté au Roy d'Espagne pere de l'Empereur Charles le quint, à la charge de l'hommage.

Tellement qu'on peut facilement cognoistre, que les habitans du Comté de Bourgongne, ne doiuent estre censez Aubeins ny estrangers du Royaume de France, ains vrais & naturels subiets du Roy. Car ce mot d'Aubein, emporte autant qu'Estranger: & ne peuuent estre dits ne nommez Aubeins, sinon ceux qui sont hors de la dition & domination du Roy, comme il a esté dit au premier chapitre. Et si on iugeoit ceux du Comté de Bourgongne Aubeins, taiblement on exclurroit le Roy de tout le droict, soit de propriété, soit de souveraineté qui luy appartient au Comté de Bourgogne. Aussi ceux du Comté estans compris és trois Traitez de paix faits entre les Roys François premier du nom, & Charles le Quint Empereur, Henry deuxiesme du nom, & Philippes Roy Catholique, recitez au precedent chapitre, on ne peut vrayement dire qu'ils soient Aubeins.

Toutesfois parce que le Roy ne iouyt à present du Comté de Bourgogne, vulgairement appellé Franche-Comté, & que les habitans du pais, *licet sint de Regno, tamen de facto non obediunt Regi nostro*, & ne recognoissent aucunement le Roy de France: aussi que le seigneur du Comté de Bourgogne s'est substraict du serment de fidelité & prestation d'hommage qu'il doit au Roy de France, ne le voulant recognoistre pour son seigneur souverain & feodal, & de son auctorité priuée s'est attribué le droict de souveraineté: On a doubté si à present on doit reputer les habitans de la Franche-Comté, Aubeins & Estrangers, ainsi que ceux de Flandre, Artois, Brabant, & seigneuries circonuoisines. De faict au commencement du regne du Roy Henry second du nom, y eut lettres patentes decernees pour introduire le droict d'Aubeine, pour le regard des habitans de la Franche-Comté & faire saisir les heritages & immeubles qui leur appartennoient au Royaume de France, mesmes au dedans du Duché de Bourgogne, comme subiets au droict d'Aubeine, & empescher qu'ils peussent succeder en France.

Mais les trois Estats du pais de Bourgongne enuoyerent par deuers le Roy Henry certains personages par eux deputez, qui remonstrerent à sa Maiesté ce qui a esté cy-dessus deduit: Que declarant les habitans de la Franche-Comté Aubeins, taiblement il declaroit & confessoit n'auoir aucun droict en la Franche-Comté, soit de propriété, soit de souveraineté, & que le delaisement fait par le Roy Charles huietiesme, du Comté de Bourgogne à Philippes Roy d'Espagne, pere de l'Empereur Charles le Quint, ne pouuoit preiudicier à ses successeurs Roys de France. Que par plusieurs ordonnances enregistrées tant en la Cour de Parlement de Paris, que de Dijon, estoit dit: qu'en France il n'y auoit lieu d'Aubeine pour le regard des habitans de la Franche-Comté, mesmes y

4
Raisons
pour les-
quelles les
habitans du
Comté de
Bourgogne
ne doiuent
estre repu-
tez Aubeins
en France.

5
Pourquoy
les habitans
du Comté
de Bourgo-
gne sont à
present re-
putez Au-
beins en
France.

6
Remonstran-
ces des Estats
de Bourgo-
gne, pour
empescher
le droict
d'Aubeine
qu'on vou-
loit intro-
duire en la
Duché.
Ordonnan-
ces par les-
quelles les
habitans du
Comté de
Bourgogne
ne sont su-
iets au droict
d'Aubeine.

auoit ordonnance du Roy Louys II. enregistrée en la Cour de Parlement de Paris, en l'an mil quatre cens quatre-vingts & deux, par laquelle estoit porté, que ceux du Comté de Bourgogne sont comme naturels au Royaume de France, ont pleine liberté d'y contracter & negocier, & peuuent apprehender toutes hereditéz & successions qui leur aduenient en France, sans crainte d'Aubeine. Que pareille ordonnance & declaration auoit esté faite par le Roy François premier du nom, par lettres patentes du 2. Aueil 1526. enregistrées & verifiées en la Cour de Parlement de Dijon.

*Arrests confirmatifs
desdictes ordonnances.*

Aussi remontrerent qu'il auoit esté iugé au Conseil priué du Roy, que les biens demeurez par le decez de feu Thibaut Chaaton, natif du Comté de Bourgogne, n'estoient subiets au droit d'Aubeine. Et que le semblable auoit esté iugé au grand Conseil pour la succession de Listenois, de laquelle le Procureur du Roy vouloit exclure les vrais heritiers, qui estoient demeurans en la Franche-Comté. Plus disoient, ainsi auoir esté iugé au Parlement de Dijon, pour la succession du feu Seigneur de Raubeuf, adiugée au premier President du Comté de Bourgogne, nommé des Bartes.

7
Les François succèdent librement en la Franche-Comté.

Et tout ainsi que les habitans de la Franche-Comté estoient admis en France à apprehender les successions qui leur estoient deferées: aussi les François pouuoient librement apprehender les biens & successions de leurs parens, qui estoient demeurans & decedez en la Franche-Comté: ainsi qu'il auoit esté iugé au profit de Reconet heritier institué par le testament de Damoiselle Marche de Reconet demeurant à Salins. Et au Conseil priué de l'Empereur Charles le Quint, tenu à Gand au mois de May 1540. il fut iugé pour Dame Anne de Chateau-villain, qu'elle estoit receuable à demander par retraict lignager la Seigneurie Doigny assise au Comté de Bourgogne, encores qu'elle demeurait en France, & qu'on pretendist qu'elle fust incapable d'intenter l'action de retraict, comme pretendüe estrangere, d'autant qu'elle residoit en France.

8
Raisons pertinentes pour lesquelles le droit d'Aubeine ne doit estre introduit au Duché de Bourgogne.

Dauantage les deputez remontrerent, que depuis Eudes Duc de Bourgogne, qui espousa la fille de Philippes le Long, Roy de France, les Duché & Comté de Bourgogne auoient tousiours appartenu à mesme Seigneur, iusques au decez de Charles qui mourut à Nancy: que c'estoit vn mesme pays contigu l'vn à l'autre, de mesme habitude de gens, de mesme langage, de mesmes mœurs: que les habitans de l'vn & l'autre pays estoient en telle amitié les vns avec les autres, qu'il n'y auoit bonne maison au Duché de Bourgogne, qui n'eust alliance avec ceux du Comté: & reciproquement n'y auoit maison au Comté, qui n'eust alliance au Duché. Qu'une infinité de femmes vefues demeurans au Duché de Bourgogne, auoient leurs assignations & dotations de mariages sur heritages assis en la Franche-Comté: le domaine de plusieurs Eglises assises au Duché, estoit au dedans de la Franche-Comté: les fiefs, terres & Seigneuries d'une bonne partie de Gentils-hommes demeurans au Duché, estoient assis en la Franche-Comté: & les habitans du Duché, tiennent au Comté de Bourgogne plus de cent mil liures de rente tous les ans. Au

contraire ceux du Comté ne tiennent point dix mil liures de rente au dedans du Duché. Et si le Roy faisoit saisir les biens & heritages assis en France, appartenans aux habitans du Comté, le Roy Philippes feroit pareillement saisir les biens & heritages appartenans à ceux du Duché, assis au dedans du Comté: en quoy le Roy & ses subiets auroient grande perte & dommage.

A ce qu'on obijce, que ceux du Comté de Bourgogne de faict n'obeyssent au Roy de France: les Deputez des trois Estats respondoient, qu'en temps de guerre ceux des Duché & Comté de Bourgogne, ne font aucune incursion ny faict d'hostilité les vns sur les autres: traffiquent & negocient les vns avec les autres, tant en temps de paix que de guerre. Partant n'estoient semblables à ceux des Pays-bas. Et ne pouuoit-on dire qu'ils fussent desobeyssans au Roy de France, par leur faute ou coulpe, mais par le faict des Roys de France, mesme du Roy Charles huietiesme qui volontairement les auoit mis en l'obeyssance & subiection de Philippes Roy d'Espagne, Pere de l'Empereur Charles le Quint, & ayeul du Roy Catholique, lors qu'il entreprit son voyage de Naple, en l'an mil quatre cens quatre vingts douze. Combien qu'apres le decez de Charles dernier Duc & Comte de Bourgogne, les habitans du Comté se fussent volontairement mis en l'obeyssance & subiection du Roy Louys vnziesme, le recognoissans pour leur vray & naturel seigneur, en sorte qu'on ne leur pouuoit rien imputer. Et l'obeyssance qu'à present ils font au Roy Catholique, n'estoit desobeyssance au Roy de France, ains vraye obeyssance: d'autant que ses predecesseurs les ayans mis en la subiection des predecesseurs du Roy Catholique, ils leur auoient commandé luy obeyr.

Et combien que par les moyens cy dessus deduits, plusieurs ayent estimé que les habitans du Comté de Bourgogne, n'estans reputez Aubains, doiuent paisiblement iouyr des biens & heritages, qui leur appartiennent assis au dedans du Royaume de France: mesmes apprehender les biens & successions de leurs parens demeurans & decedez en France: de faict que les lettres obtenues du Roy Henry, pour declarer ceux de la Franche-Comté Aubains, ne furent verifiées & ne sortirent effect.

Toutes-fois on pourroit dire que les priuileges d'exemption du droict d'Aubeine, octroyez aux habitans de la Franche-Comté de Bourgogne, ne se doiuent entendre sinon des biens & heritages situez au dedans du Duché de Bourgogne, non pas les estendre en tout le Royaume de France, pays, terres & Seigneuries de l'obeyssance du Roy. Tellement que les habitans du Comté de Bourgogne, doiuent paisiblement iouyr des biens & heritages qui leur appartiennent, & cy-apres appartiendront, situez au dedans du Duché de Bourgogne, prendre & apprehender les biens & successions qui leur seront deferées en & au dedans du Duché. Comme reciproquement ceux du Duché de Bourgogne, doiuent iouyr des heritages qui leur appartiennent & cy-apres appartiendront, situez au dedans du Comté de Bourgogne, prendre & apprehender les biens & successions qui

Raisons par lesquelles les habitans du Comté de Bourgogne ne doiuent estre reputez Aubains au dedans du Duché de Bourgogne.

Raison de ce que dessus.

leur seront deferées en & au dedans du Comté.

Et tout ainsi qu'un habitant du Duché de Bourgogne, ne sera admis à succeder à un sien parent demeurant au Royaume d'Espagne, ny à posseder heritages au dedans des Espagnes: ains les biens & succession du defunct seront subiets au droit d'Aubeine, & d'iceux le Roy des Espagnes, Comte de Bourgogne, s'emparera, & les vendiquera par droit d'Aubeine: Aussi un habitant du Comté de Bourgogne, ne doit estre admis à succeder à un sien parent demeurant en la ville de Paris, ou autre endroit du Royaume de France, hors du Duché de Bourgogne: ains la succession du defunct sera adiugée au Roy par droit d'Aubeine, & ainsi a esté quelquesfois iugé en la Chambre du Thresor.

10
*Sentence du
Thresor
pour la suc-
cession d'un
homme na-
tif du Com-
té de Bour-
gogne.*

11
*Lettres de
declaration
obtenues
par aucuns
natifs de la
Franche-
Comté.*

De faict le dernier Aoust 1556. y eut sentence donnée par Messieurs du Thresor, par laquelle les biens de feu Maistre Jean Nyuerd Prestre, natif de Conliege au Comté de Bourgogne, furent declarez appartenir au Roy par droit d'Aubeine, & les parens du defunct demeurans à Conliege deboutez de la main-leuée par eux requise.

Partant aucuns sont d'aduis que si un homme qui est nay au Comté de Bourgogne, veut venir demeurer en France, & s'habituer au dedans du Royaume, ailleurs qu'en la Duché de Bourgogne, le meilleur & plus seur est qu'il obtienne lettres de declaration du Roy, tout ainsi que ceux des Pays-bas, selon la forme recitée au prochain chapitre, & face verifier les lettres en la Chambre des Cōptes. Ainsi que fit Damoiselle Philippes de Maigny natifue de Noyon le Saulnier, pays de la Franche-Comté, vefue de feu Maistre Jean Camelin en son viuant Secrétaire du feu Empereur Charles le Quint, demeurant és faux-bourgs Saint Germain des Prez: & les lettres par elle obtenues furent verifiées en la Chambre des Comptes, le vingt-septiesme Iuin mil cinq cens soixante & quinze. Laquelle ayant testé, & par testament disposé de tous les biens qu'elle auoit en France, main-leuée en fut faite au legataire vniuersel, par sentence donnée par Messieurs du Thresor, le dernier Iuillet mil cinq cens soixante & seize, combien que le Roy en eust fait don à deux Gentilshommes de sa maison. Aussi defunct Maistre Pierre de Pardeffus Conseiller en la Cour de Parlement, & Chanoine en l'Eglise nostre Dame de Paris, natif de la ville de Rochefort au Comté de Bourgogne, obtint avec Guy de Pardeffus son frere, demeurant au Duché de Bourgogne, lettres de declaration du Roy verifiées en la Chambre des Comptes. Et ledit de Pardeffus estant decédé, main-leuée fut faicte audit Guy de Pardeffus de tous & chacuns les biens, tant meubles que immeubles estans en ce Royaume, delaillez par le trespas dudit defunct son frere: pour en iouyr par luy, comme heritier & plus proche à succeder, le tout iuiuant le testament du defunct. En ce faisant fut ordonné que les Commissaires establis ausdits biens luy rendroient compte, & payeroiēt le reliqua d'iceluy: Et ce par sentence du Thresor du dix-huictiesme Iuin mil cinq cens quatre-vingts & cinq.

Toutesfois estant porté par les Traictez de paix recitez au chapitre precedent, que le droit d'Aubeine n'a point de lieu, pour le regard des subiets,

iets, manans & habitans du Comté de Bourgogne: Il semble que ceux qui sont natifs dudit Comté, & demeurent en France, encores qu'ils n'ayent obtenu lettres de declaration du Roy deuëment verifiées, peuvent tester, & par Testament disposer de tous les biens qu'ils ont au dedans du Royaume, & que leurs parens leur peuvent succeder ab intestat, en tous les biens estans en France: Soit que lesdits parens demeurent au Comté de Bourgogne, ou au Royaume de France. En sorte que les lettres de declaration ne sont point necessaires, mais on les obtient pour plus grande seureté & pour s'en ayder en temps de guerre, comme il a esté dit au chapitre precedent de ceux qui sont natifs en Flandre, Artois, & autres lieux denommez esdits Traictez. Ce qui est raisonnable, attendu que le François est admis à succeder à ses parens demeurans au Comté de Bourgogne es biens estans au dedans dudit Comté.

12
Que les habitans du Comté de Bourgogne ne sont subiects au droict d'Aubeine.

FORME DES LETTRES DE DECLARATION,
que les Flamens, Milanois, & ceux du Comté de Bourgogne demeurans en France ont accoustumé obtenir du Roy.

CHAPITRE X.



ENRY PAR LA GRACE DE DIEV, ROY DE FRANCE & de Nauarre, A tous ceux qui ces presentes lettres verront, salut. Receu auons l'humble supplication de nostre cher & bien aymé maistre tel natif de la ville de Doiiay au Comté de Flandre. Contenant qu'il y a dix ans ou environ qu'il s'est retiré en nostre Royaume, & demeure en iceluy, y ayant par son trauail acquis quelques biens, en ferme propos & deliberation de tousiours demeurer & resider en iceluy nostre Royaume, & y finir le reste de ses iours, comme nostre vray & naturel subiect. Estant le Comté de Flandre de l'ancien patrimoine & Domaine de la Couronne de France. Toutesfois parce qu'à present le Comté & Seigneurie de Flandre est possédé par autre que nous, & que les habitans dudit Comté ne nous obeissent: il craint qu'on le voulust prendre Aubcin & Estranger, & les biens tant par luy acquis, que ceux qu'il pourra cy-apres acquerir, nous appartenir par droict d'Aubeine, le troubler en la iouissance d'iceux, & apres son trespas en frustrer ses heritiers, & autres ausquels il pourroit en auoir disposé: si par nous ne luy estoit sur ce pourueu, tres-humblement nous suppliant luy octroyer nos lettres de declaration & prouision à ce necessaires. Pource est-il que nous ces choses considerées, & pour autres bonnes, iustes & raisonnables causes à ce nous mouuans, auons de nostre certaine science, pleine puissance & auctorité Royale, dit & déclaré, disons & declarons, que nous auons tousiours entendu & entendons, que les natifs & originaires du Comté de Flandre ayent esté, & soient tenus, censez & reputez nos vrays & naturels subiects, & tels les auons tenus & reputez, tenons & reputons. Partant voulons & nous

Lettres de declaration que les Flamens & Milanois ont accoustumé obtenir du Roy.

plaist, que le suppliant natif du Comté de Flandre, comme nostre naturel subiet, ait peu & puisse demeurer en nostre Royaume, pays, terres & seigneuries de nostre obeyssance, iouyr des priuileges, franchises, libertez, immunitiez, prerogatiues & droicts desquels iouyssent les autres vrais subiets & originaires de nostre Royaume: y tenir offices & benefices, auoir & posseder tous & chacuns les biens, meubles & immeubles, qu'il y a ja acquis, & pourra cy-apres acquerir par contractz entre vifs, successions, legs testamentaires, ou autrement, en quelque sorte que ce soit. Et d'iceux iouyr & vser, en ordonner & disposer par Testament & ordonnance de derniere volonté, donation entre vifs, & autrement, ainsi que bon luy semblera. Et qu'apres son trespas ses parens & heritiers luy puissent succeder, prendre, & apprehender ses biens & succession, tout ainsi que des originaires de nostre Royaume. Aussi qu'il puisse succeder à ses parens, sans qu'au suppliant ny à ses heritiers, ou ceux en faueur desquels il aura disposé de ses biens, soit fait aucun trouble, destourbier, ou empeschement, ny que nos Officiers sous ombre que ne iouyssons à present du Comté de Flandre, puissent pretendre lesdits biens estre subiets au droict d'Aubeine: & sans qu'en temps de guerre le suppliant ny ses biens soient subiets à aucun droict de Represailles, Marque, ny Contre-marque, sous ombre des statuts & Ordonnances de nostre Royaume: ausquels de grace speciale, pleine puillance & auctorité Royale, auons derogé & derogeons par ces presentes.

Si donnons en mandement à nos amez & feaux les Gens de nos Comptes, Thresoriers generaux de France, Conseillers de nostre Chambre du Thresor, & tous autres nos Iusticiers & Officiers qu'il appartiendra, que de nostre presente declaration, permission, vouloir & intention, ils fassent, souffrent & laissent le suppliant iouyr & vser plainement & paisiblement: cessans & faisans cesser tous troubles & empeschemens contraires. Car tel est nostre plaisir, nonobstant comme dessus, & les Ordonnances & Statuts faits cōtre les Estrangers, restrictions, mandemens & defences à ce contraires. En tesmoin de ce nous auons fait mettre nostre seal à ces presentes. Donnée à Paris le, &c. & de nostre regne le, &c. Ainsi signé, Par le Roy, De Neufuille. Et sur le reply desdites lettres est escrit: Expediées & enregistrees en la Chambre des Comptes du Roy nostre Sire, au liure des Chartres de ce temps, moyennant la somme de six escus d'or soleil payée par ledit impetrant, qui conuertis ont esté en aumosnes. Pourueu toutesfois que ses heritiers soient Regnicoles, le, &c.

L'ESTRANGER ENCORES QV'IL SOIT OFFICIER Royal, beneficié, ou marié en France, & y ait longuement demeuré, est subiect à la loy d'Aubeine.

1 Les estrangers officiers ou Beneficiez en France par le moyen de leurs offices ou benefices ne sont naturalisez. 2 L'estranger ne peut estre naturalisé sans obtenir lettres de naturalité du Roy.

CHAPITRE XI.



Le droict d'Aubeine est si estroitement gardé en France, encores que l'Estranger ait offices ou benefices au Royaume de France, fust-il Euesque, Abbé ou Prieur, voire Officier domestique de la Maison du Roy, & pourueu es plus grands estats du Royaume, au faict des armes ou de la Iustice: toutesfois par le moyen de tels offices ou benefices, il n'est naturalisé ny fait originaire de France, ny citoyen d'aucune ville du Royaume: non plus que celuy qui a demeuré au Royaume, par dix, vingt, trente, quarante, cinquante ans, & plus: ny que celuy qui a contracté mariage en France, & y est demeurât. Tellement que decedant au Royaume testat ou intestat, ses biens appartiendront au Roy, par droict d'Aubeine, s'il n'a enfans naiz en loyal mariage au dedans du Royaume de France, & y demeurans, comme il sera dit au 32. chapitre. De faict feu Monsieur le Chancelier de Birague natif de Milan, auoit obtenu lettres de declaration du Roy verifiées en la Chambre des Comptes, comme il a esté dit au huitiesme chapitre.

1 Les estrangers Officiers ou Beneficiez en France, par le moyen de leurs offices ou benefices, ne sont naturalisez.

La raison est, *quia ius ciuitatis siue indigenatus, nec dignitate nec tempore, id est longissima habitatione nec matrimonio acquiritur, sed origine, aut principis rescripto tantum. Et antequam peregrinus Francigena efficiatur, vel ciuis alicuius ciuitatis, necesse est ut ius togæ Romanæ à principe accipiat, id est principis beneficio Regni iure donetur, vel princeps ius alicuius ciuitatis ei largiatur. l. sed si accepto usu togæ Romanæ. ff. de iure fisci l. ciues. l. senatores, de incol. & ubi quis domicil. C. l. 10. l. origine, de municip. & orig. C. l. 10. Nicolaus Boërius Decisione 13. col. 18.* Mesmement que par les Ordonnances Royaux, & disposition de droict commun, les Estrangers ne doiuent tenir offices ny benefices en France, comme il sera montré au quinziésme chapitre.

Raisonde ceque dessus.

Et tout ainsi que la donation n'est vallable & ne doit sortir effect, si le donateur n'a présenté, & le donataire accepté l'offre à luy faite: aussi l'Estranger ne peut estre dit citoyen de France, si le Roy ne luy a donné lettres de naturalité, les ait acceptées & deuëment fait verifier en la Châbre des Cōptes. Car encores que les lettres eussent esté liberalemēt octroyées & accordées par le Roy à l'Estranger: toutesfois si elles n'ont esté acceptées par l'Estranger, il n'a perdu le droict de sa cité naturelle, non plus que celuy qui s'est aduoié d'un autre Prince souuerain, lequel l'a refusé. D'autant qu'entre le Prince & le subiect, il y a obligation mutuelle,

2 L'Estranger ne peut estre naturalisé sans obtenir lettres de naturalité du Roy.

Ampliation
de ce que
dessus.

tout ainsi qu'entre le seigneur feodal & le vassal, laquelle obligation ne se peut contracter sinon par mutuel consentement: ainsi qu'il a esté disputé *inter Brutum & Scauolam de Consule Mancino Numantinis dedito, & ab eis non recepto*. Partant la seule habitation & demeure ne peut faire l'Estranger citoyen d'aucune ville de France, & est besoin qu'il obtienne lettres du Roy, sans lesquelles il ne peut dire qu'il soit aduouié du Prince. *l. ult. ff. de legatio. l. postliminiy. §. si. ff. de cap. Cic. in Topic. Imò verò* supposé que les Estrangers tenans offices & benefices en France, ayent obtenu permission du Roy, de tenir benefices ou offices, (comme il est necessaire de l'obtenir) & que les permissions soient portées par leurs prouisions, ou bien separément octroyées: Neantmoins sous ombre de telles permissions, ils ne sont pas naturalisez, & ne doiuent iouyr du priuilege des naturalisez: parce qu'auparauant qu'un Estranger soit naturalisé, *id est*, soit fait originaire de France, ou citoyen d'aucune ville du Royaume, il est necessaire qu'il ait obtenu lettres de naturalité du Roy, que les lettres soient verifiées en la Chambre des Comptes, & que pour ce regard il ait payé finance au Roy, comme il sera dit au 24. chapitre.

Raison de
l'amplia-
tion dessus
dite.

Et telles permissions n'emportent sinon congé de tenir offices ou benefices dedans le Royaume, & *ultra non extenduntur. Cùm priuilegia sint stricti iuris, nec extendi possint de re ad rem, nec de persona ad personam: cap. ne aliqui. & cap. cùm personæ de priuileg in sexto. Et huiusmodi extranei sibi imputare debent, quòd principis beneficium spreuerint*, comme dit la loy, *veluti. ff. de bono. possess. l. fin. §. sin autem aliquis. Cod. de iure delib.* Et ainsi se pratique ordinairement en la Chambre du Thresor.

L'ESTRANGER, OSTAGE, MESSAGER, OV
simple Passager, est subiect au droict d'Aubeine, & non les Ambassadeurs estans en France. Aussi celuy qui est demeurant hors de France, est subiect à la loy d'Aubeine pour les biens par luy acquis en France.

- 1 L'estranger, Ostage, ou Viateur subiect à la loy d'Aubeine.
- 2 Sçauoir si les Ambassadeurs estans en France sont subiects à

la loy d'Aubeine.

- 3 L'estranger demeurant hors de France qui acquiert en France est subiect à la loy d'Aubeine.

CHAPITRE XII.

L'estranger,
Ostage ou
Viateur
subiect à la
loy d'Au-
beine.



Areillement l'Estranger encores qu'il soit simple Viateur & Passager, ou bien Ostage, ou simple Messager, si est ce qu'il est subiect à la loy d'Aubeine. Et decedant en France, les biens qu'il aura au dedans le Royaume, appartiendront au Roy par droict d'Aubeine, sans que les parens y ayent aucun droict. *Quia ius Albinatus inconcussum & inuiolabile est in Gallia*: & tout Estranger y est subiect, sans aucun excepter, comme dit Chassaneus és Coustumes de Bourgogne, *titulo, Des confiscations. §. 1.*

Et pour le regard des Ostages, y a texte exprès in l. *Diuus Commodus*, in *verbis obsidum bona* ff. de iur. fisci. in l. *obside*. ff. de testament.

Et quant au Viateur & Passager, il fut iugé par arrest donné en plaidoyrie le 17. Mars 1551. pour vn nommé le Vicomte Hercules Italien, sans que tels Ostages, Viateurs ou Messagers puissent aucunement tester de leurs biens estans en France, comme il sera déclaré au 18. chapitre.

Et combien que les Ambassadeurs estans en France, ayent plusieurs priuileges, préeminences & franchises notoires & vulgaires, *imò verò Legati sancti habeantur*, comme dit la loy finale. ff. de legatio. l. *sanctum* ff. de rer. diuis. & que *eorum corpora non solum inter sociorum iura, sed inter hostium tela sacrosancta sint*. Neantmoins aucuns ont estimé les biens des Ambassadeurs estans en France, estre subiets au droict d'Aubeine, comme leurs priuileges ne concernans que leurs personnes & biens, pendant leur vie, & non apres leur decez, apres lequel & non plustost, le droict d'Aubeine a lieu, comme il sera dit au prochain chapitre. Et pour iustifier leur opinion, alleguent le texte, in l. *legatus creatus*. & in l. *Paulus respondit*. §. *finali*. ff. de legatio. Cù il est dit que les Ambassadeurs ne peuuent acquérir in ea prouincia, in qua legatione funguntur. Et maintenant la loy qui à latronibus. §. *item qui* ff. de iustam. n'estre obseruée en France: non plus que l'authentique, *Omnes peregrini*. Aussi alleguent vn Arrest donné en l'Audience le 10. Septembre 1555. pour les biens de l'Archeuesque Darmacan Ambassadeur Escossois enuoyé en France par le Pape, lequel Arrest est recité & amplement déclaré au 18. chapitre du present Traicté, à la lecture duquel est besoyn auoir recours.

2
Sçauoir si les Ambassadeurs estans en France son subiets à la loy d'Aubeine.

Toutesfois attendu les priuileges notoires des Ambassadeurs, aussi que l'Archeuesque Darmacan n'estoit Ambassadeur en France, mais enuoyé par nostre saint Pere, pour faire quelques remonstrances, pour le faict de la religion, & que par l'Arrest sùddit le testament par luy fait fut confirmé & déclaré vallable: n'estime que les Ambassadeurs estans en France, ne sont ny de leur viuant, ny leurs biens apres leurs decez, subiets à la loy d'Aubeine: ains les Ambassadeurs peuuent librement tester, & les biens demeurez par leur decez, doiuent estre conseruez à leurs heritiers, donataires ou legataires.

Aussi aucuns ont estimé, mesmes Papon en son troisieme Notaire, liure 6. à la fin du chapitre des lettres de naturalité, seiziesme notable, que les biens acquis en France par l'estranger, qui n'a aucunement residé en France, & n'y est decedé, ne sont subiets au droict d'Aubeine: parce qu'il ne sont acquis des deniers de France, & pour autres raisons alleguées, qu'il conuient voir. Mais on peut iustement soustenir le contraire. Car encores que par ordonnance, statut, ou coustume, il ne soit prohibé à l'estranger acquerir biens en France, par contrats faits entre vifs, & d'iceux iouyr pendant sa vie: Toutesfois les biens acquis par l'estranger soit qu'il demeure en France, ou hors de France, sont subiets au droict d'Aubeine: en sorte que l'estranger n'en pourra aucunement disposer par testament, ou donation pour cause de mort, ny les transferer à son he-

3
L'estranger demeurant hors de France qui acquiert en France est subiect à la loy d'Aubeine.

ritiers *ab intestat*, soit que ledit heritier soit nay & demeurant en France, ou bien demeure hors de France. Ains lesdits biens par le decez dudit estrangier appartiendront au Roy par droict d'Aubeine. Comme ce droict estant general concernant tous estrangers decedans, ayans biens en France. Ou bien lesdits biens appartiendront au Roy, par droict de Desherence, faute d'heritiers capables de succeder en France à vn estrangier demeurant hors de France. Autrement l'estrangier demeurant hors le Royaume, seroit de meilleure condition, que l'estrangier residant en France, lequel porte partie des charges, subsides, & tribut de la cité, en laquelle il est demeurant. Neantmoins l'estrangier de son viuant pourra eschanger & donner entre vifs les biens par luy acquis en France. La raison de la diuersité est, que les testamens & successions sont de droict ciuil & les contractz sont de droict des gens; comme il est traicté és dixseptiesme & vingt-troisiesme chapitre du present discours. Ainsi a esté aduisé par les Anciens Aduocats de la Cour. Si c'estoit vne debte contractée par vn Marchand estrangier, elle seroit conseruée à l'estrangier, encores qu'il demeurast hors de France, comme il sera deduit au quatorziesme chapitre.

LES ESTRANGERS, ENCORES QV'ILS SOIENT Docteurs, Principaux de Colleges, ou Escholiers estudians és Vniuersitez de France, sont subiects au droict d'Aubeine, & non les Capitaines & soldats estrangers.

- | | |
|---|--|
| <p>1 Les Escholiers, Docteurs & autres Supposts des Vniuersitez, natifs hors de France, sont subiects à la loy d'Aubeine.</p> <p>2 Sentence des biens d'un Escholier estrangier demeurant en l'Vniuersité de Paris.</p> | <p>3 Les Escholiers pendant les guerres ne sont subiects au droict de Reprises.</p> <p>4 Si les Capitaines & soldats estrangers s'ont subiects à la loy d'Aubeine.</p> <p>5 Lettres patentes concernans les gens de guerre estrangers.</p> |
|---|--|

CHAPITRE XIII.

Les Escholiers, Docteurs & autres Supposts des Vniuersitez natifs hors de France sont subiects à la loy d'Aubeine.



T qui plus est, encores que par la disposition de droict commun, constitution des Empereurs, ordonnances & Edicts des Roys de France, soient donnez plusieurs priuileges, franchises, & immunitiez aux Escholiers estudians és Vniuersitez, declarez en l'authentique, *habita C. ne filius pro patre*. Toutesfois les Escholiers, Docteurs, Licenciez, Bacheliers, Maistres és Arts, & autres Supposts des Vniuersitez estrangers, & natifs hors du Royaume de France, terres & seigneuries n'estans de l'obeyssance du Roy, sont subiects au droict d'Aubeine: Et par leur decez les biens qu'ils ont dedans le Royaume de France, & principalement les heritages qu'ils ont acquis en iceluy, appartiennent

au Roy : soit qu'ils decedent intestats, ou facent testament : comme dit la glose de la Pragmaticque sanction, *in §. quoties. in verbo libertus, titulo de collationibus*, laquelle recite les priuileges octroyez aux Escholiers estudiants és Vniuersitez. Et ainsi se pratique ordinairement en la ville de Paris, tant pour le regard des Lecteurs du Roy, Principaux des Colleges, Escholiers, qu'autres supposts de l'Vniuersité. Et a esté par plusieurs fois iugé en la Chambre du Thresor : mesmes pour les biens de feu Maistre Jean Nyuer decedé au College de Bourgogne, les biens duquel furent adiugez au Roy par sentence donnée en la Chambre du Thresor le dernier iour d'Aoust, mil cinq cens cinquante six, & ses parens demeurans au village de Côtiegue près saint Claude deboutez de la main-leuée par eux requise. Combien que *Petrus Rebuffus in tractatu de Scholasticis priuilegiis*, soit d'aduis contraire. Aussi qu'on puisse dire, tout ainsi que les Marchands traffiquans en France ne sont subiets à la Loy d'Aubeine (comme il sera déclaré au prochain chapitre:) Semblablement que les Maistres és Arts, Escholiers, & Lecteurs publics n'y doiuent estre subiets: estans venus à Paris, *tanquam ad mercaturam & emporium disciplinarum omnium & artium*.

2
Sentence des biens d'un Escholier estranger demeurant en l'Vniuersité de Paris.

La raison pour laquelle les biens dessusdits sont subiets au droict d'Aubeine est : d'autant que tous les priuileges octroyez aux Vniuersitez concernent les personnes des Escholiers & leurs biens pendant leur vie. Et le droict d'Aubeine n'a lieu, & ne se perçoit sinon apres le decez de l'Aubein, & estranger, *qui liber vivit, sed seruus moritur*, comme il sera dit au 17. chapitre.

Raison de ce qui dessus.

Neantmoins il est certain que les Escholiers pendant les guerres, ne sont subiets au droict de Represailles, ny aux proclamations generale-ment faites de se retirer hors du Royaume, pendant les guerres. Ainsi qu'il fut plaidé en la Cour le douziesme Iuillet, mil cinq cens cinquante-huict, pour vn Escholier Allemand, estudiant en l'Vniuersité d'Orleans, prins prisonnier par vn Gentil-homme demeurant près de Gyen, le frere duquel auoit esté prins en guerre par le frere de l'Escholier.

3
Les Escholiers pendant les guerres ne sont subiets au droict de Represailles.

Aussi plusieurs sont d'aduis que les Capitaines, soldats & autres gens de guerre Estrangers venus au seruice du Roy pour le faict de ses guerres, sont subiets à la loy d'Aubeine, & decedans en France, encores qu'ils n'y soient demeurans, ny residens pour demeure perpetuelle, leurs biens estans dedans le Royaume appartiennent au Roy par droict d'Aubeine. Et qu'ainsi se pratique ordinairement, si le Roy n'en fait don à leurs parens, Capitaines & compagnons. Comme il fut amplement deduit en la cause de Ludouic de Ban Alleman, plaidée en la Cour le premier iour de Decembre, mil cinq cens cinquante deux. Et maintenant que le Capitaine soldat qui vient au seruice du Roy, moyennant la soulde qui luy est payée, doit estre plustost subiet à la Loy d'Aubeine decedant au Royaume, que non pas le Docteur ou Escholier estranger, lequel combien qu'il soit grandement priuilegié, & *sit miles celestis*, y est subiet, comme il a esté cy dessus mon-
stré : Toutesfois par lettres patentes du Roy François premier,

4
Sçauoir si les Capitaines & soldats estrangers sont subiets à la loy d'Aubeine.

Lettres patentes concernans les gens de guerre estrangers.

decernées sur le faict de la gendarmerie, ensemble des hommes d'armes, publiées en la Connestablie & Marschallée de France le treziesme Feurier, mil cinq cens trente quatre, article quatriesme est porté, Que le Roy permet à ceux qui sont bastards, ou estrangers, encores qu'ils n'ayent obtenu lettres de legitimacion, ne congé de tester de luy, ny de ses predecesseurs: que neantmoins ils puissent disposer de leurs biens, & que leurs heritiers leur puissent succeder. Combien qu'il soit certain, que le Bastard non legitimé ne peut auoir heritier en France, encores qu'il puisse librement tester. Aussi soit notoire que l'estranger non naturalisé ne peut tester, ny auoir heritier en France, comme il sera cy apres amplement déclaré. Mais lescdites lettres n'ont esté verifiées en la Cour de Parlement.

QUE LES BIENS DES MARCHANDS ESTRANGERS venans és foires ne sont subiects au droit d'Aubeine. Avec les priuileges octroyez aux Marchands frequentans les Foires de Lyon, & Arrests sur ce donnez.

- | | |
|---|---|
| <p>1 Sçauoir si les deniers comptans, rentes, & heritages des Marchands estrangers sont subiects au droit d'Aubeine.</p> <p>2 Sçauoir si les marchandises des estrangers trafiquans en France, sont subiects à la loy d'Aubeine.</p> <p>3 Sentence & Arrest que le droit d'Aubeine n'a lieu és Marchands trafiquans en France.</p> <p>4 Comme anciennement se pratiquoient & entendoient les priuileges octroyez aux Marchands frequen-</p> | <p>tans les Foires de Lyon.</p> <p>5 Teneur des lettres obtenues par les Marchands frequentans les Foires de Lyon.</p> <p>6 Verification desdites lettres, avec la modification.</p> <p>7 Autres lettres obtenues par les Marchands frequentans les Foires de Lyon.</p> <p>8 Ordonnances du Roy Louys vnziesme touchant les Marchands estrangers.</p> <p>9 Priuileges des Marchands frequentans les Foires de Lyon.</p> |
|---|---|

CHAPITRE XIII.

Sçauoir si les deniers comptans, rentes, & heritages des Marchands estrangers sont subiects au droit d'Aubeine.



V regard des Marchands estrangers faisans train & traffic de Marchandise en France, soit en Foires ou hors Foires: combien qu'ils soient grandement fauorables, à cause du commerce, utile & necessaire pour la manutention de tous Royaumes: Toutesfois aucuns ont estimé que s'ils decedent en France, les deniers comptans qu'ils ont en France, & les rentes & heritages qu'ils ont acquis au Royaume appartiennent au Roy par droit d'Aubeine, sans que leurs enfans & heritiers y puissent pretendre aucun droit, ny par testament ils en puissent disposer. Parce que comme il sera dit au 30. chapitre, il n'est permis transporter l'or & l'argent hors le Royaume. Pour ceste cause quand vn Marchand estranger demeurant hors le Royaume, apres le trespas de

de son débiteur demande payement d'une somme de deniers, & qu'il en fait poursuite en la Chambre du Thresor, il donne à entendre qu'il veut conuertir & employer en marchandise la somme qui luy est deuë pour & à son profit. A ce qu'on ne luy obijce le transport des deniers hors de France. Et vn Marchand de ceste ville, cō me procureur & ayant charge dudit estrangier, est receuable à faire ladite poursuite contre le Procureur du Roy au Thresor & autres parties, donnant à entendre qu'il veut conuertir les deniers qui sont deuz en achapt de marchandise.

Pareillement on pourroit dire, que les marchandises qu'ils auront fait amener en France appartiendront au Roy par droit d'Aubeine, s'il n'y a priuileges exprés octroyez aux Foires, esquelles les marchandises auront esté amenées, qu'elles ne seront subiectes au droit d'Aubeine, ains conseruées aux heritiers des marchands estrangers, encores qu'ils decedent en France. Car les immunitéz, franchises, & priuileges generally octroyez aux foires & marchez, ne sont suffisans pour tollir le droit d'Aubeine, si en iceux n'est faite mention expresse du droit d'Aubeine. D'autant que tels priuileges concernent seulement les impositions & tributs, qui se leuent sur les marchandises, non pas le droit d'Aubeine, qui est domanial & inuiolablement gardé en France, comme dit a esté au chapitre precedent. Et si est besoin que tels priuileges soient verifiez en la Cour de Parlement, comme le droit d'Aubeine estant domanial.

Sçauoir si les marchandises des estrangers traffiquans en France sont subiectes à la loy d'Aubeine.

Toutesfois si ce que dessus estoit obserué en France, il seroit trouué fort rigoureux, & pourroit destourner plusieurs Marchands Estrangers de traffiquer au Royaume. Pour ceste cause & plusieurs autres, a esté iugé par Messieurs du Thresor, que le droit d'Aubeine n'a lieu es biens meubles d'un marchand estrangier, lequel est venu en France pour y traffiquer, & y est decédé.

De faict Iean Hanon Marchand demeurant à Namur, estant venu en ceste ville de Paris pour traffiquer, ayant apporté lettres de banque, avec plusieurs cedules & obligations, & estant decédé en ceste ville rue saint Denys: par sentence du Thresor du 24. Decembre 1578. confirmée par Arrest du 27. Iuin 1579. main-leuée fut faite aux heritiers dudit defunct Hanon, demeurant à Namur, de tous & chacuns les deniers, cedules, obligations, & autres meubles demeurez par le decez du defunct, estans en ceste ville de Paris, saisis à la requeste du Procureur du Roy au Thresor. Auquel procez, suivant la sentence interlocutoire donnée entre les parties, les heritiers auoient verifié, que quand vn François, ou autre marchand estrangier decédé en la ville de Namur, ses biens sont rendus à ses heritiers, sans qu'il y ait lieu d'Aubeine. Et les deux Sentences furent données au rapport de Monsieur Arroger Conseiller au Thresor. Il y a plusieurs Sentences & Arrests semblables à la Sentence cy dessus dabrée, qui sont recitez au huietieme chapitre, lequel il conuient voir.

Sentence & Arrest que le droit d'Aubeine n'a lieu es marchands traffiquans en France.

Aussi la question cy dessus recitée a esté plusieurs fois plaidée en la Cour de Parlement, pour les marchands frequentans les foires de Lyon. Mesmes le dernier Mars 1559. pour la succession de defunct Pan-

Comme anciennement

Je prie.
 quoyent &
 entendoient
 les privilè-
 ges octroyez
 aux mar-
 chands fre-
 quentans les
 foires de
 Lyon.

dolphy, marchand Florentin, principalement pour les deniers estans és Banques de Lyon, appartenans au defunct. Et lors Messieurs les Gens du Roy furent d'accord, que par les privileges octroyez aux marchands frequentans les foires de Lyon, il n'y auoit point lieu d'Aubeine, és deniers estans és Banques de Lyon, pour le regard des Estrangers, qui ne faisoient aucune demeure ny residence en France, & frequentoient seulement les foires, les deniers desquels estoient conseruez à leurs heritiers & ne pouuoient librement tester d'iceux. Et pour ce regard on allegue vn arrest de Milles Perret, qui estoit demeurant à Auignon, lequel auoit des deniers en la banque de Lyon, qui furent conseruez à ses heritiers.

Mais lesdits Seigneurs Gens du Roy soustindrent, qu'il y auoit lieu d'Aubeine és deniers estans és banques de Lyon, pour le regard des Estrangers qui auoient leur domicile en France, & y estoient demeurans, *quia erant incola Regni.* De faict par prouision la succession de Pandolphy fut adiugée au Roy, par arrest donné en plaidoyrie, le dernier Mars 1569. d'autant qu'il estoit demeurant en France: aussi qu'il auoit obtenu lettres de naturalité du Roy, par le moyen desquelles il auoit reconnu le Roy pour son souverain Seigneur, & s'estoit submis aux loix du Royaume: par lesquelles suivant la clause portée par la verification de ses lettres, il ne pouuoit auoir autres heritiers sinon Regnicoles: c'est à dire de ses parens naiz & demeurans au Royaume de France: *quibus desuientibus Re. succedit*, comme il sera dict au 24. chapitre. Semblable question fut plaidée à la Cour le 17. Mars, 1551.

Je prie des
 lettres der-
 nièrement
 obtenues par
 les marchands
 frequentans
 les foires de
 Lyon.

Depuis les marchands frequentans les foires de Lyon, voulans oster toute difficulté, & pour leur regard entièrement abolir le droit d'Aubeine, ils ont obtenu Edict & Declaratiō du Roy Charles IX. par lequel il a déclaré, qu'ils & chacun d'eux habitez, demeurans, allans, venans, ou frequentans les foires de Lyon, iouissent & vsent des privileges, franchises, libertez, pouvoirs & auctoritez qui leur appartiennent, & leur ont esté concedez par les predecesseurs Roys de France, ores qu'ils facent leur continuelle residence en la ville de Lyon: & sans que les lettres de naturalité, qu'ils auroient eues, ou pourroient auoir & obtenir à l'aduenir, leur peussent nuire & preiudicier, ny qu'apres leur decez les deniers, cedules, debtes, & biens meubles quelconques, ny pareillement leurs rentes constituées en quelque lieu du Royaume que ce fust, peussent estre pretendues par les Officiers du Roy, ny par autres, competer & appartenir au Roy par droit d'Aubeine: ains leurs heritiers, ou autres, auxquels ils en auroient disposé, encores qu'ils ne fussent Regnicoles, y pourroient succeder, & les prendre & apprehender. Et ceste Declaration a esté verifiée en la Cour de Parlement le 4. Feurier 1572. pour en iouir par les impetrans par forme de privilege & benefice gratuit, tant & si longuement qu'il plaira au Roy, & sans y comprendre les immeubles & rentes constituées, lesquelles en ce regard la Cour a déclaré estre immeubles, suivant les conclusions de Monsieur le Procureur General du Roy. Et depuis les Marchands frequentans les foires de Lyon, ont eu lettres de confirmation & declaration du Roy Henry le Grand, verifiées, tant à la

Je prie
 verification
 desdites let-
 tres conte-
 nant la mo-
 dification de
 la Cour.

Cour de Parlement & Chambre des Comptes, au mois de Janvier 1575. qu'en la Justice du Thresor, le 20. dudit mois de Janvier audit an.

Et encores les Consuls & Eschevins de la ville de Lyon, au mois de Mars 1583. ont obtenu lettres plus amples pour tous estrangers allans & venans, ou retournans des foires de Lyon, demeurans, sejourrans, ou residans en la ville de Lyon, & negocians sous la faueur des priuileges d'icelle. Lesquelles lettres ont esté verifiées en la Cour de Parlement, le 17. May audit an, pour en iouyr par les impetrans, en ce qui concerne les droicts du Roy, & sans preiudicier aux droicts des creanciers. Et en la Chambre des Comptes le 26. dudit mois, pour iouyr par les impetrans de l'effect & contenu en icelles lettres, sans preiudicier aux creanciers, & tant & si longuement qu'il plaira au Roy: sans y comprendre les immeubles & rentes constituées, quelque part qu'elles soient constituées: lesquelles pour ce regard seront tenues & reputées pour immeubles. Pareillement ont esté verifiées en la Justice du Thresor, le 27. May audit an: Pour iouyr par les impetrans de l'effect & contenu d'icelles, suivant les verifications faictes en la Cour de Parlement & Chambre des Comptes: sans toutesfois aucunement deroger ne preiudicier à la iurisdiction & cognoissance des droicts d'Aubeine, Espauens, & autres attribuez à la Chambre du Thresor, par les Edicts, Ordonnances Royaux, & Arrests de la Cour de Parlement.

7
Autres lettres obtenues par les marchans frequentans les foires de Lyon.

Partant semble qu'on doit soutenir que le droit d'Aubeine n'a point de lieu es biens meubles, cedules, breuers, & obligations qui appartiennent aux marchands traffiquans au Royaume de France, decedans en France, ou hors le Royaume. Et sera bon, comme dit est, donner à entendre, qu'on veut employer les deniers en achat de marchandises en France.

Resolution de ce que dessus.

De faict il se trouue au Code du Roy Henry troisieme, Roy de France & de Pologne, à la fin dudit Code en l'addition d'aucuns articles omis, Que le Roy Louys vniuesime, es Ordonnances par luy faictes en l'année 1463. article 9. permit à tous marchands estrangers, de tester & ordonner de leurs biens, ainsi que bon leur sembleroit, & que leur Testament & ordonnance seroit valable, en ce qui seroit de raison: Posé que le testament eust esté faict deuant les foires de Lyon, ou apres, en ce Royaume, ou dehors, & qu'il sortiroit son plein effect, comme s'il eust esté faict & ordonné es lieux, dont ils seroient natifs.

8
Ordonnance du Roy Louys vniuesime touchant les marchans estrangers.

Aussi les lettres patentes obtenues par les marchands frequentans les foires de Lyon cy dessus mentionnées, sont recitées audit Code Henry, liure sixiesme, tiltre neufiesme, Des estrangers & successions d'iceux. Pareillement sont imprimez & diuulguez les Edicts & Ordonnances, contenant les priuileges octroyez par les Roys tres-Chrestiens aux foires de Lyon, & aux marchands & autres traffiquans & residans en icelles, lesquels chacun peut voir.

9
Priuileges des marchans frequentans les foires de Lyon sont imprimez.



SECONDE PARTIE

DV DROICT D'AUBEINE,
 TRAICTANT DE LA CONDITION
 des Estrangers non naturalisez, demeu-
 rans en France, & en quoy ils sont
 differens des originaires
 du Royaume.

PAR LES ORDONNANCES ROYAVX
 l'Estranger ne peut tenir offices, benefices, ne fermes en France.

- | | |
|--|---|
| <p>1 Par les Ordonnances Royaux l'Estranger ne peut tenir offices ny benefices en France.</p> <p>2 Ordonnances du Roy Charles 8.</p> <p>3 Ordonnances du Roy Louys 12.</p> <p>4 Ordonnances du Roy Henry.</p> <p>5 Les estrangers ne peuvent estre officiers des Monnoyes en France.</p> <p>6 Les estrangers ne peuvent estre Priours ou Consuls de Rouen.</p> <p>7 Les estrangers ne peuvent estre Cheualiers de l'Ordre du S. Esprit.</p> <p>8 Les estrangers ne doiuent estre fermiers.</p> <p>9 Que les Couuents ne sont receus en France, quand le chef de l'Ordre est estranger.</p> <p>10 L'edict du reglement de la Iustice.</p> | <p>11 Ancienne ordonnance de ce que dessus.</p> <p>12 Les ordonnances susdites conformes à la disposition de droit.</p> <p>13 Non omnes qui ciuitate donati erant Magistratus consequi poterant.</p> <p>14 Les Latins ne pouuoient estre Senateurs de Rome.</p> <p>15 Les estrangers ne peuvent obtenir dignitez à Venise.</p> <p>16 C'est chose odieuse de donner charge publique à un estranger.</p> <p>17 En Angleterre les estrangers ne peuvent tenir offices ny benefices.</p> <p>18 En Espagne les estrangers ne peuvent tenir offices ny benefices.</p> |
|--|---|

CHAPITRE XV.

Continuation
 de ceste se-
 conde partie
 à la prece-
 dente.



du Royaume.

OV s auons cy dessus traicté des personnes des Aubeins demeurans en France, & de leur difference: il semble qu'à present il est expedient declarer leur condition, mesmes de ceux qui n'ont obtenu lettres de naturalité du Roy, & mon-
 strer en quoy ils sont differens des François & originaires

Car combien que les estrangers soient tollerez en France, & qu'on leur permette d'y resider: toutesfois la condition de l'estranger n'est pas pareille à celle du François. Et l'estranger ne vit pas en France en telle liberté & franchise, que celui qui est nay au Royaume, pays, terres & seigneuries de l'obeyssance du Roy: ainsi qu'il sera monstré cy apres.

De faict par les Ordonnances Royaux, l'estranger ne peut tenir offices ny benefices dedans le Royaume de France: ainsi qu'il est porté par l'Ordonnance du Roy Charles septiesme, du dixiesme Mars, mil quatre cens trente & vn, par laquelle tous estrangers sont declarez incapables de tenir offices ou benefices en France. Et ceste Ordonnance, pour servir de loy irreuocable, fut publiée en la mesme année au Parlement de Paris, seant lors à Poictiers, à l'occasion des troubles qui estoient en France, & est escrite à la fin du Stil de Parlement, *in cap ne alienigena vel mendicantes beneficia teneant, tit. xxxij.* Aussi est recitée, *per glosam Pragmatica sanctionis in proemio, in verb. exterorum.* Et le mesme Roy erigeant le Parlement de Languedoc à Tholose, ordonna que les Conseillers d'iceluy seroient pris partie de Languedoc, & partie de Languedouy.

1
Par les Ordonnances Royaux, l'Estranger ne peut tenir Offices ny benefices en France.

Pareillement par l'Ordonnance du Roy Charles huitiesme, publiée en la Cour l'an mil quatre cens quatre vingts & treize, article quatre-vingts & huit, il est dict, que quand il vacquera aucun office en la Cour de Parlement, y sera pourueu de bons & notables personnages du Royaume. Et conformément à ceste Ordonnance, ledit Charles huitiesme establisant en Normandie vn Eschiquier à Rouën, ordonna que les Presidens & Conseillers seroient pris du pays, ayans la cognoissance des vs & coustumes du pays, afin que suiuant icelles ils iugeassent les procez.

2
Ordonnance du Roy Charles 8.

Aussi le Roy Louys douziesme par les modifications interuenues sur les Ordonnances par luy faictes en l'an mil quatre cens quatre vingts & dixneuf, verifiées en la Cour le treiziesme Iuin ensuiuant, abolit, cassa & reuoqua toutes les lettres de naturalité octroyées par le defunct Roy Charles huitiesme son predecesseur aux estrangers, pour tenir Benefices ou Offices au Royaume, pays, terres & seigneuries de son obeyssance.

3
Ordonnance du Roy Louys 12.

Semblablement par l'Edict du Roy Henry, verifié en la Cour le huitiesme Octobre mil cinq cens cinquante quatre, est enjoint aux estrangers tenans par permission du Roy benefices en France, ne commettre aucuns Vicaires, Officiers, ou autres personnes ayans la superiendence des Benefices, qu'ils ne soient natifs du Royaume de France. Et par arrest de la Cour du douziesme May mil cinq cens soixante & vn, donné sur la verification de l'Edict fait sur les Hospitaux & Maladeries, fut dict, Que les non regnicoles & estrangers ne seront receus à nommer, presenter & conferer és Hospitaux, Maladeries & lieux pitoyables de ce Royaume.

4
Ordonnance de Roy Henry.

Par le reglement sur le faict des Monnoyes & Officiers d'icelles, du troisieme Mars audit an cinq cens cinquante quatre, est porté, Que

5
Les estrangers ne peu-

neust estre
officiers des
Monnoyes
en France.

suivant les anciennes Ordonnances aucuns estrangers non regnicoles, ne pourront estre officiers, maistres ne commis deidits maistres des Monnoyes. Et cest Edict a esté confirmé par Ordonnance du Roy Charles neufiesme de l'an mil cinq cens soixante & six, recitée au sommaire des Edicts & Ordonnances Royaux, concernant la Cour des Monnoyes & Officiers d'icelle.

6
Les estran-
gers ne peu-
vent estre
Prieur ou
Consuls de
Rouen.

Pareillement la verification faicte au Parlement de Rouen le 27. Juillet 1563. de l'Edict contenant la creation & reestablisement en la ville de Rouen, d'une place commune pour les Marchands, à la semblance du Change de Lyon, & Bourse de Thoulouse: Ensemble la creation & erection d'un Prieur, & deux Consuls, est porté: Que les Marchands qui seront esleuz pour avoir les charges de Prieur, Consuls & Greffier, seront originaires de ce Royaume, ou naturalisez, & maniez en iceluy.

7
Les estran-
gers ne peu-
vent estre
Chevaliers
de l'Ordre
du S. Esprit.

Aussi par l'institution des Chevaliers de l'Ordre & Milice du S. Esprit, faicte le dernier Decembre mil cinq cens soixante & dixsept, est dict, Que aucuns estrangers ne pourront estre adnus audit Ordre s'ils ne sont naturalisez & regnicoles.

8
Les estran-
gers ne peu-
vent estre
fermiers.

Outre par l'Ordonnance faicte à la postulation des Estats tenus à Orleans, article dixseptiesme, est defendu bailler à ferme le temporel des Benefices de France à estrangers. Ce qui doit avoir lieu en toutes les fermes tant du Domaine du Roy, que Aydes & Gabelles: à ce que le profit qui pourra provenir ne sorte hors du Royaume. Ainsi qu'il fut remonstré par Messieurs des Comptes, le Roy estant à S. Maur, le dixieme May mil cinq cens soixante six.

9
Que les
Convents ne
sont receus
en France
quand le
chef de l'or-
dre est estran-
ger.

Et est certain qu'on a tousiours fait grande difficulté de recevoir en France aucun Convent, College, ou société Scholastique, dont le chef de l'Ordre ne fust issu de lieu assis au pays de France, & sous l'obeyssance du Roy, approuvé de luy & de sa Cour. Et que les principaux Modérateurs & Gouverneurs deidits Convents ne fussent point estrangers, ains natifs de France. Ce que mesmes est observé és Ordres Mandiennes, lesquelles encorres qu'elles eussent souvent & par un temps un General estranger; toutesfois estoient tenus sous ceste regle & observance d'avoir Gardiens particuliers, & principaux natifs de France. Et faut que le General estranger ait un Vicaire natif du Royaume de France, pays, terres & seigneuries de l'obeyssance du Roy. Comme il est amplement deduit au plaidoyé fait par feu Monsieur Dumefnil, vivant Aduocat du Roy en la Cour de Parlement, sur la reception & admission des Iesuites, au tiltre du College de Clermont: lequel plaidoyé a esté depuis peu de temps diuulgué & mis en lumiere.

10
Edict du
reglement
de la Justice.

Dauantage, par Edict du Roy Henry II. contenant le reglement de la Justice, article 38. est prohibé à tous estrangers exercer faict de banque au Royaume de France, pays, terres & seigneuries de l'obeyssance du Roy, sans avoir preallablement baillé caution de gens resicants & solubles de cinquante mil escus, & ce pardevant les Juges ordinaires des lieux, par devant lesquels il est besoin renouveler la caution de cinq ans en cinq ans.

Il y a plusieurs autres Ordonnances anciennes enregistrées tant en la Cour de Parlement, que Chambre des Comptes : par lesquelles est défendu aux estrangers tenir offices, ou benefices en France : mesmes y a une ordonnance écrite es Registres de la Chambre des Comptes, in libro C. fol. 21. qui porte, *quod Itali & nati extra regnum, non debent in officiis recepta admitti, & hoc in suspensione generali Receptorum.*

11
Ancienne
ordonnance
de ce que
desm.

Toutes lesquelles ordonnances sont conformes, tant à la disposition du droit Civil & Canon, que aux statuts d'Angleterre, Polongne, Sicile, Veronne, Boulongne la Grasse, & de plusieurs autres lieux : quibus prohibetur sacra beneficia, vel publica munera, in exteros conferri, textus in cap. *bonæ memoria. 2. ext. de postulat. prelat. l. in Ecclesiis. de episcopis & cleric. cau. nullus inuitus 61. distinct. Regula Cancellaria Apostolica 19. ubi glosa latè tractat. Baldus consil. 46. vol. 1. Barba. consil. 23. vol. 1. col. 9.*

12
Les ordon-
nances sus-
dites con-
formes à la
disposition
de droit.

Les raisons de ces Ordonnances peuvent estre recueillies de ce qui a esté deduit es 3. & 4. chapitres du present Traicté. Et de ce qui est recité par Plutarque en la vie de Solon, lequel priua les estrangers de la recepte & collecte des deniers publics de la ville d'Athenes, pour en pouruoir les citoyens de la ville. Ensemble de ce que *Stobæus* en son chapitre *De exilio*, parlant des Estrangers, dit : *& non Magistratum gerunt, at non habentur eis fides, &c.* Voulant dire que les estrangers ne doiuent estre admis es Estats & offices publics, d'autant que les affaires publics ne leur doiuent estre divulguez ny communiquez, ains tenus secrets : comme il est escrit au 8. chapitre de l'Ecclesiastique : *Coram extraneo ne facias consilium, ne scis enim quid pariet.* Et au 25. du Prouerbe est dit : *Secretum extraneo ne reueles, ne fortè insultet tibi cum audierit.* Partant Salomon au 5. chapitre du mesme liure, disoit : *Ne des alienis honorem tuum, ne fortè, &c.* Et on peut dire selon le Prophete Michée en son dernier chapitre, *Ab extraneo etiam si dormiat in sinu tuo custodi claustra oris tui.*

Raisons des-
dites ordon-
nances.

Et Ciceron au premier des Offices dit, *Peregrini & incole officium est nihil præter suum negotium agere, nihil de alio conquirere, minimeque in aliena esse Republica curiosi: namque peregrini publicis civium negotiis se immiscere non debeant, sed satagere rerum suarum.* Prynbus, *Anglebæ mens in consuetudines Aurelianas, titulo de successioneibus, articulo 14. prædicta latè tractat.* Auquel on peut adionner que Aristotele définit le vray citoyen estre celuy qui peut de droit obtenir Magistrat en la Republique. Et celle espee d'honneur s'est tant aduancée par dessus les autres, que entre les Latins elle a retenu comme propre à elle par excellence le nom du genre entier. Tellement que l'honneur des honneurs reside en la dignité des Offices.

13
Non om-
nes qui ci-
uitate do-
nant erant
magistra-
tus conse-
qui pote-
rant.

Aussi apud Romanos non omnes qui in ciuitatem adfuerant, in suffragiis in tribus habebant, nec ad magistratus & honores aduocabantur, nisi in suffragiis eis tribuuntur esset, & facultatem ad ascendendum magistratum à senatu impetrassent : hocque iura vna cum ciuitate primò concessa fuisse *Armagath* mède tradit *Alexander ab Alexandro* in *uerum Centuriam* lib. 4. cap. decimo.

14
Les Latins
ne pouuoient
estre Sena-
teurs de
Rome.

Conformément à ce Tite Lue recite, qu'après la bataille de Cannes, en laquelle les Romains perdirent la plus grande partie de leur noblesse, mesme quatre vingts Senateurs, sur la deliberation qui fut faicte

d'en créer de nouveaux en leur place, Spurius Caruilus étant d'avis d'introduire au Senat quelque nombre de gens de bien des peuples Latins, qui estoient en leur obeissance: ceste opinion fut trouuée si absurde par Fabius Maximus & autres, qu'il fut arresté au Senat, que cest aduis ne seroit aucunement reuelé, comme chose pernicieuse. *Patriis enim auspiciis non alienigenis r. i. publicam administrari oportet, inquit Valerius titulo de Auspiciis, libro primo.*

Imò verò, Romulus par ses premieres loix, auoit ordonné, que nul ne pouuoit obtenir dignité ny Magistrat à Rome, qu'il ne fust extrait des cent Gentils-hommes qu'il auoit fait Senateurs, *ut refert Dionysius Halycarnassens.*

15
Les estrangers ne peuvent obtenir dignitez à Venise.

Et Patrice Siennois, Euesque de Gayette, maintient en ses liures de la Republique, que ceste loy de communiquer aux estrangers les honneurs & dignitez, est vne des principales choses qui a conserué Venise en sa grandeur.

16
C'est chose odieuse que de donner charge publique à un estranger.

Aussi Philippes de Commines en son histoire dit, que c'est chose odieuse de donner offices, benefices, ou charges Ecclesiastiques, politiques ou militaires aux Estrangers, qui ne peuuent estre si propres ne si agreables que ceux du pays, qui ont & notable interest & affection naturelle à la conseruation de leur patrie. *Cives enim potiores sunt quàm peregrini, & propinqui quàm alieni: ut inquit Cicero libro de Amicitia, & ortus nostri partem sibi patria vendicat, partem parentes, partem amici:* comme le mesme Auteur recite *libro Officiorum primo.*

17
En Angleterre les estrangers ne peuvent tenir offices ny benefices.

Pour ces causes & plusieurs autres, par le contract de mariage passé entre Philippes Prince d'Espagne, fils unique de l'Empereur Charles V. & Marie Royned'Angleterre, fut dict, conuenu & accordé, encores que ledit Seigneur Prince d'Espagne eust & iouïst conioinctement avec la Royned'Angleterre son espouse, des tiltre, nom & qualité de Roy, des Royaumes, Pays, terres & Seigneuries de ladite Dame: toutesfois qu'il ne pourroit promouuoir ny auancer aucun estranger, non nay sous l'obeissance de ladite Dame Royned'Angleterre, à aucun benefice, office ou charge publique dedans le Royaume d'Angleterre: ains bailleroit les benefices, offices, & charges publiques aux vrayz naturels & originaires subiects d'Angleterre. Comme il est contenu au discours des plus memorables faits des Roys & grands Seigneurs d'Angleterre, n'agueres mis en lumiere.

18
En Espagne les estrangers ne peuvent tenir offices ny benefices.

Semblablement par le traité de paix fait l'an 1559. entre le Roy Henry II. & Philippes Roy Catholique, contenant le traité de Mariage de Madame Elizabeth de France, avec ledit Roy Catholique, est porté, Que ledit Roy Catholique donnera à ladite Dame l'entretènement tel que à fille & femme de grands Roys appartient: & iceluy deuëment assignera sur villes & places, dont elle iouyra par ses mains, y pouruoyant de tous offices & benefices: pourueu que ce soit aux naturels du pays: conformément aux Ordonnances & constitutions d'iceluy.

L'ESTRANGER EST TENU BAILLER CAUTION de payer le Iugé, & non l'originare de France : & n'est la caution tenuë de l'amende du fol appel interiecté par l'estranger.

- | | |
|---|--|
| 1 L'estranger est tenu bailler caution de payer le Iugé. | 6 Anciennement l'estranger ne bailloit point de caution iudicatū solui. |
| 2 Deux estrangers plaidans ensemble baillent respectiuelement caution. | 7 Pourquoy on contrainct l'estranger bailler caution de payer le Iugé. |
| 3 L'estranger defendeur n'est tenu bailler caution de payer le Iugé. | 8 L'estranger n'est reueu à faire cession de biens. |
| 4 L'estranger naturalisé n'est point tenu bailler caution de payer le Iugé. | 9 Sçauoir si la caution de payer le Iugé est tenue de l'amende du fol appel. |
| 5 Les François ne sont point tenus de bailler caution iudicatum solui. | 10 Fideiussor simpliciter acceptus de pœna non tenetur. |

CHAPITRE XVI.



OVT ainsi qu'il n'est loisible à l'estranger tenir offices ou benefices en France (comme il a esté dit cy dessus:) Aussi il ne luy est permis de librement plaider en France : mais voulant plaider est tenu de bailler caution *iudicatum solui* : à laquelle le François & originare du Royaume n'est aucunement subiet. En sorte que l'estranger, qui intente procez en France, soit qu'il demeure au Royaume ou hors d'iceluy, est tenu bailler caution de payer le iugé, tant en principal, que despens: non seulement en matiere ciuile, mais aussi en matiere criminelle: autrement on n'est point tenu proceder, ny contester avec luy. Et ceste caution se peut demander tant en cause principale, que d'appel. Ainsi qu'il fut iugé en plaidoyrie, par Arrest donné contre vn habitant de Geneue, lequel auoit obtenu lettres de rescision adressantes au Bailly de Sens, le Lundy 28. Aueil, 1567. Et ledit habitant de Geneue estoit nay en France, & s'estoit retiré hors du Royaume avec la famille, vingt ans y auoit: demandoit partage des biens de ses pere & mere, & autres parens. Et on offroit le descharger de la caution de payer le iugé, en venant resider en France avec la famille. Semblable arrest donné en plaidoyrie au profit d'un habitant de Boulongne sur la mer, le 4. Ianuier 1562. Autre arrest en matiere criminelle donné à la Tournelle le septiesme Aoust, mil cinq cens soixante trois.

Si ce sont deux estrangers demeurans en France qui plaident l'un contre l'autre, & soient respectiuelement demandeurs, ils seront condamnés bailler respectiuelement caution l'un à l'autre, de l'euenement du procez, & de payer le iugé: tant pour le principal, que despens. Ainsi qu'il fut ordonné entre Anthoine Valt Portugais, & Emanuel Darajou aussi

1
L'estranger est tenu bailler caution de payer le Iugé.

Arrest de ce que dessus.

2
Deux estrangers plaidans ensemble baillent respectiuelement caution.

Portugais, demeurans à Paris, par arrest du vingt-troisiesme Aoust, mil cinq cens soixante & vnze.

3
L'estranger
defendeur
n'est tenu
bailler cau-
tion de payer
le iugé.

Ce que dessus se doit entendre de l'estranger demandeur, non pas de l'estranger defendeur. *Quia actor voluntarie agit, reus autem ex necessitate se defendit, authentico Libellum, Cod. de lit. contestat. authentico Generaliter. Cod. de epi. & cler. §. sed hodie de satisfd. in Institut.* Ainsi a esté iugé pour Raoul Picard demeurant à Artois defendeur, & possesseur d'immeubles situez en France, par arrest donné en plaidoyrie le treiziesme Feurier, mil cinq cens quatre-vingts & vn : par lequel fut dict, qu'il ne seroit tenu de bailler caution de payer le iugé, suiuant la loy *sciendum*, ff. *qui satisfdat. cog.* & textes dessusdits.

4
L'estranger
naturalisé
n'est point
tenu bailler
caution de
payer le iu-
gé.

Aussi ce que dessus se doit entendre quand l'estranger n'est pas naturalisé: Car s'il est naturalisé par le Roy, & demeurant en France, il n'est point tenu de bailler caution de payer le iugé, d'autant qu'il est fait François. Comme il a esté iugé par Messieurs du Thresor, au profit de Jean Belandin, Archer des Gardes Escossoises du corps du Roy, le vingt-huitiesme Aoust, mil cinq cens quatre-vingts & vn : ainsi qu'il a esté dit au septiesme chapitre. Et iugé par le Lieutenant Criminel du Chastelet de Paris, au profit de Roderigo Fernandes Marchand Portugais naturalisé par le Roy, demeurant à Paris, contre Anthoine Paniot Marchand demeurant à Roüen, au mois de Feurier, mil cinq cens quatre-vingts & cinq. Pareillement a esté iugé en plaidoyrie par arrest donné en la Cour des Aydes, le septiesme Decembre, mil cinq cens quatre-vingts & huit, que Macey Italien naturalisé demeurant en ceste ville de Paris, demandeur en requeste ciuile contre vn nommé du Bo, bourgeois de Paris, ne seroit point tenu bailler caution de payer le iugé, & que sans bailler ladite caution, ledit Macey seroit receu à plaider la Requeste.

5
Les François
ne sont point
tenu bailler
caution iu-
dicarum
solui.
Arrest.

Quant aux François & originaires du Royaume, demeurans en France, ils ne sont aucunement tenus bailler caution *iudicatum solui*, encores qu'ils ayent fait cession de biens, & soiēt notoirement insolubles: ou bien qu'ils soient demeurans en autre Parlement que celui auquel ils plaident, soit Roüen, Tholouze, Dijon, ou autre. Ainsi qu'il fut iugé par arrest donné en plaidoyrie le quatorziesme Feurier, mil cinq cens soixante-neuf, pour Iacques Loye, dit le petit Iacques, contre vn nommé de Laube: par lequel la sentence donnée par le Preuost de Paris, qui auoit condamné ledit Loye demandeur, bailler caution de payer le iugé, fut infirmée, ordonné qu'il ne seroit tenu bailler aucune caution. Et par arrest pareillement donnée à l'audience le dix-septiesme Ianuier mil cinq cens soixante & quinze, pour vn habitant du Parlement de Roüen, contre vn habitant du Comté d'Oeu. Et n'y a que les deuolutaires qui sont tenus bailler bonne & suffisante caution de payer le iugé selon la forme de droict. Suiuant l'Ordonnance verifiée en la Cour, le cinquiesme May mil cinq cens cinquante-huit. Et ceste caution est tenuë, non seulement rendre les fructs du benefice contentieux, dommages, & interets, mais aussi payer les despens du procez, pour voir taxer lesquels on fait appeler ceste caution, laquelle generallyment est tenuë payer tout ce à quoy

la partie principale est condamnée. *Hæc notantur per Ioannem Fabrum in dicto authentico, Generaliter, & in §. sed hæc hodie. Institut. de satisfat. nec non per Speculatorem in titulo De satisfactionibus. §. 1. versic. Verum, & Ioannem Gallum quæst. 49. qui dient qu'anciennement en France non dabatur cautio iudicatum solui, ny pour le regard de l'estranger demandeur, ny pour le regard de l'originaire du Royaume, suiuant la disposition canonique au chapitre cum deputati. ext. de iudic. D'autant que le Roy doit iusticetant à l'Estranger qu'au François.*

6

Anciennement l'Estranger ne bailloit caution de iudicatum solui.

Toutesfois parce que l'exécution des iugemens, qu'on obtiendrait contre l'Estranger, seroit fort difficile, & qu'en vn moment il se peut retirer hors du Royaume, & par ce moyen rendre les iugemens contre luy obtenus illusoires & sans effect, aussi que le François plaidant hors le Royaume, est tenu bailler caution de payer le iugé, & qu'il y a pour le iourd'huy grande multitude d'Estrangers en France, *quorum fides valdè suspecta est*, & qui plaident hardiment contre les François: on contrainct à present les Estrangers bailler caution de payer le iugé.

7

Pourquoy on cōtrainct l'Estranger bail' er caution de payer le iugé.

Et ne les reçoit-on à faire cession de biens, combien que le Regnicole y soit receu, suiuant la disposition de droict notoire & vulgaire: & ce par arrest donné és plaidoyries d'apres disner, le douzième May, mil cinq cens soixante cinq, contre vn Estranger natif de Lubec près Dannemarc: autrement l'Estranger pourroit à son aduantage succer le sang & la moielle des François, puis les payer en faillites. Pareillement vn tuteur n'est pas receu à faire cession de biens, pour le reliqua du compte de l'administration de la tutelle de son mineur, les biens duquel il a interuerté. Comme il a esté iugé par arrest donné en plaidoyrie, le Mardy seizième Feurier mil cinq cens quatre vingts. Semblablement le fermier n'est receu à faire cession de biens, comme d'oleusement ayant interuerté les fruiets sans payer la moison: Ainsi qu'il a esté iugé par arrest donné en plaidoyrie contre vn fermier de la Beaulle le dixième Mars mil cinq cens soixante & dixneuf, pareil arrest donné en plaidoyrie le sixième Feurier mil cinq cens soixante dix. Aussi celuy qui a achepté du vin en caue du Bourgeois, & l'a reuendu à pots en la tauerne n'est receu à faire cession, comme la caue du Bourgeois estant au lieu l'Estape. Ainsi a esté iugé par arrest donné en la plaidoyrie le troisième May, mil cinq cens quatre-vingts cinq.

8

L'estranger n'est receu à faire cession de biens en France.

Et d'autant que ceste stipulation & promesse de payer le iugé, est generale & indefinie, comprenant tout ce à quoy l'Estranger pourra estre condamné: On a demandé si l'Estranger, estant appellant de la sentence contre luy donnée par le Iuge de la cause principale, & par arrest de la Cour la sentence est confirmée, l'Estranger condamné en soixante liures parisis d'amende pour son friuol appel: Si le Procureur du Roy, ou bien le Receueur des amendes, se pourra adresser pour le payement de l'amende, à la caution, & le contraindre au payement d'icelle, sauf son recours contre l'Estranger.

9

Sçauoir si la caution de payer le iugé est tenu de l'amende du friuol appel.

Ceste question a esté agitée en la Chambre du Thresor, entre Mai-

Narration Mre Pierre Dapestiguy Receveur des amendes de la Cour de Parlement; & Nicolas de Creil Marchand bourgeois de Paris : lequel en certain procez intenté pardeuant le Preuost de Paris, à la requeste de Iacques Veruelou Marchand demeurant en Flandre, à l'encontre de Maistre Alexandre Guibert Esleu d'Orleans, auoit cautionné Veruelou enuers Guibert des despens du procez pendant pardeuant le Preuost de Paris, & du iugé. Veruelou ayant perdu le cause, appelle en la Cour : par arrest de laquelle la sentence est confirmée, Veruelou condamné en l'amende. Cest arrest estant ainsi donné, Dapestiguy faict faire cōmandement à de Creil de luy payer soixante liures parisis pour l'amende ; & pour dire ses causes de refus, le faict adiourner pardeuant Messieurs du Thresor, alleguant pour ses moyens ce quē dessus.

Raisons du demandeur pour monstrer que la caution est tenue de l'amende.

Mesmes que la promesse de payer le iugé est generale & indefinie, comprenant tout ce qui est contenu au iugement donné contre l'estranger. *Iudicatum enim solui stipulatio in tantum committitur, in quantum iudex pronuntiauit, l. iudicatum. 2. ff. iudic. sol.* Qu'en France ces non dicitur iudicata, nisi ea à qua protocari non potest, aut cui partes paruerunt : tellement que la sentence donnée par un Iuge duquel on peut appeller, ce n'est pas vne chose iugée, *l. prafes. C. de sent. & inter l. omnium iud.* Aussi disoit que de Creil *omnimodo*, plenissimē, & *in omnem causam fideiussérat*, ayant generalmente promis payer le iugé. Consequemment qu'il estoit tenu payer tout ce à quoy Veruelou estoit condamné, *l. quero, ff. locati, l. si pro eo. §. si nummos. ff. de fideiuss. l. si postea. ff. rem pup. sal. for.* Ioinct que de Creil scauoit bien que Veruelou pouuoit appeller de la sentence qui seroit contre luy donnée, & n'ignoroit l'appel qui auoit esté interiecté d'icelle, auquel Veruelou auoit conclud au peril de l'amende.

Raisons du défendeur pour monstrer que la caution n'est tenue de l'amende.

Au contraire de Creil disoit, que la plegerie & fideiussion par luy faite, estoit limitée à l'instance principale, & au procez pendant pardeuant le Preuost de Paris, les despens & iugé duquel procez il auoit promis payer. Et que *fideiussor iudicatum solui acceptus in prima causa, non tenetur in eo quod postea indicatur in causa appellationis, l. cum apud, l. si quis. ff. iudic. sol. Quia causa appellationis diuersa est à causa principali, ést que instantia diuersa. l. inuitus, C. de procurat. cap. non iniuste, ext. eod.* Aussi la fideiussion estoit limitée enuers certaine personne, qui estoit Maistre Alexandre Guibert, auquel de Creil auoit promis payer ce qui luy seroit adiugé. Partant que *huiusmodi fideiussio non debebat egredi personam* de Guibert, lequel n'auoit stipulé que pour luy, & non pour le Roy, *l. iurisdictionum. §. pactorum. ff. de pact.* Ioinct que les contracts, conuentions ou stipulations, ne se peuuent entendre *ad ea de quibus partes non cogitarunt, l. si de certa. C. de transact.* Or est il que les parties lors de la fideiussion faite par de Creil n'auoient pensé à l'amende du fol appel, consequemment ne se pouuoit-on adresser à de Creil.

Fideiussor simpliciter acceptus de poena non tenetur.

Mesmemment qu'il est certain en droit, que *fideiussores poenalibus actionibus non astringuntur, in quas inciderunt in pro quibus interuenerunt*, cōme dit la loy, *libertus, §. fin. ff. ad municip.* Et *fideiussor qui simpliciter pro magistratu*

fideiussit, nec in multam nec in pœnam conueniri potest, l. fideiussores magistratuum. ff. de fideiuss. Aussi. fideiussor non tenetur ad augmenta quæ proueniunt ex accidente, contumacia, aut pœna, & non ex vera natura obligationis: Ut putatum cum ex lege Aquilia ob inficiationem fit condemnatio in duplum, aut reus condemnatur in usuras sortis: ou bien quand on est condamné en amende pour vn friuol appel, ou bien quand vn comptable est condamné au quadruple, ou en autre peine & amende, la caution n'en est aucunement tenue, si pour ce regard n'y auoit stipulation & promesse expresse: mais la caution est seulement tenue à la debte principale, & reliqua du compte rendu par le comptable, iusques à la concurrence de la somme portée par sa pleigerie & fideiussion, l. i. ff. de in litem iur. dicta l. fideiussores magistratuum. §. i. Par ces moyens concludoit à fin d'absolution.

Sur ce les parties estans appointées à mettre, le dix-septiesme Decembre mil cinq cens soixante & quinze, seroit interuenue sentence de Messieurs du Thresor, par laquelle de Creil a esté absouz de la demande de Dapestiguy, & Dapestiguy condamné es despens de l'instance, dont il auroit appellé, lequel appel n'est encores décidé en la Cour. Et par la qualité de la sentence donnée contre ledit Nicolas de Creil appert, que les Flamens demeurans en Flandre, encores qu'ils puissent succeder au Royaume, & soient reputez regnicoles, intentans procez en France, sont tenus bailler caution de payer le iugé. Comme il fut soustenu par Messieurs les Gens du Roy en plaidoyrie, le Ieudy sixiesme Iuin mil cinq cens quatre vingts & vnze, suivant la sentence donnée par le Seneschal de Lyon, de laquelle y auoit appel. Parce qu'on ne peut facilement executer les iugemens qui sont donnez contre les Flamens, non plus que contre les autres estrangers.

*Sentence de
Messieurs
du Thresor.*

L'ESTRAGER NE PEVT TESTER DES BIENS

estans en France, que iusques à cinq sols parisis: combien qu'il puisse donner entre vifs & librement contracter.

- | | |
|--|---|
| <p>1 L'estranger ne peut tester des biens qu'il a en France, que iusques à cinq sols parisis.</p> <p>2 En plusieurs Royaumes l'Estranger ne peut tester.</p> <p>3 Pourquoy l'Estranger ne peut tester en France.</p> <p>4 L'Estranger en France liber viuit, seruus moritur.</p> <p>5 Les femmes mariées peuuent librement tester, combien qu'elles ne</p> | <p>puissent contracter sans l'auctorité de leurs maris.</p> <p>6 En Normandie les femmes mariées ne peuuent tester.</p> <p>7 Deportati non possunt testari.</p> <p>8 Liberti quando testari possunt.</p> <p>9 L'Estranger peut donner entre vifs, & librement contracter.</p> <p>10 Omnes testari possunt, nisi prohibeantur.</p> |
|--|---|

CHAPITRE XVII.

1
L'Estranger
ne peut te-
ster des biës
qu'il a en
France, que
iusques à
cinq sols pa-
risis.



Vtre les deux differences de la condition du François & de l'Estranger recitées es deux chapitres precedens, il y a vne autre & principale difference entr'eux, par laquelle on peut euidemment cognoistre, que l'Estranger ne vit en Frâce en telle liberté que les François originaires du Royaume. Qui est, que le François peut librement tester & par testament disposer de tous ses biens, selon qu'il luy est permis par la disposition de droict commun à ce notoire & vulgaire. Ce qui n'est loisible à l'Estranger demeurant en France, lequel ne peut aucunement tester des biens qui luy appartiennent dedans le Royaume. Tellement que iustement on peut dire tout ainsi que les biens de l'Estranger decedé en France intestat appartiennent au Roy par droict d'Aubeine (comme il sera amplement deduiet en la 4. partie du present Traicté) aussi les biens demeurez par le decez de l'Estranger appartiennent au Roy par droict d'Aubeine, encores que l'Estranger par testament & ordonnance de dernière volonté ait disposé d'iceux : comme le testament de l'Estranger estant nul & sans effect. D'autant que par la loy de France & statuts du Royaume, l'Aubein ne peut tester, ny par testament disposer des biens qu'il a en France, soient meubles ou immeubles, que iusques à cinq sols parisis, & au dessous. *Et sic peregrini intestabiles sunt in Gallia.* Ainsi qu'il est contenu en l'extraict des Comptes transcrit au 3. chapitre du present Traicté, article 4. à la lecture duquel est besoin auoir recours. *Benedicti in capite Raynurius in verbis, Vxorem nomine Adelasiam. Boerius in Consuet. Bituntino de testamentis, §. fina. Pyrrhus Anglebermeus in consuetudines Aurelianas titu. de successione art. 41. Franciscus Conanus in titulo qui testamenta facere possunt, qui dit, que humanitus agimus cum peregrinis, quam olim antiqui Romani: quod peregrini apud nos possint de rebus suis testamento disponere usque ad quinque asses, quod illis concessum existimat sepultura gratia.*

2
En plusieurs
Royaumes,
l'Estranger
ne peut te-
ster.

Et ce statut que les Estrangers ne puissent tester, n'est vn droict peculiar en France, comme plusieurs ont estimé: mais est cōmun aux Royaumes d'Escolle, d'Angleterre, de Naples, de Sicile, & à tout l'Empire d'Orient: & anciennement estoit obserué à Athenes & à Rome, *ut refert Demosthenes in oratione contra Eubelidem, & Cicero in oratione pro Archia poeta, l. 1. C. de hered. instit. l. obsides. Vbi glosa ff. de testam. l. Diuus Commodus, in verbis obsidum bona, ff. de iur. fis. Boerius decis. 13.*

3
Pourquoy
l'Estranger
ne peut te-
ster en
France.

La raison duquel statut est apparente, d'autant que *testamentifactio est iuris ciuilis, & ciuib. tantum testari permittitur. l. testamentifactio ff. de test. §. non tamen per omnia, in verbis, si modo defunctus ciuis Romanus fuerit. Instit. quib. mod. test. infr. Peregrini autem sunt incapaces eorū quæ sunt iuris ciuilis, cum ius ciuile solis ciuib. propriū & peculiare sit, dicta l. 1. C. de hered. Instit. l. 1. §. l. in quibus, ff. de legat. 3.* Partant l'Estranger ne peut tester des biens qu'il a en France: *ut latè tractat Alciatus libro Parergon primo, cap. 13. in fine.*

Aussi l'Estranger demeurant en France, licet liber viuat, tellement qu'il puisse donner ses biens, les vendre, eschanger, & d'iceux librement disposer entre vifs, *quia huiusmodi contractus introducti sunt à iure gentium, quod omne humano generi commune est. & quo omnes gentes siue ciuiles siue peregrini utantur*, comme il sera dit au vingt-sixielme chapitre. Toutesfois l'Estranger decedant en France, *seruus moritur, & in seruitute decedens testari non potest, cum seruis iure ciuili testandi facultas denegata sit. l. si filius familias. ff. de test. §. 1. Instit. quib non est per. fac testa.* Idque exēplo libertinorū Latinorū, necnon Deditiorū, qui secundum legem Iuliam & Orbanā liberi vitam peragebant: sed ultimo spiritu, simul cum anima libertatem amittebant, moriendo que serui fiebant: & ideo decedentes testari non poterant, neque post obitum de bonis disponere, manumissorésque bona eorum iure quodammodo peculi occupabant, si ut iure Albinagii Rex bona extraneorum occupat, comme dit l'Empereur in §. sed hac, de ijs. Instit. de success. libert. l. 1. de petitione hereditatis in (odice Theodosiano. Alciatus libro Parergon 1. cap. 36. Alexander ab Alexandro Liberum Genialium, libro quarto, capite decimo, in fine, Caius Instit. libro primo de statu homi.

4
L'Estran-
ger en Fran-
ce liber vi-
uit, sed ser-
uus mori-
tur.

Le contraire est obserué en France pour le regard des femmes mariées, lesquelles *seruæ viuunt*. Parce que pendant leur mariage elles ne peuuent s'obliger, ny aucunement contracter, soit par vendition, eschange, donation, ou autrement, ny hypothéquer leurs biens, mesmes ne peuuent tester en iugemēt: le tout sans l'auctorité & consentement exprés de leurs maris. Ideoque in Gallia uxores dicuntur esse in potestate maritorum. Mais liberae moriuntur. Car les femmes mariees peuuent librement tester, & par testament disposer de tous leurs biens meubles, acquests, & conquests immeubles, & de la cinquiesme partie de leurs heritages propres, sans le consentement & auctorité de leurs maris. Suiuant les deux cens vingt-trois, deux cens vingt-quatre, & deux cens quatre-vingts douzieme articles de la nouuelle Coustume de Paris. Combien que par le quatre cens deuxiesme article de la nouuelle Coustume de Normandie, femme mariée ne peut tester d'aucune chose, s'il ne luy est permis par son mary: ou que par lon traicté de mariage il soit ainsi conuenu.

5
Les femmes
mariées
peuuent li-
brement te-
ster, combien
qu'elles ne
puissent
contracter
sans l'au-
thorité de
leurs maris.

Aussi on peut dire qu'en France les Estrangers ne peuuent tester, *ad infamiam deportatorum*, qui licet res post pœnam irrogatam acquisitas vendere, permittitur, & inter viuos donare possint, necnon alio quolibet modo eis contrahere liceat: tamen de huiusmodi rebus testari non possunt, & post eorum obitum si successores acquiruntur, l. deportati. C. de bon proscript. l. neque §. deportati. ff. de milita. testam. l. si deportati ff. de lega. 3.

6
En Nor-
mandie les
femmes ma-
riées ne peu-
uent tester.

Necnon exemplo libertorum, qui licet inter viuos donare possint, tamen in fraudem quartæ patrono debita testari non possunt, nec legare etiam bene merentibus amicis, inquit textus in l. viuius libertus ff. si quid in fraud. patro. Partant l'Estranger obtenant lettres de naturalité du Roy, il supplie sa Maiesté luy donner permission de tester & par testament disposer des biens qui luy appartiennent en France.

7
Deportati
non pos-
sunt testa-
ri.

Pareillement l'homme de main-morte ou bien de condition serue, combien qu'entre vifs il puisse disposer, vendre, & liener non seulement

8
Liberti
quomodo
testari pos-
sunt.

ses meubles, mais les heritages par luy acquis: pourueu qu'il ne soit main-mortable, lesquels il ne peut aucunement aliener, ne hypothéquer. Toutesfois il ne peut disposer de ses biens meubles, ny des heritages par luy acquis, encores qu'ils soient situez en lieu franc & libre, par testament & ordonnance de derniere volonté, ny par donation pour cause de mort, sans le consentement du seigneur, duquel il est serf & main-mortable. Comme il est porté par le dixiesme article de la Coustume du Duché de Bourgogne, au titre des Main-mortes.

⁹
L'Estranger
peut donner
entre vifs &
librement
contracter.

Et l'ordonnance ou plustost vlsance concernant le droict d'Aubeine, transcritte au troisieme chapitre, ne prohibant à l'Estranger sinon de tester, *cetera permittit, nempe inter viuos donare, vel alio modo contrahere. l. cum Prator. ff. de iudic.* Et si l'Ordonnance ne prohiboit expressement à l'Estranger de tester, & par testament disposer de ses biens, il pourroit tester: *quia omnes testari possunt, nisi prohibeantur. edictum enim de testamentis prohibitorium est. §. 1. Institu. quib. non est permiss. face. testam. Glos. in §. finali. eod. titule*, ainsi qu'il est amplement déclaré au sixiesme chapitre du Traicté de Bastardise.

¹⁰
Omnes te-
stari pos-
sunt nisi
prohibean-
tur.

Tellement que pour oster à vne nation, ou à certaines personnes la faculté de tester, & par testament disposer de leurs biens: il est besoin qu'il y ait loy speciale & expresse prohibitiue de tester. Ainsi que Charlemagne ordonna pour le regard des Saxons & Frisons, auxquels au moyen de leurs rebellions il prohiba de tester, & de succeder à leurs parens: en ce faisant ils furent du tout semblables aux Estrangers demeurans en ce Royaume, ainsi qu'il se trouue és Annales de France, & qu'il sera dict au vingt-troisieme chapitre du present Traicté. Aussi *Aulus Gellius libro septimo cap. 18. refert eos qui ab Annibale, post Cannense praelium, Romanis missi fuerant, ut cum Senatu Populoque Romano de captiuis permutandis paciscerentur: & qui de iurio victi erant in castra Punica redire, si Romani captiuos non permutarent, nec redire voluerunt, sed Roma tanquā postliminio restituti, & calliditate iniurati apud suos lares manserunt, à Censoribus intestabiles declaratos fuisse: quoniam quod se facturos deierauerant, non fecissent.*

LE TESTAMENT DE L'ESTRANGER N'EST
vallable en France, encores qu'il contienne legs pitoyables: & l'Authentique *Omnes peregrini* n'y est gardée.


1 L'Estranger ne peut tester, etiam
ad pias causas.

2 Arrest de ce que dessus.

3 Autre arrest de ce que dessus.

4 Interpretation de l'Authentique,
Omnes peregrini, & qu'elle n'est
gardée en France.

CHAPITRE XVIII.



A prohibition faicte à l'Estranger de tester, & par testament disposer de ses biens, est si estroictement gardée en France, que si l'Estranger par testament leguoit tous ses biens ou partie d'iceux aux pauvres, ou bien faisoit autres legs pitoyables : on n'aura aucun esgard à tel testament, & nonobstant iceluy tous les biens de l'Estranger appartiendront au Roy par droict d'Aubeine. Tellement que sur les biens on ne prendra sinon les debtes du defunct (*quia fiscus non succedit nisi deducto ære alieno*) avec les frais des obseques & funerailles selon la qualité du defunct, *l. non possunt, ff. de iure fisci, l. unica. pœnis fiscalibus creditores anteferri, C. lib. 10. l. cum fisco. ff. ad senatuscon. Silla.*

1
L'Estranger ne peut tester etiã ad pias causas.

De faict vn Italien nommé le Comte Hercules, par son testament ayant laissé 900. escus aux pauvres de Lyon, qui luy estoient deuz par vn marchand de Paris, nommé Iacques Deode: Messieurs les Gens du Roy ayans soustenu que tels deniers appartenoint au Roy par droict d'Aubeine, fut dict par Arrest donné à l'Audience le 17. Mars 1551. que pendant le procez la somme de 490. escus, que Deode confeilla deuoir, seroit mise és mains du Receueur de la ville, pour en faire profit à raison du dernier douze. Et au principal les parties appointées au Conseil, parce qu'on soustenoit que le defunct estoit marchand frequentant les foire de Lyon, & le payement des deniers destiné en foires : partant qu'il pouuoit tester d'iceux, & n'estoient subiects au droict d'Aubeine, comme il a esté dit au 14. chapitre.

2
Arrest de ce que dessus.

Aussi l'Archeuesque Damarcan, natif d'Escoffe, enuoyé par le Pape en France, pour le faict de la Religion, par son testament passé en la ville de Paris, en laquelle il deceda, ayant faict plusieurs legs pitoyables, mesmes à ses seruiteurs, & delaislé pour les executeurs Maistres Nicolas Maillard, & David Herisson, Docteurs en Theologie : le Roy ayant fait don des biens du defunct à Georges Elepton, Escuyer, Portee-enseigne de la Garde Escossoise, par Sentence du Thresor le testamēt fut déclaré nul, & aux executeurs alloiiez seulement les fraiz des obseques & funerailles : dont y ayant appel interiecté en la Cour par les executeurs, ils obtindrent lettres du Roy, par lesquelles il declara que son vouloir estoit que le testament du defunct Archeuesque Damarcan fust accompli, & les executeurs deschargez, attendu que de bonne foy ils auoient payé les legs testamentaires, ensemble les frais des obseques & funerailles.

3
Autre arrest de ce que dessus.

En ayant esgard ausquelles lettres, la Cour par Arrest donné en plaidoyrie le dixiesme Septembre mil cinq cens cinquante cinq, mit les appellations, & ce dont estoit appellé au neant, sans amende, les parties hors de Cour & de procez, deschargea les executeurs : sauf à l'intimé son recours contre ceux qui par autre moyen que du testament auoient eu les biens du defunct Archeuesque Damarcan : & fait main-leuée à l'intimé

des autres biens non distribuez par les executeurs en vertu du testament, n'estans du contenu au testament & fraiz funeraux.

Pareillement pour ce regard, on allegue vn arrest de la Cour de Parlement, donné le ving-troisiesme Iuin mil cinq cens trente neuf, par lequel le legs faict par vn Estranger demeurant à Poictiers, aux Religieux de l'Ordre saint Dominique de Poictiers, de tous les biens qui luy appartennoient, fut déclaré nul, & tous les biens du defunct adiugez au Roy par droict d'Aubeine.

4
Interpretatio
tio del'Authen-
tique,
Omnes peregrini,
& luerint, & hospitari si testari voluerint, de rebus suis liberam ordinandi habent facultatem, quorum ordinatio inconcussa seruetur: & si intestati decesserint, bona ipsorum per manus Episcopi loci heredibus tradantur, vel in pias causas erogentur, n'a lieu, & n'est obseruée en France, ny pareillement la loy Nulli. §. quod si testator. versic. barbara sit nationis. C. de episc. & cleric. quia peregrini siue sedem fixerint in regno Gallie, siue viatores peregrinantes, aut aduena sint, nullo modo testari possunt, ny par testament disposer des biens qu'ils ont en France. Et appartiennent tous leurs biens au Roy par droict d'Aubeine, soit que les Estrangers decedent testats ou intestats. Ainsi fut interpretée ceste Authentique par Messieurs les Gens du Roy, lors que les deux arrests cy dessus datez furent donnez, & per Equinarium Baronem in l. fina. ff. de statu hominum.

Et par ce qui a esté dict tant cy dessus qu'au treiziesme chapitre du present Traicté, on peut cognoistre, que l'Authentique, *Omnes peregrini. C. communia de successionibus, qua à Friderico Imperatore condita est*, par laquelle est porté, que *Omnes peregrini & aduena liberè hospitentur ubi voluerint, & hospitari si testari voluerint, de rebus suis liberam ordinandi habent facultatem, quorum ordinatio inconcussa seruetur: & si intestati decesserint, bona ipsorum per manus Episcopi loci heredibus tradantur, vel in pias causas erogentur*, n'a lieu, & n'est obseruée en France, ny pareillement la loy *Nulli. §. quod si testator. versic. barbara sit nationis. C. de episc. & cleric. quia peregrini siue sedem fixerint in regno Gallie, siue viatores peregrinantes, aut aduena sint, nullo modo testari possunt*, ny par testament disposer des biens qu'ils ont en France. Et appartiennent tous leurs biens au Roy par droict d'Aubeine, soit que les Estrangers decedent testats ou intestats. Ainsi fut interpretée ceste Authentique par Messieurs les Gens du Roy, lors que les deux arrests cy dessus datez furent donnez, & per Equinarium Baronem in l. fina. ff. de statu hominum.

Quant aux biens situez hors le Royaume de France, l'Estranger en peut tester, & par testament librement disposer: d'autant qu'en iceux le Roy n'a aucun droict, *ut refert Conanus libro nono cap. qui testamenta facere possunt. notatur in l. non est ambigendum. ff. de bonor. possess.*

L'ESTRANGER NE PEUT DONNER POUR
cause de mort, & que la donation faicte pendant sa maladie, encores qu'elle soit conceüe en forme de donation entre vifs, est reputée faicte pour cause de mort.

- 1 L'Estranger ne peut donner pour cause de mort.
- 2 Donationes causa mortis legatis æquiparantur.
- 3 L'Estranger pendant sa maladie faisant donation, on la reputé fai-

cte pour cause de mort, en quelque sorte qu'elle soit conceüe.

- 4 Presomptions pour iuger une donation faicte pour cause de mort, encores qu'elle soit faicte en forme de donation entre vifs.

CHAPITRE XIX.



OVR ainsi que l'Estranger par la loy de France, & statuts du Royaume, *testari non potest*, & ne peut par testament disposer des biens qu'il a au Royaume: aussi l'Estranger, *causa mortis donare non potest*, & ne peut par donation faite pour cause de mort, disposer des biens qu'il a en France.

¹
L'Estranger ne peut donner pour cause de mort.

idque exemplo liberti, qui quemadmodum bene merentibus amicis legare non potest, ita nec causa mortis donare. l. 1. §. 1. & l. viuis libertas. ff. si quid in fraud. patr. l. 1. §. unde quaritur. ff. de tutel. & rat. distrab. l. patronis, ubi Glo. ff. de probat. Solent enim donationes causa mortis, legatis equiparari, & instar legatorum obtinent. §. 1. de dona. in Instit. l. Marcellus. §. fina. ff. de dona. caus. mort.

Partant, si vn Estranger pendant sa maladie, dispose de tous ses biens ou de partie seulement, encores que la donation soit faicte en forme de donation entre vifs, portant ces mots, *a donné, cédé, transporté & delaisé à tels ses hoirs & ayans cause, du tout, à tousiours par pure & vraye donation irrenuable faite entre vifs; sans esperance de la pouuoir iamais reuoker ne rappeller, en quelque sorte, maniere & pour quelque cause que ce soit, & promet garentir, &c. transportant, &c. desaisissant, &c.* Toutesfois on iugera ceste donation faite pour cause de mort, & testamentaire, & non entre vifs, consequemment nulle, suiuant la loy *filia mea emancipata & agra. ff. solu. matr. l. filius familias. ff. de donat. notatur in §. 1. de lege Fusia Caninia tollenda, in Instit.* Lesquelles loix nous suiuous en France, non pas la loy *Scia. §. finali. ff. de donat. causa mort.* Ainsi qu'il a esté iugé par arrest solemnellemēt prononcé, pour vn nommé Thioist le 5. Iuin 1568. *notat Nicolaus Valla in titulo De donationibus, tractatu secundo.* Aussi on reputera tousiours telle donation frauduleuse, & faite en fraude du fisque, suiuant la loy *in fraudem. ff. de iure fisci, l. si libertus. ff. de iur. patr.* Et conformément à ce que dessus, eut porté par le 267. article de la nouuelle Coustume de Paris, Que toutes donations, encores qu'elles soient conceuës entre vifs, faictes par personnes gisans au liēt malades, de la maladie dont ils decedent, sont reputées faites à cause de mort & testamentaires, & non entre vifs.

²
Donationes causa mortis legatis equiparantur.

³
L'Estranger pendant sa maladie faisant donation, on la reputé faite pour cause de mort, en quelque sorte qu'elle soit conceüe.

Imò verò encores que la donation entre vifs soit faite par l'Estranger estant en pleine santé, si est-ce que s'il y a presumption de collusion entre le donateur & le donataire: comme si le donateur a tousiours iouy des choses données, & soit decedé en la possession d'icelles, ou ait retenu faculté de disposer des choses données, ou ait chargé le donataire de payer ses debtes & accomplir son testament, ou y ait clause de la pouuoir reuoker en certains cas, ou en la donation soit faite mention de mort, ou bien y ait autres coniectures adnotées par les Iurisconsultes & Canonistes: en ce cas on declarera telle donation frauduleuse, & faite pour cause de mort. Et sans auoir esgard à icelle, les biens de l'Estranger seront adiugez au Roy par droict d'Aubeine, suiuant la loy *sicut §. supernacuum quib. mod. pig. vel hypot. sol. l. & qui sub imagine. C. de*

⁴
Presöptions pour iuger une donatiö faite pour cause de mort, encores qu'elle soit faite en forme de donation entre vifs.

disfract. pigno. Alexander de Imola consil. 14. Vol. 1. Bartolus in l. qua dotis. ff. solut. matr. Car és cas susdits c'est donner & retenir : contre la prohibition de la Coustume.

HOMME ET FEMME ESTRANGERS CONIOINCTS

par mariage, peuuent faire don mutuel ensemble, pour iouir par le suruiuant en vsufriict seulement : avec les Arrests sur ce interuenus.

- | | |
|---|--|
| <ol style="list-style-type: none"> 1 L'Estranger peut faire don mutuel avec sa femme par vsufriict seulement. 2 La femme demeurant hors de France ne peut demander ses conuentions matrimoniales sur les biens estans en France. 3 Le don mutuel peut estre faict de la propriété. 4 Comme on cognoist qu'une dona- | <ol style="list-style-type: none"> tion est faicte entre vifs, & non pour cause de mort. 5 Recit d'une donation declarée entre vifs, & non pour cause de mort, ny testamentaire. 6 En don mutuel quand la caution peut estre remise. 7 En don mutuel faict pendant le mariage la caution ne peut estre remise. |
|---|--|

CHAPITRE XX.

L'Estranger
peut faire
don mutuel
avec sa fem-
me par vsu-
friict seule-
ment.

Arrest de-
cisif de la
question des-
susdite.



Estant loisible à l'Estranger disposer par donation pour cause de mort, des biens qui luy appartiennent en France, comme il a esté monstre au chapitre precedent : on a demandé si l'Estranger peut faire don mutuel avec sa femme, par lequel il soit conuenu que le suruiuant d'eux iouyra par vsufriict des biens du predecédé, suivant la Coustume de Paris, & si le don mutuel est vallable.

Ceste question fut plaidée en la Cour le 26. Nouembre 1551. entre vn donataire du Roy, & la vesue Ludouic de Ban Allemant, lequel à la verité auoit eu lettres de naturalité du Roy, & non sa vesue, qui estoit natifue d'Allemagne, & s'estoit retirée en France apres le decez de son marry. Et combien qu'il puisse sembler à aucuns que tel don doieue estre censé donation pour cause de mort, & non donation entre vifs : Parce que l'effect & execution d'iceluy est conferé apres le decez de l'Estranger, & attrait au iour de sa mort. Aussi que l'Estranger ne se dessaisit de rien, *sed bonorum suorum dominus remanet*, & a la libre disposition d'iceux: l. 2. & 3. ff. de donat. cau. mort. l. non omnis. ff. si cert. pet. l. quod sponsa. C. de donat. ante nupt. Benedictus in cap. Raynurius in verb. vxor. nomine Adelasiam, col. 776.

Raisons par
lesquelles est
monstre le
don mutuel
faict par
l'Estranger
estre vala-
ble.

Toutesfois lors fut remonstre que le don mutuel estoit bon, & permis de droict, par la loy *quod auctem. §. si maritus. versic. si vir. ff. de donat. inter vir. & vxor. l. pater puella. Vbi notatur. ff. de inoff. test.* que tel don estoit reciproque, deslors de la confection d'iceluy parfait & absolu, subiect à insinuation, comme vn contract faict entre vifs, & ne se pouuoit reuoquer *nisi mutuo consensu* : qu'il contenoit vn simple vsufriict,

tellement que *censebatur contractus inter vivos, & non donatio causa mortis*. Mesmement que *verba dispositiua non sunt collata in tempus mortis, sed executiua tantum, l. perfecta, C. de donat. qua sub modo, l. 3. C. de reuoc. donat. l. si mortis, cum lege sequenti, ff. de donat. cau. mort.* Et non dicitur donatio causa mortis, nisi in ea mortis mentio fiat. *l. Seia, ff. de dot. præleg. Glosa in §. 1. in verbo humanitus, Instit. de donat. Glosa in l. licet, in verbo mortis causa. C. de pact.* Aussi in dubio donatio præsumentur inter vivos & non mortis causa, *ut inquit Accursius in l. fina. C. de donatio. causa mort. in verbo indigere. latè tractat Alexander de Imola consil. 14. vol. 1. Baldus in l. 2. C. de iur. dot. Bartolus in l. qua doris, ff. solut. matr.* Imbert en son Enchiridion fol. 102. le don mutuel estant contracté entre vifs, il est permis aux estrangers de le faire & passer entre eux, comme il a esté monsté au 10. chapitre.

Et encores que le don mutuel fust passé en Allemagne, neantmoins par arrest donné en plaidoyrie le 26. Novembre 1551. fut dict en confirmant la sentence de Messieurs du Thresor, que tous & chacuns les biens demeurez par le decez du defunct estans en France, seroient prisez, & que la vesue iouyroit des biens par prouision, en baillant caution en ce ressort de la prisee d'iceux, de ne les transporter hors ce Royaume, & les rendre s'il est dict en fin de cause. Et pour proceder au principal les parties furent renuoyées pardeuant Messieurs du Thresor. Ce qui est conforme à la decision de Bartole, *in l. nec ei. §. eorum, in fine, ff. de adop. & in l. 1. C. de eman. cipatio. instrumentum, inquit, factum in territorio ex forma statuti, valet extra territorium.* Tellement qu'un testament fait hors de France par un François, selon la forme & solennité requise au lieu auquel il est fait & passé, a effect en France. Car quant à la forme & confection des testaments ou contractz, on regarde le lieu auquel ils sont passez. Et quant à la matiere, effect, & execution; pour le regard des meubles on regarde le domicile des contractans: & pour le regard des immeubles, on considere la Coustume de la situation d'iceux.

Teneur de l'arrest cy dessus allegué.

2
La femme demeurant hors de France ne peut demander ses conuentions matrimoniales sur les biens estans en France.

Secus dicendum, si la femme estrangere, apres le trespas de son mary estrangier (encores qu'il fust naturalisé) n'estoit venuë demeurer en France. Car estant demeurante hors le Royaume, elle ne seroit receuable à demander ses conuentions matrimoniales sur les biens estans en France. Parce qu'en ce faisant elle transporterait l'or & l'argent hors de France, contre les loix & statuts d'iceluy.

3
Le don mutuel peut estre fait de la propriété.

Ce qui a esté dict cy dessus du don mutuel fait d'un simple usufruit, entre l'homme estrangier & la femme Françoisse, ou bien entre estrangers, a lieu, encores que le don mutuel soit fait de la pleine propriété des meubles ou immeubles qui leur appartiendront au iour de leur trespas: tout ainsi qu'il est permis faire tels dons mutuels par contract de mariage, comme il sera dict au prochain chapitre. Pourueu que la Coustume ne prohibe le faire pendant le mariage, ainsi que fait la Coustume de Paris, pour le regard de la propriété.

Semblable question que celle de Ludouic de Ban cy dessus recitée, fut plaidée en la Cour le vingt-troiesime Novembre mil cinq cens soixante-huict, pour yne vesue demeurant près de Reims, qui auoit espoulé

vn Gentil-homme Nauarrois. Et en la Chambre du Thresor ordinairement on reçoit les dons mutuels entre les estrangers, soit par contract de mariage, ou pendant le mariage, selon qu'il est permis par les Coustumes des lieux. Comme, quand, & en quels lieux les donations mutuelles ou simples, portées par contract de mariage, ou faites pendant le mariage, entre homme & femme mariez, doiuent estre insinuées, est ample-ment déclaré au vingt-vniesme chapitre du Traicté des droicts de Iustice par nous n'agueres mis en lumiere.

4 Comme on cognoist quand une donation est faite entre vifs, & non pour cause de mort.

Par ce qui a esté cy-dessus dit, on peut cognoistre, que pour iuger vne donation faite entre vifs, & non pour cause de mort, on considere *verba dispositiua*, non pas *executiua*. Et ce faisant encores que l'effect & execution d'une donation soit conferée apres la mort du donateur, & qu'il soit dit que la donation n'aura effect, & que le donataire ne sera payé des ar-rerages de la rente qui a esté donnée, sinon apres le trespas du donateur: toutesfois telle donation est censée entre vifs, & non pour cause de mort.

5 Recit d'une donatio declarée estre entre vifs, & non pour cause de mort ny testamētaire.

De faict vne Damoiselle de ceste ville de Paris, par contract passé par deuant deux Notaires, ayant donné, cédé, transporté, & delaisié du tout, dés-maintenant, à tousiours en pur don, & par donation faite entre vifs, sans esperance de iamais la rappeler, reuoquer, ne venir au contraire en quelque maniere que ce soit, & promis garentir de tous empeschemens à Tel present, & acceptant pour luy & les hoirs au temps aduenir, deux cens liures tournois de rente annuelle & perpetuelle, à les auoir & prendre apres son trespas, sur tous & chacuns ses biens, qu'elle a de present à elle appartenans, & qu'elle aura au iour de son decez: Et que ses enfans & heritiers seront tenus luy payer & continuer chacun an iusques au rachapt d'icelle, moyennant la somme de deux mil quatre cens liures tournois qu'ils seront tenus payer pour le rachapt de ladite rente audit tel, ou ses hoirs quand bon leur semblera. Pour desdits deux cens liures de rente iouyr par ledit tel, apres le trespas de ladite donataire, & non plustost. Ces present don, cession, & transport faits pour la bonne affection & amitié, que ladite Damoiselle a dit auoir & porter audit tel. Et que tel a esté, & est son plaisir & volonté de ainsi le faire. Et pour insinuer, &c. ladite donation a esté déclarée bonne & valable, & faite entre vifs: encores que la rente ne fust assignée sur aucun heritage, & qu'il n'y eust aucune promesse, ny obligation de la payer & continuer par la Damoiselle. Aussi que si ladite Damoiselle n'eust fait tradition d'aucune chose, ne se fust deslaisie d'aucun meuble, ny immeuble. Et qu'il semble que telle donation fust plustost vne donation pour cause de mort: attendu que l'effect & execution estoit entierement differée apres la mort de la donante: Ou bien fust vn legs testamentaire fait par ladite Damoiselle, payable par ses heritiers apres son trespas, que non pas vne donation entre vifs. Ioinct, & qui estoit grandement considerable, que ladite Damoiselle auoit reuoqué ladite donation par son testament. Toutesfois par arrest du neuuesme May mil cinq cens quatre-vingts-douze, donné au rapport de Monsieur du Tillet, ladite donation,

qui auoit esté deuëment acceptée & infinuée, & faite en pleine santé, fut déclarée bonne & valable & irreuocable: & les enfans & heritiers cōdamnez tant par prouision, que diffinitiuement payer & continuer chacun an, aux quatre termes à Paris accoustumez, lesdits deux cens liures de rente, & les arrerages escheus depuis le trespas de la Damoiselle donatrice. Et condamnez és despens du procez.

Et conuient entendre, que quand les futurs conioincts par leur contract de mariage font don mutuel de tous leurs biens, pour en iouyr par le suruiuant, par vsufruit sa vie durant: ils peuuent conuenir & accorder, que le suruiuant ne sera tenu bailler aucune caution, laquelle conuention est valable, d'autant que la propriété de tous les biens pouuoit estre valablement donnée. Mais si le don mutuel par vsufruit seulement est fait durant le mariage, la caution ne peut estre remise: non plus qu'à vn vsufuitier. *l. i. C. de vsufuitu.* Mais le suruiuant sera tenu de bail-
6
En don mu-
tuel quand
la caution
peut estre
remise.
7
En don mu-
tuel fait pē-
dant le ma-
riage la
caution ne
peut estre
remise.
 ller caution suffisante, de restituer apres son trespas les biens desquels il ioyt sa vie durant, suiuant le deux cens octante article de la nouvelle Coustume de Paris. Autrement ce seroit vn aduantage fait à la femme contre la prohibition du deux cens quatre-vingts & deuxiesme article de la Coustume, & contrecuenir à la forme du don mutuel permis à l'homme & femme mariez, prescrite par l'article de Coustume dessusdit. Et combien que par contract de mariage la caution puisse estre remise, comme dit est; neantmoins le suruiuant n'aura deliurance des biens donnez, sinon à sa caution iuratoire. C'est à dire qu'il sera tenu comparoir au Greffe, se constituer depositaire des biens de Iustice, obliger & hypotheker tous ses biens tant meubles, que immeubles, à la restitution des biens, desquels il iouyt par le moyen dudit don mutuel. Et ce suiuant le cent soixante quatriesme article de la Coustume de Paris, conformément à la disposition de droit *in §. sed hodie. de Satisfatio. in Institut. l. unica in verbis iuratoriæ tantum cautioni C. ut omnes iudices tam civiles quàm milita.*

Il conuient noter que le don mutuel qui est fait par l'homme & femme mariez se reigle, pour le regard des meubles, selon la Coustume du domicile des parties contractantes. En sorte que si elles sont demeurantes à Paris, & n'ont point d'enfans, le don mutuel est bon pour l'vsufruit des meubles: Si elles sont demeurantes au pays du Maine, le don mutuel est bon pour la propriété des meubles, soit qu'il y ait enfans ou non. Et le semblable est gardé, s'i s'ont demeurans en pays de droit escript. Quant aux immeubles & heritages, on se reigle suiuant les Coustumes des lieux, esquels les heritages sont assis, encores que les contractans soient demeurans en la ville de Paris. Tellement que pour le regard des heritages, qui seront assis en la Preuosté & Vicomté de Paris, le don mutuel sera bon pour l'vsufruit de la moitié des conquests immeubles faits durant leur mariage, laquelle appartenoit au predecédé lors de son decez, au cas qu'ils n'ayent point d'enfans: suiuant le deux cens quatre-vingts article de la nouvelle Coustume de Paris. Et quant aux heritages

situez au pays du Maine, le don mutuel sera bon s'il n'y a point d'enfans, pour la propriété à perpétuité des acquests & conquests immeubles: S'il y a enfans, le don mutuel sera bon pour l'usufruit des acquests & conquests, à la charge de nourrir les enfans iusques à ce qu'ils soient en aage: Comme il est porté par le trois cens trente-quatriesme article de ladite Coustume. Et au regard des heritages qui sont assis au pays de Droit escript, le don mutuel sera bon, & aura effect quant à la pleine propriété de tous les heritages, lesquels appartiendront au suruiuant, sauf aux enfans leur legitime, s'aucuns y a: suiuant la loy *quod autem, §. si maritus. vers. si uno. ff. de donat. inter vir. & uxor. l. pater puella. ubi notatur ff. de inoff. testam.* Mais il faut regarder à bien dresser le don mutuel, à ce qu'il s'estende à tous les biens des conioints par mariage: & le conformer aux Coustumes, & à la disposition du Droit commun. Comme du Moulin a amplement deduit & montré en ses Conseils & responses de Droit, Conseil cinquante-troisiesme: auquel il recite la forme du don mutuel passé entre feu Monsieur le Chancelier de Gauuay, & Dame Ieanne Boilesme son espouse.

Aussi les conioints par mariage, encores qu'ils soient demeurans à Paris, & ayent enfans, toutesfois ils peuuent faire don mutuel, ou donation simple l'un à l'autre des heritages assis en certaine Coustume, selon qu'il leur est permis par icelle: ou des heritages situez au pays de Droit escript, selon qu'il leur est licite par la disposition de Droit.

L'ESTRANGER PAR CONTRACT DE
mariage peut donner à sa femme suruiuante tous les biens qu'il aura lors de son decez, principalement si la donation est reciproque: Que les conuentions matrimoniales sont grandement fauorables: Et comme la fille peut renoncer aux successions de ses pere & mere.

- | | |
|---|---|
| <ol style="list-style-type: none"> 1 Sçauoir si l'estranger peut donner à sa femme tous les biens qu'il aura lors de son decez. 2 Raisons pour lesquelles il semble ladite donation n'estre valable. 3 Sentence du Thresor conforme à ce que dessus. 4 Autre sentence de Messieurs du Thresor. 5 Donation de tous biens faicte par contract de mariage entre un estranger, & la femme natifue de France, est valable. 6 Donation par contract de mariage entre deux regnicoles naix & demeurans en France, est valable. | <ol style="list-style-type: none"> 7 La faueur des contracts de mariage est fort grande en France. 8 En France la conuention matrimoniale faicte avec le pere, de luy succeder par la fille, pour un tiers ou un quart, est valable, & le pere ne peut disposer par testament desdits biens au preiudice d'icelle. 9 Par les Coustumes de France il n'est permis tester de tous ses biens. 10 Un pere en contractant le mariage de son fils aisné, l'ayant reconnu pour son fils aisné, apres ledit contract, il ne peut vendre. 11 Par contract de mariage ayant esté conuenu, que le fils aisné seroit seul heritier |
|---|---|

heritier de tous les biens presens & aduenir, les autres enfans peuvent demander leur legitime sur lesdits biens.

12 De droict civil pactum de non succendo reprobatur.

3 En France la renonciation faite à la succession paternelle ou maternelle, moyennant le dot baille à la fille, est valable.

14 La maxime cy dessus a lieu principalement entre nobles.

15 Renonciation faicte par la fille loco venditionis est.

16 Si la renonciation s'estend aux enfans, & s'ils peuvent demander leur legitime.

17 Renonciations faites par les filles mariées aux successions de leurs

pere & mere, profitent à tous les enfans heritiers.

18 Deux sortes de renonciation.

19 Si le mary peut estre poursuiuy, lequel a promis faire ratifier la renonciation faite par sa femme.

20 La deceptiō d'oultre moitié de iuste prix n'est point cōsiderable, quand on cōtraicte sur chose incertaine.

21 La loy seconde C. de rescind. vcd. n'a point de lieu en vendition de droicts successifs.

22 Quand la loy seconde D. de rescind. vend. est receuë en France.

23 La loy seconde n'a point de lieu in emptore.

24 Quand le suruiuant n'est point tenu de faire inuentaie.

25 Quand l'insinuatiō n'est point requise

CHAPITRE XXI.



Ombien que l'estranger puisse faire don mutuel avec sa femme pour iouyr par le suruiuant des biens donnez par vusufruit seulement, suiuant la Coustume de Paris (cōme il a esté dit au chapitre precedent:) Toutesfois on a douté, si l'estranger par cōtraict de mariage peut donner à sa femme suruiuante natifue de France ou bien estrangere, la

propriété de tous les biens qui luy appartiendront au iour de son trespas, au cas qu'il decede sans enfans. Et encores a-on demãdé si telle donation est valable quand elle est reciproque, à sçauoir quand le mary estrangier & la femme pareillement estrangere, par contract de mariage ont conuenu, que tous les biens qui appartiendront au predecédé, lors de son decez, demeureront en pleine propriété au suruiuant.

Plusieurs ont tenu que telle donation faite par l'estranger estoit nulle, & ne pouuoit subsister. *Quia huiusmodi donatio continet veram heredis institutionem, siue hereditatis delationem, vel bonorum obuentione: quod pacto aut contractu fieri non potest, sed testamento tantum, quo hereditas extraneis datur,* selon le texte in l. hereditas. C. de pact. conuent. tam super dote, in verbis, Cum igitur affirmes dotali instrumēto pactum interpositū esse vice testamenti, ut post mortem mulieris bona eius ad te pertinerent, intelligis nulla te actione posse conuenire mulieris heredes. ut bonatibi restituatur quæ nullo modo debentur. l. pactum quod dotali instrumēto, C. de pactis: vel potius huiusmodi donatio continet pactum futura successionis in iure reprobatur, l. licet. . de pact l. cum donationis. in fine, C. de transactio. l. stipulatio hoc modo concepta. ff. de verbo. obliga.

Aussi telle donation, qui est faite cogitatione mortis, qui a traict à la mort,

¹
Sçauoir si l'Estranger peut donner à sa femme tous les biens qu'il aura lors de son decez.

²
Raisons pour lesquelles il semble la dite donation n'estre valable.

& l'effect de laquelle est conferé au iour du decez du testateur, *consuetudo donatio causa mortis, & non inter vivos*: attendu que le donateur ne se dessaisit de rien. *Et paria sunt aliquid facere tempore prohibito, vel in tempus prohibitum conferre, ideoque telle donation est nulle respectu de l'estranger, qui nec testari, nec causa mortis donare potest*, comme il a esté amplement déclaré es deux chapitres precedens, l. 2. ff. de donat. caus. mort. l. quod sponsa. C. de dona. ante nup. *Dispositio enim indicatur secundum tempus, in quod cōfertur. Ita tenet Guillel. Benedicti in c. Raynutius in verb. uxore nomine Adclasiā col. 776.*

Ioinct qu'on estimera ceste donation contenant disposition de tous biens frauduleuse, & faicte en fraude du fisque, lequel par la loy & Statuts du Royaume doit succeder à l'estranger testat ou intestat, en tous les biens, qu'il a en France. l. omnes. §. Iucius. ff. qua in fraud. creditor. Et par les moyens susdits suiuant la disposition de droict; sans auoir esgard à telle donation, on pourra soustenir les biens de l'estranger appartenir au Roy par droict d'Aubeine.

Toutesfois en France lesdits moyens ne seroient receus. Parce qu'on repete la donation de tous les biens faite par le cōtract de mariage, au suruiuant des deux conioints, & l'institution d'heritier portée par cōtract de mariage, en faueur du suruiuant des deux conioincts, bonne & valable: nonobstant la disposition de la loy *hereditas. C. de pact. conuent.* & de la loy *pactum quod dotali*, & de la loy finale, C. de pact. suiuant la doctrine de *Masuerius in sua praxi titulo de Societate, colom. septima*, comme il sera dit cy apres. De faict par le 2100. article de la Coustume de Bourbonnois, Donation vniuerselle faite de tous biens presens & aduenir ne vaut, sinon en traicté de mariage, au profit des contractans & des descendans d'eux. Aussi il est certain par la disposition de droict, que ie puis donner entre vifs irreuocablement tous les biens, qui m'appartiendront au iour de mon decez, me reseruant la faculté de tester, iusques à certaine somme de deniers, *ut ex glos. expressa ab omnibus approbata, in lege finali in verbo accommodauerit. C. de pact. Bartolus consilio 212. Paulus de Castro in l. stipulatio hoc modo concepta. ff. de verbo. obliga. l. Stichum qui meus erit cum moriar. ff. de leg. 1.* Comme il sera amplement déclaré au sixiesme chapitre du droict de Desherence. Et ceste question estant agitée en la Chambre du Thresor, pour les biens de feu Pierre Thomas, en son viuant tailleur d'habits, natif du Liege, sa vefue eut main-leuée, & à la verité le defunct estoit naturalisé. Aussi pareille question estant agitée en la Chambre du Thresor, & depuis plaidée à la Cour pour feu Bertignon, Procureur en Parlement, natif de Lorraine, lequel par son cōtract de mariage auoit donné à sa femme, au cas qu'elle suruiust, & n'y eust enfans procréés de leur mariage, tous ses meubles, acquests & conquests immeubles: sa vefue eut main-leuée de tous les biens demeurez par son decez, le defunct estant naturalisé. Combien que ces mots, presens & aduenir, ne fussent en la donation. Et disoit-on que la donation ne s'entendoit que des biens presens, qui appartennoient au defunct lors du cōtract de mariage, & non de ceux qu'il auoit depuis acquis: suiuant la loy *scita*, & la loy *Plautius ff. de auro & argen. lega. glosa in leg. finali in verbo pertinen-*

rium. C. qua res pig. obl. pos. Toutesfois ce mot de conquest demonstroit le contraire: *quia de futuris tantum intelligi poterat, huc pertinet lex finalis.* §. 1. de lega. 2.

Et suiuant ce que dessus, par contract de mariage passé à Paris le dernier Iuillet, mil cinq cens quatre vingts & vnze, entre Louys Dais, natif de Sarez ville du Pays de Gueldres, & Marie Lambrice: estant conuenu, Que au suruiuant des futurs conioincts, demeureroient, competeroient, & appartiendroient du tout à tousiours, & aux siens en pleine propriété, tous & chacuns les biens meubles, acquests & conquests immeubles, ensemble les propres qui appartiendroient au premier mourant au iour de son decez, desquels le premier mourant faict don, cession, & transport audit suruiuant; pourueu que au iour de la dissolution du mariage il n'y ait enfans: Et à la charge de payer les debtes du predecédé, le faire inhumer & accomplir son testament iusques à la somme de cent liures tournois, si tant se monte. Ledit contract de mariage ayant esté deuëment insinué, le mary estant decédé en ceste ville de Paris, ses biens estans saisis à la requeste du Procureur du Roy au Thresor: La vefue a eu main-leuée de tous les biens meubles, acquests, & conquests immeubles, & propres demeurez par le trespas dudit defunct Louys Dais, pour en iouyr comme à elle appartenans suiuant son contract de mariage cy dessus datté, & aux charges portées par iceluy; mesmes d'accomplir le testament du defunct, iusques à la somme de cent liures tournois. Et en ce faisant les Commissaires establis aux biens sont deschargez, en payant les frais liquidez à vingt sols tournois. La sentence est dattée du cinquiesme Septembre, mil cinq cens quatre-vingts douze. Et conuient noter que ledit defunct Dais, estant natif du Pays de Gueldres, est de ceux qui sont compris és Traictez de paix faicts entre les Roys de France, & les Roys d'Espagne, Comte de Flandre, & des Pays-bas.

3
Sentence du
Thresor cõ-
forme à ce
que dessus.

Autre semblable sentence contradictoirement donnée par Messieurs du Thresor le vingtiesme Feurier, mil cinq cens quatre-vingts, contre le Procureur du Roy audit Thresor: Au profit de Guillaume Moreau, Maistretireur d'or & d'argent à Paris, apres le trespas de Heleine Masson sa femme, natifue de Flandre. Par laquelle, suiuant son contract de mariage, il a obtenu main-leuée de tous les meubles, & conquests immeubles demeurez par le trespas de ladite le Masson sa femme, pour en iouyr suiuant les clauses & conditions portées par son contract de mariage. Tellement que nonobstant la disposition de droict cy dessus alleguée, mesmes de la loy *hereditas C. de pactis conuentis tam super dote*, conformément aux sentences cy deuant recitées, ils tiennent en la Chambre du Thresor, que la donation de tous les biens faicts par contract de mariage, entre vn mary estranger, & la femme natifue de France: ou bien entre estrangers demeurez en France, soit que la donation soit reciproque au suruiuant des deux conioincts, ou en faueur de l'vn d'eux seulement, est bonne & valable: Comme estant vne vraye donation entre vifs,

4
Autre sen-
tence de Mes-
sieurs du
Thresor.

5
Donation
de tous biens
faite par cõ-
tract de ma-
riage entre
vn estranger

Et la femme
natisue de
France est
bonne &
valable.

parfaicte & absoluë deslors de la confection d'icelle, l'exécution de laquelle est conseruée apres la mort. Pourueu que ladite donation soit deuëment acceptée & insinuée, comme il a esté dit au chapitre precedent. Si la donation de tous biens portée par le contract de mariage est faite entre deux regnicoles, naiz & demeurans en France, il est sans doute qu'elle est bonne & valable, suiuant la doctrine de Massuerus cy dessus citée. Aussi telle donation est bonne encores que l'un des deux contractans mariage fust bastard: parce que le bastard peut librement tester de tous ses biens, & iceux donner pour cause de mort: comme il sera dit au sixiesme chapitre du droict de Bastardise.

6

Donatio par
contract de
mariage en-
tre deux re-
gnicoles
naiz & de-
mEURANS en-
France, est
bonne &
valable.

Et sera bon que la donation susdite porte charge d'accomplir le testament du premier decedé, iusques à certaine somme de deniers: ainsi qu'on a accoustumé de mettre aux dons mutuels qui se font entre l'homme & la femme mariez. Et ce pour obuier aux obiects contenus au 6. chapitre du droict de Desherence, lequel il est besoin de voir.

7

La donation
sUSDITE doit
porter char-
ge d'accom-
plir le testa-
ment pour
obuier aux
fraudes.

Et à la verité la faueur des contracts de mariage est fort grande en France, & les conuentions portées par iceux sont exactement gardées. Car cōbien que par la disposition du droict ciuil, *pactū de succedendo, siue de futura successione dotali instrumento comprehensum sit nullum*. En sorte que si le pere, en contractant le mariage de sa fille, promet qu'elle luy succedera pour vn quart, ceste conuention soit nulle: Et nonobstant icelle le pere puisse librement tester de ses biens, sauf la legitime de droict à sa fille, *l. pactum Cod. dotali. lege finali Cod. de pactis, quia huiusmodi pactis liberam testandi facultatem restringit: & ideo contra bonos mores esse censetur. l. si fratres. §. idem respondit. ff. pro socio. lege, stipulatio hoc modo. ff. de verb. obliga. l. ex eo. C. de inutilibus stipulationibus*.

8

La faueur
des contra-
cts de ma-
riage fort
grande en
France.

Aussi que *hereditas testamento tantū, non autem pactis & contractibus de ferri potest. d. l. hereditas. C. de pact. conuen. Et imputandum est genero tanquam fatuo, qui huiusmodi pollicitationi credidit*, comme dit Accursius in *l. cum donationis, C. de transactio*. Et en ce cas seroit besoin vser de donation ou d'autre contract, contenant *presentem obligationem contra donantem vel paciscentem: & non simplicem bonorum obventionem: ut scilicet inter viuos donentur bona post mortem, vel pater promittebat, quod quarta pars bonorū suorū perueniet post mortem suam ad filiam irreuocabiliter, ut tradit glosa in dicta l. finali in verbo accommodauerit. Col. de pact.* cy dessus alleguée. Autrement le pere puisse licitement contreuenir à la conuention de succeder cy deuant recitée, & que ceste conuention n'ait effect, sinon au cas que le pere ait perseueré en icelle iusques à son decez, sans auoir déclaré volonté contraire, conformément à ladite loy finale *Cod. de pact.*

9

En France
la conuen-
tion matri-
moniale fai-
te avec le
pere de luy
succeder pour

Toutesfois en France la conuention matrimoniale faite avec le pere, de luy succeder par la fille pour vn tiers, ou bien pour vn quart, est bonne & valable, & au preiudice d'icelle, le pere ne peut par testament disposer de ses biens. Comme ceste conuention contenant vne vraye donation faite entre vifs, ou bien institution contractuelle d'heritier, laquelle en France se peut faire par contract de mariage comme il a esté cy dessus monstré. Tellement que le pere par contract de mariage ayant

donné en don cinquante mil liures tournois à sa fille, & promis par le contract de mariage passé avec son gendre, qu'il ne pourroit en quelque sorte que ce soit, faire aucun aduancemēt à ses fils, ou autres ses enfans, au preiudice de la future espouse sa fille, fors & excepté les prerogatiues attribuées au fils par les Coustumes: le pere qui auoit grands biens, tant au pays de droit escript, qu'en pays coustumier, depuis ce contract de mariage ayant institué son fils aîné heritier en tous les biens, graduellement substitué les masles puisnez, & ordonné qu'à sa fille, outre les cinquante mil liures donnez en faueur de mariage, on baillast vingt-cinq mil liures pour supplément de sa legitime. A esté aduisé par les anciens Aduocats de la Cour, que ceste institution d'heritier & disposition testamentaire estoit nulle, pour le regard de la fille mariée: laquelle deuoit succeder à son pere, & auoir la portion hereditaire telle qu'elle eust eu, s'il n'eust aucunement disposé & fust decedé *intestat*. Autrement le gendre, qui de bonne foy estoit entré en l'alliance du defunct, & qui sous ceste paction auoit contracté mariage, seroit circonuenu.

un tiers ou un quart est valable. Et au preiudice d'icelle le pere ne peut par testamēt disposer de ses biens.

Aussi par les Coustumes de France, il n'est pas permis tester de tous ses biens, comme il est licite par la disposition de droit commun. Mais par la Coustume de Paris les dispositions testamentaires sont restraintes au quint des heritages propres des testateurs, & aux meubles, acquests & conquests immeubles. Et le semblable doit estre obserué, quand le pere, par contract de mariage de l'un de ses enfans, a promis qu'il n'aduantageoit point l'un de ses enfans, plus que l'autre. Les donations & dispositions depuis faites par le pere contraires à ceste promesse sont nulles, pour le regard de l'enfant, au contract de mariage duquel la promesse susdite est contenuë: Mais lesdites promesses ne profitent aucunement aux autres enfans, lesquels sont tenus entretenir les donations & dispositions testamentaires de leur pere, & ne peuuent sinon demander legitime, ou supplément d'icelle. Aussi quand vn pere en contractant le mariage de son fils aîné, l'a reconnu pour son heritier principal & aîné: il s'est lié les mains, & ne peut apres ledit contract de mariage vendre, aliener, ny autrement disposer des heritages qui appartiennent par les Coustumes à son fils aîné, lequel comme heritier contractuel, vendiquera les terres alienées par son defunct pere, depuis ledit contract de mariage. Comme ceste recognoissance d'heritier principal contenant donation deslors faite au fils aîné de ce qui luy appartient, à cause de son droit d'aînesse. Encores que telle donation n'ait esté insinuée: comme ne contenant sinon ce que la Coustume donne au fils aîné pour son droit d'aînesse: Ioinct, comme dit est, que par contract de mariage on ne peut instituer heritier, & ceste institution equipole à donation.

*10
Par le. Coustumes de France, il n'est permis tester de tous les biens.*

*11
Un pere en contractant le mariage de son fils aîné, l'ayant reconnu pour son fils aîné, apres ledit contract il ne peut vendre.*

Toutesfois le plus seur seroit vser de donation. D'auantage, si par contract de mariage a esté conuenu, que le fils aîné seroit seul heritier, & que tous les biens tant presens que aduenir, desquels ses pere & mere, lors de leur decez, seroient saisis, luy appartiendroient: Ou bien luy soient faits tels aduantages que le surplus des biens ne soit suffisant pour la legitime des autres enfans. Telles conuentions sont receuës en France, &

*12
Par cōtract de mariage ayant esté cōuenu que le fils aîné seroit seul*

heritier en
tous les biens
presens &
aduenir, les
autres en
sans peuuent
demander
leur legiti-
me sur les-
dits biens.

lesdits aduantages ne peuuent estre reuoquez par le pere ou mere separément ny coniointement: & doiuent perseuerer en ceste volonté iusques à leur decez, sans pouuoir charger ledit fils aîné de fideicommiss de rentes, ou autres charges: En sorte que les autres enfans issus de ce mariage, ou d'autre ne pourront demander que leur legitime, ou supplément d'icelle. Et ce que dessus a lieu, tant au pays coustumier de France, qu'au pays de droict écrit, estant sous l'obeissance du Roy. Comme Auffrelius a amplement traicté *in decis. onibus capitula Tholosana* 452. & 453. lequel pour ce regard allegue plusieurs arrests des Cours de Parlement de Tholouze, & Bordeaux, decisions de conseils de Docteurs, mesmes le chap. *Cum contingat, de iureiuran. extra.*

Parcillement, si par contract de mariage, mesmes quand vn homme conuole en secondes nopces est dict, que les enfans issus de ce mariage n'auront pour tout droict successif paternel, que certaine somme de deniers, ou certains heritages: Et que la femme n'aura aucun droict de communauté de biens: mais que suruiuant son mary elle aura certaine somme de deniers seulement. Telle conuention est bonne & vallable: & *huiusmodi matrimonium dicitur contractum secundum legem morganicam*, dont est parlé, *in lege unica, titulo de filiis natis ex matrimonio ad morganicam contracto in usibus feudorum.*

13
De droict ci-
uil pactum
de non suc-
cedendo
reprobatur.

Aussi combien que par la disposition de droict ciuil, *pactum de non succedendo sit à iure reprobaturum*. Ou bien que, *renunciatio facta hereditatis uiuentis sit nulla*. En sorte que la fille dotée par son pere ayant renoncé par son contract de mariage à la succession future & à escheoir de son dit pere, nonobstant ceste renonciation, comme nulle, luy puisse succeder avec les autres enfans en rapportant son dot, suivant la loy *pact. dotali C. de cola.* & la loy finale, *ff. de suis & legit. hered.* Toutesfois par la disposition canonique, *in cap. quamuis de cap. ex.* suiue en France, telle renonciation à la succession paternelle, ou maternelle, moyenant le dot baillé à la fille est bonne & valable, ne les enfans ne peuuent estre restituez contre icelle: Encores que lors de ceste renonciation la fille fust mineure de 25. ans, y eust lesion de plus que d'outre moitié de iuste prix, qu'on se plaint dedans les dix ans du decez du pere, & auparauant que la fille eust atteint l'aage de 35. ans, & qu'on alleguast la reuerence paternelle. Et ce que dessus a lieu principalement entre nobles, pour deux raisons. La premiere, pour la conseruation & augmentation des familles. La seconde, parce que la fille pour chose certaine & asseurée a remis & quitté chose incertaine, en laquelle elle n'auoit aucun droict certain ny acquis; ains vne simple esperance, qui estoit la succession à escheoir de son pere: lequel pouuoit mourir pauvre, ou bien confisquer ses biens. Et sic *nullum ius firmatum habebat in bonis patris, sed spem tantum*. Auquel cas d'incertitude le mineur ne peut estre restitué, encores qu'il y ait lesion de plus que d'outre moitié de iuste prix, *l. conditionis incertum. quæ est lex prima. C. de pact. l. de fideicommiss. Co. de transact. l. verum §. sciendum & §. sequenti ff. de minorib. xxv annis.* Aussi

15
La maxime
cy dessus a
lieu princi-
palement
entre nobles.

16
Renonciation
faite par la

la renonciation de la fille est *loco venditionis*: comme si elle auoit cédé & transporté à son pere, & à ses freres & soeurs heritiers du pere la future

portion hereditaire, qui estoit incertaine, moyennant la somme de deniers ^{filie loco} qui luy auoit esté baillée en dot par le pere: Ioinct que par plusieurs Cou- ^{védictionis} stumes, comme de Poictou, art. 220. du Maine, art. 241. & autres, la re- ^{est.} nōciation expresse de la fille n'est requise. Parce que fille noble mariée par pere, mere, ayeul, ou ayeule, est excluse de la succession de celuy des biens duquel elle a esté dotée. Ce qui est vray, encore que le pere n'eust donné qu'un chapeau de roses à sa fille.

Ainsi a esté iugé par arrest donné contre la Dame de Panant ^{Arrest de ce} fille du ^{que dessus.} seigneur d'Anglure, Baron d'Estauge: laquelle moyennant dix-huict mil liures receuz en dot de son pere, ayant renoncé à la succession future de son dit pere, auoit obtenu lettres pour estre releuée, fondées sur minorité, reuerence paternelle, & lésion enorme, d'autant que la portion hereditaire se montoit quatre mil liures de reuenu par an, en fond de terre: les parties estant appointées contraires par Messieurs des Requestes du Palais, on appella de l'appointement de contrariété. Et la Cour euoquant le principal, debouta ladite Dame de Panant de l'enterinement de ses lettres, par arrest donné le sixiesme Iuin, 1566. ^{notant Doctores in dicta lege} *paetum dotali. C. de collat. Molineus in suis Consilijs, & responsis iuris, Consilio 55.* Lequel allegue l'arrest donné au profit du seigneur de Courtalin, contre Damoiselle Agnes d'Auaugour. Mais on a demandé si la renon- ¹⁷ ^{Si la renon-} ciation faicte par la fille à la succession future de son pere auoit lieu, & ^{ciation s'e-} s'estendoit aux enfans de ladicte fille, laquelle estoit decedée auant son pe- ^{stend aux} re: Et si lesdits enfans pouuoient succeder à leur ayeul, en rapportant le ^{enfans, &} dot baillé à leur mere. A tout le moins s'ils pouuoient demander leur le- ^{s'ils peuuent} gitime, ou supplément de leur legitime és biens demeurez par le decez de ^{demandeur} leur ayeul: Et si leur mere eust peu demander le supplément de sa legitime. ^{me.}

De ce y a eu arrest solennellement prononcé le 14. Aoust, 1593. contre les enfans de Barbe Charnier, la mere desquels, moyennant deux mil li- ^{Arrest de ce} ures receuz en dot de son pere, auoit renoncé à la succession future de ^{que dessus.} son pere à tout droict de legitime & supplément d'icelle, & faict don de la plus valluë des biens qui luy pourroient appartenir par le decez de son dit pere: lesdits enfans demandoient supplément de la legitime, & pour y paruenir alleguoient trois moyens. Le premier, la nullité de la renon- ciation par les moyens cy dessus déduits. Aussi qu'il y auoit lésion plus qu'enorme: parce que leur portion hereditaire se deuoit monter dix mil liures: & que les renonciations à la successiō future du pere ou de la mere, auoient esté admises en France, quand le dot approchoit à la valeur de la portion hereditaire de la fille qui auoit renoncé: non pas quand il y auoit lésion enorme, & plus que d'outre moitié de iuste prix. Ioinct que par la disposition de droict l'enfant ne pouuoit estre exclus de sa legitime, qui estoit deuë de droict de nature, par quelque paction & conuention qu'il peust faire avec son pere. Et n'y auoit qu'un seul cas pour l'en priuer, qui estoit quand apres le decez de son pere il auoit transigé avec les heritiers, *l. si quando §. illud. C. de inoff. testa.* Pour second moyen disoient que la renonciation faicte par la mere estoit faicte sous condition, si elle suruiuoit son pere, & pouuoit estre son heritiere: laquelle condition

n'estant aduenüë, l'effect de la renonciation cessoit. *l. si vero. §. de vero. ff. solu. matri. l. pater filio. §. si seruum. ff. de heredibus instit.* En tiers lieu disoient, qu'ils venoient à la succession de leur ayeul, *ex capite suo*, de leur chef, & non du chef de leur mere: suiuant la loy *posthumorum. ff. de inoff. testa.* de faict que *lege Velleia annus tenebatur nominatim instituere, vel ex herede nepotes quemadmodum filios: & præteritione eorum rumpebatur aut testamentum, l. Gallus §. videndum ff. de lib. & posthumorum de exhered. libe. in Instit.* Et *quemadmodum exheredatio filij facta à patre non nocet nepotibus, si filius uiuo patre decesserit, l. 3. §. si emancipatus ff. de bonorum possessio. contra tabulas l. si quis filium. Cod. de inoff. testam.* Comme il a esté iugé par deux arrests solennellement prononcez, l'un le premier Iuin, 1582. pour les enfans d'une fille exheredée, qui ont esté admis à la succession de leur ayeul, en rapportant le dot baillé à leur mere: l'autre arrest prononcé le vingt-deuxiesme Decembre, 1584. pour les enfans d'un fils qui auoit esté pour-suiuy en iustice par son pere, au moyen de ce qu'il s'estoit marié contre la volonté du pere, à une femme de basse condition: le fils étant decédé, ses enfans ont esté admis à la successiõ de leur vray ayeul, encores que l'ayeul les eust exheredez par son testament. Et les demandeurs disoient, tout ainsi que *exheredatio filij præmortui non nocebat nepotibus*: Aussi que *renunciatio à matre facta non nocebat filiis suis*: principalement, veu qu'ils auoient renoncé à la succession de leur defuncte mere. Ioint que le pere, ny la mere ne pouuoient priuer leurs enfans, sinon de ce qui venoit de leur chef & de leur part, non pas de ce qui venoit d'ailleurs: mesmes du droit de nature, comme est la legitime, *aut iure sanguinis, l. cum qui, ff. de interdict. & relegat.*

A ces trois moyens le fils aisné institué heritier par l'ayeul respondoit: Quant au premier obiect, qu'il y estoit satisfait par les raisons cy deuant alleguées: principalement par l'arrest donné contre la Dame de Pauant, cy dessus recité. Quant au second moyen dénioit que la renonciation faite par la mere fust faite sous condition: ains estoit pure & simple, & s'entendoit tant du bien present que futur. Au regard du troisieme moyen dénioit, que les nepueux peussent succeder à leur ayeul de leur chef, ains par representation, comme entrans au lieu & degré de leur defuncte mere: & ne pouuoient estre de meilleure condition, que leur mere. Et ce par deux marques notables. La premiere, que les nepueux ne prennent en la succession de leur ayeul, sinon pareille & semblable portion que leur mere: *& semper succedant in stirpes, & non in capita*, encores qu'ils n'eussent oncles ny tantes, avec lesquels ils vinssent à la succession: combien que le contraire soit obserué entre nepueux en ligne colaterale, ou cousins, selon le texte, *in §. nam in usu de hered. ab intesta. venien. in authenticis & §. cum filius de hered. quæ ab intesta. in institu.* La seconde marque est, encores que les nepueux ayent renoncé à la succession de leur pere, ou mere: toutesfois ils sont tenus rapporter en la succession de leur ayeul, ce qui auoit esté baillé par l'ayeul à leur pere ou mere en auancement d'hoirie: comme il a esté iugé par arrest solennellement prononcé le 14. Aoust, 1564. contre les enfans du Grenetier de Nogent sur Seine; lesquels

lesquels furent condamnez rapporter en la succession de leur ayeul la somme de quatre mil liures tournois, baillée pour l'achat de l'office de Grenetier : encores que l'estat eust esté perdu par le decez de leur pere, & eussent renoncé à la succession. Et à ce est conforme le trois cens huietiemes article de la nouvelle Coustume de Paris. Quant à l'argument prins de l'exheredation, n'y auoit apparence, parce qu'elle estoit faicte pour delict commis par le fils, lequel estant personnel, il ne se doit estendre aux enfans issus du fils : comme fait la renonciation, laquelle exclut non seulement la fille, mais aussi les enfans de la fille, qui entrent au lieu & droict de la fille pour succeder à leur ayeul. Et tout ainsi que la fille ny ses enfans ne peuuent pretendre aucun droict en la succession du defunct, au moyen de la renonciation faicte par la fille : pareillement ils ne peuuent demander legitime, ny supplément de legitime sur les biens demeurez par le trespass du defunct. *Quia legitima debetur iure hereditario, & filius petens legitimam debet esse heres in legitima, & si heres esse non possit legitimam petere nequit, ut notant doctores, maximè Paulus de Castro in l. heres. C. de impub. & alijs substitu.* Comme il sera dit au 31. chap. du present Traicté. Or ny la defuncte, ny ses enfans ne peuuent estre heritiers de leur defunct ayeul : partant ne peuuent demander legitime, ny supplément de legitime sur les biens de leur ayeul. Et ainsi a esté iugé par arrest susdict : tellement qu'en emendant la sentence donnée par le Seneschal de Lyon, qui auoit adiugé aux petits enfans vn trentiesme des biens du defunct pour leur legitime, deduction faicte du dot de leur mere, le defendeur a esté absous des demandes & conclusions du tuteur desdits petits enfans. Et neantmoins ledit defendeur condamné bailler audit tuteur la somme de six escus, ordonnée par le testament du defunct, pour le supplément de leur legitime : & ledit tuteur condamné és despens de la cause principale. Il y a eu semblable arrest solennellement prononcé le vingt-deuxiesme Decembre, mil cinq cens soixante & seize, entre les enfans de feu Henry demeurant à Lyon. Par lequel, en emendant la sentence donnée par le Seneschal de Lyon, a esté iugé que les enfans de la fille, qui auoit renoncé à la succession future de son pere, ne pouuoient demander supplément de legitime és biens de leur ayeul. Autre & pareil arrest solennellement prononcé le 7. Iuin, 1585. par lequel la sentence donnée par le Bailly de Mascon fut emendée. La raison desdits arrests est, *Quia legitima debetur iure hereditario, & qui exclusus est ab hereditate, exclusus est à legitima, ut latè tractat Tinquellus in libro de Nobilitate, questione septuagesima quinta, col. 56. & 57.* Ce qui se doit entendre si la Coustume n'admet la fille à demander la legitime, nonobstant la renonciation par elle faicte. Par les trois arrests cy dessus recitez, on peut cognoistre que la renonciation faite à la succession future de pere, ou de mere, est vallable en France, non seulement entre les nobles, mais aussi entre les roturiers. De faict és deux arrests cy-deuant recitez estoit question de renonciations faites à la succession d'un marchand demeurant en la ville de Forests.

Aussi il faut entendre ce que dessus és successions non escheuës, & aus-

quelles la fille qui renonce par le moyen de son dot, n'auoit aucun droit, sinon vne simple esperance de succeder à chose incertaine, & l'euement de laquelle estoit douteux, comme il a esté cy-dessus deduit. Mais si la fille auoit droit acquis és successions non encores escheuës, soit de pere, ou de mere, au moyen de la Coustume ou autrement: comme par le moyen de l'ancienne Coustume de Lorris, par laquelle tous les propres & conquests faits par les pere & mere durât leur premier mariage estoient affectez aux enfans dudit premier mariage: en sorte que depuis la dissolution d'iceluy, les pere & mere estoient interdits de les vendre & aliener: En ce cas la fille peut estre releuée, au moyen du droit qui luy estoit acquis lors de la renonciation par elle faite à la succession à escheoir de son pere ou mere.

Principalement quand le pere, lors qu'il a contracté le mariage de la fille de son premier liét, estoit conuolé en secondes nopces, & n'auoit baillé en dot à sa fille ce qui luy pouuoit appartenir de la succession de sa defuncte mere deslors decedée, ny la valeur du droit que sa fille auoit és propres & conquests faits par sondit pere pendant son premier mariage: afin d'enrichir les enfans de son second liét; & ce à la suasion de sa seconde femme n'auoir que de la fille de son premier mariage. Tellement qu'en ce cas il y a non seulement lesion enorme: mais dol de la part du pere. Auquel cas la fille a esté releuée de la renonciation par elle faite, & receuë à se porter heritiere de ses pere & mere, par arrest solennellement prononcé le quatorziesme May, mil cinq cens soixante deux, donné au profit de Damoiselle Ieanne de la Mothe, seule fille du premier mariage de Iean de la Mothe, & de Ieanne le Begue. Et cet arrest est recité par Monsieur du Val, en son Traicté intitulé *Tractatus aliquot eorum quæ dubia*, arrest 11. & en son Traicté intitulé *Nicolai Vallæ de rebus dubiis*, arrest 1. & 3. & allegue la loy *si superstite. Co. de dolo.* qui parle de *filia transigente cum patre in ore, quæ in modico ab eo lesa est.* Aussi le chap. *quis inuis, de pactis, in sexto, tollit vin & dolum:* & en cas de dol, ou force, baille restitution à la fille. D'auantage il faut entendre ce qui a esté cy-dessus dit des renonciations faites aux successions futures, & à escheoir des pere & mere, non pas des renonciations aduenues & escheuës, desquelles le droit estoit auparauant acquis aux filles qui ont renoncé à icelles, soient maieurs, ou mineurs. Car en ce cas par le moyen de la lesion, encores qu'elle ne soit enorme, ny d'outre moitié de iuste prix, les filles seront releuées de telles renonciations, suiuant la loy *maioribus. Co. com. vtr. ind.* Aussi telles renonciations sont notoirement nulles: parce qu'elles contiennent alienation d'immeubles acquis & appartenans à mineurs, sans decret de Iuge & auctorité de Iustice. Et si la renonciation par mesme contract est faite à la succession du pere escheuë, & à la succession de la mere à escheoir: La renonciation pour le regard de la succession à escheoir tiendra, & pour le regard de la succession escheuë sera cassée, s'il y a minorité & lesion, ou bien lesion simple. Mais il est necessaire que la fille qui veut estre releuée, obtienne ses lettres de relief, & les face signifier apparauât qu'elle ait atteint l'age de 35. ans, si lors de la renonciation elle estoit mineur. Et si elle estoit maieur, les doit

obtenir & faire signifier, dans les dix ans du contract: encores qu'elle soit mariée, & que son mary soit obligé à la faire ratifier, & que au contraire y ait nullité, comme passé par vn mineur sans son tuteur, & non simple lésion, ou simple dol. Et ce suiuant l'Ordonnance faite par le Roy Louys XII. en l'an 1512. article 46. & del'Ordonnance faite par le Roy François en l'an 1539. article six vingts quatorze. Pourueu qu'il n'y ait crainte, violence, ou autre cause legitime: à l'occasion de laquelle on n'ait peu agir. Car en cas de crainte, force & violence maritale, la prescription ne court contre la femme que du iour de la dissolution du mariage. Partant les femmes en tous contracts passez avec leurs maris, ont accoustumé d'alleguer force & violence maritale. Et si le mineur dedans le temps de trente-cinq ans, n'obtient lettres de Rescision, on presume vne taisible ratification, & qu'il a pour agreable le contract par luy passé pendant sa minorité. *l. si quando. C. si maior fact. alienat. ratam habua.* De ce y a arrest solennellement prononcé le vingt-deuxiesme Decembre, mil cinq cens soixante-dix, contre vne nommée Brosart, le frere de laquelle, qui estoit son tuteur, moyennant les deniers baillez en mariage, l'auoit fait renoncer aux successions escheuës de ses pere & mere, estant aagée de 18. ans. Et ladite Brosart ayant confessé par interrogatoire, que lors du procez par elle intenté elle estoit aagée de trente-huict ans, le frere appella de l'appoinctement de contrariété, & de toutes les procedures faites depuis iceluy. Et par arrest, la Cour euoquant le procez principal, ladite Brosart fut deboutée de l'enterinement des lettres de Rescision par elle obtenues. Semblable arrest solennellement prononcé le vingt-neufiesme Mars, mil cinq cens soixante & quinze, pour les Seigneurs de Remboüillet, contre le Seigneur de Toüars fils de leur tante, lequel vouloit estre releué de la renonciation faite par sa defuncte mere, au profit du Seigneur de Remboüillet son frere, en l'an mil cinq cens vingt-cinq, ratifiée en l'an mil cinq cens trente-deux, aux successions de ses pere & mere, moyennant douze mil liures, baillées en dot par ledit Seigneur de Remboüillet frere, alleguant minorité, lésion enorme, crainte & violence de la part du mary, qui auoit promis faire ratifier par sa femme ladite renonciation: aussi minorité de la part du demandeur. Et mettoit en auant plusieurs promesses, qu'il disoit auoir esté faites par ledit Seigneur de Remboüillet. Finalement ledit Seigneur de Toüars fut debouté de l'enterinement de ses lettres de Rescision. Comme la prescription des dix ans, portée par les Ordonnances susdites, est pratiquée contre le mineur estant fait maieur, est amplement traicté par Monsieur du Val, en l'arrest premier cy-dessus allegué en son liure, *Tractatus aliquot eorum que dubia.*

Outre il est besoin entendre, que les renociations faites par les filles mariées, aux successions futures de leurs peres & meres, profitent à tous les enfans heritiers, tant masles que femelles, lesquels partagent entr'eux les biens, tât meubles qu'immeubles demeurez par le trespas des defuncts, sans aucunement compter, ny faire mention des filles qui ont renoncé. En ce faisant le fils aîné ne peut pas s'attribuer à luy seul les portions des

18
Renoncia-
tions fai-
tes par les
filles ma-
riées aux
successions
de leurs pere



*Et mere pro-
fitent à tous
les enfans
heritiers.*

filles qui ont renoncé: encores que les renunciations soient faites au profit dudit fils aîné, le pere stipulant pour ledit fils. Parce qu'en ce faisant le pere auroit aduantage ledit fils aîné venant à la succession, contre la prohibition de la Coustume de Paris, & de plusieurs autres Coustumes. Et que *ius renunciantium debet acquiri hereditati qua renunciatur, & non certa persona, qua renunciantibus nihil donauit*, qui estoit absente lors des renunciations, & qui ne les a point stipulées. Ainsi a esté iugé par arrest solennellement prononcé le quatorzième Aueil, mil cinq cens cinquante-six, contre Charles Daunay Escuyer, Seigneur de Ville-neufue la Guyarche: le pere duquel, en contractant le mariage de deux de ses filles, les auoit fait renoncer à la succession future, au profit de son fils aîné: ledit pere ayant delaisné pour heritiers son fils aîné, & vne fille non mariée, fut ordonné en emendant la sentence donnée par le Preuost de Paris, qui auoit adiugé au fils aîné les portions des deux filles qui auoient renoncé, Que les biens meubles & immeubles roturiers seroient partagez & baillez par moitié ausdits frere & sœur: & les deux tiers des biens feodaux baillez au fils aîné, & l'autre tiers à la fille. Et d'autant que le fils aîné pretendoit que les deux filles mariées auoient esté relenées des renunciations par elles faites, qu'il auoit transigé avec elles, & auoit cession de leurs droicts: a esté ordonné que sur ce, les parties seroient plus ample-ment ouyes par le Rapporteur du procez.

Pareillement il conuient entendre que ledit Seigneur du Val en son premier Traicté, arrest premier, & en son second Traicté arrest deuxième, recite le faict de certain procez meu, à cause de la renonciation faite par vne fille; laquelle par son contract de mariage auoit renoncé, non seulement à la succession future de son pere; mais aussi aux successions futures de ses freres. Dict que ladite fille ne peut aucunement venir à la succession du pere.

Mais que par arrest a esté iugé qu'elle succedera au frere aîné qui estoit decédé depuis le pere: & ce quant aux meubles, acquests & conquests faits par le frere, & non quant aux heritages qui estoient aduenus audit fils aîné par la succession de son pere: suiuant la loy *si is qui ff de vulg. & pupil. substitut.* Toutesfois il dit qu'il se trouue arrest contraire, pour les raisons par luy amplement deduites. Mesme que les renunciations ne se peuuent faire à successions, sinon de ceux qui prestent consentement à telles renunciations, & qui en ont esté deuement aduertis. Non pas aux successions de ceux qui ignorent lesdites renunciations, comme faisoient lesdits freres, qui n'estoient presens, lors qu'elles ont esté faites: comme dit la loy finale *Cod. de pact.* Et qui n'ont rien donné à leur sœur, à cause des renunciations par elle faites à leurs successions futures. De faict par arrest solennellement prononcé le vingt-troisième Decembre, mil cinq cens soixante deux, la fille laquelle par contract de mariage auoit renoncé aux successions futures de ses pere & mere, & freres, fut deboutée des successions de pere & mere, & admise à la succession du frere aîné, & ce en la Coustume de Poictou.

Outre ce que dessus il conuient entendre, combien que selon la dis-

position de droict commun, & de plusieurs Coustumes, mesmes de la Coustume d'Estampes article 123. la fille qui a renoncé à la succession à escheoir de son pere, puisse estre rappelée par sondit pere. Toutesfois le second iour de Juillet 1565. a esté plaidé en la Cour, & appointé au Conseil : Sçauoir si en la Coustume de Poictou, le pere peut rappeler à la succession sa fille, qui a esté mariée des biens de son pere, & par apres renoncé à sa succession. Attendu qu'il y auoit renonciation expresse faite par ladite fille : Que par ladite Coustume art. 220. la fille noble mariée des biens du pere est excluë de la succession, encores que ce qu'elle a receu ne vaille sa legitime portion. Et que ladite Coustume ne permet sinon au pere roturier, rappeler à sa succession sa fille qui a renoncé, & non au pere noble. Ioinct que rappel à succession equipolle à institution d'heritier, laquelle n'a lieu par ladite Coustume. Et Messieurs les Gens du Roy requirent que le rappel eust effect pour le regard de la legitime denë de droict de nature à la fille, & non pour l'effect de la succession, & d'estre heritiere de son defunct pere.

Il conuient noter qu'il y a difference, quand la fille mariée par le pere est excluë de la succession paternelle par renonciation expresse portée par son contract de mariage : ou bien quand la fille mariée par le pere est priuée de l'heredité de son pere par Coustume ou statut. Comme la fille noble en est excluë par les Coustumes de Poictou, Anjou, Touraine, le Maine, & autres. Et la fille, tant noble, que roturiere, en est priuée par la Coustume de Normandie. Car au premier cas la fille est priuée de tous biens tant meubles qu'immeubles demeurez par le decez de son pere, en quelques lieux, & en quelques Coustumes qu'ils soient situez & assis. Comme ceste exclusion estant personnelle, descendant de contract & de consentement : partant extensible à tous biens de la succession paternelle. Mais au second cas, si le pere lors du contract de mariage estoit demeurant, & est decedé en la Coustume de Poictou, ou autre semblable, la fille mariée, ny ses heritiers ne peuvent rien pretendre en tous les meubles demeurez par le decez du pere en quelques lieux, & sous quelques Coustumes qu'ils soient. Parcc que meubles se reglent selon la Coustume du domicile du defunt. Et quant aux heritages demeurez par le trespass du pere, la fille n'est excluë, si nō des heritages qui sont situez au dedans de la Coustume, qui exclut la fille mariée de la succession paternelle. Et quant aux autres heritages qui sont assis en autres Coustumes, par lesquelles la fille mariée est admise à succeder à son pere, elle succedera cēdits heritages, en rapportant ce qu'elle aura eu en faueur du mariage, *pro rata bonorum* de la succession paternelle. Encores que l'exclusion semble estre personnelle, & que ce mot de succession, ou bien d'heredité soit general, indefny, & vniuersel ; contenant tous biens tant meubles que immeubles. La raison de ce que dessus est, que les Coustumes estans locales & reelles, *adherentes rebus, & nisi personalitatis habentes*, comme dient nos Docteurs, elles n'ont effect, force & vigueur, sinon es heritages situez au dedans de leurs fins & limites, & non hors icelles : en sorte que la disposition & effect de chacune Coustume, est restrainct en ses fins, bornes, & limites, *l. extra terri-*

19
Deux sortes
de renon-
ciation, l'v-
ne par con-
tract de ma-
riage, l'au-
tre portée
par la Cou-
stume.

corium. ff. de iurisdictio. omn. iud. l. 1. §. Iulianus ait quousque. ff. de itin. act. prin.

Mais si le pere qui a marié sa fille, n'estoit demeurant lors du contract de mariage, & n'est decedé au dedans de la Coustume, qui exclud la fille de la succession: ains le defunct auoit son domicile en Coustume contraire, comme à Paris, ou autre Coustume, qui admet la fille mariée à succeder à son pere: La fille ainsi mariée succedra aux meubles de son pere, en quelques lieux qu'ils soient, & aux heritages situez en la Coustume de Paris, & autres Coustumes semblables. Et quant aux heritages situez au dedans des Coustumes, par lesquelles les filles mariées par le pere sont excluës de sa succession, la fille mariée n'y succedera aucunement. *Ita decidit Molineus in suis Consiliis & Responsis iuris, consilio 53. col. 13. & 14. Post Masuerium in sua praxi, titulo de successionibus & ultimis voluntatibus.* Et ledit du Moulin dit ainsi auoir esté iugé par Arrest de la Cour en la succession de Maistre Louys Daureille, viuant Conseiller en la Cour de Parlement, & Chanoine en l'Eglise nostre Dame de Paris.

20
Si le mary
peut estre
poursuiuy
lequel a
promis faire
ratifier la
renoncia-
tio faite par
sa femme.

Aussi on a demandé, si le mary maieur de vingt-cinq ans, qui a promis faire ratifier la renonciation faite par sa future espouse mineur aux successions de ses pere & mere, incontinent qu'elle aura atteint l'aage de maiorité, peut estre valablement poursuiuy, pour l'effect de ladite ratification: & s'il sera tenu faire cesser la poursuite en rescision faite par sa femme: Et à faute de ce faire condamné en tous despens, dommages, & intersts. Il semble qu'il faut distinguer & dire, quant aux renonciations faites aux successions futures de pere & de mere, qu'il n'y a aucune garentie: parce qu'elles sont bonnes & valables: nonobstant la minorité de la femme, s'il n'y a dol, ou crainte de la part du pere ou mere, comme il a esté cy dessus monsté. Auquel cas de dol, ou de crainte le mary seroit releué, tout ainsi que la femme, comme il sera dit cy apres. Mais quand la renonciation est faicte aux successions des peres & meres qui estoient escheuës & acquises à la femme: en ce cas il faut distinguer: ou la cause de la restitution est priuilegiée, & *iure speciali concessa*, à sçauoir à cause de la minorité. Et en ce cas le mary ne peut estre restitué, non plus que le fideiussur du mineur ne peut estre releué. *l. 1. Co. de fideiussor. minor. l. exceptiones que persona. in prin. ff. de excep. l. 1. in causa cognitione ff. de minorib. 25. annis.* Ou bien la cause de la restitution est donnée & octroyée *iure communi*: à sçauoir pour lesion d'outre moitié de iuste prix, dol, crainte, ou violence: En ce cas la restitution obtenuë par la femme, *prodest marito, quemadmodum solet prodesse fideiussori minoris*: & és lettres de restitutio le mary doit estre compris cōme la femme, *l. 2. C. de fideiussor. minor. & dicta lege exceptione. §. rei autem cohærentes.* Et c'est ce que nos Docteurs dient: *aut exceptio, sine causa restitutionis est personalis & priuilegiata, & hoc casu restitutio minoris non prodest fideiussori: aut exceptio, sine causa restitutionis est realis, & à iure communi concessa, & tunc restitutio concessa minori prodest eius fideiussori.* *Paulus de castro & Angelus in dicta l. 1. C. de fideiussor. minor.* Et encores i'estime, que au premier cas le mary ne seroit aucunement tenu faire

gesser la poursuite faite par la femme, seulement fondée sur minorité avec
 ue petite lesion. Parce que le mary estant condāné és despens, dom-
 mages, & interets, euz & soufferts par le demandeur, à cause de la res-
 titution obtenüe par la femme: la perte & dommage que le mary sentiroit
 tomber sur sa femme, à cause de la communauté de biens qui est entr'eux.
 Auquel cas, *quando scilicet damnum fideiussoris redundat in minorem*, ne re-
 stitutio inutilis sit minori, prodest eius fideiussori. autrement ce que la femme
 prendroit d'une main, on luy osteroit de l'autre. *Vt tradit Angelus in dicta*
l. l. Marcellus ff. de fideiuss. l. Marcellus ff. de in rem. verso. Et en ce cas, en-
 cores que la femme obtienne gain de cause, on a accoustumé, pour le
 regard de la sommation faite au mary, mettre les parties hors de Cour
 & de procez.

Par ce qui a esté cy dessus deduit on cognoist, que la deception d'outre
 moitié de iuste prix n'est point considerable, quand on contracte sur
 chose incertaine, l'euenement de laquelle est douteux & incertain: com-
 me quand la fille, moyennant le dot à elle baillé, renonce à la succession
 future de son pere: ou bien quand on accorde, d'une substitution, ou
 d'un fideicommiss reciproque, l'euenement duquel est incertain, & la
 condition peut aussi bien aduenir au profit de l'un que de l'autre: telle-
 ment qu'en ce cas la loy seconde *C. de rescinden. vendit.* n'a point de lieu:
 suiuant la loy de *fideicommiss. C. de translatio.* cy deuant alleguée.

Aussi ladite loy seconde n'a point de lieu en vendition de succession,
 ou bien de droicts successifs. Parce que *in venditione hereditatis res certa*
non venditur: sed ius incertum & vniuersum venditur in quo sapelacet et
alienum, quod totam absorbet & exaurit hereditatem. De fait & suffit vendi-
 tori prastare se heredem esse: & n'y a point lieu de garentie des choses parti-
 culieres pretenduës estre de la succession. Ainsi a esté iugé par arrest so-
 lemnellement prononcé le 23. Decembre 1572. Et ce en emendant la
 sentence donnée par le Iuge de Laon: lequel auoit enteriné les lettres de
 Rescision. Semblable arrest solennellement prononcé le 29. May 1580.
 & ce en infirmant la sentence donnée par le Bailly de Lyon. Tellement
 qu'en ce cas est besoin alleguer dol, induction, persuation, faux donné à
 entendre, crainte, ou force. Et pour melmes causes que celles cy dessus
 exprimées, à sçauoir *p. opter incertum litis euentum*, ladite loy seconde n'a
 point de lieu en transaction faite sans dol & force, comme il est notore
 par la lecture de l'Ordonnance faite sur les transactions, publiée en la
 Cour le dix-huictiesme May 1563. conforme à la disposition de droict in
l. Lucius Titius. §. finali in verbis, si non transactum esse poss. ff. ad Trebellia.
l. quod debetur ff. de peculio, Arrest donné en l'Audience le Vendredy 9.
 May 1563.

Pareillement ladite loy seconde *Co. de rescind. vendit.* n'est receuë en
 France, sinon quand la deception est d'outre moitié de iuste prix: en
 sorte que le prix, à cause de la vendition de l'heritage receu n'est pas la
 moitié du iuste prix de l'heritage vendu. Comme si l'heritage a esté ven-
 du dix liures, & il vaut vingt & vne liures. Car s'il valloit seulement
 vingt liures, il n'y auroit deception de moitié de iuste prix: & n'y au-

21
 La deception
 d'outre moi-
 tié de iuste
 prix n'est
 point consi-
 derable
 quand on
 contracte
 sur chose in-
 certaine.

22
 La loy se-
 conde *C. de*
rescind
vend. n'a
 point de lieu
 en vendi-
 tion de suc-
 cession, ou
 de droicts
 successifs.

23
 Quand la
 loy seconde
Co. de rescind. vend.
 n'est receuë en
 France.

roit lieu de restitution en entier : *quia contrahentibus permittitur se inuicem decipere infra & usque ad dimidiam partem iusti pretij, & non ultra dicta l. 2. in verbis, si nec dimidia pars veri pretij soluta sit, cap. cum dilecti. & cap. cum causa de emp. & vend. ex. Molinæus in tractatu commerciorum & usurarum, questione 14. col. 175. 178.* Et pour cognoistre la iuste valeur de l'heritage contentieux lors de la vendition d'iceluy, lequel temps on considere seulement, comme dit la loy *si voluntate. C. de rescind. vend.* Et est besoin que les parties conuiennent d'une part & d'autre de gens experts, & à ce cognoissans, sans respectiuelement faire enquestes : & ce suiuant le cent soixante-deuxiesme article de l'Ordonnance faite à la postulation des Estats tenus à Blois.

14
La loy secon-
de n'a point
de lieu in
emptore.

Outre conuient entendre que ladite loy seconde n'a point de lieu *in emptore*. Tellement encores que l'acheteur d'un heritage soit deceu d'outre moitié de iuste prix : comme s'il a achepté une maison, ou autre heritage deux mil cent liures, qui ne valloit pas lors de l'achapt mil liures, il ne sera point restitué : encores que le vendeur, estant deceu d'outre moitié de iuste prix, eust peu estre releué, & qu'il semble qu'egalité doieue estre gardée entre eux, & que l'un ne doit point estre plus priuilegié que l'autre. Aussi que *in correlatiuis idem ius statuendum est, & æqualitè emptor & venditor iudicari debent, argumento legis si circumscripta. Co. soluto matri. Glos. in cap. finali ex. de emp. & vend. Molinæus in loco supra citato col. 176. in §. licet enim nulla lege.*

Arrest de ce
que dessus.

Toutesfois a esté iugé que ladite loy seconde n'a point de lieu *in emptore*. Et ce par arrest solennellement prononcé le septiesme Septembre mil cinq cens quatre vingts & douze : le faict duquel estoit, que Pierre Chabureau dit la Barre en l'an mil cinq cens quatre vingts & trois, auoit achepté une maison és Halles de ceste ville de Paris, moyennant six cens escus comptans, & cent escus de rente racheptable de douze cens escus, qui sont dix-huict cens escus. Auroit obtenu lettres pour estre releué, comme deceu d'outre moitié de iuste prix : la maison auoit esté estimée par les Experts valloir au temps du contract huit cens escus seulement. Neantmoins fut debouté de ses lettres : *Primò* parce que la loy seconde *C. de rescind. vend.* ne parloit sinon de *venditore*, lequel ordinairement est contraint de vendre pour subuenir à sa necessité, & ne parloit point de *emptore*, lequel achete volontairement sans necessité, & pour la commodité. *Secundò quia res tantum valet, quantum vendi potest, etiam in immensum, siue in infinitum.* *Tertiò*, parce que l'heritage s'achete chèrement, *aut ratione vicinitatis, aut commoditatis, aut parentel.* *Quartò*, parce que l'acheteur ne baille que simples deniers qui sont meubles, & qu'en France n'y a point de restitution en meubles. *Quintò*, parce que lors du cōtract la maison estoit louée 225. liures. Què pas l'authentique *perpetua. C. de sacros. eccle. ubi glosa in verbo pensio iusta.* Quand il est question d'estimer un heritage, on considere le reuenu annuel d'iceluy, & on le prend au denier vingt, suiuant la glose susdite : à laquelle raison la maison vaudroit 4500. liures. Et prenant le reuenu au denier quinze, vaudroit trois mil trois cens cinquante liures : & le prenant au denier douze, vau-
droit

droit deux mil sept cens liures: Tellement que la lesion ne pouuoit estre d'outre moitié de iuste prix. *Sexto*, qu'en droict on ne trouuoit sinon trois cas esquels l'achepteur pouuoit estre restitué: s'il estoit mineur, s'il auoit esté induit par dol à acheter, & si le vendeur auoit déclaré qu'en l'heritage vendu y auoit plus grande quantité de terre, ou plus grandes despences. *Septimo*, le vendeur disoit qu'il y auoit cōsommé le denier, & luy estoit impossible à présent le rendre: & qu'un acheteur d'heritage ne pouuoit alleguer le moyen susdit, parce qu'en tout temps il peut rendre l'heritage par luy acheté, lequel ne se peut deperir, comme un denier comptant. Et respondoit à l'obicct allegué par le vendeur, par lequel *in correlatiuis idem ius statuendum erat*, que cela auoit lieu, *quando est eadem ratio*, non pas, *quando ratio est diuersa*: comme au cas de présent.

Il conuient noter que si par contract de mariage est dit, que le suruiuant des futurs conioincts, iouyra en pleine propriété de tous les biens qui appartiendront au predecedé, au iour de son decez: comme il peut estre conuenu, ainsi qu'il a esté dit cy dessus. En ce cas le suruiuant n'est point tenu faire faire inuentaie, ny des meubles, ny des lettres, tiltres, ce-
24
Quand le
suruiuant
n'est point
tenu de fai-
re inuentaie.

Aussi il conuient noter, estant loisible à l'estranger, non naturalisé, de passer tous contracts, meisme de donner entre vifs: que s'il a acquis de ses deniers un heritage, au nom d'un sien amy, soit de son fils naturel, ou d'autre: on estime qu'il a donné les deniers à celuy au nom duquel il a acquis l'heritage, contre luy n'a aucune action. Et en ce cas n'a esté besoin d'aucune insinuation: parce que l'estranger n'a iamais eu de droict en l'heritage par luy acquis, ains a appartenu à celuy, au nom duquel l'acquisition a esté faite, encores que ce soit des deniers d'autrui. Et l'estranger a seulement donné ses deniers, pour raison desquels n'a esté besoin d'aucune insinuation, est vne vraye donation entre vifs, & non testamentaire, & le fisque ne la peut aucunement arguer, comme faite en fraude. Ainsi qu'il a esté acquis par les anciens Aduocats de la Cour. Le meilleur & plus seur seroit, qu'il declarast qu'il a donné à tel les deniers, desquels au nom dudit tel a esté acquis tel heritage, & qu'il n'entend luy demander aucune chose, à cause desdits deniers. Pour ce regard est besoin voir le troisieme chapitre du droict de Bastardise.
25
Quand l'in-
sinuation
n'est point
requisse.



TROISIÈSME PARTIE

DV DROICT D'AUBEINE,

TRAICTANT DE LA CONDITION

des estrangers naturalisez demeurans

en France.

Forme des lettres de naturalité, que les estrangers demeurans en France ont accoustumé obtenir du Roy.

CHAPITRE XXII.



Continuation de la presente par. tie avec les deux precedentes.

La esté amplement monstré és deux premieres parties du present Traicté, qui sont ceux qu'on appelle Aubains en France, & quelle est la condition des Aubains non naturalisez. Il semble qu'à present sera bon de declarer la condition des estrangers naturalisez, & montrer l'effect & vtilité des lettres de naturalité, que les estrangers demeurans au Royaume de France, pays, terres & seigneuries de l'obeissance du Roy, ont accoustumé obtenir pour estre faits comme originaires de France, & empescher que les biens demeurent par leur decez, soient subiets au droict d'Aubeine, & appartiennent au Roy : duquel à ceste fin ils obtiennent lettres seellées du grand seal, lesquelles on a accoustumé dresser en ceste forme.

Forme de lettres de naturalité.

Henry par la grace de Dieu Roy de France & de Pologne, à tous presens & aduenir, Salut. Receu auons l'humble supplication de nostre bien-ame tel, natif de Lucques, contenant que dés long-temps il seroit venu en cestuy nostre Royaume, en intention de faire seruice à nos predecesseurs Roys, & à nous, tant au faict des guerres, qu'autrement en plusieurs sortes & manieres, avec vouloir & intention de finir le reste de ses iours sous nostre obeissance, & comme nostre vray & loyal subiet : toutesfois d'autant qu'il est estranger, non natif, ne originaire de nostre Royaume, pays, terres, & seigneuries de nostre obeissance, il doute que nos Officiers, ou autres voulussent l'empescher en la iouissance des biens &

droicts qui luy peuuent appartenir en nos pays, terres & seigneuries, & que d'iceux & autres qu'il pourroit à l'aduenir acquerir, il ne peut librement disposer entre vifs, ou par testament : Aussi que ses parens ne luy peussent succeder, ains nosdits Officiers, ou autres voulussent apres son trespas pretendre ses biens nous appartenir par droict d'Aubeine, au moyen des statuts, Edicts, & Ordonnances de nostre Royaume, concernant les biens des estrangers decedans en iceluy, s'il ne luy estoit par nous pourueu de nos lettres de grace à ce conuenables, humblement requerant icelles. Pourquoy, nous ces choses considerées, & pour autres bonnes, iustes & raisonnables causes à ce nous mouuans, ayans égard aux bons & agreables seruices que le suppliant nous a cy deuant faits, au faict de nos guerres, & inclinant à la requeste qui nous a esté faicte en sa faueur par aucuns de nos speciaux seruiteurs, luy auons permis, accordé & octroyé, & de nos certaine science, grace speciale, pleine puissance & auctorité Royale, permettons, accordons & octroyons, & par ces presentes voulons & notis plait, qu'il puisse, & luy soit loisible demeurer, resider, & habiter en cestuy nostre Royaume, pays, terres & seigneuries de nostre obeissance : iouyr des priuileges, franchises, libertez, immunittez, & droicts, desquels iouyssent les vrais subiects & originaires de nostre Royaume : y tenir offices & benefices, auoir & posseder tous & chacuns les biens, meubles & immeubles qu'il y a ja acquis, & pourra cy apres acquerir, & d'iceux iouyr & vser, en ordonner & disposer par testament & ordonnance de derniere volonté, donation entre vifs, & autrement, ainsi que bon luy semblera, & qu'apres le trespas du suppliant ses parens & heritiers luy puissent succeder & apprehender ses biens & succession, tout ainsi & par la mesme forme & maniere que des vrais originaires de nostre Royaume. Aussi qu'il puisse succeder à ses parens & autres demeurans au Royaume, tout ainsi que s'il estoit originaiement natif d'iceluy, sans qu'au moyen des statuts & Ordonnances de nostre Royaume il soit faict au suppliant ny à ses heritiers, ou à ceux en faueur desquels il aura disposé de ses biens, par nos Officiers ny par autres, aucun destourbier, trouble ny empeschement, & sans qu'au moyen desdits statuts & Ordonnances puissions pretendre les biens demeurez par le decez du suppliant, nous appartenir par droict d'Aubeine ou autrement, sous couleur qu'il n'est natif de nostre Royaume, pays & terres de nostre obeyssance. Et lequel, ensemble ses heritiers & successeurs quant à ce auons habilité & dispensé, habilitons, & dispensons par ces presentes, de nos grace speciale, pleine puissance & auctorité Royale : imposant sur ce silence à nostre Procureur General present & aduenir, pourueu qu'il nous paye finance moderée, pour vne fois seulement, (ou bien) sans qu'il soit tenu pour ce nous payer aucune finance ou indemnité, de laquelle en consideration & faueur de ses seruices, luy auons faict don à quelque somme qu'elle puisse monter, par ces presentes signées de nostre main. Si donnons en mandement à nos amez & feaux les Gens de nos Comptes à Paris, Thresoriers de France, Conseillers de nostre Chambre du Thresor, & à tous nos autres Iusticiers & Officiers qu'il appartiendra, que de nos presens

grace, congé, permission, dispense & habilitation, ils facent, souffrent, & laissent ledit tel, ses successeurs & ayans cause, iouyr & vser plainement, paisiblement & perpetuellement, tout ainsi & par la forme & maniere que dessus est dit, cessans & faisans cesser tous troubles & empeschemens au contraire. Lesquels si faits, mis ou donnez luy auoient esté, ou estoient, les mettent ou facent mettre incontinent & sans delay, à pleine & entiere deliurance & au premier estat & deu. S'il y a sans finance, faudra mettre. Et en rapportant le vidimus de ces presentes deuëment collationné, avec quittance & recognoissance sur ce suffisante, nous voulons celuy de nos Receueurs ordinaires, ou autres estre deuëment deschargez de ladite finance & indemnité. Car tel est nostre plaisir. Nonobstant que la valeur d'icelle finance ne soit cy exprimée ne declarée, ensemble les Ordonnances par nous faites pour le reglement de nos finances. Aussi nonobstant lesdits status & Ordonnances de nostre Royaume, & quelconques autres Ordonnances, mandemens ou defences à ce contraires. Aufquelles auons derogé & derogeons par ces presentes, ensēble aux derogatoires des derogatoires. Et afin que ce soit chose ferme & stable à tousiours, nous auons fait mettre nostre seel à ces presentes, sauf en autres choses nostre droit, & l'autrui en toutes. Donné à Paris au mois de, &c. Ainsi signé Henry. Et par le Roy, De Fizes, & seellées de cire verte, en laqs de soye. Et sur le reply est escript: Expediées & enregiltiées en la Chambre des Comptes du Roy nostre Sire, au registre des Chartres de ce temps, moyennant quinze escus d'or soleil payez par l'impetrant à Maistre Jacques le Roy, Receueur general de Paris, par sa quittance du, &c. Pourueu toutesfois que les heritiers dudit impetrant soient Regnicoles. Fait au Bureau de l'ordonnance de Messieurs, le Ainsi signé, Du Hamel.

Verification
des lettres
de natura-
lité en la
Chambre
des Com-
ptes.

POURQUOY LES LETTRES OBTENUES DV
Roy par les Estrangers sont appellées Lettres de naturalité, ou de ci-
uilité, avec l'effect & vtilité d'icelles.

- | | |
|--|--|
| <p>1 Pourquoi les lettres obtenues par les estrangers, sont appellées lettres de naturalité.</p> <p>2 Pourquoi lesdites lettres sont appellées lettres de ciuilité.</p> <p>3 Lettres de naturalité peuuent estre appellées lettres d'adoption.</p> <p>4 Les estrangers naturalisez ont pareil priuilege que les originaires François.</p> <p>5 Qui ciuitate Romana donati erant, pro ciuibus habebantur.</p> | <p>6 Premier effect des lettres de naturalité, que l'estranger naturalisé peut tester.</p> <p>7 Arrest notable que l'estranger naturalisé peut tester.</p> <p>8 Les enfans adoptifs ne succedent en France.</p> <p>9 Second effect des lettres de naturalité.</p> <p>10 Tiers effect des lettres de naturalité, que l'estranger naturalisé succede à ses parens naiz, & demeurans en France.</p> |
|--|--|

CHAPITRE XXIII.



Es Lettres que les estrangers obtiennent du Roy pour empêcher l'effect du droict d'Aubeine, sont vulgairement appellées Lettres de naturalité: *Quia huiusmodi rescripto Regio, peregrini iuri naturali resituuntur, quo ius peregrinitatis incognitum erat: Et perinde habentur ac si in regno Gallie nati essent, sicut que Francigena siue Regnigena, ad instar libertorum, qui iure veteri à Principe ingenuitatis rescriptum impetrabāt: lesquels natalibus resitui dicebantur, quod iure naturali seruitus incognita esset, cum omnes homines ab initio liberi nascerentur: atque huiusmodi rescripto ab Imperatore concesso, liberti fiebant ingenui, Et perinde habebantur, ac si ingenui nati fuissent, Et seruitutis maculam nunquam sustinuissent, l. 2. 3. Et finali. ff. de natal. rescript. l. 1. C. de iur. aur. annull. §. ius autem gentium. de iur. nat. gent. & ciui. in Instit. Et par le moyen des lettres de naturalité, les estrangers sont mis au rang de ceux qui sont naiz en France: partant elles sont appellées lettres de naturalité.*

¹ Pourquoi les lettres obtenues par les estrangers sont appellées lettres de naturalité.

Où bien telles lettres peuuent estre appellées selon Balde *in consil. 123.* lettres de ciuité: *quia per huiusmodi rescriptum à Principe impetratum, extranei ius alicuius ciuitatis Gallicæ, siue Parisiensis, siue Lugdunensis, siue Rothomagensis assequi possunt. Et peuuent estre faicts Bourgeois de telle ville de France que bon leur semble, tout ainsi que ceux qui sont naiz en France, vel si ita dicere liceat, post huiusmodi rescriptum à Rege concessum, peregrini fiunt ciues regni Gallie, comme tout le Royaume de France n'estant qu'une grande cité, à l'exemple de l'Empire Romain, suiuant la loy in orbe Romano. ff. de stat. ho. quam interpretatur Alciat. libro Dispunct. 2. cap. 21. l. omnibus ciuitatibus. ff. ad Trebellia.*

² Pourquoi lesdites lettres sont appellées lettres de ciuité.

On pourroit aussi appeller telles lettres, Lettres d'adoption: *Quia quemadmodum qui adoptatur, aut Principis beneficio arrogatur, censetur esse de familia adoptantis aut arrogantis, quasi de sua familia translatus sit in familiam patris adoptiui aut arrogantis: Aussi ceux qui ont obtenu lettres de naturalité du Roy, quia per huiusmodi rescriptum, regni iure donantur, videntur quasi adoptati in regno, Et de sua regione in regnum Gallicum translati. D'autant qu'ils sont faits François, & repetez tels, que s'ils estoient naiz au Royaume de France, pays, terres & seigneuries de l'obeissance du Roy. Et ont pareils droicts, priuileges, immunitiez, franchises & libertez, que les François & originaires du Royaume, l. sed si accepto usu toga Romana ff. de iure fisci. l. cum in adoptiuis, l. mulierem C. de adopt. notat Bartol. in l. si maritus. §. legis Iulie. ff. ad legem Iul. de adulter. Et in l. si is qui pro emptore, in 3. principali questione. ff. de usu cap. Baldus in dicto consilio 123. Corneus in consilio 177. Boërius decisio 13. col. 21. Vnde à Cicerone ciues cooptati siue adoptati appellantur.*

³ Les lettres de naturalité peuuent estre appellées lettres d'adoption.

⁴ Les estrangers naturalisez ont pareils priuileges que les originaires de France.

Ideoque Roma constitutum erat, ut qui ciuium Romanorum numero adscripti erant, quique ciuitatem populi iussu assecuti fuerant, ne quid criminis cum veris ciuibus foret, pudendas artes & homine Romano indignas

⁵ Qui emitaie Romana donati e-

rant, pro ci-
uibus habe-
bantur.

non pertraherent. Ac mutatis explosisque veteribus nominibus Publij Cornelij, Metellorumque, & Claudiorum, aliorumque nobilium Romanorum, prisca nominata quam vericiues & cultu Romano educati usurparent, ut refert Alexander ab Alexandro Dierum Genialium libro quarto, cap. decimo.

De ce que dessus est amplement parlé par Ciceron au commencement du second liure de *Legibus*, où il dit, Que ceux qui ont delaislé le lieu de leur naissance, & sont venus demeurer en quelque ville, en laquelle ils ont esté admis & receus entre les citoyens d'icelle, *duas habent patrias, unam naturæ, alteram iuris sue civitatis*. Ego, inquit, & Catoni & omnibus municipibus duas esse cenfeo patrias, *unam naturæ, alteram civitatis*. Vt ille Cato cum esset Tusculinatus, in populi Romani civitatem susceptus est. Itaque cum ortu Tusculanus esset, civitate Romanus: habuit alteram loci patriam, alteram iuris. Vt vestri Attici priusquam Theseus eos demigrare ex agris, & in astu, quod appellatur, omnes se conferre iussit, & *simphoadas ex Atticis*. Sic nos & *campatriam* dicimus ubi nati, & illam qua excepti sumus. Sed necesse est charitate *camp* prestare que Republicæ nomen *universa civitatis* est, pro qua mori, & cui nos totos dedere, & in qua nostra omnia ponere & quasi consecrare debemus. Dulcis autem non multo secus est ea que genuit, quam illa que excepit.

Et les lettres de naturalité ou de civilité estans deuëment vérifiées en la Chambre des Comptes, profitent à l'estranger, à trois choses principalement.

6.
Premier ef-
fect des let-
tres de na-
turalité, que
l'estranger
naturalisé
peut libre-
ment tester.

Premièrement, qu'il puisse librement tester, & par ordonnance de dernier volonté disposer de tous les biens qu'il a en France. Et ceste faculté donnée à l'estranger naturalisé, de librement disposer de tous ses biens, est si ample, qu'encores que par la Coustume, au dedans de laquelle les biens sont situez, il soit prohibé de donner entre vifs, ou bien tester de ses heritages propres ou acquests, sinon du quint, ou de moitié, ou bien à vie seulement, ainsi qu'il est porté par la Coustume de Touraine: Toutes-tes fois l'estranger naturalisé pourra librement donner entre vifs, ou bien par testament, tous ses biens, tant propres, & acquests, que meubles: & le Roy succedant à l'estranger naturalisé, qui n'a laissé aucuns heritiers Regnicoles, ne pourra debattre ceste donation, ou legs vniuersel, non plus que le Seigneur haut Iusticier ne la pourroit impugner succedant à un François, à tiltre de biens vaquans. Parce la Coustume prohibât ou restraignât la disposition des heritages propres ou acquests, a esté introduite en faueur des heritages du sang, afin de conseruer les heritages anciens en la famille, & que ceux qui de nouuel ont esté acquis y demeurent: non pas en faueur d'un heritier estrange, anomal, & irregulier, qui ne succede sinon *iure quodam speciali, introducto quibusdam constitutionibus aut consuetudinibus iuri communi contrariis*: comme est le Roy succedant par droict d'Aubeine, ou le haut Iusticier à tiltre de biens vaquans: *ut inquit Dionysius Pontanus in consuetudinibus Blesensibus*, artic. 20. *versiculo, Secundo deficiente*. Comme il sera dit au 6. chap. du droict de Bastardise. Et qu'il sera déclaré au Traicté du droict de Desherence.

Ce qui est fort remarquable pour ceux qui decedent sans aucuns heritiers, & par testament ont disposé de tous leurs biens tant

propres paternels , que propres maternels , laquelle disposition ne peut estre debatüe par le Roy , ny par le haut Iusticier succedant par Desherence.

Et ainsi a esté iugé pour les biens d'Augustin de Champagne, estrange-
naturalisé, qui auoit adopté vn ieune enfant François nommé Augustin
Droiet, à la charge de porter son nom, & luy auoit donné tous les biens,
consistans en plusieurs heritages par luy acquis au dedans du Baillage de
Touraine: vingt-sept ans apres laquelle donation & decez de Chāpagne,
le Procureur du Roy au Thresor auoit faict saisir les biens d'iceluy de
Champagne, pretendant la donation nulle, par le moyen de la Coustume
de Touraine: par laquelle article deux cens trentetrois du nouveau Cou-
stumier, & article premier de l'ancien Coustumier, au tiltre des donai-
sons faites entre gens roturiers, est porté qu'on ne peut donner sinon les
acquests, & tierce partie de son patrimoine à vie seulement, & les meu-
bles à perpetuité. Mais par arrest solennellement prononcé le huicties-
me Iuin 1576. main-leuée fut baillée au donataire de Champagne, de tous
les biens tant meubles, que acquests immeubles, qui luy auoient esté
donnez, pour en iouyr en pleine propriété, comme à luy appartenans
par le moyen de la donation qui luy auoit esté faicte, comme la Coustu-
me n'estant introduite sinon en faueur des heritiers du sang: ledict arrest
se commence, Entre Jeanne Amiraut vefue de feu Augustin Droiet.

7
Arrest nota-
ble que l'es-
tranger na-
turalisé peut
par testa-
ment dispo-
ser de tous
ses biens.

Et l'adoption faite par de Champagne n'estoit aucunement confide-
rable: parce que au Pays Coustumier de France les adoptions ne sont re-
ceües, & les enfans adoptez ne succedent point. Tellement qu'il est be-
soin leur faire donations ou legs testamentaires, comme auoit faict ledit de
Champagne. *ut notat Masuerius in sua practica forensi, titulo de probatio-
nibus §. est aduertendum.*

8
Les enfans
adoptifs ne
succedent en
France.

Secondement les lettres de naturalité profitent à l'estranger, d'autant
que par le moyen d'icelles ses parens naiz & demeurans au Royaume, ou
bien naturalisez par le Roy, luy peuuent succeder és biens estans en Fran-
ce, tout ainsi que s'il estoit natif au Royaume.

9
Second effect
des lettres
de naturali-
té que les pa-
rens de l'es-
tranger na-
turalisé luy
succedent.

Tiercement les lettres de naturalité profitent à l'estranger, parce que
par le moyen d'icelles il peut succeder à ses parens naiz & demeurans au
Royaume: lesquels ne le peuuent denier à parent, comme l'effect de pe-
regrinité estant effacé & aboly, par le moyen des lettres de naturalité par
luy obtenuës, par lesquelles il est faict comme originaire de France: ainsi
qu'il sera amplement deduiet au trente-quatriesme chapitre. *Tractat
Eguinarius Baroin l. finali ff. de statu homi.*

10
Tiers effect
des lettres
de natura-
lité que l'es-
tranger na-
turalisé suc-
cede à ses pa-
rens naiz &
demeurans
en France.

Et tout ainsi que les parens naiz & demeurans en France, peuuent suc-
ceder à l'estranger naturalisé: aussi est-il raisonnable que l'estranger estāt
naturalisé, & faict comme originaire de France, leur succede: *cum iura
sanguinis naturalia sint, & nexu diuino copulata: ideoque tolli non possint, l.
cum in adoptiuis. C. de adopt. §. minus ergo iuris, de heredit. qua ab intest. de
fer. in Instit. §. fina. de legit. agnat. tut. in instit. Et reciproca debet esse heredita-
ris delatio. Si vis mihi succedere, necesse est ut tibi succedere possim: ad instar fi-
lij adoptiui, qui quemadmodum patri adoptiuo patrique adoptiui consanguineis*

succedit, eorumque legitimam habet hereditatem: ita pater adoptivus & consanguinei patris adoptivi adoptivo succedunt, ut inquit Iureconsultus in l. 2. §. nam qui adoptatur. ff. de suis & leg. hered. §. filium quib. mod. nati est. legitimo in authen. l. penult. §. & ideo sancimus. C. de adopt. l. hac parte. ubi Glosa expressa. ff. unde cognat. Secus tamen à un Bastard, comme il sera dit au Traicté de Bastardie.

De ce qui a esté cy dessus deduit, on peut iustement dire, que le Roy Louys Debonnaire octroya lettres de naturalité aux Saxons & Frisons, leur ayant remis & octroyé le droit de tester, & succeder à leurs parens, lequel leur auoit esté osté par Charlemagne son pere, au moyen de leurs rebellions, comme il a esté dit au dixseptiesme chapitre.

EN FRANCE LE ROY SEUL PEUT NATURALISER l'estranger, & les lettres de naturalité doiuent estre verifiées en la Chambre des Comptes, avec l'interpretation de ces mots, *prouiso quòd heredes impetrantis sint Regnicolæ.*

- | | |
|---|---|
| <ol style="list-style-type: none"> 1 Le Roy seul peut en France naturaliser l'estranger. 2 En France les Seigneurs hauts Iusticiers ne peuvent donner lettres de naturalité. 3 La finance due à cause des lettres de naturalité, appartient au Roy seul. 4 Le haut Iusticier ne doit estre appelé à la verification des lettres de naturalité. 5 Les lettres de naturalité doiuent | <p>estre verifiées en la Chambre des Comptes.</p> <ol style="list-style-type: none"> 6 Interpretation de ces mots, <i>prouiso quòd heredes sint Regnicolæ.</i> 7 Les parens de l'estranger naturalisé ne luy succedent, s'ils ne sont naiz au Royaume, & demeurans en France. 8 Les lettres de naturalité ne doiuent estre verifiées en Parlement. |
|---|---|

CHAPITRE XXIIII.

Le Roy seul peut en France naturaliser l'estranger.



O V T ainsi que iure Romano solus Imperator restitutionem natalium, iusque aureorum annulorum concedebat: & ab alio quàm Imperatore ius civitatis Romanæ impetrari non poterat, l. 1. C. de iure aur. annul. l. 1. & 2. ff. de natalib. restit. l. sed si accepto usu togæ Romanæ, ff. de iur. fisci. Cicero in Oratione pro Archia poeta.

Aussi en France les lettres de naturalité ne peuvent estre données par autres que par le Roy, d'autant qu'il est Empereur en son Royaume, & seul souverain en iceluy, ne recognoissant aucun superieur, & le tenant immediatement de Dieu, par la grace duquel le Royaume a esté establi: en signe de quoy nos Roys à leur Sacre prennent l'espée sur l'Autel, pour monstrier qu'ils ne tiennent la souveraineté & puissance Royale

que.

que de Dieu. Tellement que nous tenons pour maxime & reigle certaine, que le Roy seul peut naturaliser l'estranger ; c'est à dire le faire comme naturel François, tel que s'il estoit nay en France, & luy donner permission de demeurer & acquierir biens au Royaume, avec congé de tester & succeder à ses parens naiz & demeurans en France. Et ce priuatiuement à tous les Seigneurs & hauts Iusticiers du Royaume, lesquels ne peuuent naturaliser l'estranger, legitimer le bastard, ny donner amortissement aux gens de main-morte, *hec enim sunt iura & priuilegia regni Galli- ci soli regi concessa*, comme il est contenu en l'extraict des Comptes, transcrit au troisieme chapitre, & qu'il sera amplement declaré au trente-quatrieme chapitre du present Traicté, *cap. per venerabilem, ext. qui filij sint legit. cap. nouit. extr. de indic. notat Baldus in dicta l. 1. C. de iur. annul. & in Rubrica Codicis, colona incipiente iuxta hoc quero. & in l. si quis filium. in fin. C. de liber. prater. vel ex hered. late tractat Ioannes Ferrant in suo tractatu de priuilegiis regni Franciæ*: estant en la fin du Stil de Parlement, *priuilegio 15. & 16. & ita respondit Steph. Bertrandus, consilio 116. vol. 3. consil.*

²
En France les Seigneurs hauts Iusticiers ne peuuent donner lettres de naturalité.

Et d'autant que le Roy seul peut naturaliser l'estranger, comme dict est, au Roy seul appartient la finance deuë à cause des lettres de naturalité, pour l'indemnité de sa Majesté ; sans que le Seigneur haut Iusticier, en la terre duquel l'estranger naturalisé est demeurant, ou bien les heritages appartenans à l'estranger sont assis, puisse pretendre, quereller, ou demander aucun droict, ou aucune finance, à cause des lettres de naturalité, ny aucunement se plaindre de l'impetration d'icelles : & sans que l'estranger soit tenu faire appeller le Seigneur haut Iusticier, lors qu'il veut faire verifier ou interiner les lettres de naturalité par luy obtenues du Roy. Le semblable doit estre dit du bastard qui obtient lettres de legitimation du Roy, à la verification desquelles il n'est point tenu faire appeller les Seigneurs hauts Iusticiers feodal, ou censier, es terres & Seigneuries desquels il est demeurant, & ses biens, tant meubles qu'immeubles, sont assis. Combien que pour affranchissement obtenu du Roy, par homme de condition serue, il soit besoin de payer indemnité au Seigneur de fief, au dedans duquel l'impetrant des lettres est demeurant ; & duquel il est serf taillable & mainmortable, comme il a esté iugé par Arrest solennellement prononcé le premier Iuin mil cinq cens loixante & vnze, au profit de la Dame de Vaudray, contre les habitans de la Baronnie de Sainct Michel en Charolois, au Duché de Bourgongne. Aussi que pour l'amortissement octroyé par le Roy à gens de main-morte, il soit necessaire payer indemnité aux Seigneurs feodaux ou censuels, desquels les heritages amortis sont tenus & mouuans, comme il sera dit au Traicté des francs-fiefs & nouueaux acquests, chapitre cinquante-trois & cinquante-quatre.

³
La finance deuë à cause des lettres de naturalité appartient au Roy seul.

Les lettres de naturalité estans impetrées du Roy, est besoin les faire verifier par Messieurs des Comptes, qui taxent quelque petite somme telle que bon leur semble : Combien que les estrangers pour la seule permission d'eux marier en France avec femme natifue de France, payassent anciennement au Roy pour le droict de formariage, la valeur de la moitié

⁴
Le haut Iusticier doit estre appelé à la verification des lettres de naturalité.

⁵
Lettres de naturalité doiuent estre verifiées en la Chambre des Cōptes.

ou du tiers de leurs biens, comme il est porté par l'extraict des Comptes, transcrit au troisieme chapitre, & qu'il est déclaré au quatrieme chapitre du present Traicté.

6.
Interpretation de ces mots, Prouiso quod hæredes sint regnicola.

Et à la verification de telles lettres, Messieurs des Comptes ont accoustumé mettre ceste clause ordinaire (*prouiso quod impetrantis hæredes sint Regnicola*) lequel mot de *regnicola*, il faut entendre *quod hæredes sint Regni, ena & Regnicola; id est nati in Regno, & manentes in Regno*. Et est nécessaire que *utrumque concurrat*, autrement les parens des estrangers s'ils ne sont naiz en France, & demeurans en France, ne succederont aucunement à l'estranger naturalisé es biens estans en France, fussent-ils les propres enfans de l'estranger naturalisé. Car estans naiz hors de France, *peregrini sunt & alienigenæ; ideoque hæredum incapaces*, comme il sera dit es 30. & 31. chapitres du present Traicté.

7.
Les parens de l'estranger naturalisé ne luy succèdent, s'ils ne sont naiz & demeurans en France, ou qu'ils ne soient naturalisés.

Partant pour succéder à l'estranger naturalisé, il ne suffit pas que son parent natif hors de France, soit demeurant en France, & habitué au Royaume, mais il faut qu'il soit natif du Royaume, & demeurant en iceluy; ou bien ait obtenu lettres de naturalité du Roy comme le defunct, deuëment vérifiées, & *sic factus sit Francigena siue Regnigena*. Comme il a esté vuidé par Arrest recité au trente-sixiesme chapitre. Et de ce Papon au tiltre du droict d'Aubeine, recite plusieurs Arrests. Et ainsi fut iugé en la Chambre du Thresor, le 6. Octobre 1565. contre vn nommé Claude Gaultier, comme il sera recité au 37. chapitre: & ainsi est porté par l'extraict des Comptes, transcrit au 3. chapitre du present Traicté. Et combien que le droict d'Aubeine soit domanial, toutesfois il n'est besoin que

8.
Lettres de naturalité ne se vérifient en Parlement.

les lettres de naturalité obtenues par vn particulier, soient vérifiées en la Cour de Parlement; comme il seroit requis, si le droict d'Aubeine estoit remis & quitté par le Roy en quelque Prouince. Car en ce cas la verification de tel don seroit requise en la Cour de Parlement, comme contenant alienation de droict domanial: & ce suiuant l'Edict de l'union & conseruation du Domaine, ce qui n'est en simples lettres de naturalité, qui ne peuvent estre qu'une simple alienation.

LES PARENS DE L'ESTRANGER NATURALISÉ.


naiz & demeurans en France, luy succèdent & excluent le Roy, encores que le defunct, lors de son deceds eust parens plus proches demeurans hors le Royaume: avec les Sentēces & Arrests donnez pour ce regard.

1. Nouvelle interpretation de ces mots, *prouiso quod hæredes*.
2. *Hæredis nomen simpliciter prolatum de proximo intelligitur*.
3. Les parens de l'estranger demeurans hors de France, sont incapables de succéder.
4. Que le Roy ne peut entrer au lieu

- des parens estrangers.
5. Sentēce du Thresor de ce que dessus.
6. Coustume de Sens decisive de ce que dessus.
7. Incapax quis dicitur.
8. Indignus quis dicitur.
9. Differentia inter indignum & incapacem.

- | | |
|---|--|
| <p>10 Peregrinus non est indignus, sed incapax.</p> <p>11 Nouissimo loco succedit fiscus.</p> <p>12 Le Roy ne succede aux François, encores que les plus proches parens soient incapables de succeder.</p> <p>13 Deux Arrests par lesquels le haut Iusticier ne peut pretendre les biens du frere homicide par son frere.</p> <p>14 Sentence donnée au Thresor, sur la question du present chapitre.</p> <p>15 Moyens sur lesquels la Sentence du Thresor est fondée.</p> | <p>16 Quel temps on considere pour un defunct decedé intestat, & pour son heritier.</p> <p>17 La capacité du testateur en quel temps est considerée.</p> <p>18 Furor interueniēs non rumpit testamentum ante furorē conditum.</p> <p>19 Quel temps on considere pour la capacité de l'heritier testamentaire.</p> <p>20 Quel temps on considere pour la capacité du legataire.</p> <p>21 Institution d'heritier n'a point de lieu, que signifie.</p> |
|---|--|

CHAPITRE XXV.



N cest endroit couuient noter, qu'aucuns ont voulu entendre ces mots, *Prouiso quod hæredes impetrantis sint regnicola*, ordinairement apposez à la verification des lettres de naturalité, de ceux qui de droict sont les plus proches à succeder: *Scilicet qui iure hæredes esse debent, quique proximior gradu defunctum attingunt, sint regnicola, id est nati sint in regno, & maneat in regno: tanquam hæredis nomen simpliciter prolaturum, de proximo intelligatur, & non de ulterioribus.* Idque ex vi verbi, & proprietate sermonis, l. qui liber. §. hæc verba. ff. de vulg. & pupil. substit. l. antiquitas. C. de usus. l. boues. §. hoc sermone. ff. de verb. & rer. signif. Traictat Alcizius in l. hæredis appellatio, ff. eodem. Tellement que si les vrais heritiers du defunct, & plus proches à luy succeder, cōme pere, mere, frere ou oncle, ne sont demeurez en France, ains en pays estrange, comme d'Escoisse ou d'Allemagne, ils ont estimé que le Roy deuoit apprehender la succession de l'estranger naturalisé, comme entrant au lieu du vray heritier incapable & inhabile de succeder. Combien que le defunct eust en France des cousins, & autres parens in remotiori gradu, qui fussent naiz & demeurez en France, ou bien qui fussent naturalisez comme le defunct, & par ce moyen capables de luy succeder, ainsi qu'il a esté dit au 23. chapitre, & qu'il sera deduit au 27. chap. du present Traicté.

Toutesfois il semble que ceste interpretation, comme plus subtile qu'equitable, ne doit estre admise, cum hæredis appellatio, non solum ad proximum heredem, sed ad ultiores referatur, & hæredis appellatione omnes successores significantur, comme dict le texte, in dicta l. hæredis appellatio. l. finali. C. de hærede instit. l. cum ita in fine. ff. de condit. & demonstrat. l. in annalibus C. de legat.

Aussi les plus proches parens du defunct, tenans le premier lieu pour succeder, estans estrangers natifs, & demeurez hors le Royaume, ils sont incapables & inhabiles de luy succeder, comme il sera déclaré au 30. chapitre. Ideoque lex hereditatem eis non defert, en sorte que inter hæredes non numerantur. Mais la Coustume defere la succession à celuy qui est

¹ Nouvelle interpretation de ces mots, *Prouiso quod hæredes sint regnicola.*

² *Hæredis nomen simpliciter prolaturum de proximo intelligitur.* Question du present chapitre.

Confirmation de l'interpretation cy-dessus recitée.

³ Les parens de l'estranger demeurez hors de France, sōt incapables.

bles de suc-
ceder.

le plus proche & habile à succeder, nay & demeurant au Royaume de France, comme les autres n'estans aucunement considerables ny habiles à succeder. Et c'est ce que la Coustume generale de France dict: Le mort fait le vif, son plus proche parent habile à luy succeder. *l. 1. §. filius suus. l. 2. §. hereditas, & §. legitima. ff. de suis & legi. §. heredi. §. placebat. de legi. agnat. successio.*

4
Que le Roy
ne peut en-
trer au lieu
des parens
estrangers.

Aussi on ne peut valablement dire que le Roy succede au lieu & droit des plus prochains parens du defunct demeurans hors le Royaume, attendu que ledit Seigneur n'a aucune cession ny transport desdits parens: & ne peut avoir cession de leur droit en la succession du defunct; d'autant qu'ils n'y ont jamais eu de droit, comme incapables de luy succeder. En sorte que les parens capables de succeder au defunct, naiz & demeurans en France, sont entrez au lieu des incapables, *locum vacuum inuenerunt, quem occupauerunt & in locum incapatium successerunt*: suiuant la disposition de droit cy apres alleguée.

5
Sentence du
Thresor de
ce que des-
sus

Ainsi a esté iugé en la Chambre du Thresor, pour la succession de defunct Maistre Nicolas Voillot, viuant Docteur en Theologie, Principal du College de la Marche, natif de Dambelam, naturalisé par le Roy, lequel auoit delaissé vn frere & vne sœur natifs & demeurans en Lorraine, & vn nepueu yssu de sa sœur, pareillement natif & demeurant en Lorraine, & vn arriere-nepueu, nay & demeurant en France, yssu dudit nepueu, lequel auoit esté marié & demeuré quelque temps en France, duquel le defunct estoit grand oncle. La sentence fut contradictoirement donnée le douziesme Aoust mil cinq cens quatre-vingts treize, contre le Procureur du Roy au Thresor, au profit de Iean Bichot, Marchand demeurant à Franoy, Bailliage de Chaumont en Bassigny, tuteur de Iean Vuillemin, petit nepueu dudit defunct Maistre Nicolas Voillot, & par ladite sentence main-leuée auroit esté faite audit Bichot tuteur, de tous & chascuns les biens, tant meubles qu'immeubles demeurez par le trespas dudit defunct Maistre Nicolas Voillot, pour lesdits biens iouyr par ledit Bichot, comme estant ledit Vuillemin son mineur, petit nepueu & heritier dudit defunct, son grand oncle. Les Commissaires & gardiens des biens contraints à la representation d'iceux, à luy rendre compte, & payer le reliqua: quoy faisant en demeureront quittes & deschargez enuers & contre tous.

6
Coustume
de Sens de-
siue de ce
que dessus.

Et ce que dessus est formellement décidé par le 90. article de la nouvelle Coustume de Sens, lequel contient ces mots: Vn estranger demeurant hors du Royaume, ne succede aux biens de son parent Regnicole, natif de ce Royaume, & decedé audit Royaume. Mais luy succederont ses autres parens natifs en cedit Royaume, & y demeurans, ores qu'ils ne fussent si proches que l'estranger.

7
Incapax
quis dica-
tur.

Et en cest endroit conuient noter, qu'il y a difference *inter indignū & incapacē. Quia incapax dicitur qui per leges capere non potest, & cui lex ob delictū vel personā vitium hereditatem non defert, nec eum ad hereditatē admittit. Vt quia deportatus est, vel in metallum damnatus, vel hereticus, vel è regno ob delictum discessit. Et hic numquam fuit heres, nec ullum ius in hereditate ha-*

lucius: parce que lors du deceds du defunct, il estoit incapable & inhabile à succeder. Et si incapax est iure, id est initio & effectu incapax. l. 1. rbi glosa. ff. de iure fisci. l. 3. §. quando autem. l. Senatus. §. Senatus. ff. eod. edicto Pratoris. ff. de bonor. possess. §. testamenti factio. de hered. qualitat. & differen. in Institu.

Indignus autem est qui iure, id est initio sue tempore delata hereditatis capac erat, qui hereditatem adiit, & heres fuit. Sed effectu fuit incapax, ei enim hereditas auferitur, & fisco applicatur, quia mortem defuncti non est vltius, vel aliud delictum commisit, dicta l. 1. ff. de iure fisci. l. 1. C. de his quib. ut indig.

8
Indignus
quis dicitur.

Quod indigno siue ingrato offertur, sequenti in gradu non defertur, sed fisco applicatur, ne pena vnius sit premium alterius. l. si sequens gradus in principio & §. 1. ff. ad senat. Sylla. l. 1. apinianus. §. meminisse. ff. de inof. testam. Incapaci autem non potest auferri hereditas, quia numquam fuit heres, cum ab initio iure & effectu incapax fuerit. Peregrinus non est indignus, sed incapax ad succedendum: ideoque hereditas ei non defertur à lege, & sic heres esse non potest, sed lex defert hereditatem proximiori in regno manenti, capaci ad succedendum, quia quod consanguineo incapaci denegatur caducum non fit, nec fisco applicatur, sed substituto vel remotiori in gradu defertur. l. unica. §. in primo. §. in secundo. C. de cadu. col. l. si in metallum. ff. de his que pro non script. habent. Aussi quod legatario incapaci denegatur (ut puta quod extraneus sit) caducum non fit, ne fisco applicatur, sed collegatario re & verbis coniuncto conceditur, dicta l. unica. §. in primo, & ibi Bartolus. Idem Bartolus in l. plane. §. si coniunctim. ff. de lege.

9
Differentia
inter indig-
num &
incapacem.

10
Peregrinus
non est in-
dignus, sed
incapax.

[Et d'Argentré quest. 37. au Traicté qu'il a fait des aduis sur les partages des nobles, en la Coustume de Bretagne, & es articles 510. & 551. en la mesme Coustume. N. B.]

En ce faisant l'incapacité est precedente la delation d'heredité, ou bien le deceds du defunct, de la succession duquel est question. Et l'indignité est subsequente la delation d'heredité: ou bien le cas de l'indignité doit estre adueni depuis la mort du defunct, & l'incapacité doit estre lors & au temps du trespas du defunct.

Et suiuant ceste distinction le Ieudy dernier Ianuier, mil cinq cens quatre vingts & dix, a esté appointée au Conseil, & non iugée la cause d'entre les coheritiers d'un Quidam & sa femme demandeurs en requeste d'une part, & Monsieur le Procureur general du Roy, & un donataire dudit Seigneur defendeurs d'autre. Le different d'entre les parties estoit de sçauoir, si la portion hereditaire, qui estoit un quart des biens, tant meubles qu'immeubles, demourez par le trespas de la mere de la femme dudit Quidam decedée en ceste ville de Paris depuis trois mois, appartenoit & accroissoit ausdits coheritiers: Comme lesdits Quidam & sa femme qui estoient natifs de Paris, estans incapables de succeder en France, d'autant que dix ans y auoit & plus, qu'eux & leurs enfans estoient retirez & habitez à Genéue, hors l'obeyllance du Roy: Ou bien si la portion hereditaire desdits Quidam & sa femme deuoient appartenir au Roy, ou bien au donataire dudit Seigneur, comme indignes de succeder, à cause de la nouuelle religion pretendue reformée, de laquelle ils faisoient pro-

feſſion. Et fut ordonné qu'inventaire ſeroit fait des biens, eſtans de la ſucceſſion de la mere de la femme dudit Quidam, en la preſence de l'un des Subſtituts de Monſieur le Procureur general du Roy, ſans aucunement preiudicier aux droits des parties.

Auſſi la diſtinction cy-deſſus recitée fut amplement traitée en la Cour au plaidoyé fait en icelle, le vingt-fixieſme Novembre, mil cinq cens cinquante-quatre, pour les biens d'un nommé de Normandie, le pere duquel eſtoit decedé, pendant que le fils s'eſtoit retiré à Geneve: le Roy pretendoit la portion hereditaire du fils. Semblable cauſe fut plaidée en la Cour, le vingtieſme Juillet, 1559. pour les biens d'un nommé Deſlandes.

Auſſi *nouiſſimo loco ſuccedit fiſcus, ſi nulli extant conſanguinei, nulluſque ex qualibet ſanguinis linea ſuperſit hæres legitimus*: ou biē ſelō les mots de la loy, *ſi nullū ex qualibet ſanguinis linea vel iuris titulo legitimū reliquerit inteſtatus hæredē. l. vacantia de bon. vac. C. lib. 10. l. 2. de petit. honor. ſubla. C. lib. 10.*

11
Nouiſſimo
loco ſuc-
cedit fiſcus,
Raiſon per-
tinentie con-
firmative
de ce que
deſſus.

12
Le Roy ne
ſuccede aux
François,
encores que
les plus pro-
ches parens
ſoient inca-
pables de
ſucceder.

13
Deux Ar-
reſts par leſ-
quels le
haut Juſti-
cier ne peut
pretendre les
biens du fre-
re homicide
par ſon
frere.

Ioinct que le defunct par le moyen des lettres de naturalité par luy obtenues, eſtant fait comme originaire de France, & tel que s'il eſtoit natif au Royaume, cōme toute peregrinité eſtant tolluë, effacée & eſteinte par les lettres de naturalité (ainſi qu'il a eſté dit és deux precedēs chapitres) ſes parens luy doiuent ſucceder, tout ainſi qu'à celui qui ſeroit originaire de France: En ſorte qu'il n'y a plus lieu d'Aubeine, mais de Des-herence ſeulement. Or il eſt certain que le Roy ne ſuccede pas à un originaire de France, encores que le frere du defunct ſoit Religieux, ou ſoit condamné aux galleres perpetuelles, ou ſoit banny hors le Royaume, ou ſoit demeurant, marié, habité & hors le Royaume, & par ce moyen incapable de ſucceder, mais la ſucceſſion eſt deferée au plus proche parent habile à ſucceder, ſoit oncle, nepueu, ou couſin, *dictal. edicto Prætoris. ff. de bon. poſſeſſ. dictal. 3. ff. de his quæ pro non ſcript. l. ſi qua pœna. ff. de his qui ſunt ſui vel alien. iuris. Primo enim gradu deficiente, ſequens gradus ſuccedit*, cōme dit le texte *in §. penultimo in fin. de legitima agnat. ſucceſſ. inſtit.* Et ſuffit pour faire ceſſer le droit de Des-herence, qui eſt en ce cas ſeulement conſiderable, & non le droit d'Aubeine, qu'il y ait un parent nay & demeurant en France, habile à ſucceder au defunct en quelque degré de parenté qu'il ſoit.

Et ce à l'exemple de celui qui a occis ſon frere, lequel combien qu'il ne luy ſuccede au moyen de ſon incapacité, *quia non debet habere ea quæ per flagitium acquiſiuit*: toutesſois le fiſque ne ſuccede pas au defunct, comme entrant au lieu du frere fratricidé, mais le plus proche parent, apres le frere qui a commis l'homicide, luy ſuccede, ſoit oncle, ou nepueu, *l. uni. ca. §. finali. ff. de portion. quæ liberis damnat. conc. quam nouelli dicunt eſſe legem finalem. ff. de bon. damnato. l. ſi ab hoſtibus. §. fina. D. ſolut. matrim. Bar. toluſ in l. hereditas. C. de his quib. ut indign.* Ainſi fut iugé par Arreſt ſolemnellement prononcé l'vnzieſme May, mil cinq cens cinquante-quatre, contre feu Monſieur le Cardinal de Giury, Eueſque de Langres, pour les biens de feu Pierre de Palace, occis par François de Palace ſon frere, leſquels furent adiugez aux oncles de Pierre, & le Seigneur Cardinal de Giury debouté du droit qu'il y pretendoit, comme haut Juſticier à

cause de la confiscation du frere qui auoit commis l'homicide. Semblable Arrest solennellement prononcé, le sixiesme Septembre, mil cinq cens soixante-six, contre Monsieur de Nemours, pour les biens d'un frere qui auoit esté occis, & ietté en la riuere par vn sien frere, près de Bray sur Seine. *Ioannes Galli* recite vn pareil Arrest en la question cent quarante-sixiesme, qui est intitulé, *Bona sunt ab indigno mouenda*. Aussi Papon en son recueil des Arrests, recite semblables Arrests, au titre des indignes à succeder. *Vide Ealdum in l. cum quam C. de fideicommiss. superiora tractantem.*

[Je ne puis ch mettre en ce lieu vn Arrest qui a esté prononcé en pleine audience, par Monsieur le premier President d'Harlay, le treiziesme Mars, mil six cens huit, par lequel vn frere fut déclaré indigne de la part & portion qu'il demandoit en la succession de feu son frere assassiné, & ce à cause qu'il auoit sceu qu'il auoit voulu tuer son frere, ne l'ayant déclaré: Et toute la preuue qu'on auoit au procès contre luy, n'estoit que des indices, sur lesquelles la Cour s'arresta, & les trouua si fortes, & plus que suffisantes pour le déclarer indigne de la demande en l'action de partage qu'il auoit intentée contre son frere, lequel par ledit Arrest fut seul déclaré heritier du defunct assassiné. Monsieur Louet Conseiller de la Cour, en son recueil d'Arrests, r'apporte qu'il a esté iugé par Arrest du 7. Aoust mil six cens quatre, que les enfans de la sœur qui auoient assassiné leur oncle, furent priuez de la succession, & les cousins germains du defunct, qui estoient les plus proches, apres les nepueux declarez, heritiers. N. B.]

Et la question cy-dessus recitée, à sçauoir, si le parent demeurant en France, qui est *in remotiori gradu*, peut succeder à l'estranger naturalisé: ou si le Roy doit succeder au lieu du proche parent, demeurant hors de France, a esté agitée en la Chambre du Thresor, pour la succession de defunct Nicolas de Lambel Escossois, lequel estant naturalisé par le Roy, deceda en France, delaisant sa mere & son frere demeurans en Escosse, & Guillaume de Rudefur Escossois demeurant en France, qui estoit naturalisé, ainsi que le defunct, lequel comme pretendu cousin, se disoit heritier du defunct, & vculoit exclure le donataire du Roy. Contre lequel le donataire objectoit, que *lex ei hereditatem non deferbat, quia proximior non erat, & excludebatur à matre vel fratre*, au lieu desquels le fisque entroit, comme il a esté cy-dessus recité. Et que toutes les maximes alleguées par Rudefur, pretendu heritier, estoient bonnes en successions de François à François, ou en biens vacquans, non pas en succession d'estranger à estrangers, encres qu'ils fussent naturalisez, parce qu'il faut prendre ces mots, *provisio quod heredes impetrantis sint regnicole*, estroittement & en leur propre signification, & les interpreter *pro fisco*, non pas les estendre *contra fiscum*.

De fait le donataire du Roy, qui estoit Maistre Charles de la Mothe, Aduocat en Parlement, obtint gain de cause en la Chambre du Thresor, par sentence du 2. Octobre mil cinq cens soixante & quatorze, par laquelle les biens du defunct luy furent adiugez, Rudefur condamné

rendre les fruiets par luy receus des heritages estans de la succession du defunct. Et ceste sentence a esté confirmée par Arrest du 9. de Mars 1577.

15
Moyens sur
lesquels la
sentence du
Thresor est
fondée.

Toutes-fois i'ay entendu que les sentence & arrest donnez au profit du donataire du Roy; ne sont fondez sur le poinct cy-dessus allegué, sçavoir que *proximior non erat*, ny sur ceste clause, *prouiso* & ains sur autres moyes deduiets au procès: mesmes qu'on pretendoit le defunct illegitime, & sa mere l'auoit ainsi déclaré. Aussi les lettres de naturalité obtenues par Rudefur, ne portoient la clause de succeder: Tellement qu'il n'estoit naturalisé, sinon *quantum ad honores*, non pas *quantum ad successiones*, & *omne privilegium est stricti iuris*. Ioinct que Rudefur n'auoit suffisamment verifié sa pretendue parenté & consanguinité, & vouloit faire nouvelle & seconde enqueste vn an apres les delaiz d'informer expirez: Dont il fut debouté par les sentence & arrest cy-dessus dattez, & est besoin voir la fin du trentiesme chapitre du present Traicté.

La question
cy dessus re-
citée, agitée
en la Cham-
bre du
Thresor.

Aussi semblable question fut agitée en la Chambre du Thresor, par les cousins de feu Bertignon, Procureur en Parlement, natif de Lorraine, naturalisé par le Roy, lesquels estans naiz & demeurans en France, pretendoient les biens du defunct, apres que les freres demeurans en Lorraine en furent deboutez, & debattoient la donation faicte à la femme du defunct, par contract de mariage, de tous meubles & conquests immeubles, au cas que le defunct n'eust enfans: comme il a esté dict au vingt-vniemesme chapitre. Ce que dessus est amplement traicté par Monsieur Chopin, és Coustumes d'Anjou, liure premier, chapitre quarante & vii col. vingt-troisiesme.

16
Quels temps
on conside-
re pour un
defunct de-
cedé inte-
stat, & pour
son heritier.

Et en cest endroict pour cognoistre en quel temps la capacité est requise, soit pour le regard du defunct, de la succession duquel est question, soit pour le regard de l'heritier, soit pour le regard du legataire: il conuient noter pour le regard du defunct qui est decedé *intestat*, & pour le regard de son heritier qui luy veut succeder *ab intestat*, qu'on cōsidere seulement le temps du decez du defunct, & regarde-on si lors dudit decez, le defunct estoit capable d'auoir heritier, & si celuy qui veut succeder est lors capable d'apprehender la succession, & estre son heritier, ou non. Et c'est ce que la Coustume generale de France, mesmes celle de la Preuosté & Vicomté de Paris, article trois cens dix-huict, dict: Que le mort saisit le vif, son hoir plus proche & habile à luy succeder, C'est à dire selon nostre sujet: si le defunct estoit nay demeurant en France, ou bien s'il estoit naturalisé par le Roy lors de son decez, & si audit temps son heritier estoit de semblable qualité & condition. §. *non tamen, in verbis si modo defunctus ciuis Romanus fuit. Instit. quib. mod. testam. infirm. l. i. C. de haredi. instituen.* comme il a esté dit au dix-septiesme chapitre.

17
La capacité
du testateur
en quels
temps est
considérée.

Si le defunct de la succession duquel est question, n'est pas decedé *intestat*, ains a fait testament portant institution d'heritier: en ce cas la capacité du testateur est requise en deux temps: à sçavoir lors de la confection du testament, *ut scilicet testamentum subsistat*, & lors de son trespas, *ut testamentum effectum habeat*. Tellement que si *deportatus instituat*

instituat heredem cum restitutus fuerit, restitutione accedente non confirmabitur testamentum. Idem dicendum in impubere, etiam si postea pubes factus fuerit, quia testamentum statim subsistere debuit, & non in pendentia esse. Aussi si testator post conditum testamentum capite minutus sit, subsequuta capitis diminutione siue maxima, siue media, siue minima, eius testamentum rumpetur & irritum erit. l. si filius familias ff. de testam. §. prater hos. §. prater ea. & §. finali quib. non est permis. face. testam. in Institu. l. fina. in fine. ff. cum prædio §. alio. quoque modo Institu. quib. mod. testam. infirm. in Institu. l. conficiuntur. §. si post. ff. de iure fisci.

En ce faisant selon nostre sujet, il est requis pour la validité du testament, que celui qui a esté, & par testament disposé de ses biens, soit nay & demeurant en France, ou bien soit naturalisé par le Roy, tant lors de la confection du testament, que lors de son decez, autrement on n'aura aucun esgard à son testament. *Secus dicendum in eo, qui cum compos mentis esset, testamentum condidit. Nam licet postea furor interueniat, imò furiosus decedat, eius testamentum non rumpitur. §. furiosi. quib. non est permis. face. testam. in Institu.*

18
Furor interueniens non rumpit testamentum ante furorem conditum.

Quant à la capacité de l'heritier testamentaire, on distingue inter suos & extraneos heredes. Et dit-on que *in suis heredibus capacitas duobus temporibus requiritur: nempe tempore testamenti facti, & tempore mortis. In extraneis autem heredibus capacitas, siue testamenti factio passiva tribus temporibus requiritur, scilicet tempore facti testamenti, tempore mortis testatoris, & tempore aditionis hereditatis. l. si alienum seruum. ff. de heredib. instit. §. in extraneis, & §. testamenti factio. institu. de hered. quali. & differen.* En sorte que pour estre heritier testamentaire en France, si la disposition de droict y estoit gardée (comme elle n'est en pays coustumier, ainsi qu'il sera dit cy apres) il seroit nécessaire que tel heritier fust nay & demeurant en France lors de la confection du testament, lors du decez du defunct, & lors de l'adition d'heredité: ou bien que esdits trois temps il eust esté naturalisé par le Roy.

19
Quels temps on considere pour la capacité de l'heritier testamentaire

Au regard de la capacité du legataire, elle est seulement requise au iour du decez du testateur. Tellement encores que l'estranger lors de la confection du testament fust incapable du legs à luy fait, d'autant qu'il n'estoit demeurant en France, ou n'auoit obtenu lettres de naturalité du Roy: si lors du decez du testateur il se trouue demeurant en France, & naturalisé, par ce moyen capable du legs à luy fait, il en obtiendra deliurance. *Et idem dicendum en vn fils bastard, lequel lors du decez de son pere naturel se trouue legitimé, l. 3. §. quando autem ff. de iure fisci. l. si cognatis §. ceterum. ff. de rebus dubi. notat expressè Paulus de Castro in l. 1. ff. de regu. cati.* Et pour ce regard est besoin veoir le huictiesme chapitre du present Traicté.

20
Quel temps on considere pour la capacité d'un legataire.

Et d'autant que par la Coustume de la Prouosté & Vicomté de Paris, article deux cens quatre-vingts dix-neuf, & par plusieurs autres Coustumes, institution d'heritier n'a point de lieu: c'est à dire qu'elle n'est requise, ne nécessaire pour la validité du testament, mais elle ne vicie le testament, & ne laisse la disposition de valloir iusques à la quantité des

21
Institution d'heritier n'a point de lieu, que signifie.

biens, dont le testateur peut valablement disposer par la Coustume. En sorte que ceste institution d'heritier equipole à vn legs testamentaire, de ce que le defunct pouuoit leguer par la Coustume: qui sont les meubles, acquests, & conquests immeubles, & la cinquiesme partie de ses heritages propres. En ce faisant l'heritier institué n'est qu'un simple legataire, tenu de demander deliurance de son legs, ou bien à l'heritier *ab intestat* s'aucun y a, ou bien au Procureur du Roy, s'il a faict saisir les biens du defunct, ou bien au curateur qui sera créé par Iustice aux biens vacans du defunct. En ce cas il semble qu'il suffit, que l'heritier institué, qui n'est que simple legataire, soit capable du legs à luy faict, lors du decez du defunct, sans considerer le temps du testament. Suiuant la loy troisieme. §. *quando autem. ff. de iure fisci*, & autres loix cy dessus citées. Et l'interpretation de la Coustume susdite est fondée in *l. Scauola ff. ad Trebell. in l. ubi ita donatur. ff. de dona. caus. mor. Institutio heredis obligatur, & ad legatum siue fideicommissum benigna interpretatione reducitur, ut voluntas testatoris seruetur*, comme dit la loy *Scauola*.

L'ESTRANGER NATURALISÉ NE PEUT PAR testament disposer en faueur de ses parens naiz & demeurans hors de France. Ny pareillement en faueur de l'estranger demeurant en France non naturalisé, soit par legs vniuersel, ou particulier.

- | | |
|---|--|
| <p>1 L'estranger naturalisé ne peut tester en faueur de ses parens naiz & demeurans hors de France.</p> <p>2 L'estranger naturalisé ne peut par testament leguer tous ses biens à un estrange demeurant en France, non naturalisé.</p> <p>3 L'estrange non naturalisé demeurant en France, est incapable de</p> | <p>legs testamentaires.</p> <p>4 Peregrinus est capax eorum que sunt iuris gentium.</p> <p>5 L'estrange ne peut prendre par testament, ny par donation pour cause de mort aucune chose.</p> <p>6 Confirmation de ce que dessus par la verification des lettres obtenues par les Portugais.</p> |
|---|--|

CHAPITRE XXVI.

L'estrange
naturalisé
ne peut te-
ster en fa-
ueur de ses
parens naiz
& demeu-
rans hors de
France.



OMBIEN que l'estrange naturalisé puisse tester, & par testament disposer de tous les biens qu'il a au Royaume de France; toutesfois cela s'estend à personne capable & sans fraude, suiuant la loy *si libertus. ff. de iure pat. Ioannes Faber in princip. titul. de hered. que ab intest. de in instit.* Et la Coustume de Paris parlant, tant de donation entre vifs, que de testament, vsc de ces mots, à *personne capable*. Tellement que si l'estrange naturalisé, par testament dispose en faueur de ses parens estrangers, naiz & demeurans hors du Royaume, on n'aura aucun esgard à telle disposition testamentaire: & s'il n'a point de parens Regnicoles en France qui luy puissent succeder, les biens du defunct se-

ront entierement adiugez au Roy, ou bien par droict d'Aubeine, ou par Des-herence & faute d'heritier. Si le defunct a des heritiers, naiz & demeurans en France, ou naturalisez residans au Royaume, le legs appartiendra à ses heritiers: car comme dit a esté au chapitre precedert, *quod incapaci legatur, caducum non fit, nec fisco applicatur, sed aliquid heredem remanet, l. unica §. in primo, & §. in secundo. C. de cod. toll. l. 2. ff. de his qua prono scrip. hab.* Et ainsi fut soustenu en la Chambre du Thresor, par les heritiers de defunct Pierre de Carnasc qui estoit Florentin, pour les legs qu'il auoit faicts à ses sœurs Religieuses, & autres parens demeurans à Florence, lesquels furent declarez nuls. Et defunct Baptiste Helleman Italien naturalisé par le Roy, ayant legué aux pauvres de la ville de Venise, la somme de soixante six escus deux tiers, ladite somme, par sentence de Messieurs du Thresor du dixiesme Louier, mil cinq cens quatre-vingts sept, fut adiugée aux quatre Mandiens de ceste ville de Paris.

Imò verò, si l'estranger naturalisé, par testament legue tous & chacun ses biens à vn estrange demeurant en France non naturalisé, telle disposition de tous biens sera nulle: *quia legatarius ille peregrinus est & peregrini non habent testamenti factionem: nec actiuam, quia testari non possunt: nec passiuam, quia ex testamento capere nequeunt, siue iure vniuersali siue iure particulari, l. 1. C. de hered. instit. ubi gl. sa in verbo non possunt. l. 1. sed & §. §. solemus. ff. cod. l. 1. §. secundo capite. ff. ad leg. falc. §. testamenti factio de hered. qual. & differ. in Instit.* Aussi on reputera le legs faict de tous biens à l'estranger demeurant en France, frauduleux, contenant vne vraye institution d'heritier, ou bien vn paisible fideicommiss, de rendre les biens ou plustost les deniers prouenans de la vente d'iceux aux parens de l'estranger, naiz & demeurans hors le Royaume, qui capere non possunt. Et sic peregrinus regnum incolens, in fraudem legis fidem accommodasse censbitur, & presumetur fraus facta de persona in personam, afin de faire tomber le legs en la personne prohibée. *Non intelligitur. §. Iulianus. & §. tacita ff. de iur. fisci l. cum tacitum ff. eodem. l. in fraude ff. de his. quib. ut indig.*

2
L'estranger naturalisé ne peut par testament leguer tous ses biens à vn estrange demeurant en France non naturalisé.

Aussi vne donation de tous biens estant censée vraye institution d'heritiers, elle ne peut estre faicte par l'estranger naturalisé à l'estranger non naturalisé & demeurant en France: parce que les heritiers de l'estranger naturalisé doiuent estre Regnicoles, c'est à dire naiz en France & demeurans en France, comme il a esté dit au vingt-quatriesme chapitre. Ce qui ne feroit, si la donation de tous biens pouuoit subsister en la personne de l'estranger non naturalisé, residant en France.

Aussi a esté iugé au profit de Charles de Guierlay, Seigneur d'Aulnay, contre Clement Clementine Italien non naturalisé, demeurant en France, auquel Faule Clementine son frere Italien naturalisé demeurant en France, auoit par testament donné tous ses biens: & où Clement n'auroit enfans, les auoit donnez au Seigneur d'Aulnay, qui les pretendoit tant par le moyen du testament, comme la donation ne pouuant subsister en la personne de Clement, que comme haut Iusticier à tiltre de biens vacans. Aussi Monsieur de Neuers, comme donataire du Roy, les pretendoit par

Arrest de ce que dessus.

droict d'Aubeine : Et par arrest donné au rapport de Monsieur le Sueur, le 10. Ianuier 1575. les biens furent adiugez au Seigneur d'Aulnay, & la sentence donnée par le Bailly de Niuernois confirmée, ainsi qu'il sera amplement déclaré à la fin du trente-quatrième chapitre.

L'estranger
non natura-
lisé demen-
rant en Frā
ce est inca-
pable des
legs testa-
mentaires.
Confirma-
tion de ce
que dessus.

Et qui plus est, si l'estranger naturalisé, par son testament faict quelque legs particulier à vn estrange non naturalisé, demeurant en France, aucuns sont d'aduis que tel legs doit estre reputé nul : d'autant que l'estrange *peregrinus est, idcoque & hereditatum & legatorum incapax, dicta. l. 1. C. de hered. instit. l. Peregrini enim ex civium testamento nihil olim capere poterūt, & iure Romanorum peregrinis neque lege agere in hereditatem civis, neque bonorum possessionem petere concessum erat : nec quicquam nomine legati consequi poterant, ut ait Conanus lib. nono, cap. qui testa. fac. poss.*

4
Peregrinus
est capax
eorum qua
sunt iuris
gentium.

Et combien que l'estranger en France liberè viuat, possitque emere, vendere, permutare, locare, conducere, donare, & faire tous actes & contractz entre vifs, mesmes accepter à son profit donations entrevifs *quia contractus à iure gentium introducti sunt, & peregrinus est capax eorum qua sunt iuris gentium, tanquam huiusmodi ius omni humano generi commune sit. Et naturalisatione inter omnes homines constitutum sit, ut eo iure omnes gentes siue ciues, siue peregrini utantur, & apud omnes populos per æquè custodiatur* : Toutesfois l'e-

5
L'estranger
ne peut pré-
dre par te-
stament ny
par donatio
pour cause
de mort au-
cune chose.

stranger *nihil capere potest ex testamento, vel donatione causa mortis, quia testamentum est iuris civilis, cuius peregrinus incapax est, cum ius civile solis civibus proprium & peculiare sit, & donatio causa mortis legato equiparatur, comme il a esté dit au 17. chapitre, & de ce que dessus y a texte exprés in l. 1. ff. ad legem falcid. Civis, inquit, Romanus quantam cuique civi Romano pecuniam legare volet, ius potestasque esto. Quæ quidem lex exterum peregrinumque à legatis testamentariis que donationibus manifestè excludit, quia quoties unum acquisitionis genus permissum est, alterum prohibitum censetur. l. cum quid una via. de regul. iur. l. cum prætor. ff. de iud.*

Confirmatiō
de ce que
dessus par la
verification
des lettres
obtenues par
les Portu-
gais.

De faict, le 22. Decembre, 1550. la Cour de Parlement verifiant les lettres patentes en forme de lettres de naturalité obtenues par les Marchands Portugais, appelez nouveaux Chrestiens, par lesquelles leur est permis de demeurer au Royaume de France, & iouir des priuileges octroyez aux habitans du Royaume, mesmes disposer de leurs biens, elle mit à la verification des lettres ces mots : *Registrata audito Procuratore generali Regis, pro utendo per supplicantes, quandiu in regno morabuntur, beneficio dictarum litterarum, prouiso quod heredes eorum & persona, in quarum fauorem disponent de suis bonis, erunt regnicola, lequel mot de Regnicola, signifie natum in regno Gallia & manentem in regno* : non pas *incolam regni*, comme il a esté cy-dessus dit.

Aussi les lettres de declaratiō en forme de lettres de naturalité octroyées par le Roy Charles IX. aux Sauoyiens, qui se sont habitez en France, pendant que les Roys François & Henry ont iouy du Pays de Sauoye, & ne se sont retirez du Royaume apres la reddition du pays, portēt par mots exprés : que ceux qui leur voudront succeder, ou en faueur desquels ils auront disposé, seront regnicoles. Et les lettres susdites furent verifiées en la Cour de Parlement, le 21. May 1566.



QVATRIESME PARTIE

D V DROICT D'AVBEINE,
 TRAICTANT DES SVCCESIONS DES
 Estrangers decedans en France, tant
 naturalisez, que non naturalisez.

LE ROY SEVL SVCCED E A L'ESRTRANGER.
 priuatiuement à tous les Seigneurs & hauts Iusticiers
 du Royaume de France.

- | | |
|--|---|
| 1 Le Roy seul succede à l'estranger,
priuatiuement à tous seigneurs. | 3 Pourquoi le droict d'Aubeine ap-
partient au Roy seul. |
| 2 Le Roy s'est reserué le droict d'Au-
beine priuatiuement à tous sei-
gneurs. | 4 Reigle generale en matiere d'Au-
beine. |

CHAPITRE XXVII.



N peut cognoistre par les trois premieres parties du presēt
 Traicté qui sont ceux qu'on appelle Aubeins en Frāce, &
 en quoy ils sont differens les vns des autres. Pareillement
 peut-on entendre quelle est la condition des estrangers
 viuans en France, tant naturalisez, que non naturalisez,
 & en quoy ils sont differens des François & originaires
 du Royaume: mesmes que les estrangers non naturalisez ne peuvent re-
 ster, ny par testament ou donation pour cause de mort, disposer des biens
 qu'ils ont en France. Il est conuenable à present traicter de leurs succes-
 sions, & cognoistre à qui appartiennent les biens, tant meubles qu'im-
 meubles, estans au Royaume de France, demeurez par le decez des Au-
 beins & estrangers, tant naturalisez que non naturalisez, qui est le vray
 effect du droict d'Aubeine: & premierement traicterons des successions
 des Aubeins non naturalisez.

*Continua-
 tion de la
 presense
 partie aux
 trois prece-
 dentes.*

*I
 Le Roy seul
 succede à
 l'estranger
 priuatiue-
 ment à tous
 Seigneurs.*

En cet endroit conuient noter, qu'on a tousiours tenu pour maxime
 & reigle certaine, que le Roy seul succede à l'estranger és biens estans en
 France, priuatiuement à tous les seigneurs & hauts Iusticiers du Royau-
 me, lesquels n'ont aucun droict, part ny portion és biens demeurez par

le decez de l'estranger : encores que l'estranger ait continuellement demeuré, & soit decedé en leurs terres, seigncuries & hautes Iustices. Et que les biens tant meubles qu'immeubles, demeurez par le decez de l'estranger, soient situez au dedans d'icelles.

²
Le Roy s'est reserué le droit d'Aubeine, comme souuerain, Regal, & honorifique sur tous les Pairs, Ducs, Marquis, Comtes, Barons, & Iusticiers de son Royaume, priuatiuement à tous, & ce deslors de la creation des Pairs, Ducs, Marquis, Comtes & Barons, comme ce droit estant vn des fleurons de la Couronne, tout ainsi que le droit de Regale, comme il est porté par mots exprés és deuxiesme, quatriesme & neuuesiesme articles de l'extraict du Greffe de la Chambre des Comptes, transcrit au 3. chapitre du present Traicté: à la lecture duquel, ensemble du 4. chapitre, est besoin auoir recours. Aussi voir les lettres patentes données à Paris par le Roy Charles VI. le 5. Septembre, 1386. lesquelles on trouuera és Ordonnances n'agucres redigées en tiltres & chapitres, par Maistre Anthoine Fontanon Aduocat en Parlement.

Et que le droit d'Aubeine appartienne au Roy seul, priuatiuement à tous les hauts Iusticiers du Royaume, a esté iugé par plusieurs arrets de la Cour cy apres recitez, & est la premiere maxime de la Chambre du Thresor, de laquelle la raison est apparente.

³
D'autant qu'en France estant certain que le Roy seul peut donner lettres de naturalité à l'estranger : c'est à dire le faire comme naturel François, & tel que s'il estoit nay en France, & luy donner permission de resider au Royaume, avec congé d'y acquerir, & des biens acquis librement tester, comme il a esté dit au 25. chapitre: il est raisonnable que si l'estranger a esté si presumptueux & temeraire de venir demeurer & acquerir en France sans permission du Roy, que le Roy seul luy succede en tous ses biens acquis au Royaume, & ce par droit d'Aubeine.

Ou bien le Roy apres le decez de l'estranger, se peut emparer des biens de l'estranger, priuatiuement à tous Seigneurs & hauts Iusticiers, par forme de chose tombée en commise, pour la contrauention faicte aux loix & statuts du Royaume, par lesquels n'est permis à l'estranger acquerir biens en France, tout ainsi qu'en Boëisme, Ferrare, & Angleterre.

Ou bien les biens appartiendront au Roy, *iure patronatus: ad instar patroni, qui bona defuncti liberti sibi vendicat: aut iure dominica potestatis, quod dominus bona siue peculium serui defuncti occupat. §. sed nostra. vers. id autem sine libertis, de success. liberta. in Instit.*

Ioinct qu'il ne seroit raisonnable qu'un haut Iusticier peust de son autorité priuée, sans le sceu & cōsentement du Roy, receuoir en sa terre vn estrange, & luy donner congé d'y resider & y acquerir: parce que ce seroit attirer l'estranger en France, qui est vne auctorité permise au Roy seul, pour le peril & danger qui en peut aduenir: *Cum extraneorum allectio, attractio vel inductio in ciuitatem, regnum vel rempublicam plerumque perniciofa sit*, ainsi qu'il a esté dit au deuxiesme chapitre.

Partant on peut dire, & pour reigle generale maintenir, que par la loy de France, commune vsance, & statuts du Royaume, tout estrange,

Le Roy s'est reserué le droit d'Aubeine priuatiuement à tous Seigneurs.

Raisons pour lesquelles le droit d'Aubeine appartient au Roy seul.

⁴
Reigle generale en matiere d'Aubeine.

id est, toute personne natifue hors du Royaume de France, pays, terres & seigneuries estans hors l'obeyssance du Roy, ayant biens en France, y demeurât, ou bien passant par le Royaume, & decedant en iceluy; ou demeurant en France, decedât hors le Royaume & ayant biens en iceluy; n'ayant obtenu lettres de naturalité du Roy, n'a & ne peut auoir autre successeur & heritier que le Roy de France: lequel incontinent apres le trespas de l'estranger s'empare des biens demeurez par son decez, comme à luy appartenans & acquis par droict d'Aubeine. Et estoient les successions des Aubeins anciennement appellées Estrayers, autrement mortes-mains, comme il a esté dit au quatriesme chapitre.

A ce est notoire l'ancienne obseruance du Royaume de France recitée en l'extraict des Comptes, transcrit au troisieme chapitre, conforme à la disposition de droict commun, in l. diuus, & in l. sed si accepto usu togæ Romana. ff. de iure fisci. l. unica, non licere habitatoribus Metrocomiæ loca sua ad extraneum transferre. C. l. 11. l. 1. C. de hered. instit. Notat Guillel. Benedicti in cap. Raynutius, in verbis uxorem nomine Adelasiam numero 1024. Boerius in consuetudinibus Biturigum, §. fin. titul. de testamentis. Idem Boerius in decisionibus Senatus Burdegalsis, decisione 13. col. 38. & sequentibus. Chassaneus titulo des confiscations §. 1. Glosa in pragmatica sanctione. §. & quoties in verbo liberius, de collationibus. Franciscus Conanus lib. nono, cap. qui testamenta facere possunt. Dionysius Pontanus in consuetudines Blesenses articulo vigesimo, in fine. Qui dient que Rex Francia bona extraneorum occupat per Aubinam, vel iure Albinagij, siue Albinatus. Pyrrhus Anglebermens in consuetudines Aurelianas, titulo de successionibus. §. 14.

LE HAVT IUSTICIER NE PEUT SVCCEDER
à l'estranger, encores qu'il pretende auoir acquis du Roy, ou prescrit
le droict d'Aubeine, comme ce droict estant inalienable & imprescriptible.

- | | |
|--|---|
| <p>1 Le droict d'Aubeine ne peut estre acquis par le haut Iusticier.</p> <p>2 Le droict d'Aubeine ne peut estre aliené par les Rois de France.</p> <p>3 Le Domaine de la Courōne de France est inalienable.</p> <p>4 In generali concessione Principis ius Albinatus non censetur comprehensum.</p> <p>5 Sentence du Thresor, par laquelle il appert que le droict d'Aubeine ne peut estre aliené.</p> <p>6 Autre sentence du Thresor.</p> | <p>7 Le droict d'Aubeine ne se prescrit par le haut Iusticier.</p> <p>8 Seruitus discontinuo tempore non acquiritur.</p> <p>9 Le haut Iusticier s'attribuant le droict d'Aubeine est en mauvais se foy.</p> <p>10 L'usurpation du droict vient de la negligēce des Officiers Royaux.</p> <p>11 Qui patitur vfucapi, alienare censetur.</p> <p>12 Arrest de ce que dessus.</p> |
|--|---|

CHAPITRE XXVIII.

1
Le droict
d'Aubeine
ne peut estre
acquis par
le haut Iu-
sticier.



A maxime cy-dessus posée, par laquelle auons dit que le Roy seul succede à l'estranger, priuatiuement à tous Seigneurs hauts Iusticiers du Royaume, est si estroittement gardée en France, qu'encores que le Roy eust donné, cédé, vendu, ou aliéné, à quelque Seigneur haut Iusticier le droict d'Aubeine, au dedans de sa Seigneurie & haute Iustice, toutesfois tel Seigneur haut Iusticier ne peut s'attribuer le droict d'Aubeine, ny par le moyen de telle donation, vendition, ou cession, succeder à l'estranger, demeurant, decedant, & ayant biens au dedans de sa Seigneurie & haute Iustice.

2
Le droict
d'Aubeine
ne peut estre
aliené par
les Roys de
France.

D'autant que ce droict d'Aubeine ne peut estre donné, cédé, vendu, ny aliéné, par les Roys de France, comme estant vn droict domanial, souuerain & honorifique, incorporé, radiqué & annexé à la Couronne, de laquelle il ne peut estre séparé. Et comme chose sacrée ne tombe au commerce des hommes, & n'est communicable à autre qu'au Roy, comme dit le texte, *in §. si verò quisquam ut non obedian. iudicib. in authenticis l. finali. C. ne rei domi. vel templo. l. apud iulianum §. fina. ff. de lega 3.*

3
Le domaine
de la Cou-
ronne de
France est
inalienable.

En tout euenement tel don ne vaudroit que pour le temps, & pendant la vie du Roy qui l'auroit donné, non pas que tel don peüst preiudicier à ses successeurs Roys de France. Car combien que le Roy ait pleine, entiere, & libre administration de son domaine & droicts dependans d'iceluy : Toutesfois cela s'entend sans le pouuoir aliener en tout, ny en partie : Non plus que le Prelat le bien de son Eglise, le mary les heritages propres de sa femme, & le pere de famille les heritages maternels de ses enfans : & est l'vn des sermens que le Roy fait à son Sacre, de non aliener son Domaine, & droicts de sa Couronne, *cap. intellecto extra. de iure iuran. notatur in l. contra publicam de re militari. C. lib. 13. Lucas de Penna in l. quicumque de omni agro deserto. C. lib. xi.* Pour ceste cause le Domaine de la Couronne, comme inalienable, est comparé à la tunique sans cousture qui ne fut diuisée.

4
In generali
cōcessionē
principis
ius Albina-
rus non
censetur
compre-
hensum.

Aussi *in generali concessione vel donatione à principe facta, non intelliguntur comprehensa iura peregrinalia, quæ appellantur vulgo Foragia*, ainsi qu'il est expressément contenu és lettres patentes du Roy Philippes de Valois, adressantes au Bailly de Calais, registrées en la Châbre des Comptes, en datte *die Luna ante festum beatae Mariae Magdalenes, anno Domini millesimo trecentesimo undecimo*, transcrites au Traicté des droicts de Iustice, haute, moyenne, & basse, chapitre sixiesme. Et *in generali concessione, princeps non censetur transtulisse ius regiū, nec ius affixum, & coharens corona, quasi de natura & substantia euelli non possit, cum id specialiter concessurus non esset, l. 1. C. quæ res pig. obl. non poss. Alber. in l. fin. C. de iurisd. omnium iudic. Latè traité Budaus in tractatu Regaliorum, de imo sexto priuilegio.*

5
Sentence du
Thresor, par

De faict les Religieux de S. Pierre de Lagny, ayant acquis de Messieurs les Commissaires deputez par le Roy, pour l'alienation, ou plustost engage-

engagement du domaine, tout tel droict de haute Iustice, droicts de cens- *laquelle ap-*
 siue, ventes, saisines, amendes, confiscations, aubeines, mortes-mains, & *pert que le*
 autres droicts que le Roy auoit & pouuoit auoir au lieu & village de *droict d'Au-*
 Dammar, moyennant la somme de mil liures tournois: & depuis leur *beine ne*
 acquisition, Augustin Michon estranger, natif de Genes, estant decedé, *peut estre*
 & delaislé quelques heritages assis à Dammar, lesdits Religieux auroient *aliené.*
 pretendu les heritages du defunct leur appartenir, par le moyen de l'ac-
 quisition par eux faicte du Roy, du droict d'Aubeine.

Au contraire Dame Ieanne de Heluyn, vesue de feu Messire Florimont
 Robertet, & Messire Charles de Gondy, Seigneur de la Tour, donatai-
 res du Roy, pretendoient les heritages demeurez par le decez du defunct,
 leur deuoir estre adiugez, comme le droict d'Aubeine n'ayant peu estre
 vendu, ny aliené, ny compris sous ce mot de *haute Iustice*. Aussi que Mes-
 sieurs les Commissaires n'auoient eu pouuoir, sinon de vendre le droict de
 Censiué & de Iustice, & non d'Aubeine: & que ces mots, *Aubeins, mor-*
tes-mains, & autres droicts auoient esté couchez au contract par les No-
 taires, estimans qu'ils fussent compris sous ce mot de *haute Iustice*. De *Bail du do-*
 fait le Roy suiuant l'Edict de Moulins, ayant fait bail de son Domaine, *maine faict*
 selon les Receptes, Baillages & Seneschauflées de son Royaume; mesmes *à Maître*
 du domaine des ville, Preuosté & Vicomté de Paris; à Maître Estienne *Estienne*
 Gerbaut, Seigneur de Champlay, pour dix ans, commençans au iour S. *Gerbaut;*
 Iean Baptiste, mil cinq cens soixante-six, finissans à pareil iour, mil cinq
 cens soixante & seize, renouuellé pour deux ans, finissans au iour S. Iean,
 mil cinq cens soixante & dix-huict, par le bail y a expresse reseruation du
 droict d'Aubeine au profit du Roy seul: combien que moitié des droicts
 feodaux & confiscations, soit delaislée au fermier, & que tous les autres
 droicts dependans du Domaine luy appartiennent entierement par son
 bail, sans aucune exception.

Finalemēt apres plusieurs procedures, les donataires du Roy dessus
 nommez obtindrent gain de cause, & les heritages assis à Dammar leur
 furent adiugez par le moyen de leur don. Et ce par sentence de Messieurs
 du Thresor, du 7. Octobre 1573. de laquelle y eut appel.

Semblable sentence donnée au Thresor, le dixiesme Nouembre, mil
 cinq cens quatre-vingts & sept, au profit de Iacques Turquet, l'un des *6*
 Tambours ordinaires du Roy, donataire dudit Seigneur, Contre Messire *Autre senten-*
 Christophle Auguste de Thou, Cheualier, Seigneur de Sainct Ger- *tence du*
 main. Par laquelle les heritages demeurez par le trespas de Dauid Cres- *Thresor;*
 pé Escossois, non naturalisé, situez au dedans de la terre & Seigneurie de
 Moret, ont esté adiugez audit Turquet. Encores que ledit Seigneur de
 Sainct Germain eust monstre & verifié au procès, qu'il auoit acquis du
 Roy ladite Seigneurie de Moret, ses appartenances & dependances,
 avec tous droicts, autoritez, priuileges, franchises, libertez, aubeines
 & confiscations; sauf en crime de leze-Majesté: & que l'acquisition
 eust esté verifiée, tant en la Cour de Parlement, qu'en la Chambre des
 Comptes. Et y a appel de ladite sentence, lequel est pendant & indecis en
 la Cour.

7
Le droit
d'Aubeine
ne se peut
prescrire par
le haut Iu-
sticier.

Aussi le haut Iusticier, encores qu'il ait iouy du droit d'Aubeine par quelque temps, voire par temps immemorial, & que de toute ancienne-
té il soit emparé des biens & successions des estrangers decedans en sa
Seigneurie & haute Iustice: toutesfois il n'a peu par aucun laps de temps
s'attribuer le droit d'Aubeine, ny acquerir le droit de succeder aux
estrangers, demeurans, decedans, ou ayans biens en la terre & haute Iu-
stice; ains demeure le droit d'Aubeine perpetuellement & incommuta-
blement au Roy, comme imprescriptible.

Raisons
pour lesquel-
les le droit
d'Aubeine
est impres-
criptible.

Car le droit d'Aubeine estant regal, honorifique, & souverain, ap-
partenant au Roy, en recognoissance & ligne de souveraineté & supe-
riorité, & iure supremi dominij, il est imprescriptible, l. 1. & ff. Cod. ne rei
dominice vel templorum vindicatio temporis prescriptione submoueat, l.
competit. C. de prescript. 30. vel 40. annorum cap. cum non liceat. ubi Glos.
magna de prescript. ext.

8
Seruitus
discontinua
tempore
non acqui-
ritur.

Davantage, le droit d'Aubeine est *dominium discontinuum*, vel potius
ius discontinuum; car il n'aduient pas quelquesfois en cent ans, qu'un
estranger demeurant en la terre d'un haut Iusticier, & y ayant biens, de-
cede sans hoirs procrez de son corps, ou sans auoir obtenu lettres de na-
tura iura du Roy. Tellement que tout ainsi que *ius seruitutis discontinue*
prescriptione non acquiritur: Aussi le droit d'Aubeine ne se peut acquerir
par le haut Iusticier, par quelque laps de temps que ce soit, l. *seruitutes*
magne, ff. de seruitutib. l. 1. §. fin. ff. de seruit. & aqua.

9
Le haut Iu-
sticier s'at-
tribuant le
droit d'Au-
beine est en
mauvaise
foy.

Ioinct que le haut Iusticier s'attribuant le droit d'Aubeine, & par le
moyen d'iceluy voulant succeder à l'estranger, il est en mauuaise foy.
D'autât qu'il ne peut ignorer, que quand le Roy a créé les Pairs de France,
Ducs, Barons, & autres Seigneurs de son Royaume, & lors qu'il a faict ce bien
& honneur de leur octroyer droit de haute Iustice en leurs terres, il s'est re-
serué specialemēt le droit d'Aubeine, mortes-mains & formariages, qui
sont les successions des estrangers: cōme il a esté dict au chapitre precedēt.
Par le moyē de laquelle mauuaise foy, le haut Iusticier n'a peu prescrire
le droit d'Aubeine, ny par consequent le droit de succeder à l'estranger,
cap. *vigilanti*, & cap. *finali de prescript. ext.* veu que la possession est con-
traire à son premier titre & concession, cap. *dudum de decimis. in 6. cap.*
ad audientiam. de prescript. ext. Et le haut Iusticier ne peut dire que les
estrangers demeurans en la terre *sint sui ciues*, parce qu'ils n'y sont pas
naiz. Pareillement ne peut dire qu'ils soient ses serfs, ou gens de main-
morte, partant ne leur doit aucunement succeder.

10
L'usurpa-
tion du
droit d'Au-
beine pro-
vient de la
negligence
des Officiers
Royaux.

Aussi telle vsurpation & entreprise faicte par le haut Iusticier, seroit
procedé par la negligence, faute & conuience des Officiers du Roy, les-
quels le plus souuent sont parens, alliez, ou pensionnaires des hauts Iusti-
ciers, & par ce moyen tollerent les entreprises qu'on faict chacun iour
sur les droits du Roy: lesquelles fautes & conuiences d'Officiers, ne
peuent preiudicier au fisque, l. 1. ff. de off. procurat. Casar. l. *finali. Cod.*
de acquir. vel amit. pess. l. malè agitur. Cod. de prescript. 30. vel 40.
ann.

Pareillement la negligence des predecesseurs Roys de France ne peut

preiudicier à leurs successeurs, ny aucunement diminuer les droicts de la Couronne. Et est certain que prescription est vne espeece d'alienation, & qui patitur *usucapi, alienare censetur. l. alienationis verbum. ff. de verbo. & rer. signif. l. nam satis. ff. quemad. seruit. amit.*

Partant le droict d'Aubeine, tout ainsi qu'il ne peut estre aliené au haut Iusticier, aussi ne peut estre prescrit par le haut Iusticier, *cap. cum quid una via. de Regul. iur. in 6.* Et que le droict d'Aubeine n'appartienne aucunement au Seigneur haut Iusticier, ains au Roy seul, a esté contradictoirement après vn long plaidoyé iugé, contre l'Abbé de Saint Leonard de Corbigny, au pays de Niernois: Pour les biens demeurez par le decez de defunct Curtio de Bombats, natif de Ferrare, non naturalisé: lesquels biens encores qu'ils fussent situez en la ville de Corbigny, & que l'Abbé, comme estant de fondation Royale, pretendist droict d'Aubeine, comme comprins en son droict de Iustice qui luy auoit esté donné par le Roy, furent entierement adiugez audit Seigneur Roy. Et Messieurs les Gens du Roy dirent, que c'estoit chose certaine & notoire au Palais, que le droict d'Aubeine ne se pouuoit ceder, non plus que le droict de Regale, & qu'il appartenoit au Roy seul, & que *patres nostri ita annunciauerunt.* L'Arrest susdit fut donné le 6. Feurier, mil cinq cens nonante-sept.

11
Arrest de ce
que d. ffus.

LE HAVT IVSTICIER NE PEVT S'ATTRIBUER la succession de l'estranger, par le moyen de la Coustume locale.

1 La Coustume locale ne peut attribuer au haut Iusticier le droict d'Aubeine.

2 Les Coustumes ne peuvent tollir les droicts du Roy.

3 Le Roy s'est reserué le droict d'Au-

beine sur tous les Iusticiers.

4 En France le droict de Iustice depend du Roy, & non de la Coustume.

5 Le mot d'Aubeine a esté pris pour biens vacans.

CHAPITRE XXIX.



Et qui plus est, le droict d'Aubeine tellement appartient au Roy seul, priatiuement à tous les Seigneurs hauts Iusticiers du Royaume de France, qu'encores que par la Coustume locale il soit porté, que le haut Iusticier succede aux Aubeins & estrangers decedās au dedās de sa haute Iustice és biens estans en icelle: Toutesfois telle Coustume (qui ne signifie qu'une simple vsance, approuuée par les habitans d'un Baillage, ou d'une Seneschaullee) ne peut preiudicier au Roy,

1
La Coustume locale ne peut attribuer au haut Iusticier le droict d'Aubeine.

ny tollir les droicts qui luy appartiennent à cause de la Couronne, ny aucunement l'obliger. Mais *huiusmodi consuetudo concines tantum, iure pacti obligat, l. epistola. §. pactum. ff. de pact. notatur in leg. cunctos populos. Cod. de summa Trinit.* Et le Procureur du Roy n'interuiet à l'emologation des Coustumes, sinon pour les faire entretenir & garder par les subjects demeurans au dedans du destroit des Coustumes émologuées, non pas pour obliger le Roy, ny par le moyen de la Coustume abolir ses droicts. Ainsi qu'il a esté plusieurs fois remonstré en la Cour de Parlemēt, par Messieurs les Gens du Roy, mesmes en la cause de la confiscation des biens de feu Ville-vigneux, plaidée en la Cour, le vingt-cinquiésme Ianuier, mil cinq cens cinquante & vn.

2
Les Coustumes ne peuvent tollir le droit du Roy.

3
Le Roy s'est réservé le droit d'Aubeine sur tous les Iusticiers.

4
En France le droit de Iustice depend du Roy, & non de la Coustume.

Ioinct que comme il a esté remonstré au vingt-septiesme chapitre, quand le Roy a crée les Pairs, Ducs, Barons, Marquis, & autres Seigneurs du Royaume, & qu'il leur a faict ce bien & cet honneur de leur donner & octroyer droit de Iustice en leurs terres & Seigneuries, il s'est nommément réservé le droit d'Aubeine, ainsi qu'il est porté par l'extraict des Comptes, transcrit au 3. chapitre.

Aussi est-il certain que le droit de Iustice ne depend pas des Coustumes, tellement que les trois Estats accordans les Coustumes, ne peuvent étendre ny amplifier les droicts des hauts Iusticiers: mais en France le droit de Iustice depend du Roy seul, pardeuers lequel anciennement estoit toute la Iustice du Royaume de France. Et auparauant que le Roy eust fait ce bien à ses subjects, de leur communiquer & octroyer le droit de Iustice en leurs terres, il estoit seul Iusticier en tout le Royaume, *quia lege regia omne imperium in Cesarem translatum est, & à principe tanquam fonte omnes iurisdictionum riuuli manant.* En sorte que nul Seigneur ne peut pretendre droit de Iustice en France sans tiltre particulier, priuilege special, concession & permission expresse du Roy, ou de ses predecesseurs Roys de France.

Confir-
mation de ce
que dessus.

Car comme dict le texte *in cap. unico, que sint Regalia, in vsibus feudo. potestas constituendorum magistratuum ad iustitiam expediendam de Regalibus est.* Et dit-on que *omnia Principis sunt quantum ad iurisdictionem. leg. bene à Zenone, ubi glossa in verbo, omnia, Codice de quadr. prescript.* C'est ce que communément on dict, que le Roy est seul fondé de droit commun en toute Iustice au dedans de son Royaume: *Rex & quicquid alius Princeps, qui est Monarcha in suo regno est solus dominus sui territorij, & solus fundatus in iurisdictione & imperio, inquit Baldus in dicto capite, que sunt Regalia, & cap. unico, de natura feudi. Aluarotus in §. ad hec de pace tenend. in vsibus feudorum.* Ainsi qu'il fut plaidé en la Cour l'vnziésme Aoust, mil cinq cens cinquante-deux, pour la Iustice d'Alsy pretendue par feu Monsieur du Mont, & qu'il sera amplement deduit au Traicté des droicts de Iustice. Partant ne peut-on valablement dire, que les Coustumes puissent attribuer le droit d'Aubeine aux hauts Iusticiers, veu que le droit de Iustice depend entierement du Roy.

Et quand les trois Estats appelez pour la redaction des Coustumes, ont estimé que le droit d'Aubeine appartenoit au haut Iusticier, ç'a esté

d'autant qu'ils n'auoient cognoissance de l'extraict des Comptes, transcrit au troisieme chapitre du present Traicté, contenant l'esclaircissement & declaration du droit d'Aubeine, lequel iusques à present a esté incogneu. Et ont pris ce mot d'Aubeine pour Des-herence & biens vacans, ainsi qu'il est ordinairement pris par les Practiciens & autres, n'entendans en quoy consiste le droit d'Aubeine, ny la source & origine d'iceluy : Qui appellent biens vacans tous biens qui sont adiugez au Roy ; soit par droit d'Aubeine, Bastardise, Des-herence, Confiscation, ou autrement, en quelque sorte & maniere que ce soit.


3
Le mot
d'Aubeine
a esté pris
pour biens
vacans.

LES PARENS DE L'ESTRANGER NAIZ

& demeurans hors le Royaume de France, ne luy peuuent succeder és biens estans en France : mesmes les enfans naiz & demeurans hors de France ne luy succedent.

- | | |
|---|--|
| <p>1 Les parens de l'estranger naiz & demeurans hors de France, ne luy peuuent succeder.</p> <p>2 Peregrini in Gallia non succedunt, nec eis succeditur.</p> <p>3 Hæreditas ab intestato, legitima dicitur.</p> <p>4 Par les Ordonnances Royaux on ne</p> | <p>peut transporter l'or & argent hors de France.</p> <p>5 Les Costumes ne peuuent admettre les estrangers à succeder en France.</p> <p>6 Le Roy iouyt du droit d'Aubeine au Baillage de Vichy, nonobstant la Coustume locale.</p> |
|---|--|

CHAPITRE XXX.



Le droit d'Aubeine a tousiours esté, & est encores à present si exactement gardé en France, que le parent estrangier natif & demeurant hors le Royaume, ne succede aucunement à l'Aubein decedé en France, és biens estans dedans le Royaume : mesmes les propres enfans de l'estranger naiz en loyal mariage hors le Royaume, & demeurans hors iceluy, ne succedent point à leur pere és biens estans en France, *sunt enim peregrini. Peregrini autem siue alienigenæ in Regno Franciæ nec succedunt, nec eis succeditur, siue ab intestato, siue ex testamento, sed eorum bona ad principem pertinent iure Albinatus: non tanquam hæredem aut vniuersalem successorem, sed tanquam successorem bonorum, l. 1. in verbis tanquam peregrini hereditatem capere non possunt. Cod. de hæred. instit. l. sed & si conditioni. §. solemus. in verbis, factus est peregrinus. ff. eodem. Guillelmus Benedicti, Chassaneus & ceteri in locis supra sapius citatis, Alciatus libro Parergon. 1. cap. 14. & 15.*

1
Les parens
de l'estran-
ger naiz &
demeurans
hors de
France, ne
luy peuuent
succeder.

2
Peregrini
in Gallia
non succe-
dant: nec
eis succedi-
tur.

Raisons pour
lesquelles
l'estranger

La raison pour laquelle l'estranger ne peut succeder en France, est, d'autant que *hæreditas est iuris civilis, & ius civile soli cibus hæreditatem succeder in defert. Peregrini autem sunt incapaces eorum que sunt iuris civilis, cum ius civile*

ne peut suc-
ceder en
France.

*solis ciuibus proprium & peculiare sit : ideoque peregrinis hereditas non defer-
tur, tanquam incapacibus adipiscendorum inter nos bonorum: Tellement qu'ils
ne peuuent aucunement succeder. dicta l. 1. C. de hered. instit. ubi Glosa in
verb. non possunt, d. l. sed & si. §. solemus. l. sed si hac, versic. sed si per pæ-
nam. ff. de in ius voc. l. actus legitimi. ff. de regul. iur. §. in testatorum autem hæ-
reditates. de heredit. que ab intest. defer. in Instit.*

³
Hæreditas
ab intesta-
to, legiti-
ma dicitur.
Aussi hereditas ab intestato, legitima dicitur à lege delata. l. 1. §. de illo. ff. pro
socio. l. lege obuenire. ff. de ver. signifi. Or les estrangers sont destituez de
l'ayde de la loy de France, laquelle ne les cognoist point, & ne leur de-
fere ny transmet aucun droict d'heredité, *eosque ad hereditatem vel bo-
norum possessionem non vocat : sed ab hereditate & bonorum possessione re-
pellit.* Partant les Estrangers ne peuuent aucunement succeder en
France.

⁴
Par les Or-
donnances
Royaux on
ne peut
transporter
l'or & l'ar-
gent hors de
France.
Ioinct que par les loix & ordonnances du Royaume, conformes à la
disposition de droict, *in l. non solum. C. de commerc. & mercat.* repetées par
l'Edict du Roy Henry, de l'vnziesme Aoust mil cinq cens cinquante
huict, il est defendu de transporter l'or & l'argent hors du Royaume de
France, ce qui aduiendroit si l'estranger demeurant hors du Royaume,
succedoit à l'Aubein és biens estans en France: Car incontinent apres
auoir apprehendé la succession, il vendroit les biens d'icelle, se retireroit
hors du Royaume, *& pecuniam, quam ex huiusmodi hereditate contrahere
posset, ad externos transferret.*

⁵
Les Coustu-
mes ne peu-
uent admet-
tre les estrā-
gers à suc-
ceder en
France.
Et l'estranger nay & demeurant hors le Royaume de France, est tel-
lement exclud de la succession de l'estranger demeurant en France,
pour le regard des biens estans dedans le Royaume: qu'encores que par
la Coustume d'aucune Preuosté, Seneschaullee, ou Baillage, comme
de Victry en Partois, article soixante & douze, il soit dict que les
estrangers demeurans hors le Royaume, succederont à leurs parens de-
meurans & decedans dedans le Royaume de France, & qu'en nobles-
se ne gist Espauité, qui est à entendre selon la susdite Coustume, que
les nobles natifs & demeurans au pays d'Allemagne, Brabant, Lorrain-
ne, ou ailleurs hors du Royaume, succedent à leurs parens decedez, soit
qu'ils fussent demeurans en France, ou ailleurs, és biens delaissez par
leur trespas au Baillage de Victry, meubles ou immeubles, nobles ou
roturiers.

Toutesfois telles Coustumes ne peuuent faire preiudice au Roy, &
nonobstant icelles, le Roy seul succedera aux estrangers decedans en
France, & par droict d'Aubeine s'emparera de tous leurs biens demeu-
rez par leur decez, estans dedans le Royaume de France, priuatiuement
à tous hauts Iusticiers, & parens demeurans hors le Royaume, comme il
a esté amplement declaré au precedent chapitre, si les habitans des lieux
susdits n'ont priuileges exprés, deuëment verifiez.

⁶
Le Roy
iouryt du
droict d'Au-
beine au
De faict, nonobstant la Coustume dessusdite, le Roy a tousiours iouy
du droict d'Aubeine au dedans du Baillage de Victry; ainsi qu'il a esté
soustenu en la Chambre du Thresor, pour les biens & succession de feu
Ican de Vendrehard dict le Page, natif d'Allemagne, ayant delaislé plu-

fieurs biens au dedans de la Coustume de Victry, saisis à la requeste du Procureur du Roy en la Chambre du Thresor, dont le procez a esté cuoqué en la Cour de Parlement, & y est encorés pendant & indecis.

Baillage de Victry, nonobstant la Coustume locale.

Aussi la Coustume de Sens, article quatre-vingts dix, porte qu'un estranger demeurant hors du Royaume, ne succede aux biens de son parent regnicole, natif de ce Royaume, & decedé audit Royaume. Mais luy succederont les autres parens natifs en cedit Royaume, & y demeurans, ores qu'ils ne fussent si proches que l'estranger.

LES PARENS DE L'ESTRANGER DEMEVANS en France, naiz hors du Royaume, ne luy succedent, mesmes les enfans demeurans au Royaume, naiz hors d'iceluy, ne peuvent succeder à leur pere estranger, ny demander droict de legitime en ses biens, situez en France.

- 1 Les parens de l'estranger demeurans en France, naiz hors le Royaume, ne succedent aucunement.
- 2 Les enfans des estrangers ne succedent aucunement à leur pere estranger, encorés qu'ils soient demeurans au Royaume.
- 3 Les enfans des estrangers naiz hors de France, ne peuvent demander droict de legitime, ores qu'ils demeurent en France.
- 4 Filius debet habere legitimam

iure hereditario.

- 5 Quand les enfans naiz hors de France se doiuent faire naturaliser pour succeder à leur pere.
- 6 Si l'estranger a des enfans naiz en France, ils luy succedent.
- 7 Quand au cas susdit les lettres de naturalité sont necessaires.
- 8 Si un estranger a esté homicidé en France, un estranger ne peut demander reparation civile.

CHAPITRE XXXI.



Mò verò, combien que l'estranger ait parens demeurans en France naiz toutesfois hors de France, ils ne luy succederont aucunement és biens estans dedans le Royaume: encorés qu'ils fussent ses propres enfans, naiz en loyal mariage hors le Royaume de France. combien que tels enfans soient demeurans dedans le Royaume, *sunt enim peregrini sive alienigenæ, ideoque hereditatum incapaces*, comme il a esté dit au chapitre precedent, & appartient tout tous les biens de l'estranger au Roy par droict d'Aubeine. Molineus és Coustumes de Paris, article 30. col. 182. *Eguinarius Baro in l. fin. ff. de sta. ho.* Et ainsi est porté par le dernier article de l'extrait des Comptes, transcrit au 3. chapitre du present Traicté, par lequel est dit,

Que si par priuileges aucuns estrangers demeurans hors de France,

Les parens de l'estranger demeurans en France, naiz hors le Royaume, ne succedent aucunement. Raison de ce que dessus.

²
Les enfans
des estran-
gers ne suc-
cedent au-
cunement à
leur pere e-
stranger, en-
cores qu'ils
soient de-
meurans au
Royaume.

peuvent succeder à leurs parens legitimes, natifs & demeurans au Royau-
me: & pour apprehender les successions à eux deferées, soient venus de-
meurer en France, & y ayent amené leurs propres enfans naiz hors du
Royaume, les enfans par eux amenez ne leur peuvent succeder és biens
estans en France: mais les biens des defuncts appartiennent au Roy par
droict d'Aubeine. Parce que les enfans estans naiz hors de France sont
Espaues, comme leur pere & mere, c'est à dire Aubeins & estrangers:
partant incapables de succeder en France. Recours à la lecture, tant du
dernier article de l'extraict du Greffe de la Chambre des Comptes cy-
dessus plusieurs fois mentionné, que du trente-neufiesme chapitre du
present Traicté:

³
Les enfans
des estrangers
naiz hors de
France ne
peuvent de-
mander droit
de legitime,
encore qu'ils
soient de-
meurans en
France.

*Usque adeo, ut huiusmodi liberi extra regnum nati, licet sint incolæ regni, le-
gitimam iure natura debitam in bonis paternis in regno Gallie sitis, petere non
possint. Quia cum succedere nequeant, & ad paternam hereditatem siue bono-
rum possessionem nullo iure, nullo edicto, nec ulla constitutione vocentur: que-
relam in officio testamenti mouere non possunt, nec bonorum possessionem contra
tabulas petere, & sic ad legitimam admittendi non sunt: cum legitima succedat
loco querelæ, vel bonorum possessionis contra tabulas: Et legitima sit quota por-
tio eius quod quis consequi debebat ab intestato. l. omnimodo. l. si quis filium. l. si
quando. C. de inoff. test. §. tam autem naturales. versic. nam qui de inoff. test. in
Instit.*

⁴
Filius de-
bet habere
legitimam
iure hære-
ditario.

Aussi il est certain que *filius debet habere legitimam iure hereditario: &*
antequam legitimam petere possit, necesse est ut hereditatem paternam agnos-
cat, est enim hæres in legitima. Quod si hereditatem repudiarit legitimam petere
nequit l. inter cætera ff. de liber. & post Cynus, Baldus, Paulus de Castro, & cæte-
ri in l. heres. C. de impub. & aliis substit. in l. pro herede. §. 1. ff. de acq. here. Ale-
xander in l. quia poterat. ff. ad senatusc. Treb. Tiraquellus late in tract. de no. i-
litate & iure primogenitorum. quest. sept. asima quinta. Pour ceste cause la
fille, laquelle par son contract de mariage a renoncé aux successions futu-
res de ses pere & mere, s'estant contentée de son dot, ne peut demander
legitime ne supplément de legitime sur les biens de ses defuncts pere &
mere, ny pareillement les enfans de ladite fille: parce qu'ils sont exclus
des successions de leur ayeul & ayeule, comme leur mere. Suyuant les ar-
rests recitez au 20. chapitre du present Traicté.

⁵
Quand les
enfans naiz
hors de Frā-
ce se doiuent
faire natu-
raliser pour
succeder à
leurs pere &
mere.

Or les enfans de l'estranger natifs hors du Royaume de France, ne
peuvent estre heritiers de leur pere, ny pareillement de leur mere estran-
gere és biens estans en France, comme il a esté dit tant cy-dessus, qu'au
chapitre precedent. Partant tels enfans ne peuvent demander de legiti-
me és biens de leur pere & mere estrangers, encores que *legitima sit loco*
alimentorum, que liberis denegari non solent.

Partant les enfans naiz hors de France, de pere & mere estrangers de-
meurans en France, se feront naturaliser par le Roy du viuant de leurs
pere & mere, à ce qu'ils puissent exclurre le fisque: autrement ils ne se
peuvent dire François ny habiles à succeder en France. Et feront le sem-
blable quand ils seront natifs hors de France de pere estranger, & de mere
Françoise. Voire pour oster tout obstacle, ils obtiendront lettres de na-
turalité,

turalité, quand ils seront natifs hors de France de pere François & de mere estrangere: ou de pere & mere François, lesquels depuis la naissance desdits enfans sont venus demeurer en France. Combien qu'és derniers cas on se puisse ayder de l'arrest de Cenamy, & de l'arrest de Langlesse, recitez és trente-neufiesme & dernier chapitre du present Traicté.

Bien est vray que quand les pere & mere estrangers, non naturalisez, demeurans en France, ont enfans qui sont naiz hors de France auparavant qu'ils vinssent demeurer au Royaume, & pareillement ont enfans natifs au Royaume depuis qu'ils se sont retirez en iceluy, lesquels excluent le fisque: En ce cas tous lesdits enfans succederont à leurs pere & mere estrangers, & ceux qui sont naiz en France ne pourront exclurre ceux qui sont naiz hors du Royaume, ny pour cest effect leur objicier l'obstacle de peregrinité: d'autant que le droit d'Aubeine appartient au Roy seul, & peut par luy seulement estre objicié, comme introduit seulement en faueur de sa Majesté, & non de parens, pour le regard desquels les droits de parenté & consanguinité sont indissolubles: Comme il sera monsté au trente-huictiesme chapitre du present discours, à la lecture duquel sera besoin avoir recours, *l. si is qui duos, ff. de libera. legat. l. Aristo. ff. quæ res pig. oblig. poss.* Toutesfois le plus seur sera, que les enfans naiz hors de France obtiennent lettres de naturalité du viuant de leurs pere & mere, afin d'oster toute difficulté, & icelles facent verifier.

6
Quand l'estranger a des enfans naiz en France, tous ses enfans luy succedent.

Et combien, comme dit est, que les lettres de naturalité ne soient nécessaires pour succeder par les enfans naiz hors le Royaume à leurs pere & mere estrangers, quand ils ont freres ou sœurs natifs au Royaume: Neantmoins lesdites lettres leur sont nécessaires, à ce qu'ils puissent tester, & qu'on leur puisse succeder, & eux puissent succeder à leurs autres parens demeurans en France.

7
Quand au cas susdit les lettres de naturalité sont nécessaires.

Suyuant ce que dessus on peut soustenir que si vn estranger a esté homicidé en France, son parent estranger non naturalisé demeurant en France, encores que iustement il puisse poursuiure en Iustice celuy qui a commis l'homicide: toutesfois il ne sera pas receuable à demander reparation ciuile, parce qu'il ne peut estre heritier du defunct, & ne le peut pretendre *ratione sanguinis*. Au moyen de ce que sa consanguinité n'est cogneuë, admise ny considerée en France. Aussi quand on parle de consanguinité, cela infere heredité. Et si telle reparation estoit adiugée, l'estranger emporteroit l'or & l'argent hors de France, contre les loix & statuts du Royaume. Ainsi a esté iugé par le Lieutenant Criminel du Chastelet de Paris.

8
Si vn estrangier a esté homicidé en France vn estrangier ne peut demander reparation ciuile.

LES PARENS DE L'ESTRANGER NAIZ EN

France & y demeurans, ne luy succedent aucunement. Toutesfois les enfans naiz & demeurans en France succedent entierement à leurs pere & mere estrangers non naturalisez.

- | | |
|---|---|
| <p>1 Les parens de l'estranger naiz & demeurans en France ne luy succedent aucunement.</p> <p>2 L'estranger demeurant en France ne succede point à ses parens naiz & demeurans au Royaume.</p> <p>3 Les enfans des estrangers naiz en France & y demeurans, succedent à leurs pere & mere.</p> <p>4 Sentence du Thresor, par laquelle les enfans des estrangers</p> | <p>leur succedent.</p> <p>5 Opinion contraire que les enfans ne succedent.</p> <p>6 Interpretation du sixiesme article de la Coustume de Melun.</p> <p>7 Si aux enfans des estrangers naiz en France le Roy succede par Aubeine ou par Des-herence.</p> <p>8 Il suffit que les enfans soient naturalisez, encores que les pere & mere ne le soient point.</p> |
|---|---|

CHAPITRE XXXII.

1
Les parës de
l'estranger
naiz & de-
mEURANS EN
France ne
luy succedent
aucunement.



T qui plus est, supposé que l'estranger demeurant au Royaume, & decedé en iceluy, ait parens naiz, demeurans & mariez en France: toutesfois ils ne luy succederont aucunement és biens estans dedans le Royaume, soient freres, oncles, cousins, agnati vel cognati. Car l'estranger mort en France ne peut auoir heritiers que de son corps procrez en loyal mariage en France. Ainsi qu'il est porté par l'extraict des Comptes, transcript au troisieme chapitre du present Traicté, article quatriesme, dernier & autres.

2
L'Estranger
demeurant
en France
ne succede
point à ses
parens naiz
& demeu-
rans au
Royaume.

Comme en pareil l'estranger demeurant & marié en France, ne succede aucunement à ses parens naiz & demeurans au Royaume. *Et sic peregrini in Gallia nec succedunt, nec eis succeditur*, comme il a esté dit au trentiesme chapitre. *Reciproca enim debet esse hereditas siue hereditatis delatio, Si vis mihi succedere, necesse est ut tibi succedere possim. §. filium quib. mod. natu. effic. legitim. in authenticis. l. penultima. §. & ideo sancimus. Cod. de adoptio. l. 2. §. nam quib. adoptatur. ff. de suis & legiti. hered. l. hac parte, ubi gloss. expressa. ff. unde cognati. Ideoque lege Attica peregrinus ciui, aut ciuis peregrino hares esse non poterat. Et iure Romanorum peregrinus neque lege agere in hereditatem ciuis, neque bonorum possessionem petere poterat: ut ait Conanus. lib. 9. ca. qui testamenta facere non possunt. Cic. in oratio. pro Archia Poëta.*

3
Les enfans
des estran-
gers naiz en
France & y
demeurans
succedent

Toutesfois si les estrangers ont enfans naiz en loyal mariage au dedans du Royaume de France, & demeurans en iceluy, ils succederont entierement à leurs pere & mere, és biens estans en France, encores que les pere & mere soient Aubeins, & n'ayent obtenu lettres de naturalité du Roy. *Ideo que fauore liberorum, qui peregrini non sunt, sed Francigena & ortu*

suo Galli, quibus naturalis ratio parentum hereditatem addicit, veluti ad debitam successionem, & bona propria eos vocando, comme dit le texte, in l. uni ca §. ex his enim, de imponen. lucrat. descr. C. lib. 10. l. 1. §. largius. ff. de success. edicto. l. cum ratio. ff. de bonis damno. Et le semblable doit estre dit des enfans des Bastards & Bastardes naiz en loyal mariage, lesquels succedent à leurs pere & mere, encore qu'ils soient Bastard & Bastarde : comme nous declarerons au huietiesme chapitre du droict de Bastardise.

entièrement à leurs pere & mere. Confirmation de ce que dessus.

Aussi patroni bonis iure civili numquam succedebant libertis, in eorumque nihil iuris habebant, si liberti liberos reliquissent, ut inquit Imperator in principio tituli de success. libert. in Institut. & §. sed nostra constitutio, versic. cum vero eod. titul. Et curia nullam portionem in hereditate decurionis habebat, si decurio filios reliquisset, l. 2. quando & quib. quart. pars debetur ex bonis decurio. eod. lib. 10. licet curia deberetur quarta pars bonorum curialis defuncti testati vel intestati. l. 1. & 2. eod. titulo.

Pareillement les Seigneurs qui ont gens de corps & de serue condition, ne leur succedent aucunement, s'il y a enfans procreez d'eux en loyal mariage, comme il est amplement déclaré en la Coustume de Viterby en Patois, au tiltre de Seruitudes, mortes-mains, & formariage. Aussi les Comtes de Champagne, encores qu'en plusieurs villes & villages, mesmes en la ville de Prouins eussent droict de Iurée (qui estoit le tiers des meubles & heritages qui appartennoient à chacun des habitans, lors de leur trespas :) Toutesfois le droict susdit n'auoit lieu, sinon quand les decedez n'auoient point d'enfans. Et pour le regard des estrangers, est porté par mots exprés en l'extraict des Comptes transcript au troisieme chapitre du present Traicté, articles quatrieme, cinquiesme, huietiesme & dernier, à la lecture desquels est besoin auoir recours. Conformément au dire du Prophete Ezechiel, *Aduena inquit, qui accesserint ad vos & genuerint filios, in medio vestrum, erunt vobis sicut indigenæ.*

De ce Messieurs les Gens du Roy en la Cour de Parlement furent d'accord en la cause des biens de feu Pandolphi Italien, plaidée le dernier iour de Mars mil cinq cens soixante-neuf, & ainsi a esté iugé plusieurs fois en la Chambre du Thresor : Mesmes a esté iugé pour Ieanne Tricot, femme de maistre Iean Pernoy praticien demeurant à Corbeil, fille de feu maistre Leonard Tricot estranger, née en la ville de Monthery, laquelle eut main-leuée de tous les biens demeurez par le deceds de son defunct pere, saisis à la requeste du Procureur du Roy au Thresor, en l'an mil cinq cens cinquante huit. Et de ce on allegue vn arrest du vingt-troisieme Feurier mil cinq cens quinze. Mesmes Papon en son recueil d'arrests, liure cinquiesme, tiltre deuxiesme, recite plusieurs & diuers arrests donnez au profit des enfans des estrangers naiz en France.

4
Sentence du Thresor par laquelle les enfans des estrangers leur succedent.

Et combien que plusieurs ayent estimé, que les enfans des estrangers naiz en loyal mariage en France, & y demeurans ne peussent succeder à leurs pere & mere estrangers non naturalisez, comme l'estranger ne pouvant auoir heritier en France : toutesfois on peut cognoistre par les

Plusieurs ont estimé que les enfans des estran-

gens naiz en
France ne
leur succe-
dent.

moyens cy-dessus deduiçts, qu'il faut maintenir le contraire. Et ceste opinion a procedé au moyen de ce que l'ordonnance, ou plustost vſance du droict d'Aubeine transcrite audit troiesime chapitre, estoit inco-
gneüe, & iusques à present n'a esté veüe ny diuulguée. Aussi l'on doit
soutenir que les enfans naiz en France peuuent succeder à leurs pere &
mere, encore que leurs pere & mere soient estrangers, l'un Allemand,
l'autre Espagnol : combien que plusieurs ayent esté d'aduis qu'il estoit
requis, que la mere fust Françoisse : d'autant que les enfans suyuent la
condition de la mere. Et ce conformément à la loy premiere ff. *ad municipi-*
pa. faisant mention du priuilege donné par Pompée le grand aux femmes
Ilieuses & Pontiques, à ſçauoir que les enfans naiz d'elles en mariage se-
roient reputez originaires des pais susdits, encores que les peres fussent
estrangers.

6
Interpreta-
tion du ſi-
xiesme arti-
cle de la
Couſtume
de Melun.

Tellement que iuſtement on peut dire que la Couſtume de Melun,
article ſixiesme qui porte, que les biens des Aubeins appartiennent au
Roy, encores qu'ils euſſent delaillé enfans ou proches parens, ſinon qu'il
y ait lettres de naturalité deuïement veriſiées, ſe doit entendre des enfans
naiz hors le Royaume, ſoit qu'ils demeurent en iceluy, ou non : non pas
des enfans qui ſont naiz, & demeurans au Royaume, comme il a esté
dict cy-dessus, & és deux chapitres precedens. Autrement la Couſtume
ſeroit inhumaine, cōtraire à l'ancienne vſance de France, & à tout droict,
raiſon & equité. Le ſemblable doit eſtre dit de la Couſtume de Chaa-
lons, laquelle article quatorzième porte, que les ſuccesſions des Aubeins
decedez és Juſtices des hauts Juſticiers, ſoit qu'ils ayent hoirs de leurs
corps en legitime mariage, ou non, appartiennent au Roy.

Aussi par ce qui a esté cy-dessus deduit, on peut cognoiſtre que *lex*
Mensia in epitome Vlpiani recitata, n'eſt obſeruée en France, par laquelle
eſtoit dit, *que liberi ex alterutro parente peregrino nati, deterioris parentis con-*
ditionem ſequerentur, & peregrini erant. Adeo ut licet connubio interueniente
liberi patrem ſequantur, non interueniente connubio, matris conditioni acce-
dant : tamen qui ex peregrino & ciue Romana naſcitur peregrinus eſt. La rai-
ſon de laquelle loy eſt, d'autant que *matrimonium inter peregrinum & ci-*
uem Romanam contractum illicitum eſt, ut tradit Conanus in ſuo tractatu in-
ris ciuiles, libro 2. tit. de ingenuis.

Il conuient entendre ce que dessus des enfans naiz en France, leſquels
ſuccedent à leurs pere & mere estrangers, encores qu'ils ne ſoient natura-
liſez. Mais ſi leſdits pere & mere decedent apres leurs enfans, qui n'ont
laillé aucun deſcendant, le Roy ſuccedera auſdits pere & mere, comme
eſtans estrangers non naturalizez.

7
Si aux en-
fans des
estrangers
naiz en
France le
Roy ſuccede
par Aubeine
ou par Des-
herence.

Aussi il faut entendre, que les enfans naiz en France d'estrangers non
naturalizez ſuccedent à leurs parens naiz & demeurans en France, tout
ainſi que leurs parens leur ſuccedent, d'autant qu'ils ſont reſpectiuiement
vrais François. Mais ſi leſdits enfans n'ont aucuns parens en France
qui leur puiſſent ſucceder, la difficulté eſt de ſçauoir, ſi le haut Juſti-
cier leur ſuccedera par Des-herence, ou bien ſi le Roy leur ſuccedera
par droict d'Aubeine, & aux enfans legitimes des baſtards par droict

de Bastardise. Pour la decision de ceste question il conuient voir le quatriesme chapitre du droit de Des-herence.

On a demandé si vn pere & vne mere, ayans enfans naiz en Allemagne, ou bien en Italie, viennent en France, & y amènent leurs enfans, lesquels enfans se font naturaliser par le Roy, non leurs pere & mere, si leldits enfans ainsi naturalisez succederont à leurs pere & mere non naturalisez. Et combien qu'aucuns ayent esté d'aduis, que les lettres de naturalité obtenues par les enfans ne leur puissent seruir, sinon pour succeder *capaci*, c'est à dire à celuy qui pouuoit auoir heritier en France, non pas *incapaci* comme est l'estranger non naturalisé, qui ne peut auoir heritier en France, s'il n'est procréé de son corps en France. Toutesfois il semble que les enfans lors du trespas de leurs pere & mere ayans obtenu lettres de naturalité du Roy deuëment verifiées, ils sont faits François, & tels que s'ils estoient vrayement naiz en France: partant capables de succeder à leur pere & mere, & *hoc casu fictio idem operatur quod veritas*: principalement quand les lettres de naturalité portent la clause de pouuoir succeder à leurs pere & mere, encores qu'ils soient estrangers & non naturalisez. Laquelle clause, que l'estranger puisse succeder à ses pere & mere & autres parens, tout ainsi que s'il estoit nay & originaire de France; aussi que les parens luy puissent succeder *ab intestat*, il ne faut obmettre, comme ordinairement elle est obmise, tant és lettres de naturalité, que de legitimacion, par les Secretaires & leurs Clercs qui dressent les lettres susdites, suiuant leur vieil stil & protocole de Chancellerie. Et suffit que celuy qui veut succeder soit capable, lors que la succession est deferée: comme nous auons declaré au 25. chapitre du present Traicté.

8
Il suffit que les enfans soient naturalisez, encores que leurs pere & mere ne le soient point.

LA VEFVE DE L'ESTRANGER NE LUY SVC-
cede point, & n'a lieu le tiltre *vnde vir & vxor* au pays Coustumier de France.

- 1 La vefue de l'estranger ne luy succede point.
- 2 Le tiltre *vnde vir & vxor* n'a lieu au pays Coustumier de France.
- 3 Iure antiquo coniuges inuicem non succedebant.
- 4 Hors le cas d'Aubeine & entre purs François.
- 5 L'authentique, Præterea, C. vnde vir & vxor, n'est obseruée en

France.

- 6 Par le droict civil n'y a communauté de biens entre l'homme & la femme.
- 7 Les parens de la femme ne succedent point au mary, nec è contra.
- 8 Portion de biens adiugée à une femme, suiuant l'authentique Præterea, C. vnde vir & vxor.

CHAPITRE XXXIII.

1
La vefue de
l'eftranger
ne luy suc-
cede point.



VANT à la vefue del'Aubein, il eft certain qu'elle ne luy succede aucunement, encores qu'elle foit natifue du Royaume de France, veu que les parens de l'eftranger originaires & demeurans en France, qui excluroient la femme, & succederoient auparauant elle, ne font admis en l'heredité & fucceffion de l'eftranger, comme il a efté dict au chapitre precedent. *Ita tenet Conanus in dicto titulo qui testamenta facere non possunt, & Benedicti in dicto capite Raynutius.*

2
Le tiltre vn-
de vir &
vxor n'a
lieu au pays
Coustumier
de France.

Aussi tient-on pour arretté, & c'est l'une des maximes de la Chambre du Threfor, que le tiltre *unde vir & vxor*, receu par la loy ciuile & constitution des Empereurs, qui porte que *maritus & vxor inuicem in solidum succedunt, excluso fisco*, n'a lieu au pays Coustumier de France, ny pareillement la loy seconde de petit. bonor. sublat. C. l. 10. qui dit que *vir & mulier praeferuntur fisco*. Car en France mesmes en la Preuosté & Vicoté de Paris, la femme n'est iamais heritiere de son mary, ny le mary de la femme, & mulier non excludit fiscum in successione viri, nec vir in successione mulieris, soit que le mary soit estranger, ou bastard, ou decedé sans hoirs. Et le fisque partira avec la femme suruiuante comme heritier, ou bien comme successeur du mary estranger predecédé sans hoirs. Et ne pourra la femme demander sinon son droict de communauté, avec ses conuentions matrimoniales: & ainsi se pratique ordinairement.

3
Iure anti-
quo coniu-
ges inui-
cem non
succede-
bant.

Aussi *antiquo iure coniuges inuicem non succedebant, l. affinitatis, l. vitrico. C. de successio. l. unica. §. penult. C. de cadu. tollen. Sed praetor dedit eis bonorum possessionem excluso fisco, ut notatur in titulo de bonor. possessio. in Institut.* Et en France le Roy tenant le lieu de Preteur *non dabit bonorum possessionem contra se*. Partant en France la femme ne succede aucunement à son mary, & n'exclud le fisque. Non plus que par la loy des Feudes, *maritus non succedebat uxori in beneficio seu feudo cap. unico. An maritus succedat uxori in beneficio in vsib. feud. tractat Boerius* és Coustumes de Bourges, tit. de testament. §. quinto: *Dionysius Pontanus*, és Coustumes de Blois art. 20. in principio.

De faict ayant esté admis au Cahier de la nouuelle Coustume de Paris, que à faute de parent en ligne directe & collaterale, le mary succederoit à la femme, & la femme au mary auât le fisque. Cest article ne fut receu par Messieurs les Commisaires deputez par le Roy, pour la redaction de la dite nouuelle Coustume, ainsi qu'ay veu au Cahier.

Et la question susdite fut plaidée en la Cour, le 23. Nouembre 1568. pour vne Damoiselle demeurant près de Rheims, qui estoit vefue d'un Gentil-homme Nauarrois.

[Toutesfois depuis quelques années en ça, il s'est présenté au Parlement vne difficulté hors le cas d'Aubeine, & entre purs François, sous la Coustume de Lorris en Berry: sçauoir si Anne Corroy, vefue de feu Iean Migardin son mary decedé sans hoirs apparens, luy succederoit à l'exclusion du Comte de Santerre, seigneur haut Iusticier de la terre de Feux,

dans laquelle ledit Migardin estoit decedé, pendant ladite succession luy deuoit appartenir, comme seigneur haut iusticier, faute d'heritiers apparens.

Ladite Corroy veue, pour ses meyers disoit, que par la Coustume du pays & Duché de Berry, art. 8. la des success. il estoit nommément porté, que la femme forclost le fisque, en la succession & hoirie de son mary, & le mary aussi le forclost en la succession & hoirie de sa femme. De sorte que conformément à l'article de la Coustume, elle deuoit succeder à son mary, à l'exclusion du fisque, à laquelle Coustume comme la plus proche, celle de Lorris n'en disposant, il y falloit auoir recours, suiuant le chapitre *Olim ex. de Consuet.* Aussi que le liure Coustumier de Berry est intitulé, Les Coustumes generales du pays & Duché de Berry: de maniere qu'elle deuoit estre obseruée par tout le pays, sauf és cas decidez par la Coustume de Lorris, & iustice où ladite Coustume de Lorris gardée par forme de Coustume locale.

Le Comte de Sanserre au contraire disoit, que par les Coustumes, mesme par celle de Paris ville capitale du Royaume, en l'article cent soixante-sept, le fisque exclut le mary & la femme de pouoir succeder l'un à l'autre. Adioustoit que s'il falloit terminer ceste question par le droict des Romains, qu'il seroit tout pour ce bien fondé, estant par iceluy certain que *Intestatorum facultates, sine legitimis heredibus morientium fisci iuribus vindicantur, lib. 10. C. de bon. vacan.* Finalement le Bailly de Sanserre par sa sentence du cinquiesme Iuin mil cinq cens quatre-vingts & huit, auroit adiugé audit sieur de Feux, la succession d'iceluy Migardin par droict de Des-herence, pour tous les meubles entierement, & pour les immeubles, qui se trouueroient au dedans d'iceluy Comté, aux charges de l'usufruit d'icelle Corroy sa vie durant, suiuant le contract de mariage, & de bailler bonne & suffisante caution: dont ladite Corroy appella par-deuant le Bailly de Berry, ou son Lieutenant au siege principal à Bourges, lequel par sentence du premier Aueil, mil cinq cens quatre-vingts & neuf, auroit dit esté mal iugé par le Bailly de Sanserre, bien appelé par ladite Corroy, & en emendant ladite sentence, l'auroit absouz des fins & conclusions contre elle prises par le Procureur fiscal de la Seigneurie de Feux, & condamné és despens. De laquelle sentence Iean Sire du Bail Cheualier des Ordres du Roy, Comte de Sanserre, seigneur de Feux, auroit appelé, releué son appel à la Cour de Parlement. La Cour par son arrest & iugement, a mis & met l'appellation au neant sans amende, a ordonné & ordonne, que la sentence de laquelle a esté appelé sortiroit son effect, & a condamné ledit Comte de Sanserre és despens de la cause d'appel: prononcé en robes rouges par Monsieur de Harlay premier President, le 7. Septembre 1600.

Ce qu'estant veritable, il faut tenir pour maxime, que quand la Coustume generale d'un pays forclost le mary ou la femme, de la succession de l'un ou de l'autre à faute d'hoirs apparens: en ce cas la Coustume doit estre suiue dans les Coustumes particulieres & locales, subiette à ladite generale, à laquelle ils ne derogent point, sans s'arrester à la disposition.

contraire du droit Romain, lequel n'est pas le droit de la France coutumiere, ains sont les Coustumes generales d'icelles.

Suiuant laquelle maxime, vn autre different a esté iugé pardeuant Messieurs les Conseillers du Thresor, entre le Procureur du Roy, demandeur en saisie d'une part, & la vesue d'un nommé Galland, maitre tondeur de draps, bastard, decedé sans hoirs, defenderelle d'autre. Sur ce que le Procureur du Roy disoit, que ledit Galland bastard estant decedé sans hoirs dans la ville de Tours, où ses biens estoient assis, par la Coustume de Touraine, les biens ne pouuoient appartenir à autre qu'au Roy: De sorte que la Coustume ayant décidé tel different, il falloit iuger conformément à la Coustume, & adiuger les biens au Roy.

La vesue disoit au contraire, qu'il n'y auoit rien au monde tant fauorable & recommandable, qu'apres le deceds d'un mary decedé sans hoirs, gratifier la vesue de la succession de feu son mary, pour vn dernier souuenir, d'auoir vescu ensemblement, vnis de cœur & de volonte, par le moyen d'un lien si sainct, tel qu'est le mesnage: que cela estoit ainsi pratiqué par plusieurs Coustumes de ce Royaume, nommément par celle de Paris, ville capitale de ce Royaume, à laquelle on deuoit plustost s'arrester, qu'à celle de Tours, seule & vniue pour ce regard. D'ailleurs que cela estoit conforme à la disposition de droit, au titre *unde vir & uxor*, lequel a esté faict en faueur, tant de l'homme que de la femme decedez sans hoirs: les Emperours ayans mieux aimé qu'ils fussent gratifiez de telles successions, que non pas le fisque, qui est vn heritier anormal. Finalement, par sentence donnée au rapport de Monsieur Dorron, Conseiller au Thresor, le May, 1609. conformément à la Coustume de Tours, les biens dudit Galland bastard, furent adiugez au Roy, & la vesue deboutée de son opposition: *pro hac re vide Massuer. tit. des success. nomb. 39. Chopin sur la Coustume d'Anjou, lib. 1. cap. 16. & de Doma. l. 1. tit. 10. Chenu en ses questions quest. lxxix. Monsieur Louuet au recueil des Arrests, pag. 307. N. B.*

Aussi l'authentique *Præterea*, audit titre *unde vir & uxor*, n'est obseruée au pays Coutumier de France. Par laquelle est dit, que *coniux inops accipit quartam partem bonorum præmorientis coniugis locupletis, si tres liberos aut pauciores ex matrimonio habuerit. Quod si plures liberi sint, coniux superstes inops succedit in virilem portionem defuncti coniugis locupletis cum liberis, salua illis proprietate. Quod si liberi non extent, coniux superstes inops accipit quartam partem bonorum defuncti coniugis locupletis, etiam in dominio.* La raison pour laquelle ceste authentique n'est obseruée en France, est; D'autant que la vesue se doit contenter de la part de la communauté des biens meubles, acquests & conquests immeubles, introduicte par la Coustume entre l'homme & la femme, avec son douaire. Et le mary suruiuant, se doit contenter de sa part de la communauté de biens. Laquelle communauté de biens par la disposition de droit commun, n'a lieu entre l'homme & la femme conioincts par mariage, *l. cum hic status. §. si inter virum & uxorem societas. ff. de donat. inter virum & uxorem.*

5
L'Authentique, *Præterea* Cod. *unde vir & uxor*, n'est obseruée en France.

6
Par le droit civil n'y a communauté de biens entre l'homme & la femme.

Quant aux parens de la femme predecédée, qu'ils ne puissent aucunement succeder au mary suruiuant, depuis decedé sans aucuns hoirs paternels, ny maternels. Pareillement que les parens du mary predecédé ne puissent aucunement succeder à la femme suruiuante, depuis decedée sans hoirs paternels, ny maternels, il est certain: attendu, comme dit est, que le mary ne peut aucunement succeder à sa femme, ny la femme à son mary. Et supposé qu'ils peussent succeder l'un à l'autre: toutesfois les parens du predecédé ne pourroient pas succeder au suruiuant, *cum affines tantum sint, & affinitatis iure nulla successio permittatur siue deferatur, l. affinitatis, l. vitrico. C. commu. de successio.* Aussi affines in successorio edicto nullum gradum obtinent. Et qui defuncto succedere volunt debent esse liberi, parentes, agnati, aut cognati defuncti, ex linea paterna vel materna.

Les parens de la femme ne succedent point au mary, nec contra.

Combien qu'il ait esté dit cy-dessus, que l'authentique, *Præterea C. unde vir & uxor*, n'a lieu en France: Neantmoins vn François nommé de Gastines ayant esté marié en Allemagne, avec vne Allemande, d'icelle ayant eu enfans naiz tant en Allemagne, qu'en ceste ville de Paris, étant demeurant & decedé en ceste ville, delaiillé trois enfans, le Preuost de Paris adiugea à la vefue Allemande le quart du reuenu des heritages du defunct. Et depuis fut aduisé que ladite vefue pouuoit demander son doüaire coustumier, sur les heritages assis en la Preuosté & Vicomté de Paris, comme le doüaire étant baillé à la femme, pour sa nourriture & entretenement, apres le trespas de son mary.

8 Portion de biens adiugée à vne femme suivant l'authentique *Præterea Cod. unde vir & uxor.*


A QVI APPARTIENNENT LES BIENS DEMEVREZ par le decez de l'estranger naturalisé, decedé intestat, sans hoirs reynicoles: ou au Roy par droict d'Aubeine, ou au haut Iusticier à tiltre de biens vaccans: avec les Arrests donnez pour ce regard.

- 1 Question du present chapitre.
- 2 Recit du faict de l'Arrest cy apres transcrit.
- 3 Moyens de Monsieur le Procureur General, pretendant les biens de defunct Grosier.
- 4 Lettres de naturalité effacent la macule de peregrinité.
- 5 Ius applicationis quid sit.
- 6 Le droict d'Aubeine inalienable.
- 7 Presumptions sur lesquelles le Roy est fondé, pour succeder à l'estranger naturalisé.
- 8 Comme s'entend que par les lettres de naturalité est effacée la macule de peregrinité.
- 9 Raisõ par laquelle le haut Iusticier ne

- doit succeder à l'estranger naturalisé.
- 10 Les lettres de naturalité contiennent restriction & condition.
- 11 La grace portée par les lettres de naturalité est personnelle.
- 12 Beneficium non reflectitur in præiudicium concedentis.
- 13 La finance prise pour les lettres de naturalité est fort petite.
- 14 Interpretation de l'Arrest cy-dessus recité, donné au profit du Chapitre de Clergy.
- 15 Auis des anciens Aduocats de la Cour, sur la succession de l'estranger naturalisé.
- 16 Arrest que le Roy seul succede à l'estranger naturalisé.

CHAPITRE XXXIV.

1
Question du
present cha-
pitre.



La esté cy-dessus amplement monstré, que le Roy seul succede à l'estranger non naturalisé decedant en France, priuatiuement aux hauts Iusticiers & parens de l'estranger. Mais on a douté de la succession de l'estranger naturalisé, lequel decede intestat sans heritiers regnicoles, estant demeurans en la haute Iustice de quelque Seigneur, & au dedans d'icelle ayant acquis biens meubles & heritages, à qui appartiendront les biens tant meubles qu'immeubles, demeurez par le decez de tel estranger naturalisé, ou bien au Roy par droit d'Aubeine, ou bien au haut Iusticier comme vacans.

2
Recit du fait
de l'Arrest
cy apres
transcrit.

Ceste question a esté agitée en la Cour de Parlement, pour les biens de feu Maistre Thomas Grossier, en son viuant Chanoine de Clery, natif de Bauieres en Allemagne: lequel ayant obtenu lettres de naturalité du Roy, deuëment verifiées en la Chambre des Comptes, & fait testament contenant quelques legs pitoyables, toutesfois n'ayant disposé du total de ses biens, seroit decedé sans heritiers regnicoles, ayant quelques meubles & heritages au dedans d'une Baronnie & haute Iustice appartenant aux Doyen, Chanoines & Chapitre de Clery. Lesquels biens estans saisis à la requeste du Substitut de Monsieur le Procureur general du Roy à Orleans, ledit Chapitre de Clery se seroit opposé: & le proces pendant es Requestes du Palais, ayant esté depuis euoqué en la Cour, fut la cause appointée au Conseil.

3
Moyens de
Monsieur le
Procureur
general pre-
tendant les
biens de de-
funct Gros-
sier estran-
ger natura-
lisé.

Monsieur le Procureur general soustenoit tous les biens du defunct, desquels il n'auoit disposé, appartenir au Roy par droit d'Aubeine, suivant la maxime commune & vulgaire, que le Roy seul succede à l'Aubein decedant en France, priuatiuement à tous les Seigneurs & hauts Iusticiers du Royaume, comme il a esté amplement monstré au vingt-septiesme chapitre, à la lecture duquel est besoin auoir recours.

Defences du
Chapitre de
Clery, pre-
tendant les-
dits biens.

Au contraire les Doyen, Chanoines & Chapitre de Clery, hauts Iusticiers, tant du lieu auquel le defunct estoit demeurant, que de la terre, Seigneurie & Baronnie, au dedans de laquelle estoient situez les heritages demeurez par le decez du defunct, maintenoient que les biens leur appartenoient comme vacans, suivant la Coustume d'Orleans; & que le droit d'Aubeine n'estoit aucunement considerable: d'autant que la macule de peregrinité, qui auoit esté en la personne du defunct, auoit esté effacée par les lettres de naturalité obtenues par le defunct. Par le moyen desquelles,

4
Les lettres
de natura-
lité effacent
la macule
de peregrini-
té.

natalibus vel potius iurinali & communi (quo ius peregrinitatis incognitum erat) restitutus fuerat, & perinde habebatur ac si Gallus natus fuisset, & peregrinitatis maculam numquam sustinisset. Tellement que l'obstacle de peregrinité d'Aubeine estoit tollu, osté, & du tout esteint, estant faict François, & tel que s'il estoit vrayement nay & originaire de France: selon le texte *in l. 2. 3. & finali. ff. de natal. restit. in l. sed si accepto usu togæ Romanæ. ff. de iure fisci. Vbi Budæus ait, eum togæ Romanæ in*

adipisci, qui peregrinitatem exuens ciuitate Romana donatus est. Tiraquellus, in lib. de nobilitate, cap. 6. col. 3. ainsi qu'il a esté déclaré au vingt-troisième chapitre. Partant soustenoient que le Roy ne pouuoit pretendre aucun droict d'Aubeine és biens du defunct, tanquam huiusmodi codicillis Regis princeps omne ius Albinatus à se abdicauerit, eique omnino renuntiauerit, exemplo patroni, qui nullum ius habebat in bonis liberis à principe natalibus restituti. dictal. si. ff. de natalibus restit.

Et encores qu'il y eust lieu d'Aubeine (que non) ils soustenoient les biens contentieux leur appartenir : d'autant que le Roy Louys vnzième leur auoit donné tous les droicts que sa Majesté pouuoit auoir en la Baronnie, en laquelle estoient les biens, mesmes le droict d'Aubeine: lequel don auoit esté verifié en la Cour de Parlement.

Pareillement pretendoient iceux biens *iure quodam applicationis*, recité par Ciceron, *libro primo de Oratore, quo alicui tanquam patrono deferebatur intestati successio, nempe cum quis peregrinus sese alicui opulento cini velut in clientelam dedisset*, ce qu'ils disoient estre au cas de present, *tanquam defunctus ad capitulum quasi patronum se applicuisset, quia cum canonicis ut fratribus conuixerat, & cap. velut in clientelam se dediderat, ut adnotant Turneb. adno. lib. 24. cap. 32.*

⁵
Ius applica-
tionis quid
sit.

Aussi pretendoient les biens du defunct leur deuoir estre adiugez *ex præsumptamente defuncti*, laquelle nous regardons *in successione ab intestato. l. conficiuntur, l. si quis cum testamentum. ff. de iure codicil.* Car si le defunct estant *in extremis*, eust esté interrogé à qui il eust voulu que ses biens fussent paruenus apres son decez, il eust respondu que son intention estoit, que les Doyen, Chanoines & Chapitre en iouissent plustost que le Roy, *l. tale pactum. §. si. ff. de pact.*

A ces quatre moyens respondoit Monsieur le Procureur general, que au cas de present ce n'estoient biens vacans, & n'y auoit lieu de Desherence : parce que le defunct auoit des parens & heritiers en son pays : au lieu desquels le Roy entroit, comme incapables de succeder, ainsi qu'il a esté deduit au vingt-cinquième chapitre.

Replique de
Monsieur le
Procureur
general.

Quant au don du droict d'Aubeine, allegué par ceux de Clery, disoit que le droict d'Aubeine estant domanial, estoit inalienable ; & que le don n'estoit sinon enregistré en la Cour, & non verifié avec luy. Aussi que tel don n'eust peu valoir que pour le temps du Roy Louys vnzième, & non pour l'aduenir, comme il a esté déclaré au vingt-huictième chapitre.

⁶
Le droict
d'Aubeine
inalienable.

Quantum ad ius applicationis, disoit que *sicut ius illud erat obscurum & ignotum Senatui Romano, ut refert Cicero dicto de Oratore primo: ita nobis penitus incognitum erat.*

Ad præsumptam mentem defuncti, respõdoit que la presumption estoit, que le defunct auoit plustost voulu dõner son bien au Roy, qu'aux Doyen, Chanoines & Chapitre de Clery, *quia princeps ex seruo libertum fecerat, ex peregrino ciuem, ex incapaci capacem obtinendorum beneficiorum, principisque rescripto ciuitatis iure donatus fuerat.* Qui estoit l'un des plus grands biens

⁷
Presump-
tions sur
lesquelles le
Roy est fon-
dé pour
succe-

der à l'e.
stranger na-
turalisé.

& honneurs qu'on pouuoit faire à vn estranger, comme il a esté dit au second chapitre. Et le defunct n'ayant disposé de tous ses biens, la presumption estoit qu'il auoit laissé au Roy ceux lesquels par son testament il n'auoit legué, plustost qu'au haut Iusticier, duquel l'estranger naturalisé n'a receu aucun bien ny plaisir.

Partant soustenoit que les biens desquels le defunct n'auoit disposé, appartenoyent au Roy par droict d'Aubeine: *Ad instar iuris patronatus, quo patronus bona intestati liberti, sine liberis defuncti, sibi vindicat. §. sed nostra. versiculo fin autem sine liberis, de success. liber. in Instit. Vel quasi contra. Et fiducia, princeps defuncti bona vindicare poterat, tanquam naturalitatis rescriptum defuncto extraneo concedens, fiduciam contraxerit, & ius succedendi sibi retinuerit, nisi defunctus, qui peregrinus erat, heredes regnicolas haberet. Idque patris exemplo, qui filium emancipando fiduciam contraxisset, & ius succedendi sibi reseruasse presumitur, nisi filius liberos haberet. l. fina. C. de emancipat. liber. §. fina. de legitima agnat. success. in instit.*

8
Côme s'en-
tend que
par les let-
tres de na-
turalité est
effacée la
macule de
peregrinité.

A ce que les Doyen, Chanoines, & Chapitre disoient que la macule d'externité estoit effacée par le moyen des lettres de naturalité & restriction portée par icelles, respondoit Monsieur le Procureur general, que cela ne concernoit que la personne, & non les biens, lesquels demeuroient subjects au droict d'Aubeine, si l'estranger naturalisé n'en auoit disposé, ou laissé heritiers regnicoles: d'autant que la verification faicte en la Chambre des Comptes, des lettres de naturalité, portoit la clause & restriction ordinaire, *Promiso quod heredes impetrantis sint regnicola*. En sorte que le defunct n'ayant testé de tous ses biens, & n'ayant heritiers regnicoles, les lettres estoient sans effect pour le regard des biens, desquels il n'auoit disposé: & pour le regard d'iceux, l'effect de peregrinité & l'Aubeine demeuroit: partant les biens appartenoyent au Roy par droict d'Aubeine.

9
Raison per-
emptoire
par laquelle
le haut Iu-
sticier ne
doit succe-
der à l'estra-
ger natura-
lisé.

Et ceste clause, *Promiso quod heredes impetrantis sint regnicola*, euidement excluoyt les Doyen, Chanoines & Chapitre de Clery, & tous hauts Iusticiers, de la succession du defunct. Et demonstroit que *defunctus alios heredes habere non poterat, quàm regnicolas*: c'est à dire, de ses parens, naiz & demeurans dedans le Royaume de France: *Quibus deficientibus*, le Roy doit succeder, non pas le haut Iusticier, qui ne peut estre entendu, ny compris sous le nom d'heritier, lequel ne s'entend & ne peut s'adapter sinon à celuy qui est du sang, parenté & consanguinité du defunct, habile à luy succeder, non pas d'un heritier estranger, anomal & irregulier, que nous appellons successeur es biens, comme est le haut Iusticier. Ainsi qu'il a esté iugé par Arrest du 8. Iuin, 1576. recité au vingt-troisiesme chapitre du present Traicté.

10
Les lettres
de naturali-
té contien-
nent restri-
ction & co-
dition.

Aussi ceste clause (pourueu que l'impetrant ayt heritiers regnicoles) contient non seulement restriction, mais vne condition, si l'impetrant a heritiers regnicoles. Laquelle condition defaillant & n'estant aduenüe, la grace impetrée du Prince est faicte caduque & sans effect, & *casus reedit ad non casum*, en sorte que le droict d'Aubeine demeure en sa force & vigueur.

Toinct qu'il n'est veritable, ny vray-semblable, que le Roy par les lettres de naturalité impetrées de sa Majesté, ait voulu preiudicier & deroguer à ses droicts, sinon pour le regard & faueur de l'impetrant, auquel il a donné pouuoir de tester : & de ces parens regnicoles, auxquels il permet de luy succeder. Tellement que ceste grace est personnelle, concernant l'estranger & ses heritiers regnicoles. Non pas que le Roy ait entendu, & que son intention ait esté, par les lettres de naturalité de luy obtenues, quitter ou donner le droit d'Aubeine au haut Iusticier, & luy attribuer droit és biens de l'estranger, esquels il n'a & ne peut rié pretendre. D'autant que le Roy s'est reserué le droit d'Aubeine, priuatiuement à tous les Seigneurs & hauts Iusticiers du Royaume de France, comme il a esté amplement monstré au vingt-septiesme chapitre du present Traicté.

11
La grace portée par les lettres de naturalité est personnelle.

Et si par le moyen des lettres de naturalité octroyées par le Roy à l'estranger, le haut Iusticier auoit droit és biens de l'estranger naturalisé, *beneficium à Principe concessum contra eum retorqueretur*, contre la reigle commune, qui porte, que *beneficium ab aliquo concessum in præiudicium concedentis reflecti non debet*, comme il fut dit en la cause de Montieur le Cardinal de Bourbon, Abbé de Saint Germain Desprez, pretendanc la succession d'un Sauoy sien, comme naturalisé, par le moyen des lettres patentes octroyées aux Sauoy siens, recitées au 6. chapitre.

12
Beneficium non reflectitur in præiudicium concedentis.

Aussi la finance que le Roy reçoit à cause des lettres de naturalité, est si petite, qu'elle n'est aucunement considerable, & ne tourne au profit du Roy, & augmentation de son Domaine; ains est appliquée par Messieurs des Comptes à œuvres pitoyables.

13
La finance prise pour les lettres de naturalité est fort petite.

Dauantage il est certain que le Roy seul peut naturaliser l'estranger, comme il a esté deduit au vingt-quatriesme chapitre : & qu'à cause des lettres de naturalité octroyées par le Roy à l'estranger demeurant en la terre du haut Iusticier, ayant biens meubles, & immeubles en icelle : le haut Iusticier ny autre Seigneur ne peut pretendre aucun droit luy estre deu, ny aucune finance luy deuoir estre payée : combien que pour affranchissement octroyé par le Roy à homme de condition serue, & pareillement pour amortissement impetré du Roy par gens de mortemains, il soit besoin payer indemnité au haut Iusticier, au Seigneur feodal, & au Seigneur Censier, comme il sera amplement déclaré au Traicté des Francs-fiefs & nouueaux acquets, & a esté cy-dessus dict au 24. chapitre.

Et quant à l'Authentique *Omnes peregrini, C. communia, de success.* qui parle de peregrino, qui testatus vel intestatus decedit, il en n'a lieu en France, *nec in peregrino qui sedem fixam in regno, nec in viatore, nec in peregrinante, nec in aduena.* Recours à la lecture du 18. chapitre du present Traicté.

Finalemēt le vingt-septiesme Auy, mil cinq cens soixante-neuf, fut donné & solemnellement prononcé par Monseigneur le President Segulier, l'Arrest qui ensuit. Entre les Doyen, Chanoines & Chapitre de Clery, appellans de certain appointement donné par le Bailly d'Orleans, ou son Lieutenant, le neuuesme iour de Ianuier dernier passé, & requere-

Arrest de la Cour.

rans l'enterinēment d'une requeste d'une part, & le Procureur general du Roy, prenant la cause pour son Substitut audit Baillage d'Orleans intimé, & defendeur à l'enterinement de ladite requeste d'autre. Veu par la Cour l'Arrest donné entre les parties, par lequel elles ont esté appointées au Conseil, les causes d'appel, & defences à icelles, repliques, dupliques & productions des parties respectivement faictes, tant sur l'appel que different au principal: & tout considéré, Dit a esté que main-leuée & deliurance sera faicte, & l'a faict icelle Cour ausdits appellans & demandeurs, de tous & chacuns les biens meubles & immeubles, qui ont appartenu à feu Maistre Thomas Grossier, lors de son deceds, comme vacans par le deceds d'iceluy defunct: nonobstant chose dicte, proposée ou alleguée par ledit Procureur general: Condamne les Commissaires ou Commissaire, commis au regime & gouvernement desdits biens saisis, & autres qu'il appartiendra, en rendre compte par toutes voyes deuës & raisonnables, mesmes comme depositaires de biens de Iustice. Et se trouue ledit Arrest au Greffe de la Cour, signé de Thou, & de Dijon.

Autre Arrest.

On dict pareil Arrest auoir esté donné, le dixiesme Ianuier, mil cinq cens soixante & quinze, au profit de Charles de Giuerlay, Escuyer, Seigneur de Bois-fort & d'Aulnay, recité au vingt-sixiesme chapitre du present Traicté. Mais en cest Arrest n'estoit question de biens escheus par Aubeine, ny de biens vacans: d'autant que le defunct qui estoit naturalisé, auoit disposé par testament de tous les biens, tant en faueur de son frere, Italien, demeurant en France, non naturalisé, que du Seigneur de Giuerlay, au cas que son frere n'eust enfans. Et la question principale estoit de sçauoir, qui deuoit iouyr des biens du defunct pendant le doute, ou pendant la condition, qui estoit de sçauoir, si le frere auroit enfans ou non. Et fut dict que le Seigneur de Giuerlay iouyroit, d'autant que le legs ne pouuoit subsister en la personne du frere, qui estoit estranger non naturalisé.

14
Interpretation de l'Arrest cy dessus recité, donné au profit du Chapitre de Clery.

Et combien que les hauts Iusticiers de ce Royaume pretendent se preualoir de l'arrest donné au profit du Chapitre de Clery cy dessus recité, toutesfois par les moyens cy-deuant deduits, on pourra dire que cest Arrest n'est general, & qu'il y a eu plusieurs circonstances & moyens particuliers, qui ont meu la Cour d'adiuger les biens du defunct aux Doyen, Chanoines & Chapitre de Clery, du nombre & College desquels estoit le defunct, lequel des fructs & reuenus de sa prebende ayant acquis les heritages cōtentieux, a esté raisonnable qu'apres son trespas ils appartenissent audit Chapitre de Clery, & luy fussent adiugez plustost qu'au Roy: suiuant la disposition Canonique, *in cap. 1. & 3. de pecul. Clerico. extra.* Aussi que i'estime l'effect de ceste clause, *Prouiso quod haredes impetrantis sint regnicola*, n'auoir esté allegué au proces, quoy que ce soit, n'auoir esté amplement remonstré, ny plusieurs des moyens cy dessus deduits.

15
Auis des anciens Aduocats de la Cour,

De faict au mois de Mars, mil cinq cens soixante & seize, les anciens Aduocats de la Cour, estans assemblez pour donner aduis si les biens de-

meurez par le deceds d'un Nauarrois naturalisé par le Roy, lequel s'estoit ^{uocat de la} habitué & marié au pays de Champagne, appartenoiēt au Roy, ou au haut ^{Cour, sur la} Iusticier, en la Seigneurie duquel lors de son trespas il estoit demeurant, ^{succession de} & ses biens situez; furent d'aduiz que ses biens appartenoiēt au Roy, par ^{l'estranger} le moyen de la clause, restriction, & condition appolée en la verification ^{naturalisé.} de ses lettres de naturalité, *Promiso quod haredes impetrantis sint regnicola*, comme il a esté dict cy-deuant.

Et conformément à ce que dessus, le 29. Mars 1580. fut prononcé solennellement & publiquement Arrest confirmatif d'une sentence donnée par le Bailly de Touraine, ou son Lieutenant à Tours, du 15. Iuillet 1569. Par lequel tous & chacuns les biens demeurez par le deceds de defunct Iean Brissard, estranger naturalisé par le Roy, demeurant au bourg de la Guiniere, Paroisse de Fondettes, saisis à la requeste du Substitut de Monsieur le Procureur general du Roy à Tours, furent adiugez & declarez appartenir à Thibaut Tonnoye, Fermier pour le Roy du Domaine de Touraine. Et trois hauts Iusticiers, qui estoient, Messire Iean de la Val, Baron de Maille, Maistre Iean Biznet, Chanoine prebendé en l'Eglise de Tours, Seigneur du fief des Tournelles, & Damoiselle Marie Chauuin, Dame de Martigny, debouttez des droicts par eux pretendus es biens tant meubles qu'immeubles estans au dedans de leurs hautes Iustices, demeurez par le trespas dudit defunct Brissard, estranger naturalisé. Tellement qu'à present on tient pour certain, que le Roy seul succede à l'estranger naturalisé, decedant sans heritiers regnicoles, priuatiuement à tous les hauts Iusticiers du Royaume: Comme nous auons monstré au 22. chapitre du Traicté par nous diuulgé, des droicts de Iustice, haute, moyenne, & basse, lequel il conuient voir, d'autant qu'il faict mention d'autres semblables Arrests.

COMME LE PRETENDU HERITIER DONATAIRE, ou legataire de l'estranger, se doit pouruoir pour auoir main-leuée des biens demeurez par le trespas de l'estranger, saisis à la requeste du Procureur du Roy.

- | | |
|---|---|
| <p>1 Comme on saisit, & apres la saisie on declare les biens de l'estranger appartenir au Roy.</p> <p>2 Comme on fait saisir apres le trespas du François decédé sans hoirs, & adiuger ses biens au Roy.</p> <p>3 Comme le donataire du Roy doit faire verifier son don, & se conduire pour iouyr d'iceluy.</p> <p>4 Les dons excédans mil escus doiuent estre verifiez par Messieurs des</p> | <p>Comptes, les autres par Messieurs les Thresoriers.</p> <p>5 Apres la verification du don comme le donataire se doit conduire.</p> <p>6 Quand le don est restraint à certaine somme de deniers, ce que le donataire doit faire.</p> <p>7 Messieurs du Thresor ne verifient pas les dons du Roy.</p> <p>8 En Aubeine est besoin de declaration iudiciaire.</p> |
|---|---|

- 9 Auparavant les dons, les charges ordinaires doivent estre payées.
- 10 Le donataire du Roy peut intervenir en cause.
- 11 Ce que l'heritier de l'estranger doit faire pour avoir main-levée.
- 12 En matiere civile on ne permet point à l'une des parties de faire preuve par tesmoins, qu'on ne le permette à l'autre.
- 13 En matiere criminelle un defendeur ne peut informer.
- 14 Apres que le pretendu heritier est apparu en cause, le Procureur du Roy ne peut faire aucune information ny enqueste, sans faire appeller ledit heritier.
- 15 Moyens du Procureur du Roy pour empêcher la main-levée.
- 16 Celuy qui decede en France est presumé nay en France.
- 17 Il n'est besoin que l'heritier, donataire ou legataire de l'estranger appelle de la sentence portant adjudication des biens au Roy.
- 18 Auparavant la verification du don, Messieurs des Comptes s'enquient de la valeur des biens.
- 19 Quand le don est restrainct à certaine somme, il n'est besoin d'évaluer les biens.
- 20 Clause, Sauf s'il apparoit heritier dans l'an.
- 21 Reprobation de la clause dessusdite.
- 22 Interpretation de la Coustume generale le mort saisit le vif.
- 23 L'heritier ou donataire de l'estranger peut appeller de la sentence portant adjudication de biens au Roy.

CHAPITRE XXXV.

I
Comme on
saisit & a-
pres la saisie
on declare
les biens de
l'estranger
appartenir
au Roy.



La esté dit cy-dessus, que les biens des estrangers decedans testats ou intestats en France, appartiennent au Roy par droit d'Aubaine. Pourtant apres le trespas de l'estranger, le Procureur du Roy au Thresor en vertu d'une simple requeste, fait proceder par voye de saisie, sur les biens demeurez par le deceds de l'estranger: laquelle requeste doit porter, en cas d'opposition iour pardeuant nous. Et apres l'information sommairement faite, avec vn adioinct prins d'office, de la naissance & origine de l'estranger, sans appeller partie (parce qu'il n'y en a point,) ledit Procureur du Roy faict adiuger au Roy tous & chacuns les biens estans en ce Royaume, delaissez par le deceds de l'estranger, & declarer lesdits biens appartenir & estre escheus à sa Majesté par droit d'Aubaine, ordonner que inventaire sera fait des meubles vendus, les deniers provenans de la vente d'iceux mis és mains du Receueur ordinaire des lieux, & les fruiets des heritages par luy receus, pour en tenir compte au Roy. Le semblable est obserué quand vn Bastard est decedé: & apres information faite qu'il estoit bastard, on fait adiuger au Roy les biens demeurez par son deceds, & declarer qu'ils sont escheus à sa Majesté par droit de Bastardise, ou bien d'illegitimation.

2
Comme on
fait saisir a-
pres le trespas du Frã-
Et quant au François qui decede sans heritiers, que nous appellons droit de Des-herence, le Procureur du Roy fait pareillement saisir ses biens en vertu d'une simple requeste, laquelle porte, en cas d'opposition iour. Et pour faire adiuger au Roy les biens saisis par Des-herence, on n'vse

Au contraire le Procureur du Roy soustiendra, que le defunct estoit Aubein, nay hors le Royaume de France, pays, terres & seigneuries estans hors de l'obeyssance du Roy. Et encores que ses biens n'appartinssent au Roy par droict d'Aubeine, il maintiendra qu'ils appartiennent au Roy par Des-herence, & faute d'heritier, deniera que l'opposant soit parent & habile à succeder au defunct. Et le Procureur du Roy se qualifiera demandeur en declaration d'Aubeine, ou Des-herence, & soustenant la saisie faicte à sa requeste. Et conclura à ce que les biens du defunct soient declarez appartenir au Roy, & estre aduenus à sa Maieité par droict d'Aubeine ou Des-herence. Le pretendu heritier se qualifiera defendeur & opposant, & conclura à main-leuée. Seront les parties appointées à écrire, informer & produire. Et auparauant que l'opposant ait main-leuée, il est besoin qu'il verifie qu'il est parent du defunct, & que l'opposant soit nay demeurant en France.

15
Moyens du
Procureur
du Roy, pour
empescher la
main-leuée.

Quant à la naissance & origine du defunct, si elle n'est aucunement verifiée, ny par le Procureur du Roy, ny par l'opposant, soit par escrit, soit partescinoins, *per auditum vel famam*, ou autrement, le defunct ayant longuement demeuré en France, & y estant decedé, on presume-ra qu'il en est natif, *quia in eo statum quo quis inuenitur, in eo iudicatur*, l. moueor. C. si seruus expor. ven. l. penultima. C. de inge. manumif. l. ordinaria. ff. del. caus lib. lite ordinata. C. eod.

16
Celuy qui
decède en
France est
presumé nay
en France.

Et encore que par sentence donnée à la requeste du Procureur du Roy apres information sommairement faicte, les biens du defunct pretendu estrangier ayent incontinent apres le decez de l'estrangier esté adiugez au Roy, toutesfois l'heritier ne laissera de presenter sa requeste, afin d'auoir main-leuée des biens, comme heritier, donataire, ou legataire du defunct, sans qu'il soit besoin appeller de ceste sentence, à laquelle Messieurs du Thresor ne s'arrestent aucunement, & n'ont aucun esgard, comme n'estant donnée avec le pretendu heritier, lequel n'a esté present, ny appellé à voir iurer les tesmoins examinez en l'information faicte à la requeste du Procureur du Roy. Aussi que l'opposition du pretendu heritier le conserue en ses droicts & possessions, sans que la sentence luy porte aucun preiudice. Et si incontinent il appelloit de ceste sentence, on ne la pourroit mettre au neant, que prealablement il n'eust verifié sa pretendue parenté, qui seroit vne grande longueur, & seroit necessaire que la Cour prinst cognoissance de l'instance principale, auparauant que bailler main-leuée. En tout euenement la Cour conuertiroit l'appel en opposition, & pour proceder sur icelle, renuoyeroit les parties au Thresor, comme il fut iugé par arrest du douziesme Feburier mil cinq cens soixante dix-sept, pour le Seigneur du fief de Villebois.

17
Il n'est be-
soin que l'he-
ritier dona-
taire ou le-
gataire de
l'estrangier
appelle de la
sentence por-
tant adiudi-
cation de
biens au
Roy.

Et quand nonobstant l'information faicte à la requeste du Procureur du Roy, & sentence d'adiudication de biens donnée au profit dudit sei-
gneur, les parties sont appointées contraires à informer, & produire: lors on ordonne que le Procureur du Roy pourra faire repeter & recoler les tesmoins ouys en l'information faicte à sa requeste, à ce voir faire par-
tie appellée, qui est qu'il faut faire appeller partie pour voir iurer tes-

moins & conuenir d'ajoint, tout ainsi qu'à vne enqueste. Et la repetition & recolement vaut enqueste.

18

*Auparauant
la verificalion du don,
Messieurs
des Comptes
s'enquierent
de la valeur
des biens.*

Aussi est besoin entendre, que quand le Roy a faict don de tous & chacuns les biens tant meubles, qu'immeubles qui seront aduenus à sa Majesté par le decez d'un estrange, d'un bastard, ou autre: Auparauant que Messieurs des Comptes procedent à la verification de tel don, ils s'enquierent de la valeur des biens. A ceste fin adressent leur commission au Iuge ordinaire des lieux, pour faire inuentaire & prisee des meubles, lettres & tilties, & faire estimer les immeubles pour vne fois payer, avec le reuenu annuel d'iceux, pour ce faict proceder à la verification des lettres de don ainsi que de raison. Et en la verification d'icelles lescits Seigneurs des Comptes ont accoustumé mettre, que la Chambre en enterinant les lettres a ordonné, que tel iouyra de l'effect & contenu és lettres selon leur forme & teneur.

19

*Quand le
don est re-
straint à cer-
taine somme
il n'est be-
soin d'eua-
luer les
biens.*

Si le don est restraint par Messieurs des Comptes, ou par Messieurs les Thresoriers à certaine somme de deniers, ou que les lettres de don portent certaine somme de deniers à prendre sur lescits biens, ou bien que les lettres portent, pour desdits biens meubles & immeubles, iouyr, vler & disposer par ledit tel, ses hoirs & ayans cause, iusques à la concurrence de la somme de mil escus, si tant le montent. Es cas susdits il semble n'estre besoin d'entrer és frais de l'eualuation & estimation des biens adiugez au Roy par droict d'Aubeine, Bastardise, ou autrement..

20

*Clause sans
s'il apparoist
heritier de
dans l'an.*

Pareillement il conuient noter, que quand on declare des biens appartenir au Roy par Des-herence & faute d'heritier, on a accoustumé mettre à la fin de la sentence ceste clause, (Sauf s'il apparoist heritier dedans l'an) non pas quand on declare des biens appartenir au Roy par droict d'Aubeine & Bastardise. Parce que les Aubeins & Bastards n'ont point d'heritiers en France, comme il a esté dit és 30. 31. & 32. chapitres. Aussi qu'on ne peut declarer, des biens appartenir au Roy, & luy estre escheus par droict d'Aubeine ou Bastardise, sans information precedente, laquelle n'est necessaire pour faire declarer des biens appartenir au Roy par Des-herence: & fustit que quelque temps apres la saisie faicte des biens, ne soient point apparus d'heritiers, comme il a esté dit cy dessus.

21

*Reprobation
de la clause
dissuadite.*

Il semble toutesfois que ceste clause (sauf s'il apparoist heritiers dans l'an) qui est de l'ancien de la Chambre du Thresor, est contraire à l'vsance de France, & disposition de droict commun: par lesquelles il est certain, que *hereditas peti potest usque ad triginta annos*, à compter du iour du decez du defunct: *Cum petitio hereditatis sit actio personalis mixta, siue in scripta, personales praestationes habens, ideoque longi temporis praescriptione tolli non possit. leg. hereditatis. Cod. de petit. heredi. leg. licet. C. de iure delib. eran.* Combien que *bonorum possessio iure Pratorio intra centesimum diem ab agnatis & cognatis petenda esset, à liberis autem, & parentibus intra annum. leg. prima. ff. de succes. edicto, l. 2. l. emancipata. Cod. qui admi. ad bonor. possess. possint, & intra. §. cum igitur, de bonor. possess. in Institu. Sed moribus nostris bonorum possessiones sublata sunt,* & chacun se peut porter heritier iusques

à trente ans. Mesmement que par la Coustume generale de France, le mort saisit le vif, *id est non solum proprietates rerum à defuncto relictarum ipso iure transit in heredem, sed consuetudo transfert ad heredem eorum possessionem, & sic mortuus inuestit vivum.* En sorte que l'heritier, sans aucune apprehension de fait, est non seulement seigneur & propriétaire, mais aussi possesseur de tous les biens qui appartenoient au defunct lors de son decez, & pour raison d'iceux peut former complainte : combien que par la disposition de droict commun, la possession ne fust transferée à l'heritier, sans apprehension d'icelle, *l. cum heredes. ff. acqui. possess. Late tractat Tiriquellus in libro.* Le mort saisit le vif. *Et sic licet iuri civili heres succederet in omne ius defuncti, & non tantum rerum singularum dominium, sed etiam omnes actiones in heredem transirent. l. heres in omne ius. ff. de acqui. heredi. l. nihil aliud est, ff. de verbo. si. ni. Tamen possessio defuncti non transibat in heredem, quemadmodum transit per consuetudinem.*

22.
Interpretation de la Coustume generale, le mort saisit le vif.

En sorte que si l'heritier, qui est saisi par la Coustume, forme complainte pour raison de quelques heritages qui appartenoient au defunct lors de son trespas, lesquels il a leguez par son testament, il sera ordonné que ledit heritier sera mis en possession réelle & actuelle des heritages contentieux. Et par le mesme arrest sera dit, qu'à l'instant & par mesme moyen deliurance sera faicte au legataire des heritages leguez : comme il fut dit par arrest donné au profit de Charles Do & sa sœur, contre les heritiers de defuncte Auoye de sainte Benigne leur mere naturelle, & prononcé le vingt-sixiesme Iuillet, mil cinq cens soixante & vn. Et qui voudra exactement considerer cette clause (Sauf s'il apparroit heritier dedans l'an) il trouuera qu'elle n'a esté inutilement apposée par nos predecesseurs, & qu'elle a deux effects. Le premier est, que dedans l'an on ne doit vendre les immeubles qui sont adiugez au Roy par Des-herence, ains pendant l'an les laisser és mains des Commissaires établis. Le second effect est, que dedans l'an on ne doit faire deliurance au donataire du Roy, des biens adiugez à sa Majesté par Des-herence, encores que leur don soit verifié, tant par Messieurs des Comptes, que Messieurs les Thresoriers de France : mais les biens meubles ou les deniers prouenus de la vente d'iceux, ensemble les immeubles doiuent pendant l'an demeurer par deuers les Commissaires, pour les rendre à l'heritier s'il apparroit dedans l'an.

Neantmoins si le pretendu heritier veut oster tout obstacle, il pourra dès le commencement appeller de la sentence portant adjudication des biens au profit du Roy : ce qui n'est necessaire, comme dit est : Ou bien si bon luy semble, le proces estant en estat de iuger, il en appellera, pour le tel quel preiudice qu'elle luy pourroit faire, & fera le tout euoquer à la Cour : Ou bien si le pretendu heritier perd sa cause en premiere instance, il appellera de la sentence contre luy donnée, ensemble de la premiere sentence, & fera le tout ioindre : Ou bien encores que le pretendu heritier gaigne sa cause, & le Procureur du Roy appelle, le pretendu heritier appellera de la premiere sentence portant adjudication de biens au profit du Roy, pour le tel quel preiudice qu'elle luy pourroit

23
L'heritier ou donataire de l'estranjer peut appeller de la sentence portant adjudication de biens au Roy.

faire, & que le Procureur du Roy se vouldroit preualoir d'icelle, à l'encontre de luy, suiuant le stil ordinaire du Palais, fondé en la doctrine de la loy 2. *ubi Glo. in ver. appellare debuisti, Cod. de fide instrumen. l. à sententia ff. de appell.* Si le Procureur du Roy succombe & perd sa cause, comme il sera tenu nommer son instigateur, faut voir au Traicté des droicts de Iustice, chapitre septiesme.

QUAND VN PROCUREUR DV ROY FAICT

faisir vn heritage pretendunt qu'il a appartenu à vn estrangeur ou bastard, le possesseur doiect iouyr pendant le proces. Comme s'entend la maxime, que le Roy ne plaide point dessaisi, & la Theorique commune, que *Omnia sunt principis*.

- | | |
|--|---|
| 1 Saisie d'heritages pretendus appartenir au Roy. | 4 Comme au cas susdict le Procureur du Roy se doit pourueoir. |
| 2 Comme s'entend la maxime que le Roy ne plaide point dessaisi. | 5 Interpretation de la maxime, <i>Omnia sunt principis</i> . |
| 3 Vn possesseur pendant le proces doit iouyr, & ne doit estre depossédé. | 6 Suiuant la disposition de droict le possesseur pendant le proces ne doit estre depossédé par le fisque. |

CHAPITRE XXXVI.

1
Saisie d'heritages pretendus appartenir au Roy.



Il y a vne autre forme de saisie que les Procureurs du Roy ont accoustumé faire, dix, vingt, voire trente ans apres le decez des estrangeurs, & font saisir des fiefs, maisons & heritages, comme pretendunt tels fiefs, maisons & heritages, auoir appartenu à vn estrangeur, ou bastard, & par leur decez au Roy: & pendant le proces tiennent les heritages saisis, depossédans les vrais & actuels possesseurs, sous vmbre d'une maxime qu'ils dient que le Roy ne plaide point dessaisi.

2
Comme s'entend la maxime que le Roy ne plaide point dessaisi.

Mais ceste maxime se doit entendre en deux cas seulement, à sçauoir en matiere feodale, d'autant que le Seigneur de fief a ce priuilege, que sa saisie feodale tient pendant le proces, & contre icelle n'y a aucune prouision si on ne desaduouë, ainsi qu'il sera amplement deduiect au cinquante-neufiesme chapitre du Traicté des Francs-fiefs & nouueaux acquests. Le second cas est en matiere notoirement domaniale, comme de Iustice, de peage, de minage, de tabellionnage, comme il sera dict au Traicté des droicts de Iustice, & est déclaré par Maistre Charles du Moulin en la Coustume de Paris, article 52. *numero. 27. 28. 29. & sequentibus.*

3
Un possesseur pendant le proces doit iouyr, & ne doit estre depossédé.

Et és autres cas, mesmes au cas cy dessus recité, le possesseur *pendente lite*, ne doit estre depossédé, ains iouyr de l'heritage en la possession duquel il est trouué, soit qu'il face apparoir de tître, ou non: d'autant que son opposition le conserue, tout ainsi qu'un tiers opposant qui est en possession reelle de l'heritage saisi, en vertu de lettres obligatoires ou de lettres

n'vse point d'information, que le commun bruit soit que le defunct n'a laissé aucuns heritiers, & qu'on n'en a point cogneu, combien qu'on la puisse faire, & que ce soit le meilleur & plus seur. Mais le Procureur du Roy presente requeste, par laquelle il donne à entendre, que dès long temps il a faict saisir les biens de tel, comme appartenans au Roy par Des-herence, & faute d'heritiers: que depuis la saisie ne sont apparus aucuns heritiers: Il plaist à la Cour adiuger au Roy tous & chacuns les biens delaissez par le decez du defunct, & les declarer appartenir & estre escheus à sa Majesté par Des-herence & faute d'heritiers: Inuentaie estre faict, les meubles vendus, & les deniers prouenans de la vente d'iceux mis és mains du Receueur de Paris, ou bien du Receueur ordinaire des lieux, & les fruiçts des heritages par luy receus pour en tenir compte au Roy. Ce qui est ordonné sur ladite requeste.

Après l'adiudication & declaration iudiciairement faicte des biens appartenans au Roy par droict d'Aubeine, Bastardise, ou Des-herence, & faute d'heritiers: Le donataire du Roy retire la sentence d'adiudication & declaration faicte au profit du Roy, pour leuer en forme ses lettres de don, & suiuant l'Ordonnance du Roy Charles VIII. du 24. Iuin, 1492. les faire verifiser en la Chambre des Comptes, quand le don excède cent liures parisis, & quand le don est au dessous, le faire verifiser par Messieurs les Thresoriers de France. Et depuis par le 354. art. de l'Ordonnance faicte à la postulation des Estats tenus à Blois, est dit; Que tous dons excédans mil escus seront verifiez par Messieurs des Comptes, & pareillement par Messieurs les Thresoriers de France. Et si les dons n'excèdent point la somme de mil escus, il suffit qu'ils soient verifiez par Messieurs les Thresoriers de France: & ainsi est à present obserué. Et n'est besoin que les dons faits par le Roy des biens escheus à sa Majesté par Aubeine, Bastardise, ou Des-herence, soient verifiez en la Cour de Parlement. Parce qu'ils ne contiennent pas alienation d'un droict domanial, ains vne simple alienation.

Après la verification, le donataire doit par sentence de Messieurs du Thresor, ou du Iuge ordinaire, se faire subroger au lieu & droict du Roy, & par authorité de Iustice se faire mettre en possession des biens du defunct. Si le don n'est restringt par Messieurs des Comptes à certaine somme de deniers, laquelle le donataire sera tenu prendre par les mains du Receueur ordinaire. Comme il est tenu prendre par les mains dudit Receueur les lots & ventes, qui luy seront donnez par le Roy: non pas qu'il les puisse recevoir des debtors, ainsi qu'il a esté ordonné par sentence du Thresor du huictiesme Ianuier, mil cinq cens soixante & dix: & au cas susdit, quand le don est restringt à certaine somme de deniers, est besoin incontinent vendre les meubles & immeubles, payer le donataire du contenu en son don. Et que le Receueur tienne compte de tous les biens du defunct, & rapporte en la despenſe de son compte les lettres de don & verification d'icelles, avec quittance du donataire, ainsi qu'à present ordinairement s'observe. Et sans la declaration d'Aubeine iudiciairement faicte, le donataire du Roy ne pourroit obtenir ses lettres de don en forme

pois decedé sans heritiers, & adiuger ses biens au Roy.

3
Comme le donataire du Roy doit faire verifiser son don, & se conduire pour iouyr d'iceluy.

4
Les dons excédans mil escus doiuent estre verifiez par Messieurs des Comptes, les autres par Messieurs les Thresoriers.

5
Après la verification du don, comme le donataire se doit conduire.

6
Quand le don est restringt à certaine somme de deniers, ce que le donataire doit faire.

7
Messieurs
du Thresor
ne verifient
pas les dons
du Roy.

probante, ny les faire verifier, suiuant l'Ordonnance du Roy Charles septiesme, article quatre-vingts cinq, repetée par l'Edict faict à la postulation des Estats tenus à Orleans, article quatre-vingts six, confirmée par l'Ordonnance faicte sur les plaintes des Estats assemblez à Blois, article 204. Le tout conforme à la disposition de droict, *in l. 1. & 2. de petitio. bonor. subl. C. lib. 10.* Pour ce regard est besoin voir le cinquiesme chapitre du droict de Des-herence. Et noter que Messieurs du Thresor ne verifient pas les dons faits par le Roy, d'Aubeine, Bastardise, ou confiscations. Mais si pour raison des biens confisque, ou aduenus par Aubeine, il y a proces à la requeste du Procureur du Roy, ils ordonnent que le donataire sera subrogé à la poursuite, au lieu & droict du Roy, & qu'il iouyra des biens suiuant la volonté dudit Seigneur, aux charges portées par les lettres de don & verification d'icelles.

8
En Aubeine
est besoin de
declaration
iudiciaire.

Aussi quand on dit, que suiuant les Ordonnances le Roy ne peut faire don des biens qui sont aduenus à sa Majesté, qu'il n'y ait declaration iudiciaire, & que par Iustice lesdits biens ne soient declarez appartenir audit sieur Roy: Cela se doit entendre des confiscations, & des amendes, lesquelles ne peuuent estre données par le Roy, auparauant qu'elles soient adiugées à sa Majesté, pour la perilleuse consequence, & *propter votum captandæ mortis*. Et quant aux biens escheus au Roy par Aubeine, Bastardise, & Des-herence, ils peuuent estre donnez par ledit Seigneur du iour de l'eschoite, comme les benefices & offices du iour de la vacation, ainsi qu'il appert par les Ordonnances cy-dessus recitées. Car les biens des eltrangers ou bastards decedez sont acquis au Roy, du iour du decez, *ipso iure, vel ipso facto*, sans autre formalité ou declaration. Neantmoins est besoin de declaration iudiciaire pour les Aubeines, Bastardises, & Des-herences, comme pour les confiscations & amendes: autrement on ne pourroit obtenir les lettres de don en forme probante, ny les faire verifier.

9
Auparauant
les dons, les
charges or-
dinares doi-
uent estre
payées.

En cet endroict conuient noter, combien que les dons faits par le Roy, d'Aubeine ou confiscations, soient verifiez par Messieurs des Comptes & Thresoriers Generaux de France purement & simplement, sans aucune restriction ne modification: Toutesfois tels dons n'ont aucun effect, & Messieurs des Comptes, ny autres Iuges ne doiuent adiuger aucune chose aux donataires, que les charges ordinaires estans sur la recepte ne soient préalablement payées & acquittées. Tellement qu'en toutes verifications de dons est tacitement entenduë ceste clause: les gages d'officiers, fiefs, & aumosnes, & autres charges ordinaires préalablement payées & acquittées. Comme il a esté porté par Ordonnance des Comptes du 14. May, 1575. & par la verification des lettres de don de la Dame de Loüé du 13. Mars 1570. Conformément à l'Ordonnance faicte par le Roy Charles VII. le 30. Ianuier, 1455. & par le 354. art. de l'Ordonnance faicte à la postulation des Estats tenus à Blois.

10
Le donatari-
e du Roy

Aussi il conuient entendre, combien que le donataire du Roy, auparavant la verification de son don ne soit partie legitime pour interuer action, & seul faire poursuite des biens adiugez au Roy par Aubeine, Ba-

stardise ou Des-herence, desquels il a le don: Toutesfois il peut estre receu à interuenir en cause, & se conduire avec le Procureur du Roy, pour l'interest qu'il a en la cause. En ce faisant on ordonne que l'appointement en droict donné entre les parties sera commun avec le donataire, comme s'il estoit compris en iceluy. Et son adionction ne doit estre debatüe par le pretendu heritier: d'autant que obtenant gain de cause, il aura condamnation de tous despens, dommages & interests contre ledit donataire, du iour qu'il sera entré en cause, comme s'il estoit seule partie. Et pareillement le donataire obtiendra condamnation de tous despens, dommages & interests contre le pretendu heritier s'il succombe, tout ainsi que s'il estoit seul denommé en la poursuite, & que le Procureur du Roy n'y fust aucunement compris. Et le donataire estant receu partie iointe avec le Procureur du Roy, il a accoustumé employer ce qui a esté fait au proces par ledit Procureur du Roy.

Si apres la saisie quelqu'un se pretend heritier, donataire ou legataire du defunct estranger, & demande main-leuée des biens demeurez par le trespas du defunct. Si on est incertain que le defunct soit estranger, & n'y ait declaration iudiciaire, on ordonne qu'il informera de sa parenté & consanguinité. Et apres la verification d'icelle, ouy le Procureur du Roy, on luy baille main-leuée des biens saisis, & descharge-on les Commillaires, lesquels seront tenus rendre compte du faict de leur commission. Et la forme qu'on doit garder à ladite verification, qui vaut enqueste, est telle, Qu'il est besoin faire appeller le Procureur du Roy au Thresor, pour conuenir d'adioint, voir iurer tesmoins, fournir article, & proceder en outre cōme de raison: & cela se doit faire, encore que l'information ou verification ne se face en ceste ville, ains ailleurs. Et lors que l'information ne se faict en ceste ville, & qu'on fait donner assignation au Procureur du Roy au Thresor pour voir iurer tesmoins, & conuenir d'adioints hors ceste ville, il a accoustumé de faire responce, qu'on face signifier l'assignation au Procureur du Roy du lieu auquel l'information doit estre faicte, ce qu'il est besoin faire. Apres la confection d'icelle verification de la parenté, sur laquelle les tesmoins doiuent estre exactement examinez, on a accoustumé de donner main-leuée à l'heritier, cōme il a esté dit cy-dessus.

Et cet appointement que le pretendu heritier informera de sa parenté & consanguinité, est donné du consentement du Procureur du Roy, lequel de sa part ne pose aucuns faicts, & ne veut faire enqueste. Car il est certain en matiere ciuile, qu'on ne doit permettre à l'une des parties de faire preuue par tesmoins, que par mesme moyen on ne le permette à l'autre partie, encores qu'il denie simplement, & ne pose aucuns faicts, car en respondant aux faicts de sa partie, il en pourra poser & alleguer. Mais le Iuge doit ordonner que les parties ameneront leurs tesmoins, qu'elles informeront, si le defendeur ne declare, qu'il ne veut amener aucuns tesmoins ny faire aucune preuue par tesmoins: Ou bien si le Iuge ordonne que l'une des parties informera du faict par elle mis en auant, soit de minorité ou autre, il doit dire par son appointement, & partie aduersé au contraire: Tellement que si le Iuge ordonne simple-

11
Ce que l'heritier de l'estranger doit faire pour auoir main-leuée des biens saisis.

12
En matiere ciuile on ne permet point à l'une des parties de faire preuue par tesmoins qu'on ne le permette à l'autre partie.

ment que le demandeur verifera fa demande, ou qu'il amenera tesmoins pour prouver fa demãde, ou qu'il informera du faict par luy mis en avant: le defendeur pourra appeller de cet appointment: & ainsi est ordinairement pratiqué, comme recite Papon en son Recueil d'arrests, au tiltre des preuues, tesmoins, enquesteurs, forme d'enquerir, arrest vingt-quatriesme: Conformément à la loy *petend. C. de temps. in integr. restituu.* Combien qu'il puisse sembler, que par ledit appointment le defendeur ne soit pas exclus, ny d'articuler faits, ny d'informer, en tout euenement qu'il doit demander au Iuge, qu'il soit permis d'informer de ses faits, cōme il a permis au demandeur. Et si le Iuge l'en deboute, lors il appellera tant du premier appointment, que du dernier. Et à ce les Iuges doiuent prendre garde, lors qu'ils reiglent les parties. Car quelquefois le defendeur laisse faire l'enquete du demandeur, mesme iuger le proces. Et appelle tant de la sentence diffinitive, que de l'appointment de reiglement, par lequel simplement il a esté permis au demandeur verifier sa demande, ou bien d'ainener ses tesmoins, ou bien qu'il informeroit de son faict. Et quand vn defendeur appelle de tel appointment, deslors, ou tost apres qu'il est donné, il luy faut faire signifier auparauant qu'il releue son appel, qu'on accorde que de sa part il puisse informer des faits qu'il articulera au proces, & qu'il en pourra faire preuue par tesmoins.

¹³
En matiere
criminelle
vn defen-
deur ne peut
informer.

Le contraire est obserué en matiere criminelle, en laquelle on ne permet au defendeur & accusé d'informer, s'il n'est receu en proces ordinaire, ou à verifier les faits iustificatifs par luy alleguez au proces, auquel cas il est tenu nommer tesmoins, ainsi qu'il est porté par l'Ordonnance faicte en l'an 1539.

¹⁴
Après que
le pretendu
heritier est
apparu en
cause le Pro-
cureur du
Roy ne peut
faire faire
aucune in-
formatiō ny
enquete,
sans appeller
ledit heri-
tier.

Aussi il conuient noter depuis que le pretendu heritier du defunct, est apparu en cause, ou bien vn donataire ou legataire vniuersel du defunct, pretend les biens luy appartenir: ny le Procureur du Roy, ny le donataire du Roy, ne peuuent faire aucune information, ny preuue par tesmoins, pour faire adiuger les biens du defunct au Roy: sinon en faisant appeller le pretendu heritier, pour venir voir iurer tesmoins, luy communiquant les faicts, desquels on veut informer, & qu'il ne puisse articuler faicts, & informer au contraire. Tellement que si sur ceste information faicte sans auoir appelé le pretendu heritier, les biens sont adiugez au Roy: le pretendu heritier appellera de la sentence d'adiudication de biens, & tout ce qui sera ensuiuy, releuera son appel en la Cour, sera dict mal iugé, & les parties appointées contraires à escrire, informer & produire. Comme il fut dit par arrest donné en plaidoyrie apres disner, le Mardy cinquiesme Feurier, mil cinq cens quatrevingts & dix.

Si le Procureur du Roy veut soustenir sa saisie, & maintenir le defunct estre Aubein, le pretendu heritier, donataire ou legataire, sera receu opposant à la saisie, deduera les faicts de sa parenté & consanguinité, deniera que le defunct fust Aubein, & persistera à ce que main-leuée luy soit faicte des biens du defunct, les Commissaires deschargez, condamnez luy rendre compte, & payer le reliqua d'iceluy.

lettres de Sentence. Et se doit le Procureur du Roy pourvoir par action, non pas par saisie, & petitoirement conclure à ce que le detempteur soit tenu se desister de tel heritage, & laisser la possession vacüe au Roy, comme ayant appartenu à defunct tel qui estoit estranger, & par son trespas au Roy. Ou bien au cas susdit, le Procureur du Roy doit requerir que le detempteur de l'heritage soit cõdemné luy exhiber, monstrier & communiquer les lettres & tiltres, en vertu desquels il detient & occupe tel heritage, pour iceux veus, requerir pour l'interest du Roy, & proceder en outre comme de raison. Laquelle exhibition on ne peut dénier à vn Procureur du Roy : *quia omnia sunt adenda fisco, etiam ad fundandam suam intentionem*, comme dient nos Docteurs, in l. iustum. in l. procurator. Cod. de adendo. Neantmoins le Procureur du Roy sera tenu declarer aupara- uant l'exhibition de tiltres, l'interest qu'il pretend, s'il est requis & inter- pellé de ce faire.

4
Comme au
cas susdit le
Procureur
du Roy se
doit pour-
voir.

Aussi quand on dit que *Omnia sunt principis*, ce n'est pas pour inferer qu'un Procureur du Roy, puisse vendiquer tous heritages, & main- tenir qu'ils appartiennent au Roy, mais ceste maxime & Theorique commune se doit entendre que, *Omnia sunt Principis quantum ad superio- ritatem*. Car tous les heritages, tant feodaux que roturiers, estans dedans le Royaume de France, sont tenus en fief, ou arriere-fief, censiue ou ar- riere-censiue du Roy. Tellement que la seigneurie directe & primordiale d'iceux appartient à la Majesté Royale; & aux seigneurs feodaux, censiers & autres, appartient la seigneurie vtile seulement, ainsi qu'il est aplemēt deduict és instructions faictes sur les franc-fiefs & nouveaux acquests, & qu'il sera monstrier au Traicté des droicts de Franc-fiefs & nouveaux acquests, auquel il sera parlé des heritages tenus en franc aleu. Non pas que *omnia sunt principis quantum ad proprietatem & dominium, quia singula- res singulorum sunt*. Et le Roy ne peut se vendiquer & s'attribuer les heri- tages des particuliers, ny disposer d'iceux. l. bene à Zenone. ubi Glosa in verbo omnia Cod. de quad. praescript. § singulorum. Instit. de rerum diuis. Hæc latè tractat Bertran. consilio primo, vol. 3. & Rebuffus in Tractatu de congrua portione. Seneque dit, *Omnia Regem imperio possidere, singulos dominio*. C'est à dire que le Roy possède toutes choses par le droict de son Empire & sou- ueraineté; & les particuliers par domaine & propriété.

5
Interpreta-
tion de la
maxime,
omnia sunt
principis.

Et que pendant le proces intenté par vn Procureur du Roy, preten- dant vn heritage auoir appartenu à vn estranger ou bastard, le possesseur de l'heritage doie iouyr, & non le Roy, y a texte in leg. *defensionis facul- tas, de iure fisci. Cod. lib. 10. & in principio tituli, si de feudo defuncti con- tentio fit inter dominum & agnatos vassalli in vsibus feud. leg. creditores. ff. de vi priuata, in verbis, interim ille in possessione debet morari, tu petitor esse. Guido Papa questio 366.* Aussi vn tiers opposant, qui est en possession re- elle lors de la saisie, n'est iamais depossédé, suiuant la modification de la Cour, estant à la fin de l'Edict des criées. Partant le propriétaire d'un he- ritage, soit feodal, ou roturier, saisi à la requeste du Procureur du Roy, pretendunt qu'il appartient audit seigneur, doit requerir, non pas que par prouision il iouysse de l'heritage saisi: parce qu'on luy pourra obijcier,

6
Suiuant la
disposition
de droict le
possesseur
pendant le
proces ne
doit estre
depossédé
par le ffs-
que.

que par le quatorziesme article de l'Edict faict pour l'vnion & conseruation du Domaine, les saisies faictes pour la reünion du Domaine, ne se leuent point par prouision : Ce qui est vray au cas porté par l'Ordonnance : mais ledit propriétaire & possesseur requerra estre ordonné, que pendant le proces il demeurera en la possession & iouyssance, en laquelle il estoit lors de la saisie faicte de son heritage : Parce que le Procureur du Roy, suiuant la disposition de droict, n'a deu le deposseder, ny proceder par voye de saisie, ains se pourueoir par voye d'action.

Mais sur tout les Procureurs du Roy aiment & souhaitent les emprisonnemens de personnes, & saisies d'heritages, ainsi qu'Imbert a ample-ment deduiet en ses Institutes en Latin, *libro primo in Glosa trigesimi tertij capitis*, & Chassaneus és Coustumes de Bourgogne, *in rubrica tituli*, des confiscations, §. 2. *versic. & de isto*. Et si ce n'estoit le priuilege du fisque, aussi que la saisie se faict par autorité de Iustice ; le possesseur seroit bien receuable à former complainte contre le Procureur du Roy, qui faict saisir de plain vol vn heritage duquel on est actuel possesseur.





CINQVIESME PARTIE

DV DROICT D'AVBEINE,

TRAICTANT DE LA CONDITION

du François qui s'est retiré, & habitué

hors du Royaume, ensemble

de sa succession.

SI LE FRANÇOIS QUI S'EST RETIRE' HORS
du Royaume, & habitué en pays estrange, pour perpetuellement y
demeurer, peut succeder à ses parens demeurans en France: & *quid*
s'il retourne demeurer en France.

- | | |
|---|--|
| <p>1 Sçavoir si le François qui s'est retiré
& habitué en pays estrange, peut
succeder en France.</p> <p>2 Quand le François s'est retiré en
pays estrange, pour perpetuelle-
ment y demeurer, il ne peut suc-
ceder en France.</p> <p>3 Per decennij incolatum nouum
domicilium contrahitur.</p> <p>4 Le François demeurant perpetuelle-
ment hors de France ne peut suc-
ceder au Royaume.</p> <p>5 Raisons par lesquelles il semble que
le Roy doit succeder au lieu du Frā-
çois qui s'est retiré hors de France.</p> | <p>6 Que les parens habiles à succeder
excluent le Roy, encores qu'ils ne
soient si proches que le François.</p> <p>7 Sentence du T. reuost de Paris de ce
que dessus.</p> <p>8 Le François qui n'estoit en pays estrā-
ge pour perpetuellement y de-
meurer, peut succeder en Frāce.</p> <p>9 De l'estranger naturalisé qui s'est
retiré hors le Royaume.</p> <p>10 L'estranger naturalisé trafiquāt hors
de Frāce, qu'il s lettres doit obtenir.</p> <p>11 Que le François qui retourne perpe-
tuellement demeurer en France
doit succeder à ses parens.</p> |
|---|--|

CHAPITRE XXXVII.



S quatre premieres parties du present Traicté, nous
auons montré qui sont ceux qu'on appelle Aubeins
en France: & déclaré la condition des estrangiers, tant
naturalisez que non naturalisez, demeurans au Roy-
aume. Pareillement auons donné à entendre, à qui
appartiennent les successions des estrangiers. Il reste à
present de declarer la condixion du François, lequel s'est retiré hors du

*Sçavoir si le
François qui
s'est retiré
& habitué
en pays
estrāge, peut
succeder en
France.*

Royaume, & habitué en pays estrange, & donner à entendre à qui appartient la succession.

Le premier doute qui se peut mouuoir touchant la condition du François, lequel s'est retiré hors du Royaume, consiste de sçauoir, si tout ainsi que l'estrange demeurant hors de France, ne peut succeder à ses parens demeurans en France, es biens estans dedans le Royaume : Aussi, si le François qui s'est retiré & habitué en pays estrange, s'il ne peut succeder à ses parens, demeurans & decedans au Royaume : & qui leur doit succeder, ou bien le Roy, comme entrant au lieu & droit du François habitué hors le Royaume plus proche à succeder ; ou bien les autres parens naiz & demeurans en France, encores qu'ils ne soient si proches.

La question
susdite plu-
sieurs fois
agitée.

Ceste question a esté plusieurs fois agitée en la Cour de Parlement, mesmes pour les biens & successions de defunct Maistre Ican de Cename, vulgairement appelé Cenamy, en son viuant Chanoine de l'Eglise de Rheims, auquel appartenoit vne maison assise en ceste ville de Paris, rue de la Poterie, dont y eut procs entre Geoffroy de Cename, ayant droit par transport de Pandolphe de Cename son pere, natif de la ville de Paris, & demeurant en la ville de Venise, demandeur d'une part : & Maistre Ican de Longueval, Aduocat en Parlement, & Damoiselle Ysabeau d'Asnieres sa femme, defendeurs d'autre. Les moyens duquel procs, avec l'arrest qui a esté donné sur iceluy, seront transcripts au dernier chapitre du present Traicté : ensemble les raisons sur lesquelles il semble que cest arrest soit fondé. Et de ce procs & different est amplement disputé & traicté *per Eguinarium Baronem in l. fin. ff. de sta. homi.* lequel chacun peut veoir.

Aussi semblable question fut plaidée en la Cour, le ving-septiesme Feburier, mil cinq cens soixante-six, pour vn nommé de Bruges, natif de France, lequel s'estoit retiré en Flandre, pendant les guerres, la mere duquel nommée Marie de Melun, estant decedée, le Roy auoit faict don des biens de sa succession à la Dame du Plessis, comme il a esté dict au huitiesme chapitre.

Et en cet endroit, il semble qu'il est besoin suiure la distinction de la loy *Postliminij §. captiuus. ff. de cap. & postl. reuer.* Et suiuant le premier membre d'icelle, regarder, si le François qui veut succeder en France, *animus redeundi ante delationem hereditatis non habuerit, sed maluerit apud exteros perpetuò manere : ibi sedem fixerit, summam rerum suarum constituerit : ibi genus vitæ, statum, & conditionem perpetuæ moræ causa deligerit*, s'estant marié en pays estrange, y ayant eu enfans, y ayant achepté office, ou s'estant faict naturaliser par le Prince du pays.

En ce cas, *quia solum vertit, patriam deseruit, reiecta propria ciuitate in peregrinam sponte secessit, ei se dicauit, moribus & institutis ciuitatis peregrinæ vixit, nullusque potest esse ciuis duarum ciuitatum quæ sunt diuersæ ditionis, principatus & potestatis.* Aussi qu'il s'est retiré hors du Royaume sans permission du Roy, qu'on peut dire n'estre licite, non plus qu'en Lacedemone, *ex qua si quis ciuium demigrasset, & aliò commigrasset, eius bona*

2
Quand le
François
s'est retiré
en pays
estrange pour
perpetuelle-
ment y de-
meurer, il ne
peut succe-
der en Fran-
ce.

publicabantur: & si deprehendi posset, capite plectebatur. Iustement on peut dire que tel François, desist esse *civis Gallus*, & que *ex ciue factus est exterus & peregrinus, iura civitatis amisit, fuit desertor regni, & verus transfuga.* Partant qu'il ne peut & ne doit succeder à ses parens demeurans en France, és biens estans dedans le Royaume. *Textus in l. defunctorum, dere milit. C. lib. 12. Accursus in l. adoptionem, in verbo non mutatur. versic. Item aliud Cod. de adop. Baldus in authentico, sed omnino. Cod. ne uxor pro marito. l. postliminiy. §. transfuga. ff. de cap. & postl. reuer. Transfuga enim & civitatem & omnia civitatis iura amittunt, quorum primum & precipuum est ius legitimarum hereditatum l. amissione. §. qui deficiunt. capite minuuntur. deficere autem dicuntur, qui ab his, quorum sub imperio sunt, desiscunt ff. de cap. dimittunt. l. lege obuenire. ff. de verb. & rer. signif. l. 3. §. de illo. ff. pro socio.*

Mesmement que par la disposition du droict, *per decennij incolatum sue habitationem nouum domicilium contrahitur, & prius amittitur. l. 2. de incol. & ubi quis do. Cod. lib. 10. l. provinciales. ff. de verb. & rer. signif.*

En sorte que le François qui s'est retiré & habité hors de France, est incapable *legitimarum hereditatum, quæ ei in naturali solo, & germana patria obueniunt*, & ne peut aucunement succeder en France: Soit que le François demeure perpetuellement hors de France, & ne vienne aucunement demeurer au Royaume, auquel cas il est sans doute qu'il ne peut succeder: d'autant que *perpetuo peregrinus manet*, & qu'il emporteroit l'or & l'argent hors de France, ainsi qu'il fut jugé en la Chambre du Thresor, le sixiesme Octobre, mil cinq cens soixante & cinq, contre Claude Gaultier, natif de Saint Paul en Dauphiné, Diocese d'Ambrun, demeurant à Carpentras, terre Papale, trente ans y auoit, pretendait la succession de defunct Maistre Iean Gaultier son frere, demeurant en l'Vniuersité de Paris: & qu'il a esté dit au 24. chapitre. Soit que le François retourne en France, pour apprehender la succession de son frere, ou autre sien parent, & vienne demeurer au Royaume avec sa femme & enfans. Car retournant on luy dira que *lucra venatur*, comme disoit Iustinian de ceux qui *oblationem curiæ recusant, & tamen bona paterna possidere reperiuntur, in §. si vero quib. mod. natu. efficiant sui, in authen.* Et que d'oulement il vient résider en France, pour apprehender les biens de la succession de son parent, clandestinement les vendre, ce faict, se retirer du Royaume, & emporter les deniers hors de France, contre les loix, statuts, & Ordonnances Royaux, recitées au trente vniesme chapitre. Et suffit pour l'exclure de la succession par luy pretendue, que *tempore delata hereditatis ob peregrinitatem incapax erat legitimæ hereditatis percipiendæ in regno Gallie. l. si alienum. §. 1. ff. de heredibus insti. §. sui & §. in extraneis. insti. eod.* Si ce n'estoient les enfans d'un François qui fussent venus en France, pour apprehender la succession de leur pere, ayeul, ou ayeule, comme il sera dict és chapitres subsequens.

Et selon l'opinion d'aucuns on pourroit dire qu'au moyen de l'incapacité & inhabilité du François, qui s'est retiré hors du Royaume, lequel estoit plus proche à succeder à son defunct parent, le Roy s'emparera des biens & successions du defunct, & maintiendra qu'ils luy appartiennent,

³
Per decennij
incolatum
domicilium
nouum cō-
trahitur.

⁴
Le François
demeurant
perpetuelle-
ment hors
de France,
ne peut suc-
ceder au
Royaume.

⁵
Raisons par
lesquelles il
semble que
le Roy doit

succeder au lieu du Frère François qui s'est retiré hors de France.

comme entrant au lieu & droict du vray & legitime heritier, qui estoit le François habitué hors du Royaume, & suivant ce la loy, *defunctorum de re militari. Cod. lib. 12. l. unica non licere habitato. Matroconia loca sua. C. lib. 11. Accursius in dicta lege in adoptionem.* De faict vn nommé de Normandie s'estant retiré & habitué à Geneue, & pendant ceste demeure son pere estant decedé, Monsieur le Procureur General soustint la portion hereditaire, appartenant à de Normandie en la succession de son pere, devoir estre adiugée au Roy, dont la cause fut plaidée en la Cour, le 26. Novembre, 1554. & appointée au Conseil. Et lors par les Edicts estoit prohibé se retirer à Geneue.

6
Que les parens habiles à succeder excluent le Roy, encores qu'ils ne soient si proches que le François, lequel s'est retiré hors de France.

Toutesfois il semble estre raisonnable, & ainsi est obserué, que si le defunct qui estoit originaire de France, auoit autres parens au Royaume, habiles à estre ses heritiers, qu'ils luy doiuent succeder: d'autant que le plus proche parent qui s'estoit retiré hors de France, *incapax tantum erat & non indignus: Et hereditas vel legatum, quod parenti aut consanguineo incapaci denegatur, caducum non fit, nec fisco applicatur, sed substitutio vel remotiori in gradu defertur, & primo gradu deficiente, sequens succedit. l. unica. §. in primo & §. in secundo. Cod. de cadu. tollen l. 3. ff. de his uia pro non script. habent.* Ainsi qu'il a esté amplement deduit au vingt-cinquième chapitre du present Traicté, à la lecture duquel est besoin auoir recours: & qu'il est porté par le 90. article de la Coutume de Sens, & iugé par Messieurs du Thresor le 12. Aoust 1593. pour la succession de Maistre Nicolas Voillot, viuant Principal du College de la Marche, dont la sentence est recitée audit 25. chapitre.

7
Sentence du Preuost de Paris de ce que dessus.

De faict vne femme ayant esté mariée à vn Marchand lapidaire de ceste ville de Paris, & de son mariage eu trois enfans mineurs, auxquels le Ronay Maistre Orfeure en ceste ville, estoit créateur, & s'estant retiré en Allemagne, & illec mariée avec vn Marchand Allemand, apres le trespas de l'un de ses enfans, le mary ayant apporté procuration de sa femme, pour apprehender la succession des meubles & acquets de son enfant, elle fut deboutée de la succession, & icelle adiugée aux frere & sœur de la mineur, par sentence du Preuost de Paris, du 28. Mars mil cinq cens quatre-vingts & deux: Combien que le mary alleguast qu'il n'y auoit communauté de biens entre luy & sa femme; aussi qu'il estoit Marchand trafiquant en France. De ceste sentence y ayant appel, on acquiesça à icelle. Aussi le Roy n'a pas pretendu la succession de defunct Maistre Jean Cenamy, qui estoit natif de France & Chanoine de Rheims, lequel auoit delaisné vn frere demeurant à Venise, & des autres parens naiz & demeurans en France.

8
Le François captiuus, est qu'il faut regarder si le François qui s'estoit retiré hors du Royaume, & veut succeder en France, animus redeundi ante delationem hereditatis habuerit, l'ait tousiours ainsi déclaré tant par actes passés par deuant Notaires, qu'autrement deuement, & n'estoit en pays estrange, sinon pour trafiquer & negocier, ou bien pour manier les affaires de quelques Seigneurs, ou pour autres causes & occasions momentanées. En ce

Le second membre de la distinction portée par la loy, *postliminiy. §.* *captiuus*, est qu'il faut regarder si le François qui s'estoit retiré hors du Royaume, & veut succeder en France, *animus redeundi ante delationem hereditatis habuerit*, l'ait tousiours ainsi déclaré tant par actes passés par deuant Notaires, qu'autrement deuement, & n'estoit en pays estrange, sinon pour trafiquer & negocier, ou bien pour manier les affaires de quelques Seigneurs, ou pour autres causes & occasions momentanées. En ce

cas d'autant que le François *vere peregrinus non erat, sed peregrinans, vel succeder in peregrinator*, estant de retour en France, la succession différée pendant son absence luy sera restituée, comme elle fut à Bruges, auquel la recreance des biens, de la succession de sa mere fut adiugée par arrest du vingt-septiesme Feurier, mil cinq cens cinquante-six. Et pour ce regard est besoin voir ce qui sera amplement deduit au trente-neufiesme chapitre du present Traicté: & Ciceron, *tam in oratione pro Cornelio Balbo, quam in Topicis*, parlant de *Hostilio Mantino Numantinis dedito*: où il declare, *quando quis civitatem retinuisse dicatur, aut civitatis iura amisisse censeatur*.

Et par les moyens dessusdits, on peut facilement cognoistre que si l'estranger naturalisé par le Roy, apres les lettres de naturalité par luy obtenues & deuëment verifiées, se retire hors du Royaume de France, se mariant en pays estrange, & y transcrant son domicile, il perd le benefice, bien-faict, & priuilege qu'il auoit eu du Roy, & est censé vray estrange. En sorte que decedant hors le Royaume, ses enfans naiz & demeurans hors de France, ne autres heritiers, ne luy pourront succeder, ains le Roy luy succedera. Et si tel estrange retourne en France, il se doit faire r'habilter, & par les mesmes lettres faire naturaliser ses enfans naiz hors de France. Mais si ledit estrange naturalisé estoit decédé en son pays, ou bien ailleurs hors de France, estant allé negocier, ou trafiquer, ou bien s'estant retiré en son pays, pour quelques affaires qu'il y auoit, ayant intention de retourner au Royaume, auquel il auoit delaislé sa femme & enfans, avec la plus grande partie de ses biens. En ce cas n'y auroit lieu d'Aubeine, & tant ses enfans, qu'autres parens Regnicoles dudit estrange naturalisé, luy deueroient succeder.

Toutesfois d'autant qu'à present il y a plusieurs chercheurs & demandeurs d'Aubeines, qui inquietent les vrais heritiers des estrangers naturalisez, mesme lors qu'ils decedēt hors de France, & mettent en auant que le defunct s'estoit retiré en son pays, & auoit delaislé le Royaume. Il sera bon obtenir lettres du Roy (encores qu'elles ne soient necessaires) par lesquelles, pour faire cesser tous doubtes, & obuier à toutes difficultez, ledit Seigneur declarera qu'il entend, encores que tel estrange naturalisé decede hors le Royaume, en voyageant, negociant & trafiquant, qu'il iouisse du don, priuilege, & grace portez par les lettres de naturalité: & que ses vrais & legitimes heritiers Regnicoles luy succedent, tout ainsi que s'il estoit decédé au Royaume, sans qu'aucun trouble ou empeschement leur soit faict, ny donné.

Nonobstant ce qui a esté cy-dessus deduit, plusieurs estiment qu'on peut raisonnablement soustenir, que le François qui estoit demeurant *causa perpetue moræ*, hors du Royaume, lors du decez de son frere, sœur, oncle, tante, ou cousin: doit estre admis à leur succeder, venant par ledit François perpetuellement resider en France, & ainsi le declarant en Iustice: ou bien faisant par ledit François cession & transport à vn sien fils ou fille, natifs & demeurans en France, ou bien à vn autre parent originaire de France, & y demeurant, des biens meubles, & immeubles

9
De l'estrange
ger natura-
lisé qui s'est
retiré hors
le Royaume.

10
L'estrange
naturalisé
trafiquant
hors de Frã-
ce, quelles
lettres doit
obtenir.

11
Que le Frã-
çois qui re-
tourne per-
petuellement
demeurer en
France, doit
succeder à
ses parens.

droicts, noms, raisons & actions qui luy sont aduenus par le decez du defunct. Et soustiendra-on, que les successions se deferent à cause de la parenté & consanguinité, & ne se perdent pas à cause de la translation de domicile. Et principalement ce que dessus aura lieu, quand le defunct aura laissé quelques freres, sœurs, oncles ou tantes, nais & demeurans en France, habiles à luy succeder, avec lesquels le François retournant en France voudra succeder. Lesquels ne pourront objicier le droict d'Aubeine, ny l'obstacle de peregrinité, attendu que le defunct, ny le François qui est retourné en France, n'estoient Aubains: Aussi que le transport de biens hors de France, cesse, par le retour faict en France, ou bien par le moyen du transport qu'il a faict de ses droicts à vn François nay, & demeurant en France, comme fit Cenamy. Ainsi qu'on peut recueillir par ce qui sera deduit par les chapitres subséquents: à la fin desquels est mise la forme des lettres Royaux qu'il sera bon obtenir: & à la verité ce que dessus est fort disputable & arbitraire.

SI LES ENFANS CONCEVS ET NAIZ HORS
de France d'un François qui s'est retiré hors du Royaume, & marié à vne estrangere, peuuent succeder à leurs parens demeurans en France: mesmes à leur pere és biens situez dedans le Royaume.

- | | |
|--|--|
| <p>1 Les enfans du François demeurant hors du Royaume, marié à femme estrangere, ne peuuent succeder en France.</p> <p>2 Moyens alliguez par les enfans naiz hors de France, voulant succeder és biens esians en France.</p> <p>3 Si vinco vincentem te.</p> | <p>4 Que l'arrest donné contre les collateraux ne peut preiudicier au donataire du Roy.</p> <p>5 Les enfans d'un François naiz hors de France succedent à leur pere, venans demeurer au Royaume.</p> |
|--|--|

CHAPITRE XXXVIII.

I
Les enfans du François demeurant hors du Royaume marié à femme estrangere ne peuuent succeder en France.

La question dessusdicté plaidée en la Cour.



PAR les moyens qui ont esté deduits, tant au chapitre precedent, qu'és trente, trente-vn, & trente deuxiesme chapitres du present Traicté, aucuns ont soustenu, tout ainsi que le François, qui s'est retiré & habitué en pays estrange, ne peut succeder en France: Aussi que les enfans du François, conceus & naiz en pays estrange de mere estrangere, ne peuuent succeder à leurs parens demeurans en France: ny mesmes à leur pere, és biens qui luy appartennoient lors de son decez, situez au dedans du Royaume: d'autant qu'ils les ont estimez Aubains, & reputé leur pere Aubain, au moyen de ce qu'il s'est habitué en pays estrange: ainsi qu'il fut plaidé en la Cour, le Ieudy 29. Mars 1576. le faict duquel plaidoyé estoit.

Que Maistre Pierre le Grand, natif de Chasteau-neuf en Thimerez,
Baillage

Baillage de Chartres, ayant quelques heritages à Chasteau-neuf, & estant *in sacris* (comme on pretend) se seroit retiré du Royaume de France, & habité en la ville de Berne en Suisse, en laquelle il auoit residé longue espace de temps, s'estoit marié à Berne, & de son espouse eu deux enfans, lesquels apres son deceds s'estoient retirez en France, mis en procez les parens collateraux qui s'estoient emparez des heritages de leur defunct pere. Et par sentence du Bailly de Chasteau-neuf, confirmée par arrest de la Cour, donné par acquiescement, les enfans auoient euincé les parens collateraux des heritages contentieux, lesquels leur auoient esté adiugez comme heritiers de leur defunct pere. Depuis estant apparu vn donataire du Roy, lequel pretendoit les biens par droict d'Aubeine, les enfans l'auoient fait appeller en la Cour, par le moyen de l'arrest par eux obtenu contre les collateraux, par lesquels ils pretendoient le donataire auoir esté suscité.

La question
dessus dite
plaidée en la
Cour.

La cause estant renuoyée à l'audience, les enfans pour leurs moyens disoient qu'il n'y auoit lieu d'Aubeine, & que le Roy ne pouuoit pretendre la succession du defunct par droict d'Aubeine, veu qu'il n'estoit estrangier, ains natif de France. Que ses enfans estans naturels & legitimes, ils luy deuoient succeder selon tout droict diuin & humain. Que le pere estant nay en France, les enfans estoient censez & reputez François origine *paterna*, & estoient originaires de France. Comme il sera amplement deduit au prochain chapitre, lequel il conuient voir.

2
Moyens al-
leguez par
les enfans
naïs hors
de France,
voulans
succeder es
biens estans
en France.

En tout euenement les heritiers collateraux deuoient apprehender la succession, & estre preferez au Roy, ainsi qu'il a esté deduit, tant au chapitre precedent, qu'au 25. & 40. chapitres du present Traicté. Que par sentence & arrest ils auoient euincé les collateraux, par consequent deuoient euincer le Roy & son donataire, suiuant la reigle cōmune, *Si vinco vincentem te, multò magis vincere te debeo, l. de accessionibus. §. 1. ff. de diuers. & temporalib. præscr. l. aquisitum. §. si ex filio. ff. ad Terryll. cap. auctoritate. de concessio. præbend. in 6.*

3
Si vinco
vincentem,
&c.

Au contraire, le donataire du Roy disoit, que les enfans estoient adulterins, parce que le defunct estoit *in sacris*, lors qu'il se retira hors de France: partant indigne de succeder, comme il sera dict au Traicté du droict de Bastardise. Et qui estoit le principal poinct, les enfans estoient Aubeins & Estrangers, conceus & naiz en la ville de Berne pays de Suisse: y auoient esté nourris, & tousiours demeuré, mesmes qu'ils n'estoient venus en France, qu'apres le deceds de leur pere: consequemment incapables de succeder en France. *Peregrini enim numquam succedunt in regno Gallie*, comme il a esté dit és trente, trente & vn, & trente-deuxiesme chapitres du present Traicté. Denioit que les parens collateraux eussent eu aucun droict és biens & heritages du defunct.

Moyens du
donataire
du Roy con-
tre les en-
fans,

Soustenoit que ses biens auoient appartenu au Roy deslors qu'il s'estoit retiré & habité hors du Royaume, sans congé & permission du Roy, comme il sera dit au 40. chapitre, lequel est besoin voir, ensemble le chapitre precedent.

Quant à l'arrest donné entre les collateraux, ne luy pouuoit preiudi-

⁴
Que l'arrest
donné con-
tre les colla-
teraux ne
peut prein-
dicier au
donataire
du Roy.

cier, non plus qu'à vn regaliste les procedures faictes entre plusieurs pretendans droict à vn benefice vacant en regale : attendu qu'il n'auoit esté oüy lors de l'arrest, ny Monsieur le Procureur general du Roy. Que le droict d'Aubeine n'auoit esté allegué, deduit, ny remonstré par les collateraux, & n'auoient peu alleguer, ny obijcier aux enfans l'obstacle de peregrinité : d'autant qu'ils n'auoient le droict du Roy, auquel appartient le droict d'Aubeine, en faueur duquel il a esté introduict, & lequel seul peut obijcier l'obstacle de peregrinité, & alleguer l'effect d'icelle. Non pas les parens, auxquels le droict d'Aubeine n'appartient, en faueur desquels il n'a esté introduit, & pour le regard desquels les droicts de parenté & consanguinité comme naturels, sont indissolubles, *l. cum in adopt. C. de adopt.* en sorte que les collateraux se sont seulement defendus de leur chef pour tous moyens, ayans allegué que les enfans estoient adulterins.

Et tant s'en falloit que l'arrest peust preiudicier au donataire du Roy, qu'au contraire il luy seruoit grandement. Car si les enfans auoient euincé les collateraux, ils luy auoient fait autant de profit & de plaisir, parce qu'il euinçoit les enfans : & par consequent les collateraux euincez par les enfans, d'autant que les enfans estans estrangers, estoient incapables de succeder en France : tellement que la reigle *si vinco vincentem te, &c.* estoit pour le donataire du Roy, & non pour les enfans, ainsi qu'il sera plus amplement deduit à la fin du 40. chapitre, à la lecture duquel est besoin auoir recours.

Appointé
au Conseil.

Finalemēt apres que les enfans eurent desnié estre natifs hors du Royaume de France, aussi que les parties n'auoient communiqué à Messieurs les Gens du Roy, la Cour les appointa au Conseil, & ordonna qu'elles informeroient de leurs faicts : taisiblement preiugeans, selon l'opinion d'aucuns, que si les enfans sont naiz hors de France, ils ne peuvent succeder à leur pere és biens estans en France, encores que le pere fust natif de France.

⁵
Les enfans
d'un Fran-
çois naiz
hors de Frā-
ce succedent
à leur pere
venans de-
meurer au
Royaume.

Toutesfois la faueur des enfans descendus d'un François est si grande, qu'il semble que venans demeurer en France, & faisans declaration iudiciaire, qu'ils y veulent perpetuellement demeurer, les biens de leurs defuncts pere & mere, ayeul ou ayeule, leur doiuent estre adiugez, comme originaires de France. Ce qui sera amplement déclaré au chapitre subsequent. Ainsi fut aduisé par les anciens Aduocats de la Cour, pour les enfans d'un homme natif de la Rochelle, lequel s'estoit retiré en Zelande, s'y estoit marié avec vne femme du pays, auoit eu des enfans, & chacun an on luy faisoit tenir le reuenu des biens qu'il auoit en France. Estant decédé en Zelande, ses parens demeurans en France s'estans emparez de ses biens, les enfans naiz en Zelande estans venus demeurer au Royaume pour y finir leurs iours, fut aduisé qu'ils estoient bien receuables à demander les biens de leur defunct pere, & qu'il leur estoit besoin obtenir lettres du Roy comme l'Angelloise, selon la forme déclarée au prochain chapitre.

SCA VOIR SI LES ENFANS CONCEVS HORS de France de pere & mere François, habituez en pays estrange, peuvent succeder à leurs ayeul, ayeule & autres parens qui estoient naiz & residens en France, venans demeurer au Royaume, & se faisant naturaliser par le Roy apres le deceds de leurs ayeul, ayeule & autres parens: sans obtenir lettres de naturalité comme non necessaires: avec l'arrest donné pour ce regard.

- 1 Peregrini non succedunt in Gallia.
- 2 Pour succeder il faut estre proche parent du defunct, & estre habile à succeder.
- 3 Hæreditas est iuris ciuilis, & ideo peregrinis non defertur.
- 4 Petitio hæreditatis datur tantum hæredi.
- 5 Rescriptum Principis non retrahitur in præiudicium tertij.
- 6 Duplex origo, propria & paterna.
- 7 Differentia inter ortum, & oriundum.
- 8 Le pere noble encores qu'il face acte dérogeant à Noblesse, ne peut preiudicier à ses enfans.
- 9 Deux domiciles, l'un volontaire, l'autre naturel.
- 10 On ne peut transferer le domicile naturel, ny renoncer à iceluy.
- 11 L'homme de main-morte ne peut acquerir liberté sous ombre de mutation de domicile.
- 12 Differentia inter ortum in Gallia & oriundum ex Gallia.
- 13 Edict d'Auguste Cesar pour faire la description de tout l'Empire Romain.
- 14 Socrates respondit se mundanum esse.
- 15 Les lettres de naturalité effacent toute macule de peregrinité.
- 16 Formes des lettres obtenues par l'intimée, pour estre admise à succeder en France, lesquelles sont grandement considerables.
- 17 En France il y a deux sortes d'habitans.
- 18 Tout homme qui est nay hors de France est Aubein.
- 19 Les enfans des Estrangers naiz en France succedent ausdits Estrangers.
- 20 Les enfans des Estrangers naiz hors de France, ne peuvent succeder.
- 21 Responces pertinentes aux distinctions cy dessus faictes inter ortos & oriundos, & entre les domiciles volontaires & naturels.
- 22 En France on regarde originem propriam, & non paternam.
- 23 Quando quis potest esse ciuis duarum ciuitatum, vel habere duo domicilia.
- 24 Que l'intimée non potest vti iure postliminij.
- 25 Decision de Boërius traitant la presente question.
- 26 Que les enfans naiz de François hors de France venans demeurer en France succedent à tous leurs parës.
- 27 Formes des lettres que lesdits enfans doiuent obtenir.

CHAPITRE XXXIX.



La esté dit és deux chapitres precedens, que le François qui s'est retiré hors du Royaume, & habitué en pays estrange, ne peut succeder en France. Pareillement que plusieurs sont d'aduis & soustiennent que les enfans conceus & naiz hors le Royaume, d'un François qui s'est retiré hors de France, & marié à vne estrangere, ne peuvent succeder à leurs parens decedez & ayans biens en France. Mesmes à leur pere és biens situez dedans le Royaume, comme estans Aubeins, & leur pere réputé Aubein, au moyen de ce qu'il s'est habitué en pays estrange.

*Question
du present
chapitre.*

Mais on a douté, si les enfans conceus & naiz hors de France, de pere & mere François, habitez en pays estrange, peuvent succeder à leurs ayeul, ayeule, & autres parens qui estoient naiz & residens en France, venans demeurer au Royaume, & se faizans naturaliser par le Roy apres le deceds de leur ayeul, ayeule, & autres parens : ou bien sans lettres de naturalité, comme non necessaires.

Et notamment nous auons dit que les lettres de naturalité soient obtenues apres le deceds des parens : car si elles estoient obtenues auant le trespas des parens, il seroit sans doute que les enfans comme naturalisez, leur pourroient succeder, tout ainsi que les vrais estrangers estans naturalisez succedent à leur parens naiz & demeurans en France, comme il a esté dit au 23. chapitre.

Ceste question qui est de grande importance, & qui ne se peut traicter sans vn long discours, a esté agitée en la Cour de Parlement, par Marie Mabile natifue d'Angleterre, pretendante le tiers des biens & succession de defuncte Adnette de Vaux son ayeule, demeurante & decedée à Paris, dont la cause fut plaidée le 15. Mars, mil cinq cens soixante & quinze, le faict de laquelle estoit.

*Récit du fait
de l'arrest
cy-apres
mentionné.*

Que Adnette de Vaux demeurant en la ville de Paris, ayant esté mariée en premieres nopces à Iean Vilain marchand Bourgeois de Paris, & de ce mariage eu deux enfans, à sçauoir maistre Iean Vilain, & Marie Vilain: en secondes nopces auoit espousé Iean Caueau, duquel elle auoit aussi eu vne fille nommée Isabeau Caueau, qui auoit esté mariée avec maistre Iean Nicolas, Commissaire au Chastelet de Paris. Estoit aduenu que Marie Vilain fille d'Adnette de Vaux, estant conioincte par mariage avec Estienne Mabile maistre Orpheure à Paris, Mabile natif de Paris en l'an mil cinq cens trente six s'estoit retiré en Angleterre: deux ans apres Marie Vilain sa femme aussi natifue de Paris, pareillement s'y estoit retirée: & pendant leur demeure au pays d'Angleterre, ayant eu vne fille nommée Marie Mabile, decedent en Angleterre, delaisans ceste Marie Mabile leur fille mariée à vn Anglois, demeurant au Royaume d'Angleterre. Depuis en l'an mil cinq cens soixante, Adnette de Vaux seroit decedée, ayant donné la plus grande partie de ses biens à maistre Iean Vilain son fils, & delaisé heritiere Ieanne Nicolas, femme de maistre Iean

Bezée, fille d'Ysabeau Caueau: six ans apres le decez de Vaux, Marie Mabile, natifue d'Angleterre, vint demeurer à Paris, se fait naturaliser par le Roy: & apres la verification de ses lettres de naturalité, comme heritiere pour vn tiers d'Adnette de Vaux son ayeule, met en proces par-deuant le Preuost de Paris maistre Iean Vilain, Bezée, & sa femme, afin de faire partage de tous les biens de la succession d'icelle de Vaux, & luy bailler le tiers d'iceux. Ce qui est ordonné par sentence diffinitive du Preuost de Paris, du 17. Nouembre, 1576. & ce apres plusieurs procedures & enquestes respectiuement faictes par les parties, & Maistre Iean Vilain, & Bezée tuteur de ses enfans, condamnez és despens, dont ils appellent, ensemble de l'execution & verification faicte en la Chambre des Comptes, des lettres de naturalité, obtenues par Marie Mabile, pour le regard de la cause des successions escheuës, & que par icelle elle se pretend capable de l'heredité de Vaux son ayeule.

Les appellans pour leurs moyens d'appel disoient, que l'inthimée ne pouuoit estre heritiere de defuncte Adnette de Vaux, ny demander partage des biens de sa succession, soit qu'on considere la personne de l'inthimée, soit qu'on ayt esgard à la chose dont est question, soit qu'on regarde l'action, consequemment qu'il estoit mal iugé.

Moyens des appellans.

Quant à la personne, disoient que l'inthimée *peregrina erat*, conceüe & née au Royaume d'Angleterre, apres que ses pere & mere s'estoient retirez de France, & transferé leur domicile au Royaume d'Angleterre. Par le moyen de laquelle mutation & translation de domicile hors du Royaume de France, *facti erant peregrini, & iura ciuitatis amisierant*. Que l'inthimée estant estrangere, estoit inhabile de succeder en France: *quia peregrini, siue alienigena, non succedunt in regno Gallia*, conformément à la disposition de droit *in l. 1. in verbis peregrini hereditatem capere non possunt. Cod. de hered. instit. l. sed & si conditioni §. solemus. in verbis, factus est peregrinus. ff. eodem*, & autres passages alleguez és 30. 31. & 32. chapitres du present Traicté.

1
Peregrini non succedunt in Gallia.

Que par la Coustume de Paris, pour succeder à vn defunct, deux choses sont concurrément requises en la personne de celuy qui veut succeder: qu'il soit proche parent du defunct, & habile à luy succeder, laquelle habilité & capacité de succeder, on considere lors que la succession est deferée, qui est le temps du decez de la defuncte Adnette de Vaux, aduenu en l'an 1560. Auquel temps l'inthimée ne pouuoit desnier qu'elle ne fust citoyenne & domiciliaire de la ville de Londres en Angleterre, en laquelle elle estoit lors mariée & demeurante: & en laquelle elle auoit esté conceüe & née. Partant lors du decez, l'inthimée estoit inhabile de succeder à Adnette de Vaux, & sic notoirement non receuable en ses conclusions à fin de partage *l. si alienum §. 1. ff. de hered. instit. l. 1. ff. de regul. iur. §. si & §. in extraneis. Insti. de hered. instit.*

2
Pour succeder il faut estre proche parents du defunct, & estre habile à succeder.

Quant à la chose dont est question, qui estoit l'heredité de defuncte Adnette de Vaux, disoient les appellans que l'inthimée estant estrangere, elle ne pouuoit pretendre au droit, part ny portion en ceste heredité, laquelle ne luy estoit due ny par la disposition de droit ciuil, ny par la

3
Hæreditas
est iuris ci-
uilis, &
ideo pere-
grinis non
defertur.

Coustume: *Quia hæreditas est iuris civilis, & ius civile solis civibus hæreditates
defert. Peregrini autem sunt incapaces eorū quæ sunt iuris civilis: ideoque hære-
ditas eis non defertur tanquam incapacibus acquirendorum apud nos bonorum.*
Et nostre Coustume defert hæreditates Gallis (*id est in Gallia natis*) nec ag-
noscit peregrinos, partemque in hæreditate peregrini non faciunt. *l. 3. §. de illo
ff. pro soc. l. lege obuenire. ff. de verb. & rer. signif. l. actus legitimi. ff. de re-
gul. iur. §. intestatorum, Instit. de hæredit. quæ ab intest. defer.*

4
Petitio hæ-
reditatis
datur tan-
tum hære-
di.

Touchant l'action que est *petitio hæreditatis*, non datur nisi hæredi, la-
quelle qualité ne pouuoit tomber en la personne de l'intimée estant
estrangere, consequemment non receuable en ses conclusions.

Moyens de
l'appel inter-
iecté del'e-
xecution &
verification
des lettres
de natura-
lité.

Au regard de l'appel interiecté de l'exécution & verification des lettres
de naturalité, soustenoient les appellans y estre bien fondez, en ce qu'el-
les portoient que l'intimée pouuoit apprehender les successions ja ef-
cheuës, parce que les lettres estant obtenuës long temps apres le decez
d'Adnette de Vaux, sçauoir en l'an cinq cens soixante-six, *non poterant re-
trotrahi ad hæreditatem iam delatam*, ny auoir effect sinon pour l'aduenir, &
nō pour le passé. Mesmes au preiudice du droict acquis aux appellans, aus-
quels dés l'instant du decez d'icelle de Vaux, toute la succession auoit
esté deferée, & par la Coustume auoit esté saisie de tous les biens demeu-
rez par son trespas, & ce à l'exemple des lettres de legitimatiō, obtenuës
par des enfans naturels, & bastards, l'effect desquelles *numquam retrotra-
bitur in præiudiciū hæredum, aut aliorum quibus ius est quæsitum ante impe-
tratum rescriptum*, selon le texte in §. *licet igitur, in verbis & suos de catero:*

5
Rescriptū
principis
non retro-
trahitur in
præiudiciū
tertij.

Moyens de
l'intimée.

*& in verbis, & hoc facto exinde filios, quib. mod. nat. efficitur legitimi in authent. in
§ illud tamen in fine, in verbis quo facto ex hoc filios, & in verbis ex hoc, quib.
mod. nat. offic. sui, in authent. in capite tanta vis, in verbis post contractum
matrimonium ext. qui filij sint legit. Bartolus & ceteri in l. Callus § quid si tan-
tum. ff. de liber. & posth.* Ainſi qu'il sera amplement déclaré au traicté du
droict de Bastardise. Et qu'il a esté iugé par arrest donné contre Guille-
mette Ramelot, sœur germaine de defunct Iean Ramelot estrangier, re-
cité par Papon en son recueil d'arrests, liure 5. titre 2. Au contraire l'in-
timée disoit que, *iura sanguinis, & maxime ciuitatis, non possunt tolli
tanquam nexu diuino copulata*, comme dit le texte in l. *in adoptiuis. Cod. de
adop.* Qu'on ne pouuoit desnier qu'elle ne fust petite fille & niepce en li-
gne directe d'Adnette de Vaux son ayeule: partant que selon tout droict
diuin & humain, elle luy deuoit succeder: & estoit saisie par la Coustu-
me aussi bien que les appellans, comme plus proche & habile à succeder,
d'autant qu'elle representoit & entroit au lieu de defuncte Marie Vilain sa
mere, suiuant la disposition de droict *de hæredibus ab intesta. venient. in
authent. in principio versic. sic tamen.*

6
Duplex o-
rigo, pro-
pria & pa-
terna.

Aussi disoit que, *peregrina non erat, sed oriunda ex Gallia*, & estoit vraye
Françoise, quoy que ce soit originaire de France: veu que ses pere & me-
re & tous ses predecesseurs estoient François: tellement que à Gallis &
genere & sanguine originem traxerat, *ut tradit Alciatus in l. qui in continen-
tibus ff. de verb. & rer. signif. Et Glosa in cap. 1. in verbo oriundos, de usuris
in 6. Que secundum Iureconsultos erat duplex origo, propria, qui est le lieu*

auquel on est nay, & *paterna*, qui est le lieu auquel les pere & mere sont naiz, ou bien auquel le pere est nay. Et *qualibet origine ciuis originarius dicebatur*. De faict, le Iurifconsulte in l. 1. ff. ad municipalem, & de incol. dict, qui ex duobus Campanis parentibus natus est, Campanus est. Imo vero par la disposition du droict in lege assumptio. §. 1. ff. eodem, & in lege filios de municip. & orig. Codice libro decimo. Filius sequitur originem patris, vel ciuitatem, ex qua pater naturalem originem duxit, estque ciuis eius ciuitatis in qua pater natus est. Et en plus forts termes, la loy, apud hostes. ff. de cap. & postl. reuer. & la loy premiere Cod. eodem, dient que filius apud hostes susceptus, peregrinus non est, sed patris originem sequitur, postliminiumque habet, adeo ut ad suos rediens iura filij nanciscatur, & tam patri quam parentibus & agnatis succedat. Steph. Bertr. consil. 157. numero 16. Vol. 3. Cor. consil. 177. Vol. 4.

Filius sequitur originem patris.

Soustenoit que son pere n'estoit allé demeurer en Angleterre, *causa pe petua moræ, sed negotiationis tantum*, pour y negotier & trafiquer, ainsi qu'ordinairement font Orfeures & autres marchands. Tellement que pater eius peregrinans fuerat, & non peregrinus, comme dit le texte in §. finali. Insti. de hered. instit. & la loy ciues origo facit, in fine, de incol. & ubi quis do. C. lib. 10. Que semper habuerat animum reuertendi ad suos: Cælum non animum mutat, qui trans-mare currit. Aussi lors que son pere se retira en Angleterre, il y auoit paix & confederation entre le Roy de France & le Roy d'Angleterre: Ideoque Angli tunc externi non erant, comme dit la loy, non dubito quin fœderati. ff. de capt. & postl. reuers.

Que le pere de l'intimée n'estoit allé en Angleterre cause de la perpetua moræ,

Pareillement disoit que la mere, du costé de laquelle venoit la succession d'Adnette de Vaux, n'auoit esté en Angleterre que par forme de voyage & peregrination, deux ans apres le partement de son mary, & par son mandement, ut obsequia marito debita præstaret, & animum redeundi in Galliam semper habuerat. De faict elle n'auoit demeuré en Angleterre que deux ans, & y estoit decedée en l'an mil cinq cens quarante.

Que la mere de l'intimée n'auoit en affection de perpetuellement demeurer en Angleterre.

Et supposé que ses pere & mere se fussent retirez en Angleterre, pour perpetuellement y demeurer: toutesfois telle retraicte n'auoit peu preiudicier à l'intimée, ne luy oster le droict naturel originaire de la naissance de ses predecesseurs, lequel iure quodam postliminij, elle pouuoit reprendre venant demeurer en France, & dire que ad pristinum limen prædecessorum suorum redibat, & postliminio omnia eorum iura consequi debebat: licet enim orta esset in Anglia, tamen oriunda erat ex Gallia, cum à Gallis progenita esset: que facilis est reductus ad primariam naturam, siue restitutio ad ius pristinum. l. Lucius 1. ff. de legat. 1. d. l. 1. postliminium ff. de capt. & postl. reuer.

7
Differentia inter oriū & oriundū.

Et tout ainsi qu'un pere noble, faisant un acte derogant à noblesse ne peut preiudicier à ses enfans, qui facilement en sont releuez par le Prince, & remis en leur pristin estat & qualité de noblesse: aussi les pere & mere ne peuuent faire acte preiudiciable à leur naissance & origine naturelle, pour le regard de leurs enfans, l. qui conditioni, de his qui sponte pub. l. mu. sub. C. lib. 10. l. eum qui ff. de interd. & releg. l. fina. ff. de senatorib. Ainsi qu'il sera déclaré au Traicté des Francs-fiefs, & nouueaux acquests, amortissemens & annoblissemens.

8
Le pere noble encores qu'il face actes derogant à noblesse ne peut preiudicier à ses enfans.

9 Deux domiciles, l'un volontaire, l'autre naturel. Davantage, & qui estoit le principal poinct, l'inthimée disoit pour répondre à la mutation & translation du domicile, que suivant le texte in l. *senatores. ff. de senat. la loy finale de municip. & orig. C. lib. 10. & la loy privilegio de incol. & ubi quis do. C. eodem libro*: il y avoit deux domiciles, l'un volontaire & actuel, contracté par la seule volonté, demeure & habitation des personnes: l'autre naturel & originaire, qui est le lieu auquel on est nay, ou auquel les parens ont esté naiz. Que le domicile contracté par la simple volonté & demeure, *nempe per incolatum, potest mutari & transferri, l. domicilium, l. assumptio. §. fina. ff. ad municip. l. in lege censoria. ff. de ver. & rer. signific.*

10 On ne peut transférer le domicile naturel, ny renoncer à iceluy. Mais le domicile naturel & originaire de l'origine propre (qui est le lieu auquel on est nay) ou de l'origine paternelle (qui est le lieu auquel les parens sont naiz, ou bien auquel le pere est nay) comme il a esté cy-dessus déclaré, ne se peut transférer. Imò on ne peut y renoncer, *neque facto, neque verbo, nec expresse, nec tacite*: & tel domicile suit la personne, comme annexé à icelle, quelque part qu'elle puisse s'habiter & demeurer. Tellement qu'un François, encores qu'il soit demeurant en Angleterre, & y ayt residé *per mille annos* (comme dient nos Docteurs) *suum originis domicilium semper retinet, originis inquam, & propria & paterna*, demeure perpetuellement François, & peut succeder en France, ainsi qu'il a esté jugé par arrest donné au profit de Pandolphe Cenamy, natif de Paris, qui estoit marié à Venise, & y avoit residé trente cinq ans & plus, conformément à la disposition du droit, in l. *ciues origo facit, de incol. & ubi quis do. Cod. l. 10. l. assumption. in princip. & in §. 1. ff. ad municipal. l. ordine. §. ius originis. ff. cod.* où il est dit que *originis iuris ac civitatis renunciare nemo potest*. Glosa expresse in d. l. *senatores, in verbo adiectionem, in fine. ff. de senat. Et apud Romanos sine decreto senatus, & populi iussu, nemo etiam volens civitatem amittebat, neque sine auctoritate senatus poterat desinere esse ciuis, ut ait Cicero in Oratione pro domo sua.* Et la loy origine, de municip. & orig. C. lib. 10. porte que, *origine propria nemo potest voluntate propria eximi.* conformément à la loy in adoptione. C. de adop. qui dit que, *per adoptionem ciuis alienae civitatis, non mutatur eius patria, nec ius originis.* Sozinus in prima parte consiliorum, consil. 35. col. 5. 6. & 7. Bartolus in l. *quasitum. ff. de legat. 3. Abbas Siculus consil. 62. Rapha. Cumanus consil. 177.*

11 L'homme de main-morte ne peut acquiescer libéré sous ombre de mutation de domicile. Aussi l'homme de main-morte, ou bien de condition servue, supposé qu'il voise demeurer hors du lieu de la main-morte, ne peut prescrire franchise & liberté contre son Seigneur, ny de serf se faire libre, par quelque laps de temps qu'il face demeurance & residence hors du lieu de main-morte, quelque part que ce soit. Mais le Seigneur a suite, pour vendiquer les biens demeurez par le trespas de l'homme main-mortable en quelque lieu qu'ils soient situez, sans que le defunct en ait peu tester, & sans que le haut Iusticier du lieu, auquel ils sont situez, les puisse pretendre comme vacans, ainsi qu'avons déclaré au Traicté des Francs fiefs & nouveaux acquests, à la fin du troisieme chapitre. Parce que l'homme issu de parens, ou bien de pere de main-morte, ne peut changer sa qualité, ny prendre qualité d'homme libre, ny pareillement sa posterité

sterité née & à naistre, en quelque lieu qu'il face sa demeure, & par quelque espace de temps qu'il y ait demeuré. Non plus que le François issu de parens François, ou bien de pere François, ne peut changer sa qualité de François, en quelque lieu qu'il ait fait sa demeure, & par quelque espace de temps qu'il y ait demeuré.

Aussi disoit que *aliud est dicere se ortū in Gallia, & aliud dicere se oriundum ex Gallia. Qui ortus est in Gallia*, qui est nay au Royaume de France, terres, & Seigneuries de l'obeyssance du Roy, il est vray François. Celuy qui n'est pas nay en France, ains hors de France, mais est nay de pere & mere François, *est oriundus ex Gallia.*

Et conformément à ce que dessus, quand Auguste Cesar par son Edict general, donné en la ville de Tarracon en Espagne, le 17. de son Empire, executé le quarante-deuxiesme d'iceluy, voulut description & enregistrement estre fait de tous les sujets de l'Empire Romain, pour exiger de chacun d'eux tribut annuel: *huiusmodi edicto & certa constitutione statuit, ut singuli proficiscerentur in suam ciuitatem, ibique profiterentur, in eam scilicet ciuitatem de qua quisque erat oriundus, & unde duxerat originem, quamuis alibi natus fuisset. Et sic quisque cogebatur sese recipere ad sua prosapia traducem vel sua familia patriam, non autem ad eum locum, in quo quisque natus erat.* Comme le lieu de l'ancienne origine paternelle estant plus considerable, que la simple naissance, *ut scripsit Ioannes Gerundensis in tractatu rerum Hispaniacarum.*

Outre disoit l'intimée, qu'il n'y auoit qu'une seule cité, qui estoit le monde. *Vnde Socrates interrogatus cuiacem se esse diceret, mundanum respondit. Totius enim mundi se incolam & ciuem arbitrabatur, omnemque terrarum orbem unam esse ciuitatem existimabat, ut refert Cicero quinta Tusculana.* Partant communément on dit, *patria est ubi mundus est, necnon patria est ubicunque bene est.* Et Ouide dit.

*Omne solum forti patria est, ut piscibus æquor,
Ut volucris vacuo quicquid in orbe patet.*

Qu'il n'y auoit aucune loy ny statut en France prohibant la mutation des domiciles, & qu'on ne peust se retirer hors du Royaume, quand bon sembleroit, ny qui excluist le François de succeder à ses pere & mere, ayeul, ayeule & autres parens, encores qu'il fust demeurant hors de France, ou fust nay hors le Royaume de pere & mere François, veu que le droict de succeder estoit naturel. Aussi qu'il n'y auoit aucune ordonnance qui defendist à l'estranger d'acquies en France: Bien estoit vray, que l'estranger es biens par luy acquis au Royaume, ne pouuoit auoir autre heritier que le Roy, comme il a esté dit au vingt-septiesme chapitre.

Qu'elle n'auoit iamais eu affection de perpetuellement demeurer en Angleterre, mais tousiours desiré de venir en France, qui estoit son vray & naturel pays, y estant attirée par vn instinct naturel, *Quia patria solum omnibus est charum, dulce, & iucundum, & in patria mori præclarum est,* comme dit Cicero, *ad Atticum.*

Aussi Ouide dit.

Nescio qua natale solum dulcedine cunctos

12
Différen-
tia inter
ortum in
Gallia &
oriundum
ex Gallia.

13
Edict d'Au-
guste Cesar.
pour faire la
description
de tout
l'Empire
Romain.

14
Socrates
respondit
se munda-
num esse.

Que l'inti-
mée auoit
tousiours en
affection de
retourner en
France.

Ducit, & immemores non finit esse sui.

Qu'estant retournée en France, *ad suos & maiorum suorum lares tanquā à proprio vel domestico lare patriam vel domum paternam reuocat.* Elle deuoit humainement y estre receuë, pareillement tous François, & enfans de François, qui y viennent demeurer. Ausquels comme originaires de France, les parens ne peuuent obijcier l'obstacle de peregrinité, ny l'effet du droict d'Aubeine. *Qui enim in sua patria sunt, peregrini videri non possunt,* comme dit Ciceron *in lib. de Orato.* En tout éuenement estoit besoin auoir cession du droict du Roy, auquel le droict d'Aubeine appartient, & en faueur duquel il a esté introduit, & non des parens, pour le regard desquels les droicts de parenté & consanguinité comme naturels sont indissolubles, ainsi qu'il a esté amplement deduiçt à la fin du vingt-troisième chapitre.

15
Les lettres
de natura-
lité effacent
toute macu-
le de pere-
grinité.

16
Formes des
lettres obte-
nuës par
l'intimée,
pour estre
admise à
succeder en
France, les-
quelles sont
grandement
considéra-
bles.

Repliques
des appel-
lans.

Mesmement que par les lettres obtenues du Roy par l'intimée, tout obstacle de peregrinité (s'aucun en elle y auoit) estoit effacée & abolie, comme il a esté dict au trente-cinquième chapitre. Et neantmoins soustenoit que les lettres par elle obtenues, n'estoient vrayes lettres de naturalité, parce qu'elle dénioit estre estrangere, ains originaire de France, aussi n'estoient lettres de grace, ains lettres excitatiues de Iustice, obtenues *ad abundantiorum cautelam*, sans qu'il en fust besoin. Et par ses lettres narration faicte du faict, & qu'elle estoit originaire de France, née de pere & mere François, estoit mandé la faire iouyr de sa portion hereditaire, des biens demeurez par le decez d'Adnette de Vaux son ayeule, sans s'arrester ny auoir esgard au lieu de la naissance de l'intimée, & retraicte faicte par ses pere & mere au Royaume d'Angleterre, auquel ils seroient decedez : dont le Roy l'auroit releuée, sans que les retraicte & naissance luy peussent nuire ne preiudicier. Et entant que besoin seroit, l'auroient naturalisée, & voulu qu'elle fust reputée telle, que si vrayement elle estoit née en France, & iouyst de tous les droicts, priuileges, franchises, & immunitéz octroyez aux François & originaires du Royaume de France.

Aux moyens cy-dessus deduiçts repliquoient les appellans, & soustenoient que les pere & mere de l'intimée s'estans retirez hors du Royaume de France, & demeuré en Angleterre plus de dix, voire de vingt ans, & y estans decedez, *facti erant peregrini, & iura ciuitatis amiserant: cum per decennij incolatum sine habitationem nouum domicilium contrabatur, & prius amittatur*, selon le texte, *in l. 2. de incol. & ubi quis do. C. lib. 10.* Comme il est amplement deduiçt és deux chapitres precedens, à la lecture desquels est besoin auoir recours. Et la loy *amissione. §. 1. ff. de capit. diminutio.* dit, *Qui deficiunt, capite minuuntur, deficere autem dicuntur qui ab his quorum sub imperio sunt desciunt, & in hostium se numerum conferunt.*

17
En France il
y a deux
sortes d'ha-
bitans.

Aussi les appellans pouuoient dire qu'en France il n'y a que deux sortes d'habitans, à sçauoir les François qui sont naiz dedans le Royaume, *qui Galli aut Francigena vocantur* : & les estrangers qui sont naiz hors le Royaume, *qui peregrini aut alienigena appellantur* : Et pour sçauoir si on est François ou estranger, on regarde si le lieu auquel on est nay, est du

Royaume de France, pays, terres & Seigneuries de l'obeyssance du Roy: ou bien si le lieu est hors du Royaume; comme il a esté dit au premier chapitre.

De faict, l'extraict des Comptes cy-deuant incogneu, transcrit au troiesme chapitre du present Traicté, contenant la declaration & vñance du droict d'Aubeine, porte en termes genéraux en l'article 4. que tout hõme natif hors du Royaume de France, soit noble, ou non noble, est Aubein, c'est à dire estrãger: & cet extraict ne fait mention ny distincþiõ, si les pere & mere del'Aubein estoient François ou estrangers: *Et sic lex peregrinaria respicit ortum, siue natiuitatem eius qui succedere vult, & non illius originem, siue genus aut gentem.* Et ne regarde sinon *ubi ortus est qui hereditatem petit: & non unde fuerint parentes à quibus originem traxit, & oriundus est.* Ou bien elle regarde *originem propriam, & non originem paternam*, où on est nay, non pas d'où on est originaire; c'est à dire, où les parens estoient naiz. De sorte qu'il faut considerer seulement, si celuy qui veut succeder est nay en France, ou hors de France; non pas si les parens estoient François, ou estrangers. *Ideoque oriundi ex Gallis, siue ex Gallia, ad hereditates non admittuntur: sed ori in Gallia ad successiones vocantur.*

18
Tout homme qui est nay hors de France est Aubein.

Et pour clairement le monstrier, l'extraict des Comptes porte par mots exprés és articles quatriesme, huitiesme, neufiesme, dixiesme, dernier, Que les enfans des estrangers, naiz & demeurans en France, succedent entierement à leurs pere & mere estrangers, & non naturalisez, és biens estans en France, comme il a esté dit au trente-deuxiesme chapitre. Ce qui ne seroit loisible aux enfans, si on consideroit *originem eorum, id est, locum in quo nati sunt parentes, à quibus & genere & sanguine originem duxerunt, qui peregrini erant, & extra regnum nati.* Partant il faut auoir esgard *ad ortum ipsorum liberorum, id est, ad locum in quo nati sunt liberi, qui paternam hereditatem petunt*, & considerer qu'ils sont naiz en France, consequemment capables d'y succeder.

19
Les enfans des estrangers naiz en France, succedent ausdits estrangers.

Imò verð par l'extraict des Comptes, en l'article dernier, est dit: Que si par priuileges aucuns estrangers demeurans hors de France, peuuent succeder à leurs parens legitimes, natifs & demeurans au Royaume, & pour apprehender les successions à eux deferées, soient venus en France, & y ayent amené leurs propres enfans, naiz hors du Royaume. Si apres qu'ils ont succédé, ils vont de vie à trespas au Royaume, leurs enfans amenez en France ne leur peuuent succeder és biens estans au Royaume: ains leurs biens appartiennent au Roy par droict d'Aubeine, parce que les enfans sont Aubeins comme leur pere: tellement qu'en matiere d'Aubeine, l'argument du pere à l'enfant n'est bon ny valable.

20
Les enfans des estrangers naiz hors de France ne peuuent succeder.

Ce que dessus estant veritable, & l'intimée confessant estre conceüe & née en Angleterre, elle estoit Aubeine & estrangere; partant incapable de succeder en France, & n'estoit besoin considerer *originem eius, nec unde oriunda sit, sed ubi orta & nata est.*

Et peut-on dire que les distinctions mises en auant par l'intimée, *inter ortos & oriundos*, entre les domiciles volontaires & naturels, l'origine propre & paternelle: Aussi les maximes par elle alleguées, que *filius sequi-*

21
Responce pertinente.

aux distin-
ctions cy-
dessus fai-
tes inter
ortos & o-
riundos, &
entre les do-
miciles vo-
lontaires &
naturels.

tur originem patris, vel ciuitatem ex qua pater naturalem originem duxit: & que aliquis potest esse ciuis duarum ciuitatum, ont esté introduictes par les Empereurs & Iurisconsultes, propter munera, indictiones, praestationes, & onera, quae municipib. & originarijs vel incolis indicebantur, respectu patrimoniorum, vel ratione personarum. Et huiusmodi munera subeunda erant, tam in loco domicilij, quàm originis, si utrobique quis bona possideret, comme il est facile à cognoistre par les titres, De municip. & originarijs, De incolis & ubi quis domicilium, De munerib. & honorib. De munerib. patrimoniorum: & autres tiltres subsequens, estans au deuxiesme du Code. Ce qui n'est obserué au Royaume de France, auquel les tailles sont personnelles, & ne peut-on estre assis ny imposé à la taille qu'en vn seul lieu, qui est le lieu du domicile, auquel on est demeurant & resident, quelque part qu'on ait des biens situez & assis. Aussi les distinctions & maximes susdites, ne sont à present considerables: quia de muneribus aut indictionibus nunc non agitur, sed de hereditate auiæ disceptatur.

22
En France
on regarde
originem
propriam,
& non pa-
ternam.

Et outre que les distinctions & maximes dessusdites, ne sont obseruées en France, respectu munerum aut indictionum: elles sont contraires à l'usage & commune obseruance du Royaume de France, qui n'est aucunement subiet aux loix Romaines & constitutions Imperiales, qui a ses loix, ordonnances, & Coustumes particulieres, par lesquelles contre les constitutions des Empereurs de Rome, tout homme natif hors de France est réputé Aubein, & ne peut aucunement succeder au Royaume. En sorte que pour le regard des successions, la disposition de l'authentique *Omnes peregrini, C. communia, de successiōibus*, n'est obseruée en France, ny pareillement de la loy *assumptio, §. 1. ff. ad municipal.* ny de la loy *filios de municipib. & orig.* non plus que de l'authentique *ingressi*, & de plusieurs autres. Parcé qu'en France on ne considere sinon *originem propriam*, siue *locum in quo quis natus est*: & non *originem paternam*, que non est vera origo, & que respicit potius genus aut gentem, quàm veram originem, suiuant la loy *origine propria, de municipib. & originar. dicta l. assumptio, in principio, & l. municipes, ff. de verb. & rer. signif. l. 1. in princip. ff. ad municipalem: municipē, inquit, nat: uitas facit. l. ciues origo facit. de incol. C. lib. 10.* Et ce mot *oriundus* à Iure consultis pro orto & nato accipitur, *l. senatores, in verbo, oriundi. ff. de senatoribus. l. provinciales in fine. ubi adnotat Alciatus ff. de verb. & rer. signif. cap. 1. in verbo oriundos de usuris in 6.*

23
Quando
quis potest
esse ciuis
duarum ci-
uitatum,
vel habere
duo domi-
cilia

Ioinct (qui est grandement considerable) que quand les Empereurs & Iurisconsultes ont dit, que *aliquis poterat esse ciuis duarum ciuitatum, vel habere duo domicilia, ut in l. 1. & finali de municip. & orig. C. lib. 10. in dicta l. senatores ff. de senatoribus. in l. privilegio de incolis, & ubi quis do. C. lib. 10. l. eius. ff. ad municipal. & de incol.* ils ont entendu de ciuitatibus & domicilijs existentib. sub eodem imperio, vel in eodem regno: non pas que quis posset esse ciuis duarum ciuitatum diuersi regni, diuersæ ditionis, principatus, aut potestatis, ou auoir deux domiciles en deux diuers Royaumes. En sorte que l'intimée estant citoyenne originaire, & domiciliaire de la ville de Lōdres en Angleterre, en laquelle elle a esté conceuë & née, & lors du decez d'Adnette de Vaux, estoit demeurante: Elle ne peut dire qu'elle soit ci-

toiyenne & domiciliaire de la ville de Paris, sous vmbre que ses pere & mere en estoient naiz, & y auoient quelquefois demeuré, *ut notat Baldus in authentico, sed omnino, C. ne uxor pro marito. Accursius in l. in adoptionem, in verbo non mutatur, in versiculo, item aliud si in ciuitate alterius Prouincia in adoptionem daretur: quia desinit esse prioris ciuitatis ciuis, Cod. de adopt. de quo Cicero in oratione pro Cornelio Balbo, & in oratione pro domo sua: comme il sera amplement déclaré au dernier chapitre du present Traicté, à la lecture duquel pour ce regard est besoin auoir recours. Et n'a-on iamais veu vn Anglois, ny vne Anglesse succeder en France, non plus qu'un François succeder en Angleterre.*

Quantum ad ius postliminiij, les appellans disoient qu'il ne pouuoit auoir lieu en la personne de l'intimée, laquelle venant demeurer en France, ne pouuoit dire que *ad pristinum limen rediret*, veu que *ex Gallia non exierat*, n'estoit Françoisse, ny née en France: Mais retournant en Angleterre, elle pouuoit vrayement dire, que *ad pristinum limen reuertebatur eius patria in qua nata erat*, & que c'est son vray & naturel pays qu'Angleterre, comme dit Ciceron *in Topicis*, parlant de *Hostilio Mancino Numantinis dedito*: & *Pomponius Iureconsultus in l. postliminiij. §. finali. ff. de capt.* parlant de *interprete Menandro, & l. ultima ff. de legat.*

24.
Que l'intimée non potest vi iure postliminiij.

Aussi *postliminium datur tantum captiuis qui ab hostibus reuersi omnia iura recuperant: & in pristinum statum restituuntur: ius autem postliminiij non conceditur his, qui patriam deseruerunt, & relictā propria ciuitate in peregrinam sponte migrarunt, sunt enim desertores regni & veri transfuga*, comme il a esté dit au 37. chapitre.

Dauantage les appellans disoient, que *consilium & euentus* auoient monstré, que les pere & mere de l'intimée estoient allez demeurer en Angleterre, *causa perpetua mora, & non negotiationis*: & auoient ferme deliberation de iamais ne retourner en France: veu qu'ils auoient transporté tous leurs biens en Angleterre, & y estoient decedez, sans iamais auoir faict declaration ou protestation, que *haberent animum redeundi ad suos*. Non plus que l'intimée, qui s'estoit mariée au Royaume d'Angleterre, montrant appertement qu'elle auoit affection de perpetuellement y demeurer, & s'estoit faict autoriser par son mary à faire la preséte poursuite. Et n'estoit venuë en France, sinon six ans apres le decez d'Adnette de Vaux son ayeule, pour apprehender les biens de sa succession, les vendre, & emporter les deniers en Angleterre, contre les loix & ordonnances du Royaume, recitées au 37. chapitre.

Moyens pour monstrer que l'intimée & ses pere & mere vouloient perpetuellement demeurer en Angleterre.

Quant à l'Arrest de Cenamy, disoient n'estre à propos, parce que Cenamy n'estoit estranger, ains François nay en la ville de Paris. Et pour ample responce à cest Arrest, est besoin auoir recours à la lecture du dernier chapitre du present Traicté, auquel l'Arrest sera transcrit, avec les raisons sur lesquelles il semble qu'il soit fondé.

Responce à l'Arrest de Cenamy.

L'intimée pour dupliques disoit, qu'elle estoit petite fille d'Adnette de Vaux son ayeule, consequemment son heritiere, selon le precepte de Saint Paul, qui dit: *Filius, ergo haeres*. Que les constitutions humaines ne pouuoient tollir les diuines: *Que ratio naturalis auiā hereditatē ei addicebat;*

Dupliques de l'intimée.

Et veluti ad debitam hereditatem, Et bona propria eam vocabat. l. unica. §. ex his enim. de impr. lucrat. descript. C. l. 10. l. 1. §. largius. ff. de success. edict. l. à ratio. ff. de bonis damnat. Que si elle estoit excluë de la succession de son ayeule, elle estoit spoliée & dénuée de tous biens: tellement que sa cause estoit pitoyable, favorable & equitable.

Dauantage disoit, tout ainsi qu'on ne peut acquerir droict de succeder par le moyen du domicile, mais les successions sont deferées, à cause de la parenté & consanguinité: aussi le droict de succeder qui est naturel, ne peut estre osté par le moyen de la mutation du domicile, *cum contrariorum eadem sit virtus Et potentia, Et idem operetur propositum in proposito, atque oppositum in opposito.* Et maintenoit que sous vmbre de la translation de domicile, lequel chacun selon sa propre volonté se peut constituer, elle ne pouuoit estre priuée du droict de succeder à son ayeule, veu que tel droict luy estoit acquis, & naturellement & ciuilement; & qu'elle n'auoit delinqué ny offensé, ny pareillement ses pere & mere, *l. nihil. ff. ad municipal. l. fin. ff. de legat. 3. l. quidam ff. de pœnis.* Outre pouuoit alleguer le cinquante-deuxiesme article de l'Edict de pacification, qui porte: Que les enfans de ceux qui se sont retirez hors du Royaume, depuis la mort du Roy Henry pour cause de la religion & troubles, encores que leldits enfans soient naiz hors le Royaume, sont tenus pour vrais François & Regnicoles, & tels sont declarez, sans qu'il leur soit besoin prendre lettres de naturalité.

Responce à
l'extraict
des Comptes
cy dessus
allegué.
Raison per-
tinentte deci-
sive de la
presente
question.

Aussi disoit qu'elle prenoit à son aduantage l'extraict des Comptes, allegué par les appellans: car si les enfans naiz en France de pere & mere estrangers, sont admis à leur succeder en tous les biens qu'ils ont delaiissé en France, encores que leurs pere & mere ne soient naturalisez: à plus forte raison les enfans naiz hors de France, de pere & mere François, doivent succeder en France, venans demeurer au Royaume, au lieu de la naissance de leurs parens. *Quia paterna origo, quæ naturalis est, iuncta domicilio paterno, est potentior simplici origine propria, quæ sæpius accidentalis est,* comme dient nos Docteurs, *in dicta l. assumptio. §. 1. ff. ad municip. in d. l. senatores. ff. de senatorib.* Ideoque non solum orti in Gallia ad hereditates Gallorum vocantur, sed etiam oriundi ex Gallia in Galliam redeuntes, ad successiones Gallorum admitti debent.

25
Decision de
Boërius
traittant la
presente
question.

Postremò l'intimée pour confirmation de tout ce que dessus, alleguoit *Dominum Boërium Burdegalsensis Senatus Presidem*: lequel in suis decisionibus, decision 13. traicte semblable question que celle de present. Et apres vn fort long discours, resoult que *filius in Hispania conceptus Et natus, à patre Et matre Gallis, qui in Hispaniam perpetua mora causa migrarunt reuersus in Galliam ad domicilium originis paternæ animo perpetuò ibi manendi sine fraude, posse succedere, Et ad retractum venire*: & que le procez estant party au Parlement de Bordeaux, il fut iugé au Conseil priuë du Roy, au profit de l'enfant nay en Espagne. Et en ce cas soustenoit n'estre besoin d'aucunes lettres de naturalité. Aussi on pourroit icy reciter ce qui est traicte par *Matth. Afflict. decis. Neapolit. 384.* Mais il faut noter qu'à Bordeaux, le droict d'Aubeine n'a point de lieu, non plus qu'à Thoulouze, ny à Rome.

Et que lors de l'Arrest allegué par Boërius, l'extraict des Comptes cy dessus recité estoit incogneu, comme il a esté iulques à present.

Finalelement la cause ayant esté appointée au Conseil, les parties ayans fourny de leurs plaidoyez, & respectiuelement produict: apres que l'intimée mandée & ouye en la Cour, eut déclaré qu'elle estoit vefue, sept ans y auoit, qu'elle estoit retournée en ce Royaume, & auoit obtenu lettres de naturalité, en esperance de n'en bouger: Et où elle abandonneroit & delaisseroit ce Royaume pour retourner en Angleterre, consentoit estre priuée des biens à elle eſcheus, & qui luy appartenoyent par le deceds d'Adnette de Vaux son ayeule. La Cour par Arrest solemnellement prononcé par Monseigneur le President de Thou, le septiesme Septembre, mil cinq cens soixante & seize, a confirmé la sentence donnée par le Preuost de Paris, en ce faisant adiugé à l'intimée le tiers des biens demeurez par le deceds & succession d'Adnette de Vaux son ayeule, comme heritiere d'icelle de Vaux pour vn tiers, & condamné les appellans és despens des causes d'appel, & de tout ce qui s'en estoit ensuiuy tels que de raison.

*Declaration
iudiciaire-
ment faicte
par l'inti-
mée.*

*Arrest solē-
nellement
prononcé.*

Cest Arrest vulgairement appellé l'Arrest de l'Anglesse, combien que de prime face semble contraire, tant à ce qui a esté dict és deux chapitres precedens, qu'à l'extraict du Greffe de la Chambre des Comptes, transcrit au 3. chapitre du present Traicté: aussi que plusieurs pretendent se preualoir d'iceluy, mesme contre le Roy: soustenans que les enfans conceus & naiz hors de France de pere & mere François, venans demeurer au Royaume, peuuent librement succeder en France, sans obtenir lettres de naturalité du Roy.

*Comme il
faut enten-
dre l'Arrest
cy-dessus re-
cité.*

Toutesfois plusieurs maintiennent qu'on ne se peut ayder de cest Arrest contre le Roy, attendu que Marie Mabile auoit obtenu lettres de naturalité du Roy, sans lesquelles elle n'eust peu succeder en France: aussi elle auoit verifié au procez, que ses pere & mere *peregrinantes erant*, & auoient eu continuelle volonté de retourner en France, non pas perpetuellement demeurer en Angleterre; l'auoient tousiours ainsi déclaré, & mandé à leurs parens de par-deçà. Mesmes auoit verifié, que Marie Vilain estant mandée par Estienne Mabile son mary, se transporta en Angleterre par le commandemēt d'Adnette de Vaux sa mere, qui la fit conduire par Iean Nicola son beau-frere, afin d'obeyr à son mary, & *ut obsequia marito del ita prastaret*, en intention de retourner en France. De faict elle auoit delaisié tous les biens par-deçà, & deux ans apres qu'elle fut arrivée en Angleterre, y estoit decedée, delaisiant Marie Mabile sa fille aagée de six mois seulement: apres le deceds de laquelle Vilain, Estienne Mabile fut troublé de son entendement.

Tellement qu'on peut dire que cet Arrest est conforme à la distinction de la loy *postliminij. §. captiuus. ff. de c. & po. l. reuers.* amplement recitée és trente-sept & quarantieme chapitres du present Traicté. Car si les pere & mere de Marie Mabile eussent esté habituez en Angleterre, pour perpetuellement y demeurer, plusieurs estiment qu'elle n'eust peu aucunement succeder en France: ou bien s'il eust esté qu'estion d'autre succession

qu'en ligne directe. Et soustiennent auparavant qu'on se puisse ayder de cest Arrest, lequel est entierement fondé sur equité, & lequel ay retiré en forme, avec tous les moyens deduits par les parties, il est necessaire que toutes les circonstances qui sont interuenues au faict de cest Arrest, interuiennent au faict de celuy qui s'en voudra preualoir, sans le pouuoir aucunement étendre.

Toutesfois la faueur des enfans venans és successions de leurs pere & mere, ayeul, ou ayeule, est si grande, qu'il semble que cest Arrest doit estre obserué en tous les enfans naiz hors de France, de François & de François, ou bien de peres François, qui viennent en France pour y demeurer perperuellement, lesquels doiuent estre preferez aux autres parens, ensemble au fisque, en obtenant lettres du Roy, par lesquelles ils seront habilitez, selon la forme prescrite au present chapitre.

26
Que les enfans naiz de François hors de France venans demeurer en France succedent à tous leurs parens.

Plusieurs ont passé outre, & soustenu que non seulement les enfans naiz de François hors du Royaume, venans en France pour perpetuellement y demeurer, & iudiciairement le declarans, doiuent estre admis és successions de leurs pere, mere, ayeul, ayeule, & autres ascendans : mais aussi toutes personues qui sont naiz hors de France, de pere & mere François, ou de pere François, venans en France pour perpetuellement y demeurer, doiuent estre receus à succeder à leurs parens collateraux, & preferez non seulement au fisque, mais aux autres parens naiz & demeurans en France, qui ne sont si proches qu'eux, cōme estans originaires de France (c'est à dire, naiz de François, encores qu'ils ne soient naiz en France) principalement quand ils se sont retirez en France auparavant les successions escheuës, ou mesmes apres les successions aduenues, selon l'opinion d'aucuns, en obtenant lettres du Roy, par lesquelles narration faicte qu'ils sont originaires de France, naiz de pere & mere François, que le lien de parenté & consanguinité est naturel & indissoluble, ne se peut oster, effacer, ny tollir, par la mutation du domicile, sera mandé les faire iouyr de la succession contentieuse, sans s'arrester ny auoir esgard au lieu de leur naissance, retraicte faicte par leurs pere & mere hors de France, dont ils seront releuez, sans que lesdites retraictes & naissance leur puissent nuire ny preiudicier. Et entāt que besoin seroit, le Roy les naturalisera, & declarera qu'il veut qu'ils soient reputez tels, que si vrayement ils estoient naiz en France, & iouyssent de tous les droicts, priuileges, franchises, & immunitiez octroyez à ceux qui sont naiz & demeurans ou originaires de France.

27
Forme des lettres que lesdits enfans doiuent obtenir.

Ainsi a esté aduisé par les anciens Aduocats de la Cour, comme il a esté dict à la fin du chapitre precedent, & du chapitre subsequant. Encores que le pere & mere se fussent retirez hors de France *causa perpetua morae*, & non pour quelque temps seulement : Car celuy qui est nay de François, & se retire en France, y doit estre humainement receu & traicté, d'autant qu'encores qu'il ne soit nay en France, il est originaire de France, estant nay de pere & mere François, ou de pere François, comme il a esté clairement monstré par le discours du present chapitre. [Bodin en sa Republique, liure 1. chap. 6. N.B.]

SCA VOIR

SCAVOIR SI LE ROY SVCCEDÉ PAR DROICT d'Aubeine au François habitué & decedé hors de France, és biens estans dedans le Royaume, ou si ses parens luy doiuent succeder.

- 1 Quand le François s'est retiré en pays estrange pour perpetuellement y demeurer, le Roy luy succede.
- 2 Qu'il ne doit estre loisible au François s'habituier hors du Royaume, sans permission du Roy.
- 3 La question susdite agitée au Senat de Naples.
- 4 Les parens succedent au François qui s'est retiré hors de France, & non le Roy.
- 5 Les biens du François qui s'est retiré hors de France, ne peuvent estre saisis pendant sa vie, s'il n'y a guerre ouverte.
- 6 Le Roy ne succede pas au François qui estoit demeurant, & est decedé hors de France.
- 7 Le Roy ne succede au François qui s'estoit retiré en pays estrange pour certain temps seulement, avec intention de retourner.
- 8 Sentence de Messieurs du Thresor.
- 9 Les enfans conceus & naiz hors du Royaume d'un François, & d'une Estrangere, ne peuvent succeder en France.
- 10 Interpretation de l'arrest de Cernamy.

CHAPITRE XL.



E second doubte qui s'est principalement men touchant le François, lequel s'est retiré hors du Royaume, & habitué en pays estrange, a esté de sçauoir : si tout ainsi que le Roy succede par droict d'Aubeine à l'estranger, en tous les biens qui lors de son decez luy appartiennent en France, comme il a esté dit au vingt-septiesme chapitre : aussi si le Roy doit succeder par droict d'Aubeine, au François habitué & decedé en pays estrange, en tous les biens qui lors de son decez luy appartennoient au Royaume de France : ou bien si tels biens doiuent appartenir aux parens du defunct naiz & demeurans en France.

Ceste question a esté agitée en la Chambre du Thresor, pour les biens & succession de defunct Anthoine Iaille, natif du pays de Touraine, lequel s'estoit retiré en Espagne, au seruice de la defuncte Royne Catholique, y auoit esté marié avec vne Espagnole, eu deux enfans, & apres son decez le Roy de France auoit faict don de ses biens & succession à Philippes Pinard, Verdurier de la Royne mere du Roy : lequel intente proces pour raison des biens demeurez par le decez du defunct, à l'encontre de Macé Andebileau, cousin du defunct.

Pour la decision de laquelle question plusieurs sont d'avis qu'il est besoin auoir recours à ce qui a esté amplement deduit au 37. chapitre du present Traicté, & és deux chapitres subsequens, & suiure la distinction de la loy *postliminiy*, §. *capinus*, ff. de *cap. & postl. reuerf.*

*Question
du present
chapitre.*

¹ **Quand le François s'est retiré en pays estrange pour perpetuellement y demeurer, le Roy luy succede.** Le premier cas de laquelle distinction est, qu'il faut considerer, si le defunct de la succession duquel est question, *habuerit animum reuertendi in Galliam, an verò maluerit apud exteros perpetuò manere, ibi perpetua mora causa sedem fixerit, ad exteros bona sua, opes, facultatesque omnes transtulerit, nec quicquam in hoc regno possideret quod suum asserere posset*, s'estoit marié en pays estrange, y auoit achepté office, ou bien s'estoit faict naturaliser par le Prince du pays. En ce cas, *quia patriam deseruit, solum verit, patriam relicta in peregrinam regionem se contulit. & alienis legibus se submisit.* Plusieurs ont soustenu que *desit esse civis Gallus, ex cuius factis est peregrinus, fuit desertor regni, & verus transfuga*, & de citoyen a esté fait Aubain. Partant ont esté d'avis que les biens estans en ce Royaume demeurez par le decez de tel François, habité & decedé en pays estrange, appartiennent au Roy par droit d'Aubaine. *Textus in l. defunctorum, de re-mit. Cod. lib. 12. l. unica non licere habit. Marroco. C. l. 11. Accursius in l. in adoptionem, in verbo, non mutatur, versic. item aliud. de adopt. Bald. in authentico, sed omnino. Cod. ne uxor pro marito, l. postlimini. 9. transfuga. ff. de capt. & postl. reuers.*

² **Qu'il ne doit estre loisible au François s'habiter hors du Royaume, sans permission du Roy.** Aussi leur semble ne deuoir estre loisible se retirer hors du Royaume de France, & s'habiter en pays estrange, sans permission du Roy, non plus qu'anciennement de Carthage, & à present des Royaumes d'Espagne, d'Angleterre, d'Ecosse, Dannemarch, Sucde, Tartarie & Moscovie. Et le subiet peut estre vendiqué par son Prince naturel. Partant en tous traitez de paix on met vne clause ordinaire: Que les Princes ne receuront les subiets & vassaux les vns des autres, en leur protection, bourgeoisie, ou priuileges, sans leur consentement exprés. Ce qui est conforme à la clause ancienne rapportée par Ciceron: *Ne quis fœderatorum à populo Romano cuius reciperetur, nisi is populus fundus factus esset, id est auctor.* Et outre les traitez il n'y a Prince qui n'en face ordonnance, afin de retenir ses subiets, & les empescher de sortir de son obeyssance. Et ce que dessus est conforme à la disposition de l'Empereur Theodose, *in l. final. de metallis, & metallis. C. libro decimo.*

³ **La question susdite agitée au Senat de Naples.** Pour ceste cause fut mis en doute au Senat de Naples, si celuy qui auoit demeuré toute sa vie en pays estrange, deuoit iouyr du droit de Bourgeoisie en son pays naturel & originaire. Et combien que le Senat n'en resolust rien: toutesfois plusieurs ont décidé, qu'il n'en doit iouyr. *Math. Afflict. decisio: Neapolita. 384. Baldus in l. 2. c. de infantib. expositis, doctores in l. assumptio. ff. ad municip. l. 2. de incol. & ubi quis domicil. C. lib. decimo.* Aussi vn homme natif de ceste ville de Paris, demeurant rue des Noyers, faisant train de banque, & s'estant retiré à Rome, pour perpetuellement y demeurer, estant pourueu d'un grand estat à Rome, loit de Dataire, ou autre, illec estant decedé, le Roy Henry II. fit don des biens dudit defunct à vn quidam, entre lequel & les parens du defunct naiz & demeurans en France, y eut procès, la decision ou composition duquel n'ay entendu.

⁴ **Les parens succedent au** Nonobstant les raisons susdites, il semble que les parens doiuent succeder à celuy qui s'est volontairement retiré, & perpetuellement habité

en pays estrange, non pas que le Roy luy doive succeder. D'autant que par les loix, Ordonnances & statuts du Royaume, il n'y a aucune peine statuée ou indictée à ceux, qui volōtairement se retirent hors du Royaume de France, & vont demeurer en pays estrange. Aussi qu'on ne peut raisonnablement dire qu'ils soient estrangers, & que pour leur regard y ait lieu d'Aubeine, attendu qu'ils sont naiz en France. Pareillement on ne peut soustenir, que pour leur regard y ait lieu de Des-herēce, attendu qu'ils ont parens naiz & demeurans en France. Ainsi fut advisé par les anciens Aduocats de la Cour, pour vn Bourgeois de la Rochelle, lequel estoit allé demeurer en Zelande, s'estoit illec marié avec vne estrangere, eu des enfans, & illec decedé. Aussi fut advisé, que si les enfans venoient en France pour perpetuellement y demeurer, qu'ils auroient les biens de leur defunct pere, estans en France, & seroient preferez tant aux autres parens du defunct, qu'au Roy, se faisans habiliter par le Roy.

François qui s'est retiré hors de France, & non le Roy.

Par les moyens & raisons cy-dessus deduites, on peut clairement cognoistre, encores qu'un François, auquel appartiennent plusieurs biens, tant meubles, que immeubles situez au Royaume de France, se retire hors le Royaume, soit en Espagne, Angleterre, Escosse, Allemagne ou Venise pour perpetuellement y demeurer, mesmes se marie avec vne estrangere, & ait enfans conceus & naiz en pays estrange; aussi ait Office ou benefice en pays estrange, & se soit fait naturaliser par le Prince estrange: toutesfois les biens qui luy appartiennent en France, de son viuant ne sont point confisquezz, & en iceux le Roy pendant sa vie ne peut pretendre aucun droict, soit par Aubeine, ou autrement: ains en doit iouyr sa vie durant, & recevoir les fructs, profits, reuenus & emolumens de tous les biens qui luy appartiennent, les peut vendre, donner, aliener, obliger & hypothéquer. Bien est vray, que s'il y a guerre ouuerte contre le Roy d'Espagne, d'Angleterre, d'Escosse, ou cōtre le Prince au pays duquel le François s'est retiré, on saisira pendant la guerre les biens du François, qui est demeurant au pays de l'ennemy: Les meubles seront vendus au profit du Roy, ou du donataire dudit Seigneur, & les immeubles seront regis par Commissaires, qui bailleront les fructs au Receueur ordinaire des lieux, comme appartenans au Roy par droict de Marque ou de Represailles, ou bien les bailleront au donataire du Roy. Comme nous auons amplement déclaré au 8. chapitre du present Traicté, en parlant de la saisie des biens situez en France, qui appartiennent aux Flamens, lesquels pendant la guerre ouuerte contre le Roy d'Espagne, Comte de Flandre, & Seigneurs des Paysbas, on a accoustumé de saisir. Et auons cy-dessus monsté, que le Roy n'a aucun droict es biens situez en France, delaissez par le trespas du François, qui estoit perpetuellement demeurant & resident en pays estrange: sinon quand il n'a laissé aucuns parens demeurans au Royaume, qui luy puissent succeder. Car en ce cas les biens appartiendront au Roy par droict de Des-herence, cōme d'un autre François demeurant & decedé en France. Non pas que le Roy puisse pretendre lesdits biens par droict d'Aubeine, à l'exclusion des parens naturels & legitimes du François, encores qu'il fust perpetuellement demeurant, & soit decedé en pays estrange.

Les biens du François qui s'est retiré hors de France ne peuvent estre saisis pendant sa vie, s'il n'y a guerre ouuerte.

Le Roy ne succede pas au François qui estoit demeurant, & est decedé hors de France.

[Et neantmoins , combien que cela soit indubitable , si est-ce que Monsieur Chopin *lib. 1. de Doma. tit. 11. nu. 29.* se trouue de contraire aduis : disant que les François estans demeurans & decedez hors de France , leurs biens doiuent appartenir & estre adiugez au Roy par droict d'Aubeine , à l'exclusion des heritiers du defunct.

Lequel aduis auroit esté suiuy en vn proces intenté au Thresor , pour la succession de feu Maistre Guillaume Luquain , viuant Docteur en Theologie en l'Vniuersité de Paris , lequel pendant les derniers troubles s'estoit retiré au Pays-bas , où il auroit faict sa residence , à cause d'une Cure dont il auoit esté pourueu , & quelque temps apres y seroit decedé. Ce qui donna sujet à Messire François de Monceaux , Seigneur de Villiers-Hodan , Capitaine & Gouverneur de la ville de Beauuais , de demander au Roy le don des biens dudit Luquain natif dudit Beauuais , lesquels il auroit faict saisir sous le nom du Procureur du Roy au Thresor , comme appartenant à sa Majesté par droict d'Aubeine : A laquelle saisie se seroient opposez Denys le Feure , soy disant legataire vniuersel dudit feu Luquain , & François Taneau femme authorisée par Iustice au refus d'Estienne Moiant maistre Boulenger demeurant à Paris son mary , heritiere dudit defunct Luquain.

Disoient par leurs moyens , que la succession dudit Luquain ne pouoit appartenir au Roy par droict d'Aubeine , d'autant que ledit Luquain estoit vray & naturel François , que pour s'estre absenté de France pendant les troubles és Pays-bas , où il seroit decedé , pour cela le Roy ne pouoit pretendre aucun droict d'Aubeine és biens dudit Luquain : Et quand ainsi seroit , que non , qu'il n'y auoit preuue au proces que ledit Luquain eust resolu de demeurer à iamais au Pays-bas.

Le Procureur du Roy au contraire , & ledit de Villiers-Hodan ioints , disoient que ledit feu Luquain estoit *vere transfuga* , s'estant retiré aux Pays-bas , en la ville de Bains , Prouince de Henaut , où il s'estoit fait pourueoir d'une Cure pendant la guerre , apres auoir obtenu lettres de naturalité pour viure sous l'obeyssance du Roy d'Espagne , alors ennemy iuré du Roy de France : De sorte qu'ayant renoncé à sa patrie , & mort en pays ennemy de son Prince naturel , cela emportoit vne rebellion quant & soy , mesme confiscation de biens , à cause du crime de leze Majesté , qui marche avec la rebellion. *In cuius criminis exordio perdit reus l'as maiestatis omnium rerum suarum administrationem. l. penul. C. ad l. lul. Maiesta.*

Item , qu'il y auoit des informations qui auoient esté faictes contre ledit Luquain , en l'an mil cinq cens quatre-vingts & huit , par lesquelles il apparoissoit , qu'il auoit mal parlé de son Prince , & par ses Predications excité le peuple à sedition. Sur lesquelles contestations des Conseillers du Thresor auroient rendu leur iugement le 30. iour de Ianuier , mil six cens huit. Par lequel ils auroient déclaré la saisie faicte à la requeste du Procureur du Roy au Thresor , sur les deniers estans de la succession dudit feu Luquain , bonne & valable : En ce faisant déclaré lesdits deniers , & autres biens situez en ce Royaume , qui auroient appartenu audit Luquain , aduenus & escheus à sa Majesté , tant par droict d'Aubeine ,

confiscation, qu'autrement. Ce faisant ordonné que les deniers, & autres biens dudit defunct Luquain seroient mis entre les mains du Receveur du Domaine, pour estre baillez audit Villiers-Hodan, au moyen du don à luy faict par sa Majesté, lors qu'il l'aura faict verifier.

De laquelle sentence ladite Taneau auroit appellé en la Cour de Parlement: Où ledit sieur de Villiers-Hodan auroit obtenu lettres, afin d'articuler faicts nouveaux: ledit incident ioinct au proces, conclusions par escrit de Monsieur le Procureur General, & tout diligemment examiné. La Cour par son iugement & arrest, sans auoir esgard ausdites lettres, a mis & met l'appellation, & sentence de laquelle a esté appellé au neant, sans amende, en emendant ladite sentence, a faict main-leuée à ladite Françoisse Taneau, des biens dudit defunct Luquain, saisis à la requeste desdits intimez, maintenu & gardé, maintient & garde icelle Taneau comme heritiere dudit Luquain, en possession & iouissance d'iceux, ordonne que les Commissaires ausdits biens saisis luy rendront compte, & sans despens: prononcé le cinquiesme Decembre mil six cens dix. N. B.]

Le second chef de la question portée par la Loy *postliminij*, §. *captivus*, est qu'il faut regarder, si le defunct de la succession duquel est question, a eu intention & continuelle volonté de retour en France, *ad nos & maiorum suorum Lares*, l'ait ainsi déclaré, tant par actes passez pardevant Notaires, qu'autrement deuëment: ou bien s'il ne s'estoit retiré en pays estrange, sinon pour certain temps pour estudier, ou bien pour negotier & trafiquer pour luy, ou comme facteur de quelques Marchands, ou pour manier les affaires de quelques Seigneurs: *nec sedem ad summam fortune suarum extra regnum constituerit*. En ce cas les biens du defunct appartiendront à ses parens plus proches & habiles à luy succeder, *quia defunctus peregrinus non erat, sed peregrinans*, comme dit le texte in l. *ciues*, in fine, de incol. & ubi quis do. C. lib. 10. in §. *finali*. Instit. de hered. instit.

7
Le Roy ne succede au François qui s'estoit retiré en pays estrange pour certain tēps seulement avec intention de retourner.

De faict les biens de defunct Anthoine Iaille, duquel a esté cy dessus parlé, par sentence de Messieurs du Thresor, du vingt-cinquiesme Feurier, mil cinq cens soixante treize, furent adiugez à Macé Andebileau son parent & heritier: encores que le defunct se fust marié en Espagne, & eust eu de sa femme Espagnole deux enfans naiz & demeurans en Espagne: parce qu'il auoit plusieurs fois déclaré, que son intention estoit de retourner en France, l'auoit ainsi mandé à ses parens de pardeça: & pour ceste cause n'auoit voulu aliener les heritages qui luy appartenoient en ce Royaume de France: encores que plusieurs fois il eust esté requis de les vendre.

8
Sentence de Messieurs du Thresor.

La question eust esté plus grande, si les enfans de defunct Anthoine Iaille, conceus & naiz en Espagne, d'un François & d'une Espagnole, fussent venus demeurer en France, & eussent mis en proces le donataire du Roy, afin d'auoir les heritages demeurez par le decez de leur defunct pere. Car le donataire du Roy eust soustenu à l'encontre d'eux, questans naiz hors du Royaume de France, mesme d'une estrangere, ils estoient

9
Les enfans conceus & naiz hors du Royaume, d'un François & d'une estrangere, ne peuvent succeder en France.

Aubeins, conséquemment incapables d'aucunement succeder en France, voire à leur pere nay de France és biens estans dedans le Royaume, ainsi qu'il a esté déclaré au 38. chapitre.

Aussi le donataire du Roy eust maintenu, que tels enfans ne se pouvoient ayder de l'arrest de Marie Mabile, recité au chapitre precedent: parce qu'ils n'estoient naiz d'un François & d'une Françoisé, comme estoit ladite Mabile, laquelle auoit verifié que ses pere & mere, & elle pareillement auoient eu continuelle volonté de retourner en France: aussi elle auoit obtenu lettres de naturalité du Roy, sans lesquelles elle n'eust esté capable de succeder au Royaume.

10
Interpretation de l'arrest de Cenamy.

Pareillement le donataire eust allegué que les susdits enfans ne se pouvoient ayder de l'arrest donné au profit de Cenamy, transcript au dernier chapitre du present Traicté: parce que Cenamy pretendoit la succession contentieuse, tant à cause de son pere natif en France, duquel il auoit don, que de son chef comme naturalité; & encores comme ayant les droicts cedeux du Roy: ainsi qu'il est amplement déclaré à la fin du dernier chapitre du present Traicté.

Partant plusieurs ont esté d'aduis que tels enfans, comme Aubeins n'eussent esté receuables à demander au donataire du Roy, les biens demeurez par le decez de leur defunct pere, situez au dedans du Royaume de France, pour les raisons, tant cy dessus recitées, qu'autres raisons & moyens amplement deduits és deux chapitres precedens. Toutesfois nous auons dit esdits chapitres que la faueur des enfans naiz d'un François qui viennent en France, pour perpetuellement y demeurer, est si grande, qu'ils doiuent succeder à leur defunct pere, en tous les biens demeurez par son decez situez en France, & en exclure tant le Roy, que tous autres parens. Et sera bon qu'ils obtiennent lettres du Roy, pour n'auoir esgard au lieu de leur naissance, comme il a esté dict au 39. chapitre, lequel il conuient veoir en la fin d'iceluy.

FACTVM REDIGE' EN LATIN, CONTENANT

les principaux moyens du proces d'entre Geoffroy Cenamy, demandeur, & Maistre Iean de Longueual, defendeur: auquel sont recitées plusieurs antiquitez & choses notables du droit d'Aubeine: mesmes si vn Francois s'estant habitué hors le Royaume, peut succeder en France: avec l'arrest interuenu au proces susdit.



YANT monstré és quatre chapitres precedens, que le François qui s'est retiré hors du Royaume, & perpetuellement habitué en pays estrange, ne peut aucunement succeder en France, ny pareillement les enfans conceus & naiz hors le Royaume, s'ils ne viennent en France pour perpetuellement y demeurer, & soient habilitez par le Prince; aussi que le Roy succede à tel François és biens estans au dedans du Royaume de France, lors qu'il n'a aucuns parens en France

capables de luy succeder : Il semble qu'il sera fort commode transcrire à la fin du present Traicté, vn Factum redigé en Latin, par defunct Maistre Jean de Longueual, en son viuant Aduocat en la Cour de Parlement, lequel depuis peu de temps ay recouuert, & est incogneu à plusieurs, pour n'auoir esté diuulgué, ny mis en lumiere, contenât les principaux moyens alleguez au proces qui estoit pendant en la Cour, entre Geoffroy de Cename en son nom, & comme ayant droict par transport de Pandolphe de Cename son pere, demeurant à Venise, demandeur d'une part : & ledit de Longueual, & Damoiselle Ysabeau d'Asnieres sa femme, defendeurs d'autre. Pareillement transcrire l'arrest interuenu au proces susdit, lequel est ordinairement allegué, & duquel auons fait ample mention és trente-septiesme, & trente-neufiesme chapitres du present Traicté : avec les moyens sur lesquels il semble cest arrest estre fondé. Par la lecture duquel Factum, ensemble de l'Arrest, auquel sont inserez les moyens respectiuelement alleguez par les parties, on pourra amplement cognoistre la decision des quatre questions traictées és quatre chapitres precedens. Aussi en ce Factum sont recitées plusieurs antiquitez, & choses notables concernans le droict d'Aubeine, qui seront fort agreables aux lecteurs, duquel Factum la teneur est telle.

QVÆSTIO A IOANNE LONGOVALLIO IN
Parisijs Senatu causarum Patrono proposita, super noua & insolente peregrinorum materia.

- | | |
|--|--|
| 1 Non solum origo, verum etiam
allectio ciues facit. | 14 Fœderati non sunt extranei. |
| 2 Qui ciues censerī debent. | 15 Ius mutandæ ciuitatis ex voluntate pendere. |
| 3 Municeps qui. | 16 Allectione quæritur & mutatur ciuitas. |
| 4 Represalliorum ius quid. | 17 Nemo duarum ciuitatum ciuis esse potest. |
| 5 Apollonius à loco, Rhodius appellatus. | 18 Ciuitatis patriæque mutatio quomodo fieri solet. |
| 6 Peregrini testamenti factionem non habent. | 19 Impetratio togæ quid, & cur necessaria. |
| 7 Legati contra. | 20 Quibus ex causis ciuitas amittitur. |
| 8 Consuetudo optima legum interpretes. | 21 Arborem quæ in fundo alieno radices egit, mutare dominum. |
| 9 Transfugæ ciuitatem amittunt. | 22 Quando statim amittitur ciuitas. |
| 10 Originis iura citra delictum auferri non possunt. | 23 Mutatio ciuitatis peregrinitatem, peregrinitas vero incapacitatem legitimæ hæreditatis percipiendæ inducit. |
| 11 Nemo impeditur duas habere patrias aut ciuitates. | |
| 12 Peregrinorum nomine quid significetur. | |
| 13 Peregrinos ciues non fieri, nisi nominatim ciuitate donentur. | |

- 24 Peregrini significatio num-
quam mutata.
25 Personarum distinctio circa eos
qui sunt in ciuitate.
26 Qui dicantur hostes.

- 27 Differentia inter indignos, &
incapaces.
28 Principis liberalitas absque in-
iuria & fraude cuiusquam fieri
debet.

CHAPITRE XLI.

*Factum du
proces d'en-
tre Geofroy
Cenamy de-
mandeur, &
Maistre Jean
de Longue-
ual, defen-
deur.*

*Intetio Ce-
namij acto-
ris.*

*Fundamen-
tum Cena-
mij ex gra-
dus prero-
gatiua. In-
tentio
actoris de-
pulsio.*



IS est mihi de proprietate domus quam inhabito, cum Godofredo Cenamio Venetō, nuper in hanc regionem ac- cito, & per Codicillos regios Francorum iure donato.

Is pro intentionis & reuendicationis, quam in me mo- uet, fundamento: ait paucos abhinc ante annos, nempe anno supra sesquimillesimum sexto & trigesimo, Ioannem Cenamium patruum suum ab humanis decessisse, relicta in hæreditate ex maiorū suo- rum & meorum patrimonio, bonisq; auitis domo controuerfa, quam ad Pandolphum patrem suum eundemq; Ioannis fratrem iure legitimæ hæreditatis spectasse asserit: eam sibi à patre Pandolpho donatam osten- dit, ex quo Rex nostram ciuitatem illi largitus est.

Præterea excluso à successione fraterna Pandolpho, vel eam repudian- te, idem Godofredus Ioannis patruī hæredem ex suapte persona idcirco se esse contendit, quòd gradu proximior mortuum attingat, meque longiore remotum faciliè excludat.

Ego contrà, excipio Pandolphum Cenamium Lutetiæ quidem or- tum, Venetiis quinquaginta aut eo amplius annos moratum, ne tantil- lum quidem interea ad nos diuertisse. Matrimonium ibidem ab anno ses- quimillesimo contraxisse cum Veneta. Ex ea plures sustulisse liberos, ex liberis nepotes, omnes vtrique nunc Venetiis agentes. Oriundum ipsum ab Italia, nempe auo Lucensi, Venetias bona sua, opes, facultatesque omnes transtulisse, neque quicquam in hoc regno possidere quod suum asserere valeat. Animum ad nos redeundi ante delatam Ioannis hæredita- tem nullo vnquam momento habuisse, neque hodie habere, sed eum Ve- netiis & summam rerum suarum firmasse: vbi genus vitæ statumque & conditionem perpetuæ moræ causa delegit, argentariamque longos an- nos exercuit: quæ omnia ita se habere, ne ipse quidem inficiatur Godo- fredus.

*1
Non solum
origo, verū
etiam alle-
ctio ciues
facit.*

*2
Qui ciues
censeri de-
bent.*

Ex his consequi contendo Pandolphum vertisse solum, ciuitatem Pa- risinam reiecisse, atque tempore delatæ hæreditatis fuisse ciuem Vene- tum, municipem Venetiarum, & patriam habuisse Venetias.

Ciuem certè Venetum fuisse inde apparet, quod ciues, vt ait Impe- rator in l. ciues de inco. lib. 10. C. non origo solum, adoptio aut manu- missio facit, sed etiam allectio, vtpote, cum ad incolendam alienam ci- uitatem quispiam allicitur vel allegitur, & reiecta propria ciuitate in pere- grinam sponte secedit. Cicero quoque l. 1. Offic. eos ciues esse sentit, qui leges, iura, iudicia, suffragia & consuetudines communes habent. Vnde & idem in Somnio Scipionis, consilia cœtusque hominum iure sociatos, appellat

appellat ciuitates. Pandolphum autem quadraginta, aut eo amplius annos Venetiis argentariam fecisse in aperto est, moribus & institutis Venetorum vixisse, nostra nesciuisse. Si quid foris, domive, publicè aut priuatim agendum fuerit, Venetorum consiliis interfuisse, eorum causam fouisse: Venetis per omnia paruisse, tametsi de regni nostri damno ageretur, nos ne exaudisse quidem. Quis regno inficietur Pandolphum, flagrante bello, quod non ita pridem in Venetos, Ludouico regnante confectum est, hic inuentum ut ciuem & trapezitam Venetum non capi tantum, sed & seruituti subijci potuisse, & bona eius, si quæ apud nos habuisset, iure capientibus, aut filco nostro applicanda venisse?

Proinde Pandolphum municipem Venetum fuisse probat lex i. ff. ad municip. Municipipes (inquit) sunt, qui in ciuitatem nostram recepti, munera nobiscum subeunt. Constat autem Pandolphum muneribus reip. Venetorum alligatum fuisse, vectigalia illis & tributa soluisse, patrimonialia onera, personalia & mixta apud eos subiisse: ad ea vocato, nullam profuisse excusationem: à nostris verò, nullum munus ei iniungi, & si iniunctum fuisset, nullo imperio ad suscipiendum cogi potuisse. Propterea apud Iureconsultos in rubri. ff. solut. matrimo. & Bartol. in tractatu quem vocat Represaliorum, scriptum reperimus, prehensionem, quam antiqui clarigationem, nos nunc corruptiore vocabulo Represaliam dicimus, à nostra ciuitate aduersus Venetos permissam, exerceri contra Pandolphum eo nomine potuisse, quod munera cum Venetis subeat. Contra autem non exerceri in eum, qui Venetiis ortus apud Lutetiam munera nostra amplectatur.

Demum Pandolpho patriam esse Venetias, cum ex multis argumentis conuincitur, tum ex hoc maximè quod matrimonium ibi contraxerit cum Veneta, liberisque ex ea susceptis, animum illinc migrandi abiecerit. Alienigenis, inquit, Cornelius Tacitus, lib. xx. & per connubia nobiscum societatis, & qui huc prouenere, hæc regio patria est. Vnde factum est, ut antiquorum plerique, denominationes suas sumpserint à loco, in quem patria relictæ emigrassent. Quod de Apollonio Rhodio scribit Suidas, quem Alexandria natum omnes fatentur. Itaque Cicer. lib. 2. de Legibus, ait: non solum patriam nobis esse ubi nati sumus, sed eam etiam quam sumus excepti. Quod & à Propheta Ezechiele confirmatur, cum ait: Aduenæ qui accesserint ad vos, & genuerint filios in medio vestrum, erunt vobis sicut indigenæ. Non parùm etiam ad rem facit, quod Pandolphus ad Italos rediisse, vnde maiores orti erant, & origini auitæ se restituisse censendus est.

Cum ergo ex superscriptis Pandolphus tempore delatæ hæreditatis foris vel in regno, domi vel militia, pace vel bello, censendus fuerit ciuis, municeps & patria Venetus, atque ideo peregrinus & exterus: palàm est eum hæreditatis legitimæ, & adipiscendorum inter nos bonorum fuisse incapacem. Qui deportantur, inquit, l. i. C. de hæred. instit. tanquam peregrini hæreditatem capere non possunt. Vnde qui honores amittunt & ciuitatem, ad peregrinitatem reductos, ait l. sed si hac. §. liberos.

³
Municipes
qui.

⁴
Represaliorum
ius
quid.

⁵
Apollonius
à loco,
Rhodius
appellatus.

Ex superioribus
conclusio.

ff. de in ius vocando, cui addenda est l. sed si in conditione. §. Solemus. ff. de hæredib. institucendis. Solemus, inquit, dicere media tempora, non nocere, vtpote, ciuis Romanus scriptus hæres viuo testatore factus est peregrinus, mox ad ciuitatem Romanam peruenit, media tempora non nocent. Item quando lex Falcidia secundo cap. ciuis Romanus, inquit, quantam cuique ciui Romano pecuniam legare volet, ius potestatisque esto. l. i. in princip. ff. ad leg. Falcid. indubiè exterum peregrinūque à legato, testamentariūque donationibus excludere voluit.

6
Peregrini
testamenti
factionem
non habet.

7
Legati con-
tra.

8
Cōsuetudo
optima le-
gum inter-
pres.

Planè peregrinos non habere iura ciuitatis, argumento est, quod de obsidibus à Iureconsultis scriptum inuenimus: nimirum, eos non habere testamenti factionem, quod peregrini sint, l. obsides. ff. de testamen- tis: nec ad legitimas eorum hæreditates quempiam admitti, nisi vsum togæ à principe indultum acceperint, l. sed si accepto. ff. de iure fisci. vbi ait Budæus, vsum togæ eum adipisci, qui peregrinitatem exuens ciuitate Romana donatus est. Eò etiam pertinet, quod Legati dum apud externos agunt, testamenti factionem ea potissimum ratione retinent, quod apud eos non sunt perpetuæ moræ, sed legationis tantum temporariæ gratia, l. qui à latronibus. ff. de testa. Quod si ciuis Romanus alia ex causa apud externos esset, nimirum vt mallet eos sequi, quàm apud Romanos manere, nemini dubium esset eum testamenti factionem, & iura ciuitatis Romanæ amittere, l. postliminij. §. captiuus. ff. de cap.

Quamquam autem Accursius, Bartolus & aliorum plerique in ea sententia induruerint: peregrinos hæreditatum esse capaces, argumento §. vlti. de hæred. institut. lib. 2. qui locus de peregrinantibus, non de peregrinis loquitur. Alij tamen, qui iudicio fuerint meliore, & qui rem perspicuè decisam per leges suprâ citatas agnouerunt, ad hæreditatem peregrinos & exteræ nationis homines non admiserunt. Quorum opinioni subscribit Alciatus Iureconsultorum nostræ tempestatis facilè princeps, in libri Parergon primi cap. 14. & 15. Consonat autem & huic iuris communis cōstitutioni consuetudo, optima sanè legum interpres, hoc in regno hætenus recepta & obseruata quæ peregrinos à ciuitatis iure repellit: nisi quos constet id impetrasse à principe per rescriptum, quod naturalitatis appellatur. Quod quidem vsque adeò obtinet, vt si eis à principe concedatur, vt hæredes hoc in regno possint habere, hoc tamen ita temperatum sit, modò huiusmodi hæredes regni eiusdem sint incolæ, & ad externos non commigrarint. Item peregrini à summo Pontifice beneficia aut sacerdotia nostratia consequuti moribus nostris etiam ab eorum possessione repelluntur, nisi eis à principe nominatim indultum fuerit.

9
Transfugæ
ciuitatem
amittunt.

Obijcio præterea Godofredo aliam exceptionem: Pandolphum eius belli tempore, quod aduersus Regem Ludouicum ausi sunt Veneti, hostium partes sequutum, & si antea ciuis noster esse perseuerabat, in reliquorum tamen hostium aut transfugarum numero tunc fuisse. Cū qui apud hostes est, si cum redire posset, non fuerit reuersus ad suos, pro transfuga sit habendus, l. non omnes. §. qui captus. ff. de re milit. l. si captiuus in princip. ff. de capt. Transfugæ autem ciuitatem amittunt, l. amissione. §.

qui deficiunt. ff. de cap. dimin. Consequenter & omnia iura ciuitatis, quorum primum est & præcipuum ius legitimarum hæreditatum, l. lege obuenire. ff. de verbo. signif. Et hæc quidem quod ad personam Pandolphi attinet, quam incapacem fraternæ hæreditatis probat nominatim, expressè, & specialiter d. §. solemus. Is enim cum ciuis esset Parisinus, factus peregrinus, nec moribus nostris, nec iure Romano hæreditatem hic adipisci potest.

Godofredum verò, proculdubio hæreditatis inter nos consequendæ incapacem palam arguo, cum ex supra scriptis rationibus, tum quia id temporis nondum ciuitate nostra esset donatus, quo decessit patruus, sed eam longo post tempore impetrarit. Et sic manifestissimum principis beneficio iura postmodum obuenientia conferri, non autem comprehendere ea, quæ iam antea alteri quæsitæ sint.

His respondet Godofredus Cenamius, iura, quæ peregrinos ad legitimas successiones accedere vetarent, nouis imperatorum constitutionibus esse inducta & sublata: Potissimum autem & nominatim à Federico Imperatore per authen. omnes peregrini, sub titulo, communia, de success. C. ait enim ab eo permissum succedere peregrinos, & eorum hæreditates ad consanguineos tantum deferri.

Superiorum
argumen-
torum re-
futatio.

His adiicit, Pandolphum tametsi Venetiis hætenus egerit, tamen ut apud nos ortum, originis atque adeo naturæ iura amittere non potuisse, ut quæ nec ab initio nec tractu temporis citra delictum auferri aut deperdi possint, citato ab hoc Ciceronis testimonio, qui pro domo sua ad pontifices, hoc iuris, inquit, à maioribus proditum est, ut nemo ciuis Romanus aut libertatem, aut ciuitatem possit amittere, nisi auctor factus sit. Et paulo post, Ciuitatem verò, inquit, nemo vnquam vllò populi iussu amittet inuius, quod & per l. origine, de municip. & orig. l. x. C. confirmari ait: quæ dicat origine propria neminem ne sua quidem volûtate eximi posse.

10
Originis
iura citra
delictum
auferri non
possunt.

Subiicit & aliud, nempe impedimento nihil esse, quo minus quis duas patrias habeat, aut ciuitates, vnâ quidem origine quæsitam, aliam autem domicilij causa contractam. l. Labeo. l. assumptio. §. filius, & l. libertus, §. præscriptio, ff. ad municip. quibus adiicit, l. i. & fina. de municip. & orig. lib. 10. C. quibus statuitur in duabus ciuitatibus onera quæpiam subire, in vna voluntatis, in altera originis gratia. Ciceroni præter hæc innititur, qui lib. de legib. 2. & sibi & omnibus municipibus duas esse censet patrias, vnâ naturæ, alteram ciuitatis. Catonis illius exemplo, qui Tusculi natus, in populi Romani ciuitatem susceptus est. Itaque cum ortu Tusculanus esset, ciuitate Romanus, habuit alteram loci patriam, alteram iuris.

11.
Nemo im-
peditur
duas habe-
re patrias
aut ciuita-
tes.

Rursus asserit Godofredus, nusquam statutum inueniri, ciuem Romanum aut Parisinum qui in peregrinam regionem se transtulerit, peregrinū propterea aut exterum fieri: ac legitimarum hæreditatum, quæ in naturali solo & germana patria ei obueniunt incapacem: nec probari defensionem meam opinatur Iureconsulti responso, in dicto §. solemus. Nam cum Accursio asserit peregrinorum nomine significari vel deportatos vel hostes: deportati enim ad peregrinitatem sunt reducti, d. l. sed si hac. §. liberos.

12
Peregrino-
rum nomi-
ne quid si-
gnificetur.

Item quos nunc hostes appellamus, constat, teste Cicerone lib. off. 1. antiquis dictos esse peregrinos.

13
Peregrinos
ciues non
fieri nisi
nominatim
ciuitate do-
nentur.

Ait insuper Pandolphum ciuem Venetum ideo existimari non debere, quòd ad eos commigrarit quidem, ab eis autem accitus aut allectus fuerit numquam. Necesse autem esse ut quis ciuis efficiatur, ciuitate nominatim esse donatum. Peregrinos enim nisi nominatim ciuitate donentur, aut ius togæ Romanæ acceperint à principe, procul dubio non esse ciues, arg. dict. l. sed si accepto, facere etiam ait, quod scribit Cicero de ciue Romano, quem Gaditani nominatim sciuerunt ciuem suum. Retorquet in me & regni nostri consuetudinem, iuri communi non dissimilem, quæ peregrinum quantumuis longo tempore apud nos vixerit, non patitur eorum, quæ iuris ciuilibus sunt, esse capacem: nisi principalis gratiæ accessione, quæ id nominatim tribuat. Cuius dicti rationem, Ciceronis auctoritate comprobare nititur, is enim in ea oratione quam ad Pontifices habuit pro domo sua, Qui erant, inquit, rerum capitalium condemnati, non prius hanc ciuitatem amittebant, quam essent in eam recepti, quòd vertendi, hoc est mutandi soli causa venerant. Et eiusdem in Topicis. Mancini (inquit) causa defendi potest postliminio rediisse, deditum non esse, quando non sit receptus. Nam neque deditioem, neque donationem sine acceptatione intelligi. His Ciceronis verbis arguit, & apertè contendit ciuem Romanum quamquam expulsam, ciuitatem perdere tum demum, cum ab alia ciuitate nominatim receptus fuerit, & adscitus in ciuem.

14
Fœderati
non sunt
extranei.

Denique contendit Godofredus Venetos, qui in fœdera Francorum diu iurauerint, & quæ mansisse delatæ hæreditatis tempore in confesso est, peregrinos aut exteros non esse, auctoritate Budæi, qui in l. non dubito. ff. de capt. fœderatos, ait, non esse extraneos. Ideoque inter nos atque eos cessare ius postliminij.

Rursus quod obijcio, Pandolphum Venetorum partes secutum esse eo bello, quòd regnante Ludouico confectum est: Respondet patrem nihil hostile gessisse, nusquam in consiliis numeratum, nusquam militiæ adscriptum, tantummodo apud eos mansisse quibuscum ante eius belli rumorem & apparatus sibi consuetudo fuisset, & vitæ modus institutus. Quod si etiam apud eos animo in nos maleuolo commigrasse merito esset censendus, quia excitato & flagrante bello ad nos non redierit, id tamen omne, pax postmodum lata & inita oblitterauerit.

Præterea esto, pater deliquerit, bello interfuerit, nec pace sit restitutus, eo ipso indignum eum successione fraterna dicendum sit, quæ ad filium Regemque perferatur: à quo se causam & ius habere iactitat Godofredus.

Quod autem ad ius ex suapte persona conceptum, asserit sibi nihil opus esse regiis Codicillis, qui naturalitatis appellantur, se Parisino patre genitum, qui paternam ciuitatem pro sua habeat, dict. l. assumptio. §. filius. Et qui ciuitati suæ sit restitutus per Codicillos regios, non autem in eam translatus, argumento l. filio. ff. de lib. & posth.

Hic adiicit, speciali principis nostri rescripto sibi indultum, ut hanc

hæreditatem amplectatur & agnoscat, & à constitutione solutum, quæ peregrinos à bonorum possessione petenda prohibet. His confusus & accinctus argumentis, partes contra me suas magno studio tuctur & defendit Godofredus.

Ego verò his secure contemptis, contraria ingerens, primum nego leges quæ peregrinos à bonorum possessione repellunt, à Fœderico esse sublatas aut delatas, nec ius constitutione, qua se Godofredus tueri nititur, vlllo pacto iuuari intentionem suam: cùm per eam peregrinantibus tantum caueatur, vt si interim decedant, bona eorum cauponibus prædæ non sint, sed ad hæredes aut legitimos successores deferantur.

Argumentorum superiorum solutio.

Quod ait secundo loco, patrem Pandolphum ciuitatem Parisinam vt naturalem, citra delictum amittere non potuisse, Ciceronis auctoritate, ego quidem recte iudicasse Ciceronem fateor, neminem perdere ciuitatem inuitum, nisi auctor sibi ipse factus sit: sed multis modis auctorem fieri sibi ipsi aliquem ciuitatis amittendæ, alibi satis explicat: nempe in oratione pro Cornelio Balbo: vbi non semel asserit auctorem amittendæ ciuitatis sibi fieri, non solum eum qui deliquerit, sed & qui propria ciuitate sponte reiecta, alteri se dicauerit, & qui postliminio sit reuersus. Itaque ius mutandæ ciuitatis non in legibus tantum positum, sed in priuatorum voluntate situm affirmat. Si Gaditani, inquit, nominatim sciuerint de aliquo ciue Romano, vt is sit ciuis Gaditanus, magna potestas sit nostro ciui mutandæ ciuitatis. Et paulo post subdit. Neque solum dicatione, quod clarissimis viris in calamitate accidisse vidimus, sed postliminio, etiam fieri potest mutatio ciuitatis. Et rursus, multi superiore memoria ciues Romani sua voluntate indemnati & incolumes, his rebus relictis, alias se in ciuitates contulerunt. Alibi quoque, ciui Romano licet esse Gaditanum siue exilio, siue postliminio, siue reiectione huius ciuitatis. Item errore ductos vidi egomet nonnullos homines imperitos nostros, Athenis in numero Iudicum & Areopagitarum, certa tribu, certo numero, cum ignorarent, si illam essent adepti, hanc se perdidisse, nisi postliminio recuperassent. Atque iterum, Peritus verò, inquit, iuris nostri ac moris nemo vnquam qui hanc ciuitatem retinere vellet, in aliam ciuitatem se dicauit. Quid his verbis Ciceronis appertius? quibus qui palam contendit & probat ciuem Romanum ciuitatem mutare posse, atque amittere, cum alteri se suapte sponte dicauerit. Hæc enim sunt, inquit, firmissima fundamenta nostræ libertatis, sui quemque iuris admittendi, & retinendi esse dominum. Hanc Ciceronis sententiã de ciuitate mutanda sequuntur, & Pomponius Iureconsultus in l. postliminij, §. final. ff. de capt. vbi Menandri meminit, de quo Cicero in illa oratione, & Triphonius in l. bello §. manumittendo, d. tit. qui Sabino adhærens. Libero homini, ait de sua ciuitate constituendi, liberam esse facultatem. Liber enim homo, ad peregrinos se transferens, perdit nostram ciuitatem, quam postliminio recuperat, si ad nos redierit, vt res nostras sequatur, eosque relinquat à quibus abiit. Adde quod allectione quæritur, & mutatur ciuitas per dict. l. ciues de inco. lib. x. C. Itaque Plutarchus in Solone scriptum reliquit, Solonem non eos solum peregrinos ciuitati adscripsisse, qui perpetuo exilio patria

15

Ius mutandæ ciuitatis ex voluntate pendere.

16

Allectione quæritur & mutatur ciuitas.

pulsi solum mutauissent, sed & eos qui ad aliquam artem exercendam cum tota domo, dijsque Penatibus sua sponte Athenas aduenissent. Item cuius tandem rei gratia, cuius Romanus coram Nerone arguebatur peregrinitatis, ut est apud Tranquillum, nisi quod ciuitatem Romanam sua sponte & absque delicto reieccisset? Cum utique si ex delicto, nec sponte reieccisset argueretur, nec Romæ, nec coram Imperatore causam diceret. His rationibus palam fit, ciuitatem nostram reieccisse Pandolphum, & sponte sua amisisse: ac Venetum peregrinumque sua voluntate se constituisse.

17
Nemo duarum ciuitatum cuius esse potest.

Atqui, inquit Godofredus, nihil impedimento est quo minus eodem tempore, & cuius Venetus, & cuius Parisinus fuerit Pandolphus. Hoc profecto cum multis locis negatur à Cicerone in oratione pro Cornelio Balbo, superius à nobis citata: tum ex eo quod dicit, duarum ciuitatum cuius esse quis iure ciuili non potest. Item non possumus (inquit) huius ciuitatis esse ciues, & cuiusuis præterea. Rursumque, O mira (inquit) præclara atque diuinitus iam à principio Romani nominis à maioribus nostris ratio comparata! ne quis nostrum plusquam vnius ciuitatis esse possit, dissimilitudo enim ciuitatum, varietatem iuris habeat necesse est.

18
Ciuitatis patriæque mutatio quomodo fieri solet.

Quod leges nostræ duas ciuitates alicui largiuntur, & ad ambarum munera obeunda quempiam impellunt, quodque Cicero municipibus duas patrias concedit, id sanè obtinuit municipibus Romanis, seu qui ex municipio Romanæ ditioni subdito orti erant. Ideoque eo loco disceptans cum Attico in Arpino natali solo suo, quod municipium erat non procul ab vrbe, Ego, inquit, esse hanc meam patriam (nempe Arpinum) numquam negabo. Dum illa (nempe Roma) sit maior, & hæc (nempe Arpinum) ea contineatur. Cicero ergo eo loco duas patrias, duasque ciuitates, & sibi, & reliquis municipibus Romanis attribuit, quod altera alteram contineat, & habeat subditam: hoc etiam senserunt Imp. in l. 1. & vlti. de municip. & orig. Cod. lib. 10. loquentes de eo qui ex minore ciuitate transit ad maiorem, vel contra, ut de Biblo, qui Berithum incolit. Constat enim ex Ptolomæo & Geographis aliis, Biblon & Berithum vnius Phœniciæ, & eiusdem Prouinciæ esse ciuitates. Cum autem in exteram & peregrinam ciuitatem extraneo populo, aut principi subditam, quispiam se transfert, citra controuersiam est, eum mutare & ciuitatem & patriam, fierique peregrinum, & exterum, & alienum à legibus nostris. Hanc distinctionem iuxta Ciceronis sententiam comprobatur & Baldus Perusinus, eximius iuris interpres, in authen. sed omnino. C. ne vxor promari. Siquidem ait, Perusinum, qui Senis, aut Florentiæ habitet, non deferere originem, quod in eadem prouincia sint Perusium, Sena, & Florentia. Cum autem in exteram prouinciā quis se transtulerit, deferitur regio, mutatur ciuitas, & alteri prouinciæ, & ciuitati persona dicatur. Probat hanc opinio & per Glosam in l. in adoptionem. C. de adopt. Ita intelligenda iura, quæ duarum ciuitatum munera cogunt subire, nempe, ut tum demum obtineant, cum vtræque ciuitas, vnius sit ditionis aut principatus, satrapie aut potestatis.

Rursum quod ait Godofredus Pandolphum ex eo ciuem Venetum non fuisse, quod nominatim receptus non fuerit, atque ideo nostræ ciuitatis

iura semper retinuisse : Respondeo , iure civili non probari necessariam esse huiusmodi receptionem , vt quis alienæ ciuitatis , ciuis efficiatur. Lex enim ciues C.de incol. paulo ante à nobis citata, allectione & inuitatione ciuem effici ait. Sed & Propheta Ezechiel extraneos statim sublatis liberis,indigenas esse voluit. Itaque cum quis in alienam migrat ciuitatē, perpetuæ moræ gratia, cum alienis legibus atque imperio se submittit , alienum ciuem fieri non dubitarim. Quamuis autem Romæ necessaria sit togæ impetratio, & in hoc regno Regiæ literæ quæ naturalitatis vocantur: hæc & huiusmodi cum vel propter locorum præstantiā,vel ob singularem aliquem vsum & rationem obseruantur. Reliquæ nationes huiusmodi statutorum penitus sunt expertes : apud eas enim vel diutina communicatione, vel connubiorum commixtione ciuitatis ius contrahitur : quod & apud Germanos, Hispanos, Venetos etiam videre est, quibus nominatim allegere, aut ciuitatis iura donare non est in vfu.

19
Impetratio
togæ quid,
& cui ne-
cessaria.

Adde, Pandolphum ciuem Venetum nūquam fuisse fateamur. Id certè parum aut nihil ad causam nostram pertinet. Satis enim & abundè mihi fuerit, si peregrinum modò fuisse, nostræque ciuitatis iura numquam retinuisse, quoquomodo indicauero. Amisisse autem ciuitatē, factumq; peregrinum Pandolphum, inde maximè constat, quod asserit Cicero in ea oratione, quæ est pro Cornelio Balbo , plurimis ex causis amitti ciuitatem. Nempe propter delictum, cuius ratione quis exulet, deportetur, aut dānetur in metallum : deinde iure postliminiij. Nam qui ex peregrina ciuitate ad nos redierit vt res nostras sequatur, eosque relinquat, quorum ciuis fuerat, hunc sanè constat, aliena statim ciuitate reiecta, nostram postliminio recuperasse: deinde cum quis alteri nominatim dicatur ciuitati. Denique & per propriæ ciuitatis reiectionem, & repudium, quod vfu venire solet ijs, qui in externam regionem eo animo proficiscuntur, vt ibi reliquum vitæ exigant, resq; alienas sequantur. Hi enim sicut reliqua, quæ in naturali solo relinquunt, ita & solum ipsum, & ciuitatē amittunt, quandoquidem ea quæ antea possidere solebamus, pro derelictis habentes amittamus.

20
Quibus ex
causis ciui-
tas amitti-
tur.

Cum igitur Venetijs perpetuam moram firmauerit Pandolphus, matrimonium cum Veneta contraxerit , liberos sustulerit, numquam interea indicauerit se aliquo istius regionis desiderio teneri: palàm est ciuitatis nostræ iura non abiecisse tantum, sed & sponte spreuisse, eoque animo semper perseuerasse, cum & apud Venetos decesserit, & familiari vxoris suæ loculo sit hodie sepultus. Fecit etiam magnum sanè & aptum illud de re ad personam argumentum : Si enim arbor nostra quæ in fundo alieno coaluit & radices egit, mutat dominum, alieno solo cedit, & nostra esse desinit, l. adeo §. i. & sed si ex meis, §. arbor ff. de acquiren. re. do. l. si frumentum. §. de arbore, ff. de rei. vendi. Ita ciuis noster ad externos migrans, & progeniem suam longo liberorum ordine ibidem propagans , peregrinæ si patriæ inserit, nec amplius inter nostros ciues annumerari potest.

21
Arboem
quæ in fun-
do alieno
radices egit
mutare do-
minum.

At enim ait Godofredus non contingere ciuitatis amissionem, donec facta sit receptio in alienam, Ciceronis testimonio in oratione pro domo sua perperam citato, nec satis intellecto. Deportatos enim constat, statim ac princeps sententiam præsidis comprobari, & insulam annotari,

iure civili amittere testamenti factionem, & iura ciuitatis: vnde si præfectus prætorio (qui deportare etiam absque speciali principis comprobatione potest) aliquem deportauerit, is statim perdit ciuitatem: nec expectandum est, vt in insulâ recipiatur. l. 1. §. 2. quibus. ff. de legat. 3. l. 2. §. 1. ff. de pœn. & l. si quis filio exhæredato. §. eius, ff. de iniust. rupt. irrit. v. testamento. Præter hæc etiam animaduertendum venit, quod si tum demum ciuitatem amitterent, cum in alienam essent recepti, & facti ciues insulæ sibi designatæ, quod ex Ciceronis verbis censet probari, inanis esset opinio eorum, qui in dicto §. 2. quibus, & in l. quidam ff. de pœn. Apolidas quosdam introduxerunt: nempe, qui nullam sibi ciuitatem possent ascribere. Amissionem enim ciuitatis Romanæ sequeretur alterius adeptio. Nec momento quodam deportati Apolides esse possent.

22
Quando
statim amittitur ciuitas.

Sed & quod ait Cicero in Topicis, Hostilium Mancinum postliminio redijisse posse dici, id non assertionis sed disceptationis gratia protulisse videtur. Constat enim iure civili, Hostilium Mancinum, quamuis à Numantinis, quibus erat deditus, non fuerit receptus, ciuitatem tamen amisisse. Ait enim lex vlt. ff. de legat. quem semel populus dedi iussisset, videri ex ciuitate expulsum, non secus ac si igni & aqua interdixisset. De eo itaque lex postmodum lata est, vt ciuis esset Romanus: & Præturam quoque gessisse dicitur. Ea autem lege nihil opus fuerat Hostilio Mancino, si ideo ciuitatem Romanam retinisset, quod à Numantinis non fuisset receptus. Huic simile penè etiam in Cicrone reprehendit Pomponius Iureconsultus in l. postliminij, ad finem ff. de capt. quod in oratione pro Cornelio Balbo dixerit, latum fuisse ad populum, vt Publicius Menander ex Græcia rediens, esset ciuis. Cicronem enim reprehendens, ait superuacuum fuisse legem, & minimè necessariam: quia si Menander animum redeundi habuerat, non vtique perdiderat ciuitatem, vnde nec necesse fuerat ferre ad populum, vt ciuitati restitueretur, quam non amisisset.

His & similibus facile peruinco Pandolphum ciuitatis nostræ iura amisisse, tamen si Venetorum ciuitate nominatim donatus non fuerit.

23
Mutatio ciuitatis peregrinitas vero incap. citatem legitimæ hæreditatis percipiendæ inducit.

Sed quid multis? Cum ex hac ciuitatis mutatione peregrinitatem, ex peregrinitate autem incapacitatem legitimæ hæreditatis percipiendæ inducat Iureconsultus in dicto §. solemus. Cui quàm absurdè respondeat Godofredus, oro, parumper attendite. Is enim, peregrini vocabulo, deportatum videlicet, significari arbitratur. O interpretationem verè Accursianam! deportatus loco peregrini est, & tamquam peregrinus. Ergo hoc verbum, peregrinus, accipiemus pro deportato. Hæc interpretatio mehercule tam absurda insolensque est, quam si mortuum, hoc est deportatum, & nullum, id est, seruum interpretaremur, quod deportatus, loco mortui, & seruus, pro nullo iure civili habeatur. Præterea de deportato, in eo responso non fieri mentionem apparet, quod postea in eo scribit lex, mox ad ciuitatem peruenit. Quæ si de deportato loqueretur, aliter dixisset: nempe hoc modo, mox ciuitati restitutus est. Et ita de deportato scribit d. l. sed si hac. §. liberos. ff. de in ius vocan. Alibi idem Godofredus explicat, peregrinus hoc est hostis, quod Cicero peregrinum, pro hoste acceperit: vide quàm longe à veritate discedat, & Ciceroni imponat Godofredus.

Non

Non enim dixit Cicero verbum, hoc peregrinus, eum significasse, quem nunc hostem dicimus : sed certe verbum, hostis apud maiores, & in l. 12. tabularum significasse eum quem peregrinum dicimus. Itaque hostis significatio, rectè mutata est : peregrini verò numquam. Excutiat Godofredus omnes dictionum vocabulorumque interpretes, nunquam certè hoc verbum, peregrinus, alio significato accipi reperiet, quàm pro extero. ²⁴ Peregrini significatio numquam mutata.

Philosophiam, inquit Cicero, quæ antea peregrina erat, ciuitate nostra donauimus. Item apud Suetonium Cæsar Augustus magni existimatus, syncerum atque ab omni colluuiione peregrini ac seruilis sanguinis incorruptum seruare, Po. Ro. ciuitatem Romanam parcissime peregrinis donauit, & manumittendi modum terminauit.

Quòd ad auctoritatem Budæi nostri attinet, qui solus contra antiquorum exemplarium fidem voluit in d. l. non dubito, legendum esse fœderatos, extraneos non esse : malim certe asserere iuxta lectionem communem, fœderatos, extraneos esse, & peregrinos. Siquidem ex fœderatis populis qui ad nos veniunt, ita demum nostri ciues efficiuntur, si res nostras sequantur, & apud nos maneant, ciuitatique nostræ adscribantur. Eos autem donari ciuitate, nisi in fœderibus exceptum sit, frequenter ait Cicero in illa oratione pro L. Cornelio Balbo. Si ergo fœderati qui ciuitatem nostram non sunt adepti, ciues nostri non sint, consequens est eos esse peregrinos. Nam omnes qui in ciuitate sunt, fateri necesse est, aut ciues esse, aut peregrinos. Hanc personarum distinctionem plerumque sentit Cicero in libris Officiorum, quando inter magistratum & priuatorum ciuium, & peregrinorum officia, discrimen tradit : quando delectum ciuis & peregrini habendum esse vult : quando ait sapientissimos consules Crassum & Scæuolam rectè legem tulisse, ne pro ciue haberetur, qui ciuis non esset, sed peregrinus. Denique quando in Lælio potiores in amicitia ciues quàm peregrinos, propinquos quàm alienos esse censet. Quod autem ait l. non dubito, inter fœderatos, & nos nullum esse postliminium hoc sanè ad bona, res & facultates pertinet. Toto enim titulo de captiuis, Iureconsulti de captiuorum reditu in patriam, consulunt & tractant, qui bona sua & iura postliminio recuperant. Inter fœderatos vero, & nos, non opus est postliminio tali : cum & illi apud nos libertatem, & dominium rerum suarum, æque atque apud se retineant, & eadem nobis apud eos contingant. Postliminio autem, inter eos & nos, recuperari ciuitatem in dubium non venit. Et hoc Cicero sentit de ciuibus, qui apud Athenas in numero Areopagitarum conscripti erant, aut qui se alteri dicarant ciuitati, quos utique postliminio recuperare ciuitatem scribit, nimirum quando ad Romanos redeunt, ut res eorum perpetuo sequantur, aliosque relinquunt à quibus abierunt, & quorum ciues erant facit, d. §. manumittendo in l. in bello, l. postliminij. §. captiuus. de capti. Et id quod de Mancino scripsit Cic. in Topic. ad Trebatium.

Quod contra nostram defensionem Godofredus sustinet patrem Pandolphum nihil hostile tempore belli in nos gessisse : Respondeo, hostes non solum haberi, qui pugnant iuxta illam trucem & horrendam Annibalis vocem, de qua apud Ennium, Hostem qui feriet mihi erit Car-

thaginensis, quisquis erit, aut eos qui arma contra ferunt: sed omnes utique homines, qui eius naturæ sunt, ut vsui inimicis, vel consilio, vel opera, vel aliis modis esse possint. argu. lege postliminium. §. fin. ff. de capti. Constat autem Pandolphum vectigalia (quæ neruus belli sunt) eo tempore Venetis hostibus soluisse, pecuniis facultatibusque suis, & consilio eos in Francorum perniciem adiuisse.

Itaque cum bellum apud nos alicui populo indicitur & promulgatur, generaliter fautores inimicorum omnes hostes iudicamus. Nec ubi bellum cum pace mutatum est, ciuibz nostris, qui hostium partes fouerunt, atque in tam grauem offensam lapsi sunt, ut transfugarum vitio notarentur, ciuitas nostra restituitur, nisi nominatim fœderibus ipsis cautum sit, & expressim sanciatur.

27
Differentia
inter indi-
gnos & in-
capaces.

"Miror autem Godofredum in hoc proposito valde hallucinari, quando ait Pandolphum, si ut hostis vel transfuga tempore belli fuerit, Indignum fraterna hæreditate fuisse, atque eo nomine eam ad fiscum pertinere, unde ius habet. Nam & hostium & transfugarum bona, quæ admissi delicti tempore possident, ad fiscum pertinere rectè dicimus. Verùm quòd ad quærenda attinet, non indignos eos, sed incapaces appellamus. Unde deportatorum, vel in metallum damnatorum bona fisco quærentur. Post deportationem autem, aut in metallum damnationem, cum mortuorum loco habeantur. l. i. §. si. ff. de bo. pos. contra tab. planè incapaces sunt hæreditatum, quæ idcirco ad proximiores deuoluuntur, l. si qua pœna. ff. de iis qui sunt sui vel ali. iu. l. si in metallum. ff. de iis quæ pro non script. haben.

28
Principis
liberalitas
absque ini-
uria &
fraude cui-
usquam
fieri debet.

Reliquum est, ut ad ius, quod ex sua persona prætendit Godofredus respondeamus: Ait se in patriam suam venisse. Qui fieri potest, rogo, ut qui Venetiis fuerit natus, educatus, moribus & lingua Venetorum imbutus, eorum legibus hætenus obnoxius, sit ciuis Parisinus? At filius originem sortitur paternam. Hoc sanè in municipibus Rom. locum habet, non in iis qui ad exterarum nationes diuertunt, ut diximus. Præterea cum pater exterus sit & peregrinus, nihilque ex ciuitate nostra retinuerit, planum est, nec filium in ea aliquid iuris sperare posse. At princeps indulget, ut hæreditatem hanc Godofredus recolligat, atque constitutioni suæ idem derogauit. Hoc me herculè argumentum leue est & vanum. Nam hæc derogatio post quæsitam mihi hæreditatem nihil prodest Godofredo: nec mihi, cui iam quæsitæ erat, iniuriam asserere potest. Princeps enim ita sua liberalitate utitur, ut sine iniuria & fraude cuiusquam fiat.

Postremo addo ex bono & æquo causam nostram proficisci & defendere. Quid enim iustius, quàm Pandolphum vel Godofredum peregrinos & à legibus nostris alienos, nullum vicissim à legibus nostris, quibus hæreditates obueniunt, beneficium consequi, arg. l. i. C. de natu. lib.

Addo consuetudinem hætenus apud nos receptam, & iuri comuni conformem, ea potissimum ratione introductam, ne Francorum bona & facultates nostræ ad externos transeant, néve ea quæ necessitatibus & oneribus regni sufficere conueniens est, exteris nationibus sint solatio & utilitati. In specie autem quæ nunc incidit, quid apertius quàm Pandolphum non alia ratione huc filium transmisisse, quàm ut hæreditatem hanc ven-

ditet, & pecuniam, quam ex ea corradere poterit, ad Venetos transferat? Nulla dubio procul causa huc diuertit Godofredus, nec aliud negocij hoc in regno agit, quàm vt patrimonium quod Venetis amplum habet nostro peculio augeat. Denique illud prætermittendū non opinor, moribus nostris peregrinos tam stricto iure tractari, vt nec eis possessionem sacerdotiorum, Principes nostri temerè & absque speciali rescripto vquam permiserint.

His omnibus perspectis, quæro ego Longouallius, an iure me contra Godofredum Cenamium actorem defendam, an verò illi cedere debeam.

ENSUIT LA TENEUR DE L'ARREST DONNÉ
entre Geoffroy de Cenamy demandeur d'une part : & maistre Iean de
Longueual en son uiuant Aduocat en Parlement, & sa
femme, defendeurs d'autre.



OMME procez fut meu, & pendant pardeuant nostre Preuost de Paris, ou son Lieutenant, entre Geoffroy de Cenamy en son nom, & cōme ayant droit par transport de Pandolphe de Cenamy son pere, demandeur d'une part: & maistre Iean de Longueual Aduocat en nostredite Cour, & Ysabeau d'Asnieres sa femme, defendeurs d'autre.

Sur ce que ledit demandeur disoit & proposoit qu'il estoit fils naturel & legitime dudit Pandolphe de Cenamy, demeurant en la ville de Paris, & fils de feu Guillaume de Cenamy, & Damoiselle Marie de Danes. Ledit Pandolphe auoit vn frere germain, nommé maistre Iean de Cenamy, Chanoine en l'Eglise de Rheims, qui seroit allé de vie à trespas, delaislé plusieurs biens, meubles & immeubles, & entr'autres vne maison assise en ceste ville de Paris, rue de la Poterie, tenant d'une part à maistre Eustache le Picard, & d'autre aux heritiers Lallemant, en laquelle lesdits defendeurs estoient demeurans. Lors duquel deceds dudit maistre Iean de Cenamy, ledit Pandolphe estoit vivant, & auroit suruescu iceluy maistre Iean de Cenamy son frere: Tellement que ledit Pandolphe estoit son plus proche pour luy succeder. Ledit Pandolphe aduertie de la mort dudit defunct maistre Iean de Cenamy son frere, se seroit dict & porté heritier de son dit frere: neantmoins pour le vouloir qu'il auoit que ledit demandeur son fils vint demeurer en nostre Royaume, & y fist telle residence que ses predecesseurs auoient faict; iceluy Pandolphe de Cenamy auroit cédé & transporté tout le droit successif qui luy estoit escheu par le deceds dudit maistre Iean de Cenamy son frere audit demandeur, ce acceptant pour luy & les siens, & entre autres choses la maisō dont est questiō: laquelle donation auroit esté bien & deuëment insinuée, cōme estoit requis par nos Ordonnances. Et à ce qu'on ne peust rien obijcier à iceluy demandeur, mesmes qu'il n'estoit nay en nostre Royaume, iceluy demandeur auroit obtenu lettres de naturalité du feu Roy nostre tres-honoré Seigneur & pere: par les-

Arrest donné entre
Geoffroy de
Cenamy de-
mandeur, &
maistre Iean
de Longue-
ual defen-
deur.
Demandes &
moyens al-
leguez par
Geoffroy de
Cenamy de-
mandeur.

quelles il auroit esté habilité à toutes choses, tout ainsi que s'il eust esté vrayement nay en nostre Royaume. Et pource que ledit demandeur auoit esté aduerty que ledit maistre Iean de Cenamy auoit donné l'vsufruit de ladite maison dont estoit question à ladite Yzabeau d'Asnieres, il n'auroit voulu la reuoquer. Mais se seroit contenté de demander ausdits defendeurs qu'il fust dit avec eux, qu'il estoit & est propriétaire de ladite maison, & déclaré tel, pour en iouyr plainement & entierement comme de son propre, & de l'vsufruit, estant consolidé à ladite propriété par le deceds de ladite d'Asnieres. Ce que lesdits defendeurs auroient empesché & insisté au contraire, sous vmbre qu'ils auroient voulu dire que ledit Pandolphe de Cenamy pere dudit demandeur n'auroit peu recueillir la succession dudit maistre Iean de Cenamy son frere, au moyen de ce que ledit Pandolphe long-temps auparauant le deceds dudit maistre Iean de Cenamy estoit demeurant & residant en ladite ville de Venise, où il se seroit marié, & auroit eu plusieurs enfans, en esperance d'y faire son domicile perpetuel, & iamais ne retourner en nostre Royaume, lequel à ceste cause il auroit repudié & reiecté. Nonobstant ce ledit demandeur auroit persisté en ses conclusions, esquelles il disoit estre bien fondé, & lesquelles partant luy seroient faites & adiugées, soit comme ayant droit par transport dudit Pandolphe de Cenamy son pere, soit de son chef. Et pour monstrier que la succession dudit feu maistre Iean de Cenamy auroit esté acquise audit Pandolphe, qui auroit surueſcu iceluy maistre Iean son frere, & conséquemment auroit peu transporter audit demandeur son fils, ou à telle personne que bon luy auroit semblé le droit d'icelle succession. Disoit ledit demandeur, que defaillans les enfans procreez en loyal mariage, la succession est deferée tant de droit que de Coustume, aux freres, comme plus prochains. Au moyen de quoy la succession dudit maistre Iean de Cenamy a esté deferée audit Pandolphe de Cenamy son frere, comme son plus prochain heritier : attendu que ladite d'Asnieres n'estoit que fille de la cousine dudit defunct maistre Iean de Cenamy, & ledit demandeur nepueu d'iceluy defunct. Qui estoit pour respondre à ce que lesdits defendeurs, outre l'vsufruit auroient voulu pretendre en ladite maison part & portion en la propriété d'icelle, comme heritiers d'iceluy defunct maistre Iean de Cenamy. Et n'y faisoit rien de dire que ledit Pandolphe de Cenamy s'estoit retiré en la ville de Venise, & y auoit demeuré plus de trente ans auparauant le deceds dudit feu maistre Iean de Cenamy : car à ce respondoit ledit demandeur, que quand il est question de succeder, ne faut regarder au domicile de l'heritier, mais faut auoir esgard à la proximité. Et ne se trouuoit constitution aucune qui die, que quand est question de succeder à celuy duquel on est le plus prochain heritier & plus habile, faille que son domicile soit au lieu de la succession escheüe, & que pour auoir mué & changé son domicile, la succession soit perdue. Parce que de disposition de droit est permis à vn chacun d'aller demeurer où il vouldra : pourueu que ce ne soit en lieu prohibé & defendu. Et aussi que pour auoir par ledit Pandolphe, pere dudit demandeur, demeuré à Venise, n'auoit deü ledit Pandol-

Pour succeder on regarde la parenté, non pas le domicile.

phe perdre le droit naturel & originaire de la cité, & conséquemment le droit de succeder, lequel ne se peut perdre de la seule volonté du citoyen, ny par renonciation ou autrement: si ce n'est pour delict ou chose equipolente, autre que pour delaisser son pays. Ce que ledit Pandolphe n'auroit fait, ains se seroit retiré avec nos alliez & confederez, avec lesquels de droit nous retenons nostre liberté, & la propriété, seigneurie & domaine de nos biens, & eux pareillement avec nous. Et ne faisoit rien l'ordonnance mise en avant par ledit defendeur, publiée en nostre Chambre des Comptes le vingt-neufiesme Octobre, l'an mil quatre cens cinquante six, ny l'extention, ou ampliation qu'on pourroit faire d'icelle: car elle parle en autre cas, c'est à sçauoir que quand les estrangers viennent demeurer en nostredit Royaume, & ont obtenu de nous & de nos predecesseurs lettres de naturalité, auquel cas faut que leurs heritiers soient Regnicoles. Laquelle ordonnance ne se peut approprier ny adapter à ceux de nostre Royaume, qui vont demeurer hors d'iceluy en pays non prohibé ny defendu. Aussi que de droit ne se peut faire extention d'un cas en autre, en matiere correctoire. Et quant aux guerres que lesdits defendeurs alleguoient auoir esté entre feu nostre tres-honoré seigneur & ayeul le Roy Louys dernier decédé & les Venitiens, auquel temps ledit Pandolphe estoit neantmoins demcurant à Venise: disoit iceluy demandeur que cela ne luy deuoit estre imputé, parce que lors que ledit Pandolphe partit de nostre ville de Paris, & qu'il se maria en ladite ville de Venise, il n'y auoit aucune guerre entre nous & les Venitiens. Que lors qu'elles seroient suruenues il y estoit desia marié & y auoit enfans, & ne luy estoit aisé d'en partir: Et neantmoins où il y auroit en ce quelque defaut il auroit esté purgé par la paix depuis suruenüe, publiée en nostredite ville de Paris, au mois d'Aoust, l'an mil cinq cens seize: par laquelle toutes choses auroient esté restituées & remises en leur premier estat & deu, sinon celles qui auoient esté spécialement reseruées & exceptées; depuis lequel temps la succession dudit feu maistre Jean de Cenamy seroit escheüe. Et d'auantage, ne setrouuoit point que ledit Pandolphe eust iamais esté tenu ny réputé Bourgeois de Venise: ains comme estranger, & nous faisant tousiours seruice, & à nos Ambassadeurs: Et encores qu'il eust esté citoyen de Venise, de droit commun il ne deuoit perdre son origine & droit de Regnicole naturel: attendu mesmes, que iamais n'auroit esté appelé pour venir par deçà, ny interpellé d'y venir subir aucunes charges. En tout euenement, où se trouueroit que ledit demandeur eust perdu la ciuilité, & droit de succeder audit maistre Jean de Cenamy son oncle, ce ne pourroit estre sinon par indignité, & pour auoir esté demeurer en pays estrange, auquel cas lesdits defendeurs n'y auroient & n'y pourroient pretendre aucun interst, ains estoit le nostre, & auquel demandeur aurions quitté & delaisié tout le droit d'icelle succession par nos lettres patentes données à Saint Prix, au mois d'Aoust, l'an 1544. & verifiées en la Chambre de nos Comptes, le 1. iour de Septembre ensuiuant audit an. Et de dire que ledit demandeur n'estoit nay en nostre Royaume, cela ne luy pourroit nuire: car bien qu'il n'y fust nay, si est-ce

Qu'on ne peut perdre le droit de cité naturelle, sinon en certains cas.

Cession faite par le Roy à Cenamy demandeur.

qu'il estoit originaire de nostredit Royaume, & auoit eu son ayeul, & autres ses prochains parens nais en nostredite ville de Paris, dont fil estoit descendu en ligne directe, & desquels il auoit retenu l'origine & ciuilité. Ioinct aussi que ledit demandeur estoit habile à succeder, & auoit esté dispensé par nostredit feu seigneur & pere, com ne dit est: qu'importoit autant d'effect, comme si naturellement il n'eust esté idoine & capable de ladite succession. Partant n'y auoit doubte quelconque, que ledit Pandolphe ayant esté capable & habile de pouuoir recueillir la succession dudit defunct maistre Iean de Cenamy son frere, n'en ait peu disposer, & que ledit demandeur son fils soit par le moyen de ladite donation, ou de son chef, comme plus prochain heritier, ne fust bien fondé en ses conclusions: par le moyen desquelles, & plusieurs autres raisons & moyens à plain deduits au procez, il persistoit à ce qu'il fust dit, que la propriété d'icelle maison dont estoit queston audit procez, luy fust faite & adiugée, à la charge de l'usufruit de ladite Ysabeau d'Asnieres, sa vie durant seulement: le tout nonobstant chose dicte, alleguée ou proposée au contraire par lesdits defendeurs, dont ils fussent deboutez, & condamnez en tous despens, dommages & intersts.

*Conclusions
du deman-
deur.*

*Defenses &
moyens alle-
guez par
maistre Iean
de Longue-
ual defen-
deur.*

Au contraire de la part desdits defendeurs eust esté dit, qu'à la verité ladite maison contentieuse auroit appartenu à feu Marie de Danes, femme de Guillaume de Cenamy: desquels Guillaume & Marie de Danes seroient issus deux fils, c'est à sçauoir ledit Pandolphe de Cenamy, pere dudit demandeur, & Maistre Iean de Cenamy. Et pource que ledit Guillaume de Cenamy estoit fils d'un Cenamy Italien natif de Lucques, ayant banque, tant à Venise, Florence, qu'ailleurs: apres le trespas dudit Guillaume, ou dés auparauant, ledit Pandolphe s'absenta du Royaume, & s'en alla demeurer en pays estrange, en l'an mil quatre cens quatre-vingts & douze: & depuis n'auroit demeuré en nostredit Royaume. Et quant audit maistre Iean de Cenamy, il estoit demeurant en iceluy nostre Royaume, & auroit recueilly les successions de ses pere & mere, sans que ledit Pandolphe y ait iamais demandé aucune chose, mesmes ledit maistre Iean de Cenamy auroit recueilly les biens de la succession paternelle, ensemble ceux de ladite Marie de Danes, qui trespassa dés l'an mil quatre cens quatre vingts dix-neuf, & dés ledit temps fut fait seigneur de la maison cõtentieuse: & d'icelle ledit M. Iean de Cenamy auroit iouy iusques au mois d'Auril, l'an 1536. auquel tēps il alla de vie à trespas. Delaisné pour ses heritiers du costé maternel en ladite maison, Maistre Claude Guyot Controolleur de l'Audience de France, & Raoul Guyot son frere, d'une part. Et encores Maistres Iacques, Pierre, Christofle, Raoul, Ysabeau & Marie d'Asnieres, chacun pour vne huitiesme. Ladite Marie de Danes auoit eu vne sœur nommée Ieanne de Danes, qui fut mariée à feu Iean Nyelle, en son viuant Controolleur du Thresor. Desquels Nyelle & Danes seroient issus deux filles, c'est à sçauoir Marie & Denyse Nyelle: ladite Marie auroit esté mariée à feu maistre Raoul Guyot, en son viuant Controolleur del'Audience, dont seroient issus lesdits maistre Claude & Raoul Guyot, coheritiers desdits defendeurs. Et de ladite Denyse, qui

fut mariée à feu maistre Jean d'Asnieres en son viuant l'un de nos Notaires & Secretaires, seroient issus lesdits Maistres Jacques, Christoffe, Pierre, Raoul, Ysabcau, & Claire d'Asnieres. Au moyen de quoy ledit demandeur ne pouuoit pretendre la propriété de ladite maison luy appartenir, soit en son nom, ou comme ayant droict dudit Pandolphe de Cenamy son pere en son nom: car il estoit natif de Venise, & lors que ledit feu maistre Jean de Canamy trespassa, il estoit incapable de ladite succession, comme estant estrange & Venitien. Et quand ledit demandeur fut naturalisé par nostre feu seigneur & pere, la succession estoit escheüe, & dès long temps auparauant le droict acquis ausdits defendeurs, & à leurs coheritiers. Aussi ne pouuoit ledit demandeur rien pretendre en ladite propriété & succession, comme ayant droict dudit Pandolphe son pere. Car lors & au temps de la mort dudit maistre Jean de Cenamy, ledit Pandolphe n'estoit Regnicole, ne demouroit en nostredit Royaume, ains y auoit plus de soixante-ans qu'il s'estoit retiré en pays estrange. Et mesmement dès l'an mil cinq cens ledit Pandolphe apres auoir long temps demeuré à Venise, se maria audit lieu à vne Venitienne, de laquelle il auroit eu plusieurs enfans, dont aucuns auoient pareillemēt enfans, tous demeurans à Venise, auquel lieu ledit Pandolphe a fait sa demeurance ordinaire avec sa femme, famille & enfans: y exerçant estat de marchandise de banque, sans qu'il soit depuis ledit temps venu, ou qu'il ait conuersé en nostredit Royaume. Et au iour que la presente action auoit esté intentée, y auoit plus de quarante-quatre ans qu'il estoit marié à Venise, & plus de 60. ans qu'il estoit party de ceste cité de Paris, sans iamais auoir eu vouloir de retourner en nostredit Royaume, & y auoit enuoyé sondit fils 7. ou 8. ans apres ladite succession escheüe, pour seulement intenter ceste presente action. Disoient dauantage lesdits defendeurs, que ledit Pandolphe dès l'an 1500. & dès longs temps auparauant n'auoit esté subiet aux loix & ordonnances de nostre Royaume, & lesquelles n'auroient sur luy eu aucune puissance: qui demontre euidentement que ledit Pandolphe estoit estrange, & consequemment incapable de succeder, tant de droict commun, que suiuant la loy de nostre Royaume: par laquelle ceux qui ne sont Regnicoles & sont demeurans en pays estrange, ne peuvent succeder, ains du tout en sont incapables. Et à ceste cause appose l'on és lettres de naturalité ces mots: Pourueu que les heritiers soient Regnicoles. Et la raison est, à ce que les biens estans en nostredit Royaume, ne soient transportez és pays estranges, & aucunesfois des ennemis: laquelle raison militoit au cas de present; car ledit Pandolphe estoit Venitien, banquier de Venise, n'ayant aucuns biens en nostredit Royaume: & estoit vray semblable que s'il y en eust eu, ou peu auoir, qu'il les eust vendus & emportez pour faire le profit de son pays Venitien & estrange: & la cause qui l'auoit meu d'auoir enuoyé ledit demandeur par deça, & iceluy fait naturaliser, auroit esté seulement, afin (comme dit est) d'intenter la presente action, & apres en auoir receu aucuns biens, les emporter en Italie. Et en respondant à ce que ledit demandeur auoit voulu dire, qu'ou se trouueroit qu'il eust perdu le droict de succeder

*Que les
estrangers
sont incapables de succeder en
France.*

*Difference
entre indig-
nité & in-
capacité.*

en nostredit Royaume, ç'auroit esté par indignité, & que audit cas la succession nous auroit appartenu, & non ausdits defendeurs. Disoient lesdits defendeurs, que ledit Pandolphe n'auoit esté rendu indigne de succeder, mais seulement incapable: auquel cas n'y pourons pretendre aucune chose, ains lesdits defendeurs, auxquels ladite succession auroit esté deferée de droict, comme plus proches parens habiles à succeder. Disoient dauantage lesdits defendeurs, qu'és années 1506. 7. 8. 9. 10. 11. & 12. que nostre tres-honoré seigneur & ayeul le Roy Lous 12. commença à faire guerre contre les Venitiens, il les declara ennemis de la Couronne de France, ensemble leurs fauteurs & allies. Et combien que pendant icelles guerres ledit Pandolphe fust marié & demeurant à Venise, toutesfois iceluy Pandolphe ne s'en seroit retourné en nostredit pays, dont il estoit natif, ce qu'il deuoit faire, & ne l'ayant faict se seroit par là déclaré nostre ennemy. Et où ledit demandeur vouldroit dire que lors que la succession dont est question seroit aduenüe, & long temps auparauant les Venitiens estoient nos confederez & allies: à ce respondoient lesdits defendeurs, que telle confederation auoit bien remis les Venitiens en la premiere amitié qu'ils auoient avec nous & nostredit Royaume: mais n'auroit restitué ceux qui se seroient dits & maintenus François, & qui auoient commis crime de trans-fugat, & s'en seroient allez lors de nostredit Royaume, sans y estre retournez pendant lesdites guerres ny depuis. Et seroit chose bien estrange, & du tout contre le droict cōmun, loy de nostredit Royaume, & à la raison d'icelle, qu'une personne s'en estant allé hors d'iceluy, & demeuré en pays estrange, ayant pris fēme & eu enfans, & enfās de ses enfans, ayant intention d'y viure perpetuellement, peust succeder en nostredit Royaume, vendre vne succession, & icelle transporter hors d'iceluy, & en pays estrange, comme estoit indubitable, que ledit Pandolphe vouloit faire. Partant si ledit demandeur en son nom, & ledit Pandolphe son pere estoient en l'an mil cinq cens trente-six incapables, tant de droict commun, que par la loy de nostredit Royaume, de pouoir succeder audit maistre Jean de Cenamy, comme la raison le vouloit: ladite succession auroit esté transferée ausdits defendeurs & leurs coheritiers, qui se seroient trouuez les plus prochains parens, pour succeder audit defunct. Et plusieurs autres faicts, causes, raisons, & moyens eussent dit & proposé lesdits defendeurs, tendans & concluans par le moyen d'iceux, à ce que ledit demandeur fust déclaré non receuable en sadite demande, de laquelle partant en fussent absouz, avec despens.

*Conclusion
du defen-
deur.*

*Sentence du
Preuost de
Paris donnée
au profit de
Longueval
defendeur.*

Tant eust esté procedé pardeuant nostredit Preuost de Paris ou sondit Lieutenant que lesdites parties appointées en droict à escrire par aduertissement & produire, elles eussent escrit & produit tout ce que bon leur auoit semblé, & renoncé à bailler cōtreredits, & finalement appointées à ouyr droict: Nostredit Preuost de Paris ou sondit Lieutenant par sa sentence eust absouz lesdits defendeurs des demandes, requestes & conclusions dudit demandeur: nonobstant chose proposée, ou maintenüe au contraire par iceluy demandeur, dont il l'auroit debouté, & condamné és despens.

A esté

A esté de ladite sentence de la part dudit demandeur, appelé en nostre Cour de Parlement, en laquelle lescdites parties ouyes en leurs causes d'appel, ledit procez conclu & receu pour iuger, si bien ou mal auroit esté appelé: ioinct les griefs hors le procez, & production nouvelle dudit appellant, qu'il pourroit bailler dedans le temps de l'ordonnance: ausquels griefs lescdits intimez pourroient respondre, & contre ladite production nouvelle bailler contredits aux despens dudit appellant: & iceluy procez avec les griefs & responces à iceluy respectiuellement baillées par lescdites parties: forclusion de produire de nouuel par ledit appellant, l'arrest interlocutoire de nostredite Cour donné entre lescdites parties le 2. Mars 1547. par lequel nostredite Cour auroit ordonné auant que proceder au iugement dudit procez, qu'iceluy procez seroit communiqué à nostre Procureur general, pour luy ouy, estre procedé en outre comme de raison. Les conclusions de nostredit Procureur general, qui se seroit ioinct avec lescdits intimez. Certain incident sur l'enterinement des lettres patentes de nous obtenües par ledit appellant, le dixiesme iour de Juillet 1548. tendant à ce qu'il fust procedé au iugement dudit procez, & en ce faisant faire iouyr ledit appellant, comme ayant droict dudit Pandolphe son pere, desdits droits successifs dudit maistre Jean de Cenamy, tout ainsi que si sondit pere eust tousiours demeuré & fait sa residence en nostredit Royaume, nonobstant que par trente-six ans & plus, ledit Pandolphe eust fait continuellement sa demeure audit lieu de Venise, & qu'en iceluy il y fust decédé. Et ce sans auoir esgard à certaine ordonnance faite & obseruée en nostre Chambre des Comptes à Paris, par laquelle quand nous octroyons à aucun natif hors de nostre Royaume, & demeurant en iceluy, nos lettres de naturalité, & congé que ses heritiers luy puissent succeder; ledit octroy doit estre entendu pour les heritiers residens & demeurans en nostredit Royaume, & non autrement. Laquelle ordonnance, comme non seruant au cas de present, se doit estendre seulement sur ceux qui sont estrangers & nais hors nostredit Royaume, & n'auoir lieu pour ceux qui sont nais en iceluy nostredit Royaume, posé ores que les pretendans estre leurs heritiers estans nais en nostredit Royaume, fussent demeurans hors d'iceluy lors de la succession escheüe. Ledit incident ioinct audit procez, pour en iceluy iugeant y faire droict, veu & diligemment examiné.

*Appel inter-
iecté par
Cenamy de-
mandeur.*

*Conclusions
de Monsieur
le Procureur
general
ioinct avec
Longueval.*

Nostredite Cour par son iugement & arrest dit, que sans auoir esgard audit incident de noldites lettres obtenües par ledit appellant, & sans despens, qu'il a esté mal iugé par nostredit Preuost de Paris, ou sondit Lieutenant, bien appelé par ledit appellant: & en emendant le iugement, a nostredite Cour adiugé & adiuage audit appellant la propriété de ladite maison cy-dessus declarée & dont est question audit procez, à la charge toutesfois de l'usufruit de ladite Ysa beau d'Asnières sa vie durant seulement. Et a condamné & condamne lescdits intimez és despens, tant de la cause principale que cause d'appel, tels que de raison, la taxation d'iceux à nostredite Cour reserüée. Prononcé le quatorziesme iour d'Aoust, l'an mil cinq cens cinquante-quatre. Et plus bas est escript. Collation est faicte.

*Arrest de la
Cour.*

Extraict des Registres de Parlement, Signé du Tillet.

*Que l'arrest
cy-dessus
transcript
ne peut ser-
uir de loy
generale, &
qu'il y a en
plusieurs
particulari-
tez.*

Cest arrest duquel le procez fut party en la Chambre du Domaine, & apres le decez de M. Iean de Longueual departy en l'une des Chambres des Enquestes, & non en la grand' Chambre: combien qu'ordinairement soit allegué pour loy generale, & par le moyen d'iceluy on vueille maintenir qu'un François qui s'est retiré hors du Royaume & habité en pays estrange pour perpetuellement y demeurer, peut succeder en France, & pareillement les enfans, aussi qu'il semble estre directement contraire à ce qui a esté deduit és 4. chap. precedens: Toutesfois quand les particularitez & moyens alleguez & verifiez au procez seront bien confiderez, il se trouuera qu'on ne se peut preualoir de cest arrest contre le Roy, qu'il ne peut estre allegué pour loy generale, & n'est contraire à ce qui a esté dit és 4. chap. precedens.

En premier lieu, parce que le Roy auoit faict don & cession à Geoffroy de Cenamy fils de Pandolphe de tout le droit, tant d'Aubeine qu'autre qui appartenoit à sa Majesté és biens & succession de defunct maistre Iean de Cenamy: tellement que Geoffroy auoit les droits cedez du Roy, par le moyen duquel don & cession, on pourroit soustenir qu'il a obtenu gain de cause, comme il a esté deduit au 37. chapitre du present Traicté, à la lecture duquel on peut auoir recours. Et par la lecture d'iceluy on cognoist, que le Roy n'auoit aucun droit en la succession de maistre Iean de Cenamy, parce qu'il estoit nay en France, & auoit des parens en France, qui excluioient le Roy de sa succession.

En second lieu Geoffroy de Cenamy, pretendoit la succession contentieuse, par le moyen du don qui luy auoit esté faict par Pandolphe son pere, lequel estoit nay en France, maintenoit qu'il n'auoit perdu les droits de cité, & ne deuoit estre reputé Aubein, veu qu'il n'auoit esté citoyen de Venise, auoit tousiours faict seruice au Roy de France, & aux Ambassadeurs de sa Majesté.

En tiers lieu, ledit Geoffroy pretendoit la succession, de laquelle estoit question, de son chef, comme naturalisé par le Roy, & dispensé par lettres particulieres de la cōmune vsance & obseruance du Royaume de France, par laquelle les estrangers ne peuuent succeder en France. Aussi estant demeurant en France les biens n'estoient transportez hors le Royaume.

En quatriesme lieu, lors du decez de maistre Iean de Cenamy, y auoit confederation & alliance entre le Roy de France & les Venitiens. Par le Traicté de laquelle confederation, tous commerces, trafics, habitations & retraictes, estoient libres.

En cinquieme lieu (& est grandement considerable) la femme de defunct maistre Iean de Longueual, qui estoit fille de la cousine du defunct, n'estoit si proche à succeder, que Pandolphe de Cenamy, qui estoit frere du defunct, ny que Geoffroy, qui estoit nepueu naturalisé: & la question estoit entre les parens du defunct, de sçauoir auquel parent on adingeroit sa succession, laquelle n'estoit pas pretendue par le Roy, d'autant qu'il en estoit exclud par les parens. Aussi ladite femme estoit legataire de l'usufruit de la maison contentieuse, lequel luy auoit esté delailé par le

testament du defunct. Partant ne pouuoit estre son heritiere, & se deuoit contenter de l'vsufruiet à elle legué & adiugé par l'Arrest susdit.

En sixiesme lieu, lors de cest Arrest, l'extraict de la Chambre des Comptes transcrit au 3. chapitre du present Traicté, contenant ample declaration du droict d'Aubeine, estoit encores incogneu, & n'a esté diuulgué iusques à present. Et plusieurs autres moyens particuliers qu'on peut recueillir tant de la lecture des Factum & Arrest cy-dessus transcrits, que du contenu és quatre chapitres precedens, & de ce qui est amplement traicté, *per Eguinarium Baronem in l. fin. ff. de statu homin.*

Tellement qu'il faut maintenir que cest Arrest n'est general, ains particulier en son cas, & qu'on ne peut étendre, ny s'ayder d'iceluy: que tous les cas particuliers & circonstances qui sont interuenues au faict de cest Arrest, n'interviennent au faict de celuy qui s'en voudra preualoir.

Et en matiere d'Aubeine, le principal est, d'auoir les droicts du Roy, auquel le droict d'Aubeine appartient priuatiuement à tous autres, en faueur duquel il a esté introduict, & lequel peut principalement obijcier l'obstacle de peregrinité, & l'effect du droict d'Aubeine. Ce que les parens ne peuuent si raisonnablement faire, d'autant que le droict d'Aubeine ne leur appartient, & n'a esté introduict en leur faueur. Et pour leur regard, les droicts de parenté & consanguinité comme naturels, sont indissolubles: ainsi qu'il a esté dict és trente-sept & trente-neufiesme chapitres du present Traicté.





SECONDE TRAICTE

DES DROICTS DV DOMAINE
DE LA COVRONNE DE FRANCE,
concernant le droict de BASTARDISE. Diuisé
en deux parties, dont la premiere traicte, De la
condition des Bastards non legitimez, demeurans
en France, & de leurs successions.

*De l'ordre & continuation du present Traicté avec le prece-
dent, & de la connexité qu'ils ont ensemble.*

*Continua-
tion du pre-
sent Trai-
té, avec le
precedent.*



O V s auons declaré au premier Traicté des droicts du
Domaine de la Couronne de France, que c'est que droict
d'Aubeine, & en quoy il consiste: mesmes auons
monstré quelle est la condition des estrangers, tant
naturalisez que non naturalisez demeurans en Fran-
ce; & à qui appartiennent les biens qui sont delaillez
par leur trespas. Il semble qu'il sera fort conuenable traicter en se-
cond lieu du droict de Bastardise, & declarer en quoy il consiste: d'autant
que la condition des Bastards en plusieurs cas est semblable à celle des
estrangers demeurans au Royaume, ainsi qu'il sera deduiet au second
chapitre. De faict, comme le Roy succede à l'estranger par droict d'Au-
beine, il succede au Bastard par droict de Bastardise. Et tout ainsi qu'en la
seconde partie du Traicté du droict d'Aubeine, auons declaré la condi-
tion des Aubeins non naturalisez, & en la troisieme partie auons mon-
stré quelle est la condition des Aubeins naturalisez, avec l'effect des let-
tres de naturalité: aussi pour plus facile intelligence du present Traicté,
qui est du droict de Bastardise, l'auons diuisé en deux parties. En la pre-
miere desquelles traicterons de la condition des Bastards non legitimez,
demeurans en France, & de leurs successions. En la seconde declarerons
la condition des Bastards legitimez, à quels parens ils peuuent succeder,
& qui leur doit succeder. Le tout suiuant l'vsance & commune obseruan-

*Connexité
du droict
d'Aubeine
avec le
droict de
Bastardise.
Ordre gar-
dé au pre-
sent Trai-
té.*

ce du Royaume de France, laquelle auons deliberé seulement declarer le plus clairement & bricfucment qu'il nous sera possible, ainsi qu'auons veu pratiquer & iuger des & depuis 26. ans en ça.

INTERPRETATION DV NOM DE BASTARD,
& definition du droict de Bastardise.

- 1 Plusieurs especes de Bastards.
- 2 Naturales.
- 3 Spuri.
- 4 Adulterini, Incestuosi.

5 Interpretation du nom de Bastard,
& definition du droict de Bastardise.

CHAPITRE I.



COMBIEN que par la disposition de droict, tant Ciuil que Canon, il y ait plusieurs especes de bastards, qui varie nominantur. Alij naturales tantum, qui ex concubina domi retenta nati sunt, les pere & mere desquels sont certains, mais ils sont naiz hors mariage, alij spurij, siue manseres, siue nothi, vulgo concepti, qui ex meretrice publica & incerto patre nati sunt : & anciennement estoient signifiez par deux lettres, S.P. signifians, sans pere, ainsi que dit Plutarque : Terra filios vulgus vocat, quorum genus incertum est, inquit Tertullianus in Apologetico. Alij adulterini, nati ex uxorato, vel uxorata, vel ex presbytero. Alij incestuosi, qui ex consanguinea in gradu prohibito nati sunt. Glosa in cap. tanta est vis, in verbo repellentibus, extr. qui filij sunt legit. & in cap. nisi cum pridem, in verbo manseres, ext. de renunciat.

- 1 Plusieurs especes de bastards.
- 2 Naturales.
- 3 Spuri.
- 4 Adulterini, Incestuosi.

Toutesfois en France ce mot de Bastard est general, & comprend toutes les especes deffusdites, & qui ex legitimis nuptijs, & uxore legitima natus non est, n'est nay en loyal mariage, est appellé Bastard : ou à plus doucement & humainement parler, illegitime, ou bien naturel, quasi si degeneris ingenij, obliqui generis & peregrina conditionis, de quibus Cuiacius latè tradat ad Nouel. 18. Iustinia & Scaliger ad Festum. Celuy qui a escrit la vieille Chronique de Flandre appelle les bastards Valletons au dix-huitiesme chapitre. Et droict de Bastardise n'est autre chose, sinon droict de succeder au bastard es biens qui luy appartennoient lors de son deced : Tout ainsi que droict d'Aubeine, est droict de succeder à l'Aubein & estranger : comme il a esté dit au Traicté du droict d'Aubeine, chapitre premier, auquel est besoin auoir recours.

5 Interpretation du nom de bastard, & definition du droict de Bastardise.

EN QVOY LA CONDITION DES BASTARDS est semblable à celle des estrangers demeurans en France, & la rigueur qu'anciennement on leur tenoit : mesmes qu'en France les bastards ne succedent aucunement à leurs pere, mere, & autres parens : avec la disposition de droict Ciuil pour ce regard.

- | | |
|--|--|
| <p>1 Les bastards anciennement payoient au Roy douze deniers parisis par chacun an, qui est le droict de Cheuage.</p> <p>2 Coustume des fillettes en Dunois.</p> <p>3 Les bastards sont subieets au droict de formarige, comme les Aubeins.</p> <p>4 Les bastards ne peuuent tenir benefices en France.</p> <p>5 Les bastards tiennēt offices Royaux en France, encores qu'ils ne soient legitimes.</p> <p>6 Le bastard ne succede aucunement en France.</p> | <p>7 Les bastards ne sont aduoüez en la Maison de France.</p> <p>8 Comme le bastard par la disposition de droict succede à son pere.</p> <p>9 Par la disposition de droict commun le bastard succede à sa mere.</p> <p>10 Comme le bastard par la disposition du droict succede à ses freres.</p> <p>11 Interpretation & limitation de ce que dessus.</p> <p>12 Si les bastards en France iouyssent du privilege de noblesse.</p> <p>13 Sentence de ce que dessus.</p> |
|--|--|

CHAPITRE II.



1 Les bastards anciennement payoient au Roy douze deniers parisis par chacun an, qui estoit le droict de Cheuage.

A condition des bastards est semblable à celle des estrangers demeurans en France, principalement en quatre cas.

Le premier est, que tout ainsi que les estrangers anciennement estoient tenus bailler chacun an au Collecteur des mortes-mains, leurs noms & surnoms, & payer au Roy chacun an au iour Sainct Remy, douze deniers parisis, sur peine de sept sols six deniers parisis d'amende: aussi anciennement les bastards estoient tenus bailler chacun an leurs noms & surnoms au Collecteur des mortes-mains, & payer au Roy pareille redeuance de douze deniers parisis chacun an. Et ce droict estoit appellé Cheuage, parce que chacun chef marié ou veuf, estoit tenu le payer, ainsi qu'il appert par l'extraict des Comptes, transcrit au troisieme chapitre du Traicté du droict d'Aubeine, & qu'il est declaré au quatriesme chapitre d'iceluy Traicté.

Aussi au Comté du Dunois y a vn droict qu'on appelle la Coustume des fillettes, qui est: Qu'une fille ou femme, ou bien vne vefue estant grosse & enceinte du faict d'autre que de son mary, est tenuë le denoncer à Iustice, afin d'en faire registre, sur peine d'un escu d'amende. Et ce droict est baillé à ferme, avec les autres fermes muables dudit Comté. Et

2 Coustume des fillettes de Dunois.

Si la declaration n'a esté faicte à Iustice, le Receueur fermier estant aduertty de l'accouchement de la fille, femme ou vefue, se transporte avec vn balet au lieu auquel la fille, femme, ou vefue, est accouchée, demande l'amende, & ne sort point de la porte du logis, iusques à ce qu'il soit satisfait de l'amende deuë.

Le second cas est, tout ainsi qu'anciennement les Aubeins & estrangers ne se pouuoient marier en France, sinon à leurs semblables, & de condition pareille, sans congé du Roy, ou permission de ses Officiers, pour obtenir laquelle, il conuenoit payer au Roy le tiers, ou bien moitié de leurs biens: Aussi anciennement les bastards ne pouuoient se marier en France, sinon à leurs semblables, & de condition pareille, sans permission du Roy. Autrement d'autant qu'en prenant party autre que de leur condition, ils auoient forligné, ils estoient tenus payer soixante sols parisis d'amende, avec le droict de formariage, tel que dessus: ainsi qu'il est porté par l'extraict des Comptes, & qu'il est déclaré au quatriesme chapitre du droict d'Aubeine.

³
Les bastards sont sujets au droict de formariage, comme les Aubeins.

Tiercement, la condition des bastards est semblable à celle des estrangers demeurans en France, en ce que les bastards sont incapables de tenir benefices en France, sans auoir dispense du Pape, ainsi que les estrangers la doiuent obtenir, *Non ingreditur (inquit lex) Manger, hoc est, de scorto natus, in Ecclesiam domini usque ad decimam generationem. cap. cum in cunctis. cap. innotuit. ext. de elect. cap. i. & cap. vl. de filiis presbyt. ord. vel non, in antiq.* ainsi qu'il a esté dit au 15. chapitre du droict d'Aubeine. Aussi les bastards ne peuuent estre Bacheliers, Licenciez, ny Docteurs en la Faculté de Theologie à Paris.

⁴
Les bastards ne peuuent tenir benefices en France.

Quant aux estats & offices Royaux, & dignitez layes & temporelles, combien que par la disposition du droict commun, les bastards au moyen de la tache & macule de leur origine & geniture, en fussent estimez incapables, sinon que par necessité il leur fust permis d'estre Decurion. Aussi que par les statuts du Liege les bastards ne soient admis aux offices de Iuges ou Conseillers. Toutesfois nous voyons en France que les bastards, encores qu'ils ne soient legitimez par le Roy, tiennent tous estats & offices Royaux, tant de iudicature, des armes, des finances, qu'autres, l. 2. ff. de natal. restitu. l. 1. C. de aur. ann. cap. unico. §. naturales. si de feu. fue. cont. in v. sib. pseudo. l. spurij. l. generaliter. §. spurios ff. decurio. notant Baldus in l. legitima. ff. de stat. homi. Azo in summa ex quib. caus. infra. irroga. C. latè tractat Benedictus in cap. Raynutius in princi. col. 28. Papon en son troisieme Notaire, liure sixiesme, tiltre des legitimations, fol. 413. 414. Et en France toutes sortes de bastards peuuent facilement obtenir lettres de legitimation, & facilement les faire verifier.

⁵
Les bastards tiennent offices Royaux en France, encores qu'ils ne soient legitimez.

En quatriesme lieu, les bastards sont semblables aux Aubeins demeurans en France, pour le regard des successions. Car tout ainsi que les estrangers ne succedent en France à leurs peres, meres, oncles, ou autres parens, comme il a esté amplement deduiet éstrente, trente-vn, & trente-deuxiesme chapitres du droict d'Aubeine: Aussi en France le bastard ne succede ny à pere, ny à mere, ny à aucun parent: *Omniaque successio-*

⁶
Le bastard ne succede aucunement en France.

num genera & iura ei adepta sunt, comme incapables d'heriter & venir à succession, *cum nec genus, nec gentem habeat*, n'ait race, ne gent, ne ligne. Aussi *ius Quiritum negat spurium esse de domo, familia & agnatione patris, nec est in eius potestate, eique denegantur insignia & arma paterna domus, imo nec filius, nec persona coniuncta vocari potest, sed extraneus est*, ut latè tractat Taberius in tertia parte Regaliorum fol. 156. post Bartolum in l. pronuntiatur. §. familia. ff. de verbor. signifi. l. suggestioni. C. eod. Conformément à la loy, ex facto. §. si quis rogatus. ff. ad senatuscons. Trebellia. l. filium. ff. de his qui sunt sui vel alie. iur. l. naturalibus. C. de confirm. tutor. Tellement qu'on peut dire en France, *Spurius nullo modo succedit. l. humanitatis. ver. ut licet. C. de natura. liber. cap. referente, in fine, cap. lator. ext. qui filij sint legitim. cap. 2. §. 1. de desponsatio. clandestina. ext. cap. per venerabilem, in fine ext. qui filij sint legitim. Glosa finalis in cap. cum haberet. ext. de eo qui duxit in matrimon. quam polluit per adult. Eguinarius Baro in l. fina. ff. de statu homi. Alciatus libro Parergon quarto, capite quarto.*

7
Les bastards
ne s'ont point
aduouez en
la Maison
de France.

De faict, Hue Capet considerant le mal qui autresfois estoit aduenü à la France, de ce que les bastards estans aduouiez, partageoient également avec les legitimes. Comme il fut obserué apres le trespas de Clouis, premier Roy Chrestien, lequel ayant delaisié quatre enfans, trois legitimes, & vn bastard nommé Theodoric, audit Theodoric pour partage fut delaisié la Lorraine, & les pays de deçà & delà la riuere du Rhin, iusques à Rheims : & mit son siege à Mets. Aussi Sigisbert fils illegitime de Dagobert, premier du nom, fut Roy d'Austrasie : Et apres le deceds dudit Dagobert son pere naturel, Clouis deuxiesme du nom, fils legitime dudit Dagobert, & Roy de France, enuoya audit Sigisbert, sa portion legitime, telle qu'elle luy appartenoit des thresors du Roy Dagobert leur pere. Pareillement apres le trespas du Roy Loys le Begue, Louys & Carloman ses bastards furent couronnez Roys de France, & iouyrent du Royaume leurs vies durant. Ledit Hue Capet pour les causes dessusdites, ordonna que de là en auant, aucun bastard ne seroit aduouié en la Maison de France, ne pourroit porter le surnom d'icelle, ny pareillement l'armoirie, tant fust-elle barrée. Comme il est porté par les Annales.

Aussi lors que les lettres patentes decernées par le Roy François premier, contenans l'vnion du Duché de Bretagne à la Couronne de France, furent verifiées en la Cour de Parlement, le 18. Nouembre 1532. fut inhibé & defendu aux bastards de la Maison de Bretagne, de porter le surnom & armes de Bretagne.

8
Comme le
bastard par
la dispositiõ
de droit
succede à
son pere.

Toutesfois par la disposition du droit Ciuil, *Naturales filij patri naturali succedebant in duabus vncijs cum matre concubina, & sic in una vncia, si pater naturalis legitimos liberos non haberet : & etiam hoc casu, legitimis non existentibus, pater naturalis poterat donare filijs naturalibus omnia bona, vel donatione inter viuos, vel testamento Authentico, licet patri. C. de natura. libe. Legitima autem prole existente, filij naturales nullo modo succedebāt patri naturali, d. c. lator. ext. qui filij sint legit. & eo casu pater naturalis ultra unā vnciā filijs naturalibus donare non poterat, qui est la 12. partie de son bien. Authen.*

nunc soli liberi. C. de naturalibus liberis, quia vitium paternum est referendum. l. fina. C. eod.

Matri autem naturali filius naturalis omnimodo succedebat, siue liberi legitimi extarent, siue non, & inuicem mater ei succedebat, quæ semper certa est. §. vulgo quæsitos, de successio. cognat. in Institutu. §. si quis. quib. mod. natu. eff. legi. in Authen. l. hac parte. ff. unde cogn. §. fin. Inst. de senatus. Tertullia. §. nouissima. de senat. orphit. in Institutu. Imo verò mater filiorum naturalium tutelam legitimam habebat, authen. ad hæc, in fine & l. fina. C. quand. mul. tutel. eff. fungi pos. Et spurij filij matris testamentum inofficiosum dicere possunt. l. si mere. suspecta ff. de inoffic. testam. Chassaneus in tit. des bastards, es Coultumes de Bourgogne.

Quant aux freres, il faut distinguer secundum Angelum in dicto §. vulgo quæsitos, de successio. cognat. in Institutu. Aut coniuncti sint ex linea paterna, estans de mesme pere, & de diuerse mere: & tunc licet agnati sint, nullo modo inuicem succedunt, siue omnes naturales sint, siue aliqui naturales tantum, & aliqui naturales & legitimi. l. hac parte, ubi glossa. ff. unde cognat. Aut vero coniuncti sint ex linea materna, quia ex eadem matre nati & diuersis patribus: & tunc inuicem succedunt, siue omnes naturales sint, siue aliqui naturales tantum, & aliqui naturales & legitimi. dicto §. vulgo quæsitos. Aut verò fratres coniuncti sunt ex utroque parente. patre & matre: & tunc inuicem succedunt, siue omnes sint naturales, siue aliqui sint naturales tantum, & aliqui naturales & legitimi. Et sic agnati nullo modo succedebant, cognati autem succedebant. l. si spurius, & dicta l. hac parte. ff. unde cognat. Quia agnatio patrem respicit, cognatio autem matrem.

Quæ dicta sunt intelliguntur in naturalibus liberis, natis ex non damnato, siue prohibito coitu. Quod si nati essent ex congressu damnato aliqua lege temporalis, ut puta, enfans de Prestres, Diacres ou Sous-Diacres, aut adulterini, venus d'homme ou femme mariez, nullo modo succedebant, ny à pere, ny à mere, ny à freres. Aussi les pere, mere & freres ne leur succedoient aucunement, quia fratres appellari non poterant. Or à present selon la loy diuine, & constitutions canoniques, omnis coitus, præterquam in legitimo matrimonio, est damnatus siue prohibitus: partant le bastard ne peut aucunement succeder. Aussi on ne peut succeder au bastard, soit pere, mere, frere, ou autre parent, comme il sera dit au huietiesme chapitre, ut tradit Angelus in dicto §. vulgo quæsitos. de successio. cognat. in Institutu. Et est obserué en toute la France, que les bastards ne succedent ny à pere, ny à mere, ny à frere, oncle, coulin, ny à aucun parent. Notat Masuerius in sua praxi tit. de successio. col. 36. Guido Papa quæst. 180. Carolus Molinæus in consuetudinibus Parisiensibus §. 30. 183. Dionysius Pontanus in consuetudines Elensense, articulo vigesimo, in verbo illegitimorum, ubi latè tractat quemadmodum illegitimi succedant, & quomodo eis succedatur, & Imbert en son Enchiridion. Aussi à ce est conforme la nouelle Coustume de Paris, art. 158. qui porte, que le bastard n'est habile à succeder.

En cet endroit conuient noter, combien que selon la disposition de droict, filius naturalis ex patre nobili natus non sit de domo familia & agnatione patris, nec nobilitatem retineat, patrisque priuilegijs & dignitate non

potiatur, nec parentum insignia siue arma deferre possit, etiam si legitimatus fuerit à Principe, sine consensu patris, comme il est amplement traicté per dominum Tiraquellum in libro de Nobilitate, capite decimo quinto, col. 10. & sequentibus, maximè col. 17. & 18. Toutesfois selon l'opinion de plusieurs par la Coustume & vsance generale de France, les enfans bastards de pere noble par luy recogneus, sont reputez nobles, peuuent porter le nom & armes de la maison de leur pere, avec vne barre, sont exempts de payer tailles, & iouyssent des priuileges de noblesse, comme les autres nobles du Royaume; mais ils ne peuuent succeder, *ut tradit Guido Papa qu. fin.*

12
Si les bastards en France iouyssent du priuilege de Noblesse.

§ 80. Boërius decisio. 127. Chassaneus in consuetudines Burgundiae, titulo des successions des bastards, §. 3. col. 2. & 25. & Tiraquellus in loco supra citato col. 25. Et sera bon, non toutesfois necessaire, suivant l'opinion susdite, que le bastard se face legitimer par le Roy du viuant, ou apres le decez de son pere, verifïer les lettres de legitimation, & s'il a faict acte derogant à noblesse, s'en face releuer. Comme fit vn Quidam demeurant au village du Quesnoy, lequel ayant verifié qu'il estoit fils naturel du defunct Seigneur du Quesnoy, conceu & nay pendant que ledit Seigneur estoit veuf, a esté declaré exempt de payer la taille, & ordonné qu'il iouyroit des priuileges desquels iouyssent les Nobles du Royaume, en viuant noblement, & ne faisant acte derogant à Noblesse. Et ce par sentence des Esleus de Noyon, donnée contre les manans & habitans du Quesnoy, le septiesme Iuin, mil cinq cens quatre-vingts & cinq. De laquelle y eut appel interjecté par lesdits habitans en la Cour des Aydes, sur lequel, pour le doubte qui estoit fort grand, les parties ont transigé. D'autant que plusieurs estiment, que la Coustume & vsance susdite n'a lieu, sinon pour le regard des bastards qui sont de grandes & illustres maisons, *nati ex soluto, & soluta*, & viuant noblement: Comme ordinairement sont les bastards yllus de noble race, lesquels ont accoustumé suivre les armes, estre Capitaines, Lieutenans, Enseignes, hommes d'armes, ou Archers de Compagnies, par ce moyen exempts de tailles. Et ainsi letient Maistre Iean Imbert, en son Enchiridion du droit escript, gardé & obserué en France. Lequel recite qu'un bastard extraict de pere Noble, se fit legitimer par le Roy, & par les mesmes lettres declarer exépt de payer tailles, & autres aydes & subside. Ce qu'il n'eust faict, s'il eust sceu lesdites lettres luy estre necessaires.

13
Sentence de ce que dessus.

QUAND LES DONATIONS FAITES PAR LE PERE naturel à ses enfans bastards sont vallables, ou non, avec plusieurs & diuers arrests donnez pour ce regard.

- | | |
|--|--|
| 1 Comme par la disposition de droit commun le pere naturel pouuoit donner à ses enfans bastards. | 3 En France on peut donner le quint de ses propres à perpetuité à ses enfans bastards. |
| 2 En France on peut donner à tous bastards pour leurs alimens. | 4 Pourquoi les donations faictes à des bastards ne sont viageres. |

- 5 Les donations faictes aux enfans des Prestres sont viageres.
- 6 Extention de ce que dessus.
- 7 Plusieurs & diuers arrests donnez sur des donations faictes à des enfans bastards.
- 8 Les enfans des Soubs Diacres sont incapables de donations, tout ainsi que les enfans des Prestres, & le temps de la conception est considéré.
- 9 Deniers adingez tant à la cōcubine qu'aux enfans bastards.
- 10 Recit d'un arrest notable concernēt les donations faictes à bastards.
- 11 Filiorum vel liberorum appellatione filij naturales iure civili continentur.
- 12 En France sous le nom d'enfans les bastards ne sont point entendus.
- 13 Sentence donnée par le Lieutenant de Sainte Menclou.
- 14 Arrest interuenu sur la donation cy-dessus recitée.
- 15 Aucuns sont d'avis que le pere n'ayant enfans legitimes, peut donner à ses bastards ses meubles, acqzeis, & quint des propres.
- 16 Par la Coustume de Melun le bastard est capable de donations.
- 17 Comme les peres naturels peuent seulement donner à leurs enfans.
- 18 Si vne donation faicte à sa concubine & aux siens nair, & à naistre, les enfans issus & nair en loyal mariage d'une bastarde auront part à la donation.
- 19 Arrest d'une donation de tous biens faicte par vne mere à sa fille bastarde, déclarée bonne.
- 20 Le legs faict à un bastard n'est point viager, ains perpetuel.

CHAPITRE III.



VAND on a demandé si vn pere ou vne mere naturels peuent donner à leurs enfans bastards, on a distingué selon la disposition de droict Civil, & dit, que *pater naturalis, qui liberos legitimos non habet, potest donare vel legare filiis naturalibus, natis ex non damnato coitu, id est concubinato iure civili permissio, totam substantiam siue omnia bona. Legitimis autem liberis existentibus pater naturalis filiis naturalibus ultra unam unciam (qui est la douzieme partie de son bien) donare vel legare non potest. Quod si filij nati sint ex damnato, siue prohibito congressu, ut puta adulterini, incestuosi, aut sacrilegi, ils ont estimé que nec donari, nec legari eis poterat, etiam pro alimentis, aut he. licet patri. C. de natura. liber. aut he. ex complexu Cod. de incest & inuul. nup. §. ne igitur semper tale, quib. mod. natu. efficiant. sui in authenticis.* Or à present, selon la ley Diuine, & constitutions canoniques, *omnis coitus, præterquam in legitimo matrimonio, est damnatus siue prohibitus*, comme il a esté dit à la fin du chapitre precedent: Partant generalement on peut dire, que les pere & mere naturels ne peuent aucunement donner, ny leguer à leurs enfans bastards, etiam pour leurs nourritures & alimens: comme les bastards estans incapables d'accepter telles donations & legs testamentaires, *ut tradit Angelus in §. vulgò quæsitos, de success. cognat. in Instit.*

1
Comme par la disposition de droict civil, le pere naturel pouuoit donner à ses enfans bastards.

Toutesfois il est certain par la disposition canonique, suiue en France,

2
En France
on peut don-
ner à tous
bastards
pour leurs
alimens.

que les pere & mere naturels peuuent donner à leurs enfans bastards, pour leurs nourritures & alimens, *sive filij sint naturales, sive nati ex soluto & soluta, sive adulterini, sive spurij, aut alterius generis, textus in cap. cum haberet ex. de eo qui duxit in matris. quam polluit. per adulte.* lequel parle de *filiis adulterinis*, comme il sera déclaré au cinquiesme chapitre du present Traicté, dicto authentico licet. C. de natura. libe. in verbis, *huiusmodi enim naturales filios pasci, boni viri arbitrio est necesse, sive legitimi extant & succedant, sive coniuge vna quilibet alij sint heredes.*

Et combien que plusieurs (comme Chassaneus & autres) soient d'avis, que *omnes donationes, & omnia legata, à patre vel matre filiis naturalibus relictas, morte finiantur, tanquam alimentorum intuitu facta.* Et à ce soit formel le 228. article de la Coustume de Poictou, comme il fut amplement plaidé en la Cour le 6. Mars 1578.

3
En France
on peut don-
ner le quint
de ses pro-
pres à perpe-
tuité à ses
enfans ba-
stards.

Neantmoins i'estime, que *si donatio facta sit, vel legatum relictum à patre vel matre filiis naturalibus, natis ex soluto & soluta, & soit dit pour eux, leurs hoirs & ayans cause, ou bien à tousiours, ou bien soit faict purement & simplement: aussi que la donation ne soit faicte des heritages propres & anciens, radiquez en la famille, ains de meubles & acquests, & que les donateurs n'ayent aucuns enfans legitimes; telle donation sera valable, & sortira son effect, non seulement en la personne, & pendant la vie du donataire, mais aussi de ses hoirs & ayans cause. Et s'il decede sans enfans, les biens ainsi donnez appartiendront au Roy; comme il a esté iugé par arrest donné contre le Seigneur de Dyan cy apres recité.*

4
Pourquoy
les donatiōs
faites à des
bastards ne
sont via-
geres.

Et la raison est apparente. Car si la donation purement & simplement faicte estoit viagere: le bastard ne se pourroit ayder des biens qui luy auroient esté donnez, & ne luy seroit loisible de les vendre pour achepter vn office, afin d'auoir moyen de viure, & ses enfans naturels & legitimes n'y succederoient aucunement, ce qui ne seroit raisonnable, & seroit directement contre l'intention du donateur. Aussi tels enfans bastards pouuoient estre legitimez par le Prince, ou par mariage subsequnt, en ce faisant entierement succeder à leurs pere & mere, comme il sera dit en la seconde partie du present Traicté.

5
Les donatiōs
faites aux
enfans de
Presbires sont
viageres.

Quod si donationes factae sint à patre, filiis non natis ex soluto & soluta, sed adulterinis, incestuosis, aut alterius generis, ut puta, enfans de Prestres, Diacres ou Soubs-Diacres, ou bien si les donateurs, qui tempore concubitus soluti erant, ont enfans naturels & legitimez, principalement si les donations ou legs testamentaires sont faicts d'heritages, propres ou acquests: Telles donations ou legs testamentaires seront reduits ad alimenta, partant viageres, & s'ils excedent les alimens, seront reduits à ce qui est necessaire pour iceux: tellement que les heritiers des enfans bastards de Prestres, Diacres ou Soubs-Diacres, ou de gens non mariez, ne iouyront aucunement des choses données: ains retourneront apres le decez desdits bastards aux heritiers du donateur, comme il sera dit au 4. chapitre. Si la donation est faicte par la mere à son fils naturel yssu d'un Prestre, ou d'un homme marié, le doute sera plus grand, comme on cognoistra par arrests cy apres recitez.

Et ce que dessus a lieu, encores que les enfans des Prestres, Diacres ou Sous-Diacres, & adulterins soiēt legitimez par le Prince: Car en ce cas on ne leur peut donner principalement heritages, que par vsufruit, & leur vie durant. Combien qu'aux enfans bastards naiz *ex soluto & soluta*, legitimez par le Prince, on puisse sans doubte aucun, donner en pleine propriété: comme par les lettres de legitimation estans habilitéz, & rendus capables d'accepter toutes donations & legs testamentaires, mesmes de leurs pere & mere naturels, comme il sera dit és vnze & douzième chapitres du present Traicté.

6
Extension
de ce que
dessus.

Et est difficile de dire quelles donations on peut vallablement faire aux bastards non legitimez, & cela est fort arbitraire: tellement qu'en ce cas on ne peut en France donner certaine reigle, ny constituer maxime asseurée, & toutes telles donations sont subiettes à debat, plaid & proces.

Car quelquesfois la Cour restraint telles donations *ad alimenta*, & les fait viageres, comme aux enfans de feu Gouy, dont la cause fut plaidée en la Cour le 6. iour d'Aoust 1554. Et à la fille de feu maistre Pierre Amel, dont l'arrest sera amplement deduit au 11. chapitre du present Traicté, lequel il est besoin veoir.

7
Plusieurs &
diuers ar-
rests, donnez
sur des do-
nations fai-
ctes à des en-
fans ba-
stards.

Quelquesfois la Cour modere & retranche telles donations, comme elle fit la donation faicte par le Protonotaire Do à son fils bastard, dont la cause fut plaidée en la Cour le 6. Mars 1560. & le 27. Mars 1566. dif- finitivement iugée au Conseil.

Quelquesfois la Cour confirme les susdites donations, comme elle fit par arrest solennellement prononcé le 19. May 1553. vne donation faicte *per simplicem clericum nondum sacerdotem*, à vne nommée Perrine Filet la concubine, & aux enfans bastard d'elle & du donateur. Et par autre arrest aussi solennellement prononcé le 12. Auril 1551. auant Pasques, pour vn nommé de l'Estendart, *qui solutus erat*, estoit simple clerc tonsuré, n'estoit Sous-Diacre, Diacre ny Prestre, lequel auoit faict legitimer ses bastards, & à la fille de son fils aîné fut adiugé le droict d'aînesse.

Le Lundy treiziesme Auril, mil cinq cens quatre-vingts & douze a esté plaidée vne cause, le faict de laquelle estoit, que maistre Iean Adet, Chanoine en la Chapelle Royale du Bois de Vincennes, par son testament solennel ayant faict quelques legs particuliers, auoit legué à Pierre Adet, Maistre Tailleur d'habits en ceste ville de Paris, qui estoit son fils naturel, legitime par le Roy sans le consentement de son dit pere, le reste de tous & chacuns ses biens meubles & acquests immeubles, son testament accompli à ce que luy & ses enfans, qu'il auoit naiz en loyal mariage, priaissent Dieu pour ledit testateur. Lequel estant decedé, ses heritiers auroient obtenu sentence de main-leuée des Conseillers du Thresor, & debatue le legs qui auoit esté faict audit Pierre Adet, contenant l'heredité & vniuersité de tous les biens dudit defunct. Comme ledit Pierre estant fils de Prestre, & indigne de tels legs: en tout euenement qu'on ne luy pouuoit leguer, que *pro alimentis*, suiuant les arrests de la Cour. Ledit legataire disoit qu'il monstroït par escript, qu'il estoit conceu deux mois auparauant que ledit M. Iean Adet fust Sous-Diacre, & nay trois iours aupara-

8
Les enfans
des Sous-
Diacres &
Diacres sont
incapables
de donations
tout ainsi
que les en-
fans des Pre-
stres, & le
temps de la
conception
est considéré.

rauant qu'il fust Diacre, & long temps auparauât qu'il fust Prestre: qu'on ne luy pouuoit obijcier la pretenduë incapacité, attendu sa conception, laquelle il falloir confiderer, *quando de statu alicuius agitur, & controuertitur, an quis sit liber vel seruus, an quis sit filius Senatoris vel sacerdotis, aut non, l. ex lib. C. de suis & legiti. emancipatum § sed si quis conceptus ff. de Senatoribus. § sed & si quis de ingenuis, in nstit. cap. 2. & ibi glosa extra. qui filij sint legitimi.* Ioint qu'il estoit legitimé par le Roy. Sur ce, Messieurs les Gens du Roy ont remōstré que l'ordre de Sous-Diacre estoit vn ordre sacré auquel on promettoit chasteté, & le Sous-Diacre voioit & consacroit son corps à Dieu: & ce vœu de chasteté n'estoit point repeté és autres ordres de Diacre ou de Prestre: tellement que celuy qui estoit Sous-Diacre ne se pouuoit marier. Et ce qui estoit pour ce regard statué & ordonné pour vn Prestre, ou enfans d vn Prestre, deuoit estre obserué en vn Sous-Diacre, & enfans d vn Sous-Diacre, *quia nomine sacerdotis Presbyter, Diaconus, & Subdiaconus intelliguntur, cap. si quisquam Sacerdotum, de cohabita. clericorum & mulie. ex cap. à multis multoties de etate & qualita. ext. cap. secundo qui clerici vel vouentes matrim. contrah. possunt. cap. erubescant, ca. nemo. 10. & 23 distinctio.* Mais que le temps de la conception estoit fort considerable.

[D'Argent. tit. des aduis sur les partages en la Coustume de Bretagne, & art. 551. num. 6. en la meisme Coustume, où il parle du temps qu'il faut obseruer en la conception des enfans. D'Arrerac en les Pandectes sur le §. *si quis conceptus*, en la loy *emancipatum*, ff. de Senator. Coquille en la Coustume de Nivernois tit. des fiefs, article 20. N.B.]

Messieurs du Thresor ayant adiugé la prouision des biens aux heritiers comme saisis par la Coustume, & ledit Pierre Adet en ayant appelé comme fondé en testament solennel & authentique, & au principal les parties estans appointées contraire. La Cour en emendant le iugement quant à ce, a adiugé la prouision audit Pierre Adet, fils naturel du defunct, le surplus de la sentence demeurant en sa force & vertu.

Quelquesfois la Cour casse entierement telles donations, & les declare nulles, *propter honestatem publicam, pudorem matrimonij & ut paterna vitia reprimantur*: principalement quand elles sont faictes par Prestres & gens d'Eglise, à leurs concubines & bastards, ainsi qu'il fut iugé par arrest solennellemēt & publiquemēt prononcé le quatorziesme Aoust, mil cinq cens soixante & dix, d vn nommé le Coincte Prestre, demeurant à Sens: lequel ayant vne fille naturelle, à laquelle en mariage il auoit bailé quelques deniers, outre ce, luy donna par donation entre vifs quelques heritages de son propre, pour en iouyr sa vie durant, & apres son decez à ses enfans naiz & à naistre en loyal mariage. La donation fut declarée nulle, *quia inceperat à matre incapace, & eius contemplatio facta censebatur*, estant certain que *donatio facta concubinæ à milite terrestri vel cœlesti non valet, quia parriceps criminis fuit: secus si donator miles non esset, l. donationes in concubinam. ff. de donatio. l. secunda. C. donatio inter virum & uxorem.* La difficulté eust esté plus grande, si la donation eust esté faicte aux enfans naturels & legitimes de la fille naturelle, *in quibus nulla erat*

macula, & qui neque paterno, neque materno vitio laborant. Il y eut pareil arrest que celui du Coinete, dont la cause fut plaidée le dernier Iuliet, 1553. d'une donation faicte par vn Prestre à vn sien amy : lequel incontinent apres le decez du donateur, restitua au fils naturel du Prestre, l'heritage donné, partant la donation fut cassée. Toutesfois par l'arrest donné pour la fille naturelle de feu maistre Pierre Amel, cy dessus mentionné, semblable donation fut retranchée, & reduite *ad alimenta*, mais ladite fille auoit esté legitimée par le Prince.

Aussi par arrest prononcé le neufiesme May, mil cinq cens soixante & deux, entre vne Damoiselle demanderesse en rapt d'une part, & vn quidam defendeur d'autre. La Cour, en faisant droict au principal, condamna le defendeur pour les causes contenues au proces, à payer dedans vn mois apres la prononciation de l'arrest, c'est à sçauoir à la demanderesse la somme de douze cens liures parisis, outre les prouisions à elle auparavant adiugées : & aux deux enfans, que le defendeur, pour ce mandé en la Cour a recogneu siens, à chacun d'eux la somme de douze cens liures parisis, lesquels deniers seront mis és mains d'un bon & notable Bourgeois de ceste ville de Paris, dont les parties conuiendront pardeuant l'executeur de l'arrest, & lequel à faute d'en conuenir, le pourra nommer d'office, pour faire profiter lesdits deniers ausdits enfans. Et à la charge que le cas aduenant du decez de l'un desdits enfans, la part & portion du predecedé accroistra au suruiuant. Et en cas de mort des deux, auant qu'ils fussent venus en aage, pour en pouuoir disposer, retourneront lesdites sommes au defendeur, & aux siens. Outre la Cour auoit condamné le defendeur en la somme de 200. liures parisis, enuers les pauvres filles à marier de l'Hospital de la Trinité de ceste ville de Paris, laquelle à ceste fin seroit mise és mains des Gouverneurs dudit Hospital. Et si l'a condamné en la moitié des despens de l'instance principale.

Depuis les arrests cy dessus recitez, le quatorziésme d'Auril mil cinq cens soixante & dix-neuf, fut donné vn arrest fort notable, pour le regard des donations faictes à bastards par les peres naturels. Le faict duquel arrest estoit, que Louys de Poiuilly, en son viuant Escuyer, Seigneur de Cornay, n'ayant point esté marié, auoit eu d'une sienne seruante domestique vn fils, lequel il auoit faict baptiser, & nommer Iean : L'auoit recogneu pour son fils naturel, tenu en sa maison, nourry & tousiours entretenu. Ledit Louys de Poiuilly, le neufiesme Auril mil cinq cens soixante & dix-sept, faict son testament pardeuant deux Notaires de Sainte Menchou, par lequel il donne à Iean bastard de Poiuilly son fils, tous ses biens meubles quelconques, tant or & argent monnoyé, que non monnoyé, à quelque somme qu'ils se puissent monter, cheuaux, bestial à corne, & toutes autres choses réputées pour meubles : mesmes tous acquests par luy faicts, & qui luy competoient & appartenoint, signamment sa petite maison de nouuel baatie en façon de tours carrées. A la charge toutesfois, que si ledit Iean bastard legataire decede, auant que de prendre estat de mariage, ou apres, sans hoirs legitimes de son corps, en ce cas ledit Louys

9
Deniers adiugés tant à la concubine qu'aux enfans bastards.

10
Recit d'un arrest notable contenant les donations faictes à bastards.

de Poiuilly testateur veut & entend, que le don & legs faict audit Iean bastard de Poiuilly, retourne à Louys & Ieanne de Poiuilly ses nepueu & niepce.

Ledit Louys de Poiuilly estant decedé, y a proces pendant pardeuant le Bailly de Victry le Francois, ou son Lieutenant à Sainte Menchou, entre Iean Royer, curateur commis par Iustice aux causes dudit Iean bastard de Poiuilly, fils natutel de feu Louys de Poiuilly, demandeur en deliurance du legs d'une part. Louys de Poiuilly emancipé par Iustice, & Damoiselle Ieanne de Poiuilly auctorisée par Iustice, heritiers dudit defunct Louys de Poiuilly, defendeurs d'autre.

Moyens du
fils bastard
demandeur.

Le demandeur entre autres choses disoit qu'il estoit fondé en testament solennel, que par la Coustume de Victry, il n'est point defendu de donner au bastard, tellement qu'on ne peut dire qu'il soit incapable & personne prohibé, veu que par le droict commun le pere naturel, qui n'a enfans legitimes, peut donner tout son bien à son fils naturel, *auth. licet patri. C. de natura. libe.* ainsi qu'il a esté dit tant cy dessus, qu'au chapitre precedent. Et par la mesme authentique est dict, que si le pere naturel n'a point d'enfans naturels & legitimes, que les enfans naturels luy succedent en deux vnces de ses biens, qui est vn sixiesme. Que par ladite Coustume il est permis à toute personne franche de dōner par testamēt & ordonnance de derniere volōtē à celuy qui n'est son heritier prescriptif, ses meubles, acquests & tiers de son naissant, qui est à dire de ses heritages propres. Qu'au cas de present le defunct n'auoit disposé que de ses meubles & acquests, & auoit laissé tous ses naissans aux defendeurs : lesquels par ce moyen n'auoient occasion de debattre la donation faicte au demandeur, veu qu'ils ne l'eussent peu debattre estant faicte à vn estranger : & si liceat donare extraneo, multo magis filio naturali, comme dit l'Empereur in *authen. liceat matri & auia, in verbis*, hoc enim extraneis relinquere poterant, unde nulla parentibus utilitas nasceretur. Que filiorum appellatione naturales filij continentur, comme dit le Iurisconsulte in *l. Lucius Titius, §. dama. in verbis*. Et creditur appellatione filiorum naturales liberos, id est, in seruitute susceptos continere. *l. cum pater §. volo. ff. eod.* Aussi filij naturales liberorum appellatione continentur. Tellement que si quis rogatus fuerit, ut si sine liberis decesserit restituat hereditatem. Papinianus libro decimo octauo responsorum scribit etiam naturalem filium efficere ut deficiat conditio. *l. ex facto §. si quis rogatus, ff. ad senatus. Trebellia.* Et estoit clairement verifié par le proces, que le defunct auoit recogneu le demandeur pour son fils naturel, l'auoit nourry & entretenu en la maison, comme s'il eust esté naturel & legitime. Le pouuoit faire legitimer par le Prince & le faire son heritier vniuersel, non seulement en ses meubles & acquests, mais en tous ses propres. En cas de debat demandoit prouision de son legs.

II
Que filiorū
vel libero-
rum appella-
tione filij
naturales
iure civili
continentur.

Les defendeurs au contraire disoient, que les meubles & acquests leguez par le defunct valoient plus de dix mil liures, & excedoient la valeur du naissant. Que s'ils estoient contraincts payer les debtes du defunct, & qu'en eux y eust confusion de ce que le defunct leur deuoit, à cause

cause de la tutelle qu'il auoit eu de leurs personnes & biens, les deux tiers du naissant du defunct ne leur demeuroient francs & quittes, suiuant la Coustume, & debattoient la donation par plusieurs moyens, qui se peuuent recueillir du contenu au present Traicté.

Respondoient aux loix alleguées par le demandeur, qu'en France sous le nom d'enfans, *sive filij sive liberi, contractu vel testamento nati-
nentur*, iamais n'estoient entendus ny compris les enfans bastards, encores que *nati essent ex soluto & soluta, sive ex concubinato*. Car par la loy Euangelique & Statuts du Royaume, *non solum concubinatus, sed omnis coitus, praterquam in legitimo matrimonio damnatus & prohibitus est*. Aussi qu'en France les bastards ne succedent aucunement à leurs pere & mere naturels, encores qu'ils n'ayent aucuns enfans naturels & legitimes, comme il a esté cy dessus amplement deduiet. Et quand en vn contract ou testament y a clause de reuersion, substitution, ou fideicommiss, au cas que l'heritier institué, ou autre decede sans enfans, de rendre l'heredité ou bien les choses données ou leguées: cela s'entend des enfans naturels & legitimes naiz en loyal mariage, non pas des enfans bastards, encores qu'ils fussent legitimez par le Prince du consentement des peres & meres, *dictal. ex facto. §. si quis rogatus in verbis mihi autem quoad naturales liberos attinet, voluntatis questio videtur esse l. generaliter. §. cum autem, in verbis nisi ipsi liberi sine iusta sobole decesserint. Cod. de institut. & substitutio. l. cum acutissimi. Cod. de fideicom. authen. si quis, in verbis hos suos esse, nec adiecerit naturales huiusmodi filij & legitimi successores erunt. C. de naturalib. cap. per tuas ext. qui filij sint legitimi. §. consideremus autem de triente & semisse & successio. filiorum & nepotum & naturalium, in authenticis, collatione tertia, ubi Imperator distinguit naturales à filiis & nepotibus, late tractat Angelus de Perusio Consilio quadringentesimo decimo. Et sera traicté au prochain chapitre.*

12
En France
sous le nom
d'enfans les
bastards ne
sont point
entendus.

Finalemēt par sentence donnée par le Lieutenant de Sainte Menehou, le dix-septiesme Septembre, mil cinq cens soixante & dix-sept, ont esté adiugez par prouision audit Iean bastard de Poiuilly tous les biens meubles, tant or & argent monnoyé, que non monnoyé, à quelques sommes qu'ils se puissent monter, cheuaux, bestial à corne, & autres quelconques: tous les acquests faicts par ledit Louys de Poiuilly, par luy delaissez, & qui luy competoient & appartenoint lors de son trespas: mesmes la petite maison puis n'agueres construite & bastie en façon de tours carrées, couuerte d'ardoise, lise à Bonanville, & edifiée sur vn iardin appelé le Iardin feu Charlot Baillard, avecques ledit iardin, comme il se comporte. Exceptez trois verges & demie au pourpris d'iceluy, acquestées par feu Iean de Poiuilly, frere dudit feu Louys, de feu Iean de Chapoy. Et encores vn autre iardin à arbres, assis audit Bonanville, près la maison dudit feu Louys de Poiuilly, contenant enuiron vn arpent clos de murailles tout à l'entour, leguez & donnez par ledit testament audit Iean bastard de Poiuilly. En ce faisant les defendeurs sont condamnez luy en faire deliurance, en baillant par luy caution, & se constituant acheteur de biens de Iustice, de rendre lesdits biens s'il est dit en fin de cause

13
Sentence donnée
par le
Lieutenant
de Sainte
Menehou.

que faire se doive. Et au principal est ordonné que les avertissemens seront communiquez pour y respondre & informer.

14
Arrest intervenu sur la donation cy-dessus recitée.

De ceste sentence leſdits Louys & Damoiselle Jeanne de Poiſilly ayans appellé, & depuis le proces principal estant euoqué en la Cour, le quatorziesme Avril, mil cinq cens soixante & dix-neuf, s'est ensuivy arrest, par lequel la Cour a mis l'appellation au neant, sans amende, ordonné que la sentence, de laquelle estoit appel, sortiroit plain & entier effect. Et faisant droit au principal euoqué, a adiugé audit Jean bastard de Poiſilly, les legs testamentaires definitivement. Et à ceste fin ordonné que deliurance recelle & actuelle luy en sera faicte, (si faicte n'a esté) sans preiudice aux appellans du payement, tant du reliqua du compte de leur tutelle par eux pretendu à l'encontre dudit defunct, qu'autres debtes: sur quoy les parties seront plus amplement ouyes pardeuant l'executeur dudit arrest. Et les appellans sont condamnez és despens, tant de la cause principale, que d'appel & proces euoqué, tels que de raison.

15
Aucuns font d'avis que le pere n'ayant enfans legitimes donnera à ses bastards ses meubles, acquets & quint des propres.

De cest arrest plusieurs veulent inferer, que le pere naturel n'ayant aucuns enfans legitimes peut donner à son fils bastard, *nato ex soluto & soluta*, encores qu'il n'ait obtenu aucunes lettres de legitimacion, tous les meubles, acquets & conquests immeubles, & quint de ses propres: tout ainsi qu'ils les pourroient donner à vn estrange, en accomplissant son testament, & contribuant au payement des debtes, *pro rata bonorum*: mesmement quand la donation, ou legs testamentaire porte clause de reversion, au cas que le fils bastard n'ait enfans legitimes procréez de son corps, que les choses données retourneront aux heritiers du donateur, ou bien sans ceste clause.

16
Par la Couſtume de Melun le bastard est capable de donations.

De faict, la nouvelle Couſtume de Melun, article deux cens quatrevingts dix-huict, contenant abrogation de l'ancienne qui portoit, que bastard ne peut recevoir legs ou heredité par testament de les pere ou mere: Et laquelle comme n'agueres redigée en la presence, & par l'advis des plus doctes & plus experts en la Jurisprudence & pratique du Royaume, nous devons prendre pour reigle generale, s'il n'y a Couſtume locale au contraite: porte par mots expiés, Que le bastard peut recevoir don & legs testamentaire de ses pere & mere, & autres parens, ainsi que personne estrange; pourveu que le don ne soit immodéré & immense: Mais il faut entendre ceste Couſtume *in filiis naturalibus natis ex soluto & soluta*: non pas *in filiis adulterinis aut incestuosus*, enfans de Prestres, ou de gens mariez naiz hors mariage, auxquels on ne peut donner que pour leurs alimens & nourriture: comme il a esté dict au commencement du present chapitre. Et toutes telles donations sont subiectes à debat, plaid, & procez, comme dict est, & n'y peut-on donner certaine reigle, ny assurée maxime.

17
Commes les peres naturels peuvent seulement donner à leurs enfans.

Tellement qu'en ce cas le plus seur est, que le pere naturel donne actuellement à les enfans bastards deniers comptans, & les en faisiſſe de son viuant. Ou bien acquiere en leurs noms des rentes & heritages, & les en face enfaisiſner & mettre en possession recelle & actuelle, incontinent apres les acquisitions faictes. Et en ce cas n'est besoin

d'aucune insinuation de l'heritage acquis, parce que le pere n'a jamais esté seigneur de l'heritage acquis, & a donné simples deniers, desquels l'heritage a esté acquis au nom du fils. Et encores que telles acquisitions fussent faictes des deniers donnez par vn estranger non naturalisé, toutesfois elles ne pourroient estre debattuës : parce que ce seroient donations entre vifs, non pas pour cause de mort, ny legs testamentaires. Ou bien faut que le pere naturel face legitimer ses enfans bastards, naiz *ex soluto & soluta*, à ce qu'ils soient habilitéz & faicts capables d'accepter toutes donations, tant entre vifs, que pour cause de mort & legs testamentaires: comme il sera dit au douzième chapitre. Et est besoin entendre ce que dessus, pourueu que la Coustume locale ne resiste à telles donations; comme faict la Coustume du Maine, article 357.

[Il ne sera hors de propos de rapporter icy vn Arrest donné en l'Audience, sur vne difficulté qui s'y presenta pour iuger, Sçavoir si vne donation faicte par Messire Philippes de la Louë à Jeanne de Lacheron sa concubine, du viuant d'Anthoinette de la Louë, leur fille bastarde, ladite Anthoinette & les enfans yllus d'elle en loyal mariage, auroient part à ladite donation, apres le decez de ladite de Lacheron donatrice. Le faict estoit, que ledit Messire Philippes de la Louë estant veuf, s'accolla de ladite Jeanne de Lacheron, & d'eux deux seroit yllue ladite Anthoinette de la Louë bastarde. De la Louë desirant laisser quelques moyens, tant à ladite de Lacheron, qu'à ladite Anthoinette de la Louë, la fille bastarde, pour leur nourriture & entretènement, & principalement à ladite Anthoinette, laquelle il recognoissoit luy estre creanciere, par la nature, & obligé de faire du bien à ladite fille.

Par contract du quinzième Mars, mil cinq cens cinquante-neuf, en forme d'arentement, portant tiltre de donation; Il delaisse & baille à rente annuelle & à perpetuité à ladite Jeanne de Lacheron, mere de ladite Anthoinette, & aux siens naiz & à naistre, & qui descendent d'elle & des siens en directe ligne, la terre de la Berthiere. Depuis ce contract faict, ladite Anthoinette de la Louë contracte mariage avec Charles Tardif, duquel mariage seroient yllus deux enfans, Charles & Jeanne Tardifs: Aduenu le decez de ladite Anthoinette, comme pareillement de ladite Jeanne de Lacheron, les enfans & heritiers de ladite Anthoinette naiz en loyal mariage, desirant faire partage des biens de ladite Jeanne de Lacheron, font appeller les enfans de ladite Lacheron, par deuant le Bailly de Berry à Bourges, pour voir dire & ordonner que partage & diuision sera faicte des biens estans de la succession de ladite Jeanne de Lacheron, entre autres de ladite terre de la Berthiere, moitié de laquelle leur doit estre baillée, comme heritiers de feu Anthoinette de la Louë leur mere.

A ceste demande, les heritiers de ladite de Lacheron remonstrent & dient, que les demandeurs ne pouuoient estre heritiers de ladite de Lacheron, pour deux raisons; la premiere, à cause qu'Anthoinette

de la Louë, leur mere, estoit bastarde, la seconde que la clause portée par ledit contract de donation les en debouttoit, laquelle portoit que ladite terre, à laquelle ils demandoient auoir part, auoit esté baillée à ladite de Lacheron, aux siens naiz & à naistre, & qui descendent d'elle & des siens en ligne directe, laquelle clause ne regarde que les enfans naiz en loyal mariage, de sorte que ladite Antoinette de la Louë n'estant née en loyal mariage, ses heritiers descendants d'elle n'y peuuent rien pretendre, d'autant que les bastards, *nec genus nec gentem habent*.

A ces moyens les demandeurs disoient, qu'encores que leur mere fust bastarde, que neantmoins eux estans naiz en loyal mariage, ils doiuent succeder à leur mere, en tous les biens qui luy pouuoient appartenir, & tant s'en faut que la clause portée par ledit cōtract de donation les exclud de la part & portion qu'ils demandoient en ladite terre de la Berthiere, qu'au contraire elle faisoit pour eux, & comme enfans naiz en ligne directe de ladite Antoinette de la Louë leur mere, *pro liberis habebantur*, suivant la loy 22. §. si. ff. de seruit. urb. pred.

D'ailleurs, disoient que depuis ledit contract de donation, ledit Philippes de la Louë ayant reconnu que ladite Ieanne de Lacheron s'estoit mariée, & que dudit mariage il y auoit des enfans, desirant rendre vn assésuré tesmoignage de l'affection & bonne volonté qu'il portoit à ladite Anthoinette de la Louë sa fille naturelle, en l'an 78. il faict son testament, par lequel il prie ses enfans legitimes de tenir la main, que le droit que ladite Anthoinette auoit en ladite terre, luy fust conserué: Se plaignant de ce que Ieanne de Lacheron sa concubine, auoit abusé de sa liberalité, pour en gratifier les enfans yssus de son mariage, & que *extraneos propriis anteponebat*, c'est à dire à ladite Anthoinette de la Louë leur fille naturelle, en faueur & consideration de laquelle le delaissement de ladite terre auoit esté faict.

Que cela ne receuoit aucune difficulté, que ladite Anthoinette n'ait eu part & portion à ladite terre, lors que le cōtract de donation fut faict, d'autant que lors du delaissement elle estoit née, & consequemment comprise en la clause du contract, portant le delaissement de ceste terre à ladite de Lacheron, & aux siens naiz & à naistre, *Et si in conditione Et depositione*, qui sont les deux cas requis, in l. Lucius Titius. ff. de hared. institu. N'estant considerable de dire, que par ces mots, aux siens & à naistre, que les bastards ne peuuent y estre compris, ains seulement les legitimes, d'autant qu'en termes de droit le mot de siens, comprend indefiniment les enfans naturels, aussi bien que les legitimes, *lex. forma, in l. ex facto. §. si quis rogatus. ff. ad Trebel.* où le I. C. Papi. resolut. *quest. Si quis rogatus, ut sine liberis decesserit restituat hereditatem, etiam naturalem filium efficere ut deficiat conditio. leg. Lucius. §. diuinis. ff. de legat. 1. Nouel. Institut. ut liceat matr. Et auia.*

Demeurent d'accord les demandeurs que les bastards en France ne participent point aux successions, parce que comme dit Sainct Ambroise, *sermo. de sancto Ioanne, Non potest habere hereditatis consortium, qui*

non habet sanguinis & originis privilegium. Mais par toutes les Coustumes de France, comme a remarqué Monsieur du Moulin en ses Notes sur la Coustume de Bourbonnois, ils sont capables de donations particulieres, & *habent testamenti factionem activam & passivam.*

De sorte que les demandeurs ne pretendoient pas ladite terre en qualité d'heritiers de feu Ieanne de Lacheron, mais du chef de ladite Anthoinette de la Loüe leur mere, en faueur de laquelle le delaissement a esté faict, & *siciure suo*, à tiltre particulier. Il y a plus, c'est qu'au faict qui se presente, il faut necessairement considerer le temps du contract que la donation a esté faicte, partant le delaissement de ladite terre, auquel temps, on ne croira iamais que le sieur de la Loüe ait pensé aux enfans qui ont esté naiz & yssus du mariage de ladite Lacheron. Car comme dit le l. C. in l. *Quintus Mutius ff. de Annu. lega. Magis est ut providentia filiorum suorum hoc fecisse videatur.* & in l. *cumanus. ff. de cond. & demon.* où il est dit. *Non est verisimile testatorem voluisse praeferre libertum, qui extraneus est, proprio sanguini, id est filio vel nepoti:* & en la loy *cum pater §. à te peto marie. ff. de leg. 20.* où Papinian resout, que si vn mary est prié par sa femme de rendre vn heritage à ses enfans, que cela se doit entendre des enfans qu'il a eus d'elle, & non d'une autre.

C'est pourquoy les demandeurs, depuis leur premiere demande pretendan la totalité de ladite terre de la Berthiere leur deuoir appartenir, par deuant le Bailly de Berry ou son Lieutenant à Bourges, obtindrent lettres, le quatorziesme Mars mil cinq cens neuf, pour estre receus à augmenter leur demande, afin de delaissement de la totalité de ladite terre de la Berthiere, avec restitution de fructs depuis le decez de ladite Anthoinette de la Loüe leur mere, offrant de payer la rente à laquelle ladite terre estoit hypothéquée, & de satisfaire aux charges portées par le contract.

Les lettres estans presentées, le Iuge de Berry au lieu de faire droict promptement sur la prouision requise par les demandeurs, il auroit ioinct la requeste incidente de prouision à l'instance desdites lettres, pour icelle iugeant y estre faict droict: Dont les demandeurs auroient appellé, releué leur appel en la Cour de Parlement, où la cause estant plaidée, interuint arrest, par lequel la Cour a mis l'appellation, & ce dont a esté appellé au neant, sans amende, & sans despens de la cause d'appel, & en émendant le iugement, & ayant esgard à la requeste, a euoqué le principal, & y faisant droict, Ordonné que la terre contentieuse sera partie & diuisée entre les enfans de ladite Lacheron, selon le nōbre des enfans qui estoient lors du decez, & à chacun baillé leur part & portion, & sans despens: prononcé par Monsieur le President Blanmesny, le dix-huictiesme Feurier mil six cens dix.

Vne autre difficulté s'est presentée à iuger en l'Audience, touchant vn appel interiecté du Iuge de Laon. Sçauoir si la Damoiselle Marguerite de Suzanne bastarde, pouuoit estre receüe à poursuiure criminellement en Iustice, la reparation de la mort de feu sa mere.

Pour ses moyens ladite Suzanne disoit, encores qu'elle fust bastarde, neantmoins cela n'empescheroit point, que le sang & la nature tout en-

Si une fille bastarde peut estre receüe à poursuiure criminellement en Iustice la

reparation
de la mort
de sa mere.

semblement ne l'obligeassent à poursuivre criminellement ceux qui auoient inhumainement assassiné sa mere, qu'en telles rencontres il falloit plustost suivre ce que dit la loy, *Lucius §. Dama ff. de leg. 1. que filiorum vel liberorum appellatione filij naturales continentur*: Et non reuoker en doubte, sçauoir, *An filia naturalis vel spuria possit admitti ad vindicandum necem parentum*, ainsi que le dispute Bart. in l. 1. ff. de accus. où il dit que *dubitari potest, qui. i. spuria, non est nominanda filia, auth ex complex. C. de incest. nupt.* comme au pareil *dubitatur de filio Sacerdotis, nato ex damnato coitu, qui patrem demonstrare non potest.*

Et toutesfois Barthole ayant recogneu son opinion estre contraire à la raison, & à la disposition de droit, il n'a craint de changer d'avis, & dire que *omnes isti erant admittendi, ut magis idonei, qui propenso dolore, ad prosequendum crimen accedent. arg. l. 2. in tit. ff. ad l. Iul. de adult. quod confirmat, hoc exemplo dicens: Quod spurij sint affines & consanguinei, & propterea non possunt simul contrahere matrimonium l. non facile. §. affines ff. de grad. aff. l. adoptionibus. §. seruitus. ff. de ritu nup* Item leges quæ de vindicanda necelocuuntur, vtuntur verbo quodam naturali scilicet parentum, liberorum d. l. 1. de accus. Encores que Innocent in cap. nulli ex de rescript. dit que *quando lex vititur talibus verbis, non sit attendenda depositio iuris*. Toutesfois Balde contre cet aduis tient, que *in causa criminali vel capitali spurius habetur pro coniuncta persona l. eos accusare §. omnibus ff. de accusatio. : cœus in causa mere civili. Guillel. Ma. ner. in l. quotidie ff. de reg. iur.*

Ce neanmoins contre les raisons iustites, le Bailly de Vermandois ou son Lieutenant à Laon, par sentence du 28. Aueil, 1508. & le 29. May ensuiuant, auroit déclaré ladite Damoiselle Marguerite Suzanne non receuable à la poursuite qu'elle faisoit, dont l'auroit deboutté & condamnée és despens. De laquelle sentence elle auroit appelé, relené son appel à la Cour de Parlement, où la cause ayant esté plaidée, la Cour par son arrest & iugement dit, qu'il a esté mal iugé, bien appelé par ladite appellante, a receu ladite fille naturelle à poursuivre la reparation de la mort de sa mere, condamné l'intimé és despens. Faict en Parlement le 15. Decembre, 1608. N.B.]

De donationibus factis à patre filiis naturalibus, vide Bartolum cons. 118 Ludouicum Romanum consi. 43. Guidonem Pap. consi. 280. C. nullum Bene-dicti in repetitionibus capitis, Raynutus in verbis uxorem nomine Adela-fam. Et dominum Chopinum de legibus Andium municipalibus, lib. 1. cap. 41. col. 9.

18
Si vne dona-
tion faite à
sa concubine,
& aux siens
naiz & à
naistre, les
enfans issus
de naiz en
loyal maria-

Le 27. Mars, 1584. y eut arrest solennellement prononcé: Par lequel vne Damoiselle, ieune fille, s'estant addonnée à vn ieune Gentil-home, nommé de Bonedon, & eu de luy vn fils naturel: ledit de Bonedon s'estant marié, pareillement ladite Damoiselle s'estant mariée, & aupara-uant son mariage en l'an 1564. ayant donné par donation entre vifs à son fils naturel, tous ses biens, meubles & immeubles, feodaux & roturiers, qu'elle auoit, & auroit lors de son decez, à la charge d'accomplir son testament, & de rétention d'usufruit. Ladite donation ayant esté deuement acceptée, elle a esté déclarée bonne & valable apres le decez de ladite

Damoiselle, qui n'auoit laiffé aucuns enfans legitimes, & ordonné que le fils naturel iouyroit de tous les biens delaifféz par le trespas de sa defuncte mere: encores que la donation n'eust esté infinuée, cōme faicte aupara-
uant l'Ordonnance de l'an 1566. qui parle des heritiers du donant, & qu'elle contint tous les heritages feodaux & roturiers propres de la defun-
cte. *Quia mater semper certa est, & filius censetur pars viscerum eius.* Aussi que par la disposition de droit le fils naturel succedoit à la mere, & la me-
re au fils naturel: Tellement qu'en la donation faicte par vn pere naturel y auoit plus de doute, qu'en la donation faicte par la mere. Il y a sembla-
ble arrest donné en plaidoyrie, le 13. Iuillet, 1581. par lequel le legs faict par vne mere à sa fille naturelle de six cens escus, & de tous ses biens, fut
declaré bon & valable.

ge d'une ba-
starde au-
ront part à
la donatio.

19

Arrest d'une
donation de
tous biens
faite par
une mere à
sa fille ba-
starde de-
claree bone.

Le 7. Septembre audit an 584. y eut autre arrest solennellement prononcé, le faict duquel estoit: que Iean Allegrin Seigneur de la Tum-
be, par son testament escript, & signé de sa main, & reconnu pardeuant
Notaires, ayant donné à Rachel Allegrin sa fille naturelle quatre cens es-
cus de meubles, pour vne fois payer, & trois cens cinquante liures de ren-
te par an, à prendre sur tous ses biens, à la charge qu'elle ne pourroit ven-
dre ladite rente, qu'elle n'eust atteint l'aage de 25. ans. Ladite Rachel
estant decedée mineure, le Procureur du Roy au Thresor ayant fait saisir
ladite rente, & faict adinger au Roy les biens demeurez par son decez,
le Seigneur de Dyan heritier pour vn quart dudit defunct Seigneur de la
Tumbe, son frere, pretendait ledit legs fait à vne bastarde estre viager, &
esteint par la mort de ladite bastarde: apres plusieurs & longues procedu-
res a esté condamné par arrest susdit, comme heritier & biens tenant du-
dit feu Iean Allegrin, personnellement pour telle part & portion qu'il
estoit heritier dudit defunct, & hypothecairement pour le tout, son re-
cours reserué contre ses coheritiers, autres que maistre Iacques Alle-
grin, qui estoit aussi heritier pour vn quart, faire deliurance reelle & actuel-
le à Iacques du Monstier, donataire des biens de ladite defuncte Rachel,
de trois parts, dont les quatre font le tout, de quatre cens escus en meubles,
pour vne fois payer, & de trois cens cinquante liures tournois de rente, au
denier douze, leguez par le testament dudit feu Iean Allegrin à ladite Ra-
chel, sans restitution d'aucuns interets, pour raison desdites choses, &
sans despens, & pour cause. Comme le legs n'estant viager, ains perpe-
tuel, faict purement & simplement, non cōditionnellement, ne contenant
aucune limitation de temps, mais vne simple prohibition d'aliener la ren-
te iusques à certain temps, pendant lequel la rente seroit conseruée és
biens & succession de la fille, à laquelle elle appartenoit, *l. ex his verbis Cod.
quando dies lega. vel fideicom. cedit. latè Bartolus in l. 1. ff. de conditio. & de-
monstra.* Semblable sentence a esté donnée en la Chambre du Thresor,
le 9. Aoust, 1568. pour la somme de douze cens liures tournois, & quel-
ques meubles qui auoient esté donnez par Iean Broulard à Diane Brou-
lard sa fille naturelle, moitié de laquelle somme a esté adiugée apres le
decez de ladite bastarde, à Madame de Guise donataire du Roy.

20
Le legs fait
à un bastard
n'est point
viager, ains
perpetuel.

LE PERE NATUREL PEUT DONNER A VX enfans naturels & legitimes de ses bastards. Et le frere peut donner aux enfans bastards de son frere. Pareillement les autres parens leur peuuent donner.

- | | |
|--|---|
| <p>1 Quand le pere naturel peut donner aux enfans legitimes de ses bastards.</p> <p>2 L'homme d'Eglise ne peut donner en propriete aux enfans legitimes de ses bastards.</p> <p>3 Consultation de ce que dessus.</p> | <p>4 On ne peut donner d'avantage aux enfans des enfans des bastards qu'aux enfans bastards.</p> <p>5 L'oncle paternel des bastards leur peut donner tous ses biens.</p> <p>6 Les parens des bastards leur peuuent donner tous leurs biens.</p> |
|--|---|

CHAPITRE IIII.

Quand le pere naturel peut donner aux enfans legitimes de ses bastards.



OMBIEN que le pere naturel n'ayant enfans legitimes par la disposition de la loy du Code, in *l. humanitatis, C. de naturalibus lib.* ne peut donner à ses enfans bastards, sinon *sex uncias*, qui est moitié de son bien, & non le total, permis par la loy des Authentiques, in *Authentico, Licet patri, Codice eodem titulo* comme il a esté dit au chapitre precedent:

Toutesfois selon la disposition du mesme droict du Code, il estoit loisible au pere naturel, n'ayant enfans legitimes, donner tous ses biens aux enfans naturels & legitimes de ses bastards: *tum quia eis nulla macula inest, & neque paterno, neque materno vitio laborant: tum quia in odiosis appellatione filiorum non continentur nepotes, l. final. Codice de liberis prateri. vel exhereda. in versi & hac non solum l. final. Cod. de natura. libe. §. fina. qui dari tuto. possunt, in institu. latè Alciatus in l. liberorum ff. de verborum signif.* Et si le pere du bastard auoit des enfans legitimes, il ne pouuoit donner aux enfans legitimes de ses bastards, sinon autant qu'il pouuoit donner à ses enfans bastards, *nempe unam unciam*, qui est la douziesme partie de son bien, dicta *l. fi. vers. ea enim subsistente. C. de natura. lib. tract. Chassaneus* és Coustumes de Bourgongne, tit. des successions des bastards. §. 3. col. 15.

En sorte que la donation faicte par le pere naturel aux enfans naturels & legitimes de ses bastards, estoit plus tolerée, & beaucoup plus favorable, que celle qui estoit faicte aux bastards, pour les raisons cy deuant touchées, *qualitas enim quæ filiis naturalibus vel spuris inest, deficit in nepotibus, inquit Alciatus in dicta l. liberorum.*

L'homme d'Eglise ne peut donner en propriete aux enfans legitimes de ses bastards.

Neantmoins il conuient noter qu'il a esté dit au chapitre precedent, que l'homme d'Eglise ne peut donner en propriete à ses bastards, ny aux enfans naturels & legitimes de ses bastards: & qu'ainsi auoit esté iugé contre la fille d'un nommé le Coincte, Prestre, par arrest solennellement prononcé, le quatorziesme Aoust, mil cinq cens soixante-dix. Et contre la fille de maistre Pierre Amer, dont l'arrest fut solennellement prononcé,

prononcé le quatorziesme Aoust mil cinq cens soixante & dixneuf. Tellement qu'il faut entendre la loy finale *C. de natura. liber. in soluto & soluta, idest in his qui tempore concubinatus soluti erant*, non pas *in sacerdote, in diacono, vel subdiacono, vel uxorato*: lesquels ne peuuent donner en propriété à leurs bastards, ny aux enfans legitimes de leurs bastards mais bien leur peuuent donner pour leur nourriture & alimens. Ou bien il faut entendre ladite loy finale *in liberis naturalibus*, non pas *in adulterinis*. Tellement que toutes donations faictes principalement d'heritages, par Prestres & personnes Ecclesiastiques, à leurs enfans naturels, ou enfans de leurs enfans naturels, encores qu'ils soient legitimez, doiuent estre reputez viageres, & faictes pour alimens seulement, sans que la propriété des choses données leur appartienne.

Et ce que dessus fut consulté sur l'heritier de feu de la Barge Prestre, lequel par donation faicte entre vifs deuëment acceptée & insinuée, auoit donné à ses trois enfans naturels cent liures de rente par luy acquise, rachetable de douze cens liures tournois. A la charge que si l'un desdits enfans, ou deux d'iceux alloient de vie à trespas, sans hoirs procreez de leur corps en loyal mariage, leurs portions entierement retourneroient au dernier suruiuant. Et le cas aduenant que tous trois decedassent sans hoirs, naiz & procreez de leurs corps, ladite rente, ou les deniers qui prouieroient du rachapt d'icelle, retourneroient au plus prochain heritier dudit de la Barge donateur. Fut aduisé que ladite donatiō estoit pure viagere, pour les alimens des enfans naturels dudit de la Barge seulement, & que les enfans desdits enfans, encores qu'ils fussent naturels & legitimes, n'auroient aucun droict, soit de propriété ou autre en ladite rente. *Secus dicendum fuisset*, si les enfans naturels *nati fuissent ex soluto & soluta*: car en ce cas la rente eust appartenu en pleine propriété aux enfans des enfans naiz en loyal mariage. Et en la cause dudit de la Barge y eut Arrest prononcé, le 14. Decembre 1585. par lequel fut ordonné, auant que proceder au iugement diffinitif du procez, que les parties informeroient des faicts par elles mis en auant, mesmes du faict de Bastardise, & des facultez du defunct de la Barge.

Et encores en France les donations faictes *per solutos & solutas*, aux enfans legitimes de leurs bastards, seront subjectes à debat, & iustement pourra-on dire qu'ils ne leur ont peu dōner en propriété d'auantage qu'ils eussent donné à leurs enfans bastards: principalement quād ils ont enfans legitimes, suiuant la loy finale, *C. de natura. libe.* qui est vn quint, ou autre portion de leurs biens, comme il a esté dit au chapitre precedent.

Specialement quand les donations ont esté faictes à enfans qui n'estoient encores naiz, *qui mereri non potuerunt*: ou à enfans tant naiz qu'à naistre, qui estoit le cas de l'Arrest du Coincte cy dessus recité. *Quia huiusmodi donationes censentur facta potius contemplatione filiorum naturalium quam nepotum legitimorum nondum existentium. l. dedit dotem. ff. de cola. l. no. Speculator in tit. de successiōibus quæ ab intestato. §. quid si habens filium.*

Quant à l'oncle paternel ou maternel des bastards, frere de leur pere ou de leur mere, il peut valablement donner à tels bastards, ses neveux, tous

maternel
des bastards
leur peut
donner tous
ses biens.

biens ou partie d'iceux, tout ainsi qu'il les pourroit donner à vn estrangier, comme il fut plaidé & iugé par Arrest de la Cour, le vingt-deuxiesme Iuin, mil cinq cens cinquante-trois. Et d'autant que l'oncle auoit donné tous ses meubles & acquests, & dauantage que le quint de ses propres, la donation fut reduitte au quint, pour le regard des propres, suivant la Coustume de Chartres. Aussi il n'y a loy qui defende au frere de donner aux enfans bastards de son frere: *Et si liceat donare extraneo, multo magis fratris filio.* Comme dit l'Empereur *in princip. titul. ut liceat matri & auia, in authenticis.*

6
Les parens
des bastards
leur peuuent
donner tous
leurs biens.

Au regard des autres parens des bastards, il est sans doute que licitement ils leur peuuent donner tous leurs biens, veu qu'il n'y a aucune loy qui le prohibe. D'ailleurs qu'on cognoist plusieurs bastards vertueux, qui ne sont aucunement imitateurs de l'incontinence lubrique & sordide vie de leurs peres & meres, auxquels on ne doit reprocher la macule & tache de geniture, comme dit la loy, *Spurij. ff. de decurio.* & les canons, premier, deuxiesme, troisieme, & subsequens, dist. 56. & est amplement traicté par Chassaneus és Coustumes de Bourgongne, chapitre des successions des bastards, article troisieme.

LES BASTARDS PEUVENT DEMANDER ALIMENS à leurs pere & mere naturels, ou à leurs heritiers: toutesfois ils ne peuuent demander legitime és biens de leur pere naturel: & comme la legitime est pratiquée au pays cousturnier de France.

- | | |
|---|---|
| <p>1 Quels enfans Bastards peuuent demander alimens par la disposition de droit.</p> <p>2 En France tous bastards peuuent demander alimens à leurs peres & meres ou à leurs heritiers.</p> <p>3 Les bastards peuuent demander dot à leur pere naturel.</p> <p>4 Le bastard n'a droit de legitime és biens demeurz par le deceds de son pere naturel.</p> <p>5 Comme la legitime de droit est pratiquée au pays cousturnier de France.</p> <p>6 Quelle est la legitime, quand il y a cinq enfans.</p> <p>7 Quelle est la legitime, quand il y a quatre enfans.</p> <p>8 Quelle est la legitime, quand il y a trois enfans.</p> <p>9 Quelle est la legitime, quand il n'y</p> | <p>a que deux enfans.</p> <p>10 Il faut tout rapporter en la legitime.</p> <p>11 Quelle est la legitime par la Coustume de Paris.</p> <p>12 Les pere & mere ont legitime és biens de leurs enfans.</p> <p>13 Legitime adiugée au pere sur les biens de son fils decedé.</p> <p>14 Legitime deuë aux freres.</p> <p>15 La legitime se doit bailler sans aucune charge.</p> <p>16 De l'usufruit de tous biens est deduite la legitime.</p> <p>17 Quelle est la legitime, quand vn estrangier est donataire.</p> <p>18 Les enfans demandans legitime sont tenus rapporter ce qu'ils ont eu.</p> <p>19 En douaire cousturnier, ou prefix, non est locus iuri accrescendi.</p> <p>20 En douaire cousturnier ou prefix, non est locus iuri decrescendi.</p> |
|---|---|

21 L'enfant heritier tenu rendre l'heredité peut retenir sa legitime naturelle & la quarte Trebellianique.

22 La quarte Trebellianique, & la quarte ne sont receus au pays coutumier de France.

CHAPITRE V.



N'a demandé si en France les enfans bastards peuvent demander alimens à leurs pere & mere naturels, ou bien aux heritiers de leurs peres & meres. Pour satisfaire à ceste question, il semble qu'il faut distinguer, *inter liberos ex soluto & soluta natos, & eos qui ex damnato incesto, & nefario congressu nati sunt*: D'autant que l'authentique *licet. Co. de natura. lib.* dit que *naturales filios, id est in concubinato natos, pasci boni viri arbitrio est necesse siue legitimi extent, & succedant, siue non.* Et l'authentique *ex complexu C. de incest. & inutil. nup.* dit que, *ex complexu nefario. aut incesto. seu damnato, liberi nec naturales sunt nominandi, omnis paternæ substantiæ indigni beneficio ut ne alantur quidem.* Tellement que la loy civile, ny la nature mesme, n'a voulu recognoistre les enfans adulterins naiz de Prestres, ou gens mariez, ny pareillement les incestueux. Or il est certain que *iure diuino & canonico, omnis congressus siue concubinitus, præterquam in legitimo matrimonio, est prohibitus*: partant on pourroit dire, que les enfans bastards ne pourroient demander alimens à leurs peres & meres naturels: encores moins aux heritiers de leurs peres & meres.

¹ Quelz enfans bastards peuvent demander alimens par la disposition de droit.

Toutesfois le contraire est décidé par le chapitre *cum haberet. ext. de eo qui duxit in matrimo. quam pollui. per adult.* *Sollicitudinis, inquit, tua erit ut uterque liberis, secundum quod eis suppetunt facultates, necessaria subministret.* la decision duquel chapitre qui parle *in filiis adulterinis*, nous suiuous en France: ainsi qu'il fut amplement remonsté en la cause des enfans naturels du feu Protonotaire Do, plaidée en la Cour le 6. Mars 1560. En sorte que en France *canonica humanitate*, les bastards peuvent demander alimens à leurs pere & mere naturels, ou à leurs heritiers: soient enfans legitimes qui leur succedent, ou autres parens: *& hoc verum cuiuscunque generis fuerint filij naturales, siue nati ex soluto & soluta, siue spurij, siue adulterini, ut notatur in dicto cap. cum haberet.*

² En France tous bastards peuvent demander alimens à leurs pere & mere, ou à leurs heritiers.

Adeò que les filles naturelles *poterunt petere dotem*, & contraindre le pere naturel, qui les a recognuës & aduouiées, leur donner quelque somme de deniers pour ayder à les marier, *cum dos sit loco alimentorum & pro alimentis detur, l. ubi adhuc. Co. de iure doti. l. cum post. §. gener. ff. de iure dot. ita tenet Chassaneus* és Coustumes de Bourgongne, tiltre des Bastards. §. 3.

³ Les bastards peuvent demander dot à leur pere naturel.

Mais tout cela est arbitraire, selon la qualité des personnes, & quantité de leurs biens, & *pater qui denegat alimenta liberis etiam naturalibus, eos necare videtur*, comme dit le texte *in l. necare & in l. si quis à liberis. §. idem in liberis quoque ff. de libe. agnos. & alend. à parent. cum educatio liberorum sit de iure naturali, & ex instinctu natura procedat. can. ius naturale, distinct. 1. & in princ. tituli de iure natura. gent. & civili in Institutio.* & cest acte est naturel, plein de toute pieté & humanité.

⁴ Neantmoins il est certain, que les enfans bastards ne peuvent *petere* le bastard *legitimam in bonis patris naturalis, licet iure natura legitima debeat, l. fina. n'a droit de* *Cod. de natura. libe. in verbis ut necessitas relinquendi aliquid filiis ex legibus legitime és* *immineat, notat Baldus in l. humanitatis, vers. secundo, videamus de personis, biens de-* *in verbis sed naturalitantum, nulla debetur legitima. Cod. de impub. & al. sub-* *meurez par* *stitui. qui citat Glossam in lege prima in verbis naturales. ff. de bonorum possess.* *le deceds de* *contra tabul. notat Guill. Bened. in repetitione cap. Raynutius in princ. col. 37.* *son pere na-* *turel.*

Pour ce regard est besoin voir ce qui a esté deduit au 31. chapitre du droit d'Aubeine, & §. *consideremus, cum sequentibus de triente & semisse, & successionibus filiorum & nepotum & naturalium, in Authenticis colla. 3. l. si suspecta. ff. de inoff. testam.*

[La raison pourquoy, non possunt *petere legitimam iure natura debitam, quia cum succedere nequeunt, & ad paternam hereditatem siue bonorum possessione nullo iure, nullo edicto, nec ulla constitutione vocantur, querelam inofficiosi testamenti mouere non possunt, cum legitima succedat loco querela, vel bonorum possess. contra tabulas, & sit quota portio eius quod quis consequi debeat ob intestato. l. omnimodo. l. si quis filium. C. de inoff. testam. §. tam autem naturales, inst. de inoff. testam. Chop. lib. 1. tit. 10. num. 11. de Doma. Pap. lib. 21. tit. 3. Arrest 9. & 10. N.B.]*

⁵ Comme la legitime de droit est pratiquée au pays coustumier de France.

Et d'autant que plusieurs n'ont veu comme la legitime, suiuant la disposition de droit, est pratiquée au pays coustumier de France, mesmes quand l'un des enfans naturels & legitimez est donataire, & que la donation a esté déclarée inofficieuse, il ne sera impertinent, ains nécessaire mesmes pour l'intelligence del'arrest de Calminont fils bastard, recité au 12. chapitre de ce Traicté, à present le declarer. Et pour facilement l'entendre, il conuient considerer deux cas.

⁶ Quelle est la legitime quand il y a cinq enfans.

Le premier est, quand il y a cinq enfans, ou plus grand nombre d'enfans viuans lors du deceds du pere, de la succession duquel est question, & que l'un des enfans est donataire de tous biens, ou de la plus grande partie. En ce cas l'enfant donataire, à cause de sa donation, doit auoir moitié de tous les biens demeurez par le deceds du pere. Et les cinq enfans, entre lesquels est compté le donataire, *qui partem facit*, doiuent auoir l'autre moitié de tous les biens que nous appellons *semissem*: laquelle sera esgaleme^{nt} diuisée entr'eux, sans prerogatiue ne droit d'aisnesse. Tellement que chacun des enfans non donataires a vn cinquiesme à la moitié, qui est vn dixiesme au total, és biens demeurez par le deceds de leur defunct pere. Et l'enfant donataire, tant à cause de sa donation que de son chef comme enfant a six dixiesmes. Qui seroit en six-vingts arpens de terre, douze arpens pour chacun des enfans non donataires, & pour l'enfant donataire soixante douze arpens: dont soixante qui est moitié, à cause de sa donation, & douze à cause de son droit de legitime.

Aussi l'enfant donataire est tenu de payer six dixiesmes des debtes, obseques, & funerailles du defunct, & les autres enfans sont tenus en payer chacun vn dixiesme: *quia ex alienum soluitur pro rata bonorum, siue pro modo emolumenti, & qui plus capit plus soluit.* Ou bien sur tout le bien seront

déduites & precomptées les debtes, obseques, & funerailles, l. 3. Cod. de sent. passi. l. tutores Cod. ad leg. Jul. de vi publica, l. fidei commissum §. tractatum. ff. de iudic. A ce est conforme le trois cens trente-quatriesme article de la nouvelle Coustume de Paris. S'il y a six enfans, l'enfant donataire aura à cause de sa donation, moitié de tous les biens delaissez par le decez du pere: & l'autre moitié se partira esgalement entre les six enfans, dont le donataire en aura vn sixiesme. En ce faisant chacun des non donataires aura vn sixiesme en la moitié des biens, qui est vn douziesme au total: & l'enfant donataire, tant à cause de sa portion, que de son chef, comme enfant aura sept douziesmes, qui seroit en six vingts arpens de terre dix arpens pour chacun des enfans non donataires: & le surplus montant dix arpens appartiendrait à l'enfant donataire, à sçauoir 60. arpens, qui est moitié à cause de sa donation, & dix arpens pour sa sixiesme partie en la legitime: S'il y a sept enfans, l'enfant donataire aura moitié des biens à cause de sa donation, & fera part en l'autre moitié: Et chacun des enfans non donataires aura vn quatorziesme au total des biens. S'il y en a neuf, il aura vn 18. & s'il y en a dix aura vn vingtiesme: & sur tout le bien faudra deduire les debtes, & obseques, & funerailles, ou bien que chacun y contribuë, *pro rata bonorum*.

Le second cas est, quand il y a quatre enfans, ou moindre nombre d'enfans viuans lors du trespas du pere. En ce cas l'enfant donataire aura, à cause de sa donation, les deux tiers des biens demeurez par le decez de son pere: & l'autre tiers, que nous appellons *trientem*, sera esgalement diuisé entre les quatre enfans, dont l'enfant donataire aura son quart, qui est à chacun des enfans non donataires vn douziesme au total des biens. Tellement que s'il y a six vingts arpens de terre, le fils donataire, à cause de sa donation en prendra 80. qui sont les deux tiers, & l'autre tiers montant quarante arpens se partira esgalement en quatre, dont l'enfant donataire aura dix arpens, & les trois autres enfans chacun dix arpens. *Et sic quatuor liberi habent talem portionem, qualem habent sex liberi*, qui est chacun vn douziesme au total. En ce faisant l'enfant donataire payera neuf douziesmes des debtes, obseques & funerailles, & chacun des trois autres enfans payera vn douziesme des debtes, obseques & funerailles.

7
Quelle est
la legitime
quand il y a
quatre en-
fans.

S'il n'y a que trois enfans, l'enfant donataire retient les deux tiers de tout le bien à cause de sa donation, & l'autre tiers appartiendra aux trois enfans pour leur legitime, & sera diuisée entr'eux esgalement: dont l'enfant donataire aura sa tierce partie, & les deux autres chacun leur tierce partie. Tellement que s'il y a six vingts arpens de terre, l'enfant donataire, à cause de sa donation, en prendra quatre-vingts, qui sont les deux tiers, & l'autre tiers montant quarante arpens se diuiera en trois, dont l'enfant donataire en aura treize arpens trente-trois perchès tant de pieds, & chacun des deux autres enfans aura pareille quantité de treize arpens trente-trois perchès tant de pieds: En ce faisant chacun des enfans non donataires aura vn neufliesme au total, & sera tenu chacun d'eux payer vn neufliesme des debtes, obseques, & funerailles, & l'enfant donataire payera les sept autres neufliesmes.

8
Quelle est la
legitime
quand il y a
trois enfans.

9
Quelle est
la legitime
quand il n'y
a que deux
enfants.

S'il n'y a que deux enfans, l'enfant donataire aura, à cause de sa donation, les deux tiers de tout le bien, & l'autre tiers se partira esgalement entre les deux enfans: dont le donataire, comme enfant aura moitié dudit tiers, & l'autre moitié appartiendra à l'enfant non donataire, qui est vn sixiesme au total. Tellement que de six vingts arpens de terre l'enfant donataire aura cent arpens, à sçauoir quatre-vingts, qui sont les deux tiers, à cause de sa donation, & vingt à cause de sa legitime: & l'enfant non donataire en aura vingt arpens. Et en ce faisant l'enfant donataire sera tenu payer les cinq sixiesmes de toutes les debtes, obseques & funerailles: & l'enfant non donataire sera tenu en payer vn sixiesme: ou bien les debtes, obseques & funerailles seront deduites sur tout le bien.

10
Il faut tout
rapporter
en la legitime.

Et est besoin que chacun enfant qui veut auoir legitime, mesmes l'enfant donataire, qui fait part en la legitime, rapporte en la masse hereditaire tout ce qu'il a eu en aduancement d'hoirie, ou bien le deduisé & precompte sur la portion de legitime.

Laquelle en ce faisant luy sera baillée *in corporibus hereditariis*, comme il a esté iugé par l'arrest de Caluimont, recité au douziesme chapitre du present Traicté. A ce que dessus est formelle l'authentique, *nouissima lege*, & l'authentique *unde si parens. C. de inoffi. testament. §. hac nos de tricente & semiss. in authenticis col. 3. l. si quando. §. 1. & l. omnimodo. §. imputari. C. eod.* Et conformément à ce que dessus y a eu arrest solennellement prononcé le quatorziesme Aoust, mil cinq cens quatre vingts & neuf, pour les enfans de defunct Guillaume Nicolas.

11
Quelle est
la legitime
par la Cou-
stume de
Paris.

Par le deux cens quatre-vingts dix-huictiesme article de la nouvelle Coustume de Paris (laquelle en ce Traicté nous suiuous) la legitime est la moitié de telle part & portion que chacun enfant eust eu en la succession des ses pere & mere, ayeul ou ayeule, ou autres ascendans; si leldits pere & mere, ou autres ascendans n'eussent disposé par donations entre vifs, ou derniere volonté, sur le tout deduit les debtes & frais funerairx. Et en ceste legitime baillée par la Coustume à tous les enfans, quelque nombre qu'ils soient, l'enfant donataire, ou legataire prend sa part & portion, comme l'un des autres enfans, tout ainsi qu'il la prend en la legitime, baillée par la disposition du droict, comme il a esté dit cy-dessus: & ainsi qu'il la prend au doüaire coustumier, encores qu'il soit heritier du donateur, comme nous auons deduit au quinziésme chapitre du Traicté des droicts de Iustice, qu'il conuient voir. Aussi à ce que l'enfant donataire, ou legataire, ait plus de prerogative & de droict que l'estranger donataire ou legataire. Partant quand l'enfant donataire ou legataire renoncera à la succession de son pere, duquel il est donataire ou legataire, & declarera qu'il setient à sa donation ou legs testamentaire, ce sera avec potestacion de ne preiudicier à son droict de legitime.

12
Les pere &
mere ont la
legitime es
biens de
leurs enfans.

Tout ainsi que la legitime est baillée aux enfans & petits enfans, es biens demeurez par le decez de leurs pere, mere, ayeul, ayeule, ou autres ascendans: aussi par la disposition de droict commun, pareille legitime est donnée aux pere, mere, ayeul, ayeule, & autres ascendans es biens demeurez par le trespas de leurs enfans, & petits enfans, que nous appellons

nepotæ & pronepotes. Et comme les enfans peuuent demander leur legitime ou supplément de leur legitime sur les biens demeurez par le trespas de leurs pere & mere; aussi les pere & mere, & autres ascendans peuuent demander leur legitime sur les biens demeurez par le trespas de leurs enfans & petits enfans: qui est moitié suiuant la Coustume de Paris. §. *instum autem perspeximus. Ut cum de appella. cognosci. in authen. col. nona. authentica ex testamento. Cod. ad Senatus. Tertullia. l. nam & si parentibus. ff. de inoff. testam. c. 1. §. fina. de testam. in sexto. §. si verò filios non habuerit, & §. si verò habuerint quib. mod. natura. efficiant. sui.*

De faict par arrest prononcé le douzième Feburier, mil cinq cens quatre-vingts trois, la Cour en infirmant la sentence donnée par le Bailly de Vermandois à Laon, a condamné Crespin Cochu executeur du testament de defunct maistre Iean le Feure en son viuant Prestre Chanoine de Soissons, à bailler & deliurer la legitime qui pouuoit appartenir à Pierre le Feure l'aîné, és biens meubles demeurez par le decez dudit Iean le Feure son fils. Deduction faite de ce, dont ledit Pierre le Feure pere se trouueroit estre debiteur enuers ledit defunct maistre Iean le Feure, à cause de l'administration de ses biens, & autrement. Sauf audit Cochu son recours cōtre Arthus le Feure, & autres qu'il appartiendra, & à eux leurs defences au cōtraire. Et auroient lescits Cochu & Arthus le Feure, qui estoient ioints en cause, esté condamnés és despens de la cause principale. *Cum enim filius à patre donum vita & beneficium educationis acceperit, æquum est patri præterito querelam inofficiosi testamenti concedere, ut refert Valerius libro septimo, titulo septimo.*

13
Legitime adiugée au pere sur les biens de son fils decédé.

Aussi par la disposition de droict les freres & sœurs conioincts de deux costez, ou consanguins, peuuent demander legitime és biens demeurez par le trespas de leur frere, ou de leur sœur, & *querelam inofficiosi testamenti proponere, quando turpis persona est hæres instituta*, suiuant la l. *fratres C. de inofficio. testam.*

14
Legitime due aux freres.

Et la legitime se doit bailler en pleine propriété, sans aucune charge d'usufruit, & legs testamentaire, de fideicommis, restitution, dilation, condition ou autre charge, telle qu'elle soit, l. *quoniam prioribus, l. scimus §. cum autem authen. nouissima. Cod. de inoffic. testamen. l. uxori mea, ubi glosa. ff. de usufruc. lega.* Et l'enfant qui demande legitime se doit porter heritier, *ut sit hæres in legitima*, non pas renoncer à la succession, en laquelle il demande legitime, comme auons dit au 31. chapitre du Traicté du droict d'Aubeine.

15
La legitime se doit bailler sans aucune charge.

Aussi la legitime est si fauorable, & doit estre si libre de charges, que si vn pere a donné par contract de mariage, ou legué par testament à sa femme, ou bien à autre personne estrangere, l'usufruit de tous ses biens, la propriété delaissee à ses enfans. Combien que l'usufruit soit de moindre valeur que la propriété, & par ce moyen il semble que les enfans n'ayent occasion de se plaindre, ny d'intenter procez pour leur legitime: s'ils ne veulent accorder au legataire, s'ils sont quatre enfans, ou moindre nombre, la propriété & l'usufruit des deux tiers: s'ils sont six enfans, ou plus grand nombre, la propriété & l'usufruit de la moitié de tous les biens.

16
De l'usufruit de tous les biens est deduite la legitime.

toutesfois parce qu'au cas susdit les enfans sont priuez de tous les alimens, la legitime de l'usufruit de tous biens donné, ou legué, sera adiugée aux enfans, soit vn tiers, ou moitié. Suiuant le texte, *in §. prohibimus. de triente & semisse, in Authenticis col. 3.* Comme il fut plaidé en la Cour le Ieudy 23. Aupil, mil cinq cens quatre-vingts douze. Et en ladite cause, combien que la belle mere, à laquelle par contract de mariage confirmé par testament, le mary auoit donné l'usufruit de tous ses biens, offrit quitter à la fille vniue & seule heritiere du premier mariage l'usufruit de la moitié de tous les biens à elle legué, en luy quittant la propriété de l'autre moitié, à ce qu'ils fussent comme coheritiers, suiuant la constitution de la loy *habita. Cod. de secund. nupt.* & de l'ordonnance faite sur les secondes nopces: Toutesfois sans auoir esgard à ceste offre le Seneschal de Lyon adiugea à ladite belle mere l'usufruit de deux tiers seulement des biens: & à la fille l'usufruit de l'autre tiers, avec la propriété du total des biens. Et ce nonobstant la transaction faite avec ladite fille & son mary pendant sa minorité, dont y auoit appel. Sur lequel les parties furent appointées au Conseil.

17
Quelle est la
legitime
quand un
estrange est
donataire.

Ce qui a esté dict des biens & succession du pere, doit estre en tout obserué és biens & succession de la mere, & n'y a aucune difference, ny pareillement és successions de l'ayeul & ayeule. Et si l'un des enfans n'est pas donataire, mais vn estrange est donataire, ou legataire de tous biens, ou de la plus grande partie, les enfans auront pour leur legitime les portions cy-dessus declarées, sans que l'estrange y participe aucunement. S'il n'y a qu'un enfant il aura selon la disposition du droit vn tiers pour sa legitime. Et les debtes, obseques & funerailles se payeront, *pro rata bonorum.*

18
Les enfans
demandans
legitime
sont tenus
rapporter ce
qu'ils ont
eu.

Aussi les enfans demandans leur legitime, ou supplément de leur legitime, seront tenus rapporter, ou precompter tout ce qu'ils auront eu en aduancement d'hoirie, comme il a esté dict cy-dessus. Tout ainsi que quand ils demandent leur doüaire coustumier sur vn heritage aliené par leur defunct pere, ils sont tenus rapporter, ou bien precompter & deduire tout ce qu'ils ont eu de leur defunct pere en faueur de mariage, ou en aduancement d'hoirie. Et encores en ce cas, *non est locus iuri accrescendi.* C'est à dire, encores qu'aucuns des enfans ayent renoncé à la succession de leur pere, & ne demandent aucun doüaire coustumier: toutesfois celui des enfans qui demande doüaire coustumier, ne peut auoir ny pretendre, que sa portion virile & esgale és heritages subjets audit doüaire coustumier.

19
En donaire
coustumier
on prefix
non est lo-
cus iuri ac-
crescendi.

Comme s'ils estoient six enfans lors du decez du pere, celui qui pretend doüaire coustumier, n'aura qu'un sixiesme audit doüaire, nonobstant la renociation faite par ses freres & sœurs. *Et sic qui non admittuntur ad partem, faciunt partem, & non petentium partes ceteris non accrescunt,* comme il se fait és successions. Ainsi qu'il a esté iugé par l'arrest des Feuilletts publiquement prononcé le 7. Aupil, 1562. auant Pasques. Aussi par ledit arrest on ne peut estre heritier & doüairier ensemble, comme il est porté par le cent cinquante-vniesme article de la nouuelle Coustume de Paris. Pour ce regard est besoin voir le 15. chapitre du Traicté des droits de Iustice, par nous n'agueres mis en lumiere.

Auquel auons monstré qu'en doüaire coustumier, tout ainsi que, *non est locus iuri accrescendi*: aussi *non est locus iuri decrescendi*. Car quelque alienation, vendition, engagement, hypothèque, ou dette que les pere & mere puissent créer & constituer, depuis la consommation de leur mariage: ils ne scauroient diminuer le doüaire, soit coustumier ou prefix, qui appartient & est attribué aux enfans vians de leur mariage, dès le iour de leurs espousailles & benediction nuptiale, ny depuis ledit iour faire acte preiudiciable au doüaire. Duquel les enfans suruiuans leur pere, & qui ont renoncé à la succession sont saisis, & en sont vrais seigneurs & propriétaires dès l'instant du trespas du pere, sans payer aucunes debtes prouenans du faict de leur pere, créées & contractées depuis son mariage. Car aux debtes contractées auparauant le mariage l'heritage subject au doüaire est obligé & hypothéqué.

20
En d'ouair
coustumier
ou prefix,
non est lo-
cus iuri de-
crescendi.

Si l'enfant est institué heritier par son pere, ou mere, & greué par fideicommiss, de rendre apres son deceds tous les biens de l'heredité, au cas qu'il decede sans enfans, l'heritier du fils pourra suiuant la disposition de droict commun, non seulement deduire la legitime naturelle qui estoit deuë au defunct, qui est vn tiers s'il estoit vnique, mais aussi deduire & retiendra à son profit la quarte Trebellianique, qui est la quarte partie des huit portions qui restent. En ce faisant le fideicommissaire n'aura que la moitié des biens de la succession. Ainsi qu'il a esté iugé pour le defunct Marechal de Saint André, le premier Feurier, mil cinq cens quarante neuf. Comme recite de Luc en son Traicté des arrests, au titre de *fideicommissariis hereditatibus*, arrest dernier, ca. 1. de testament. in sexto. capite Raynutius, ubi Glosa in verbo legitimam. de testament. ext. l. omnimodo. l. quantam in prioribus. Cod. de inoff. testam.

21
L'enfant
heritier est
tenu rendre
l'heredité,
peut retenir
la legitime
naturelle, &
la quarte
Trebellia-
nique.

Mais il faut entendre que la quarte Trebellianique, qui est baillée à l'heritier institué subject de rendre au fideicommissaire tous les biens, par le moyen de laquelle il peut retenir le quart des biens de la succession: ny pareillement la quarte Falcidiane, qui est aussi baillée à l'heritier institué contre les legataires, ausquels tous les biens de l'heredité sont leguez, desquels legs l'heritier peut distraire & retenir à son profit la quarte partie, ne sont receuës, ny obseruées au pays coustumier de France, mesmes en la Preuosté & Vicomté de Paris. Et n'y a que la legitime naturelle baillée aux enfans, & petits enfans, & aux pere, mere, ayeul, ayeule, & autres ascendans, & aux freres & sœurs, *quando turpis persona est hares instituta*, qui soit receuë au pays coustumier du Royaume de France, desquelles legitimes a esté parlé cy-dessus.

22
La quarte
Trebelliani-
que, & la
quarte Fal-
cidiane ne
sont receues
au pays
coustumier
de France.

LES BASTARDS PEUVENT LIBREMENT
tester, & par testament disposer de tous leurs biens : avec plusieurs
arrests sur ce donnez.

- | | | | |
|---|--|--|--|
| 1 | En France le bastard peut tester de
tous ses biens. | | stard peut librement tester en France. |
| 2 | Arrest par lequel appert que le ba- | | 3 Pourquoi le bastard peut tester, &
l'estranger non. |

CHAPITRE VI.

1
En France
le bastard
peut tester
de tous ses
biens.



O MB IEN que les bastards soient ordinairement com-
parez aux estrangers demeurans en France, & que leur
condition soit estimée pareille & semblable, comme il a
esté amplement deduit au second chapitre du present
Traicté, à la lecture duquel pour ce regard est besoin
auoir recours.

Toutesfois le bastard est plus libre en France que l'estranger : d'au-
tant que *liber vivit & liber moritur*, & peut librement disposer de tous
ses biens, non seulement par donation entre vifs & autres contractz,
mais aussi par donation pour cause de mort, testament & ordonnance
de derniere volonté. Ce qui n'est loisible à l'estranger demeurant en
France, lequel ne peut tester, ny par testament disposer des biens
qu'il a dedans le Royaume, que iusques à cinq sols parisis, & au-des-
sous, comme il a esté dict au dixseptiesme chapitre du droict d'Au-
beine.

Tellement que le bastard estant malade de la maladie de laquelle il de-
cede, voire estant proche de la mort, peut & par testament, & par dona-
tion pour cause de mort, librement disposer de tous ses biens : ses execu-
teurs seront saisis des meubles dedans l'an & iour, suivant la Coustume,
& les legataires auront deliurance des legs portez par le testament, sans
que le Roy, ny le haut Iusticier puissent iustement pretendre aucun droict
és biens du bastard qui a testé, & par le testament disposé de ses biens, ainsi
qu'il est porté par plusieurs Coustumes, & qu'il a esté iugé par plusieurs
Arrests.

2
Arrest par
lequel ap-
pert que le
bastard
peut libre-
ment tester
en France.

Mesmes par Arrest du seiziesme Aupil, mil cinq cens vingt-sept, par le-
quel fut dit que les executeurs du testament de feu Lucas le Mailleur, ci-
toyen de Paris, seroient saisis des biens demeurez par le decez du defunct,
pour executer le testament, & faire deliurance des legs portez par iceluy.
Combien que Monsieur le Procureur general lors soustint, que le defunct
estant bastard, & n'ayant enfans procrez de son corps, ses biens appar-
tinssent au Roy par droict de Bastardise : & que par la Coustume de Pa-
ris, le bastard ne pouuoit tester. Mais ledit Seigneur Procureur general ne
peut faire apparoir de la Coustume, ainsi qu'il est porté par le narré de
l'Arrest, lequel est recité *per Ioannem Galli*, en ses questions & Arrests

notables, & se commence, *Cum executores, &c.*

Il y eut semblable Arrest donné le sixiesme Iuillet, mil cinq cens quarante-cinq, pour les biens de feu Maistre Gabriel de la Fons, en son vivant Chapelain perpetuel de la Sainte Chapelle, *qui filius sacerdotis erat*: par lequel fut ordonné que le testament du defunct seroit executé, & mainleuée faicte aux executeurs, combien que le testament apres quelques legs particuliers, contint vn legs vniuersel, lequel on pretendoit estre faict *in fraudem fisci*. De faict, quatre donataires du Roy qui pretendoient les biens du defunct par droict de Bastardise, en furent frustrez par le moyen de cest Arrest. Et de ce Messieurs les Gens du Roy ont esté plusieurs fois d'accord és plaidoyers par eux faits en la Cour de Parlement: en sorte qu'il est sans doute que le bastard peut librement tester de tous ses biens, & que son testament sera executé selon sa forme & teneur: Si la Coustume locale ne restraint la disposition testamentaire des meubles, acquests, & conquests immeubles. Comme fait la Coustume du Maine, article trois cens cinquante-deux, & trois cens cinquante-cinq, qu'il a restrainct, en faueur des Seigneurs hauts Iusticiers. *Secus dicendum*, si la restriction estoit faicte en faueur de l'heritier *ab intestat*, qui est l'heritier du sang naturel & legitime: comme la Coustume d'Auuergne, au tiltre des successions & testamens, article vnze. Auquel cas le Seigneur haut Iusticier, ou bien le Roy, ne seroient receuables à debattre le testament, ny à requerir que la disposition testamentaire fust reduicte au quart, suiuant la Coustume d'Auuergne: comme nous auons dict au 23. chap. du droict d'Aubeine.

semblable
Arrest.

La raison pour laquelle le bastard peut tester est, d'autant que, *habet iura ciuitatis, & omnes testari possunt, nisi prohibeantur*: Idcoque, communément on tient que, *edictum de testamentis prohibitorium est. §. 1. quib. non est per. fa. testa. in Instit. cap. cum. apud de sponsalib. & mair. extra.* Or il n'y a loy ny Coustume, par lesquelles il soit prohibé au bastard de tester, & par testament disposer de ses biens: partant le bastard peut librement tester. §. *fin. instit. quib. non est per. fac. testa. ubi Glosa enumerat personas, quæ testari non possunt: inter quas filius naturalis siue spurius, siue adulterinus, siue incestuosus non reperitur, ita tenet Boerius in §. fin. tit. de testament.* és Coustumes de Bourges, & Chassaneus és Coustumes de Bourgongne, tit. des Bastards: & *Gul. Benedict. in repetitione cap. Raynutius, in verb. uxorem nomine Adelasiam, quinta decisione, num. 150.* *Secus* de l'estranger demeurant en France, lequel ne peut tester, d'autant que, *lex Regni non permittit, imò prohibet eum testari, quia licet liber uiuat in Gallia, tamen seruus moritur*, comme il a esté amplement déclaré au Traicté du droict d'Aubeine, chapitres dix-sept & dix-neuf, à la lecture desquels on peut auoir recours, pour auoir cognoissance de plus amples raisons, & de plusieurs autres moyens. Et à ce que dessus est conforme le 336. article de la nouuelle Coustume de Rheims.

3
Pourquoy
le bastard
peut tester,
& non l'es-
tranger.

Et encores que le bastard soit fils d'un estrange non naturalisé, toutes fois ledit bastard ne delaisse pas de pouoir tester. Car ledit bastard estant nay en France il est François, & non estrange. Tellement que la

prohibition de tester faicte à l'estranger, ne se peut estendre audit bastard, qui est François & nay en France.

LES EXECUTEURS DES TESTAMENS DES Bastards, sont saisis par an & iour de tous les meubles, avec plusieurs matieres concernant les executeurs testamentaires.

- 1 Comme les executeurs testamentaires se doivent pourvoir, afin d'avoir main-leuée des meubles des Bastards.
- 2 Les executeurs des testamens doivent estre saisis de tous les meubles du defunct.
- 3 Ce qui est contenu sous ce mot de meubles.
- 4 Les executeurs de testament ne peuvent conclure en cas de saisine & de nouvelleté.
- 5 L'executeur testamentaire pur lay ne peut estre poursuivy pardevant le Juge d'Eglise.
- 6 Pardevant quel Juge l'executeur testamentaire peut estre poursuivy pour rendre compte.
- 7 Les executeurs testamentaires ne sont pas solidairement tenus comme les tuteurs.
- 8 Pourquoi les tuteurs sont solidairement tenus.
- 9 Quand plusieurs executeurs testamentaires sont nommez, comme ils doivent accepter ou refuser la charge.
- 10 Des legs faicts aux executeurs testamentaires.
- 11 Sçavoir s'il y a hypotheque tacite sur les biens de l'executeur testamentaire.
- 12 On doit taxer salaire aux executeurs testamentaires.
- 13 Les executeurs testamentaires ne sont tenus bailler caution, non plus que les tuteurs, s'il n'y a iuste occasion.
- 14 En France les executeurs de testamens & tuteurs, ne sont tenus bailler caution.
- 15 L'an de l'execution testamentaire est vile.
- 16 Faut faire signifier à l'heritier la vente des meubles.
- 17 Si la confection d'inventaire peut estre remise par le testateur à l'executeur du testament & au tuteur.
- 18 La remission de rendre compte n'emporte pas descharge de payer le reliqua.
- 19 Quand on s'est rapporté à l'arbitrage d'un homme, c'est à dire que son arbitrage soit raisonnable.
- 20 Une femme peut estre executeresse de testament.
- 21 Les mineurs peuvent estre executeurs de testament.
- 22 Les mineurs ne peuvent estre tuteurs, ny les femmes tutrices.
- 23 La mere & l'ayeule peuvent estre tutrices.
- 24 Quand la renonciation au Velleyn est nécessaire, touchant la tutelle de mineurs.
- 25 La mere convolant à secondes nopces, perd la tutelle & la garde de ses enfans.
- 26 Quand la mere peut demander l'education de ses enfans.
- 27 La mere estant convolée à secondes nopces, ne peut estre tutrice de ses enfans, encores que les parens en soient d'aduis.
- 28 La mere auparavant que se remarier, est tenue rendre compte à ses enfans.

- 29 Si la loy, si mater C. in quib. caus. pign. est obseruée en France.
 30 Quand le second mary est tenu rendre compte de la tutelle que sa femme a administrée.
 31 Si la mere estant esleüe tuteurice à ses enfans, est tenue de l'accepter.

- 32 L'homme d'Eglise n'est tenu d'accepter la charge de tutelle.
 33 Les Religieux peuvent estre executeurs de testament.
 34 On ne peut debattre le testament du defunct, sans prendre qualité d'heritier.

CHAPITRE VII.



ESTANT permis aux bastards librement tester de tous leurs biens, & les Procureurs du Roy à l'instant du decez des bastards, ayant accoustumé faire saisir tous & chacuns les biens demeurez par leur decez, comme appartenans au Roy par droict de Bastardise: il est necessaire que les executeurs des testamens des bastards presentent requeste, par laquelle ils donneront à entendre le testament solennellement faict par le defunct, qu'ils sont esleus executeurs d'iceluy, & requerront que suivant la Coustume des Ville, Preuosté & Vicomté de Paris, ils soient saisis dedans l'an & iour du decez, de tous & chacuns les meubles demeurez par le trespas du defunct, pour l'execution & accomplissement du testament; à ceste fin que main-leuée leur soit faicte des meubles, & la saisie faicte à la requeste du Procureur du Roy, leuée & ostée, à la charge de rendre compte de l'execution testamentaire, & payer le reliqua d'iceluy l'an finy & reuolu.

1
Comme les executeurs testamentaires se doiuent pourueoir, afin d'auoir main-leuée des meubles des bastards.

Et combien qu'aucuns ayent voulu soustenir que les executeurs testamentaires ne doiuent estre saisis des deniers, ny des autres meubles demeurez par le decez des defuncts, que iusques à la concurrence de ce qui est necessaire pour l'execution du testament, mesmes contre le Roy: & qu'il n'est raisonnable sous ombre d'un testament, auquel y a cent liures de legs, de saisir & deposseder un heritier de tous les biens d'un defunct, qui consistent en meubles seulement, montant dix ou douze mil liures: mesmes quand l'heritier offre bailler deniers comptans, pour executer le testament en ce qui est liquide, & caution du non liquide, suivant la loy, *statu liber. 2. ff. de statu lib.*

2
Les executeurs des testamens doiuent estre saisis de tous les meubles du defunct.

Toutesfois l'execution testamentaire estant fauorable, fondée tant en la disposition du droict Civil, que du droict Canon, in l. *Lucius testamento. §. à re peto. ff. de lega. 2. l. si quis sepulchrum. §. funus, authent. ff. de relig. & sumpti funer. cap. 2. in princ. §. fina. de testament. in sexto.* Aussi la Coustume de Paris estant indefinie & generale, & par le 24. article de l'ancienne, & deux cens quatre-vingts dixseptiesme de la nouuelle, estant porté par mots exprés, que les executeurs seront saisis dedans l'an & iour du trespas du defunct, des biens meubles demeurez de son decez, il la faut generalement entendre & executer, si le testateur n'auoit ordonné que les executeurs fussent saisis iusques à somme certaine seulement, ainsi qu'il est porté par le mesme article de la Coustume. La raison de laquelle est,

que tous testamens portent expressement ou tacitement la clause de payer les debtes, & amender les torts faicts des testateurs, sous lesquelles paroles est comprinsé telle incertitude, qu'elle ne peut estre si tost esclarcie. Aussi que les testateurs souuent eslisent executeurs ceux ausquels ils ont entiere confiance, pour payer plus promptement leurs debtes, & amender leurs torts faicts, que non pas leurs heritiers, *qui de suo solvunt*, par ce moyen sont plus retifs à payer, ainsi qu'il est amplement deduiet au procez verbal de l'ancienne Coustume de Paris, sur l'article quatre-vingts quinze, lequel il est besoia veoir.

Partant on tient pour certain que l'executeur d'un testament doit estre generalement saisi dedans l'an & iour du decez du defunct, de tous les meubles demeurez par le decez du testateur, à la charge d'en rendre compte l'an de l'execution reuolu.

*Sentence &
Arrest de ce
que dessus.*

Ainsi fut aduisé au Chastelet de Paris, au mois de Feurier mil cinq cens soixante & quinze, en vne enqueste faicte par turbes par deux de Messieurs de la Cour de Parlement; en laquelle furent examinez dix Conseillers du Chastelet, dix Aduocats, & dix Procureurs, qui furent tous de mesme aduis. Et ainsi fut plaidé & amplement deduiet en la Cour, le vingtiesme Feurier mil cinq cens cinquante-deux, & neufiesme Ianuier mil cinq cens soixante-sept, pour monsieur de S. André, President des Enquestes, executeur du testament de sa premiere femme. Et contradictoirement iugé en la Chambre du Thresor contre le Procureur du Roy en ceste Chambre, au profit de Charles Marchand, Bourgeois de Paris, executeur du testament de defunct Gabriel Goupil, en son vivant Bourgeois de Paris, decedé sans hoirs, ayant delaisié plusieurs deniers comptans: & par la sentence dattée de l'unziesme Ianuier mil cinq cens soixante & seize, fut ordonné que Marchand executeur seroit saisi par an & iour, de tous & chacuns les biens meubles, or & argent monnoyé & non monnoyé, debtes & creances du defunct, selon & suiuant la Coustume des ville, Preuosté, & Vicomté de Paris.

*Ce qui est
contenu
sous ce mot
de meubles.*

En sorte que l'executeur du testament sera saisi, & luy mesme se saisira de tous les meubles delaisiez par le decez du defunct, consistant tant en deniers comptans, vaissaille d'argent, vtenfiles d'hostel, habits, bagues, & ioyaux, debtes actiues, arrerages de rentes, loiiages de maisons, moissons de grains, deuës & escheuës au iour du decez du testateur: Et non des loiiages, moissons, & arrerages qui escherront pendant l'an de l'execution testamentaire, ny depuis icelle. Parce que lors du decez, ils estoient immeubles: Et generalement lesdits executeurs seront saisis de toutes autres choses reputées meubles: desquelles l'executeur fera poursuite pour en estre payé, tout ainsi qu'on fera poursuite à l'encontre de luy, pour le payement de toutes les debtes du defunct, & deliurance des legs testamentaires, mobiliers, & non des immobiliers. Auparauant le payement desquelles debtes, & deliurance des legs, le plus seur sera que l'executeur face appeller les heritiers, à ce qu'ils ne le puissent debatre en son compte. Et est necessaire que l'executeur lors qu'il fera fai-

re inuentaie par auctorité de Iustice, face appeller les heritiers, ou presumptis heritiers du defunct : Et qu'il face faire ledit inuentaie en diligence, si tost que le testament sera venu à sa cognoissance : suivant ledit deux cens quatre-vingts dixseptiesme article de la Coustume.

Si les heritiers se sont saisis & emparez des meubles, l'executeur ne pourra pas conclure contr'eux, ny contre autre personne, en cas de saisine & de nouuelleté, (ainsi qu'aucuns ont estimé) d'autant qu'il n'est question que de simples meubles, *que immobilibus nullo modo coherent*, esquels l'executeur n'a aucun droict de propriété, & esquels toute l'heredité ne consiste. Tellement que, *verè non est hereditas nec uniuersitas*, pour lesquelles on peut former complainte. Mais l'executeur requerra contre les heritiers, qu'ils soient condamnez le saisir, & mettre entre ses mains tous les meubles qu'ils ont par deuers eux, estans de la succession du defunct testateur, & que defences leur soient faictes de receuoir aucunes debtes. Et si depuis qu'il aura esté saisi, il est spolié par aucune personne, il pourra conclure en reintegrande: Ainsi qu'il fut iugé par l'Arrest donné le 9. Ianuier 1567. pour le Seigneur de Saint André, President és Enquestes, cy-dessus allegué.

4
Les execu-
teurs de te-
stament ne
peuvent con-
clure en cas
de saisine &
de nouuelle-
té.

Quant aux immeubles, il est certain que l'executeur n'en est aucunement saisi par la Coustume. Et combien qu'on ait cy-deuant tenu que le testateur pouuoit ordonner que son executeur fust saisi pour l'execution de son testament, tant de ses meubles, qu'immeubles, & que par le moyen de ceste clause, l'executeur eust peu requerir contre l'heritier, qu'il eust à le saisir dedans l'an de l'execution testamentaire, des acquests & conquests du defunct, ensemble du quint de ses propres. Toutesfois par l'enquete faite par turbes au Chastelet, au mois de Feurier mil cinq cens soixante & quinze, fut aduisé que l'executeur ne pouuoit aucunement estre saisi des immeubles du defunct, ny aucunement iouyr d'iceux: ains que la possession & iouissance des immeubles appartenoit à l'heritier, sans que le testateur la peust oster à son heritier, & transferer à l'executeur de son testament.

Aussi combien que par la disposition, tant de droict Ciuil, que de droict Canon, *in dicta l. nulli C. de Episcopis & Cler. in l. hereditas. in fin. ff. de petit. heredit. in cap. tua nobis, & in cap. Ioannes ext. de test.* Les Euesques & Diocésains doiuent auoir l'œil, & prendre garde que les legs pitoyables soient payez, & qu'à l'accomplissement d'iceux les executeurs des testamens puissent estre contraincts, *auctoritate Pontificali aut principali*: Ideoque dit-on que *executio testamenti est mixti fori*: Neantmoins en France vn executeur de testament pur lay, ne peut estre conuenu pardeuant vn Iuge Ecclesiastique, soit pour la reddition de son compte, ou pour le payement des legs pitoyables, & s'il est cité, il appellera comme d'abus: Ainsi qu'il fut iugé par Arrest du premier Aoust mil cinq cens cinquante-cinq, donné sur vn appel comme d'abus interiecté de l'Official de Troyes. Semblable Arrest du 18. Aueil mil cinq cens cinquante-trois, contre les Marguilliers saint Nicolas de Troyes. Autre Arrest du septiesme Iuillet 1556.

5
L'executeur
testamen-
taire pur
lay ne peut
estre pour-
suiuy par
deuant le
Iuge d'E-
glise.

Arrest.

& furent les Arrests susdits donnez en plaidoyrie. Tellement que la disposition des loix & chapitres cy-dessus alleguez, se doit entendre, *contra clericos, & non contra laicos*: suiuant la loy *Repetita. C. de Epis. & Cleric.* Pareillement les Euesques ne peuuent contraindre les Marguilliers des Paroisses, à rendre compte pardeuant eux, pour sçauoir s'ils ont fait dire tous les Obits & seruices fondez. Bien est vray que *in cursu visitationis*, ils peuuent demander sommaire exhibition des comptes rendus par les Marguilliers, pour voir si les Obits ont esté dictz, ainsi qu'il fut iugé contre Monsieur l'Euesque de Paris, pour les Marguilliers d'une Eglise estant près de Montmorency, le dix-neufiesme Nouembre 1559. Autre Arrest pour les Marguilliers de saint Barthelemy, du troisieme Aueil ensuiuant, en plaidoyrie.

6
Pardeuant
quel Iuge
l'executeur
testamentai-
re peut estre
poursuiuy
pour rendre
compte.

Partant quand il est question de poursuiure vn executeur testamentaire pour rendre son compte, d'autant que l'action est pure personnelle, & l'administration temporelle, il le faut poursuiure pardeuant le Iuge Lay de son domicile, ou du lieu auquel il a administré & geré l'execution testamentaire, suiuant le tiltre, *ubi de ratiocin. agi oport. C. l. haeres absens. §. 1. ff. de iudic.*

7
Les execu-
teurs testa-
mentaires
ne sont pas
solidaire-
ment tenus
comme les
Tuteurs.

Si le bastard ou autre personne par mesme testament a nommé plusieurs executeurs, comme deux, trois, ou quatre: encores qu'il soit dit chacun d'eux seul & pour le tout, ils auront tous administration des meubles, autant l'un que l'autre, sans que les vns se puissent plustost immiscer en la gestion, que les autres: demanderont partage des meubles estre fait entr'eux: & seront tenus, pour éuiter à frais, rendre vn seul compte ensemblement, & en iceluy coucher par diuers chapitres ce que chacun aura receu & despensé: Et la closture sera separément faicte, sans que l'un des executeurs soit tenu au payement du reliqua de l'autre. Encores que les Tuteurs & les Commissaires establis au gouuernement d'heritages saisis, soient solidairement tenus responsables l'un pour l'autre, tant pour la reddition, que payement du reliqua de leur compte (si le Iuge n'auoit diuisé l'administration de la tutelle, & déclaré les biens que chacun administreroit.)

8
Pourquoy
les Tuteurs
sont solidai-
rement te-
nus.

Tanquam ius tutela sit indiuiduum, & sit apud quemlibet tutorum in solidum, comme chacun des Tuteurs representant les mineurs, & comme l'administration estant solidaire, en sorte qu'un seul Tuteur peut agir, aussi on peut valablement payer à l'un des Tuteurs chargé de l'administration. Ainsi le tient-on tant au Palais, qu'en Chastelet, *l. cum alicui. ff. de neg. gest. t. 2. Cod. de diuid. tute. l. tres tutores. ff. de administra. & pericu. tuto. §. de curatore. §. si plures, & §. si tres. ff. de curat. bon. dand. Bartolus in l. 3. ff. de duob. reis. cap. si duo de procura. in sexto. l. quod si forte. §. sunt quidam. versi. dico igitur. ff. de solutio. l. decreto. §. si duobus. ff. de administra. tutor.* Combien qu'aucuns ayent voulu entendre ceste solidité entre Tuteurs & Commissaires, pour la reddition de compte, comme indiuiduë: & non pour le reliqua, qui est diuidu: suiuant la loy, *ex persona. C. de probatio. l. 1. & 2. quod quisque ordine. C. lib. 10. l. quod procurator. ff. de procurat.* Que les Tuteurs purement & simplement créez soient solidairement tenus à la reddition du compte de tutelle, & payement du reliqua d'iceluy, sauf leur

recours

recours l'un à l'encontre de l'autre, a esté iugé par deux arrests donnez en plaidoyrie, le 21. Nouembre, 1553. & le Lundy 12. Iuillet, 1593. contre vn tuteur, qui estoit esleu avec la mere des mineurs, laquelle auoit entiere-ment administré le bien de ses enfans.

Si aucuns des executeurs de testament renoncent à l'execution testa-
mentaire, ou son decedez, les autres seront saisis de tous les meubles, ⁹ *Quand plu-
sieurs exe-
cuteurs te-
stamentai-
res sont no-
mez, comme
ils doivent
accepter, ou
refuser la
charge.*
encores que le testament ne porte chacun d'eux seul, & pour le tout, *cap. 1. §. finali de testament. in sexto. Masucius in Practica forensi, titulo de te-
stament. col. 45.* Si plusieurs executeurs sont denommez, & l'un d'entre eux vueille entierement executer le testament, ou bien estre deschargé de l'e-
xecution testamentaire: il requerra que son coexecuteur luy baille cau-
tion de l'acquitter & garentir de l'execution testamentaire, & offrira en
ce faisant luy delaisser l'entiere charge: ou bien il requerra que l'entiere
execution testamentaire luy soit delaissee en baillant bonne & suffisante
caution d'acquitter & indemniser son executeur. Et ce à l'exemple des Tu-
teurs, *l. datius ff. rem pupil. sal. fore. §. sed si testamento de satisfda. tutor. vel
curator. in Institu.*

Quand le Testateur par son testament a fait quelques legs à vn Qui-
dam, & que le Testateur eslit ledit Quidam executeur de son testament:
il ne peut honnestement refuser d'accepter l'execution testamentaire: en-
cores que le legs ne soit fait à la charge d'executer son testament, & le
legs luy doit estre refusé, *l. Nescennius. §. fin. cum lege sequenti. ff. de ex-
cusa. tutor. l. post legatum. §. amittere ff. de his quib. ut indign.* Et si à cha-
cun des executeurs est donnée la somme de cent escus, ceux qui renonce-
ront à l'execution n'auront rien, comme le legs leur estant fait, pour les
recompenser de leurs peines & vacations. Mais leur legs n'accroistra pas
aux autres qui administreront, comme les sommes estant diuisées, distin-
ctes & separées, & le legs estant fait diuisément & separément à cha-
cun des executeurs.

Tout ainsi qu'il y a tacite hypothèque sur les biens du Tuteur ou Pro-
tuteur du iour de la dation de tutelle, & de l'administration, & sur les
biens du Commissaire estably au gouvernement d'un heritage saisi, du
iour de l'establissement: aussi en Chastelet ils ont iugé hypothèque taci-
te sur les biens de l'executeur testamentaire, du iour du decez du defunct:
*tantum munus illud sit auctoritate publicum, utile & quasi necessarium ad
exequendas ultimas defunctorum voluntates.* Et qu'il y ait pareille raison
d'hypothèque en vn executeur, qu'en vn tuteur ou Commissaire, par la loy
vnique, *C. rem alienam gerentibus. l. cum oportet. §. fina. C. de bon. qua. liberis.
l. dabimusque §. 1. l. si. negotiorum. ff. de priuil. credito.* Toutesfois il y eut
appel de la sentence donnée au Chastelet. Et tient-on qu'il n'y a point
d'hypothèque legale, sur les biens d'un executeur testamentaire, veu
qu'il n'y a loy expresse qui en fasse mention. Et que, *non est tacita nec le-
galis hypotheca, nisi à lege expresse data sit. l. item quia. ff. de pact. l. pro officio.
C. de administr. tutor.* Mesmement que la charge d'un executeur testa-
mentaire est pure volontaire, & ne peut estre contraint de l'accepter, comme
vn Tuteur y est contraint: Ioinct qu'il a esté iugé par arrest, contre les

heritiers feu Dormand, Huissier en la Cour, que l'exécuteur d'un testament n'a aucun droit d'hypothèque sur les biens du défunt, duquel il a exécuté le testament, pour le payement de ce qui luy est deu par le reliqua de son compte, ayant d'avantage frayé & desbourfé, qu'il n'auoit receu des biens pour l'exécution testamentaire.

Pareillement en Chastelet ils ont par quelque temps tenu, qu'un exécuteur testamentaire ne pouuoit demander salaire, *Quia munus illud voluntarium & pium erat*, & que les exécuteurs testamentaires sont, ou parens, ou amis des défunts, & le plus souuent heritiers en partie: Ou bien c'est le mary qui exécute le testament de sa défunte femme; ou la femme exécute le testament de son défunt mary. Et un exécuteur de testament ne peut estre contraint accepter l'exécution testamentaire, *ut tradit Bartolus in l. à filio col. 4 ff. de alimen. & ciba. lega.* Mais y peut librement renoncer au Greffe du Chastelet de Paris, ou pardeuant deux Notaires, & faire signifier sa renonciation à ses exécuteurs & heritiers du défunt, à ce qu'on ne luy puisse imputer aucune chose. Tellement que, *officium illud debet esse gratuitum & non mercenarium*, suiuant la loy, *nulli, in fine C. de Episco. & Cleri. l. Lucius Titius 2. §. à te peto. ff. de lega. 2.* Toutesfois on leur a ordinairement taxé salaire, autrement on trouueroit bien peu d'exécuteurs, & ne seroit raisonnable pour plaisir, auoir dōmage, & le plus souuent desplaisir: d'autant qu'il faut souuent soustenir plusieurs proces, vaquer plusieurs iournées, delaisser ses propres affaires, & auancer ses deniers, *officium autem nemini debet esse damnosum. l. sed si quis ex signatoribus. ff. quemad. testam. aperti.*

12
On doit taxer salaire aux exécuteurs testamentaires.

13
Les exécuteurs testamentaires ne sont tenus bailler caution non plus que les tuteurs, s'il n'y a iuste occasion.

Il faut noter, combien qu'il ait esté dict cy-dessus, que l'exécuteur du testament d'un bastard, ou d'autre, doit estre saisi de tous les meubles demeurez par le decez du défunt: si toutesfois depuis le testament fait, l'exécuteur *facultatibus lapsus sit*, ou bien ait commis quelque delict, lequel le défunt a ignoré, & s'il l'eust sceu, il ne l'eust laissé exécuteur: ou bien que depuis le testamēt y ait eu inimitié entre le défunt & l'exécuteur, ou bien que l'exécuteur ait pris des fermes du Roy depuis le testament, & que le défunt l'ait ignoré, *& si sciisset voluntatem mutasset.* En ce cas on pourra requerir que tel exécuteur soit tenu bailler caution, ou bien on ordonnera qu'il n'aura aucune administration des biens du défunt, & que le testament sera exécuté par l'heritier, ou par autre, suiuant la loy, *in confirmando tutore, cum duabus legibus sequentibus. ff. de confir. tutor. vel curato. l. in omnibus. ff. de iudi. l. inter omnes. ff. qui satisfda. cogant.*

14
En France les exécuteurs de testaments & tuteurs ne sont tenus bailler caution.

Tellement donc qu'en France les exécuteurs de testament, ny les tuteurs ne sont tenus bailler caution, mesmes les exécuteurs, encores qu'ils soient mineurs, n'y peuuent estre contraints par les heritiers, mais bien par les creanciers, *Cum executores testamento dantur, & eorum fides à testatore approbata & electa sit: tutores autem à consanguineis ut idonei eligantur, & à iudice confirmantur.* En ce faisant en France, *tutores iurant rem pupilli saluam fore, sed non satisfdant. l. non omnium. C. de tutor. & curator. qui satisfd. non deb. §. 1. de satisfd. tuto. in institu. l. diuus pius. ff. si cui plus quam per leg. falciid.* Et qui plus est en France les parens qui ont esleu un

tuteur, ne sont aucunement responsables, ne tenus de la dette du tuteur esleu, encores qu'il ne fust soluable lors de l'election, ny à la fin de la tutelle, & ait consommé le bien des mineurs: Si de la part des parens electeurs n'y a dol, fraude ou concussion, ainsi qu'il s'obserue *in indice qui littem suam facit*. Attendu que les parens n'essilient pas volontairement vn tuteur, mais y sont contraints par Justice. Et qu'en la personne d'un tuteur on considere plustost les mœurs & probité de vie, que les richesses. Comme il a esté iugé par arrest solennellement prononcé le quatorziesme Aoust, mil cinq cens quatre-vingts sept. Et ce en corrigeant les sentences données par le Preuost & Bailly de Berry. Tellement que le tiltre de *fideiussoribus & nominatoribus tutorum*, au Digeste, n'a point de lieu en France, pour le regard des nominateurs & electeurs de tuteurs.

Aussi faut noter que l'an & iour de l'execution testamentaire ne commence à courir que du iour que l'executeur a esté saisi, & que l'empeschement à luy faict par l'heritier a cellé. Partant on dit que l'an de l'execution testamentaire est vtile: suiuant la loy *annus. ff. de calumniatori*.

15
L'an de l'execution testamentaire est vtile.

Et encores qu'il soit ordonné avec l'heritier que les biens meubles seront vendus, pour executer le testament du defunct: Toutesfois l'executeur doit faire signifier à l'heritier le iour, lieu, & heure de la vente, à ce qu'il ait à y assister si bon luy semble, ou intimation. Et s'il ne s'y trouue le premier iour, sera bon luy faire iteratiue signification. Ce faict à son absence proceder à la vente des biens meubles.

16
Faut faire signifier à l'heritier la vente des meubles.

Estant dit par le deux cens dix-septiesme article de la nouvelle Coustume de Paris, que l'executeur testamentaire est tenu faire faire inuentaire en diligence, si tost que le testament est venu à sa cognoissance, l'heritier presomptif present ou deuëment appellé: on a demandé si le testateur peut remettre la confection d'inuentaire, & ordonner que l'executeur de son testament ne sera tenu en faire aucun: mesmes le defendre par son testament, ainsi que fit vn Principal du College de Maistre Geruais. Et combien que par la loy *fin. §. finali. C. arbit. tute.* il soit porté que le testateur peut defendre que le tuteur fasse inuentaire, *in verbis nisi testatores qui substantiam transmittunt, specialiter inuentarium conscribi vetuerint. & ibi Baldus. Notant Doctores in l. tutor qui repertorium. ff. de administ. tutor. & in l. nuli. C. de Episcop & Cleric.* Et que les heritiers ny les legataires, sans iuste cause, ne puissent se plaindre de ceste prohibition, & contre la volonté du testateur contraindre le tuteur, ou bien l'executeur à faire inuentaire. Aussi que le testateur puisse remettre à l'executeur, ou bien au tuteur la reddition du compte, par la loy, *quidam decedens ff. de administ. tutor. l. cum necessitatem. C. de fideicom.* Toutesfois on tient communément, que la confection d'inuentaire estant *iuris publici*: aussi que l'inuentaire estant le commencement & le fondement de tout comptable, elle ne se peut remettre. Et de cet aduis furent Messieurs les Gens du Roy en la cause susdite, *Quia nemo potest testamento soueueri, ne leges in suo testamento locum habeant. Et nemo ius publicum remittere potest suis cautionibus, l. nemo. ff. de lega. 2. dicta l. quidam dece-*

17
Si la confection d'inuentaire peut estre remise par le testateur à l'executeur de testament, & au tuteur.

dens. Aussi les Docteurs sont d'accord, que la confection d'inventaire ne se peut remettre pour le regard de l'heritier, lequel à la requeste des creanciers sera contraint faire faire inventaire. Pareillement les creanciers contraindront l'executeur & le tuteur à faire inventaire, estant introduit en leur faueur. Et qui plus est, s'il y a quelque cause de suspicion, ou quelque occasion, le Iuge à la requeste de l'heritier & des legataires ordonnera que le tuteur fera inventaire, & pareillement l'executeur. Comme il est amplement traicté *per Chassaneum*, és Coustumes de Bourgongne, *in verbo inventarium*, fol. 239. Boerius, és Coustumes de Bourges, au tiltre des Coustumes & vsage des personnes, §. septimo. Et Ioannem Sanfon, és Coustumes de Tours, titu'o, des tuteurs. §. 2. Tellement que ceste prohibition de faire inventaire est de peu d'effect.

18
La remission
de rendre
cöpte n'em-
porte pas
descharge de
payer le re-
liqua.

Aussi combien que le testateur ait remis la reddition de compte, telle descharge n'emporte pas liberation de payer le reliqua, ny mesmes de rendre compte par brief estat, & ne comprend aucunement le dol & maluersation du tuteur, ou de l'executeur testamentaire: Mais par telle descharge de reddition de compte, le testateur a voulu qu'on ne füst pas vne exacte recherche contre le tuteur, *ne scrupulosa inquisitio fieret, hoc est ut negligentia ratio non haberetur, sed tantum fraudis, l. si seruus vetitus. ff. de lega. 10. l. Aurelio. §. Caius. ff. de libera. lega. ubi Bartholus ait futuram rationum redditionem vere non remitti, sed bene prateritam.* Et

19
Quand on
s'est rappor-
té à l'arbi-
trage d'un
homme, c'est
à dire que
son arbitra-
ge soit rai-
sonnable.

quand par contract il est dit, qu'un homme sera creu par serment des frais & despens par luy faicts: ou bien quand on s'est rapporté à l'arbitrage d'un homme: cela s'entend quand il a iuré verité, & que l'arbitrage est iuste, equitable & raisonnable, *l. si libertus ita iurauerit. ff. de iure patronat. l. qua sub conditione iureiurandi. ff. de condit. institutio. Et ab omni contractu dolus abesse debet, nec remissus censetur. l. conditio. §. Lucius Titius. ff. mandati.*

Le Lundy vingt-vniesme Feurier mil cinq cens quatre-vingts quatorze, fut plaidée vne cause pour la vesue d'un Marchand de ceste ville. Le faict estoit, que ledit Marchand & sa femme ayans passé contract de mariage de leur fille, avec vn Quidam qui estoit veuf, & par le contract estant conuenü, que le suruiuant du pere ou de la mere de la fille iouyroit de tous les biens du predecédé sa vie durât, sans qu'il füst tenu faire inventaire, rendre compte, ny faire partage, ainsi qu'il est permis par le deux cens quatre-vingts vn article de la nouvelle Coustume de Paris. Ledit Marchand estant decédé, la mere de la premiere femme dudit Quidam, pretendât que ledit Quidam luy deuoit cent escus de rente, six années d'ar-rerages de ladite rente, & plusieurs autres sommes de deniers: en vertu d'une requeste responduë du Preuost de Paris, elle faict arrester és mains de la vesue dudit Marchand, tous & chacuns les deniers, & autres choses qu'elle deuoit, & cy-apres deuroit audit Quidam, & ayant affermé ne luy deuoir aucune chose, l'arrestant creancier dudit Quidam requiert, que la vesue dudit Marchand soit tenuë faire faire inventaire des biens meubles, terres & lettres demeurez par le decez dudit defunct

Marchand pere de la fille. Ce qu'elle empesche, attendu la conuention portée par le contract de mariage dudit quidam, le creancier duquel ne pouuoit auoir plus de droict & de priuilege, qu'auoit ledit Quidam: alleguoit vn arrest prononcé le vingt-neufiesme Iuillet, mil cinq cens cinquante-trois, par lequel vn mary ayant donné tous ses biens aux pauvres, à la charge que sa femme en iouyroit sa vie durant, sans qu'elle fust tenuë faire inuentaie, ny rendre compte. Estant poursuiue pour faire inuentaie, fut dit qu'elle ne seroit tenuë faire inuentaie, mais seulement bailler declaration des biens sous son sein: outre alleguoit les moyens cy-dessus deduits. Disoit n'estre raisonnable qu'un creancier veit les biens d'une succession, ny le secret d'icelle. Et en tout euenement, qu'il ne deuoit auoir communication, sinon de ce qui concernoit les meubles, & non les immeubles: & ne deuoit aucunement assister à la confection de l'inuentaie. Le creancier, adherans avec luy Messieurs les Gens du Roy, disoit que la confection d'inuentaie, *est iuris publici, quod remitti non potest*, Que par l'article 280. de la Coustume de Paris, celuy qui a don mutuel n'est point veritablement chargé de faire inuentaie, mais par l'article deux cens quatre-vingts huit, il en est tenu, attendu qu'il est simple usufruitier, comme est la vefue dudit marchand. Le creancier disoit qu'il se contentoit d'une simple declaration de biens, signée de ladite vefue, recogneuë pardeuant Notaires. Sur ce a esté ordonné par le Preuost de Paris, que le Commissaire du quartier feroit vne description des biens meubles demeurez par le trespas dudit defunct pere de la fille, dont la vefue appelle. Par arrest l'appellation, & ce dont a esté appellé sont mis au neant, & l'appellante absoute des demandes & conclusions de l'intimé: Tellement qu'elle ne fera tenuë faire aucun inuentaie; ny bailler declaration de ses biens.

Et en cest endroit conuient noter, que la conuention portée par le contract de mariage d'une fille, que le suruiuant de ses pere & mere iouyra de tous les biens meubles & immeubles du predecédé la vie durant dudit suruiuant, lequel fera les fruits siens, sans qu'on luy puisse demander confection d'inuentaie, partage, ny compte, n'a lieu, sinon pour le regard des meubles & conquests du predecédé, desquels la fille sera tenuë laisser iouyr son pere suruiuant sa vie durant, ou bien sa mere suruiuante. Et ceste conuention ne s'estend aucunement aux heritages propres du predecédé, desquels le suruiuant n'a aucune iouissance, par le moyen de ceste conuention: suiuant l'article deux cens quatre-vingts vn de la nouvelle Coustume de Paris. Partant les pere & mere doiuent aduier à autrement coucher la conuention susdite, & mettre que la fille sera tenuë laisser iouyr le suruiuant de ses pere & mere, de tous & chacuns les biens, tant meubles, que conquests, & conquests immeubles, & heritages propres du predecédé, & que le suruiuant aura & prendra à son profit tous les fruits desdits meubles & immeubles, sans qu'on luy en puisse demander partage, ny compte. Si mieux ladite fille ou les hoirs ne veulent remettre es mains du suruiuant la moitié de ce qui luy aura esté baillé en faueur du mariage: ce qu'ils seront tenus faire aupara-

uant que de pouuoir entrer en la iouissance desdits biens.

10
Une femme
peut estre
executeresse
de testamēt.

Dauantage il conuient entendre, qu'une femme peut estre executeresse du testament d'un defunct, encores qu'elle ne soit ny vefue ny mere, ny ayeule, ny sœur, ny tante, ny aucunement parente du defunct, ains estrangere, principalement quand ladite femme est vefue, ou bien qu'elle n'a point esté mariée : & supposé qu'elle se marie, ou bien qu'elle conuole en secondes nopces, toutesfois par le moyen du mariage, elle ne délaisse d'estre executeresse. Si la femme esleue & nommée executeresse d'un testament est en lien de mariage, & le mary ne la veut auctoriser, en ce cas elle ne sera receüe à accepter l'exécution testamentaire du defunct. Et si elle se faict auctoriser par Iustice, & ordonner qu'elle administrera l'exécution testamentaire, en faudra appeller : Mais si le mary l'auctorise, elle sera admise à executer le testament : parce que par le moyen de l'auctorisation, le mary est responsable du reliqua du compte de l'exécution testamentaire. Et ce suyuant la loy, *in filio, ubi latè tracta*, Bartolus. ff. de aliment. & cibariis. legat. Baldus in l. id quod pauperibus. C. de sacrosan. eccles. Notatur in additionibus ad Masuerium in sua Practica forensi titulo de successione, & ultim. voluntat. Et ce que dessus a lieu, encores que la femme soit mineur de vingt-cinq ans. Car les mineurs aagez de dixsept ans, peuuent estre executeurs de testament, & procureurs ad negotia, non tamen ad iudicia. Vt notat Glosa in cap. finali de testament. in sexto, & in cap. qui generaliter. §. finali de procurat. eod. Mais les creanciers, voire les heritiers ont accoustumé d'empescher que les mineurs executeurs soient saisis de tous les biens meubles demeurez par le decez du defunct, d'autant que leurs biens ne peuuent estre hypothéquez au payement du reliqua du compte qu'ils sont tenus rendre.

21
Les mineurs
peuuent estre
executeurs
de testamēt.

22
Les mineurs
ne peuuent
estre tuteurs
ny les fem-
mes tutri-
ces.

Toutesfois il est certain, que les mineurs de vingt-cinq ans, soient masles ou femelles, ne peuuent estre tuteurs, ne curateurs, l. final. C. de legit. tutel. l. 2. C. quando mulier tutel. officii. fungi possit. Aussi il est certain, que les femmes ne peuuent estre tutrices, ny curatrices, Quia tutelam administrare virile munus est, & extra sexum femineum infirmitas tale officium est. l. 1. C. eod. l. tutela. ff. de tutel. Et par les constitutions des Empereurs, mesmes de Iustinian, n'a esté permis, sinon à la mere d'accepter la tutelle & curatelle de ses enfans, & à l'ayeule la tutelle & curatelle de ses petits enfans, en renonçant au benefice de Velleyan: Authentico matri & auiæ, dicto titulo quando mulier. §. ex his authen. de hereditatibus ab intestato venientibus, in authen. col. 9.

23
La mere &
l'ayeule peu-
uent estre
tutrices.

24
Quand la
renonciation
au Velleyan
est necessaire
touchant la
tutelle de
mineurs.

Laquelle renonciation au Velleyan semble n'estre necessaire, lors de l'acceptation de la tutelle. Parce que la femme acceptant la tutelle de ses enfans, ou petits enfans, promettant de bien administrer leurs personnes & biens, en rendre bon compte, & payer le reliqua d'iceluy, elle ne s'oblige point pour autrui, mais pour soy-mesme, pour son faict & administration : auquel cas le Velleyan n'a lieu, l. 2. l. si aduersarius. C. de Velleia. Aussi quand la femme, qui n'est pas tutrice de ses enfans, veut auoir l'administration de leurs biens, & qu'elle luy est délaissée par leur tuteur, laquelle elle promet acquiter, garantir & indemniser de ce

qu'elle maniera & administrera : ou bien veut auoir l'administration entiere des biens des mineurs, laquelle luy est totalement baillée par le cotuteur: En ce cas la femme ne se peut ayder du Velleyan contre le tuteur, auquel elle a promis indemnité : parce qu'il est question du faict de la femme, laquelle, *promittendo indemnitem non censetur intercedere. Ideoque cessat Velleianum*: comme il a esté iugé par arrest donné en l'an mil cinq cens quarante-trois, recité par du Moulin au Traicté des vsures & rentes constituées, *questio. 38. col. 203.* Et le semblable est, si la femme s'est obligée au mineur, de luy payer ce qu'elle luy deura, à cause de son administration. Mais si la femme s'est obligée enuers le mineur de ce que son tuteur luy doit, ou deura à cause de l'administration que ledit tuteur a eüe, & cy apres aura de son bien : ou bien si la femme s'est obligée à payer au tuteur, ce que le mineur luy deura par la closture de son compte: és cas susdits c'est vne vraye intercession, & la femme s'est constituée pleige & caution pour le tuteur enuers le mineur, & pareillement pour le mineur enuers le tuteur: en sorte que le benefice du Velleyan a lieu. Et le semblable doit estre dict si la femme a promis indemniser le tuteur, lequel se vouloit excuser de la tutelle, & ne l'eust acceptée sans la promesse d'indemnité de la femme. Car c'est autant, que si la femme s'obligeoit à payer au tuteur le reliqua qui luy pourra estre deu par le mineur, par l'issue & closture du compte de sa tutelle. Toutesfois si la femme n'a faict aucune promesse d'indemnité au tuteur esleu, & a seulement pouruiuy l'election d'un tuteur, comme elle est tenuë faire: en ce cas la femme n'est aucunement obligée enuers le mineur pour le tuteur esleu, aussi le tuteur en ce cas n'a aucune action contre la femme. Et ainsi se doit entendre le tiltre, *si mater indemnitem promisit. C. la loy, si mater C. ad Velleia. la loy quamui §. 1. & la loy tutor pupulli. ff. cod.* Comme il fut plaidé en la Cour le Vendredy neufiesme Iuin, 1553. Toutesfois le plus seur est mettre aux actes de tutelle faictes des meres & ayeuls, & aux promesses d'indemnité faictes par les femmes, la renonciation au droict de Velleyan, avec l'expression d'iceluy.

Si la mere esleuë tutrice à ses enfans, ou bien l'ayeule esleuë tutrice à ses petits enfans, conuole à secondes nopces, elle perd la tutelle & curatelle de ses enfans: suiuant la dispositiō de droict. Tout ainsi que par la Coustume, la mere se remariant, perd la garde noble & bourgeoisie de ses enfans, & l'ayeule de ses petits enfans, *authentico sacramentum, C. quando mulier tutor. offici. auth. eisdem C. de secund. nup.* & le cent soixante huictiesme article de la nouuelle Coustume de Paris. Et ceste garde noble ou bourgeoisie peut estre acceptée par la mere, encores qu'elle soit mineure de vingt-cinq ans, pour iouyr des fruicts, emolumens, & effects d'icelle, tout ainsi que si elle estoit maieur de vingt-cinq ans. Pareillement la mere mineur, ou maieur peut demander l'education de ses enfans, & qu'ils luy soient baillez pour les nourrir & alimēter, encores qu'elle ne soit leur tutrice: Suiuant le tiltre, *vbi pupillus educari debeat.* Et cōbien que par la loy, *in dict. tit. vbi pupillus educ. debeat*, la mere cōuolant à secondes nopces soit priuée de

25

La mere cōuolant à secondes nopces, perd la tutelle & la garde de ses enfans.

26

Quand la mere peut demander l'education de ses enfans.

l'education de ses enfans : toutesfois cela n'est observé en France, principalement quand la mere offre les nourrir sans diminution de leur bien: comme il a esté iugé par arrest donné en plaidoyrie le dix-septiesme Janvier, mil cinq cens quatre-vingts quatorze.

27

La mere
estant con-
uolée à se-
condes no-
pces ne peut
estre tutrice
de ses enfans
encores que
les parens en
soient d'a-
vis.

Et que la mere conuolant à secondes nopces perde la tutelle de ses enfans, (comme il a esté cy-dessus monstré) & ne puisse estre continuée pendant son second mariage, en la gestion de ceste tutelle, est si exactement gardé au pays coustumier de France, que par arrest donné en plaidoyrie a esté iugé, encores que par le contract du second mariage de la mere eust esté expressément conuenu, qu'elle demeureroit irrevocablement auctorisée de son second mary, pour l'administration de la tutelle de ses enfans. Et que les parens des mineurs deüement assemblez pardeuant le Iuge ordinaire, eussent esté d'advis de la conuention susdite, & que par le moyen de ceste clause & conuention, la mere deuoit demeurer tutrice de ses enfans : toutesfois à la poursuite du tuteur subrogé a esté dit par sentence du Preuost de Paris, que la mere seroit deschargée de la tutelle de ses enfans, & que nouveau tuteur seroit esleu : comme ceste conuention estant contraire à la disposition de droit commun, & de la Coustume de Paris, auxquelles on ne pouuoit cōtreuenir, comme prohibitives & negatiues. Aussi qu'anciennement les femmes estoient en la tutelle de leurs maris : & au pays coustumier de France, les femmes sont censées estre en la puissance de leurs maris. Et ladite sentence fut confirmée par arrest, donné le Ieudy dix-huictiesme Mars, mil cinq cens quatre-vingts treize, entre la vefue maistre François Brisson vivant Aduocat en Parlement, appellante d'une part, & maistre Denys Grasseteau, tuteur subrogé des enfans mineurs d'ans dudit defunct Brisson, & de l'appellante intimée d'autre. Et ce que dessus est conforme à la decision cinq cens trente-neufiesme de Guido Pape, *in qua decedit matrem à tutela liberorum suorum repellendam esse, si ad secundas conuolauerit nuptias : etiam si testamento patris tutrix data fuerit, quandiu vixerit, & in humanis fuerit.* De ce il allegue plusieurs raisons, mesmes que, *postquam mater viricum induxit, lex de ea diffidit, imo præsunt quod vitæ liberorum insidiabitur. l. lex quæ tutores. §. final. C. de a. ministra. tuto.* Aussi que puisque *mater in eodem statu non remanet, tutela ei remanere non debet. Et si testator de secundis nuptiis cogitasset, non sic dixisset*, alleguant à ceste fin plusieurs textes. Ioinct que selon le dire de S. Ambroise, *parentes mutato concubitu soboles deprauantur.* Et Euripides dit, *Cui non est satis unum nouisse cubile, is omnem erga liberos deponit affectionem.*

28

La mere au-
parauant que
se remarier
est tenuë
rendre com-
pte à ses en-
fans.

Aussi il conuient entendre que la mere qui est tutrice de ses enfans, ou bien l'ayeule qui est tutrice de ses petits enfans, est tenuë, suiuant la disposition de droit, auparauant que se remarier, faire eslire vn tuteur à ses enfans, leur rendre compte de la tutelle, & administration qu'elle a eu de leurs personnes & biens, & payer le reliqua d'iceluy s'aucun elle doit à ses enfans. Et à faute d'auoir ce fait auparauant le second mariage contracté & consommé, le bien du second mary est tacitement obligé & hypotequé au payement de ce qui sera deu aux mineurs, par la closture

du

du compte de leur tutelle, tant pour le temps precedent le second mariage, que pour la gestion, que le second mary pourroit auoir faict de la tutelle des mineurs, s'aucune il a faict. Et encore à faute d'auoir par la mere satisfait à ce que dessus, si les mineurs decedent, pendant le second mariage, elle est priuée de leurs successions *ab intestat*, l. *si mater C. in quib. caus. pig. vel hypothe tac. contra. l. 2. C. quando. muli. offic. tute. §. si autem tutelam. de nup. in authen. l. omnem C. ad senatus. Terrylli.*

Toutesfois au pays coustumier de France, on n'a pas accoustumé faire eslire des tuteurs, iusques à ce que la tutelle soit finie, par le moyen du second mariage faict & parfait: car il y a beaucoup de mariages contractez & commencez, qui ne sont pas consommez. Mais apres la perfection du second mariage, le second mary & sa femme, ou bien les creanciers des mineurs font eslire vn tuteur au lieu de la mere, lequel communément est le second mary, ou bien vn autre: si le second mary est esleu tuteur, il rend compte aux mineurs estant faits majeurs, tant de l'administration de la mere, que de son administration, afin d'eiter aux frais de deux comptes: Et les heritiers du second mary font le semblable, s'il est preuenue de mort. Si vn autre que le second mary est esleu tuteur, il poursuit, tant le second mary que sa femme, en reddition de compte, & payement de reliqua d'iceluy, s'aucun y a, pour les mineurs.

Et si le second mariage dure encores, le second mary en est poursuiuy pour le tout, comme estant vne debte mobiliere precedent le mariage, deuë à cause de la communauté. Si la femme est decedée, le second mary est tenu payer moitié du reliqua du compte. Pourueu que par leur contract de mariage, ne soit dict que les futurs conioincts payeront separément leurs debtes faites auparauant leur mariage, & qu'inventaire ait esté faict des biens apportez en la communauté, & soient representez par le mary: car en ce cas le second mary ne sera aucunement tenu du reliqua du compte de l'administration que sa femme a eu de ses enfans, non plus que d'autre debte mobiliere precedent le mariage: suiuant le cent vingt-deuxiesme article de la nouuelle Coustume de Paris. En sorte qu'il semble que la disposition des loix dessusdites ne doit estre obseruée, si le second mary n'estoit argué de dol ou de negligence, autrement plusieurs maris seroient circonuenus, & les veufues ne trouueroient facilement party, si auparauant le second mariage il falloit eslire vn tuteur à leurs enfans, leur rendre compte, & payer le reliqua d'iceluy. Mesmement que les loix susdites sont rigoureuses, pœnales, & introduictes, parce qu'anciennement les meres acceptans la tutelle de leurs enfans iuroient qu'elles ne conuoleroient point à secondes nopces. Ce qui n'est obserué en France, & a esté abrogé par le droict des authentiques, *in §. prater ea igitur, ut sine prohibitione matres debitrices, in authen. & in authen. sacramentum. C. quando mulier tutel. offic. fung. poss.*

²⁹
Si la loy, si mater C. in quibus caus. pig. est obseruée en France.

³⁰
Quand le second mary est tenu rendre compte de la tutelle que sa femme a administrée.

On a demandé si la mere estant esleuë tutrice à ses enfans, ou

31
Si la mere
estant esleue
tutrice à ses
enfants, est
tenue de
l'accepter.

32
L'homme
d'Eglise n'est
tenu d'ac-
cepter la char-
ge de tu-
telle.

Arrest de ce
que dessus.

l'ayeule à ses petits enfans, & n'ayant excuse suffisante, comme doit auoir vn tuteur esleu, si elle peut estre contrainte accepter la tutelle, ou bien si licitement elle la peut refuser. Il semble qu'elle ne peut estre contraincte de l'accepter, attendu que c'est vn priuilege special, grace, & octroy, qui a esté donné à la mere, & à l'ayeule seulement, auquel priuilege & octroy donné en leur faueur, elles peuvent renoncer, suivant la loy, *si quis in conscribendo. C. de episco. & cleric.* Mesmes il est porté par le texte de la loy seconde, *C. quando mulier. tut. offic. que, est in electione & libera voluntate matris conditiones implere, ut tutelam liberorum suorum administret.* Et la loy finale, *C. eodem, dict, si voluerit.* Tellement que *huiusmodi tutela legitima erat voluntaria, & non necessaria: licet cetera tutela legitima necessaria essent, authen. matri & aia, in verbo permittimus. C. quando mulier tutel. offic.* Aussi à l'exemple de l'homme Ecclesiastique, soit Prestre, Diacre, ou Soudiacre, lequel combien qu'il puisse estre esleu tuteur, toutesfois il n'est pas tenu d'accepter la charge de tutelle, si bon ne luy semble. *l. generaliter. 2. auth. presbyteros. C. de episco. & clericis.* Neantmoins aucuns sont d'aduis contraire, & soustiennent, que si le parent des mineurs en degré fort lointain estant esleu tuteur, est tenu accepter la charge de tutelle, s'il n'a excuse legale, qu'à plus forte raison vne mere ou vne ayeule ne doit estre excusée de la tutelle de ses enfans, si elle n'a excuse legale. *Quia contra naturales stimulos facit qui tutelam liberorum suorum non suscipit. l. amicissimos in fine. ff. de e. c. r. s. a. tutor.* Respondent à la loy seconde, *C. quando mulier tutel. offic.* cy dessus alleguée, qu'elle parle, *in tutela legitima*, laquelle estoit deferée au plus proche parent male, habile à succeder au mineur: & s'ils estoient plusieurs perens males habiles à succeder, elle estoit deferée à tous; dont on en elisoit vn ou deux pour administrer la tutelle: *authen. sicut hereditas. C. de legiti. tutel. §. ex his autem, de heredib. ab intesta. venien. in auth. l. que tutela. ff. de regul. iuris.* Laquelle tutelle legitime, telle qu'elle est ordonnée par la loy, n'est receuë au pays Coustumier de France: mais nous receuons seulement la tutelle datiuë & electiuë, quand les tuteurs sont esleuz par l'aduis des parens des mineurs, & confirmez par le Iuge. D'auantage, que par le droict des authentiques il est dit que la mere ne peut estre empeschée d'accepter la tutelle de ses enfans, sous vmbre qu'elle leur est debitrice, ry pareillement sous vmbre que les mineurs luy doiuent grande somme de deniers, ou que contre eux elle a plusieurs proces à intenter: car elle les peut intenter & poursuiure contre le tuteur subrogé, *authen. ad hac C. quando mulier tutel. offic. & §. quia matrilus ut sine prohibitio. matres debitrices & creditri. tutel. gerant minor. in authen.* Toutesfois il faut suivre la premiere opinion: comme il fut iugé par arrest donné en plaidoyrie pour Damoiselle Louyse Lamette, appellante du Seneschal d'Auergne, le quatorzième Iuillet, mil cinq cens soixante-sept. Par lequel, attendu la declaration de la mere, fut ordonné qu'il ieroit pourueu au fils d'autre tuteur. Et cest arrest est imprimé & con-

tenu en l'extraict d'aucuns plaidoyez faicts, & arrests donnez en la Cour de Parlement. Et audit extraict est faict mention d'un autre arrest donné en plaidoyrie le douziesme Iuin, mil cinq cens soixante-sept, contre Damoiselle Jeanne Hamum : par lequel a esté iugé, que la mere n'est receuable à redemander la tutelle de son enfant du premier liect, estant vefue de son second mariage; encores qu'elle n'eust point d'enfans du second liect : parcé que conuolant à secondes nopces, elle auoit perdu ladite tutelle. Ce qui est vray, si pendant le second mariage a esté pourueu du consentement des parens d'un tuteur, qui soit entré en charge & administration: Mais si la mere auoit appelé de la dation de tutelle, comme le tuteur esleu estant suspect, & que pendant l'appel, le second mariage de la mere soit dissolu, elle r'entrera en la tutelle de ses enfans, comme il a esté iugé par arrest donné en plaidoyrie le Vendredy matin, vingt-septiesme Iuliet, mil cinq cens quatre-vingts quatorze.

Aussi il conuient noter, que non seulement les personnes Ecclesiastiques qui n'ont faict profession de religion, peuuent estre executeurs de testament, mais aussi les Religieux profés, avec la licence de leur Superieur, comme dit le chapitre final, *de testamento, in s. xto.* Ce qui ne seroit admis au pays Coustumier de France, pour estre saisis de tous les meubles demeurez par le trespas du testateur, comme il est porté par les Coustumes.

33
Les Reli-
gieux peu-
uent estre
executeurs
de testamēt.

Dauantage il conuient entendre, combien que pour la confection d'inuentaie, ou assistance à la confection d'iceluy, ne soit besoin de prendre qualité d'heritier simple, ou d'heritier par benefice d'inuentaie du defunct, & suffit de qualité d'habile à estre heritier, comme chacun iour il se pratique: Toutesfois le parent du defunct n'est pas receuable à débattre le testament du defunct, soit de suggestion, induction, persuation, nullité, ou fausseté, ny d'empescher que l'executeur esleu, & nommé par le testament en forme probante & authentique, soit saisi de tous les meubles, suivant la Coustume, que ledit parent au préalable ne prenne qualité d'heritier: pour raison de quoy il demandera quarante iours à delibérer: ou bien qualité de donataire vniuersel entre vifs, ou pour cause de mort, ou legataire vniuersel de tous les biens du defunct. Et cependant, sans prejudicier aux droicts des parties, on ordonnera qu'inuentaie sera faict, comme il a esté iugé par arrest donné à huys clos le Vendredy sixiesme Nouembre, mil cinq cens quatre-vingts douze, pour le testament de feu Mache-co, viuant Chanoine de l'Eglise Nostre Dame de Paris.

34
On ne peut
débattre le
testamēt du
defunct, sans
prendre qua-
lité d'heri-
tier.

AVX BASTARDS SUCCEDENT SEULEMENT
leurs enfans naiz en loyal mariage. Et s'ils n'ont enfans legitimes, le Roy leur succede, & non les hauts Iusticiers, si trois cas ne concurrent, soit que les bastards soient legitimez, ou non.

- | | |
|--|--|
| <ol style="list-style-type: none"> 1 Les enfans legitimes des bastards succedent à leurs pere & mere. 2 Pourquoy les enfans legitimes succedent à leurs pere & mere bastards. 3 Les pere, mere, freres, & autres parens des bastards ne leur succedent point en France. 4 Les biens du bastard decedé sans enfans, appartiennent au Roy par droict de Bastardise. 5 En France les hauts Iusticiers ne peuvent succeder au bastard, qu'il n'y ait trois cas concurrens. Et qu'ils ont entrepris sur le Roy le droict de Bastardise. 6 Ordonnance touchant les successions des bastards. 7 Sentence du Thresor portant adjudication au Roy, de tous les biens d'un bastard. 8 Autre sentence, que les biens du bastard appartiennent au Roy, & non au haut Iusticier, si trois cas ne concurrent. 9 Le haut Iusticier ne peut succeder au bastard legitime, qu'il n'y ait | <p><i>trois cas concurrens.</i></p> <ol style="list-style-type: none"> 10 Recit d'un proces cy-deuant pendu au Thresor, pour les biens d'un bastard legitime par le Roy. 11 Moyens du haut Iusticier, pretendans les biens du defunct. 12 Moyens des freres paternels du defunct, pretendans sa succession. 13 Moyens & defenses du Procureur du Roy. 14 Responses des moyens du haut Iusticier. 15 Responses du Procureur du Roy, aux moyens des freres paternels du defunct. 16 Sentence du Thresor, sur le proces cy dessus recité. 17 Arrest confirmatif de la sentence susdite. 18 Le haut Iusticier ne peut avoir que les biens situez en sa terre. 19 Le bastard est presume nay au lieu auquel il faisoit sa residence, & est decedé. 20 Incontinent apres le decez du bastard le Procureur du Roy fait saisir. |
|--|--|

CHAPITRE VIII.

I
Les enfans legitimes des bastards succedent à leurs pere & mere.



OVT ainsi qu'à l'estranger naturalisé demeurant en France, succedent les enfans naiz en loyal mariage en France, & demeurans au Royaume; Aussi les enfans du bastard non legitime naiz en loyal mariage, luy succedent en tous les biens. Comme il est porté par l'extraict des Comptes, transcrit au 3. chapitre du droict d'Aubeine, article 6. 8. & 9. & qu'il a esté amplement déclaré au 32. chapitre du Traicté d'Aubeine. Ainsi est porté par plusieurs nouvelles Coustumes de ce Royaume. Mesmes de Melun, article 300. de Rheims, art. 337. Et cela a lieu, encores que

le pere bastard soit fils de Prestre, ou d'un Religieux: Le semblable doit estre dit de la mere bastarde. La raison est, d'autant qu'estant permis au bastard, pareillement à la bastarde, de se marier en face de sainte Eglise: il est raisonnable, que les enfans qui sont yllus d'eux en loyal mariage leur succedent, non pas que leurs biens appartiennent au Roy, ou bien au haut Iusticier, pour les causes amplement deduites audit 32. chapitre. Ce que dessus a esté iugé par sentence de Messieurs du Thresor, du 22. Septembre, 1587. pour les enfans naturels & legitimez de feu Pierre Pouuillain, qui estoit bastard. Et ce apres auoir veu l'acte de tutelle desdits enfans: par lequel Marie Lydere, vefue dudit defunct, & mere desdits enfans, auoit esté esleue leur tutrice au Chastelet de Paris, & main-leuée faite à ladite mere tutrice, de tous les biens demeurez par le trespas dudit defunct Pouuillain, pere desdits enfans.

Quant aux pere, mere, freres, sœurs, oncles, cousins, ou autres parens du bastard decedé *intestat* sans enfans, ils ne luy succedent aucunement en France, non plus que le bastard ne leur succede: comme il a esté dit au second chapitre du present Traicté. Aussi n'est-il raisonnable que les parens luy succedent, attendu qu'un bastard *nec genus nec gentem habet, nec ullo necessitudinis iure aut propinquitatis gradu coniungi censetur: inquit Barto. in l. tutelae. ff. de capit. diminutio. Bald. in l. filium. ff. de his qui sunt sui vel alieni iur. l. ynus in l. cum pater. §. mater. ff. de lega. 2.*

Partant les biens du bastard decedé *intestat*, sans enfans legitimes, doiuent appartenir au Roy, tout ainsi que l'Aubein. Et ce par droict de Bastardise, ou à plus doucement parler, par droict d'illegitimation. Et leurs successions anciennement estoient appellées Estrayers, Eîpaues, ou Mortes-mains, ainsi que celles des Aubeins, comme il est porté par l'extraict des Comptes, dessus mentionné.

Et combien que suiuant la disposition de droict commun *in l. 1. C. de natura. lib. & Ordonnance*, ou plustost vsance, extraicte de la Chambre des Comptes, transcrite au troisieme chapitre du droict d'Aubeine, article sixiesme, & autres endroits dudit extraict, le Roy seul deult succeder aux bastards, tout ainsi qu'aux estrangers decedez en France, priuatiuement à tous les Seigneurs & hauts Iusticiers du Royaume, parce qu'il n'y a que le Roy qui puisse legitimer le bastard en France, tout ainsi qu'il n'y a que le Roy qui puisse naturaliser l'estranger, *cap. per venerabilem. ext. qui filij sint legitimi. Ioannes Faber. in l. imperialis C. de nupt. Baldus in Rubrica Codicis, in columna incipiente, Iuxta hac quero.* Et plusieurs autres raisons, qu'on pourra recueillir du 27. chapitre du Traicté du droict d'Aubeine.

Toutesfois plusieurs Seigneurs hauts Iusticiers, par la faute, negligence, & conuiuece des Officiers Royaux, lesquels le plus souuent sont parens, alliez, subiets, Officiers, ou pensionnaires des hauts Iusticiers de ce Royaume, tant Ecclesiastiques que seculiers, ont tellement entrepris sur les droicts du Roy, qu'ils ont succedé aux bastards decedez *intestats* en leurs hautes Iustices, & se sont emparez des biens demeurez par leur decedez. Mais les hauts Iusticiers ne peuvent aucunement succeder au ba-

2
Pourquoy les enfans legitimes succedent à leurs pere & mere bastards.

3
Les pere, mere, freres, & autres parens des bastards ne leur succedent point en France.

4
Les biens du bastard decedé sans enfans, appartiennent au Roy par droict de bastardise.

5
En France les hauts Iusticiers ne peuvent succeder au bastard, qu'il n'y ait trois cas concour-

rés: & qu'ils
ont entrepris
sur le Roy le
droict de
bastardise.

6
Ordonnan-
ce touchant
les succes-
sions des ba-
stards.

stard, qu'il n'y ait trois cas concurrens ensemble; à sçauoir que le bastard soit nay en leur terre, qu'il y soit demeurant, & qu'il y soit decedé. De ce y a Ordonnance, ou bien vn ancien memoire escript au liure des Ordonnances de la Chambre & Iustice du Thresor, estant par deuers le Procureur du Roy de ceste Iustice, transcrit au grand Coustumier de France, & instruction de pratique, au tiltre Des droicts appartenans au Roy, article dernier. Aussi escript aux Registres de la Chambre des Comptes, comme il est porté par vn extraict d'icelle faict à la requeste du Procureur du Roy au Thresor, le 9. iour d'Auril, 1540. signé le Maistre, contenant ces mots. Item au Roy appartient la successiō de tous bastards, soient Clercs ou Lais, s'ils n'ont enfans legitimes procrez en loyal mariage. Toutes-fois aucuns hauts Iusticiers en ont iouy: mais auant qu'ils doiuent auoir la succession, il conuient qu'il y ait trois choses concurrentes ensemble, c'est à sçauoir, que bastards ou bastardes, soient raiz en leurs terres: *secundo loco*, qu'ils y soient demeurans: *tertio*, qu'ils y trespassent. *Alias non*. Et si les trois cas dessusdits ne concourent ensemble, le haut Iusticier ne succede aucunement au bastard, ains le Roy luy succedera entierement, comme il est porté par plusieurs Coustumes locales: mesme par celles qui ont esté nouvellement redigées par Messieurs les Commissaires à ce deputez, spécialement par le trois cens trente-cinquiesme article de la nouvelle Coustume de Rheims. *Vt latè tractat Lionyssius Pontanus in consuetudines Blesenses, articulo vigesimo, in Glosa super verbo Illegitimerum, & Boerius in consuetudines Biturigum, §. ultimo, titulo de testamentis*. Et faut entendre que les hauts Iusticiers ne peuvent pretendre, sinon les biens qui sont au dedans des fins & limites de leurs hautes Iustices, soient meubles ou immeubles. Pour plus ample cognoissance de ce que dessus, mesmes de l'Arrest pour ce regard donné le vingt-deuxiesme Aoust, mil cinq cens quatre-vingts six, est besoin voir le 23. chapitre du Traicté des droicts de Iustice, par nous mis en lumiere, à la fin dudit Traicté.

7
Sentence du
Thresor por-
tant adyudi-
cation au
Roy de tous
les biens d'un
bastard.

Aussi a esté iugé par Messieurs du Thresor, pour les biens de feu Maistre Robert de Barbeuille, Prestre, natif de Normandie, bastard, lequel auoit obtenu dispense en Cour de Rome, *super defectu natalium*. Et combien qu'il fust demeurant, & fust decedé en ceste ville de Paris, près le College de la Marche, en la haute Iustice des Religieux, Abbé & Conuent de sainte Geneuiefue, & eust biens, tant meubles, qu'immeubles, au dedans de leur haute Iustice, & plusieurs heritages situez au dedans de la haute Iustice des Seigneurs de Montreuil sur le bois de Vinciennes: Toutesfois par sentence du Thresor du neufiesme Aoust, 1557. tous & chacuns les biens, tant meubles qu'immeubles, debtes, & creances, quelle part qu'ils fussent situez & assis en ce Royaume, delaiuez par le trespas dudit Barbeuille, furent declarez competer & appartenir au Roy par droict de Bastardise: La saisie faicte d'iceux, à la requeste du Procureur du Roy au Thresor, declarée bonne & valable, ordonné que les meubles, debtes, & creances seront mis és mains du Receueur ordinaire, & Voyer de Paris, pour en tenir compte au Roy. Semblablement seroient mis és mains du Receueur, les lettres, tiltres, & enseignemens des immeu-

bles, sis en la ville, Preuosté, & Vicomté de Paris, pour en estre d'oresnavant par luy faicte recepte, comme de biens declarez competer & appartenir au Roy. Et des autres biens immeubles, sis & situez ailleurs en ce Royaume, fut dit que recepte en seroit faicte par les autres Reccueurs du Roy, de ce qui se trouueroit és fins & limites de leurs receptes: Et que la garnison, s'aucune auoit esté mise en la maison du defunct, vuideroit, en les payant de leurs salaires raisonnables. En sorte que les Religieux, Abbé, & Conuent de saincte Geneuiefue, hauts Iusticiers du lieu du domicile, & de la situation de partie des biens du defunct; ny pareillement les Seigneurs de Montreuil, hauts Iusticiers des lieux, esquels partie des heritages delaissez par le decez du defunct estoient situez & assis, n'eurent rien, ny aucun droict, part ny portion en tous les biens, tant meubles, qu'immeubles du defunct. D'autant que les trois cas cy-dessus recitez, pour leur regard, n'estoient concurrens, & tous les biens dessusdits valans dix ou douze mil liures, furent donnez par le Roy à Dame Diane de France, Duchesse de Mont-morency, qui en eut main-leuée, & plaine iouissance, par le moyen de ses lettres de don, dattées du mois d'Aoult, mil cinq cens cinquante neuf, verifiées en la Chambre des Comptes, le 27. Iuin 1560.

Pareillement par sentence donnée en la Chambre du Thresor, le troisieme Iuin, mil cinq cens quatre-vingts huiet, entre Monsieur l'Euesque de Paris, demandeur & saisissant d'une part, Charles de Sauourny, Gentil-homme ordinaire de la Chambre du Roy, defendeur & opposant à ladite saisie d'autre, fut dit qu'à bonne & iuste cause ledit de Sauourny s'estoit opposé à la saisie faicte par les Officiers dudit Seigneur Euesque, sur les biens de la succession de defunct Maître Jacques Daud, viuant Aduocat en Parlement, demeurant rue saint Germain de Laxerrois, en la maison des Charbonniers, d'iceux main-leuée fut faicte audit de Sauourny, pour en iouyr audit nom de donataire: comme lesdits biens estans aduenus & escheus au Roy, par droict d'illegitimation & bastardise, par le decez dudit Daud, qui n'estoit natif de ceste ville de Paris, ains d'Anjou, & ledit Seigneur Euesque condamné és despens de l'instance, dont y a appel.

Et qui plus est, a esté iugé en la Chambre du Thresor, que le haut Iusticier ne peut succeder au bastard legitimé par le Roy, decedé sans enfans naturels & legitimes, que les trois cas cy-dessus recitez ne concurrent ensemble; à sçauoir, que le bastard soit nay en la haute Iustice du haut Iusticier, y ait esté demeurant, & y soit decedé; & encores est requis que les biens delaissez par son decez soient situez au dedans d'icelle: & si l'un des trois cas defect, le haut Iusticier ne peut pretendre aucun droict és biens du bastard, ains appartiennent totalement au Roy.

De faict vn nommé de Culant, bastard legitimé par le Roy, natif de Poictou, ayant acquis plusieurs biens situez en Poictou, au lieu de sa naissance, estant decedé en ceste ville de Paris, ses biens, tant meubles qu'immeubles, estans saisis à la requeste du Procureur du Roy au Thresor, à ceste saisie s'opposerēt tant le Seigneur haut Iusticier, en la haute Iustice duquel

8
Autre sentence, que les biens du bastard appartiennent au Roy, & non au haut Iusticier, si trois cas ne concurrent.

9
Le haut Iusticier ne peut succeder au bastard legitimé, qu'il n'y ait trois cas concurrens.

10
Recit d'un proces cy deuant pendāt au Thresor, pour les biens d'un bastard legitimé par le Roy.

le defunct estoit nay & demeurant, & les biens meubles & heritages du defunct estoient assis, que les freres paternels du defunct naiz en loyal mariage. Et tous les dessusdits respectiuellement pretendoient, & maintenoient l'un à l'encontre de l'autre, les biens demeurez par le decez du defunct leur deuoir estre adiugez.

11
*Moyens du
haut Iusticier preten-
dant les biens
du defunct.*

Le haut Iusticier pour ses moyens disoit, que les biens meubles estans au dedans de sa haute Iustice, & les heritages situez au dedans du destroict d'icelle, delaissez par le decez du defunct, luy appartenoient par droit de Desherence, & comme vacans: tout ainsi que les biens d'un François naturel & legitime decedé sans hoirs, ou que les biens de l'estranger naturalisé decedé *intestat*, sans heritiers Regnicoles, ainsi qu'il a esté amplement deduit au trente-quatriesme chapitre du Traicté du droit d'Aubeine: à la lecture duquel on peut auoir recours, sans repeter les moyens contenus en iceluy: ensemble à la lecture des deuxiesme & troiliesme chapitres du Traicté du droit de Desherence.

12
*Moyens des
freres pater-
nels du de-
funct, pre-
tendans sa
succession.*

Les freres paternels du defunct bastard de Culant, naiz en loyal mariage du pere du defunct, pour iustifier leur droit, disoient que le defunct estant legitimé par le Roy, & ses lettres ayant esté deuëment verifiées en la Chambre des Comptes, toute macule d'illegitimation & bastardise auoit esté tolluë, effacée & esteinte. Tellement qu'il estoit capable de succeder à ses parens: aussi ses parens luy pouuoient & deuioient succeder, tout ainsi que s'il estoit nay en loyal mariage. Et le Roy par le moyen de la finance qu'il auoit receuë à cause des lettres de legitimatiou, auoit taiblement renoncé à la succession du defunct, & à tout le droit qu'il y pouuoit & pourroit pretendre, & tacitement consenty que les plus proches parens du defunct, qui estoient ses freres paternels, naiz en loyal mariage, luy succedassent. Et alleguoient plusieurs autres moyens qui seront recitez au quatorziesme chapitre du present Traicté, lesquels il conuient voir.

13
*Moyens &
defenses du
Procureur
du Roy.*

Au contraire, le Procureur du Roy au Thresor, maintenoit les biens du defunct appartenir entierement au Roy: & que le haut Iusticier ne les pouuoit pretendre par droit de Desherence, & à tiltre de biens vacquans: d'autant que le defunct estant bastard, les biens demeurez par son decez estoient subiets au droit de Bastardise, & non de Desherence. Lequel droit de Bastardise n'auoit esté tollu par le moyen des lettres de legitimatiou impetrées par le defunct: mais par telles lettres auoit seulement esté effacée la macule de Bastardise, estant en la personne du defunct de son viuant. Non pas que cela se peust estendre aux biens demeurez par son decez: ny que par le moyen de telles lettres de legitimatiou, le Roy ait voulu, & que son intention ait esté attribuer aucun droit au haut Iusticier es biens demeurez par le decez du bastard, non plus qu'es biens delaissez par le trespas de l'estranger naturalisé, decedé *intestat*, sans heritiers Regnicoles: ainsi qu'on peut facilement cognoistre par la lecture dudit 24. chapitre du Traicté du droit d'Aubeine cy-dessus allegué: lequel chapitre il conuient exactement voir. Ce qu'estant veritable, & les trois cas cy-deuant plusieurs fois repetez, n'estans

14
*Response
aux moyens
du haut Ius-
ticier.*

concurrents

concurrents pour le regard du haut Iusticier : attendu que le defunct n'estoit decedé en sa haute Iustice, il ne pouuoit auoir, ny iustement pretendre aucun droict és biens delaissez par le decez du defunct : ains tous les biens deuoient estre declarez appartenir au Roy par droict de Bastardise.

Quant aux freres paternels naiz en loyal mariage, disoit le Procureur du Roy, que tout ainsi que le defunct ne leur pouuoit succeder, parce qu'ils auoient presté consentement à ses lettres de legitimacion, aussi n'estoit-il raisonnable qu'ils succedassent, comme il sera dit és onze, douze, treize, & principalement quatorzième chapitres du present Traicté, lesquels est besoin voir, sans vser d'aucune repetition, ny redicte. Mesmement (& qui estoit grandement considerable) que les lettres obtenues par le defunct bastard de Culant, ne portoient qu'il peust succeder à ses parens, ny que ses parens luy succedassent : en sorte qu'ils ne pouuoient pretendre l'heredité du defunct, *ex eius voluntate*. Et tout ainsi que les freres du defunct, n'autres de ses parens ne l'auoient voulu aduouer & recognoistre pour frere & parent, ny consentir qu'il leur succedast : aussi le defunct ne les auoit voulu recognoistre pour freres & parens, ny voulu qu'ils luy succedassent. Tellement que les lettres de legitimacion obtenues par le defunct, ne luy seruoient linon *quantum ad honores & dignitates*, non pas *quantum ad successiones actiuas aut passiuas* : qu'il peust succeder à ses parens, ny que ses parens luy peussent succeder : comme dit Chassaneus és Coustumes de Bourgogne, tiltre des Bastards, §. 3. col. 3. Partant le Procureur du Roy maintenoit tous les biens du defunct deuoir estre adiugez au Roy.

Finalemēt apres plusieurs & longues procedures, par sentence de Messieurs du Thresor, donnée en l'an mil cinq cens quarante-sept, ou quarante-huict, la faisie faicte à la requeste du Procureur du Roy au Thresor, fut declarée bonne & valable, tous & chacuns les biens, tant meubles qu'immeubles, debtes & creances, demeurez par le decez du defunct bastard de Culant, furent declarez competer & appartenir au Roy, & estre aduenus à sa Majesté par droict de bastardise : nonobstant l'opposition tant du haut Iusticier que freres paternels, & chose par eux dite au contraire, dont ils furent deboutez. De laquelle sentence y ayant appel interietté tant par le haut Iusticier, que freres paternels, elle fut confirmée par Arrest de la Cour de Parlement, donné au rapport de feu Monsieur Potier, & le donataire du Roy, par le moyen de son don, eut main-leuée & pleine iouyssance de tous les biens du defunct bastard de Culant. Ainsi qu'ay entendu de Monsieur Dauerngne, premier & plus ancien Conseiller en la Iustice du Thresor, Rapporteur du proces, versé & entendu au faict du Domaine 36. ans sont & plus : lequel m'a communiqué l'extraict par luy faict des moyens deduits, & pieces produites au proces susdit.

Et conuient noter, encores que les trois cas cy-deuant recitez, concurrent au haut Iusticier : & que le defunct bastard, de la successiou duquel soit question, ait esté nay en sa haute Iustice, y ait demeuré, & y

15
Response
du Procureur
du Roy
aux moyens
des freres
paternels du
defunct.

16
Sentence du
Thresor sur
le proces cy
dessus reci-
té.

17
Arrest con-
firmatif de
la sentence
susdite.

18
Le haut Ius-
ticier ne
peut auoir
que les biens
situez en sa
terre.

soit decedé : toutesfois le haut Iusticier ne pourra auoir sinon les biens situez au dedans de sa haute Iustice : comme il sera dit au Traicté du droit de Des-herence, chapitre troisieme ; & le surplus des biens appartiendra au Roy. Et s'il n'y a aucuns biens delaissez par le decez du bastard, au dedans de la haute Iustice du Seigneur haut Iusticier, & soient situez ailleurs, le haut Iusticier ne pourra rien demander, encores que le bastard soit nay, ait demeuré, & soit allé de vie à trespas en sa terre.

19
Le bastard
est presumé
nay au lieu
auquel il
faisoit sa re-
sidence, &
est decedé.

Et s'il n'appert aucunement *nec per famam, nec per auditum*, en quel lieu le defunct estoit nay, on presumera qu'il sera nay au lieu auquel il estoit de tout temps & ancienneté demeurant, & auquel il est decedé, *quia in eo statu, in quo quis inuenitur, in eo indicatur. l. moueor. Cod. si ser. e. port. veni. l. penult. Cod. de ing. manumif. l. ordinata. ff. de lib. causa. l. ordinata. Cod. eodem.* Ainsi qu'il a esté deduit au trente-cinquieme chapitre du droit d'Aubeine.

20
Incontinent
apres le de-
cez du ba-
stard, le Pro-
cureur du
Roy fait
saisir.

Pour ceste cause incontinent que le bastard est decedé sans enfans, le Procureur du Roy, ou bien le Procureur Fiscal du Seigneur haut Iusticier, fait saisir les biens demeurez par le decez d'iceluy bastard. Et apres information sommairement faite, les fait declarer appartenir au Roy, & luy estre escheus par droit de bastardise : ou bien par droit d'illegitimation. Et si on veut demander main-leuée, il faut s'opposer à la saisie, & presenter requeste afin de main-leuée, ainsi qu'il a esté amplement deduit au Traicté du droit d'Aubeine, és trente-cinq & trenesiesme chapitres.





SECONDE PARTIE

DV DROICT DE BASTARDISE,

TRAICTANT DE LA CONDITION DES Bastards legitimez, à quels parens ils peuuent succeder, & qui leur doit succeder.

EN FRANCE IL N'Y A QVE DEUX SORTES de legitimations, par mariage subſequent, & par lettres patentes du Roy, veriſiées en la Chambre des Comptes: Que le Roy ſeul peut legitimer les baſtards, & que le Iuge lay cognoiſt de la legitimacion par mariage ſubſequent, & qui leur doit ſucceder.

- | | |
|---|---|
| <ol style="list-style-type: none"> 1 Premiere ſorte de legitimacion obſeruee en France, par mariage ſubſequent. 2 Les enfans legitimez par mariage ſubſequent, ſont ceſſer la condition de reſtitution d'heredité. 3 Seconde eſpece de legitimacion par reſcript du Prince obſeruee en France. 4 Les lettres de legitimacion fondees en la diſpoſition du droict cōmun. 5 Les lettres de legitimacion doiuent eſtre veriſiées en la Chambre des Comptes. | <ol style="list-style-type: none"> 6 Le Iuge lay cognoiſt de la legitimacion par mariage ſubſequent. 7 Arreſt donnee en un enfant naturel & legitime, & un enfant legitime par mariage ſubſequent. 8 Si les enfans naitz d'une mere qui s'eſt mariee uiuant ſon premier mary, & ſi de ſecond mariage ſes enfans ſeront reputez legitimes. 9 Difference iuter matrimonium ratum, & matrimonium legitimum, avec l'Arreſt ſur ce donnee. |
|---|---|

CHAPITRE IX.

D'AVTANT (comme il a eſté dit eſ deuxieſme & huiſtieſme chapitres du preſent Traicté) que les Baſtards ne peuuent legitimement tenir Offices & Benefices en France: auſſi qu'ils ne ſuccedent à leurs parens, comme pareillement leurs parens ne leur ſuccedent point, ils ont accouſtumé ſe faire legitimer, ainſi que les Aubcins ſe font naturaliſer. Et combien que par la diſpoſition de droict Civil, il y ait pluſieurs ſortes de legitimacion, nempè *per ſubſequens matrimonium, l. cum quis C. de natur. lib. §. ſancitum namque. quib. mod. natu. eſſi. legi. in Authen. Per oblationem curia.*

Continuation de la preſente partie à la precedente.

l. si quis naturalem. C. de natu. libe. §. primus itaque modus. & §. is secus. quib. modis natura. efficia. sui. in Authen. per nominationem. authen. si quis liberos. C. de natura. liber. §. ad hoc autem ut liceat matri & aui, in Authent. Et per preces Principi oblatas, §. sit igitur licentia. quib. mod. nat. effic. legit. in Authent. §. illud tamen à nobis, quib. mod. natur. effic. in Authent. Toutesfois en France il n'y a que deux sortes de legitimation.

¹
Premiere
sorte de le-
gitimation
observée en
France par
mariage
subsequent.

La premiere est, *per subsequens matrimonium, cum scilicet vir ducit in uxorem eam, ex qua prius liberos naturales habuerat, & per huiusmodi matrimonium, liberi antea geniti ipso iure legitimantur, & perinde iura suorum & legitimorum nanciscuntur, ac si post matrimonium solenniter celebratum nati fuissent.* Et les enfans ainsi naiz auparavant le mariage solemnisé, succedent à leurs pere & mere & autres parens, avec la prerogative du droict d'ainesse, tout ainsi que les autres enfans naiz apres le mariage solemnisé en face de sainte Eglise: *Imo vero legitimi habentur quoad ordines & honores, sans qu'il soit besoin d'aucune dispense pour tenir Offices ou Benefices en France: & ce tant par la disposition de droict civil que de droict canon, in l. cum quis C. de naturalib. liber. §. sancitum quib. mod. natur. effic. legit. §. si quis igitur dotalia. quib. mod. natur. effic. sui. in authent. §. quibus, versic. necnon eos. Instit. de heredit. que ab intest. defer. c. cum inter. cap. tanta vis est matrimonij, qui filij sint legitimi, in antiq.* La disposition desquelles loix & chapitres est suivie en France.

Mesmemment quand les enfans naiz auparavant le mariage ont esté reconnus & mis sous le poisle, lors de la celebration du mariage subsequent, ainsi qu'il s'observe ordinairement. Et que les pere & mere pouvoient lors de leur cohabitation, licitement contracter mariage ensemble, *utpote soluti: secus si l'un d'eux estoit lors marié, dicto cap. tanta vis, cap. causam 1. ext. qui filij sint legit.* ainsi qu'il sera dit cy-apres. Et sera bon qu'il y ait contract de mariage passé, *ut extent tabula nuptiales, & appareant dotalia instrumenta.*

Confirma-
tion de ce
que dessus.

Ce que dessus, mesmes pour le regard du droict d'ainesse, est amplement traité par du Moulin, és Coutumes de Paris, article huitiesme, question septiesme, glose premiere. Et par Monsieur Tiraqueau *in tractatu de iure primigeniorum, quest. 34.* Et la Coustume de Troyes, article cent huit, porte que les enfans naiz hors mariage *de soluto cum soluta*, puis que le pere & la mere espousent l'un l'autre, succedent & viennent à partage avec les autres enfans, s'aucuns y a: le semblable est porté par la Coustume de Sens, article 91.

²
Les enfans
legitimes
par mariage
subsequent
font cesser
la condition
de restitu-
tion de l'he-
redité.

Aussi l'enfant ou enfans legitimez par mariage subsequent, sont censez si naturels & legitimes, que le pere a esté institué heritier, à la charge de rendre par forme de substitution & fideicommiss tous les biens de l'heredité, au cas qu'il decede sans enfans naturels & legitimes. La condition & effect de la substitution & fideicommiss cessera, par le moyen des enfans legitimez par mariage subsequent, vivant lors du decez de leur pere, & encores qu'ils ayent esté naiz auparavant que le mariage fust célébré en face de sainte Eglise, & tous les biens tant de leur pere, que ceux qui estoient subiets à substitution & restitution appartiendront ausdits enfans.

Comme il a esté iugé par arrest de la Cour de Parlement de Paris, le 10. May 1538. recité par Deluc en son Traicté d'arrests, au tiltre de *fideicommissis hereditatibus, arresto primo.*

La seconde espece de legitimacion se faict *per rescriptum Principis* : qui est à dire par lettres patentes du Roy, lequel seul peut en France legitimer les bastards, les decorer du tiltre de legitimacion, & les rendre capables de succeder à pere & mere naturels : tout ainsi que le Roy seul peut naturaliser l'estranger, & seul donner lettres d'amortissement aux gens de main-morte, cōme il a esté amplement déclaré au 24. chap. du Traicté du droict d'Aubeine : à la lecture duquel il conuient auoir recours, *l. qui in prouincia §. diuus ff. de rit. nup. §. illud tamen à nobis, in verb. hoc agat per nostrum rescriptum quib. mod. nat. eff. sui, cap. per venerabilem, ext. qui filij sint legit. latè tractat Ioannes Ferrault in suo tractatu de priuilegiis regni Franciæ, priuilegio 15. & 16. Baldus in rubrica Codicis, in columna, iuxta hoc quæro.*

1
Seconde es-
pece de legi-
timation par
rescript du
Prince ob-
seruée en
France.

Les lettres de legitimacion sont fondées tant en la disposition de droict Ciuil, que de droict Canon : *in authen. prater ea. Cod. de natural. liber. §. illud tamen, quilib. mod. nat. eff. sui, authen. dicto cap. per venerabilem ext. qui filij sint legitimi, in verbis, ut filios tuos legitimacionis dignaremur, titulo decorare, quatenus eis quominus tibi succederent, naturalium obiectio non noceret.* Et par la loy troisieme, *ff. de natali. restituendis.* On tient que les bastards estant legitimez par le Prince, *perinde habentur ac si ingenui nati fuissent, medio tempore maculam non sustinuissent.*

4
Les lettres
de legitima-
tion fondées
en la dispo-
sitiō de droit
commun.

Et est besoin que les lettres susdites soient adressantes à Messieurs des Comptes pour les verifïer, & que finance soit payée au Roy, ainsi qu'il s'obserue es lettres de naturalité octroyées à l'estranger, comme il a esté dict au Traicté d'Aubeine, chapitre vingt-quatre.

5
Les lettres
de legitima-
tion doiuent
estre veri-
fiées en la
Chambre
des Cōptes.

Et en cest endroit conuient noter, que s'il y a proces pour raison de la legitimacion, & par mesme moyen de la succession du defunct pere, entre l'enfant nay auparauant le mariage, & l'enfant nay depuis le mariage celebré en face de saincte Eglise.

D'autant que l'enfant naturel & legitime nay depuis le mariage, denie la legitimacion par mariage subsequant, maintient que lors que le pere cogneut charnellement la mere, & qu'elle accoucha, il estoit marié à la premiere femme, & *sic ex adulterino concubitu natus erat* : ou bien lors qu'elle conceut, le pere estoit encores marié à la premiere femme, combien qu'il fust veuf auparauant la naissance, tellement que *per subsequens matrimonium legitimari non potuit*, & estoit adulterin. Ceste question qui concerne principalement les biens & heredité du defunct pere, desquels il est besoin demander partage, se doit traicter pardeuant le Iuge lay, & non pardeuant le Iuge d'Eglise : Attendu que les parties sont purs laïcs, & que le different principal est de la succession & biens du defunct pere, & la question de filiation n'est qu'incidente : conformément à la loy *quoties Cod. de iudic. cap. quamuis. Cod. ne de stat. def. l. 2. Cod. de ord. cognit.* Combien que suiuant la disposition du droict Canon on tient que *causa naturalium*, qui est de la filiation & legitimacion, se doit premierement traicter pardeuant le Iuge d'Eglise : *petitio autem hereditatis*, qui est la question

6
Le iuge lay
cognoist de
la legitima-
tion par ma-
riage subse-
quent.

des biens & succession, pardeuant le Iuge lay. Ainsi que rescript le Pape Honoré troisieme au Roy Louys huitieme, pour la succession du Comté de Champagne, pretenduë par la Roynne de Cypre, laquelle on maintenoit illegitime. *Vt habetur in cap. tuam ext. de ordine cog. & in cap. causam, qua. 2. ext. qui filij sint legit.*

7
Arrest donné
entre un en-
fant naturel
& legitime,
& un enfant
legitimé par
mariage
subsequent.

De faict Estienne de la Roche, se disant fils legitimé par mariage subsequent de Iean de la Roche, & Guyonne de Mondelet, ayant obtenu citation de l'Official de Tours, en vertu de laquelle il auoit faict citer Pierre de la Roche fils naturel & legitime des dessusdits, nay depuis le mariage celebré en face de sainte Eglise, pour voir declarer ledit Estienne fils naturel & legitime des defuncts Iean de la Roche, & Guyonne de Mondelet, & comme heritier habile à demander partage des biens demeurez par leur decez : apres quelques procedures faites pardeuant le Iuge d'Eglise, Estienne ayant déclaré qu'il se restraingnoit à la question de filiation, & requeroit estre déclaré fils legitimé par mariage subsequent, y ayant eu appel comme d'abus interiecté de l'octroy & execution de la citation ; Pour le regard de l'appel comme d'abus, les parties furent mises hors de Cour & de proces, sans despens : & quant au proces principal, furent renuoyées pardeuant le Bailly de Touraine. Neantmoins parce qu'Estienne, comme recogneu par le pere & par la mere, auoit esté mis sous le poisle lors de la celebration du mariage subsequent, & que Pierre par quelques actes l'auoit recogneu pour frere : aussi qu'Estienne denioit, que lors qu'il fut conceu, le pere fust encores marié à sa premiere femme, & supposé qu'il fust ainsi, cela ne luy pouuoit nuire : *quia aut mater quæ soluta erat, ignorabat matrimonium, aut sciebat. Si ignorabat, adulterium non commiserat, & per subsequens matrimonium legitimus factus erat : idemque dicendum, de la fille ou femme qui espouse vn homme qui estoit marié, la femme duquel estoit viuante. Si sciebat, Pierre de la Roche estoit aussi bien illegitime comme luy, quia pater duxisset in matrimonium eam, quam prius per adulterium polluisset. cap. 1. ubi glosa late tractat, de eo qui duxit in mari. quam & c. cap. extenore, & dap. cùm inter. ext. qui filij sint legit. l. qui cōtra in verbis errore non affectato, de incest. & inutil. nupt. Glosa in cap. 1. de clandest. despons. & in cap. 1. de consang. & affinit. l. auunculo. ff. de conditio. sine causa. de scientia aut ignorantia patris vel matris. Vide Iasonem consil. 156. vol. 4. & Benedict. in cap. Raynutius, in principio col. 16.* La Cour

8
Si les enfans
naix d'une
femme qui
s'est rema-
riée viuant
son premier
marry, & si
de ce second
mariage ses
enfans serōt
reputez le-
gitimes.

par prouision ordonna que les biens des defuncts pere & mere, seront partagez entre Pierre & Estienne de la Roche, & qu'ils iouyront par moitié, sans preiudice des droicts des parties au principal. Et ce par arrest donné en plaidoyrie, le dixieme Iuillet, mil cinq cens soixante & seize.

[Il ne sera mal à propos de rapporter icy vne difficulté qui s'est présentée à iuger en Parlement au proces d'entre du Mesnil Brifereau & Desprez, où l'on demandoit, si les solemnitez requises par l'authentique *hodie C. de repub.* estoient gardées, ou la constitution du chapitre *in presentia ex desponsa.* s'agissant de la legitimation des enfans, yssus d'une mere qui s'estoit remariée *viuente primo marito*, lequel auoit esté condamné

aux galleres perpetuelles, ladite femme ayant neantmoins entendu, que son mary estoit mort aux galleres, s'estant contentée de ceste nouvelle, sans particulierement faire ouyr le messager, & faire mettre sa deposition *apud acta*, & attendre que l'an fust passé pour se remariar. Et combien que la constitution canonique *certum requirat nuntium*, ce mot se peut entendre *ex communi fama*, pour induire la bonne foy de la part de la mere *ad legitimationem prolis*, suiuant le chapitre *ex tenore ex. qui filii sint legit.* Iugé par arrest, que la solemnité estoit suffisante pour la legitimation des enfans: *Non idem*, s'il eust esté question de faire le proces à la femme, pour s'estre si facilement remariée, auquel cas l'authent. *hodie*, auroit lieu par l'opinion de *Panor. in cap. in presentia ex desponsa.* par arrest donné en la cinquiesme Chambre des enquestes, au rapport de Monsieur Louet le 30. Aoust 1597. Ce qu'il y auoit de particulier au proces, c'est que le mariage auoit esté solemnisé en l'Eglise: le mary sçachant que sa femme estoit mariée, & son mary condamné, & lequel apres la natiuité des deux filles reuint des galleres, & iusques à ce retour la bonne foy iugée, suiuant le chapitre, *Si virgo nupserit* 34. *quest.* 1. qui est de saint Augustin, *de fide & operib.* Par le mesme arrest iugé que, *matrimonium morte ciuili non dirimebatur*, par le chapitre *licet* 32. *quest.* 7. *cap. Apostolus ibidem ex precepto Apostoli mulier mortuo marito soluta est*, l. 8. 1. *Corinth. c. 7.* *Panor. in cap. presentia & c. penu. & si. de secund. nupt. cap. 17. si in iure peritis, de commiss. conuga. cap. quando ex. de dinor.* Monsieur Louet en les arrests. *N. B.*]

Aussi il conuient noter, que quand les mariages sont clandestins, ou faicts sans le consentement des parens, ou contre les Edits & ordonnances Royaux: combien que *huiusmodi matrimonia propter consensum sint rata & firma sint lege poli, non lege fori, & teneant quoad fœdus & vinculum*: En sorte que les contractans demeurent mariez, mesmes s'il y a enfans, par les arrests ils sont declarez legitimes pour succeder, quand le mariage a esté solemnisé en face de sainte Eglise, suiuant les textes cy-dessus alleguez.

9
Difference
inter ma-
trimonium
ratum &
matrimo-
nium legi-
timum, avec
l'arrest sur
ce donné.

Toutesfois tels mariages *non sunt legitima*, pour auoir les effects ciuils & coustumiers, *Et in vim huiusmodi matrimonii*, l'homme & la femme *percipere non possunt prima emolumenta coniunctis legitimo matrimonio lege vel consuetudine concessa & tributa*, comme est la communauté de biens en meubles & conquests immeubles, le douaire coustumier, ou prefix: attendu qu'ils ont delinqué contre la loy de Dieu & des hommes. Aussi *huiusmodi mulier verè non fuit uxor, sed concubina: uxoris enim nomen dignitatis est, non voluptatis. Vt verus Imperator dictabat, textus in cap. si quis Iudaica* 28. *quest.* Où le texte met trois sortes de mariages, *quoddam legitimum & non ratum, quoddam ratum & non legitimum, & quoddam legitimum & ratum*, cōme il fut amplement deduiet en l'arrest solennellement prononcé le dernier May, mil cinq cens quatre vingts & vnze, contre vne fille demeurant en ceste ville de Paris, laquelle auoit esté cinq ans cōcubine d'un ieune homme natif du pays de Forests, aussi demeurant en ceste ville. Ledit ieune homme estant malade, par son testament faict le quinziemesme Ianuier, mil cinq cens quatre-vingts & vnze, luy donne deux cens escus:

le vingt-deuxiesme dudit mois, ledit ieune homme passe contract de mariage pardeuant deux Notaires, par lequel par paroles de present il prend ladite ieune fille à femme, & ladite fille le prend à mary. Et le 25. dudit mois de Ianuier, le Curé de saint Germain de l'Auxerrois les marie, & leur baille la benediction nuptiale, & ledit iour apres disné baille l'extreme vnction audit ieune homme. Lequel peu de temps apres estant decedé, par son testament cy dessus datté ayant institué son pere heritier en tous ses biens, la femme à cause de la communauté pretend la moitié de tous les meubles. Sur ce y ayant proces par l'arrest dessusdit, du consentement du pere fut adiugée à ladite fille la somme de deux cens escus à elle leguée, & le surplus des biens fut adiugé au pere, sans despens.

FORME DE LETTRES DE LEGITIMATION que les bastards ont accoustumé obtenir du Roy.

CHAPITRE X.

Forme de
lettres de le-
gitimation.



Es lettres de legitimation que les bastards ont accoustumé obtenir du Roy, sont ordinairement dressées en ceste forme.

Henry par la grace de Dieu Roy de France & de Navarre, à tous presens & aduenir, Salut. Comme aux personnes ornées & decorées de vertus & honnesteté de vie, ne doieue estre reproché, ny impropéré le vice de nature & macule de geniture, mais l'honneur des vertus & des bonnes mœurs reluire & resplendir sur tel vice, & tout defect de macule & geniture estre esteinte, effacée & abolie. Et soit ainsi que Iean le Turc, soit fils nay, procréé & extraict de feu Iean le Turc en son viuant bourgeois d'Orleans, & Guillemette Piet, lors soluts & non mariez, & pour ce soit nay & engendré de copulation illicite. Toutesfois les dons, graces, vertus, & bonnes mœurs qui sont en sa personne, meritent bien de suppléer en luy la macule & defect de geniture, & en celuy subuenir de nostre grace: laquelle il nous a tres-humblement faict supplier & requerir luy octroyer. Sçauoir faisons, que nous ces choses considerées, voulans nostre grace & liberalité estre estenduës & departies au suppliant, le releuer du vice de ses feus pere & mere, oster & abolir la note & tache d'illegitimation estant en sa personne; en ce faisant luy accroistre le bon vouloir qu'il a, & l'exciter tant plus à suiure le train de vertu. Iceluy suppliant pour ces causes, & autres iustes, bonnes & raisonnables considerations, à ce nous mouuans: auons de nostre grace speciale, certaine science, pleine puissance & auctorité Royale, legitimé & decoré, & par ces presentes legitimons & decorons du tiltre de legitimation, osté & aboly la note & tache d'illegitimation estant en sa personne.

Voulans

Voulans que d'oresnauant il soit dict, tenu, censé & reputé pour legitime en iugement & dehors en tous actes de quelque sorte qu'ils soient, & que licitement il puisse tenir tous offices, benefices, dignitez, degrez, honneurs & prerogatiues, luy accordant, octroyant & dispensant en outre que nonobstant le defect de geniture il puisse auoir, tenir & posseder tous & chacuns les biens, meubles & immeubles, soient fiefs, arrieriefiefs ou heritages rotutiers & autres biens quelconques, qu'il a cy-deuant acquis, & pourra cy apres licitement acquerir, accepter toutes donations & legs testamentaires: & de tous lefdits biens iouyr, vser & disposer, & en ordonner par don faict entre vifs, testament & ordonnance de derniere volonté, ou autrement en quelque maniere que ce soit, & que ses enfans naiz & à naistre en loyal mariage, & autres ses parens, soient pere, mere, freres, sœurs, oncles, tantes, cousins & autres ses parens naturels & legitimes, luy succedent *ab intestat*, par droict d'hoirie, ou autrement, sans que puissions pretendre aucun droict és biens & succession du suppliant par le moyen de bastardise ou autrement. Aussi que le suppliant puisse succeder à ses pere, mere & parens, tout ainsi qu'il estoit engendré & nay en vray, loyal & legitime mariage: pourueu que ce soit du consentement de ses pere, mere & parens, auquel ou ausquels il succedera, & qu'il n'y ait au suppliant autre defect que celui de sa naissance & geniture: lequel auons purgé, effacé & aboly, purgeons, effaçons & abolissons de nostre grace & auctorité que dessus par ces presentes. En nous payant toutesfois par le suppliant finance moderée pour vne fois seulement.

Si donnons en mandement par ces presentes à nos amez & feaux les Gens de nos Comptes à Paris, Thresoriers de France, les Conseillers sur le faict de la Iustice de nostre Thresor, & autres nos Iusticiers, Officiers ou leurs Lieutenans, & à chacun d'eux endroit soy si comme à luy appartiendra, que de nos presens, grace, legitimacion, dispense, vouloir, & octroy, ensemble de tout le contenu cy-dessus, ils fcent, souffrent, & laissent le suppliant, ses successeurs, & chacun d'eux iouyr & vser plainement, paisiblement, & perpetuellement, sans en ce luy faire mettre, ou donner, ne souffrir estre fait, mis ou donné, ny à aucun d'eux ores, ny pour le temps aduenir, aucun trouble, destourbier & empeschement en quelque maniere que ce soit. Lequel si faict, mis ou donné luy auoit esté ou estoit, l'ostent & mettent, ou fcent oster & mettre incontinent & sans delay, à pleine & entiere deliurance, & au premier estat & deu. Car tel est nostre plaisir, nonobstant quelconques loix, vsages, Coustumes ou statuts de nostre Royaume, ordonnances, restrictions, mandemens, defences & autres choses à ce contraires, ausquelles auons derogé & derogons par ces presentes. Et afin que ce soit chose ferme & stable à tousiours, nous auons faict mettre à ces presentes nostre seal, sauf en autre chose nostre droict, & l'autrui en toutes. Donné à Paris au mois de Ianuier, l'an de grace mil cinq cens soixante & seize. Et de nostre regne le deuxiesme, Signé Henry. Et par le Roy, Bruslart. Et sur le reply est escrit. Expédiées en la Chambre des Comptes du Roy nostre Sire, & enre-

gistrées au liure des Chartres de ce temps, moyennant la somme de dix escus sol, payez par l'impetrant à maistre Iacques le Roy, Receueur general de Paris, par sa quittance du &c. Faict au Bureau de l'Ordonnance de Messieurs, le &c.

EN FRANCE LES BASTARDS LEGITIMEZ

par le Prince, ne succedent à leurs peres & meres naturels, si leurs peres & meres n'ont presté consentement à leur legitimation, & soient naiz *ex soluto & soluta*. Aussi que les enfans des Prestres, encores qu'ils soient legitimez du consentement de leurs peres & meres, ne leur succedent aucunement : avec les arrests donnez pour ce regard.

- | | |
|--|--|
| <ol style="list-style-type: none"> 1 Les lettres de legitimation profitent ad honores, & non ad successiones. 2 Les bastards legitimez ne succedent point si leurs peres & meres n'ont presté consentement à la legitimation. 3 Si les bastards legitimez ne sont naiz <i>ex soluto & soluta</i>, ils ne peuvent succeder. 4 Les enfans des Prestres encores qu'ils soient legitimez ne succedent à leur pere, ny à la mere. 5 Recit de l'Arrest de la fille de feu | <p>maistre Pierre Amer Prestre.</p> <ol style="list-style-type: none"> 6 Moyens du frere & heritier de feu Amer. 7 Moyens de la fille naturelle de feu Amer. 8 Arrest de la Cour. 9 Quand les fils de Prestres peuvent succeder à leurs peres. 10 Si le fils du Prestre yssu de mariage contracté en la religion reformée, il succederait seul à son pere à l'exclusion des heritiers legitimez du Prestre & du fisque. |
|--|--|

CHAPITRE XI.

I
Les lettres de legitimation profitent ad honores, & non ad successiones.



OMB IEN que par lettres de legitimation obtenues du Prince, toutes sortes de bastards puissent estre legitimez, *sive sint nati ex soluto & soluta, sive sint spurij, id est, vulgo quasi, sive adulterini nati ex uxorato & uxorata, vel ex presbytero, diacono, vel subdiacono: sive incestuosi, qui ex consanguinea in gradu prohibito nati sunt*, suyuant le chapitre *per venerabilem ext. qui filij sint legitimi*, & que cela concerne la grandeur, auctorité, & majesté du Roy: Toutesfois en France. telles lettres de legitimation ne profitent sinon *quantum ad honores*, pour tenir offices, benefices & dignitez: non pas *quantum ad successiones*, pour succeder à pere, mere ou autres parens, comme dit Chassaneus és Coustumes de Bourgongne, *titulo des Bastards. §. 3. col. 32. In Gallia, inquit, id observatur, quod legitimari per Principem, non solent succedere, sed legitimatio eis tantum prodest ad*

honores, & iura principis, scilicet ne princeps eis succedat: & qu'on ne leur obiice la macule & tache de geniture.

Tellement qu'en France auparauant que le bastard, par le moyen des lettres de legitimacion puisse succeder à ses pere & mere naturels, il est besoin que les pere & mere ayent eux mesmes obtenu pour leurs enfans naturels, les lettres de legitimacion, ou payé la finance deuë pour la verification de telles lettres: ou bien ayent consenty l'enterinement d'icelles pardeuant le Iuge ordinaire, pardeuant lequel il est besoin de les faire appeller: ou bien pardeuant Messieurs du Thresor, qui cognoissent ordinairement de telles matieres, ou pardeuant Notaires, ou autrement deuëment: & pour ceste cause on met ordinairement es lettres de legitimacion, apres ceste clause, *Qu'ils puissent succeder à leurs pere & mere, & autres leurs parens, tout ainsi que s'ils estoient naiz en vray & loyal mariage, ces mots, Pourueu toutesfois que ce soit du consentement de leurs peres, meres & parens.* Ce qui se doit entendre de celuy auquel le bastard succedera: comme s'il est question de la succession du pere, le seul consentement du pere est requis: si de la mere, le consentement d'elle est suffisant. Et le semblable doit estre dit de chacun des autres parens, *referendo singula singulis*, sans que le cōsentement des presumptifs heritiers des pere & mere, ou d'autres parens, soit requis ne necessaire. Comme il sera amplément déclaré, tant au prochain qu'au treiziesme chapitre du present Traicté. l. 2. ff. de naturalib. restitu. l. nec auus. C. de emancipa. liberor. l. cum adoptio. ff. de adoptio.

²
Les bastards legitimez ne succedent point si leurs peres ou meres n'ont presté consentement à la legit. ma- tion.

Et encores auparauant que le bastard par le moyen des lettres de legitimacion, puisse succeder en France, à ses pere, mere ou autres parens: il est necessaire, que *natus sit ex soluto & soluta*: c'est à dire qu'il soit engendré de personnes, lesquelles lors de sa conception pouuoient licitement contracter mariage ensemble, n'estans liez par vœu, par mariage, ou par ordre sacré, autre que simple cléricature. *Quod si adulterinus sit natus ex uxorato vel uxorata, vel sit filius sacerdotis, diaconi, vel subdiaconi, aut incestuosus*, il ne succedera aucunement, ny à pere, ny à mere, ny à autre parent, encores que le pere ou la mere ayent obtenu les lettres de legitimacion, pour leurs enfans bastards, ou bien ayent payé la finance, ou bien ayent consenty l'enterinement des lettres: ains les biens & successions des pere & mere de tels bastards appartiendront à leurs vrais, naturels & legitimes heritiers, lesquels empescheront que les bastards succedent aucunement, & entant que besoin seroit ont accoustumé appeller de l'execution des lettres de legitimacion & verification d'icelles, faictes en la Chambre des Comptes, pour le regard de la clause concernant les successions, & en ce que par icelles est porté que tels bastards pourront succeder à leurs pere & mere. Ainsi que firent les heritiers du defunct protonotaire Do, lesquels appellerent de l'execution & verification faite en la Chambre des Comptes, des lettres de legitimacion obtenues par le defunct, pour son fils bastard: dont la cause fut plaidée en la Cour, le 6. Mars, mil cinq cens soixante. Et semblable appel fut interjecté par les heritiers de defuncte Adnette de Vaux, contre Claude Mabile natifue d'An-

³
Si les bastards legitimez ne sont naiz ex soluto & soluta, ils ne peuuent succeder.

Appel de l'execution & verification des lettres de legitimacion.

gleterre, dont la cause a esté amplement recitée au 39. chapitre du Traicté du droict d'Aubeine.

Et de ce Papon recite plusieurs Arrests au tiltre des successions des bastards, & sera amplement déclaré au prochain chapitre.

4 *Les enfans des Prestres encores que ils soient legitimez ne succedent à leur pere ny à leur mere.*
De faict Iustinian en ses deux constitutions, *Quibus modis naturales filij efficiuntur legitimi & sui. Et quibus modis naturales efficiuntur sui, in authenticis*, n'a parlé que des enfans naturels naiz en concubinat, *ex soluto & soluta*: non pas *de adulterinis aut incestuosis ex damnato & nefario coitu natis*.

Et que les enfans de Prestres, encores qu'ils soient legitimez par le Roy du consentement de leur pere, & que les lettres de legitimation ayent esté deuëment verifiées, ne leur puissent aucunement succeder, a esté iugé par Arrest publiquement & solennellement prononcé le 14. iour d'Avril 1579.

5 *Recit de l'Arrest de la fille de feu maistre Pierre Amer Prestre.*
Le faict duquel estoit, que maistre Pierre Amer, Prestre, Seigneur de Villebeon, ayant plusieurs heritages propres, se seroit accosté d'une fille ou femme, de laquelle il auroit eu une fille nommée Claude Amer, qu'il auroit mariée à Jacques Belin, Seigneur de Cheuro, l'auroit faict legitimer par le Roy, avec clause de luy succeder en tous ses biens, & fait verifier les lettres de legitimation, tant en la Chambre des Comptes, pardevant le Preuost de Paris, que Bailly de Nemours, au ressort desquels ses heritages estoient assis, & luy auroit fait donation de tous ses biens, tant meubles qu'immeubles, quelque part qu'ils fussent situez, avec retention d'usufruit: laquelle auroit esté deuëment acceptée & insinuée. Depuis & en l'an mil cinq cens cinquante-huict, ou environ, ledit maistre Pierre Amer seroit decédé, apres le decez duquel y auroit eu plusieurs & diuers procez entre Loys Amer, Seigneur du Paley, frere du defunct, soy disant son seul heritier d'une part, & ladite Damoiselle Claude Amer, fille naturelle legitimée par le Roy, soy disant heritiere vniuerselle dudit defunct d'autre. Lesquels procez auroient esté pendans, tant au Conseil priué du Roy, Cour de Parlement de Paris, que grand Conseil. Et finalement y auroit eu transaction faicte entr'eux, par laquelle auroit esté accordé, que tous les biens demeurez par le decez dudit defunct maistre Pierre Amer, seroient esgalement partis & diuisez, entre lesdits Loys Amer, & Damoiselle Claude Amer, & à chacun d'eux baillé moitié. Ce qu'ayant esté fait & executé, & ladite transaction émologuée au grand Conseil, ledit Loys Amer auroit obtenu lettres pour casser ladite transaction, & appellé des sentences données par le Preuost de Paris & Bailly de Nemours, sur l'enterinement des lettres de legitimation cy-dessus recitées. Pareillement ladite Damoiselle Claude Amer auroit obtenu lettres pour casser ladite transaction, & nonobstant icelle estre receuë à demander toute l'heredité, comme seule heritiere dudit defunct maistre Pierre Amer, son pere naturel, & legitimée par le Roy. Ce qui estoit empesché par ledit Loys Amer frere.

6 *Moyens du* Disant entr'autres choses que les lettres de legitimation cy dessus recitées, estoient contre l'honneur de l'Eglise, en laquelle les Soubs-diacres,

Diacres & Prestres promettoient chasteté, voioient & consacroient leur *fiere & be-*
 corps à Dieu, & ne pouuoient estre mariez, comme il a esté dict au troi- *ritier de ses*
 siesme chapitre du present Traicté. Aussi lesdites lettres estoient, *contra* *Amer.*
pudorem matrimonij, & honestatem publicam, que per Sacerdotium non solum
matrimonium impeditur, sed soluitur. Si on admettoit les enfans des Pre-
 tres à succeder à leurs peres, sous ombre de lettres de legitimacion ob-
 tenuës du Roy, les Prestres feroient legitimer tous leurs enfans, & n'au-
 roient autres heritiers que leuts enfans, ce qui seroit scandaleux. Disoit
 qu'on n'auoit point veu en France que les enfans d'un Prestre luy eussent
 succédé, encores qu'ils fussent legitimez du consentement de leur pere: &
 telles lettres de legitimacion ne seroient sinon *ad honores*, pour estre deco-
 rez du tiltre de legitimacion, tenir estats & offices: non pas *quantum ad*
successiones, pour succeder à pere, mere, ou autres parens: & pour ce re-
 gard on auoit tousiours gardé la constitution de l'Empereur Iustinian, la-
 quelle parloit, *de naturalibus liberis tantum, natis in concubinato ex soluto &*
soluta, siue ex concubina domi retenta, cum qua pater matrimonium contrahere
poterat. Aussi disoit que tous les heritages demeurez par le decez dudit de-
 funct Maistre Pierre Amer luy estoient propres, & aduenus par la succes-
 sion de son defunct pere, lequel combien qu'il eust ordonné que ses biens
 fussent partagez esgalement entre ledit Maistre Pierre Amer fils aîné, &
 ledit Loys Amer fils puîné: & toutes-fois il n'auoit voulu obtemperer à
 la volonté paternelle, & auroit eu entierement ce qui luy appartenoit par
 les Coustumes, à cause de son droict d'ainesse, meismes la terre de Ville-
 beon, Vaux, quatre parties des granges & autres, lesquelles deuoient estre
 conseruées à la famille.

Au contraire, ladite Damoiselle Claude Amer disoit, que le Roy estant
 Empereur & souuerain en son Royaume, pouuoit legitimer quant au tē-
 porel, toutes sortes de bastards, tout ainsi que le Pape les pouuoit legiti-
 mer quant au spirituel, suivant le chapitre, *per venerabilem, extr. qui filij sint*
legit. Bartolus in l. fi. Cod. si contrarius vel util. Que le Roy n'estoit sujet à
 la constitution de Iustinian, non plus qu'aux autres constitutions des Em-
 pereurs Romains, ny aux loix Romaines, & de ceste constitution en auoit
 dispensé ladite Damoiselle Claude Amer. Que ses lettres de legitima-
 tion auoient esté deuëment verifiées, tant en la Chambre des Com-
 ptes, que pardeuant le Preuost de Paris, & Bailly de Nemours. Que par
 le moyen des lettres de legitimacion, toute macule de geniture estoit ef-
 facée, toute tache ostée, & qu'on ne luy pouuoit obijcier aucune cho-
 se. *In eam concurrebant & naturalia & ciuilia iura:* que le Roy ne pouuoit
 plustost legitimer quant à succeder les bastards naiz *ex soluto & soluta*, que
 ceux qui *nati erant ex adulterino coitu:* veu que *fornicatio erat peccatum mor-*
rale quemadmodum adulterium. Que *ipsa non peccauerat, sed parentes eius de-*
liquérant. Disoit que sa legitimacion estant impetrée par son defunct pere,
 elle auoit effect d'agnation, d'institution d'heritier, & adoption. Outre
 estoit fondée en donation de tous biens, deuëment acceptée & insinuée.
 Que les biens demeurez par le decez du defunct luy estant propres, il en a
 peu & deu plus facilement disposer que s'ils estoient acquis des biens de

7
 Moyens de
 la fille natu-
 relle de fem
 Amer.

ses benefices. Que les bastards legitimez estoient capables de toutes hereditiez, donations & legs testamentaires, & habilitez tant à succeder qu'à recevoir toutes donations. Et si le defunct auoit peu donner à vn estranger, à plus forte raison il auoit peu donner à sa fille naturelle legitimée par le Roy.

8
Arrest de la
Cour.

Finallyment la Cour quant à l'appel de la verification des lettres de legitimacion, a mis les parties hors de Cour & de procez. Et faisant droict au principal, en ayant esgard aux lettres de rescision, respectiuellement obtenues par les parties, & sans auoir esgard à la transaction du vingt-deuxiesme Octobre, mil cinq cens soixante, ny à ce qui a esté fait à cause & en consequence d'icelle: A adiugé à Damoiselle Ieanne Amer, fille & heritiere dudit Louys Amer, la propriété de tous & chacuns les biens immeubles & rentes, qui ont appartenu audit defunct Maistre Pierre Amer, Prestre, Sieur de Villebeon, & dont il auoit disposé au profit de ladite Damoiselle Claude Amer, nonobstant les donations à elle faictes, mentionnées au procez. Et neantmoins a ladite Cour ordonné que ladite Damoiselle Claude Amer iouyra sa vie durant par vsufruit seulement, de la moitié de tous lesdits biens immeubles & rentes, selo & ainsi que defunct Jacques Belin son mary, & elle en ont iouy & iouyffoient lors du decez dudit Belin, sans que ladite Amer soit tenuë d'aucune restitution de fruits par elle perceus, ny deniers procedans de la coupe & vente des bois s'aucune a esté faicte par le passé, iusques à huy, ny pareillement d'aucune restitution des meubles par elle receus: Et sans qu'à l'aduenir elle soit tenuë d'aucunes charges, & debtes de la succession dudit defunct Maistre Pierre Amer. Et quant aux debtes payées & rachapts faits des rentes qui estoient deuës par ledit Maistre Pierre Amer, en est ordonné par ledit Arrest.

9
Quand les
fils des Prestres
peuvent succe-
der à leurs
peres.

Aussi le vingt-neufiesme Mars, mil cinq cens soixante-trois, y eut Arrest solennellement prononcé, par lequel les deux enfans d'un nommé Potin, Prestre, qui de son consentement auoient esté legitimez par le Roy, pour luy succeder en tous biens: furent deboutez de la succession, & icelle adiugée aux freres du defunct. Et par ledit Arrest la Cour declara qu'elle n'auoit entendu toucher sinon au faict de l'heredité. Et sauf à s'ayder par les enfans des lettres de legitimacion en autres cas. Aussi la Cour reserua ausdits enfans leurs actions pour leurs alimens, & aux intimez leurs defences au contraire.

Et combien que les enfans des Prestres legitimez ne leur puissent succeder; toutesfois si vn homme auparauant que d'estre Prestre, & pourueu aux Ordres sacrez de Soubz-Diacre & Diacre, a eu vn fils bastard *natum ex soluta*, encores que le pere, apres la naissance de son fils, soit Diacre, ou Sous-Diacre, Prestre, & pourueu de benefices: il peut obtenir du Roy lettres de legitimacion pour son fils, les faire verifier, & ledit fils succedera à tous les biens de son pere. Pareillement l'homme qui a vn fils bastard *ex soluta*, auparauant que d'estre marié, peut apres son mariage obtenir lettres de legitimacion pour son fils bastard; lequel succedera en tous les biens de son pere: pourueu que ledit pere n'ayt enfans naturels & legiti-

mesyffus de son mariage. Car es cas fufdits le bastard n'est fils de Prestre, ny d'homme marié, mais est nay *ex soluto & soluta*.

[Il s'est porté vne question à iuger au Thresor: Sçauoir, si le fils d'un Prestre, yffu d'un mariage contracté en la religion reformée, il succederait seul à son pere, à l'exclusion des heritiers legitimes du Prestre & du fisque.

10
Si le fils du
Prestre yffu
d'un ma-
riage con-
tracté en la
religion re-
formée, suc-
cederoit seul
à son pere, à
l'exclusion
des heritiers
legitimes du
Prestre &
du fisque.

Le faict estoit, que le Procureur du Roy au Thresor, ayant eu aduis du decez de feu Gabriel du Viuier Prestre, lequel s'estoit marié à la religion pretenduë reformée, faict saisir tous les biens appartenans audit du Viuier, comme estans escheus à sa Maiefté, tant par droict d'Aubeine, Des-herence, qu'autrement. A ceste faisie se feroient opposez Gedeon Amant, frere du defunct, & Claude du Viuier, fils du defunct, pretendant luy seul, comme heritier du defunct Gabriel du Viuier son pere, deuoir succeder en tous les biens qu'il auoit delaissez apres son trespas, tant à l'exclusion dudit Gedeon Amant, que du Procureur du Roy, & que main-leuée luy deuoit estre faicte de ladite faisie.

Le Procureur du Roy au contraire, disoit que les biens dudit defunct du Viuier, deuient estre declarez appartenir au Roy seul, & non audit Claude du Viuier, pretendu fils dudit defunct, d'autant qu'estant nay d'un mariage incestueux, contracté par vn Prestre en la religion pretenduë reformée, contre le vœu de chasteté qu'il auoit faict en face de sainte Eglise, il ne pouuoit rien pretendre en la succession, ains en estoit priuable, tant par la disposition des saints Canons, que par les Ordonnances des Empereurs faictes pour ce sujet.

A ces demandes Claude du Viuier fils, respondoit & disoit: Combien que Gabriel du Viuier son pere eust esté *in sacris*, & receu le caractere de Prestrise, lors qu'il contracta mariage en la religion pretenduë reformée, si est-ce que cela ne pouuoit empescher que le mariage par luy contracté, ne fust valable, soit que l'on considerast ce qui estoit de l'ancienne institution de l'Ordre de Prestrise, soit ce qui auoit esté depuis arresté par les Edicts & Ordonnances du Roy sur ce interuenus. Car en premier lieu il est tres-certain, que si on veut se rapporter à ce qui estoit de l'ancienne institution portée par l'ancien Testament, il se trouuera que les Leuites, autrement dictz Sacrificateurs, se pouuoient marier pendant leur Sacrificature, & pour honorer dauantage leur mariage, il ne leur estoit permis de prendre en mariage des femmes, ains des filles, d'autant que la Sacrificature deuoit estre accompagnée de toute integrité, & sincerité, comme est la virginité, ainsi que remarque Philon-Iuif, liure deux, Traicté de la Monarchie: & Eusebe liure cinq de son histoire Ecclesiastique, parlant de Policrates Euesque d'Ephese, dict, que ledit Policrates disoit de luy, qu'il estoit le huietieme de ses ancestres qui auoient esté successiuement Euesques l'un apres l'autre audit Euesché: Duquel passage on tire vne consequence que les gens d'Eglise estoient mariez: Aussi l'histoire nous apprend qu'en l'an septante-cinq saint Luc l'Euangeliste qui florissoit en la ville de Bythime, estoit marié: Le Pape

Pius in Europa cap. 35. dict, que de son temps en Frise les Prestres estoient mariez, n'ayant peu encores les constitutions Ecclesiastiques leur oster cest vsage.

Quand tous ces moyens cesseroient, disoit, que tous les empeschemens & difficultez qu'on pourroit apporter en tels mariages, estoient leuées & ostées par le moyen des Edicts faicts par nos Roys, en l'année 1575. article 9. & 10. & autres articles secrets faits pour cest effect, article 40. par lesquelles est porté en premier lieu, Que pour le bien de la paix, les mariages contractez par les Prestres & Religieuses contre leur vœu & profession, ne seront pourtant recherchez : Secondement que les enfans de telles gens ne pourront succeder à la famille en ligne directe ou collaterale, mais seulement aux meubles de leurs pere & mere, & aux acquests & conquests immeubles.

A ces moyens Gedeon Amant, frere, respondoit & disoit, *Primum*, qu'il n'estoit point reuouqué en doute au procez, qu'il fust frere dudit feu Gabriel du Viuier, Prestre : ce que n'estant, il s'ensuit, qu'il doit estre seul déclaré heritier du defunct, à l'exclusion tant du Roy, que dudit Claude du Viuier, pretendu fils dudit du Viuier Prestre.

Quant à ce qu'on allegue de l'ancien Testament, que les Leuites estoient mariez : disoit, qu'il falloit distinguer les temps, & par ce moyen qu'il seroit fort facile d'accorder les Escritures : Estant veritable que cela se trouuoit auoir esté obserué par l'ancien Testament, & ce *ad duritiam cordis*, & pour certaines causes & considerations : Mais depuis ce temps, la loy de grace estant suruenüe, elle a du tout effacé & aboly ceste façon de mariages, pleins de pollutions, pour nous en donner & rendre vn plus saint & auguste, & hors de toute pollution : Pour preuue de ce, il se remarque au nouveau Testament, que le premier Prestre qui a iamais esté, est Iesus-Christ, qui a fort bien montré, qu'il falloit que ceux qui deuoient l'imiter en cest estat de Prestre, fussent vierges comme luy, & l'imitassent, ayant esté dit de luy, *Tu es Sacerdos in aeternum secundum ordinem Melchisedech*, & ailleurs, *Mundi estote sicut ego mundus sum*, & tout ainsi qu'ils deuoient offrir *hostiam mundam*, comme dit le Prophete Malachie, aussi leurs personnes deuoient estre exemptes de toutes soüilleures, principalement du vice de paillardise, lequel se contracte sous vn feint & simulé mariage.

D'ailleurs qu'il falloit principalement en ceste cause, que le plus grand empeschement qui se trouuoit en ce mariage contracté par le defunct du Viuier, estoit le long-temps qu'il y auoit qu'il estoit Prestre, & le vœu de chasteté irreuocable qu'il auoit fait en face de sainte Eglise. Obstacles à la verité si forts & si puissans, qui empeschoient que ladite du Viuier peust contracter aucun mariage : & pour cest effect, toutes obligations & promesses qui se trouueront auoir esté faictes en contractant ce mariage, au preiudice des liens & vœux susdits, sont non seulement nulles, mais aussi pour auoir contracté tels mariages contre la prohibition des saints Decrets, tombent en irregularité, sont excommuniez & anathematisez, ainsi qu'il est porté au chapitre, *si quis cap. erubescant 32. distinct. cap. 1. &*

2. *ex qui cler. vel vouen.* Ce qui est plus particulièrement confirmé par le chapitre 21. des Apostres, & par la disposition du droict Ecclesiastique, *in c. penul. 28. distinct.* & par les decrets des Conciles du 2. *Conc. Turonen. cap. 12. Art. 2. cap. 2. Epiph. lib. 2. aduersus hereses*, où il est expressement porté, que celuy là est excommunié, & reietté hors de l'Eglise, qui ose temerairement rompre le saint vœu de chasteté qu'il auoit iuré à Dieu.

Ce qui a esté de tout temps obserué en l'Eglise d'Occident, par les ordonnances des plus anciens Papes : ores qu'en l'Eglise Grecque on ait disputé, *An copulato liceat uti matrimonio.* Mais quoy que ce soit, on a tousiours déclaré impies & sacrileges telles conuentions & mariages postérieurs au vœu de chasteté, ou au caractère saint, comme faits au mépris de la promesse donnée & présentée à Dieu : D'où il s'ensuit que les enfans naiz de tels mariages ne peuuent succeder à leurs pere & mere, en quelque sorte que ce soit, attendu que, *ex damnato coitu nati sunt*, & que *ut spurij & manseres illum habent patrem, quem per leges habere non licet*, cap. *nisi cum pridem §. persona ex. de renunciat. cap. ad audientiam, ex. de filiis presbyt. cap. tanta vid. ex. qui filij sint legit.* Ino Carnot. epist. 218.

Finalemēt par sentence du 22. Feurier, 1608. conformément aux Edicts du Roy, fut adiugé à Claude du Viuier pere, pendant & constant son mariage, & les propres adiugez audit Gedeon Amant, frere & heritier du defunct. N. B.]

LES BASTARDS LEGITIMEZ PAR LE PRINCE

du consentement de leurs pere & mere naturels, leur succedent en tous biens. Encores que les plus proches parens & presumptifs heritiers n'ayent presté consentement à la legitimation. Avec plusieurs decisions notables & Arrests donnez pour ce regard.

- | | |
|--|---|
| <p>1 Le bastard legitimé du consentement de son pere, luy succede en tous biens.</p> <p>2 Arrest que le fils bastard legitimé exclud tous les parens de la succession de son pere.</p> <p>3 Comme le pere doit prester consentement aux lettres de legitimacion de son fils bastard.</p> <p>4 Le bastard legitimé du consentement de son pere, quand peut estre exheredé.</p> <p>5 Si les lettres de legitimacion doivent estre obtenues par le pere.</p> <p>6 Le consentement des parens n'est requis à la verification des lettres</p> | <p>de legitimacion, & suffit le consentement du pere.</p> <p>7 Quand le bastard legitimé succede avec les enfans naturels & legitimes.</p> <p>8 Les enfans legitimez du consentement du pere ont leur legitime.</p> <p>9 Arrest de ce que dessus.</p> <p>10 Le pere naturel ayant enfans naturels & legitimes, ne peut faire succeder son fils bastard.</p> <p>11 Par la dispositiō de droict, quand le pere & la mere du bastard se pouuoient marier, n'y auoit lieu de legitimacion.</p> <p>12 Le pere pendant qu'il est marié peut faire legitimer son fils naturel,</p> |
|--|---|

pourueu qu'il n'ayt point d'enfans naturels & legitimes.

13 Si les lettres de legitimatiō sont obtenues apres le trespas du pere, le consentement des heritiers est requis.

14 Le semblable est obserué si les lettres n'estoient verifiées du viuant du pere.

15 Quand le pere assiste au contract de mariage de son fils bastard, & le qualifie son fils.

16 Recit d'un proces de ce que dessus.

17 Recit d'un autre proces d'un fils bastard, au contract de mariage duquel le pere auoit assiste.

18 Si les bastards legitimez ne sont naiz ex soluto & soluta, ils ne peuuent succeder.

19 Le plus seur est faire appeller les collateraux, lors de la verification

des lettres de legitimatiō.

20 Est bon que le pere confirme par testament le consentement qu'il a presté à la legitimatiō de ses enfans.

21 Quand les enfans legitimez sont heritiers & donataires, comme ils se doiuent conduire.

22 Le fils naturel legitime doit declarer qu'il apprehende la succession de son pere.

23 Qualité des enfans bastards legitimez.

24 La mere peut consentir la legitimatiō tout ainsi que le pere.

25 Interpretatiō de l'opinion de Chassaneus, comme les bastards legitimez succedent.

26 Les enfans adulterins encores qu'ils soient legitimez ne succedent aucunement.

CHAPITRE XII.

I
Le bastard legitime du consentement de son pere, luy succede en tous biens.



VAND on demande si vn bastard *natus ex soluto & soluta*, legitime par le Roy, duquel les lettres de legitimatiō ont esté deuement verifiées en la Chambre des Comptes, en la forme recitée au 18. chapitre, peut en France succeder à son pere naturel, ou bien à sa mere naturelle, faut dire selon l'opinion de Paul de Castre, *in l. Gallus §. & quid si tantum ff. de liber. & posth.* & des autres Docteurs, que si le pere a obtenu les lettres de legitimatiō en son nom, supplication & requeste: ou au nom de son fils naturel; ou payé la finance en la Chambre des Comptes, pour son fils naturel: ou bien ait expressement déclaré qu'il a pour agreable les lettres de legitimatiō obtenues par son fils naturel, & que son vouloir est qu'il luy succede, tout ainsi que s'il auoit esté procréé en loyal mariage, & que les lettres ayent esté verifiées du viuant du pere: En ce cas le fils legitime par le Prince, succedera en tous les biens de son pere naturel, tant feodaux; qui sont patrimoniaux & hereditaires en France, que des heritages roturiers, tout ainsi que s'il estoit nay en vray & loyal mariage.

Raison de ce que dessus.

La raison de ce que dessus est, que *filij legitimati à legitimis nihil differunt, suntque sui heredes*, & *post legitimatiōem concurrunt in filios legitimatos & naturalia & civilia iura*, sont saisis par la Coustume, & peuuent former complainte, tout ainsi que les enfans naturels & legitimes, §. *reliqui & §. illud vers. si quis, in fine. in verbis nihil à legitimis filiis differentes qui. mod. natura. officia. sui in athen. §. quibus commemorari. in verbis suorum iura nanciscuntur, institut. de heredit. qua ab intesta. deferun.* *Alexan. de Inmola*

consilio 188. col. 15. vol. 5. Legitimari enim natalibus restituti sunt, omnisque macula in eis deleta est, & perinde habentur ac si nulla unquam macula aspersi fuissent. l. 2. & finali, de natal. restituen. l. imperialis, §. presenti vers. nam omni macula C. de nupt. comme il fut plaidé en la Cour pour les enfans du Seigneur de Blezancourt, le dix-septiesme Nouembre mil cinq cens septante-sept.

De ce y a plusieurs Arrests recitez par Papon en son recueil d'Arrests, au tiltre des successions des bastards: mesmes y a vn Arrest recité tant par ledit Papon, que per Ioannem & all. quest. 168. par lequel la Dame de Narbonne, comme parente, & soy disant plus proche & habile à succeder à Messire Charles d'Espagne, ayât formé complainte pour raison des biens demeurez par le decez du defunct, & de son heredité, ab intestat, fut deboutée de sa complainte, & tous les biens du defunct adiugez à Charles d'Espagne son fils bastard, légitimé du consentement du defunct, tant par le Pape que par le Roy. Ledit Arrest del'an mil trois cens quatre vingts treize: *filius enim legitimatus succedit patri naturali, & excludit omnes collaterales patris, siue agnatos, siue cognatos. cap. per venerabilem, in verbis quominus tibi succederent, ext. qui filij sint legitimi, §. reliqui igitur, in verbis semel enim eos efficientes legitimos damus habere etiam successiones illas quas habent hi qui ab initio legitimi sunt, in authen. col. 7.*

2
Arrest que le fils bastard légitime exclud tous les parens de la succession de son pere.

Et le consentement purement & simplement presté par le pere, lors de l'impetration des lettres de legitimacion, ou lors de la verification d'icelles faictes en la Chambre des Comptes, ou pardeuant le Iuge ordinaire des lieux, ou depuis par escrit, soit par testament, l'appellant son fils naturel & legitime, ou bien luy donnant ceste qualité par le contract de mariage faict dudit fils naturel, le nommant naturel & legitime, à tel effect qu'il ne peut estre reuocqué par le pere, emporte agnation, vraye institution, effect d'adoption & de donation de tous biens. En sorte que les enfans bastards legitimez par le Prince, du consentement de leur pere, entrent en la puissance de leur pere naturel, tout ainsi que les legitimes, & ne peuuent estre exheredez, sinon pour l'une des quatorze causes, pour lesquelles les legitimes peuuent estre exheredez. Et si le pere naturel, depuis le consentement par luy presté par escrit aux lettres de legitimacion obtenues par ses enfans naturels deuëment verifiées en la Chambre des Comptes de son viuant, leur fait quelque legs, & par ce moyen les veut exclure de son heredité, ils pourront repudier le legs à eux fait, & demander l'heredité de leur defunct pere. Comme il fut amplement deduiet en l'Arrest de Blezancourt cy-dessus datté, & qu'il a esté iugé par l'Arrest de Caluimont cy-apres recité. Partant quand le pere veut presté consentement aux lettres de legitimacion obtenues par ses enfans naturels (lequel consentement doit estre par escrit, & ne se peut verifier par tesmoins, comme estant question de plus de cent liures) il doit aduiser comme il doit presté tel consentement, si c'est pour luy succeder, ou bien si c'est pour les rendre idoines & capables d'accepter donations entre vifs, ou legs testamentaires, qu'il leur pourra faire restraindre & limiter son consentement, ainsi qu'il aduîséra:

3
Comme le pere doit presté consentement aux lettres de legitimacion de son fils bastard.

4
Le bastard légitimé du consentement de son pere, quand peut estre exheredé.

non pas generally consentir l'enterinement des lettres de legitimacion. Car le consentement pur & simple estant presté, & l'acte estant parfait, le pere ne peut plus varier, ny contreuenir à la legitimacion faicte de son consentement. *l. si pater naturalis. l. & qui ff. de adoptio. §. generaliter. quib. mod. natu. efficitur in authen. Authentico non licet. C. de liber. prater.* Et le meilleur & plus seur est, que les procurations passées par les pere, mere, & autres parens, pour consentir la verification & enterinement des lettres de legitimacion, portent qu'ils consentent & accordent que l'impetrant leur puisse succeder ab intestat, tout ainsi que s'il estoit nay en vray & loyal mariage.

5
Si les lettres
de legitimacion
doivent
estre obtenues
par le
pere.

Il conuient entendre, combien que de tout temps & ancienneté il ait esté loisible tant au pere naturel obtenir du Roy lettres de legitimacion pour son enfant bastard, que audit enfant de les impetrer, & que le consentement presté par le pere, apres l'impetration desdites lettres, ait esté reputé suffisant, pour faire succeder le bastard à son pere naturel, comme il a esté cy-dessus monstre. Toutesfois par arrest du Conseil priué du Roy, registré en la Chambre des Comptes, le 14. Nouembre, mil cinq cens soixante dix-neuf, a esté ordonné que les lettres de legitimacion seront à l'aduenir impetrées au nom du pere de celuy qui voudra estre legitimé. En sorte que si les lettres sont impetrées par l'enfant, le pere doit presenter requeste à Messieurs des Comptes, donner à entendre que sous le nom de son fils naturel il a obtenu lettres de legitimacion, ou bien qu'il a pour agreable les lettres de legitimacion obtenues par son fils naturel, & en requerir la verification. Ce qui a esté ordonné, à ce que les bastards contre verité ne s'immiscent és grandes & notables familles: suiuant ce qui a esté escript par Valere en son 9. liure, chap. dern. *de iis qui infimo loco nati, mendacio se clarissimis familiis inferere conati sunt.* Et pour ceste cause on a receu ceux d'une famille, ou des particuliers d'une famille, à requerir defences estre faictes à vn bastard, de porter le nom de leur famille, s'il ne verifie qu'il en soit bastard. Si l'arrest du Conseil priué cy-dessus recité estoit obserué (comme il n'est pas) il deuroit seulement auoir lieu, lors que le pere est viuant, & que le fils bastard, par le moyen des lettres de legitimacion par luy obtenues, veut succeder à son pere naturel, non pas és autres cas.

6
Le consentement
des
parens n'est
requis en la
verification
des lettres
de legitimacion:
& suffit le
consentement
du pere.

Aussi il est besoin noter, que pour succeder par les bastards legitimez par le Prince à leur pere naturel, le consentement des plus proches parens habiles à succeder à leur pere naturel, soient freres, sœurs, oncles, cousins, ou autres, n'est requis ne necessaire. *Nec hoc casu agnati vel cognati euocari debent, cum nullum ius in bonis siue hereditate uiuentis habeant,* & le seul consentement du pere est suffisant, selon l'usage & commune obseruance de France, & *secundum doctores in dicta leg. Gallus §. & quid si tantum, ff. de liber. & posthum. post Glosam expressam in decisione Capellæ Tholosanæ, quæst. 456. in fin. Boerius quæst. 122. in prima parte l. qui potest inuitis. ff. de regul. iur. l. superstitis. ff. de acqui. heredita.* Non plus que quand vn homme, *aliquem adoptat aut arrogat in filium, in huiusmodi adoptione aut arrogatione agnatorum vel cognatorum consensus non est necessarius,*

*l. cum adoptio. ff. de adoptio. Et tamen huiusmodi filius sine consensu consanguineorum adoptatus aut arrogatus succedit patri adoptivo, §. 1. de heredita. qua ab intestato deferunt. in institut. l. 1. §. suos hared. ff. de suis & legit. hared. Aussi quando agitur de hereditate viventis eius consensus sufficit. lege fina. C. de pact. Et si liceat patri donare bona sua extraneo, multo magis filio naturali, comme dit l'Empereur, in principio tituli ut liceat patri & avia, in authent. quam donationem facere censetur consentiendo legitimati. Et tel consentement emporte vray acte d'agnation, d'institution d'heritier, & d'adoption, comme dit est. Ioinct qu'au cas de present il n'est question que de la succession du pere naturel, non pas des successions de parens, auxquels le fils naturel ne peut succeder, s'ils n'ont presté consentement à sa legitimati, comme il sera dit au prochain chapitre. Si les lettres de legitimati mal dressées portent, pourveu que ce soit du consentement de ses pere, & mere, & de leurs heritiers, ces mots, *De leurs heritiers*, se doivent entendre quand les lettres ne sont pas verifiées du vivant du pere ou de la mere, qui a obtenu les lettres de legitimati, ou presté consentement à la verification d'icelles. Car la verification des lettres estant faicte du consentement du pere, ou bien de la mere, le consentement des heritiers n'est aucunement neccsaire: Tellement que ces mots, *& de leurs heritiers*, se doivent entendre quand les lettres sont impetrées apres la mort du pere, ou bien verifiées apres le trespas du pere: auquel cas les heritiers doivent estre appelez, pour prester consentement ou dissentement: parce que lors le droict de la succession leur est acquis.*

Si apres les lettres de legitimati obtenues par vn pere pour son fils bastard deuëment verifiées le pere se marie, & ait enfans naturels & legitimes: le fils legitimé du consentement du pere succedera avec les enfans naturels & legitimes, tout ainsi que les enfans qui sont legitimez par mariage subsequent, comme il a esté dit au neuuesme chapitre du present Traicté. Et par la naissance des enfans naturels & legitimes naiz en loyal mariage la legitimati faicte & parfaicte du fils naturel, auparauant la celebration du mariage du pere, duquel sont yllus des enfans legitimes, n'est aucunement reuoquée. Bien est vray, que lors que les enfans legitimez par rescript du Prince, succedent avec les naturels & legitimes, ils ne prennent point le droict d'aînesse, non plus que les enfans adoptez: comme il est traicté par du Moulin, és Coustumes de Paris, article huitiesme, question huitiesme, glose premiere: & par monsieur Tiraqueau in suo tractatu de Iure Primigeniorum, quaest. 34. col. 48. & sequenti. Où il tient, qu'en ce cas le droict d'aînesse appartient au fils aîné naturel & legitime, encores qu'il soit puisné du legitimé par rescript du Prince, lequel ne peut auoir plus grande portion que le moindre de tous les enfans naturels & legitimes. Speculator in titulo de successioneibus que ab intesta. §. sed ex facto. textus in §. & quoniam variè. quib. mod. natu. effici. sui l. communium in fini. C. de natu. libe. Latè tractat d'icellus Tiraquellus in l. si unquam C. de reuocan. donatio. in verbis donatione largitus.

Et si les enfans legitimez du consentement du pere, par lettres deuëment verifiées en la Chambre des Comptes de son vivant, ne sont insti-

7
Quand le
bastard le-
gitimé suc-
cede avec les
enfans na-
turels & le-
gitimes.

8
Les enfans

legitimizez
du consen-
tement du
pere ont leur
legitime.

tuez heritiers, possunt proponere querelam inofficiosi testamenti, & demander leur legitime, ou le supplément d'icelle in corporibus hereditarijs, tout ainsi que les enfans naturels & legitimes, ut latè tractat la son in Rubrica tituli de suis & legitimis heredibus. ff. & Baldus in additionibus ad Speculatorem, tit. de successioneibus que ab intestato. col. incipiente. Sed an legitimato debeatur legitima: Et ne sont tenus d'accepter le legs testamentaire, qui leur a esté delaisné par leur pere naturel, lequel les ayant recogneus pour enfans naturels, & estans legitimizez de son consentement, il ne les peut exclurre de sa succession, & l'acte de legitimation estant parfait & accôply de toutes ses solemnitez. De faict, maistre Jean de Caluimont President à Bourdeaux ayant obtenu lettres de legitimation pour Guillaume de Caluimont, son fils naturel, & apres la verification d'icelles, s'estant marié avec Damoiselle Marguerite de Farges, & d'elle eu vn fils naturel & legitime, lequel par son testament il auoit institué son heritier vniuersel, & legué audit Guillaume la somme de treize cens liures tournois. Par arrest solennellement & publiquement prononcé le quatorzième Aoust mil cinq cens soixante cinq, ladite de Farges au nom, & comme legitime administratrice de Jean de Caluimont, fils dudit defunct & d'elle, a esté condamnée faire deliurance reelle & actuelle audit Guillaume de Caluimont, fils naturel & legitime par le Roy, de sa legitime de droict, en la totalité des biens de la succession dudit defunct maistre Jean de Caluimont son pere, & à rendre & restituer les fruiçts d'icelle legitime, dès & depuis le decez dudit defunct. Comprise toutesfois en icelle legitime la somme de treize cens liures tournois, delaisnée audit Guillaume de Caluimont, par le testament dudit defunct maistre Jean de Caluimont. Et ladite Damoiselle de Farges audit nom condamnée és despens de l'instance petitoire.

10 Mais il faut entendre ce que dessus, quand le pere naturel, lors des lettres de legitimation par luy obtenues pour ses enfans bastards, n'auoit aucuns enfans legitimes de son premier mariage, ou bien n'estoit encores marié, ou bien estoit veuf, & n'auoit aucuns enfans. Car si lors de l'impe-
Le pere naturel ayant enfans naturels & legitimes ne peut faire succeder son fils bastard.
tration des lettres de legitimation obtenues par le pere, auparavant la verification d'icelles faicte en la Chambre des Comptes, le pere estoit marié, & auoit enfans naturels & legitimes, ou bien depuis l'impe-
tration des lettres, ou verification d'icelles auoit eu enfans dudit mariage, avec lesquels il vueille faire succeder son fils bastard. En ce cas les enfans naturels & legitimes majeurs doiuent prester consentement à la legitimation du fils bastard, autrement il ne succedra aucunement, encores que le pere par les lettres de legitimation ait faict mention de ses enfans naturels & legitimes, & par le contract de mariage de son fils naturel, ait accordé qu'il vint à sa succession avec ses enfans legitimes, non enim debent naturales legitimari nisi legitimis deficientibus, cum legitimationis modus institutus sit in subsidium legitimæ prolis. §. si quis ergo quibus modis natural. efficitur sui. §. si quis sane. & §. liceat. quibus modis natural. efficiam. legitimi in autem. Nec cum legitimis naturales succedere debent. cap. lator. qui filij sint legitimi. ext. l. fin. C. de natur. liber. Nec erit hæres filius ancillæ, cum filio libera.

soin & que les enfans legitimes ont droict acquis en la succession de leur pere, dès lors de la celebration du mariage, duquel ils ne peuvent estre priuez en tout, ny en partie, sans leur consentement. Aussi la legitimacion ayant effect, leur legitime seroit diminuée. Et ainsi est obserué en France, quelque clause de nonobstant qu'on puisse mettre és lettres de legitimacion. Partant le meilleur sera, que le pere vse de donation à son fils naturel. *Ita tenet Baldus in authentico prater ea. C. de natura. liber.* Et est amplement traicté, tant par Papon en son troisieme Notaire, liure sixiesme, au chapitre de legitimacion de bastards, que per Petrum Rat, és Coustumes de Poictou au tiltre des bastards, où il recite plusieurs questions notables & dignes d'estre leuës.

Mesmes au lieu cy dessus allegué ledit Rat recite, que les lettres de legitimacion obtenues du Prince ne sont valables, quoy que ce soit par le moyen d'icelles les enfans legitimez ne peuvent succeder à leurs pere & mere naturels, si lors de l'impetration des lettres le pere naturel pouuoit licitement espouser la mere de ses enfans naturels. Ce qui est grandement à noter, & ce suyuant le texte *in §. sit igitur licentia, in verbis aliter namque fieri hoc in talibus casibus non permittitur, quibus modis natura. effici. legitimi. in Authent. l. diui Constantini & l. cum quis à muliere. Cod. de natu. liber. Quia filij naturales legitimari per rescriptum principis non possunt, nisi in subsidium legitimacionis per subsequens matrimonium, ut inquit Glosa in dicto §. sit igitur licentia, in verbo permittimus, quam mirabilem dicit Baldus in capite illud circa medium, ext. de presumptio. & la son in l. Gallus. §. & quid sit tantum. ff. de liber. & posthum. col. 21. versic. 26. nota.* Mais la disposition des loix souldites n'est obseruée en France, & suffit au bastard legitimé, pour succeder à ses pere & mere, le consentemēt de seldits pere & mere. Et que *natus sit ex soluto & soluta*, c'est à dire, que ses pere & mere se pouuoient marier ensemble, encores qu'ils n'ayent esté mariez.

Si le pere naturel n'a eu aucuns enfans naturels & legitimes, ou bien sont decedez, ledit pere, pendant son premier ou second mariage, peut faire legitimer son fils naturel, qu'il a eu parauant qu'il fust marié, ou pendant sa viduité, nay *ex soluto & soluta*. Et ledit fils naturel, par le moyen des lettres de legitimacion, deuement verifiées en la Chambre des Comptes, succedera à tous les biens de son defunct pere, encores que depuis l'impetration ou verification desdites lettres de legitimacion, soient naiz quelques enfans naturels & legitimes: pourueu qu'il n'y en ait aucuns viuant lors du decez du pere. Comme il s'obserue en don mutuel passé entre hommes & femmes conioincts par mariage, lequel est valable, encores que depuis iceluy y ait eu quelques enfans, qui soient naiz de leur mariage: pourueu que lors du decez du premier mourant, il n'y ait aucuns enfans des deux conioincts, ou de l'un d'eux qui soient viuant: comme il est porté par la fin de l'article deux cens quatre-vingts de la nouvelle Coustume de Paris. Et est besoin que lors de l'impetration des lettres de legitimacion, & lors de la verification d'icelles, le pere n'eust aucuns enfans naturels & legitimes. Pareillement que lors de la confection du don mutuel n'y ait aucuns enfans, *ut duo extrema, siue primum & no-*

II
Par la disposition de droict quand le pere & la mere du bastard se pouuoient marier n'y a uoir lieu de legitimacion.

12
Le pere pendant qu'il est marié peut faire legitimer son fils naturel, pourueu qu'il n'ait point d'enfans & naturels legitimes.

uissimum inueniantur habilia. §. liceat igitur. in verbis, si legitimam non habeant sobolem. quibus natur. effic. legitim. in Authen. authentico præterea. Cod. de natur. liber.

13

Si les lettres de legitimacion sont obtenues apres le trespas du pere, le consentement des heritiers est requis.

Le consentement des heritiers du pere naturel est requis, si lors que les lettres de legitimacion ont esté obtenues par le fils naturel, du mandement & consentement de son pere, le pere estoit decedé, & sa succession estoit acquise à ses heritiers ab intestat. *Quia cum legitimatio sit restitutio naturalibus antiquis, quibus omnes liberi & legitimi nasciebantur, hereditas alteri quasita non potest tolli per restitutionem: Ideoque heredes ab intestato sunt citandi & euocandi. Idem dicendum si heredes ius habent in hereditate de iure vel de consuetudine: comme en la Coustume de Bourgongne, ou de Boulongne sur la mer. Ideoque exemplo patroni vel filij patroni, sine quorum consensu libertus non potest ab imperatore natalibus restitui: quia eis quarta bonorum debetur, quæ per restitutionem natalium auocatur. lege penult. & finali. ff. de natalibus restituend. Et semble estre le cas de la loy, nam ita diuus. ff. de adoptio. Ita tenet Bartolus in lege Gallus. §. & quid si tantum. col. 14. ff. de libe. & posthu.*

14

Le semblable est observé si les lettres n'estoient verifiées du vivant du pere.

Semblablement le consentement des heritiers est requis, encores que les lettres de legitimacion ayent esté obtenues par le pere, quand elles n'ont pas esté verifiées en la Chambre des Comptes, de son vivant. Parce que la grace du Prince est imparfaicte, & sans la verification deuëment faicte en la Chambre des Comptes, la legitimacion ne peut auoir aucun effect: comme les lettres de naturalité obtenues par vn estrangier, n'ont aucun effect, si elles ne sont verifiées en la Chambre des Comptes auparavant son decez. Pareillement on n'a aucun esgard aux lettres de Iustice obtenues du Roy, si elles n'ont esté enterinées par le Iuge pardeuant lequel le procez est pendant. Car par l'vñance de France, toutes lettres obtenues du Prince doiuent estre verifiées ou enterinées, autrement elles sont sans effect. Aussi la verification qui peut estre faicte apres le trespas du pere qui auoit presté consentement à l'impetration, voire verification desdites lettres, ne peut auoir effect retroactif, au preiudice des heritiers ab intestat du defunct, ausquels dès lors du decez du defunct, tous les biens demeurez par son trespas ont esté acquis: suiuant la Coustume generale de France, par laquelle le mort saisit le vif. Et suiuant la disposition de droit commun, par laquelle le droit acquis à vn tiers ne luy peut estre tollu ny osté par acte subsequant, sans son gré & consentement. De faict les lettres de legitimacion portent ordinairement ceste clause, pourueu qu'il n'y ayt autre droit ja acquis. Car comme dit est, *hereditas acquisita alteri, non potest tolli per restitutionem natalium, ut inquit Bartolus in dicto §. quid si tantum, col. 14.* En sorte qu'il est besoin que les lettres de legitimacion soient verifiées en la Chambre des Comptes, du vivant du pere, quoy que ce soit de son vivant ayent esté présentées en la Chambre des Comptes, & qu'à l'occasion des troubles, ou autres legitimes empeschemens elles n'ayent peu estre verifiées, & que le pere auparavant la verification n'ait aucunement contrarié à sa premiere volonté: comme il fut plaidé le 5. Mars 1592. dont l'arrest est cy apres recité. Aussi les lettres de legitimacion obtenues
par

par le pere du bastard, n'estans verifiées du viuât du pere, ledit bastard lors du decez de son pere, n'a qualité-capable ny suffisante pour apprehēder la succession de sondit pere : parce que le benefice ou bien la grace du Prince n'est accomplie, absoluë, ny parfaicte en toutes les solemnitez qui sont requises pour l'effect & validité d'icelles. Et telles solemnitez ne peuuent auoir effect retroactif, au preiudice du droict acquis à vn tiers, par les loix cy deuant alleguées. Et quand on parle de *aliquo actu*, il est necessaire que *actus ille sit solemnis, validus, perfectus, & suis numeris absolutus*. Ioinct que les simples lettres de legitimacion, que le pere a obtenuës, depuis la confection de son testament, n'ont effect valable pour rompre & reuoker le testament qu'il auoit solennellement fait auparauant l'impetration desdites lettres : & ne peut-on dire que *agnatione filij ruptum fuerit testamentum*, parce qu'en France, sans la verification des lettres faicte en la Chambre des Comptes, le fils naturel n'est point censé legitimé, & la volonté du defunct est demeurée imparfaicte : tout ainsi qu'en celuy qui a commencé vn testament, & ne l'a pas paracheué, ou bien l'a paracheué & entierement escrit de sa main, mais ne l'a pas sousigné, comme il est requis par la Coustume, pour la validité d'iceluy. Et si le testament du pere est faict depuis les lettres qu'il auoit obtenuës pour legitimer son fils naturel, & par ledit testament ait seulement faict vn legs particulier à sondit fils : les lettres n'ayans point esté verifiées du viuant du pere, le fils sera contrainct se contenter du legs qui luy a esté fait, sans pouuoir estre heritier de son pere, ny pretendre le droict vniuersel de la succession, encores que depuis le trespas du pere, le fils face verifier les lettres de legitimacion en la Chambre des Comptes. Car apres l'impetration des lettres *pater pœnituisse censetur*. Et ce que dessus a esté vuidé par deux arrests de la Cour de Parlement. Le premier a esté solennellement prononcé le vingt-troisiesme Decembre, mil cinq cens quatre vingts quatre : le faict duquel estoit, que maistre Michel Pothery, dit Sablé, viuant Greffier ciuil & d'appeaux du Baillage de Blois, auoit obtenu lettres du Roy pour faire legitimer Michelle Pothery sa fille naturelle : depuis l'impetration de ses lettres, le premier Aoust mil cinq cens quatre vingts, ledit maistre Michel Pothery estant malade fait son testament, par lequel il donne à maistre Sebastien Mallier, Controlleur des guerres, son lieu, terre & seigneurie de Villeneuve, avec ses appartenances & dependances, à la charge entr'autres de bailler à ladite Michelle Pothery sa fille naturelle & legitime, la somme de deux mil escus. Tost apres ce testament ledit Pothery estant decedé, plusieurs procez auroient esté meus, tant pour raison de sa succession, & de son testament, que des donations & le legs portez par iceluy, entre les heritiers ab intestat, ledit Mallier, & ladite Michelle Pothery. Sur lequel y auroit eu sentence du Preuost de Blois, par laquelle est ordonné, que par prouision ledit Mallier iouyra de ladite seigneurie de Villeneuve, en payant lesdits deux mil escus à ladite Michelle, lequel payement estant fait, la cause estant renuoyée aux Requestes du Palais, & toutes les instances conduictes pardeuant lesdits Seigneurs des Requestes : Ladite Michelle Pothery ayant

trouué apres le trespas de son pere naturel, lescdites lettres de legitimacion, elle les faict verifier en la Chambre des Comptes, au mois de Septembre mil cinq cens quatre vingts, & par ce moyen se pretend seule heritiere dudit defunct maistre Michel Pothery. comme fondée en la volonté de son defunct pere autorisée & validée par le Roy, portée par lescdites lettres de legitimacion: Lesquelles estât verifiées en la Chambre des Comptes, elle soustenoit qu'elles auoient effect retroactif au iour de l'impetration d'icelles: aussi que la verification n'emportoit, sinon paiement de la finance deuë au Roy, auoit obtenu lettres pour estre releuée de l'acceptation & reception de ladite somme de deux mil escus, & estre receuë à demander l'heredité de son defunct pere, fondée sur ce qu'elle ignoroit l'impetration desdites lettres de legitimacion, & que son pere l'auoit nommée fille naturelle & legitime, tant par le contract de mariage de ladite Michelle Pothery, que par son testament. Par l'arrest susdit, en confirmant la sentence donnée és Requestes du Palais, Michelle Pothery fut deboutée des lettres par elle obtenues, & ordonné qu'elle se contenteroit des deux mil escus qu'elle auoit receus. Si les lettres de legitimacion eussent esté verifiées en la Chambre des Comptes du viuant du pere, il n'eust peu par son testament exclure ladite Michelle de sa succession, quoy que ce soit de sa legitime *in corporibus hereditariis*, ny aucunement varier, comme l'acte de legitimacion estant parfait: suiuant l'arrest de Caluimont cy dessus recité.

L'autre arrest fut donné en plaidoyrie le vingt-troisième Iuillet 1585. Le faict duquel estoit que Marcelin Gueton, Esleu en la ville de Lyon, en l'an mil cinq cens soixante & dixsept, fait son testament solennel, par lequel il instituë sa femme heritiere de tous ses biens, & laisse à Marcelin Gueton son fils naturel, la somme de cinq cens liures tournois. Quelque temps apres ce testament, & en la mesme année ledit Marcelin Gueton Esleu, estant venu en ceste ville de Paris, ayant trouué ledit Marcelin son fils, il obtient sous le nom de sondit fils lettres de legitimacion, en la grande Chancellerie, qui portent que ledit pere supplie le Roy les octroyer. Quatre ans apres l'impetration de ces lettres, à sçauoir en l'année mil cinq cens quatre-vingts vn, ledit Marcelin Gueton Esleu decede, tost apres sa femme, qui estoit heritiere instituée, pareillement decede de maladie contagieuse. Les heritiers de laquelle femme, s'emparent de tous les biens demeurez par le trespas dudit defunct Esleu, & payët audit Marcelin Gueton les cinq cens liures qui luy auoient esté leguées. Ledit Marcelin Gueton estant aduerty des lettres de legitimacion obtenues par son defunct pere: il faict saisir les papiers demeurez par son trespas, entre lesquels lescdites lettres n'ayans esté trouuées, il les leue au Registre de la grande Chancellerie, & obtient lettres pour les faire verifier par Messieurs des Comptes, pardeuant lesquels il fait assigner les heritiers testamentaires, qui s'estoient emparez des biens du defunct. Finalement lescdites lettres sont verifiées pour le regard du Roy, & pour le regard des heritiers, les parties sont renuoyées pardeuant le Seneschal de Lyon. Pardeuant lequel ledit Marcelin Gueton conclud en cas de saisine &

nouvelleté, pour raison de l'hoirie du defunct, met en auant plusieurs faicts, mesmes que le defunct a presté consentement ausdites lettres de legitimacion, qu'il a dict à plusieurs personnes, qu'il ne vouloit point auoir d'autre heritiér, que ledit Marcelin. Que par la disposition de droict *in authen. Item siue legitimus. C. de natural. liberi. & §. si vero solummodo, quib. natura. efficiant. legitim. in authent.* Il suffisoit que le pere par son testament, eust ordonné que ses enfans naturels fussent legitimez, ou biē que par son testamēt, ou par autre instrument authentique il les eust nōmez ses legitimes successeurs. *auth. si quis. C. de secund. nup. §. ad hoc autem. Ut liceat matri & aui, in auth.* Qu'en ce cas, suyuant la disposition de droict, les lettres de legitimacion pouuoient estre impetrées & verifiées, sans le consentement des heritiers. Sur quoy les parties estans appointées contraires : de cest appointment les heritiers appellent, maintiennent que lesdits faicts ne peuuent estre verifiez par tesmoins, attendu qu'il est question de plus de cent liures. Que le narré porté par les lettres de legitimacion ne faict foy. Et encores que lesdites lettres eussent esté obtenues par le pere, ou bien de son consentement, lequel formellement ils denioient, comme en tels actes on a accoustumé le denier : toutesfois que les lettres n'ayans esté verifiées en la Chambre des Comptes de son viuant, ains les ayant gardées par quatre ou cinq ans, elles n'auoient aucun effect, comme il a esté cy dessus monstré : & le pere pendant vn si long temps *potuit pœnitere.* Que ledit Marcelin n'estoit receuable en sa complainte, attendu qu'il ne venoit dedans l'an & iour du decez, ains plus de trois ans apres. Aussi qu'il auoit receu les cinq cens liures qui luy auoient esté leguées, & moyennant mil liures qu'on luy auoit donné, outre lesdites cinq cens liures, remis & quitté tout le droict qu'il prétendoit en la succession du defunct. Et auoit présenté requeste à fin d'euoquer l'instance de complainte. A ce que dessus ledit Marcelin respondoit, qu'il estoit releué de tous les contracts par luy passez, attendu que lors d'iceux il estoit mineur de vingt-cinq ans, ignorant l'impetration desdites lettres de legitimacion : aussi que *super questione status*, comme au cas de present, qu'il estoit question de sçauoir si ledit Marcelin estoit legitimé ou non, *transigi non poterat. l. final. C. de transact. ubi glosa in verbo serui.* Que le consentement du defunct estoit suffisamment verifié par le narré des lettres, & par enquestes faictes à sa requeste : Et que la verification des lettres auoit effect retroactif, au iour de l'impetration d'icelles. Finalement par arrest, la Cour a mis l'appellation & ce dont a esté appellé au neant, sans amende : a euoqué l'instance de complainte formée par l'intimé pardeuant le Seneschal de Lyon, ou son Lieutenant : Et y faisant droict a déclaré ledit intimé non receuable en sa complainte : Et sans despens, pour cause. Depuis ledit Marcelin a intenté procez petitoire pardeuant le Seneschal de Lyon, pour la succession vniuerselle de son defunct pere, dont il a esté debouté par sentence dudit Seneschal, de laquelle y a appel pendant & indicis en la Cour. Et s'ayde-on de l'arrest dessusdit, lequel on dit auoir esté donné *super meritis causa*, non pas *super simplici interdicto*, ny sur

le simple possesseur, & que *huiusmodi interdictum, in quo de statu agitur, habet causam proprietatis annexam*: tellement que *facit ius sine præiudicium in petitorio*.

15
Quand le
pere assiste
au contract
de mariage
de son fils
bastard, il
le qualifie
son fils.

En cest endroit conuient noter, combien qu'en France les bastards non legitimez ne succedent point à leur pere naturel, ny pareillement les legitimez, si le pere n'a presté consentement aux lettres de legitimacion: Toutesfois si le pere estant marié, ou non, assiste au contract de mariage de son fils naturel, le nommant purement & simplement son fils, & luy ait donné quelques deniers, ou quelques biens en mariage, & que la femme & parens d'elle ayant creu que ledit fils naturel fust legitimé; elle aura recours pour ses conuentions matrimoniales, & pour les dommages & intersts, sur les biens du pere naturel; au moyen du dol duquel il a vlé. Aussi les enfans naturels & legitimes yllus de bastard auront pareil recours: à ceste fin obtiendront lettres Royaux, par lesquelles ils concluront contre les heritiers du defunct, à ce qu'ils soient condamnez garentir, & effectuer la qualité de pere prise par le defunct, portée par le contract de mariage du fils, laquelle ne se peut ny doit entendre que du pere naturel & legitime, n'ayant le defunct déclaré qu'il fust pere naturel seulement: en ce faisant faire iouyr les demandeurs de la portion qui leur appartient en la succession du defunct. Et à faute de ce faire, condamnez en leurs dommages & intersts, pour lesquels la valeur de ladite portion hereditaire leur sera adiugée: luyuant l'authentique *si quis. C. de natura liberi §. ad hoc autem, quib. mod. natura. efficiant. sui. in Authen. cap. per tuas. ext. qui filij sint legitim. l. generaliter. §. fin. C. de instit. & substit. l. cum acutissimi. C. de fideicommissis.*

[*Pro hac re vide* le premier plaidoyé de maistre Claude Expilly Advocat du Roy au Parlement de Grenoble, & Charondas *lib. 8. responsio. cap. 31.* où il est traicté à quoy est tenu le pere naturel, qui a assisté au contract de mariage de son fils bastard, l'ayant qualifié son fils. N. B.]

16
Resit d'un
proces de ce
que dessus.

De faict vn nommé Regnard, Greffier d'Issi, ayant assisté au mariage d'un sien fils naturel, la fille qui le prenoit en mariage, ensemble ses parens, estimans qu'il fust naturel & legitime, parce que le contract de mariage portoit, qu'il estoit fils dudit Regnard, & de defuncte telle. Ledit fils estant decédé, ayant delaisié sa femme suruiuante, & plusieurs enfans. Depuis ledit Regnard pere naturel, estant pareillement decédé, delaisié enfans naturels & legitimes: La femme dudit fils naturel, comme tutrice de ses enfans, ayant faict proceder par voye de seel, sur les biens delaisiez par le trespas dudit Regnard, leur ayeul: les enfans duquel s'estans opposez, quoy que ce soit leur tuteur, pour causes d'opposition allegué que les bastards ne succedent point en France: la saisie estant déclarée tortionnaire par sentence du Preuost de Paris, & la succession du defunct entierement adiugée aux enfans naturels & legitimes: La mere tant en son nom, que comme tutrice, appelle, & obtient lettres, afin d'auoir ses dommages & intersts sur les biens de l'ayeul, attendu son contract de mariage

passé de bonne foy. Par Arrest solennellement prononcé le 14. Aoust, mil cinq cens quatre-vingts & deux, la sentence fut confirmée. Et ayant esgard aux lettres obtenues en cause d'appel, la Cour condamna le tuteur des enfans dudit Pierre Regnard, es dommages & intersts eus & soufferts par la mere & enfans du fils naturel, par le moyen du contract de mariage, passé le 8. Iuin, mil cinq cens soixante & six, & es despens de l'incident de lettres, lesquels dommages & intersts ne pourront excéder la part hereditaire de l'un des enfans dudit Pierre Regnard, & Anne Touchard sa femme, en la succession dudit Regnard. Sur lesquels dommages & intersts, les parties seroient plus amplement ouyes par deuant le Rapporteur du proces. Et ay entendu que le contract de mariage portoit en la presence & du consentement de Pierre Regnard son pere, & que le nom de la defuncte mere estoit exprimé. Neantmoins on dict que c'est aux parens de la fille à s'enquerir de la qualité, naissance, & consanguinité de celuy qu'on luy baille en mariage.

La difficulté eust esté plus grande, si le contract de mariage eust seulement porté en la presence & du consentement de tel son pere, sans exprimer le nom de la defuncte mere. Car en ce cas on pourroit dire qu'il estoit pere naturel, & que *filiorum vel liberorum appellatione etiam naturalium tantum continentur. l. Lucius Titius. §. fina in fine. ff. de legat secund. leg. ex facto. §. si quis rogatus. ff. ad senatusconsult. 1 rebellian.* Ainsi qu'il fut disputé en la cause de François Martin, & de Cecile Henry sa mere. Le faict de laquelle estoit, que François Martin fils naturel de Bertrand Martin, & de François Tyneuard soluts, au mois d'Octobre, mil cinq cens cinquante-six, obtint du Roy lettres de legitimacion, verifiées en la Chambre des Comptes, le dix-septiesme Decembre ensuiuant, moyennant deux escus, payez par l'impetrant. Le treiziesme dudit mois de Decembre, François Martin contracte mariage avec Cecile Henry, le contract duquel mariage porte, En la presence, & du consentement de Bertrand Martin son pere, lequel a promis donner aux futurs mariez la somme de cent liures tournois, les loger & nourrir l'espace d'un an. François Martin étant decédé, delaisa François & Thomas Martin, ses enfans naturels & legitimes. Ledit Bertrand ayeul, les ayant longuement nourris & entretenus, comme il auoit ledit François, son fils naturel, faict son testament, par lequel il donne ausdits François & Thomas Martin, à chacun cent liures tournois: & à Jean de Lyon fils de sa femme, il legue tous ses biens meubles, acquests, & conquests immeubles. Depuis ledit Thomas étant decédé, ledit Bertrand reuoque le legs de cent liures qu'il luy auoit faict. Et ledit Bertrand en Ianuier mil cinq cens quatre-vingts quatre, étant allé de vie à trespas, sans aucuns enfans naturels & legitimes: François Martin son petit fils faict proceder par voye de saisie & de seel, sur les biens demeurez par le trespas dudit Bertrand, soustenant que la qualité de pere prinle par ledit Bertrand, lors du contract de mariage de François Martin son fils naturel, emportoit consentement presté aux lettres de legitimacion obtenues par ledit François, ioint les nourriture & entretenement: tellement qu'il estoit vray & seul heritier dudit

17
Recit d'un
autre proces
d'un fils ba-
stard au
contract de
mariage
duquel le
pere auoit
assisté.

defunct Bertrand Martin son ayeul, & avec ledit François s'estoit ioin-
 éte ladite Cecile sa mere. Ce qu'estant denié par ledit de Lyon, d'au-
 tant que ledit Bertrand n'auoit iamais presté consentement aux lettres
 de legitimation obtenues par ledit François son fils naturel, & que
 ledit consentement doit estre exprés par escript, & en bonne forme,
 attendu qu'il emporte delation de la succession du pere naturel. Par sen-
 tence du Preuost de Paris, du vingt & vniesme Iuillet, mil cinq cens
 quatre-vingts & quatre, tous les biens dudit Bertrand furent adiugez au-
 dit de Lyon, à la charge d'acquiter le legs testamentaire, & ledit Fran-
 çois condamné rendre la moitié desdits biens qui luy auoit esté adiugée
 par prouision. Dont ils ont appellé à la Cour, & en cause d'appel ob-
 tenu lettres, afin d'estre receus à solidairement requerir, que ledit de
 Lyon fust condamné garantir & effectuer la qualité du pere prinse par
 ledit Bertrand, comme il a esté dit cy-dessus en la cause de Regnard. Fi-
 nalement par Arrest de la Cour la sentence donnée par le Preuost de Pa-
 ris fut confirmée, sans despens de la cause d'appel.

18
 Si les ba-
 stards legi-
 timez ne
 sont naiz
 ex soluto
 & soluta,
 ils ne peu-
 uent succe-
 der.

Ce qui a esté cy-dessus deduiet, s'entend, pourueu que les bastards
nati sint ex soluto & soluta, comme il a esté dict au vniesme chapi-
 tre, à la lecture duquel est besoin auoit recours. *Quod si nati sint ex*
sacerdote, vel ex uxorato aut uxorata, tels bastards ne peuuent aucu-
 nement succeder ny à pere ny à mere, encores que les lettres de le-
 gitimation portent par mots exprés, que le pere *sacerdos erat*, ou bien
 que la mere estoit mariée lors de la naissance des enfans: & si les let-
 tres exprellément ne le portent, neantmoins la verité soit telle, les ba-
 stards pourront encores moins succeder à leurs pere & mere, parce
 que les lettres seroient subreptices & obreptices, *Sofinus in tertia con-*
siliorum parte, consilio centesimo sexagesimo quinto, Alexander ab imola
consilio vigesimo quinto, vel. 1. De faict les donations faictes par De-
 gouy à ses enfans bastards, legitimez par le Prince, furent cassées:
 d'autant qu'il fut verifié, que sa concubine estoit mariée: dont la cau-
 se fut plaidée en la Cour, le sixiesme Aoust, mil cinq cens cinquante-
 quatre. Et a esté dict au troisieme chapitre, que l'homme d'Egli-
 se ne peut donner à sa fille bastarde qu'il a mariée & dotée, ny aux en-
 fans naiz & à naistre en loyal mariage de ceste fille naturelle, comme
 il fut iugé par Arrest du quatorzieme Aoust, mil cinq cens soixante
 & dix.

Aussi, il est tres-bon que les lettres de legitimation portent expres-
 sément, que les bastards pourront succeder à leurs peres & meres, &
 autres parens: tout ainsi que s'ils estoient naiz en vray & loyal ma-
 riage, & ne faut obmettre ceste clause. Car sans icelle on leur obje-
 ceroit (non toutesfois valablement) qu'ils ne pourroient succeder: &
 diroit-on qu'ils auroient esté habilités à accepter donations & legs te-
 stamentaires, qui leur seroient faicts par leurs peres, meres, & autres
 parens: combien que pour cest effect d'accepter donations, la legi-
 timation ne seroit pas fort necessaire, *quando nati sint ex soluto & soluta*,
 comme il sera dict cy-apres.

Et combien (comme il a esté dit cy-dessus) que pour succeder par le bastard à ses pere & mere naturels, le consentement des pere & mere soit suffisant, sans qu'il soit besoin faire consentir les parens plus proches à succeder : toutesfois, d'autant que toutes legitimations, voire toutes donations faictes à bastards, ont accoustumé d'estre debatues apres le decez des pere & mere, par les legitimes heritiers, qui denient le consentement presté par le pere, ou par la mere : ou mettent en avant tel consentement avoir esté faict par induction, suggestion, intimidation, dol, ou fraude : ou bien alleguent que la concubine estoit mariée, ou que le defunct estoit Diacre, sous-Diacre, ou Prestre, & proposent plusieurs autres faicts, tellement qu'il y a infinis proces. Le meilleur & plus seur seroit pour oster tout doute, faire appeller les plus proches parens à succeder, pardevant le Juge ordinaire, pour venir proceder sur l'enterinement des lettres de legitimation, & qu'auecques eux il soit dict, que les lettres de legitimation seront enterinées. En ce faisant, que les enfans naturels seront censez & reputez naturels & legitimes : mesmes qu'ils succederont à leurs pere & mere, tout ainsi que s'ils estoient naiz en vray & loyal mariage. Aussi qu'ils pourront succeder aux collateraux, comme en pareil les collateraux leur succederont : & selon que les collateraux diront & allegueront, les enfans naturels aduiferont à eux asseurer du viuant de leur pere, par donations, ou autrement.

19
Le plus seur
est faire ap-
peller les
collateraux
lors de la
verification
des lettres
de legitima-
tion.

Aussi sera bon, qu'outre le consentement du pere porté par les lettres de legitimation, ou bien par la quittance du payement de la finance, le pere d'abondant declare, ou bien pardevant Meilleurs des Comptes, ou en iugement, ou pardevant Notaires, qu'il a la legitimation obtenue par ses enfans naturels pour agreable : que son vouloir & intention est, qu'ils succedent, tout ainsi que s'ils estoient naiz en vray & loyal mariage. Et que telle declaration faicte entre vifs porte, au cas que le fils legitime ne se vueille porter heritier, ou qu'il soit empesché en sa succession, qu'il luy donne tous & chacuns les biens qu'il aura au iour de son decez. Et sera fort bon, que par son testament il confirme ceste donation : ou bien par son testament face pareille declaration, & vniuerselle donation que dessus, non pas donation particuliere ou legs particulier, à ce que l'on ne puisse prendre pretexte de debatre la succession. De faict, feu Aubry fit pareille declaration que dessus : d'autant que les lettres de legitimation, qu'il auoit obtenues pour ses enfans bastards, n'estoient assez amples.

20
Est bon que
le pere con-
firme par te-
stament le
consente-
ment qu'il a
preste à la
legitima-
tion de ses
enfans.

Si on obijce aux enfans legitimes, qu'ils ne peuvent par la Coustume estre heritiers, donataires & legataires ensemble, & qu'ils se doiuent tenir à l'un des trois : Ils declareront qu'ils se portent heritiers simples, ou par benefice d'inventaire de leur defunct pere. Par protestation où ils seroient troublez, empeschez, ou éuincez de l'heredité ou portion d'icelle, de pouoir demander leurs donations vniuerselles, ou legs testamentaires, & sans y preiudicier. Si les enfans legitimez acceptent le legs qui leur est faict, ou bien la donation qui leur a esté faicte :

21
Quand les
enfans legi-
times sont
heritiers &
donataires,
comme ils se
doient
conduire.

Ils declareront qu'ils acceptent & se tiennent audit legs, ou bien à ladite donation; par ce moyen qu'ils renoncent à l'heredité & succession de leur defunct pere: par protestation, où ils seroient éuincez dudit legs, ou donation, ou bien des choses à eux données ou leguées, partie ou portion d'icelles, de pouuoir retourner à la succession dudit defunct, si bon leur semble, & sans y preiudicier. Le tout suiuant la loy premiere, §. *quia autem ff. quor. legator.* Et ce faisant, les enfans legitimez seront plus asseurez que s'ils n'auoient que simples lettres de legitimacion verifiées avec le pere: Et au cas susdit, comme ordinairement on a accoustumé de faire faire inuentaie des biens du defunct, à la requeste des enfans legitimez, comme habiles à estre heritiers dudit defunct, en ceste qualité le tenir pour clos. Et qu'apres l'inuentaie faict & clos en la qualité susdite, les enfans legitimez se portent heritiers simples, ou par benefice d'inuentaie de leur defunct pere, aux protestations susdites, ou bien renoncent à la succession, aux protestations cy-deuant declarées, comme nous auons amplement déclaré au vingt & vniesme chapitre du Traicté des droicts de Iustice.

22

Le fils naturel legitime doit declarer qu'il apprehende la succession de son pere.

Et combien (comme dict est) que le bastard legitime du consentement de son pere soit saisi par la Coustume, tout ainsi que le naturel & legitime, toutesfois le meilleur sera que le fils legitime declare sa volonté. A ceste fin compare pardeuant Notaires, & declare qu'il se porte heritier du defunct tel, comme son fils naturel legitime par le Roy, suiuant les lettres de legitimacion obtenues par son defunct pere, verifiées en la Chambre des Comptes tel iour: par protestation où il seroit troublé, empesché, ou éuincé de la succession du defunct, de pouuoir demander la donation vniuerselle, ou legs vniuersel à luy faict par le defunct, tel iour, & sans y preiudicier: & de ce requerir acte. Et encores qu'au bastard legitime n'y ait esté faicte aucune donation, ny legs: toutesfois il ne delaissera de faire la susdite declaration, qui emporte adition, ou bien apprehension d'heredité: *de his vide Tiraquellum legitimacionem maternam laeè tractantem, in libro de Nobilitate & lure Primigeniorum quest. 24. fol. 343.*

23

Qualité des enfans bastards legitimez.

& sequent. Et les enfans bastards legitimez par le Prince, naiz *ex soluto & soluta*, se qualifient, Tel fils naturel & legitime de tel: ou bien fille naturelle, & legitimee de tel.

24

La mere peut consentir la legitimacion, tout ainsi que le pere.

Ce qui a esté dit cy-dessus du pere naturel qui a obtenu lettres de legitimacion pour ses enfans naturels, ou qui a presté consentement à l'entierement d'icelles, doit auoir lieu en la mere naturelle, laquelle seule peut impetrer lettres de legitimacion pour ses enfans naturels, ou prester consentement à icelles, à ce qu'ils luy succedent. Et la donation faicte par la mere à son fils naturel, est plus forte & plustost admise & receuë que du pere: *quia mater certa est, & filius censetur pars viscerum matris, mater scit, pater credit.* Comme nous auons dict au troisieme chapitre du present Traicté. Autrement sans les lettres de legitimacion obtenues ou verifiées du consentement de la mere, les enfans bastards ne succedent aucunement à leur mere, au pays coustumier de France, *ut notat Masurius in sua praxi, titulo de successionibus col. 36.* Et Imbert en son Enchiridion

chiridion ; comme nous auons monstré au deuxiesme chapitre du present discours.

Et par les moyens deduiçts au present chapitre, on peut facilement cognoistre qu'on ne doit suiure l'opiniõ de Chassaneus, lequel és Coustumes de Bourgogne, au titre de successions des bastards, article troisieme, in *verbis ab intestat. col. finali.* dict, *Que in tota Gallia legitimati per principem non solent succedere : sed legitimatio eis tantum prodesse debet quoad iura principis, scilicet ne Princeps eis succedat.*

Car quant au premier chef de ladite opinion, contenant que, *legitimati per Principem non solent succedere* : il est certain qu'en France les enfans bastards naiz *ex soluto & soluta*, legitimez par le Roy du consentement de leur pere, ou bien de leur mere, succedent en tous les biens de leur pere ou mere, tout ainsi que les naturels & legitimes ; & se qualifient enfans naturels & legitimes de tel. Comme il a esté cy-dessus clairement monstré, & qu'il a esté dict au douzieme chapitre du present Traicté. Autrement les lettres de legitimatiõ obtenues par les bastards, & le consentement presté à icelles par leur pere, leur seroiẽt du tout inutiles, & sans profit. Car il est certain, que tous bastards ne peuuent librement contracter, & par testament disposer de tous leurs biens. Aussi les bastards naiz *ex soluto & soluta*, encores qu'ils ne soient legitimez, sont capables de toutes donations, non seulement quant à l'usufruit, mais quant à la propriété des choses données. Combien que les enfans des Prestres & adulterins ne soient capables que de l'usufruit des heritages qui leur sont donnez par leurs peres : comme nous auons dict au troisieme chapitre du present Traicté : Tellement qu'il conuient entendre le premier chef de l'opinion de Chassaneus, quand les pere, mere, & parens n'ont aucunement consenty à la legitimatiõ des bastards : ou bien quand ce sont enfans adulterins, ou incestueux, naiz de Prestres, ou de gens mariez, lesquels ne peuuent succeder à leurs pere & mere, ny autres parens, encores qu'ils soient legitimez du consentement de leurs pere & mere, ou autres parens, comme nous auons dict au chapitre precedent.

25
Interpretation de l'opinion de Chassaneus, comme les bastards legitimez succedent.

Aussi il conuient entendre le second chef de ladite opinion, contenant que *legitimatio prodest legitimatis, ne princeps eis succedat*, és enfans naiz *ex soluto & soluta* : Lesquels estans legitimez par le Prince, & ayans parens naturels & legitimes du costé de leur pere ou de leur mere : lesdits parens leur succedent à l'exclusion du fisque, encores qu'ils n'ayent presté consentement à leur legitimatiõ : comme il sera dict au quatorzieme chapitre du present Traicté. Et si les bastards legitimez sont adulterins ou incestueux, enfans de Prestres, ou de gens mariez, & decedent sans enfans procreez de leurs corps en loyal mariage, le Roy leur succede, nonobstant les lettres de legitimatiõ par eux obtenues. D'autant qu'ils n'ont aucuns parens habiles à leur succeder, comme il a esté dict au huitiesme chapitre. Bien est vray que lesdits bastards estans legitimez, ils succedent les vns aux autres, non pas comme heritiers, mais comme par le moyen de la finance payée à cause des lettres de legitimatiõ, estans au lieu & droict du Roy : ainsi qu'il a esté iugé pour les en-

26
Les enfans adulterins encores qu'ils soient legitimez ne succedent aucune-ment.

sans naturels de feu Vyon, par Arrest recité au 14. chapitre du present Traicté.

[Toutesfois vn mary ayāt recogneu les enfans naiz en loyal mariage, biē concordāt, le Procureur du Roy apres la mort du mary, n'est plus receuable à verifïer la bastardise desdits enfans, comme à ce propos il a esté iugé au Thresor, entre le Procureur du Roy demandeur en saisie d'une part: & Jacques Chiart Commissaire & Examineur au Baillage de Forest, à cause de Sybille Fougères sa femme, & Claudine Fougères sa sœur, opposantes, demanderesses en main-leuée, d'autre.

Le different d'entre les parties estoit, sur ce que le Procureur du Roy disoit, que feu Pierre Pomuier demeurant en Forest, se seroit accosté d'Anthoinette Punctie, pendant qu'elle estoit mariée avec Barthelemy Fougères son mary, de laquelle disoit auoir eu deux filles, sçauoir est, lesdites Claudine & Sybille Fougères. Ce qui auroit esté occasion, que Pomuier recognoissant lesdites deux filles auoir esté nées *ex adulterino coitu*, pendant que leur mere estoit mariée, estant au liēt malade, faict son testament, & par iceluy ordonna & legua ausdites Claude & Sybille les Fougères, tous & vn chacun ses biens: qu'estans aduerty du deceds dudit Pomuier il auroit faict saisir tous les biens audit Pomuier appartenans, & comme escheus à sa Majesté, tant par droit de Bastardise, Des-herence, qu'autrement.

A laquelle saisie se seroit opposé ledit Chiart, tant à cause de sa femme, que pour ladite Claudine Fougères sa sœur, legataires des biens dudit Pomuier, soustenant qu'elles estoient bien fondées à demander la main-leuée des biens que le Procureur du Roy auoit saisis, d'autant que le testament en vertu duquel elles pretendoient les biens à eux leguez, leurs appartenir, estoit en bonne forme, ayant peu le defunct disposer de tous ses biens, à qui bon luy auoit semblé, sans que ledit testament peust estre debattu d'aucune nullité ou incapacité de la part de celui qui auoit faict ledit testament.

Le Procureur du Roy disoit au contraire. Tant s'en faut que lesdites Sybille & Claudine Fougères, puissent rien pretendre au legs qui leur auoit esté faict par ledit Pomuier, qu'au contraire elles en estoient du tout incapables & indignes, à cause qu'elles estoient nées *ex adulterina coitu*, pendant que leur mere estoit mariée, duquel faict il auoit preuue par le testament dudit feu Pomuier, par lequel il auroit ordonné que le premier enfant male que l'une de ses filles auroit en mariage porteroit son nom, ce qu'il offroit verifïer lors qu'il seroit receu d'en faire preuue.

Chiart repliquoit & disoit, que le faict mis en auant par le Procureur du Roy, qui estoit, que lesdites Sybille & Claudine Fougères auoient esté nées & conceuës de ladite Anthoinette Punctie leur mere, pendant qu'elle estoit mariée, estoit faux & supposé, que par l'extraict de Registre Baptistaire qu'il auoit faict faire, apparoiſſoit que lesdites Claudine & Sybille Fougères, auoient esté baptisées comme filles dudit Barthelemy Fougères & Anthoinette Punctie sa femme, qu'elles auoient

esté tenuës sur les fonts Baptistaires par les plus proches parens dudit Fougères, que la verité de ce faict estoit confirmée par des procédures faictes en Iustice & dehors, auparavant & depuis la naissance desdites Claudine & Sybille les Fougères, par ladite Anthoinette, comme femme auctorisée par Iustice au refus dudit Berthelemy Fougères son mary.

Et quand ainsi seroit (que non) que lesdites filles eussent esté conceues & nées *ex adulterino coitu*, le Procureur du Roy n'auroit pas plus de priuilege que les heritiers du mary, lesquels du viuant de la femme ne seroient receuables accuser la defuncte d'impudicité, *si quidem actio de moribus uxoris extra personam mariti extendi non debet*, leg. 1. C. de doti. C. Theodo. Ideoque mariti hares morum coercionem non habet, leg. rei iudicata. §. 1. ff. solut. mati. Spec. tit. de dot. post diuor. restit. §. si. vers. quid si mulier. maritus, disoit Tertulian, *castitatis exactor est*.

Et ne sert d'alleguer Paul de Castro, sur la loy *Sororem. C. de his quibus ut indig.* où il dict, que la memoire du defunct est autant offensée, comme s'il estoit viuant, & par consequent à ceux qui sont du sang, & qui succedent, & Bartho. l. penn. C. ad leg. Iul. de adul. *videtur inquit, durare adhuc primum matrimonium*, leg. si. C. de bon. mater. Mais ceste opinion comme erronée & sans apparence, a esté debattuë & reiettee par *Alexan. in dicta leg. Sororem. in cap. 2. de feud. sine cap. amit.* N'estant l'interest si notable à l'endroit des parens, comme il est au regard du mary, *qui non concubinam, sed potius uxorem fidelem, sibi coniungi matrimonio putauit*. D'ailleurs quand la disposition du droict commun fait mention de telles peines, ne parle que des femmes mariées, sans aucunement parler des vefues, n'estant raisonnable de l'amplifier, qu'elle est penale. leg. si. C. de inter. mati. cap. in pœnis de reg. iur. in 6. & ainsi a esté iugé par Arrest de la Cour de Parlement, rapporté par Monsieur Robert, Aduocat en Parlement, dans son liure *Res. iudicat. Charo. lib. 7. Respon.* Chenu en ses Questions notables.

Finalemēt par sentence de Messieurs les Conseillers du Tresor, du vingt-deuxiesme Oëtobre, mil six cens deux, le Procureur du Roy fut debouté du faict par luy mis en auant, pour preuuer que ladite Punctie auoit eu lesdites Claudine & Sybille les Fougères, pendant qu'elle auoit esté mariée, & main-leuée fut faite audit Chiart audit nom de la saisie faicte à la requeste dudit Procureur du Roy, des biens par luy saisis & leguez ausdites Sybille & Claudine Fougères, ordonne que les Commissaires leur rendroient compte.

C'est doncques au mary à se plaindre de l'adultere qu'aura commis sa femme, laquelle quand il punit de ses mains l'ayant surprise en adultere, ores qu'il obtienne remission pour raison de l'homicide commis en l'endroit de sa femme, il ne peut aucunement profiter de la stipulation portée par son contract de mariage, qui est, en cas que sa femme vienne à deceder la premiere, il puisse auoir la moitié des meubles & immeubles du predecédé: Comme il a esté iugé par vn Arrest fort notable & exemplaire, prononcé en la grand'Chambre, l'audience tenant, entre Pierre Bassay, au nom & comme tuteur de Marguerite & Nicolas

Plaidoyé & Arrest donné en la cause de Scipion Menoaloy, pour l'ha-

*micide par
luy commis
en la per-
sonne de sa
femme,
trouuée en
adultere.*

Riues, enfans mineurs de defunct Baptiste Riues, heritiere par benefice d'inuentaie de feu Damoiselle Camille Riues, viuante femme de Scipion de Menealoty, appellante, contre ledit Scipion Menealoty, & Monsieur l'Euesque de Paris intimé.

Le faict estoit, qu'en l'année mil cinq cens quatre vingts & treize, au mois de Nouembre, Scipion Menealoty Gentil-homme de Valdataire, Italien, Maistre d'hostel de Monsieur le Comte de Fiesque, contracta mariage avec Damoiselle Camille Riues, par lequel contract fut conuenu & accordé, que le suruiuant reprendroit ce qu'il auroit apporté en la communauté, tous les biens meubles, acquests & conquests immeubles de la communauté, & la moitié des biens, tant meubles qu'immeubles du predecédé: le tout en cas qu'il n'y eust enfans.

Seroit aduenu que ladite Camille s'oubliait de son deuoir, & de l'honneur qu'elle deuoit porter à son mary, comme adultere par plusieurs & diuerses fois avec François Bruneau, dès le commencement de Nouembre, mil six cens vn, & ce avec telle impudicité & hardiesse effrontée, qu'elle faisoit coucher ledit Bruneau avec elle au liect de son mary. Non contente de cela, ledit Bruneau & elle projectent & delibèrent de faire tuër ledit Scipion, quand il iroit à la foire Saint Germain, ou bien le faire mourir par poison & enforcellement, & pour cest effect font enforcer quatre chemises, des chaufsons, & des coiffes de nuict dudit Scipion.

Le quatorziesme & quinziemesme iour de Mars, ledit Scipion sur l'aduis qu'on luy auoit donné des mauuais deportemens de sa femme, redouble les remonstrances que cy-deuant il luy auoit faictes, avec tres-instarres prieres de se vouloir retirer des mauuaises compagnies qu'elle hantoit, sinon qu'oubliait tout le respect & l'amitié qu'il luy portoit, la rencontrant en adultere, qu'il la tueroit: Elle mesprisant toutes les remonstrances & prieres que luy auoit faict son mary, continuant ses premiers desseins, le 15. du mois de Mars, mil six censtres, ledit Scipion les ayant trouuez tous deux couchez ensemble, tua tant ladite Camille sa femme, que ledit Bruneau.

Pour raison desquels homicides ledit Scipion s'estant rendu prisonnier, il obtint lettres de remission, qui luy furent enterinées purement & simplement, sans aucune reparation, amende, & despens. Mais seulement dict, qu'il aumosneroit trois cens escus aux pauvres.

Ledit Scipion estant sorty de prison, trouue que le Cardinal de Gondy comme Seigneur haut Iusticier de Saint Cloud, auoit faict sceller vne maison, & saisir des heritages que ledit Scipion auoit acquis audit Saint Cloud, fut trouuer ledit Sieur Cardinal, auquel apres auoir communiqué son contract de mariage, & Arrest de la Cour, le supplia de luy donner main-leuée des biens qu'il tenoit saisis, à luy appartenans: Ioinct qu'il y auoit des heritiers du costé de sa femme, qui pretendoient la moitié des biens leur appartenir.

Le Sieur Cardinal n'ayant voulu donner main-leuée audit Scipion, estant retourné en sa maison, leua le sellé dudit sieur Cardinal, apposé à

la porte de la maison à laquelle la defuncte estoit decedée.

Et sur ce, faict decreter par son Bailly du Fort l'Euesque, adiournement personnel, dont il appelle, son appel releué à la Cour, soustient n'auoir brisé aucun sceillé, & que ledit Seigneur Cardinal n'a aucun droict es biens de ladite defuncte.

Pour le monstrer, Scipion disoit, que si la defuncte a delaisé des parens & heritiers, qui sont ceux qui presentent, qu'il n'y a lieu de Des-herence sur les biens de la defuncte, au profit dudit Sieur Cardinal.

Si d'autre part la defuncte n'a laissé aucuns heritiers parens, que la succession de la defuncte appartient audit Scipion, à l'exclusion du haut Iusticier, par les tiltres *unde vir & uxor*, & *de successorio edicto*, par les arrests donnez contre monsieur de Montpensier, & contre le Comte de Sanserre, prononcé en robes rouges par monsieur le premier President de Harlay.

Que si ledit sieur Cardinal veut dire que le tiltre *unde vir & uxor* n'auoit lieu en France, spécialement à Paris, d'autant qu'en France il y a communauté de biens entre l'homme & la femme, par laquelle le survivant de l'un ou de l'autre peut prendre la moitié des meubles & conquests. Et parce que la Communauté n'estoit receüe de droict Romain, les Empereurs ont appelé les maris & femmes à la succession l'un de l'autre quand il n'y auroit aucuns autres heritiers d'eux, voire auant le fisque.

Mais à cela on respond, que le tiltre *unde vir & uxor*, a lieu en France, & par plusieurs sentences, & susdits deux arrests, les successions des maris ont esté adiugées aux femmes à l'exclusion des hauts Iusticiers.

Si ledit sieur Cardinal dit, que ledit arrest contre le Comte de Sanserre a esté donné en la Coustume de Berry, par laquelle article huit de successions, le mary succede à la femme, & la femme au mary, defaillans autres heritiers.

A cela on respond, que le Comte de Sanserre auoit déclaré à la redaction de la Coustume de Berry faite par monsieur le President Liset, qu'il n'estoit de ladite Coustume de Berry, n'entendoit estre compris en la redaction d'icelle : parce qu'il estoit de la Coustume de Loris, en la redaction de laquelle il auroit esté appelé & comparu. Qu'à ceste cause il demanda estre renuoyé de l'assignation à luy baillée, pour comparoir à la redaction de ladite Coustume. Sur quoy furent les parties appointées à escrire, & produire, & ordonné qu'il en seroit fait rapport à la Cour, & cependant ordonné que sans preiudice du droict de ressort du Baillage de Berry, des requisitions & remonstrances faictes par ledit Comte de Sanserre, & autres, seroit procedé à la redaction de la Coustume de Berry, sans que par icelle redaction fust fait preiudice sur la redaction des pretendues Coustumes de Loris & de Sanserre, ny des parties, ainsi qu'il est escrit au fueillet huitiesme vers. desdites Coustumes de Berry.

Finalement le Comte de Sanserre, & la vesue du defunct, laquelle obtint la succession de son mary, sont d'accord par le narré dudit arrest, que

ledit Comte de Sanferre n'est de la Coustume de Berry, ains de la Coustume de Loris : ioinct que par l'arrest donné contre monsieur de Montpensier, il n'est question des biens situez au Comté de Sanferre.

Mais quand bien ledit Scipion ne seroit appelé à la succession de sa femme : si est-ce que par son contract de mariage, il doit reprendre tout ce qu'il a apporté en la Communauté, la motié des biens de sa femme, & toute la Communauté, laquelle la defuncte perdit aussi tost, qu'elle conspira de faire tuer son mary, & commit adultere, par la loy *consensus. §. verum, C. de repud. authent. sed hodie in verbo seruandus. Cod. ad legem Iuliam, de adult. Authent. ut liceat matri & auia. §. quia vero plurima.* C'est pourquoy ledit sieur Cardinal ne peut prendre aucune chose aux heritages & meubles de S. Cloud, qui ont esté acquis par ledit Scipion, & achetez par luy.

Ne peut seruir la loy *ab hostibus, §. 1. ff. solut. matri.* Parce que ledit Scipion ne demande à son profit le dot ou le doüaire, desquels est parlé en ladite loy : mais seulement demande estre conserué en la succession de la defuncte, à laquelle il est appelé par le droict commun, par le titre *unde vir & uxor, & de successorio edicto.* si la defuncte n'a delaisié aucuns heritiers en France, & la conuention dudit mariage, par laquelle toute ladite Communauté luy appartient, laquelle il ne peut perdre pour auoir iustement tué sa femme, d'autant qu'il est remis en ses honneurs, biens & estats, bref en tel estat qu'il estoit auparauant, tant par lettres de remission, qu'arrest d'enterinement d'icelles, *leg. 1. C. de sent. pass. & restituen.* De sorte que comme ledit Scipion eust esté heritier de sa femme, si elle fust decedée de sa mort naturelle : aussi ayant esté remis en tel estat qu'il estoit auparauant la mort de la defuncte qu'il a iustement tuée, il doit estre son heritier.

Quant aux pretendus heritiers, sçauoir Antoine Riues de Lyon, & ses nepueux enfans de feu Baptiste Riues decedé à Paris, il est certain que lesdits nepueux qui sont vn degré plus esloigné de leur oncle, lesquels pourtant sont condamnables és despens, dommages & interets, pour l'opposition par eux formée.

Mais pour le regard d'Antoine Riues, desnie qu'il soit heritier de la defuncte, pour le iustifier, le contract de mariage des defuncts pere & mere de la defuncte fera foy, que luy, son frere, & nepueu, qui demeuroient en ceste ville, ne furent appelez audit contract de mariage, comme cousins germains, comme ils se disent, ce qui n'eust esté obmis, s'ils eussent esté germains.

A cela les heritiers remonstroient & disoient, qu'en l'année mil cinq cens quatre vingts & vnze au mois de Iuillet, le decez d'Antoine Riues, pere de ladite defuncte Damoiselle Camille Riues, estant aduenü, elle mineure & en fort bas aage, fut delaisiée en la maison, & commise en la garde du sieur Comte de Fiesque, duquel le defunct Antoine de Riues son pere, se qualifioit maistre d'hostel, estant mort en ceste charge.

Ce qui fut cause, que Scipion Menealoty, qui de simple scruteur qu'il estoit du sieur Comte de Fiesque, par le decez dudit Antoine Riues, succeda à la charge de maistre d'hostel, à laquelle se voyant honoré, se proposa de rechercher en mariage ceste ieune Damoiselle, & pour cest effect s'adressa audit sieur Comte de Fiesque, en la garde duquel estoit ceste Damoiselle, lequel ayant consenty qu'il l'espousast, quelque temps apres mena ladite Camille à saint Germain en Laye, où sans que les parens y fussent presens, se passa vn contract de mariage du tout à l'advantage dudit Scipion, par lequel sans rien stipuler de propre à ladite Camille, le bien de laquelle consistoit en deniers comptans, vaisselle d'argent, bagues & ioyaux de la valeur de plus de douze à treize mil escus, lesquels ont fait entrer en Communauté, & pour toutes choses, on luy stipule vn doüaire de trois cens liures à prendre sur le bien dudit Scipion, lors que le doüaire aura lieu, le bien duquel ne valoit pas cent liures de rente.

Et neantmoins tout ce qui se trouue inseré en ce contract de mariage, au profit de ladite Damoiselle Camille, est vne clause mutuelle & reciproque, sur laquelle la difficulté de ceste cause est fondée, qui porte que le suruiuant des deux futurs conioincts, reprendroit tous les biens qu'il aura apporté en la Communauté, tous les meubles, acquests & conquests de la Communauté, & la moitié des biens tant meubles qu'immeubles du predecédé, le tout en cas qu'il n'y eust enfans.

Disoient les heritiers, que ceste clause auoit esté mise au contract en faueur de ladite Damoiselle, d'autant que par la presumption & ordre de la Nature, il estoit plus vray semblable, qu'elle deuoit suruiure ledit Scipion, qui estoit dès lors du contract de mariage aagé de cinquante ans : De laquelle clause ledit Scipion entend se preualoir, par le moyen d'une suruiuance funeste, aduenüe à cause de l'homicide par luy commis en la personne de ladite Damoiselle Camille sa femme, trouuée en adultere.

Faute à la verité tres-grande, qui deuoit estre punie, mais non pas d'une mort precipitée, ayant deu ledit Scipion auoir quelque esgard au bas aage & imbecillité du sexe de ladite Damoiselle (sans toutesfois vouloir soustenir que ladite Camille ait eu sujet de commettre ledit adultere) auparauant que d'entreprendre de son auctorité priuée, la vengeance & punition du crime, contre la prohibition de toutes les loix diuines & humaines, qui ne baillent ce droit qu'aux Magistrats, pour en faire la punition, estant certain qu'il n'y a loy ny ordonnance quelconque qui punisse la femme adultere de mort.

Car encores qu'anciennement par la Loy Mosaique, la peine fust de lapidation, que Rabbi Maymo appelle *crudelissimum omnium mortis genus*, qu'il se lise dans l'Histoire Romaine que Romulus fit vne loy par laquelle il permettoit au mary de faire mourir sa femme pour cause d'adultere sans auctorité de Iustice : Les Grecs en ayant fait le semblable, comme rapporte *Polyb. libro secundo, Lysias de Ecatoſtenis caſe, libro*

tertio, Codice ad legem Iuliam de adult. ubi sacrilegi nuptiarum gladio puniebantur. La raison de ceste punitiõ en est renduë par Paul 1. *sentent. §. primo: pro amore, inquit, pudicitie porrigere ferrum maritis, non est leges calcare, sed condere. Cassiodorus variar. Aulus Gellius libro decimo, capite vigesimo tertio, Nouella 117. capit. decimo quinto.* Ce neantmoins depuis la rigueur de toutes ces loix a esté changée, par la loy Euangelique, tesmoin la femme trouuée en adultere, présentée au Messie, de laquelle il escriuit le iugement d'absolution de son doigt en terre, luy enoignant seulement de faire penitence: & les Canonistes à ce propos disent que, *Maritus non poterat uxorem occidere, quia gladio maritali neminem punire voluerunt. cap. infectores, 33. quæst. 2. Leo Nou. 32.*

Le semblable ont faict les Empereurs Romains, qui depuis ont succédé à l'Empire: Car ayant considéré quelle estoit la rigueur de la loy, *Quamuis ad legem Iuliam, Codice de adult.* que Constantin auoit faicte pour punir de mort ceux qui auoient commis tels crimes, ont moderé la rigueur de ceste loy, à la peine de la relegation dans vn Monastere, ou autre lieu qu'ils arbitroient ordinairement contre les personnes qui auoient commis tels crimes, ainsi qu'il se remarque dans la Nouvelle de Leon 32. & dans Tacite au liure troisieme de ses Annales, parlant de Tibere, & d'une Apuleia Dame Romaine, accusée deuant le Senat d'adultere, *Liberauit, inquit, Apuleiam lege Majestatis & adulterij, grauiorem pœnam deprecatus:* Sçauoir que celle qui auoit esté faicte quelque temps auparauant, introduicte par la loy Iulia faicte par Auguste contre les adulteres, *ut exemplo maiorum propinquis suis, ultra centesimum lapidem remoueretur, suasset.* De mesme en fit Theodora l'Imperatrice: car ayant toute puissance sur l'Empereur Iustinian homme hebeté de sens, fit toutes les loix qu'elle peut à l'aduantage des femmes, & entre autres mua la peine de mort, à vne peine d'infamie. Comme aussi anciennement les Atheniens, ainsi que rapporte Demosthene contre Neæram, excommunioient les adulteres, avecques note d'infamie; qui semble chose ridicule, attendu que l'infamie ne peut oster l'honneur à celle qui l'a perdu, & qui est du tout deshontée, tellement qu'elle demeure sans peine. C'est pourquoy en France plus ordinairement, nous gardons la disposition de l'Authentique, *Sed hodie adultera, Codice ad legem Iuliam, de adult.* qui ne va pas à la mort, ains *ut in Monasterium detrudantur.*

De sorte qu'il faut tenir pour vne maxime asseurée, que le meurtre quel qu'il soit, & pour quelque occasion qui se puisse presenter, il est defendu au particulier, tant par les loix Diuines que Ciuiles, n'estant permis au particulier de tuer le plus meschant homme du monde, mais il faut deferer aux Magistrats, auxquels seuls Dieu a mis le glaive à la main. *lege ultima, Codice de malef. & Mathema.* où il est parlé de *malefico*, que l'Empereur appelle *hostem communis salutis*, qui est criminel de leze Majesté & diuine & humaine: Et neantmoins il n'est permis de le tuer, *indicta causa*, sur peine contre celuy qui l'auroit entrepris, d'estre puny comme homicide & violateur des loix. Decumenus expliquant

expliquât les paroles de S. Iude, qui rapporte que le diable debattoit avec- que l'Ange de la sepulture de Moyse, dict que la cause de ceste dispute ad- uint, à cause que Moyse auoit tué vn Egyptien, & pour ceste occasion qu'il estoit indigne de sepulture. Autant en dict S. Augustin liure deuxies- me *contra Faust. Manichæum*, que Moyse pecha tuant vn homme, sur le- quel il n'auoit auctorité ny iurisdiction.

Il est bien vray qu'il se trouue que *in casu adulterij*, les loix ont permis au pere de tuer sa fille, *cum adultero, in adulterio deprehensos. lege prima, ad legem Iuliam, de adul.* Mais la raison de cela est, que les loix ont reco- gneu l'amitié & l'affection des peres estre si grande enuers leurs enfans, qu'elles n'ont pas pensé que iamais vn pere se peust laisser emporter à tel- le fureur, que de tremper ses mains dans le sang de ses enfans, pour quel- que crime qui peust estre.

C'est pourquoy les loix anciennes n'auoient point faict de difficulté, en tout autre cas que l'adultere, de bailler indifferemment la puissance de la vie & de la mort aux peres sur leurs enfans, sçachant bien que ceste gran- de ardeur & pieté naturelle ne permettroit iamais qu'ils en peussent abu- ser, & cela ayant esté ainsi faict pour retenir les enfans en leur deuoir: des- quels l'amitié n'est pas si ferme enuers leurs peres.

Et toutesfois ce grād passe-droict ainsi reserué au pere par le droict nou- ueau, de pouuoir impunément tuer sa fille surprise en adultere, n'a pas pas- sé sans de grandes conditions & restrictions, qui le rendent presque du tout illusoire, & le reduisent quasi à vne impossibilité.

Car la loy craignant qu'il ne se trouuast des peres si furieux, lesquels despoitiillans ce qui pourroit estre de l'affection paternelle, n'eussent point d'horreur d'entreprendre sur la vie de leurs enfans trouuez en adultere, si la pleine liberté leur en estoit donnée, ne leur a voulu accorder ce pou- uoir, sinon quatre cas concurrens, l'un ou l'autre desquels defaillans, icelle a voulu que le pere fust puny selon la rigueur de la loy *Corne- lia de sicariis*, si tant estoit qu'il eust passé outre. Le premier cas estoit, que ce fust vn pere de famille qui eust surpris sa fille en adultere, & non pas *filius fa. pater*, pour monstrier que ce droict procedoit de l'ancienne puissance paternelle. Secondement, que ce fust en la maison du pere ou du mary, que le crime eust esté commis. Tiercement, que le pere eust surpris les adulteres *in ipso actu*: Et finalement qu'il les tuast tous deux, & non l'un sans l'autre, & ce *prope unoictu, & uno impetu aquali ira ad- uersus utrumque sumpta*, comme parle la loy. Ce qui faict assez à co- gnoistre que l'intention des Legislatteurs, n'a esté autre, sinon de ren- dre en effect ce droict imaginaire, & sans pratique, par les condi- tions & rencontres si difficiles à obseruer, ayans les Legislatteurs du tout en horreur le meurtre, & la vengeance qui se prend par les particuliers, de leur auctorité priuée, contre le respect deu aux loix & aux Magistrats.

En quatre cas seulement il est permis au pere de tuer sa fille.

Quant au mary, il ne se trouuera loy au monde qui luy permette de tuer sa femme, *etiam in adulterio deprehensam*. Au contraire c'est chose qui luy est nommément defendue, & pour laquelle il deust estre puny s'il y

tombe, *lege marito ff. ad legem Iuliam, de adul. mari. ti. dum calor & impetus facile sciientis fuit reprimendus*, qui est cause qu'on ne luy permet pas ce que l'on permet au pere, & la loy en rend la raison, *quod plerumque pietas paterni nominis consilium pro liberis capiat. lxxij. §. ideo autem, ad legem Iuliam, de adult.*

Le mary
plus jeune-
ment sur
l'adultere,
& non sa
femme.

De verité les loix permettent bien au mary de tuer l'adultere surpris avecques sa femme, pour venger son iniure, punissant le mary plus legement pour auoir passé outre l'exception de la loy, *lege si adulterium, §. imperatores, ff. ad legem Iuliam, de adul.* Et la loy *Marito*, parlant de la peine qui luy est deuë, dict, *ignoscitur si occiderit uxorem, quantum ad pœnam, leg. Cornel. de sicariis, sed non in totum.* Et la loy apporte vne limitation, qu'il faut que ccluy qu'il a tué, soit vne personne de basse & vile condition, & qui se mesle d'un exercice infame. Autrement il n'est nullement permis au mary de le tuer, *dicta lege marito, l. Gracchius, Codice eodem titulo.* Et lors que le mary a exercé sa vengeance sur vn adultere de ceste qualité, la mesme loy luy enjoint, non pas de tuer sa femme, mais la repudier, *uxorem sine mora dimittat*, la loy estimant que ce luy est vne assez grande satisfaction, & dont il se doit contenter.

Vous deuiez doncques, Scipion, suiure le conseil de ceste loy, puis que vous auiez, en ayant faict mourir vostre corruial, vengé l'iniure qu'il vous auoit faicte, & si deuiez vous contenter de chasser vostre femme de vostre maison, en luy baillant le libelle de diuorce, recité par *Petr. Arbi. quia fidem communemque amicitiam scelere violasti, res tuaocius tolle, & alium locum quem polluas quare.* Si cela ne vous suffisoit, vous la pouuiez mettre entre les mains de la Iustice, luy faire faire son proces, & la faire condamner selon la rigueur des loix: auquel cas elle eust perdu toutes ses conuentions matrimoniales.

Vn ancien disoit, que les Dieux ne permirent que Caton mourust du premier coup d'espée qu'il se donna, afin que la vertu fust illustrée d'auantage par vne resolution contestée & reïterée.

On peut dire au contraire, que Dieu ne permit pas que la Damoiselle mourust au mesme instant, que l'adultere receut le premier coup, afin que la crainte de Scipion ne peust auoir d'excuse, l'ayant exercé comme de sang froid & par interualle, sur vne Damoiselle ja blessée, les pleurs & submissions de laquelle estant prosternée en terre deuant son mary, eussent peu amolir & flechir le plus cruel homme du monde, *En blandas manus ad genua tendens vcre miserranda rogat, Parce iam coniu, precor ignosce.* Et de faict Scipion sans auoir esgard à toutes ses prieres, & mesmes à la grande ieunesse de la Damoiselle sa femme, qui ne pouuoit pas encore auoir plus de vingt & vn an, pour assouuir sa rage luy donna iusques à trente-six ou trente-sept coups d'espée mortels, luy disant ces vers de Properce;

*Quamuis ista mihi mors est inhonesta, futura
Mors honesta quidem, tu moriere tamen.*

Scipion disoit que c'estoit mal à propos s'arrester à reciter ses cruautez,

puis que le tout luy a esté remis par lettres, lesquelles ont esté enterinées par arrest de la Cour.

A cela on luy respondoit par l'argument pris de ses lettres mesmes, puis qu'il auoit esté contraint de proceder par ceste voye de lettres, il auoit indubitablement recogneu le crime par luy commis, autrement il ne luy estoit besoin de lettres de remission, ny de pardon. La peine duquel crime luy estoit seule remise par la clemence du Roy & de la Cour, en diminuant de la rigueur des loix, par lesquelles il deuoit estre puny; non pas qu'outre l'impunité qu'il auoit obtenüe, il peust encores pretendre recompense de sa faute. Et ne faut faire estat de ceste impunité: car par l'arrest qu'il a obtenu, portant l'enterinement des lettres de remission, il auroit esté condamné à aumosner trois cens escus, tant enuers les prisonniers de la Conciergerie du Palais, qu'autres lieux pieux: De sorte que de vouloir demander recompense d'un tel crime, duquel difficilement il a cuité la punition, cela seroit contre tout ordre de iustice & de la raison mesme.

Scipion disoit dauantage, qu'il n'auoit plus commis de crime, puis que par les lettres de remission qui ont esté enterinées, il a esté restitué en entier, & remis en tel estat qu'il estoit auparauant le meurtre.

Mais à cela on respondoit, que ceste restitution en entier, ne pouoit en façon quelconque aller là, elle a remis ledit Scipion en pareil estat qu'il estoit auparauant le meurtre, ce qui est vray: aussi est-il certain que l'estat auquel il estoit lors, estoit qu'il auoit sa femme viuante, laquelle par consequent empeschoit ledit Scipion de rien pretendre en ses biens. Il est doncques vray de dire, que par les termes des lettres, sa femme deuoit encores à present estre reputée viuante pour son regard, autrement ce ne seroit pas le reputer entierement remis en pareil estat qu'il estoit, qui est neantmoins la seule intention des lettres, lesquelles lettres contiennent vn tres-grand bien-faict du Prince, sans lesquelles il estoit punissable de mort.

Esto, qu'il eust esté permis à Scipion par les loix de tuer sa femme impunément surprise en adultere. Il est bien certain qu'il n'eust pas tousiours peu pretendre de pouuoir en rien profiter de sa mort, luy estant assez d'auoir par ses propres mains vengé son iniure, & de s'estre satisfait à soy mesme.

Il n'y a rien au monde qui soit plus excusable, que l'homicide commis en se defendant, parce qu'il n'est pas volontaire, ains contraint, & n'a pour son obiect aucun appetit de vengeance, ny profit particulier, qui sont les deux seules choses qui donnent coniecture au crime, ains seulement se propose la conseruation de la propre vie de celuy qui le commet, chose permise de tout droict, & que la nature mesme nous enseigne, comme à tous autres animaux.

Et neantmoins il est certain, que celuy qui a commis vn tel homicide, ne peut pas esperer aucun profit ny aduantage de la succession de celuy qu'il a tué, parce que ce seroient de mauuais exemples, que la mort qu'il a luy mesmes aduancée, luy profitast, estant assez qu'il remporte vne

impunité entière par les loix, comme c'est la commune opinion & resolution de tous les Docteurs, qui tiennent tous que, *Nemo facto proprio fit heres*, quelque excuse qu'il puisse avoir.

Or si celui qui a tué en se defendant seulement, & *sub moderamine inculpata tutela*, est privé de tout ce qui luy eust peu appartenir par le decez de l'homicidé : il y a bien plus grande raison d'en priver celui qui a commis vn assassinat de guet à pend, pour la vengeance d'une iniure : car en ce faisant il a entièrement satisfait à son appetit & à sa passion.

Le Jurisconsulte en la loy 1. ff. *de his quib. ut indig.* met vne espece fort à propos de ceste cause : car il dict, que si l'affranchy *post mortem patroni eum detulit tanquam illicita mercis negotiatorem*, comme pour avoir porté des marchandises defenduës aux ennemis du peuple Romain, ce qui alloit au crime de leze Majesté, combien, dict le I. C. que son accusation soit tenue veritable & iuste, & pour ceste raison il remporte loyer du public : Ceneantmoins il est privé comme indigne des legs faicts en sa faueur par le testament de son patron qu'il a accusé : la loy n'ayant pas estimé raisonnable, qu'il profitast des biens de celui duquel il auoit offensé la memoire, par vne telle accusation, introduire apres sa mort. Comment doncques sera-il possible de souffrir Scipion, qui n'ayant pas accusé, mais tué sa femme, & pour raison de ce, ayant esté condamné en de grosses amendes, il luy soit adiugé quelque recompense, & qu'il pretende le bien de sa femme, à l'exclusion de ses heritiers legitimes ?

Et pour monstrier qu'il n'y a apparence en telle demande, c'est que ceste question se trouue decidée par le Jurisconsulte Pompon. in l. *si ab hostibus* ff. *solut. matr.* au §. *si vir uxorem*, où il est dict en termes exprés, *si vir uxorem occiderit, dotis actionem heredibus uxoris dandam esse, quia non aequum est, virum ob suum facinus, dotem lucrifacere*. Ce qui se doit entendre necessairement quand le mary a tué sa femme par adultere, comme dit mesmes Accurse sur le mot de *lucrifacere*, autrement tant s'en faut que le mary peust disputer le dot aux heritiers, s'il auoit tué sa femme hors le cas d'adultere, qu'au contraire il seroit luy mesme punissable de mort par son crime, autrement ceste loy seroit impertinente.

Il est doncques vray de dire, que le Jurisconsulte a entendu decider vne pareille question que celle qui se presente, & declare le mary indigne des biens de sa femme, de laquelle il a aduancé ses iours, mesmes pour adultere.

Et ne faut que Scipion allegue la loy *consensu Cod. de repud.* pour dire que lors que le mariage a esté dissolu par la faute de l'un ou de l'autre des conioincts, celui par la faute duquel la dissolution est aduenue, est privé des gages & aduantages nuptiaux, lesquels tournent au profit de l'autre, quand il n'y a point d'enfans.

Ceste loy ne parle aucunement de la dissolution qui se faict par le meurtre des conioincts, la loy n'ayant iamais entendu auctoriser le sang, ny la vengeance particuliere, tant s'en faut qu'elle ait voulu la recompenser, au contraire ceste loy parle seulement d'une dissolution qui se faict par l'auctorité des loix, & sur l'accusation de l'un ou de l'autre des deux conioincts, auquel cas il n'y a point de faute, sinon de la part de celui qui

est accusé, n'y en pouuant auoir de la part de l'accusateur, qui n'a rien entrepris de soy-mesme, ains a submis le crime au iugement des loix, qui est cause que la loy veut qu'il profite des aduantages nuptiaux, son accusation estant trouuée veritable, & ce *tanquam in solatium acceptæ iniuriæ*, n'y ayant point d'autre recompense.

Mais quand le mary contre la prohibition des loix, a esté si temeraire que de se venger soy-mesme sur le sang de sa femme, s'il en remporte impunité par la clemence des Iuges, pour le moins ne peut-il pretendre le profit des conuentions matrimoniales, d'autant qu'il a d'ailleurs vne autre recompense, qu'il s'est donnée luy mesme, qui est le contentement de s'estre vengé par ses propres mains, ce qui luy doit tenir lieu d'entiere satisfaction. Outre que l'on peut dire, que c'est luy-mesme, *cuius culpa*, le mariage a esté dissolu, la dissolution estant aduenüe par vn acte, qui est iugé crime par les loix, sçauoir le meurtre & parricide commis en la personne de sa femme.

Et combien qu'il semble que la femme ait donné cause à ce crime par son adultere, ce neantmoins il est bien certain, que cela n'empesche pas que ce ne soit tousiours crime, nonobstant la iuste douleur qui semble y poudoir les marys, à tout le moins qui ne doit estre imité par des recompenses.

Et de verité quelle pernicieuse consequence seroit-ce, si l'on permettoit que les maris apres auoir inhumainement assassiné leurs femmes, triomphassent encores de leurs despoüilles apres la mort: ne seroit-ce pas en effect ouurir la porte au sang, au parricide, & à vne infinité d'inconueniens, qui s'en ensuiuroient? *inuenit etiam æmulos infelix nequitia, quid se vigeat floreatque?* disoit Tacite.

Valere recite qu'un nommé C. Ticinius, auoit à dessein d'espouser vne Courtisane Romaine, femme impudique nommée Faunia, afin d'auoir sujet quelque temps apres de la repudier, & luy faire perdre sa dot.

De mesme que peut-on estimer au faict qui se presente, qui ait incité Scipion au parricide de sa femme, & qui l'ait endurcy en sa cruauté, sinon l'esperance du profit des aduantages, dont il faict aujourd'huy demande? *quorum quis morte profuturus est eorum vita occidendi causa manifesta est, coheres est fratris.*

Car Scipion pensoit deslors que c'estoit assez qu'il suruesquist sa femme, par quelque moyen que ce fust, iuste ou iniuste, pour emporter les aduantages stipulez au suruiuant par leur contract de mariage.

Mais la clause de suruiuance, dont il est parlé audit contract, ne s'entend pas d'une suruiuance funeste & contrainte, comme est celle que vous vous estes acquise par le sang de vostre femme, elle s'entend au contraire d'une suruiuance ordinaire & naturelle, quoy que ce soit d'une suruiuance qui seroit suruenüe par vn autre moyen que le vostre, estant bien certain qu'en ce cas vous n'en pouuez en façon quelconque profiter, comme nous voyons en droit, que la peine apposée à vne stipulation, n'est iamais commise au profit de celuy par le faict duquel il y a eu empeschement, que la stipulation ne fust accomplie, *l. fluminum §. præserea ff. de dam. infect.*

Comment doncques Scipion profiteroit-il de la suruiuance de celle, laquelle luy seul a empesché de luy pouuoir suruiure. Par quelle raison auroit-il les biens & la succession de celle, à laquelle il a osté la vie, & le moyen de luy pouuoir succeder ?

Les successions sont reciproques, & notamment la clause de suruiuance, laquelle n'estoit pas particuliere pour Scipion, ains estoit mutuelle, voire elle estoit bien plus en la faueur de la femme dudit Scipion, que non pas de luy, d'autant que selon l'ordre de nature, à cause de l'inegalité des aages, ledit Scipion deuoit le premier mourir.

Et neantmoins nonobstant tout cela, il se trouue vne sentence donnée par les Conseillers du Thresor, le quinzième Iuin, mil six cens deux: Par laquelle sans ouyr ny appeller lesdits heritiers, lesquels plus de deux mois auparauant s'estoient declarez heritiers par benefice d'inventaire de ladite defuncte, femme dudit Scipion, & en ceste qualité auroient formé opposition à la saisie desdits biens, tant à la requeste du Substitut de Monsieur le Procureur du Roy au Chastlet, que du Thresor, lesdits Conseillers du Thresor ont fait main-leuée audit Scipion de ladite saisie, tant par prouision, à caution iuratoire, que diffinitiuement. Et en ce faisant ont ordonné, que tous les biens, tant meubles qu'immeubles, qu'il auoit apportez en la communauté, & la moitié des biens, tant meubles qu'immeubles de ceste Damoiselle, seroient baillez audit Scipion, suivant & conformément à la clause du cōtract de mariage. Par ce moyen les Conseillers du Thresor ayant iugé que c'estoit assez à Scipion, pour profiter de ceste clause, qu'il eust actuellement suruescu sa femme, sans entrer en consideration de la qualité de l'acte, par lequel il s'estoit acquis vne telle suruiuance.

De ceste sentence les heritiers ont appelé, soustenant estre bien fondez en leur appel, par les raisons cy-dessus représentées.

Monsieur Marion pour le Procureur General disoit, pour le regard des heritiers, qu'ils ne prouuoient point qu'ils fussent heritiers, qu'ils n'auoient iamais esté recognus, que le contract de mariage des pere & mere de Camille ne les qualifioient point cousins. Les Rues ne furent appelez au conuoy funebre desdits pere & mere de Camille, n'ont fait pouruoir de tuteur à ladite Camille, n'assisterent à son contract de mariage, les armes des deux familles sont du tout differentes.

Quant au mary, disoit qu'il pretendoit les biens de sa defuncte femme luy deuoir appartenir à trois tiltres: Le premier, pour la peine de l'adultere de sa femme, qui s'est priuée de toutes conuentions, mesmes du doüaire, & de la communauté. *Item*, en vertu de la clause du contract de mariage, qui donne la communauté au suruiuant, & la moitié du propre: *ultimo*, en vertu du tiltre *vnde vir & uxor*.

A ces moyens respondoit, qu'il y a tres-grande difference entre la condamnation solemnelle d'adultere, & l'absolution du mary qui a tué sa femme surprise en adultere, *hac itaque inter se non recte comparantur*. Ce sont choses diuerses, qui ont diuers effects: Car la condamnation faicte par l'ordre iudiciaire, emporte priuation des droicts matrimoniaux à l'e-

gare de la femme, & attribution d'iceux au mary. Mais l'absolution du mary ne va pas si avant, & à bon droict: Car c'est vne indulgence qui ne peut nullement estre estenduë outre ses propres termes, qui est de l'eximer de la peine de droict pour l'homicide: il n'est pas permis au mary de tuer sa femme, quoy qu'il la surprenne en adultere, quelque part que ce soit: Il est seulement permis au pere en sa maison propre, ou de son gendre. C'est chose qui repugne aux principes de la Iustice, & de l'humanité, de donner licence à vn particulier de se venger soy-mesme, d'estre luy-mesme la partie, le Iuge, & l'executeur de son iugement. Aussi quand la loy le permet au pere, elle le nie au mary, elle en rend ceste raison expresse. *Ideo patri non marito licet, quod plerumque pietas patris, consilium pro liberis capit, ceterum mariti calor & impetus facile seueritatis fuit refrenandus.*

Elle le refuse au mary, parce qu'elle estime qu'il seroit trop enclin à en vser; elle le permet au pere, parce qu'elle pense qu'il sera fort difficile & craintif à passer si avant, comme de verité il aduient fort peu.

Le mary donc n'est pas exempt de peine quand cela luy aduient, mais les loix ont pitié de luy. Comme de verité c'est chose miserable d'estre reduit à ceste extremité, de dissimuler vne si grande offense, ou de la venger. C'est pourquoy elle punit le mary, parce qu'il a transgressé la loy, mais plus doucement, *quia delicti pars excusabilis, Vt mihi delicti pars excusabilis esset. Parua relegari pœna futura fuit.* Il n'est point absous du meurtre de sa femme, au contraire il a esté puny, mais doucement puny à trois cens escus aux pauvres.

Or qu'un mesme faict luy apportast & peine & aduantage, ce seroit impliquer contrariété, ce seroit cumuler deux singularitez en vn mesme sujet: *primum singulare*, est de n'auoir pas esté condamné à la mort, pour la peine du meurtre; & *alterum singulare*, de succeder à celle qu'il a tuée. Mais pour traitter ceste cause en les plus forts termes, feignons que ce que la loy permet au pere fust aduenü, qu'il eust tué sa fille prise en adultere, en sa propre maison, ou de son gendre, & qu'il voulust pretendre la succession de sa fille ainsi morte par sa main, le pourroit-il faire: *vix certe, & ne vix quidem.*

Car en ce qui toucheroit la peine du meurtre, la loy qui le permet, le passeroit par vne conuenance: Mais pour cela elle ne pourra l'admettre à succeder. Car le malheur qui luy seroit aduenü le rendroit prinable de la succession, *fati infœlicitas*, son mal-heur, tant est grande l'execration du meurtre.

C'est chose que la nature a en horreur, de tuer son semblable, l'homme nay à la société la dissout par le meurtre avec tant d'horreur, que quelque iuste cause qu'il y puisse auoir, elle est neantmoins tousiours infectée de ie ne sçay quel mal-heur, qui ne permet pas qu'il en puisse venir aucun aduantage à qui le commet. C'est pourquoy les villes des refugiez estoient ordonnées pour les meurtres casuels, forcez & contraints.

Si ce grand mal-heur aduenoit aux bestes brutes, qui sont sans raison, & partant ne peuuent faire aucune iniure, *pauperiem faciunt, non damnum,*

Villes de refuge, pourquoy introduites.

iniuria. Toutesfois l'horreur de l'homicide faict qu'on les exterminate, qu'on les punisse par la main d'un bourreau, voire les choses inanimées; si un bois par sa cheute a tué un homme, on l'abomine avec execration: Tout cela pour monstrier, que ceux à qui par mal-heur il aduient de tuer leur semblable, pour quelque iuste cause que ce soit, ne peuvent profiter de ce que le mal-heur leur a faict commettre.

Le Texte est beau au chapitre, *quoniam si frequenter, ext. ut lite contest.* le mariage est insinué pour un remède à l'infirmité de nostre nature. C'est pourquoy les mariez en doiuent l'usage l'un à l'autre, par une obligation si précise, qu'ils ne la peuvent nullement refuser. Et neantmoins il aduient souuent qu'il est interrompu par diuers accidens, absence, maladie, fureur, incision, sera-il en ce cas là permis à celuy des mariez, qui n'est en aucune faute, de se remarier? non: parce que de l'Ordonnance expresse de Dieu, ce lien est du tout indissoluble, Dieu l'a conjoint, mal-heur aux hommes qui le separeront. Mais le doit-on pas permettre au moins, de crainte mesmes de cheoir en la faute d'incontinence, qui est encores plus prohibée? *Non obstat quod de lapsu carnis opponi posset: quoniam in coniugio multi casus occurrunt, in quibus coniuges sine culpa, sed non sine causa continere coguntur, d. c. quoniam frequenter.*

A Athenes y auoit loy exactement gardée, que le marinier qui passoit le destroit de Salamis, ayant faict naufrage par quelque accident qui peust arriuer, voire sans la faute, quelle qu'elle fust, estoit neantmoins à iamais priué du droit d'y passer. Son mal-heur fortuit & purement casuel le rendroit priuable à iamais d'y pouuoir retomber, c'estoit la peine de sa fatalité. Nous dirons doncques au pire, *sine culpa, sed non sine causa.* *Non est sine vitio quod ignoscitur, sed non præcipitur, cap. Nocui. 13. distinct.* Mais nous sommes bien en d'autres termes, sçauoir au mary, *cui non licet*, lequel aussi n'est pas du tout impuny, mais on a pitié de luy: *punitur sed lenius*, en moderant la peine, *quia delicti pars excusabilis*, aussi n'a-il pas esté du tout impuny, il a esté condamné à trois cens escus. Il encourroit donc, *ex eodem facto poenam & premium*, contradiction & cumulation d'indulgence, *periculosum*, qu'il y eust à gagner, de crainte des calomnies qui s'en pouuoient ensuiure pour en tirer profit, *dicta lege decima, si ab hostibus. §. si vir, ff. solut. matr.*

Que si le pere pouoit estre priuable, combien plus le mary, auquel non seulement il n'est pas permis, mais defendu en termes exprés, & ce pour une raison toute contraire à celle-là, qui le permet au pere, sçauoir, qu'il n'appelleroit à son conseil nulle pieté, mais le courroux, le despit, la jalousie, la vengeance: bref seroit emporté par une seule ardeur, une chaleur violente & impetueuse, d'un desir trop bruslant, & seroit trop enclin à user de ceste faculté. Comme de faict on voit que quelque prohibition qu'en fasse la loy, neantmoins il aduient fort souuent qu'elle est enfreinte.

Or en conséquence de ce qui est defendu, il ne luy est pas aussi impuny, il en est mulcté, mais de peines plus douces, par commisération de sa iuste douleur, suiuant ces vers.

Et mihi delicti pars excusabilis esset,

Parsa relegati pœna futura fuit.

Et de faict il n'est pas impuny en ceste-cy de trois cens escus d'aumosne, non d'amende, c'e qui differe, en ce que l'amende est vne peine pecuniaire infamante, mais l'aumosne est vne peine pecuniaire, non infamante, mais tousiours peine. Car la vraye aumosne qui ne tient rien de peine, est pure volontaire, mais l'aumosne commandée est necessaire, & partant peine.

Ioint qu'il y a vne somme pour le pain des pauvres prisonniers, qui est vne autre consideration: car l'aumosne doit estre volontaire, & à personne miserable, ceste-cy n'est ny volontaire, ny à personne miserable, ains au Roy. *Ergo*, double impropriété: toutesfois la Cour a voulu donner à toute sa condamnation l'unique nom d'aumosne, & non celuy d'amende, afin qu'elle n'infame point: Mais c'est neantmoins vne espee de peine douce, moderée par la pitié & commiseration qui depend de la chose.

En quoy le mary ne peut se plaindre que de soy-mesme, & non de la Iustice: car ce que Dieu dit, Laisse moy la vengeance, & ie la retribuieray, se transfere aussi à la Iustice humaine, comme l'ombre & la figure de celle de Dieu. Car ceux qui luy laissent l'entiere vengeance, en sont retribuez par elle, au moyen des reparations qu'elle leur adiuge, & de la conseruation qu'elle leur faict de leurs droicts.

Mais ceux qui veulent preuenir la Iustice, en se vengeant eux-mesmes, sont à bon droict punis par elle de ceste rebellion. Partant si elle les despoüille, ce que sans cela ils n'eussent peu auoir, & ne s'en peuuent pas plaindre, veu qu'ils l'ont mesprisée & offencée: finalement c'est plus qu'assez d'estre par ledit Scipion quitte pour vne douce peine, sans desirer encores du profit de sa faute: & ce pour deux inconueniens qui en pourroient venir, l'un qu'on induiroit les femmes à faillir pour en profiter, l'autre que le mary qui tient vn empire en sa famille, les pourroit calomnier. Qui expugna Lucrelle, que la menasse de la tuer avec son valet, qui ne faut faire aux hommes le desir execrable de sang.

Reste de voir si le mary est exclus par incapacité, ou par indignité. La difference de l'un à l'autre est, que l'incapable est tel de droict, & par effect, comme le Religieux profez, le condamné aux galleres perpetuelles, le banny à perpetuité, ils sont reputez morts. Ce qui est laissé à l'incapable est, pour non escrit: bref tout cela est comme s'il n'estoit point. Au contraire l'indigne est capable de droict, il apprehende, prend, acquiert, il occupe ce qui luy est deferé, mais il ne le peut retenir, le filque, *ut plurimum*, luy oste des mains, l'en priue, l'en despoüille. *Iuris intellectu capit iuris affectu non capit, quia non retinet*: & ce d'autant que *pudendum esset*, à raison de son indignité, qu'il ne peut retenir ce qui luy est deferé & acquis, le tiltre le monstre, *de his quibus ut indig. auferuntur*, l. 18. *his consequenter*, §. 1. ff. *fam. ercis. l. ex facto* §. *Julianus ff. de vulga l. hereditas. C. de his quib. ut indig.* *Ergo ante sententiam à cohæredibus non repellitur, licet repellatur à fisco. l. loci, §. competit. ff. si seruit. vindic.* Oster quelque chose de la main de quelqu'un, suppose par necessité qu'elle est donc en sa main, parce que

Si le mary est exclus par incapacité ou indignité.

autrement il seroit impossible de luy oster ce qu'il n'auroit pas, *ut nemo dat quod non habet, si à nemine auferri potest, quod ipse non habet.* Voilà la difference clairement establie, reste de voir lequel c'est des deux manifestement : ce n'est pas incapacité, car le mary n'est point diminué d'estat, ny interdit par la loy d'apprehender ce que luy desere son contract, ou l'Edict *unde vir & uxor* : mais ce qui luy est adueu en la personne de sa femme, le rend indigne d'amender de son bien, la loy, l'incapacité, le faict, l'indignité. Ce n'est pas la loy qui le rend incapable, c'est son propre faict qui le rend indigne : pour le monstrier par textes exprés, la loy 3. ff. de his quib. ut indig. qui id egit, ut per negligentiam & culpam suam, is cuius heres est, moreretur, & combien plus s'il le tuë luy mesme, l. 18. his consequentibus. §. 1. ff. fam. decis. donc le mary n'est point incapable, il est indigne.

Videndum, qui profitera de son indignité, sera-ce ceux qui se disent heritiers de la femme ? non, car il n'y a nulle preuue : Ou l'Euesque de Paris qui se dit haut Iusticier, & de la personne & des biens, ou le Roy, comme nous le pretendons.

Quant à l'Euesque de Paris, il ne peut pretendre comme bien vacant, car il ne vacque pas, puis que ce n'est pas incapacité, ains indignité, le droict est occupé par le mary, *iuris intellectu capax est*, la chose est en sa main, il en est saisi, dont s'ensuit qu'elle ne vacque pas ; *secus*, si c'estoit incapacité, car la chose vacqueroit. Voilà vne ouuerture de succession, mais personne ne se trouue capable de la prendre, elle vacque : sinon en vn cas auquel nous sommes, sçauoir qu'il y a vn oncle plus proche parent, mais il n'y peut venir, parce qu'il est Aubein. Or la loy d'Aubeine n'est faicte que pour seruir au Roy, & non pas aux parens plus esloignez, ny au Seigneur haut Iusticier, ains au Roy seul, donc on n'y peut paruenir comme à vn bien vaccant.

Il ne reste au Seigneur que le droict de confiscation des biens, à la suite de celle du corps : Car la Coustume ne luy donne que cela, qui confisque le corps il confisque les biens. Or la personne de la femme tuée d'autorité priuée, n'a point esté confisquée, ny par consequent ses biens : la personne du mary qui l'a tuée, n'a point aussi esté confisquée, ny par consequent ses biens, parce que sa remission a esté enterinée, le Seigneur Iusticier n'a que ceste confiscation là, la Coustume est estroicte & inextensible. A qui donc appartient le droict d'indignité ? au Prince Souuerain & à son fisque, le fisque des fisques.

Donc il faut laisser là les parens, car il n'y en a point, & quand il y en auroit, puis que le plus prochain est Aubein, ce seroit au Roy seul : *Item*, en concurrence de deux Seigneurs, le Roy & Monsieur de Paris, on ne peut douter, que ce ne soit au Roy, auquel appartient le droict d'indignité, veu que la Coustume ne la donne point au Seigneur haut Iusticier, ains seulement les biens vaccans, & de la confiscation, à la suite de celle de la personne.

La clause est bonne, *unde vir & uxor*, receuë par l'arrest, mais cela s'entend aux survivances & aux successions qui aduiennent par vne autre

cause que le faict du mary : auquel on dit, Elle est morte avant vous, mais c'est parce que vous mesmes l'avez tuée de vostre propre main, le contract de mariage, l'Edict du Pretcur, n'ont iamais pensé à ce cas là. Au moyen de quoy la question est, si on les y peut entendre ou comprendre: la loy 10. §. *si ab hostibus ff. solut. mat.* dit que non.

Considerons la distinction commune, *Ideo patri, non marito licet, quod plerumque pietas patris consilium pro liberis capit. Caterum mariti calor & impetus, facile se uientis, fuit refranandus.* Par cela nous voyons combien la loy pourtraicte à l'image de la nature diuine a detesté le meurtre d'autorité priuée. Comme de verité c'est la chose du monde la plus execrable, que les hommes creéz à la semblance de Dieu leur Createur, s'entretuent l'un l'autre, creéz pour viure ensemble, en société ciuile, la destruisant par ce forfait horrible. Mais de l'autre costé qu'est aussi l'adultere? digne, ie le confesse, qu'on lasche aucunement la bride à la vengeance. Et de faict la loy y conuie du tout à l'esgard du pere, mais elle le prohibe au mary. *Cur tam varie?* veu qu'au contraire il semble que l'offense est plus grande enuers le mary, qu'enuers le pere : ce n'est pas au pere que la femme a iuré continence, qu'elle l'a promise en la main de l'Eglise, qu'elle y est astraite, par le moyen mystique du Sacrement, c'est à son mary, ce n'est pas au pere qu'elle suppose par son adultere des enfans, qui ne sont nullement de son sang, c'est à son mary, ce n'est pas au pere qu'elle faict plus de honte, ce n'est pas luy qu'elle expose à plus d'ignominie, c'est son mary. Puis doncques que toute l'offense est plus grande enuers le mary qu'enuers le pere, pourquoy la vengeance ne luy en est-elle également permise? la loy elle mesme rend la raison de la diuersité, sçauoir qu'elle pense qu'ayant déposé ceste vengeance en la main du pere, il n'en viera point, & que la permettant au contraire au mary, il en viera trop, si le pere surprend sa fille en adultere, & qu'il delibere s'il la tuera ou non, qui appellera-il pour se resoudre en ce conseil-là? *pietatem paterni nominis*, & à quoy l'indura ceste pieté-là? à prendre vn conseil salutaire, à s'abstenir de tremper sa main au sang de sa fille, qui est le sien propre : bref la loy pense qu'on le puisse faire par sa permission, toutesfois qu'il sera si pic qu'il ne la tueroit point, & de faict, *nusquam auditum* au Palais, qu'il soit aduenu qu'un pere ait tué sa fille en adultere.

Les anciens Gaulois, & les anciens Romains pouuoient licitement tuer par leurs mains leurs enfans, mais l'usage a bien monsté, que c'estoit plus pour remarque d'empire & de terreur, que pour en vser, & de faict tant de centaines, voire milliers d'années, combien remarque-on qu'il y ait eu des peres, qui en soient venus à ceste extremité? si peu que le nombre n'en est pas si grand que des doigts d'une main. Entre ceux-là, il n'y en eut iamais de plus excusable que Brutus. Car il n'estoit pas simplement pere, mais aussi Consul & Iuge souverain, obligé par la loy de son Magistrat, de venger sa patrie, indignement lésée du Soltice des crimes, qui est le perduellion, *adeo*, que nos loix mesmes disent, que si par tels cas, *filium patrem, an pater filium occiderit, etiam premio afficiendum.*

Supposons toutesfois, qu'il soit advenu que ce soit vn pere qui a tué sa fille surprise en adultere en sa propre maison, ou à celle de son pere, il luy sera du tout impuny, veu que qui l'a faict par permission & presse de la loy, ne peut estre mulcté d'aucune peine.

Mais sera-il aussi heritier de sa fille, pour prendre & retenir sa succession? *vix est*, que cela se puisse dire, pour euitier l'horreur de succeder à celuy qu'on a tué.

Mais, dira-on, s'il est priué des biens de sa fille, c'est vne peine que ceste priuation, tellement que le meurtre permis par la loy n'est pas impuny s'il exclud le pere des biens de sa fille, qui luy sont deubs par droit de nature & de sang, *hereditas plerumque quasi vt debitum nobis obuenit*.

La responce est en ce mot, *quasi*, ce n'est proprement vne debte, ce n'est pas proprement vn tiltre onereux. Il n'est pas tel absolument en tout & par tout, & de verité. Confessons la pure verité, il tient beaucoup plus du tiltre lucratif. C'est pourquoy quelquesfois en quelques occurrences, il est réputé tel comme ceste-cy, le pere est réputé du tout impuny, s'il n'est condamné en aucune peine corporelle ou pecuniaire, qui diminuë son bien, mais par cela il n'amendera pas des biens de sa fille tuée de sa main, *nec videtur iniuria affici is cui lucrum extorquetur, non damnum infertur*.

Finalement ceste cause ayant esté plaidée par deux fois, le 20. May, & le Ieudy 10. Aupil, 1603. interuint Arrest, prononcé par Monsieur le premier President de Harlay, par lequel faisant droit sur l'appel de la sentence du Thresor, l'appellation, & ce mis au neant, main-leuée faicte à Scipion de la part de la Communauté à luy appartenant: declarant par là, la Cour, que ledit Scipion ne pourra rien pretendre ny demander en l'autre part de la Communauté, ny des conuentions matrimoniales de sa femme: & sur l'appel interjetté par l'Euesque de Paris, les parties appointées au Conseil, & ordonné que les heritiers articuleront plus amplement leur genealogie & parenté, & cependant seront les biens regis par Commissaires, qui en rendront compte.

LES BASTARDS LEGITIMEZ PAR LE PRINCE

ne peuuent succeder aux parens de leurs pere & mere, s'ils n'ont presté consentement à leur legitimacion.

- | | |
|---|---|
| <p>1 Les bastards legitimez ne succedent à leurs parens, s'ils n'ont presté consentement à leur legitimacion.</p> <p>2 Si les bastards peuuent estre heritiers ab intestat de leurs parens qui ont presté consentement à la verification des lettres de legitimacion obtenues par lesdits</p> | <p><i>bastards.</i></p> <p>3 Le bastard peut estre legitimé par le Prince, sans le consentement de ses parens, mais il ne leur succede.</p> <p>4 Quand plusieurs bastards ensemblement sont legitimez, ils ne succedent les vns aux autres.</p> |
|---|---|

CHAPITRE XIII.



O V T ainsi que le bastard ayant obtenu lettres de legitimation du Prince, encores qu'elles soient deuëment verifiées en la Chambre des Comptes, ne peut succeder à ses pere & mere naturels, si les pere & mere n'ont presté consentement exprés à l'enterinement des lettres de legitimation, comme il a esté dict és deux chapitres precedens.

Les bastards legitimez ne succedent à leurs parens, s'ils n'ont presté cōsentement à leur legitimation.

Aussi les bastards legitimez par le Prince ne peuuent succeder aux parens de leurs peres & meres naturels, soient ayeuls, ayeules, freres, sœurs, oncles, tantes, cousins, ou autres, si tels parens n'ont presté consentement aux lettres de legitimation, obtenuës par les bastards, ou par leurs peres & meres, en ce faisant taiblement, ayent consenty que les bastards leur puissent succeder, comme en semblable ils leur pourront succeder.

Nemo enim extraneus potest agnasci, nisi volenti & consentienti, & inuito suus hæres non agnoscitur, l. cum nepos. ff. de adoptio. Aussi adoptari aut arrogati non succedunt filiis aut consanguineis adoptantis, nisi filij aut consanguinei consenserint adoptioni, ne ignorantes in bonis & hereditate ledantur, & eis inuitis hæredes dentur, textus expressus in §. filium quib. mod. natu. effici. sui. authen. l. penul. §. & ideo sancimus. C. de adoptio, §. sed si Instit. de adoptio. l. fina. in fine in verbis eius cognationis. C. de natura. liberi. leg. 2. ff. de natali. restituend. in verb. Imperatores non facile solent quem natalibus restituere, nisi consentiente patrono. late tractat Bocrius decis. 122. Alexan. consil. 192.

Raison de ce que dessus.

Et ceste question fut plaidée en la Cour de Parlement, le dixiesme Mars, mil cinq cens soixante & douze, & appointée au Conseil, pour les enfans de feu Christople Aubry, qui estoient legitimez du consentement de leur pere, lesquels vouloient succeder à vn cousin germain, fils de la sœur de leur pere, ce qui estoit empesché par autres cousins germains. Et par sentence du Preuost de Paris, fut dict, qu'inuentaie seroit faict, sans appeller les enfans bastards de feu Aubry: qui estoit taiblement les debouter de la succession de leur cousin germain, dont ils appellèrent.

Mais encores on a douté, si par le moyen du consentement presté par aucuns des parens des bastards, à la verification des lettres de legitimation, obtenuës par lesdits bastards, ils peuuent succeder, & estre heritiers ab intestat desdits parens: comme les successions estans deferées par la loy & par la Coustume aux parens naturels & legitimes, non pas à des bastards. Et que par les lettres & rescript du Prince, on ne peut faire des heritiers ab intestat, mais on leur peut donner entre vifs par testament, ou bien les instituer heritiers; à ce que comme legataires ils puissent auoir les meubles, acquests & conquests immeubles, ensemble le quint des propres, sans qu'ils puissent pretendre les quatre quints des propres, qui sont destinez & reseruez aux parens naturels & legitimes du defunct, lesquels par la Coustume sont saisis de tous les biens demeurez par le decez de ceux, desquels ils sont vrais heritiers.

De faict, le cinquiesme Mars, mil cinq cens quatre-vingts & douze,

2
*Les bastards
 pouuēt estre
 heritiers ab
 intestat de
 leurs parens
 qui ont pre-
 sté consente-
 ment à la
 verification
 des lettres de
 legitimacion
 obtenues par
 lesdits ba-
 stards.*

a esté plaidé, & appointé au Conseil, sçauoir si vne fille bastarde, ayant obtenu lettres de legitimacion, & icelles faict verifier en la Chambre des Comptes, du consentement de son ayeule paternelle, peut estre heritiere ab intestat de sadite ayeule, & luy succeder en tous les biens. Le faict estoit, qu'un ieune homme non marié auoit eu copulation charnelle avec la chambriere de sa mere, & de ladite chambriere eu vne fille, qui auoit esté tenuë sur les fonts Baptismaux par la mere dudit ieune homme, l'auoit nommée & nourrie pendant son ieune aage. Apres le decez de son fils non marié, auoit donné en faueur de mariage à ladite fille bastarde, mil liures tournois, & vne maison, l'usufruit d'icelle tenu sa vie durant, & encores depuis la mere dudit defunct ieune homme, ayeule paternelle de ladite bastarde, n'ayant point d'heritiers que des nepueux & niepces, avec lesquels elle auoit plusieurs differents & proces, elle auoit donné entre vifs à ladite bastarde, vne maison, avec retention d'usufruit, & tous les biens meubles, debtes, & creances qui luy appartiendroient au iour de son decez, le tout confirmé par son testament, & passé deux procurations pour consentir en la Chambre des Comptes la verification des lettres de legitimacion obtenues par ladite fille naturelle, & qu'elle succedast à ladite ayeule en tous ses biens, comme son heritiere ab intestat. Lesdites lettres depuis le decez de ladite ayeule, & pendant les troubles auoient esté verifiées. Apres lequel decez s'estant meus plusieurs proces, pour la succession de ladite ayeule, entre ladite fille bastarde, & les nepueux & niepces de la defuncte comme ses heritiers, ils ont appellé tant de la verification faicte en la Chambre des Comptes des lettres de legitimacion, que de la sentence donnée par le Preuost d'Orleans, au profit de ladite fille bastarde, par laquelle main-leuée luy estoit faite des deux maisons, & biens meubles portez par les donations: & de ce que, pour le regard de la succession de la defuncte & pretendue par la bastardise, les parties estoient appointées à escrire & produire, & auroient présenté requeste à la Cour pour euoquer le procez principal. Disans que c'estoit vne chose inaudite & insolite, qu'une ayeule obtint lettres de legitimacion pour les bastards de ses enfans, & que cela n'estoit permis qu'aux peres & meres, desquels les bastards, par le moyen desdites lettres, pouuoient estre heritiers ab intestat, non pas des autres parens paternels, ou maternels, lesquels leur pouuoient donner entre vifs, ou par testament, non pas qu'ils pussent estre leurs heritiers ab intestat: parce que le commencement de la legitimacion pour succeder deuoit venir du pere, ou de la mere, qui eussent impetré lettres de legitimacion pour leurs enfans bastards, ou consenty l'enterinement des lettres obtenues par leurs enfans naturels, à fin de les rendre capables de succeder. Et desdits pere & mere seulement parloient les constitutions des Empereurs. Auroient obtenu lettres pour casser toutes les donations, come suggerées & extorquées. Et alleguoient vn arrest du vingt-troisiesme Iuillet, mil cinq cens quatre-vingts cinq, donné en l'audience, entre Pierre Blazé, & Bigot, appellans du Senechal de Lyon d'une part:

Et Marcelin Gueton, fils legitimé de feu maistre Marcelin Gueton, intimé autre. Par lequel arrest ils disoient auoir esté iugé, que le fils bastarde ne peut succeder à son pere, si les lettres de legitimacion obtenues par le pere ou par le fils, du consentement de son pere, ne sont verifiées en la Chambre des Comptes auparauant le decez dudit pere. Dautant que lors dudit decez, ledit bastarde n'auroit qualité capable & suffisante pour succeder. Et que vn rescript ou autres lettres du Prince, *numquam retrotrahitur in præiudicium iuris quasi tertiis*. Et que tous les biens demeurez par le decez de la defuncte ayeule estoient acquis aux appellans dès lors de son decez, & en estoient saisis par la Coustume, auquel temps l'intimé n'estoit capable de succeder. Aussi que les lettres de legitimacion obtenues par l'intimé ne contenoient la clause de succeder à ses pere & mere, & autres parens. Ioinct quel'ayeul *non potest nepotem quasi ex filio natum adoptare nisi filius consenserit, nec ei inuito suus hæres agnoscatur, lege cum nepos. ff. de adopt. §. sed si quis institu. eodem tit.*

A ce que dessus l'intimé respondoit, que la macule de bastardise estant ostée, par le moyen des lettres de legitimacion, les bastards estoient faits naturels & legitimes, & habiles à succeder, comme les autres parens. Et si les bastards, par le moyen du consentement presté par leurs parens, lors de la verification des lettres de legitimacion, ne pouuoient succeder à leursdits parens, comme leurs parens leur pouuoient succeder, le consentement de leursdits parens leur seroit du tout inutile & frustratoire. Aussi la clause portée par les lettres de legitimacion, qu'ils pourroient succeder à leurs parens, pourueu que ce soit de leur consentement, seroit superflue, inutile, & sans effect. Ce qui ne seroit raisonnable, attendu que ladite clause a tousiours esté obseruée en France.

Que les lettres de legitimacion, desquelles estoit question, estoient obtenues par ladite fille bastarde, & non par l'ayeule. Mais l'ayeule les pourroit obtenir pour ladite petite fille: car l'impetration d'icelles n'auoit pas plus d'effect, que le consentement presté par l'ayeule à la verification des lettres de legitimacion obtenues par ladite petite fille, qui estoit que ladite petite fille fust son heritiere ab intestat, comme elle auoit déclaré par deux procurations, & par son testament. Aussi que ladite ayeule luy auoit donné tous ses biens: tellement que les appellans debatoient vne simple qualité d'heritiere ab intestat, qui leur estoit inutile, & frustratoire, au moyen de la protestation faicte par l'intimée, de se tenir à ses donations, si elle n'obtenoit la qualité d'heritiere ab intestat. Alleguoit la loy finale *Cod. de natu. liber.* qui porte que l'ayeul peut donner au fils bastarde de son fils naturel & legitime, encores que ledit fils pere dudit bastarde ne luy puisse donner: & la raison est portée par la loy *quia vitium paternum est refrenandum*. Disoit que le frere de son defunct pere naturel luy auoit donné le quint de ses propres. Quant à l'incapacité alleguée par les appellans, au moyen de ce que lors du decez de l'ayeule, les lettres de legitimacion obtenues par l'intimée n'estoient verifiées en la Chambre des Cōptes, respondoit que de long-temps auparauant ledit decez, les lettres estoient obtenues & présentées à ladite Châbre, informatiō

faicte sur la verification d'icelles, & deux procurations passées par l'ayeule, pour en consentir la verification, & qu'elle luy succedast en tous biens, & n'auroient peu estre verifiées à l'occasion des troubles. Soustendoit que le bastard pouuoit succeder à son pere naturel, encorés que les lettres de legitimacion fussent verifiées apres son trespas. Et qu'il suffit qu'elles soient impetrées par le pere de son viuant, ou par le fils du viuant du pere, du vouloir & consentement dudit pere, iustifié par escrit: *quia solo verbo perficitur gratia*, & que la verification des lettres de legitimacion *retrotrahitur* au iour de la datted'icelles, comme l'effect de la grace dependant du Roy, & non de Messieurs de Comptes, *ut notat Bartolus in l. Callus. §. Et quid sit tantum ff. de lib. & posthu. Matthæus de Afflict.* en ses decisions de Naples, *decisione 253.* comme il sera dict au 5. chapitre du droit de Des-herence. Disoit l'intimée qu'à la verité la clause pour succeder à ses pere, mere & autres parens, n'estoit portée par ses lettres, mais ladite clause estoit entenduë en toutes lettres de legitimacion obtenues par bastards. Autrement le consentement que prestent les parens à la verification ou enterinement des lettres de legitimacion seroit inutile & frustratoire, s'il ne seruoit pour leur pouuoir succeder par lesdits bastards. Car pour iouyr des choses, que les parens peuuent donner à vn bastard, il n'est besoin au bastard d'aucunes lettres de legitimacion: mesmes au cas de present le consentement presté par l'ayeule à la verification des lettres de legitimacion obtenue par l'intimée seroit notoirement frustratoire, s'il n'apparoit que l'intimée peut succeder ab intestat à ladite ayeule. Aussi si le dire des appellans estoit veritable, l'intimée seroit *partim legitima, partim illegitima, quod fieri non potest*, comme dit le chapitre *per venerabilem, ext. qui filii sint legitim.* Ioint que la legitimacion est vn acte legitime, lequel reigle l'estat & condition de la personne, & ne reçoit point de condition. Et communément *qui naturalibus restitutus est, in omnibus & ad omnia legitimatus censetur. Ita qui legitimatus est in omnibus, & ad omnia legitimatus censetur, & non in parte tantum.*

Et le semblable doit estre dit de l'estranger qui a obtenu du Roy lettres de naturalité, lequel est faict François, & peut iouyr de tous les priuileges octroyez à ceux qui sont naiz en France. *l. fina. ff. de natura. restit. l. ge i. Cod. de sent. pass.* comme il est declaré au 23. chapitre du droit d'Aubeine. Bien est vray que si les lettres de legitimacion estoient obtenues par le pere, ou la mere du bastard, & ne portassent la clause, qu'il peut succeder à ses pere, mere & autres parens, pourueu que ce soit de leur consentement, on ne pourroit suppléer ladite clause, parce qu'elle seroit contre la volonté du pere impetrant des lettres, qui n'auroit voulu mettre ladite clause à ce que son fils bastard ne luy peust succeder. Au regard de l'arrest de Gueton cy dessus allegué disoit, que le pere dudit Gueton n'estant marié, cinq ans auparauant son decez auoit obtenu lettres de legitimacion pour son fils bastard, lesquelles il n'auoit point faict verifier, & ne voulant que son bastard luy succedast, par son testament luy auoit donné cinq cens liures tournois, laquelle somme ayant esté receuë par ledit bastard, & depuis la reception d'icelle estant aduerty des lettres de legitimacion

legitimation obtenues par son defunct pere, qui auoient esté substraictes par les heritiers: il les auoit faict extraire du registre de la Chancellerie & faict verifier en la Chambre des Comptes. Apres la verification desquelles il obtint lettres pour estre releué de la quittance par luy baillee, & du contract passé avec les heritiers: & requiert la succession de son defunct pere naturel luy estre adiugée, dont il est deboutté par ledit arrest: lequel ne se peut aucunement adapter au cas de present. Aussi le cas d'adoption allegué par les appellans n'est à present considerable, d'autant qu'il n'est pas question de la succession du defunct pere naturel de l'intimée, ains de la succession de son ayeule, qui sont successions distinctes & separées. Quant à l'appel interiecté de Messieurs des Comptes, n'y auoit que tenir, attendu qu'ils estoient souverains, & que purement & simplement ils auoient verifié les lettres de legitimation en la maniere accoustumée.

Les parties ayans escript & produit le quatriesme Aoust, mil cinq cens quatre vingts & douze, s'est ensuiuy arrest, par lequel la Cour sans s'arrester à la requeste du treiziesme Iuin, en ce que touche l'appel interiecté de la verification des lettres de legitimation & instance de lettres de rescision, a mis les parties hors de Cour & de proces. Et faisant droit sur le proces d'euocation a adiugé à Louys Thonin, & Claudine Gourreau sa femme petite fille legitimée de Claudine de Trapes, tous & chacuns les biens delaissez par ladite defuncte de Trapes lors de son decez: & condamné François Mezanier & consors leur en rendre les fruiets, s'aucuns ils ont receus: sans despens, dommages & interets, & pour cause. Conuient noter que François Mezanier & consors estoient les appellans, Louys Thonin, & Claudine Gourreau estoient les intimcz, Claudine de Trapes estoit ayeule de ladite Gourreau bastarde.

Au surplus il est certain que le bastard peut obtenir lettres de legitimation du Prince & les faire verifier en la Chambre des Comptes, sans y appeller ses pere, mere & autres parens, & sans requerir leur consentement. Mais elles ne luy seruiron t sinon *quantum ad honores*, pour effacer la macule & tache de sa geniture, tester en iugement, tenir offices & dignitez temporelles, & pour estre appellé legitime: non pas pour succeder à ses pere, mere & autres parens. Le consentement desquels n'est requis aux lettres de legitimation, sinon à ce que le bastard leur puisse succeder.

3
Le bastard
peut estre le-
gitimé par le
Prince, sans
le consente-
ment de ses
parens, mais
il ne leur
succede.

Bien est vray que si vn pere naturel a obtenu lettres de legitimation, pour tous ses enfans naturels, estans en nombre de trois ou de quatre: ou bien si trois ou quatre freres bastards nais *ex soluto & soluta*, ont ensemblement obtenu lettres de legitimation du Roy, & icelles faict verifier en la Chambre des Comptes, ils succederont les vns aux autres, *tantumquam sint inuicem substituti, & eorum hereditas sit reciproca*. Et ce à l'exemple des estrangers, lesquels estans parens & naturalisez par le Roy succedent les vns aux autres és biens qu'ils ont au Royaume de France. Ou bien à l'exemple de ceux auxquels le Roy a faict don par indiuis, & en commun de quelques heritages, si l'un des donataires decede sans heritiers, l'autre donataire suruiuant luy succedera és choses données, suiuant la

4
Quand plu-
sieurs ba-
stards en-
semblement
sont legiti-
mez ils suc-
cedent les vns
aux autres.

constitution de Constantin *in l. unica: si liberalitatis imperialis socius sine herededeceßit*, Col. lib. 10. Et le meilleur & plus seur sera, que lesdits enfans legitimez declarent pardeuant Notaires, que leur vouloir & intention est, au cas qu'ils decedent sans hoirs procreez de leurs corps, qu'ils succedent les vns aux autres: tout ainsi que s'ils estoient nais en vray & loyal mariage.

SCA VOIR SI LES PARENS DV BASTARD
legitimé, qui n'ont presté consentement à sa legitimacion, luy succederont estant decedé intestat sans enfans: Ou si le Roy luy succedera, ou bien le haut-Iusticier.

- | | |
|---|---|
| <p>1 Si les parens du bastard legitimé sans leur consentement luy peuvent succeder.</p> <p>2 Faict de la question cy dessus posée.</p> <p>3 Encores que le bastard legitimé ne puisse succeder, toutesfois on luy peut succeder.</p> <p>4 Quand il y a diuersité de raison, on ne peut inferer de l'un à l'autre.</p> <p>5 La loy seconde, Cod. de rescindend. vend. n'alien in emptore.</p> <p>6 Interpretation du §. filium quib. mod. natura. effici. sui, in Authenticiis.</p> <p>7 Par la Loy de nature le bastard peut succeder.</p> <p>8 Autre interpretation du §. filium.</p> <p>9 Interpretation du §. ergo sancientum quib. mod. natura. effici. sui.</p> <p>10 Nouissimo loco succedit fiscus.</p> <p>11 Les bastards legitimez succedent les vns aux autres.</p> <p>12 Sentence de Messieurs du Thresor que les parens succedent au bastard legitimé.</p> <p>13 Arrest interuenu sur la question cy dessus proposée.</p> | <p>14 Encores qu'il ne soit porté par les lettres de legitimacion, que les parens succederont, ils peuvent succeder.</p> <p>15 Si les enfans de Prestres qui sont legitimez peuvent succeder les vns aux autres.</p> <p>16 Sentence & arrest des Gchoris.</p> <p>17 Autre sentence de Messieurs du Thresor, que les parens succedent au bastard legitimé.</p> <p>18 Arrest de la Cour.</p> <p>19 Sentence du Bailly de Touraine, en cas semblable.</p> <p>20 Les parens succedent au bastard legitimé, encores qu'ils n'ayent presté consentement à ses lettres de legitimacion.</p> <p>21 Les parens naturels seulement peuvent succeder au bastard legitimé.</p> <p>22 Les bastards legitimez doiuent consentir qu'ils succedent les vns aux autres.</p> <p>23 Si les enfans des bastards nais en loyal mariage peuvent succeder à leurs oncles legitimez.</p> <p>24 Le haut-Iusticier ne peut succeder au bastard legitimé par le Roy.</p> |
|---|---|

CHAPITRE XIII.



N^o ne peut reuoquer en doute qu'il ne soit iuste & raisonnable, tout ainsi que le bastard legitimé succede à ses pere, mere & autres parens naturels & legitimes qui ont presté tel consentement à sa legitimacion: Aussi que les parens qui ont presté tel consentement ne doiuent succeder en tous les biens demeurez par le decez du bastard ainsi legitimé, estant decedé sans enfans: Mais on a demandé si tout ainsi que le bastard qui est legitimé par le Prince sans le consentement d'aucuns de ses parens ne leur succede aucunement, (comme il a esté dit és trois chapitres precedens) si en pareil les parens naturels & legitimes de tel bastard legitimé ne luy pourront succeder, estant decedé intestat sans enfans, comme il ne leur succede. Et si les biens demeurez par son decez appartiendront au Roy par droict de Bastardise ou par Des-herence & faute d'heritiers. Ou bien si tels biens appartiendront au haut-Iusticier, au dedans de la Iustice duquel ils sont situez & assis.

¹
Si les parens
du bastard
legitimé sans
leur consen-
tement luy
p. uient suc-
ceder.

Ceste question a esté agitée en la Chambre du Thresor, pour les biens & succession de defuncte Catherine Descamin, fille naturelle de defunct Iean Descamin, legitimée par le Roy, saisis à la requeste du Procureur du Roy au Thresor, pretendunt qu'ils appartenoient au Roy, & estoient aduenus à sa Majesté, tant par droict de Bastardise que Des-herence. A laquelle saisie Guillemette Descamin, fille naturelle & legitime dudit Iean Descamin, & sœur de ladite Catherine, se seroit opposée, & constituée demanderesse, afin d'auoir main-leuée de tous lesdits biens, comme seule heritiere de la defuncte.

²
Faict de la
question cy
dessus pro-
posée.

Le Procureur du Roy pour ses moyens disoit: En premier lieu, qu'il denioit que la defuncte fust fille naturelle de defunct Iean Descamin, & qu'elle portast le surnom de Descamin, que la preuue de ce faict deuoit venir de la part de la demanderesse.

Moyens du
Procureur
du Roy.

Soustenoit que la defuncte *spuria erat, vulgo concepta, & incerto patre nata*. De faict Iean Descamin ne l'auoit point recogneuë ny aduouée pour sa fille naturelle, ne luy auoit rien donné de son viuant, ny rien laissé par son testament. Aussi ledit Iean Descamin n'auoit obtenu les lettres de legitimacion pour ladite defuncte, ains auoient esté obtenues par la defuncte seule long-temps apres le decez de son pretendu pere. Et n'estoit raisonnable d'adiouster foy à celuy qui par lettres de legitimacion se dict fils de tel, & de telle, desquels il n'a iamais esté recogneu: en sorte que ceux, qui comme parens pretendent sa succession, doiuent verifier la filiation, que le defunct est descendu de ceux qu'il a aduouez pour pere & mere. Autrement il seroit permis à vn bastard de s'aduouër de grandes familles, dont aduiendroient grands inconueniens. Comme il est recité par Valere *libro 9. cap. 16. De his qui infino loco nati, mendacio se clarissimis familiis inserere conati sunt*, comme a esté dict au 12. chapitre.

Premier
moyen du
Procureur
du Roy.

Second moyen
du Procureur
du Roy.

En second lieu maintenoit que la defuncte de son viuant n'auoit esté recogneuë pour sœur par la demanderelle ny par aucuns parens d'icelle defuncte Iean Descamin, ne l'auoient appellée à leurs nopces, & baptêmes de leurs enfans, & autres assemblées de parens. Pareillement la defuncte ne les auoit recogneus pour parens, & ne leur auoit rien laillé par son testament. Et de la vouloir par la demanderelle recognoistre apres sa mort, & l'aduouër pour sœur, il n'y auoit aucune apparence, & *lucra venabatur*, selon le texte in §. *si vero quib. mod. nat. eff. sui in Authen.*

Tiers moyen
du Procureur
du Roy.

En tiers lieu soustenoit que la question qui s'offre est decidée au §. *filium quib. mod. nat. eff. sui in authen.* où il est dit que quand vn fils naturel est legitimé du consentement de son pere, *per oblationem curie*, que par le moyen de telle legitimacion le fils n'est legitimé que pour le regard du pere, & n'est faict capable sinon de succeder à son pere. Et quant aux freres, oncles, tantes & autres parens du pere, le fils ne leur est aucunement legitimé, & n'est faict de la famille, agnation ou cognation, ny aucunement capable de leur succeder, comme en pareil, les parens ne luy doiuent succeder. *Aquum, inquit textus, damus priuilegium, ut sicut filius naturalis, legitimus effectus, cognatis patris non est successor: ita nec illi ad eius successionem vocentur.* Idemq; dicendum in filiis adoptiuis, suiuant le texte in l. *penult. §. Et ideo sancim C. de adopt.* comme il a esté amplement deduiet es 11. & 13. chapitres du present Traicté, lesquels il conuient veoir.

Quatriesme
moyen du
Procureur
du Roy.

En quatriesme lieu disoit si au cas fustit lors que le pere naturel a consenty la legitimacion, le fils legitimé n'est pas capable de succeder aux parens de son pere, ny pareillement les parens de luy succeder: à plus forte raison les parens ne doiuent estre admis à succeder au fils naturel, lequel seul a obtenu lettres de legitimacion, & les a faict enteriner sans appeller son pere, ny les parens de son pere, ainsi que ladite defuncte Catherine Descamin a faict.

Cinquieme
moyen du
Procureur
du Roy.

En cinquiesme lieu le Procureur du Roy remonstroit que la question presente estoit decidée au §. *ergo sanciendum, versiculo, si vero etiam quib. mod. naturales eff. sui in authen.* où il est dit que si le fils naturel legitimé *per oblationem curie*, decede sans enfans naturels & legitimes, procréez de son corps en loyal mariage, que *eius hereditas pertinet ad curiam & fiscum.*

Sixiesme
moyen du
Procureur
du Roy.

En sixiesme lieu disoit, qu'estant certain que le fils naturel legitimé par le Prince sans le consentement des parens de son pere, ne peut aucunement succeder auidits parens: Aussi n'est-il raisonnable que les parens luy succedent, *cum eadem ratio vtriusque esse videatur, & reciproca debeat esse hereditas siue hereditatis delatio: si vis mihi succedere necesse est ut tibi succedere possim*: Autrement ce seroit vne inégalité, & chose claudicante, contre tout droit & raison, dicto §. *filium. dicta lege penultima §. Et ideo Glosa expressa in l. hac parte ff. unde cognat.*

Septiesme
moyen du
Procureur
du Roy.

En septiesme lieu disoit, combien que le Roy par son rescript & lettres de legitimacion eust purgé, effacé, esteint, & aboly la tache & macule de geniture & bastardise de la personne de ladite defuncte Catherine Descamin: toutesfois il ne l'auoit peu faire de l'agnation, cognation, famille & lignée des Descamins, non plus qu'elle estoit auparauant les lettres

de legitimacion par elle obtenues, ny taire qu'elle succedast aux parens de son pere sans leur consentement, en ce faisant leur estoit comme estrangere & ne se trouuoit en aucun degre de consanguinite pour leur succeder. Ce qu'estant veritable, la demanderelle ny autres parens dudit defunct Iean Descamin ne pouuoient aucunement succeder à la defuncte, & ne se trouuoit en aucun degre pour luy succeder: car ce sont choses correlatiues, que le pere & le fils, l'oncle & le nepueu: tellement que les biens de la defuncte appartenoint au Roy par droit de Des-herence, & faute de parent qui luy puisse legitimemēt succeder. *Postremo* alleguoient l'arrest de Culant, recité au 8. chapitre du present Traicté, par lequel il disoit estre decidée la question qui à present s'agite: & que la finance que le Roy auoit receuë à cause des lettres de legitimacion estoit si petite, qu'elle n'estoit considerable, & n'estoit tournée au profit du Roy: mais auoit esté appliquée à œures pitoyables.

Par ces moyens, & plusieurs autres qu'on peut recueillir de ce qui a esté dit es chapitres precedens, le Procureur du Roy soustenoit la faulx faicte à sa requeste: & que les biens demeurez par le decez de la defuncte deuient estre declarez appartenir au Roy, tant par droit de Bastardise que Des-herence, nonobstant l'opposition de la demanderelle, de laquelle elle fut deboutée.

Ladite Guillemette Descamin pour ses moyens d'opposition, & de main-leuée par elle requise, disoit, que defunct Iean Descamin son pere auoit reconnu la defuncte pour sa fille naturelle, l'auoit faict nourrir, luy auoit administré habits & autres choses qui luy estoient necessaires. Pareillement la demanderelle & autres parens l'auoient reconnuë pour fille naturelle dudit defunct Iean Descamin. Et quant à la defuncte, elle auoit bien reconnu ses parens: veu que les lettres de legitimacion portoient par mots exprés, que ses parens, soient pere, mere, freres, sœurs, oncles, tantes, cousins, ou autres, luy succederoient ab intestat, par droit d'hoirie, ou autrement, sans que le Roy peust pretendre aucun droit es biens & succession de sa defuncte par le moyen de Bastardise ou autrement: laquelle clause emportoit vraye institution d'heritier, tellement qu'elle demandoit la succession de sa defuncte sœur, suiuant sa volonté, laquelle le Roy auoit consentie, moyennant la finance qui luy auoit esté payée pour son indemnité, & pour l'interest qu'il eust peu auoir en la succession de la defuncte decedant intestat sans enfans legitimes.

Maintenoit que le Roy auoit taiblement renoncé à ladite succession, ensemble à tout le droit qu'il y pourroit pretendre, & consenty que les plus prochains parens de la defuncte luy peussent succeder, moyennant la finance que ledit Seigneur auoit receuë de la defuncte.

Aussi l'opposante & demanderelle disoit, qu'elle n'auoit esté appelée lors de la verification des lettres de legitimacion obtenues par la defuncte: tellement qu'on ne pouoit dire qu'elle eust empesché la verification d'icelles. Et qu'il estoit certain que la defuncte *consanguineorum conditionem meliorem facere poterat, etiam eis ignorantibus, hoc enim naturalis & civilis ratio suadet*, comme dit le Iuriconsulte, *in l. soluendo. ff. de nego. gestis*,

Moyens de la sœur & pretendue heritiere.

*Et servus domino etiam invito acquirit. l. servus volente. ff. de verb. obl. l. ser-
vus, & ibi Alciatus C. de pact.*

3
Encores que
le bastard
legitimé ne
puisse succe-
der, toutes-
fois on luy
peut succe-
der.

Soustenoit que l'argument n'estoit valable, le bastard ne peut succe-
der aux parens de les pere & mere, partant ne luy peuvent succeder. Car
la macule & tache de geniture, qui est de la part du bastard, n'est pas du
costé des parens. Alleguoit à ceste fin la loy finale. *ff. de lega. i. qui porte*
que, si tutor pupillam suam contra Senatusconsultum uxorem duxerit, illa qui-
dem ex testamento eius capere potest, ipse autem non potest & merito, (inquit
textus) delinquant enim ij qui prohibitas nuptias contrahunt & puniendi sunt:
quod imputari non potest mulieri, quæ à tutore decepta est. Aussi alleguoit le §.
Ceterum de legitim. agnato. successib. in Institu. où il est dit, que lege duode-
cim tabularum *femine agnate masculorum hereditates non capiebant, nisi so-*
rores essent, ulterius non capiebant. Masuli autem ad earum hereditates,
etiamsi longissimo gradu essent, admittebantur. Tellement que *fratris tui aut*
patrui tui filie vel amitæ tue hereditas ad te pertinebit: tua vero ad illas non
pertinebit. Pareillement alleguoit le vingt-cinquième article de la nou-
velle Coustume de Paris, par lequel est dit, qu'en succession, en ligne col-
laterale les femmes n'heritent point avec les masles en pareil degré, quant
aux fiefs: Toutesfois les masles succedent aux fiefs qui appartoient
aux femmes.

4
Quand il y
a diversité
de raison on
ne peut in-
ferer de l'un
à l'autre.

Tellement que quand il y a diversité de raison, comme au cas de pre-
sent, que le bastard ne puisse succeder à son frere bastard: on ne peut infe-
rer de l'un à l'autre, & la conséquence de l'un n'est bonne à l'autre.

De faict on tient pour certain au Chastelet de Paris, & a esté iugé par
arrest solennellement prononcé le septiesme Septembre mil cinq cens
quatre-vingts & douze, contre Pierre Chabureau dit le Barré, qui avoit
achepté vne maison assise és halles de Paris, moyennant la somme de
dix-huict cens escus, dont il avoit payé six cens escus comptans, & pour
les douze cens escus qui restoient à payer, constitué cent escus de rente
rachetable: combien que la loy seconde, *Cod. de rescind. vendit. o.* ait
lieu *in venditore*, lequel estant deceu d'outre moitié de iuste prix, peut
estre releué de la vendition faicte de son heritage: toutesfois que ladite
loy n'a lieu *in emptore*. Et que l'achepteur ne peut estre releué de l'achapt
d'heritage par luy faict, encores qu'il ait esté deceu d'outre moitié de iu-
ste prix. Et ce pour deux raisons principalement. La premiere, que l'a-
chepteur volontairement, & sans aucune contrainte achapte, le vendeur
ordinairement vend par necessité, & s'il n'avoit affaire d'argent il ne ven-
droit pas son heritage. L'autre raison est, que l'achepteur ne baille que
simples meubles, qui sont deniers comptans, ou choses équipolentes. Et
qu'en meubles n'y a restitution en entier au Royaume de France. Enco-
res que les Docteurs, tant Legistes que Canonistes, mesmes la Glose,
in cap. finali ext. de empt. & vendi. & plusieurs Practiciens, soient d'avis
contraire.

5
La loy se-
conde C. de
rescind. ven-
dit. n'a lieu
in empto-
re.

Comme y ayant identité de raison en l'achepteur qu'au vendeur, &
que par la disposition de droit commun y a restitution en entier, tant en
meubles qu'en immeubles, ce qui n'est receu en France. Ioint qu'il est

facile à vn achepteur de rendre l'heritage par luy ahepté : & est fort difficile, & quasi impossible, à vn vendeur de rendre les deniers de l'heritage par luy vendu, lesquels il a consommez ou employez au payement de ses debtes.

Disoit que le paragra. *filium quibus modis naturales efficiantur sui, in authenticis.* ne parloit pas de *legitimato per rescriptum Principis*, sed de *eo qui per oblationem curia legitimatus erat* : entre lesquels y auoit grande difference. D'autant que le rescript du Prince auoit tollu, effacé, purgé, & esteint toute macule, & defaut de geniture, & apres telle legitimacion *concurrerent in legitimatum & naturalia, & ciuilia iura.* Ce qui n'estoit, *in legitimo per oblationem curia*, comme il est amplement traicté par Maistre Charles du Moulin és Coustumes de Paris, §. 8. col. 42. Glos. 1.

6
Interpretation du paragra. *filium quib. mod. natu. effi. sui, in authenticis.*

Aussi il est certain par la loy de nature, que le bastard est de *familia, & de cognatione*, & n'est prohibé de succeder, sinon par la loy ciuile & constitution des Empereurs, auxquelles le Roy par les lettres de legitimacion auoit derogé. Comme il est dit au commencement des tiltres, *quibus modis naturales efficiantur legitimi, & quibus modis naturales efficiantur sui, in authenticis: & in cap. per venerabilem, ext. qui filij sint legitimi.*

7
Par la loy de nature le bastard peut succeder.

Parcillement disoit que le paragra. *filium*, & autres loix alleguées par le Procureur du Roy, se pouuoient entendre quand le fils bastard legitimé par le Prince, n'auoit par ses lettres de legitimacion fait aucune mention de ses parens, ny déclaré qu'il vouloit qu'ils luy succedassent: Car en ce cas le doute est plus grand, qu'il n'est au fait duquel à present est question. Parce qu'au cas sudit, il semble que le bastard ait contemné ses parens, tout ainsi que les parens l'ont contemné, ne l'ayant aduouié pour parent: qui estoit le cas de l'arrest de Culant, duquel arrest il n'apparoissoit, sinon par vn simple recit.

8
Autre interpretation du paragra. *filium.*

Quant au paragra. *ergo sancendum, versiculo si verò etiam quib. mod. natura. effi. sui, in authenticis*, disoit la demanderessè, qu'il faisoit pour elle, parce qu'il portoit, que *si legitimo nulla sit proles legitima, & intestatus decedat, que nouem uncias curia & fiscus habent, reliqua autem tres uncie debebantur his qui ex lege vocabantur* : qui estoient les parens naturels & legitimes.

9
Interpretation du §. *ergo sancendum quib. mod. nat. effi. sui.*

Dauantage, disoit que *nouissimo loco succedebat fiscus, si nullus ex qualibet sanguinis linea supersit defuncto hæres legitimus.* Ce qui n'estoit au cas de present, veu que la defuncte auoit delailié plusieurs parens habiles à luy succeder, melmes la demanderessè, qui estoit sa sœur naturelle & legitime, née en loyal mariage, *leg. vacantia, de bonis vacantib. lib. 10. Cod.*

10
Nouissimo loco succedit fiscus.

Outre ladite Descamin disoit, que si par le moyen des lettres de legitimacion obtenues par les bastards, le Roy n'estoit exclud de leurs successions *ab intestat*, & leurs parens naturels & legitimes n'estoient admis à leur succeder, encores qu'ils n'eussent presté consentement à la legitimacion, les lettres par eux obtenues leur seroient du tout inutiles, frustratoires, & sans profit aucun. D'autant qu'il est certain en France que les bastards non legitimez peuuent faire tous contracts entre vifs, & par testament disposer de tous leurs biens: aussi peuuent tenir Estats & Offices

11
Si au bastard legitimé on ne peut succeder, ses lettres sont inutiles.

Royaux, tester en iugement, & faire tous actes permis aux naturels & legitimes. En sorte que les lettres de legitimacion ne leur apportent autre profit, sinon qu'ils puissent succeder à leurs parens, s'ils ont presté consentement à leur legitimacion : & que leurs parens naturels & legitimes leur succedent *ab intestat*, encores qu'ils n'ayent presté aucun consentement à leur legitimacion.

12
Les bastards
legitimes
succedent les
uns aux
autres.

Pareillement ladite Descamin disoit, que par la disposition du droit & vñance de France, les freres bastards legitimez par le Prince succedent les uns aux autres: *argumento legis secundæ, & legis si spurius ff. unde cognati*. A plus forte raison les freres & sœurs naturels & legitimes deuoient succeder à leur frere naturel, legitimé par le Prince : comme il sera dit cy-apres.

Par ces moyens & autres, l'opposante & demanderelle concludoit tant en son opposition, que main-leuée par elle requise.

13
Sentence de
Messieurs du
Thresor, que
les parens
succedent au
bastard le-
gitimé.

Les parties ayant respectiuellement escrit & produit, le douziesme May mil cinq cens soixante & quatorze, se seroit ensuiuie sentence de Messieurs du Thresor, par laquelle, sans auoir esgard à la requeste presentée par la demanderelle l'vnzielme Aoust, mil cinq cens soixante & treize, de l'effect & enterinement de laquelle elle auroit cité debourée; tous & chacuns les biens tant meubles qu'immeubles, situez en ce Royaume, qui furent, & appartindrent à ladite defuncte Catherine Descamin, furent declarez competer & appartenir au Roy, & luy estre venus & escheus par Des-herence ou autrement. En ce faisant ordonné que les meubles seront vendus au plus offrant & dernier encherisseur, en la maniere accoustumée, & les deniers mis és mains du Receueur ordinaire de Paris, & qu'aux immeubles seront establis bons & suffisans Commissaires, lesquels en rendront compte, quand à qui il appartiendra, & que par Iustice sera ordonné.

De ceste sentence ladite Guillemette Descamin ayant appellé en la Cour, & en cause d'appel obtenu lettres Royaux, afin d'estre receuë à articuler plusieurs faicts nouveaux, mesmes que sa mere auoit esté mariée avec ledit defunct Jean Descamin son pere, tellement que *per subsequens matrimonium legitimata fuerat*, l'enterinement desquelles estoit empesché.

14
Arrest inter-
uenu sur la
quest. on cy
dessus pro-
posée.

Le quatrielme Iuin, mil cinq cens soixante & quinze, seroit interuenu Arrest donné en la quatrielme Chambre des Enquestes, par lequel auroit esté dict, sans s'arrester ausdites lettres, qu'il a esté mal iugé, bien appellé par l'appellante : en emendant & corrigeant la sentence, la Cour a enteriné la requeste de l'appellante : en ce faisant luy a faict main-leuée pure & simple de tous & chacuns les biens delaissez par le trespas de ladite defuncte Catherine Descamin, comme son heritiere, plus prochaine habile à luy succeder.

15
Semblable
question cy-
dessus reci-
tée.

Depuis peu de temps a esté traicté pareille & semblable question en la Chambre du Thresor, que celle cy-dessus recitée, pour raison des biens & succession de defuncte Denyse Martin, dite Denyse Richard, fille naturelle de defunct Guillaume Martin, & Marion Richard, legitimée par le Roy, sans le consentement de ses pere, mere, ny d'autres parens.

parëns. Lesquels biens estans saisis à la requeste du Procureur du Roy au Thresor, comme appartenans au Roy, & aduenus à sa Majesté, tant par droict de Bastardise, que Des-herence. A ceste saisie Marie Barbin vefue de Claude Martin, tutrice & curatrice de Catherine Martin, fille mineure d'ans dudit defunct, & d'elle, & conforsts, qui se disoient tuteurs d'autres mineurs, qui estoient petits enfans dudit defunct Guillaume Martin, & nepueux en ligne collaterale de ladite defuncte, nais en loyal mariage, s'estans opposez, pretendans les biens de la defuncte leur appartenir, comme ses heritiers: les parties ayant escrit & produit d'une part & d'autre, allegué pareils moyens & semblables raisons que celles cy-dessus deduites.

Le vingt-troisiesme Feurier, mil cinq cens soixante & dix-neuf, s'est ensuiuie sentence de Messieurs du Thresor, par laquelle a esté dit, qu'à bonne & iuste cause lescdits Barbin & conforsts, se sont opposez à la saisie faicte à la requeste du Procureur du Roy, sur les biens de ladite defuncte Denyse Martin, dite Richard: en ce faisant a esté leuée & ostée la saisie & main-mise, qui faicte & appolée auoit esté sur lescdits biens, à la requeste dudit Procureur du Roy, & d'iceux faicte main-leuée ausdits Barbin, & conforsts, pour en iouyr comme heritiers & plus proches & habiles à succeder à ladite defuncte: ordonné que les Commissaires establis leur rendront compte, & payeront le reliqua d'iceluy, en les payant de leurs salaires raisonnables: dont le Procureur du Roy au Thresor a appellé, & l'appel est encores pendant & indecis en la Cour de Parlement. Par arrest de laquelle du quatorziesme Aoust, mil cinq cens quatre-vingts & vn, l'appellation a esté mise au neant, sans amende, ordonné que ce dont a esté appellé sortira son effet.

*Sentence de
Messieurs du
Thresor.*

Aussi le neufiesme Septembre, mil cinq cens quatre-vingts & cinq, y eut vne sentence donnée par Messieurs du Thresor, au profit de Pierre & Claude Venette, nepueux de feu Martin Pennerier, fils bastard de feu Iean Pennerier & Catherine Champin, legitimé par le Roy sans le consentement de ses pere, mere, & parëns: & sans que les lettres de legitimisation portassent que ses parëns luy peussent succeder *ab intestat*: mais seulement que ses enfans naiz & à naistre de legitime mariage leur pourroient succeder, prendre & apprehender tous ses biens. Et par ladite sentence fut dict qu'à bonne & iuste cause lescdits Venette s'estoient opposez à la saisie faicte à la requeste du Procureur du Roy au Thresor, sur les biens dudit defunct Pennerier. En ce faisant auroit esté leuée & ostée la saisie & main-mise, qui faicte & appolée auoit esté sur lescdits biens à la requeste dudit Procureur du Roy, & d'iceux main-leuée faicte ausdits Venette, pour en iouyr par eux comme heritiers & plus proches & habiles à succeder audit defunct Pennerier: ordonné que les Commissaires establis au regime & gouuernement desdits biens, leur rendroient compte, & payeroient le reliqua s'aucun y a: en quoy faisant ils en demeureront quittes & deschargez: & ce nonobstant chose dite ou alleguée au contraire par ledit Procureur du Roy, dont il est debouté.

*Autre sen-
tence de
Messieurs du
Thresor.*

Et conuient noter que le meilleur & plus seur est, que les lettres de

14
Encores
qu'il ne soit
porté par les
lettres de le-
gitimation
que les pa-
rens succe-
deront, ils
peuvent suc-
ceder.

legitimation portent, que les parens naturels & legitimes du bastard legitimé luy succederont *ab intestat*, sans que le Roy puisse pretendre aucun droit es biens demeurez par son decez. Mais encores que les lettres ne le portent par mots exprés, toutesfois les parens succederont au bastard legitimé à la reclusion du fisque: combien que lesdits parens n'ayent presté consentement à la legitimation. Comme il a esté iugé par la sentence deslusedite, & qu'il a esté cy-dessus amplement deduit: *Fiscus enim immutans statum nothorum cessit iure suo. Et per legitimationem nothus censetur factus de familia, non ut succedat familie, sed ut familia ei succedat.* Ce qui se doit entendre du bastard nay *ex soluto & soluta*, non pas de celuy, qui est *natus ex adulterino, aut incestuoso coitu*, fils d'homme marié, de Prestre, Diacre, Soubs-Diacre, Religieux, ou autre semblable. Car en ce cas le bastard, encores qu'il soit legitimé, ne peut auoir aucun heritier *ab intestat*: d'autant qu'il n'a aucuns parens naturels & legitimes. Comme Monsieur Choppin a noté en son Traicté *De Domaniis Franciæ*.

15
Si les enfans
de Prestre
qui sont le-
gitimez,
peuvent suc-
ceder les uns
aux autres.

Neantmoins est besoin entendre, que Maistre Pierre Vyon, Seigncur d'Oynuille ayant deux fil's naturels, & vne fille aussi naturelle, lesquels estoient mariez & legitimez par le Roy, du consentement dudit Vyon, les lettres deuëment verifiées, leur faict plusieurs donations, tant de ses heritages propres, que des heritages par luy acquis: Pareillement faict quelques donations aux enfans desdits enfans naturels, qui estoient procrez en loyal mariage. Apres le trespas dudit Vyon, les enfans naturels estans mis en proces, par les neveux & heritiers dudit Vyon, ils transigent ensemble: par laquelle transaction, emologuée en la Cour de Parlement, le treizieme Feurier mil cinq cens soixante & vnze, tous les heritages propres du defunct, avec la somme de deux mil liures tournois, sont delaislez ausdits heritiers, francs & quittes de toutes debtes: & tous les acquests demeurent aux enfans naturels, lesquels pourront porter le nom & armes de la maison dudit defunct Vyon, à la charge de mettre au dessus desdites armes vne bande d'argent sur le haut de l'Escuillon. Vingt ans apres ceste transaction, l'un desdits enfans naturels nommé Nicaise Vyon, estant decedé sans enfans, le dix-neufiesme Iuin, cinq cens quatre-vingts & vnze, le Roy faict don à Iollé Doré, Preuost de l'artillerie, de tous les biens meubles & immeubles, debtes & rentes, qui furent & appartindrent audit defunct Nicaise Vyon, comme acquis à sa Majesté par droit d'Aubaine, Bastardise, Des-herence, ou autrement. Ledit Doré, en vertu d'une commission du grand Seel, ayant faict saisir tous les biens demeurez par le trespas dudit Nicaise, & iceux faict bailler à ferme pardeuant le Bailly de Mante: le frere naturel dudit Nicaise s'oppose à ceste saisie tant en son nom, que comme stipulant le faict & droit de ses enfans. Dit, que par le moyen des lettres de legitimation, obtenues tant par le defunct, que par luy, deuëment verifiées, il doit succeder au defunct, qui estoit son frere naturel legitimé par le Roy, & que les biens qui auoient esté donnez audit defunct Nicaise par ledit defunct Maistre Pierre Vyon, deuoient retourner aux

enfans de l'opposant. Et que le Roy, par le moyen de la finance qu'il auoit receuë à cause des lettres de legitimacion dudit Nicaise, auoit renoncé à tout le droict qu'il pourroit pretendre és biens demeurez par son trespas. Et que si par le moyen des lettres de legitimacion ledit Nicaise ne pouuoit auoir heritiers *ab intestat*, ses lettres luy seroient du tout inutiles, & sans profit aucun, comme il a esté cy-dessus monsté. Ledit Doré disoit, que ledit defunct Maistre Pierre Vyon, lors de la conception & naissance desdits enfans naturels, estoit Prestre, Curé d'Oynuille, & qu'on n'auoit point veu ny permis en France, que les enfans des Prestres, supposé qu'ils fussent legiimez, peussent succeder à pere, mere, frere, sœur, ny à aucun parent, ny mesmes les vns aux autres: comme il a esté dit en plusieurs endroicts du present Traicté. Et que ledit defunct Nicaise auoit acquis plusieurs biens meubles & immeubles, lesquels n'estoient aucunement compris és donations qui luy auroient esté faites par ledit defunct Maistre Pierre Vyon son pere naturel: Et lesquels appartenoint au Roy par droict de Bastardise & Des-herence, & par consequent audit Doré, donataire de sa Majesté. Sur ceste opposition est interuenue sentence, donnée par le Bailly de Mante le dix-septiesme Iuillet, mil cinq cens quatre-vingts douze: par laquelle a esté dit, qu'à bonne & iuste cause le defendeur s'estoit opposé à la saisie & adiudication des heritages & fruiets de l'vniuerselle succession dudit defunct Nicaise Vyon son frere. De laquelle & des choses saisies deliurance & main-leuée luy en est faite, pour en iouyr par luy & ses enfans, tant au moyen desdites donations, qu'à tiltre d'heritier dudit defunct Vyon son frere. Les Commissaires establis au regime & gouuernement desdits heritages & fruiets saisis deschargez de ladite saisie: à la charge toutesfois d'en rendre compte & reliqua audit opposant esdits noms: à quoy ils seront contraincts par toutes voyes deuës & raisonnables, comme depositaires de biens de Iustice: condamné le demandeur és despens, & sans dommages & interets. De ceste sentence ledit Doré ayant appellé, griefs fournis & responses à iceux: Le dixseptiesme Decembre, mil cinq cens quatre-vingts quatorze, s'est ensuiuy Arrest de la Cour: Par lequel ladite Cour a mis & met l'appellation & sentence de laquelle a esté appellé, au neant, sans amende; en emendant & corrigeant ladite sentence, a debouté & deboute ledit appellant des demandes, fins & conclusions par luy prises audit proces. Et en ce faisant a ordonné & ordonne, que pour le regard du droict & interest du Roy, ledit intimé iouyra de tous & chacuns les biens demeurez par le decez dudit defunct Nicaise Vyon, suiuant ses lettres de legitimacion, verifiées en la Chambre des Comptes: Et les enfans dudit intimé des choses à eux données par feu Maistre Pierre Vyon, leur ayeul naturel, aussi mentionnées, & dont est question audit proces, lesquelles à ceste fin seront distraictes à leur profit de ladite saisie: de laquelle ladite Cour a fait & fait main-leuée audit intimé esdits noms: & seront les Commissaires establis au regime & gouuernement desdites saisies, tenus luy en rendre compte, & payer le reliqua: sans

despens, tant de la cause principale, que d'appel, dommages & interets procedans à cause de ladite saisie. En ce faisant les enfans de Prestres estans legitimez succedent les vns aux autres, non comme heritiers, mais comme estans au lieu & droit du Roy, par le moyen de la fincée payée à sa Majesté, à l'occasion des lettres de legitimation par eux obtenues, ainsi qu'il a esté dit à la fin du douziesme chapitre.

16
*Sentence &
Arrest des
Gohoris.*

Aussi il conuient entendre, que le vingt-quatriesme Septembre mil cinq cens quatre-vingts & six, il y a eu pareille sentence que celle des Venettes, cy-deuant recitée, donnée en la Chambre du Thresor, confirmée par arrest de la Cour du deuxiesme May, mil cinq cens quatre-vingts sept, au profit de Maistres Denys & François Gohoris, oncles naturels & legitimes de defunct Paul Gohory, fils bastard de defunct Maistre Pierre Gohory leur frere : lequel auoit esté legitimé par le Roy, sans le consentement de ses pere, mere, & parens, & ses lettres de legitimation ne faisoient aucune mention des parens collateraux : mais portoient, qu'à ses biens les enfans qu'il pourroit cy-apres auoir en loyal mariage luy pourroient succeder, ensemble ceux auxquels il en pourroit auoir disposé.

Pareillement qu'il pourroit succeder à ses pere, mere, & autres parens & amis charnels : pourueu toutesfois que ce fust de leur gré, vouloir, & consentement, & es choses desquelles le droit ne seroit ja acquis. Et par lesdites sentence & arrest, main-leuée fut faicte ausdits Gohoris, de tous les biens demeurez par le trespas dudit Paul Gohory, comme proches parens & heritiers dudit defunct.

17
*Autre sen-
tence de Mes-
sieurs du
Thresor, que
les parens
succedent
au bastard
legitimé.*

Il y a eu vne autre sentence donnée audit Thresor en cas pareil, au profit de Thomas de Bohan Escuyer. Le faict de laquelle estoit, que Iean de Beuffroy, fils naturel de Edmond de Beuffroy, Escuyer, Seigneur de Montigny, & de Alison Netelet solus & non mariez, obtient lettres de legitimation du Roy, lesquelles sont verifiées en la Chambre des Comptes, en Avril mil cinq cens cinquante-six, depuis enterinées pardeuant le Bailly de Vitry, du consentement de Edmond de Beuffroy, pere naturel, & ce le neufiesme Septembre ensuiuant. Edmond de Beuffroy estant decedé, Iean de Beuffroy son fils naturel, legitimé par le Roy, luy succede tant en la Seigneurie de Montigny, qu'autres biens, execute son testament, & suiuant iceluy baille la somme de cinq cens liures tournois à celuy qui estoit le plus proche à succeder, si les lettres de legitimation n'eussent esté obtenues & verifiées. Ledit Iean de Beuffroy estant allé de vie à trespas, & Thomas de Bohan son cousin naturel & legitime, luy ayant succédé, & iouy par longue espace de temps, tant de la Seigneurie de Montigny, que des autres biens delaissez par le trespas dudit Iean de Beuffroy, bastard legitimé : le Procureur du Roy au Thresor faict saisir tant ladite Seigneurie de Montigny, que les autres biens demeurez par le decez dudit Iean de Beuffroy, pretendunt qu'ils appartoient au Roy par droit de Bastardise, & que ledit Thomas de Bohan, ny autres parens naturels & legitimes dudit de Beuffroy, ne luy pouuoient succeder, n'ayant presté consentement à sa legitimation. Aussi que les lettres de legitimation obtenues par ledit Beuffroy, ne

faisoient aucune mention des parens collateraux : ains portoient que tous les hoirs, & toute sa posterité & lignée, naiz & à naistre en legitime mariage, luy pourroient succeder, prendre & apprehender les biens & succession : sinon qu'il y eust autre defect que celui de sa naissance & geniture, lequel estoit aboly par lesdites lettres.

A ceste faisie ledit Thomas de Bohan s'estant opposé, & remonstré les moyens qui ont esté cy-dessus amplement deduits, & qu'il n'estoit vraysemblable, qu'un pere ayant faict succeder son fils naturel, legitimé par le Prince, à tous ses biens, ait voulu que si ledit fils naturel decedoit sans enfans, les biens de sa famille qui luy estoient propres, ensemble ceux qu'il auoit acquis, appartenissent au Roy, par le deccz dudit fils naturel, & non à ceux de la famille, parenté & cōsanguinité, en laquelle lesdits biens denoient estre conseruez : attendu que le bastard, par le moyen de la legitimation par luy obtenüe du Prince, estoit faict de la famille, & la note & macule de Bastardise effacée, abolie, & esteinte.

Finalemēt par sentence du douziesme Feurier, mil cinq cens quatre-vingts & six, a esté dict, qu'à bonne & iuste cause ledit de Bohan s'estoit opposé à la faisie faicte à la requeste dudit Procureur du Roy, de ladite terre & Seigneurie de Montigny, appartenances & dependances d'icelle, ensemble de tous & chacuns les autres biens, tant meubles qu'immeubles : qui furent & appartindrent audit defunct Iean de Beuffroy, Seigneur de Montigny, de laquelle luy fut faicte main-leuee, pour en iouyr par luy, sçauoir est, de la totalité de ladite terre & Seigneurie de Montigny, ensemble de la moitié des acquests delaissez par iceluy defunct, comme cousin germain & heritier plus proche, & habile à succeder audit defunct.

Ordonné que les Commillaires establis au regime & gouuernement desdits biens saisis, luy rendront compte, & payeront le reliqua, s'aucun y a : en quoy faisant ils en demeureront quittes & deschargez, tant enuers le Procureur du Roy, que tous autres : nonobstant chose proposée au contraire par ledit Procureur du Roy, dont il fut deboutté.

On allegue pareil Arrest que celui de Guillemette Descamin, & autres cy-dessus recitez, donné en plaidoyrie, le vingt-neufiesme Mars, mil cinq cens soixante-neuf, au profit de Maistre Guillaume Galland, Principal du College de Boncourt, appellant d'une sentence donnée par les Conseillers du Thresor, le vingt-huictiesme Iuin, mil cinq cens soixante-huict, d'une part, & Monsieur le Procureur General du Roy prenant la cause pour son Substitut au Thresor, intimé d'autre, par lequel certaine rente & autres biens qui auoient appartenu à defunct Guillaume Galland, fils naturel de defunct Gallandius, ont esté adiugez audit Maistre Guillaume Galland, oncle du defunct, & à sa sœur. Mais il appert par le plaidoyé de Messieurs les Gens du Roy, qu'aux donations faictes aux enfans naturels de feu Gallandius, y auoit substitution, quoy que ce soit clause de reuerfion aux freres de Gallandius oncle des bastards, au cas qu'ils ne fussent mariez, ou ne fussent promez au degré sacerdotal. Aussi on alleguoit taisible consentement presté par ledit Maistre Guil-

18
*Arrest de la
Cour.*

laume Galland aux lettres de legitimacion obtenues par le defunct, veu que ledit Maistre Guillaume auoit en sa possession, & tousiours auoit gardé les lettres de legitimacion obtenues par le defunct, de la succession duquel estoit question, l'auoit faict instruire es bonnes lettres, & entretenu comme s'il eust esté son enfant; tellement qu'on ne peut tirer cest Arrest en consequence.

19

Sentence du Bailly de Touraine en cas semblable.

Semblable question, que celles qui ont esté cy-dessus recitées, ayant esté meüe pardeuant le Bailly de Touraine, il a adiugé au Roy les biens demeurez par le decez du bastard legitimé sans le consentement de ses parens, & en a debouté l'oncle paternel du bastard, de laquelle sentence y ayant appel releué en la Cour, estant consulté avec les anciens Aduocats de la Cour, ils furent partis, les vns estans d'aduis qu'il auoit esté bien iugé, les autres estans d'aduis contraire.

20

Les parens succedent au bastard legitimé, encores qu'ils n'ayent presté consentement à ses lettres de legitimacion.

De faict le fils naturel de feu Monsieur Destrée, legitimé par le Roy, estant decédé, ses biens estans saisis à la requeste du Procureur du Roy au Thresor, les enfans naturels & legitimes du Seigneur Destrée, freres paternels du defunct, obtindrent don du Roy, craignans d'estre debouttez, s'ils eussent demandé main leuée des biens saisis, comme heritiers du defunct, leur frere naturel. Toutesfois à present par les Arrests cy-dessus recitez, il est sans doute, que les parens naturels & legitimes des bastards legitimez par le Roy, succedent en tous les biens demeurez par le trespass deuidits bastards legitimez: encores que lesdits parens n'ayent presté aucun consentement à l'impetration, ou verification des lettres de legitimacion, obtenues du Roy par le bastard.

21

Les parens naturels seulement ne peuvent succeder au bastard legitimé.

Ce qui a esté cy-dessus dict, se doit entendre des parens naturels & legitimes du bastard legitimé, non pas de ses parens naturels seulement, comme de ses freres & sœurs bastards non legitimez, lesquels ne luy peuuent aucunement succeder, comme incapables de toutes successions. Estant certain, que les lettres de legitimacion obtenues par le defunct, ne peuuent profiter à ses freres & sœurs illegitimes, ny les rendre capables de successions, comme pures personnelles, portars profit seulement à celuy qui les a impetrées. Et auparauant que les freres & sœurs du defunct luy peussent succeder, & exclure les autres parens naturels & legitimes, seroit besoin qu'ils fussent legitimez comme le defunct, comme il a esté dit cy-dessus.

22

Les bastards legitimez doivent consentir qu'ils succedent les uns aux autres.

Et encores le plus seur est, que lesdits freres & sœurs legitimez par le Roy, passent contract pardeuant Notaires, par lequel ils recognoistront qu'ils sont freres & sœurs naturels & legitimes de defuncts tel & telle, qu'ils ont obtenu lettres de legitimacion du Roy, contenans clause de succeder, aussi qu'on leur pourra succeder. Et d'autant que s'ils decèdent sans enfans, & hoirs procréés de leurs corps, on leur pourra obliicer qu'ils n'ont pas respectiuellement consenty à la verification ou enterinement des lettres de legitimacion par eux obtenues: ny par ce moyen consenty expressement ny tacitement qu'ils peussent succeder *ab intestat* les vns aux autres. A ceste cause pour oster toute difficulté, obuier à l'obiet, trouble & empeschement qu'on leur pourroit faire de succeder *ab intestat*

les vns aux autres decedans sans enfans, lesdites parties ont déclaré que leur vouloir & intention a tousiours esté, & est, veulent & entendent, que les suruiuant ou suruiuants d'entre eux puissent succeder *ab intestat* au predecédé, ou predecédée, ou predecédez d'entre eux: tout ainsi que s'ils estoient nais en vray & legitime mariage: Pareillement que leur posterité née & à naistre en loyal mariage leur puisse & chacun d'eux succeder. A ceste fin lesdites parties ont respectiuement consenty & accordé, consentent & accordent la verification & enterinement des lettres par eux & chacun d'eux obtenues, & que lesdites lettres sortissent leur plein & entier effect. Et pour prester ledit consentement tant pardeuant Messieurs des Comptes, que pardeuant le Preuost de Paris, & par tout ailleurs où il appartiendra, lesdites parties ont constitué leur Procureur le porteur de ces presentes: Auquel &c.

Mais on demande au cas que les freres bastards non legitimez ayant esté mariez, & en loyal mariage eu des enfans naturels & legitimes, nepueux de leur defunct frere bastard, legitimé par le Roy: si lesdits enfans venus de bastards non legitimez succederont à leur oncle naturel legitimé par le Roy, & excluront les oncles naturels & legitimes du defunct: ou bien si suiuant la Coustume de Paris ils concurrenceront avec lesdits oncles naturels & legitimes du defunct. Et semble que lesdits enfans venus de bastards non legitimez, ne doiuent estre admis ne receus à succeder, parce qu'ils ne peuuent auoir d'auantage de droict en la succession de leur defunct oncle naturel, que leur defunct pere y eust peu auoir, s'il eust suruecu: lequel estant incapable de ladite succession, les enfans pareillement en sont incapables, *quia ex radice infecta orti sunt, & sic gradus sine medium per quod nepotes ad hereditatem patrii peruenire possunt, est imperitius sine inhabile*. Suiuant la loy finale C. de natura. lib. Comme il sera traicté au prochain chapitre, lequel il conuient voir.

Quant au seigneur haut-Iusticier, il ne peut succeder au bastard legitimé par le Roy, non plus qu'au bastard non legitimé, si trois cas ne concurrencent ensemble: à sçauoir que le bastard soit nay en sa terre, qu'il y ait faict sa demeure ordinaire, & y soit decédé. Et si l'un des trois cas defaut, le haut-Iusticier ne peut aucunement succeder au bastard legitimé: encores que tous les biens du bastard soient au dedans de sa haute-Iustice, ains appartiennent entierement au Roy; sans que le haut-Iusticier les puisse pretendre par droict de Des-herence comme vacans: ainsi qu'il a esté amplement deduit au 8. chapitre du present Traicté: & ce à l'exemple de l'estranger naturalisé par le Roy, auquel le haut-Iusticier ne peut aucunement succeder. Comme il a esté dict à la fin du trente-quatriesme chapitre du droict d'Aubeine, & au huietiesme chapitre du present Traicté du droict de Bastardise, & au vingt-troisiesme chapitre du Traicté des droicts de Iustice, haute, moyenne & basse.

23

Si les enfans des bastards nais en loyal mariage peuuent succeder à leurs oncles legitimez.

24

Le haut-Iusticier ne peut succeder au bastard legitimé par le Roy.

QUAND LES ENFANS NAIS EN LOYAL MARIAGE
des bastards legitimez ou non legitimez, succedent à leurs ayeul, ou ayeule, & autres parens: pareillement quand les ayeul, ayeule & autres parens leur succedent.

- 1 Comme les enfans des bastards nais en loyal mariage succedent, pareillement comme on leur succede.
- 2 Premier cas.
- 3 Les bastards nec genus nec gentem habent.

- 4 A qui appartiennent les biens des enfans des bastards nais en loyal mariage.
- 5 Second cas.
- 6 Troisieme cas.
- 7 Quatriesme cas.

CHAPITRE XV.

1
Commēt les
enfans des
bastards
nais en loyal
mariage suc-
cedent.

Pareillemēt
comme on
leur succe-
de.

2
Premier cas.

3
Les bastards
nec genus,
nec gentem
habent.

4
A qui ap-
partiennent
les biens des
enfans des
bastards
nais en loyal
mariage.



L a esté traicté cy dessus comme les bastards tant legitimez que non legitimez succedent, pareillement comme on leur succede. Il est à présent question de sçavoir, comme les enfans des bastards nais en vray & loyal mariage succedent pareillement comme on leur succede.

Il semble qu'il faut distinguer quatre cas, & dire que les enfans nais en loyal mariage de bastards, & bastards mariez ensemble, non legitimez, succedent à leurs peres & meres, comme il a esté dict au quatriesme chapitre du present Traicté: pareillement leurs peres & meres leur succedent, & les freres & sœurs succedent les vns aux autres, & generalement tous ceux qui descendent d'eux. Quant est des autres parens de leurs peres & meres, comme ayeuls, ayeules, oncles, tantes & cousins, les enfans des bastards ne leur succedent aucunement: non plus que leurs peres & meres. *L. finali in verbis iura eorum ab intestato in eius successione nemini eorum concedimus. C. de natura liberis.* Ce qui est raisonnable, attēdu que les enfans des bastards, *nec genus, nec gentem habent præter patrem & matrem, & nulla consequentia legitima potest esse ex illegitimo nascendi principio, & radice corrupta, dicta L. finali.* Et comme dict le canon, *principatus 1. quæ. 1. 2. Et infecta radice fructus non producitur, & non bono peraguntur exitu quæ malo sunt inchoata principio.* Aussi l'ayeul, l'ayeule, & autres parens des enfans des bastards non legitimez, ne succedent aucunement ausdits enfans, encores qu'ils soient naiz en loyal mariage. Mais decedans intestats sans hoirs procrées de leurs corps, leurs biens appartiennent au Roy, ou haut-Iusticier par droict de Bastardise, ou plustost, comme i'estime, par droict de Des-herence, comme il a esté traicté au quatriesme chap. du droict de Des-herence, lequel il conuient voir, ensemble l'extraict des Comptes transcrit au troisieme chap. du droict d'Aubeine, article troisieme. Ainsi fut aduisé pour les biens & succession de defunct Christophle Dagincourt, fils naturel & legitime de feu Pierre Dagincourt, bastard, & de Geneuiefue de Lagny aussi bastarde,

bastarde, que lesdits biens appartenoint au haut-Iusticier, par Des-herence, comme il sera dit audit quatriesme chapitre. Bien est vray que si le pere est bastard, & la mere soit legitime, les enfans naiz en loyal mariage succederont aux parens de leur mere; comme pareillement les parens leur succederont: d'autant que *inter eos est & naturalis & legitima cognatio*: selon le tiltre de *successione cognato. in Instit.* Et le semblable doit estre si la mere est bastarde, & le pere soit legitime: & est le premier cas.

Ou bien les peres & meres des enfans bastards ont esté legitimez par le Prince, sans le consentement de leurs peres, meres, & parens. Et en ce cas les enfans des bastards nais en loyal mariage ne succederont aucunement à leurs ayeul, & ayeule, ny pareillement aux autres parens de leurs peres & meres, non plus que leurs peres & meres ne leur succedent. Toutesfois leur ayeul, ayeule & autres parens succederont, ainsi qu'ils eussent succédé à leurs peres & meres legitimez par le Prince, comme il a esté dit & amplement déclaré au chapitre precedent: & est le second cas.

Ou bien les lettres de legitimation obtenues par les peres & meres des enfans des bastards naiz en loyal mariage ont esté enterinées du consentement des ayeuls & ayeules desdits enfans, & non des autres parens. En ce cas les enfans des bastards succederont non seulement à leurs peres, meres, freres & sœurs, mais aussi à leurs ayeuls & ayeules, & entreront par representation au lieu & degré de leurs peres & meres: *perinde ac si verè legitimi essent*, suyuant le paragraphe *filius, de hereditat. qua. intestat. defer. in instit.* Et quant aux autres parens, lesdits bastards n'y succederont point. Neantmoins ausdits enfans bastards naiz en loyal mariage succederont, non seulement leurs peres & meres, freres & sœurs, ayeuls & ayeules, mais aussi leurs autres parens qui n'ont presté consentement aux lettres de legitimation, comme il a esté dit au chapitre precedent: & est le troisieme cas.

Ou bien tous les parens ont consenty à la legitimation des peres & meres des enfans des bastards naiz en loyal mariage: & en ce cas ils succederont reciproquement les vns aux autres, tout ainsi qu'ils eussent succédé aux peres & meres desdits enfans, & que les vrais naturels & legitimes parens ont accoustumé succeder les vns aux autres, *ex successorio edicto & per gradus*: suyuant le tiltre de *successorio edicto, in ff. & C. & de legitima agnatorum successione, & de successione cognatorum*, aux Institutes: & est le quatriesme & dernier cas.

5
Second cas

6
Troisieme cas

7
Quatriesme cas de la question susdite

POVRQVOY L'AUTHEVR N'A
traicté plusieurs autres questions concernans
les Bastards.

CHAPITRE XVI.



Il y a plusieurs autres matieres, questions & doubtes concernans les Bastards, lesquelles n'ay voulu traicter au present discours.

D'autant qu'ils regardent plustost la disposition de droit Ciuil, que l'vsance & commune obseruance de France, laquelle i'ay deliberé seulement deciarer selon qu'ay veu practiquer & iuger dés & depuis 36. ans en ça. Aussi que telles questions ont esté traitées quasi par tous nos Docteurs, tant Legistes, que Coustumiers: & que le tiltre *De naturalibus liberis*, & plusieurs loix des Digestes, Code, & Authentiques parlans des Bastards, ne sont obseruées en France, comme on peut cognoistre par le present Traicté. Et me suis contenté de reciter quelques Arrests notables, par la lecture desquels le droit de Bastardise pourra estre esclarcy & cogneu.





TROISIÈSME TRAICTÉ

DES DROICTS DV DOMAINE

DE LA COVRONNE DE FRANCE,

CONCERNANT LE DROICT

de Des-herence.

De l'Ordre & continuation du present Traicté avec les precedens, & de la connexité qu'ils ont ensemble.



N peut cognoistre par le discours des premier & second Traictés des droicts du Domaine de la Courōne de France, que les droicts d'Aubeine & de Bastardise concernent principalement les successions des Estrangers & Bastards decedans en France, ausquels le Roy par le moyen de tels droicts, succede. Et d'autant qu'outre ces deux droicts il y a vn autre droict, par lequel le Roy peut succeder aux originaires de France, qu'on appelle vulgairement droict de Des-herence : il semble qu'il sera expedient traicter en troisième lieu de ce droict de Des-herence, & mon-
strer en quoy il consiste, selon l'vsance & commune obseruance de France. Ce que ferons le plus clairement & brièvement qu'il nous sera possible : avec la decision de quelques questions generalement concernans, tant le droict de Des-herence, que d'Aubeine & de Bastardise. Par ce moyen seront entendus les droicts, par lesquels le Roy peut succeder à ses subiects & habitans de son Royaume, de quelque qualité & condition qu'ils soient.

¹
*Connexité
du present
traicté avec
les deux
precedens.*

²
*Ordre gar-
dé au presēt
Traicté.*

DEFINITION DV DROICT DE DES-HERENCE, & des biens vacans.

1 *Definition du droict de Des-herence.*

2 *Interpretation des biens vacans.*

3 *Que signifie proprement ce mot de Des-herence.*

CHAPITRE I.

1
*Definition
du droict de
Des-herence.*



OVR cognoistre que c'est que droict de Des-herence, duquel nous auons à traicter, & en quoy il consiste: il conuient noter (comme nous auons dit cy-dessus) qu'oultre le droict d'Aubeine, qui est de succeder à l'estranger, & le droict de Bastardise qui est de succeder au bastard, il y a vn autre droict qu'on appelle Des-herence, qui est succeder à ceux qui decedent sans hoirs: ou à plus clairement parler de succeder à ceux qui decedent sans tester, & ne laissent aucun procrée de leur corps, ou de leur lignage habile par les loix de France, & Coustumes des lieux à estre leur heritier: Tellement que ce mot de Des-herence signifie autant, que defaut d'heritier, ou sans heritiers: telles successions communément sont appellées, biens vacans. *Est vacans cadensque patrimonium. Et bona quæ cadunt in casum fisci, vel quæ in causam caduci veniunt, appellantur Excidentia & mortitia in Constitutionibus regum Sicilia libro primo, titulo 85. & 86. libro tertio, titulo quinto.* Biens vacans & deserts, ou bien heredité iacente & deserte, qui n'est possedée par aucune personne.

2
*Interpretation des
biens vacans.*

Toutesfois ce mot de biens vacans est plus general, d'autant que *appellatione bonorum vacantium omnes res comprehenduntur, siue mobiles, siue immobiles, quæ à nullo possidentur, vel quæ dominum assertorémque nullum habent*: comme espaues, heritages deguerpis, terres desertes delaissées & abandonnées, successions vacantes, & toutes autres choses qui ne sont aucunement possedées ny detenuës de personne. Pour lesquelles rechercher par tout le pays d'Egypte, & faire les diligences de les appliquer au Domaine des Empereurs Romains, il y auoit anciennement vn Magistrat en Egypte, ainsi qu'escriit Strabo: mais ce mot de Des-herence, n'est si general: car à proprement parler, il signifie l'heredité & succession d'un homme qui n'a institué aucun heritier, ne laissé aucun de son lignage habile à luy succeder selon les loix de France, & Coustumes des lieux, *Qui intestatus sine legitimo heredem, vel sine successore decessit*: comme dit la loy premiere de bo. vacant. C. l. 10. *similis textus in l. 1. in princip. ff. de success. edict. l. 1. §. Diuus. ff. de iur. fisci. l. quidam. §. quoties. ff. de leg. 1. l. penul. de prepositis sacri cubicul. & de omnibus cubicul. privileg. lib. 10. Cod.*

3
*Que signifie
proprement
ce mot de
Des-herence.*

Et ce mot de Des-herence, est ainsi interpreté en la Coustume de Normandie, au chapitre vingt-cinq, intitulé, De Des-herence, & au cinq cens nonante-cinquiesme article de la Coustume de Bretagne.

Pareillement ces mots de biens vacans, sont ainsi declarez au dernier extraict de la Chambre des Comptes, transcrit au troisieme chapitre du droit d'Aubeine, à la lecture duquel on pourra auoir recours.

QUE LE DROICT DE DES-HERENCE PAR

la disposition de droit commun, appartient au Roy seul, & par l'v-
sance de France aux Hauts-Iusticiers: Et comme il se faut pourueoir
en concurrence de scelez faicts par le Roy, & le Haut-Iusticier.

- 1 Le droit de Des-herence par le droit commun appartient au Roy seul.
- 2 Epistre de Theodoric, pour mon-
strer que le droit de Des-herence appartient au Roy seul.
- 3 Les Hauts-Iusticiers ont entre-
pris le droit de Des-herence sur le Roy.
- 4 En France le droit de Des-herence appartient au Haut-Iusticier.
- 5 Au bas ny au moyen Iusticier

n'appartient le droit de Des-herence.

- 6 Quand un homme est decedé sans enfans, le Haut-Iusticier peut faire saisir les biens du defunct.
- 7 En concurrence de scelez entre le Roy & le Haut-Iusticier, se faut pourueoir pardeuant le Iuge Royal.
- 8 Messieurs du Thresor, sont procuratores Cæsaris.
- 9 En concurrence de scelez par qui l'inventaire doit estre faict.

CHAPITRE II.



OMBIEN que le droit de Des-herence, ou bien de biens vacans par la disposition du droit commun appartient au Roy seul, & de regalibus sit iuribusque ad Regem specialiter & priuatiuè pertinentibus, suiuant le texte in titulo, qua sint Regalia, in vsibus feudorum, in verbis, bona vacantia, & in l. 1. de bon. vacant. Cod. lib. 10. in verbis

Le droit de Des-herence par le droit commun appartient au Roy seul.

fisco nostri rationibus vindicandis, l. 1. ff. de success. edict. in verb. bona vacantia fisco sunt delata. Nullusque in Gallia fiscum habeat præter Regem: qui est seul Souuerain, & Empereur au Royaume de France, cap. per venerabilem, ext. qui filij sint legit. Baldus in Rubrica de privilegio fisci. Codic.

Et pour monstrier qu'au Roy seul appartient le droit de Des-herence: au cinquiesme liure de Cassiodore, y a vne epistre de Theodoric Roy d'Italie, qu'il escrit à Epiphanius Proconsulaire en la Dalmatie, contenant ces mots.

Epistre de Theodoric, pour mon-
strer que le

Ioanna, Andrea quondam iugali suo successisse legis munere prohibetur, qua intestata nullis existentibus proximis luce dicitur esse priuata: cuius substantia à diuersis nullo legitimo iure suffultis usurpatione voluntaria suggeritur possideri. Et quia caduca bona fisco nostro competere legum cauta decreuerunt, ideo re presentibus oraculis admonemus, ut huius rei veritate discussa, si reuera

droit de Des-herence appartient au Roy seul.

ut ad nos perlatum est, nullus ei ex testamento haeres extitit, aut proximitatis iure successit fisci nostri eam facias compendijs aggregari: quando innocentia nostra professio est iusta compendia non negligere, apud quem calumnia numquam locum potui inuenire. Rogari enim in talibus, non fraudari principem decet.

3
Les haut-
Iusticiers
ont entre-
pris le droit
de Des-he-
rence sur le
Roy.

Toutesfois le Roy ayant faict ce bien & cest honneur aux Ducs, Marquis, Comtes & autres Seigneurs de son Royaume de leur donner, ou plustost communiquer le droit de haute, moyenne, & basse Iustice, en leurs terres & seigneuries; sous ombre de leur haute-Iustice, ils ont entrepris le droit de Des-herence sur le Roy, encores que tel droit n'ait rien de commun avec le droit de Iustice, qui consiste, à rendre à chacun ce qui luy appartient, & faire viure les subiects en vnion, paix & concorde, non pas de succeder à ceux qui n'ont point d'heritiers. Et ceste entreprise a esté tellement tollerée en France, qu'il est pour le iourd'huy sans doubte, que le droit de Des-herence appartient au haut-Iusticier. En sorte que le haut-Iusticier succede à son subiect decedé sans hoirs, es biens estans au dedans de sa haute Iustice; ou bien si le defunct n'estoit son subiect, & ne demouroit en sa haute Iustice, il luy succede pour le regard des heritages estans assis au dedans de sa haute-Iustice: *& in huiusmodi bonis tanquam patronus, aut successor iuris succedit, non pas tanquam haeres, comme il sera dit cy-apres, leg. si quis presbyteros, versiculo exceptis his facultatibus. Codice. de episcop. & cleric.*

4
En France
le droit de
Des-herence
appartient
au haut-Iu-
sticier.

5
Au bas, ny
au moyen
Iusticier
n'appar-
tient le droit
de Des-he-
rence.

Quant au bas ou moyen Iusticier, & pareillement au seigneur feodal, ils ne succedent aucunement, & le droit de Des-herence ne leur appartient point, si par la Coustume il ne leur est attribué: car tel droit depend de la haute-Iustice, & faict portion des droits d'icelle, selon la commune v'sance de France, mesmes de la Preuosté & Vicomté de Paris, comme auons monstré au 21. chapitre des droits de Iustice par nous mis en lumiere, lequel il conuient voir.

6
Quand un
homme est
decédé sans
enfants, le
haut-Iusti-
cier peut
faire saisir
les biens du
defunct.

Pour ceste cause, incontinent qu'un homme est decedé sans hoirs procrez de son corps, le haut-Iusticier a accoustumé faire proceder par voye de saisie sur les biens demeurez par le decez du defunct: De laquelle saisie le parent & vray heritier du defunct ne peut valablement appeller, & s'il en appelle, conuertira son appel en opposition. Parce que par l'v'sance de France, il est permis au haut-Iusticier proceder par voye de seellé, toutes & quantesfois que son subiect & iusticiable est decedé sans hoirs procrez de son corps: mesmes quand les heritiers, soient freres, oncles, neveux, cousins, ou autres ne sont apparens & cogneus au lieu auquel le defunct estoit demeurant. *Vt ait Masuerius in sua Praxi forensi tit. de success. & ultimis voluntatib. §. item illius. Et Ioannes Faber in principia tituli de hereditatibus quæ ab intesta. deferun. in instit.* De faict par le 167. article de la nouuelle Coustume de Paris est dict, que quand le propriétaire possesseur d'aucun heritage va de vie à trespas sans hoirs apparens, le haut-Iusticier, en la Iustice duquel les heritages sont assis, peut & luy est loisible iceux heritages vacans, & non occupez, saisir & mettre en sa main. Et les heritiers doiuent presenter requeste, afin d'auoir main-leuée de la saisie: Comme nous auons déclaré au 35. chap. du droit d'Aubeine.

Et le plus souuent le Roy & le haut-Iusticier concurrent en sceillez, pre-
tendans respectiuement l'heredité iacente, & biens du defunct decedé
sans hoirs. Mais en ceste concurrence de sceillez, le haut-Iusticier est tenu
venir plaider deuant le Iuge Royal, tout ainsi qu'anciennement à Rome,
*quonties contentio erat inter fiscum & priuatum, Procurator Caesaris ad eundem
erat*, lequel seul cognoissoit des causes fiscales & domaniales de l'Empire
Romain, priuatiuement à tous autres Iuges, selon le texte, *in lege si mi-
nori de iure fisci. Codic. libro decimo. li. C. si aduer. fiscum restitui. postuletur,
l. fina. ubi glosa in verbo deinde in fine. ff. de procura. Caesar.*

7
En concurr-
ence de seal-
lez entre le
Roy & le
haut Iusti-
cier, se faut
pourceoir
pardeuant
le Iuge
Royal.

Ainsi qu'à present Messieurs du Thresor cognoissent seulement des
causes fiscales, & domaniales entre le Procureur du Roy, & les particu-
liers: tellement qu'ils sont *veri Procuratores Caesaris*. Et pardeuant le Iuge
Royal, le haut-Iusticier est tenu faire apparoir de son droit de haute Iu-
stice, s'il luy est dénié par le Procureur du Roy (comme le plus souuent
il est.) Car le Roy n'est tenu en aucun cas plaider en la Cour de son sub-
iect, pour quelque chose à luy appartenant, soit en tout, ou en partie, *etiam
in materia feudali*. Comme il est dit au grand Coustumier de France, & in-
struction de pratique, au tiltre des droicts appartenans au Roy.

8
Messieurs
du thre-
sor sont
Procurato-
res Cæsa-
ris.

Et est besoin noter, qu'en concurrence de sceillez les Officiers du Roy
doient faire l'inventaire: comme il fut dit par les heritiers de feu Deni-
sot Bourguignon, ainsi qu'il est recité au tiltre des droicts Royaux, decla-
rez *in libro de Temporalitatibus*, estant en la Chambre des Comptes, fol.
126. Ce qui se doit entendre quand le Roy a preuenu, & que le droit de
Iustice est dénié au pretendu haut-Iusticier. Car si le droit de Iustice
n'est point controuersé, la confection d'inventaire appartient aux Offi-
ciers du Seigneur haut-Iusticier. Comme il fut iugé pour le Baron de
Montmorency, contre les Officiers du Chastelet de Paris, lesquels po-
sterieurement auoient faict sceller les biens d'un defunct decedé en la Ba-
ronnie de Montmorency: & ce par Arrest donné en plaidoyrie, le 9. Mars
1534. Ainsi qu'il est porté par le 164. article de l'ordonnance faicte à Blois,
Que quand le Seigneur haut-Iusticier ou ses Officiers auront saisi & mis
la main; que le Roy n'entend que ses Officiers s'y entremettent, sinon
pour la conseruation des droicts de sa Majesté. D'autant que la verité est,
que les Iuges Royaux, par le moyen des sceillez, font de grandes entrepri-
ses sur les haut-Iusticiers. Et quand telles concurrences & sceillez ad-
uiennent en la ville de Paris, entre le Roy & le haut-Iusticier, la Cour
ordonne que par main souueraine inventaire sera faict, par l'un des quatre
Notaires, ou l'un des Huissiers de la Cour. Car toutes & quantes fois que
le droit de Iustice est reuoké en doute, la possession & iouissance doit
demeurer au Roy: ainsi qu'il est amplement déclaré au Traicté des
droicts de Iustice, chapitre trente & vniesme.

9
En concurren-
ce de
seellez par
quel inven-
taire doit
estre fait.


QV'EN MATIERE DE DES-HERENCE CHACVN haut-Iusticier prend les heritages estans en sa haute-Iustice, à qui appartiennent les meubles & debtes actiues du defunct. Et comme se payent les debtes passives, avec plusieurs autres questions.

- 1 En Des-herence chacun haut-Iusticier prend les heritages estans en sa haute-Iustice.
- 2 Le Seigneur Feodal ne succede point à son vassal.
- 3 Auquel haut-Iusticier appartiennent les meubles & debtes actiues d'un defunct decedé sans hoirs.
- 4 Le Roy ny les hauts-Iusticiers ne sont heritiers, ains successeurs es biens.
- 5 Les hauts-Iusticiers payent les debtes du defunct, pro modo emolumenti.
- 6 En la Coustume de Paris, comment se payent les debtes d'un defunct par ses heritiers.
- 7 Comme les debtes se payent par le legataire des meubles & acquests, & par l'heritier des propres.
- 8 La succession vacante n'est appelée heredité.
- 9 Le Roy & le haut-Iusticier ne sont tenus au payement des debtes que iusques à la concurrence des biens du defunct, auquel ils ont succédé.
- 10 Le Roy est heritier anomal & irregulier.
- 11 L'Abbé n'est heritier de son Religieux, ains successeur es biens.
- 12 Forme de donation de la desponille d'un Religieux.
- 13 Des droicts de desponille de Mortuorum, & de vacans apres le decez des Cheualiers de Saint Iean de Ierusalem.
- 14 Comme un Abbé doit estre condamné au payement des debtes de son Religieux.
- 15 Les Abbez pour la succession de leurs Religieux ne peuvent former complainte.

CHAPITRE III.

I
En Des-herence cha-
cun haut-
Iusticier
prend les he-
ritages estans
en sa hau-
te Iustice.

2
Le Seigneur
Feodal ne
succede
point à son
vassal.



QVAND vn homme nay en France en loyal mariage decede sans aucuns heritiers legitimes, & qu'il a plusieurs heritages assis en diuerfes hautes-Iustices, il est certain que chacun haut-Iusticier prend les heritages qui sont situez au dedans de sa haute-Iustice, soient fiefs ou rotures. Tellement que le fief seruant n'appartient pas au Seigneur dominant, lequel en France, mesmes en la Preuosté & Vicomté de Paris, ne succede pas à son vassal, ains appartient au Seigneur haut-Iusticier lequel sera tenu entrer en foy du fief seruant qui luy sera adueni par Desherence. Notant Doctores, maximè Baldus in lege ex facto. ff. de hereditat. instit. leg. si certarum. ff. de testam. notat Alexander de Imola consilio 31. volumine 1. Bartolus & Salicetus in lege cunctos populos, in fine, C. de sacrosan. Eccles.

Mais on a doubté des meubles & debtes actiues: A sçauoir, si les me-
bles

bles & debtes appartiendront à chacun haut-Iusticier, au dedans de la Iustice duquel les meubles seront trouuez, & les debtes seront deuës : ou bien si tous les meubles & debtes appartiendront au haut-Iusticier en la haute-Iustice duquel le defunct estoit demeurant : *Tanquam mobilia sequantur personam siue domicilium illius cuius sunt, licet immobilia respiciant territorium in quo sita sunt* : & sic les meubles suiuent la personne, & la personne le domicile, selon la doctrine de Balde in l. mercatores. C. de commer. & mercator. Et licet nomina debitorum, tanquam à mobilibus & immobilibus dicta in ceta, territorio non circumscribentur, & tertium genus bonorum efficiant l. cum Caius. ff. de lega. 2. l. quam Tiberonis §. in peculio. ff. de peculio. l. à Diuo Pio. §. in venditione ff. de re iudica.

3
Auquel
haut-Iusti-
cier appar-
tiennent le
meubles &
debtes acti-
ues d'un de-
funct dece-
dé sans
hoirs.

Tamen quia personales actiones creditoris persona adeo coherant, ut ab eius persona euelli non possint, l. 3. ff. pro socio. l. quib. ergo, ff. de pecul. On comprend les debtes actiues, comme cedules, obligations faictes pour somme de deniers, marchandises, ou autres choses mobilières, sous le nom de meubles : suiuant le quatre-vingts neuuesime article de la nouuelle Coustume de Paris : en laquelle n'y a que deux sortes & especes de biens, c'est à sçauoir meubles & immeubles. Aussi a esté iugé par Arrest, prononcé le dix-huictiesme Iuin, mil cinq cens soixante-neuf, au profit de Damoiselle Anne Hardy, vefue de feu François de la Veruade, que à celuy le quel par contract de mariage doit auoir & prendre à son profit tous les meubles, appartiennent les actions mobilières du defunct donateur.

Ceste question est amplement traictée per Alexandrum de Imola in consil. 31. volu. 1. & per Petrum Rat, és Coustumes de Poictou, au tiltre des Bastards & Aubeins, article 229. Qui sont d'aduis, par les raisons cy-dessus touchées, que tous les meubles & debtes mobilières du defunct decedé sans hoirs, doiuent appartenir au haut-Iusticier, en la Iustice duquel le defunct estoit demeurant, encores que le debteur soit demeurant en autre Iustice, & que partie des meubles soient au dedans du territoire d'un autre haut-Iusticier : Comme le haut-Iusticier du domicile du defunct, estant le vray heritier mobilier du defunct, & les autres haut-Iusticiers estans heritiers immobiliers, auxquels appartiennent les heritages & debtes immobilières, estans au dedans de leur haute-Iustice, suiuant la Glose & opinion de Bartole, in l. mouentium. ff. de verbo. & rerum signifi. de Balde & Alexandre és lieux susdits, qui dient, que in confiscatione bonorum, non veniunt ad utilitatem confiscantis bona immobilia sita extra territorium publicantis, quia illa coherant territorio. Sed mobilia sita extra territorium confiscantis veniunt in confiscatione ad utilitatem publicantis, quia mobilia personam concernunt. Et faut prendre ce mot de publicantis, & ce mot de confiscantis, pour le Seigneur haut-Iusticier : le Iuge duquel par sa sentence confisque les biens, tant meubles qu'immeubles du condamné. Aussi par le seiziesme article de la Coustume du Duché de Bourgogne, au tiltre des main-mortes, quand vn homme main-mortable, ou bien de condition serue, decede sans enfans, chacun des Seigneurs au dedans des Seigneuries desquels il auoit des biens, prend ce qui est en sa Seigneurie main-mortable, tant en meubles, comme en heritages. Et ce qui est

en franc lieu, tant en meubles, comme en heritages, est au Seigneur en la Seigneurie main-mortable duquel l'homme ou femme estoit originai-
rement, ou bien en la Seigneurie duquel l'homme ou femme estoit
nay.

4
Le Roy ny
les haut-
Iusticiers ne
sont heri-
tiers, ains
successeurs
és biens.
Arrest de ce
que dessus.

Toutesfois ceste opinion n'est sans doubte, parce que le Roy, ou bien
les haut-Iusticiers qui succedent à celuy qui ne laisse aucuns heritiers
legitimes, *non sunt haredes, nec vniuersales successores: sed successores bonorū,
vel successores in vniuersum.* Tellement que chacun prend tout ce qu'il
trouue en son territoire & destroit de sa haute-Iustice, sans que l'un vien-
ne rechercher au territoire de l'autre.

Ainsi fut iugé par Arrest du vingtiesme Mars, mil trois cens quarante
& trois, au profit des Religieux, Abbé & Conuent de saint Germain
des Prez, auxquels furent adiugez les meubles estant en vne maison assi-
se au village d'Illy, appartenans à Maistre Hugo de Conssiac, condam-
né & executé à mort: Combien que tels meubles fussent pretendus par
Monieur le Procureur General du Roy, d'autant que le defunct estoit
demeurant en la ville de Paris, officier du Roy, & auoit esté condamné
pour plusieurs infidelitez, corruptions, faueurs, & delicts commis en son
estat & office.

Et à ce est conforme le trois cens quarante sixiesme article de la nou-
uelle Coustume de Rheims, qui porte, que s'il y a biens vacans en di-
uers lieux, chacun Seigneur haut-Iusticier doit auoir ceux qui sont en sa
Seigneurie & haute-Iustice, tant meubles, qu'immeubles.

Et en ce cas les meubles ne suiuent le domicile. Et cest article a esté nou-
uellement introduict, ce qu'il conuient noter. Et est conforme au qua-
triesme article des droicts de haute-Iustice, aduisez lors de la redaction de
la nouvelle Coustume de Paris, transcrits au second chapitre des droicts
de Iustice, par nous n'aguerez diuulgez. *Qua dicta sunt latè tractantur à
Chassaneo*, és Coustumes de Bourgogne, au tiltre des confiscations, ar-
ticle premier, en ces mots: & appartient la confiscation, col. 15. 16. 17. 18.

5
Les haut-
Iusticiers
payent les
debtes du
defunct pro
modo
emolumēti.

Or tout ainsi que chacun des hauts Iusticiers, prend ce qui est au de-
dans du destroit de sa haute-Iustice: aussi chacun d'entr'eux est tenu de
contribuer au payement des debtes passiuēs tant mobilières qu'immo-
bilières du defunct, *pro modo emolumentī*, & selon qu'il a amendé des
biens du defunct, & *sic qui plus capit, plus soluit, qui plus habet, plus soluere
debet*, l. 3. C. de sent. pass. l. tutoris. C. ad legem Iul. de vi public. l. quasi um.
§. 1. ff. de pecul. l. Celsus, cum lege sequenti. ff. de religio. & sumptib. funer.
lege si vir vxor. ff. ad legem Falcid. La raison est apparente, *quia as alienum
respicit vniuersum patrimonium, lege fideicommissum. §. tractatum. ff. de iudi.
Alexander de Imola dicto consilio 31. volum. primo.*

6
En la Cou-
stume de
Paris com-
me se payēt
les debtes

Et incidemment on peut dire qu'ainsi s'observe és Ville, Preuosté &
Vicomté de Paris, *quando diuersimodè siue diuerso iure succeditur*: comme
quand les parens paternels & maternels estans en diuers degrez, vien-
nent à succeder: lesquels sont tenus payer les debtes du defunct, *pro rata
bonorum, quia censentur potius bonorum possessores, quàm haredes. Secus si co-
dem iure succedatur, & haredes sint in eodem gradu, siue linea directā, siue*

collaterali, auquel cas les debtes se payent esgalement, *pro quota & portione hereditaria*, & non *pro modo emolumenti*.

d'un defunct par ses heritiers.

En sorte que le fils aisné qui en ligne directe prend le droict d'ainesse, & le masle qui en ligne collaterale prend entierement les fiefs, & en exclud les femelles, soient sœurs, tantes, ou cousines, n'est tenu payer davantage des debtes de l'heredité, que l'un des autres enfans, ou bien que l'une des femelles, suivant les septante-six & cent cinquante articles de l'ancienne Coustume de Paris, *Tanquam id iure prelegati competat, beneficio legis municipalis, nullo onere adiecto, ut tradit Molinaus in consuetudinibus Paris. §. 11. numero octavo & §. 16. numero 14.* conformément à la Loy premiere C. si cert. pet. l. pro hereditarijs. C. de hereditaria donatione. Et a esté iugé en la Coustume de Picardie, par Arrest solennellement prononcé le vingt-quatriesme May, mil cinq cens soixante & dix-sept, qu'en ligne collaterale un masle qui prenoit tous les fiefs, n'est tenu payer davantage des debtes de la succession, que l'un des autres heritiers.

Depuis la nouvelle Coustume de Paris a autrement ordonné que ce que dessus, comme nous auons dict au Traicté des droicts de Iustice, chap. 21.

S'il y a des legataires des meubles & acquests & des heritiers des propres, ils seront tenus ensemblement payer les debtes du defunct, *pro modo emolumenti*, selon que chacun a eu & amendé des biens du defunct, soient meubles, ou immeubles. Et est le cas de l'Arrest des enfans de feu Maistre Jean Boulard, en son viuant Commissaire au Chastelet de Paris, lequel par testament escrit & signé de sa main, recogneu pardeuant Notaires, auoit donné aux enfans de son second liét tous ses meubles, acquests, conquests, & quint de ses propres, franchement & quittement, sans payer aucunes debtes: Tellement qu'au fils aisné du premier liét ne demeuroient que les quatre quints des propres, subiects à plusieurs rentes & debtes, au payement desquelles les enfans du second liét ne vouloient aucunement contribuer, & disoient, que le fils du premier liét en tout euenement, ne pouuoit demander que sa legitime de droict, laquelle ils luy offroient. Le fils aisné au contraire disoit, que le defunct n'auoit peu tester contre la Coustume, laquelle prohiboit à un testateur de charger par son testament en quelque sorte que ce soit les quatre quints de ses propres. Ce que le defunct auoit faict, ayant deschargé du payement de ses debtes, ses meubles, acquests, & quint de ses propres, & en ayant entierement chargé les quatre quints.

7
Comme les debtes se payent par le legataire des meubles & acquests par l'heritier des propres.
Arrest de Boulard.

Aussi le legs faict aux enfans du second liét, estant faict, *in modum quota, id est certa partis bonorum, puta tertia vel quarta, & non rei particularis, censetur potius heredis institutio quam legatum*, & tels legataires estoient reputez heritiers, l. minor. ff. de iure dot. l. fin. ff. de usu & usus. legat. l. ex facto. ff. de heredib. Idque exemplo legatarij siue donatarij vniuersalis, aut omnium bonorum, qui pro herede habetur, & as alienum exoluere tenetur, l. mulier bona. ff. de iure dotium. Glosa in l. aris alieni. C. de donatis.

Finalemment par Arrest solennellement & publiquement prononcé le

quatorziesme May, mil cinq cens soixante & deux, en emendant la sentence donnée par le Preuost de Paris, fut ordonné: Que deliurance seroit faicte aux enfans du second liect de tous les meubles, acquests immeubles, & quint des propres demeurez par le decez dudit defunct Maître Iean Boulard, leur pere: à la charge toutesfois qu'ils contribueront au payement des debtes, tant mobiliaries, qu'immobiliaries, *pro rata bonorum*, & selon la iuste valeur d'iceux: sans despens, tant de la cause principale, que cause d'appel. Quant aux legs testamentaires, il est certain qu'ils se prennent sur les meubles, acquests, & quints des propres, sans que les quatre quints y soient aucunement subiects, & les frais des obseques & funerailles sont estimez debtes, & se prennent sur tous les biens. Et ce que dessus a esté par nous amplement déclaré au 21. chap. des droictz de Iustice, lequel il est besoin voir.

Et conuient noter que quand vn hōme decede sans aucuns heritiers, les biens demeurez par son decez, *non vocantur hereditas, sed bona vacantia nominantur*, & le curateur créé à tels biens vacans ne represente pas l'heritier, d'autant qu'il n'y en a point, mais represente la personne du defunct, *l. mortuo reo. ff. de fideiuss.* En sorte que le Roy, ou bien le haut-Iusticier qui succede par droict de Des-herence à vn defunct decedé sans hoirs, n'est pas heritier du defunct, & ne luy doit-on attribuer la qualité d'heririer, ains de successeur és biens. Comme il a esté dict cy-dessus, *Cuius rei duo precipui sunt effectus.*

8
La succession vacante n'est appelée heredité.

9
Le Roy & le haut-Iusticier ne sont tenus au payement des debtes que iusques à la concurrence des biens du defunct, ausquels ils ont succédé.

Le premier, que ny le Roy, ny le haut-Iusticier ne sont tenus au payement des debtes du defunct, qui est decedé sans heritiers legitimes, ny au payement des legs testamentaires par luy faicts, que iusques à la concurrence des biens, *qua ad eos perueniunt, l. tutores. C. ad leg. iul. de vi pub. l. inter eos, §. fina. ff. de fideiuss. l. quoties: l. bi Bart. & Paulus de Castro. ff. de noua. l. quidem §. quoties. ff. de lega. 1. Bal. in l. si quis mihi bona, §. si fisci. ff. de acqui. hered. Masuerius in titu. de success. & ultimis voluntat. in sua praxi forensi. §. item si nulli. 1. §. an bona. ff. de iure fisc.* Conformément au 347. article de la nouvelle Coustume de Rheims. Et est besoin que le Roy, ou bien le haut Iusticier, face faire inuentaie, suiuant le 231. article de la Coustume de Poictou. Et à faute de ce faire, il sera tenu au payement de toutes les debtes.

10
Le Roy est heritier anomal & irregulier.

Partant on dict que le Roy est vn heritier anomal & irregulier, comme le haut-Iusticier, ainsi qu'il fut plaidé en la Cour, le Ieudy vingt-sixiesme Feurier, 1552. contre Messieurs les Gens du Roy, voulans estre receus à reprendre vne instance, & faire poursuite d'une action de retraict lignager, intentée par vn François condamné aux galleres perpetuelles, sous ombre que ses biens estoient confisquez, *tanquam huiusmodi actio in bonis eius esset.*

11
L'Abbé n'est heritier de son Religieux, ains successeur és biens.

Et tout ainsi que le Roy, ou bien le haut-Iusticier, succedant à son iusticiable & subiect decedé sans hoirs, n'est vrayement heritier: aussi vn Abbé succedant à son Religieux, *non est hares nec successor vniversalis, sed successor bonorum. Et bona Religiosi iure peculi accipit: sicut pater familias bona filij familias, tanquam peculium occupat, & dominus bona ser-*

in iure peculij sibi vendicat. Et dit-on que l'Abbé succede au pecule de son Religieux, *l. 2. ff. de castren. pecul. l. servus. C. com. de success. notat Innocentius in cap. olim ext. de privilegijs.* Et telle succession de Religieux est appelée main-morte, ou bien despoüille, ou bien pecule. Et l'Abbé faisant don d'icelle, donne & octroye à tel, ce qui luy peut competer & appartenir par droit de main-morte, ou autrement, en quelque sorte que ce soit, en la succession, despoüille, pecule, & biens de defunct tel, en son vivant Religieux profez en telle Abbaye, pour en iouyr, &c. Et quand il y a procez pour raison des biens delaissez par le trespas d'un Religieux, on met entre tel, Abbé de Saint Denys en France, successeur de defunct tel, vivant Religieux profez en ladite Abbaye. Ou bien, entre les Religieux, Prieur & Conuent de S. Martin des Champs à Paris, successeurs de defunct tel, vivant Religieux profez audit S. Martin.

Aussi on appelle la succession des Cheualiers de l'Ordre de S. Iean de Ierusalem, la despoüille, laquelle appartient au commun Thresor de l'Ordre, tout ainsi que celle du Religieux appartient à son Abbé. Outre lequel droit de despoüille, le commun Thresor dudit Ordre a deux droits qui luy appartiennent par le trespas d'un Cheualier. Le premier est appelé *Mortuorum*, qui est de prendre tous les fruits & reuenus des Commanderies qui appartenoient au defunct, & des membres dependans d'icelles, escheans depuis le iour du decez, iusques au dernier iour d'Auril ensuiuant, includ, & pour la portion du temps seulement. Le second droit est appelé le vacant, qui consiste en la perception des fruits & reuenus des Commanderies qui appartenoient au defunct Cheualier, & membres dependans d'icelles, depuis le premier May ensuiuant, iusques au dernier Auril subsequnt, qui est un an entier. Sans que le commun Thresor soit tenu entretenir les baux faicts par le defunct, s'ils ne sont emologuez par Monsieur le grand Maistre de l'Ordre, & son Conseil estably à Malte. Et ces deux droits de *Mortuorum*, & de vacant, se bail- lent separément à ferme, & le profit d'iceux appartient entierement au commun du Thresor, sans estre subiect aux debtes du defunct, comme sont les biens de la despoüille. Sur laquelle l'Ordre est premierement payé de ce qui luy estoit deu par le defunct, & preferé à tous creanciers, *Exemplo domini qui de peculio serui dedit quicquid seruus ei debet, & quod superest, id solum peculium intelligitur,* comme dict le texte, *in l. peculium. ff. de peculio. §. cum autem quod cum eo qui in alie. potest. in institu.*

Par les moyens cy dessus deduits, on peut cognoistre qu'on ne doit purement & simplement condamner un Abbé, au payement des debtes de son Religieux : mais seulement comme successeur, & iusques à la concurrence des biens, *quæ ad eum perueniunt.* Ainsi qu'il fut plaidé en la Cour pour les biens d'un Religieux pretendus par monsieur l'Euesque de Cisteron, le vingt-vniesme Octobre mil cinq cens soixante-huit. Et à la verité tels Abbez, pour le regard de leurs Religieux, & les Seigneurs haut-Iusticiers, pour le regard de leurs subiects & iusticiables, *sunt potius bonorum possessores quàm heredes vel successores.* Et pour ceste cause les dispositions testamentaires, qui sont reduictes par les Coustumes, au

12
Forme de
donation de
la despoüille
d'un Reli-
gieux.

13
Des droits
de despoüille
de mortuo-
rum, & de
vacans, apres
le decez des
Cheualiers
de S. Iean de
Ierusalem.

14
Comme un
Abbé doit
estre con-
damné au
payement
des debtes de
son Reli-
gieux.

tiers, au quart, ou au quint, en faueur des heritiers ab intestat, ne peuvent estre debatues par le Roy, ou par le haut-Iusticier, succedant au François decedé sans hoirs : comme nous auons déclaré au vingt-troiesme chapitre du droict d'Aubeine, & sixiesme chapitre du droict de Bastardise.

15
Les Abbez
pour la suc-
cession de
leurs Reli-
gieux ne
peuvent for-
mer com-
plainte.

L'autre & second effect de ce que dessus est, que tels successeurs à biens vacans ou à Religieux ne sont saisis par la Coustume, par laquelle le mort saisit le vif : & ne peuvent conclure en cas de saisine & nouuelleté, *quia non sunt heredes sanguinis, sed successores iuris tantum*. Comme il fut plaidé & iugé contre l'Abbé saint Aubin d'Angers, qui fut déclaré non receuable en la complainte par luy formée, pour la succession mobiliere d'un sien Religieux, le vingtiesme Feurier mil cinq cens cinquante-cinq. Et l'Abbé ou bien le Conuent successeur d'un Religieux, doit requerir qu'il iouyra de tel heritage, comme estant des biens & succession du defunct, defenses de le troubler en la possession & iouissance d'iceluy, & condamné rendre les fructs depuis l'iniuste detention. S'il est question des meubles, requerra la restitution d'iceux. Toutesfois defunct Dom Pierre Chutot, viuant Religieux profez au Prieuré S. Martin des Champs à Paris, ayant acquis quelques heritages assis à Courtheul, sous le nom accommodé de Nicolas Chutot son frere, desquels le defunct auoit iouy sa vie durant. Apres son trespas, les Religieux, Prieur & Conuent de saint Martin, estans troublez en la possession & saisine desdits heritages, ils conclurent en cas de saisine & nouuelleté contre ledit Chutot : disant que *Possessio Monachi est possessio Abbatis, sicut possessio serui possessio domini. l. per seruos. ff. de acqui. posses.* descourirent l'accommodation de nom. Par sentence des Requestes du Palais du vnziesme May mil cinq cens quatre-vingts quatre, furent maintenus & gardez en possession & saisine desdits heritages. De ceste sentence Chutot ayant appellé, elle fut confirmée par Arrest prononcé le premier Iuin, mil cinq cens quatre-vingts cinq. Aussi par le quarante-vniesme article de la Coustume d'Anjou, les Seigneurs Iusticiers sont saisis des biens vacans, tout ainsi que les heritiers. Et par la Coustume du Duché de Bourgogne, article quatorziesme, chapitre des main-mortes, le Seigneur demeure saisi des biens de son homme main-mortable, quand le cas de la main-morte aduiuent. Et a droict de s'uitte, & de vendiquer lesdits biens, en quelque lieu franc qu'ils soient assis, meubles, ou immeubles : comme nous auons déclaré à la fin du troiesme chapitre des Francs-Fiefs, & nouveaux Acquests. Et à quelles debtes le Seigneur de main-morte est tenu, il est porté par le quinzieme article de ladite Coustume.

SCA VOIR SI VN DEFVNCT DELAISSANT
heritages propres paternels & maternels, & n'ayant que parens ma-
ternels, si tels parens succederont és heritages paternels, & *è conuerso*.
Ou s'ils appartiendront au Roy par Des-herence, Aubeine, ou Bastar-
dise : ou bien au haut-Iusticier.

- | | |
|--|--|
| <p>1 Si les parens maternels peuuent succeder aux propres paternels, & <i>è conuerso</i>.</p> <p>2 Paterna paternis, materna maternis, comme se pratique au pays <i>constumier</i>.</p> <p>3 Paterna paternis, materna maternis, comme est obserué au pays de droict <i>escript</i>.</p> <p>4 Comme les meres & ayeules succe-
dent au pays de droict <i>escript</i>, sui-
uant l'ordonnance.</p> <p>5 Heritier paternel n'a rien de com-
mun avec l'heritier maternel.</p> <p>6 Sçauoir si les parens maternels des
ensans d'un <i>estranger</i> ou <i>bastard</i>
pourront succeder aux propres pa-
ternels.</p> <p>7 Coustume de Bourgogne, concer-
nant la presente question.</p> <p>8 Ancien Arrest de ce que dessus.</p> | <p>9 Raison de ceux qui estiment que
les heritiers maternels peuuent
succeder aux propres paternels, &
<i>è conuerso</i>.</p> <p>10 La distinction des heritages pater-
nels & maternels concernent les
heritiers du sang.</p> <p>11 Coustume de Mante, concernant ce
que dessus.</p> <p>12 Arrest de ce que dessus.</p> <p>13 Sentence du Tresor par laquelle
la mere succede aux heritages pa-
ternels de son fils.</p> <p>14 A faute d'heritier paternel,
tous les propres appartiennent à
l'heritier maternel, & <i>è con-</i>
<i>uerso</i>.</p> <p>15 Quand les peres & meres succe-
dent aux propres de leurs enfans.</p> <p>16 In dubio l'heritage est <i>presumé</i>
<i>acquest</i>, & non propre.</p> |
|--|--|

CHAPITRE IV.



La esté dit cy-dessus, que quand vn homme nay en Fran-
ce en loyal mariage decede sans aucun heritier legitime,
que le haut-Iusticier luy succede par Des-herence, soit le
Roy ou autre. Mais on a demandé si vn homme qui a plu-
sieurs heritages propres, tant paternels, que maternels, de-
cede sans aucuns parens paternels, & ne laisse que des heritiers mater-
nels : comme il peut aduenir aux enfans, ou petits enfans d'un Au-
bein & *estranger* : ou bien aux enfans, ou petits enfans d'un *bastard*
qui a esté marié avec femme naturelle & legitime, ou aux enfans,
& petits enfans d'une *bastarde* qui a esté mariée avec vn homme
nay en loyal mariage, ou bien à autre personne natifue en Fran-
ce : Si tels heritiers maternels auront non seulement les heritages
maternels avec les meubles & *acquests* ; mais aussi tous les herita-
ges paternels demeurez par le decez du defunct. Et *è conuerso*, si les

¹
Si les parens
maternels
peuuent suc-
ceder aux
propres pa-
ternels. & *è*
conuerso.

heritiers paternels auront non seulement les heritages paternels avec les meubles & acquests, mais tous les heritages propres maternels. Ou bien tous les heritages propres paternels ou maternels appartiendront au haut-Iusticier par droict de Des-herence, & de ligne faillie, comme dit la Coustume d'Anjou: ou bien au Roy par droict d'Aubeine ou Bastardise.

2

Paterna pat-
ternis, ma-
terna ma-
ternis, com-
me se prati-
que au pays
Coustumier.

La raison de douter est, que les Coustumes de France qui regardent ordinairement à conseruer le bien & patrimoine des familles, & empêcher qu'il ne sorte hors d'icelles, portent communément vne maxime, sçauoir *paterna paternis, materna maternis*: laquelle maxime on garde au pays Coustumier de France: encores que la Coustume locale n'en face expresse mention, comme il a esté iugé en la Coustume de Chartres. Et ceste maxime est fondée *in lege de emancipatis. C. de legitim. hered. in l. quod scitis. C. de bon. qua liber. l. quicunque. de omni agro deserto C. lib. 10. l. unica de success. frat. in v. si. feud. l. ex facto. 21. de hered. in instit.* Encores que communément on tienne en droict que *paganus non potest habere plurima patrimonium, sed omnia bona vnum patrimonium efficiunt, & de eadem hereditate censentur. Imo plures hereditates in vna persona iuncte separari non possunt, & vnam hereditatem efficiunt, l. iuris peritos §. 1. ff. de excusa. tutor. l. si plures §. filio. ff. de vulga. & pupil. substitu. l. filius familias. §. quemadmodum. ff. de privileg. creditor.*

3

Paterna pa-
ternis, ma-
terna ma-
ternis, com-
me est ob-
serué au
pays de
droict es-
cript.

Et la verité est, qu'au pays de droict escript en ligne collaterale il n'y a point de separation de biens paternels & maternels: sinon quand les freres succedent à leur defunct frere, ou que les enfans des freres decedez viennent par representation, à la succession de leur oncle. Car les freres consanguins, ou leurs enfans par representation, succedent és heritages paternels: & les freres vterins, ou leurs enfans par representation, succedent aux heritages maternels: & les consanguins ne sont point exclus des biens paternels, ny les vterins des biens maternels, par les freres germains, qui *sunt coniuncti utroque parente*, freres de pere & de mere. Mais seulement sont exclus des biens meubles, acquests & conquests immeubles du defunct: ausquels seuls succedent les freres de pere & de mere: comme auons dit au cinquiesme chapitre des droicts de Iustice par nous mis en lumiere. *l. de emancipatis. Codice de legitim. hered. authent. post fratres autem C. eodem & authent. itaque, vbi glosa latè tractat, C. commun. de successio.* Ce qui est dit des freres, & enfans des freres, a lieu és sœurs & enfans des sœurs. S'il n'y a point de frere, ny enfans des freres, tous les biens, tant paternels que maternels, meubles, acquests & conquests immeubles, sont deferez au plus proche parent, soit paternel, ou maternel. Tellement que le frere vterin succede aux heritages paternels de son frere vterin, & en exclud les oncles, & autres parens paternels: suivant ladite authentique *post fratres, in verbo patrius*: comme il a esté iugé par le second arrest donné en la premiere plaidoyrie des Grands iours tenus à Clermont en Auvergne, en l'an mil cinq cens quatre vingts deux, & qu'il a esté aduisé par les anciens Aduocats de la Cour de Parlement. Aussi au pays de droict escript l'oncle paternel succede

aux

aux heritages maternels, & en exclud les cousins maternels, comme plus proches à succeder. Et le semblable est obserué és oncles maternels, pour le regard des heritages paternels, esquels ils succedent entiere-ment, à l'exclusion des cousins paternels. Pareillement ainsi est obserué pour le regard de tous les autres parens collateraux, *authentica post fratres fratrumque, in verbis, quocunque gradu sint proximiores. Cod. de legit. hered.* Quand les oncles paternels & maternels, ou bien les cousins concurrent, ils succedent esgalement en tous les biens paternels & maternels, & generalement en tous les autres biens, parce qu'ils sont en mesme degré.

A faute de freres & sœurs, ou enfans de freres ou de sœurs, pour succeder au defunct, les meres leur succederoient en tous biens, mesmes és heritages paternels de leurs enfans, si elles n'en estoient excluës par l'Edict faict par le Roy Charles neufiesme, verifié en la Cour le vingt-neufiesme Iuillet mil cinq cens soixante-sept. Par lequel est porté, que les meres ne succedent plus à leurs enfans, és biens prouenus du pere, de l'ayeul, d'oncles collateraux, ou autres en quelque endroict que ce soit du costé paternel. Mais succederont aux meubles & conquests de leurs enfans prouenus d'ailleurs, que du costé & ligne paternelle. Et iouyront leur vie durant de l'vsufruiet de la moi-tié des biens propres qui appartiennent à leurs enfans, auant qu'ils fussent decedez. Laquelle ordonnance par les arrests de la Cour, pour identité de raison a esté estenduë aux ayeules maternelles, qui sont excluës des biens paternels de leurs petits enfans comme les meres. Et ont pareil droict de succeder aux meubles & conquests de leurs petits enfans, & auoir l'vsufruiet de la moitié de leurs propres paternels, comme les meres. Et outre de succeder aux propres maternels de leurs petits enfans, acquis par leur mere, encores qu'ils eussent fait souche en la personne des petits enfans, & qu'on voulust maintenir, que propres ne remontent point. Ainsi a esté iugé par arrest donné en plaidoyrie, le deuxiesme Decembre mil cinq cens quatre-vingts treize, entre Robert de Cuay, Anthoine Potier & consorts, appellans des Iuges Presidiaux de Ryon en Auvergne d'une part, & Michel Maçon intimé d'autre. Et ce qui est dit des mere, ayeul, & ayeuls maternels, est obserué és pere, ayeul, & ayeuls paternels, lesquels ne succedent point aux propres maternels de leurs enfans, & petits enfans, mais aux meubles & conquests seulement, avec l'vsufruiet de la moitié des propres maternels, comme par l'Edict cy-dessus allegué est octroyé aux mere, ayeul, & ayeule maternels. Et pour ce regard, outre les loix cy-dessus alleguées est besoin voir la loy premiere & seconde, mesmes la loy *quod scitis prioribus l. de secund. nup.* Et l'ordonnance dessusdite, qui n'est practiquée qu'au pays de droict escript, & non au pays Coustumier, auquel on se gouerne selon la Coustume locale, n'a lieu ny effect, sinon és personnes des pere, mere, ayeul, & ayeule, & non és autres parens collateraux, soient freres, sœurs, oncles, tantes, & cousins, comme il a esté dit cy-dessus.

L'autre raison du doubte cy-dessus proposé est, que l'heritier paternel

4
Comme les
meres & ay-
eules succe-
dent au pays
de droict es-
cript suiuant
l'ordonnan-
ce.

5
L'heritier
paternel n'a
rien de com-
mun avec
l'heritier
maternel.

6
Sçavoir si
les parens
maternels
des enfans
d'un Estran-
ger ou Ba-
stard, pour-
rôt succeder
aux propres
paternels.

n'a rien de commun avec l'heritier maternel : *nec re, nec verbis coniunctus est, & diuerso iure succedunt.* En sorte qu'il peut y auoir vn heritier paternel par benefice d'inuentaie, & vn heritier maternel simple. Et l'heritier paternel par benefice d'inuentaie ne peut renoncer à son benefice d'inuentaie, & contraindre l'heritier maternel d'apprehender toute la succession, *sed perpetuò manebit hares*, à la charge de n'estre tenu outre la concurrence des biens paternels : comme il a esté iugé en plaidoyrie par Arrest du neufiesme Avril mil cinq cens soixante & seize, entre les heritiers de feu maistre Hierosme Blanchard, viuant Procureur en Parlement. *l. quisoluendo. ff. de hered. instit. §. restituta, de fideicom. heredita. in Instit.* Et s'il n'y a aucuns heritiers paternels, ou bien qu'ils ayent tous renoncé à la succession, on créera vn curateur aux biens paternels comme vacans, & l'heritier maternel aura les propres maternels.

Pour resolution de ceste questiō, quant au droict d'Aubeine, & droict de Bastardise, lesquels concernent les heritages propres appartenans aux enfans des estrangers & bastards, desquels le pere ou la mere estoient legitimes, non pas desquels le pere estoit bastard & la mere bastarde : car en ce cas ils ne peuuent auoir heritiers paternels, ny maternels, comme il sera dit cy-apres : combien qu'on puisse dire que tels droicts soient esteincts en la personne de l'estranger, & en la personne du Bastard, comme l'obstacle de peregrinité, & vice de bastardise estans personnels, suivant la loy finale, *Cod. de natur. liber.* Si est-ce que par les cinq, neuf, & dixiesme articles de l'extraict de la Chambre des Comptes, transcript au troiesme chapitre du droict d'Aubeine, estant dit que le Roy est du tout heritier des enfans des estrangers & bastards, & des autres heritiers naiz au Royaume à eux succedans, tant qu'il en est memoire, s'ils n'ont enfans legitimes, on peut dire & maintenir que les biens acquis par les estrangers & bastards, escheuz à leurs enfans & enfans de leurs enfans, & autres descendans, qui sont paternels, doiuent entierement appartenir au Roy, au cas qu'il n'y ait heritier paternel, tant qu'il en est memoire, *ut latè tractat Angelus, §. si plures in Instit. de legitima agnato. success. allegans textum in l. si emancipatione §. exceptis. C. de legit. hered. & Doctores P. authentico itaque. Commun. de successio. Co.* Tellement que l'heritier maternel, ny le haut-Iusticier ne succederont aucunement aux heritages paternels venus de l'estranger ou bastard, comme le droict d'Aubeine & de Bastardise estant perpetuels, & ayant lieu *in infinitum*, és personnes descenduës des estrangers & bastards : & ce droict ne pouuant estre clos & arresté sinon par le moyen de lettres de naturalité : ainsi que Papon a amplement discoursu en son troiesme & dernier Notaire, liure sixiesme, au tiltre de lettres de naturalité, notable huietiesme.

7
Coustume
de Bourgo-
gne concer-
nant la pre-
sent que-
stion.

Et conformément au contenu de cest extraict des Comptes, est porté par la Coustume de Bourgogne, au tiltre des successions des bastards, article second : Que si les enfans legitimes du bastard, ou les enfans d'iceux enfans, ou autres descendans du bastard, vont de vie à trespas sans hoirs legitimes de leurs corps, mondit Seigneur aura seulement les heritages procedans du tronc du pere bastard, ou grand pere bastard, ou de la

la mere, ou grand mere bastarde : & les autres heritiers collateraux auront le surplus des biens. Aussi par la Coustume d'Anjou, article 268. à laquelle est conforme l'ancienne Coustume de Rheims, au tiltre des successions, article 9. est porté: Que la ligne paternelle ou maternelle defaillante, le Seigneur Iusticier succede es heritages de la ligne defaillante. Et par le cinq cens quatre-vingts cinquiesme article de la Coustume de Bretagne est dit, que defaillant vn estoc, ne succedera l'autre estoc, ains sera le Seigneur du fief preferé à recueillir les choses par droit de Des-herence & reuerfion.

*Coustume
d'Anjou.*

Tellement que les biens paternels ou maternels, dont la ligne defaut, estant prouenus d'un estranger ou d'un bastard, appartiendront au Roy, priuatiuement à tous les Seigneurs haut-Iusticiers, suiuant l'extraict du Greffe de la Chambre des Comptes, cy-dessus recité. Et cù tels biens paternels ou maternels seroient prouenus d'un homme ou femme naiz en France, appartiendront aux haut-Iusticiers, selon qu'ils seront situez en leurs hautes Iustices : & de ce on allegue vn ancien arrest escript in libro Olim, estant au Greffe de la Cour, fol. 118. contenant ces mots: *Quia olim in successione filij Bassi Lombardi de Tercijs, non inueniebatur aliquis heres ex parte patris, pronunciatum fuit immobilia ipsius filij ex latere patris prouenientia, tanquam vacantia ad dominum Regem pertinere. Inter arresta facta in Parlamento, Anno Domini millesimo ducentesimo nonagesimo octauo. ainsi le tient Masuerius in sua Practica forensi, titulo de probationibus, §. est aduertendum, notabili 34. & titulo de testamentis col. 1.*

8

Ancien Arrest de ce qui est dessus.

Toutesfois plusieurs ont esté d'aduis contraire, ausquels ceste opinion a semblé fort dure : & ont estimé que les heritiers maternels, qui sont heritiers du sang, doiuent auoir main-leuée de tous les biens, tant paternels que maternels, & exclurre le fisque & le haut-Iusticier, *quod iuri communi consentaneum est*, & ainsi est practiqué es lieux esquels la Coustume n'est contraire. De ce y a texte exprés, l. *vacantia. de bon. vacant. Codic. lib. 10.* où il est dit, que *vacantia mortuorum bona tunc ad fiscum deferuntur, si nullum ex qualibet sanguinis linea reliquerit defunctus heredem.* Y a semblable texte in l. *finali. de bon. petit. sublat. Cod. l. 10. in verbis, nullis ex numero propinquorum existentibus. & in l. unic. §. pen. Cod. de cad. toll. in verbis, si nulli sint.*

Raisons de ceux qui estiment que les heritiers maternels peuvent succeder aux propres paternels, & conuerses.

Aussi il est certain que les Coustumes n'ont introduict la distinction des patrimoines paternels & maternels, sinon quand il y auroit concurrence de parens paternels & maternels heritiers du sang, afin de conseruer les heritages aux familles, comme il a esté dit au vingt-troiesme chapitre du droit d'Aubeine, à la lecture duquel est besoin auoir recours, non pas quand les heritiers paternels ou maternels defaillent, & qu'il ne s'en trouue que d'un costé. Ausquels cas *mutuo concursu sese impedire non possunt* : non plus que plusieurs legataires, quibus plures res eodem contextu legatae sunt, *vel eadem res eodem contextu legata est* : si unus eorum deficiat, *vel legatum repudiet*, non facit partem, nec impedit quin collegatarius integrum consequatur, si totum consequi velit, leg. *unica. §. sin. verò nemo alius ueniat. & §. in nouissimo Codic. de cat. toll. leg. Manio ff. de legat. l. si*

10
La distinction des heritages paternels & maternels concurrent les heritages du sang.

duobus seruis. ff. eodem. §. si eadem res de legat. in Instit.

11
Coustume
de Mante
concernant
ce que des-
sus.

De faict ceux qui ont nouuellement redigé les Coustumes, mesme la Coustume de Mante, pour oster ce doute, ont par l'aduis des trois Estats redigé les 169. & 170. articles, en ces mots: En succession, en ligne directe propres heritages ne remontent, qui est à entendre du propre naturel, & non conuentionnel. Et neantmoins où il n'y auroit descendans ou collateraux, heritages propres retournent aux pere & mere, & autres ascendants, qui sont preferez au filique. Aussi le trois cens trentiesme article de la nouvelle Coustume de Paris porte, que s'il n'y aucuns heritiers du costé & ligne, dont sont venus les heritages, ils appartiennent au plus prochain habile à succeder de l'autre costé & ligne, en quelque degré que ce soit.

12
Arrest de ce
que dessus.

Et ceste question fut plaidée en la Cour le 28. May 1566. pour la vefue de la Loupe qui estoit naturel seulement: aux enfans legitimes duquel la vefue comme mere legitime succeda en tous les heritages acquis par defunct la Loupe son mary, escheuz par son decez, à ses enfans naturels & legitimes, encores qu'ils fussent propres paternels aux enfans. Aussi semblable cause fut plaidée en la Cour le huictiesme May mil cinq cens soixante & douze, pour les biens du feu Seigneur de Balon, en son viuant demeurant en Anjou, pretendus par Madame de Montmorency, comme donataire du Roy, par defect de ligne paternelle, suiuant la Coustume d'Anjou cy-dessus recitée.

Sentence du
Thresor.

Semblable question fut agitée en la Chambre du Thresor, pour vne Damoiselle nommée Cardonne, du pays de Picardie, dont le different fut vuidé par aduis de Conseil, avec le donataire du Roy, & la Damoiselle obtint gain de cause. Et encores semblable question fut agitée en la Chambre du Thresor, à la requeste du Procureur du Roy, contre Anthoine de Boulongne, Iean de Boulongne, & conforis, pour les heritages propres paternels de defunct Nicolas Taquet, le predecesseur duquel nommé Iean Taquet, on pretendoit auoir esté estranger, auquel procez les de Boulongne obtindrent gain de cause par sentence du Thresor, du dixiesme May, mil cinq cens soixante & douze: depuis confirmée par arrest de la Cour. Bien est vray qu'en ce procez y auoit plusieurs autres moyens deduits, mesmes ils se pretendoient & verifioient parens paternels & cousins remuez de germains dudit defunct Taquet, descendus des filles des Taquets.

23
Sentence au
Thresor, par
laquelle la
mere succe-
de aux heri-
tages pater-
nels de son
fils.

Suiuant le trois cens trentiesme article de la nouvelle Coustume de Paris, conformément à iceluy a esté iugé par sentence de Messieurs du Thresor, le vingt-sixiesme May mil cinq cens quatre-vingts & sept: par laquelle tous les biens tant meubles, acquests, que propres paternels, consistans en vne maison & vignes assises és faux-bourgs de S. Marcel & Yury, demeurez par le decez de Dauid Dangoix, fils naturel & legitime de Iacques Dangoix, & Denyse Hamard, ont esté adiugez à ladite Hamard, comme à elle appartenans par droict successif dudit Dauid Dangoix son fils: & la saisie desdits biens faicte à la requeste du Procureur du Roy au Thresor a esté leuée, au profit de ladite Hamard, combien

que ledit Procureur du Roy mist en auant, que ledit Jacques Dangoix estoit estranger.

Il y a eu autre semblable sentence, donnée par lesdits seigneurs du Thresor le neufiesme Feurier, mil cinq cens quatre-vingts huit, avec le Procureur du Roy audit Thresor: par laquelle main-leuée a esté faicte à vne Damoiselle de ceste ville de Paris, de tous & chacuns les biens tant meubles, qu'immeubles, qui furent & appartindrent à son defunct fils, & à luy aduenus par le trespas de son pere, tant auparauant qu'il fust marié, que pendant son mariage, n'ayant aucuns parens ny heritiers paternels: pour desdits biens iouyr par ladite mere, comme de chose à elle appartenante, & à elle escheuë par la succession, mort & trespas de sondit fils. Et ordonné que les Commissaires establis au regime & gouvernement desdits biens rendront compte à ladite mere, & luy payeront le reliqua d'iceluy, s'aucun y a: en quoy faisant ils en demeureront quittes & deschargez.

Autre pareille & semblable sentence.

Aussi à la fin du mois de Iuin mil cinq cens quatre-vingts & neuf, y eut vne sentence donnée au Chastelet de Paris, au rapport de Maistre Henry le Bel Conseiller audit Chastelet, par laquelle le pere fut déclaré heritier de son fils, non seulement quant aux meubles & acquests: mais aussi quant aux propres maternels, consistans en demy arpent de vignes faisant moitié d'un arpent de vignes, qui auroit esté acquis pendant le mariage des pere & mere dudit fils, & dont moitié estoit aduenue audit fils par la succession de sa mere, du costé de laquelle ledit fils n'auoit aucun parent maternel. Et ce apres auoir ouy les Gens du Roy audit Chastelet, qui pretendoient ledit demy arpent de vignes appartenir au Roy par Des-herence, faute d'heritier maternel, & par ligne faillie.

Semblable sentence du Chastelet de Paris.

Par ce que dessus appert, qu'il faut tenir pour certain, suivant le trois cens trentiesme article de la nouvelle Coustume de Paris, Que quand il n'y a point d'heritier maternel d'un defunct, que tous les biens, tant paternels que maternels, appartiennent à l'heritier paternel. Et le semblable doit estre dict, quand il n'y a point d'heritier paternel, & y a vn heritier maternel: Ce qui est general & vniuersel en tous heritiers: mesmes es personnes des pere & mere succedans à leurs enfans.

*14
A faute d'heritier paternel tous les propres appartiennent à l'heritier maternel, & è conuerso.*

Tellement qu'il conuient entendre le trois cens vnzième article de la nouvelle Coustume de Paris, par lequel est dit, que pere & mere succedent à leurs enfans nais en loyal mariage, s'ils vont de vie à trespas, sans hoirs de leurs corps, aux meubles, acquests & conquests immeubles: lors qu'il y a vn heritier des propres pour succeder ausdits propres, soient paternels ou maternels. Et s'il n'y a point de parent maternel desdits enfans, pour succeder aux propres maternels, le pere suruiuant succedera entiere-ment à iceux, ensemble aux meubles & acquests. Et le semblable sera dict de la mere, s'il n'y a aucuns parens paternels, pour succeder aux propres paternels, elle succedera entierement ausdits propres paternels: La raison est que les pere & mere sont plus fauorables, & doiuent plustost estre admis à succeder à tous les biens delaissez par le trespas de leurs enfans, que non pas vn heritier paternel ou maternel, qui est en lointain

*15
Quand les pere & mere succedent aux propres de leurs enfans.*

Raison de ce que dessus.

degré: Attēdu que le pere & la mere sont la source & origine de la parenté & consanguinité de leurs enfans, le pere est la source & origine de la ligne paternelle, & la mere de la ligne maternelle. Aussi que les heritages paternels ne doiuent estre conseruez en la famille des parens paternels, si non quand il y a des parens du costé paternel. Et le semblable doit estre dict des heritages maternels, qu'ils doiuent estre conseruez en la famille maternelle, lors qu'il y a des parens d'icelle. Ioinct qu'il est raisonnable, iuste, & equitable que les pere & mere soient preferez en la succession de leurs enfans au fisque, lequel *noissimoloco succedit*, & est exclu par vn lointain parent, encores que ledit parent ne soit du costé & ligne, duquel procedent les heritages propres contentieux: suiuant ledit trois cens trentiesme article de la Coustume.

16
In dubio
l'heritage
est presumé
acquest, &
non propre.

En cest endroict conuient entendre, que quand on doute, si vn heritage estoit propre au defunct, ou bien s'il luy estoit acquest, & qu'il n'appert du tiltre de l'acquisition dudit heritage, & n'est point verifié, que les pere, mere, ou autres parens predecesseurs du defunct en ayent iouy, on presume l'heritage estre vn acquest faict par le defunct, *quia nudi nascimur*: & ainsi est practiqué. Combien qu'aucuns soient d'aduis, que *inter nobiles feudum prasumitur antiquum siue paternum, & non nouum siue acquisitum, l. unica. de successionefratrium in vsibus feudorum*. Faut enquerir de la possession & iouissance, & si le pere du defunct a iouy de l'heritage contentieux, ou non.

Aussi vne rente deuë en deniers est presumée constituée & racheptable, & non fonciere, *Idque fauore libertatis prædiorum siue liberationis*.

Q V A N D Y A P L V S I E V R S D O N A T A I R E S D U

Roy des biens escheuz par Des-herence, Aubeine, ou Bastardise, celui qui est premier en datte, est preferé aux donataires subsequens: avec plusieurs arrests sur ce donnez.

- | | |
|--|--|
| <p>1 Quand il y a plusieurs donataires du Roy, lequel doit estre preferé.</p> <p>2 La question cy-dessus recitée, plaidée en la Cour.</p> <p>3 Interpretation de la loy, quoties Cod. de rei vend.</p> <p>4 La loy quoties, n'a point de lieu in principe.</p> <p>5 Solo verbo perficitur gratia.</p> <p>6 En dons & collations on regarde tousiours la datte.</p> <p>7 Dominium rei donatæ à principe statim acquiritur donatario.</p> <p>8 Cause d'une prebende vacante en regale conseruée à trois en mesme iour.</p> | <p>9 La loy quoties n'a lieu, sinon in rebus incorporalibus.</p> <p>10 Arrest donné en la cause dessus recitée.</p> <p>11 Si vn don est remis.</p> <p>12 Sentence du Thresor.</p> <p>13 Don de lots & ventes recelez n'a lieu, que pour ce qui est descouuert par le donataire.</p> <p>14 Le donataire du Roy doit faire signifier son don à l'acquireur, & au Receueur ordinaire.</p> <p>15 Comme le premier donataire se doit conduire quand le second a faict verifier son don.</p> |
|--|--|

- 16 Le premier donataire se doit opposer à la verification des lettres du second donataire.
- 17 Le premier donataire est préféré au second.
- 18 En dons & octroyz on regard la date des lettres patentes, & non du breuet.

CHAPITRE V.



'A V T A N T que souuent aduient, qu'il y a plusieurs donataires du Roy des biens & successions, qui sont aduenus à la Majesté, ou par droit d'Aubeine des estrangers, ou par droit de Bastardise des Bastards, ou par droit de Desherence à faute d'heritier legitime: ou bien de quelques droicts seigneuriaux, comme de quints, requints, rachapts, reliefs, lots & ventes.

On a douté lequel des donataires deuoit estre préféré, & obtenir adiu-
dication des biens à luy donnez par le Roy. Ou bien celuy qui estoit le
premier en date, & qui auant tous autres auoit obtenu lettres de don du
Roy: ou bien celuy qui estoit postérieur en date, mais auoit premierement fait verifier ses lettres de don en la Chambre des Comptes: ou bien
celuy qui estoit postérieur en date & verification, mais estoit le premier
en possession des biens donnez auant tous autres, s'estoit fait subroger au
droict du Roy, & par auctorité de Iustice fait mettre en possession: ainsi
qu'un donataire du Roy doit faire, comme il a esté déclaré au Traicté du
droict d'Aubeine, chap. 35: lequel il conuient voir.

Ceste question fut plaidée en la Cour le Ieudy 20. Decembre, mil
cinq cens cinquante deux, pour certains droicts feodaux deuz par Mon-
sieur Parpas Conseiller au grand Conseil, à cause d'un fief qui luy appar-
tient, assis au dedans de la Chastellenie de Poissy: de partie desquels droicts
iusques à la somme de six cens liures tournois, don auoit esté faict par le
Roy à la nourrice d'une des filles de France: & depuis autre don en auoit
esté faict par le Roy audit Parpas, qui premier auoit faict verifier son don
en la Chambre des Comptes, & premier mis en possession, *quia sibi ipse
debebat.*

Ledit seigneur Parpas pour ses moyens disoit, que par la disposition de
droict *quando eadem res pluribus donatur, vel vñdatur ab eodem is qui prior
possessionem eius adeptus est, ceteris præfertur, etiam si posterior sit, in titulo l.
quoties. Codice de rei vendica.* Laquelle loy doit auoir lieu es contractz &
donations faictes par les Princes, lesquelles sont réglées surant le droict
commun, *ut notat asen in dict. l. quoties l. digna vox. Cod. de legib. text. in
l. i. de præst. sac. cubic. Cod. lib. 12.* Aussi par la disposition de droict Ca-
non, *in cap. si à sede de præbend. in 6. Si Summus Pontifex & Legatus. eadem
die dem beneficium duobus contulerint, possidentis conditio prior est, isque
præfertur cui possessionem prior nactus est.* Par aillemeut alleguoit la loy tradi-
tionibus. *Cod. de pact.* & plusieurs autres passages, soultenant qu'ayant titre
& possession, il deuoit estre préféré, & son don sortir effect: mesmement

1
Quand il y
a plusieurs
donataires
du Roy, le-
quel doit
estre préféré.

2
La question
cy dessus
recitée plai-
dée en la
Cour.

3
Interpretation
de la
loy quoties
Cod. de rei
vendi.

que le don luy estoit faict par le Roy, en remuneration de plusieurs ser-
uices.

4 La loy quo- nataire, disans que la theorique de la loy *quoties Cod. de rei vend.* n'a
ries *napoint* point de lieu *in principe*. Et celuy qui est le premier en datte, & auquel le
de lieu in don a esté premierement faict par le Roy, doit estre preferé à tous dona-
principe. taires subsequens, quelque verification & possession que les donataires
Solo verbo subsequens ayent peu auoir. La raison est, *quia solo verbo perficitur gratia,*
5 perfic. tur & *voluntas Principis firma & constans censetur, nec mutata presumitur.* Tel-
gratia. lement que les dons faicts par le Roy depuis le premier don, sont reputez
6 En dons & obreptifs & faicts par importunité, ne faisans mention du premier don
collations pour y déroger, *l. si pater filio ff. de manumiss. vindict. l. pradia. de locatione*
on regarde *pradio. ciuil. vel fiscal. Cod. lib. 12 cap. ex parte. cap. capitulum sancte crucis. de*
toujours la *rescript. ext. cap. cum olim. de sent. & re iudic. ext. Baldus in praludiis feudorum*
datte. *latè tractat. Iason in l. quoties, columna quinta & sequentibus, Col. l. de rei*
vendica.

7 Partant on regarde toujours la datte de la prouision faicte par nostre
Dominium saint Pere, ou par le Legat, & *ille potior est cui collatio prius facta fuit*, sans
rei donata auoir esgard à la prise de la possession, comme dit le texte, *in dicto cap. si*
à principe à sede, de *præb. & dign. in 6 & in cap. duobus de rescript. eodem.*
statim ac- Et tout ainsi que *dominium rei legatæ, donatæ, vel venditæ, Eccles. aut*
quiritur *civitati, acquiritur ipsi Eccles. vel civitati, statim atque donatio vel venditio*
donatario. *facta est sine ulla traditione:* & que pour leur regard la loy *quoties* n'a point

8 Cause d'u- de lieu, *etiam inter duas ecclesias, iuxta legem finalem. Co. de sacros. Eccles. &*
ne prebende *ibi Glosa in verbo in rem:* aussi, *dominium, siue ius rei donatæ à principe, sta-*
vacante en *tim ex ipsa donatione transfertur in donatarium, sine ulla traditione:* & sans
Regale, con- aucune apprehension de faict. Pour ceste cause seroit bon mettre en la
ferée à trois collation, ou bien au don faict par le Roy, l'heure que le don a esté faict,
en mesme suiuant la glose *in dicto cap. cum duobus.* De faict vne prebende de saint
iour. Nicolas du Louure, ayant vacqué en Regale le 26. Octobre mil cinq
cens soixante & huit, & se trouuans trois personnes pourueuës par le
Roy de ceste prebende, le mesme iour de la vacation: l'un d'entr'eux
ayant faict mettre l'heure que la collation luy auoit esté faicte: les deux
autres n'ayant faict mettre l'heure, mais ayans pris possession de la pre-
bende auparauant luy, les parties respectiuelement alleguans priorité de
leurs collations, il fut dict par arrest qu'elles informeroient de leurs faicts,
pour sçauoir qui estoit celuy auquel la collation auoit esté premierement
faicte: & fut la cause plaidée en la Cour, le vingt-vniesme Mars, mil cinq
cens soixante-neuf. Dauantage, Messieurs les Gens du Roy disoient que

9 La loy quo- la loy *quoties*, auoit lieu seulement, *in rebus corporalibus in quibus requi-*
ries *in reb.* *ritur traditio, non autem in incorporalibus, & maxime in cessione nominis,*
si non in reb. *in qua nulla traditio necessaria est,* selonc le texte *in l. 3. ff. pro soc.* Et que au
incorpora- cas de present le Roy auoit donné à vne nourrice des filles de France, par-
libus. tie des droicts du relief, qui luy estoient deuz par ledit sieur Parpas, qui
estoit vne simple cession d'actions. Et soustenoient que le don auoit esté
faict en recompense de salaires & seruices. Finalement la Cour appointa
les

les parties au Conseil quant au principal: neantmoins par provision ordonna que la somme de six cens liures tournois donnée à la nourrice, luy seroit payée par les Commissaires establis au regime & gouvernement du fief faisi, en baillant caution d'icelle somme rendre, s'il estoit dict en fin de cause.

[Et depuis s'est presenté vne pareille difficulté en ladite Chambre du Thresor, laquelle a esté iugée par arrest, Entre Adam du Puy Seigneur de la Cour, exempt des Gardes du corps du Roy, ayant eu don de sa Majesté des droicts de quintes & requintes à cause de la vente & adiudication par decret des heritages qui appartenoyent à Jacques & Anthoine de Mospoix Seigneurs de Chouilly d'une part, & Paul de Miremont Escuyer Seigneur de Montigny, & Jean Gilbaut Receueur du Domaine d'Espernay, defendeur d'autre.

Le faict estoit que le 26. Feurier 1602. le Roy auroit faict don audit Adam du Puy de tous les droicts de quintes & requintes deuz à sa Majesté à cause des heritages vendus par decret, qui auoient appartenu ausdits sieurs de Chouilly, que le 17. du mois d'Aoust ensuiuant audit an, il auroit faict verifier son don en la Chambre des Comptes, & par l'arrest qui seroit interuenu il auroit esté ordonné que ledit du Puy iouyroit de son don, & que le Receueur du Domaine dudit Espernay vuideroit ses mains des deniers qu'il auoit en sa possession, à cause desdits droicts en celles dudit du Puy: en vertu de cest arrest du Puy faict appeller ledit Gilbaut Receueur pardeuant le Iuge d'Espernay, pour voir dire conformément audit arrest qu'il vuidera ses mains en celles dudit du Puy. Où ayant obtenu iugement à son profit, il fait faire commandement audit Gilbaut de luy bailler les deniers qui estoient les droicts de quintes & requintes qu'il auoit entre ses mains, prouenans de la vente desdits heritages: A ce commandement Gilbaut faict response qu'il n'auoit lesdits deniers entre ses mains, ains qu'il les auoit laissez audit sieur de Montigny acquereur desdits heritages.

Lors du Puy obtint commission au Thresor pour faire appeller, tant ledit Montigny que ledit Gilbaut Receueur, pour voir dire que les deniers que ledit Gilbaut auoit entre ses mains prouenans desdits droicts Seigneuriaux, luy seroient baillez suiuant l'arrest de Messieurs des Comptes & du don à luy faict par sa Majesté.

Montigny estant comparu à l'assignation auroit remonstré qu'en l'année mil six cens deux il auroit acquis par decret les heritages dont est question, faisant partie de la terre de Chouilly, que le 17. Iuin 1602. le Roy luy auroit faict don & remise des droicts Seigneuriaux escheuz & à eschoir tant desdites terres par luy acquises que de la terre de Chapelle, que le 17. Aoust audit an, il auroit faict verifier son don en la Chambre des Comptes, lequel don n'estoit pas pur gratuit, ains pour recompense des seruices que feu son pere auoit faits à sa Majesté: d'ailleurs qu'il falloit considerer qu'en matiere de don du Roy, il ne falloit considerer la priorité de la datte du breuet, ains celle de la verification, qui equipolloit à vne deliurance: estant certain que la verification du don qui se faict à la Cham-

10
Arrest donné en la cause dessus recitée.

11
Si un don & remise de quelques droicts faits par le Roy est plus favorable qu'un simple don fait à un particulier des mesmes droicts.

bre des Comptes, est le vray tiltre auquel on se doit arrester: de sorte encores que son don de la remise desdits droicts soit postérieur en datte à celui dudit du Puy, si est-ce qu'ayant esté le premier verifié il doit iouyr de l'effect d'iceluy, conformément à la volonté du Prince, duquel les liberalitez se doiuent estendre & non restraindre: ioinct que la remise faite au débiteur du Roy bien que postérieure en datte, ce neantmoins doit estre iugée beaucoup plus fauorable que le don faict à vn tiers, d'autant que l'un *certat de damno vitando*, & l'autre, *de lucro captando*. D'ailleurs, *cum incumbat rei donata cum primùm ferit traditionem. l. Quoties C. de rei vendic.* il est certain que nul ne se peut dire maistre d'une chose, s'il n'y a eu deliurance actuelle & réelle entre les mains du donataire, ou que le don n'ait esté insinué. Or il ne se voit point qu'il ait esté faict aucune deliurance audit du Puy desdits droicts desquels sa Majesté luy a faict don, encor moins de verification qui equipolle à insinuation, sinon long temps apres la verification dudit don dudit Montigny, dont il s'ensuit qu'ayant fait le premier verifier son don, cela luy sert de quittance, & descharge de payement desdits droicts par luy deubs à sa Majesté.

A ces moyens respondoit ledit du Puy, que si nos loix ciuiles veulent que les donations parfaites & acceptées & insinuées, ne se puissent plus retracter, que sera-ce de celles qui auront esté faictes par les Princes, auxquels il doit y auoir plus de foy, & de fermeté qu'aux autres? Autant doit valoir la simple parole de Prince, que le serment d'une personne priuée.

Quant à ce qui estoit du poinct de la cause remonstroit en premier lieu, que son don estoit du 25. Feu. 1602. & celui dudit de Montigny du 17. Iuin audit an, & sic, par la maxime de droit *qui prior est tempore, potior est iure*.

De dire qu'en concurrence de dons on ne considere iamais les dattes, mais la verification premiere qui en a esté faicte à la Chambre des Comptes: A cela on respondoit que cela seroit bien considerable si on auoit laissé escouler le temps de six mois porré par l'Ordonnance de Moulins article 80. sans auoir faict verifier son don: auquel cas il y auroit apparence de se preualoir de ladite verification, ainsi qu'il a esté iugé par arrest du Priuè Conseil du Roy le 15. Iuillet 1598. la raison en estant rendue par du Moulin sur la Coustume de Paris, §. 24. *qua. 5. Cum etiam perfecta gratia per impetrantis negligentiam dici possit extincta*, à faute d'auoir faict verifier son don: mais ledit du Puy ayant conformément à ladite Ordonnance faict verifier le sien, le droit qui luy estoit acquis n'a peu luy estre osté par vn autre second breuet, lequel a esté obtenu plustost par surprise qu'autrement, *Cum voluntas principis firma & constans esse censetur*.

Quant est de l'argument que prend ledit Montigny à simili, de la chose vendue à deux, il n'est aucunement considerable, d'autant qu'estant question d'une donation pure & simple, *donatio statim perficitur simul ac donator suam intentionem declarauit. §. perficiuntur, Inst. de donatio. l. si quis C. de dona. adeo ut*, que s'il aduenoit que le donateur apres s'estre deuestu de la chose par luy donnée, il la donne à vn autre, il est sans doute qu'il auroit donné une chose qui n'est plus à luy, nonobstant laquelle donation, *debetur nihilominus res donata, nec donatio renocata esse censetur*.

De dire que le don prend sa force & vertu du iour de la verification d'iceluy en la Chambre des Comptes, & non de la datte, on respond que si cela auoit lieu, il s'en ensuiuroit qu'il seroit en la puissance de Messieurs des Comptes de faire iouyr qui bon leur sembleroit des dons & gratifications du Roy, & que la grace du Prince ne seroit rien, en esgard à la verification desdites lettres de don faict, par lesdits sieurs des Comptes, qui seroit peruertir tout ordre de Iustice, & directement contre l'Ordonnance de Moulins qui a esté faicte pour ce sujet.

De sorte qu'il faut conclure & tenir pour maxime, qu'en matiere de don on regarde plustost celuy qui est premier en datte que non pas à la verification: pourueu que la derniere verification soit faicte dans les six mois, n'ayant peu les lettres du postérieur donataire auoir esté obtenues au preiudice du droit de Iacques au premier donataire, suiuant la *l. rescripta C. de precib. imp. offeren.*

Disoit plus ledit du Puy que la distinction qu'on faisoit entre le don & la remise comme plus fauorable, n'estoit considerable, d'autant que cela pourroit auoir lieu, si ledit du Puy & ledit de Montigny concurrent en mesme datte, c'est à dire qu'ils eussent obtenu don d'une mesme chose en vn mesme iour: mais celuy du Puy deuant d'un long-temps, qui est de cinq mois, celuy de Montigny, il n'y auroit apparence de l'en frustrer, ioinct que c'est vne trop grande subtilité de dire que l'un *certat de lucro captando*, & l'autre, *de damno vitando*, veu qu'en effect l'un & l'autre *lucrum captant*: comme pour exemple vn acheteur ayant acquis quelques heritages, il ne peut dénier, qu'il ne soit obligé enuers le seigneur duquel releuent lesdits heritages, au payement des lots & ventes ou droit de quint, selon la nature de l'heritage: puis doncques que c'est vne chose qu'il doit, si le Seigneur luy en faict remise, c'est vn gain & profit qu'il faict, non pas vn dommage qu'il euite, & par consequent il est en mesme rang, que celuy qui en a eu le don du Seigneur, à qui les droits estoient deubs: auquel cas la cause de l'un n'est pas plus fauorable que de l'autre, *Barth. in l. 4. §. sed hac, de pecu.* où il remarque que *remittere donare est, l. si mulier, ff. de condit. ob caus.* partant il n'est point question de faire difference entre le don & la remise, puis que la remise n'est autre chose qu'un don.

Sur ceste contestation seroit interuenue sentence de Messieurs du Tresor le cinquiesme Aoust 1604. par laquelle fut dict que sans auoir esgard à l'empeschement faict par ledit de Montigny, ledit du Puy iouyroit de l'effect de son don, suiuant & conformément à la volonté du Roy: & ce faisant ledit Gilbaut Receueur du Domaine d'Espernay condamné à vider ses mains en celles dudit du Puy, des deniers conaignez par ledit de Montigny pour le droit de quints & requints deuz au Roy, au payement desquels droits ledit Gilbaut seroit contrainct, quoy faisant en demeureroit quitte & deschargé, & ce nonobstant opposition ou appellation quelconque, faite ou à faire, & sans preiudice d'icelle, lesdits de Montigny & Gilbaut condamnés és despens: de laquelle sentence ledit de Montigny auroit appellé en la Cour de Parlement, en laquel-

le parties ouyes le procez par escrit conclud & receu pour iuger: La Cour par son iugement & arrest a mis & met l'appellation au neant, sans amende. Ordonne neantmoins que la sentence de laquelle a esté appellé sortira son plein & entier effect, a condamné & condamne ledit de Montigny és despens de la cause d'appel. Prononcé le deuxiesme iour de Iuillet l'an mil six cens cinq. N. B.]

12
Sentence de
Thresor.

Aussi en la Chambre du Thresor a esté iugé plusieurs fois, que le premier donataire est preferé à tous les subsequens donataires, *quia ex solo verbo ius fuit quæsitum donatario sine alia solemnitate*: pourueu que le donataire leue ses lettres de don, & les face verifïer dedans le temps introduict par les Ordonnances Royaux. *Ita decidit Molinæus* és Coustumes de Paris, article 24. *questione quinta*.

13
Don de lots
& ventes
recelez n'a
lieu que
pour ce qui
est descou-
uert par le
donataire.

Toutesfois si le Roy auoit faict don en termes generaux à vn Gentil-homme, de la somme de dix mil liures tournois, à prendre sur les lots & ventes escheus & recelez en la Preuosté & Vicomté de Paris, pendant le tēps de dix ans, commençant en l'an mil cinq cens quarante, & finissant mil cinq cens cinquante. Et depuis le Roy face don particulier à vn autre Gentil-homme, de quelques lots & ventes escheus pendant le temps du premier don, lesquels estoient cachez & sont descouverts par le dernier donataire. Plusieurs sont d'aduis que le dernier donataire doit estre preferé à celuy qui a le don premier & general. Parce que tels dons de lots & ventes ou droicts seigneuriaux recelez n'ont effect, sinon pour le regard de lots & ventes qui sont descouverts par les donataires: lesquels à leurs frais, poursuittes & diligences font venir les deniers deuz. Non pas que tels donataires puissent pretendre droit és lots & ventes descouverts à la diligence, frais & poursuite d'autres personnes, qui en ont don du Roy comme eux. Encores que tels lots & ventes soient escheuz pendant le temps du premier donataire. *l. non enim, ff. de tribun. l. finali. C. de positi. l. pupillus. ff. quæ in fraud. creditor.*

14
Le donai-
re du Roy
doit faire
signifier son
don à l'ac-
quereur &
au Receueur
ordinaire.

Il sera bon que celuy qui aura obtenu don du Roy de lots & ventes, ou autres droicts seigneuriaux, face signifier son don à l'acquireur, & debteur des droicts susdits, pareillement au Receueur ordinaire des lieux, & autres qu'il appartiendra. Car le Ieudy vnziesme May mil cinq cens quatre-vingts & vn, fut plaidée vne cause en la Cour de Parlement, pour Adrien Bodin, lequel auoit acquis le fief de Boigrand mouuant de Baugency: & quelque temps apres son acquisition, auoit eu don & moderation de la Royne Mere du Roy, Duchesse dotiairiere d'Orleans, du quint dernier par luy deub, moyennant cent escus qu'il auroit payez au Receueur ordinaire d'Orleans, apres la verifïcation faicte de sa moderation & don, par les Intendans des Finances de ladicte Dame, dont vn quidam, qui estoit premier donataire desdits droicts seigneuriaux, auroit mis en procez le Receueur d'Orleans à ce qu'il fust condamné luy payer la somme de cinq cens escus, à laquelle le quint denier de l'acquisition auoit esté liquidé & évalué. Et le Receueur ayant sommé ledit Bodin, à ce qu'il fust condamné l'acquitter, & y estant condāné par sentence du Bailly d'Orleans, il en auroit appellé. Alleguāt pour grief que

soluerat vero creditori & bona fide, ignorant le don cy-dessus allegué : Aussi que les Seigneurs n'ont accoustumé traicter rigoureusement les acquereurs, ains leur remettre moitié ou le tiers. La Cour dict qu'il auoit esté mal iugé, condamna l'intimé es despens de la cause d'appel. Et faisant droit au principal, debouta l'intimé de ses demandes & conclusions, & par consequent de l'effect de son don.

Combien que de mesmes biens, de mesmes droicts, de mesmes choses, dons ne deussent estre faicts par le Roy à plusieurs personnes, ny les lettres estre expédiées & scellées, encores moins estre verifiées par Messieurs des Comptes ou Messieurs les Thresoriers de France. Toutesfois nous voyons souuent le contraire aduenir, comme plusieurs collations d'un benefice vacant en Regale.

Lors le meilleur & plus seur est, quand le second donataire a faict verifier son don, & non le premier: que le premier donataire prenne lettres de declaration du Roy, par lesquelles sa Majesté declarera, que son vouloir est, que le premier donataire iouisse des biens, ou des droicts Seigneuxiaux desquels est question. Et telles lettres seront adressantes, tant à Messieurs des Comptes, pour verifier les premieres lettres de don, nonobstant la verificatiō des secondes, que aux Iuges pardeuant lesquels le procez est pendant: & sera besoin faire apparoir des diligences faictes enuers Messieurs des Comptes pour la verification des premieres lettres de don, au dedans du temps porté par les Ordonnances: ou bien estre releué du temps, au moyen des empeschemens suruenus.

Et conuient entendre, que quand le premier donataire est aduerty, que le second donataire a leué ses lettres de don, & s'efforce les faire verifier par Messieurs des Comptes: Il doit presenter requeste, afin d'estre receu opposant à la verification du don du second donataire, faire diligence de leuer ses lettres en forme probante. Et du differend de prelation meu entre les donataires, sur la verification des dons par eux respectivement obtenus de mesmes biens, ou de mesmes droicts, Messieurs des Comptes ont accoustumé de cognoistre, le iuger & decider, comme auons dict au Traicté des Francs-fiefs, & nouveaux acquests, annoblissemens, & amortissemens, chapitre 19.

Et communément on tient pour les raisons cy-dessus deduites, que le donataire qui est premier en datte, est preferé au second donataire: encore qu'il soit posterieur en verification & prise de possession.

Aussi faut noter qu'en matiere de dons, octroys, & de finance, nous regardons la datte des lettres patentes: & non de la requeste responduë au Conseil Priué du Roy, ou du breuet. Parce qu'en finance le Roy doit signer, suivant l'Ordonnance de l'an 1543. ainsi qu'il fut plaidé & iugé en la Cour des Aydes, le Mercredy 19. Mars 1565. pour les habitans d'Orleans, contre les habitans de Moulins, touchant les douze deniers destinez à la refection du paué.

14
Comme le premier donataire se doit conduire quand le second a faict verifier son don.

16
Le premier donataire se doit opposer à la verification des lettres du second donataire.

17
Le premier donataire est preferé au second.

18
En dons & octroys on regarde la datte des lettres patentes, & non du breuet.

SCA VOIR SI VNE DONATION ENTRE VIFS
faicte par vn Regnicole decedé sans hoirs, ou par vn estrangier; ou par
vn bastard, de tous biens presens & aduenir, est valable.

- 1 Sçauoir si vne donation faicte de
tous biens presens & aduenir
est valable.
- 2 Recit d'une cause concernant la
question cy-dessus posée.
- 3 Moyens pour monstrer que la do-
nation faicte de tous biens presens
& aduenir est nulle.
- 4 Trois raisons de nullité de la sus-
dite donation.
- 5 Fraude alleguée en la donation

- susdite.
- 6 Donner & retenir ne vaut.
 - 7 Accommodation de nom.
 - 8 Donatio simpliciter facta de
presentibus bonis intelli-
tur.
 - 9 Moyens pour soustenir la dona-
tion susdite estre valable.
 - 10 Sentence de Messieurs du
Thresor.

CHAPITRE VI.



La esté dit cy-dessus que l'estrangier non naturalisé de-
meurant en France, peut donner entre vifs, non pas te-
ster, & qu'estant naturalisé, il peut donner entre vifs, &
tester. Pareillement que le bastard & l'homme nay en
France, peuuent librement donner entre vifs & par testa-
ment disposer de tous leurs biens.

¹ Sçauoir si
vne donatio
faicte de
tous biens
presens &
aduenir est
valable.

Mais on a demandé si vn estrangier, ou bien vn bastard, ou autre de-
meurant en France, a donné entre vifs, tous ses biens presens & adue-
nir, sans retention d'usufruit, ny d'aucune charge, si, *inquam*, telle dona-
tion *omnium bonorum presentium & futurorum*, est bonne & valable? Ou
bien si iustement elle pourra estre debatue par le Roy, auquel les biens
du defunct sont aduenus par droict d'Aubeine, Bastardise, ou Des-he-
rence.

² Recit d'une
cause con-
cernant la
question cy-
dessus posée.

Ceste question a esté agitée en la Chambre du Thresor, pour les biens
de defuncte Catherine Parquin, laquelle ayant faict don mutuel avec son
mary, suiuant la Coustume de Paris, le 11. Feurier 1571. en la presence &
du consentement de son mary, elle donne, cede & transporte par don ir-
reuocable faict entre vifs, sans pouuoir ny espoir de le reuoker ne r'ap-
peller, à vn marchand de ceste ville de Paris, tous & chacuns les biens
tant meubles qu'immeubles, qui lors de la donation luy appartenoint,
& qui luy partiendroient au iour de son decez, sans aucune chose en ex-
cepter, retenir, ne reseruer, à quelques prix, valeur & estimation, que
les biens tant meubles qu'immeubles se pourroient monter, & en quel-
ques lieux qu'ils seroient trouuez, situez & assis, pour de tous lesdits biens
tant meubles qu'immeubles, iouyr, vser, faire & disposer par le donatai-
re, ses hoirs, & ayans cause, cōme de sa propre chose, & à luy appartenans.

Laquelle donation auroit esté insinuée au Gieffe du Chastelet de Paris, le 9. Mars ensuiuant.

Quelque temps apres la donatrice, laquelle on maintenoit illegitime, estant allée de vie à trespas, le Procureur du Roy au Thresor auroit faict saisir les biens demeurez par son decez, lesquels il maintenoit appartenir au Roy par droict de Bastardise, ou de Des-herence. A ceste saisie le donataire s'estant opposé, les parties entrèrent en procez, sur la validité ou inualidité de la donation.

Le Procureur du Roy pour monstrier que ceste donation estoit nulle, illicite & reprouuée de droict, aussi qu'elle auoit en soy grande suspicion de fiction & simulation, mesme d'auoir esté faicte en fraude du fisque: disoit qu'estant faicte *inter viuos omnium bonorum presentium & futurorum, nullo retento usufructu, nec ulla parte bonorum reservata*, ne pouuoit aucunement subsister: suiuant la loy *stipulatio hoc modo concepta. ff. de verb. oblig. ubi Bartolus, maximè Paulus de Castro & ceteri adnotant, textus in l. licet. & in l. fina. Cod. de pact.*

³ Moyens pour
monstrier que
la donation
faicte de
tous biens
presens &
aduenir est
nulle.

Et alleguoit trois raisons de la nullité de ceste donation. Primò, quia *per huiusmodi donationem sublata est omnis testandi facultas, quæ libera esse debet, quæ nullo modo restringi potest, & cui enūciare nemo potest: cum testamenti factio sit iuris publici. l. si fratres. §. idem respondit, ubi Bartol. ff. pro soc. l. illa institutio. ff. de heredib. instit. l. testamenti factio. ff. de testam.* Secundo, quia *huiusmodi donatio est contra bonos mores, votumque captanda mortis inducit, & ideo nec iuramento confirmari potest, dictal. stipulatio hoc modo concepta, l. ex eo. C. de inut. stipul.*

⁴ Trois rai-
sons de nul-
lité de la
susdite do-
nation.

Tertiò, quia *huiusmodi donatio continet bonorum obventionem, & veram heredis institutionem, cum donatarius vniversalis siue omnium bonorum pro herede habeatur quod contractu fieri non potest. Quia cum lex concedat hominibus speciali quodam fauore, ut possint testari & disponere de bonis suis in tempus quo amplius sua non sunt, ut patet ex definitione testamenti in l. i. ff. de test. voluit lex id fieri per viam solemnem testamenti, & non per viam pacti vel contractus, l. hereditas. Cod. de pact. conuenit tam sub. dot. l. verba contraxerunt ff. de verb. & rer. signif. notat Bart. in consilio 212. l. mulier. bona, ff. de iure dotium, Glosa in l. aris alieni Cod. de donatio.*

Aussi disoit que telles donations faictes de tous biens presens & aduenir, sans aucune chose retenir ne reueruer, *saltē in causam testamenti*, auoient esté déclarées nulles par plusieurs arrestz de la Cour, ainli que declaroit Monsieur du Val, in *suoractatu de reb. dub. tit. de donationib. qui existimat huiusmodi donationes in viam legati non valere: idem sentit Chassaneus és Coustumes de Bourgogne in titulo, des successions, §. 12. Boërius és Coustumes de Bourges, titulo des donations. Lex enim huiusmodi donationi resistit, ideoque in totum nulla est.*

Dauantage maintenoit *huiusmodi donationem omnium bonorum presentium & futurorum* estre faicte en fraude du fisque: d'autant que la defuncte qui estoit illegitime, sçauoit bien qu'elle n'auoit autre successeur que le Roy, pour lequel frauder elle auoit faict ceste donation, laquelle par tant estoit nulle, *l. omnes. §. Lucius ff. quæ in fraud. credit. notatur in l. post con- trarium. ff. de donat.*

⁵ Fraude al-
leguée en la
donation
susdite.

6
Donner &
retenir ne
vaut.

Plus disoit la donation susdite estre contraire à la Coustume de la Preuosté & Vicomté de Paris, par laquelle donner & retenir ne vaut. Or la defuncte auoit iouy iusques au iour de son decez, de tous ses biens tant meubles qu'immeubles, sans que le donataire en eust eu aucune traditiō, possession ne iouissance : & qu'une vraye donation doit estre accompagnée de tradition, & celuy qui donne se doit dessaisir actuellement de la chose par luy donnée par tradition. *Et sic donatio traditione incipere debet, quia donatio est doni datio, cum res praesens praesenti datur, l. 1. ff. de donat. l. inter moris ff. de dona. cau. mort.*

Mesmes que ceste donation ne contenoit aucune clause translatiue de possession, comme de constitut precaire, retention d'usufruit, ou autre semblable qui opere tradition.

7
Accommo-
dation de
nom.

Aussi la presumption estoit grande, que le donataire ne faisoit qu'accommoder son nom au mary de la defuncte, auquel vray semblablement il deuoit faire retrocession des biens qui luy estoient donnez, contre la prohibition & disposition de la Coustume : Par laquelle homme & femme ne se peuuent auantager l'un l'autre par donation entre vifs, testament ny autrement. Et combien que par la Coustume il soit loisible de donner & disposer par donation & disposition faicte entre vifs de ses heritages propres & conquests, à personne capable, toutesfois telle coustume se doit entendre, *salua iuris ratione, & prout ius commune donationem permittit, non pas contra iuris prohibitionem.* En sorte que suiuant la Coustume, on peut bien donner tous ses heritages, propres & conquests presens, non pas presens & aduenir ensemble : *quia consuetudo numquam voluit omnino tollere facultatem testandi, restringere quidem voluit, sed non omnino tollere.*

8
Donatio
simpliciter
facta de
praesentibus
bonis in-
telligitur.

Mesmement que quand on donne tous ses heritages propres & conquests, telle donation ne s'entend que de *bonis praesentibus*, non pas de *futureis*, de quibus donator potest testari. l. si ita ff. de aur. & argen. l. Glos. in l. final. quam omnes sequuntur. C. quare spig. oblig. poss. Et consuetudo vel statutum recipit interpretationem secundum ius commune, l. 2. C. de noxalib. act. cap. cum delectus, de consuetud. ext.

9
Moyens pour
soutenir la
donatio suj-
dite estre
valable.

Le donataire au contraire, pour monstrier que la donation à luy faicte estoit bonne & valable, alleguoit plusieurs moyens pris de la Glose de la Pragmatique Sanction, *in principio tituli de sublatione Clementinae literis, in verbo cuicumque, colona quarta.* Disant que *nulla lege, nec ullo iure prohibitum erat donare bona praesentia & futura, siue coniunctim, siue separatim. Que materia donationum erat permissoria : que quisque erat liber arbiter, & moderator rerum ac facultatum suarum : & quemadmodum de omnibus bonis testari quisque poterat, ita & de illis inter viuos disponere.* Mesmement que par nostre Coustume les dispositions entre vifs sont plus libres & plus fauorables que les testamentaires. Respondoit aux moyens cy-dessus deduits, selon qu'il est porté par la Glose susdite, à laquelle on pourra auoir recours : Et soustenoit que *si huiusmodi donatio non valeret, in vim donationis inter viuos, saltem valere debebat in vim donationis causa mortis, siue legati,* suiuant la loy *Scauola, ff. ad Trebell.*

Dénioit

Dénioit les collusion, intelligence, simulation, & autres faicts mis en avant par le Procureur du Roy, soustenoit sa donation estre bonne, valable, parfaite & accomplie de tout ce qui estoit requis pour la validité d'icelle, deuëment acceptée & insinuée.

Finalelement par sentence de Messieurs du Thresor, du 12. Mars 1572. la donation faicte par la defuncte fut declarée nulle, & sans auoir esgard à icelle, tous & chacuns les biens demeurez par son decez furent adiugez au Roy par faute d'heritiers, dont le donataire appella en la Cour, & depuis accorda avecques ceux qui auoient don du Roy, des biens de la defuncte.

[Aussi la donation de la marque d'un mestier ne se peut faire par un bastard, à un qui n'est de son lignage, ainsi qu'il a esté iugé en la cause d'entre un nommé Iean Iersault, donataire des biens meubles & les quittances propres de feu Martin Gontier bastard, viuant maistre Coustelier, demandeur d'une part, contre Iacques le Coffre defendeur d'autre. Sur ce que ledit Iersault disoit, que ledit Gontier luy auoit donné par testament tous & chacuns ses meubles, & le quint de ses propres, entre lesquels meubles, il auoit une marque du petit monde, de laquelle se seruoit ledit defunct Gontier en son estat de Coustelier, lequel luy ayant donné tous ses meubles par son testament, ladite marque du petit monde luy deuoit estre deliurée comme les autres meubles. Coffre au contraire disoit & soustenoit que ceste marque ne luy pouuoit appartenir, ains à ceux qui estoient du lignage & parenté dudit defunct Gontier; que ledit Iersault estant estranger, & non du lignage, il ne pouuoit rien pretendre en ladite marque, *non à parente, sed ab agente illam habebat. l. cum qui ff. de interd. & delega.* d'ailleurs qu'ils estoient fondez en l'ordonnance des Cousteliers qui a esté faicte pour ce sujet: Sur ceste contestation interuint iugement au rapport de Monsieur Darron Conseiller au Thresor le 23. Mars 1602. par lequel Iersault fut debouté de la demande par luy faicte de ladite marque du petit monde, & icelle adiugée audit le Coffre. voy le *Notitia Imperij Romani*, où il est parlé de la difference des marques. N.B.]

10
Sentence de
Messieurs
du Thresor.

QUAND ON PEUT ALLEGVER PRESCRIPTION
contre le Roy, soit pour droicts ou heritages domaniaux, biens vacans, lots & ventes, ou autres droicts.

- | | |
|--|---|
| <p>1 Quand on peut alleguer prescription contre le Roy.</p> <p>2 Les droicts appartenans au Roy en recognoissance de souveraineté & subiection ne peuuent estre prescrites.</p> <p>3 Les lieux publics ne peuuent estre prescrites.</p> <p>4 Les droicts & heritages domaniaux des Empires & Royaumes par la</p> | <p>disposition de droict civil, ne peuuent estre prescrites.</p> <p>5 Iure ciuili omnis actio quadraginta annis tollitur.</p> <p>6 En France la prescription centenaire est receüe contre le Roy es droicts & heritages domaniaux.</p> <p>7 Comme la possession centenaire a esté receüe contre le Roy.</p> |
|--|---|

- 8 L'Edict par lequel la possession centenaire estoit tollue, n'a esté observé.
- 9 Le Roy peut librement disposer des biens à luy advenus par succession, ou par luy acquis.
- 10 Arrest de ce que dessus.
- 11 Seigneuries estans de la Maison d'Orleans.
- 12 La Chambre des Comptes de Blois conservée, & celle d'Angoulesme supprimée.
- 13 Quelle prescription y a es heritages acquis par le Roy.
- 14 Le Roy peut librement disposer des heritages par luy acquis.
- 15 Comme les terres d'appanage doivent estre rendues, & de quelles terres les appanagers peuvent disposer.
- 16 Arrest touchant les terres appanagées.
- 17 Le Roy de France a deux patrimoines.
- 18 Bona fiscalia quomodo iure civili præscribantur.
- 19 Un Procureur du Roy ne peut faire poursuite de biens vacans après vingt ans.
- 20 Les biens advenus au Roy par confiscation, ou Aubeine, se prescriuent par 30. ans.
- 21 Lots & ventes, rachapts, & semblables droicts se prescriuent par trente ans.
- 22 Arrest de ce que dessus contre les Ecclesiastiques.
- 23 Don fait par le Roy à feu Monsieur d'Anguien de lots & ventes & autres droicts seigneuriaux.
- 24 Recit du contract de transport des droicts seigneuriaux faits entre le Roy & Chement.
- 25 Comme les donataires & fermiers du Roy doivent faire faire les saisies féodales, se joindre en cause avecques les Procureurs du Roy, pour avoir les despens.
- 26 Sous ombre de proclamations du papier terrier du Roy on ne peut demander les lots & ventes auparavant 30. ans.
- 27 Autres distinctions pour monstrer quand la prescription court contre le Roy.
- 28 Bona dominicalia quæ dicantur.
- 29 Bona patrimonialia quæ sint.
- 30 Bona fiscalia quæ vocentur.

CHAPITRE VII.



Il est certain que les biens demorez par le décès des estrangers, appartiennent au Roy par droict d'Aubeine, des bastards, par droict de Bastardise : & de ceux qui n'ont de laissé aucun heritier, ny parent capable de leur succession, & habile à leur succéder, appartiennent au Roy par droict de Des-herence. Mais on a douté si tels biens peuvent estre prescrites contre le Roy, quand vn tiers les a possédez par dix, vingt, trente, quarante, cinquante ans, & plus, auparavant que d'estre adiugez au Roy. Et si vn Procureur du Roy apres tels laps de temps est receuable d'en faire poursuite, pour les faire declarer appartenir au Roy, ou bien s'il les peut vendiquer.

Pour resolution de ceste question, & cognoistre comme la prescription court contre le Roy, & qu'on la peut alleguer cōtre les Procureurs,

faut distinguer quatre cas, *secundum Cu. donem Papam decis. 416. & Boer. decis. 263. col. 19.*

Le premier est, *de iuribus Principis reservatis in signum superioritatis & subiectionis*, vel potius *de iuribus quæ ad Principem pertinent*, ratione *supremi & univ[er]salis dominij* : droicts de souveraineté, d'obeyllance, recognoissance & subiection : comme la prestation de foy & hōniage, deuë au Roy par les Pairs, Ducs, Marquis, Comtes, Barons & autres seigneurs du Royaume de France, le droict de ressort, le droict de tailles, le droict de naturaliser les estrangers, le droict de Cheuage, le droict de Foimariage, le droict de legitimer les Bastards, amortir les heritages tenus par gens de main-morte, le droict de donner remissions, de forger monnoyes, & autres semblables. *in huiusmodi iuribus prescriptioni non est locus, omnisque prescriptio rejicitur* Vnde fit, que le vassal ne prescrit jamais la foy contre son seigneur feodal, ny le roturier le droict de cens contre le seigneur censier, par quelque laps de temps que ce soit. Comme il est porté par le 113. article de la nouvelle Coustume de Melun: & suivant icelle jugé contre vn beneficiar, pour heritages assis au dedans de ladite Coustume, par arrest solennellement prononcé le 13. Aoust 1583.

Touresfois par le 124. article de la nouvelle Coustume de Paris est dict, que le droict de cens ne se prescrit par le detenteur de l'heritage contre le seigneur censier, encores qu'il y ait cent ans, quand il y a tiltre ancien ou recognoissance faicte dudit cens. Dont on peut inferer, que si le seigneur censier n'a tiltre ancien, ou recognoissance du droict de cens par luy pretendu, le detenteur luy peut objeier la prescription centenaire, & par le moyen d'icelle soustenir son heritage estre alaudial, quoy que ce soit ne deuoir censue. Ce qui n'a lieu au vassal, lequel par quelque temps que ce soit, ne peut prescrire la foy qu'il doit à son seigneur feodal: comme il est porté par le 12. article de la nouvelle Coustume de Paris. Et quand on allegue la possession centenaire, pour le regard de la censue, on dict qu'il faut verifiser sa possession franche, libre, paisible & publique, que les tesmoins deposent qu'ils n'ont point veu payer censue, ny entendu qu'on ait payé aucune censue, à cause de l'heritage contentieux, & que le commun bruit du pays a tousiours esté, que ledit heritage n'estoit subiect ny à censue, ny à aucune redeuance annuelle.

Pareillement les seigneurs haut-Justiciers ne peuvent prescrire le droict d'amortir, de naturaliser l'estranger, ou de legitimer le bastard, encores moins de donner remissions, ou faire forger monnoye, parce que ce sont tous droicts de souveraineté, qui appartiennent au Roy seul, au Royaume de France, *lege competit. Codice de prescript. 30. vel 40. anno. cap. 2. de censib. extra cap. cum liceat. ubi glossa magna. cap. cum ex officij, ext. de prescrip. ainsi qu'il a esté dict au 28. chapitre du droict d'Aubeine.*

Idemque dicendum in rebus publicis, siue vsui publico destinatis, quas princeps sibi vendicat, ut sunt via publica, palatia, Theatra, porticus, & similia, quæ nullomodo vsucapi possunt l. viam publicam, & ibi Glossa expressa, ff. de via pub. & itin. publ. l. vsucapionem, ff. de vsucap.

Le second cas est *de iuribus Principi reservatis in signum singularis privi-*

1
Quand on peut aileguer prescription contre le Roy.

2
Les droicts appartenans au Roy, en recognoissance de souveraineté & subiection ne peuvent estre prescrits.

3
Les lieux publics ne peuvent estre prescrits.

4
Les droicts
& heritages
domaniaux
des Empires
& Royau-
mes par la
disposition
de droit ci-
vil ne peu-
uent estre
prescrits.

legij, vel potius de bonis & iuribus principi concessis pro patrimonio, siue do-
manio sui principatus, aut corona, que non ut priuatus, sed ut princeps pos-
sidet: siue sint feuda, siue fundi, siue silua, siue prata, siue annui census aut
reditus, siue iurisdictiones, siue vectigalia aut pedagia, & similia, & huius-
modi bona tanquam Dominicalia, estans del'ancien domaine de toute anti-
quité consacré à la Couronne de France: ou bien anciennement ayans
esté vnis & incorporez au domaine d'icelle, iure civili temporis spatio ac-
quiri non possunt, in eisqu- prescriptio non admittitur, l. 1. & 2. Cod. ne rei do-
minicæ vel templorum vindicatio prescriptione submoueatur. §. res fisci, de
usucap. in Instit. l. quamuis, in principio ff. de usucapionibus.

Idemq; ius statuendum est, és seigneuries, heritages, & droicts aduenus aux
Roys de France par successions de mere, freres, oncles, ou autres parens,
ou bien qui ont esté acquis par nos Roys, & vnis à la Couronne de Fran-
ce par lettres patentes deuëment verifiées, ou desquels les Reccueurs or-
dinares des lieux ont faict recepte par plus de dix ans en la Chambre des
Comptes: d'autant que par le moyen de ceste recepte, telles seigneuries,
heritages & droicts qui appartenoient à nos Roys par succession ou ac-
quisition, & quæ patrimonialia vocantur, ont esté taisiblement vnis à la
Couronne & faicts domaniaux, suiuant le deuxiesme article de l'Edict de
l'vniõ & conseruation du Domaine publié en la Cour le 13. May 1566.
conforme à la disposition de droit commun, in lege si quando, & in l. final.
de bonis vacantibus & incorporatione. Cod. lib. 10. l. final. Cod. ne rei do. vel
templo. Partant tels biens comme estans du Domaine de la Couronne de
France, & vnis à icelle, ne sont subiects à aucune prescription.

5
Iure civili
omnis actio
quadragin-
ta annis
tollitur.

Combien que iure Codicis, & iure Canonico, huiusmodi bona dominica-
lia vel quasi dominicalia, siue patrimonialia, quadraginta annis prescriban-
tur, cum omnis actio per lapsum quadraginta annorum sublata sit, etiam quo-
ad ius publicum attinet. l. omnes Codice de prescript. 30. vel 40. ann. in ver-
bis nullumque ius publicum vel priuatum, in quacumque causa remaneat quod
extinctum non sit. lege final. de fund. patrimo. Codice lib. 10. cap. de quarta cap.
sanctorum de prescript. ext. Glosa in lege 1. Codice ne rei do. Glosa marginalis
Guidonis Papæ, in dicta decisione 416.

6
En France la
prescription
centenaire
est receuë cõ-
tre le Roy és
droicts &
heritages
domaniaux.

Nous tenons toutesfois en France que la prescription centenaire
deuëment complete est receuë contre le Roy, tout ainsi que contre l'E-
glise Romaine, és anciens droicts & heritages domaniaux de la Couron-
ne de France, ou és droicts & heritages faicts & repetez domaniaux, soit
qu'il soit question de chasteaux, seigneuries, fonds de terres, heritages,
droicts de Iustice, tabellionnage, de peages, barrages, droicts de cen-
sue, teneur feodale pretenduë par autres que le vassal, & ce suiuant l'au-
thentique, quas actiones, Codice de sacros. Eccles. & le texte in capite primo
de prescript. in 6. capit. super quibusdam, de verborum significatione ext. ubi
Panormitanus ait, quod reseruata principi in signum specialis privilegij, pos-
sunt acquiri spatio tanti temporis, cuius initij memoria non extet, quia huius-
modi tēpus habet vim iuris cōstituti. l. hoc iure. §. ductus aqua, ff. de aqua quotid.
& ast. Baldus notat in titulo quæ sint Regalia in vñibus feudorum. & Innocen-
tius in cap. ad audientiam. de prescript. in 6. Pontanus in cōsuetudines Blesenses

articulo 17. vers. caterum in fine. Ce qui se doit entendre, pourueu que le tiltre ne soit contraire à la possession. *c. dudum, de decimis, Ext.*

De faict la possession centenaire fut receüe contre le Roy par Messieurs les Commissaires deputez en la Chambre du Thresor, pour la reünion & reformation des halles de Paris, notoirement domaniales. Aussi la Cour de Parlement le 10. de Decembre, 1548. verifiant l'Edict, par lequel estoit enjoint à tous pretendans droit de peage en la riuere de Loire, d'apporter leurs tiltres, elle declara en la verification de l'Edict, qu'elle n'entendoit deroger aux permissions de la preuue du temps immemorial, octroyées & contenuës en l'Edict du Roy Louys XII. publié en la Cour pour les peages de ceste riuere de Loire. Et pour le Baron de Plancy contre Monsieur le Procureur General du Roy, fut ordonné par arrest, qu'il informeroit, tant par lettres, que tesmoins, de la possession immemoriable par luy alleguée, de prendre par luy, ses receueurs ou fermiers, droit de carpes & de brochets, sur les batteaux passans par sa riuere.

De sorte que pour le iourd'huy il est certain que la possession immemoriable est receüe contre le Roy, en tous heritages & droits domaniaux de la Couronne de France, nonobstant l'Edict publié en la Cour de Parlement, de l'expres commandement du Roy François premier du nom, le 3. Iuillet 1539. par lequel toute prescription, mesmes la centenaire est tolluë contre le Roy, & ordonné qu'on ne pourra s'ayder d'aucune prescription, pour s'attribuer les droits & heritages appartenans à sa Majesté, lequel Edict n'a iamais esté suiuy, *neque in consulendo, neque in iudicando.* Et quand vn Seigneur n'a tiltres valables pour se defendre contre vn Procureur du Roy des droits de Iustice, censue, peage, & autres desquels il iouyst, le plus seur est qu'il allegue possession centenaire & immemoriable, l'article & verifie bien deuëment: en ce faisant il reculera bien fort vn Procureur du Roy, & le mettra bien loing de ses desseins.

Si les heritages & droits immobiliers escheus au Roy par successions des meres, freres, oncles, tantes ou autres parens, ou par ledit Seigneur acquis à purs deniers, n'ont esté vnis & incorporez à la Couronne de France, par lettres patentes deuëment verifiées: ou que les Receueurs ordinaires des lieux n'en ayent faict recepte par dix ans, en la Chambre des Comptes: le Roy en peut librement disposer comme estant en son patrimoine priué & particulier. D'autant que tels biens ne luy appartiennent à cause de sa Majesté Royale, & de la Couronne, n'ayant succédé à iceux comme Roy: ains comme pur priué en qualité de fils, de frere, ou nepueu, ou bien les ayant acquis de ses deniers. Et si le Roy n'en pouuoit librement disposer, il seroit de pire condition qu'un priué.

De faict, le don que le Roy François premier du nom, auoit faict à feu Monsieur le Connestable, de la Seigneurie de Mondenis, dependant & faisant partie du Vicomté d'Aulnay, assis en Poictou, acquis par Madame la Regente, mere dudit Roy François, fut déclaré bon & valable, parce qu'il auoit esté faict auparauant que ledit Vicomté fust vny à la

7
Comme la possession centenaire a esté receüe contre le Roy.

8
L'Edict par lequel la possession centenaire estoit tollue n'a esté observé.

9
Le Roy peut librement disposer des biens à luy aduenus par succession ou par luy acquis.

10
Arrest de ce
que dessus.

11
Seigneuries
estans de la
maison d'Or-
leans.

12
La Chambre
des Comptes
de Blois con-
servée, &
celle d'An-
goulême
supprimée.

13
Quelle pre-
scription y a
es heritages
acquis par
le Roy.

14
Le Roy peut
librement
disposer des
heritages
par luy ac-
quis.

15
Comme les
terres d'ap-
panage doi-
uent estre
rendues, &
de quelles
terres les ap-
panagers
peuvent dis-
poser.

Couronne de France. Et ladite seigneurie de Modenis ayant esté saisie à la requeste de Monsieur le Procureur General du Roy, comme domaniale, ledit Seigneur Connestable en obtint main-leuée prouisoire, par arrest du 27. Iuin, 1547. & depuis main-leuée diffinitive, par arrest du 10. Decembre 1548. par lequel fut ordonné qu'il iouyroit plainement & entierement de ladite seigneurie, selon qu'il estoit porté par l'arrest de prouision.

Aussi le Roy Louys XII. n'ayant que filles, fut fort curieux de leur faire conseruer le bien maternel de la Maison d'Orleans, ensemble les terres acquises par les predecesseurs qui n'estoient de l'ancien appanage, qui auoit esté baillé à ceux de la Maison d'Orleans par les Roys de France: consistans outre le Duché de Milan, & Côté d'Alt, es Comtez de Blois, Soissons, Beaumont, Coucy, & autres Seigneuries, lesquelles auoient esté acquises des deniers dotaux de Valentine de Milan son ayeule, montans vn million de liures. Et pour ceste cause a esté conseruée la Chambre des Comptes de Blois. Combien que la Chambre des Comptes d'Angoulême ait esté supprimée & transferée en la Chambre des Comptes de Paris. D'autant que le Comté d'Angoulême ayant esté donné avecques le Comté de la Marche au Roy Philippes le Bel, par Guy de Lusignan, lesdits Comtez furent vnies à la Couronne de France, & depuis Angoulême donné en appanage à Louys premier Duc d'Orleans, qui la bailla à Iean son second fils, ayeul du Roy François premier, auquel estant Roy de France, ledit Comté d'Angoulême seroit retourné, & par luy remis à la Couronne.

Et en tels biens, heritages & droicts appartenans au Roy par acquisition, ou bien par succession de ses mere, freres, sœurs, oncles, tantes ou autres parens, lesquels n'ont esté vnies à la Couronne, & desquels n'a esté faicte recepte en la Chambre des Comptes, plusieurs sont d'aduis que la prescription de trente ans alieu, attendu que le Roy les possède comme priué & particulier, ainsi qu'il a esté dit cy dessus, *l. omnes, l. sicut, Cod. de prescript. trigin. vel quadrag. anno dictal.*

Plusieurs ont passé outre, & dit, que le Roy ayant acquis de ses deniers quelques Seigneuries ou autres heritages, encores qu'on en ait tenu compte en la Chambre des Comptes, par l'espace de dix ans, comme on faict de tout son reuenu: & que lesdites Seigneuries, par la disposition de droit, & par le cinquante-trois article de la nouvelle Coustume de Paris, soient censées vnies aux fiefs dominans: toutesfois que le Roy en peut librement disposer: autrement il seroit de pire condition, qu'un priué & particulier.

Pareillement si Messieurs les enfans puisnez de la Maison & Couronne de France, auxquels on a baillé Duchez, Comtez, Baronnies, & autres Seigneuries pour leurs appanages, comme aux Ducs d'Orleans, d'Anjou, de Bourgogne, & autres, ont faict quelques acquisitions, moyennant deniers, ou autrement, de seigneuries & terres dependantes des Duchez, Comtez & Baronnies à eux baillées en appanage: tant eux que leurs successeurs ont peu librement disposer des seigneuries par eux ac-

quises. D'autant qu'il suffit rendre les appanages en pareil estat & condition, qu'ils estoient lors de la concession d'iceux: Ainsi qu'on obserue en vn fideicommiss, lequel il suffit rendre en tel estat, qu'il estoit lors de la tradition & deliurance faicte d'iceluy: suiuant la loy *in fideicommissarium, ff. ad Trebell.* & le premier article de l'Edict de l'vniõ & conseruation du Domaine. Et conformément à ce que dessus y a eu arrest donné au profit du seigneur de Bloisy, pour la terre & seigneurie de Tonnay Charente, acquise par les Comtes d'Angoulesme, pendant leur appanage, donnée audit Seigneur de Bloisy par le Roy François premier, auparauant Duc d'Angoulesme, ledit arrest daté du 27. iour de Ianvier 1548. *Secus dicendum esset, si les appanages auoient esté augmentez iure & potestate feudi, siue vi tractina feudi, siue ex causa præexistente, & naturaliter ipsi feudo inherente, idque titulo lucratino,* comme par reuersion, au moyen de ce que le temps des concessions & dons estoit expiré: ou bien les conditions de retour, & reuersion estoient aduenues. Car en ce cas les terres seroient vnies aux Duchez, Comtez & Baronnies baillées en appanage, & les seigneurs appanagers n'en auroient peu disposer. Comme est traicté *per Bartholum in lege finali. ff. so ut. matrim. Ioannem Fabrum in §. si cui tunc de leg. in Instit. & late per Dionysium Pontanum in consuetudinibus Llesensibus. art. 66. & 67.*

16
Arrest touchant les terres appanagées.

Et par ce que dessus on peut cognoistre, que le Roy de France a double patrimoine, l'un appellé domaine qui est le vray patrimoine de la Maison & Couronne de France, qui luy appartient comme Roy, à cause de sa Couronne, *Et est verum, oronæ patrimonium quod imperiale vel fiscale appellatur:* lequel est inalienable, comme nous auons monstté au 28. chapitre du droict d'Aubeine. L'autre est appellé le patrimoine du Roy, qui luy appartient au moyen des acquisitions par luy faictes, ou par succession de ses mere, freres, oncles & autres parens: duquel il peut libement disposer, s'il n'est expressément vny à la Couronne. *Et Cesaris patrimonium appellatur, vel proprium & priuatum Regis patrimonium nuncupatur.* Et de ces deux patrimoines est amplement traicté *per Petrum à Bella peritica, & Cynum in l. procurator, Cod. de edendo. Lucam de Pennain leg. quicumque, de omni agro deserto. Cod. lib. 11. Et per dominum Choppinum in tractatu de Dominio Franciæ.*

17
Le Roy de France a deux patrimoines.

Letroisième cas est, *de bonis, que nondum incorporata sunt fisco,* qui ne sont encores vnies & incorporez au Domaine: comme sont les biens qui appartiennent au Roy par droict d'Aubeine, Bastardie, Des-herence, ou confiscation. *Et huiusmodi bona aut sunt denunciata fisco, & fiscus neglexit ea occupare, & hoc casu post denunciationem quadriennio iure civili præscribuntur, l. intra quatuor. ff. de diuer. & tempor. præscriptio. lege prima Cod. de quadrienn. præscript. Aut vero huiusmodi bona fisco denunciata non sunt, que denunciatio vsque ad viginti annos fieri potest, & tunc cum titulo & bona fide, huiusmodi bona iure civili præscribuntur contra fiscum, sicut contra priuatum per decem annos, cum fiscus ubique præsens intelligatur, lege quamuis ff. de usucapio. §. res fisci, instit. de usucapio. Quod si titulus desit, hoc casu viginti anni sufficiunt, l. in omnibus ff. de diuersi. & temporib. præscriptio, l. 1. §. diuus. ubi gloss. ff. de iure fisci.*

18
Bona fisci. La quomodo iure civili præscribantur.

19
Vn Procureur du Roy ne peut faire poursuite de biens vacans apres vingt ans.

Tellement que par la disposition de droict commun, vn Procureur du Roy n'est receuable apres vingt ans, à rechercher, ny faire poursuite des biens confisquez au Roy, ou bien aduenus & escheus à sa Majesté, par droict d'Aubeine, Bastardise, ou Des-herence, à compter du iour de la confiscation adiugée, ou de l'Aubeine, Bastardise, ou Des-herence aduenüe. Selon le texte exprés *in dictal. ff. de diuersis & tempo. prescript. dictal. 1. §. diuus. ff. de iure fisci l. quamcumque ff. de requi. reis. l. intra quatuor, in fine, ff. de diuers. & tempor. prescript.*

Et dit-on auoir esté ainsi iugé par arrest solennellement prononcé le 8. Iuin 1576. recité au 23. chapitre du droict d'Aubeine, à la lecture duquel on peut auoir recours. De faict, plusieurs estiment la prescription de vingt ans militer contre le Roy, & les Seigneurs haut-Iusticiers, pour les biens vacans qui leur eschéent par confiscation, Des-herence, ou autrement.

20
Les biens aduenus au Roy par confiscation ou Aubeine, se prescriuent par trente ans.

Toutesfois plusieurs ont esté d'aduis, que les biens, tant meubles qu'immeubles escheus au Roy par confiscation, Aubeine, Bastardise, ou Des-herence, ne se prescriuent contre le Roy, sinon par le temps de quarante ans: soit que tels biens soient denoncez au fisque, ou non: soit que le possesseur d'iceux ait tiltre ou non. Suiuant le texte formel, *in capite final. §. fin. de prescript. in sexto.* Qui parle des biens d'un Clerc aduenus à nostre saint Pere le Pape, par le moyen du crime d'heresie, pour raison duquel il auoit esté condamné. Aussi la Coustume de Paris n'admet moindre prescription que de quarante ans, contre les priuilegiez, comme est le fisque qui est equiparé à l'Eglise & au mineur. Et suiuant ce *Guido Papa in dicta decisione 416.* dit que *contra fiscum currit prescriptio quadraginta annorum, eo casu quo prescriptio decem, vel viginti annorum currit contra priuatum*: ceste opinion a apparence. Mais l'opinion communément suiuite au Palais, & à laquelle il se faut arrester est, que la prescription de trente ans est suffisante pour exclure le Roy & les haut-Iusticiers des confiscations, Aubeines, Bastardises, & Des-herences: attendu que ce sont successions de freres, l'action & poursuite desquels se prescript par trente ans: *Petitio enim hereditatis, qua est actio personalis mixta, siue in rem scripta, triginta annis prescribitur, lege hereditatis. Codice de petitio. heredita. lege hereditatem, Cod. in quib. caus. cess. long. temp. prescript.* Et que les biens tant meubles, qu'immeubles qui aduiennent au Roy par confiscations, Aubeines, Bastardises, & Des-herences, qui sont biens casuels, du tout distincts & separez des heritages domaniaux appartenans à sa Majesté, se prescriuent par le temps de trente ans. J'ay trouué par trois diuerses consultations faictes sur vn mesme faict d'Aubeine, avec les anciens & fameux Aduocats de la Cour: lesquels pour confirmer leur opinion, s'aydent des raisons deduites au quatriesme cas cy apres recité.

Et en cest endroict conuient noter que le tiltre de *quadriennij prescriptio-ne*, au Code, n'est obserué en Frâce. Par la disposition duquel celuy auquel le Roy a donné, ou qui a acquis du Roy à tiltre d'achapt, eschange, ou autrement, quelques meubles, ou immeubles, qu'on pretendoit appartenir

audir

audit Seigneur par droict d'Aubeine, Bastardise, Des-herence, confiscation, ou autrement, ou bien qu'on pretendoit estre du domaine dudit Seigneur, *statim securus erat*. Et ne pouuoit aucunement estre poursuiuy, ne inquieté par le vray propriétaire ou creancier de la chose donnée, venduë ou autrement alienée par le fisque. Mais le propriétaire ou creancier de la chose alienée pouuoit seulement agir contre le fisque, dedans le temps de quatre ans, & non apres. Les autres, mesmes les Practiciens entendent autrement le tiltre de *quadrienni prescriptione*. Et disent que quand aucun a le droict du Roy, soit par don, achapt, ou autrement, qu'il ne peut aucunement estre poursuiuy ny inquieté, s'il a paisiblement iouy par l'espace de quatre ans, de la chose par luy acquise. Mais le propriétaire ou creancier de la chose alienée, se doit adresser au Roy, afin d'auoir la iuste valeur, & estimation de la chose, par sa Majesté donnée, venduë ou autrement alienée, *lege secunda, lege bene à Zenone, §. Et nemo audeat, Cod. de quadri. prescript. §. dicto dum Marci. de usucap. in Insti.* La raison pour laquelle le tiltre dessusdit n'est obserué, principalement en la Coustume de Paris est, que ladite Coustume n'admet, sinon les prescriptions de dix, vingt, trente & quarante ans.

Bien est vray, que si les alienations estoient faictes par Commissaires deputez par le Roy, pour la vendition à faculté de reméré des Iustices, des Greffes, des loges, boutiques, eschoppes, maisons, ou autres heritages, ou de terres vaines, vagues, ou landes pretenduës estre du Domaine du Roy, pour la vente desquels affiches eussent esté mises és lieux publics, & proclamations publiquement faictes, il y auroit apparence de maintenir les Adiudicataires, mesmes les paisibles possesseurs de quatre ans, lesquels publiquement, par auctorité de Iustice, & de bonne foy, auroient acquis & baillé leurs deniers. Parce que les propriétaires ou creanciers des choses solemnellement alienées, se deuroient imputer, de ce qu'ils ne se feroient opposez lors des venditions publiquement & solemnellement faictes. Ainsi qu'il fut plaidé en la Cour le Mardy 25. de Iuin, 1591. & iugé contre les Religieux de Saint Loup de Troyes, lesquels à cause de leur fondation estans Seigneurs & propriétaires de la Mairie & Iustice fonciere de Lusigny, auoient acquis du Roy la Mairie Royale, & droict de Bourgeoisie, appartenans audit Seigneur audit lieu de Lusigny, à cause de son Comté de Champagne. Et les Greffes Royaux estans vendus, & depuis reuendus par le Roy, on les auoit deposez du Greffe de ladite Mairie Royale, dont cinq ou six ans apres les adiudications des Greffes, ils auroient appellé, & obtenu lettres adressantes au Baillif de Troyes, pour les faire iouyr des droicts dessusdits, suiuant leur tiltre d'acquisition: de l'enterinement desquelles lettres ils furent deboutez par Arrest. D'autant qu'on leur alleguoit, que suiuant le 334. article de l'Edict faict à la postulation des Estats tenus à Blois, ils auoient esté deposez, comme tous autres acquereurs du Domaine du Roy, & assignez pour estre payez du profit des deniers portez par leur acquisition, à raison du denier douze, par les mains des fermiers adiudicataires des choses par eux acquises, comme il est contenu en ladite Ordonnance. Et par

ledit arrest fut enjoint aux Thresoriers Generaux de France, de coucher en leurs estats la rente deuë ausdits Religieux, & les faire payer suivant l'Ordonnance susdite.

21
Les lots & ventes, rachats, & semblables droicts se prescriuent par 30. ans.

Le quatriesme cas est, des lots, ventes, quints, requints, achapts, reliefs, & autres profits deubs au Roy, à cause des venditions, alienations & mutations des fiefs mouuans de sa Couronne, patrimoine, & autres heritages tenus en censue de sa Majesté. Et tient-on que tels droicts se prescriuent contre le Roy, & pareillement contre les personnes Ecclesiastiques, par trente ans: *quia in eis de re immobili, dominio aut proprietate non agitur, sed tantum de mobilibus, & fructibus à solo separatis*, & de simples profits de fief, lesquels sont casuels & mobiliers, *Et actione personali petuntur, nempe conditione ex lege, ideoque per lapsum triginta annorum prescribuntur, ut ait Molinæus in consuetudinibus Parisiensibus. §. 9. coll. §. latè tractat Boërius in consuetudines Biturigum in titulo de prescriptio.* articles trois & quatre, qui citat *Baldum & Bart. in l. male agitur trigin. vel quadra. anno.* Et ainsi est porté par la nouvelle Coustume de Paris, art. 12. Nonobstant les remonstrances lors faictes, tant par le Procureur du Roy au Chastelet de Paris, que par les Ecclesiastiques, contenus au proces verbal de ladite Coustume, lequel il est besoin voir.

22
Arrest de ce que dessus contre les Ecclesiastiques.

Joint que pour le regard des Ecclesiastiques, il semble que tels droicts appartiennent plustost au titulaire des benefices, chacun pour son temps, que non pas à l'Eglise. Partant tels droicts se prescriuent par trente ans: ainsi qu'il fut iugé en plaidoyrie, entre Mathurin Cordac l'aîné, appellant d'une sentence donnée par le Iuge de Lodun, le 22. Iuin 1571. d'une part, & les Religieuses, Abbesse, & Conuent de Poitiers intimées d'autre, le 26. May 1573. Et le semblable fut iugé par le Preuost de Paris, pour les loyers d'un heritage, demandez par les Religieux, Abbé, & Conuent, ausquels on adiugea vingt-neuf années de loyers seulement, combien qu'ils eussent demandé trente-neuf années. Aussi par sentence donnée es Requestes du Palais, le 9. Mars 1585. Maistre Louys Bernage, Aduocat en Parlement, fut absous de la demande contre luy faicte par les Religieux, Prieur & Conuent de saint Martin des Champs, pour le paiement des lots & ventes d'une maison par luy acquise en la censue deldits Religieux, avec condamnation de despens, parce qu'il y auoit plus de trente ans que l'acquisition estoit faicte.

Toutesfois aucuns ont esté d'aduis contraire, disans que l'Authentique, *Quas actiones, Codice de sacrosanct Eccles.* & le chapitre de *quota, ext. de prescriptio.* parle generalement & indistinctement que *in omni actione siue personali, siue reali aduersus Ecclesiam, quadragenaria prescriptio tantum currit.* Tellement que la premiere opinion qui est à present suivie au Palais, est vne limitation de l'Authentique, *Quas actiones. Cod. de sacrosanct. Eccles.*

23
Don fait par le Roy à feu Monsieur d'Anguien

Et conformément à ce qui a esté cy dessus deduit, le Roy Henry II. par les lettres patentes du 23. Septembre, 1554. donna à Messire Jean de Bourbon, Comte d'Anguien, tous & chacuns les droicts & deuoirs seigneuriaux, deubs & recelez à sa Majesté, à cause de ce qui est tenu &

mouuant audit Seigneur, tant noblement, qu'en roture, & autrement, és ville & fauxbourgs de Paris, Preuosté & Vicomté d'icelle, places, terres, Seigneuries, chasteaux, Chastellenies & fiefs, appartenances & dependances, estans enclauéz au dedans desdites ville de Paris, Preuosté & Vicomté d'icelle, sans aucune chose en excepter, ne reseruer. Ensemble les sommes dont n'auroit esté compté pour raison de ce que dessus, tant par les Receueurs ordinaires de la ville de Paris, qu'autres qui estoient tenus ce faire. Auecques les quadruples deubs pour les obmissions de recepte desdits droicts seigneuriaux, s'aucuns y auoit, & amendes, pour n'auoir par les particuliers déclaré en temps & lieu iceux droicts estre deubs, & n'auoir iceux payez. Le tout depuis trente ans precedens la datte desdites lettres, à quelque somme & estimation que leuidits droicts, & choses susdictes se pourroient monter. Et pour cet effect le Roy auroit subrogé en les droicts, noms, raisons & actions, ledit Seigneur Comte d'Anguien, pour en faire les poursuites à ses propres cousts & despens, lesquelles lettres furent verifiées par Monsieur le Thresorier de France, & General des Finances en la charge d'outre Seine & Yonne, establie à Paris, le 17. Decembre 1554. & par le Thresorier de l'Espargne, le 21. dudit mois, audit an. Depuis le Roy Henry III. par les lettres patentes du 2. Aoust, 1577. auroit confirmé & de nouveau accordé & octroyé ledit don à Monsieur le Cardinal de Bourbon, frere dudit defunct Seigneur Comte d'Anguien. Lesquelles lettres ont esté verifiées en la Chambre des Comptes, le 3. d'Octobre 1577. Et par la verification d'icelles, ledit Seigneur Cardinal a esté subrogé au lieu dudit defunct Seigneur d'Anguien, au don porté par lesdites lettres, aux charges toutesfois contenuës en icelles. Et semblable verification fut faicte par Messieurs les Thresoriers de France, le quatorziesme Decembre audit an, 1577.

Pareillement François Martin, dit Chement, pretendoit auoir droit par transport du Roy Charles IX. par contract du 16. Mars, 1574. verifié en la Chambre des Comptes, le 27. Mars audit an, de toutes & chacunes les sommes de deniers qui prouindroient des droicts & profits de reliefs, quints & requints, rachapts, soubrachapts, & autres droicts & deuoirs seigneuriaux, aduenus & escheus, & qui pourroient appartenir à sa Majesté en son Royaume, & pays de son obeyllance, depuis l'an 1540. iusques au mois de Novembre, 1572. ayant esté recelez, & non acquittez enuers sadite Majesté, & ses predecesseurs Roys, ou obmis en la recepte des comptes rendus par les Receueurs & fermiers de son Domaine. Ensemble toutes & chacunes les amendes & condamnations, soit de quadruples, ou autres, que personnes de quelque qualité & condition qu'ils fussent pourroient encourir, & estre condamnez enuers sadite Majesté, pour raison desdites obmissions de recepte, & recellemēt de deniers, à quelque somme, valeur & estimation qu'elles se pussent monter. Mais on n'a pas deu permettre que ledit Martin fist recherche & poursuite de plus long-temps que de trente ans, encores que par les lettres il eust trente deux ans.

*des loix, vè-
tes & autres
droicts sei-
gneuriaux.*

24
*Recit du cō-
tract de
transport
des dro. & s
seigneu-
riaux faicts
entre le Roy
& Chement.*

25
Comme les
donataires
& fermiers
du Roy doi-
uent faire
faire les sai-
sies feodales,
& se joindre
en cause
avec les Pro-
cureurs du
Roy, pour
auoir les
despens.

Et incidemment conuient noter, encores que les donataires, cessionnaires, ou fermiers du Roy, ayent cession de tous les droicts, noms, raisons, & actions dudit Seigneur, toutesfois quand il est question de payement & recouurement des droicts feodaux, mesmes de faire saisir les fiefs mouuans du Roy, à faute d'homme, droicts & deuoirs non faicts, & non payez : lesdites saisies doiuent estre faites à la requeste du Procureur du Roy, & non desdits donataires, cessionnaires, ou fermiers. Parce que le premier article de la nouuelle Coustume de Paris ne permet, sinon au Seigneur feodal, de faire saisir le fief mouuant de luy. Et lesdits donataires, cessionnaires, & fermiers se peuuent joindre en causes avec le Procureur du Roy, non seulement pour le soustenement des saisies feodales, & requerir qu'elles tiennent à leur profit, iusques à ce qu'ils soient satisfaits & payez des droicts qui leur appartiennent, & sont deubs : mais se peuuent joindre en toutes autres poursuites faictes par les Procureurs du Roy. Et encores que lesdits donataires, cessionnaires, ou fermiers soient seulement ioints en cause, toutesfois ils auront condamnation entiere des despens de l'instance, s'ils obtiennent gain de cause. Semblablement ils seront condamnés en tous les despens de l'instance, s'ils succombent, & se sont ioints dès le commencement de la cause, tout ainsi que si le Procureur du Roy n'estoit point en cause. Et ceste ionction en cause est receüe, encores que le don ne soit verifié, pour l'interest que le donataire pretend auoir en la cause, suiuant la loy *si inspecta. ff. de inof. testam.* Ainsi est obserué en la Iustice du Thresor.

26
Sous ombre
des proc'a-
mations du
papier ter-
rier du Roy,
on ne peut
demander les
lots & ven-
tes aupara-
uant trente
ans.

Aussi combien que Messieurs les Conseillers du Thresor, pour l'exécution des lettres patentes du Roy, concernans l'exécution de son papier terrier és ville, fauxbourgs, Preuosté, & Vicomté de Paris, ayent par leur commission du 8. Nouembre, 1581. ordonné commandement particulier estre faict à toutes personnes propriétaires des maisons & heritages assis en ceste ville de Paris, qu'ils ayent à apporter ou enuoyer en la Chambre du Thresor, la declaration au vray, & par le menu des maisons & heritages, qu'ils tiennent & possèdent en ceste ville de Paris, tenans & aboutissans, les ruës & enseignes, & la redeuance annuelle, soit cens ou rentes, & à quels Seigneurs elle est deuë : ensemble apporter lettres, tiltres & enseignemens, en vertu desquels ils tiennent, occupent & possèdent lesdites maisons & heritages : soit par succession, donation, acquisition, ou autrement, & ce depuis quarante ans en ça, afin d'eux inscrire au papier terrier ou censier du Roy. Toutesfois ce n'est pas pour donner occasion de poursuiure les propriétaires desdites maisons & heritages au payement des lots & ventes deuës auparavant trente ans, ny les contraindre au payement d'iceux, parce qu'ils sont prescripts : ains pour voir les charges foncieres qui sont portées par les anciens tiltres, & cognoistre en la censue de quel Seigneur sont lesdites maisons.

27
Autres di-
stinctions

Aucuns vsent d'autres distinctions, & constituent trois sortes de biens. *Primò bona dominicalia*, qui sont biens vrayement domaniaux, estans de l'ancien & primitif Domaine de la Couronne de France, *de quibus in*

titulo, ne rei dominica vel templorum vindicatio submoueat. Secundo bona patrimonialia, qui sont biens aduenus aux Roys par succession de meres, oncles, ou freres, ou bien qui anciennement estoient baillez en emphyteose, *de quibus in titul. de fundis patrimonialibus. Codice lib. 12. Tertiò bona fiscalia*, qui sont biens vacans, confisque ou aduenus au Roy par Aubeine, Bastardise, Des-herence, ou autrement. Et dient, que *in primo casu, præscriptio centenaria tantum admittitur, in ceteris quadragenaria*. Toutesfois nous auons dict cy dessus, que les biens aduenus par succession aux Roys de France, sont censez domaniaux, quand les Receueurs ordinaires des lieux en ont faict recepte en la Chambre des Comptes par plus de dix ans: tellement qu'és biens patrimoniaux desquels on a faict recepte en la Chambre des Comptes par plus de dix ans, la prescription de cent ans est requise, tout ainsi qu'és biens vraiment domaniaux. Aussi les lots & ventes, quints & requints, reliefs & rachapts, & autres profits de fiefs, se prescriuent par trente ans, comme il a esté cy dessus amplement deduit.

[*Inter bona fiscalia*, on doit conter les biens escheus par confiscation, lesquels, *ex tempore delicti confiscantur, licet non sint occupata, & non debeat ante sententiam occupari. c. cum secundum, ex. de heret. lib. 6. decret. l. 1. §. cui bona, ff. de iure fisci. Dyn. in c. possessor. mala fidei, de reg. iur. in 6. M. Guy Coquille en ses quest. chap. 4. Chop. lib. de Domino c. 4. tit. 7. & 8. & lib. 3. tit. 12. nouel. 134. N. B]*

pour môstrer
quand la
prescription
court contre
le Roy.

28

Bona dominicalia
quæ dicantur.

29

Bona patrimonialia
quæ sunt.

30

Bona fiscalia
quæ vocentur.

QUELLES SOLENNITEZ CONVIENT OBSERVER
pour faire crier & adiuger par decret les heritages aduenus au Roy par Des-herence, Aubeine, Bastardise, ou confiscation, soit que le Procureur du Roy poursuiue les criées, ou bien les creanciers du defunct.

- | | |
|--|---|
| <p>1 Cinq cas considerables pour la decision de la presente question.</p> <p>2 Quand tous les biens sont confisque au Roy, comme le Procureur du Roy doit faire decreter les heritages.</p> <p>3 Quand il y a partie de biens confisque & amende adiugée au Roy, comme le Procureur du Roy doit faire decreter les heritages du defunct.</p> <p>4 Comme le creancier doit faire decreter sur le Roy les heritages confisque au Roy.</p> <p>5 Comme le donataire du Roy d'une somme de deniers doit faire de-</p> | <p>creter les biens confisque.</p> <p>6 Comme le haut-Iusticier doit faire decreter les heritages qui luy sont confisque.</p> <p>7 Comme le creancier doit faire decreter sur le haut-Iusticier les heritages confisque.</p> <p>8 On ne peut faire decreter un heritage sur le Roy, & est besoin faire adiuger sur un curateur.</p> <p>9 On ne doit faire decreter sur le haut-Iusticier les heritages confisque, non plus que sur le Roy.</p> <p>10 Le creancier voulant faire decreter ne se doit ayder de la sursie du Procureur du Roy.</p> |
|--|---|

11 On ne decrete sur vn curateur qu'il n'y ayt compte auparauant rendu.

12 L'heritage confisqué & adiugé par decret, n'est subiect à retraict lignager.

CHAPITRE VIII.

I
Cinq cas considérables pour la décision de la presente question.



VAND aucun decede, & que ses biens sont adiugez au Roy par Des-herence, Aubeine, Bastardise, ou confiscation: ou bien au haut-Iusticier, és cas qui luy appartiennent: & qu'il est besoin faire crier & adiuger par decret tels biens, il faut distinguer cinq cas.

Le premier, quand les biens appartiennent entiere-ment au Roy, & n'y a aucun donataire dudit Sieur, ny aucun creancier qui vueille poursuiure les criées.

2
Quand tous les biens sont confisquezz au Roy comme le Procureur du Roy doit faire decreter les heritages.

En ce cas le Procureur du Roy, voulant faire adiuger par decret les heritages aduenus à la Majesté du Roy, par Des-herence, Aubeine, Bastardise, ou confiscation, doit faire créer par Iustice vn curateur aux biens confisquezz de tel, ou aux biens demeurez par le decez de tel. Lequel estant créé, ledit Procureur du Roy presente requeste, par laquelle il donne à entendre, que pour suruenir aux vrgens affaires du Roy, mesmes pour le faict de ses guerres, il est besoin vendre tels heritages aduenus à la Majesté par Aubeine ou confiscation; demande avec le curateur créé à tels biens, qu'il soit ordonné qu'ils seront vendus: & afin d'oster toutes hypotheques, & que les acheteurs puissent estre asseurez sans craindre aucune euiction, ils soient saisis, criez & adiugez par decret au plus offrant & dernier encherisseur: pour les deniers prouenans de la vente d'iceux, estre mis és mains du Receueur ordinaire du lieu, par luy baillez au Thresorier de l'Espargne, & employez au faict des guerres.

Ce qu'estant ordonné, le Procureur du Roy faict saisir les heritages sur le curateur pour estre vendus, criez & adiugez, suivant la sentence, faict establir Commissaire, & faire les criées & adjudication par decret sur le curateur en la maniere accoustumée, & y obserue toutes les solemnitez requises par l'Ordonnance. Mesmes sera besoin que le Procureur du Roy eslise domicile.

3
Quand il y a partie de biens confisquezz, & amende adiugée au Roy, comme le Procureur du Roy doit faire decreter les heritages du defunct.

Le second cas est, quand par sentence ou arrest y a partie des biens confisquezz, & partie non confisquezz: d'autant qu'aucuns d'iceux sont situez au dedans des Coustumes esquelles n'y a confiscation, comme en Berry. Et lors on a accoustumé d'adiuger amende au Roy, ainsi qu'il fut faict par l'arrest donné contre feu de la Chesnaye, le 13. Iuillet, 1569. lequel portoit confiscation, & tous biens subiects à confiscation, & condamnation de quatre-vingts mil liures parisis d'amende enuers le Roy, à prendre tant sur les biens confisquezz, qu' autres non subiects à confiscation.

Lors il est pareillement besoin que le Procureur du Roy face créer vn curateur par Iustice aux biens du defunct, le face condamner payer l'amende adiugée au Roy, & à faute de ce faire, que les biens de la curation seront saisis, criez, vendus & adiugez: lesquelles saisies, criées, &

adiudication par decret, le Procureur du Roy fera faire, selon qu'il a esté cy-dessus deduit.

Le troisieme cas est, quand le defunct a laissé des creanciers, l'un desquels pour le payement de son deub, veut faire crier les heritages demeurez par le decez du defunct. Et lors le creancier doit auoir ingement avec le Procureur du Roy, par lequel il soit ordonné qu'il sera payé de son deub, sur les biens demeurez par le trespas du defunct. Ce faict, presente sa requeste, par laquelle il requiert, que pour la validité des saisies, criées & adiudication par decret qu'il pretend faire faire pour le payement de son deub, il y ait curateur créé avec le Procureur du Roy aux biens du defunct, lequel estant créé, le creancier le faict adiourner, & contre luy requiert que la sentence par luy obtenüe avec le Procureur du Roy, soit declarée executoire sur ledit curateur, en ce faisant, soit condamné luy payer telle somme. Et à faute de payement, soit ordonné, que les biens de la curation seront saisis, criez & adiugez par decret, & les deniers prouenans de la vente d'iceux à luy baillez, iusques à la concurrence de son deub. Ce qu'estant ordonné le creancier apres commandement deuëment faict, fera saisir sur le curateur, & sur luy crier & adiuget les heritages du defunct, & y obseruera toutes les solemnitez requises par l'Ordonnance. Et sera besoin faire signifier au Procureur du Roy, tant la saisie & iour de la premiere criée, que le iour de l'adiudication par decret, à ce qu'il n'en pretende cause d'ignorance.

Le quatrieme cas est, quand le Roy a donné à vn quidam certaine somme de deniers, à prendre sur tous & chacuns les biens, tant meubles, qu'immeubles aduenus à sa Majesté par le decez ou confiscation de tel, & ce par les mains du Receueur ordinaire de Paris, qui en fera recepte & despenfe en son compte: & que le don a esté verifié par Messieurs des Comptes, & Messieurs les Thresoriers Generaux de France. Et en ce cas le donataire du Roy doit obtenir sentence de Messieurs du Thresor, par laquelle du consentement du Procureur du Roy, il sera ordonné que le donataire sera payé par les mains du Receueur ordinaire de Paris, de la somme à luy donnée par le Roy, sur tous & chacuns les biens, tant meubles qu'immeubles, demeurez par le decez de tel: Lesquels il luy sera permis faire saisir, crier, vendre & adiuget par decret, pour les deniers prouenans de la vente d'iceux, estre mis es mains dudit Receueur ordinaire de Paris, & desdits deniers estre baillé au donataire la somme de tant, ainsi qu'il est porté par ses lettres de don. Ce faict le donataire presente sa requeste, par laquelle il requiert que pour la validité de la saisie, criées, & adiudication par decret, qu'il pretend faire faire, pour payement de la somme portée par son don, il y ait curateur créé avec le Procureur du Roy aux biens du defunct. Ce qu'estant ordonné, le donataire se pouruoit contre ledit curateur, tout ainsi qu'un creancier du defunct: car par le moyen de son don, il tient lieu de creancier: fera adiourner le curateur, contre luy requerra que la sentence par luy obtenüe contre le Procureur du Roy, soit declarée executoire sur ledit curateur: en ce faisant soit condamné bailler & payer au Receueur ordinaire tel-

4
Comme le creancier doit faire decreter sur le Roy les heritages confisque au Roy.

5
Comme le donataire du Roy d'une somme de deniers doit faire decreter les biens confisque.

le somme, pour icelle estre deliurée au donataire. Et à faute de paiement soit ordonné que les biens de la curation seront saisis, criez, vendus, & adiugez par decret.

Les deniers prouenus de la vente d'iceux mis és mains dudit Receueur ordinaire, pour sur iceux ledit donataire estre payé de telle somme. Ce qu'estant ordonné, le donataire, apres commandement faict au curateur, fera saisir, crier & proceder à l'adiudication par decret, selon qu'il a esté dit au troisieme cas cy-dessus recité.

Le cinquiesme cas est, quand les biens sont aduenus au haut-Iusticier par Des-herence, Bastardise, ou confiscation, & que le haut-Iusticier les veut faire adiuger par decret, pour les deniers procedans de la vente luy estre baillez, ou bien vn creancier du defunct les veut faire vendre.

6
Comme le
haut-Iusti-
cier doit fai-
re decreter
les heritages
qui luy sont
confisque-
z.

Au premier cas le plus honneste est, que le Procureur fiscal du haut-Iusticier face créer vn curateur aux biens confisque- de tel, ou aux biens demeurez par le decez de tel. Ce faict, presenter requeste, par laquelle il donne à entendre, que tels heritages sont aduenus à tel seigneur haut-Iusticier, que les terres sont desertes, non cultiuées ne labourées, que pour le profit du seigneur est besoin les faire vendre, & pour obuier à toute euiction les faire decreter. A ceste cause, requiert que les susdits heritages soient vendus, & les deniers baillez au seigneur haut-Iusticier, ou bien à son Receueur, & que pour la validité de la saisie, criées & adiudication par decret, soit créé curateur ausdits heritages. Ce qu'estant ordonné, le Procureur Fiscal se conduira selon & ainsi qu'il a esté dit du Procureur du Roy au premier cas cy-dessus posé.

7
Comme le
creancier doit
faire decre-
ter sur le
haut-Iusti-
cier les heri-
tages confis-
quez.

Si c'est vn creancier du defunct qui vueille faire vendre les heritages, il obtient sentence avec le Procureur Fiscal, par laquelle est ordonné qu'il sera payé de son deub sur les biens du defunct. Ce faict presenter requeste, par laquelle il requiert avec le Procureur fiscal, que pour la validité des saisies, criées & adiudication par decret qu'il entend faire faire des biens confisque- z, ou des heritages demeurez par le decez de tel, pour le payement de son deub, il y ait curateur créé ausdits biens, ou ausdits heritages. Ce qu'estant ordonné, il faict adiourner le curateur, & requiert que la sentence par luy obtenuë contre le Procureur Fiscal, soit declarée exécutoire contre le curateur, en ce faisant, il soit condamné luy payer telle somme, & à faute de paiement soit ordonné que les biens de la curation seront saisis, criez, vendus & adiugez par decret : & doit proceder en outre, selon qu'il a esté dit au 3. cas cy-deuant recité. Et ne faut obmettre d'obtenir sentence telle que dessus contre le curateur, lequel est *loco domini*. Car à faute de ce, on ne certificeroit pas les criées au Chastelet de Paris, & ne suffiroit la sentence donnée contre le Procureur du Roy, ou contre le Procureur Fiscal du seigneur haut-Iusticier.

8
On ne peut
faire decre-
ter un heri-
tage sur le
Roy : & est
besoin faire
adiuger sur
vn cura-
teur.

Par ce qui a esté cy-dessus deduit, on peut cognoistre que quand on veut faire saisir, crier & adiuger vn heritage appartenant au Roy, & adueni à sa Majesté par Des-herence, Aubaine, Bastardise, ou confiscation, il est necessaire créer vn curateur, & de saisir, crier & adiuger sur vn curateur. Parce qu'on ne peut saisir, crier ny adiuger par decret sur le Roy, ny sur

ny sur vn Procureur du Roy, *ne iniuria fiat fisco vel principi. Sed quem-
admodum olim domini bona qui soluendo non erat, nomine serui heredis
necessarij distrahebantur, nec iniuria defunctus afficeretur*: Aussi *ad instar*
serui heredis necessarij, on crée vn curateur aux biens confisqueés ou ad-
uenus au Roy par Des-herence, Aubeine ou Bastardise, & sur ce cura-
teur, on faict saisir, crier, & adiuger les heritages du defunct, selon le
texte *in §. 1. de heredum qualitate & differentia. in Instit. & §. 1. in fine, quib.
ex causis manumittere licet vel non, in Instit.*

Et le meilleur & le plus honnesté est, que le semblable soit faict, quand
on veut faire adiuger par decret les heritages aduenus aux haut-Iusticiers
par Des-herence, confiscation ou autrement. Car le Roy ny les haut-
Iusticiers n'estans vrayz heritiers, aussi n'estant tenus au payement des
debtes du defunct, que iusques à la concurrence des biens, comme il a
esté dit au troisiésme chap. du present Traicté: on se doit seulement adres-
ser aux biens, non pas les faire saisir, crier & adiuger sur le Roy, ou sur
les haut-Iusticiers, attendu qu'ils ne sont vrayz debtors, ny heritiers.
Aussi que tels biens sont comme vne heredité jacente, à laquelle on a
accoustumé créer vn curateur, & contre le curateur faire toutes les pour-
suittes concernans le faict & debtes du defunct, combien que le plus sou-
uent és Iurisdictionz Royales & subalternes on face saisir, crier & adiu-
ger, tant sur les Procureurs du Roy, que sur les haut-Iusticiers, les biens
qui leur appartiennent par confiscation, Des-herence, ou autrement. Ce
qui se doit tollerer, *ne illis iniuria fiat*, comme dit est.

Aussi faut noter que le creancier qui veut faire adiuger par decret les
heritages d'un defunct, appartenans au Roy par confiscation, ou autre-
ment, ne doit pas se faire subroger au lieu du Procureur du Roy, qui a
faict saisir les biens du defunct, comme aduenus à sa Majesté par Aubei-
ne, confiscation, Des-herence, ou autrement: mais doit faire faire nou-
uelle saisie à sa requeste: parce que la saisie du Procureur du Roy n'a pas
esté faicte pour vendre & adiuger, ains a esté faicte à autre fin, à sçauoir
pour conseruer l'heritage & les fructs d'iceluy au Roy, partant telle saisie
ne seroit suffisante ny valable pour faire adiuger: & le Preuost de Paris
ne certifieroit les criées faictes sur ceste saisie, comme faicte à autre fin,
que l'adiudication par decret.

Pareillement conuient noter auparauant que le Preuost de Paris, ou
autre Iuge Royal certifie les criées faictes sur vn curateur de biens confis-
queés, ou de biens aduenus au Roy par Des-herence, Aubeine, ou Ba-
stardise: il est besoin qu'il y ait compté rendu par le curateur, tout ainsi
que par le tuteur d'un mineur, ou par le curateur crée à vne heredité ja-
cente, ou à biens vacans: & sans reddition de compte prealable, il ne pro-
cedera à la certification des criées, suiuant la disposition du droit, *in l.
magis puto. §. non passim, ff. de reb. cor. l. à diuo Pio. §. in venditione ff. de
re indicat.* Et cela est notoire au Chastelet de Paris.

Dauantage il est besoin entendre que les heritages confisqueés au Roy,
ou au haut-Iusticier, qui sont criez & adiugez par decret sur vn curateur,
ne sont subiects à retraict lignager, encores qu'ils fussent propres à celuy

9
On ne doit
faire decre-
ter sur le
haut-Iusti-
cier les heri-
tages confis-
queés, non
plus que sur
le Roy.

10
Le creancier
voulant faire
decreter ne
se doit ayder
de la saisie
du Procureur
du Roy.

11
On ne decre-
te sur un cu-
rateur qu'il
n'y ait com-
pte aupara-
uant rendu.

12
L'heritage
confisqueé ad-
iuge par de-
cret n'est su-
ject à re-
traict ligna-
ger.

qui a confisqué. Parce que le curateur ne represente pas celuy qui a confisqué, & n'a esté créé que pour la formalité, ou bien pour la validité des criées, comme il a esté cy-dessus monstre. Aussi par le moyen de la confiscation & adiudication faicte au Roy, l'heritage a esté mis hors de ligne, non pas le moyen du decret, qui depuis la confiscation a esté faicte, combien que l'heritage propre adiugé par decret sur le curateur aux biens vacans d'un defunct decedé sans hoirs, soit subiect à retraict: non pas l'heritage qui estoit acquest au defunct, ou qui a esté abandonné & deguerpy en Iustice. Suiuant le cent cinquante & vniesme, cent cinquante deuxiesme, & cent cinquante troisieme articles de la nouvelle Coustume Paris, *l. mortuo reo. ff. de fideiusso.*

[*Vide Choppinum de Moribus Parisiorum, tit. 6. numero 22. N. B.*]





ESTABLISSEMENT

DE LA CHAMBRE DV THRESOR,

POVRQVOY ELLE EST AINSI

appellée, & en quoy consiste la Jurisdiction d'icelle.

- 1 Connexité du present Traicté, avec les trois Traictéz precedens.
- 2 Etablissement de la Chambre du Thresor & qu'elle est fort ancienne.
- 3 Privilèges octroyez à Messieurs du Thresor.
- 4 Pourquoy la Chambre du Thresor est ainsi appelée.
- 5 Anciennement tous les deniers des réceptes Ordinaires du Royaume de France estoient apportez en la Chambre du Thresor.
- 6 Rançon du Roy S. Louys payée en Bezans d'or, & combien valoit le Bezan d'or.
- 7 Offices du Changeur du Thresor, ensemble des Cūtroolleurs & Clercs du Thresor.
- 8 Messieurs les Thresoriers de France president en la Chambre du Thresor.
- 9 Ce mot de Thresor signifie autant que Domaine.
- 10 Creation des Officiers de la Chambre du Thresor, & que les Thresoriers de France estoient les premiers Officiers.
- 11 Creation de quatre Conseillers en la Chambre du Thresor.
- 12 Creation d'un cinquième Conseiller en la Chambre du Thresor.
- 13 Creation de trois Conseillers au Thresor, & recit d'autres Officiers anciens.
- 14 Les procesz pendans en la Chambre du Thresor, sont instruits & jugez par Messieurs les Conseillers du Thresor.
- 15 Les conseillers du Thresor ont la cognoissance du Domaine du Roy, principalement au Prenoist de Paris, & hu Et Bailifs circonvoisins.
- 16 Recit des defenses, desquelles Messieurs du Thresor ont accoustumé user, pour conserver leur Jurisdiction.
- 17 Forme de requeste que les fermiers du Roy presentent, lors qu'ils sont poursuivis ailleurs qu'au Thresor.
- 18 Jugement contenant les defenses faites par Messieurs du Thresor.
- 19 Messieurs du Thresor ne peuvent faire defenses aux Juges.
- 20 Messieurs du Thresor ne peuvent casser les procedures faites depuis leurs defenses.
- 21 Les Conseillers du Thresor cognoissent du Domaine par provision & concurrence avec tous les Juges du Royaume de France, & en tous les Parlemens.
- 22 Ordonnance par lesquelles appert que les Officiers du Thresor ont la preuention par tout le Royaume.

- | | |
|---|--|
| <p>23 Droicts desquels la Chambre du Thresor a la cognoissance.</p> <p>24 La Chambre du Thresor cognoist des confiscations adiugées par la Cour.</p> <p>25 La poursuite du reliqua des comptes du Domaine se doit faire en la</p> | <p>Chambre du Thresor.</p> <p>26 Vtilité de la Chambre du Thresor.</p> <p>27 Les Conseillers du Thresor sont veri Procuratores Cæsaris.</p> <p>28 Qu'il est besoin conseruer la Iurisdiction du Thresor.</p> |
|---|--|

1
Cōnexité du
presēt Trai
té, avec les
trois Trai
tez prece-
dens.



Nous auons dictés Traictez des droicts d'Aubeine, Bastardise, & Des-herence, que la cognoissance de tels droicts, comme Domaniaux, naturellement appartient à Messieurs les Conseillers de la Chambre du Thresor, & qu'ils en sont les vrais Iuges.

De faict, nous auons recité plusieurs sentences notables, & diuers iugemens memorables par eux donnez, concernans les droicts dessusdits. Il semble donc qu'il ne sera hors de propos, de declarer l'establissement de ceste Chambre: donner à cognoistre pourquoy elle est appelée Chambre du Thresor: & de quelles matieres les Officiers d'icelle ont iurisdiction & cognoissance.

2
Etablisse-
ment de la
Chambre
du Thresor,
qu'elle est
fort ancien-
ne.

Quant à l'erection, creation & establissement de ceste Chambre, il ne s'en trouue Edict certain, mais communément on a tenu qu'elle auoit esté erigée par le Roy Charles VII. apres que les Anglois furent challez hors de France. Ce qui ne se peut vraiment soustenir: mais conuient maintenir que l'institution de ceste Chambre est aussi ancienne que le Domaine du Roy, & qu'elle a tousiours esté maintenüe, conseruée & continuée successiuelement par les Roys de France, comme il se trouue par les plus anciennes chartres & Ordonnances des Roys. Mesmes par deux Ordonnances du Roy Philippes le Long, l'vne faicte à Tremblay pour la Chambre des Comptes, & Officiers du Thresor, le 3. Ianuier 1316. registré en la Chambre des Comptes, au liure intitulé, *Pater*, fol. 51. recto, articles premier, & quatriesme: l'autre faicte à Long-champ, en son grand Conseil le 20. de Iuillet, 1319. escrete au mesme liure, fol. 54. verso, article troisieme. Et encores est faict mention des Officiers de la Chambre du Thresor en deux autres anciennes Ordonnances: la premiere registrée au mesme liure fol. 51. verso, & la deuxiesme en vn registre estant en ladite Chambres des Comptes, cotté E. fol. 93.

Aussiés Annales de France est parlé des Officiers du Thresor, au temps du Roy Charles le Quint, lequel ordonna qu'apres son trespas le Duc d'Anjou son frere, en attendant que Charles sixiesme son fils fust paruenü à l'age de quatorze ans, eult le gouvernement du Parlement des Requestes du Palais, & des Officiers du Thresor, du temps duquel Roy se trouuent plusieurs Ordonnances faictes sur le faict de la Chambre des Comptes, & du Thresor, mesmes vne de l'an mil trois cens soixante & dix-huict.

3
Prinileges
oütroyez à
Messieurs
du Thresor.

Et depuis le Roy Charles VI. orna de plusieurs prinileges les Officiers du Thresor, leur ayant par ses lettres patentes du sixiesme Mars, 1383.

donné exemption de toutes tailles, assiettes, subuencions, & autres deniers qui se peuuent leuer sur les habitans de la ville de Paris.

Et le Roy Charles V II. le douziésme Aoust, 1445. fit vn Edict à Chaalons, contenant Declaration particuliere du pouuoir attribué à Messieurs les Thresoriers de France, Chefs & Presidents de la Chambre du Thresor. En sorte qu'on ne peut dire que les Officiers de ceste Iurisdiction n'ayent esté de fort grande antiquité creéz, instituez & establis. Et ce pour la conseruation du sacré Domaine de la Couronne de France, comme il sera dit cy-apres.

Et ceste Chambre a esté appelée Chambre du Thresor, qui signifie autant que Chambre du Domaine, pour trois raisons principales.

La premiere, parce qu'anciennement le Thresor du Roy qui consistoit principalement au reuenue de son Domaine estoit gardé en ceste Chambre: & tous les deniers des Receptes ordinaires du Royaume, qui sont les Receptes du Domaine, y estoient apportez. Ainsi que les deniers domaniaux de l'Empire Romain, anciennement estoient apportez au Temple de Saturne. Et ceux de la Republique des Atheniens, au Temple de Minerue. Et pour remarque de ce, en l'ancienne tapissierie de ceste Chambre, au lieu des Fleurs de Lys, y a des Bezans, qui estoit vne ancienne espeece de Monnoye d'or. De faict, la rançon du Roy saint Louys, detenu par les Sarrazins, fut payée en huit mil Bezans d'or, valans quatre cens mil liures tournois: car chacun Bezan d'or valoit cinquante liures tournois de nostre monnoye, & lesdits huit mil Bezans d'or furent forgez à Paris, & portez à Damiette pour le payement de ladite rançon. Comme il est contenu en vn ancien tableau, estant en l'Eglise du Monastere des Filles-Dieu de ceste ville de Paris, & és Annales de France faictes par Maistre Nicoles Gilles.

Et pour le faict de la recepte de tous les deniers domaniaux du Royaume de France, il y auoit vn Officier lors estably, & resident en ceste Chambre, qu'on appelloit le Changeur du Thresor, qui estoit assisté d'un Controleur & de deux Clercs, qu'on appelloit Controilleur, & Clercs du Thresor: en sorte que le Changeur du Thresor estoit Receueur general de tout le Domaine de France.

La seconde raison pour laquelle ceste Chambre a esté nommée Chambre du Thresor semble estre: Parce que Messieurs les Thresoriers de France, qui sont les Chefs & Presidents d'icelle, & qui ont la charge & gouvernement de tout le Domaine du Royaume, tiennent leur siege & Iurisdiction en ceste Chambre. De faict incontinent apres qu'un Thresorier de France a esté receu en la Chambre des Comptes, il est installé en la Chambre du Thresor, par l'un de Messieurs des Comptes. Et lesdits Seigneurs Thresoriers, faisans leurs visitations & cheuauchées par leurs Prouinces, s'ils trouuent quelque vsurpation & entreprise faicte sur le Domaine du Roy, ils ont de tout temps accoustumé de renvoyer, comme ordinairement ils renuoient le negoce en la Chambre du Thresor, pour y estre decidé & terminé.

Ou bien ceste Chambre a eu le nom & tiltre de Chambre ou Iustice

4
Pour quoy la
Chambre
du Thresor
est ainsi ap-
pellée.

5
Ancienne-
ment tous
les deniers
des Receptes
ordinaires
du Royaume
de France
estoyent ap-
portez en la
Chambre du
Thresor.

6
Rançon du
Roy S. Loys
payee en be-
zans d'or,
en combien
valoit ce Be-
zan d'or.

7
Offices de
Changeur du
Thresor, en-
semble des
Controol-
leurs &
Clercs du
Thresor.

8
Messieurs
les Threso-
riers de Fra-
nce presens
en la Cham-
bre du Thre-
sor.

9
Ce mot de
Thresor si-
gnifie autāt
q^e Domai-
ne.

du Thresor: parce que ce mot de Thresor signifie autant que Domaine; la cognoissance duquel est attribuée aux Officiers d'icelle, comme il se-
ra dit cy-apres. Et en cet endroit convient noter, que quand les Edicts
& Ordonnances Royaux vsent de ce mot Thresor, il signifie autant que
Domaine, & le faut ainsi entendre: comme il se peut cognoistre par la
lecture des Ordonnances. La raison est, qu'anciennement le Thresor du
Roy, & finances de France, ne consistoient qu'au reuenu du Domaine
de la Couronne de France, & non estailles, aydes & subsides, comme
Monsieur le Maistre a escrit en ses Decisions notables, traité premier,
chapitre cinquiesme.

10
Creatio des
Officiers de
la Chambre
du Thresor,
en que les
Thresoriers
de France
estoiēt les
premiers
Offic. ers.

Et à la verité, lors de la premiere institution & creation de ceste Cham-
bre, il n'y auoit que les Thresoriers de France: lesquels, comme dit a esté,
auoient l'administration & gouvernement de tout le Domaine du Roy-
aume, & cognoissoient des entreprises qu'ils trouuoient estre faictes sur
iceluy, iugeoient & decidoient toutes causes domaniales, & s'intituloient
Thresoriers de France sur le faict de la Iustice. Mais le Domaine ayant
esté grandement augmenté, par le moyen des reünions faictes à la Cou-
ronne de France, de plusieurs Duchez, Comtez, & autres Seigneuries,
tenuës & mouuances d'icelle: Aussi que Messieurs les Thresoriers de
France ne pouuoient commodément vacquer à la decision des proces &
differends, concernans les vsurpations ordinairement faictes, sur les
droicts dependans du Domaine, & Patrimoine de la Maison & Cou-
ronne de France, estans le plus souuent occupez près de la personne de nos
Roys: lesdits Seigneurs Thresoriers auoient accoustumé commettre

11
Creation de
quatre Con-
seillers en la
Chambre
du Thresor.

pour l'exercice de la iurisdiction, & decision des proces, gens experts, &
entendus au faict de iudicature. Et d'autant qu'il n'estoit raisonnable
que la cognoissance du sacré Domaine de la Couronne de France, &
decision des differends qui se peuvent mouuoir à cause des droicts d'i-
celuy, fust commise & baillée à personnes purs priuez, qui n'estoient

12
Creation
d'un cin-
quiesme Co-
seiller en la
Chambre
du Thresor.

Officiers du Roy: il y eut anciennement quatre Conseillers qui furent
creez & instituez en tiltre d'office Royal en ceste Chambre du Thresor,
pour avec Messieurs les Thresoriers de France, ou bien en leur absence,
iuger & decider les proces & differends qui seroient meus pour raison
du Domaine & droicts appartenans à iceluy: le temps de laquelle in-
stitution est certain. Et parce que ces quatre Conseillers, ou bien les

13
Creation de
trois Con-
seillers au
Thresor, &
recit d'au-
tres Officiers
anciens.

Thresoriers & quatre Conseillers ensemblement, estoient quelquesfois
partis en opinion, y eut vn cinquiesme Conseiller, qui fut créé par le
Roy Louys douziesme en l'an mil cinq cens. Depuis en l'an mil cinq
cens quarante trois, du temps du Roy François premier, y eut encores
trois Conseillers, qui furent instituez en ceste Chambre, qui sont huit
en nombre. Outre lesquels y auoit de toute ancienneté vn Aduocat, &
vn Procureur du Roy, vn Greffier, avec vn Huissier, qui faict sa resi-
dence ordinaire en ceste Chambre du Thresor, & a la garde des registres,
pancartes, liures & papiers estans en icelle.

14
Les proces
pendans en

Et depuis la creation des quatre Conseillers en ceste Chambre du
Thresor, tous les proces & differends consistans en cognoissance de

causes & iurisdiction contentieuse, ont esté comme, ils sont encores à pre-
sent, traictez, conduits & instruits pardeuant lesdits Conseillers du Thre-
sor, & ont esté par eux iugez. Ou bien cumulatiuement avec lesdits Sei-
gneurs Thresoriers de France, s'ils sont presens : ou bien separément,
s'ils sont absens, sans que lesdits Seigneurs Thresoriers seuls se soient
entre-mis de cognoistre des differents qui gisent en Iurisdiction conten-
tieuse. Pour ceste cause, quand aucun ou aucuns desdits Seigneurs Thre-
soriers assistent au iugement des proces qui sont pendans en la Chambre
du Thresor, les sentences sont intitulées par ces mots : Les Thresoriers
de France, & Conseillers du Roy en la Iustice de son Thresor, A tous
ceux, &c. Et quand les proces sont iugez par Messieurs les Conseillers
du Thresor seuls, les sentences sont intitulées par ces mots, Les Conseil-
lers du Roy nostre Sire, en la Iustice de son Thresor, A tous ceux, &c.
Ou bien l'on met les Presidens, Thresoriers de France, Generaux des
Finances establis à Paris, & Conseillers du Roy en la Iustice de son Thre-
sor, A tous ceux, &c. Et que Messieurs les Thresoriers de France n'ont
aucune iurisdiction contentieuse, & qu'en leur bureau ils ne peuuent,
sans les Conseillers du Thresor, cognoistre, iuger & decider les causes
domaniales & droicts domaniaux de la Couronne de France, a esté iugé
par arrest donné en plaidoyrie, entre les Maîtres & Gardes de la Mar-
chandise de poissons de mer aux Halles de Paris, appellans des appoin-
temens & sentence donnée par les Thresoriers de France à Paris d'une
part: & Adam Depraft fermier intimé d'autre. En ce faisant Messieurs
les Thresoriers Generaux de France, *Nul'um habent imperium, nullumque
iuris dicundi potestatem.*

La Iurisdiction de ceste Chambre, de toute ancienneté s'estend par
tout le Royaume de France : (comme il sera dit cy-apres) neantmoins à
present elle consiste principalement en la cognoissance du fond & pro-
priété, & generalement de tous les droicts concernans le Domaine de la
Couronne de France, situé au dedans des Ville, Preuosté & Vicomté de
Paris, & des huit Bailliages circonuoisins, qui sont Senlis, Melun, Brye
Comte-Robert, Estampes, Dourdan, Mante, Meulant, Beaumont sur
Oyse, & Crespy en Valois, priuatiuement au Preuost de Paris, Baillifs des
lieux susdits: lesquels ne peuuent aucunement cognoistre du Domaine &
droicts dependans d'iceluy : mais peuuent seulement faire les sceillez &
saïfies, tant feodales, que des biens vacans, & autres. Ce faict, doiuent
renvoyer le negoce pardeuant Messieurs du Thresor pour y estre procedé
comme de raison. Ainsi qu'il est à plein contenu, & par le menu de-
claré en l'Edict du mois de Feurier, mil cinq cens quarante-trois, ve-
rifié en la Cour le neufiesme Iuin, mil cinq cens quarante-quatre. Et
qu'il a esté iugé par plusieurs Arrests infirmatifs de sentences données,
tant par le Preuost de Paris, que Baillifs susdits : lesquels auoient voulu
cognoistre du Domaine du Roy, & leurs iugemens ont esté declarez nuls
& cassez. Mesmes a esté iugé par arrest donné en plaidoyrie contre le
Preuost des Marchands & Echeuins de ceste ville de Paris, le 21. No-
uembre 1570. qu'ils sont tenus proceder en la Chambre du Thresor, pour

la Chambre
du Thresor
sont instruits
& iugez par
Messieurs
les Conseil-
lers du Thre-
sor.

15
Les Conseil-
lers du Thre-
sor ont la co-
gnoissance
du Domai-
ne du Roy,
priuatiue-
ment au Pre-
uost de Pa-
ris, & huit
Baillifs cir-
conuoisins.

raison des censives & autres droicts par eux pretendus en ceste ville, lesquels le Procureur du Roy au Thresor maintient appartenir au Roy, & estre du domaine dudit Seigneur. Et ledit arrest fut donné entre Maistre Jacques Canaye Aduocat en Parlement, appellant d'une part, & lesdits Preuost des Marchands & Escheuins intimez d'autre.

16

*Recit des defen-
ses, des-
quelles Mes-
sieurs du
Thresor ont
accoustumé
user pour
conserver
leur iurisdic-
tion.*

Partant quand le Procureur du Roy au Thresor est aduerty qu'il y a proces pendant pardeuant le Preuost de Paris, ou pardeuant l'un des Baillifs dessusdits, concernant le Domaine du Roy, ou pour raison de droicts Domaniaux ou fermes domaniales, ou pour quelques heritages & biens aduenus au Roy par droict d'Aubaine, Bastardise, Des-herence, confiscation, ou autrement; ou bien pour les eschopes, loges ou boutiques du Palais: Il a accoustumé presenter requeste à Messieurs du Thresor, non pas afin d'euocation, (d'autant qu'il n'y a que le Roy & les Cours souueraines qui puissent euoquer) mais à ce que ces defences soient faictes aux parties litigantes de faire poursuite ailleurs qu'au Thresor, pour raison de tels droicts, telles fermes ou tels heritages appartenans au Roy, par la confiscation de tel, sur peine de nullité de procedures, & amende arbitraire; icelles defences estre signifiées au Preuost de Paris, ou l'un des Baillifs susdits, à ce qu'il n'en pretende cause d'ignorance: & pour voir faire plus amples defences aux parties, & qu'elles soient tenuës venir proceder audit Thresor, iour leur estre assigné au premier iour plaidoyable.

17

*Forme de
requeste que
les fermiers
du Roy pre-
sentent lors
qu'ils sont
poursuiuis
ailleurs que
au Thresor.*

Et semblable requeste peut estre présentée par les fermiers du Domaine du Roy: donnans à entendre que pour raison des droicts de leurs fermes, & des dependances d'icelles, ils ne peuvent estre poursuiuis ny tenus en proces ailleurs, que pardeuant Messieurs du Thresor: ny les instances des droicts dessusdits estre traictées ailleurs, que pardeuant eux. Neantmoins que tel les a faict conuenir pardeuant le Preuost de Paris, pour raison des droicts de leurs fermes, comme il appert par l'adiournement faict à la requeste, tel iour. Partant requierent defences estre faictes audit tel, de faire poursuite contre les supplians, pour raison de ce que dessus & droicts de leurs fermes ailleurs qu'au Thresor, sur peine de nullité des procedures, & amende arbitraire. Et pour luy voir faire plus amples defences iour estre assigné audit tel au Thresor.

18

*Jugement
contenant
les defen-
ses faites par
Messieurs
du Thresor.*

Sur ceste requeste les parties estans ouyes, Messieurs du Thresor ont accoustumé retenir la cognoissance de la cause, ordonner que les parties viendront proceder pardeuant eux, suiuant les derniers erremens & appointemens, leur font defences de faire poursuite ailleurs qu'au Thresor, pour raison des droicts ou heritages contentieux, sur peine de nullité des procedures & de dix escus d'amende. Ordonnent que les defences seront signifiées au Preuost de Paris, ou au Bailly, pardeuant le-

19

*Messieurs
du Thresor
ne peuvent
faire defen-
ses aux iu-
ges.*

quel le proces estoit pendant, à ce qu'il n'en pretende cause d'ignorance. Non pas qu'ils leur puissent faire defences d'en cognoistre, parce qu'ils ne sont superieurs du Preuost de Paris & Baillifs dessusdits: *Et par in pa-rem non habet imperium, l. nam magistratib. ff. de recep. arbit. l. ille à quo §. tempestiuum, ff. ad Trebellia.* Et les defences susdites sont fondées en la doctrine

de Jean

de Jean Fabre in l. 1. Cod. de officio praefect. urbi. Où il diët que *Index potest prohibere subiectis suis, ne litigent coram alio in sui prauidicium*: allegue le chapitre *Ex transmissa de foro compe. Ext. l. finali ff. de offic. praefect. urb.*

Si nonobstant les defences, la partie n'a delaisé à poursuiure pardeuant le Preuost de Paris, ou pardeuant l'un des Baillifs dessusdits iusques à obtenir sentence à son profit; Messieurs du Thresor ne peuuent casser les procedures faictes depuis lescdites defences, ny adnuller la sentence donnée depuis icelles. D'autant comme diët est, qu'ils ne sont superieurs du Preuost de Paris, & Baillifs susdits. Mais est besoin que la partie se pouruoye par appel en la Cour de Parlement, contre lescdites procedures & sentence, & appel d'icelles comme de Iuge incompetant. Car il n'appartient qu'aux Cours souueraines, ou bien au Iuge superieur, ou à Messieurs des Requestes du Palais, qui sont du corps de la Cour de reuoker les attentats & adnuller les procedures & iugemens donnez par les Iuges ordinaires, ou autres Iuges depuis les defences faictes. Bien peuuent Messieurs du Thresor declarer la partie, qui a contreuenu à leurs defences, & qui nonobstant icelles a faict poursuite, estre encouruë en l'amende indiët. Et en ce faisant condamner, pour la contrauention par luy faicte aux defences, à payer au Roy moitié de dix escus d'amende, & l'autre moitié à la partie: suiuant la loy premiere ff. *si quis ius dicent. non obtemp.* qui est que *omnibus magistratibus concessum est iurisdictionem suam defendere in publico iudicio, l. 1. §. quid ergo ff. de vend. in spi. l. cum ea. ff. ad leg. Iul. pecula.*

Pareillement Messieurs les Conseillers de la Chambre du Thresor, deslors de leur creation, ont cogneu, comme encores à present cognoissent par preuention & concurrence avec tous les Iuges ordinaires du Royaume, du Domaine du Roy, & droicts appartenans à la Couronne & Majesté. Non seulement au dedans du Parlement de Paris, mais par tout le Royaume de France, pays, terres & Seigneuries de l'obeissance du Roy, & en tous les autres Parlemens de ce Royaume. Ainsi qu'il est porté tant par la Charte Normande, & lettres obtenües par les trois Estats du Pays de Normandie, le 22. Aueil, 1450. l'Edict donné à Chaulons le 12. Aoust 1445. autre Edict de l'an 1500. l'Edict de Cremieu en l'article premier, publié en la Cour le 16. Aueil 1537. l'Edict contenant l'erection des Iuges Presidiaux: autre Edict publié en la Cour, le 9. Iuin 1540. cy-dessus mentionné, contenant ces mots: Pour auoir la cognoissance & regard par concurrence & preuention, avec tous les autres Iuges ordinaires de nostre Royaume, sur les differends, caules & proces qui se peuuent mouuoir, pour raison des droicts du Domaine de nostre Couronne, que plusieurs autres Ordonances tât anciennes que modernes.

Tellement que la iurisdiction du Thresor est comme vn soleil & vne lumiere esclairant par tout le Royaume de France, terres & Seigneuries du Roy, ayant l'œil & regard sur tout le Domaine & patrimoine de la Maison & Couronne de France. Recherchant ce qui a esté entrepris & vürpé par les Seigneurs du Royaume & autres personnes, tant sur le Domaine du Roy, que droicts appartenans à la Majesté.

20
Messieurs du Thresor ne peuuent casser les procedures faictes depuis leurs defences.

21
Les Conseillers du Thresor cognoissent du Domaine par preuention & concurrence avec tous les Iuges du Royaume de France, & en tous les Parlemens.

22
Ordonnances par lesquelles appartient que les Officiers du Thresor ont la preuention par tout ce Royaume.

23
Droicts desquels la Châbre du

Thresor a la Comme de Iustice, de Feodalité, de Centiue, de Patronage, Quints,
cognoissan- Requints, Reliefs, Rachapt, Lots, Ventes, Treiziesme, droicts d'Au-
ce. beine, de Bastardile, de Des-herence, de Cheuage, de Formariage,
 d'Espaues, Biens vacans, Mortes-mains, Droicts de francs-Fiefs, de
 Nouveaux Acquests, Amortissemens, Anoblissemens, droicts de Ta-
 bellionnage, de Seclaux contracts, de Bannalité, de Poids, Mesurage,
 Estallonnage, Minage, Barage, Peage, Trauers, Traicte foraine, de Pei-
 che, Forage, Roilage, de Represailles, de Marques, de Guet, de Foi-
 res, de Marchez, de Mines ouuertes, Mineraux, Thresors trouuez,
 de Champarts, Terrages, Propriété d'eauës & forests appartenans au
 Roy, droict de Tiers & Danger d'Isles, Atterrissemens, Dismes infeodées : mesmes de toutes Confiscations & Amendes adiugées au Roy, tant par les Cours de Parlement du Royaume de France, que par tous autres Iuges Royaux.

24
La Chambre De faict, quand aucuns creanciers veulent estre payez de leur deu
du Thresor sur les biens confisquezz au Roy, par les arrests de la Cour de Parlement,
cognoissances la Cour n'en pretend pas cognoissance: mais sur la requeste par eux
confiscations présentée & communiquée à Monsieur le Procureur General du Roy,
adiugées par or donne qu'ils se pouruoient pardeuant les Conseillers du Thresor,
la Cour. pour leur estre faict droict sur leurs demandes: Comme il est porté par
 plusieurs arrests donnez en la Cour, spécialement es mois de Ianuier &
 Feurier 1573. & autres mois precedens, pour les biens des feus Admiral,
 Briquemont, la Molle, Coquonas & autres.

25
La poursuite Pareillement par les anciennes Ordonnances & Edicts Royaux, la
du reliqua poursuite doit estre faicte en la Chambre du Thresor du reliqua des
des copies du comptes rendus par les Receueurs ordinaires & autres, tant du Do-
maine, se maine de la Maison & Couronne de France, que de tous droicts Do-
doit faire en maniaux appartenans au Roy: & les reliquataires & debiteurs par la
la Chambre closture desdits Comptes ne doiuent estre poursuiuis ailleurs qu'en
du Thresor ladite Chambre du Thresor: à laquelle generalement appartient la co-
 gnoissance de tous droicts Seigneuriaux, feodaux & domaniaux appar-
 tenans au Roy, & de tous deniers deus à cause desdits droicts: telle-
 ment que la Chambre du Thresor est la vraye protectrice & conserua-
 trice du Domaine & droicts appartenans à la Couronne de France.

26
Utilité de la Et est necessaire que la Iurisdiction de ceste Chambre demeure en
Chambre du son entier, & ait cognoissance par tout le Royaume, terres & seigneu-
Thresor. ries de l'obeyssance du Roy des entreprises qui se font sur le Domaine.
 D'autant que les Iuges Royaux & Officiers des lieux, le plus souuent
 sont parens, alliez, subiects, Officiers ou pensionnaires des Seigneurs
 Hauts-Iusticiers du Royaume, tant Ecclesiastiques que seculiers. Par
 ce moyen sont dissimulées & souffertes les entreprises ordinairement
 faictes sur le sacré Domaine de la Couronne de France.

27
Les Conseil- Et peut-on iustement dire, que Messieurs les Commissaires du
lers du Thre- Thresor, *sunt veri i procuratores Caesaris.* Car tout ainsi qu'anciennement
for sunt veri à Rome, *quoties contentio erat inter fiscum & priuatum, Procurator Casa-*
Procurato- *ris aduocatus erat,* lequel seul cognoissoit des cautes fiscales & Doma-
res Caesaris.

niales del'Empire Romain , priuativement à tous Iuges , selon le texte in l. si minori, de iure fisci. lib. 10. l. 1. Cod. si aduersus fiscum restit. postul. l. fina. ubi Glosa in ve. bo, & deinde in fine. ff. de offic. Procurat. Cas. Fenestellain tra- ctatu de Magistratibus sacerdotisque Romanorum, capite ult. & Componius Læus in simili tractatu, cap. de Procuratore Cesaris.

Aussi la vraye & naturelle cognoissance du Domaine du Roy ap- partient à Messieurs du Thresor. Et s'il s'offre quelque difficulté ou am- biguité, touchant les droicts Domaniaux, soit d'Aubeine, Bastardise, Des-herence, Cheuage, Formariage, ou autres, on a recours à eux, tan- quam ad sacrum Apollinis oraculum.

Partant non seulement est vtile, mais necessaire pour la conserua- tion & protection du Domaine de la Couronne de France, & droicts dependans d'iceluy, maintenir les Officiers de ceste Chambre en leur Jurisdiction, sans souffrir que l'on entreprenne sur leurs droicts & Jurisdiction, comme ordinairement on faict par commissions extraor- dinaires.

28
Qu'il est be-
soin conser-
uer la Juris-
diction du
Thresor.

Pour auoir plus ample cognoissance de la creation, pouuoir & Jurisdiction, tant de Messieurs les Thresoriers de France, que des Con- seillers en la Iustice du Thresor, est besoin auoir recours à la lecture de ce que doctement & disertement a escrit Maistre Pierre de Miram- mont, Conseiller en la Chambre du Thresor, en son Traicté, De l'o- rigine & institution des Cours souueraines, & Juridictions encloses dedans le Palais, és tiltres de la Chambre du Thresor, & des Thre- soriers de France.

F I N.





TABLE DES MATIERES

CONTENUES EN CE

PREMIER VOLUME.

A



BBE' comment doit
estre condanné au
payemēt des debtes
de son Religieux.

349

*Sunt potius bono-
rum possessores quàm heredes vel succes-
sores.*

349

Non sunt heredes sanguinis, sed suc-
cessores iuris tantum. 350. pour la suc-
cession de leurs Religieux ne peu-
vent former complainte. *ibid.*

Achepteur deceu d'outre moitié
de iuste prix ne peut estre releué de
l'achapt d'heritage par luy faict, &
pourquoy.

326

Adoptati in regno qui sint.

5

*Actio de moribus uxoris extra per-
sonam mariti extendi non debet.*

299

Auis des anciens Aduocats de la
Cour sur la succession de l'estranger
naturalisé.

150

*Aduena plures in ciuitates non ad-
missi.*

9

Alexandre faict Citoyen de Corin-
the.

7

Albinus quasi Alibi natus.

4

Ambassadeurs estans en France
s'ils sont subiets à la loy d'Aubeine.
61. que non. *ibid.*

ibid.

l'An de l'exécution testamentaire
est utile.

251

Antiquité de la Chambre du Thre-
sor.

388

terres d'Appanages comment doi-
uent estre renduës, & de quelles ter-
res les appanagers peuuent disposer.

374

Appollonius à loco, Rhodius appellatus.

193

*Arborem quæ in fundo alieno radices
egit mutare dominum.*

199

Arrest declarant les Souoyfiens
estrangers.

23

Arrests par lesquels ceux de Lu-
xembourg, de Frise, & de Gand, suc-
cedent en France.

50. 51

Arrest donné entre vn enfant na-
turel & legitime, & vn enfant legiti-
mé par mariage subsequent.

270

Arrest en faueur de l'heritier de
Guillaume Luquin Docteur en
Theologie confirmatif de ce que
dessus.

189

Arrest par lequel appert que le
bastard peut librement tester en
France. 242. autre semblable arrest.

243

Arrest de la Cour au profit du
Chapitre de Clery, & son inter-
pretation.

150

Arrest notable de Geoffroy de
Cenamy, contre Iean de Longue-
ual.

203

Table des matieres du premier Tome.

Arrest de Cenamy ne peut seruir de loy generale, à cause de plusieurs particularitez. 210. la remarque d'icelles. *ibid.*

Arrest vulgairement appelé l'arrest de l'Anglesse. 183

Arrest donné contre les collatéraux ne peut preiudicier au donataire du Roy. 170

Arrest d'une donation de tous biens faicte par vne mere à sa fille bastarde, déclarée bonne. 231

Arrests donnez sur des donations faictes à des enfans bastards. 233

Arrest touchant le Sauoy sien. 21

Arrest que le Roy seul succede à l'estranger naturalisé. 151

quand on s'est rapporté à l'Arbitrage d'un homme, c'est à dire, que son arbitrage soit raisonnable. 252

recit d'un Arrest notable contenant les donations faictes aux bastards. 223

recit de l'Arrest de la fille de feu Maître Pierre Amet, Prestre. 278

Arrest que le fils bastard légitimé exclud tous les parens de la succession de son pere. 283

sentence du Thresor & Arrests donnez en faueur de quelques habitans d'Anuers. 39

Arrest touchant les terres des Appanages. 375

Article du traicté de Paix fait l'an 1544. entre le Roy de France & l'Empereur. 33

Atheniens rigoureux aux estrangers. 11

Aubeins, doiuent douze deniers par an au Roy. 13

definition du droict d'Aubeine. 5

droict d'Aubeine n'a point de lieu es biens meubles, cedules, breuets, & obligations des marchands trafiquans en France. 67

droict d'Aubeine est domanial. 19
qui sont ceux qu'on appelle Aubeins. 16

qui sont les vrais Aubeins. 20

trois sortes d'Aubeins, demeurans en France. 19

droict d'Aubeine, est *dominium discontinuum*, vel *potius ius discontinuum*. 130

Aubeins de deux sortes en France. 5

Aubeins exempts du droict d'Aubeine. 25

qui sont les reputez Aubeins en France. 32

droict d'Aubeine appartient au Roy seul, & pourquoy. 17

le Roy iouyt du droict d'Aubeine au Bailliage de Vitry, nonobstant la Coustume locale. 134

droict d'Aubeine ne peut estre acquis par le haut Iusticier. 128. ny aliéné par les Roys de France. *ibid.*

droict d'Aubeine ne se peut prescrire par le haut Iusticier. 130. raisons sur ce. *ibid.*

droict d'Aubeine ne peut estre introduit au Duché de Bourgongne. 54

en Aubeine, est besoin de declaration iudiciaire. 154

tout homme qui est nay hors de France est Aubein. 179

droict d'Aubeine, pourquoy introduit en France. 12. 17

interpretation du nom d'Aubein. 4
mot d'Aubeine a esté pris pour bien vacant. 133

en France on ne peut reuoquer en doute le droict d'Aubeine. 17. & pourquoy il a esté introduit. *ibid.*

droict d'Aubeine diuersement appelé en Latin. *ibid.*

Aumosne, est vne peine pecuniaire non infamante. 313

Augustus Caesar parcissime ius cini-

tatis Romane dedit. 7
 l'Authentique *præterea Ced. unde*
vir & uxor, n'est observée en Fran-
 ce. 144
 ceux d'Auignon sont naturalisez.
 30

B

Bastards, *nec genus, nec gentem ha-*
bent. 316

Bastards legitimez qui ne sont nais
ex soluto & soluta, ne peuvent succe-
 der. 294

Bastards legitimez, doiuent con-
 sentir qu'ils succedent les vns aux
 autres. 334

Bastard legitimé quand succede
 avec les enfans naturels & legitimes.
 329

Bastards legitimez qui ne sont
 point nais *ex soluto & soluta*, ne peu-
 vent succeder. 275

vne fille Bastarde ne peut estre re-
 ceuë à poursuiure criminellement en
 Justice la reparation de la mort de sa
 mere. 229. 230. arrest sur ce. 230

quels enfans Bastards peuuent de-
 mander alimens, par la disposition de
 droict. 235

Bastards en France iouissent du
 privilege de Noblesse. 218. & com-
 ment. *ibid.*

Bastard est presumé nay au lieu
 auquel il faisoit sa residence. 266

Bastards peuuent demander dot à
 leur pere naturel. 235

Bastard par la disposition de droict
 ne succede à son pere, & comment.
 236

Bastard n'a droict de legitime es
 biens demeurez par le decez de son
 pere naturel. *ibid.*

Bastard peut estre legitimé par le
 Prince, sans le consentement de ses
 parens, mais il ne leur succede. 321

encore que le Bastard ne puisse suc-
 ceder, toutesfois on luy peut succe-
 der. 326

en France on peut donner le quint
 de ses propres à perpetuité à ses en-
 fans Bastards. 220

en France sous le nom d'enfans, les
 Bastards ne sont point entendus. 224

Bastards adulterins ne peuuent
 estre appelez freres. 217

interpretation du nom de Bastard,
 & definition du droict de Bastardise.
 213

plusieurs especes de Bastards. *ibid.*

Bastard est capable de donations
 par la Coustume de Melun. 226

Bastard ne succede aucunement
 en France. 215

Bastards payoient anciennement
 au Roy douze deniers parisis par an,
 qui estoit le droict de Cheuage. 214

Bastard fils d'un estranger non na-
 turalisé, peut tester. 243

Bastards sont subiects au droict de
 Formariages comme les Aubeins,
 215

Bastards ne sont point aduoüez en
 la maison de France. 216

Bastards tiennent offices Royaux
 en France, encores qu'ils ne soient
 legitimez. 215

il n'y a loy ny coustume qui defen-
 de au Bastard de tester. 242

pourquoy le Bastard peut tester,
 & non l'estranger. 242

Bastards legitimez ne succedent à
 leurs parens, s'ils n'ont presté con-
 sentement à leurs legitimations.
 321

Bastards legitimez ne succedent
 point si leurs peres ou meres n'ont
 presté consentement à la legitima-
 tion. 275

Bastards ne peuuent tenir benefi-
 ce en France. 215

biens du Bastard decedé sans enfans, appartiennent au Roy par droit de Bastardise. 261

en France le Bastard peut tester de tous ses biens. 242

si les Bastards peuvent estre heritiers *ab intestat*, de leurs parens qui ont presté consentement à la verification des lettres de legitimacion obtenues par lesdits Bastards. 318

Bastard legitimé du consentement de son pere, luy succede en tous biens, & pourquoy. 282

quand plusieurs Bastards sont legitimez ensemblement, ils succedent les vns aux autres. 321

Bastards en France, *habent testamenti factionem actiuam & passiuam.*

229

Bastard legitimé du consentement de son pere, quand peut estre exheredé. 283

en France on peut donner à tous Bastards pour leurs aliments.

219

si on ne peut succeder au Bastard legitimé, ses lettres luy sont inutiles.

327

Bastards legitimez succedent les vns aux autres. 328. sentence & arrest sur ce. *ibid.*

Bearnois sont regnicoles. 29

Beneficium non reflectitur in prauidicium concedentis. 149

Bezant d'or combien valoit. 389

Biens demeurez par le deceds de l'estranger naturalisé, decedé *ab intestat*, à qui appartiennent. 145. 146

quels Biens sont appelez biens vacans. 16

Biens escheuz par confiscation se doiuent compter *inter bona fiscalia.*

381

Biens des enfans des bastards nais en loyal mariage, à qui appartiennent.

355

quand tous les Biens sont confisquezz au Roy, comme le Procureur du Roy doit faire decreter les heritages. 382

quand il n'y a partie, comme il s'y doit conduire. *ibid.*

les Biens aduenus au Roy par confiscation ou Aubeine, se prescriuent par 30. ans. 376

ceux de la maison de Birague ont tousiours porté les armes pour les Roys de France. 46

Bona dominicalia quæ dicuntur. 381

Bona fiscalia quomodo iure civili præscribuntur. 375

Bona fiscalia quæ vocentur. 381

Bona patrimonialia quæ sint. *ibid.*

Bourguignons du Comté ne doiuent estre reputez Aubeins au dedans du Duché: mais bien és autres endroiets du Royaume. 53. sentence & lettres de declaration sur ce. 56

Comté de Bourgongne de toute antiquité mouuant de la Couronne de France. 52

ceux du Comté de Bourgongne ne doiuent estre reputez Aubeins. 54

Bourguignons du Comté de Bourgongne, pourquoy à present reputez Aubeins. *ibid.*

diuision des Duché & Comté de Bourgongne, & vnion d'iceux. 52

C

Cause concernant le testament de feu Monsieur le Cardinal de Birague Chancelier de France. 45. & arrest interuenu sur icelle. 49

Cause d'une prebende vacante en regale coterée à trois en mesme iour, & arrest interuenu. 360

recit d'une Cause, à sçauoir si une donation faicte de tous biens, presens & aduenir, est valable. 366

Table des matieres

Cautiõ de payer le iugé, si elle est
tenuë de l'amende du friuol appel.

75

droict de Cheuage. 14

droict de Cheuage, qu'est-ce. 214

Chambre des Comptes de Blois
conseruée, & celle d'Angoulesme
supprimée. 374

Chambre du Thresor & son vtili-
té. 394. cognoist des confiscations ad-
mises par la Cour. *ibid.* sa iurisdiction
doit estre conseruée. 395

*nemo duarum Ciuitatum ciuis esse po-
rest.* 198

*qui Ciuitate Romana donati erant pro
ciuibus habebantur.* 110

*non solum origo verumetiam affectio
Ciuis facit.* 192

excellence du nom de Citoyen. 8

Ciuitas quibus ex causis amittitur.

199

*mutatio Ciuitatis peregrinitatem, pere-
grinitas verò incapacitatem legitima hæ-
reditatis percipienda inducit.* 200

*Ciuitatis patriæque mutatio quomodo
fieri potest.* 198

qui Ciuēs censeri debent. 192

Ciuitas quando statum amittit. 199

*quando quis potest esse Ciuis duarum
ciuitatum vel habere duo domicilia.*

280

le nom de Citoyen anciennement
n'estoit donné que pour tiltre d'hon-
neur. 7

le tiltre de Citoyen excellent en la
ville de Venise, & en Suisse. 9

Clause, sauf s'il apparoißt heritier
dedans l'an. 158. & reprobation d'i-
celle. *ibid.*

Connexité du droict d'Aubeine
avec le droict de Bastardise. 212

Consanguinité infert heredité. 137

Conseillers du Thresor ont la co-
gnoissance du domaine du Roy, pri-
uatiuement au Preuost de Paris, &
huiet Baillifs circonuoisins. 391

Consentement des parens n'est re-
quis en la verification des lettres de
legitimation, & suffit le Consente-
ment du pere. 284

recit du Contract de transport des
droicts Seigneuriaux faicts entre le
Roy & Chemant. 379

Consuetudo prima legum interpret.

194

Costumes des filles du Dunois.

214

Costume de Bourgongne &
d'Anjou, touchant les successions
des bastards. 354. 355

Costumes ne peuuent tollir le
droict du Roy. 132

Costume locale ne peut attribuer
au haut Iusticier le droict d'aubeine.

132

Costumes ne peuuent admettre
les estrangers à succeder en France.

134

Conuents ne sont receus en Fran-
ce quand le chef d'Ordre est estran-
ger, qu'avec grande difficulté. 70

Creancier voulant decreter, ne se
doit aider de la saisie du Procureur
du Roy. 385

Creancier comme doit faire de-
creter sur le haut Iusticier les herita-
ges confisqueés au Roy. 384

Creancier comme doit faire decre-
ter sur le Roy les heritages confis-
quez. 383

Creation de quatre Conseillers en
la Chambre du Thresor. 398. puis
du cinquiesme. *ibid.*

Creation de trois Conseillers au
Thresor, & recit d'autres officiers
anciens. *ibid.*

Creation des officiers de la Cham-
bre du Thresor, & que les Threso-
riers de France estoient les premiers
officiers. 390

ou ne decrete sur vn Curateur qu'il
n'y ait compte parauant rendu. 385

D

D

Debtes, comme se payent par le legataire des meubles & acquets, & par l'heritier des propres. 347

Debtes d'un defunct comme se payent par les heritiers en la Coustume de Paris. 346

le Roy & le haut Iusticier ne sont tenus au payement des Debtes que iusques à la concurrence des biens du defunct ausquels ils ont succédé. 348

per Decennij incolatum domicilium novum contrahitur. 165

Deception d'outre moitié de iuste prix n'est point considerable quand on contracte sur chose incertaine. 193

on ne doit faire Decreter sur le haut Iusticier les heritages confisquees, non plus que sur le Roy. 385

on ne peut faire Decreter son heritage sur le Roy, & est besoin faire adinger sur vn curateur. 384

recit des Defenses desquelles Messieurs du Thresor ont de coustume d'vser pour conseruer leur Iurisdiction. 392

Deniers adiugez tant à la concubine, qu'aux enfans bastards. 223

Deportati non possunt testari. 79

en Desherence chacun haut Iusticier prend les heritages estans en sa haute Iustice. 344

en Desherence le Roy ny les hauts Iusticiers ne sont heritiers, ains successeurs es biens. 346

Desherence, que signifie. 340

Differentia inter indignos & incapaces. 202

Differentia inter ortum in Gallia & oriundum in Gallia. 177

Differentia inter indignum & incapacem. 117

Differentia inter ortum & oriundum, responce à ceste question. 175

par la disposition de Droit cōmun le pere naturel pouuoit donner à ses enfans Bastards. 219

Distinctio personarū circa eos qui sunt in ciuitate. 201

Distinction pour monstrier quand la prescription court contre le Roy. 380. 381

Distinction des heritages paternels & maternels, concurrans les heritages du sang. 355. Coustume de Mantte, sentence du Thresor, & arrest concernant ce que dessus. 356

Domaine de la Couronne de France inalienable. 128. sentence du Thresor sur ce. 129

deux Domiciles, l'un volontaire, l'autre naturel. 176

on ne peut transferer le Domicile naturel, ny renoncer à iceluy. *ibid.*

Dominium rei donata à principe statim acquiritur donatario. 360

quand le Don est restreinct à certaine somme, il est besoin d'eualuer les biens. 158

en Dons & collations on regarde tousiours la datte. 360

Dons faicts par le Roy des biens escheuz à sa Maiesté par Aubeine, Bastardise, ou Desherence, ne doiuent point estre verifiez au Parlement, & pourquoy. 153

apres la verification du Don, comment vn donataire se doit conduire. 153. ce qu'un donataire doit faire quand le don est restreint à certaine somme. *ibid.*

Don mutuel peut estre faict de la propriété. 85

en Don mutuel fait pendant le mariage, la caution ne peut estre remise. 87

Don mutuel fait par l'homme &

Table des matieres

femme mariez, se reigle pour le regard des meubles selon la Coutume du domicile des parties contractantes. 88. exemples sur ce subiect. *ibid.*

En Dons & octrois, on regarde la datte des lettres patentes, & non du breuet. 365

Donner & retenir ne vaut. 368

en matiere de Don, on regarde plustost celuy qui est le premier en datte qu'à la verification. 360

auparavant la verification du Don Messieurs des Comptes s'enquierent de la valeur des biens. 158

Don faict par le Roy à feu Monsieur d'Anguien, des lots & ventes & autres droicts seigneuriaux. 379.380

Dons excédans mil escus, doivent estre verifiez par Messieurs des Comptes, les autres par Messieurs les Tresoriers de France. 153

Don de lots & ventes, recelez n'a lieu que pour ce qui est descouvert par le donataire. 364

si vn Don, & remises de quelques droicts faicts par le Roy, est plus favorable qu'un simple don faict à vn particulier des mesmes droicts. 361

auparavant les Dons, les charges ordinaires doivent estre payées. 154

Donataire du Roy peut interuenir en cause. 154.155

Donations faictes à des bastards ne sont viageres, & pourquoy. 220

Donatio facta concubina à milite terrestri vel caelesti non valet. 222

Donation par contract de mariage entre deux regnicoles nais & demourans en France, est bonne & valable. 92

si vne Donation faictes à sa concu-

bine, & aux siens, nais & à naistre, les enfans issus & nais enloyal mariage, comme les bastards auront part à la donation. 237

Donation faictes entre vifs, & non pour cause de mort, comment se cognoist. 86

Donations d'heritages faictes par gens d'Eglise à leurs bastards, sont viageres. 233

Donations faictes aux enfans des Prestres sont viageres. 220

Donation de tous biens faictes par contract de mariage entre vn estrange & la femme natiue de France, est bonne & valable. 91.92

recit d'une Donation declarée estre entre vifs, & non pour cause de mort, ny testamentaire. 86

Donationes causa mortis legatis equiparantur. 83

Donatio simpliciter facta de presentibus bonis intelligitur. 368

Donation de la marque d'un mestier, ne se peut faire par vn bastard à vn qui n'est de son lignage. 369

si vne Donation faite de tous biens presens & aduenir est valable. 366. raisons de nullité de ceste donation. 367

quand il y a plusieurs Donataires du Roy, lequel doit estre preferé. 359

l'enfant Donataire a moitié aux biens du pere, & partage apres comme les autres, & faut qu'il paye les debtes aussi au prorata de sa moitié & de sa portion. 235

nul ne se peut dire vray Donataire d'une chose s'il n'y a eu deliurance actuelle & reelle entre les mains du donateur, ou que le don n'ayt esté insinué. 362

Donataires & Fermiers du Roy doivent faire les saisies feodales, se ioindre en cause avec les Procureurs

du Roy pour auoir les despens.

380

comme le premier Donataire se doit conduire, quand le second a fait verifier son don.

365

premier Donataire se doit opposer à la verification des lettres du second donataire.

365

Donataire du Roy doit faire signifier son don à l'acquireur & au Receueur ordinaire.

264

comme le Donataire du Roy doit faire verifier son don, & se conduire pour iouyr d'iceluy.

153

premier Donataire est preferé au second.

365

Donataire du Roy d'une somme de deniers, comme doit faire decreter les biens confisquez.

383

en Doüaire coustumier ou prefix, *non est locus iuris accrescendi.*

240

Droicts de l'Empire Romain diuulguez.

2

on ne peut perdre le Droit de cité naturelle, sinon en certain cas.

204

Droit de Desherence par le droit commun appartient au Roy seul.

341

Definition du droit de Desherence.

340

Droit de Desherence n'appartient ny au bas, ny au moyen Iusticier. haut Iusticier peut faire saisir les biens d'un homme decedé sans enfans.

ibid.

par le Droit ciuil, n'y a communauté de biens entre l'homme & la femme.

144

des Droicts de despoüille *de mortuorum*, & de vacans apres le deceds des Cheualiers de S. Iean de Ierusalem.

349

Droit de succeder qui est naturel ne peut estre osté par le moyen de

mutation de domicile.

182

Droicts patrimoniaux sont faicts domaniaux, & taissiblement vnus à la Couronne.

372

Droicts appartenans au Roy en reconnaissance de souveraineté & subiection, ne peuuent estre prescripts.

371

Droicts & heritages domaniaux des Empires & Royaumes par la disposition de droit Ciuil, ne peuuent estre prescripts.

371

Droit de Iustice depend en France du Roy & de la Coustume.

132

Droit de Desherence appartient en France au haut Iusticier.

342

Droicts desquels la Chambre du Thresor a cognoissance.

393

E

E Dict par lequel la possession centenaire estoit tollue, n'a esté obserué.

373

Enfans de Soubs-diacres & Diacres sont incapables de donations, tout ainsi que les enfans des Prestres, & le temps de la conception est considéré.

221

Enfans des estrangers ne succedent aucunement à leur pere estranger, encores qu'ils soient demeurans au Royaume. 136. ny ne peuuent demander droit de legitime.

ibid.

Enfans des Prestres legitimez peuuent succeder les vns aux autres.

330

Enfans nais hors de France quand se doiuent faire naturaliser pour succeder à leurs pere & mere.

136

Enfans estrangers amenez en France ne succedent à leur pere.

137

Table des matieres

• l'Enfant legitime n'est fait de la famille agnatiue ou cognatiue. 324

Enfans nais de François hors de France venans demeurer en France succedent à tous leurs parens. 184

cōme les Enfans des bastards nais en loyal mariage succedent, pareillement comme on leur succede. 336

Enfans des estrangers nais en France, & y demeurans, succedent entierement à leurs pere & mere, encores qu'ils soiēt Aubeins, sentence du Thresor sur ce, & negatiue de plusieurs. 139.140

Enfans des Prestres, encores qu'ils soient legitimez, ne succedent à leur pere ny à leur mere. 276. quand ils y peuuent succeder. 278

Enfans legitimez par mariage subsequent, font cesser la condition de restitution de l'heredité. 268

les Enfans des Aubeins nais en France, succedent à leurs pere & mere. 14

Enfans nais d'une femme qui s'est remariée viuant son premier mary, si de ce second mariage ses enfans seront reputez legitimes. 271

Enfans legitimez du consentement du pere, ont leur legitime. 285. 286

arrest sur ce. *ibid.*

Enfans des estrangers nais en France succedent ausdits estrangers. 179.

ceux qui sont nais hors de France ne peuuent succeder. *ibid.*

Enfans legitimes des bastards succedent à leurs pere & mere. 260. & pourquoy. 261

on ne peut donner d'auantage aux enfans des bastards qu'aux bastards. 233

si les Enfans des bastards nais en loyal mariage peuuent succeder à leurs oncles legitimes. 335

Enfans du François demeurans hors du Royaume, marié à femme estrangere, ne peuuent succeder en France. 168

Enfans adulterins ne succedent à pere, mere, ny freres, ny les pere, mere & freres ne leur succedent point. 217

Enfans adoptifs ne succedent en France. 111

il suffit que les Enfans soient naturalisez, encores que leur pere & mere ne le soient point. 141

Enfans conceus & nais hors du Royaume d'un François & d'une estrangere, ne peuuent succeder en France. 189.190

Enfans d'un François nais hors de France, succedent venans demeurer au Royaume. 170

Enfans adulterins, encores qu'ils soient legitimez ne succedent aucunement. 297

Enfans legitimez, quand ils sont donataires, cōment se doiuent conduire. 295

Enfans des Aubeins nais en France, succedent à leurs pere & mere. 15

Epistre de Theodoric, pour monstrier que le droit de Desherence appartient au Roy seul. 341

Escoliers, Docteurs & autres supposts des Vniuersitez, natifs hors de France, sont subiets à la loy d'Aubeine. 62

Escoliers pendant les guerres ne sont subiects au droit de represailles. 63

Etablissement de la Chambre du Thresor, qu'elle est fort ancienne. 388

Estrangers officiers ou beneficiers en France par le moyen de leurs offices ou benefices ne sont naturalisez. 59

apres la mort de l'Estranger comment on saisit, & apres la saisie on declare les biens de l'estranger appartenir au Roy. 152

Estrangers demeurans à Calais sont naturalisez. 30

Estranger quand peut estre dict citoyen de France. 59

Estranger peut donner entre vifs, & librement contracter. 80

Estrangers ne peuvent tenir offices, ny benefices en Angleterre, ny en Espagne. 72. est tenu bailler caution de payer le iugé. 73. pourquoy on l'y contraint. 75

Estranger ostage ou viateur subiect à la loy d'Aubeine. 61

quand l'Estranger a des enfans nais en France, tous les enfans luy succedent. 137

Estranger naturalisé n'est point tenu bailler caution de payer le iugé. 74

Estranger ne peut tester en plusieurs Royaumes. 78

Estranger en France *liber vivit, sed servus moritur.* 79

Estranger ne bailloit point anciennement de caution *de indicato solvendi.* 75

Estranger n'est receu à faire cession de biens en France. 75

Estranger defendeur n'est tenu bailler caution de payer le iugé. 74

Estrangers ne peuvent obtenir dignitez à Venise. 72

Estrangers ne peuvent estre Chevaliers du S. Esprit, ny Prieur, ou Consuls de Rouen. 70. ne doivent estre fermiers. *ibid.*

Estrangers ne peuvent estre Officiers des Monnoyes en France. 70

Estranger ne peut tester des biens qu'il a en France, que iusques à cinq

sols Parisis. 78. pourquoy ne peut tester en France. *ib. d.*

Estranger demeurant hors de France, qui acquiert en France est subiect à la loy d'Aubeine. 61

Estranger ne peut estre naturalisé sans obtenir lettres de naturalité du Roy. 59

Estranger naturalisé peut librement tester, premier effect des lettres de naturalité. 110. arrest notable sur ce sujet. *ibid.*

Estranger peut faire don mutuel avec sa femme par vsufruit seulement, & arrest sur ce sujet. 84

Estranger ne peut tester *etiam ad pias causas*, & quelques arrests sur ce sujet. 81

c'est chose odieuse de donner charge publique à vn Estranger. 72

Estrangers anciennement payoient tribut au Roy par an. 17

le nom d'Estranger odieux, & la rigueur qu'on leur tenoit anciennement. 9

vn Estranger ne peut demander reparation civile d'un Estranger homicidé en France. 137

Estranger ne pouvoit anciennement se marier en France. 18

Estranger naturalisé ne peut par testament leguer tous ses biens à vn Estranger demeurant en France non naturalisé. 123. arrest de ce que dessus. *ibid.*

Estranger non naturalisé demeurant en France, est incapable des legs testamentaires. 124

les Estrangers destruisent la terre où ils s'habituent. 10

Estranger naturalisé ne peut tester en faueur de ses parens nais & demeurans hors de France. 122

Estranger naturalisé succede à ses parens nais & demeurans en France, troisieme effect des lettres.

Table des matieres

de naturalité. 111

Estrangers payoient tous les ans tribut à Athenes. 11

Estranger ne peut prendre par testament, ny par donation, pour cause de mort aucune chose, & confirmation de ce par la verifcation des lettres obtenuës par les Portugais. 124

Estrangers voulans exercer faict de banque en France, doiuent bail-
ler caution. 70. Ordonnance sur ce. 71

Estranger pendant sa maladie fai-
sant donation, on la reputé faicte pour cause de mort en quelque sorte qu'elle soit conceüe. 83

Estranger ne peut tenir Offices ne Benefices en France par les Or-
donnances. 69

Estrangers naturalisez ont pareils privileges que les originaires de France. 109

celuy qui a demeuré long-temps en France, & y est decedé, est presu-
mé nay en France. 157

en plusieurs citez les Estrangers n'estoient receuz. 10

Estranger naturalisé trafiquant hors de France, quelles lettres doit obtenir. 167

si l'Estranger peut donner à sa fem-
me tous les biens qu'il aura lors de son deceds. 89. railons & sentences du Thresor pour preuuer qu'il ne peut donner. 90. 91

Estranger ne peut donner pour cause de mort. 83. de l'Estranger na-
turalisé, qui s'est retiré hors le Royaume. 167

interpretation du mot Estrayers. 16

Extraict de la Chambre des Com-
ptes contenant ample declaratiõ des droicts d'Aubeine, Bastardise, Che-
uage, Formariage iusques à present incognus. 12. 13. 14. 15. 16

Executeurs des testamens doiuent estre saisis de tous les meubles du de-
funct. 245

on doit taxer salaires aux Execu-
teurs testamentaires. 250

quand plusieurs Executeurs testa-
mentaires sont nommez, comme ils doiuent accepter ou refuser la char-
ge. 249

Executeurs testamentaires ne sont
tenus bailer caution non plus que les tuteurs, s'il n'y a iuste occasion. 250

en France les Executeurs de testa-
ment & tuteurs, ne sont tenus bailer caution. 250

Executeur doit faire signifier à l'he-
ritier la vente des meubles. 251

Executeurs testamentaires com-
ment se doiuent pourvoir, afin d'a-
voir main-leuée des meubles des Bastards. 245

Executeur testamentaire parde-
uant quel Iuge peut estre poursuiuy pour rendre compte. 248

Executeurs testamentaires ne sont
pas solidairement tenus comme les tuteurs. 248

Executeur testamentaire ne peut
estre poursuiuy pour vn legs deuant le Iuge d'Eglise. 247. arrest sur ce
ibid.

Executeurs de testament ne peu-
uent conclure en cas de faillie &
nouuelleté. 247

F

FAueur des contractans de ma-
riage fort grande en France. 92

Federati non sunt extranei. 196

Femme demeurant hors de Fran-
ce ne peut demander ses conuen-
tions matrimoniales sur les biens estans en France. 85

Femmes mariées peuuent libre-

ment tester, combien qu'elles ne
puissent contracter sans l'autorité
de leurs maris. 79

vne Femme peut estre execute-
resse d'un testament. 254

Femmes mariées en Normandie
ne peuvent tester. 79

portio de biens adiugée à vne fem-
me suiuant l'authentique, *præterea. C.*
de vir. & uxor. 145

Fideiussor simpliciter acceptus de pœna
non tenetur. 77

Fideiussor iudicatum solus acceptus
in prima causa non tenetur in eo quod
postea iudicatur in causa appellationis. 76

si le Fils du Prestre issu d'un maria-
ge contracté en la Religion refor-
mée succede seul à son pere, à l'ex-
clusion des heritiers légitimes du
Prestre & du fisque. 279

Fils naturel legitime doit declarer
qu'il apprehende la succession de
son pere. 296

Fils aîné déclaré seul heritier, les
autres enfans peuvent demander
leur legitime sur les biens de leur
pere & mere. 93-94

Filius debet habere legitimam iure hæ-
reditario. 136

la Fille qui veut estre releuée doit
obtenir ses lettres de relief, & les fai-
re signifier auparauant qu'elle ait at-
teint l'age de trente cinq ans, si lors
de la renonciation elle estoit mi-
neure. 98

Que *Filiorum vel liberorum appella-*
tione filij naturales iure citi continen-
tur. 224

Finance prise pour lettres de natu-
ralité est fort petite. 119

omni sunt adenda Fisco, etiam ad
fundandam suam intentionem. 161

nouissimo loco succedit Fiscus. 327

Fiscum non excludit mulier in succes-
sione viri, nec vir in successionem mulie-
ris. 142

Flamans & habitans des Pays bas
ne doiuent estre subjects en temps
de paix au droit d'Aubeine. 35

recit d'un procès intenté pour la
succession d'un Flamant. 36

raisons des donataires du Roy, &
sentence de Messieurs du Thresor
sur ce subject, & arrest sur ladite sen-
tence. 37

on peut prendre vn Flamant pri-
sonnier par droit de represailles. 43

Flamans ne doiuent estre reputez
Aubeins en Frâce, & pourquoy. 32

Flamans intentans procez en Fran-
ce sont tenus de bailler caution de
payer le iugé. 73

pourquoy les Flamans & ceux des
Pays-bas sont à present reputez Au-
beins en France. 34

on ne peut rien imputer aux Fla-
mans de ce qu'à present ils n'obeis-
sent au Roy de France. 37

apres le deceds d'un Flamant, on
saisit par Desherence. 43

Flamans pendant les guerres sont
estimez estrangers. 41

ceux des Pays-bas ne doiuent suc-
ceder en France. 42

Flamans venans demeurer en Fran-
ce, quelles lettres ont accoustumé
d'obtenir du Roy. 34

le Roy saisit tous les biens des Fla-
mans estans en France, & fait les
fruits siens. 42. il vendique les suc-
cessions des parens des Flamans, &
en fait don. *ibid.* peut donner tous
les meubles des Flamans, mesmes
les rentes constituées, non realisées,
qu'ils ont en France. *ibid.*

Flamans peuvent succeder en
France, & tester des biens qu'ils ont
dedans le Royaume 49

Comté de Flandre tenu en fief &
hommage du Roy de France. 32

Forme des lettres de naturalité.

Table des matieres

doivent estre verifiées en la Cham-
bre des Comptes. 108

Forme de donation de la despoüil-
le d'un Religieux. 349

ce qui est deub au Roy pour le
droict de Formariage. 18

droict de Formariage. 14

comme on faict saisir apres le tres-
pas du François decedé sans heri-
tiers, & adiuger les biens au Roy.
152. 153

François ne sont point tenus bail-
ler caution *indicatum solui*. 74. arrest
sur ce. *ibid.*

François succedent librement en la
Franche Comté. 54

François qui s'est retiré & habitué
en pays estrange, s'il peut succeder
en France. 163. 164. si c'est pour y de-
meurer perpetuellement il ne peut
succeder. 164

un François ne doit s'habituier
hors du Royaume sans permission
du Roy. 186

François qui retourne perpetuel-
lement demeurer en France doit suc-
ceder à ses parens. 167

François succedent librement en
France. 36

les biens du François qui s'est
retiré hors de France ne peuvent
estre saisis pendant sa vie s'il n'y a
guerre ouuerte. 187

François qui s'est retiré en pays
estrange pour perpetuellement y
demeurer le Roy luy succede. 186

François qui n'estoit en pays
estrange pour perpetuellement y
demeurer, peut succeder en France.
166. 167.

Frere privé de l'heredité de son
frere assassiné, & pourquoy. 119

*Furor interueniens non rumpit testa-
mentum ante furorem conditum.* 121

121

G

Galli qui propriè dicantur. 4
*non solum orti in Gallia ad ha-
reditates Gallorum vocantur, sed etiam
oriundi ex Gallia in Galliam redeuntes
ad successiones Gallorum admitti de-
bent.* 182

ceux de Gand succedent en Fran-
ce. 51

la Grace portée par les lettres de
naturalité est personnelle. 149

habitans de Geneue Aubeins en
France, & arrest sur ce sujet. 24

H

Habitans de Cambresis succe-
dent en France. 27. 28. 29

Habitans de deux sortes au Royau-
me de France. 4

Habits distinguez entre les citoyens
& estrangers. 8

Heritage confisqué adiugé par de-
cret, n'est subiet à retraict lignager.
385

Heritier de l'estranger, ce qu'il
doit faire pour auoir main leuée des
biens saisis. 155

*non potest habere Hereditatis consor-
tium qui non habet sanguinis & origi-
nis priuilegium.* 228. 229

*Hereditas est Iuris civilis, & ideo
peregrinis non desertur.* 174

Heritier testamentaire ou legatari-
re doit estre capable *tribus temporibus.* 46

Heritier paternel n'a rien de com-
mun avec l'heritier maternel. 354

à faute d'Heritier paternel tous les
propres appartiennent à l'heritier
maternel, *è conuerso.* 357

in dubio l'Heritage est presumé ac-
quest, & non propre. 358

*petitio Hereditatis datur tantum
heredi.* 174

Hereditas

du premier Tome.

Hereditas ab intestato legitima dici-
tur. 134

l'enfant Heritier est tenu de ren-
dre l'heredité pour retenir la legiti-
me naturelle, & la quarte Trebellia-
nique. 241

nemo facto proprio fit Heres.
308

Heredis nomen simpliciter prolatum
de proximo intelligitur. 115

quel temps on considere pour la
capacité de l'Heritier testamentaire,
121. & pour la capacité d'un legatari-
re. *ibid.*

Histoire pitoyable de Damoiselle
Camille Riues, femme de Scipion
Menealety. 300

s'il y a Hypoteque tacite sur les
biens de l'executeur testamentaire.
249

l'Homme d'Eglise n'est pas tenu
d'accepter la charge de tutelle.
258

Homme de main-morte ne peut
acquérir liberté sous ombre de mu-
tation de domicile. 176

l'Homme d'Eglise ne peut donner
en propriété aux enfans legitimes de
ses bastards. 232. 233

Hostes qui dicuntur. 201

I

I *Ncapax quis dicatur.* 116

Indignus quis dicatur. 117
non videtur Iniuria affici is cui lucrum
extorquetur, non damnum inferitur.
316

quand le survivant n'est point te-
nu de faire inventaire. 105

si la confection d'inventaire peut
estre remise par le testateur à l'ex-
ecuteur du testament, & au tuteur.

251

quand l'Insinuation n'est point
requisse. 105

Interpretation de la loy *quoties Cod.*
de rei vend. 359

trois Interpretations du paragra-
phe *filiis quib. mod. natu. effi. sui in au-*
thent. 324

Interpretation du §. *ergo sanciendum*
quib. mod. nat. effi. sui. *ibid.*

Interpretation de l'authentique *om-*
nes peregrini, & qu'elle n'est gardée
en France. 82

double interpretation du tiltre *de*
qua bienni possessione. 341

Interpretation de ces mots. *promi-*
sio quod impetrantis heredes sint regnico-
le. 114. 150. 159

autre Interpretation d'iceux.
115

Interpretation de l'arrest de Ce-
namy. 190

Interpretation du sixiesme article
de la Coustume de Melun. 140

Interpretation des biens vacans.
340

Interpretation de la Coustume ge-
nerale, le mort saisit le vif. 159

Interpretation de l'opinion de
Chassaneus, comme les bastards le-
gitimez succedent. 297

Intestatorum facultates sine legitimis
heredibus morientium fisci iuribus vin-
dicantur libr. 10. l. de bon. vscan. 170

quel temps on considere pour un
defunct decedé *intestat*, & pour son
heritier. 120

en matiere criminelle un defen-
deur ne peut Informer. 156

quatre années de paisible Iouys-
sance acquierent prescription à ce-
luy qui a le droict du Roy. 377

en France *res non dicitur Indicata*
nisi in qua prouocari non potest, aut cui
partes paruerant. 76

Iuges à Rome qui cognoissent des
successions des estrangers. 9

Table des matieres

Iuge lay cognoist de la legitimation par mariage subsequnt. 269
Omnia Principis sunt quantum ad iurisdictionem. 132
Originis Iura extra delictum auferrī non possunt. 195
Iure antiquo coniuges inuicem non succedebant. 142
Iure ciuili omnis actio quadraginta annis tollitur. 372
In generali concessione Principis Ius Albinatus non censetur comprehensum. 129
Ius mutanda ciuitatis ex voluntate pendere. 197
Ius ciuitatis comment se peut acquierir. 59
nemo Ius publicum remittere potest suis cautionibus. 251
Ius applicationis quid sit. 147
 haut Iusticier du domicile d'un defunct, vray heritier mobilier du defunct. 345
 à quel haut Iusticier appartiennent les meubles & debtes actiues d'un defunct decedé sans hoirs. 345
 haut Iusticier comme doit faire decreter les heritages qui luy sont confisquez. 384
 hauts Iusticiers ont entrepris le droit de Desherence sur le Roy. 342
 haut Iusticier ne peut prendre les biens du frere homicide par son frere, arrest sur ce. 118. 119
 haut Iusticier s'attribuant le droit d'Aubeine est en mauuaise foy. 130
 haut Iusticier ne peut donner en France lettres de naturalité. 113. mais doiuent estre appelez à la verification des lettres de naturalité. *ibid.*
 haut Iusticier ne peut succeder au bastard legitimé par le Roy. 335

haut-Iusticiers ne peuuent succeder au bastard qu'il n'y ait trois cas concurrens, ont entrepris sur le Roy le droit de Bastardise. 261

haut-Iusticiers payent les debtes du defunct, *pro modo emolumentī.* 346

L

L Atins ne pouuoient estre Senateurs de Rome. 71. 72

des Legs faicts aux executeurs testamentaires. 249

le Legs faict d'un bastard n'est point viager, ains perpetuel. 231

Liberti quomodo testari possunt. 79

Lots, ventes, rachapts, & semblables droits se prescriuent par 30. ans. 378. arrest contre les Ecclesiastiques. *ibid.*

Le Roy Loys douziesme ne voulut marier sa fille à un estranger. 10

capacité d'un Legataire comme est considerée és legs faicts sous condition. 48

deux especes de Legitimation, l'une par mariage subsequnt, l'autre par rescript du Prince. 268. 269.

quelle est la Legitime, quand un estranger est donataire. 240

quelle est la Legitime, quand il y a cinq, ou quatre, ou trois, ou deux enfans. 237. 238

Legitimation reigle l'estat & condition de la personne, & ne reçoit point de condition. 320

Legitime adiugée au pere sur les biens de son fils decedé. 239

Legitime due aux freres. 239

comme la Legitime de droict est
practiquée au pays coustumier de
France. 236

il faut tout rapporter en la Legi-
time. 238

enfants demandans Legitime sont
tenus rapporter ce qu'ils ont eu.

240

Legitime se doit bailler sans au-
cune charge. 239

Legitimation obseruée en France
par mariage subsequent. 268

quelle est la Legitime par la Cou-
stume de Paris. 240

l'enfant qui demande Legitime, se
doit porter heritier, *ut sit hares in le-
gitima*, non pas renoncer à la suc-
cession en laquelle il demande legi-
me. 239

Lettres obtenues par les mar-
chands frequentans les foires, & ve-
rification d'icelles. 66. 67

Lettres obtenues par les estran-
gers, pourquoy appellées lettres de
naturalité. 109. & pourquoy de ciui-
lité. *ibid.* se peuvent appeller lettres
d'adoption. *ibid.*

Lettres patentes & arrests par les-
quels ceux d'Anuers sont declarez re-
gnicoles. 39

Lettres de naturalité obtenues par
les habitans de Cambray. 28

Lettres de declaration obtenues
par les Sauoysiens. 21

forme de Lettres de legitimation.
272

Lettres de declaration, pourquoy
introduites. 35

Lettres de naturalité contiennent
restriction & condition. 148

es Lettres de legitimation obte-
nues apres le trespas du pere, le
consentement des heritiers est re-
quis. 288. comme aussi pour la veri-
fication desdites lettres obtenues &
non verifiées du viuant du pere. *ibid.*

Lettres de naturalité doiuent estre
verifiées en la Chambre des Com-
ptes. 113. la finance due à cause d'i-
celles appartient au Roy seul.
ibid.

Lettres de legitimation doiuent
estre verifiées en la Chambre des
Comptes. 269

Lettres de legitimation profitent
ad honores, & non ad successiones. 274.

Lettres patentes concernans les
gens de guerre estrangers. 64

Lettres de naturalité donnée à
tous Escossois demeurans en France,
& à tous Portugais, & verification
desdites lettres. 26. 17

Lettres de naturalité effacent la
macule de peregrinité. 146. com-
ment cela s'entend. 148

quelle clause il faut aux Lettres de
legitimation des bastards. 294

Lettres de naturalité ne se veri-
fient en Parlement. 114

Lettres de declaration peuvent
estre obtenues pendant vn proces
d'Aubeine. 38

Lettres de naturalité effacent
toute macule de peregrinité.
178

si la Loy *si mater Cod. in quibus
caus. pig.* est obseruée en France.
257

pourquoy la Loy permet au pere
de tuer sa fille adultere, & non pas au
mary. 315

par la Loy de nature le bastard
peut succeder. 327

la Loy *quoties*, n'a point de lieu
in Principe. 360

Loy à Athenes contre les mari-
niers qui auoient fait naufrage au de-
stroit Salamitis. 312

la Loy seconde, *C. de resc. vend.*
n'a point de lieu en vendition de suc-
cession, ou de droicts successifs.
103

Table des matieres

quand ceste Loy est receue en France. *ibid.* elle n'a point de lieu *in emptore. ibid.* & arrest sur ce. 104
la Loy *quoties*, n'a lieu sinon *in rebus incorporalibus*. 360
Loy des Atheniens pour la creation d'un citoyen. 7

M

M Animis & leur condition. 15

le Mary peut seulement tuer l'adultere, & non sa femme. 306

quand le second Mary est tenu rendre compte de la tutelle que la femme a administrée. 257

si les deniers comptans, rentes & heritages des Marchands estrangers sont subiects au droit d'Aubeine. 64

sentence & arrest que le droit d'Aubeine n'a lieu es Marchands trafiquans en France. 27

Matrimonium ratum & matrimonium legitimum, avec l'arrest sur ce donné. 271

interpretation de la Maxime, *Omnia sunt Principis*. 161

Maxime, que le Roy ne plaide point dessaisy, comme s'entend. 160

Mere qui a conuolé en secondes nopces, sans auoir rendu compte à ses enfans, si les mineurs decedent pendant le second mariage, elle est priuée de leurs successions *ab intestat*. 257

la Mere conuolant en secondes nopces perd la tutelle & la garde de ses enfans. 256

Mere ou ayeule, estant esleuë tutrice à ses enfans n'est pas tenuë de

l'accepter, opinions contraires. 255.
& arrest sur ce. 258. 259

la Mere estant conuolée en secondes nopces, ne peut estre tutrice de ses enfans, encores que les parens en fussent d'aduis. 256

quand la Mere peut demander l'education de ses enfans. *ibid.*

Meres & ayeules comment succedent au pays de droit escrit suivant l'Ordonnance. 353

la Mere auparauant que se marier est tenue rendre compte à ses enfans. 256

la Mere peut consentir la legitimisation de ses enfans, tout ainsi que le pere. 296

la Mere succede aux heritages paternels de son fils. 356

ce qui est contenu sous le mot de Meubles. 246

Milanois sont François. 45

Milanois ne peuuent succeder en France, ny tester des biens qu'ils ont en France. 50

Milanois pourquoy estimez estrangers en France. 43. & arrest sur ce. 44

Milan appartient legitiment au Roy. *ibid.*

le Roy ne baille point lettres de naturalité aux Milanois, ains de simple declaration. 45

Mineurs ne peuuent estre tuteurs, ny les femmes tutrices. 254

Mineurs peuuent estre executeurs de testament. *ibid.*

Mobilia sequuntur personam illius cuius sunt. 345

Mortuus inuestit. vinum, que signifie. 152

Moyens du Procureur du Roy pour empescher vne main-leuée. 157

Municipes qui. 193

N

N Amur, & sentence donnée au profit d'un habitant d'icelle ville, pour la succession d'un Namurois. 40

Natalibus non facile solent Imperatores aliquem restituere. 288

Naturales filij non debent legitimari, nisi legitimis deficientibus. 287

lettres de Naturalité effacent toute macule & obstacle de peregrinité. 146. 178

la finance due au Roy seul, à cause des lettres de Naturalité. 113

lettres de Naturalité, pourquoy ainsi appelée. 109

Nepotes in odiosis appellatione filiorum non continentur. 96

Nobles encores qu'ils facent actes dérogeans à noblesse, ne peuvent preiudicier à leurs enfans. 175

Nomina debitorum tanquam à mobilibus & immobilibus distincta, territoria non circumscribuntur. 345

accommodation de Nom. 368

Nothi qui sint. 213

O

Offices du Changeur du Thresor, ensemble des Controolleurs & Clercs du Thresor. 389

l'Oncle paternel ou maternel, & tous les autres parens des bastards leur peuvent donner tous leurs biens. 233. 234

duplex Origo, propria & paterna. 174

filius sequitur Originem patris. 175

en France on regarde *Originem propriam*, & non *paternam*. 172

P

Parens succèdent au bastard légitimé, encore qu'ils n'ayent

presté consentement à ses lettres de legitimisation. 334

Parens habiles à succeder excluent le Roy, encores qu'ils ne soient si proches que le François, lequel est retiré hors de France. 166

les Parens succèdent au François qui s'est retiré hors de France, & non le Roy. 189

Parens de l'estranger naturalisé demeurans en France preferables aux estrangers, bien que les autres soient plus proches parens du defunct. 119. sentence sur ce. 120

Parens de l'estranger luy succèdent, second effect des lettres de naturalité. 111

encores qu'il ne soit porté par les lettres de legitimisation, que les Parens succederont, ils peuvent succeder. 330. sentences & arreits sur ce. 332. 333

sçavoir si les Parens maternels des enfans d'un estranger ou bastard peuvent succeder aux propres paternels. 354

Parens naturels peuvent succeder aux propres paternels, & à *converso*. 351

Parens de l'estranger naturalisé ne luy succèdent, s'ils ne sont nais & demeurans en France, ou qu'ils ne soient naturalisez. 114

Parens de l'estranger demeurans hors de France, sont incapables de succeder. 115. 116

Parens d'un estranger nais & demeurans en France ne luy succèdent aucunement. 138

si les Parens d'un bastard légitimé sans leur consentement leur peut succeder. 323

Parens de la femme ne succèdent point au mary, *nec contra*. 145

Parens naturels seulement ne peuvent succeder au bastard légitimé.

Table des matieres

pour succeder on regarde la Parenté, non pas le domicile. 204
 de droit Ciuil, *Pactum non succedendo reprobatur.* 94
nemo impeditur duas habere Patrias, aut ciuitates. 195
Patria est ubi mundus est, nec non Patria est, ubicunque bene est. 277
Paterna paternis, materna maternis, comme se pratique au pays coutumier. 352. & comme obserué au pays de droit escrit. *ibid.*
 le Pere ne peut donner à son bastard, ou bien au fils legitime dudit bastard. 319
 Peres, meres, freres & autres parens das bastards ne leur succedent point en France. 334
 Peres & meres quand succedent aux propres de leurs enfans. 357
 comment le pere doit prester consentement aux lettres de legitimatiō de son fils bastard. 283
 le Pere pendant qu'il est marié peut faire legitimer son fils naturel, pourueu qu'il n'ait point d'enfans naturels & legitimes. 287
 quand le Pere assiste au contract de mariage de son fils bastard, il le qualifie son fils. 292. recit de deux proces à ce subiect. 293
 est bon que le Pere confirme par testament le consentement qu'il a presté à la legitimatiō de ses enfans. 295
 vn Pere en contractant le mariage de son fils aîné, l'ayant reconnu pour tel, apres ledit contract ne peut plus vendre. 93
 quand le Pere & la mere du bastard se pouuoient marier, il n'y auoit lieu de legitimatiō par la disposition de droit. 287
 Pere noble encores qu'il face actes derogans à noblesse, ne peut preiudicier à ses enfans. 176

Pere naturel ayant enfans legitimes ne peut faire succeder son fils bastard. 286
 le Pere n'ayant enfans legitimes peut donner à ses bastards ses meubles, acquests, & quint de ses propres, selon l'aduis de quelques-vns. 226
 Peres & meres ont legitime es biens de leurs enfans. 239
 en quatre cas seulement il est permis au Pere de tuer sa fille. 305
 comment les Peres naturels peuvent seulement donner à leurs enfans. 226
 quand le Pere naturel peut donner aux enfans legitimes de ses bastards. 232
quis dicatur Peregrinus. 5
Peregrinitatis reus quis dicatur. 8
Peregrinorum consuetudo plerumque noxia & periculosa. 9
Peregrinus non est indignus, sed incapax. 117
Peregrini non succedunt in Gallia. 174
Peregrini testamenti factionem non habent, legati contra. 194
Peregrini pro ciuibus non sunt habendi. 8
Peregrini significatio nunquam mutata. 200
Peregrini in Gallia non succedunt: nec eis succeditur. 133
Peregrinus est capax earum que sunt iurisdictionum. 124
Peregrinos ciues non fieri nisi nominati ciuitate deuentur. 196
Peregrinorum nomine quid significetur. 195
 Plaidoyé & Arrest donné en la cause de Scipion Menealoty pour l'homicide par luy commis en la personne de sa femme trouuée en adultere. 300
 Possession centenaire a esté receu contre le Roy. 373

du premier Tome.

vn Possesseur pendant le proces doit iour, & ne doit estre depoussé, & comme vn Procureur du Roy se doit pourueoir. 160.161

Prescription contre le Roy quand se peut alleguer. 370

quelle Prescription il y a aux heritages acquis par le Roy. 374

Prescription centenaire contre le Roy est receüe en France és heritages domaniaux. 372

lieux publics ne peuuent estre Prescripts. 371

en cas de crainte, force & violence maritale Prescription ne court contre la femme que du iour de la dissolution du mariage. 99. Arrest sur ce. *ibid.*

Presomptions sur lesquelles le Roy est fondé pour succeder à l'estranger naturalisé. 148

Presomptions pour iuger vne donation faicte pour cause de mort, encore qu'elle soit faicte en forme de donation entre vifs. 83

Priuileges octroyez aux habitans de Cambray. 27

Priuileges des Suisses & Escossois de la Garde du Roy. 25

Priuileges octroyez à Messieurs du Thresor. 388

Priuileges octroyez aux marchands frequentés les foires de Lyon, comment s'entendoient. 66

Principis liberalitas absque iniuria & fraude cuiusquam fieri debet. 202

Proces pendant en la Chambre du Thresor sont instruits & ingez par Messieurs les Conseillers du Thresor. 390.391

sous ombre des Proclamations du papier terrier du Roy, on ne peut demander les lots & ventes auparauant trente ans. 380

Procureur du Roy ne peut faire aucune information ou enqueste

pour vn droit d'Aubeine, quand le pretendu heritier est apparu. 156

vn Procureur du Roy ne peut faire poursuite de biens vacans apres vingt ans. 376

R

Raisons de ceux qui estiment que les heritiers maternels peuuent succeder aux propres paternels, & *à conuerso.* 355

Raisons par lesquelles il semble que le Roy doit succeder au lieu du François qui s'est retiré hors de France. 166

Rançon du Roy S. Loys payée en besants d'or. 389

Recit d'un proces pour les biens d'un bastard legitimé par le Roy. 263

Religieux peuuent estre executeurs de testament. 259

Renonciation faicte par la fille *loco venditionis est.* 94. Arrest à ce propos. 95

Renonciations faictes par les filles mariées aux successions de leurs peres & meres, profitent à tous leurs enfans heritiers. 99

Renonciations ne se peuuent faire à successions, sinon de ceux qui prestent consentement à telles renonciations, & qui en ont esté deuëment aduertis. 100

Renonciation s'estend aux enfans, & ne peuuent demander leur legitime sur les biens de leur ayeul, Arrests à ce propos. 95

en France la Renonciation à succession paternelle ou maternelle, moyennant le dot baillé à la fille est valable. 94. cela a lieu principalement entre Nobles. *ibid.*

en quel cas la fille peut estre releuée de la Renonciation par elle faite. 98

Table des matieres

Reigle generale en matiere d'Aubeine. 126. & confirmation de ladite reigle. 127

la Remission de rendre compte n'emporte pas descharge de payer le reliqua. 252

Represaliorum ius quid. 193

Rescriptum principis non retrotrahitur in preiudicium tertij. 174

les Romains tenoient le droit de Cité fort precieux. 7

le Roy ne peut entrer au lieu des parens estrangers. 116

c'est au Roy à qui appartient le droit d'indignité, la Coustume ne le donnant point au Seigneur haut Iusticier. 314

le Roy est heritier anomal & irregulier. 346

le Roy seul peut en France naturaliser l'estranger. 112

le Roy succede à l'estranger, & s'est reserué le droit d'Aubeine priuatiuement à tous Seigneurs. 125. raisons pourquoy cela luy appartient. 126

le Roy ne succede au François qui s'estoit retiré en pays estrange pour certain temps seulement, avec intention de retourner. 189

le Roy ne succede pas au François qui estoit demeurant, & est decédé hors de France. 188

le Roy ne succede aux François, encores que les plus proches parens soient incapables de succeder. 118

le Roy de France a deux patrimoines. 375

le Roy peut librement disposer des biens à luy aduenus par succession ou par luy acquis. 373

le Roy seul succede aux Aubeins. 13. & aux enfans d'iceux. 14

Rois faicts Citoyens d'Athenes. 7

3

per Sacerdotium, non solum matrimonium impenditur, sed soluitur. 277

Sçauoir, si celuy qui est nay en Sauoye pendant que le Roy en iouyssoit, venant demeurer en France doit estre naturalisé. 22

Sauoisiens & Piedmōtois Aubeins en France. 21

quand les Sauoisiens doiuent obtenir lettres de declaration ou de naturalité. 23

Seigneur feodal ne succede point à son vassal. 372

Seigneurs estans en la maison d'Orleans. 374

Seigneuries & droits quittez par le traicté de Madric. 41

és concurrences de Seellez par qui l'inuentaie doit estre fait. 343

en concurrence de Seellez entre le haut & le bas Iusticier, se faut pouruoir pardeuant le Iuge Royal. 343

quelques sentences du Thresor portans adiudication au Roy de tous les biens d'un bastard. 262

Sentence du Thresor, par laquelle la mere succede aux heritages paternels de son fils. 356. & du Chastellet. 357

Sentence donnée par vn Iuge duquel on peut appeller, n'est pas vne chose iugée. 77

Sentence du Thresor au profit de ceux du Cambresis. 29

en forme de droit, le mot de Siens comprend indefiniement les enfans naturels aussi bien que les legitimes. 228

Seruitus discontinua tempore non acquiritur. 121

Socrates

Socrates respondit se mundanum esse.

177

les Soldats & estrangers sont sub-
iects à la loy d'Aubeine. 63

en Succession en ligne collaterale,
les femmes n'heritent point avec
les masles en pareil degré quant aux
fiefs, toutesfois les masles succedent
aux fiefs qui appartiennent aux fe-
mmes. 326

Succession vacante n'est appelée
heredité. 348

Successions des estrangers appel-
lées en France estrayeres. 19

T

en matiere civile, on ne permet
point à l'une des parties de faire
preuve par **T** Esmoins, qu'on ne le
permette à l'autre. 155

Testament d'un defunct ne se
peut debattre sans prendre qualité
d'heritier. 259

le pere par Testament ne peut dis-
poser de ses biens au preiudice d'un
ne convention matrimoniale. 93

capacité du Testateur en quel tēps
est considerée. 120

il n'est permis de Tester de tous les
biens par les Coustumes de Fran-
ce. 93

le Tiltre de *quadrienni prescriptio-*
ne, au Code, ne s'observe en France.

377

le Tiltre *unde vir & uxor*, n'a lieu
au pays Coustumier de France.

142

impetratio Togæ quid & an necessaria.

199

Messieurs du Thresor, *sunt Procu-*

ratores Caesaris. 343. ne peuvent casser
les procedures faictes depuis leurs
defenses. 392

ce mot de Thresor signifie autant
que Domaine. 390

anciennement tous les deniers
des receptes ordinaires du Royau-
me de France estoient apportez
en la Chambre du Thresor.

389

Messieurs du Thresor ne veri-
fient pas les deniers du Roy. 153.
ne peuvent faire defenses aux Ju-
ges. 392

pourquoy la Chambre du Thre-
sor est ainsi appelée. 389

Transfuge civitatem amittunt. 194.

195

quarte Trebellianique que c'est.

241

la quarte Trebellianique, & la
quarte Balsidiane, ne sont re-
ceues au pays Coustumier de Fran-
ce. *ibid.*

pourquoy les Tuteurs sont soli-
dairement tenus. 248

comme les Turcs s'emparerent
du Royaume de Perse. 10

V

V Assal ne prescript iamais la
foy contre son seigneur feo-
dal, ny le roturier le droit de cens,
contre le seigneur censier, par
quelques laps de temps que ce soit.

371

se Vanger soy-mesme, repugne
aux principes de la Justice & de
l'humanité. 311

renonciation au Velleyan quand
il est necessaire touchant la tutelle

Table des matieres du premier Tome.

des mineurs.	254	<i>nus dotem lucrificare.</i>	358
<i>solo Verbo perficitur gratia.</i>	360	<i>si Vinco vincentem te, multo ma-</i>	
la Vefue de l'eftranger ne luy suc-		<i>gis vincere te debeo.</i>	169
cede point.	142	l'Vfufriict de tous les biens eft	
Vefue d'un bastard decedé fans		dedans la legitime.	239
hoirs ne succede point.	144	Vfurpation du droit d'Aubeine	
Villes de refuge pourquoy intro-		prouient de la negligence des Offi-	
duictes.	311	ciers Royaux.	152
<i>non æquum est Virum ob suum faci-</i>			

F I N.



LE II. TOME
DES
OEUVRES
DE IEAN BACQVET.


ADVOCAT DV ROY
EN LA CHAMBRE DV THRESOR.

DES DROICTS DV DOMAINE
DE LA COVRONNE DE FRANCE.



A PARIS,
DE L'IMPRIMERIE
De FRANÇOIS IVLLIOT, rue & près la porte
Saint Victor, au Soleil d'or.

M. DC. XXX.





T A B L E
DES CHAPITRES
CONTENVS AV SECOND
TOME DES OEUVRES DE
I E A N B A C Q V E T.


- CHAP. I.  R D R E gardé au present Traicté. pag. 1
- II. Qu'il y a deux sortes de personnes en France, les uns nobles, les autres roturiers, & trois especes d'heritages f o-
daux, Censiers, & Alaudiaux: avec la nature & condition
de chacun d'iceux. pag. 2. & 3
- III. Interpretation de ces mots, Francs-Fiefs, Nouveaux
Acquests, Annoblissements, Amortissements, & gens
de main-morte. 16. & 17
- IV. Par les anciennes loix, Statuts, & Ordonnances du Royaume, les roturiers
ne doivent tenir fiefs ny heritages nobles en France, & pourquoy. 28. & 29
- V. Pourquoi le droict de Francs-Fiefs a esté receu en France: en quoy il consiste:
& qu'il appartient au Roy seul. 32
- VI. Tous roturiers sont subiects au droict de francs-Fiefs, tant pour leurs herita-
ges f o d a u x, & droicts noblement tenus, que pour les heritages tenus en Franc-
aleu noble qui leur appartiennent. 34
- VII. Les roturiers sont contribuables au droict de franc-Fiefs pour les rentes no-
bles & f o d a l e s qui leur appartiennent, lesquelles sont en trois especes: Avec
l'interpretation de ces mots, Fiefs, Aumônes, Rentes à heritage, Gages
d'officiers, & charges ordinaires. 41. & 42
- VIII. Les officiers Royaux & autres qualitez, non nobles de race, ny annoblis par le
Roy, sont subiects au droict de francs-Fiefs. 59
- IX. Quand une femme mariée, ou vesue, est subiecte au droict de francs-Fiefs,
ou exempte d'iceluy. Que l'usufruitier roturier, & celuy qui a acquis heritage
noble à faculté de reméré, sont contribuables au droict de francs-Fiefs. 61
- X. Plusieurs villes ont privilege que les particuliers citoyens d'icelles, encores
qu'ils soient roturiers, peuvent acquerir & tenir Fiefs, sans estre subiects au
droict de francs-Fiefs. Avec la teneur des privileges pour ce regard donnez aux
bourgeois de la ville de Paris. Et que les privileges doivent estre verifiez & con-
firmez. 66
- XI. Les nobles ne sont subiects au droict de francs Fiefs. Et les enfans quant au
faict de noblesse, suivent la condition du pere, & non de la mere. Avec l'interpre-
tation de la Coustume de Champagne, par laquelle on pretend que le ventre an-
noblit, & arrests sur ce interuenus. 7

Table des Chapitres

- XII. Sçavoir si le roturier peut estre contraint par le Roy ou autre Seigneur seodal
vider ses mains du fief par luy acquis, ou qui luy est aduenü par succession. 78
- XIII. Comme le roturier se doit pourvoir afin d'auoir main-leuée del'heritage cen-
suel & roturier sur luy saisi, pour le droit de francs-Fiefs. 80. & 81
- XIV. Le droit de francs-Fiefs ne peut estre prescript contre le Roy par quelque
laps de temps que ce soit, ny alteré par les Roys de France. 89
- XV. Quelle finance est deuë au Roy à cause du droit de francs-Fiefs, & pour quel
temps anciennement il a esté leué. 88

SECONDE PARTIE TRAICTANT DV droit d'Annoblissement.

- XVI. **O**rdre gardé en ceste seconde partie, & que c'est qu'Annoblissement. 90
- XVII. Qu'il n'ya que deux sortes d'Annoblissement receues en France, &
que le Roy seul peut annoblir. 91
- XVIII. Premiere espee d'annoblissement receuë en France, avec la forme des lettres
d'annoblissement, que les Roturiers ont acoustumé obtenir du Roy. 93
- XIX. Seconde espee d'annoblissement receuë en France, quels estats, dignitez, & offi-
ces annobliſſent la personne. 95. 96
- XX. Les fiefs ny les Iustices n'annobliſſent point en France. 102
- XXI. Tous annoblissements doiuent estre verifiez tant en la Chambre des Comptes,
que Cour des Aydes, & est bon les faire verifier en la Cour de Parlement. Aussi
quelle finace est deuë au Roy à cause des annoblissements impetrez de sa Maisté. 103
- XXII. Quel profit, utilité & prerogatiue les lettres d'annoblissement deuement ve-
fiées apportent aux roturiers qui les ont impetrees du Roy. 106
- XXIII. Comme les nobles de race ou annoblis par le Roy se doiuent pourvoir pour auoir
main-leuée des Fiefs sur eux saisis, à faueur d'auoir baillé declaration suiuant
l'Edict des francs-Fiefs, & comme la noblesse se doit verifier. 109

TROISIESME PARTIE TRAICTANT DV droit de Nouveaux Acquests.

- XXIV. **D**E l'ordre & continuation de ceste troisieme partie avec les deux preceden-
tes: Et briefue interpretation de ces mots, Nouveaux Acquests, & gens
de main-morte. 115
- XXV. Par les anciennes Ordonnances & Statuts du Royaume, les Ecclesiastiques
& autres gens de main-morte, ne peuent tenir heritages ny droits immobiliers
en France, & pourquoy. 117
- XXVI. Pourquoy le droit de nouveaux Acquests a esté receu en France, en quoy il
consiste, & qu'il appartient au Roy seul. 120
- XXVII. Qu'il ya trois sortes de gens de main-morte subiects au droit de nouveaux
acquests, pour tous les heritages & droits immobiliers qui leur appartiennent
en France. 125
- XXVIII. Les Ecclesiastiques sont subiects au droit de nouveaux acquests, pour tous les
heritages qu'ils possèdent en France, encores qu'ils ayent leurs Eglises ou Mona-
stères hors du Royaume. 124
- XXIX. Les Ecclesiastiques & autres gens de main morte sont contribuables au droit
de nouveaux Acquests pour les rentes constituées à prix d'argent, qui leur ap-
partiennent à cause de leurs Benefices. 126

- XXX. Les Ecclesiastiques sont subiets au droict de nouveaux Acquests pour les dismes infeodaux qu'ils possèdent, & non pour les autres dismes dont ils iouissent. 128
- XXXI. Les Gouverneurs des Hospitaux, Maladeries, Leproseries, & Hostels-Dieu, sont tenus payer le droict de nouveaux acquests, pour tous les heritages, & droits immobiliers dependans d'iceux, desquels ils iouissent. 130
- XXXII. Les habitans des villes, bourgs, bourgades, villages, & autres communautex seculieres, sont subiets au droict de nouveaux acquests pour tous les heritages & droict, immobiliers qui leur appartiennent en commun. Et comme pour ce regard ils se doiuent conduire. 132. & 133
- XXXIII. Les gens de main-morte peuent estre contrainsts tant par le Roy que par les Seigneurs hauts-Iusticiers, feodaux & censiers, vider leurs mains des heritages par eux possédez en France. Et comme les Seigneurs doiuent pour ce regard former leur demande. 137. & 138
- XXXIV. Dedans quel tēps les gens de main-morte peuent estre contrainsts vider leurs mains des heritages par eux possédez, soit par le Roy, ou par autres Seigneurs. 142
- XXXV. Que les Seigneurs ont accoustumé promouoir les Procureurs du Roy pour contraindre les gens de main-morte vider leurs mains des heritages par eux possédez en leur haute-Iustice, fiefs ou censives. Et comme les gens de main-morte se doiuent defendre. 143
- XXXVI. Les gens de main-morte doiuent bailler homme viuant & mourant pour les fiefs qui leur appartiennent, immediatement mouuans du Roy. Et encores sont tenus payer le droict de nouveaux Acquests. 147
- XXXVII. Que le droict de nouveaux acquests ne peut estre prescript contre le Roy par quelque laps de temps que ce soit. 150
- XXXVIII. Quelle finance est due au Roy à cause du droict de nouveaux acquests, & pour quel temps anciennement il a esté leué. 151

QUATRIESME PARTIE TRACTANT DV
droict d'Amortissement.

- XXXIX. **D**E l'ordre & continuation de ceste quatriesme partie avec les trois precedentes. Et que c'est qu'Amortissement. 153
- XL. Que nonobstant les anciennes Ordonnances, a esté permis aux Ecclesiastiques, & autres gens de main-morte, acquerir & posseder heritages en France : à ceste fin leur ont esté octroyées lettres d'amortissement, & pourquoy. 155
- XLI. Le Roy seul peut amortir les heritages possédez par gens de main-morte, & leur octroyer lettres d'amortissement. 156
- XLII. Qu'il y a trois sortes d'amortissemens pratiquez en France. 160
- XLIII. Forme d'amortissemens generaux : mesmes sont transcrits les amortissemens generaux octroyez par les Rois François I. & Henry II. és années 1522. 47. & 51. à aucunes Prouinces & Dioceses du Clergé de France. 161
- La teneur de l'amortissement general octroyé au Diocese de Paris par le Roy François premier du nom, en l'année 1522. avec la verification d'iceluy faicte en la Chambre des Comptes. 161
- La teneur del'amortissement general octroyé au Clergé du Royaume de France par le Roy Henry II. en l'année 1547. avec la verification d'iceluy faicte en la Cour de Parlement. 167
- Copie des lettres patentes adressantes à Messieurs les Commissaires deputez

Table des Chapitres

par le Roy Henry, sur le faict des francs Fiefs & nouveaux acquests: pour proceder à la verification del'amortissement general octroyé au Clergé de France, cy dessus transcript. 169.170

- XLIV. Forme d'amortissement particulier dressé selon le style ancien. 177
- XLV. Forme d'amortissement mixte, dressé selon le style ancien. 179
- XLVI. Quelle recompense ou finance est due au Roy par les gens de main-morte, qui obtiennent lettres d'amortissement de sa Majesté. Que tous admortissemens sont purs personnels, & ne peuvent profiter, sinon à ceux qui les ont impetrez. 181
- XLVII. Tous amortissemens doiuent à present estre verifiez, tant en la Cour de Parlement, que Chambre des Comptes. Et que les amortissemens generaux sont reprovez par les Ordonnances. 188. & 189
- XLVIII. Quel profit les amortissemens, tant generaux que particuliers, deuement verifiez, apportent aux gens de main-morte qui les ont impetrez. 192
- XLIX. Sçauoir si les amortissemens generaux, mesmes ceux qui ont esté octroyez au Clergé de France par les Roys François I. & Henry II. apportent exemption à l'aduenir du droit de nouveaux acquests. 194
- L. Les gens de main-morte qui ont obtenu amortissement deuement verifié, ne sont tenus bailler au Roy homme viuant & mourant, ny à l'aduenir luy payer aucuns droicts pour les heritages amortis. 198
- LI. Les amortissemens obtenus par gens de main-morte, ne sont suffisans pour verifier la propriété des heritages amortis. 202
- LII. Clauses necessaires d'insérer aux amortissemens, lesquelles ont esté obmises en tous les amortissemens cy deuant obtenus des Roys de France, avec la vraye forme pour dresser un amortissement. 204
- LIII. Quelle recompense doit estre baillée par les gens de main-morte aux Seigneurs feodaux à cause des fiefs mouuans d'eux, amortis par le Roy. Avec plusieurs Arrests donnez pour ce regard. 207. 208
- LIV. Quelle recompense est due aux Seigneurs censiers pour les heritages roturiers possédez en leurs censues, par les gens de main-morte amortis par le Roy, avec les Arrests donnez pour ce regard. 216
- LV. Comme les gens de main-morte possédans heritages feodaux ou roturiers amortis par le Roy, se doiuent conduire enuers les Seigneurs feodaux ou censiers, soit qu'il y ait accord faict avec eux, ou non. 220
- LVI. Les gens de main-morte, encores qu'ils ayent payé indemnité generale, sont tenus exhiber leurs tiltres, & bailler declaration de leurs heritages, lors que les Seigneurs hauts-Iusticiers, feodaux ou censiers, font papier terrier. 224
- LVII. Apres la reception d'homme viuant & mourant, les Seigneurs feodaux ne peuvent à faute de payement du droit d'indemnité, faire saisir l'heritage feodal mouuant d'eux, possédé par gens de main morte. 227
- LVIII. Les Ecclesiastiques ne peuvent desaduouer un Seigneur feodal, qui a faict saisir leurs heritages comme mouuans de son fief, si le desadueu n'est decreté par le supérieur. 230
- LIX. Les Ecclesiastiques qui ont desaduoué, ou faict offre suffisante au Seigneur feodal qui a faict saisir leur heritages, comme mouuans de son fief, iouissent par prouision des heritages sur eux saisis, & comme la reception par main souveraine, est pratiquée en France: avec plusieurs arrests donnez pour ce regard. 231. 232

LX. La prestation d'homme vivant & mourant, due au Seigneur feodal par les gens de main-morte, pareillement le droit de censue, due au Seigneur censier, ensemble le droit d'amortissement due au Roy, sont imprescriptibles. Et que le droit d'indemnité se peut prescrire. 238

LXI. Les gens de main-morte ne peuvent bailler à titre de cens, les heritages roturiers qui leur ont esté amortis par le Roy. Et en cas d'alienation le droit de censue retourne au Roy, ou aux autres Seigneurs censiers. 243.244

LXII. Les gens de main-morte peuvent bailler à titre de fief ou de cens, les heritages feodaux qui leur ont esté amortis par le Roy, & pour lesquels ils ont payé l'indemnité generale. 251

LXIII. Sçavoir si les heritiers d'un donateur ou testateur, sont tenus faire amortir à leurs despens, l'heritage donné à une Eglise, Hospital, ou autre communauté Ecclesiastique. 253

CINQUIESME PARTIE TRAITANT DES declarations que les roturiers & gens de main-morte sont tenus bailler au Roy, ensemble de la finance due à cause des droits de francs-Fiefs, & nouveaux Acquests.

LXIV. **D**E l'ordre & continuation de ceste cinquiesme partie avec les quatre precedentes. 265

LXV. Forme des lettres patentes, en vertu desquelles on a accoustumé lever les droits de francs-Fiefs, & nouveaux Acquests, & contraindre les roturiers, & gens de main-morte, à bailler declaration des heritages par eux possédez subiets aux droits susdits. 266

LXVI. Forme des declarations que les roturiers & gens de main-morte sont tenus bailler lors qu'on leve les droits de francs-Fiefs & nouveaux Acquests. Et ce qu'ils doivent exprimer par leurs declarations. 268

LXVII. Les gens de main-morte, & non nobles sont tenus coter par leurs declarations, depuis quel temps ils ont iouy des heritages subiets aux droits de francs-Fief & nouveaux Acquests lesquels ne sont deus, que pour la tollerance de la iouissance precedente, au leur l'implage, & non pour l'aduenir. 272

LXVIII. Comme on a accoustumé de proceder à l'encontre de ceux qui n'ont baillé declaration des heritages par eux possédez, sujets aux droits de francs-Fief & nouveaux Acquests. Cu qui n'ont baillé declaration que de partie de leurs heritages, & celé le surplus. 277

LXIX. Que Messieurs les Commissaires deputez pour la taxe des droits de francs-Fiefs & nouveaux Acquests, n'ont aucun esgard aux lettres en forme d'annoblissement ou d'amortissement octroyées par autres Seigneurs que le Roy. Ny à celles qui ont esté anciennement baillées par certains Commissaires en voyez sur les lieux. 279

LXX. Que Messieurs les Commissaires, procedans à la taxe des droits de francs-Fiefs & nouveaux Acquests, ne doivent avoir esgard, sinon aux charges fencieres & anciennes dont sont chargez les heritages possédez par les gens de main-morte, & par les non nobles. 281

LXXI. Taxes tant du droit de francs-Fiefs, que du droit de nouveaux Acquests por-

Table des Chapitres du second Tome.

tées par les instructions & memoires anciennement dressez sur le faict des francs-Fiefs & nouveaux Acquests. 283

LXXII. Que la taxe des droicts de francs-Fiefs & nouveaux Acquests est arbitraire, & depend de la prudence de Messieurs les Commissaires. 285

LXXIII. Comme les roturiers & gens de main-morte estans surtaxez, se doiuent pour-voir pour auoir moderation. Et qu'ils ne peuuent estre contraincts par corps au payement des droicts de francs-Fiefs & nouveaux Acquests. Ny pareillement leurs fermiers. 287

Instructions & memoires concernans les droicts de francs-Fiefs, nouveaux Acquests, Annoblissemens, & Amortissemens contenus es Ordonnances Royaux. 290

Ce qui est trouué du temps du Roy Charles sixiesme, es liures des memoriaux de la Chambre des Comptes. 301

Autres instructions & memoires, concernans la finance due au Roy, à cause des droicts de francs-Fiefs, & nouveaux Acquests. 311

Instructions Royaux sur le faict des fiefs, arriere-fiefs, & choses nobles, acquises par non nobles. 313

Responses aux difficultez anciennement proposées sur les acquisitions faictes par non nobles d'heritages nobles, concernans le droict de francs-Fiefs. 315

Instructions & memoires anciennement baillez aux Commissaires enuoyez sur les lieux, pour leuer les droicts de francs-Fiefs & nouveaux Acquests. 318

Responses aux remonstrances enuoyées au Conseil Privé du Roy, en l'an 1557. concernans le droict de francs-Fiefs. 320

Lettres patentes de l'an 1521. par lesquelles est donné pouuoir à certains Commissaires deputez à Paris de composer avec les gens de main-morte, & leur bail-ler lettres d'amortissement sous leurs seings. 328

Copie des lettres d'amortissemens, octroyées par les Commissaires denommez es lettres patentes cy-dessus transcriptes. 332

Lettres patentes de l'an 1571. en vertu desquelles Messieurs les Commissaires deputez à Paris, precedent à present à la taxe & liquidation de la finance due au Roy, à cause des droicts de francs-Fiefs & nouveaux Acquests. 335



TRAICTE DES

DROICTS DE FRANCS-FIEFS,
DE NOUVEAUX ACQUESTS, D'ANOBLISSEMENTS,
& d'Amortissemens. Diuisé en cinq parties; dont
la premiere traicte du droict de Francs-Fiefs.

Ordre gardé au present Traicté.

CHAPITRE I.



POUR satisfaire à la promesse par nous faicte, de traicter des droicts de la Couronne de France, & en donner *Pourquoy le*
cognoissance à la posterité, plus ample & plus claire *présent Trai-*
que cy deuant elle n'a eu: nous auons depuis quelque *eté esté di-*
temps publié les trois premiers Traictez concernans les *uulgé.*
les droicts d'Aubeine, de Bastardise, & de Des-herence.

Il conuient à present parler des droicts de francs-Fiefs, de Nouveaux Acquests, d'Anoblissement & d'Amortissement. Pour lesquels plus facilement entendre, les auons diuisé en cinq parties. En la premiere nous traicterons du droict de francs-Fiefs, de toute antiquité obserué en France: *Ordre gar-*
quelles personnes sont subiettes à ce droict, & en quoy il consiste. En se- *dé au pre-*
cond lieu des Anoblissemens, comme ils sont pratiquez en France, & *sent Traicté.*
quel profit ils apportent à ceux qui les ont obtenus. En tiers lieu du droict de Nouveaux Acquests, comme il a esté receu en France, & pourquoy; quelles personnes sont subiettes à ce droict, pour quels heritages, & en quoy il consiste. En la quatriesme partie deduirons la nature des Amortissemens, pourquoy ils ont esté introduits, & quelle vtilité ils apportent à ceux qui les ont impetrez. En la cinquiesme & derniere partie monstrerons la forme des declarations, que les Roturiers tenans fiefs, & gens de main-morte, possédans heritages en France, sont tenus bailer lors qu'on leue les droicts de francs-Fiefs, & Nouveaux Acquests: & à quelle finance ils doiuent estre taxez pour les droicts susdits. Et à la fin du present discours seront transcrites certaines Ordonnances, lettres patentes, instructions & memoires qu'auons recouverts tant de la Cour de Parlement,

Chambre des Comptes, que Chambre du Thresor. Par la lecture desquels esperons que les droicts de francs-Fiefs, de Nouveaux Acquests, d'Anoblissemens, & d'Amortissemens, qui par cy deuant ont esté incogneus à plusieurs, seront notoires, manifestes & cogneus, non seulement aux Ecclesiastiques & Nobles: mais aussi aux Roturiers, tous lesquels ils concernent.

QV'IL Y A DEUX SORTES DE PERSONNES en France, les vns Nobles, les autres Roturiers, & trois especes d'heritages, Feodaux, Censiers, & Alaudiaux: avec la nature & condition de chacun d'iceux.

- 1 En France il y a deux sortes de personnes.
- 2 Les Nobles sont en deux especes, ou de race, ou anoblis par le Roy.
- 3 Qui sont les Roturiers, & qu'en France in dubio, on presume un homme Roturier.
- 4 En France il y a trois sortes d'heritages.
- 5 Qui sont les heritages qu'on appelle feodaux.
- 6 Les fiefs anciennement n'estoient baillez qu'à vie, comme les offices.
- 7 Qui sont les heritages qu'on appelle Censiers.
- 8 Comme le vassal se peut iouer de son fief, sans preiudicier à son Seigneur feodal.
- 9 Quand le fief baillé à cens ou rente non infeodez, est vendu, quels droicts sont deubs au Seigneur feodal.
- 10 Le fief baillé à cens & rente non infeodez, estant vendu, peut estre retiré par retraict feodal.
- 11 Le Seigneur feodal seul peut bailler heritages à tiltre de cens.
- 12 Le droict de cens est noble & feodal.
- 13 Celuy qui tient un heritage à cens, ne le peut bailler sinon à rente.
- 14 Soubs ombre de ces mots, fond de terre, plusieurs ont usurpé censue à Paris.
- 15 Les mots fond de terre, signifient censue.
- 16 Trois choses requises pour auoir droict de censue en la ville de Paris, ou autres lieux du Royaume.
- 17 Que c'est qu'un fief volant.
- 18 Comment se doit entendre que censue ne peut estre sans fief.
- 19 Les Seigneurs Censiers doiuent alleguer possession immemoriable.
- 20 Quels sont les heritages qu'on appelle Alaudiaux.
- 21 Aleu que signifie en France.
- 22 Heritages Alaudiaux sont nobles ou roturiers.
- 23 Tous heritages sont presumez Alaudiaux.
- 24 En franc Aleu est besoin monstrer tiltre.
- 25 Le tiltre de franc Aleu doit estre du Roy.
- 26 Celuy qui tient en franc Aleu est tenu exhiber tiltres, & bailler par declaration.
- 27 En heritages Alaudiaux, l'an du retraict lignager court du iour du contract.

CHAPITRE II.



OMBIE qu'ayons proposé particulièrement traiter des droicts de franks-Fiefs, & de Nouveaux Acquests : aussi separément parler des Anoblissemens & Amortissemens, comme ces droicts estans diuers, distincts & separez, tant pour le regard des personnes, que des choses esquelles ils consistent, ainsi qu'on peut cognoistre par la lecture du chapitre precedent : Toutesfois d'autant que le droict de franks-Fiefs semble auoir quelque similitude & affinité avec le droict de Nouveaux Acquests : & que plusieurs ont estimé que les Anoblissemens ont quelque connexité avec les Amortissemens ; en sorte qu'on ne peut plainement parler de l'un sans faire quelque mention de l'autre, ny parfaictement cognoistre en quoy consiste le droict de franks-Fiefs, & quelles personnes y sont subiettes, sans entendre la nature & effect du droict de Nouveaux Acquests : Nous sommes contraints commencer par l'interpretation des termes, en ce faisant dès à present declarer, que signifient ces mots franks-Fiefs, Nouveaux Acquests, Anoblissemens, & Amortissemens. Et pour en auoir facile cognoissance, il est necessaire presupposer deux choses.

Les droicts de franks-Fiefs, de Nouveaux Acquests, d'anoblissemens, & d'amortissemens, ont quelque connexité ensemble.

La premiere est, qu'en France il y a deux sortes de personnes : les uns sont Nobles, les autres sont Roturiers, & non Nobles. Et sous ces deux especes sont compris tous les habitans du Royaume : soient gens d'Eglise, gens de Iustice, gens faisant profession des armes, Thresoriers, Recueurs, Marchands, Laboureurs, & autres, en quelque lieu qu'ils soient demeurans, & de quelque estat, qualité & condition qu'ils soient.

En France il y a deux sortes de personnes.

Les Nobles sont de deux especes, les uns de race, qui sont yssus de noble lignée, les predecesseurs desquels ont vescu tousiours noblement, faisans actes & profession de Noblesse, sans auoir esté imposez à la taille, aydes & subsides, ausquels les roturiers sont ordinairement assis : comme il sera declaré au 22. chapitre.

Les Nobles sont de deux especes, ou de race, ou anoblis.

Les autres ne sont nobles de race, ains sont nais de roturiers, mais ils ont esté anoblis par le benefice du Prince, ayans obtenu du Roy offices & dignitez, par le moyen desquels ont esté faicts nobles. Ou bien ont impetré de sa Majesté lettres d'anoblissement, verifiées tant en la Cour de Parlement, Chambre des Comptes, que Cour des Aydes : desquels nous parlerons en la seconde partie du present Traicté.

Les roturiers peuvent estre anoblis par le Roy.

Pour entendre qui sont ceux que les Legistes & Canonistes estiment vrais Nobles, pourquoy ils sont ainsi appelez, & comme le tiltre de Noblesse se peut acquerir par vertu, proüessie, science, ou autrement, est besoin voir ce qui est amplement traicté per Bartolum in l. 1. de dignitat. Cod. lib. 12. Cepolam in tractatu de Imperatore militum deligendo, Chassaneum in consuetudinibus Burgundia, tit. des droicts appartenans à gens mariez, §. 19. in Glosa, & gens nobles, & nouissimè per Tiraquellum, Osorium, & plures

Qui sont ceux que les Legistes & Canonistes ont appellé nobles.

alios qui de nobilitate scripserunt, n'ayant icy voulu repeter ce qu'ils ont diffusément escrit, parce que j'ay delibéré simplement declarer la commune vsance de France, concernant le droict des francs-Fiefs, le plus clairement & briefuement qu'il sera possible.

3
Qui sont les
roturiers.
En France
in dubio on
presumetout
hommero-
turier.

Les roturiers sont appelez toutes personnes qui ne sont nobles de race, ny anoblis par le Roy. Et en Frâce plusieurs sont d'aduis, que tout homme *in dubio* est presumé roturier. Tellement qu'en la matiere des francs-Fiefs dont nous traittons, celui qui s'oppose à la faisie faicte de son fief, à faute d'auoir baillé par declaration les fiefs & heritages nobles par luy detenus, suiuant l'Edict des francs-Fiefs, & pour obtenir main-leuée allegue estre noble, il doit verifier sa Noblesse. Le semblable est obserué quand on est imposé à la taille: & qu'on s'oppose, pour cause d'opposition, mettant en auant qu'on est noble, & yssu de noble race, conformément au premier & deuxiesme articles de l'Edict, contenant ample reiglement sur le faict des tailles, publié en la Cour des Aydes, le 27. Iuillet, 1583. *Nobilitas enim est qualitas aduentitia, quæ nobis non inest à natura: ideoque non præsumitur, nisi probetur: & qui se nobilem asserit, probare debet, tanquam huiusmodi qualitas paucis insit: & quilibet præsumatur popularis siue ignobilis*: Comme dit Balde, *in L. non ignorat, Co. qui accu. non po. Florianus in L. i. ff. de probat. Tiraquellus latè in libro de Nobilitate, cap. 10. col. 13.*

4
En France
il y a trois
sortes d'he-
ritages.

Le second poinct qu'il conuient presupposer est, qu'en France il y a trois sortes d'heritages, les vns sont feodaux, les autres sont censiers ou roturiers: & les autres sont Alaudiaux. Ainsi qu'on peut cognoistre par la lecture des anciennes Ordonnances faictes par nos Roys sur le faict des francs-Fiefs & Nouveaux Acquets, qui portent en plusieurs endroits, que les gens de main-morte qui ont acquis heritages és fiefs, arriere-fiefs, censives, arriere-censives, és aleux du Roy, sont tenus vider leurs mains dedans an & iour, ou bien se faire amortir: comme il sera déclaré és troisieme & quatrieme parties du present Traicté. Qui voudroit rechercher la cause, source & origine des heritages feodaux, censiers, & alaudiaux, le discours seroit fort prolix: & on peut en auoir plaine & entiere cognoissance par la lecture des œures de ceux qui diligemment & doctement ont recueilly & recherché les Antiquitez de la France.

5
Qui sont les
heritages
qu'on appel-
le feodaux.

Nous appellons heritages feodaux, toutes possessions, terres, maisons, & droicts immobiliers, pour raison desquels on est tenu faire foy & hommage, à ceste occasion communément sont appelez Fiefs. Lesquels anciennement ont esté donnez par les premiers Roys de France, à vies seulement à ceux qui faisoient profession des armes, qu'on appelloit Gentils, ou Escuyers, à la charge de suiure nos Roys és armées qu'ils mettoient sus, pour la defence du Royaume. Pour ceste cause estoient tenus, comme ils sont encores à present, leur faire foy & hommage, qui est leur promettre fidelité & seruice personnel à l'effect que dessus: & de là est venu le droict de la conuocation du ban & arriere-ban. Mais par succession de temps, & principalement pendant le regne de Hues Capet, les Fiefs qui n'estoient que viagers, comme les offices & benefi-

6
Les fiefs an-
ciennement
n'estoient
banes, & à
v. comme
les offices.

ces, selon l'opinion d'aucuns, furent faicts perpetuels, domaniaux & hereditaires, afin de dauantage attirer le cœur de la Noblesse au seruice des Roys. A la charge toutesfois qu'à chacune mutation le vassal feroit foy & hommage, & payeroit les droicts & deuoirs portez par les Coustumes. Et les Fiefs estans faicts domaniaux & hereditaires, les propriétaires d'iceux en ont disposé, & les ont baillez à la charge de censue envers eux. Comme le tout est amplement déclaré par ceux qui depuis peu de temps ont escrit l'Histoire de la France, & traicté des nobles, & des vertus dont ils sont formez.

Les heritages censiers ou roturiers sont toutes possessions, terres, maisons, & droicts immobiliers, pour raison desquels on est tenu chacun an payer censue, rente, bourdelage, ou autre redevance annuelle, au Seigneur duquel ils sont tenus, en recognoissance de la Seigneurie directe, lesquels ont esté baillez, ou bien par les Roys de France à ceste charge, ou bien par les Seigneurs feudaux mouuans du Roy, en plain fief ou arriere-fief; qui de leur domaine muable, & duquel le reuenu estoit incertain & veritable, ont faict vn domaine immuable, duquel le reuenu est incertain: ayans baillé portion des terres de leurs fiefs, lesquelles ils tenoient en leurs mains, à cens, rente, bourdelage, terrage, champart, & autres droicts seigneuriaux, consistans en deniers, grain, volaille, ou autre redevance annuelle. Ce qui leur a esté & est permis par la Coustume de Paris, tant ancienne que nouvelle.

7
Qui sont les heritages qu'on appelle censiers.

Car par l'ancienne Coustume de Paris, le vassal se pouuoit iouir de tout son fief, & par la nouvelle Coustume se peut iouir des deux tiers de son fief, iusques à demission de foy. C'est à dire, que le vassal sans le consentement de son Seigneur feodal, anciennement pouuoit bailler le total, & à present peut bailler les deux tiers de son fief, à cens & à rente, ou à cens seulement: & sur le total de son fief, ou sur partie d'iceluy, vendre & constituer rente viagere ou perpetuelle, l'engager & hypothéquer à qui bon luy semblera, sans que pour raison de ce le Seigneur feodal puisse demander profit, encores que le vassal lors des baux ou constitutions ait receu quelques deniers, pourueu qu'il ait retenu la foy par deuers luy. Ou bien selon les termes de la nouvelle Coustume, le vassal peut se iouir, disposer, & faire son profit des heritages, rentes ou cens estans de son fief, sans payer profit au Seigneur dominant; pourueu que l'alienation n'excede les deux tiers, & qu'il en retienne la foy entiere, & quelque droict seigneurial & domanial sur ce qu'il aliene. Et si l'alienation excedoit les deux tiers, il y auroit depié de fief, & la foy & hommage de tout ce qui auroit esté aliené appartiendrait au Seigneur dominant: ensemble tous les droicts seigneuriaux, deubs tant à cause de l'alienation, qu'à l'aduenir.

8
Comme le vassal se peut iouir de son fief.

Mais tels baux, constitutions de rentes, & alienations faictes par le vassal avec retention de foy, & de droict seigneurial, ne preiudicent aucunement au seigneur feodal, lequel nonobstant icelles, aduenant ou uerture ou reuerision de fief, exploictera & entierement iouyra de toutes les terres, heritages, & droicts, dependans de son fief, si lesdites consti-

Le vassal se iouir de son fief ne preiudicie à son seigneur feodal.

tutions, alienations & baux susdits ne sont infeodez, consentis & accordez par le seigneur feodal, expressement ou tacitement.

Le vassal ne peut desmembrer son fief au preiudice de son seigneur feodal.

D'autant que par la mesme Coustume le vassal ne peut desmembrer son fief au preiudice & sans le consentement de son seigneur: Tellement que si le vassal purement & simplement, sans retention de foy & de droict seigneurial, aliene par vendition, permutation, donation, ou autrement, les heritages, rentes feodales, ou cens, estans de son fief, ou partie d'iceux, il ne se ioie pas de son fief, mais il desmembre son fief, comme telles dispositions contenans vraye alienation de fief, ou de partie de fief. Au moyen de quoy l'acquerieur desdits heritages, cens, ou rentes feodales, est tenu entrer en foy, & faire hommage au Seigneur dominant de ce qu'il a acquis, & luy payer les droicts feodaux, deubs à cause de son acquisition: comme il sera amplement deduit au septiesme chapitre du present Traicté.

Quand le fief baillé à cens & rente non infeodez est vendu, quels droicts sont deubs au seigneur feodal.

Pareillement si le vassal qui a baillé à cent sols de cens non infeodez son fief, le corps & dependances duquel consistent en cent arpens de terres labourables, vend ledit fief la somme de cinq cens liures tournois, ou autre somme, le seigneur feodal ne sera payé du quint denier qui luy est deub, à cause de la vendition dudit fief, selon le prix du contract de vendition. Mais il aura le quint denier de l'estimation, qui sera faicte par preud'hommes du total du fief, ou bien du corps & dependances du fief. Duquel l'achepteur sera tenu entrer en foy, & bailler par adueu & denombrement les cent arpens de terres labourables dependans dudit fief. Le semblable sera faict si la censue non infeodée est vendue, de laquelle l'achepteur ne sera pas receu en foy, ains du fief, duquel il est réputé detenteur & propriétaire, comme estant au lieu & droict de son vendeur. Aussi si ledit fief est aliené par eschange, le seigneur feodal aura droict de rachapt: Et par le moyen d'iceluy pourra prendre le reuenu d'un an, du corps & dependances dudit fief: sans auoir esgard au bail à cens & rentes, faict dudit fief. Autrement les seigneurs feodaux seroient grandement interessez, & leurs droicts diminuez. Ainsi qu'il est decidé par le neuuesime article de la nouvelle Coustume d'Orleans, interpretatiue de la commune vsance de France, és lieux esquels n'y a Coustume pour ce regard: & ainsi l'ay veu practiquer.

Le fief baillé à cens & rente non infeodez, estant vendu, peut estre retiré par retraict feodal.

Aussi si le fief baillé à cens & rente non infeodez, est vendu, il peut estre retiré par retraict feodal, & le seigneur retrayant s'entrera en tout son fief & dependances d'iceluy, en remboursant le denier d'acquisition, & les deniers baillez au vassal lors du bail faict à cens & rente, avec les bastimens, meliorations, frais & loyaux cousts, sans que les propriétaires ayent aucun recours contre le vassal bailleur, d'autant qu'ils deuoient sçauoir la nature des fiefs. Ainsi qu'il a esté iugé par Arrest donné au profit de Maistre François du Four & sa femme, contre feu Madame la Conestable, prononcé le 13. Avril, 1581.

Pareillement si le propriétaire d'une maison, de terres labourables, de préz, de bois, ou d'autres heritages, achapte du seigneur censier la censue qu'il doit à cause de ladite maison, terres ou heritages: ladite maison, terres, ou heritages, sont faicts feodaux, reprennent leur premiere nature de

feodalité, & pour raison d'iceux faut faire la foy & hōmage au seigneur du fief, duquel ils sont prouenus, qui les a desmembrez de son fief, & anciennement baillez en censue. Et le meilleur & plus seur est, que lors de l'achat & extinction de la censue, il soit cōuenu que les heritages demeurerōt feodaux, & que le propriétaire d'iceux sera tenu en faire foy & hōmage au seigneur censier. Ainsi que Monsieur de Neuers a faict de son Hostel, assez près la porte de Nesle, lequel il a faict eriger en fief, par les Religieux, Abbé, & Conuent de S. Germain des Prez, comme nous auons dict au 14. chapitre des droicts de Iustice, par nous mis en lumiere.

Ainsi se doiuent entendre les 35. & 41. articles de l'ancienne Coustume de Paris, & les 51. & 52. articles de la nouuelle Coustume, suiuant l'Arrest solennellement prononcé le 29. Mars, 1575. donné entre les Religieuses d'Ierre, demanderesse, & l'heritier de feu Monsieur Grassin defendeur. On allegue ordinairement l'Arrest de Maistre Iean Bouchard, Seigneur de Champigny, & Maistre Guillaume le Sueur, General des Monnoye, du 25. Iuin, 1516. Pareillement l'Arrest donné entre les Chartreux, demandeurs d'une part, & Robert Besle, Preuost de Villeneufue S. George, defendeur d'autre, du 15. Feurier, 1538. Lesquels Arrests sont recitez par Monsieur le Maistre en ses Decisions notables, Traicté des fiefs & hommages, chap. 5. & par Deluc *in titulo de pradiis clientelaribus*, Arrest 6. Et Maistre Charles du Moulin sur le 5. article de l'ancienne Coustume d'Orleans, allegue vn Arrest donné le 5. Feurier, 1544. entre Guillaume Durant, Notaire d'Orleans d'une part, & Florent Bourgoing, Seigneur de Cleues, d'autre. Par ce qui a esté cy-dessus dict, on peut cognoître, qu'il n'y a que le seigneur feodal direct & foncier qui puisse bailler heritage à cens, portant directe seigneurie, & profit de lots, ventes, saisines, & amendes, & qui primordialement & originairement puisse créer censue. En sorte que pour créer censue, ou bien pour auoir droict de cens tel que dessus, est besoin que l'heritage ait esté baillé par vn seigneur de fief, lequel de son domaine muable en ait faict vn immuable : & que l'heritage baillé à censue ait esté noble & feodal pour le regard du bailleur, & faict roturier, pour le regard du preneur.

En ce faisant le droict de cens est noble & feodal, & celui auquel il appartient, que la Coustume appelle Seigneur censier & foncier, est tenu faire foy & hommage dudit cens, s'il est infeodé. Ou bien faire foy & hommage des heritages par luy baillez à tiltre de cens, si ledit cens n'est point infeodé : comme il sera amplement déclaré au 7. chapitre. De faict l'ancienne Coustume de Blois portoit, que toutes censues doiuent estre infeodées & aduoiées estre tenuës en foy & hommage d'aucun Seigneur, sinon qu'elles fussent amorties. Comme il est porté par le proces verbal de ladite Coustume, sur le cent huitiesme article.

Quant à celui qui tient heritage à tiltre de cens, & non en fief, il est certain qu'il ne le peut bailler à la charge de cens, ny d'aucun droict ou deuoir seigneurial enuers luy : mais le peut bailler à rente fonciere seulement. Laquelle plusieurs ont appellé fond de terres, par les beaux anciennement par eux faicts de maisons ruineuses, places vagues, & iardins qui leur appartenoyent en ceste ville de Paris : lesquels ils ont alienez,

Interpretation des 51 & 52. articles de la nouvelle Coustume de Paris. Arrests de ce que dessus.

11
Le Seigneur feodal peut bailler heritage à tiltre de cens.

12
Le droict de cens est noble & feodal.

13
Celuy qui tient vn heritage à cens ne peut bailler jns à cens.

14
Sous ombre
de ces mots
fonds de ter-
re, plusieurs
ont usurpé
censue à
Paris.

moyennant certaine petite somme de deniers, payable chacun an. Et sous ombre que les anciens baux portent fonds de terre, les heritiers ou successeurs desdits bailleurs veulent s'attribuer le droict de censue desdites maisons & lieux; comme ce mot de fonds de terre signifiant censue. Combien que la redevance & prestation annuelle qui leur est deuë, ne soit & ne puisse estre, que simplement fonciere, & non censue, attendu que les bailleurs ne tenans lesdites maisons & lieux noblement, & à titre de fief, n'en estoient Seigneurs directs & fonciers, & ne le scauroient monstrier. Aussi que desdites redevances & prestations annuelles ils ne font aucune foy ny hommage, & n'en recognoissent aucun Seigneur feodal. Ce qui seroit necessaire, si c'estoit censue portant directe seigneurie & profit de lots, ventes, failines & amendes: comme il a esté dict cy-dessus.

15
Les mots de
fonds de ter-
re, signifient
censue.

Toutesfois il est certain en la Coustume de Paris, que ces mots, fonds de terre, signifient censue, & ces mots Seigneur foncier, signifient Seigneur censier. Tellement que la Coustume vlant de ces mots, Seigneur foncier ou censier; cens ou fonds de terre, censue ou Seigneurie fonciere: il faut prendre la diction ou, pour &, *ut stet expositue, & non alternative*, suivant le 61. article de l'ancienne Coustume de Paris. Comme Maître Charles du Moulin a amplement traicté au 51. article de ladite Coustume, *Glosa primam-verbis*, Seigneur foncier ou censier. Et qu'on peut cognoistre tant par les 73. 74. & 78. articles de la nouvelle Coustume de Paris, que par les 18. & 19. articles de l'Ordonnance faicte par le Roy Charles VII. sur le faict des Rachapts des rentes de la ville & faux-bourgs de Paris. Mais comme dict est, plusieurs ont abusé de ce mot, fonds de terre, es baux par eux anciennement faicts, afin de s'attribuer la censue des lieux, places & maisons par eux baillées: combien que le droict de censue ne leur appartenist pas, & ne peussent auoir que rente fonciere.

Plusieurs
ont abusé
des mots de
fonds de ter-
re pour cen-
sue.

Par le moyen
de petits
legs testa-
mentaires
plusieurs ont
usurpé cen-
sue en la
ville de Pa-
ris.

Il y en a d'autres qui se sont attribué le droict de censue de quelques maisons assises en ceste ville de Paris, par le moyen des legs testamentaires anciennement faicts à leurs predecesseurs, auxquels par testament on a laissé & donné quelque petite somme de deniers, perceptible chacun an sur lesdites maisons, comme huit deniers parisis, douze deniers parisis, deux fois parisis, ou autre somme: Laquelle au moyen du long-temps qu'ils en ont iouy, ont appelé censue, ne veulent exhiber le titre de la creation, source & origine de ladite redevance & prestation annuelle, & ne scauroient monstrier que leurs predecesseurs ayent esté Seigneurs directs & fonciers, voire propriétaires desdites maisons: ne qu'ils les ayent anciennement tenu en fief, & baillé à titre de cens, ainsi qu'il est permis à vn Seigneur de fief & non à autre. Car l'origine, source & creation du droict de censue, doit proceder de bail d'heritage feodal faict par vn Seigneur de fief à titre de cens: comme il a esté cy-dessus monstrier.

16
Trois choses
requies pour
auoir droict
de censue en
la ville de
Paris, ou au-
tres villes &
lieux du
Royaume.

Partant plusieurs sont d'aduis, que pour auoir droict de cens, mesmes es ville, Preuosté & Vicomté de Paris, ou autres villes, bourgs & bourgades de ce Royaume, esquelz plusieurs particuliers pretendent droict de censue contre le Roy: trois choses y sont requises.

Premierement

Premierement, que celuy qui pretend droict de censue ait fief, portant nom certain & denomination particuliere : comme le fief Guillory, le fief de Ioigny, le fief Coquetry, le fief Haran, le fief des Tombes, le fief des trois Pucelles : & autres semblables qui ont noms certains.

Secondement, que le fief par le moyen duquel on pretend censue soit limité & confiné à certain lieu, ou lieux, ou à certaines ruës proches, contiguës & attenans l'une à l'autre. Non pas vn fief volant, indefiny & indeterminé, lequel on pretendra s'estendre & consister en la censue d'une maison assise ruë S. Iacques, en la censue d'une autre maison située ruë S. Honoré, en la censue de deux autres maisons sises ruë neufue nostre Dame, & autres endroicts de ceste ville, du tout diuers, distincts & separez les vns des autres. Et le semblable doit estre dict és autres villes, bourgs & bourgades du Royaume.

Tiercement, celuy qui pretend droict de cens, doit monstrier la concession & inuestiture de son fief. Ou bien faire apparoir des actes de foy & hommage que ses predecesseurs & luy, ont faits au Seigneur dominant de son fief. Et pour verifier que les maisons & heritages sur lesquels il maintient auoir droict de censue, sont dependans de son fief, partant que ses predecesseurs & luy ont peu les bailler à tiltre de cens, est tenu faire apparoir des adueuz & denombrements anciens & modernes, receus par son Seigneur feodal, par lesquels on cognoistra en quoy consiste son fief, quelles sont les appartenances & dependances d'iceluy, & si le cens par luy pretendu est infeodé, ou non.

Car on tient pour certain, que le droict de cens est noble, Seigneurial & feodal pour le regard de celuy auquel il est deub, & que censue ne peut estre créée, sinon par celuy qui a fief, comme il a esté cy-deuant monstrier.

Si les trois cas cy-dessus recitez ne concurrent, les pretenduës censues ne sont que surcens, ou rentes foncieres, qui n'emportent aucun droict Seigneurial. Et à vrayement parler, ce sont vsurpations faictes sur les censues, qui appartiennent au Roy en ceste ville de Paris, sur lesquelles on a tellement entrepris, qu'à present se trouuent huiet vingts cinq Seigneurs censiers, ou plustost pretendus Seigneurs censiers, qui dient auoir droict de censue en la ville & faux-bourgs de Paris, lesquels ont baillé par declaratiõ au Greffe de la Iustice du Thresor, les ruës, lieux, & endroits esquels ils pretendent censue. Et desdits huiet vingts & cinq, y en a 24. qui maintiennent auoir droict de Iustice & de censue en ladite ville & faux-bourgs, lesquels ont pareillement baillé leurs declarations au Greffe du Thresor.

Or combien qu'il ait esté cy-dessus dit, que celuy qui pretend droict de censue doit auoir fief: toutesfois il le faut entendre sainement. A sçauoir qu'il ait fief, ou que ses auteurs qui ont créé la censue ayent fief, & ayent baillé à cens les heritages feodaux, qui faisoient partie de leur fief. Car apres que la censue a esté créée par vn Seigneur feodal, qui a baillé à cens l'heritage qui faisoit partie de son fief, il peut vendre la censue par luy créée, ou partie d'icelle censue, à tel que bon luy semble. Lequel de ladite censue est tenu faire foy & hommage au Seigneur dominant, si elle.

17
Que c'est
qu'un fief
volant.

Celuy qui
pretend cen-
sue est tenu
monstrier que
l'heritage
sur lequel il
demande
censue est
dependant
de son fief.

Censue ne
peut estre
créée que par
celuy qui a
fief.

Entreprises
sur les cens-
ues deuës
au Roy en
la ville de
Paris.

18
Comme se
doit enten-
dre que cen-
sue ne peut
estre sans
fief.

19
Les Seigneurs censiers doivent alleguer possession immemoriable.

est infeodée : ou bien au vendeur, si elle n'est point infeodée. Aussi par partage le fief peut aduenir à l'un des heritiers, & la censue, ou partie d'icelle à l'autre des heritiers qui est tenu faire hommage de ladite censue, d'autant qu'elle ne peut estre tenuë sinon feodalement. Et si le droit de censue est reuoqué en doute par le Procureur du Roy, soustenant que ce n'est qu'une simple rente, le propriétaire de ceste censue est tenu monstrier qu'il en fait foy & hommage, & qu'elle fait partie de tel fief, par le Seigneur duquel anciennement elle a esté créée, lequel, ou les successeurs duquel l'ont depuis vendue, donnée ou autrement alienée : ou bien que par partage elle est aduenue à celui qui de present iouyt de ladite censue : ou bien celui qui iouyt de ladite censue doit alleguer possession immemoriable, & verifier qu'il a jouy de ladite censue, comme il en iouyt encores à present par dix, vingt, trente, quarante, cinquante, cent ans & plus, & par tel & si long temps qu'il n'est memoire du contraire. Consequemment qu'il a prescript ladite censue, & ne doit estre troublé en la iouissance d'icelle. Qui est la meilleure & plus seure defense, que les Seigneurs censiers scauroient proposer contre le Roy, sans monstrier leurs tiltres : lesquels sont subjects à infinis debats, & le plus souuent les Seigneurs Iusticiers, censiers, & feodaux perdent leurs causes, par l'exhibition de leurs tiltres, qui ne sont verifiez tant en la Cour de Parlement, Chambre des Comptes, qu'ailleurs, & ne contiennent les solemnitez qui sont necessaires pour la validité d'iceux, comme auons dit au 9. chap. du droit de Des-herence, par nous n'agueres mis en lumiere. Si ce sont personnes Ecclesiastiques, qui iouissent des censues contentieuses, ils doiuent alleguer & verifier par leurs papiers terriers, censiers, & de recepte, & par telmoins si besoin est, possession immemoriable : & monstrier leurs amortissemens anciens, s'aucuns en ont, sinon s'ayder des amortissemens generaux octroyez par les Roys François premier, Henry deuxiesme, & Charles neuuesme.

Quand le fief doit auoir nom certain.

Aussi ce qui a esté dit cy-dessus, que le fief à cause duquel on pretend censue, doit auoir nom certain, & denomination particuliere, cela s'entend des grands fiefs, de grand reuenue, qui sont assis es villes, bourgs, ou bourgades, & qui sont de grande estendue, non pas de fiefs assis aux champs, consistans en sept ou huit sols de censues, ou en peu d'heritages.

Quand un fief doit estre borné & limité.

Pareillement quand on dit, qu'un fief doit estre limité & borné, non pas s'estendre en diuers lieux & endroicts, cela se doit entendre des fiefs estans en villes, bourgs, & bourgades : non pas des fiefs des champs, esquels les Seigneurs de fief peuuent auoir baillé des terres dependantes de leurs fiefs, estans en diuers lieux & endroicts, consistans en un arpent, deux arpens, quatre arpens, ou autre plus grande ou moindre quantité de terres. Et des fiefs dessusdits est amplement traitté *per Boerium* en la Coustume de Bourges, au chapitre des fiefs, art. 24. *in fine*, & *per Molinæum* en la Coustume de Paris, art. 4.

Quand le seigneur de fief est tenu sans appa-

Dauantage, ce qui a esté dit cy-dessus, que celui qui pretend droit de cens doit monstrier la concession & inuestiture de son fief, se doit entendre de celui qui pretend droit de cens, à cause de certain fief, qu'il main-

tient luy appartenir : non pas de celuy qui simplement pretend droict de censive, sans nommer le fief, à cause duquel il pretend le droict de cens. Car en ce cas il suffit monstrier les actes de foy & hommage qu'on a faits du cens qu'on pretend, & des adueux, & denombrements qu'on a baillez au Seigneur feodal, duquel ledit cens est tenu en foy & hommage : ou bien monstrier, que par tēps immemorial on a iouy du cens contentieux.

Quæ dicta sunt latissimè tractantur à Carolo Molinæo in consuetudinibus Parisiensibus art. 35. & 41. in principio tit. de censibus & iuribus dominicalibus.

10
Quels sont les heritages qu'on appelle alaudiaux.

Heritages alaudiaux ou tenus en franc-aleu, sont toutes terres, possessions, & droicts immobiliers, pour raison desquels n'est deu aucune prestation de foy, d'hommage, censive, rente, ne redeuance, ou deuoir quelconque. Et sont appelez alaudiaux parce que les proprietaires d'iceux *neminem laudant authorem* : C'est à dire qu'ils ne les tiennent d'aucun Seigneur, soit feodal, censier, ou autres, tellement qu'ils sont francs, libres, & exempts de vest, de deuest, de foy, d'hommage, de quint, de requint, de rachapt, de prinse par default d'homme, & de toutes autres seruitutes quelconques : ensemble de tous droicts & deuoirs, tant feodaux que Seigneuriaux. Et ce mot Aleu signifie en France liberté, franchise, & immunité : non pas vn heritage tenu en propriété & transmissible aux heritiers, comme les Legistes l'ont appellé. Et sic *Alaudium est proprietas quæ à nullo recognoscitur. Vel alaudium dicitur proprium & liberum alicuius patrimonium, quod à nemine alio tenetur nec recognoscitur, nisi à solo Deo. Ideoque qui tenet prædium in alaudium, id est, in plenam, & absolutam proprietatem, habet integrum & directum dominium, quale à principio de iure gentium fuit distributum, & distinctum, & nullum soli dominum recognoscit, siue tanquam patrimonium siue tanquam aliam dominum directum, nec possidet tanquam vassallus, nec tanquam censuarius emphiteutes, aut superficiarius, vel alio utili & inferiori dominio : sed iure veri, liberi, directi & absoluti domini : ut inquit Guil. Benedict. in c. Raynutius in verb. uxorem nomine Adelasiam, decis. 2. col. 3. Baldus & Aluarotus in §. inter filiam, de feudo def. cont. sit inter do. & ag. vas. in vsib. feudo. Glossa in l. penult. C. de ing. manu. Budæus in l. Herennius, ff. de emict. A ce que dessus sont formelles les Coustumes d'Anjou, du Maine, & plusieurs autres, au tiltre des terres tenuës en franc-aleu. Et on ne peut dire que les heritages alaudiaux soient dependans du fief, ou facent partie du fief, parce que tout fief est subiect à foy & hommage, *feudum enim à fide dicitur* : ce qui ne peut estre en franc-aleu.*

21
Aleu que signifie en France. Alaudium quid.

Les heritages alaudiaux sont en deux especes : les aucuns sont tenus en franc-aleu noble, desquels y a Iustice, censive ou fief mouuant, & le detenteur de tels heritages alaudiaux n'est tenu de foy, d'hommage, de seruice, ou autres droicts Seigneuriaux à quelques personnes que ce soit. Les autres sont tenus en franc-aleu roturier, desquels n'y a aucun fief mouuant, Iustice ny censive : & le detenteur d'iceux ne doit cens, rentes, lots, ventes, vestures, ny autres redeuances : Ainsi qu'il est porté par le 68. art. de la nouvelle Coustume de Paris, amplement déclaré par la Coustume du Baillage de Vitry, au tiltre de Franc-aleu : & qu'il sera deduiet au 5. chap. du present discours.

22
Heritages alaudiaux sont nobles ou roturiers.

23
Tous heri-
tages sont
presumez
alaudiaux.

24
En franc-
aleu est be-
soin mon-
strer tiltre.

Et combien que les Docteurs, tant Legistes que Canoniques tien-
nent, que tous heritages de leur premiere nature sont alaudiaux, francs
& libres, & que l'on ne les peut pretendre feodaux ou censuels, si on ne
fait apparoir de l'investiture, ou du bail à cens, ou bien de la prise à rente:
*l. altius C. de servit. & aqua. Baldus in §. inter filiam. si de feudo defunct. con-
trouersia sit inter do. & agnat. in vsibus feudo.* Toutesfois plusieurs sont d'ad-
uis que ceste maxime ne peut estre receüe en France: où on tient com-
munément qu'on ne peut tenir terre sans seigneur. De faict celuy qui pre-
tend son heritage estre tenu en Franc-aleu, doit faire apparoir de tiltre
exprés & special, autrement on pourra imposer cens sur son heritage: le-
quel il payera au Roy eu esgard aux prochaines terres payans censües,
comme il est cōtenu és instructions dressées pour le faict des francs- Fiefs
& nouveaux acquests cy-apres transcriptes: & qu'il est porté par plusieurs
Coustumes nouvellement redigées, mesmes de Poictrou, de Melun, &
Meaux, au tiltre de franc-aleu. Aussi par le 124. article de la nouvelle
Coustume de Paris est porté, que le droict de cens ne se prescrit par le
detenteur de l'heritage, contre le Seigneur censier, encores qu'il y ayt
cent ans, quand il y a tiltre ancien ou recognoissance faite dudit cens,
dont on peut inferer, que si le Seigneur censier n'a tiltre ancien, ou reco-
gnoissance du droict de cens par luy pretendu, & qu'il n'appert aucune-
ment qu'on ayt iamais payé censüe, à cause de l'heritage contentieux, le
detenteur luy peut obijcier prescription centenaire, & par le moyen d'i-
celle soustenir son heritage estre tenu en franc aleu, quoy que ce soit n'e-
stre chargé d'aucun cens. Ce que le vassal ne peut faire, lequel par quel-
que tēps que ce soit, ne peut prescrire la foy qu'il doit à son Seigneur feo-
dal: comme il est porté par le douziesme article de la nouvelle Coustu-
me de Paris, comme semblablement le Seigneur feodal ne peut prescrire
contre son vassal, le fief sur luy saisi par quelque temps qu'il ait iouy dudit
fief, encores que ce fust par cent ans & plus, ainsi qu'il est porté par ledit
article de Coustume. Et quand on dict que tous heritages sont presumez
libres, cela s'entend proprement de seruitude & charge réelle, & pareil-
lement de seruice personnel, non pas de recognoissance & paiement de
certain droict enuers le Seigneur, au territoire duquel les heritages sont
situez & assis. *Cum omnes fundi censeantur teneri siue moueri à domino terri-
torij, in quo siti sunt.* Comme dit Iean Fabre in *L. cumctos populos. C. de sum-
ma Trinitate, post Speculatorem, in titulo de locato. §. nunc aliqua, L. pupillus. §.
territorium, ff. de verb. & rer. significat. Baldus in §. inter filiam, si de feud. con-
uentio sit int. do. & agn. in vsib. feu. Ioan. Andreas, in cap. nimis, de iureiur. ext.
Guil. Bened. in loco supra citato.*

Et s'il n'y a aucun tiltre de franc-aleu mis en auant, & n'apparoisse
qu'il n'y ait Iustice, censüe, ou fief mouuant d'iceluy: on presumera, par
ce qui a esté dit cy-dessus, que ledit aleu est roturier, & non noble: &
que l'heritage a esté faict alaudial, par le moyen de ce, que la censüe qui
estoit deuë à cause d'iceluy, a esté prescrite par le temps de cent ans. Ce
qui est clair en vne maison sise en la ville de Paris, ou en autre ville,
d'autant que les maisons sont presumées roturieres, comme les terres,

vignes, bois, ou autres heritages, qui sont environnez d'autres heritages roturiers. Et ainsi semble estre porté par le procez verbal de l'ancienne Coustume de Paris, sur le 46. article d'icelle. Tellement qu'on peut soutenir que le fils aîné qui est en contention avec les puînez, si les heritages tenus en franc-aleu se doiuent partager noblement, ou roturierement, doit verifier que le franc-aleu, duquel les parties sont d'accord, est noble, & non roturier: tout ainsi que celuy qui maintient l'heritage estre feodal & non roturier, doit verifier la feodalité: comme il sera dit au 6. chapitre du present Traicté.

Toutesfois quand le fils aîné maintient, que partie des terres dependantes du fief sont tenuës en franc-aleu, & que les acquisitions ainsi le portent, sans estre subiectes à foy & hommage, ny à censives: comme certaine garenne, certaine quantité de bois, & certaines terres declarées par le menu. Aussi que les coheritiers en sont d'accord, autrement ils surchargeroient les heritages, les assubiettissans à foy & hommage, ou bien au paiement de censive, & en cōsequence de ce au paiement des droicts feodaux & seigneuriaux, quand le cas escherroit. Aucuns sont d'avis, qu'on doit presumer les heritages ainsi alaudiaux estre nobles, quand ils sont environnez de tous heritages feodaux, & non d'heritages roturiers: car ils sont censez de mesme nature & qualité que les heritages proches & voisins. Ou bien quand ils ont tousiours esté annexez au fief, & esté censez des dependances d'iceluy, partant de la mesme nature & qualité, que le fief qui est noble: & ne peut auoir des dependances roturierement tenues, ains feodalement, autrement les membres ne seroient de mesme nature que le corps. Faut maintenir le contraire: car comme dit a esté, on ne peut raisonnablement dire, que des terres tenues en franc-aleu soient des dependances d'un fief, parce qu'elles seroient subiectes à foy & hommage, comme le fief & les terres circonuoisines, soient feodales ou censuelles, ne regardent aucunement la qualité de franc-aleu, qui est du tout diuerse de la feodalité & de la censive. Aussi n'est considerable de dire, que les terres alaudiales ont esté de tout temps annexées au fief, car elles n'ont peu y estre vnies ny annexées, ny en faire partie, ains faut qu'elles en soient du tout séparées, puis qu'elles ne sont point comprises au denombrement qu'on baille du fief. Et quant à la qualité des personnes, elle n'est point considerable, mais seulement on considere la qualité des heritages, & non de ceux qui les possèdent. Les terres alaudiales *possunt facere partes feudi*, d'une terre, mestayrie, ou ferme: laquelle peut estre composée de terres feodales, alaudiales, censuelles, de cens, rentes, & autres droicts, selon que le pere de famille en a disposé, iouy, & baillé a ferme. Mais les terres alaudiales *non possunt facere partem feudi*, parce que le fief est limité & borné par son inuestiture, & par le denombrement qu'il conuient bailler de tout ce en quoy il consiste, pour raison de quoy il faut faire foy & hommage, ce qui est contraire à la nature de franc-aleu. Partant le fils aîné qui maintient que les heritages alaudiaux, qui sont proches de son manoir, & assis au milieu des terres feodales dependantes de son fief, sont tenuës en franc-aleu noble, & non roturier, & qu'elles doi-

uent estre partagées noblement, & non roturierement: doit verifier qu'il a Iustice sur les heritages alaudiaux, non pas la Iustice annexée à son fief, de laquelle il faict foy & hommage, & laquelle il baille par adueu & denombrement: mais il a autre Iustice à cause de son franc-aleu, laquelle il a faict exercer sur les heritages tenus en franc-aleu, ayant faict prendre prisonniers les malfaiçteurs & delinquans esdits heritages, les ayant faict fustiger sur lesdits heritages alaudiaux, faict faire cris, & autres actes de Iustice, lesquels il conuient verifier par escrit, par exploicts de Sergens, & actes iudiciaires, avec la preuue qu'on pourra faire par tesmoins: ou bien il conuient verifier qu'on a censue dependante du franc-aleu, deuë à cause de partie des terres du franc-aleu, qui ont esté baillées en censue, & que le bail faict à cens face mention expresse du franc-aleu. Ou bien le fils aisné sera tenu monstrier que ses predecesseurs ont baillé vne partie des terres tenuës en franc-aleu, en fief, desquelles on luy faict la foy & hommage, on luy paye les droicts feodaux, quand le cas y eschet, & dont luy est baillé adueu & denombrement, comme tenu & mouuant de luy, à cause de son franc-aleu, duquel soit faicte expresse mention: & non à cause de son fief. Autrement, & à faute de verifier par le fils aisné l'un des trois cas dessusdits, les terres tenuës en franc-aleu seront censées, tenuës en franc-aleu roturier, & seront partagées roturierement, suivant le soixante-huictiesme article de la nouvelle Coustume de Paris: ainsi a esté aduisé par les anciens Aduocats de la Cour de Parlement.

Le tiltre de franc-aleu doit estre du Roy.

Et semble que le tiltre & concession de franc-aleu doit estre du Roy, & non d'autre seigneur, soit haut-Iusticier, feodal, ou censier: d'autant que tous heritages situez en France estans tenus du Roy immediatement, comme il sera dit au vingt-sixiesme chapitre, on ne peut au preiudice du dit Seigneur, exempter, ny affranchir vn heritage du droict que le Roy a en iceluy, sans le consentement de sa Majesté, ny de feodal ou censuel, le faire alaudial, non plus que les Seigneurs haut-Iusticiers feodaux & censiers ne peuuent amortir en France. Et combien qu'il leur soit loisible remettre & quitter le droict feodal ou censuel qui leur appartient en l'heritage tenu & mouuant d'eux: toutesfois par le moyen de telles renonciations, ils ne peuuent faire que l'heritage soit tenu en franc-aleu, & soit exempt de tous droicts & deuoirs enuers le Roy.

Si le tiltre de franc-aleu se peut acquerir par possession centenaire.

Pour sçauoir si le tiltre & qualité de franc-aleu se peut acquerir par possession centenaire & immemoriale, on pourra voir le 7. chap. du Traicté du droict de Des-herence par nous n'agueres publié.

Si la Coustume locale peut faire les heritages alaudiaux.

Pareillement pour cognoistre si par le moyen de la Coustume locale on peut pretendre au preiudice du Roy quelques heritages estre alaudiaux, on pourra auoir recours à la lecture du 21. chap. du droict d'Aubeine, par nous n'agueres diuulgué.

L'heritage alaudial est subiect à confiscation.

Et cōuient noter que quelque immunité & frâchise qui ait esté octroyée en France aux seigneurs & proprietaires des heritages alaudiaux: ils ne sont pas exempts de la Iustice du seigneur haut-Iusticier, au territoire duquel l'heritage alaudial est situé. Tellement que les heritages alau-

diaux sont subiects à confiscation, tout ainsi que les feodaux & roturiers, comme il est traicté par du Moulin au 46. art. de l'ancienne Coustume de Paris.

Aussi quand le Roy faict papier terrier en quelque Duché, Comté, Baronnie, Chastellenie, ou autre Seigneurie qui appartient à sa Majesté : les propriétaires d'heritages alaudiaux doiuent exhiber au Procureur du Roy leurs tiltres, & bailler par declaration les heritages qui leur appartiennent à tiltre de franc-aleu au dedans du territoire du Roy. Et ne peuuent empescher l'exhibition de tiltres : *cum omnia eadem sint fisco*. Pareillement ne doiuent refuser de bailler par declaration leurs heritages alaudiaux : d'autant que leur declaration estant receüe avec les officiers du Roy, sans contradiction, elle emporte vraye confirmation du tiltre de franc-aleu. Aussi ceste declaration est necessaire, à ce que les propriétaires des heritages alaudiaux ne puissent entreprendre sur le Roy, & au preiudice de sa Majesté accroistre leurs droicts & heritages. Ainsi qu'il a esté ordonné par sentence donnée par Messieurs du Thresor, entre le Procureur du Roy audit Thresor, demandeur en saisie de la terre & seigneurie de Villacoublay d'une part, & le seigneur dudit Villacoublay defendeur & opposant, d'autre, en datte du vingt-vniesme Iuin mil cinq cens cinquante-neuf. Et ce à l'exemple des gens de main-morte, lesquels sont contraincts lors que le Roy, ou aucuns seigneurs feodaux ou censiers, font papier terrier, non seulement leur exhiber les tiltres concernans les heritages deuëment amortis qu'ils possèdent au dedans de leurs territoires, fiefs, & censues, mais aussi les bailler par declaration, à ce qu'ils ne se puissent accroistre & entreprendre sur les droicts & heritages des seigneurs feodaux & censiers. Comme il a esté iugé par arrest donné contre les Principal & Boursiers du College du Cardinal le Moyne, solennellement prononcé le septiesme Septembre mil cinq cens cinquante neuf, recité au cinquiesme chapitre du present Traicté. Pareillement les detenteurs & propriétaires des heritages alaudiaux sont tenus bailler par declaration, non seulement au Roy, mais aussi aux seigneurs hauts-Iusticiers, feodaux, ou censiers, les heritages alaudiaux, qui sont assis au dedans de leurs hautes Iustices, fiefs, ou censues, chacun pour son regard, pour les raisons cy-dessus deduiçtes.

Et conuient noter, combien que par le 130. art. de la nouvelle Coustume de Melun soit dit, que l'an & iour du retraict lignager ne court que du iour des foy & hommage faicts pour le regard des heritages feodaux, & du iour de l'ensaisinement pris pour les heritages censuels. Toutesfois on tient en ladite Coustume, que l'an & iour du retraict lignager court en heritages alaudiaux du iour du contract portant saisine & dessaisine, & par ce moyen tradition de l'heritage vendu. Parce que les heritages alaudiaux ne sont subiects ny à foy & hommage, ny en-saisinement, & ne recognoissent aucun seigneur. Et si n'est besoin en ladite Coustume de Melun, pour faire courir l'an du retraict lignager, faire publier & insinuer en iugement, au plus prochain siege Royal, le

26

Celuy qui tient en frâe aleu est tenu exhiber tiltres & bailler declaration.

Pourquoy les heritages alaudiaux doiuent estre baillez par declaration.

27

En heritages alaudiaux l'an du retraict lignager court du iour du contract.

contrat d'acquisition de l'heritage alaudial, comme il est requis par le 132. article de la nouvelle Coustume de Paris: encores qu'elle soit proche de Melun, ainsi qu'il fut plaidé en la Cour le Ieudy 9. Iuillet, 1592. Et la cause fut appoinctée au Conseil, parce que les parties n'estoient pas d'accord, que les bois contentieux fussent tenus en franc-aleu: Mais par le contrat d'acquisition estoit seulement porté que lesdits bois ne deuoient aucune censue, & que la Damoiselle venderesse les auoit acquis de certaines Religieuses, & pour ceste cause aussi qu'il n'y auoit aucun seigneur ny feodal ny censuel qui apparust, & pretendist la seigneurie directe esdits bois, ou soustenoit qu'ils deuoient estre censéz alaudiaux, selon la doctrine de Balde, *in §. inter filiam, si de feudo defuncti contr. cum pradia in dubio presumantur libera, l. altius C. de seru. & aqua, & tam census, quam fidelitatis præstatio seruitutem quandam contineant*, comme il sera dict au 6. chap. du present Traicté. Toutesfois le demandeur en retraict lignager maintenoit le contraire, & que la doctrine de Balde n'estoit receuë en France, mesme en la Coustume de Melun, par le 105. article de laquelle vn heritage ne peut estre dit en franc-aleu, par possession, ains faut qu'il y ait tiltre exprès, lequel tiltre ne peut estre que du Roy: encores qu'on die que le Roy ne se peut plaindre, parce que son vassal, qui est le seigneur feodal, luy rend par son aduen & denombrement ce qui luy est deub, & luy appartient. Et sera besoin qu'en son denombrement il mette la censue de laquelle l'heritage estoit chargé, comme n'ayant peu estre deschargé au preiudice du Roy. D'ailleurs le defendeur disoit qu'une simple descharge de censue ne fait pas vn heritage alaudial. En tout euement maintenoit qu'en heritage alaudial estoit besoin d'apprehension de possession, faicte de l'heritage vendu en presence de Notaire & de temoins, afin d'auoir cognoissance du contrat de vendition, lequel peut estre secret, & peut aduenir, que long-temps apres le contrat d'acquisition, l'achepteur ait commencé iouyr de l'heritage vendu: comme il se faict en bois taillis, ou de haute fustaye, ou bien en autres heritages & droicts immobiliers. Toutesfois en heritages alaudiaux, on tient communément que l'an & iour du retraict lignager court du iour du contrat, sans qu'il soit besoin d'aucune solemnité.

INTERPRETATION DE CES MOTS, FRANCS-FIEFS, & Nouveaux Acquests, Annoblissemens, Amortissemens, & gens de main-morte.

- | | |
|---|--|
| <p>1 Interpretation de ces mots, Francs-fiefs.</p> <p>2 Les fiefs n'anoblissent pas les personnes.</p> <p>3 Le roturier tenant heritages nobles, est seul sujet au droit de francs-fiefs, & pourquoy.</p> | <p>4 Nouveaux acquests que signifient.</p> <p>5 Pourquoy le droit de Nouveaux Acquests est deu.</p> <p>6 Annoblissement que signifie.</p> <p>7 Amortissement que signifie.</p> <p>8 Qui sont appelez Gens de main-morte.</p> |
|---|--|

- 9 Gens de main-morte sont improprement appellez.
- 10 Quelles sont les personnes & heritages main-mortables.
- 11 Quels droicts le seigneur a sur les personnes & biens de ses gens main-mortables.
- 12 Le seigneur a droict de suite sur les

biens de ses gens main-mortables.

- 13 Si le Roy peut affranchir les gens main-mortables, sans le gré des seigneurs.

- 14 Si les seigneurs peuvent sans le consentement du Roy affranchir leurs gens main-mortables.

CHAPITRE III.



Y A N S déclaré au chapitre precedent, la diuersité des personnes demeurans en France, pareillement la diuerse condition & nature des heritages situez au Royaume: il conuient entendre que quand on parle du droict de francs-Fiefs, ces mots de francs-Fiefs signifient tous les heritages nobles, soient feodaux ou alaudiaux. En sorte que tous heritages & droicts immobiliers tenus en fief, foy & hommage, ou en franc-aleu, sont compris sous ces mots de francs-Fiefs.

Et sont appelez francs, non pas que les seigneurs & proprietaires des heritages nobles, par le moyen d'iceux soient affranchis & anoblis. Car en France communément les Fiefs & terres nobles n'anoblissent point les personnes: comme il sera dit au 20. chap.

Aussi on ne doit pas dire que les heritages feodaux, encores qu'ils soient nobles, ayent esté appelez francs, comme les proprietaires d'iceux estans francs & exempts de prestation, d'hommage, & de tous droicts & deuoirs, ainsi que les Legistes appellent franc-fief, autrement alaudial. D'autant qu'en France les heritages feodaux sont hommages distincts & separez des alaudiaux. Tellement que les proprietaires des Fiefs sont tenus en faire foy & hommage à leurs Seigneurs dominans. Et quand le cas eschet, sont contraincts leur payer droict de relief & rachapt, ou de quint & requint, ou bien de chambellage, & autres droicts & deuoirs portez par les Coustumes: & outre leur bailler par adueu & denombrement les appartenances & dependances de leurs fiefs: ainsi qu'il a esté déclaré au precedent chapitre.

Mais il conuient dire selon l'vsance de France, que tous heritages nobles soient feodaux ou alaudiaux, sont nommez francs-Fiefs: parce que par les loix, Ordonnances & statuts du Royaume, les fiefs & heritages nobles situez en France, ne doiuent estre tenus sinon par hommes francs: c'est à dire nobles de race, ou anoblis par le Roy, francs, libres & exempts de payer tailles, aydes, subsidez, & autres charges: ausquelles les roturiers & non nobles sont subiects, contribuables & cottisables. De faict en France tous fiefs sont nobles & tenus noblement: en sorte que iustement ils ont esté appelez francs.

Partant si vn roturier sans permission du Roy iouyt d'heritages nobles, ou bien de quelques droicts noblement tenus equipolens à heritages, il

1
Interpretation de ces mots, francs-Fiefs.

2
Les Fiefs n'anoblissent pas les personnes.
Franc Fief que signifie selon les Legistes.

Pourquoy les Fiefs sont appelez francs en France.

3
Le roturier

tenant heri-
tages nobles
est seul sub-
jet au droit
de francs-
Fiefs, &
pourquoy.
Que signifie
estre sujet
au droit de
francs Fiefs.

est subiect au droit de francs-Fiefs. En ce faisant tenu payer au Roy cer-
taine finance, pour la tolerance de la possession & iouissance qu'il a eu
d'heritages nobles situez en France, lesquels par les loix du Royaume il ne
peut & ne doit tenir. En sorte que le droit de francs-Fiefs, qui ne signi-
fie sinon finance due au Roy par le roturier possedant heritage noble en
France, sans permission de sa Majesté, n'est due sinon pour la souffrance
de la possession & iouissance que le roturier a eu d'heritages nobles, con-
tre les statuts du Royaume. Et n'y a que le roturier possedant heritages
nobles qui soit cottisable au droit de francs-Fiefs, au moyen de ce qu'il
est incapable de posseder fiefs & heritages nobles en France, sans permis-
sion du Roy. Et la finance qui est due, à cause du droit de francs-Fiefs,
est taxee par Messieurs les Commissaires à ce deputez, au *pro rata* du temps
que le roturier a iouy d'heritages nobles, & au feur l'emplage: comme
nous monstrerons en la cinquiesme partie du present Traicté. *Huc perti-
nent qua tractat Bald. in l. si plures. versiculo fallit. in feudo franco. C. de condit.
insertam legat. quam fidei. & in praludys feudorum, versic. alia diuisio feudo-
rum, aliud francum, Aluarotus in titulo de Capitaneo, qui curiam vendidit.
versic. quero quid concessum est vassallo militi feudum liberum & francum. in
versib. feud. Budæus in l. Herennius, in verbo alaudium. ff. de cuiusio. & Glo-
sain proëmio Pragmatica sanctionis, in verbo francorum, versic. & est quod-
dam feudum francum.*

Nouveaux Acquests signifient tous heritages, tant feodaux, alaudiaux,
que roturiers, & tous droits immobiliers appartenans à gens de main-
morte non amortis par le Roy: lesquels mots seront incontinent
declarez.

4
Nouveaux
Acquests,
que signi-
fient.
Pourquoy
sont appel-
lez Nou-
veaux Ac-
quests.

Que signi-
fie estre sub-
jet au droit
de Nou-
veaux Ac-
quests.

5
Pourquoy le
droit de
Nouveaux
Acquests est
tel.

Et seront appelez Nouveaux Acquests, parce que les gens de main-
morte ordinairement & le plus souuent font amortir par le Roy les heri-
tages situez en France qui leur appartiennent, à cause de la fondation &
ancienne donation de leurs benefices, Monastres, Colleges, ou Hospi-
taux. Et ce que lesdits gens de main-morte ont acquis outre & depuis les
heritages qui leur ont esté anciennement amortis, pareillement ce que
depuis leur a esté donné, legué, & aumosné, soit heritage feodal, alaudial,
ou roturier, ou de droit immobilier, est appelé Nouvel Acquest. Et
pour raison de tels heritages & droits immobiliers ainsi acquis, donnez,
leguez, & aumosnez, non amortis par le Roy, les gens de main-morte
sont subiects au droit de Nouveaux Acquests. Qui est à dire, qu'ils sont
tenus payer au Roy certaine finance pour la tolerance de la possession &
iouissance qu'ils ont eu d'heritages situez en France, lesquels par ordon-
nances & anciens statuts du Royaume, il leur est prohibé de posseder: ne
les peuuent & ne doiuent tenir sans Amortissemens particuliers, conces-
sion, & permission du Roy.

Tellement que le droit de Nouveaux Acquests, qui ne signifie sinon
finance due au Roy par gens de main-morte, possedans heritages en
France, n'est due sinon par gens de main-morte, & non par autre, pour la
tolerance de la possession & iouissance qu'ils ont eu d'heritages, & droits

immobiliers situez en France contre les loix & statuts du Royaume ; & la finance deuë à cause du droict de Nouveaux Acquests est taxée par Messieurs les Commissaires à ce deputez pour le temps que les gens de main-morte ont iouy d'heritages situez en France , & au prorata de leur iouissance, comme il sera déclaré en la cinquiesme partie du preient Traicté.

Mais en cest endroit conuient noter, combien que selon la propre signification de ces mots Nouveaux Acquests, il semble que les gens de main-morte ne soient subiects au droict de Nouveaux Acquests, sinon pour les heritages qu'ils ont acquis en France, outre & depuis ceux qui leur appartiennent à cause de la fondation ou ancienne donation de leurs benefices, Monasteres, Colleges, ou Hospitaux : & non pour leurs premiers & anciens heritages : comme ces mots de Nouveaux Acquests presupposans autres heritages anciennement acquis, appartenans à gens de main-morte.

Ces mots, Nouveaux Acquests, que signifient proprement.

Neantmoins de toute antiquité a esté obserué en France, que si les gens de main-morte n'ont faict amortir par le Roy les heritages situez au Royaume, anciennement donnez, leguez & aumosnez pour la fondation ou donation de leurs benefices, Monasteres ou Colleges : ils sont subiects au droict de Nouveaux Acquests, tant pour les heritages à eux appartenans aux moyens de la fondation & ancienne donation de leurs Eglises, Colleges, ou Hospitaux, que pour ceux qu'ils ont acquis outre & depuis lesdits anciens heritages, & generalement pour tous les heritages & droicts immobiliers qui leur appartiennent en France non amortis particulièrement par le Roy. Bien est vray que les heritages donnez par les Roys de France aux Monasteres, Hospitaux, & autres Eglises de fondation ou donation Royale, sont ordinairement amortis par le tiltre de la fondation, ou donation, par ce moyen non subiects au droict de Nouveaux Acquests, comme nous déclarerons au 27. chapitre du present Traicté. Et conuient maintenir que tous les heritages & droicts immobiliers qui appartiennent à gens de main-morte, & ne sont amortis par le Roy, sont comprins sous ces mots de Nouveaux Acquests.

Nouveaux Acquests signifient tous heritages non amortis.

Les heritages donnez par les Roys de France, sont ordinairement amortis par le tiltre de don.

Et ont esté ainsi appelez au moyen de l'vsance & commune obseruance cy-dessus recitée : suiuant laquelle communément les noms sont imposez, & les choses denommees : comme le tout sera cy-apres amplement deduit, & qu'il est noté *per Ioannem Fabrum in l. quoties. versic. videtur. C. de rei vend. & per Masuerium in sua Praxi, titulo de prescript. §. item si Ecclesia.*

Aussi combien qu'à proprement parler, le droict des franc-Fiefs regarde seulement le roturier qui tient heritages nobles en France, contre les ordonnances & statuts du Royaume : & le droict de Nouveaux Acquests concerne les gens d'Eglise, & de main-morte, lesquels contre les mesmes Ordonnances possèdent en France heritages feodaux, alaudiaux, ou roturiers, non amortis par le Roy : Pareillement que ces mots de

Le droict de francs-Fiefs concerne le roturier ; & le droict de Nouveaux

*Acquests
regarde les
gens de
main mor-
te.*

*Les mots de
francs-Fiefs
& de Nou-
veaux Ac-
quests sont
quelques
fois confon-
dus, &
pourquoy.*

Nouveaux Acquests, soient plus amples & plus genereux que des mots de francs-Fiefs, comme le tout se peut cognoistre par ce qui a esté cy-dessus dit.

Toutesfois plusieurs ont estimé que l'vlsance de France a confondu ces mots de francs-Fiefs & Nouveaux Acquests : tout ainsi qu'elle a confondu les noms de tuteur & curateur ; & à Paris ces mots de lots & ventes, combien qu'il n'y ait que ventes. En sorte qu'indistinctement & confusement on a dict, que le roturier tenant fiefs, terres, & heritages nobles, estoit sujet au droict de frâcs-Fiefs & Nouveaux Acquests. Pareillement que les gens de main-morte possédans heritages feodaux, alaudiaux, ou roturiers, estoient sujets au mesme droict : à cause de la souffrance & tolerance de leur iouyssance & au feur d'icelle. Et que ces mots de francs-Fiefs & Nouveaux Acquests, ne signifient autre chose, sinon certain droict consistant en deniers, que les roturiers & gens de main-morte sont tenus payer au Roy, pour la tolerance de la possession & iouyssance qu'ils ont eu d'heritages qui leur appartiennent, ou ausquels ils ont droict, lesquels ne leur est loisible tenir sans permission, congé & licence du Roy. De la taxe & liquidation duquel droict, nous parlerons en la 5. partie du present Traicté.

*Pourquoy
les droicts
de francs-
Fiefs & de
Nouveaux
Acquests,
ont esté con-
fondus.*

Et ceste confusion & meslange laquelle se trouue en plusieurs Edicts & lettres patentes a procedé, au moyen de ce que le droict de francs-Fiefs leué sur le roturier, & le droict de Nouveaux Acquests leué sur les gens de main-morte, ont tousiours esté demandez en mesme temps, cueillis & leuez en vertu de mesmes lettres patentes, mesmes commissions, & par mesmes Commissaires. Aussi qu'il semble que ceste confusion est fondée sur quelque apparence de raison : d'autant qu'on peut dire que les gens de main-morte qui tiennent heritages feodaux & possessions nobles en France, sont subiects au droict de francs-Fiefs, tout ainsi que les roturiers : comme prohibez par les Ordonnances, de posséder Fiefs & heritages nobles au dedans du Royaume. Pareillement on peut soutenir que les roturiers qui ont acquis des Fiefs & heritages nobles, outre ceux desquels la propriété & iouyssance anciennement leur a esté permise par les Roys de France, sont subiects au droict de Nouveaux Acquests : tout ainsi que les gens de main-morte qui ont acquis heritages outre ceux contenus en leurs Amortissemens.

*Les droicts
de francs-
Fiefs, & de
Nouveaux
Acquests
sont diuers
& distincts.*

Neantmoins toutes les Ordonnances, memoires & instructions faites & dressées pour le faict des francs-Fiefs & Nouveaux Acquests, ont distingué le droict de franc-Fief, d'avec le droict de nouvel Acquest, & ont separément traitté du roturier tenant heritages nobles en France, & des gens de main-morte possédans heritages nobles, alaudiaux ou roturiers au Royaume. & separément déclaré la finance qu'ils estoient tenus payer au Roy, pour la souffrance de la possession & iouyssance des heritages qui leur appartenoient, à sçauoir le roturier, pour raison des heritages nobles qu'il possède : & les gens de main-morte pour tous les heritages & droicts immobiliers dont ils iouyssent, non amortis par le Roy.

Partant voulans éviter confusion, & du tout ensuiure les ordonnances, memoires, & instructions anciennement dressées pour le faict des francs-Fiefs & nouveaux Acquests: nous prendons le droict de francs-Fiefs pour le regard du roturier tenant heritages nobles: & le droict de nouveaux Acquests pour le regard des gens de main-morte, possédans heritages & droicts immobiliers en France, lesquels ne sont amortis par le Roy. Et declarerons particulièrement & separément ces deux droicts comme divers, distincts & separez.

Anoblissement signifie grace ou privilege impetré du Roy, par lequel la condition du roturier est changée, & luy est permis iouyr de pareils droicts, prerogatiues, & prééminences, dont iouissent les nobles de race. Ainsi qu'il sera amplement deduit en la seconde partie du present Traicté, & qu'il est déclaré *per Tiraquellum in libro de nobilitate, cap. 6.*

6
Anoblissement que signifie.

Amortissement est permission ou dispense octroyée par le Roy à gens de main-morte, de posséder heritages en France, sans qu'ils puissent estre contraincts en vuidier leurs mains: & ce nonobstant les statuts & ordonnances, par lesquelles il leur est prohibé tenir heritages au Royaume. En sorte que par le moyen des lettres d'Amortissement, les gens de main-morte sont dispensés & faicts capables de posséder heritages en France, soient feodaux, alaudiaux, ou roturiers, lesquels ils estoient incapables de tenir. Et ce mot d'amortir, ne signifie autre chose sinon permettre à gens de main-morte perpetuellement posséder heritages, sans qu'on les puisse contraindre les aliener & mettre hors de leurs mains. *Ita interpretatur Petrus Belluga in suo Speculo rubrica 14. §. videamus, col. 1. Amortisatio, inquit, est in manum mortuā translatio Principis iussu. Molinæus in dicto §. 41. col. 68. Guillelmus Benedicti in cap. Raynutius in verbis uxorem nomine Adclafiam. decis. 5. num. 32.* Comme nous declarerons en la quatriesme partie du present Traicté.

7
Amortissement que signifie.

Gens de main-morte sont appelez les gens d'Eglise, comme Archeuesques, Euesques, Abbez, Prieurs, Curcz, Chapellains, & toutes Communautéz, tant Ecclesiastiques que de gens laiz, comme Religieux, Abbé & Conuēt, Religieux, Prieur & Conuent, Doyen, Chanoines, & Chapitre, Vniuersitez, Colleges, Principal & Boursiers, habitans de villes, bourgs, ou villages, possédans heritages en commun: Preuost des Marchands, Escheuins, Maire & Escheuins, Capitoux, Consuls, Jurats, & autres Gouverneurs de villes, bourgs & bourgades, Gouverneurs d'Hospitaux, Hostels-Dieu, Maladeries, Leproseries, Aumosneries, Commanderies, Stipendies, Preuostez, Confrairies, Marguilliers de fabriques, Lumiriers, Communautéz de Marchands, & de mestiers de lèment approuuées. Lesquelles Communautéz & Colleges, ensemble les Eglises, Monasteres & Chapitres, d'autant que iamais ne meurent, & que les successeurs representent tousiours les predecesseurs, aussi que les heritages par eux possédez ne changent iamais de main, en sorte qu'en eux ne se trouue aucune mutation de personnes, sont appelez gens de main-morte. *Huiusmodi enim corpus numquam moritur nec mutatur, &c.*

8
Qui sont appelez gens de main-morte.

licet omnes personæ ex quibus constat, & constatur, moriantur & mutantur, semper idem corpus permanet. Et eadem legio habetur ex qua multi decesserunt, quorum in locum alij subiecti sunt. Et populus idem hoc tempore putatur, qui ab hinc centum annis fuerit, etsi ex illis nemo uiuit. Rebus etiam commutatis eadem res esse existimatur, auctore Aristotele lib. 2. Polit. c. 2. & Marco Tullio l. 1. Acad. quaest.

9 **Gens de main-morte sont improprement appelez.** Toutesfois il sembleroit que pour l'effect particulier de nouveaux Acquests & Amortissemens, cette donation de gens de main-morte deust estre prise per antiphrasim, siue contrariam locutionem. Et comme nous disons, *bellum*, quod minimè bellum sit; & *lucus*, quod minimè luceat: aussi on peut dire, *gentes manus mortuæ*, quod minimè moriantur. Tellement qu'il semble à proprement & vrayement parler, que les gens de la condition susdite ne mourans point, mais estans perpetuellement viuans, deuroient plustost estre appelez gens de main-viue, que de main-morte. A ce que dessus est conforme la loy *proponebatur. ff. de iudi. l. sicut. §. in decurionib. ff. quod cuiusque uniuers. l. inter stipulan. §. sacran ff. de verb. obl. c. gratiosè de rescr. in 6. C. quoniam Abbas. ext. de off. de leg. l. si grege. deleg. 1.*

10 **Quels sont les personnes & heritages main-mortables.** Il y a vne autre sorte de gens de main-morte, qu'on appelle main-mortables, ou bien gens de serue condition, ou bien serfs, qui sont liez du lien de seruitude enuers aucun Seigneur Ecclesiastique ou Seculier: lesquels combien qu'ils ne soient serfs de corps, comme estoient les serfs des Romains: d'autant que par la Coustume generale de France, tous hommes sont francs, & n'y a aucune personne serue & esclau de corps: toutesfois par actions & conuentions anciennement faictes avec eux, ou leurs predecesseurs, moyennant certains heritages qui leur ont esté baillez par les Seigneurs feodaux, ils se sont tellement assujettis & asseruis, ensemble leur posterité à naistre, qu'ils sont taillables par le Seigneur, à volonté raisonnable, vne fois l'an, ou bien deux ou trois fois l'an ont subiects à plusieurs coruées, ne peuuent vendre, aliener, ny hypotheker leurs heritages main-mortables, supposé qu'ils aillent demeurer hors du lieu de main-morte, ne peuuent prescrire franchise & liberté contre leur Seigneur, ny de serfs se faire libres par quelque temps qu'ils facēt demeurance, & residence hors du lieu de main-morte, & quelque part que ce soit, ains demeurent eux, & leur posterité à tousiours, poursuivables pour les tailles, & autres droicts, ensemble pour la main-morte, quelque part qu'ils s'absentent.

Et combien que pour la condition de main-morte, on considere ordinairement la condition du pere: Toutesfois en aucunes Coustumes, le mauuais emporte le bon: tellement que si le pere est serf, les enfans demeurent serfs, encore que la mere soit libre; & si la mere est de condition serue, & le pere soit libre, les enfans suiuront la condition de la mere, & seront de main-morte.

11 **Quels droits le seigneur a sur les personnes &** Aussi les gens de main-morte ne peuuent auoir d'heritiers, s'ils ne sont communs & demeurans avec eux: mesmes, selon quelques Coustumes, les enfans ne leur succedent point, s'ils sont hors de la maison & communion du pere. Pareillement ne peuuent par testament & ordonnance

de dernière volonté, ny par donation pour cause de mort, disposer de leurs biens, meubles & immeubles qui leur appartiennent, tant de propre que d'acquest, soit que leurs meubles ou heritages soient assis en Seigneurie main-mortable, ou en lieu franc & libre, que iusques à soixante sols tournois. Mais à tous lesdits biens, quelque part qu'ils soient situez & assis, le Seigneur main-mortable succede, & en est saisi & vestu. Et a droict de suite, non seulement pour vendiquer lesdits biens, pour raison d'eux: pour conclurre en cas de saisine & de nouuelleté, tant contre les parens & legataires du defunct, que contre le Seigneur haut-Iusticier, en la Iustice duquel les meubles & immeubles delaissez par le trespas du defunct sont situez & assis. Encores qu'on pretende que les Coustumes par lesquelles les droicts susdits sont introduits, comme des Duché & Comté de Bourgogne, Niuernois, la Marche, & autres, ne se doivent estendre hors leurs fins & territoires. Mais les droicts dessusdits dependent plus de la personnalité des pactions & conuentions faictes avec le defunct, ou ses predecesseurs, que de la disposition des Coustumes, partant y a lieu de suite. Bien est vray que si le defunct a laissé des heritages en plusieurs Seigneuries main-mortables, & en lieux francs & libres, chacun des Seigneuries main-mortables prendra ce qui est au dedans de sa Seigneurie main-mortable; & les meubles & immeubles qui sont en lieu franc & libre, appartiendront au Seigneur, en la Seigneurie main-mortable duquel le defunct estoit nay & originaire, le tout selon qu'il sera porté par les anciens tiltres, recognoissances, & Coustumes locales, lesquelles il faut entierement suivre, garder & obseruer. Et que le Seigneur main-mortable ait droict de suite, & de vendiquer tous les biens demeurez par le trespas de son homme main-mortable, encores qu'ils soient en lieu franc & libre, y en a deux Arrests recitez par Monsieur Choppin, en son Traicté *De Domanio Francia libro primo capit. duodecimoterrio de manumortua Ecclesiastica & profana & manumissionibus regis*, le premier donné contre les Religieux, Abbé, & Conuent de sainte Geneuiefue, au profit d'un Seigneur demeurant en Auvergne. Le second Arrest fut prononcé le troisieme Aoust, mil cinq cens cinquante-neuf, au profit de frere Hugues de Nagu, Cheualier de l'Ordre de Saint Iean de Hierusalem, Commandeur des Eschelles en Sauoye, contre quelques particuliers habitans de Lyon, qui se disoient parens & heritiers du defunct. Aussi depuis peu de temps le Bailly de Mascon, par sa sentence a adiugé au Prieur de Gigny, en la Franche-Comté de Bourgogne, tous les biens, tant meubles, qu'immeubles, estans en la ville & terroier de Tournus, demeurez par le trespas d'un nommé Muyard, lequel ledit Prieur pretendoit estre son homme main-mortable, yssu de pere de main-morte: & ce sans auoir esgard au testament du defunct decédé sans enfans. Encores que les legataires soustinssent que le defunct estoit nay en la ville d'Orgelet, audit Comté de Bourgogne, qui est lieu franc & libre, que sa mere estoit libre, & qu'il y auoit plus de trente ans qu'il estoit demeurant en la ville de Tournus, en laquelle il estoit decédé. Aussi que le defunct auoit obtenu

biens de ses gens main-mortables.

12
Le Seigneur a droict de suite sur les biens de ses gens main-mortables.

Deux Arrests de ce que dessus.

Sentence du Bailly de Mascon, pour raison de ce que dessus.

S

S

lettres de naturalité du Roy : lesquelles ledit Prieur disoit n'estre point considerables, attendu que par les traictez de paix, ceux de la Franche-Comté ne sont subiects au droit d'Aubeine, & peuuent succeder en France. Ioinct (comme dit est) que ledit Prieur, comme Seigneur main-mortable, maintenoit auoir droit de suite pour la main-morte: tout ainsi que par la disposition de droit civil, le maistre pouuoit poursuiure son serf, & les biens acquis par son serf, en quelque lieu que les biens fussent, l. ult. § serui ff. de publ. & vect.

13
Si le Roy
peut affran-
chir les gens
main-mor-
tables sans
le gré des
Seigneurs.

Touchant les gens de main-morte, il y a deux principaux doutes. Le premier est, de sçauoir si le Roy peut affranchir & faire libres les gens de main-morte, qui ne sont demeurans és fiefs qui luy appartiennent en pleine propriété, ains és fiefs & Seigneuries d'autres Seigneurs, mouuans immédiatement ou médiatement du Roy, & ce sans le veu, sceu, gré, & consentement des Seigneurs, desquels ils sont main-mortables. Tout ainsi que le Roy, sans le consentement des Seigneurs haut-Iusticiers & feodaux, peut naturaliser l'estranger, legitimer le bastard, & amortir les heritages appartenans à gens Ecclesiastiques, & à autres gens de main-morte. Et semble que le Roy a pareil droit d'affranchir, & faire de condition libre les serfs & gens de main-morte: comme il est porté par l'ordonnance, ou plustost v'sance des droits d'Aubeine & Bastardie, transcrite au 3. chap. du droit d'Aubeine: laquelle parle des gens de condition seruite, & des manumis, tout ainsi que des Aubeins & Bastards. Aussi que *regium munus est, & monarcha dignum seruos manumittere, seruitutis maculam delere, libertos natalibus restituere, non successibiles facere successibiles, incapaces reddere capaces, & intestabiles efficere testabiles*; comme il est contenu au 15. priuilege des Roys de France, recité par maistre Jean Ferraut, in suo tractatu priuilegiorum regni Franciæ. Ioinct qu'il est notoire que les Roys de France ont octroyé plusieurs lettres d'affranchissement & manumissions aux gens de main-morte, demeurans és terres & fiefs des Seigneurs de ce Royaume, lesquelles ont esté admises & receuës, tant és Cours de Parlement, que Chambre des Comptes. Les Seigneurs feodaux au contraire dient, que les droits qu'ils ont sur les gens de main-morte, soit de tailles, coruées, & autres, meismes de leur succeder en tous biens, meubles, & immeubles, à faute d'hoirs procrez de leurs corps, sont patrimoniaux, font partie de leurs fiefs, ausquels le Roy ne pouuoit & ne deuoit toucher, ny aucunement les diminuer, non plus qu'aux autres droits seigneuriaux & feodaux appartenans ausdits Seigneurs. Et que le Roy se deuoit contenter d'affranchir les serfs & gens de main-morte, qui estoient demeurans és fiefs, terres, & Seigneuries qui luy appartenoient en pleine propriété, non pas ceux qui estoient demeurans és terres & fiefs des autres Seigneurs, encores qu'ils fussent mouuans de sa Majesté: *Quia libertas data à non domino seruo alieno nulla erat: imo si à principe impetrata sit, subreptitia est, & qui impetravit mulctatur, l. fin. C. de his qui à non dom. man. pareillement libertus non potest natalibus restitui à principe nisi consentiente patrono: quia restitutio natalium tollit ius patronatus*, comme les lettres d'amortissement ostent & esteignent le droit de main-morte,

morte, l. 2. & l. ult. de nat. rest. Que le Roy Henry II. ayant donné ses lettres patentes, pour affranchir plusieurs gens de main-morte, estans au Duché de Bourgogne, non demeurans es fiefs du Roy, le Parlement de Dijon auoit refusé la verification d'icelles. Et le Roy Henry III. ayant octroyé pareilles lettres, pour les gens de main-morte, estans es Duché de Berry, Niuernois, & autres Prouinces de la Generalité de Languedoc, la verification desdites lettres auoit esté empeschée par le Seigneur Marechal de Daumont, & autres. Finalement le doute susdit a esté décidé par Arrest solennellement prononcé le premier Iuin 1571. donné entre Dame Anne de Bauldray, Dame de la Baronnie du Mont saint Vincent, au Comté de Charolois, & les Gens tenans les Comptes dudit pays, pour le Roy d'Espagne, Comte de Charolois, joincts avec elle d'une part, & plusieurs particuliers habitans dudit lieu defendeurs d'autre: Dont le faict estoit, qu'en l'an mil cinq cens cinquante quatre, pendant les guerres d'entre le Roy de France & d'Espagne, le Roy Henry II. Seigneur souverain de Charolois, par ses lettres patentes en forme d'Edict, ayant affranchy audit pays de Charolois toutes gens de main-morte, moyennant certaine finance qu'ils luy payerent: à l'exécution de ses lettres la demanderesse, & plusieurs autres Seigneurs se seroient opposez, pour la conseruation des droicts de main-morte qui leur appartenoint. Nonobstant laquelle opposition, les Commissaires deputez pour l'exécution desdites lettres auroient passé outre. Depuis en l'an 1563. Benoitte Lheury, femme de main-morte & subiecte de ladite Baronnie, estant decedée sans enfans, delaislé vn sien proche parent consanguin, aussi de condition de main-morte, lequel en vertu desdites lettres patentes se disoit affranchy & libre, & comme tel deuoit succeder à la defuncte: la demanderesse auroit formé complaincte par deuant le Bailly de Dijon, afin d'estre maintenüe & gardée en tous ses droicts, pour raison de ses hommes & subiects de condition de main-morte, disant outre les moyens cy-deuant deduits, que par le Traicté de paix faict en l'an mil cinq cens cinquante neuf entre les Roys de France & d'Espagne auoit esté accordé, que le Roy Catholique iouyroit du Comté de Charolois, avec tous ses droicts, comme auparauant la guerre, qu'en l'an mil cinq cens trois les predecesseurs du Roy Catholique vendirent à la demanderesse, ou à ceux desquels elle a cause, la Baronnie du Mont saint Vincent, avec tous ses droicts, appartenances & actions, mesmes des main-mortes, & ce sous faculté perpetuelle de rachapt. Et si le Roy Catholique la vouloit rembourser, & qu'elle ne luy peust restituer la terre, avec les mesmes droicts qu'elle l'auoit acquise, dont celui des mains-mortes estoit l'un des plus clairs & plus beaux, elle seroit tenuë de tous dommages & interests enuers luy. Les defendeurs apres auoir sommé Monsieur le Procureur General du Roy, pour moyens & defenses proposoient ce qui a esté cy-deuant deduit, qu'ils auoient payé finance au Roy, & que le Roy estant souverain du Comté de Charolois, y auoit peu faire loix, constitutions, & ordonnances concernans generalement l'estat de ses subiects: & que le Comte du pays n'y peut rien faire au preiudice du Roy,

Arrest decisif de la question cy-dessus proposée.

ny desmembrer aucune chose de son Comté, sans le consentement dudit Seigneur Roy : mesmement que l'alienation de la Baronnie du Mont sainct Vincent, faicte au profit de la demanderesse, ou de ceux desquels elle a le droict, fut faicte par l'Archiduc, du consentement exprés du Roy Louys XII. comme souuerain dudit Comté, lequel à cest effect octroya ses lettres patentes de ratification de ladite vendition. Par le moyen de laquelle souueraineté, recogneuë par ladite ratification, la demanderesse n'est receuable, ny en son opposition, ny en la complainte par elle formée. Car comme dit est, *Regium manus est, & monarcha dignum serues manumittere, quemadmodum & natalibus restituere*, suivant la l. fin. C. de his qui à non dom. & l. fin. de nat. rest. Le procez ayant esté renuoyé par le Roy en la Cour de Parlement de Paris : par Arrest a esté dit, que sans auoir esgard à l'opposition formée par la demanderesse, dès l'an 1555. les lettres patentes données en forme d'Edict, de l'affranchissement des main-mortes, sortiront leur plain & entier effect : en payant à la demanderesse, par le defendeur & confors affranchis ses subjects, son indemnité, pour la seurété de laquelle ladite Cour a déclaré & declare tous leurs biens affectez & hypothéquez. Tellement qu'un homme de main-morte peut estre affranchy par le Roy, en payant à son Seigneur main-mortable son droict d'indemnité : comme en matiere d'amortissement, les Ecclesiastiques sont tenus payer indemnité aux Seigneurs, és fiefs ou censives desquels les heritages par eux acquis sont situés : comme il sera dict és 53. & 54. chapitres du present Traicté.

14
Si les Seigneurs peuvent sans le consentement du Roy affranchir leurs gens main mortables.

Le second doute concernant les gens de main-morte est de sçauoir, si les Seigneurs feodaux peuuent de leur autorité priuée affranchir leurs serfs & gens de main-morte, leur remettre & quitter les droicts de tailles & coruées, & autres droicts qui leur appartiennent, mesme de leur succeder en tous biens, à faute d'heritiers capables de leurs successions, & ce sans le gré, vouloir & consentement du Roy. Ou bien si nonobstant les accords, pactions & conuentions de liberté, descharge & affranchissement, faicts entre les Seigneurs feodaux & les gens de main-morte, lesdits serfs & gens de main-morte demeurent serfs, & de condition serue enuers le Roy : en sorte que ledit Seigneur leur puisse demander droict d'affranchissement, ou bien d'indemnité, & à chacun d'eux paiement de certaine somme de deniers, pour le droict qu'il a sur eux & sur leurs biens : comme on a voulu faire par plusieurs fois. Les Seigneurs pour leurs moyens dient, qu'ils se peuuent iouer de leurs fiefs, & des droicts dependans d'iceux, iusques à demission de foy, sans que pour raison de ce leur Seigneur feodal & superieur puisse pretendre aucuns droicts. Que remettans les droicts de taille & de coruées, pareillement le droict de succeder, ils ne se démentent aucunement de la foy, ny du droict de vassalage qui leur appartient : car lesdits gens de main-morte demeurent tousiours leurs vassaux, & les heritages main-mortables demeurent tousiours en leurs fiefs, & ne sont point alienez ny mis hors d'iceluy. Que par plusieurs Coustumes l'homme de main-morte se peut affranchir, & exempter du droict de main-morte qu'on a sur luy & sur ses biens, en desad-

uoillant son Seigneur, & renonçant au profit dudit Seigneur aux meix, biens meubles & heritages qu'il a sous ledit Seigneur au lieu de main-morte. A ce que dessus on respond, que le vassal ne se peut iouër de son fief, le desmembrer, ny aucunement diminuer les droicts d'iceluy au prejudice de son Seigneur dominant. Tellement qu'ouverture aduenant du fief, le Seigneur feodal iouyra de tous les droicts dependans d'iceluy, non-obstant la diminution faicte d'iceux par le vassal. Partant le Seigneur feodal ne peut au prejudice du Roy, affranchir les gens de main-morte, ny aucunement remettre, quitter ou diminuer les droicts qu'il a sur eux, ou sur leurs biens. Que la Coustume du Duché de Bourgogne qui permet à l'homme de main-morte s'exempter du droict de main-mortable en faisant signifier à son Seigneur, qu'il le desaduoie, & renonçant au profit dudit Seigneur aux meubles, meix & heritages, qui luy appartiennent au lieu de main-morte, porte, que ledit homme de main-morte, qui se veut affranchir, est tenu aduoier homme franc du Duc de Bourgogne, qui est à present le Roy de France. Que par l'ordonnance ou v'sance concernant les droicts des Aubeins, Bastards, & gens de main-morte, cy-deuant alleguée, est porté en l'article sixiesme, que si aucuns de condition seruite, demeurans sous quelque Seigneurie, se sont affranchis de seruitude par quelque moyen que ce soit, sans special consentement du Roy, seront & demeureront à luy, en pareille condition, comme ils estoient enuers leur Seigneur. Aussi il est porté par vn article des instructions Royaux, sur le faict des fiefs, arriere-fiefs, & choses nobles acquises par non nobles, transcriptes à la fin du present Traicté, que si aucuns hommes de condition serue d'aucuns Seigneurs, Religieux nobles, ou autres se sont racheptez de leursdits Seigneurs, & non pas du Roy : tels hommes & femmes sont & demeurent enuers le Roy de telle condition, comme ils estoient enuers leur Seigneur, iusques à ce qu'ils se soient racheptez du Roy. Dauantage par vn ancien arrest, recité par monsieur le Maistre en son Traicté des Amortissemens, donné au Parlement de la feste des Roys, l'an 1277. contre l'Euesque & Chapitre de Chaalons en Champagne, est dit, *Quod Episcopus Catalaunensis manumittere non poterit seruientes suos, etiam si capitulum consentiat, sine voluntate domini Regis.* Outre on peut dire tout ainsi que le Roy est payé par les Ecclesiastiques, & autres gens de main-morte du droict d'Amortissement, encores que les Ecclesiastiques ayent cheuy & composé avec les Seigneurs feodaux ou censiers, pour n'estre contraincts vider leurs mains des heritages qu'ils ont acquis au dedans de leurs fiefs & censues : & ce au moyen de la perte & dommage, que le Roy souffre aduenant ouverture des fiefs au dedans desquels lesdits heritages sont situez : Aussi il est raisonnable, que ledit Seigneur soit payé du droict d'affranchissement, par gens main-mortables, qui ont cheuy & composé avec leurs Seigneurs main-mortables pour obtenir d'eux liberation & descharge des tailles, coruées & autres droits, qu'ils auoient sur leurs personnes & biens, au moyen de la perte & dōmage que le Roy souffre, lors qu'il aduient ouverture des fiefs au dedans desquels les gens de main-morte sont demeurans, & leurs biens situez & assis. Aussi

on peut dire, comme quand le Roy donne ses lettres d'affranchissement, les Seigneurs main-mortables sont payez de leur droit d'indemnité, suivant l'arrest cy-dessus recité, de mesme que le Roy doit estre payé de son droit d'affranchissement quand les Seigneurs main-mortables composent avec leurs gens de main-morte, les deschargent des droits & charges de seruitutes, & consentent qu'ils vivent comme francs & libres. Ioinct que plusieurs Seigneurs feodaux ayans cheuy & composé avec leurs gens de main-morte, ont faict confirmer par les Roys de France leurs accords & conuentions, & à ceste fin obtenu lettres patentes de leur Majesté. Ou bien les gens de main-morte apres auoir cheuy & composé avec leur Seigneur, ont obtenu lettres d'affranchissement du Roy contenant confirmation desdits accords & pactions¹, & ont faict verifier lesdites lettres en la Chambre des Comptes, ainsi qu'il est amplement deuict par Monsieur Choppin, au lieu cy-dessus cité col. 21. & *sequentibus*. Partant il semble qu'il est besoin aux gens de main-morte obtenir lettres d'affranchissement du Roy, contenant confirmation des pactions & accords qu'ils ont faicts avec leurs Seigneurs main-mortables, & que lesdites lettres doiuent estre verifiées, non seulement en la Chambre des Comptes, mais aussi en la Cour de Parlement: tout ainsi que les amortissemens y doiuent estre verifiez, comme il sera dict au 47. chapitre du present Traicté.

Resolution
de la que-
stion cy-des-
sus proposée.

Quelle finance peut estre deuë au Roy à cause du droit d'affranchissement, mesmes des serfs qui ne sont demeurans es fiefs du Roy & n'ont heritages main-mortables au dedans des fiefs dudit Seigneur, mais sont demeurans, & ont leurs biens & heritages au dedans des fiefs & seigneuries mouuantes du Roy immediatement ou mediatement, à deux, trois, ou quatre degrez, ie n'en veux aucunement parler, comme la taxe de ceste finance estant arbitraire. Mais ceste finance, comme celle des Amortissemens, francs-Fiefs, & Nouveaux Acquests, doit entrer es coffres du Roy, & estre conuertie, ou bien au rachapt de son Domaine, ou bien en l'acquit des debtes loyaument contractées par ses predecesseurs Roys de France. Non pas que les deniers payez à cause des Affranchissemens soient prodiguez, & donnez à quelques Seigneurs particuliers, comme il est porté par l'Arrest donné au profit de la Dame de la Baroñnie de S. Vincent, cy-deuant recité.

PAR LES ANCIENNES LOIX, STATVTS, ET
Ordonnances du Royaume, les roturiers ne doiuent tenir fiefs ny heritages nobles en France, & pourquoy.

- 1 Deux maximes pour auoir cognoissance du droit de francs-Fiefs.
- 2 Que signifie estre subiect au droit de francs-Fiefs.
- 3 Confirmation des deux maximes

susdites par diuerses ordonnances des Roys de France.

- 4 Arrests par lesquels les roturiers ne peuuent tenir fiefs en France.
- 5 De toute antiquité le droit de

- francs-Fiefs a esté leué en France.
6 Coustumes par lesquelles le Roturier
ne peut tenir fiefs.
7 Pourquoy le Roturier ne doit tenir

heritages nobles en France.
8 Pourquoy les fiefs sont appellez
francs.

CHAPITRE IV.



NOUS voyons ordinairement que ceux qui clairement veulent traicter quelques arts, disciplines ou sciences, & desirent en donner facile cognoissance, ont accoustumé au commencement de leurs œuvres proposer quelques maximes & reigles certaines, lesquelles il conuient tenir pour fermes & stables, sans qu'il soit loisible les reuouer en doute: & à telles maximes, comme à vn vray but ou puiot, toutes les reigles & preceptes de l'art se doiuent rapporter. Tellement que celui qui parfaictement entend ces maximes (qu'on appelle vulgairement axiomes ou principes) peut facilement paruenir à l'entiere cognoissance de l'art, discipline, ou science qui luy est proposée.

En toute science y a certaines maximes.

Pour donc auoir facile cognoissance du droict de francs-Fiefs, duquel nous deuons en premier lieu traicter, & clairement cognoistre quelles personnes sont subiectes à ce droict, & en quoy il cōsiste, il est besoin proposer deux maximes & reigles certaines: lesquelles comme vray fondement du droict de francs-Fiefs, nous deuons tenir fermes & stables.

La premiere est, que par les anciennes loix, ordonnances, & statuts du Royaume, de tout temps inuiolablement gardez en iceluy, il n'est licite aux roturiers & non nobles posséder en France fiefs, heritages nobles, ou droicts noblement tenus, sans permission du Roy.

1 Deux maximes pour cognoissance du droict de francs-Fiefs

La seconde est, que les roturiers & nō nobles possédans en France fiefs, heritages nobles, ou droicts noblement tenus sans permission du Roy, sont subiects au droict de francs-Fiefs, c'est à dire sont tenus payer finance au Roy lors qu'on leue le droict de frācs-Fiefs, pour la tolerance de la possession & iouyssance qu'ils ont eu d'heritages nobles situez en France, contre les loix & statuts du Royaume, au prorata & au feur de leur iouyssance: comme il sera cy-apres amplement déclaré.

2 Que signifie estre subiect au droict de francs-Fiefs.

Ces deux maximes se iustificient par plusieurs ordonnances & lettres patentes decernées par les Roys de France, ensemble par plusieurs arrestz estant és registres de la Cour de Parlement, & Chambre des Comptes: aucunes desquelles ordonnances & lettres patentes sont recitées és instructions anciennement drellées pour le faict des francs-Fiefs & Nouveaux Acquests, transcrites à la fin du present Traicté.

3 Confirmation des deux maximes cy dessus recitées.

Mesmes ce que dessus se verifie par deux anciennes ordonnances, l'une faicte par le Roy Philippes troisieme fils de S. Louys, sur la finance des Nouveaux Acquests faicts par gens d'Eglise, & gens non nobles, verifiée au Parlement de Toussaincts, l'an 1275. & se commençant, *Ecclesiarum utilitati & subiectorum quieti providere volentes*. Et l'autre de mesme fin, faicte par Philippes le Bel, verifiée au Parlement de Noël, l'an

Ordonnances des Roys Philippes troisieme & quatrieme.

1291. & se commence, *pro Ecclesiarum utilitate.*

Lettres pa-
tentes du
Roy Charles
le Bel.

Et à ce sont conformes les lettres patentes du Roy Charles le Bel de l'an 1325. par lesquelles il manda à chacun Bailly, faire crier publiquement & solennellement par sa Baillie, que les acquisitions faictes par les gens d'Eglise, & personnes non nobles, en fiefs & arriere-fiefs sans l'assentement du Roy, & sans financer, fussent saisies & mises à la main dudit seigneur.

Ordonnan-
ce du Roy
Charles le
Quint.

Parcillement le Roy Charles le Quint le 15. Nouembre mil trois cens soixante-dix, fit vne ordonnance sur le faict des acquests faicts par gens d'Eglise & personnes non nobles, contenant entre autres choses ces mots, *Item pro redditibus & possessionibus quos & quas gentes Ecclesiastica & ignobiles adquisierunt &c.* Laquelle ordonnance contenuë es instructions susdites, sera transcrite à la fin du present discours.

Commis-
sions decer-
nées du
temps de
Charles si-
xiesme pour
le faict des
francs-Fiefs

Lettres pa-
tentes du
Roy Charles
sepsiesme.

Aussi du temps du Roy Charles VI. en l'an mil trois cens quatre-vingts & huit, furent ordonnez en chacune Preuosté du Royaume, deux Commissaires sur le faict des acquisitions faictes par les gens d'Eglise, & personnes non nobles, avec les Receueurs des lieux, & depuis par lettres du huietiesme Iuillet mil trois cens quatre-vingts quatorze, ce qui auoit esté faict par lesdits Commissaires pour le regard des acquisitions faictes par personnes non nobles fut confirmé: & ce qui auoit esté faict pour le regard des gens d'Eglise fut cassé. Et par les lettres patentes données par le Roy Charles VII. à Chaalons, le 12. d'Aoust, mil quatre cens quarante-cinq, contenant le pouuoir de Messieurs les Thresoriers de France: au 30. article est porté, Que lesdits seigneurs Thresoriers peuuent contraindre toutes gens non nobles, ou non viuans noblement, estans & demeurans au Royaume, & non ayans suffisante prouision du Roy, à vuidier & mettre hors de leurs mains, tous fiefs nobles qu'ils auront eu par succession, acquest, ou autrement, ou de leur en faire souffrir, & laisser iouyr, en payant au Roy finance pour vne fois, & ainsi que lesdits seigneurs Thresoriers aduiseront.

Lettres pa-
tentes du
Roy Louys
vnziesme.

Semblablement le Roy Louys vnziesme octroya ses lettres patentes en forme d'amortissement general pour tout le pays de Normandie, quant aux francs-Fiefs & Nouveaux Acquests, faicts tant par gens de main-morte que de tous fiefs nobles acquis par gens roturiers: lesquelles lettres furent verifiées en la Cour de Parlement, & registrées es registres des ordonnances dudit Roy Louys vnziesme, fueillet deux cens vingt-six, registre premier.

Lettres pa-
tentes des
Rois Fran-
çois I. Hen-
ry II. &
Charles IX.
sur le faict
des francs-
Fiefs &
Nouveaux
Acquests.

Dauantage qu'il soit defendu aux roturiers tenir heritages feodaux, est porté par les lettres patentes decernées par le Roy François premier du nō, sur le faict des Armortissemens, en datte du sixiesme Septembre, mil cinq cens vingt. Et plus expressement par les lettres patentes octroyées par le Roy Henry II. portans mandement & inionction à toutes personnes Ecclesiastiques, & gens de main-morte, non nobles & roturiers, de faire declaration des francs-Fiefs, & Nouveaux Acquests, en datte du 7. Ianuier 1547. Ensemble par les lettres patentes du Roy Charles IX. sur le faict des francs-Fiefs & Nouveaux Acquests, du 5. Septembre mil cinq cens soixante & vnze, lesquelles seront cy apres transcrites.

Outre, que les roturiers ne puissent posséder Fiefs en France sans permission du Roy, est montré par vn ancien arrest estant *inter iudicia, consilia, & arresta expedita in Parlamento beati Martini, anno domini millesimo ducentesimo octuagesimo secundo*, cōmençant par ces mots, *Cūm dominus rex in verbis super alienatis in manū mortuam, vel villenagiū, mouentibus de feudis & retrofeudis ipsius, nec non & de alaudijs regni sui, &c. Et in verbis exigere vel leuare volunt ab illis villanis quibus, &c.* Et cest arrest est recité per Ioannem Galliés Arrests notables par luy redigez, & est inutile, *Pagani vetiti feuda quarere, possunt partem feudi in reditum accipere.* Aussi cest arrest est contenu és décisions notables de Monsieur le Maistre, Traicté premier, chapitre 5.

4
Arrest par lequel les roturiers ne peuvent tenir fiefs en France.

Pareillement se trouue en l'ancien registre de la Cour, vn arrest du Parlement de Chandeleur, de l'an 1265. par lequel a esté ordonné qu'un noble n'estoit tenu faire foy & hommage du fief qui d'ancienneté luy appartenoit, à vn roturier, lequel depuis peu de temps auoit acquis le fief dominant: comme le roturier estant incapable de tenir fief en France sans permission du Roy.

De faict on n'a iamais leué en France les deniers de francs-Fiefs & Nouveaux Acquests, que les roturiers & non nobles n'ayent esté taxez, pour la tolerance des heritages nobles par eux possédez. Et au liure des memo-
riaux de la Chambre des Comptes cotte A fucillet 24. sont enregistrées certaines instructions sur le faict des fiefs, arriere-fiefs, & choses nobles, acquises par non nobles & non anoblis, contenans les taxes & somme de deniers qu'on doit leuer sur les roturiers tenans fiefs & heritages nobles dedans le Royaume. Desquelles taxes sera parlé en la 5. partie du present Traicté, tellement qu'en France le droit de francs-Fiefs n'a iamais esté reuoqué en doute, comme droit domanial & patrimonial de la Couronne. Et en tous anoblissemens on a anciennement mis, & encores à present met-on, que les nobles, leurs femmes, enfans & successeurs pourront tenir, acquérir & posséder toutes manieres de fiefs, arriere-fiefs, & heritages nobles, tout ainsi que s'ils estoient nais & extraicts de noble lignée.

5
De toute antiquité le droit de francs Fiefs a esté leué en France.

Aussi par plusieurs Coustumes locales de ce Royaume, comme de Meaux, article cent quarante-quatre, il est porté, que nul ne peut tenir fief s'il n'est noble: & s'il en acquiert, le seigneur le peut contraindre en vuidér ses mains dedans an & iour, si ce n'est qu'il en eust financé au Roy. Autant est porté par le cent trente-septiesme article de la Coustume du Comté d'Artois, les appellations duquel anciennement ressortissoient en la Cour de Parlement de Paris.

6
Coustumes par lesquelles le roturier ne peut tenir fiefs.

Et le semblable est obserué au Duché de Bretagne: de faict en l'assemblée des Estats de ce Duché a esté plusieurs fois itatué & ordonné, que nuls roturiers ne autres qui ne seroient extraicts de noble generation en droicte ligne, & viuans noblement, ne pourront acquérir heritages ou fief noble, sur peine de la perdre, & appliquer le prix au Duc, avec autres peines y declarées. Comme il est contenu és responses faictes par le Procureur du Roy en la Cōmission des francs-Fiefs & Nouveaux Acquests, aux articles enuoyez au Conseil Priué du Roy par les Estats de Bretagne,

En Bretagne le roturier ne peut tenir fief.

du temps du Roy Henry II. Lesquelles responses ay fait transcrire à la fin du present Traicté, d'autant que par la lecture d'icelles on pourra aucunement cognoistre en quoy consiste le droict de francs-Fiefs, & qu'il est domanial aux Roys de France. Le pareil est gardé au Duché de Bourgogne, comme recite *Chassaneus*, és Coustumes dudit Duché, *in titulo*, des successions des Bastards, §. 5. col. 97.

7
Pourquoy
le roturier
ne doit tenir
heritages
nobles en
France.

La raison de ce que dessus semble deuoir estre prise de ce qui a esté succinctement dict au 2. chap. du present Traicté. A sçauoir que les fiefs & heritages nobles anciennement ont esté baillez par les premiers Roys de France, aux personnes faisant profession des armes, lesquels ont acquis le tiltre & qualité de Noblesse par leur vertu & proüesse, ayant exposé leurs vies, corps & biens, pour la tuition, defense & conseruation du Royaume & des habitans d'iceluy. Non pas qu'il n'y ait autres nobles en France que ceux qui suiuent les armes, & sont dediez au faict des guerres. Car il y a plusieurs Ecclesiastiques, plusieurs Iusticiers, Financiers, & autres, qui sont nobles de race, aussi qui ont acquis le tiltre de Noblesse par les degrez & moyens d'honneur & de vertu. Mais la verité est que les fiefs & heritages nobles, ont esté anciennement donnez aux nobles, & non aux roturiers: lesquels ne faisant aucune profession des armes, ne leur estoit permis posseder fiefs ny heritages nobles.

8
Pourquoy
les fiefs sont
appelez
francs.

Pour ceste cause tous fiefs & heritages nobles ont esté appelez francs, parce que par les loix, ordonnances & statuts du Royaume, ils ne peuvent & ne doiuent estre tenus sinon par hommes francs, c'est à dire nobles de race ou anoblis par le Roy, francs, libres & exempts de payer tailles, aydes, subsides & autres charges, ausquelles les roturiers & non nobles sont subiects, contribuables & cottisables, comme il a esté dict au 3. chap.

Que superius dicta sunt, tractantur à Baldo & Aluaroto in §. ex eadem lege, de leg. Coradi in vsibus feud. Bartolo in Li. de dignit. C. l. 12. Petro Iacobo de actio in rem pro re feudali col. 2. Guid. Pap. decisione 415. Panormitano in secunda parte consiliorum consil. 3. col. 12. Tiraquello in libro de nobilitate capite septimo col. 14. 15. & 16. Molinaeo in proemio consuetudinum Parisiensium, & Rebuffo in constitutionibus Regys.

Pourquoy le droict de francs-Fiefs a esté receu en France: en quoy il consiste, & qu'il appartient au Roy seul.

CHAPITRE V.



Premiere
raison pour
laquelle le
droict de

AR les deux maximes recitées au chapitre precedent, il est facile à iuger que le droict de francs-Fiefs a esté introduict en France, pour deux raisons principales.

La premiere est l'incapacité des roturiers, & contrauention par eux faictes aux loix, statuts & ordonnances du Royaume, contre la prohibition desquelles s'estant ingerez d'acquerir & posseder heritages nobles en France: on a trouué

raison.

raisonnable qu'ils fussent tenus payer au Roy certaine finance, pour auoir par sa Majesté souffert & toleré que lesdits roturiers iouyssent d'heritages nobles en France, contre les statuts & ordonnances du Royaume. Et la finance ainli payée par les roturiers a esté appelée droict de francs-Fiefs.

francs Fiefs a esté intro- duit en France.

La seconde raison pour laquelle le droict de francs-Fiefs a esté receu en France, semble estre pour recompenser le Roy de la perte & dommage que sa Majesté souffre quand aucuns heritages nobles sont tenus par roturiers, par lesquels le Roy n'est secouru au faict des guerres & expeditions militaires qu'il luy conuient soustenir pour la defenſe du Royaume, comme il est secouru par les Gentils-hommes & personnes nobles demeurans en France, lesquels sont tenus suiure nos Roys és armées qu'ils mettent sus pour la tution du Royaume, & conseruation des habitans d'iceluy: comme il a esté dict au 2. chap. de ce Traicté.

Seconde raison.

Et la finance que les propriétaires des heritages feodaux payent pour le ban & arriere-ban, n'apporte tel profit & commodité au Roy que feroit la presence desdits propriétaires, si au moyen des fiefs par eux detenus ils estoient contraincts aller en personne aux guerres & expeditions militaires. Aussi pour heritages alaudiaux, encores qu'ils soient nobles, on ne paye aucun droict de ban & arriere-ban: parce que les propriétaires d'iceux sont exempts d'hommage, de deuoir, & de tous seruices, comme il a esté dict au 2. chap. Neantmoins le roturier tenant heritage alaudial noble est tenu payer le droict de francs-Fiefs, comme nous monstrerons au prochain chapitre.

Dauantage par les deux maximes recitées au chapitre precedent, il appert que l'effect & profit du droict de francs-Fiefs ne consiste, sinon en la perception de certaine finance laquelle le roturier est tenu payer au Roy lors qu'on leue le droict de francs-Fiefs pour la tolerance de la possession & iouyssance qu'il a eu des fiefs, heritages nobles, ou droicts noblement tenus situez en France: contre les loix & statuts du Royaume, au feur & *pro rata* de sa iouyssance. Et n'y a que le roturier possédant fiefs, heritages nobles, ou droicts noblement tenus, qui soit subiect au droict de francs-Fiefs, comme nous declarerons amplement en la cinquiesme partie du present discours. En laquelle particulierement traicterons des declarations qui se doiuent bailler par les roturiers tenans heritages nobles, lors qu'on leue le droict de francs-Fiefs: & comme Messieurs les Commissaires doiuent proceder à la taxe de la finance pour ce regard deuë au Roy.

Le droict de francs Fiefs ne consiste qu'en la perception de certaine finance deuë par le roturier tenant fief.

Ce qui a esté cy-dessus deduit estant veritable, mesmes que le droict de francs-Fiefs a esté receu en France: au moyen de l'incapacité du roturier, lequel par les loix & statuts du Royaume ne peut posseder fiefs, heritages nobles, ou droicts noblement tenus sans permission du Roy: il est facile à iuger que le droict de francs-Fiefs appartient au Roy seul, priuatiue-ment à tous les Ducs, Marquis, Comtes, Barons, haut-Iusticiers, & autres seigneurs feodaux, ou censiers du Royaume. D'autant que le Roy seul, peut dispenser le roturier, & le rendre capable de posseder heritages

Le droict de francs Fiefs appartient au Roy seul.

Raison de ce que dessus.

nobles en France: comme estant permis à la seule Majesté octroyer au roturier lettres d'anoblissement, tout ainsi qu'aux gens de main-morte lettres d'amortissement, aux estrangers lettres de naturalité, & aux Bastards lettres de legitimacion. De faict le droict de francs-Fiefs a tousiours esté estimé regal, honorifique, annexé à la Couronne, & dependant de la souveraineté qui appartient au Roy seul en son Royaume: comme nous auons monsté au 24. chap. du droict d'Aubeine, & neufiesme chapitre du droict de Bastardise, par nous n'aguères mis en lumiere, & quatorziesme chapitre du present Traicté, à la lecture desquels est besoin auoir recours.

Le droict de francs-Fiefs est domanial.

Aussi par ce que dessus on peut cognoistre que le droict de francs-Fiefs est domanial, comme deu au Roy à cause des heritages nobles, & feodaux situez en France: tous lesquels sont tenus de la Majesté en fiefs, ou arriere-fiefs, ou bien en franc-aleu, & dependant de la Couronne & domaine, comme nous declarerons au 26. chap. du present Traicté.

TOVS ROTURIERS SONT SVBIECTS AUX droicts de francs-Fiefs, tant pour leurs heritages feodaux, & droicts noblement tenus, que pour les heritages tenus en franc-aleu noble qui leur appartiennent.

- | | |
|--|---|
| 1 Les roturiers seuls sont subiects au droict de francs-Fiefs. | droict de franc-Fiefs, & non l'anobly estranger. |
| 2 Pour offices fiefz faut faire foy & hommage. | 8 Qu'il y a deux sortes de franc-aleu. |
| 3 Les offices fiefz se peuuent exercer par Commis. | 9 Le propriétaire du franc-aleu noble est subiect au droict de francs-Fiefs. |
| 4 Ce que les roturiers doiuent bailler par declaration. | 10 Sçavoir si le propriétaire du franc-aleu roturier est subiect au droict de francs-Fiefs. |
| 5 Si les heritages baillez à cens & rente sont subiects au droict de francs-Fiefs. | 11 Anciennement n'y auoit qu'une sorte de franc-aleu en la Coustume de Paris. |
| 6 Distinction entre un bail à cens & rente infeodée, ou non infeodée. | 12 Celuy qui tient en franc-aleu n'est subiect au ban & arriere-ban. |
| 7 Le roturier estranger est subiect au | |

CHAPITRE VI.

Les roturiers seuls sont subiects au droict de francs-Fiefs pour les heritages no-



AR la lecture des deux chapitres precedens on peut cognoistre qu'il n'y a que les roturiers & non nobles qui sont subiects au droict de franc-Fiefs: non pas pour tous les heritages & droicts immobiliers qu'ils detiennent, mais pour les fiefs & autres heritages nobles qu'ils possèdent, ensemble pour les droicts noblement tenus qui leur appartiennent. Soit que les heritages & droicts par eux possédez soient

immédiatement mouuans du Roy, ou d'autres Seigneurs, comme droicts de Iustice, Censue, Peage, Barrage, Mesurage, Minage, Forage, Bourdelage, Champart, Tabellionnage, Seel aux contrats, Rentes feodales, Dismes infeodées, Offices fieffez & hereditaires, comme Sergenteries, Maireries, Tailleurs d'aucune des Monnoyes du Royaume de France, & autres offices fieffez; pour raison desquels il est besoin faire foy & hommage au Roy, comme tenus en fief de sa Majesté. Et quand le cas y eschet, luy payer profit, soit de relief, rachapt, quint denier, chambellage, & autres droicts & profits portez par les Coustumes, tout ainsi que des autres fiefs immédiatement mouuans de la Couronne de France. Et ordinairement il est permis exercer tels offices fieffez & hereditaires par commis, duquel on est responsable, & preste serment à Iustice. Ainsi qu'il fut ordonné pour le Tailleur fieffé de la Monnoye de Poictiers, par iugement de Messieurs des Monnoyes, du 14. Aoust, mil cinq cens cinquante-cinq.

bles, & droicts noblement tenus qu'ils possident.

2 Pour offices fieffez faire foy & hommage.

3 Les offices fieffez s'exercent par commis.

Partant quand on leue le droict de francs-Fiefs, & que les roturiers tenans fiefs sont contraincts, suiuant les lettres patentes du Roy, bailler declarations, ils ne doivent mettre & coucher en leurs declarations, si non les fiefs, heritages nobles, & droicts noblement tenus, desquels ils sont Seigneurs & propriétaires. Non pas les heritages roturiers, rentes constituées, & autres immeubles qui leur appartiennent, combien que les gens de main-morte soient tenus bailler declaration entiere de tous les heritages, tant feodaux, alaudiaux, & roturiers, que autres droicts immobiliers qu'ils possèdent, à quelque tiltre que ce soit, & de quelque qualité qu'ils soient, comme le tout sera amplement déclaré en la cinquiesme partie du present Traicté.

4 Ce que les roturiers doivent bailler par declaration.

Et en cest endroict on a demandé, si vn roturier tenant fief mouuant du Roy, ou d'autre Seigneur feodal, baille cinquante arpens de terre, ou autre heritage, soit maison, vigne, ou pré dependans de son fief, moyennant quatre deniers de cens, & cinq sols de rente chacun an pour arpent, ou à autre charge & redeuance annuelle roturiere, & non feodale: si les heritages ainsi baillez sont subiects au droict de francs-Fiefs, & si le bailleur sera tenu garentir le preneur de la finance, à laquelle lesdits heritages auront esté taxez. Aucuns ont distingué & dict, que si le bail à cens & rente a esté infeodé par le Seigneur dominant, que les heritages ne sont point subiects au droict de franc-Fief, parce qu'ils ne sont plus feodaux, ains censuels & roturiers. De faict pour iceux on ne faict foy ny hommage, & n'y a que le droict de cens & rente qui demeure feodal, duquel on porte la foy, lequel on baille par adueu & denombrement, & lequel comme feodal est subiect au droict de francs-Fiefs, estant detenu par vn roturier, ou bien appartenant à vn roturier: comme il sera dict au chapitre suiuant: mais si le bail à cens & à rente n'est point infeodé par le Seigneur dominant, d'autant que lors les heritages demeurent feodaux, pour le regard du bailleur, qui est tenu en porter foy & hommage, & aduenant mutation de personne, sont deubs droicts feodaux. Aussi que le Seigneur dominant peut exploicter lesdits heritages, comme tenus de

5 Si les heritages baillez à cens & rente sont subiects au droict de francs-Fiefs

6 Distinction entre vn bail à cens & rente infeodé, ou non infeodé.

luy en fief, foy & hommage. En ce cas aucuns estiment les heritages ainsi baillez à cens & rente estre subiects au droit de francs-Fiefs: & que le bailleur est tenu acquiter & garantir le preneur desdits heritages de la taxe & cottization, qui sera faicte par Messieurs les Commissaires, ayans esgard au reuenue desdits heritages, non pas à la censive & rente, à la charge desquelles les heritages ont esté baillez.

*Decision de
la question
dessus pro-
posée.*

Toutesfois qui voudra exactement discuter la source, origine, & vraye cause du droit de francs-Fiefs, il pourra iustement soutenir, que la distinction susdite n'est aucunement considerable, & qu'en l'un ny en l'autre des deux cas n'est deu droit de francs-Fiefs, sinon pour le regard du cens, qui est feodal, & non pour le regard des heritages baillez à cens & rente, qui sont roturiers. Car cōme il a esté cy-dessus remonstré, le droit de francs-Fiefs n'a rien de commun avec les droits feodaux de quint & requint, reliefs, rachapts, & autres; ny avec le droit de ban & arriere-ban: & tous les droits desdits sont payez au Roy, s'il est Seigneur feodal, aussi bien par le roturier, que par le noble, & au payement desdits droits le noble n'est point d'avantage privilégié que le roturier. Aussi le droit de francs-Fiefs n'est pas deu au Roy comme Seigneur feodal, car il ne le pretendroit sinon sur les fiefs qui sont immediatement mouuans de luy. Mais le droit de francs-Fiefs luy est deu, à cause de sa Majesté Royale, pour le regard de ce qui est noblement & feodalement tenu & possédé par le roturier. Ou pour plus clairement parler, de ce dont le roturier iouyt, & qu'il tient & possède à tiltre noble & feodal. Et en cest endroit faut prendre la tenuë, possession, & iouissance, pour la perception des fruits, profits, & émolumens. Or au cas susdit le preneur d'heritages à cens & rente, soit que le bail soit infeodé, ou non, ne possède, & ne iouyt des heritages par luy pris à cens & rente, à tiltre noble & feodal, ains à tiltre censuel & roturier, aussi le bailleur, apres le bail par luy faict à cens & rente non infeodé de partie des heritages dependans de son fief, ne iouyt noblement & feodalement, que de la censive qui luy est deuë à cause desdits heritages, & à cause d'iceux heritages ne prend autre fruit, profit, & émolument, que la censive, & rente, avec les droits de lots, ventes, saisines & amende, quand le cas y eschet. Partant on ne peut taxer au droit de francs-Fiefs, sinon le bailleur, à cause du droit de cens qu'il a sur les heritages par luy baillez, eu esgard au profit qu'il peut auoir à cause dudit cens: non pas taxer le preneur desdits heritages, ny auoir esgard à la valeur des fruits & reuenus annuels d'iceux heritages.

*Extension
de ce que
d. ssus.*

Et ce que dessus a lieu, encores que pour heritages baillez à cens & rente soit deu relief: c'est à dire, que les heritiers du preneur apres son deceds, soient tenus releuer lesdits heritages du Seigneur censier, & luy payer en l'année du deceds double censive, comme en aucunes Coustumes de Picardie; car ce droit de relief n'est pas rachapt, & ne faict pas l'heritage feodal estant baillé à tiltre de cens: ains tel heritage est vulgairement appellé Cottier.

Et ne peut servir de dire, tout ainsi que le vassal ne peut faire bail à cens

& à rente, au preiudice de son Seigneur feodal : aussi que le roturier ou bien le noble qui tient fiefs en France, ne peut au preiudice du droict des francs-Fiefs appartenans au Roy, bailler son heritage à cens & rente, & de feodal le faire censuel & roturier. Car à cest objet on ne doit auoir aucun esgard, d'autant que celuy qui tient en fief, baillant à cens & rente partie des heritages dependans de son fief, & les faisant roturiers, il ne faict sinon ce que la Coustume luy permet de faire. Et l'argument du droict feodal au droict des francs-Fiefs n'est valable, comme estans droicts diuers, distincts, & separez : en sorte qu'on ne peut inferer de l'un à l'autre.

Response à
une obis-
tion.

Ioinct que si on auoit esgard à cest object, il faut payer droict de francs-Fiefs pour tous les heritages censuels & roturiers estans au Royaume de France. Parce que tous les heritages de leur commencement, source, & origine, estoient feodaux, & on n'eust peu créer droict de cens sur iceux, s'ils n'eussent esté feodaux. Car comme nous auons monsté au 2. chap. du present Traicté, il n'y a que le Seigneur feodal, direct & foncier, qui puisse bailler heritages à cens, portant directe Seigneurie, & profit de lots, ventes, saisines & amendes. En sorte que pour créer censives, ou bien pour auoir droict de cens, tel que dessus, est besoin que l'heritage ait esté baillé par un Seigneur de fief, lequel de son domaine muable en ait faict un immuable, & que l'heritage baillé à censive ait esté noble & feodal, pour le regard du bailleur, & faict roturier pour le regard du preneur. Partant on tient pour certain, que le droict de cens est noble, seigneurial & feodal, pour le regard de celuy auquel il est deu, & l'heritage, à cause duquel le cens est deu, est roturier. Consequemment le detemp-
teur & proprietaire dudit heritage n'est point subiet au droict de francs-Fiefs, mais le bailleur d'iceluy, ou bien son successeur, s'il est roturier, est subiet au droict de francs-Fiefs pour le regard du droict de cens, duquel il iouyt, & faudra le taxer, en esgard au reuenu & profit dudit cens, non pas auoir esgard au reuenu des heritages baillez à cens & rente infeodez, ou non infeodez.

Et ce que dessus se doit entendre non seulement du roturier ou du noble regnicole, c'est à dire de celuy qui est natif en France, & demeurant en France : mais aussi du roturier ou du noble estrange, qui est natif hors du Royaume de France, terres & Seigneuries estans hors l'obeyssance du Roy, soit qu'il demeure en France, ou hors du Royaume. Car encores que l'estrange soit subiet au droict d'Aubeine, toutesfois s'il est noble, ou ait esté deuëment anobly par son Seigneur souuerain, il n'est point subiet au droict de francs-Fiefs, pour les heritages nobles qui luy appartiennent en France, non plus que le regnicole. D'autant que la noblesse regarde la personne, & *persona adhaeret*. Mais si l'estrange est roturier, soit qu'il demeure en France ou hors de France, il est contribuable au droict de francs-Fiefs, pour les heritages feodaux qu'il possede en France, tout ainsi que le naturel François : autrement il seroit de meilleure condition que le regnicole.

7
Le roturier
estrange est
subiet au
droict de
francs-fiefs,
& non l'a-
nobly estran-
ger.

En cest endroict plusieurs ont douté, & a-on demandé, si le roturier regnicole ou estrange est subiet au droict de francs-Fiefs, non seule-

ment pour les heritages feodaux qu'il possede en France, mais aussi pour les heritages qui sont tenus en franc-aleu, lesquels luy appartiennent.

8
Qu'il y a
deux sortes
de francs-
aleux.

9
Le proprie-
taire du
franc-aleu
noble est
subiect au
droict de
francs-fiefs.

Les herita-
ges doiuent
estre posse-
dez par per-
sonnes ca-
pables.

Par les or-
donnances
les roturiers
ne peuvent
tenir herita-
ges nobles.

Le franc-aleu
est estimé
plus noble
que le fief.

En quoy il conuient entendre qu'il y a deux sortes de francs-aleux distingués par la Coustume de la ville, Preuosté, & Vicomté de Paris: l'un appelé noble, l'autre appelé roturier, ainsi qu'auons dit au 2. chapitre.

Quant au franc-aleu noble, auquel y a Iustice, censue, ou fief mouuant de luy, combien que le propriétaire d'iceluy ne soit tenu de foy, d'hommage, de seruice, ny d'aucuns droicts Seigneuriaux à quelque personne que ce soit: Toutesfois il semble que le roturier auquel appartient heritages tenus en franc-aleu noble, est subiect au droict de francs-Fiefs: Parce qu'il iouyt d'heritages portés qualité de noble, & de droicts feodaux, dépendans des heritages alaudiaux par luy possédez, lesquels par les loix & statuts de France le roturier est incapable de posseder. Et ceste incapacité pour raison de laquelle est deu le droict de francs-Fiefs, est pure personnelle, & regarde la persōne qui possede heritages, le cōmerce desquels lui est interdit: non pas qu'on considere l'immunité & franchise des heritages possédez.

Car quand on parle de la possession de quelques heritages, on entend qu'ils soient possédez par personnes capables qui en puissent estre vrais Seigneurs & propriétaires. Et s'ils sont possédez par personnes incapables, on les peut contraindre à en delaisier la possession, & à payer finance pour la iouissance qu'ils ont eu de tels heritages contre la prohibition de la loy. Laquelle finance est appelée en France droict de francs-Fiefs, quand les roturiers sont possesseurs d'heritages nobles, comme nous auons déclaré au troisieme chapitre. Pour confirmation de ce que dessus, on peut alleguer la loy, *multum interest. ff. de verbo. obligat. la loy mortuo. §. Labeo. ff. de legat. 2. le paragraphe idem iuris est. versic. cuius commercium. Institut. de inutil. stipul.*

Aussi par les anciennes ordonnances, lettres patentes & instructions anciennement dressées sur le faict des francs-Fiefs, nouveaux Acquests, & acquisitions faictes par non nobles; mesmes par les ordonnances des Roys Philippes fils de S. Louys, & de Philippes le Bel, recitées au 4. chapitre; il est expressément porté, que si gens de main-morte, ou non nobles, acquierent és Fiefs, arriere-Fiefs, ou és aleux du Roy, ils sont subiects aux droicts de francs-Fiefs & nouveaux acquests. Et encores est dict, que si vn noble marie sa fille à vn non noble, & luy donne en mariage Fiefs & aleux, ledit non noble apres ce qu'il aura tenu lesdits Fiefs par an & iour, sera tenu payer finance.

Dauantage par plusieurs Coustumes, cōme de Meaux, & autres, il est dit que le detenteur d'un heritage tenu en franc-aleu, le peut eriger en fief, ce qui ne luy seroit loisible, si le tiltre de franc-aleu n'estoit estimé plus grand & plus excellēt, quoy que ce soit plus libre que le tiltre de fief. Lequel pour le regard du vassal emporte seruitute: *res enim feudalis dicitur quandam seruitutem debere, ut notat glossa in lege si ususfructus, in verbo oportere. ff. de usus. notat Bald. in c. 1. circa ultimam columnam de contro. inuestit. in usib. feud. Et in §. inter filiam si de feudo defun. conten. sit inter do. Et ag. in usib. feud. Glos. in l. penult. C. de ingenuis manu. Ioannes Ferraut in tractatu privilegio-*

rum regni Francia, privilegio primo. Et pour ceste cause en France les heritages sont presumez roturiers & censuels, tellement que celuy qui pretend les heritages estre feodaux, soit vn fils aîné, pour en iceux auoir son droict d'aînesse, ou autre; doit verifier que les heritages contentieux sont tenus en foy & hommage, & mouuans de quelque fief, faire apparoir des receptions en foy, adueus & denombrements, & faire interuenir le Seigneur feodal: autrement ils seront partagez roturierement & esgalement, aussi en France le particulier habitant est presumé roturier & non noble, comme il a esté dit au second chapitre.

Si le franc-aleu est réputé plus noble que le fief, le roturier étant incapable du fief, & par le moyen de son incapacité contribuable au droict de francs-Fiefs, il semble qu'à plus forte raison le roturier est incapable du franc-aleu & par le moyen de son incapacité subiect au droict de francs-Fiefs.

Quant à l'heritage tenu en franc-aleu roturier, auquel n'y a Iustice haute, moyenne, ny basse, & duquel n'y a aucun fief mouuant, ny heritage tenu en censue de luy; y a plus de doute qu'au franc-aleu noble. Combien que le detenteur du franc-aleu roturier ne doïue cens, rentes, lots, ventes, vest, deuelt, ny autres redeuances: neantmoins il maintient ne tenir aucun heritage noble ne feodal, ains heritage roturier selon sa qualité, partant n'estre subiect au droict de francs-Fiefs. Ce qui a grande apparence.

Toutesfois au contraire on peut dire, qu'à la verité il n'y a qu'une espece de franc-aleu, lequel en France signifie liberté, franchise, immunité & exemption de toute subiection feodale, censuelle, & autre, emporte marque de quelque excellence & Seigneurie, comme il a esté amplement deduit au second chapitre.

De faict anciennement és ville, Preuosté, & Vicomté de Paris, tout heritage tenu en franc-aleu estoit noble, & se partageoit comme fief noble. Mais en l'an mil cinq cens & dix, lors que la Coustume de Paris fut premierement redigée par escrire, on remonstra, qu'il y auoit plusieurs maisons & heritages qui n'estoient chargez de foy, d'hommage, ny de censue, qu'on disoit estre tenus en franc-aleu, desquels n'estoient dependans ne mouuans aucuns fiefs, ny aucuns heritages tenus en censue, aussi en iceux n'y auoit Iustice haute, moyenne ny basse. Et pouuoit estre qu'un pere de famille ayant plusieurs enfans pour tous biens, ne laisseroit qu'une maison tenuë en franc-aleu, laquelle selon la Coustume deuroit toute appartenir au fils aîné, & les autres seroient sans heredité & legitime portion. A ceste cause lors fut faicte distinction du franc-aleu noble, & du franc-aleu roturier, & au lieu que l'ancienne Coustume qui portoit en termes generaux; Que franc-aleu se partissoit comme fief noble; fut aduisé & arresté, que franc-aleu, auquel y a Iustice, censue, ou fiefs mouuans de luy, se partiroit, comme fief noble; & où il n'y a Fief, mouuans, Iustice ou censue, se partiroit roturierement.

Tellement qu'aucuns soustiennent que ceste distinction de franc-

io
Sçauoir si le
proprietaire
du franc-
aleu roturier
est subiect
au droict de
francs-fiefs.
Raisons par
lesquelles il
semble que le
franc-aleu
roturier est
subiect au
droict de
francs fiefs.
Ancienne-
ment n'y
auoit qu'une
sorte de
franc-aleu
en la Cou-
stume de
Paris.

*Illation de
ce que des-
sus.*

aleu, noble, & roturier, n'a pas esté introduicte pour diminuer la liberté, auctorité, franchise, & immunité de l'heritage tenu en franc-aleu roturier : ny pour exempter le propriétaire d'iceluy du droict de francs-Fiefs, en ce faisant diminuer les droicts du Roy. Mais a esté introduicte pour le faict de partages, & en faueur des enfans puisnez : à ce qu'ils ne fussent priuez de tout droict successif, mesmes du droict de legitime, ainsi qu'on peut cognoistre par la lecture du procez verbal de l'ancienne Coustume de Paris, sur le 46. article d'icelle, & par le 68. article de la nouvelle Coustume.

*Autrerai-
son par li-
quelle il sē-
ble que le
franc-aleu
roturier est
subiect au
droict de
francs-fiefs.*

Aussi on peut dire que les ordonnances, lettres patentes, & instructions cy-dessus recitées, portent en termes generaux, Que les nō nobles qui ont acquis és fiefs, arriere-fiefs, ou aleux du Roy, sont tenus payer finance à sa Majesté : sans que l'ordonnance ait distingué le franc-aleu noble, du franc-aleu roturier. Partant que ne devons vsfer d'aucune distinction, comme tout heritage tenu en franc-aleu, estant censé noble & noblement tenu, au moyen de sa franchise, immunité & liberté, ce qui a grande apparence.

*Celuy qui
tient en franc
aleu, n'est
subiect au
ban & ar-
riere ban :
neantmoins
est subiect
au droict de
francs fiefs.*

Et combien que plusieurs maintiennent que le propriétaire d'heritage tenu en franc-aleu, noble ou roturier, n'est subiect au droict de ban & arriere-ban, comme est celuy qui tient fief : au moyen de ce que le propriétaire du franc-aleu est franc, libre & exempt de tout seruice. Toutesfois il ne peut pas sous ombre de ce, s'exempter du droict de frācs-Fiefs; comme ces deux droicts estans diuers, distincts, separez, & deubs pour diuerfes causes. Ce droict de ban & arriere-ban est réel, regarde l'heritage feodal anciennement baillé par les Roys de France, à la charge de les secourir au faict de leurs guerres : tellemēt que le propriétaire de l'heritage feodal soit noble ou roturier, est subiect au droict de ban & arriere-ban. Mais le droict de francs-Fiefs est proprement personnel, regarde la personne de celuy qui detient vn heritage, lequel il est incapable de posséder, & le cōmerce duquel luy est interdict par les loix & statuts du Royaume, en sorte qu'au moyen de l'incapacité de sa personne, il est subiet au droict de francs-Fiefs. Comme il est porté au 96. article de la Coustume d'Arthois.

Or nous auons cy-dessus monstré qu'un heritage tenu en franc-aleu est noble, & que les roturiers par les loix & ordonnances de France, ne peuuent & ne doiuent tenir heritages nobles au Royaume. Partant si les roturiers possèdent heritages tenus en franc-aleu, ils sont subiects au droict de francs-Fiefs, au moyen de l'incapacité de leurs personnes : tout ainsi que le roturier tenant fief. Et ce pour mesme & semblable raison, laquelle milite au roturier tenant fief, & au roturier tenant en franc-aleu, qui est l'incapacité de sa personne. Voyez les omissions à la fin de ce liure.

*Illation de
ce que des-
sus.*

Supradicta latissimè tractantur à Budæo in l. Herennius. ff. de euiet. Carolo Molinæo in consuetudinibus Parisiensibus, §. 46. Chassanæo in consuetudinibus Burgundia, in titulo des Iustices & droicts d'icelles, §. 8. in Glossa, le Seigneur de la haute Iustice.

LES ROTURIERS SONT CONTRIBVABLES
au droict de francs-Fiefs, pour les rentes nobles & feudales qui leur appartiennent, lesquelles sont de trois especes: Avec l'interpretation de ces mots, Fiefs, Aumosnes, rentes à heritage, gages d'Officiers, & charges ordinaires.

- 1 Les roturiers ne sont sujets au droict de francs-Fiefs pour les rentes constituées sur heritages nobles.
- 2 Le Seigneur feodal pendant sa saisie n'est tenu payer les rentes constituées par son vassal.
- 3 Pour rentes constituées ne sont deubs lots ny ventes.
- 4 Rentes constituées moyennant deniers, sont rachetables à tousiours.
- 5 Rente fonciere assignée sur maison de la ville & fauxbourg de Paris estant vendue, peut estre rachetée pour le prix de la vendition.
- 6 Les rentes constituées en grain moyennant deniers, sont reduites au denier douze.
- 7 Le roturier possédant rente noble, est subiect au droict de francs-Fiefs.
- 8 Trois sortes de rente noble.
- 9 Le bail à cens & rente faict par le vassal estant infeodé, comme il prejudicie au seigneur feodal.
- 10 Si le bail faict à cens & rente n'est infeodé, la rente n'est feudale.
- 11 Pour le rachapt de rentes foncières sont deues ventes au seigneur cōsier.
- 12 Quand l'heritage est vendu à la charge de rentes rachetables, sont deubs lots & ventes, pour le sort principal desdites rentes.
- 13 Il ne peut avoir qu'une rente fonciere roturiere non rachetable sur les maisons de Paris.
- 14 Quand pour les rentes foncières sont deubs lots & ventes.
- 15 Quand le fief est baillé à cens & rente, encores que le bail ne soit infeodé, la rente est partagée noblement.
- 16 Quand le fief est baillé à rente sans censive, mais avec retention de foy, ladite rente ne laisse d'estre noble & feudale pour le regard du bailleur.
- 17 Le droict de Champart n'est seigneurial en la Coustume de Paris.
- 18 Seconde espece de rentes nobles & feudales.
- 19 Quand le Seigneur dominant ioury de l'arriere fief de son vassal, ce qu'il doit prendre.
- 20 Quand le fief est baillé à rente simplement, sans retention de foy ou de censive, la rente n'est feudale.
- 21 Troisième espece de rentes nobles.
- 22 Pour soulte de partage ne sont deubs lots ny ventes.
- 23 Pour licitation faicte entre coheritiers ne sont deubs lots ny ventes.
- 24 Secus si la licitation est faicte entre communs, non coheritiers.
- 25 Quelle rente est vrayement noble & feudale.
- 26 Quand un bail à cens & rente est censé raisiblement infeodé.
- 27 Quelles rentes sont estimées nobles & seigneuriales en Poictou, Anjou, & lieux ad acens.
- 28 Le decret ne tollit point la rente noble & seigneuriale.
- 29 La rente noble & seigneuriale ne se prescript point.
- 30 Interpretation de ces mots, fiefs, aumosnes, rentes à heritage, gages d'Officiers, & charges ordinaires.

CHAPITRE VII.

¹
Les roturiers
ne sont sub-
jets au droict
de francs-
Fiefs, pour
les rentes cō-
stituéés sur
heritages
nobles.
Raison de ce
que dessus.



STANT licite aux non nobles tenir tous heritages & droicts immobiliers, roturiers, & n'estans contribuables au droict de francs-Fiefs, sinon pour la tolerance de la iouissance des heritages nobles, & droicts noblement tenus, qu'ils possèdent en France, comme il a esté dit au chapitre precedent; il est sans doute que les roturiers & non nobles ne sont subiets ne cōtribuables au droict de francs-Fiefs, pour les rentes constituées moyennant deniers comptans qui leur appartiennent: encores qu'elles soient spécialement constituées & assignées sur heritages nobles, feodaux, & alaudiaux, ou sur droicts noblement tenus.

²
Le seigneur
feodal pen-
dant sa saisie
n'est tenu
payer les ren-
tes consti-
tuées par son
vassal.

D'autant que la constitution & assignation de rente, n'emporte aucun alienation de propriété ou seigneurie de l'heritage noble, sur lequel elle est spécialement constituée, ny du fonds dudit heritage, ains simple hypothèque & engagement. Et sous ombre de ceste assignation, la rente n'est pas noble & feodale. De faict elle ne preiudicie aucunement au seigneur feodal, lequel ayant saisi ou faict saisir & mettre en sa main le fief tenu & mouuant de luy, par faute d'homme, droicts & deuoirs non faicts, pendant le temps de la main-mise, & qu'il le tient en sa main, n'est tenu payer & acquitter les rentes constituées sur iceluy par son vassal: suiuant le 28. art. de la nouuelle Coustume de Paris. Aussi pour la constitution, vendition, cession, transport, ou rachapt de telles rentes, ne sont deubs aucuns droicts de lots & ventes, ny autres profits seigneuriaux: encores que lesdites rentes soient spécialement constituées & assignées sur certain heritage ou heritages assis es Ville, Preuosté, & Vicomté de Paris, tant feodaux que roturiers. Comme il a esté iugé par Arrest de la Cour de Parlement, donné sur la reformation des 58. 59. 60. & 61. articles de l'ancienne Coustume de la Preuosté & Vicomté de Paris, en datte du dixiesme Mars, 1557. & qu'il est porté par le 87. art. de la nouuelle Coustume de Paris. Auparauant lequel Arrest, l'acheteur de rente spécialement constituée sur heritages assis en la Coustume de Paris, payoit lots & ventes, pour l'achapt de ladite rente: dont il auoit accoustumé prendre lettres d'indemnité du vendeur d'icelle. Aussi celuy qui auoit constitué ladite rente, quand il la rachepoit, il payoit les lots & ventes du rachapt d'icelle, au seigneur censier de l'heritage, sur lequel la rente estoit assignée: le tout suiuant les quatre articles de l'ancienne Coustume de Paris cy-dessus cottez.

⁴
Rentés con-
stituées
moyennant
deniers sont
rachepables
à tousiours.

Et conuient entendre, que toutes rentes constituées moyennant deniers, assignée sur heritages alaudiaux, feodaux, ou roturiers, sont rachepables à tousiours, en payant le prix porté par le contract de constitution d'icelles: encores qu'elles eussent esté constituées au denier vingt, ou à plus haut prix, & qu'il y eust cent ans & plus, que le contract de constitution eust esté passé: que lesdites rentes eussent changé de main, & que par le contract de constitution il n'eust point esté conuenu, ny stipulé

qu'elles feroient racheptables: comme il a esté iugé par arrest solennellement prononcé le vingt-neufiesme Mars mil cinq cens cinquante deux pour le seigneur de la Trimouille, contre les Chanoines de Sens. Ainsi est porté par le 129. article de la nouvelle Coustume de Paris. Et le semblable est obserué pour le regard du prix du rachapt d'une rente leguée par testament, quand le prix du rachapt de ladite rente est porté par le testament. Lequel prix, encores qu'il soit au denier quarante, il conuient entierement payer, nonobstant les ordonnances cy deuant faictes pour le rachapt des rentes assignées sur les maisons assises en la ville & faux-bourgs de Paris, & autres villes closes en ce Royaume. Comme il a esté iugé pour les Marguilliers de l'œuvre & fabrique de saint Seuerin, par arrest donné en plaidoyrie, le vingt-vniesme Iuliet, mil cinq cens cinquante huit. Le pareil est gardé, quand vne rente fonciere est racheptable, moyennant certaine somme de deniers, encores qu'elle excède le denier vingt. Car il est besoin entierement payer la somme promise pour le rachapt d'icelle, nonobstant les ordonnances susdites. Ce qui est vray, encores que ladite rente racheptable ait changé de main par vendition, donation, legs testamentaire, ou autrement: & qu'elle soit assignée sur heritage assis aux champs, ou sur maison assise en la ville ou faux-bourgs de Paris, ou en autre ville close.

Si les rentes leguées ou foncières sont racheptables, le prix entier doit estre payé.

Si la rente fonciere deuë a cause de bail d'heritage, ou la rente créée par don, legs testamentaire, ou autrement n'est point racheptable, & soit assignée sur vne maison assise en la ville, ou faux-bourgs de Paris, & ceste rente ait esté vendue, en sorte que par vendition elle ait changé de main: le propriétaire de la maison, à cause de laquelle la rente est deuë, la pourra rachepter, en payant le prix porté par la vendition: encores que ladite rente soit la premiere apres le cens & fonds de terre. Et ce en faueur de la liberté des maisons de la ville & faux-bourgs de Paris: aussi que l'acheteur est sans perte & domage. Si la rente fonciere, ou la rente créée par donation, legs testamentaire, ou autrement assignée sur maison de la ville de Paris ou faux-bourgs d'icelle non racheptable, a changé de main par donation, permutation, legs testamentaire, ou autrement: on estimera le rachapt de ladite rente, encores que ce soit la premiere apres le cens & fonds de terre, au denier vingt. Et le propriétaire de ladite rente sera tenu la delaisser par rachapt, au propriétaire de la maison, en luy payant le rachapt au prix susdit. Ainsi a esté iugé par arrest donné en plaidoyrie, contre les Marguilliers de sainte Opportune, le douziesme Mars 1571. En ce faisant n'est obserué le seiziesme article de l'ordonnance faicte par le Roy Charles septiesme sur le rachapt des rentes de la ville & faux-bourgs de Paris: par lequel on pretend que toutes rentes soient foncières de bail d'heritage, ou créées par donation, legs testamentaire, ou autrement assignées sur maisons de la ville & faux-bourgs de Paris, sont racheptables au denier douze, quand elles ont changé de main. Comme ladite ordonnance n'ayant eu lieu, sinon pendant que les maisons de Paris estoient desertes, en ruine & decadence, ou bien parce que ledit article d'ordonnance doit estre entendu de forte monnoye lors

Rente fonciere assignee sur maison de la ville & fauxbourgs de Paris estant vendue, peut estre racheptée pour le prix de la vendition.

courant. Ce qui est le plus receuable & veritable, afin de conseruer le priuilege octroyé par ladite ordonnance. En ce faisant la forte monnoye est estimée au denier vingt : comme Monsieur le Maistre l'a déclaré en son Traicté des criées, chapitre 28. & du Moulin en l'ancienne Coustume de Paris, article 58. num. 65. & 66.

6
Les rentes
constituées
en grain
moyennant
deniers sont
reduictes au
denier dou-
ze.

Dauantage supposé que la rente constituée moyennant deniers comptans, soit payable en grain ou en autre espee de fruiçts, perceptibles chacun an sur certain fief ou sur vn heritage alaudial : Toutesfois pour raison de ceste rente, le roturier n'est contribuable au droict de francs-Fiefs : parce qu'elle n'est noble, seigneuriale ny feodale, ains simple rente volante, laquelle ne preiudicie aucunement au seigneur dominant du fief, sur lequel elle est perceptible, comme il a esté dict cy-dessus. Aussi qu'elle doit estre reduite à prix d'argent, à la raison du denier douze, quelque temps qu'il y ait qu'elle ait esté constituée : Et les arrerages, tant deus qu'à echeoir, payez en deniers, suivant l'Ordonnance du Roy Charles neufiesme, de l'an mil cinq cens soixante cinq, & arrests de la Cour interuenus sur icelle. Aussi de telle rente on ne peut demander que cinq années d'arrerages, à compter du iour de la demande faicte en iugement : non plus que des autres rentes constituées, payables en deniers, suivant l'ordonnance du Roy Louys XII. article 71.

7
Le roturier
possédant
rente noble
est subiect au
droict de
frācs-Fiefs.

Mais si le roturier possède rente noble & feodale, soit par le moyen de l'acquisition par luy faicte d'un noble, ou bien qu'elle luy soit aduenue par succession, substitution, donation ou autrement : il est contribuable pour raison de ceste rente, au droict de francs Fiefs. Car ladite rente tient lieu d'heritage noble & feodal, & le propriétaire d'icelle est tenu en faire foy & hommage : & en cas de vendition ou autre alienation contrainct payer droict de quint, de relief, & autres droicts portez par les Coustumes. Comme il sera cy apres amplement déclaré.

8
Trois sortes
de rentes no-
bles.

Et semble que pour l'effect particulier du droict de francs-Fiefs duquel nous traictons, il y a trois sortes de rentes qu'on doit estimer & appeller nobles, seigneuriales & feodales pour raison desquelles le roturier est contribuable au droict de francs-Fiefs.

Premiere es-
pee de ren-
tes nobles.

La premiere est quand vn seigneur de fief baille entierement les terres dependantes de son fief, comme il estoit permis par l'ancienne Coustume de Paris : ou bien les deux tiers d'icelles, comme il est permis par la nouvelle Coustume : ou moindre portion desdites terres, à cens & à rente, comme à douze deniers parisis de cens, & cent sols parisis de rente, ou à douze deniers parisis de cens, & six septiers de bled froment de rente, payable chacun an au iour S. Remy en son Hostel seigneurial : ou bien à moindre ou plus grande charge. Et apres le seigneur de fief faict infeoder le bail par luy faict, c'est à dire le faict approuuer & auoir agreable à son seigneur dominant.

9
Le bail à
cens & ren-
te faict par
le vassal

Ceste rente est vrayement noble & feodale, tient lieu d'heritage noble & feodal, & preiudicie tellement au seigneur feodal, qu'aduenant ouerture du fief seruant, & qu'il l'exploicte en pure perte des fruiçts pour le regard de son vassal, il ne pourra iouyr des terres ainsi baillées à cēs & rente,

encores qu'elles soient dependantes de son fief : mais seulement iouyra de la censue & de la rente. Et le vassal mettra en son adueu & denombrement la censue & la rente portées par son bail, avec la declaration des terres subiettes à icelle, & les noms des debtors desdits cens & rentes, de-
estant infeodé comme il preiudicie au Seigneur feodal.
 tenteurs & propriétaires desdites terres : en ce faisant le vassal faict foy & hommage des cens & rentes, à la charge desquelles il a baillé partie des terres de son fief. Et s'il aduient que le vassal vende, ou autrement aliene ceste censue & ceste rente sans retention de foy, l'acquireur d'icelle sera tenu en faire foy & hommage au Seigneur dominant, & luy payer les droicts & deuoirs feodaux deubs à cause de son acquisition : si le Seigneur dominant ne veut retenir leldits cens & rente par puissance de fief, ce qu'il pourra faire. Aussi si l'acquireur est roturier, il sera subiet au droict de francs-Fiefs, tant pour raison du droict de censue, que de la rente qui est noble & feodale.

Le semblable sera obserué, encores que le vassal ait seulement vendu la rente ainsi infeodée que dit est, & ait retenu le droict de censue : Car pour raison de ceste rente vendüe sans retention de foy, l'acquireur sera tenu faire & porter la foy au Seigneur dominant, & luy payer les droicts feodaux deubs à cause de son acquisition, suiuant le cinquante-vniésme article de la nouvelle Coustume de Paris. Tellement que le Seigneur dominant au lieu d'un vassal en aura deux. Et si l'acquireur est roturier, il sera contribuable au droict de francs-Fiefs, pour raison de ladite rente. Si le cens & la rente sont vèlus à celuy auquel le bail auoit esté faict de partie des terres du fief, ou bien la censue luy est vendüe, en ce cas le preneur sera tenu faire foy & hommage au Seigneur dominant du fief, des terres & heritages qui luy auoient esté baillez à cens & à rente, lesquels pour son regard ne sont plus roturiers ny censuels, parce qu'on ne peut deuoir censue à soy-mesme : ains sont feodaux, & ont repris leur premiere nature de feodalité : tout ainsi que si lors du bail ils eussent esté purement & simplement vendus, cedez & transportez sans la charge du cens, rente ne retention de foy. Ainsi que fit feu Mesmin Procureur en Parlement, l'arrest duquel sera cy apres datté. Et le semblable doit estre dit, si celuy qui a acquis du preneur, & qui est propriétaire de l'heritage baillé à cens acquiert la censue de son heritage. Car en ce cas la charge de censue estant ostée, l'heritage retourne en la premiere nature, & est faict feodal, comme il estoit auparauant le bail à cens : ainsi qu'amplement declarerons au 14. chapitre des droicts de Iustice.

Si le bail faict à cens & à rente par le Seigneur de son fief, n'est infeodé, consenty & approuué par le Seigneur dominant, la rente, encores qu'elle soit deuë à cause d'heritage noble, & payable à vn Seigneur de fief, en son hostel seigneurial, toutesfois elle n'est pas noble, seigneuriale, ne feodale, pour le regard du Seigneur dominant : ains simple rente fonciere. Et tel bail ne preiudicie aucunement au Seigneur dominant : lequel aduenant ouuerture du fief seruant, iouyra des heritages ainsi baillez à cens & à rente, non pas de la censue & rente seulement. Parce que le vassal ne peut desmembrer son fief, au preiudice & sans le

10
 Si le bail faict à cens & à rente n'est infeodé, la rente n'est feodale.

consentement de son Seigneur : comme il est porté par le 52. article de la nouvelle Coustume de Paris. Et l'ouverture de fief se prend de la personne du bailleur & de ses heritiers, non pas de la personne du preneur, ny de ses heritiers. Tellement que le bailleur est tenu couvrir le fief, & garantir le preneur. Ainsi qu'il est amplement déclaré en la Coustume d'Anjou, au titre de pié de fief. Et si le Seigneur de fief, auquel est deuë ceste rente non infeodée, la vend, baille par eschange, ou autrement l'aliene, l'acquerreur d'icelle ne sera tenu d'entrer en foy, ny payer aucuns droicts ou deuoirs au Seigneur du fief dominant. Et s'il est roturier, ne sera contribuable au droict de francs-Fiefs, pour raison de ceste rente, d'autant qu'elle n'est infeodée. Aussi ceste rente, qui est séparée d'avec la censue, avec laquelle par mesme contract elle auoit esté créée, & avec laquelle elle estoit vnüe, sera partagée roturierement entre les heritiers de l'acquerreur d'icelle : parce que lesdits heritiers ne sont tenus d'aucune foy, ny d'aucun hommage : encores que ladite rente eust esté partagée noblement entre les heritiers du bailleur du fief, comme il sera dit cy apres. Et pour la venditiõ de ceste rente ne serõt deus aucuns droicts ny deuoirs seigneuriaux, ou feodaux. Cõbien que pour la venditiõ ou delaisement pour rachapt de rentes foncieres, deuë à cause d'heritage censuel & roturier, baillé par celuy qui le tenoit à censue, soient deuës ventes au Seigneur censier, eu esgard au prix de la vente, ou rachapt d'icelles rentes : suivant le 87. art. de la nouvelle Coustume de Paris, laquelle parle du Seigneur censier, & non du Seigneur feodal, auquel, comme dit est, les baux faicts par son vassal de partie de son fief, à cens ou à rente ne preiudicient aucunement : comme les baux à rente preiudicient & apportent dommage au Seigneur censier & foncier, quand ils sont faits par le propriétaire de l'heritage tenu en censue, d'autant qu'en baillant par luy & alienant son heritage à la charge de rente fonciere, soit en deniers ou en grain, ne sont deus aucuns droicts au Seigneur censier. Et encores que l'acquerreur dudit heritage censuel le vède, à la charge de la rente fonciere créée & assignée sur iceluy, ne sont deus aucuns lots ny ventes, à cause de ladite rente fonciere, combien que l'heritage soit moins vendu à cause de ladite rente : mais seulement sont deus lots & ventes pour le denier desboursé. A ceste cause pour recompenser le Seigneur censier de la perte qu'il souffre, a esté aduisee, que quand les rentes foncieres non racheptables seroient vendues ou delaisées par rachapt, les ventes seroient deuës au Seigneur censier, eu esgard au prix de la vente ou rachapt d'icelles rentes : tout ainsi que si l'heritage censuel ou partie d'iceluy estoit vendu, comme il est porté par ledit 87. article de la nouvelle Coustume de Paris.

11
Pour le ra-
chap. de ré-
tes foncieres
sont deuës
ventes au
Seigneur
censier.

12
Quand l'he-
ritage est
vendu à la
charge de
rentes ra-
cheptables
sont deus
lots & ven-
tes pour le
sort principal
de la rente
rachep-
table.

Si la rente fonciere par le bail est racheptable, non seulement pour ledit bail à rente, mais toutes & quantes fois que l'heritage roturier sera vendu ou adiugé par decret à la charge de ladite rente fonciere rachep-
table, seront deus lots & ventes au Seigneur censier, tant pour les deniers desboursés, que pour le sort principal de la rente fonciere rachep-
table : comme de toutes autres rentes racheptables, à la charge desquelles se
feront aucunes venditiõs volontaires, ou adjudications par decret

d'heritage roturier, & ce deslors du contract passé. Et si l'heritage est feodal, sera deu le quint denier, tant du prix de la vendition ou adiudication par decret, que du sort principal des rentes racheptables, à la charge desquelles l'heritage feodal aura esté vendu, ou adiugé par decret: comme il a esté iugé par l'arrest du 10. May, 1557. cy dessus cité, & qu'il est porté par les 24. 78. & 83. art. de la nouvelle Coustume de Paris, *latè tractat Molinaus* en l'ancienne Coustume de Paris, art. 58.

Et conuient noter, combien que les rentes foncieres deuës de bail d'heritage, ou bien à cause d'heritage baillé à rente, ne soient de leur nature racheptables: toutesfois par le 121. art. de la nouvelle Coustume de Paris est porté, que les rentes de bail d'heritage deuës sur maisons assises en la ville & faux-bourgs de Paris, sont à tousiours racheptables, si elles ne sont les premieres apres le cens & fonds de terre.

En ce faisant, on ne peut auoir sur les maisons assises en la ville & faux-bourgs de Paris, qu'une rente fonciere roturiere de bail d'heritage, qui ne soit point racheptable, laquelle soit créée la premiere apres le cēs & fonds de terre. Et toutes les autres rentes, encores qu'elles soient deuës à cause de baux & delaillemens faicts desdites maisons, sont racheptables au denier vingt: & ledit rachapt ne se peut prescrire. Pareillement les legs pitoyables de rente en deniers, grains ou autres especes, assignées sur aucunes maisons de la ville de Paris & faux-bourgs d'icelle, sont racheptables au denier vingt, sans que ledit rachapt se puisse prescrire, ores qu'il fust dit par le testateur, non racheptables: ainsi qu'il est porté par le 122. article de ladite nouvelle Coustume de Paris. Tellement que si vn homme a achepté moyennant la somme de mil escus, vne maison assise en ceste ville de Paris, qui estoit chargée de quatre deniers parisis de cēs, & de deux sols parisis de fond de terre ou rente enuers le Roy par mesme contract, ou enuers autre Seigneur censier. Outre ladite maison seroit chargée de cent sols de rente, à cause du bail de ladite maison: & encores soit chargée de vingt liures de rente à cause d'autre bail & delaillement d'icelle: aussi ladite maison soit chargée de dix liures de rente leguée à vne Eglise, & encores d'autres rentes, toutes lesquelles l'achepteur ait promis payer, & eu acquiter le vèdeur: l'achepteur de ceste maison sera tenu payer au Roy Seigneur censier d'icelle, deslors & dès le temps de son contract, non seulement les lots & ventes des mil escus, moyennāt lesquels la vendition de ladite maison a esté faicte, mais aussi sera tenu, selon l'aduis de plusieurs, payer les lots & ventes du sort principal de toutes les rentes assignées sur ladite maison, lesquelles seront estimées au denier vingt, si le rachapt d'icelles n'est à plus haut, ou moindre prix, cōme sont les rentes constituées moyennant deniers: fors de la centiue & fonds de terre deubs au Roy, & de la premiere rente fonciere créée sur ladite maison, apres lesdits cens & fonds de terre, montant à cent sols tournois par an: cōme toutes les autres rentes estans racheptables au denier vingt, suiuant les deux art. de Coustume cy dessus citez. Et qui plus est s'aucun prend à cinquante liures de rente vne maison assise en ceste ville de Paris ou faux-bourgs d'icelle, laquelle soit chargée enuers le Roy, ou autre Seigneur censier, de quatre

13
Il ne peut
auoir qu'une
rente fon-
ciere rotu-
riere non ra-
cheptable
sur les mai-
sons de Pa-
ris.

14
Quand des
rentes fon-
cières sont
deubs lots
& ventes.

deniers parisis de cens, & deux sols parisis de surcens & fonds de terre, & outre soit chargée de dix liures de rente fonciere, enuers le premier bailleur de la maison : tel preneur sera tenu, selon l'aduis de plusieurs, payer au Roy deslors de son acquisition, lots & ventes du sort principal des dites cinquante liures de rente, à raison du denier vingt, encores qu'il ne soit point dict par le contract, que ladite rente sera racheptable, ains soit qualifiée rente fonciere, comme ladite rente, par ledit cent vingt-vniesme article de Coustume, estant racheptable, attendu qu'elle n'est la premiere apres le cens & fonds de terre : ainsi est obserué en la Chambre du Tresor. Toutesfois cela n'est sans doubte, & meriteroit estre décidé par arrest. Et faut noter, que ces mots de cens & fonds de terre ne peuuent estre attribuez qu'au seigneur censier, autrement appellé foncier, lequel a baillié son heritage ou à cens simplement, ou à cens & rente, qu'on appelle fonds de terre, conioinctement par mesme contract, comme nous auons déclaré au second chapitre du present Traicté.

Aussi plusieurs sont d'aduis, que les 121. & 122. articles de Coustume cy dessus recitez doiuent estre obseruez, tant pour le regard des rentes foncieres de bail d'heritage, ou de partage, qui equipole à bail d'heritage, que de toutes rentes deuës à cause de legs pitoyables, donations, ou autrement spécialement assignées sur maisons assises en la ville & faux-bourgs de Paris : encores que lescdites rentes ayent esté créées auparauant la redaction de la nouvelle Coustume de Paris, & que lescdites rentes soient amorties aux Ecclesiastiques, & contenuës es Amortissemens par eux obtenus des Roys François premier, & Henry deuxiesme : principalement quand lescdites rentes ont changé de main : comme il est porté par le seiziesme article de l'ordonnance du Roy Charles VII. & qu'il a esté cy deuant deduit & déclaré : & ce en faueur de la liberté des maisons assises en la ville & faux-bourgs de Paris. Aussi que si les rentes foncieres sont racheptables, à plus forte raison toutes rentes non foncieres : mais créées par legs pitoyables, donations ou autrement, sur maisons assises en la ville & faux-bourgs de Paris, doiuent estre racheptables au denier vingt. Ioinct que lescdits deux articles de Coustume sont generaux & indefinis. Et que par le moyen du grand prix, qui est au dernier vingt, auquel le rachapt desdites rentes est estimé, & du remploy ordonné par ladite Coustume des deniers dudit rachapt, les Ecclesiastiques sont hors de perte, domnage & intereist. Aussi que les Amortissemens ne preiudicient aucunement à vint-tiers, & ne rendent sinon les Ecclesiastiques capables de tenir heritages & droicts immobiliers en France : comme il sera dict en traittant du droict d'Amortissement. Ainsi a esté iugé depuis ladite nouvelle Coustume, contre les Gouverneurs de l'Hospital de Gonnelle, qui auoient droict de prendre chacun an sur la maison du grand Corner & ses dependances, assise en ceste ville de Paris au monceau de saint Geruais, trente sept liures dix sols tournois de rente, la creation de laquelle on ignoroit. Au moyen de quoy, à faute de faire apparoir du tiltre & creation d'icelle rente, elle auoit esté déclarée racheptable au denier douze, par sentence du Preuost de Paris, comme presumée

presumée constituée moyennant deniers sur maisons assises à Paris. Neantmoins d'autant que ladite rente appartenoit à vn Hospital, elle fut declarée racheptable au denier vingt, par arrest donné en plaidoyrie apres disner, le dix-huictiesme May, 1591. Semblable arrest donné le douziesme Mars, 1576. contre les Marguilliers de l'œuvre & fabrique de saint Opportune, pour vne rente de six liures parisis, qu'ils auoient droict de prendre sur vne maison, assise en ceste ville de Paris rue saint Denys, appartenant à Monsieur Acarie Conseiller en la Cour des Aydes, laquelle fut declarée racheptable au denier vingt. Autre arrest du treiziesme Mars, 1584. contre les Marguilliers de saint Seuerin, pour vne rente de deux escus, assignée sur vne maison assise en ceste ville de Paris, declarée racheptable au denier vingt. Combien qu'auparauant la nouvelle Coustume de Paris, on tint communément le contraire, pour le regard des rentes deuës aux Ecclesiastiques, assignées sur maisons assises en ceste ville & faux-bourgs de Paris: lesquels pour cet effect obtindrent lettres de Declaration du Roy Charles neufiesme au mois d'Aoust, 1569. par lesquelles ledit Seigneur declara, que toutes les rentes & droicts, tant seigneuriaux que feodaux, appartenans à gens d'Eglise deuëment amortis, estoient perpetuels & non racheptables. Aussi les Ecclesiastiques maintiennent, qu'au priuilege donné par le Roy Charles septiesme, de rachepter les rentes assignées sur les maisons assises en ceste ville & faux-bourgs de Paris, ne sont comprises les rentes amorties ausdits Ecclesiastiques, comme il est porté par le vingt-vniesme article de l'Ordonnance dudit Roy Charles septiesme: & qu'il a esté plaidé pour l'œuvre & fabrique de S. Cosme, contre Monsieur des Iardins, le vingt-troisiesme Aueil, 1566. & appointé au Conseil: pareillement plaidé & appointé au Conseil pour les Chanoines de Senlis le premier Feurier, 1569. Depuis iugé au profit des Chanoines de la sainte Chappelle, qui furent absous du rachapt contre eux demandé d'une rente, par arrest du neufiesme Feurier, 1572. Pareil arest au profit des Chappelains de saint Denys du Pas, du sixiesme Aoust, 1575. Ioinct que le proces verbal de la nouvelle Coustume de Paris porte, que ledit 122. article a esté adiousté de nouuel, & fut debatue par les Ecclesiastiques, & maintenu que ledit article de Coustume, concernant le rachapt des rentes assignées sur maisons assises en ceste ville & faux-bourgs de Paris, par legs pitoyables, ne doit auoir lieu, sinon pour le regard des rentes qui ont esté leguées par legs pitoyables, depuis la redaction de la nouvelle Coustume, & non pour les precedentes: suivant la reigle commune, que *lex noua dat formam futuris negotijs, & non prateritis*. Pour l'intelligence de ce que dessus *vide Ioannem Fabrum in §. adeo Instit. de locat. & cond. Molin. en l'ancienne Coustume de Paris, Monsieur le Maistre en son Traicté des crieées, chap. 28. & Choppinum in tractatu de sacra Politia l. 3. cap. 6. ex quib. ca. res Eccl. alic. vel non.*

Moyens par
lesquels il
semble que
les rentes
amorties ne
sont rache-
ptables.

Aussi il conuient entendre, qu'apres le trespas de celuy qui a baillé à cens & rente son fief, ou partie d'iceluy, encores que le bail ne soit infeodé: toutesfois non seulement la censue, mais aussi les rentes creées par le mesme contract seront partagées noblement entre ses heritiers, comme

15
Quand le
fief est baillé
à cens & re-
te, encores

que le bail
ne soit in-
feodé, la
rente est par-
tagée noble-
ment.

tenans lieu du fief, duquel les heritiers sont tenus faire foy & hommage au Seigneur dominant : en sorte qu'au fils aîné appartiendra moitié desdites censive & rente : comme il est dit en la nouvelle Coustume d'Orleans article 347. & qu'il est porté par la nouvelle Coustume de Melun article 273. *Latè tractat Pontanus in consuet. Blesen. tit. 5. de feudis in princ.* Combien que contre ceste opinion on allegue l'arrest des Mesmins, dont la cause fut plaidée le 26. Iuin, 1583. Et lors fut dit, que la rente auoit esté diuisée d'avec la censive, par partage faict entre les heritiers de celuy qui auoit baillé son fief, ou bien les terres dependantes de son fief, à cens & rente. Et l'heritier, auquel par partage la censive estoit aduenüe, estoit chargée de la foy & hommage, tellement qu'encores que la rente ne soit infeodée, toutesfois estant vnüe avec la censive & créée par mesme contract, elle doit estre partagée noblement entre les heritiers du bailleur : parce qu'elle tient lieu du fief, duquel les heritiers sont tenus faire foy & hommage. *Secus dicendum*, si la rente non infeodée auoit esté alienée séparément de la censive, comme il a esté dit cy-dessus. Et pour plus ample intelligence de ce que dessus, est besoïn voir le 14. chapitre des droicts de Iustice par nous mis en lumiere.

16
Quand le
fief est baillé
à rente sans
censive, la-
dite rente ne
laisse d'estre
noble & feo-
dale pour le
regard du
bailleur.

Si le Seigneur de fief a baillé toutes les terres dependantes de son fief, comme il luy estoit licite par l'ancienne Coustume de Paris, ou les deux tiers, comme il luy est permis par la nouvelle Coustume, ou vne partie des terres seulement, à cent sols de rente chacun an, ou moyennant deux septiers de bled de rente par an, ou à la charge d'autre redevance annuelle, avec retention de la foy & hommage des heritages baillez : & le bail ainsi faict que dit est, ne soit aucunement infeodé, consenty, ny approuué par le Seigneur dominant. En ce cas combien que la rente ne soit noble, seigneuriale, ne feodale pour le regard du Seigneur dominant, auquel le bail dessusdit ne preiudicie aucunement : toutesfois ceste rente est censée noble, seigneuriale & feodale, pour le regard du vassal bailleur desdites terres, & sera partagée noblement entre ses heritiers, lesquels sont tenus porter la foy, & faire hommage des terres ainsi baillées à rente, & payer les profits feodaux, quand le cas aduiendra. Et en leur adueu & denombrement sont tenus bailler lesdites terres par le menu, comme s'ils les tenoient en leurs mains. Et ceste rente sera droict seigneurial, & aura pareille nature, que le droict de cens. Tellement que quand les preneurs desdites terres, leurs hoirs ou ayans cause les vendront ou partie d'icelles, ils seront tenus payer au bailleur d'icelles, ou ses heritiers, & ayans cause, qui ont la seigneurie directe, lots & ventes : tout ainsi que si elles auoient esté baillées à tiltre de cens. Et ainsi est obserué és Ville, Preuosté, & Vicomté de Paris : parce que tous heritages assis au dedans de ladite Coustume sont tenus en fief ou en censive, s'ils n'ont esté deuëment amortis, ou soient tenus en franc aleu noble, ou roturier. En sorte que la premiere charge, ou bien la premiere rente ou redevance deuë à cause d'un heritage est feodale ou censuelle, suiuant l'art. 51. de la nouvelle Coustume de Paris, en ces mots, *qu'il en retienne la foy entiere, & quelque droict seigneurial & domanial sur ce qu'il aliene* : en ces mots, *faire son profit des*

heritages, rentes, ou cens estans dudit fief. Et suivant ce qui a esté cy dessus dit, on peut cognoistre que si vn Seigneur de fief a baillé quelques heritages dependans de son fief, avec retention de foy & hommage desdits heritages, à la charge que le bailleur aura la quarte partie, ou autre portion des grains, & autres fruiçts qui croistroient sur lesdits heritages: ceste redevance, qu'on appelle communément Champart, comme premiere & primordiale charge sera reputée seigneuriale, & sera de pareille nature, que le droict de cens, portant lots, ventes, saisine & amende: tout ainsi que le vray cens, & comme ceste premiere charge contenant en soy la directe seigneurie. Toutesfois il est certain que le droict de Champart n'est pas feodal ny seigneurial en la Coustume de Paris, s'il y a vn droict feodal ou censuel créé sur l'heritage, auparavant le droict de Champart: comme si quelques heritages feodaux sont subinféodez, ou baillez à deux derniers paris de cens pour arpent: & par le mesme contract sont baillez à la charge, que le bailleur d'iceux prendra la huitiesme partie, ou autre portion de grains & fruiçts, qui croistront chacun an sur lesdits heritages. Tellement qu'un Seigneur peut avoir la feodalité d'un heritage, ou droict de cens sur iceluy, & un autre Seigneur ou particulier peut avoir droict de Champart sur le mesme heritage, lequel n'emporte aucun profit feodal, ny de lots & ventes: ains est reputé simple rente fonciere, s'il n'a esté créé par la premiere concession faite par le Seigneur feodal dudit heritage, sans aucune charge feodale ny censuelle, comme dit est. Ainsi a esté iugé entre Domp Jacques Amelot, Prieur de saint Martin des Champs à Paris, & Prieur de sainte Oportune de Moucy, demandeur d'une part, & Anne Hotemant, vesve de feu Guillaume Pichonnat defenderesse, & les Seigneurs de Moucy ioints avec elle d'autre: par arrest donné le May, 1586. au rapport de Monsieur Damons Conseiller.

17
Le droict de
Champart
n'est sei-
gneurial en
la Coustume
de Paris.

Et par le dit arrest la censue d'un arpent de terre appartenant à ladite Hotemant, a esté adiugée aux Seigneurs de Moucy, & le droict de Champart au Prieur dudit Moucy. Aussi en la Coustume de Paris n'est faite aucune mention du droict de Champart, encores que quelques Seigneurs ayent droict de le prendre sur heritages assis au dedans de la Coustume de la Preuosté & Vicomté de Paris. Comme le Roy prend droict de Champart sur les terres labourables assises au territoire de Gonesse, & ce droict est baillé à ferme de trois ans en trois ans, avec les moulins dudit lieu, par Messieurs les Thresoriers de France. Et en la Chambre du Thresor, on a accoustumé de condamner les redeuables à payer au fermier du Roy le droict de Champart, de la nature & condition qu'il est, & selon qu'il a accoustumé d'estre payé au lieu de Gonesse. Neantmoins il est notoire, que par plusieurs Coustumes, mesmes par la Coustume de Blois, le droict de Champart, ou bien de Terrage est seigneurial & recognitif de seigneurie: mais il n'emporte aucun profit de vente, ny de reliefs, comme il est dit par les 23. & 135. article de ladite Coustume. Et ce droict selon les Coustumes des lieux est diuers. Car en aucuns lieux y a moindre quantité de gerbes deuës, qu'en autres lieux. Aussi en aucuns lieux il est besoin mener les gerbes en la maison du Sei-

gneur; & en autres lieux il fuffit les laiffer sur le champ : mais le droit de Champart a ce priuilege, que le propriétaire ou fermier de l'heritage subject au droit de Champart, ne peut enleuer les fructs & gerbes dudit heritage, sans appeller, quoy que ce soit, sans le faire signifier au Seigneur, auquel ce droit appartient, ou à son fermier, Procureur, ou commis, à peine de soixante sols d'amende, comme il est porté par plusieurs Coustumes, comme de Blois, Orleans, Estampes, & autres. De ce droit est parlé *in l. domini prædiorum de agr. & cens. c. lib. 11. l. si pascenda. C. de pact. l. fructus ff. sol. matr.*

[Si le Champart ou Censue estant droit seigneurial, se peut prescrire par cent ans, voy Monsieur Loüet en son Recueil des Arrests Notables, Arrest 21. où ceste question est fort amplement & doctement traitée: Monsieur le Maistre au Traicté des Crieées, chap. 42. Guyd Coquille sur la Coustume de Niurnois, tilt. des rentes & hypotheques, art. 2. où il dit, quand la source & origine de la redeuance n'apparoist pas, la presumption sera que le cens est plus ancien que le bordelage, la redeuance deuë au Seigneur du territoire sera presumée la plus ancienne. Charon. §. 73. Coustume de Paris. Chop. lib. 2. par. 2. tit. 2. nu. 4. cap. 2. Andeg. Consu. art. Si sont deuz lots & ventes pour droit de Champart, *Nam ita proditum est libro consuetudinario Francia cap. des Champarts* : Par les vsages & Coustumes des terres tenuës à Champart, le Seigneur à qui est deu le Champart ne doit auoir lots ne ventes des terres qui luy doiuent Champart, quand elles sont vendües, si celuy Seigneur n'est chef Seigneur, c'est à dire foncier: Mais les aura le chef Seigneur foncier. Et au cas qu'il n'y auoit autre chef Seigneur & foncier, celuy à qui le Champart est deu, auoit les lots & ventes, *idem Aurelia lege sancitum est. §. 140. ubi campi pars tanquam primatum onus concurrat cum censu dominico. Quæ tamen ita sunt interpretanda, nisi patrio ritu, certarum prouinciarum aliud de campi parte statuatur*: comme la Coustume d'Estampes §. 62. Terres tenuës à Champart ne doiuent ventes ny saisines, sinon qu'avec le Champart elles soient redeuables de cens. N. B.]

18
Seconde es-
pece de ren-
tes nobles &
feodales.

La seconde espece de rentes nobles & feodales est, quand vn Seigneur de fief a baillé en arriere-fief quelques terres dependantes de son fief, à la charge de luy en faire foy & hommage, & payer chacun an certaine rente en deniers, grain, ou autre espece, & faict infeoder le bail susdit par son Seigneur dominant.

19
Quand le
Seigneur
dominant
iouis de l'ar-
riere fief de
son vassal,
se qu'il doit
prendre.

Ceste rente est noble & feodale, comme celle de la premiere espece: & preiudicie tellement au Seigneur dominant, qu'aduenant ouuerture du fief seruant, il ne iouyra point de l'arriere-fief s'il n'est ouuert, ou aduienne ouuerture d'iceluy pendant le temps qu'il iouyt du fief seruant, mais seulement iouyra de la rente deuë à son vassal, suiuant les 54. & 59. articles de la nouvelle Coustume de Paris. Et s'il aduient que le vassal vende la tenuë feodale & rente deuë à cause de son arriere-fief sans retention de foy: l'acquerer sera tenu entrer en foy, & payer au Seigneur dominant, les droits feodaux deuz à cause de son acquisition. Aussi si l'acquerer est roturier, il sera pour raison de ceste mouuance & rente, subiect au droit de francs-Fiefs.

Le semblable sera obserué, encores que le vassal ait seulement vendu la rente infeodée qu'il a sur les terres par luy baillées en arriere-fief, & ait retenu la mouuance feodale d'icelles terres. Car pour raison de ceste rente infeodée vendue sans retention de foy, l'acquireur sera tenu entrer en foy enuers le seigneur dominant, luy payer les droicts feodaux, deubs à cause de son acquisition; & estant roturier, il sera contribuable au droict de francs-Fiefs, & en ce cas le Seigneur dominant pour vn vassal en aura deux. Si le bail fait en arriere-fief, & à rente, n'a esté infeodé & approuué par le Seigneur dominant, la rente ne sera noble ny feodale, ains simple rente fonciere pour le regard du Seigneur dominant: mais est feodale pour le regard du bailleur, & de ses heritiers: lesquels sont tenus faire foy & hommage des terres baillées en arriere-fief, moyennant ladite rente, & icelle sera partagée entre eux noblement, comme nous auons dit cy-dessus.

Si le vassal a baillé tout son fief ou partie d'iceluy à rente payable en deniers, ou en grain, ou bien en autres especes, sans aucune retention de foy, ny de censue, ou autre droict seigneurial, sur ce qu'il a baillé: la rente n'est noble, ny feodale, encores qu'elle soit deuë à cause d'heritage feodal, ains simple rente fonciere; & en ce cas d'autant que le fief est totalement aliéné, ou bien partie d'iceluy aliénée, l'acquireur est tenu entrer en foy enuers le Seigneur dominant, & comme nouuel vassal faire hommage de tout le fief, ou bien de la partie du fief aliénée, & payer les droicts feodaux deubs à cause de son acquisition. Et apres le decez dudit vassal qui aura ainsi baillé son fief à rente sans retention de foy, la rente doit estre partagée roturierement entre les heritiers: d'autant qu'elle n'a aucune nature de feodalité, & que les heritiers du bailleur ne sont chargez d'aucune prestation de foy & hommage: soit à cause du fief totalement aliéné, ou à cause de la rente deuë pour ledit fief. Cōme aussi si ledit ancien vassal aliene la rente qui luy est deuë, l'acquireur d'icelle ne sera tenu d'entrer en foy, & s'il est roturier, ne sera subiect au droict de francs-Fiefs.

20
Quand un fief simplement est baillé à rente, la rente n'est feodale.

La troisieme espece de rentes nobles est, quand le vassal a créé & assigné rente annuelle, & perpetuelle, & non racheptable sur son fief, pour soulte de partage, ou pour soulte d'eschange, ou par transaction, ou pour autre iuste cause: & que ladite rente a esté deuëment infeodée, consentie & approuuée par le Seigneur dominant.

21
Troisieme espece de rentes nobles.

Ceste rente est vraiment noble, tient lieu d'heritage feodal, & preiudicietellement au Seigneur dominant, qu'aduenant ouuerture du fief seruant, il sera contrainct pendant le temps de sa iouissance payer les arerages de ladite rente, consistans en deniers, grains, ou autres especes, suiuant le 28. article de la nouvelle Coustume de Paris. Aussi les propriétaires & acquireurs de ceste rente seront tenus en faire foy & hommage: & en cas de mutation, vendition, eschange, ou autre alienation, payer les droicts seigneuriaux & feodaux, tout ainsi que d'un heritage feodal. Et le roturier estant propriétaire de ceste rente, sera pour raison d'icelle contribuable au droict de francs-Fiefs.

Et en cest endroit conuient noter, combien que pour soulte de par-

22
Pour soulte
de partage
ne s'ont deubs
lots ny ven-
tes.

age l'heritier ait constitué à son coheritier rente racheptable au denier douze, quinze, ou vingt, ou bien luy ait baillé deniers comptans: Toutesfois en la Coustume de Paris ne sont deubs aucuns lots ny ventes pour la soulte baillée, encores qu'elle soit payée d'ailleurs que des biens de l'heredité: soit que le partage se face volontairement, ou par autorité de Iustice. La raison est, *quia partes non habuerunt animum vendendi, aut emendi vel permutandi: sed tantum diuendendi, & principalis intentio partium inspicitur, non autem considerantur ea quæ fiunt in consequentiam, siue in executione negotij principalis, nempe diuisionis. Quem diuisionis contractum partes facere voluerunt, & non alium.* Aussi la soulte a esté baillée en consequence necessaire de la perfection du partage. Et tout ainsi qu'à cause du partage ne sont deubs aucuns droicts seigneuriaux ne feodaux: semblablement n'en sont deubs aucuns; à cause de la soulte baillée en consequence dudit partage. *L. non omnis. ff. si cert. pet. l. seruos, ff. famil. hercis. Molinaus latissimè tractat* en la Coustume de Paris, article vingt-deux, question vingt-deux.

23
Pour licita-
tion faicte
entre coheri-
tiers, ne sont
deubs lots
ny ventes.

En consequence de ce que dit est, si vn heritage commun entre coheritiers, lequel ne se peut partir, est licité par Iustice, & adiugé à l'un des heritiers, ne sont deubs aucuns lots ny ventes, à cause de l'adiudication dudit heritage. Parce que la licitation ou bien la vendition a esté faicte par Iustice, en consequence & pour la perfection du partage, lequel il estoit necessaire faire entre les heritiers. Comme il estoit porté par l'art. 8. de la Coustume de Paris: lequel article il faut prendre en ces termes, à sçauoir, Quand la licitation est faicte par Iustice entre coheritiers, & l'adiudication faicte à l'un d'entre eux. Car si l'heritage estoit volontairement vendu à l'un des coheritiers, ou que la licitation de l'heritage commun, lequel ne se peut partir, fust faicte entre 2. ou 3. comproprietaires, soit qu'ils ayent esté compagnons & associez, ou du tout estrangers: encores que le total de l'heritage soit adiugé à l'un desdits proprietaires, & qu'il n'y ait eu que lesdits proprietaires, qui ayent esté admis à mettre enchere, & non les estrangers: toutesfois l'adiudicataire sera tenu payer les lots & vêtes du prix porté par son adiudication, sa portion contingente deduite. Comme il a esté iugé par Arrest, prononcé le 9. Ianuier, 1593. entre Monsieur le Procureur General du Roy, prenant la cause pour son Substitut au Baillage de Montargis, & Thomas Guyon Receueur du Domaine dudit Montargis, appellant du Baillly dudit lieu d'une part: & Jean Turreau & consors intimez d'autre. Par lequel la Cour a mis l'appellation & sentence absolutoire, dont estoit appel au neant, sans despens de la cause d'appel. En émendant le iugement a condamné les intimez à payer audit Guyon Receueur du Domaine de Montargis, le profit des lots & ventes de l'acquisition faicte par licitation de la maison de laquelle estoit question, comme n'ayant la licitation esté faicte entre coheritiers, & ce au *pro rata* de la moitié du prix de la licitation, & cōdamné les intimez és despens de la cause principale. Et par ledict Arrest est iugé, qu'en la Coustume de Montargis ne sont deubs lots ne ventes pour licitation faicte entre coheritiers: encores que la Coustume n'en face mention, cōme faict la nouvelle Coustume de Paris.

Auparavant laquelle nouvelle Coustume, on payoit à Paris lots & ventes pour licitation faicte entre coheritiers, la portion du coheritier adiudicataire deduiete. Comme du Moulin a amplement traicte en l'ancienne Coustume de Paris, article 55. col. 170. Aussi si vne maison, qui estoit commune & de conquest, entre les heritiers d'un mary predecédé, & de la femme suruiuante, est licitée au moyen de ce qu'elle ne se peut partir: encores que ladite maison soit adiugée à la femme suruiuante, ou à l'un des heritiers, l'adiudicataire sera tenu payer les lots & ventes de son adiudication, deduction faicte de la portion qu'il auoit en l'heritage licité. Parce que ladite femme, & les heritiers de son defunct mary n'estoient pas coheritiers, mais communs propriétaires & repartageans.

24
Pour licitation d'heritage commun entre la veufue & les heritiers du mary predecédé, sont deus lots & ventes.

Par ce qui a esté cy-dessus deduit, on peut entendre, qu'à vrayement & proprement parler, vne rente n'est point noble ny feodale pour le regard du Seigneur dominant; encores qu'elle se diuise noblement entre les heritiers du bailleur: si elle n'est infeodée, & que le propriétaire d'icelle ne soit entré ou tenu entrer en foy: & porter hommage de ladite rente, tout ainsi que d'un heritage feodal, & telle rente doit estre appellée rente noble feodale, & seigneuriale, ou bien rente noble & feodale. Et pour ceste rente noble & feodale, le roturier est subiect & contribuable au droict de frâcs-Fiefs, & non pour les autres rentes, encores qu'elles soient assignées sur heritages nobles & feodaux: *Res enim feudalis dici non potest nisi ob eam fides debeat, & feudum alique fidelitate consistere nequit. c. unico. §. finali. per quod fiat inuestitura. in v. sibus feudorum. Latè tractat Pontanus in consuetudinibus Blesensibus titul. 5. de feudis. Fost Cynum in authentica ingressi. C. de sacros. Eccles. Baldum & Aluarotum in c. unico. §. quinetiam Episcop. vel Abbatem feudum dare posse in feudis.*

25
Quelle rente est vrayement noble & feodale.

Et conuient noter que le bail à cens & à rente, ou arriere-fief, faict par le vassal d'heritages dependans de son fief, est censé infeodé & approuué par le Seigneur dominant. Quand le vassal a faict mention en son adueu & denombrement du bail à cens & rente par luy faict, en iceluy couché lesdits cens & rente avec les terres subiectes à iceux, & les noms des detenteurs & propriétaires desdites terres. Ou bien qu'il a mis en son denombrement les terres par luy bailliées en arriere-fief, avec l'expression du nom & charges dudit arriere-fief: & que le Seigneur dominant a receu purement, simplement, & sans aucun blasme, le denombrement qui luy a esté baillé par son vassal, cōtenât ce que dessus. Suiuât le 52. art. de la nouvelle Coust. de Paris.

26
Quand un bail faict à cens & à rente est censé taisiblement infeodal.

Et pour raison de telles rentes nobles, seigneuriales & feodales, y a plusieurs procez & differens és pays de Poictou, Anjou, Touraine, & le Maine, esquels on maintient (comme la verité est) qu'il ne peut auoir sur un heritage, soit feodal ou roturier, qu'une rente noble & seigneuriale: laquelle est deuë au Seigneur direct, soit feodal ou censier. Et pour raison de ce les Seigneurs de fief entrent en grande inuolution de procez: Soustenans qu'il n'y a que la rente deuë à cause de la premiere concession & tradition du fonds de terre, faicte par le Seigneur feodal ou censier, qui soit noble, seigneuriale & feodale. Et que les autres rentes ne sont que surcens & rentes foncieres, n'emportans aucune marque de

27
Quelles rentes sont estimées nobles & seigneuriales en Poictou, Anjou, & lieux adjacens.

Seigneurie. Aussi que telle premiere rente doit estre créée par le contract portant la concession & inuestiture du fief, pour raison duquel elle est deuë, & sur lequel elle est assignée. Ou par le contract portant l'acensement de l'heritage, pour raison duquel elle est deuë, & sur lequel elle est assignée. Et maintient que telle rente ne peut estre deuë qu'au Seigneur direct au fief duquel est situé l'heritage sur lequel ceste rente a esté créée & assignée. Tellement qu'il est necessaire que ce soit la premiere rente fonciere, & que sur l'heritage sur lequel elle est assignée, n'y ait autre droit qui soit seigneurial ou feodal: si ledit droit seigneurial ou feodal, & rente noble, n'estoient deubs à mesme seigneur feodal ou censier: suivant la Coustume de Poictou, au tiltre des Prescriptions. Et si sur le mesme heritage y auoit deux rentes feodales & seigneuriales équipolentes à cens, deuës à deux diuers Seigneurs: en cas de vendition, chacun d'eux comme Seigneur direct pourroit demander lots & ventes. Ce qui ne seroit raisonnable, ains contraire à la disposition de droit, par laquelle *duo eiusdem rei in solidum domini esse non possunt*. Partant le possesseur de tel heritage doit sommer les deux pretendus seigneurs feodaux ou censiers. Soustenir qu'il ne peut deuoir qu'une rente feodale équipolente à cens au Seigneur direct, faire en sorte que les deux seigneurs entrent en combat de fief, & soit discuté entre eux, laquelle des deux rentes est feodale: Et que l'autre rente soit declarée pure fonciere, & simple surcens. Ainsi qu'il fut plaidé en la Cour, le 5. Iuillet 1583.

Qui est le
Seigneur direct.

Et ce mot de Seigneur direct se peut adapter au seigneur feodal pour le regard de son vassal, & au Seigneur censier pour le regard de celuy qui tient à censue de luy. Et à proprement & vrayement parler, ce mot de Seigneur direct, doit estre attribué au Roy, duquel directement, primordialement, & originaiement, sont procedez tous heritages, tant feodaux, roturiers, que alaudiaux, situez au Royaume: & duquel tous heritages sont tenus immediatement ou mediatement, comme il sera amplement declaré au 26. chapitre du present Traicté.

28
Le decret ne
tollit point
la rente noble & seigneuriale.

Aussi on tient au Chastelet de Paris, que quand vn heritage est baillé par mesme contract à foy & hommage & à rente, ou bien à cens & à rente, par vn Seigneur feodal ou censier: cōme à quatre deniers parisis de cens, & quatre sols parisis de rente, il n'est point necessaire que le Seigneur feodal ou censier s'oppose pour la conseruation de ceste rente, aux criées de l'heritage, pour la concession duquel elle a esté créée, & sur iceluy assignée: Et que le decret ne tollit & n'esteint point ceste rente, comme seigneuriale, & comprise sous ces mots generaux, portez ou entendus en tous decrets; à la charge des droits & deuoirs seigneuriaux. Et tient-on ainsi que pour les droits feodaux qui sont foy & hommage, quint, requint, relief & autres; pareillement pour les droits de cens, de lots, ventes, saisines & amendes, il n'est point besoin de s'opposer pour estre conserué à l'aduenir esdits droits. Mais on se doit seulement opposer pour les arrerages & profits precedens l'adiudication, suivant le trois cens cinquante-cinquiesme article de la nouvelle Coustume de Paris. Aussi que pour raison de telle rente comme seigneuriale, droit

droict & deuoir seigneuriaux, il n'est point besoin de s'opposer. Mais il est nécessaire faire apparoir du contract portant creation du cens & de la rente ensemblément: Ou bien du contract portant la concession & inuestiture du fief, avec promesse de foy & hommage, & de rente ensemblément. Autrement on presumera que telle rente n'est qu'un surcens & simple rente fonciere, partant esteinte par le moyen du decret iudiciairement & publiquement fait. Toutesfois il semble à plusieurs, que l'opposition est nécessaire, quand la rente est grosse, comme de cent sols, dix liures, & un septier ou deux septiers de grain par chacun an, plus ou moins: autrement l'adiudicataire & acheteur iudiciaire, qui procede de bonne foy, seroit deceu.

Et telle rente noble, seigneuriale & feodale ne se prescrit point, non plus que les cens, comme il est porté en la nouvelle Coustume de Poitou, au tiltre des Prescriptions, laquelle Coustume n'est pas generale, ains par plusieurs Coustumes locales, comme de Touraine & autres, les cens & rentes foncieres se prescriuent par trente ans.

Aussi par ce qui a esté cy-dessus déclaré, on peut entendre que signifient ces mots, Fiefs, Aumosnes, Rentes à heritages, Gages d'officiers, & Charges ordinaires, lesquels mots sont communément apposez par Messieurs des Comptes, en la verification des dons faits par le Roy, & és baux à main-ferme, faits du Domaine de sa Majesté: ensemble aux appanages qui sont baillez aux enfans masles puisnez de la Maison de France, & aux assignations qui se font des douaires & conuentions matrimoniales des Roynes, ou filles de France. A ce que les fiefs, Aumosnes, Rentes à heritage, Gages d'officiers, & Charges ordinaires, soient preallablement payées & acquittées.

Car ce mot de fiefs, signifie rentes feodales, ou bien rentes en fief assignées sur le Domaine du Roy, lesquelles se doiuent acquitter du reuenue d'iceluy, soit en deniers, en grain, ou autre espee. Et sont appelées fief, d'autant que telles rentes anciennement ont esté créées à cause des fiefs & heritages nobles immediatement tenus du Roy, ou de droicts nobles feodalement tenus de sa Majesté, desquels les Roys de France se sont accommodez, les ayans vnis à leur Domaine. Et tout ainsi que pour raison de ces fiefs, & droicts noblement tenus, il estoit besoin entrer en foy, & en faire hommage au Roy; & en cas de vendition, alienation, ou mutation, payer à sa Majesté les droicts & deuoirs feodaux: Aussi plusieurs sont d'aduis, que les proprietaires des rentes en fief assignées sur le Domaine du Roy, sont tenuës en faire foy & hommage: & en cas de vendition, alienation, ou mutation, payer au Roy les droicts & deuoirs feodeaux de quint, rachapt, & autres. Comme ces rentes estans subrogées & tenans lieu d'heritage feodal, lequel estoit nuëment & sans moyen tenu en foy & hommage du Roy. Ainsi a esté soustenu contre les heritiers de Damoiselle Ypolite, qui auoit droict de prendre chacun an douze muids de bled de rente feodale, sur le domaine de Prouins, laquelle rente le Procureur du Roy à Prouins, apres le decez de ladite Damoiselle, fit saisir à faute d'homme, droicts & deuoirs non faits & payez: preten-

26
La rente noble & seigneuriale ne se prescrit point.

27
Interpretation de ces mots, Fiefs, Aumosnes, Rentes à heritage, Gages d'officiers, & Charges ordinaires.

dant que par son decez estoit deu rachapt au Roy, parce qu'elle n'auoit laissé linon heritiers collateraux. Et les roturiers propriétaires desdites rentes en fief, sont subiects au droit de francs-Fiefs, & estime-on qu'ils sont tenus en faire foy & hommage au Roy.

Rentes à heritage que signifient.

Rentes à heritage signifient toutes rentes & redevances non feodales, assignées sur le Domaine du Roy. Et sont ainsi appellées, parce que le plus souuent elles sont deuës à cause d'heritages censiers & roturiers, desquels les Roys de France se sont accommodez, comme de moulins, maisons, terres, ou prez, qui ont esté enclos és chasteaux, jardins, parcs, vergers, & bois clos à murs, de present appartenans à nos Roys. Telles rentes doiuent estre payées en deniers, ou grains, du reuenue du Domaine de France. Et les propriétaires desdites rentes ne sont subiects au droit de francs-Fiefs, ores qu'ils soient roturiers.

Aumosnes que signifient.

Aumosnes signifient tous dons & legs pitoyables faicts par les Roys de France pour fondations & dotations d'Eglises, Monastères, Hospitaux, ou seruices diuins, le payement desquels est assigné sur le Domaine du Roy, & doiuent estre payez chacun en deniers ou grains, selon les estats qui sont dresséz aux Receueurs ordinaires par Messieurs les Tresoriers de France: Ainsi qu'il est déclaré en l'instruction dressée pour le faict des finances. Et quand il y a sterilité de grains, ou que pour autre cause on a faict diminution aux fermiers du Roy, ou que les baux à ferme qui ont esté faicts ne se montent autant que les fiefs, aumosnes, & rentes à heritage, assignées sur le Domaine baillé à ferme; Messieurs les Tresoriers de France retranchent aux assignez vne partie des fiefs, aumosnes & rentes qui leur sont deuës, suivant la disposition de droit, *in l. inter stipulantes. §. sacram. versic. pro quo. ff. de verb. obl. l. cum certis, l. ex co vino. ff. de tritico, vino & oleo legatis. l. legatum. §. vini talem. ff. de ann. legat. l. ex conducto. §. si. vis maior. ff. locati l. licet. Cod. eodem.*

Gages d'officiers que signifient.

Charges ordinaires que signifient.

En tous dons faicts par le Roy, & verification d'iceux, les mots dessusdus sont taiblement entendus.

Gages d'officiers sont deniers ou autres redevances, & droits, qui se doiuent payer chacun an aux officiers des Seneſchaucées, Baillages, Preuostez, Gruries, Maireries, & autres personnes qui sont pourueüs par le Roy en titre d'office: ainsi qu'il est notoire à chacun.

Charges ordinaires signifient les pensions assignées chacun an à quelques Officiers, les taxations qui se font ordinairement ausdits Officiers outre leurs gages, les frais de Iustice, les reparations des maisons Royales, & tout ce que les Receueurs ordinaires ont accoustumé payer chacun an sur les deniers de leur Recepte.

Et est besoin entendre encores que les dons faicts par le Roy, & la verification faicte d'iceux par Messieurs des Comptes, ne portent expressement les mots dessusdits: fiefs, aumosnes, rentes à heritage, gages d'Officiers, & charges ordinaires, preallablement payées & acquittées; toutesfois ils sont taiblement entendus. En sorte qu'on ne doit faire deliuiance aux donataires du Roy, des deniers, heritages, ou autres choses à eux données, que preallablement les fiefs, aumosnes, rentes à heritage, gages d'Officiers, & charges ordinaires, assignées sur les Receptes ordinaires du Domaine du Roy, ne soient entierement payées & acquittées: Comme il

a esté ordonné par Jugement de Messieurs des Comptes, du 14. May, 1575. & qu'il est porté par la verification des lettres de don, obtenues par la Dame de Loüé, le 13. Mars, 1570. Ainsi qu'auons amplement déduict au trente-cinquiésme chapitre du Traicté du droit d'Aubeine, par nous n'aguères mis en lumiere.

LES OFFICIERS ROYAUX ET AVTRES QVALIFIEZ, non nobles de race, ny anoblis par le Roy, sont subiects au droit de francs-Fiefs.

- | | |
|---|--|
| <p>1 Les officiers Royaux non nobles de race, ny anoblis, sont subiects au droit de francs-Fiefs.</p> <p>2 Idem des Officiers domestiques.</p> <p>3 Les graduez sont sujets au droit de francs-Fiefs, s'ils ne sont nobles ou</p> | <p>anoblis.</p> <p>4 Lettres d'exemption octroyées aux graduez ne profitent à leurs enfans.</p> <p>5 Les lettres susdites on accoustumée estre verifiées es Cours souveraines.</p> |
|---|--|

CHAPITRE VIII.



E droit de francs-Fiefs est si priuilegié, & si exactement obserué en France, qu'encores que les detenteurs, propriétaires & possesseurs des heritages feodaux & alaudiaux, & des droits immobiliers noblement tenus, soient Officiers Royaux, comme Baillifs, Preuosts, Lieutenans generaux, ou particuliers, Conseillers Presidiaux, Esleus, Aduocats du Roy, Procureurs du Roy, Thresoriers, Contre-rolleurs, Receueurs, Payeurs de Compagnies, Greffiers, & autres. Ou bien facent profession des armes, comme Capitaines, Lieutenans, Enseignes, hommes d'armes, Archers de compagnies, & autres: Ou bien soient de l'artillerie, Admirauté, eaux & forests, venerie ou fauconnerie du Roy. Toutesfois s'ils ne sont nobles de race, ou anoblis par le Roy, ils sont subiects au droit de francs-Fiefs, & sont taxez comme les autres roturiers, pour le regard des fiefs, heritages nobles, & droits noblement tenus, qui leur appartiennent.

Et le semblable est obserué & pratiqué aux Officiers domestiques de la Maison du Roy, & de la Roïne, ensemble de Messieurs les freres, sœurs, oncles, & tantes du Roy: comme Archers des Gardes, Huissiers, & autres, lesquels estans couchez en l'Estat, & faisans seruiice aduel, combien qu'ils soient francs, immanes, & exempts de toutes tailles, aydes, subsides, huietiésme, douziésme, vingtiésme, ports, passages, peages, trauiers, fournitures de viures, & munitions, contributions d'estapes, garnisons de gens-d'armes, tant à pied qu'à cheual, de charrois & cheuaux d'artillerie, & de tous autres subsides, contributions, & subuentions generalement quelconques: toutesfois si lesdits Officiers domestiques possèdent heritages nobles, feodaux ou alaudiaux, ou bien leur appartiennent quelques droits noblemēt tenus: ils sont subiects au droit de francs-

1
Les officiers Royaux non nobles de race, ny anoblis, sont sujets au droit de francs-Fiefs.

2
Les Officiers domestiques non nobles, sont subiects au droit de francs-fiefs.

Fiefs, & tenus payer la finance à laquelle ils seront taxez par Messieurs les Commissaires, pour raison de la tolerance de la possession & iouissance qu'ils ont eu d'heritages nobles. Et ne pourront estre exempts du paiement de ceste taxe s'ils ne sont nobles de race, ou anoblis par le Roy. A ce sont conformes les 8. & 11. articles de l'Edict, contenant ample reglemēt sur le faict des tailles, verifié en la Cour des Aydes le 27. Iuillet 1583.

Raison de ce
que dessus
est notable.

La raison de ce que dessus est, que le droict de francs-Fiefs est domanial, & non d'imposition, & n'y a que la seule noblesse, ou priuilege special du Prince, qui en puisse affranchir & exempter le roturier.

3
Les graduez
sont subiects
au droict de
francs-Fiefs,
s'ils ne sont
nobles, ou
anoblis.

Pareillement les Docteurs en Droict Canon ou Ciuil, Medecine, ou autre Faculté, encores que selon les loix Romaines & Constitutions Imperiales, soient nombrez entre les nobles: & quand ils ont publiquement leués Vniuersitez par le temps de vingt-ans, soient decorez du tiltre de Cheualiers & de Comtes: selon le texte *in lege unica de Professoribus qui in urbe Constantinopolitana docentes ex lege meruerunt comitiuam*, Cod. lib. 12. l. 3. *de proximis sacrorum scriniorum caterisque qui in sacris scriniis militant*. Cod. eodem lib. l. *medicos, de profess. & medic.* Cod. lib. 10. Guido Pape decis. 78. notant doct. in l. *iudic. de dign.* Cod. lib. 12. Toutesfois ils ne iouissent pas du priuilege de noblesse, ains possedans heritages nobles sont tenus payer le droict de francs-Fiefs.

4
Lettres d'exemption
octroyées
aux graduez ne profitent à leurs
enfants.

Et supposé qu'un Docteur Regent en Droict Ciuil, Canon, Medecine ou autre Faculté, qui a leu l'espace de vingt-ans en Vniuersité fameuse, obtienne lettres patentes du Roy, par lesquelles narration faicte de ses longs seruices, merites du public, qualitez de Noble, de Cheualier & de Comte à luy attribuées par les loix & Constitutions Romaines, ensemble des priuileges, franchises & immunitiez octroyées de toute antiquité par tous Monarques, Empereurs, Roys, Princes, & specialement par les Roys de France aux Vniuersitez & supposts d'icelles: soit mandé faire iouyr l'impetrant & ses successeurs pleinement & paisiblement des priuileges, franchises, immunitiez, & exemptions octroyées aux Vniuersitez de ce Royaume & supposts d'icelles: neantmoins telles lettres ne profitent aucunement aux enfans & successeurs de l'impetrant.

5
Comme les
lettres susdites ont acoustumé
d'estre verifiées
es Cours souveraines.

De faict tant la Cour de Parlement, Chambre des Comptes, que Cour des Aydes ont accoustumé mettre à la verification de telles lettres ces mots: Registrées, ouy le Procureur du Roy, pour iouyr par l'impetrant de l'effect & contenu d'icelles, sa vie durant: Comme on pourra cognoistre par la verification de plusieurs lettres obtenues par plusieurs Docteurs Regens es Vniuersitez de ce Royaume. Mesmes par celles qui ont esté verifiées en la Cour de Parlemēt le 24. Mars 1578. en la Chābre des Cōptes le 30. Auril ensuiuant, & en la Cour des Aydes, le 10. May audit an.

Quant aux Escoliers, Bacheliers & Licentiez en Droict Canon ou Ciuil, Medecine, ou autre Faculté, & supposts des Vniuersitez: il est certain qu'ils ne sont anoblis ny exempts du droict de francs-Fiefs: mais iouissent des exemptions du huietiēme, peages, barrages, & autres priuileges octroyez aux Vniuersitez & supposts d'icelles: comme il est contenu es ordonnances transcrites à la fin du present Traicté.

Ce que dessus se verifie par deux articles cōtenus és responses aux difficultez anciennement proposées sur les acquisitions faictes par non nobles, d'heritages nobles, concernantes le droict de francs-Fiefs, transcrites à la fin du present Traicté. Et est besoin voir lesdits deux articles, l'un d'iceux commençant; Item si aucuns licentiez: l'autre commençant, Item, si aucuns autres qui sont du Conseil du Roy.

QUAND VNE FEMME MARIEE OV VEFVE EST subiecte au droict de francs-Fiefs, ou exempte d'iccluy. Que l'usufruitier roturier, & celuy qui a acquis heritage noble à faculté de reméré, sont contribuables au droict de francs-Fiefs.

- | | |
|--|--|
| 1 Quand la femme noble est exempte du droict de francs Fiefs. | tenus payer le ban & arriere-ban. |
| 2 Quand elle est subiecte audit droict. | 8 Secus si le reueu annuel de l'heritage baillé à douaire est estimé. |
| 3 Le mary roturier est tenu payer le droict de francs-Fiefs pour les heritages feodaux de femme noble. | 9 Vfusfructus est pars dominij. |
| 4 Comme se doit payer la taxe du droict de francs-Fiefs apres le deceds du mary roturier. | 10 En matiere de francs-Fiefs on regarde la possession & iouissance. |
| 5 Le droict de francs-Fiefs se paye au prorata de la jouissance. | 11 Les usages sont subiects au droict de Nouveaux Acquests. |
| 6 L'usufruitier est tenu payer le droict de francs-Fiefs. | 12 Le roturier qui a acquis d'un noble à faculté de reméré, est subiect au droict de francs-Fiefs. |
| 7 L'usufruitier & la douairiere sont | 13 Pour heritage vendu à faculté de reméré sont dès l'instant deubs lots & ventes. |

CHAPITRE IX.



POV R entendre quand vne femme mariée ou vefue est subiecte au droict de francs-Fiefs, ou bien est exempte d'iceluy, il conuient considerer cinq cas.

Le premier est, quand la femme extraicte de noble race, se marie à homme pareillement noble de race, ou annobly par le Roy. En ce cas il est certain que la femme conserue sa noblesse, tant pendant son mariage qu'apres la dissolution d'iceluy. Tellement que pendant sa viduité elle iouyra des priuileges de noblesse, sans estre aucunement subiecte au droict de francs-Fiefs.

Le second cas est, quand la femme noble se marie à homme roturier. En ce cas pendant son mariage elle perd le priuilege de noblesse: *quia mulier sequitur conditionem mariti, prioremque dignitatem amittit: vel mulier priore dignitate priuatur, & posterioris mariti conditionem sequitur.* Tellement que le mary sera tenu payer le droict de francs-Fiefs, non seulement pour le regard des fiefs, & heritages nobles qui luy appartiennent de son propre, ou bien qu'il a acquis, mais aussi pour les heritages qui

1
Quand la femme noble est exempte du droict de francs-Fiefs.

2
Quand la femme est subiecte au dit droict.

sont propres à la femme, *l. fœmina. ff. de senat. l. ingenua Cod. de marileg. Cod. lib. 11. l. mulieres. de mulierib. in quo locomunera sexui congruentia vel honores agnoscant. Cod. lib. 10. l. cum te, in fine, Cod. de nupt. Bar. in l. 1. col. 34. de dignit. C. lib. 12.*

De faict, il est porté par les responses faictes aux difficultez proposées sur les acquisitions faictes par non nobles cy apres transcrites, que si vn noble marie sa fille à vn non noble, & luy donne en mariage fiefs ou aleux, le non noble ayant tenu par an & iour lesdits fiefs & aleux, est tenu payer finance au Roy, qui est à dire le droict de francs-Fiefs. Ce qui se doit entendre pour la iouissance subsequnte le mariage, non pas pour le temps precedent le mariage: comme il sera dit au 67. chapitre.

3
Le mary roturier est tenu payer le droict de f. acs - Fiefs pour les heritages feodaux de sa femme noble.

Limitation de ce que dessus.

4
Comme se doit payer la taxe du droict de f. acs - Fiefs apres le decez du mary roturier.

Troiesime cas considerable en la presente question.

Toutesfois si la femme extraicte de noble generation, apres le decez de son mary roturier, vit noblement, sans faire acte derogeant à noblesse, elle iouyra du priuilege de noblesse à l'aduenir, pendant sa viduité: & durant icelle ne sera subiecte au droict de francs-Fiefs, soit pour les heritages nobles qui luy appartiennent de son propre, soit pour les fiefs qui luy sont aduenus par partage, à cause des acquisitions faictes par son defunct mary pendant leur mariage, ou à cause de son doiaire. Et ce sans qu'il soit besoin que telle vesue obtienne du Roy lettres de releuement ou declaration, *l. cum te. & ibi Glisa C. de nupt.* A ce est formelle la nouuelle Coustume de Sedan, au tiltre de la difference & qualité des personnes, art. 4. Aussi de ce y a article exprés aux responses cy dessus mentionnées.

Si la taxe du droict de francs-Fiefs est faicte apres le decez du mary, pour la iouissance qui a esté durant le mariage, les heritiers du mary seront tenus en payer moitié, comme estant vne debte de la communauté, deuë à cause de la tolerance de la possession & iouissance que le mary & la femme ont eu de fief & heritages nobles: lesquels ils estoient incapables de posséder par les loix & statuts du Royaume. Et semblable poursuite pourra estre faicte, entre coheritiers, si l'un d'eux comme detenteur & propriétaire d'heritage feodal aduenu à son lot, a esté contraint payer le droict de francs-Fiefs, pour le temps du defunct ou defuncts, auxquels ils ont succédé. Laquelle poursuite se pourra faire & intenter, ou bien pardeuant Messieurs les Commissaires sur le faict des francs-Fiefs, ou bien pardeuant le Iuge ordinaire, comme estant vne debte hereditaire, ainsi qu'il sera déclaré au 67. chapitre, lequel il est besoin voir.

Le tiers cas est, quand la femme roturiere est coniointe par mariage avec vn homme noble de race, ou anobly par le Roy. En ce cas la femme roturiere est faicte noble, & iouyt des priuileges de noblesse, tant pendant le mariage, que durant sa viduité: tellement qu'elle n'est aucunement subiette au droict de francs-Fiefs non plus que son mary, *uxores enim radijs maritorum coruscant, & mulier ignobilis nobilitatur ex viri nobilitate, §. si vero etiam uxorem, de consulib. in authen. l. mulieres de dignit. Cod. lib. 12. dicta lege fœmina ff. de senat. lege cum te. & l. finali, Cod. de nupt. Guido Papa consil. 217. Versiculo. ad quintum & ultimum, & decisione 379. Masuerius in titulo de talijs seu collectis. §. item uxor.*

Neantmoins si la femme roturiere apres le decez de son mary noble

de race, ou anobly par le Roy, est mariée à vn roturier, en ce cas elle perd le tiltre & priuilege de noblesse, tant pendant son mariage, que durant sa seconde viduité, & sera subiecte au droict de francs-Fiefs, non seulement pour tous les fiefs & heritages nobles qui luy appartiennent de son chef, mais aussi pour ceux desquels elle iouyt en douaire, soit coustumier ou prefix, à l'exemple de l'usufruitier, duquel sera cy apres parlé. Et ce au prorata de la iouissance, à compter depuis son second mariage. Car le droict de francs-Fiefs ne se paye qu'au prorata du temps & tolerance de la iouissance, & au feur l'emplage. De ce que dessus y a texte *in dicta lege cū te. Cod. de nupt. & ibi Glosa in dicta lege femina in fine, & supra dicta tractantur à Tiraquello in libro de Nobilitate, cap. 18.*

Le quatriesme cas est, des femmes des Officiers Royaux priuilegiez, lesquelles pendant que leurs maris exercent leurs Estats & Offices, il est certain qu'elles iouissent de mesmes priuileges que leurs maris. Quant aux vefues on tient communément en la Cour des Aydes, que les vefues des petits Officiers Royaux priuilegiez, ne iouissent apres le decez de leurs maris de l'exemption des tailles, & autres priuileges, franchises & immunitiez concedées à leurs maris à cause de leurs Estats, si és priuileges n'est faicte expresse mention des vefues. *Tanquam priuilegia sint stricti iuris, nec extendantur de persona ad personam, aut de re ad rem, cū sint contrarius commune.* Aussi qu'en la personne des vefues cessent la cause & la raison de l'exemption & immunité octroyée à leurs maris, comme nous dirons à la fin du 19. chap. du present Traicté. De faict les Officiers domestiques de la Maison du Roy, de la Royne Mere, des Freres, Sœurs & Tantres du Roy, les 13. Feurier, 1562. & 5. Iuin, 1568. obtindrent lettres patentes du Roy Charles IX. à ce que leurs vefues durāt leurs viduitiez iouissent des priuileges, franchises & immunitiez octroyées à leurs Estats & Offices.

Le droict de francs-Fiefs se paye au prorata de la iouissance.
Quatriesme cas considerable en la presēte question des vefues des officiers priuilegiez.

Et supposé qu'és priuileges octroyez aux Officiers Royaux, soient comprises leurs vefues: toutesfois elles ne iouyront pendant leur viduité des priuileges octroyez à leurs maris à cause de leurs Estats, si leurs maris ne sont decedez Officiers Royaux priuilegiez. Tellement que si auparavant leurs decez ils se sont desmis de leurs estats priuilegiez, leurs vefues ne iouyront des priuileges desquels ils iouyssoient à cause de leurs Offices, soit d'exemption de tailles, ou autres franchises. Mesmes ne iouyront de l'exemption du droict de francs-Fiefs: veu que leurs maris apres la demission de leurs estats n'en iouyroient, s'ils n'estoient nobles ou anoblis.

Limitation de ce que dessus.

Le cinquiesme cas est, quand la femme roturiere a espousé vn roturier, ou est vefue d'un roturier. Et lors il est certain que la femme est contribuable au droict de francs-Fiefs pour tous les heritages nobles qui luy appartiennent de son chef, ou desquels elle iouyt comme douairiere ou usufruitiere: ainsi qu'on pourra cognoistre par ce qui ensuit.

Cinquiesme cas de la femme roturiere qui a espousé un roturier.

Ayant esté dit cy dessus, que le mary roturier est cottisable au droict de francs-Fiefs, pour les heritages feodaux qui appartiennent à la femme yssue de noble race: encores qu'en iceux le mary n'ait aucun droict de propriété, & face seulement les fructs siens pendant le mariage, à cause

6
L'usufruitier n'est tenu

payer le
droict de
frācs-Fiefs.

de la communauté introduitte par la Coustume : On peut iustement dire & inferer que l'usufruitier non noble d'un heritage Alaudial feodal, est subiect au droict de frācs-Fiefs, supposé que le propriétaire soit noble. Tellement que si un Gentil-homme en remuneration des bons & agreables seruices à luy faicts, a donné par contract entre vifs, ou legué par testament, à un roturier l'usufruit d'une terre feodale; encores que l'usufruitier ne soit tenu d'entrer en foy, ny payer le relief qui peut estre deu par le decez du testateur, ains se doie payer par l'heritier: Toutes-fois l'usufruitier roturier sera tenu payer pour le temps de sa iouissance le droict de frācs - Fiefs: tout ainsi qu'il doit payer le droict de ban & arriere - ban.

7
L'usufruitier & la
doïairiere
sont tenus
payer le ban
& arriere-
ban.

Car on tient que l'usufruitier & la vefue qui iouyt à cause du doïaire coustumier ou prefix d'une terre feodale à elle generalmente octroyée, sont tenus payer la somme de deniers à laquelle le fief duquel ils iouys- sent a esté cottisé, pour la contribution du ban & arriere-ban, suiuant la loy *si pendentes. §. si quid. l. haftenus. ff. de usufru. l. neque stipendium. ff. de impens. in reb. dot. fact.*

8
Secus si le
reuenue an-
nuel de l'hi-
ritage bail-
lé en doïai-
re est estimé.

Bien est vray que si un fief avec ses appartenances & dependances auoit esté baillé à une femme en doïaire prefix, ou bien luy auoit esté assigné pour ses alimens, & que le reuenue annuel de ce fief eust esté esti- mé à certaine somme de deniers, comme de deux cens escus par an: en ce cas le mary, ou bien son heritier, seroit tenu acquiter la femme de la contribution du ban & arriere-ban: *quia alimenta, siue ex contractu, siue ex testamento debeantur, integra sunt prestanda, nihilque ex eis detrahendum est.* Aussi en ce cas, la femme est comme creanciere, qui iouyst de l'heritage par forme d'engagement, & le mary est comme debteur. En sorte que *uxor potest repetere à marito quicquid impedit in fundo pignori dato.* Ainsi qu'il a esté iugé par deux arrests donnez en plaidoyrie en la Cour des Ay- des, le Mercredy 13. Iuin 1554. & Vendredy 23. Feurier 1553. *l. Lucius Ti- tius. ff. de alim. & cibariis. legat. l. firmio. ff. quand. dies leg. ced. l. legatum §. vini. ff. de annis legat. l. si necessarias ff. de pignorat. act.*

9
Vusufruitus est
pars domi-
nij.

Que l'usufruitier, pareillement la doïairiere, qui est reputée usu- fruitiere, soient tenus payer le droict de frācs-Fiefs: il semble qu'il y a deux raisons apparentes.

10
En matieres
de frācs-
Fiefs on re-
garde la
possession &
jouissance.
Confirma-
tion de ce
que dessus.

La premiere, parce que le droict d'usufruit contient en soy seigneurie vtile: *Fructuarius enim est dominus fructuum, & ususfructus est pars domi- nij.* En sorte que les droicts, tant de frācs-Fiefs, que de ban & arriere- ban, estans *onera fructuum*, ils doiuent estre payez par l'usufruitier & doïairiere, *dicta l. neque stipendium ff. de im. in reb. dot. fact. l. rectè dici- mus. ff. de verb. & rer. signific.*

La seconde raison est, qu'en matiere de frācs-Fiefs on ne regarde sinon la iouissance que le roturier a eu d'heritage noble, pour la permission & tolerance de laquelle iouissance le droict de frācs-Fiefs est deu. Et la fi- nance qui est taxée à cause de ce droict, doit estre payée par celui auquel appartiennent les fructs de l'heritage, lequel est incapable de tenir: com- me il a esté dit au 3. chap.

Aussi

Aussi par les instructions anciennement faictes par le Conseil du Roy, sur la finance demandée aux gens d'Eglise, à cause des possessions qu'ils auoient tenuës sans l'assentement de sa Majesté, transcriptes à la fin du present discours : il est porté, que si les gens d'Eglise ont acquis quelques rentes ou heritages par achapt, eschange, dons, legs ou aumosne, reserué aux vendeurs ou donateurs les vsufruitz ; lesdits gens d'Eglise ne sont tenus payer le droict de nouveaux Acquests, sinon quand la possession leur aduendra. Encores qu'il soit certain que deslors du contract, ou deslors du decez du testateur ils sont faicts seigneurs & propriétaires des heritages par eux acquis, ou à eux leguez. Tellement qu'en matiere de francs-Fiefs, & nouveaux Acquests, on regarde plustost la possession & iouissance, que non pas la propriété: laquelle est considérée és droicts feodaux & seigneuriaux, de quint, requint, relief, rachapt, lots & ventes.

Semblablement par les instructions anciennement dressées sur le faict des fiefs, arriere-fiefs, & choses nobles qui sont acquises par non nobles, transcrites à la fin du present Traicté, est dit: Que pour rétes & possessions vendues par nobles, à non nobles, à certain temps, ou à vie : est du droict de francs-Fiefs. Et leldites instructions portent d'auantage, que si les non nobles acquierent de nobles rentes & possessions, sauf & reserué aux vendeurs les vsufruitz des choses nobles vendues, que les roturiers payeront le droict de francs-Fiefs. Parce que par les Ordonnances & anciens statuts du Royaume, le roturier ne doit auoir aucun droict, soit de propriété, d'vsufruitz, ou autre és choses nobles: & en est du tout incapable, à cause de laquelle incapacité est deu le droict de francs-Fiefs: comme il a esté monstre au 4. chapitre.

Le roturier propriétaire ou vsuf. n. est subiet au droict de francs-Fiefs.

D'auantage il est certain, que les habitans des Bourgs, Bourgades & Villages qui ont simple vsage és forests, pastis, ou marais appartenans à quelque Monastere, ou à vn Seigneur feodal, sont subiets aux droicts de nouveaux Acquests, encores qu'ils n'ayent aucun droict de propriété esdits bois, forests & pastis, comme nous monstrerons au 32. chapitre. D'autant qu'en matiere de francs-Fiefs & nouveaux Acquests, on regarde l'incapacité de celui qui iouyt de l'heritage, soit qu'il en iouisse comme vray propriétaire, ou comme vsufruitier, ou comme simple vsager.

11 Les vsages sont subiets au droict de nouveaux Acquests.

Aussi ce que dessus estant veritable, on peut valablement dire, que si vn noble ou priuilegié a vendu à vn roturier, sous faculté de reméré de dix, vingt, ou trente ans, vn fief ou autre heritage noble, duquel le roturier ait iouy par six, sept, huit, neuf ou dix ans, ou par plus long temps ; & depuis ledit heritage ait esté retiré par le vendeur : le roturier qui a esté possesseur par le temps susdit de fiefs, ou d'heritage noble, est subiect au droict de francs-Fiefs, au prorata de sa iouissance. Et ne peut refuser le paiement dudit droict, attendu que pendant sa iouissance il a faict les fruitz siens de l'heritage noble par luy acquis, cōme seigneur & possesseur d'iceluy : en est entré ou deu entrer en foy, & payer au Seigneur feodal le quint denier du prix porté par son acquisition. Estant certain que pour l'heritage feodal vendu à faculté de reméré, sont deubs droicts seigneuriaux, tout ainsi que pour heritage roturier vendu à faculté de reméré

12 Le roturier qui a acquis à faculté de reméré d'un noble est subiet au droict de francs-Fiefs.

¹³
Pour heri-
tage vendu
à faculté de
reméré, sont
dés l'instant
deus lots &
ventes.

sont deus lots & ventes dès l'instant de la vendition, si par la Coustume n'est porté le contraire. La raison est, *quia huiusmodi venditio pura & perfecta censetur, licet sub venditione resoluatur, & emptor medio tempore dominus est, fructusque & accessiones omnes lucratur. l. si duobus §. vendidi tibi servum. ff. de divers. & temp. præscrip. l. si ex duobus. §. fin. ff. de in diem addict. Tiraquellus latè in libro de retractu, fol. 387. Chassaneus in consuetudinibus Burgundia, tit. des Censes. §. 7. in fine.* Ainsi est obserué en la Coustume de Paris. Et de ce que dessus y a articles exprés és instructions cy deuant mentionnées.

PLVSIEURS VILLES ONT PRIVILEGE, QVE LES particuliers citoyens d'icelles, encores qu'ils soient roturiers, peuuent acquerir & tenir fiefs sans estre subiets au droict de francs-Fiefs. Avec la teneur des priuileges pour ce regard donnez aux Bourgeois de la ville de Paris. Et que tels priuileges doiuent estre verifiez & confirmez.

- | | |
|---|---|
| <p>1 Les habitans particuliers de plusieurs villes sont exempts du droict de francs Fiefs.</p> <p>2 Les Bourgeois de Paris sont exempts du droict de francs-Fiefs.</p> <p>3 Les susdits sont exempts du ban & arriere-ban.</p> <p>4 Les Bourgeois de Paris ne peuuent estre tirez hors des murs pour plaider en defendant.</p> <p>5 Les mesmes ne sont tenus loger par fourriers les domestiques de la Maison du Roy, ny les gens de guerre.</p> <p>6 Les susdits ont la garde bourgeoise de leurs enfans par priuilege du Roy Charles sixiesme.</p> <p>7 Arrest de la Cour sur l'absence de la garde noble & garde bourgeoise.</p> | <p>8 Celuy qui a accepté la tutelle de ses enfans ne peut demander la garde noble ou bourgeoise d'eux.</p> <p>9 Sçauoir si l'aycul & ayecule peuuent prendre la garde bourgeoise de leurs petits enfans.</p> <p>10 Le gardien noble ou roturier faict les fruiçts siens de rétes constituées sur l'Hostel de ville.</p> <p>11 Les priuileges d'exemption du droict de francs-Fiefs doiuent estre verifiez en la Cour de Parlement.</p> <p>12 Les priuileges doiuent estre confirmez à l'aduenemēt de chacun Roy, & verifiez.</p> <p>13 Qu'il est besoin voir l'original des priuileges portans exemption du droict de francs-Fiefs.</p> |
|---|---|

CHAPITRE X.

¹
Les habitas
particuliers
de plusieurs
villes sont
exempts du
droict de
frācs Fiefs.



OMBIEN que les roturiers & non nobles ne puissent posseder en France heritages feodaux, ou alaudiaux nobles, ny droicts noblement tenus sans payer au Roy le droict de francs-Fiefs, lors qu'il est leué par sa Majesté; comme nous auons cy dessus amplement monstre: Toutesfois plusieurs villes de ce Royaume ont priuilege des Roys de France, de tenir par les particuliers Citoyens d'icelles, fiefs, & terres nobles, sans qu'ils soient contribuables au droict de francs-Fiefs,

encores qu'ils ne soient nobles de race ny anoblis par le Roy, & ne vivent noblement : ains soient vrais roturiers faisans train de marchandise, ou exerçans arts mechaniques. Tellement que quand on leue le droict de francs-Fiefs, tels particuliers habitans tenans heritages nobles, feodaux ou alaudiaux nobles, ne sont tenus bailler aucune declaration de leurs fiefs, terres & heritages nobles, ny des droicts noblement tenus qui leur appartiennent. Combien que les autres roturiers tenans fiefs en ce Royaume ne soient contraints les bailler par declaration, afin d'estre taxez par Messieurs les Commissaires. Et si les fiefs appartenans ausdits particuliers habitans priuilegiez, sont saisis à faute de bailler par declaration, suiuant l'Edict de francs-Fiefs, ils en ont pleine & entiere main-leuée, sans payer aucune finance.

Mesmes les Citoyens & Bourgeois de la ville de Paris, capitale & chef de ce Royaume, de tout temps & ancienneté ont eu priuilege des Roys de France, d'acquérir & posséder fiefs & arriere-fiefs, heritages nobles, & tous droicts noblement tenus, sans estre inquietez en la iouissance d'iceux, ny aucunement subjets au droict de francs-Fiefs. Comme on peut cognoistre par la lecture des lettres patentes du Roy Charles VI. en date du 5. Aoust, 1390. confirmées par le Roy Charles VII. au mois de Septembre, 1400. & par le Roy subsequent, transcriptes au liure cy-deuant imprimé des Ordonnances Royaux, sur le faict & iurisdiction de la Preuosté des Marchands & Escheuinage de la ville de Paris, fueillet 135.

2
Les Bourgeois de Paris sont exempts du droict de frâcs Fiefs.

Quelque temps apres le Roy Louys XI. par ses lettres patentes, du 9. Novembre, 1465. octroya priuilege aux Bourgeois de ceste ville de Paris, qu'ils ne seront tenus aller au ban & arriere-ban, ny subjets à la contribution d'iceluy.

3
Les Bourgeois de Paris sont exempts du ban & arriere-ban.

Et par autres lettres de mesme datte, ordonna que les Citoyens de ceste ville ne pourront estre tirez hors des murs & closture de Paris, ny tenus plaider ailleurs qu'en ceste ville. Ce qui se doit entendre en defendant, non pas en demandant, ainsi qu'il est porté par la verification desdites lettres, faictes en la Cour le 21. Novembre audit an 1465.

4
Les Bourgeois de Paris ne peuuent estre tirez hors des murs pour plaider en defendant.

Pareillement le Roy Louys XI. par ses lettres patentes du mois d'Octobre, en la mesme année, affranchit & exempta les Bourgeois de Paris d'estre contraincts loger par fourrier en leurs hostels, les domestiques de la Maison du Roy, gens de guerre, ny autres. Et les lettres cy-deuant recitées, avec les confirmations des priuileges contenus en icelles, sont transcrites au liure des Ordonnances Royaux de la Preuosté des Marchands cy-deuant mentionné, és fueillets 129. 131. & autres suiuan.

5
Les Bourgeois de Paris ne sont tenus loger par fourrier les domestiques de la Maison du Roy, ny les gens de guerre.

Outre les priuileges cy-dessus recitez, le Roy Charles VI. par ses lettres patentes du cinquiesme Aoust, 1390. transcriptes au liure susdit, fol. 135. confirma le priuilege donné par les predecesseurs Roys de France aux Bourgeois de la ville & faux-bourgs de Paris, de iouyr de la garde de leurs enfans. Et ceste garde est appelée bourgeoise, parce qu'elle n'appartient, & ne peut estre acceptée finon par les Bourgeois de la ville & faux-bourgs de Paris, soient nobles ou roturiers, & non pas les

6
Les Bourgeois de Paris ont la garde bourgeoise de

leurs enfans par priuile-ge du Roy Charles I. habitans des autres Villes, Bourgs, Bourgades, ou Villages, de la Preuosté & Vicomté de Paris. L'autre espece de garde qui de toute ancienneté a esté receüe, est appelée garde noble: parce qu'elle n'appartient & ne peut estre acceptée sinon par personnes nobles de race, ou anoblis par le Roy, viuans noblement, demeurans non seulement en la ville & faux-bourgs de Paris, mais és autres lieux de la Preuosté & Vicomté de Paris.

7 Et d'autant que cy-deuant on a faict doute en quoy consiste l'effect desdites deux gardes, par quelles personnes elles peuuent estre acceptées, si elles sont incompatibles l'une avec l'autre, de quels heritages le gardien noble doit iouyr & faire les fruiçts siens, pareillement quels fruiçts appartiennent à celuy qui accepte la garde bourgeoise. Le 14. Avril, 1579. y eut arrest donné entre la vefue feu Monsieur Bourdin, en son viuant Procureur General du Roy, demanderesse d'une part, & Maistre Henry le Marschal, Conseiller du Roy au grand Conseil, gendre de ladite vefue, defendeur d'autre, publiquement leu à l'audience de la Cour. Par lequel

8 *Celuy qui a accepté la tutelle de ses enfans ne peut demander la garde noble ou bourgeoise d'iceux.* pour oster la difficulté qui a esté par cy-deuant en l'interpretation de la Coustume de Paris, & vance d'icelle, és articles de garde-noble & bourgeoise: la Cour a déclaré que les Bourgeois de Paris demeurans en la ville & faux-bourgs, qui sont nobles, & viuans noblement, peuuent prendre la garde-noble, & garde bourgeoise de leurs enfans mineurs ensemblement, pour auoir la garde bourgeoise lieu, pour ce qui est en la ville & faux-bourgs, & la garde-noble hors icelle ville & faux-bourgs, & chacune d'icelles pour le temps, profit & emolumēt, & aux charges portées par ladite Coustume: & ordonné que ledit arrest seroit leu au Chastelet de Paris, és iours de plaids. Et depuis cet arrest la Coustume de Paris a esté reformée, & par icelle ont esté esclarcis & elucidez plusieurs doutes, concernant tant la garde-noble, que la garde bourgeoise, comme on peut cognoistre par la lecture de ladite Coustume. Par le 271. article de laquelle combien qu'il soit porté, que celuy qui a la garde-noble ou bourgeoise, peut estre tuteur ou curateur, & sont les deux qualitez compatibles en vne mesme personne: toutesfois on a voulu soustenir, que le pere ou bien la mere qui auoit esté esleuë tutrice de ses enfans, & qui purement & simplement auoit accepté la tutelle, ne pouuoit quelque temps apres accepter la garde noble ou bourgeoise de ses enfans, & par le moyen d'icelle faire siens les fruiçts de tous immeubles, tant heritages, que rentes appartenans à sesdits enfans mineurs. Et sur ce fut aduisé au Chastelet de Paris en la presence de deux Cōseillers de la Cour, & suiuant l'aduis, dit-on auoir esté iugé par arrest, que le pere ou bien la mere, qui a esté esleuë tutrice de ses enfans, & faict le serment, ne peut apres l'acceptation de tutelle prendre la garde de ses enfans. De faict l'article de Coustume cy-dessus recité porte que le gardien peut estre tuteur: mais il ne porte pas, que le tuteur peut estre gardien, ny que le pere qui a esté esleu tuteur & accepté la tutelle, peut apres ceste acceptation prendre & accepter la garde, soit noble ou bourgeoise. Et le semblable doit estre dit de la mere, ayeul ou aysule. Partant quand vn pere sera esleu tuteur à ses enfans, ou bien vne mere sera esleuë tutrice, elle protestera que l'acceptation qu'elle

faict de la tutelle de ses enfans, ne puisse preiudicier à l'acceptation qu'elle pourra cy apres faire de la garde noble, ou bourgeoise de feldits enfans, si elle trouue qu'elle doie accepter icelle. Et auparauant la nouvelle Coustume, on auoit accoustumé faire la protestation susdite. Et conuient noter, que la garde noble ou bourgeoise se doit accepter en iugement, c'est à dire au Parc Ciuil, les plaids tenans, ou bien en la Chambre Ciuile, deuant le Lieutenant Ciuil, ou autres tenans le siege en ladite Chambre: non pas pardeuant vn simple Clerc du Greffe du Chastelet de Paris, comme il a esté iugé audit Chastelet: auquel on auoit reuoqué en doute, si l'acceptation faicte en la Chambre Ciuile estoit suffisante & valable, & fut iugé qu'elle estoit valable.

[Conformément à ce que dessus a esté iugé au rapport de Monsieur Spifame, Conseiller en la Cour, apres auoir esté par ordonnance de la Cour au Chastelet, pour s'enquerir de l'vsance de l'article 271. de la garde noble & bourgeoise, en la Coustume de Paris, que celuy qui a accepté la tutelle premierement, ne peut plus accepter la garde noble: cest Arrest donné au profit de Monsieur de Burges, Conseiller en la Cour de Parlement: Contre Damoiselle Gasteau, veue de feu Huipeau, sa belle mere. N. B.]

Celuy qui accepte la tutelle premierement ne peut plus accepter la garde noble.

Aussi le Ieudy 14. Octobre, 1593. a esté plaidé en la Cour pour vn nommé Rousselet, si en la ville de Paris l'ayeul & ayeule peuuent prendre la garde bourgeoise de leurs petits enfans, apres le decez des pere & mere desdits enfans: comme il leur estoit loisible d'accepter la garde noble par le 265. article de la nouvelle Coustume de Paris. Attendu que par le 266. article est porté, qu'il est permis aux pere & mere des enfans, prendre & accepter la garde bourgeoise, & administration de leurs enfans mineurs, apres le decez de l'vn d'eux, sans faire mention de l'ayeul ou ayeule.

9
Sçauoir si l'ayeul & ayeule peuuent prendre la garde bourgeoise de leurs petits enfans.

Que expressio vnus est exclusio alterius. Que la garde bourgeoise est vn priuilege donné au bourgeois de la ville & faux-bourgs de Paris, lequel il conuient estroictement prendre, sans l'estendre d'vne personne à l'autre. Ioinct que la garde est au detriment & dommage des mineurs, les fructs & reuenus des heritages desquels les gardiens prennent à leur profit, pendant le temps de la garde. Dauantage on alleguoit, que ledit Rousselet auoit assisté à l'eslection du tuteur des mineurs, ses petits enfans, sans aucune protestation par luy faicte, de vouloir accepter la garde bourgeoise. Qu'il y auoit trois ans que le pere & mere estoient decedez; apres lequel temps il n'estoit receuable à prendre ladite garde. Parce qu'incontinent apres le decez, il estoit tenu faire faire inuentaie, nourrir & alimenter les enfans, & les acquiter de toutes debtes. De faict que par la Coustume de Rheims, le temps de 3. mois estoit prefix, pour accepter la garde. A ce que dessus Rousselet respondit, que les 265. & 266. articles de la Coustume de Paris, comme proches & contigus, deuoient estre conioincts ensemble, & de faict estoient conioincts par le moyen de ce mot pareillement, que l'ayeul & ayeule estans denommez au premier desdits deux articles, ils estoient censez repetez en l'article subsequnt, par la maxime commune, *Quæ in prefationibus continentur*

in sequentibus repetita intelliguntur, l. Titia. §. 1. ff. de verb. oblig. Que par la Coustume l'ayeul & l'ayeule sont appelez à la succession des meubles & acquests de leurs petits enfans, tout ainsi que les pere & mere; & par consequent à la garde, qui est vne espece de tutele, l. quo tutela. ff. de reg. iur. Et ainsi auoit esté iugé en l'ancienne Coustume de Paris; encores que le 128. art. de ladite ancienne Coustume ne fist mention que des pere & mere. Que les petits enfans estoient aussi bien en la puissance de l'ayeul, que du pere, que l'ayeul estoit tenu instituer ses petits enfans heritiers, ou les exhereder, tout ainsi que le pere. Que l'amour descend tousiours. Et que l'ayeul aime mieux ses petits enfans, que les enfans: parce qu'en ce failant il voit sa memoire perpetuer, & son nom immortaliser. Aussi que ce nom d'enfans contient les nepueux & arriere-nepueux, & autres descendans; suiuant la l. liberorum. ff. de ver. sig. Que les qualitez de gardien & de tuteur par la Coustume estoient compatibles: tellement que son assistance à la nomination du tuteur ne luy auoit osté la faculté de pouuoir accepter la garde bourgeoise. Que la Coustume de Paris ne presigeoit point de temps, pour accepter la garde bourgeoise, comme faisoit la Coustume de Rhems: tellement qu'elle se pouuoit accepter, quand bon luy sembloit à l'ayeul ou ayeule, pere ou inere. Qu'il auoit esté detenu prisonnier en la ville de Lagny, par long espace de temps, qu'il offroit accomplir toutes les charges portées par la Coustume, que le temps de la garde noble duroit dauantage que celui de la garde bourgeoise: parce qu'il falloit que le noble fust mieux instruit, pour seruir au public; que non pas le roturier. Aussi que le gardien noble n'est point tenu bailler caution; parce qu'on presume qu'il est riche & opulent: combien que celui qui a pris la garde bourgeoise, soit tenu bailler caution; autrement il ne faict pas les fruiets siens. Et doit exactement accomplir ce qui est porté par le 259. art. de la nouuelle Coustume. A sçauoir accepter la garde en Iugement, faire faire inuentaire, & bailler caution, s'il a pris la garde bourgeoise. Autrement tel gardien ne fera pas siens les fruiets des heritages des mineurs. Et combien que ledit Roussellet fust depuis peu de temps Chanoine de Meaux: toutesfois faisoit sa residence à Paris, partant persistoit en sa requeste, à ce que la garde bourgeoise luy fust adiugée. Messieurs les Gens du Roy ayans remonstré, que tous Statuts & Coustumes se doiuent prendre estroictement, & selon les mots & termes, esquels elles sont conceuës, sans les estendre d'une personne à l'autre, suiuant la l. 3. §. hac verba. ff. de neg. gest. Que l'article de Coustume cy-dessus allegué ne faisoit mention, que des pere & mere; partant on ne le deuoit estendre à l'ayeul & ayeule. Mesmes que c'estoit vn priuilege, l'effect duquel estoit au dommage des mineurs; dont la garde estoit appellée *tutela fructuaria*. Et si la nouuelle Coustume eust voulu attribuer à l'ayeul & ayeule la garde bourgeoise de leurs petits enfans, comme elle faict la succession desdits petits enfans, elle l'eust déclaré, comme elle a faict au 311. article de ladite Coustume, & disoient ce que dessus auoir esté remonstré, lors de la redaction de la nouuelle Coustume, laquelle estoit demeurée en ses anciens termes, & selon l'ancien

Coustumier, ne faisant mention que du pere & de la mere. Finalement la Cour par arrest donné à l'audience, le Lundy 18. Octobre 1593. auquel iour la cause auoit esté continuée, ledit Rouffelet fut debouté de sa requeste, & de la garde bourgeoise par luy demandée. En cefaisant iugé, qu'en la Coustume de Paris la garde bourgeoise ne peut estre acceptée, sinon par le pere suruiuant, ou par la mere suruiuante, & non par l'ayeul ny par l'ayeule.

Et conuient noter, combien que l'effect de la garde tant noble, que bourgeoise ne s'estende, sinon aux heritages, qui sont situez au dedans des ville, Preuosté & Vicomté de Paris, à l'exemple du doüaire coustumier: toutesfois le gardien faict les fruiçts siens, des rentes constituées sur l'Hostel de la ville de Paris, supposé qu'elles soient assignées sur les heritages, reuenus, & droicts situez hors les ville, Preuosté & Vicomté de Paris: comme sur les greniers à seel de Picardie, Normandie, Anjou, Poictou & autres. Parce que les Preuosts des Marchands & Escheuins de la ville de Paris ont vendu & constitué lescdites rentes, & au payement d'icelles obligé le domaine & reuenue patrimonial de la ville. Et si pendant le tēps de la garde noble ou bourgeoise, aduiennent aux mineurs des successions directes ou collaterales, les gardiēns ont l'administration des meubles desdites successions: & font leurs les fruiçts de tous les immeubles d'icelles successions tant heritages, que rentes; aux charges portées par le 267. art. de la Coustume de Paris. Combien que le tuteur, lequel doit nourrir & entretenir les mineurs, sans diminution de leur bien, & faire siens tous les fruiçts des meubles, heritages & rentes desdits mineurs, ne puisse prendre à son profit les fruiçts des biens meubles & immeubles, qui sont aduenus par successions ausdits mineurs pendant le temps de sa tutele; ains desdits fruiçts est tenu faire recepte. Tellement que la conuention susdite ne s'estend, sinon aux biens qui appartenoiēnt aux mineurs, lors de la conuention, ou biens de l'eslection de tutele faite à ceste charge.

Or pour retourner à nostre discours, est besoin entendre, que les habitans & citoyens des villes qui ont impetré priuileges des Roys de France de pouuoir acquerir & posseder heritages nobles sans estre subiects au droict de frācs-Fiefs, encores qu'ils ne soient nobles, ny anoblis, doiuent faire verifier, tant en la Cour de Parlement, que Chambre des Comptes, les priuileges & lettres d'exemption par eux obtenües, parce que tels priuileges & exemptions du droict de francs-Fiefs qui est domanial, emportent diminution, & en partie alienation du Domaine de la Couronne de France; duquel tant Messieurs de la Cour de Parlement, que Chambre des Comptes sont conseruateurs.

Et encores les habitans des villes priuilegiées doiuent faire confirmer leurs priuileges à l'aduenement de chacun Roy: parce que nos Roys estans simples vsafruiçtliers du Royaume, ils ne peuuent preiudicier à leurs successeurs, ny diminuer les droicts domaniaux de la Couronne de France, cōme sont les droicts de francs-Fiefs & de nouveaux Acqueits. Et si est necessaire faire verifier les lettres de confirmation, tant en la Cour de Parlemē, que Chābre des Comptes, pour les causes cy-dessus recitées.

Le gardien noble ou roturier faict les fruiçts siens des rentes constituées sur l'Hostel de ville.

II Les priuileges d'exemption du droict de frācs-Fiefs doiuent estre verifiez en la Cour de Parlement.

12 Les priuileges doiuent estre confirmez à l'aduenement de chacun Roy, & verifiez.

Ce faict est besoin les presenter à Messieurs les Commissaires deputez sur le faict des francs-Fiefs, pour les enteriner, & bailler main-leuée aux particuliers habitans priuilegiez, des fiefs & heritages nobles sur eux saisis, à faute d'auoir baillé declaration de leurs fiefs, suiuant l'Edict du Roy.

¹³
Qu'il est be- **soin voir l'o-**
riginal des
priuileges
portans exē-
pion du
droict de
frācs-Fiefs.
 Et conuient entendre, que quand les habitans de quelques villes alleguent priuileges de posséder fiefs & heritages nobles, encores qu'ils ne soient extraicts de noble lignée, ny anoblis par le Roy, & se pretendent exempts du droict de francs-Fiefs: ils doiuent faire apparoir de leur premier & original priuilege deuëment confirmé & verifié, lequel il est besoin exactement voir, & examiner le contenu en iceluy. Dautant que plusieurs priuileges ne sont donnez que pour certain temps: les autres ne contiennent sinon permission d'acquérir & tenir fiefs, au dedans du Baillage auquel les impetrans sont demeurans: ou iusques à certain reuenu annuel: les autres ne sont octroyez sinon à ceux qui ont vaillant en biens meubles & heritages, la somme de cinq cens liures, ou bien la somme de mil liures tournois pour vne fois. Ou bien tels priuileges ne contiennent sinon permission & exemption des fiefs auparauant acquis, & non de ceux qu'on acquerra depuis: tellement que si les impetrans ou leurs successeurs ont acquis fiefs depuis la datte de leurs priuileges, ou en possèdent d'autres que ceux portez par leurs priuileges, soit au dedans du Baillage de leur demeure, ou ailleurs; ils sont cottisables pour raison d'iceux au droict de francs-Fiefs. Ainsi qu'il est porté par vn ancien arrest donné contre les bourgeois de la Rochelle, qui est *inter iudicia, consilia & arresta redditae in Parlamento omnium Sanctorum anno Domini 1292.* escrit au liure *Olim*, estant au Greffe de la Cour de Parlement, fol. 95. verso. & se commence, *Visa charta Eurgensium de Rupella.*

Raison de ce
que dessus.

Aussi quelquesfois les habitans des villes, par lettres de confirmation qu'ils obtiennent des successeurs Roys de France, extendent & amplifient leurs priuileges. En ce faisant surprennent tant ceux qui les expedient, que ceux qui les verifient, & ne veulent exhiber le premier & original priuilege, mais montrent seulement les confirmations. Sçachans que si leur priuilege estoit confronté avec les confirmations d'iceluy, on les iugeroit subreptices & obreptices. *Quia qui simpliciter & in forma communi priuilegium confirmat, nihil noui iuris tribuit, nec priuilegium aliquo modo auget. cap. per diuersitatem. de concess. præb. ext. cap. inter dilectos. §. porrò. de fid. instr. cap. quia intentionis. de priuileg. ext. l. Aurelio. §. testamento. ff. de liberat. leg. Baldus in titulo per quos fiat inuestitura. in principio. de visibus feud. Oldradus consilio 164.*

Comme la
Cour verifie
les priuile-
ges.

Pour ceste cause quand la Cour verifie les lettres de confirmation de quelques priuileges, ordinairement elle ne prend cognoissance de cause: & anciennement elle auoit accoustumé mettre sur le reply des lettres: *Registrata audito Procuratore Generali Regis, pro utendo per dictos supplicantes priuilegiis per dictas literas confirmatis, quatenus ritè & rectè usi sunt, & de presenti uiuntur.* Et à present on met, Leuës, publiées & registrées, ouy sur ce le Procureur General du Roy, pour par les impetrās
 iouyr

iouyr & vser des priuileges confirmez , ainsi qu'ils en ont cy-deuant bonnement,iustement,& raisonnablement iouy & vsé,iouyssent & vsent de present.

LES NOBLES NE SONT SVBIECTS AV DROICT
de frācs-Fiefs:& les enfans quant au faict de Noblesse,suiuent la condition du pere, & non de la mere. Auec l'interpretation de la Coustume de Champagne , par laquelle on pretend que le ventre anoblit, & Arrests sur ce interuenus.

- | | |
|---|---|
| <p>1 Les nobles ne sont subiets au droict de frācs-Fiefs.</p> <p>2 En noblesse les enfans suiuent la condition du pere.</p> <p>3 En France le ventre n'anoblit point.</p> <p>4 Comme par la Coustume de Champagne le ventre anoblit.</p> <p>5 Les coustumes peuuent presfiger les moyens d'estre noble.</p> <p>6 Quand le pere a faict acte dero-</p> | <p>geant à noblesse , les enfans doiuent estre releuez par le Prince.</p> <p>7 Quand les enfans on faict acte derogant à noblesse , ils doiuent estre releuez par le Prince.</p> <p>8 Quand l'aycul & pere ont derogé à noblesse , les enfans ne peuuent estre releuez.</p> <p>9 Quels estats derogent à noblesse.</p> <p>10 Que les Iuges & Aduocats ne font acte derogant à noblesse.</p> |
|---|---|

CHAPITRE XI.



N peut facilement cognoistre par ce qui a esté cy-dessus amplement deduiet, que les nobles de race, & ceux qui ont esté anoblis par le Roy, ne sont subiects au droict de frācs-Fiefs: d'autant qu'il leur est loisible de tenir fiefs, & heritages nobles, mesmes que les fiefs & heritages nobles leur sont destineez en France. Tellement que quand on leue le droict de frācs-Fiefs, les nobles ne sont tenus bailler aucune declaration des heritages feodaux, ou alaudiaux, qu'ils possèdent, ny des droicts noblement tenus qui leur appartiennent, comme n'estans aucunement subiects ny contribuables aux deniers deubs au Roy, à cause du droict de frācs-Fiefs.

Les nobles ne sont subiects au droict de frācs-Fiefs.

Mais il conuient noter qu'en matiere de noblesse & exemption du droict de frācs-Fiefs, les enfans suiuent l'estat, qualité & condition du pere,& non de la mere. Tellement que si le pere est yslu de noble race,ou bien anobly par le Roy, les enfans pareillement sont nobles. Si le pere est roturier, les enfans sont roturiers. Et c'est ce que communément on dit, que *liberi patrem sequuntur quoad honores & originem. l. cum legitime. ff. stat. hom. l. 1. ff. ad municipal. & de incol. l. exemplo. & l. eos de decur. Cod. l. 10. §. de legit. agnat. tut. in Instit. in cap. 2. & ibi Gloss. de conuersat coniugat. l. senatoris filium. ff. de senat. licet, quoad statum, id est, an filij liberi vel serui sint, & quoad dominum matrem sequantur. l. patrum. C. de rei vend. l. fin. ff. de libera caus. §. 1. Instit. de inge.*

En noblesse les enfans suiuent la condition du pere.

3
En France
le ventre
n'anoblit
point.

Partant les enfans yssus en loyal mariage de pere noble, encores que la mere soit de roturiere condition, sont reputez nobles, & iouyssent du priuilege de noblesse, en ce faisant sont exempts du droict de francs-Fiefs. Au contraire, s'ils sont yssus de pere roturier, ores que la mere soit noble, sont reputez roturiers, & subiects au droict de francs-Fiefs. Ainsi est obserué en France, mesmes en la Preuosté & Vicomté de Paris. Tellement que le ventre n'anoblit point les enfans, comme il est amplement declaré *per Tiracquellum in libro de nobilitate, c. 18. & Nicolaum Boerium in suis decisionibus, decis 13. Alciatum in l. familia. §. foeminarum, ff. de verb. significat. Eguinarium Baronem in l. fin. ff. de stat. hom.* Et communément on dict que le fils n'appartient à la mere que pour la natiuité: *sed quicquid est iuris civilis, particeps, id habet à patre, nomen, gentem, dignitatem, & auctoritatem.*

4
Comme par
la Coustume
de Cham-
pagne le
ventre ano-
blit.

Bien est vray que cy-deuant on a tenu au pays de Champagne, mesmes en la Coustume du Baillage de Troyes, art. 1. & du Baillage de Chaumont en Bassigny, art. 2. que ceux sont dictz, tenus & reputez nobles, qui sont naiz & yssus en mariage de pere & de mere nobles, ou de pere noble, & de mere non noble, ou de mere noble, & de pere non noble: & qu'il fust l'un d'iceux pere ou mere estre nobles, à ce que le fruct soit noble. Pareillement on a tenu au Baillage de Victry, & par spécial en la Preuosté de Chasteau-Tierry, qu'il fust soit que de deux personnes, homme & femme conioincts ensemble par mariage, l'un fust noble, à ce que les enfans naiz & procréés du mariage fussent nobles & reputez tels, s'il leur plaisoit ensuiure la condition de leur pere ou mere noble, en renonçant à la succession du non noble, en ce qui escheoit en morte-main tant seulement: pour iouyr de tous les priuileges de noblesse, comme les autres nobles du pays. Encores on a pretendu le pareil au Baillage de Meaux, ainsi qu'il est porté par le 4. article de la Coustume.

Arrest donné
en la Cour
des Aydes,
par lequel
suivant la
Coustume
de Cham-
pagne le ven-
tre anoblit.

Et conformément à ces Coustumes, y a eu quelques Arrests donnez en la Cour des Aydes de Paris, par lesquels les enfans yssus de pere non noble, & de mere noble, ont esté declarez nobles, & comme tels declarez francs & exempts de payer tailles. Mesmes y a vn arrest du 7. Aoust 1483. par lequel apres enqueste faicte en turbe de la Coustume de Chasteau Thierry cy-dessus recitée, & recollement faict des tesmoins examinez en ceste enqueste: Iean Gouier, Esleu sur le faict des Aydes en l'Eslection de Chasteau Thierry, fils de Matthieu Gouier, nō noble, & de Thienne Baudrier noble, a esté déclaré noble: defences faictes aux habitans de Chasteau Thierry, l'asseoir & imposer es tailles qui seroient mises sus audit Chasteau Thierry, & ordonné qu'il en demeurera franc & exempt, tant & si longuement qu'il viura noblement, & ne fera acte derogeant à noblesse.

Toutesfois les Coustumes susdites qui auoient esté introduictes afin de repeupler la Champagne de nobles, au lieu de ceux qui estoient decedez à l'occasion des guerres qui auoient eu cours au pays, ont tousiours esté debatues. Ainsi que recite monsieur de Conan, en son 2. liure au chapitre de Ingenus.

De fait le 2. article de la Coustume de Chaumont en Bassigny, n'a esté accordé, pour la contradiction de partie des nobles, partie des gens d'Eglise, partie des Praticiens, & la decision d'iceluy a esté remise à la Cour. Le semblable a esté fait pour le regard des Coustumes de Troyes & de Meaux, lors de la redaction desquelles Messieurs les Commissaires remontrèrent que les pretenduës Coustumes estoient contraires à la disposition de droit: ainsi qu'il est amplement deduit es procez verbaux desdites Coustumes. Et quant à la pretenduë Coustume du Baillage de Victry & Preuosté de Chasteau-Thierry, elle n'est escrite, mais est recitée en l'arrest donné au profit de Jean Gouier, cy dessus recité.

Que la Coustume de Champagne cy-dessus recitée a tousiours esté debatuë.

Et pour le iourd'huy on n'a point d'esgard ausdites Coustumes, & tient-on pour certain en France que le ventre n'anoblit point: Tellement que ceux qui sont yssus de pere roturier, & de mere noble sont roturiers, s'ils n'ont obtenu arrest de la Cour des Aydes, par lequel comme nobles ils soient declarez exempts de payer tailles, conformément à la disposition de droit commun cy-dessus recitée.

En France on tiët pour certain que la mere n'anoblit point.

Hac latè tractant Baldus in l. ultima. Cod. de ser. fugit. in l. liberos, ff. de senatorib. Ang. con. 339. Flor. in l. qui testamentum. in fine, ff. de prob. Aluar. in c. 1. §. cateri. col. 3. quis dicatur dux mar. in usibus feud. Bartolus in l. exemplo. de decurionibus. C. lib. 10.

[Voyez pour cest effect le premier plaidoyé de monsieur maistre Claude Expilly, Aduocat du Roy au Parlement de Grenoble. N.B.]

Si les Coustumes susdites n'eussent esté controuersées lors de la redaction d'icelles, & eussent esté accordées du consentement des trois Estats, depuis emologuées en la Cour de Parlement, il est certain que suiuant icelles les enfans par le moyen de leur mere noble, eussent esté anoblis, encores que leur pere eust esté roturier, & que lesdites Coustumes fussent directement contraires à la disposition de droit. Car en France les Coustumes ont force de loy & ne peuvent estre debatuës, ny par le Roy, sous ombre que les Anoblissemens dependent de sa Majesté: attendu que son Procureur a esté present lors que les Coustumes ont esté redigées, lequel n'a aucunement contredit. Aussi ne peuvent estre debatuës par les habitans du pays, parce qu'ils ont presté consentement à icelles; ny par autres personnes: D'autant que les Coustumes estant emologuées en la Cour de Parlement, elles sont approuuées & declarées bonnes & valables. *Et certissimum est consuetudinem vel statutum nobilitare posse, & ex consuetudine nobiles, vel ignobiles fieri. L. ult. §. 1. ff. de munerib. & hon. l. ultima. in fine. ff. de decur. Bartolus & Ioan. Plat. in l. 1. de decurio. Cod. lib. 12. Bald. consil. 387. Paulus de Castro consil. 125. vol. 2. Tiraquellus in libro de nobilitate, cap. 10.*

Les Coustumes peuvent prescrire les moyens d'estre nobles.

Et tout ainsi que par Coustume deuëment emologuée les enfans par le moyen de leurs meres peuvent estre nobles, aussi par priuilege deuëment verifié les enfans à cause de leurs meres se peuvent attribuer le tiltre & qualité de noblesse. Comme nous lisons des femmes Ilienſes, Pontiques, & Delphiques, ausquelles Pompée le Grand donna priuilege que les enfans naiz d'elles en loyal mariage suiuroient leur condition

Par priuilege les enfans peuvent estre anoblis par le moyen de leurs meres.

& famille, comme il est dit in L. i. ff. ad municipal. Et le semblable sans priuilege estoit obserué aux Xaintiens & Liciens, ainsi que recite Plutarque & Herodote, tract. *Benedictus in cap. Raynutius in principio col. 14. 15. 16. 17.* En cest endroict conuient noter, que par la Coustume de Sens, emologuée en l'an 1555. art. 160. est dit que les enfans nais de pere ou de mere nobles, sont reputez nobles, posé que l'un d'iceux pere ou mere soit roturier.

6
Quand le
pere a fait
acte dero-
geant à no-
blesse, les en-
fans doiuent
estre releuez
par le Prin-
ce.

Si l'ayeul d'aucuns enfans estoit noble, & pareillement leur pere, toutesfois le pere a fait acte derogeant à noblesse, parce qu'il a esté marchand, fermier, ou artisan, ou bien Procureur, Notaire, ou Sergent, les enfans doiuent obtenir lettres du Roy pour estre releuez de l'acte derogeant à noblesse fait par leur defunct pere, nonobstant iceluy, estre receus à iouyr du priuilege de noblesse, comme nobles, & extraicts de noble generation. D'autant que les predecesseurs ne peuuent preiudicier à leurs successeurs quant à la condition & fait de noblesse, selon le texte in l. eum qui. ff. de inter. & relegat. l. qui conditio. de his qui sponte publica munera subeunt. Cod. lib. 10. L. Diuo Marco. Cod. de quast. Et le fils qui a obtenu lettres de relief du Prince, possédant l'heritage noble qui appartenoit à son defunct pere, sera tenu payer le droict de francs-Fiefs, pour le temps de la ionysance de son pere qui a vescu roturierement, à compter du iour de la derogation faite à noblesse, iusques à l'impetration des lettres, lesquelles communément on appelle lettres de rehabilitation de noblesse: & ne les faudra obtenir sans cause legitime & necessaire, à ce qu'on ne soit contrainct payer le droict de franc-Fiefs pour le temps precedent lesdites lettres.

Quand les
enfans ont
fait acte de-
rogeant à
noblesse, ils
doiuent estre
releuez par
le Prince.

Si les enfans ont fait acte derogeant à noblesse, ils doiuent obtenir lettres pour estre releuez de cest acte, & nonobstant iceluy iouyr à l'aduenir du priuilege de noblesse, en viuant noblemēt. Et maistre Jean Gruyer, duquel cy-dessus auons fait mention, obtint pareilles lettres fondées en la disposition de la Loy finale. ff. de senatorio. Masuerius in Practica forensi, titulo de Talys seu collectis. §. item & ista nobilitas. Guido Papa consilio 217. §. ad secundum & tertium.

Quand
l'ayeul &
pere ont de-
rogé à no-
blesse, les
enfans ne
peuuent estre
releuez.

Si l'ayeul & le pere auoient derogé à noblesse, ayans continuellement esté marchands ou artisans, aucuns ont cy-deuant tenu que les enfans n'en pourroient estre releuez. Car tout ainsi, dient-ils, que pour prouuer vne noblesse, il suffit verifier que les ayeul & pere ont vescu noblement, & qu'au pays estoient censez, estimez & reputez nobles, sans verifier la noblesse des predecesseurs, comme il sera dit au 23. chapitre: aussi l'ayeul & le pere ont peu perdre le tiltre & qualité de noblesse par eux acquis, faisans actes contraires à noblesse: Cum nihil sit tam naturale quam eodem genere unumquodque dissolui quo colligatum est, & eadem ut principia destructionis quæ & constitutionis. L. prout quisque contractus. ff. d. solut. & liberat. L. quamuis, ff. de acq. & amit. poss. L. nihil tam naturale ff. de regul. iur. Toutesfois il faut maintenir le contraire, & les enfans peuuent estre releuez des actes derogeans à noblesse, faits par les pere & ayeul, comme il a esté iugé en la Cour des Aydes. Et combien que la Coustume

de Bretagne porte, que le noble qui a faict train de marchandise peut retourner à sa noblesse en faisant acte contraire, declarant en Iustice qu'il veut viure noblement, & le faisant signifier aux manans & habitans. Toutesfois i'estime que pour plus grande seureté faut obtenir lettres du Prince, pour estre releué de l'acte. Comme il est porté par les responses faictes aux memoires enuoyez par les deputez de Bretagne. Aussi ladite Coustume porte certaines formes pour faire ladite declaration.

Pour sçauoir quels estats, professions, & artifices derogent à noblesse, & si les estats de Procureur, de Notaire, de Tabellion, & de Sergent derogent à noblesse : pareillement la profession de Medecine, Chirurgie, d'Agriculture, de Marchandise, & autres, est besoin voir Monsieur Tiraqueau en son liure de *Nobilitate*, chapitres 25. 26. 27. 28. 29. 30. 31. 32. 33. 34. 35. & 36.

Quels estats
derogent à
noblesse.

Et incidemment conuient noter qu'aucuns ont mis en auant, que ce luy qui est issu de noble race, & exerce l'estat d'Aduocat és sieges inferieurs des Cours de Parlement de ce Royaume, comme és Elections, Preuostez, & Baillages, faict acte derogant à noblesse, & qu'il luy est besoin obtenir lettres pour estre releué dudit acte, comme fit Maistre Guillaume Boucher Licentié és Loix, Esleu de Sens, la noblesse duquel a esté reuouquée en doute, obtint lettres afin d'estre releué de ce qu'il auoit exercé, & exerçoit l'estat d'Aduocat és sieges de Preuosté & Baillage de Sens. Lesquelles lettres luy furent enterinées par Arrest de la Cour des Aydes du 6. Iuillet 1525. & ordonné qu'il iouyroit de l'exemption & priuilege de noblesse, ainsi que iouyssent & ont accoustumé iouyr les autres nobles de ce Royaume, nonobstant qu'il eust exercé & exerçast l'estat d'Aduocat, pourueu qu'il vescuist noblement sans faire acte derogant à noblesse. Et par ledit Arrest on peut cognoistre que lescdites lettres n'estoient necessaires, mais auoient esté obtenues *ad abundantiorum cautelam*, & pour oster tout doubte, attendu que par ledit Arrest n'a esté defendu audit Boucher d'exercer l'estat d'Aduocat. Aussi qu'il est certain par la disposition de droict, que *Aduocati officium est nobile, laudabile & honorabile, L. providendum. Cod. de postul. l. Aduocati. L. laudabile. Cod. de aduoca. diuers. indic. Tiraqueus in libro de Nobilitate capite sexto, col. 22. Guid. Pap. decis. Delph. 388.*

L'Estat
d'Aduocat
ne deroge
point à no-
blesse, enco-
res qu'il soit
exercé és sie-
ges infe-
rieurs.

IO
Que les Iu-
es & Adu-
ocats ne
font acte de-
rogeant à
noblesse.

De faict les manans & habitans de la ville de Rennes en Bretagne, ayans imposé à la soulde de cinquante mille hommes de pied, & autres deniers leuez par le Roy sur les habitans de ladite ville, les Iuges & Aduocats issus de noble race, soustenans qu'ils faisoient acte derogant à noblesse, d'autant qu'ils prenoient argent & salaire des parties. Par Arrest du Conseil Priué du Roy, donné à Paris le 4. Mars 1543. l'imposition faicte des personnes nobles, habitans de ladite ville, sous ombre que lescdits nobles tiennent office de Iudicature, ou qu'ils exercent l'estat d'Aduocat postulans pour les parties, & pour ce faire prennent argent & salaire, fut cassée & adnullée. Et déclaré que lescdites personnes en tenans lescdits offices de Iudicature, & exerçans ledit estat d'Aduocat, & pour ce faire prenant argent & salaire, ne contreuenient à l'estat de noblesse : & doiuent

ce nonobstant iouyr des droicts & priuileges de noblesse, en seruans' le Roy au ban, & arriere-ban, comme les autres nobles du pays, pourueu qu'ils ne facent ny exercent actes derogeans à noblesse. Et fut ordonné que ce qui auoit esté payé par les dessusdits, leur seroit rendu & restitué, & departy & imposé sur les non nobles & contribuans, sans despens, dommages & intersts.

Arrest donné au profit de Baquet Aduocat au Chasteler de Paris.

Aussi par arrest donné en la Cour des Aydes, le 2. Ianuier 1508. Maître Claude Baquet Aduocat au Chasteler de Paris, fils de Iean Baquet anobly par le Roy Charles VII. ayant obtenu lettres du Roy Louys II. pour estre releué de ce qu'on pourroit pretendre qu'il eust faict acte derogeant à noblesse, au moyen de l'exercice de l'estat d'Aduocat, ses lettres luy furent enterinées, & ce faisant ordonné qu'il iouyroit du priuilege de noblesse, nonobstant qu'il exerçast l'estat d'Aduocat: & qu'il seroit tenu franc, quitte & exempt de toutes tailles, aides, huietièmes, & autres subides quelconques mis & à mettre sus, pourueu qu'il ne face autre acte derogeant à noblesse.

Et par le moyen de cest arrest plusieurs sont d'aduis, que ceux qui exercent l'estat d'Aduocat és autres Iustices & Iurisdiccions, qu'és Cours souveraines, doiuent estre releuez entant que besoin seroit dudit acte. Ce que i'estime n'estre necessaire. Toutesfois le plus seur sera obtenir lettres entant que besoin seroit *ad abundantioram cautelam*.

Si les Bastards issus de peres nobles iouissent du priuilege de noblesse.

Si les bastards issus de peres nobles par eux recogneus, non legitimez, ou bien legitimez sans le consentement de leurs peres, viuans noblement, sont exempts de tailles, aides, & subides, comme les autres nobles de ce Royaume: est besoin voir le 2. chap. dudit droict de Bastardise par nous n'agueres mis en lumiere, où la matiere est amplement traittée.

Sçauoir si le roturier peut estre contraint par le Roy, ou autre seigneur feodal, vuides ses mains du fief par luy acquis, ou qui luy est aduenu par succession.

CHAPITRE XII.

Sçauoir si le roturier peut estre contraint vuides ses mains du fief qu'il possède.



N'a demandé si le roturier qui a acquis, ou auquel est aduenu par succession, vn fief tenu en plein fief du Roy ou d'autre seigneur feodal, peut estre contraint par le Roy ou par son seigneur feodal, vuides ses mains dedans an & iour du fief par luy acquis, ou à luy aduenu par succession: tout ainsi que les gens de main-morte peuvent estre contraints vuides leurs mains des heritages par eux possédez en France: ainsi que monstrerons au trente-troisième chapitre du present Traicté.

Ceste question a esté agitée en la Chambre du Thresor entre le Pro-

cureur du Roy en ceste Chambre : & vn marchand demeurant à Monthery, lequel auoit acquis vn fief assis en la Chastellenie de Monthery immediatement mouuant du Roy, & estoit adiourné à la requeste du Procureur du Roy, à ce qu'il fust condamné vider ses mains du fief par luy possédé, & le mettre és mains de personne noble viuant noblement.

Le Procureur du Roy pour ses moyens alleguoit les Ordonnances faites par les Roys Philippes III. & Philippes IV. dict le Bel, recitées au 4. chapitre du present Traicté. Et disoit que par les anciennes Loix, Ordonnances & Statuts du Royaume, il est defendu aux roturiers & non nobles posséder en France fiefs, heritages nobles, & droicts immobiliers noblement tenus. Tellement que *lege Regni, feudi commercium cum plebeio & ignobili interdictum erat.* Et tout ainsi que *legatarius, cui legata est res cuius commercium non habet, legatum consequi non potest*, aussi *plebeius feudum, aut nobile pradium poss. dere non potest, l. mortuo. §. Labeo. ff. de legat. 2. l. multum interest. ff. de verb. obligat. §. 1. versic. cuius commercium.* Instit. de inuicil. stipul.

Moyens alleguez par le Procureur du Roy demandeur.

Aussi disoit que les fiefs & heritages nobles situez en France, estans destinez aux nobles, afin de secourir le Roy au faict de ses guerres, on ne deuoit permettre qu'ils fussent possédez par roturiers, qui ne sont experimentez au faict des guerres, & ausquels il n'est licite de porter armes. *Ignobilibus enim arma de ferre prohibitum est. §. si quis rusticus, & §. mercator. tit. de pac. ten. in vsib. feud. Lucas de Penna in l. unica. ut armorum usus. C. lib. 11.*

En France les fiefs sont destinez aux nobles.

Dauantage disoit, tout ainsi que par la disposition de droict, *quod in unum usum destinatum est, ad alium conuerti non debet*: aussi *quod certis personis destinatum est, ad alias transferendum non est, l. unica. non licere habitoribus Metrocomia loca sua ad extraneum transferre. C. lib. 11. l. 1. & l. legatum. ff. de administ. rer. ad ciuit. pert.*

Coustume de Meaux decisiue du present differend.

Outre alleguoit les Coustumes de Meaux article 154. de Victry en Partois au tiltre des fiefs article 46. & plusieurs autres Coustumes, par lesquelles les seigneurs feodaux peuuent contraindre les roturiers vider leurs mains des fiefs qu'ils possèdent. Et disoit les susdites Coustumes, comme iustes & raisonnables, estre confirmées *per Guidonem Papam dicis. 415.* Mesmes que la Coustume de Meaux proche de Paris, estoit fort considerable au cas de present, veu qu'il n'estoit décidé par la Coustume de Paris, suiuant la loy *de quibus. ff. de legib.*

Le defendeur pour defenses disoit, qu'il n'y auoit loy ny ordonnance verifiée en la Cour de Parlement qui portaist, qu'un roturier possédant fief peust estre contrainct en vider ses mains.

Moyens alleguez par le defendeur roturier.

Que la raison des ordonnances, par lesquelles est dict que les gens de main-morte seroient tenus vider leurs mains des heritages par eux possédez en France, cesse au roturier tenant fief. D'autant que le roturier peut librement vendre, eschanger, donner, & autrement aliener son fief : & aduenant mutation ou ouuerture d'iceluy, le Roy ou autre seigneur feodal n'a aucune perte ny dommage, quand le fief est possédé par vn roturier.

Au contraire le Roy y a profit, d'autant qu'il est payé par le roturier de son droict de francs-Fiefs, duquel le noble est exempt.

Et encores que par les Ordonnances il fust prohibé aux roturiers tenir fiefs & heritages nobles: cela se doit entendre sainement. A sçauoir sans estre subiects au droict de francs-Fiefs, en payant lequel droict, ils ne peuvent estre contraincts vider leurs mains des fiefs par eux possédez, comme il est porté par les pretenduës Ordonnances des Roys Philippes III. & Philippes IV.

Quant aux Coustumes alleguées, le defendeur disoit, qu'elles sont particulieres, & qu'en la Coustume de Paris il n'y a aucun article, par lequel il soit dict que le roturier tenant fief peut estre contrainct en vider ses mains.

Au regard du legataire *qui rei legata commercium non habebat*, disoit, que *licet rem legatam petere non posset, tamen eius estimationem consequeretur: & paria sunt rem aut eius estimationem habere. l. Africanus. §. finali. cum lege sequenti. ff. de legat. primo.*

Quant à la decision de *Guido Papa*, disoit qu'elle estoit pour luy, d'autant que par ceste decision il est porté, que Messieurs des Comptes de Dauphiné, reçoient tous les roturiers en foy & hommage des fiefs à eux appartenans, en payant finance au Roy. Et que le seigneur feodal estant sans interest, il sera contrainct receuoir le roturier en foy & hommage du fief mouuant de luy, en le payant de ses droits & deuoirs: mesmement que les fiefs sont patrimoniaux, hereditaires & venaux en France: tout ainsi que les autres heritages roturiers ou alaudiaux. *Vt ait Ioan. Faber in tit. de legit. agnat. tut. in Institut. & Molinæus in proœmio consuetudinum Parisiensium.*

Dauantage, & qui est peremptoire, le defendeur disoit, que le Procureur du Roy n'estoit receuable en sa demande, attendu que le defendeur estoit receu en foy & hommage en la Chambre des Comptes longtemps y auoit, & auoit payé au Roy à present regnant le droict de francs-Fiefs.

Decision de
la question
suydite.

Les parties ayans respectiuement escrit & produit: le procez est demeuré indecis. Et semble que le defendeur estoit bien fondé en ses defences: & qu'on ne peut contraindre vn roturier vider ses mains du fief qu'il possède, s'il n'est expressement porté par la Coustume au dedans de laquelle le fief est situé: aussi on n'a point accoustumé en la Preuosté & Vicomté de Paris, faire telle poursuite contre les roturiers.

COMME LE ROTURIER SE DOIT POURVOIR
afin d'auoir main-leuée de l'heritage censuel & roturier sur luy saisi
pour le droict de francs-Fiefs.

1 Forme de requeste qu'il conuient presenter.

2 Qu'il est besoin iustifier que l'heri-

tage saisi est roturier.

3 On peut verifier par tesmoins qu'un heritage est roturier.

4 Com-

4 Comme le roturier se doit pourvoir, quand erronément il a mis en sa déclaration quelques heritages roturiers.

5 Comme on se doit pourvoir sur les

appellations interiectées de ce qui concerne la commission des francs-Fiefs & nouveaux Acquests.

6 Les Iuges deleguez ne peuvent cognoistre d'appel.

CHAPITRE XIII.



La esté dit au sixiesme chapitre du present Traicté, que le roturier n'est subject au droict de francs-Fiefs, sinon pour les fiefs & autres heritages nobles qu'il possede, ensemble pour les droicts noblement tenus qui luy appartiennent: Neantmoins les Sergens commis pour faire les saisies des fiefs & heritages nobles possédez par les roturiers, qui ne les ont baillé par déclaration, suiuant les inionctions & proclamations de ce faites, quelquefois saisissent des maisons, metairies, terres, prez, bois, & autres heritages censuels appartenans aux roturiers, comme s'ils estoient feodaux & nobles, encores que lesdits roturiers en payent chacun ans cens, rentes, & autres redevances annuelles. Et qui plus est quelquesfois les roturiers par erreur & inaduertance, mettent és déclarations qu'ils baillent, suiuant l'Edict des francs-Fiefs, des heritages qui sont purs roturiers & censuels, & les meslent avec les feodaux qui leur appartiennent; tellement qu'ils sont taxez au droict de francs-Fiefs, non seulement pour les heritages feodaux & alaudiaux qui leur appartiennent, mais aussi pour les heritages roturiers & coustumiers qu'ils possèdent. A ceste cause on a demandé comme les roturiers se doiuent pourvoir, tant contre la saisie faicte de leurs heritages censuels, que contre la taxe faicte pour raison d'iceux: & s'ils doiuent s'opposer à la saisie, & pareillement au commandement de payer la somme portée par la taxe: ou bien s'ils doiuent appeller de la saisie, ensemble de la taxe, & faire conuertir leur appel en opposition, qui sont les voyes communes & ordinaires.

Comme le roturier se doit pourvoir quand son heritage censuel est saisi pour le droict de francs-Fiefs

Il semble que le meilleur moyen & le plus brief sera, presenter requeste à Messieurs les Commissaires deputez par le Roy, sur le faict des francs-Fiefs & nouveaux Acquests. Par laquelle le suppliant donnera à entendre que le droict de francs-Fiefs ne se perçoit sinon sur le roturier tenant fiefs ou heritages nobles: que l'heritage saisi est roturier, & non feodal: qu'à cause d'iceluy il est tenu payer chacun an telle censue à tel seigneur: que les heritages sont presomez roturiers & non feodaux: qu'il renonce à tout droict de feodalité: partant que l'heritage duquel est question n'a peu estre saisi, comme n'estant subject au droict de francs-Fiefs: requerra main-leuée de la saisie faicte dudit heritage, que les Commissaires soient deschargez, condamnez luy rendre compte, & payer le reliqua d'iceluy.

Forme de requeste qu'il conuient presenter.

Ce qui sera ordonné apres auoir ouy le Procureur du Roy, qui consentira, pourueu qu'il apparaisse par tiltres valables, que l'heritage saisi

Qu'il est bi-

soin iustifier que l'heritage saisi est roturier. est roturier : comme par baux anciennement faicts à la charge de cens, par contracts d'acquisitions faictes à la charge de payer chacun an la censive à tel seigneur, par quittances des payemens de la censive, par enfaisinemens avec payement des lots & ventes, par declarations baillées au seigneur censier, & autrement deuëment. En sorte qu'il n'est besoin de se pourvoir, ny par opposition, ny par appel, ny par conuersion d'appel en opposition, ains par simple requeste deuëment iustificée par tiltres.

3 On ne peut verifier par tesmoins qu'un heritage est roturier, Et si on ne peut faire apparoir d'aucuns tiltres, d'autant qu'ils ont esté perdus par le moyen des guerres ciuiles qui ont eu cours au Royaume: sera besoin informer par tesmoins de la qualité & condition de l'heritage saisi, que pour raison d'iceluy on a tousiours payé censive à tel seigneur, comme font les detenteurs & propriétaires des heritages proches & contigus, qu'au pays on a tousiours réputé ledit heritage roturier & non feodal, que pour raison d'iceluy on n'a point esté appellé, ny esté cottisé au ban & arriere-ban, que ledit heritage a tousiours esté tenu pour roturier. Qu'il n'y a aucuns fiefs, censives, ny droicts seigneuriaux dependans de l'heritage saisi. Et faudra renoncer à tout droict de feodalité en l'heritage saisi. Et de ce que dessus sera bon auoir attestation iudiciairement faicte avec le Procureur du Roy, pardeuant le Iuge des lieux, afin d'empescher la perfection de l'execution & effect de la saisie.

4 Comme le roturier se doit pourvoir quand erronément il a mis en sa declaration quelques heritages roturiers. Semblable requeste sera présentée quand le roturier erronément aura compris en la declaration par luy baillée au Greffe des francs-Fiefs, quelque heritage censuel, verifera par tiltres valables que l'heritage compris en la declaration est roturier, & non feodal ny noble : requerra que la taxe sur luy faicte soit modérée, & soit deschargé de la somme taxée pour ledit heritage roturier. S'il a entierement payé la somme portée par la taxe, il demandera que les deniers taxez pour raison dudit heritage censuel luy soient rendus. Ce qui sera ordonné sur la requeste deuëment iustificée, apres auoir ouy le Procureur du Roy, qui le consentira. Et ainsi se pratique ordinairement en la commission des francs-Fiefs & nouveaux Acquests, mesmes par les Ecclesiastiques, quand erronément ils ont baillé par declaration quelques heritages qui leur estoient deuëment amortis par les Roys de France, pour lesquels ils n'estoient aucunement subiets au droict de nouveaux Acquests, neantmoins ont esté taxez pour raison d'iceux : comme nous declarerons amplement au 73. chapitre.

5 Comme on se doit pourvoir sur les appellations interiectées de ce qui concerne la commission des francs-Fiefs & Nouveaux Acquests. Et conuient noter, que quand il y a appel interiecté des saisies faictes de quelques terres, ou d'emprisonnement faict de personnes, à faute de payement des sommes de deniers portées par les taxes des droicts de francs-Fiefs & nouveaux Acquests : ou bien d'emprisonnement des Sergens executeurs desdites taxes, ou bien des taxes faictes par quelques Commissaires subdeleguez : ou bien des taxes faictes par Messieurs les Commissaires deputez pour le faict des francs-Fiefs & nouveaux Acquests, ou d'autres actes cōcernans la commission desdits francs-Fiefs & nouveaux Acquests : on ne peut releuer les appellations pardeuant lesdits Seigneurs Commissaires, parce qu'en France les Iuges deleguez,

comme sont lesdits Seigneurs Commissaires, Messieurs des Requestes du Palais, Messieurs du Thresor, les Conseruateurs des priuileges Royaux des Vniuersitez, & autres ne cognoissent aucunement d'appel. Et tout appel doit estre releué de l'inferieur au superieur. Tellement qu'és cas susdits il est besoin releuer l'appel en la Cour de Parlement de Paris, & en la Chancellerie on ne bailleroit pas lettres pour le releuer ailleurs. Aussi lesdits Seigneurs Commissaires ne bailleroient commission en forme de relief d'appel. Et lors que la Cour est saisie de l'appel, est besoin presenter requeste, à ce qu'il luy plaise r'enuoyer la cause pardeuant lesdits Seigneurs Commissaires deputez par le Roy, sur le faict des francs-Fiefs & nouveaux Acquests. Ce que Monsieur le Procureur General du Roy requerra & consentira, apres auoir ouy son Substitut au Thresor, & en la commission de francs-Fiefs: suiuant les lettres patentes contenant le pouuoir desdits Seigneurs Commissaires, transcriptes à la fin du present Traicté: Et pour clairement entendre ce que dessus est besoin voir les 23. 54. & 65. chapitres du present discours.

6
Les Iuges
deleguez ne
peuent cog-
noistre
d'appel.

LE DROICT DE FRANCS-FIEFS NE PEUT
estre prescript contre le Roy par quelque laps de temps que ce soit, ny
aliené par les Roys de France.

- | | |
|--|--|
| 1 Le droit de francs-Fiefs ne peut
estre aucunement prescript contre le
Roy. | 4 Le Roy ne peut aliener son Domai-
ne, ny partie d'iceluy. |
| 2 Les habitans du pays de droit es-
cript sont subiets au droit de francs
Fiefs. | 5 Priuileges anciennement donnez au
Duc de Bourbonnois. |
| 3 Le droit de francs-Fiefs ne peut
estre donné, vendu ny aliené. | 6 Recompense baillée par le Roy à
Monsieur de Montpensier. |
| | 7 Iugement donné contre les habitans
de Beaujolois. |

CHAPITRE XIII.



O V s auons monstré au 5. chapitre du present Traicté, que le droit de francs-Fiefs appartient au Roy seul, priuatiuement à tous les seigneurs du Royaume, & qu'il est domanial. Il conuient à present entendre que ce droit de francs-Fiefs est si priuilegié, qu'il ne peut estre prescript par quelque laps de temps que ce soit, fust-il de cent ans.

1
Le droit de
francs-
Fiefs ne peut
estre aucu-
nement pre-
scrit contre
le Roy.

Tellement supposé que les Roys de France n'ayent cy-deuant leué le droit de francs-Fiefs en aucunes Prouinces, ou en quelques villes du Royaume, comme pretendent plusieurs habitans, mesmes ceux du pays de droit escript: Toutesfois les roturiers qui possèdent en France heritages feodaux, ou alaudiaux, ou bien droicts noblement tenus, ne peuent à present s'exempter du droit de francs-Fiefs, & payement

de la finance deuë au Roy, à cause d'iceluy, ny dire qu'ils ont prescript ledit droict: non plus que les Ecclesiastiques & autres gens de main-morte, ne peuuent alleguer prescription du droict de nouveaux Acquests: comme nous monstrerons au 37. chap. du present Traicté. Et de ce y a plusieurs raisons.

Premiere
raison.

La premiere est, que les ordonnances par lesquelles est defendu aux roturiers posseder Fiefs & heritages nobles, sont generales par tout le Royaume de France, & par icelles ne sont exceptez aucuns habitans soit du pays du droict escript ou autres. Tellement que la possession que les roturiers voudroient pretendre seroit contraire, quoy que ce soit repugnante à la loy du Royaume: consequemment de mauuaise foy, & ne pourroit induire prescription. *Et quemadmodum laicus ius decimarum nullo tempore praescribit, quia decimas possidere non potest; cum eius possessioni ius commune resistat:* Aussi les roturiers ne peuuent prescrire le droict de francs-Fiefs: d'autant qu'ils ne peuuent & ne doiuent posseder fiefs & heritages nobles en France, & que la loy du Royaume resiste à leur possession, *cap. causam qua. de praescript. ext. cap. dudum de dec. ext.*

Seconde
raison.

La seconde raison est, que le droict de francs-Fiefs est Royal, domanial, honorifique, & souuerain, deu au Roy en recognoissance de souueraineté & superiorité, partant imprescriptible. Et comme les gens de main-morte payent le droict de nouveaux Acquests, pour la tolerance d'auoir possédé heritages en France, contre les Loix & statuts du Royaume, s'ils ne sont amortis: Aussi les roturiers sont tenus payer le droict de francs-Fiefs, pour la tolerance de la possession & iouissance qu'ils ont eu des fiefs & heritages nobles situez au Royaume, contre les Loix & statuts d'iceluy. *l. i. & fin. C. ne rei dominica vel temp. l. comperit. l. de praescr. 30. vel 40. annor.*

Tierce
raison.

La tierce raison est, que les predecesseurs Roys de France, lesquels par la negligence de leurs Officiers n'ont leué en quelques Prouinces le droict de francs-Fiefs, n'ont peu preiudicier à leurs successeurs Roys. Et par le moyen de ceste negligence & omission, les droicts domaniaux de la Couronne de France, comme est le droict de francs-Fiefs, n'ont peu estre prescripts: attendu que prescription emporte alienation, laquelle leur est interdite, *qui enim patitur usucapi, alienare censetur. l. alienationis verbum. ff. de verb. & rer. significat. l. nam satis ff. quemad. seruit. amit.*

Quatriesme
raison.

La quatriesme raison est, que la loy estant generale en France, defendant au roturier posseder fiefs, elle doit estre generalement gardée, sans que les particuliers habitans d'aucunes villes ou Prouinces, soient plus priuilegiez que les autres: ce qui aduiendroit, si les particuliers habitans d'aucunes Prouinces du Royaume se pouuoient exempter du droict de francs-Fiefs, par le moyen de prescription, sans aucun priuilege ny lettres d'anoblissement obtenues du Roy.

Les habitans
du pays de
droict escript
sont subiects
au droict de
francs Fiefs.

Et supposé que les particuliers habitans du pays de droict escript, soient subiects au ban & arriere-ban, pour raison des fiefs & heritages nobles par eux possédez: Et que quand ils vendent ou autrement alienent, ils ne soient tenus payer aucuns droicts de quints, requints,

reliefs, rachapts, & autres droicts & deuoirs, pour quelque alienation ou mutation que ce soit : Toutesfois sous ombre de la contribution qu'ils font au ban & arriere-ban, & exemption de droicts & deuoirs en cas d'alienation ou mutation, ils ne peuuent & ne doiuent estre affranchis du droict de francs-Fiefs. Parce que les roturiers du pays Coustumier tenans fiefs, contribuent au ban & arriere-ban comme ceux du pays de droict escript : aussi que les roturiers du pays Coustumier qui possèdent heritages alaudiaux & tenus en franc-Aleu noble ou roturier, quand ils les vendent, eschangent ou autrement les alienent, ne sont tenus payer aucuns droicts ny deuoirs. Neantmoins ils sont subiects au droict de francs-Fiefs, mesmes ceux qui tiennent en franc-Aleu noble, comme nous auons monstré au sixiesme chapitre.

Ioinct que toutes & quantes fois que les Roys ont leué les droicts de francs-Fiefs & Nouveaux Acquests, ils ont député certains Commissaires en chacun Parlement du Royaume, & autres lieux des Prouinces & Baillages d'iceluy, pour taxer & liquider la finance deuë à cause d'iceux droicts. Et les habitans de Languedoc, lesquels se gouernent selon le droict escript, ont le plus souuent, & quasi tousiours composé avec les Roys de France pour les droicts de francs-Fiefs & Nouveaux Acquests.

Aussi en France n'y a point de Coustume locale, qui assubiectisse les roturiers demeurans au dedans d'icelle au droict de francs-Fiefs, & n'y sont subiects que par le moyen de la loy generale du Royaume, prohibant aux roturiers de tenir fiefs & heritages nobles en France.

Il y a plusieurs autres raisons, par lesquelles on peut clairement connoistre que le droict de francs-Fiefs, ne se peut aucunement prescrire contre le Roy, qui seront deduietes au 37. chapitre du present Traicté : & encores sont contenuës au 28. chapitre du droict d'Aubeine par nous n'agueres mis en lumiere.

Tout ainsi que le droict de francs-Fiefs ne peut estre prescript contre le Roy, comme il a esté cy-dessus monstré : aussi il ne peut estre donné, cédé, vendu ny aliené par les Roys de France, non plus que le droict d'Aubeine : comme estant vn droict domanial, souuerain, & honorifique, incorporé, radiqué & annexé à la Couronne de France, de laquelle il ne peut estre séparé. Et comme chose sacrée ne tombe au commerce des hommes, & n'est communicable à autre qu'au Roy : comme dit le texte, *in §. si verò quisquam, ut omnes obediant iudicibus, in Authent. l. fin. C. ne rei domi. vel templo. l. apud Iulianum. §. fin. ff. de legat. 3.*

3
Le droict de francs-Fiefs ne peut estre donné, vendu, ny aliené.

Et combien que le Roy ait pleine, entiere & libre administration de son domaine & droicts dependans d'iceluy, toutesfois cela s'entend sans le pouuoir aliener en tout ny en partie, & est l'vn des sermens que le Roy fait à son Sacre, de non aliener son Domaine & droicts de sa Couronne, *cap. intellecto. ext. de iureiurando, notatur in l. contra publicam. de re milit. Cod. lib. 12.* Et pour ceste cause le Domaine de la Couronne comme inalienable est comparé à la tunique sans cousture qui ne fut diuisée, comme nous auons amplement deduit au 28. chapitre du droict d'Aubeine.

4
Le Roy ne peut aliener son domaine ny partie d'iceluy.

Ioinct que par l'ordonnance faite pour l'vnion & conseruation du Domaine, vérifiée en la Cour de Parlement le 13. May 1566. est dit : Que le Domaine de la Couronne de France ne peut estre aliené, qu'en deux cas seulement. L'un pour l'appanage des puisnez masles de la Maison de France, avec la condition de retour par leur decez à faute de masles : l'autre à deniers comptans pour la necessité de la guerre, apres lettres patentes deuëment vérifiées, à condition de rachapt perpetuel. Et que ne seront baillées aucunes exemptions des payemens des droicts appartenans & dependans du Domaine, en quelque forme & façon que ce soit. Et par le mesme Edict est defendu aux Parlemens & Chambres des Comptes, d'auoir aucun esgard aux lettres patêtes contenans alienation du Domaine & fruiets d'iceluy, hors les cas susdits, pour quelque cause & temps que ce soit, encores que ce fust pour vn an. Et leur est inhibé de proceder à l'enterinement & verification d'icelles. Et ne seront tenues pour valablement enterinées celles qui auront cy-deuant esté octroyées, sinon qu'elles eussent esté vérifiées, tant des Cours de Parlement, que Chambres des Comptes, en chacune desdites Cours & Chambres. Et ne sera par vertu d'icelles aucune chose alloüée aux comptes des Officiers comptables du Domaine.

*Recit du
proces des
habitans de
Beaujolois
se preteians
exempts du
droict de
fracs-Fiefs.*

De faict les habitans du pays de Beaujolois ayans appellé des taxes sur eux faites, pour raison des droicts de francs-Fiefs & Nouveaux Acquests, par maistre Hierosme de Chastillon President au siege de Lyon, soy disant Commissaire en ceste partie, & saisies faites sur leurs heritages : releué leur appel en la Cour, fait interuenir en cause Monsieur le Duc de Montpensier Baron de Beaujolois. Par arrest de ladite Cour, estant ordonné que sur l'appel les parties se pouruoiroient pardeuant Messieurs les Iuges ordonnez par le Roy au Thresor à Paris sur le faict desdits francs-Fiefs & Nouveaux Acquests : Lesdits appellans amplement ouys, avec le Procureur du Roy audit Thresor, & commission des francs-Fiefs & Nouveaux Acquests, prenant la cause pour le Procureur du Roy au Baillage de Beaujolois, & pour maistre Pierre le Gendre Receueur general desdits droicts.

*Moyens alleguez par
les habitans
de Beaujolois.*

Les appellans & ioincts ayant remonstré les raisons cy-dessus deduites, ensemble les priuileges, exemptions & immunitéz contenuës es lettres patentes obtenuës du Roy Loys vnzième, vérifiées tant en la Cour de Parlement, les 10. Decembre 1465. & 17. Iuillet 1466. que Chambre des Comptes.

*Priuileges
ancienne-
ment don-
nez au Duc
de Bourbon-
nois.*

Par lesquelles sur la remonstrance faite par le Duc de Bourbonnois & d'Auergne, que certains Commissaires ordonnez sur le faict des francs-Fiefs & Nouveaux Acquests, s'estoient transportez en ses pays & Duchez de Bourbonnois & d'Auergne, Comtez de Clermont, & de Forests, Baronnies & Seigneuries de Beaujolois, Roannois, Maleual, & Riuieres : Lesquels auoient fait plusieurs exactions indeües sur seldits pays & subiects, qui sont gouuernez par droict escript seulement. Le Roy auroit voulu, ordonné & octroyé, que d'oresnauant ne seroient par luy ne ses successeurs Roys enuoyez aucuns Commissaires esdits pays du Duc

de Bourbon, pour lesdits francs-Fiefs & Nouveaux Acquests, ny pour exiger aucuns marcs d'or ou somme de deniers sur les Notaires à cause du nouuel aduenement à la Couronne des Roys de France. Et si aucuns estoient enuoyez, que ledit Duc de Bourbon & ses successeurs ne ses gens & Officiers ne seroient tenus d'y obeyr, & de ce les auroit exemptez perpetuellement : lesquels priuileges auoient esté confirmez par le Roy Charles huictiesme.

Mesinement ledit Seigneur Duc de Montpensier auroit remonstré, que par contract en forme de transaction faict avec le Roy François second, emologué en la Cour de Parlement le 14. Iuillet 1561. outre les Duché de Montpensier, & terres à luy delaisées par le Roy François premier, mentionnées és lettres patentes du mois d'Aoust 1538. erigées entitre de Pairie, luy auoient esté baillées, pour supplément de ce qui luy pouuoit & peut appartenir és biens & successions de Bourbon & Montpensier, & de feuë Dame Anne de France, les terres & Seigneuries de Beaujolois, & Dombes, leurs appartenances & dependances, en telle integrité, droict, & estat, qu'elles estoient lors que feu Dame Anne de France & Charles de Bourbon en iouyssoient. Et estoit dit, que ledit Seigneur de Montpensier & ses successeurs, iouyront dudit pays de Dombes, en tous droicts & souueraineté, prerogatiues, prééminences, exemptions, immunitéz, franchises & libertéz y appartenans, tant pour luy que pour ses subiects : tels & semblables que les auoient lesdits Dame Anne de France & Charles de Bourbon. Partant que ses appellans estoient bien fondez en leur appel, comme francs & exempts des droicts de francs-Fiefs & Nouveaux Acquests.

⁶
Recompen-
sée de
par le Roy à
monseigneur de
Montpensier.

Au contraire le Procureur du Roy auroit soustenu, que le Roy auoit droict de leuer les droicts de francs-Fiefs & Nouveaux Acquests, indistinctement par tout son Royaume, terres & Seigneuries de son obeyssance, comme il a esté cy-dessus monstre : & n'estoit raisonnable que ceux de Beaujolois fussent exempts desdits droicts en tout le Royaume. Que les droicts dessusdits estans domaniaux n'auoient peu estre donnez, remis, ny perpetuellement quitttez par le Roy Loys vnzieisme, & tel don ne pouuoit valoir que pour son temps & pendant sa vie, non pas qu'il peust preiudicier à ses successeurs Roys de France, pour à l'aduenir les priver desdits droicts, tant au pays de Beaujolois qu'autres lieux mentionnez és lettres patentes cy-deuant dattées. Lesquelles auoient esté obtenues lors de la pacification faite par ledit Roy Loys vnzieisme avec les Princes de France, & cessation de la guerre appelée du bien public. Aussi ledit Procureur du Roy remonstroit que lesdits priuileges estoient personnels donnez en faueur des Ducs de Bourbon, le dernier desquels, qui estoit Charles de Bourbon, estant decedé sans hoirs masles de son corps, lesdits priuileges estoient expirez. Et le pays de Beaujolois n'auoit esté delaisé au Seigneur Duc de Montpensier avec les exemptions, immunitéz & franchises octroyées aux predecesseurs Ducs de Bourbon, comme le pays de Dombes : ainsi qu'il apparoissoit par la transaction faite avec le Roy François deuxiesme cy-deuant re-

Moyens al-
leguez par le
Procureur
du Roy con-
tre les habi-
tans de Beau-
jolois.

citée. Ioinct que lesdits priuileges n'auoient esté successiuelement confirmez par les Roys de France, mesmes par le Roy à present regnant, ainsi qu'il est requis: comme il a esté monstré au dixiesme chapirre du present Traicté. Partant qu'on ne deuoit auoir aucun esgard ausdits pretendus priuileges. Et qui plus est, ledit Procureur du Roy feroit apparoir du registre des taxes faictes en l'an 1550. tant sur les gens d'Eglise, Communautez, & autres gens de main-morte, que sur les roturiers & non nobles du pays de Beaujolois, par les Commissaires desdits franc-Fiefs & Nouveaux Acquests, suiuant la commission & pouuoir à eux donné par le Roy. Par ces moyens & autres soustenoit auoir esté bien taxé & bien saisi.

7
Iugement
donné con-
tre les ha-
bitans de
Beaujolois.

Finalelement par Iugement desdits Seigneurs Commissaires du 20. Aueil mil cinq cens quatre vingts-vn, sans s'arrester à l'intervention & ionction dudit sieur de Montpensier, l'appellation a esté mise au neant, sans amende & despens: ordonné que ce dont estoit appellé sortira son plein & entier effect. En ce faisant les habitans du pays de Beaujolois sont declarez subiects, & contribuables aux droicts de francs-Fiefs & Nouveaux Acquests.

Quelle finance est deuë au Roy à cause du droict de francs-Fiefs, & pour quel temps anciennement il a esté leué.

CHAPITRE XV.



D'VN des principaux poincts qu'il conuient discuter pour cognoistre l'effect du droict de francs-Fiefs, & en quoy il consiste, est de sçauoir: Quelle finance est deuë au Roy par le roturier subiect au droict de francs-Fiefs, & à quelle somme il doit estre taxé par Messieurs les Commissaires, pour les heritages nobles, soient feodaux ou alaudiaux qui luy appartiennent. Aussi de sçauoir pour quel temps on a accoustumé de leuer le droict de francs-Fiefs.

Ces deux questions combien qu'elles deussent estre traittées en ce chapitre: toutesfois d'autant qu'elles sont de long & prolix discours, nous auons reserué d'en parler en la cinquiesme partie du present Traicté: En laquelle monstrerons comme Messieurs les Commissaires deputez par le Roy, sur le faict des francs-Fiefs, anciennement se sont conduits, & à l'aduenir se doiuent conduire à taxer la finance deuë au Roy, à cause du droict de francs-Fiefs.

La taxe du
droict de
francs-Fiefs
ne se fait

Et à present nous dirons seulement que la taxe qui se fait par Messieurs les Commissaires, n'est que pour la tolerance de la iouyssance que le roturier a eu par le passé d'heritages nobles, soient feodaux ou alaudiaux, desquels

desquels il est incapable. Et que la taxe se fait au prorata du temps que le roturier a iouy d'heritages nobles, contre les loix & statuts du Royaume, & au feu l'emplage, comme dit l'ordonnance. En ce faisant la finance qui se paye pour le droit de francs-Fiefs, ne concerne aucunement la propriété de l'heritage possédé par le roturier, ny la possession future & à l'aduenir : mais la taxe de ceste finance se fait à cause de la iouissance du temps passé, & au prorata d'icelle. Tellement que le roturier qui n'a iouy que par dix ans d'un heritage feodal ou alaudial, est moins taxé, que celui qui en a iouy par quinze, vingt, & trente ans : & on considere seulement le temps de la iouissance passée.

*que pour la
jouissance
passée, &
non pour
l'aduenir.*

Quant au temps auquel anciennement se leuoit le droit de francs-Fiefs, on peut cognoistre tant par les anciennes ordonnances, & instructions faites sur les droits de francs-Fiefs & nouveaux Acquests, que par plusieurs lettres patentes, pour cest effect decernées par nos Roys : que le droit de francs-Fiefs anciennement n'estoit leué que de quarante ans en quarante ans, ou de trente ans en trente ans. Et de nostre temps, du regne du Roy Charles neuuesme, a esté leué pour vingt-cinq ans : comme le tout sera amplement traicté en la cinquieme partie du present discours.

*Le droit de
francs-Fiefs
ne se doit le-
uer que de
trente ans
en trente
ans, ou de
quarante ans
en quarante
ans.*





SECONDE PARTIE

TRAICTANT DV DROICT

D'ANOBLISSEMENT.

*Ordre gardé en ceste seconde partie , & que c'est
qu'Anoblissement.*

CHAPITRE XVI.

*Ancienne-
ment il n'y
auoit que
les nobles de
race qui te-
noient les
fiefs.*



*Les roturiers
ont cherché
les moyens
d'eux faire
anoblir par
le Roy.*

HACVN peut cognoistre , par la lecture de la premiere partie du present Traicté, que tous roturiers possédans en France heritages feodaux , ou alaudiaux , ou droicts noblement tenus, sont subiects au droict de francs-Fiefs, & finance deuë à cause d'iceluy. Tellement que par les premieres loix & statuts du Royaume, il n'y auoit que les nobles de race qui en fussent exempts, d'autant qu'il leur estoit & est loisible posséder en France fiefs, heritages nobles, & droicts noblemēt tenus. Mesmes que les fiefs & heritages nobles leur sont destinez & affectez.

Ce que les roturiers cognoissans, principalement ceux qui sont riches & opulens, ils ont recherché tous les moyens à eux possibles pour s'exempter du payement du droict de francs-Fiefs, & qu'il leur fust loisible librement acquerir & posséder au Royaume, heritages feodaux, alaudiaux, & droicts noblement tenus: voire de iouyr de pareils priuileges, droicts, franchises & immunitéz que les nobles de race.

Et pour paruenir à leur intention, tout ainsi que les estrangers ont trouué moyen de se faire naturaliser par le Roy, pour s'exempter du droict d'Aubeine: & les bastards se faire legitimer par la Majesté Royale, pour s'exempter du droict de Bastardise: aussi que les personnes Ecclesiastiques & autres gens de main-morte, ont obtenu lettres d'Amortissement des Roys de France, afin d'estre exēpts du droict de nouveaux Acquests: & qu'il leur fust loisible librement posséder au Royaume tous heritages tant feodaux, roturiers que alaudiaux, ensemble tous autres droicts immobiliers, sans qu'ils fussent contraints en vuidier leurs mains. En semblable les roturiers & non nobles ont trouué moyen d'obtenir lettres d'Anoblissement des Roys de France, & par le moyen d'icelles s'exempter du droict de Francs-Fiefs: desquels Anoblissemens nous auons à parler en la seconde partie du present Traicté.

Et combien que ceste matiere puisse requerir vn long & prolix dis-
cours: toutesfois d'autant que plusieurs recentemente en ont escrit, & que
leurs œuures sont notoires, communs & vulgaires, auons aduisé de decla-
rer seulement le plus facilement & briefuement qu'il nous sera possible,
comme les Anoblissemens sont pratiquez en France, quant au faict &
exemption du droit de francs-Fiefs. A ceste fin donner à entendre que
signifie le nom d'Anoblissement: Combien il y a de sortes d'Anoblisse-
ment receuës en France: Comme les lettres d'Anoblissement doiuent
estre dressées & verifiées: Quel profit elles apportent: Quels estats ano-
blissent en France. Et succinctement traicter quelques questions con-
cernans les Anoblissemens.

Ordre gar-
dé au pre-
sent Trai-
té.

Quant à la signification & interpretation du nom d'Anoblissement, il
est besoin auoir recours à la lecture du 2. chap. du present Traicté, auquel
auons dit: qu'Anoblissement signifie grace ou priuilege octroyé du Roy,
par lequel la condition du roturier est changée, & luy est permis de iouyr
de pareils droicts, prerogatiues, & prééminences dont iouyissent les nobles
de race: ainsi qu'on pourra cognoistre par ce qui sera cy apres amplement
deduit, & qu'il est déclaré par monsieur Tiraqueau en son liure de *Nobi-
litate*, chapitre 6. lequel chacun peut voir.

Anoblisse-
ment que
c'est.

*Qu'il n'y a que deux sortes d'Anoblissemens receuës en
France, & que le Roy seul peut anoblir.*

CHAPITRE XVII.



E v x qui anciennement ont escrit de la Noblesse & en
ont traicté la matiere, comme Io. Ray. in libro de Nobili-
tate, Capolain tractatu de imperatore militum deligendo, Bar-
bat. in repetitione extrauagantis Volentes, Anton. Corse in re-
petitione capitis grandi, de supplenda neglig. prela. in sexto. Pet.
Artibulus in suo tractatu de Muneribus, Bonus de Curtili in tractatu Nobili-
tatis, Bartolomeus Chassaneus in Catalogo gloria mundi, in octaua parte, Hiero-
nymus Osorius Lustanus in libris de Nobilitate ciuili, & nouissimè dominus
Tiraquellus regius in Curia Parisensi Senator, in suo tractatu de Nobilitate,
ont grandement trauaillé à rechercher la source & origine de Noblesse,
comme elle s'acquiert, pour quelles causes, & par quels moyens on
peut estre anobly; ou à plus clairement parler, comme vn roturier &
non noble peut estre fait noble. De faict pour ce regard ils ont meü
plusieurs & diuerfes questions, & demandé, *Quemadmodum quibusue ex
rebus nobilitas queratur: & primùm an diuitia nobilitent, an virtus nobilitet.
Vtrum per scientiam, militiam, aut ordinem clericalem homines nobilitentur,
& vtrum astra nobilitent.* Comme chacun peut voir par la lecture de leurs
œuures.

Noms de
ceux qui ont
escript de
Noblesse.

En France il
n'y a que
deux sortes
de nobles.

Mais il semble que toutes ces questions & disputes apportent peu de profit aux habitans du Royaume de France, auquel il n'y a que deux sortes de nobles: Ou de race, les predecesseurs desquels ont tousiours vescu noblement, fait actes & profession de noblesse, sans auoir esté assis à la taille comme sont les roturiers, ainsi qu'il a esté declaré au second chapitre: Ou par benefice du Prince, qui est nostre Roy, lequel baille ses lettres d'Anoblissement.

En France
on ne peut
estre anobly
que par deux
moyens.

Et tout ainsi qu'en France il n'y a que deux sortes de legitimations, & que le Bastard ne peut estre legitimé sinon par deux moyens: ou par mariage subsequence, ou par rescript du Prince, qui est à dire par lettres patentes du Roy deuëment verifiées: comme nous auons monstté au Traicté de Bastardise n'agueres mis en lumiere, chapitre 9. Aussi en France il n'y a que deux sortes d'Anoblissemens, ou par les lettres patentes du Roy deuëment verifiées; ou par le moyen d'estats & offices, desquels on est pourueu. Et de ces deux sortes d'Anoblissemens nous parlerons par chapitres distincts & separez.

Le Roy seul
peut anoblir
en France.

Mais il conuient noter que le Roy seul peut anoblir en France, & à sa seule Majesté appartient donner lettres d'Anoblissement au roturier demurant en France, comme il est porté par plusieurs anciennes ordonnances, mesmes par vne ordonnance escripte au 60. feuillet du registre des ordonnances receües par la Cour de Parlement, commençant par ces mots: Ce sont les droicts Souuerains & de ressort, & autres droicts Royaux au Roy nostre Sire appartenans seul & pour le tout. Ladite ordonnance transcrite au septiesme chapitre du Traicté des droicts de Iustice, par nous mis en lumiere, contenant ces mots: Item au Roy appartient donner & octroyer sauuegardes, & graces à plaider par procureur, & lettres d'estat de nobilitations & legitimations. Aussi l'ordonnance susdite est escripte *in libro de temporalitatibus*, fol. 123. verso: que *ad Regem solum pertinet nobilitare in toto suo regno*. Et ainsi a esté iugé par plusieurs arrests de la Cour, mesmes par arrest donné contre le Comte de Flandres, l'an 1280. recité par maistre Iean le Coq és arrests par luy recueillis. Non obstante, *inquit, usu contrario ex parte Comitum Flandriae proposito, dictum & pronunciatum fuit contra dictum Comitem, quod non poterat nec debebat facere de vilano militem sine auctoritate Regis*. Et ce que dessus est confirmé *per Ioannem Ferrault in tractatu priuilegiorum Regni Francia, priuilegio 15. & 16.*

Aussi qu'au Roy seul appartienne d'octroyer lettres d'Anoblissement en France, cela est conforme à la disposition de droit commun, *in l. i. C. de iur. aurea. annul. in l. i. & 2. ff. de natalib. restit. cap. per venerabilem, ext. qui filij sint legitimi*, & à plusieurs autres passages recitez *per Tiraquellum in libro de Nobilitate capite sexto*.

Ioinct que comme le Roy seul peut naturaliser l'estranger, legitimer le bastard, affranchir l'homme de condition serue, amortir les heritages possédez par les gens de main-morte, *non successibiles facere successibiles, & incapaces reddere capaces*: aussi est-il raisonnable que le Roy seul puisse anoblir en France, & que sa seule Majesté puisse octroyer lettres

d'Anoblissement au roturier, & luy donner exemption du droict de francs-Fiefs. *Dicto cap. per venerabilem. ext. qui filij sint legit. notat. Baldus in rubrica Codicis columna incipiente, Iuxta hac quero*: ainsi qu'auons monsté au 24. chap. du droict d'Aubeine, & 9. chap. du droict de Bastardise: & que monstrerons au 41. chap. du present Traicté, à la lecture desquels est besoin auoir recours.

Le droict d'Anoblissement estant pur Royal & conioinct à la Couronne, il ne peut estre separé d'icelle, ny concedé à aucunes personnes, soient Lieutenans generaux du Roy, Gouverneurs de Prouinces, ou autres: sous ombre des authoritez, priuileges & prééminences portées par leurs commissions: non plus que le droict de Regale, si le pouuoir d'Anoblir n'estoit specialement concedé, & verifié tant en la Cour de Parlement, Chambre des Comptes, que Cour des Aydes: ce qu'on n'a point veu. Comme appert par les responses faites aux remonstrances des trois Estats de Bretagne, transcrites à la fin du present Traicté.

Premiere espece d'Anoblissement receuë en France, avec la forme des lettres d'Anoblissement, que les roturiers ont accoustumé obtenir du Roy.

CHAPITRE XVIII.



A premiere sorte ou bien le premier moyen, par lequel le roturier peut estre anobly en France est, par lettres patentes obtenues du Roy, lesquelles vulgairement on appelle lettres d'Anoblissement. D'autant que par icelles le roturier est faict Noble, & iouyt de pareils priuileges, droicts, prerogatiues & prééminences que les Nobles de race, comme nous monstrerons au 22. chap. du present Traicté: & telles lettres ont accoustumé d'estre dressées en la forme qui ensuit.

HENRY par la grace de Dieu Roy de France & de Pologne, A tous presens & aduenir, Salut. Comme il soit decent & raisonnable, de decorer & honorer les personnes de vie loüable & vertueuse, qui par effect suiuent & ayment vertu, & s'employent au seruice des Rois & de la re-publique, de priuileges & prerogatiues condignes & afferens à leurs vertus & merites: afin de leur donner moyen & occasion d'y continuer & perseuerer pour seruir d'exemple aux autres à les imiter & ensuiure, en esperance de paruenir à telles dignitez, honneurs & prerogatiues; & mesmement de Noblesse pour eux & leur posterité. Ainsi estans deuement aduertis & certifiez des rares vertus & loüables qualitez qui sont en la personne de nostre cher & bien-aimé tel, &c. seigneur de tel lieu, &c. & des bons, signalez & notables seruices qu'il nous a cy-deuant faits, tant

*Forme des
lettres d'A-
noblisse-
ment.*

pendant toutes les guerres passées qu'en plusieurs autres charges importantes au bien de nos affaires, selon les occasions qui se sont présentées, & esquelles il a esté employé pour nostre seruice. Sçauoir faisons que nous desirans pour ces causes, avec la bonne souuenance que nous auons de la recommandation qui nous a esté cy-deuant faite, par defunct nostre Cousin le Duc de Montmorency en son viuant Pair & Connestable de France, en faueur dudit tel, iceluy gratifier & fauorablement traicter, en recognoissance de ses seruices & merites. Aussi inclinant à la requeste qui recentemente de sa part nous a esté faite par aucuns de nos plus speciaux seruiteurs, lesquels nous desirons en cest endroit gratifier & fauoriser: Auons iceluy tel, ensemble ses enfans & toute sa posterité & lignée, masles & femelles, nais & à naistre descendans de luy en loyal mariage, de nos grace speciale, pleine puissance & autorité Royale par ces presentes anoblis & anoblissons, & iceux decoré & decorons du tiltre & honneur de noblesse. Voulons & nous plaist que luy, sa posterité & lignée, soient en tous leurs faicts, besongnes & negoces cy-apres cogneus, censez & reputez pour nobles: & en toutes places & lieux, tant en iugement que dehors iouyssent & vsent de tous honneurs, priuileges, franchises, prerogatiues & prééminences, dont iouyssent & ont accoustumé de iouyr & vser les autres nobles de nostre Royaume. Aussi que ledit tel, sa femme, enfans & successeurs puissent en tout temps acquerir toutes manieres de fiefs, heritages & possessions nobles, de quelque qualité & condition, & en quelque lieu qu'ils puissent estre: & iceux, ensemble ceux qu'ils ont cy-deuant acquis, & qui leur sont cy-deuant escheus, ou pourront escheoir & aduenir par quelque moyen, & personnes de quelque condition qu'ils soient: soit par droit successif, acquest, par mariage ou autrement, puissent tenir & posséder, & en iouyr & vser pleinement, paisiblement & perpétuellement, tout ainsi que si d'ancienneté ils estoient nais & extraicts de noble lignée: sans qu'ils soient tenus ne puissent estre contraints les vendre, aliener ne mettre hors de leurs mains en quelque maniere que ce soit, ny tenus payer à nous & à nos successeurs Roys de France, droicts de francs-Fiefs, comme sont tenus payer les roturiers & non nobles, tenans fiefs & heritages nobles en nostre Royaume, dont les auons à tousiours affranchis, quittez & exemptez, affranchissons, quittons & exemptons par ces presentes. Voulons aussi & nous plaist que ledit tel, sesdits enfans, posterité & lignée, puissent & leur soit loisible pour signe & approbation de leur noblesse, auoir & porter en tous lieux, soit en guerre & par tout ailleurs que bon leur semblera, leurs armoiries accoustumées, sans nous payer par ledit tel aucune finance pour raison du present anoblissement, de laquelle à quelque somme, valeur & estimation qu'elle soit, & se puisse monter, nous luy auons pour les considerations susdites faict & faisons don par ces presentes signées de nostre main. Par lesquelles donnons en mandement à nos amez & feaux Conseillers, les Gens tenans nostre Cour de Parlement de Paris, Chambre de nos Comptes, & de nostre Cour des Aydes, Thresoriers Generaux de France, Conseillers en la Iustice de no-

estre Thresor, & à nos Baillifs, Seneschaux ou leurs Lieutenans, & à tous nos autres Iusticiers, officiers, & à chacun d'eux si comme à luy appartenendra, que de nos presentes grace & anoblissement, & de tout le contenu cy-dessus, ils facent, souffrent & laissent ledit tel, & sesdits enfans, posterité & lignée, nais & à naistre, iouyr & vser pleinement & perpetuellement, tout ainsi & par la forme & maniere que dessus est dict, cessant & faisant cesser tous troubles & empeschemens au contraire. Lesquels si faits, mis ou donnez leur estoient, les mettent ou facent mettre incontinent & sans delay à pleine & entiere deliurance & au premier estat & deu. Et rapportant ces presentes signées de nostre main, ou vidimus d'icelles, faites sous seel Royal, & quittance & recognoissance dudit tel de la iouissance du contenu en celdites presentes, nous voulons celuy ou ceux de nos Receueurs, auxquels ce pourra toucher, estre tenu quitte & deschargé de la somme, à laquelle montera ladite finance, par les Gens de nosdits Comptes. Ausquels nous mandons ainsi le faire sans difficulté. Car tel est nostre plaisir. Nonobstant que la somme à laquelle montera ladite finance, ne soit cy autrement spécifiée ne déclarée, & que tels & semblables dons ne deussent estre passez & alloüiez, que pour la moitié ou le tiers tant seulement, les ordonnances tant anciennes que modernes faites sur le faict, ordre & distribution de nos finances, & apport d'icelles en nos coffres du Louure. Ausquelles & aux derogatoires des derogatoires y contenuës, nous auons pour le regard dudit tel derogé & derogeons par celdites presentes, & à quelsconques autres ordonnances, restrictions, mandemens, defenses, & lettres à ce contraires. Et afin que ce soit chose ferme & stable à tousiours, nous auons fait mettre nostre seel à ces presentes, sauf en autres choses nostre droit & l'autrui en toutes. Donné à Paris au mois de Ianuier l'an de grace mil cinq cens soixante dix-neuf, & de nostre regne le quatriesme. Ainsi signé, Henry. Et sur le reply, Par le Roy,

F I Z E S :

SECONDE ESPECE D'ANOBLISSEMENT.


receüe en France : quels estats, dignitez & offices
anoblissent la personne.

- | | |
|---|--|
| <ol style="list-style-type: none"> 1. En France y a plusieurs estats & offices qui anoblissent la personne. 2. Messieurs de la Cour de Parlement de Paris sont nobles & exempts du droit de francs-Fiefs. 3. Les enfans de Messieurs de la Cour partagent noblement. 4. Les Officiers des Cours de Parlement sont nobles. | <ol style="list-style-type: none"> 5 Messieurs des Comptes de Paris sont nobles & exempts du droit de francs-Fiefs. 6 Quelles lettres doiuent estre verifiées par Messieurs des Comptes. 7 Messieurs des Comptes exempts de tous droits feodaux & Seigneuriaux. 8 Messieurs de la Cour des Aydes |
|---|--|

- | | |
|---|---|
| <p><i>sont nobles & exempts du droict de francs-Fiefs.</i></p> <p>9 Idem de Messieurs les Thresoriers Generaux de France.</p> <p>10. Lettres contenans les privileges de Messieurs les Thresoriers de France.</p> <p>11 Le Thresorier general de Blois iouy</p> | <p><i>de pareils privileges que Messieurs les Thresoriers generaux de France.</i></p> <p>12 Des enfans de Messieurs des Cours souveraines.</p> <p>13 Si les vesues des privilegiez sont exempts de payer tailles.</p> |
|---|---|

CHAPITRE XIX.

¹
En France
y a plusieurs
estats & of-
fices qui
anoblissent
la personne.



A seconde sorte, ou bien le second moyen, par lequel le ro-
turier peut estre anobly en France est, par estats, dignitez
& offices. Car combien que nous ayons dict au 8. chap. du
present Traicté, que les offices royaux non nobles de race,
ny anoblis par le Roy, possedans fiefs & heritages nobles
en France, sont subjects aux droicts de francs-Fiefs, comme les autres ro-
turiens du Royaume: Toutesfois cela se doit entendre, quand les estats
& offices n'anoblissent point les personnes qui en sont pourueüs, ou bien
quand aux estats & offices la noblesse n'est point annexée. Car il est
certain qu'en France il y a plusieurs estats, dignitez & offices ausquels la
noblesse est annexée, qui anoblissent la personne, & l'exemptent du droict
de francs-Fiefs. Comme l'estat & dignité de Chancelier de France, Gar-
de des Seaux, Conseiller du Conseil Priué du Roy, l'estat de Maistre des
Requestes ordinaire de l'Hostel du Roy, & plusieurs autres.

²
Messieurs de
la Cour de
Parlement
de Paris
sont nobles
& exempts
du droict de
francs-Fiefs

Mesmes Messieurs les Presidens, Conseillers, Aduocats & Procureur
General du Roy en la Cour de Parlement de Paris, & autres officiers
qui sont du corps de ceste Cour, sans comprendre ceux qui sont pour le
seruice d'icelle, par le moyen de leurs estats, dignitez & offices, sont no-
bles & exempts du droict de francs-Fiefs.

³
Les enfans
de Messieurs
de la Cour
partagent
noblement.

De faict les enfans de Messieurs les Presidens, Conseillers & officiers
susdits partagent noblement, comme issus de noble race. Ainsi qu'il a
esté iugé, entre les enfans de feu Maistre Iacques Mesnager en son vi-
uant Conseiller en Parlement, seigneur de Presse en Poictou, qui auoit
delaisné pour heritiers deux filles: l'aînée desquelles pretendait pour
droict d'aînesse & prerogatiue l'hostel principal du fief de Presse, avec les
appartenances de vergers & clostures anciennes ioignans à iceluy, sui-
uant le 26. article de la Coustume de Poictou. Et la fille puîsnée empes-
chant ceste prerogatiue & droict d'aînesse, comme n'estans nobles, &
leur defunct pere estant issu de roturier. Partant que tous les heritages de
la succession deuoient estre partagez esgalement, encores qu'ils fussent
feodaux & noblement tenus, suiuant le 214. article de la mesme Coustu-
me. Le Seneschal de Poictou par sa sentence ayant ordonné, que les he-
ritages seroient partis esgalement, la fille aînée ayant appellé de ceste
sentence.

Arrest de ce
que dessus.

Par arrest de la Cour solennellement & publiquement prononcé le 8.
May 1573. sur-veille de Pentecoste, fut dict qu'il auoit esté mal iugé, en
emendant

emendant le iugement ordonné, que la fille aisnée comme noble auroit le manoir du fief de Presse & accinct d'iceluy, suiuant la Coustume.

On allegue communément semblable arrest donné entre les enfans de feu Maistre Charles de la Mothe en son viuant Conseiller en Parlement, lequel par son decez ayant delaisné plusieurs heritages nobles assis au pays de Poictou, son fils aisné nommé Maistre Bertrand de la Mothe Conseiller du Roy en son grand Conseil, nonobstant l'empeschement du puisné fut maintenu en possession & saisine de l'hostel principal noble des choses dont estoit question, tel qu'il voudroit choisir & eslire, avec les precloctures anciennes, & des deux tierces parties des autres biens contentieux nobles, & de sa virile portion és autres biens roturiers aussi contentieux, selon la Coustume du pays de Poictou article 221. Et ce par arrest de la Cour, du 26. Feurier 1546. infirmatif de la sentence donnée par Messieurs des Requestes du Palais. Et cest arrest se trouue au Greffe de la Cour au registre des iugez, donné au rapport de feu Monsieur Tiraqueau, & est signé Degony & Tiraqueau, lequel en faict ample mention en son Traicté de Nobilitate, capite sexto, col. 20. & dit que ledit Maistre Charles de la Mothe estoit Conseiller en la Cour de Parlement. Combien que l'arrest porte, que les heritages contentieux auoient esté acquis par feus Maistre Charles de la Mothe en son viuant Docteur és Droicts, & Damoiselle Helene du Puy pere & mere des parties. Aussi il dit que ledit Maistre Charles erat gentis plebeia.

Autre arrest
semblable
au precedet.

Et au mesme chapitre il recite vn semblable arrest donné entre les enfans de feu Maistre Iean le Maistre en son viuant Conseiller & Aduocat du Roy en la Cour de Parlement de Paris, du 13. d'Aoust 1540.

Autre arrest.

Aussi par arrest de la Cour a esté dit que la vesue d'un Conseiller d'icelle, decedé depuis peu de temps, pourroit comme noble, renoncer à la communauté de biens qui auoit esté entre son defunct mary & elle. En ce faisant demeurer quitte des debtes mobiliaries créées par son defunct mary. Et ce suiuant le 115. article de l'ancienne Coustume de Paris: encores que ceste vesue ne fust extraicte de noble lignée, ny pareillement son defunct mary, comme il est requis par la Coustume.

Autre arrest
de noblesse
de Messieurs
de Parlement.

Et que Messieurs les Presidens, Conseillers, Aduocats, & Procureur General du Roy en la Cour de Parlement de Paris, & autres officiers qui sont du corps d'icelle, & non destinez pour le seruice, soient nobles par le moyen de leurs offices, y a texte in l. ius senatorum. de dignit. C. lib. 12. l. quisquis. C. ad legem Iul. majestat. l. diuo Marco. Cod. de quest. l. femina. ff. de senat. & in rubrica ubi senatores vel clarissimi. Cod. Bartolus in l. 1. de digni. Codicis libr. 12. Guido Papa decis. Delphinatus. 376. & 379.

Par la disposition de
droict Messieurs de la
Cour de
Parlement
sont nobles.

Ioinct qu'anciennement les Iuges estoient prins & choisis des nobles, tellement que les Iuges estoient nobles: comme il sera amplement déclaré au 22. chapitre, à la lecture duquel est besoin auoir recours.

Les Iuges
anciennement
estoit nobles.

Le semblable peut estre dict des autres Cours de Parlement du Royaume de France, ensemble de Messieurs du Grand Conseil: encores que les autres Cours de Parlement ne soient egales en autorité & dignité à la Cour de Parlement de Paris, laquelle est le vray siege & list de Iusti-

Les officiers
des Cours de
Parlement
sont nobles.

ce de nos Roys, & la seule Cour des Pairs de France.

⁵
Messieurs
des Comptes
de Paris sont
nobles &
exempts du
droict de
francs-Fiefs

Pareillement Messieurs les Presidens, les Maistres ordinaires en la Chambre des Comptes à Paris, & autres officiers qui sont du corps de ceste Chambre, sans comprendre ceux qui sont pour le service d'icelle, par le moyen de leurs offices sont nobles & exempts du droict de francs-Fiefs.

Car la Chambre des Comptes estant le vray registre & repertoire du sacré Domaine de la Maison & Couronne de France, & Messieurs des Comptes estans protecteurs & conseruateurs du Domaine comme les Cours de Parlement de ce Royaume, ensemble des finances du Roy: aussi estans souverains en leur iurisdiction és cas desquels la cognoissance leur est attribuée par les Edicts & Ordonnances Royaux, n'estât licite d'appeler de leurs iugemens, il est raisonnable que lesdits seigneurs Presidens, Maistres des Comptes, & autres officiers du corps de ceste Chābre iouys- sent du priuilege de noblesse, & soient exempts du droict de francs-Fiefs.

⁶
Quelles let-
tres doiuent
estre veri-
fiées par
Messieurs
des Comp-
tes.

Mesmes que toutes lettres d'Anoblissement doiuent estre par eux veri- fiées, & ne seroit decent que telles lettres fussent veriifiées par non nobles. Aussi ils reçoient les fois & hommages, adueus & denombrements, deus à cause de tous les fiefs immediatement mouuans du Roy. Verifient tous Edicts concernans le Domaine, aydes, subside, & finances de sa Majesté, creation de nouueaux officiers, ensemble tous priuileges, exemptions, let- tres d'amortissement, de naturalité, de legitimacion, de manumission, d'affranchissement, de garde sous aage, gages d'officiers, augmentation d'iceux, & generally tous dons faits par le Roy concernans tant en finances, aydes, tailles, & subside, que son Domaine.

Par la dis-
position du
droict Mes-
sieurs des
Comptes
sont nobles.

Et pour verifir la noblesse de Messieurs des Comptes, *qui iniure ma- gistri scriniorum & comites sacrarum largitionum vocantur*, on peut alle- guer le texte formel. *in l. unica. de magistris sacrarum scriniorum. Cod. lib. 12. & in l. unica. de quastorib. officiorum & comitibus sacrarum largitionum. Cod. eodem libro.* Ensemble les priuileges qui anciennement leur ont esté don- nez par les Rois de France, confirmez par le Roy Charles IX. lequel par ses lettres patentes du mois de Septembre 1570. outre les anciens priuile- ges, franchises, libertez, prerogatiues & immunitiez octroyées aux offi- ciers du corps de ceste Chambre, a affranchy & excepté Messieurs les Presidens & Maistres des Comptes estans de present & leurs successeurs esdits estats, de tous droicts, deuoirs & profits feodaux & seigneuriaux qui pourront appartenir à la Majesté comme droicts de Reliefs, Rachapts, Quints, & Requints, Deniers, Treziesmes, Lots, Ventres, Venterolles, & autres droicts & deuoirs quelsconques: & les lettres susdites furent veri- fiées en la Cour de Parlement, le 8. Ianuier 1571. & en la Chambre des Comptes le 25. Octobre 1570.

⁷
Messieurs
des Comptes
exempts de
tous droicts
feodaux &
seigneu-
riaux.

⁸
Messieurs de
la Cour des
Aydes sont
nobles &
exempts du
droict de
francs-Fiefs

Ce qui a esté dict cy-dessus des Cours de Parlement du Royaume de France, & de Messieurs des Comptes, doit estre adapté à Messieurs les Presidens, Conseillers & Generaux en la Cour des Aydes à Paris, Aduo- cats, Procureur General du Roy, & Greffier en ceste Cour: lesquels estans souverains en leur iurisdiction, & leurs iugemens estans arrests scelez du seel de la Chancellerie de France, mesmes la verifcation des

lettres d'Anoblissement leur estant attribuée, au moyen de l'exemption des tailles, il est raisonnable que par le moyen de leurs offices ils soient nobles, iouyssent du priuilege de noblesse, & soient exempts du droict de francs-Fiefs.

Aussi Messieurs les Thresoriers Generaux de France, par le moyen de leurs offices sont nobles & exempts du droict de francs-Fiefs. Car estans ordinairement près la personne du Roy, & ayans le maniment non seulement de son sacré Domaine, mais de toutes ses tailles, aydes, subside, finances, & reuenus generalement quelsconques, lesquels sont employez suiuant leurs mandemens: Aussi estans du corps tant de la Chambre des Comptes, que de la Cour des Aydes, il est sans doute qu'ils sont nobles, tout ainsi que Messieurs les Presidens, Maistres des Comptes, & Confeillers Generaux de la Cour des Aydes.

9
Messieurs
les Threso-
riers gene-
raux de
France, sont
nobles &
exempts du
droict de
francs-Fiefs

Qui voudra cognoistre l'autorité, prééminence & pouuoir de Messieurs les Thresoriers Generaux de France, est besoin voir les lettres patentes du Roy Charles VII. dattées du douziesme Aoust mil quatre cens quarante cinq: & du Roy Louys XII. dattées du vingtiesme Octobre mil cinq cens huiet. Ensemble l'Edict fait par le Roy Henry II. contenant l'augmentation des pouuoirs des Thresoriers & Generaux des finances, verifié en la Cour de Parlement le vingt-vnième Nouembre mil cinq cens cinquante deux. Avec l'Edit contenant l'vniion des charges des Thresoriers de France & Generaux des finances, leu, publié & enregistré en la Cour le vingt-septiesme Ianuier mil cinq cens soixante dix-huiet. Pareillement conuient voir les lettres patentes obtenues du Roy François au mois d'Auril 1519. auant Pasques, par Messieurs les Presidens, Vispresidens, Maistres des Comptes, Thresoriers de France, Generaux & Secretaites des finances: esquels les priuileges, franchises, libertez & exemptions à eux octroyez, sont particulièrement declarées: mesmes d'acquerir & tenir fiefs, arriere-fiefs, heritages nobles, en franc-aleu, ou d'autre qualité, de quelque valeur & condition qu'ils soient, sans estre subjets au droict de francs-Fiefs.

10
Lettres con-
tenans les
priuileges
de Messieurs
les Threso-
riers de
France.

Et d'autant qu'anciennement le Thresorier & General de Blois ne iouyssoit des priuileges octroyez à Messieurs les Thresoriers de France, & Generaux des finances, comme n'estant de leur corps: au moyen de ce que les Comtez de Blois, Soissons, Coucy, & autres terres & seigneuries estoient de la Maison d'Orleans, & non de l'ancien appanage de la Couronne de France: Celuy qui à present est pourueu de l'estat de Thresorier & General de Blois, a obtenu lettres patentes du Roy Henry à present regnant, afin d'estre de mesme qualité & dignité, que les anciens Thresoriers de France & Generaux des finances; & iouyr par luy & ses successeurs audit estat, de pareils & semblables priuileges, autoritez, franchises & libertez dont iouyssent lesdits anciens Thresoriers de France & Generaux des finances. Lesquelles lettres ont esté verifiées en la Cour de Parlement, le 22. Ianuier 1578. en la Chambre des Comptes le 20. Mars ensuiuant, & en la Cour des Aydes le 17. Iuillet audit an.

11
Le Threso-
rier & Ge-
neral de
Blois iouyt
de pareils
priuileges
que Mes-
sieurs les
Thresoriers
generaux
de France.

Quant aux enfans de Messieurs les Maistres des Requestes de l'Hostel

12
Des enfans
de Messieurs
des Cours
souveraines

du Roy, Conseillers des Cours de Parlement, Maistres des Comptes, Conseillers des Cours des Aydes, ensemble de Messieurs les Thresoriers generaux de France, lesquels comme dit a esté partagent noblement, encores que leur pere ne soit yssu de noble race: ie diray seulement auoir entendu, qu'on tient pour certain en la Cour des Aydes, que quand les ayeul & pere successiuelement ont esté pourueus des estats & offices susdits, & sont decedez pourueus desdits estats, & iceux exerçans; les enfans peuuent iouyr de tous les droicts, authoritez, priuileges, franchises & immunitiez, dont iouyssent les nobles de race; d'autant que pour verifier qu'on est noble, il suffit que celui, auquel on reuoque en doute la noblesse, verifie que ses ayeul & pere ont tousiours vescu noblement: sans auoir faict acte derogeant à noblesse, aussi que le demandeur a tousiours vescu & vit noblement, comme il sera declaré au 23. chapitre du present traicté, conformément à la disposition de droit commun, *in l. 1. de dignitatibus. C. lib. 12. & l. priuilegio. de decurionib. C. lib. 10.* Et desdits enfans ne veux parler plus amplement, ny des vesues des dessusdits.

13
Si les vesues
des priuile-
gies sont
exemptes de
payer tail-
les.

Toutesfois ie peux dire, comme i'ay dit au 9. chap. du present Traicté, qu'on tient en France, qu'apres le trespas des supposts & officiers des Vniuersitez, des hommes d'armes, Archers, Thresoriers & payeurs des cōpagnies, des Preuosts des Mareschaux, leurs Lieutenans, Archers & Grefriers, des officiers de l'Artillerie & des Monnoyes, & d'autres petits officiers, leurs vesues ne iouyssent point de l'exemption des tailles, parce que la cause du priuilege, & la raison de l'exemption octroyée à leurs defuncts maris, qui estoient employez au seruice du public exerçans leurs estats, cessent en la personne des vesues. Aussi que tous priuileges sont de droit estroit, cōtraires à la disposition de droit cōmun; partant non extensibles d'une personne à l'autre. Ioinct qu'en France toute personne, soit homme, ou femme est cōtribuable à la taille, s'il n'est noble ou priuilegié. Partant est besoin qu'és priuileges d'exemption de payer tailles, obtenus par les maris, soit faite expresse mention de leurs vesues, que pēdant leur viduité, elles ne seront point subiettes à la cōtribution des tailles, & que les priuileges soient verifiez en la Cour des Aydes. Ainsi qu'ont esté verifiées les lettres patentes du Roy Henry II. contenās les priuileges, immunitiez, franchises & exemptions octroyées aux officiers domestiques & commensaux de la Maison du Roy, de la Royne & de Messieurs leurs enfans: desquelles verification fut faite en la Cour de Parlement le 15. May 1549. & en la Cour des Aydes le 24. Ianuier audit an. Et pour exempter les vesues des Medecins du Roy, & de ses Lecteurs és Vniuersitez, on allegue que leurs maris estoient domestiques de la Maison du Roy. De faict le defunct Roy François premier, pere des arts & sciences, qui institua les Lecteurs publics, quelquesfois leur commandoit le suiure, & les faisoit lire & disputer à l'issue de son disné.

Aussi les Esleus, Controolleurs, Reccueurs, Procureurs du Roy & Grefriers en chacune Election ont obtenu lettres patentes, verifiées en la Cour des Aydes le 4. Mars 1575. portans exemption de toute contribution aux tailles, & impositions qui seront leuées par forme de tailles, tant & si

longuement qu'ils tiendront & exerceront leurs estats & offices. Aussi par l'Edict contenant la creation de nouveaux Esleus, verifié en la Cour des Aydes le 7. May 1575. lesdits Esleus & leurs successeurs sont affranchis & exemptez de toutes tailles, creuës & autres impositions par forme de tailles, ensemble des aydes des vingtiesme, huietiesme, & quatriesme des vins, estans de leur creu seulement. Et depuis y a eu lettres patentes, verifiées en la Cour des Aydes le 15. Iuin ensuiuant : par lesquelles est porté, Que les anciens Esleus & autres officiers, qui auront payé la finance, à laquelle ils auront esté cottisez, seront & demeureront exempts & affranchis des aydes des vingtiesme, huietiesme, & quatriesme, ainsi que les Esleus nouvellement créez. Et qu'aduenant le trespas tant des anciens Esleus & officiers que des Esleus nouvellement créez, leurs vefues iouyront desdits exemption & affranchissement, comme en auront iouy leurs maris : pourueu qu'ils n'ayent disposé de leurs offices, & qu'elles demeurent en viduité. Et combien que par les dernieres lettres cy-dessus recitées les vefues des Esleus, Controolleurs, Receueurs, Procureurs du Roy & Greffiers en chacune Eslection, decedans en l'exercice de leurs offices, & n'ayans disposé d'iceux, deussent iouyr de pareilles exēptions & affranchissemens, que leurs maris ont iouy, & cependant qu'elles demeureront en viduité : Toutesfois on a controuersé aux vefues l'exemption des tailles, & maintenu qu'elles ne sont exemptes, sinon des aydes & subsides, & non des tailles, parce qu'és dernieres lettres patentes n'est point faite mention de l'exemption des tailles ; ains de l'exemption des aydes des vingtiesme, huietiesme, & quatriesme seulement. Mais on respōd, qu'il n'estoit point besoin d'en faire mention : parce que les anciens Esleus, Controolleurs, Receueurs, Procureurs du Roy & Greffiers des Eslections, par les lettres verifiées le quatriesme Mars mil cinq cens septante cinq, estoient exempts des tailles : tellement que pour ce regard il ne falloit obtenir nouvelle exemption. Aussi les dernieres lettres sont relatives aux deux Edicts cy-dessus recitez. Et ne seroit decent ny raisonnable, qu'il y eust vne bigarrure en la personne des vefues, qu'elles fussent exemptes des aydes, subsides & autres impositiōs, & nō des tailles. Ioinct que le denier fourny pour l'exemption tant des tailles, que aydes, subsides & impositiōs, a esté pris en la bourse commune d'entre le mary & la femme : partant est raisonnable que tous deux iouyssent de mesmes priuileges & exemptions. Et ainsi a esté iugé en la Cour des Aydes tenuë à Tours, au profit de la vefue de defunct Falaize qui estoit de Pluuiers. Tellement qu'à present, & tant que les susdits Edits auront lieu, il est sans doute, que les vefues des Esleus tant anciē, que nouveaux, Procureurs du Roy, Controolleurs, Receueurs & Greffiers des Eslections sont exemptes, pendant leur viduité, des tailles, taillon, & de toutes aydes, subsides & impositions.

Quant à Messieurs les Notaires & Secretaires de la Maison & Couronne de France, leurs priuileges sont si notoires, & ont esté si souuent diuulguez & repetez és plaidoyez faits tant en la Cour de Parlement, que Cour des Aydes, qu'il n'est besoin en faire recit, estant certain que par le moyen de leurs estats, ils sont nobles & exēpts du droict de francs-Fiefs.

Messieurs
les Notaires
& Secretaires
sont nobles
& exempts du
droict de
frācs-Fiefs.

*Les Fiefs ny les Iustices n'anoblissent point
en France.*

C H A P I T R E X X .



NOUS auons monstré és troisiésme & quatriésme chapitres de la premiere partie du present Traicté, que tous roturiers possédans heritages feodaux ou alaudiaux nobles, ou bien droicts immobiliers, noblement tenus, sont subiects au droict de francs-Fiefs, parce qu'il n'est permis sinon aux nobles de race, & anoblis par le Roy posséder les fiefs & heritages nobles qui sont au Royaume de France. Parant on peut facilement cognoistre qu'en France, les fiefs & heritages nobles n'anoblissent point les Seigneurs & propriétaires d'iceux : comme il est décidé *per Lucam de Penna in l. cum neque in fine de incolis. Cod. lib. 10. & in l. 2. de prad. & omnib. reb. nauicul. eod. lib. Chassaneum in consuetudinibus Burgundie, titulo, des droicts appartenans à gens mariez, article 19. nombre 27. & par monsieur le Maistre en ses decisions notables, traicté premier, chapitre cinquiesme.*

Bien est vray que si vn roturier acheptoit vn Duché, Marquisat, Comté, ou Baronnie, plusieurs ont estimé que par le moyen de tels fiefs, qui ont tiltre de dignité annexée, le roturier seroit faict noble, & que le Roy l'ayant receu en foy & hommage, tacitement l'auroit anobly : *ut veluit Bartolus in l. 1. de dignitat. Cod. lib. 12. Lucas de Penna in l. mulieres, eodem titulo, & Andreas de Isidonia in titulo de Capitaneo qui curiam vendidit, in v. sib. feud.*

*Sçauoir si
en France
les Duchés,
Marquisats,
Comtez &
Baronnies
anoblissent.*

Ce qui sembleroit estre veritable, si le Roy auoit donné à vn roturier pour recompense des actes vertueux, genereux & signalez, par luy faits au public, ou pour les bons & agreables seruices faits à sa Majesté, vn Duché, Marquisat, Comté, ou Baronnie, & l'auoit receu en foy & hommage. Non pas qu'un roturier fust anobly, & ses vesue & enfans fussent nobles, sous ombre qu'il auroit achepté vn Duché, Marquisat, Comté, ou Baronnie, ou qu'il en eust esté receu en foy & hommage. Parce qu'il y a plusieurs Comtez & Baronnies en France, qui ne sont immediatement tenus du Roy, ains d'autres Seigneurs tant Ecclesiastiques que laiz. Et encores qu'ils fussent immediatement tenus en la Couronne de France, le plus souuent le Roy ne reçoit les foyes & hommages des Duchez, Marquisats, Comtez & Baronnies mouuans de sa Majesté, & suffit de les faire par Procureur en la Chambre des Comptes. Aussi en France pour iouyr des priuileges de noblesse, & estre exempt du droict de francs-Fiefs, il est requis estre noble de race, ou auoir esté anobly par lettres du Prince deuement verifiées, ou bien par estats & offices, esquels l'industrie, sçauoir & preud'homme de la personne est approuuée, non pas en fiefs. Et ce

que dessus est confirmé per Matth. Afflict. in proœmio constitutionum Siciliae, in 25. quest. paulo ante finem, & in constit. incipiente, ut uniuersos. col. 8. in 5. notabili. Et est décidé par le 258. article des ordonnances, faites à la postulation des États tenus à Blois, qui porte, Que les roturiers & non nobles acheptans fiefs nobles, ne seront pour ce anoblis, ny mis au rang & degré des nobles, de quelque reuenu & valeur que soient les fiefs par eux acquis.

Estant certain que les fiefs n'anoblissent point en France, on peut iustement dire, encores que le roturier ait acquis du Roy, ou d'autres Seigneurs, le droict de Iustice, haute, moyenne & basse, au fief qui luy appartient: ou bien supposé que le droict de toute Iustice soit annexé à son fief:

Les Iustices n'anoblissent point en France.

Toutesfois il n'est pas anobly, encores moins les vefue & enfans, ny exēpt du droict de francs-Fiefs. *Non enim res personam nobilitat. sed personam rem.*

Et tout ainsi que les fiefs sont venaux & patrimoniaux en France, aussi les Iustices sont venales & patrimoniales. Partant n'est raisonnable qu'elles anoblissent le roturier: comme dit Balde in cap. 1. de feud. march. Albericus in l. finali. ff. de off. eius cui mand. est iurisdict. Molinaus in consuetudinibus Parisiensibus. §. 1. gloss. 5. in verb. le fief. col. 62. & 63. Pontanus in consuetudinibus Blesensibus. §. 46.

Les Iustices & fiefs sont venaux & patrimoniaux en France.

Tous Anoblissemens doiuent estre verifiez tant en la Chambre des Comptes, que Cour des Aydes, & est bon les faire verifier en la Cour de Parlement. Aussi quelle finance est deuë au Roy à cause des Anoblissemens impetrez de sa Majesté.

CHAPITRE XXI.



ENCORES que le roturier ait obtenu lettres d'Anoblissement du Roy en forme authentique seellées du grand seel: toutesfois il ne peut prendre qualité de noble, ny iouyr des honneurs, priuileges, franchises & prerogatiues de noblesse, s'il ne fait verifier ses lettres d'Anoblissement par Messieurs des Comptes, afin de taxer la finance qui est deuë au Roy à cause des franchises, immunités & exemptions octroyées par les lettres d'Anoblissement: par le moyen desquelles les droicts du Roy tant domaniaux, que d'aydes sont diminuez, comme nous diions cy-apres.

Pourquoy les lettres d'anoblissement doiuent estre verifiées en la Chambre des Comptes.

Et lesdits sieurs des Comptes à la verification de telles lettres ont accoustumé mettre ce qui ensuit, Expédiées & registrées en la Chambre des Comptes du Roy nostre Sire au registre de Chartres de ce temps, moyennant cent escus sol (ou autre somme) payez par l'impetrant, qui conuerts ont esté en aumosnes. Faict au Bureau de l'ordonnance de Messieurs, le &c.

Forme de la verification en la Chambre des Comptes.

*Pourquoy
les lettres
d'anoblisse-
ment doiuent
estre veri-
fiées en la
Cour des
Aydes.*

Aussi est necessaire que telles lettres soient verifiées par Messieurs de la Cour des Aydes, lesquels cognoissent souverainement des tailles, tail-
lon, aydes, subside, gabelles, huitiesmes, douziesmes, vingtiesmes, muni-
tions, & generally de toutes impositions, desquelles les roturiers
qui ont obtenu lettres d'Anoblissement du Roy sont affranchis & exem-
ptez.

*Forme de la
verification
de la Cour
des Aydes.*

Et Messieurs de la Cour des Aydes ont accoustumé ordonner, que les
lettres d'Anoblissement seront enregistrées, pour du contenu en icelles
iouyr par l'impetrant, sa posterité & lignée née & à naistre, comme ont
accoustumé iouyr & iouyissent les autres nobles de ce Royaume.

*Comme on
informe des
facultez de
celuy qui
veut estre
anobly.*

Ordinairement Messieurs des Comptes, ou bien Messieurs de la Cour
des Aydes, auparavant que proceder à la verification des lettres d'Ano-
blissement, ordonnent qu'on informera des biens & facultez de celuy
qui a impetré les lettres d'Anoblissement, & à quelle somme il estoit assis
à la grand' taille. Et apres l'information rapportée, verifient les lettres d'a-
noblissement, pour du contenu d'icelles iouyr par l'impetrant, sa posterité
& lignée née & à naistre en loyal mariage, comme ont accoustumé iouyr
& iouyissent les autres nobles de ce Royaume, & taxent la finance qu'il
sera tenu payer au Roy. Et outre quelquesfois ordonnent que l'impe-
trant sera tenu payer chacun an, la somme de dix liures tournois de rente,
aux Marguilliers & Collecteurs de la paroisse en laquelle il est demeurant
& ses biens assis, racheptable au denier vingt, pour la somme de 200. li-
ures tournois. Et aduenant le rachapt de ceste rente, les Marguilliers se-
ront tenus r'employer les deniers d'iceluy, en autre rente qui succedera au
lieu de la taille & creuës que l'impetrant & ses enfans eussent peu porter,
& de ce aduertiront le Procureur du Roy en l'Eslection. Et cela s'observe
principalement en Normandie.

*Qu'il est bõ
faire veri-
fier les let-
tres d'Ano-
blissement
en la Cour
de Parle-
ment.*

Et combien qu'on n'ait point accoustumé faire verifier les lettres d'A-
noblissement, sinon en la Chambre des Comptes & Cour des Aydes: de
faict que les lettres patentes en forme d'Edict, decernées par le Roy Hen-
ry troisieme, au mois de Iuin mil cinq cens septante-six, pour anoblir
certain nombre de personnes, ne furent verifiées qu'en la Chambre des
Comptes & Cour des Aydes, ny les declarations faites sur lesdites let-
tres; à la charge que ceux qui en seroient pourueus n'excederoient le
nombre de mil, lesquels obtiendroient lettres particulieres, qu'ils seroient
tenus presenter en la Chambre des Comptes & Cour des Aydes, pour y
estre verifiées. Toutesfois le meilleur & plus seur est de faire verifier les
lettres d'Anoblissement en la Cour de Parlement, d'autant qu'elles em-
portent exemption du droit de francs-Pieffs, qui est domanial; & par ce
moyen diminution des droits du domaine de la Couronne de France,
desquels la Cour de Parlement est conseruatrice. Mesmes quand les let-
tres d'Anoblissement sont octroyées aux Maire & Escheuins de quel-
ques villes, ou aux Majeurs de quelque corps ou Communauté. Et par le
moyen de ceste verification, qui peut facilement & sans aucuns frais
estre faite en la Cour de Parlement, sera obuié à la difficulté & doute,
que Messieurs les Commissaires, qui cy-apres seront ordonnez pour le
faict

faict & taxe des francs-Fiefs & nouveaux Acquests, lesquels en partie sont ordinairement du corps de la Cour, pourroient faire sur l'exemption & privilege des anoblis, pour les fiefs & heritages nobles par eux possédez. Aussi sera satisfait à l'ordonnance faicte pour l'union & conseruation du Domaine de la Couronne, par le 5. article de laquelle est porté, que les lettres patentes, contenans alienation du Domaine & fructs d'iceluy, ne sont tenuës pour valablement enterinées, si elles ne sont verifiées, tant en la Cour de Parlement, que Chambre des Comptes. Et tient-on pour certain, que toutes ordonnances, Edicts, lettres patentes, dons ou octrois, qui concernent le Domaine du Roy, doiuent estre verifiez en la Cour de Parlement; autrement la Cour, & ceux qui sont du corps d'icelle n'y ont point d'esgard. De faict Messieurs les Commissaires, qui sont deputez sur le faict des francs-Fiefs & nouveaux Acquests, n'ont point d'esgard aux privileges octroyez à aucunes villes, que les particuliers citoyens d'icelles, encores qu'ils soient roturiers, puissent posseder fiefs & heritages nobles, sans estre subiects au droict de francs-Fiefs, si lesdits privileges ne sont verifiez en la Cour de Parlement, comme auons dict au 10. chapitre du present Traicté. Aussi les lettres patentes en forme d'Edict, qui furent decernées par le Roy Charles IX. au mois de Ianuier 1568. pour créer & instituer en chacune des villes des Baillages, Seneschaullees & Preuostez de ce Royaume le nombre des nobles, contenus au cayer attaché sous le contreseel desdites lettres, estoient adressées à la Cour de Parlement, Chambre des Comptes & Cour des Aydes, pour les verifier; mais elles ne furent aucunement verifiées. Ioinct que plusieurs tant Maistres des Requestes, Conseillers de la Cour, qu'autres officiers Royaux, & autres particuliers, qui ont obtenu lettres d'Anoblissement du Roy, apres la verification d'icelles faicte en Chambre des Comptes & Cour des Aydes, les ont faict verifier, ou à vrayement parler, registrer en la Cour de Parlement. Ce qui se faict, comme dict est, fort facilement, sans que la Cour prenne cognoissance de cause, & sans frais. Pour ce regard est besoin voir le 47. chapitre du present discours, auquel est traicté de la verification des lettres d'Amortissement.

Et tout ainsi que pour plainement & sans aucun doute ny difficulté iouyr par les anoblis, de tous les droicts & privileges de noblesse; mesmes de l'exemption du payement du droict de francs-Fiefs, le meilleur & plus seur, est faire verifier les lettres par eux obtenuës tant en la Cour de Parlement, Chambre des Comptes, que Cour des Aydes, pour les causes & raisons cy-dessus deduites: Aussi les privileges octroyez par les Roys de France, par lesquels aucuns officiers, encores qu'ils ne soient extraicts de noble lignée, sont faicts nobles par le moyen des estats & offices desquels ils sont pourueus: doiuent estre verifiez tant en la Cour de Parlement, Chambre des Comptes, que Cour des Aydes, pour les mesmes causes & raisons, que celles qui ont esté cy-deuant declarées. Autrement tels officiers Royaux ne se peuuent dire anoblis, ny iouyr des privileges de noblesse: ainsi qu'on peut cognoistre par les privileges octroyez au Thresorier General de Blois & les successeurs audit

Les privileges octroyez aux officiers anoblis doiuent estre verifiez.

Estat, desquels auons faict ample mention au dix-neufiesme chapitre du present Traicté.

*Quelle finä-
ce est donē
au Roy pour
les anoblisse-
mens.*

Quant à la finance deuë au Roy à cause des Anoblissemens impetrez de sa Majesté, il est incertain quelle somme luy doit estre payée, d'autant qu'elle doit estre arbitrée par Messieurs du Cōseil Priué, ou bien par Messieurs des Comptes, selon les facultez de celuy qui veut estre anobly, & le nombre d'enfans qu'il a. Car s'il n'a point d'enfans, ou n'en a qu'un, ou deux, il doit moins payer que s'il auoit grand nombre d'enfans. Et le Roy Henry à present regnant au mois de Iuin 1576. ayant faict vn Edict pour anoblir certain nombre de personnes, duquel Edict auons cy-dessus faict mention, ledit Seigneur deputa par les Prouinces de son Royaume, certains Commissaires pour taxer & arbitrer la finance que chacun d'eux seroit tenu payer pour estre anobly. Tellement que les vns payerent mil escus, les autres huit cens escus, les autres moins : & n'y en eut aucun anobly par le moyen dudit Edict qui ne payast six cens escus, & non moindre somme, suiuant les instructions qui furent baillées ausdits Commissaires par Messieurs du Conseil Priué du Roy, ainsi qu'ay entendu.

Quel profit, vtilité & prerogatiue les lettres d'Anoblissement deuement verifiées, apportent aux roturiers qui les ont impetrées du Roy.

CHAPITRE XXII.

*Celuy qui
est anobly
par le Roy a
pareils pri-
uileges que
celuy qui est
noble de ra-
ce.*



Les lettres d'Anoblissement deuement verifiées tant en la Cour de Parlement, Chambre des Comptes, que Cour des Aydes, apportent tel profit, vtilité & prerogatiue au roturier qui les a obtenuës : que par le moyen d'icelles tant luy que sa femme & enfans, masles & femelles, nais & à naistre en loyal mariage, sont nobles, & iouyssent des honneurs, priuileges, préeminences, prerogatiues, franchises & immunitéz, dont iouyssent les nobles de race. Tellement qu'en France, quant aux priuileges, authoritez & préeminences, il n'y a aucun difference entre les nobles de race, & les anoblis par lettres du Roy deuement verifiées. *Et quemadmodum legitimatus à principe legitimus habetur, & legitimorum iura nanciscitur : ita nobilitatus à principe, qui natalibus restitutus dicitur, nobilis efficitur, & nobilium priuilegia consequitur.*

*Les nobles
de race sont
plus respec-
tez que les
anoblis.*

Bien est vray que les nobles de race, sont plus respectez & reuerrez que les anoblis. Car en France communément on estime, que les premiers & vrais nobles, ont acquis le degré de noblesse; au prix de leur sang, portans les armes pour la protection & defense du Royaume : & les anoblis ont acquis le tiltre de noblesse au prix d'argent, ayans baillé deniers pour auoir lettres d'Anoblissement. *Supradicta tractantur ab Alberico*

in l. Imperatores. ff. de decurio. Paulo de Castro in l. quoties. in fine. C. ubi senat. vel clariss. Budao in l. ultima. ff. de senatorib.

Et combien que les nobles ayent plusieurs & diuers priuileges, prerogatiues & preéminences, lesquels sont particulièrement recitez par Monsieur Tiraqueau, en son liure de Nobilitate, chapitre vingtiesme, post Lucam de Penna in l. mulieres, de dignitatib. Cod. lib. 12. à la lecture desquels on peut auoir recours.

Toutesfois en France les nobles de race, ou anoblis par le Roy, ont deux principaux priuileges.

Le premier est, qu'ils peuvent librement posséder tous fiefs & heritages nobles, ensemble tous droicts noblement tenus, sans estre subiects au droict de francs-Fiefs. Ce qui se doit entendre quant aux anoblis pour l'aduenir, à compter du iour de leur anoblissement. Car pour le passé ils sont cottiſables au droict de francs-Fiefs, au prorata du temps qu'ils ont iouy de fiefs & heritages nobles. Et doit-on prendre le commencement de leur iouissance à l'année à laquelle on commence à compter le droict de francs-Fiefs, qui est de nostre temps l'an 547. que le Roy François premier du nom deceda, iusques au iour de la verification des lettres d'Anoblissement obtenues du Roy. Estant certain que *rescriptum principis siue beneficium à principe impetratum non retrahitur, nec extendatur ad tempus prateritum, sed ad futurum tantum*: ainsi qu'on peut cognoistre par l'effect tant des lettres de naturalité, que de legitimacion par nous declaré au 20. chapitre du droict d'Aubaine. Conformément à la disposition de droict, in §. liceat igitur, in verbis, & suos, de cetero. quib. mod. nat. eff. legit. in authent. cap. tanta vis, in verb. post matrimonium. extr. qui filij sint legit. Bartolus & ceteri in l. gallus. §. quid si tantum. ff. de liber. & posth. comme nous auons dict aux 15. & 67. chapitres.

Aussi les nobles ou anoblis par le Roy, peuvent librement porter armes, enseignes & armoiries appartenans à la qualité & tiltre de noblesse, & sont capables de tenir tous estats & offices, partie desquels par les ordonnances leur sont affectez, & ne peuvent estre baillez aux roturiers: comme de Bailly ou Seneſchal. Et quant aux autres estats, offices & dignitez, esquels les roturiers par le moyen des deniers comptans sont ordinairement admis, *ceteris paribus*, les nobles ou anoblis doivent estre preferez.

De faict y a plusieurs benefices & dignitez Ecclesiastiques, qui ne peuvent estre tenuës que par personnes nobles. Comme en l'Eglise de Lyon, aucun ne peut estre receu Chanoine, qu'ils nomment Comte, qu'il ne soit noble, yssu de pere & mere nobles, & natif de la province Lyonnoise.

Pour ceste cause *Thesens Atheniensium Dux, nobiles à plebeis seiunxit, nobilitasque concessit, magistratus ex suo ordine creare, ius dicere, pia religioſaque interpretari ac definire. Et Solon legislator Atheniensium, magistratus omnes ex nobilibus constituit. Romulus quoque illustres genere ab ignobilibus segregauit, & illos sacra perficere, magistratus gerere, ius dicere, ac secum publica administrare iussit: plebeis autem magistratus*

En France les nobles & anoblis ont deux principaux priuileges.

Premier priuilege.

Le roturier anobly est subiect au droict de francs-Fiefs pour le tēps precedāt son anoblissement.

Rescriptum principis non retrahitur.

Aucuns offices destinez aux nobles.

Aucuns benefices destinez aux nobles.

Es offices & dignitez, les nobles doivent estre preferez aux roturiers.

*assequendi nullum ius erat. Legibus etiam Longobardorum iudices debent esse nobiles. Et Veneti nobiles tantum assumunt ad honores, magistratus, & munia publica: necnon ad ciuitatis administrationem. Vnde Aristoteles ait nobiles legitimo iure honores & dignitates sibi arrogare posse, cum æquum sit nobiles ignobilibus imperare. Et Ciceron desiroit qu'à telles gens fust commis le gouuernement de la Republique, à ce que le peuple plus volontiers se composast à bien faire par leur exemple. Aussi Dieu parlant des Iuges qu'il auoit donné à son peuple, pour soulager Moysse leur chef & gouuerneur souuerain, disoit, *Tuli de tribubus vestris, viros nobiles & sapientes, & constitui eos principes, tribunos, quinquagenarios & decimos: precepique eis quod iustum est iudicare.* Tellement qu'anciennement les Iuges estoient nobles, comme il a esté dict au 19. chapitre.*

Partant à bonne & iuste cause le Roy François premier du nom disoit, qu'il estoit marry que les Gentils-hommes de son Royaume, ne s'adonnaient à l'estude & exercice des lettres, à ce qu'il les peust pouruoir des estats, offites & dignitez de longue robbe. Estimant qu'il en eust esté mieux seruy, & qu'ils doiuent estre moins enclins à auarice, & à choses reprochables, que gens yssus de basse condition. Et à la verité les nobles ont plus en recommandation l'honneur, que leurs vies propres. Aussi il est conuenable que les natures soient meilleures en vne noble race, qu'en vne race & generation de vile & basse condition: & est nécessaire que ceux qui sont bien nais, s'ils sont bien nourris & instituez, paruiennent plustost à vertu que ceux qui ne sont si bien nais; comme dit Platon en son premier Alcibiade. Aussi en ceux qui sont de noble, ancienne & genereuse race, il y a quelque premiere semence & esguillon de vertu, qui n'est pas en ceux qui sont de basse & abiecte famille, comme dit le Poëte,

Nobilitas generis cunctis exordia pandit

Laudibus, atque omnes redeunt in semina causa.

Et Seneque le tragique dict, que *Generosa in ortus semina exurgunt suos.* Et peut-on dire de ceux qui sont venus de noble race:

Ignis est illis vigor & cælestis origo.

Et Homere dict, que Iupiter a donné l'esprit double aux nobles & gens descendus de noble race.

Second pri-
uilege des
nobles &
anoblis.

Le second priuilege duquel les nobles de race, ou anoblis par le Roy, iouyssent en France est, Qu'ils sont francs, immunes & exempts de toutes tailles, taillon, creuës, aydes, subside, huitiesme, douziesme, vingtiesme, equiuallents, ports, peages, barrages, passages, trauers, munitions, garnisons, estapes, & de toutes impositions & subuentions quelsconques, esquelles les roturiers & non nobles sont subiects, & ordinairement assis, taxez & cottisez. l. 3. §. 1. ff. de munerib & hono. l. non tantum. §. Ilienfib. ff. de excusat. tut. Notat Masuerius in sua Practica forensi, titulo de talis seu collectis. §. item nobiles. Guido Pape in suis decisionibus, decis. 384. Rebuffus in Concordatis tit. de collat. §. cum verò. in verbo nobilitatis. Tiraqueus latè in libro de Nobilitate. cap. 20. column. 159. & sequentib.

Quant à ceux qui sont anoblis par le moyen de leurs Estats, dignitez & Offices, ils iouissent de pareils priuileges, franchises, immunitéz, pré-éminences, & prerogatiues que les nobles de race, & que ceux qui sont anoblis par lettres patentes obtenues du Roy, deuëment verifiées. Bien est vray qu'aux enfans d'aucuns desdits Officiers, on a reuoké en doute le priuilege de noblesse, quant à l'exemption des tailles, huitiesme, aydes & subsides, ensemble du droict de francs-Fiefs, & a-on voulu pretendre que la noblesse de tels Officiers estoit pure personnelle, vnice à l'office, adherante à la personne de celuy qui l'exerce, & n'estoit transmissible à la posterité, encores qu'elle fust en ligne directe: ainsi qu'auons succinctement dit à la fin du 19. chapitre. Et ne voulons plus auant parler de cet article pour la consequence d'iceluy.

Les anoblis par offices iouissent des priuileges de noblesse.

COMME LES NOBLES DE RACE OV ANOBLIS par le Roy, se doiuent pouruoir pour auoir main-leuée des fiefs sur eux saisis, à faute d'auoir baillé declaration suiuant l'Edict des francs-Fiefs, & comme la Noblesse se doit verifier.

- | | |
|--|--|
| <p>1 Comme la Noblesse se doit verifier par tesmoins: & quelles solemnitez faut observer en la confection de l'enqueste.</p> <p>2 Pour verifier qu'on est noble, il suffit prouuer, que les ayeul & pere ont vescu noblement, & qu'on vit noblement.</p> <p>3 Cinq moyens pour verifier qu'on est noble.</p> | <p>4 Pour verifier qu'on est noble on a accoustumé retirer certificat des Eslus.</p> <p>5 En noblesse l'information & la certification iointes ensemble sont fort considerables.</p> <p>6 Quand le Gentil homme a esté taxé pour le droict de francs-Fiefs, comme il se doit pouruoir.</p> |
|--|--|

CHAPITRE XXIII.



O v s auons dit aux 11. & 22. chapitres du present Traicté, que les nobles de race, pareillement ceux qui sont anoblis par le Roy, ne sont subjets au droict de francs-Fiefs. Toutesfois d'autât que le Roy, lors qu'il veut leuer le droict de francs-Fiefs, faict notifier par lettres patentes & proclamer à son de trompe par tout son Royaume, Que tous roturiers & non nobles tenans fiefs, droicts & heritages nobles, soient tenus les bailler par declaration dedans certain temps, afin de proceder à la taxe du droict de francs-Fiefs, deu à sa Majesté: A faute de ce faire, qu'on procedera par saisie sur les fiefs appartenans à ceux qui n'auront obey: & qu'il aduient quelquesfois qu'à la requeste du Procureur du Roy en la Commission, on saisit les fiefs qui appartiennent aux nobles de race, ou anoblis par le Roy. On a demandé comme le noble, ou anobly se doit pouruoir, pour auoir main-leuée de son fief saisi, sans

payer finance, ny bailler declaration.

Comme le noble ou anobly se doit pourvoir pour main-leuée du fief sur luy saisi pour le droict de francs-Fiefs.

Il semble que le Gentil-homme auquel le fief saisi appartient, doit presenter requeste à Messieurs les Commissaires deputez par le Roy sur le faict des francs-Fiefs & nouveaux Acquests: Par laquelle il donnera à entendre, qu'il est noble, extraict de noble lignée, ou bien qu'il a esté anobly par le Roy, & qu'il a tousiours vescu noblement, comme il vit encores à present. Et combien qu'au moyen de l'Edict des francs-Fiefs, il ne soit tenu bailler declaration des fiefs & heritages nobles qui luy appartiennent, ny sujet au droict de francs-Fiefs: Toutesfois à la requeste du Procureur du Roy en la commission, on a saisi tel fief qui luy appartient, à faute d'auoir baillé par declaration suiuant l'Edict. Requerra comme noble de race, yssu de noble lignée, ou bien comme anobly, estre déclaré exempt du droict de francs-Fiefs, & de bailler declaration des heritages nobles qui luy appartiennent. Et que main-leuée luy soit faicte de son fief saisi, sans qu'il soit tenu payer aucune finance au Roy, ny bailler aucune declaration: les Commissaires deschargez, condamnez luy rendre compte, & payer le reliqua d'iceluy. S'il a esté taxé, il concluera afin d'estre deschargé de la taxe: S'il a payé, il concluera afin de restitution de deniers: & que le Receueur y soit contraint par toutes voyes deuës & raisonnables, mesmes par emprisonnement de sa personne. Ce qui luy sera accordé par le Procureur du Roy, s'il est notoirement noble, ou faulse apparoir par escrit de sa noblesse, soit par lettres d'Anoblissement impetrees par luy ou ses predecesseurs deuëment verifiées; arrests ou iugemens par eux obtenus legitimement donnez en Cours Souueraines; sentences confirmées par arrests des Cours de Parlement, ou des Aydes, suiuant l'Edict du Reiglement des tailles, ou autrement deuëment. Et le semblable sera faict pour le regard des particuliers habitans des villes priuilegiées, comme de Paris, & autres.

Comme la Noblesse se doit verifier par tesmoins, & quelles sollempnitez faut obseruer en la cōfection de l'enqueste.

Mais si celui duquel le fief a esté saisi n'est notoirement noble, & ne faict apparoir par escrit de sa noblesse; le Procureur du Roy mettra sur la requeste, qu'en verifiant par le suppliant sa pretenduë noblesse, il fera ce qu'il appartiendra. Lors on luy baille commission de Messieurs les Commissaires, adressante à l'un des Iuges ordinaires, ou à l'un des Esleus des lieux, auquel est mandé que prins avec luy un adioinct non suspect ne favorable aux parties, il s'enquiere & informe diligemment de la pretenduë noblesse du suppliant, ensemble de ses predecesseurs, circonstances & dependances, le Procureur du Roy en leur siege present ou appelé, pour voir iurer lesdits tesmoins, & conuenir d'adioinct. Et pour auoir permission de verifier par tesmoins sa noblesse, sera bon qu'il donne à entendre par sa requeste, que ses tiltres ont esté perdus par le moyen des troubles, & guerres ciuiles qui ont eu cours au Royaume.

Ce faict, le suppliant articulera ses faicts de noblesse, & perte de ses tiltres, en fera bailler copie au Procureur en la commission des francs-Fiefs: & par mesme moyen assignation à certain iour, lieu & heure, pour voir iurer tesmoins, conuenir d'adioinct, & proceder en outre comme de raison. Et si ledit Procureur du Roy faict response, qu'on signifie l'assu-

gnation au Procureur du Roy sur les lieux: on fera signifier au Procureur du Roy des lieux l'assignation, luy baillera-on pareille assignation que celle qui auoit esté baillée, avec copie de la commission & des faicts, & sera procedé à la nomination d'un adioinct, & prestation de serment aux tesmoins, & en outre comme de raison: & ce pardeuant le Iuge ordinaire, ou pardeuant un Esleu, selon l'adresse de la commission. Ou bien on fera seulement assigner le Procureur du Roy des lieux, auquel on baillera copie de ce que dessus, quand l'assignation est adressée au Iuge des lieux.

Si le suppliant par son enqueste a deuëment verifié sa noblesse: mesmes qu'au pays son ayeul soit estimé, censé & réputé noble par tous les habitans: que les tesmoins l'ayent cogneu, & veu viure noblement, & faire actes de noble: & ait verifié le semblable de son pere, & de luy pareillement, sans qu'ils ayent esté assis à la taille comme nobles, ny faict acte dérogeant à noblesse, le Procureur du Roy luy consentira l'enterinement de sa requeste, en la forme cy-apres declarée.

Car nous tenons en France, que pour verifier qu'un homme est noble, il suffit que les tesmoins deposent qu'ils ont cogneu son ayeul & son pere, les ont veu viure noblement, suiure les armes, aller aux guerres, mesmes auoir eu charge de Compagnies, auoir esté Capitaines, Lieutenans, Enseignes, Guidons, hommes d'armes, hanter les Gentils-hommes, porter habits de Gentils-hommes, leurs femmes porter habits de Damoiselles, & faire autres actes de nobles, sans auoir esté assis à la taille comme nobles: mesmes qu'en leurs contracts & actes iudiciaires ils ont tousiours prins qualité d'Escuyers, & leurs femmes de Damoiselles, & qu'au pays ils ont esté censez, estimez & reputez nobles, par tous les habitans, ensemble celuy qui se pretend noble, sans qu'il soit besoin que les tesmoins deposent auoir veu & cogneu les bisayeul, trisayeul, & autres predecesseurs qu'ils fussent estimez nobles, & eussent vescu noblement, conformément à la disposition de droict, *in l. priuilegio. de decur. C. lib. 10. l. 1. de dignit. C. lib. 12.* qui est à ce expresse & formelle.

Pour verifier qu'on est noble, il suffit prouuer que les ayeul & pere ont vescu noblement, & qu'on vie noblement.

Toutesfois le meilleur & plus seur sera, que les tesmoins deposent qu'ils ont entendu & ouy dire que ses bisayeul & autres predecesseurs estoient nobles, & viuoient noblement. Aussi le meilleur voire besoin sera que les tesmoins soient Gentils-hommes de race, Officiers Royaux ou subalternes, & autres gens de qualité & d'honneur, non pas simples Marchands, Laboureurs, Artisans, & mécaniques.

Il y a plusieurs autres moyens de verifier qu'un homme est noble, lesquels sont recitez per Bartolum in l. 1. de dignit. C. lib. 12. per Baldum in l. prouidendum. C. de postul. Dynum conf. 11. Guid. Pap. conf. 217. & decis. 196. in medio. Tiraquellum in libro de Nobilitate, cap. 10. col. 678. & seq. Et Masuerum in sua practica forensi tit. de talijs. §. item & quis, où il baille cinq moyens pour verifier vne noblesse.

Premierement par la renommée commune, si les progenitures estoient reputez nobles. *Et sic nobilitas per solam famam, id est, communem hominum estimationem probatur: quasi nobilis sit quem vulgus & communis*

Cinq moyens pour verifier qu'on est noble.

hominum aestimatio nobilem reputat. Vt tradit Auffredus quæst. 379. item dic.
 Secondement par la noble & honneste conuersation, principalement si luy ou ses predecesseurs auoient accoustumé porter vestemens en deuisse, ou autrement, tels qu'ont accoustumé porter les nobles. Car en toutes Republiques les nobles ont porté habits, lesquels il n'estoit permis aux roturiers porter. Mesmes parmy les Thraces le Gentil-homme seul alloit à cheual: & à Rome il n'estoit permis sinon aux femmes des nobles aller en litieres. Tiercement si aucuns des predecesseurs, mesmes l'ayeul paternel ou pere, auoient suiuy les armes: parce que communément en France, la noblesse est annexée à la profession militaire. Quartement si luy ou ses predecesseurs auoient eu quelque chasteau ou terre forte, avec Iustice haute, moyenne & basse, ou autres fiefs, ou s'ils tenoient en fief noble leur lieu, principalement celui duquel ils sont denommez. En cinquiesme lieu si le suppliant & ses predecesseurs auoient des armoiries antiques, & pointes entre nobles, aux lieux hauts, principalement aux Eglises, & lieux de leurs sepultures.

Il semble que les deux premiers moyens estant ioincts ensemble, & deuëment verifiez, sont suffisans pour prouuer vne noblesse. Et quant aux trois derniers moyens, ils ne seroient concluans: parce que la seule profession des armes, ny les fiefs & heritages nobles, pareillemēt les droicts de Iustice, n'anoblissent en France: comme nous auons dit és huitiesme & vingtiesme chapitres du present Traicté. Et le plus seur est de verifier que les ayeul & pere ont esté estimez nobles, ont tousiours vescu noblement, & qu'on a entendu le semblable des bisayeul & autres predecesseurs.

⁴
 Pour veri-
 fier qu'on est
 noble, on a
 accoustumé
 retirer certi-
 ficat des
 Esleus.

Et d'autant que l'information pour la preuue de noblesse est quel-
 quefois de grands cousts, pour soulager les Gentils-hommes de frais, &
 leur bailler main-leuée de leurs fiefs saisis, le plustost qu'il est possible: on
 a accoustumé leur conseiller de retirer certification des Esleus en chef, &
 Controollent de l'Eslection, en laquelle le Gentil-homme opposant est
 demeurant, signée d'eux & du Greffier de l'Eslection. Lesquels certifient
 que le suppliant est tenu, censé & réputé noble au pays, yssu & extraict
 de noble lignée, qu'il vit noblement: & qu'ils n'ont veu de leur temps, ny
 cogneu par les anciens roolles de la taille, & expeditions faictes parde-
 nant eux, que le suppliant, son pere, ayeul, ny ses predecesseurs ayent
 esté imposez à la taille, aydes, & subsides, qu'on a accoustumé de leuer
 sur les roturiers: & ce comme nobles yssus de noble race & viuans noble-
 ment. Et est besoin que la certification porte ces mots: Comme nobles,
 yssus de noble lignée, & viuans noblement. Car s'ils ne payoient point de
 tailles à cause de leurs offices, ou parce qu'ils estoient hommes d'armes,
 ou Archers de compagnie: cela ne seroit suffisant pour les exempter du
 droict de francs-Fiefs, comme il a esté dit au 8. chapitre.

Certificatio
 des habitans
 du lieu de la
 demeure
 pour verifier
 la Noblesse.

Ou bien il est besoin retirer certification telle que dessus, des habitans
 du lieu, auquel l'opposant faict sa continuelle demeure, ensemble
 des manans & habirans du lieu, auquel les ayeul & pere de l'opposant
 faisoient leur résidence. Et pour cet effect lesdits habitans seront deuëment
 assemblez par auctorité de Iustice à son de cloche, yssuë de grand Meſſe
 parochiele.

parochiale. Comme il fut ordonné par Messieurs les Commissaires deputez par le Roy, sur le faict & liquidation de ses droicts de francs-Fiefs & nouveaux Acquests, establis au Thresor à Paris, le 10. Mars 1581. pour Pierre Doignet.

Ou bien à l'exemple de l'Escolier, lequel par le moyen de sa Noblesse se veut abreger son temps d'estude, il conuiendrait selon qu'il est porté par la Pragmatique Sanction, & Concordats, auoir attestation iudiciaire-^{Attestation iudiciaire pour verifier la noblesse.} ment faicte par quatre personnes de qualité: Lesquels apres serment faict, attesteroient & deposeoient de la noblesse de celuy duquel le fief auroit esté saisi. Et seroit besoin que ceste attestation fust faicte avec le Procureur du Roy, pardeuant le Iuge Royal ordinaire de celuy duquel la noblesse est reuouquée en doute. En ce faisant telle attestation equipolleroit à enqueste, & seroit de peu de frais. Outre tout ce que dessus, serabon produire les contracts de mariage, & autres actes tant iudiciaires, que extraiudiciaires passez par le suppliant & ses predecesseurs, portant qualité d'Escuyer, aussi qualité de Damoiselle; car par ces qualitez la possession de noblesse est aucunement verifiée.

Apres la certification expediee telle que dessus, ou information deuëment faicte de la noblesse: le Procureur du Roy en la commission des francs-Fiefs & nouveaux Acquests, baille ses conclusions, par lesquelles il declare, qu'il ne peut empescher que le suppliant, comme noble, yllu de noble lignée, & vivant noblement, soit déclaré exempt du droict de francs-Fiefs, en ce faisant ne soit tenu bailler declaration, ny payer finance pour raison des fiefs & heritages nobles qui luy appartiennent: & consent main-leuée luy estre faicte des fiefs sur luy saisis; que les Commissaires luy rendent compte, payent le reliqua d'iceluy, & soient deschargez. Ou bien le Procureur du Roy dit, qu'il ne peut empescher que main-leuée soit faicte au suppliant du fief sur luy saisi, sans qu'il soit tenu bailler aucune declaration, ny payer finance pour le droict de francs-Fiefs, comme estant noble, & vivant noblement: & consent que les Commissaires soient deschargez, rendent compte au suppliant, & luy payent le reliqua d'iceluy. Les conclusions estans ainsi baillées par le Procureur du Roy, Messieurs les Commissaires anciennement auoient accoustumé renvoyer le suppliant comme noble, sans iour, sans terme, & sans qu'il fust tenu bailler declaration ny payer finance, qui estoit vn vieil stil, duquel le Greffier des francs-Fiefs auoit accoustumé d'vser. Mais depuis peu de temps, les main-leuées ont esté dressées, suiuant les conclusions du Procureur du Roy, cy-dessus recitées. Aussi en matiere de nouveaux acquests, quand aucuns habitans ou personnes Ecclesiastiques estoient deuëment amortis, anciennement les Commissaires deputez par le Roy conceuoient leurs sentences en ceste forme: Nous auons lesdits habitans renvoyez & delaissez, renvoyons & delaissons sans iour, sans terme & sans payer, les traicter ou composer à aucune finance. Et sans ce aussi qu'ils soient plus tenus eux presenter en tel cas, à raison desdits droicts y contenus.

Si l'information portant preuue de noblesse, telle qu'elle a esté cy-^{En noblesse} deuant recitée, estoit iointe avec la certification des Esleus en chef: ou l'information

Et la certifi-
cation ioin-
tes ensemble
sont fort cō-
siderables.

avec la certification des habitans, ou bien avec l'attestation judiciaire, telles qu'elles ont esté cy-dessus declarées, ce seroit bien le meilleur & le plus seur. Car il est souuent fort aisé à vn homme riche & opulent, tenant fiefs & heritages nobles, de prouuer par tesmoins qu'il est noble, & yflü de noblerace, combien que la verité soit au contraire. Partant les Iuges qui declarent vn homme noble, & exempt du droit de francs-fiefs, par le moyen d'une simple information faicte à sa requeste, doiuent bien regarder les qualitez & aages des tesmoins, diligemment examiner leurs depositions, & considerer les circonstances de la preuue : *cum testium facilitate multa veritati contraria perpetrentur*, comme dit la loy, *testium, Co. de testib.* Et conuient noter, que Messieurs de la Cour des Aydes ne donnent point arrest en faict de noblesse, que les manans & habitans du lieu de la demeurance de celuy qui se pretend noble, ne soient ouys, comme estans les vrayes parties, & ayans le principal interest. Tellement que celuy qui a obtenu sentence à son profit, avec le Substitut de Monsieur le Procureur General du Roy en quelque Election, par laquelle il est déclaré noble, & veut faire confirmer par arrest ladite sentence, suiuant l'Edict du Reiglement des tailles; doit faire appeller les manans & habitans de sa demeurance, pour prendre communication de proces: & dire ce qu'ils voudroient, pour empescher que la sentence par luy obtenüe ne soit confirmée par arrest.

Quand le
Gentil-hom-
me a esté ta-
xé pour le
droict de
frācs-fiefs,
comme il se
doit pour-
voir.

Si le Gentil-homme estimé roturier n'a baillé declaration de ses fiefs, suiuant les proclamations de ce faictes; & a esté taxé sur l'information faicte par le Iuge des lieux, du reuenue annuel des fiefs, & heritages nobles par luy possédez; & à faute de payement de la somme portée par la taxe, on a saisi les fiefs qui luy appartiennent: il presentera requeste à Messieurs les Commissaires, en la forme cy-dessus recitée; requerra comme noble estre deschargé de la taxe sur luy faicte: s'il a payé, demandera restitution des deniers par luy payez, & main-leuée des fiefs sur luy saisis. Tellement qu'il n'est besoin ny de s'opposer à la saisie faicte des fiefs appartenans au Gentil-homme, ny d'appeller de la taxe & cottisation sur luy faicte, ny faire conuertir son appel en opposition, qui sont les voyes ordinaires: mais on se peut pourvoir par simple requeste: comme nous auons déclaré au 13. chapitre du present Traicté, à la lecture duquel est besoin auoir recours, ensemble au 73. chapitre.

Et conuient noter qu'on n'a point d'elgard à vne information faicte pour scauoir le reuenue annuel des fiefs non baillez par declaration, ou celez par la declaration baillée, si la partie n'a esté adiournée pour voir iurer tesmoins, & que les tesmoins ayent iuré en sa presence: ou par vertu du défaut donné contre la partie.



TROISIEME PARTIE

TRAICTANT DV DROICT DE NOUVEAUX ACQUESTS.

De l'ordre & continuation de ceste troisieme partie, avec les deux precedentes. Et briefue interpretation de ces mots, nouveaux Acquests, & gens de main-morte.

CHAPITRE XXIII.



Ous auons declaré en la premiere partie du present Traicté, comme le droict de francs-Fiefs, de toute antiquité a esté receu & pratiqué en France, en quoy il consiste, & quelles personnes sont subiettes à ce droict. Pareillement auons donné à entendre en la seconde partie, la forme des Anoblissemens que les roturiers ont accoustumé obtenir du Roy, avec le profit & vtilité qu'ils recoiuent par le moyen d'iceux. Il conuient à present parler du droict de nouveaux Acquests, donner à cognoistre comme il a esté receu en France, & pourquoy, quelles personnes sont subiettes à ce droict, & en quoy il consiste.

Continuation de ceste troisieme partie avec les deux precedentes.

Mais pour auoir par le Lecteur facile intelligence de ce droict de nouveaux Acquests, duquel nous auons à parler, il luy est necessaire auoir recours à la lecture des deuxiesme, & troisieme chapitres de ce Traicté : lesquels au moyen de la connexité qui est, tant entre le droict de francs-Fiefs, & le droict de nouveaux Acquests, qu'entre les Anoblissemens & Amortissemens, auons esté contraincts de declarer par forme de preface & preambule, que signifient ces mots de francs-Fiefs, nouveaux Acquests, Anoblissemens, Amortissemens, & gens de main-morte. Pareillement donner à cognoistre qu'il y a deux sortes de personnes en France, nobles, & roturiers : & trois sortes d'heritages, feodaux, roturiers, & alaudiaux ; la condition desquels auons amplement declarée.

Et monstré que ces mots de nouveaux Acquests signifient, tous heritages tant feodaux, roturiers, que alaudiaux, & tous droicts immobiliers qui appartiennent à gens de main-morte non amortis par le Roy. Et qu'ils sont appelez nouveaux Acquests, parce que ordinairement & le plus

Nouveaux Acquests, que signifient

souuent les gens de main-morte, comme sont personnes Ecclesiastiques, Communautéz, & autres, sont amortir par le Roy les heritages situez en France, qui leur appartiennent à cause de la fondation, & ancienne dotation de leurs Benefices, Monasteres, Colleges, ou Hospitaux. Et ce que lesdits gens de main-morte ont acquis en France, outre & depuis les heritages qui leur ont esté anciennement amortis : pareillement ce que depuis leur a esté donné, legué, & aumosné, soit heritage feodal, alaudial, ou roturier, ou autre droict immobilier, est appelé nouuel Acquest. Et pour raison de tels heritages & droicts immobiliers, ainsi acquis, donnez, leguez ou aumosnez, non amortis par le Roy, les gens de main-morte sont subjets au droict de nouveaux Acquests. C'est à dire, qu'ils sont tenus payer au Roy certaine finance, pour la tolerance de la possession & iouissance qu'ils ont eu d'heritages situez en France, lesquels par les Ordonnances & anciens statuts du Royaume, il leur est prohibé de posseder.

Les heritages donnez par les Roys de France, sont ordinairement amortis.

Et si les gens de main-morte n'ont faict amortir par le Roy, les heritages & droicts immobiliers, qui anciennement leur ont esté dōnez pour la fondation, ou dotation de leurs Benefices, Monasteres, ou Hospitaux, ils sont tenus payer le droict de nouveaux Acquests, pour tous les heritages & droicts immobiliers qui leur appartiennent, tant anciens que nouvellement acquis, leguez ou donnez. Et tous lesdits heritages & droicts immobiliers sont compris sous ces mots de nouveaux Acquests. Bien est vray que les heritages donnez par les Roys de France, aux Monasteres, Hospitaux, & autres Eglises, de fondation ou dotation Royale, sont ordinairement amortis par le tiltre de la fondation ou dotation, parce moyen non subjets au droict de nouveaux Acquests : comme nous auons dit au troiesime chapitre du present Traicté, & comme declarerons en la cinquiesme partie d'iceluy.

Gens de main-morte qui sont.

Aussi au 3. chapitre du present discours nous auons monstré qu'on appelle gens de main-morte, les gens d'Eglise, comme Archeuesques, Euesques, Abbez, Prieurs, Curez, Chappelains, & toutes Communautéz, tant Ecclesiastiques que de gens lais: cōme Religieux, Abbé & Conuent, Religieux, Prieur & Conuent, Doyen, Chanoines & Chapitre, Vniuersitez, Colleges, Principal & Boursiers, habitans de Villes, Bourgs, ou Villages possédans heritages en commun : Preuost des Marchands & Escheuins, Maire & Escheuins, Capitoux, Consuls, Iurats, & autres Gouverneurs de Villes, Bourgs & Bourgades, Gouverneurs d'Hospitaux, Hostels-Dieu, Maladeries, Leproseries, Aumosneries, Commanderies, Supendies, Preuostez, Confrairies, Marguilliers de Fabriques, Luminiers, Communautéz de Marchands & de Mestiers, deuëment approuuées: lesquelles Communautéz & Colleges, ensemble les Eglises, Monasteres & Chapitres, d'autant que iamais ne meurent, & que les successeurs representent tousiours les predecesseurs, aussi que les heritages par eux possédez, ne changent iamais de main, sont appelez gens de main-morte.

Par les anciennes ordonnances & Statuts du Royaume, les Ecclesiastiques & autres Gens de main-morte, ne peuvent tenir heritages ny droicts immobiliers en France : & pourquoy.

CHAPITRE XXV.



E contenu au chapitre precedent presuppofé, comme *Maxime en matiere de nouveaux Acquests.* neceffaire pour la vraye cognoiffance du droict de nouveaux Acquests : il conuient noter, ainfi qu'en toutes disciplines, arts & fciences, y à certaines reigles & maximes, lesquelles il faut tenir pour fermes & itables, fans qu'il foit licite les reuoker en doute, ny mettre en difpute. Auffi pour maxime & vray fondement du droict de nouveaux Acquests, appartenans au Roy, il eft befoin tenir pour certain, ferme & itable, que par les anciennes ordonnances, loix & Statuts du Royaume de France, de tout temps inuiolablement gardez en iceluy, il eft defendu à Gens d'Eglife, communautéz, & autres Gens de main-morte, d'acquérir, tenir & pofféder aucuns heritages feodaux, alaudiaux ou roturiers, ny aucunes rentes & droicts immobiliers dedans le Royaume fans permiffion, congé ou licence des Roys de France. Et s'aucuns ils poffèdent, leur eft enioinct par les mefmes ordonnances en vuider leurs mains dedans an & iour, à peine de faifie & vnion d'iceux au Domaine du Roy. Ainfi qu'il appert par les ordonnances des Roys S. Louys, Philippes fon fils, Philippes le Bel, Charles V I I. au vingt-neufieme article de fes lettres patentes contenans le pouuoir de Meffieurs les Threforiers de France, & leurs fuccelleurs Roys de France : & de noftre temps par les lettres patentes decernées pour les droicts des francs-Fiefs & nouveaux Acquests, par les Roys François premier du nom, le fixiefme Septembre mil cinq cens vingt, Henry deuxiefme le feptiefme Ianuier mil cinq cens quarante fept, & Charles neufiefme le cinquiefme Septembre, mil cinq cens foixante & vnze. Enfemble par la lecture des inftitutions anciennement dreffées, fur le faict des francs-Fiefs, & nouveaux Acquests, transcriptes à la fin du prefent Traicté. Combien que par la difpofition de droict commun, les Ecclesiastiques puiſſent librement acquérir routes fortes de biens, tant meubles, qu'immeubles, & ne puiſſent rien aliener fans caufe approuuée de droict, *l. sancimus res. & l. sancimus nemini, C. de facroſanctis Ecclef.* Et ſemble auoir eſté ainſi ordonné par les Roys de France, pour quatre raifons principales.

La premiere, parce qu'en la primitive Eglife, les perſonnes Ecclesiastiques ne tenoient aucuns biens, & ne poffédoient aucuns heritages, *Premiere raifon pour laquelle les*

Ecclesiasti-
ques ne doi-
vent tenir
heritages.

mais vendoient tout ce qui estoit offert aux pieds des Apostres, fust heritages ou meubles, distribuoiēt les deniers aux pauvres & indigens. Comme il est escrit *in cap. futuram Ecclesiam. 12. quest. 1.* & amplement traité per *Guillelmum Benedictum in cap. Raynutius in verbo uxorem nomine Adelasiam. decis. prima.* De fait *Leui non habuit partem neque possessionem cum fratribus suis, quia ipse Dominus possessio eius est.* Et fut dict aux premiers Prelats de l'Eglise, *Nolite possidere aurum neque argentum, neque pecuniam inzonis vestris.*

Seconde rai-
son.

La seconde raison est, que les Gens d'Eglise & personnes Ecclesiastiques, par les loix des feudes sont incapables de tenir heritages feodaux. *Et in eos feudum transferri non potest, quia domino feudi seruitium exhibere non possunt: nec obsequium à cliente patrono debitum prestare,* comme dict le texte, *in §. qui clericus efficitur, si de feud. des cont. si int. da. & ag. cap. 1. §. donare, qual. olim feud. alien. cap. unico. in fine. An mutus vel alius imperfectus feudum retineat. in vsib. feud.*

Troisième
raison cōte-
nant le dom-
mage que les
Seigneurs
feodaux &
censiers souf-
frent, quand
les heritages
sont possédez
par gens de
main-mor-
te.

La tierce & principale raison est, que les Gens d'Eglise, Communauttez, & autres gens de main-morte ne peuuent posseder heritages, soient feodaux ou roturiers, sans l'euidente perte, preiudice & dommage, tant du Roy, que des Seigneurs hauts-Iusticiers feodaux & censiers du Royaume de France. Car n'estant permis aux gens de main-morte, de vendre, eschanger, donner, ny autrement aliener les heritages à eux appartenans, & ne mourans point, le Roy & les Seigneurs hauts-Iusticiers feodaux & censiers, sont entierement priuez de leurs droicts seigneuriaux & feodaux, & ne peuuent à l'aduenir prendre ny percevoir aucuns droicts de Des-herence, confiscation, de quints & requints, reliefs, & rachapts, lots, ventes, saisines, & amendes, ny aucunement reünir les fiefs mouuans d'eux, par retraict feodal, ou autrement; comme ils feroient, si les heritages estoient és mains de particuliers francs & libres, qui peuuent chacun iour vendre, eschanger, donner, ou autrement aliener les heritages qui leur appartiennent, & deceder sans enfans, ou bien sans hoirs. Et quant aux heritages alaudiaux appartenans à gens de main-morte, les Seigneurs hauts-Iusticiers sont du tout priuez des droicts & profits de confiscation, & de Des-herence, qui leur poutroient aduenir & appartenir en iceux heritages, s'ils estoient és mains de gens laiz, priuez & particuliers, lesquels peuuent deceder sans aucuns hoirs, & les biens desquels sont subiects à confiscation. Ce qui ne peut aduenir ny auoir lieu és gens de main-morte. De ce que dessus y a texte exprés, *in §. inde potest praesumi, de alienat. feud. in vsib. feud. l. iubemus. Cod. de sacro Eccles. cap. hoc cōsultissimo, de rebus Ecclesia non alien. in sexto.* Aussi *quod semel Deo consecratum siue dedicatum est, ad humanos usus transferri non decet. cap. mancipia. de rer. permut. ex. & quod Ecclesiasticum est seculare fieri non debet. can. qua semel. 19. quest. 3.*

Quatrième
raison.

La quatrième raison est, que si on permet aux personnes Ecclesiastiques, Communauttez, & gens de main-morte, posseder heritages feodaux, alaudiaux, & roturiers: ils possederont la plus grande partie des fiefs & possessions roturiers, estans dedans le Royaume. Et ce faisant, les forces que

le Roy doit tirer des nobles tenans fiefs, qui sont tenus aller aux guerres pour la tuition & defense du Royaume, seront grandement diminuées, & les roturiers payans tailles grandement foulcz: Car le Roy ne diminuë point les deniers de ses tailles. on plus que des decimes: & le taux des exempts & priuilegiez est reietté sur les non priuilegiez: tellement que les personnes Ecclesiastiques possédans heritages feodaux, alaudiaux, ou roturiers, estans exempts de payer tailles, taillon, aydes, & subsidez, les payfants & roturiers seront d'autant surchargez. l. placet, C. de sacros. Eccl. l. omnis. C. de Epif. & cler. cap. de clericis. immunitate Eccl.

Il y a plusieurs autres raisons qui sont recitées, per Baldum & Aluarum in titulo de alienatione feudi. in vsib. feud. Speculatorem in titulo de emphyteosi. col. 142. per Henricum Bobic. in c. ex literis, versic. secus crederem, de consuetudine in antiq. per Oldradum consil. 17. versic. item res emphyteuticaria, Ioannem Fabrum, in l. quoties. versic. item videtur. C. de rei vendi. per Alexandrum in consilio 9. vol. 3. versic. prater ea ut in facto. & consil. 90. vol. 4. per Petrum de Ancharano, Ioannem de Imola & Panormitanum in cap. potuit. de locato, ext. 1. asonē in l. finali. C. de iure emphyt. col. 95. versic. vos autem videte Stephanum, Aufrerium in fine Styli Parlamenti tit. de feudis. §. 2. Guillelmum Benedicti in cap. Raynutius in ver. uxorem nomine Adelasiam. decis. 3. col. 10. & decis. 4. col. 3. Molinaum in consuetudinib. Parisiensib. §. 41. col. 52. & sequentibus: & par Mōsienr le Maistre en ses decisions notables, Traicté premier.

Et les ordonnances & Statuts susdits se trouuent conformes à la disposition de droict commun, in §. si vero contigerit aliquem, de alien. & emphyt. in authent. in cap. 1. §. donare, qualiter olim feudum alienari, in cap. unico §. si vero contigerit, de alaudiis in cap. Imperialem. de prohibet. feud. alien. p. r. Fri-
deri. in vsibus feudorum, in l. finali. in verbis ad personas non prohibitus. C. de iur. emphyteut. in l. si ita quis promiserit §. ea lege. & ibi Barto. ff. de verb. obligat. in auth. nisi rogati. & ibi glosa & doctores. C. ad Trebellia.

Par la disposition de droict les Ecclesiastiques ne doiuent posséder heritages.

Tellement que la Decretale d'Alexandre IV. recitée in cap. quia de non nullis immunit. Eccles. in 6. par laquelle il s'est efforcé abolir, ou bien corriger les ordonnances & Statuts cy-dessus recitez, n'est gardée en France, non plus que plusieurs autres Decretales. Comme le Roy de France quant au temporel de son Royaume, ne recognoissant aucun Superieur, & le tenant immédiatement de Dieu, par la grace duquel le Royaume a esté estably: en signe de quoy nos Roys en leur Sacre prennent l'espée sur l'Autel, pour monstrier qu'ils ne tiennent la souueraineté & puissance Royale que de Dieu. Et voyons par effect en la mission de la sainte Empoule, dont nos Roys sont oings & sacrez à leur aduenement à la Couronne de France, & de l'Escu des armes de France, lesquels nos Histoires font foy auoir esté enuoyez du Ciel, que nosdits Roys, plus spécialement que tous autres Princes & Monarques, ont esté establis de Dieu, & que de luy seul ils tiennent tout ce qu'ils possèdent par leur puissance & autorité Royale. Ioinct qu'il est certain que le temporel n'a rien de commun avec le spirituel: *Diuisum enim Imperium cum Ioue Caesar habet.*

Le Roy de France quant au temporel ne recognoist aucun superieur.

Aussi les ordonnances & Statuts cy-dessus recitez, ne sont peculières au Royaume de France, ains sont obseruez en plusieurs autres Royau-

En plusieurs Royumes les Ecclesiastiques

siques ne
peuvent pos-
seder herita-
ges.

mes, pays, terres & Seigneuries. Comme au Royaume d'Espagne, ainsi que recite *Petrus Belluga, in suo Speculo, rubrica decima quarta*: au Royaume d'Angleterre, comme a escrit *Polydorus Virgilius, Anglica historia scriptor. lib. 17.* au Royaume de Sicile, *ut tradit Afflictus decis. Neapolit. 124.* en la Seigneurie de Venise, comme il est contenu au cinquante-sixiesme chapitre du quatriesme liure des Statuts de Venise. Et qui est plus est, pareilles loix & semblables Statuts estoient anciennement observez à Rome. *Lex enim Papyria vetebat, ne terra, domus, aut ara sacraretur populi iniussu: cuius potissimum intererat, ne fundi ac prædia consecrarentur, & ita dominio ac commercio suo sensim eriperentur.*

POURQUOY LE DROICT DE NOUVEAUX Acquests a esté receu en France, en quoy il consiste, & qu'il appar- tient au Roy seul.

- | | |
|---|--|
| <ol style="list-style-type: none"> 1 Que c'est d'estre subiect au droict de nouveaux Acquests. 2 Tous heritages situez en France sont tenus du Roy immediatement ou mediatement. 3 Perte euidente du Roy quand les heritages sont possedez par gens de | <p>main morte.</p> <ol style="list-style-type: none"> 4 Autres pertes que le Roy a quand les Ecclesiastiques possèdent heritages en France. 5 Le droict de nouveaux Acquests appartient au Roy seul. |
|---|--|

CHAPITRE XXVI.

+ Que c'est
estre subiect
au droict de
nouveaux
Acquests.
En quoy cō-
siste le droict
de nouue-
aux Ac-
quests.



Ne peut cognoistre par les raisons deduites au chapitre precedent, que les gens de main-morte ne peuuent & ne doiuent posseder aucuns heritages, ny droicts immobiliers en France: il est besoin à present entendre, que si les gens de main-morte detiennent aucuns heritages, soient feodaux, roturiers, ou alaudiaux: ou quelques droicts immobiliers au dedans du Royaume, à quelque tiltre que ce soit, ils sont subiects au droict de nouveaux Acquests. C'est à dire les gens de main-morte sont tenus payer finance au Roy, lors qu'on leue le droict de nouveaux Acquests, pour la tolerance de la possession & iouissance qu'ils ont eu d'heritages situez en France, contre les loix & Statuts du Royaume, au feur & prorata de leur iouissance. Et au payement de ceste finance, qui est taxée par Messieurs les Commissaires deputez par le Roy, consiste l'effect & profit du droict de nouveaux Acquests. Lequel ne signifie autre chose sinon finance deuë au Roy, par gens de main-morte, possedans heritages ou droicts immobiliers en France, comme nous auons dict au 3. chap. & qu'il sera amplement declaré en la 5. partie du present Traicté.

Pourquoy le
droict de
nouveaux
Acquests a
esté receu en
France.

Aussi on peut cognoistre par la lecture du chapitre precedent, que le droict de nouveaux Acquests, a esté introduict & receu en France, afin de recompenser le Roy de la perte & dommage que sa Majesté souffre, quand

quand aucuns heritages ou droicts immobiliers sont possédez par gens de main-morte, laquelle perte est apparente, & le dommage qu'il souffre en la diminution de son Domaine, est evident.

Car estant certain que tous heritages situez en France, sont tenus du Roy mediatement ou immediatement, en fief, ou arriere-fief, censive, ou arriere-censive, ou bien en franc-aleu, comme originaiement procedez des dons, octroys, & concessions de nos premiers Roys. Ainsi que tous fleuves sont procedez & procedent de la mer, comme nous auons monstré au deuxiesme chapitre du present Traicté, & que dict Balde, in cap. unico. vers. ex premissis ergo de alaudis. in vsib. feud. Omnia, inquit, seu-
da & pradia censuaria & alaudialia à principe procedunt, & ad principem redeunt, sicut omnia flumina per meatus terra procedunt à mari, & ad mare redeunt: selon qu'il est amplement deduit és Instructions anciennement dressées, pour le faict des francs-Fiefs, & nouveaux Acquests. Et aucuns voulans iustifier ce que dessus, dient: *Domini est terra, & plenitudo eius*, interpretans ce mot *Domini*, id est, *Principis vel Regis*, maintiennent que tous les heritages situez au Royaume de France, anciennement appartenoient au Roy, lequel les a bailliez à tiltre de franc-aleu, fief, ou de censive. Le Roy donc, auquel la premiere & directe seigneurie de tous heritages appartient, a notable interest, que les gens de main-morte ne possèdent aucuns heritages ny droicts immobiliers, dedans son Royaume, terres & seigneuries de son obeyssance.

D'autant que si les heritages possédez par gens de main-morte sont tenus immediatement du Roy, en fief ou censive, ledit Seigneur perd tous les droicts de quints, requints, reliefs, rachapts, lots, ventes, saisines, & amendes qui luy pourroient aduenir, & estre deuz, si tels heritages estoient és mains de particuliers, qui librement les peussent vendre, eschanger, donner, ou autrement alier. Lesquelles alienations sont prohibées aux gens de main-morte. Aussi les gens de main-morte ne decedent point, comme les particuliers, mais les successeurs és Benefices, Hospitaux, ou Gouuernemens de villes representent leurs predecesseurs. En sorte que quand les gens de main-morte possèdent heritages feodaux, tenus en plain fief du Roy, ledit Seigneur perd tous les droicts de reliefs, & rachapts qui luy seroient deubs par le decez des particuliers seigneurs & proprietaires d'heritages feodaux.

Si les heritages detenues par gens de main-morte, ne sont mouuans en plain fief ou censive du Roy, ains d'autres Seigneurs Ecclesiastiques ou temporels, tenans en plain fief dudit Seigneur: Et aduienne ouuerture par Regale des Archeueschez, ou Eueschez, par mort ou autrement des Duchez, Comtez, Fiefs & Seigneuries, desquelles les heritages possédez par gens de main-morte sont mouuans: Le Roy pendant l'ouuerture de Regale, ou du fief immediatement mouuant de sa Majesté, ne pourraiouyr ny auoir aucun profit, des heritages appartenans aux gens de main-morte, soient feodaux ou censuels, attendu que gens de main-morte ne decedent point, & de leur part n'y a iamais mutation, comme il a esté dict cy-dessus, & à la fin du troisieme chapitre.

Si les heritages appartenans à gens de main-morte sont tenus en franc-aleu, & situez en la haute-Iustice du Roy, ledit Seigneur est priué de tout droit de confiscation, & de Des-herence, qui luy pourroit aduenir & appartenir esdits heritages, s'ils estoient possédez par les gens laics, priuez & particuliers, lesquels peuuent confisquer & deceder sans hoirs: ce qui ne peut aduenir aux gens de main-morte. Et le semblable peut estre dict de tous heritages, tant feodaux que censuels, estans en la haute-Iustice du Roy, qui appartiennent à gens de main-morte.

4
Autres per-
tes que le
Roy a quand
les Ecclesia-
stiques pos-
sedent heri-
tages en
France.

Dauantage il est certain, que les Seigneurs des heritages feodaux situez en France, sont tenus aller aux expéditions militaires & guerres, que nos Roys soustiennent pour la defense du Royaume, & conseruation des habitans d'iceluy: ce que les personnes Ecclesiastiques, & autres gens de main-morte ne peuuent faire.

Aussi les Ecclesiastiques, Gouverneurs des Hospitaux, Maladeries, Commanderies, Stipendies, & autres gens de main-morte de semblable condition, ne payent aucunes aydes ny subides. Et si lors que les tailles furent premierement assises & leuées en France, tous les heritages situez au Royaume eussent esté possédez par gens laics, priuez, & particuliers, & non par les Ecclesiastiques, qui en detenoient, comme ils detiennent encore à present vne grande partie, les tailles se fussent montées à beaucoup plus grande somme, qu'elles ne se monterent lors de la premiere assiette, & qu'elles ne se montent à present.

Partant il a esté raisonnable de receuoir en France le droit de nouveaux Acquests, ou de nouuel Acquest, afin de recompenser le Roy de la perte & domage qu'il souffre à cause des heritages possédez en son Royaume par gens de main-morte.

5
Le droit de
nouveaux
Acquests
appartient
au Roy seul.

Outre par les raisons deduiçtes, tant au precedent chapitre, que cy dessus, il est facile à iuger que le droit de nouveaux Acquests appartient au Roy seul, priuatiuement à tous les Seigneurs haut-Iusticiers, feodaux ou censiers du Royaume. Attendu que ledit droit est deu à cause de l'incapacité & inhabilité des gens de main-morte, lesquels par les loix, Ordonnances, & Statuts du Royaume, ne peuuent & ne doiuent posséder en France aucuns heritages ny droits immobiliers. Et estant certain que le Roy seul peut dispenser les gens de main-morte de ceste incapacité & inhabilité, comme il sera dict au 5. chapitre, il est raisonnable qu'au Roy seul appartienne le droit de nouveaux Acquests, & non aux autres Seigneurs du Royaume: lesquels ne peuuent rendre capables les gens de main-morte de tenir heritages en France, ny leur octroyer lettres d'Amortissement: non plus qu'à l'estranger lettres de naturalité, au bastard lettres de legitimacion, & au roturier lettres d'Anoblissement, ainsi qu'auons monstcé au 24. chapitre du droit d'Aubaine, & 9. chapitre du droit de Bastardise, par nous nagueres mis en lumiere, & aux 5. & 17. chapitres du present Traicté, à la lecture desquels est besoin auoir recours.

Aussi par les moyens cy-dessus deduiçtes chacun peut cognoistre, que le droit de nouveaux Acquests est domanial. D'autant qu'il a esté introduit pour recōpenser le Roy, de la perte & diminution qu'il a & souffre

des droicts feodaux, seigneuriaux, & censuels, dependans de son Domaine, au moyen des heritages feodaux ou censuels qui sont possédez en ce Royaume par gens de main-morte: laquelle perte & diminution de droicts domaniaux, a esté cy-dessus amplement declarée.

Qu'il y a trois sortes de gens de main-morte subiects au droict de Nouveaux Acquests, pour tous les heritages & droicts immobiliers qui leur appartiennent en France.

CHAPITRE XXVII.



O v s auons dict au 3. chapitre du present Traicté, qu'il n'y a que les gens de main-morte possédans heritages en France qui soient subiects au droict de nouveaux Acquests. Mais il conuient entendre qu'il y a trois sortes de gens de main-morte au Royaume de France.

Il y a trois sortes de gens de main-morte en France.

La premiere espece de gens de main-morte, sont les Ecclesiastiques qui sont, ou particuliers, cōme Archeuesques, Euesques, Abbez, Prieurs, Curez, Chappelains, & autres; ou bien Communautéz Ecclesiastiques, comme Religieux, Abbé & Cōuent: Religieux, Prieur, & Conuent: Doyen, Chanoines, & Chapitre: Religieuses, Abbesse, & Conuent: Cōmanderies conuentuelles, & autres Monasteres, & gens d'Eglise. Tous lesquels sont subiects au droict de nouveaux Acquests, pour tout le temporel de leurs Benefices & Monasteres, soient heritages feodaux, roturiers ou alaudiaux, droicts de Iustice, de cēsiue, champarts, rentes feodales, foncieres ou constituées. Et generalement pour tous droicts immobiliers, & possessions quelconques, dependans de leurs Benefices & Monasteres, tenus immediatement du Roy, en fief ou censue, ou d'autres seigneurs: non pas pour les droicts spirituels qui leur appartiennent, cōme dīmes, si elles ne sont infeodées. Aussi les heritages donnez par les Roys de France, aux Monasteres, Hospitaux, & autres Eg'ises de fondation ou dotation Royale, sont ordinairement amortis par le tiltre de fondation ou dotation, par ce moyen ne sont subiects au droict de nouveaux Acquests.

Premiere espece de gens de main-morte.

Semblablement les particuliers Ecclesiastiques ne sont subiects au droict de nouveaux Acquests, pour les heritages & droicts immobiliers qui leur appartiennent de leur chef, soient propres ou acquests. Parce que tels heritages n'ont rien de commun avec leurs Benefices, & en peuuent librement disposer, ainsi que le tout sera amplement deduit en plusieurs endroits du present Traicté, mesmes en la cinquiesme partie d'iceluy: En laquelle nous monstrerons la forme des declarations que les Ecclesiastiques & autres gens de main-morte, sont tenus bailler, lors qu'on leur le droict de nouveaux Acquests, & comme Messieurs les

Ce qui appartient aux Ecclesiastiques de leur propre ou acquest, n'est subiect au droict de frācs-Fiefs.

Commissaires qui sont deputez par le Roy, doiuent proceder à la taxe de la finance deuë au Roy, à cause du droict dessusdit.

*Seconde es-
pece de gens
de main-
morte.*


La seconde espece de gens de main-morte, sont les Gouverneurs des Hospitaux, Hostels-Dieu, Maladeries, Leproseries, Aumolneries, Com-manderies simples, Stipendies, Confrairies, Marguilliers de Fabri-ques, Luminiers, & autres semblables, lesquels sont subiets au droict de nouveaux Acquests, non seulement pour les heritages & droicts immo-biliers, qui sont de l'ancienne fondation, ou dotation des Hospitaux, Hostels-Dieu, Maladeries, Confrairies, ou Fabriques: Mais aussi pour ceux qui ont esté donnez, leguez, & aumolnez audits Hospitaux, ou qui ont esté acquis par les Gouverneurs d'iceux; soit que tels heritages soient tenus en plain fief ou censue du Roy, ou d'autres Seigneurs: ou bien soient tenus en franc-aleu: comme il fut iugé par Arrest du Conseil pri-ué du Roy, donné à Fontaine-bleau, le 27. Ianuier 1549. ainsi qu'il se-ra déclaré au 31. chapitre du present Traicté, & selon qu'il a esté dict en la premiere espece.

*Troisiesme
espece de gēs
de main-
morte.*

La troisiesme espece de gens de main-morte, sont les Communautéz seculieres, cōposées de gens laics: Comme Preuost des Marchands & Es-cheuins, Maire & Escheuins, Capitoux, Jurats, & autres Gouverneurs de villes, habitans de villages, bourgs & bourgades, Vniuersitez, Colleges, Principal & Bourriers, Iurez de mestiers, communautéz de Marchands, & autres semblables. Lesquels sont subiects au droict de nouveaux Ac-quests, pour toutes les maisons, terres, heritages, possessions, & droicts im-mobiliers qui leur appartiennent en commun, tenus en fief, franc-aleu, ou roture: non pas pour les heritages qui appartiennent aux particuliers d'en-tre eux, comme il sera monstré au 32. chapitre du present discours.

*Les Ecclesiastiques sont subiects au droict de Nouveaux
Acquests, pour tous les heritages qu'ils possèdent en
France, encores qu'ils ayent leur Eglise ou Monaste-
re principal hors du Royaume.*

CHAPITRE XXVIII.



I est facile à cognoistre par la lecture du chapitre prece-dent, que les Ecclesiastiques de ce Royaume sont subiects aux droicts de nouveaux Acquests, pour tout le temporel de leurs Benefices & Monasteres, soient heritages feodaux, roturiers, ou alaudiaux, ou droicts immobiliers, appar-tenans & dependans de leurs Benefices & Monasteres.

*Encores que
le Monastere
principal soit
hors du Roy-
aume, tou-*

Il conuient à present entendre que ce droict de nouveaux Acquests, a esté estimé si raisonnable, & si loyaument deu par les Ecclesiastiques aux Roys de France, qu'on a tenu pour certain, combien que l'Eglise principale d'aucuns Archeueschez & Eueschez, & le Monastere prin-

principal d'aucunes Abbayes & Prieurez, ou bien les Eglises d'aucunes Cures, ne soient situées dedans le Royaume de France: comme anciennement l'Euesché de Verdun, & à présent l'Euesché de Cambray, l'Abbaye du Mont saint Martin, Diocèse de Cambray, l'Abbaye saint Vaast d'Arras, & plusieurs autres.

tesfois il est subi & au droict de nouveaux Acquests pour le temporel situé en France.

Toutesfois les titulaires de tels Eueschez, Abbayes, Prieurez, Monasteres, & Cures, ayans terres, Seigneuries, & heritages, cens, rentes, & autres droicts immobiliers, dedans le Royaume de France, mouuans du Roy en fief ou censue, ou d'autres Seigneurs, ont tousiours esté subiects au droict de nouveaux Acquests, pour le regard des heritages & droicts immobiliers, situez dedans le Royaume. De faict lors qu'on leur le droict de nouveaux Acquests, ils sont tenus bailler par declaration tous les heritages, possessions, & droicts immobiliers, qui leur appartiennent en France: afin d'estre taxez au droict de nouveaux Acquests, & payer la finance portée par leurs taxes.

Et combien que par l'Edict des francs-Fiefs, & nouveaux Acquests, publié le 5. Septembre, 1571. les Ecclesiastiques payans decimes, ayent esté declarez exempts de payer pour ceste fois seulement le droict de nouveaux Acquests, pour les heritages & droicts immobiliers dependans de leurs benefices: au moyen des grands deniers desquels ils ont secouru les Roys de France en leurs vrgentes affaires, & frais des guerres ciuiles qui ont eu cours en ce Royaume: Neantmoins d'autant que les titulaires des Eueschez, Abbayes, Prieurez, Monasteres, & Cures, desquels l'Eglise principale ou Monastere principal est hors le Royaume, possèdent plusieurs heritages en France, tant en fief, franc-aleu, que roture, & ne payent aucunes decimes au Roy. Lesdits titulaires ont esté taxez au droict de nouveaux Acquests par Messieurs les Commissaires deputez pour l'execution de l'Edict publié audit an 571. pour le regard des heritages & droicts immobiliers qui leur appartiennent en France, non amortis par le Roy, & esté contraints payer leurs taxes & cottisations.

Par le dernier Edict les gens d'Eglise payans decimes, sont exempts du droict de nouveaux Acquests.

De faict Messire Matthieu de Cointatel, Dataire de nostre saint Pere, Abbé de nostre Dame du Mont saint Martin, Ordre de Premonstré, Diocèse de Cambray, ayant vne partie du temporel de son Abbaye situé au dedans du Royaume de France, en l'année 577. estant taxé par Messieurs les Commissaires, à la somme de deux mil liures tournois, pour le droict de nouveaux Acquests: obtint lettres patentes du Roy Henry à présent regnant, en datte du 15. Nouembre audit an: Par lesquelles le Roy manda audits Seigneurs Commissaires, le descharger de ceste somme, encores qu'il ne payast decimes, & entant que besoin estoit, le Roy luy en faisoit don: mais Messieurs les Commissaires ne voulurent verifier les lettres de don, & fut dit qu'il se pourueroit pardeuers Messieurs des Comptes, pour leur verification veuë, ordonner ce que de raison. Et apres la verification des Comptes, lesdites lettres furent enterinées par Messieurs les Commissaires, au mois de Iuin, 1578. par forme de don, faict par le Roy audit de Cointatel, de ladite somme de deux mil liures tournois.

Taxe faicte sur l'Abbé du Mont S. Martin, Diocèse de Cambray.

Les Ecclesiastiques & autres gens de main-morte, sont contribuables au droit de nouveaux Acquests, pour les rentes constituées à prix d'argent, qui leur appartiennent à cause de leurs Benefices.

CHAPITRE XXIX.

Il faut voir si les gens de main morte sont subiects au droit de nouveaux Acquests pour les rentes constituées.



OMB IEN qu'il soit certain que les Ecclesiastiques & autres gens de main-morte, soient subiects au droit de nouveaux Acquests, pour tous les heritages qu'ils possèdent à cause de leurs Benefices, soient feodaux, alaudiaux, ou roturiers: ensemble pour tous les droits immobiliers qui leur appartiennent: Toutesfois on a douté s'ils doivent estre taxez au payement du droit de nouveaux Acquests, pour raison des rentes constituées à prix d'argent, vulgairement appellées rentes volantes, qui leur sont deuës à cause de leursdits Benefices: soit qu'elles soient assignées sur heritages feodaux, ou bien sur heritages roturiers ou alaudiaux.

Ceste question estant meüe pardeuant Messieurs les Commissaires deputez sur le faict de nouveaux Acquests, en la Chambre du Thresor: les Ecclesiastiques & autres gens de main-morte remonstrerent, que le droit de nouveaux Acquests n'est deu au Roy, sinon pour recompenser la Majesté de la perte & dommage qu'elle souffre quand aucuns heritages sont possédez par gens de main-morte. Lesquels ne vendent point, ne meurent point, & n'alienent aucunement leurs heritages: parce moyen le Roy perd tous ses droits de lots, & ventes, quints, & requints, reliefs, rachapts, & autres droits seigneuriaux & feodaux. Ce qu'ils disoient cesser en rentes constituées moyennant deniers: d'autant que par le moyen de la constitution d'icelles, les gens de main-morte ne sont faicts seigneurs propriétaires, ny possesseurs des heritages sur lesquels elles sont constituées: & lors que les heritages sont vendus à la charge des rentes constituées, le Seigneur feodal est entierement payé de son quint denier, comme d'une pure vendition. Pareillement le Seigneur censier est entierement payé de ses lots & ventes, comme le sort principal de la rente faisant partie du prix de la vendition de l'heritage. Ainsi qu'il a esté iugé par l'arrest de la Cour donné sur l'interpretation, ou plustost correction des cinquante-huict, cinquante-neuf, soixante, & soixante-vn articles de l'ancienne Coustume de Paris, le 10. May, 1557. & qu'il est décidé par la nouvelle Coustume, article soixante & dix-huict.

Second moyen pour monstrer que pour rentes constituées.

En second lieu disoient, que rentes constituées, vulgairement appellées rentes volantes, ou bien *nomina debitorum generatitia*, sont plustost estimées meubles qu'immeubles. Et de ce y a plusieurs Coustumes loca-

les, comme de Boulougne sur la mer, Rheims, Victry & autres. Parce que telles rentes ne sont perpetuelles ny permanentes, & se peuvent rachapter & estreindre chacun iour : tellement que ce n'est heritage permanent, perpetuel, & irreuocable, pour raison duquel on doive payer le droict de nouuel Acquest.

tuées on ne doit payer le droict de nouue Acquest.

En tiers lieu disoient, que les rentes constituées à prix d'argent, auoient esté permises par la disposition canonique aux Ecclesiastiques, pour leur nourriture & entretenement, ce qui n'auoit esté permis aux personnes laiz : Partant n'estoit raisonnable que pour telles rentes, ils fussent contribuables au droict de nouveaux Acquests. Autrement ce qui estoit introduict en leur faueur, seroit retorqué contre eux, *extrauaganti regimini. & extrauaganti hodie, de empt. & vendit.*

Troiesime moyen.

En quatriesme lieu les gens de main-morte alleguoient vn article des instructions dressées sur le faict des francs-Fiefs & nouveaux Acquests, qui porte par mots exprés, que si vn non noble achapte d'un noble rente à vie, soit à grain ou argent, à prendre sur les fiefs nobles du noble, il ne doit aucune finance. Parce que telle rente ne preiudicie au Roy, lequel aduenant ouerture de fief, iouyra entierement d'iceluy, sans qu'il soit tenu payer les arrerages des rentes constituées par le vassal, assignées sur le fief ouuert. Suiuant le vingt-huictiesme article de la nouvelle Coustume de Paris. En sorte que les droicts du Roy ne sont aucunement diminuez. Ce qu'estant veritable, les gens de main-morte soustenoient, que pour le regard des rentes constituées, ils ne deuoient estre taxez au droict de nouveaux Acquests.

Quatriesme moyen.

Neantmoins on tient pour certain, que les Ecclesiastiques, & autres gens de main-morte, doiuent estre taxez au paiement du droict de nouveaux Acquests pour les rentes constituées à prix d'argent, qui leur appartiennent, à cause de leurs Benefices. La raison est, d'autant que par le quatre-vingts quatorziesme article de la nouvelle Coustume de Paris, & aussi par l'ancienne est porté : que rentes constituées à prix d'argent, sont réputées immeubles & heritages, iusques à ce qu'elles soient rachaptées. Or par les anciennes Ordonnances & Statuts du Royaume, est prohibé aux gens de main-morte d'acquérir & tenir aucuns heritages ou droicts immobiliers en France. Partant les Ecclesiastiques & autres gens de main-morte, estans possesseurs de rentes constituées, qui sont heritages & immeubles, iustement sont contraints payer le droict de nouveaux Acquests, tant au moyen de leur incapacité, que pour la contrauention qu'ils font aux anciens statuts du Royaume.

Les gens de main-morte sont subiects au droict de nouveaux Acquests, pour les rentes constituées qui leur appartiennent.

Aussi les Ordonnances anciennes faictes sur les droicts de nouveaux Acquests, font expresse mention des rentes appartenans à gens d'Eglise. Melmes l'Ordonnance faicte par le Roy Charles le Quint, sur les droicts susdits, porte ces mots, *Item pro redditibus, & possessionibus quos & quas gentes Ecclesiasticæ acqviserint, &c.* En sorte qu'il est sans doute, que les gens de main-morte sont subiects au droict de francs-Fiefs, pour les rentes constituées à prix d'argent qui leur appartiennent, & ainsi a esté iugé par lesdits Seigneurs Commissaires.

Pour les re-
ntes foncieres,
on est subiect
au droit de
nouveaux
Acquests.

Quant aux rentes foncieres, feodales ou roturieres appartenans à gens de main-morte, on n'a iamais fait difficulté que pour raison d'icelles ils ne soient subiects au droit de nouveaux Acquests; parce qu'elles tiennent lieu d'heritages: & quand on les vend, si elles sont roturieres, sont deubs lots & ventes: si elles sont feodales, sont deubs quint & requint, ou le quint seulement, suiuant les Coustumes. Et en cas d'eschange, estans feodées, est deu droit de relief & rachapt, comme il est porté par le 87. article de la nouvelle Coustume de Paris, & qu'auons monstré au septiesme chapitre du present Traicté.

Les Ecclesiastiques sont subiects au droit de nouveaux Acquests, pour les dismes infcodées qu'ils possèdent: & non pour les autres dismes, dont ils iouissent.

CHAPITRE XXX.

Sçauoir si
les Ecclesia-
stiques sont
subiects au
droit de
nouveaux
Acquests,
pour les dis-
mes desquel-
les ils iouys-
sent.



VTRE les doutes cy-dessus recitez, on a mis en con-
trouuerse, si les gens d'Eglise, comme Archeuesques,
Euesques, Abbez, Prieurs, Curez, Chapitres, Colleges,
Ecclesiastiques, & autres de semblable qualité, sont sub-
iects au droit de nouveaux Acquests, pour raison des
dismes desquelles ils iouissent. Comme le droit de dis-
mes consistant en choses temporelles & profanes, à sçauoir en la perce-
ption de la dixiesme partie, ou autre portion selon l'ancienne coustume
des lieux, des fruiets qui sont recueillis sur la terre, comme de grains,
vins, foins, pommes, & autres fruiets, selon qu'il est declaré *in cap. 1. de*
decimis. ext. can. Eccl. 13. qu. 1.

Les Curez
pour leurs
dismes ne
sont subiects
au droit de
nouveaux
Acquests.

Pour decision de ceste question on a distingué trois cas.

Les Abbez
& autres
Curez pri-
mitifs ne
sont subiects
au droit de
nouveaux
Acquests,
pour les dis-
mes qu'ils
possèdent.

Le premier est, quand les Curez iouissent des dismes au dedans du
destroict, fins & limites de leurs paroisses. En ce cas, d'autant qu'ils sont
fondez de droit commun, & que selon le commandement de Dieu, la
disme de tous fruiets est deuë au Pasteur, qui annonce l'Evangile, & la
parole de Dieu, & que par ce moyen les dismes sont de droit diuin, &
censées spirituelles. Pour raison d'icelles les Curez, ausquels de droit com-
mun les dismes appartiennent, ne sont aucunement subiects au droit de
nouveaux Acquests, *cap. cum contingat. cap. cum in tua. in fine. cap. ad Apo-
lica. ext. de dec. can. statumimus. 16. quæst. 1. cap. finali. ext. de parochijs.*

Le second cas est, quand les dismes appartiennent à quelques Ab-
bayes, Prieurez, Monasteres, Chapitres, ou autres Ecclesiastiques, com-
me Curez primitifs des lieux, ou par priuilege à eux octroyé par nostre
sainct Pere, ou à autre iuste tiltre, ou bien par possession immemorale.
En ce cas ils ne doiuent aucun droit de nouveaux Acquests; comme les
dismes de leur nature & origine estans estimées spirituelles, & non ten-
porelles.

porcelles ny profanes, *cap. ad decimas, de restit. spoliat. in sexto, Clementina prima de dec. cap. 1. de præs. in 6. cap. finali de regul. iur. ext.* Et les desdits ne peuvent auoir droict de disme es terres nouales, c'est à dire es terres qui ont esté mises en labour depuis quarante ans, lesquelles auparavant estoient en bois, pastis, ou desert: ains les dismes desdites terres nouales appartiennent aux Curez, s'il n'y auoit priuilege special au contraire. *C. cum conting. de decim. ext. c. quid. per nou. de ver. sig. ext.* Si les terres ont esté mises en labour auparavant quarante ans, les dismes sont estimées anciennes, & appartiennent ausdit Religieux. Ainsi est pratiqué en France. Et supposé que les Religieux, qui perçoient dismes en France, n'ayent leur Conuent au dedans du Royaume, & ne payent aucunes decimes au Roy: toutesfois ils ne sont subiets de payer le droict de nouuel Acquests, pour raison desdites dismes. Parce, comme dit est, qu'elles ne sont temporelles, ains spirituelles: & en icelles le Roy n'a aucun droict, soit seigneurial, ou feodal. Car la disme est la part de Dieu, laquelle il s'est reseruée de tous fruiets croissans sur terre. Partant quand les Ecclesiastiques baillent declaration de leur temporel, pour estre taxez au droict de nouuel Acquest, ils n'y doiuent comprendre les dismes qui leur appartiennent, lesquelles ne sont infeodées.

Le troisieme cas est, quand aucuns Archeuesques, Euesques, Abbez, Prieurs, Chapitres, Commandeurs, ou autres Ecclesiastiques, iouissent de dismes infeodées, dependantes des fiefs, terres & seigneuries qui leur appartiennent à cause de leurs Eueschez, Abbayes, Prieurez, Chapitres, & Conuents. En ce cas, d'autant que telles dismes font partie du fief duquel elles dependent; & que pour raison d'icelles, les Ecclesiastiques sont tenus bailler homme vivant & mourant, qui en faict foy & hommage, ou bien au Roy, si elles sont immediatement tenues de sa Majesté, ou bien à autre Seigneur feodal, comme d'un fief & heritage noble. Il est certain que pour raison de telles dismes, qui sont profanes & patrimoniales, les Ecclesiastiques sont subiects au droict de nouveaux Acquests, tout ainsi que pour leurs autres heritages feodaux, *cap. cum apostolica. de his que fiunt à Prelatis sine consen. capit. cap. dudum. de decimis, ext.*

Pour entendre comme les dismes appartenans à quelques Ecclesiastiques ont esté anciennement données à aucuns Gentil-hommes du Royaume de France, afin de maintenir, conseruer & defendre l'Eglise Gallicane, Catholique, Apostolique & Romaine, des incursions, inuasions, guerres, & hostilités des infideles: Comme lesdites dismes ont esté infeodées, vnies & incorporées aux fiefs des Gentil-hommes: aussi que la cognoissance de telles dismes appartiennent aux Iuges Royaux, priuatiuement au Iuge d'Eglise: que sur icelles on ne peut demander portion congrüe: que l'infeodation se doit verifier, & doit estre faicte auparavant le Concile de Latran, quoy que ce soit de temps immemorial. Pareillement pour entendre si la disme qui a esté infeodée, & depuis est retournée à l'Eglise, à laquelle primordialement elle appartenoit, ou à autre Eglise ou Monastere, est censée spirituelle & exempte de feodalité: est besoin voir ce qui est amplement traicté par les Canonistes, *in cap. prohibemus. de de-*

Les Ecclesiastiques doiuent droict de nouveaux Acquests, pour les dismes infeodées qui leur appartiennent.

Quelles dismes sont infeodées.

cimis. ext. in cap. cum apostolica. de his qua fiunt à Prelatis sine consensu cap. Gaguinum annalium libro tertio. Ioan. Fabrum in §. item Seruiana, in Instit. Boerium in consuetudinibus Bituricensibus, tit. des Coustumes Prediales §. 11. Carolum Molinæum, in consuetudinibus Parisiensibus, art. 46. col. 16. & sequent. & Imbertum Institutionum forensium lib. 1. cap. 25.

[Est à noter en cet endroit touchant les dismes infeodées, qu'en action pure petitoire, ores que les dismes fassent portion de la dotation & fondation d'une Chapelle tenuë en foy & hommage de quelque Eglise, neantmoins la poursuite s'en doit faire pardeuant le Iuge Royal, suiuant l'aduis de Monsieur le President Lyset, rapporté par M. Charles du Moulin sur la Coustume de Paris 2. part. §. 47. lequel a esté depuis confirmé par arrest donné en l'audience, prononcé par Monsieur le President de Harlay, plaidant Maître Iean Tronson Aduocat en la Cour de Parlement, pour M. Eustache le Cheron, Chapelain de la Chapelle du saint Corps de nostre Seigneur, fondée en l'Eglise de Neuers, intimé d'une part, & M. Pierre de Lamet Aduocat en ladite Cour, pour Pierre Ginot, appellant comme d'abus de la sentence de l'Official de Neuers d'autre, par lequel la Cour apres auoir ouy le Procureur general dit, qu'il a esté mal & abusiuement iugé, ordonné & executé, & que les parties procederont pardeuant les Iuges ordinaires, & sans despens: Faict en Parlement le 3. Decemb. 1609. La raison de l'arrest est, que tant que la marque de l'infeodation demeure aux dismes, & qu'elles sont tenuës en foy & hommage, elles ne sont point tenuës pour spirituelles, ny estimées estre retournées *iure postlimini*, à leur premiere nature de spiritualité, comme aucuns ont voulu soutenir, comme Ruzeus, Monsieur Choppin, lib. 3 de Doma. Pithou en son Traicté des Priuileges de l'Eglise Gallicane: Mais sont tenuës & reputées pures temporelles, *manente infeodatione & qualitate feudi*. Et par consequent il faut tenir pour chose constante, que la cognoissance de telles dismes infeodées, bien qu'elles retournent à l'Eglise, & soient tenuës en foy & hommage de l'Eglise, doit appartenir au Iuge Royal, & non à l'Ecclesiastique. *Guid. Pap. quest. 207. N.B.*]

Les Gouverneurs des Hospitaux, Maladeries, Leproseries, & Hostels-Dieu, sont tenus payer le droit de nouveaux Acquests, pour tous les heritages, & droits immobiliers dependans d'iceux, desquels ils iouyssent.

CHAPITRE XXXI.

Raisons par
lesquelles il
semb'e que
les Hostels-
Dieu, &
Maladeries



H A C V N sçait que les Hospitaux, Maladeries, Leproseries, & Hostels-Dieu, sont grandement fauorables & priuilegiez: au moyen de ce que les pauvres, qui sont les membres de Dieu, sont hebergez, alimentez, pansez, & medicamentez en iceux. Pour ceste cause, & pour plusieurs autres, on a douté si les

Gouverneurs d'iceux estoient contribuables au droict de nouveaux Acquests, pour tous les heritages qui sont dependans desdits Hospitaux, Hostels-Dieu, Maladeries & Leproseries : attendu qu'ils ne sont subiects à la taxe & cottisation des decimes, dons gratuits, emprunts, ny à aucuns subsides : comme il est contenu és lettres patentes du Roy François premier données à Paris, le 17. Iuin, 1544. registrées en la Cour de Parlement, le 23. May, 1545.

ne sont subiects au droict de nouveaux Acquests.

Aussi le Roy Philippes de Valois, par ses lettres patentes du 24. Novembre, 1344. adressantes à Messieurs des Comptes, declara qu'il n'auoit entendu que les Commissaires deputez sur le faict des finances des Acquests faicts par les gens d'Eglise, prinsissent & leuassent aucune finance des Acquests, que les Prieurs, Maîtres, Freres, & Gouverneurs des Maisons-Dieu, Hospitaux, & Maladeries du Royaume, auoient faicts & acquis pour leursdites maisons, & pour soustenir les pauvres. Et toute telle finance leur auroit esté quittée & donnée pour Dieu, & en aumosne : comme il est à plain contenu esdites lettres, lesquelles sont registrées en la Chambre des Comptes.

Ioinct que le reuenu desdits Hospitaux & Maisons-Dieu doit estre regy, gouverné, & administré par deux personages bons Bourgeois de probité & fidelité, resleans & solubles, qui en doiuent rendre compte chacun an, suiuant la constitution canonique ordonnée par le Concile de Vienne, escrete *in Clementina, quia contingit. de relig. do.* & Ordonnances du Roy François premier, publiées à la Cour, les dernier Decembre, 1543. & 15. May, 1546.

Toutesfois Messieurs les Commissaires ordonnez par le Roy sur le faict des nouveaux Acquests, ont tousiours taxé les Gouverneurs des Hospitaux, Hostels-Dieu, Maladeries, & Leproseries du Royaume de France, au payement du droict de nouveaux Acquests : pour tous les heritages & droicts immobiliers qui appartiennent ausdits Hospitaux : tant à cause de la fondation & ancienne dotation d'iceux, qu'à cause des dons & legs testamentaires, ou autrement en quelque sorte que ce soit. Comme il fut iugé par arrest donné au Conseil Priué du Roy, seant à Fontainebleau, le 27. Ianuier, 1549.

Les Gouverneurs des Hostels Dieu sont contribuables au droict de nouveaux Acquests.

Et le semblable a esté décidé par iugement donné par Messieurs les Commissaires deputez par le Roy, sur le faict des francs-Fiefs & nouveaux Acquests, entre le Procureur du Roy au Thresor, & en la commission des francs-Fiefs & nouveaux Acquests, demandeur d'une part : & les Maire & Escheuins de la ville de Troyes, ayans prins la cause pour Jean de Chateriot, Receueur de la Maladerie des deux Eauës, filé és faux-bourgs de Troyes, defendeur d'autre, en datte du 3. Decembre, 1579. Par lequel lesdits Maire & Escheuins furent condamnez bailler declaration de tout le reuenu temporel de ladite Maladerie des deux Eauës, pour estre procedé à la taxe & liquidation de la finace dewë au Roy, à cause du droict de Nouveaux Acquests. Et ce nonobstant chose dite ou proposée au contraire par lesdits Maire & Escheuins, dont ils furent debouez. Il y a plusieurs autres arrests donnez en cas pareil.

Iugement donné de ce que dessus.

*Exemption
donnée par
le Roy à
l'Hostel Dieu
de Paris, &
à quelques
autres Hos-
pitaux.*

Ce que cognoissans les Maistres & Gouverneurs, tant de l'Hostel-Dieu de ceste ville de Paris, que de l'Hospital du saint Esprit, de la Trinité, des Enfans rouges, & des Quinze-vingts Aueugles de ladite ville, le 16. Decembre, 1572. obtindrent lettres patentes du Roy Charles IX. dernier decedé: Par lesquelles ledit Seigneur declara qu'il n'auoit entendu les comprendre en la Commission generale, qu'il auoit peu auparauint faict expedier sur le faict des francs-Fiefs & nouueaux Acquests, des gens de main-morte de son Royaume, qu'il les en auoit exceptez, affranchis & quittez, & leur faisoit don de ce qui pourroit estre deu à sa Majesté par lesdits Hospitaux, à quelque somme, prix & estimation que le tout se pourroit monter: Lesquelles lettres ont esté registrées en la Cour de Parlement, le septiesme Feurier, 1573. en la Chambre des Comptes, le 20. dudit mois audit an. Mais telles lettres ne peuuent seruir sinon d'exemption, pour le temps du Roy qui les a octroyées, non pas d'Amortissement à l'aduenir.

*Les Fabri-
ques & Cō-
frairies sont
subiectes au
droict de
nouueaux
Acquests.*

Ce qui a esté dit des Gouverneurs des Hospitaux & Hostels-Dieu, doit estre entendu des Marguilliers des Fabriques, & Gouverneurs des Confrairies, lesquels sont subiects au droict de nouueaux Acquests, pour tous les heritages & droicts immobiliers, qui appartiennent aux Fabriques des Eglises, & pareillement aux Confrairies fondées és Eglises. N'estant raisonnable qu'ils soient de meilleure condition, que les Hospitaux & Maisons-Dieu. Ce qui se doit entendre, pourueu qu'ils ne soient deuëment amortis: comme il sera declaré en la quatriesme Partie du present Traicté.

LES HABITANS DE VILLES, BOVRGS, BOVRGades, Villages, & autres Communautez seculieres, sont subiects au droict de nouueaux Acquests, pour tous les heritages & droicts immobiliers qui leur appartiennent en commun. Et comme pour ce regard ils se doiuent conduire.

- | | |
|---|---|
| <p>1 Les Communautez seculieres sont subiectes au droict de nouueaux Acquests.</p> <p>2 Idem, les habitans des villes ou villages, pour tous les heritages & droicts qu'ils possèdent.</p> <p>3 Encores que les fiefs soient au quatriesme degré du Roy, est deu le droict de nouueaux Acquests.</p> <p>4 Encores que les habitans payent cens ou rente chacun an au Roy, ils sont subiects au droict de nouueaux Acquests.</p> | <p>5 Qu'on ne doit auoir esgard aux mainleuées données par les Commissaires enuoyez sur les lieux.</p> <p>6 Qu'il n'a esté permis aux Commissaires enuoyez sur les lieux de taxer, ny de donner mainleuée.</p> <p>7 Quelle declaration les habitans doiuent faire pour s'exempter du droict de nouueaux Acquests.</p> <p>8 Pour dons & octroys n'est deu droict de nouueaux Acquests.</p> |
|---|---|

CHAPITRE XXXII.



Nous auons parlé és quatre chapitres precedens des deux premieres especes de gens de main-morte, qui sont les Ecclesiastiques, & les Gouverneurs des Hospitaux, Hostels-Dieu, Maladeries, Leproseries, Marguilliers de Fabriques, & autres: & montré qu'ils sont subiects au droict de nouveaux Acquests, pour tous les heritages & droicts immobiliers dependans de leurs Benefices, Hospitaux & Fabriques, non amortis par le Roy.

¹
Les communauttez seculieres sont subiectes au droict de nouveaux Acquests.

Il conuient à present traicter de la tierce espece de gens de main-morte: qui sont les Communauttez seculieres, composées de gens laics, comme habitans de villes, bourgs & bourgades, Preuost des Marchands & Escheuins, Maire & Escheuins, Capitoux, Iurats, & autres Gouverneurs de villes, bourgs, & villages, Vniuersitez, Colleges, Principal & Boursiers, Iurez de mestier, Communauté de Marchands, & autres semblables, tous lesquels sont subiects au droict de nouveaux Acquests, pour tous les heritages & droicts immobiliers qui leur appartiennent en commun: tout ainli que les Ecclesiastiques, & Gouverneurs d'Hospitaux y sont subiects. Parce que par la loy du Royaume, gens de main-morte ne peuuent posseder heritages, ny droicts immobiliers en France, sans permission du Roy.

Tellement que si les habitans de quelques villes, bourgs, bourgades, ou villages, ou autres communauttez de l'espece dessusdite, ont quelques communes, bois, pastis, prez, marais, terres, maisons, ou autres heritages, à eux appartenans en commun, en pleine propriété, ou bien ont droict d'usage, chauffage, pasturage, pascage, pannage, paillon, ou quelque autre droict, és bois, forests, pastis, prez, ou marais, appartenans au Roy, ou à quelques Ducs, Comtes, Barons, ou autres seigneurs du Royaume; ou dependans d'aucunes Abbayes, Prieurez, Monasteres, ou autres Eglises: Tels habitans & autres gens de main-morte sont tenus payer au Roy le droict de nouveaux Acquests, pour la tolerance de la possession & iouissance qu'ils ont eu des heritages & droicts qui leur appartiennent en commun. Soit que telles communes, pastis, terres & heritages, soient tenus en franc-aleu, ou soient immediatement tenus en fief, ou censue du Roy, ou bien d'autres seigneurs, tenans à deux, trois, voire quatre ou cinq arriere-fiefs du Roy, comme il sera dict cy-apres. Soit que les habitans ausquels appartiennent aucuns heritages, ou qui ont les droicts susdits, soient tenus à cause d'iceux payer chacun an censue, droict de champart, de terrage, bourdelage, auenage, ou autre redevance au Roy, ou aux seigneurs, desquels les forests, prez & marais sont mouuans, ou ausquels ils appartiennent en propriété.

²
Les habitants des villes ou villages sont subiects au droict de nouveaux Acquests pour tous les heritages & droicts qu'ils possèdent en France.

Et ce que dessus a esté cy-deuant estroictement gardé, & ainsi pratiqué: nonobstant les adionctions, interuentions, & requestes presentées par les Seigneurs, tant Ecclesiastiques, que seculiers de ce Royaume: &

lettres patentes par eux obtenues, encores qu'ils fussent Pairs de France. Et nonobstant qu'és Amortissemens obtenus du Roy par les Ecclesiastiques, aducus & denombrement baillez à sa Majesté par les Ducs, Comtes, & autres seigneurs, fussent compris & declarez par le menu, les maisons, heritages, prez, marais, pastis, bois & forests, pour raison desquels les habitans d'aucunes villes, bourgs, & villages, ou autres gens de main-morte leur payent chacun an censue, champart, terrage, ou autre redevance. Ou ausquels les susdits habitans ont simple droit d'usage, chauffage, pasturage, pascage, ou pailson. En sorte qu'il est necessaire que les Communautéz, tant habitans, qu'autres gens de main-morte obtiennent du Roy amortissement particulier, ou privilege special & particulier, de ce qui leur appartient en commun: sans qu'ils puissent s'ayder des amortissemens obtenus par les Ecclesiastiques, ny des privileges octroyez aux seigneurs temporels, desquels les heritages ou droits immobiliers à eux appartenans, sont tenus & mouuans. Ny pareillement se preualoir des concessions & exemptions qui leur pourroient auoir esté octroyées par les seigneurs, ausquels ils payent chacun an censue, rente ou autres droits.

3
Encores que
les fiefs soient
au quatries-
me degré du
Roy est deu
le droit de
nouveaux
Acquests.

Aussi tels habitans, & autres gens de main-morte ne se peuvent exempter du paiement du droit de nouveaux Acquests, sous ombre que les fiefs des seigneurs, desquels sont tenus les prez, marais, ou pastis, appartenans en commun ausdits habitans, & ausquels il payent chacun an certaine redevance, sont au quatriesme ou cinquiesme degré d'arriere-fief mouuant du Roy, cōbien qu'aucuns soient d'aduis n'exceder le troisieme degré d'arriere-fief mouuant du Roy: & que ceux qui sont au quatriesme, ou cinquiesme degré d'arriere-fief du Roy, ne sont cottilables au droit de nouveaux Acquests: Alleguans à ceste fin vn article des responses anciennement dressées sur les difficultez proposées pour raison des acquisitions faictes par non nobles, lesquelles seront transcrites à la fin du present Traicté, & pour ce regard amplement recitées au 66. chapitre d'iceluy.

Mais cest article ne faict mention du droit de nouveaux Acquests, ains du droit de francs-Fiefs, qui est distinct & separé du droit de nouveaux Acquests, comme il a esté dict au 3. chapitre. Aussi ledit article n'est ordonnance, ains simple aduis, contraire & repugnant aux anciennes Ordonnances, faictes sur le faict des nouveaux Acquests, renouvelles l'an 1404. enregistrées au liure G. estant en la Chambre des Comptes, feuillet vingt, qui portent que les Gens d'Eglise, & autres gens de main-morte de quelque condition qu'ils soient, qui ont acquis heritages és fiefs, censues, arriere-fiefs ou arriere-censues du Roy, en quelque degré & tiltre que ce soit, sans l'assentement & lettres d'amortissement du Roy, seront contraincts en vuider leurs mains dedans an & iour, à peine de saisie & perdition des fructs d'iceux.

4
Encores que
les habitans
payent censue
ou rente

Pareillement supposé qu'aucuns habitans & autres gens de main-morte soient tenus payer chacun an au Roy droit de censue, de champart, de terrage, bourdelage, auenage, ou autres redevances foncieres, à cause des heritages, bois, ou droits immobiliers qui leur appartiennent,

nent, mouuans immediatement du Roy en fief ou censive: Toutesfois ils ne peuuent & ne doiuent estre exempts du droict de nouveaux Acquests, comme le payement de tels droicts n'estant satisfactoire, ny suffisant pour faire cesser l'interest du Roy: ny pour recompenser la Majesté de la perte & dommage qu'elle souffre, lors que gens de main-morte possèdent heritages en commun. Car encores que tels heritages appartenissent à simples particuliers, le Roy seroit touliours payé des droicts & redevances susdites: & neantmoins en cas de vendition, d'eschange, ou donation faicte par les particuliers propriétaires, ledit Seigneur seroit payé de ses droicts feodaux ou censuels: lesquels il pert entierement, quand les heritages sont possédez par gens de main-morte.

chacun an
au Roy, ils
sont subiects
au droict de
nouveaux
Acquests.

Partant toutes personnes Ecclesiastiques, tous Gouverneurs d'Hospitaux, Communautéz, & generalement tous gens de main-morte, lors qu'on leue le droict de nouveaux Acquests, sont tenus bailler declaration entiere & par le menu, de tous les heritages & droicts immobiliers qu'ils possèdent en France: afin de payer au Roy le droict de nouveaux Acquests: selon la taxe qui sera faicte par Messieurs les Commissaires pour cest effect deputez: comme il sera amplement deduit en la cinquiesme partie du present Traicté.

Conclusion
generale de
ce que des-
sus.

Et supposé que les habitans d'aucuns bourgs, bourgades, ou villages, payans chacun an censive, auenage, ou autre redevance, au Seigneur duquel dependent les bois, prez, & marais qui leur appartiennent en plaine propriété; ou ausquels ils ont droict d'usage, chauffage, pascage ou pâissance: ayent à l'occasion du payement de ladite censive, ou d'autre redevance annuelle, anciennement obtenu main-leuée, sans payer finance des prez, marais, & pastis à eux appartenans, ou ausquels ils ont droict d'usage: de certains petits Commissaires enuoyez sur les lieux es années 516. 517. 518. & autres années subsequentes, pour faire la recherche du droict de francs-Fiefs, & nouveaux Acquests, ayans pouuoir de saisir, bailler main-leuée, taxer la finance deuë au Roy, ou amiablement cōposer d'icelle: & que par sentence desdits Commissaires ils ayent esté renuoyez sans iour, sans terme, & sans payer finace; qui estoit vn vieil stil, duquel ils vsoient en leurs sentences: comme auons dict au 23. chap. du present Traicté. Toutesfois Messieurs les Commissaires deputez par le Roy sur le faict des francs-Fiefs, & nouveaux Acquests, ne doiuent auoir esgard à telles sentences. D'autāt qu'elles cōtiennent en soy vn erreur manifeste, lequel on cognoist par la lecture d'icelles, ayans deschargé gens de main-morte du payement du droict de nouveaux Acquests, sous ombre qu'ils payent censive, auenage, ou autre redevance annuelle, à cause des prez, marais, ou autres heritages, desquels ils iouissent. Aussi que tels Commissaires ne pouuoient pour l'aduenir faire preiudice au Roy, mais seulement bailler main-leuée de ce qu'ils auoient lors faict saisir; non pas que leurs sentences eussent traict & effect pour l'aduenir. Et ne leur deuoit-on point permettre de taxer le droict de francs-Fiefs, ou de nouuel Acquest, ny de composer d'iceluy: encores moins de bailler main-leuée.

5
Qu'on ne
doit auoir
esgard aux
main-leuées
données par
les Com-
missaires en-
uoyez sur les
lieux.

Raison de
ce que des-
sus.

De faict Messieurs les Commissaires deputez par le Roy sur le faict

6
Qu'il n'a
esté permis
aux Com-
missaires en-
uoyez sur
les lieux de
taxer ny de
donner main-
levée.

Raison de ce
que dessus.

7
Quelle de-
claration les
habitans doi-
uent faire
pours'exem-
pter du
droict de
nouveaux
Acquests.

8
Pour dōs &
oūtrois n'est
deu droict de
nouveaux
Acquests.

des francs-Fiefs, & nouveaux Acquests, en la Chambre du Thresor, és années cinq cens soixante & vnze, soixante & douze, & subsequentes, (qui estoient personages d'honneur, d'autorité, & de sçauoir) n'ont iamais voulu permettre, que les droicts de francs-Fiefs, & nouveaux Acquests fussent taxez & liquidez par autres, que par eux, en plaine assemblée, & non ailleurs, mesmes és maisons priuées d'aucuns desdits Seigneurs Commissaires : & ne l'ont iamais voulu permettre aux Commissaires enuoyez sur les lieux ; encores moins ont-ils voulu permettre qu'ils peussent composer de la finance deuë au Roy, à cause desdits droicts, & bailler main-leuée. Mais leur ont seulement permis, qu'ils peussent faire saisir ceux qui n'auoient baillé par declaration, & informer des choses recelées, és declarations baillées ou enuoyées au Greffe de la Commission des francs-Fiefs, & nouveaux Acquests, estably en la Chambre du Thresor. Et ce pour obuier aux abus, concussions & exactions qu'ils pourroient commettre, comme l'euement & punition exemplaire l'ont demōstré. Ioinct qu'anciennement les droicts de francs-Fiefs, & nouveaux Acquests n'estoient esclairez ny entendus, comme ils sont à present. Qui est cause & iuste occasion, qu'à present on ne doit auoir esgard à plusieurs main-leuées, sentences, & iugemens, anciennement donnez en matiere de francs-Fiefs, & nouveaux Acquests, pour le preiudice qu'ils pourroient apporter aux droicts du Roy.

Et si quelques habitans, ausquels le Procureur du Roy pretend appartenir en commun quelques heritages, ou quelques droicts, lesquels il a faict saisir, se veulent exempter de payer le droict de nouveaux Acquests : il est necessaire que tels habitans deuëment assemblez par autorité de Iustice, à son de cloche, yssuë de grande Messë Parochiale, declarent qu'ils n'ont cy-deuant eu, & à present n'ont & ne pretendent aucun droict, soit de propriété, d'usage, pasturage, paillon, pannage, pascage, ou autre droict, és bois, forests, prez, marais, & pastis, esquels ils ont accoustumé mener pasturer leur bestail ; & que leldits lieux appartiennent, en tout droict de propriété, à tel Seigneur, n'en ont iouy que par souffrance & precaire, ou bien à tiltre de loüage : & ont renoncé & renoncent à tous les droicts qu'ils y pourroient auoir & pretendre. Si ceste declaration est vraye & non frauduleuse, les habitans seront exempts du droict de nouveaux Acquests : mais s'il y a fraude, & elle soit descouuerte, ils seront condammnez payer le droict de nouveaux Acquests.

Quant aux dons & oūtrois cōcedez par les Roys de France aux habitans de quelques villes, bourgs, ou bourgades de ce Royaume, cōme de courte pinte, de huietieme, de vingtiesme, ou d'entrée de ville, pour subuenir aux fortifications ou reparations de ponts, ports, portaux, pavez, chaullées, & autres affaires cōmuns de villes, bourgs, ou bourgades : il est certain qu'il n'est deu aucun droict de nouveaux Acquests : parce que ce ne sont terres ny possessions. Aussi que tels oūtrois se leuent par le congé & permission du Roy : & est besoin pour la cōtinuation d'iceux, obtenir lettres de sa Majesté, de dix ans en dix ans, ou de cinq ans en cinq ans : & en rendre cōpte chacun an en la Chambre des Comptes.

Si les droicts d'usage, de chauffage, pasturage, ou autres appartiennent à ceux d'une famille : comme aux Minards, aux Grongnets, ou autre : au predecesseur ou predecesseurs desquels lesdits droicts ayent anciennement esté concedez & octroyez : ils ne sont subiects au droit de nouveaux Acquests : parce qu'ils ne sont pas gens de main-morte, ains peuvent tous mourir : aussi qu'ils ne sont corps, Colleges, Vniuersité, ny Communauté : & le droit qui leur appartient est plustost particulier que general, & vniuersel, & plustost personnel, que reel, s'il ne depend de quelque heritage.

Si ceux d'une famille ont droit d'usage ou pasturage, ils ne sont subiects au droit de nouveaux Acquests.

Bien est vray, que si les dessusdits tiennent les droicts d'usage, pasturage, & pascage, à tiltre de foy & hommage, comme dependans de certain fief qui leur appartient : ou bien comme droicts feodaux, chargez de foy & hommage enuers quelque Seigneur de fief, & soient roturiers : ils sont subiects au droit de francs-Fiefs. Mais s'ils les tiennent en roture, comme dependans d'une ferme ou mestairie qui leur appartient, pour laquelle ils payent chacun an censue à quelque Seigneur, ou qui a esté anciennement baillé à tiltre de rente ou emphyteose par quelque Monastere : ou bien que pour lesdits droicts ils soient tenus payer chacun an certaine redevance, en deniers, grains, volailles, ou autre espeece : ou faire quelques couruées par an.

Quand le roturier est subiect au droit de francs-Fiefs pour les droicts d'usage & pasturage qui luy appartiennent.

En ce cas ils ne sont point subiects au droit de franc-Fiefs. Non plus qu'un particulier roturier, lequel de son chef, ou à cause de sa ferme & mestairie a droit d'enuoyer pasturer son bestail en la forest appartenant à quelque Seigneur, ou à quelque Abbaye, de laquelle sa mestairie est dependante en roture & tiltre de censue : *Et in dubio* les droicts d'usage, pasturage, pascage, & autres semblables, sont presomez roturiers, & non feodaux, ny nobles. Tout ainsi que les heritages sont presomez roturiers, & non feodaux : & celui qui pretend les droicts dessusdits estre feodaux, & noblement tenus, il le doit monstrier & verifier.

Tous heritages sont presomez roturiers.

Qua dicta sunt latissimè tractantur in l. ut inter diuinum. Co. de sacros. Eccles. in cap. unico. §. conuenticula. de pace tenenda. in vsib. feud. Luca de Penna in l. si qua hereditatis. de vend. reb. ciuit. Cod. lib. 11. l. finali de pascuis publicis. Cod. eodem libro. Capola in tractatu seruitutum rusticorum pradiorum, in cap. de seruitute iuris pascendi. Bartolo & ceteris in l. an usufructus. ff. de usufr. in l. legatum ciuitati. ff. de usu & usuf. legat. l. ciuibus, ff. de reb. dub.

LES GENS DE MAIN-MORTE PEUVENT ESTRE contraints, tant par le Roy, que par les Seigneurs haut-Iusticiers, feodaux, & censiers, vider leurs mains des heritages par eux possédez en France. Et comme les Seigneurs doiuent pour ce regard former leur demande.

1 Les Seigneurs feodaux font saisir les biens des Ecclesiastiques, à faute d'homme, droicts & deueirs.

2 Comme le Seigneur feodal doit faire sa demande contre les Ecclesiastiques, afin de vider leurs mains.

- | | |
|--|--|
| <p>3 Que les Seigneurs feudaux & censiers doivent prendre l'adionction du Procureur du Roy.</p> <p>4 Quand les gens de main-morte vident leurs mains, ne sont deubs droicts que pour la reuente.</p> <p>5 Les seigneurs feudaux ou censiers estās payez de leurs droicts par les gens de</p> | <p>main-morte, ils ne les peuvent contraindre vider leurs mains.</p> <p>6 Idem si lesdits gens de main-morte ont acquis desdits Seigneurs.</p> <p>7 Interpretation de la Coustume de Touraine, touchant ce que dessus.</p> <p>8 Cōme au cas susdit les Seigneurs feudaux & censiers se doivent conduire.</p> |
|--|--|

CHAPITRE XXXIII.



STANT prohibé aux Gens d'Eglise, pareillement aux Communautéz tant Ecclesiastiques que de gens laiz, & autres gens de main-morte, posséder heritages & droicts immobiliers au Royaume, sans congé & permission du Roy, ainsi qu'auons monsté au 25. chapitre. Les anciennes Ordonnances, mesmes du Roy Charles VI. publiées

le 11. Feurier 1485. ont permis faire saisir & mettre en la main du Roy, les heritages possédez par personnes Ecclesiastiques, Cōmunautéz, & autres gens de main-morte; & voulu qu'il leur fust enioinct en vider leurs mains dedans an & iour: pendant lequel ils iouyront sous la main du Roy des heritages ainsi saisis. Et à faute d'auoir vuidé leurs mains dedans le temps susdit, les fruiets doivent entierement estre leuez au profit du Roy, iusques à ce que sans fraude ils les ayent mis hors de leurs mains, ou bien ayent obtenu amortissement, respit, ou souffrance de sa Majesté.

Le Roy peut faire saisir tous les heritages possédez par gens de main-morte, & les en faire vider leurs mains.

Et combien que suivant lesdites Ordonnāces, de plain vol on puisse proceder par saisie sur les heritages possédez par gens de main-morte: Toutesfois on n'a pas accoustumé d'vser de cetté rigueur, mais on procede par action: tellement que les gens de main-morte ayans acquis, ou bien leur ayant esté dōnez, leguez, ou aumosnez aucuns heritages, & biens immeubles, mouuans du Roy en fiefs ou censives: ou bien tenus d'autres Seigneurs feudaux, ou censiers, & mediatement du Roy; ils sont ordinairement poursuis à la requeste du Procureur du Roy, afin de vider leurs mains dedans an & iour, des heritages par eux possédez: & les mettre es mains de personnes francs & libres, qui librement les puissent vendre, aliener, & disposer à leur volonté. Et à faute de ce faire, le Roy fera saisir les heritages tenus par les gens d'Eglise, & de main-morte, & fera les fruiets liens. Ainsi qu'il est porté par l'Ordonnance cy-dessus dattée, & autres Ordonnances cy-apres transcriptes.

Les Seigneurs peuvent contraindre les gens de main-morte vider leurs mains des heritages qui leur appartient.

Semblable poursuite peut estre faite à la requeste des Seigneurs haut-Iusticiers feudaux, ou censiers, pour le regard des heritages estans en leurs hautes-Iustices, fiefs, ou censive. Lesquels peuvent requerir que les gens de main-morte soient condamnez les mettre hors de leurs mains: d'autant qu'ils ont pareil interest que le Roy, que les gens de main-morte ne possèdent heritages au dedans de leurs hautes-Iustices, fiefs, & censives; pour l'euidente perte & dommage qu'ils souffriroient, estans priuez à

l'aduenir de percevoir aucuns profits feodaux ou censuels. Mesmes les haut-Iusticiers des droicts de confiscation, & Des-herence, cōme il a esté dit au 26. chap. du present Traicté, & qu'il a esté iugé par plusieurs sentences & Arrests de la Cour; specialement par Arrest donné en plaidoyrie, le 16. Decemb. 1568. au profit de feu M. Barjot, Seigneur de Dannuel, cōtre les Doyen, Chanoines & Chapitre de Beauuais. Et de ce y a articles exprés en plusieurs Coustumes du Royaume, notoires & vulgaires à chacun.

Partant les Seigneurs haut-Iusticiers ou censiers, apres an & iour de la sentence portant inionction aux gens de main-morte, de vuidier leurs mains des heritages estans en leurs hautes-Iustices ou censives, peuuent faire saisir tels heritages par autorité de Iustice, & faire ordonner qu'ils seront vendus au plus offrant, à personnes francs & libres. Et quant aux Seigneurs feodaux, incontinent qu'ils sont aduersis que les gens de main-morte ont acquis quelques heritages tenus & mouuans de leurs fiefs, ou qu'on leur en a donné, legué, ou aumosné aucuns, i's les font saisir à faute d'homme, droicts & deuoirs non faits. Et prennent les fruiets en pure perte à leur profit: tellement que les gens de main-morte sont contraints en vuidier leurs mains.

Toutesfois d'autant qu'aucuns ont voulu maintenir, que les Seigneurs haut-Iusticiers, feodaux, & censiers, ne peuuent contraindre les gens de main-morte vuidier leurs mains des heritages par eux possedez, au dedans de leurs hautes-Iustices, fiefs, ou censives; comme n'estant à eux de disputer si l'heritage est amorty ou non, ny si les gens de main-morte sont capables de les tenir ou non, & qu'ils peuuent seulement demander le droict d'indemnité qui leur est deu, & que de ce on allegue quelque Arrest & pretenduë Ordonnance.

Pour oster toute difficulté, le meilleur & plus seur sera, que le Seigneur feodal requiere, que les gens de main-morte soient tenus vuidier leurs mains dedans an & iour, des heritages feodaux par eux acquis au dedans de son fief, si mieux ils ne luy veulent bailler homme viuant & mourant, avec droict d'indemnité. Et le Seigneur censier pareillement requerra que les gens de main-morte soient tenus vuidier leurs mains dedans an & iour, des heritages tenus de luy en censive, si mieux ils ne veulent luy payer la censive qui luy est deuë par chacun an, avec le droict d'indemnité. En ce faisant la demande sera alternatiue, & sera au choix des gens de main-morte, payer indemnité, ou vuidier leurs mains: & le semblable sera faict par les Seigneurs haut-Iusticiers.

Ou bien les Seigneurs haut-Iusticiers, feodaux & censiers, prendront l'adionction du Procureur du Roy, & ensemblément requerront, que les gens de main-morte soient condamnez vuidier leurs mains dedans an & iour, des heritages par eux acquis au dedans de leurs hautes-Iustices, fiefs ou censives, dont ils n'ont aucun amortissement. Ainsi que fit le Seigneur du fief de Ioigny, assis en ceste ville de Paris, lequel tant à sa requeste, qu'à la requeste de Monsieur le Procureur General du Roy, fit condamner les Thresorier, Chanoines, & Chapitre de S. Iacques del'Hospital, mettre hors de leurs mains dedans an & iour, les maisons,

1
Les Seigneurs feodaux font saisir les biens des Ecclesiastiques à faute d'homme, droicts, & deuoirs.

2
Comme le seigneur feodal doit faire sa demande contre les Ecclesiastiques, afin de vuidier leurs mains.

3
Que les Seigneurs feodaux, & censiers doivent prendre l'adionction du Procureur du Roy.

rentes, & heritages assis au dedans de son fief de Ioigny, és ruës de la Truanderie & Marderet, appartenans ausdits Thresorier, Chanoines, & Chapitre, ou les faire amortir par le Roy, & payer au Seigneur de Ioigny la recompense & indemnité, telle qu'il appartiendroit par raison, à cause de l'amortissement qui seroit par eux obtenu. Et par sentence de Messieurs des Requestes du Palais du 11. Decembre 1512.

Quæ dicta sunt tractantur à Ioanne Fabro, in auth. ingressi, col. finali, in verbis debet Ecclesia applicari saltem quod vendat. Speculatore in tit. de loc. in verbis, tenetur Ecclesia vendere infra annum. col. 142. & Henrico Bohi. in cap. ex literis. col. 2. de consuetudine. Alexandro de Imo. consil. 120. vol. 1. vers. prætere aposito. Masuerio, in sua Praxi, tit. de præscr. §. item si Ecclesia. Guillelmo Benedicto, in cap. Raynutius. in verbo uxorem nomine Adelasiam. numero 565. Iafone in L. finali. c. de iure emphyteut. col. 46. Guidone Papa consil. 134. versic. septimo, quia si dictus.

4
Quand les gens de main-morte vident leurs mains, ne sont deus droits que pour la reuente.

En cest endroict conuient noter, que quand les gens de main-morte sont cōtraints par le Roy, ou par leurs Seigneurs feodaux & censiers, mettre hors de leurs mains les heritages par eux acquis: le Roy, ou bien les seigneurs feodaux & censiers, n'ont sinon le profit deu à cause de la reuente, non pas à cause de l'acquisition faicte par les gens de main-morte, attendu qu'ils la debattent & empeschent l'effect d'icelle: *& hoc casu contractus prior resoluitur, & ad non causam reducitur*, ainsi qu'il a esté iugé par Arrest donné au profit des Gouverneurs de la Trinité, contre Barthelemy del'Isle, Escuyer, Seigneur d'Andrezy, le 2. Iuin, 1564.

5
Les Seigneurs feodaux ou censiers estans payez de leurs droits par les gens de main-morte, ils ne les peuvent contraindre vider leurs mains.

Aussi il conuient entendre, que si les Seigneurs feodaux ou censiers, estans majeurs de vingt-cinq ans, ou bien leurs Procureurs speciaux ont receu en foy & hommage, ou en fainline les gens de main-morte, des heritages par eux acquis; ou bien ont esté payez des droits de quint & requint, ou de rachapt, ou de lots & ventes deus à cause des acquisitions faictes par lesdits gens de main-morte; Ils ne peuuent plus contraindre les gens de main-morte mettre hors de leurs mains les heritages par eux acquis, comme par la reception en foy, en fainline, ou payement des droits susdits, les Seigneurs feodaux & censiers ayant approuué les acquisitions faictes par les gens de main-morte: lesquelles apres ils ne peuvent reprouuer, debattre ny impugner. *L. commissoria. C. de pactis inter empt. L. post diem si fundus. §. eleganter. ff. de leg. commiss.*

6
Idem si les gens de main-morte ont acquis des Seigneurs feodaux ou censiers.

Toutesfois il est certain que par la simple reception de censue, le Seigneur censier n'est pas priué de la faculté qui luy est donnée de contraindre les gens de main-morte vider leur mains, *cum sensus quolibet anno debeat, & solui debeat à quolibet possessore. L. cum possessor. ff. de censib. tractat Molinaus* és Coustumes de Paris, article quarante & vn.

Pareillement si aucuns seigneurs feodaux ou censiers ont vendu, baillé par eschange, donné, legué, ou autrement aliené à tiltre onereux ou lucratif à personnes Ecclesiastiques, ou autres gens de main-morte, quelques heritages, qui soient au dedans de leurs fiefs ou censues: Tels vendeurs, donateurs, & alienateurs, ny leurs heritiers, ne peuuent contraindre les gens de main-morte vider leurs mains des heritages qu'ils

leur ont alienez ; attendu que lors des alienations, ils sçauoient la condition desdits gens de main-morte : & demandans qu'ils mettent hors de leurs mains les heritages qu'ils leur ont vendus, dōnez, ou autrement alienez, ils font acte contraire aux contractz par eux passēz. Ioint que si les gens de main-morte estoient troublez en la iouyssance desdits heritages, lesdits Seigneurs feodaux & censiers, ensemble leurs heritiers, en seroient garands.

Partant quand la nouvelle Coustume de Touraine, article cent troisieme dit, Que si les gens d'Eglise, Frairies, Communautēz, ou autres mains-mortes, ont acquis, ou leur ont esté donnez aucuns heritages, rentes, ou domaines: que le Seigneur au fief duquel sont lesdites choses, n'eust il que basse Iustice, les peut contraindre dedans quarante ans de leurs acquests, les mettre hors de leurs mains dedans an & iour. Ladite Coustume se doit entēdre, quand les acquests, dons ou legs ont esté faictz par autres personnes, que par les Seigneurs feodaux ou censiers, non pas quand les Seigneurs feodaux ou censiers ont aliéné aux gens de main-morte.

7
Interpretation de la Coustume de Touraine, concernant ce que dessus.

Aussi en ce cas les Seigneurs feodaux ou censiers, ne peuuent demander droict d'indemnité, attendu qu'ils n'ont pas seulement consenty aux alienations faictes aux personnes de main-morte, mais eux-mesmes ont aliéné ausdits gens de main-morte, la condition desquels ils sçauoient. Et ce à l'exemple du Seigneur feodal, qui vend dix arpens de terre du domaine de son fief, moyennant cent liures l'arpent, & quatre deniers de cens enuers luy. Lequel à cause dudit contract de vendition, ne peut demander lots ny ventes, s'il n'est expressement dit par le contract, qu'outre le prix porté par iceluy, l'acheteur sera tenu luy payer les lots & ventes. Parce qu'en ce cas on presume que l'acheteur a plus achepté l'heritage à luy vendu, au moyen de ce qu'il ne luy conuenoit payer aucuns lots ny ventes, lesquels se payent au Seigneur censier, lors qu'il louë & approuue la vendition qui a esté faicte par vn estranger, l'heritage estant en sa censue, & qu'il ensaisine l'acheteur d'iceluy. Ce qui n'est au cas susdit, attendu que c'est le Seigneur mesme qui vend: tellement qu'apres la vendition, il n'est besoin qu'il louë ny approuue le contract, encores moins qu'il l'ensaisine.

En ce faisant au cas cy-deuant posé, les Seigneurs feodaux & censiers ne peuuent sinon demander les droicts, qu'eux ou leurs predecesseurs se sont reseruez par les contracts d'alienation. Desquels contracts s'il n'appert aucunement, ils pourront requerir que les gens de main-morte soient condamnez leur payer par chacun an quatre deniers tournois de cens pour arpent: parce qu'au pays de Touraine, le Seigneur de fief est fondé d'auoir, & estre payé par chacun an d'un denier tournois de cens pour chacun quartier de terre, estant au dedans de son fief. Et ce que dessus a esté aduisé pour le Seigneur d'un fief assis en Touraine, le predecesseur duquel auoit vendu à vn Commandeur Cheualier de saint Iean de Ierusalem, trois arpens de pré, dependans de son fief, moyennant cent escus sol: le contract de laquelle vendition, le successeur du Commandeur ne vouloit exhiber, disant ledit contract n'estre en sa pos-

Comme au cas susdit les Seigneurs feodaux & censiers se doiuent conduire.

session, & que par dol & fraude il n'a delaisé à l'auoir.

Et au cas susdit, le plus expedient seroit, que les Seigneurs feodaux ou censuels fissent poursuiure les gens de main-morte, à la requeste d'un Procureur du Roy, ou bien de leur Seigneur dominant, à ce qu'ils fussent condamnez vuidier leurs mains des heritages par eux acquis, ou à eux leguez depuis quarante ans, si lesdits Seigneurs feodaux ou censuels, ou bien leurs heritiers, n'estoient tenus à leurs despens faire amortir ses heritages contentieux, & payer l'indemnité qui seroit deuë au Seigneur dominant, comme il sera declaré au soixante - troiesme chapitre du present Traicté.

Dedans quel temps les gens de main-morte peuuent estre contrainsts vuidier leurs mains des heritages par eux possedez, soit par le Roy, ou par autres Seigneurs.

CHAPITRE XXXIIII.

Coustumes diuerses prefigeans tēps pour contraindre les gens de main-morte à vuidier leurs mains.



OMBIEN qu'il ait esté dit au chapitre precedent, que tant le Roy, que les Seigneurs haut-Iusticiers, feodaux & censiers, peuuent contraindre les gens de main-morte, mettre hors de leurs mains les heritages qu'ils possèdent au dedans de leurs fiefs & Seigneuries: Toutesfois il semble, que ny le Roy, ny les Seigneurs haut-Iusticiers, feodaux & censiers, ne sont tousiours receuables à requérir que les gens de main-morte soient tenus vuidier leurs mains des heritages par eux acquis, encores qu'ils ne soient amortis.

De faict le temps pour ce faire est statué par les Coustumes de Blois, article quarante & vn, & de Touraine au tiltre d'indemnité & d'union: & par la nouvelle Coustume de Melun, article vingt-neuf, & plusieurs autres Coustumes, à quarante ans: & par la Coustume d'Orleans, article centiesme, est ordonné à soixante ans. Apres lequel temps les Seigneurs haut-Iusticiers, feodaux & censiers, ne peuuent contraindre les gens de main-morte, mettre hors de leurs mains les heritages, desquels ils ont paisiblement, publiquement, & continuellement iouy par quarante ans, ou bien par soixante ans; suiuant les Coustumes susdites. Ains les Seigneurs feodaux sont tenus receuoir Vicaires, c'est à dire homme viuant & mourant: ainsi qu'il fut vuidé en la Coustume d'Orleans, par Arrest solennellement prononcé le septiesme Septembre, 1553. entre vn Chapelain de l'Eglise saint Iean de la Ferté, & le Seigneur de Moisson.

Arrest de ce que dessus.

Coustume de Paris, concernant ce que dessus.

Et la Coustume de Paris ne prefigeant aucun temps, dedans lequel les gens de main-morte puissent estre contrainsts par les Seigneurs haut-Iusticiers, feodaux, ou censiers, vuidier leurs mains: elle doit estre reglée suiuant la disposition de droict commun, qui est de trente ans: Par le

laps duquel temps, toute action personnelle est prescrite, mêmes les droicts de quints & requints, de rachapt, ou relief, ensemble les lots & ventes sont prescripts. Ainsi qu'il a esté dit au septiesme chapitre du Traicté de Des-herence, par nous n'agueres mis en lumiere. Tellement qu'apres trente ans, les Seigneurs haut-Iusticiers & feodaux, encores moins les Seigneurs censiers, qui ont esté payez de leurs censives, ne sont receuables à agir contre les gens de main-morte, à ce qu'ils soient condamnez mettre hors de leurs mains les heritages par eux paisiblement possédez pendant le temps de trente ans: Aussi que l'action donnée pour cet effect, *à lege vel consuetudine*, est pure personnelle, partant prescrite par trente ans, *l. 1. §. adhuc. C. de annali except. l. sicut l. omnes. l. cum notiss. C. de prescript. 30. vel 40. ann. Ita tenet Masuerius in sua Praxi, tit. de prescript. §. item si Ecclesia*, suivant le texte, *in § si quis per triginta annos rem aliquam ut feudum possederit, & seruitium domino exhibuerit, quamvis de re non sit investitus, prescriptione tamen triginta annorum se tueri potest: si de feudo defuncti cont. si inter do. & agnat. vas. in usibus feudo.*

Toutesfois si les Seigneurs haut-Iusticiers, feodaux, ou censiers, estoient personnes Ecclesiastiques, il faudroit quarante ans: Apres lequel temps ils ne pourroient contraindre les gens de main-morte vider leurs mains des heritages par eux possédez auparavant le temps de quarante ans. Ainsi qu'il a esté iugé par arrest du dixhuitiesme Feurier, mil quatre cens soixante dix-neuf, entre Monsieur l'Euesque de Paris, & le Chambrier de Saint Martin des Champs, recité *per Ioannem Galli*, en ses Questions & Arrests notables, & ledit arrest se commence, *Cum lis mota fuisset coram certis auditoribus*, conformément à l'authentique *quas actiones C. de sacros. Eccles.* Le semblable a esté iugé par sentence donnée par le Preuost de Paris, le premier Iuillet, 1579. entre le Prieur de S. Denys de l'Estrée demandeur d'une part, & les Doyen, Chanoines & Chapitre de Paris, defendeurs d'autre: recitée au 60. chap. du present Traicté.

Arrest de ce que dessus.

Et ceste opinion est communément suiuite au Palais, tant pour le regard des personnes laiz, auxquels est donné le temps de trente ans, que des Ecclesiastiques auxquels on a concedé quarante ans. Combien que quelques vns ayent estimé que si les Seigneurs feodaux, ou censiers, laiz ou Ecclesiastiques, ont eu vraye & certaine cognoissance de l'acquisition d'heritage faicte par gens de main-morte, d'autant qu'elle leur a esté signifiée, & copie d'icelle baillée, ou autrement deuëment notifiée: & depuis ceste cognoissance ont souffert les gens de main-morte paisiblement iour par an & iour des heritages par eux acquis, ou à eux donnez, leguez & aumosnez: Ils ne sont receuables à contraindre lesdits gens de main-morte, d'en vider leurs mains. Et de ce semble y auoir article exprés es instructions dressées pour le faict des francs-Fiefs & nouveaux Acquests, transcrites à la fin du present Traicté: toutesfois l'opinion commune semble estre iuste & equitable.

Articles des anciennes instructions concernant ce que dessus.

Quant au Roy, aucuns sont d'aduis que le temps de trente ans est prescript audit Seigneur, apres lequel il ne puisse précisément contraindre

Dedans quel temps le Roy

peut con-
traindre les
gens de main-
morte vuid-
er leurs
mains.

les gens de main-morte, mettre hors de leurs mains les heritages par eux acquis, ou à eux donnez, leguez, & aumosnez : mais seulement les contraindre luy payer finance. Et de ce on allegue quelques anciennes Ordonnances qui sont recitées en vn Arrest de l'an 1276. & vn autre ancien arrest qui est, *inter iudicia, consilia & arresta expedita in Parlamento beati Martini, anno Domini millesimo octuagesimo secundo*, escrit au liure *Olim fol. 64.* & se commence *Cum Dominus Rex*, & est recité *per Ioannem Galli*, à la fin de ses Questions & Arrests Notables, intitulé des francs-Fiefs & nouveaux Acquests. Autre arrest escrit au mesme liure *Olim*, estant au Greffe de la Cour, feuillet trente-quatre, donné contre l'Eglise saint Vrsin de Bourges, au Parlement de Chandelour, l'an mil deux cens soixante & seize, commençant *Viso privilegio sancti Vrsini*. Et par cest arrest est dit, que nonobstant le privilege octroyé à l'Eglise S. Vrsin, le Bailly de Berry pouuoit & deuot saisir tout ce qui auoit esté acquis par ladite Eglise, depuis trente ans, és fiefs & arriere-fiefs du Roy. Et les deux Arrests deussudits sont recitez par Monsieur le Maistre, en son Traicté des Amortissemens, chapitres 5. & 10.

Toutesfois par les Ordonnances faictes par le Roy Charles le Quint, le quinzième Nouembre, mil trois cens soixante & dix, & par le Roy Charles VI. le vnziesme Feurier, mil trois cens quatre-vingts cinq, cy apres transcrites: il semble que le tēps de quarante ans soit prescrit au Roy pour contraindre les gens de main-morte, mettre hors de leurs mains les heritages par eux possédez non amortis par sa Majesté, parce que de quarante ans en quarante ans, on doit leuer le droict de francs-Fiefs & nouveaux Acquests; tellement qu'apres le temps de quarante ans, vn Procureur du Roy ne peut contraindre les gens de main-morte vuidier leurs mains des heritages desquels ils ont paisiblement iouy pendant ce temps. Et de limiter l'action du Roy à trente ans, il ne seroit raisonnable, attendu que le fisque est comparé à l'Eglise. Et tout ainsi que les Seigneurs Ecclesiastiques ont quarante ans pour contraindre les gens de main-morte à vuidier leurs mains de ce qu'ils ont acquis au dedans de leurs fiefs, terres ou Seigneuries: Pareil temps de quarante ans doit estre octroyé au Roy, pour contraindre les gens de main-morte à vuidier leurs mains des heritages qu'ils ont acquis au dedans des fiefs, seigneuries & aleuz du Roy.

Mais plusieurs sont d'aduis, que le Roy peut en tout temps, voire apres cent ans, contraindre les gens de main-morte, mettre hors de leurs mains tant les heritages acquis au dedans de ses fiefs, ou censives, qu'acquis au dedans des fiefs ou censives des autres Seigneurs feodaux ou censiers de ce Royaume, pour l'interest, perte & dommage que sa Majesté a, quand aucuns heritages sont possédez par gens de main-morte, ainsi qu'il a esté déclaré au vingt-sixiesme chapitre du present Traicté. Ou bien que les gens de main-morte sont tenus prendre amortissement du Roy, & payer la finance pour ce deuë à sa Majesté. Selon qu'il est expressément porté par le dernier article de la responce faicte par Messieurs des Comptes, Thresoriers de France, Aduocats & Procureur generaux

aux

aux difficultez à eux proposées pour le faict des francs-Fiefs & nouveaux Acquests, contenuës es instructions desdits francs-Fiefs. Par lesquelles responses est porté en termes exprés: que les gens de main-morte peuvent estre contraincts par le Roy vuidier leurs mains des heritages à eux appartenans, encores qu'ils les ayent possédez par plus de cent ans, & que pour raison d'iceux ils ayent anciennement payé le droict de nouveaux Acquests. Ainsi qu'il sera dit au 67. chapitre du present Traicté, à la lecture duquel est besoin auoir recours. Toutesfois cela seroit fort rude, & doit-on tenir pour certain, qu'après quarante ans, le Roy ne peut contraindre les gens de main-morte, vuidier leurs mains des heritages par eux possédez. Mais bien les pourra contraindre à payer le droict de francs-Fiefs & nouveaux Acquests, lors que ledit droict sera leué.

Que les Seigneurs ont accoustumé promouuoir les Procureurs du Roy, pour contraindre les gens de main-morte, vuidier leurs mains des heritages par eux possédez en leurs hautes Iustices, fiefs ou censives. Et comme les gens de main-morte se doiuent defendre.

CHAPITRE XXXV.



La esté dit au chapitre precedent, que les Seigneurs hauts Iusticiers, feodaux, & censiers, ne peuvent contraindre les gens de main-morte, mettre hors de leurs mains les heritages assis au dedans de leurs hautes Iustices, fiefs ou censives, desquels ils ont paisiblement iouy par trente, quarante ou soixante ans, selon les Coustumes: & que selon l'opinion de plusieurs, le Roy les peut contraindre d'en vuidier leurs mains par quelque laps de temps qu'ils en ayent iouy, s'ils ne prennent lettres d'amortissement de sa Majesté. A ceste cause les Seigneurs hauts-Iusticiers, feodaux & censiers ont accoustumé promouuoir & susciter vn Procureur du Roy: & ce que de leur chef ils ne peuvent faire, ils s'efforcent le faire sous le nom accommodé d'un Procureur du Roy: lequel à leur institution fait adiourner les personnes Ecclesiastiques, Monasteres, Colleges, Chapitres, Communautéz d'habitans, & autres gens de main-morte, à ce qu'ils soient tenus luy communiquer la declaration au vray, & par le menu de leur temporel, tant amorty que non amorty, & luy exhiber les lettres d'amortissement, s'aucunes en ont, pour du non amorty estre condamnez en vuidier leurs mains dedans an & iour, suyuant les Edicts & ordonnances du Roy, & à faute de ce faire, que leur temporel soit faisi & mis en la main du Roy, vny & incorporé à son Domaine. Et cela se fait & pratique ordinairement.

Les Seigneurs feodaux ou censiers ont accoustumé susciter un Procureur du Roy contre les Ecclesiastiques.
Forme des conclusions du Procureur du Roy.

Mais ceste conclusion, sous correction, n'est raisonnable: parce que par plusieurs Edicts du Roy, & arrests de la Cour de Parlement, les benefices & gens d'Eglise, ne sont tenus & ne peuuent estre contraincts bailler par declaration, adueu & denombrement le temporel, terres, domaine, & reuenu dependant de leurs benefices, & de ce ont obtenu lettres patentes du Roy Charles IX. verifiées en la Cour de Parlement le 6. Mars 1574.

Moyens que les Ecclesiastiques peuuent alleguer contre le Procureur du Roy.

Aussi les gens d'Eglise peuuent remonstrer, que par le moyen des amortissemens generaux, octroyez par les defuncts Roys François I. & Henry II. au Clergé du Royaume de France, és années 522. & 551. deuëment verifiez en la Chambre des Comptes, ils ne peuuent estre contraincts vider leurs mains des heritages par eux acquis auparauant lesdites années, comme amortis par les amortissemens susdits, moyennant la finance payée par le Clergé.

Dauantage peuuent remonstrer, que des heritages non amortis estans en autres fiefs que du Roy, sa Majesté n'en a aucun reuenu, & n'en peut auoir qu'un petit profit casuel, aduenant ouuerture des fiefs dominans, & que pendant icelle les arriere-fiefs soient ouuerts. Au contraire des heritages non amortis, possédez par gens de main-morte, le Roy en a beaucoup plus d'emolument, & en a profit certain, parce que les gens de main-morte payent droit de nouveaux Acquests de 40. ans en 40. ans, ou de 30. ans en 30. ans.

Outre les gens de main-morte se doiuent defendre des ordonnances alleguées au chapitre precedent, par lesquelles est porté qu'apres quarante ans le Roy ne peut contraindre les gens de main-morte à vider leurs mains. Aussi peuuent alleguer que vray semblablement le Procureur du Roy est suscitè par le Seigneur haut-Iusticier, feodal ou censier en la haute Iustice, fief ou censue duquel l'heritage contentieux est assis. Parce que la poursuite faicte par ledit Procureur du Roy, tourne du tout au profit du Seigneur haut-Iusticier feodal ou censier, & au dommage du Roy, ainsi qu'il a esté cy-dessus deduit.

Comme le Procureur du Roy doit conclurre contre les Ecclesiastiques.

Et à la verité ceste demande & conclusion generale, de bailler par declaration le temporel, tant amorty, que non amorty, n'est iuste, raisonnable ny receuable. Mais le meilleur seroit donner à entendre combien que par la loy de France, & statuts du Royaume, il soit defendu à toutes personnes Ecclesiastiques, Chapitres, Communautéz, & autres gens de main-morte, d'acquérir, tenir & posseder en France aucuns heritages, & biens immeubles sans permission du Roy, & auoir obtenu de sa Majesté lettres d'amortissement deuëment verifiées. Neanmoins le Procureur du Roy est aduertty que tels Chanoines, ou tels Religieux, ou tels habitans ont de nouuel acquis, tiennent & possèdent tels heritages, assis en tel lieu, ou plusieurs heritages assis en tel lieu, sans la permission du Roy, & sans auoir, pour raison d'iceux, obtenu amortissement de sa Majesté, au grand preiudice & dommage d'iceluy Seigneur. A ceste cause requerir qu'ils soient condamnèz en vider leurs mains dedans an & iour, & les mettre és mains de personnes francs & libres, qui librement en puissent

disposer, suiuant les Edicts & ordonnances. Et à faute de ce faire les heritages contentieux soient saisis, & les fruiçts adiugez au Roy, iusques à ce qu'ils en ayent vuidé leurs mains. Ou bien le Procureur du Roy les fera adiourner, afin de luy monstrier & exhiber les lettres & tiltres, en vertu desquelles ils possèdent tels heritages, pour iceux veus, requerir pour l'intereſt du Roy ce que de raison. Et contre ceste demande, les gens de main-morte se pourront defendre, par les moyens cy-dessus deduiçts.

Toutesfois contre les Ecclesiastiques, le Procureur du Roy pourra dire que les Edicts & lettres patentes par eux obtenues, afin de n'estre contrainçts bailler par declaration leur temporel, s'entendent des heritages & reuenus amortis, desquels ils sont en possession immémoriale, & dont de tout temps ils ont iouy en pleine liberté. De faict la Cour de Parlement verifiant les lettres cy-dessus recitées & dattées, ordonna qu'elles seroient leuës, publiées, & registrées és registres d'icelle, ouy sur ce le Procureur General du Roy. A la charge qu'au nouuel aduenement de chacun Roy, les gens Ecclesiastiques, quand ils en seront requis, seront tenus bailler par declaration, ce qu'ils auront de nouuel acquis. Et s'ils n'ont aucune chose de nouuel acquis, leur sera faicte main-leuée de leur temporel, sans payer aucuns frais ny finance.

Verification des lettres obtenues par les Ecclesiastiques pour n'estre contrainçts bailler declaration de leur temporel.

Les gens de main-morte doiuent bailler homme viuant & mourant, pour les fiefs qui leur appartiennent, immédiatement mouuans du Roy. Et encores sont tenus payer le droict de Nouveaux Acquests.

CHAPITRE XXXVI.



Il est certain que les Ecclesiastiques & autres gens de main-morte qui ont acquis, ou ausquels a esté donné, legué ou aumosné quelque heritage feodal, tenu en plein fief du Roy, non amorty par ledit Seigneur, sont tenus bailler homme viuant & mourant qui face foy & hommage au Roy des fiefs qui leur appartiennent, par le deceds duquel est deu droict de rachapt. Comme il sera amplement déclaré en plusieurs endroits de la 4. partie du present Traicté, mesmes à la fin du present chapitre.

Les gens de main-morte sont tenus bailler homme viuant & mourant pour les heritages qui leur appartiennent non amortis par le Roy.

Mais on a demandé si apres ceste prestation d'homme viuant & mourant, les personnes Ecclesiastiques & autres gens de main-morte sont subiects au droict de nouveaux Acquests, pour les fiefs desquels ils ont baillé au Roy hōme viuant & mourant, qui a esté receu en foy par Messieurs des Cōptes. Attendu que lors de la reception, ils ont payé les droicts qui pouuoient estre deuz à cause de leur acquisition, ou bien à cause de la donation ou legs à eux faict: & que par le deceds de chacun homme qu'on appelle vulgairement Vicaire, ils sont tenus payer au Roy droict de rachapt, & luy bailler adueu & denombrement. En ce faisant les gens

de main-morte semblēt estre plus chargez que les autres vassaux du Roy, par le deceds desquels ordinairement n'est deu aucun profit feodal, sinon quand ils ne laissent aucuns heritiers en ligne directe.

*La prestatiō
d'homme
vivant &
mourant
n'exempte
du droit de
nouveaux
Acquests.
Premiere
raison de ce
que dessus.*

On a tousiours tenu que ceste prestation d'homme vivant & mourant, & payement de rachapt à chacune mutation d'homme, n'exempte les gens de main-morte du droit de nouveaux Acquests, & ce pour trois raisons principales.

La premiere que ceste prestation d'homme vivant & mourant, & payement de rachapt à chacune mutation, ne sont suffisans pour recompenser la perte & dommage que le Roy souffre, quand gens de main-morte possèdent heritages feodaux immediatement mouuans de sa Majesté : laquelle en ce cas perd entierement tous les droits de quints & requints, qui sont deuz lors que les heritages feodaux sont vendus, & de rachapt lors qu'ils sont eschangez, donnez ou leguez, semblablement le Roy perd les droits de confiscation & de Des-herence. Partant est raisonnable que le Roy soit payé de son droit de nouveaux Acquests, lequel a esté introduict, afin de le recompenser du dommage susdit, comme il a esté dit au 26. chapitre.

*Seconde
raison.*

La seconde raison est que la prestation d'homme vivant & mourant, & payement de rachapt à chacune mutation d'hommes, sont deuz au Roy comme Seigneur feodal de l'heritage possédé par gens de main-morte. Et le droit de nouveaux Acquests est deu audit Seigneur comme souverain, à cause de sa Couronne & Majesté Royale : laquelle contre les loix, ordonnances & statuts du Royaume a toleré, que les Ecclesiastiques & gens de main-morte possédassent heritages en France. Et pour ceste tolerance & perte que le Roy en ce faisant a souffert, est deu le droit de nouveaux Acquests, lequel est distinct & separé du droit feodal.

*Troisiesme
raison.*

La troisiesme raison est, que quand les Ecclesiastiques & autres gens de main-morte, ont acquis, ou bien qu'on leur a donné quelque heritage feodal, qui est tenu en plain fief de quelque Duc, Marquis, Comte, Baron, ou autre Seigneur feodal, ils sont tenus bailler à leur Seigneur de fief, homme vivant & mourant, luy payer indemnité, & à chacune mutation d'homme luy payer droit de rachapt, & outre pour raison du mesme fief sont subiects au droit de nouveaux Acquests envers le Roy, s'ils ne sont amortis par sa Majesté, comme il sera dit au cinquante-troisiesme chapitre. Partant est raisonnable que les Ecclesiastiques & autres gens de main-morte, qui tiennent heritages feodaux immediatement mouuans du Roy non amortis, baillent audit Seigneur homme vivant & mourant, à chacune mutation luy payent rachapt, comme ils font aux autres Seigneurs feodaux. Et outre pour son indemnité luy payent le droit de nouveaux Acquests.

Pour heritages non amortis on ne paye au Roy aucune indemnité, mais en baille

Et en cest endroit conuient noter, combien que les Ecclesiastiques & autres gens de main-morte, possédans heritages mouuans en plain fief de quelque Seigneur feodal, soient tenus non seulement payer les droits deuz à cause de leur acquisition : mais aussi luy bailler homme vivant & mourant, & à chacune mutation payer droit de rachapt ;

& outre soient contraints, luy payer indemnité comme il sera déclaré *homme vi-*
audit 53. chap. Toutesfois quand les fiefs possédez par gens de main-mor- *uant &*
te, sont immédiatement tenus du Roy, ils n'ont accoustumé sinon payer *mourant*
les droicts deubs à cause de leur acquisition, & bailler homme viuant & *seulement.*
mourant, lequel est receu en foy & hommage par Messieurs des Com- *Le droict de*
ptes. Et par le trespas de cest homme & de tout autre qui depuis est baillé, *nouveaux*
est deu rachapt. Et quant au droict d'indemnité, les gens de main-morte *Acquests est*
n'ont accoustumé le payer au Roy. Parce que le droict de nouveaux Ac- *au lieu du*
quests, est au lieu de l'indemnité qu'on paye aux autres seigneurs feodaux *droict d'in-*
de ce Royaume. *demnité.*

Aussi il est besoin entendre, que quand l'homme viuant & mourant *Après le de-*
baillé par les gens de main-morte est decédé: il est loisible, tant au Roy, *ceux de l'hō-*
qu'autres seigneurs feodaux, faire saisir l'heritage feodal appartenant aux *me viuant*
gens de main-morte, à faute d'hōme, droicts & deuoirs non faits & payez, *& mourant*
adueu & denombrement non baillé: tout ainsi qu'il se pratique contre les *le Roy peut*
autres vassaux du Roy, comme il sera dit au 55. chap. *faire saisir.*

Dauantage il est expedient d'entendre, que les Ecclesiastiques ne bail- *Les Eccle-*
lent au Roy sinon homme viuant & mourant, non pas homme viuant *siaistiques s.e.*
mourant & confiscant. Car tout ainsi que le delict, crime & forfaiture du *sont tenus*
Prelat, n'apporte aucun preiudice au temporel de l'Eglise: aussi il n'est *bailler hom-*
pas raisonnable que pour le crime, forfaiture & delict commis par celuy *me confis-*
qui est baillé par l'Eglise pour homme viuant & mourant, le fief apparte- *cant.*
nant à l'Eglise soit perdu & confisqué, *cap. si Episcopum. 16. qu. 6. l. iubemus.*
Cod. de sacros. eccles. cap. delictum. de reg. iur. in sexto. De faict a esté iugé par *Arrest de ce*
arrest donné au profit des Religieux des Blancs-Manteaux, le 18. No- *que de fies.*
uembre 1557. que les gens de main-morte ne sont tenus bailler aux sei-
gneurs feodaux, sinon homme viuant & mourant, avec le droict d'in-
demnité, non pas homme confiscant. Aussi par sentence des Requestes
du Palais, du 26. May, 1528. Madame de Longueuille fut condamnée
recevoir les Religieux Chartreux de ceste ville, seigneurs du fief de Char-
roles, assis à Aubigny, en foy & hommage dudit fief, en payant par eux
les droicts, s'aucuns estoient pour ce deubs, & baillant par eux homme
viuant & mourant, selon la nature du fief, sans que ce mot, confiscant y
soit mis & apposé. Et ladite Dame condamnée es despens de l'instance,
laquelle sentence fut cōfirmée par arrest passé par appointé, le 13. d'Aoust
audit an, sans despens, tant de la cause principale, que d'appel. Et dit-on
anciennement auoir esté ainsi iugé, contre feuë Madame de Vendosme,
comme il sera amplement déclaré au 53. chap. du present Traicté, à la le-
cture duquel il plaira au lecteur auoir recours. Ensemble à ce qui est am-
plement deduiet par du-Moulin au 41. article de l'ancienne Coustume
de Paris, col. 63.

*Que le droict de nouveaux Acquests ne peut estre prescript
contre le Roy, par quelque laps de temps que ce soit.*

CHAPITRE XXXVII.

*Le droict de
nouveaux
Acquests ne
peut estre
aucune-
ment pres-
cript.*



O v s auons suffisamment monstré au vingt-sixiesme chapitre du present Traicté, que le droict de nouveaux Acquests appartient au Roy, priuatiuement à tous les seigneurs du Royaume, & qu'il est domanial. Il est besoin à present entendre, que ce droict de nouveaux Acquests est si priuilegié, qu'il ne peut estre prescript par quelque laps de temps que ce soit, fust-il de cent ans. Tellement supposé que les Roys de France n'ayent cy-deuant leué le droict de nouveaux Acquests sur quelques Benefices, Monasteres, Commanderies ou Communau-
tez seculieres de ce Royaume, soit d'habitans ou autres: Toutesfois tels Beneficiers, Religieux, Commandeurs, habitans, ou autres gens de main-morte, ne peuuent à present s'exempter du droict de nouveaux Acquests, & payement de la finance deuë au Roy à cause d'iceluy, ny valablement soustenir qu'ils ont prescript ledit droict; non plus que les roturiers le droict de francs-Fiefs: & ce par quatre raisons principales.

*Premiere
raison de ce
que dessus.*

La premiere est, que les ordonnances par lesquelles est defendu aux Ecclesiastiques & autres gens de main-morte, posséder heritages & droicts immobiliers en France, sont generales par tout le Royaume. Et par icelles ne sont exceptez aucuns Monasteres, Commanderies, Eglises ny communau-
tez Ecclesiastiques ou seculieres. En ce faisant la possession que les gens de main-morte voudroient pretendre seroit contraire, quoy que ce soit repugnante à la loy du Royaume, consequemment de mau-
uaise foy dès le commencement d'icelle. En sorte que telle pretendüe possession ne pourroit par le moyen de leur incapacité, induire prescrip-
tion, *cap. vigilant. & cap. final. de prescript. ext. cap. causam qua ext. eodem. cap. dudum. de dec. ext.*

*Seconde rai-
son.*

La seconde raison est, que le droict de nouveaux Acquests est Royal, domanial, honorifique & souuerain, deu au Roy, en recognoissance de souueraineté & superiorité que le Roy a en tous les biens temporels de l'Eglise Gallicane, partant imprescriptible, *l. i. & finali. C. ne rei dom. vel templ. l. competit. C. de presc. 30. vel 40 an.*

*Troisiesme
raison.*

La tierce raison est, que les predecesseurs Roys de France, par le moyen de la negligence de leurs Officiers, qui n'ont leué le droict de nouveaux Acquests, sur quelques Benefices, Monasteres ou Communau-
tez, n'ont peu preiudicier à leurs successeurs Roys. Et par le moyen de ceste negli-
gence & omission, les droicts domaniaux de la Couronne de France, comme est le droict de nouveaux Acquests, n'ont peu estre prescripts.

Attendu que prescription emporte alienation, laquelle leur est interdite, *qui enim patitur usufructu, alienare censetur. l. alienationis verbum. ff. de verb. & rer. signific. l. nam satis ff. quemad. scruit. amitt.*

La quatriesme raison est, que la loy estant generale en France, defendant à tous gens de main-morte posséder heritages & droicts immobiliers au Royaume, elle doit estre generalement gardée, sans que les vns soient plus priuilegiez que les autres, ce qui aduiendroit si quelques Beneficiers, Religieux, Commandeurs, ou autres gens de main-morte, estoient exempts du droict de nouveaux Acquests, par le moyen de prescription, sans aucun amortissement, permission ou concession des Roys de France.

Quatriesme
raison.

Il y a plusieurs autres raisons pour confirmation de ce que dessus deduites, tant au 28. chap. du droict d'Aubeine, par nous nagueres mis en lumiere, qu'au 14. chap. du present Traicté.

Quelle finance est deuë au Roy à cause du droict de nouveaux Acquests : Et pour quel temps anciennement il a esté leuë.

CHAPITRE XXXVIII.

LE principal poinct qu'il conuient discuter pour entendre l'effect, profit & vtilité du droict de nouveaux Acquests, est de sçauoir quelle finance est deuë au Roy par les gens de main-morte subiects au droict de nouveaux Acquests, & à quelle somme ils doiuent estre taxez pour les heritages & droicts immobiliers qui leur appartiennent en France. *Le droict de nouveaux Acquests se paye au prorata de la iouissance passée.*

Aussi de cognoistre pour quel temps anciennement on a leuë le droict de nouveaux Acquests.

Ces deux questions combien qu'elles deussent estre traictées au present chap. toutesfois d'autant qu'on n'en peut auoir parfaicte cognoissance, sans vn long & prolix discours : nous auons reserué d'en parler en la 5. partie du present Traicté. En laquelle monstrerons la forme des declarations que les gens de main-morte sont tenus bailler des heritages & droicts immobiliers à eux appartenus, lors qu'on leue le droict de nouveaux Acquests, & comme Messieurs les Commissaires ont accoustumé proceder à la taxe de la finance deuë au Roy à cause de ce droict.

A present nous dirons seulement, que la taxe qui se fait par Messieurs les Commissaires n'est que pour la tolerance de la iouissance que les gens de main-morte ont eu par le passé, d'heritages feodaux, alaudiaux ou censuels, & droicts immobiliers, situez en France : de la propriété & possession desquels ils sont incapables. Et que la taxe se fait au prorata qu'ils en ont iouy, & au feur l'emplage, comme dict l'ordonnance. En ce faisant la finance qui se paye pour le droict de nouveaux Acquests, ne con-

cerne aucunement la propriété de l'heritage possédé par gens de main-morte, ny la possession future, & pour l'aduenir : Mais la taxe de ceste finance se faict, à cause de la iouissance du temps passé, & au prorata d'icelle, tout ainsi que du droit de francs-Fiefs. Tellement que le beneficier qui n'a iouy que par huit ans d'un heritage, d'une rente, ou autre droit immobilier, est moins taxé que celui qui en a iouy par 10. 20. & 30. ans. Et on considere tousiours le temps de la iouissance passée, ainsi qu'il a esté dict au 38. chapitre.

*Le droit de
nouveaux
Acquests ne
se leue que
de 40. ans en
40. ans, ou
de 30. ans
en 30. ans.*

Au regard du temps auquel anciennement se leuoit le droit de nouveaux Acquests, on peut cognoistre, tant par les anciennes ordonnances, & instructions faictes sur les droits de francs-Fiefs & nouveaux Acquests, que par plusieurs lettres patentes pour cest effect decernées par nos Roys, que le droit de nouveaux Acquests anciennement n'estoit leué, que de 40. ans en 40. ans, ou de 30. ans en 30. ans. Et de nostre temps du regne du Roy Charles IX. a esté leué pour 25. ans, comme le tout sera amplement traitté en la 5. partie du present discours, & qu'auons succinctement dict au 28. chap.





QUATRIESME PARTIE

TRAICTANT DV DROICT D'AMORTISSEMENT.

*De l'ordre & continuation de ceste quatriesme partie, avec
les trois precedentes. Et que c'est qu'Amortissement*

CHAPITRE XXXIX.



AR la lecture des deux premieres Parties du present Traicté, chacun peut cognoistre que c'est que droict de francs-Fiefs, pourquoy il a esté introduict, & en quoy il consiste. Aussi que les roturiers possedans heritages nobles en France (qui seuls sont subiects à ce droict) ont accoustumé obtenir lettres d'Anoblissement du Roy, à ce que librement ils puissent acquerir & tenir fiefs & heritages nobles dedans le Royaume, sans payer le droict de francs-Fiefs, & finance deuë à cause d'iceluy. Pareillement on peut entendre par le discours de la 3. Partie, que c'est que droict de nouveaux Acquests, pourquoy il a esté receu en France, & en quoy il consiste: & que les gens de main-morte sont subiects à ce droict, & payement de la finance deuë à cause d'iceluy, pour tous les heritages & droicts immobiliers qu'ils possedent en France, lesquels ne sont armortis par le Roy.

*Brief recit
des trois
parties pre-
cedentes.*

Il semble qu'à present il sera bon declarer la forme & effect des lettres d'Amortissement, que les gens de main-morte ont accoustumé obtenir du Roy, à ce qu'il leur soit loisible acquerir & posseder heritages & droicts immobiliers au Royaume de France, sans estre contraincts en vuidier leurs mains, ny subiects au droict de nouveaux Acquests. A ceste fin donner à entendre que signifie le nom d'Amortissement: combien il y a d'especes d'Amortissement: pourquoy anciennement ils ont esté octroyez aux gens de main-morte: quelle recompense est deuë tant au Roy, à cause des Amortissemens obtenus de sa Majesté, qu'aux Seigneurs feodaux, censiers, & haut-Iusticiers, pour leur indemnité: comme les lettres d'Amortissement doiuent estre verifiées: & quel profit elles apportent aux impetrans d'icelles. Et à ce que le tout puisse

*Continua-
tion de ceste
quatriesme
partie, avec
les trois pre-
cedentes.*

estre facilement entendu, nous parlerons en premier lieu des droicts du Roy, & de ce qui est deu à sa Majesté par ceux qui obtiennent lettres d'Amortissement. Apres nous parlerons de l'indemnité deuë aux Seigneurs feodaux, censiers, & hauts Iusticiers, & traicterons plusieurs questions qui les concernent:

Amortissement que
c'est.

Pour donc commencer à l'interpretation du nom d'Amortissement, & donner à entendre ce qu'il signifie: nous sommes contraincts repeter partie du contenu au 3. chap. du present Traicté. Et dire qu'Amortissement est permission ou dispense octroyée par le Roy à gens de main-morte de posseder heritages en France: sans qu'ils puissent estre contraincts en vuidier leurs mains: & ce nonobstant les Statuts & Ordonnances, par lesquelles il leur est prohibé tenir heritages au Royaume. En sorte que par le moyen des lettres d'Amortissement, les gens de main-morte sont dispensez & faits capables de posseder heritages en France, soient feodaux, alaudiaux, ou roturiers, lesquels ils estoient incapables de tenir. Et ce mot d'amortir ne signifie autre chose sinon permettre à gens de main-morte, perpetuellement posseder heritages, sans qu'on les puisse contraindre les alienier & mettre hors de leurs mains. *Ita interpretatur Petrus Bellugain suo speculo, rubrica 14. §. videamus. Amortisatio, inquit, est in manum mortuam translatio principis iussu. Molinaus in consuetudinibus Parisiensibus. §. 41. col. 68. Guillelmus Benedicti in cap. Raynutius, in verb. uxorem nomine Adelasiam, dec. 5. numero 32.*

[Depuis Guillaume le Bastard, Duc de Normandie, l'a portée en Angleterre, qu'il a conquis, *Polido. lib. 17. annal. Angl. Matth. de Afflictis decis. Neapo. 324.* Loy apportée en Sicile, soit par les mesmes Normans, ou François, Robert, Guichard & Roger, freres, enfans de Thancred, & quelques autres, qui enuiron l'an 1037. de Iesus-Christ, s'emparerent de Naples & de la Pouille, & y planterent le Royaume qui a esté depuis, eu par Charles d'Anjou, frere de saint Louys, & ses descendants, inuesty dudit Royaume par le Pape Clement IV. lesquels depuis la planterent aussi au Comté de Venise & en Auignon, qu'ils tenoient avec le Comté de Prouence, de la succession de la femme dudit Charles, fille du Comte de Prouence, *Venet. stat. lib. 4. cap. 56.*

Bien plus, car par la loy de France, le Seigneur du Fief peut contraindre l'Eglise à vuidier de son Fief, ores qu'elle offre le prix d'iceluy. Toutes-fois ce droit seigneurial & Royal demeure esteint & remis par les lettres d'Amortissement, qu'il plaist à sa Majesté en octroyer, & semble que ceste loy Françoisise est fondée sur la mesme raison que celle que P. Quintus Papirius, Tribun du peuple, establit dans la ville de Rome, sur ce que la coustume estant de consacrer & voier les maisons qui à ceste occasion n'estoient par apres estimées sacrées, comme pareillement les champs & terres occupées sur les ennemis, ainsi qu'il fut obserué du Champ de Mars, apres que Tarquin le superbe fut chassé de la ville, finalement les Autels qui estoient aussi sacrez, afin que le lieu où ils se trouuoient fust estimé saint & religieux: d'autant que ces ceremonies prouoient les maistres particuliers de leur bien, & retiroient les choses consa-

crées du commerce des hommes, fut inhibé & defendu de faire entreprendre telles consecrations sans le consentement & veuë du peuple, qui estoit le souuerain en la Republique, & auoit le plus d'interests, que par tant de consecrations & de vœux, la plupart des choses profanes ne fussent reiettées du trafic & negociation d'un chacun, *Cicer. pro. domo sua, le Charon lib. primo pandec. N. B. P. I.*]

Que nonobstant les anciennes Ordonnances, a esté permis aux Ecclesiastiques, & autres gens de main-morte, acquerir & posseder heritages en France. A ceste fin leur ont esté octroyées lettres d'Amortissement, & pourquoy.

CHAPITRE XL.



OMB IEN que par les anciennes loix, Ordonnances & Pourquoy on a permis en France, que les gens de main-morte pussent posseder heritages. statuts du Royaume, il soit prohibé aux personnes Ecclesiastiques, Communautéz, & autres gens de main-morte, posseder heritages & droicts immobiliers en France, & qu'ils pussent estre contraincts en vuidier leurs mains dedans an & iour, ainsi qu'il a esté amplement deduit en

la 3. partie du present Traicté: Toutesfois par succession de temps, on a trouué iuste, equitable, & raisonnable, de tolerer & permettre aux gens d'Eglise & de main-morte, auoir, tenir, & posseder biens & heritages à eux appartenans: & qu'ils les pussent perpetuellement posseder, sans estre contraincts en vuidier leurs mains: & ce pour quatre raisons principales.

La premiere, à ce que par le moyen de tels biens & heritages, les Ecclesiastiques pussent estre substantez, nourris & alimentez: leurs Eglises, Monasteres, & habitations entretenues. Et que les Communautéz de villes, bourgs, villages, & Colleges, pussent subuenir à leurs communs affaires, reparations, & fortifications de leurs villes & bourgades. Aussi que les pauvres des Hospitaux & Maladeries, pussent estre nourris & alimentez: Ainsi qu'il est escrit au 40. Canon des Apostres, commençant, *Præcipimus ut episc. & in cap. futuram Ecclesiam. & cap. videntes 12. quæst. 1.* Où il est parlé de la donation faicte par Constantin le grand, & des priuileges qu'il octroya aux gens d'Eglise, d'acquerir terres & possessions, tant en Italie, qu'en tout l'Empire Romain.

La seconde raison de ceste tolerance & permission semble auoir esté à ce que par indigence, mendicité & necessité, les Ecclesiastiques ne fussent distraicts du seruice diuin, & qu'ils pussent subuenir aux frais necessaires pour l'entretienement d'iceluy. Seconde raison.

La troisieme, à ce que de tels biens & facultez, les Ecclesiastiques & Communautéz pussent subuenir aux pauvres & indigens. Partant est dit, Troisieme raison.

Oportet Episcopum hospitalem esse: ce que l'Euesque ne pourroit faire, s'il n'auoit des biens temporels.

*Quatriesme
raison.*

La quatriesme, à ce que de tels biens & facultez le Roy puisse estre secouru en ses vrgens affaires & necessité de ses guerres. Ce qui est tres-iuste & raisonnable: veu que les Ecclesiastiques ne peuuent posseder heritages au Royaume, sinon par la permission, souffrance & tolerance des Rois de France.

*Les gens de
main-morte
se sont as-
seurez par
le moyen
des Amor-
tissemens
qu'ils ont
obtenu du
Roy.*

*Le droit
d'Amortif-
sement con-
cerne le
Roy, & le
droit d'in-
demnité
concerne les
Seigneurs
feodaux &
censiers.*

Et pour s'asseurer par les Ecclesiastiques, & autres gens de main-morte, & empescher l'effect des Ordonnances cy-dessus recitées, prohibitives de tenir par les Ecclesiastiques heritages en France, & leur interdisant le commerce d'iceux, comme de choses profanes, ils se sont aduisez obtenir dispense, congé & permission du Roy, de pouuoir posseder heritages en France, sans qu'ils peussent estre contraincts en vuidier leurs mains, en baillant finance ou autre recompense, tant au Roy, qu'aux Seigneurs feodaux ou censiers, desquels les heritages à eux appartenans estoient tenus & mouuans. Et telle dispense & permission a esté vulgairement appelée Amortissement: Car ce mot d'Amortissement ne signifie autre chose, sinon permission & dispense octroyée à gens de main-morte, de perpetuellement posseder heritages, sans qu'ils soient cōtraints en vuidier leurs mains. Et ce qu'on paye au Roy pour telle permission & dispense, est appelé droit d'Amortissement. Et ce qu'on paye au Seigneur feodal, ou censier, est appelé droit d'indemnité. Parce qu'au moyē de la recompense, ou bien du denier qu'on luy baille, il est indemnisé de toute perte, & dommage qu'il souffre au moyen de ce que l'heritage feodal ou roturier mouuant de luy, est possédé par gens de main-morte. Ainsi qu'il a esté amplement déclaré au 36. chap. & par du-Moulin es Coustumes de Paris, article 14. numero 68.

*Le Roy seul peut amortir les heritages possedez par gens de
main-morte, & leur octroyer lettres d'Amortissement.*

CHAPITRE XLI.

*Les Pairs,
Ducs, Com-
tes, & au-
tres Sei-
gneurs es-
sés en France
ont voulu
s'attribuer
le droit
d'Amortif-
sement.*



O V T ainsi que les haut-Iusticiers de ce Royaume se sont voulu attribuer au dedans de leurs hautes Iustices & destroict d'icelles, les droicts d'Aubeine, & de Bastardise: ainsi qu'il a esté deduiet es deux premiers Traictes, par nous n'agueres publiez: aussi ils se sont voulu attribuer le droit d'Amortissement, & se sont efforcez d'amortir les terres, heritages, & autres droicts immobiliers, que les gens de main-morte auoient acquis au dedans de leurs hautes Iustices, terres, & Seigneuries.

De faict on void ordinairement plusieurs lettres, tiltres & chartres en forme d'Amortissement anciennement octroyez par les Ducs d'Anjou,

de Berry, & de Bourbon, Comtes de Champagne, & autres Seigneurs de ce Royaume, mesmes par aucuns Pairs de France, tant Ecclesiastiques que laiz, portant ces mots; Auons amorty & amortissons. Et pour raison de ce, les Pairs, Ducs, Comtes, Barons, & autres Seigneurs ont prins finance des gens d'Eglise, & autres gens de main-morte; tout ainsi que s'ils eussent esté souverains en leurs Pairies, Duchez, Comtez, & Seigneuries: & n'eussent recogneu le Roy de France pour leur souverain Seigneur, auquel ils doiuent foy & hommage lige, & tous autres droicts Seigneuriaux & fcodaux.

Mais quand il est question de leuer le droit de nouveaux Acquests, & deniers deubs à cause d'iceluy, Messieurs les Commissaires deputez pour cest effect, n'ont aucun esgard à tels tiltres en forme d'Amortissements, encores qu'en iceux les heritages pretendus amortis, soient particulièrement declarez: & que pour raison de ce, finance ayt esté payée aux Seigneurs dessusdits, ainsi qu'il sera déclaré au soixante-neufiesme chapitre du present Traicté.

Car le Roy seul peut amortir en France, priuatiuement à tous Seigneurs, comme seul souverain, & Empereur en son Royaume; lequel il tient immediatement de Dieu, sans recognoistre aucun superieur, & à sa seule Majesté appartient d'octroyer lettres d'Amortissement à gens de main-morte, possédans heritages ou droicts immobiliers en France. Ainsi qu'il a esté iugé par plusieurs Arrests de la Cour, mesme par Arrest donné contre l'Eueque de Chaalons, l'an 1277. escrit au liure intitulé *Olim*, estant au Greffe de la Cour de Parlement, fueillet 40. Et se commence, *Pronunciatum fuit quòd capitulum*. Autre arrest escrit au mesme liure, fueillet 39. commençant, *Ordinatum fuit per consilium Domini Regis*, de semblable datte que le precedent. Et le liure intitulé *Olim*, auquel sont escrits plusieurs anciens Arrests notables, se commence, *Olim homines de Bayona regni nostri*. Le semblable est porté par ordonnance faicte par le Roy Charles le Quint, le 8. May 1372. enregistrée au 72. fueillet des ordonnances de Parlement, ainsi qu'il est recité és quarante-sept & cinquantesme Arrests, recueillis par maistre Jean le Coq, & és Decisions notables de monsieur le Maistre, Traicté premier, chapitres premier & deuxiesme. Et plus amplement contenu en vne ancienne ordonnance, escrite au soixantesme fueillet des ordonnances de Parlement, commençant par ces mots: Ce sont les droicts souverains & de ressort, & autres droicts Royaux, au Roy nostre Sire appartenans seul, & pour le tout. La teneur de laquelle ordonnance nous ferons transcrire au Traicté par nous dressé des droicts de Iustice. Comme la cognoissance d'icelle estant necessaire à tous les Officiers Royaux du Royaume de France, pour la conseruation, tution, & defense des droicts, authoritez, & préeminences appartenans au Roy: & obuier aux entreprises que les haut-Iusticiers font ordinairement sur les droicts de sa Majesté.

Et ceste autorité & préeminence que le Roy seul puisse amortir en France, est conforme à la disposition de droit ciuil, *in l. fin. ff. ut in possess. leg. disposition*

Le Roy seul
peut amor-
tir en Fran-
ce.

Suivant la
disposition

de droict le
Roy seul
peut amor-
tir.

in L. sacraloc. versic sciendum. ff. de rer. diuis. L. apud Iulianum. §. finali. ff. de legat. 1. Où il est dit, que *res existens in commercio hominum non potest fieri publica aut sacra, vel eximi commercio, nec transire in manum mortuam sine permissu Imperatoris*. Pareillement se verifie par la disposition canonique in cap. quo iure, distinct. 8. in verbis, *per iura Regum possidentur possessiones*. & cap. quicumque vos 23. quest. cap. inter dilectos. in ver. *per privilegia Romanorum Imperatorum*, de fidei instr. ext. Panor. in cap. veniens, de accusat. ext. Ainsi qu'il fut plaidé en la Cour, le 7. Feurier 1554. en la cause d'entre les Religieux, Prieur, & Conuent de Saint Nicolas Dally, & vn nommé Collier.

Comme le
Roy seul
peut amor-
tir.

Aussi iustement on peut dire, tout ainsi que le Roy seul peut en France habilitier & rendre capables les estrangers à succeder, & tenir heritages en France, ensemble les bastards à venir à succession, & *ut vulgo dicitur, non successibiles facere successibiles*, & seul affranchir & faire libres les gens de condition serue: Aussi le Roy seul peut habilitier, & rendre capables les gens de main-morte, d'acquérir & posseder heritages en France, combien que de leur chef ils soient incapables: cap. per venerabilem. ext. qui filij sint legit. notat Baldus in rubrica Codicis in columna incipiente, iuxta hoc quero. Arrest du premier Iuin mil cinq cens soixante & vnze, pour la Dame de Vauldry: ainsi qu'il a esté déclaré es 4. & 24. chapitres du droict d'Aubeine, & 9. chapitre du Traicté de Bastardise. Et per Ioannem Ferrault in tractatu de iuribus & privilegiis Regni Francie, Priuilegio 15. & 16.

Raisons de
ce que des-
sus.

Et que le Roy seul puisse amortir en France, la raison est apparente. Car tous heritages, tant feodaux, que roturiers, situez au Royaume, estans tenus du Roy en fief, ou arriere-fief, censue, ou arriere-censue, ou bien en franc-aleu, comme nous auons monsté au vingt-sixiesme chapitre: la Majesté ne peut estre priuée du droict qu'elle a es heritages situez en ce Royaume, en tout, ny en partie, sans le gré, vouloir, & consentement dudit Seigneur. L. finali. ff. de pact. L. id quod nostrum. ff. de regul. iur.

Heritages
amortis sont
comme A-
lodiaux.

Or il est certain, que si les Pairs de France, Ducs, Comtes, Barons, & autres Seigneurs estans au Royaume, pouuoient amortir les heritages qui sont au dedans de leurs Pairies, Duchez, Comtez, & Seigneuries: le Roy seroit entierement priué du droict qu'il a en iceux, & de tous profits, tant feodaux, censuels, que autres. D'autant qu'heritages amortis sont faicts alaudiaux, par ce moyen, francs, libres, & exempts de tout droict feodal, seigneurial, & censuel: comme il a esté dict au second chapitre, & sera déclaré au cinquantesme chap. du present Traicté. *Alodium enim est proprietas, quæ à nullo recognoscitur. Vel alodium dicitur proprium & liberum alicuius patrimonium, quod à nemine alio tenetur, nec recognoscitur, nisi à solo Deo, ut inquit Guill. Bened. in cap. Raynatus. in verb. uxorem nomine Adelasiam. decision. 2. col. 5. & Aluarotus in §. inter filiam. si de feud. defuncti con. si inter do. & ag. in vrb. feud. Gloss. in L. penult. Cod. de in-gen. manu.*

Ce qu'estant veritable, il est euident que le Roy seul peut amortir en France.

Dauantage il a esté dit au chap. precedent, que les amortissemens ont esté principalement octroyez aux gens de main-morte, à ce qu'il leur soit loisible perpetuellement posseder les heritages par eux acquis, sans estre contraints en vuidier leurs mains. Or il est notoire que le Roy peut contraindre les gens de main-morte, vuidier leurs mains des heritages par eux acquis sans sa permission, congé, & licence : nonobstant les permissions de posseder heritages à eux octroyées par les Seigneurs de son Royaume. Au moyen de la perte & dommage que sa Majesté auroit, si telles permissions estoient tolerées, & auoient effect d'amortissement : Laquelle perte est euidente, parce qu'aduenant ouuerture des Archeueschez ou Eueschez subiects à Regale, ou bien des Duchez, Comtez, Baronnies, & autres Seigneuries mouuantes immediatement du Roy, desquelles seroient tenus les heritages feodaux ou roturiers, possédez par les gens de main-morte : Le Roy pendant l'ouuerture desdits Eueschez, Duchez, Comtez, & autres Seigneuries, ne pourroit iouyr ny auoir aucun profit des heritages tenus par les gens de main-morte : Lesquels iamaïs ne meurent, iamaïs n'alienent, de leur part n'y a iamaïs mutation, & ne peuuent confisquer, comme il a esté dit audit 26. chapitre. Partant il est raisonnable que le Roy seul puisse octroyer lettres d'Amortissement en France.

Autre raison de ce que dessus.

Il y a plusieurs autres raisons qui sont deduites és Ordonnances, ou plustost instructions dressées pour le faict des Amortissemens, francs-Fiefs, & nouveaux Acquests, qui seront transcriptes à la fin du present Traicté. Par la lecture desquelles on peut cognoistre, que le Roy seul peut amortir les heritages situez en France, tenus par gens de main-morte.

Et combien que les Seigneurs haut-Iusticiers, feodaux, ou censiers, par accord faict avec eux, ayent promis ne contraindre les gens de main-morte vuidier leurs mains des heritages qui leur appartiennent, situez au dedans de leurs hautes Iustices, fiefs, ou censives : Toutesfois tels heritages ne sont pas amortis ; car nonobstant ladite composition, accord & consentement, le Procureur du Roy contraindra lesdits gens de main-morte ; vuidier leurs mains desdits heritages, ou bien prendre lettres d'Amortissement du Roy : apres l'impetration desquelles, & qu'elles auront esté deuëment verifiées, les Seigneurs hauts-Iusticiers, feodaux ou censiers ne pourront contraindre les gens de main-morte, vuidier leurs mains des heritages qu'ils auront acquis en leurs hautes Iustices, fiefs, ou censives : mais seulement pourront requerir leurs droicts d'indemnité, comme il sera dit au 48. chapitre.

*Qu'il y a trois sortes d'Amortissemens practiquez
en France.*

CHAPITRE XLII.

*Premiere es-
pece des A-
mortissemens
generaux.*



Il y a trois sortes d'amortissemens qui sont communément receus en France.

La premiere espece est, des Amortissemens generaux, qui sont octroyez par le Roy à tous les habitans d'un pays, ou à toute vne Prouince; ou generalement au Clergé du Royaume de France. Ou bien à vn Diocese, ou à vne Abbaye, Prieuré, ou Chapitre. Et par tels Amortissemens generaux, sont amortis tous les heritages & droicts immobiliers, lors appartenans en commun aux habitans de tout vn pays, ou d'une Prouince, ou à tous les Ecclesiastiques d'un Diocese: ou generalement à tout le Clergé du Royaume de France. Ou bien tout le reuenu temporel d'une Abbaye, Prieuré, ou Chapitre, sans aucune declaration ne specification des heritages par eux possédez, & droicts à eux appartenans. Ainsi qu'il apperra par les copies des Amortissemens generaux, transcripts au chapitre subsequant.

*Seconde es-
pece des A-
mortissemens
particuliers.*


La seconde espece est, des Amortissemens particuliers, lesquels sont declarez par le menu & au vray par tenans & aboutissans, les heritages feodaux, alaudiaux ou roturiers, qui sont amortis, ou bien l'heritage & droict immobilier qui est amorty.

*Troiesime
espece des
Amortisse-
mens mix-
tes.*

La troiesime espece est, des Amortissemens mixtes, qui ne sont generaux pour tout vn pays, pour vne Prouince, ny pour vn Diocese, aussi ne sont particuliers pour vn simple heritage, ou vne simple Seigneurie: Mais concernent generalement toutes les terres, Seigneuries, cens, rentes, & droicts immobiliers appartenans à vne Abbaye, Prieuré, Chapitre ou Communauté, à quelque tiltre que ce soit, sans aucunement les specifier ny declarer. Et encores tels Amortissemens contiennent permission particuliere d'acquérir outre ceux ja acquis, iusques à deux cens liures tournois de rente, plus ou moins. Et le tout se peut facilement cognoistre par la lecture des copies des Amortissemens, transcripts és trois prochains chapitres.

*Forme d'Amortissemens generaux. Mêmes sont trans-
criptes les Amortissemens generaux octroyez par les
Rois François I. & Henry II. és années 1522. 47.
& 51. à aucunes Prouinces & Dioceses du Clergé de
France.*

CHAPITRE XLIII.



POUR facilement entendre que c'est qu'un Amortisse-
ment general, nous auons fait transcrire au present cha-
pitre les copies de l'Amortissement general octroyé au
Diocese de Paris par le Roy François I. du nom, en l'an
1522. Ensemble des Amortissemens generaux octroyez
au Clergé de France, & Dioceses de la Prouince de Sens,
par le Roy Henry II. és années 1547. & 51. Et ce pour deux raisons prin-
cipales.

*Pourquoy
les Amor-
tissemens
generaux
octroyez par
les Roys
François &
Henry, sont
transcripts
au present
Traicté.*

La premiere, parce que lesdits Amortissemens ont esté dressez par les
plus experts & plus doctes du Royaume: & par la lecture d'iceux on peut
cognoistre la nature, qualité, & effect des Amortissemens.

La seconde raison est, parce qu'ordinairement lesdits Amortissemens
sont alleguez, & plusieurs en ont affaire, qui ne les peuuent commodé-
ment recouurer, ny sans grands fraiz.

*Ensuit la teneur de l'Amortissement general octroyé au
Diocese de Paris, par le Roy François I. du nom, en l'an-
née 1522. avec la verification d'iceluy faicte en la Cham-
bre des Comptes.*



FRANÇOIS par la grace de Dieu Roy de France. Comme
pour obuier aux damnées entreprises de nos ennemis, &
promptement suruenir aux vrgens & tres-grands affai-
res qu'auons eu pour la tuiton & defense de nostre Roy-
aume, Pays, Terres, Seigneuries & subjects, qui estoient
assaillis en plusieurs lieux, tant par les Anglois nos anciens
ennemis, Flamens, qu'autres leurs adherans & allies, comme encores
sont à present. Et que les finances extraordinaires de nos guerres, & autres
n'y pourroient fournir ny satisfaire: Ayans esté contraincts à plusieurs &
diuerses fois vendre grande partie de nostre Domaine ordinaire, & aydes,
& faire plusieurs autres cheuissances pour recouurer deniers. Et voyans
iceluy ne pouuoir fournir ne satisfaire: Aduertis que plusieurs Eglises Me-
tropolitaines & Cathedrales, Colleges, Chapitres, Abbayes, Prieurez,

*Teneur de
l'Amortisse-
ment gene-
ral octroyé
par le Roy
François I.
au Diocese
de Paris.*

162 *Quatrieme Partie traitant*
Cures & Communautéz de nostre Royaume, tenoient & possedoient à diuers tiltres, plusieurs terres, Seigneuries & possessions, tant nobles, roturieres, qu'en franc-aleu. Sans auoir esté par nous ou nos predecesseurs Roys, amortis, ne nous auoir payé la finance ou indemnité sur ce deuë, dont nous en pourroient venir grandes sommes de deniers, qui seroit pour subuenir à nosdits affaires, & empescher la totale distraction, & vendition de nostredit Domaine. A ceste cause eussions par nos lettres patentes ordonné commandement leur estre faict, de vuidier leurs mains dedans certain temps, desdites terres, Seigneuries, & possessions non amorties, comme dit est. Ou nous en payer finance pour leur amortissement, selon & ensuiuant les anciennes ordonnances sur ce faictes. Et à ceste fin ayent esté par nos deputez outre nos Baillifs, & Officiers ordinaires des lieux, plusieurs bons & grands personages, Presidens de nos Cours, & autres Commissaires pour proceder au faict desdits Amortissemens: & faire saisir toutes & chacunes lesdites terres & possessions non amorties: & autremēt y pourueoir selon nos lettres patentes, & instructions sur ce faictes à eux enuoyées. En executant lesquelles nos lettres & vouloir, ils ont par long espace de temps vacqué & procedé à plusieurs & diuers Amortissemēs. Mais voyans la grādeur de nostredit Royaume, & grand nombre de gens d'Eglise, & autres qui auoient & ont à amortir: & que nosdits Commissaires ne pourroient en plusieurs années auoir mis fin à leursdites Commissions, & que cependant les biens desdites Eglises, & particuliers d'iceluy estoient saisis, & plusieurs Commissaires establis, qui receuoient le reuenue d'iceluy amorty, & non amorty. Et tellement qu'en plusieurs Eglises, le diuin seruice pourroit estre interrompu & cessé en tout ou partie. Considerans aussi qu'estions presseés de recouurer promptement vne grosse somme de deniers, pour seruir & nous ayder au faict de nosdites guerres & affaires: mesmement pour resister à l'entreprise de nosdits ennemis. Et eu sur ce aduis avec les Princes & Seigneurs de nostre sang, & autres gens de nostre Conseil, tant pour le bien, que pour le soulagement du Clergé de nostre Royaume, duquel auons grandes plaintes & doleances, pour les extraordinaires traualx qu'ils enduroient, & leur donnoient les executeurs Sergens & sous-Commissaires particuliers, qui demandoient gros fraiz & salaires, excedans souuent la finance qui deuë nous estoit pour nostre droict d'Amortissement. Et aussi pour promptement recouurer vne grosse somme de deniers, à vn ou deux briebs termes. Auons de nostre vouloir, pleine puissance, & autorité Royale, & par l'aduis des Prelats, Colleges, Chapitres, Abbayes, Prieurez, Cures, & Communautéz de nostredit Royaume, par chacune Prouince & Diocese, particulièrement pour ce assemblez: afin de composer pour leursdites terres, Seigneuries & possessions, tant nobles, roturieres qu'en franc-aleu, & autres choses qu'ils tiennent esdits Dioceses, à certaines sommes; & à ceste fin ont esté enuoyez par nous plusieurs Commissaires, & escrit à diuers Prelats & autres, pour leur faire entendre nostre vouloir & deliberation: lesquels cognoissans ce que dessus estre au bien & honneur de Dieu, accroissement & stabilité de son diuin

service : Aucuns desdits Prelats, & autres bons personages desdits Clergez sont venus vers nous, & autres ont escrit & enuoyé pour nous remercier bien humblement & affectueusement, de nos grace, liberalité, bon & sain desir & vouloir qu'auons au soulagement de leursdits Clergez. Lesquels liberalement ont cheuy & composé avec nous, & obtenu nos lettres & prouisions sur ce necessaires. Et entre autres les Prelats, Chapitres, Colleges, Abbez, Prieurs, & Clergez, des Dioceses de la Prouince de Sens, dont n'y reste plus à composer que ceux du Diocese de Paris, lesquels apres auoir eu quelques aduis, & traicté par entre eux ou leurs Commis & deputez, & auoir entendu nostredit vouloir & intention de composer avec eux, comme ja auons faict avec les autres. Et aussi que lesdits Commissaires ont ja leué grosse finance, & procedé à plusieurs Amortissemens particuliers d'iceluy Diocese : Nous ont libealelement présenté & offert pour ledit Diocese, à la raison de deux decims & demie : ainsi qu'en semblable ont faict les autres Dioceses suffragans dudit Archeuesché de Sens : Qui reuiendrait à la somme de douze mil quatre cens vingt-cinq liures dix sols tournois, pour demeurer quitts avec nous de ce qu'ils pourroient deuoir à cause desdits Amortissemens, de toutes & chacunes les terres ; Seigneuries & possessions quelcscoques, que tiennent lesdits Prelats, leurs Eglises, & autres Collegiales, Chapitres, Abbayes, Prieurez, Preuostez, Cures & Paroisses, y compris les Hospitaux, Maladeries, Commanderies, & autres Eglises, qui ont comprinses & declarées au roolle de la decime leuée audit Diocese de Paris, en l'année mil cinq cens dix-huict. Et les Chartreux dudit Paris pour la somme de deux cens cinquante liures tournois. De laquelle somme de douze mil quatre cens vingt-cinq liures dix sols tournois sera deduit & rabatu les parties qui s'ensuiuent. C'est assauoir pour ceux dudit Diocese qui ont amorty à nosdits Commissaires, deux cens soixante dix liures quinze sols tournois : pour ceux qui ont payé par auance plus que leurs taxes & parpayes de leursdites taxes, dix-sept cens neuf liures neuf sols quatre deniers obole tournois. Pour ceux qui ont esté renuoyez par nosdits Commissaires sans finance, & n'ont rien payé, dix-sept cens neuf liures deux sols six deniers tournois. Et pour ceux qui n'ont amorty, ne payé, ny esté renuoyez sans finance, parce qu'ils se dient exempts, & ne veulent payer, qui seront exceptez de ce present Amortissement, pour en disposer à nostre plaisir, qui monte dix-neuf cens cinquante liures tournois. Lesquelles parties reuenans à cinq mil six cens trente-neuf liures cinq sols dix deniers tournois, ainsi que plus à plein peut apparoir par un extraict desdites parties en parchemin, signé, & y attaché sous le contreseel de nostre Chancellerie. Et par ainsi ne restoit que la somme de six mil sept cens quatre vingts six liures quatre sols deux deniers tournois, à laquelle somme de six mil sept cens quatre vingts six liures quatre sols deux deniers tournois, faut adiouster quatre cens liures tournois, qui seront payez outre & par dessus la taxe de la decime de douze mil quatre cens vingt-cinq liures dix sols tournois, par nostre amé & feal Conseiller l'Euesque

de Paris, qui n'estoit compris en ladite taxe, pour & afin qu'il iouysse de ce present Amortissement, avec le Clergé de son Diocese. Et par ainsi restera la somme de sept mil cent quatre vingts-six liures quatre sols deux deniers tournois, pour le parfait desdits douze mil huit cens vingt-cinq liures dix sols tournois, que ceux dudit Diocese nous payeront: en ce compris ladite somme de quatre cens liures tournois, qui sera payée par nostredit Conseiller l'Euesque de Paris. Laquelle somme de sept mil cent quatre vingts six liures quatre sols deux deniers tournois, lesdits Euesque, Chapitres, gens d'Eglise, & Clergé dudit Diocese de Paris, offrent nous payer à deux termes & payemens par moitié: C'est assauoir le premier iour de May, & dixiesme dudit mois prochain venant. A ceste cause nous ont humblement prié & requis, nous vouloir contenter de ladite somme pour leurdit Amortissement: & sur ce leur impartir nostre grace & octroyer nos lettres. Sç A V O I R faisons que, nous ces choses considérées, & les grands inconueniens, tant chertez, pestes, mortalité, & autres fortunes qui sont aduenües depuis deux ans en ça audit Diocese de Paris, & autres grandes charges qu'ils ont portées & portent. Cognoullans la bonne affection qu'ils ont enuers nous & nostre Royaume, desirans fauorablement les traicter, à ce qu'ils soient plus enclins prier & interceder enuers Dieu nostre Createur, & la tres-glorieuse sacrée Vierge Marie sa mere, du tiltre de laquelle ladite Eglise de Paris est fondée, pour la prosperité de nous, & de nostredit Royaume, & de nostre compagne la Roynie, & de nos enfans & lignée, ayans leurte offre agreable: Auons audit Euesque de Paris, Chapitres, Abbez, Prurs, Eglises, & Clergez dudit Diocese, & autres Communautez dessusnommées, amorty & indemnifié, amortissons & indemnisons de nostre certaine science, grace speciale, pleine puissance, & autorité Royale par ces presentes, entant qu'à nous est, sauf l'interest des autres Seigneurs directs, toutes & chacunes les terres, Seigneuries nobles ou non nobles, fiefs, arriere-fiefs, censües, ou arriere-censües, franc-aleu, cens, rentes, droicts, profits, reuenus & emolumens de quelque estat, qualité, tiltres, preéminences, autorité & prerogatiues qu'elles soient, ny en quelque part & lieu qu'elles soient situées & assises en nostredit Royaume, qu'ils tiennent presentement & actuellement, à quelque tiltre que ce soit d'acquisition, legs, aumosnes, ou autrement, iusques au iour & datte de ces presentes: & non seulement pour les fiefs nobles, & choses roturieres assises audit Diocese de Paris, qu'ils tiennent; mais aussi pour ceux qui sont hors d'iceluy Diocese, vnis toutesfois aux membres estans de la table desdits Euesque, Chapitres, Abbayes, Prieurez, & autres Benefices, Communautez, seculiers ou reguliers dessusdits: aussi en semblable, si dedans ledit Diocese de Paris, se trouuoient aucuns membres vnis & incorporez aux Archeueschez, Eueschez, Abbayes, Preuostez & autres Benefices, situez & assis en autres Dioceses que dudit Euesché de Paris: & ne seront compris, comme dit est, ceux qui sont declarez audit roolle cy attaché, renuoyez sans finance, & qui n'ont amorty ne payé, montant trois mil six cens cinquante-neuf liures

sept sols six deniers tournois. Lesquels nous auons reseruez & retenus à nous pour les composer cy apres, ou autrement en disposer, ainsi que verrons estre à faire. Et en outre combien que les Chartreux lez nostre ville de Paris, ayent amorty és mains de nosdits Commissaires, pour raison de ce qu'ils tiennent en nostre Preuosté & Vicomté de Paris: Neantmoins ils ont voulu contribuer & payer leur taxe à la raison desdites deux decimes & demie, pour estre comprins au present Amortissement, tant pour ce qu'ils tiennent en ladite Preuosté & Vicomté de Paris, que pour ce qu'ils peuuent auoir és autres Baillages & Iurisdicções de nostre Royaume. Ce qui leur a esté par nous accordé, & par ce voulons & entendons qu'ils en iouyssent, en faisant bailler & deliurer ladite somme de sept mil cent quatre vingts six liures quatre sols deux deniers tournois ausdits termes, és mains de nostre amé & feal Notaire & Secretaire Maistre Iacques Ragueneau, à ce par nous commis, & par ses quittances. Et voulons & nous plaist, que lesdits Euesque, gens d'Eglise & Clergé dudit Diocese de Paris, comprins lesdits Chartreux, puissent tenir & posséder lesdites terres, seigneuries, possessions & choses dessusdites, qu'ils tiennent & possèdent à present, comme amorties & à Dieu dediées, à tousiours perpetuellement: sans qu'ils puissent estre contrainsts, eux & leurs successeurs en vuidier leurs mains, ores ne pour le temps aduenir, ny en payer autre finance que celle que dessus. Et l'outre plus de ce que l'on pourroit dire & pretendre que ladite finance & indemnité dudit present Amortissement pourroit monter, nous auons audit Euesque, gens d'Eglise, Clergé & Communauté dudit Diocese de Paris, en faueur que dessus, donné & quitté, donnons & quittons par ces presentes signées de nostre main. Et sur ce auons imposé & imposons silence à nos Procureurs & Officiers presens & aduenir. Si donnons en mandement par ces mesmes presentes, à nos amez & feaux les Gens de nos Comptes, & Thresoriers à Paris, au Preuost dudit Paris, Bailly de Sens, Chartres, Orleans, Meaux, Senlis, Melun, Estampes, & à tous nos autres Iusticiers & Officiers, presens & aduenir, és fins desquels ledit Diocese s'estend, à leurs Lieutenans & à chacun d'eux si comme à luy appartiendra; Que de nos presens vouloir, grace, composition, Amortissement, don, & de tout le contenu en celdites presentes, ils & chacun d'eux respectiuellement facent, souffrent & laissent iouyr & vser lesdits Prelats, & Eglises Cathedrales, Chapitres, Colleges, Prieurs, Preuosts, Curez, Chappelains & autres dessus nommez dudit Diocese, & chacun d'eux, & leurs successeurs, respectiuellement, plainement, perpetuellement & à tousiours: sans leur faire, mettre ou donner, ne souffrir leur estre fait, mis, ou donné, ores ne pour le temps aduenir, aucun destourbier, n'empeschement: lequel si fait, mis, ou donné leur estoit, le mettent ou facent mettre à pleine deliurance: Car tel est nostre plaisir. Nonobstant quelsconques vsages, droicts, stils, Coustumes, ou Ordonnances à ce contraires. Esquelles & à chacune d'icelles quant à ce auons derogé & derogons par lesdits aduis de nostre Conseil, quant à l'effect & contenu de celdites presentes, combien qu'elles ne soient cy inserées, comme si elles y estoient de mot à mot

exprimées. Et meismement qu'elles pourroient contenir generaux Amortissemens estre prohibez & defendus. Et qu'il faut que ce que l'on amortit, soit specifiquement & par le menu déclaré, & que la valeur par an, & prix pour vne fois, ne soit cy exprimée: Information faicte, l'aduis de nos Officiers des lieux obtenu, & toutes autres circonstances & conditions requises & necessaires, pour obtenir Amortissement particulier gardées: que ne voulons auoir lieu quant à ce, ains y auons derogé & derogeons, comme dict est. En suppléant tous & chacuns les autres defauts & solemnitez requises, soit de droict, Coustume, Ordonnance, ou autrement, par lesquelles l'effect de ces presentes pourroit estre par nous, ou nos successeurs empesché. Et pource que de ces presentes on pourra auoir affaire en plusieurs & diuers lieux: Nous voulons qu'au vidimus faict d'iceluy sous seels Royaux, foy soit adioustée comme au present original. Et pourront pour leur iustification à l'aduenir, lesdits Prelats, Eglises, Chapitres, Colleges, Preuosts, Curez, Chapellains, & autres cy-dessus nommez verifier pardeuant chacun de nosdits Officiers respectiuement, és fins & metes desquels sont situez & assis lesdites terres, possessions & seigneuries, qu'ils tiennent & occupent de present. Voulons lesdites declarations ainsi signées par nosdits Officiers, & chacun d'eux estre respectiuement de tel effect, comme si elles estoient signées par nostre Chambre des Comptes. Et afin que ce soit chose ferme & stable à tousiours, Nous auons faict mettre nostre seel à celdites presentes: sauf en autres choses nostre droict, & l'autrui en toutes. Donné à S. Germain en Laye, au mois de Mars, l'an mil cinq cens vingt-deux, auant Pasques. Et de nostre regne le neufiesme. Ainsi signé sous le reply, François. Et plus bas aussi sous ledit reply estoit escrit ce qui s'ensuit. Les rayes estans entre aucunes lignes de ces presentes n'y ont esté mises pour rature, ains pour note & demonstration. Ainsi signé, Des-Landes. Et sur ledit reply estoit escrit aussi. Par le Roy en son Conseil, auquel vous le Comte de Villars & de Tande Grand-Maistre, le seigneur de Bonniuet Admiral de France, les Generaux des Finances, & autres estoient. Ainsi signé Gedoy. *visa contentor.* Des-Landes. *Expedita in Camera Computorum Domini nostri Regis, & ibidem libro cartarum huius temporis fol. 175. registrata ordinatione dominorum. Actum ad burellum vigesima nona die Maij, Anno Domini millesimo vigesimo tertio.* Badouler.

Verification
de Messieurs
des Comptes

Extraict des registres de la Chambre des Comptes, en vertu de la requête présentée à icelle par l'Euesque & Clergé de Paris. Signé le Maistre.

Ensuit la teneur de l'Amortissement general, octroyé au Clergé du Royaume de France par le Roy Henry II. en l'année 1547. Avec la verification d'iceluy, faicte en la Cour de Parlement.



ENRY par la grace de Dieu Roy de France, A tous ceux qui ces presentes lettres verront. Comme par cy-deuant, & dés l'an 1522. feu nostre tres-honoré seigneur & pere, pour aucunes & raisonnables considerations à ce le mouuant, & moyennant finance, eust par ses lettres patentes en forme de Chartre, baillé aux Gens d'Eglise, Chapitres, Thresoriers, Hospitaux, Confraternitez, & autres gens de main-morte du Clergé, & à tous les Beneficiers de son Royaume, pays, terres & seigneuries, Amortissemens generaux, de toutes leurs terres & possessions, qu'auparauant ils auroient tenuës & possedées, tenoient & possedoient lors à tiltre d'achapt, donation, legs, aumosne, & à quelques tiltres que ce fust. Et de ce cheuy & composé moyennant finance, qui pour ce en fut par eux payée: en sorte que tout ledit Clergé auroit esté tenu quitte de tous droicts qui pouuoient appartenir à nostredit feu seigneur & pere, pour le faict desdits Amortissemens. Sans ce qu'ils fussent contraints d'en vuidier leurs mains: ne payer par apres à luy ne à ses successeurs, aucune finance, sinon la composition qui lors en fut faicte, ne autrement en bailler declaration, avec les derogations contenuës esdites lettres d'Amortissement. Et neantmoins sous couleur de certaines ordonnances, par nous dernièrement faictes sur le faict des francs-Fiefs & nouveaux Acquests, qu'auons ordonnez estre cueillis & leuez en nostre Royaume: les Commissaires sur ce deputez se sont efforcez contraindre les Gens dudit Clergé de nostredit Royaume, de bailler par declaration & par le menu, tout le reuenue du temporel de leurs Benefices amorty, & non amorty. Qui seroit en ce faisant les priuer du droit & effect de-leursdits Amortissemens, par eux obtenus de feu nostredit seigneur & pere: & constituer en grands frais, & excessiues despeses, s'il leur conuenoit bailler par declaration tout leur reuenue qu'ils ont ja amorty. Et sans que par cela nous en puisse reuenir aucun profit & émolument, attendu que pour les biens, terres & seigneuries amorties, ne nous est deuë aucune finance, comme ils nous ont faict dire & remonstrer. Nous humblement requierans sur ce faire declarations de nos vouloir & intention. SçA VOIR faisons, que nous desirans fauorablement traicter le Clergé, & Gens d'Eglise de nostredit Royaume, attendu la bonne volonté en laquelle ils ont tousiours esté, & continuent, tant enuers nostredit feu seigneur & pere, qu'enuers nous: auquel ils ont suruenu, & nous suruiennent en nos affaires, chacun iour à leur pouuoir. Pour ces causes & autres iu-

Copie de l'Amortissement general octroyé par le Roy Henry II. au Clergé du Royaume de France.

stes considerations à ce nous mouuans, Auons dict, déclaré & ordonné, & par la teneur de ces presentes de nostre certaine science, grace speciale, pleine puissance, & autorité Royale, disons, declarons, ordonnons, voulons, & nous plaist: Que nonobstant nosdits Edicts & ordonnances, qu'auons dernièrement faictes sur le faict des franc-Fiefs & nouveaux Acquests, les gens d'Eglise, Chapitres, Thresoriers, Hospitaux, Confraternitez, & autres gens de main-morte du Clergé de nostre dit Royaume, pays, terres & seigneuries de nostre obeyssance, ne soient aucunement tenus bailler par declaration, ne de nous payer aucunes finances de leurs biens, terres & possessions qui sont amortis par leurs Amortissemens, qu'ils ont eus de nostredit defunct seigneur & pere, & autres nos predecesseurs Roys de France: ainsi que dit est. Ains que d'iceux iouissent plainement & paisiblement, selon qu'ils ont accoustumé faire par cy-deuant, & que lesdits Amortissemens sortent leur plain & entier effect. Mais seront seulement tenus bailler par declaration dedans trois mois prochainement venans, & satisfaire à nosdites ordonnances dernieres sur le faict desdits francs-Fiefs & nouveaux Acquests, pour leurs biens & possessions qu'ils peuuent auoir acquis, ou qui leur ont esté donnez, leguez, aumosnez, aduenus & escheuz à quelque tiltre que ce soit, depuis leursdits derniers Amortissemens par eux obtenus de nostredit feu seigneur & pere. Si donnons en mandement par ces mesmes presentes à nos amez & feaux les Gens tenans nos Cours de Parlement, Commissaires ordonnez sur le faict des francs-Fiefs & nouveaux Acquests, & à tous nos autres Iusticiers, Officiers ou leurs Lieutenans, & à tous autres qu'il appartiendra, Que du contenu en ces presentes ils facent & laissent lesdits Gens d'Eglise & Clergé de nostre Royaume, pays, terres & seigneuries, iouyr & vsr plainement & paisiblement, sans en ce estre faict, mis ou donné aucun destourbier ou empeschement: Lequel si faict, mis ou donné estoit, le mettent ou facent mettre incontinent, & sans delay, à pleine & entiere deliurance, & au premier estat & deu: leur faisant ou faisant faire deliurance & pleine main-leuée de tout ledit temporel, qui pour ceste occasion pourroit auoir esté prins & faisi. Et pource que de ces presentes l'on pourroit auoir affaire en plusieurs & diuers lieux: Nous voulons qu'au vidimus d'icelles faict par l'un de nos feaux Notaires & Secrétaire, ou sous seel Royal, foy soit adioustée comme à l'original. Car ainsi nous plaist-il estre faict. Donné à Escoïen le 8. Mars l'an 1547. Et de nostre regne le premier. Ainsi signé sur le reply, par le Roy en son Conseil, De Neufuille. Et à costé, *Registrata audito Procuratore Generali Regis. Actum Parisiis in Parlamento quindecima die Nouembris, anno Domini millesimo quingentesimo quadragesimo octauo.* Signé du Tillet, & seellé du grand seel sur double queue de cire iaune.

Verification
faicte en la
Cour de
Parlement.

Copie des lettres patentes adressantes à Messieurs les Commissaires deputez par le Roy Henry, sur le fait des francs-Fiefs & nouveaux Acquests, pour proceder à la verification de l'Amortissement general octroyé au Clergé de France, cy-dessus transcript.



EN R Y par la grace de Dieu Roy de France, A nos amez & feaux les Commissaires par nous ordonnez sur le fait des francs-Fiefs & nouveaux Acquests, Salut & dilection. Le Clergé, Gens d'Eglise, Chapitres, Thresoriers, Confraternitez, & autres gens de main-morte, & Beneficiers de nostre Royaume, nous ont fait dire & remonstrer, que dés le 8. iour du mois de Mars dernier passé, ils ont de nous obtenu lettres patentes cy attachées sous nostre contreseel, à vous adressées pour les causes contenuës en icelles. Lesquelles nos lettres ils vous ont présentées le 13. iour du mois d'Auril ensuiuant, pour les verifiser & enteriner selon qu'il vous est mandé. Ce que n'avez fait. Combien que lesdits Clergé, Gens d'Eglise, & autres susdits vous en ayent tres-instamment requis: & que nosdites lettres ayent esté communiquées à nostre Procureur, sur le fait de la Commission: ains les leur avez fait rendre, sans sur ce leur donner aucune expedition. A ceste cause les supplians se sont retirez devers nous, & nous ont tres-humblement supplié & requis sur ce leur pourvoir de remede & prouision conuenable. Pource est-il, que nous les choses dessusdites considerées, bien records & memoratifs des causes qui nous ont meü de donner & octroyer ausdits supplians nosdites lettres cy attachées: Vous mandons & tres-expressément enioignons, ceste fois pour routes, vous procedez à la verification & enterinement d'icelles: & faites lesdits supplians iouyr & vsr du contenu en icelles, selon leur forme & teneur, sans y faire aucune difficulté ou delay. Car tel est nostre plaisir, & ainsi voulons estre fait. Donné à Vaultysant le 2. iour de May l'an 1548. & de nostre regne le 2. Ainsi signé par le Roy en son Conseil, De l'Aubespine. Et seellé sur simple queue du grand seel de cire iaune.

Copie des lettres patentes adressantes à Messieurs les Commissaires pour proceder à la verification de l'Amortissement general cy-dessus transcript.

Il conuient noter que quelques lettres, mandemens, & iussions, que les Ecclesiastiques ayent peu obtenir du Roy, Messieurs les Commissaires lors deputez sur le fait des francs-Fiefs & nouveaux Acquests, ne voulurent proceder à la verification & enterinement de l'Amortissement general, octroyé au Clergé du Royaume de France, cy-dessus transcript: Ains lesdits Seigneurs Commissaires enuoyerent devers le Roy, estant à Vaultysant, faire remonstrance de l'importance, perte & dommage que sa Majesté auoit, & à l'aduenir auoit & souffriroit, si ledit Amortissement general sortiroit effect: desquelles remonstrances ay recouuert copie: Tellement que les Gens d'Eglise furent contraincts composer avec le

Messieurs les Commissaires ne voulurent verifiser l'Amortissement general octroyé au Clergé de France.

Roy: & par Dioceses obtenir^r Amortissemens generaux^r, moyennant certaine finance qu'ils baillent. Comme on peut cognoistre par la lecture de l'Amortissement general octroyé aux Dioceses de la Prouince de Sens, par le Roy Henry II. en l'an 1551. Duquel avec les verifications d'iceluy la teneur ensuit.

Amortissement general, octroyé par le Roy Henry aux Dioceses de la Prouince de Sens, en l'an 1551.



HENRY par la grace de Dieu Roy de France, A tous presens & aduenir, Salut. Comme à nostre nouuel aduenement à la Couronne, nous eussions par nos lettres patentes données à Compiegne, le 2. iour de Septembre, 1547. & autres données à Fontainebleau, le 7. iour de Ianuier audit an, à la requeste de nostre Procureur en la Chambre de nostre Thresor à Paris, voulu & ordonné que tous Gens d'Eglise, Communautéz & de main-morte, eussent dedans deux mois prochains lors ensuiuans à fournir de declaration de tout le reuenu, biens & heritages qu'ils possedoient à quelque tiltre que ce fust, & à faire apparoir des lettres d'Amortissement ou respits & souffrances, qu'ils auoient obtenues pour les posséder, ou de la copie desdites lettres deuenement collationnées à leurs originaux, nostre Procureur appellé. Avec clause que où ils seroient defaillans, & trouuez posséder aucuns autres heritages, rentes & possessions, outre ce qu'ils auroient chacun en son regard déclaré & affirmé par leursdites declarations, qu'elles seroient ledit temps passé déclarées confiscables & applicables à nostre Domaine. Et pour cognoistre & decider desdits droicts & deuoirs, & les liquider, eussions commis & député aucuns Maistres des Requestes de nostre Hostel, Conseillers de nostre Cour de Parlement de Paris, de la Chambre des Comptes, & autres. Ausquels à cest effect eussions baillé toute iurisdiction, laquelle nous eussions voulu estre tenuë & administrée en la Chambre de nostre Thresor de Paris. Et depuis se seroient aucuns particuliers dudit Clergé, au nom du Clergé de nostredit Royaume, retirez par deuers nous en nostre Priué Conseil; Auquel ils eussent présenté leur requeste, contenant qu'en l'an mil cinq cens vingt-deux, ils auroient de bonne foy contracté avec le feu Roy de bonne memoire, dernier decedé nostre pere, (que Dieu absolve) & à luy payé grosse finance, pour les terres & possessions qu'ils tenoient lors, dont ils auroient obtenu de luy amortissemens generaux, portans clauses derogatoires, necessaires & pertinentes au cas, avec pouuoir & faculté de iouyr paisiblement de tous leurs biens & reuenus qu'ils tenoient lors, à quelque tiltre que ce fust, tant par acquisitions, que dons, legs, aumosnes, ou autrement en quelque maniere que ce fust: comme à tousiours & perpetuellement à Dieu dediez, sans qu'on peust les contraindre d'en vider leurs mains, payer finances ou prendre autres lettres d'Amortissemens: Toutesfois nostredit Procureur auroit, en vertu de nosdites lettres & commission, tendu à faire contraindre ledit Clergé, de bailler par escrit & declarations, par tenans & aboutissans, & par le menu, & de

quels seigneurs estoit tenu, & en quelle Iustice estoit assis, & depuis quel temps il auoit eu ce qui leur auoit esté par nostredit feu pere amorty. Pour à quoy obuier ledit Clergé, ou ses deleguez nous eussent faict supplier & requerir, de vouloir approuuer & auoir agreables lesdits Amortissemens generaux, & en ce faisant ordonner que lesdits du Clergé & leurs successeurs à perpetuité, ne fussent contrainsts vuidier leurs mains, ny payer aucune finance, & bailler declaration de ce que depuis ledit an 1522. que leur furent accordez lesdits Amortissemens generaux, leur seroit escheu & aduenu par donation ou autrement: dont ils offroient nous payer iuste & raisonnable finance, & sur ce eussent de nous obtenu lettres données à Escoïen, le 8. Mars, 1547. Contenans qu'ils ne seroient tenus bailler par declaration, les terres & autres choses qui leur auroient esté amorties par lesdits Amortissemens generaux, mais seulement ce qui leur estoit aduenu & escheu depuis ledit Amortissement de l'an 1522. Lesquelles nos lettres ils auroient faict presenter à nosdits Commissaires, & d'icelles requis l'enterinement & verification. Ce qu'iceux nosdits Commissaires auroient differé faire: au moyen de quoy lesdits du Clergé se seroient derechef retirez par deuers nous en nostre Conseil, & d'iceluy obtenu autres nos lettres du 2. iour de May, 1548. expediees à Vauluy-sant, portans seconde iussion & mandement à nosdits Commissaires, qu'ils eussent à proceder à l'enterinement & verification de nosdites lettres du 18. Mars, 1547. Lesquelles auroient esté enregistrées en nostre Cour de Parlement de Paris, nostre Procureur General ouy. Toutes-fois nosdits Commissaires eussent sur icelles ordonné, qu'auant que passer outre, ceux qui presentoint nosdites lettres, & en requeroient la verification, se feroient aduoïer, & auroient procuration speciale de tout le Clergé, qui estoit vn tacite refus de proceder à ladite verification. Ce que cognoissans lesdits du Clergé, se seroient encores retirez par deuers nous, & de nous obtenu autres lettres, contenans qu'ils ne seroient tenus bailler declaration de leurs terres & possessions à eux escheuës, du temps de nostredit feu pere, & autres nos predecesseurs Roys, ne pour raison d'icelles payer aucune finance. Lesquelles aussi ils eussent presentées à nosdits Commissaires, qui eussent ordonné qu'elles fussent communiquées à nostredit Procureur, qui derechef en eust empesché la verification & enterinement. A l'occasion de quoy plusieurs autres nos lettres eussent esté de nous respectiuement obtenuës, tant par ledit Clergé, que nostredit Procureur: sur lesquelles seroient interuenus nouueaux incidens, & nouuelles saisies sur les biens dudit Clergé. Lequel à ceste cause eust obtenu de nous lettres de permission d'eux assembler, pour aduiser sur les offres qu'ils nous deuoiennent faire, tant pour la licence de tenir à perpetuité ce qu'ils auroient acquis depuis ledit temps mil cinq cens vingt-deux, que pour demeurer quittes enuers nous des droicts & deuoirs à eux demandez par nostredit Procureur, pour raison desdits francs - Fiefs & nouueaux Acquests. Pour lequel le Clergé des Dioceses de Sens, Paris, Chartres, Orleans, Meaux, Auxerre, Nevers, & Troyes, estans de la Prouince de

Sens, nous eussent pour leur part offert la somme de vingt-cinq mil liures tournois; moyennant laquelle, qu'ils nous ont promis payer en ceste presente année à deux termes, dont le premier sera au iour & feste de S. Iean Baptiste prochain venant, & l'autre le premier iour d'Octobre prochain ensuiuant: Ils nous ont faict tres-humblement supplier & requerrir, que derechef & entant que besoin seroit, & à nous & à nos successeurs pourroit toucher & appartenir, voulussions approuuer lesdits Amortissemens cy-deuant par eux obtenus, tant de nos predecesseurs Roys, que de nostredit feu Seigneur & pere, en quelque forme & teneur qu'ils soient: & leur amortir à perpetuité ce que depuis iceux auroient acquis, à quelque tiltre que ce soit: sans ce qu'ils puissent estre contraincts cy-apres ny leurs successeurs en vuidier leurs mains, ny payer aucune finance, comme de chose solüe, acquittée, & à Dieu dediée à iamais, & les tenir quittes de tout ce que par nous ou nostredit Procureur leur pourroit estre demandé, tant pour raison desdits Acquests & Amortissemens, que pour ce qui auroit esté pretendu n'estre deuement ou suffisamment par nosdits predecesseurs amorty. Et pource que depuis icelles offres, & requestes, aurions aduisé & ordonné que les Fabriques, Oeuures, & Marguilleries, regies & administrées par gens laiz, composeroient à part & separément, pour ce qu'elles tiennent & possèdent non amorty: Nous ont iceux dudit Clergé, qui disoient auoir composé pour le tout, fait requerrir que les voulussions soulager, & sur leurdite offre de vingt-cinq mil liures leur deduire & rabattre telle somme qu'il nous plairoit, & verrions estre raisonnable. Pource est-il que nous desirans lesdits du Clergé fauorablement traicter, afin de les rendre tant plus enclins à continuer & entretenir le seruice diuin, faire & perpetuer prieres à Dieu, pour le bien & conseruation de nostre Estat, & de la chose publique: Auons accepté & acceptons ledit offre de vingt-cinq mil liures à nous par eux faict. Sur quoy leur auons pour les caules que dessus deduit & rabattu, deduisons & rabattons la somme de quatre mil liures tournois. Et moyennant le reste dudit offre, montant & reuenant à la somme de vingt-vn mil liures tournois: laquelle ils ieront tenus nous payer franche & quitte de tous fraiz & mises, és mains du Receueur general de nos finances extraordinaires, és parties casuelles, Maistre André Rageau, ou de ses commis & deputez, portans ses simples quittances, aux termes susdits. Auons de nostre vouloir, liberalité, propre mouuement, certaine science, pleine puissance, & autorité Royale, amorty & amortissons toutes & chacunes les terres, sans aucune chose excepter, retenir ny reseruer, de quelque estat, qualité, tiltre, prééminence, autorité & prerogatiues qu'elles soient, en quelque part & lieu qu'elles soient situées & assises en nostre Royaume, dedans ou hors lesdits Dioceses, cens, & rentes, qui ne sont de condition racheptable, droicts, profits, reuenus, & émolumens, que tiennent presentement & actuellement, à quelque tiltre que ce soit, d'acquisition, legs, aumosnes, ou autres, au iour de la datte de ces presentes, lesdits Prelats, leurs Eglises, Chapitres, & autres Eglises Collegiales, Abbez, Abbayes, Prieurs, Prieurez, Preuosts,

Curez & Chapelains ; & generally tous & chacuns gens d'Eglise, seculiers & reguliers, de quelque Ordre & Religion qu'ils soient, tant exempts que non exempts esdits Dioceses, de ce qu'ils tiennent à cause de leurs Benefices, soit en fief, arriere-fief, franc-aleu, roture, ou autrement, en quelque maniere que ce soit : sans que pour raison desdits biens ils soient tenus à l'aduenir bailler par declaration, tenans & aboutissans, & par le menu, les possessions qu'ils tenoient auparauant ledit Amortissement de l'an cinq cens vingt-deux, ne depuis iusques à la datte desdites presentes, ils en soient tenus payer aucune finance. Et voulons lesdites choses estre tenuës pour amorties, & à Dieu dediées à tousiours & perpetuellement : & melmes pour ce regard auons ratifié & approuué, ratifions & approuuons l'Amortissement de nostredit feu Seigneur & pere, de l'an 1522. & tous autres de nos predecesseurs. Voulans & entendans toutes lesdites Eglises & Benefices, cy-dessus mentionnez, y estre compris, nonobstant que nos Gens des Comptes, & autres nos Commissaires en auroient exemptez aucuns, comme renuoyez sans finance, ou en quelqu'autre maniere que telle exemption pourroit auoir esté practiquée contre aucuns desdits du Clergé. Pour laquelle somme de vingt-vn mil liures par nous acceptée, pour leursdits Amortissemens & nouueaux Acquests, & tout ce qui en depend, auons cheuy, traicté & transigé, cheuissions, traictons, transigeons & composons par ces presentes, à quelque chose & estimation, que plus auant se puisse monter la plus valeur d'iceux biens & reuenus non pretendus amortis. Lesquels si plus se montent, nous leur auons pour l'honneur de Dieu, & à ce que puissions estre participans & nos predecesseurs, es prieres & bienfaicts desdites Eglises, mesmement d'iceux huict Dioceses, & à chacun d'eux, tant en general que particulier, donné, quitté, remis & octroyé, donnons, quittons, remettons & octroyons par ces presentes : lesquelles à ceste fin nous auons signées de nostre main. Voulons & nous plaist qu'ils puissent tenir lesdites terres & biens quelconques, comme à Dieu dediées perpetuellement & à tousiours : Nonobstant que l'expresse & particuliere declaration ne nous ayt esté & ne soit faicte, ne par ces presentes exprimée; disant que pour l'aduenir pour quelques causes & Ordonnances, Edicts faicts ou à faire à ce contraires, ils ne puissent estre contraincts eux & leurs successeurs en vuidier leurs mains. En mettant par ces presentes par nous au neant toutes les appellations, main-mises, arrests, saisissiemens, establissiemens de Commissaires, procedures, & toutes autres choses qui s'en sont ensuyuies en quelque maniere que ce soit, à cause desdits nouueaux Acquests & Amortissemens. Desquelles saisies & main-mises, si aucunes sont, ou estoient, leur en auons faict & faisons main-leuée par cesdites presentes. Voulons & ordonnons que desdites choses saisies ils puissent iouyr, tout ainsi qu'ils faisoient auparauant icelles saisies, sans que pour raison d'icelles ils soient ou puissent estre empeschez par aucuns de nos Officiers en quelque sorte que ce soit. Ausquels pour les causes dessusdites & autres à ce nous mouuans, auons interdict & defendu, interdisons & defendons

toute cognoissance, sauf & reserué toutesfois l'interest & indemnité des Seigneurs Chastelains & autres, auxquels appartiennent les tenuës & mouuances des fiefs, terres & biens immeubles, tenus & possédez par les dessusdits gens d'Eglise, & sans aucunement y préiudicier. Si donnons en mandement par ces mesmes presentes, à nos amez & feaux les Gens tenans nostre Cour de Parlement, les Commissaires par nous deleguez sur le faict desdits francs-Fiefs, Amortissemens, & nouveaux Acquests, les Gens de nos Comptes, & Conseillers de nostre Thresor à Paris, Baillifs de Sens, Chartres, Orleans, Meaux, Prouins, Troyes, Senlis, Melun, Auxerre, Saint Pierre le Monstier, Crespy, Estampes, Nemours, Blois, Mont-fort, Dourdan, Mente, & Meulan, & à tous nos autres Iusticiers & Officiers quelconques, presens & aduenir, ou leurs Lieutenans, és fins & metes desquels lesdits Dioceses s'estendent, combien qu'ils ne soient nommez par ces presentes, & à chacun d'eux si comme à luy appartiendra : Que de nostre present vouloir, grace, traité, transaction, contract, composition, liberalité, & Amortissemens, contenus en celdites presentes, ils & chacun d'eux respectiue-ment facent, souffrent, & laissent iouyr lesdits Archeuesque, Euesques, Prelats, Eglises Cathedrales, Collegiales, Chapitres, Colleges, Abbayes, Prieurez, Preuostez, & Chapelains. Et generalement tous & chacuns les gens d'Eglise, seculiers ou reguliers, de quelque Ordre & Religion qu'ils soient, tant exempts que non exempts desdits Dioceses, cy-dessus nommez & declarez, & chacun d'eux & leurs successeurs respectiue-ment & paisiblement, perpetuellement & à tousiours, sans leur faire mettre ou donner, ne souffrir leur estre mis ou donné, pour le present ou pour le temps aduenir, aucun destourbier ou empeschement. Lequel si faict, mis ou donné leur estoit, soit en general ou particulier, le facent mettre incontinent & sans delay à pleine deliurance, sans pour ce faire difficulté d'enteriner & verifiser celdites presentes. Ausquelles ne voulens & n'entendons aucune modification ou reseruation estre faicte : & sans qu'il soit besoin obtenir premiere & seconde iussion, ny autres nos lettres. Car tel est nostre plaisir. Nonobstant quelconques vsages, droicts, instructions, styles, comunnes, & ordonnances au contraire. Et mesmes celles par lesquelles a esté statué, que les paroles generales ne puissent, ne doiuent, & ne soient reputées tiltre iuste & valable, sinon que expressement, & specialement, & nommément, les choses soient declarées & spécifiées par le menu, & par tenans & aboutissans. Et aussi nonobstant les ordonnances faictes par nos predecesseurs Roys, sur le faict desdits francs-Fiefs, nouveaux Acquests, & Amortissemens, & toutes autres choses quelconques qui faictes ont esté, tant par nos predecesseurs les feus Roys Philippes le Long, les Roys Charles V. VI. & VII. & tous autres quelconques, qui plus ample-ment sont declarez & mentionnez en l'instruction faicte desdits francs-Fiefs, nouveaux Acquests, & Amortissemens. Et aussi celles faictes par nostredit feu Seigneur & pere, à S. Germain en Laye, en l'an 1522. Ausquelles & à chacune d'icelles tât cyexprimées, que toutes autres quel-

conques non declarées ne spécifiées, nous auons par l'aduis desdits Princes de nostre sang, & gens de nostre Conseil, comme s'ils estoient en ces presentes spécifiées, & de mot à mot declarées, de nostre certaine science, pleine puissance & autorité Royale, derogé & derogeons, tant à l'effect & contenu en celdites presentes, combien qu'elles n'y soient inserées, & mesmement entant qu'elles pourroient contenir generaux Amortissemens estre prohibez & defendus, & que ce que l'on amortit doit estre specifiquement & par le menu déclaré, & que la valeur par an, ou pour vne fois ne soit exprimée, information sur ce faicte, & l'aduis de nos Officiers des lieux obtenu, & toutes autres circonstances & formalitez requises & necessaires pour obtenir Amortissement particulier. Et aussi nonobstant toutes les taxes reseruées ausdits Commissaires, de proceder à faire composition de la finance qui en pourroit estre deuë. Aufquelles & à chacune d'icelles, nous auons derogé & derogeons par celdites presentes. Ensemble aux Ordonnances tant anciennes que modernes, par lesquelles les dons & octroys sont annullez, & restraints à la moitié. Et à toutes inhibitions & defenses contraires au contenu en ces presentes. Et suppléant tous & chacuns les defauts, & solemnitez requises & necessaires, soit de droict, coustume, ou ordonnance, ou autrement: par lesquelles l'effect de ces presentes pourroit estre par nous ou nos successeurs empesché. Et pour ce qu'il y a huit Dioceses, Nous voulons de ces presentes par chacun d'eux estre faict copie collationnée, & que chacun vidimavaille original, auquel faict sous leel Royal, nous voulons foy estre adioustée, comme audit original, & auoir force & vigueur de traicté & transaction. Et pourront si bon leur semble, à l'aduenir, sans ce qu'ils en puissent estre par nous ou nos Officiers contraints, & sans par ce deroguer à ce present nostre traicté, lesdits Archeuesque, Euesques, Prelats, Chapitres, tant d'Eglises Cathedrales, que Collegiales, Abbez, Colleges, Preuosts, Prieurs, Curez & Chapelains, cy dessus declarez & nommez, verifïer pardeuant chacun de nos Officiers respectiuelement, & és fins & metes esquels sont situez & assis leursdites terres, possessions, & Seigneuries, & faire signer en general ou particulier les terres, cens, rentes, possessions & Seigneuries qu'ils tiennent & occupent de present. Lesquelles declarations ainsi verifiées & signées par nosdits Officiers respectiuelement, voulons estre de tel effect, comme si elles estoient de mot à mot & expressement declarées & spécifiées par le menu en celdites presentes, & qu'elles fussent sousignées des Greffiers de nostre dite Chambre des Comptes, & Commissaires par nous ordonnez, sur le faict desdits francs-Fiefs, & nouveaux Acquests. Nonobstant nosdites lettres de commission, mandement, restrictions ou defenses à ce contraires: & qu'il fust besoin auoir lettres & declarations particulieres, pour faire deporter nosdits Gens des Comptes, & autres Commissaires quelconques, des procedures ja encommencées contre lesdits gens d'Eglise. Lesquels où ils voudroient auoir de nous outre celdites presentes autres lettres de ce present nostre traicté, transaction & amortissement, & octroy à leur particulier profit, pour y specifier si bon leur

semble, les biens desquels ils tiennent : Voulons & entendons leur estre despeschées par nostre aimé & feal Chancelier, auquel nous commandons ainsi le faire, sans en souffrir estre payé pour ce aucune nouvelle finance, composition, ne redeuance, par lesdits du Clergé, comme dit est. Et afin que ce soit chose ferme & stable à tousiours, nous auons faict mettre nostre seal à ces presentes. Sauf en autres choses nostre droit, & l'autrui en toutes. Donné à Chinon au mois de May, l'an de grace 1551. & de nostre regne le cinquiesme. Ainsi signé, Henry. Et à costé est escript ce mot *Visa*, avec vn paraphe. Et plus bas est aussi escript ce qui s'ensuit. Par le Roy, Monseigneur le Duc de Guyse, le Sire de Mont-morency Connestable, le Seigneur de saint André Mareschal de France, & autres, preïens. Signé, Bourdin. Et vers la marge est pareillement escript ce qui s'ensuit. *Lecta, publicata, & registrata auaito Procuratore Generali Regis, pro per clericum Prouincia Senonensis, gaudendo effectu & contento in his litteris, perinde atque ceteri clerici aliarum Prouinciarum, qui antehac pares & similes litteras obtinuerunt, usi & gauisifuerunt. Parisiis in Parlamento decima die Iulij, anno Domini millesimo quingentesimo quinquagesimo tertio.* Signé du Tillet. Et encores est escrit ce mot *Contentor*. Signé Coignet, & scellé sur lacs de foye rouge & verte du grand seal de cire verte, & au dernier fueillet desdites lettres est escrit ce qui s'ensuit.

Verification
faicte en la
Cour de
Parlement.

Quittance
du Thresorier
des parties
casuelles.

Ie André Rageau Conseiller du Roy nostre Sire, Thresorier & Receueur general de ses finances extraordinaires és parties casuelles, confesse auoir eu & receu comptant en la ville de Paris, de Messieurs les Archeuesque, Euesques, & Clergé, de la Prouince de Sens, la somme de vingt-vn mil liures tournois, en huit mil cinquante quatre escus d'or soleil, à quarante six sols tournois piece, deux escus vieux à cinquante cinq sols tournois aussi piece, dix-sept escus couronne à quarante cinq sols tournois piece, six ducats à quarante neuf sols tournois piece, vn noble Henry de quatre liures dix-huit sols tournois, deux Philippus de trente-vn sols tournois piece, cinq Carolus d'or à vingt-cinq sols tournois piece, Testons de vnze sols quatre deniers piece, gros de Nesle & demies Reales, gros Anglois, douzains, dizains, liards, & doubles. Pour la composition faite par le Roy nostredit Seigneur, avec ledit Clergé, pour les causes cy-deuant plus au long contenuës & escrites. Icelle somme de vingt-vn mill liures à moy ordonnée par le Roy nostredit Sieur, pour conuertir & employer au faict de mondit office. Dont ie metiens pour content & bien payé. Et en ay quitté & quitte lesdits Archeuesque, Euesques & Clergé d'icelle Prouince, & tous autres. Tesmoin mon sein manuel cy mis, audit Paris, le 14. iour de Feurier l'an 1551. Signé, Rageau. Les Commissaires deputez par le Roy sur le faict des francs-Fiefs & nouveaux Acquests, pour les ressorts des Parlemens de Paris & Rouën, A tous ceux qui ces presentes lettres verront, Salut. Sçauoir faisons que veüe la requeste à nous présentée par le Clergé de la Prouince de Sens, le 23. Octobre dernier, tendant afin de verifier certaines lettres patentes en forme d'Amortissement, données à Chinon au mois de May

Verification
de Messieurs
les Commis-
saires.

1551. signées, Henry: Par le Roy, les Duc de Guyse, Sire de Montmorency & autres presens, Bourdin. Par lesquelles ledit Seigneur auroit amorty toutes & chacunes les terres, que tenoient lors actuellement à quelque tiltre que ce fust, les Prelats, & Eglises desdits Dioceses estans en ladite Prouince: Sans que pour raison desdits biens, ils fussent tenus à l'aduenir bailler par declaration, les possessions qu'ils tenoient auparavant l'Amortissement de l'an mil cinq cens vingt deux, ne depuis, ne payer aucune finance. Certaines lettres d'attache, du 24. iour d'Octobre, mil cinq cens cinquante trois, adressantes aux Gens des Comptes à Paris, par lesquelles leur est mandé proceder à la verification desdites lettres d'Amortissement. Autres lettres d'attache obtenues par ledit Clergé, le douziesme Feurier, audit an; Par lesquelles est mandé ausdits Gens des Comptes, proceder à la verification desdites lettres, sans attendre autre iussion: Les conclusions du Procureur du Roy. Et tout considéré. Nous ayant esgard à ladite requeste, auons ordonné & ordonnons, que le Clergé de ladite Prouince de Sens, ne sera tenu pour le present bailler declaration par le menu des heritages & possessions par luy tenus & possédez. Faict en la Chambre desdits francs-Fiefs, & Nouveaux Acquests, au Thresor, à Paris, le dernier iour d'Auril, l'an 1555. Ainsi signé le Gendre.

Verification de Messieurs les Commissaires.

Forme d'Amortissement particulier dressé selon le style ancien.

CHAPITRE XLIIII



H A R L E S par la grace de Dieu Roy de France, A tous presens & aduenir, Salut. Sçauoir faisons, Que nous inclinans liberalement à la supplication & requeste, qui faicte nous a esté de la part de nos chers & bien-amez, les Religieux, Correcteur & Freres Minimes, du Conuent nostre Dame de toute Grace, dicte Nigeon, lez Paris, de l'Ordre de Sainct François de Paule. A ce que nostre bon plaisir fust, amortir vne maison vieille & en ruine, avec vn arpent & demy de iardin, qu'ils ont par le conseil, ayde, & aumosne d'aucuns leurs bien-faicteurs acquis, ioignant leur Conuent, du costé duquel ils se peuient seulement eslargir, afin de leur accroistre de iardinage, pour leur estre necessaire, à cause de leur austerité de viure, d'vser de beaucoup d'herbages, legumes, & fruiçtages. Estant aussi l'assiette de leurdit Conuent fort mal commode, pierreuse, & en montagne. Et desirans subuenir & ayder ausdits supplians en cest endroict, afin de les rendre tousiours plus enclins à la continuation du Seruice diuin, & à prier Dieu pour la prosperité de nous, & de l'Estat de nostre Royaume. Pour ces causes, & autres à ce nous mouuans, auons de nos grace speciale, pleine puissance, & autorité Royale, amorty & amortissons à Dieu & à l'Eglise, lesdits maison &

Forme d'Amortissement particulier:

arpent & demy de iardin, par eux acquis, ioignant leur dit Con-
 uent, comme dict est. Tenant ladite maison d'un costé au iardin d'ice-
 luy Conuent, d'autre au Seigneur de d'un bout
 au haut chemin, qui va du village de Chaliot en nostre bois de Boulon-
 gne, & d'autre au chemin bas, qui va de Paris à saint Cloud, le long de la
 riuere de Seine. Permis & permettons, Voulons & nous plaist, qu'ils
 puissent & leur soit loisible tenir, posséder & iouyr en main-morte d'i-
 ceux maison, arpent & demy de iardin, pour eux & leurs successeurs,
 perpetuellement & à tousiours. Sans qu'ils en puissent estre deposez,
 n'empeschez en ladite iouissance, pour en vider leurs mains, comme
 estans gens de main-morte, par aucuns Seigneurs censiers, ou autres
 que ce soit. En leur payant toutesfois par lesdits supplians le droict d'in-
 demnité, qui se trouuera leur estre pour ce raisonnablement deu. Si don-
 nons en mandement à nos amez & fcaux Conseillers, les Gens tenans
 nostre Cour de Parlement, & Gens de nos Comptes: que de nos pre-
 sens amortissemens, permission, vouloir & intention, ils facent, souffrēt,
 & laissent lesdits Religieux, Correcteur & Freres Minimes, iouyr & vser
 plainement & perpetuellement, cessans & faisans cesser tous troubles &
 empeschemens au contraire: Car tel est nostre plaisir. Nonobstant les
 ordonnances, statuts, & constitutions de nostre Royaume, par lesquels
 les Monasteres, Conuents, Communautéz, & semblables gens de main-
 morte, ne peuvent tenir ne posséder aucuns heritages, s'ils ne leur sont par
 nous ou nos predecesseurs amortis. Et quelconques autres ordonnances,
 restrictions, mandemens ou defenses au contraire, ausquelles nous auons
 pour ce regard, & sans preiudicier en autres choses, derogé, & derogeons
 par celsdites presentes. Et afin que ce soit chose ferme & stable à tousiours,
 nous auons fait mettre nostre seel à celsdites presentes: sauf en autres cho-
 ses nostre droict, & l'autrui en toutes. Donné à S. Maur des Fossez, au
 mois de Iuin, l'an de grace, 1566. Et de nostre regne le 6. Ainsi signé,
 Charles. Par le Roy, Robertet. Et seellé du grand seel sur double queue
 de cire verte. Et sur le reply est escrit, Registrées, ouy & ce consentant le
 Procureur General du Roy, à Paris, en Parlement, le 3. iour d'Aoust, l'an
 1566. Ainsi signé du Tillet. Et le 15. Feurier 1567. lesdites lettres furent ve-
 rifiées en la Chambre des Comptes.

Pour cognoistre les defectuositez qui sont en l'Amortissement cy-des-
 sus transcrit, & comme il conuient le dresser pour iouyr des effects, im-
 manitez & franchises d'un Amortissement deuement obtenu & verifié,
 declarez au quarante-huictiesme chapitre du present Traicté, il est besoin
 voir le cinquante-deuxiesme chapitre, auquel sont contenuës les clauses
 qu'il conuient mettre & inserer en tous Amortissemens. Lesquelles ont
 esté obmises en ceux qui cy-deuant ont esté redigez par escrit: d'autant
 que la nature & effects des Amortissemens estoient incogneus à plu-
 sieurs.

*Forme d'Amortissement mixte, dressé selon
le styl ancien.*

CHAPITRE XLV.



O V V S par la grace de Dieu Roy de France. Sçavoir faisons à tous presens & aduenir : Nous auoir receu l'humble supplication de nos amez les Religieux, Prieur & Conuent de nostre Dame des bons Hommes du Bois de Vincennes, près Paris : Contenant que le temps passé leurs predecesseurs audit Conuent, & eux ont acquis & aussi leur ont esté donnez & aumosnez plusieurs cens, rentes, reuenus, possessions, heritages, & biens immeubles, nobles & ruraux. Et mesmement leur ont esté donnez & aumosnez au mois de Iuillet, dernier passé, certaines rentes, fiefs, arriere-fiefs, Iustice, & autres possessions & reuenus, par Maistre Hugues le Coq, Aduocat de nostre Cour de Parlement, pour l'augmentation & entretenement dudit Prieuré, & du seruice diuin, qui se faict & continuë chacun iour en ladite Eglise & Conuent : Desquels cens, rentes, reuenus, possessions, & biens immeubles dessusdits, lesdits supplians ont iouy & encores iouissent à present paisiblement. Toutesfois pource qu'ils ne sont par nous amortis, ils doutent que nos Officiers & Commissaires leur veulent cy-apres mettre & donner empeschement en la iouissance desdites choses, par vertu & au moyen des Ordonnances Royaux, faictes sur le faict des francs-fiefs & nouueaux Acquests de nostre Royaume, si nostre grace ne leur estoit benigneement impartie, en nous humblement requerans qu'il nous plaise leur octroyer, qu'eux & leurs successeurs en ladite Eglise, puissent tenir & posseder d'oresnauant perpetuellement, toutes lesdites choses ainsi par eux acquises, & qui leur ont esté données & aumosnées, comme dict est. Et auec ce qu'ils en puissent encores acquerir cy-apres, & le tout acquis, & acquerir, leur amortir iusques à la somme de deux cens liures parisis pour vne fois : Et sur ce leur impartir nostredite grace. Pource est-il que nous ces choses considerées, & mesmement la tres-grande, singuliere & parfaicte deuotion, que nous auons à la benoiste glorieuse Vierge Marie, mere de nostre Createur, en l'honneur de laquelle l'Eglise & Conuent desdits Bons-hommes est principalement fondée. Ausdits supplians pour ces causes, & afin qu'ils soiēt plus enclins de prier Dieu, & ladite glorieuse Dame sa mere, pour nous, nos enfans & prosperité de nostre Royaume : & aussi que nous soyons participans és prieres, oraisons, diuin seruice, & autres biens-faits en ladite Eglise, & pour autres causes & cōsiderations à ce nous mouuans: Auons octroyé & octroyons, voulons & nous plaist, de grace speciale par ces presentes, qu'eux & leursdits successeurs puissent tenir & posseder tous lesdits cens, rentes, reuenus, heritages, possessions, fiefs, arriere-fiefs, Iustice, & au-

*Copie d'un
Amortisse-
ment mixte.*

tres biens immeubles quelconques, par eux acquis, & qui leur ont esté donnez & aumosnez ledit temps passé, cōme dict est, & en iouyr ample-
ment, paisiblement, & à tousiours. Et avec ce qu'ils en puissent encores
acquérir cy apres, soit en censive, fief, arrierefief, ou autrement, iusques
à ladite valeur & somme de deux cens liures parisis de rente, tenir &
posseder aussi paisiblement & perpetuellement, comme amorty & à
Dieu & à ladite Eglise dedié. Et lesquelles rentes, reueu, cens, censives,
fiefs, arriere-fiefs, Iustice, & autres possessions, & biens immeubles quel-
conques acquis & à acquérir, iusques à la valeur dessusdite, Nous auons
amorties & amortissons, de grace speciale, pleine puissance, & autorité
Royale par cesdites presentes, sans que lesdits supplians ne leursdits
successeurs, soient, ne puissent estre contrainsts ores ne pour le temps ad-
uenir, les mettre ne vider hors de leurs mains, pour quelque cause ou
autorité que ce soit, ne pour ce payer à nous & aux nostres aucune fi-
nance d'indemnité : laquelle finance quelle qu'elle soit, & à quelle som-
me qu'elle puisse monter, nous auons donnée & quittée, donnons &
quittons ausdits supplians : ayans eu consideration des choses dessusdi-
tes, de nostre plus ample grace par cesdites Presentes signées de no-
stre main. Si donnons en mandement à nos amez & feaux les Gens de
nos Comptes & Thresoriers à Paris ; au Preuost de Paris, & aussi tous
autres Iusticiers, Officiers ou leurs Lieutenans presens & aduenir, & à
chacun d'eux si comme à luy appartiendra : Que lesdits supplians ou
leursdits successeurs, ils fassent, souffrent & laissent iouyr pleinement
& paisiblement desdits presente grace, volonté, Amortissement, don,
quittance & octroy, sans leur faire, mettre ou donner, ne souffrir estre
faict, mis ou donné, ores ne pour le temps aduenir, aucun destourbier ou
empeschement au contraire. Lequel si faict, mis ou donné leur auoit esté,
ou estoit en aucune maniere, si l'ostent ou fassent oster, & mettre sans de-
lay au premier estat & deu. Car tel est nostre plaisir. Nonobstant que la
somme à quoy se peut & pourra monter lesdits finance & indemnité
à nous deuz aux causes deuant dictes, ne soit cy autrement declarée, que
descharge n'en soit leuée de nostre Thresor. Et quelconques ordonnances,
mandemens ou defenses à ce contraires. Et afin que ce soit chose
ferme & stable à tousiours, nous auons faict mettre nostre seel à cesdites
presentes : sauf en autres choses nostre droict & l'autrui en toutes. Don-
né au Plessis du Parc au mois de Novembre, l'an de grace 1477. &
de nostre regne le 17. Ainsi signé Louys. Sur le reply est escrit. Par le
Roy, l'Fuesque d'Alby, & Gouverneur de Dauphiné, grand Seneschal de
Normandie, signé Tendot, & seellé du grand seel.

Pour cognoistre les defectuositez qui sont en l'Amortissement cy-des-
sus transcrit, & comme il conuient le dresser, est besoyn voir ce qui est
contenu à la fin du chapitre precedent.

QUELLE RECOMPENSE OV FINANCE EST deuë au Roy par les gens de main-morte, qui obtiennent lettres d'Amortissement de sa Majesté. Que tous Amortissemens sont purs personnels, & ne peuuent profiter, sinon à ceux qui les ont impetrez.

1. Quelle recompense est deuë au Roy pour un amortissement obtenu de sa Majesté.
2. Comme l'Ordonnance du Roy Charles VI. concernant les Amortissemens se doit entendre.
3. Que ladite ordonnance n'est observée.
4. Amortissemens sont personnels, & ne profitent, sinon à ceux qui les ont obtenus du Roy.
5. Le payement d'indemnité est pur personnel.
6. Recit d'un procesz entre le Chapitre de Paris & les Chartreux dudit lieu, pour le droict d'indemnité.
7. Alienation faicte par les Chartreux d'un moulin, comme contraincts en vider leurs mains.
8. Arrest donné au profit de Monsieur de Paris contre gens de main-morte pour vider leurs mains.
9. Quand en roture on baille homme vivant & mourant, quel droict est deu.
10. Recit d'un procesz pour monstrev. que tous Amortissemens sont personnels.
11. Le vassal ne peut faire la condition de son seigneur deterieure.
12. Amortissemens sont personnels, encôres qu'ils passent de main-morte en main-morte.

CHAPITRE XLVI.



La esté dit au 26. chap. que les gens de main-morte ne peuuent tenir heritages en France, sans l'evidente perte & dommage du Roy: parce qu'ils n'alienent point leurs heritages, ne meurent point, & de leur part n'y a iamais mutation. En ce faisant le Roy est priué de tous droicts & profits feodaux, censuels, & autres qu'il pourroit auoir si les heritages detenus par gens de main-morte estoient possédez par personnes franches & libres, qui les peussent vendre & aliener toutes & quantes fois que bon leur sembleroit, & par le decez desquels il y auroit mutation & profit de fief, & quelquesfois confiscation & droict de Des-herence.

A ceste cause on a demandé quelle recompense deuoit estre baillée au Roy, lors que les gens de main-morte obtiennent de sa Majesté lettres d'Amortissement.

Plusieurs ont esté d'aduis, que ceux qui impetrent Amortissement du Roy, sont tenus bailler à sa Majesté reellement & de faict, auant la verification & enterinement de leurs lettres, au profit & accroissement du Domaine de la Couronne de France, la tierce partie d'autant que valent, & que se montent les terres, rentes ou possessions qui leur sont amorties, & que les terres qui sont baillées pour ceste recompense, doiuent estre

Les gens de main-morte ne peuuent posseder heritages en France sans la perte & dommage du Roy.

Quelle recompense est deuë au Roy pour un Amortissement obtenu de sa Majesté.

assises sous le Roy, en sa terre & Iustice sans moyen. Et ce conformément à l'Ordonnance faicte à Paris, par le Roy Charles VI. au mois d'Octobre 1402. recitée par monsieur le Maistre en ses Decisions notables, traité premier, chap. 3. & es instructions des francs-Fiefs & nouveaux Acquests, transcriptes à la fin du present Traicté.

2
Comme l'ordonnance du Roy Charles VI. concernant les amortissemens se doit entendre.

Mais il faut entendre ceste ordonnance, quand les terres & possessions armorties, sont feodales & immediatement tenues du Roy, non pas quand elles sont roturieres encore qu'elles soient en la censue du Roy. Parce qu'il est notoire que les heritages roturiers ne sont chargez de telles charges que les feodaux. Et pour l'amortissement d'un heritage roturier n'est deuë si grande recompense que d'un feodal, comme il sera dict aux 53. & 54. chap.

Pareillement la susdite ordonnance n'a lieu, quand les heritages amortis sont tenus en fief ou censue, d'autres seigneurs que du Roy: d'autant que le Roy n'a si grand interest, perte & dommage es heritages amortis, qui ne sont immediatement tenus de sa Majesté, ains d'autres seigneurs, quelquefois à deux ou trois arriere-fiefs du Roy: comme sa Majesté a interest à l'Amortissement des heritages, qui sont tenus de luy en plein fief, ou qui sont en la censue.

3
Que l'ordonnance cy dessus recitée n'est observée.

Et combien que l'Ordonnance cy-dessus recitée soit grandement utile pour l'augmentation du Domaine de la Maison & Couronne de France: Toutesfois elle n'est pour le iourd'huy aucunement observée, & pour le droict d'Amortissement on ne paye que simple finance en deniers, laquelle est arbitrée par Messieurs des Comptes, apres information deuëment faicte par l'un d'eux, ou par les Iuges des lieux, de la nature, qualité, mouuance, reuenu annuel, & valeur pour vne fois payer de l'heritage amorty. Et le plus souuent telle finance est donnée à quelques seigneurs, sans qu'elle tourne au profit du Roy, encores moins du Royaume; ou bien elle est donnée ou remise par le Roy à ceux qui obtiennent lettres d'Amortissement de sa Majesté.

4
Amortissemens sont personnels, & ne profitent sinon à ceux qui les ont obtenus du Roy.

Et conuient noter, que les lettres d'Amortissement ne peuuent seruir, sinon aux gens de main-morte qui les ont impetrées, & qui ont baillé recompense, ou payé finance au Roy. Et ne peuuent profiter à autres personnes, encores qu'elles soient de main-morte, & de mesme condition que ceux qui les ont obtenues. Tellement que si les Doyen, Chanoines, & Chapitre de quelque Eglise, vendent ou baillent par eschange, aux Religieux, Abbé & Conuent de quelque Monastere, un heritage qui leur estoit deuëment amorty, le Monastere, encores qu'il soit de main-morte, ne se peut ayder de l'Amortissement obtenu par lesdits de Chapitre leurs auteurs: comme la grace ou bien le benefice d'Amortissement estant pur personnel, non cessible ny transmissible à autres personnes que ceux qui l'ont impetré du Prince. En sorte que si l'heritage vendu ou eschangé est feodal, le Procureur du Roy poursuiura lesdits Religieux, Abbé & Conuent afin d'en vider leurs mains: ou bien bailler au Roy homme viuant & mourant, & luy payer les doictes de quint & requint, ou de rachapt, selon leur acquisition. Et si l'heritage est roturier, il les

contraindra en vuider leurs mains, ou prendre lettres d'Amortissement du Roy.

Et le semblable sera faict par le seigneur feodal, & par le seigneur censier, encores qu'on leur ayt payé indemnité, comme le payement de ceste indemnité estant pur personnel, & profitant seulement à celuy qui a faict ledit payement, & non à autres personnes.

Comme il a esté iugé par sentence donnée par le Preuost de Paris, le Mercredy 28. iour de Nouembre 1571. au profit des Doyen, Chanoines & Chapitre de l'Eglise de Paris, seigneurs haut-Iusticiers, censiers & fonciers du Pont aux Musniers de ceste ville, & des moulins bastis en iceluy. Lesquels estans aduertis que les Religieux, Prieur & Conuent des Chartreux lez Paris, auoient acquis par eschange, des Religieux de saint Lazare lez Paris, vn moulin situé sur ledit Pont, avec la maison, logis & appartenances d'iceluy, vulgairement appellé le moulin saint Lazare, moyennant cinq sols parisis de cens enuers lesdits de Chapitre: quarante sols parisis de rente fonciere, de bail d'heritages, & non racheptable, payable chacun an ausdits Religieux de saint Lazare, au iour saint Iean Baptiste: en outre moyennant deux cens vingt vne liures sept sols neuf deniers tournois de rente, perceptible sur l'Hostel de la ville de Paris. Les auroient fait adiourner à ce que comme ayans de nouuel acquis ledit moulin, ils fussent condamnez payer indemnité ausdits de Chapitre, ou leur bailler homme viuant, mourant & confisquant, pour recouurer par iceux de Chapitre, les droicts & profits accoustumez en cas de mutation. Si mieux lesdits Religieux Chartreux n'aimoient vuider leurs mains dudit moulin.

Contre ceste demande les Religieux Chartreux ayans remonstré: Que quatre cens ans estoient & plus que Louys septiesme Roy de France donna & octroya à perpetuité aux lepreux de saint Lazare lez Paris, vn chariot de bois à brusler, tant qu'un cheual pourroit tirer, à iceluy prendre chacun iour, au Bois de Vincennes, pour leur vsage & prouision. Suiuant laquelle donation lesdits lepreux auoient iouy & vsé dudit droict, sans aucune interdiction par long temps: & iusques en l'an mil cent nonante que Philippes Auguste Roy de France, au lieu dudit chariot de bois par chacun iour auroit donné ausdits lepreux vn moulin assis sur le Pont au Musniers de ceste ville de Paris, pour en iouyr à perpetuité, & auroit promis le garantir & acquiter de toutes choses enuers quelque seigneur que ce fust, en payant par lesdits lepreux, les cens qui estoient deubs pour ledit moulin, sans autres charges. Depuis lequel temps lesdits de saint Lazare auoient tousiours paisiblement iouy dudit moulin, lequel au moyen des grandes eaulles, rauages, & desbordemens, estant en peril eminent & ruiné, & n'ayans puissance de le faire restablir, ils l'auroient le 10. Iuin 1566. baillé, tant à titre de rente que par eschange ausdits Religieux Chartreux, lequel eschange auoit esté emologué par monsieur l'Euesque de Paris. Tost apres laquelle emologation, lesdits de Chapitre auroient poursuiuy lesdits Religieux Chartreux, aux fins cy

5
Le payement
d'indemnité
est pur per-
sonnel.

6
Recit d'un
proces entre
le Chapitre
de Paris, &
les Char-
treux dudit
lieu pour le
droict d'in-
dennité.

Conclusions
du Chapitre
de Paris.

Defenses des
Chartreux.

deuant recitées : desquelles ils soustenoient lesdits de Chapitre deuoir estre deboutez, tant par fin de non receuoir que de non valoir.

Moyens alleguez par les Chartreux.

D'autant qu'il n'appartenoit qu'au Roy seul de contraindre les gens de main-morte, vuidier leurs mains des heritages par eux possédez : Aussi qu'ils auoient Amortissement general, octroyé à ceux de l'Ordre de S. Victor, de Saint Lazare, & des Chartreux. Et que ledit moulin ayant esté donné par vn Roy de France, taiblement il estoit amorty par les lettres de don : comme il a esté dit au troisieme chapitre. Que le contract faict par lesdits de Saint Lazare n'estoit vraye alienation, attendu qu'ils s'estoient reserué sur ledit moulin, quarante sols parisis de rente fonciere chacun an : en sorte que la seigneurie directe leur estoit demeurée. Et auoient esté necessitez bailler à rente ledit moulin, au moyen de ce qu'ils n'auoient deniers pour le faire reparer : Que lesdits de Chapitre estoient sans interets, perte & dommage, parce que l'heritage demouroit de mesme nature, qualité, & condition, qu'il estoit auparauant l'eschage & bail à rente : & demouroit en main-morte, comme il auoit toujours esté, tellemēt qu'il entroit d'une main-morte en autre main-morte : En ce faisant n'y auoit mutation ny de qualité & condition d'heritage, ny de qualité & condition de personnes. Et le contraire aduendroit si les defendeurs estoient contrains vuidier leurs mains dudit moulin, parce qu'un heritage à Dieu dedié, mis hors de commerce des hommes, retourneroit à estre profané. Ce qu'on ne doit permettre ny tolerer, au desauantage & cōtre la faueur de l'Eglise, mesmes à la postulation des demãdeurs, qui sont personnes Ecclesiastiques. Aussi disoient que pour heritage roturier on ne deuoit pas bailler homme viuant, mourant & confiscant, & que cela ne se pratiquoit qu'en heritage feodal, qui estoit chargé de beaucoup plus grands droicts & deuoirs que le roturier : auquel en la Coustume de Paris n'y auoit profit, que de simples ventes en vn seul cas, qui estoit de vendition. Et seroit chose bien dure & rigoureuse, qu'à chacune mutation d'homme on payast rachapt pour heritage roturier, qui est le reuenu d'une année d'iceluy : ce qui n'auoit iamais esté veu ny pratiqué en la Coustume de Paris. Encores moins bailler homme confiscant, comme il a esté déclaré au trente-sixiesme chapitre. En tout euenement, encores que le contract cy dessus recité, eust esté vne pure alienation, lesdits de Chapitre n'eussent peut demander que simple indemnité, estimée au cinquiesme denier de la chose : comme il sera dict au cinquante quatriesme chapitre.

Repliques du Chapitre de Paris.

Lesdits de Chapitre persistoient au contraire, soustenans que tous Amortissemens estoient personnels, & ne pouuoient profiter sinon à ceux qui les auoient impetrez pendant le temps qu'ils possedoient les heritages qui leur auoient esté amortis. Tellement que s'ils les alienoient, l'Amortissement n'estoit plus considerable, ny pareillement le droit d'indemnité, qui auroit esté payé, comme purs personnels. Ainsi qu'il sera amplement traicté au 61. chapitre.

Sentence donnée par le

Finalemēt par sentence dudit 28. Nouembre 1571. les Religieux Chartreux defendeurs, furent condamnez payer aux demandeurs, pour

pour raison du moulin mentionné au procès, indemnité: ou leur bailler homme viuant, mourant & confiscant: Pour recouurer par les demandeurs sur ledit moulin, les droicts & profits accoustumez en cas de mutation, si mieux les defendeurs n'ayment mieux vuidé leurs mains d'iceluy moulin. Nonobstant chose proposée au contraire par les defendeurs, dont ils sont deboutez, & condamnez es despens.

Preuost de Paris sur le proces cy des. sus recité.

De ceste sentence les Religieux Chartreux ayans appellé, encores qu'ils fussent bien fondez en leur appel, pour le regard de ce qu'il auoit esté ordonné qu'ils bailleroient homme viuant, mourant, & confiscant. Toutesfois voulans euer proces, auroient baillé, cédé & transporté ledit moulin, vulgairement appellé le moulin S. Lazare, à vn maistre musnier de ceste ville de Paris, à la charge de cinq sols parisis de cens enuers lesdits de Chapitre: quarante sols parisis de rente fonciere & non racheptable enuers lesdits de saint Lazare, & outre moyennant trois mil six cens liures tournois payées comptant, & deux cens liures tournois de rente qui depuis ont esté racheptées, moyennant deux mil quatre cens liures. Duquel contract l'acquireur a esté ensaisiné par lesdits de Chapitre, & leur a payé les droicts de vente.

7
Alienation faite par les Chartreux d'un moulin, comme cōtraints en vuidé leurs mains.

Aussi le 23. Mars, 1587. y eut arrest donné en la premiere Chambre des Enquestes, entre Messire Pierre de Gondy Euesque de Paris demandeur d'une part: Et les Marguilliers de l'Oeuure & Fabrique de l'Eglise paroissiale saint Sauueur de ceste ville de Paris, defendeurs d'autre. Le fait duquel estoit que lesdits Marguilliers ayans acquis deux maisons assises en ceste ville de Paris, en la censiue dudit Seigneur Euesque, l'une de maistre François Ymbert Notaire, en eschange d'une autre maison qui leur appartenoit, estant en la censiue d'iceluy Seigneur Euesque: & l'autre maison des Religieuses des Filles-Dieu, en contr'eschange de quatre cens liures de rente sur l'Hostel de la ville de Paris. Lesdits Marguilliers auroient esté adiournez à la requeste dudit Seigneur Euesque, afin de vuidé leurs mains desdites deux maisons: si mieux n'aymoient bailler homme viuant & mourant, & luy payer le droict d'indemnité. Attendu que les defendeurs estoient gens de main-morte: & par ce moyen le demandeur perdoit ses droicts de lots, ventes, saisine & amende. Pour defences à ceste demande lesdits Marguilliers auroient remonstré, quant à la maison acquise de Ymbert, que le demandeur estoit sans interest: parce qu'ils auoient baillé audit Ymbert une autre maison, qui estoit en la censiue du demandeur: laquelle auroit appartenu aux defendeurs: & leur auroit esté amortie. Pareillement que la maison par eux acquise des Religieuses des Filles-Dieu auoit esté amortie ausdites Religieuses, tellement qu'elle passoit de main-morte en main-morte. En ce faisant les defendeurs soustenoiēt que pour le regard desdites deux maisons, le demandeur estoit sans interest, perte & dommage. A quoy le demandeur pour repliques auroit dit, que tous Amortissemens estoient personnels, & ne profitoient, sinon à ceux auxquels ils auoient esté octroyez: & encores qu'un heritage amorty passe de main-morte en main-morte, toutesfois estoit deu droict d'indemnité au Seigneur censier: voire en toute mutation de propriétaire, quand

8
Arrest donné au profit de Monsieur de Paris contre gēs de main-morte pour vuidé leurs mains.

l'heritage tomboit en main-morte, estoit deu droict d'indemnité, comme il auoit esté iugé contre les Chartreux.

Finalemēt par sentence donnée par le Preuost de Paris le 18. Iuillet, 1584. les defendeurs ont esté condamnez payer au demandeur indemnité, pour raison de deux maisons mentionnées au proces, ou luy bailler homme viuant & mourant, pour receuoir par ledit demandeur sur lesdites deux maisons les droicts & profits accoustumez, en cas de mutation. Si mieux lesdits defendeurs n'aymoient vuidier leurs mains desdites deux maisons. Nonobstant chose proposée au contraire par les defendeurs, dont ils auroient esté deboutez, & condamnez és despens. De laquelle sentence les Marguilliers ayans appellé, par l'arrest cy dessus datté, l'appellation a esté mise au neant sans amende: ordonné que la sentence dont estoit appellé sortiroit son plein & entier effect, les appellans esdits noms condamnez és despens de la cause d'appel.

9
Quand en
roure on
baille home
viuant &
mourant,
quel droict
est deu.

Le doute est, de sçauoir quels droicts & deuoirs Monsieur de Paris doit prendre sur les deux maisons, aduenant mutation par le moyen de l'home viuant & mourant. Attendu qu'il n'est pas raisonnable de prendre droict de relief, ou bien de rachapt, qui est le reuenu d'une année en heritage roturier. Aussi qu'il semble n'estre raisonnable, bailler homme viuant & mourant, pour heritage roturier: ains payer droict d'indemnité, qui est le quint denier de la valeur de l'heritage; ou que les gens de main-morte vuident leurs mains de l'heritage roturier par eux acquis. Comme auons dit au cinquante quatriesme chapitre du present Traicté, lequel il conuient veoir, ensemble ce qu'a escrit Maistre Charles du Moulin sur la Coustume de Paris, article quarante & vn, numero 62. lequel est d'adujs, qu'on doit arbitrer certaine somme de deniers qui deura estre payée par le decez de l'homme viuant & mourant, au lieu de lots & ventes.

10
Recit d'un
proces pour
monstrer que
tous amor-
tissements
sont person-
nels.

Pareillement le 23. May, 1586. fut solennellement prononcé vn arrest, Le faict duquel estoit, qu'un Gentil-homme donna aux Doyen, Chanoines & Chapitre d'Arras, vn fief qui luy appartenoit, tenu & mouuant du Roy, consistant en trente-huict muids de bled perceptibles sur des moulins assis à Chauny, appartenans aux Religieux, Abbé & Conuent saint Eloy de Noyon, affermez à beaucoup plus grande quantité de bled par an. Ce fief est amorty par le Roy Charles le Quint, moyennant deux cens florins, l'Amortissement verifié en la Chambre des Comptes, aussi est payé le droict d'indemnité à Louys Duc d'Orleans, qui lors iouyssoit de Chauny: ceste redeuance de grain est conuertie en deniers montans chacun an cinquante cinq liures tournois; & ce par contract passé vn an apres l'Amortissement, entre le Chapitre d'Arras, & les Religieux de saint Eloy. Le Chapitre d'Arras ayant iouy de ce fief par deux cens ans & plus, sans auoir faict foy & hommage, ny payé redeuance aucune, en l'année 1574. il vend ledit fief purement & simplement, sans retention d'hommage ny de foy, à Claude de Goussancourt Escuyer Seigneur de Fouqueuillier, lequel tost apres par contract d'eschange cede & transporte ce fief au Prieur de saint Estienne de Choisy au Bac. De ce fief, le Roy n'ayant esté seruy ny payé des droicts deubs à

cause de la mutation d'iceluy : Le Comte de Chaune, qui tient en engagement du Roy Chauny, tant à sa requeste, que du Procureur du Roy à Chauny, faict saisir ce fief, consistant en trente huit muids de bled par an, à faute d'homme, droicts & devoirs non faicts & payez, aduen & denombrement non baillé.

A ceste saisie le Prieur de Choisy au Bac s'oppose, allegue l'Amortissement & payement d'indemnité dessusdits. Soustient que par le moyen de l'Amortissement & payement d'indemnité, le fief a esté affranchy & deschargé de toute feodalité & profanité, comme à Dieu consacré : quoy que ce soit, ledit fief est faict alaudial, franc & libre de toutes subiections. Aussi allegue possession immémoriale de deux cens ans, laquelle induit prescription, tiltre & privilege. Par ces moyens avec plusieurs autres recitez au 50. chapitre du present Traicté, conclud à main-leuée, avec condamnation de despens, dommages & intersts.

Le Comte de Chaune & Monsieur le Procureur General, qui s'estoit ioinct en cause avec luy, soustiennent que par le moyen de l'Amortissement la feodalité n'a point esté esteinte, ny la nature du fief changée, que tous Amortissemens sont purs personnels, & profitent seulement à ceux qui les ont obtenus, pendant qu'ils iouissent des heritages amortis. Qu'Amortissement n'est sinon congé & permission donnée à gens de main-morte de tenir heritages, sans qu'ils soient contraints en vuider leurs mains : s'ils en vuident leurs mains par vendition, eschange, ou autrement, l'heritage par eux aliené deslors de l'alienation reprend sa premiere essence, nature & qualité, soit de feodalité ou de roture. *Que mutatione personæ mutatur qualitas rei* : comme il sera amplement deduit au soixante vniesme chapitre du present Traicté, & qu'on peut cognoistre en plusieurs endroicts d'iceluy. Tellement que le fief, duquel est question, estant parvenu au Seigneur de Goussancourt pur lay, l'effect de l'amortissement cy deuant obtenu a esté esteint, & n'a peu subsister en la personne. Et encores que le fief soit depuis parvenu à vne main-morte, qui est le Prieur de Choyfi au Bac : toutesfois l'Amortissement ayant esté vne fois esteint, n'a peu reuiure ne reprendre son premier effect en la personne du Prieur de Choisy. Et est besoin que ledit Prieur fasse de nouuel amortir ledit fief, si bon luy semble : ou bien qu'il entre en foy & hommage enuers le Roy, & paye les droicts qui sont deubs. Et iusques à ce lesdits Comte de Chaune, & Seigneur Procureur General soustiennent que leur saisie doit tenir.

Finalement la Cour en emendant & corrigeant la sentence donnée par le Iuge de Chauny, qui auoit déclaré la saisie faicte à faute d'homme, droicts & devoirs non faicts & non payez, tortionnaire, & condamné le Comte de Chaune és dommages & intersts, a déclaré la saisie faicte à faute d'homme, droicts & devoirs non faicts & non payez, dont est question au proces, bonne & valable, ordonné qu'elle tiendra iusques à ce que le Prieur de Choisy au Bac intimé ait satisfait aux clauses d'icelle, & l'a condamné és despens de la cause principale enuers le Comte de Chaune, sans despens de la cause d'appel.

Arrest de ce
que dessus.

11
Le vassal ne
peut faire la
condition de
son Seigneur
deterieure.

En execution de cet arrest on a demandé si la commutation de trente-huict muids de bled par an, en cinquante-cinq liures de rente par an preiudicioit au Roy, aduenant ouuerture de fief : & si le Roy deuoit iouyr de son fief, consistant en trente-huict muids de bled par an. Attendu qu'il n'auoit point presté consentement à la commutation, & n'auoit peu agir auparauant la vendition faicte par le Chapitre d'Arras: tellement qu'il n'y auoit aucune prescription contre le Roy. Et a esté aduisé que le Roy iouyroit desdits trente-huict muids de bled par an: comme la condition du Seigneur n'ayant peu estre faicte deterieure par le vassal. Combien que la reuerfion de la feodalité ne fust ordinaire, ains extraordinaire, casuelle & inopinée: Et que le vassal du Roy qui estoit le Prieur de Choisy au Bac, ne peust demander que cinquante-cinq liures par an.

12
Tous Amortissemens sont personnels, & ne profitent sinon à ceux qui les ont impetrez, & ausquels ils ont esté octroyez. Aussi on peut cognoistre qu'heritage amorty & indemnifié sortant de main-morte, & entrant en main-morte, est subiet au droit d'Amortissement & d'indemnité.

TOUS AMORTISSEMENS DOIVENT A
present estre verifiez, tant en la Cour de Parlement, que Chambre des Comptes. Et que les Amortissemens generaux sont reprouuez par les Ordonnances.

- 1 Auparauant l'Edict de Moulins les Amortissemens se verifioient en la Chambre des Comptes seulement.
- 2 Amortissement obtenu par la Dame Despenfe, verifié tant en la Chambre des Comptes qu'en Parlement.
- 3 Amortissement obtenu par les Minimes, verifié en la Cour.
- 4 Les Amortissemens anciennement n'estoient verifiez.
- 5 Aucuns sont d'aduis qu'il suffit

que les Amortissemens soient verifiez en la Chambre des Comptes.

- 6 Les Amortissemens generaux sont reprouuez par les anciennes Ordonnances.
- 7 Le Roy pour iustes causes peut octroyer lettres d'Amortissement.
- 8 Ceux qui obtiennent Amortissemens generaux, doivent attacher à iceux la declaration de leurs heritages.

CHAPITRE XLVII.



L est certain que tous Amortissemens doiuent estre obtenus du Roy, & sceillez du grand seel. Et anciennement on les faisoit seulement verifier par Messieurs des Comptes, lesquels apres inquisition deuëment faicte par l'un d'eux, ou par les Iuges des lieux, de la valeur, reuenue & qualite de l'heritage amorty, auoient accoustumé, comme ils font encores à present, taxer certaine finance, laquelle il est besoin payer au Roy : comme nous auons dict au chapitre precedent.

¹
Auparauant
l'Edit de
Moulins les
Amortisse-
mens se ve-
rifoient en
la Chambre
des Comptes
seulement.

Mais à present la verification de Messieurs des Comptes n'est suffisante, & est necessaire, suiuant le 5. article de l'Edit fait à Moulins, pour la reünion & conseruation du Domaine, publié au Parlement de Paris le 13. May, 1566. que tous Amortissemens soient verifiez non seulement en la Chambre des Comptes, mais aussi en la Cour de Parlement: Parce qu'ils contiennent exemption du droict de nouveaux Acquests, lequel est domanial, ensemble de foy & hommage, ou de censue & de droicts Seigneuriaux & feodaux, par ce moyen diminution du Domaine de la Couronne de France, & fructs d'iceluy, duquel la Cour de Parlement est protectrice. Et si l'Amortissement n'est verifié en la Cour de Parlement, Messieurs les Commissaires ordonnez sur le fait & taxe du droict de francs-Fiefs, & nouveaux Acquests, lesquels sont ordinairement du corps de la Cour de Parlement, n'auront aucun esgard audit Amortissement, & taxeront les impetrans d'iceluy, pour les heritages y contenus. Et à la verité il est plus necessaire, que les Amortissemens soient verifiez en la Cour de Parlement, que non pas les Anoblissemens; Parce que les Amortissemens concernent la diminution des droicts domaniaux du Roy: & les Anoblissemens concernent principalement l'exemption du payement des tailles, taillon, aydes, & subsides, esquels les roturiers sont subiets & contribuables. Et pour ceste cause est requis, que les Anoblissemens soient verifiez non seulement en la Chambre des Comptes, mais aussi en la Cour des Aydes. Comme nous auons amplement deduit au 21. chapitre du present Traicté.

Tous Amor-
tissemens doi-
uent à present
estre verifiez
en la Cour
de Parlemēt
& Chambre
des Cōptes.

De fait les Gouverneurs de l'Hostel-Dieu de Paris, ayans obtenu lettres d'Amortissement du fief Dalbic, assis es Halles de Paris, immédiatement tenu du Roy, ont fait verifier leurs lettres en la Cour de Parlement, le 20. de Septembre 1578. & en la Chambre des Comptes, le 15. Auiil 1577. comme auons dict au 5. chapitre de ce Traicté.

Pareillement François Despense Escuyer, Seigneur dudit lieu, ayant baillé par eschange vne cense & mestairie assise à Dampmartin la Planchette, aux Religieux, Abbé, & Conuent nostre Dame de la Calande, à l'encontre d'une piece de pré, anciennement deuëment amortie, que lesdits Religieux transporterent audit Seigneur Despense. Dame Magdeleine Despense heritiere dudit defunct François Despense, obtint lettres d'Amortissement du Roy de ladite cense. Pour lequel Amortisse-

²
Amortisse-
ment obtenu
par la Dame
Despense,
verifié tant
en la Cham-
bre des Com-
ptes qu'en
Parlemēt.

ment, apres information faicte de la valeur, fut payé au Roy la somme de cent escus. Ledit Amortissement fut verifié purement & simplement en la Chambre des Comptes, le 29. May, 1587. Et en la Cour de Parlement lesdites lettres furent enregistrées, ouy Monsieur le Procureur General du Roy, pour iouyr par l'impetrante de l'effect & contenu en icelles, l'vnziesme Iuillet ensuiuant. Et ladite Dame Despenſe fit la foy & hommage au Roy, de la piece de pré transportée par lesdits Religieux. En ce faissant ladite piece de pré fut des dependances de la Seigneurie de Beguipont, de laquelle la cense eschangée failloit partie: & ladite cense comme amortie demeura ausdits Religieux.

3
Amortissement obtenu par les Minimes, verifié en la Cour.

Aussi les Religieux, Correcteur, & Freres Minimes du Conuent nostre Dame de toute Grace, dicte Nigeon lez Paris, de l'Ordre S. François de Paule, le 3. Aoust, 1566. firent verifier en la Cour de Parlement, l'Amortissement par eux obtenu du Roy, d'une maison qu'ils auoient acquise, assise prés leur Monastere, & à present enclose en iceluy. Comme il sera dict au 50. chapitre du present Traicté.

4
Les Amortissements anciennement n'estoient verifiez.

Et si les Amortissements generaux ou particuliers, depuis l'Edict cy dessus datté, ne sont verifiez tant en la Cour de Parlement que Chambre des Comptes, on n'y a point d'esgard, & n'apportent profit aucun, s'ils sont obtenus auparauant l'Ordonnance susdite, & s'ils sont verifiez en la Chambre des Comptes, on y a esgard, & ont les effects declarez au prochain chapitre. Si les Amortissements sont fort anciens, & soient obtenus auparauant le regne de Philippes de Valois, on ne s'arreste pas à la verification, comme anciennement n'estant requise: & suffisoit que les lettres d'Amortissement eussent esté deliberées au Conseil du Roy, & fussent seellées du grand seel.

5
Aucuns sont d'aduis qu'il suffit que les Amortissements soient verifiez en la Chambre des Comptes.

Toutesfois ie ne veux obmettre qu'aucuns sont d'aduis qu'il suffit, que les Amortissements generaux ou particuliers soient verifiez en la Chambre des Comptes: ainsi que les Anoblissements, lettres de naturalité & de legitimacion. Comme les Amortissements ne contenant alienation du Domaine vny & incorporé à la Couronne de France, ny des fruiets d'iceluy, dont parle l'Ordonnance faicte pour l'vnion & cōseruation du Domaine. Et dient que les Amortissements, Anoblissements & lettres de naturalité & de legitimacion contiennent simples obuentions & profits casuels, quand le cas eschet, desquels la cognoissance appartient à Messieurs des Comptes: & qu'ainsi a esté cy-deuant obserué. Le plus seur est les faire verifier, quoy que ce soit registrer en la Cour de Parlement. Attendu, comme dict est, que les Amortissements contiennent non seulement exemption du droit de nouveaux Acquests, mais aussi exemption de la prestation de foy & hommage, ou payement de censue, & des droits seigneuriaux & feodaux, esquels les heritages amortis, auparauant l'Amortissement estoit subiet enuers le Roy. Aussi quand l'Amortissement est verifié en la Chambre des Comptes, & la finance payée au Roy: il est facile faire verifier sans frais en la Cour, laquelle ne préd cognoissance de cause, & ordonne que les lettres seront enregistrées, ouy le Procureur General du Roy, pour iouyr par l'impetrant de l'effect & contenu d'icelles.

Mais il faut entendre que les Amortissemens generaux sont reprouvez par les anciennes Ordonnances, comme frauduleux & deceptifs: tout ainsi que quittances generales sont presumées frauduleuses & captieuses: car par le moyen des Amortissemens generaux, ne contenant aucune declaration des heritages amortis, il est facile de frauder le Roy, & entreprendre sur son Domaine. Et sous ombre de tels Amortissemens, les Ecclesiastiques, Communautéz, & autres gens de main-morte, se peuvent facilement accroistre, & augmenter leurs droicts & possessions, sans qu'on en ait cognoissance. *l. cum Aquiliana. ff. de transact. l. 3. §. contrarium. ff. de contr. ind. tut.* Et ce que dessus se doit entendre selon qu'il sera dict à la fin du 49. chapitre.

6
Les Amortissemens generaux sont reprouvez par les anciennes ordonnances.

Toutesfois si pour iustes occasions le Roy a octroyé Amortissemens generaux à tout vn pays, ou à vne Prouince, ou à tout le Clergé du Royaume de France, ou à vn Diocese, ou bien à vne Abbaye, Prieuré, ou Communauté d'habitans, ou autres gens de main-morte, sans aucune declaration ny specification par le menu des heritages & droicts amortis, & que tels Amortissemens ayent esté verifiez en la Cour de Parlement, & Chambre des Comptes, depuis l'ordonnance faicte pour la reünion & conseruation du Domaine: ou bien en la Chambre des Comptes auparavant ladite Ordonnance, comme ont esté les Amortissemens generaux octroyez par les Roys François premier, & Henry II. cy-dessus transcrits, on aura esgard à tels Amortissemens. Mais ils ne seront de tel effect, & n'auront telle force & vigueur, que les Amortissemens particuliers deuëment verifiez: comme il sera dict és 48. 49. & 50. chapitres du present Traicté.

7
Le Roy pour iustes causes peut octroyer lettres d'Amortissement.

Et pour empescher qu'on ne puisse debattre les Amortissemens generaux, qui seront cy-apres obtenus des Roys de France; il sera expedient que les Prouinces, Dioceses, Monasteres, Chapitres, Colleges, Communautéz, ou autres gens de main-morte, qui obtiendront du Roy Amortissemens generaux de tous les heritages & droicts immobiliers qui leur appartiennent, facent mettre & rediger par escrit en vn cahier de parchemin, attaché sous le contreseel de leurs lettres d'Amortissement general, la declaration par le menu, tenans & aboutissans, de tous les heritages qui leur appartiennent, avec la nature, qualité, charges & valeur d'iceux, & que le double de tel Amortissement & declaration demeure pardeuers Messieurs des Comptes: A ce qu'on puisse estimer la recompense deuë au Roy, à cause des heritages amortis. Aussi que cy apres ceux qui ont obtenu tels Amortissemens, ne puissent s'accroistre, ny augmenter leurs droicts & heritages, au preiudice du Roy, & diminution de son Domaine. Comme ont faict les Religieux, Prieurs, & Conuents des Celestins, & Chartreux de ceste ville de Paris, & autres Monasteres de ce Royaume.

8
Ceux qui obtiennent Amortissemens generaux doiuent attacher à iceux la declaration de leurs heritages.

Quel profit les Amortissemens, tant generaux, que particuliers, deuëment verifiez, apportent aux gens de main-morte qui les ont impetrez.

CHAPITRE XLVIII.

Quatre effects des Amortissemens particuliers deuëment verifiez.



Premier effect des Amortissemens particuliers.

N a tousiours tenu, que les Amortissemens particuliers deuëment verifiez, esquels les heritages amortis sont declarez par le menu, ont quatre effects, & profitent aux gens de main-morte qui les ont impetrez, à quatre choses principalement.

Le premier effect est, que les gens de main-morte, qui ont Amortissement particulier deuëment verifié, ne peuvent estre aucunement contrains vuidier leurs mains des heritages qui leur sont amortis, soit que les heritages amortis soient immediatement tenus du Roy en fief ou censue, ou d'autres Seigneurs. D'autant, que par les lettres d'Amortissement, les gens de main-morte sont faicts capables de posseder heritages en France, & dispensez de perpetuellement les tenir, comme il a esté dict aux 3. & 41. chapitres.

Second effect.

Le second effect est, que les gens de main-morte ne sont abstrains pour les heritages feodaux immediatement tenus du Roy deuëment amortis, luy bailler homme viuant, mourant & confiscant, luy porter hommage, ny luy payer aucuns droicts & deuoirs. Et pour le regard des heritages roturiers tenus en censue de sa Maiesté, ne doiuent luy payer par an aucune censue ny redeuance, s'il n'est expressément dict par les lettres d'Amortissement, comme il sera déclaré au 50. chapitre.

Troisiesme effect.

Tiercement les Amortissemens particuliers deuëment verifiez, profitent aux gens de main-morte: D'autant que par le moyen d'iceux ils sont exemptez de contribuer au droict du ban & arriere-ban, pour les fiefs & heritages nobles qui leur sont amortis: & ne peuvent estre contrains d'enuoyer homme au seruice du Roy, pour le faict de ses guerres: combien que *per substitutum Ecclesiastica persona seruitium prestare possint, secundum Glosam in §. qui clericus, in verbo amittit. si de feud. cont. sit. in vsib. feud.* Car heritages amortis estans estimez alaudiaux, & comme tenus en franc-aleu, ils sont francs, libres, & exempts de tout seruice: consequemment du ban & arriere-ban. Comme il a esté dict au sixiesme chapitre.

Pour heritages amortis on n'est point subject au ban & arriere-ban.

De faict les Religieux, Abbé & Conuent de Saint Vvast d'Arras, ont esté declarez exempts du seruice & contribution du ban & arriere-ban, par deux sentences données par le Bailly d'Amyens, les 11. Ianuier 1569. & 16. Iuin 1573. pour les terres & seigneuries qui leur appartiennent deuëment amorties. Et ce conformément aux lettres patentes decernées

par

par le Roy François premier du nom, le quinzième Octobre 1539. adressantes au Preuost de Paris, pour contraindre toutes personnes tenans fiefs ou arriere-fiefs, les bailler par declaration, afin de les cottiſer au ban & arriere-ban. Lesquelles lettres portent que les Gens d'Eglise & de main-morte seront tenus bailler declaration des fiefs & arriere-fiefs qu'ils possèdent non amortis. Et pour le regard de ce qui est amorty, ils ne sont astraits ny à le bailler par declaration, ny subiects au seruice du ban & arriere-ban, ny à la cottisation de deniers qu'on a accoustumé leuer pour raison d'iceluy. Et faut maintenir que les heritages qui estoient possédez par les Ecclesiastiques lors des Amortissemens generaux octroyez par les Roys François & Henry, sont amortis pour le regard du ban & arriere-ban, & n'a-on pas accoustumé de les y cottiſer.

En quatrième lieu, les Amortissemens particuliers deuëment verifiez, profitent aux gens de main-morte. Parce que lors qu'on leue le droict de nouveaux Acquests, ce qui se faict de quarante ans en quarante ans, ou de trente ans en trente ans, ils ne sont tenus payer le droict de nouveaux Acquests : & ne sont aucunement taxez ny cottiſez pour le regard des heritages qui leur sont particulierement amortis, ainsi qu'il est porté par l'arrest du 6. Mars 1574. donné sur la verification des lettres obtenues par les Beneficiez & Gens d'Eglise, recitées au cinquantième chapitre.

*Quatriesme
effect des
Amortisse-
mens particu-
liers deuë-
ment veri-
fiés.*

Partant lors qu'on leue le droict de nouveaux Acquests, & que les Gens d'Eglise, Colleges, Chapitres, Communautz, Marguilliers, habitans de villes, ou de villages, & autres gens de main-morte, sont contraints bailler declaration entiere, par le menu, & au vray, des maisons, terres, possessions, seigneuries, cens, rentes, heritages, & droicts immobiliers qui leur appartiennent, ils doiuent expressement coter les heritages qui leur sont amortis : & faire apparoir des Amortissemens, souffrances & respits, qu'ils ont obtenus des Roys de France d'iceux posseder, avec la verification de tels Amortissemens. Et distinguer les heritages amortis de ceux qu'ils ont acquis de nouuel, depuis les Amortissemens par eux obtenus : à ce qu'ils ne soient taxez pour le regard des heritages deuëment amortis, mais seulement pour les non amortis, comme il sera déclaré aux 50. & 73. chapitres.

*Les gens de
main morte
ne sont sub-
iects au droict
de nou-
ueaux Ac-
quests pour
leurs heri-
tages qui
sont amor-
tis.*

Quant aux Amortissemens generaux deuëment verifiez, ils profitent aux Ecclesiastiques & autres gens de main-morte impetrans d'iceux : Qu'ils ne peuvent estre contraints par le Roy, ny par autres seigneurs, vuidier leurs mains des heritages qu'ils possédoient lors & auparauant tels Amortissemens. Aussi qu'ils ne sont contraints bailler au Roy homme viuant & mourant, pour les heritages nobles que lors ils detenoient, ny payer censue des heritages roturiers, que lors ils possédoient. Et ne sont tenus contribuer au ban & arriere-ban, qui sont les trois premiers effets cy-dessus recitez. Au regard du quatriesme effect, qui est l'exemption du droict de nouveaux Acquests, il a esté reuouqué en doute, & plusieurs ont esté d'aduis, que les Amortissemens generaux n'estoient suffisans pour exempter à l'aduenir les Eglises, Chapitres, Colleges, Communautz,

*Quel profit
les Amortis-
semens ge-
neraux ap-
portent.*

& autres gens de main-morte, de payer le droict de nouveaux Acquests, aux successeurs Roys de France, lors qu'on leue la finance deuë à cause dudit droict, comme il sera dict au prochain chapitre.

Sçauoir si les Amortissemens generaux, mesmes ceux qui ont esté octroyez au Clergé de France par les Roys François premier, & Henry deuxiesme, apportent exemption à l'aduenir du droict de nouveaux Acquests.

CHAPITRE XLIX.

Qu'il se trouue plusieurs Amortissemens generaux octroyez par les Roys de France.



OMBIE N que par les anciennes Ordonnances, les Amortissemens generaux soient reprouuez, comme presomptueusement frauduleux & preiudiciables au Roy, ainsi qu'il a esté dict au 47. chapitre: Toutesfois és registres tant de la Cour de Parlement, que de la Chambre des Comptes, se trouuent plusieurs Amortissemens generaux, octroyez par les Roys de France à tout vn pays, ou à toute vne Prouince, ou à tout le Clergé de France, ou bien à tout vn Diocese, ou à vne Abbaye, Prieuré, ou autre Monastere, ou bien à vn Chapitre, College, ou autre Cōmunauté, sans aucune declaration ny specification des heritages & droicts amortis: ainsi qu'il est expressement requis par les Ordonnances.

De faict on trouue és registres de la Cour de Parlement, au 226. fueillet des Ordonnances du Roy Louys XI. l'Amortissement general octroyé par ledit Seigneur, pour tout le pays de Normãdie, quant aux francs-Fiefs & nouveaux Acquests, faicts par gens de main-morte, depuis trente ans, & par gens roturiers d'heritages nobles, depuis quarante ans. Pareillement se trouue vn autre Amortissement, pour toutes les Eglises & Hospitaux de Normandie, de ce qu'ils auoient acquis depuis trente ans & au dessus, lequel en l'an 1522. leur fut baillé par le Roy François premier du nom, moyennant la somme de quatre vingts mil liures, & est enregistré au 382. fueillet des Ordonnances dudit Roy François. Aussi se trouue pareil Amortissement general pour ceux du Duché de Bourgogne, moyennant la somme de cinquante mil liures, enregistré au cinquiesme liure des Ordonnances susdites, fueillet 94. Et plusieurs autres qui sont recitez par Monsieur le Maistre en ses Decisions notables, Traicté premier, chapitre 9. Mesmes en la Chambre des Comptes sont enregistrez plusieurs Amortissemens generaux, octroyez au Clergé de France, par les Roys François I. du nom, & Henry II. spécialement les Amortissemens generaux transcrits au 43. chapitre du present Traicté.

Sçauoir si les Amortissemens generaux exemptent du

Mais on a demandé si par le moyen de tels Amortissemens generaux deuëment verifiez, mesmes des Amortissemens generaux octroyez par les Roys François & Henry, cy-dessus mentionnez, les Ecclesiastiques

& autres gens de main-morte impetrans d'iceux, sont à l'aduenir exempts de payer aux successeurs Roys de France, le droict de nouveaux Ac-
 quests: tout ainsi qu'ils en sont exempts par le moyen des Amortissemens particuliers deuëment verifiez.

*droict de
nouveaux
Acquests
pour l'adue-
nir.*

Et à la verité il appert par la teneur des Amortissemens generaux, octroyez par les Roys François & Henry, aux Prouinces & Dioceses du Clergé de France, que toutes & chacunes les lettres & Seigneuries nobles & non nobles, fiefs, arriere-fiefs, censives, arriere-censives, franc-aleu, cens, rentes, droicts, profits, reuenus, & émolumens, de quelque estat, qualité, tiltre, preëminence, authorité, & prerogatiue qu'ils fussent, & tous heritages & droicts immobiliers situez au Royaume de France, qui appartenoint par acquisition, dons, legs, aumosnes, ou autrement, à quelque tiltre que ce soit, aux Archeueschez, Eueschez, Chapitres, Eglises, Monasteres, & Communautéz Ecclesiastiques impetrans d'iceux, lors & au temps desdits Amortissemens, leur ont esté amortis & à Dieu dediez à tousiours & perpetuellement, sans qu'ils puissent estre contrains eux & leurs successeurs en vuidier leurs mains, ores ne pour le temps aduenir; n'en payer autre finance que celle accordée avec les Majestez des Roys susdits. Et sans que les Eglises, Colleges, Chapitres, & Communautéz, denommez esdits Amortissemens, fussent tenus prendre autres lettres d'Amortissement, ny bailler par declaration les heritages & droicts à eux lors appartenans. Et ausdits Amortissemens sont inserées toutes les clauses derogatoires des derogatoires, en tels cas requises & necessaires. Aussi les Amortissemens generaux octroyez par le Roy François, ont esté verifiez par Messieurs des Comptes. Et les Amortissemens generaux impetrez du Roy Henry, contenant confirmation des Amortissemens generaux, octroyez par le Roy François, ont esté verifiez tant en la Cour de Parlement, que Chambre des Comptes.

Toutesfois Messieurs les Commissaires deputez pour le faict des francs-Fiefs, & nouveaux Acquests, par le Roy Henry II. en l'an mil cinq cens quarante-sept, taxerent au payement du droict de nouveaux Acquests, les personnes & Communautéz Ecclesiastiques du Royaume de France, non seulement pour les heritages & droicts immobiliers par eux acquis depuis l'an mil cinq cens vingt-deux, qu'ils auoient obtenu Amortissemens generaux du Roy François: Mais les cottiserent pour tous les heritages feodaux, alaudiaux, & roturiers qu'ils possedoient: ensemble pour tous les droicts immobiliers qui leur appartenoint: lesquels ne leur auoient esté particulierement amortis, & ce nonobstant les Amortissemens generaux du Roy François. Tellement que le Clergé fut contrainct composer avec le Roy Henry, & obtenir de sa Majesté Amortissement general pour chacune Prouince, ou pour chacun Diocese, moyennant la finance qui luy fut payée en l'année 1549. & autres années subsequentes.

*Nonobstant
les Amor-
tissemens ge-
neraux, les
Ecclesiasti-
ques ont esté
taxez au
droict de
nouveaux
Acquests.*

Aussi Messieurs les Commissaires deputez par le Roy Charles IX. en l'an 1571. pour la liquidation des droicts de francs-Fiefs & nouveaux Ac-

quests, eussent taxé tous les Ecclesiastiques du Royaume, pour tout le temporel dependant de leurs Benefices particulierement non amorty, si par l'Edict des francs-Fiefs & nouveaux Acquests, le Clergé payant decimes n'eust esté excepté. Et lesdits Seigneurs Commissaires ont cottisé au droict de nouveaux Acquests, les Ecclesiastiques ne payans decimes pour tout le temporel de leurs Benefices, non amorty par Amortissemens particuliers deuëment verifiez, comme il a esté dict au 28. chapitre: Pareillement ont taxé les Gouverneurs des Hospitaux, Hostels-Dieu, Maladeries, Leproseries, Aumosneries, Commanderies, Preuostez, Stipendies, Confrairies, Marguilliers de Fabriques, Vniuersitez, Colleges, Communautéz de villes, bourgs, bourgades, & villages, pour tous les heritages & biens immeubles qui leur appartiennent, non amortis par Amortissemens particuliers deuëment verifiez: encores que quelques Hospitaux, Hostels-Dieu, Maladeries, Commanderies, Confrairies, & Fabriques eussent contribué à la finance payée aux Roys François & Henry, pour obtenir de leurs Majestez les Amortissemens generaux cy-dessus recitez.

*Pourquoy
les Amortis-
semens ge-
neraux n'e-
xemptent
du droict de
nouveaux
Acquests.*

Et pour soustenir ce que dessus, le Procureur du Roy en la commission des francs-Fiefs & nouveaux Acquests maintient, que les Amortissemens generaux obtenus par les Ecclesiastiques, des Roys François I. & Henry II. ne sont vrais Amortissemens, ains simples compositions faictes avec leurs Majestez pour leur temps, & droicts qui leur estoient deubs, pour la tolerance de la iouissance que les Ecclesiastiques auoient auparauant eu, des heritages qui ne leur estoient amortis. Et lesdits Seigneurs Roys estans agitez de guerre en tous les endroicts du Royaume, pour promptement recouurer deniers, furent contraints quitter les deux parts de ce qui leur appartenoit, & à l'occasion des vrgens affaires du Royaume, lesdits Amortissemens furent verifiez. Lesquels sont notoirement contraires aux Ordonnances reprouuans tous Amortissemens generaux, & requerans que les heritages amortis soient declarez par le menu, tenans & aboutissans, qu'on informe deuëment & solennellement du reuenue annuel & valeur d'iceux, & que le tiers de la valeur de l'heritage amorty soit baillé au Roy en fonds de terre, pour estre vny à son Domaine: afin de recompenser sa Majesté de la perte & dommage qu'elle souffre, en octroyant lettres d'Amortissement: & permettant qu'un heritage prophane soit amorty, & à Dieu dedié. Comme il a esté dict au 26. chapitre: en sorte que les formes & solennitez requises pour la verification d'un Amortissement, n'ont esté obseruées ny gardées aux Amortissemens susdits.

*Autre raison
de ce que
dessus.*

Aussi les Roys François & Henry, n'estans que simples vsufructiers du Royaume, n'ont peu preiudicier à leurs successeurs Roys de France, ny leur tollir le droict de nouveaux Acquests, qui est pur domanial. Car si les Amortissemens generaux octroyez par leurs Majestez au Clergé du Royaume de France sortissent effect, & que les personnes Ecclesiastiques & autres gens de main-morte impetrans d'iceux ne soient tenus payer le droict de nouveaux Acquests, sinõ des heritages & droicts immo-

biliers qu'ils ont acquis, ou qui leur ont esté donnez, leguez ou aumosnez, depuis l'Amortissement general, qui leur fut baillé par le Roy Henry, en l'an 1551. & autres années subsequentes: Les successeurs Roys de France ne receurent à l'aduenir aucune finance à cause du droict de nouveaux Acquests. Parce que les Ecclesiastiques n'acquierent plus d'heritages, ains sont contrains aliener l'ancien domaine & patrimoine de leurs Eglises: comme il est notoire, & qu'il fut amplement remonstré à Messieurs du Conseil Priué, le Roy Henry estant à Vauluyfant, au mois de Iuin, 1548. Mesmes que le Roy ne peut octroyer Amortissements generaux que tant luy, que ses successeurs ne soient mis hors d'interest, & n'en reçoient l'utilité pour leur Estat & Domaine.

Et l'exemption de ne payer droict de nouveaux Acquests octroyée par le Roy Charles IX. au Clergé payant decimes, ne se doit entendre que pour ceste fois. En recognoissance des grands deniers, desquels la Majesté dudit Seigneur auoit esté secouruë pour la conseruation de son Estat & Couronne, pendant les guerres ciuiles. Non pas que l'exemption se puisse estendre à l'aduenir, & que d'icelle le Clergé payant decimes, se puisse preualoir contre les successeurs Roys de France.

Comment se doit entendre l'exemption baillée aux gens d'Eglise payans decimes, de ne payer droict de nouveaux Acquests du temps de Charles IX.

Mais il faut entendre ce que dessus, des Amortissements generaux, octroyez à tout vn pays, ou à toute vne Prouince, ou à tout le Clergé de France, ou bien à tout vn Diocèse. Non pas des Amortissements qui sont octroyez à vne Abbaye, ou à vn Prieuré, ou autre Monastere: ou bien à vn Chapitre, College, ou autre Communauté, ou bien à vn Hospital ou Hostel-Dieu, de tous les heritages, droicts immobiliers, & reuenu temporel desdites Abbayes, Prieuré, Monastere, Chapitre ou autre Communauté Ecclesiastique ou laye, ou biē de tous les heritages & droicts immobiliers appartenans à vne Maladerie, Commanderie, Hostel-Dieu, ou à vne Cure ou à autre Benefice. Car tels Amortissements encores qu'ils ne contiennent declaration par le menu des heritages & droicts immobiliers amortis par iceux: Toutesfois ils sont plustost particuliers pour vne simple Abbaye, Prieuré, ou autre Benefice & Hostel-Dieu, ou pour vne simple Communauté, que generaux. D'autant que le reuenu temporel d'une Abbaye, Prieuré, ou autre Benefice est certain, notoire & cogneu, non pas vague, incertain & incogneu. En sorte que tels Amortissements estans deuëment verifiez, ils doiuent apporter pareil profit, que les Amortissements particuliers: mesmes exemption du droict de nouveaux Acquests. Et ceux qui les ont verifiez, doiuent auparauant la verification contraindre les impetrans desdits Amortissements, à bailler declaration particuliere de tous leurs heritages & droicts immobiliers, ce qu'ils eussent volontairement & facilement faict: comme il a esté dit au 47. chapitre.

Partant faudra s'enquerir, quels heritages & droicts immobiliers appartenent à ceux qui ont obtenu lesdits Amortissements, lors & au temps de l'impetration d'iceux. Et les contraindre seulement à bailler declaration des heritages & droicts immobiliers qu'ils ont acquis depuis lesdits Amortissements, & non du precedent. Autrement il y auroit

Les Ecclesiastiques ne doiuent bailler declaration, sinon des herita-

ges acquis
depuis leurs
Amortisse-
mens.

beaucoup de Chapitres, Monasteres, & autres Ecclesiastiques, & plusieurs Gouverneurs d'Hostels-Dieu, & Maladeries, Colleges, Vniuersitez & Communautéz, tant d'habitans qu'autres, qui seroient grandement vexez & trauaillez.

Ancienne-
ment on ne
verifioit
point les
Amortisse-
mens.

Et anciennement on ne verifioit point les Amortissemens, quoy que ce soit, on n'obseruoit pas les formes, solemnitez & subtilitez qui sont au-
iourd'huy gardées pour la verification des Amortissemens, à laquelle on procedoit simplement & sinceremēt, sans faire les recherches, inquisitions & perquisitions qu'on a faict depuis quelque temps contre les Ecclesiastiques, & personnes nobles de ce Royaume: cōme il a esté dit au 47. chap.

*Les gens de main-morte qui ont obtenu Amortissement deuë-
ment verifié, ne sont tenus bailler au Roy homme viuant
& mourant, ny à l'aduenir luy payer aucuns droicts
pour les heritages amortis.*

CHAPITRE L.

Sçauoir si
pour herita-
ges deuë-
ment amor-
tis on doit
bailler au
Roy homme
viuant &
mourant, &
à l'aduenir
luy payer
droicts &
deuoirs.



O V T ainsi qu'on a reuoké en doute l'effect des Amortissemens generaux, pour le regard du droict de nouveaux Acquests à l'aduenir, ainsi qu'auons deduit au chapitre precedent: Aussi on a douté si apres vn Amortissement particulier ou general obtenu du Roy, selon la forme ancienne, & semblable à l'vn des Amortissemens cy-dessus transcripts, deuëment verifié en la Cour de Parlement, & Chambre des Comptes, on est tenu bailler au Roy, homme viuant & mourant, pour raison du fief amorty immediatement mouuant de sa Majesté, lequel sera tenu faire hommage, & par le decez duquel sera deu rachapt. Pareillement si pour l'heritage roturier on sera tenu payer censue chacun an.

Plaidoyé de
ce que dessus.
Moyens al-
leguez par
l'appellant.

Ceste question fut plaidée en la Cour de Parlement, le Ieudy 23. Feurier, 1570. entre vn Prieur, les terres duquel Monseigneur le Duc d'Alençon Frere du Roy, auoit faict saisir comme feodales, à faute d'homme, foy & hommage non faicts, droicts & deuoirs non payez. De laquelle saisie le Prieur auoit appellé, déniant que ses terres fussent feodales, ains alaudiales, quoy ce soit amorties: desquelles luy & ses predecesseurs auoient iouy par temps immemorial, sans aucune prestation d'hommage, payement de censue, ny d'autre redeuance, & sans payement d'aucuns droicts & deuoirs. Aussi alleguoit les Amortissemens generaux, tant du Roy François premier, en l'an 1522. que du Roy Henry II. en l'an 1551. transcripts au 43. chapitre. Par lesquels il soustenoit, que tous les heritages, tant feodaux, alaudiaux, que roturiers, cens, rentes, & generalement tous droicts immobiliers, lors possédez par personnes Ecclesiastiques, à quelque tiltre que ce fust, auoient esté amortis, sans

qu'ils peussent estre contraincts en vuidier leurs mains, fussent tenus bail-
ler homme viuant & mourant, porter foy & hommage pour raison d'i-
ceux, ny en payer aucuns droicts ou deuoirs. Et ce moyennant la finan-
ce deslors payée. Et que les susdits Amortissemens estoient verifiez en la
Cour de Parlement, & Chambré des Comptes, & portoient toutes les
clauses derogatoires des derogatoires, qui estoient requises pour la vali-
dité d'iceux, & assurance des Ecclesiastiques.

Le Seigneur Duc d'Alençon soustenoit au contraire: disant que ce *Moyès alle-
guez par
l'intimé.*
mot d'Amortissement ne signifie autre chose, sinon congé & dispense
de tenir par gens de main-morte l'heritage qui est amorty, ainsi qu'il
a esté dit au troisiésme chapitre. Aussi que les trois Amortissemens,
transcripts aux 43. 44. & 45. chapitres du present Traicté, ne contien-
nent autre clause, sinon que les impetrans d'iceux pourront perpetuel-
lement tenir & posseder les heritages qui leur sont amortis, sans estre
contraincts en vuidier leurs mains. Non pas que la prestation d'hom-
me, foy, hommage, & profits de fiefs, leur ayent esté remis & quittez à
l'aduenir. Mesmement que *feudum non potest esse sine fide*. Dauantage
ledit Seigneur Duc d'Alençon disoit lors que le Roy François son ayeul
oütroya Amortissement general au Clergé de France, qui fut en l'an
1522. le Duché d'Alençon n'appartenoit au Roy de France, ains à Char-
les d'Alençon, qui lors viuoit, aux droicts duquel le Roy par ses lettres
d'Amortissement general ou particulier, n'auoit entendu ne peu pre-
judicier, non plus qu'aux Seigneurs haut-Iusticiers, feodaux ou cen-
siers de ce Royaume. Comme il sera dit au 53. chap. du present Traicté.

Et finalement apres longue dispute, la cause fut appointée au Conseil.

Mais il faut soustenir que l'Amortissement particulier ou general, *L'amortisse-
ment excepte
de foy, d'hô-
mage, & de
tous droicts
à l'aduenir.*
deuëment verifié, exempté & affranchit à l'aduenir les gens de main-
morte, de la prestation d'homme viuant & mourant, foy & homma-
ge, & profits feodaux, pour le regard du fief amorty, immediat-
ement mouuant du Roy. Ensemble de la censue, pour le regard de l'he-
ritage roturier.

Primò, parce qu'un heritage amorty est hors de profanité, est voüé, *Premiere
raison de ce
que dessus.*
dedié & consacré à Dieu. De faict le Roy amortissant vn heritage vse
de ces mots: Auons amorty & à Dieu dédié, amortissons & à Dieu de-
dions: *pro spiritualibus autem homagium fieri non debet. cap. finali de reg. iur.*
ext. cano. nulli liceat. 12. quæst. 2. textus in cap. futuram Ecclesiam. 12. quæ. 1. in
verbis, non solum possessiones & prædia quæ possidebant. sed etiam semetipsos
Domino consecrarunt. l. placet in verbis, prædia vñibus celestium secretorum
dedicata. C. de sacros. Eccles. En ce faisant les heritages amortis sont estimez
estre tenus, *optimo maximoque iure, ac conditione, nulli prophana serui-
tuti obnoxia.*

Et combien que les Archeuesques, Euesques & autres Prelats de ce *Les Prelats
de Franco
prestant ser-
ment au
Roy.*
Royaume, incontinent qu'ils sont pourueus de leurs Archeueschez &
Eueschez, soient tenus prester serment au Roy, pour raison du temporel
de leurs Archeueschez, ou Eueschez, toutesfois ils ne font pas homma-
ge, ainsi que les vassaux sont tenus faire, ains prestant simple serment

de fidelité, comme Monsieur le Maistre a amplement deduit en ses Decisions Notables, au traicté des Regales, chapitre 6. & Maistre Iean Ferraut au traicté des Priuileges du Royaume de France, priuilege 10. à la lecture desquels on peut auoir recours.

Seconde raison de ce que dessus.

Secundo, parce que ce mot d'Amortissement, ne signifie pas seulement dispense & permission de posséder heritages par gens de main-morte: mais aussi signifie quittance, renonciation & remission generale du droit qu'on a en l'heritage amorty. Et par la fin des Ordonnances ou plustost instructions faictes sur les Amortissemens, francs-Fiefs & nouveaux Acquests, cy apres transcriptes, est porté par mots exprés, Qu'Amortissement est declaration du consentement & vouloir que le Seigneur souuerain, & le Seigneur subiect font, que les gens d'Eglise tiennent à tousiours les choses en leurs mains: Et adioustent aucuns sans redevance aucune, & que deslors en auant n'y prend iamais le Seigneur aucunes droictures, ne quelque exploict, amende, ou confiscation: Mais demeure à l'Eglise sans autre seruice.

Troiesime raison de ce que dessus.

Tertio, parce qu'heritages amortis sont estimez alauidiaux, partant francs & libres de prestation de foy & hommage, de censue & de tous droicts & deuoirs, comme il a esté dit aux 2. & 48. chapitres.

Quatriesme raison de ce que dessus.

Quarto, si apres l'impetration des lettres d'Amortissement, les gens de main-morte estoient tenus bailler au Roy homme viuant & mourant, & par le decez de chacun homme ainsi baillé, estoient contraints payer rachapt, les lettres d'Amortissement leur seroient inutiles. Car quand les Ecclesiastiques, & autres gens de main-morte ont acquis fiefs immediatement mouuans du Roy, on ne les contraint pas ordinairement à vuidier leurs mains. Mais on les contraint payer au Roy le droit de rachapt, ou de quint & requint, deu & cause de leur acquisition, & bailler au Roy homme viuant & mourant, lequel est receu en la Chambre des Comptes: Et par le decez de chacun homme ainsi baillé est deu rachapt: Ainsi se pratique, sans qu'on demande, outre la prestation de cet homme, le droit d'indemnité pour le Roy, comme a esté dit au 4. chapitre.

Cinquiesme raison.

Quinto, si pour chacun fief mouuant du Roy, & amorty par la Majesté, les Ecclesiastiques & autres gens de main-morte, estoient tenus bailler au Roy homme viuant & mourant: il y a tel Archeuesque qui seroit tenu bailler au Roy des hommes viuans & mourans, pour plus de quarante fiefs: & des Euesques & Abbez, pour plus de vingt & trente fiefs. Toutesfois il est certain qu'apres les Amortissemens par eux obtenus, ils n'ont baillé, & encores à present ne baillent au Roy aucun homme viuant ne mourant, & ne luy payent aucuns droicts ny deuoirs; & pour les heritages roturiers ne payent aucune censue. Et ainsi tousiours a esté obserué en France.

De faict en l'année 1527. le Procureur du Roy à Peronne, ayant faict saisir les seigneuries de Moulins, & le Mesnil, appartenans aux Religieux, Abbé & Conuent de saint Vast d'Arras, à faute d'homme, droicts & deuoirs non faicts: lesdits Religieux ayans faict apparoir que lesdites terres leur estoient amorties par les Roys Theodoric & Charlemagne, ils obtindrent

obtindrent le 6. Septembre audit an, 1527. Sentence du Gouverneur du- dit Peronne : Par laquelle main-leuée à pur & à plein leur fut faicte des- dictes seigneuries, sans que pour raison d'icelles, eux ne leurs successeurs soient tenus bailler hōme, ny les releuer ou droicturer en aucune maniere.

Sentence cō- firmative de ce que dessus.

Ioinct que par les lettres d'Amortissement bien dreslées, selon la forme prescrite au 52. chapitre du present Traicté: le Roy renonce à tout le droict qu'il a, & peut auoir, tant pour le present, qu'à l'aduenir, en l'heri- tage amoty: comme on pourra cognoistre par la lecture dudit chapitre.

Sixiesme raison.

Bien est vray, que si par les lettres d'Amortissement estoit dit, que les impetrans seroient tenus bailler au Roy homme viuant & mourant: ou bien que les nouveaux Abbez, Prieurs, ou Doyens, seroient tenus entrer en foy, & payer rachapt: ou payer quelque censue chacun an: ou bien si les Coustumes des lieux expressement le portoient, comme d'Anjou article 110. du Maine article 121. & de Touraine au chapitre des rachapts & ventes, articles dix & vnz: Et que par les Amortissemens n'y eust deroga- tion speciale aux susdites Coustumes, & ne fussent exprimées és Amortif- semens. En ce cas les Amortissemens generaux ou particuliers n'empor- teroient exemption d'hommage, ny des profits de fief, suiuant le texte *in ca- pite primo de constitutionibus. in sexto. l. decurionibus. & ibi glosa de silentia- riy & decurionibus eorum. Codicis lib. 12.* Ainsi qu'il a esté iugé par plusieurs Iugemens de Messieurs les Cōmissaires deputez par le Roy en la Cham- bre du Thresor sur le faict & recouurement de ses droicts & deuoirs feo- daux, domaniaux, & seigneuriaux, donnez à l'encontre des Gens du Cler- gé d'Anjou, Touraine & le Maine, les dernier Auriil, & 12. Iuillet 1575. 16. Iuin, & 13. Iuillet, 1576. Contre lesquels Iugemens les gens dudit Clergé s'estans pourueus au Conseil Priué du Roy, la cause fut renuoyée en la Cour de Parlement de Paris, en icelle publiquement plaidée le 11. Feurier, 1580. & autres iours ensuiuans. Et finalement appointée au Con- seil, ainsi que chacun peut cognoistre par le plaidoyé n'agueres diuulgué.

Interpreta- tion des Coustumes d'Anjou, Touraine & le Maine, concernans ce que des- sus.

En cet endroit conuient noter, combien que les gens de main-morte de toute antiquité n'ayent esté contrainsts bailler au Roy homme viuant & mourant, pour les heritages feodaux immediatement tenus de sa Maje- sté, desquels ils auoient obtenu Amortissement deuëment verifié, ainsi que nous auons cy dessus monstré: Toutesfois les Gouverneurs del'Hostel- Dieu de Paris, ayans impetré du Roy Henry III. à present regnant, let- tres d'Amortissement de la moitié du fief d'Albic, situé és halles de Paris, immediatement tenu du Roy, anciennement donné aux pauvres malades dudit Hostel-Dieu, par defuncte Marguerite de Neuf-ville vesue de feu Pierre Frager. Les lettres estans verifiées purement & simplement en la Chambre des Comptes, le 15. iour d'Auriil, 1577. Et depuis estans presen- tées à la Cour de Parlement pour proceder à la verification d'icelles, la Cour par son Arrest du 20. Septembre, 1577. a ordonné que les lettres d'A- mortissement seront registrées és registres de la Cour, pour iouyr par les impetrans de l'effect & contenu en icelles, pour le regard du fief d'Albic y mentionné, en baillant par eux homme viuant & mourant, pour en faire la foy & hommage au Roy, sans que par le decez dudit homme viuant &

Verification des lettres d'Amortisse- ment portant charge de bailler hom- me viuant & mourant.

mourant, ou autre mutation, lesdits impetrans soient tenus payer aucune finance ou profit d'iceluy. Suiuant lequel arrest lesdits Gouverneurs de l'Hostel-Dieu, ont baillé homme viuant & mourant, lequel a esté receu en la Chambre des Comptes, le 15. Nouembre audit an 1578.

*Verification
des lettres
d'Amortisse-
ment portât
charge de
payer censi-
ue chacun
an.*

Aussi Messieurs des Comptes, en verifiant l'Amortissement obtenu par les Religieux, Correcteur & Freres Minimes du Conuent de nostre Dame de toute Grace, dite Nigeon lez Paris, de l'Ordre de S. François de Paule, transcript au 44. chap. du present Traicté, mirent en leur arrest de verification, du 15. Feurier, 1567. Qu'ils consentoient l'enterinement des lettres d'Amortissement sans payer finance pour raison d'iceluy, sinon douze deniers parisis de cens chacun an, à la Recepte ordinaire de Paris, payables au iour saint Remy, & continuer d'an en an. Combien que lesdites lettres d'Amortissement eussent esté verifiées en la Cour de Parlement, le 3. Aoust, 1566. purement & simplement, sans aucune charge de payer censiue.

*Aucuns sont
d'avis qu'a-
pres un
Amortisse-
ment faut
faire hom-
mage de
l'heritage
feodal, &
payer censi-
ue du rotu-
rier.*

Et sous ombre des deux arrests cy dessus recitez, aucuns veulent soustenir, que nonobstant les lettres d'Amortissement deuëment verifiées, les gens de main-morte sont tenus faire foy & hommage des heritages feodaux qui leur sont amortis. Et payer censiue des heritages roturiers qui pareillement leur sont amortis: & ce pour recognoissance de superiorité, & du Seigneur duquel l'heritage amarty est tenu & mouuant.

*Qu'apres un
Amortisse-
ment il ne
faut point
faire d'hom-
mage ny
payer cen-
siue.*

Mais cela n'a iamais esté pratiqué en France, (comme il a esté dit cy-dessus) & viendroit grandemēt à la foule des Ecclesiastiques, & autres gens de main-morte: Lesquels encores qu'ils ne deussent aucun rachapt, par le decez de l'hōme viuant & mourant, qu'ils auroiēt baillé: toutesfois à faute de bailler hōme viuant & mourant, incontīnēt apres le decez de celuy qui auoit esté baillé & receu, ils pourroient estre saisis. Et seroient en danger de perdre les fructs de l'année, voire de toutes les années subseqüentes la saisie. Aussi ils seroient tenus de payer l'amende, à faute de cens non payez, au iour & lieu que deuz sont, le tout suiuant la Coustume.

*Clauses ne-
cessaires en
un Amor-
tissement.*

Partant quand on dresse vn Amortissement, il faut bien prendre garde à mettre toutes les clauses qui y sont necessaires, mesmes qu'on ne sera tenu à l'aduenir de faire foy & hommage, ny de payer censiue. Et pour auoir cognoissance des clauses qu'il conuient mettre és Amortissemens qui seront cy apres obtenus du Roy, lesquelles ont esté obmises en tous les Amortissemens cy deuant impetrez des Roys de France, est besoin auoir recours à la lecture du 52. chapitre du present Traicté.

*Les Amortissemens obtenus par gens de main-morte, ne sont
suffisans pour verifier la propriété des heritages amortis.*

CHAPITRE LI.

*Amortisse-
ment n'est
titre suffi-
sant pour*



OMBIEN que les Amortissemens apportent plusieurs profits, vtilitez, & commoditez aux gens de main-morte qui les ont impetrez, comme il a esté dit aux trois chapitres precedens; toutesfois les Amortissemens ne peuuent seruir de titre attributif & translatif de propriété de

l'heritage amorty. C'est à dire que les gens de main-morte, soient Ecclesiastiques ou autres, par le moyen des Amortissemens par eux obtenus des Roys de France, deuëment verifiez, ne se peuuent dire Seigneurs & propriétaires des heritages & droicts immobiliers, contenus, spécifiez & declarez en leurs Amortissemens, soit contre le Roy, contre les Seigneurs feodaux, ou aucuns particuliers. En sorte qu'un simple Amortissement, encores qu'il soit deuëment verifié, n'est tiltre suffisant pour verifier la propriété d'un heritage, ou de quelque droict immobilier, comme de Iustice, censue, champart, ou autre. Mais il est besoin verifier le droict de propriété par autres tiltres suffisans & valables, comme par contract d'achapt, donation, eschange, legs testamentaire, & autres. Tout ainsi qu'un simple adueu & denombrement baillé par le vassal à son Seigneur dominant, autre que le Roy, n'est suffisant pour verifier contre le Roy, ou contre des particuliers, que le vassal soit seigneur & propriétaire de tous les heritages & droicts contenus en son denombrement, auquel il a peu mettre ce que bon luy a semblé, comme il est déclaré par Maître Charles du Moulin és Coustumes de Paris, article 44. question 9. Conformément à la disposition de droict, qui porte: *Qua quisque aliena in censum deducit, nibilominus eius fiunt. l. qua quisque. ff. de acq. ter. do. l. si functiones. l. censualis professio. C. de donat.*

prouuer la propriété de l'heritage amorty.

La raison de ce que dessus est, que les Amortissemens ne sont pas octroyez par le Roy, aux gēs de main-morte, pour les faire propriétaires des heritages spécifiez és lettres d'Amortissement par eux obtenues. Car le plus souvent le Roy n'a aucun droict de propriété esdits heritages: tellement que les Amortissemens ne concernent pas la propriété des heritages amortis: mais ils concernent la simple possession & iouissance d'heritages, qui iustement appartenoint à gens de main-morte, auparauant les lettres d'Amortissement par eux impetrées: & par le moyen desdits Amortissemens, ils sont faicts capables de franchement & libremēt posseder lesdits heritages, sans qu'ils puissent estre cōtraints en vider leurs mains. Si le Roy ne donnoit à quelques Ecclesiastiques, ou autres gens de main-morte, un heritage qui luy appartenist en pleine propriété, & par les lettres de don deuëment verifiées, il amortist l'heritage donné, comme il a esté déclaré au 3. chapitre, & en plusieurs endroits du present Traicté.

Raison de ce que dessus.

Aussi ceux qui expedient les lettres d'Amortissement, comme firent Messieurs les Commissaires, deputez par le Roy François I. du nom, en l'an 1521. & pareillement Messieurs des Comptes, qui ordinairement les verifient, n'ont accoustumé, & n'ont charge de s'enquerir, si les heritages portez par les Amortissemens, appartiennent aux impetrans, ou non, & ne pourroient cognoistre de la question de propriété. Mais ont seulement charge & pouuoir de cheuir & composer, ou bien de taxer la finance qui est deuë au Roy, à cause de la perte, dommage & diminution de son Domaine, qu'il souffre par le moyen des lettres d'Amortissement, obtenues de sa Majesté. D'autant que les gens de main-morte, qui ont impetré lesdites lettres ne sont tenus à l'aduenir, payer au Roy aucuns droicts ny deuoirs, à cause des heritages & droicts immobiliers, qui leur sont amortis.

Autre raison de ce que dessus.

tis, comme il a esté dit au precedent chapitre. Ioinct que les lettres d'Amortissement doiuent contenir, comme contiennent celles qui ont esté expédiées par Messieurs les Commissaires deputez par le Roy François, en l'an 1521. à la fin de la declaration des heritages amortis, ces mots: Moyennant la somme de huit cens liures tournois, ou autre somme, à laquelle auons taxé la finance & indemnité pour ce deuë audit Seigneur Roy. Et sauf son droict en autres choses, & l'autrui en toutes: & pourueu qu'il n'y ait aucune chose du Domaine dudit Seigneur. Ainsi qu'on cognoistra par la lecture des lettres d'Amortissement, obtenues desdits Seigneurs Commissaires par les Haudriettes de ceste ville de Paris, & plusieurs autres.

Vn denombrement deuëment verifié sert de tiltre.

Et combien qu'un adueu & denombrement deuëment verifié par les Iuges des lieux à iour d'Assises, ou par trois diuers iours de plaidoyrie, & depuis receu en la Chambre des Comptes, comme il est requis par les anciennes Ordonnances, serue de tiltre contre le Roy, en sorte que ses Procureurs ne puissent reuoker en doute les droicts portez & specifiez par tel denombrement, comme de Iustice, censive, & autres: Toutesfois un Amortissement ne sert iamais de tiltre, pour les raisons cy dessus alleguées.

Partant les Ecclesiastiques & autres gens de main-morte ne se doiuent totalement fonder sur leurs Amortissemens, pour verifier que les heritages & droicts portez par iceux leur appartiennent. Mais ils doiuent verifier par autres tiltres qu'ils sont Seigneurs & propriétaires des heritages & droicts contenus en leurs Amortissemens. Et s'ils n'ont tiltres suffisans, doiuent alleguer & prouuer prescription suffisante, pour acquerir la pleine propriété de l'heritage par eux possédé: & si c'est contre le Roy, doiuent alleguer & verifier la possession centenaire, qui leur sera fort vtile & profitable. Ainsi qu'auons amplement déclaré au septiesme chapitre du Traicté du droict de Desherence, par nous n'agueres publié, à la lecture duquel est besoin auoir recours, ensemble à la lecture du 25. chapitre du Traicté des droicts de Iustice.

Clauses necessaires d'insérer aux Amortissemens, lesquelles ont esté obmises en tous les Amortissemens cy-deuant obtenus des Roys de France. Avec la vraye forme pour dresser vn Amortissement.

CHAPITRE LII.



PAR la lecture des trois especes d'Amortissemens, transcrittes és 43. 44. & 45. chapitres du present Traicté, aussi par ce qui a esté dit en plusieurs chapitres precedens; on peut facilement cognoistre que les Amortissemens qu'on a cy deuant obtenus des Roys de France, ne tendent qu'à vne seule fin, & à vn seul effect: Qui est que les gens de main-morte puis-

sent perpetuellement tenir l'heritage qui leur est amorty, sans pouuoir estre contrainsts par le Roy, ou autres Seigneurs haut-Iusticiers, feodaux ou censiers, en vuidier leurs mains. Et quant aux autres effects des Amortissemens, deuëment verifiez, declarez au 48. chapitre, n'en est faicte aucune mention és Amortissemens cy-dessus recitez. Partant chacun peut iuger que les Amortissemens qui ont esté iusques à present obtenus de nos Roys ont esté manques & imparfaicts : quoy que ce soit, ont esté mal conceus & dressez.

Les Amortissemens cy deuant obtenus ont esté manques & imparfaits.

Et d'autant que tous heritages possédez par Gens d'Eglise, Communauté & autres gens de main-morte, desquels ils veulent obtenir Amortissement du Roy, sont de trois sortes: Ou feodaux, & immédiatement tenus en foy & hōmage du Roy: Ou roturiers, & immédiatement tenus de sa Majesté en censive: Ou bien sont tenus en fief ou censive d'autres Seigneurs que du Roy. Il semble que les gens de main-morte doiuent pour leur seureté faire mettre és Amortissemens qu'ils obtiendront cy-apres du Roy, non seulement la clause de ne pouuoir estre contrainsts vuidier leurs mains des heritages par eux possédez: mais aussi les clauses qui concernent les autres effects appartenans à vn vray & parfait Amortissement, declarez audit 48. chapitre.

Tellement que si les heritages amortis sont feodaux immédiatement mouuans du Roy, en sorte que les impetrans des lettres d'Amortissement n'ayent affaire sinon au Roy, l'Amortissement sera dressé en ceste forme.



HENRY par la grace de Dieu Roy de France & de Polongne, A tous ceux qui ces presentes lettres verront, Salut. Receuë auons l'humble supplication de nos bien amez les Religieux, Prieur & Conuent de, &c. Contenant que par contract passé pardeuant deux Notaires du Chastelet de Paris, le, &c. tel, &c. a cedé, trāsporté & delaiissé à tiltre d'eschange ausdits exposans, & promis garātir de tous troubles & empeschemens quelconques, le fief, terre, & Seigneurie de, &c. assis en la Paroisse de, &c. avec ses appartenances & dependances, consistans: Premièrement en vn Chasteau, maisons manables, estables, grange, colombier à pied, & plusieurs bastimens enclos de fossez & murailles. Item vn iardin, & bois clos de murailles, ioignant ladite maison, contenant dix arpens ou enuiron, tenant d'une part, &c. Item vingt arpens de terre, assis au terroir de, &c. tenans, &c. Item dix arpens de terre tenans d'une part à, &c. Item dix arpens de pré, tenans d'une part à, &c. Item quatre arpens de vignes, tenans d'une part à, &c. Item dix liures tournois de menus cens, portans lots, ventes, saisines & amendes, à prendre sur, &c. Item pressouiet bannal, Item moulin bannal. Item tout droict de Iustice, haute, moyenne & basse. Tous lesdits heritages, lieux & droicts dessusdits, mouuās de nous en plain fief, foy & hommage, à cause de nostre Chastellenie de Poissi. Et d'autant que les exposans sont gens de main-morte, & que lesdits lieux, heritages, & droicts ne leur sont amortis: ils doutent que nos Officiers leur veulent

Forme de dresser Amortissement d'heritages immédiatement tenus en fiefs du Roy.

cy apres dōner empeschement en la iouyssance desdites choses, au moyen des Ordonnances Royaux faictes sur le faict des francs-Fiefs & nouveaux Acquests de nostre Royaume, si nostre grace ne leur estoit benignemēt impartie. Humblement requerans que nostre plaisir soit, leur amortir les lieux, heritages, & droicts dessusdits, & permettre qu'eux & leurs successeurs les puissent tenir & posseder d'oresnauāt perpetuellement & à tousiours, sans qu'ils puissent estre contrains en vider leurs mains, ny payer à nous & à nos successeurs à l'aduenir, aucuns droicts ou deuoirs, en quelque sorte & maniere que ce soit. A ceste fin leur octroyer nos lettres à ce conuenables. Pourquoy nous ces choses considerées, desirans l'augmentation du reuenu de ladite Eglise & Monastere, à ce que les supplians soient plus enclins à la continuation du Seruice diuin, & à prier Dieu pour la prosperité de nostre personne, paix & vnion de nostre Royaume: Auōs de nostre certaine science, grace speciale, pleine puissance, & autorité Royale, amorty & à Dieu dedié, amortissons & à Dieu dedions, par ces presentes les heritages cy-dessus specifiez & declarez par le menu: sans que les supplians, ny leurs successeurs, soient ou puissent estre contrains ores ne pour le temps aduenir, les mettre hors de leurs mains, pour quelque cause que ce soit, ne qu'ils soient tenus cy-apres pour raison desdits heritages, & droicts dessusdits, nous payer aucuns droicts & deuoirs, bailler homme viuant, mourant, & confisquant, ny faire foy ou hommage, à nous ou à nos successeurs Roys de France. Ny contribuer au ban & arriere-ban, & payement du droict de nouveaux Acquests, que nos successeurs Roys de France pourroient pretendre leur estre deuz, dont les auons affranchis, quittez & exemptez, affranchissons, quittons & exemptons. Pourueu qu'ils nous payent finance modérée pour vne fois seulement. Ou, sans qu'ils soient tenus nous payer aucune finance ou indemnité: laquelle fināce ou indemnité telle qu'elle soit, & à quelque somme qu'elle puisse monter, nous auons donnée & quittée, donnons & quittons aux supplians par ces presentes, que nous auons pour ce signées de nostre main. Si donnons en mandement à nos amez & feaux Conseillers, les Gens tenans nostre Cour de Parlement à Paris, Gens de nos Cōptes, Thresoriers generaux de France establis à Paris, Conseillers de la Iustice du Thresor, Preuost de Paris, & à tous autres Iusticiers, Officiers, ou leurs Lieutenans, & à chacun d'eux, si cōme il appartiendra, Que de nos presens Amortissement, permission, vouloir, & intention, ils facent, souffrent, & laissent lesdits exposans, iouyr & vser plainement & perpetuellement: cessans & faisant cesser tous troubles & empeschemens au contraire. Car tel est nostre plaisir. Nonobstant les Ordonnances, Statuts & cōstitutions de nostre Royaume; Par lesquels les Monasteres, Conuents, Cōmunauttez, & semblables gens de main-morte, ne peuent tenir ne posseder aucuns heritages, s'ils ne leur sont par nous ou nos predecesseurs deuēmēt amortis: & quelconques autres Ordonnances, restrictions, mandemens, & defenses au cōtraire. Ausquelles nous auons pour ce regard derogé, & derogons par celsdites presentes. Et afin que ce soit chose ferme & stable à tousiours, nous auons faict mettre nostre seel à ces presentes, sauf en autres choses nostre droict, & l'autrui en toutes. Donné, &c.

Si c'est vn heritage roturier estant en la censive du Roy, l'Amortissement contiendra ces mots : Auons de nostre certaine science, grace speciale, pleine puissance & autorité Royale, amorty & à Dieu dedié, amortissons & à Dieu dedions, l'heritage cy-dessus specié & déclaré. Sans que les supplians, & leurs successeurs, soient ou puissent estre contraints, ores ne pour le temps aduenir le mettre hors de leurs mains, pour quelque cause que ce soit, ne qu'ils soient tenus cy-apres pour raison dudit heritage, payer à nous ou nos successeurs Roys de France, aucune censive, droicts ou deuoirs, ny à l'aduenir payer aucun droict de nouueaux Acquests, que nos successeurs Roys de France pourroient pretendre leur estre deubs, dont les auons affranchis, quittez & exemptez, affranchissons, quittons & exemptons, pourueu, &c.

Forme de dresser Amortissement d'heritages tenus en censive du Roy.

Si c'est vn heritage feodal ou roturier, qui soit tenu d'autres Seigneurs feodaux ou censiers, que du Roy, l'Amortissement contiendra ces mots: Auons de nostre certaine science, grace speciale, pleine puissance, & autorité Royale, amorty & à Dieu dedié, amortissons & à Dieu dedions l'heritage cy-dessus déclaré, sans que les supplians, ou leurs successeurs, soient ou puissent estre contraints, ores ne pour le temps aduenir, le mettre hors de leurs mains, pour quelque cause que ce soit, ny qu'ils soient tenus cy apres, pour raison dudit heritage, contribuer au ban & arriere-ban, & payement du droict de nouueaux Acquests, que nos successeurs Roys de France pourroient pretendre leur estre deu, dont les auons affranchis, quittez & exemptez, affranchissons, quittons, & exemptos. Pourueu qu'ils nous payent finance modérée pour vne fois seulement, ou sans qu'ils soient tenus, &c. & payât par les supplians aux Seigneurs feodaux ou censiers, desquels ledit heritage est tenu & mouuant, leur droict d'indemnité. Ou, fauf l'interest des Seigneurs feodaux ou censiers, desquels ledit heritage est tenu & mouuant. Si donnons en mandement à nos amez & feaux Conseillers, les gens tenans nostre Cour de Parlement à Paris, Gens de nos Comptes, Thresoriers generaux de France establis à Paris, Conseillers sur le faict de la Iustice de nostre Thresor, Preuost de Paris, & à tous autres Iusticiers, Officiers, ou leurs Lieutenans, & à chacun d'eux si comme il appartient, que, &c.

Forme d'Amortissement quand les heritages ne sont tenus immédiatement du Roy.

QUELLE RECOMPENSE DOIT ESTRE BAILLEE par les gens de main-morte, aux Seigneurs feodaux, à cause des fiefs mouuans d'eux, amortis par le Roy. Avec plusieurs arrests donnez pour ce regard.

- 1 Les Seigneurs feodaux, censiers & hauts-Iusticiers ont notable interest aux Amortissemens obtenus par les gens de main-morte.
- 2 Quelle recompense est deuë aux Seigneurs feodaux par ceux qui ont obtenu Amortissement du Roy.

- 3 Nonobstant les lettres d'Amortissement le Seigneur feodal peut retirer le fief vendu par son vassal à gens de main-morte.
- 4 Clause qu'on a accoustumé mettre es Amortissemens.
- 5 Quelle recompense anciennement on

bailloit aux Seigneurs feodaux.

6 Encores que le Vicaire baillé par les gens de main-morte face profession de Religion, n'y a ouuerture de fief.

7 Mors ciuilis non æquiparatur naturali.

8 Quelle recompense les Seigneurs feodaux ont demandé depuis peu de temps.

9 Arrest contenant la recompense deuë aux Seigneurs feodaux.

10 L'indemnité deuë au Seigneur feodal avec l'homme viuant & mourant, est estimé au cinquiesme denier.

11 Comme l'indemnité generale deuë au

Seigneur feodal doit estre estimée.

12 Arrest solennel contenant la liquidation du droit d'indemnité deuë aux Seigneurs feodaux & censiers.

13 Quels profits lesdits Seigneurs ont par la mort de l'homme viuant & mourant.

14 Par le payement du droit d'indemnité ne sont tollus les droits de cens, rentes & terrages.

15 Les gens de main-morte ne sont subiects au seruice de plaids & aydes coutumiers.

16 A quel profit ils sont subiects outre le droit d'indemnité.

17 L'heritier est tenu au droit d'indemnité & lettres d'Amortissement.

CHAPITRE LIIL

Les Seigneurs feodaux, censiers & haut-Iusticiers ont notable interest aux Amortissemens obtenus par les gens de main-morte.



E qui a esté cy-dessus deduit, pour recognoistre la forme, effect & profit des Amortissemens obtenus par les gens de main-morte, concerne le Roy & les droits qui luy appartiennent, à cause des Amortissemens impetrez de sa Majesté. Il semble qu'à present il est expedient parler des Seigneurs feodaux, censiers, & hauts-Iusticiers,

qui ont interest notable aux Amortissemens obtenus du Roy : au moyen de ce qu'ils ne peuuent contraindre les gens de main-morte vider leurs mains des heritages qui leur sont amortis par ledit Seigneur. En ce faisant les Seigneurs feodaux, censiers, & haut-Iusticiers, sont priuez de tous droits de quints, requints, reliefs, rachapts, lots, ventes, saisines, amendes, confiscations, droits de Des-herence, & autres droits seigneuriaux, feodaux, & censuels. D'autant qu'il est notoire que les gens de main-morte ne peuuent vendre, eschanger, donner, ny autrement aliener les heritages qui leur appartiennent, ne meurent point, & ne peuuent confisquer, comme chacun peut cognoistre par la lecture des

3. & 26. chapitres du present Traicté.

Quelle recompense est deuë aux Seigneurs feodaux par ceux qui ont obtenu Amortissement du Roy.

Partant on a trouué raisonnable qu'en ce cas les gens de main-morte fussent tenus indemniser les Seigneurs feodaux, censiers, & haut-Iusticiers. Et a-on demandé quelle recompense deuoit estre baillée par les gens de main-morte, qui ont obtenu lettres d'Amortissement du Roy, pour le droit d'indemnité, qui est deuë aux Seigneurs feodaux à cause des heritages tenus d'eux en plain-fief, foy & hommage, possédez par gens de main-morte, & amortis par le Roy.

Nonobstant les lettres

Car le Roy par le moyen de ses lettres d'Amortissement, n'entend aucunement preiudicier aux droits des Seigneurs haut-Iusticiers, feodaux,

ou

ou censiers de son Royaume, ayant interest à l'Amortissement par luy octroyé. Tellement que plusieurs sont d'aduis, que nonobstant les lettres d'Amortissement, le Seigneur feodal peut prendre, retenir, & auoir par puissance de fief, le fief mouuant de luy, que son vassal a vendu à gens de main-morte, en leur payant le prix de l'acquisition, avec les frais & loyaux cousts, selon & en ensuiuant le 20. article de la Coustume de Paris, comme les gens de main-morte n'estans de meilleure condition que ceux qui sont francs & libres, lesquels ont achepté quelque fief.

Et pour monstrier que le Roy par ses lettres d'Amortissement n'entend aucunement preiudicier aux Seigneurs inferieurs de son Royaume: on a accoustumé mettre à la fin de tous Amortissemens, tant generaux, particuliers, que mixtes, ceste clause, Sauf en autres choses nostre droict, & l'autrui en toutes. Ou bien, Sauf l'interest des autres Seigneurs directs. Ou bien, Sauf & reserué toutesfois l'interest & indemnité des Seigneurs Chastellains, & autres ausquels appartiennent les tenuës & mouuances des fiefs, terres, & biens immeubles, tenus & possédez par les Gens d'Eglise, & autres gens de main-morte, amortis par ces presentes. Ainsi qu'il est contenu és Amortissemens generaux octroyez par les Roys François I. & Henry II. transcripts au 43. chapitre du present Traicté. Conformément à la loy 2. §. *merito*, ff. *ne quid in loco publ. l. nec anus. C. de emancipat.* Aussi encores que l'homme de condition serue ait obtenu du Roy lettres d'affranchissement, afin d'estre de condition libre, & n'estre subiect aux seruitures personnelles, tailles, poursuites, main-morte, & autres droicts d'icelle, supposé qu'il ait payé finance au Roy, & que ses lettres soient deuëment verifiées en la Chambre des Comptes: Toutesfois il est tenu payer indemnité au Seigneur duquel il est serf; & iusques à ce qu'il ait payé l'indemnité, il ne peut s'ayder contre son Seigneur des lettres d'affranchissement par luy obtenues. Comme il a esté iugé par Arrest solennellement prononcé le premier Iuin mil cinq cens soixante & vnze, pour la Dame de Vaudray, contre les habitans de la Baronnerie de S. Michel en Charolois, au Duché de Bourgogne.

Et la question dessusdite, sçauoir quelle recompense doit estre baillée aux Seigneurs feodaux, comme problematique, a esté plusieurs fois tant anciennement, que depuis peu de temps, agitée en la Cour de Parlement, & s'en trouuent plusieurs & diuers Arrests. Mesmes ceste question fut plaidée en la Cour, & appointée au Conseil le 7. Feurier 1554. entre les Religieux, Prieur, & Conuent de Sainct Nicolas d'Acy lez Senlis, ayans eu par échange quelques terres feodales de feu Monsieur le Connestable, appellians du Preuost de Paris, ou son Lieutenant, d'une part: & Maistre Roger Collier Auditeur en la Chambre des Comptes, & Maistre Nicolas de Plancy, Procureur en icelle Chambre, intimez d'autre. Lequel Arrest est recité au 57. chapitre du present Traicté: & le plaidoyé faict par demandes, defenses, repliques & dupliques, se peut voir és registres de la Cour.

Pareillement ceste question fut plaidée en la Cour, les 9. Septembre, & 18. Novembre, 1557. entre les Religieux des Blancs-Manteaux,

d'Amortissement le Seigneur feodal peut retirer le fief vendu par son vassal à gens de main-morte.

4
Clause qu'on a accoustumée mettre és Amortissemens.

Plusieurs plaidoyez de la recompense due aux Seigneurs feodaux.

appellans d'une part, & Monsieur du Val Maistre des Comptes, Seigneur de Fontenay, intimé d'autre: Pour raison du fief, terre, & Seigneurie du Pleffis Sasot, donné ausdits Religieux par desunct Maistre Anthoine Robert, Greffier Criminel de la Cour de Parlement, à la charge de dire, chanter & celebrer plusieurs Messes, & service diuin. Aussi semblable cause fut plaidée en la Cour, le 19. Mars, 1569. entre les Celestins, la Roynie de Nauarre, & Messieurs les Ponchers.

5
Quelle re-
compense
ancienne-
ment on bail-
loit aux sei-
gneurs feo-
daux.

Et lors des Arrests cy-dessus recitez fut dict, qu'anciennement il suffisoit bailler homme viuant, mourant & confiscant, ou payer indemnité: & cest homme est vulgairement appelé Vicaire, lequel entre en foy, & par sa mort, pareillement par le decez de tout autre Vicaire, est deu rachapt au Seigneur de fief. Selon qu'il est amplement traité *per Pyrobum Anglebermeum*, és Coustumes Anciennes d'Orleans, au tiltre des fiefs, articles 99. 100. & 103. *Post Glosam & §. qui Cler. si de feu. def. cen. in vsib. feud.* Aussi est-il déclaré és Coustumes de Blois, article 44.

6
Encores que
le Vicaire
baillé par les
gēs de main-
morte face
profession en
Religion, n'y
a ouuerture
de fief.

Et combien que ledit Vicaire depuis sa reception en foy, face vœu & profession en Religion: toutesfois il n'y aura pas ouuerture du fief, d'autant qu'il n'est pas mort naturellement, suiuant la loy, *Statius Florus §. Cornelio Felici. ff. de iure fisci. l. cum pater. §. hereditatem. ff. de legat. 2.* Et s'il est besoin renoueller la foy, & la porter au nouveau Seigneur feodal, qui aura fait ses proclamations, ledit Vicaire Religieux la portera, & pour cest effect luy sera permis sortir hors de son Monastere, cōme nous dirons au 55. chapitte du present Traicté. Ou bien on suppliera le nouveau Seigneur feodal recevoir en foy ledit Vicaire par procureur, comme ayant excuse suffisante de ne porter la foy en personne. Ou bien les gens de main-morte bailleront nouveau Vicaire, lequel sera receu en foy, sans payer profit, comme il est porté par le 42. article de la nouvelle Coustume d'Orleans. Et sera besoin pouruoir à ce que dessus dedans les quarante iours des proclamations du nouveau Seigneur feodal, à ce que par le moyen de sa saisie feodale, il ne puisse gagner les fructs du fief tenu & mouuant de luy.

7
Mors ciui-
lis non
æquipara-
tur natu-
rali.

Pareillement si ledit Vicaire est condamné aux galeres, ou à confiner ses iours en certaine Isle ou autre lieu, par le moyen de ceste condamnation, encores qu'elle contienne mort ciuile, n'y a aucune ouuerture de fief: *quia mors ciuilis hoc casu non æquiparatur naturali*, par les loix cy-dessus alleguées. Et s'il est besoin renoueller la foy au nouveau Seigneur feodal, il sera besoin luy bailler nouveau Vicaire, lequel il sera tenu recevoir sans profit, si mieux il ne veut recevoir en foy l'ancien Vicaire par procureur.

8
Quelle re-
compense les
Seigneurs
feodaux ont
demandé de-
puis peu de
temps.

Nonobstant l'ancienne obseruance cy-dessus recitée, les Seigneurs de fief depuis quelque temps ne se sont contentez, mais outre l'homme viuant, mourant & confiscant, ont demandé droict d'indemnité, pour les droicts de quints & requints, qu'ils perdent entierement: d'autant que l'homme qui leur est baillé ne vend iamais. Pareillement pour les droicts de retraict feodal, & de confiscation, qu'ils perdent totalement: ensemble pour le droict de rachapt que les Seigneurs feodaux eussent

peu auoir en cas d'eschange, donation ou legs testamentaire, lequel droict de rachapt és cas dessusdits leur est tollu. Parce que cest homme ne peut eschanger, donner ny leguer. Et que leurs droicts leur doiuent estre conferuez, sans qu'ils soient diminuez par les gens de main-morte: & de ce on alleguoit Arrests de la Cour, & Iugemens des Comptes.

Au contraire les gens de main-morte disoient, que les offres par eux anciennement faictes estoient trop amples, & qu'ils n'estoient tenus sinon bailler homme viuant & mourant: ou payer indemnité au dire de gens à ce cognoissans. Non pas bailler homme viuant, mourant & confiscant; & payer indemnité ensemble. Parce que tout ainsi que *de dictum Pralati non nocet Ecclesia*, aussi n'estoit raisonnable que pour le crime, forfaiture, & delict commis par celuy qui estoit baillé par l'Eglise, pour homme viuant & mourant, le fief appartenant à l'Eglise, fust perdu & confisqué. Et que les gens de main-morte ne bailloient au Roy qu'homme viuant & mourant, lequel ordinairement estoit receu en la Chambre des Comptes, & par son trespas estoit deu rachapt au Roy. Ainsi qu'il a esté pratiqué pour les Doyen, Chanoines & Chapitre de Tours, auxquels appartient le peage par eau de Baugency, & pour plusieurs autres. De faict qu'il auoit esté iugé contre feu Madame de Vendosme, que les gens de main-morte n'estoient tenus bailler homme confiscant, *ut latè tractat Molinaus* és Coustumes de Paris, art. 41. col. 63. & qu'auons déclaré au 6. chapitre du present Traicté.

Moyès alleguez par les gens de main-morte contre la demande des seigneurs feudaux.

Aussi remonstroient que les Seigneurs feudaux se doiuent contenter d'auoir droict de rachapt, par la mort de chacun Vicaire à eux baillé. Parce que quelquesfois ils sont plus de cent, voire plus de deux cens ans, sans auoir profit d'un fief. D'autant qu'il vient par succession de pere à fils, sans aucunement changer de main, & qu'à toute rigueur les gens de main-morte ne pouuoient estre contrainsts sinon alternatiuement, bailler homme viuant, mourant & confiscant, ou payer indemnité: & qu'ainsi on auoit anciennement vescu. Non pas conioinctement bailler homme viuant, mourant & confiscant, & payer indemnité, comme ceste conionctiue contenant iniquité euidente.

Dauantage les gens de main-morte disoient, que par le moyen de l'indemnité generally par eux offerte, les Seigneurs feudaux estoient hors de tous interests, perte & dommage. Tellement que *indemnes erant, omnique modo is consultum erat, & si conqueri non poterant*. Et qui plus est soustenoient, qu'il estoit en leur option, de bailler homme viuant & mourant, ou payer indemnité. Non pas que l'option de ceste offre fust baillée aux Seigneurs feudaux, & ce afin de mettre en repos les gens de main-morte, lesquels ayans payé indemnité generale, ne seront plus trauaillez par les Seigneurs feudaux, & pourront vacquer au seruice diuin, prieres & oraisons, sans en estre distraicts par le moyen des saisies feudales, & mutations des hommes viuans & mourans, qu'ils sont contrainsts quelquesfois souuent bailler. Et disoient ainsi auoit esté iugé par deux Arrests, l'un pour les Chanoines de Dreux, du 13. Aoust 1533. l'autre pour les Religieux, Abbé & Conuent d'Hermieres, du mois de Septembre 1552.

Response des
Seigneurs
feodaux.

A ce les Seigneurs feodaux respondoient, qu'ils ne pouuoient estre contraincts prendre le droict d'indemnité generale: parce qu'il contenoit alienation de leurs droicts, & diminution de leurs fiefs; & qu'ils ne vouloient ny vendre, ny aliener, ny diminuer leurs droicts. *Que amortifatio semper fuerat actus voluntarius, & mera facultatis, alienationem implicans.* Tellement qu'un tuteur ne pouuoit valablement amortir, ny un Euesque consentir l'effect d'un Amortissement, sans autorité du Superieur. Partant que les gens de main-morte leur deuoient bailler homme viuant, mourant & confisquant, avec le droict d'indemnité. Non pas les contraindre à prendre indemnité generale, en prenant laquelle ils seroient contraincts payer indemnité à leurs Seigneurs feodaux Superieurs, autres que le Roy, *ut tractat Molinaus* és Coustumes de Paris, article 41. col. 29. & 30.

9
Arrest con-
tenant la re-
cōpense deuë
aux Sei-
gneurs feo-
daux.

9
Finalement apres longue dispute, le Ieudy 18. Nouembre 1557. la Cour donna Arrest en la cause des Religieux des Blancs-Manteaux, cy-dessus recitée, lequel se trouue au registre des plaïdoyez de ladite année 1557. contenant ces mots: Entre les Religieux des Blancs-Manteaux, de Villiers pour les appellans, Marilhac pour l'intimé, Boucherat pour le Procureur general. La Cour a euoqué l'instance pendante pardeuant le Preuost de Paris, ou son Lieutenant, en a retenu, & retient la cognoissance: & sur icelle, ensemble sur les appellations & requeste des parties, les appointe ladite Cour au Conseil. Ordonne neantmoins cependant pour aucunes considerations à ce la mouuans, que les appellans auront mainleuée par prouision des fiefs dont est question, en payant le relief au Seigneur feodal, pour la donation à eux faicte par feu M. Anthoine Robert Greffier Criminel de ladite Cour, selon la Coustume des lieux: en baillant hōme viuant, mourant, & indemnité. En laquelle icelle Cour entend cōprendre l'homme confisquant, pour estre estimée tout ainsi que si ladite donation estoit faicte à personne franc & libre. Et laquelle indemnité sera estimée par gens notables, admis & accordez par les parties.

10
L'indēnité
deue au Sei-
gneur feodal
avec l'hom-
me viuāt &
mourant est
estimée au
cinquiesme
denier.

Et semble que cest Arrest soit general & serue de loy pour l'aduenir. Tellement qu'il n'est plus question, sinon sçauoir, à combien l'indemnité deuë au Seigneur feodal doit estre estimée, ce qui est fort arbitraire. Et ordinairement la Cour ordonne que les parties conuiendront de personnes pour l'estimer. Toutesfois on tient pour certain que l'indemnité doit estre estimée au cinquiesme denier de la valeur & estimation de l'heritage feodal amorty, ainsi qu'il est contenu és 29. & 30. art. de la Coustume de Melun, nouvellement introduicts, lors de la reformation d'icelle. Laquelle nouvelle Coustume nous suiuous ordinairement en la Preuosté & Vicomté de Paris, comme interpretatiue d'icelle. Par la Coustume du Maine, article 41. l'indemnité se monte à la valeur des fruiçts de trois années des choses acquises, si autrement n'en est composé. Et ceste estimation du droict d'indemnité portée par la Coustume de Melun, doit estre faicte eu esgard au temps que l'homme viuant & mourant est receu en foy & hommage, non pas au temps que le fief a esté acquis: Comme il sera dict au 60 chapitre.

S'il estoit question d'estimer l'indemnité entiere & generale, sans bail-
 lcr homme viuant & mourant, plusieurs sont d'aduis qu'il la faudroit esti-
 mer au tiers denier de la valeur de l'heritage feodal amorty, & payer ce-
 ste estimation au Seigneur, duquel l'heritage amorty est tenu en plein
 fief, suiuant l'Ordonnance du Roy Charles VI. recitée au 46. chapitre.
 Toutesfois les gens de main-morte seroient fort greuez de payer le droit
 d'Amortissement deu au Roy pour son interest, payer le tiers de la valeur
 de l'heritage amorty au Seigneur feodal pour son indemnité, & encores
 composer avec le Seigneur haut-Iusticier pour son interest, si le Seigneur
 feodal n'auoit la haute Iustice, ou qu'elle n'appartinist au Roy. Et quant à
 tout ce qu'il conuient payer par les gens de main-morte, pour l'effect de
 leur Amortissement, tant au Roy, au Seigneur feodal, qu'au Seigneur
 haut-Iusticier, seroit reduit au tiers de la valeur de l'heritage amorty : il
 semble qu'il seroit entierement satisfait à l'Ordonnance du Roy Char-
 les VI. & que chacun auroit occasion de se contenter. Veu que le Roy se
 contente du tiers de la valeur de l'heritage amorty, lequel est tenu en
 plein fief de sa Majesté, & auquel il a tout droit de Iustice, haute, moyen-
 ne, & basse. Et sembleroit raisonnable, que du tiers ainsi deu, en fust
 baillé vn cinquiésme au Roy, vn cinquiésme au Seigneur haut-Iusticier,
 & les trois autres cinquiésmes au Seigneur feodal, & qu'ainsi deuroit
 estre obserué en la Coustume de Paris.

II
 Cōme l'in-
 demnité ge-
 nerale deu
 au Seigneur
 feodal doit
 estre estimée.

Neantmoins il conuient entendre, que le 22. Decembre 1581. a esté
 solennellement & publiquement prononcé vn arrest entre les Maistre
 & Sœurs de l'Hospital de saint Nicolas de Monstreuil, appellans d'vne
 sentence donnée par le Seneschal de Boulenois ou son Lieutenant, le 26.
 iour de Feurier 1578. & demandeurs en sommation & requeste formelle,
 d'vne part. Et Anthoine de Moucy Cheualier Seigneur de Montcaurel,
 Guillaume Dostouë Seigneur de Clanleu, intimez. Et Damoiselle Mar-
 guerite Dostouë vefue de feu Pierre de la Pasture, en son viuant Seigneur
 & Baron de Courfil, heritier de defuncte Damoiselle Magdaleine Do-
 stouë, en son viuant Dame de Noblette, defenderesse & adiournée en la-
 dite sommation & requeste formelle, d'autre.

II
 Arrest solē-
 nel conte-
 nant lali-
 quidatiō du
 droit d'in-
 demnité deu
 aux Sei-
 gneurs feo-
 daux &
 censiers.

Par lequel veu par la Cour la sentence dont estoit appel, par laquelle
 auoit esté ordonné que les appellans vuideroient leurs mains des herita-
 ges, desquels estoit question au proces, si mieux les intimez n'aymoient
 prendre indemnité. Les plaidoyez des parties, ensemble l'arrest donné
 sur iceux, le Ieudy troisiésme Iuliet, 1579. par lequel ouy le Procureur
 General du Roy. La Cour quant à l'appellation appointa les parties au
 Conseil, & deslors condamna ladite Marguerite Dostouë, heritiere de
 ladite defuncte Magdaleine Dostouë, à rendre indemnes, & payer par
 les appellans ce, en quoy ils pourroient par arrest de ladite Cour estre
 condamnez enuers lesdits intimez. Productions, contredits, & salua-
 tions desdites parties : lettres d'Amortissemens obtenues au mois de Iuil-
 let, 1579. par les appellans : requeste de Jean de la Pasture, Escuyer, Sei-
 gneur dudit lieu, fils de ladite defuncte Marguerite Dostouë, du deuxiés-
 me de ce mois, tendant afin d'auoir communication des productions des

appellans & intimez, communiquée aux parties, & mise au sac par ordonnance de ladite Cour. Et tout ce que par les appellans & intimez a esté mis & produit par deuers elle, & tout considéré. Dit a esté que la Cour a mis & met l'appellation, & ce dont a esté appelé, au neant, sans amende & despens, tant de la cause principale que d'appel, attendu la qualité des parties. En emendant le iugement, & ayant esgard aux lettres d'Amortissement, a condamné & condamne les appellans à payer aux intimez le droict d'indemnité, de la maison, terres, prez, & dependances d'icelles, assis aux village, terroir, & pays, à l'enuiron de Clanleu, leguées & aumosnées ausdits appellans, par defuncte Damoiselle Magdeleine Doustouë Dame de Noblette, par son testament du 22. Iuillet, 1575. Lequel droict d'indemnité, pour le regard de ce qui est tenu en fief des intimez, la Cour a liquidé & liquide, à la raison du tiers denier du prix & eualuation qui sera faicte desdits heritages. Et pour le regard de ce qui est en roture, à raison du quart denier de ladite valeur & estimation. Pour proceder à laquelle, la Cour a renuoyé & renuoye les parties pardeuant le Seneschal de Boulenois ou son Lieutenant à Boulongne. Et ladite eualuation faicte, & lesdits intimez payez de leur droict d'indemnité, seront les appellans mis en possession de faict, & decretez de droict de ladite maison & heritages, appartenances & dependances par lesdits intimez : en leur bailant par lesdits appellans, homme viuant & mourant.

*Quel Arrest
cy dessus re-
cisé doit estre
restraint à
la Coustume
de Boulon-
gne sur la
mer.*

*Article
de la Cou-
stume de
Boulongne
concernant
l'arrest sus-
dit.*

Mais il ne faut pas prendre cet arrest pour general & vniuersel : ains pour particulier, & pour auoir seulement lieu en la Coustume de la Seneschauffée & Comté de Boulenois. Laquelle est fort aduantageuse pour les Seigneurs feodaux & censiers : & fort rigoureuse, tant aux vassaux tenans heritages en fief, qu'aux propriétaires des heritages coctiers, & tenus en censue. De faict par le cinquantième article de ladite Coustume est porté : Qu'en matiere de vendition, donation, ou alienation d'heritages feodaux, ou coctiers, il est deu au Seigneur pour ses droicts seigneuriaux : A sçauoir pour les fiefs, le quint du prix principal de la vente, ou de l'estimation de la chose donnée ; avec vn relief sans chambellage. Et pour les coctiers le quart denier, & sans requint ou requart : encores que la vente soit faicte en francs deniers. Et a ledit Seigneur faculté de prendre relief, ou droicts seigneuriaux pour lesdits coctiers.

Aussi par le 55. article de ladite Coustume est porté : Que si aucun College, Monastere, Eglise, Hospital & Maladerie, & autres gens de main-morte tiennent à quelque tiltre que ce soit, aucuns fiefs non amortis, terres & rentes coctieres, doit bailler pour iceux fiefs non amortis, terres & rentes coctiers, & pour vn chacun d'iceux, homme de fief ou coctiers, viuant & mourant, aux Seigneurs dont ils sont tenus & mouuans. Par le trespas duquel homme feodal ou coctier pour ladite Eglise & main-morte, peut vser ledit Seigneur de ses droicts, & les faire saisir & raproprier, comme en l'article precedent. Par lequel article precedent, qui est le 54. lequel il faut conioindre avec le 53. porte, Que le Seigneur feodal peut faire saisir par sa Iustice, ou autre Iustice competente, le tenement, ou heritages tenus de luy coctierement, par faute d'homme,

ou pour trois années d'arrerages non payez, & le raproprier à sa table, & domaine à perpetuité, pour en faire son profit, en faisant la saisie sur le lieu, & le signifiant aux heritiers du trespassé s'ils sont en la Comté, & aux occupateurs, faisant quatre criées cōtinuelles, & observant autres solemnitez portées par ledit article de Coustume, & par le subsequnt article, qui dit, Que quant aux fiefs, le Seigneur les peut seulemēt faire saisir, pour prendre à son profit les leuées, iusques à ce que les heritiers viennent à payer & satisfaire du relief, & faire tous les droicts & deuoirs qu'homme feodal est soumis enuers son Seigneur souuerain.

Et pour clairement cognoistre que l'arrest cy dessus recité, doit estre reſtraint és fins & limites de la Coustume de Boulenois, non pas l'extendre en autre Coustume, mesme des Ville, Preuosté, & Vicomté de Paris: Est besoin considerer ce qui a esté cy dessus deduit, & auoir recours à la lecture des 48. 50. 54. 55. & 63. chapitres du present Traicté.

Depuis cet arrest donné, les Maistres & Sieurs dudit Hospital saint Nicolas de Monstreuil, ont trouué par conseil, qu'ils estoient tenus bail-
 ler aux Seigneurs feodaux & censiers homme viuant & mourant, qui fe-
 roit foy & hommage de ce qui estoit feodal. Et que par le decez dudit
 homme viuant & mourant, pareillement par le trespas de tout autre hom-
 me viuant & mourant, qui seroit baillé, seroit deu relief, tel qu'il est porté
 pour le regard des heritages feodaux, par le dix-septiesme article de la
 Coustume de Boulogne, & pour le regard des heritages coctiers, tel qu'il
 est contenu au 46. article de ladite Coustume. Et qu'à faute de presenter
 homme viuant & mourant, dedans quarante iours, apres le decez de ce-
 luy qui auoit esté receu en foy, le Seigneur feodal pourra faire saisir, &
 faire les fruiets siens, iusques à ce qu'il ait homme, & soit payé de ses
 droicts.

13
 Quels pro-
 fits les Sei-
 gneurs feo-
 daux & cen-
 siers ont par
 la mort de
 l'homme vi-
 uant &
 mourant.

Aussi fut trouué par aduis de conseil, que par le moyen du paye-
 ment du droict d'indemnité faict aux Seigneurs feodaux & censiers,
 les cens, rentes, terrages, & autres droicts reels & fonciers, qui
 estoient deuz chacun an ausdits Seigneurs à cause des maisons, ter-
 res, prez & heritages leguez audit Hospital, n'estoient tollus ny esteints:
 ains lesdits cens, rentes, terrages & autres droicts fonciers estoient
 demeurez en leur entier, & deuoient estre payez chacun an aux Sei-
 gneurs ausquels ils estoient deuz. Parce que l'estimation desdits
 droicts n'auoit esté comprinſe en l'eualuation faicte du droict d'in-
 demnité: & les droicts dessusdits auoient esté distraicts de ladite eua-
 luation. Estant certain, que quand il est question d'eualuer, priser &
 estimer vn heritage, on deduit les cens, rentes foncieres & droicts qui
 sont deuz chacun an, à cause d'iceluy. Aussi l'indemnité qui est
 payée par les gens de main-morte ne regarde sinon la recompense,
 qui est deuë aux Seigneurs feodaux & censuels, au moyen de ce
 qu'à l'aduenir ils perdent leurs droicts seigneuriaux casuels: com-
 me quints, requints, reliefs & chambellages. D'autant que les gens de
 main-morte ne vendent, ne donnent, ny alienent leurs heritages: aussi
 qu'ils ne meurent point, cōme les successeurs representans tousiours leurs

14
 Par le paye-
 ment du
 droict d'in-
 demnité ne
 sont pas tol-
 lus les droits
 de cens, ren-
 tes & terra-
 ges deuz
 aux Sei-
 gneurs.

predecesseurs : non pas que l'indemnité regarde les droicts reels & fonciers, qui demeurent tousiours en leur entier, & qui doiuent estre payez chacun an.

15
Les gens de
main-morte
ne sont sub-
jets au ser-
uice de plaits
& aydes
coustumiers.

Quant au seruice de plaicts & aydes coustumiers, le conseil fut d'adujs, que ledit Hospital n'y pouuoit aucunement estre subiet, parce que la Coustume de Boulogne n'en faict mention : aussi que ce sont seruitutes personnelles, qui ne peuuent estre accomplies par vn Hospital, qui est grandement fauorable. Ioint la grande charge qui tourneroit sur ledit Hospital, d'enuoyer de quinzaine en quinzaine vn homme exprés aux plaicts, qui sont tenus par les Seigneurs feodaux, en village distant de quatre ou cinq lieues dudit Hospital, & contribuer aux deniers necessaires pour les mariages des enfans des Seigneurs feodaux.

16
A quel pro-
fit les gens de
main-morte
sont subjets
oultre le
droict d'in-
demnité.

Quant au quint denier de la valeur des heritages donnez audit Hospital, qu'on pourroit pretendre, à cause de la donation faicte audit Hospital, suiuant le 50. article de la Coustume de Boulogne : le Conseil ne fut d'adujs, qu'il fust deu : & que les Seigneurs de fief se deuoient contenter, de receuoir dudit Hospital le tiers de la valeur des heritages feodaux qui luy estoient leguez, & le quart de la valeur des heritages costiers. Toutesfois pour euitier à proces, ils trouuerent bon de payer le relief, qui estoit deu par le decez de la testatrice, specifié és dix-sept & quarante-sixiesme articles de la Coustume de Boulogne. Ainsi que le droict de relief est adiugé par l'arrest des Religieux des Blancs-Manteaux, oultre le droict d'indemnité. Auquel droict d'indemnité le Conseil fut d'adujs, que l'heritier estoit seulement tenu aux frais des lettres d'Amortissement, qu'il conuient obtenir du Roy : ensemble de la verification d'icelles.

17
L'heritier
est tenu au
droict d'in-
demnité &
lettres d'A-
mortissement.

Quelle recompense est deuë aux Seigneurs censiers, pour les heritages roturiers possédez en leur censue, par les gens de main-morte amortis par le Roy : avec les arrests donnez pour ce regard.

CHAPITRE LIIII

Quelle re-
compense est
deuë aux
Seigneurs
censiers par
ceux qui ont
obtenu les-
tres d'A-
mortissement.



IOUT ainsi qu'anciennement on a douté de la recompense qui estoit deuë aux Seigneurs feodaux, à cause des fiefs mouuans d'eux possédez par les gens de main-morte, amortis par le Roy. Aussi on a douté de la recompense ou finance qui deuoit estre baillée aux Seigneurs censiers, à cause des heritages estans en leur censue, appartenans aux gens de main-morte, amortis par le Roy. Car les heritages roturiers par le moyen de l'Amortissement octroyé par le Roy estans delaissez à perpetuité à gens de main-morte, les Seigneurs censiers sont entierement priuez de leurs droicts seigneuriaux qui consistent en lots, ventes, saisines, & amendes. D'autant que les gens de main-morte ne vendent.

vendent point leurs heritages: en sorte que l'interest, perte & dommage, que les Seigneurs censiers souffrent par le moyen des Amortillemens, est clair & euident.

Et en cet endroict il semble que les Seigneurs censiers ne peuvent d'envoyer homme viuant & mourant, comme font les Seigneurs feodaux, attendu qu'on ne leur doit porter aucune foy, ny faire aucun hommage. Aussi qu'il ne seroit raisonnable, que par le decez de chacun homme, qui auroit esté baillé par les gens de main-morte pour viuant & mourant, fust deu profit consistant au reuenu de l'année de l'heritage roturier, ou au payement des lots & ventes, cōme s'il estoit vendu. Et seroit chose bien dure, que de payer lots & ventes par le decez de l'homme viuant & mourant baillé au Seigneur censier. Veu que les Seigneurs censiers ne peuvent auoir lots & ventes, qu'en vn seul cas, qui est de vraye vendition. Combien que le Seigneur feodal puisse auoir profit de son fief en plusieurs & diuers cas, soit de quint ou requint, ou de relief & rachapt. Aussi nous monstrerons cy-apres que les Seigneurs censiers doiuent seulement conclure à ce que les gens de main-morte soient tenus vider leurs mains des heritages estans en leurs censiuës, ou bien payer leur censiuë, avec le droict d'indemnité.

Le Seigneur censier ne peut demander hommie viuant & mourant.

Laquelle indemnité, apres plusieurs disputes, diuerses opinions, sentences & arrests donnez pour ce regard, a esté estimée au cinquiesme denier de la valeur & estimation de l'heritage amorty. Ainsi qu'il a esté iugé entre les Religieux, Abbé, & Conuent de sainte Geneuiefue du Mont à Paris, & le Commandeur de saint Iean de Latran, demandeurs d'une part, & les compagnons Escholiers, dits du Nom de Iesus du College de Clermont defendeurs d'autre, qui auoient acquis par contract d'eschange la maison & court de Langres, appartenances & dependances, sise rue S. Iacques, moyennant treize cens vingt-sept liures dix sols tournois de rente, & soixante-dix sols tournois de deniers desboursez. Estans adiournez à ce qu'ils fussent condamnez de vider leurs mains de ceste maison, si mieux ils n'aymoient payer le droict d'indemnité. Et pour defenses ayans allegué les lettres d'Amortissement par eux obtenues du Roy deuëment verifiées, & offert pour le droict d'indemnité cent liures tournois de rente par an, rachetable au denier douze, ou douze cens liures pour vne fois. Par sentence du Pretost de Paris donnée le 14. Avril, 1564. apres auoir ouy deux de Messieurs des Comptes: Les Iesuites furent condamnez payer aux demandeurs, pour le droict d'indemnité, la quatriesme partie du prix d'eschange de l'acquisition par eux faicte. De ceste sentence les Iesuites ayans appellé, le 9. Avril, 1565. fut donné arrest: Par lequel la Cour mit l'appellation, & ce dont estoit appellé au neant, sans amende, tant de la cause principale que d'appel. En emendant le iugement condamna les defendeurs, payer à chacun des demandeurs, tant qu'à eux appartient, pour le droict d'indemnité de l'acquisition faicte par iceux defendeurs, le deuxiesme iour de Iuliet 1563. del'hostel de Langres, la cinquiesme partie du prix & eschange d'icelle acquisition, retenant à trois mil deux cens liures tournois. A la charge que les

L'indemnité deuë au Seigneur censier est estimée au cinquiesme denier de l'heritage amorty.

Arrest de ce que dessus.

Autre Arrest.

deniers procedans du droict d'indemnité seront employez au profit & vtilité de leur Eglise. Et à ceste fin les deniers seront & demeureront consignez entre les mains de deux notables Marchands de ceste ville de Paris, iusques au iour de l'employ, dont les parties conuiendront.

Quand le droict d'indemnité est liquidé par la Coustume, il la faut suivre.

Semblable Arrest fut donné au mois d'Aoust, 1557. entre lesdits Religieux de sainte Geneuiefue, & les Boursiers du College de Cambray, pour quelques maisons par eux acquises en ceste ville de Paris. Aussi pareille cause fut plaidée en la Cour le vingt-deuxiesme Decembre, 1556. entre lesdits Religieux de sainte Geneuiefue, & les Boursiers du College de Fortet, pour des maisons par eux acquises en ceste ville de Paris. Et ausdits arrests est conforme le 30. article de la nouvelle Coustume de Melun, qui porte, que l'indemnité est le cinquiesme denier de la valeur & estimation de la chose. Et faut entendre ce que dessus, si par les Coustumes des lieux le droict d'indemnité n'est estimé à plus grande, ou moindre somme qu'au cinquiesme denier de la valeur & estimation de l'heritage amorty. Comme en la Coustume du Maine, qui estime l'indemnité à la valeur des fruiçts de trois années des choses acquises: car en ce cas il faudroit suiure lesdites Coustumes, non pas les arrests cy-dessus recitez, comme auons dit au chapitre precedent.

On peut conuenir qu'à chaque mutation de superieur soit payé droict d'indemnité.

Aussi combien qu'il ait esté dit cy deuant, que les Seigneurs censiers ne doiuent demander homme viuant & mourant, comme font les Seigneurs feodaux, & qu'il ne seroit raisonnable, qu'à chacune mutation d'Abbé, ou de Prieur fust deu relief, ou bien rachapt, qui est le reuenu d'une année, lequel est incogneu en l'heritage roturier & censuel: Toutesfois s'il est ainsi conuenu, faut entretenir la conuention solemnellement faicte. De faict par contract du dernier Iuin, 1528. ayant esté conuenu que les Religieux, Abbé & Conuent de Lagny seroient tenus payer chacun an, aux Religieux de saint Martin Deschamps de ceste ville de Paris quatre sols parisis de cens, pour les maisons qui leur appartiennent, assises rue sainte Auoye en ceste dite ville: & outre leur payer cent sols parisis, à chacune mutation d'Abbé: Lesdits Religieux de Lagny ont esté condamnez satisfaire audit contract. En ce faisant, payer ausdits de saint Martin vingt-neuf années escheuës, à cause deidits quatre sols parisis de cens: pareillement leur payer cent sols parisis pour chacune mutation d'Abbé, aduenüe depuis le decez de Frere Jacques Aubry, viuant Abbé de ladite Abbaye de Lagny. Et ce par sentence donnée par le Preuost de Paris, le 19. Aoust, 1581. confirmée par arrest d'acquiescement, du 28. Nouembre, 1583.

S'il est en l'option des gens de main-morte payer indemnité ou bail-ler homme viuant & mourant.

Pareillement combien que nous ayons dit cy-dessus, que pour heritage roturier, acquis par gens de main-morte, il semble qu'ils ne doiuent bailler aux Seigneurs censiers homme viuant & mourant: mais seulement leur payer le droict d'indemnité estimé au cinquiesme denier de la valeur & estimation de l'heritage acquis, ou bien vider leurs mains: Neantmoins par sentence du Preuost de Paris, confirmée par arrest de la Cour recité au 46. chap. du present Traicté, les Marguilliers de l'Eglise saint Sauueur de ceste ville de Paris ont esté condamnez payer à

Monſieur l'Eueſque de Paris le droict d'indemnité, pour raiſon de deux maiſons par eux acquiſes en la cenſue dudit Seigneur Eueſque, ou luy bailler homme viuant & mourant, pour receuoir par ledit Seigneur Eueſque, ſur leſdites deux maiſons, les droicts & profits accouſtumez, en cas de mutation. Semblable arreſt donné au profit dudit Seigneur Eueſque contre les Marguilliers de l'Egliſe ſainct Euiſtache, recité au 63. chapitre du preſent Traicté: ſans par leſdits arreſts liquider leſdits droicts, qui ſera vn plus grand proces, que n'a eſté le proces principal. Et du Moulin ſur la Couſtume de Paris article 41. numero 62. eſt d'auis, qu'on doit arbitrer certaine ſomme de deniers, qui deura eſtre payée par le deccz de l'homme viuant & mourant, au lieu de lots & ventes: qui ſeroit la douzième partie de la valeur de la maiſon. Ce qui excéderoit le reuenue d'une année de l'heritage roturier, & pour ceſte cauſe ſemble à pluſieurs eſtre exceſſif. Outre qu'il reſtera vn doute, de ſçauoir ſi l'arbitrage & eſtimation ſe deura faire vne fois ſeulement, pour tout le temps aduenir: ou bien ſi l'eſtimation ſe fera à chacune mutation de l'homme viuant & mourant: d'autant que le prix des maiſons peut augmenter ou diminuer. Et encores le doute ſera ſi le Iuge deura condamner les gens de main-morte, à payer preciſément le droict d'indemnité: ou bien ſ'il deura leur bailler l'option de payer indemnité, ou de bailler l'homme viuant & mourant: encores que le Seigneur cenſier n'ait conclud, ſinon au payement de ſon indemnité. Laquelle option i'eſtime ne leur deuoir eſtre baillée par le Iuge, ſi le Seigneur cenſier par ſa demande ne leur ait donnée, & ait conclu alternatiuement: ainſi que ledit Seigneur Eueſque auoit conclu contre les Marguilliers de S. Sauueur, & de S. Euiſtache: & que le Chapitre de Paris auoit conclu contre les Religieux Chartreux de ceſte ville. Ou bien ſi l'option ſuſdite, par la Couſtume des lieux n'eſt baillée aux gens de main-morte. Et ſemble que le meilleur eſt, que le Seigneur cenſier concluë, à ce que les gens de main-morte ſoient condamnez luy payer ſon droict d'indemnité, qui eſt le cinquiesme denier de la valeur de l'heritage par eux acquis, ſi c'eſt par eſchange: ou bien le cinquiesme denier du prix de la vendition, ſi c'eſt par achapt, outre le droict de lots & ventes, qui luy eſt acquis en cas d'achapt. Si mieux ils n'ayment vuider leurs mains dudit heritage dedans an & iour. Ainſi qu'il fut requis & conclu par les Religieux, Abbé & Conuent de ſaincte Geneuiefue, tant contre les Ieſuites, que contre les Bourſiers de Fortet, & ſuiuant leurs demandes, obtindrent arreſt à leur profit, comme il a eſté dit cy deſſus: le tout ſi par les Couſtumes n'eſt autrement porté.

Auſſi par les arreſts recitez, tant cy deſſus qu'au precedent chapitre, on peut cognoiſtre, que ſi perſonnes Eccleſiaſtiques acquierent heritages au dedans des fiefs ou cenſues d'autres Eccleſiaſtiques, ils ſont tenus payer les droicts feodaux & cenſuels pour les acquisitions par eux faiçtes, tout ainſi que ſi c'eſtoit és fiefs ou cenſues de Seigneurs purs laiz & ſeigneuliers. Auſſi peuuent eſtre contraints par les Eccleſiaſtiques vuider leurs mains des heritages par eux acquis, ou qui leur ont eſté donnez,

Les Eccleſiaſtiques peuuent eſtre contraints par les Seigneurs Eccleſiaſtiques.

vider leurs mains. leguez, ou aumosnez au dedans des fiefs ou censives des autres Ecclesiastiques, s'ils ne veulent payer les droicts d'indemnité, tels qu'ils ont esté cy dessus declarez, selon le texte *in §. si verò contigerit quemlibet. de alienat. & emphyt. in authenticis.* Ainsi qu'il fut plaidé en la Cour le 18. Juillet, 1555. entre le Chapitre de saint Jean de Lyon, & les Gouverneurs de l'Hospital dudit Lyon.

Mais ordinairement les gens de main-morte composent avec les Seigneurs feodaux, ou censiers, pour leurs droicts d'indemnité, comme il sera déclaré au prochain chapitre.

COMME LES GENS DE MAIN-MORTE possédans heritages feodaux ou roturiers amortis par le Roy, se doiuent conduire enuers les Seigneurs feodaux ou censiers, soit qu'il y ait accord faict avec eux, ou non.

- | | |
|--|--|
| <p>1 Trois cas considerables en la presente question.</p> <p>2 Diverses formes d'accords entre les Seigneurs & les Ecclesiastiques.</p> <p>3 Vn Religieux peut faire joy & hommage.</p> <p>4 Quand le successeur titulaire est te-</p> | <p>nu payer le rachat deu par son predecesseur.</p> <p>5 Le Seigneur feodal ne peut faire saisir, sinon apres que le resignataire a pris possession.</p> <p>6 Et quarante iours apres le decez du titulaire.</p> |
|--|--|

CHAPITRE LV.

1
Trois cas
considera-
bles en la
presente
question.



POUR clairement entendre comme les gens de main-morte se doiuent conduire enuers les Seigneurs feodaux, desquels ils tiennent heritages en plein fief, qui leur ont esté amortis par le Roy : pareillement enuers les Seigneurs censiers, en la censive desquels ils possèdent heritages deuëment amortis, il faut considerer trois cas.

2
Diverses
formes d'ac-
cords & cõ-
positions en-
tre les Sei-
gneurs, &
les Ecclesia-
stiques.

Le premier est, quand il y a eu accord & composition faicte entre le Seigneur feodal ou censier, & les gens de main-morte, soient Beneficiez simples, ou Communautéz Ecclesiastiques, comme Religieux, Abbé & Conuent, Doyen, Chanoines & Chapitre; ou bien autres Communautéz de gens laiz. Lors il faut suiure & entretenir l'accord, s'il est solemnellement & valablement faict.

Et noter que quelquefois les gens de main-morte promettent payer aux Seigneurs feodaux ou censiers, pour leur droict d'indemnité generale, certaine rente par chacun an. Ou leur bailler vne somme de deniers pour tout. Et moyennant ce les Seigneurs feodaux & censiers quittent & renoncent à tout le droict feodal & censuel qu'ils auoient, & à l'aduenir pourroient auoir és heritages feodaux & roturiers possédez par gens de main-morte, au dedans de leurs fiefs ou censives. En ce-faict les Seigneurs feodaux ou censiers qui ont receu deniers pour leur indemnité

generale ne peuvent plus rien pretendre ny demander es heritages appartenans aux gens de main-morte, & tels heritages sont reputez comme alaudiaux. Et quant aux Seigneurs ausquels on a promis payer rente par chacun an, ils ne peuvent demander sinon la rente qui leur a esté promise. *Et in dubio*, & apres long espace de temps, on presume que la prestation de foy & hommage a esté remise & quittée.

Quelquesfois & le plus souuent les gens de main-morte, mesmes les Monasteres conuentuels & Chapitres, par accord & transaction faicte avec les Seigneurs feodaux, desquels ils tiennent heritages en plein fief, promettent leur payer droit de rachapt à chaque mutation d'Abbé, de Prieur, ou de Doyen, au lieu d'homme viuant & mourant. Ou bien promettent leur payer certaine somme de deniers à chacune mutation d'Abbé, de Prieurs, ou de Doyen, au lieu d'homme viuant & mourant. Et en ce cas il conuient entendre, que la prestation de foy & d'hommage n'est remise, ains est besoin que le nouuel Abbé, Prieur, ou Doyen entre en foy & face hōmage au Seigneur feodal de l'heritage mouuant de luy, encores qu'il soit amorty par le Roy: Autrement le Seigneur de fief peut faire saisir à faute d'homme, droicts, & deuoirs non faicts & non payez, l'heritage feodal mouuant de luy appartenant à gens de main-morte: & fera les fructs siens iusques à ce que nouuel Abbé, ou nouueau Prieur, ou nouueau Doyen, soit entré en foy, ait payé le droit de rachapt, & les frais de saisine. Ainsi qu'il a esté iugé par arrest donné le 13. Mars 1536. entre Jean de Vilenciennes, Escuyer, Seigneur Dormoy, & les Religieux, Abbé & Conuent de S. Victor lez Paris, recité par Monsieur le Maistre, en ses Decisions notables, traicté premier, chapitre 8.

Par ce moyen on peut cognoistre, que les personnes Ecclesiastiques, voire Religieux, sont capables de porter la foy, & de faire hommage des heritages feodaux qui leur appartiennent à cause de leurs Benefices, ou qui dependent de leur Monastere, selon le texte, *in cap. 1. §. verum. de statute regu. in 6.* Où il est dict, qu'une Abbessse ou Prieure, peut sortir de son Monastere, pour faire la foy & hommage au Seigneur feodal, duquel depend vn heritage feodal, appartenant à son Monastere. *Seruitium autem siue obsequium per substitutum prestare possunt*, comme il a esté dict au cinquantesme chapitre du present Traicté, suiuant la glose, *in §. qui clericus, in verbo, amittit, si de feud. def. cont. in visibus feud.*

³
Vn Religieux peut faire foy & hommage.

Le second cas est, quand les gens de main-morte possedans heritages amortis par le Roy, n'ont faict aucun accord avecques le Seigneur feodal, & que le Benefice duquel dependent les heritages feodaux, n'est conuentuel, ains Benefice simple, comme vne Cure, vne Chappelle, vne Prieuosté, vn Prieuré simple, vne Commanderie simple, vne Stipendie, en ce cas chacun nouueau titulaire est tenu entrer en foy, & en personne faire hommage comme nouuel vassal, sans estre receu par procureur, s'il n'y a excuse suffisante. Et est tenu payer au Seigneur feodal, le droit de rachapt, avec autres droicts & deuoirs portez par la Coustume. Et iusques à ce que le nouueau titulaire soit entré en foy, & ait payé le rachapt

Second cas.

par luy deu, le Seigneur feodal fera saisir les heritages mouuans de luy, & fera les fruiçts siens. Tellemēt qu'il semble que les Seigneurs feodaux ont grād profit, quand les heritages tenus d'eux en plein fief sont possedez par titulaires de Benefices simples. Parce que les titulaires changent souuent, soit par mort, resignation, permutation, cession ou autrement, & à chacune mutation est deu rachapt, ainsi qu'il se pratique ordinairement.

⁴
Quand le
successeur ti-
tulaire est
tenu payer le
rachapt deu
par son pre-
decesseur.

Et conuient noter, que le nouueau titulaire d'un Prieuré, d'une Cure, d'une Chapelle, ou d'autre Benefice, est tenu non seulement payer le droit de rachapt deu de son chef, mais aussi les rachapts deus par les predecesseurs, s'ils ne sont prescripts par le laps de 30. ans. ou n'y ait demeure & cōnuience frauduleuse, de la part des Seigneurs. Et iusques à plein payement desdits rachapts la saisie feodale faicte à faute d'homme, droits & deuoirs non faicts & payez, doit tenir. Suivant le texte, *in §. si quis per tri-
ginta annos si de feudo des. content si int. do & ag. vas. in vsibus feudorum.*

Bien est vray que si le nouueau titulaire du Benefice, a esté purement & simplement receu en foy & hommage, & payé les droits deus de son chef, le Seigneur de fief n'a qu'une simple action personnelle, contre les anciens titulaires ou leurs heritiers, pour le payement des rachapts, & autres droits qui estoient par eux deus: & action hypothecaire contre le nouueau titulaire receu en foy, detenteur du fief, pour raison duquel estoit deu rachapt. Laquelle action hypothecaire n'a aucun effect, sinon discussion suffisamment faicte, & que le Seigneur feodal ne puisse estre redargué de demeure ou connuience frauduleuse. Comme il est traicté par Maistre Charles du Moulin en l'article premier de la Coustume de Paris, *in Glosa finali col. 29. 30. 31.* & qu'il a esté iugé par Messieurs les Commissaires, n'agueres deputez en la Chambre de la Roynie, sur le faict & esclarcissement des droits seigneuriaux, & feodaux deus au Roy, par Iugement donné entre le Procureur du Roy en ladite commission, demandeur d'une part, & les Gens du Clergé d'Anjou, Touraine & le Maine, defendeurs d'autre, du 13. Iuillet 1576.

Et ce que dessus est obserué non seulement és Benefices simples, mais aussi és Archeueschez, Eueschez, Chapitres, Abbayes, Prieurez & autres Benefices Conuentuels, & Maisons-Dieu, quand par les Coustumes, comme d'Anjou, Touraine & le Maine est porté, qu'à chacune mutation d'Euesque, d'Abbé, de Prieur, de Doyen, de Cheuecier, de Maistre, ou d'autre chef, est deu hommage & rachapt, comme il a esté dict par le iugement cy-dessus datté, & qu'auons declaré au 50. chapitre du present Traicté, à la lecture duquel est besoin auoir recours.

Si les gens de main-morte n'ont faict aucun accord avec le Seigneur censier, en la censue duquel ils possèdent quelques heritages amortis par le Roy: ils peuuent librement iouyr desdits heritages, iusques à ce que le Seigneur censier les poursuiue en Iustice, pour le payement du droit d'indemnité, qui luy est deu, & auparauant ladite poursuite ne doiuent craindre aucune saisie, ny perte de fruiçts, parce que le Seigneur censier pour le payement des lots & ventes, & autres droits Seigneuxiaux, qui luy peuuent estre deus, (exceptez les arerages de cens) n'a le

droict de faisie, & iniection de main, comme le Seigneur feodal. Mais doit pourfuiure ses droicts par action, suiuant le 81. article de la nouuelle Coustume de Paris. Et estans pourfuiuis en Iustice, ils offriront payer pour le droict d'indemnité du Seigneur censier la cinquiesme partie de la valeur de l'heritage par eux possédé, suiuant l'arrest donné le 9. Auiil 1565. entre les Religieux, Abbé, & Conuent de Sainte Geneuiefue, & les Isles, recité au cinquante-quatriesme chapitre du present Traicté: si le droict d'indemnité n'a esté prescript, comme il sera dict au soixantiesme chapitre.

Et és deux cas cy-dessus recitez, est besoin entendre, encores que le nouuel Abbé, Prieur, Curé ou Chapelain, soit tenu suiuant l'accord fait avec le Seigneur feodal, ou sans accord, entrer en foy, & faire hommage au Seigneur feodal, de l'heritage qui est immediatement mouuant du fief dudit Seigneur. Toutesfois le Seigneur feodal ne peut faire saisir ledit heritage, iusques à ce que le nouuel Abbé, nouuel Prieur, nouuel Curé, ou nouuel Chapelain, ait pris possession de l'Abbaye, Prieuré, Cure ou Chapelle, encores que la resignation faicte en faueur du nouuel Abbé, Prieur, Curé ou Chapelain, ait esté admise en Cour de Rome. Car auparauant la prise de possession du resignataire, *resignans non censetur priuatus sacerdotio*. Ainsi qu'il a esté iugé par arrest donné en plaidoyrie contre le Seigneur de Roustin, le 17. Mars 1574. conformément au chapitre *fi tibi absenti de preb. in 6.* Si l'Abbaye, le Prieuré, la Cure ou la Chapelle vacque par mort, le Seigneur feodal ne peut faire saisir le fief mouuant de luy, ny exploicter en pure perte, iusques à quarante iours apres le trespas del'Abbé, Prieur, Curé ou Chapelain: non plus qu'apres le decés d'un autre vassal, suiuant le 7. article de la nouuelle Coustume de Paris.

1
Le Seigneur
feodal ne
peut faire
saisir sinon
apres que le
resignataire
a pris posses-
sion.

Le tiers cas qu'il conuient considerer, est quand les Communautez Ecclesiastiques, comme de Religieux, Abbé & Conuent, Doyen, Chanoines & Chapitre, Gouverneurs d'Hostels-Dieu, ou autres Communautez de Gens laiz, comme d'habitans de villes, bourgs, bourgades, ou villages, possèdent heritages feodaux, amortis par le Roy, & n'ont fait aucun accord avec le Seigneur feodal, duquel les heritages sont tenus en plein fief. En ce cas les gens de main-morte doiuent suiure l'arrest donné le 18. Nouembre, 1558. entre les Religieux des Blancs-Manteaux appellans d'une part, & feu Monsieur du Val, en son viuant Maistre des Comptes, Seigneur de Fontenay d'autre: recité au 53. chapitre du present Traicté.

6
Le Seigneur
feodal ne
peut faire
saisir sinon
40. iours
apres le de-
cés du titu-
laire.

Troisiesme
cas des Com-
munautez
tant Eccle-
siastiques
que secu-
lieres.
Tenour de
l'arrest des
Blancs-Mā-
teaux.

Et suiuant ledit arrest, offrir bailler homme viuant & mourant, & payer indemnité: lequel homme viuant & mourant, sera tenu faire foy & hommage, payer les droicts deus, bailler adueu & denombrement, & par son decez sera deu rachapt, comme par le decez de tout autre qui sera baillé en son lieu. Et les gens de main-morte feront diligence de bailler dedans les quarante iours du decez, autre homme viuant & mourant, autrement le Seigneur feodal pourroit faire saisir le fief immediatement tenu de luy, & faire les fructs siens.

Si les heritages possédez par les Communaultez Ecclesiastiques, ou autres Communaultez, sont tenus en censive, ils se conduiront comme il a esté dict au second cas cy-dessus recité.

*Les gens de main-morte, encores qu'ils ayent payé indemnité generale, sont tenus exhiber leurs tiltres, & bail-
ler declaration de leurs heritages, lors que les Sei-
gneurs haut-Iusticiers feudaux, ou censiers, font papier
terrier.*

CHAPITRE LVI.



O v s auons dict au chapitre precedent, que les gens de main-morte, qui ont obtenu lettres d'Amortissement du Roy, deuëment verifiées, faisans accord & composition avec les Seigneurs haut-Iusticiers, feudaux, ou censiers, au territoire desquels ils possèdent heritages, quelquesfois leur promettent payer pour leur indemnité generale, certaine rente par chacun an : ou bien leur baillent certains deniers comptās. En ce faisans les Seigneurs haut-Iusticiers, feudaux, ou censiers, quittent, remettent, & renoncent à tous les droicts qu'ils auoient & pou-uoient auoir és heritages possédez par les gens de main-morte, sans qu'à l'aduenir ils en puissent pretendre aucuns. En sorte que lesdits heritages sont comme alaudiaux, franchement & librement tenus.

*Les gens de
main-morte
sont tenus
exhiber les
tiltres, &
bail-
ler de-
claratiō des
heritages
amortis.*

Toutesfois il conuient noter, que nonobstant telle renonciation & quittance generale de tous droicts seigneuriaux, feudaux & censuels : & nonobstant l'effect des lettres d'Amortissement obtenues du Roy : les Ecclesiastiques & autres gens de main-morte, sont tenus bail-
ler par de-
claratiō au Seigneur haut-Iusticier, feodal ou censier, tous les heritages
qu'ils detiennent, situez au dedans de leurs territoires, chacun pour son
regard. Et ce lors que le Seigneur haut-Iusticier, feodal ou censier, fait
son papier terrier, ou bien en autre temps, que requis en sont. Aussi sont
tenus monst-
rer & exhiber ausdits Seigneurs, les lettres, tiltres & papiers,
par le moyen desquels ils detiennent & occupent les terres desquelles ils
iouyssent. Et à faute de bail-
ler declaration & faire exhibitiō de tiltres, le Seigneur haut-Iusticier, feodal ou censier, peut faire saisir les he-
ritages possédez par les gens de main-morte, & la saisie tiendra iusques
à ce qu'ils ayent satisfait à ce que dessus.

*Arrest de ce
que dessus.*

Ainsi a esté iugé par arrest solennellement prononcé le 7. Septembre, 1560. Entre Messire Gabriel de la Vallée, Cheualier Seigneur dudit lieu, Baron de Plessis aux Tournelles, Baillif de Sens, Dame Ieanne Brinon sa femme, Seigneur & Dame du grand & petit Mitry, & de Courtauoult, demandeurs en tailie d'une part. Et les Prieur seculier, Maistre, Boursiers &

& Escholiers du College du Cardinal le Moyne, defendeurs & opposans à ladite saisie, d'autre.

Le differend des parties estoit, que les demandeurs ayans obtenu lettres du Roy, pour faire papier terrier des droicts, deuoirs, cens, rentes, & autres redeuances qui leur estoient deuës, à cause des heritages situez au dedans de leur terre & seigneurie de Courtauoust. A ceste fin ayans publiquement faict notifier à toutes personnes, de bailler par declaration les heritages qu'ils detenoient au dedans de ladite seigneurie, avecques les charges d'iceux : aussi exhiber les lettres & tiltres en vertu desquels ils les detenoient; & à faute d'auoir par les defendeurs satisfait à ce que dessus, les demandeurs ayans faict proceder par voye de saisie sur les heritages appartenans aux defendeurs, situez au dedans de ladite seigneurie : ils se seroient opposez à ceste saisie.

Récit des merites de l'arrest cy-dessus allegué.

Et pour leurs causes d'opposition disoient, que les heritages par eux possédez au dedans du fief, terre & seigneurie des demandeurs, leur auoient esté dōnez pour la fondation de leur College, qu'ils estoient deuëment amortis par le Roy, & auoient payé aux predecesseurs des demādeurs grande somme de deniers pour l'indemnité generale, qui leur pouuoit estre deuë à cause de la detention desdits heritages. Par le moyen duquel paiement, ils auoient non seulement tacitement, mais expressément renoncé à tout droit seigneurial, feodal & censuel, qu'ils auoient, & à l'aduenir pourroient auoir en iceux heritages. En sorte que les demandeurs n'auoient aucun droit esdits heritages, ny aucune qualité, par le moyen de laquelle ils les peussent valablement faire saisir. Et depuis le paiement de l'indemnité generale faict par les defendeurs aux predecesseurs, des demādeurs, ils n'auoient recogneu les demandeurs ny leurs predecesseurs pour seigneurs feodaux ou censiers, & y auoit plus de cent ans qu'ils iouyssoient paisiblement de leurs heritages, sans en auoir payé aucun droit de cens, rente ny redeuance quelconque, en sorte qu'ils auoient prescrit tous les droicts qu'on pouuoit pretendre sur leurs heritages. Partant soustenoient qu'à bonne & iuste cause ils s'estoient opposez à ladite saisie, qu'elle deuoit estre declarée nulle, tortionnaire & desraisonnable, avec condamnation de despens, dommages & interets.

Moyens d'opposition des gens de main-morte contre la saisie faicte de leur fief amorty.

Aux moyens d'opposition cy-dessus deduits, les demandeurs respondoient : Supposé qu'ils fussent veritables, toutesfois sous pretexte d'iceux les defendeurs ne se pouuoient exempter de l'exhibition de tiltres, & declaration d'heritages à eux demandée, & à faute d'y auoir satisfait, iustement les demandeurs ont peu faire proceder par voye de saisie sur les heritages appartenans aux defendeurs pour quatre raisons.

Responces du seigneur feodal.

La premiere est, que les demandeurs estans fondez en tout droit de Iustice, de feodalité, & de censine, sur tous les heritages situez au dedans des fins & limites de leur terre & seigneurie de Courtauoust, ils ont notable interest de sçauoir à quel tiltre les defendeurs possèdent heritages, au dedans de ladite seigneurie : comme ont tous seigneurs haut-Iusticiers, feodaux & censiers : Et pour ceste cause est ordinairement pratiqué en France, que tout detenteur d'heritage, est tenu d'exhiber au

Est besoin exhiber les tiltres au seigneur haut-Iusticier, feodal ou censier.

seigneur haut-Iusticier, feodal ou censier, le tiltre par le moyen duquel il possiede heritage au dedans du territoire de leur haute-Iustice, fief ou censive, tout ainsi qu'il le faut exhiber au fisque, au lieu duquel les Seigneurs haut-Iusticiers, feodaux, & censiers, sont subrogez: comme tenans leurs Iustices, fiefs & censives mediatement ou immediatement du Roy: & est l'une des fallaces de la loy *cogi possessorem. Codice de petit. hared.*

Pourquoy il est besoin bailler declaration des heritages amortis.

La seconde raison est, que les demandeurs ont autant, voire plus d'interest en la declaration par eux demandee, des heritages situez en leur terre & seigneurie de Courtauoust, qu'en l'exhibition des tiltres par eux requise. Parce que si les defendeurs ne sont tenus bailler aucune declaration des heritages & droicts qui leur ont esté amortis par le Roy, & pour lesquels ils ont payé indemnité generale aux predecesseurs des demandeurs: Lesdits defendeurs pourront facilement s'accroistre & entreprendre sur les heritages & droicts des demandeurs, & maintiendront que tous les heritages & droicts immobiliers à eux appartenans, assis au dedans de ladite seigneurie de Courtauoust, leur ont esté amortis, & que pour raison d'iceux ils ont payé indemnité. Combien qu'il n'y ait qu'une partie des heritages possédez par les defendeurs, qui ayent esté amortis, & pour raison desquels ils ayent payé indemnité aux predecesseurs des demandeurs.

Autre raison de ce que dessus.

La troisieme raison est, que les defendeurs n'ont aucune perte ny dommage en exhibant leurs tiltres, & baillant declaration des heritages qui leur appartiennent, au contraire les defendeurs en sentent profit. Car la declaration par eux baillée estant receüe par les demandeurs sans aucun blasme, les defendeurs ne peuvent plus estre troublez par les demandeurs en la propriété ny en la possession des heritages par eux possédez au dedans de ladite seigneurie de Courtauoust. Non plus que le vassal apres la reception de son adueu & denombrement, ne peut estre trouble par son seigneur feodal, en la propriété & possession des heritages & droicts contenus en son denombrement. Tellement que la reception de la declaration qui sera baillée par les defendeurs, emporte confirmation de leurs droicts: comme il a esté dict au 51. chap.

Autre raison de ce que dessus.

La quatrieme raison est, que les seigneurs & proprietaires des heritages alaudiaux estans tenus bailler declaration entiere, & par le menu aux seigneurs haut-Iusticiers, feodaux & censiers, au territoire desquels sont situez les heritages alaudiaux qui leur appartiennent, à ce qu'ils ne puissent s'accroistre & entreprendre sur lesdits seigneurs (comme il a esté dict au 2. chapitre du present Traicté) il est raisonnable que les defendeurs soient subiets bailler aux demandeurs declaration entiere des heritages qu'ils possèdent au dedans de leur seigneurie, comme leurs heritages n'estans plus priuilegiez que ceux qui sont tenus en franc-aleu.

Sentence & arrest de ce que dessus.

Les parties ayans respectiuellement produit pardeuant Messieurs des Requestes du Palais, s'est ensuiuie sentence. Par laquelle la saisie qui a esté faicte à la requeste des demandeurs a esté declarée bonne & valable, ordonné qu'elle tiendra, iusques à ce que les defendeurs ayent baillé par

deklaration les heritages assis en la terre, seigneurie, & Iustice dudit Court: aussi bailler par deklaration les charges dont ils sont chargez, s'aucunes y a, ensemble monstrier & exhiber les lettres, tiltres, & papiers, par le moyen desquels ils detiennent & occupent lesdites terres & heritages: debouté les defendeurs de leur opposition, & condamné és despens. Dont les defendeurs ayans appellé, s'est ensuiuy arrest solemnellement & publiquement prononcé le 7. Septembre 1560. par lequel a esté dit qu'il a esté bien iugé, & mal appellé, les appellans condamnez en l'amende, & és despens de la cause d'appel.

Aussi vn Cheualier de l'Ordre de Saint Iean de Hierusalem, à cause de la Commanderie ayant droict de prendre chacun an certains droicts de terrage, cens, rentes, coustumes, couruées & autres droicts, sur terres situées en, & au dedans de la seigneurie & Chastellenie d'un Gentilhomme.

Vn Commandeur tenu bailler par deklaration les droicts qu'il perçoit en la seigneurie d'un Gentilhomme.

Ledit Gentilhomme ayant faict saisir les droicts susdits, à faute de s'estre par ledit Commandeur inscript en son papier terrier. Encores que ledit Commandeur ne fust tenu de bailler homme viuant, mourant & confiscant, ny recognoistre lesdits droicts estre tenus en fief dudit Gentilhomme: parce qu'il y auoit plus de cent ans que ledit Commandeur en iouy estoit franchement, sans recognoistre aucun Seigneur.

Toutesfois fut aduisé, que ledit Commandeur seroit tenu bailler audit Gentilhomme deklaration passée pardeuant Notaires, des droict de terrage, cens, rentes, coustumes, couruées & autres redevances, qu'il prenoit & perceuoit chacun an, en & au dedans de ladite Chastellenie: sans toutesfois qu'à cause de ladite deklaration, le Gentilhomme peust pretendre aucune feodalité sur lesdits droicts, ny que le Commandeur fust tenu s'inscrire au papier terrier du Gentilhomme: parce que telle inscription emporteroit recognoissance de feodalité & superiorité, comme il sera dict au 60. chapitre.

Après la reception d'homme viuant & mourant, les Seigneurs feodaux ne peuuent à faute du payement du droict d'indemnité, faire saisir l'heritage feodal mouuant d'eux, possédé par gens de main-morte.

CHAPITRE LVII.



HA C V N peut cognoistre par la lecture de l'arrest donné pour les Religieux des Blancs-Manteaux, recité au 53. chap. du present Traicté, que les gens de main-morte sont tenus bailler au seigneur feodal, duquel ils tiennent des heritages en plein fief, homme viuant & mourant, & outre luy payer droict d'indemnité. Mais

on a demandé, si apres la reception d'homme viuant & mourant, le seigneur feodal peut faire saisir le fief amorty, à faute de payement du droict d'indemnité.

Ceste question fut agitée en la Cour de Parlement le 7. Feurier 1554. entre les Religieux, Prieur & Conuent de Saint Nicolas Dacy lez Senlis, appellans du Preuost de Paris ou son Lieutenant, d'une part: Et Maistre Roger Colier Auditeur en la Chambre des Comptes: & Maistre Nicolas de Plancy Procureur en icelle Chambre, intimez d'autre, duquel arrest auons faict mention audit 53. chap.

*Plaidoyé de
ce que des-
sus.*

Le differend des parties estoit, pour railon de trente-deux arpens de terre assis à Mitry en France, tenus en plein fief des intimez, qui auoient esté baillez par eschange aux appellans par feu Monsieur le Connestable, lequel auoit payé les droicts de quints & requints deuz de son temps, & les appellans auoient pareillement payé aux intimez le droict de rachapt deu à cause de l'eschange par eux faict. Et sur le droict d'indemnité pretendu par les intimez, les parties estoient entrées en plusieurs differends. D'autant que les intimez ne vouloient accepter l'offre des appellans, qui estoit leur bailler homme viuant, mourant & confiscant, par le trespas duquel ils seroient tenus payer rachapt, & encores auoient offert, leur payer le huietiemesme denier de la valeur de l'heritage feodal amorty: & outre le rachapt, leur payer à chacune mutation d'homme cent sols tournois. Au moyen de quoy les appellans ayans présenté pour homme viuant, mourant & confiscant, Pierre Nicolas, Bourgeois de Paris, ils le font transporter sur le fief dominant, appelé le fief de Fontaines, luy font faire les foy & hommage en tel cas requis. Et apres quelques poursuittes faictes, le font receuoir par le Preuost de Paris, & ordonner que le droict d'indemnité seroit liquidé par personnes notables, dont les parties conuiendroient. Et les choses estans demeurées en surseance par quelque temps, les intimez font saisir les trente-deux arpens de terre, assis à Mitry, immédiatement mouuans de leur fief de Fontaines, à faute de droicts & deuoirs non faicts, adueu & denombrement non baillé.

*Moyens al-
leguez par
les gens de
main-mor-
te.*

De ceste saisie les appellans interiettent appel, obtiennent lettres pour le conuertir en opposition, alleguent le payement de rachapt par eux faict, la reception faicte par Iustice de l'homme viuant, mourant & confiscant par eux présenté: soustiennent les offres par eux faictes estre plus que suffisantes, tellement que les intimez n'ont eu aucune occasion de les faire saisir, reuoquent leurs offres comme trop amples, & maintiennent n'estre tenus sinon bailler homme viuant & mourant, ou payer indemnité: Et soustiennent que pour le droict d'indemnité, apres la reception d'homme, les intimez n'ont peu proceder par saisie, ains par simple action: concluans à ce que la saisie soit declarée nulle, tortionnaire & desraisonnable, avec condamnation de despens, dommages & interests.

*Moyens pro-
posés par le*

Les intimez au contraire maintiennent, que le droict d'indemnité faict partie des droicts deus à cause de leur fief, à faute de payement desquels

le Seigneur feodal peut saisir le fief mouuant de luy, & faire les fruiçts siens pendant la main-mise: suiuant le premier article de la Coustume de Paris. Qu'ils n'auoient iamais receu en foy & hommage, l'homme viuant, mourant & confisçant, présenté par les appellans, & de la reception faicte par Iustice en appelloient. Que par la quittance, portant payement du droit de rachapt, ils auoient protesté de pouuoir proceder par voye de saisie, pour l'indemnité qui leur estoit deuë. Et ayans procedé par voye de saisie, n'ont fait sinon ce que la Coustume leur permet. Quât aux offres faites par les appellans, ils soustiennent qu'elles ne sont suffisantes, pour les raisons deduites au 53. chapitre. Aussi par la reception d'homme, & payement des droits de quints & requints, ou de rachapt deu à cause de l'acquisition faite par les gens de main-morte, le droit d'indemnité n'est remis, quitté ny donné: mais est remise la faculté de pouoir contraindre les gens de main-morte, de vider leurs mains de l'heritage amorty par le Roy: comme il est amplement traicté par du Moulinés Coustumes de Paris, article 41. col. 70. 71. 72. 73. Partant les intimez soustiennent la saisie faite à leur requeste, estre bonne & valable, laquelle ils auoient esté contraincts de faire, au moyen de ce que les appellans ne tenoient compte de faire liquider le droit d'indemnité par eux deu. Et auoient tousiours abusé les intimez par belles promesses.

Seigneur feodal, pour monstrier qu'il peut saisir pour le droit d'indemnité.

Finalemēt la Cour appointa les parties au Conseil, & ordonna qu'elles bailleroient leurs plaidoyez dedans huitaine, produiroient à la huitaine ensuiuant, seroient les productions communiquées pour bailler contredits & saluations dedans le temps de l'ordonnance.

Arrest de ce que dessus.

Pareille question fut plaidée en la Cour apres disné le 14. May 1555. entre les pauvres du College de Montagu appellans d'une part, & le Seigneur de Villepreux, intimé d'autre, lequel plaidoyé on peut voir és registres de la Cour.

Autre plaidoyé de ce que dessus.

Pour resolution de la presente question, il conuient dire: Que le Seigneur feodal, lequel purement & simplement a receu en foy, & hommage l'homme viuant & mourant, qui luy a esté présenté par les Gens de main-morte: ne peut faire saisir le Fief amorty à faute de payement du droit d'indemnité, qui luy est deu: ains se doit pouruoir par action. Parce que c'est vne maxime en matiere feodale, que quand le Seigneur de Fief a receu en foy, purement & simplement son vassal, sans aucune condition ou reseruation, il ne peut vser de saisie, pour les droits & devoirs qu'il pretend luy estre deuz: ains les doit demander par action, soit que les droits soient deuz du chef du vassal, ou du chef des predecesseurs du vassal, comme Maistre Charles du Moulin a amplement déclaré au premier article de la Coustume de Paris, *glosa finali. col. 29. 30. 31.*

Decision de la presente question.

Quant au Seigneur censier, il est certain que pour le payement du droit d'indemnité, qui luy est deu outre son droit de censue, il ne peut proceder par voye de saisie, non plus que pour le payement des lots & ventes, qui luy pourroient estre deuz, & n'a qu'une simple action, afin de luy exhiber le contract d'acquisition. Ce faict, estre payé du droit d'indemnité des lots & ventes, ensemble de l'amende, qui luy sont deuz, si

Le Seigneur censier ne peut demander son droit d'indemnité sinon par voye d'action.

c'est contract d'achapt, suiuant la nouuelle Coustume des Ville, Preuo-
sté & Vicomté de Paris, article 81.

Les Ecclesiastiques ne peuuent desaduoir vn Seigneur feodal, qui a fait saisir leurs heritages comme mouuans de son fief, si le desadueu n'est decreté par le Superieur.

CHAPITRE LVIII.



Les Seigneurs de fief ont accoustumé faire saisir les heritages feodaux des gés de main-morte, & les contraindre aduoir ou desaduoir.

Les Seigneurs feodaux estans fondez en tout droit de Seigneurie & de feodalité, dedans les fins & limites de leurs fiefs, & les Seigneurs césiers en tout droit de césue & de seigneurie directe, au dedans de leur territoire censuel. Aussi que par l'vlsance de France on ne peut tenir terre sans Seigneur, comme il a esté déclaré au 2. chapitre du present Traicté : Les Seigneurs de fief pour molester les Ecclesiastiques tenans heritages au dedans de leurs fiefs, ont accoustumé faire saisir par faute d'homme, droicts & deuoirs non faicts, les heritages possédez par les Ecclesiastiques, & autres gens de main-morte: pretendans que tels heritages sont feodaux, & tenus d'eux en foy & hommage. Et pour clorre la bouche aux Ecclesiastiques, les contraignent aduoir ou desaduoir, suiuant la maxime generale tenuë en matiere feodale: qui est, dès le commencement de la cause, & auparauant aucune contestation, contraindre le vassal, formellement aduoir ou desaduoir le Seigneur feodal qui a faict saisir. Sçachant tres-bien que les personnes Ecclesiastiques ne peuuent desaduoir, d'autant qu'ils ne peuuent aliener, & que le desadueu faict par le vassal emporte confiscation de fief, suiuant la nouuelle Coustume de Paris, article 43. conforme à la disposition de droit, *in §. vassallus. si de feudo def. content. sit in vssib. feud* Et cependant les Seigneurs feodaux tiennent les heritages des Ecclesiastiques saisis, & les exploictent par leurs mains.

Comme les Ecclesiastiques font decreter par le Superieur le desadueu qu'ils entendent former.

Mais pour auoir main-leuëe des heritages saisis sans consigner aucuns droicts : aussi pour peremptoirement defendre contre telles saisies, les Ecclesiastiques font decreter & autoriser par le Superieur, le desadueu qu'ils entendent former : & ce faict desaduoir le Seigneur qui a faict saisir leurs heritages. En ce faisant ont main-leuëe, non pas diffinitive, mais par prouision, des heritages sur eux saisis, pour en iouyr pendant le procez, sans consigner aucuns droicts. Alleguent possession immémoriale, & iouyssance paisible de plus de cent ans, sans prestation de foy & hommage, ny payement d'aucuns droicts & deuoirs : mettent en auant Amortissemens tant generaux que particuliers, & autres moyens pour faire declarer la saisie tortionnaire, & monstrent que les pretendus Seigneurs n'ont & ne peuuent auoir aucun droit feodal, ou Seigneurial es heritages saisis.

Et si le desadueu formé par les Ecclesiastiques n'est decreté & autorisé par le Superieur, les Ecclesiastiques n'auront main-leuée des heritages sur eux saisis. D'autant que tel desadueu simple, & n'emportant confiscation, n'est suffisant ny valable. Ainsi qu'il fut iugé par arrest donné le Mardy 2. Mars 1524. entre Maistre Jean Gilbert Aduocat du Roy en la Cour des Aydes, appellant des Genstenans les Requestes du Palais, d'une part : & le Commandeur de Villeroy intimé, d'autre. Par lequel la Cour mit à neant la sentence donnée par Messieurs des Requestes du Palais, qui auoient fait main-leuée à l'intimé de certains heritages saisis à la requeste de l'appellant par faute d'homme, foy & hommage non faits, sous pretexte que l'intimé de son autorité priuée, sans decret ny autorité du Superieur, auoit desaduoué & dénié à Seigneur l'appellant : Combien que le decret du Superieur fust nécessaire pour la validité de tel desadueu, lequel doit emporter confiscation, & sic alienation d'heritage Ecclesiastique, *Clementina 1. de rebus Ecclesie non alien.* Et en tel cas la Cour a accoustumé d'ordonner, que la personne Ecclesiastique, qui a formé le desadueu, fera decreter & autoriser par le Superieur son desadueu, dedans quatre mois, ainsi qu'il fut dict par arrest du cinquiesme Mars, 1576.

Pourquoy le desadueu formé par les Ecclesiastiques doit estre decreté. Arrest de ce que dessus.

Pareille cause fut plaidée le 28. Nouemb. 1558. entre Messire Jean de Saux Cheualier Seigneur de Saux & de Richebourg, appellât des Requestes du Palais, & Maistre André Geures, Curé de la Cure & Eglise parochiale S. Georges de Saux, Diocese de Chartres : les terres duquel ledit Seigneur de Saux auoit fait saisir, à faute d'homme, droicts, & deuoirs non faits. Et d'autant que le Curé pendant la cause d'appel, auoit fait autoriser par Monsieur l'Euesque de Chartres son Superieur, le desadueu par luy formé pardeuant Messieurs des Requestes du Palais, lesquels luy auoient fait pure & simple main-leuée, encores que le desadueu ne fust decreté lors de l'instance pendante aux Requestes : la Cour en infirmant la sentence susdite, ordonna que le Curé iouyroit par prouision, pendant le procez des terres sur luy saisis.

Autre arrest de ce que dessus.

LES ECCLESIASTIQUES QUI ONT desaduoué ou fait offre suffisante au Seigneur feodal qui a fait saisir leurs heritages, comme mouuans de son fief, iouissent par prouision des heritages sur eux saisis. Et comme la reception par main souveraine, est pratiquée en France. Avec plusieurs arrests donnez pour ce regard.

- 1 Le Seigneur feodal plaide saisi, sinon en trois cas.
- 2 En cas de desadueu, le vassal iouyt par prouision de son fief.
- 3 Le vassal n'est tenu aduouier, ne desaduouier sinon en un cas.

- 4 Quand il y a contention entre plusieurs Seigneurs, le vassal est receu par main souveraine.
- 5 Par le moyē des lettres de receptiō par main souveraine, le vassal n'est pas receu en foy & hommage de son fief.

- 6 La reception par main souveraine est iuste & raisonnable, & diffinitive pour le regard du vassal.
- 7 Quand la reception par main souveraine a lieu.
- 8 Le vassal qui est receu par main souveraine, doit incontinent consigner en iustice.
- 9 Encores quel'un des Seigneurs ait esté payé, le vassal est tenu consigner.

- 10 Quand le Seigneur a receu le vassal, en ce que le fief est tenu & mouvant de luy.
- 11 Si pendant la reception par main souveraine y a mutation de vassal.
- 12 Quand le vassal a fait offre suffisante, il iouyt par provision de son fief.
- 13 Pour avoir main-leuée par provision de la saisie censuelle, est besoin consigner trois années de la censue.

CHAPITRE LIX.

1
Le Seigneur
feodal plai-
de saisi, s'ind
en trois cas.



COMBIEN qu'il soit notoire par les Coustumes & v'sance de France, qu'en saisie feodale ordinairement n'y ait lieu de provision, ny de main-leuée pendant le procez, au contraire que le Seigneur feodal plaide saisi : Neantmoins quelquesfois les gens de main-morte tenans heritages feodaux, peuvent en saisies feodales, avoir provision de leurs fiefs saisis, & pendant le procez iouyr d'iceux, ainsi que les autres vassaux peuvent obtenir main-leuée provisoire. Et pour l'entendre il est besoin considerer trois cas.

2
En cas de
desadueu le
vassal iouyt
par provision
de son fief.

Le premier est, quand les gens de main-morte desaduoient le Seigneur, qui a fait saisir leurs heritages comme feodaux, & ont fait decreter leur desadueu. En ce cas les gens de main-morte ont main-leuée par provision de leurs heritages saisis, & pendant le procez iouyissent d'iceux, sans consigner aucuns droicts : à la charge de rendre les fructs s'ils succombent, & de confiscations s'il y eschet : tout ainsi que le vassal qui desaduouë son Seigneur feodal, & ce suiuant la nouvelle Coustume de Paris, article 46. & qu'il a esté déclaré au chapitre precedent.

3
Le vassal
n'est tenu
aduouier ne
desaduouier
sinon en vn
cas.

Et vn vassal bien conseillé n'est tenu d'aduouier ou desaduouier, sinon en vn cas, qui est lors qu'il pretend son fief estre tenu en franc-aleu : Mais le vassal doit amener son garand, & faire entrer en cause le Seigneur duquel il pretend son fief estre tenu & mouvant : ou bien le Procureur du Roy, s'il pretend son fief estre immediatement tenu du Roy. Et cependant se faire recevoir par main souveraine, sans aduouier ou desaduouier l'un ou l'autre des deux Seigneurs, comme il sera dict cy-apres. *Vassallus enim habet garandum*, ainsi qu'il a esté iugé par arrest de l'an 1452. au profit de maistre Hugues Alligret Greffier criminel de la Cour, recité per *Boerium in consuetudinibus Biturigum*, tit. des fiefs, §. 13. in glosa, par son opposition.

4
Quand il y
a contention
entre plu-
sieurs Sei-

Le second cas auquel les gens de main-morte ont main-leuée des heritages feodaux qui leur appartiennent, pendant le procez de la saisie feodale faicte d'iceux est, Quand il y a contention entre plusieurs Seigneurs feodaux, pour raison de la tenuë du fief saisi, lequel chacun des Seigneurs maintient

maintient estre mouuant de luy. En ce cas les gens de main-morte, sans entrer en inuolution de procez, obtiennent lettres en Chancellerie, par lesquelles ils donnent à entendre le debat de plusieurs Seigneurs feodaux, pour raison de la tenuë feodale, & mouuance du fief de la Villette, ou d'autre qui leur appartient, & font mander au Iuge Royal, au rellort duquel le fief est assis, ou au Iuge Royal pardeuant lequel le procez est pendant, qu'ils les reçoient par main souveraine audit fief de la Villette, les facent iouyr d'iceluy pendant le procez & differend de ladite tenuë feodale. A ceste fin leur en bailler main-leuëe, & descharger les Commissaires establis au regime & gouvernement dudit fief: en consignat en Iustice les droicts & deuoirs, s'aucuns sont deuz. A la charge de faire & porter la foy & hommage à celuy qui obtiendra en fin de cause, le tout selon & en ensuiuant la Coustume. Et semblables lettres peuuent estre obtenues par tous vassaux, les fiefs desquels plusieurs Seigneurs feodaux pretendent estre immediatement & pour le tout mouuans d'eux.

Seigneurs feodaux, le vassal est receu par main souveraine.

Forme des lettres pour estre receu par main-souveraine.

Sur ces lettres on a accoustumé prononcer en ceste forme. La Cour en enterinant les lettres obtenues par le demandeur, l'a receu par main souveraine au fief de la Villette, saisi tant à la requeste du Procureur du Roy, que d'autres Seigneurs pretendans la tenuë feodale d'iceluy: ordonne qu'il iouyra dudit fief pendant le procez & differend des Seigneurs contendans ladite tenuë feodale: à ceste fin luy fait main-leuëe d'iceluy fief, & descharge les Commissaires pour l'aduenir: En consignat par le demandeur en Iustice les droicts & deuoirs, s'aucuns sont deuz, pour estre adiugez à celuy qu'il appartiendra. Et à la charge de porter la foy & hommage à celuy des Seigneurs contendans qui obtiendra en fin de cause, le tout selon & en ensuiuant la Coustume. Et sur ce que tels & tels ont respectiuement maintenu la tenuë feodale dudit fief de la Villette leur appartenir: La Cour les a appointez en droit à escrire par aduertissemens, qui seront communiquez.

Forme de prononcer sur les lettres de reception par main-souveraine.

Est besoin noter, que le Iuge ne dit pas, qu'il recoit par main souveraine le demandeur en foy & hommage du fief saisi. Car lors que les lettres sont iudiciairement enterinées, le demandeur ny son Procureur n'a accoustumé de porter foy, ny faire hōmage, soit au Iuge qui prononce sur l'enterinement des lettres, soit au Roy, depuis l'enterinement d'icelles en la Chambre des Comptes, ou ailleurs. Aussi le styl & forme des lettres de reception par main souveraine, estant au Protocole de la Chancellerie, ne porte pas que le vassal sera receu par main souveraine en foy & hommage de son fief saisi: Mais il porte, que par les lettres est mandé au Iuge, que s'il luy appert de la contention des Seigneurs feodaux; en ce cas pendant le procez & differend de la tenuë feodale dudit fief, face iouyr & vser le demandeur d'iceluy fief par main souveraine, à tout le moins en consignat les droicts & deuoirs par luy deuz. Ioinct que par le Jugement donné sur l'enterinement des lettres, le demandeur estant chargé de porter la foy & hommage à celuy des Seigneurs contendans qui obtiendra en fin de cause: est clairement monstre que la prestation de foy & hommage, demeure en suspens, & est differée, iusques à ce que la

5
Par le moyē des lettres de reception par main-souveraine, le vassal n'est pas receu en foy & hommage de son fief.

contention de la tenuë feodale soit vuidée & terminée, comme il est porté par le soixantiésme article de la nouuelle Coustume de Paris. Aussi ladite nouuelle Coustume en l'article susdit ne porte pas que pendant le debat des Seigneurs feodaux, le vassal sera receu par main souveraine, en foy & hommage du fief saisi. Mais elle porte que quand entre plusieurs Seigneurs est question d'aucun fief, lequel chacun d'iceux Seigneurs dit estre mouuant de luy, que le vassal en doit estre receu par main souveraine, & iouyr pendant le procez. En consignat par luy en Iustice les droicts & deuoirs par luy deuz à cause d'iceluy fief.

Tellement que plusieurs sont d'aduis, que le vassal n'est receu par main souveraine, sinon en la iouissance de son fief, & que ceste diction, & apposée deuant ce mot iouyr, est declaratiue, & non ampliatiue: & estiment que le Iuge doit prononcer, qu'en enterinant les lettres, il reçoit le demandeur par main souveraine en la iouissance du fief saisi, & ordonne qu'il iouyra d'iceluy pendant le procez & differend des Seigneurs. Mais il semble que l'un des deux est superflu, & qu'on ne doit mettre ce mot de iouissance, lequel n'est porté par la Coustume. Comme estat certain que la reception par main souveraine introduite par la Coustume, a autre effect que de simple iouissance. D'autant que du iour d'icelle, l'an & iour du retraict lignager, & les 40. iours du retraict feodal, cōmencent à courir. Aussi du iour de ceste reception par main souveraine le vassal est mis en la propriété, possession, & libre disposition de son fief, & en tel estat & seureté que s'il en auoit porté la foy & hōmage: En sorte qu'on peut dire que ceste reception par main souveraine a effet d'une prestation de foy & hōmage, legale & tacite. Car le Iuge pēdant le debat de la tenuë feodale reçoit le vassal en son fief sous la main du Roy, qui est la main souveraine, duquel tous fiefs originairement sont procedez, & dependent mediatement ou immediatement de sa Majesté, cōme nous auons dict au 26. ch.

Aussi le Iuge qui prononce sur l'enterinemēt des lettres, ne doit pas simplement ordonner, qu'en enterinant icelles, le demandeur iouyra par main souveraine du fief saisi, pendant le debat de la tenuë feodale: ainsi qu'il est porté par le Protocole de Chancellerie. Mais il le doit recevoir par main souveraine en son fief, & ordonner, qu'il iouyra d'iceluy pendant le procez, en consignat: afin de satisfaire du tout à la Coustume. Ainsi qu'il fut ordonné par arrest donné entre Charles Tournebœuf Escuyer, appellant de Messieurs des Requestes du Palais d'une part: & Dame Marie Pichon femme separée de Messire Seraphin du Tillet intimée d'autre: en date du 4. Ianuier 1534. recité par Monsieur le Maistre en ses Decisions notables, traicté des fiefs, chapitre 3.

Et ceste reception par main souveraine fondée en la disposition du droit Ciuil, & de la Coustume, est iuste & raisonnable. Parce que le vassal offrant consigner les droicts & deuoirs par luy deuz, & faire la foy & hommage au Seigneur qui obtiendra: il se met en tout deuoir, & n'a que faire de la contention des Seigneurs, lesquels il ne doit aduoier ny desaduoier, ny avec eux aucunement cōtelter. Et pour ceste cause la reception par main souveraine pour le regard du vassal est diffinitive & non prouisoire: Tellement que le Iuge ne doit pas dire, que par prouision le de-

6
La reception
par main
souveraine
est iuste &
raisonna-
ble, & est

mādeur iouyra par main souveraine du fief laisi: car il est du tout mis hors de cause, & n'est subiet à aucune restitution de fruiçts, cōme il est au cas de desadueu. Aussi ceste reception se peut demander par voye d'opposition, ou sans opposition, ou par simples lettres obtenuës en Chancellerie. Et au Chastelet de Paris ils reçoient le vassal par main souveraine pēdant la contention de la tenuë feodale, sans lettres obtenuës en Chancellerie, comme non necessaires par le moyen de la Coustume, qui ordonne & permet ceste reception par main souveraine. Toutesfois en la Cour de Parlement, Requestes du Palais, & Chambre du Thresor, on a accoustumé obtenir lettres en Chācellerie, pour estre receu par main souveraine.

diffinitive pour le regard du vassal.

Laquelle reception par main souveraine a lieu non seulement quand il y a concurrence de saisies faictes à la requeste de plusieurs Seigneurs feodaux, qui ont tous faict saisir le fief appartenant à gens de main-morte, pretendans qu'il soit solidairement & immediatement tenu de chacun d'eux: mais aussi quand l'un d'eux a procedé par saisie, & l'autre par simple action. Ou quand ils viennent tous par action: ou bien quand ils sont en discord extrajudiciaire, & estans appelez en Iustice, ils pretendent respectiuellement la tenuë du fief appartenant à gens de main-morte, ou à autre vassal qui les a faict appeller. Et encore ceste reception par main souveraine a lieu, quand vn Seigneur feodal a faict saisir vn heritage comme mouuant en fief, foy & hommage de luy, & qu'un autre Seigneur pretend qu'il est tenu en censue de luy. Car tout Seigneur censier est Seigneur feodal, & ne peut auoir censue, sans qu'il y ait eu fief, de partie duquel la censue ait esté crée originairement: aussi le droict censuel est noble, & se partit entre les heritiers, noblement, & non roturierement, comme nous auons declaré au 2. chapitre. Ce que dessus est traicté *in l. ut litibus. de agric. & censit. Cod. li. 11. in l. finali. C. de petit. hered.* Par Monsieur le Maistre en ses Decisions notables, traicté des fiefs, hommages & vassaux, chapitre 3. & par du Moulin, au 42. article de la Coustume de Paris.

⁷
Quand la reception par main souveraine a lieu.

Mais sur tout le vassal qui est receu par main souveraine, doit incontinent consigner en Iustice. Car auparauant la consignation, la reception n'a aucun effect, comme faite sous vn gerondif, en consignant, lequel emporte condition & necessité. Et qui plus est, le vassal doit faire declarer la consignation par luy faite en Iustice, bonne, valable & suffisante, avec tous les Seigneurs contendans: soit qu'il soit question de quint, ou de quint & requint, de droict de relief & rachapt, ou de droict de chambellage, ou de cheual de seruice, ou d'autre droict & deuoir. Car si la consignation n'est bien & suffisamment faite, le vassal sera tenu rendre tous les fruiçts. Ainsi qu'il a esté iugé pour le Seigneur de Ramboüillet: & sera bon protester d'augmenter la consignation, si mestier est, & faire se doit.

⁸
Le vassal qui est receu par main souveraine doit incontinent consigner en Iustice.

S'il est deu rachapt, & soit question de consigner par celui qui est receu par main souveraine. D'autant que l'un des Seigneurs peut opter le reueu de l'année, l'autre le dire de preud'hommes, & l'autre accepter la somme offerte par le vassal. Plusieurs sont d'aduis, que le vassal doit consigner au Greffe vne somme de deniers, & consentir que celui auquel la tenuë feodale sera adiugée, puisse prendre ladite somme, ou bien opter

Celui qui est receu par main souveraine & doit rachapt comme il doit consigner.

le reuenu d'une année, ou le dire de preud'hommes, selon qu'il luy est permis par la Coustume : & ne faut pas obmettre les mots dessusdits en l'acte de consignation. Et estiment ceste consignation suffisante : mais il semble qu'elle n'est seure, & qu'il est besoin la faire declarer valable avec tous les Seigneurs contendans. Car si tous les Seigneurs optent le reuenu de l'année, parce qu'il y a cherté, ou grande quantité de grains, vins & foins lors de la saisie, le Commissaire doit iouyr pendant l'année, du fief saisi, conseruer les deniers au profit de celuy qui obtiendra, ou bien les consigner en Iustice. Et si tous les Seigneurs optent le dire de preud'hommes, il est besoin d'en conuenir, & consigner en Iustice ce qu'ils arbitreront. Aussi il se peut faire, que les Seigneurs pretendoient plusieurs rachapts, qui leur seront notoirement deuz. Et du iour de la consignation de deniers, & offre faite en Iustice par le vassal, les fruiçts de son fief luy sont conseruez, sans que les Seigneurs y puissent pretendre aucun droit. Et sera fort bon que le vassal qui est saisi dès le commencement de la cause requiere, que les Seigneurs feodaux, qui ont fait saisir son fief, soient tenus de declarer precisément, pour quelles causes, droits & profits ils entendent auoir saisi, & soustenir leurs saisies. Mesmes quelles ouuertes ils pretendent, en quel temps, & par le trespas de quelles personnes : à ce que la vassal puisse faire offres pertinentes, & consignation valable : aussi cognoistre si les droits pretendus sont deuz, prescrits ou non. Comme il est porté par le vnzieme article de l'ordonnance faite pour le bien & reglement de Iustice.

Si le vassal a payé les droits par luy deuz, à l'un des Seigneurs qui est en cause : plusieurs sont d'aduis, qu'il le doit sommer, & requerir qu'il soit condamné consigner en Iustice, pour luy & en son acquit, ce qu'il a receu : non pas tous les droits qui peuvent estre deuz. Car si le pretendu Seigneur feodal a remis & donné partie des droits feodaux : sa liberalité ne luy doit appotter dommage. Partant ne sera tenu consigner ou bien rendre, sinon ce qu'il a receu du vassal : comme du Moulin a adnoté sur le 42. art. de l'ancienne Coustume de Paris, nu. 18. & sur le 44. art. de la mesme Coustume, question 9. Aucuns sont d'aduis contraire, & dient que le Seigneur qui a esté payé ne peut estre contraint consigner en Iustice pour son vassal, principalement si volontairement il a esté payé. D'autant que ce seroit le deposseder, maintient que *suum recepit*, & qu'il n'est garād, si nō du trouble de droit, & nō du trouble de fait. Qu'il suffit qu'il prenne la cause, & qu'on luy prefige temps, pour faire iuger le procez, & faire declarer, que le fief est mouuant de luy, à peine de despens, dommages & interests. Et le vassal doit principalemēt persister à la prefixion de temps : à ce qu'à faute d'auoir ce fait dās ledit temps, ledit Seigneur soit condamné rendre ce qu'il a receu, & en tous despens, dommages & interests. Autrement le vassal ne pourroit retirer les deniers par luy conseruez, & ne pourroit estre certain, de quel Seigneur son fief seroit mouuant. Car le vassal estant hors de cause ne peut poursuiure le iugement du procez.

Encores que
l'un des Sei-

Et supposé que l'un des Seigneurs soit payé, comme dit est : toutesfois le vassal doit consigner : autrement il n'auroit pas main-leuée de la saisie

du seigneur qui n'est pas payé, & pour son regard seroit subject à la perte des fructs. Ce qui a lieu, encores que ce soit le Roy, qui ait esté payé des droicts feodaux : ou bien que celuy qui est saisi, soit Secretaire du Roy, en ce faisant soit exempt de payer aucuns droicts feodaux au Roy. Et le vassal doit faire declarer sa consignation bonne & valable, avec tous les deux Seigneurs, à ce que sa reception par main souveraine soit effectuée avec tous les deux, & qu'il puisse plus facilement retirer ce qu'il aura payé à l'un desdits seigneurs, au cas que le seigneur qui aura esté payé ne face iuger le procez du debat & contention de fiefs, dedans le temps qui luy aura esté prefix pour ce faire, estant raisonnable que la consignation luy serue contre tous les deux seigneurs.

seigneurs ait esté payé, le vassal est tenu consigner.

Si le seigneur, qui a esté payé, a receu le vassal en foy & hommage du fief, en termes generaux, sans dire, en ce qui est tenu & mouuant de luy : & apres un seigneur faict saisir quelques terres du mesme fief, comme mouuantes de luy : le premier seigneur est garand de la derniere saisie : comme sa reception estant generale & indefinie. Mais si le seigneur feodal a receu le vassal du fief contentieux, en ce qui est tenu & mouuant de luy : encores que la mouuance de quelque portion du fief saisi soit adiugée au dernier saisissant, le seigneur qui a esté payé ne sera tenu rendre portion des deniers qu'il a touchez. Partant le vassal contraindra le dernier saisissant de declarer la portion qu'il pretend au fief saisi, ou bien declarer les heritages qu'il pretend estre tenus & mouuans de luy, dependans dudit fief. Aussi ledit vassal fera en sorte, que le premier saisissant declare, s'il pretend droict es choses saisies à la requeste du dernier saisissant : & fera entrer les deux seigneurs en combat de fief, pour raison des choses saisies. Et si le premier Seigneur, qui a receu le vassal en foy & hommage du fief contentieux, en ce qu'il est tenu & mouuant de luy, declare qu'il ne pretend rien es choses saisies à la requeste du dernier saisissant, le vassal sera tenu recognoistre le dernier saisissant, sans auoir aucun recours contre le premier Seigneur, qui auoit esté payé.

*10
Quand le seigneur a receu le vassal en ce que le fief est tenu & mouuant de luy.*

Si pendant le debat des Seigneurs feodaux, y a mutation du vassal receu par main souveraine, soit par vendition, donation, ou autrement, ou bien par mort, & soit deu profit de fief : les Seigneurs contendans feront saisir le fief, pour la conseruation de leurs droicts. Et le nouueau vassal se fera recevoir par main souveraine, comme son predecesseur : consignera les droicts en Iustice, & fera declarer sa consignation bonne.

*11
Si pendant la reception par main souveraine y a mutation de vassal.*

Letiers cas, auquel les gens de main-morte ont main-leuée de leur fief saisi, pendant la saisie feodale est, quand ils ont fait offre suffisante, iuste & raisonnable : & le Seigneur feodal est refusant de l'accepter : comme s'ils ont offert bailler homme viuant & mourant, & payer droict d'indemnité, avec ce qui est deu à cause de leur acquisition. En ce cas pendant la discussion de la suffisance ou insuffisance de l'offre, on ordonne que les gens de main-morte iouyront du fief sur eux saisi. Ainsi qu'il fut iugé pour les Religieux des Blancs-Manteaux, contre le Seigneur de Fontenay, par Arrest du Ieudy 18. Nouembre, 1557. recité au 53. chapitre. Et le semblable fut ordonné, par arrest du 7. Septembre 1553. au

*12
Quand le vassal a fait offre suffisante, il iouyt par provision de son fief.*

Arrests de ce que dessus.

profit d'un Chapelain de la Chapelle fondée en l'Eglise de saint Jean de la Ferté, lequel suiuant la Coustume d'Orleans, offroit bailler Vicairre, qui est homme viuant & mourant, ainsi qu'il a esté dict au 34. chapitre du present Traicté. Et à ce que dessus semble estre conforme la nouuelle Coustume de Melun, laquelle plusieurs estiment estre interpretatiue de celle de Paris, article 38. qui porte: Que si le Seigneur feodal sans iuste cause refuse receuoir son vassal, le vassal le peut faire conuenir pardeuant le Iuge Royal, afin d'estre receu, en payant les droicts accoustumez: & au refus de les receuoir, les consigner en Iustice: & le semblable est porté par la nouuelle Coustume de Mante, article 26.

13
Pour auoir
main-leuée
par prouision
de la saisie
censuelle,
est besoin
consigner
trois années
de la cen-
sue.

Quant à la saisie que les Seigneurs censiers peuuent faire des heritages possédez par les personnes Ecclesiastiques, dedans les fins & limites de leur territoire censuel, elle n'est grandement preiudiciable: & pour auoir par prouision main-leuée d'icelle, n'est besoin former aucun defadueu: mais seulement consigner trois années de la pretendue censue, & au principal alleguer possession immemoriable, dénier le droict de censue, & proposer les autres moyens qui ont esté deduits au chapitre precedent. Et ce suiuant la nouuelle Coustume de Paris, article 75. & Edict du Roy Charles IX. publié en la Cour, le 13. Decembre, 1563.

LA PRESTATION D'HOMME VIVANT ET mourant, deuë au Seigneur feodal par les gens de main-morte, pareillement le droict de censue deu au Seigneur censier, ensemble le droict d'Amortissement deu au Roy, sont imprescriptibles. Et que le droict d'indemnité se peut prescrire.

- | | |
|---|--|
| 1 La prestation de foy & la censue ne peuuent estre prescriptes. | prescription du droict d'indemnité. |
| 2 Pourquoy le droict d'indemnité se prescript par trente ans. | 5 Le droict d'Amortissement ne peut estre prescript contre le Roy. |
| 3 Contre les Seigneurs Ecclesiastiques on ne peut prescrire le droict d'indemnité que par quarante ans. | 6 Heritages amortis sont estimez alaudiaux. |
| 4 Coustume de Touraine concernant la | 7 Si tous les heritages situez dedans un fief sont presumez estre tenus en foy ou censue dudit fief. |

CHAPITRE LX.



NOUS auons monstré au 34. chapitre du present Traicté, que l'action donnée aux Seigneurs feodaux, & censiers, pour contraindre les gens de main-morte de vuidier leurs mains des heritages par eux possédez, non amortis par le Roy, se prescript par certain temps. Mais on a doubté si la prestation d'homme viuant & mourant, que les gens de main-morte sont tenus de bailler au Seigneur feodal, pour l'heritage amorty qu'ils

tiennent de luy en plein fief, se peut prescrire, ensemble le droict de censive deu au Seigneur censier. Pareillement si le droict d'indemnité qu'on est tenu de payer, tant au Seigneur feodal, qu'au Seigneur censier, se peut prescrire par les gens de main-morte. Ensemble le droict d'Amortissement, qui est deu au Roy.

Quant à la prestation d'homme vivant & mourant, il est certain que tel droict qui contient en soy prestation de foy & hommage deuz par le vassal à son Seigneur de fief, ne se peut prescrire par quelque laps de temps que ce soit, fust-il de cent ans: ny pareillement le droict de censive deu au Seigneur censier. Parce que tels droicts & deuoirs, *que præstatur in recognitionem superioritatis & dominij directi*, sont droicts d'obeyssance, reconnaissance & subiection, *in quibus omnis præscriptio rejicitur, l. competit. Co. de præscr. 30. vel 40. annor. l. 1. & 2. Co. sine cen. & reliq. cap. 2. de censibus, ext. cap. cum non liceat. ubi Glosa magna. de præscript. ext.* Ainsi qu'il a esté amplement deduit au Traicté de Des-herence, par nous n'agueres mis en lumiere, chap. 7.

^I
La prestation de foy & la censive ne peuvent estre prescrites.

Tellement que nonobstant quelque laps de temps que ce soit, le Seigneur feodal peut faire saisir par faute d'homme, foy & hommage non faicts, l'heritage mouvant de luy, tenu & possédé par gens de main-morte. Et la saisie tiendra en pure perte de fructs, iusques à ce qu'ils ayent baillé homme vivant & mourant, qui porte la foy & face hommage de l'heritage par eux possédé. Mais il est besoin que le Seigneur saisissant, monstre & verifie, que l'heritage qu'il a faict saisir est tenu de luy en foy & hommage, & que ses predecesseurs en ont esté seruis. A ceste fin face apparoir des anciens actes de foy & hommage, adueus & denombremens anciennement baillez. Aussi le Seigneur censier, nonobstant quelque laps de temps que ce soit, peut demander son droict de censive, *dicta l. competit. Cod. de præscript. 30. vel 40. anno.* Et ce que dessus semble estre conforme aux 12. & 104. articles de la nouvelle Coust. de Paris.

De faict par Arrest publiquement prononcé le 13. Aoust, 1583. vn Beneficié fut condamné payer chacun an censive des heritages dependans de son Benefice, au Seigneur du territoire, au dedans duquel ils estoient situez, au feur & à raison des heritages prochains; nonobstant la possession centenaire, & Amortissemens generaux alleguez. Parce que par la Coustume de Melun, en laquelle estoit l'heritage contentieux, article 176. chef cens, qui est à dire le premier cens, ne peut estre prescript par quelque laps de temps que ce soit: combien que la qualité & arrerages se prescriuent par trente ans. Toutesfois pour sçauoir si en la Coustume de Paris le droict de censive se peut prescrire par le temps de cent ans, ou non, est besoin voir ledit 7. chap. du Traicté de Des-herence.

Quant au droict d'indemnité deu au Seigneur feodal, outre la prestation de l'homme vivant & mourant, & pareillement deu au Seigneur censier outre son droict de censive: plusieurs ont esté d'aduis que ce droict d'indemnité ne se prescrit point par quelque laps de temps que ce soit, comme dependant & faisant partie du droict feodal & censuel, qui est imprescriptible, ainsi qu'il a esté dict cy-dessus: & *quod dicitur de toto, dic-*

Raisons par lesquelles il semble que le droict d'indemnité ne se peut prescrire.

tur etiam de parte, l. que de tota. ff. de rei vend. Aussi que les gens de main-morte par la loy & statuts de France, estans incapables de posséder heritages, ils n'ont peu estre vrayz possesseurs des heritages par eux detenus: *cum lex Regni eorum possessioni resistat*, partant n'ont peu prescrire les droicts feodaux ou censuels, deuz à cause des heritages par eux possédez: *cum sine possessione non procedat prescriptio. cap. sine possessione. de reg. iur. in 6.*

Joinct que par les 29. & 30. articles de la Coustume de Melun, nouvellement introduicts, laquelle Coustume plusieurs suivent comme interpretative de l'ancienne Coustume de Paris: il semble que le droict d'indemnité ne soit plus prescriptible que la prestation d'homme viuant & mourant. Parce que la Coustume porte, que les gens de main-morte ayans iouy d'heritages par plus de quarante ans, ne sont contraincts en vuidier leurs mains: mais sont tenus bailler au seigneur feodal, homme viuant & mourant, & luy payer indemnité, estimée au cinquiesme denier de la valeur de la chose.

2
Raisons
pour lesquelles le droict
d'indemnité ne se pres-
cript par
trente ans.

Les autres sont d'aduis contraire, & dient, tout ainsi que les profits de fief se prescriuent par trente ans, suivant le 12. article de la nouvelle Coustume de Paris: Aussi que le droict d'indemnité, qui ne concerne que les profits de fief à l'aduenir, se prescrit par trente ans, comme consistant en simples deniers, simples meubles, & simples fruiets: & que la poursuite de ce droict se doit faire par action pure personnelle, laquelle estant née deslors de l'acquisition faicte par les gens de main-morte se prescrit par trente ans, comme il a esté amplement deduiet au 7. chap. du Traicté de Des-herence, auquel est besoin auoir recours. Alleguent le texte *in §. si quis per triginta ann. si de feud. def. content. sit int. do. & agnat. & in §. prescriptione. qualiter olim feud. pot. alien. in vsib. feud.* Dénient que le droict d'indemnité face partie de la prestation de foy, & hommage, ny du droict de superiorité, obeyssance & recognoissance. Pareillement dénie que le droict d'indemnité dépende essentiellement & substantiellement du droict feodal: mais en dépend accidentalement & casuellement. Parce que les heritages feodaux sont tombez és mains de personnes Ecclesiastiques & gens de main-morte. Que le droict d'indemnité ne concerne sinon les profits de fief, non pas la mouuance de l'heritage feodal, laquelle demeure tousiours par deuers le seigneur feodal: & laquelle à la verité est imprescriptible par le vassal, non pas les profits de fief. Partant soustiennent, que le droict d'indemnité se prescrit par le laps de trente ans, ainsi que les autres profits de fief, *ita tenet Molinæus* és Coustumes de Paris, article 41. numero 70.

3
Contre les
seigneurs
Ecclesiastiques on ne
peut pres-
crire le
droict d'in-
demnité que
par quaran-
te ans.

Ce qui se doit entendre pour le regard des seigneurs feodaux ou censiers qui sont laiz, non pour le regard des seigneurs feodaux ou censiers Ecclesiastiques: contre lesquels on ne peut prescrire le droict d'indemnité par moindre temps que de quarante ans. Attendu que tel droict emporte diminution de partie du fief, duquel l'heritage tenu par gens de main-morte est mouuant. Et cela a lieu, encores que ce soit Ecclesiastique contre Ecclesiastique. *Ecclesiæ enim contra Ecclesiam non prescribit minori spatio quadraginta annorum: cum Ecclesia prescribens non sit privilegiata.*

cap. illud. & cap. de quarta. de prescript. ext. Glosa in authentico quas actiones. in verbo, excluduntur. C. de sacros. Eccl. & ibi Paulus de Castro col. 6.

Et ceux qui eurent la charge de mettre par ordre, & rediger par escrit les articles de la nouvelle Coustume de Paris, pour les presenter, & faire accorder par les trois Estats, lors qu'ils seroient assemblez: auoient mis au 3. article du chap. par eux dressé du droict d'Amortissement & indemnité, que le droict d'indemnité deu aux Seigneurs autres que le Roy, pouuoit estre prescript par quarante ans contre lesdits Seigneurs.

*Sentence du
Preuost de
Paris de ce
que dessus.*

Ainsi a esté iugé par sentence donnée par le Preuost de Paris, le premier Iuillet, 1579. entre Frere Hierosme Hambelam, Prieur de S. Denys de l'Estrée, membre dependant de S. Denys en France, Seigneur haut-Iusticier de la terre & Seigneurie d'Arcueil, demandeur d'une part: & les Doyen, Chanoines, & Chapitre de l'Eglise de Paris, defendeurs d'autre. Par laquelle le demandeur a esté debouté de ses conclusions; tendans à ce que les defendeurs fussent condamnez vider leurs mains des heritages qu'ils possedoient au territoire d'Arcueil, situez au dedans des fins & limites de la censive & haute Iustice du demandeur: Si mieux les defendeurs n'aymoient luy payer indemnité: laquelle y compris le droict de confiscation, il estimoit au quart de la valeur des heritages possédez par les defendeurs; ou bien au quint, avec homme confiscant. Et ladite sentence absolutoire fut donnée par le moyen de la possession quadragenaire, alleguée par les defendeurs. De laquelle sentence le demandeur ayant interjetté appel en la Cour: par Arrest donné le 23. Iuillet, 1583. a esté ordonné que lesdits de Chapitre exhiberont & mettront au Greffe de la Cour, dedans quinzaine, le contract de l'acquisition des lieux & heritages desquels est question: pour iceluy communiqué à l'appellant, & veu par la Cour, estre fait droict aux parties, ainsi que de raison. La cause dudit Arrest fut, pour cognoistre s'il y auoit quarante ans, que l'acquisition des heritages contentieux auoit esté faite, ou non: ainsi qu'ay entendu du conseil des parties.

Semblable sentence fut donnée par le Preuost de Paris, contre les Religieux de S. Martin des Champs. Lesquels auoient fait adiourner les Marguilliers de S. Iean en Greue, afin de vider leurs mains d'une maison assise rue Michel le Comte, ou bien leur payer le droict d'indemnité. Dont lesdits Religieux furent deboutez, parce qu'il y auoit 53. ans que lesdits Marguilliers iouyssoient de ladite maison. De ceste sentence qui est du 26. Aueil, 1582. y a appel en la Cour.

*Autre sen-
tence du
Preuost de
Paris.*

Et par autre sentence du Preuost de Paris, donnée le 29. May, 1585. au profit desdits Religieux de S. Martin, les Chanoines & Chapitre de S. Honoré ayans esté condamnez vider leurs mains dedans vn mois, d'une maison qui leur appartenoit, assise en ceste ville, rue Marivaux, de laquelle ils auoient iouy cent six ans, si mieux ils n'aimoient payer auidits Religieux indemnité, & condamnez és despens. Lesdits de S. Honoré ayans appellé de ceste sentence, par Arrest du 23. Mars 1588. la Cour a mis l'appellation & sentence de laquelle a esté appellé au neant, sans amende & despens de la cause d'appel. Et en emendant ladite sen-

*Sentence &
arrest de ce
que dessus.*

Plaidoyé de ce que dessus ce a condamné les appellans payer aux intimez la censive deuë à cause de ladite maison, & les arrerages qui en sont deubs à cause de vingt-neuf années escheuës lors du commencement du procès, & les autres depuis escheus. Sauf à deduire ce que les appellans monstrent auoir sur ce payé. Et pour le surplus des conclusions des intimez, la Cour a absous les appellans, & condamné les intimez és despens de la cause principale.

Aussi la question cy-dessus recitée, fut plaidée en la Cour, le 28. Novembre, 1558. en la cause d'entre le Seigneur de Richebourg & d'un Curé, les terres duquel ledit Seigneur de Richebourg auoit faict saisir comme feodales & mouuantes de luy: & le Curé desaduoiioit, & pour former le desadueu, auoit decret de Monsieur l'Euesque de Chartres, son superieur. Et lors Messieurs les Gens du Roy remonstrent, que le droit d'indemnité estoit prescrit par trente ans contre les Seigneurs temporels, non pas la foy qui est l'homme viuant & mourant, comme a esté dict au 34. chap. laquelle opinion est suivie au Palais.

4
Costume de Touraine ne concernant la prescription du droit d'indemnité. Toutesfois par la nouvelle Coustume d'Orleans, article 41. le droit & profit d'indemnité, est prescrit par soixante ans. Et la nouvelle Coustume de Touraine, article 107. porte, que l'indemnité de quelque tenement que ce soit, ne se prescrit point, sinon par temps immemorial, qui est de cent ans. Et aucuns sont de ceste opinion. A laquelle y a grande apparence, pour le regard du Seigneur censier, lequel ne peut demander homme viuant & mourant, comme le Seigneur feodal; ainsi qu'il a esté dict au 54. chap. Et s'il est exclu du droit d'indemnité, qui luy doit estre payé, il est priué de tous ses droits censuels, & de tous profits generalement quelconques.

5
Le droit d'Amortissement ne peut estre prescrit contre le Roy. Au regard du droit d'Amortissement deu au Roy, par les gens de main-morte, il ne peut aucunement estre prescrit par quelque temps que ce soit, fust-il de cent ans, non plus que le droit de francs-Fiefs, & le droit de Nouveaux Acquests. En sorte que les Gens d'Eglise, Communautéz, & autres gens de main-morte, ne peuuent pretendre les heritages à eux appartenans, & par eux possédez, estre amortis: s'ils ne font apparoir des lettres d'Amortissement deuëment expédiées & verifiées, & ce par quatre raisons amplement deduites és 14. & 37. chap. du present Traicté, à la lecture desquels il plaira au lecteur auoir recours.

6
Heritages amortis sont estimez alaudiaux. Et à ces quatre raisons on peut adiouter vne cinquiesme, qui est: Que si les gens de main-morte pouuoient prescrire le droit d'Amortissement deu au Roy, à cause des heritages par eux possédez, & sous ombre de la possession immémoriale par eux alleguée & verifiée, pretendre que leurs heritages fussent amortis, ils tiendroient terres sans Seigneur, & auroient heritages alaudiaux sans tiltre. Parce qu'heritages amortis sont alaudiaux, c'est à dire francs & libres de tous droits & deuoirs feodaux, seigneuriaux, censuels, & autres. Ce qui ne se peut faire par les statuts & ordonnances du Royaume, comme nous auons dict au 2. chapitre du present Traicté.

Ioinct que le droit d'Amortissement est deu au Roy, en recognoissance de la superiorité que ledit Seigneur a és biens temporels de l'Eglise Gallicane.

Il faut entendre ce que dessus, quand la feodalité est deuëment verifiée, & qu'il appert que l'heritage contentieux est tenu & mouuant du Seigneur, qui l'a fait saisir. Mais si la feodalité est desniée par les gens de main-morte: lesquels soustiennent les heritages, ou bien les droicts par eux possédez n'estre aucunement tenus en foy & hommage, ny en censue: & qu'ils en ont franchement iouy, par plus de cent, voire deux cens ans, sans recognoissance d'aucun Seigneur: & que leurs heritages sont francs & libres, & alaudiaux, encores qu'ils soient situez au dedans de la Seigneurie & Chastellenie du Gentil-homme qui les a fait saisir. En ce cas la prescription centenaire doit estre receuë: & ne suffit de dire, les heritages qui appartiennent à gens de main-morte, sont situez au dedans de ma Chastellenie: ou bien, les droicts seigneuriaux qui leur appartiennent, sont perceptibles, sur heritages assis au dedans de ma Seigneurie: partant lesdits heritages sont tenus de moy en foy & hommage, ou en censue, attendu que mon fief est borné & limité. Car ceste maxime est receuë pour le droit de Iustice seulement; non pas pour les autres droicts seigneuriaux & feodaux, comme de foy & hommage, ou censue, lesquels il est besoin verifier; autrement on presumera les heritages alaudiaux francs & libres, si la Coustume des lieux n'est au contraire. Comme il est amplement traicté *per Boërium*, en la Coustume de Bourges, au chapitre des fiefs, article 24. *in fine*, & *per Molinaum* en la Coustume de Paris, art. 46. numero 4. Sur ce propos vn Cheualier de S. Iean de Ierusalem, à cause de sa Commanderie, ayant droit de prendre chacun an certains droicts de terrages, cens, rentes, Coustumes, couruées, & autres, sur terres situées en & au dedans de la Seigneurie & Chastellenie d'un Gentil-homme, ayant verifié par escript sa possession plus que centenaire, ledit Commandeur a esté déclaré n'estre tenu bailler homme viuant & confiscant, ny recognoistre les droicts susdits estre tenus en fief dudit Gentil-homme, lequel n'auoit fait apparoir d'aucune prestation de foy & hommage qui eust esté faite à ses predecesseurs, & a seulement esté tenu bailler audit Gentil-homme declaration, passée pardeuant Notaires, des droicts qu'il prenoit & perceuoit chacun an en & au dedans de ladite Chastellenie, non pas s'inscrire au papier terrier dudit Gentil-homme. Comme il a esté dict au cinquante-sixiesme chap. lequel il conuient voir.

7
Si toutes
heritages
situez de-
dans un fief
sont presu-
mez estre
tenus en foy
& homma-
ge, ou en
censue du
seigneur de
fief.

LES GENS DE MAIN-MORTE NE PEVVENT
bailler à tiltre de cens, les heritages roturiers qui leur ont esté amortis par le Roy. Et en cas d'alienation, le droit de censue retourne au Roy, ou aux autres Seigneurs censiers.

1 Pour auoir droit de censue, est besoin auoir fief.

2 Que c'est qu'Amortissement.

3 Quand les dismes infeodées repren-

nent leur premiere nature de spiritualité.

4 Edicts contenant permission d'aliéner du temporel de l'Eglise Gallicane.

- 5 Que bail à cens & rente n'est vraye alienation.
- 6 Comme s'entend, que pour auoir censue est besoin auoir fief.
- 7 Alienation faicte à la charge du cens enuers l'Eglise.
- 8 Encores qu'un heritage roturier soit amorty à gens de main-morte, le droict de censue ne leur est transferé.
- 9 En quels cas la censue de l'heritage amorty, en cas d'alienation d'iceluy, retourne au Seigneur censier, autre que le Roy.
- 10 Les gens de main-morte vendans les heritages roturiers qui leur sont amortis, s'il est deu droict de vente.

CHAPITRE LXI.

Question
traictée au
présent cha-
pitre.



AR cy-deuant on a douté, & plusieurs fois demandé, Quand vne Eglise, Monastere, Hospital, Communau-
tez, ou autres gens de main-morte, ont acquis quelques
maisons, ou autres heritages roturiers en la censue du
Roy, ils lesquels ont fait amortir par Amortissement par-
ticulier deuëment verifié: & depuis cest Amortissement
pour leurs necessitez, ou pour leur profit & vtilité, ont vendu lesdits he-
ritages roturiers, à la charge de six deniers parisis de cens enuers eux: Ou
bien les ont baillez à la charge de cens enuers eux, & de quelque rente
annuelle & perpetuelle. Si en ce cas le droict de censue est retourné au
Roy par le moyen de l'alienation faicte par vendition, bail à rente, ou
autrement. Ou bien si la censue desdits heritages doit appartenir aux
gens de main-morte, suiuant le contract par eux passé.

Narration
du faict du
proces recité
au présent
chapitre.

Ceste question a esté agitée entre le Procureur du Roy au Thresor,
demandeur d'une part: & les Religieux, Prieur, & Conuent des Cele-
stins de ceste ville de Paris, defendeurs d'autre. Le faict du proces estoit:
Que le Roy François premier du nom, le 25. Iuin 1544. auoit baillé aux
defendeurs vne grande place derriere leur Monastere, en la ruë de la Ce-
rifaye, en recompense d'une autre place & iardins qui leur apparte-
noient, estans ioignant les Hostels de la Royne, & d'Estampes, en
la ruë du petit Monde. Lesquels le Roy auoit prins pour accommo-
der quelque place qu'il bailloit à bastir. Et par le contract d'eschange
estoit dit, que les lieux baillez aux defendeurs seroient par eux tenus,
sans en payer aucunes charges enuers le Roy, & en iouyroient tout ainsi
qu'ils faisoient des lieux par eux baillez aux Roy. Depuis ce contract les
Celestins auoient faict plusieurs baux particuliers de ladite grande place,
à tiltre de cens & rente à diuerses personnes, qui auoient basti maisons en
ceste ruë de la Cerifaye.

Le droict de censue desquelles maisons le Procureur du Roy au
Thresor maintenoit appartenir au Roy, & deuoir estre adiugé à sa
Majesté, & par consequent les droicts Seigneuriaux de lots & ventes,
faisine & amende qui cy-apres aduiendroient, au moyen des venditions
de ces maisons, lesquelles depuis lesdits baux auoient changé de plusieurs
mains.

Le Procureur du Roy, pour ses moyens disoit, que le Roy François I. du nom, par le contract d'eschange cy-dessus recité, auoit cédé aux defendeurs le droict de propriété des lieux desquels est question : laquelle propriété n'estoit aucunement controuersée. Mais ledit Seigneur n'auoit cédé ny entendu ceder aux defendeurs le droict de censue d'iceux lieux : & si n'auoient esté ne peu estre faicts Seigneurs censiers & directs desdits lieux. D'autât que pour auoir censue il faut auoir fief, & nul ne peut auoir censue sans fief. Car il faut qu'un heritage censuel soit prouenu de fief, & ait esté baillé par un Seigneur feodal à tiltre de cens, lequel auparavant il possédoit comme feodal, & faisant partie du domaine de son fief : comme il a esté dict au 2. chapitre. Or les defendeurs n'auoient aucun fief en ceste ville de Paris : partant n'y pouuoient auoir droict de censue.

Moyens du Procureur du Roy.

1 Pour auoir droict de censue est besoin auoir fief.

Secundò, disoit encores que le Roy eust amorty aux defendeurs les lieux contentieux, toutesfois par le moyen de tel Amortissement, il leur auoit seulement permis de les tenir en leurs mains, sans payer aucunes charges, & sans que par le moyen de ce qu'ils estoient gens de main-morte, ils fussent contrains d'en vider leurs mains, non pas que le Roy leur eust transferé le droict de censue, & les eust faict Seigneurs censiers à Paris. De faict que ce mot d'Amortissement ne signifie autre chose sinon dispense, congé & permission de posséder heritages par gens de main-morte, lesquels sans Amortissemens ils ne pourroient tenir, & seroient contrains en vider leurs mains. En sorte que si apres un Amortissement les gens de main-morte mettent hors de leurs mains un heritage roturier, qui leur auoit esté amorty, en ce faisant quel heritage amorty change de main, tel heritage demeure amorty, & le droict de censue remis par l'Amortissement retourne au Roy. Comme tel droict n'estant esteint, ny incommutablement aliené : mais le payement d'iceluy estant suspendu pendant que les gens de main-morte tiendroient en leurs mains tel heritage amorty. Ainsi qu'il est porté par le commencement des Instructions faictes sur le faict des francs-Fiefs & nouueaux Acquests, transcriptes à la fin du present Traicté, contenant ces mots : Et par ce appert, que cest heritage est amorty, au moins tant que ledit heritage demeurera és mains de ladite Eglise ou College, & non incommutablement. Car on tient que si le Roy ayant à quelque Eglise ou College amorty vne rente ou heritage, & depuis ledit Amortissement icelle rente ou heritage par eschange ou vendition change de main, icelle chose demeurera non amortie. Et ce conformément à la decision du Iuriconsulte, in l. qui res. §. arcum. ff. de solut. in verbis, ut videatur obligatio magis cessare quam extincta esse. l. pecuniam. ff. si cert. pet. l. si cum quis. §. finali. ff. de furtis.

2 Que c'est qu'Amortissement.

Tertiò, le Procureur du Roy disoit. Tout ainsi que les dismes infeodées qui ont appartenu à gens laiz, si elles sont données, leguées, ou vendues à l'Eglise, à laquelle premierement elles appartennoient, & retournent à l'Eglise dont elles estoient sorties, reprennent leur premiere & primitive nature de spiritualité. Aussi l'heritage amorty estant hors des mains de gens de main-morte, il est comme non amorty, & prend sa premiere nature de censier. Tellement que le droict de censue retourne au

3 Quand les dismes infeodées reprennent leur premiere nature de spiritualité.

Roy, vray Seigneur censier. Ce qu'estant veritable, il est euident que le droict de censue des lieux contentieux, appartient & doit estre adiugé au Roy, & nō aux defendeurs, qui ne peuuent à present auoir que simple rente sur lesdits lieux, *cap. cum apostolica, de his quæ sũt à prælatis sine cõsen. capit.*

Mutatione
personæ
mutatur
qualitas
rei.

Quartò, disoit que *mutatione personæ qualitas rei mutatur*: tellement que les Ecclesiastiques ayans aliené, & mis és mains de gens laiz les heritages qui lay auoient esté amortis, ils retournent à leur premiere nature, essence & qualité, & sont comme non amortis, *l. per procuratorem. ff. de acquir. hered. l. si à me tibi. ff. ad legem Falcid. l. finali, in fine. C. de inoff. testam.* Comme il a esté amplement deduiet au 46. chapitre.

[Charon. lib. 7. respon. arrest 197. Guenois sur la Coustume de Paris, addition sur le tiltre des fiefs, num. 9. & Choppin lib. 1. de doman. tit. 13. num. 12. N. B.]

Cinquiesme
moyen alle-
gué par le
Procureur
du Roy.

Quintò, disoit que ce seroit chose absurde & defraisonnable, qu'une Eglise ou Monastere vinst prendre censue sur vn arpent de terre assis au milieu d'un territoire, entierement tenu en censue du Roy: sous ombre que ceste Eglise ou Monastere anciennement eust eu vn arpent de terre en ce territoire, lequel eust esté amorty par le Roy, & depuis baillé à cens & rente par l'Eglise.

4
Recit des
Edicts con-
tenant per-
mission d'a-
liener du
temporel de
l'Eglise
Gallicane.

Sextò, le Procureur du Roy disoit, que par les lettres patentes en forme de commission adressantes au Preuost de Paris, du 26. May, 1563. decernées par le Roy Charles IX. pour l'execution de l'Edict contenant l'alienation de cent mil escus sol de rente & reuenu annuel, pris sur les terres, heritages & biens patrimoniaux des Eglises Cathedrales, leurs Chapitres, Prieurez, Commanderies, & autres dignitez du Royaume, publié à la Cour le 17. dudit mois de May, il est porté que les terres, seigneuries, & autres biens de l'Eglise, qui seront vendus suiuant cest Edict, seront à l'aduenir tenus & mouuans du Roy, à cause du lieu au dedans de la haute Iustice duquel lesdites seigneuries & biens seront assis: ou bien à cause du lieu plus prochain, auquel le Roy aura haute Iustice. Et encore par l'Edict faict par le mesme Roy, verifié en la Cour le 27. Ianuier, 1563. portant permission aux gens d'Eglise, de retirer & rachepter leurs seigneuries, terres, & autres immeubles, vendus par le moyen de l'Edict cy-dessus datté. Il est porté que les terres lors amorties, qui seront alienées par les Ecclesiastiques, pour retirer celles qui auparauant auoient esté vendues, seront tenuës & mouuantes du Roy, à cause du lieu de la plus prochaine Iustice: & quant à celles qui ne sont amorties, seront tenuës du Seigneur du fief dont elles auoient accoustumé de tenir.

Par ces moyens & plusieurs autres, le Procureur du Roy persistoit en sa demande, & requeroit adjudication de ses conclusions.

Moyens al-
leguez par
les defen-
deurs.

Les Religieux, Prieur & Conuent des Celestins de ceste ville de Paris, pour leurs defenses disoient: que le defunct Roy François I. par le contract d'eschange cy-dessus recité & datté, leur auoit cedé tous les droicts, noms, raisons, & actions qu'il auoit & qui competoient & appartennoient à sa Majesté és lieux desquels estoit question, sans rien excepter, retenir ne reseruer. Et par le mesme contract leur auoit amor-

ry lesdits lieux. En sorte que le Roy ne pouuoit plus pretendre aucun droict en iceux, soit que les defendeurs les tinssent en leurs mains, ou les eussent alienez. *Renunciatio enim iuri suo, ad illud postea redire non potest. l. si quis. C. de reb. cred. l. generaliter. C. de non numerat. pecu.*

Aussi disoient que le demandeur ne pouuoit iustement dire, que les defendeurs eussent vuidé leurs mains, & du tout aliené les lieux & places, desquelles estoit question: d'autant qu'ils en auoient retenu la seigneurie directe, & n'auoient transferé que la seigneurie vile, mesme estoit dict que si les preneurs cy-apres vouloient vendre lesdites places, lesdits Religieux en feroient les premiers refusans.

D'auantage disoient, que les places & iardins, qu'ils auoient transportez au Roy, estoient en la censue du Prieur de saint Eloy, lequel moyen- nant l'indemnité generale qui luy auoit esté payée, auoit remis, quitté & transporté aux defendeurs la censue desdits lieux, & consenty qu'ils en iouyssent perpetuellement: que par le cōtract d'eschange faict desdites places & iardins, les defendeurs auoient transporté au Roy, tous les droicts qui leur appartenoyent esdites places & iardins: tellement qu'à present le Roy iustement se pouuoit dire Seigneur censier desdites places & iardins. Partant estoit raisonnable que les defendeurs eussent pareils droicts de censue, es lieux qui leur auoient esté transportez par le Roy, à ce qu'e- qualité fust gardée.

Outre les defendeurs disoient, que ce mot d'Amortissement ne signifie pas seulement congé, & permission de posseder heritages par gens de main-morte, sans estre contrainsts en vuidier leurs mains: Mais aussi signifie quittance, renonciation, & remission generale, du droict qu'on a en l'heritage amorty. En sorte que le droict de censue est esteint, *nec postea reuiuiscit*: Et encores que ce mot d'amortir, signifie dedier à Dieu, comme il a esté amplement deduiet au 50. chapitre du present Traicté. *Quod autem semel Deo consecratum est, ad humanos usus amplius transferri non debet, cap. mancipia. de ext. de rer. permut. can. nulli liceat 12. quest. 2.*

Aussi les defendeurs denioient que pour auoir droict de censue, il fust besoin auoir fief, sinon primordialement, & lors de la creation de la censue, non pas apres la creation d'icelle. Parce qu'un Seigneur feodal peut purement & simplement vendre, ceder & transporter le droict de censue, qui luy appartient en certains lieux, & endroicts de son fief.

Quant aux Edicts alleguez par le demandeur, disoient les defendeurs: que les lettres patentes adressées au Preuost de Paris, pour l'exécution de l'Edict contenant alienation de cent mil escus sol de rente, n'estoient que simples lettres non verifiées en la Cour, & que l'Edict pour l'exécution duquel lesdites lettres auoient esté dressées ne portoit pas que les terres qui seroient vendues suiuant iceluy, seroient à l'aduenir mouuantes du Roy, & n'en faisoit aucune mention. Et au regard de l'Edict faict pour le rachapt des terres alienées du patrimoine de l'Eglise, verifié en la Cour le 27. Ianuier, 1563. Combien qu'à la verité il portast, que les terres lors amorties qui seroient alienées par les Ecclesiastiques pour rachepter celles qui auparauant auoient esté vendues, seroient tenuës & mouuâtes

5
Que bail à
cens & rente
n'est vraye
alienation.

Recit du
contract
passé entre
le Roy & les
Celestins.

Amortisse-
ment que
c'est, &
amortir que
signifie.

6
Comme s'en-
tend que
pour auoir
censue est
besoin auoir
fief.

Interpretati-
on des
Edicts por-
tans permis-
sion d'alie-
ner du tem-
porel de l'E-
glise Galli-
cane.

du Roy, à cause du lieu de sa plus prochaine Iustice : Toutesfois ledit Edict, pour ce regard n'auoit fortý effect, comme grandement preiudiciable à l'Eglise Gallicane, & aux droicts d'icelle.

Et pour monstrier le contraire dudit Edict, remonstroient les defendeurs : que par les lettres de commission, & instructions dressées pour proceder à la vente du temporel de l'Eglise Gallicane, pour cinquante mil escus de rente, suiuant l'Edict publié à la Cour, le 15. Mars, 1569. ensemble par les memoires & instructions, suiuant lesquelles deuoient estre faictes les adiudications des choses mises en vente par les Beneficiez de ce Royaume, en vertu de l'Edict publié à la Cour, le 4. Nouembre, 1574. & autres memoires & instructions dressées en l'an 1576. suiuant l'Edict publié à la Cour le 17. Iuillet, audit an, est porté par ces mots : Que les terres & maisons qui seront vendües, demeureront en la nature qu'elles estoient auparauant. C'est à sçauoir celles qui sont en fief, releueront du fief du Seigneur, duquel elles souloient releuer : & celles qui sont amorties tiendront en foy & hommage, du Benefice dont elles auront esté distraites : & celles qui sont en roture, de leur Seigneur censier. En sorte que si les heritages roturiers amortis estoient vendus, les defendeurs maintenoient que tels heritages deuoient estre tenus en censüe de l'Eglise de laquelle ils estoient distraicts, ce qu'ils disoient estre au cas de present.

Et encores par les Bulles & lettres patentes publiées à la Cour, pour l'alienation de cinquante mil escus de rente des biens Ecclesiastiques, le 27. Mars, 1586. memoires & instructions dressez pour l'execution d'icelles, est porté, que les heritages exposez en vente seront adiugez, à la charge de la foy ou du cens enuers les Seigneurs, desquels ils sont tenus en fief, ou en censüe. Et s'ils sont amortis, à la charge de la foy & hommage, ou du cens enuers les Beneficiez, desquels ils auoient esté distraicts. Que les mots dessusdits estoient generaux, ne faisans distinction entre l'heritage feodal & roturier. Tellement que l'heritage amorty pouuoit estre baillé à cens, par les personnes Ecclesiastiques, encores que ledit heritage fust roturier.

7
*Alienation
faicte à la
charge du
cens enuers
l'Eglise.*

De faict le 6. Iuin 1587. trois quartiers de terre assis à Serelles, dependans de la Cure dudit lieu, estans exposez en vente par le Curé pour le payement de sa cotte de vingt-quatre escus. Ledsits trois quartiers de terre furent adiugez à Maistre Iean de la Croix, Secretaire du Roy, par les deleguez de nostre Saint Pere. A la charge que ledsits trois quartiers de terre seroient & demeureroient à la censüe & seigneurie de ladite Cure, & chargez enuers icelle au feur de huit deniers tournois de cens l'arpent, payable chacun an, au iour accoustumé de payer les cens deuz à ladite Cure, sur peine de l'amende, ledit cens portant lots, ventes, saisine & amende, quand le cas y escherroit. Et outre moyennant trente escus sol. Par ces moyens & plusieurs autres les defendeurs tendoient à fin d'absolution, & à ce que le demandeur fust debouté de ses fins & conclusions.

Le Procureur du Roy pour ses repliques dénioit les faicts & moyens
alleguez

alleguez par les defendeurs : mesmes soustenoit que les places & iardins que les defendeurs auoient transportez au Roy estoient en la censue dudit Seigneur: comme les autres lieux attenans & ioignans ausdits iardins, & non en la censue du Prieur de S.Eloy: & persistoit en ses conclusions.

*Repliques
du Procureur
du Roy.*

Quant aux Edicts, lettres patentes, memoires & instructions concernant l'alienation de partie des biens des Ecclesiastiques cy-dessus alleguez, disoit ledit Procureur du Roy, que l'Edict verifié en la Cour le 27. Ianuier 1563. par lequel estoit dict que les terres lors amorties qui seroient alienées par les Ecclesiastiques, pour rachepter celles qui auparauant auoient esté vendües, seroient tenuës & mouuantes du Roy, n'estoit reuoqué. Et que les memoires & instructions qui auoient esté dressées pour l'execution des Edicts publiez en la Cour les 15. Mars 1569. 4. Novembre 1574. 7. Septembre 1576. & 27. Mars 1586. desquels les mots ont esté cy-dessus recitez, contenoient exprellément que les terres alienées, qui sont en roture, seront tenuës de leur Seigneur censier. Tellement que si les Ecclesiastiques n'estoient Seigneurs censiers des heritages par eux alienez, ils ne pouuoient lors ny apres l'alienation d'iceux s'attribuer le droict de censue desdits heritages, ains ledit droict de censue appartenoit au Roy, vray Seigneur censier d'iceux heritages, si ledit Seigneur en amortissant lesdits heritages n'auoit exprellément renoncé au droict de censue, & l'eust transporté à l'Eglise, à laquelle l'heritage appartenoit en propriété. Et soustenoit qu'ainsi se deuoient entendre les Edicts concernant l'alienation du temporel des Beneficiez du Royaume, comme il sera cy-apres plus amplement déclaré. Aussi maintenoit que les Edicts cy-dessus recitez n'auoient lieu, sinon és alienations necessaires, faictes par les Ecclesiastiques, suiuant lesdits Edicts: non pas és autres alienations faictes par les Ecclesiastiques, comme au cas de present.

*Response du
Procureur
du Roy aux
Edicts cy-
dessus alle-
guez.*

Finalemēt par sentence donnée par Messieurs les Conseillers du Thresor, au rapport de Monsieur d'Auuergne, plus ancien Conseiller en ceste Iustice, versé & entendu au faict du Domaine trente-huict ans sont & plus, en date du 19. Septembre 1575. la censue & droicts seigneuriaux des maisons basties rue de la Cerisaye, sur les places baillées par le Roy aux defendeurs, ont esté adiugez au Roy pour estre vnies & incorporez à son Domaine, & ordonné que les propriétaires desdites maisons seront tenus eux inscrire au papier terrier du Roy, de la ville & faux-bourgs de Paris, pour en estre faict recepte par le Receueur ordinaire du Roy, & les coucher en ses comptes: dont les Celestins ont interjetté appel, lequel est indecis en la Cour de Parlement.

*Sentence de
Messieurs
du Thresor,
interuenue
sur le proces
cy-dessus re-
cité.*

[Autre sentence donnée par Messieurs les Conseillers du Thresor, au rapport de Monsieur Doron Conseiller audit Thresor, en datte du iour de Ianuier 1609. Par laquelle les Religieuses de Poissy furent deboutées de la censue par elles retenüe sur quelques maisons basties par des particuliers, sur certains heritages par elles vendus, assises près la Mondelle dudit Poissy. N. B.]

Partant faut maintenir que les gens de main-morte qui ont acquis

8 heritages en la censue du Roy, encores qu'ils ayent deuëment fait
Encores que amortir lesdits heritages : Toutesfois ils ne les peuuent bailler à tiltre de
un heritage cens enuers eux, comme le droict de censue ne leur ayant esté transferé
roturier soit mais seulement remis & quitté pendant qu'ils tiendroient l'heritage en
amorty à leurs mains. Et l'heritage amorty estant aliené par les gens de main-mor-
gens de te, le droict de censue retourne & appartient au Roy : Si par les lettres
main-mor- d'Amortissement, ou contract faict avec le Roy, ledit Seigneur n'a ex-
te, le droict pressément cedé & transporté aux gens de main-morte le droict de cen-
de censue sue qui luy appartenoit en l'heritage amorty, & ait renoncé à leur profit
ne leur est au droict de censue qui luy appartenoit, & à l'aduenir pourroit appar-
transferé. tenir audit heritage : comme il a esté dict au 55. chapitre du present
 Traicté.

Toutesfois plusieurs estiment n'estre raisonnable que le Roy reçoie
 lots & ventes de la premiere vendition faite par les Ecclesiastiques : par-
 ce que le payement tomberoit sur eux, & en vendroient moins leur he-
 ritage, tout ainsi que le Seigneur de fief vend moins son fief quand il le
 vend francs deniers. Mais le Roy se doit contenter de receuoir à l'adue-
 nir sa censue, avec les lots & ventes qui pourront à l'aduenir estre deuz
 par le moyen des venditions qui seront faictes des heritages roturiers ain-
 si alienez par les Ecclesiastiques.

9 Quant aux Seigneurs censiers de ce Royaume autres que le Roy, aus-
En quel cas quels a esté payé le droict d'indemnité generale qui leur estoit deu à cau-
la censue de le des heritages amortis par le Roy, estans au dedans des fins & limites
l'heritage de leur censue, il est besoin distinguer & dire.

amorty en Ou le Seigneur censier moyennant la finance à luy payée, a consenty
cas d'alie- purement & simplement l'effect des lettres d'Amortissement obtenues
nation d'i- du Roy, & accordé que les gens de main-morte iouyssent de l'heritage
celuy re- amorty, sans qu'ils fussent contraints en vuidier leurs mains, ny luy en
tourne au payer censue. En ce cas il semble qu'il ait seulement remis le payement
Seigneur de la censue, tant & si longuement que l'heritage sera possédé par les
censier au- gens de main-morte. Et s'ils en vuident leurs mains, le droict de censue
tre que le doit retourner au Seigneur censier, ainsi qu'il a esté dict cy-dessus pour
Roy. le regard du Roy.

10 Ou bien le Seigneur censier n'a pas seulement consenty l'effect des let-
Les gens de tres d'Amortissement obtenues par les Ecclesiastiques : mais par le con-
main-morte tract faict avec eux, leur a entierement remis, cedé & transporté le droict
vendans les de censue qu'il auoit, & à l'aduenir pourroit auoir en l'heritage amorty.
heritages En ce cas les Ecclesiastiques ont esté faits vrayz Seigneurs censiers de
roturiers l'heritage amorty; & en cas d'alienation, le droict de censue, ensemble
qu'il leur de lots, ventes, saisine & amende leur demeure & appartient entieremēt.
sont amor- A ceste cause les Ecclesiastiques, lors qu'ils contractent avec les Sei-
tiss'il est gneurs censiers, pour leur droict d'indemnité, doiuent stipuler expresse
deu droict cession & transport des droicts seigneuriaux & censuels, soit que perpe-
de rachapt. tuellemēt ils possèdent l'heritage amorty, ou qu'ils en vuidēt leurs mains.

Car plusieurs ont passé outre la question cy-dessus recitée, & soustenu,
 que quand gens de main-morte vendent à autre personne heritages par

aux tenus en censive, encores que les heritages vendus ayent esté amortis par le Roy, & que le Seigneur censier ait esté payé de son indemnité, toutesfois qu'à cause de ceste vendition, est deu droict de vente au Seigneur censier. Comme l'Amortissement & payement d'indénité n'ayant effect que pour le temps, que les gens de main-morte tiendront en leurs mains les heritages amortis & indemnisez : la grace tant d'Amortissement que d'indemnité estant pure personnelle, comme auons monstré au quarante-sixiesme chapitre, lequel est besoin voir. De faict ceux qui eurent charge de mettre par ordre & rediger par escript les articles de la nouvelle Coustume de Paris, pour les présenter à faire accorder par les trois Estats, lors qu'ils seroient assemblez, auoient mis au dernier article du chapitre par eux dressé, du droict d'Amortissement & indemnité, que quand gens de main-morte vendent heritages par eux tenus en censive à autre personne, est deu droict de ventes au Seigneur censier. Toutesfois comme dict a esté, la demande des lots & ventes de la premiere vendition, seroit fort rigoureuse, parce qu'elle redonde sur les gens de main-morte, qui en vendent moins leur heritage. Et sembleroit raisonnable que le Seigneur censier se contentast d'auoir la censive, avec les droicts seigneuriaux & censuels pour l'aduenir : principalement veu que l'article cy-dessus recité, aduisé lors de la redaction de la nouvelle Coustume, ne fut receu par Messieurs les Commissaires. Et se deuroit entendre des heritages tenus en censive par gens de main-morte, lesquels n'estoient amortis : ains en estoit par eux payée censive chacun an. Neantmoins on dit auoir esté iugé par arrest, & tient-on communément, que lots & ventes sont deuz pour la premiere vendition, non faite pour subuenir aux vr-gens affaires du Royaume, soit d'heritage feodal ou roturier, quand les Ecclesiastiques n'ont retenu, ny peu retenir droict feodal ou seigneurial, sur l'heritage aliené : Et semble estre décidé, par l'arrest donné contre le Prieur de Choisy au Bac, le 23. May, 1586. recité au 46. chapitre du present Traicté.

[Vide d'Argentré sur la Coustume de Bretagne, au traicté de *Laudeminiis*. §. 23. N.B.]

Les gens de main-morte peuuent bailler à tiltre de fief ou de cens, les heritages feodaux qui leur ont esté amortis par le Roy, & pour lesquels ils ont payé indemnité generale.

CHAPITRE LXII.



La esté monstré au chapitre precedent, que les gens de main-morte, ausquels appartiennent heritages roturiers situez en la censive du Roy, ou d'autres Seigneurs censiers de ce Royaume, ne les peuuent bailler à tiltre de cens envers eux, & que alienans lesdits heritages, la censive d'iceux retourne au Roy, ou bien au Seigneur censier, auquel anciennement la

*Question
traittée au
present cha-
pitre.*

censive estoit payée & appartenoit, encores que les heritages alienez par gens de main-morte ayēt esté deuëment amortis par le Roy, & que pour raison d'iceux on ait payé indemnité generale au Seigneur censier, s'il n'y a eu cession expresse du droict de censive. Mais on a demandé si le semblable est obserué és heritages feodaux, appartenans à gens de main-morte, qui ont esté deuëment amortis, & pour raison desquels ils ont baillé recompense entiere au Roy, duquel ils estoient immediatement mouuans: ou bien aux Seigneurs feodaux, desquels ils estoient tenus en plein fief. Et si les Ecclesiastiques & autres de main-morte, retenans à eux la foy, peuvent bailler en arriere-fief les heritages feodaux qui leur appartiennent, à la charge de foy & hommage enuers eux, & payement des droicts feodaux le cas escheant. Ou à tiltre de cens qui leur sera payé chacun an, portant lots & ventes, saisines & amendes. Ou bien si en cas d'alienation telle que dessus, ou autre, la mouuance & tenuë feodale, ou la censive desdits heritages feodaux, doit retourner au Roy, ou au Seigneur feodal, duquel l'heritage estoit mouuant.

*Les gens de
main morte
peuuent bail-
ler en ar-
riere-fief ou
en censive,
les herita-
ges feodaux
qui leur ont
esté amortis.*

Il semble que ceste question est decidée par les Edicts contenans permission d'aliener partie du patrimoine de l'Eglise Gallicane, dattez & amplement recitez au chapitre precedent, qui portent par mots exprés, que les terres feodales qui sont amorties aux Ecclesiastiques, & qui seront vendues suivant les Edicts, seront tenuës en foy & hommage, du Benefice duquel elles auront esté distraictes.

Et combien que les Edicts ne disposent sinon des alienations necessaires faictes suivant iceux: toutesfois le semblable doit estre dit en toutes autres alienations faictes avec retention de foy par les Ecclesiastiques & autres gens de main-morte, d'heritages feodaux deuëment amortis: pour raison desquels ils ont baillé recompense au Roy, ou payé indemnité generale aux Seigneurs, desquels les heritages feodaux estoient mouuans. D'autant que par le cinquante-vniesme article de la nouvelle Coustume de Paris il est dict, Que le vassal se peut ioïr des deux tiers de son fief, iusques à demission de foy, & luy est loisible les bailler à tel que bon luy semble, à la charge de luy en faire foy & hōmage, ou bien à la charge de luy en payer censive & rente chacun an, comme nous auons amplement déclaré és deuxiesme & septiesme chapitres du present Traicté, à la lecture desquels est besoin auoir recours. Ainsi a esté iugé par Messieurs les Cōmissaires deputez par le Roy en la Chambre de la Roynne, sur le faict & recouurement de ses droicts seigneuriaux, feodaux & domaniaux, au profit de Damoiselle Françoisse Iourdain, vesue de feu Jean de Fournicon, auquel l'Abbé de saint Magloire, de gré à gré auoit vendu la terre & seigneurie de Morfan sur Orge, à la charge de la foy & hommage enuers luy. Et le Iugement fut donné le 5. Iuin 1577. Il y a plusieurs arrestz donnez en cas pareil, recitez és deux chapitres cy-dessus cottez.

SCA VOIR SI LES HERITIERS D'VN DONA-
teur ou testateur, sont tenus faire amortir à leurs despens l'heritage
donné à vne Eglise, Hospital ou autre Communauté Ecclesiastique.

- | | |
|---|---|
| <p>1 Recit du faict de l'arrest des Gouverneurs de la Trinité.</p> <p>2 Pia legata solido iure præstari debent, nec ex eis detrahendum est quidquam.</p> <p>3 L'heritier est tenu faire valider le legs faict par le defunct.</p> <p>4 Quando hæres tenetur emere rem legatam.</p> <p>5 En testament on regarde les mots d'iceluy, la volonté du testateur, & la commune usage.</p> | <p>6 Le legataire prend l'heritage qui luy est legué, avec sa cause, qualité & charge.</p> <p>7 Legataire se doit rendre capable d'accepter le legs qui luy est fait.</p> <p>8 Le droict d'indemnité est charge réelle.</p> <p>9 Deux sentences du Preuist de Paris, que les heritiers ne sont tenus faire amortir les heritages leguez.</p> <p>10 L'indemnité est deuë en consequence du droict de cens.</p> |
|---|---|

CHAPITRE LXIII.



N a plusieurs fois demandé, si celuy qui a donné par donation entre vifs, ou pour cause de mort, ou bien qui par testament a legué à vne Eglise, Hospital, College, Chapitre, Monastere, ou autre Communauté Ecclesiastique, ou bien à autres gens de main-morte, vn heritage feodal ou roturier, estoit tenu, & si ses heritiers pouuoient estre contrainsts faire amortir par le Roy à leurs despens, l'heritage ainsi donné, legué ou aumosné, & payer aux Seigneurs feodaux ou censiers, le droict d'indemnité generale qui leur est deu.

Ceste question comme problematique a esté plusieurs fois agitée en la Cour de Parlement, s'en trouuent plusieurs & diuers arrests: & tient-on communément, qu'elle a esté iugée & terminée par arrest solennellement & publiquement prononcé, le 22. Mars 1558. Entre les Gouverneurs del'Hospital de la Trinité, fondé en ceste ville de Paris, demandeurs à l'enterinement d'une requeste d'une part. Et Dame Marie Brissonnet vefue de fea Morlet du Museau, sœur & heritiere par benefice d'inuentaie de defuncte Dame Charlote Brissonnet, en son viuant femme de Messire Pierre Vifue Cheualier, Seigneur de Lezigny, defendresse d'autre.

Le faict duquel arrest estoit, que Dame Charlotte Brissonnet, femme de Messire Pierre Vifue, par son testament solennellement faict, auoit legué à l'Hospital de la Trinité, fondé en ceste ville de Paris, la terre & seigneurie de Lyeuille, assise au pays de Vexin le François, mouuante de plusieurs seigneurs, & à la garantie d'icelle obligé tous ses autres biens. A la charge que les Gouverneurs de cest Hospital seroient tenus faire

1
Recit du
differend
d'entre les
Gouver-
neurs de la
Trinité, &

*l'heritiere de
la vefue du
seigneur de
Lezigny,
pour l'A-
moriffement
des terres
leguées à
l'Hospital
de la Tri-
nité.*

dire par chacun iour au Conuent des Cordeliers de ceste ville de Paris, certaines Messes basses, & par chacun an quatre seruices solempnels. Aufquels assisteroient deux des Gouverneurs, chacun desquels auroit pour son assistance vingt sols tournois, & pour les fraiz de ses Messes & seruices, seroit baillé par chacun an, audit Conuent des Cordeliers, par les mains des Gouverneurs de cest Hospital, la somme de cent cinquante liures tournois. Et outre à la charge de dire audit Hospital plusieurs Messes & seruices, pour le salut & remede de l'ame de la testatrice. Apres le decez de laquelle Dame Marie Brissonnet, vefue de feu Morlet du Museau, heritiere par benefice d'inuentaure de la defuncte testatrice, est pourfuiue en la Cour, par les Gouverneurs dudit Hospital: à ce qu'elle soit condamnée faire amortir à ses despens ceste terre & Seigneurie de Lyeuille, & faire en sorte, que ledit Hospital en puiffè iouyr plainement, paisiblement, & perpetuellement, sans en vider les mains.

*Moyens al-
leguez par
les deman-
deurs.*

Les demandeurs pour paruenir à l'enterinement de la requeste par eux présentée, & obtenir adiudication de leurs conclusions, alleguoient huit moyens principaux.

*Premier
moyen des
demandeurs.*

En premier lieu disoient que la defuncte leur auoit indefiniement & generally legué la terre & Seigneurie de Lyeuille, & à la garantie d'icelle obligé tous & chacuns ses biens. *Que pium erat legatum*, faict à vn Hospital, pour la nourriture, alimens & entretenement des pauures. Partant que plaine & entiere deliurance leur deuoit estre faicte de ceste terre par la defenderesse heritiere, laquelle *integrum legatum prestare debebat*, & faire en sorte que les demandeurs iouyffent entiere-ment de l'heritage à eux legué. Que s'ils estoient contraints faire amortir à leurs despens l'heritage qui leur auoit esté donné, & payer le droict d'indemnité, il ne leur en demeureroit qu'une partie. Parce qu'il cousteroit pour le moins le tiers de la valeur d'iceluy, tant pour obtenir lettres d'Amortissement du Roy, que pour payer le droict d'indemnité qui estoit deu aux Seigneurs feodaux. Tellement qu'il ne resteroit aux demandeurs que les deux tiers de l'heritage legué: ce qui seroit contre la disposition de Droict Civil, & Canon. Par laquelle

*Pia legata
solido iure
prestari
debent, nec
ex eis de-
trahendum
est.*

pia legata integra, & solido iure prestari debent, nihilque ex eis detrabi potest, nec iure quidem Falcidia, selon le texte, *in authentico similiter. C. ad leg. Falcid. cap. nos quidem ext. de testam. Bartolus in l. pater. §. Tusculanus. ff. de leg. 3. Baldus in lege post mortem. Cod. de fideicom.* Et le semblable est obserué quand les donations ou legs testamentaires, annuels & perpetuels sont faicts pour alimens, ou pour causes pitoyables, *l. ex eo vino. ff. de tritico, vino & oleo legatis. l. Lucius Titius. ff. de aliment. & cibariis. legat. l. legatum. §. vini salerni. ff. de annis legat.*

*Second
moyen des
demandeurs.*

En second lieu disoient, que la defuncte scauoit que l'Hospital auquel elle leguoit estoit de main-morte, par ce moyen incapable de posseder heritages en France, & que sa volonté ne pouuoit sortir effect, ny ledit Hospital iouyr de l'heritage qu'elle luy auoit legué, si elle ou son heritier ne le faisoit amortir. Et tout ainsi que quand vn testateur legue vn heritage, lequel il scait ne luy appartenir, ou estre obligé à au-

truy, l'heritier du testateur est tenu achepter l'heritage ainsi legué, pareillement rachepier la rente constituée sur l'heritage laissé par testament, afin d'accomplir la volonté du defunct, & que le legataire puisse iouyr de l'heritage, qui luy a esté donné : aussi la defenderesse pour excuter la volonté de la defuncte, estoit tenuë faire amortir l'heritage legué aux demandeurs, & faire en sorte qu'ils en iouyissent paisiblement & perpetuellement, *l. cum alienam rem. Cod. de legat. l. si res obligata. ff. de legat. i. l. si tibi homo. ff. eodem. §. non solum Instit. de legat.*

Entiers lieu remonstroient, qu'il est certain en Droict, que quand vn testateur a faict vn legs, l'heritier est tenu faire à ses despens tout ce qui est necessaire, pour effectuer & valider le legs faict par le defunct, & pour empescher qu'il ne soit caduc & inutile. Estant doncques necessaire pour l'effect & validité du legs delaisé par la defuncte, faire amortir l'heritage par elle legué, la defenderesse son heritiere est tenuë & doit estre contraincte faire faire ledit Amortissement, à ses propres cousts & despens, *leg. fundus qui locatus. ff. de fundo instruct. leg. cum seruus. ff. de legat. i. cap. iudicante, ubi notatur de testa. ext.*

³
L'heritier est tenu faire valuer le legs faict par le defunct.

En quatriesme lieu disoient les demandeurs, que la defuncte leur ayant legué la terre & Seigneurie de Lyeuille, avec ses appartenances & dependances, elle auoit voulu que les demandeurs en fussent faicts vrais Seigneurs, propriétaires & possesseurs, & en iouyissent perpetuellement, & *voluerat eos fundum legatum habere*, ce qui estoit impossible, si la defenderesse son heritiere ne le faisoit amortir. Partant qu'elle deuoit estre cōtrainte à faire faire ledit Amortissement à ses despens, afin d'accomplir la volonté de la defuncte. Mesmement que les demandeurs estoient fondez en testament solennel, *quod plenissimam interpretationem recipit. cap. cum dilecti. de donat. ext. l. si seruus plurimum. §. si ff. de leg. i. Titia testamento §. final. ff. de auro & arg. legat.*

Quatriesme moyen allegué par les demandeurs

En cinquiesme lieu alleguoient le texte, *in l. Affricanus. §. finali cum lege sequenti. ff. de legat. i.* par la raison duquel ils disoient, que *quando res legata est, vel potest esse in commercio legatarij, haeres tenetur eam emere, & legatario tradere: ut eam tanquam suam habeat. Quod si fundus legatus non sit, nec esse possit in commercio legatarij, & testator id sciuerit, haeres tenetur soluere legatario aestimationem fundi legati.* Tellement qu'au cas de present estant possible, voire fort facile, à la defenderesse, de faire amortir l'heritage qui leur auoit esté legué par la defuncte, & les en faire seigneurs incommutables, & possesseurs perpetuels, elle deuoit estre condamnée & contrainte à ce faire.

Quando haeres tenetur emere rem legatara.

En sixiesme lieu alleguoient le texte qui semble estre formel pour la decision de la question qui s'offre, *in l. his verbis. §. fin. ff. de leg. 3.* qui dict que *si liberti militum legata est, omnia onera & introitus militia ab haere de danda sunt.*

Sixiesme moyen des demandeurs.

En septiesme lieu remonstroient les demandeurs, que le legs ne leur estoit gratuitement faict, mais leur estoit fort onereux, & s'ils estoient contrains faire amortir à leurs despens la seigneurie de Lyeuille, qui leur estoit leguée, le reuenu des deux tiers qui leur pourroit rester, ne seroit

Septiesme moyen allegué par les demandeurs.

inutiles pour acquitter les charges, & fournir aux fraiz des Messes & ser-
uices diuins, qu'ils sont tenus faire dire, chanter & celebrer, pour le salut
& remede de l'ame de la defuncte: tellement qu'ils seroient contraincts
repudiër le legs à eux faict, d'autant qu'il leur seroit plus dommageable,
que profitable.

*Authours
qui ont trai-
té la que-
stion cy des-
sus recitée.*

Postremò, alleguoient plusieurs autres moyens, & poincts de droict,
recitez tant *per Petrum Bellugam in suo speculo, tractatu de Amortizationi-
bus. §. restat. versiculo sed est dubium à quo exigetur, an ab heredibus vel ab Ec-
clesia legataria. Per Ioannem Gallum questione nonagesima prima:* que par
Monsieur le Maistre en ses Decisions notables, Traicté premier, chapi-
tre 7. Et mettoient en auant vn arrest donné és Grands iours tenus à
Troyes, le 18. Feurier 1384. au profit des Religieux & Abbé de Cleruaux,
contre vn nommé Robillard.

*Sentence du
Preuost de
Paris.*

Et à present on peut alleguer vne sentence donnée par le Preuost de
Paris, le 11. Octobre, 1559. Par laquelle les executeurs du testament de feu
de la Ramée, ont esté condamnez faire bien & deuëment amortir deux
maisons assises en ceste ville de Paris, lesquelles par contract paillé par la
defuncte auoient esté données à l'Eglise S. Nicolas des Champs, à la
charge de quelques Messes, de laquelle sentence les executeurs ayans
appellé, ont acquiescé à leur appel suiuant l'aduis du Conseil. Autre sen-
tence donnée par le Preuost de Paris, le dernier Aueil 1586. au profit des
Gouuerneurs de l'Hospital des Quinze-vingts à Paris, par laquelle Iean
Seuin, & Ieanne Courtin, sa femme, heritiers de feu Maistre Quentin
Courtin Prestre, ont esté condamnez acquiter lesdits Gouuerneurs, de
la poursuite contre eux faicte par le Chapitre de sainte Oportune, pour
l'indemnité d'un demy arpent demy quartier de marest, legué audit
Hospital par ledit defunct Courtin, si mieux ils n'aymoient rendre aus-
dits Gouuerneurs, la somme de treize escus sol, à laquelle ils auoient
composé avec lesdits de sainte Oportune, pour le droict d'indemnité
par eux pretendu. Et condamnez és despens, tant en demandant & de-
fendant, que de la sommation.

*Arrest de ce
que dessus.*

Pareillement on peut à present alleguer vn arrest donné au profit de
l'Hospital de Monstreuil sur la mer, auquel vne Damoiselle ayant legué
quelques heritages, à la charge de quelques seruices, & les Gouuerneurs
de cest Hospital ayans mis en procès les Seigneurs feodaux & censiers
de ces heritages leguez, afin d'auoir la mise de faict & decret de droict,
suiuant la Coustume. Les Seigneurs empeschans ceste mise de possession,
& requerans lesdits Gouuerneurs estre contraincts vider leurs mains des
heritages leguez, ou payer l'indemnité. A quoy les Gouuerneurs estans
condamnez, & ayans appellé à la Cour, en cause d'appel, ils somment
les heritiers de la testatrice, à ce qu'ils soient condamnez les acquiter du
droict d'indemnité à eux demandé, & faire en sorte qu'ils iouissent pai-
siblement des heritages à eux leguez. Par arrest donné le Ieudy 2. Iuillet,
1579. les parties au principal furent appointées au Conseil, parce que
les Seigneurs outre l'homme viuant & mourant demandoient plusieurs
droicts, & alleguoient la Coustume de Boulogne sur la mer. Et quant

aux

aux heritiers de la testatrice, furent condamméz rendre indemne l'Hospital, tant du droict d'Amortissement deu au Roy que du droict d'indemnité deu aux Seigneurs feodaux & censuels. Et cest Arrest est recité au 53. chap. du present Traicté.

Par ces moyens & plusieurs autres persistoient en leurs conclusions.

La defenderesse pour defenses & responses aux moyens cy-dessus deduits, disoit, qu'elle ne pouuoit estre tenuë à faire amortir l'heritage delaisé aux demandeurs, soit qu'on regarde la teneur du testament, soit qu'on considere la volonté de la defuncte.

Moyens alleguez par la defuncte.

Quant à la teneur du testament à la lecture duquel on a premierement recours, il ne faisoit aucune mention d'Amortissement, & par iceluy la defenderesse n'estoit aucunement chargée de faire amortir à ses despens la Seigneurie de Lyeuille, qui auoit esté leguée aux demandeurs. Partant que les demandeurs n'estoient receuables en leur demande, *l. non aliter. ff. de legat. 3. l. 1. §. generaliter. ff. de legat. præstan. l. 1. ff. de instit. act.*

En testament on regarde les mots d'iceluy, la volonté du testateur, & la commune vſance.

Quant à la volonté de la defuncte, laquelle principalement on considere, les demandeurs ne pouuoient dire qu'elle fust expresse. Veu qu'il n'estoit dict par son testament que son heritier seroit tenu faire amortir l'heritage qu'elle auoit laisné aux demandeurs. Et si ne pouuoient alleguer volonté tacite & coniecturale, attendu que la defuncte ne ſçauoit que c'estoit que d'Amortissement, & que de faire amortir vn heritage, *l. si ita scriptum. ff. de liber. & post. l. fin. Cod. quæ res pigno. oblig. poss.*

Dauantage la defenderesse disoit, que quand il est question de venir aux coniectures & presomptions, pour s'enquerir de la volonté d'un testateur, on regarde la Coultume & commune vſance du pays, auquel le defunct estoit demeurant, ou auquel l'heritage donné est situé. Qu'en la Preuosté & Vicomté de Paris n'a iamais esté vſité ny pratiqué, que les donateurs, ou leurs heritiers, ou bien les heritiers des testateurs, fussent tenus à leurs despens faire amortir les choses données ou leguées. Comme auoit esté dict par Iugement de Messieurs des Comptes, recité per *Ioannem Galli quest. 91.* Partant que les demandeurs deuoient estre deboutez de leur requeste, *l. nummis. ff. de legat. 1. si fundus. ff. de euict.*

Aussi la defenderesse remonstroit qu'un legataire est tenu prendre l'heritage qui luy est legué, avec sa cause, qualité & charge, sans que le donataire ny l'heritier du testateur soiēt tenus de l'euiction de la chose leguée. Et si le legataire ne veut purement & simplement accepter le legs à luy fait, & accomplir les charges portées par iceluy, il doit le repudier, & y renoncer. Partant la defenderesse soustenoit que les demandeurs n'auoient aucune action contre elle, afin de faire amortir l'heritage à eux donné, & qu'ils deuoient accepter le legs à eux fait, ou le repudier, ou bien obtenir Amortissement à leurs despens: *Qui enim commodum sentit, onus sentire debet: & testator rem legando, censetur legare ius quod habet in re legata. l. serui euictione. §. fin. ff. de legat. 1. l. 2. C. de euict. l. unica. §. pro secundo. C. de aduc. tol.*

Le legataire prend l'heritage qui luy est legué avec sa cause, qualité, & charge.

Pareillement la defenderesse disoit, que l'incapacité & inhabilité de

7
Le legatari-
re se doit
rendre ca-
pable d'ac-
cepter le legs
qui luy a
esté fait.

posséder par les demandeurs, l'heritage qui leur auoit esté legué, prou-
noit de leur part, & non de la part de la defuncte, ny de la defenderesse
son heritiere. Partant que les demandeurs se doiuent faire habiliter, &
rendre capables de posséder l'heritage qui leur auoit esté laissé, non pas
que la defenderesse fust tenuë de procurer ceste habilité & capacité pour
les demandeurs, *Ad exemplum eius qui stipulatur rem cuius commercium non
habet*, lequel se doit faire habiliter si bon luy semble. *l. multum interest. ff.
de verb. oblig. l. mortuo. §. Labeo. ff. de legatis. 2. §. idem iuris est versiculo,
cuius commercium. Institut. de inutilibus stipulationibus l. Claudius. cum si-
milibus ff. de quibus ut indignis.*

8
Le droit
d'indemni-
té est charge
reelle.

Outre la defenderesse disoit que les Seigneurs feodaux, ne pouuoient
contraindre les demandeurs mettre hors de leurs mains ladite Seigneu-
rie de Lyeuille, mais seulement les contraindre à bailler homme viuant
& mourant, ou payer indemnité, qui sont charges reelles & foncieres,
prouenans de la nature & qualité des heritages, desquelles charges les
demandeurs comme seigneurs & propriétaires sont tenus, & non la de-
fenderesse, qui n'a & ne pretend aucun droit en l'heritage legué, *l. ha-
ctenus ff. de usufruct. notant Doctores in l. cum ad quem, Cod. eodem.*

Trois offres
faictes par la
defenderesse

Plus disoit qu'en tout euenement elle ne pouuoit estre contraincte, si-
non faire l'une de trois choses. A sçauoir, payer l'estimation qui seroit
faicte des charges portées par le testament de la defuncte. Ou bien payer
la valeur de l'heritage legué aux demandeurs, à la charge d'accomplir les
charges contenuës au testament. Ou bien constituer rente aux deman-
deurs selon le reuenu annuel de l'heritage qui leur estoit legué. Non pas
que la defenderesse fust précisément contrainte à faire amortir: attendu
qu'elle ne peut contraindre le Roy à bailler ses lettres d'Amortissement,
ny pareillement contraindre les Seigneurs feodaux à prendre indemnité
generale. Et qu'il ne seroit raisonnable qu'elle baillast homme viuant &
mourant pour vn heritage auquel elle n'a rien, ny pareillement qu'elle
payast rachapt par le trespas de chacun homme, qui seroit baillé. Et
maintenoit que les demandeurs estoient tenus accepter l'une des trois
offres cy. dessus recitées, lesquelles elle offroit alternativement accomplir,
non pas absorber les biens de la succession à obtenir vn Amortissement,
qui coustera quasi autant que l'heritage legué peut valoir. Car en ce fai-
sant *ob testatorum liberalitates heredes pœnam paterentur.* contre la loy, *ad
res donatas. ff. de edil. edict.*

Postremò, la defenderesse alleguoit plusieurs autres moyens, & poincts
de droit qu'on peut recueillir de ce qui est dict par Balde in *l. cum alienam
Cod. de legatis.* par Maistre Jean le Coq, en sa question 81. Avec ce qui
est adnoté en ce lieu par Maistre Charles du Moulin. Aussi alleguoit vn
plaidoyé faict en la Cour, entre le Chapitre de l'Eglise de Paris, & les
heritiers de feu Messire Almeric Mignac, en son viuant Euesque de Pa-
ris, du mois de Feurier, 1386. & peut-on dire que l'acquiescement passé
par les executeurs de feu de la Ramée, estoit volontaire, & non contra-
dictoire.

Finale^{ment} le 22. Mars, 1558. la Cour donna Arrest, solle^mnelle-
ment & publiquement prononcé, duquel la teneur ensuit. Entre les
Gouverneurs de l'Hospital de la Trinité, en ceste ville de Paris deman-
deurs, & requerans l'enterinement d'une requeste, par eux présentée le
20. iour de Feurier, 1554. d'une part: & Dame Marie Brissonnet, sœur
& heritiere par benefice d'inventaire de defuncte Dame Charlotte Bri-
sonnet, defenderesse, & empeschant l'enterinement de ladite requeste,
d'autre. Veu par la Cour la requeste de l'enterinement de laquelle est
question, l'appoinctement en droit, les aduertissemens & productions
desdites parties. Apres que le Procureur General pour ce mandé en la-
dite Cour, auroit esté ouy, & tout considéré. Il sera dict que ladite Cour
a condamné & condamne ladite defenderesse à faire amortir bien &
deuëment dedans demy an, aux despens de la succession de ladite defun-
cte Charlotte Brissonnet, les choses par elle données & leguées audit
Hospital, en maniere que ledit Hospital les puisse retenir à tousiours, sans
en vuidier ses mains. Et a ladite Cour condamné & condamne ladite de-
fenderesse és despens.

*Teneur de
l'arrest don-
né au profit
des Gouver-
neurs de la
Trinité.*

Cest Arrest combien qu'il soit fort iuste, equitable, & raisonnable, &
que communément on l'allegue pour loy generale: Toutesfois plusieurs
sont d'aduis qu'en cest Arrest y a plusieurs particularitez, lesquelles on
peut facilement cognoistre, par ce qui a esté cy-dessus deduit. Et estiment
que sous ombre de cest Arrest on ne doit pas generalmente dire que les
donateurs ou leurs heritiers, ensemble les heritiers des testateurs, sont te-
nus faire amortir à leurs despens, les choses données & leguées à une
Eglise, Chapitre, Hospital, Monastere, ou autre Communauté Eccle-
siastique, ou seculiere. Mais il est besoin s'enquerir par coniectures &
presomptions, de la volonté des donateurs & testateurs. Auoir esgard à
leur qualité, ensemble à la qualité de leurs heritiers, s'ils sont enfans ou
non; aux biens delaissez par leur decez, aux charges qui sont portées par
les donations & legs testamentaires, & considerer si les charges sont
grandes ou legeres, eu esgard à la valeur des choses données, ou bien s'il
n'y a aucunes charges: aussi si le testateur a obligé ses biens à la garantie de
la chose leguée.

*Que l'arrest
cy dessus re-
cité ne doit
seruir de loy
generale.*

Car il y a plusieurs Gentils-hommes, plusieurs marchands, plusieurs
rustiques, & autres, qui ont donné à la Fabrique de leur Eglise, ou à leur
Curé, ou bien à quelque Monastere, Hospital ou autre Eglise, une seigneu-
rie, une ferme, une maison, un arpent de terre ou de vigne, ou bien autre
heritage, les heritiers desquels s'ils estoient recherchez & contraints faire
amortir les heritages donnez par leurs predecesseurs, ils seroient grande-
ment trauaillez, & y auroit infinis procez: Et si les defuncts eussent esté
interrogez que c'est qu'Amortissement, qui sont gens de main-morte,
que c'est qu'indemnité, & si leur intention eust esté que leurs heritiers
fissent amortir à leurs despens les heritages qu'ils donnoient aux Egli-
ses, ils eussent fait response, qu'ils ne scauoient que c'estoit que d'A-
mortissement, & que d'iceluy ils n'entendoient charger leurs he-
ritiers.

*Raisons de
ce que des-
sus.*

6
Deux sen-
tences du
Preuost de
Paris, que
les heritiers
ne sont te-
nus faire
amortir les
heritages le-
gués.

Defaict Guillaume Malo marchand de vins, & Guillemette Bous-
hons sa femme ayans legué à l'œuvre & fabrique de la paroisse de saint
Eustache, vne maison sise en ceste ville de Paris, rue de Montmartre,
contenant trois corps d'hostel : à la charge de faire dire & celebrer
quelques Messes & obits, pour le remede & salut des ames des defuncts.
Pareillement Iean Durantel Commis du Voyer de Paris & sa femme
ayans legué à l'œuvre & fabrique de la paroisse de saint Iacques de la
Boucherie, vne maison sise rue de la vieille Monnoye, à la charge de fai-
re dire & celebrer quelques Messes & obits, aussi de payer le Predicateur
pendant le temps de l'Aduent : les Marguilliers desdites paroisses ayans
mis en proces les heritiers des defuncts testateurs, afin de les acquitter de
l'indemnité à eux demandée par les Seigneurs censiers desdites maisons,
icelles faire amortir, & faire en sorte qu'ils en peussent paisiblement
iouyr, sans estre contraincts en vuidier leurs mains. Par deux sentences don-
nées par le Preuost de Paris les parties ont esté mises hors de Cour & de
proces, sans despens, dommages & interests : Qui est absoudre les heri-
tiers des conclusions des Marguilliers. Et la sentence donnée contre les
Marguilliers de l'Eglise de saint Eustache est du 11. Mars 1589. De la-
quelle lesdits Marguilliers de Saint Eustache appellerent. Et quant aux
Marguilliers de Saint Iacques, auparauant que la sentence fust pronon-
cée ils cheurent & transigerent avec les heritiers de la femme de feu Du-
rantel, moyennant la somme de six cens escus payez comptant, & cin-
quante liures de rente sur vn particulier cedée ausdits Marguilliers : les-
quels en ce faisant se sont chargez de faire dire, chanter & celebrer les
seruices specifiez au contract, & payer le Predicateur de l'Aduent, & ont
faict cession de leurs droicts aux heritiers de ladite femme. Et ce contract
passé en la presence du curateur créé à l'heredité iacente de feu Durantel,
a esté emologué tant en la Cour de Parlement, suivant les lettres Royaux
obtenues à ceste fin, que par l'un des grands Vicaires de Monsieur l'E-
uesque de Paris. Pour quoy faire a esté besoin monstrier, par les rapports
de uisitation, que la maison leguée estoit en ruine, que defunct Duran-
tel auoit faict si grande quantité de legs, lesquels absorboient les biens de
sa succession, qu'il auoit esté ordonné, que les legataires seroient esga-
lez au prorata des biens de ladite succession : en sorte que le contract
estoit vtile & profitable à la fabrique de l'Eglise de Saint Iacques. Et
lors Monsieur le Procureur general consentit l'émologation, autrement
il eust esté besoin d'informer, *super commodo vel incommodo*, mesmes en
Cour d'Eglise.

Moyens des-
dicts heri-
tiers.

Les heritiers des defuncts cy-dessus nommez, outre les moyens cy-
deuant deduits disoient, qu'il n'y auoit loy, Ordonnance ny Coustume,
qui obligeast l'heritier d'un donateur ou testateur, à faire amortir l'he-
ritage donné ou legué à vne Eglise, Fabrique, Monastere, Hospital, ou
gens de main-morte. Que *in dubio verba testamenti interpretanda erant
in fauorem haredis, ut quod minimum esset praestaretur, & hares quantum mi-
nus fieri posset grauaretur. l. nummis, ff. de legatis. 3. l. si ita relictum. §. fin.
ff. de legatis 2.* Que l'heritier estoit plus fauorable, que le legataire :

parce que l'heritier re presente le defunct, & *eadē persona cum defuncto censetur. l. cum bares. ff. de diuer. & tempor. præs. l. si terius §. fina ff. de aqua plu. arc.* Que lesdits heritiers *præstabant integrum legatum*, parce qu'ils faisoient deliurance du total des maisons leguées, & non de partie d'icelles, & aucun ne pretendoit part ny portion esdites maisons, ny droicts de propriété, ny de rente, redeuance, ou hypotheque quelconque sur icelles, sinon le droict de cens, qui estoit seigneurial, sans la charge duquel les maisons ne pouuoient estre vendües, données ny leguées, *l. finali. Cod. sine censu & rel. fund.* Que les maisons estans leguées, à la charge de payer les cens deuz chacun an à cause d'icelles, & les Marguilliers des fabriques susdites estans tenus au payement desdits cens, ils estoient en conséquence du droict de cens par eux deu tenus payer le droict d'indénité requis par les Seigneurs censiers, d'autant que le droict d'indemnité estoit deu à cause du droict de cens, & tenoit lieu des lots & ventes dependantes du droict de cens: & estoit demandé par les Seigneurs censiers, parce que à l'aduenir ils estoient priuez du profit & emolument des lots & ventes desdites maisons, au moyen de ce que lesdits Marguilliers ne pouuoient vendre ny aliener lesdites maisons, ains perpetuellement les deuoient tenir en leurs mains. Qu'il estoit certain que les acheteurs, donataires, legataires, & singuliers successeurs estoient tenus de payer les lots & ventes, & autres droicts seigneuriaux & feodaux, deuz à cause des heritages à eux vendus, donnez ou leguez, soient quint denier, rachapts, reliefs, chambellages ou autres, & deuoient faire les foy & hommage, ou se faire ensaisiner, & payer tous les droicts qui estoient deuz aux Seigneurs, à cause de ce que dessus, & non les vendeurs, donateurs, ou testateurs, ny leurs heritiers qui n'y estoient aucunement tenus. Partant que les Marguilliers n'estoient receuables en leurs conclusions, contre lesdits heritiers. Qu'il conuenoit considerer, que l'arrest donné au profit de l'Hospital de la Trinité, cy-deuant recité, estoit donné pour heritage feodal, pendant l'ancienne Coustume de Paris, par le 23. article de laquelle le vendeur estoit tenu de payer au Seigneur feodal le quint denier du prix de l'heritage par luy vendu ou aliené à prix d'argent. Ce qui a esté abregé par le 23. art. de la nouvelle Coustume, par lequel quand vn fief est vendu, ou baillé à rente racheptable, l'achepteur doit payer le quint denier du prix, ou sort principal de la rente, encores qu'elle ne soit rachetée.

L'indemnité est deuë en conséquence du droict de cens.

Aussi que l'arrest susdit estoit donné pour vn Hospital, auquel y auoit Eglise fondée, pour la nourriture des pauvres estans audit Hospital, qui estoient plus fauorables que les fabriques, & auoient plus grand priuilege que les Eglises & edifices d'icelles, *Clementi. quia contigit, de religiosi domibus. leg. orphanotrophis. C. de Episcopis & clericis. Felinus in cap. de quarta. de præscript. extra.* Dauantage disoient que tous donataires & legataires estoient tenus des charges reelles & foncieres, mesmes des seigneuriales de l'heritage à eux donné & legué. *l. cum possessor, in princip. & in fine. ff. de censibus. l. imperatores. ff. de public. & vectigal.* Que le droict d'indemnité, duquel estoit question, estoit vn droict seigneurial, reel & foncier: partant que les Marguilliers legataires en estoient tenus, & non lesdits heritiers.

Aussi soustenoient, que quand l'euctio[n] prouient pour le faict ou à cause de la personne de l'achepteur, ou bien du donataire ou legataire, qu'ils n'auoient aucun recours contre le vendeur, donateur, ou testateur, encores moins contre leurs heritiers. *l. fundum meum. l. hoc iure. ff. de euctio[n]e.* Qu'au cas de present estoit question de l'inhabilité & incapacité des personnes des Marguilliers, partant n'auoient aucun recours contre lesdits heritiers. Outre disoient que le vendeur, donateur ou testateur, ny leurs heritiers ne sont point tenus de ce qui aduient en la chose vendue, donnée ou leguée, depuis la tradition & deliurance faicte d'icelle : *quia transfato rei dominio, eius quoque periculum in emptorem, donatarium, legatarium vel alium accipientem transfertur, & periculum nullo modo danti imminet. l. Lucius. ff. de euctio[n]e. l. necessario ff. de permu. & commu. rei vend. §. cum autem de empt. & vend. in institut.* Tellement que lesdits heritiers n'estoient aucunement tenus de l'euctio[n], qui pouuoit aduenir de la chose leguée, apres la deliurance faicte d'icelle, ny du droit qu'on pouuoit pretendre sur icelle apres ladite deliurance : pourueu qu'il ne fust questio[n] du faict du defunct, ou de ses heritiers. Aussi lesdits heritiers, pour respondre au sixiesme moyen cy-dessus allegué, fondé sur le texte de la *l. his verbis. §. final. ff. de legatis. 3.* disoient qu'il y a grande difference entre les frais qu'il conuient faire pour la deliurance de la chose leguée, & les frais qu'il conuient faire, apres la deliurance d'icelle, pour la retenir & conseruer. Que les frais qu'il conuient faire auparauant la deliurance, & pour paruenir à icelle, tombent sur l'heritier, *ut si testator liberti militiam legauerit: responsum est onera omnia & introitum militiae ab herede praestanda esse. Quemadmodum usufructu legato, iter praestandum est legatario per fundum hereditarium, si aliter usufructu legato non possit. l. 1. §. 1. ff. si usufr. petatur. l. si quis sepulchrum. ff. de relig. & sumpt. funer.* Mais les frais qu'il conuient faire pour retenir & conseruer pardeuers le legataire, l'heritage qui luy a esté legué, & duquel il a eu deliurance, tombent sur le legataire, & est tenu à iceux. Ainsi que le declare la Glose *in dictal. his verbis, §. finali, in verbo, danda.* En ce faisant les heritiers maintenoient n'estre tenus de faire amortir les maisons leguées ausdits Marguilliers, desquelles ils ont eu deliurance. Outre lesdits heritiers maintenoient, que le different qui s'offre estoit decidé par trois textes. Le premier *in l. idem Iulianus. §. haeres. ff. de legatis. 1.* où il est dict que *haeres cogitur legati praedij soluere vectigal prateritum, vel tributum vel salarium: futurum autem que legatarius praestare debet, ut inquit Glosa in verbo, salarium.* Le second texte est *in l. quaro. ff. de usu & usufruct. legato.* où il est dict que *legatarius usufructus fundi tenetur exoluere indictiones, vectigalia, collectas, & alias indictiones, quae postea fundo indicuntur: & que hoc onus ad legatarium pertinet.* Le troisieme texte est, *in l. 1. §. finali in fine. ff. si usufructus petatur.* où il est dict que *haeres tenetur praestare legatario utilitates & seruitutes, sine quibus omnino legatarius uti legato non potest. Sed si legato uti possit, licet cum aliquo incommodo, haeres non cogitur utilitates & seruitutes praestare.* Que le droit d'indemnité demandé ausdits Marguilliers estoit de petite incommodité, eu esgard à la valeur de la totalité des maisons à eux leguées. Consequemment que lesdits Marguilliers n'estoient receuables en leurs conclusions.

Outre les heritiers remonstroient que les defuncts auoient legué la plus grande partie de leurs biens, desquels il leur restoit fort peu de chose: tellement que s'ils estoient contrains payer le droit d'indemnité aux Seigneurs césiers des maisons dont estoit question, & obtenir lettres d'Amortissement du Roy, & icelles faire verifier, ils seroient priuez de tout fruit & profit des biens demeurez par le deceds des defuncts testateurs. Et au surplus offroient, au cas que lesdits Marguilliers de saint Eustache voulussent à leur profit renoncer aux legs à eux faicts, eux charger de faire dire & celebrer les seruicestels, & en la forme & qualité qu'ils sont ordonnez par les testamens desdits defuncts Guillaume Malo & Guillemette Boushons sa femme, desquels lesdits defendeurs estoient vrais & legitimes heritiers. Ausquels offres lesdits Marguilliers n'auoient voulu acquiescer: mais auoient présenté requeste à ce qu'il pleust à la Cour euoquer l'instance, qui estoit pendante pardeuant le Preuost de Paris, entre Monsieur l'Euesque de Paris, demandeur d'une part, & lesdits Marguilliers de saint Eustache defendeurs d'autre.

Finallement apres l'euocation de ladite instance, & plusieurs longues procedures, le 13. Ianuier, 1593. y eut arrest. Par lequel la Cour faisant droit sur l'instance euoquée, a condamné lesdits Marguilliers payer audit Seigneur Euesque de Paris, & continuer d'oresnauant par chacun an les arrerages du cens qui luy est deu à cause de la maison leguée ausdits Marguilliers: Et à luy bailler dès à present homme viuant & mourant, pour receuoir sur la moitié de ladite maison leguée à ladite fabrique par ladite Boushons, & sur l'autre moitié aussi leguée à ladite fabrique par ledit Guillaume Malo, lors que l'usufruit de Marie de Gastines sa vefue sera consolidé à la propriété, les droits & profits accoustumez en cas de mutation. Ou dès à present payer au demandeur indemnité pour le regard de la moitié de la maison qui a cy-deuant appartenu à ladite Boushons: & pour l'autre moitié, lors que ledit usufruit sera expiré. Ce que lesdits Marguilliers seront tenus declarer dedans quatre mois, pardeuant le Rapporteur du procez. Et en cas que lesdits Marguilliers offrent payer indemnité au demandeur, ordonne la Cour que ledit demandeur sera tenu conuertir & employer en rente ou reuenu annuel, au profit de son Euesché, & non ailleurs, la somme à laquelle ladite indemnité sera estimée: & d'en certifier la Cour quatre mois apres la reception de ladite somme: les despens de ladite instance compensez. Et quant au procez par écrit, la Cour a mis l'appellation à neant, sans amende & despens de la cause d'appel, ordonne que la sentence, de laquelle a esté appellé, sortira effect: Si mieux lesdits Marguilliers n'ayment renoncer aux legs faicts à ladite fabrique, par lesdits Malo & Boushons au profit desdits Tronson & Bollery heritiers. En quoy faisant la Cour a condamné lesdits Tronson & Bollery esdits noms, suiuant les offres produites au procez, faire dire & celebrer les seruices & obits, & satisfaire aux charges portées par les testamens desdits Malo & Boushons receus par Thieriot, & Donjat, Notaires au Chastelet, les 29. Mars, 1582. & 27. Aueil, 1587. Et à ce faire & accomplir, ladite maison & rente de cinquante escus, mentionnez au testament dudit Malo, & tous les autres biens

*Arrest de la
Cour con-
chant la
question cy-
dessus.*

desdits Tronson & Bollery esdits noms, demeureront obligez & hypothéquez. Et outre ordonne ladite Cour, que lesdits Tronson & Bollery esdits noms, au cas que ladite maison & rente leur demeure, seront tenus de bailler & payer d'oresnauant par chacun an, à ladite fabrique, trois escus & vn tiers, de rente annuelle & perpetuelle.

Laquelle option lesdits Marguilliers seront tenus faire dans trois mois. Autrement ledit temps passé, ladite option referée ausdits Tronson & Bollery esdits noms.

Contre le second chef de cest arrest, concernant la sommation faicte aux heritiers desdits defuncts Malo, & Boushons, les Marguilliers de S. Eustache ont obtenu requeste Ciuile: la decision de laquelle est pendante & indecise en la Cour, fondée sur contrarieté des arrests de la Cour, mesmes de celuy qui a esté donné au profit de l'Hospital de la Trinité de Paris, & autres cy-dessus recitez. Que l'arrest duquel est question a esté donné pendant les troubles, durant lesquels les principaux paroissiens estoient absens de la ville de Paris. Aussi qu'on n'auoit pas produict les arrests donnez en cas pareils & semblables, que celuy duquel est à present question.

Partant il semble, qu'il seroit besoin pour oster toute difficulté, que les Notaires, en receuant les donations & legs faicts aux Eglises, Monasteres, & Hospitaux, lieux pitoyables, & à gens de main-morte, d'heritages & droicts immobiliers, fussent tenus d'interpeller les donateurs & testateurs, de declarer, s'ils entendent que leurs heritiers soient tenus amortir à leurs despens les heritages qu'ils laissent aux Eglises & Monasteres. Ou bien s'ils entendent que les Eglises les facent amortir: Et qu'ils leur donnaissent à entendre que c'est qu'Amortissement, & ce qui est requis pour faire deuëment amortir vn heritage, soit feodal ou roturier: ainsi qu'ils declarent & donnent à entendre le Velleian, & l'Authentique, *si qua mulier*.

L'arrest cy-dessus recité s'entend en heritage feodal.

Et conuient noter que l'arrest cy-dessus recité est donné pour vn heritage feodal, non pas pour vn heritage roturier. Et que l'heritage roturier ne couste pas tant à faire amortir que le feodal, pour lequel il faut bailler homme viuant & mourant, & payer indemnité. Et pour l'heritage roturier, il conuient payer simple indemnité, non pas bailler homme viuant & mourant. D'autant que pour raison d'iceluy n'est deuë aucune foy ny aucun hommage: Neantmoins le contraire est obserué en la Coustume de Boulongne sur la mer, de laquelle auons faict mention en l'arrest cy-dessus mentionné, donné au profit des Gouverneurs de l'Hospital de Monstreüil sur la mer, le 2. Iuillet, 1579. comme on pourra cognoistre par la lecture des 53. & 54. chapitres du present Traicté.



CINQVIESME PARTIE

TRAICTANT DES DECLARATIONS

QUE LES ROTVRIERS ET GENS DE MAIN-MORTE sont tenus bailler au Roy. Ensemble de la finance deuë à cause des droicts de francs-Fiefs & nouveaux Acquests.

De l'ordre & continuation de ceste cinquiesme Partie, avec les quatre precedentes.

CHAPITRE LXIV.



Nous auons amplement declaré es quatre premieres parties du present Traicté quelles personnes sont subiettes aux droicts de francs-Fiefs, & nouveaux Acquests, & en quoy ils consistent. Pareillement auons donné à entendre l'effect, profit & vtilité des Anoblissemens que les roturiers obtiennent ordinairement du Roy. Ensemble des Amortissemens que les gens de main-morte impetrent de sa Majesté. Outre auons esclarcy plusieurs doutes, qui cy deuant ont esté meus pour raison des droicts susdits. Il conuient à present parler de la forme des Declarations, que les roturiers tenans heritages nobles, & les gens de main-morte possedans heritages feodaux, roturiers ou alaudiaux, sont tenus bailler, lors qu'on leue les droicts de francs-Fiefs, & nouveaux Acquests. Et comme Messieurs les Commissaires deputez par le Roy ont accoustumé se conduire pour taxer & liquider la finance deuë à sa Majesté, à cause desdits droicts. Et à ce qu'on puisse le tout clairement entendre, nous traicterons en premier lieu, de la forme des Declarations, & ce qui est requis d'exprimer par icelles. Apres nous parlerons de la taxe de la finance deuë au Roy, laquelle se faict sur les Declarations baillées par les roturiers & gens de main-morte.

Continuation de ceste cinquiesme partie avec les quatre precedentes.

Ordre gardé en ceste cinquiesme partie.

Forme des lettres patentes , en vertu desquelles on a accoustumé leuer les droicts de francs-Fiefs & nouveaux Acquests : & contraindre les roturiers & gens de main-morte , à bailler declaration des heritages par eux possedez , subiects aux droicts susdits.

CHAPITRE LXV.



P O U R auoir facile intelligence de ce que les roturiers , & gens de main-morte doiuent obseruer , & exprimer és declarations qu'ils sont tenus bailler au Roy , des heritages & droits immobiliers par eux possedez subiects aux droicts des francs-Fiefs , & nouveaux Acquests : il est necessaire presupposer & entendre deux choses.

Les droicts de francs-Fiefs & de nouveaux Acquests anciennement pour quel temps se leuoient.

On a accoustumé deputer des Commissaires pour taxer les droicts de francs-Fiefs & nouveaux Acquests.

Forme des lettres patentes pour leuer les droicts de francs-Fiefs & nouveaux Acquests, & ce qu'elles doiuent contenir.

La premiere est , qu'il appert par les anciennes Ordonnances , & instructions cy-apres transcriptes , qu'anciennement on ne leuoit les droicts de francs-Fiefs & de nouveaux Acquests , que de quarante ans en quarante ans , ou de trente ans en trente ans , & non plustost. Et du temps du Roy Charles IX. dernier decedé , ils ont esté leuez pour le temps de vingt-cinq ans.

Le second poinct qu'il conuient remarquer est : Que quand le Roy ordonne les droicts de francs-Fiefs & nouveaux Acquests estre leuez , sa Majesté a accoustumé par lettres patentes deputer certains personages , mesmes de Messieurs les Presidens & Conseillers de la Cour de Parlement de Paris , ensemble de Messieurs les Presidens & Maistres Ordinaires en la Chambre des Comptes , avec Messieurs les Conseillers de la Chambre du Thresor , pour arrester , taxer & liquider la finance deuë au Roy , à cause des droicts de francs-Fiefs & nouveaux Acquests.

Et par les mesmes lettres , ou par commission separée , est mandé aux Preuost de Paris , Baillifs & Seneschaux du Royaume , chacun endroict soy faire publier en chacun de leurs sieges principaux , & autres lieux de leurs ressorts accoustumez à faire cris & proclamations , que toutes Gens d'Eglise , Communautez & de main-morte , aussi tous roturiers & non nobles , ayent dedans vn mois apres la publication , à apporter ou enuoyer par Procureur suffisamment fondé , au Greffe du siege principal de la Seneschaussée ou Baillage au dedans duquel ils sont demeurans , l'entiere declaration au vray & par le menu , deuëment signée : A sçauoir , les Gens d'Eglise , Colleges , Communautez , & de main-morte , de toutes les terres , heritages feodaux , roturiers , ou alaudiaux , rentes , possessions & biens immeubles , par eux tenus , acquis & possedez à quelque tiltre que ce soit , tant par legs , donation , fondation ,

achapt, qu'autrement. Et les roturiers & non nobles, de tous les fiefs, arriere-fiefs, aleux, heritages nobles, & droicts noblement tenus qui leur appartiennent, avec les appartenances & dependances d'iceux. Et que tant les Gens d'Eglise & de main-morte, que les roturiers, ayent à declarer de quels Seigneurs les heritages par eux possédez sont tenus & mouuans, en quelle Iustice ils sont assis, de quelles charges & redevances ils sont chargez: affermer au vray le reuenu annuel d'iceux heritages, rentes & possessions: & depuis quel temps ils les ont possédées. Pareillement porter ou enuoyer audit Greffe les lettres d'Amortissement, permissions, respits & souffrances, s'aucunes ont obtenues des Roys de France de posséder les heritages qui sont à present par eux detenus & occupez, ou bien la copie d'iceux deuëment collationnée aux originaux: le Procureur du Roy du Baillage & Seneschaulsée, en laquelle ils sont demeurans, present, ou deuëment appelé. Avec intimation, que s'ils sont trouuez posséder aucuns heritages, rentes, reuenus, ou possessions autres que ceux qu'ils auront specificz & affermez par leurs Declarations, qu'ils seront declarez confiscables & applicables au Domaine du Roy: & dès à present comme pour lors tels sont declarez. Et à faute d'apporter ou enuoyer les Declarations susdites dedans le temps prefix, est mandé saisir tous les heritages, rentes, possessions, & droicts immobiliers tenus par les gens de main-morte: & les fiefs & heritages nobles possédez par les roturiers & non nobles. Et au regime & gouuernement d'iceux, y establir bons & suffisans Commissaires, qui en puissent & sçachent rendre bon compte & reliqua, quand & à qui il appartiendra, & que par Iustice sera ordonné. Le tout nonobstant oppositions ou appellations quelconques, & sans preiudice n'icelles, la cognoissance desquelles est commise & attribuée à Messieurs les Commissaires deputez sur le faict des francs-Fiefs & nouveaux Acquests, & icelle interdite à toutes Cours de Parlement, & autres Iuges & Officiers quelconques. Et est inhibé à Messieurs des Requestes de l'Hostel du Roy, de sceller aucun relief d'appel desdits Seigneurs Commissaires. Et s'il y a quelque appel qui concerne le faict de la Commission des francs-Fiefs & nouveaux Acquests, & soit releué en la Cour de Parlement: la Cour ordonne que les parties se pouruoiront pardeuant les Commissaires deputez pour le faict des francs-Fiefs & nouveaux Acquests, comme on peut cognoistre par la lecture du 14. chapitre du present Traicté.

Incontinent que les Declarations deuëment signées & affermées, ont esté portées ou enuoyées au Greffe des Baillages ou Seneschaulsées, le Greffier est tenu les apporter ou enuoyer pardeuers Messieurs les Commissaires, quoy que ce soit au Greffe de la Commission, & faire taxer son voyage. Lequel doit estre payé par le Receueur des deniers prouenans de la Commission des francs-Fiefs & nouveaux Acquests.

Et d'autant qu'ordinairement pour la premiere proclamation & in-ionction, les gens de main-morte & non nobles ne tiennent conte de porter ou enuoyer leurs declarations: on a accoustumé reiterer les pro-

Les declarations doivent estre apportées au Greffe de la Commission.

Seconde proclamation qu'on a accoustumée

faire lors qu'on veut leuer les droicts susdits. clamations & inionctions, avec autre terme d'un ou deux mois, pour tous delais, & sans esperance d'auoir autre delay.

Saisie à faute de bailler declarations suiuant les lettres patentes. Cefaiect, le Procureur du Roy en la commission obtient commission de Messieurs les Commissaires, adressante au premier Huissier ou Sergent Royal, par laquelle il luy est mandé saisir tous les heritages possédez par gens de main-morte. Pareillement saisir les fiefs & heritages nobles tenus par roturiers, qui n'ont baillé & fourny de leurs declarations, suiuant les lettres patentes du Roy : y establir Commissaires, & se faire payer de ses vacations & exploicts de saisie, à raison de quinze sols tournois pour exploict par les proprietaires ou fermiers des heritages ou fiefs qu'il saisira.

Forme des main-leuées qu'on baille apres les declarations fournies. Et apres que les gens de main-morte & non nobles ont fourny de leurs declarations, icelles mis aussi au Greffe duëment signées & affermées, on leur baille main-leuée des heritages ou fiefs sur eux saisis, les Commissaires sont deschargez, tenus leur rendre compte, & payer le reliqua. Car à faute de declaration baillée dedans le temps prefix pour ce faire, le Roy ne faiect pas les fruiets siens, comme faiect le Seigneur feodal qui a faiect saisir par faute d'homme, droicts & deuoirs non faiects: Mais telle main-leuée baillée apres declaration fournie, n'emporte pas exemption de payer les droicts de francs-Fiefs & nouveaux Acquests, suiuant la taxe qui en sera faiecte sur la declaration baillée.

Les lettres susdites doivent estre verifiées, tant en la Cour de Parlement que Chambre des Comptes. Les lettres patentes ainsi decernées pour leuer les droicts de frācs-Fiefs & nouueaux Acquests, souloient anciennement estre verifiées en la Chābre des Comptes seulement: Mais à present elles doiuent estre verifiées tant en la Cour de Parlement, que Chambre des Comptes, attendu que les droicts de francs-Fiefs & nouueaux Acquests sont domaniaux. Et ce suiuant l'Edict de l'union, & conseruation du Domaine, publié en la Cour le 13. May 1566. En ce faisant Messieurs les Commissaires seront plus authorisez, & besongneront plus seurement.

Forme des declarations que les roturiers, & gens de main-morte, sont tenus bailler lors qu'on leue les droicts de francs-Fiefs & nouueaux Acquests, & ce qu'ils doiuent exprimer par leurs declarations.

CHAPITRE LXVI.

Six choses doiuent estre exprimées es declarations qui sont baillées par les roturiers



PAR la lecture du chapitre precedent on peut cognoistre, que six choses doiuent principalement estre obseruées es declarations que les roturiers & gens de main-morte sont tenus bailler lors qu'on leue les droicts de francs-Fiefs & nouueaux Acquests.

La premiere est, que la declaration qui sera baillée par les gens de

main-morte, contienne au vray, & par le menu, tenans & aboutiffans, tous les heritages, tant feodaux, alaudiaux, que roturiers: ensemble tous les droicts immobiliers qui leur appartiennent. Et que la declaration des roturiers contienne au vray, & par le menu tenans & aboutiffans, tous les fiefs & heritages nobles qu'ils possèdent, avec les droicts qui en dependent, ensemble les droicts noblement tenus qui leur appartiennent, selon qu'il est porté par les lettres patentés recitées au chapitre precedent.

Les gens de main-morte Les heritages doiuent estre declarer par le menu.

Toutesfois pour euitier à frais, Messieurs les Commissaires deputez sur le faict des francs-Fiefs & nouveaux Acquests, n'ont accoustumé tenir ceste rigueur, & reçoient les gens de main-morte à bailler declaration en gros de leurs heritages, tant amortis que non amortis, pour cognoistre ce qui est deuëment amorty. Et suffit que la declaration contienne les noms des fiefs, Seigneuries, bordes, censles, mestairies, maisons, & heritages qui leur appartiennent, & les lieux de leurs assiettes, sans specifier par le menu les tenans & aboutiffans, ny particulièrement les cens & rentes deuës en deniers, grains ou autres especes: aussi il suffit declarer les terres, prez, bois, & estangs, par nombre total d'arpens, ou autres mesures dont on vse es lieux où ils sont assis. Ainsi qu'il fut ordonné par lettres patentés du Roy Henry II. dattées du 19. May, 1549. Et lesdits Seigneurs Commissaires reçoient semblables declarations des roturiers tenans fiefs, & heritages nobles.

Pour euitier à frais on receoit les declarations en gros.

Secondement il est requis que les declarations, qui seront baillées par les gens de main-morte, contiennent la qualité des heritages mentionnez en leurs declarations, s'ils sont feodaux, alaudiaux, ou roturiers: & si à cause d'iceux ils ont Iustice, censue, & autres droicts seigneuriaux & feodaux. Parce qu'il n'est raisonnable d'autant payer pour l'heritage censuel & roturier, que pour le feodal, ou alaudial. Aussi ne doit-on autant payer pour le fief, auquel il n'y a aucune Iustice, ou bien auquel il n'y a que basse Iustice, que pour le fief auquel il y a Iustice, haute, moyenne & basse. Le semblable sera faict par les roturiers pour le regard des fiefs, & heritages nobles par eux possédez.

Les gens de main-morte sont tenus declarer la qualité de leurs heritages.

En tiers lieu, il est necessaire que les gens de main-morte declarent de quels Seigneurs les heritages feodaux qui leur appartiennent sont mouuans, & en quelle censue leurs heritages roturiers sont situez. Car s'ils sont immediatement mouuans en fief du Roy, ou s'ils sont en la censue dudit Seigneur, il cōuient payer dauantage que s'ils estoient tenus d'autre Seigneur feodal ou censier. Et s'ils sont mouuans d'un Seigneur immediatement tenant en foy & hommage du Roy, il est raisonnable payer plus grande somme, que s'il y auoit deux, trois ou quatre Seigneurs moyens. Car tant plus y a de Seigneurs entre-deux, on est moins taxé, comme en ce cas le Roy ayant moins d'interest, perte & dommage es heritages detenus par gens de main-morte. Ce que dessus sera obserué par les roturiers pour le regard des fiefs, & heritages nobles qui leur appartiendront.

Est besoin declarer de quels Seigneurs les heritages sont mouuans.

Et combien que par quelques Instructions anciennement dressées sur les acquisitions faites par les non nobles cy apres transcriptes, il soit

Encores que les fiefs soient

tenus au
quatriesme
ou cinqui-
eme degré du
Roy, ils sont
subiets au
droict de
francs-Fiefs
& non-
neaux Ac-
quets.

porté que le Roy prend finance iusques au tiers seigneur includ, sans y comprendre ledit Seigneur Roy pour l'un des trois. Aussi que par lettres patentes du Roy Philippes, estant en Latin, données à Paris le 20. Mars, sans autre datte, transcriptes és grandes Ordonnances n'agueres redigées par tiltres, sont contenus ces mots: *Si verò persona ignobiles res aut possessiones aliquas, in feudis vel retrofeudis nobilibus, absque nostro vel predecessorum nostrorum consensu acquisierint. Et ita sit quod inter nos & personam, qua res ipsas alienavit, non sint tres vel plures intermedij domini, & ad servitium competens acquisita teneant estimationem, &c.* Par ce moyen aucuns veulent inferer que les non nobles, & pareillemēt les gens de main-morte qui possèdent fiefs & heritages nobles estans au quatriesme ou cinquieme degré d'arriere-fief mouuant du Roy, ne sont subiets aux droicts de francs-Fiefs & nouveaux Acquets, & que pour raison de tels fiefs & heritages ils ne doiuent aucunement estre taxez aux droicts susdits.

Premiere
raison de ce
que dessus.

Toutesfois cela n'est obserué, soit pour le regard des gens de main-morte, desquels n'est faicte aucune mention esdites lettres parentes & instructions, comme il a esté dit au 32. chapitre du present Traicté, à la lecture duquel est besoin auoir recours; soit pour le regard des non nobles.

Car les Instructions susdites ne sont Ordonnances, ains simples aduis, & les lettres cy dessus recitées sont simples lettres, lesquelles pour ce regard sont du tout contraires aux loix, Ordonnances & Statuts du Royaume. Par lesquelles generalement est porté que les roturiers & non nobles ne peuuent, & ne doiuent tenir fiefs & heritages nobles en France, & s'aucuns ils possèdent, ils doiuent financer au Roy. Tellement que l'Ordonnance est generale, ne faisant distinction entre les fiefs, & heritages nobles, immediatement tenus du Roy, ou mediatement, à deux, trois, quatre, ou cinq degrez: comme il a esté dit au chapitre cy dessus cotté.

Seconde
raison.

Aussi la raison pour laquelle le non noble, possédant heritages nobles est subiect au droict de francs-Fiefs, milite & a lieu, tant és fiefs & heritages nobles estans au troisieme, quatriesme, ou cinquieme degré de mouuance du Roy, qu'és fiefs & heritages nobles, immediatement mouuans de sa Majesté, ou estans tenus d'un Seigneur, lequel immediatement releue du Roy: A sçauoir l'incapacité & inhabilité du roturier, lequel en France ne peut tenir heritages nobles sans permission du Roy, mesmes est ainsi porté par plusieurs Coustumes locales. Et d'autant que contre les loix & statuts du Royaume, il a possédé fiefs en France, pour la tolerance de la possession & iouissance qu'il a eu de fiefs & heritages nobles situez au Royaume, il est tenu payer au Roy le droict de francs-Fiefs. Tout ainsi que les gens de main-morte sont subiets de payer au Roy le droict de nouveaux Acquets, pour la tolerance de la possession & iouissance qu'ils ont eu d'heritages situez au Royaume, de quelques arrieres-Seigneurs & vassaux du Roy, que lesdits heritages soient tenus & mouuans.

Troisieme
raison.

Dauantage estant certain, que les roturiers & non nobles, sont contribuables au droict de ban & arriere-ban, pour tous les fiefs & heritages nobles par eux possédez en quelque degré de mouuance qu'ils puissent estre tenus du Roy. Et ce d'autāt que les roturiers ne sont de la qualité de

ceux qui secourent le Roy au faict de ses guerres, & n'y vont en personne, comme sont tenus ceux qui possèdent fiefs en France. Aussi est-il raisonnable que les roturiers tenans fiefs en France, soient subiets au droit de francs-Fiefs, pour tous les heritages nobles qu'ils possèdent, sans auoir esgard au degré de mouuance. Attendu qu'ils ne sont de la qualité de nobles. Laquelle est requise par la premiere & originaire concession faicte des fiefs situez en France, ainsi qu'auons monstré au 2. chapitre du present Traicté. De faict Messieurs les Commissaires deputez par le Roy, en l'an 1572. sur le faict des francs-Fiefs & nouveaux Acquests, arresterent, que pour les fiefs tenus en arriere-fief du Roy, deux ou trois Seigneurs, ou autre nombre plus grand entre deux, de vingt années, seroit prins vne année du reuenu desdits fiefs, de quarante-deux années, qui toutesfois depuis ne fut suiuy, ains moderé. Ioinct que la discussion des degrez pourroit estre difficile, & de grands frais, s'ils estoient desniez, ou bien reuoquez en doute par le Procureur du Roy.

En quatriesme lieu, il est besoin que les gens de main-morte & non nobles, specifient és declarations qu'ils bailleront au Roy, en quelle Iustice sont situez les heritages par eux possédez : Car s'ils sont en la Iustice du Roy, ils doiuent dauantage payer : d'autant que le Roy pour le regard des gens de main-morte perd entierement le droit de confiscation, & de des-herence, comme il a esté dit au 26. chapitre.

*Est besoin
specifier en
quelle Iusti-
ce sont les
heritages
possédez par
les gens de
main-morte.
Il est besoin
declarer le
revenu an-
nuel des he-
ritages.*

En cinquiesme lieu, qui est le principal, il est besoin que les Declarations qui seront baillées par les gens de main-morte, & non nobles, contiennent au vray le reuenu annuel des heritages à eux appartenans, soit en grains, deniers, ou autre espece de redevance. A sçauoir pour le regard des gens de main-morte, de tous les heritages & droits immobiliers, par eux possédez, de quelque nature & qualité qu'ils soient. Et quant aux roturiers & non nobles, de tous les heritages feodaux, alaudiaux, & droits noblement tenus qui leur appartiennent. A ce que suiuant le reuenu annuel, Messieurs les Commissaires puissent taxer & liquider les droits de francs-Fiefs, & nouveaux Acquests.

En sixiesme lieu, les gens de main-morte & roturiers doiuent mettre en leurs Declarations, les charges, desquelles les heritages par eux possédez sont chargez & redevables. A ce que Messieurs les Commissaires, procedans à la taxe des droits de francs-Fiefs & nouveaux Acquests, fassent deduction desdites charges, desquelles nous parlerons au 62. chapitre du present Traicté. Outre ce que dessus est besoin, que les Declarations qui seront baillées par les gens de main-morte, mesmes par des manans & habitans, soient faictes par l'aduis & deliberation de la plus grande partie des manans & habitans, ou par tous, si faire se peut : non pas par simples Marguilliers, ou par quelques particuliers. A ce qu'elles ne puissent estre desaduotées par le corps desdits habitans, & les taxes faictes sur lesdites Declarations estre iustement debatues, comme il est plusieurs fois aduenu.

*Faut speci-
fier les char-
ges & rede-
uances des
heritages.*

Et conuient noter, que ce qu'auons cy-dessus dit, estre necessaire d'ex-
primer és Declaratiōs qui sont baillées lors qu'on leue les droits de frācs-
estre declaré

*Ce qui doit
estre declaré*

*Et spécifié es
Amortisse-
mens qu'on
obtient du
Roy.*

Fiefs, & nouveaux Acquests, doit pareillement estre exprimé & déclaré, plus spécifiquement & particulieremēt, lors que les gens de main-morte veulēt faire amortir par le Roy, vn heritage feodal, alaudial, ou roturier, par eux acquis, ou à eux dōné, legué & aumosné. A ce que Messieurs des Cōtes puissent taxer & liquider la fināce deuē au Roy pour la perte & dōmage que sa Majesté souffre par le moyē de l'Amortissemēt par elle octroyé. Et outre est requis de declarer combien l'heritage qu'on veut faire amortir, peut valoir pour vne fois payer, ainsi qu'auons dit au 46. chapitre: & qu'on pourra cognoistre par la lecture des lettres patentes adressantes à feus Messieurs Barne, Nicolai, & autres Commissaires deputez par le Roy François premier, sur le faict des Amortissemens. Et par les expéditions qu'ils ont faictes suuant le pouuoir à eux donné: lesquelles lettres pour plus facile intelligence des droicts de francs-Fiefs, & nouveaux Acquests, Amortissemens, & Anoblissemens, nous auons faict transcrire à la fin du present Traicté.

Les gens de main-morte, & non nobles, sont tenus coter par leurs declarations, depuis quel temps ils ont iouy des heritages subiets aux droicts de francs-Fiefs, & nouveaux Acquests: lesquels ne sont deuz que pour la tolerance de la iouyssance precedente, au feur l'emplage, & non pour l'aduenir.

*Les gens de
main morte
& roturiers,
sont tenus
declarer de-
puis quel
temps ils
iouyssent de
leurs heri-
tages.*

CHAPITRE LXVII.



*Les droicts
de francs-
Fiefs, & de
nouveaux
Acquests, ne
se payent
qu'au pro-
rata de la
iouyssance
precedente.*

*Au feur
l'emplage,
que signifie.*

V T R E les choses declarées au precedent chapitre, que les gens de main-morte, & non nobles, sont tenus specifier, par les declarations qu'ils baillent, lors que le Roy leue les droicts de francs-Fiefs & nouveaux Acquests: il est requis, qu'ils cotent depuis quel temps ils ont tenu, possédé, & iouy des heritages contenus en leurs declarations. A sçauoir les gens de main-morte, depuis quel temps tels heritages leur ont esté donnez, leguez, ou aumosnez, & depuis quel temps ils ont acquis tels heritages ou telles rentes, ou bien tels droicts. Et les non nobles depuis quel temps ils ont acquis par achapt, eschange, ou autrement, les fiefs & heritages nobles par eux possédez: ou depuis quel temps ils leur sont aduenus par succession, substitution, donation, ou autrement.

Car les droicts de francs-Fiefs & nouveaux Acquests, ne sont deuz que pour la tolerance de la possession & iouyssance qu'on a eu d'heritages, lesquels par les Ordonnāces & Statuts du Royaume, on ne doit posseder, & ne se payent qu'au prorata, & au feur de la iouyssance. De faict les Ordonnances portent au feur l'emplage: Qui est à dire, qu'il faut payer les droicts de francs-Fiefs, & nouveaux Acquests, pour le temps qu'on a iouy.

iouy. En sorte que s'il y a quarante ans, qu'on n'a leué les droicts de francs-Fiefs, & de nouveaux Acquests, & que pour la iouissance de quarante ans, soient deües deux années du reuenue de l'heritage subiect aux droicts susdits : & que les gens de main-morte ayent achepté vingt ans font vn heritage par eux possédé, ils ne payeront qu'une année du reuenue de cet heritage. Le semblable sera faict pour le regard des autres heritages à eux appartenans par don, legs, ou autrement : pour lesquels ils ne seront tenus payer, sinon au prorata du temps qu'ils en ont iouy, soit de dix, quinze, vingt, trente, ou quarante ans. Et ce que dessus doit estre observé non seulement quant aux gens de main-morte : mais aussi pour le regard des roturiers & non nobles.

A ceste cause les non nobles, pareillement les gens de main-morte, doivent exprimer par les declarations qu'ils baillent, s'ils ont acquis les fiefs & heritages nobles par eux possédez de personnes nobles, ou de privilégiés, comme sont les Bourgeois de Paris, ou bien de roturiers. Car s'ils les ont acquis de personnes nobles ou privilégiés, ils ne seront taxés qu'au pro rata du temps qu'ils ont iouy depuis leurs acquisitions. S'ils les ont acquis de roturiers, ils seront taxés tant pour leur temps, que pour le temps de leurs vendeurs & auteurs. Et seront tenus payer l'entiere taxe, parce que les droicts de francs-Fiefs, & nouveaux Acquests sont reels, & deüz à cause de la iouissance d'heritages possédez par gens incapables de les posséder. Mais ils auront recours contre leurs vendeurs & auteurs, pour le temps de leur iouissance, & au prorata d'icelle. En sorte que si les droicts de francs-Fiefs & nouveaux Acquests, sont leuez pour le temps de quarante ans, & que des quarante ans le vendeur roturier ait iouy par vingt ans de l'heritage subiect aux droicts susdits, il sera tenu rendre & payer moitié de la taxe. Et si le vendeur est noble ou privilégié, & neantmoins on ait taxé le droict de francs-Fiefs, pour quarante ans, il faudra moderer la taxe à la moitié. Et le vendeur étant sommé par l'achepteur, sera tenu poursuiure ladite moderation, & la faire ordonner à ses despens, si ladite taxe n'auoit esté faicte par la faute de l'achepteur, lequel par sa declaration n'eust exprimé auoir acquis d'un noble, ou d'un privilégié : auquel cas la poursuite de la moderation se deura faire aux despens de l'achepteur : mesmes quand la Noblesse, ou le privilege du vendeur est notoire, & ne peut estre reuocqué en doute. Car le roturier purement & simplement baillant declaration du fief & heritage noble qui luy appartient, il se submet à l'entiere taxe du droict de francs-Fiefs, & à l'entier payement dudit droict. Mais si la Noblesse ou le privilege du vendeur est reuocqué en doute, ou aucunement contredit par le Procureur du Roy : le vendeur doit entrer en cause, & à ses despens faire poursuite de la moderation. De ce que dessus y a article express, es memoires & instructions dressées sur le faict des francs-Fiefs & nouveaux Acquests, transcriptes à la fin du present Traicté.

Le roturier doit declarer si le fief par luy possédé a esté acquis d'un noble ou d'un roturier : & pourquoy.

Comme l'acquéreur a recours contre son vendeur, pour le payement des droicts de francs-Fiefs & nouveaux Acquests. Comme le vendeur est tenu pour-suiure la moderation ou descharge.

Et pour facile intelligence de ce qui a esté dit cy dessus, conuient noter, que Messieurs les Commissaires qui furent deputez sur le faict des francs-Fiefs, & nouveaux Acquests, par le Roy Henry II. taxerent la

Pour quel temps Messieurs les

Commissaires ont cy-devant taxé & à present taxent.

Raison de ce que dessus.

Le successeur à la Couronne, depuis quel temps sera payé des droicts de francs-Fiefs & nouveaux Acquests.

Pour la iouissance de peu de temps on ne paye les droicts de francs-Fiefs & de nouveaux Acquests.

Les droicts de francs-

finance, deuë à cause desdits droicts, pour le temps de trête trois ans, commençans en l'an mil cinq cens quatorze, que le Roy François premier commença à regner, & finissans en l'an mil cinq cens quarante-sept, qu'il deceda. Et Messieurs les Commissaires deputez sur le faict des francs-Fiefs, & nouveaux Acquests, par le Roy Charles IX. ont taxé & taxent pour le temps de vingt-cinq ans, commençans en l'an 1547. que le Roy Henry entra à la Couronne, & finissans en l'an 1571. que ledit Roy Charles decerna ses lettres patentes, pour leuer les droicts susdits. Et pour le temps subséquent n'ont pouuoir ny mandement de taxer: comme on pourra cognoistre par la lecture desdites lettres patentes, & lettres contenant le pouuoir desdits Seigneurs Commissaires, transcriptes à la fin du present Traicté.

Car estant certain que les droicts de francs-Fiefs, & nouveaux Acquests, ne sont deubs qu'à cause de la iouissance precedente la leuée d'iceux, les Roys de France ne peuvent à leur nouuel aduenement demander lesdits droicts, sinon pour le temps de la iouissance que les gens de main-morte, & non nobles ont eu pendant le regne de leur predecesseur Roy, s'il a regné trente ans & plus, ou bien de leurs predecesseurs Roys, si chacun d'eux a regné peu de temps. En ce faisant le successeur à la Couronne deura estre payé des droicts de francs-Fiefs & nouveaux Acquests, pour la iouissance que les gens de main-morte & roturiers auront eu depuis l'an 1571. iusques au iour qu'il decernera ses lettres patentes pour leuer lesdits droicts. Autrement il seroit incertain à quel temps on commenceroit pour liquider la finance qui seroit deuë au successeur Roy, à cause des droicts de francs-Fiefs, & nouveaux Acquests: & y auroit vn vray desordre, confusion & meslange. Car les aucuns ne deueroient, à cause de leurs anciens heritages, que pour dix, quinze, ou vingt ans; les autres pour trente ans. Et chacun seroit contraint garder sa quittance du payement qu'il auroit fait au predecesseur Roy, des droicts de francs-Fiefs, & nouveaux Acquests, afin de cognoistre pour quel temps il deuroit estre taxé. Ce qui seroit impossible, au moyen des mortalitez & mutations, tant des Beneficiez que des proprietaires des heritages nobles, & tourneroit à vne perilleuse & mauuaise consequence.

Si les gens de main-morte ont acquis quelques heritages, ou bien les non nobles ont acquis de nobles ou priuilegiez quelques fiefs, dont ils ayent iouy par peu de temps, comme de deux, ou quatre ans: on n'a pas accoustumé pour si peu de temps, & pour si petite iouissance, de les taxer aux droicts de francs-Fiefs & nouveaux Acquests, lesquels, comme dit a esté, anciennement ne se leuoient que de trente ans, en trente ans, ou de quarante ans en quarante ans. Et s'ils ont esté taxez, & à faute de payement saisis, ils présentent requeste, par laquelle narration faicte du peu de temps de leur iouissance, ils requierent main-leuée leur estre faicte de leurs heritages sans payer aucune finance, ce qui est ordonné. Et ainsi a esté itigé au profit de plusieurs.

Et par ce qui a esté cy dessus deduit, on peut cognoistre, que les droicts de francs-Fiefs & nouveaux Acquests, ne sont pas deuz à cause

des acquisitions d'heritages faictes par les gens de main-morte, & non nobles : comme sont les droicts de quints, requints, lots & ventes, & autres droicts seigneuriaux & feodaux. Mais ils sont deuz pour la tolerance de la possession & iouissance que les gens de main-morte & non nobles, ont eu d'heritages situez en France. Lesquels par les loix & Statuts du Royaume, ils ne peuvent posseder. Et encores il faut entendre ceste iouissance du passé, non pas de l'aduenir. Car supposé que les gens de main-morte ayent payé le droict de nouveaux Acquests, toutesfois ils peuvent estre contraincts vider leurs mains des heritages par eux possédez, comme ce payement n'ayant esté faict, que pour la tolerance & souffrance de les auoir laissé iouyr le temps precedent des lettres patentes, en vertu desquelles sont leuez les droicts de francs-Fiefs, & nouveaux Acquests, non pas pour la iouissance future, & à l'aduenir. Pour asseurer laquelle il est besoin prendre lettres d'Amortissement: comme il est contenu és Instructions dressées sur le faict des francs-Fiefs & nouveaux Acquests.

Fiefs & nouveaux Acquests, ne sont deuz à cause des acquisitions, ains à cause de la iouissance precedente.

De faict anciennement Messieurs les Commissaires deputez sur le faict des francs-Fiefs, & nouveaux Acquests, condamnoient les gens de main-morte à payer au Roy la somme à laquelle ils auoient taxé le droict de nouveaux Acquests, pour le temps de leur iouissance. Et par mesme iugement ordonnoient que dedans an & iour, ils seroient tenus vider leurs mains des heritages par eux possédez, non amortis par le Roy. Ainsi qu'il appert par plusieurs iugemens donnez par lesdits Seigneurs Commissaires: lesquels le dix-septiesme Aoust, 1548. condamnerent les Marguilliers de l'œuvre & fabrique Monsieur saint Iean de Choisy, près Cheureuse, payer au Roy la somme de dix-huict liures tournois, & icelle mettre és mains de Maistre Iean Laguctte, Thresorier & Receueur general de ses finances casuelles, pour la tolerance & permission d'auoir par eux & leurs predecesseurs iouy du reuenue de ladite Fabrique, sans l'assentement ou Amortissement du Roy ou ses predecesseurs, depuis quarante ans en ça. Et outre lesdits Commissaires ordonnerent que lesdits Marguilliers à faute d'auoir faict apparoir d'Amortissement bien & deuëment verifié & expédié, vuideroient & mettroient hors de leurs mains dedans l'an & iour dudit iugement, les rentes & reuenue temporel de ladite Fabrique, lesquels deslors seroient saisis & mis en la main du Roy, sous laquelle lesdits Marguilliers ou leurs successeurs iouyront durant ledit temps d'an & iour, sans preiudice du droict du Roy. Mais à present Messieurs les Commissaires taxent simplement sans passer outre.

Encore qu'il ait payé le droict de nouveaux Acquests, on peut estre contrainct vider ses mains.

Aussi par le contenu cy-dessus on peut inferer que si vn roturier a possédé par quelque espace de temps fiefs & heritages nobles, & apres obtient lettres d'Anoblissement du Roy, deuëment verifiées: il doit payer le droict de francs-Fiefs, au prorata du temps qu'il a iouy de l'heritage noble auparauant son anoblissement. Et le semblable doit estre obserué, pour le regard des gens de main-morte, lesquels long-temps apres leur iouissance font amortir vn heritage feodal, roturier ou alodial, par eux acquis,

L'anobly paye le droict de francs-Fiefs pour le temps precedent ses lettres d'anoblissement.

ou à eux donné, legué, ou aumosné. Si par les lettres d'Anoblissement & d'Amortissement n'est faite expresse mention de la iouyssance precedente, & que par icelles la finance qui pouuoit estre deuë au Roy, ne leur soit remise & quittée, comme il a esté dit au vingt-deuxiesme chapitre. Et de ce y a deux articles exprés, és Instructions anciennement dressées pour le faict des fiefs, arriere-fiefs, & choses nobles, acquises par non nobles, transcriptes à la fin du present Traicté. Le premier desquels contient: Que pour rentes & possessions que non nobles auront acquises és fiefs ou arriere-fiefs du Roy, ou en aleux, & depuis ladite acquisition faite, ledit non noble sera faict Cheualier ou anobly, il payera le droict de francs-Fiefs. Le second article porte, que les anoblis depuis quarante ans, payeront bonne finance selon leurs facultez, tant pour leur noblesse, comme pour leurs acquests qu'ils auront faits auant leur dite noblesse. S'ils ne montrent comme ils ayent payé icelle finance, ou ayent lettres d'affranchissement du Roy, passées & expedies comme il appartient.

Les lettres d'Anoblissement & d'Amortissement ne seruent que pour le passé, & non pour l'aduenir.

Et de ce que dessus la raison est apparente: d'autant comme il a esté dit au vingt-deuxiesme chapitre, que les lettres d'Anoblissement ou d'Amortissement, ne peuuent auoir effect, que pour le temps futur & aduenir, non pas pour le temps preterit & passé. Et tout ainli que l'anobly est tenu payer le huietiesme, ou vingtiesme du vin qu'il a vendu de son creu, en destail, ou en gros, auparauant les lettres d'Anoblissement par luy obtenues, voire payer la taille pour le temps precedent son Anoblissement: Aussi est-il tenu payer le droict de francs-Fiefs, au prorata du temps qu'il a iouy d'heritages nobles, auparauant les lettres d'Anoblissement par luy obtenues: attendu que le droict de francs-Fiefs est deu pour le temps preterit & passé, & non pour le temps futur & aduenir. Ainli qu'il a esté déclaré en plusieurs endroits du present discours.

Pour quel temps le roturier qui a espousé femme noble est tenu payer le droict de francs-Fiefs.

Aussi par ce que dessus on peut cognoistre, que si vn roturier espouse vne femme noble, à laquelle appartiennent des heritages nobles: il ne doit le droict de francs-Fiefs, à cause des heritages nobles de la femme: sinon pour le temps subsequent son mariage, non pas pour le temps precedent son mariage. Et s'il n'a esté marié qu'un, deux, trois, ou quatre ans, il ne doit rien, comme il a esté déclaré au neufiesme chapitre. Et s'il a esté taxé pour le temps precedent son mariage, il se pouruoirra selon qu'il sera dit au soixante-treiziesme chapitre.

Comme on a accoustumé de proceder à l'encontre de ceux qui n'ont baillé declaration des heritages par eux possédez, subiets aux droicts de francs-Fiefs, & nouveaux Acquests. Ou qui n'ont baillé declaration que de partie de leurs heritages, & celé le surplus.

CHAPITRE LXVIII.



OMB IEN que suivant les lettres patentes, desquelles la forme a esté cy-dessus recitée, les gens de main-morte soient tenus bailler declaration au vray & par le menu, de tous les heritages feodaux, roturiers, & alaudiaux, par eux possédez en France, non amortis par le Roy: Et les roturiers de tous les fiefs & heritiages nobles qui leur appartiennent: Toutesfois il y a plusieurs gens de main-morte, & plusieurs roturiers qui ne tiennent conte de fournir de declarations, esperans par ce moyen ne rien payer des droicts de francs-Fiefs, & nouveaux Acquests, & en frustrer le Roy. Ou bien ne mettent en leurs declarations que partie des heritages à eux appartenans, subiets ausdits droicts, & celent l'autre partie. Et supposé qu'on ait procedé par saisie, & establissement de Commissaires, sur les heritages qu'ils possèdent: Neantmoins ils negligent & ne tiennent compte de faire saisir; d'autât que leurs fermiers ou subiets ordinairement sont establis Commissaires, lesquels ne laissent de les payer de leurs moisons & loyers. Aussi que telles saisies n'emportent perte de fruiets, comme font les saisies feodales.

Plusieurs sont refusés sans fournir de declaration suivant les lettres patentes du Roy.

A ceste cause Messieurs les Commissaires deputez sur le faict des francs-Fiefs, & nouveaux Acquests, ont accoustumé mander au Bailly, Seneschal, Preuost, ou à l'un des Esleus des lieux, d'informer des heritages qui appartiennent aux gens de main-morte, & des fiefs que possèdent les roturiers, lesquels ne les ont baillez par declaration, ou en ont baillé partie seulement, pareillement informer de la valeur du revenu annuel desdits heritages. Ou bien lesdits Seigneurs Commissaires, en vertu du pouuoir à eux donné mesmes de subdeleguer, baillent commission à quelque officier qui se transporte sur les lieux, lequel comme Commissaire en ceste partie subdelegué par lesdits Seigneurs Commissaires, informe de ce que dessus.

Comme on procede à l'encontre de ceux qui n'ont fourni de declarations.

Et à ce que l'information soit solennellement faicte, le Commissaire subdelegué decerne commission, par laquelle il mande au premier Sergent Royal, qu'à la requeste du Procureur du Roy au Thresor, & en la Commission des francs-Fiefs & nouveaux Acquests, il adiourne tel, à

Solemnitez qu'on garde en l'information qu'on fait contre

les refusans,
de bailler
declarations
suivant les
lettres pa-
tenties du
Roy.

estre & comparoir pardeuant luy en tel lieu, & à telle heure, pour estre interrogé, tant sur les fiefs & heritages nobles par luy possédez, saisis long-temps a, par faute de les auoir baillé par declaration, suivant l'Edict des francs-Fiefs, que sur la valeur du reuenu annuel desdits fiefs: Ensemble afin d'apporter tous & chacuns les denombrements, baux à ferme, papiers de recepte, & autres estans par deuers luy, concernans le reuenu annuel des fiefs & heritages nobles à luy appartenans; pour d'iceux estre pris copie collationnée, pour seruir au Procureur du Roy, ainsi que de raison.

Comme on
procède con-
tre le rotu-
rier qui a
baillé decla-
ration de
pari de ses
fiefs seule-
ment.

Si le roturier a seulement baillé declaration de partie des fiefs par luy possédez, il sera adjourné afin d'estre interrogé sur les fiefs & heritages nobles qui luy appartiennent: lesquels il n'a compris en la declaration par luy baillée suivant l'Edict des francs-Fiefs, & sur la valeur du reuenu annuel desdits heritages. Ensemble pour apporter les baux à ferme, & papiers concernans le reuenu annuel d'iceux.

Comme on
procède con-
tre le pro-
prietaire qui
compare par-
deuant le
Commis-
saire subde-
légué.

Si l'adiourné compare & satisfait à ce que dessus, on enuoye le tout avec le proces verbal du Commissaire subdelegué, par deuers lesdits Seigneurs Commissaires. Lesquels apres auoir veu ledit procez verbal & pieces à eux enuoyées, procedent à la taxe & liquidation du droict de francs-Fiefs, deu au Roy. Sans vser de la rigueur portée par les lettres patentes, decernées pour le faict des francs-Fiefs, & nouveaux Acquests: qui est de confiscquer au Roy, & vnir à son Domaine ce qui auoit esté recelé. Mais pour le recelé ils condamnent le propriétaire en quelque amende, quand il y a du dol évident. Ce que dessus est obserué pour les gens de main-morte, qui n'ont baillé aucune declaration, ou qui par leurs declarations ont celé partie des heritages qui leur appartiennent.

Comme on
procède con-
tre le pro-
prietaire qui
ne compare
point.

Si le propriétaire des fiefs & heritages nobles qui a esté adiourné, ne compare à l'assignation à luy donnée, ny son Fermier, Mestayer, Procureur, ou Receueur: Le Commissaire subdelegué donne défaut à l'encontre de l'adiourné non comparant: & par vertu d'iceluy, ordonne qu'il sera informé d'office des fiefs & heritages nobles que tel possède, ensemble de la valeur du reuenu annuel desdits fiefs & heritages. A ceste fin decerne commission adressante au premier Sergent Royal, pour à la requeste du Procureur du Roy, faire commandement à toutes personnes dont il sera requis, de comparoir pardeuant luy, pour porter tesmoignage de verité. Et les tesmoins estans produicts pardeuant luy, prend vn adioinct, en la presence duquel il leur faict prester le serment. Ce faict d'office sommairement & de plain les examine, tant sur les fiefs & heritages nobles possédez par le roturier, que sur la valeur du reuenu annuel d'iceux heritages. L'information estant faicte & rapportée pardeuers Messieurs les Commissaires, ils procedent à la taxe & liquidation du droict de francs-Fiefs deu au Roy, ainsi que de raison. Et le semblable est obserué pour le regard des gens de main-morte, qui ne sont comparus à l'assignation à eux donnée.

Ceux qui
sont surta-
xés comme
se deuient
pouruoir.

Si les roturiers & gens de main-morte, qui ont esté taxez sur les informations faictes en la forme cy-dessus recitée, se pretendent surtaxez

ils doivent presenter requeste afin d'auoir moderation, & icelle deuëment iustifier : comme il sera monstré au 73. chapitre du present Traicté.

Que Messieurs les Commissaires deputez pour la taxe des droicts de francs-Fiefs, & nouveaux Acquests, n'ont aucun esgard aux lettres en forme d'Anoblissement, ou d'Amortissement, octroyées par autres Seigneurs que le Roy. Ny à celles qui ont esté anciennement baillées par certains Commissaires enuoyez sur les lieux.

CHAPITRE LXIX.



CHACUN peut cognoistre par la lecture des chapitres precedens, la forme des declarations, que les roturiers, & gens de main-morte, sont tenus bailler lors qu'on leue les droicts de francs-Fiefs, & nouveaux Acquests : & ce qu'il est besoin d'observer & exprimer par icelles.

Il conuient à present parler de la taxe que Messieurs les Commissaires deputez par le Roy sur le faict des francs-Fiefs, & nouveaux Acquests, ont accoustumé faire sur les declarations qui leur sont baillées, de la finance deuë au Roy, à cause des droicts susdits.

Et pour facilement l'entendre, il conuient presupposer cinq choses.

La premiere est, que Messieurs les Commissaires ordonnez par le Roy sur le faict des francs-Fiefs, & nouveaux Acquests, procedans à la liquidation de la finance deuë au Roy à cause des droicts susdits, n'ont aucun esgard aux lettres en forme d'Amortissement, octroyées à quelques Ecclesiastiques, Communautéz, & autres gens de main-morte, par aucuns Pairs de France, tant Ecclesiastiques que Seculiers, Ducs, Comtes, Barons, & autres Seigneurs hauts - Iusticiers en ce Royaume : Et nonobstant telles lettres, les gens de main-morte sont taxez pour le regard des heritages contenus en icelles, encores que pour raison desdits pretendus Amortissemens, ils ayent payé finance aux Ducs, Comtes ou Barons, desquels ils ont obtenu lesdites lettres. Et de ce la raison est apparente : D'autant que le Roy seul peut amortir en France priuatiuement à tous Seigneurs. Et à sa seule Majesté appartient octroyer lettres d'Amortissement à gens de main-morte, possedans heritages ou droicts immobiliers en France. Ainsi qu'il a esté amplement déclaré au 41. chapitre du present Traicté, à la lecture duquel est besoin auoir recours.

Messieurs les Commissaires n'ont esgard aux Amortissemens octroyez par autres Seigneurs que par le Roy.

Le Roy peut amortir en France.

Messieurs les Commissaires n'ont esgard aux anoblissemens octroyez par autres Seigneurs que par le Roy.

Pareillement lesdits Seigneurs Commissaires n'ont aucun esgard aux lettres d'Anoblissement qui ont esté octroyées par autres Seigneurs, que par le Roy de France, soient Ducs, Comtes, Barons ou autres : Parce que le Roy seul peut anoblir en France, comme il a esté dict au 17. chapitre.

*Messieurs les
Commissaires
n'ont esgard
aux Amor-
tissemens
octroyez par
certains Cō-
missaires de-
putez sur les
lieux.*

Le second poinct qu'il conuient entendre est, que Messieurs les Commissaires deputez par le Roy, sur le faict des francs-Fiefs, & nouveaux Acquests, n'ont aucun esgard aux lettres en forme d'Amortissement, que certains Commissaires anciennement deputez sur les lieux, comme en quelque Baillage, Seneschaulsée, ou Preuosté, ont baillées aux gens de main-morte, pour les heritages par eux lors possédez. Et nonobstant telles lettres, des denommez en icelles, sont taxez au payement du droict de nouveaux Acquests, pour la iouissance subsequente l'octroy desdites lettres.

*Raison de ce
que dessus.*

La raison est, parce que lesdits Commissaires deputez sur les lieux, qui estoit vn homme seul, ou deux pour le plus, n'ont eu autorité ny pouuoir d'amortir. Mais seulement de composer de la finance qui estoit deuë au Roy lors regnant, pour le temps precedent leurs commissions: non pas pour le temps futur & à l'aduenir. Comme on peut cognoistre par la lecture des responses faictes aux articles enuoyez par les Estats de Bretaigne, au Roy Henry II. transcriptes à la fin du present Traicté. Aussi le pouuoir des Commissaires deputez sur les lieux n'a esté verifié en la Cour de Parlement ny Chambre des Comptes.

*Pouuoir don-
né à certains
Commissaires
d'amortir
les heritages
possédez par
les gens de
main morte.*

Bien est vray que le 15. Octobre, 1520. y eut lettres patentes decernées par le Roy François I. par lesquelles fut donné pouuoir, autorité & mandement à Messieurs Maistres Roger Barme, President en la Cour de Parlement, Iean Nicolay, premier President en la Chambre des Comptes, Gilles Berthelot, tiers President en ladite Chambre, l'un des Thresoriers ou Generaux de France, Maistre Pierre Michon, Auditeur en la Chambre des Comptes, & Maistre Raoul Guyot Secetaire du Roy, & Controolleur de l'audience de la Chancellerie, de proceder à la liquidation de la finance, qui seroit deuë au Roy par les Ecclesiastiques, & autres gens de main-morte, à cause des heritages nobles, alaudiaux & roturiers qui leur appartenoyent, & dont ils iouyssoient, non amortis par les Roys de France. Desquels lesdits Seigneurs Commissaires leur pourroient bailler lettres d'Amortissement, signées de leurs seings, & seellées de leurs cachets. Sur lesquelles les Ecclesiastiques & autres gens de main-morte, pourroient obtenir lettres patentes de confirmation du Roy, signées d'un Secetaire des finances, & seellées du grand seel, & les faire registrer en la Chambre des Comptes, par l'un des Greffiers d'icelle, auxquels estoit mandé ainsi le faire. Et par lesdites lettres patentes, les Amortissemens qui seroient octroyez par lesdits Seigneurs Commissaires, sont validez & censez de tel effect, force & vigueur, que s'ils estoient faicts par le Roy, & verifiez en la Chambre des Comptes.

*Ce que le
Commissai-
res susdits
ont obserué
pour amor-
tir les heri-
tages appar-
tenans à ces
de main-
morte.*

Suiuant ces lettres deuëment verifiées en la Chambre des Comptes, le 7. May, 1521. les Ecclesiastiques & autres gens de main-morte, qui ont voulu obtenir lettres d'Amortissement desdits Seigneurs Commissaires, des heritages par eux possédez non amortis par les Roys de France, leur ont baillé declaration spécifique, & par le menu des heritages, lesquels ils vouloiēt faire amortir, ont déclaré la nature & qualité d'iceux, de quels Seigneurs ils estoient tenus, de quel reuenu ils estoient par an, & combien

ils pouuoient valoir à vendre, pour vne fois. Et apres information faicte par les Iuges des lieux, & aduis des Officiers Royaux, des Seneschau- cées & Baillages, au dedans desquelles les heritages estoient assis: lesdits Seigneurs Commissaires, le plus religieusement & exactement qu'il a esté possible, ont procedé à la liquidation de la finance qui estoit deuë au Roy, pour l'amortissement des heritages spécifiez en la declaration à eux baillée; ont faict mettre la finance es mains de Maistre Jacques Rague- neau, Secrétaire du Roy, commis à la recepte d'icelle. Ce faict baillé let- tres d'Amortissement, signées de leurs seings, & seellées de leurs cachets, lesquels Amortissements on a reputez, & les estime-on bons & valables, & d'iceux se sont aydez & aydent chacun iour plusieurs Abbayes, Prieurez, Chapitres, Coileges, Hospitaux & autres Communautéz, tant Ecclesia- stiques que seculiers de ce Royaume, mesmes de ceste ville de Paris. Et à ce que chacun puisse auoir cognoissance du pouuoir desdits Seigneurs Commissaires, ensemble de la forme & ordre qu'ils ont gardé: nous auons faict transcrire à la fin du present Traicté, les lettres patentes contenans leur pouuoir, & la verification d'icelles, avec vnes lettres d'Amortille- ment par eux octroyées.

Que Messieurs les Commissaires, procedans à la taxe des droicts de francs-Fiefs & nouveaux Acquests ne doi- uent auoir esgard, sinon aux charges foncieres & an- ciennes, dont sont chargez les heritages possedez par les gens de main-morte, & par les non nobles.

CHAPITRE LXX.



Et tiers point qu'il conuient presupposer consiste, de sca- uoir à quelles charges Messieurs les Commissaires ont esgara, lors qu'ils procedent à la taxe & liquidation de la finance deuë au Roy, à cause des droicts de francs-Fiefs & nouveaux Acquests. Et a-on demandé pour le regard des Ecclesiastiques, si les charges des Obits, Messes & seruiCES diuins, qu'ils sont tenus dire, chanter & celebrer, suiuant les do- nations & legs à eux faicts, doiuent estre deduites. Ou à plus clairement parler, si Messieurs les Commissaires, doiuent faire deduction desdites charges, sur le reuenue annuel des heritages contenus es declarations à eux baillées par les Ecclesiastiques, Gouverneurs des Hottels-Dieu, Ma- laderies, Leproseries, Marguilliers des Fabriques, & autres. Et si le sem- blable doit estre obserué pour les non nobles, lesquels ont achepté, ou bien ausquels on a donné les fiefs & heritages nobles par eux polle- dez, à la charge de payer & continuer chacun an certaines rentes

A quelles charges Messieurs les Commis- saires doiuent auoir esgard en procedant à la taxe des droicts des francs-Fiefs & nou- ueaux Ac- quests.

& redevances, consistans tant en deniers que grains, ensemble autres droicts & devoirs.

Moyens alleguez par les Ecclesiastiques pour monstrer qu'on doit auoir esgard aux charges des Obits, Messes & autres.

Ceste question estant meüe pardeuant Messieurs les Commissaires deputez par le Roy sur le faict des francs-Fiefs & nouveaux Acquests en la Chambre du Thresor : Les Ecclesiastiques, Gouverneurs de Maladerie, ensemble les non nobles, pour leurs moyens remonstrent. *Que fructus non intelliguntur, nisi deducto omni onere, omni que sumptu & impensa. Que onera adiecta donationi, vel venditioni, faciunt partem contractus. Que si on n'a point d'esgard aux charges des Obits, Messes & services diuins, il faudra qu'ils cessent pour quelque temps, ce qui ne seroit raisonnable, que le Roy ne doit estre de meilleure condition, que le Seigneur & propriétaire de l'heritage, lequel est tenu payer & acquiter toutes les charges estans sur iceluy. Partant qu'il est raisonnable de les deduire. A ceste fin alleguoient la loy fundi partem. ff. de contrah. empt. l. si venditor. §. fin. ff. de seruit. export. l. fructus. ff. solut. matr.*

Que Messieurs les Commissaires ne font deduction que des premieres charges foncieres. Le vassal ne peut charger son fief au preiudice de son seigneur dominant.

Toutesfois il a tousiours esté arresté & tenu pour certain, que Messieurs les Commissaires ne doiuent auoir esgard, & ne doiuent deduire, sinon les charges foncieres & anciennes, creées lors de la premiere cōcession faicte par le Roy, des heritages feodaux, alaudiaux & roturiers. D'autant que les droicts de francs-Fiefs & nouveaux Acquests, sont reels, seigneuriaux & feodaux. Et tout ainsi que le propriétaire de l'heritage censier, ne peut rien faire au preiudice du Seigneur censier : & que le vassal ne peut au preiudice de son Seigneur feodal, charger son fief d'aucunes rentes ou redevance. En sorte qu'aduenant ouuerture de fief, le Seigneur dominant iouyt de tous les fructs, profits, reuenus & emolumens du fief mouuant de luy, sans qu'il soit tenu payer aucunes rentes, charges ou redevances, si elles ne sont infeodées. Aussi quand il est question de taxer le droict de francs-Fiefs, ou le droict de nouveaux Acquests, Messieurs les Commissaires n'ont esgard sinon aux charges foncieres & anciennes des heritages feodaux ou censiers. Et ce suiuant le 24. article de la nouvelle Coustume de Paris, & la disposition de droict *in §. à contrario, & §. fin. de inuestitura de re aliena fact. in vsib. feud.* Neantmoins Messieurs les Commissaires ont tousiours eu quelque esgard aux charges susdites, mesmes quand elles sont pitoyables : concernans l'honneur de Dieu & le service diuin.

Le Roy est preferé à tous pour le payement des droicts de francs-Fiefs & nouveaux Acquests.

De ce que dessus s'ensuit, que le Procureur du Roy ayant faict saisir vn fief, ou autre heritage, à faute de payement des droicts de francs-Fiefs, & de nouveaux Acquests : Il est preferé à tous creanciers, mesmes au Seigneur feodal, & faict cesser la saisie feodale : comme le Roy estant premier & primordial Seigneur de tous les fiefs, ensemble de tous autres heritages situez en France : lesquels sont procedez de sa Majesté, & tenus d'icelle en fief ou censue, arriere-fief ou arriere-censue, comme on peut cognoistre par la lecture du 26. chapitre du present Traicté.

Taxe tant du droict de francs-Fiefs que du droict de nouveaux Acquests, portée par les instructions & memoires anciennement dressez sur le faict des francs-Fiefs & nouveaux Acquests.

CHAPITRE LXXI.



E quatriesme poinct qu'il conuient presupposer pour auoir facile intelligence de la taxe que Messieurs les Commissaires ont accoustumé faire de la finace deuë au Roy, à cause des droicts de francs-Fiefs & nouveaux Acquests, qui sont deuz au feur & prorata de la iouissance precedente, est d'entendre que par les instructions & memoires anciennement dressez sur le faict des francs-Fiefs & nouveaux Acquests, qui seront transcrits à la fin du present Traicté, il est sommairement porté pour le regard du droict de francs-Fiefs, auquel les non nobles sont subiects pour les heritages feodaux & alaudiaux nobles par eux possédez, & droicts immobiliers noblement tenus qui leur appartiennent.

Taxe du droict de francs-Fiefs portée par les anciennes instructions & memoires, touchant les roturiers tenans fiefs & heritages nobles.

Que les non nobles qui ont acquis à quelque tiltre que ce se soit, fiefs, heritages & choses nobles, és fiefs du Roy : ou à plus clairement parler, nuëment, & sans moyen mouuans du Roy, doiuent payer pour le droict de francs-Fiefs, deu à cause de la iouissance de quarante ans, six années de fruits, & au feur l'emplage. Qui est à dire, que pour moindre temps ils doiuent moins payer, comme pour vingt années, trois années de fruits, pour dix années vne année & demie de fruits.

Que pour les rentes & possessions nobles, que les non nobles ont acquis à quelque tiltre que ce soit de nobles, és arriere-fiefs du Roy, dont ils ont iouy quarante ans, doiuent payer les fruits de quatre années.

Que pour les rentes & possessions nobles que les non nobles ont acquis, à la charge de l'vsufriict aux vendeurs, ou de faculté de reméré, ils doiuent payer finance au regard, & au feur du temps qu'ils les ont detenuës à la raison susdite, déclarée és deux precedens articles.

Que pour les rentes nobles, acquises par les non nobles, lesquelles consistent en grain ou en vin, ils ne sont tenus en payer plus grand prix, ny aussi plus petit, mais le commun qui peut valoir, au regard d'une commune année de sept années precedentes.

Taxe du droict de nouveaux Acquests portée par les anciennes instructions & memoires, touchant les gens d'Eglise.

Aussi par les mesmes Instructions & memoires, pour le regard des Ecclesiastiques, & autres gens de main-morte, subiects au droict de nouveaux Acquests, pour tous les heritages & droicts immobiliers par eux possédez, entre autres choses est sommairement porté.

Que les gens d'Eglise, de quelque qualité qu'ils soient, Religieux ou autres, ayans acquis és fiefs, ou censues du Roy, à tiltre de don, de legs, d'aumosnes, & autres telles manieres, sans l'assentement du Roy, & de les

predecesseurs, doiuent payer pour la iouyſſance de quarante ans, l'eſtimation de cinq années des fruiſts entierement, & au ſeur l'emplage.

Que les gens d'Egliſe, pour les choſes par eux acquiſes és fiefs & cenſues du Roy, par tiltre d'achapts, ou d'eſchange, ou par telle autre maniere ou condition que ce ſoit, ſans tiltre de don ou aumosne, doiuent payer pour le temps de quarante ans, & au ſeur l'emplage, l'eſtimation des fruiſts de ſix années.

Que les gens d'Egliſe, pour les choſes & poſſeſſions par eux acquiſes és arriere-fiefs, arriere-cenſues, ou en aleu du Roy, à tiltre de don ou aumosne, ou quelque telle autre maniere ou condition que ce ſoit: doiuent payer pour le temps & iouyſſance de quarante ans, l'eſtimation de trois années des fruiſts.

Que les gens d'Egliſe, pour les choſes & poſſeſſions par eux acquiſes és arriere-fiefs, ou arriere-cenſues du Roy par tiltre d'achapt, ou d'eſchange, ou par telle autre maniere, ſans tiltre de don ou d'aumosne, doiuent payer pour la iouyſſance de quarante années, le prix & valeur que ſeront eſtimées quatre années des fruiſts.

Que les gens d'Egliſe, pour les choſes & poſſeſſions par eux acquiſes par tiltre de don, de legs, ou d'aumosne, ou autre telle maniere, és lieux où leſdits gens d'Egliſe monſtreront ſommairement auoir de leur fondation, ou par priuilege du Roy, baſſe Juſtice ſeulement: deurent payer pour la iouyſſance de quarante années, l'eſtimation des fruiſts de deux années.

Que les gens d'Egliſe, pour les choſes & poſſeſſions qu'ils auront acquiſes par tiltre d'achapt, de don ou d'aumosne, és lieux auxquels ils ont haute-Juſtice, moyenne & baſſe, & auſſi és fiefs qui ſont tenus d'eux ſans moyen, ſeront tenus payer pour la iouyſſance de quarante ans, l'eſtimation des fruiſts de deux années.

Que les gens d'Egliſe, pour les choſes & poſſeſſions par eux acquiſes par tiltre d'achapt, ou en telle autre maniere, ſans tiltre de don ou d'aumosne, és lieux où leſdits gens d'Egliſe ont baſſe Juſtice ſeulement, doiuent payer pour la iouyſſance de quarante ans, la valeur des fruiſts de trois années.

Que les gens d'Egliſe pour le regard des Acqueſts par eux faits, ou dons à eux faiſts, à la charge de l'vſufriuct aux vendeurs ou donateurs, ou de faculté de remercé & de retraict conuentionnel, ils ſont tenus en payer finance, au regard & ſeur du temps, que les gens d'Egliſe auront tenu & iouy deſdites rentes & poſſeſſions ainſi acquiſes ou données à charges, à la raiſon cy-deſſus declarée.

Taxe du droit de nouveaux Acqueſts portée par les anciennes inſtitutions & memoires touchant les Communautéz de gens laiz.

Pareillement és Inſtitutions deſſuſdites, y a vn article concernant les Communautéz de gens laiz, comme de villes, bourgs, bourgades, villages, Preuoſt des Marchands & Eſcheuins, Maire & Eſcheuins, Conſuls, Capitaux, Iurez de meſtiers, & autres qui porte.

Que les rentes, poſſeſſions, franchiſes, ou libertez, que les Conſuls de la commune d'une ville, auront acquiſes pour les cauſes de la Cōmunauté, és fiefs ou arriere-fiefs, cenſue ou aleux du Roy, doiuent payer pour la iouyſſance de quarante ans finance de huit années, & au ſeur l'emplage.

Que la taxe des droicts de francs-Fiefs & nouveaux Acquests est arbitraire, & depend de la prudence de Messieurs les Commissaires.

CHAPITRE LXXII.

LE cinquiesme & dernier poinct qu'il conuient entendre est, que Messieurs les Commissaires qui cy deuant ont esté deputez pour la taxe & liquidation des droicts de francs-Fiefs, & nouveaux Acquests, tant par le Roy François premier, en l'an 1522. Henry II. en l'année 1547. que Charles IX. en l'an 1571. Considerans que lors que furent dressées les Instructions recitées au chapitre precedent, les gens d'Eglise ne payoient decimes au Roy, comme ils ont faict depuis l'an 1516. qu'il leur a conuenu quelquesfois payer deux, trois, quatre, cinq, & six decimes en vne année. Et pour subuenir aux emprunts & deniers à eux demandez, contraints vëdre partie de leur temporel. Aussi qu'au temps desdites Instructions, les fermiers, mestayers & tenanciers des Ecclesiastiques, n'estoient vexez, tourmentez, pillez, robez & rançonnez par les gens de guerre, comme ils ont esté depuis. En sorte que leurs reuenus annuels ont esté grandement diminuez. Pareillement estant notoire ausdits Seigneurs Commissaires que lors que lesdites Instructions & Memoires furent redigez par escrit, les roturiers tenans fiefs, & heritages nobles, n'estoient chargez de si grandes tailles, ny de taillon, equiualeuts, gabelles, aydes, subliques, impositions & subuentions, comme ils ont esté depuis l'an 1520. Au moyen des guerres qu'il a conuenu soustenir pour la conseruation du Royaume, & manutention de l'Estat d'iceluy. Lesdits Seigneurs Commissaires, n'ont suivy, gardé ny obserué les taxes portées par les Instructions & Memoires, desquels la teneur a esté cy dessus recitée. Comme n'estans Ordonnances, ny Edicts, ains simple aduis donné selon le cours du temps. Ioint que telles taxes sont notoïrement excessiues, exorbitantes & defraisonnables.

Pourquoy Messieurs les Commissaires es taxes par eux faictes, n'ont suivy les anciennes Instructions.

Mais lesdits Seigneurs Commissaires qui ont tousiours esté, comme ils sont encores à present, du nombre de Messieurs les Presidens & Conseillers de la Cour de Parlement de Paris, Presidens & Maistres Ordinaires en la Chambre des Comptes, & Conseillers en la Iustice du Thresor: ont procedé à la taxe & liquidation de la finance deuë au Roy, à cause du droict de francs-Fiefs, & nouveaux Acquests, en leurs loyautéz & consciences, comme ceste taxe estant arbitraire, dependant de la prudence, discretion & bon aduis de ceux qui sont deputez par le Roy, pour cet effect.

La taxe des droicts des francs-Fiefs & nouveaux Acquests est arbitraire.

Et ont taxé en leurs consciences, au feur & prorata du temps de la iouissance, que les roturiers auoient eu d'heritages nobles, & les gens de

A quoy Messieurs les

Commissaires procédant à la taxe ont eu esgard.

main-morte d'heritages feodaux, roturiers & alaudiaux. Ayans esgard non seulement à la qualité, mouuance, situation, fertilité ou sterilité des heritages subiets aux droicts de francs-Fiefs & nouveaux Acquests, mais aussi à la qualité des personnes Ecclesiastiques, Monasteres, Communautéz, Fabriques, Hospitaux, Maladeries, & personnes non nobles, contribuables aux droicts susdits, s'ils sont opulens ou indigens, s'ils ont souffert perte & dommage, par le moyen des guerres, ou autrement: & infinies autres circonstances & particularitez qui se sont offertes, & peuuent offrir en procedant à la taxe desdits droicts.

Mesmes ainsi a esté faict par Messieurs les Commissaires deputez par le Roy Charles IX. lesquels se sont si prudemment & sagement conduits à la taxe & liquidation de la finance deuë au Roy, à cause des droicts de francs-Fiefs, & nouveaux Acquests, qu'ils ont esté grandement loüez, chacun a receu contentement, & n'y a eu aucune plainte.

Taxes qui semblent raisonnables pour les droicts de francs-Fiefs & nouveaux Acquests.

Et combien que pour la consequence & importance de la matiere, il ne soit licite statuer certaine reigle, pour la taxe de la finance deuë à cause des droicts susdits: Toutesfois on pourroit dire, qu'il sembleroit raisonnable taxer les non nobles, & gens de main-morte, pour vingt années de iouissance d'heritages feodaux, nuëment & sans moyen mouuans du Roy, au reuenu d'une année d'iceux heritages, les charges foncieres deduites, & ayant quelque esgard aux autres charges, meismes aux pitoyables concernans l'honneur de Dieu, & le seruice diuin, principalement à la nourriture & hebergement des pauvres. Et que le semblable fust obserué és heritages alaudiaux. Quant aux heritages roturiers estans en la censue du Roy, detenus par les gens de main-morte, ils fussent taxez pour vingt-cinq années de iouissance, au reuenu d'une année, ayant esgard aux charges telles que dessus, le tout au feur l'emplage.

Quant aux heritages feodaux possédez par les non nobles, & gens de main-morte tenus en arriere-fief du Roy, vn Seigneur entre deux: ils fussent taxez pour la iouissance de vingt-cinq années au reuenu d'une année, eu esgard aux charges, comme a esté dit cy-dessus. Et quant aux heritages roturiers, tenus par gens de main-morte, en arriere censue du Roy, vn Seigneur entre-deux: ils fussent taxez pour la iouissance de trente années au reuenu d'une année, eu esgard aux charges, comme a esté dit cy dessus, le tout au prorata de la iouissance.

Au regard des heritages feodaux tenus en arriere-fief du Roy, deux, trois ou quatre Seigneurs entre-deux, possédez par les non nobles, & gens de main-morte, ils fussent taxez pour la jouissance de trente années, au reuenu d'une année, eu esgard aux charges, comme a esté dit cy dessus. Et quant aux heritages & droicts roturiers, possédez par les gens de main-morte en l'arriere censue du Roy, deux, trois ou quatre Seigneurs censiers entre deux: ils fussent taxez pour la iouissance de quarante années au reuenu d'une année, eu esgard aux charges, comme il a esté dit, & au feur l'emplage.

Estimation des grains

Quant à l'estimation des grains & valeur des terres, prez, bois & vignes, il sembleroit bon, prendre le muid de bled froment mesure de Pa-

ris, à trente liures tournois ou enuiron, le mestail à vingt-cinq liures ^{& valeur} tournois ou enuiron, l'orge & auoine à vingt liures tournois, ou enuiron. ^{des terres}

L'arpent de terre selon l'assiette, fertilité, ou sterilité, à quinze, dix, & sept sols par an : l'arpent de vigne selon l'assiette à vingt, quinze, & dix sols par an : l'arpent de bois taillis selon l'assiette à dix, sept & cinq sols par an, l'arpent d'eauë selon l'assiette à dix, sept, & cinq sols par an : l'arpent de pré selon l'assiette, à vingt, quinze, & dix sols par an : l'arpent de pastis & prez en vſage, dix-huict deniers tournois par an : l'arpent de bois taillis en vſage, à trois sols tournois par an : & l'arpent de bois de haute fustaye aussi en vſage, à cinq sols tournois par an.

Et sur tout faut maintenir que la taxe desdits droicts est arbitraire, & se doit faire selon la varieté des temps, qualité & condition des personnes, & choses subiettes ausdits droicts, sans que Messieurs les Commissaires puissent estre astraits à certaines & determinées taxes.

Comme les roturiers & gens de main-morte, estans sur-taxe, se doiuent pourvoir, pour auoir moderation. Et qu'ils ne peuuent estre contraints par corps, au payement des droicts de francs-Fiefs, & nouueaux Acquests, ny pareillement leurs fermiers.

CHAPITRE LXXIII.

NOUS auons dit aux 6. & 66. chapitres du present Traicté, que le roturier est tenu bailler par declaration, les fiefs & autres heritages & droicts nobles qui luy appartiennent, avec les dependances d'iceux. Pareillement les gens de main-morte sont astraits bailler par declaration tous les heritages, tant feodaux, alaudiaux que roturiers qu'ils possèdent. A ce que sur leurs declarations, Messieurs les Commissaires puissent liquider les droicts de francs-Fiefs, & de nouueaux Acquests deuz au Roy. Toutesfois plusieurs roturiers, & gens de main-morte, n'ayans tenu conte de bailler declarations, afin de frauder le Roy de ses droicts de francs-Fiefs, & de nouueaux Acquests, ont faict informer de la valeur du reuenue annuel des fiefs possédez par les roturiers, & des heritages appartenans aux gens de main-morte, qui n'ont baillé aucune declaration, comme il a esté dit au soixante-huictiesme chapitre. Et sur ceste information on a taxé les droicts de francs-Fiefs & nouueaux Acquests deuz au Roy, lesquelles taxes souuent se trouuent excessiues. Pour ceste cause a-on demandé comme les roturiers & gens de main-morte se doiuent pourvoir contre telles taxes.

Pour de ce auoir ample cognoissance, est besoin voir les 13. & 23.

*Comme les
roturiers &
gens de main-
morte se
doivent pour-
voir pour
avoir mode-
ration des
taxes exces-
sives sur eux
faictes.*

chapitres du present Traicté. Et dire que le plus seur & plus brief est, que le roturier sur-taxé presente sa requeste à Messieurs les Commissaires, deputez par le Roy sur le faict des francs-Fiets & nouveaux Acquests. Par laquelle il remonstrera la valeur du reuenu annuel de son fief, & pour le iustifier, attachera à sa requeste la declaration des appartenances & dependances de son fief, affermera par procuration speciale ladite declaration contenir verité: aussi attachera les baux faicts de son fief, s'aucuns en a, ou bien attestation iudiciairement faicte avec le Procureur du Roy des lieux contenant l'estimation du reuenu annuel de son fief, & offrira si besoin est, verifier par telmoins le contenu en ladite attestation. Aussi s'il y a quelque partie des heritages taxez, qui soient en roture, & non en fief, ledit roturier le remonstrera & iustificera par escrit. Pareillement remonstrera que la taxe a esté faicte sur vne telle quelle information, à la confection de laquelle il n'a esté aucunement appellé pour voir iurer telmoins. Par ces moyens & autres qu'il pourra deduire, requerra moderation de la taxe ainsi sur luy excessiuelement faicte. Et sera bon que ledit roturier pour euidentement monstrier l'excés de ladite taxe, offre, consente & accorde que le Roy iouisse & prenne entierement à son profit le reuenu d'une année, ou d'une année & demie de son fief, appartenances & dependances d'iceluy: Et ce faisant, qu'il demeure quitte de la taxe sur luy faicte.

*Comme les
gens de main-
morte estans
sur-taxez
se doivent
pourvoir.*

Le semblable sera faict par les gens de main-morte, qui n'auront baillé declaration, & auront esté sur-taxez. Lesquels outre les moyens dessusdits, pourront remonstrer, qu'ils ont esté taxez pour le total des heritages qui leur appartiennent, que partie d'iceux leur ont esté amortis par le Roy, feront apparoir de leurs amortissemens deuëment verifiez, & requerront moderation de la taxe sur eux faicte. Estant certain qu'ils ne sont subiets au droict de nouveaux Acquests, pour les heritages qui leur ont esté deuëment amortis.

*Le roturiers
& gens de
main-morte
ne peuvent
estre con-
traints au
payement
des droicts
de francs-
Fiets, &
nouveaux
Acquests.*

Et en cet endroit conuient noter, qu'on ne peut contraindre le roturier, encores moins les gens de main-morte, par emprisonnement de leurs personnes, à payer les droicts de francs-Fiets & nouveaux Acquests, ainsi qu'on s'est efforcé faire par le moyen d'une lettre en forme de commission, seellée du grand scel, dattée du 3. Mars, 1578. Comme les droicts dessusdits n'estans pas plus prauilegiez que les droicts feodaux, seigneuriaux, & censuels, pour le payement desquels on ne peut contraindre par corps les vassaux du Roy, ny les nouveaux acquereurs, mais seulement peut-on saisir leurs fiefs, & les executer en leurs autres biens. Aussi les roturiers & paylans, ne sont contrainsts par corps au payement de la taille deuë au Roy, ny au payement des huitiesme & vingtiesme. Et n'y a que les fermiers qui ont contracté avec le Roy, Receueur & comptables dudit Seigneur, ensemble les Collecteurs des tailles, qui soient contraignables par corps au payement de leurs fermes, & reliqua de leurs comptes, non pas les redeuables ausdites fermes & droicts Royaux. Tellement que les fermiers n'ont pas telle contrainte contre leurs debiteurs, que le Roy a contre lesdits fermiers: ainsi qu'il a esté iugé par plusieurs arrests de la Cour

Cour des Aydes. Conformément à la disposition de droit, *in l. nemo carcerem, de exact. tribut. Cod. lib. 10. l. hi qui de conueniend. fisci deb. Cod. eodem lib. 1. sicum. C. de privileg. fisc. l. negantes. Cod. de act. & obligat. La cè tractat Ioannes Sanson, in consuetudinibus Turonum, titulo, des droicts de peages, article troisieme, lequel il conuient voir.*

Aussi par ce que dessus on peut cognoistre que pour le payement des droicts de francs-Fiefs & nouveaux Acquests, on ne peut saisir les biens meubles, appartenans aux fermiers ou mestayers des roturiers tenants fiefs, ny des gens de main-morte. Mais on peut seulement proceder par saisie, sur les deniers, grains & autres choses qui leur sont & seront deuz à l'aduenir par leurs fermiers ou mestayers. Ou bien faire saisir les heritages subiets ausdits droicts : ensemble les autres biens, tant meubles qu'immeubles, de ceux qui ont esté taxez, & n'ont payé les sommes portées par leurs taxes. Mais de contraindre les propriétaires, ou bien leurs fermiers par emprisonnement de leurs personnes au payement des droicts susdits, sous ombre de quelques lettres patentes d'olusement, subtilement, & obrepticement obtenues : c'est vn vray abus, qui ne doit estre toleré par les Parlemens & Cours souveraines du Royaume de France, conseruatrices de la Iustice, raison & equité. Et doit-on punir exemplairement les partisans qui obtiennent telles lettres sous la faueur de quelque grand.

Les fermiers ne peuvent estre exercez en leurs biens pour le payement des droicts de francs-Fiefs, & nouveaux Acquests.





INSTRVCTIONS ET

MEMOIRES, CONCERNANS LES DROIGTS

de francs Fiefs, nouveaux Acquests, Anoblissemens, &
Amortissemens, contenus és Ordonnances Royaux.

Pourquoy
les presentes
Instructions
ont esté dres-
sées.



POURCE qu'és Ordonnances Royaux, faictes sur le faict des rachapts des rentes constituées sur les maisons assises en la ville & faux-bourgs de Paris, & autres lieux circonuoisins, données le dernier iour de Iuillet, l'an 1438. au premier article d'icelles est contenu; Que toutes les maisons & heritages assises en la ville de Paris, & faux-bourgs d'icelle, à quelques personages qu'elles appartiennent, soiēt Eglises Collegiales, ou autres personnes: les propriétaires d'icelles maisons & heritages qui sont à present, ou qui seront pour le temps à venir, pourront rachapter lesdites rentes. C'est à sçauoir du denier, douze deniers. Et en vn article ensuiuant est contenu, qu'esdits rachapts ne seront point comprises les rentes deuëmēt amorties. On peut faire vne telle question. C'est à sçauoir, comment & en quelle maniere on doit entendre qu'une rente est deuëmēt amortie, & que par ce que deuëmēt sera amortie, elle ne doit estre dite rachepable. Et aussi ne puissent icelles Eglises ou Colleges, estre contraints par le Procureur du Roy, ne par les autres propriétaires d'icelles maisons & heritages, les mettre hors de leur main par default d'Amortissement. Pour l'entendement & declaration de laquelle question est à monstrier.

Premierement quelle chose est Amortissement, & quel profit il emporte à celuy à qui il est faict & octroyé: & quel dommage à celuy qui l'octroye. Et semble que l'on peut ainsi dire.

Definition
d'Amortis-
sement.

Amortissement est congé & octroy, que faict vn chacun Iusticier à College, ou à gens d'Eglise, de tenir aucun heritage en leur main à perpetuité, sans ce que par iceluy Iusticier, ne par autre, ayant cause de luy, ils puissent deslors en auant estre contraints à le mettre hors de leur main. Et par ce appert que cest heritage est amorty, au moins tant comme ledit heritage demeurera en la main de ladite Eglise & College, & non mie incommutablement. Car l'on tient que si le Roy ou autre Iusticier ayant à quelque Eglise ou College amorty, vne rente ou heritage: & depuis ledit Amortissement, icelle rente ou heritage par eschange ou vendition change de main, icelle chose demeurera non amortie.

Amortisse-
ment est de
faict.

De ceste presumption s'ensuit ce corrolaire, qu'Amortissement est de faict, & *requiritur ad amortisationem actus*. C'est congé & octroy que faict aucun Iusticier, &c. Et n'est mie vne tolerance, patience, ou negligence, comme l'on diroit d'un debteur, qui par laps de tēps & negligence de son creancier, acquiert prescription & franchise de sa debte. *Quia negligentia creditoris nihil ponit nec est facti*. Autre chose seroit si le creancier passoit

quittance à son débiteur, & faisoit paction avec luy, *de non petendo*. Car telles quittances ou pactions sont de faict. Ainsi est-il à nostre propos. Car Amortissement qui est congé & octroy d'aucun Iusticier, requiert le faict d'iceluy, qui amortit, & faut que luy en baille lettres. Ce presuppposé, semble sous correction, & pour ouvrir & clarifier ceste matiere, que l'on peut mettre trois conclusions ou propositions telles.

Trois conclusions touchant les Amortissements.

La premiere, qu'aucune chose n'est, & ne doit estre tenuë ou reputée pour deuëment amortie, si elle n'est amortie du Roy, & par ses lettres en forme de chartre.

La seconde, que la chose amortie du Roy, & par ses lettres en forme de chartre, n'est mie deuëment amortie, si la chartre n'est expediee en la Chambre des Comptes.

La tierce, par quelque longueur de temps, que gens d'Eglise, Colleges, ou autres, ayent tenu & possédé aucune rente, ou heritage, sans auoir eu du Roy lettres d'Amortissement, expediees en la maniere que dit est, ils ne peuvent auoir acquis prescription contre le Roy, tellement qu'icelle rente ou heritage, soit ou doieue estre tenu & reputé deuëment amorty.

Et ces trois conclusions prouuées & demonstrees, apparoiſtra assez solution à la question cy-dessus proposée. Et tout sous correction. Car mon intention n'est mie de soustenir pertinacement leſdites propositions: Mais les ay mises seulement pour ouvrir ceste matiere,

Quant à la premiere conclusion, qui est telle, Qu'aucune chose n'est, & ne doit estre tenuë ou reputée pour amortie, si elle n'est amortie du Roy, & par ses lettres patentes en forme de chartre, ceste conclusion ou proposition contient deux poincts.

Deux poincts resultans de la premiere conclusion.

Le premier, qu'aucune chose n'est, & ne doit estre reputée pour deuëment amortie, si elle n'est amortie du Roy.

L'autre poinct, qu'auant que la chose soit tenuë pour deuëment amortie, il faut que ledit Amortissement soit fait par la lettre ou chartre du Roy.

Quant au premier poinct, il peut estre persuadé ou demonſtré en deux manieres. L'une par raison, & l'autre par Ordonnances Royaux. Par raison peut estre monſtré en ceste maniere. Aucun ne peut ou doit, selon droit & raison perdre ce qu'il a en la chose, si ce n'est de son gré, ou consentement, ou par sa faute & coulpe. Or est ainsi, que le Roy a droit, en & sur toutes les choses qui sont en son Royaume, & par consequent il ne peut, & ne doit perdre le droit qu'il y a sans son gré & consentement, ou par sa faute & coulpe. Or est ainsi qu'Amortissement est vn droit qu'aucun a en la chose qu'il amortit: comme appert par la presupposition dessusdite. Doncques ne peut aucune chose estre tenuë ou reputée pour deuëment amortie, ne le Roy pourroit pour quelconques Amortissements perdre son droit qu'il a en icelle, si elle n'est amortie de luy, & qu'il luy ait donné son consentement.

Preuve de la premiere conclusion, que le Roy seul peut amortir par ses lettres de chartre.

La majeure de ceste argumētation n'est de droit, mais la mineur. C'est à ſçauoir que le Roy a droit en, & sur toutes les choses qui sont en son Royaume, appert assez. Car premierement, comme dit la loy, *Omnia sunt principis*, c'est à ſçauoir, *quantū ad superioritatē vel protectionē*. Secondement pour mieux entēdre, se peut ainſi declarer. Il est chose certaine que toutes

Le Roy a droit en & sur toutes les

choses qui
sont en son
Royaume.
Omnia sunt
principis,
comme s'en-
tend.

Pourquoy le
Roy seul
peut amor-
tir.

Les Prelats
ne peuvent
amortir les
droicts de
l'Eglise.

les seigneuries, terres, rentes & possessions quelconques, estant en ce Roy-
aume: si elles ne sont tenuës amorties, ou ayent esté affranchies par aucun
pruilege, sont tenuës & mouuantes du Roy, en fief, ou en arriere-fief, en
censue, ou arriere-censue, & en quelque maniere qu'elles soient tenuës,
n'est point de doute, que le Roy, ait droict ou profit. Car si la chose est te-
nuë nuëmēt en fief ou en censue du Roy. il y a droict de lots, ventes, cen-
sue, amēde, relief, rachapt, & quint denier, selon la maniere du cas, & quād
il y eschet. Et semblablement si la chose est tenuë du Roy en arriere-fief,
ou en arriere-censue, il n'y a aussi point de doute qu'il n'y ait ou puisse
auoir droict ou profit en maintes manieres. Car si le vassal qui tiēt du Roy,
sans moyen ne faict son deuoir enuers luy, le Roy peut mettre & assigner
sa main au fief de son vassal, & en tout ce que de luy est tenu en fief, cen-
sue, arriere-fief, ou arriere-censue. Et doncques puis que le Roy a droict à
toutes les choses qui sont en son Royaume, tant par la maniere que dit est,
comme pour cause de confiscation, & en plusieurs autres manieres, qui
seroient longues à reciter: & ne peut perdre son droict, sans son gré & con-
sentement, ou au moins sans sa faute ou coulpe, comme il est assez mon-
stré. Il s'ensuit que nul ne peut amortir deuëment en son Royaume, & ne
peut aucune chose estre dite deuëment amortie, si elle n'est deuëment
amortie du Roy. Car si le vassal du Roy pouuoit deuëment amortir sans
le Roy, il osteroit au Roy par ce moyen ses droicts dessusdits, sans son gré
& consentement, & sans sa faute & coulpe, qui seroit contre raison, com-
me dit est. Et n'est pas de merueille si vn Prelat, ou vn Seigneur temporel,
ne peut deuëment amortir au preiudice du Roy, & sans son consentemēt.
Car Amortissement est quitation & remission de son droict, cōme dit est.
Et si vn Prelat, ou vassal du Roy, pouuoit donner & amortir son temporel,
ou amortir celuy de son vassal, n'y a point de doute qu'ils seroient moins
puissans à faire & prestre au Roy, les droicts & seruices que tenus y sont
de faire. Et si les choses chcoient en regale, en relief, ou redcuance ouuer-
te enuers le Roy, son profit en seroit moindre, & en conclusion pourroit
estre nul. Car si simplement ils pouuoient amortir au preiudice & sans le
consentement du Roy, ils pourroient finalement amortir la totalité de
leurs tenemens par parties: *Quia ius quod est de parte ad partem, idem est de
toto ad totum.* Et à ce propos est pieça faicte l'Ordonnance du Roy, qui dit,
*Quod non licet eis aliquid facere per quod seruitia sua possent hu. usmodi processu
temporis defraudari.* Et que droit on d'une Eglise qui auroit esté fondée par
vn des Roys de Frāce, ou autre Seigneur du Royaume, & doiïée de beaux
droicts seigneuriaux, & chargée de plusieurs seruices, pour l'ame du fonda-
teur, de ses predecesseurs, & successeurs, & aussi d'autres seruices tempo-
rels, le reuenu de laquelle Eglise seroit principalemēt en seruitutes d'hom-
me, & de femme, & de corps, & en prendre l'argent. Certes il n'est aucun
de sain entendemēt, qui deust dire, que le Prelat le puisse ainsi faire: & que
ledit affranchissement vaille & doïue tenir au preiudice du Roy, de ladite
fondation, & sans le commandement du Roy. Semblablement peut-il, &
doit estre entendu en matiere d'Amortissement: & que tels Amortissemens
ne peunēt & ne doiuent sortir aucun effet au preiudice du Roy. Et encores
peut estre monstré par autre raison & similitude. Il est notoire que si

vn vassal sans le congé de son Seigneur charge son fief d'aucune rente, ou autre chose, & le vassal le forfait: En ce cas, le Seigneur de qui la chose est mouuante, prendra son fief plainement sans ladite charge. Et qui plus est, si vn vassal tenāt son fief du Roy du Duché de Normādie, charge son fief d'aucune rente, sans le congé ou consentement du Roy: ladite charge est incontinent acquise au Roy, pour cause de charge de fief: supposé qu'il n'y ait point de confiscation. Et par plus forte raison le vassal en amortissant ce qui est de lay tenu, ne peut faire preiudice au Roy, qu'il ne puisse contraindre le possesseur de la chose par son vassal amortie, à la mettre hors de ses mains par défaut d'Amortissement: & en prendre confiscation, si elle y escheoit. Et par ainsi n'est pas chose deuēment amortie, si elle n'est amortie du Roy.

Le vassal ne peut charger son fief au preiudice du Seigneur féodal.

Aussi se peut la proposition deuant dite prouuer & monstrer par Ordonnance & instruction, mesmement par Ordonnance & instruction Royale, faicte du tēps du Roy Charles le Quint, le 8. May, l'an 1372. enregistrée au 72. feuillet des Ordonnances de Parlemēt, en laquelle Ordonnance est cōtenuē vne clause, dont la teneur est telle. Item au Roy seul, & pour le tout, appartient amortir en son Royaume, à ce que les choses puissent estre dites amorties. Et supposé que les Barōs & autres Seigneurs sujets du Roy, amortissēt, pour tāt cōme il leur touche, & qui est tenu d'eux: toutes fois ne peuēt & ne doiēt les choses par eux amorties, auoir effet d'Amortissement, iusques à ce que le Roy les amortisse. Mais peut le Roy faire contraindre les possesseurs à les mettre hors de leurs mains dedās l'an, & icelles mettre en son domaine s'ils ne le fōt.

Ordonnance de Charles le Quint, sur les Amortissements.

Or venons à mōstrer le deuxiesme poinct de nostre premiere proposition. C'est à sçauoir, que l'Amortissement du Roy n'est pas deuēment faict, s'il n'est faict par les lettres en forme de chartre: & ce peut estre legitimemēt mōstré par raison, style & vsage. Par raison ce peut-on monstrer en telle maniere: Il est chose certaine, cōme les sages le tesmoignēt, & chacun le voit en soy par experience, que la memoire de l'hōme est moult fluxible, & tost decoulable.

Vn heritage ne peut estre amorty sans lettres en forme de chartre.

Car les choses veuēs & ouyes legerement, se departent de la memoire, & en lieu de ce, y entre ignorāce, qui est mere d'oubliance, si le remede des lettres & d'escriture n'y est ajousté. Pour ce dit Isidore en son premier liure des Etymologies, au chap. des lettres, *quod vsus literarū repertus est, propter memoriam rerū visarū: nam ne obliuione fugiant, literis alligāt, litera namq; sunt indices rerum, & signa verborū.* Si est-il donc tres-conuenable chose, si le Prince dōne & octroye aucun Amortissement, qu'il soit mis & redigé par escrit, *ad perpetuā rei memoriā.* Et combien qu'il soit de petit profit, & generatif de troubles & perplexitez: par don, octroy, ou aduertissement, faict par le Prince, de discussion & cognoissance d'iceluy, demurerait seulement és oreilles de tesmoins de petite valuē & vie, qui presens auroient esté audit octroy faire, & certes humaine sapience y auroit pertinēmēt ouuré, si elle n'auoit trouué autre remede. Mesmement *Principem qui ius est, & lex animata in terris, quiq; in pectoris scrinio iura gestat, saepe iuris legumque fallit obliuio atque facti.* Et pource prudence humaine a tres-sagement ouuré, quand elle a premierement trouué l'vsage des lettres & chartres, pour telle chose mettre en escrit, & obuier aux incōueniens dessusdits. Et en ensuiuāt laquelle prouision trouuée par humaine prudēce, & de tout temps, au moins de tel & si long-temps qu'il n'est memoire du contraire, est gardé & obserué: que telles graces & Amortisse-

L'escriture est necessaire pour la memoire des choses.

Princeps est lex animata in terris.

ment, quand octroyées sont par le Roy, il commande à vn de ses Notaires qu'il les redige par escrit, puis le signe de son seing manuel : & pour plus grand tesmoignage de verité, y est mis & apposé le seel du Roy.

Or voyons doncques si ceste prudence humaine, laquelle ensuit vsage & style, a point plus sagemēt ouuré de trouuer que tels Amortissemēs soient redigez par escrit, par la maniere que dict est : que si la chose fust demeurée es oracles seulement de ceux qui presens auoient esté ausdits Amortissemens octroyez, & nous trouuerons qu'ouy. Et qu'à peine pourroit-on mieux faire. Et regardōs par tous les poincts dessusdits, de quoy vn chacun sert & profite.

Forme des lettres d'Amortissemēt, ce qui est exprimé en icelles, & signifié par icelles.

Premieremēt, la chartre est de si lōgue durée, que si elle est bien gardée elle dure merueilleusemēt & long-tēps sans corruption : & si par trop grād cours de temps elle empirait, on la pourroit renouueller par le Prince, qui pour le tēps seroit, & y seroit aussi grāde foy adioustée en ce cas, cōme quād premieremēt fut octroyée. En ceste chartre pour la certitude des choses, est exprimé & escrit, premieremēt le nom du Roy qui octroye les manieres, les causes & cōditiōs, cōment, & à qui il veut la chose estre amortie, l'an de la Natiuité de N. Seign. l'an de son regne, & auquel ce fut octroyé. Apres est mis & subscript le nom & signe du Notaire Royal, qui est de si grāde dignité, efficace & vertu, que tout ainsi qu'aux escrits des quatre Euāgelistes, & de chacū d'eux on croit plainemēt, des faicts & de la doctrine de N. Seign. Iesus-Christ, tāt cōme il conuerſa en terre avec les hommes : Aussi croit-on, & adioste-l'on foy pleniēre, aux Notaires Royaux, & à chacū d'eux, des choses qui cōmādées leur ont esté de par le Roy. Apres ceste chartre est tesmoignée par le Chancelier, qui en la marge d'icelle en bas escrit, & met de sa main ce mot, *Visa*, & apres y est mis le las, ou corde de soye, de plusieurs couleurs, & en certaine quātité, du fil d'une couleur & d'autre : pour obuier aux fraudes qui se pourroient faire par ceux qui y voudroient mettre faux seaux. Et apres & dernieremēt y est mis le grād seel & cōtre-seel du Roy, auquel grād seel, est empreinte la figure du Roy, & de sa Majesté Royale, sa Courōne sur son chef, & le sceptre Royal en sa main, ou autremēt, selon ce que le Roy s'est voulu faire représenter en son seel. Ses armes aussi sont deuāt & derriere, & si y est son nō, le tiltre, & la circōference dudit seel. Lesquelles choses ainsi faictes, demonſtrēt claiemēt que le Roy veut lors, ledit Amortissemēt auoir & sortir plein effet, & non autremēt. Car (cōme dit est) la chartre y est premieremēt, en laquelle il parle, & recorde son octroy, le seing du Notaire y est, le seel auquel est l'empreinte, le nō, & les armes du Roy, son vouloir, & son intētiō en toutes les œuures que mieux faire se peut. En cōclusiō y est la corde de soye, qui

Que signifie le las de soye estant es lettres patentes du Roy.

lie l'empreinte du corps du Roy, avec sa parole. Pour monſtrer que parole de Prince, qui est ainsi liée, doit estre obseruée, & à tousiours tenuē, sans enfreindre. Et ce que dit est suffit, sous correctiō, pour mōſtrer que l'Amortissemēt du Roy n'est pas deuēment faict, s'il n'est faict par ses lettres en forme de chartre. Et par cōsequēt suffit de la premiere cōclusion dessus proposée, qui porte, qu'aucune chose n'est, & ne doit estre reputée pour deuēment amortie, si elle n'est deuēment amortie du Roy, & par ses lettres en forme de chartre.

Preuve de la seconde cōclusion.

La secōde cōclusion ou propositiō estoit, que la chose amortie par le Roy, & par ses lettres en forme de chartre, n'est mie deuēment amortie, si la chartre n'est expediee en sa Chābre des Cōptes. Et ceste cōclusion ou propositiō,

se peut monstrier par raison, & par Ordōnance, ou institutions Royaux. Premieremēt par raison, & pour ce monstrier. Est à sçauoir (cōme dit est dessus) que le Roy en amortissant pert & quitte les droicts seigneuriaux qu'il auoit en la chose qu'il amortit, & pource a-il bien accoustumē pour raison de son interest prēdre finance : mesme auparauant l'an 1402. au mois d'Octob. auquel tēps le Roy Charles VI. dernier trespaslé (que Dieu absolve) fit son ordonnance; Et ordōna que d'oresnauāt toutes persōnes de quelque estat ou cōditiō qu'ils fussent, qui voudroient impetrer & obtenir, impetreroient & obtiendroient de luy les lettres d'Amortissēmēt d'aucunes terres, rētes, & possēssiōs: seroient tenus de luy bailler, & bailleroient reaumēt, & de faict, auāt la verification & enterinemēt de leursdites lettres, au profit & accroissēmēt de son Domaine, la tierce partie d'autāt cōme vaudroient & mōteroient les rētes & possēssiōs qu'il leur auroit amorties ou amortiroit cōme dit est. Laquelle tierce partie, ils seroient tenus bailler & assigner en rentes & possēssiōs, assises sous le Roy, & en sa terre, Seigneurie & Iustice, sans moyē: cōme plus à plain la dite Ordōnance le cōtient. Et aussi est à sçauoir, qu'aucūs Amortissēmēs ont esté faicts par les Roys de Frāce, pour fondatiōs d'Eglises, ou certains serui- ces pour eux, & de terres ou Seigneuries de leurs Domaines, limitēes & declarēes és lettres d'Amortissement: comme de telle terre, ou telle Seigneurie, en quelque valeur qu'elle fust, ou peust estre, ou en telle valeur, & iusques à telle somme, ou sans finance. Aucunes-fois pour autre, que pour lesdits Roys de Frāce, & de dix ou vingt liures, plus ou moins, qui sont declarez. Et aucunes- fois de vingt, quarante liures, cent liures, plus ou moins, acquises ou à acquerir, sans fief & sans Iustice, ou en fief & Iustice, sans aucune chose declarer, & en plusieurs autres manieres, qui seroient longues à declarer.

Ce presuppōsé est à mōstrier, qu'en quelconques des manieres dessusdites, ou autres, l'Amortissement soit faict: il cōuient de necessitē dire auant qu'il puisse sortir son effect, qu'il soit expedié par ladite Chābre des Comptes. Et premieremēt que le Roy vueille fōder vne Eglise, ou autre College pour luy, & le vueille douer d'une terre ou Barōnie de son Domaine, avec les appartenances & dependances quelconques, en quelque valeur qu'elle soit, & sans finance. *in quo casu minus videtur esse dubij*, & que sur ce le Roy baille les lettres d'Amortissēmēt: Si cōuient-il dire necessairemēt en bōne raison, qu'auāt qu'elles ayēt aucun effect, elles doiuent estre expediées par la Chābre des Cōptes. Car premieremēt telles lettres s'adressent à eux. *Secūdō*, il cōuient que les Gens des Cōptes mādent au Bailly & Receueur du lieu, où ladite Barōnie est assise, que l'on laisse ladite Eglise ou College, iouyr de ladite Barōnie, & que ledit Receueur en face mētion en son prochain cōpte, & l'oste d'oresnauāt de ladite recēpte. *Tertiō*, la Chābre des Comptes est le droit registre, & repertoire du Domaine du Roy. Et si vne telle lettre n'y estoit registrée, & au temps aduenir estoit questiō, cōment ladite Barōnie seroit ostée du domaine du Roy, on n'en sçauoit parler, qui seroit chose hōteuse. *Quartō*, le Roy ne peut pas sçauoir la nature de toutes les terres & seigneuries de son domaine, si pourroit telle chose dōner, qu'il ne pourroit ne voudroit mettre hors de son domaine, s'il en estoit aduertty. Car le Roy a plusieurs terres & seigneuries, qui par priuileges ne peuuent & ne doiuent estre mises hors de ses mains, ne de la Courōne de Frāce: & de telles choses doit la Chābre des

Que les lettres d'Amortissement doiuent estre verifiées en la Chābre des Comptes. Ordonnance de Charles VI. de bailler au Roy le tiers de la valeur de la chose amortie.

Diverses formes d'Amortissement.

Pourquoy les lettres d'Amortissement doiuent estre verifiées en la Chābre des Comptes.

La Chābre des Comptes est le vray repertoire du Domaine du Roy.

Cōptes aduertir le Roy, quand le cas y eschet. *Quintò*, par les Ordonnances Royaux, vſage, & ſtile notoirement gardez en la Chancellerie de France, & de l'audience: Aucunes telles lettres cōme Amortiffemēs, legitimations, nobilitations, manumiffions, & autres ſemblables, doiuent eſtre & ont accouſtumé eſtre enuoyées ou portées en ladite Chābre des Cōptes, par l'Audiēcier ou autre de par luy: & illec en doiuent les parties venir requierir l'enterinement. Et quād ils requierēt, & elles ſont raisonnables, & les parties ont finé au Roy de ſon droit, elles ſont expediées, ou ſinon elles ſont retenues, & demeurent illec. Et encores y en trouuoit-on deux ou trois coffres pleins de telles lettres, qui oncques ne furēt expediées. Et ſi elles euſſent eſté deliurées aux parties à l'audiēce, & ſans les porter en ladite Chābre, ils les euſſent gardées en leurs coffres, & par lōgueur de tēps euſſēt maintenu icelles auoir ſorty leur effect. Et meſmemēt le Roy Charles V. ſçachāt leſdites Ordōnances, vſage, & ſtil, qui auoit entendu, que cōtre leſdites Ordōnances, M. Eustache de Mortāt Audiencier, & Jean de Colōbiers Cōtroolleur, par vertu de certaines lettres cloſes ou autrement, auoiēt de leur volōté, deliuré à M. Jean Paſtourrel lors Pretidēt lay de la Chābre des Cōptes, & à ſon gēdre, certaines lettres de Nobilitatiō, ſans les porter en ladite Chābre, en reprint bien aſprement leſdits Audiēcier & Cōtroolleur, & leur deſedit par ſes lettres dōnées l'an 1368. le 21. iour de Iuillet, que plus ne le fiſſent: Mais portaſſēt toutes telles lettres en ladite Chābre des Cōptes, ſur peine de recouurer ſur eux la fināce que deueroient icelles lettres: cōme il eſt regiſtré au liure *D. fol. 93.* Par ces railons & toutes autres que l'on pourroit amener, qui ſubtilement y voudroit pēſer, peut

Si le Roy pour la fondatiō d'une Eglise fait donner quelque terre, les lettres doiuent eſtre verifiées en la Chābre des Comptes.

Cōmiſſaires anciens n. ent deputez pour le fait des Amortiffemens.

on raisonnablement dire & maintenir qu'au cas deſſus propoſé: C'eſt à ſçauoir quād le Roy veut faire vne fondation pour ſoy, les lettres de ſon Amortiffement ne peuuent & ne doiuent ſortir effect, ſi elles ne ſont expediées par ladite Chābre des Cōptes. A plus forte raiſon peut-on dire, que par les autres manieres d'Amortiffement deſſus touchées, c'eſt à ſçauoir quād le Roy amortit vne terre ou heritage en certaine valeur, en fief & baillie Juſtice, & ſans fief & ſans Juſtice ſous certaines cōditions, & reſeruatiōs, en baillāt fināce ou payāt le tiers, ſelon les inſtructions: toutes leſquelles choſes chéent en diſcuſſion & cognoiſſance de cauſe. Tels Amortiffemens & ſemblables ne peuuent ſortir aucun effect, iuſques à ce que tout ce ſoit cogneu, & que les lettres ſoiēt expediées en ladite Chābre. Et ce eſt tout clair à voir à ceux qui voudroient faire, par toutes les manieres des Amortiffemens deſſus touchez, & autres ſemblables. Et par ce que dit eſt aſſez ſemble demōſtrer, la ſecōde cōcluſiō ou propoſitiō: qui cōtient que la choſe amortie du Roy, & par lettres en forme de chartre, n'eſt mie deuēment amortie, ſi la chartre n'eſt expediée en la Chābre des Cōptes: ou par autres à ce commis & deputez de par le Roy. Car les Roys de France ont aucunesfois cōmis & deputez trois ou quatre notables perſonnages ſur le fait de leur Domaine iuſques à deux ou trois ans, & leur ont donné puiſſance de verifier & expedier Nobilitations, Manumiffions, Legitimations, Amortiffemēs, & autres lettres qui doiuent finance. Et leur cōmiſſion faillie, eſtoit tout ce qu'ils auoiēt fait, renuoyé & porté en ladite Chābre des Cōptes. Et pource eſt entendu, que ce que par leſdits cōmis auoit eſté fait en ceſte maniere d'Amortiffement, ſeroit & ſoit de tel effect, comme ſi ſi auoit eſté en ladite Chambre des Comptes.

Reſte

Reste maintenant à demonstrier & enseigner la troisieme & derniere proposition, qui est telle. Par quelque longueur de temps, que gens d'Eglise, Colleges, ou autres ayent tenu & possédé aucune rente, ou heritage, sans auoir lettres du Roy d'Amortissement, expedies en la Chambre des Comptes : ils ne peuuent auoir acquis prescription contre le Roy, tellement qu'icelle rente ou heritage soit ou doieue estre tenuë ou reputée deuëment amortie. Et ce peut estre monsté en plusieurs manieres.

Premierement, car comme dit est deuant, Amortissement est de faict, & ne peut aucune chose estre dictée deuëment amortie, si elle n'est amortie par lettre du Roy, expediee en la Chambre des Comptes (comme dit est.) Toutes lesquelles choses sont de faict, & ne met-on prescription en aucune chose de faict, contre celuy contre qui on prescrit. *Quia prescriptio est iuris, & non facti.* D'ocques prescription ne peut acquerir droit d'Amortissement. Secondement, car supposé ores, sans rien confesser, que gens d'Eglise, Colleges, ou autres peussent par prescription acquerir droit d'Amortissement: toutesfois ce seroit es cas où ils auroient eu bonne foy, & non autrement. Car selon les Saints Canons, selon lesquels gens d'Eglise, qui sont gens de conscience, se doiuent regler, *male fidei possessor nullo tempore prescribit.* Or ont les gens d'Eglise, en cuidant prolonger le temps pour acquerir droit d'Amortissement, tousiours eu mauuaile foy.

Preuve de la troisieme conclusion, qu'on ne peut prescrire contre le Roy le droit d'Amortissement.

Et le peut-on monstrier à commencer mesme du temps de saint Louys, qui commença à regner l'an mil deux cens vingt-six. Lequel en son temps fit constitution & ordonnance sur le faict des Acquests faits par gens d'Eglise. Et est à penser que semblablement auroient fait ses predecesseurs Roys de France, iacoit ce que par longueur de temps, & par diuerles mutations on ne puisse à present trouuer les ordonnances. Par lesquelles entre autres choses il voulut & ordonna, que toutes manieres de gens d'Eglise, Colleges, ou autres, pour les acquisitions par eux faictes depuis trente ans, & qui n'estoient amorties, payassent finance à son Thresor. C'est à sçauoir de la valeur annuelle d'icelle chose, deux, trois, quatre ou cinq années, plus ou moins, selon ce que lesdites choses estoient tenuës d'iceluy plus ou moins. Et furent lesdites Ordonnances publiées par tous les Baillages de ce Royaume. Tellement qu'aucun ne deuoit ou pouuoit pretendre en ce, iuste cause d'ignorance.

Ordonnance du Roy S. Louys sur les nouveaux Acquests faits par les gens d'Eglise.

Après ledit Roy saint Louys, vint Philippes son fils, qui commença à regner l'an 1275. pour contraindre lesdits gens d'Eglise, Colleges, & autres, à payer finance des acquisitions par eux faictes, sans l'assentement de luy ou de ses predecesseurs, de trente ans auparauint la publication de ladite Ordonnance, selon la forme & teneur d'icelle. Et ladite ordonnance fait, au regard des choses acquises parauant la datte d'icelles, & non mie pour le temps lors aduenir. Car il auoit intention d'y pouruoir autrement, comme portoit ladite Ordonnance. Laquelle est appellée, *Vetus ordinatio Domini Philippi*, & commence, *Ecclesiarum Utilitati & subiectorum quieti*, qui est enregistrée en plusieurs liures de ladite Chambre des Comptes. C'est à sçauoir *libro signato † fol. 53. libro Pater fol. 143. & lib. A. fol. 85.*

Ordonnance de Philippe le Hardy fils de S. Louys.

Ordonnan-
ce de Phi-
lippes le Bel.

Après ledit Roy Philippes, vint le Roy Philippes le Bel son fils, qui commença à regner l'an 1286. Lequel semblablement fit son Ordonnance en ceste matiere, en son Parlement de Toussaincts, l'an 1291. En laquelle il voulut & ordonna que des acquisitions non amorties, faictes par gens d'Eglise, Colleges, & autres, sans l'assentement de luy ou de ses predecesseurs, de trente ans auparavant l'Ordonnance faicte par son pere Philippes deuant dit, qui comme dit est, fut faicte l'an 1275. ils finassent selon la forme & teneur de la constitution de sondit feu pere. Mais au regard des acquests par eux faits, depuis ledit an 291. comme dit est, il voulut & ordonna qu'ils finassent autrement, selon la forme & teneur de sadite constitution: Et au regard des acquisitions que de là en auant ils feroient, il reserua par sadite Ordonnance, à y ordonner selon l'exigence des cas: laquelle Ordonnance est intitulée, *Noua ordinatio*: Et commence, *Pro Ecclesiarum utilitate, & subiectorum nostrorum quiete*. Et registrée audit liure *E. fol. 55. & lib. A. fol. 85*. Item ledit Roy Philippes le Bel, par ses lettres données le 25. iour de Iuillet, l'an 1310. registrées audit liure *A. fol. 140*. adressantes au Seneschal de Ponthieu, reuoqua tous Commis & deputez sur le faict de releuer arrearages des finances à luy deuës, iusques à la datte de la commission, exceptez entre autres ceux qui depuis vn an auoient esté enuoyez sur les finances des Nouveaux Acquests.

Des trois
enfants de
Philippes le
Bel.

Après ledit Roy Philippes le Bel, qui trespassa l'an 1314. regnerent ses trois enfans, l'un après l'autre, Louys, Philippes, & Charles, iusques au iour de la Chandeleur 1327. Lesquels, au moins Philippes & Charles l'un après l'autre firent des Ordonnances & diuerses proclamations en ceste matiere pour contraindre les gens d'Eglise, à finer pour les acquisitions faictes sans l'assentement d'eux & de leurs predecesseurs Roys de France. Mais du Roy Hutin n'est aucune chose trouuée. Car il vesquit tres-peu, & trespassa le 5. iour de Iuin, l'an 1316.

Ordonnan-
ce de Phi-
lippes le Long.

Audit Roy Louys Hutin succeda son frere Philippes, qui fut le Long. Qui par ses lettres données le 24. iour de Feurier, l'an 1316. registrées au liure *A. folio 105*. narratiues des constitutions & Ordonnances faictes par ses deuanciers sur le faict des acquisitions faites par gens d'Eglise: lesquelles ils estoient tenus mettre hors de leurs mains dedans vn an, dont plusieurs auoient esté negligens, mesmement au Baillage de Sens. Mandé pour ces causes, & commandé à maistre Hugues Colombiers, qu'il le transportast audit Baillage, & s'enquist des acquisitions, & aussi des Eglises seans en Regale, & sur lesquelles le Roy auoit aucuns deuoirs, sur ceux qui auoient aliené aucunes choses de leurs domaines. Et ce qu'il trouueroit ainsi aliené, ou auoir esté acquis par lesdites Eglises, prenne & mette en la main du Roy, & en leue les fructs à son profit. Et au regard des fructs que lesdits gens d'Eglise en auoient leué depuis lesdites Ordonnances, & commandemens à eux faits, les contraigne à iceux luy rendre. Et neantmoins s'aucune composition de finance est faicte, elle nenne, exceptez en ce regard les fiefs & possessions notables, à quoy le Roy ne vouloit pas qu'ils fussent par lesdits Commis receus, mais en reseruoit la cognoissance à luy, ou à ses Gens des Comptes.

Après ledit Philippes le Long, qui mourut l'an 1321. regna son frere Charles, qui l'an 325. feit certaines instructions enregistrees *libro Pater, folio 147. & libro A. folio 120.* au commencement desquelles est contenuë la clause qui s'ensuit. Item chacun Bailly fera crier publiquement & sollemnellement par la Baillie, que ce que les Eglises, ou personnes non nobles, acquierront d'oresnauant en nos fiefs ou arriere-fiefs, si comme dessus est dict, sans nostre consentement, s'ils le tiennent par an & iour sans finer à nous ou à nos Gens à ce establis, l'an & le iour passez, il sera du tout acquis & confisqué à nous. Lesquelles instructions furent renouvelles aussi par la Chambre des Comptes, l'an 1329. Comme il est escrit audit liure *Pater, fol. 9.*

Ordonnance de Charles le Bel.

Item, ledit Roy Charles fit vne Ordonnance l'an 1326. par laquelle il voulut finances estre leuées des acquests faits par gens d'Eglise, depuis trente ans parauant la maniere illec contenuë. Pourueu que ladite Ordonnance ne s'estendroie point aux alienations, lesquelles on pourroit sauoir sans delay, estre si griefues & dommageables au Roy, qu'il ne les deuoit point tolerer. Laquelle Ordonnance ledit Roy Charles reiterra au mois de Ianuier, l'an dessusdit, & l'extendit aux acquests faits de quarante ans parauant, comme il est registre au liure T. fol. 12. Et illec sont les instructions lors enuoyées à tous les Commissaires sur ledit faict.

Le Roy Philippes de Vallois qui vint apres ledit Charles, auoit ses Commissaires sur ledit faict l'an 331. mesmement. Car par les lettres données le 15. de Ianuier, 1331. appert qu'il donna à son cousin, Louys Duc de Bourbon, Comte de Clermont, pour celle fois seulement, tout le droit & action qu'il auoit es finances, sur le faict desdits nouueaux acquests, en toute la Comté de Rhodés & appartenances d'icelle, de tout le temps passé, & de la datte d'icelles lettres, iusques à Carême-prenant, l'an 1332. Et manda à ses Commissaires sur ledit faict, que tout ce qu'ils en auroient receu de luy, payassent audit Louys de Bourbon. Comme il appert par les lettres enregistrees au liure B. fol. 88. Item audit liure B. fol. 93. & 94. sont les Ordonnances sur ledit faict, qui furent enuoyées en la Chambre des Comptes, par ledit Philippes de Vallois, sous son signet. Esquelles est declarée la maniere de leuer les finances sur lesdits gens, & des contraintes qu'il vouloit pour ce estre faictes. Et autre chose n'est trouuée dudit faict es registres de ladite Chambre des Comptes, du temps des Roys Philippes de Vallois, & Ieā son fils. Et la raison peut estre: car depuis l'an 336. iusques à l'an 368. ou enuiron, le Royaume de France estoit tout plein de gens d'armes, & sont les registres dudit temps, tous pleins de faicts de guerre, de mutation de monnoyes, & de subsides qui furent faits au temps dessusdit.

Ordonnance de Philippes de Vallois.

Le Roy Charles le Quint qui commença à regner l'an 1364. fit son Ordonnance sur le faict des acquests faicts par gens d'Eglise, & personnes non nobles, le 15. iour de Nouëb. l'an 1370. enregistree au liure D. fol. 102. Par laquelle il voulut & ordonna que toutes manieres de gens d'Eglise, pour leurs acquisitions faites, *quocunque titulo*, depuis quarante ans, iusques au tēps de ladite Ordonnance seroient contraints payer finance plus ou moins, selon ce qu'elles estoient tenuës du Roy, sans moyē, ou par diuers moyēs. En laquelle Ordonnance qui s'adresse à tous Commissaires, sur le faict desdits

Ordonnance de Charles le Quint.

Acquests, est contenuë vne clause telle. Item pro rebus & possessionibus per dictas gentes acquisitis, titulo emptionis, doni, legati, vel eleemosynæ, aut quocunque alio titulo in locis in quibus habebant omnimodam iustitiam, altam, mediam, & bassam, monstratam & legitimè probatam, summarie & de plano, de fundatione Ecclesiæ, &c. De quibus feudalibus per eos acquisitis in locis ab eis mouentibus sine medio, legitimè probatis ut supra, quæ iuste habebant ex fundatione Ecclesiæ, vel privilegio, aut prædecessoribus nostris, exigatis pro iisdem precium vel valorem fructuum, & estimationem rei sic acquisitæ & estimata ut supra, quatuor annorum dumtaxat. Item, vne autre clause telle. Item pro redditibus & possessionibus, quos & quas gentes Ecclesiastica, & ignobiles acquisierunt, prout dictum est, qui dictas acquisitiones fecerunt, & rebelles ad sciendum, ut id per eorum subterfugia, cauillationes, allegationes, & appellationes indebitas, elapso tempore huiusmodi acquisitionum fieret, & contra ordinationes & prohibitiones super hoc eisdem factas, per Commissarios ad hoc deputatos multis vexando laboribus & expensis, & postmodum in istis casibus exigatis, pro eisdem financias à quibus, prout ibi declaratum est. Et ultrahoc quaratis, & exigatis consimilem financiam, propter ipsorum inobedientias & rebelliones. Par ainsi il est tout clair, que non mie seulement ils peuuent acquerir prescription: mais doiuent estre punis de tenir & posseder telles acquisitions, sans finer au Roy de son droict.

Plusieurs
lettres pa-
rantes de
Charles le
Quint.

Item, ledit Charles le Quint, par les lettres données le 6. de Iuillet, l'an 1372. reuoqua tous Commissaires deputez sur le fait des Nouveaux Acquests, és Seneschaucées de Thoulouse, Carcassonne, & Beaucaire, iusques à ce qu'ils eussent compté: & qu'ils prissent commission de luy, & non d'autre, expédiée des Gens de ses Comptes, *libro D. fol. 130.* Item, ledit Roy Charles le Quint par les lettres du 25. Nouembre, audit an 1373. registrées audit liure E. folio 132. reuoqua Pierre Eustache son Conseiller, pour mettre eldites Seneschaucées bons & loyaux Commissaires sur ledit fait, tel que bon luy sembleroit, pour exercer ledit fait selon les Ordonnances & constitutions n'aguères sur ce faites. Et illec declare le Roy que son intention n'est mie, que pour composition ou finance qui ait esté faite au temps passé depuis son temps, ou soit faite, ou payée au temps aduenir, pour lescdites acquisitions ou aucunes d'icelles: les choses ainsi acquises soient tenuës pour amorties; comme à luy appartenant l'Amortissement, & non à autre: si les acquireurs n'ont fait l'Amortissement. Par ses lettres données le 24. iour de Feurier, l'an 1372. registrées audit liure folio 135. Mande aux Baillifs des montagnes d'Auvergne, que toutes les terres & possessions depuis quarante ans en çà acquises, en fiefs nobles, & aussi toutes terres & possessions acquises audit Baillage, & ressort d'iceluy depuis ledit temps, sans lettres d'Amortissement de luy ou de ses predecesseurs, verifiées & registrées en la Chambre des Comptes, pour quelque personne d'Eglise, il prenne & mette en la main du Roy, reaument & de fait, si elles n'y estoient. Et par icelle main, en face leuer les emolumens & profits, par son Receueur ordinaire audit Baillage, ou par ses commis, pour & au profit du Roy, & non par autre, & sur, quand, qu'il se peut mesfaire enuers

Mãdement
de saisir les
Nouveaux
Acquests.

luy. Se prendre garde, qu'autre du sang du Roy, tant soit prochain, ou autre ne leue de par luy, ne prenne les finances, autre que le Receueur du Roy audit Baillage.

Item, par autres lettres Royaux données le 7. iour d'Auril auant Pasques, audit an 1372. ledit Roy Charles fit certaines declarations, esquelles est faicte mention des acquisitions faictes par aucuns Prelats & autres, *iure prelationis*. Et ordonne illec, que de telles acquisitions faictes, *in superiori iurisdictione regis, in ressorto sua Parlamenii Curia, & qua possent cadere in commissa financia, exigantur iuxta formam instructionis*. Audit liure D. folio 139.

Item, le 4. iour de Feurier, l'an 1375. Parce qu'aucuns Commissaires sur ledit faict, faisoient plusieurs doutes, sur aucuns cas par eux enuoyez an Roy à son Conseil: Leur furent sur ce renuoyées les responses par escrit faictes par ledit Conseil du Roy pour ce assemblé en la Chambre des Comptes. Au premier article desquels est contenu, que les acquisitions des choses dont est deuë finance, si dedans l'an & iour apres la publication des instructions, n'ont payé leur finance: ils y seront contrainsts l'an & iour passez, & aussi à rendre les fruiets qu'ils en ont perceus, par la prinse desdits acquests, & de leurs autres biens: audit liure D. fol. 145.

Doutes enuoyez au Conseil du Roy Charles sixiesme.

Item, l'an 1376. ledit Charles donna à Monseigneur de Berry son frere, iusques à deux ans, toutes les finances qui par les Officiers & Commis seroient leuées en Berry, Poitou, & Auvergne, *libro D. folio 160.*

Cy apres s'ensuit ce qui est trouué du temps du Roy Charles VI. és liures des Memoriaux de ladite Chambre des Comptes.



EDIT Charles VI. commença à regner le 15. iour de Septembre, l'an 1380. lequel iour son pere trespassa. Fit le 19. iour de Nouembre ensuiuant audit an 1380. Monseigneur de Berry son Lieutenant en tout le pays de Languedoc: & entre autres choses luy donna puissance d'amortir si amplement, qu'on peut faire, sans ce que ceux à qui il auoit faict aucun Amortissement, peussent iamais estre contrainsts à mettre hors de leurs mains, *libro D. folio 196.* Mais toutesfois, fut tantost à ceste puissance derogé, comme dit sera cy-apres.

Extraits des Registres de la Chambre des Comptes.

Pouuoir donné au Duc de Berry d'amortir au nom du Roy.

Commissaires deputez en la Preuosté & Vicomté de Paris.

Item, ledit Charles VI. le 25. iour de Iuillet, l'an 1384. donna ses lettres de commission adressans à Maistre Simon Henneuin Notaire, Estienne Charpentier Procureur du Roy, Pierre de Sens Receueur de Paris, & Guillaume de Mondestour, enregistrees *libro E. fol. 77.* Narrans comme eux ou aucuns d'eux, au temps que les Thresoriers auoient le gouuernement du Domaine, auoient vacqué avec eux sur le faict des Nouveaux Acquests, &c. laquelle chose n'estoit pas du tout acheuée en la Ville, Preuosté & Vicomté de Paris. Et adonc ils auoient ia rendu

plusieurs comptes en la Chambre. Et pour ce leur mande le Roy, que reprises deuers eux les instructions registrées és papiers ils y procedent, & les deniers enuoyent au Thresor, *libro E. fol. 77.*

Le Roy
Charles VI.
pendant sa
minorité
n'octroya
lettres d'A-
mortisse-
ment.

Item, le Roy Charles VI. par ses lettres données le 4. iour d'Octobre, l'an 1385. adressantes au Seneschal de Carcassonne, narratives que ia pieça par luy & son Conseil, presens ses oncles, les Ducs d'Anjou, Berry, Bourgogne, Bourbon, & autres Nobles, & Prelats, auoit esté ordonné qu'il ne feroit aucuns Amortissemens, iusques à ce qu'il fust venu en aage parfait. Et neantmoins plusieurs Commissaires par luy ou le Duc de Berry son Lieutenant en Languedoc, sur le faict des Nouveaux Acquests, en la Seneschaulsée, faisoient plusieurs Amortissemens, & prenoient finance par composition: voulant garder son ordonnance. Manda faire defences à tous lesdits Commis, que plus n'y procedent, iusques à ce qu'il soit venu audit aage parfait: & que par son conseil en soit autrement ordonné. *libro E. fol. 84.* Ce seroit bien dure chose, que les Eglises durant ledit temps peussent auoir acquis prescription de droict d'Amortissement contre le Roy, qui estoit mineur, & auoit faict son ordonnance de non amortir.

Lettres pa-
rentes du
Roy Char-
les VI. con-
tenans plu-
sieurs arti-
cles.

Item, le Roy Charles par ses lettres, données le 11. iour de Feurier audit an, 1385. adressantes aux gens par luy ordonnez sur la visitation desdits Domaines: pour obuier à ce que par Amortissemens faits par les Commis, sur les faicts des Acquests, &c. ne se peussent faire ou estre entendus quant à ores, & interrompre toutes matieres de prescription, dont on se voudroit ayder contre luy, par tolerance ou laps de temps: En declarant les ordonnances pieça faictes sur ledit faict, ordonne en la maniere illec contenuë, dont le premier article est tel.

Que les gens
d'Eglise
sont tenus
vuidier leurs
mains de-
dans un an
&
iours.

Et premierement, que des choses & possessions que les gens d'Eglise, de quelque condition qu'ils soient, Religieux ou autres, ont acquetées en nos fiefs, & censives, arriere-fiefs ou arriere censives, d'achapt ou d'eschange, ou autres quelconques, sans l'assentement de nous ou de nos predecesseurs, spécialement depuis le temps de quarante ans en ça, seront lesdits gens d'Eglise contraints, & leur sera commandé de les mettre hors de leurs mains sans fraude dedans vn an: Pendant lequel par nostre main ils en iouront sans preiudice de nous. Et celuy an passé, s'ils ne les ont mis hors, les choses demeureront & demeurent dès maintenant pour lors en nostre main: sans que lesdits gens d'Eglise en puissent rien prendre. Mais en seront tous les fructs, reuenus & emolumens, leuez & appliquez à nous, & à nostre profit, sans deport, tant qu'il nous apperra icelles choses estre en vente, & mises hors des mains desdits gens d'Eglise, & qu'ils en ayent deliurance de nous. Et ainsi & semblablement sera faict des choses, depuis quarante ans acquises par lesdits gens d'Eglise, en leurs fiefs, censives, ou iustices &c. *libro F. folio* quatre vingts quatorze.

Commissai-
res enuoyez
en chacune
Preuosté.

Item, enuiron l'an 1388. furent ordonnez en chacune Preuosté du Royaume, deux Commissaires, sur le faict des acquisitions faictes par gens d'Eglise, & personnes non nobles, avec les Receueurs ordinaires

des lieux. De tous lesquels Commissaires, les noms sont enregistrez en trois fueillets, dicto libro C. fol. 158. 159. 160.

Item, le 2. iour de May, l'an 1394. ordonna le Roy, qu'il n'amortiroit point, combien qu'il fust en aage, iusques à ce que d'y proceder il ait en gringneur aduis, & autrement ordonné, libro E. fol. 380. & 420. Et immediatè s'ensuit le vidimus d'une lettre, donnée le premier iour d'Auril l'an 1393. Narrant que le Roy auoit donné à Monseigneur de Berry, les profits des finances des Nouveaux Acquests & Amortissemens au pays de Poictou, iusques à vn an. Et pour ce y commit le Roy, Pierre le Noir, valet de Chambre dudit de Berry: pour en reccuoir les profits, & deliurer audit Monseigneur de Berry.

Don fait à
Monseigneur le
Duc de
Berry.

Item, audit liure E. fol. 306. est enregistrée vne lettre narrative des fondations & aumosnes faites par le Roy Charles V. & ledit Roy Charles VI. & des deniers qui ont esté ordonnez par leur testament à diuerses Eglises, ou achepter rentes, &c. Et que ledit Roy Charles VI. auoit voulu que ce qui en seroit achepté fust amorty. Et pour ce il veut encores & ordonne, que les vendeurs & acheteurs qui vendront ou acheteront quelque chose des deniers dessusdits, & pour lesdites fondations seront quittes des ventes, & quints deniers. Donné le 24. iour de Decembre, l'an 1394.

Fondations
des Roys
Charles V.
& VI.

Item audit liure E. fol. 307. est vne lettre Royale, donnée le 8. iour de Iuillet, l'an 1394. narrative de l'Ordonnance par luy dernièrement faite de non amortir, &c. Et comme neantmoins il auoit donné audit de Berry, les profits des Nouveaux Acquests iusques à vn an. Et ordonna Commissaire sur ledit fait Pierre le Noir, pour receuoir, &c. Et pour ce le Roy reuoka lesdits Commissaires, & en leur lieu y en met d'autres, c'est à sçauoir, Iacques Caueau, Maistre Pierre Gonge, & Pierre l'Ordet Receueur: au regard des acquisitions faites par personnes non nobles tant seulement: mais au regard du fait des gens d'Eglise les casse simplement.

Renocation
des Com-
missaires.

Item, au liure des Memoriaux de ladite Chambre signé A. fol. 24. sont enregistrées certaines instructions sur le fait des fiefs, & autres choses nobles, acquises par non nobles & anoblis. Lesquelles ne font aucune mention des acquests faits par gens d'Eglise. Mais en la fin est contenu, que les hommes de condition serue, racheptez de leurs seigneurs, & non du Roy, seront tenus sous le Roy & enuers luy, de telle condition comme ils estoient enuers leurs Seigneurs. Parquoy l'on pourroit arguer à simili, que les choses qui seroient amorties d'aucun Seigneur, supposé ores qu'il eust puissance d'amortir, ne seroient mie deuëment amorties, si elles n'estoient amorties du Roy. Mais pourroit le Roy les detenteurs d'icelles contraindre à les mettre hors de leurs mains.

Gens de
condition
serue.

Item, audit liure A. fol. 32. est contenuë la reuocation de tous Commissaires, sur le fait des fiefs & Acquests faits par gens d'Eglise, en tout le Royaume, & ordonne le Roy que d'oresnauant les Baillifs & Seneschaux en leurs lieux, & les Receueurs & Procureurs du Roy illec, ils vacquent & entendent diligemment quant au fait des acquisitions des

Renocation
des Com-
missaires.

fiefs seulement. Et leur mande le Roy que les Ordonnances sur ledit faict, facent escrire de grosse lettre en leurs auditoires.

Commissi-
res pour
amortir.

Item, par lettres donnée, le 5. iour de Feurier, l'an 1397. *libro F. folio 16.* Est mandé aux Gens des Comptes qu'ils expedient les lettres d'Amortissement octroyées à Oudart des Moulins, Jean de Paris, & Messire Jean le Mercier, nonobstant l'Ordonnance illec incorporée, faicte le 2. iour de May, l'an 1393.

Item le Roy par lettres données le dernier iour de Feurier l'an 1380. registrées *libro F. fol. 63.* mande à Messieurs des Comptes, que nonobstant ses lettres de non amortir, ils expedient à Ioannet de Touteuille son Conseiller, les lettres d'Amortissement de deux cens liures tournois à luy octroyées.

Mandement
de contrain-
dre certains
Religieux
vnder leurs
mains.

Item, vne lettre, impetrées par le Procureur du Roy en la Seneschauſſée de Thoulouse, contre les Chapelains de saint Marcel en la ville d'Aux, & les Religieux, Prieur & Conuent de Condom, qui souz ombre d'aucuns delais, auoient remis certains fiefs, cens & rentes mouuans du Roy sans Amortissement ny payer finance. Et mande le Roy, aux cōmis sur le faict des Nouveaux Acquests en la Seneschauſſée de Thoulouse, que le dernier an failly les contraigne sans deport, à mettre hors de leurs mains selon la teneur des instructions, nonobstant quelque delay à impetrer. Donné le 24. iour de Iuillet, l'an 1400. registrées *libro F. folio 74.*

Ordonnan-
ce du Roy
Charles VI.
de bailler au
Roy le tiers
de la valeur
del heritage
amorty.

Item, l'Ordonnance du Roy Charles VI. sur le faict des Amortissements, donnée l'an 1402. au mois d'Octobre. Par laquelle le Roy ordonna, que toutes personnes qui voudroient amortir & obtenir, ou obtiendront lettres d'Amortissement du Roy, seront tenus de luy bailler & bailleront & donneront reaument & de faict, auant la verification & enterinement de leursdites lettres, au profit & accroissement du Domaine, la tierce partie d'autant comme vaudront & monteront les terres, rentes & possessions qu'ils voudront amortir. Laquelle tierce partie sera assise sous le Roy, en sa terre & iustice, sans moyen, laquelle Ordonnance est registrée *libro F. folio 120.*

Les Iuges
ordinaires
cognoistront
des francs-
fiefs & nou-
ueaux Ac-
quests.

Item, le 2. iour de May, l'an 1403. le Roy reuoqua & cassa tous Commissaires sur le faict des Nouveaux Acquests. Et veut que chacun Bailly, Vicomte & Receueur audit Baillage y vacquent, & entendent de là en auant. *folio 128.* Mande au Bailly, Procureur, & Receueur du Roy au Baillage de Senlis, afin que les Ordonnances & instructions sur le faict des Nouveaux Acquests, qu'on leur enuoye, ils facent escrire en grosses lettres, en leur auditoire, & selon la teneur des instructions y procedent: *libro F. folio 126.* Et n'y a point de date en ladite lettre. *Et nihil plus dicto libro F.*

Sequitur ex libro G.

Ordonnan-
ces renou-
uillées.

LES Ordonnances dernieres, sur le faict des Acquests faicts par les gens d'Eglise, renouvelées, l'an 1404. *libro G. folio 20.* desquelles
font

Sont extraictz les deux articles qui s'ensuiuent.

Item, au regard des possessions immeubles, que les gens d'Eglise de quelque condition qu'ils soient, Religieux ou autres, ont acquis es fiefs, censives, arriere-fiefs & arriere-censives du Roy, en quelque degre, soit par tiltre de don, de legs, ou d'aumosnes, d'achapts, eschanges, & autres quelconques, par quelque maniere ou condition que ce soit, sans l'assentement & lettres d'Amortissement du Roy nostredit Seigneur, ou de ses predecesseurs, deuement passees, verifiees & expediees en la Chambre des Comptes à Paris, depuis quarante ans en ça, seront prins & mis en la main dudit Seigneur, & lesdits gens contraints, & leur sera commandé de les mettre hors de leurs mains sans fraude dedans vn an, pendant lequel, par & sous ladite main, ils en iouyront, sans preiudice du Roy nostredit Seigneur.

*Saisie des
Acquests
faicts par
gens d'E-
glise.*

Item, & ledit temps passé, s'ils ne les ont mis hors de leurs mains, les choses dès maintenant pour lors, demeureront en la main du Roy nostredit Seigneur, sans que lesdits gens d'Eglise en puissent rien prendre. Mais en seront lors tous les profits & emolumens, leuez & appliquez au Roy nostredit Seigneur & à son profit, sans deport par ses Vicomtes & Receueurs ordinaires en chacun Baillage, qui en seront tenus rendre compte au Roy nostredit Seigneur, iusques à ce qu'il apparre, icelles choses en verité estre mises hors de leurs mains, & qu'ils en ayent deliurance dudit Seigneur, expediee comme dessus.

*Après l'an
& iour le
Roy fait le
fruits siens*

Item & semblablement des choses depuis quarante ans en ça, acquises par lesdits gens d'Eglise en leurs fiefs & Iustices.

Item est à entendre que les dilations, respits, & souffrances, données par le Roy nostre Sire ausdits gens d'Eglise, de tenir leurs acquisitions non amorties, sans estre contraints à les mettre hors, ne payer pour ce aucune finance; ne feront & ne porteront aucun preiudice au Roy nostredit Seigneur, c'est à sçauoir que le temps & espace desdites souffrances & dilations, ne seront comptées ne comprises au temps de quarante ans, dont mention est faicte cy dessus.

*Les souff-
rances ne
preiudicient
au Roy.*

Item audit liure G. fol. 28. sera trouué comme au mois de May l'an 1405. des gens de Monseigneur de Berry vindrent au Bureau requerir aux gens des Comptes, qu'ils voulsissent expedier certains Amortissemens faicts par mondit Seigneur de Berry, comme Lieutenant: & auoient composé à Maistre Iean Morac, & à Maistre Hely Vinchorie, Commissaires sur le faict des Acquests faicts par les gens d'Eglise en Languedoc, & n'auoient mie prins le tiers d'autant, &c. Comme porte l'Ordonnance nouvellement faicte, & dont apparroist par les comptes desdits Commis. Et d'oresnauant se deporteront de faire lesdits Amortissemens. Sur laquelle requeste n'y a aucune response. fol. 28.

*Requeste
presentee.*

Item le 12. iour de Feurier l'an 406. furent veus & conseillez certains doutes, enuoyez par aucuns Commissaires, sur le faict desdits acquests desdits gens d'Eglise, au Baillage de Troyes. Ausquels fut respondu par la maniere illec contenuë, desquels doutes le premier est tel. Premièrement les instructions faictes par le Roy sur le faict desdits acquests non

*Recit d'au-
cuns dou-
tes.*

*Premier
doute, à
quel temps
commencer
les quaran-
te ans pre-
fix aux gens
d'Eglise.*

*Après qua-
rante ans les
gens d'E-
glise ne doi-
vent estre
contraincts
vuidier leurs
mains.*

*Second dou-
te sur la fi-
nance. देने
au Roy à
cause des
Amortisse-
mens.*

amortis en tout son Royaume, furent faictes l'an 1374. ou enuiron; Par lesquelles fut ordonné aux gens d'Eglise, de mettre hors de leurs mains, tous les acquests non amortis, qu'ils auoient lors faicts à quelque tiltre qu'ils eussent depuis quarante ans. Desquels ils baillerent par escrit plusieurs declarations. Et depuis lors, ont acquis plusieurs heritages & possessions, & communément ont obtenu du Roy, & de nos Seigneurs des Comptes, respits & souffrances de non mettre hors de leurs mains les acquests qu'ils ont, & qu'ils acquerront sous ombre desdits delais. Esquels respits n'est faicte mention que des acquests faicts depuis quarante ans en ça. Et pareillement en la commission desdits Commissaires est contenu, qu'ils contraignent les gens d'Eglise, à mettre hors de leurs mains les acquests non amortis, faicts depuis quarante ans. Et par ce moyen ils tiendront sans Amortissement, les acquests qu'ils auoient faicts au deuant lescdites instructions, sous ombre des delais desdits, & respits, où le Roy auroit vn tres-grand dommage: Et semble que lescdits quarante ans se deuroient entendre à prendre au deuant d'icelles instructions, faictes audit an mil trois cens septante quatre. Consideré que deslors fut ordonné qu'ils missent hors de leurs mains tous leurs acquests non amortis faicts depuis quarante ans. Et que lescdits respits deuoient preiudicier au Roy. Responce sur ce. L'on commencera à compter le terme de quarante ans, depuis le iour des lettres des acquisitions ainsi faictes, non obstant les proclamations, si interruption n'y a esté par mainmise esdits acquests: ou si lescdits gens d'Eglise n'ont eu delais & respits valans interruption. *Qui a praeario possident.*

L'autre second doute est tel. Item, esdites instructions fut ordonné, qu'on prendroit & leueroit desdits gens d'Eglise, pour leurdits acquests non amortis, les reuenus d'iceux par certaines années, & depuis ont esté icelles instructions modifiées & distraictes, & leuées desdits reuenus, ne autre finance. Mais seulement les contraindre à les mettre hors de leurs mains, &c. Or est vray que plusieurs desdits gens d'Eglise payerent aux Commissaires sur ledit faict audit Baillage, les reuenus de plusieurs leurs heritages non amortis. Et dient qu'il vaut Amortissement. Ce que lescdits Commissaires doutent le contraire: Parce qu'esdites instructions n'est point contenu, que ce leur doieue valoir Amortissement. Et n'est mie vray-semblable, que pour payer les reuenus de trois ou de quatre années desdits acquests, comme en icelles est contenu, ils fussent amortis. Et d'autres acquests qu'ils ont, & dont aucun profit n'a esté leué: ils payeront volontiers pour vne fois la valeur du reuenue d'iceux de plus de huit ans. Comme pour amortir sans autres dangers vingt sols de rente, huit liures tournois. Et du plus, &c. Responce sur ce. Si ceux qui ont composé au temps passé ont financé, selonc les instructions, ayans cours au temps desdites acquisitions, desquelles compositions il apperra deuement, seront tenus paisibles. Et si les Gens du Roy scauent aucuns cas où le Roy ait esté fraudé, le déclarent, & on y pouruoirá.

Que les res-

Item, le 27. iour d'Auril l'an 1408. pource que sous ombre des

respits & delais octroyez és temps passez par le Roy, à plusieurs personnes Ecclesiastiques, & autres, de non amortir, & mettre hors de leurs mains leurs acquests non amortis depuis quarante ans; les droicts Royaux se perissoient & perdoient. Mesmement que sous ombre de ce, lesdits gens d'Eglise pretendoient & vouloient tenir leursdits acquests pour amortis, & ne feroient donnez par luy ne par autres, &c. Le Roy ordonna que tels respits & delais cessassent du tout, & ne feroient donnez par luy, ne par autres: Et s'aucuns en auoient esté, ou estoient octroyez, veut qu'ils fussent cassez, & n'y fust obey aucunement. Et si par aucune maniere passées & expediées estoient d'oresnauant, ou si par vertu d'iceux, lesdits quarante ans passaient: Qu'iceux octrois ou la deuolution ou passément d'iceux quarante ans, ne porte ou puisse porter, faire ou engendrer au Roy, ny à ses droicts ou Domaine derogation, preiudice, ou empeschemens quelconques, non plus que si onc n'auoient, ou eussent esté données. Et mande le Roy aux Gens des Comptes, que ceste Ordonnance facent garder, & contraignent les possesseurs des acquisitions dessusdites, à les faire amortir, ou les mettre hors de leurs mains, selon la teneur des Ordonnances & instructions sur ce faictes.

*tit & souffrances por-
toient grand
preiudice au
Roy.*

Item, le 12. iour d'Aoust l'an 1316. Maistre Iean Agneuin, lors Procureur General du Roy, s'opposa au Bureau de la Chambre des Comptes, à ce que d'oresnauant on ne procedast à verifier aucuns Amortissemens, iusques à ce que luy ouy au grand Conseil du Roy, en fust autrement ordonné. Comme il est enregistré au iournal de ladite Chambre des Comptes sur ledit iour.

*Opposition
du Procureur Gene-
ral.*

Sequitur ex libro H.

Item & pareillement s'opposa le 29. iour de Mars l'an 1423. Maistre Guillaume Barthelemy, lors Procureur General du Roy. Le 12. iour d'Octobre l'an 1416. le Roy pour les plaintes & clameurs qui luy vindrent, & griefs que faisoient les gens sur le faict des nouveaux Acquests faicts par personnes non nobles, & gens d'Eglise, en la Seneschaussée de Thoulouse, reuoqua tous lesdits Commis, comme autresfois auoit faict. Et voulut que ledit faict fust gouverné par les Receueurs, & Procureur du Roy illec. *Et nihil plus ex dicto libro H.*

*Renocation
des Com-
missaires.*

Sequitur ex libro I.

Henry à present Roy de France & d'Angleterre, le 6. iour d'Octobre l'an 1328. par ses Lettres patentes registrées lib. 1. folio 72. Manda aux Preuost & Receueur de Paris, qu'ils fissent commandement à tous gens d'Eglise, dedans les termes desdites Preuosté & Recepte, que dedans certain brief iour, qu'ils leur presfigeroient, ils leurs baillassent par

*Lettres de
Henry inti-
tulé Roy
de France
& d'An-
gleterre.*

declaration toutes les acquisitions non amorties, de quelque temps que ce soit : & de celles qui seroient acquises depuis quarante ans en ça, leuassent & cueillissent les fruiçts & reuenus au profit du Roy. Attendu que depuis quarante ans, leur auoient esté faiçts plusieurs commandemens, de les mettre hors de leurs mains dedans an & iour : dont n'auroient rien faiçt. Et semblablement firent euuoyer autres mandemens à tous les Bailifs & Receueurs du Royaume, au moins en ceste obeyssance. Et autre chose n'est trouuée en tous les liures & registres de la Chambre des Comptes, touchant le faiçt desdits nouueaux Acquests, faits par gens d'Eglise. Et maintenant semble que ce suffit assez.

Quelles rentes sont amorties & non rachetables sur les maisons de Paris.

Pour monstrier la tierce proposition cy-dessus mise, c'est à sçauoir, que par quelque longueur de temps que gens d'Eglise, Colleges, ou autres, ayent tenu ou possédé rente, ou heritage, sans auoir eu du Roy les lettres d'Amortissement, expédiées par la Chambre des Comptes: ils ne peuvent auoir acquis prescription contre le Roy: tellement qu'icelle rente ou heritage, soit ou doïue estre tenuë ou reputée deuëment amortie. De ce s'ensuit que toutes manieres de rentes constituées par achapt ou prix d'argent, sur maison ou heritage assis en la ville de Paris, & és fauxbourgs d'icelle, supposé ores qu'icelles appartiennent aux Eglises, Colleges, ou autres, par quelque espace de temps qu'ils les ayent tenus, sans auoir du Roy lettres d'Amortissement expédiées par ladite Chambre des Comptes, sont & seront par vertu de ladite Ordonnance rachetables. Car combien que de la generalité de l'Ordonnance soient exceptez rentes deuëment amorties; toutesfois n'en sont pas lesdites rentes ainsi tenuës sans Amortissement, deuëment amorties, comme dict est, *quare, &c.* Et à dire verité, tels gens d'Eglise qui auroient tenu lesdites rentes par quelque espace de temps, sans auoir eu du Roy lettres d'Amortissement, expédiées comme dict est; deuroient estre moins favorables que ne seroit vne personne priuée, qui par luy ou ses predecesseurs, à tiltre vniuersel auroit iouy d'une rente constituée à prix d'argent, & possédé par quarante, soixante, quatre vingts, ou cent ans: attendu que lesdits gens d'Eglise, qui ont tenu par la maniere que dict est, & qui ont sceu les publications tant de fois faiçtes par tous les Bailages, ont tousiours eu mauuaise foy, & ont iouy d'icelles rentes contre les prohibitions du Roy, qui en deult auoir les profits en leurs defauts. Et qui plus est, pour leur desobeyssance ils doiuent amender d'autant, comme montoit la finance qu'ils en deuoient payer: comme porte l'Ordonnance du Roy Charles V. faiçte le 5. iour de Nouembre l'an 1370. dont cy dessus est faiçte mention. Mais la personne priuée qui auourd'huy de sa rente pour ledit temps a tousiours eu bonne foy, & n'a rien faiçt au preiudice, ne contre les Ordonnances du Roy, & s'il l'a tenuë par aussi long temps comme lesdits gens d'Eglise, qui par longueur de temps vouloient acquerir prescription; toutesfois il souffre que sadite rente soit rachetée par vertu de ladite Ordonnance, *quare, &c.* Et est tout ce que l'on peut trouuer és liures des Memoriaux de ladite Chambre, du faiçt desdits acquests: pour valoir à la declaration des trois propositions cy-dessus premierement couchées.

Or faut aucunement respondre, à ce que l'on pourroit dire & arguer contre lescdites propositions, ou aucunes d'icelles. Et premierement lescdits gens d'Eglise pourroient, contre la premiere proposition, arguer, & dire; qu'és Ordonnances du temps de S. Louys, & parauant, l'ont trouuez par escrit les Pairs de France, Ducs & Comtes, qui peuuent amortir; & lescuels non: Parquoy autre que le Roy pouuoit les amortir: & mesmement en la constitution de saint Louys, registrée *libro T. folio 56.* est vne clausetelle: *Ordinatum fuit per consilium domini Regis, presente Rege, quod Archiepiscopus Rhemensis, & Episcopi Pares Francia, admortissare non poterunt suum domanium, nec feuda quæ de ipsis tenentur immediate, sed sua retrofeuda poterunt admortissare.* Parquoy appert, qu'au moins peuuent-ils amortir leurs arriere-fiefs. Præterea au premier article de l'Ordonnance faicte par le Roy Philippes, fils dudit saint Louys, l'an 1275. laquelle est appellée, *Vetus ordinatio*, est contenu: *Quod Seneschalli, Baillini, Præpositi, Vicecomites, & alij iustitij nostri, cessent & abstineant molestare Ecclesias, super acquisitionibus quas hæcenus fecerunt in terris Baronum nostrorum, quibus prædecessorum nostrorum temporibus vsi fuisse noscuntur publicè, & patienter dare, & eleemosynare Ecclesiis, absque ulla declaratione, per nos & prædecessores nostros facta dictis Baronibus, vel prædecessoribus eorundem.* Item immediate sequitur. *Insuper præcipimus, quod ubi Ecclesia acquisierint possessiones, quas hinc habent admortissatas à tribus annis, non computata persona quæ in Ecclesiam transtulit possessiones easdem, nulla eis per iustitarios nostros molestia inferatur.* Parquoy semble que lescdits Barons auoient puissance d'amortir, & que des choses qui estoient acquises en leurs terres, n'estoit point besoin d'auoir Amortissement du Roy, contre la premiere proposition.

Raisons & moyens par lescuels on veut prendre que les Pairs de France & autres, peuuent amortir. Ordonnance du Roy S. Louys pour les Amortissements.

Ausquels argumens & semblables, l'on peut respondre. Premierement, que lescdits Pairs de France ne pouuoient mie indifferemment amortir ou aumosner: mais seulement leurs arriere-fiefs. Car avec ce, est contenu en ladite constitution saint Louys: *Quod alij Episcopi qui non sunt Pares nec domanium suum, nec feuda sua, nec retro-feuda poterunt admortissare.* Derechef en l'Ordonnance ancienne, qui nomme les Pairs de France, & communiter maiores: & en parlant d'iceux, en escrit vne telle clause. *De his prout ex declarationibus super financiis habitis, dictum est.* Per primum potest intelligi, quod tam sua titulo dignitatis, quam usu longissimo, admortissare & eleemosynare valeant: pecuniam seu quodlibet emolumentum, proinde non recipiendo. Itaque pro eleemosynis seu admortissationibus huiusmodi, eorum tenura non demembrentur, seu Ecclesia deforme tur.

Response aux moyens & objets dessusdits, pour monstrer que le Roy seul peut amortir. Interpretation de l'Ordonnance du Roy S. Louys.

Item, en l'Ordonnance dessus appellée, *Vetus ordinatio*, qui commence, *Ecclesia si in locis, &c.* est vne exception, *his duntaxat exceptis, quæ regalia veniunt, exceptis etiam Ecclesiis & monasteriis, quæ nobis ad præstandum seruitia per nobiles sunt astricta, quibus licet facere per quod seruitiis possemus huiusmodi processu temporis non defraudari.* Parquoy appert s'aucuns Pairs de France, ou autres, auoient puissance ou auoient vsé d'Amortissements, ce n'estoit mie indistinct. Et qui se voudroit ayder d'Amortissements par eux faicts, il les faudroit voir, pour sçauoir s'ils seroient és termes de

Interpretation de l'Ordonnance de Philippes le Hardy.

leur puissance. Et mesmement que pour verifïer les articles de l'Ordonnance dudit Philippes, fils dudit S. Louys, de l'an 275. comme dit est, seroit requise grande cognoissance de cause. *Præterea*, les Ordonnances ne parlent que des choses qui estoient faictes iusques au temps d'icelles Ordonnances, comme il appert par ce mot *hactenus*.

Interpretation du privilege donné par Philippes le Bel aux gens d'Eglise.

Item, si lesdits gens d'Eglise se vouloient ayder d'une grace à eux faicte, comme ils disent, le 5. iour de Iuin l'an 1304. par le Roy Philippes le Bel, en laquelle ils dient estre contenuë vne clause telle. *Item, quod omnia acquisita ab ipsis, suarum Ecclesiarum intuitu, à tempore retracto, usque ad tempus commissionis huiusmodi, in feudis aut retrofeudis nostris, aut subditorum nostrorum: in quantum ad nos spectat, tenere possunt proprie absque coactione vendendi, vel extra manum suam ponendi, aut financias præstandi nobis pro eisdem.* Et que par le moyen d'icelle grace, ils veulent tenir pour amorty tout ce qu'ils auront acquis iusques audit iour. On leur peut respondre, que ladite grace auoit esté faicte sous esperance, que lesdits gens d'Eglise feroient chacun vn dixiesme ou douziesme au Roy, pour le faict de la seigneurie. Et qu'auant qu'ils se peussent ayder de ladite grace, conuiendroit qu'ils enseignassent eux auoir payé ledit dixiesme: Et qu'il soit ainsi il appert.

Les gens d'Eglise promirent payer à Philippes le Bel deux decimes pour leurs heritages non amortis.

Car au liure de ladite Chambre, fol. 51. auquel est enregistré vn vidimus d'icelle grace, *pro Episcopo Morinensi*, est arresté de la main d'icelle Chambre ce qui s'enluit. *Sciatur si iste & alij soluerint Regi istud subsidium, quia nisi soluerint non deberent gaudere isto privilegio seu gratia.* Et cest Arrest est exprellément déclaré és declarations faictes sur le faict desdits acquests, par Charles Roy de France & de Nauarre, l'an mil rrois cens vingt-cinq, dont dessus est faicte mention: & qui sont enregistrées au liure *Pater*, folio 148. & *libro T.* folio 121. Esquelles est contenu vn article tel: *Item Ecclesiastica persona habentes privilegium, à charissimo domino nostro Rege Philippo Pulchro, de non finando de acquisitis suis. Quia privilegium illud fuit concessum pro duabus decimis quas eidem domino obtentu dicti privilegij solvere promiserunt. Si de dictarum decimarum solutione docere possunt legitime, pro acquisitis ante datam dicti privilegij non finabunt. Alias sic.* Item, & si lesdits gens

Autre interpretation du privilege donné par Philippes le Bel.

d'Eglise vouloient dire, que par vne autre clause contenuë audit privilege, ils peussent acquerir sans Amortissement depuis la datte d'icelles. On pourroit respondre, que ledit article ne faict mention que de ce qu'ils acquerroient pour l'augmentation & accroissement de leurs Eglises, & qui leur seroit necessaire raisonnablement pour ladite construction ou accroissement total de leurs Eglises, & non mis en rente ou autres heritages, comme il appert par le texte de l'article. Et si conuiendroit encores qu'ils enseignassent, & fissent foy du payement desdites decimes dessusdites.

Definition d'Amortissement.

Amortissement est, tant faire au Seigneur souuerain, & au Seigneur subject, de qui la chose qu'on veut amortir est tenuë, qu'il consente que la chose soit & demeure à tousiours, sans ce que les gens d'Eglise qui la veulent faire amortir, soient tenus la mettre hors de leurs mains.

Et de ce en doiuent prendre lettres en forme de chartre du Prince & Seigneur souuerain, & aussi du Seigneur subject, pour l'interet qu'il y peut auoir. Et doiuent lescdites lettres en forme de chartre, estre interinées & verifiées en la Chambre des Comptes.

Aucuns dient, qu'Amortissement est declaration du consentement & vouloir, que le Seigneur souuerain, & le Seigneur subject ont, que les gens d'Eglise tiennent à tousiours la chose en leurs mains; & adioustent aucuns, sans redevance aucune, & que deslors en auant, n'y prend iamais le Seigneur aucunes droictures, ne quelques exploicts, amende, ou confiscation: Mais demeure à l'Eglise sans autre seruice.

Autre definition d'Amortissement.

A V T R E S I N S T R U C T I O N S E T M E M O I R E S , C O N C E R N A N S L A F I N A N C E D E V E A U R O Y , A C A V S E des droicts de Francs-Fiefs, & Nouveaux Acquests.



EN S V I V A N T les Instructions pieça faictes par le Conseil du Roy, sur les finances que l'on peut raisonnablement demander pour le Roy, aux gens d'Eglise, pour le temps passé qu'ils ont tenu possessions, sans l'assentement du Roy. Lesquelles ont esté doublées, pour selon icelles obtenir les finances deuës au Roy, à cause des possessions qu'iceux gens d'Eglise tiennent non amorties, sans l'assentement du Roy nostredit Seigneur.

Quelle finance est deuë par les gens d'Eglise pour leurs heritages non amortis.

Premierement pour les choses & possessions, que les gens d'Eglise, de quelque condition qu'ils soient, Religieux, ou autres, auront acquis és fiefs ou censives du Roy, par tiltre de don, de legs, d'aumosne, & autres telles manieres qu'elles seront, sans l'assentement du Roy ou de ses predecesseurs, payeront pour quarante ans, & au feur l'emplage, qu'ils ont iouy d'icelles possessions sans ledit assentement du Roy, l'estimation des fructs de cinq années pour vne fois tant seulement.

Heritages nuement tenus du Roy.

Item, que pour les choses que lescdits gens d'Eglise ont acquises és fiefs ou censives du Roy nostredit Seigneur, par tiltre d'achapt, ou d'eschange, ou par autre tiltre, maniere, ou condition, sans tiltre de don ou d'aumosne, payeront pour le temps de quarante ans, & au feur l'emplage, qu'ils ont iouy d'icelles possessions, sans ledit assentement du Roy, l'estimation des fructs de six années.

Item, que pour les choses ou possessions acquises és arriere-fiefs, ou

arriere-censives, ou en aleux du Roy, par tiltre de don, ou d'aumosne, ou par quelque autre maniere ou condition, payeront pour le temps & maniere dessusdits, l'estimation des fruiçts de trois années.

*Heritages
estés en ar-
riere fief ou
arriere-cen-
sive du Roy
ou aleux.*

Item, que pour les choses ou possessions, acquises és arriere-fiefs, ou arriere-censives, ou aleux, par tiltre d'achapt, ou d'eschange, ou autre telle maniere, sans tiltre de don, ou d'aumosne: Sera payé au Roy à vne fois, le prix & valuë que les choses ainsi acquises seront estimées valoir pour quatre années.

*Heritages
estés en la
basse Justice
des acq-
ueurs.*

Itē, que pour les choses & possessions acquises par tiltre de don, de legs, ou d'aumosne, ou d'autre telle maniere, és lieux où lestdits gens d'Eglise monstrent & prouueront sommairement & de plain bien & deuëment auoir de leur fondation basse Justice seulement; sera payé pour vne fois l'estimation que telles acquisitions peuuent valoir pour deux années.

Itē, & pour les choses & possessions acquises par tiltre d'achapt, ou par telle autre maniere, sans tiltre de don ou d'aumosne, és lieux où lestdits gens d'Eglise ont basse Justice tant seulement, monstree & prouuee, comme dessus est dit: Sera payé la valuë des fruiçts de trois années.

*Heritages
estés en la
haute Justi-
ce des ac-
queurs.*

Item, & pour les choses & possessions que lestdits gens d'Eglise ont acquises, par tiltre d'achapt, de don, ou d'aumosne, ou par quelque autre tiltre, és lieux où ils dient auoir haute Justice & basse: & aussi és fiefs qui sont tenus d'eux sans moyen, monstree & prouuee bien & deuëment qu'ils ayent la haute Justice, de la fondation de leur Eglise, ou par priuilege du Roy, ou de ses predecesseurs: sera payé la valuë & estimation que telles choses acquises peuuent valoir pour deux années. Et est à sçauoir que hauts Justiciers sont ceux qui ont punition de trois cas, rapt, larcin, ou meurtre à pensëe, & non autrement.

*Heritages
donnez ou
acquis à la
charge d'u-
sufriuit au
donateur ou
vendeur.*

Item, & pour les acquests faicts des rentes & possessions, par tiltre de don, legs, ou d'aumosne, sauf & reserué les vsufriuits aux donneurs, & autres personnes à certain temps, ou à vie des personnes: sera payé au Roy, quand ladite possession aduiendra ausdits gens d'Eglise, la valeur que tels acquests seront estimez valoir pour cinq années.

Item, & pour les rentes & possessions que gens d'Eglise ont acquises à tiltre d'achapt ou d'eschange reserué aux vendeurs ou autres personnes les vsufriuits desdits acquests, à certain temps, ou à vie d'homme: sera payé, quand la possession viendra ausdits gens d'Eglise, les fruiçts de six années.

*Heritages
acquis à
faculté de
reméré.*

Item, & pour les rentes & possessions que gens d'Eglise auront acquises, par don, legs, ou aumosnes, sous condition que les heritiers du donant, ou autre, peuuent retraire les choses données ou aumosnées dedans certain temps, ou quand il leur plaira, sans terme prefix: en payant certaine somme de deniers. Iceux gens d'Eglise seront tenus pour telles acquisitions, l'estimation de cinq années. Et leur seront données lettres par les Commissaires sur ce ordonnez, contenans qu'au cas qu'il apparust au temps aduenir clairement & sans fraude, qu'aucunes choses leur eussent esté retraictes ou racheptées, que retraiment & restitution telle que le cas

le requerra, leur sera faicte : en esgard au temps que la chose ainsi acquise aura esté en leurs mains.

Item, & que nonobstant qu'on ait contraint lesdits gens d'Eglise, à payer pour le temps passé, qu'ils ont tenu lesdites choses, sans l'assentement du Roy : Si leur sera-il faict exprés commandement de par le Roy, de vuidier & mettre hors de leurs mains, dedans an & iour, toutes & quelconques acquisitions par eux faictes, desquelles ils ne feront deuement apparoir d'Amortissement verifié & expédié bien & suffisamment. Et seront dès maintenant icelles acquisitions mises en la main du Roy nostre Sire, sous laquelle ils iouyront durant ledit temps d'an & iour, sans preiudice dudit Seigneur.

Encore que on ait payé le droit de nouveaux Acquests, on est contraint vuidier ses mains.

Item, & que lesdits an & iour passez, icelles acquisitions que lesdits gens d'Eglise n'auront mis hors de leurs mains, comme dict est, seront iointes & appliquées au Domaine du Roy, comme dit est. Et tous les fruits, profits, & émolumens d'icelles cueillis & receus par ses Receueurs chacun endroit soy, pour & au profit dudit Seigneur : & seront tenus iceux Receueurs faire mention en leurs comptes des profits d'icelles acquisitions, iusques à ce qu'elles soient par lesdits gens d'Eglise mises hors de leurs mains sans fraude.

A faute de vuidier les mains dedans l'an & iour, le Roy faict les fruits siens.

Item, que semblablement sera faict des acquisitions faictes par iceux gens d'Eglise en leurs fiefs, censives, & Iustices.

Item, que pour les acquests faicts par lesdits gens d'Eglise, de quelque condition qu'ils soient, à tiltre de don, de legs, ou d'aumosne, d'achapt, ou autrement, sans l'assentement dudit Seigneur : les vsufruits reservez aux donneurs ou vendeurs, à temps ou à vie, par condition de les racheter dedans certain temps. Audit cas sera faict commandement ausdits gens d'Eglise, que dedans l'an & iour apres le temps de la reservation, ils mettent hors de leurs mains icelles acquisitions. Et si ainsi ne l'auoient faict, dedans ledit temps, soient icelles acquisitions appliquées au Domaine du Roy, & receuës par lesdits Receueurs comme dessus.

Heritages acquis à la charge de l'vsufruit au vendeur.

Item, & est à noter, que delais, respit, ou souffrance donnez par le Roy ausdits gens d'Eglise, d'auoir tenu, ou tenir icelles acquisitions par aucuns temps, sans estre contraints à vuidier leurs mains, n'ont porté & ne portent aucun preiudice au Roy, qu'ils ne soient tenus payer finance pour ledit temps passé, compris en ce lesdits termes & delais.

Souffrances ne preiudicient au Roy.

INSTRUCTIONS ROYALLES SUR le faict des fiefs, arriere-fiefs, & choses nobles, acquises par non nobles.

PREMIEREMENT, pour les rentes, possessions, & heritages quelconques, que non nobles ont acquises à quelque tiltre que ce soit, es fiefs du Roy, payeront pour vne fois les fruits de six ans.

Item, que pour les rentes & possessions, que non nobles ont acquises,

Quelle fin. ce est deue pour heritages nobles acquis par non nobles.

par quelque tiltre que ce soit, de nobles, és arriere-fiefs du Roy; payeront les fruiçts de quatre ans.

*Heritages
mis en franc
aleu, seront
saïs.*

Item, que toutes les rentes, heritages & possessions, que non nobles ont acquises de nobles, és fiefs ou arriere-fiefs du Roy, qu'ils ont mises en franc-aleu: seront prinſes & appliquées au profit du Roy.

*Heritages
acquis à fa-
culté de re-
meré.*

Item, que pour les rentes ou possessions acquises par non nobles és arriere-fiefs ou aleux du Roy, sous condition que les vendeurs les peuuent retraire dans certain temps: sera payé comme dessus, moitié presentement, & l'autre moitié le terme passé. Et au cas que le terme dureroit plus de cinq ans, on payera presentement.

*Heritages
acquis à la
charge d'u-
sufriict au
vendeur.*

Item, que pour les rentes & possessions acquises par non nobles, de nobles, sauf & reserué aux vendeurs les vsufriicts des choses nobles vendues à certain temps, ou à vie: payeront comme dessus.

*Consuls &
Communi-
tez ce
qu'ils doi-
uent.*

Item, que pour les rentes & possessions, franchises, ou libertez, que les Consuls, ou la Commune d'une ville, auront acquises pour les causes de la Communauté, és fiefs ou arriere-fiefs, censives, ou aleux du Roy; payeront finance de huit années.

Item, & pour les rentes ou possessions, que non nobles prennent des nobles, en fiefs, ou arriere-fiefs, ou aleux du Roy, ou achapt, ou cens, ou annuelle pension, en baillant argent pour l'entrée: payeront comme dessus.

*Des rentes
constituées
en grain ou
vin.*

Et est à sçauoir que de rentes acquises par la maniere dessusdite, lesquelles sont en grain, en ou vin, quel'on ne payera mie, le plus grand prix, ne le plus petit: mais le commun, qui peut valoir, au regard d'une commune année, de sept années precedentes.

Item, que pour les rentes & possessions, que non nobles auroient acquises, és fiefs ou arriere-fiefs du Roy ou en aleux: & depuis ladite acquisition faicte, ledit nō noble sera faict Cheualier ou anobly, il paiera cōme dessus.

*Comme les
anoblis doi-
uent finan-
cer.*

Item, que les anoblis depuis quarante ans payeront bonne finance selon leurs facultez, tant pour leur noblesse, comme pour leurs acquests, qu'ils auront faicts auant leur dite noblesse. S'ils ne monstrent, comme ils ayent payé icelle finance, ou ayent lettres d'affranchissement du Roy passées & expediées comme il appartient.

Item, que les finances dessusdites se leueront par tout le Royaume, pour les acquests faicts par la maniere dessusdite.

*Des hom-
mes de con-
dition serue.*

Item, s'aucuns hommes de condition serue d'aucuns Seigneurs, Religieux, Nobles, ou autres, se sont racheptez de leursdits Seigneurs: & non pas du Roy. Tels hommes & femmes, sont & demeurent enuers le Roy, de telle condition, comme ils estoient enuers leur Seigneur, iusques à ce qu'ils se soient racheptez du Roy nostredit Seigneur.

Item, que les exploicts dessusdits, seront diligemment enregistrez en chacune Iustice ordinaire, par les Receueurs, ou Procureurs du Roy, afin d'auoir memoire quand le temps escherra, & tout rapporté & renuoyé au Thresor, par deuers le Clerc d'iceluy Thresor, pour estre ordonné par les Thresoriers, ce qu'il appartiendra.

*Les gens de
main-morte
doient estre*

Item, si les Seigneurs d'Eglise ou terriens, de quelque condition qu'ils soient, ont consenty ou souffrent que gens d'Eglise, ayent acquis à quel-

que tiltre que ce soit, ou non nobles en leurs Iurisdiccions & Seigneuries : & ils les ayent laissé iouyr par an & iour, ou plus, paisiblement, sans les auoir contrainsts à mettre hors de leurs mains. Et depuis an & iour passé pour leur negligence, ils voudroient mettre les choses dessusdites en leurs mains, il ne leur sera pas souffert. Ainçois si mis les y auoient, seront ostées hors de leur sdites mains. Et desdits acquests, soit selon les Ordonnances dessusdites, leuée finance au profit du Roy. Et ne pourra aucun Seigneur, par vertu desdites Ordonnances, aucune finance leuer. Parce qu'il a laissé passer le temps de la pouuoir leuer à son profit.

Pour cognoistre que les taxes cy-dessus recitées sont exorbitantes, & excessiues : est besoin veoir les 71. & 72. chapitres du present Traicté.

Que les taxes cy-dessus recitées sont excessiues.

RESPONSES AUX DIFFICULTEZ anciennement proposées sur les acquisitions faictes par non nobles, d'heritages nobles, concernans le droict de francs-Fiefs.



NS VYVENT les difficultez proposées sur les acquisitions faictes par non nobles : mesmes sur les instructions, dont cy-dessus est faicte mention.

Premierement si vn non noble, a acquis fiefs d'un autre non noble, & n'appert point que le premier ait payé finance. A sçauoir si le vendeur, ou autre acheteur non noble, payeront finance. Response, que le non noble possesseur payera finance seulement.

Le non noble achetant fief d'un noble paye seul le droict de francs-fiefs.

Item, si vn non noble se marie à vne femme noble, & font plusieurs acquests de nobles en fiefs nobles. Et ce faict l'homme non noble va de vie à trespas, & ont enfans. A sçauoir si la delaisnée, & lesdits enfans payeront finance pour lesdits acquests. Response, que lesdits enfans du non noble payeront finance pour lesdits acquests pour leur cote & portion seulement.

Quand un non noble se marie à femme noble.

Item, si vn noble marie sa fille à vn non noble, & luy donne en mariage, fiefs ou aleux : Soit déclaré si ledit non noble, sera tenu payer finance. Response, que apres ce que ledit non noble aura tenu lesdits fiefs par an & iour, il sera tenu payer finance.

Quand le noble marie sa fille à un non noble.

Item, si vn non noble achete de noble, rente à vie, soit à grain, ou argent, à prendre sur les fiefs nobles dudit noble. A sçauoir si pour ce doit estre leuée finance. Response que non.

Pour rente assignée sur fief n'est deu droict de francs-fiefs.

Item, si non nobles apres les cris & denonciations à eux faictes d'apporter par declaration ce qu'ils tiennent en fief : vendent leursdites acquisitions nobles, auant qu'aucune composition en soit faicte avec eux. A sçauoir s'ils doiuent finance. Response que non.

Item, si aucuns Licenciez és droicts Canon ou Ciuil, peuuent tenir & acquerir à cause de leurs degrez, fief & aleux, sans payer finance. Response, qu'ils payeront finance.

Les graduez ne sont exempts du droict de

Item, si aucuns autres, qui sont du Cōseil du Roy, ou des Pairs de France

francs-fiefs.

peuvent comme dessus acquerir & tenir fiefs & aleux sans payer finance. Responſe, qu'ils payeront finance.

Jusques à quel degré de fief le Roy prend finance.

Item, ſoit déclaré, iusques à quel nombre de Seigneurs entre moyens entre le Roy & les vendeurs & alieneurs deſdits fiefs nobles & non nobles. Responſe que le Roy prendra finance iusques au tiers Seigneur includ, ſans y comprendre ledit Seigneur Roy, pour l'un des trois.

Item, ſ'aucuns tenant pluſieurs fiefs & arriere-fiefs, delaiſſent iceux fiefs & arriere-fiefs, pour la finance. C'eſt à ſçavoir, que l'on le prendra, & appliquera l'on au Domaine du Roy.

Le payement du droit de Francs-fiefs n'anoblit pas.

Item, aucuns non nobles, ont payé autrefois finance, paſſez ſont quarante ans ou environ. A ſçavoir ſi on les peut derechef traicter à finance. Responſe, que le premier payement ne les a point anoblis ſ'ils ne ſont les autres enſuiuans, & ne payent ladite finance que pour la tolerance de tenir leſdits fiefs nobles, & payeront finance de quarante ans en quarante ans.

On ne peut tenir terre ſans Seigneur.

Item, ſe tiennent pluſieurs poſſeſſions, terres, & heritages, ou fonds du Roy, dont le temps paſſé n'ont eſté payez aucuns cens. A ſçavoir ſi on les contraindra à payer d'oreſnauant aucuns cens. Responſe que l'on ne peut tenir terre ſans ſeigneur, & que l'on impoſera cens ſur les heritages, que l'on payera au Roy, eu eſgard aux prochaines terres payans cenſiues.

Item, ſ'enſuit vn autre article, contenant ceſte forme. Tous poſſeſſeurs non nobles, qui d'aucuns temps & longue tenuë, par ſucceſſion ou autrement, ont tenu & tiennent fiefs nobles, payeront finance.

En franc-aleu faut tiltre.

Item, à ſçavoir ſi tous heritages que l'on dit eſtre tenus en franc-Aleu ſeront mis en la main du Roy, qui ne monſtrera tiltre, quelque temps que l'on ait iouy. Responſe, qu'il conuient faire apparoir du tiltre. *Alias* ſoit mis en la main du Roy, Signé N. de Bailly.

Sur les trois poincts & articles des difficultez propoſées de par le Roy: par maistre Anthoine Raburet, & par luy baillées par eſcript aux Gens des Comptes à Paris, maistre Pierre le Gendre Threſorier de France, maistre Iean le Lieure, Guillaume Roger, & Roger Barriue Aduocats & Procureur generaux du Roy noſtre dit Seigneur en ſa Cour de Parlement: Pour en communiquer enſemble, & iceux accorder: deſquels poincts & articles la teneur ſ'enſuit.

Premiere difficulté.

Le premier des poincts & difficultez, ſur leſquels le Roy noſtre Sire a donné charge à moy Anthoine Rebours, conferer à Noſſieurs des Comptes, pour accorder les articles des instructions, ſur leſquels ledit Seigneur veut les finances des francs-Fiefs, & nouveaux Acqueſts, eſtre leuées. Pource que par les Ordonnances ou Commiſſions données du Roy, en l'an mil trois cents vingt-deux, l'exaction eſt plus grande qu'elle n'eſt par les instructions qui ſe trouuent tranſcriptes au compte de Hue de Leſines, Commis à receuoir leſdits francs-Fiefs, & nouveaux Acqueſts, au Baillage d'Amiens, en l'an 1455. ſçavoir ſi l'on leuera ladite finance ou exaction, ſelon les premieres ou dernieres ordonnances ou instructions.

Le deuxiesme eſt, pource que par ladite premiere cōmiſſion & en plu-

seurs autres, il n'est mandé aux Commissaires leuer lesdites finances depuis quarante ans. Et par lesdites dernieres instructions il est dict qu'ils seront leuez pour le temps de quarante ans, & au feur l'emplage. Sçauoir si l'on leuera selon la premiere ou derniere instruction & ordonnance.

Le tiers est sçauoir si l'on contraindra les gens d'Eglise, à vuidier leurs mains de toutes leurs acquisitions, depuis quelque temps qu'ils les aient acquises, s'ils ne monstrent Amortissement: & neantmoins payeront finance. Combien que par lesdites dernieres instructions, il soit dict indifferemment, qu'ils y seront contrainsts. Mais aucuns ont faict doute, s'ils y doiuent estre contrainsts. Ainsi signé Rebours.

Responce.

Lesdits Gens des Comptes, Thresoriers, Aduocats, & Procureur Generaux dessus nommez sont d'aduis. Quant au premier poinct. Attendu que de l'Eglise puis peu de temps en ça, ont esté leuez grands deniers, tant en general qu'en particulier: Que la finance qui se leuera à present, pour raison des francs-Fiefs, & nouveaux Acquests, soit en ensuiuant les instructions cy-deuant transcriptes, conformes à celles qui sont contenuës au compte desdits francs-Fiefs & nouveaux Acquests, faict en l'an 1455.

Quant au second poinct, sont d'aduis les dessusdits: combien que le Roy puisse licitement prendre finance desdits gens d'Eglise, de ce qu'ils ont acquis soit à tiltre onereux, ou lucratif, non seulement depuis quarante ans en ça: mais aussi pour tout le temps precedent, qu'ils ont tenu sans le consentement du Roy, possessions non amorties: Que neantmoins attendu ce qui dit est au premier article, que le Roy se doit (s'il luy plaist) contenter pour le present, de leuer finance sur lesdits gens d'Eglise, pour cinquante ans seulement, qu'ils auront tenu lesdites possessions. Et pour iceux cinquante ans, en leuer finance telle & semblable que par lesdites instructions estoit ordonné leuer pour quarante ans, & non plus. Et pour les acquisitions qui auroient esté tenuës moins de temps que cinquante ans, au feur & raison dudit temps qu'ils auront tenu lesdites possessions: en ayant tousiours esgard à la nature & qualité d'icelles acquisitions.

Quant au tiers poinct, sont d'aduis conformément à ce que contenu est esdites instructions de l'an 1455. neantmoins que lesdits gens d'Eglise, & main-mortes, aient payé finance, pour la tolerance d'auoir tenu par cy deuant les acquisitions par eux faictes. Toutesfois seront contrainsts à en vuidier leurs mains dedans an & iour, apres les commandemens qui leur en seront faits, & non seulement des choses par eux acquises depuis quarante, cinquante, ou cent ans en ça, mais aussi de tout temps auparavant. Sinon qu'ils facent apparoir d'Amortissement du Roy, desdites acquisitions. Ainsi signé du Fresnoy.

Le contenu cy-dessus, a esté anciennement extraict de la Chambre des Comptes. Et est escript au registre, appellé le liure du Procureur du Roy,

estant au Greffe de la Iustice du Thresor. Pareillement audit registre sont escriptes les Ordonnances concernans les fermes du Domaine du Roy, avec plusieurs autres anciennes Ordonnances, Arrest de la Cour de Parlement, & autres choses dignes d'estre veuës & leuës. Lesquelles deueroient estre imprimées & diuulgüées.

INSTRVCTIONS ET MEMOIRES anciennement baillez aux Commissaires enuoyez sur les lieux, pour leuer les droicts de francs-Fiefs, & Nouveaux Acquests.

*Instructions
baillez par
les Gens des
Comptes
aux Com-
missaires
enuoyez sur
les lieux.*



INSTRVCTIONS & aduertissemens, faicts & baillez par les Gens des Comptes du Roy nostre Sire, aux Commissaires ordonnez & establis par le Roy nostredit Seigneur, à composer, leuer, & faire cueillir les deniers qui peuuent estre deus audit Seigneur, à cause des francs-Fiefs, & nouveaux Acquests. Pour lesquels receuoir & venir ens, & en rendre bon compte & reliqua, a esté par iceluy Seigneur Commis Receueur tel, &c. & pour Greffier tel, &c. Ainsi que se pent apparoir par les lettres de Commission dudit Seigneur, sur ce faictes & expedïées, transcriptes & enregistrées en la Chambre desdits Comptes, és registres d'icelle. Les deniers desquels francs-Fiefs, & nouveaux Acquests, se doiuent receuoir par les Receueurs ordinaires des lieux, pour ce qu'ils sont des dependances de leurs offices.

*Les Com-
missaires
deputez
pour les
francs-Fiefs
& nou-
veaux Ac-
quests, ex-
hiberont
leur com-
mission aux
Iuges ordi-
naires des
lieux.*

Et premierement il a esté ordonné par lesdits Gens des Comptes, que lesdits Commissaires auant que proceder & besongner au faict de leur dite Commission, exhiberont & communiqueront icelle, avec les ordonnances & instructions cy-apres contenües, & ce present Memoire, au Seneschal ou Bailly du lieu, ou lieux, où il aura à besongner, ses Lieutenans generaux & particuliers, & Iuges Royaux desdits lieux: à ce presens les Aduocat, Procureur, & Receueur ordinaire esdites Seneschauces ou Baillages, ou leurs Commis & Substituts en leurs absences: par le conseil & deliberation desquels, lesdits Commissaires besongneront en ladite matiere, specialement quant aux compositions qui seront à faire, & autres choses où il y aura doute ou difficulté.

*Les Com-
missaires
presteront le
serment
pardeuant
les Iuges or-
dinaires.*

Item, & pource que lesdits Commissaires, Receueur, & Greffier, ne sont à present pardeça, pour prendre & receuoir d'eux le serment en tel cas accoustumé: Ils auant que besongner en leur dite Commission, feront le serment és mains dudit Bailly ou Seneschal, son Lieutenant ou Iuge ordinaire esdites Seneschauces ou Baillages, presens lesdits Aduocat, Procureur & Receueur, de bien & loyaument exercer le faict de leursdites charges & commission, chacun endroict soy, avec les autres sermens en tel cas requis & accoustumez.

Item, & apres le serment ainsi prins, & receu dudit Receueur, & commis: & auant qu'ils recoiuent aucuns deniers de ladite commission, il baillera & fournira pleige & caution, bons & suffisans, tant pour le faict de la recepte desdits deniers, que du compte & reliqua d'iceluy: iusques à telle somme que par lesdits Commissaires & lesdits Officiers du Roy sera aduisé. Lesquelles cautions seront par eux certifiées telles que dessus: & par ledit Receueur ordinaire d'icelles Seneschaucées ou Baillages, apporté sur son prochain compte, à rendre en ladite Chambre avec le nom dudit Commis. Lequel Receueur ordinaire sera tenu en faire expresse & speciale mention en sondit prochain compte, Au chapitre faisant mention des francs-Fiefs & nouveaux Acquests, pour en rendre iceluy Receueur Commis comptable.

Le Receueur des droicts de francs-Fiefs, & nouveaux Acquests, est tenu bailler caution.

Item, & pource que par cy-deuant plusieurs Receueurs & Commis à recevoir les deniers desdits francs-Fiefs, & nouveaux Acquests, n'ont aucunement déclaré en leur recepte, pourquoy ne à cause de quoy, ne aussi la quantité & qualité des choses, pour lesquelles ceux de qui ils recoiuent lesdits deniers, auoient esté composez: n'apporté sur leurs comptes de ladite recepte, la declaration au vray & au long de ladite composition, tellement que l'on n'a peu auoir cognoissance de quoy, ne pourquoy, ne pour quelles choses, iceux Receueurs auroient receules deniers d'icelle composition: iacoit qu'il ait esté plusieurs fois ordonné ainsi le faire, pour plusieurs bonnes causes & raisons. Il est ordonné & expressement enioint ausdits Commissaires & Greffier, prendre & enregistrer par deuers eux, icelle declaration au long & au vray deüiement spécifiée, & déclarée, selon la qualité des choses, & la valeur d'icelles. A sçauoir par quel temps ils en ont iouy, depuis quel temps elles sont acquises, & pour quels temps ils ont payé & composé. Et generallyment soient declarez tous les autres poincts requis & necessaires pour satisfaire & fournir aux Instructions & Ordonnances Royaux cy apres contenües. Et à ce que cy en auant l'on puisse sçauoir & entendre ce qui a esté faict en ceste matiere, & pour obuier à autres plus grands frais & despens, tant pour le Roy, que pour les parties, & que lesdites parties ne soient d'oresnauant plus molestées sans cause. Lesquelles declarations seront mises & redigées par escript, en vn, deux, trois, ou quatre volumes, signez desdits Commissaires & Greffier: & baillé audit Receueur Commis, pour luy seruir à la verification de sadite recepte.

Comme les declarations & compositions doiuent estre rapportées au compte du Receueur.

Item, & quant aux grosses compositions qui seront d'importance, lesdits Commissaires appelleront à ce iceux Seneschal ou Bailly, & les Advocat & Procureur dudit Seigneur en ladite Seneschaucée ou Baillage, ou leurs Lientenans, Commis & Substituts: lesquels signeront lesdites grosses compositions, avec les dessusdits Commissaires & Greffier.

Les Commissaires doiuent appeller les Officiers des lieux.

Ce que dessus a esté extrait de la Chambre des Comptes.

RESPONSES AVX REMONSTRANCES enuoyées au Conseil Priué du Roy, par les Deputéz des Estats de Bretagne, en l'an 1557. concernant le droict des francs-Fiefs.

Pourquoy les presentes remonstrances ont esté dressées.



I les remonstrances enuoyées sous le nom du Parlement de Bretagne, tendoient à la conseruation des priuileges & libertez du pays; le Procureur du Roy ne se vouldroit tant oublier, d'entreprendre d'y vouloir respondre.

Mais le dommage que ces Remonstrances pourroient apporter, si elles estoient suiuiues, est de telle importance; que le Procureur du Roy ne le peut dissimuler, sans se mesprendre. Voyant qu'elles procurent l'abolition des anciennes loix du pays, & la diminution du Domaine du Roy.

Ordonnance faicte en Bretagne pour empêcher que le roturier prinist la qualité de noble.

Pour ce monstrier, il est tout notoire, que la douceur du tiltre de Noblese, a de tout temps excité vne telle emulation aux Gens du tiers Estat en Bretagne, qu'il n'est celuy qui ne vueille prendre qualité de Noble.

Pour donner ordre à ce desordre, anciennement les Ducs de Bretagne, & depuis les Roys Charles VIII. & Louys XII. furent contraints d'y mettre la main, & *leges tulerunt de familiis regundis*. Tellement que les Nobles furent reduits & immatriculez en certains cahiers & registres publiques.

Auec vn autre remede, qui a esté introduict par l'vsage des plaids, qui est tel. Auant que l'homme soit reputé noble, il est requis en premier lieu, qu'il soit extraict de noble generation. Apres qu'il viue noblement. Tiercement qu'il ait partagé noblement, & aduantageusement, suiuant l'assise du Comte Geuffroy: qui sont termes assez cogneus au pays.

Sans ces deux remedes, le tiers Estat s'alloit confondre parmy la Noblese. Tellement qu'il eust esté impossible de les desmesler.

Ancienne vsance en Bretagne du noble exerçant arts mecaniques.

Car l'exercice des arts mecaniques, & le trafic de marchandise, qui font en autre pays distinction entre le Noble & le roturier, ne seruent gueres en Bretagne. Parce qu'ils maintiennent que tels actes derogent à Noblese, ne font qu'estourdir ceste qualité: Mais que delaisans lesdits actes la personne reprend la qualité de Noble, comme deuant.

En Bretagne le roturier ne peut acquerir fiefs, autrement le prix est acquis au Duc.

Si le roturier s'est monstrier conuoiteux d'vsurper le tiltre de Noblese; il s'est monstrier encores plus aspre apres les fiefs & heritages nobles. Tellement qu'il y a plusieurs Nobles maisons, qui sont venaës en main de roturiers, & les Gentils-hommes ruinez & tombez en mendicité.

Et quelque defense qu'on ait sceu faire en Bretagne, aux Gens du tiers Estat; iamais n'a esté possible de les chastier, & les retirer de s'accroistre sur la Noblese. Tellement qu'en l'an 1421. au Parlement general tenu en l'assemblée des Estats, le Duc fut contraint faire loy & ordonnance, que

nuls

nuls roturiers ne autres qui ne seroient extraicts de noble generation, en droicte ligne, & viuans noblement, ne pourroient acquerir heritage ou fief noble : sur peine de le perdre, & appliquer le prix de la vente au Duc, avec autres peines y declarées.

Laquelle ordonnance fut trente ans apres rafraischie par le Duc Pierre, en l'an 1451. Ainsi qu'il est recité par le 5. article des Remonstrances du dit Parlement de Nantes : & par les lettres patentes du feu Roy, données à Vateuille le 10. May 1535. adressantes au feu Seigneur de Chasteaubriant.

Ceste confiscation qui a lieu en Bretagne (car au pays de France il y a autre peine) c'est le droict de franc-Fief, appartenant au Roy, à cause de la forfaiture & entreprinse, contre la defense de la loy.

Le droict de francs Fiefs est deu pour peine & forfaiture.

En France, ce droict s'appelle vulgairement le droict de franc-Fiefs, qui se doit entendre des francs-Fiefs, occupez, tenus & possédez par gens incapables, qui sont roturiers & non nobles.

En Bretagne, on l'appellera comme on voudra. Mais sans entrer en la dispute du nom, l'acte y est defendu, la loy y est escrite & receuë, non point du iourd'huy : mais auant cent trente ans, & plus. Et de fraische memoire depuis vingt-cinq ans en ça, ce droict a esté leué publiquement en Bretagne, sans contradiction aucune, par le feu Seigneur de Chasteaubriant, lequel receut infinis roturiers à composition, pour les peines & amendes par eux encourues, à cause des fiefs par eux occupez.

Sur ce que dict est cy-deuant, est assis le fondement de la Iustice de toutes les lettres que le Roy a commandées pour Bretagne : à commencer aux premieres, qui furent publiées l'an 1554. Par lesquelles estoit commandé, proclamer à son de trompe : Que tous roturiers eussent à enuoyer respectiuement aux Greffes de leurs Seneschaucées, les declarations par le menu de leurs fiefs, avec les souffrances & permissions, s'aucunes en auoient, de tenir lesdits fiefs, pour le tout estre enuoyé aux Commissaires deputez à Paris.

Et pareille lettres, auoient long temps au precedent esté publiées par tous les lieux ressortissans aux Parlemens de Paris & Normandie.

Les autres pays ont pieça tous obey.

Ne reste que ceux de Bretagne, qui n'ont tenu conte d'obeyr, & se veulent exempter sous l'une de ces quatre excuses.

L'un dict qu'il est noble par lettres d'Anoblissement.

L'autre pretend auoir sentence de declaration de noblesse.

Le tiers allegue, qu'il a lettres de permission de tenir fiefs.

Le reste se fonde sur les permissions que le Seigneur de Chasteaubriant leur donna, en composant leurs amendes.

Quant aux premiers qui dient auoir lettres d'Anoblissement, cela ne fait à propos. Car par ladite ordonnance ancienne de Bretagne, il est requis pour estre capable de tenir fiefs, que l'homme soit noble, extraict de noble generation, & qu'il viue noblement.

Quatre moyens allégués par les deputez de Bretagne, pour s'exempter du droict de francs-Fiefs

Quant à ceux qui alleguent auoir declaration de leur noblesse par sentence : Il faut voir s'ils dient vray, & qu'ils facent apparoir de leurs senten-

*Reſponſe
aux quatre
moyens al-
leguez par
les Deputez
de Bretagne.*

ces & procedures, pour voir ſommairement avec quel contradicteur elles ont eſté données : & ſi le Procureur du Roy a eſté ouy, & ſ'il y a eu collusion.

Le tiers qui pretend auoir permiſſion du Roy de tenir fief, en doit faire apparoir. Et c'eſt ce qui eſt mandé, que tous roturiers enuoyent la declaration des fiefs, avec les permiſſions qu'ils ont de les tenir.

Quant à ceux qui fondent leur capacité ſur les permiſſions du Seigneur de Chateau-briant, c'eſt vn abus.

Car par la teneur de ſa Commiſſion, il n'auoit pouuoir que de compoſer, & non de diſpenſer.

Ces conſiderations ont donné occaſion au Procureur du Roy de ſe traire pardeuers ſa Majeſté, afin d'auoir prouiſion pour contraindre les deſſuſdits à obeyr. Et à ces fins decerner les trois lettres patentes que le Parlement de Nantes reſuſe verifier.

*Teneur de
quatre let-
tres decer-
nées pour
leuer le droit
de francs-
Fiefs en
Bretagne.*

Les premieres ſont du 12. May, 1555. Par leſquelles eſt mandé, rafraiſchir les proclamations precedentes. A ce que les roturiers enuoyent les declarations des fiefs qu'ils tiennent, ſur peine de ſaiſie d'iceux fiefs : Non-obſtant oppoſition, & ſans preiudice d'icelle. Et par meſme moyen ſont admonettez les pretendus nobles, ayans ſentence de nobleſſe, d'enuoyer les ſentences & procedures ſur leſquelles ſont interuenues leſdites ſentences.

Des lettres du 12. May, nul ne ſe peut plaindre. Car il n'eſt mandé que d'enuoyer du papier. En quoy faiſant le roturier euite la ſaiſie. S'il n'obeit, il n'eſt rien ſi iuſte, que de le contraindre par ſaiſie de fief.

Les 2. lettres du 19. Aouſt, 1556. ſeruent pour l'inſtruction des Gens des Comptes de Bretagne. Et leur eſt mandé rabiller quelques obmiſſions, aduenues en procedant à la verification des lettres contenans permiſſion d'acquérir fiefs. Leur eſt enioinct garder la forme introduicte par les anciennes Ordonnances, & obſeruee de tout temps en la Chambre des Comptes à Paris : à laquelle celle de Bretagne ſe doit conformer.

Par les tierces lettres, de meſme datte, le Roy declare, que le pouuoir donné par le feu Roy au feu Seigneur de Chateau-briant, en l'an 1555. ne s'extendoit à donner permiſſion aux roturiers de tenir fiefs.

Et pourroit ſembler d'entrée, que ceſtierces lettres n'eſtoient pas fort neceſſaires. Parce que la ſimple lecture du pouuoir donné audit Seigneur de Chateau-briant, decide cela. Mais pource que ſon Secretaire expediant les quittances particulieres de ceux qui venoient à compoſition, y mettoit ceſte claſe de permiſſion. Le Roy pour mettre ceſte queſtion hors de diſpute, a commandé ceſtierces lettres.

Quant à la 4. lettre en datte du 21. Feurier, 1556. dont le ſeul tiltre des remonſtrances faiet mention, car par le diſcours ils l'ont oubliée : c'eſt vne lettre donnant permiſſion aux Huiffiers & Sergens executeurs des mandemens, d'exploicter ſans demander obeyſſance, & de porter piſtoles pour leurs deſenſes, apres qu'il en a eſté tué deux ou trois.

Par ce que dict eſt, ſe peut ayſément cognoiſtre, ſ'il y a fonds en ces remonſtrances, ou couleur aucune, d'auoir reſuſé & reculé la verification de ces lettres depuis deux ans.

Reste maintenant à respondre particulièrement à chacun article d'icelles, & y appliquer ce qui a esté dict cy-dessus.

Au premier article, contenant, que de la publication de ces quatre lettres, aduiendroient plusieurs inconueniens, & qu'elles sont contre les loix du pays. C'est ce qui se peut veritablement dire de leurs remontrances.

Au 2. article, faisant mention que lors de l'vnion du Duché à la Couronne, leur fut promis qu'aucun nouveau subside n'y seroit imposé, s'il n'estoit demandé & accordé. Et au troisieme contenant que le droit des francs-Fiefs n'y fut oncques demandé, ny accordé: tout cecy est hors de propos. Car il est question non point de subsides, mais de deniers domaniaux, prouenans des forfaitures & amendes acquises au Roy, par l'ancienne loy de Bretagne. Lesquels deniers ne s'égalent point sur les subiets comme les subsides: mais se prennent seulement sur les delinquans, comme les autres amendes & forfaitures, qui sont les profits de Iustice.

Le droit de francs Fiefs est domanial, & non subside.

A ce qu'ils dient que ces mots de francs-Fiefs sont termes incogneus en Bretagne. Il se treuve par toutes les lettres de permission de tenir fiefs, impetrées par les roturiers de Bretagne, Qu'ils ont demandé par termes exprés permission d'acquérir fiefs nobles, de certaine valeur, de rente, en franc passage, *quibus verbis resellitur eorum opinio*, qui dient, qu'en Bretagne on n'entend point ces mots de francs-Fiefs. Et l'Ordonnance de l'an 1421. porte ces mots. Auons ordonné que les roturiers ou autres qui ne sont de noble generation, de leurs droictes lignes, & viuant comme gens nobles, ne puissent en nostre pays & Duché de Bretagne, acquérir heritages, ou fiefs nobles.

Les mots de francs-Fiefs ne sont incogneus, & ce qu'ils signifient.

Aux 4. 5. 6. & 7. articles, ils trauaillent, pour monstrier l'inciuilité des lettres du 12. May, 1555. Mais il y a vne response. Car ces lettres ne contiennent en substance autre chose, que le rafraischissement des proclamations faites en l'année precedente, en vertu d'autres lettres de Iuillet, 1554. desquelles n'y eut iamais plainte.

C'est à sçauoir, que tous roturiers & autres non extraicts de generation noble, enuoyent les declarations de leurs fiefs dans certain iour. A faute d'obeyr, est mandé les saisir, *in contumacia pœnam*, est dict expressément sans preiudice de l'opposition, *quibus verbis salua res est*, à celui qui aura permission du Roy de tenir fiefs. Car en faisant apparoir de la permission, il aura main-leuée.

Pourueu toutesfois que la lettre de permission soit deuëment expediée, & verifiée en la Chambre des Comptes, suiuant les Ordonnances anciennes. Car si les Gens des Comptes de Bretagne les ont passées sans y regarder, & sans informer sur la commodité & valeur des choses, & sans taxer les impetrans pour l'indemnité du Roy, ils ont fait cōtre l'Ordonnance, & *nihil egerunt*. Car ils sont establis en celieu pour la conseruation des droicts & finance du Roy, & non pour les esgarer.

Pour la permission de tenir fiefs est deuë finance au Roy.

Et c'est la cause qui a meue le Roy de decerner l'vne des deux lettres du 19. Aoust 1556. Pour faire rabiller aux Gens des Comptes leurs obmissions. Lesquelles lettres ne contiennent que l'instruction & forme de ve-

rifier les permissions & les Amortissemens. Et en cela l'obmission faicte par les Gens des Comptes, ne peut preiudicier aux droicts du Roy.

La Cour de
Parlement
ne taxe la
finance
deue au Roy.

Quant à la verification desdites permissions qu'ils dient auoir esté faicte par la Cour de Parlement de Bretagne, purement, & sans les charger de finance: cela ne fait rien à propos. Car l'on sçait bien que les Cours de Parlemēt ne taxent pas les indemnitez du Roy. C'est l'office des Gens des Comptes. Ioinct que la Cour est grandement circonueniue en ceste matiere de francs-Fiefs: comme il appert par la lecture de ses remonstrances.

En Bre-
tagne il faut
estre noble
de race.

Aux 8. & 9. articles, concernans les roturiers anoblis par lettres, il ne se faut point arrester à telles lettres d'Anoblissement. Soit que la personne anoblisse ait payé finance, ou non payé. Car comme dict est cy dessus, par les Ordonnances de Bretagne, il faut estre noble, extraict de noble generation, & non point noble en parchemin. Et toutesfois en faisant apparoir des lettres d'Anoblissement deuement verifiées, pour le present ne leur est rien demandé.

En ce qu'ils dient, qu'il ne fut iamais ouy, que ceux qui sont anoblis par lettres, payassent finance pour leur anoblissement, les Ordonnances sont au contraire. Par lesquelles est defendu passer telles lettres sans finance, encōres que le Roy la donnast, s'il n'y a deuxiesme iussion.

Au contenu du 10. article y a bonne responce. Car les anoblis par lettres, posé qu'ils soient en possession de noblesse, n'ont encōres pris la qualité de vraye noblesse, telle que les Ordonnances de Bretagne le requierent. Leur noblesse est acquise en naissant, & les loix du pays requierent vne noblesse naturelle, & de longue main.

Quant aux querelles & debats, ensemble aux troubles de partages & de mariages, dont ledit article menace: C'est autant comme s'ils disoient que si le Roy ne quitte ses droicts, les subiects auront querelle entre eux, qui est vne chose mal sonnante, & indigne d'estre prononcée deuant le Roy.

En Bre-
tagne le noble
ayant de-
rogé à no-
blesse, peut
retourner à
sa noblesse.
comme cela
s'entend.

Quant à l'vnziesme article parlant de la Coustume de Bretagne, par laquelle les nobles ayans faict acte derogeant, & depuis ayant delaulé lesdits actes, & vescu noblement, doiuent iouyr des priuileges de nobles. Ceste Coustume pourroit auoir lieu entre gens priuez, & *in iure ciuili*. Mais *in publicis causis, iuri publico stare oportet*: & l'Ordonnance cy-dessus alleguée, de l'an 421. ne reçoit point ceste distinction.

D'auantage la Coustume pourroit auoir lieu, quand il n'y a qu'une personne ayant faict acte derogeant à noblesse. Mais quand la derogation est double, & que l'ayeul, le pere & les descendans, ont tous derogé à noblesse: la Coustume ne pourroit auoir lieu. Et les lettres patentes du 12. May, parlent de ceux, lesquels ont derogé à leur noblesse, tant eux que leurs predecesseurs. Et qui pour le iourd'huy vsurpent ce tiltre. C'est à dire, qui n'en sont en bonne possession.

D'auantage on ne peut nier, que si vn noble durant le temps que sa noblesse est estourdie, & qu'il faict actes derogeans à icelles, s'est ingeré d'acquérir fief, que tel fief ne soit confisqué. Car il est certain, que telle

acquisition est faicte par vn roturier & non noble. Tellement que son acquisition tombe sous l'interdiction & peine de la loy. Parquoy en tout cas il faut que la declaration de tels fiefs soit enuoyée, & qu'il apparaisse du temps que l'acquéreur a laissé à faire actes derogens à noblesse.

Autrement vn roturier voulant éviter la peine de la loy, diroit du iour au lendemain. Je ne veux plus faire actes derogens, & commence à vivre noblement. Et en ce disant il demeureroit quitte, & se mocqueroit de la loy. Ce qui n'est pas à souffrir.

Aux 12. & 13. articles il y a bonne responce. Car il ne se voit gueres qu'un Gentil-homme d'ancienne race, soit mis en procez pour raison de sa noblesse, & qu'il faille en auoir sentence. Et pource que telles sentences declaratiues de noblesse, peuuent estre fondées sur les lettres d'Anoblissement obtenues fraichement, il faut voir les preuues: Car tel Anoblissement, comme dit a esté, ne peut profiter pour tenir fief, ne par consequent les sentences fondées là dessus.

Parquoy il n'y a point de raison de se plaindre, si le Roy veut que les sentences & procedures soient apportées, pour voir s'il y a eu cognoissance de cause, & avec quelles parties. Et depuis six ans, par arrest de la Cour, en la cause du Lieutenant Criminel d'Angers, contre les coheritiers, ils ont tous esté declarez roturiers. Combien que leurs predecesseurs eussent esté autrefois enuoyez sans finance à cause des francs-Fiefs, comme nobles. En quoy les Commissaires auoient esté circonuenus: à quoy le Roy veut obuier pour l'aduenir.

Pourquoy le Roy ordonna qu'on apporteroit les procedures des sentences d'icelles sur le fait de noblesse.

Et faict bien à ce propos ce que la loy Romaine ordonnoit, que les sentences données *in causa status* se pourroient retracter, & les procez estre reueus, sans venir par voye d'appel, *ad collusionem detegendam*, qui tousiours est à craindre en telles matieres.

Au 13. article, c'est pour neant d'alleguer la difficulté du recouurement des sentences & procedures. Car les sentences se trouueront aux Greffes des Iuges qui les ont données. Quant aux procedures, compulsoire leur sera deliuré s'ils le demandent.

Aux 15. & 16. articles, y est assez satisfait par ce qui vient d'estre dit.

Aux 17. 18. 19. & 20. articles, ils s'abusent. Car les Commissaires deputez à Paris pour les ressorts des Parlements de Paris, Normandie, & Bretagne, ne tiennent les sujets du Roy en plaid ne procez. Aussi ne sont-ils point *arbitri rei iudicanda dati*, *sed rei estimanda solum*, *aut potius rei moderanda*. Pour taxer & composer les amendes acquises au Roy, lesquelles sont toutes iugées, & n'y faut point prononcer, mais seulement taxer sur les declarations, ou renvoyer sans finance, s'il appert de la permission d'acquiescer deuëment expediee & verifiée.

C'est vn autre abus de penser que tels sujets du Roy, enuoyans leurs declarations pour estre taxées entrent en despense. Car ils sont seulement tenus d'enuoyer les declarations & permissions, & autres pieces, au Greffe de la Seneschaucée où les fiefs sont assis. Ce faict les Greffiers les enuoyent à Paris, en bloc & en tasche par messager exprés, auquel est faicte vne petite taxe sur le Roy: Sans ce que les sujets du Roy entrent

Qu'il n'y a point de frais d'enuoyer les declarations à Paris.

328 Instructions
en frais. Et iamaïs n'en est venu plainte du ressort de Paris: ne pareille-
ment de ceux de Normandie, qui ne s'en fussent pas teus.

Quant aux 21. & 22. articles, par lesquels les remonstrances font grand
fondement sur les permissions données par le Seigneur de Chasteau-
briant, à ceux qu'il receut à composition.

Le Seigneur
de Cha-
steau-briant
n'a eu sinon
pouuoir de
composer
pour le
droict des
francs-
Fiefs, non
pas donner
permission
au roturier
de tenir fief
à l'aduenir.

Pour resoudre ce poinct il faut supposer, que par la Commission adres-
sante au Seigneur de Chasteau-briant luy estoit mandé aduiser, pour le
bien du Roy, de sa noblesse, & de la chose publique du pais de Bretagne,
de receuoir à quelques raisonnables compositions ceux qui bailleroient
declarations de leurs fiefs, & les taxer à telles sommes qu'il verroit
estre à faire pour le mieux.

Quant à ceux qui ne fourniroient de leurs declarations dans le temps
prefix, estoit mādē saisir & incorporer au Domaine les fiefs par eux tenus.

Il s'en trouua vn grand nombre qui fournirent lors de declarations. Et
furent receus à composition, moyennant quelques petites sommes de
deniers. Et prenoit chacun d'eux lettres particulieres de sa taxe. Au pied
d'icelles faisoient inserer ceste clause. Auons permis & octroyé audit tel,
qu'il puisse d'oresnauant tenir & posseder lesdites choses nobles. Et que
luy & ses hoirs en iouyssent paisiblement.

Et est aisé à entendre que le Secretaire dudit Seigneur de Chasteau-
briant, y adioustoit ceste clause, moyennant la propine qu'il tiroit de
chacune lettre de composition.

Et ne se peut dire que les bonnes gens fussent abusez sous l'autorité de
ceste clause. Car à chacun d'eux fut baillée copie du pouuoir dudit Sei-
gneur de Chasteau-briant, laquelle ils apportent encores auourd'huy
annexée avec leur composition. Et par la lecture d'icelle, ils pouuoient
deslors cognoistre, que le pouuoir du Sieur de Chasteau-briant n'estoit
pas assez ample, pour leur donner ceste dispense, contre la loy du pais.

Ne se doit aussi dire, qu'ils baillèrent leurs deniers sous la faueur de ce-
ste clause. Car ce fut pour éuiter la saisie & incorporation des fiefs au Do-
maine du Roy. Laquelle leur estoit preparée & prompte, s'ils n'eussent
fourny des declarations & prins la composition.

Or pour monstrier que le pouuoir de composer ne s'estendoit à bailler
permissions de posseder fiefs, & que la composition ne regardoit que la
peine & amende de la forfaiture. Cecy se verifie clairement par raison,
par loy & par exemple.

Le droict de
francs-Fiefs
est deu pour
la contra-
uention fai-
te aux Or-
donnances.

Par raison: car en vertu de la commission du Seigneur de Chasteau-
briant *pœna petebatur, non beneficium concedebatur. Absurdum enim fuisset
beneficio eos afficere qui in legem commiserant.* C'estoit beaucoup faict pour
eux, si la peine leur estoit composée & modérée. Aussi ce qui est escrit en
ladite Commission adressante au Seigneur de Chasteau-briant, de com-
poser, eu égard au bien de la noblesse, *non est otiosum: his enim verbis* ledit
Seigneur Commissaire *instituebatur, & ei præcepta dabantur* de ce qu'il
auoit à faire. C'est à sçauoir de presfiger temps au roturier de se deffaire de
son fief és mains de Gentil-homme, & personne capable. C'estoit le
vray moyen de faire le bien de la noblesse, comme il estoit mandé.

Mais de faire ainsi qu'il besongna, en permettant au roturier de posséder & tenir luy & ses hoirs, les fiefs par luy acquis contre la loy : C'estoit faire directement contre le bien de la noblesse, & contre le texte de la Commission.

Quant à la loy, elle y est expresse pour ce cas du Roy Charles V. en l'an 1372. au mois de Nouembre, portant ceste clause. Et n'est pas nostre intention que pour composition ou finance qui ait esté faicte au temps passé, ou sera faicte au temps aduenir, pour les acquisitions des fiefs faictes par les non nobles, les choses ainsi acquises soient tenuës pour amorties. Comme à nous en appartient l'Amortissement, & non à autre: Si les acquereurs n'ont sur l'Amortissement nos lettres seellées de nostre seal, passées & expedies par nostre Chambre des Comptes.

La composition faicte pour le droit de francs-Fiefs n'emporte pas permission de tenir fiefs à l'aduenir.

Et outre ceste Ordonnance, la loy de Bretagne dont cy-dessus a esté parlé, contient par mots exprés, que le congé & licence d'acquérir fiefs nobles par vn roturier, doit estre impetrée du Duc.

Quant à l'exemple, il se void à l'œil tous les iours. Pource que les Commissaires qui ont esté cy-deuant deputez du temps du feu Roy, & ceux qui presentement besongnent à Paris, au faict des taxes, pour les francs-Fiefs: ont pouuoir de composer par la teneur de leur Commission: tout ainsi qu'auoit le Seigneur de Chasteau-briant. Et toutesfois ils ne font que taxer & moderer simplement les peines de la forfaiture, & se gardent bien de donner aucunes permissions de tenir fiefs, & outre ces taxes & compositions, les detenteurs de fiefs ne laissent d'estre tousiours taxez de nouuel, quand il plaist au Roy, selon les années qu'ils ont occupé, & le seront tousiours iusques à ce qu'ils auront mis les fiefs hors de leurs mains: ou auront obtenu du Roy permission: & icelle deuëment verifiée en la Chambre des Comptes.

Les Commissaires ont charge de taxer, non pas de permettre au roturier tenir fiefs à l'aduenir.

La dernière clause de ces Remonstrances porte: Que si le Roy n'entretient les contractz faictz par ses Deputez avec ses sujets, qu'il ne pourra d'oresnauant recouurer d'eux aucuns deniers. Comme s'ils vouloient dire que le Roy est obligé d'entretenir les promesses faictes par ses Deputez, quand ils besongnent outre & par dessus leur mandement & pouuoir: ce qui ne seroit pas receu à l'endroit d'un particulier, & la raison de la loy naturelle & escrite est au contraire.

Reste maintenant de iuger, si les lettres decernées par le Roy doiuent estre verifiées comme ciuiles & equitables: Et le Roy consequemment conserué en sa possession, d'estre payé de ses droicts au pais de Bretagne: Comme il est par tout ailleurs sans contradiction: ou si leurs Remonstrances seront suiuis: Avec vne telle consequēce que le Roy fera vne inestimable perte de son Domaine. Et que pour l'aduenir il n'y aura plus de distinction en Bretagne, entre le Gentil-homme & le roturier. Et que les loix de Bretagne cōmencerōt de ce regne estre abolies: & le patrimoine de la noblesse qui porte les armes pour la garde du pais, tōbera es mains du marchand, duquel le Roy ne scauroit tirer defēse à l'encōtre de ses ennemis.

Conclusion de ce que dessus fort pertinente.

Si i'eusse peu recouurer les remonstrances enuoyées par les Deputez des Estats de Bretagne, aussi bien que les responses: ie n'eusse omis à les faire inserer au present Traicté.

LETTRES PATENTES DE L'AN
 mil cinq cens vingt & vn : par lesquelles est donné
 pouuoir à certains Commissaires deputez à Paris, de
 composer avec les gens de main-morte, & leur bailler
 lettres d'Amortissement sous leurs seings.

Noms de
 Messieurs
 les Com-
 missaires.



Recit des
 anciennes
 Ordonnan-
 ces.

Que les gens
 de main-
 morte sont
 tenus vui-
 der leurs
 mains des
 choses non
 amorties.

RANÇOIS par la grace de Dieu Roy de France, A nos
 amez & feaux Conseillers Maistres Roger Barine, Pre-
 sident en nostre Cour de Parlement à Paris: Iean Nico-
 lay, Cheualier, premier President de nos Comptes: Gil-
 les Berthelot, aussi Cheualier, Seigneur d'Azay, tiers Pre-
 sident de nosdits Comptes: l'un des Thresoriers de Fran-
 ce, ou des Generaux Conseillers par nous ordonnez sur le faict & gou-
 uernement de nos finances: Maistre Iean Preuost Conseiller en nostre
 dite Cour de Parlement: Pierre Michon, Clerc & Auditeur en nostredite
 Chambre desdits Comptes: & Raoul Guyot nostre Notaire, Secre-
 taire, & Controolleur de l'Audience de nostre Chancellerie: Salut & di-
 lection. Comme par cy-deuant nos predecesseurs Roys de bonne me-
 moire, que Dieu absolve, considerans la grande diminution de leur Do-
 maine, prouenir à cause des acquisitions que faisoient les personnes &
 Communautéz Ecclesiastiques, & autres de main-morte: aussi qu'au
 moyen d'icelles les Nobles & tiers Estat estoient tres-fort interelléz:
 Eussent à diuerses fois faict Ordonnances, & par icelles prohibé & defen-
 du ausdits de main-morte de non plus acquerir, & de vuidier leurs mains
 dedans an & iour des choses par eux acquises, ou données, leguées, & au-
 mosnées, qui n'auroient esté amorties. Et pour la tolerance d'auoir tenu
 par certaines années ce qu'ils auoient acquis, sans leur assentement, ou de
 leurs predecesseurs, & de l'interest qu'ils pourroient auoir eu à cause de
 ce. Ordonne pour les recōpenser, estre prinſes & leuées certaines sommes
 de deniers: qui est deuoir de francs-Fiefs, & nouueaux Acquests. Ce que
 depuis nostre nouuel aduenemēt à la Couronne, aurions aussi faict & or-
 donné faire par les Cōmissaires par nous establis, sur le faict desdits frācs-
 Fiefs, & nouueaux Acquests, en plusieurs Baillages & Seneschaucées &
 pais de nostre Royaume, où elles ont esté leuées. Et combien que par nos
 Ordonnances, & instructions baillées ausdits Cōmissaires desdits francs-
 Fiefs, & nouueaux Acquests, lesdits gens de main-morte soient tenus de
 vuidier leurs mains desdites choses par eux acquises, ou qui leur ont esté
 données, leguées, ou aumosnées, & qui ne sont pas amorties, comme estās
 en main-morte. Toutesfois ils n'en ont rien faict, mais les tiēnent & pos-
 sedent encores: Et qui plus est n'ont cessé & ne cessent d'acquerir, en en-
 fraignant nosdites Ordonnances, cōmandemens & inionctiōs, & encou-
 rent les peines indictes par icelles, à nostre tres-grand preiudice & dōma-
 ge,

ge, & de la chose publique. A laquelle cause desirās à ce pourvoir pour la cōservation de nostredit domaine, aussi pour le bien de la chose publique, & de nos subjets. Apres auoir eu cōference & cōmunication de ceste matiere à plusieurs Seigneurs grāds & notables personages de nostre Conseil, ayons par nos lettres patētes mandé & ordōné, à tous les Baillifs, & Seneschaux, ou leurs Lieutenans, chacun en ses fins & limites, faire derechef nouvelles defenes à son de trompe & cry public, & autrement, ausdites personnes, & communautēz Ecclesiastiques, & de main-morte, de non plus acquerir, & de vuidier leurs mains desdites acquisitions à quelque tiltre que ce soit, s'ils ne sont amortis comme il appartiendra, sur peine de ioindre & appliquer à nostre Domaine lesdites acquisitions. Et pource que nous considerans que lesdits gens d'Eglise & de main-morte, estoient contrains selon la rigueur desdites Ordonnances, vuidier leurs mains desdites choses par eux acquises, & qu'ils tiennent non indemnees & amorties: seroit pour leur faire laisser & discontinuer le service diuin, qu'ils font selon l'intention des fondateurs. Desirans en consideration des graces singulieres & benefices qu'auons receu, & receuons iournellement de Dieu le Createur, leur subuenir & ayder en ceste matiere, & fauorablemēt les traicter. Ayans en ensuiuāt l'aduis des dessusdits mandé à nosdits Baillifs & Seneschaux, qu'ils facent entendre ausdites personnes Ecclesiastiques & de main-morte: Que s'ils veulent amortir lesdites choses par eux acquises, & qu'ils tiennent non amorties, nous en serons contens: & qu'à ceste fin ils se retirent par deuers vous en nostre bonne ville de Paris, dedans le temps & terme de deux ans prochains venans, à compter du iour & datte de ces presentes. Et que les receurez à composition, touchant les choses qu'ils voudrout amortir, & leur baille- rez vos lettres d'Amortissement, apres auoir payé les sommes à quoy aurez composé avec eux. Desquelles sommes nous ayderons, tant au rachapt de nostre Domaine aliené par nos predecesseurs & nous, qu'aussi à la conduite des grandes charges & affaires qu'auons eu, & auons à supporter pour le bien de nous, & de nostre Royaume, & au soulagemēt & descharge de nos subiets. Parquoy pour proceder en ceste matiere, & y besongner selon nostre intention, ou au plus près de nos instructions & aduertissemens, que sur ce vous enuoyons, soit besoin vous adresser & octroyer nos lettres & pouuoir au cas pertinentes.

*Termes de
deux ans
pour amor-
tir.*

Sçauoir vous faisons que nous ce consideré, & la singuliere, parfaicte & entiere confiance qu'auons de vos personnes, & de vos sens, prudence, loyautēz, experience, & bonne diligence. Vous auons commis, & ordonnez, commettons, ordonnons, & deputons, donné & donnons pouuoir, authorité & mandement special par ces presentes, & aux sept, six, ou cinq de vous, dont y aura deux desdits trois Presidens, en l'absence des autres, de proceder au fait des compositions desdits Amortissemens, desdites rentes possessions, terres & Seigneuries tenuēs & possedées par lesdits gens d'Eglise, & de main-morte, par achapt, don, legs, aumosne, ou autre tiltre que ce soit, qui n'ont esté & ne sont amorties par nos predecesseurs Roys, ou nous, à telle somme de deniers cōme verrez & cognoistrez estre à faire,

Pouuoir donné à Messieurs les Commissaires de composer avec les gens de main-morte pour obtenir Amortissemens.

*Ce que Mes-
sieurs les
Commis-
saires doivent
examiner &
discuter.*

*Ce qui doit
estre enuoyé
par deuers
Messieurs
les Commis-
saires.*

*En amortis-
sant on a es-
gard à la
possession
precedente.*

en vos loyautéz & cōsciences. Eu esgard à la qualité des choses, & des per-
sonnes dont sera question, & à l'intérêt que y pourrions auoir. Ainsi que
de ce vous auons informez par nos instructions & declarations verbales,
& dont de ce nous rapportons & reposons sur vous, sçachans certainemēt
que vous en sçauerez bien & loyaumēt acquiter. Et afin que puissiez mieux
proceder au faict & execution de ceste presente Commission, voyez les
comptes des Receueurs desdits francs-Fiefs, & nouveaux Acquests, & y
vacquez en nostre Chambre des Comptes, Chambre du Conseil, illec, ou
ailleurs, en lieu le plus propice & conuenable que aduiserez & verrez
estre à faire en nostre bonne ville de Paris. Et prenez par declaration, bien
specifié & déclaré par le menu, ce que lesdits gens de main-morte vou-
dront amortir, ce que lesdites choses peuuent valoir en reuenu annuel, &
à vendre pour vne fois, en quoy ils consistent, de qui, & comment ils se
meuent, & l'intérêt qu'en ce pourrions auoir. Sans lesquelles choses voir,
ne pourrez bonnement ne seuremēt proceder au faict de vostre dite Com-
mission. Et à ceste fin nous mandons & commandons par ces presentes, à
nosdits Baillifs, Seneschaux, Aduocats, Procureurs, Vicomtes, Receueurs
ordinaires, chacun en ses fins & limites: Qu'ils ayent à retirer & recouurer
des Commissaires qui ont besogné au faict desdits francs-Fiefs, & nou-
ueaux Acquests, les declarations originales ou copies d'icelles, deuēment
collationnées, & toutes les possessions, terres, & Seigneuries, qui leur ont
esté baillées par lesdits de main-morte, les taxes & compositions qu'ils
ont faict d'icelles, les saisies & main-mises faictes sur lesdites posses-
sions non amorties, l'injonction faicte par eux ausdits de main-morte,
de vider leurs mains desdites possessions dedans an & iour apres, sur
peine de les appliquer à nostre Domaine. Et aussi recourent des Prelats
de nostre Royaume, les roolles de la Decime qui dernièrement a esté par
par eux imposée & leuée, sur lesdites personnes Ecclesiastiques. Et que
le tout vous enuoyent: ensemble ce que lesdits Baillifs & Seneschaux au-
ront faict, en vertu de la Commission que presentement leurs enuoyons.
Afin d'auoir meilleure cognoissance de ceux qui auront baillé au vray ou
non, lesdites declarations, de ce qu'ils tiennent, deuēment signées &
authentiquées, & par le menu comme dict est. Pareillement des saisies
qui auront esté faictes, & autres procedures contenuës en leur dite Com-
mission. Aussi vous aduertissant de l'intérêt qu'ils sçauront & cognoi-
stront que pourrions auoir en baillant lesdits Amortissemens, respits, de-
lais, ou souffrances. A ce que le tout par vous veu, puissiez mieux proce-
der à faire lesdites taxes & compositions, de la finance deuē pour l'Amor-
tissement des possessions desdits gens d'Eglise, & de main-morte, qui
en voudront auoir. Et aussi pour le temps precedent, qu'ils auront tenu
par tolerance icelles possessions, desquelles n'auroient composé nosdits
Commissaires desdits francs-Fiefs & nouveaux Acquests. En leur bail-
lant par vous lettres d'Amortissement sous vos seels & cachets, signées
du Greffier par vous commis & député audit affaire. Et en outre dudit
Berthelot, l'un de vous Commissaire susdit: Sans que les dessusdits
gens d'Eglise, & de main-morte, soient plus tenus de payer autre finan-

ce, pour raison desdites choses qu'ils ont amorties, soit en nostre Chambre desdits Comptes, ou ailleurs, en quelque maniere que ce soit. Duquel Berthelot en ensuiuant ce que mandé luy auons, pourrons scauoir & entendre promptement, & toutes & quantes fois que bon nous semblera, tous les deniers qui seront prouenus desdites compositions. Esquelles lettres ainsi signées desdits Berthelot & Greffier, cachetées & expédiées comme dict est, voulons & entendons, estre faite expresse & speciale mention desdites possessions, qui seront amorties, & icelles estre si bien spécifiées & déclarées par le menu, de qui & comment sont tenuës & mouuantes, & à quelle charge & deuoir, que cy apres l'on en puisse auoir vraye & entiere cognoissance: ensemble de la finance, à quoy auroit esté composé & taxé, pour raison d'icelles. Laquelle declaration au cas qu'elle fust si grande & longue, que bonnement elle ne peust estre inserée esdites lettres d'Amortissement, pourront en ce cas les faire mettre & rediger en vn ou plusieurs cahiers de parchemin, qui seront signez comme dessus, & attachez ausdites lettres. Lesquelles expéditions ainsi par vous faictes par la forme que dessus, Nous dès à present comme pour lors, & deslors comme à present auons validées & autorisées, validons & autorisons, de nostre pleine puissance & autorité Royale, par ces presentes, signées de nostre main. Et voulons seruir à ceux qui les auront obtenues, comme si elles auoient esté impetrées de nous, verifiées, & expédiées en nostre Chambre des Comptes. Et neantmoins pour plus grande seureté, où lesdites parties voudroient obtenir nos lettres de confirmation, ratification, ou autre approbation en forme de chartres, leur seront baillées, signées & expédiées par l'un de nos amez & feaux Notaires & Secretaires, seruans au faict de nosdites finances, & seellées du seel de nostre Chancellerie. Et le *registrata & expedita* mis sur icelles, par ledit Berthelot Commissaire susdit, & registrées en nostredite Chambre des Comptes, par l'un des Greffiers d'icelle. Ausquels & à chacun d'eux endroit soy, auons donné & donnons charge & pouuoir de ce faire. Toutesfois nous n'entendons que vous Commissaires apres ledit temps de deux ans expiré, vous puissiez plus ayder de nostre present pouuoir, ne iceluy employer plus auant: demeurant ce que parauant auriez faict en sa force & vertu. Et quant aux deniers prouenans desdites compositions & taxes, vous Commissaires susdits, faictes recevoir par nostre amé & feal Notaire & Secrétaire, Maistre Iacques Regueneau que nous auons à ce commis. En defendant par ces presentes à tous nos autres Iusticiers & Officiers, de quelque qualité qu'ils soient, autres que vous, à qui nous auons commis ledit negoce, ou à ceux que pourrons commettre cy-apres, de ne prendre iurisdiction, ne cognoissance du faict de vostre Commission & expedition d'icelle. Mais vous & les Commis deleguez de par nous, laissent, facent & souffrent iouyr, & vser paisiblement de l'effect & contenu d'icelles, & de tout ce qui sera requis & necessaire pour l'accomplissement & execution de ces-

*Forme de
lettres d'A-
mortissement
qui seront
otroyées.*

*Es amortis-
semens les
choses doi-
uent estre de-
clarées par
le menu.*

*Qu'on pour-
ra obtenir
lettres en
Chancellerie
confirmati-
ues.*

*Receueur
nommé par
ces presentes.*

Pouvoir de
taxer les
frais.

Date.

dites presentes. Et generally de faire & ordonner, quant à l'audition, examen & closture des comptes des Receueurs & commis à la recepte desdits francs-Fiefs & nouveaux Acquests, & des Commissaires qui ont esté, ou seront establis au regime & gouvernement des possessions mises en nostre main, & de toutes autres choses, touchant & concernant ledit negoce, circonstances & dependances, tout ce que verrez & cognoistrez estre à faire au bien de la chose. En baillant toutes les coerctions & contrainctes qui seront requises & necessaires en ceste matiere. Et pareillement de taxer tous frais, mises & despens, qu'il conuiendra faire, en faisant & executant cestedite Commission & dependances d'icelle, aux personnes & ainsi que verrez estre à faire. En mandant & commandant à tous nos Iusticiers, Officiers & subiects, qu'à vous en ce faisant soit obey, & entendent diligemment: Car tel est nostre plaisir. Et pource que de ces presentes, lesquelles voulons, entendons & mandons, à vous Gens de nosdits Comptes, estre leues, publiées & enregistrées en nostredite Chambre des Comptes, on pourra auoir affaire en plusieurs & diuers lieux: Nous voulons qu'au *vidimus* d'icelles faict sous seel Royal, ou copie collationnée à cesdites presentes par l'un de nos Notaires & Secretaires, ou des Auditeurs de nos Comptes, foy soit adioustée, comme à cestuy original. Auquel en tesmoin de ce nous auons faict mettre nostre seel. Donné à Fontainebleau, le quinzième iour d'Octobre, l'an mil cinq cens & vingt, & de nostre regne le seiziesme. Ainsi signé François, par le Roy en son Conseil de Neufuille: & seellées en simple queue de cir iaune: Et au bas est escrit. *Acta, publicata & registrata, in Camera Computorum domini nostri Regis, Parisiis die septima mensis Maij, Anno millesimo quingentesimo vigesimo primo. Sic signatum, Le Blanc.*

COPIE DE LETTRES D'AMORTISSEMENT octroyées par les Commissaires denommez es lettres patentes cy-dessus transcriptes.

Amortissement octroyé à la Cōfrairie des maistres Orfevres de ceste ville de Paris.



Es Commissaires du Roy nostre Sire, sur le faict des Amortissemens à Paris, A tous ceux qui ces presentes lettres verront, Salut: Sçauoir faisons, que veuë par nous la declaration du temporel non amorty, appartenant à la Cōfrairie de Monsieur S.Eloy, aux Maistres Orfevres de la ville de Paris, fondée en leur Chapelle, assise en la rue des deux Portes, Paroisse de S. Germain de l'Auxerrois, présentée par Nicolas le Moyne, Jean Cointel, & Matthieu Marcel, Iurez & Administrateurs de ladite Confrairie, aux Preuost de Paris, ou son Lieutenant, Advocat, Procureur & Receueur ordinaire pour le Roy nostredit Seigneur, en la Preuosté & Vicomté de Paris, es metes de laquelle ledit temporel est situé & assis. Et ce en ensuiuant les cōmandemens generaux, & inunctions faictes par lesdits Officiers aux gens d'Eglise, & de main-morte de

ladite Preuosté, en vertu des lettres patentes du Roy nostredit Seigneur, à eux enuoyées à ceste fin. De laquelle declaration la teneur s'ensuit. Premièrement vne maison à deux pignons, assise à Paris, en la rue de Iean Lointier, en laquelle y a deux loüiages: Dont quatre chambres sont appliquées en forme d'Hospital, esquelles les pauvres sont tous les iours logez, tenans à la maison & Chapelle dudit mestier, & faisant le coing de ladite rue des deux Portes: Chargée de vingt & vn deniers parisis de cēs enuers Monseig^r de Paris: Le reste de ladite maison loüée cinquante six liures tournois par an. Item vne maison assise à Paris, en la rue des Lauandieres, où pend pour enseigne le Coulō, laquelle maison est fort vieille & caduque, tenant d'une part à vne autre maison, appartenant à ladite Confrairie, où pend pour enseigne la fleur de Lis couronnée, chargée de vingt & vn sols parisis de cens & fonds de terre enuers Monsieur l'Euesque de Paris, & de vingt sols parisis de rente qu'on dit estre racheptable enuers les Cordelieres de S. Marcel lez Paris, loüée trente liures tournois par an. Item, vne autre maison assise à Paris en ladite rue des Lauandieres, tenant d'une part à ladite maison du Coulon, & d'autre part aux hoirs Anthoine Maudoubleau, chargée de trente-deux sols parisis de cens ou fonds de terre enuers ledit Euesque de Paris, loüée douze liures tournois par an, & laquelle maison est fort caduque & ancienne. Item, deux vieilles maisons s'entrecenans, assises en ladite rue Iean Lointier, tenans à la maison de la Croix: lesquelles deux maisons, il conuient abbattre de fonds en comble: chargées de quarante quatre sols parisis de cens & rente enuers l'Euesque de Paris, & de cinq liures quinze sols tournois de rente enuers les heritiers de feu Lubine de Sachy, en son viuant femme de feu Pierre Daniel. Lesdites deux maisons loüées vingt-trois liures tournois par an. Item, quatre liures parisis de rente amortie, que doiuent les Maistres & Gouverneurs de l'Eglise du Sepulchre, sur vne maison assise à Paris en la rue S. Denys, qui fut à feu Guillaume Godin, en laquelle souloit pendre pour enseigne l'Image S. Iean. Charges qui sont, & dont est chargée ladite Confrairie des Orfevres. Premièrement faut entretenir de reparations les maisons dessus declarées, qui peuuent couster communes années soixante liures tournois. Item, les Messes & seruices, que doit & est chargée ladite Confrairie, par chacun en cinquante liures tournois. Item, l'entretienement des liures, calices, ornemens, & luminaires de ladite Confrairie, par an vingt liures tournois. Item, les Maistres & Gouverneurs de ladite Confrairie, ont accoustumé de toute ancienneté par chacun an, bailler le iour de Pasques à disner à tous les pauvres de l'Hostel-Dieu, & aux prisonniers du Palais, du Chastelet, & de la Cour d'Eglise. Qui couste communément chacune année sept vingts dix liures tournois. Item, ont lesdits Maistres à payer le Clerc de ladite Confrairie, qui sert aux Orfevres de la Chapelle & dudit mestier, qui a par an trente liures tournois. Veu aussi le proces verbal & aduis des Officiers du Roy nostredit Seigneur, en ladite Preuosté de Paris, apres auoir sommairement informé sur les prisées & estimation du contenu en ladite declaration: Et tout veu & considéré ce qui faisoit à voir & considerer en ceste partie: Nous en vertu du pouuoir à nous

Teneur de la declaration baillee à Messieurs les Commissaires.

Charges de la Confrairie.

Pieces venues par Messieurs les Commissaires.

Forme de
l'Amortisse-
ment.

donné par le Roy nostredit Seigneur, dont la copie est cy-deuant tran-
scripte, auons à ladite Confrairie S. Eloy aux Maistres Orfevres de la
ville de Paris, fondée en leurdite Chapelle, amorty & amortissons, per-
petuellement & à tousiours, les maisons, rentes, & possessions cy-dessus
conteniës & declarées: Sans que pour raison d'icelles ils soient d'oresna-
uant tenus en payer aucune finance au Roy nostredit Seigneur, ne d'icel-
les contraints vuidier leurs mains, ne autrement empeschez en aucune
maniere. Et ce moyennant la somme de cinq cens liures tournois, que
pour ce Iean Fremelle, Guillaume Sohecorne, Richard Toustain,
Nicolas Mausian, & Iean Trudeine, tous Maistres Orfevres Iurez, & Ad-
ministrateurs de ladite Confrairie, en ont payé contant, & mis és mains
de Maistre Iacques Ragueneau, Notaire & Secretaire du Roy nostredit
Seigneur, & par luy commis à receuoir les deniers prouenans desdits
Amortissemens, comme nous est apparu par la quittance cy attachée. A
laquelle somme de cinq cens liures tournois, auons taxé la finance & in-
demnité pour ce deuë audit Seigneur. Si donnons en mandement audit
Preuost de Paris, ou son Lieutenant, & aux Aduocat, Procureur & Re-
ceueur ordinaire du Roy nostredit Seigneur en ladite Preuosté presens &
aduenir, & à chacun d'eux si comme à luy appartiendra, Que desdites
maisons, rentes, & possessions, ils fassent, souffrent, & laissent iouyr &
vser plainement, paisiblement & perpetuellement, ladite Confrairie, &
Maistres Orfevres de Paris: comme de chose appartenant à Dieu, & à
l'Eglise dediée, & amortie, en ostant & leuant la main du Roy nostredit
Seigneur, & tous autres empeschemens, qui pour ce pourroient auoir
esté & estre mis, & apposez sur iceux. Donné à Paris, sous nos seings &
cachets, le 16. iour d'Auril, l'an 1521. auant Pasques. Ainsi signé Berthe-
lot, Barme, Nicolai, Preuost, Michon, & Guiot. Extraict de la teneur de
la quittance: Je Iacques Ragueneau Notaire & Secretaire du Roy nostre
Sire, & par luy commis à receuoir les deniers prouenans des Amortisse-
mens qui sont baillez & expediez aux gens d'Eglise, & de main-morte de
leurs terres & possessions par Messieurs les Commissaires à ce ordonnez
par ledit Seigneur à Paris: Confesse auoir receu de Iean Fremelle, Guil-
laume Sohecorne, Richard Toustain, Nicolas Mausian, & Iean Tru-
deine, Maistres Orfevres Iurez & Administrateurs de la Chappelle saint
Eloy, aux Orfevres de Paris, la somme de cinq cens liures tournois, pour
la composition & taxe de finance, faicte par Messieurs les Commissaires
pour les Amortissemens des maisons, rentes, & possessions appartenans à
ladite Chapelle, en la ville, Preuosté & Vicomté de Paris. Ainsi qu'il est
à plein contenu & déclaré és lettres d'Amortissement & expeditions sur
ce auourd'huy faictes par Messieurs les Commissaires. De laquelle som-
me de cinq cens liures tournois, ie me tiens pour content, & en quitte les-
dits Maistres Orfevres Iurez dessus nommez, & tous autres. Tesmoin
mon seing manuel cy mis, le 16. iour d'Auril, 1521. auant Pasques. Ainsi
signé, Ragueneau.

Date.

Teneur de
la quitan-
ce.

Date.

LETTRES PATENTES DE L'AN

1571. en vertu desquelles Messieurs les Commissaires deputez à Paris, procedent à present à la taxe & liquidation de la finance deuë au Roy, à cause des droicts de francs-Fiefs & nouveaux Acquests.



HARLES par la grace de Dieu, Roy de France: A nos amez & feaux Conseillers en nostre Conseil Priué, Maistres Christofle de Thou, Seigneur de Cely, premier President en nostre Cour de Parlement de Paris: Bernard Preuost, aussi President en icelle Cour: & Anthoine Nicolai, premier President en nostre Chambre des Comptes: Et à nos amez & feaux, Maistres Iacques de Varade, Matthieu Chartier, François Briçonnet, Nicolas Fauier, & Iacques Rotiillart, Conseillers en nostredite Cour: Claude Guiot, & Robert Miron, Maistres ordinaires en nostre Chambre des Comptes: & Anthoine le Coigneux, Correcteur en icelle: François d'Auergne, & Augustin Morely, Conseillers sur le faict de la Iustice de nostre Thresor audit Paris: Salut & dilection. Comme par les anciens Statuts & Ordonnances, de tous temps obseruées sur le faict de nostre Domaine, soit entre autres choses defendu à toutes personnes Ecclesiastiques, Chapitres, Communautéz & autres gens de main-morte, de tenir & posséder en ce Royaume, ne en iceluy acquerir sans nos consentement & permission, aucunes possessions & biens immeubles. Et à eux enioinct par lesdits Statuts, à peine de confiscation, de vuidier leurs mains dedans an & iour de ceux qu'ils y pourroient ja auoir acquis, à quelque charge & condition que ce fust, ou qu'ils leur eussent esté donnez, leguez, & aumosnez, sans ladite permission & consentement de nous, ou de nos prececesseurs: ou auoir par nous ou eux esté deuëment amortis, & par les mesmes Statuts & Ordonnances, aussi defendu à tous les roturiers & non nobles de nostre Royaume de non y tenir & posséder aucuns fiefs, rentes ou heritages nobles sans mesme permission. Toutesfois nosdits Statuts & Ordonnances ont esté en cet endroit tellement negligez & contemnez, qu'il s'en seroit ensuiuy vne grande eclipse & diminution de nostre Domaine. A quoy desirans pourueoir, & par mesme moyen faire recueillir & leuer les droicts à nous pour ce deuz & accoustumez de tout temps, appelez droicts de francs-Fiefs, nouveaux Acquests, & Amortissemens, cōme anciens droicts de nostredit Domaine & Couronne, Auons aduisé pour plus grand soulagement desdits gens d'Eglise, Communautéz & de main-morte, pareillement desdits roturiers & non nobles, respectiuelement tenus ausdits droicts & deuoirs, deputer certains bons & notables personnages de nos

*Noms de
Messieurs
les Com-
missaires.*

*Recit des
anciennes
Ordonnan-
ces faictes
sur les frāc-
Fiefs & nou-
ueaux Ac-
quests.*

*Les droicts
de francs-
Fiefs & nou-
ueaux Ac-
quests sont
domaniaux.*

*Pouuoir
donné à
Messieurs
les Commis-
saires.*

*Commissaires
deputez
en divers
Parlemens.*

*Commissions
adressantes
aux Baillifs
& Senes-
chaux.*

*Comme les
declarations
doivent estre
dressées, tant
par les gens
de main-
morte que
non nobles.*

*Exhibitions
des lettres
d'Amortis-
semens.*

*Envisie à sau-
re de bailler
declara-
tions.*

Officiers en aucunes principales villes de nostredit Royaume. Pour arrester, taxer & liquider iceux droicts & deuoirs. C'est à sçauoir en nostre ville de Paris, pour les biens, terres, heritages, rentes & autres possessions, assises aux ressorts de nos Parlemens dudit Paris, Rouën, & Dijon. Pour ceux aussi assis aux ressorts de nos Parlemens de Thoulouse, & Bourdeaux, en nos villes de Thoulouse, & Bourdeaux. Pour ceux assis aux ressorts de nos Parlemens de Prouence & Dauphiné, en nos villes d'Aix & Grenoble. Et pour ceux assis en nos pays & ressorts de Bretagne, en nostre ville de Rennes. Et afin que mieux, & plus certainement, & seurement, soit par eux sur ce procedé, Auons faict expedier Commissions à nos Baillifs & Seneschaux, pour faire publier, tant en leurs sieges principaux, que par tous les autres lieux de leursdits Baillages, & Seneschaucées: Que tous gens d'Eglise, Communautez, & de main-morte, & aussi tous lestdits roturiers, & non nobles: (le Clergé payant decimes toutesfois excepté) Ayent dedans vn mois prochain apres ladite publication, pour toutes preffixions & delais, à apporter ou enuoyer par Procureur suffisamment fondé aux Greffes de leursdits Baillages & Seneschaucées, la declaration au vray, & par le menu, par eux deuëment affermée & signée. A sçauoir lestdits gens d'Eglise, Communautez & de main-morte de toutes les terres, rentes & heritages, possessions & biens immeubles, par eux tenus & possédez, tant par legs, achapt, donation, qu'autrement. Et lestdits non nobles, de tous les fiefs, arriere-fiefs, heritages, rentes, & possessions nobles, qu'aussi ils tiennent & possèdent au dedans de chacun desdits Baillages & Seneschaucées, sieges, ressorts, & enclaués d'iceux. Ensemble les lettres des Amortissemens, qu'iceux gens d'Eglise, Communautez, & de main-morte en ont obtenues. Et les permissions, respits, & souffrances, qu'eux, & lestdits non nobles en ont aussi respectiuenient obtenus de nos predecesseurs & de nous, de tenir & posseder lestdites choses contre lestdits Statuts & Ordonnances. Ou bien la copie deuëment collationnée aux originaux desdits Amortissemens, respits, & souffrances, nos Procureurs en chacun desdits Baillages & Seneschaucées, presens ou appelez. Avec intimation s'ils sont trouuez posseder aucuns autres biens, rentes, ou heritages, outre ce qui sera respectiuenient contenu par leursdites declarations, qu'ils feront declarer confiscables & applicables à nostredit Domaine, & lesquelles par nosdites Commissions auons telles declarées. Et outre mandé à iceux nos Baillifs & Seneschaux, qu'au dedans ledit temps d'un mois, à compter du iour de ladite publication: lestdits gens d'Eglise, Communautez, & de main-morte, pareillement lestdits roturiers & non nobles, ou les aucuns d'iceux n'auroient à ce respectiuenient satisfait, de prendre, saisir, & mettre en nostre main reaument, & de faict, toutes les rentes, terres, heritages, & possessions par eux detenuës & occupées: dont ils n'auroient fourny de declaration. En y commettant par nosdits Baillifs & Seneschaux respectiuenient bons & suffisans Commissaires qui en puissent respondre & rendre bons comptes & reliqua, quant & à qui il appartiendra, & fera par vous nosdits Commissaires deputez à faire ladite liquidation, ordonné. Et ce nonobstant oppositions ou appel-
lation.

lations quelconques, & sans preiudice d'icelles. Pour cognoistre & décider desquelles oppositions ou appellations, ensemble pour liquider & arrester lesdits droicts & deuoirs, des Francs-Fiefs, nouueaux Acquests, & Amortissemens, soit besoin pourueoir & ordonner desdits Commissaires. Sçauoir vous faisons, que nous à plein confians de vos personnes, & de vos sens, suffisance, loyauté, integrité, prudence d'homme, & bonne diligence, Vous auons, & les sept de vous en l'absence des autres commis & deputez, commettons & deputons par ces presentes, tant pour cognoistre, iuger & décider en dernier ressort d'icelles oppositions ou appellations, si aucunes se trouuent auoir esté formées & interiectées desdites proclamations & saisies, que pour liquider, taxer & arrester lesdits droicts & deuoirs d'iceux Francs-Fiefs, nouueaux Acquests, & Amortissemens à nous deuz esdits trois ressorts de Paris, Rouën, & Dijon, entre nostre Procureur en nostre Chambre du Thresor, à Paris, que nous auons nommé & specialement député & constitué en ceste partie, d'une part. Et lesdits gens d'Eglise, Communautez, & de Main-morte, & aussi lesdits Roturiers & non-Nobles, estans sous les enclaués desdits ressorts respectiuiement, d'autre. Et ce tant sur lesdites instructions faictes par nosdits predecesseurs, sur la finance qui se doit leuer, à cause desdits droicts & deuoirs des Francs-Fiefs, nouueaux Acquests, & Amortissemens, que sur les declarations d'icelles possessions, rentes, heritages & biens immeubles. Ensemble sur les lettres d'Amortissemens, respits, & souffrances, respectiuiement obtenues par lesdits gens d'Eglise, Communautez, & de Main-morte: & par lesdits roturiers & non-nobles. Lesquelles à ces fins nous voulons & ordonnons estre mises & enuoyées par deuers vous. Si voulons & vous mandons, & ausdits sept de vous, en l'absence des autres, qu'au faict susdit vous ayez en la Chambre de nostre Thresor, où cy-deuant les Commissaires deputez en ceste partie, par feu nostre tres-honoré seigneur & pere le Roy Henry (que Dieu absolue) ont vaqué & besongné à proceder, vacquer, & entendre en la meilleure & plus prompte expedition de iustice, que faire se pourra. En appellant par vous pour expedier, & signer vos actes, sentences, appoinctemens, registres & roolles desdites taxes & liquidations, procedures & autres expeditions, nostre cher & bien-aimé maistre Pierre le Gendre, Greffier & Controolleur cy-deuant, & du viuant de nostre feu Seigneur & pere commis sur le faict desdits Francs-Fiefs & nouueaux Acquests, & Amortissemens, lequel nous auons continué & continuons en ladite charge. Et iceluy entant que besoin seroit, de nouuel commis & commettons, vostre Greffier en ceste presente commission. Et là où vous trouueriez difficulté au faict desdites taxes & liquidations: nous voulons par vous en estre cheuy & composé avec lesdits redeuables, selon qu'en vos loyautez & consciences verrez estre à faire. Vous donnant pouuoir & permission de ce faire: & ordonnant lesdites taxes, & pareillement ladite composition que vous en ferez

Attribution de iurisdiction à Messieurs les Commissaires. Pouvoir donné à Messieurs les Commissaires.

Messieurs les Commissaires doivent estre sept en nombre pour iuger.

Maistre Pierre le Gendre Greffier.

Pouuoir de composer donné à Messieurs les Commissaires

*Maistre
Henry Si-
mon commis
Receueur.*

*Et ne contre
ceux qui ne
fournissent
de declara-
tions.*

avec lesdits redeuables, estre de tel effect, force, vertu & efficace, comme si par nous elles auoient esté faictes & ordonnées: Et quant à ce les auons dés à present comme pour lors, & deslors comme dés maintenant validées & auctorisées, validons & auctorisons, de nostre certaine science, pleine puissance, & auctorité Royale, par cesdites presentes signées de nostre main: En rapportant lesquelles, avec vos sentences, roolles & actes d'icelles liquidations, taxes & compositions: & les quittances de nostre amé & feal Maistre Henry Simon, Receueur des Gardes de nostre Chambre des Comptes audit Paris, par nous commis au recouurement desdits droicts & deuoirs des deniers, qui par luy seront receuz d'icelles taxes, liquidations & compositions: lesdits redeuables en estre respectiuelement tenus quittes & deschargez pat tout où besoin sera, sans aucune difficulté; Mandons aussi à tous nos Huissiers ou Sergens de quelque Cour, ressort & iurisdiction qu'ils soient, de mettre à deuë & entiere execution, icelles vos sentences, arrests, taxes, liquidations & compositions: Et de contraindre à ladite execution, tous ceux qu'il appartiendra: & qui pour ce seront à contraindre reauement & de faict. Nonobstant oppositions ou appellations quelconques, & comme il est accoustumé faire pour nos autres propres deniers & affaires. Et d'autant qu'il pourra aduenir, que plusieurs desdits redeuables ausdits droicts & deuoirs, se trouueront negligens & defaillans de fournir dedans ledit temps d'un mois, la declaration de leurs terres, rentes & possessions: Nous voulons qu'ayez à leur faire reïterer de par nous lesdites injonctions de fournir par deuers vous: & ce dedans tel temps, termes & delais que verrez estre à faire. Et contre les defaillans, & refusans ou delayans de satisfaire à icelles injonctions, puiffiez proceder ainsi que cognoistrez bon estre. De ce faire & accomplir ce que dessus, circonstances & dependances, vous auons (ainsi que dit est) donné & donnons plein pouuoir, puissance, auctorité, commission, & mandement special par cesdites presentes. Mandons & commandons à tous nos Iusticiers, officiers & subiects, qu'à vous, & à nos Huissiers executans iceux vos mandemens, sentences, arrests, compositions, obeissent, prestent & donnent conseil, confort, ayde, & prisons, si mestier est, & requis en soient. Car tel est nostre plaisir. Nonobstant comme dessus, & quelconques ordonnances, defenses, & lettres à ce contraires. A toutes lesquelles, & aux derogations des derogations y contenuës, nous auons derogé & derogeons par cesdites presentes. Donné à Blois le cinquiesme iour de Septembre: l'an de grace mil cinq cens soixante & vnze. Et de nostre regne l'vnziesme. Signé, Charles. Et plus bas, par le Roy estant en son Conseil. Fizes. Et seellé sur simple queuë de cire jaune.

*Où se trou-
ueront im-
primez les
Edits & Or-
donnances*

Pour plus ample cognoissance & esclaircissement des droicts de francs Fiefs, nouueaux Acquests, Anoblissemens & Amortissemens, i'auois deliberé mettre à la fin du present Traicté, toutes les Ordonnances & lettres patentes, qui se trouuent imprimées, concernans les

droicts susdits. Mais on void que commodément il ne se peut faire. *concernant les droicts de francs-fiefs, nouveaux Acquests, Anoblissement & Amortissemens.* D'autant que le present volume en la forme qu'il est dressé seroit trop gros. Partant il conuiendra auoir recours aux 2. & 3. Tomes des Edicts & Ordonnances des Roys de France, n'agueres imprimez par ordre & chapitres. Et on trouuera au 2. liure du 2. Tome, tiltre 11. tous les Edicts, Ordonnances & lettres patentes, concernans les Amortissemens, francs-Fiefs, & nouveaux Acquests. Et au 3. Tome, tiltre 5. se trouueront les Edicts qui ont esté publiez, & lettres patentes qui ont esté decernées pour le faict de la Noblesse, & actes derogians à icelle. Et prie les Lecteurs prendre d'aussi bonzele & bonne affection, ce petit œuure, que de bonzele & bonne affection, i'ay pris peine à le dresser & mettre par ordre: Et si ie trouue que mon labeur leur soit agreable, ie m'efforceray à accomplir ma promesse, & mettray en lumiere les deux Traictez qui restent des Droicts du Domaine de la Couronne de France.

F I N.





TABLE DES MATIERES

CONTENUES AV TRAICTE'

DV DROICT DES FRANCS-FIEFS

& nouveaux Acquests.

A



Bbé, & autres Curez primitifs ne sont subiects au droict de nouveaux Acquests, pour les dismes qu'ils possèdent.

page 125.

Acquereur comme a recours contre son vendeur, pour le payement des droicts de francs-Fiefs & nouveaux Acquests. 273

Action pure petitoire touchant les dismes infeodées, la poursuite s'en doit faire pardeuant le Iuge Royal. 129

L'Estat d'Aduocat ne deroge point à noblesse, encores qu'il soit exercé es Sieges inferieurs. 77

Messieurs de la Cour des Aydes sont nobles, & exempts du droict de francs-Fiefs. 96

Alaudium quid. 11

L'heritage Alaudial est subiect à confiscation. 14

heritages Alaudiaux, pourquoy sont ainsi appelez. 11

heritages Alaudiaux sont nobles, ou roturiers. *ibid.*

tous heritages sont presumez Alaudiaux. 12

pour heritages Alaudiaux, on ne paye aucundroict de ban & arriere-

ban. 10

Aleu que signifie en France. 11

francs Aleux de deux sortes. 38

Alienation faicte par les Chartreux d'un moulin, & comme ils furent contraints en vuidier leurs mains. 185

Alienation faicte à la charge du cens enuers l'Eglise. 248

Amortissement que signifie. 21

le droict d'Amortissement concerne le Roy, & le droict d'indemnité concerne les seigneurs feodaux & censiers. 156

le droict d'Amortissement, les Pairs, Ducs, Comtes & autres Seigneurs ont voulu se l'attribuer & entreprendre sur le Roy. *ibid.*

Amortissement general du Roy François premier. 157

Amortissement general du Roy Henry II. 167

Amortissement general octroyé par le Roy Henry aux Dioceses de la prouince de Sens. 170

Amortissemens ne sont personnels, & ne profitent sinon à ceux qui les ont obtenus du Roy. 183

tous Amortissemens sont personnels, encore qu'ils passent de main-morte en main-morte. 188

Amortissement obtenu par la Dame

de Franc-Fiefs & Nouveaux Acquests.

Despenſe verifié tant en la Cham-
bre des Comptes qu'en Parlement.

189

Amortiffement obtenu par les
Minimes, verifié en la Cour.

190

l'Amortiffement deuëment verifié
exempte de foy, d'hommage, & de
tous droicts à l'aduenir.

199

Amortiffement n'est tiltre ſuffiſant
pour prouuer la propriété de l'heri-
tage amorty.

202

le droict d'Amortiffement ne
peut eſtre preſcript contre le Roy.

243. 297

Amortiffement que c'eſt, & amor-
tir que ſignifie.

247

l'Amortiffement du Roy n'eſt pas
deuëment faiët, ſ'il n'eſt faiët par ſes
lettres en forme de chartre.

293

Amortiffement, que c'eſt.

154.

245. 247.

Amortiffement eſt de faiët.

290

Amortiffement octroyé à la Con-
frairie des maîtres Orfeures de ceſte
ville de Paris.

332

les Amortiffemens obtenus du
Roy, ont aſſeuré les gens de main-
morte.

154. 155

Amortiffemens receus en France
ſont de trois ſortes.

160

Amortiffemens generaux, parti-
culiers, & mixtes.

ibid.

les Amortiffemens generaux
octroyez par les Roys François &
Henry, pourquoy ſont tranſcripts en
ce preſent Traicté.

161

les Amortiffemens auparauant l'E-
dict de Moulins ſe veriſoient en la
Chambre des Comptes ſeulement.

189

tous Amourtiſſemens doiuent à
preſent eſtre veriſiez en la Cour de

Parlement, & Chambre des Com-
ptes.

190

les Amortiffemens anciennement
n'eſtoient veriſiez.

ibid. 198

les Amortiffemens generaux ſont
reprouez par les anciennes Ordon-
nances.

191

ceux qui obtiennent Amortiffe-
mens generaux doiuent attacher à
iceux la declaration de leurs herita-
ges.

ibid.

plusieurs Amortiffemens gene-
raux ſe trouuent octroyez par les
Roys de France.

194

Amortiffemens generaux, ſçauoir
ſ'ils exemptent du droict de nou-
ueaux Acquests pour l'aduenir.

195

les Amortiffemens generaux pour-
quoy ils n'exemptent du droict de
nouveaux Acquests.

196

Amortiffemens generaux & parti-
culiers.

197

les Amortiffemens cy-deuant obte-
nus ont eſté manques & imparfaits.

204

és Amortiffemens qu'on obtient
du Roy, ce qui doit eſtre déclaré &
ſpeciſié.

272

les Amortiffemens des heritages
appartenans à gens de main-morte,
comme ils ont eſté octroyez par les
Commiſſaires cy-deuant deputez.

280

trois conſolutions touchant les
Amortiffemens.

291

il y a des Amortiffemens de diuer-
ſes façons.

295

és Amortiffemens les choſes doi-
uent eſtre déclarées par le menu.

331

en Amortiffant on a eſgard à la
poſſeſſion precedente.

330

Amortir que ſignifie.

21

Annobliffement que ſignifie.

ibid.

Annobliffement en France eſt

Table du Traicté des droicts

donné seulement par le Roy. 92

on ne peut estre Annobly en France que par deux moyens. *ibid.*

celuy qui est Annobly par le Roy, a pareils priuileges que celuy qui est noble de race. 106

l'Annobly paye le droict de francs-Fiefs, pour le temps precedant ses lettres d'Annoblissement. 107

les Annoblis par offices iouissent des priuileges de noblesse. 109

les Annoblis comme doiuent financer. 315

les Appellations du Comté d'Artois anciennement ressortissoient en la Cour de Parlement de Paris.

31

comme on se doit pouruoir sur les Appellations interietées de ce qui concerne la commission des francs-Fiefs & nouveaux Acquests. 82

Arrest que le vassal ne peut desmembrer son fief au preiudice de son Seigneur feodal. 6

Arrest donné contre les Principal & Boursiers du College du Cardinal le Moyne. 15

Arrest de la Cour donné sur l'vance de la garde noble & garde bourgeoise. 68

Arrest donné en la Cour des Aydes, par lequel suiuant la Coustume de Champagne le ventre annoblit.

74

Arrest donné au profit de Becquet Aduocat au Chastelet de Paris. 78

Arrest du temps prefix pour contraindre les gens de main-morte à vuidier leurs mains. 142

Arrest de ce qu'on peut contraindre dedans 40. ans à vuidier les mains, si les Seigneurs sont personnes Ecclesiastiques. 143

Arrest que les Ecclesiastiques ne sont tenus bailler homme confisquant. 149

Arrest donné au profit de M. de Paris, contre gens de main-morte, pour vuidier leurs mains. 185

Arrest contenant la recompense deuë aux Seigneurs feodaux pour le droict d'indemnité. 212

Arrest solennel contenant la liquidation du droict d'indemnité deu aux Seigneurs feodaux & censiers. 203

l'Arrest cy-dessus recité doit estre restreint à la Coustume de Boulougne sur la mer. 214

Arrests des Blancs-Manteaux, touchant l'indénité deuë aux Seigneurs feodaux. 223

Arrest par lequel les gens de main-morte sont tenus d'exiger leurs tiltres, encore que les heritages soient amortis. 224

Arrest donné au profit de l'Hospital de Monstreul sur la mer, contre les heritiers du testateur. 259

Arrest donné au profit des Gouverneur de la Trinité, par lesquels les heritiers du testateur sont tenus faire amortir l'heritage legué.

260

l'Arrest des Gouverneurs de la Trinité ne doit seruir de loy generale. 259

l'Arrest donné au au profit des Gouverneurs de la Trinité, s'entend en l'heritage feodal. 264

Arrests par lesquels les roturiers ne peuuent tenir fiefs en France. 31

Arrests de la noblesse de Messieurs de Parlement. 96

Arrests de l'indemnité deuë au Seigneur censier. 218

Arrests concernans le desadueu formé par les Ecclesiastiques d'heritages feodaux à eux appartenans.

230

Arrests contenans que le vassal ayant faict offre suffisante, iouist par prouision de son fief. 237

de Francs-Fiefs & Nouveaux Acquests.

Article des anciennes instructions, concernant la contrainte de vuidier les mains par les Ecclesiastiques.

143

Articles de la Coustume de Boulongne, concernans vn arrest de la Cour, donné sur le faict d'Amortissement.

214

deux Articles concernans les annoblis, tirez des anciennes instructions.

276

Attestation iudiciaire pour verifier la noblesse.

112

Attribution de iurisdiction à Messieurs Commissaires deputez sur le faict des francs-Fiefs & nouveaux Acquests.

337

Au feur l'emplacement que signifie.

273

Aumosnes que signifient.

58

Axiomes.

29

si l'Ayeul & ayeule peuvent prendre la garde bourgeoise de leurs petits enfans.

69

B

Bail à cens & à rente infeodé ou non infeodé, comment different entr'eux.

35

Bail à cens & rente faict par le vassal estant infeodé, comme il preiudicie au Seigneur feodal.

44

si le Bail à cens & rente n'est infeodé, la rente n'est feodale.

45

quand vn Bail faict à cens & rente est censé taiblement infeodé.

55

Bail à cens & rente, n'est vraye alienation.

247

les Baronniez sçavoir si elles annoblisent en France.

102

si les Bastards issus de peres nobles iouissent du privilege de noblesse.

78

les habitans de Beaujolois sont declarez subiets & contribuables aux droicts de francs-Fiefs & nouveaux Acquests.

86

Becquet Aduocat au Chastelet de Paris déclaré noble par Arrest de la Cour des Aydes.

78

aucuns Benefices destineez aux nobles.

107

les Bourgeois de Paris sont exempts du banc & arriereban.

67

les Bourgeois de Paris sont exemptz du droict de francs-Fiefs.

ibid.

les Bourgeois de Paris ne peuvent estre tirez hors des murs en defendant.

ibid.

les Bourgeois de Paris ne sont tenus loger par fourrier les domestiques de la maison du Roy, ny les gens de guerre.

ibid.

les Bourgeois de Paris ont la garde bourgeoise de leurs enfans, par privilege du Roy Charles VI.

ibid.

en Bretagne le roturier ne peut tenir fief.

37

en Bretagne le roturier ne peut acquerir fiefs, autrement le prix est acquis au Duc.

ibid.

ancienne vsance en Bretagne des nobles exerçans arts mecaniques.

320

en Bretagne il faut estre noble de race.

324

en Bretagne le noble ayant derogé à noblesse, peut retourner à sa noblesse, comme cela s'entend.

ibid.

C

CAs considerables pour entendre comme les gens de main-morte se doiuent conduire enuers les Seigneurs feodaux.

221

Table du Traicté des droicts

Cas premier, qui est d'accord, & composition amiablement faicte.

ibid.

Cas second quand il n'y a aucun accord, & que le benefice n'est continuel, ains Cure, Chapelle, ou autre benefice simple.

ibid.

Cas troisieme des Communau-
rez tant Ecclesiastiques que secu-
lieres.

223

le droict de Cens est noble & feo-
dal.

7

Cens quand se peut recognoistre
plus ancien que le bordelage.

52

qui sont les heritages qu'on appel-
le Censiers ou roturiers.

5

Censue a esté par plusieurs vsur-
pée, sous ombre de ces mots, fond
de terre.

8

Censue a esté par plusieurs vsur-
pée, par le moyen de petits legs te-
stamentaires.

ibid.

droict de Censue d'où doit proce-
der.

9

pour auoir droict de Censue en
la ville de Paris, ou autres villes &
lieux du Royaume, trois choses sont
requises.

ibid.

Censue ne peut estre sans fiefs,
comme se doit entendre.

ibid.

Celuy qui pretend censue, doit
auoir fief portant nom certain & de-
nomination particuliere.

ibid.

celuy qui pretend censue, est tenu
monstrer, quel heritage sur lequel
il demande censue, est dependant
de son fief.

ibid.

Censue ne peut estre crée, que
par celuy qui a fief.

ibid.

le droict de censue deu au Sei-
gneur censier est imprescriptible.

239

pour auoir droict de Censue est
besoin auoir fief.

245

pour auoir Censue est besoin

auoir fief, comme cela s'entend.

247

le droict de Censue n'est transpor-
té, encores qu'un heritage soit amor-
ty à gens de main-morte.

252

en quel cas la Censue de l'heri-
tage amorty, en cas d'alienation d'i-
celuy, retourne au Seigneur censier,
autre que le Roy.

ibid.

entreprises sur les Censues deuës
au Roy en la ville de Paris.

9

Certification des habitans du lieu
de la demeure pour verifier la
noblesse.

111

le droict de Champart n'est Sei-
gneurial en la Coustume de Paris.

51

Chanoines de l'Eglise de Lyon sont
nobles.

107

Charges ordinaires que signifie.

57

les Charges & redevances des he-
ritages des gens de main-morte &
des non nobles doiuent estre speci-
fiées.

271

les Charges auxquelles Messieurs
les Commissaires doiuent auoir es-
gard en procedant à la taxe des droits
de francs-Fiefs & nouveaux Ac-
quests.

281

les Charges & redevances des he-
ritages des roturiers doiuent estre
specifiées.

271

Charges de la Confrairie de saint
Eloy.

333

Charles le Bel quand commença
à regner.

298

Charles V. quand commença à
regner.

299

Charles VI. quand commença à
regner.

301

Charles VI. pendant sa minorité
n'octroya lettres d'Amortissement.

302

Charles de Bourbon deceda sans
hoirs masles de son corps.

87

le Seigneur de Chasteau-briant
n'a eu sinon pouuoir de composer
pour

de Franc-Fiefs & Nouveaux Acquests.

pour le droit de francs-Fiefs, non
pas donner permission au roturier de
tenir fiefs à l'aduenir. 326

Claufe quel'on a accoustumé met-
tre és amortiffemens, pour mon-
strer qu'ils ne preiudicient aucune-
ment aux Seigneurs. 209

Clauses necessaires en vn amortif-
fement. 202

vn Commandeur est tenu bailler
par declaration les droits qu'il per-
çoit en la Seigneurie d'un Gentil-
homme. 227

les Commissaires deputez pour le
faict des francs-Fiefs & nouveaux
Acquests ne cognoissent des appella-
tions concernans leur commission. 82

aux Commissaires enuoyez sur les
lieux, n'est permis de taxer ny don-
ner main-leuée. 136

les Commissaires deputez par le
Roy ne voulurent verifier l'amortif-
fement general octroyé au Clergé
de France. 169

les Commissaires ont accoustumé d'e-
stre deputez pour taxer les droits de
francs-Fiefs & nouveaux Acquests. 266

les Commissaires pour quel temps
ont cy-deuant taxé, & à present ta-
xent. 274

les Commissaires n'ont esgard aux
annobliffemens octroyez par autres
Seigneurs que le Roy. 279

les Commissaires n'ont esgard aux
annobliffemens octroyez par cer-
tains Commissaires deputez sur les
lieux. 280

les Commissaires deputez sur les
lieux n'ont eu autorité ny pouuoir
d'amortir. *ibid.*

ce que les Commissaires ont ob-
serué pour amortir les heritages ap-
partenans à gens de main-morte.
ibid.

les Commissaires à quelles char-
ges doiuent auoir esgard en proce-
dant à la taxe de droit du francs-
Fiefs & nouveaux Acquests. 281

les Commissaires ne font dedu-
ction que des premieres charges fon-
cieres. 282

les Commissaires és taxes par eux
faictes n'ont suiuy les anciennes in-
structions. 285

les Commissaires procedans à la
taxe, à quoy ont eu esgard. 286

les Commissaires ne doiuent estre
astraints à certaines & determinées
taxes. 288

Commissaires anciennement de-
putez pour le faict des Amortifse-
mens. 156

Commissaires deputez en la Pre-
uosté & Vicomté de Paris. 301

Commissaires pour amortir. 304

les Commissaires deputez pour les
francs-Fiefs & nouveaux Acquests,
exhiberont leur commission aux Ju-
ges ordinaires des lieux. 328

les Commissaires prestent le ser-
ment pardeuant les Iuges ordinaires.
ibid.

les Commissaires ont charge de
taxer, non pas de permettre au rotu-
rier tenir fief à l'aduenir. 326

ce que Messieurs les Commissai-
res doiuent examiner & discuter.
330

ce qui doit estre enuoyé parde-
uers Messieurs les Commissaires.
ibid.

les Commissaires doiuent appeler
les officiers des lieux. 329

Commissaires deputez en diuers
Parlemens. 335

Messieurs les Commissaires doi-
uent estre sept en nombre pour iu-
ger. 331

Commissions decernées du temps
de Charles VI. pour le faict des

Table du Traicté des droicts

francs-Fiefs.	30	Continuation de la cinquieme	
Commissions adreſſantes aux Bail-		partie avec les quatre precedentes.	
lifs & Senefchaux.	330		265
les Communautez ſeculieres ſont		droict de la Conuocation du ban	
ſujettes au droict de nouveaux Ac-		& arriere-ban, d'où eſt venu.	4
queſts.	133	Copie de l'amortiffement gene-	
la Composition faicte pour le droict		ral octroyé par le Roy Henry au	
de francs-Fiefs, n'emporte pas per-		Clergé du Royaume de France.	
miſſion de tenir fiefs à l'aduenir.			169
327		Copie des lettres patentes adreſ-	
Compositions doiuent eſtre rap-		ſantes à Meſſieurs les Commiſſaires	
portées au compte du Receueur.		pour proceder à la verification de	
329		l'amortiffement general.	177
Meſſieurs des Comptes de Paris		Copie d'un amortiffement mixte.	
ſont nobles, & exempts du droict de			179
francs-Fiefs.	98	les Curez pour leurs diſmes ne	
Meſſieurs des Comptes ſont no-		ſont ſujets au droict de nouveaux	
bles par la diſpoſition du droict.		Acqueſts.	128
<i>ibid.</i>		ſçauoir ſi la Couſtume locale peut	
Meſſieurs des Comptes exempts		faire les heritages alaudiaux.	14
de tous droicts ſeodaux & Seigneu-	<i>ibid.</i>	par la Couſtume de Champagne	
riaux.		le ventre annoblir.	74
la Chambre des Comptes eſt le		que la Couſtume de Champagne	
vray repertoire du Domaine du		pour cet article a toujours eſté de-	
Roy.	295	battuë.	75
les Comtez ſçauoir s'ils annoblif-		Couſtume de Touraine interpre-	
ſent en France.	103	tée ſur l'article cent troiſieſme.	141
trois Concluſions touchant les		Couſtume de Paris ne preſeigeant	
amortiffemens.	291	aucun temps aux gens de main-mor-	
Confrairie de ſainct Eloy à Paris.		te de vuidier leurs mains.	143
332		Couſtume de Boulongne fort ad-	
les Confrairies & fabriques ſont		uantageuſe pour les Seigneurs ſeo-	
ſubiettes au droict de nouveaux Ac-		daux & cenſiers.	213
queſts.	131	Couſtume de Bretagne interpre-	
Conſecration & vœux de maiſons		tée en l'article vnzieſme.	324
defenduës à Rome ſans le conſente-		Couſtume de Touraine concer-	
ment du peuple.	154	nant preſcription du droict d'indem-	
Conſignation de la cenſiue comme		nité.	242
ſe faict en Juſtice.	235	Couſtumes par leſquelles le rotu-	
Conſuls & communautez ce qu'ils		rier ne peut tenir fief.	31
doiuent.	314	Couſtumes par leſquelles les Sei-	
Continuation de la troiſieſme par-		gneurs ſeodaux peuuent contraindre	
tie avec les deux precedentes.	115	les roturiers vuidier leurs mains des	
Continuation de la quatrieſme		fiefs qu'ils poſſedent.	78
partie avec les trois precedentes.		Couſtumes diuerſes, preſeigeans	
53			

de Francs-Fiefs & Nouveaux Acquests.

temps, pour contraindre les gens de main-morte à vuidier leurs mains.

142

Coustumes d'Anjou, Touraine, & le Maine interpretées, pour les amortissemens. 201

D

M. **D**'Auvergne le plus ancien Conseiller de la Chambre du Thresor. 249

Declaration que les habitans doivent faire pour s'exempter du droit de nouveaux Acquests. 136

la Declaration des heritages doit estre attachée aux amortissemens generaux. 271

Declaration des heritages amortis doit estre baillée. 226

les Declarations doivent estre apportées au Greffe de la commission. 266

és Declarations qui sont baillées par les roturiers & gens de main-morte, six choses doivent estre exprimées. 271

pour euter à frais on reçoit les Declarations en gros. 269

les Declarations baillées par gens de main-morte, & non nobles, ce qu'elles doivent contenir. 266

plusieurs sont refusans fournir de Declarations, suivant les lettres patentes du Roy. 277

comme on procede à l'encontre de ceux qui n'ont fourny de Declarations. *ibid.*

les Declarations & compositions comme doivent estre rapportées au compte du Receueur. 319

les Declarations sont enuoyées à Paris à bien petits frais. 325

les Declarations comme doivent estre dressées, tant par les gens de main-morte que non nobles. 236

les gens de main-morte sont tenus Declarer la qualité de leurs heritages. 272

est besoin Declarer de quels Seigneurs les heritages sont mouuans. *ibid.*

Decision de la question, si le roturier peut estre contrainct vuidier ses mains du fief qu'il possède. 78

Decision de la question, sçauoir si le Seigneur feodal peut saisir pour le droit d'indemnité. 229

le Decret ne tollit point la rente noble & Seigneuriale. 36

Definition d'Amortissement. 290. 310

le Degré de fief iusques auquel le Roy prend finance. 316

vn Denombrement deuëment verifié sert de tiltre. 204

Deroger à noblesse, voyez la lettre E.

Differend entre les Gouverneurs de la Trinité, & la vefue du Seigneur de Lezigny. 254

Difficultez proposées par le Roy, & la responce. 315. 316

Dignitez en France qui annoblissent la personne. 96

Dismes qui sont infeodées. 129

les Dismes infeodées quand prennent leur premiere nature de spiritualité. 129

Elles ne sont point tenuës pour spirituelles, tant qu'elles sont tenuës en foy & hommage. 130

Distinction pourquoy a esté faicte du franc aleu noble, & du franc aleu roturier. 39

les Donateurs doivent estre interpellés de declarer leur volonté touchant les amortissemens. 264

Don fait à M. le Duc de Berry. 303

en tous Dons faicts par le Roy & verification d'iceux quels mots

58

64

306

ibid.

307

301

aris.

51

136

218

3

20

22

215

272

266

195. 196

273.

274

335

28;

192

E

119

120

125

128

129

138

149

195. 196

les Ecclesiastiques ne doiuent bail-

de Francs-Fiefs & nouveaux acquests.

ler declaration, finon des heritages
acquis depuis leurs amortissemens.

189

les Ecclesiastiques peuvent estre
contraints par les Seigneurs Eccle-
siastiques de vuider leurs mains.

219

les Ecclesiastiques comme font
decreter par le superieur le desad-
ueu qu'ils entendent fornier.

223

Edicts contenans permission d'a-
liener du temporel de l'Eglise Gal-
licane, & leur interpretation.

247

les Edicts & Ordonnances, con-
cernans les droicts de francs-Fiefs,
nouveaux acquests, annoblissemens
& amortissemens, où se trouueront
imprimez.

339

Effets des Amortissemens parti-
culiers deuëment verifiez.

192

les Enfans suivent en noblesse la
condition du pere.

73

les Enfans par priuilege peuvent
estre annoblis par le moyen de
leurs meres.

76

les Enfans doiuent estre releuez
par le Prince, quand le pere a fait
acte derogeant à noblesse.

ibid.

quand les Enfans ont faict acte
derogeant à noblesse, ils doiuent estre
releuez par le Prince.

ibid.

les Enfans ne peuvent estre rele-
uez, quand l'ayeul & pere ont de-
rogé à noblesse.

ibid.

les Enfans de Messieurs de la Cour
de Parlemēt partagent noblement.

96

des Enfans de Messieurs les Mai-
stres des Requestes, Conseillers des
Cours de Parlement, Maistres des
Comptes, Conseillers des Cours
des Aydes, ensemble des Thresor-
iers generaux de France.

100

des trois Enfans de Philippes le
Bel.

298

Entreprises sur les censues deuës

au Roy en la ville de Paris.

9

l'Escriiure est necessaire pour la
memoire des choses.

293

Espece premiere de rentes no-
bles.

44

Espece 2. de rentes nobles & feo-
dales.

52

Espece 3. de rentes nobles.

53

Espece premiere de gens de main-
morte.

123

Espece 2. de gens de main-mor-
te.

124

Espece 3. de gens de main-mor-
te

155

Espece premiere des amortisse-
mens generaux.

160

Espece 2. des amortissemens par-
ticuliers.

ibid.

Espece 3. des amortissemens mix-
tes.

ibid.

deux especes de Gardes-noble
& bourgeoise.

68

quels Estats derogent à nobles-
se.

77

Estats en France qui annoblissent
la personne.

96

Estimation des grains & valeurs
des terres.

287

l'Estranger roturier est subiect au
droict de francs-Fiefs, & nou l'e-
stranger annobly.

37

Eustache de Mortant Audiencier
reuoqué de sa commission.

296

Exemption donnée par le Roy à
l'Hostel Dieu de Paris, & à quel-
ques autres Hospitaux.

132

l'Exemption baillée aux gens d'E-
glise, payans les decimes, de ne
payer droicts de nouveaux Ac-
quests du temps de Charles IX.
comme se doit entendre.

197

Exhiber est besoin au Seigneur
haut Iusticisr, feodal ou censier fai-
sant papier terrier.

225

Exhibition des lettres d'amortis-
sement.

336

Extrait des Registres de la
Chambre des Comptes. 301

F

FAbriques & Confrairies sont
subiettes au droict de nou-
ueaux acquests. 132

faire Foy & hommage que c'est.

4

Famille ayant droict d'vsage ou
pasturage, n'est subiecte au droict de
nouueaux Acquests. 137

Femme roturiere qui a espousé vn
roturier est contribuable au droict
de francs-Fiefs. 63

Femme noble mariée à homme
pareillement noble, est exempte du
droict de francs Fiefs. 61

Femme noble mariée à vn hom-
me roturier, pendant son mariage
perd le priuilege de noblesse. 62

Femme noble apres le decez de
son mary roturier, viuant noble-
ment iouyt du priuilege de nobles-
se. *ibid.*

Femme roturiere, qui a esté mariée
à homme noble iouyt du priuilege
de noblesse pendant sa viduité. *ibid.*

la Femme n'est pas tenuë payer
le ban & arriereban, quand le reue-
nu annuel de l'heritage baillé en
doüaire est estimé. 64

les Fermiers ne peuuent estre exe-
cutez en leurs biens pour le paye-
ment des droicts de francs-fiefs, &
nouueaux Acquests. 289

*res Fendalis dici non potest, nisi ob eam
fides debeat, & feudum absque fide-
litate consistere nequit.* 55

le Fief baillé à cens & rente non
infeodez, quand est vendu, quels
droicts sont deuz au Seigneur feo-
dal. 6

le Fief baillé à cens & rentes non
infeodez, estant vendu peut estre re-

tiré par retraict feodal. *ibid.*

que c'est qu'un Fief volant. 9

quand le Fief doit auoir nom cer-
tain, & quand doit estre borné & li-
mité. 6

quand le Fief est baillé à cens &
rente, encore que le bail ne soit in-
feodé, la rente est partagée noble-
ment. 49

quand le Fief est baillé à rente sans
censue, ladite rente ne laisse d'estre
noble & feodale pour le regard du
bailleur. 51

il n'y a ouuerture de Fief, encore
que le Vicaire baillé par gens de
main morte face profession en Reli-
gion. 210

quand vn Fief simplement est
baillé à rente, la rente n'est feodale.

53

les Fiefs n'annoblissent point en
France. 17. & 90.

les Fiefs anciennement n'estoient
baillez qu'à vie, comme les offi-
ces. 4

les Fiefs quand & pourquoy fu-
rent faicts perpetuels, domaniaux &
hereditaires. 5

pourquoy les Fiefs sont appelez
francs en France. 17. 32

Fiefs que signifient. 57

les Fiefs en France sont destinez
aux nobles, 251. 252

les Fiefs encore qu'ils soient tenus
au quatriesme ou cinquieme degré
du Roy, ils sont subiects aux droicts
de francs-Fiefs, & nouueaux Ac-
quests. 135. 273

Finance deuë à cause du droict de
francs-Fiefs, par qui & comment
taxée. 18

Finance appellée en France droict
de francs-Fiefs. 31

quelle Finance est deuë au Roy
pour les annoblissements. 106

Finance est deuë au Roy par les

de Francs-Fiefs & nouveaux Acquests.

- roturiers & non nobles, pour leurs heritages nobles. 326
- quelle Finance est deuë par les gens d'Eglise pour leurs heritages non amortis. 311
- quelle Finance est deuë pour heritages nobles acquis par non nobles. 313
- Finance est prise du Roy iusques au tiers Seigneur includ. 316
- Finance est due au Roy pour la permission de tenir fiefs. 311
- la Finance due au Roy est taxée par les gens des Comptes. *ibid.*
- Fondations des Rois Charles cinquieme & sixieme. 303
- Fonds de terre est appelé par plusieurs rente fonciere seulement. 8
- Forme de requeste qu'il conuient presenter, quand l'heritage censuel est saisi pour le droict de francs-fiefs. 81
- Forme de lettres d'annoblissement. 93
- Forme de la verification des lettres d'annoblissement en la Chambre des Comptes. 103
- Forme de la verification de la Cour des Aydes. 104
- Forme des conclusions du Procureur du Roy sur la verification de Noblesse. Et ancienne forme de prononcer sur la main-leuée requise par vn noble. 13
- Forme d'amortissement general & particulier. 161. 177
- Forme de dresser amortissement d'heritages immediatement tenus en fief du Roy. 105
- Formes de lettres pour estre receu par main souueraine. 233
- Forme de prononcer sur les lettres de reception par main souueraine. *ibid.*
- Forme des lettres patentes, pour leuer les droicts de francs-Fiefs & nouveaux Acquests, & ce qu'elles doiuent contenir. 266
- Forme de main-leuée qu'on a accoustumé bailler, apres les declarations fournies. 311
- Forme des lettres d'Amortissement, ce qui est exprimé en icelles, & signifié par icelles. 294
- Forme de lettres d'Amortissement qui seront cy apres octroyées. 331
- Forme de l'Amortissement octroyé à la Confrairie de S. Eloy. 332
- Formes diuerses d'accords & compositions entre les Seigneurs & les Ecclesiastiques. 220
- Formes diuerses d'Amortissements. 295
- les Frais d'enuoyer à Paris les declarations, sont bien petits. 325
- le tiltre de Franc-aleu doit estre du Roy. 14
- qu'il y a deux sortes de Franc-aleu. 38
- le propriétaire du Franc-aleu noble est subiect au droict de francs-Fiefs, & non le propriétaire de franc-aleu roturier. *ibid.*
- le Franc-aleu noble est estimé plus noble que le fief. *ibid.*
- le Fief pour le regard du vassal emporte seruitude. *ibid.*
- le Franc-aleu roturier a apparence d'estre subiect au droict de francs-Fiefs, toutesfois il n'y est subiet. 39
- Franc-aleu que signifie en Frāce. Il anciennement n'y auoit qu'une sorte de Franc-aleu en la Coustume de Paris. 39
- Franc-aleu noble, & franc-aleu roturier. *ibid.*
- celuy qui tient en Franc-aleu n'est subiet au ban & arriereban, neantmoins est subiect au droict de francs-Fiefs, quant au Franc-aleu noble. 40

Table du Traicté des Droicts

en Franc-aleu faut tiltre. 12.316
 Francs-fiefs , que signifient ces mots. 17
 Francs-fiefs que signifient selon les Legistes. *ibid.*
 les Francs-fiefs n'annoblissent pas les personnes. *ibid.*
 que signifie estre subiect au droit de Francs-fiefs. 18
 le droit de Francs-fiefs concerne le roturier. 19
 les mots de Francs-fiefs & nouveaux acquests sont quelquefois confondus, & pourquoy. 20
 ces mots de Francs-fiefs, & nouveaux Acquests, que signifient. *ibid.*
 de toute antiquité le droit de Francs-fiefs a esté leué en France. 31
 pourquoy les fiefs sont appelez Francs. 32
 le droit de Francs-fiefs ne consiste qu'en la perception de certaine finance deuë par le roturier tenant fief. 33
 le droit de Francs-fiefs appartient au Roy seul. *ibid.*
 le droit de Francs-fiefs est domanial. 34
 le droit de Franc-fiefs se paye au prorata de la iouissance precedente. 63
 en Francs-fiefs & nouveaux Acquests on regarde la possession, & non la propriété. 65
 le droit de Francs-fiefs ne peut estre aucunement prescrit contre le Roy. 83
 le droit de Francs-fiefs ne peut estre donné, vendu, ny aliené par le Roy. 87
 le droit de Francs-fiefs pourquoy a esté receu en France. 33
 le droit de Francs-fiefs n'est deu pour rente assignée sur Fief. 315

le droit de Francs-fiefs n'est deu pour peine & forfaiture. 321
 le droit de Francs-fiefs est domanial, & non subsid. 323
 les mots de Francs-fiefs ne sont incogneus, & ce qu'ils signifient. *ibid.*
 le droit de Francs-fiefs est deu pour la contrauention faicte aux Ordonnances. *ibid.*
Fructus non intelliguntur nisi deducto omni onere, omni que sumptu & impensa. 282

G

G Ages d'Officiers que signifient. 58
 Garde noble & garde bourgeoise, pourquoy ainsi appellées. 68
 la Garde noble ou bourgeoise ne peut estre demandée par celuy qui a accepté la tutelle de ses enfans. 69
 si la Garde bourgeoise peut estre prise par l'ayeul & ayeule de leurs petits enfans. *ibid.*
 le Gardien noble ou roturier fait les fruiçts siens des rentes constituées sur l'Hostel de ville. 71
 le Gentil-homme estant taxé pour le droit de Francs-fiefs, comme il se doit pourueoir. 114
 Gens d'Eglise sont tenus vuider leurs mains dedans an & iour. 302
 les Gens d'Eglise promirēt payer à Philippes le Bel deux decimes pour leurs heritages non amortis. 310
 les Gens de main-morte sont contraints bailler par declaration leurs heritages deuëment amortis, quand les Seigneurs sont papier terrier. 15. 224. 272
 qui sont appelez Gens de main-morte. 21
 Gens

de Franc-Fiefs & Nouveaux Acquests.

- Gens de main-morte sont improprement appelez. 22
- Gens de main-morte, qui sont. 118
- Gens de main-morte de trois sortes en France. 123
- sçavoir si les Gens de main-morte sont subiects au droit de nouveaux Acquests, pour les rentes constituées. 126
- les Gens de main-morte sont subiects au droit de nouveaux Acquests, pour rentes constituées qui leur appartiennent. 127
- les Gens de main-morte quand ils vident leurs mains, ne sont deus droits que pour la reuente. 140
- les Gens de main-morte quand ont acquis des seigneurs feodaux ou censiers, ils ne peuvent par eux, ou leurs heritiers estre contraints vider leurs mains. *ibid.*
- les Gens de main-morte sont tenus bailler homme vivant & mourant pour les heritages qui leur appartiennent, nō amortis par le Roy. 147
- aux Gens de main-morte pourquoy on a permis en France de pouoir posseder heritages. 155
- les Gens de main-morte se sont asseurez par le moyen des Amortissemens qu'ils ont obtenus du Roy. 156
- les Gens de main-morte ne peuvent posseder heritages en France sans la perte & dommage du Roy. 181
- les Gens de main-morte ne sont subiects au droit de nouveaux Acquests, pour leurs heritages qui sont amortis. 193
- les Gens de main-morte ne sont subiects au service de plaids & aides coustumiers. 216
- à quel profit ils sont subiets outre le droit d'indemnité. *ibid.*
- s'il est en leur option de payer indemnité, ou bailler homme vivant & mourant. 218
- les Gens de main-morte, ayans obtenu Amortissement du Roy, comme se doiuent conduire envers les seigneurs censiers. 228
- les Gens de main-morte vendans les heritages roturiers qui leur sont amortis, est deu droit de vente. 212
- les Gens de main-morte peuvent bailler en arriere-fief ou en censive, les heritages feodaux qui leur ont esté amortis. 227
- les Gens de main-morte sont subiets de payer au Roy le droit de nouveaux Acquests. 269
- les Gens de main-morte sont tenus declarer depuis quel temps ils iouissent de leurs heritages. 272
- les Gens de main-morte estans surtaxez, comme se doiuent pourvoir. 288
- les Gens de main-morte ne peuvent estre contraints par corps au payement des droits de francs-fiefs & nouveaux Acquests. *ibid.*
- les Gens de main-morte peuvent estre contraints vider leurs mains dedans l'an & iour de leur acquisition. 315
- les Gens de main-morte peuvent estre contraints vider leurs mains, nonobstant quelque iouissance. 317
- les Gens de main-morte sont tenus vider leurs mains des choses non amorties. 328
- Gens de condition serue. 303
- les Gouverneurs des hostels Dieu sont contribuables au droit de nouveaux acquests. 131
- les Graduez sont subiects au droit de francs-Fiefs, s'ils ne sont nobles ou annoblis. 60
- lettres d'exemption octroyez aux

Graduez, ne profitent à leurs enfans.
ibid.

les Graduez ne sont exempts du
droict de francs-Fiefs. 315

H

Habitans particuliers de plu-
sieurs villes sont exempts du
droict de francs-Fiefs. 66

les Habitans de droict escrit, sont
sujets au droict de francs-Fiefs. 84

les Habitans de villes ou villages
sont sujets au droict de nouveaux
Acquests, pour tous les heritages &
droictz immobiliers qu'ils possèdent
en France en commun. 133

les Habitans encore qu'ils payent
censue ou rente chacun an au Roy,
ils sont subiects au droict de franc-
Fiefs. 135

Hares quando tenetur emere, vel tra-
dere rem legatam. 255

Hauts Iusticiers qui sont. 312

M. Henry Simon Commis Rece-
ueur sur le faict de francs-Fiefs &
nouveaux Acquests. 338

Heritage tenu à cens, ne peut estre
baillé sinon à rente. 7

l'Heritage alaudial est sujet à con-
fiscation. 14

tout Heritage tenu en Franc-aleu
estoit Noble anciennement par la
Coustume de Paris. 39

quand l'Heritage est vendu à la
charge de rentes rachepables, sont
deuz lots & ventes pour le sort prin-
cipal desdites rentes. 48

Heritage ou droict immobilier,
appartenant aux Ecclesiastiques de
leur propre ou acquest, & nō depen-
dant de leurs Benefices n'est subiect
au droict de francs-Fiefs. 123

Heritage censuel doit estre prou-
nu de Fief. 245

nu de Fief. 245

encore qu'un Heritage roturier soit
amorty à gens de main-morte, le
droict de censue ne leur est trans-
feré. 252

un Heritage ne peut estre amorty
sans lettres en forme de Chartre. 293
en France y a trois sortes d'Heri-
tages. 4

qui sont les Heritages qu'on ap-
pelle feodaux. *ibid.*

Heritages censiers qui sont-ils. 5
qui sont les Heritages qu'on appel-
le Alaudiaux. 11

Heritages Alaudiaux sont nobles
ou roturiers. *ibid.*

tous Heritages sont presumez
Alaudiaux. 12

tous Heritages sont presumez li-
bres, comme cela s'entend. *ibid.*

pourquoy les Heritages alaudiaux
doivent estre baillez par declaratiō. 15

en Heritages alaudiaux l'an du re-
traict lignager court du iour du con-
tract. *ibid.*

quels sont les Heritages & person-
nes main-mortables. 22

si les Heritages baillez à cens &
rentes sont subiects au droict de
francs-Fiefs. 35

les Heritages donnez par les Rois
de France, sont ordinairement amor-
tis par le tiltre de don. 79

les Heritages doivent estre posse-
dez par personnes capables. 38

tous Heritages situez en France
sont tenus du Roy, mediatement ou
immEDIATEMENT. 121

tous Heritages sont presumez ro-
turiers. 137

pour Heritages non amortis on ne
paye au Roy aucune indemnité:
mais on baille homme vivant &
mourant. 237. 238

Heritages amortis sont comme
alaudiaux. 158

de Francs-Fiefs & nouveaux Acquests.

pour Heritages amortis on n'est point subiect au ban & arriereban. 192

des Heritages deuëment amortis, sçauoir si on doit bailler au Roy homme viuant & mourant, & à l'aduenir luy payer droicts & deuoirs. 198

si tous les heritages situez dans vn fief, sont presomez estre tenus en foy & hommage, ou en censive du seigneur du fief. 245

les Heritages doiuent estre declarez par le menu es declarations baillees par les Ecclesiastiques & non nobles. 272.277

les Heritages possédez par gens de main-morte doiuent estre specifiez en quelle Iustice ils sont. 271

Heritages nuëment tenus du Roy. 311

Heritages estans en arriere-fief, ou arriere-censive du Roy ou aleux. 312

Heritages assis en la basse Iustice des acquereurs. *ibid.*

Heritages assis en la haute Iustice des acquereurs. *ibid.*

Heritages donnez ou acquis à la charge d'usufruit aux donateurs ou vendeurs. 313

Heritages acquis à faculté de rēmeré. 312

Heritages acquis à la charge de l'usufruit au vendeur. 314

Heritages mis en franc-aleu seront saisis. *ibid.* 316

l'Heritier est tenu au droict d'indemnité & lettres d'amortissement. 216

l'Heritier est tenu faire tout ce qui est possible pour faire valider le legs fait par vn defunct. 258

Hommage peut estre fait par vn Religieux. 221

Hommage ne se doit faire, ny payer censive apres vn amortisse-

ment.

202

Homagiū non fit pro spiritualibus. 199

sçauoir si Homme viuant & mourant doit estre baillé au Roy, & à l'aduenir droicts & deuoirs luy estre payez pour heritage deuëment amorty. 198

Hommes francs, qu'est-ce à dire.

17

des Hommes de condition serue.

314

Hospital de Paris, & quelques autres, exempts du droict de nouveaux Acquests. 131

les Hostels-Dieu semblent n'estre subiects au droict de nouveaux Acquests. 130

du regne de Huë Capet, les fiefs furent faicts perpetuels, domaniaux, & hereditaires. 4

Hugues Colombiers enuoyé en commission. 298

le Roy Louis Hutin quand trespas-
sa. *ibid.*

I

I Ean Agneuin Procureur general du Roy. 307

Iean de Colombiers Controolleur reuoké de sa commission. 296

Iean Pastourel President lay en la Chambre des Comptes. *ibid.*

Indemnité aucune n'est payée au Roy pour heritages non amortis. 148

le droict d'Indemnité concerne les seigneurs feodaux & censiers: & le droict d'amortissement concerne le Roy. 156

l'Indemnité deuë au seigneur feodal, avec l'homme viuant & mourant, est estimée au cinquiesme denier. 212

l'Indemnité generale deuë au seigneur feodal comme doit estre estimée. 213

Table du Traicté des Droicts

l'Indemnité deuë au seigneur censier est estimée au cinquiesme denier de l'heritage amorty.	217	d'Anjou, Touraine, & le Maine, concernans les Amortissemens.	201
quand le droict d'Indemnité est liquidé par la Coustume il le faut suivre.	218	Interpretation des Edits portans permission d'aliener du temporel de l'Eglise Gallicane.	247
on peut conuenir qu'à chaque mutation de superieur il soit payé. <i>ibid.</i>		Interpretation de l'Ordonnance du Roy saint Louys.	309
s'il est en l'option des gens de main-morte de le payer ou bailler homme viuant ou mourant. <i>ibid.</i>		Interpretation de l'Ordonnance de Philippes le Hardy.	<i>ibid.</i>
le droict d'Indemnité ne se peut prescrire que par quarante ans contre les Seigneurs Ecclesiastiques.	240	Interpretation du priuilege donné par Philippes le Bel aux gens d'Eglise.	310
le droict d'Indemnité est charge reelle.	258	la Iouissance de peu de temps, n'est subiette à la taxe des droicts de francs-Fiefs & nouveaux Acquests.	274
l'Indemnité est deuë en consequence du droict de cens.	261	Iugement donné contre les habitants de Beaujolois.	88
comme on Informe des facultez de celuy qui veut estre annobly.	204	Iugement donné, que les gouuerneurs des hostels-Dieu sont subiets au droict de nouveaux Acquests.	131
l'Information & la certification iointes ensemble sont fort considerables en noblesse.	113	le Iuge ne doit pas simplement ordonner que le vassal iouyra de son Fief pendant le proces, par le moyen de la reception par main souueraine.	233
Information contre les refusans de bailler declaration, suiuant les lettres patentes du Roy, comme est faicte.	277	les Iuges & Aduocats ne font acte derogeant à noblesse.	77
les Instructions & memoires anciens icy inferez, pourquoy ont esté dressez.	290	les Iuges deleguez ne peuuent cognoistre d'appel.	83
Instructions baillées par les gens des Comptes aux Commissaires enuoyez sur les lieux.	318	les Iuges anciennement estoient nobles.	97
Interpretation des 51. & 52. articles de la nouvelle Coustume de Paris.	7	les Iuges ordinaires cognoistront des francs-Fiefs & nouveaux Acquests.	304
Interpretation de ces mots francs-Fiefs.	17	les Iusticiers n'annoblissent point en France.	103
Interpretation de ces mots Fiefs, Aumosnes, Rentes à heritages, Gages d'officiers, & Charges ordinaires.	57	les Iustices & Fiefs sont venaux & patrimoniaux en France.	<i>ibid.</i>
Interpretation de l'article 103. de la Coustume de Touraine.	141		
Interpretation des Coustumes			

L

Lacs de soye estant es lettres patentes du Roy, que signifiēt. 294
Pia legata solido iure præstari debent, nec eis quicquam detrahendum est. 254

de Francs-Fiefs & Nouveaux Acquests.

- le Legs faict par vn defunct doit estre validé par l'heritier. 258
- le Legataire prend l'heritage qui luy est legué, avec sa cause, qualité & charge. 257
- le Legataire se doit rendre capable d'accepter le legs qui luy a esté faict. 258
- Lettres patentes du Roy Charles le Bel. 30
- Lettres patentes du Roy Charles VII. *ibid.*
- Lettres patentes du Roy Louys XI. *ibid.*
- Lettres patentes des Roys François I. Henry II. & Charles IX. sur le faict des francs-Fiefs & nouveaux Acquests. *ibid.*
- Lettres d'exemption octroyées aux graduez, ne profitent à leurs enfans. 60
- comme les Lettres susdites ont accoustumé d'estre verifiées és Cours souverainés. 98
- Lettres d'annoblissement sont en France octroyées par le Roy seul, & leur forme. 93
- est bon les faire verifien en la Cour de Parlement. 104
- quelles Lettres doiuent estre verifiées par Messieurs des Comptes. 103
- Lettres contenans les priuileges de Messieurs les Thresoriers de France. 99
- les Lettres d'annoblissement pourquoy doiuent estre verifiées en la Chambre des Comptes. 103
- les Lettres d'annoblissement pourquoy doiuent estre verifiées en la Cour des Aydes. 104
- il est bon de les verifien en la Cour de Parlement. *ibid.*
- les Lettres d'Amortissement n'empeschent, que le Seigneur feodal ne puisse retenir le fief vendu par son vassal à gens de main-morte. 208
- Lettres pour estre receu par main souveraine. 232
- les Lettres patentes pour leuer les droicts de francs-Fiefs, & nouveaux Acquests, doiuent estre verifiées tant en la Cour de Parlement que Chambre des Comptes. 105
- les Lettres d'Annoblissement, & d'Amortissement ne seruent que pour le passé, & non pour l'aduenir. 276
- les Lettres d'Amortissement doiuent estre verifiées en la Chambre des Comptes, & pourquoy. 295
- les Lettres de quelque terre donnée par le Roy pour la fondation d'une Eglise, doiuent estre verifiées en la Chambre des Comptes. 296
- plusieurs lettres patentes de Charles V. 300
- Lettres patentes de Charles sixiesme, contenans plusieurs articles. 302
- Lettres de Henry intitulé Roy de France & d'Angleterre. 307
- Lettres se pourront obtenir en Chancellerie confirmatiues. 343
- Lex noua dat formam futuris negotiis & non prateritis.* 49
- Lots & ventes ne sont deus pour rentes constituées. 42
- Lots & ventes de terres où il y a droict de Champart sont deus au Seigneur chef foncier, & non audit Seigneur à qui est deu le Champart. 51
- Lots & ventes sont deus dès l'instant, pour heritage vendu à faculté de reméré. 66
- Lots ny ventes ne sont deus pour soultte de partage, ny pour licitation faicte entre coheritiers. 54
- Lots & ventes sont deus pour licitation d'heritage commun entre la vefue & les heritiers du mary precedé. 55

Table du Traicté des droictz

la Loy Romaine ordonnoit que les sentences données *in causa status*, se pourroient retracter. 325

par la Loy de France le Seigneur de fief peut contraindre l'Eglise à vuider de son fief, ores qu'elle offre le prix d'iceluy. 154

S. Louys quand commença à regner. 292

Louys Duc de Bourbon Comte de Clermont. 299

M

Maladeries semblent n'estre subiettes au droict de nouveaux Acquests. 130. 131. 132

Main-leuée est baillée, en iustificiant que l'heritage saisi est roturier. 82

Main-leuée est baillée, par provision de la saisie censuelle, moyennant la consignation de la censue pour trois années. 238

On ne doit auoir esgard aux Mains-leuées données par les Commissaires enuoyez sur les lieux. 135

Mandement de Charles V. de faire les nouveaux Acquests. 300

Mandement de contraindre certains Religieux vuider leurs mains. 304

Marguilliers de l'œuvre & fabrique de S. Iean de Choisy, condamnez à vuider leurs mains. 275

les Marquisats sçauoir s'ils annoblissent en France. 102

le Mary roturier est tenu payer le droict de francs-Fiefs pour les heritages feodaux de sa femme noble. 62

Maxime en matiere de nouveaux Acquests. 116

Maximes & reigles certaines y a en toutes sciences. 29

deux Maximes pour cognoissance du droict de francs Fiefs. *ibid.*

la Mere en France n'annoblit point. 75

le Monastere principal encore qu'il soit hors du Royaume, toutes-fois il est subiet au droict de nouveaux Acquests pour le temporel situé en France. 125

Mors civilis non aequiparatur naturali. 210

Moyens alleguez par le Procureur du Roy demandeur, sur la question, à sçauoir si le roturier peut estre contrainct vuider ses mains du fief qu'il possède. 78

Moyens alleguez par le defendeur roturier. 79

Moyens alleguez par les habitans de Beaujolois sur le mesme sujet. 86

Moyens alleguez par le Procureur du Roy contre les habitans de Beaujolois. 87

deux Moyens seulement en France, par lesquels on peut estre annobly. 92

cinq Moyens pour verifier qu'on est noble. 111

Moyens alleguez par les Ecclesiastiques. 126

Moyen second pour monstrier que pour rentes constituées on ne doit payer droict de nouuel Acquest. *ibid.*

Moyen troisieme. 127

Moyen quatrieme. 49

Moyens par lesquels il semble que les rentes amorties ne sont rachetables. *ibid.*

Moyens que les Ecclesiastiques peuvent alleguer contre le Procureur du Roy qui veut leur faire vuider leurs mains. 146

Moyens alleguez par les Chartreux contre le Chapitre de Paris. 183

de Francs-Fiefs & Nouveaux Acquests.

Moyens alleguez par vn Prieur, les terres duquel Monseigneur le Duc d'Alençon auoit faict saisir comme feodales. 199

Moyens alleguez par le Seigneur Duc d'Alençon. *ibid.*

Moyens alleguez par les gens de main-morte contre la demande des Seigneurs feodaux. 211

Moyens d'oppositions de gens de main-morte contre la saisie faicte de leur fief amorty. 225

Moyens alleguez par les gens de main-morte. *ibid.*

Moyens proposez par le Seigneur feodal, pour monstrier qu'il peut saisir pour le droit d'indemnité. 228

Moyens du Procureur du Roy contres les Celestins, sur vn droit de censue. 245

Moyens alleguez par les Gouverneurs de la Trinité. 254

Moyens alleguez par la defendresse contre les Gouverneurs de la Trinité. 257

Moyens alleguez par les Ecclesiastiques, pour monstrier qu'on doit auoir esgard aux charges des Obits, Messes, & autres. 282

Moyens alleguez par les deputez de Bretagne pour s'exempter du droit de francs-Fiefs. 321

Mutatione persona mutatur qualitas rei. 246

N

NArration du procez recité au 61. Chapitre. 244

Nobilitas quid. 4

en Noblesse les enfans suiuent la condition du pere. 73

comme la Noblesse se doit verifier par tesmoins, & quelles solemni-

tez faut obseruer en la confection de l'enquete. 110

en Noblesse l'information & la certification iointes ensemble sont fort considerables. 113. 114

comme le Noble ou annobly se doit pouueoir pour auoir main-leuée du fief sur luy saisi pour le droit de francs-Fiefs. 110

le non Noble acheptant fief du noble, a seul droit de francs-Fiefs. 315

quand vn non Noble se marie à femme noble. *ibid.*

quand le Noble marie sa fille à vn non noble. *ibid.*

les Nobles sont en deux especes, ou de race, ou annoblis. 3

qui sont ceux qui sont appelez Nobles par les Legistes & Canonistes. *ibid.*

il y a des Nobles en France, autres que ceux qui suiuent les armes. 32

les Nobles sont tenus de suiure le Roy és armées qu'il met sus pour la tuition du Royaume. 34

il n'y auoit que les Nobles de races anciennement qui tenoient les fiefs. 90

il n'y a que deux sortes de Nobles en France. 92

les Nobles de race sont plus respectez que les annoblis. 106

les Nobles & annoblis ont en France deux priuileges principaux. 107

Noms de ceux qui ont escrit de noblesse. 91

Noms de Messieurs les Commissaires deputez à Paris par le Roy François premier. 328

Noms de Messieurs les Commissaires, à present deputez à Paris, pour les droits de francs-Fiefs & Nouveaux Acquests. 318

Table du Traicté des Droicts

les Notaires de la Maison & Couronne de France sont nobles , & exempts du droict de francs-Fiefs.

101

Nouveaux Acquests que signifient. 18

pourquoy sont appellez Nouveaux acquests. *ibid.*

Pourquoy le droict de Nouveaux acquests est deu. 19

que signifie estre subiect au droict de Nouveaux Acquests. 18

ces mots de Nouveaux Acquests, que signifient proprement. 19

Nouveaux Acquests signifient tous heritages non amortis. *ibid.*

le droict de Nouveaux Acquests regarde les gens de main-morte. *ibid.*

les droicts de Nouveaux Acquests, & de francs-Fiefs sont diuers & distincts. 20

Nouveaux Acquests que signifient. 115

le droict de Nouveaux Acquests, en quoy consiste. 116

le droict de Nouveaux Acquests appartient au Roy seul. 122

droict de Nouveaux Acquests n'est deu pour dons & octrois. 136

droict de Nouveaux Acquests est au lieu d'indemnité. 151

le droict de Nouveaux Acquests ne peut estre aucunement prescrit. 150

le droict de Nouveaux Acquests se paye au prorata de la iouissance passée. 151

le droict de Nouveaux Acquests ne se leue que de quarante ans , ou de trente ans. 152

le droict de Nouveaux Acquests encores qu'il soit payé , on peut estre contraint vuidier ses mains. 275

O

L'Occasion d'auoir diuulgué le present Traicté. 1

pour Offices fiefiez faut faire foy & hommage. 35

les Offices fiefiez s'exercent par commis. *ibid.*

Offices en France qui annoblissent la personne. 96

aucuns Offices destinez aux nobles. 97

és Offices & dignitez les nobles doiuent estre preferez aux roturiers. 107

les Officiers Royaux non nobles de race, ny annoblis, sont sujets au droict de francs-Fiefs. 59

les Officiers domestiques non nobles, ny annoblis, sont subiects au droict de francs-Fiefs. *ibid.*

les Officiers des lieux doiuent estre appellez par les Commissaires deputez pour les frâcs-Fiefs & Nouveaux Acquests. 317

Onera adiecta donationi, vel venditioni, faciunt partem contractus. 282

Opposition du Procureur general sur la verification des amortissemens. 307

Ordonnances du Roy Charles le Quint. 30

l'Ordonnance du Roy Charles sixiesme concernant les Amortissemens, comme se doit entendre. 182

que l'Ordonnance cy-dessus recitée n'est obseruée. *ibid.*

Ordonnance de Charles le Quint sur les amortissemens. 299

Ordonnance de Charles sixiesme de bailler au Roy le tiers de la chose amortie.

de Francs-Fiefs & Nouveaux Acquests.

se amortie.	310
Ordonnance du Roy S. Louys sur les Nouveaux Acquests faicts par les gens d'Eglise.	297
Ordonnances de Philippes le Hardy, fils de S. Louys.	<i>ibid.</i>
Ordonnances de Philippes le Bel.	298
Ordonnance des trois enfans de Philippes le Bel.	<i>ibid.</i>
Ordonnances de Philippes le Long.	<i>ibid.</i>
Ordonnance de Charles le Bel.	299
Ordonnance de Philippes de Valois.	<i>ibid.</i>
Ordonnance de Charles le Quint.	<i>ibid.</i>
Ordonnance du Roy Charles VI. de bailler au Roy letiers de la valeur de l'heritage amorty.	304
Ordonnances renouvelées sur le faict des acquests faicts par gens d'Eglise.	305
Ordonnances du Roy S. Louys pour les amortissemens.	309
Ordonnances des Roys Philippes III. & IV.	29
Ordonnances faites en Bretagne pour empescher que le roturier print la qualité de noble.	320
Ordre gardé au present Traicté. 1	
Ordre gardé en la seconde partie de ce Traicté.	90
Ordre gardé en la cinquiesme partie.	265

P

les P Airs, Ducs, Comtes, & autres Seigneurs estās en France ont voulu s'attribuer le droit d'amortissement.	156
Pairs de France & autres que le	

Roy, ne peuvent amortir.	157
Messieurs de la Cour de Parlement de Paris sont nobles, & exempts du droit de francs-Fiefs.	96
Messieurs de la Cour de Parlement sont nobles, par la disposition de droit.	97
la Cour de Parlement ne taxe la finance deuë au Roy.	324
le Payement d'indemnité est pur personnel.	183
le Payement des francs-Fiefs, & Nouveaux Acquests, ne peut estre poursuivy contre les roturiers, & gens de main-morte, par empai- sonnement de leurs personnes.	289
le Payement du droit de francs-Fiefs n'annoblit pas.	316
Peine contre ceux qui ne fournissent de declarations.	336
il y a deux sortes de Personnes en France.	3
quels sont les Personnes & herita- ges main-mortables.	15
Perte euidente du Roy quand les heritages sont possédez par gens de main-morte.	121
autres Pertes que le Roy a quand les Ecclesiastiques possèdent herita- ges en France.	122
M. Pierre le Gendre Greffier commis sur le faict des francs-Fiefs & Nouveaux Acquests.	337
Plaidoyé entre Monseigneur le Duc d'Alençon frere du Roy, & un Prieur.	199
Plaidoyé pour le droit d'indem- nité.	241
Plaidoyez de la recompense deuë aux Seigneurs feodaux.	209
Plaioussio & iouissance est regar- dée en matiere de francs-Fiefs.	64
Possessor male fidei nullo tempore pres- cribit.	297
Pouuoir donné à certains Com-	

Table du Traicté des droictz

missaires d'amortir les heritages possédez par les gens de main-morte.	280	qu'il est besoin veoir l'original des Priuileges portans exemption du droict de francs-Fiefs.	72
Pouuoir donné au Duc de Berry d'amortir au nom du Roy.	301	comme la Cour verifie les Priuileges.	<i>ibid.</i>
Pouuoir donné à Messieurs les Commissaires de composer avec les gens de main-morte pour obtenir amortissemens.	319	Priuileges anciennement donnez au Duc de Bourbonnois.	86
Pouuoir donné par le Roy François I. aux Commissaires par luy deputez.	328	les Priuileges octroyez aux officiers annoblis doiuent estre verifiez.	105
Pouuoir donné à Messieurs les Commissaires deputez pour le droict de francs-Fiefs & Nouveaux Acquests.	335	comme on Procède à l'encontre de ceux qui n'ont fourny de declarations.	277
les Prelats ne peuuent diminuer le droict de l'Eglise.	292	comme on Procède contre le roturier qui a baillé declaration de partie de ses fiefs seulement.	278
les Prelats de France prestent serment au Roy.	199. 200	comme on Procède contre le roturier propriétaire qui compare par-deuant le Commissaire subdelegué.	<i>ibid.</i>
<i>Prescriptio est iuris, & non facti.</i>	297	comme on Procède contre le propriétaire, qui ne compare point.	<i>ibid.</i>
le droict d'amortissement ne peut estre Prescrit.	<i>ibid.</i>	Proces pour monstrier que tous amortissemens sont personnels.	186
la Prestation d'homme vivant & mourant n'exempte du droict de Nouveaux Acquests.	148	Proces entre le Procureur du Roy au Thresor, & les Religieux, Prieur & Conuent des Celestins de Paris.	244
la prestation d'homme vivant & mourant due au Seigneur feodal par gens de main-morte.	238	Proclamation seconde qu'on a accoustumé faire, lors qu'on veut leuer les droicts de francs-fiefs, & nouveaux Acquests.	267
la Prestation de foy & la censue, ne peuuent estre prescrites.	239	le Procureur du Roy comme doit conclure contre les Ecclesiastiques.	145
<i>Omnia sunt Principis</i> comme s'entend.	291	Profit que les amortissemens generaux apportent.	193
<i>Princeps est lex animata in terris.</i>	293	le Proprietaire du franc aleu noble est subiet au droict de francs-Fiefs.	37
Priuilege premier des nobles & annoblis.	106	le Proprietaire du franc aleu, est tenu exhiber tiltres, & bailler declaration.	12
Priuilege second des nobles & annoblis.	108	le propriétaire du franc aleu rotu-	
les Priuileges d'exemption du droict de francs-Fiefs doiuent estre verifiez en la Cour de Parlement.	71		
les Priuileges doiuent estre confirmez à l'aduenir de chacun Roy, & verifiez.	<i>ibid.</i>		

de Francs-Fiefs & Nouveaux Acquests.

rier, est subiet au droict de francs-Fiefs. 40

Q

les **Q**uarante ans prefix aux gens d'Eglise à quel temps commencent. 306

apres Quarante ans les gens d'Eglise ne doiuent estre contrains vider leurs mains. *ibid.*

Quittance du Thresorier des parties casuelles. 176

Quittance de l'amortissement octroyé à la Confrairie des maistres Orfeures de ceste ville de Paris.

334

R

R Achapt deu par vn predecesseur Ecclesiastique quand doit estre payé par son successeur, titulaire, ou non. 222

pour le Rachapt des rentes foneieres sont deuës ventes au Seigneur censier. 46

Raison premiere, pour laquelle le droict de francs-Fiefs a esté introduit en France. 32

Raison seconde. 33

Raison de ce que le droict de francs-Fiefs appartient au Roy seul. *ibid.*

Raisons par lesquelles il semble que le franc aleu roturier est subiect au droict de francs-Fiefs, toutesfois il n'y est pas sujet. 39. 40

Raison notable, pourquoy les officiers domestiques non nobles, ny annoblis, sont sujets au droict de francs-Fiefs. 60

Raison pourquoy il est besoin veoir l'original des priuileges portans exemption du droict de francs-Fiefs. 72

Raison premiere pour laquelle les Ecclesiastiques ne doiuent tenir heritages en France. 118

Raison seconde. *ibid.*

Raison troisieme, contenant le dommage que les Seigneurs feudaux & censiers souffrent, quand les heritages sont possedez par gens de main-morte. *ibid.*

Raison quatrieme. *ibid.*

Raisons pourquoy le droict de francs-Fiefs ne peut estre aucunement prescrit contre le Roy. 84

Raisons par lesquelles il semble que les Hostels-Dieu & Maladeries ne sont sujets au droict de nouveaux Acquests. 130

Raisons pour lesquelles la prestation d'homme viuant & mourant n'exempte du droict de Nouveaux Acquests. 148

Raisons pourquoy le droict de Nouveaux Acquests ne peut estre aucunement prescrit. 150

Raisons pour lesquelles on a permis en France aux gens de main-morte posseder heritages. 155

Raisons pourquoy le Roy seul peut amortir. 158

Raisons de ce que l'amortissement exempte de foy, d'hommage & de tous droicts à l'aduenir. 198

Raisons de ce que l'amortissement n'est tiltre suffisant pour prouuer la proprieté de l'heritage amorty. 202. 203

Raisons de ce qu'il est besoin bail-
ler declaration des heritages amortis 226

Raisons par lesquelles il semble que le droict d'indemnité ne se

zz ij

Table du Traicté des droicts

peut prescrire.	239	Roy & les Celestins.	244
Raisons par lesquelles le droict d'indemnité se prescrit par trente ans.	240	Recit d'aucuns doutes.	305
Raisons pourquoy l'arrest des Gouverneurs de la Trinité ne doit servir de loy generale.	259	Recit des anciennes Ordonnances.	328
Raisons pour lesquelles le non noble, possédant heritages nobles, est subiect au droict de francs-Fiefs.	270	Recit des anciennes Ordonnances faictes sur les francs-Fiefs & Nouveaux Acquests.	328
Raisons & moyens, par lesquels on veut pretendre que les Pairs de France & autres peuvent amortir.	308	Recompense baillée par le Roy à Monsieur de Montpensier.	87
la Reception par main souveraine comme est practiquée en France.	233	Recompense qui est due au Roy pour vn amortissement obtenu de sa Majesté.	181
la Reception par main souveraine est iuste & raisonnable, & est diffinitive pour le regard du vassal.	234	Recompense qui est due aux Seigneurs feodaux par ceux qui ont obtenu amortissement du Roy.	208
la Reception par main souveraine quand a lieu.	235	Recompense qu'on bailloit anciennement aux Seigneurs feodaux.	210
Receu par main souveraine, & qui doit rachapt, comme il doit consigner.	<i>ibid.</i>	Recompense que les Seigneurs feodaux ont demandée depuis peu de temps.	<i>ibid.</i>
le Reccueur des droicts de francs-Fiefs & Nouveaux Acquests, est tenu bailler caution.	319	Recompense qui est due aux Seigneurs cenliers par ceux qui ont obtenu lettres d'amortissement.	217
Reccueur nommé par les lettres patentes du Roy François premier.	331	vn Religieux peut faire foy & hommage.	221
Recit du proces des habitans de Beaujolois se pretendans exempts du droict de francs-Fiefs.	86	Rente fonciere assignée sur maison de la ville & faux-bourgs de Paris estant vendue peut estre racheptée pour le prix de la vendition.	43
Recit d'un proces entre le Chapitre de Paris, & les Chartreux dudit lieu, pour le droict d'indemnité.	183	Il ne peut y avoir qu'une Rente fonciere roturiere non racheptable sur les maisons de Paris.	47
Recit d'un proces d'entre les Prieur, Maistre & Boursiers du Cardinal le Moine & le Seigneur de la Valée.	224	quelle Rente est vraiment noble & feodale.	55
Recit des Edicts contenant permission d'aliener du temporel de l'Eglise Gallicane.	247	la Rente noble & Seigneuriale ne se prescrit point.	57
Recit du contract passé entre le		pour Rente assignée sur fief, n'est due droict de francs-Fiefs.	315
		pour Rentes constituées ne sont deus lots ny ventes.	42
		Rentes constituées moyennant deniers sont racheptables à tousiours.	42
		si les Rentes leguées ou foncieres	

de Francs-Fiefs & nouveaux Acquests.

sont racheptables, le prix entier doit estre payé. 43

les Rentes constituées en grain moyennant deniers sont reduites au denier douze. *ibid.*

trois sortes de Rentes nobles. 44

premiere espece de Rentes nobles. *ibid.*

pour le rachapt des Rentes foncières sont deuës ventes au seigneur censier. 46

quand des Rentes foncières sont deubs lots & ventes. 47

Rentes amorties par quels moyens semblent n'estre racheptables. 49

seconde espece de Rentes nobles & fœdales. 52

troisieme espece de Rentes nobles. 53

quelles Rentes sont estimées nobles & seigneuriales en Poictou, Anjou, & lieux adjacens. 55

Rentes à heritage que signifient. 58

pour les Rentes foncières, on est subiect au droict de nouveaux Acquests. 126

Rentes qui sont amorties & non racheptables, sur les maisons de Paris. 308

des Rentes constituées en grain ou vin. 314

Requête qu'on doit presenter quand l'heritage censuel est saisi pour le droict de francs-Fiefs. 81

Requête presentée à Messieurs des Comptes par les gens de Monseigneur de Berry. 305

Rescriptum principis non retrahitur. 107

Resignans non censetur priuatus sacerdotio, auparauant la prinse de possession du resignataire. 223

Response du Procureur du Roy aux Edicts concernans l'alienation du temporel del'Eglise. 248

Response aux quatre moyens alleguez par les deputez de Bretagne. 322

Responses des seigneurs feodaux contre les gens de main-morte. 212

les Responses aux Remonstrances des Estats de Bretagne pourquoy dressées. 320

Reuocation des Commissaires. 303

le Reuenue annuel des heritages des gens de main-morte, & des non nobles, doit estre déclaré. 271

quand en Roture on baille homme viuant & mourant, quel droict est deu. 186

le Roturier tenant heritages nobles est seul suiet au droict de francs-fiefs, & pourquoy. 18

pourquoy le Roturier ne doit tenir heritages nobles en France. 32

le Roturier tenant heritage alaudial noble, est tenu payer le droict de francs-fiefs, & non celuy qui tient en franc-aleu roturier. 39

le Roturier estranger est subiect au droict de francs-fiefs, & non l'annobly estranger. 37

le Roturier possédant rente noble est subiect au droict de francs-fiefs. 44

le Roturier propriétaire ou vlufructier est sujet au droict de francs-fiefs. 65

le Roturier qui a acquis à faculté de reméré d'un noble est subiect au droict de francs-fiefs. *ibid.*

sçauoir si le Roturier peut estre contrainct vuider les mains du fief qu'il possède. 78

comme le Roturier se doit pourvoir, quand son heritage censuel est saisi pour le droict de francs-fiefs. 81

comme le Roturier se doit pour-

Table du Traicté des Droicts

ueoir, quand erroneement il a mis en sa declaration quelques heritages roturiers. 82

le Roturier quand est subiect au droict de francs-fiefs pour les droicts d'usage & pasturage qui luy appartiennent. 137

le Roturier en France ne peut tenir heritages nobles, sans permission du Roy. 270

le Roturier doit declarer si le fief par luy possédé, a esté acquis d'un noble, ou d'un Roturier, & pourquoy 273

le Roturier qui a espousé femme noble, pour quel tēps est tenu payer le droict de francs-fiefs. 276

le Roturier ne peut en Bretagne acquerir fiefs, autrement le prix est acquis au Duc. 321

les Roturiers peuuent estre annoblis par le Roy. 3

qui sont les Roturiers. 4

en France, *in dubio*, on presume un homme Roturier. *ibid.*

les Roturiers en France ne peuuent posséder heritages nobles sans permission du Roy. 29

les Roturiers possédans en France heritages nobles, sans permission du Roy, sont subiets au droict de francs-fiefs. *ibid.*

les Roturiers seuls sont subiects au droict de francs-fiefs, pour les heritages nobles, & les droicts noblement tenus qu'ils y possèdent. 34

ce que les Roturiers doiuent bail-
ler par declaration. 35

par les Ordonnances les Roturiers ne peuuent tenir heritages nobles. 38

Roturiers possédans heritages tenus en franc-aleu noble sont subiets au droict de francs-fiefs, & non pour le franc-aleu roturier. *ibid.*

les Roturiers ne sont subiects au

droict de Francs-fiefs, pour les rentes constituées sur heritages nobles.

42

les Roturiers ont cherché les moyens d'eux faire annoblir par le Roy. 74

Roturiers & nobles sont contribuables au droict de ban & arriere-ban. 270

les Roturiers tenans fiefs en France, sont subiects au droict de francs-fiefs. 271

les Roturiers sont tenus declarer depuis quel temps ils iouissent de leurs heritages. 272

les Roturiers & gens de main-morte, comme se doiuent pourvoir pour auoir moderation des taxes excessiues sur eux faictes. 287

les Roturiers ne peuuent estre contrainsts par corps au payement des droicts de Francs-fiefs & nouueaux Acquests. 288

si le Roy peut affranchir les gens main-mortables, sans le gré des Seigneurs. 24

le Roy de France quant au temporel ne recognoist aucun superieur. 119

le Roy peut faire saisir tous les heritages possédez par gens de main-morte, & les en faire vider leurs mains. 138

le Roy dedans quel temps peut contraindre les gens de main-morte vider leurs mains. 143

le Roy peut faire saisir apres le decez de l'homme viuant & mou-
rant. 149

le Roy seul peut amortir en France. 279

le Roy seul peut amortir selon la disposition de droict. 157

comme le Roy peut amortir. 158

le Roy pour iustes causes peut octroyer lettres d'amortissement. 191

de Franc-Fiefs & Nouveaux Acquests.

le Roy ne doit prendre aucun profit de la premiere alienation faicte par les Ecclesiastiques. 252

le Roy seul peut annoblir en France. 279

le Roy est preferé à tous pour le payement des droicts de francs-fiefs, & nouveaux Acquests. 282

le Roy seul peut amortir par ses lettres de chartre. 293

le Roy a droict sur toutes les choses qui sont en son Royaume. 292

pourquoy le Roy seul peut amortir. 296

si le Roy pour la fondation d'une Eglise, donne quelque terre, les lettres doivent estre verifiées en la Chambre des Comptes. *ibid.*

le Roy faict les fruiets siens apres l'an & iour de la saisie de l'heritage non amorty. 313.266

le Roy prend finance iusques au tiers seigneur includ. 316

le Roy peut contraindre les gens de main-morte vuider leurs mains, nonobstant quelque iouissance. 314.

pourquoy le Roy ordonna, qu'on apporteroit les procedures des sentences données sur le faict de la noblesse. 325

S

Saisie, quand & cōment doit estre faicte par le seigneur feodal. 223

Saisie à faute de bailler par declarations. 356

Saisie n'est permise, mais simple action, au seigneur censier demandant son droict d'indemnité. 229

Saisie à faute de bailler declarations, suivant les lettres patentes du Roy. 271

Saisie des Acquests faicts par gens d'Eglise. 304

les Secretaires de la Maison & Couronne de France sont nobles, & exempts du droict de Francs-fiefs. 101

le seigneur feodal seul peut bailler heritage à tiltre de cens. 7

le Seigneur de fief quand est tenu faire apparoir de son inuestiture. 10

quels droicts le Seigneur a sur les personnes & biens de ses gens main-mortables. 22

le Seigneur a droict de suite sur les biens de ses gens main-mortables, de ce deux Arrests. 23

le Seigneur feodal pendant la saisie, n'est tenu payer les rentes constituées par son vassal. 42

quand le Seigneur dominant iouyt de l'arrierefief de son vassal, ce qu'il doit prendre. 52

qui est le Seigneur direct. 56

ce mot de Seigneur direct se peut adapter au seigneur feodal pour le regard de son vassal, & au seigneur censier pour le regard de celui qui tient à censive de luy. *ibid.*

comme le Seigneur feodal doit faire sa demande contre les Ecclesiastiques, afin de vuider leurs mains. 140

le Seigneur feodal peut retirer le fief vendu par son vassal à gens de main-morte, nonobstant les lettres d'amortissement. 208

le Seigneur censier ne peut demander homme vivant & mourant. 217

le Seigneur feodal ne peut faire saisir, sinon apres que le resignataire a pris possession. 223

le Seigneur feodal ne peut faire saisir sinon quarante iours apres le decez du titulaire. *ibid.*

Table du Traicté des droicts

ſçauoir ſi le Seigneur feodal apres la reception d'hōme viuant & mourant peut ſaiſir pour ſon droict d'indemnité. 228

le Seigneur cenſier ne peut demander ſon droict d'indemnité, ſi non par voye d'action. 229

le Seigneur feodal plaide ſaiſi, ſi non en trois cas. 232

quand le Seigneur a receu le vaſſal en ce que le fief eſt tenu & mourant de luy. 237

on ne peut tenir terre ſans Seigneur. 316

les Seigneurs cenſiers doiuent alleguer poſſeſſion immémoriale. 10

ſi les Seigneurs peuuent ſans le conſentement du Roy affranchir leurs gens main-mortables. 26

les Seigneurs peuuent contraindre les gens de main-morte vuider leurs mains des heritages qui leur appartiennent. 138

les Seigneurs feodaux font ſaiſir les biens des Eccleſiaſtiques à faute d'homme, droicts & deuoirs non faiçts. 139

les Seigneurs feodaux & cenſiers, doiuent prendre l'adionction du Procureur du Roy. *ibid.*

les Seigneurs feodaux ou cenſiers, eſtans payez de leurs droicts par les gens de main-morte, ils ne les peuuent contraindre vuider leurs mains. 146

les Seigneurs feodaux ou cenſiers en quel cas ne peuuent demander droict d'indemnité. *ibid.*

les Seigneurs feodaux & cenſiers comme ſe doiuent conduire contre les gens de main morte. 141

à Paris y a huit-vingts & cinq pretendus Seigneurs cenſiers, & vingt-quatre pretendus Juſticiers. 9

les Seigneurs feodaux ou cenſiers

ont accouſtumé ſuſciter vn Procureur du Roy contre les Eccleſiaſtiques. 145

les Seigneurs feodaux, cenſiers, & hauts Juſticiers, ont notables intereſts aux amortiſſemens obtenus par les gens de main-morte. 208

les Seigneurs de fief ont accouſtumé faire ſaiſir les heritages feodaux de gens de main-morte, & les contraindre aduoüier ou deſaduoüier. 230

quels profits les Seigneurs feodaux ou cenſiers ont par la mort de l'homme viuant & mourant. 215

Sentence donnée par le Preuoſt de Paris ſur le proces du Chapitre de Paris, & les Chartreux dudit lieu pour le droict d'indemnité. 219

Sentence confirmatiue de ce que l'amortiſſement deuément veriſié exempt de foy & hommage. 202

Sentence & arreſt de la declaration qui doit eſtre baillée des heritages amortis. 226

Sentence donnée par le Preuoſt de Paris, contenant que le droict d'indemnité ne ſe peut preſcrire que par 40. ans contre les Eccleſiaſtiques. 306

Sentence de Meſſieurs du Threſor interuenüe ſur le proces des Celeſtins, 249

Sentence du Preuoſt de Paris touchant les amortiſſemens que les heritiers d'un donateur ou teſtateur doiuent faire à leurs deſpens. 259

deux Sentences du Preuoſt de Paris, que les heritiers ne ſont tenus faire amortir les heritages leguez. 260

le Serment doit eſtre preſté par les Commiſſaires des francs-Fiefs, & nouveaux Acqueſts, pardeuant les Iuges ordinaires. 328

Solennitez qu'on garde en l'information

de Francs-Fiefs & nouveaux Acquests.

ation que l'on fait contre les refusans de bailler declaration suiuant les lettres patentes du Roy. 277

n'y auoit anciennemēt qu'une Sorte de franc-aleu. 39

deux Sortes de Franc-aleu. 38

trois Sortes de rentes nobles. 44

il y a trois Sortes de gens de main-morte en France. 124

trois sortes d'amortissemens communément receuz en France. 155. 156

les Souffrances ne preiudicient au Roy. 305. 313

estre Subiect au droit de francs-Fiefs, que signifie. 18. 29

estre Subiet au droit de nouveaux Acquests, que signifie. 120

on est Subiet au droit de nouveaux Acquests, pour les rentes foncieres. 128

on n'est point Subiet au ban & arriereban, pour heritages amortis. 192

le Successeur titulaire quand est tenu payer le rachapt deu par son predecesseur ou non. 222

le Successeur à la Couronne depuis quel temps il sera payé des droits de francs-Fiefs & nouveaux Acquests. 274

Surtaxez comme se doiuent pouruoir. 288

T

Taxe de francs-Fiefs, comme se doit payer apres le decez du mary roturier. 66. 67

la Taxe du droit de francs-Fiefs ne se fait que pour la iouissance passée, & non pour l'aduenir. 88. 89

Taxe faicte sur l'Abbé du Mont S. Martin, Diocese de Cambray. 125

Taxe de francs-Fiefs & nouveaux Acquests, a de coustume se faire par des Commissaires deputez par le Roy. 266

Taxe du droit de francs-Fiefs, portée par les anciennes instructions & memoires, touchant les roturiers tenans fiefs & heritages nobles. 283

Taxe du droit de nouveaux Acquests portée par les anciennes instructions & memoires touchant les gens d'Eglise. *ibid.*

Taxe du droit de nouveaux Acquests, portée par les anciennes instructions & memoires, touchant les communautez de gens laiz. 284

la Taxe des droits de francs-Fiefs, & nouveaux Acquests est arbitraire. 285

Taxes imposées sur les roturiers, & gens de main-morte, comme doiuent estre moderées. 286

es Taxes faictes par Messieurs les Commissaires, pourquoy n'ont esté par eux suiues les anciennes instructions. 285

Taxes qui semblent raisonnables pour les droits de francs-Fiefs & nouveaux Acquests. 286

que les Taxes contenuës en certaines instructions sont excessiues. 288

le Temps pour lequel Messieurs les Commissaires ont cy deuant taxé, & taxent à present. 274

le Temps pour lequel le roturier qui a espousé femme noble est tenu de payer le droit de Francs-fiefs. 274

Teneur de l'amortissement general octroyé par le Roy François I. au Diocese de Paris. 161

Teneur de l'Arrest des Blancs-manteaux. 227

Teneur de 4. lettres decernées pour leuer le droit de Francs-Fiefs en Bretagne. 322

Teneur de la declaration baillée à Messieurs les Commissaires, par les Maistres Orfeures de la ville de Paris. 333

Table du Traicté des droicts

Teneur de la quittance des deniers
receus de l'Amortissement de la
Confratrie de S. Eloy. 334

Terme de deux ans pour amortir.
329

on ne peut tenir Terre sans sei-
gneur. 12.316

Terres tenuës à champart ne doi-
uent ny rentes, ny sailines. 52

par Tesmoins on peut verifier qu'un
heritage est roturier. 82

en Testament on regarde premie-
rement les mots d'iceluy. 257

en Testament on regarde la volon-
té du testateur. *ibid.*

en Testamens on regarde la com-
mune vſance. *ibid.*

les Testateurs doivent estre inter-
pellez de declarer leur volonté tou-
chant les amortissemens. 260

le Titre de franc-aleu doit estre deu
au Roy. 14

ſçauoir ſi le Titre de franc-aleu ſe
peut acquerir par poſſeſſion centenai-
re. *ibid.*

il faut Titre en franc-aleu. 12

Titres doivent estre exhibez par ce-
luy quitient en franc-aleu, quand les
ſeigneurs veulent faire papier terrier.
15

les Titres des heritages deuëment
amortis, doivent estre exhibez par les
gens de main-morte, aux ſeigneurs
feodaux & cenſiers quand ils font
leur papier terrier. 224

le Threſorier general de Blois iouit
de pareils priuileges que Meſſieurs
les Threſoriers generaux de France.
96

le Threſoriers generaux de France
ſont nobles, & exempts du droict de
Francs-fiefs. 98

V

le **V**assal comment ſe peut iouir
de ſon fief. 5

le Vassal ſe iouant de ſon fief ne pre-
iudicie à ſon ſeigneur feodal. *ibid.*

le Vassal ne peut demembrer ſon
fief au preiudice de ſon ſeigneur feo-
dal. 6

le Vassal ne peut faire la condition
de ſon ſeigneur deterieure. 188

le Vassal en cas de deſadueu iouit
par prouiſion de ſon fief. 232

le Vassal n'est tenu aduoüier ne deſ-
aduoüier, ſinon en vn cas. *ibid.*

le Vassal eſt receu par main ſouue-
raine, quand il y a contention entre
plusieurs ſeigneurs. 232

le Vassal n'est pas receu en foy &
hommage de ſon fief, par le moyen
des lettres de reception par main ſou-
ueraine. 233

le Vassal n'est pas receu en la ſim-
ple iouiſſance de ſon fief, par le moyen
de la reception par main ſouueraine.
234

le Vassal qui eſt receu par main ſou-
ueraine, doit incontinent conſigner
en Juſtice. 235

le Vassal eſt tenu conſigner, enco-
re que l'un des ſeigneurs ait eſté payé.
236

s'il y a mutation de Vassal, pendant
la retention par main ſouueraine. 237

le Vassal quand il a fait offre ſuffi-
ſante, iouyt par prouiſion de ſon fief.
ibid.

le Vassal ne peut charger ſon fief au
preiudice de ſon ſeigneur dominant,
282

le Vassal ne peut charger ſon fief,
au preiudice du ſeigneur feodal. 292

Veſues des officiers priuilegiez com-
ment elles iouiſſent de l'exemption
des tailles & autres franchises. 63.100

le Vendeur quand eſt tenu pourſui-
ure la moderation ou deſcharge des
droicts de francs-fiefs, & nouueaux Ac-
queſts. 273

ſçauoir ſi le droict de Vente eſt deu

de Francs-Fiefs & Nouveaux Acquests.

par les gens de main-morte vendans
les heritages roturiers qui leur sont
amortis. 250

Ventes sont deuës au seigneur cen-
sier pour le rachapt des rentes fon-
cieres. 43

le Ventre n'annoblit point en
France. 74

cōme par la Coustume de Cham-
pagne le Ventre annoblit. *ibid.*

on tient pour certain en France
que le Ventre n'annoblit point. 75

Verification des lettres obtenuës
par les Ecclesiastiques, pour n'estre
contraints bailler declaration de
leur temporel. 197

Verificatiō de Messieurs des Com-
ptes de l'Amortissement general
octroyé par le Roy François I. 166

Verification faite en la Cour de
Parlement, de l'Amortissement
octroyé par le Roy Henry. 168

Verification faicte en la Cour de
Parlement de l'Amortissement ge-
neral octroyé aux Dioceses de la
prouince de Sens. 177. 178

Verification des lettres d'Amor-
tissement, portant charge de bailler
homme viuant & mourant. 201

Verification des lettres d'Amortif-
sement, portans charge de payer
censive chacun an. 202

on ne verifioit point ancienne-
ment les Amortissemens. 198

pour Verifier qu'on est noble, il
suffit prouuer que les ayeul & pere
ont vescu noblement, & qu'on vit
noblement. 111

pour Verifier qu'on est noble, on a
accoustumé retirer certificat des
Eileuz. 112

les Vsfagers sont subiects au droict
de nouveaux Acquests. 65

Vsance ancienne en Bretagne du
noble exerçant arts mecaniques.
320

Vsusufructus est pars dominij. 64

l'Vsufuictier est tenu payer le
droict de francs fiefs. 63

l'Vsufuictier & la doüairiere sont
tenus payer le ban & arriereban. 64

Vsurpations sur les censives deuës
au Roy en la ville de Paris. 8

on peut estre contraint Vuider
ses mains encores qu'on ait payé le
droict de nouveaux Acquests. 275

gens d'Eglise ne doiuent estre con-
traints à Vuider leurs mains apres
40. ans. 306

on est contraint Vuider ses mains,
encores qu'on ait payé le droict de
nouveaux Acquests. 313

à faute de Vuider ses mains de-
dans l'an & iour, le Roy fait les
fruiets siens. *ibid.*

les gens d'Eglise doiuent estre con-
traints Vuider leurs mains dedans
l'an & iour de leurs acquisitions. 315

Fin de la Table des Matieres.



LE III. TOME
DES
OEUVRES
DE IEAN BACQVET.
ADVOCAT DV ROY
EN LA CHAMBRE DV THRESOR.
DES DROICTS DE IVSTICE.
HANTE, MOYENNE, ET BASSE.



A PARIS,
DE L'IMPRIMERIE
De FRANÇOIS IVLLIOT, rue & près la porte
Saint Victor, au Soleil d'or.

M. DC. XXX.



T A B L E
DES CHAPITRES
DV TROISIÈSME TOME.
TRAICTANT DES DROICTS
DE IUSTICE.

CHAP. I.



II.

III.

IV.

V.

VI.

*UTILITE' du present Traicté, & ordre
gardé en iceluy.*

*Articles concernans les droicts de Iustice,
haute, moyenne & basse, contenus au ca-
hier dressé lors de la redaction de la nou-
uelle Coustume de Paris.*

*En la Preuosté & Vicomté de Paris, il y a
trois sortes de Iustice, haute, moyenne,
& basse.*

*Qu'en la Preuosté & Vicomté de Paris, il y a seulement trois sor-
tes de Iustice, haute, moyenne & basse, & n'y a point de Iustice
fonciere & censiere.*

*En France tout droict de Iustice depend du Roy. Que fief &
Iustice n'ont rien de commun ensemble. Et quand une Iustice
est saisie, on n'adiuge point prouision contre le Roy.*

*Le droict de Iustice se peut verifier non seulement par tiltres, mais
aussi par tesmoins. Qu'en ce cas la possession immemoriale est
receüe. Et comme les adueus & denombrements doiuent estre
verifiez.*

Si en donation faicte par le Roy d'un fief, le droict de Iustice est

Table des Chapitres

compris. Et qu'en la concession de haute Iustice, ne sont compris le meurtre, le rapt, & le braslement, desquelles le Iuge subalterne ne peut cognoistre. 19

VII. *Des cas Royaux: & que la cognoissance en appartient aux Iuges Royaux, priuatiuement à tous autres Iuges, avec la declaration d'iceux.* 24

VIII. *En France le seel Royal n'est attributif de Iurisdiction: & les seigneurs Iusticiers peuvent vendiquer leurs iusticiables, encores qu'ils se soient soumis à la iurisdiction Royale. Avec le priuilege octroyé au seel du Chastelet de Paris. Ensemble des Committimus, protections, gardes gardiennes, des arbitres, compétence, & incompetance des Iuges.* 36

IX. *Encores que le Roy n'ait droit de preuention, les subiects des seigneurs Iusticiers ne peuvent decliner la iurisdiction Royale, s'ils ne sont vendiquez par leurs seigneurs. Et quand les hauts Iusticiers peuvent criger de nouuel, ou reedifier leurs fourches patibulaires.* 64

X. *Quand la Iustice est commune entre le Roy & quelque seigneur comme elle doit estre exercée. Lors qu'il y a effusion de sang, la cognoissance du delict appartient au haut Iusticier. Et de quelles causes doit cognoistre le Iuge du seigneur qui a Iustice iusques à 60. sols.* 70

XI. *Si les confiscations adiugées pour cas Royaux, appartiennent au Roy seul, ou bien si c'est pour crime de leze Maiesté seulement.* 77

XII. *Quand le Roy doit vider ses mains des heritages qui luy sont aduenus par confiscation. S'il peut retenir par retraict feodal les fiefs immediatement mouuans de luy. Et s'il peut ceder le droit de retraict feodal. Ensemble de ceux qui ont acquis du domaine du Roy à faculté de reméré.* 87

XIII. *Qu'en delict commun en cas non Royal, les biens confisquezz appartiennent, tant au Roy qu'aux hauts Iusticiers, au prorata des biens qui sont au dedans de leurs hautes Iustices. Comme ils doivent payer les debtes du condamné, & les amendes contre luy adiugées.* 98

XIV. *Quand le seigneur haut Iusticier doit relief ou autre droit sei-*

du troisieme Tome.

gneurial, à cause des biens qui luy sont confisquezz, soient feodaux, roturiers, ou alaudiaux, & si le curateur créé à biens confisquezz ou vacans, peut faire foy & hommage des heritages feodaux, & est tenu payer relief. 102

XV. Comme s'entend la Coustume par laquelle, qui confisque le corps, il confisque les biens. Que les enfans ont droit de douaire es biens de leur pere, qui sont confisquezz. Avec plusieurs arrests concernans les douaires, & ce qui appartient à la femme es biens confisquezz de son mary. 122

XVI. Le haut-Iusticier sous ombre de droit de confiscation, ne peut debattre l'enterinement des lettres de remission ou de pardon. Et comme les biens confisquezz doivent estre rendus quand la remission est obtenue, & enterinée apres la confiscation adiugée. 206

XVII. Que les Seigneurs Iusticiers iurent au peril de l'amende, ne peuvent desaduouer leurs officiers. Comme & quand ils les peuvent destituer. Avec plusieurs decisions concernans les amendes adiugées par la Cour. 211

XVIII. Le Seigneur haut Iusticier qui abuse de sa Iustice envers ses subiets, est privé de son droit de Iustice, à tousiours, ou pendant sa vie. 223

XIX. Si en la ville & fauxbourgs de Paris, le premier pané doit estre payé par le Seigneur haut Iusticier, ou par le Seigneur censier, ou bien par les proprietaires des maisons: avec les arrests donnez pour ce regard. 227

XX. Si le haut Iusticier doit avoir son banc au lieu le plus eminent de l'Eglise, en icelle mettre ses armoiries. Si apres son trespas on y peut faire Littere. Et pour raison des droits susdits former complainte ou reïntegrande. 232

XXI. Au haut-Iusticier appartiennent les desherences & biens vacans estans en sa Iustice. Comme en ce cas les debtes du defunct doivent estre payées par plusieurs hauts-Iusticiers, aussi comme les debtes par la Coustume de Paris doivent estre payées par plusieurs heritiers. Et de l'ordre du payement desdites debtes, mesmes du payement des conventions matrimoniales deues à la femme. En suite de quoy est traicté de la communauté d'entre l'homme & la femme mariez, de leurs contractz de mariage, & de plusieurs

Table des Chapitres

- matieres & difficultez resultans d'iceux.* 243
- XXII. *Le haut-Iusticier ne succede aucunement à l'estranger, encorcs qu'il ait esté naturalisé, ains le Roy luy succede par droict d'Aubeine: avec les arrests donnez pour ce regard.* 500
- XXIII. *Le haut-Iusticier ne peut succeder au bastard, si trois cas ne concurrent, encore qu'il ait esté legitimé: mais le Roy luy succede par droict de bastardise.* 505
- XXIV. *Le Roy seul peut amortir les heritages en France, & non les Seigneurs Iusticiers, feodaux ou censiers.* 508
- XXV. *Quand les Seigneurs Iusticiers ont droict de Tabellionnage, & de scel à contracts en leurs terres, que les Notaires Royaux ne peuvent instrumenter és terres des Seigneurs qui ont droict de Tabellionnage, avec plusieurs Arrests & decisions, concernans les Notaires & Tabellions.* 512
- XXVI. *Quand les Sergens Royaux peuvent expleicter, & demeurer és terres des Seigneurs hauts-Iusticiers, & si les Iuges des hauts-Iusticiers peuvent certifier criées.* 530
- XXVII. *Que les droicts de poids, de mesure, & d'arpentage, appartiennent aux hauts ou moyens Iusticiers.* 536
- XXVIII. *Si les droicts de police, de guet, & de voirie, appartiennent aux hauts Iusticiers, ou bien au Roy.* 544
- XXIX. *Les Seigneurs Iusticiers ou feodaux, ne peuvent auoir moulins, fours, ou pressouers bannaux, ny droicts de courriers, s'ils n'en ont tiltre valable, ou adueu & denombrement ancien, & tels droicts ne peuvent estre acquis par possession immemoriable.* 552
- XXX. *Les riuieres nauigables, isles & atterrissemens estans en icelles, appartiennent au Roy, ensemble les droicts de peage, trauers, & barrage, & non aux Seigneurs Iusticiers feodaux, ou particuliers, s'ils n'en ont tiltre valable ou possession immemoriable. Avec plusieurs arrests concernans les peages & baux faits du Domaine du Roy.* 567
- XXXI. *Les Seigneurs Iusticiers, ou feodaux ne peuvent auoir foire ou marché en leurs Seigneuries, sans tiltre, concession ou octroy des Roys de France.* 585
- XXXII. *Si les thresors trouuez en France appartiennent au Roy, ou au*

Seigneur haut-Justicier, & à qui ils sont adingez.

589

XXXIII. *Par la Coustume de Paris les espaves appartiennent au Seigneur haut Justicier, & non au moyen, ny au bas Justicier.*

596

XXXIV. *Les Seigneurs Justiciers ou feodaux, ont droict de chasse en leurs terres & Seigneuries, & peuvent bastir chasteaux & fortifications en leurs fiefs, sans permission de leurs Seigneurs dominans.*

601

F I N.







TRAICTE'
DES DROICTS
DE IUSTICE
HAUTE, MOYENNE,
ET BASSE.

VTILITE' DV PRESENT TRAICTE',
& ordre gardé en iceluy.

- | | |
|---|--|
| 1. Pourquoi le present Traicté a esté
diuulgué. | Paris, & suivant icelle se con-
duire. |
| 2. Vtilité du present Traicté. | |
| 3. Que l'Autheur a delibéré suivre
au present Traicté la Coustume
de la Preuosté & Vicomté de | 4. Certains articles des droicts de Iu-
stice redigez lors de la nouvelle
Coustume de Paris. |
| | 5. Ordre gardé au present Traicté. |

CHAPITRE I.



Y A N S delibéré declarer les droicts du Domaine de la Couronne de France, & en donner plus ample & plus claire cognoissance qu'il n'a cy-deuant esté faict; pour y garder certain ordre, auons promis mettre en lumiere six Traictéz. A quoy a esté satisfait pour le regard des quatre premiers, qui concernent tant les droicts d'Aubeine, de Bastardise, & Desherence; que les droicts de Francs-Fiefs, de nouveaux Acquests, d'Anoblissemens & d'Amortissemens, par nous n'agueres diuulguez. Il est expedient maintenant entrer en la deduction du cinquiesme Traicté, concernant les droicts de Iustice, Haute, Moyenne, & Basse.

1
Pourquoy
l'Autheur a
diuulgué le
present
Traicté.

Matiere autant ou plus necessaire, vtile & profitable, que de tous les Traictéz precedens, quand ce ne seroit que pour le respect, grauité & di-
2
Vtilité de

present
Traicté

gnité du sujet : Estant la Iustice le premier & principal fleuron de la Couronne des Roys, par le moyen de laquelle ils sont conseruez aux grands Estats à eux commis par la volonté & prouidence diuine: & par laquelle ils maintiennent en paix, vnion, concorde, & repos, leurs peuples & subiets, les faisans paisiblement iouyr des heritages & biens qui iustement leur appartiennent, & les defendans contre la force, oppression, & violence des meschans; qui est la fin & le vray but de l'establissement de tous les Empires, Royaumes, & Principautez. Mais outre l'excellence en soy de la matiere & grauité du sujet; on trouuera au present Traicté, plusieurs choses esclarcies & resoluës, tant par la communication qui m'a esté faicte de plusieurs pancartes & anciens registres de la Chambre des Comptes, que Arrests de la Cour de Parlement, & Iugemens de la Chambre du Thresor, lesquels estoient auparauant en doute, & passoient ordinairement sans aucune certaine resolution de determination, soit en iugeant, ou en consultant.

3
L'Authheur
a delibéré
suivre la
Coustume
de Paris.

Et d'autant que les droicts de haute, moyenne, & basse Iustice, sont diuers, selon la diuersité des Coustumes obseruées en France, en sorte qu'il seroit impossible s'arrester sur chacune d'icelles: Pour auoir cognoissance certaine & particuliere des droicts susdits, Nous auons aduisé d'eslire vne seule Coustume entre toutes les autres, qui est la Coustume de la Preuosté & Vicomté de Paris, capitale ville de ce Royaume, & suivant icelle nous conduire.

4
Certains ar
ticles des
droicts de
Iustice, redi
gez lors de
la nouvelle
Coustume
de Paris.

Mesmes nous regler selon certains articles faisans mention des droicts de Iustice, qui furent proposez, aduiséz, & redigez par escrit en l'assemblée faicte des trois Estats de la Preuosté de Paris, lors de la reformation de l'ancienne Coustume & redaction de la nouvelle. Et sont contenus au cahier qui lors fut drellé & présenté à Messieurs les Commissaires deputez par le Roy pour la reformation de ladite Coustume. Toutesfois d'autant qu'en l'ancienne Coustume de Paris n'estoit faicte aucune mention des droicts de Iustice; aussi qu'on faisoit difficulté de toucher aux droicts du Roy, comme d'Aubeine, de Bastardise, d'Amortissements, & autres cas Royaux mentionnez audit cahier, & pour autres causes & considerations, lesdits articles ne furent inseréz en la nouvelle Coustume: Encores qu'ils eussent esté aduiséz & deliberez, comme bons, iustes, raisonnables, & seruans à la decision de plusieurs proces & differends qui aduiennent ordinairement entre les hommes pour raison des droicts de Iustice, selon le tesmoignage qu'en pourront rendre lesdits Seigneurs Cōmissaires, ensemble les deputez des trois Estats. Tellement qu'il nous semble qu'on doit suivre lesdits articles, tant au iugement des proces, qu'en donnant conseil aux parties; comme contenant l'vsage, stil, & commune obseruance, de tout temps gardez en la Preuosté & Vicomté de Paris. Qui nous a donné occasion ne point douter de nous fonder en tout & par tout sur lesdits articles, meurement deliberez par gens signalez, & non moins doüiez d'une excellente & rare doctrine, que d'une experience singuliere de choses qui auroient souuent passé pardeuant leurs yeux, & de les faire transcrire au commencement du present Traicté,

comme le modèle, la reigle & le niveau, lesquels nous auons à suivre de point en point, selon la deduction de la presente matiere.

Quant à l'ordre par nous gardé, nous monstrerons en premier lieu, qu'en France les droicts de Justice dependent du Roy : & traiterons des cas desquels la cognoissance est attribuée aux Iuges Royaux, priuatiuement à tous autres Iuges, & desquels le profit & emolumēt appartiennent au Roy seul, & non à autre. Apres nous parlerons des droicts des haut-Iusticiers, & traiterons separémēt des droicts qui appartiennent aux moyens & bas Iusticiers de ce Royaume. En fin proposerons plusieurs & diuerses questions, concernans generalement les droicts susdits: le tout le plus clairement, facilement & briefuement que faire se pourra.

*Ordre garé
au present
Traicté.*

ARTICLES CONCERNANS LES DROICTS de Justice, haute, moyenne & basse: Contenus au cahier dressé lors de la redaction de la nouvelle Coustume de Paris.

- | | |
|---|---|
| <p>1 Pourquoy l'Auteur a fait transcrire au present chapitre, les articles des droicts de Justice, aduisez lors de la redaction de la nouvelle Coustume de Paris.</p> <p>2 Teneur des articles contenus au cahier présenté à Messieurs les Commissaires lors de la reforma-</p> | <p>tion de la Coustume de Paris, concernans les droicts de Justice.</p> <p>3 Droicts appartenans au haut Iusticier.</p> <p>4 Droicts appartenans au moyen Iusticier.</p> <p>5 Droicts appartenans au bas Iusticier.</p> |
|---|---|

CHAPITRE II.

Nous auons dit au chapitre precedent, que les deputez pour la réformation de l'ancienne Coustume de la Preuosté & Viconté de Paris, & redaction de la nouvelle, dressèrent certains articles concernans les droicts de Justice, haute, moyenne & basse, qui furent redigez par escrit, & mis au cahier par eux présenté à Messieurs les

Commissaires nommez par le Roy pour la reformation de ladite Coustume: lesquels pour certaines causes declarées au precedent chapitre, ne les firent inserer en la nouvelle Coustume. Et d'autant qu'auons deliberé nous regler & conduire selon lesdits articles, comme iustes, raisonnables, & seruans à la decision de plusieurs doutes & questions cy apres traictées: il est expedient, voire necessaire transcrire au present chapitre lesdits articles; non pas pour seruir de loy, ny pour obliger la posterité à les garder & obseruer comme Coustume emologuée; mais pour auoir recours à la lecture desdits articles, lors qu'il sera question des droicts de Justice, haute, moyenne, & basse, comme fondez en toute Justice, raison & equité, & meurement deliberez par gens de routes lettres, science & experience: la teneur desquels articles contenus audit cahier est telle.

*Pourquoy
l'Auteur a
fait trans-
crire au pre-
sent chapitre
les articles
des droicts
de Justice,
aduisez lors
de la nou-
uelle Cou-
stume de Pa-
ris.*

EN LA PREVOSTE' ET VICOMTE' DE PARIS
y a trois sortes de Iustice, Haute, Moyenne & Basse.

DE LA HAVTE IVSTICE.

I.

2
Teneur des
articles con-
tenus au ca-
hier presen-
té à Mes-
sieurs les Cō-
missaires de
priez pour
la reforma-
tion de la
Coustume
de Paris.



Le haut Iusticier cognoist de tous crimes & cas pour lesquels y a peine de mort, mutilation de membres, & autres peines corporelles: comme fustiger, mettre au poteau, ou carquan: condamner à amendes honorables.

Aussi peut faire cris & proclamations publiques, bannir de sa terre & Iurisdiction, & marquer. Ne peut toutesfois le dit haut Iusticier cognoistre des cas Royaux, comme de crime de leze Majesté divine & humaine, faulx monnoye, ports d'armes, assembléees illicites, & assassinats.

II.

3
Droits ap-
partenans
au haut Iu-
sticier.

Pour l'exécution de sa Iustice, doit le haut - Iusticier avoir Iuges & Officiers, Geoliers, prisons bonnes, seures, & raisonnables, de hauteur & largeur competente, & non infectées. Et doivent lesdites prisons estre basties à rez de chaussée; sans user de ceps, grillons, grues & autres instruments semblables.

III.

Les Comtes, Barons & Chastelains ont droict de pillory, eschelle, & fourches patibulaires à quatre pilliers; & aussi les haut - Iusticiers, lesquels sont fondez en tiltre ou possession immémoriale.

IV.

Le haut-Iusticier a droict de confiscation de biens meubles & heritages estans en sa Iustice; sinon pour crime de leze Majesté divine & humaine, & faulx monnoye: Esquels cas les biens confisquezz appartiennent au Roy seul.

V.

Qui confisque le corps, il confisque les biens.

VI.

Le mary confisque seulement sa moitié des meubles & conquests immeubles, & tous les propres; à la charge du doüaire coustumier ou prefix de la femme, & autres conventions de ladite femme. Et la femme ne confisque au preiudice du mary, sinon ses propres seulement.

VII.

Aussi appartiennent au haut-Iusticier les Desherences, & biens vacquans estans en sa Iustice; & Espaves trouuées en icelle.

VIII. •

Lesquelles Espaves se doivent denoncer dedans vingt-quatre heures, par celui qui les aura trouuées: & à faute de ce faire dans ledit temps, fera celui qui les aura trouuées amendable à l'arbitrage de Iustice; sinon qu'il y eust iuste excuse.

IX.

Et sera tenu ledit Seigneur haut-Iusticier faire denoncer & publier és lieux accoustumez à faire cris & proclamations, par trois Dimanches consecutifs, & aux parishes des Paroisses, lesdites Espaves. Et si dedans quarante iours apres la premiere publicatton celui auquel elles appartiennent les vient demander, luy doiuent estre renduës, en payant la nourriture, garde & frais de Iustice. Et ledit temps passé, sont acquises & appartiennent au haut-Iusticier.

X.

Thresor caché d'ancienneté & de temps immemorial, sera distribué, à sçavoir à celui qui le trouuera en l'heritage sien, la moitié; au Seigneur haut-Iusticier l'autre moitié. Et celui qui le trouuera en l'heritage d'autrui, en aura vn tiers, le propriétaire vn tiers, & le Seigneur haut-Iusticier l'autre tiers.

XI.

Le Roy est seul Seigneur Voyer, s'il n'y a tiltre au contraire, ou possession immemorale. Et où il y a tiltre, le Roy y est tousiours en concurrence pour iuger quand il a preuenü.

MOYENNE IUSTICE.

XII.

LE moyen Iusticier cognoist en premiere instance de toutes actions ciuiles, reelles, personnelles, & mixtes: & des delicts esquels l'amende n'excede enuers Iustice soixante sols parisis. Et si le crime commis en la terre du moyen Iusticier meritoit plus griefue peine, il le doit faire sçavoir au haut-Iusticier, pour en cognoistre & iuger.

4
Droits appartenans
au moyen
Iusticier.

XIII.

Pour l'exercice de laquelle Iustice, il doit auoir Siege notable, Iuge, Procureur d'Office, Greffier, Sergent, prisons à rez de chaussée, seures & bien fermées, telles que dessus.

XIV.

Peut toutesfois ledit moyen Iusticier prendre ou faire prendre tous delinquans qu'il trouue en sa terre, les emprisonner, informer, tenir le prisonnier par l'espace de vingt-quatre heures seulement: pendant lequel temps il peut instruire le proces iusques à sentence definitive exclusivement. Et à l'instant des vingt-quatre heures passées, si le crime merite plus griefue punition que de soixante sols parisis enuers Iustice, est tenu faire conduire le prisonnier au haut-Iusticier, & y faire porter le proces, pour y estre pourueu.

XV.

Si le haut-Iusticier donne sentence contre aucun subiet du moyen Iusticier, ou d'autre dont il aura faict la capture, & iceluy faict mener és prisons du haut-Iusticier: le moyen Iusticier prendra preallablement sur l'amende, ou confiscation, soixante sols parisis, avec les frais de la capture, & autres raisonnables.

XVI.

Celuy qui a moyenne Iustice, peut créer & baillier tuteurs & curateurs, & pour cest effect faire apposer sceellé, faire inventaire des biens des mineurs auxquels il aura faict pourvoir de tuteur, & non autrement.

XVII.

Peut le moyen Iusticier faire mesurer & arpenter, borner entre ses subiects, & non les chemins & voiries publiques; eslire Messiers és saisons, auxquels il fera taux raisonnable; & condamner les subiects en amende, par faute de cens non payé, és Iustices où l'amende est deuë.

BASSE IUSTICE.

XVIII.

Droicts appartenans au bas Iusticier. **L**E bas Iusticier peut cognoistre de toutes matieres personnelles entre les subiects iusques à soixante sols parisis, ensemble des delicts dont l'amende est de six sols parisis, & au dessous: & si le delict requiert plus grande amende, en doit aduertir le haut-Iusticier, & prendra le bas Iusticier sur l'amende adiugée iusques à six sols parisis.

XIX.

Le bas Iusticier peut prendre en sa terre tous delinquans, & pour cest effect auoir Maire, Sergens, & prisons: A la charge toutesfois de faire incontinent mener le prisonnier au haut-Iusticier superieur.

XX.

Peut aussi le bas Iusticier mesurer & mettre bornes, entre priuez ses subiects, de leur consentement: cognoistre de sa censive, & condamner les subiects en amende, par faute de cens non payé.

XXI.

Le moyen & bas Iusticier peut demander renuoy au haut-Iusticier des causes & matieres qui sont de sa cognoissance.

Q'EN LA PREVOSTE' ET VICOMTE' DE PARIS
y a seulement trois sortes de Iustice, haute, moyenne & basse: & n'y a point de Iustice fonciere & censiere.

1 S'il n'y a que trois sortes de Iustice en la Coustume de Paris.

2 Raisons de ceux qui soustiennēt qu'il y a Iustice fonciere & censiere en la Coustume de Paris.

3 Les Seigneurs feodaux & censiers peuvent faire saisir.

4 Les saisies se peuvent faire par le simple mandement du Seigneur feodal, ou censier.

5 Ex solutione census probatur territorium: & territorium non potest esse sine iurisdictione.

6 Princeps concedendo castrum, censetur concedere iurisdictionem.

7 Vendito castro, censetur vendita iurisdictione.

8 Ancien arrest faisant mention de Iustice fonciere.

- 9 Sentences faisans mention de Iustice fonciere.
- 10 Responce aux moyens alleguez par ceux qui soustiennent qu'il y a Iustice fonciere & censiere en la Coustume de Paris.
- 11 Les saisies permises aux Seigneurs feodaux & censiers, ne leur attribuent droit de Iustice.
- 12 Pourquoy le droit de saisies a esté permis aux Seigneurs feodaux & censiers.
- 13 On ne peut appeller d'un exploit domanial.
- 14 Responce aux poincts de droit cy dessus alleguez.
- 15 Qu'il n'est permis aux Seigneurs feodaux & censiers créer des sergens.
- 16 Les saisies doivent estre faictes par Huissiers ou Sergens.
- 17 Les seigneurs feodaux & censiers qui n'ont Iustice, ne peuvent auoir officiers.
- 18 Que c'est que Iustice fonciere.
- 19 Responce à l'arrest cy-dessus allegué.
- 20 Responses aux sentences cy-dessus alleguées.
- 21 Comme en la Coustume de Paris les saisies se peuvent faire par le mandement des Seigneurs feodaux & censiers.
- 22 Lettres Royaux de conforte-main.
- 23 La Iustice fonciere a lieu au pays de nantissement.
- 24 Par la Coustume de Paris n'est requis nantissement.
- 25 Resolution, qu'en la Preuosté & Vicomté de Paris n'y a Iustice fonciere ny censiere.
- 26 Que les Seigneurs feodaux & censiers qui n'ont Iustice, se doivent pourvoir par requeste pour faire saisir.

CHAPITRE III.



PAR la lecture des articles contenus au chapitre precedent, on peut manifestement cognoistre qu'en la Preuosté & Vicomté de Paris il n'y a que trois sortes de Iustice; à sçauoir la haute, la moyenne, & la basse: les droits desquelles sont diuers, distincts & separez. Toutesfois on a cy-deuant pretendu & maintenu qu'outre la Iustice haute, moyenne & basse, il y auoit vne quatriesme espee de Iustice, qu'on a appellée fonciere & censiere: laquelle on a voulu attribuer à chacun Seigneur feodal, & à chacun Seigneur censier, ou bien foncier de la Preuosté & Vicomté de Paris. Tellement que plusieurs ont estimé que quiconque auoit fief ou centiue, auoit Iustice fonciere & censiere, pour la conseruation & manutention de ses droits feodaux & censuels: & ont dict que ceste Iustice *inest feudo & censui*. Ce qui a esté plusieurs fois agité en la Chambre du Threlor: & ceste pretendue Iustice fonciere a esté diuersement prinse, entendue & interpretée.

Les Seigneurs feodaux & censiers qui pretendent Iustice fonciere & censiere, pour leurs moyens alleguent les premier, neuuesme, & vingthuitiesme articles de la nouvelle Coustume de Paris: par lesquels est porté, que le Seigneur feodal à faute d'homme, droits & deuoirs non faicts & non payez, adueu & denombrement non baillié, peut mettre en la main, & saisir le fief mouuant de luy. Et par le 74. article de la

¹
Qu'il n'y a
que trois sor-
tes de Iusti-
ces en la
Coustume
de Paris.

²
Raisons de
ceux qui
soustiennent
qu'il y a Iu-
stice foncie-
re & censiere
en la Cou-
stume de
Paris.

3
Le Sei-
gneurs feo-
daux & cen-
siers peuvent
faire saisir.

mesme Coustume est dict : Qu'un Seigneur censier peut proceder ou faire proceder par voye d'arrest ou brandon, sur les fructs pendans en l'heritage à luy redeuable d'aucun cens ou fonds de terre, pour les ar-
rages qui luy sont deubs. Et par le moyen du pouuoir donné par ladite Cou-
stume aux Seigneurs feodaux de saisir les fiefs mouuans d'eux ; & aux Sei-
gneurs censiers d'arrester & brandonner les fructs pendans en l'heritage
qui est tenu d'eux en censue : lesdits Seigneurs feodaux & censiers pre-
tendent auoir Iustice fonciere & censiere, mettant en auant que telles
saisies, arrests, & iniection de main, ne peuvent estre faictes sans Iustice.
*Tanquam huiusmodi potestas prahendendi & manum iniiciendi sit iuris pu-
blici, & non priuati, & iurisdictionem in se contineat. l. non est singularis. ff.
de regul. iur. l. nullus. Cod. de Iudais.*

4
Les saisies se
peuvent fai-
re par le sim-
ple mande-
ment du Sei-
gneur feo-
dal ou cen-
sier.

Et à l'occasion de ceste pretenduë Iustice fonciere, lesdits Seigneurs
feodaux & censiers maintiennent pouuoir créer vn Sergent, lequel par
leur simple mandement signé d'eux, & scellé de leurs armes, fera les sai-
sies, arrests, brandonnemens, & iniection de main, qui leur sont per-
mis par la Coustume : ou bien vn Sergent Royal, ou d'autre Iustice, fera
lesdites saisies en vertu du simple mandement signé du Seigneur feodal
ou censier, & scellé de ses armes ; conformément à la loy seconde, ff. de
iurisdic. omnium iudic.

Et encores aucuns Seigneurs feodaux & censiers ont passé outre, &
maintenu que par le moyen de ceste pretenduë Iustice Fonciere ils pou-
uoient créer vn Iuge, vn Procureur Fiscal, vn Greffier, & des Sergens :
& que leur Iuge pourra cognoistre des causes de leurs vassaux & subiects
censiers, iusques à soixante sols parisis, & au dessus, & iusques à six sols
parisis d'amende.

5
Ex solutio-
ne census
probat
territoriū,
& territo-
rium non
potest esse
sine iurisdic-
tione.

Et pour confirmer leur opinion, alleguent vne theorique commue,
*Quod ex solutione census probatur territorium, ut notant Canonistæ in cap. pra-
terea, de transact. ext. & in capite tributum, 23. quest. 7. Baldus in rubrica, qua-
sint Regalia. in vñ feud. Que territorium non potest esse sine iurisdictione, ut
patet ex definitione territorij in l. pupillus. §. territorium ff. de verb. & rer si-
gnif. Aussi que solutio census probat subiectionem : capite 1. de censib. ext. glos.
in cap. magnam. 2. quest. 1. Et que subiection ne peut estre sans superiorité &
iurisdiction, tanquam hæc sint correlatiua & reciproca.*

6
Princeps
concedendo
castrum cen-
setur con-
cedere iurisdic-
tionem.

Pareillement les Seigneurs feodaux & censiers alleguent, que si prin-
ceps concesserit alicui castrum, censetur illud concessisse cum omnibus suis
iuribus, maximè cum iurisdictione & autoritate. l. 1. §. cum urbem. ff.
de off. pref. vbi. l. si quando, de bonis vacant. Cod. lib. 10. vbi nota-
tur Bartolus in l. 2. in principio. ff. de verb. signif. Oldradus latè consi-
dero 252. Tellement que le Roy receuant son vassal en foy & homma-
ge d'un fief, avec le droict de censue dependant du fief ; il baille ta-
citement au Seigneur du fief, Iustice fonciere & censiere sur les sub-
iects dudit fief, pour se faire payer de ses droicts seigneuriaux & cen-
suels : selon la decision de Bartole, in l. 1. circa finem. ff. de iurisdic.
omnium iud. Mesmement qu'aucun ne peut auoir censue, sans que luy
ou ses auteurs ayent fief, duquel la censue depende, & du domaine
duquel

duquel hief anciennement & originairement estoient les heritages baillez à censive.

Aussi les Seigneurs feodaux & censiers disent que, *vendito castro censetur vendita iurisdictio: ut ait Paulus Castrensis, in l. penult. ff. de constit. princip. & Baldus in l. finali. Cod. de edict. divi Adri. toll. notant Canonista in cap. ex literis. ext. de iure. patro. Alciatus in l. pupillus. §. territorium. ff. de verb. signif.*

Vendito castro censetur vendita iurisdictio.

D'avantage, on peut alleguer vn vieil & ancien arrest donné au profit des Religieux, Prieur & Conuent de S. Martin des Champs; enregisté en la Cour de Parlement, *in libro iudiciorum, consiliorum & arrestorum de Parlamento omnium Sanctorum, anno Domini millesimo ducentesimo octuagesimo septimo fol. 78. & en la Chambre des Comptes in libro de Temporalitatibus, fol. 94.* duquel la teneur est telle.

Ancien arrest faisant mention de Iustice fonciere.

Cum Præpositus Parisiensis moueret questionem Priori & Conuentui sancti Martini, super proprietatem alta iustitie vicorum de Quinquenpoix & de Mariuaux: Procurator dictorum Prioris & Conuentus asserens, Ecclesiam sancti Martini habere omnimodam iustitiam, altam & basse in dictis duobus locis & in terra sua antiqua: Recognouit quod in vico & in territorio de Mariuaux quod de nouo acquisuerunt, nullam habet dicta Ecclesia iustitiam, præter iustitiam fundi terra.

Outre les Seigneurs feodaux & censiers peuuent alleguer deux Sentences données par Messieurs du Thresor, au profit de deux Seigneurs feodaux & censiers, les 2. Ianuier, 1560. & dernier May audit an: Auec vne sentence donnée audit Thresor, le 3. Mars 1569. par laquelle les Cheueier, Chanoines & Chapitre de l'Eglise Collegiale sainte Oportune à Paris, sont deboutez des droicts de haute-Iustice, moyenne & basse par eux pretendus en la ville, faux-bourgs & banlieue de Paris: lesdits droicts declarez competer & appartenir au Roy: & à eux faict defenses d'exercer aucune iurisdiction ne voirie: fors & excepté droict de Iustice fonciere, & sur les maisons, lieux & heritages declarez en ladite sentence estans en leur censive, & telle que la Coustume de la ville, Preuosté & Vicomté de Paris leur ordonne & permet.

Sentences faisans mention de Iustice fonciere.

Toutesfois plusieurs sont d'aduis qu'il n'y a aucune apparence de pretendre Iustice sous ombre de l'inection de main, saisie & arrest que les Seigneurs feodaux & censiers peuuent faire, suiuant la Coustume de Paris, sur les hiefs mouuans d'eux, & heritages estans en leur censive: comme vn simple arrest, ou vne simple saisie, estant de faict momentanée & extraudiciaire, & la Iustice estant de droict, laquelle a son cours ordinaire. Tellement que le pouuoir de saisir & arrester, donné par la Coustume aux Seigneurs feodaux & censiers, se doit entendre s'ils ont Iustice, sinon pouuoir faire saisir & arrester par autorité de la Iustice ordinaire des lieux. Et ainsi est interpreté par M. Charles du Moulin l'ancienne Coustume de Paris, en l'art. 52. col. 78. Conformément à la disposition de droict, *in l. creditores. C. de pign. & in l. penult. C. ad leg. Iul. de vi pri.*

Response aux moyens cy dessus alleguez, & qu'il n'y a point de Iustice fonciere en la Coustume de Paris.

Aussi le pouuoir de saisir ou faire saisir a esté donné par la Coustume aux Seigneurs feodaux & censiers: au moyen de la Seigneurie directe

Les saisies permises aux Seigneurs feodaux & censiers.

fiers, ne leur attribuent droict de Iustice. qu'ils ont és fiefs mouuans d'eux, & és heritages estans en leur cens-
siue : non pas qu'escdits fiefs & heritages ils ayent Iustice. Tellement
que *ius prehensionis & manus iniectiois confessum fuit dominis feudi vel*

census, propter dominium directum & dominicale, quod in fundis seruientibus habent. Quasi in concessione eorum ius illud penes se retinuerint: & huiusmodi prehensio vel manus iniectio censetur facta, iuxta conventionem contractui feudali vel censuali oppositam: est que conseruatoria non solum iuris, sed etiam possessionis dominicalis: cōme disent les Interpretes Coustumiers:
Non pas que ius prehensionis concessum sit ratione iurisdictionis.

*Et si les saisies & arrests permis par la Coustume aux Seigneurs feodaux & censuels, se pouuoient faire sans autorité de Iustice, & par le simple mandement des Seigneurs feodaux & censiers: ce seroient vrayes exploicts domaniaux, faits par personnes priuées, & non publiques: ne pourroit-on appeller d'iceux, non plus que d'un arrest faict pour droict de barrage, peage, ou autre droict Seigneurial: mais seulement s'opposer auidits arrests: D'autant que telles saisies, arrests, & exploicts domaniaux, nullam in se continent iurisdictionem, sed factum priuatum domini, & non iudicis. Partant on ne peut vallablement dire, que les Seigneurs feodaux & censiers ayent Iustice, sous ombre qu'ils peuuent saisir ou faire saisir les fiefs mouuans d'eux & heritages estans en leur cens-
siue: comme du Moulin a amplement discouru, tant en l'article premier, qu'au 52. article de la Coustume de Paris: lequel chacun peut voir.*

Et de dire que concessio castro vel feudo, censetur concessa iurisdiction: & que le droict de cens contient en soy subiection, recognoissance de superiorité & territoire: & que le territoire emporte iurisdiction: ce sont disputes & subtilitez de droict qui ne sont receuës au Royaume de France, auquel tous droicts de Iustice dependent du Roy: & auquel fief & Iustice n'ont rien de commun ensemble: comme nous monstrerons au prochain chapitre.

Aussi n'y a apparence de dire que chacun Seigneur feodal ou censier peut creer en sa Iustice fonciere vn Sergent, pour faire les saisies, arrests & brandonnemens qui leur sont permis par la Coustume: car cela est inutile, inaudit, & inaccoustumé. Et si ceste creation de Sergens estoit permise, il y auroit infinis abus qui seroient commis és saisies feodales & censuelles. De faict, on n'a iamais toleré en la Preuosté & Vicomté de Paris, qu'il fust procedé par voye de saisies & arrest par autre que par vn Huissier, Sergent, ou autre Officier, soit Royal ou subalterne. Comme nous voyons estre obserué és arrests faicts sur les biens des debtors forains, suiuant le 173. article de la Coustume: laquelle porte, que le Bourgeois de Paris peut proceder par voye d'arrest sur les biens de ses debtors forains trouuez en ceste ville de Paris. Et le semblable est gardé pour le regard des gageries permises par les 171. & 173. articles de la Coustume, aux proprietaires des maisons, & à ceux qui ont rentes constituées sur icelles: encores que la Coustume vse de ce mot peut proceder par voye de gagerie. Ioinct que ainsi se pratique pour le regard des saisies, qu'il est permis faire par l'Ordonnance du Roy Charles IX. pour le payement des

Les saisies doivent estre faictes par Huissiers ou Sergens.

arrerages deubs à cause des rentes foncières.

Encores y a-il moins d'apparence de dire par les Seigneurs feudaux & censiers, que leur prétendue Iustice foncière & censière ne concerne pas seulement les saisies, arrests & brandonnemens qu'ils peuvent faire, ou faire faire, suivant la Coustume; mais qu'ils peuvent créer vn Iuge, vn Procureur Fiscal, vn Greffier, & des Sergens: Et que leur Iuge cognoistra, tant de leurs droicts feudaux & censuels, & oppositions formées à leurs saisies, que des causes civiles de leurs subiects, iusques à soixante sols parisis, & six sols parisis d'amende.

17
Que les Seigneurs feudaux & censiers qui n'ont iustice, ne peuvent avoir officiers.

Car il appert par les articles transcrits au second chapitre du present Traicté, que les droicts susdits sont droicts de basse Iustice. Et la Iustice foncière & censière prétendue par les Seigneurs feudaux & censiers, ne pourroit estre sinon *iurisdictione predialis vel fundiaria, qualiceret pradio feudali vel censuali manum iniicere. Ad personas autem vassallorum, vel censuarius extendi non possit, nec dominus feudalis aut censualis ius eis dicere: Cum huiusmodi iurisdictione fundiaria realis sit, & non personalis, rem respiciat, & non personam; & de rebus ad personas extendi non possit: prehensiones enim & impedimenta in rem tantum fiunt, & non in personam.* En sorte qu'il ne se peut souster, que les Seigneurs feudaux & censiers ayent Iustice sur leurs vassaux & subjets, iusques à soixante sols parisis, & au dessous; comme il sera cy-apres amplement deduit.

18
Que c'est que Iustice foncière.

Quant à l'arrest de saint Martin des Champs cy-dessus allegué; on peut dire, que par la Iustice foncière est entenduë la basse Iustice, & que depuis ils ont acquis tout droict de Iustice en la rue de Mariiaux.

19
Response à l'arrest cy-dessus allegué.

Aussi on peut respondre aux deux sentences données par Messieurs du Thresor, cy-dessus dattées; que les Seigneurs feudaux & censiers de nommez esdites sentences, auoient verifié par tiltres & tesmoins auoir droict de basse Iustice au dedans de leurs fiefs, terres & seigneuries. Quant à la sentence donnée contre les Chanoines sainte Oportune, elle a esté infirmée par Arrest donné le troisieme d'Aoust, mil cinq cens quatre-vingts & six: & par iceluy esté ordonné, qu'ils declareront plus amplement les lieux & endroicts esquels ils pretendent haute Iustice, moyenne & basse: qui seront communiquez à Monsieur le Procureur General pour y respondre: ce fait, informer.

20
Response aux trois sentences cy-dessus alleguées.

Et combien qu'en la Coustume de la Preuosté & Vicomté de Paris il soit vsté & toleré, qu'en vertu du simple mandement d'un Seigneur feodal ou censier, on puisse saisir l'heritage tenu de luy en fief ou censue: toutesfois telle permission de saisir ou faire saisir, n'attribuë aucun droict de Iustice au Seigneur feodal ou censier. *Sed huiusmodi actus habet tantum quoddam vestigium iurisdictionis feudalis, siue predialis in res clientelarias*; au moyen de la seigneurie directe qui appartient au Seigneur feodal ou censier. *cap. 1. §. finali, de inuestitura, de re aliena facta, in visibus feudorum*, comme a adnoté du Moulin es Coustumes de Paris, article sixiesme, glose sixiesme, col. 1. in fine.

21
Comme par la Coustume de Paris les saisies se peuvent faire par le mandement des Seigneurs feudaux & censiers.

22
Les saisies
feodales ou
censuelles
faites par
Sergens.

Est besoin que la saisie soit faite par vn Sergent Royal, ou Sergent de la Iustice ordinaire des lieux, qui fera rapport tant de la saisie, établissement de Commissaire, que signification d'iceux: non pas que la saisie puisse estre faite par vn simple seruiteur, comme plusieurs ont voulu pretendre.

23
Lettres Roy
aux de confort
temain.

Et pour valider telles saisies, aucuns obtiennent lettres Royaux en Chancellerie, qu'on appelle Lettres de confortemain: la forme desquelles est au Protocole de Chancellerie. Et tant en vertu du mandement du Seigneur feodal que desdites lettres, on a accoustumé faire la saisie: ou bien incontinent apres la saisie faite en vertu du mandement du Seigneur feodal, on appose la main du Roy en vertu desdites lettres: comme il est amplement traicté par du Moulin és lieux cy-dessus citez.

24
La Iustice
fonciere a
lieu au pays
de nantisse
ment.

Et la Iustice fonciere a principalement lieu és pays de nantissement: lesquels pour acquerir droict de propriété ou d'hypothèque, il est besoin estre nanty par les Officiers de la Iustice fonciere des lieux desquels est question: Comme on peut cognoistre par la lecture, tant de la Coustume de Vermandois, és chapitres de rentes, hypothèques & nantissement, de saisine & desaisine, vulgairement appelé vest & deuest: que de la Coustume d'Amiens, & autres. Lequel nantissement n'est obserué ny requis en la Preuosté & Vicomté de Paris: *Quia solo consensu contrahitur hypotheca, & sola traditione transfertur dominium, sine alio ministerio aut solemnitate*: conformément à la disposition de droict, *in l. contrahitur, ff. de pigno. l. traditionibus. Cod. de pact.* Aussi de la Iustice fonciere est traicté au 4. liure du grand Coustumier de France, & instruction de pratique, chapitre de Iustice fonciere.

25
Par la Cou
stume de Pa
ris n'est re
quis nantis
sment.

26
Resolution
de ce que
dessus, &
qu'en la
Coustume
de Paris n'y
a Iustice
fonciere ny
censiere.

Partant faut maintenir qu'en la Preuosté & Vicomté de Paris il n'y a aucune Iustice fonciere ny censiere: mais y a seulement trois sortes de Iustice, haute, moyenne & basse. Encore que par l'vsance de la Preuosté & Vicomté de Paris il soit permis au Seigneur feodal, en vertu de son mandement faire saisir le fief tenu & mouuant de luy, à faute d'homme, droicts & deuoirs non faits & non payez, adueu & denombrement non baillé: Et soit loisible au Seigneur censier, en vertu de son mandement faire saisir & brandonner les fruits pendans en l'heritage estans en la censue pour les arrerages des cens qui luy sont deuz: pourueu que la saisie soit faite par vn Sergent Royal ou de Iustice subalterne. Neantmoins comme dict

27
Que les Sei
gneurs feo
daux & cen
siers qui
n'ont Iusti
ce, se doiuent
prouoir
par reques
te pour fai
re saisir.

a esté, aucuns Seigneurs feodaux obtiennent lettres Royaux de confortemain, à fin de conforter, confirmer & autoriser les saisies faites en vertu de leur mandement: combien que lesdites lettres ne soient necessaires pour la validité desdites saisies. Et le plus souuent, & quasi ordinairement les Seigneurs feodaux ou censiers, qui ont exercice de Iustice, presentent requeste au Iuge ordinaire: à ce qu'il leur soit permis faire saisir les fiefs mouuans d'eux, ou les heritages estans en leur censue, pour les causes cy-dessus declarées, & en vertu de la requeste qui leur est responduë par le Iuge, font faire par vn Sergent lesdites saisies, avec établissement de Commissaire. Qui est la voye la meilleure, & la plus seure.

EN FRANCE TOVT DROICT DE IUSTICE DEPEND du Roy. Que Fief & Iustice n'ont rien de commun ensemble. Et quand vne Iustice est faisie, on n'adiuge point prouision contre le Roy.

- | | |
|--|--|
| <p>1 Le Roy est fondé de droict commun en toute Iustice en son Royaume.</p> <p>2 En France le droict de Iustice depend du Roy.</p> <p>3 Les Seigneurs sont tenus monstrier tiltre du droict de Iustice par eux pretendu.</p> | <p>4 Fief & Iustice n'ont rien de commun ensemble.</p> <p>5 Quand vne Iustice est controuersée, pendant le debat elle doit estre exercée sous la main & nom du Roy.</p> <p>6 Trois Arrests de ce que dessus.</p> |
|--|--|

CHAPITRE IV.



N tient en France pour maxime certaine, que le Roy seul est fondé de droict commun en toute Iustice, haute, moyenne & basse par tout son Royaume. Et dit-on que *in eo, tanquam principe summo, omnes thesauri dignitatum reconditi sunt: & ab eo velut à fonte omnes iurisdictiones procedunt: sicut omnia flumina per meatus terræ fluunt à mari, & ad mare refluunt.* Azoin *summa, de iurisdic. omnium iud.* Baldus in §. *ad hoc. de alodij. in vñb. feud.* Aussi lege regia omne imperium in Casarem translatum est: omnisque populi potestas in Principem translata. §. *item & quod principi, de iure nat. gent. & ciui. in Institut.* Et Baldus in cap. *quæ sint Regalia, & in cap. unico de natura Feudi, in vñb. feud.* dit que Rex, & quicuis alius princeps qui est Monarcha in suo regno, est solus dominus sui territorij, & solus fundatus in iurisdictione & imperio. *Allegat caput, ubi periculum. de elect. in sexto: facit lex prima. §. cum urbem. ff. de offic. præfect. urb. cap. dilecti de arbit. & lex finalis. C. eodem Ioannes Faber in l. cunctos populos. C. de summa Trinit. cap. finali, extra. de offic. Archid. in verbis, intra metas sui Archidiaconatus cap. si diligenti. de præscript. extra. Aluarotus in §. ad hæc. de pace tenen. in vñb. feud.* Aussi on dit communément que *omnia sunt principis, quantum ad iurisdictionem. l. bene à Zenone. ubi glosa, in verbo, omnia, C. de quad. præscript.*

1
Le Roy est fondé de droict commun en toute Iustice en tout son Royaume.

Partant plusieurs sont d'aduis qu'aucun Seigneur ne peut pretendre droict de Iustice, soit haute, moyenne, ou basse, en aucun Fief, terre ou Seigneurie située en France, sans tiltre particulier, concession ou permission du Roy, ou de ses predecesseurs Roys de France: *Quia à principe tanquam à fonte omnes iurisdictionum riuuli siue iura manant: Et in Gallia iurisdictionem nemo habere potest, nisi ex concessione vel permissione Principis: comme disent nos Docteurs Coustumiers; maxime Chassaneus in Consuetudinibus Burgundia, titulo des Iustices, in rubrica, col. 94. & in titulo des Fiefs, § 4. col. 14. Et le texte in cap. unico, quæ sint Regalia, in vñb. feud.* dit que *potestas constituendorum magistratuum ad iustitiam*

2
En France le droict de Iustice depend du Roy.

expediendam, de Regalibus est. Aussi le Iurisconsulte in l. 1. ff. de offic. eius cui mand. est iurisd. & in l. tuto. §. tutoris. ff. de tutelis, dit que is iurisdictionem vel imperium habet, cui lex, senatusconsultum, vel princeps tribuit: Ainli qu'il fut plaidé en la Cour le 11. Aoust 1552. pour la Iustice d'Assy, pretenduë par feu Monsieur du Mont.

3
Les Sei-
gneurs sont
tenus mon-
strer tiltre
du droict de
Iustice par
euxpredeu.

4
Fief & Iu-
stice n'ont
rien de com-
mun ensem-
ble.

5
Quand vne
Iustice est
côtrouersée,
pendant le
debat elle
doit estre
exercée sous
la main &
nom du Roy.

6
Trois arrests
de ce que
il sus.

Tellement que si la Iustice d'un fief, terre & Seigneurie est saisie à la requeste d'un Procureur du Roy; le Seigneur feodal est tenu faire apparoir de son pretendu droict de Iustice, par tiltres suffisans & valables: *quia ubicumque est questio de feudo, iurisdictione vel censu, possessor tenetur ostendere titulum, siue a Tor, siue reus sit. cap. unico, quid sit inuestitura, in vsib. feud. notat Baldus in l. 2. C. quo modo & quando iudex. Alexander consilio 129. in primo vol.* Et encores que le Procureur du Roy soit d'accord du droict de feodalité, ou de censue, pretenduë par le Seigneur sur lequel la saisie est faicte; toutesfois le Seigneur feodal ne peut pas s'attribuer droict de Iustice en son fief. parce qu'en France, Fief & Iustice n'ont rien de commun ensemble; ains sont droicts diuers, distincts & separez, & par le moyen de l'un on ne peut s'attribuer l'autre. Car tel a droict de Iustice en un lieu, qui n'a aucune feodalité ne censue audit lieu. Au contraire tel a droict de feodalité & de censue, qui n'a aucune Iustice. Aussi on peut tenir un fief en foy & hommage d'un Seigneur, & la Iustice dudit fief en foy & hommage d'un autre Seigneur, comme nous voyons ordinairement. *Et sic nihil commune habet proprietas feudi cum proprietate iurisdictionis: & confesso feudo non censetur data iurisdictione: quia est qualitas extrinseca accedens feudo: ut tradit Baldus in l. à procuratore. C. mand. textus in cap. unico, qualiter iurare debeat vassallus domino fidelitatem, in vsib. feudo. in verbis, non quod habeat feudum, sed quia sub iurisdictione sit eius cui iurat. Oldradus consilio 179. latè Pontanus és Coustumes de Blois, article 65. Molinaus és Coustumes de Paris, §. 1. glossa quinta, col. 44. & sequent & §. 10. col. 24. versic tamen veritas est, & §. 22. col. 105. Masucius in sua praxi, tit. de feudis. §. item non sequitur.*

Pour ceste cause, quand le vassal baille à son Seigneur dominant l'adueu & denombrement de son fief, il faict mention expresse qu'audit fief il a Iustice haute, moyenne & basse, ou bien haute Iustice seulement, ou bien moyenne & basse Iustice tant seulement.

Aussi on tient que le droict de Iustice est tellement dependant du Roy; que quand vne Iustice est saisie à la requeste d'un Procureur du Roy, & qu'il desnie le droict de Iustice au Seigneur sur lequel la saisie est faicte: En ce cas on n'adiuge point prouision ny recreance contre le Roy, mais pendant le proces la Iustice doit estre exercée sous le nom du Roy.

Quia quando iurisdictione est in manu Regia, est propriè in natura & substantia sui, vel in esse suo; cum Rex de iure communi fundatus sit in omni iurisdictione, ut dicit textus in stylo Parlamenti, in titulo, de casu novitatis. §. 10. & ibi Carolus Molinaus. Et de ce y a trois anciens Arrests escrits in libro Olim, estant au Greffe de la Cour. Le premier, fol. 53. verso, commençant, *Cum adhuc pendeat iudicium, in verbis, per dominum Regem ad reddendum cas ad presens compellantur. Inter iudicia, consilia & arresta, expedita in Parlamento*

Pentecostes, anno Domini millesimo ducentesimo octuagesimo. Le second escrit fol. 87. commençant, Cum Raterius de Castro nouo, in verbis, dictum fuit per Arrestum quod dicti malefactores remanebunt in manu nostra, tanquam superiori, donec discussum sit, utrum ad nos an ad Raterium pradiatum iurisdictione debeat pertinere. Inter iudicia, consilia & arresta expedita in Parlamento Pentecostes, anno Domini millesimo ducentesimo nonagesimo. Le tiers est escrit fol. 91. commençant, Comes Forensis, in verbis, & huius inqueste pendente, iustitia dicti Prioratus, in manu Domini Regis tenebitur. Inter iudicia, consilia & arresta reddita in Parlamento omnium Sanctorum, anno Domini millesimo ducentesimo nonagesimo primo.

[Où il appert que la Iustice ou l'heritage que le Procureur du Roy si l'on peut a saisi, n'est pas apparemment domanial, ou bien que l'on est fondé en *ad iudicium* une tout cas. *Primo casu*, l'Ordonnance du Roy Charles IX. article 2. tiltre *prouision* des saisies du Domaine, dit que les saisies faictes pour reünion du Do- *contre le* maine, ne se leueront par prouision, sinon que pour grande consideration *Roy.* fust trouué equitable de faire quelque prouision à temps seulement, attendant l'instruction du proces. La raison de ceste distinction peut estre rendüe, que le Roy ait puissance de faire saisir ce qu'il pretend estre de son Domaine, si toutesfois il appert que l'heritage saisi ne soit domanial, ains possédé par le detenteur, comme priué, ou que la cause soit en telle controuerse, qu'il n'y ait grande apparence qu'il soit venu du Domaine: comme si vne femme y auoit succédé, & son heritier en auoit disposé, il est bien raisonnable que pendant le proces le possesseur ait main-leuée, & soit maintenu en la possession, ainsi qu'il a esté iugé par Arrest, pour la Chastellenie de Ville-bois en Angoulmois, le 6. Aoust 1565. recité par Monsieur Choppin, lib. 1. de dom. tit. 10. qui allegue la raison de la l. i. §. si proprietarius, C. comm. de manum. iss. Le mesme sera gardé quand l'on est fondé en tout cas bon & authentique: auquel cas conformément à l'Ordonnance, l'on ne peut estre debouté de la prouision que l'on demande, ioint quand il n'y auroit point de contract, d'autant que l'on est contraint de defendre, & qu'il n'y a point de preuue contre celuy qu'on a saisi, *tunc benigna interpretatione legis*, on doit bailler main-leuée par prouision, l. de- *defensiones. C. de iure fisci. N. B.*]

D'auantage on tient en France, que le droict de Iustice ne peut estre *Le droict de Iustice en* tenu en Franc-aleu, parce qu'il est necessaire, pour raison d'iceluy, re- *France, ne* cognoistre le Roy, duquel il est procedé, & luy en faire foy & homma- *peut estre te-* ge. Combien qu'on puisse tenir fiefs, heritages roturiers, & droicts im- *nu en Franc,* mobiliers en Franc-aleu, sans recognoistre aucun Seigneur: comme *aleu.* Maistre Charles du Moulin a traicté en la Coustume de Paris, article 46. colla. 3.

LE DROICT DE IUSTICE SE PEVT VERIFIER
non seulement par tiltres, mais aussi par tesmoins. Qu'en ce cas la
possession immémoriale est receüe. Et comme les adueuz & denom-
brements doiuent estre verifiez.

- | | |
|--|---|
| <p>1 Si le droict de Iustice se peut verifier
par adueuz & par possession im-
memoriale.</p> <p>2 Raison de ceux qui estiment que le
droict de Iustice se doit verifier
par escrit.</p> <p>3 Le droict de Iustice se peut verifier
par tesmoins, & par possession
immémoriale contre le Roy.</p> <p>4 Le droict de Iustice se peut verifier
par actes de foy & hommage.</p> <p>5 Le droict de Iustice se peut verifier</p> | <p>par adueuz & denombrements.</p> <p>6 Les adueuz & denombrements bail-
lez au Roy, doiuent estre veri-
fiez par les Iuges ordinaires.</p> <p>7 Forme de verifier les adueuz &
denombrements au Roy.</p> <p>8 Iugemens de ce que dessus.</p> <p>9 Forme de la Commission que Mes-
sieurs des Comptes baillent pour
la verification des adueuz &
denombrements.</p> |
|--|---|

CHAPITRE V.

I
Si le droict
de Iustice se
peut verifier
par adueuz,
& par pos-
session im-
memoriale.



NOUS auons dit au Chapitre precedent, qu'en France
tout droict de Iustice, haute, moyenne, ou basse, depend
du Roy: en sorte que celuy qui pretend Iustice en son
Fief, terre & Seigneurie, doit faire apparoir de tiltre par-
ticulier, priuilege special, concession ou permission des
Roys de France. Mais on a demandé s'il est necessaire
faire apparoir par escrit de tiltre particulier & special, & si les adueuz
& denombrements anciens sont pas suffisans pour prouuer vn droict de
Iustice: En tout euenement si la preuue de la possession immémoriale est
pas receüe & suffisante, pour verifier vn droict de Iustice, soit haute,
moyenne, ou basse.

Aucuns ont estimé que la preuue du droict de Iustice deuoit estre par
escrit; tout ainsi que d'un ensaînement, d'une reception en foy & hom-
mage, d'une prouision d'Office, & d'autres actes qui sont recitez en la
glose du Chapitre premier de *censibus, in Sexto, in quibus scriptura necessa-
ria est, nec testium probatio admittitur.*

Raisons de
ceux qui esti-
ment que le
droict de Iu-
stice se doit
verifier par
escrit.

Et pour confirmer leur opinion, alleguent qu'il est escrit au liure Blanc,
estant en la Chambre du Procureur du Roy au Chastelet de Paris: Que
l'an M. CCC. LXXXVIII. fut faicte information cōtre le Procureur du Roy,
pour le Prieur de nostre Dame des Champs, qui disoit auoir audit lieu Iu-
stice fonciere, moyenne & basse, iusques à soixante sols, & au dessous. Au
dos de laquelle information est escrit, Que le Conseil du Roy, au Palais, &
en Chastelet, est d'opinion que l'information de tesmoins faicte en sem-
blable cas pour le Chapitre de Paris, ne suffit pas, s'ils ne monstrent tiltre.

Aussi

Aussi ils alleguent la disposition de droit *in l. 1. ff. de offi. eius cui mand. est iurisdict.* la loy *muto. §. tutoris datio. ff. de tutel.* Dient que le droit de Iustice estant de grande importance, il ne se doit verifier par tesmoins, *quorum plerumque dubia est fides, & per quos multa veritati contraria perpetrantur: sed instrumentis & documentis quæ certissimam probationem continent, iurisdictio probanda est, l. testium. C. de testib. & in titulo de instrum. caut. & fide, in Authenticis, collat. sexta.*

Pareillement aucuns soustiennent que la preuve de la possession immémoriale n'est receuable en droit de Iustice, & qu'elle ne seroit suffisante pour acquérir le droit de Iustice, mesme de haute Iustice. *Quia ea quæ sunt meri imperij, ut est gladij potestas, & ius an maduertendi in facinorosos, non præscribuntur, nec tempore acquiruntur, cum tam iurisdictio quam imperium in signum superioritatis competant, sintque iuris publici, & qui merito imperio utitur, cum illud non habeat, in crimen læsæ maiestatis, & pœnam priuati carceris incidat: ut latè tractat lason in l. imperium. col. 20. ff. de iurisdict. omnium indic. Cynus & Baldus in l. 1. C. de mancipat. liber. notant Canoniste in cap. ad audientiam, extra. de iurciur.*

Toutesfois il faut maintenir le contraire, & confesser qu'on peut verifier le droit de Iustice, soit haute, moyenne ou basse, non seulement par escrit, mais aussi par tesmoins; & que contre le Roy la possession centenaire que nous appellons immémoriale, est suffisante pour acquérir tout droit de Iustice. *Cum huiusmodi centenaria & immemorialis possessio habeat vim tituli & iuris constituti. l. hoc iure. §. ductus aquæ. ff. de aqua quotid. & sti. l. si arbiter. ff. de probat.* comme nous auons amplement montré au 7. chap. du droit de Desherence, par nous n'agueres publié. De faict la Iustice des faux-bourgs S. Laurens de ceste ville de Paris, estant controuersée par Monsieur le Procureur general du Roy, contre les Chanoines & Chapitre de l'Eglise de Paris, fut dit par Arrest donné en plaidoyrie le Mardy 11. May, 1574. que lesdits de Chapitre informeroient tant par lettres que tesmoins, du droit de Iustice par eux pretendu: Et ledit Seigneur Procureur General au contraire.

3
Le droit de Iustice se peut verifier par tesmoins & par possession immémoriale contre le Roy. Arrest de ce que dessus.

Quant aux actes de foy & hōmage, qui ont esté faits, ou bien au Roy, ou bien à autre Seigneur de Iustice, soit haute, moyenne, ou basse; comme tenuë & mouuante en foy & hommage du Roy, ou d'autre Seigneur: il est certain que tels actes ayans esté receus en la Chambre des Comptes, ou bien par autres Seigneurs, font pleine preuve à l'encontre du Roy, ou bien contre lesdits Seigneurs du droit de Iustice: D'autant que lesdits actes sont particuliers & speciaux pour le droit de Iustice. *Secus dicendum esset, si les actes de foy & hommage estoient faits d'un fief avec les appartenances & dependances en termes generaux.*

4
Le droit de Iustice se peut verifier par actes de foy & hommage.

Au regard des adueuz & denombrements, il est pareillement certain que s'ils font expresse mention de droit de Iustice, soit haute, moyenne, ou basse, & ont esté receus sans aucun blâme par le Seigneur dominant; qu'il ne peut reuoker en doute à son vassal le droit de Iustice, tel qu'il est porté par les adueuz & denombrements par luy receus.

5
Le droit de Iustice se peut verifier par adueuz & denombrements.

Mais les adueuz & denombrements baillez au Roy en sa Chambre

6
Les adueuz
& denom-
brement bail-
lez au Roy,
doient estre
verifiez par
les Iuges or-
dinaires.

des Comptes, encores qu'ils contiennent que le vassal a toute Iustice, haute, moyenne & basse, au fief duquel il baille son adueu & denombrement : si est-ce que tel adueu & denombrement ne sera suffisant pour verifier droict de Iustice. D'autant qu'un denombrement n'est pas tiltre, *sed est nuda asseueratio, siue simplex declaratio* des heritages & droicts que le vassal dit estre dependans de son fief, lesquels il est tenu iustifier par tiltres.

Et auparauant que tels adueuz & denombrement puissent preiudicier au Roy, & seruir de tiltre; il est necessaire, suiuant les anciennes Ordonnances, qu'ils soient verifiez par les Iuges ordinaires des lieux: Qui sont, & doivent estre le Preuost de Paris, pour la ville, banlieue, & lieux adjacens; & les Preuosts de Poissy, Corbeil, Monthlery, Chasteaufort, Torcy, Gonneffe, & Gournay, pour le regard de ce qui est assis au dedans de leurs Preuostez : D'autant qu'ils ont certaine cognoissance des fiefs assis au dedans de leur destroict & Iurisdiction, & des droicts dependans desdits fiefs.

7
Forme de ve-
rifier les ad-
ueuz & de-
nombrement
baillez au
Roy.

Lesquels apres communication faicte au Procureur du Roy & Receueur ordinaire du lieu, de l'adueu & denombrement baillé par le vassal du Roy, & des tiltres iustificatifs dudit adueu : le doivent faire lire iudiciairement à iour d'Assises, ou par trois diuers iours de plaidoyries ordinaires & consecutifs : Et demander à tous les assistans, si audit adueu y a aucune chose qui ne soit dependante du fief duquel est question : si celui qui a baillé ledit adueu a cy-deuant iouy de tout le contenu en iceluy; & s'il y a aucune chose entreprise sur les droicts & Domaine du Roy : Le tout suiuant la Commission que Messieurs des Comptes ont accoustumé en tel cas octroyer.

De ceste lecture, verification & certification, le vassal doit retirer acte signé du Greffier ordinaire du lieu : ce faict, faire recevoir son adueu & denombrement en ladite Chambre : & lors il sert de tiltre au vassal. Et à faute de verification faicte de l'adueu & denombrement baillé au Roy, on n'a aucun esgard au contenu d'iceluy, & ne sert aucunement de tiltre, sinon au preiudice du vassal qui l'a baillé, le contenu duquel il ne peut desnier. *Huc pertinet lex censualis, lex functiones. C. de donat. l. solemnibus. C. de rei vend. l. rationes. l. exemplo. C. de probat.*

8
Iugemens de
ce quedesus.

Et suiuant ce que dessus, Messieurs les Commissaires cy-deuant deputez par le Roy en la Chambre de la Roynne, pour la recherche des droicts seigneuriaux & feodaux, auparauant que donner main-leuée des fiefs saisis à faute d'homme, droicts & deuoirs non faicts & payez, adueu & denombrement non baillé, ont plusieurs fois ordonné, Que les proprietaires des fiefs seroient tenus bailler leurs adueuz & denombrement en la Chambre des Comptes; feroient iceux verifier pardeuant les Iuges ordinaires des lieux; & enuoyeroient la verification en la Chambre des Comptes, suiuant les Ordonnances: & ce faict, seroit faict droict sur la main-leuée par eux requise.

Aussi apres qu'on a presenté à la Chambre des Comptes son adueu & denombrement, on obtient Commission desdits Seigneurs, adressée au Iuge Royal ordinaire des lieux; par laquelle luy est mandé ver-
 rifier ledit adueu à iour d'Assise, ou a trois diuers iours plaidoyables en-
 suiuians & consecutifs: ce faict enuoyer ledit adueu & verification d'ice-
 luy pardeuers lesdits Seigneurs des Comptes: comme il fut ordonné
 pour Monsieur Fite, Seigneur en partie de Brieres le Chastel.

Forme de
 Commission
 que Mes-
 sieurs des
 Comptes bail-
 lent pour la
 verification
 des adueuz
 & denom-
 brements.

SI EN DONATION FAITE PAR LE
 Roy d'un fief, le droict de Iustice est compris:
 Et qu'en la concession de haute Iustice ne sont
 compris le meurtre, le rapt, & le bruslement,
 desquels le Iuge subalterne ne peut cognoistre.

- | | |
|---|---|
| <p>1 Si en donation faicte par le Roy d'un fief ou Seigneurie, le droict de Iustice est compris.</p> <p>2 An concessio à Principe, castro, cenfeatur concessa iurisdic-
 ctio.</p> <p>3 Raisons de ceux qui estiment qu'en donation de fief, generalement faite par le Roy, n'est compris le droict de Iustice.</p> <p>4 Lettres patentes & Arrests de ce que dessus.</p> | <p>5 Decision de la question cy-dessus proposée.</p> <p>6 Le Iuge subalterne ne cognoist au-
 cunement du meurtre, du rapt, ny de l'incendie.</p> <p>7 Ancien Arrest de ce que des-
 sus.</p> <p>8 Traicté de paix entre le Roy & l'Euesque de Paris.</p> <p>9 Interpretation de ces mots, Mur-
 trum, Raptus, & Incendium.</p> <p>10 Bontefeux qui sont.</p> |
|---|---|

CHAPITRE VI.



N a plusieurs fois demandé quand le Roy a donné, cédé & transporté vn fief, terre, ou seigneurie, la propriété & droicts de laquelle non seulement apparte-
 noit à sa Majesté, mais aussi en icelle auoit droict de toute Iustice, haute moyenne, & basse: Si en telle do-
 nation, cession, & transport, sont compris non seu-
 lement la propriété & les droicts dependans du fief, terre, ou sei-
 gneurie donnée: mais aussi est compris le droict de Iustice, tant hau-
 te, moyenne, que basse: en sorte que le Donataire ait droict de toute
 Iustice au fief, terre, ou seigneurie donnée par le Roy. Le sem-
 blable a esté demandé pour le regard des contracts d'eschange, de

Si en dona-
 tion faicte
 par le Roy,
 d'un fief ou
 Seigneurie,
 le droict de
 Iustice est
 compris.

vente, & autres contractz passez entre le Roy, & des particuliers: Sçauoir si par le moyen de tels contractz, les particuliers contractans sont faits, non seulement seigneurs & propriétaires du domaine & droicts du fief à eux transporté par le Roy, mais aussi sont faicts hauts, moyens, & bas Iusticiers dudit fief, terre ou seigneurie: attendu que fief & Iustice n'ont rien de commun ensemble, comme nous auons dit au 4. chapitre du present Traicté.

2
An concessio à Principe castro, censetur concessa iurisdictione.

C'est ce que nos Docteurs, tant Ciuils que Canonistes ont demandé: *An concessio à Principe castro, censetur concessa iurisdictione.* Et apres plusieurs & longues disputes ont resolu: Que si *iurisdictione erat annexa & unita castro tempore concessionis, & concessio castri non sit simpliciter facta, sed cum suis iuribus & pertinentijs: hoc casu censetur concessa iurisdictione, imo merum & mixtum imperium videtur concessum.* Quod si *iurisdictione tempore concessionis non esset annexa feudo, sed ab eo separata, & feudum simpliciter sit concessum, donatum, vel permutatum: non censetur concessa iurisdictione.* Vt latè tractat Baldus in cap. 1. de capit. qui cur. vend. Partol. in l. inter eos. ff. de acqu. rer. dom. & in l. 1. §. cum urbem. ff. de offic. praefect. urb. Paulus de Castro Consil. 406. latè Carolus Molinaus és Coustumes de Paris, §. 1. Glossa quinta, col. 47 & seq. Pontanus és Coustumes de Blois, art. 65.

3
Raisons de ceux qui estiment qu'en donation de fief generalemēt faicte par le Roy, n'est compris le droit de Iustice

Aucuns sont d'aduis contraire, & soustiennent qu'en donation ou concession generalement faicte par le Roy, d'un fief avec ses appartenances & dependances, ou bien en contract de vente, ou d'eschange, la haute Iustice n'est point comprise ny transferee, ains demeure pardeuers le Roy, suiuant vn ancien arrest, duquel la teneur ensuit.

4
Lettres patentes de ce que dessus.

Philippus Dei gratia Francorum Rex, Balliuo Calatensi. seu locum eius tenenti salutem. Literas tuas nobis directas inter cetera continentes, quod ad ius patronatus S. Martini de Camallia, ad quam Ecclesiam magistrum Ioannem Alignon dicimur presentasse, relictæ Domini quondam de Chambliao, & Perrotuscorum filius, se opponunt contra nos: tam ratione cuiusdam permutationis, inter nos & dictum Dominum de Chambliao dum viueret factæ, quam ratione quarundam generalium concessionum, à nobis factarum eidem Domino de Chambliao, per literas nostras inde factas. Vnde nos tibi super hoc respondemus: Quod in generali concessione quacumque, non intelligimus nec intelligi volumus, iustitiam altam, foragia feuda nobilium, aut iura patronatus venire. Mandamus etiam tibi, quatenus nisi in dictorum relictæ & eius prædicti filij literis fiat expressa mentio de iure patronatus Ecclesie prædictæ, ad oppositionem prædictæ de cetero non admittas eosdem, sed illis silentium imponas perpetuum in hac parte. Actum Cressen. die Lunæ ante festum beatae Mariae Magdalene, Anno Domini millesimo trecentesimo undecimo. Extraict des Registres de la Chambre des Comptes, en vertu de la requeste presentée à icelle par le Procureur General du Roy, signé le Maistre.

5
Ancien Arrest de ce que dessus.

On allegue aussi vn autre ancien Arrest de l'an mil deux cens septante deux, qu'on dit estre enregistré au cent nonante quatre fueillet de l'un des Registres de la Chambre des Comptes: & eius verba hæc esse: *In dono à Rege facto cuiuscumque iurisdictionis altam iustitiam non comprehendit.*

Outré, pour monstrier qu'au cas où nous sommes, n'est point compris le droit de Iustice qui appartenait au Roy, si en la donation n'est faite expresse mention de la haute-Iustice, on peut alleguer la loy premiere *in princip. ff. de offic. eius cui mand. est iurisdic. speculatorem in tit. de iurisd. omnium iud. §. 1. nu. 6. versic. veruntamen. & ibi Ioan. And. addit. Iasonem in l. imperium. col. 5. nu. 14. de iurisd. omnium iud.*

Il semble pour la decision de la question cy-dessus proposée: Qu'il est besoin voir en quels termes est conceüe la donation ou concession faite par le Roy, d'un fief, terre, ou Seigneurie: & regarder si elle contient ces mots, Avec ses appartenances & dependances, droits, noms, raisons, & actions: Aussi sçavoir si de tout temps & ancienneté la Iustice n'a pas esté vnüe au fief donné, comme faisant partie d'iceluy, & si le donataire a iouy de la Iustice depuis la donation à luy faite. Les choses dessusdites estans concurrentes, il est certain que tout droit de Iustice est compris en la donation faite par le Roy, horsinis le cas de ressort par appel.

Decision de
la question
cy-dessus
recitée.

Mais si le fief purement & simplement est donné, vendu, ou eschangé par le Roy, le droit de Iustice n'est aucunement compris en la donation: si de tout temps & ancienneté le droit de Iustice n'estoit vny au fief donné, & fût partie des droits d'iceluy: en sorte que la Iustice eust appartenu au Roy, comme Seigneur dudit fief, & non à cause de sa Couronne & Souueraineté. Ce que le donataire du Roy sera tenu monstrier & verifier. Comme Monsieur du Moulin a amplement traicté es Coustumes de Paris, §. 1. glosa quinta, col. quadragesima octaua, & sequentibus: & qu'on peut cognoistre par l'Arrest donné entre la Dame de Tenteuille, & le Seigneur de Montpensier, le 22. Iuin 1554. recité au 27. chapitre du present Traicté.

Il faut noter: Encore que le Roy par mots exprés ait donné à un Seigneur feodal tout droit de Iustice, haute, moyenne, & basse en son fief, terre ou Seigneurie, toutesfois sous ceste concession generale, n'est aucunement comprise la cognoissance du meurtre, du rapt, ny du brullement & incendie, que nous disons vulgairement en Latin, *Murtrum, Raptus, & Incendium*. Tellement que le Iuge du haut Iusticier ne pourra aucunement cognoistre de meurtre, ou bien d'homicide fait de guet à pend: ny de rapt commis enuers fille ou femme forcée: ny de brullement, incendie, ou boutement de feu: & ce suiuant vn ancien arrest, duquel la teneur ensuit.

Le Iuge sub-
alterne ne
cognoist au-
cunement du
meurtre, du
rapt, ny de
l'incendie.

Quæstum fuit à consilio domini Regis, utrum per hac verba generalia, expressa in quadam donatione facta à Rege: Dedimus quidquid habemus, & habere possumus in tali loco: data sit ad usum huius Curia, alta Iustitia, scilicet Raptus, Murtrum, Incendium, & similia. Responsum fuit à Curia, quod secundum usum huius Curia, per talia verba generalia, non datur alta Iustitia, scilicet Raptus, Murtrum, Incendium, & similia: sed eo modo quo in quibusdam aliis partibus accipitur, in quibus multo minores Iustitiæ pro alta Iustitia censetur. Illa Iustitiæ, licet alta Iustitia vocentur, possunt per hac verba conferri. Et hoc fuit in facto Ecclesiæ Carcasenensis,

Ancien ar-
rest de ce
que dessus.

qua petebat omnimodam Iustitiam per hæc verba in terra sibi permixta à Rege, pro loco fratrum Prædicatorum loci eiusdem. Inter iudicia, arresta & consilia Parisijs in Parlamento octavarum omnium Sanctorum, anno Domini millesimo ducentesimo septuagesimo secundo. Extractum à registris Curia Parlamenti, signé du Tillet. Cet arrest est enregistré en la Chambre des Comptes, in libro de Temporalitatibus, fol. 211. & au liure blanc, estant en la Chambre du Procureur du Roy au Chastelet de Paris, fol. 247.

8

Traicté de
paix entre le
Roy & l'E-
vesque de
Paris.

Aussi audit liure de Temporalitatibus, fol. 11. sont recitez plusieurs Jugemens, par lesquels est dict, que les Officiers du Roy cognoissent du meurtre, du rapt, & de l'incendie aduenus en la terre de Monsieur l'Evesque de Paris: & ainsi est porté par le contract vulgairement appellé, Le Traicté de Paix faict entre le Roy & ledit Seigneur Evesque, enregistré audit liure de Temporalitatibus, fol. 4. & 16. en datte del'an mil deux cens soixante & dix.

9

Interpreta-
tion de ces
mots, Mur-
trum, Ra-
ptus, & In-
cendium.

Et pour l'intelligence de ces mots, *Murtrum*, *Raptus*, *Incendium*, est besoin voir le Stil de Parlement, au titre de *alta, media, & bassa iurisdictione*: où il est dict, que *differentia est inter murtrum & occisionem: Murtrum dicunt esse, quando homicidium factum est scienter & pensatis insidiis*; meurtre faict de guet à pend: *Occisionem quando homicidium factum est sine proposito, sed in rixa, qua gallice dicitur chaude cholere*. Pareillement est besoin voir le Comment de la Coustume de Tours, au chapitre du droict de haute Iustice, non ayant droict de Chastellenie, article premier, qui contient, Que le haut-Iusticier peut cognoistre & punir des cas criminels, concernans haute-Iustice; excepté de meurtre faict de guet à pensée, de femme forcée, & de boutement de feu. Et au lieu de ce mot, boutement de feu, on peut dire bruslement ou incendie. Et ceux qui commettent tels actes, sont vulgairement appelez boutefeux, incendiaires, ou brusleurs de maisons, desquels est parlé in l. capitalium §. incendiarij. ff. de pœnis. & amplement traicté par Monsieur Cuias, libro 21. Observationum, cap. 21. de incendiariis.

10

Boutefeux,
qui sont.

DES CAS ROYAUX: ET QUE LA COGNOISSANCE en appartient aux Iuges Royaux, priuatiuement à tous autres Iuges: avec la declaration d'iceux.

1 Le Iuge Royal seul cognoist des cas Royaux.

2 Lettres patentes contenant declaration des cas Royaux.

3 Les Eglises sont en la protection du Roy, & le Iuge Royal cognoist des causes d'icelles.

4 Le Iuge Royal seul cognoist du crime de leze Maïesté, & ports

d'armes.

5 Le Iuge Royal seul cognoist des Officiers Royaux.

6 La cognoissance des monnoyes appartient au Iuge Royal.

7 Au Roy seul appartient donner sauuegardes, remissions, & rappeaux de ban.

8 Le droict de Bourgeoisie appar-

- vient au Roy seul.
- 9 Le Roy seul peut amortir en France.
 - 10 Le Roy seul peut octroyer Foires & Marchez.
 - 11 Les Vniuersitez & supposts d'icelles sont en la sauuegarde du Roy.
 - 12 Les Aydes se doiuent leuer par les Gens du Roy.
 - 13 Si la cognoissance des homicides commis és chemins publics appartient au Iuge Royal.
 - 14 Deux arrests de ce que dessus.
 - 15 Autre arrest.
 - 16 Forme de faire le proces à un homme qui s'est homicidé.
 - 17 Forme de sentence contre un homme qui s'est homicidé.
 - 18 Peine statuée contre celui qui s'est homicidé.
 - 19 Les seigneurs haut-Iusticiers ne doiuent auoir aucuns despens contre les criminels, ausquels on aura fait & parfaict le proces.
 - 20 Pourquoy en matiere criminelle les haut-Iusticiers n'ont point de despens.
 - 21 Si un prisonnier appelle en la Cour du decret de prinse de corps contre luy decerné, & fait intimer le Seigneur Iusticier, il y a condamnation de despens.
 - 22 En matiere civile le Seigneur haut Iusticier obtient condamnation de despens. Aussi s'il succombe, il est condamné és despens.
 - 23 Le Roy n'est point condamné és despens. Aussi on ne luy adiuge point de despens.
 - 24 Que les Procureurs du Roy & des haut-Iusticiers sont tenus nommer leurs denonciateurs.
 - 25 Declaration que les Procureurs du Roy ont accoustumé faire pour descharger leur denonciateur.
 - 26 Les Iuges d'Eglise ne peuuent condamner les delinquans en amendes enuers les Euesques.
 - 27 Ecclesia fiscum non habet.
 - 28 De quelles causes le Iuge d'Eglise peut cognoistre contre les laiz.
 - 29 Le Iuge d'Eglise ne peut decerner citation ny monition contre le Iuge lay.
 - 30 On peut obtenir monition auant contestation en cause : & forme de la dresser.
 - 31 Monition obtenue contre un contract qui portoit que tout le denier auoit esté payé, compté, & nommé.
 - 32 Le Iuge Royal donne Sauuegarde, & le Iuge subalterne donne Assurement.
 - 33 Plusieurs cas civils, desquels les Iuges Royaux cognoissent entre les subiects des haut-Iusticiers.
 - 34 Le Roy n'adresse point ses lettres, sinon aux Iuges Royaux.
 - 35 Les Iuges subalternes ne peuuent cognoistre des complaints formées pour Benefices, ny les faire saisir à faute de residence, ou reparations non faictes.

CHAPITRE VII.

¹
Le Iuge
Royal seul
cognoist des
cas Royaux.



Nous auons monsté au chapitre precedent, que quelque donation ou concession generale que le Roy face à vn Seigneur feodal, ou à autre Seigneur, de tout droit de Iustice : il ne luy donne point cognoissance du meurtre, du rapt, & du bruslement ou incendie. En ce faisant, la cognoissance de ces trois cas appartient au Iuge

Royal, qui seul en cognoist : encore que le meurtre, le rapt, ou l'incendie ayent esté commis au dedans du fief, terre & Seigneurie d'autre haut Iusticier que le Roy. Aussi il est certain que quelque donation & concession generale que le Roy puisse faire à vn sien fauory, de tout droit de haute Iustice, moyenne & basse, ne sont point compris certains cas, qu'on appelle vulgairement les cas Royaux : ains sont tousiours exceptez, & d'iceux la cognoissance en appartient aux Iuges Royaux, priuatiuement à tous Iuges des haut-Iusticiers de ce Royaume, qu'on nomme communément subalternes & pedanées.

Mais on a demandé quels sont les cas Royaux, desquels les Iuges Royaux seuls peuuent cognoistre. Et combien qu'ils soient diuers, recitez en plusieurs Ordonnances, tant anciennes que nouuelles, desquelles le discours seroit trop prolix : Toutesfois il m'a semblé que la plus grande partie des cas Royaux sont exprimez en vnes anciennes lettres, enregistrées en la Cour de Parlement, au registre des Ordonnances Royaux, fol. 60. & encore lesdites lettres sont enregistrées en la Chambre des Comptes. Et à ce qu'on en puisse auoir cognoissance, les ay faict icy transcrire, & d'icelles la teneur est telle.

Carolus Dei gratia Francorum Rex, Vniuersis presentes literas inspecturis salutem. Notum facimus, quod Curia nostra Parlamenti, ad requestam Procuratoris nostri Generalis, extrahi fecit ex registro ordinationum dicta Curie, fol. 60. ea que sequuntur.

²
Lettres patentes cōte-
nant de-
claration
des cas
Royaux.

Ce sont les droicts souverains & de ressort, & autres droicts Royaux au Roy nostre Sire appartenans, seul & pour le tout, & desquels, & dependances d'iceux, & de tous autres droicts Royaux de souveraineté, qui par exprés icy ne peuuent estre exprimez, le Gouverneur à ce ordonné aura la cognoissance, la garde & conseruation : & ne souffrira qu'autrement en soit vsé par le Roy de Nauarre, ne par ses gens, ne par quelconques autres. Et lesquels droicts ont esté baillez par maniere d'instruction à Maistre Arnault de Laye, Secretaire du Roy, Gouverneur desdudit, le 8. iour de May 1372.

³
Les Eglises
sont en la
protection
du Roy, & le
Iuge Royal
cognoist des
causes d'icelles.

Et premierement, l'Eglise Cathedrale de Magalonne, Ordre de S. Iean de Ierusalem, & autres gardes anciennes du Roy, ou de fondation Royale, ou autrement exemptes par priuileges, ou en autre maniere : Et aussi l'Eglise & Monstier de S. Amand, fondée par nostre saint Pere le Pape Urbain, que le Roy, à la requeste dudit fondateur, retint & print en sa garde, & la fondation d'icelle Eglise. Et aura ledit Gouverneur

la co-

La cognoissance desdites Eglises, des seruiteurs en icelles, & de leurs hommes & subjets : & icelles Eglises & leurs membres, terres & subjets seront exempts de toute cognoissance, iurisdiction, & de tout pouoir dudit Roy de Nauarre, & de ses Officiers. Et demeureront & demeurent sous le Roy seul, & pour le tout, & sous le Gouverneur par luy sur ce ordonné. Et où estoit fait au contraire, il sera retourné au premier estat & deu.

Item, aura ledit Gouverneur, & non autre, la cognoissance & punition des crimes de leze Majesté, de toutes infractions de sauuegardes du Roy, de forgerment de fausses monnoyes, & de toutes transgressions des Ordonnances Royaux, faictes sur le faict des monnoyes ; & de tous portemens d'armes notables & inuasibles : Et aussi de contractz faicts sous seal Royal, quand les obligez se seront soumis à la coërtion d'iceluy : Et aussi de tout cas de nouuelleté en cas de preuention.

4
Le Iuge
Royal seul
cognoist du
crime de le-
ze Majesté,
& ports
d'armes.

Item, aura ledit Gouverneur pour luy, la cognoissance de tous cas des personnes ordonnées & deputées à garder lesdites souuerainetez & ressorts : & aussi de tous autres Officiers Royaux. Et outre, aura-il la cognoissance en maniere que le Roy, ou ses gens ont accoustumé de cognoistre au pais.

5
Le Iuge
Royal co-
gnoist des
Officiers
Royaux.

Item aura la cognoissance de tous monnoyers, & autres gens necessaires pour ladite monnoye.

6
La cognois-
sance des
monnoyers
appartient
au Iuge
Royal.

Item, & aura le Roy pour luy son Gouverneur seul, & pour le tout, la cognoissance & contraincte de soy faire payer de ses debtes Royaux, tant de ses Aydes que d'autres choses, & par les Sergens, & autres à ce commis.

Item, au Roy appartient donner & octroyer sauuegardes, & graces à playder par Procureurs, & lettres d'Estat de nobilitations & legitimations.

7
Au Roy seul
appartient
donner sau-
uegardes,
remissions,

Item, au Roy appartient seul & pour le tout, de faire remission de crimes, & rappeaux de bans.

Item, quand le Roy a fait grace ou remission de crime, auant condamnation ou bannissement ensuiuis ; nul autre, ne Pair ne Baron, ne peut plus cognoistre du cas, ny soy entremettre en aucune maniere.

& rappeaux
de bans.

Item, au Roy appartient seul & pour le tout, d'octroyer nouvelles Iurisdiccions, Generaux sur villes & sur pais : & ne le peuuent autrement faire sans le congé & autorité du Roy.

Item au Roy seul, & pour le tout, appartient le droit de Bourgeoisie : & quant à vser de present d'icelles Bourgeoisies en la terre baillée au Roy de Nauarre, & aussi des personnes qui sont en ladite terre, le Roy en ordonnera. Et des autres Bourgeoisies qui ne sont de la terre du Roy de Nauarre, le Roy en vsera à Somniers par la maniere qu'il faisoit en la Rectorerie de Mont-pellier : & en seront faictes lettres de commission audit Gouverneur.

8
Le droit de
Bourgeoisie
appartient
au Roy seul.

Item, au Roy seul & pour le tout appartient amortir en tout son Royaume ; à ce que les choses puissent estre dites amorties. Presuppôsé que les Pairs, Barons, & autres Seigneurs subjets du Roy amortissent,

9
Le Roy seul
peut amor-
tir en Fran-
ce.

pourtant qu'il leur touche ce qui est tenu d'eux : Toutesfois ne peuuent, & ne doiuent les choses par eux amorties auoir effect d'Amortissement, iusques à ce que le Roy les amortisse. Mais peut le Roy faire contraindre les possesseurs à les mettre hors de leurs mains dedans l'an ; & iceux mettre en son Domaine, s'ils ne le font : & ainsi le fera ledit Gouverneur, si le cas y aduenoit.

10

Le Roy seul
peut octroyer
Faires &
Marchez.

Item, au Roy appartient seul & pour le tout en tout son Royaume, & non à autrui, octroyer & ordonner toutes Foires & tous Marchez. Et les allans, venans, & retournans sont en sa sauuegarde & protection.

11

Les Vniuersi-
tez & sup-
posts d'icel-
les sont en
la sauue-
garde du
Roy.

Item l'Vniuersité de Mont-pellier a esté fondée, créée & priuilegiée par les Roys de France, & de tout temps a esté tenuë en leur sauuegarde: Parquoy la cognoissance du corps de ladite Vniuersité appartient au Roy. Et quant aux singuliers d'icelle Vniuersité, au Roy seul, & pour le tout, appartient la cognoissance de sa sauuegarde ; en laquelle ont tousiours esté, & encores sont : & de ses autres droicts Royaux quand ils y escherront.

12

Les Aydes se
doiuent le-
uer par les
gens du Roy.

Item, combien que le Roy nostre Sire ait octroyé au Roy de Nauarre, la moitié des Aydes qui courent & courent en ladite terre pour porter les fraiz de la guerre, iusques à certain temps ; Que lescdites Aydes se gouverneront, receuront, & executeront par les gens du Roy nostre Sire : & de leur main, prendra le Roy de Nauarre ladite partie, & non autrement.

In cuius extractus testimonium, presentibus litteris nostrum fecimus apponi sigillum, datum ad hunc finem. Extractum Parisiis in Parlamento nostro, quinta die Augusti, anno Domini millesimo quadringentesimo quinquagesimo sexto, & regni nostri tricesimo quarto. Sic signatum. Extractum à registris Curia Parlamenti, (henetcau. Collatio facta est. Extractum à registris Camera Computorum Domini nostri Regis Parisius, cum quibus facta fuit collatio per me. Ainsi signé, le Blanc. Pour ample cognoissance des cas Royaux, & droicts appartenans au Roy seul en son Royaume, on pourra auoir recours au registre intitulé de Temporalitatibus, estant en la Chambre des Comptes, feuillet 121. 122. 123. 124. 125. 126. Au styl de Parlement, ch. 29. intitulé, Quorum cognitio specialiter pertinet ad Regem : Et ad tractatum priuilegiorum regni Francia, editum per Ioannem Ferrault, estant à la fin du styl de Parlement.

13

Si la co-
gnoissance
des homici-
des commis
és chemins
publics ap-
partient au
Iuge Royal.

Aussi aucuns ont voulu soustenir, que des homicides commis és chemins publics, la cognoissance appartient au Iuge Royal seul : d'autant que *via publica de Regalibus sunt, & ad principem pertinent.* Comme dit le texte, *in tit. que sunt Regalia, in vsibus feudorum* : & qu'il est amplement traicté *per Capolam in tractatu de seruitutibus rusticorum pradiorum. cap. de seruitute via, quest. 7. & 10.* De faict, on ne peut bastir en lieu public, ny sous iceluy auoir caue ou cellier, sans permission du Roy ; & que ce soit sans aucune incommodité, ou danger du public, *l. 1. & 2. §. merito. ff. ne quid in loco publico vel itin. fiat. l. seruitutes pradiorum rusticorum. §. publico loco. ff. de seruitut.* Ainsi a esté iugé plusieurs fois par Messieurs les Commissaires ordonnez pour la reformation des Halles de

Paris, pour les caues & celliers estans sous aucunes maisons desdites Halles. Et pour confirmer leur opinion, alleguent deux arrests : Le premier desquels est escrit au liure *Olim*, estant au Greffe de la Cour, fol. 87. commençant, *Cum Raterius de Castro nouo. Pronunciatum inter iudicia, consilia, & arresta expedita in Parlamento Pentecostes, anno Domini millesimo ducentesimo nonagesimo.* Et le second est escrit au mesme liure *Olim*, fol. 89. verso, contenant ces mots, *Audito Balliuo Turonensi, dictum fuit quod Dominus Rex iusticiabit in cheminis Comitatus Andegavia, sicut in Turonia: quia Dominus Rex est super hoc in saixia. Pronunciatum inter iudicia, consilia, & arresta expedita in Parlamento quindenæ Candel. anno Domini millesimo nonagesimo.* Aussi le 55. article de la nouvelle Coustume de Touraine porte, que le haut Iusticier peut leuer homme trouué mort en sa haute Iustice, hors les grands chemins.

De faict, estant aduenü qu'un homme auoit esté homicidé en la grande ruë S. Iacques de ceste ville de Paris, les Chanoines & Chapitre de saint Benoit de ceste ville, pretendans que la cognoissance del'homicide appartenoit à leur Iuge; d'autant qu'ils soustenoient auoir droit de haute Iustice, depuis leur Eglise, iusques à l'Eglise des Mathurins: Messieurs les Gens du Roy soustindrent que l'homicide ayant esté commis en grand chemin, & *in via regia*, que la cognoissance en appartenoit au Iuge Royal, qui estoit le Preuost de Paris. La cause fut plaidée, & appoinctée au Conseil le 15. Mars, 1575. Et par main souveraine ordonné que le Preuost de Paris feroit le procez au prisonnier. Aussi le Iuge du Seigneur haut-Iusticier ne peut cognoistre de faulx monnoye, comme il est porté par le premier article des Droicts de la haute Iustice, recitez au 2. chapitre du present Traicté. Et le Seigneur haut-Iusticier n'a aucun droit en la confiscation adiugée pour crime de faulx monnoye. De faict, par la verification faicte en la Cour de Parlement de l'Edict des Monnoyes, en l'an 1577. est porté, que les hauts Iusticiers ayans Foires & Marchez, auront la cognoissance contre les faux monnoyeurs, pour vn an seulement: Et que le haut Iusticier n'aura la confiscation que de la piece seulement expolée à plus haut prix contre l'Ordonnance.

Si vn homme s'est precipité, desfaict, ou homicidé, la cognoissance du delict n'appartient pas au Iuge Royal, ny la confiscation au Roy: ains la cognoissance en appartient au Iuge du haut Iusticier, au territoire duquel le delict a esté commis. Et le Iuge du haut Iusticier pour faire le proces, fera proces verbal du lieu auquel le defunct aura esté trouué pendu & estranglé, ou autrement homicidé; fera visiter le corps mort par Barbiers; informera à la requeste du Procureur fiscal, de la vie & mœurs du defunct, & comme il s'est homicidé, ou pendu; s'il estoit furieux, s'il estoit malade, & de la cause pourquoy il s'est desfaict. Ce faict, le Iuge par l'aduis des parens du defunct, si aucuns il a, ou d'office, créera vn curateur au corps mort, pour le defendre, dire & alleguer pour sa iustification tout ce que bon luy semblera. Interrogera le curateur sur les charges & informations: recolera tesmoins, & les confrontera au curateur; luy demandant s'il a quelques reproches à proposer contre

les tesmoins. Le Procureur fiscal baillera ses conclusions ; & le Curateur ses defenses par attenuation. Ce faict, le Iuge le plus souuent donne la sentence conceüe en ceste forme, contenant la peine cy-apres declarée, ou telle autre peine qu'il aduifera.

17
Forme de
sentence
contre un
homme qui
s'est homici-
dé.

Veule procez criminel faict à la requeste du Procureur fiscal de, &c. au corps mort de defunct tel, & à tel, Curateur créé audit corps : Procez verbal par nous fait, de l'estat & lieu auquel ledit corps mort a esté trouué : Les informations faictes à la requeste du Procureur fiscal : Acte contenant la creation dudit Curateur, créé pour la defense dudit corps mort, en datte du, &c. Interrogatoire dudit Curateur, recolement de tesmoins, & confrontation d'iceux faicte audit Curateur : Le rapport des Barbiers qui ont visité le corps mort : Conclusion dudit Procureur fiscal, avec les defenses dudit Curateur : Et tout veu, &c. Nous pour les cas mentionnez au procez, auons ordonné que le corps mort dudit defunct tel, sera traîné sur vne claye en tel lieu, &c. & illec pendu par les pieds en vne potence, qui pour cest effect sera dressée audit lieu, pour y demeurer l'espace de six heures : Ce faict, traîné à la voirie. Declaions tous & chacuns les biens dudit defunct tel, acquis & confisque à qui il appartiendra : Sur iceux & autres non sujets à confiscation, prealablement prinſes les sommes de tant de mil escus d'amende, en laquelle auõs condamné ledit Curateur audit nom, enuers tel Seigneur haut Iusticier, que de vingt escus, applicables aux pauvres de tel lieu, ensemble la somme de quarante escus, applicable aux quatre Mendians. Ainsi a esté iugé & pratiqué, tant par le Bailly de la Iustice de Sainte Geneuiefue du Mont de Paris, par sentence par luy donnée le 15. Auiril 1586. Que par le Bailly de Saint Germain des Prez, par sentence par luy donnée le 29. dudit mois d'Auiril audit an. Aussi par sentence du Bailly de saint Martin des Champs à Paris, du 9. Mars 1590. le corps mort d'une femme qui s'estoit pendue & estranglée, fut traîné sur vne claye en la voirie, qui est hors & près la porte de saint Martin : & illec pendu par les pieds en vne potence, pour cest effect dressée audit lieu. Et le 9. Feurier 1587. vn prisonnier en la Conciergerie du Palais, aduertty qu'il estoit condamné à estre pendu & estranglé, se couppa la gorge : Par arrest fut ordonné que son corps seroit traîné de la Conciergerie à la voirie près Montfaucon, en laquelle on a accoustumé mettre les chevaux morts, & autres bestes mortes. Ce qui fut faict ayant les pieds attachez au derriere d'une charrette, le visage cõtre terre, & pendu en vne potence dressée en ladite voirie. Et lors de l'execution desdits iugemens, on a accoustumé faire cris & proclamations, tant à la sortie de la prison, qu'au lieu de l'execution ; tout ainsi que quand vn homme est executé à mort : Que le corps mort de defunct tel, pour s'estre homicidé, pendu & estranglé soy-mesme, a esté condamné à estre traîné sur vne claye en la voirie desdits Seigneurs, & illec pendu par les pieds en vne potence, qui pour cest effect sera dressée audit lieu : Tous les biens dudit defunct declarez acquis & confisque à qui il appartiendra. Quelques-fois quand on voit qu'une pauvre femme par necessité, indigence,

& pauvreté s'est pendue, on n'vse pas de la rigueur susdite : mais on dict que le corps mort de defuncte telle, sera priué de sepulture en terre sainte, & qu'il sera mis en terre profane, pour les causes mentionnées au proces : comme il fut iugé par le Bailly de S. Martin des Champs, le 21. Iuillet 1594. & le corps enterré aux champs.

Que la forme de sentence cy dessus recitée, soit iuste & raisonnable ; il est notoire par le *C. si nō licet* 23. *questio*. 3. lequel decide ; Que celui qui ¹⁸ *Peine sta-* volontairement s'est precipité, pendu, ou tué par glaive, venin, ou au- *tuee contra* trement, encore qu'il ne fust accusé d'aucun crime, & n'eust commis au- *celuy qui est* cun delict, est *verus homicida*, & *reus homicidij* : *cū seipsum interficiendo, innocentem hominem interfecerit ; nemini liceat seipsum occidere, nec spontaneam mortem sibi inferre ; homo enim non est vitæ suæ dominus*. Et celui qui se tué soy-mesme cōmet double homicide, & de son corps & de son ame : Et *vetat Pythagoras decedere de præsidio & statione vitæ, iniussu imperatoris, hoc est Dei*. Aussi le Canon placuit, au mesme tiltre dit ; *Placuit ut is qui sibi ipsis voluntariè per ferrum, aut per venenum, aut per præceptum, aut per suspendium, vel quolibet modo inferunt mortem ; nulla prorsus pro illis in oblatione commemoratio fiat, neque cum r'salmis ad sepulturam eorum cadavera deducantur*. Et la glose *in verbo sepulturam*. & *in Canone quicumque*. 23. *quest*. 8. dit que *ecclesiastica sepultura priuantur, non tamen canina*. Tellement qu'on doit trainer leurs corps en la voirie, & au lieu auquel on a accoustumé ietter les chiens morts, & bestes mortes. *Secus dicendum de his, qui per furorem vel insaniam mortem sibi consciuerunt : hi enim cū nesciant quid agant, & satis furore puniantur, culpa vacant*. *Can. aliquos. Can. si quis insaniens*. 15. *quest*. 1. Aussi des dessusdits est traicté *in l. 12. C. de bonis eorū qui mortē sibi consciuerunt. in l. qui rei postulati. ff. de bonis eorum qui ante sententiā mortē sibi consciuerunt. l. in fraudem. §. eius bona. ff. de iurie fisci. l. 2. C. ubi causæ fiscales*. Lesquelles loix faictes par les Payens, n'ayans cognoissance de la Loy diuine, ne sont receuës en France ; sinon és cas qui sont conformes aux Canons cy-dessus alleguez, & au Canon *illa cauenda sunt. §. finali* 15. *questione* 1. Et non és cas qui sont contraires aux Commandemens de Dieu, & disposition Canonique.

[Valere liu. 9. ch. 12. rapporte que Licinius Macer Thresorier, étant conuaincu de plusieurs larcins, ayant eu aduis qu'on alloit prononcer son arrest portant confiscation de biens, & bannissement, enuoya dire à Ciceron lors President, qui deuoit prononcer son arrest, qu'il estoit mort pendant le proces, & auant la condamnation, afin de sauuer ses biens à ses enfans. Car les Loix dernieres, touchant la peine de ceux qui ont pillé le public, ou qui se font mourir estans preuenus, n'estoient pas encores faictes : Et plus de cent cinquante ans apres, les coupables & accusez, qui s'estoient tuez par desespoir, ou d'ennuy, estoient enseuehis, & leurs testamens tenoient, ores qu'ils fussent coupables : *Prætorum festinanti*, dit Tacite, *lib. 5.* c'est à dire que les homicides en leurs personnes, auoient cet aduantage sur les autres, de n'estre punis pour s'estre homicidez. *Paul. lib. 5. Sent. de iure fisci. Plin. lib. 2. epist. Solet esse honoratum. & lib. 3. epist. Possum iam præscribere. Annæ. Robert. lib. 1. cap. 12. rer. indicat.*

Or comme les Romains ont recogneu que ce crime augmentoit parmy eux, & que plusieurs de iour à autre s'homicidoient, *aut conscientia criminis*, *aut tadio vita*, ou bien *impatientia doloris*, lors ils ont esté contraincts & necessitez d'y apporter des loix plus seueres & rigoureuses, afin de leur oster toutes occasions de ne plus tomber en tels inconueniens: Mais toutesfois avec quelque moderation, n'ayans puny par leurs loix principalement ceux qui *tadio vita*, *aut impatientia doloris manus violentas sibi attulerant*, mais seulement ceux qui *conscientia criminis vitam finierant*, l. 1. C. de bon. eor. qui mort sibi consci. l. 3. §. 4. ff. de bon. eor. qui mort. sibi cōsci. ante senten. Voy Coquille sur la Coustume de Niuernois, tit. des Confiscat. art. 1. Charon. lib. 9. respon. cap. 51. d'Argentré sur la Coustume de Bretagne, tit. des Crimes, & Aman. art. 586. N.B.]

19
Les Seigneurs haut-Iusticiers ne doiuent auoir aucuns despens contre les criminels, auxquels ils au-
ront fait faire le proces par leurs Iuges.

20
Pourquoy en matiere criminelle les haut-Iusticiers n'ont point de despens.

21
Si vn prisonnier appelle en la Cour, du decret de prise de corps contre luy decerné, & fait intimer le Seigneur Iusticier, il y a condamnation de despens.

22
En matiere civile le Seigneur haut-Iusticier obtient con-

En cest endroict conuient noter, que les Iuges des Seigneurs haut-Iusticiers ne peuuent condamner vn criminel & delinquant, auquel le proces aura esté faict & parfaict à la requeste du Procureur Fiscal, és despens du proces enuers le Seigneur haut-Iusticier; ny le condamner és frais de Iustice, ny en amende enuers Iustice. Mais faut simplement condamner le delinquant en amende enuers le Seigneur haut-Iusticier; & sur ladite amende prendre les frais du proces. Ainsi a esté ordonné par Arrest de la Cour du 15. Avril, 1580. interuenu sur la sentence donnée par le Bailly de la Iustice de Sainte Geneuiefue, du mesme iour. La raison de ce que dessus est, que le Roy ayant faict ce bien, cest honneur, & ceste grace d'octroyer aux Ducs, Marquis, Côtes, & à autres Seigneurs haut-Iusticiers en leurs terres & Seigneuries, ils les doiuent purger de mal-faictures, & gēs mal-viuans: & à leurs despens faire faire les recherches, poursuites & executions pour ce necessaires: ainsi que le Roy faict és Prouinces de son Royaume. Pour ceste cause plusieurs ont estimé que le Seigneur haut-Iusticier ne se peut opposer aux criées des biens cōfisquees, pour les frais du proces criminel faict à la requeste de son Procureur Fiscal, à l'encontre de celuy duquel les biens auront esté confisquees: soit que les biens confisquees soient assis en la haute Iustice, ou en la haute Iustice d'un autre Seigneur.

Toutesfois si celuy qui est prisonnier à la requeste du Procureur Fiscal de quelque Seigneur haut-Iusticier, appelle du decret de prise de corps contre luy decerné, emprisonnement faict de sa personne, ou bien des defaults à ban contre luy donnez, ou de quelque sentence interlocutoire contre luy donnée, releue son appel en la Cour, & face intimer le Seigneur haut-Iusticier: Si l'appellant succombe en son appel, il sera condamné és despens de la cause d'appel, enuers le Seigneur haut-Iusticier qui aura esté intimé: Ainsi qu'il fut iugé entre Anthoine Guinieres, appellant d'une part, & Monsieur l'Eueque de Meaux, intimé d'autre, par arrest du 18. Mars 1581.

Au regard des proces ciuils, qui sont intentez & pousuiuis pardeuant les Iuges des hauts-Iusticiers, il est certain que si le haut-Iusticier obtient gain de cause és proces ciuils intentez en leurs haute-Iustice à la requeste de leur Procureur Fiscal, soit pour le payement de censue,

rente, ou pour autre debte, ou bien pour la propriété d'un heritage, lesdits haut-Iusticiers ont condamnation de despens contre la partie civile. Aussi s'ils succombent és instances civiles poursuivies par leur Procureur Fiscal, ou en celles qui sont civiles intentées contre ledit Procureur Fiscal, ou bien contre iceux Seigneurs Iusticiers, lesdits Seigneurs sont condamnés és despens des instances envers les parties civiles.

de despens.
Aussi s'il
succombe, il
est condam-
né és des-
pens.

23
Le Roy n'est
point con-
damné és
despens :
aussi on ne
luy aduige
point de
despens.

24
Que les
Procureurs
du Roy &
des haut-
Iusticiers
sont tenus
nommer
leurs de-
nôciateurs.

25
Declaration
que les Pro-
cureurs du
Roy ont ac-
customé
faire, pour
descharger
leur denon-
ciateur.

26
Les Iuges
d'Eglise ne
peuvent
condamner
les delin-
quans en
amendes
envers leurs
Euesques.

27
Ecclesia
fiscum non
habet.

28
De quelles
causes le Jus-
ge d'Eglise
peut cognoi-
stre contre
les laïcs.

Quant aux proces intentez & poursuivis à la requeste des Procureurs du Roy, civilement, ou criminellement, il n'y a aucune condamnation de despens, ny de frais de Iustice. Pareillement n'y a aucune condamnation de despens és proces civils intentez & poursuivis contre les Procureurs du Roy. Partant on dit que *fiscus gratis litigat*.

Bien est vray que par le 72. article de l'Ordonnance faicte à la postulation des Etats tenus à Orleans, les Procureurs du Roy, ou des haut-Iusticiers, sont tenus nommer le denonciateur, s'ils en sont requis, apres que l'accusé aura obtenu iugement, ou arrest d'absolution: afin de recours de despens, dommages & interets contre qui il appartiendra, *l. Senatus. ff. de iure fisci*. Mais ordinairement les Procureurs du Roy ayans succombé en matiere civile, soit en saisie de Fiefs, la mouvance desquels ils disoient appartenir au Roy, ou en saisies de Iustices, Peages, Censives, ou d'autres droicts: ou bien lors qu'ils pretendent la propriété de quelques heritages appartenir au Roy: pour descharger leurs instigateurs & denonciateurs, lesquels sous main ont fourny aux frais du proces: déclarent que la poursuite par eux faicte, a esté pour le deu de leur charge, & conservation des droicts du Roy. Et en matiere criminelle les Procureurs du Roy, ou des haut-Iusticiers, déclarent que ce qu'ils ont fait a esté pour le deu de leur charge, ou bien pour le deuoir de leur office.

Il conuient noter, combien qu'il ait esté dict cy-dessus, que les Iuges subalternes ne peuvent condamner les delinquans en amendes envers Iustice, ny és frais de Iustice: mais qu'ils les doiuent condamner en amendes envers les Seigneurs haut-Iusticiers: Toutesfois les Officiaux & Iuges Ecclesiastiques ne peuvent condamner les delinquans en l'amende envers l'Euesque duquel ils sont Iuges: ains l'amende doit estre declarée applicable aux pauvres, ou aux quatre Mendians, ou à autre Religion, ou œuvre pitoyable, déclaré par la sentence. La raison est, *Quia Ecclesia fiscum non habet. ca. licet. extra. de pœnis. cap. irrefragabili. §. finali. de offic. ord. & ibi Felinus*. Ainsi fut iugé par arrest donné en plaidoyrie, le Mardy 24. Novembre 1551. contre Monsieur l'Euesque de Soissons, l'Official duquel auoit condamné un mary & une femme pour raison de leur mariage clandestin, en soixante liures parisis d'amende envers ledit Seigneur Euesque de Soissons. Aussi le Iuge d'Eglise doit cognoistre, purement, nudè, & simpliciter de fœdere matrimonij, si la promesse de mariage est valable ou nulle. Pareillement doit cognoistre purement & simplement, de la dissolution ou nullité du mariage pour le regard du corps, & sic de separatione tori: & non de la separation des biens: & ne peut

le Iuge d'Eglise prononcer *super dote, nec super estimatione aut quantitate dotis*; ny adiuger prouision de viures, ny condamner en dommages & intereſts. Mais pour raison des choses susdites, comme temporelles & reelles, les parties se doiuent pourueoir pardeuant le Iuge lay. Comme il a esté iugé par plusieurs arrests donnez en plaidoyrie; Mesmes le Mardy 11. Feurier 1555. & 13. Octobre, 1556. le Mardy 22. Feurier 1557. & Mardy 6. Mars 1564. Tellement que le chapitre *significauit*, & le chapitre *de prudentia. de donat. inter virum & uxorem*. ne sont obseruez en France. Et lors de l'arrest donné ledit 22. Feurier, fut dit par Messieurs les Gens du Roy, que le Iuge d'Eglise cognoist de quatre causes à l'encontre des laiz: dont deux criminelles, qui sont simonie & heresie; & deux ciuiles, qui sont de disines, & de mariage. Et le Iuge d'Eglise ne peut aucunement cognoistre des cas posselloires, soit de saisine & nouuelleté, ou de reintegrande: ains la cognoissance en appartient aux Iuges Royaux, suiuant le chap. *Causam quæ. ex. qui filij sint legitimi*. lequel a esté fait en faueur du Roy d'Angleterre.

29
Le Iuge d'E-
glise ne peut
decerner ci-
tation, ny
monition
contre le Iu-
ge lay.

Aussi encores que le Iuge lay ait faict informer contre vn Prestre, & faict constituer prisonnier: Toutesfois le Iuge d'Eglise ne peut decerner citation contre la partie ciuile, ny contre le Iuge lay, pour enuoyer par deuers luy les charges & informations: & à faute de ce faire, decerner monition & excommunication contr'eux, & la faire publier au profne. Mais le Promoteur peut seulement requerir, qu'on rende le prisonnier au Iuge d'Eglise, comme personne Ecclesiastique, pour luy faire & parfaire son proces. De l'octroy & execution deldites citation & monition decernées par l'Official de Laon, y ayant appel comme d'abus interieté, tant par la partie ciuile, que Lieutenant Criminel de Laon, fut dict, Mal, nullement & abusiuement octroyé & executé: l'intimé condamné es despens de la cause d'appel: Et ordonné que l'arrest donné en plaidoyrie le Mardy 9. Feurier 1593. seroit leu.

30
On peut ob-
tenir moni-
tion auant
contestation
en cause, &
forme de la
dresser.

D'auantage, il faut noter qu'on peut auoir permission du Iuge lay, pardeuant lequel le proces est pendant, ou de la Cour, s'il y a appel d'incompetence, d'obtenir monition, afin de reuelation du Iuge Ecclesiastique, *nemine dempto*, encores qu'il n'y ait contestation en cause, & qu'on n'ait point obtenu lettres d'examen à futur: parce qu'une monition est vn interrogatoire de conscience; & en tout estat de cause, apres l'adiournement donné, on peut faire interroger la partie. Aussi vne monition n'est qu'un preparatoire, pour scauoir ce que les tesmoins deposeront, afin d'articuler les faicts, & obtenir lettres d'examen futur, à si faire se doit. Et en ladite monition on posera tous faicts, encores qu'ils excedent cent liures: pourueu qu'il soit question de dol, fraude, laceration, ou subtraction de contre-lettres, recellement de biens, & autres faicts frauduleux. Mais il faut que la monition soit conceuë en termes generaux, sans denomination d'aucune personne, sans scandale ny abus, & y mettre ce mot, Vn quidam, ou vn certain personnage, & ne pas vser de demonstration & designation de la personne, contre laquelle la monition est obtenue, *qua vice nominis fungatur*; en sorte qu'il puisse estre aussi facilement

lement cogneu, que s'il estoit nommé par nom & surnom. *l. si nominatum. ff. de cond. & demonst. l. certum. ff. si cert. petat.* Ainsi a esté iugé par arrest donné au rapport de Monsieur de Monthelon, le 7. Iuillet 1590. Celuy qui s'estoit opposé à la publication de ladite monition, fut debouté de son opposition: ordonné qu'il seroit passé outre à ladite publication, & l'opposant condamné és despens de l'instance.

Aussi par arrest donné en plaidoyrie le Ieudy 9. Iuillet 1592. a esté dict auoir esté bien iugé par le Preuost de Paris, lequel a permis publier monition, afin de reuelation, contre la teneur d'un contract passé pardeuant Notaires, portant quittance, descharge, & rachapt de deux cens cinquante liures de rente, moyennant la somme de mil escus, que le creancier confesse auoir receus. Et d'autant que le contract portoit, payez, comptez, & nombrez en presence des Notaires, en escus sol, pistolets, quarts d'escus, & monnoye, sans specifier la quantité des especes. Le demandeur en cause d'appel pour ce regard, & és mots dessusdits, maintenoit de faux le contract de quittance & descharge: Et soustenoit qu'il n'auoit reçu pour toutes choses, que cinq cens escus, qui estoit moitié du sort principal de la rente, sans aucuns arrerages: qu'il estoit question d'un dol, d'une usure publique, & d'un vray delict, esquels cas l'Ordonnance par laquelle est defendu receuoir preuue par tesmoins, quand il est question de plus de cent liures, ne deuoit seruir de couuerture, comme iuste & sainte: laquelle n'approuuoit iamais un dol: Et tout ainsi qu'en constitution, ou transport de rente, est requis payement & numeration de deniers, à raison du denier douze, autrement les contracts sont nuls & usuraires: Aussi le semblable est requis en descharges & rachapts de rentes; non pas qu'on puisse estre deschargé de la rente, en payant la moitié du sort principal d'icelle. Mesmement que l'appellant n'agueres auoit esté condamné en vingt-cinq escus d'amende par le Preuost des Marchands & Escheuins de ceste ville, pour auoir vendu sa marchandise outre le prix porté par l'ordonnance. Aussi qu'en l'interrogatoire de l'appellant, & de sa femme y auoit des variations. L'appellant & defendeur disoit qu'il estoit fondé tant au premier qu'au second chef du 54. art. de l'Ordonnance faicte à Moulins: attendu qu'il estoit question de contract passé pardeuant Notaires, & de somme excédant cent liures pour vne fois: esquels cas la preuue par tesmoins n'estoit aucunement receüe. Que si on violoit l'Ordonnance, & sous ombre de faux faicts, on vouloit admettre preuue par tesmoins, il n'y a homme qui fust en seureté: il n'y a contract qu'on ne peust debatre par preuue vocale, laquelle estoit fort dangereuse & perilleuse, comme dit la loy *testium facilitatem. C. de testib.* Que la permission de monition estoit inutile & frustratoire: parce qu'elle ne tendoit, sinõ afin de faire venir à reuelation les tesmoins, lesquels par le moyen de l'Ordonnance ne peuvent & ne doiuent estre ouys, ny examinez en enqueste. Qu'il auoit esté iugé que ladite Ordonnance auoit lieu *in deposito*, non seulement *contra depositarium*, sed *contra heredem eius*. Aussi que par le 18. art. de l'Ordonnance faicte à la postulation des Estats tenus à Orleans, les Prelats, gens d'Eglise, ou Officiaux ne peuvent octroyer monitions, ne vser de censures

31
Monition
obtenüe
contre un
contract qui
porte que
tout le de-
nier a esté
payé, comp-
té, & nom-
bré.

Ecclesiastiques, sinon pour crime & scandale public. Ioint que si telles monitions sont permises, plusieurs personnes seront destournées de prester deniers, & de secourir les personnes en ce temps calamiteux & miserable. Neantmoins ladite monition a esté permise par arrest susdit, sans aucunement prononcer sur la maintenue de faux, ny l'instruction d'icelle.

32.
Le Iuge
Royal don-
ne sauue-
garde, & le
Iuge subal-
terne donne
asseurement

Dauantage il conuient entendre qu'au Iuge Royal seul appartient donner sauuegarde, priuatiuement à tous autres Iuges, & au Iuge du haut-Iusticier appartient donner asseurement. Partant les Iuges de Seigneurs haut-Iusticiers ne doiuent vsér de ce mot de Sauuegarde; ains de ce mot Asseurement. Ainsi est porté par le 4. article de la nouuelle Coustume de Melun: laquelle, comme plus prochaine de la Coustume de Paris nous deuons suiure és cas non decidez par ladite Coustume de Paris. *l. de quibus. ff. de legib. cap. super. de Censib. ext.* Au lieu de donner sauuegarde ou asseurement, on a accoustumé de faire defenses aux parties de se mesfaire, ne mesdire en corps, ne en biens, sur peine d'amende arbitraire, & punition corporelle, s'il y echet. Ce que dessus est amplement traicté au 16. priuilege des Roys de France recité par Maistre Iean Ferrault; auquel il montre que *solus Rex potest in regno dare custodiam siue saluagardiam.*

33
Plusieurs
cas civils,
desquels les
Iuges Roy-
aux cognois-
sent entre
les subiects
des haut-
Iusticiers.

Outre les cas Royaux qui concernent principalement la matiere criminelle, il est certain que les Iuges Royaux cognoissent de plusieurs cas civils, entre les subiects des haut-Iusticiers; Comme de l'enterinement de toutes lettres Royaux, de rescision, de respit, de benefice d'inuentaure, de benefice d'aage, & autres, & de toutes lettres qui passent par le Seau du Roy, auquel son effigie est empreinte, pour monstrier sa Majesté, & qu'il est distributeur de la Iustice: le Iuge Royal seul en cognoist, & est besoin proceder pardeuant les Iuges Royaux, sans que les haut-Iusticiers puissent demander renuoy des causes pardeuant leurs Iuges, encores que ceux qui sont poursuiuis soient leurs hostes & iusticiables. De faict le Roy n'adresse point ses lettres à autres qu'aux Iuges Royaux. Et s'il est besoin auoir lettres Royaux en quelque proces pendant pardeuant vn Iuge subalterne, & non Royal, le Roy adressera ses lettres, non pas au Iuge subalterne, mais au premier Huissier de la Cour de Parlement, ou autre Huissier ou Sergent Royal sur ce requis. Auquel sera mandé faire commandement au Iuge subalterne, s'il luy appert, &c. proceder au iugement du proces d'entre les parties, quand en estat de iuger sera; sans s'arrester ny auoir esgard à tel contract de vendition, ou d'echange, ou à tel autre contract, confession, denegation, ou declaration; selon la qualité & exigence des cas. Ainsi a esté iugé, mesme en rescision de contract, contre M^r de Neuers, par arrest donné en plaidoyrie le 24. Aui^r 564.

34
Le Roy n'ad-
resse point
ses lettres
aux Iuges
non Royaux

Aussi par le 16. art. de l'Ordonnance faicte à la postulation des Estats tenus à Blois, est dict, Que les Seigneurs haut-Iusticiers ne peuuent en vertu de commission de leurs Iuges, faire proceder par voye de saisie sur le temporel des Cures, & autres Benefices estans au dedans de leurs Seigneuries & hautes Iustices, à faute de residence, ou reparations non faites, par les titulaires desdits Benefices. Le semblable est porté par le 5. art. de l'Edict interuenu sur les remonstrances faictes par les Ecclesiastiques:

35
Les Iuges
Subalternes
ne peuuent
cognoistre
des com-

verifié en la Cour le 8. Mars 1580. Et de ce y eut arrest donné en plaidoyrie, contre le Seigneur de Guzan, le 15. Feurier 1571. Non plus que les Iuges des haut-Iusticiers, encôres qu'ils soient Pairs de France, ne peuvent cognoistre des cas possessoires & complainte en cas de nouveleté, prinſes & intentées pour raison des Benefices, estans au dedans de leurs Seigneuries, & matieres Ecclesiastiques. Ains la cognoissance desdites complaintes & matieres appartient aux Iuges Royaux, priuatiuement aux Iuges subalternes : conformément à l'Ordonnance du Roy Louys XI. publiée en la Cour de Parlement le trentiesme Iuliet 1464. Et au chapitre *Causam. que 2. extra. qui filij sint legitimi.* De faict le Bailly du Comté d'Eu voulant prendre cognoissance d'une complainte formée pour raison du possessoire d'un Benefice, situé au Comté d'Eu, & empescher que le Seneschal de Ponthieu en cogneust: Et ledit Bailly par sa sentence ayant retenu la cognoissance de la cause, fut dict mal & nullement iugé, les parties renuoyées pardeuant le Seneschal de Ponthieu, l'intimé condamné és despens, par arrest donné en plaidoyrie le Lundy 14. Mars, 1594. Et ce que dessus est à present sans doute: Aussi les Iuges des haut-Iusticiers ne peuvent vſer d'arrest ou emprisonnement sur aucuns Officiers Royaux, soient Sergens ou Notaires, qui exploictent ou instrumentent dedans le destroict, fins & limites de leurs hautes Iustices. Et ne peuvent prendre cognoissance des fautes que les Officiers Royaux, soient Notaires, Sergens, ou autres, pourroient commettre en faisant l'exercice de leurs offices, au dedans du destroict, fins & limites des Seigneurs haut-Iusticiers: lesquels s'ils veulent pretendre, que les Officiers Royaux ont failly en leurs exploits, actes, ou instrumens, se pourront plaindre au prochain Iuge Royal pour en faire la Iustice. Et ce ſuiuant l'Ordonnance du Roy Philippes le Bel, & le dix-huictiesme article de la Couſtume de Normandie nouvellement reformée. Et s'il y a appel, sera dict mal executé, mal emprisonné, & les Seigneurs haut-Iusticiers condamnez és dommages & interrests: Comme il sera plus amplement deduit au 26. chapitre du present Traicté. Ce qui est dict des Officiers Royaux a lieu, & pratiqué és Fermiers Royaux, ou leurs Commis, lesquels encôres qu'ils tiennent quelques droicts comme dependans de leurs fermes, au dedans du terriroire d'un haut-Iusticier, lequel pretend que les droicts leuez luy appartiennent: ou bien que iamais on n'en a leué, & n'en sont point deubs: le Iuge du haut-Iusticier ne peut faire emprisonner les Fermiers du Roy, ny leurs Commis: ains se doit pouruoir pardeuant le Iuge Royal. De faict le Samedy vingtiesme Aoust, mil cinq cens quatrevingts quatorze, les Officiers de l'Abbaye de Sainte Geneuiefue, ayans emprisonné le Commis de Iean de la Tombe Fermier pour le Roy, des huilles, gresses, & autres choses, au moyen de ce qu'il receuoit quelques droicts en la place Maubert, qu'il disoit estre des appartenances de sa Ferme: A cest emprisonnement tant le Commis que le Fermier s'estans opposez, & allegué ce que dessus: Par sentence de Messieurs du Thresor, l'emprisonnement a esté déclaré tortionnaire, ordonné que les prisons

plaintes formées pour Benefices, ny les faire saisir, à faute de residence ou reparations.

luy seront ouuertes, & les Religieux, Abbé, & Conuent, condamnez és dommages & interets de l'emprisonnement, & és despens de l'instance.

EN FRANCE LE SEEL ROYAL N'EST ATTRIBUTIF de Iurisdiction: & les Seigneurs Iusticiers peuuent vendiquer leurs iusticiables, encores qu'ils se soient submis à la Iurisdiction Royale. Auec le Priuilege octroyé au Seel du Chastelet de Paris. Ensemble des Committimus, Protections, Gardes Gardiennes, des Arbitres, Competance & incompetance des Iuges.

- 1 *Raisons de ceux qui estiment, que les Iuges non Royaux ne peuuent cognoistre des proces intentez pour contractz passez sous seel Royal.*
- 2 *Par la disposition de droict, le Iuge peut cognoistre des contractz passez en son territoire.*
- 3 *Par la disposition de droict, les submissions emportent prorogation de iurisdiction.*
- 4 *Adiournement personnel decerné contre un Iuge subalterne, qui auoit voulu cognoistre d'un proces intenté pour un contract passé sous seel Royal.*
- 5 *En France les Seaux Royaux ne sont point attributifs de Iurisdiction.*
- 6 *En France en action personnelle, faut poursuivre le débiteur pardeuant le Iuge de son domicile.*
- 7 *En France les submissions ne sont attributives de Iurisdiction.*
- 8 *En France les Iustices sont patrimoniales.*
- 9 *Actor sequitur forum rei.*
- 10 *Reconuention n'a lieu en Cour laye, comme s'entend.*
- 11 *La reconuention est admise quand elle est proposée par forme d'exception.*
- 12 *Quand la compensation peut estre requise par defenses.*
- 13 *Qu'on peut demander contre le cessionnaire compensation de la dette du cedant.*
- 14 *On peut auoir plusieurs domiciles: mais on considere pour la iurisdiction le principal domicile.*
- 15 *Pour le faict des tailles on considere le domicile au iour de saint Remy.*
- 16 *Quand par contract y a election de domicile, pour l'execution d'iceluy, il est perpetuel & irrenocable.*
- 17 *La iurisdiction des Iuges Consuls est improrogable.*
- 18 *Le legataire doit poursuivre l'heritier, pour auoir deliurance de son legs, pardeuant le Iuge du domicile de l'heritier, & non ailleurs.*
- 19 *La vesue est tenue pour ses conuentions matrimoniales & douaire, poursuivre l'heritier de son mary pardeuant le Iuge de son domicile.*
- 20 *Comme se pratique le tiltre de quibus rebus ad eundem iudicem eatur. ff.*
- 21 *En France le legataire ne peut agir, ny reellement, ny hypothecairement, qu'il n'ait eu deliurance de son legs.*
- 22 *Le legataire par la disposition de droict doit demander à l'heritier deliurance de son legs.*
- 23 *Le testateur peut ordonner, que le legataire de son authorité prendra son legs.*
- 24 *Tous legataires, encores qu'ils soient vniuersels, doivent demander deliurance de leurs legs en France.*

- 25 Les fruits de la chose leguée appartiennent au legataire du jour du décès du défunt.
- 26 L'hypothèque baillée au legataire contre l'héritier, ne se divise point.
- 27 Encore qu'on ait promis payer en certain lieu, ou bien y liurer la marchandise promise, toutesfois le débiteur ne peut estre poursuivy que pardevant le Juge de son domicile.
- 28 Pour attribuer la cognoissance au Conseruateur des Foires de Lyon, trois cas doiuent concourir.
- 29 En actions mixtes le demandeur doit poursuiure le defendeur pardevant le Juge de son domicile.
- 30 Que les Tuteurs, Curateurs, & autres administrateurs, doiuent estre poursuivis, & sont tenus rendre compte au lieu auquel ils ont administré.
- 31 Pardevant quels Juges l'action réelle se peut intenter.
- 32 Le Preuost de Paris cognoist de tous les proces intentez pour raison des contractz passez sous le seel du Chastelet de Paris.
- 33 L'exception ou fin declinatoire, & de non proceder, doit estre alleguée avant contestation en cause.
- 34 Le Juge inferieur ne renuoye pas pardevant le Juge superieur.
- 35 Quand on est adiourné pardevant le Juge superieur, il est besoin comparoir.
- 36 Le privilege du seel du Chastelet de Paris a lieu, non seulement contre les obligez, mais aussi contre les heritiers.
- 37 Le privilege du seel du Chastelet de Paris, a lieu aux testamens, tout ainsi qu'aux contractz.
- 38 Le privilege du seel du Chastelet de Paris n'a lieu contre le tiers détenteur.
- 39 Le privilege du seel du Chastelet de Paris, s'estend contre ceux qui sont demeurans hors le Parlement de Paris.
- 40 Les protections des Escholiers ne s'estendent point hors le Parlement de Paris.
- 41 Quand les lettres de Committimus s'estendent hors le Parlement de Paris, ou non.
- 42 Comme s'entend le privilege donné aux bourgeois de Paris, qu'ils ne peuvent estre tirez hors des murs, ny tenus plaider hors de Paris.
- 43 Le bourgeois de Paris s'il peut estre adiourné en sommation ailleurs que pardevant le Preuost de Paris.
- 44 Interpretation de la loy venditor. ff. de iudiciis, & qu'elle n'a lieu en deux cas.
- 45 Vn privilege opposant fait evouer l'instance des criées aux Requestes du Palais, & toutes les dependances.
- 46 Autre interpretation de la loy venditor. ff. de iudi.
- 47 La loy venditor, n'a lieu contre le tiers détenteur.
- 48 Le bourgeois de Paris en matiere criminelle, doit plaider au lieu, auquel il a commis le delict.
- 49 En France le proces est fait au delinquant par le Juge du lieu, auquel le delict a esté commis.
- 50 Comme l'authentique, Qua in provincia. C. vbi de crimine agi oporteat, anciennement estoit pratiquée en France.
- 51 Quels privileges & attribution de iurisdiction emportent les gardes gardiennes.
- 52 En quels Baillages les gardes gardiennes s'estendent.
- 53 Le Sergent ne peut en vertu des gardes gardiennes, ou protections, faire renuoy des causes, mais seulement en vertu des lettres de Committimus.

30
54 En concurrence de priuilegiex
comme on se doit conduire.
55 Priuilege donné aux Principaux,
Maistres, & Lecteurs en l'Vni-

uersité de Paris, de faire conuenir
leurs debtours pardeuant le Preuost
de Paris.

CHAPITRE VIII.

1
Raisons de
ceux qui
estiment
que les Iuges
non Royaux
ne peuvent
cognoistre
des proces
intenz
pour con-
tracts passez
sous seel
Royal.

2
Par la dis-
position de
droict, le lu-
ge peut co-
gnoistre des
contracts
passez en
son territoi-
re.

3
Par la dis-
position de
droict les
submissions
emportent
proroga-
tion de iu-
risdiction.

4
Adiourne-
ment person-
nel decer-
né contre un
Iuge subal-
terne qui
auoit voulu
cognoistre
d'un proces
intenz pour
un contract
passez sous
seel Royal.



V C V N S ont estimé, que la cognoissance des proces & dif-
ferends qui sont meuz pour raison des contracts passez, ou
obligations passées sous seel Royal, appartient au Iuge
Royal, sous le seel duquel le contract est passé, ou bien l'o-
bligation est passée, priuatiuement aux Iuges des Seigneurs hauts ou
moyens Iusticiers estans en France: Et qu'en ce cas les Seigneurs Iusti-
ciers ne peuvent vendiquer leurs subjets, hostes, & iusticiables, estans
poursuiuis pardeuant le Iuge Royal, & ce pour deux raisons: La premie-
re, que par la disposition de droict Ciuil & Canonique, tous contracts,
ou bien toutes obligations & promesses obligatoires, sont attributives de
iurisdiction au Iuge, au territoire duquel les contracts sont passez, ou
bien les obligations sont passées, ou les promesses obligatoires sont fai-
ctes. Tellement que pardeuant le Iuge du lieu auquel le contract a esté
faict, ou bien l'obligation passée, ou la promesse obligatoire a esté fai-
cte, le debteur peut estre conuenu & poursuuy. *Vbi quis contraxit vel se obli-*
ganit, ibi conueniri potest, & se defendere debet. Et si quando de iurisdic-
tionem agitur, locus contractus inspicitur. l. bares absens. §. proinde. l. omnem
obligationem. ff. de iudic. cap. Romana. §. contrahentes. de foro compet. in
sexto.

La seconde raison est, que les parties contractantes sous seel Royal, se
submettent tousiours à la Iustice, iurisdiction & contrainte du Iuge
Royal, sous le seel duquel l'obligation est passée, ou bien le contract
est passé. Par le moyen de laquelle submission, & consentement presté
par les contractans, la iurisdiction du Iuge Royal est prorogée, les con-
tractans qui se sont soumis à icelle, ne la peuvent decliner, & sont tenus
proceder pardeuant le Iuge Royal. *l. 1. l. contraxisse. ff. de iudiciis. l. pri-*
uatorum consensus. Cod. de iurisd. omnium iudicium.

De faict, vn quidam demeurant au bourg de l'Abbaye de Sainct Lu-
cian, estant obligé par breuet passé sous le seel de Montdidier, de payer
certaine somme de deniers, le creancier prend commission du Preuost
dudit bourg de Sainct Lucian, & en vertu d'icelle, ensemble de l'obliga-
tion, faict faire commandement à l'obligé de payer la somme portée
par l'obligation: en son refus le faict executer. De ce aduertty le Pro-
cureur du Roy à Mont-didier, il obtient commission du Preuost
Royal dudit Montdidier, en vertu de laquelle il faict adiourner à
comparoir en personne, tant le Preuost du bourg de Sainct Lucian, que
le Sergent qui auoit mis à execution ladite obligation: Et à faute d'estre
comparus au iour assigné, y a decret de prinse de corps decerné contre
eux, dont ils appellent en la Cour: en laquelle la cause estant plaidée à la

Tournelle, le premier Septembre 1554. Messieurs les Gens du Roy ayans remonsté, que cy-deuant auoit esté appointé au Conseil, sçauoir si les Iuges des Seigneurs haut-Iusticiers pouuoient cognoistre des obligations & contractz passez sous seel Royal: La Cour mit l'appellation & ce dont estoit appellé au neant, sans amende; & ordonna qu'au principal les parties se pouruoiroient en la grand' Chambre.

Nous tenons en France, que les Seaux Royaux ne sont point attributifs de iurisdiction; sinon le seel du Chastelet de Paris, le seel de Montpellier, & le seel de Brie & Champagne. Et encores que les contractz soient passez, ou bien les obligations soient passées sous seel Royal; & que les parties contractantes se soient, ou generally, ou spécialement submisés du tout à la Iustice, iurisdiction, & contrainte du Iuge Royal, sous le seel duquel l'obligation a esté passée: Soit que les parties demeurent au dedans du Baillage ou Seneschaucée, sous le seel de laquelle le contract aura esté passé, ou hors ledit Baillage & Seneschaucée; Toutesfois le Iuge Royal, sous ombre de ladite submission, ne peut cognoistre des causes & proces qui sont meuz à cause des contractz ou obligations passées sous son seel; si les parties contractantes ne sont ses hostes & iusticiables en premiere instance, à tout le moins si le defendeur n'est son hoste & iusticiable en premiere instance. Tellement que le creancier, nonobstant la submission generale ou speciale, est tenu faire poursuite de sa dette, pardeuant le Iuge, en la Iustice duquel le debteur est demeurant. Car en France en action personnelle le demandeur est tenu suivre le domicile du defendeur, & le poursuivre pardeuant son Iuge naturel & domiciliaire, sans auoir esgard au lieu auquel l'obligation a esté passée, & submission generale, ou speciale, portée par icelle.

Et ce que dessus est si exactement gardé: Que si vn homme qui est demeurant au Baillage d'Orleans, soit en la ville d'Orleans, ou bien à Ianuille, Meung, ou autre ville, ou lieu estant au dedans dudit Baillage, auquel y a Iustice Royale, par contract passé sous le seel du Chastelet d'Orleans, s'est spécialement soumis à la iurisdiction, iustice, & contrainte du Bailly d'Orleans, estant adiourné pardeuant ledit Bailly pour proceder sur l'action intentée par le moyen dudit contract, ou sur l'opposition formée à l'execution faicte en ses biens en vertu d'iceluy: iustement il demandera estre renuoyé pardeuant son Iuge naturel & domiciliaire, soit le Preuost d'Orleans, le Preuost de Ianuille, le Preuost de Meung, ou autre Iuge Royal, en la iurisdiction duquel il est demeurant: Et le Bailly d'Orleans sera tenu le renuoyer pardeuant le Iuge de son domicile, soit le Preuost d'Orleans, ou autre Iuge Royal. Et le Preuost d'Orleans sera tenu faire semblable renuoy si le defendeur est demeurant à Ianuille, à Meung, ou en autre ville ou village, auquel y ait siege Royal: Et ce nonobstant la submission generale, ou speciale portée par le contract: Ainsi qu'il est porté & ordonné par les 9. 10. & 11. articles de l'Edict en forme de Declaration faict par le Roy Henry II. sur le reiglement d'entre les Baillifs & Preuosts Royaux, verifié en la

5
En France
les Seaux
Royaux ne
sont point
attributifs
de iurisdiction.

6
En action
personnelle
sans pour-
suivre le
debteur
pardeuant
le Iuge de
son domicile.

7
Les submissions ne sont
attributives
de iurisdiction, encores
que le defendeur soit
demeurant
dedans le
Baillage.

Cour le 30. Iuillet 1560. apres le trespas dudit Roy Henry. Par lequel Edict est abrogé le 14. article de l'Ordonnance faicte à Cremieu, concernant les submissions speciales & precises faictes par les parties : ladite Ordonnance verifiée en la Cour le 16. Aueil 1537.

La submission n'a aucunement lieu quand le defendeur est demeurant hors le Baillage.

Si la partie, qui a faict la submission speciale, est demeurante hors le Baillage ou Seneschaucée sous le seel de laquelle le contract a esté passé : il peut sans doubte decliner la iurisdiction, à laquelle il s'est specialement & precisément soumis, soit de Bailly, ou Preuost. Comme il a esté iugé par arrest donné le 14. Iuillet, 1560. Par lequel vn fermier demeurant au Baillage d'Orleans, qui estoit obligé sous le seel de Chartres, & specialement s'estoit soumis à la iurisdiction & contrainte du Preuost de Chartres, & qui estoit tenu payer & liurer chacun an, en la ville de Chartres, la moisson par luy deuë, fut renuoyé pardeuant le Iuge de son domicile : Encore que ledit Iuge fust Royal, & qu'on soustint que le Roy n'y auoit interest, perte, ny dommage : aussi que sans ceste submission expresse, on ne luy eust faict le bail à ferme, duquel estoit question : Tellement que la submission faisoit partie du contract de bail. Et ce que dessus concerne les hostes & iusticiables du Roy, & les personnes qui sont demeurans és Iustices Royales. Lesquels, encore que par leurs contracts ils eslisent domicile irreuocable (duquel sera cy-apres parlé) au dedans de la iurisdiction, à laquelle ils se sont specialement soumis : Toutesfois telle eslection de domicile ne donne point d'auantage d'effect à la submission de iurisdiction : Parce que le domicile concerne seulement les exploicts, adiournemens, & commandemens, non pas les procédures iudiciaires. La raison de ce que dessus est, que le Roy ayant estably officiers en chacun de ses Baillages, Seneschaucées, Preuostez, Vigueries, Maireries, & autres lieux, esquels le droit de Iustice appartient à sa Majesté, & par ses Edicts, & Ordonnances deuëment verifiées és Cours souueraines, ayant donné reiglement entre chacun de ses officiers : Mesme par l'Edict de Cremieu, & par plusieurs lettres patentes declaratiues d'iceluy, ledit Seigneur ayant ordonné, entre quelles personnes & de quelles causes chacun desdits officiers doit cognoistre, sans entreprendre l'un sur l'autre : Il n'est pas raisonnable que par pactions & conuentions des particuliers habitans, & residans és Iustices Royales, soit contreuenue ausdites Ordonnances, & faict preiudice aux droicts, priuileges, & préeminences des officiers Royaux : mais chacun doit estre conserué en sa Iustice & Iurisdiction. Et à ce que dessus, Messieurs les Gens du Roy en la Cour de Parlement, qui sont conseruateurs des Ordonnances & Edicts Royaux, & du bien public, doiuent estroitement tenir la main. Car sans leur adjonction, celuy qui volontairement s'est soumis par contract, & qui est demeurant au dedans de la Prouince, & du seel du Iuge, la Iurisdiction duquel il a esleuë & approuuée, sembleroit de prime face estre mal fondé, à decliner la iurisdiction qu'il auroit prorogée, & n'estre receuable en l'appel du deny de renuoy, suiuant la loy *est receptum. ff. de iurisd. omni. iudi. l. i. c. 2. ff. de iudic.* cy-dessus alleguée.

Quant

Quant à ceux qui sont demeurans es terres & seigneuries des Seigneurs haut Iusticiers, lesquels par les contractz qu'ils ont passez sous leel Royal, se sont ou generalmente, ou specialement soumis à la Justice, iurisdiction & contrainte du Bailly ou Preuost Royal, sous le seel duquel le contract a esté passé: Toutes telles submissions ne peuuent aucunement preiudicier aux Seigneurs ayans Justice, haute, moyenne ou basse en ce Royaume: Lesquels ont obtenu lettres de declaration du Roy François verifiées en la Cour de Parlement le 23. Avril 1537. par lesquelles ledit Seigneur a déclaré que par son Edict à Cremieu, cy-dessus recité, il n'auoit entendu faire aucun preiudice aux droicts des Seigneurs, qui ont Justice en leurs terres & seigneuries. Tellement que lesdits Seigneurs, encore que leurs subjets soient demeurans au dedans des destroicts, fins & limites des Justice, iurisdiction, & seel des Iuges Royaux, à la Justice desquels ils se sont specialement soumis, & leurs Justices enclauées, & assises au dedans desdits destroicts & seel, pourront vendiquer leurs hostes, subjets & iusticiables, estans poursuiuis pardeuant le Iuge Royal, ou pardeuant autre Iuge. Remonstreront que leurs Justices sont patrimoniales, venales, hereditaires, & reputées vray heritage, au moyen du fruit, profit, & emolument qu'ils perçoient d'icelles, à cause des adjudications d'amendes, confiscations, & autres droicts: Diront qu'ils tiennent leurs Justices en foy & hommage mediatement ou immediatement du Roy, & les baillent par adueu & denombrement, comme faisant partie de leurs fiefs: & aduenant mutation de fief, sont tenus payer profits feodaux, pour raison de leurs Justices, tout ainsi que pour les autres appartenances & dependances de leurs fiefs: Soustiendront, tout ainsi que par le droict Romain le Maistre pouuoit vendiquer son serf & son seruiteur s'estant retiré hors sa puissance, & estant detenu par vn tiers; aussi que le Seigneur Iusticier peut vendiquer son subjet, hôte, & iusticiable, estant poursuiuy & mis en proces pardeuant le Iuge Royal, ou pardeuant autre Iuge: Requerront la cause estre renuoyée pardeuant leur Iuge: Et du refus ou desny de renuoy, appelleront comme de Iuge incompetent, & entreprise de iurisdiction.

Bien est vray, que si le Seigneur haut Iusticier ne vendique son hôte & iusticiable, qui est poursuiuy pardeuant le Iuge Royal, soit Bailly, ou Preuost, en la Prouince & iurisdiction duquel il est demeurant, ledit Bailly & Preuost Royal cognoistra de la cause, sans que le defendeur puisse demander son renuoy: Comme il est porté par la verification faicte en la Cour le 15. Nouembre 1554. des lettres Patentes obtenues par les Preuosts Royaux. Si le defendeur n'est demeurant en la Prouince du Bailly ou Preuost Royal, pardeuant lequel il est adiourné, il pourra demander son renuoy pardeuant le Iuge de son domicile, nonobstant la submission speciale par luy faicte: Comme il sera plus amplement traicté au chapitre 9. du present discours, & monstre que les Seigneurs Iusticiers sont tenus vendiquer leurs hostes & iusticiables. Et les renuoyz doiuent estre requis par les Seigneurs Iusticiers, auant que la cause soit contestée & nouée, tout ainsi que les fins d'incompetence doiuent estre proposées,

Les submissions portées par les contractz ne preiudicient aucunement aux Seigneurs Iusticiers.

8
En France les Justices sont patrimoniales.

auant contestation en cause. *Hæc tradunt Baldus in cap. 1. de feudo Marchie in vsib. feudo. Ioannes Faber in titulo de legitima patronorum tutela. in insit. & in authen. ingressi. Cod. de sacrosanct. Ecclesiis. Molinaus és Coustumes de Paris, titulo de matiere Feodale. §. 1. Glos. quinta, in verbo le Fief, col. 62.* En ce faisant il est notoire, que la loy premiere, la *l. consensisse*, la loy *hæres absens. §. proinde. la l. omnem obligationem. ff. de iudiciis. la loy est receptum. ff. de iurisd. omnium iudicum* : & le chap. *Romana. §. contrahentes. de foro competenti, extra.* ne sont receus en France. Mais nous suiuous la loy seconde. *C. de iurisd. omnium iudicum.* la loy finale, *C. ubi in rem actio.* & le chapitre, *cum sit generale. extra. de foro competenti.* Qui porte que, *in actione personali actor sequitur forum rei.* Ce que dessus fut amplement deduit, plaidé, & iugé en la Cour, les 14. Iuillet 1567. 20. May 1568. 24. Ianuier 1576. & 11. Mars 1574.

9
Actor se-
quitur fo-
rum rei.

10
Reconuen-
tion n'a lieu
en Cour laye
comme s'en-
tend.

Et par le moyen de ceste maxime, que *actor cogitur sequi forum rei*, que les Iustices sont patrimoniales en France, que les submissions generales ou speciales portées par les contractz ne sont attributives de Iurisdiction, aussi qu'une debte n'empesche pas l'autre : Par l'vsance de France reconuention n'a lieu en Cour laye ; combien qu'elle soit receuë tant par le droict Canon, que selon l'opinion d'aucuns, par le droict Ciuil. En sorte que celuy qui auroit faict conuenir & adiouner vn autre, pardeuant vn Iuge ordinaire, ou pardeuant vn Iuge delegué, pouuoit estre conuenu & adiouné pardeuant le mesme Iuge : & estoit contraint respondre pardeuant ledit Iuge, à toutes les demandes qui luy estoient faictes, & proceder sur toutes les actions qui estoient contre luy intentées : encores qu'elles ne concernassent aucunement le faict de la premiere demande ; ains fussent du tout diuerfes, distinctes, & separées : *tanquam sint mutue petitiones : & qui in uno negotio iudicem elegit, in aliis eum recusare non possit. cap. 1. & 2. de mutuis petitionibus. extra. l. cum Papinianus. in fi. authent. & consequent. C. de sent. & interlo. omnium iudic. l. si idem cum eodem. §. quod si mutue. ff. de iurisdic. omni. iudic. l. 1. §. final. ff. de varijs & extra. cogni. l. qui non cogitur. ff. de iudi.* Mais selon la commune obseruance du Royaume, si le defendeur a quelque action à intenter contre le demandeur original, il la doit intenter pardeuant le Iuge du domicile du demandeur ; tout ainsi que le demandeur a intenté son action pardeuant le Iuge du domicile du defendeur.

11
La recon-
uention est
admise
quand elle
est proposée
par forme
d'exception.

Bien est vray que si la demande en reconuention est la defense contre l'action premierement intentée, & que telle demande soit faicte par forme d'exception, & soit contenuë és defenses proposées contre la demande originale, mesme que le defendeur, par le moyen de ses defenses, se soit constitué demandeur, ce qui est besoin faire : En ce cas le demandeur original est tenu defendre & proceder sur la reconuention : comme la demande premiere, & la reconuention proposée par les defenses procedans *ex eodem fonte, siue ex eodem negotio*, ou bien *ex eodem contractu* : & sur la demande incidemment faicte est besoin prendre reglement, tout ainsi que sur la demande principale. *Imo verò* ce que dessus

a lieu en cas de compensation, quand la debte est claire & liquide: encore que la debte portée par la premiere demande, & la debte de laquelle on requiert compensation procedent de diuerses causes, diuers contractz, & diuerses choses, dictal. cum Papinianus, in verbis, in eodem negotio, & dicto §. quod si mutua. l. i. C. rerum amotar. l. neque scriptura. C. de compensatio. Ainsi qu'il est porté par les 105. & 106. articles de la nouvelle Coustume de Paris.

Et la compensation ainsi requise, est appellée retention, ou bien deduction: Quand le defendeur demande estre dit, qu'il retiendra en ses mains, ou bien qu'il deduera & rabattra sur la somme de deniers qui luy est demandée, la somme qui luy est deuë par le demandeur originaire, suiuant la loy Proculus, in verbis, cuius retentione id seruari potest. ff. de nego. gest. l. in restituenda. C. de petit. hered. l. rei iudicata. §. i. ff. solut. matr. l. unica. §. taceat. C. de rei ux. actio. Partant on dit que ipso iure fit compensatio, quia ex eo tempore, ex quo creditor factus est debitor debitoris sui, pars debiti tacite censetur soluta, usque ad concurrentem debiti quantitatem: suiuant la loy si constat. C. de compensat. l. qui inuicem. ff. de condict. indeb. vel is qui conuenitur, & contra quem agitur, deducit & sibi ipsi soluit, quod sibi debetur, vel socio suo, vel filij suis, qui sunt in sua potestate. l. peculium. in pri. & l. si noxali. §. non solum. ff. de pecul. Pour ces causes on tient pour certain, que le debteur du cedant estant pouruiuy par le cessionnaire, peut demander à l'encontre dudit cessionnaire, compensation de ce qui luy est clairement & liquidement deu par le cedant: comme le cessionnaire n'ayant point d'auantage de droit que le cedant, mais le representant & tenant son lieu. Aussi que toutes les exceptions qu'on peut proposer cōtre le cedant, se peuuent proposer cōtre le cessionnaire, qui est procurator in rem suam & nominis emptor. Mesme l'exception de compensation, quæ realis est, & rei coheret, concernant la debte cedée, de partie de laquelle on demande deduction, & compensation, se peut proposer contre le cessionnaire: tout ainsi qu'on peut demander compensation de la debte du vendeur, à l'encontre de l'acheteur, encore qu'il soit singulier successeur: autrement le cedant pourroit facilement frauder celui, auquel il deuoit quelque somme de deniers. l. in rem suam procurator. l. si quid. ff. de compensat. l. quod ipsis. ff. de regul. iuris. l. apud Celsum. §. de auctore. ff. de doli mali & met. except. l. eius. ubi Glossa. C. de compensa. latè tractat Dinus in cap. is qui. de regul. iur. in sexto. Ioannes Faber in §. in bona fidei, institut. de actio. inf.

Et ce nonobstant l'aduis contraire d'aucuns qui dient: Que ipso iure nihil fit en France, sed declaratione iudicis opus est. Et qu'il n'y a point de compensation, si elle n'est demandée par lettres Royaux: & encore pour le soustenement de leur opinion dient, qu'apres le transport fait, le cedant n'a plus de droit en la debte cedée. Et tout ainsi qu'apres la signification du transport d'une debte, le creancier du cedant ne peut saisir la debte cedée, de mesme le debteur du cedant n'en peut demander compensation, quia res non est integra: Mais que auparauant le transport le debteur se deuoit pourueoir, ou par saisie en ses mains, ou par action. Joint qu'ils soustiennent, que compensation est vne raisable reconuëtion dans.

12
Quand la compensation peut estre requise par des fen-
ses.

13
Qu'on peut demander contre le cessionnaire compensation de la debte du cedant.

Raison de ceux qui estiment qu'on ne peut demander contre le cessionnaire compensation de la debte du cedant.

laquelle n'a lieu en Cour laye, comme dit est. Neantmoins faut persister en la premiere opinion, que compensation se peut demander contre le cessionnaire, tout ainsi que contre le cedant.

74
On peut
avoir plu-
sieurs domi-
ciles: maison
considere
pour la ju-
risdiction le
principal
domicile.

Il conuient noter, quand on dit que le defendeur en action personnel-
le ne doit estre conuenu, sinon pardeuant le Iuge de son domicile, &
qu'il n'est tenu proceder ailleurs, que pardeuant son Iuge naturel &
domiciliaire: cela se doit entendre de son vray, naturel, & principal do-
micile, auquel il fait sa residence, la plus grande partie de l'année,
auec sa femme, enfans & famille, & auquel il a ses tiltres, lettres, pa-
piers, & plus grande partie de ses meubles; non pas du lieu auquel il
est demeurant par quelque temps de l'année seulement: & selon les oc-
currences qui s'offrent, & se peuuent offrir; ou bien pour l'exercice de
son office, pendant le temps de trois mois, ou de six mois par an. Car
combien que *aliquis duo vel plura domicilia habere possit, cum scilicet aqua-
liter utrobique ita se instruxerit, ut non ideo minus apud alteros se collocasse
dicatur: aussi que per solum incolatum domicilium contrahatur. l. assumptio.
§. finali, ff. ad municipa.* comme nous auons amplement discouru au
39. chapitre du droict d'Aubeine, auquel auons parlé du domicile
volontaire & actuel, & du domicile naturel & originaire: Tou-
tesfois il y a tousiours vn principal domicile, *ubi scilicet quis taxem rerum-
que ac fortunarum suarum summam constituit*: comme dit la Loy ciues. De
incolis. & ubi quis domicil. C. lib. 10. Et de ce domicile est entendu la
Loy *heres absens. §. 1.* & la Loy *si fideicommissum. §. fina. ff. de iudic.* Et
le domicile principal est consideré en matiere de Tailles. Car par l'v-
sance de France, on est assis & imposé à la Taille au lieu auquel on est
habitant & demeurant au iour saint Remy; comme estant le lieu
auquel vray-semblablement on a mis & serré tous les fruiets qu'on
a cueillis en l'année; auquel partant il conuient payer la Taille de
l'année ensuiuant, commençant le 1. Ianuier prochain; si on n'a faict
publier au Prosne, auparauant ledit iour saint Remy, qu'on doit for-
tir hors de la Paroisse en laquelle on est demeurant, & aller demeurer
en tel lieu. Dont ordinairement aduiennent plusieurs proces entre les
habitans des deux Paroisses, en chacune desquelles, pendant le proces,
on est quelquefois contraint payer la Taille: combien qu'en France on
ne soit tenu payer la Taille qu'en vne seule Paroisse, encore qu'on ait
plusieurs biens & heritages en diuerses Paroisses: parce que les Tailles
ne sont pas pures réelles, comme au pais de Languedoc; mais sont mix-
tes, & censées plustost personnelles, que réelles. *Indicuntur enim persona,
pro modo patrimonij & facultatum. l. unica. de indictionib. l. unica. de super-
indict. Cod. lib. 10.* comme dit *Masuerius in sua Praxi, titulo de adiournam-
mentis, colla. 22.* Et ce domicile, qui est volontaire, & qui se constituë par
la seule demeure & habitation, se peut changer, & ordinairement se chan-
ge, quand on sort d'un lieu, ou d'une maison, pour aller demeurer en vne
autre: *hacque domicilia temporaria & mutabilia sunt, quæ per solum incola-
tum constituuntur. l. libertus. §. patris. l. domicilium. l. si quis. ff. ad municipi-
pa. d. l. ciues.* Aussi le principal domicile se considere en partage,

75
Pour le faict
des tailles
on considere
le domicile
au iour S.
Remy.

ou bien en disposition de meubles, soit par donation ou testament. Et supposé que le defunct par son testament ait déclaré son domicile estre à Rouen, afin de valider le legs des meubles par luy faict, combien que veritablement son domicile fust à Paris; on n'a point d'esgard à telle déclaration comme frauduleuse: Ainsi qu'il a esté iugé par arrest des Ragueaux, prononcé le 27. Mars 1568. Mais quand le domicile est contractuel, & que pour l'exécution du contract, on a esleu certain domicile en la ruë de la Harpe, en la maison où pend pour enseigne l'Arbalestre, en laquelle tel est demeurant, pour y faire tous les adiournemens, significations, sommations, denonciations, commandemens, exploits & actes qui seront necessaires pour l'exécution & accomplissement du contract, circonstances & dependances d'iceluy: & est cōvenu que lesdits exploits serōt de tel effect, que s'ils estoient faicts aux personnes, ou au vray domicile & demeurances des cōtractans; & que ledit domicile ne pourra estre reuoké, pour quelque cause & occasion que ce soit, en sorte qu'il est incommutable & irreuocable: les exploits & adiournemens faicts au domicile, ainsi conuenu & esleu, sont bons & valables, encores que celuy qui estoit demeurant en la maison, lequel vray-semblablement deuoit aduertir la partie, soit decedé, & que ce mot de *irreuocable*, ne soit porté par le contract: comme ce domicile estant plustost reel, que personnel, ainsi qu'il a esté iugé par arrest de la Cour, donné en plaidoyrie le 2. Iuillet 1592. Aussi on maintient le domicile esleu n'estre point reuoké par la mort de celuy qui l'auoit esleu; & que les commandemens & adiournemens faicts audit domicile sont bons & valables, pour le regard des heritiers de celuy qui l'auoit esleu: soit pour interrompre la prescription des cinq ans des arrerages de la rente constituée, ou pour autre cause: comme ce domicile estant transmis aux heritiers, tout ainsi que les actions descendantes du contract, sont transmises en leurs personnes, & comme l'élection de ce domicile faisant partie du contract. Mais il faut entendre, que par les adiournemens il conuient donner delay competent, pour aduertir ceux qui sont adiournez, selon la distance du lieu, auquel ils sont demeurans. Et combien qu'aucuns soient d'aduis, estre necessaire, faire adiourner les heritiers du defunct, au lieu auquel ils font leur residence, comme le domicile esleu par le defunct estant expiré par sa mort: toutesfois à ce que lesdits heritiers soient contraints plaider pardeuant le Iuge du domicile esleu, à la iurisdiction duquel les contractans se sont soumis: le meilleur sera adiourner lesdits heritiers au domicile esleu, & faire signifier l'adiournemēt à leurs personnes, ou aux domiciles ausquels ils font leur residence, à ce qu'ils n'en pretendent cause d'ignorance, & ayent à comparoir à l'assignation. Et estans comparus s'ils debaten le domicile esleu par le defunct, on pourra requerir, qu'ils soient tenus eslire & nommer autre domicile certain & irreuocable, au lieu du contract, auquel on puisse faire tous exploits. *De domicilio conuentionali & non mutabili, vide Bartholum in l. assumptio. §. filius. quest. ult. & l. libertus. §. patris. ff. ad municip. & de incolis. & l. si quis mancipis. §. si impubes. & ibi Paulum de Castro. ff. de instito. actio.* Et à ce que dessus est formel le 360. article de la

16
Quand par contract il y a election de domicile, il est perpetuel & irreuocable.

nouvelle Coustume de Paris. Quant aux domiciles qui sont esleus es hostels de Procureurs, suivant les Ordonnances, pour l'instruction & conduite des proces; tels domiciles sont reuomez & cessent par le decez de la partie ou du Procureur: Tellement qu'il est besoin faire adiourner la partie, pour constituer nouveau Procureur; & les heritiers, afin de reprendre ou delaisser le proces pendant & indecis. Et tels adiournemens doiuent estre faicts en leurs domiciles, ou bien à leurs personnes, suivant l'Ordonnance.

17

La iurisdiction des Iuges & Consuls est improprorogable.

Aussi il est certain que la Iurisdiction des Iuges Consuls est improprorogable, mesme du contentement des parties, quelques submissiions qu'elles facent: D'autant que leur iurisdiction est limitée à certain genre de causes, & entre certaines personnes; qui est, que les Iuges & Consuls des Marchands ne peuvent cognoistre, sinon du faict de marchandise, & entre marchands faizans mesmes train de marchandise: non pas qu'un marchand qui a besongné pour un Bourgeois de Paris, le puisse faire conuenir pardeuant les Iuges & Consuls de ceste ville de Paris; ny un Marchand de draps de soye, ou bien un drappier puisse poursuiure le payeur d'une compagnie d'hommes d'armes, ou bien un Bourgeois de Paris, pardeuant leldits Iuges & Consuls, pour auoir payement de la marchandise à eux vendue: Ainsi qu'il a esté ordonné par les arrests donnez en plaidoyrie, les 14. 15. & 22. Mars, 1564. 13. Octobre 1569. & 15. Iuin 1570.

18

Le legataire doit poursuiure l'heritier, pour auoir deliurance de son legs, pardeuant le Iuge du domicile de l'heritier, & non ailleurs.

Et que le demandeur soit tenu de suiure le domicile du defendeur, & le poursuiure pardeuant son Iuge naturel & domicilier, est si estroitement obserué en France; qu'on tient pour certain, encores qu'un testament soit passé sous Seel Royal non attributif de iurisdiction, toutesfois le legataire ne peut poursuiure l'heritier, pour auoir deliurance de son legs, pardeuant le Iuge Royal, sous le Seel duquel le testament a esté passé, ny pardeuant le Iuge du lieu, auquel tous les biens, ou la plus grande partie des biens de la succession sont situez: ains est besoin que le legataire poursuiue l'heritier pour auoir deliurance de son legs, pardeuant le Iuge du lieu, auquel l'heritier fait sa demeure & residence ordinaire. Et le semblable est obserué au creancier du defunct, lequel pour auoir payement de son deub, doit poursuiure l'heritier pardeuant le Iuge de son domicile.

Tellement que la loy *si fideicommissum, in prin.* & la loy vnique, *Cod. ubi fideicom. peti oporteat.* ne sont obseruées en France: Mais on suit le paragraphe, *sed & rescriptum.* de ladite loy *si fideicommissum*, qui porte; *Sed & rescriptum est, ut illic fideicommissum petatur ubi domiciliū heres habet.* Arrest donné en plaidoyrie le 21. Nouemb. 1552. autre arrest du 8 Iuin 1563.

19

La vesue est tenue pour ses conuentions matrimoniales & donaire pour suiure

Pareillement la vesue est tenue de demander son doüaire, & deliurance de ses conuentions matrimoniales, pardeuant le Iuge du domicile de l'heritier de son defunct mary; & non pardeuant le Iuge du lieu, auquel le defunct estoit demeurant. En sorte qu'en France nous ne gardons pas la loy *exigere dotem. ff. de indic.* Bien est vray que la vesue pourra par autorité du Iuge du lieu, faire proceder par voye de saisie, sur les biens du defunct pour seureté de ses conuentions matrimoniales, iusques à ce qu'il soit apparu d'heritier. Et lors qu'il y viendra demander main-

leuée; elle conclura contre luy, afin de deliurance & payement de ses conventions matrimoniales. Et si l'heritier est demeurant en pays loingtain, ou bien est trouué sur le lieu, & le Iuge soit Royal, au territoire duquel le defunct estoit demeurant, & les biens de la succession assis: en ce cas l'heritier sera tenu plaider pardeuant ledit Iuge Royal, sans sommer la vefue en frais. Non pas que la vefue puisse, en vertu de la commission du Iuge du domicile de son defunct mary, soit Royal ou subalterne, faire adiourner l'heritier demeurant hors le territoire dudit Iuge, pour venir proceder pardeuant luy, sur la iouissance de son doüaire, & deliurance de ses conventions matrimoniales. Et ce qui a esté cy dessus dict, pourra estre faict, tant par le legataire, que par le creancier du defunct.

S'il y a plusieurs heritiers qui soient demeurans en diuerses Iurisdic-tions, on obtient lettres Royaux, adressantes au Iuge Royal en la Iurisdiction duquel la plus grande partie des heritiers sont demeurans, & la plus grande partie des biens de la succession sont situez: & par les lettres est mandé audit Iuge Royal contraindre tous les heritiers du defunct, à subir iurisdiction, respondre & proceder pardeuant luy, sur les demandes & conclusions du legataire, ou bien du creancier; afin d'euitter à multiplicité de proces & diuersité de iugemens: suiuant le tiltre, *de quibus rebus ad eundem iudicem eatur. ff.* Et lesdites lettres sont pratiques, quand il est question de petition d'heredité, de partage d'un doüaire coustumier, ou d'une rente deuë par plusieurs heritiers, ou par plusieurs detenteurs d'heritages obligez; comme il fut deduit lors des arrests cy-dessus dattez.

Et conuient noter, Combien que par la disposition de droit *in l. i. C. commun. de lega.* soient baillées trois actions au legataire: à scauoir la personnelle contre l'heritier; la reelle contre le detenteur de l'heritage legué; & l'hypothecaire contre le mesme detenteur, soit heritier ou estranger: toutesfois en France le legataire ne peut agir, ny reellement, ou bien petitoirement, ny hypothecairement contre le detenteur de l'heritage qui luy a esté legué, aliené par l'heritier, que preallablement le legataire n'ait eu deliurance de son legs avec l'heritier: lequel par la Coustume a esté saisi de tous les biens demeurez par le trespas du defunct. Et si auparauant la deliurance, ou volontairement consentie pardeuant Notaire, ou contradictoirement iugee, le legataire agit, ou petitoirement, ou hypothecairement contre le tiers detenteur: il sera debouté de ses conclusions, quant à present, & condamné es despens de l'instance: comme il a esté iugé par sentence donnée par Messieurs des Requestes du Palais, le 18. Mars 1585. Et de telle sentence le legataire sera contraint d'appeller, & en cause d'appel faire appeller l'heritier, afin de luy faire deliurance de son legs testamentaire: & par mesme moyen perseuerera en ses conclusions petitoires, ou hypothecaires contre le tiers detenteur. Et suiuant ce que dessus, doit estre pratiquée la loy *quod legatur. §. si autem per in rem actionem. ff. de iudicijs.*

Aussi suiuant la disposition de droit, *legatarius rem legatam ab herede*

l'heritier de son mary pardeuant le Iuge de son domicile.

20

Comme se pratique le tilt de quibus rebus ad eundem iudicem eatur. ff.

21

En France le legataire ne peut ny agir reellement ny hypothecairement, qu'il n'ait eu deliurance de son legs.

Sentence de ce que dessus.

- 22 Le legataire par la disposition de droict doit demander à l'heritier deliurance de son legs. *petere debet, & si sine haredis voluntate de facto legatum occupauerit, interdictum quorum legatorum datur haredi vel bonorum possessori; quo legatarius tenetur restituere haredi rem ab eo titulo legati possessionem vel occupatam, & interesse prestare, l. 1. ff. quorum legator. legatum enim est donatio à defuncto relicta, ab haredi prestanda. l. legatum. ff. de lega. primo. §. legatum. de lega. Institu. Tellement qu'il n'est pas permis au legataire, de son autorité privée, prendre la chose mobilière qui luy a esté leguée; ou bien de son autorité privée entrer en possession & iouissance de l'heritage qui luy a esté legué; si le testateur ne l'auoit ainsi voulu & ordonné par son testament: auquel cas la volonté & consentement de l'heritier ne seroit requis. l. Titia. §. Lucius Titius. in verbis, Volo eum à seipso capere. ff. de leg. 2. ubi Accursius & Paulus de Castro interpretantur prædicta verba, Volo eum à seipso legatum accipere: ut legatarius propria auctoritate possessionem rei legatæ occupet, & haredis consensu minimè requisito. Sicut enim contractu potest conueniri, ut emptor propria auctoritate rem venditam capere possit; & ut creditori liceat, rei pignoratæ possessionem propria auctoritate ingredi. l. creditores. C. de pigno. ita testator potest concedere legatario, ut rem legatam propria auctoritate accipiat. Sozin. consilio undecimo. Et conformément à ce que dessus par l'usage de France, tous legataires tant vniuersels, que particuliers doiuent demander deliurance de leur legs à l'heritier du defunct, s'aucun y a. Et si le plus proche heritier habile à succeder renonce à la succession du defunct, sera besoin faire créer vn curateur aux biens vacans du defunct, & avec ledit curateur auoir deliurance: Ou bien la demander avec vn Procureur du Roy qui aura faict saisir les biens du defunct, pretendant qu'ils appartiennent au Roy, comme vacans par desherence & faute d'heritiers; ainsi qu'il sera dict au 21. chapitre du present Traicté.*
- 23 Le testateur peut ordonner que le legataire de son autorité prendra son legs.
- 24 Tous legataires encores qu'ils soient vniuersels doiuent demander deliurance de leurs legs en France.

XX.

- 25 Les fruits de la chose leguée appartiennent au legataire du iour du decez du defunct. Et le meilleur & plus seur sera, que le legataire, incontinent apres le trespas du testateur, demande deliurance de son legs: A ce que l'heritier ne luy reuoque en doute, & vueille retenir pardeuers luy les fruits de l'heritage legué, ou bien les arrerages de la rente leguée, escheuz depuis le iour du decez du testateur, iusques au iour de la deliurance demandée, pretendant qu'ils luy appartiennent: d'autant que dès l'instant du decez l'heritier suiuant la Coustume, a esté saisi de tous les biens du defunct, & d'iceux est faict vray Seigneur, propriétaire, & possesseur; & que lesdites proprieté, saisines, & possessions, avec la bonne foy, qui a esté de sa part, luy ont attribué le gain des fruits de tous les biens du defunct, suiuant les 284. 285. & 318. articles de la nouvelle Coustume de Paris. Toutesfois on a accoustumé d'adiuger au legataire les fruits des heritages leguez, & les arrerages des rentes leguées depuis le iour du decez du defunct: Parce que l'heritier, dés lors du trespas du defunct, a sceu & cogneu par le testament du defunct, que lesdits heritages & rentes ne luy appartenoint pas, au moyen de ce que le defunct en auoit disposé, & iceux leguez. En sorte que, à l'occasion de ceste science & cognoissance, l'heritier ne peut avec bonne foy pretendre, ny s'attribuer lesdits fruits. l. bona fidei. §. in

contra-

rium. ff. de acquiren. rerum domin. l. quis cit. §. bona fidei. ff. de usur. §. si quis à non domino. de rer. diuisio. in Institut. Aussi que par la loy à Titio. ff. de furtis, Ea qua legantur recta via, ab eo qui legauit, ad eum cui legata sunt, transeunt. Et sic dominium rei legata recta via transit in legatarium: cōme dit Bartole in dicta lege à Titio. Imo verò rei legata dominium sine possessione transfertur in legatarium, ut inquit Glossa in lege si ager. ff. de rei vendica. & in l. si partem fundi. §. i. in verbo caperat. ff. quemad. seruit. amit. Ce qui se doit entendre fictè, ut scilicet legatarius fictione iuris censeatur dominus rei legata, à die mortis testatoris: tanquam traditio rei legata facta ab heredede legatario, retrotrahitur ad diem mortis testatoris, sicut aditio hereditatis ad eum diē fictione iuris retrotrahitur. Ideoque fructus rei legata cedunt legatario à die mortis testatoris. Non toutesfois que legatarius verè sit dominus rei legata, antequam res legata ab heredede legatario tradita fuerit. De faict auparauint la deliurance faicte par l'heritier, le legataire ne peut agir petitoirement, comme il a esté dict cy-dessus, encores moins possesloirement en cas de saisine & de nouuelleté, l. seruum filij. §. si quis rem. in verbis, retro ipsius videatur esse res. & l. si tibi homo. §. cum seruus. & ibi Glossa. ff. de legat. i.

Le legataire, pour auoir deliurance & iouyssance du legs qui luy a esté faict, ayant non seulement l'action personnelle contre chacun des heritiers pour les contraindre à la deliurance chacun pour telles portions hereditaires, mais aussi apres la deliurance faicte par l'action petitoire, contre celuy qui detient la chose qui luy a esté leguée: & encores l'action hypothecaire, contre vn tiers detenteur, mesme contre chacun des heritiers: On a demandé, si ceste action hypothecaire, baillée contre chacun des heritiers, est diuisée entr'eux, tout ainsi que la personnelle; en sorte que hypothecairement, c'est à dire par saisine & vente des heritages desquels ils ont amendé du testateur, ils ne puissent estre contrainsts au payement de la chose leguée, soit vne somme de deniers, ou vne rente annuelle ou viagere, outre leur portion hereditaire, qui est vn tiers, ou vn quart, selon la disposition de la loy premiere, *Cod. cōmunia. de lega. & fideicom.* Attendu que les testamens escripts & signez par les testateurs, ou bien passez pardeuant vn Curé ou son Vicaire general, n'emportent aucune hypothèque: Aussi que les testamens ou codicilles passez pardeuant Notaires Royaux, ou subalternes, ou pardeuant Tabellions, ne contiennent aucune obligation, ny hypothèque des biens du testateur, & ce mot *obligeant*, n'y est point mis: parce que les testamens sont reuocatoires: aussi que les legs testamentaires sont dons gratuits, qui n'emportent aucune garantie. On a tenu que és legs pieux faicts à vne Eglise ou Monastere, ou à vn Hospital, à vn Religieux ou Religieuse, pauvres filles à marier, seruiteurs ou seruantes, ou pour aliments, soit d'une somme de deniers, ou de rente perpetuelle ou viagere, l'hypothèque estoit solidaire, & ne se diuisoit point entre les heritiers: suiuant ladice loy premiere, *in verbis, precipue cum talia sint legata vel fideicommissa que pijs actibus sunt deputata.* Quant aux autres legs de sommes de deniers, faicts à personnes priuées, la diuision mesme de l'hypothèque a esté admise entre les heritiers, selon l'aduis d'aucuns, conformément à ladice loy

26

L'hypothèque baillée au legataire contre l'heritier ne se diuise point.

premiere. Mais quand il est question de rente deuë chacun an, soit perpetuelle ou viagere, ils n'ont point admis la diuision de l'hypothèque entre les heritiers: d'autant que par la nouvelle Coustume de Paris, articles 99. & 101. les detenteurs & proprietaires d'heritages chargez & redevables de cens & rentes, ou autres charges reelles & annuelles, partie ou portion d'iceux, sont tenus personnellement, & hypothecairement, payer & acquitter lesdites rentes & charges annuelles; si mieux ils n'ayment iceux heritages deguerpir en Iustice. Autrement le detenteur, & propriétaire de partie de l'heritage hypothéqué ne payeroit pas, & n'acquitteroit pas les rentes & charges dont ledit heritage est chargé, mais seulement payeroit partie desdites rentes & charges; contre l'intention de la Coustume, laquelle en matiere de rente, a osté non seulement la discussion, mais aussi la diuision: & a-on estimé que l'hypothèque legale a autant d'effect que la conventionnelle.

*Arrests de
ce que des-
sus.*

Et pour monstrier que la dite hypothèque, encores qu'elle soit legale, ne se diuise point en France, soit pour le payement d'une rente leguée, ou mesme pour vne somme de deniers, ou pour simples meubles leguez; on allegue trois arrests. Le faict du premier est, Que Iean Allegrin Seigneur de la Tombe, par testament escript & signé de sa main, recogneu pardeuant deux Notaires, ayant legué à Rachel Allegrin sa fille naturelle, quatre cens escus en meubles, pour vne fois payer, & trois cens cinquante liures de rente par an à prendre sur tous ses biens, à la charge qu'elle ne pourroit vendre ladite rente, qu'elle n'eust atteint l'aage de vingt-cinq ans: Ladite Rachel estant decedée auparauant l'aage susdit, tous ses biens estans adiugez au Roy, par sentence du Thresor, de laquelle y auoit appel, Estienne du Monstier valet de Chambre du Roy, ayant eu don dudit Seigneur desdits biens: Apres plusieurs grâdes & longues procédures, & Maistre Iacques Allegrin, l'un des quatre heritiers dudit defunct Iean Allegrin, ayant composé avec ledit du Monstier: Par arrest solennellement prononcé le 7. Septembre 1584. Maistre François Allegrin Conseiller & Maistre des Requestes ordinaires du Roy a esté condamné comme heritier & biens tenant dudit feu Iean Allegrin, personnellement pour telle part & portion qu'il estoit heritier dudit defunct, & hypothecairement pour le tout; son recours reserué contre ses coheritiers, autre que ledit Maistre Iacques Allegrin, faire deliurance reelle & actuelle audit du Monstier des trois parts, dont les quatre font le tout des quatre cens escus en meubles, pour vne fois payer, & des trois cens cinquante liures de rente au denier douze leguées par le testament dudit feu Iean Allegrin, à ladite Rachel, sans restitution d'aucuns interests pour raison desdites choses, & sans despens, & pour cause. Semblablement par arrest donné en plaidoyrie le 24. de Iuillet 1561. vn heritier a esté condamné personnellement pour vn tiers, & hypothecairement pour le tout, payer les legs contenus en vn testament passé pardeuant vn Vicair, & deux tesmoins. Aussi par arrest donné le 8. Iuin 1386. fut defendu d'alleguer Coustume, par laquelle l'hypothèque fust diuisée, comme estant solidaire & indiuidue: ainsi que recite Deluc en son recueil d'Ar-

rest, arrest 2. Estant vne maxime en France que l'hypothèque ne se diuise point. *Quod moribus, inquit, comparatum esse dicebatur, hypothecam diuidi posse, damnari placuit, vetariq; ne unquam tale quicquam usurparetur.*

Aussi combien qu'un homme se soit obligé sous seel Royal, non attributif de iurisdiction, à liurer certaine quantité de marchandise, soit d'eschalats, de bleds, ou autre espece, au lieu auquel l'obligation est passée: toutesfois l'obligé (selon l'opinion de plusieurs) ne peut estre poursuiuy, pour la deliurance de la marchandise par luy promise, sinon pardeuant le Iuge de son domicile, & non pardeuant le Iuge du lieu, auquel la marchandise se doit liurer, encore qu'il soit trouué sur le lieu. Et dit-on, *fidem eius securus es; ergo domicilium sequi debes.* Et en France non *inspicimus locum contractus, nec locum solutionis; sed domicilium debitoris:* suiuant la Loy *exigere dotem. ff. de iudicijs.* Tellement que suiuant l'opinion des dessusdits le tiltre *de eo quod certo loco dari oportet. ff. la loy vniue Cod. ubi conueniatur qui certo loco dare promisit.* la loy *contraxisse. ff. de actio. & obligat.* la loy *quaro ff. de solutio.* ne seroient obseruées en France: comme il fut plaidé le 20. Nouembre, 1564. Pour à quoy obuier, plusieurs Iuges & Consuls des Marchands, comme de ceste ville de Paris, d'Orleans & autres, ont obtenu lettres verifiées en la Cour; pour auoir cognoissance des Marchandises vendues & liurées en leur ville, ou promises d'estre liurées en leur ville, ou desquelles le payement est destiné en leur ville. Combien que pour attribuer la cognoissance au Conseruateur des foires de Lyon, des debtes contractées entre Marchands, trois cas doiuent concurrencer ensemble: à sçauoir, que la marchandise soit prise en foire, le payement destiné en foire, & que les parties soient Marchands frequentans les foires de Lyon: comme il fut plaidé le Ieudy 22. Mars 1564.

Ce qui a esté dit cy-dessus de l'action personnelle, que le creancier la doit poursuiure pardeuant le Iuge du domicile du débiteur, & non pardeuant le Iuge Royal, sous le seel duquel le contract a esté passé; est obserué es actions mixtes, qu'on appelle actions *in rem scriptas*, en partie personnelles, & en partie reelles; comme est l'action de rescision de contract, de restitution en entier, de retrait lignager, de partage, & autres: lesquelles doiuent estre intentées & poursuiues pardeuant le Iuge du domicile du défendeur, *quia actio personalis est dignior realis:* en sorte que la personnalité attire à soy la réalité, comme plus noble, & plus excellente. Aussi qu'en rescision de contract, *agitur de distractu: & quemadmodum in contractu actor sequitur forum rei, ita & in distractu.* Cum contractus & distractus sint eiusdem nature & iurisdictionis, ut inquit Bartolus in l. & ideo *ff. de condict. furtina.* Ioinct qu'en rescision de contract, & pareillement en restitution en entier, y a le rescindant qui est pur personnel, lequel selon le styl de France estant cumulé avec le rescifoire, qui est reel, il doit, suiuant la disposition de droit estre preallablement iugé & terminé, l. 2. *Cod. ubi & apud quos cognitio restituit. in integ. agitando.* Ainsi a esté iugé par Arrests donnez es plaidoiries, les 20. Avril 1558. 16. Avril 1562. & 26. Iuillet 1555. Et d'autant que les rescisions des contracts sont mixtes, partie person-

27
Encore qu'il ait promis payer en certain lieu, ou bien liurer la marchandise promise toutes fois le débiteur n'y peut estre poursuiuy.

28
Pour attribuer la cognoissance au Conseruateur des foires de Lyon trois cas doiuent concurrencer.

29
En actions mixtes le demandeur doit poursuiure le défendeur pardeuant le Iuge de son domicile.

nelles, partie reelles; elles ne peuuent estre intentées par le mary seul, quand il est question d'heritages propres de sa femme; ny par le Gardien noble ou Bourgeois: ains doiuent estre intentées par le tuteur des mineurs. Aussi l'action de rescision estant personnelle, elle doit estre poursuiuie contre celuy qui a contracté, du faict duquel est question, & les lettres de rescision estre contre luy obtenuës, non pas contre celuy, auquel le contractant depuis a vendu l'heritage, pour l'alienation duquel les lettres de rescision sont obtenuës; qui est le second acquereur: lequel apres la declaration faicte de la seconde vendition, on fera appeller, afin d'interuenir en cause, & dire ce qu'il voudra, pour empescher que le iugement qui sera donné contre le premier acquereur, ne soit contre luy déclaré executoire; en ce faisant soit condamné se desister & departir dudit heritage, au profit du demandeur, avec restitution de fructs, en rendant le prix de la premiere vendition.

De huiusmodi actionibus in rem scriptis, latè tractat Zasius in §. actionum. Instit. de actio. Glosa in l. 3. §. personalis. ff. ad exhibendum. Tiraquellus in titulo de retractu, §. octauo, in verbo le Iuge, Glosa quinta.

³⁰
Que les tuteurs, curateurs & autres administrateurs doiuent estre poursuiuis de rendre compte au lieu auquel ils ont administré.

Toutestois le Mardy 11. Decembre 1565. fut plaidée vne cause entre Cyprian de Moullon appellant du Iuge de Saumur d'une part, & Claude de Moullon, intimé, d'autre. Le faict estoit, que l'appellant ayant esté esleu tuteur de l'incrimé son nepueu pardeuant le Iuge de Saumur, au territoire duquel les biens estoient assis & situez: depuis ayant cheuy & composé pour raison de ceste tutelle & reddition de compte, l'intimé obtient lettres pour casser la transaction, & nonobstant icelle, contraindre l'appellant de rendre compte de la tutelle. L'appellant qui auoit changé de domicile, & estoit demeurant à Loudun, auroit tendu afin de non proceder, & soustenu qu'estant question de restitution en entier, il ne pouuoit estre poursuiuy, sinon pardeuant le Iuge de son domicile, suivant la loy seconde, *C. ubi & apud quem cognit. restitu.* L'intimé au contraire soustient, qu'il estoit principalement question de la reddition de compte de sa tutelle; laquelle se deuoit demander & rendre au lieu auquel la tutelle auoit esté gerée & administrée, & non ailleurs: Qu'en France le rescindant & le rescisoire estoient cumulez: Et tout ainsi que l'appellant n'eust peu decliner la iurisdiction du Iuge de Saumur, si l'intimé l'eust faict conuenir, pour rendre compte de la tutelle des personnes & biens dudit intimé; & que incidemment il eust obtenu lettres pour casser la transaction passée entre les parties: aussi l'appellant ne pouuoit decliner la iurisdiction du Iuge de Saumur, sous ombre que l'intimé auoit encommencé sa poursuite par les lettres de rescision. Autrement, au cas que les lettres fussent enterinées, il faudroit rendre compte pardeuant autre Iuge, que celuy, au territoire duquel la tutelle auroit esté gerée. Ce qui estoit contre la loy premiere, & la loy seconde, *Cod. ubi de ratiocinijs agi oporteat*: laquelle auoit lieu non seulement aux tuteurs, curateurs, & executeurs testamentaires, mais en tous administrateurs, lesquels estoient tenus rendre compte au lieu de l'administration, & pardeuant le Iuge au territoire duquel

estoyent situez les biens qu'il auoit administrez : Tout ainsi que le Iuge du lieu, auquel le delict a esté commis, cognoist du delict, *Authentica qua in prouincia. Cod. ubi de crimine agi oporteat.* Le Iuge de Saumur ayant ordonné que l'appellant procederoit pardeuant luy, & l'ayant debouté du renuoy par luy requis pardeuant le Iuge de Loudun : appel estant interjetté, l'appellation fut mise à neant, ordonné que ce dont estoit appelé sortiroit son effect, l'appellant condamné es despens de la cause d'appel.

Quand l'action est pure réelle, que nous appellons ordinairement action petitoire, comme est la reiuendication, afin de se desister & de partir de tel heritage, comme à moy appartenant : l'action hypothecaire, à ce que tel heritage soit déclaré affecté, obligé, & hypothéqué à telle rente, ou au recours de garantie de telle poursuite : l'action négative, & l'action confessoire, qui sont proposées pour le droit de servitude négatif ou affirmatif : Il est en l'option du demandeur, poursuivre le defendeur pardeuant le Iuge du domicile dudit defendeur, ou pardeuant le Iuge du lieu, auquel l'heritage contentieux est assis, ou auquel la chose controuersée est située : suiuant la loy finale, *Cod. ubi in rem actio exerceri debeat.* laquelle nous suyons en France. Parce que le Iuge, au territoire duquel l'heritage est assis, peut facilement aller *in rem presentem*, mener les tesmoins, & les examiner sur l'heritage contentieux, & estre mieux instruit de ce qui concerne la chose contentieuse, que non pas vn Iuge loingtain : *ut late tractat Tiraquellus in libro de Retractu. §. octauo, Glosa quinta.* Comme il fut remonstré par Messieurs les Gens du Roy, le Lundy dernier Ianuier 1569.

Si le contract est passé, ou bien l'obligation est passée, sous le seel du Chastelet de Paris, lequel par priuilege special est attributif de iurisdiction, ainsi qu'il sera cy-apres amplement déclaré : Combien qu'il semble que le priuilege de plaider pardeuant le Preuost de Paris, soit donné en faueur du creancier, pour contraindre son debteur de respondre & proceder pardeuant ledit Preuost de Paris, ou bien pardeuant le Iuge du domicile dudit debiteur : Toutesfois on tient au Chastelet que le Preuost de Paris est Iuge seul de son seel, & qu'il en cognoist priuatiuement à tous Iuges, soient Royaux, ou subalternes. En sorte que non seulement le creancier se peut ayder du priuilege du seel du Chastelet de Paris, & en ce faisant contraindre son debteur à plaider pardeuant le Preuost de Paris : mais aussi le debteur obligé sous le seel du Chastelet de Paris, encore qu'il ne soit demeurant en la Preuosté & Vicomté de Paris, ains en autre Baillage ou Preuosté Royale, ou bien en la terre d'un Seigneur haut-Iusticier, peut decliner la iurisdiction du Iuge, pardeuant lequel il est conuenu, & requerir estre renuoyé pardeuant le Preuost de Paris, à la iurisdiction duquel les parties contractantes se sont volontairement submises : Et du desny de renuoy, requis par le creancier, ou bien par le debteur, faudra appeler comme de Iuge incompetant, & releuer son appel pardeuant le Preuost de Paris, s'il y doit ressortir, ou bien en la Cour de Parlement.

Et conuient entendre, que l'exception declinatoire de iurisdiction,

33
L'exception
ou fin decli-
natoire &
de non pro-
ceder doit
estre alle-
guée auant
contestation
en cause.

& fin de non proceder pardeuant le Iuge, pardeuant lequel on est assigné, doit estre alleguée aupauant toutes exceptions, quoy que ce soit, auparauant contestation en cause: Car apres contestation, on ne pourroit alleguer incompetance, ny decliner la iurisdiction en laquelle on auroit esté adiourné, ny demander estre renuoyé pardeuant le Iuge de son domicile: *l. nemo post litem contestatam. Cod. de iurisdic. omni. iudic.* Aussi les Seigneurs Iusticiers sont tenus vendiquer leurs hostes & iusticiables, auparauant que la cause soit contestée: *quia ubi ceptum est iudicium, ibi finem accipere debet. l. ubi ceptum. ff. de iudic.* Et les Seigneurs Iusticiers se doiuent imputer de ce qu'eux & leurs officiers n'ont veillé à la conseruation des droicts de leurs Iustices. Aussi vn Iuge ne peut estre recusé, apres contestation en cause. *l. apertissimi. Cod. de iudiciis.*

34
Le Iuge in-
ferieur ne
renuoye pas
pardeuant le
Iuge supe-
rieur.

Pareillement conuient noter, que si le Iuge, pardeuant lequel le debiteur est pouruiuy, & duquel on demande le renuoy, est inferieur ou bien esgal au Preuost de Paris, il ne doit pas vser de ce mot, renuoy, ny renuoyer les parties pardeuant le Preuost de Paris: mais doit ordonner que les parties se pouruoiront pardeuant le Preuost de Paris: Comme les Iuges Royaux iouuent ordonnent, que les parties se pouruoiront à la Cour de Parlement, à certain iour, qu'ils leur assignent, soit de huitaine, quinzaine, ou autre, & ne renuoyent pas les parties à la Cour. Aussi la Cour ne renuoye pas vn Prestre, ou autre personne Ecclesiastique, pardeuant le Iuge d'Eglise: mais elle ordonne, que tel prisonnier sera rendu, ou bien delaisné à l'Euesque de Paris, ou son Official, pour estre contre luy procedé, pour raison du crime, duquel il est chargé, ainsi que de raison.

35
Quand on
est adiourné
pardeuant le
Iuge supe-
rieur n'est
besoin com-
paroir.

Dauantage est besoin entendre, que quand on est adiourné pour venir proceder sur certaine demande, ou intimé sur vn appel, pardeuant le Iuge superieur, comme pardeuant le Bailly au lieu du Preuost, ou en la Cour de Parlement, au lieu du Bailly, pardeuant lequel l'appel deuoit estre releué; il faut comparoir pardeuant le Iuge superieur, pardeuant lequel on est assigné, sans qu'on puisse faire aucune poursuite pardeuant le Iuge inferieur, soit par adiournement en desertion d'appel, ou autrement, fauant la loy *contra pupillum. §. is qui ad maius auditorium vocatus. ff. de re iudicata. Tamquam vetante eo, qui maius imperium habet in eadem iurisdictione, siue eadem causa*: comme dit le Iurisconsulte en la loy *iudicium soluitur. ff. de iudicijs.* Et lors faut soustenir estre follement assigné, ou bien follement intimé; & demander le renuoy de la cause, avec condamnation de despens. Si c'est en la Cour, sera besoin presenter requeste, pour auoir Commissaire à la Barre, afin d'oïyr les parties sur la folle intimation & renuoy requis pardeuant le Bailly de Sens; comme l'appel ayant esté releué *omisso medio.* Et le semblable est obtenu quand on a présenté requeste à la Cour, afin d'euoquer en icelle vne instance pendante pardeuant le Iuge ordinaire, soit le Preuost, Bailly de Sens, ou autre Iuge.

Et le priuilege octroyé au seel du Chastelet de Paris, d'attribuer au

Preuost de Paris, la iurisdiction & cognoissance des proces & differens meuz pour raison des contractz passez sous ledit seel, a lieu non seulement cōtre les personnes obligées, mais aussi contre leurs heritiers, & heritiers de leurs heritiers: lesquels en vertu de la commission du Preuost de Paris, on pourra faire adiourner pardeuant luy, & seront tenus y proceder. Le semblable est obserué quand le testament d'un defunct est passé pardeuant deux Notaires du Chastelet de Paris: Lors les legataires peuuent poursuivre, pardeuant le Preuost de Paris, les heritiers, & executeurs du testament du defunct testateur, afin d'auoir deliurance de leurs legs testamentaires. Et lesdits heritiers & executeurs sont tenus proceder pardeuant le Preuost de Paris, pour raison de tout ce qui concerne l'accomplissement & execution dudit testament: mesmes de rendre compte de l'execution testamentaire au Chastelet de Paris. Quant aux tiers detenteurs d'heritages generalement ou specialement hypothecquez à rentes constituées sous le seel du Chastelet de Paris, ils ne peuuent, par le moyen du priuilege dudit seel, estre conuenus ny poursuiuis pardeuant le Preuost de Paris, encores que suiuant la Coustume de Paris ils soient poursuiuis tant personnellement, que hypothecairement, pour le payement d'une rente, & arrerages escheuz de leur temps, & à escheoir à l'aduenir. Car la personnalité introduite par la Coustume de Paris, & par autres Coustumes, contre le tiers detenteur d'heritage obligé à une rente, n'est que subsidiaire, & accessoire à l'action hypothecaire: laquelle en ce cas est principale, & principalement considerée, comme auons declaré au 21. chapitre du present Traicté. Ce qui n'est quand l'action personnelle depend de contract, & obligation: d'autant que lors l'action personnelle est principale, & l'action hypothecaire est subsidiaire & accessoire seulement. Ce que dessus a esté plaidé & iugé en la Cour les penultiesme Avril 1557. & 14. Iuillet 1567. Et le Mardy 23. Avril 1596. fut dit auoir esté mal iugé par le Preuost de Paris, lequel auoit ordonné que deux habitans de Montmorency, detenteurs & proprietaires d'heritages specialement obligez à une rente constituée, par contract passé sous le seel de la Preuosté de Paris, procederoient pardeuant luy sur l'action personnelle & hypothecaire, contr'eux intentée à fin de payement, & continuation de la rente. Et en emendant le iugement, encores qu'ils fussent demeurans en pleine Preuosté, furent renuoyez pardeuant le Bailly de Montmorency: lequel Baillage est tenu en Pairie comme le Duché de Montmorency, & par ce moyen l'appel dudit Bailly ressortit nuëment en la Cour. Aussi ce priuilege d'attribution de iurisdiction est donné, non seulement au creancier, mais au debteur & obligé, comme il a esté dit cy-dessus.

Et qui plus est, le priuilege du seel du Chastelet de Paris s'estend, non seulement contre les obligez, & heritiers des obligez, demeurans au dedans du Parlement de Paris: mais aussi contre ceux qui sont demeurans hors le Parlement de Paris, soit Normandie, Bourgongne, Langue-

36
Le priuilege du seel du Chastelet de Paris, a lieu non seulement contre les obligez, mais aussi contre leurs heritiers.

37
Le priuilege du seel du Chastelet de Paris, a lieu aux testaments tout ainsi qu'aux contractz.

38
Le priuilege du seel du Chastelet de Paris n'a lieu contre le tiers detenteur.

Raison de ce que dessus.

39
Le priuilege du seel du Chastelet de Paris s'estend contre

ceux qui
sont demeu-
rans hors le
Parlement
de Paris.

40

Les prote-
ctions des
Ecoliers ne
s'estendent
point hors le
Parlement
de Paris.

41

Quand les
lettres de
Committi-
mus s'es-
tendent
hors le Par-
lement de
Paris, ou
non.

ou leurs heritiers, & heritiers de leurs heritiers, pourront en vertu de la commission du Preuost de Paris, & lettres Royaux d'attache estre adiournez pardeuant ledit Preuost, & tenus proceder pardeuant luy : non obstant le priuilege octroyé par la Chartre Normande aux habitans de Normandie, & à ceux qui sont demeurans en Bretagne : Comme il a esté iugé par arrest du Conseil Priué du Roy, contre vn habitant de Normandie. Combien que les priuileges octroyez aux Escoliers estudiant en Vniuersitez, estans au dedans du Parlement de Paris, de faire appeller toutes personnes, tant en action personnelle, réelle, que hypothecaire, pardeuant les Conseruateurs Royaux de leurs priuileges, ne s'estendent hors le Parlement de Paris : Aussi que le priuilege de *Committimus* octroyé aux Officiers Royaux, & à plusieurs personnes, tant Ecclesiastiques, qu'autres, demeurans au Parlement de Paris, n'ait lieu, sinon au Parlement de Paris, & ne s'estende aux Parlemens, esquels y a Requestes du Palais establies : comme au Parlement de Roüen, de Toulouse, & autres : ainsi qu'il fut iugé contre vn Chapelain de la sainte Chapelle du Palais à Paris, par arrest donné en plaidoyrie le 1. Avril, 1574. Toutesfois les domestiques de la maison du Roy, en vertu de leurs lettres de *Committimus*, peuuent faire appeller pardeuant Messieurs des Requestes du Palais à Paris, en actions pures personnelles, possessoires, & mixtes toutes personnes; encores qu'elles soient demeurantes hors le Parlement de Paris : Suiuant le 56. article de l'Edict faict à Moulins au mois de Feurier 1566.

42

Cōme s'en-
tend le pri-
uilege dōné
aux Bour-
geois de Pa-
ris, qu'ils ne
peuuent
estre tirez
hors des
murs, ny te-
nus plaider
hors Paris.

Quant au priuilege octroyé aux Bourgeois de Paris, par les lettres Patentes du Roy Louys XI. en datte du 9. Nouembre 1465. de ne pouuoir estre tirez hors des murs & closture de Paris, ny tenus plaider, ne respondre ailleurs qu'en ceste ville; il se doit entendre en defendant, non pas en demandant : ainsi qu'il est porté par la verification desdites lettres, faicte en la Cour le 20. Nouembre audit an 1465. *ut scilicet manentes & habitantes villa Parisiensis, non possint defendendo tantummodo alibi litigare, quàm infrà muros dictæ villa, nisi velint.* Tellement que sous ombre de ce priuilege, le Bourgeois de Paris ne peut pas faire conuenir, ny poursuivre ses debtors pardeuant le Preuost de Paris, ny les attirer dedans les murs de Paris, pour y plaider : Mais par le moyen de ce priuilege, le Bourgeois de Paris peut en matiere Ciuile decliner la iurisdiction de tous les Iuges, estant hors ceste ville, pardeuant lesquels il sera adiourné : & ne sera tenu plaider, ne respondre pardeuant eux, en quelque cause & matiere que puisse estre, soit personnelle, petitoire, ou possessoire; pour quelque priuilege que ce soit : Encore que l'action intentée contre le Bourgeois de Paris soit pure réelle, qui est le principal effect du priuilege : car en action personnelle, le droict commun assiste au defendeur, qu'il ne peut estre poursuiuy, que pardeuant le Iuge de son domicile : en sorte qu'en ce cas n'est besoin du priuilege au Bourgeois de Paris; si ce n'est contre vn priuilegié, comme vn Escolier d'Orleans, ou de Bourges : ou bien qu'il soit question de saisie feodale; ou de saisie faicte à faute de cens non payé, ou de recours de garantie; principalement quand le

le Bourgeois de Paris desnie estre garand. Et ce nonobstant le chapitre *extra. de foro competenti. la loy forma. §. agri, iuncta Glosa in verbo leuari. ff. de censib. & la loy, venditor. ff. de iudicijs.* cy-apres declarée. Et en tous les cas susdits, les bourgeois de Paris requerra estre renuoyé pardeuant le Preuost de Paris, son Iuge naturel & domiciliaire; Et du desny de renuoy appellera comme de Iuge incompetant, en la Cour de Parlement, en laquelle il releuera son appel, soustenant que *habet ius reuocandi domum*, & qu'il ne peut en defendant estre tiré hors des murs de Paris. Et suiuant ce que dessus on tient, que si l'heritage appartenant à vn bourgeois de Paris, situé au Baillage d'Estampes, de Senlis, ou ailleurs hors la Preuosté & Vicomté de Paris, est saisi à la requeste du Seigneur feodal, ou censier, ou bien d'un creancier demeurant en l'un desdits Baillages, ledit bourgeois pourra en vertu d'une commission du Preuost de Paris, ou de lettres Royaux fondées sur le priuilege susdit, faire adicurner le saisissant pardeuant le Preuost de Paris, afin d'apporter lettres & exploicts, en vertu desquels il a faict proceder par voye de saisie sur son heritage, pour contre l'exploict de saisie, estre receu à opposition, & auoir main-leuée: parce que ceste demande n'est sinon preparatoire, pour estre receu par le bourgeois de Paris defendeur, & opposant à la saisie de son heritage: & en ceste instance le bourgeois de Paris estant defendeur, le saisissant sera tenu proceder pardeuant le Preuost de Paris; en sorte que le bourgeois preuient au renuoy de la cause qu'il eust esté contraint de demander pardeuant le Iuge du saisissant. Ce que dessus a esté iugé par arrest donné en plaidoyrie le Lundy 13. Mars 1558. & 20. Nouembre 1565. Conformément au 112. art. de la Coustume Paris, declaratif du priuilege cy-dessus déclaré.

[Et neantmoins combien qu'il semble que ce priuilege donné aux bourgeois, doie estre estroitement gardé, & qu'ils ne doiuent estre tirez hors les murs de la ville de Paris: Si est-ce que par Arrest donné en l'Audience le Lundy 21. Nouembre 1605. President Monsieur de Blancmesny, fut iugé, que le priuilege des bourgeois de Paris en defendant, n'auoit lieu hors les Iurisdiccions de la Preuosté & Vicomté de Paris, *in actione merè reali: secus in hypothecaria aut personali*, auquel cas le bourgeois de Paris doit estre appelé pardeuant son Iuge en defendant. Cest Arrest donné entre Monsieur Despinoy Conseiller en la Cour de Parlement, pour lequel plaidoit Monsieur l'Allemand, & Claude Fournier intimé, pour lequel plaidoit Monsieur Tallon. N. B.]

Quand il est question de recours de garantie, & qu'il y a commission decernée par le Bailly d'Orleans, de Blois, ou autre Iuge Royal, pour adiourner vn bourgeois de Paris, pardeuant l'un d'eux, afin de venir prendre le faict & cause, & garantie pour celui qui a obtenu la commission: les Sergens du Chastelet ne mettent à execution ceste commission, sans permission du Preuost de Paris: lequel permet l'executer en parlant à la personne de celui qui doit estre adiourné, & en cas d'opposition, iour pardeuant luy. Si le bourgeois assigné deuant le Preuost de Paris desnie estre garand de celui qui a obtenu la commission, il sera ordonné que

43
Le bourgeois de Paris s'il peut estre appelé en sommation ailleurs que pardeuant le Preuost de Paris.

les parties procederont pardeuant le Preuost de Paris : sans que le bourgeois soit tenu comparoir pardeuant le Iuge qui a decerné la commission. Et si le bourgeois est directement adiourné, en cas de garantie, pardeuant l'un des Baillifs susdits, ou autre Iuge Royal : comme il peut estre par un Huissier des Comptes, ou des Requestes de l'Hostel, ou autre Huissier : ou bien parce qu'il est trouué sur le lieu, & desnyé estre garand : en ce cas il requerra estre renuoyé pardeuant le Preuost de Paris, & du desny de renuoy appellera en la Cour.

Quand le bourgeois de Paris confesse estre garand, il est tenu proceder pardeuant le Iuge du proces principal.

Si le bourgeois de Paris, en vertu de la commission de l'un des Baillifs susdits, est appelé pardeuant le Preuost de Paris, & confesse estre garand : on ordonnera qu'il sera tenu comparoir pardeuant le Iuge qui aura decerné la commission, pour prendre la cause & garantie pour celui qui l'a obtenuë, & demander renuoy de la cause pardeuant le Preuost de Paris, si bon luy semble. Car le Preuost de Paris ne peut pas euoquer l'instance principale pardeuant luy, & le Sergent ne la peut pas renuoyer, comme il sera dict cy-apres. Lors si celui qui a faict adiourner en garantie le bourgeois de Paris & defendeur, ledit bourgeois ayant prins la cause & garantie formelle pour celui qui l'a sommé, l'ayant mis hors de cause, & estant pour luy entré en cause : en ce faisant estant vraye partie, & necessaire defendeur en l'instance, il requerra la cause estre renuoyée pardeuant le Preuost de Paris. D'autant qu'en defendant il n'est tenu plaider ny respondre ailleurs, que pardeuant ledit Preuost de Paris, & ne peut estre tiré hors des murs de Paris ; & du desny de renuoy appellera, comme de Iuge incompetant, en la Cour. Si celui qui a faict adiourner en garantie le bourgeois de Paris, n'est pas defendeur, ains demandeur en petitoire, pour raison d'un heritage, lequel luy auoit esté vendu par le bourgeois, la propriété duquel luy est desniée : en ce cas, encores que le bourgeois de Paris prenne le faict, cause, & garantie formelle pour celui qui l'a sommé : toutesfois il ne peut pas demander renuoy de la cause pardeuant le Preuost de Paris, par le moyen du priuilege cy-deuant recité : parce qu'il ne plaide pas en defendant, ains en demandant, tenant le lieu de demandeur originaire, & que l'instance de sommation contre luy intentée est terminée, s'estant confessé garand. Le semblable doit estre dict, quand le bourgeois de Paris a faict transport de quelque debte, que le cessionnaire en a faict poursuite pardeuant le Preuost d'Orléans, & que la debte luy est desniée. Car encores que le cedant prenne le faict & cause pour le cessionnaire, & maintienne la debte luy estre loyaument deuë : neantmoins le cedant qui est bourgeois de Paris ne peut demander renuoy de la cause, pardeuant le Preuost de Paris, parce, comme dict est, qu'il ne plaide pas en defendant, & n'est pas en cause defendeur, ains demandeur.

Quand le bourgeois de Paris est seulement ioint en cause, ou partie interuante, au moyen d'une promesse d'indemnité, qu'il a baillée à un quidam, de l'acquiter d'une somme de deniers, en laquelle ledit quidam s'estoit obligé : ou bien de l'acquiter de partie de ladite somme : ledit bourgeois ne peut demander

Pareillement si le bourgeois de Paris n'est pas garand formel, mais seulement ioint en cause, ou partie interuante, au moyen d'une promesse d'indemnité, qu'il a baillée à un quidam, de l'acquiter d'une somme de deniers, en laquelle ledit quidam s'estoit obligé : ou bien de l'acquiter de partie de ladite somme : ledit bourgeois ne peut demander

renuoy de la cause pardeuant le Preuost de Paris: parce qu'il n'est pas vray defendeur en cause, n'est pas vraye partie, ne met pas celuy qui est adiourné hors de cause, comme il faut en garantie formelle: mais est seulement ioinct en cause, & ne peut, par le moyen de son priuilege, attirer la cause qui est intentée contre celuy qui est obligé, & personnellement poursuiuy, lequel demeure perpetuellement en cause. Et le semblable doit estre dict du bourgeois de Paris, qui se ioinct en cause avec son coheritier, à fin de l'acquiter pour sa portion hereditaire, de partie de la somme de deniers qui luy est demandée, ou de partie de l'heritage qu'on luy veut euincer. Car le bourgeois de Paris n'est pas le vray defendeur en cause, est ioinct seulement, & volontairement s'offre en cause, sans que le demandeur luy demande aucune chose. Et ce que dessus fut iugé & amplement deduit par Messieurs les Gens du Roy le Lundy dernier Ianuier mil cinq cens soixante-neuf, en la cause de Chapelier bourgeois de Paris, appellant du Bailly de Clermont, lequel estant garand formel, l'auoit debouté du renuoy par luy requis pardeuant le Preuost de Paris: a esté dit mal-iugé. Autre arrest du 2. Aoust 1575. *Secus dicendum*, si le bourgeois de Paris estoit adiourné à la requeste du demandeur originaire.

formel, il ne peut demander renuoy pardeuant le Preuost de Paris.

Aussi le 9. Decembre 1568. fut plaidé en la Cour: Sçauoir si le priuilege octroyé aux bourgeois de Paris, de n'estre tirez hors des murs & clostures de Paris, auoit lieu contre le tiltre de *quibus rebus ad eandem iudicem eatur. ff.* Et si le bourgeois de Paris estoit pas tenu plaider suiuant les lettres obtenues du Roy, pardeuant le Iuge Royal, au territoire duquel estoient demeurans la plus grande partie des heritiers d'un defunct, duquel le bourgeois de Paris estoit pareillement heritier en partie, & les biens de la succession situez au territoire dudit Iuge Royal: *Tanquam ius commune potentius sit priuilegio.* Et d'autant que le domicile de celuy, qui se pretendoit bourgeois de Paris, estoit reuouqué en doute, & soustenu qu'il estoit demeurant à Vernon, fut ordonné que les parties seroient tenues proceder pardeuant le Bailly de Meaux, auquel les lettres Royaux estoient adressantes.

Si le bourgeois de Paris en heredité ou partage peut estre tiré hors des murs de Paris.

Et d'autant qu'ordinairement le bourgeois de Paris est adiourné en sommation & recours de garantie, pardeuant le Iuge, au siege duquel l'instance est pendante, soit Royal ou subalterne: & qu'il semble s'il n'auoit le benefice & priuilege cy-dessus recité, qu'il seroit tenu proceder pardeuant le Iuge, pardeuant lequel le proces principal est intenté, suiuant la loy *venditor. ff. de iudicijs.* Il conuient entendre qu'en France nous suiuous la disposition de ladite loy *venditor.* Et suiuant icelle, le garand est tenu plaider pardeuant le Iuge; pardeuant lequel le proces principal est pendant, sinon en deux cas: Le premier, quand le pretendu garand desnie estre garand: auquel cas il doit estre poursuiuy pardeuant le Iuge de son domicile. Et s'il est adiourné pardeuant le Iuge, pardeuant lequel le proces principal est pendant: il requerra estre renuoyé pardeuant son Iuge domiciliaire, & du desny de renuoy il appellera. Le second cas auquel la loy *venditor*, n'a lieu, est, quand le garand

44
Interpretation de la loy venditor. ff. de iudicijs. & qu'elle n'a lieu en deux cas.

45
 Vn priuile-
 gié opposant
 fait euo-
 quer l'in-
 stance de
 criées aux
 Requestes
 du Palais,
 & toutes les
 dependances.

est priuilegié ; tant en demandant, qu'en defendant : comme s'il est domestique de la maison du Roy, ou Huissier en la Cour de Parlement, & ait les causes commises pardeuant Messieurs des Requestes du Palais. Lors il ne sera tenu, sinon plaider pardeuant lesdits Seigneurs des Requestes, se iointra en cause avec le demandeur ; fera renvoyer l'instance principale aux Requestes ; ou bien luy ou le demandeur la fera euoquer. Ainsi qu'un priuilegié estant opposant à des criées pendantes pardeuant le Bailly d'Orleans, ou autres Iuges, fait euoquer aux Requestes du Palais l'instance des criées, l'adiudication par decret, & toutes les oppositions formées ausdites criées, & ce apres qu'on a fait renvoyer, & retenir ausdites Requestes l'instance de son opposition. Lequel renuoy il peut faire faire, encore que les criées soient certifiées, & ordonné que l'heritage saisy sera adiugé : Parce que son opposition est vne action personnelle ; aussi qu'il n'y a rien de fait avec luy. Et dudit renuoy le Seneschal de Lyon ayant debouté Maistre Iean Siluinge Aduocat en la Cour, a esté dict, mal-iugé. Car ce n'estoit pas au Seneschal de Lyon, à cognoistre si le renuoy estoit bon ou non, mais la cognoissance en appartenoit à Messieurs des Requestes. Arrest pour ledit Siluinge le 8. Iuliet 1588. Et le semblable est obserué és Escoliers Iurez, lesquels comme garands se ioignent en cause, & en vertu de leurs lettres de protection, font renvoyer la cause principale, pardeuant les Conseruateurs des priuileges Royaux des Vniuersitez (encores que les Sergens ne puissent vser de renuoy, comme il sera dict cy-apres.) Pour ce regard y a arrests donnez en plaidoyrie les 3. Aoust 1570. vingt-septiesme Avril 1556. & 7. Feurier 1554.

46
 Autre inter-
 pretation de
 la loy ven-
 ditor. ff. de
 iudicijs.

Aucuns ont apporté vne autre & nouuelle distinction à la loy *venditor*, ff. de iudicijs, & dict : *Aut agitur ad rem defendendam* : & en ce cas ils soustienent que la defense ou empeschement de defense se doit proposer pardeuant le Iuge de la cause principale, pardeuant lequel le garand est appellé : lequel sommairement doit cognoistres'il est garand ou non, dicta *lege venditor. in verbis, ut cum euictionis nomine defenderet. Aut verò agitur ad interesse post euictionem secutam* : lors faut aller plaider pardeuant le

47
 La l. vendi-
 tor, n'a lieu
 cōtre le tiers
 detenteur.

Iuge du domicile du garand. Et ceste distinction fut alleguée en plaidoyrie le 4. Mars 1559. Aussi la loy *venditor*, n'a lieu, que contre le garand qui est obligé par contract, ou contre son heritier : & non contre le detenteur d'un heritage, cōtre lequel le demandeur n'a qu'une simple action hypothecaire : A ce que l'heritage par luy acquis soit déclaré hypothecqué au recours de garantie, despens, dommages & interets de la poursuite faite contre le demandeur. Lequel doit sommer la poursuite audit detenteur pardeuant le Iuge de son domicile, & contre luy conclurre aux fins dessusdites : Non pas en vertu de commission rogatoire, le faire adiourner hors de son Baillage pardeuant le Iuge de la cause principale. Et si le detenteur est adiourné pardeuant le Iuge de la cause principale, il comparoistra, & demandera son renuoy pardeuant le Iuge de son domicile : ou appellera de l'octroy de la commission, & de tout ce qui sera ensuiuy. Le meilleur est de comparoir, si

commodément faire se peut, & demander son renuoy : & en cas de refus appeller, tant de l'octroy de la Commission, que du desny de renuoy : principalement si le detenteur est demeurant hors le Baillage du Iuge pardeuant lequel la cause principale est pendante, & l'heritage assis hors d'iceluy. Si le detenteur est demeurant au Baillage, auquel le proces est pendant, ou si l'heritage y est assis : il semble que le detenteur sera tenu de proceder pardeuant le Iuge, pardeuant lequel le proces principal est pendant : attendu que l'action hypothecaire est réelle. Si le garand peut estre tiré hors de son Parlement, ou bien hors son Baillage seulement, a esté appointé au Conseil entre deux freres nommez les Rulis. Et ce que dessus fut plaidé en la Cour le Lundy 18. de Novembre 1566. *Imbertus latè tractat dictam legem venditor. in Institutionibus Forensibus, cap. 20.* & allegue la loy *cum venderet. Cod. ubi caus. fisca.* & la loy *minor. C. de evictio.*

Aussi il conuient entendre que le priuilege, par lequel les Bourgeois de Paris ne peuuent estre contraints plaider, ne respondre en defendant, ailleurs qu'en la ville de Paris, pour quelque cause & matiere que ce soit, a lieu en matiere ciuile : comme il est porté par le 112. art. de la nouvelle Coustume de Paris, & non en matiere criminelle. Cōbien que lors de la reformation de la nouvelle Coust. de Paris, ait esté soustenu tant par le Preuost des Marchands & Escheuins de la ville de Paris, que par le tiers Estat : Que le priuilege estoit general tant en matiere ciuile que criminelle. Et fut déclaré par Messieurs les Commissaires qu'ils n'entendoient aucunement preiudicier aux priuileges de la ville, & Bourgeois d'icelle : comme il est porté par le proces verbal de la Coustume. Parant communement on tient, que si vn Bourgeois de Paris a delinqué, & commis quelque crime en la ville de Beaumont, de Senlis, de Compiègne, ou autre lieu : le Iuge ordinaire du lieu cognoistra du crime, fera & parfera le proces au Bourgeois de Paris : sans qu'il puisse demander son renuoy pardeuant le Preuost de Paris. Ce qui est à present general par toute la France, suiuant le 19. article de l'Ordonnance faicte l'an 1564. pour le bien & reglement de la Justice, & police, par lequel est dit : Que si le delinquant est prins au lieu du delict, son proces sera faict & iugé en la Iurisdiction où le delict aura esté commis, sans que le Iuge soit tenu le renvoyer en autre Iurisdiction, dont l'accusé ou prisonnier se pretendra domicilié. Aussi suiuant le 35. article de l'Edict de Moulins, publié en la Cour le 23. Decembre 1566. par lequel en declarant & adioustant à la precedēte Ordonnance est dit : Que la cognoissance des delicts appartient aux Iuges des lieux où ils auront esté commis, nonobstant que le prisonnier ne soit surprins en flagrant delict. Et sera tenue Iuge du domicile renvoyer le delinquant au lieu du delict, s'il en est requis. Lesquelles Ordonnances sont conformes à l'authentique *qua in prouincia. Cod. ubi de crimine agi oporteat.*

La disposition de laquelle authentique, auparauant les Ordonnances susdites, n'estoit obseruée en France, sinon en deux cas : Le premier pour les captures : en sorte qu'il estoit permis, comme il est encores à present, au Iuge du lieu auquel le delict auoit esté commis, fust Royal ou

48
Le Bourgeois de Paris en matiere criminelle doit plaider au lieu, auquel il a commis le delict.

49
En France le proces est fait au delinquant par le Iuge du lieu, laquelle delict a esté commis.

50
Comme l'authentique qua in prouincia. C.

vbi de cri-
mine agi
oporteat,
estoit anciē-
nement pra-
tiquée en
France.

subalterne, d'informer, decreter, & faire les captures de tous delin-
quans au dedans de son territoire. Le second cas, auquel la disposition de
ladite authentique estoit obseruée, estoit de Parlement en Parlement, &
non es Iustices inferieures & subalternes, Royales ou non, estans de
mesme Parlement. En sorte que si vn habitant du Parlement de
Roüen ou de Bourdeaux auoit delinqué au Parlement de Paris, son
proces estoit faict, & estoit puny au Parlement de Paris : & *à conuerso*.
Mais si vn Bourgeois de Paris auoit delinqué à Beaumont, à Senlis, ou
ailleurs : ou bien vn bourgeois d'Orleans auoit delinqué à Blois, ou
Estampes : le delinquant ayant esté pris prisonnier par le Iuge, au terri-
toire duquel le delict auoit esté commis, estoit renuoyé pardeuant le Iu-
ge de son domicile, pour luy faire & parfaire son proces, si le Iuge estoit
Royal. Et si le Iuge estoit subalterne, le Seigneur haut-Iusticier vendi-
quant son subiet, il luy estoit renuoyé : tout ainsi qu'en matiere ciuile.
Et sic quemadmodum in ciuili causa, actor sequitur forum rei : aussi aupara-
uant les susdites Ordonnances *in criminali negotio accusator rei forum sequi*
debebat : suivant la disposition de droict commun, *in l. in criminali. Cod. de*
iurisd. omnium iudic. Arrest donné en la Chambre, le Lundy 15. May
1553. Autre Arrest donné à la Tournelle le Samedy 24. Octobre 1556.
Autre Arrest aussi donné à la Tournelle le 6. Iuillet, 1555.

si
Quels pri-
uileges &
attribution
de Iurisdic-
tion, empor-
tent les gar-
des gar-
diennes.

Quant aux gardes gardiennes octroyées à Communautéz, mesmes à
plusieurs Chapitres, Abbayes, Prieurez, & Eglises de ce Royaume, (qui
n'est autre chose qu'un priuilege de tirer leurs debtors & redeuables
hors leur Iurisdiction, & les faire plaider pardeuant le Iuge Royal de-
nommé es lettres de garde gardienne) elles ne peuuent auoir effect de
priuilege, si elles ne sont verifiées en la Cour de Parlement, suivant l'ar-
rest donné en plaidoyrie le 6. iour de Feurier, 1564. Et supposé qu'elles
soient deuëment verifiées : toutesfois elles ne peuuent auoir lieu, sinon
pour le regard de ceux qui vacquent au seruice diuin, non pas qu'un
Masson, vn Charpenier, ou autre artisan de l'Eglise, à laquelle a esté
octroyée garde gardienne, se puisse ayder d'icelle, & auoir ses causes
commises pardeuant le Iuge denommé en la garde gardienne. Com-
me il a esté iugé par Arrest donné en plaidant, le Vendredy apres dis-
né 5. Ianuier, 1562. contre le Masson de l'Eglise Cathedrale de Senlis,
qui auoit faict adiourner pardeuant le Bailly de Senlis, vn habitant du-
dit lieu : lequel fut renuoyé pardeuant le Preuost dudit Senlis. Aussi
il faut regarder, si la garde gardienne est donnée au corps & Commu-
nauté seulement : comme au Chapitre, & non aux particuliers Chanoines
& Chapelains : car en ce cas les particuliers ne pourroient vser du pri-
uilege de la garde gardienne : *Quia quod est vniuersitatis, non est singulo-
rum : & libertus vniuersitatis, non est libertus singulorum. Quod vniuersitati*
debetur, singulis non debetur, nec quod debet vniuersitas, singuli debent, l. si-
cet. ff. quod cuiusque vniuersit. l. 2. l. cum senatus. ff. de rebus dubijs. Et enco-
res que le priuilege soit donné aux particuliers du Chapitre : toutesfois
plusieurs sont d'aduis qu'ils n'en peuuent vser, sinon contre ceux qui leur
sont debtors & redeuables, à cause de leur Prebende ou Chapelle : non

pas contre ceux qui leur sont debtors, à cause de leurs autres Benefices, ou pour autre cause.

Il conuient noter, que la garde gardienne ne s'estend ordinairement sinon au dedans du territoire du Bailly ou Preuost, auquel la cognoissance des causes est attribuée. Non pas qu'en vertu d'icelle on puisse attirer ceux des autres Baillages, comme de Blois, de Tours, ou de Chartres, pardeuant le Bailly d'Orleans, ou pardeuant autre Bailly, ou Preuost Royal, auquel la cognoissance est attribuée par les lettres de garde gardienne. Et pour ce regard est besoin veoir la teneur des lettres, avec la verification d'icelles faicte en la Cour de Parlement. Car il y a plusieurs gardes gardiennes, qui s'estendent outre le territoire du Bailly ou du Preuost, auquel la cognoissance des causes est attribuée. Comme le Chapitre de Beauuais, pareillement le Chapitre de Meaux, ont leurs causes commises pardeuant le Preuost de Paris: & en vertu de leur garde gardienne ils font ordinairement conuenir pardeuant ledit Preuost de Paris, tous leurs debtors & redevables, demeurans au dedans du ressort du Parlement de Paris: tout ainsi que les Escoliers iurez & priuilegiez de l'Vniuersité de Paris.

Dauantage est besoin entendre, qu'és Commissions deliurées sur les gardes gardiennes, on ne doit mettre, Que le Sergent fasse commandement au Iuge pardeuant lequel la cause est pendante, icelle renuoyer pardeuant le Iuge denommé en la garde gardienne, & qu'en son refus le Sergent la renuoye. Car ceste clause ne se met qu'és lettres de *Committimus*, esquelles le Roy parle. Aussi qu'il n'y a que Messieurs des Requestes du Palais, qui puissent cognoistre du debat du renuoy, iustice ou iniustice d'iceluy. Tellement qu'en garde gardienne, & en la cause d'un Escolier, ou d'un autre priuilegié d'une Vniuersité, ou d'autre Communauté priuilegiée, il faut demander le renuoy de la cause au Iuge, pardeuant lequel elle est pendante: *Et cius est existimare an sua sit iurisdictione, an non*: suiuant le texte formel & vulgaire en la loy *si quis ex aliena. ff. de iudicijs*. Si le Sergent apres le refus du Iuge faict renuoy de la cause, on appellera de son exploit, & sera dit mal exploité & renuoyé. Comme il fut iugé par arrest donné à la Tournelle, le Samedy 8. Iuin, 1562. Et par arrest donné le 26. Aueil, 1566. defences furent faictes aux Grefriers de deliurer Commissions sur gardes gardiennes, ou en forme de protections baillées aux Escoliers & supposits des Vniuersitez, ou bien à autres priuilegiez, portans clause, Que au refus de renuoyer la cause par le Iuge, le Sergent la puisse renuoyer: car cela n'a lieu qu'és lettres de *Committimus*, comme il a esté dit cy-dessus. Tellement que l'Escolier ou autre priuilegié, se doit pouruoir par appel, & appeller comme de Iuge incompetent, du refus & desny de renuoy faict par le Iuge, pardeuant lequel la cause estoit pendante.

Quand deux Priuilegiez sont concurrents ensemble, comme un domestique de la Maison du Roy, qui vse de ses lettres de *Committimus*, & un Escolier qui se defend de son priuilege de Sclarité, & lettres de protection: le priuilege plus fort & plus grand fait cesser le moindre: Tellement

52
En quels
Baillages
les gardes
gardiennes
s'estendent.

53
Le Sergent
ne peut en
vertu de
gardes gar-
diennes ou
protections
faire renuoy
des causes,
mais seule-
ment en ver-
tu des lettres
de *Com-
mittimus*.

54
En concu-
rence de pri-
uilegiez, co-
me on se

doit con-
duire.

que celui qui use de lettres de *Committimus*, sera préféré, & sera renuoyer la cause de l'Escolier pardeuant Messieurs des Requestes du Palais, pardeuant lesquels l'Escolier sera tenu proceder, suiuant la loy *iudicium soluitur. ff. de iudicijs*. Si les deux priuilegiez sont esgaux, & pareils en priuileges, comme deux Escoliers, *mutuo concursu sese impediunt, confunduntur priuilegia, & pro priuilegiatis non habentur. l. vtrum. §. finali, ff. de minori- bus. l. sed & similites ff. de excusationibus tutorum*. Partant en ce cas, suiuant la disposition du droict, le demandeur sera tenu suiure le domicile du de- fendeur, & le poursuiure pardeuant son Iuge naturel & domiciliaire: ou bien les parties seront renuoyées pardeuant le Iuge Royal du lieu auquel l'heritage controuersé sera assis, ou le Benefice contentieux sera situé.

ss
Prinuilege
donné aux
Principaux,
Maistres &
Lecteurs en
l'Vniuersité
de Paris, de
faire conue-
nir leurs
debtours
pardeuant
le Preuost de
Paris.

Aussi par lettres du Roy Henry II. du 24. Ianuier 1555. il est per- mis aux Maistres, Principaux des Colleges, Lecteurs ordinaires, & Pre- cepteurs en l'Vniuersité de Paris, tenans en Colleges ou maisons, enfans, & Escoliers: faire conuenir pardeuant le Preuost de Paris, Conseruateur des priuileges Royaux de ladite Vniuersité, ou pardeuant le Conserua- teur Apostolique, toutes personnes, non seulement du Parlement de Pa- ris, mais aussi du Parlement de Roïen, & de tous autres Parlemens du Royaume, pays, terres & Seigneuries de l'obeyssance du Roy, pour auoir payement des sommes de deniers qui leur sont deuës pour la pen- sion, chambre, & autres menuës necessitez par eux fournies ausdits en- fans & Escoliers.

ENCORES QUE LE ROY N'AIT DROICT
de preuention, les subiets des Seigneurs Iusticiers ne peuuent decliner la Iurisdiction Royale, s'ils ne sont vendiquez par leurs Seigneurs. Et quand les haut-Iusticiers peuuent eriger de nouuel, ou reedifier leurs fourches patibulaires.

- | | |
|---|--|
| <ol style="list-style-type: none"> 1 Raisons par lesquelles il semble, que le Roy a droict de preuention par tout le Royaume. 2 Le Roy n'a droict de preuention en la Preuosté & Vicomté de Paris. 3 Les Seigneurs sont tenus requerrir & vendiquer leurs iusticiables par- deuant le Iuge Royal. 4 Appel du desny de renuoy. 5 Le haut-Iusticier ne peut appeller de l'oëtroi de la commission decernée par le Iuge Royal, pour adiourner un sien subiet & iusticiable. 6 Comme, & quand le subiet du haut-Iusticier doit comparoir pardeuant le Iuge Royal, estant adiourné à | <ol style="list-style-type: none"> comparoir en personne. 7 Le Iuge Royal peut faire executer sur les terres des haut-Iusti- ciers, les sentences de mort par luy données. 8 Ancien arrest de ce que dessus. 9 Les Officiers de l'Euesque de Pa- ris ne peuuent faire executer à mort en la ville & faux bourgs de Paris. 10 On ne peut de nouuel eriger four- ches patibulaires, ny les faire reedifier, apres l'an & iours qu'elles sont tombées, sans con- gé du Roy. 11 Raison de ce que dessus. |
|---|--|

12 Fourches

- 12 Fourches patibulaires sont signes de haute Iustice.
- 13 Les Piloris, Eschelles, & posteaux à mettre carquan, comme peuvent estre de nouuel erigez ou replantez. Et si le Roy a Pilory, le haut Iusticier ne le peut auoir en mesme ville.
- 14 Que les fourches patibulaires se doiuent esleuer, selon la Coustume des lieux.
- 15 Quelles sont les fourches patibulaires des haut-Iusticiers de la Preuosté & Vicomté de Paris.
- 16 Anciennement il n'y auoit en la Preuosté & Vicomté de Paris qu'un Comte, & quatre Barons, & n'y auoit point de Duc.
- 17 Le Roy peut eriger fourches patibulaires, en telle forme que bon luy semble.

CHAPITRE IX.



COMBIEN que le Roy ait droict de preuention en plusieurs Prouinces de son Royaume, comme en Champagne, Anjou, & autres: & qu'aucuns ayent voulu soutenir que ce droict de preuention deuoit estre general par tout le Royaume, parce que le Roy ayant faict ce bien & cet honneur aux Ducs, Marquis, Comtes, Barons, & autres Seigneurs, les subiets & vassaux, de leur donner & octroyer droict de Iustice en leurs terres & seigneuries, ledit Seigneur (comme ils diēt) ne s'est pas priué du tout, du droict de Iustice, qu'il auoit esdites terres & seigneuries: *sed eandem iurisdictionem & potestatem, inuē maiorem penes retinuit.* Tout ainsi que nostre Saint Pere, quand il a donné aux Archeuesques, Euesques & autres, le droict de conferer les Benefices estans au dedans de leurs Dioceses, il s'est reserué le droict de preuention: Suiuant le chapitre *Dudum*, & le chapitre *si à sede. de prabendis. in sexto. & 6. neque etiam collationes per praentionem. tit. de collat. in Pragmatica sanctione.* Tellement que la concession du droict de Iustice faicte par le Roy, aux Ducs, Comtes, & autres Seigneurs de son Royaume, *cumulatiuē facta est, & non priuatiuē*, comme nous auons monstré au 25. chapitre du present Traicté. Et ainsi a esté plusieurs fois soutenu par Messieurs les Gens du Roy. Mesmes quand il fut question d'aliener l'Hostel de Nesle, dont la cause fut playdée en la Cour contre les Religieux, Abbé, & Conuent de saint Germain des Prez, le 20. Feurier 1552. Semblable cause plaidée le 20. Iuillet, l'an 1559. Autre cause plaidée le Mardy 10. Decembre, 1585. entre les Officiers Royaux de Noyon, & Monsieur l'Euesque dudit lieu. Aussi ce que dessus fut amplement deduit, lors que la cause d'entre Monsieur le Procureur General du Roy, & Monsieur l'Euesque de Paris fut plaidée en la Cour de Parlement, touchant la Iustice & la censue des Hostels de Flandre & de Bourgogne, assis en ceste ville de Paris.

¹ Raisons par lesquelles il semble que le Roy a droict de preuention par tout le Royaume.

Toutesfois la verité est, qu'en la Preuosté & Vicomté de Paris, le Roy n'a droict de preuention sur les subiets des Seigneurs Iusticiers, soit en matiere ciuile ou criminelle: Et le Preuost de Paris, ou autre Iuge

² Le Roy n'a droict de preuention en

la Preuosté
& Vicomté
de Paris.

Royal, encores qu'il ait preuenu, doit renuoyer le subiet du haut, moyen, ou bas Iusticier pardeuant son Iuge naturel & domiciliaire, quand il est vendiqué par son Seigneur: Sinon en cas Royal, & priuilegié, ou de ressort: suivant le 15. article de l'Ordonnance du Roy Philippes le Bel, publiée au mois de Mars, 1302. Autrement on peut appeller du desny de renuoy, & fonder l'appel sur incompetance.

3
Les Seigneurs sont
tenus requierir & vendiquer leurs
iusticiables
pardeuant
le Iuge
Royal.

Bien est vray que pour conseruer l'autorité & prééminence que le Roy a sur tous les Seigneurs Iusticiers de son Royaume, & monstrier que le droict de Iustice procede de sa Majesté, on a tousiours gardé, que si le subiet d'un Seigneur subalterne, est adiourné pardeuant le Iuge Royal, au Baillage, ou Preuosté duquel il est demeurât: comme s'il est demeurant en la Preuosté & Vicomté de Paris, & soit adiourné pardeuant le Preuost de Paris: ledit subiet, encores qu'il soit iusticiable d'un Pair de France, ou autre Seigneur haut Iusticier, ne peut decliner la Iurisdiction du Preuost de Paris. Et s'il appelle du desny de renuoy, il sera déclaré non receuable en son appel, parce qu'il ne peut desnier qu'il ne soit subiet naturel du Roy. Mais il est necessaire que le Seigneur haut Iusticier compare pardeuant le Iuge Royal, & le vendique comme son subiet & iusticiable. Lors le Iuge Royal *cognoscere debet an sua sit iurisdicatio, an non*. Et s'il ordonne qu'il procedera pardeuant luy, le Seigneur haut Iusticier appellera du desny de renuoy, comme de Iuge incompetant, & entreprise de Iurisdiction. Pour grief alleguera, que sa Iustice, suivant la commune vñance de France, luy est patrimoniale, & faict partie du reueu, profit & emolument de son fief, lequel est patrimonial & hereditaire. Et sera dit mal refusé, mal desnié, comme nous auons amplement deduit au chapitre precedent. Ou bien si le Seigneur haut-Iusticier n'a vendiqué son subiet pardeuant le Iuge Royal, & le subiet soit appellant du desny de renuoy, le Seigneur en cause d'appel se joindra avec son subiet, le vendiquera, & avec luy conclura en l'appel. Et sans l'adionction & vendication du Seigneur, le subiet ne seroit receuable en son appel, encores qu'il mist en fait que son Seigneur eust esté pratiqué & gaigné par la partie aduise, à ce qu'il ne le vendiquast. La raison est, que le Seigneur ayant le principal interst au renuoy, au moyen de ce que sa Iustice est patrimoniale, il peut renoncer au profit d'icelle: Ainsi qu'il fut plaidé & iugé pour vn nommé Rousseau, Medecin, contre vn Gentil-homme iusticiable du Seigneur de Bleré, le 3. Septembre, 1554. Et que les Pairs de France soient tenus requierir leurs subiets, fut iugé contre Monsieur de Neuers, Seigneur de Donziais, le 20. Nouembre 1552. Ainsi est porté par la verification faicte en la Cour de Parlement le 15. Nouembre, 1554. des lettres patentes en forme de Declaration, obtenues par les Preuosts Royaux le 17. Iuin audit an.

4
Le haut Iusticier ne
peut appeller
de l'octroy de
Commission

Et le Roy a si grand droict de Iustice, autorité & prééminence sur tous les haut-Iusticiers de son Royaume, & leurs subiets: que le Seigneur Iusticier n'est receuable à appeller *recta via*, de l'octroy de la Commission emanée du Iuge Royal, au ressort duquel est assise sa haute Iustice: par laquelle est mandé adiourner pardeuant ledit Iuge Royal, vn subiet

audit haut Iusticier. Mais ledit haut Iusticier est tenu comparoir pardevant le Iuge Royal, & requerr son subiet & iusticiable: Ainsi qu'il fut plaidé en la Cour le 26. Iannier, 1552. contre le defunct Admiral de Chastillon, appellant de l'octroy & execution d'une Commission decernée par le Bailly de Montargis. Et l'arrest pour la consequence fut iudiciairement prononcé le 7. Feurier ensuiuant. Autre arrest contre les Religieux de S. Martin des Champs de ceste ville, pour vn homicide commis en la rue Grenier saint Ladre, du dernier Decembre, 1551. Conformément au 15 article de la nouvelle Coustume du pays de Normandie, lequel porte ; Que les haut-Iusticiers sont tenus demander aux Iuges Royaux, le renuoy des causes, dont ils pretendent la cognoissance leur appartenir, sans qu'ils puissent user de defenses, à l'encontre desdits Iuges Royaux, & des subiets du Roy. Aussi suivant la disposition de droit, *in l. si quis ex aliena. in verbis, in ius vocanti veniant privilegia sua allegaturi. ff. de iudic. & in l. de iure. in verbis, praesedum provinciarum cognitio est. ff. ad municipales.*

Aussi si le subiet du haut Iusticier, est adiourné à comparoir en personne pardevant le Iuge Royal, au ressort duquel il est demeurant, il est tenu comparoir en personne, & ne peut decliner la Iurisdiction du Iuge Royal, sinon en comparoissant, & estant vendiqué par son Seigneur. Ainsi qu'il fut iugé contre Monsieur de Nevers, appellant du Lieutenant criminel d'Auxerre, le 20. Novembre, 1559. Et contre Monsieur l'Evesque de Soissons, le 24. Novembre, 1562. le tout à l'audience. *Secus dicendum*, si le subiet d'un haut Iusticier estoit adiourné pardevant un Iuge Royal, au ressort duquel il ne fust demeurant: comme s'il estoit demeurant à Estampes, & estoit adiourné pardevant le Preuost de Paris; en ce cas le subiet, sans l'adionction de son Seigneur, peut decliner la iurisdiction du Preuost de Paris, & du desny de renuoy appeller. Et le semblable doit estre dit, s'il est demeurant en Iustice Royale, ou bien s'il est adiourné pardevant un Iuge subalterne: car en ce cas, il peut sans requisitoire de son Seigneur, demander son renuoy, & du refus en appeller. Ainsi qu'il fut iugé en plaidoyrie pour un appellant du Iuge d'Angoulesme, le Lundy 8. Octobre, 1554. & contre Monsieur de Nevers, Seigneur de S. Florentin, le 8. Iuillet, 1555.

Or combien que le Roy n'ait droit de preuention, es terres des Seigneurs haut-Iusticiers, de la Preuosté & Vicomté de Paris: toutesfois ledit Seigneur peut faire executer à mort sur les terres desdits haut-Iusticiers les mal-faïcteurs, qui sont condannez par sentence du Preuost de Paris: ainsi que nous voyons ordinairement: & ce suivant vn ancien arrest, duquel la teneur ensuit.

In nouo Burgo Episcopi, in domo Ferrici de Salueria accidit; Quod quadam camberaria occidit dominam suam, & iactauit eam in camera priuata. Postea dicta camberaria inuenta fuit in burgo Episcopi, saisita & vestita de tunica & cinctura, & de eleemosynaria & de monili dominae suae occisae. Et propter hoc factum, praepositi Domini Regis fecerunt eam infodiri viuam. Et visum est, quod Dominus Rex habet omnes auenturas molcarum, & foris factorum, & alia-

decernée par
le Iuge Royal
pour adiour-
ner un sien
subiet &
iusticiable.

6
Comme &
quand le sub-
iet du haut-
Iusticier doit
comparoir
pardevant le
Iuge Royal,
est-il adiour-
né à compa-
roir en per-
sonne.

7
Le Iuge
Royal peut
executer sur
les terres des
haut-Iusti-
ciers, les
sentences de
mort par luy
données.

8
Ancien Ar-
rest de ce que
dessus.

rum rerum extra Parisius, in cheminis infra banleucam, & amplius in pluribus locis. Et en la marge est escrit : *Quod Rex in banleuca habet altam iustitiam.* Extraict des Registres de la Chambre des Comptes, en vertu de la requeste présentée à ladite Chambre par le Procureur du Roy au Thresor, decretée au Bureau, le neufiesme Avril 1540. apres Pasques. Ainsi signé le Maistre.

9
Les Officiers
de l'Euesque
de Paris, ne
peuvent fai-
re executer
à mort, en
la ville &
faux bourgs
de Paris.

Aussi combien que les haut-Iusticiers, mesmes de ceste ville de Paris, pretendent pouuoir faire executer sur leurs terres, les mal-faicteurs qui sont condamez à mort par leurs Iuges, les sentences desquels sont confirmées par Arrest de la Cour : Toutesfois les Officiers de Monsieur l'Euesque de Paris, ne peuvent faire executer à mort en ceste ville & faux-bourgs de Paris, ceux qui sont par eux condamez ; ains les doiuent faire executer à mort és fourches patibulaires de saint Cloud, ou en autre terre dudit Seigneur Euesque, hors la Banlieue de Paris : suivant le contract vulgairement appellé le traicté de paix faict entre le Roy Philippes, & les predecesseurs Euesques de Paris, en l'an 1270. transcript *in libro de Temporalitatibus*, estant en la Chambre des Comptes, fol. 12. Et s'il est besoin que l'execution de mort soit faicte en ceste ville, faux-bourgs ou banlieue de Paris, elle est faicte par la Cour, comme par main souveraine.

10
On ne peut
de nouuel
eriger four-
ches patibu-
laires, ny les
faire reedi-
fier apres
l'an & iour
qu'elles sont
tombées,
sans congé
du Roy.

En cet endroict conuient entendre, combien que les haut-Iusticiers ayent ordinairement fourches patibulaires, à deux, trois, ou quatre pilliers : tant pour signe & marque de leur haute Iustice, que pour l'execution d'icelle : toutesfois lesdits haut-Iusticiers ne peuvent sans le congé du Roy, enteriné par le Iuge Royal, de nouuel faire eriger & bastir fourches patibulaires, au dedans des fins & limites de leur haute Iustice. Pareillement ne peuvent de leur autorité priuée, faire releuer, redresser, & reedifier les fourches patibulaires anciennement basties par eux, ou leurs predecesseurs, sinon dedans l'an & iour qu'elles sont tombées, ou ont esté abbatuës. Et apres l'an & iour est besoin, selon l'usage de France, obtenir lettres Royaux, adressantes au Iuge Royal & principal de la Province, au dedans de laquelle lesdites fourches patibulaires estoient basties, soit Bailly, Seneschal ou Preuost, selon la forme contenuë au Prothocole de Chancellerie : Par lesquelles sera mandé audit Iuge Royal, que appellé le Procureur du Roy, & autres qu'il appartiendra, s'il luy appert que l'impetrant ait droict de haute Iustice en tel bourg ou village, qu'en tel lieu anciennement y ait eu fourches patibulaires à quatre pilliers ; qu'en icelles les Iuges des predecesseurs de l'impetrant ayent faict faire executions de haute Iustice, que lesdites fourches patibulaires soient à present cheutes, & du tout en ruine ; que les marques & vestiges anciens desdites fourches patibulaires soient encores apparens : En ce cas permettre à l'exposant releuer, redresser & reedifier lesdites fourches patibulaires au lieu & place, en laquelle anciennement elles estoient, ou en autre lieu plus commode, au dedans des fins & limites de la haute Iustice de l'exposant, ainsi qu'elles estoient au temps passé.

Que pour l'erection nouvelle, ou reedification des fourches patibu-

lares, soit besoin obtenir lettres Royaux, & les faire enteriner par le Juge Royal de la Prouince : la raison est apparente, tant pour la consequence, que pour empescher les entreprises, qu'on pourroit facilement faire sur les droicts du Roy, & Iustices appartenantes à sa Majesté, si vn Seigneur de son autorité priuée, pouuoit de nouuel faire eriger ou reedifier fourches patibulaires : lesquelles sont signes & marques, non seulement de droict de haute Iustice, mais de possession & exercice d'icelle.

Ce qui a esté dict cy-dessus des fourches patibulaires, doit estre obserué pour les Pilloris, Eschelles, Posteaux à mettre Carquans : lesquels ne peuuent estre de nouuel plantez, ny apres l'an & iour de la cheute d'iceux releuez & replâtez par les Seigneurs haut-Iusticiers, avec leurs armoiries empreintes esdits Pilloris, Eschelles, & Posteaux, sans congé du Roy, enteriné par le Juge Royal. On tient que les haut-Iusticiers ne peuuent auoir Pilloris en la ville, heurg, ou bourgade, en laquelle le Roy a Pillory. Et lors les haut-Iusticiers se doiuent contenter d'eschelles & posteaux à mettre carquans, comme nous voyons en ceste ville de Paris. Ainsi qu'il est amplement deduit & déclaré au grand Coustumier de France, & instruction de pratique, au titre des droicts appartenans au Roy.

Aussi il conuient entendre que les fourches patibulaires se doiuent esleuer & eriger selon la Coustume des lieux & qualité des haut-Iusticiers. Car par aucunes Coustumes, comme de Touraine, Anjou, & le Maine, les Comtes peuuent eriger fourches patibulaires, à six pilliers : les Barons peuuent auoir Iustice patibulaire à quatre pilliers : les Seigneurs Chastelains qui n'ont droict de Comté, Vicomté, ou Baronnie, peuuent auoir Iustice patibulaire à deux pilliers.

En la Preuosté & Vicomté de Paris, les haut-Iusticiers n'ont point de fourches patibulaires à plus de quatre pilliers. Quelques Barons, quelques Chastelains, & aucuns simples haut-Iusticiers ont fourches patibulaires à quatre pilliers ; les autres à trois pilliers, & aucuns à deux pilliers : selon leurs tiltres & possession immémoriale. Et n'est besoin pour ce regard, aucune chose innouer ou rechercher, ains laisser les choses en tel estat qu'elles sont : pour euitier à infinis proces. De faict ceux qui ont eu charge de rediger la nouvelle Coustume de Paris, & reformer l'ancienne, ont mis au 3. article des droicts concernans la haute Iustice, transcrits au 2. chapitre du present Traicté: Que les Comtes, Barons, & Chastelains, ont droict de Pillory, Eschelle, & fourches patibulaires à quatre Pilliers : Et aussi les haut-Iusticiers, lesquels sont fondez en tiltre ou possession immémoriale. Et audit article n'est faicte aucune mention de Ducs : Parce qu'anciennement il n'y auoit aucun Duc en la Preuosté & Vicomté de Paris : & n'y auoit qu'un Comte, qui estoit le Comte de Dammartin : & quatre Barons, qui estoient les Barons de Montmorency, de Monjay, de Cheureuse, & de Massi : Plusieurs Seigneurs Chastelains, & infinis haut-Iusticiers. Pendant le regne du Roy Henry II. la Baronnie de Montmorency, a esté erigée en Duché & en l'une des Pairies de France : Et la Baronnie de Cheureuse en Duché. Et depuis l'erection desdites Baronnies en Duchez, lesdits Seigneurs de Cheureuse &

11
Raison de ce
que dessus.

12
Fourches patibulaires
sont sign
de haute-
Iustice.

13
Les Pilloris,
Eschelles &
posteaux à
mettre car-
quans com-
me de nou-
uel peuuent
estre erigex,
ou replâtez :
Et si le Roy
a pillory, le
haut-Iusti-
cier ne le
peut auoir
en mesme
ville.

14
Que les
fourches pa-
tibulaires se
doiuent esle-
uer selon la
Coustume
des lieux.

15
Quelles sont
les fourches
patibulaires
des haut-
Iusticiers en
la Preuosté
& Vicomté
de Paris.

16
Ancienne-
ment il n'y
auoit en la
Preuosté &
Vicomté de
Paris, qu'un
Comte, &

quatre Ba- de Mōtmoency, n'ont aucunemēt immué leurs fourches patibulaires, & rons. & n'y se sont cōtentez de celles qui auoient esté erigées par leurs predecesseurs.

auoit point
de Duc.

17

Le Roy peut
eriger four-
che patib-
ulaires en tel-
le forme que
bon luy sem-
ble.

Quant au Roy, il est certain qu'il peut au dedans de ses hautes Iustices, faire eriger, leuer & edifier fourches patibulaires, en telle sorte, forme, & à tant de pilliers que bon semblera à sa Majesté : Pour marque & signe de la souueraineté, superiorité, & preéminence qu'il a sur tous les Seigneurs haut-Iusticiers estans au dedans de son Royaume, pays, terres, & Seigneuries de son obeyssance.

Quod erectio furcarum sit signum meri imperij, & quando eas erigere vel reficere liceat inconsulto Principe, latè tractat Chassanaus, és Coustumes de Bourgogne, au tiltre des Iustices, & droicts d'icelles, article huitiesme: Post Doctores in l. capitalium. §. famosos latrones in locis ubi grassati sunt, furca figendos compluribus placuit. ff. de pœnis. Baldum in l. à procuratore. C. mand. & Oldradum consil. 6.

QUAND LA IUSTICE EST COMMUNE ENTRE


le Roy, & quelque Seigneur; comme elle doit estre exercée: Lors qu'il y a effusion de sang, la cognoissance du delict appartient au haut-Iusticier: Et de quelles causes doit cognoistre le Iuge du Seigneur qui a Iustice iusques à soixante sols.

- 1 Quand le Roy a portion en vne Seignurie, ses Officiers seuls la peuvent bailler à ferme.
- 2 Quand la Iustice est commune entre le Roy & un autre Seigneur, comme elle doit estre exercée.
- 3 Encores que la Iustice soit commune entre le Roy & un Seigneur, le Iuge Royal seul cognoistra des cas Royaux.
- 4 Les coustumes & fermes domaniales de Paris, appartenans tant au Roy, qu'à l'Euesque de Paris, deussent estre baillées ensemblement.
- 5 Que c'est que droit de Tiers & Danger.
- 6 Quand le Roy a la haute Iustice d'un village, & le Seigneur la moyenne & basse, quels droicts appartiennent au Roy.
- 7 Quand il y a effusion de sang, la cognoissance du delict appartient au haut-Iusticier.
- 8 Les Coustumes ne preiudicient aux droicts du Roy.
- 9 De quelles causes peut cognoistre le Iuge du Seigneur, qui a Iustice iusques à soixante sols Paris.
- 10 Recit du faict de l'arrest cy-apres transcript.
- 11 Defenses de Monsieur le Procureur General du Roy.
- 12 Que c'est que, auoir Iustice iusques à soixante sols.
- 13 Repliques des appellans.
- 14 Arrest de ce que dessus.
- 15 Le Seigneur qui a Iustice iusques à soixante sols, n'a que basse Iustice.
- 16 Quand par anciens tiltres est porté qu'un Seigneur de fief a Iustice, quelle Iustice luy doit estre adiugée.
- 17 La possession est declarative du tiltre obscur, & selon icelle on adiuge droit de Iustice.
- 18 Decision de la question cy-dessus

proposée, quand le Seigneur
de fief n'a verifié possession
de la Iustice par luy pretendue.

19 In dubiis & obscuris quod mi-
nimum est sequimur.

CHAPITRE X.



L est certain en droict, que quand le Roy a portion en vne terre & Seigneurie, ou bien en quelque heritage, soit feodal ou roturier: ou en quelques droicts de peage, barage, ou autre ferme: Que les baux desdites terres & Seigneuries, ou bien desdits droicts & fermes, doivent estre faicts par les Officiers Royaux: & que le Roy seul peut vendre le total desdites terres, Seigneuries, droicts, & fermes: à la charge de communiquer le prix aux propriétaires, & conseigneurs: *etiam si minima portio rei ad fiscum pertineat.* Comme il a esté iugé contre les Religieux de Barbeau, par arrest donné en plaidoyrie, le douzième May, mil cinq cens soixante deux: Conformément à la loy vniue de venditione rerum fiscalium cum priuatis communium, C. lib. 10. En ce faisant, si le Roy a portion en vne Iustice, soit haute, moyenne, ou basse, elle doit entièrement estre exercée par les Officiers qui seront creéz & establis par sa Majesté, & le profit d'icelle party & diuisé entre les conseigneurs.

1
Quand le
Roy a por-
tion en vne
Seigneurie,
ses officiers
seuls la peu-
uent bailler
à ferme.

Toutesfois le Roy Charles neufiesme, a esté si beneuole & si humain enuers ses subiects: Que par l'Ordonnance faicte pour le bien & reiglement de la Iustice & police de son Royaume, publiée à la Cour le dix-neufiesme Decembre, mil cinq cens soixante & quatre, article vingt-cinquiesme, il a voulu, Qu'és lieux où la Iustice est exercée en commun, sous son autorité, & le nom d'aucuns Seigneurs ses subiects, n'y aura d'oresnauant qu'un Iuge pour l'exercice de la Iurisdiction totale du lieu: lequel y sera commis alternativement de trois ans en trois ans, par le Roy, ou celuy qui aura portion en ladite Iustice. A la charge que les amendes & autres profits de la Iustice seront departis, & les charges portées esgalement, ou pour la portion que le Roy & le seigneur auront en ladite Iustice.

2
Quand la
Iustice est co-
mune entre
le Roy & un
autre Sei-
gneur, com-
me elle doit
estre exer-
cée.

Mais il faut entendre que le Iuge qui sera pourueu par le Roy à l'exercice de la Iustice commune entre luy & son vassal, cognoistra seul des cas Royaux, execution des arrests de la Cour, des sentences données par les Iuges Presidiaux, & autres Iuges Royaux: lettres obtenues en Chancellerie, & mandemens du Gouverneur de la Prouince: soit qu'il soit és années de son exercice, ou non: Sans que le Iuge des conseigneurs pendant le temps de son exercice, en puisse aucunement cognoistre. Comme il a esté iugé par arrest donné en plaidoyrie le 14. May 1565. pour la Iustice de Chably, appartenant par indiuis, tant au Roy, qu'au grand Preuost de Paris.

3
Encores que
la Iustice
soit commu-
ne entre le
Roy & un
Seigneur, le
Iuge Royal
seul cognoi-
stra des cas
Royaux.

Et suiuant la disposition de droict cy-dessus alleguée, il seroit fort commode, vtile, & profitable, que les coustumes & fermes Domaniales de ceste ville de Paris, esquelles le Roy a deux sepmaines, & Monsieur

4
Les conseil-
mes & fen-
mes doma-

niales de
Paris, ap-
partenans
tant au Roy
qu'à l'Euef-
que de Paris,
deussét estre
baillées en-
semblémēt.

l'Euesque de Paris vnetierce sepmaine : desquelles ledit Seigneur Euesque est en possession paisible, pour raison desquelles n'y a aucun proces pendant, & ne luy sont à present aucunement reuouquées en doubte: fussent entierement baillées à ferme de trois ans en trois ans, par Messieurs les Thresoriers Generaux de France : A la charge de payer les deux tiers du loyer & reuenu d'icelles au Receueur Ordinaire de Paris, & l'autre tiers audit Seigneur Euesque, ou son Recceueur. Car en ce faisant on retireroit plus grand profit desdites fermes, & euiteroit-on plusieurs proces qui ordinairement sont meus entre les Fermiers du Roy, & dudit Seigneur Euesque.

Que c'est
que droict
de Tiers &
Danger.

Ainsi qu'en Normandie, les Officiers Royaux font la vente de la coupe des bois, non seulement de ceux qui appartiennent au Roy en pleine propriété, & qui luy sont domaniaux : mais aussi des bois esquels le Roy a droict de Tiers & Danger : c'est à dire esquels le Roy prend le Tiers du prix de la vente, & la dixme ou danger de deux sols pour liure, de tout le prix. Pour la conseruation duquel droict les Sergens dangereux ont esté instituez : lesquels en leurs exploicts ne sont tenus mettre aucuns records ne tesmoins : parce qu'és forests on ne trouue pas facilement tesmoins. Et du droict de Tiers & Danger est faicte ample mention és Ordonnances du Roy Charles V. de l'an 1376. & en la Chartre Normande qui est du Roy Louys Hutin, de l'an 1314. Aussi de *terciarum illationibus meminit Cassiodorus, lib. 1. variarum lect. Epistola 14. & lib. 2. epist. 16. & 17. Et de bonorum ternorum titulis qui à Provincialibus exigebantur, tractat idem Cassiodorus lib. 7.*

Interpreta-
tion du mot
de Coustu-
me.

[Quand il est parlé cy-deuant du mot de Coustume, il ne faut pas entendre ce mot pour vne accoustumance ou vñance de leuer tels droictz : mais il est pris & entendu pour vn tribut qu'on a accoustumé de leuer en certain temps, & par an sur certaines denrées & marchandises, qui se vendent & debitent aux marchez & foires : Comme au priuilege que le Roy Philippes I. donna à ceux de Chalo sainct Mas, ces mots y sont couchez, *Vt in tota terra regia, nullam consuetudinem præsent* ; ce qui s'entend des tributs ordinaires, qui se leuoient en ce temps-là. Laquelle forme de parler est tirée de la loy Romaine, laquelle pour dire *tributum præstare*, vse de ces mots, *consuetudinem præst. ire. l. 9. §. earum ff. de Publi.* De faict quand nous lisons en quelques anciennes Coustumes, hommes francs, & coustumiers : cela se doit entendre, des exempts & des tributaires : ainsi que Monsieur le Bret Aduocat du Roy en la Cour de Parlement au 13. de les Plaidoyers a remarqué. Et pour monstrier par nos Coustumes que cela se doit ainsi entendre, la Coustume d'Anjou, §. 8. y est fort expresse, où il est dict, que le bas Iusticier a la petite Coustume des denrées vendues en son fief : ceste petite Coustume est interpretée vn denier pour boeuf, vache, pipe de vin, charge de bled ; & pour autre bestial menu, comme porcs, moutons, obole. Ainsi est-il pratiqué en autres Coustumes, & mesmes és fermes domaniales du Roy, comme la ferme & Coustume du pied rond, qui est pour chacun cheual qui entre dans la ville de Paris, ou bien vendu au marché aux cheuaux, est deu vn carolus pour chacun cheual. N.B.]

Or il

Or il faut entendre, que quelquesfois la haute Iustice d'un bourg, village, ou d'un fief appartient au Roy seul; & la haute Iustice, moyenne & basse est commune entre le Roy & quelque Seigneur. En ce cas tous les droicts attribuez au Seigneur haut-Iusticier, specifiez és articles aduisez lors de la nouvelle Coustume de Paris, transcripts au second chapitre du present Traicté, appartiennent au Roy seul.

Et outre iceux conuient noter: Que quand il y a effusion de sang, encores que ce soit d'un coup de poing, la cognoissance du delict appartient au haut-Iusticier, & non au moyen Iusticier. Ainsi qu'il fut plaidé & iugé au profit des Comtes de Soissons, contre les Celestins dudit lieu, par arrest du 24. Novembre 1551. Contre cest arrest qui est general, & à la fin duquel sont ces mots: Et declare icelle Cour, que toutes fois & quantes qu'en excés il y aura effusion de sang, c'est cas de haute Iustice: Lescdits Celestins ayans obtenu requeste ciuile, fondée sur ce que le lieu auquel le delict auoit esté commis, estoit au dedans du Baillage de Senlis, par la Coustume duquel, article cent neuf, est porté, Que le moyen Iusticier a cognoissance de celuy qui a battu autrui iusques à sang, & playe ouuerte inclusive de poing garny. Et Messieurs les Gens du Roy ayans desnié, que le lieu auquel le delict auoit esté commis, fust au dedans du Baillage de Senlis, ains de Vermandois: & remonstré que les Coustumes redigées par l'aduis & consentement des trois Estats de la Prouince ne pouuoient preiudicier aux droicts du Roy, encores que son Procureur eust assisté à la redaction d'icelles: & que son assistance ne sert, sinon pour faire garder aux subiets du Roy les Coustumes qui ont esté redigées de leur consentement; non pas que par les Coustumes le Roy soit astringé & obligé: Lescdits Celestins furent deboutez de la requeste ciuile par eux obtenue, condamnez és despens enuers les Comtes de Soissons, & en l'amende enuers le Roy: Et ce par Arrest donné en plaidoyrie le 2. Aoust 1552. Aussi Maître Jean Papon recite au tiltre de Iurisdiction competente, & fins declinatoires, arrest 30. Que vn iour de Mardy 24. Novembre 1547. en la grande Chambre, la Cour fit declaration qu'en toute batterie où il y aura effusion de sang, ce sera cas de haute Iustice, non de moyenne ou basse.

On a plusieurs fois demandé; Quand vn Seigneur a Iustice en sa terre & Seigneurie iusques à soixante sols, comme ce droict de Iustice doit estre entendu: Et si ces mots, iusques à soixante sols, se doiuent entendre de la chose controuersée entre les parties collitigantes: en sorte que s'il est question de plus de soixante sols, le Iuge du Seigneur n'en puisse cognoistre, & soit besoin se pourueoir pardeuant le Iuge Royal, ou pardeuant le Iuge superieur: Ou bien si ces mots, iusques à soixante sols, se doiuent entendre du profit & emolument reuenant au Seigneur, à cause de la Iustice: qui sont les mulctes, amendes, & confiscations: Tellement que le Iuge du Seigneur puisse cognoistre de toutes causes ciuiles, tant personnelles que reelles, & des criminelles, desquelles l'amende ne peut excéder soixante sols Paris.

Ceste question a esté agitée entre les Religieux, Prieur & Conuent.

6
Quand le Roy a la haute Iustice d'un village, & le Seigneur la moyenne & basse, quels droicts appartiennent au Roy.

7
Quand il y a effusion de sang, la cognoissance du delict appartient au haut Iusticier.

8
Les Coustumes ne preiudicient aux droicts du Roy.

9
De quelles causes peut cognoistre le Iuge du Seigneur qui a Iustice iusques à soixante sols Paris.

10
Recit du
faict de l'ar-
rest y apres
transcript.

des Chartreux lez Paris, appellans des Bailly & Preuost de Mante d'une part, & Monsieur le Procureur General du Roy prenant la cause pour son Substitut audit Mante, intimé d'autre. Le faict estoit que les Chartreux sont Seigneurs de la terre & Seigneurie de Guerville près Mante: sur les manans & habitans de ceste terre, ils pretendent auoir toute Iustice, excepté la haute. Et de ce auoir tiltres tres-anciens, amortis & confirmez par les Roys de France & de Nauarre, Comtes d'Eureux: avec possession deuëment continuée, confirmée, & approuuée par infinies sentences & iugemens des Iuges Ordinaires, & par plusieurs Arrests de la Cour. Verité estoit, que leurs tiltres portoient vne limitation, qu'ils dient estre frequente & quasi ordinaire en toutes moyennes & basses Iustices: c'est à sçauoir, iusques à 60. sols. Suiuant laquelle limitation la Iustice dudit Guerville n'aguères ayant esté faisie, en vertu de l'Edict de la reünion generale du Domaine de la Couronne de France; par arrest du 2. Ianuier 1560. mainleuée leur en auoit esté faicte, iusques à ladite somme de 60. sols seulement, suiuant leurs tiltres: & pour en iouyr & vser, selon que bien & deuëment ils en auoient iouy & vlé par cy-deuant. Et combien (comme ils pretendent) que ceste limitation eust tousiours esté entenduë pour le regard des profits & emolumens de la Iustice reuenās au Seigneur, comme confiscations, mulctes, amendes, & autres reparations, qui s'adiugent contre les delinquans; non pas pour le regard de ce qui auoit esté mis en controuerse entre les parties collitigantes où le Seigneur ne pretendoit rien.

Toutesfois les Officiers Royaux de Mante qui sçauoient noroirement, que les appellans auoient tousiours par cy-deuant iouy & vlé de leur Iustice, en toutes causes & matieres, mesmes ciuiles, à quelques sommes qu'elles eussent peu monter, & qu'eux mesmes en tels cas eussent faict plusieurs renuois: Prenans occasion des termes de l'arrest, ont voulu tellement restreindre & coarcter la Iustice des appellans, que s'il estoit aduenü qu'un habitant de Guerville eust faict demande à un autre habitant de celieu, d'une somme excedant soixante sols, ils leur en auoient voulu interdire & empeschier la cognoissance.

De faict, s'estant présentée vne cause pardeuant le Bailly de Mante, ou son Lieutenant, entre les Preuosts de la Confrairie S. Sebastien, fondée en l'Eglise nostre Dame de Mante, demandeurs d'une part: & un nommé Iean Barbe, demeurant à Guerville, hoste & iusticiable des appellans, defendeur d'autre: En laquelle estoit question d'une rente de seize sols huit deniers Parisis, & de quelques années d'arrerages. Et les appellans, ou leur Procureur, s'estans presentez pour requerer le renuoy de la cause pardeuant leur Iuge de Guerville: apres l'empeschement du Substitut de Monsieur le Procureur General du Roy, ils en auoient esté deboutez. Et le semblable auoit esté ordonné en vne autre cause qui s'estoit présentée pardeuant le Preuost de Mante. Dont lesdits Chartreux auoient appellé. Auquel appel, attendu leur possession immemorale, qui estoit interpretatiue de leurs tiltres, ensemble les sentences & arrests de renuois donnez à leur profit, ils concludoient.

A cest appel, Monsieur le Procureur General du Roy prenant la cause

pour son Substitut à Mante, defendoit : Disant les appellans estre d'accord, qu'és causes desquelles ils auoient demandé renuoy, estoit question de plus de soixante sols : Que par leurs tiltres la Iustice qui leur auoit esté octroyée par les Roys de France, leur estoit limitée iusques à soixante sols Parisis. Ainsi la cause estant limitée, elle produisoit vn effect limité : & celuy qui auoit iurisdiction limitée iusques à certaine somme, ne pouuoit iuger outre icelle. Qu'à l'interpretation & distinction baillée par les appellans on ne deuoit auoir esgard : Parce que, comme on dit communément, où la loy ne faict distinction, les hommes n'en doiuent faire aucune. Que l'octroy & concession d'auoir par les appellans cognoissance sur leurs subiets en leur terre de Guerville iusques à soixante sols Parisis, deuoit estre prins en ses termes : lesquels ne doiuent estre interpretez au dommage & desaduantage du Roy : duquel en tout euement l'interpretation deuoit estre prinse, comme le priuilege & droit de Iustice ayant esté octroyé par sa Majesté. Que ce que dessus se pouuoit cognoistre par les Auditeurs du Chastelet de Paris, lesquels combien qu'ils soient Iuges Royaux, n'ont cognoissance que iusques à la somme de vingt-cinq liures, & non de plus grande somme. Aussi l'arrest de main-leuée, obtenu par les appellans, portoit ce mot seulement. Quant à la possession & iouissance alleguée par les appellans, que depuis le priuilege à eux octroyé, leur Iuge auoit de tout temps & ancienneté cogneu entre leus subiets, de toutes sommes de deniers, & autres actions ciuiles indifferemment, encores qu'elles excédassent soixante sols Parisis : voulant de là tirer vne prescription contre le Roy. Disoit le dit Seigneur Procureur General, que telle iouissance & possession estoit contraire au tiltre des appellans, lesquels en ce faisant auoient tousiours esté en mauuaise foy : consequemment par quelque temps que ce fust, ils n'auoient peu prescrire. Et tant s'en failloit que leur pretenduë iouissance leur peust & deust seruir, que au contraire, pour auoir entrepris cognoissance de plus qu'il ne leur estoit loisible par leur tiltre, octroy & concession, & ainsi auoir par eux abusé du priuilege qui leur auoit esté donné, ils doiuent totalement estre priuez d'iceluy : & la cognoissance & Iustice, voire de ladite somme de soixante sols, leur estre du tout ostée & adiugée au Roy. Consequemment bien iugé.

Les appellans pour repliques disoient : Que quand vn tiltre est douteux & obscur, il reçoit interpretation par l'usage, & par la possession : laquelle ils verifioient par infinis actes de leurs Iustices, sentences & arrests contenant renuoy de toutes causes ciuiles à quelques sommes qu'elles se montassent : & de quelque qualité qu'elles fussent, personnelles, petitoires, ou possessoires. Disoient que l'arrest par eux obtenu, estoit relatif à leurs tiltres. Aussi les appellans nioient que leur Iustice fust fondée en aucun priuilege : mais qu'elle leur estoit propre & patrimoniale, comme ayans les droits de Pierre Mezelin, Seigneur de Guerville : Et que la Iustice leur appartenoit à mesme tiltre que la terre de Guerville, avec laquelle elle leur auoit esté donnée & transportée : & à laquelle de tout temps & ancienneté elle estoit vnüe & annexée. Et de vouloir dire que

11
Defenses de
Monsieur le
Procureur
General du
Roy.

12
Que c'est
que auoir
Iustice ius-
ques à soi-
xante sols.

13
Repliques
des appel-
lans.

toutes les Iustices viennent du Roy, & là dessus former des restrictions & retranchemens, c'estoient maximes trop Fiscales, lesquelles les Roys de France n'auoient iamais voulu estre pratiquées au Royaume. Et quand les appellans seroient d'accord, que leur Iustice fust procedée de concession du Roy, il ne s'ensuiuroit pas qu'il fust besoin de la restraindre, mais plustost l'augmenter & amplifier, attendu mesmement que telle concession regardoit le droict du concedant.

14
Arrest de ce
que dessus.

Les parties estant appointées au Conseil, depuis ayant respectiuement escript & produict: par arrest du 27. Aoust 1580. la Cour a mis les appellations, & ce dont a esté appellé au neant, sans amende: a renuoyé les parties denommées aux appointemens, dont estoit appel, pardeuant le Bailly des appellans en la terre & Seigneurie de Guerville, comme estans les defendeurs esdites instances, hostes & iusticiables dudit Bailly, comme subiets des appellans, en leur terre & Seigneurie de Guerville, sans despens des caules d'appel.

15
Le Seigneur
qui a Iustice
iusques à
soixante sols,
n'a que basse
Iustice.

Il semble que si les appellans n'eussent verifié la possession immémoriale, & n'eussent fait apparoir de sentences & arrests contenans renuois des caules excédans la somme de 60. sols Parisis: que les sentences données par le Bailly & Preuost de Mante, eussent esté confirmées. Parce que le Seigneur qui n'a Iustice en sa terre que iusques à 60. sols, n'a que basse Iustice: & son Iuge ne peut cognoistre, sinon des matieres ciuiles entre ses subiets, qui n'excèdent la somme de 60. sols Parisis, & des delicts dont l'amende est de six sols Parisis, & au dessous: Ensemble des cas declarez es 18. 19. 20. & 21. articles, transcrits au 2. chapitre du present Traicté: concernans les droicts de basse Iustice, aduisez lors de la redaction de la nouvelle Coustume de Paris, & en auons parlé au 3. chapitre du present discours.

16
Quand par
anciens til-
tres est porté
que vn Sei-
gneur de fief
a Iustice,
quelle Iusti-
ce luy doit
estre adiu-
gée.

On a demandé: Quand les actes de foy & hommage faits par vn Seigneur de fief, ensemble les adueuz & denombrements par luy baillez, portent en termes generaux, qu'en son fief il a Iustice; Quelle Iustice doit estre entendue? Ou la Iustice haute, moyenne, & basse, cumulatiuement: ou la haute Iustice seulement, comme la plus noble, plus eminente, & excellente: ou bien la moyenne Iustice, comme la plus commune, & ordinairement permise aux Seigneurs feodaux: ou bien la basse Iustice seulement, comme adherante au fief, & faisant partie d'iceluy: ainsi que nous auons deduit au 3. chapitre du present Traicté.

17
La possession
est decla-
ratue du
titre obs-
cur, & selon
icelle on ad-
iuge droict
de Iustice.

Il semble que la decision de ceste question, depend de la possession & iouissance, que le Seigneur de fief a eue, de la Iustice par luy pretendue: & qu'il est besoin d'informer & verifier de quelle Iustice le Seigneur Feodal & ses predecesseurs ont iouy de tout tēps & ancienneté: Et selon la preuue qui sera faite, on luy adiugera droict de Iustice, haute, moyenne, ou basse. *Tanquam possessio, siue usus, sit optimus interpret iuris, siue tituli obscuri & ambigu. l. si de interpretatione. l. nam Imperator. ff. de legib.*

18
Decision de
la question
cy-dessus
proposée.

Si le Seigneur Feodal n'a aucune preuue de possession de la Iustice par luy pretendue, soit haute, moyenne, ou basse: encores qu'on peust vraysemblablement soustenir, que *per non usum*, il eust perdu le droict de Iustice

qui luy pouuoit appartenir : toutesfois , d'autant que le droict de Iustice *quād le Sei-*
 est porté, tant par les actes de foy & hommage par luy faictz, que par ses *gneur du fief*
 adueuz & denombrements, lesquels semblent le conseruer en son droict, *ne verifie*
 & contenir railible interruption de possession contraire : Aussi que le Sei- *possession de*
 gneur feodal ne peut prescrire les droicts de son vassal, ny par laps de *la Iustice*
 temps les acquerir & faire siens, suiuant le douziesme article de la nou- *par luy pre-*
 uelle Coustume de Paris : Plusieurs sont d'aduis, qu'au cas susdit, on doit *tendre.*
 adiuger au Seigneur du fief, droict de basse Iustice seulement pour iouyr
 des droicts d'icelle, sur ses subiets & redeuables, ensemble sur les heritages
 dependans de son fief : selon qu'il est declaré au second chapitre du pre-
 sent Traicté : Comme ceste Iustice estant adherante à son fief, faisant
 partie d'iceluy, & par le moyen de ceste Iustice, les droicts qui luy sont
 deuz, à cause de son fief, estans conseruez : Non pas qu'on luy adiuge
 haute Iustice, ou bien moyenne Iustice : parce que telles Iustices n'ont
 rien de commun avec le droict de fief, comme nous auons monstre au 4.
 chapitre. Aussi que *in obscuris & dubijs, id quod minimum est sequimur, &*
minima summa debetur. l. si ita scriptum. in fine. ff. de legatis primo. l. nummis. ff.
de legatis tertio. l. semper in obscuris. l. semper in stipulationibus ff. de regul. iur.

19
 In dubijs &
 obscuris
 quod mini-
 mum est
 præstatur.

SI LES CONFISCATIONS ADIVGEES POVR CAS

Royaux appartiennent au Roy seul : ou bien si c'est pour crime de
 leze-Majesté seulement.

- 1 Les confiscations appartiennent au Seigneur haut Iusticier, & non au Seigneur feodal.
- 2 Sçauoir si la confiscation adiugée pour cas Royal, appartient au Roy seul.
- 3 Forme de confiscation en crime de leze-Majesté.
- 4 Si en crime de leze-Majesté, les creanciers peuuent estre payez sur les biens reünis au Domaine.
- 5 Sçauoir si les creanciers peuuent estre payez sur le fief adiugé au Seigneur feodal, par felonnie contre luy commise.
- 6 Que le Seigneur feodal est preferé aux creanciers pour delict.
- 7 Quand le fief est confisqué, les creanciers sont payez sur iceluy.
- 8 Un vassal priué de l'usufruit de son fief, pour auoir démenty en iugement son Seigneur feodal.
- 9 Le Seigneur commettant felonnie contre son vassal, est priué de son droict feodal.
- 10 Est obligatio mutua inter patrem & clientem.
- 11 Sentence du Tresor, par laquelle la confiscation d'un faux monnoyeur est adiugée au Roy.
- 12 Diuers arrests, qu'en crime de leze-Majesté les confiscations appartiennent au Roy.
- 13 Moyens par lesquels les haut-Iusticiers pretendent les confiscations es cas Royaux, sinon au premier chef de leze-Majesté.
- 14 Arrest par le moyen duquel les haut-Iusticiers pretendent les confiscations des faux monnoyeurs.
- 15 Arrest par le moyen duquel les haut-Iusticiers pretendent les confiscations en crime de leze-

- Majesté, excepté au premier chef.
- 16 Moyens des haut-Iusticiers, pretendans les confiscations és cas Royaux.
- 17 Qu'en tous chefs de leze Majesté, les confiscations appartiennent au Roy: Et és autres cas les confiscations appartiennent aux

haut-Iusticiers.

- 18 Response aux deux arrestz alleguez par les haut Iusticiers.
- 19 Les biens des Sorciers & Magiciens confisquezz, n'appartiennent point au Roy, comme n'estant cas Royal.

CHAPITRE XI.



1
Les confiscations appartiennent au Seigneur

haut Iusticier, & non au Seigneur feodal.

2
Sçavoir si la confiscation adiugée pour cas Royal appartient au Roy seul.

L est certain en France, mesmes en la Preuosté & Viconté de Paris, que le droict de confiscation appartient au Seigneur haut-Iusticier, à cause de son droict de haute Iustice, comme dependant d'icelle: & non au Seigneur feodal, lequel à cause de la confiscation adiugée contre son vassal, ne peut pretendre commise, ne reuerfion du fief, qui estoit patrimonial & hereditaire à son vassal, & non viager: comme dit Bartole in l. finali. ff. solut. matr. & Dionysius Pontanus és Coustumes de Blois article 20. in glossa, *vacantia, in fine*: qui disent que *confiscatio est fructus iurisdictionis*.

Au moyen de quoy plusieurs sont d'aduis que iustement on peut dire que la confiscation adiugée pour cas Royal, soit crime de leze Majesté, faulx monnoye, esmotion populaire, meurtre commis de guet à pend, rapt, bruslement, ou autre cas Royal, entierement appartient au Roy: Encores que les biens confisquezz, meubles ou immeubles, soient situez és terres & Seigneuries d'autres haut-Iusticiers que le Roy.

Attendu que la cognoissance du cas, ou bien du crime, & delict, à l'occasion duquel la confiscation s'est ensuiuie, appartenoit au Roy seul: aussi qu'elle a esté adiugée par Iuge Royal: & le proces criminel faict & parfaict aux despens du Roy: ensemble l'exécution d'iceluy. Tellement qu'és cas susdits le droict de Iustice des haut-Iusticiers cessant, le droict de confiscation pour ce regard doit aussi cesser.

Et dient ainsi estre porté par les premier & quatriesme articles aduisez lors de la reformation de la nouvelle Coustume de Paris, transcrits au second chapitre du present Traicté: Conformément à la disposition de droict commun, in l. finali, & in authentica, *bona damnatorum. Cod. de bonis proscript. seu damnat. extrauaganti, ad reprimendam. quomodo in lasa Majestatis crimine procedatur. in vsib. feud. in verbis, in quocunque lasa Majestatis crimine. authent. Gazaros. Cod. de heret. cap. cum secundum, de heret. in sexto. Notat Specularor in titulo de feudis. versiculo primo*: Et au liure de *Temporalitatibus*, estant en la Chambre des Comptes, fol. 121. est escript: Item au Roy nostre Sire seul & pour le tout appartient la cognoissance, iugement, decision, punition, & correction de tous crimes de leze-Majesté. Et à luy seul appartiennent les biens de tous les condammiez par confiscation en quelque haute Iustice qu'ils soient trouuez. Ce qui se doit entendre du crime de leze-Majesté.

De faict le Roy vendant son Domaine à faculté de remercé, ou bien le baillant pour assignat de dot, de doüaire, ou d'appanage, encores qu'il fasse cession & transport de tous droicts de Iustice, d'amendes & confiscation de quelque qualité qu'elles soient: toutesfois sont exceptées les confiscations adiugées pour crime de leze-Majesté. Et est nécessaire que spécialement, & specifiquement elles soient denommées & comprises en la vendition faicte par le Roy, ou assignat par luy baillé. *Et sic speciali nota opus est.* Aussi audit liure de *Temporalitatibus*, fol. 12. est escript vn aduis, ou bien vn iugement donné entre le Roy & Monsieur l'Euesque de Paris, lequel il conuient voir.

De faict les Iuges ordinaires en cas Royal, ont accoustumé declarer tous & chacuns les biens du condamné acquis & confisque au Roy. Et quand il est question du premier chef du crime de leze-Majesté, on declare tous les biens feodaux qui furent aux condamnez, tenus & mouuans immediatemēt de la Couronne de France, reünis & incorporez au Domaine d'icelle: & les autres fiefs & biens, tant meubles, qu'immeubles, feodaux & roturiers, acquis & confisque au Roy: comme il est porté par les arrests cy - deuant donnez contre les Autheurs des guerres ciuiles, conducteurs des seditions populaires, & perturbateurs du repos public de ce Royaume, en date des 27. & 28. iours d'Octobre, 1572. & autres iours ensuiuans.

Et incidemment on peut dire, qu'en cas de reünion des fiefs, ordonnée pour crime de leze-Majesté, ou de saisie faicte pour raison dudit crime, Messieurs les Gens du Roy soustiennent, que les creanciers ne peuvent demander payement de leurs debtes, sur les fiefs reünis & incorporez à la Couronne, ou bien saisis pour raison dudit crime de leze-Majesté: & que les creanciers se doiuent adresser sur les autres biens du delinquant. D'autant qu'en ce cas la reünion est faicte pour felonnie commise par le vassal contre son Seigneur feodal: auquel cas ils maintiennent que le fief retourne au Seigneur dominant, purement & simplement, en pareil estat & condition, qu'il estoit lors de la concession & inuestiture faicte d'iceluy: sans qu'il ait peu estre chargé d'aucune debte, hypothèque, ou autre charge par le vassal, au preiudice du Seigneur feodal, l. *quisquis. Cod. ad legem Iul. maicst. cap. unico. quot testes sunt necessarij ad probandam feudi ingratitude, cap. unico. quibus modis feud. amittatur. cap. unico. §. item qui dominum. quæ fuit prima causa benefic. amit. cap. si quis miles. de feudo sine culpa non amittendo, cap. primo. de prohibita feudi alienatione per Lotharium, & cap. unico, de prohibita feudi alienatione per Fridericum. in vsibus feudorum. l. lex vectigali. ff. de pign. L. Lucius. 2. ff. de legat. 1. l. item si fundi. §. huic si vicinus. ff. de usufruct.*

Et combien que la question generale, à sçauoir si le fief adiugé au Seigneur feodal pour felonnie contre luy commise par son vassal, est subiet aux debtes créées par le vassal, attendu que les fiefs sont patrimoniaux & hereditaires en France: semble auoir esté vidée *inter priuatos* (non pas *inter priuatum*) & *fiscum in crimine lese Majestatis*: par arrest donné au Parlement de Bretagne, le dernier iour d'Octobre, 1573.

3
Forme de
confiscation
en crime de
leze-Ma-
jesté.

4
Si en crime
de leze-Ma-
jesté, les
creanciers
peuuent estre
payez sur
les biens reü-
nis au do-
maine.

5
Sçauoir si
les creanciers
peuuent estre
payez sur le
fief adiugé
au Seigneur

feodal, pour
selonnie con-
tre luy com-
mise.

n'aguères mis en lumiere, avec quatre autres Arrests dudit Par-
lement: Par lequel le fief, terre & Seigneurie de saint Meleuc, a esté ad-
iugé aux vefue, & heritiers du Seigneur feodal, & à leur profit: déclaré
acquis & reüny au fief dominant pour l'homicide & felonnie commise
par le Seigneur dudit saint Meleuc, en la personne dudit Seigneur feodal.
A la charge toutesfois du doüaire que la vefue dudit Seigneur de saint
Meleuc pourra prendre sur les choses commises: lesquelles la Cour a de-
clarées non seulement subiettes audit doüaire, mais affectées & hypothe-
quées avec les autres biens du defunct, tant à la recompense des deniers
dotaux, & propres de ladite vefue, alienez par son defunct mary, qu'au
payement des sommes esquelles le defunct Seigneur de saint Meleuc
de son chef, & comme heritier de saint Meleuc son pere, estoit tenu &
obligé enuers Ioachin de Gouby, sans fraude. Et qu'audit arrest soient
doctement deduits tous les moyens qui peuuent estre alleguez, tant d'v-
ne part que d'autre, mesmes la loy *quisquis §. uxores. Cod. ad legem Iul. ma-*
iest. la loy his solis. versic. ceterum quæ antea. C. de renocandis donation. l. si
debitor. Cod. de priuil. fisci. l. i. de iure fisci. Cod. lib. 10.

6
Que le Sei-
gneur feo-
dal est prese-
ré aux créan-
ciers pour
delict.

Toutèsfois le contraire a esté iugé par arrest de la Cour de Parle-
ment de Paris, solennellement prononcé le 7. Septembre, 1574. *inter*
creditores ex delicto & condemnatione. Et par ledit arrest fut dict: Que le
fief de Comager, assis en Anjou, adiugé pour crime de felonnie, au Sei-
gneur feodal, qui auoit esté offensé & blessé par son vassal; lequel pour
raison de ce, & autres crimes par luy commis, auoit esté condamné à
mort; ne feroit aucunement subiet au payement des reparations & amen-
des pecuniaires adiugées à ceux qui auparauant auoient esté meurtris, of-
fensez & blessez par ledit vassal: & qu'ils se pouruoiroient sur les autres
biens d'iceluy vassal. Et la sentence donnée par le Lieutenant Criminel
d'Angers a esté mise au neant, en ce que par icelle estoit ordonné que ceux
ausquels reparations estoient adiugées, seroient payez d'icelles, sur les de-
niers qui prouiendroient du fief, déclaré commis, tout ainsi que le Sei-
gneur feodal offensé. La raison de cet arrest semble estre, que le Seigneur
feodal creancier *ex delicto*, suit la chose, qui est le fief par luy baillé à son
vassal, & le peut vendiquer pour auoir par le vassal, par le moyen de son
infidelité & felonnie, contreuenü à la condition expresse ou tacite, portée
par l'inuestiture de son fief: suiuant les loix Feodales & chapitres cy-des-
sus alleguez: Conformément au cent soixante & dix-septiesme article
de la nouuelle Coustume de Paris, & à la loy premiere, *Cod. de donatio-*
nibus quæ sub modo vel conditione constituuntur. l. ut inter. Cod. de sacro-
sanct. Eccles.

7
Quand le fief
est confisqué
les crean-
ciers sont
payez sur
iceluy.

Si le fief est confisqué, & pour crime adiugé au Seigneur haut-Iusti-
cier, il est sans doute, qu'il est subiet à toutes les debtes créées par le de-
linquant: ensemble à toutes les reparations & amēdes pecuniaires contre
luy adiugées, suiuant le texte, in *l. unica, pœnis fiscalibus creditores præferri.*
Cod. lib. 10. l. si marito. ff. solut. matrimonio. l. in summa. ff. de iure fisci.

8
Un vassal
privé de son

Aussi incidemment on peut dire, Tout ainsi que le vassal est priué
de son fief pour felonnie, infidelité & ingratitude par luy commise enuers
son

son Seigneur feodal, & son fief adiugé audit Seigneur: ainsi mesmes ^{usufruit de son fief, pour auoir démenty en iugement son Seigneur feodal.} qu'il a esté iugé par arrest solemnellement prononcé le dernier de Decembre, 1556. contre vn vassal, lequel estant appellant *ab excessu*, de la sentence contre luy donnée par le Seneschal de Poictou, & le Seigneur dominant ayant appelé *à minima*: A esté dit, que mal & sans grief le vassal auoit appelé, a esté condamné en l'amende. Et la Cour faisant droict sur l'appel interjetté par le Seigneur, en emendant la sentence de laquelle estoit appel, a condamné le vassal à dire & declarer en la presence du Seigneur dominant, du Seneschal de Poictou, ou son Lieutenant, & du Substitut de Monsieur le Procureur General du Roy à Poictiers, que temerairement & indiscrettement il auoit démenty en iugement son Seigneur dominant. Et faisant droict sur la requeste présentée en cause d'appel par le Seigneur: La Cour a priué le vassal de l'usufruit de son fief la vie durant: & ordonné que le Seigneur dominant, ses hoirs, & ayans cause, en iouyront la vie durant du vassal, à la charge de le rendre & restituer aux enfans ou heritiers du vassal apres son trespas. Aussi le vassal a esté condamné és despens, tant de la cause principale & cause d'appel, que de l'instance de requeste. Le tout sans encourir par le vassal aucune note d'infamie.

Semblablement le Seigneur dominant ayant commis felonnie contre son vassal, est priué de la propriété, ou bien de la seigneurie directe, & droict feodal qu'il auoit au fief seruant. *Et sic ex omni feloniam qua Vassallus feudo priuatur, dominus proprietate feudi priuatur*: Suiuant le texte, *in capite unico, qualiter dominus proprietate feudi priuetur, & cap. unico §. domino. si de feudo defuncti contentio sit inter dominum & cognatos Vassalli, in vñsibus feudorum. Est enim mutua, reciproca, & correlatiua obligatio inter patronum & clientem.* La defense & conseruation de chacun d'eux doit estre mutuelle & reciproque. Le vassal doit seruice, honneur & respect à son Seigneur: Le Seigneur en recompense doit à son vassal, protection, amitié & bien-veillance. Si le vassal manque de son deuoir enuers son Seigneur il perd son fief: Le Seigneur aussi en cas pareil perd l'obeyssance de son vassal. Et comme dit la Constitution de l'Empereur Lothaire III. *Inter dominum & Vassallum nulla fraus, nec vllum malum ingenium, debet interuenire. in cap. finali. de prohibita feudi alienatione, per Lotharium, in vñsib. feud.* Aussi ce que dessus est obserué contre les Seigneurs haut-Iusticiers, lesquels s'ils vñent de cruauté & inhumanitez. enuers leurs hostes & iusticiables, sont priuez de leur droict de Iustice: comme il sera dit au dix-huictiesme chapitre du present Traicté, auquel seront recitez plusieurs arrests donnez pour ce regard.

Or pour continuer la question cy-dessus proposée, qui est de sçauoir si pour cas, ou bien pour crime Royal, la confiscation appartient au Roy seul, priuatiuement aux Seigneurs haut-Iusticiers: Par sentence donnée par Messieurs les Conseillers du Thresor, le 17. Feurier, 1579. les biens, tant meubles, qu'immeubles, demeurez par le trespas de Jacques Lorillu, Seigneur de la Bauientiere, & de la Chesnaye, executé à mort pour crime de fausse monnoye, furent adiugez au Roy, nonobstant les empes-

chemens & oppositions formées à la saisie desdits biens, par les Procureurs Generaux, tant de la Royne Mere du Roy, que de feu Monsieur le Duc d'Anjou : pretendans respectiuellement les biens du defunct, comme partie d'iceux assis au dedans des terres assignées à ladite Dame pour son doüaire, & l'autre partie située au dedans des terres baillées audit Seigneur pour son partage. Et la sentéce de mort donnée contre ledit Lorillu, par le Lieutenant Criminel de robe courte des ville, Preuosté & Vicomté de Paris, le 5. Feurier, 1577. portoit que tous & chacuns les biens dudit Lorillu estoient declarez acquis & confisquezz au Roy.

12
Diuers ar-
rests qu'en
crime de le-
ze Majesté
les confis-
cations appar-
tiennent au
Roy.

Et ce que dessus fut soustenu par Messieurs les Gens du Roy, pour la confiscation de feu Louys du Mas, Seigneur de Villeuineux, controuuée entre le Seigneur de la Selle, donataire du Comte de Tonnerre, haut-Justicier de la Seigneurie de Villeuineux, & le Seigneur de Cernay, donataire du Roy : dont la cause fut plaidée en la Cour de Parlement, le 25. Ianuier, 1551. Semblable cause contre Madame la Duchesse de Ferrare, Comtesse de Gisors, plaidée le 16. May, 1553. Et pour le regard du crime de leze-Majesté diuine, fut plaidée la cause des biens d'un nommé de Normandie, les 27. Nouembre, & 4. Decembre, 1554. Pareillement la cause plaidée pour les biens de Deslandes, qui s'estoit retiré à Geneue, entre Monsieur le Procureur General du Roy, le Seigneur d'Aluye, & autres, le 20. Iuillet, 1559. Et semblable cause pour les enfans de feu Bigant, plaidée le sixiesme Aoust 1563. Et lors entre autres choses fut allegué l'Edict publié à la Cour, le troisieme Septembre, 1551. par lequel tous les biens, tant meubles, qu'immeubles, de ceux qui s'estoient retirez à Geneue pour y demeurer, estoient declarez acquis & confisquezz au Roy.

Toutesfois les Seigneurs haut-Justiciers ont pretendu droict es confiscations adiugées en cas Royaux, autres qu'au premier chef du crime de leze Majesté. Et pour confirmer les droictz, alleguoient trois arrests.

13
Moyens par
lesquels les
haut-Justi-
ciers preten-
dent les con-
fiscations es
cas Royaux,
sinon au pre-
mier chef de
leze Maje-
sté.

Le premier fut donné le 15. Feurier, 1542. au profit des Religieux, Abbé & Conuent de saint Germain des Prez lez Paris : le faict duquel estoit, qu'un nommé Iean de Moumon, natif de Sauoye, logé en vne hostellerie, assise es faux-bourgs saint Germain des Prez, s'estant transporté es Halles de ceste ville de Paris, pour achepter quelque marchandise : il est trouué saisi de faulxe monnoye, laquelle il exposoit, & d'icelle vouloit payer la marchandise par luy acheptée. Au moyen de quoy il auoit esté constitué prisonnier au Chastelet de Paris : Par sentence du Lieutenant Criminel condamné à mort, & ses biens confisquezz. Apres l'exécution de mort y a proces entre les Religieux de S. Germain des Prez, & Monsieur le Procureur General du Roy, pour raison d'une malette que ledit de Moumon auoit baillée en garde à son hoste, demeurant es faux-bourgs S. Germain, en laquelle y auoit la somme de quatre-vingts liures tournois, avec quelques hardes. Et ladite malette ayant esté saisie par Ordonnance du Lieutenant Criminel du Chastelet de Paris : ledit Seigneur Procureur General auroit pretendu qu'elle appartenoit au Roy : parce que le defunct auoit esté condamné pour crime de faulxe

14
Arrest par le
moyen du-
quel les haut-
Justiciers
pretendent
les confisca-

monnoye, qui estoit cas Royal: Aussi que le proces auoit esté fait par le Juge Royal: Et que le defunct n'auoit eu aucun domicile en la terre & Iustice desdits Religieux, ains estoit simple viateur & passager. Au contraire lesdits Religieux auroient soustenu que ladite malette, & ce qui estoit dedans icelle, leur appartenoit par droit de confiscation, attendu qu'elle auoit esté trouuée au dedans de leur haute, moyenne & basse Iustice, & qu'elle y estoit lors de la saisie faite d'icelle, par Ordonnance dudit Lieutenant Criminel. Les parties respectiuellement ouyes, *Per arrestum Curie dictum fuit predictam maletam, & quidquid in ea erat, tempore quo dictus seruientis eandem cepit in hospitio predicto, tanquam ad eos pertinentia causa confiscationis predicta, predictis Religiosis sorte restituenda, & restituentur eisdem; non obstantibus propositis ex aduerso.*

Le second arrest est du 20. Mars, 1343. donné au profit desdits Religieux, Abbé & Conuent de S. Germain des Prez. Le fait d'iceluy estoit, que Messire Hugues de Crusy, Cheualier, pour auoir commis en son estat de Iudicature plusieurs infidelitez, corruptions, faueurs & abus, fut condamné à mort, & ses biens confisquez. Après l'exécution de mort, y eut proces entre M^r le Procureur General du Roy, & lesdits Religieux, qui soustindrent que les biens meubles qui auoient appartenu audit de Crusy, estans au village d'Issy, auquel il estoit demeurant lors de son emprisonnement: ensemble ceux qui auoient esté apportez dudit lieu d'Issy, en l'Hostel de Nesle, auquel ledit de Crusy auoit esté prisonnier pendant la confection de son proces: leur appartenoient à cause de la confiscation des biens adiugée contre ledit de Crusy: comme lesdits Religieux, Abbé & Conuent estans haut-Iusticiers desdits lieux d'Issy & de Nesle. Et combien que ledit Seigneur Procureur General maintint tous les biens confisquez appartenir au Roy, d'autant que le defunct estoit Officier Royal, & qu'il auoit esté condamné pour crimes, malversations, & abus commis en l'exercice de son estat: Toutesfois les biens qui estoient au village d'Issy, & ceux qui d'Issy auoient esté apportez en l'Hostel de Nesle, pour les commoditez dudit de Crusy, furent par l'arrest susdit adiugez ausdits Religieux. Et par les Chroniques de France, pareillement par les Antiquitez de Paris est porté, que ledit de Crusy, appelé par aucuns de Crecy, par les autres de Coucy, natif de Bourgogne, autresfois Preuost de Paris, & depuis President en Parlement, fut pour les cas susdits pendu & estranglé au gibet de Paris, le 19. iour de Iuillet, l'an 1336.

Le troisieme arrest, est l'arrest donné contre le defunct Marechal de Biez, par Iuges deleguez en la Chambre de la Royne, prononcé le 3. Aoust, 1551. Par lequel les fiefs immediatement mouuans du Roy, ont esté declarez vnis au Domaine de la Couronne de France; & non les autres fiefs tenus d'autres Seigneurs feodaux: comme Deluc le recite en son recueil d'Arrests, *in titulo de prædij clientelaribus & patronis & clientibus*, liure septiesme, tiltre quatriesme, arrest dernier.

Aussi les haut-Iusticiers disent, que pour auoir droit en la confiscation adiugée, il suffit d'auoir droit de haute Iustice au lieu auquel les heritages confisquez sont assis; pareillement auoir droit de haute Iustice

tions des
faux mon-
noyeurs.

15
Arrest par le
moyen du-
quel les haut
Iusticiers
pretendent les
confiscations
en crime de
leze-Maje-
ste, excepté
au premier
chef.

16

Moyens des
haut-Iustici-

*ciens preten-
dans les con-
fiscations és
cas Royaux.*

au lieu auquel les meubles qui appartennoient à celuy qui a confisqué sont trouvez : encores que la cognoissance du crime commis par celuy qui a confisqué n'appartienne au Seigneur haut-Iusticier du lieu, parce que telle cognoissance ne concerne qu'une procedure judiciaire, & confession d'un proces criminel : non pas que telle cognoissance puisse tollir aux haut-Iusticiers les profits & emoluments de leurs hautes Iustices, qui consistent principalement és confiscations adiugées contre les propriétaires des heritages, ou immeubles estans au dedans du destroict de leurs hautes Iustices.

Dauantage, les haut-Iusticiers disent, Encores que le Roy se soit reserué la cognoissance du meurtre faict de guet à pend, du rapt, & du bruslement ou incendie: toutesfois ledit Seigneur ne s'est pas reserué les confiscations adiugées à cause desdits trois crimes. Et comme dit est, la confession du proces criminel n'a rien de commun avec la confiscation. En tout cuenement, le haut-Iusticier ne pourroit sinon estre tenu contribuer aux frais du proces, au prorata des biens desquels il auroit amendé par le moyen de la confiscation adiugée.

Outre, lesdits haut-Iusticiers disent, que si les confiscations adiugées à cause des meurtres commis de guet à pend, assassinats, voleries, rapt de filles ou femmes, bruslement ou incendie, appartennoient au Roy : les haut-Iusticiers auroient bien peu de confiscations, le Roy les auroit quasi toutes: & en fin seroit Seigneur, propriétaire & possesseur, non seulement des fiefs estans au dedans des Iustices des haut-Iusticiers de France; mais aussi des heritages roturiers estans au dedans d'icelles.

Quant aux crimes & delicts commis és grands chemins & voyes publiques, les haut-Iusticiers desnient que ce soit cas Royal, & que la cognoissance en appartienne au Iuge Royal. Et respondent aux deux Arrests alleguez au chapitre precedent, qu'ils sont donnez en la Coustume de Touraine: laquelle ne peut auoir lieu qu'au dedans de son destroict & Duché, non pas és autres Coustumes du Royaume, mesmes en la Coustume de Paris.

17

*Qu'en sont
chefs de leze
Majesté, les
confiscations
appartiennēt
au Roy, & és
autres cas
les confisca-
tions appar-
tiennēt aux
haut-Iusti-
ciers.*

Combien qu'en plusieurs des causes cy-dessus mentionnées, les parties ayent esté appointées au Conseil: toutesfois il semble que les confiscations adiugées pour crime de leze-Majesté diuine ou humaine, soit au premier ou second chef, appartiennent au Roy seul: suiuant les 1. & 4. articles aduisez lors de la redaction de la nouvelle Coustume de Paris, transcrits au 2. chapitre du present Traicté. Et quant aux autres cas, mesmes des confiscations adiugées à cause de meurtre commis de guet à pend, de rapt ou incendie, les confiscations appartiennent aux Seigneurs en la haute Iustice desquels les biens confisqueez sont assis & trouuez chacun en son esgard, fins & limites de sa haute Iustice. Et le semblable doit estre dit des homicides commis és grands chemins & voyes publiques.

18

*Respōse aux
deux arrests
alleguez par
les haut-Iu-
sticiers,*

Et quant à l'arrest donné au profit des Religieux de S. Germain des Prez, le 15. Feurier, 1342. cy dessus recité: on peut respondre, Que celuy qui fut executé à mort, n'estoit pas demeurant en France; n'auoit pas forgé

faulſſe monnoye en France ; n'estoit pas accusé d'auoir forgé faulſſe monnoye ; mais seulement auoit esté trouué saisi de faulſſe monnoye estrangere, laquelle il auoit exposée, & voulu alloier en ceste ville de Paris.

Au regard du second arrest donné au profit desdits Religieux de S. Germain, cy-deuant mentionné, on pent dire, qu'en iceluy n'estoit question de crime de leze-Majesté, soit au premier ou second chef.

Quant au troisieme arrest, on peut dire: Encore que tous les fiefs qui appartenoint au defunct Mareschal de Biez, ne fussent vnies à la Couronne de France : toutesfois ils furent entierement confisquez au Roy. Recours à la lecture de l'arrest recité par ledit Deluc ; *in verbis*, *res eius beneficiarias omnes principi quidem commissas esse censuerunt.*

Estant certain par la commune vñance de France, & par les premier & quatriesme articles concernans les droicts de Iustice, aduisez lors de la redaction de la nouuelle Coustume de Paris, transcripts au second chapitre du present Traicté: Que les biens confisquez pour crime de leze Majesté diuine, appartiennent au Roy seul. On a demadé: Si les biens des Sorciers, Magiciens, Deuins, Negromantiens, Enchanteurs, & autres semblables, appartiennent au Roy seul, priuatiuement aux Seigneurs haut-Iusticiers: Comme le crime de Magie & Sorcellerie estant espece d'heresie, & crime de leze-Majesté diuine: *Sortilegicrim, & qui magicam artem profitentur, subuersi sunt à fide, à Diabolo captiui tenentur, relicto creatore suo demonem colunt, sunt veri idolorum cultores, diaboli suffragia querunt: & non solum sunt infideles, sed paganis deteriores: comme dit le Canon, Episcopi causa 26. quæst. 5. & ibi de sortilegis, incantatoribus & aliis maleficis plenè tractatur cap. accusatus. §. sanè. in verbis. nisi heresim saperent manifestè. de hæreticis, in 6. Aussi l'Empereur les appelle natura humane & generis humani inimicos. Et vulgus maleficos ob facinorum magnitudinem eos vocat. l. nemo aruspiciem. l. multi. l. & si c. de mal ficiis & Mathematicis.* Ioinct que nous deuons auoir en horreur & abomination toute diuination, sorcelleries, arts magiques, charmeries, enchantemens, & autres superstitions, comme defendus par la loy diuine, au Leuitique 19. chapitre: au Deuteronomie 20. chapitre. Toutesfois nous voyons ordinairement les proces des Sorciers & Magiciens estre faits & iugez par les Iuges des haut-Iusticiers, & leurs sentences confirmées par les Arrests de la Cour. Aussi Ioannes Gallus quæst. 241. recite que par arrest de la Cour de Parlement de Paris, donné en l'an 1387. quelques femmes estans accusées d'estre sorcieres, furent renuoyées pardeuant le Preuost de Paris, sans auoir esgard au requisitoire de l'Euesque dudit lieu, lequel cognoilloit du crime d'heresie: Et par sentence dudit Preuost de Paris, lesdites femmes furent condamnées à mort. Pareillement par arrest de la Cour de Parlement du 26. Feurier 1587. Dominique Mirault, Italien natif d'Herpines, & Marguerite sa belle mere, appellans du Bailly de Mante, pour auoir visé de Magie, Idolatrie, cōmis actes impies, & autres cas mentionnez au proces, furent condamnez faire amende honorable deuant l'Eglise de Paris, crier mercy à Dieu, au Roy & à la Iustice, de l'idolatrie & impieté par eux commise: Ce faict, estre pendus & estranglez en vne

19
Les biens des
Sorciers &
Magiciens
confisquez,
n'appartiennent point au
Roy, comme
n'estant cas
Royal.

potence croisée, qui pour ce faire seroit plantée au parvis Nostre Dame; Leurs corps morts, liurez & placquez, ards, bruslez & reduits en cendres: Tous & chacuns leurs biens acquis & confisquezz à qui il appartiendra: sur iceux preallablement prise la somme de six cens escus, applicables à plusieurs Eglises. Et tient-on que Magic & Sorcellerie n'est point cas Royal: Ainsi qu'il fut plaide & iugé à la Tournelle, le Samedi 12. Mars 1588. Et de cest aduis sont Messieurs les Gens du Roy de la Cour de Parlement. De faict le crime de Magic & Sorcellerie n'est point compris entre les cas Royaux, recitez au septiesme chapitre du present Traicté.

QUAND LE ROY DOIT VVIDER SES MAINS des heritages qui luy sont aduenus par confiscation. S'il peut retenir par retraict feodal des fiefs immediatement mouuans de luy. Et s'il peut ceder le droict de retraict feodal. Ensemble ceux qui ont acquis du Domaine du Roy, à faculté de reméré.

- 1 En quoy les Seigneurs sont interessez, lors que le Roy possede heritages au dedans de leurs fiefs & Seigneuries.
- 2 Le Roy est tenu vvider ses mains des heritages qui luy sont confisquezz, lesquels ne sont tenus en fief ou censue de sa Maiesté.
- 3 Le Roy retenant fiefs ou heritages roturiers qui luy sont confisquezz, ou acquerant heritages, est tenu payer indemnité aux Seigneurs feudaux & censiers desdits heritages.
- 4 Interpretation de l'Ordonnance, par laquelle le Roy est tenu vvider ses mains des heritages confisquezz.
- 5 Deux questions cy aprestraittées.
- 6 Le Roy peut retenir par retraict feodal le fief mouuant de luy, & l'unir à son domaine.
- 7 Arrests de ce que dessus.
- 8 Le Roy peut ceder le retraict feodal qui luy appartient.
- 9 Le retraict feodal est cessible.
- 10 Ceux qui tiennent en engagement du Roy, ne peuvent user de re-

traict feodal.

- 11 Le Domaine du Roy aliené, ne peut estre retiré sans lettres patentes.
- 12 Les Thresoriers de France ne peuvent retirer le Domaine du Roy aliené, pour le bailler à un autre particulier.
- 13 Quand & comme les Thresoriers de France peuvent retirer le Domaine du Roy qui a esté aliené.
- 14 Ceux qui tiennent en engagement du Roy, ne peuvent faire saisir à faute d'homme, droicts & devoirs non faits.
- 15 Ceux qui tiennent en engagement du Roy, ne doivent recevoir les hommages.
- 16 Lettres patentes obtenues par un seigneur, afin d'user de retraict feodal au lieu du Roy.
- 17 Quand le Roy donne un fief qui luy a esté confisqué, n'est deu qu'un seul rachat.
- 18 Raisons de ceux qui estiment que celui qui a achepté des acquerurs du Domaine du Roy, ne doit aucuns droicts Seigneu-

riaux ne feodaux.

19 Celuy qui d'un particulier achette à faculté de reméré, doit lots & ventes dès l'instant de son acquisition.

20 Raisons de ceux qui estiment qu'au cas susdit, sont deubs droicts seigneuriaux ou feodaux.

21 Si un heritage baillé à vies, ou à longues années, est vendu sont

deubs lots & ventes.

22 Jugement par lequel celuy qui auoit acheté d'un acquereur du Domaine du Roy, a esté condamné payer lots & ventes.

23 Qu'il a esté appointé au Conseil: Si ceux qui ont achepté des acquereurs du Domaine du Roy, doivent lots & ventes, ou non. Depuis iugé qu'ils les doivent.

CHAPITRE XII.



O v s auons monstté au chapitre precedent, qu'és cas ou crimes Royaux, les confiscations sont adiugées au Roy, encores que les biens cōfisquees ne soient au dedans de la haute Iustice du Roy, ains des autres haut-Iusticiers de ce Royaume. Aussi souuent aduient que les heritages confisquees, encores qu'ils soient en la haute Iustice du Roy, toutesfois ils ne sont pas tenus en fief, ou bien en censiués du Roy, ains d'autres Seigneurs feodaux & censiers. Et d'autant que le Roy possédant heritages feodaux ou censiers au dedans des hautes Iustices, fiefs ou censiués des Seigneurs de son Royaume; lesdits Seigneurs sont grandement interessez: Au moyen de ce que le Roy ne peut & ne doit entrer en foy, & hommage des heritages feodaux qui luy sont adiugez par confiscation: parce qu'il seroit vassal & Seigneur dominant d'un mesme fief. Attendu que tous les fiefs estans au Royaume sont tenus mediatement ou immediatement de sa Majesté, qui seroit vne incompatibilité & repugnance manifeste. Aussi qu'on ne peut saisir sur le Roy le fief qui luy appartient, soit par confiscation ou autrement, bien le fief qui est saisi à la requeste du Procureur du Roy: ains est besoin se pouruoir par opposition; *cum inferior in superiorem non habeat imperium*. Aussi que le fief estant retourné au Roy, il a repris sa premiere nature & liberté naturelle, sans qu'il soit subiet à aucun droict ou deuoir: Ainsi qu'il a esté iugé par arrest donné entre le Seigneur de la Trimouille demandeur, & Monsieur le Procureur General du Roy, & la Dame de la Floisclerie, defendeurs, le 25. Feurier 1558. recité par Monsieur le Maistre en ses Decisions notables, traicté des fiefs & hommages, arrest premier: Et qu'il est traicté *per Speculatorem, in titulo de feudis. §. quoniam de homagiis & fidelitatibus, quest. 24.* Ce que dessus fut doctement plaidé en la Cour, & appointé au Conseil, le 20. Iuillet 1559. entre Monsieur le Procureur General du Roy, appellant, & le Seigneur d'Aluye, intimé: pour les biens de Deslandes confisquees, parce qu'il s'estoit retiré à Geneue.

¹
En quoy les Seigneurs sont interessez, ores que le Roy possede de heritages au dedans de leurs fiefs & seigneuries.

Pour ces causes, & qu'en ce faisant les Seigneurs feodaux & censiers, desquels sont tenus les heritages possédez par le Roy, sont frustrez de

²
Le Roy est tenu vider

ses mains
des herita-
ges qui luy
sont confis-
quez, les-
quels ne sont
tenus en fief
ou censive
de sa Maje-
sté.

tous droicts & deuoirs seigneuriaux, feodaux & censuels : Le Roy pour mettre lesdits Seigneurs hors de perte & donmage, doit dedans l'an & iour de la confiscation à luy adiugée, vuidier ses mains des heritages qui luy sont aduenus par confiscation, situez au dedans des Iustices, fiefs ou censives des Seigneurs de son Royaume. Et ce suivant l'Ordonnance du Roy Philippes le Bel, art. 2. recitée és grandes Ordonnances estans en François, & és Ordonnances estans en Latin, mises à la fin du Styl de Parlement, *titulo de feudis. §. 3. per Speculatorem in titulo de feudis, questione quadragesima, & per Molinaum in consuetudinibus Parisiensibus. §. 13. glosa 4. col. 3.*

³
Le Roy re-
nant fiefs ou
heritages
roturiers
qui luy sont
confisquez,
est tenu
payer indē-
nite aux sei-
gneurs fio-
daux & cē-
siers desdits
heritages.

Si le Roy, nonobstant l'Ordonnance susdite, veut retenir le fief qui luy a esté confisqué immédiatement tenu d'un Gentilhomme : il est raisonnable que ledit Seigneur baille homme, qui porte la foy audit Gentilhomme : ou bien luy paye indemnité generale. Et de ce, lors que la cause des biens de Deslandes fut plaidée, ou allegua arrest donné au profit du Seigneur de Monjay, auquel un Maistre des Requestes du Roy fit foy & hommage à cause d'un fief dependant de la Baronnie de Monjay, retenu par le Roy. Le semblable sera dict des terres confisquées au Roy, estans en la censive de quelque Gentilhomme ; Desquelles si le Roy ne veut vuidier ses mains, ains les retenir, il est raisonnable qu'il paye indemnité generale au Seigneur censier, à l'exemple des gens de main-morte : Comme nous auons déclaré és 53. & 54. chapitres du Traicté des droicts de francs-Fiefs & nouveaux Acquests par nous cy-deuant mis en lumiere. Et ainsi est obserué, quand le Roy a acquis quelques maisons, n'estans en sa censive, pour accommoder quelques uns de ses chasteaux. De faict, n'agueres y eut lettres patentes, adressantes à Messieurs des Comptes, pour liquider le droict d'indemnité de quelques maisons que le Roy auoit acquises, & vnies à son Chateau de Fontaine-bleau. Aussi se trouue quittance du Dimanche 13. Ianuier 1370. par laquelle noble Iean, Comte de Dampmartin confesse auoir receu du Roy nostre Sire, par la main de Pierre des Essars bourgeois de Paris, 250. liures Paris à luy deuës, pour raison du quint denier du prix de la vente de la terre & fief de Theroüenne assis à Paris, mouuant en fief de luy, achepté par le Roy nouvellement, de Pierre Adam, de S. Mamer, Escuyer, qui en la presence des Notaires s'en estoit deslaissi en la main dudit Comte. Et dudit fief de Theroüenne assis en la rue de S. Denys, & en plusieurs rues adjacentes du costé des Halles de ceste ville, auons faict mention au 28. chapitre du present Traicté, col. 16. Combien que par la loy *locator. §. fisci. ff. de pub. & vectigal. fiscus ab omnium vectigalium praestationibus immunis sit* ; Par ce moyen puisse sembler, que le Roy acquerant heritages situez és Iustices, fiefs ou censives d'aucuns Seigneurs estans en son Royaume, ne soit subiect payer aucuns droicts seigneuriaux ou feodaux. Et ce que dessus fut plaidé & appointé au Conseil, pour les Hostels de Flandre & de Bourgoigne : pareillement pour l'Hostel de Nasse, dont la cause fut plaidée le 20. Feurier 1552,

Et combien que plusieurs ayent entendu l'Ordonnance du Roy Philip-
pes.

pes le Bel, cy-dessus recitée, generallyment de tous heritages confisque-
 au Roy : soit qu'immediatement ils soient tenus de sa Majesté en fief ou
 censue, & situez au dedans de sa Iustice, ou que lesdits heritages soient
 tenus en fief ou censue d'autres Seigneurs que du Roy, & situez en leur
 Iustice : Toutesfois l'Ordonnance susdite ne fait mention sinon des con-
 fiscations aduenues au Roy au dedans des fiefs & terres des Ducs, Ba-
 rons, & autres Seigneurs Iusticiers, Feodaux ou Censiers du Royaume,
 non pas des heritages confisque, qui sont au dedans des Iustices, Fiefs
 ou Censues du Roy : Desquels ledit Seigneur n'est tenu vider ses
 mains, ains les peut retenir, & vnir à son Domaine : ainsi qu'il est am-
 plement traicté par du Moulin en la Coustume de Paris, au lieu cy-de-
 uant allegué.

4
 Interpretati-
 on de l'Or-
 donnance,
 par laquelle
 le Roy est
 tenu vider
 ses mains
 des herita-
 ges confis-
 quez.

Ce que dessus estant veritable, & estant loisible au Roy vnir à son Do-
 maine les fiefs immediatement tenus de sa Majesté, qui luy sont adue-
 nus par confiscation : On a demandé si ledit Seigneur peut prendre, re-
 tenir, & auoir par retraict feodal, le fief vendu par son Vassal, immédia-
 tement mouuant de sa Majesté, & l'vnir à son Domaine, en rembour-
 sant l'acquireur du prix de son acquisition, fraiz & loyaux cousts : Ou
 bien si le Roy peut ceder le droict de retraict feodal, à tel que bon luy
 semblera : lequel comme cessionnaire dudit Seigneur, pourra auoir par
 retraict feodal, & retenir deuers luy le Fief ainsi vendu, immédia-
 tement tenu du Roy, en payant le prix que l'acquireur en a baillé, & les
 loyaux coustemens.

5
 Deux ques-
 tions cy-
 apres trait-
 ées.

Quant au premier cas, qui est de la retention & reünion, il semble
 estre sans doute : D'autant qu'il n'y a Loy, Ordonnance, ny Coustume
 qui prohibe au Roy la retention par retraict feodal. Au contraire, la
 Coustume de Paris en l'article 20. le permet à tous Seigneurs Feodaux,
 dedans quarante iours apres l'exhibition du contract de vëdition; & n'en
 exclud point le Roy; lequel comme Seigneur Feodal en peut vser. Aussi
 par lettres Patentes du Roy Charles VII. contenans le pouuoir de Mes-
 sieurs les Thresoriers generaux de France, données à Chaalons, le 12.
 Aoust, 1445. article 35. est permis ausdits Seigneurs Thresoriers retenir
 pour le Roy, & en ses mains, toutes telles rentes, reuenus, maisons, ma-
 noirs, & autres choses qui se pourroient vendre en ses fiefs, pour le prix
 qu'auront esté faictes les venditions, & les deniers pour ce necessaires, les
 faire payer & deliurer par les Receueurs ordinaires : & les choses ainsi
 retenues appliquer au Domaine du Roy, comme acquests. De faict,
 Monsieur le Maistre en ses Decisions notables, à la fin de l'arrest cin-
 quiesme, recite que non seulement les gens de main-morte peuuent vser
 de retenuë feodale, ou bien de retraict, comme il est verifié par ledit cin-
 quiesme arrest, & qu'il est traicté par du Moulin au 13. article de la Cou-
 stume de Paris, *glosa 1. in verbis*, le Seigneur Feodal, *in principio col. 1. &*
2. & etiam questione 1. & 2. mais aussi le Roy en peut vser : Comme il se
 trouue auoir esté faict par le Roy Charles VI. d'un fief assis en la ville de
 Saint Quentin, qui auoit esté vendu par le Seigneur de Chin, aux Mai-
 re & Iurez de ladite ville : Ainsi qu'il appert par les pieces qui sont en la

6
 Le Roy peut
 retenir par
 retraict feo-
 dal le fief
 mouuant de
 luy, & l'v-
 nir à son
 Domaine.

7
 Arrest de cè
 que dessus.

Chambre des Comptes en l'armoire cottée O. Pareillement que le Roy puisse retenir par puissance de fief, & retraict feodal, le fief vendu par son vassal immédiatement tenu de sa Majesté; se trouue décidé par arrest, commençant par ces mots, *Cum comes fluxi: inter iudicia, consilia & arre'ta expedita in Parlamento b'ata Maria Magdalene anno Domini millesimo du'centesimo septuagesimo septimo*. Combien que *Masuerius in Practica forensi, titulo de locato. §. item, & predicta cessio, in verbis finalibus*, soit d'aduis contraire.

8

Le Roy peut
ceder le re-
traict feodal
qui luy ap-
partient.

Quant à la seconde question, qui est de sçauoir; Si le Roy peut ceder à vn tiers le droict de retraict feodal, duquel il peut vser, comme il a esté cy-dessus monsté: Il semble que ceste cession luy est permise, tout ainsi qu'elle est permise à tous Seigneurs feodaux: autrement le Roy seroit de pire condition que les autres Seigneurs estans en son Royaume: ausquels il est permis faire cession à vn estranger du retraict feodal qui leur appartient, *ut habeant vassallum gratum*. Et que le retraict feodal soit cessible, (combien que le retraict lignager ne le soit pas) il est auourd'huy sans doute: comme il est amplement disputé par du Moulin és Coustumes de Paris, §. 13. *glosa prima, questione prima*. Ainsi est décidé, tant par la nouuelle Coustume de Melun, article 164. que par la nouuelle Coustume de Mante, article 78. Ausquelles il faut conformer la Coustume de Paris.

9

Le retraict
feodal est
cessible.

10

Ceux qui
tiennent en
engagement
du Roy, ne
peuvent
user de re-
traict feo-
dal.

Et encores que le Roy puisse retenir par retraict feodal le fief immédiatement tenu de sa Majesté, vendu par son vassal; comme il a esté cy-dessus monsté: Toutesfois celuy qui a achepté du Roy à faculté de remeré quelque Chastellenie ou Seigneurie, estant du Domaine de la Couronne de France; ne peut retenir par retraict feodal les fiefs mouuans de ladite Chastellenie, qui sont vendus par les detenteurs & propriétaires d'iceux, non plus qu'un simple vsufructier ne les pourroit retenir par retraict feodal. Et en ce cas le meilleur est d'auoir lettres du Roy, adressantes à Messieurs les Thresoriers de France; pour retenir par retraict feodal le fief vendu, & i'vnir à la Chastellenie de laquelle il est mouuant. Et d'autant que le remboursement qu'il conuient faire à l'acquireur, sera faict par celuy qui tient en engagement du Roy ladite Chastellenie: par les mesmes lettres sera mandé ausdits Seigneurs Thresoriers, laisser iouyr dudit fief, ledit detenteur de ladite Chastellenie, à la charge de delaisser au Roy ledit fief, lors que ladite Chastellenie sera retirée par ledit Seigneur Roy, en remboursant l'acquireur des deniers par luy fournis pour la reünion dudit fief, fraiz & loyaux cousts, tels que de raison. Et ce que dessus peut estre faict par Messieurs les Thresoriers, sans lettres à ce expressees: comme il est porté par les lettres Patentes du Roy Charles VII. cy-deuant recitées.

11

Le Domai-
ne du Roy
aliené, ne
peut estre
retiré sans

Or combien que les lettres cy-dessus recitées soient fauorables, pour l'augmentation du Domaine du Roy, & reünion des fiefs & droicts dépendans de ses Duchez, Chastellenies & Seigneuries: Toutesfois on tient que celuy qui a achepté du Domaine à faculté de remeré, soit vne Chastellenie, vn Fief, vne Iustice, vn droict de champart, vne maison, vne bou-

rique ou loge, ne doit estre depossédé de la chose par luy acquise, sous ombre de remboursement qu'on luy offre faire de son sort principal, fraiz & loyaux cousts, s'il n'y a lettres Patentes verifiées en la Cour de Parlement, pour la réunion & rachapt du Domaine aliené par le Roy : ainsi que les lettres de l'alienation dudit Domaine ont esté verifiées en la Cour. Autrement il n'y a homme qui voulust achepter du Domaine du Roy : parce qu'incontinent apres son acquisition, son voisin, ou son hayneur trouueroit moyen de le faire rembourser par le Roy, & d'entrer au lieu du premier acquereur. Et tout ainsi qu'il est raisonnable de maintenir ceux qui de bonne foy, & solennellement acquierent des biens des Ecclesiastiques, ou des mineurs, à ce que lesdits biens estans exposez en vente pour causes necessaires ou vtils, on puisse trouuer gens qui les achètent : aussi il est raisonnable de maintenir & conseruer ceux qui de bonne foy, & solennellement acquierent du Domaine du Roy, & qu'ils n'en soient depossédez pour le bailler à vn autre.

Et ce que dessus a lieu, encores que Messieurs les Thresoriers de France vueillent rembourser l'acquireur du Domaine du Roy, de son sort principal, fraiz & loyaux cousts, pour bailler l'heritage ainsi retiré à vn autre personnage, lequel à ceste fin ait obtenu lettres Patentes. Comme il fut aduisé par Messieurs les Gens du Roy de la Cour de Parlement, sur l'appel interjetté de Messieurs les Thresoriers de France à Lyon : Lesquels suiuant les lettres obtenues de Monsieur de Nemours, Gouverneur de la ville de Lyon, & pais adjacens, par vn Bourgeois de ladite ville, auroient ordonné que les vesue & heritiers d'vn defunct receuroient par les mains du Receueur du Domaine de Lyon, le sort principal de l'acquisition faite par ledit defunct à faculté de reméré, d'vne Seigneurie estant du Domaine du Roy, avec les fraiz & loyaux cousts de ladite acquisition : & qu'ils delaisseroient la iouissance de ladite Seigneurie, pour estre baillée à l'impetrant des lettres, lequel deuoit payer la somme de cinq cens escus d'augmentation de prix : qui seroit renduë par le Roy, avec le sort principal, lors que ledit Seigneur voudroit racheter ladite Seigneurie, avec les fraiz & loyaux cousts. Sur ce, les parties le 14. Decembre 1593. furent appointées au Conseil : Pendant la decision duquel appel, les vesue & heritiers du defunct demurerent en possession de la Seigneurie : lesquels remonstroient que le Roy estoit notoirement lezé parce que lors qu'il voudroit racheter ladite Seigneurie, il seroit contraint payer la somme de cinq cens escus, laquelle il n'auroit pas receüe. Aussi l'intimé declara qu'il ne vouloit pas soustenir le iugement desdits Seigneurs Thresoriers, en sorte qu'il n'estoit question que des despens, dommages & interests.

Bien est vray que Messieurs les Thresoriers Generaux de France peuuent de leur office, sans lettres Patentes, faire rembourser par les Receueurs du Domaine du Roy, des deniers de leurs Receptes, vn acquireur, ou plusieurs acquireurs d'heritages Domaniaux, soient fiefs, Iustice, censiuës, maisons, loges ou boutiques, pour estre deslors du réboursement réunies & incorporées au Domaine & Recepte ordinaire du Roy. Et ce suiuant

12
Les Thresoriers de France ne peuuent retirer le Domaine du Roy aliené, pour le bailler à vn autre particulier.

13
Quand & comme les Thresoriers de France peuuent retirer le Domaine du Roy qui a esté aliené.

les lettres Patentes contenant le pouuoir desdits Seigneurs Thresoriers, obtenues des Roys Charles VII. Charles VIII. & Louys XII. inferées au 2. tome des Edicts & Ordonnances des Roys de France, redigées en tiltres & chapitres, par Maistre Anthoine Fontanon, Aduocat en Parlement. Et qui plus est, lesdits Seigneurs Thresoriers Generaux, par les patentes qu'ils ont obtenues du Roy Henry II. contenant augmentation de leur pouuoir & autorité, verifiées en la Cour de Parlement, le 21. Novembre 1552. est porté és 15. & 21. articles: Que lesdits Seigneurs peuvent faire rembourser les acquereurs du Domaine du Roy, du sort principal & loyaux cousts de leurs acquisitions, par celuy auquel ils auront fait bail pour dix ans, ou autre moindre temps, des terres, seigneuries, & autres droicts & heritages alienez dudit Domaine à faculté de remerer: A la charge qu'apres le temps du bail expiré & passé, les choses alienées seront reunies, & retourneront franchement à la table du Domaine & Couronne de France, ainsi qu'elles auoient esté auparauant, sans aucune chose en desbourser par le Roy.

Aussi par le 333. article des Ordonnances faictes à la postulation des Estats tenus à Blois, en l'an 1580. est porté, que les terres du Domaine de la Couronne, qui ont esté alienées pour la necessité des guerres, à deniers comptans, seront à la diligence desdits Seigneurs Thresoriers de France baillées à ferme iudiciairement, aux plus offrans & derniers encherisseurs: Et que sur le prix des fermes, les acquereurs seront prealablement payez de l'interest & rente des deniers qu'ils verifient & feront deuëment apparoir auoir fournis, & estre entrez actuellement és finances du Roy, sans fraude ou desguisement: A raison du denier dix, pour ce qui est situé au pais de Normandie, & du denier douze pour les autres Prouinces du Royaume de France: Et ce par les mains des Fermiers adiudicataires, qui en demureront specialement obligez enuers les acquereurs, lesquels ne pourront par cy-apres faire exercer la Iustice en leurs noms, ny pretendre aucun droict de prouision des benefices, ou offices dependans desdites terres. Et le surplus des deniers reuenans bons desdites fermes, sera remployé au rachapt du Domaine, & remboursement des acquereurs d'iceluy.

Et auparauant l'Ordonnance de Blois, par arrest du 7. Aoust, 1563. la Cour en emendant la sentence donnée par Messieurs du Thresor, ayans adingé aux Religieux, Abbessé & Conuent de Long-champ le droict de Tonlieu & Coustume de pain vendu és Halles, & autres lieux publics, & Marchez de la ville de Paris: outre le droict de Tonlieu qu'elles ont sur tous les Boulengers vendans petit pain, en maisons ou fenestres en ceste ville de Paris, ou fauxbourgs d'icelle, consistant en la perception de la somme de trois deniers tournois par chacune semaine, que chacun Boulenger vendant petit pain, est tenu payer ausdites Religieuses, ou leur Fermier. La Cour par le mesme arrest a ordonné que lesdites Religieuses seroient tenuës de laisser, & remettre és mains du Roy ledit droict de Tonlieu, lors & quand il plaira à sa Majesté, en leur redant le prix par elles desboursé, ou leur faisant assigner réte pour iceluy, à raison

du denier douze. Et combien que les acquereurs du Domaine ne puissent estre depossédez, sinon par l'un des moyens cy-dessus declarez : toutesfois quelques vns obtiennent lettres patentes du Roy, adressantes à Messieurs les Thresoriers de France, ou bien à Messieurs les Conseillers du Thresor, pour estre subrogez au lieu & droict du Roy ; afin de retirer la loge, boutique, maison, ou heritage vendu par le Roy à faculté de remeré perpetuel, en remboursant l'acquireur du sort principal & loyaux cousts de son acquisition, & faisant quelque augmentation de prix, ou de rente. Et en vertu de ces lettres, & du iugement qu'ils obtiennent sur icelles de Messieurs les Thresoriers de France, ou de Messieurs les Conseillers du Thresor, ils contraignent l'acquireur à leur delaisser la iouissance de l'heritage domanial, qu'il auoit acquis du Roy : Ou bien en vertu desdites lettres, qu'ils disent estre vn arrest du Conseil d'Etat, ou bien du Conseil Priué du Roy ; ils remboursent l'acquireur de son sort principal & loyaux cousts ; ou actuellement l'offrent rembourser, & en son refus consignent en Iustice. Et par vn Commissaire du Chastelet de Paris, ou par vn autre Officier Royal, auxquelles lettres sont adressées, se font mettre en possession & iouissance de l'heritage mentionné en leurs lettres : Ainsi que fit Selinquant boucher, pour iouyr de l'un des estaux de la boucherie de Beauuais de ceste ville de Paris, duquel il se fit mettre en possession par le Commissaire le Sage, apres auoir reellement offert rembourser l'acheteur. Et pour empescher par les acquereurs qu'ils ne soient depossédez par le moyen de telles lettres, ils doiuent appeler de l'execution d'icelles, & releuer leur appel en la Cour. Et le meilleur & plus seur est, que le particulier qui veut estre subrogé au lieu & droict du Roy, & par le moyen d'augmentation de prix, ou d'augmentation de redevance annuelle euincer l'acquireur du Domaine du Roy, en son lieu entrer en iouissance ; obtienne lettres patentes aux fins susdites, adressantes, tant à la Cour de Parlement, Chambre des Comptes, que Messieurs les Thresoriers Generaux de France. Et ainsi doit estre obserué pour les raisons cy-dessus deduites.

Plusieurs sont d'aduis que ceux qui tiennent en engagement du Roy quelque Chastellenie, ou Seigneurie estant du Domaine de la Couronne de France, ne peuuent à leur requeste seule, sans l'adionctiō du Procureur du Roy, faire saisir les fiefs dependans de ladite Chastellenie, à faute d'homme, droicts & deuoirs non faicts & non payez ; ny pareillement celuy qui a cession & transport du Seigneur fodal, des droicts & profits de fief, qui estoient deubs au dit Seigneur : non plus qu'un vsufruitier le peut faire, sans nommer le propriétaire du fief dominant, & sans l'auoir preallablement sommé de faire saisir ledit fief : comme il est porté par le second article de la nouvelle Coustume de Paris. La raison est, parce que la foy & hommage du fief seruant ne sont deubs, ny à celuy qui tient en engagement du Roy ladite Chastellenie ; ny à l'vsufruitier : ains sont deubs au Roy, ou bien au propriétaire du fief dominant. Et les simples profits de fief appartiennent à celuy qui tient en engagement du Roy, ou bien à l'vsufruitier : lesquels ont seulement la seigneurie vtile pour quel-

14

*Ceux qui
tiennent en
engage-
ment du
Roy, ne
peuuent fai-
re saisir à
faute
d'homme.*

que moment de temps ; & non la directe. De faict, si le vassal est receu en foy ils sont contraincts demander par action leurs droicts, devoirs, & profits de fief. Aussi que ceux qui tiennent en engagement du Roy les Seigneuries esquelles y a droict de Iustice, haute, moyenne & basse, ne peuvent faire exercer la Iustice en leurs noms, ny pretendre aucun droict de prouision és benefices & offices dependans desdites Seigneuries: comme il est porté par le 333. article de l'Ordonnance de Blois, cy-dessus recité. Et si ceux qui tiennent en engagement du Roy, contraignent les vassaux dudit Seigneur à leur faire foy & hommage ; ce sont abus, & entreprises sur les droicts du Roy, qui ne doiuent estre tolerez, ains reprimez, tant par Messieurs des Comptes, que par Messieurs les Thresoriers de France, vrays protecteurs & conseruateurs du Domaine de la Couronne : lesquels pareillement doiuent tenir la main que les Iustices ne soient exercées sous le nom des acquereurs du Domaine, & qu'ils ne pouruoyent aux Offices.

15
Ceux qui
tiennent en
engagement
du Roy, ne
doiuent re-
cevoir les
hommages.

Car si on tolere ceste entreprise, ceux qui tiennent en engagement les Chastellenies du Roy, pourront facilement s'approprier la mouuance des fiefs dependans desdites Chastellenies ; & par succession de temps soustenir qu'ils sont mouuans des terres & seigneuries qui leur appartiennent en pleine propriété, proches & contigues des Chastellenies & fiefs du Roy, desquels ils iouissent par engagement. Et le semblable sera faict des droicts de Iustice, si les acquereurs du Domaine du Roy les font exercer en leur nom, contre la prohibition portée par l'Ordonnance. Et pour ce regard est besoin voir le 20. chap. du present Traicté, col. 10. 11. & 12. Aussi les alienations faictes du Domaine du Roy, à faculté de reméré, ne portent & ne doiuent porter permission aux acquereurs d'iceluy, de recevoir les foy & hommage des vassaux du Roy, ny permission de pouruoir aux Offices. Et si l'alienation le portoit, ce seroit vne surprise & vray abus. Mais tels acquereurs qui ont souuent les choses pour petit & vil prix ; & qui quelquesfois baillent les deniers d'une main, & les reprennent de l'autre ; le doiuent contenter de prendre les profits & emolumens des Chastellenies & Seigneuries par eux acquises à faculté de reméré du Roy, sans toucher à ce qui concerne la Seigneurie directe, & Majesté Royale.

16
Lettres pa-
tentes ob-
tenues par
vn Seigneur
afin d'user
de retraits
feodal au
lieu du Roy.

Pour obuier à ce que dessus, vn Seigneur qui auoit acheté à faculté de reméré vne Chastellenie domaniale, assise en la Preuosté & Vicomté de Paris ; voulant user du droict de prelation, retenue, & retrait feodal au lieu du Roy ; il a obtenu lettres patentes, par lesquelles sa Majesté a déclaré que son vouloir & intention est, que l'impetrant, ses heritiers, ou ayans cause, tant & si loüement qu'ils seront seigneurs & possesseurs du Domaine de ladite Chastellenie, iouissent & usent pleinement & paisiblement du droict de prelation, retenue, & retrait feodal, ainsi que les Seigneurs particuliers ayans fiefs, peuvent user, iuiuant la Coustume, des Seigneuries, maisons, terres, bois, prez, estangs, & tous autres heritages qui se sont vendus, & pourront vendre, tenus en fief ou censive du Domaine de ladite Chastellenie: dont les acquereurs ne sont receus en foy

& hommage, ne enfaîsinez; & n'ont payé les droicts & profits pour ce deubs: Et que les choses que l'impetrant & les siens aurôit retirées & rembourfées, leur soient & demeurent propres à perpetuité: nonobstant que par le contract d'alienation de ladite Chastellenie, n'en ait esté faict aucune particuliere mention. Et par lesdites lettres, le Roy pour euitier à toute doute & proces, permet à l'impetrant, les hoirs, & ayans cause, & leur donne pouuoir d'vser dudit droict de prelation, retenuë & retraict feodal: tout ainsi que sa Majesté pourroit faire & vser. Les lettres sont datées du 12. Mars, 1586. & ont esté leuës & publiées en iugement, l'audience tenant en la Chambre du Thresor, & registrées au Greffe d'icelle, le 22. Aoust, 1586. Pareillement leuës & publiées en iugement au Parc Ciuil du Chastelet de Paris, l'audience tenant, & illec enregistrées le 23. Avril, audit an.

[Icy conuient noter, Que si le Roy vendant son Domaine à faculté de remeré, ou le baillant pour assignat de doüaire ou d'appanage, fait cession & transport de tous droicts de Justice, d'amendes & confiscations: les Seigneurs viufriictiers desdits droicts (les confiscations en crime de leze-Majesté exceptées) iouyront en pleine propriété des heritages & confiscations qui seront escheües pendant leur engagement: desquelles ils pourront disposer & vendre à qui bon leur semblera, sans que le Roy puisse pretendre aucune chose ny droict sur lesdits heritages, ainsi qu'il a esté fort bien remarqué par Monsieur Chopin, *lib. 1. tit. 4. num. 5. de Do-man. & lib. 2. tit. 5. de Doma. Molin. §. 1. num. 68. Consu. Paris. Chacon. lib. 1. Pandect. cap. xxi.* Conformément à ce que dessus par sentence du 4. Septembre 1597. fut iugé au Thresor, à mon rapport, Que tous les biens, tant meubles qu'immeubles, appartenans à feu Catherine du Puis, bastarde, assis dans le village de Louures en Paris, où elle estoit née & morte, appartiendroient à Mōsieur Maistre Oudart Hennequin, Seigneur vsufriictier dudit Louures. Et ce nonobstant que le Procureur du Roy au Thresor remonstrast, que les trois cas fussent cōcurrens, neantmoins tels biens n'estoient *in fructu*, lesquels deuoient plustost appartenir au Roy, qu'audit Seigneur Hennequin, Seigneur vsufriictier dudit Louures. Voy Coquille en la Coustume de Niuern. art. 9. tilt. des donat. Si vn Seigneur vsufriictier a droict de retenuë, ledit Coquille en ladite Coustume, art. 58. tilt. des Fiefs. N. B.]

En cest endroict conuient noter, que si le Roy cede, donne, vend, ou autrement aliene le fief qui luy est aduenü par confiscation: le Seigneur dominant dudit fief ne peut demander qu'un seul profit de fief, qui sera deu par le cessionnaire, au moyen de son acquisition: non plus que quand vn Seigneur de fief contraint gens de main-morte vuidier leurs mains du fief par eux acquis: & que suiuant le commandement à eux faict, ils mettent hors de leurs mains le fief qu'ils auoient acquis: Lors le Seigneur dominant ne doit auoir que le profit de la derniere alicnation: & non de la premiere, qui n'a sorty effect. Ainsi qu'il fut amplement deduit en la cause de feu Deslandes, plaidée en la Cour le 20. Iuillet, 1559. & qu'auons dict au 33. chapitre du Traicté des Amortissemens.

Qu'au Seigneur vsufriictier appartient les confiscations escheües pendant la iouissance de son vsufriict.

17

Quand le Roy donne un fief qui luy a esté confisqué, n'est auant qu'un seul rachapt.

18
Raisons de
ceux qui
estiment que
celuy qui a
acheté des
acquireurs
du domaine
du Roy, ne
doit aucuns
droictz sei-
gneuriaux
ne feodaux.

Outre ce que dessus on a demandé, Quand ceux qui ont acheté du Roy à faculté de remeré, terres, seigneuries, maisons, eschoppes, loges, ou autres heritages feodaux ou roturiers, estans du Domaine dudit Seigneur, reuendēt lesdits lieux & heritages: Si l'acheteur d'iceux doit au Roy droictz feodaux, si c'est fief: ou seigneuriaux, si c'est roture; ou bien s'il n'en doit point. Aucuns ont soustenu que l'acheteur n'est subiet à aucuns droictz feodaux ny seigneuriaux: parce que l'alienatiō faite par le Roy, n'est qu'un simple engagement; subiet à faculté de rachapt perpetuel; lequel ne se prefcrit aucunement: en sorte que par quelque laps de tēps que ce soit, les acquireurs ne peuuent estre seigneurs incommutables desdits heritages. Aussi que telles venditions ne contiennent alienation de fond & de propriété; mais d'une simple vſance & iouyſſance, pendant le temps de l'engagement, & iusques au iour du rachapt faict. Que les maisons, eschoppes, ou loges vendues par le Roy, ne sont chargées d'aucune censue: De faict on n'a point accoustumé d'en payer centlie par chacun an, sans le droict de laquelle censue on ne peut demander lots & ventes. Pareillement les terres feodales vendues par le Roy à faculté de remeré, ne sont chargées de foy & hommage; & les acquireurs d'icelles n'ont accoustumé entrer en foy. Dauantage que le Roy retirant les heritages par luy alienez, seroit contrainct rendre les lots & ventes qui luy auroient esté payez, comme estans loyaux cousts. Et ceux qui detiennent les maisons de dessus le pont aux Changeurs, ausquels on demande lots & ventes pour les achapts par eux faits desdites maisons, tant par decret que volontairement; peuuent dire qu'ils sont locataires desdites maisons, pour le temps de vingt-ans seulement, à la fin desquels leurs baux expirent: & sont tenus pendant leurs baux, payer chacun an, tant au Roy, qu'à Messieurs de la sainte Chapelle, certaine redeuance. Et à la fin des vingt-ans, le Roy doit r'entrer esdites maisons, en rendant la somme de soixante mil tant de liures; qui est pour chacune maison sept cens tant de liures, pour laquelle somme lesdites maisons sont engagées aux detenteurs d'icelles. Que le tiltre de conduction est du tout contraire au droict de seigneurie & propriété: *Imò verò conductor non potest questionem domini referre locatori, siue domino ad ium*, que preallablement il ne sorte de la maison qu'il tient à loiage, suiuant la *l. si quis conductionis. Cod. de locat.* Et estans locataires & non propriétaires desdites maisons, ils ne peuuent deuoir lots & ventes.

19
Raisons de
ceux qui
estiment
qu'aux cas
susdicts sont
deubs droictz
seigneu-
riaux, ou
feodaux.

Toutesfois plusieurs sont d'aduis contraire: & dient que telles venditions & alienations, portant ces mots, vend, cede, transporte, ne contiennent vne simple vſance ou iouyſſance: *sed continent translationem utilis domini*: Mesmement qu'il y a bourse desliée, & deniers payez. Que les acquireurs sont seigneurs vtiles: prennent à leur profit tous les fruiets, profits, reuenus, & emolumens de l'heritage par eux acquis du Roy. De fait quand celuy auquel appartient un fief qu'il a achepté du Roy à faculté de remeré, va de vie à trespas, son fils aisné a droict d'ainesse audit fief, comme aux autres fiefs de la succession. Ainsi qu'il fut aduisé par arbitres apres le decez & trespas de feu Turquan, & obserué apres le trespas de feu

feu Monsieur le President Bailly, tenant en engagement du Roy ; ou bien de feu Monseigneur le Duc d'Anjou son frere, par permission du Roy, la Chastellenie de la Ferté-Alez. Mais encores que les enfans puisnez dudit President Bailly, par leur partage eussent laissé à leur frere aîné droit d'aînesse en la Chastellenie de la Ferté-Alez : toutesfois lesdits puisnez par ledit partage protesterent de requérir, que les deniers qui proviendroient du rachapt de ladite Chastellenie, fussent partagez esgalement sans droit d'aînesse. Et ledit rachapt ayant esté fait par le Roy, tost apres ledit partage, & pour iceluy payé la somme de dix-huict mil liures tournois, moyennant laquelle ladite Chastellenie auoit esté vendue à faculté de reméré : pour raison du partage desdits deniers, le proces estant pendant pardeuant Messieurs des Requestes du Palais à Paris, par leur sentence du iour de 1588. ordonnerent, que lesdits deniers seroient partagez esgalement entre tous les heritiers dudit defunct President Bailly. Dont le fils aîné a appellé en la Cour de Parlement : laquelle par son arrest a confirmé la sentence de Messieurs des Requestes du Palais. Qui demonstre que les acquereurs n'ont qu'une simple iouissance ; mais leur appartient la Seigneurie utile des choses par eux acquises du Roy. Soustiennent tout ainsi que celui qui a acheté une maison, ou autre heritage d'un particulier à faculté de reméré, doit dès l'instant de son acquisition lots & ventes ; & si pendant le temps de son reméré il reuend l'heritage par luy acquis à la charge de reméré ; le second acheteur doit pareillement lots & ventes : comme les contrats de vente & revente estans purs, simples & parfaits, encore que sous condition ils puissent estre resolu : Ainsi qu'il est amplement traité par Monsieur Tiraqueau *in libro de retractu conuentionali. §. 6. in Glosa*, les loyaux coustemens, *col 9.* & porté par le 123. article de la nouvelle Coustume de Melun. Aussi dient estre raisonnable, que celui qui achete un heritage qui auoit esté acquis du Roy à faculté de reméré, paye lots & ventes, comme y ayant indentité de raison. Dauantage dient que quand un heritage baillé en emphyteose à longues années, ou à vies, est vendu, l'acheteur doit lots & ventes ; comme il a esté iugé par arrest donné au profit des Cheuecier, Chanoines, & Chapitre de saint Oportune, contre Nicolas Patroüillart le 15. Decembre 1571. Et conformément audit arrest, les manans & habitans du village de Puteaux ayans vendu par autorité de Justice, la iouissance & despoüille de leurs prez, pour le temps de trente ans, afin de satisfaire aux fraiz de la closture de leur village, l'acheteur & adiudicataire de ladite iouissance a esté condamné payer les lots & ventes de son acquisition au Seigneur Censier desdits prez : Suivant la loy finale, *Cod. de iure emphyteutico*. Neantmoins es cas susdits il n'y a aucune aliénation de propriété, ains de seigneurie utile seulement. Et par le 149. article de la nouvelle Coustume de Paris est porté ; Que baulx à quatre vingts dix-neuf ans, ou longues années, sont subiets à retraict lignager. Aussi par le 148. article de la mesme Coustume est dict, que loges, boutiques, estaux, places publiques achetées du Roy, & escheuës en succession, sont subiettes à lots & ventes : car l'argument de

20

Celui qui a
acheté à
faculté de
reméré, doit
lots & ven-
tes dès l'in-
stant de son
acquisition.

21

Si un heri-
tage baillé à
vies ou à
longues an-
nées, est
vendu, sont
deus lots &
ventes.

l'un a consequence de l'autre. Mesmement que la propriété, quoy que ce soit, la seigneurie utile des loges, & boutiques aliénées par le Roy, à faculté de reméré, est transferée; & non un simple usufruct. Auquel cas de translation de simple usufruct, n'y auroit lieu de retrait, & ne seroient deubs lots & ventes; suivant le 47. article de ladite Coutume. Et quant au droit de censive, ou de foy & hommage es heritages alienez par le Roy, on dict que *tacite inest*: Parce qu'en France tout heritage est tenu en fief, ou censive, s'il n'y a tiltre particulier de franc-aleu. Et pourroit on soutenir que pour la conservation & cognoissance du Domaine aliéné, tant ceux qui acquierent du Domaine du Roy, que les nouveaux acquereurs d'iceluy, deuroient payer censive chacun an de l'heritage roturier, & entrer en foy de l'heritage feodal, quand il change de main. Au surplus, le Roy ne peut estre tenu à la restitution des lots & ventes, ou autres droictz feodaux, payez par le second acheteur; d'autant que ce ne sont loyaux cousts faicts à cause de l'alienation faicte par le Roy: Non plus que le premier vendeur à faculté de reméré, n'est tenu rembourser le second acquereur, des droictz feodaux, ou Seigneuriaux qu'il a payez à cause de la seconde acquisition. Et quant à ceux qui detiennent les maisons assises sur le pont aux Changeurs, on respond qu'ils ne sont simples locataires de leurs maisons, ains Seigneurs utiles d'icelles. De faict ils les ont acquises du Roy à faculté de reméré moyennant la somme de soixante mil tant de liures: & pour empescher que le Roy ne les rembourse, & expulse desdites maisons, ils ont trouué moyen de prendre bail à loyer du Roy, de vingt en vingt ans, & faire en sorte, que le Roy pendant le temps de leur bail ne les puisse expulser: Et leur bail estant finy, le Roy sera tenu leur rendre ladite somme de soixante mil tant de liures. Telement que leur bail n'a pas changé, esteint, ny tollu le tiltre de la seigneurie utile qu'ils ont cy-deuant acquise du Roy, desdites maisons à faculté de reméré. Au contraire, l'acquisition & tiltre de ladite seigneurie utile, est assurée, prorogée, & confirmée par le moyen du bail qu'ils ont prins du Roy desdites maisons, lesquelles on a accoustumé de saisir, & crier, & decreter sur les detenteurs d'icelles, comme seigneurs utiles; afin d'esteindre & tollir les rentes, hypotheques, & debtes qui peuvent avoir esté constituées sur lesdites maisons, par les detenteurs d'icelles: tout ainsi que par ceux qui ont acquis du Domaine du Roy à faculté de reméré: lesquelles saisies, criées & decrets, on a accoustumé faire sur les simples locataires des maisons baillées à loyer.

22
Jugement
par lequel
celuy qui
avoit ache-
té d'un ac-
quereur du
Domaine
du Roy, a esté
condamné
payer lots &
ventes.

De faict, Pierre Sanson, marchand bourgeois de Paris, en l'an 1559. ayant achepté de ses coheritiers, les quatre cinquiemes parties de la deuxième loge ou boutique, estant du costé du pont aux Changeurs, adossée contre les murs du Palais: laquelle le 26. May 1537. avoit esté vendue à faculté de reméré, par Messieurs les Commissaires à ce deputez par le Roy, à defunct Estienne Sanson: Encores que ladite loge eust esté racheptée par le Roy, le 1. Aoust 1573. & ledit Pierre Sanson ne tint ladite loge, sinon à loiage, par le moyen du bail à luy faict, comme plus offrant, par

Messieurs les Thresoriers Generaux de France, le 29. Decembre 1576. Neantmoins ledit Sanfon a esté condamné payer es mains de Maistre François Martin, Receueur à ce commis par le Roy, la somme de dix-huict escus sol & demy, & vn tiers d'escu trois sols quatre deniers tournois, à quoy se montoient les lots & ventes des acquisitions par luy faictes de ses coheritiers, des quatre cinquiesmes parties de ladite dixiesme loge. Et ce par iugement contradictoire, donné sur productions respectiuelement faictes par les parties, le 15. May, 1578. par Messieurs les Iuges ordonnez par le Roy sur le faict & esclarcissement de ses droicts, & deuoirs Feodaux & Seigneuriaux, en la Chambre de la Royné; à la requeste & poursuite du Procureur du Roy en ladite commission.

Et combien que la question cy-dessus proposée semble estre decidée par le iugement cy-dessus recité: Toutesfois le Procureur du Roy au Thresor, à la diligence de Maistre Jean Payen, Controolleur General du Domaine du Roy, en la Generalité d'outre Seine & Yonne, établie à Paris; ayant faict adiourner Regnault Mont-rouge, Marchand Boucher Bourgeois de Paris; A ce qu'il fust condamné payer au Roy, les lots & ventes qu'il disoit estre deuz, à cause de l'acquisition par achapt par luy faicte des vesue & heritiers de defunct Bricotté, viuant aussi Boucher, d'une maison en laquelle y a estail à Boucher, assise en ceste ville de Paris, en la Boucherie de Gloriette, près petit Pont, anciennement acquise du Roy à faculté de reméré, par ledit defunct Bricotté. Et ledit Mont-rouge ayant soustenu ne deuoir aucuns lots ny ventes, à cause de son acquisition, pour les raisons cy-deuant amplement deduites: Mêmement que ladite maison auoit esté rachetée par le Roy depuis vn an: lequel auoit rendu la somme de cinq cens tant d'escus, pour le sort principal de l'acquisition faicte par ledit defunct Bricotté de ladite maison. Laquelle tost apres auroit esté reuendue à faculté de reméré, par Messieurs les Commissaires à ce deputez par le Roy, & adiugée audit Mont-rouge, comme plus offrant & dernier encherisseur, moyennant la somme de mil tant d'escus, qu'il auoit esté contraint payer comptant: Tellement que l'acquisition par luy faicte des vesue & heritiers dudit defunct Bricotté, estant à present nulle, & sans effect; il n'estoit raisonnable, pour raison d'icelle, à present payer lots & ventes. Ce que estant maintenant au contraire par le Procureur du Roy, pour les raisons & moyens cy-dessus alleguez: Disant que deslors de l'acquisition par achapt faict par ledit Mont-rouge, de ladite maison; le droict de lots & ventes auoit esté acquis au Roy: lequel n'auoit esté tollu ny esteint, par le moyen du rachat depuis faict par le Roy, de ladite maison: ny par le moyen de la reuente d'icelle maison, depuis faicte à faculté de reméré audit Mont-rouge. Les parties iudiciairement ouyes en plaidoyrie, elles ont esté le Ieudy 23. Auiil 1587. appointées en droict à escrire par aduertissement & produire. Tellement que la decision de la question dessusdite, (qui est de grande importance,) despend du iugement qui interuiendra en ceste instance. En laquelle les parties, ayans respectiuelement escrit & produit; le 9. d'Octobre, 1587. a esté donnée sentence de Messieurs du

23
Qu'il a esté
appointé
au Conseil:
si ceux qui
ont achepté
des acquereurs du
domaine du
Roy. doiuent
lots & ventes
ou non.
Et depuis
iugé comme
dessus.

Thresor : Par laquelle ledit Mont-rouge defendeur a esté condanné payer au Roy au Bureau de la Recepte ordinaire de Paris, les lots & ventes des acquisitions par luy faictes des heritiers dudit defunct Bricotté, de la maison & estail à boucher, dont est question, & condanné es despens. Dont y a appel pendant & indecis en la Cour.

Si les heritiers de ceux qui ont acquis du Roy Iustices ou Seigneuries, peuvent faire littres & ceintures es Eglises estans esdites Iustices & Seigneuries.

Si ceux qui ont acquis à faculté de reméré Iustices, Fiefs & Seigneuries, du Domaine du Roy, doiuent auoir banc & siege, au lieu plus honorable & eminent des Eglises assises au dedans des fins & limites des Iustices, Fiefs & Seigneuries par eux acquises, & y mettre leurs armoiries : & si apres le trespas desdits acquereurs, leurs heritiers peuuent mettre littres & ceintures funebres au dedans & par dehors lesdites Eglises, esquelles soient empreintes les armoiries desdits acquereurs : Est besoin voir le 20. chap. du present Traicté.

QV'EN DELICT COMMVN ET CAS NON

Royal, les biens confisquezz appartiennent tant au Roy que aux haut-Iusticiers au *pro rata* des biens qui sont au dedans de leurs hautes Iustices. Comme ils doiuent payer les debtes du condanné, & les amendes contre luy adiugées.

- | | |
|---|---|
| <ol style="list-style-type: none"> 1 De droict commun toutes confiscations appartiennent au Roy. 2 Confiscatio quid sit. 3 La confiscation appartient au haut-Iusticier. 4 A quels Seigneurs appartiennent les meubles confisquezz. 5 Les meubles suiuent le domicile. 6 Decision de la question cy-dessus proposée. 7 Par la Coustume de Paris, chacun haut-Iusticier prend les meubles confisquezz estans en sa haute Iustice. | <ol style="list-style-type: none"> 8 Les debtes de celuy qui a confisqué, se payent par les haut-Iusticiers <i>pro rata bonorum</i>. 9 Si au payement de l'amende adiugée au Roy, chacun haut-Iusticier peut estre solidairement contraint. 10 Arrest de ce que dessus, que les amendes ne se payent solidairement par les haut-Iusticiers. 11 Declaration de l'arrest cy-dessus recité. 12 Pour biens confisquezz on ne peut former complainte. |
|---|---|

CHAPITRE XIII.

De droict commun toutes confiscations appartiennent au Roy



OMBIEN que de droict commun toutes confiscations appartenissent au Roy ; comme seul souuerain & Empereur en son Royanme, lequel il tient immediatement de Dieu, sans recognoistre aucun superieur : En signe de quoy, nos Roys estans sacrez, prennent l'espée sur l'Autel, sans qu'elle leur soit baillée. De faict que le droict de confiscation de *Regalibus* sit : *ut inquit textus in capite unico, qua sint Regalia. in vsib. feud. in verbis, bona damnatorum vel proscriptorum. l. unica. Cod. ne sine iussu Principis certis indicibus liceat confiscare. l. tutoris. od. ad legem Iul. de vi publ. §. interdum. de haredit. qua ab intest. defer. in insti.*

Confiscatio enim dicitur ad fiscum applicatio, vel cum fisco associatio. Pour cette cause les Procureurs du Roy ont accoustumé requérir les biens des delinquans estre confisquezz au Roy, comme ne recognoissans en France autre qui ait droict de confiscation que ledit Seigneur.

²
Confisca-
tio quæ dicitur.

Toutesfois les haut-Iusticiers de France se sont attribué le droict de confiscation comme dependant du droict de haute-Iustice, & ayans pour ce regard *iura fiscalia vel potius regalia.* Et cela est sans doute en la Coustume de la Preuosté & Vicomté de Paris: en sorte que quand les biens des delinquans sont confisquezz, les sentences & arrests portent ordinairement ces mots: Tous & chacuns ses biens acquis & confisquezz à qui il appartiendra. Et par le moyen de tels iugemens, sentences & arrests, chacun haut-Iusticier s'empare des biens confisquezz, mesmes des heritages qui sont au dedans du destroict de sa haute-Iustice, soient feodaux ou roturiers. Tellement que le fief seruant n'appartient pas au Seigneur du fief dominant; mais appartient au haut-Iusticier, lequel sera tenu entrer en foy, & payer les droicts & deuoirs. Notant Doctores, maximè Baldus in l. ex facto. ff. de hered. instit. l. si certarum. ff. de testam. Alexan. de Imola, consil. 31. Vol. 1. Bart. & Salycet. in l. cunctos populos. in fine. Cod. de sacrosanctis Ecclesiis.

³
La confiscation appartient au haut Iusticier, & non au Seigneur feodal.

Mais on a douté des meubles & debtes actiues de celuy qui a confisquezz, s'ils appartiendront à chacun haut-Iusticier, au dedans de la Iustice duquel les meubles seront trouuez, & les debtes seront deuës: Ou bien si tous les meubles & debtes appartiendront au haut-Iusticier, en la haute Iustice duquel celuy qui a confisquezz estoit demeurant: *Tanquam mobilia sequantur personam, siue domicilium illius cuius sunt, licet immobilia respiciant territorium in quo sita sunt: Et sic* meubles suivent la personne, & la personne, le domicile: selon la doctrine de Baldus, in l. mercatores. Cod. de commerc. & mercat. Et licet nomina debitorum tanquam à mobilibus & immobilibus distincta, territorio non circumscribantur. l. Caius. ff. de legat. 2. Tamen quia personales actiones, creditoris persona adeo coherant, ut ab eius persona euelli non possint. l. 3. ff. pro socio. l. quid ergo. ff. de peculio: on comprend les debtes actiues, comme cedules, obligations faictes pour sommes de deniers, ou autres choses mobilières, sous le nom de meubles; suivant le 89. article de la nouvelle Coustume de Paris: en laquelle il n'y a que deux sortes & especes de biens, c'est à sçauoir meubles & immeubles.

⁴
A quels Seigneurs appartiennent les meubles confisquezz.

⁵
Les meubles suivent le domicile.

La question susdite est amplement traictée, per Alexandrum de Imola, in dicto consil. 31. per Petrum Rat, és Coustumes de Poictou, au tiltre des Bastards & Aubeins, article 229. per Dionysium Pontanum, en la Coustume de Blois, article 20. Qui sont d'adujs par les raisons cy-deuant alleguées: Que tous les meubles & debtes mobilières de celuy qui a confisquezz, doivent appartenir au haut-Iusticier, en la Iustice duquel celuy qui a confisquezz estoit demeurant: encores que le débiteur soit demeurant en autre Iustice, & que partie des meubles soient au dedans du territoire d'un autre haut Iusticier: Comme le haut-Iusticier du domicile de celuy qui a confisquezz, estant le vray heritier mobilier du defunct, duquel les biens sont confisquezz: & les haut-Iusticiers estans heritiers immobilières,

⁶
Decision de la question cy-dessus proposée.

ausquels appartiennent les heritages & debtes immobilières, estans au dedans de leur haute Iustice. Suiuant la Glose & opinion de Bartole, in l. mouentium. ff. de verb. signifi. de Balde & Alexandre és lieux fuidits, qui dient: *Que in confiscatione bonorum non veniunt ad utilitatem confiscantis, bona immobilia sita extra territorium publicantis, quia illa coherent territorio. Sed mobilia sita extra territorium confiscantis, veniunt in confiscatione ad utilitatem publicantis, quia personam concernunt.*

[Vide Dargen. sur la Coustume de Bretagne au tiltre des donat. article 218. Glol. 6. *In rebus soli spectandus est locus ad omnes dispositiones, in mobilibus locus domicilij spectandus, & bona de situ pluribus territoriis subiunguntur, mobilia semper sequuntur personam etiam in confiscatione*, comme remarque ledit Dargen. tiltre des Bastards, en ladite Coustume de Bretagne, article 447. Glol. 3. N. B.]

7
Par la Cou-
stume de Pa-
ris, chacun
haut Iusti-
cier prend
les meubles
confisque-
z, estans en sa
haute Iusti-
ce.

Neantmoins ceste opinion n'est sans doute. Parce que le Roy ou bien les haut-Iusticiers qui succedent à celuy, les biens duquel sont confisque-
z, non sunt heredes, nec uniuersales successores, se successores bonorum, vel successores in uniuersum. Tellement que chacun prend tout ce qu'il trouue en son territoire, & destroit de sa haute Iustice: sans que l'un vienne rechercher au territoire de l'autre. Ainsi que fut iugé par arrest du 20. Mars, 1343. au profit des Religieux, Abbé & Conuent de Saint Germain des Prez: Ausquels furent adiugez les meubles estans en vne maison assise au village d'Illy, appartenans à Maistre Hugo de Crusiacco, condamné & executé à mort: combien que tels meubles fussent pretendus par Monsieur le Procureur General du Roy, d'autant que le defunct estoit demeurant en la ville de Paris, Officier du Roy, & auoit esté condamné pour plusieurs infidelitez, corruptions, faueurs & delicts, commis en son estat & office. Ledit arrest est recité à l'11. chapitre du present Traicté. Et à ce est conforme le 346. article de la nouvelle Coustume de Rheims, qui porte: *Que s'il y a biens vaquans en diuers lieux, chacun Seigneur haut-Iusticier doit auoir ceux qui sont en sa Seigneurie & haute Iustice, tant meubles qu'immeubles: & en ce cas les meubles ne suiuent le domicile.* Et cest article a esté nouvellement introduict: ce qu'il conuient noter. Le semblable est porté par le 14. des articles aduisez lors de la redaction de la nouvelle Coustume de Paris, transcrit au 2. chapitre du present Traicté.

8
Les debtes
de celuy qui
a confisqué,
se payent
par les
haut-Iusti-
ciers pro
rata bono-
rum.

Or tout ainsi que chacun des haut-Iusticiers prend ce qui est au dedans du destroit de sa haute Iustice: Aussi chacun d'entr'eux est tenu contribuer au payement des debtes passives, tant mobilières qu'im-
mobilières du defunct: les biens duquel ont esté confisque- z pro modo emolumenti, & selon qu'il a amendé des biens confisque- z. Et sic qui plus capit, plus soluit: qui plus habet, plus soluere debet. l. 3. C. de sent. pas. l. tutoris. C. ad leg. Iul. de vi publ. l. quasitum. §. 1. ff. de pecul. l. Celsus. cum l. sequenti. ff. de relig. & sumpt. fun. Et de cela raison est apparente: *Quia as alienum respicit uniuersum patrimonium. l. fidei commissum. §. tractatum. ff. de iudic.* Conformément aux 334. & 335. articles de la nouvelle Cou-
stume de Paris.

Suiuant ce qui a esté cy-dessus dit, il conuient noter : Que si par sentence ou arrest portant confiscation de biens, y a condamnation d'amende enuers le Roy, en la haute Iustice duquel n'y a aucune portion des biens confisquez : Combien que par l'Edict de Moulins, article 53. les sentences & condamnations emportent hypothèque sur les biens du condamné du iour de la prononciation d'icelles : Toutesfois aucuns tiennent, que telle hypothèque, pour le regard de l'amende, qui est vne debte penale, & diuidüe, & qu'on ne peut demander à chacun haut-Iusticier, sinon sa part & portion de l'amende adiugée au Roy, *pro rata honorum*, & non pas pour toute l'amende faire saisir l'heritage aduenü à l'un des haut-Iusticiers, *idque exemplo hypotheca legalis data legatariis, quæ inter heredes diuiditur* : selon le texte singulier, *in l. 1. in versiculo, in omnibus autem. Cod. communia de legat. & fideicom.*

9
Si au payement de l'amende adiugée au Roy chacun haut Iusticier peut estre solidairement contraint.

Defaict, defunct Guillaume de la Chesnaye, Escuyer, Seigneur de la Charmoye, par arrest du 13. Iuillet, 1579. ayant esté condamné à mort, tous & chacuns ses biens meubles & immeubles, subjets à confiscation, acquis & confisquez à qui il appartiendroit : Et ordonné que sur lesdits biens, & autres non subjets à confiscation, seroit prise la somme de cent mille liures parisis, dont y auoit vingt-mille liures aux parties interessées, dix mille liures pour estre employées au pain des pauvres prisonniers, & la somme de soixante & dix mille liures, qui seroit mise es mains des Thresoriers de l'extraordinaire des guerres, pour estre employée au faict de sa charge, & non ailleurs : A faute de payement de ceste somme de soixante & dix mille liures parisis, le Procureur du Roy en la Iustice du Thresor, ayant fait saisir la moitié de la terre & Seigneurie de Cramaille, qui auoit appartenu audit defunct de la Chesnaye, adiugée par le moyen de la confiscation susdite à la Royne Mere du Roy, vsufructiere du Duché de Valois : Et par sentence de Messieurs du Thresor, estant ordonné que ladite saisie tiendroit, iusques à ce que le Roy fust satisfait de ladite somme de soixante & dix mille liures parisis : sauf à ladite Dame son recours sur les autres biens dudit defunct de la Chesnaye.

10
Arrest de ce que dessus, que les amendes ne se payent solidairement par les hauts Iusticiers.

De ceste sentence y ayant appel, par arrest du 24. Iuillet, 1574. la sentence pour ce regard fut infirmée : Et ordonné que ladite amende de soixante & dix mille liures parisis, seroit poursuieue par Monsieur le Procureur General du Roy, sur tous & chacuns les biens qui ont appartenu audit defunct de la Chesnaye, tant confisquez, qu'autres non subjets à confiscation par portion & contribution desdits biens.

Duquel arrest, combien que les haut-Iusticiers se veulent preualoir, ainsi qu'il fut plaidé en la Cour le 19. Iuin, 1575. entre ladite Royne Mere du Roy, & le mary de la vesue dudit defunct de la Chesnaye, ayant acquis les droicts du Roy : Toutesfois l'arrest dudit vingt-quatriesme Iuillet est fondé sur certaines lettres Patentes, obtenües par ladite Royne : Par lesquelles le Roy auoit déclaré que son vouloir & intention estoit, qu'on ne print l'amende à luy adiugée sur

11
Declaration de l'arrest cy-dessus.

ladite terre & Seigneurie de Cramaille. Et la Cour ayant esgard auxdites lettres, & declaration y contenuë, ordonna que ladite amende seroit prinse & poursuivie sur tous les biens dudit defunct de la Chesnaye. Et sans lescdites lettres, plusieurs sont d'avis que la sentence de Messieurs du Thresor eust peu estre confirmée, comme fondée en l'Ordonnance de Moulins, laquelle baille droict d'hypothèque, qui est individu. Aussi il semble que ledit arrest est fondé en equité, laquelle il faut suivre : attendu que l'hypothèque baillée par l'Ordonnance est legale & generale. Et si ladite sentence avoit lieu, le Seigneur haut-Iusticier, l'heritage duquel est saisi, seroit contraint intenter plusieurs & divers procès, tant contre les autres Seigneurs haut-Iusticiers qui ont participé à la confiscation, que contre les detenteurs & propriétaires des heritages non confisquezz, pour avoir son recours. En ce faisant il auroit plus de dommage que de profit.

12
Pour biens
confisquezz
on ne peut
former com-
plainte.

Et incidemment convient noter : Tout ainsi que les biens aduenus aux haut-Iusticiers par droict de desherence, ils ne se peuvent dire saisis, ny pour raison d'iceux conclurre en cas de saisine & de nouuelleté : aussi lescdits haut-Iusticiers ne se peuvent dire saisis des biens qui leur appartiennent par confiscation, ny pour raison d'iceux conclurre en cas de saisine & de nouuelleté : comme auons dit au 6. chapitre du Traicté du droict de Desherence.

QUAND LE SEIGNEUR HAVT IUSTICIER doit relief, ou autre droict Seigneurial, à cause des biens qui luy sont confisquezz, soient Feodaux, Roturiers, ou Alaudiaux. Et si le Curateur créé à biens confisquezz ou vacans, peut faire foy & hommage des heritages Feodaux, & est tenu payer relief.

- | | |
|---|--|
| <p>1 Quand le Seigneur haut-Iusticier doit relief, à cause des heritages qui luy sont confisquezz.</p> <p>2 Le haut Iusticier est tenu payer relief au Seigneur feodal des heritages confisquezz, si en iceux il n'avoit que simple droict de Iustice.</p> <p>3 Le Seigneur feodal en tous cas ne peut saisir que quarante iours apres la mutation du vassal aduenüe.</p> <p>4 Le Seigneur feodal ayant saisi à faute d'homme & de droictz, faict tous les fruietz siens, soit des bois tailliz, ou des estangs.</p> <p>5 Les Fermiers estans establis Commissaires au fief saisi, en doivent advertir leur Maistre, & en avoir acte.</p> | <p>6 Comme, & quand le nouveau Seigneur feodal doit faire ses proclamations au Profne.</p> <p>7 Quand le haut Iusticier est Seigneur feodal des heritages confisquezz, il ne doit point de relief.</p> <p>8 Le Seigneur feodal acquerant le fief mouuant de luy, ne doit aucuns droictz ny devoirs.</p> <p>9 Le fief servant, estant acquis par le Seigneur dominant, est faict de pareille nature & mouvance que le fief dominant.</p> <p>10 En la Coustume de Paris les freres puisnez ne recognoissent point l'aîné, quant aux fiefs qui leur sont aduenus.</p> |
|---|--|

- 11 Arrest de ce que dessus.
- 12 Quand les heritages confisqueux sont en la censue du Seigneur haut Iusticier, il ne doit à cause de la confiscation aucun droit.
- 13 Le Seigneur Censier acquerant heritages en sa censue ne doit aucun droit feodal ny seigneurial.
- 14 L'heritage censuel acquis par le Seigneur censier, est fait feodal, & se doit partir noblement.
- 15 Arrest & Coustume de Paris de ce que dessus.
- 16 Celuy quitient heritage en censue, s'il acquiert le fief auquel il devoit censue, les heritages sont faits feodaux. Et le semblable doit estre dit de celuy qui acquiert la censue de sa maison & deses heritages.
- 17 Des heritages confisqueux, le haut Iusticier est tenu payer la censue au Seigneur censier. Et à cause de la confiscation ne doit aucuns droits.
- 18 Le haut Iusticier ne doit aucuns droits, à cause des heritages Alaudiaux qui luy sont confisqueux.
- 19 Aleu que signifie en France.
- 20 Sçavoir si le curateur créé à des biens feodaux confisqueux en peut porter la foy, & s'il doit payer relief.
- 21 Raisons de ceux qui soustienent que le curateur peut entrer en foy, & qu'il ne doit point de relief.
- 22 Raisons de ceux qui estiment que le curateur ne doit estre receu en foy, & qu'il doit relief.
- 23 Divers arrests pour la decision de la question cy dessus proposée.
- 24 Comme le curateur créé à heritages feodaux, confisqueux, ou à un fief saisi, faisant partie des biens vacans ou d'heredité iacente, se doit conduire, pour porter la foy, & avoir main-leuée de la saisie feodale.
- 25 Quand le vassal est vivant, le Seigneur feodal est tenu recevoir en foy le curateur créé au fief saisi.
- 26 Comme le curateur se doit conduire, quand le Seigneur feodal ne le veut recevoir en foy.
- 27 Comme les vassaux se doiuent conduire, quand les Seigneurs feodaux apres leurs offres ne les veulent recevoir en foy.
- 28 De la souffrance que les Seigneurs feodaux sont tenus bailler.
- 29 Le tuteur du mineur est tenu demander souffrance au Seigneur feodal.
- 30 Comme il faut poursuivre le Seigneur feodal qui est refusant bailler souffrance.
- 31 Le temps de la souffrance baillée par la Coustume de Paris, quand il expire.
- 32 Quand on a accoustumé de créer un curateur au ventre.
- 33 Quand la vefue est accouchée on crée un tuteur à l'enfant posthume, & lors la curatelle au ventre cesse.
- 34 Le tuteur créé au posthume doit demander souffrance, encores qu'elle ait esté baillée au curateur au ventre.
- 35 Encores qu'il n'y ait aucun tuteur ny curateur au mineur, le Seigneur feodal ne laissera de faire saisir & gagner les fructs.
- 36 De la souffrance qui est baillée au gardien des mineurs.
- 37 Quand la garde finit auparavant l'age des mineurs, faut demander nouvelle souffrance.
- 38 Que la souffrance se peut demander par Procureur, & non par tuteur ou gardien en personne.

- 39 Le fils aisné mineur de vingt ans ne peut demander souffrance, ne porter la foy pour ses sœurs.
- 40 Le fils aisné majeur de vingt ans peut porter la foy pour ses sœurs, & quand ceste foy faut.
- 41 Quand le fils aisné âgé de vingt ans, peut porter la foy pour ses freres puisnez mineurs de vingt ans, & quand ladite foy faut.
- 42 Difference entre prestation de foy & reception en foy.
- 43 Que c'est que prestation de foy.
- 44 Que c'est que reception en foy.
- 45 Quand partage est faict depuis la reception en foy, il faut que les compartageans entrent en nouvelle foy.
- 46 Quand le Seigneur feodal reçoit en foy & hommage le tuteur, la foy ne doit estre renouvellee par le mineur estant faict majeur.
- 47 Quelles solempnitez sont requises pour vendre par decret les biens confisquezz.

CHAPITRE XIV.

¹
Quand le
Seigneur
haut Iusti-
cier doit re-
lief, à cause
des herita-
ges qui luy
sont confis-
quez.



Nous auons dit au chapitre precedent, que par la com-
mune vſance de France, meſme par la Couſtume de la
Preuoſté & Vicomté de Paris, les biens confisquezz ap-
partienent au Seigneur haut Iuſticier, en la Iuſtice du-
quel ils ſont aſſis, ſoient meubles ou immeubles, feo-
daux, roturiers, ou alaudiaux.

Mais on demande ſi le Seigneur haut-Iuſticier, auquel les heritages ſont acquis par confiscation, doit à cauſe de ladite confiscation droit de relief, ou autre droit ſeigneurial, aux Seigneurs, deſquels les heritages confisquezz ſont tenus en fief, en cenſue, ou autre deuoir.

Pour reſolution de ceſte queſtion, il eſt beſoin diſtinguer entre les heritages feodaux, les heritages cenſuels ou roturiers, & les heritages alaudiaux.

Quant aux heritages feodaux, il faut diſtinguer deux cas.

²
Le haut Iu-
ſticier eſt te-
nu payer re-
lief au Sei-
gneur feo-
dal des he-
ritages con-
fiſquez, ſi en
iceux il n'a-
uoit que
ſimple droit
de Iuſtice.

Le premier eſt : Quand és heritages feodaux confisquezz, le Sei-
gneur haut-Iuſticier, lors de la confiscation, n'auoit aucun droit ſinon
de Iuſtice, d'autant que les heritages eſtoient ſituez au dedans de ſa
haute Iuſtice : en ce cas le haut Iuſticier eſt tenu quarante iours apres
la confiscation adiugée, faire foy & hommage au Seigneur feodal,
duquel les heritages confisquezz ſont mouuans ; ou bien duquel le fief
confisqué eſt tenu & mouuant : luy payer relief, & luy bailler adueu &
denombrement dedans le temps de la Couſtume, comme nouveau vaſ-
ſal du Seigneur feodal. Et à faute de ce faire par le haut Iuſticier, le Sei-
gneur feodal fera ſaiſir le fief confisqué, immediatement tenu de luy, à
faute d'homme, droicts & deuoirs non faicts, & non payez, adueu & de-
nombrement non baillé ; exploictera ledit fief en pure perte, & fera les
fruits ſiens pendant la main-miſe. Suiuant le 17. & 33. articles de la nou-
uelle Couſtume de Paris. Toutesfois ſi le fief confisqué appartient, & eſt
aduenu au Roy comme haut Iuſticier, le Seigneur feodal ne pourra va-
lablement le faire ſaiſir, à faute d'homme, droicts & deuoirs non faicts. &

payez, comme il a esté dit au 12. chapitre du present Traicté. Combien que le contraire soit ordinairement obserué, à ce que le Roy soit tenu vuidier ses mains du fief confisqué; ou en cas de retention payer indemnité, comme il a esté déclaré audit chapitre.

Et incidemment conuient noter, qu'en la Coustume de Paris, le Seigneur feodal ne peut faire saisir le fief tenu & mouuant de luy, par quelque mutation de vassal qui soit aduenüe, soit par mort, confiscation, vendition, donation, eschange, ou autrement: sinon quarante iours apres l'ouuerture de fief. Et si auparauant le temps susdit, le Seigneur de fief fait saisir, la saisie est nulle, & n'emporte aucun gain de fruiçts. En ce faisant il faut entendre le 7. article de la nouuelle Coustume de Paris, qui porte, Que le Seigneur feodal, apres le trespas de son vassal, ne peut saisir le fief mouuant de luy, ne exploicter en pure perte, iusques à quarante iours apres ledit trespas; generalement & en toute mutation de vassal, soit par contract, succession, ou autrement. Conformément au 22. article de la nouuelle Coustume de Melun, proche de celle de Paris, ainsi pratiqué au Chastelet.

3
Le Seigneur
feodal en
tout cas ne
peut saisir
que qua-
rante iours
apres la mu-
tation du
vassal ad-
uenüe.

Aussi conuient entendre, combien que quand il est question de payer le droit de relief, le Seigneur feodal ne puisse auoir que le reuenu d'une année des bois taillis, saulsayes, & estangs, pour portion du temps qu'on a accoustumé de les couper ou pescher, suiuant le 48. article de la nouuelle Coustume de Paris: Toutesfois quand le Seigneur feodal valablement a faict saisir le fief mouuant de luy à faute d'homme, droiçts & deuoirs non faicts & non payez, il faict siens & applique à son profit tous les fruiçts qu'il a faict soyer & cueillir pendant le temps de la saisie feodale, qui estoient en maturité. Pareillement prend à son profit tous les bois, taillis, & saulsayes qui estoient en coupe, qu'il a fait couper: ensemble tout le poisson des estangs qui estoient en saison de pescher, dont il a faict leuer la bonde: Sans que leldits fruiçts, bois, saulsayes & poisson, viennent en deduction des droiçts qui sont deuz au Seigneur feodal par son vassal. Ainsi se doiuent entendre les 1. & 7. articles de la nouuelle Coustume de Paris, qui portent: Que le Seigneur feodal, lequel, à faute d'homme, droiçts & deuoirs non faicts, & non payez, met en sa main le fief mouuant de luy, exploicte iceluy fief en pure perte, & faict les fruiçts siens pendant la main-mise, à la charge d'en vser par luy comme vn bon pere de famille: Sans que le Seigneur feodal soit tenu payer aucunes rentes, charges, ou hypotheques non infeodées: mesmes les pensions des Religieuses, ny les alimens des mineurs propriétaires dudit fief saisi, encores qu'ils n'eussent autres biens: suiuant le 28. article de la nouuelle Coustume de Paris, & le 81. article de la Coustume de Melun. Combien que du Moulin soit d'aduís contraire, au 28. article de l'ancienne Coustume de Paris.

4
Le Seigneur
feodal ayant
saisi à faute
d'homme &
de droiçts,
fait tous les
fruiçts siens,
soit des bois,
taillis ou
estangs.

Et d'autant que la saisie feodale est grandement preiudiciable au vassal, par le trentiesme article de ladite nouuelle Coustume de Paris, le Seigneur feodal est tenu la faire notifier à son vassal, au principal manoir de son fief, du moins à celuy qui tient ledit fief, ou laboure les

5
Les Fer-
miers estans
establis Co-
missaires

au fief saisi
en doivent
aduerty
leur Mai-
stre & en
auoir acte.

terres d'iceluy. En quoy les Fermiers qui sont ordinairement establis Commissaires aux fiefs saisis, ne se doiuent oublier : & doiuent estre soigneux de faire signifier la saisie à leurs Maistres ; & de ceste signification auoir acte de Notaire, ou exploict de Sergent deuëment recordé, ou bien lettres missiues escrites & signées de leurs Maistres. Car si le Maistre desnie auoir esté aduerty de la saisie feodale faicte de son fief, ou bien si le Maistre decede & n'apparoist aucunement de la notification à luy faicte ; & les heritiers, ou bien le tuteur des enfans mineurs la desnient : la perte de tous les fruiets escheuz depuis la saisie (laquelle quelquesfois dure long-temps) tombera sur leur Fermier : Lequel partant ne s'asseurera & ne pensera estre assuré, sous ombre que verbalement, ou par simple missiue, de laquelle il n'aura la responce par escrit, il aura aduerty son Maistre de la saisie faicte sur le fief, duquel il est Fermier.

6
Comme &
quand le
nouveau
Seigneur
feodal doit
faire ses
proclama-
tions au
Profne.

Aussi pour la raison susdite, & à cause de la grande perte & dommage, que la saisie feodale porte au vassal ; la nouvelle Coustume de Paris a voulu que les proclamations & significations qui se font par les nouveaux Seigneurs de fief, à ce que leurs vassaux leur viennent faire la foy & hommage dedans quarante iours, soient faictes aux personnes des vassaux, ou bien de leurs Fermiers, ou Procureurs s'aucuns en ont, à ce que lesdits vassaux en puissent auoir cognoissance. Tellement que par le 65. article de ladite nouvelle Coustume estant porté ; Quant aux fiefs qui sont hors des Duchez, Comtez, Baronnies & Chastellenies, que la proclamation & signification d'iceux, doit estre par signification faicte au vassal à sa personne, ou au lieu du fief s'il y a manoir, ou au Procureur dudit vassal, si aucun y a : sinon au Profne de l'Eglise Parrochiale dudit lieu, à iour de Dimanche, ou autre iour solemnel : Il faut prendre ces mots : Sinon au Profne, subsidiairement : c'est à dire, au cas qu'on ne puisse faire la signification à la personne du vassal, parce qu'il n'y en a point. Les cas dessusdits defaillans ; le Seigneur du fief peut faire la proclamation de ses fiefs, au Profne de l'Eglise Parrochiale de ses fiefs seruans, en iour de Dimanche, ou autre iour solemnel. Ainsi a esté déclaré cest article de Coustume par arrest de la Cour donné au mois de May 1584.

7
Quand le
Iusticier est
Seigneur
feodal des
heritages
confisque-
z, il ne doit
point de re-
lief.

Le second cas est, quand le haut Iusticier est Seigneur feodal des heritages confisque- z, ou bien du fief confisqué : tellement que le fief confisqué, est non seulement au dedans de la haute Iustice du Seigneur haut Iusticier, mais est tenu & mouuant en plein fief de luy ; en sorte qu'il est Seigneur haut Iusticier, & Seigneur feodal du fief confisqué. En ce cas le haut Iusticier ne doit aucun droit de relief à son Seigneur dominant : Parce que la propriété & seigneurie vtile du fief confisqué, qui est acquise au haut Iusticier, par le moyen de la confiscation à luy adiugée, n'est pas vraye acquisition, ains reünion & reconsolidation du fief ser-

8
Le Seigneur
feodal ac-
quérant le
fief mouu-
ant de luy ne

uant au fief dominant : le membre est reüiny & incorporé au corps, duquel il auoit esté separé & desmembré. Et sic verè non est dominij acquisitio, sed consolidatio utilis dominij cum directo : vel proprietatis redintegratio, ac reuersio in suam primam naturam, primariumque statum, in quo erat

antequā dominium utile à directo separaretur. Auquel cas ne sont deubs au- *doit aucuns*
 cuns droicts ny devoirs feodaux. Et si aucuns estoient deubs, ils deuroient *droits ny*
 estre payez au seigneur haut-Iusticier, comme seigneur dominant du fief *devoirs.*
 confisqué: ainsi qu'il se pratique, quand le fief servant est vendu, eschan-
 gé, donné, ou autrement aliéné. Et ce conformément à la disposition de
 droict, *in titulo, quidiuris si post alienationem feudi vassallus id recupaerit,*
in vñibus feudorum. l. finali. de bonis vacantibus & incorporatione. C. libro.
10. Oldradus consilio 252. & Pontanus és Coustumes de Blois article soi-
 xante cinq.

Et par le moyen de ceste vnion, le fief confisqué est faict de pareille 9
 nature, essence, substance, teneur, & mouuance, que le fief dominant, *Le fief ser-*
 duquel, & auparauant l'vnion, il estoit dependant & servant. Tellement *uant estant*
 que si par partage faict apres le deceds du haut-Iusticier, le fief dominant *acquis par*
 aduient au fils aîné; le fief confisqué, qui anciennement estoit fief ser- *le seigneur*
 uant, aduient au fils puîné: Le puîné ne fera pas la foy & hommage du *dominant*
 fief à luy adueni par partage à son frere aîné, & ne le recognoistra pas *est fait de*
 pour seigneur feodal: Ains ledit puîné fera la foy & hommage au sei- *pareille na-*
 gneur auquel l'aîné est tenu la faire, soit le Roy, ou autre: melement *ture &*
 qu'en la Coustume de Paris les puînez ne recognoissent point leur aîné, *mouuance*
 és fiefs ou portions de fiefs, qui par partage leur sont aduenus: ains esdi- *que le fief*
 tes portions les puînez ont pareil droict de Iustice, autorité & preroga- *dominant.*
 tiue, que l'aîné. Et font la foy & hommage de leurs portions de fief au
 seigneur feodal, auquel l'aîné est tenu la faire: aussi reçoient en foy &
 hommage les vassaux pour leurs parts & portions: comme Monsieur du
 Moulin a amplement traicté és Coustumes de Paris, au tiltre des fiefs,
 article 10. col. 21. & sequent.

Ainsi a esté iugé en la Chambre du Thresor entre le Procureur du Roy 10
 audit Thresor, demandeur d'une part, & Maistre Pierre Viole, Conseil- *En la Cou-*
 ler du Roy en la Cour de Parlement, & és Requestes du Palais, seigneur *stume de*
 d'Athis sur Orge, defendeur d'autre. Le faict du proces estoit; Que le *Paris les fre-*
 Fief de la Boudrague, situé au village d'Athis, de tout temps & ancien- *res puînez*
 neté tenu en plein Fief, foy & hommage de la seigneurie d'Athis sur- *ne reco-*
 Orge, est acquis en l'an 1486. par Maistre Pierre Poignant, Maistre des *gnoissent*
 Requestes Ordinaire du Roy, seigneur dudit Athis: Lequel en ce fai- *point l'aî-*
 sant est vray seigneur propriétaire & possesseur, tant de la seigneurie d'A- *né quant*
 this, que du Fief de la Boudrague. Ledit Poignant estant decédé, de- *aux fiefs*
 laissé Maistre Pierre Poignant Conseiller en Parlement son fils, & qua- *qui leur*
 tre filles. Par partage faict l'an 1490. la terre & seigneurie d'Athis auroit *sont adue-*
 appartenu audit Maistre Pierre Poignant, Conseiller: Et le Fief de la *nus.*
 Boudrague avec ses appartenances & dependances, seroit adueni à Da-
 moiselle Charlotte Poignant, mariée à Maistre Jacques du Drac aussi
 Conseiller en Parlement, ayeul & ayeule de Maistre Claude Anjorant,
 Conseiller en ladite Cour. Quelque temps apres par le trespas dudit Mai-
 stre Pierre Poignant le ieune, la seigneurie d'Athis estant aduenue à
 Maistre Nicole Viole Correcteur en la Chambre des Cōptes, qui auoit
 espousé Damoiselle Catherine Poignant, & depuis à Maistre Pierre

11
Arrest de ce
que dessus.

Viole defendeur : ledit Viole voulant estre seruy dudit Fief de la Boudrague, comme anciennement auoient esté les seigneurs d'Athis ; il auroit faict saisir ledit Fief de la Boudrague, comme tenu & mouuant de ladite seigneurie d'Athis, à faute d'homme, droicts & deuoirs non faicts & non payez, adueu & denombrement non baillé. Pareillement le Procureur du Roy au Thresor auroit faict saisir ledit Fief, comme tenu & mouuant du Roy, à cause de la Chastellenie de Montlehery, tout ainsi que la seigneurie d'Athis : & ce par faute d'homme, droicts & deuoirs non faicts & non payez, adueu & denombrement non baillé. En sorte que lesdits Procureur du Roy & Viole, seroient entrez en proces pour raison de la tenure & mouuance Feodale dudit Fief de la Boudrague.

Et combien que ledit Viole eust faict apparoir que tant audit Maistre Pierre Poignant l'aisné, qu'à ses predecesseurs seigneurs d'Athis, on auoit de tout temps & ancienneté faict la foy & hommage dudit Fief de la Boudrague, comme immediatement mouuant de la seigneurie d'Athis : Et soustenu qu'il n'y auoit aucune vnion expresse dudit Fief de la Boudrague, au Fief d'Athis, ny vnion tacite ; d'autant que Maistre Pierre Poignant ny aucun de ses successeurs n'auoient faict foy & hommage au Roy dudit fief de la Boudrague, ny iceluy baillé par adueu & denombrement comme vny au fief & seigneurie d'Athis. Et par ces moyens avec plusieurs autres, eust maintenu que le Fief de la Boudrague estoit demeuré en sa premiere & ancienne nature, essence, & mouuance ; & que c'estoit vn fief seruant de ladite seigneurie d'Athis : partant qu'on deuoit luy en faire foy & hommage.

Toutesfois le Procureur du Roy au Thresor, ayant remonstré que depuis l'acquisition faicte par ledit defunct Poignant du Fief de la Boudrague, le defendeur ny ses predecesseurs n'auoient esté seruis ny recogneuz dudit Fief : Que par le partage faict entre les heritiers dudit defunct Poignant n'estoit point porté, que celui auquel le Fief de la Boudrague aduiendroit, seroit tenu recognoistre à seigneur Feodal le fils aisné auquel la seigneurie d'Athis appartenoit. Et encores qu'il eust esté dict & conuenue ; toutesfois que telle conuention ne pouuoit preiudicier au Roy ; auquel dés l'instant de l'acquisition faicte par ledit Poignant, la mouuance & teneur dudit fief de la Boudrague auoit esté acquise, sans qu'il fust besoin de declaration ny d'vnion expresse : comme il a esté cy-deuant monstre : Et supposé que le defendeur ou ses predecesseurs, depuis l'acquisition faicte par ledit Poignant, eussent cauteleusement mis en quelque adueu & denombrement qu'ils auroient baillé au Roy de la seigneurie d'Athis, que le Fief de la Boudrague estoit arriere-fief d'Athis, & immediatement mouuant dudit Athis : Toutesfois tel adueu ne pourroit preiudicier au seigneur & propriétaire du Fief de la Boudrague, qui n'estoit present ny consentant lors que ledit adueu pouuoit auoir esté baillé. Et ce suiuant la loy *inuitus. ff. de fideicom. libert. & ibi glossa*. Aussi tel adueu & denombrement, ou bien tels adueuz & denombrements, encores qu'ils eussent esté baillez en la Chambre des Comptes, ne pourroient au-

cunement preiudicier au Roy, si suiuant les anciennés Ordonnances, ils n'auoient esté deuëment verifiez par les Iuges ordinaires des lieux : comme nous auons déclaré au 5. chap. du present Traicté.

Finalelement apres longues procedures, le 27. Aoust 1573. s'est ensuiue sentence du Thresor, par laquelle le Fief de la Boudrague a esté déclaré estre tenu & mouuant en plein fief, foy & hommage du Roy à cause de sa Chastellenie de Montlehery. En ce faisant ordonné que ledit Maistre Claude Anjorant, seigneur & propriétaire dudit Fief de la Boudrague, sera tenu faire & prester les foy & hommage, & serment de fidelité au Roy, à cause dudit Fief; luy payer les droicts & deuoirs seigneuriaux si aucuns sont deubs, & bailler son adueu & denombrement dedans le temps de la Coustume. En quoy faisant, ledit Anjorant auroit main-leuée dudit Fief de la Boudrague. Et qu'à ceste fin la dite sentence luy seroit signifiée à la diligence du Procureur du Roy, à ce qu'il n'en peust prendre cause d'ignorance. De ceste sentence ledit Viole ayant appellé en la Cour, elle a esté confirmée par arrest d'icelle.

Quant aux heritages Censuels ou roturiers, confisque au seigneur haut-Iusticier; pour entendre si à cause d'iceux il doit quelque droit seigneurial ou feodal, il est besoin considerer deux choses.

La premiere est, quand le haut-Iusticier est seigneur Censier des heritages confisque; tellement que lesdits heritages sont, non seulement au dedans de la haute Iustice; mais sont en sa Censue: en sorte qu'il est seigneur haut-Iusticier, & seigneur Censier des heritages confisque. En ce cas n'est deu aucun droict ou deuoir seigneurial ou feodal au seigneur superieur du seigneur Censier & haut-Iusticier: parce que c'est vne reünion & consolidation de la seigneurie vtile à la seigneurie directe. Et tout ainsi que le seigneur Censier acquerant heritages en sa Censue ne doit aucuns droicts ny deuoirs, aussi par le moyen de l'acquisition faite par confiscation, il n'en peut deuoir aucuns. Et si aucuns estoient deuz, ce seroit à luy-mesme, comme nous auons dict cy-dessus, du Fief seruant confisque au seigneur dominant. Ioinct qu'en acquisition d'heritages roturiers, ne sont deuz droicts seigneuriaux qui sont lots & ventes, qu'en vn seul cas, qui est de vendition: ce qui n'est en confiscation, suiuant le 78, article de la nouvelle Coustume de Paris.

Et les heritages roturiers & censuels acquis par confiscation au seigneur haut-Iusticier & Censier, ne sont plus roturiers ny Censuels, ains feodaux; comme reünis au fief du seigneur Censier, duquel anciennement ils auoient esté separez pour bailler à cens: Car on ne peut créer censue sans fief: & tout droict de cens est noble, seigneurial, & feodal: comme nous auons monstré au 2. chapitre du Traicté des Francs-fiefs & nouveaux Acquests, par nous n'aguières mis en lumiere. Aussi le seigneur Censier ne pourroit deuoir Censue à soy-mesme; cum res sua sibi seruire non possit; & duo correlatiua in eodem subiecto concurrere non possint. *l. vii frui. ff. si usufruct. pet. l. in re communi, ff. de seruit. urb. præd.*

12

Quand les heritages confisque sont en la censue du seigneur haut-Iusticier, il ne doit à cause de la confiscation aucun droict.

13

Le seigneur Censier acquerant heritages en sa Censue, ne doit aucun droict feodal: il ne seigneurial.

14

L'heritage censuel acquis par le seigneur censier est fait feodal: & se doit partir noblement.

15
*Arrest &
 Coustume
 de Paris de
 ce que des-
 sus.*

Tellement que les heritages ainsi confisquezz, seront partagez entre les heritiers du seigneur haut-Iusticier & Censier noblement & feodalement. Comme il a esté iugé par arrest donné le 23. Iuin 1570. Entre Gratian de Pontuille, & sa femme, demandeurs en execution d'arrest d'une part; & Iean Odoïard, seigneur de Foilly defendeur d'autre. Et ainsi fut arresté, apres en auoir esté demandé à toutes les Chambres de la Cour. Suiuant lequel arrest a esté dressé le 53. article de la nouvelle Coustume de Paris, par lequel est dict, Que les heritages acquis par vn seigneur de fief en sa Censue, sont reünis à son fief, & cenlez feodaux; si par exprés le seigneur n'a déclaré qu'il veut, que lesdits heritages demeurent en roture. De faict si vn mary, auquel appartient en propre vn fief, duquel sont tenus en Censue cent arpens de terre, acquiert pendant son mariage lesdites terres, elles sont entieremēt faictes feodales; cōme vnies au fief entierement appartenant au mary: & cōme le mary par le moyen de ceste acquisition, estant faict seigneur & propriétaire de la totalité d'icelles terres. En sorte que si apres le trespas du mary, ses heritiers ne retirent de la femme suruiuante la moitié desdits cent arpens de terre, laquelle luy appartient à cause de la communauté des biens, qui estoit entre le defunct & elle, & remboursent ladite femme du my-denier, & moitié du prix de l'acquisition (comme il leur est loisible en faueur de l'vniō) la femme tiendra la moitié desdites terres, non censuellement, ains feodalement: sera tenuë en faire foy & hommage, & les bailler par adueu & denombrement aux heritiers du defunct mary, comme mouuantes & tenuës d'eux en fief, foy, & hommage aux droicts & charges portées par la Coustume des lieux. Ce que dessus est amplement traicté par Monsieur du Moulin, en l'ancienne Coustume de Paris, artic. 13. & per Dionysium Pontanum en la Coustume de Blois, articles 66. & 67. De faict tous les heritages roturiers que defunct Maistre Charles Maheut, viuant Notaire au Chastelet de Paris, & seigneur en partie de Seuran, auoit acquis de plusieurs particuliers au dedans de son fief, qui estoient tenus en censue de luy, ont esté declarez feodaux, & apres son decez la moitié d'iceux a esté adiugée à son fils aîné. Le semblable a esté obserué en la succession de feu Monsieur Hennequin, seigneur de Cueilly, lequel auoit acquis plusieurs terres roturieres, qui estoient tenuës en Censue de ladite seigneurie de Cueilly: lesquelles apres son trespas furent partagées noblement entre ses freres, sans que ses sœurs y succedassent aucunement: encores que ledit seigneur de Cueilly de son viuant n'en eust faict hommage, ny icelles baillées par adueu & denombrement.

16
*Celuy qui
 tient heri-
 tages en
 Censue, s'il
 acquiert le
 fief auquel
 il deuoit
 Censue, ses
 heritages
 sont faits
 feodaux.*

Et par les raisons & moyens dessusdits est manifeste, Que si le propriétaire de quelques heritages tenus en censues acquiert le fief, duquel ses heritages estoient dependans & tenus à cens, lesdits heritages sont faits feodaux: l'acquireur est tenu faire foy & hommage d'iceux, & les mettre en l'adueu & denombrement qu'il baillera du fief par luy acquis, comme feodaux, & ayans reprins leur premiere nature de feodalité, de laquelle ils estoient, auparauant qu'ils fussent baillez à cens, sans qu'il soit besoin que l'acquireur en face declaration. Et apres le trespas de l'acque-

reur

reur, lesdits heritages qui auparavant estoient roturiers & censuels, & lors de son decez sont feodaux, seront partis noblement & feodalement entre ses heritiers, & en iceux le fils aisné aura son droict d'aisnesse. C'est l'arrest des Mesmins recité en deux endroicts du 7. chap. du droict de francs-Fiefs & nouveaux Acquests par nous cy-deuant mis en lumiere. Et ainsi a esté obserué en la succession d'un Quidam, lequel auoit acquis des Chanoines de S. Maur, un fief, consistant en soixante sols parisis de cens & droict de seigneurie, perceptibles sur une maison & quelques heritages assis à Choisy, lesquels appartennoient tant audit Quidam, qu'à plusieurs autres propriétaires & detenteurs. Ceste maison & heritages desquels ledit Quidam iouissoit, furent estimez feodaux, & moitié d'iceux laissée à son fils aisné, lequel est tenu en faire la foy & hommage.

*Idem de ce-
luy qui ac-
quier la
Censue de
son heri-
tage.*

Et le semblable doit estre dict, quand le propriétaire de quelque maison, & de quelques heritages, acquiert la censue, non seulement de sa maison & heritages, mais aussi des heritages proches & contigus: ou bien acquiert la Censue d'un bourg ou village; ou bien d'une rue, dans laquelle il a une maison & des heritages: ou bien acquiert seulement la censue de sa maison, & de ses heritages. En ce cas la maison de l'acquireur & ses heritages sont faits feodaux, & faut en faire la foy & hommage: parce qu'ils ne sont plus roturiers & censuels, au moyen de ce que l'acquireur ne peut deuoir censue à soy-mesme. Aussi qu'ils ne peuvent estre alaudiaux sans tiltre particulier: Tellement que ladite maison & heritages sont retournez à leur premiere nature de feodalité. Et la charge de la censue estant ostée, demeurent feodaux, comme ils estoient lors qu'ils furent baillez à cens. Ioinct que tout droict de cens est seigneurial & feodal, & celuy auquel il appartient, est tenu en faire foy & hommage: ainsi qu'auons dit au 2. chap. du Traicté des francs-Fiefs & nouveaux Acquests. Partant l'acquireur peut faire receuoir les censues en sa maison comme feodale. Ainsi a esté pratiqué pour Jean de Saruaux Escuyer: Lequel l'onzième Decemb. 1564. ayant acquis par decret, faict pardeuant le Seneschal de Xainctonge les censues & rentes seigneuriales du bourg de Dampierre, vendus sur les Religieux, Abbé, & Conuent S. Jean d'Angely, moyennant la somme de treize cens tant de liures payées au Roy, pour partie de la subuention accordée à sa Majesté par le Clergé de France: ledit de Saruaux par le moyen de l'acquisition de ceste censue a fait sa maison assise audit bourg de Dampierre feodale; a fait payer en icelle les censues & rentes seigneuriales par luy acquises: du tout fait la foy & hommage au Roy: & baillé en son adueu sa maison comme feodale, avec lesdites censues & rentes seigneuriales. Toutesfois aucuns ont douté de ce que dessus, & dit que le 53. art. de la Coustume de Paris, ne parle que du seigneur de fief, qui acquiert heritage en sa censue, & non du roturier, qui acquiert la censue de sa maison & de ses heritages. Et ont estimé que la maison de l'acquireur, ny ses heritages n'estoient point feodaux, s'il n'auoit déclaré son intention & volonté. Et soustiennent, que pour eriger une maison roturiere en fief il est besoin que le consentement, tant du seigneur Censier, qui est feodal, que du propriétaire de la maison

interuienne par contract passé à ceste fin. Ainsi qu'il a esté obserué, lors que l'Hostel de Neuers a esté erigé en fief, dont le contract a esté passé entre les Religieux, Abbé & Conuent de S. Germain des Prez, & le Seigneur de Neuers, l'onzième Auiil 1586. Et estiment que les maisons & heritages qui appartennoient à l'acquireur de la censue, lors de son acquisition, demeurent en leur nature de roture, & qu'ils sont seulement exempts de payer censue, ne sont feodaux, & ne doiuent point estre partagez feodalement, s'il n'y a eu declaration expresse de l'acqueretur: ainsi qu'il s'obseruoit auparauant la nouuelle Coustume de Paris: comme du Moulin a adnoté au 13. art. de l'ancienne Coustume de Paris, col. 73. De faict le Quidam cy-dessus mentionné, le 10. Ianuier 1578. ayant acquis des Commissaires deputez pour l'alienation de partie du Domaine du Roy, treize liures douze sols parisis de cens appartenans au Roy, portans lots & ventes, faisine & amende quand le cas y eschet, deuz audit Seigneur, à cause des maisons, terres labourables, vignes, & autres heritages assis lez Paris, hors la porte S. Anthoine, és lieux & endroits de la Tour de Billy, de la vallée de Fecam, de Piquepulle, de Rully, & autres endroits estans en la Censue de la grande Chambre de France, pieça reünie au Domaine du Roy, pour en iouyr comme ledit Seigneur, avec subrogation en son lieu & droict: moyennant six cens quatre vingts liures tournois, qui estoit au dernier quarante, à faculté de rachapt perpetuel. Ledit Quidam lors de son acquisition ayant vne maison, cinq arpens de terre, & vn arpent & demy de vigne qui luy appartennoient, assis au terroir de Piquepulle au dedans du destroict, fins, & limites desdites censues: le fils aisné pretendant son droict d'aisneffe esdits lieux à cause de la succession de sa mere, à laquelle par partage lesdits lieux estoient escheuz; ainsi qu'il auoit eu en la succession paternelle au village de Choisy, comme il a esté dit cy-dessus: Aucuns des anciens Aduocats de la Cour furent d'aduis que lesdites maison, terres, & vignes se doiuent partager roturierement: Au moyen de ce que l'acquisition estant faicte à faculté de reméré & rachapt perpetuel, n'estoit incommutable ny perpetuelle, ains temporelle: en sorte que le Roy retirant lesdites censues, il faudroit que lesdites maisons, terres, & vignes retournassent à leur premiere nature de roture. Et neantmoins que lesdites treize liures douze sols parisis de cens seroient partagez feodalement; en ce faisant que moitié en appartiendrait au fils aisné. Pour plus ample intelligence de ce que dessus est besoin voir les 2. & 7. chap. des droicts de francs-Fiefs & nouveaux Acquests cy-dessus recitez.

17
Des herita-
ges confis-
quez, le
haut-Iusti-
cier est tenu
payer la
censue au
seigneur
Censier, &
à cause de

Le 2. cas est quand le haut-Iusticier n'est Seigneur Censier des heritages confisquezz estans au dedans de sa haute Iustice: ains lesdits heritages sont en la Censue d'un autre Seigneur. Lors le haut-Iusticier par le moyen de la confiscation à luy adiugée, estant faict vray Seigneur, propriétaire & possesseur des heritages confisquezz, est tenu payer chacun an la Censue & charges foncieres desdits heritages au Seigneur Censier d'iceux: sans qu'il soit astreint luy payer aucuns droicts à cause des heritages à luy aduenus par confiscation; laquelle n'est vendition: auquel cas de vendition seulement, sont deuz droicts Censuels, comme il a esté dict cy-dessus.

Au regard des heritages alaudiaux, adiugez par confiscation au Seigneur haut-Iusticier, comme estans au dedans des fins & limites de sa haute Iustice: Pour raison d'iceux il ne peut deuoir aucun droit seigneurial ou feodal, soit que lesdits heritages soient tenus en franc-aleu noble, ou en franc-aleu roturier. D'autant que les heritages alaudiaux ou tenus en franc-aleu, sont toutes terres, possessions, & droits immobiliers, pour raison desquels n'est deu aucune prestation de foy, d'hommage, censue, rente, ny redeuance ou deuoir quelconque: Et sont appelez alaudiaux, parce que les propriétaires d'iceux *neminem laudant auctorem*: c'est à dire qu'ils ne tiennent d'aucun Seigneur, soit feodal, Censier ou autre. Tellement qu'ils sont francs, libres, & exempts de vest, deuest, de droit de foy, hommage, quint, requint, de rachapt, de prise par faute d'homme, & de toutes autres seruitudes quelconques: ensemble de tous droits, & deuoirs, tât seigneuriaux que feodaux. Et ce mot Aleu signifie en France liberté, franchise, & immunité; non pas vn heritage tenu en propriété, & transmissible aux heritiers, comme les Legistes ont appellé; ainsi que nous auons amplement déclaré au 2. chap. des droits de francs-Fiefs, & nouveaux Acquests.

la confiscation ne doit aucuns droits.

18

Le haut-Iusticier ne doit aucuns droits à cause des heritages Alaudiaux qui luy sont confisque.

19

Aleu que signifie en France.

20

Sçavoir si le curateur créé à des biens feodaux confisque, en peut porter la foy. & si il doit payer relief.

21

Raisons de ceux qui soustiennent que le curateur peut entrer en foy, & qu'il ne doit point de relief.

Outre les trois questions cy-dessus proposées, on a demandé, Quand il y a curateur créé par Iustice à des biens confisque, non apprehendez par le haut-Iusticier; ou à des biens vacans, non apprehendez par aucun heritier; ou à vne succession & heredité iacente: entre lesquels biens y a vn fief saisy, tant à la requeste des creanciers, que du Seigneur feodal par faute d'homme, droits & deuoirs non faits & payez, adueu & denombrement non baillé: Si ledit curateur peut faire foy & hommage au Seigneur dominant du fief saisy; & si le Seigneur dominant est tenu le recevoir en foy, & luy bailler main-leuée au profit des creanciers: sans que le curateur soit tenu payer droit de relief, lors que le defunct a payé & acquitté tous les droits qui pouuoient estre deuz de son temps.

Ceux qui soustiennent que le curateur peut faire foy & hommage, & qu'il y doit estre receu sans payer droit de relief, alleguēt quatre moyens. *Primò*, que le fief n'a aucunement changé de main, n'y a encores mutation de vassal, ny aucun propriétaire ou possesseur dudit Fief: Partant qu'il n'est deu aucun relief: lequel ne se peut demander, sinon lors qu'il y a mutation d'homme, ou bien mutation de vassal: Tellement que le Seigneur feodal doit attendre que le Fief soit adiugé par decret. *Secundò*, que le curateur suiuant la loy *mortuo reo ff. de fideiussu.* represente le defunct: lequel ayant payé & acquitté tous les droits & deuoirs de son temps, on ne peut de son chef pretendre droit de relief. *Tertiò*, que de la part du curateur & des creanciers, il n'y a aucune demeure: ains par le moyen des criées, & de la poursuite du decret, les creanciers pourchassent vn vassal au Seigneur Feodal, qui estoit son bien & son profit. Partant n'estoit raisonnable, que pendant les criées, le Seigneur feodal gaignast les fruits, & tint le fief saisi. *Quartò*, qu'en tout euenement, le Seigneur feodal estoit tenu bailler souffrance au curateur pour certain temps: ou bien luy donner certain delay, pendant lequel les creanciers pourroient faire

paracheuer les criées, & proceder à l'adiudication par decret du fief saisi, & pendant ledit temps leuer la saisie feodale faite à la requeste: Comme Monsieur du Moulin a amplement traicté au 18. article de l'ancienne Coustume de Paris col. 23. & au 32. article de la mesme Coustume, col. 5. & *sequentibus*.

22
Raisons de
ceux qui es-
timent que
le Curateur
ne doit estre
receu en foy,
& qu'il doit
relief.

Ceux qui maintiennent l'opinion contraire, & soustiennent que pendant les criées la saisie feodale doit tenir, que le curateur ne doit estre receu en foy: & s'il veut y estre receu, que de son chef il doit payer relief: respondent à ce que dessus, & dient estre certain, que par le decés du defunct, duquel les biens sont confisquees, ou duquel les biens sont vacans, ou duquel l'heredité est iacente, il y a eu ouuerture du fief confisqué qui luy appartenoit. Et supposé qu'à cause dudit decés ne soit deu au seigneur feodal dudit Fief aucun droict, soit de relief, ou autre droict seigneurial ou feodal: toutesfois le seigneur feodal peut faire saisir le fief ouuert mouuant de luy, à faute d'homme: & faire les fructs siens, iusques à ce qu'il ait homme qui luy porte la foy & hommage: Tellement que la saisie faite à la requeste du seigneur feodal est bonne & valable. Que le seigneur feodal n'a que faire de toutes les debtes du defunct: d'autant qu'à son preiudice le vassal ne peut obliger ne hypotheker son fief, suiuant le 28. art. de la Coustume de Paris. Aussi qu'il n'est tenu receuoir en foy & hommage vn curateur, lequel n'a aucun droict au fief saisi, n'est son vassal, & par son decés ne peut auoir profit: non plus que par le decés d'un Escheuin, d'un Marguillier, ou d'autre persône publique, qu'on estime ne point mourir, parce que le successeur represente tousiours le predecesseur. Qu'on ne peut valablement dire que le curateur créé à vn fief saisi, represente le vassal quand le vassal est decedé, lequel *obsequia patrono debita prestare non potest*. Aussi on maintient que le seigneur feodal n'est tenu bail-ler souffrance: attendu qu'il n'y a point de mineur, par le decés duquel il pourroit auoir relief. En tout euenement que le seigneur feodal ne peut estre contraint, sinon receuoir en foy & hōmage le curateur, cōme homme viuant & mourant présenté par les creanciers: en luy payant droict de relief, comme feroit vn nouveau vassal, au lieu duquel le curateur entre. Et dient n'estre raisonnable que le seigneur feodal soit priué de tous fructs & profits de son fief, pendant le cours des criées, qui sont souuent fort longues. Et pour iustifier leur dire, alleguent vn arrest du 1. Decemb. 1544. recité par ledit du Moulin au 62. art. de l'ancienne Coustume de Paris, col. 99. & *sequentibus*.

23
Diners ar-
rests pour la
decision de
la question
cy dessus
proposée.

Et d'autant qu'en la question cy-dessus proposée y a eu diuers arrests, comme on pourra cognoistre par les arrests donnez és plaidoyries, le 4. May 1554. pour vn fief saisi sur le Duc d'Arscot, à la requeste du Vidame d'Amiens: Autre arrest de l'onzième Feurier audit an, pour le fief du Bois de Sanfay, le seigneur duquel auoit esté executé à mort, & condamné en deux mil liures parisis d'amende enuers le Roy. Semblable arrest pour vn fief appartenāt audit seigneur du Bois de Sanfay, du Lundy 13. Mars 1552. Pareil arrest du 20. Iuin 1558. d'un Fief saisi à la requeste du Prince de Condé, & des creanciers. Autre arrest recité par Monsieur du Val en ses

arrests notables, arrest 9. Et l'arrest recité par Monsieur du Moulin, cy-deuant datté.

Le plus seur est, pour éviter à infinis proces, & se desuelopper des mains du Seigneur de fief, lequel pendant la saisie feodale fait les fruiçts siens: Que le curateur créé par Iustice à des biens confisquez, ou à des biens vacans, ou à vne heredité iacente, entre en foy du fief saisi & confisqué, comme homme viuant & mourant, paye les droiçts & deuoirs deuz par le defunct s'aucuns il deuoit: & de son chef paye relief, tout ainsi que l'homme viuant & mourant présenté par gens de main-morte, est tenu de payer: comme nous auons dit au 53. chapitre des droiçts de francs-Fiefs, de nouveaux Acquests, & d'Amortissement. Et ce suiuant & conformément à l'arrest du 1. Decembre 1544. allegué par du Moulin, lequel il conuient voir, avec les raisons par luy deduites. Et le semblable doit estre fait par le curateur créé à des biens vacans, ou vne succession iacente, dont le fief saisi fait partie desdits biens ou de ladite succession. Car encores que le Seigneur feodal (selon l'opinion commune) fust contraint bailler au curateur, ou bien aux creanciers quelque delay, soit de trois, ou de six mois, pour paracheuer les criées, cependant leuer la saisie feodale: si est-ce qu'incontinent apres le delay expiré, ledit Seigneur fera de nouuel saisir le fief mouuant de luy, à faute d'homme, droiçts, & deuoirs non faitz & payez, adueu & denombrement non baillé (car pour la validité d'une saisie feodale, il suffit que l'une des trois causes subsiste) & pendant les criées qui dureront parauenture dix ou vingt ans, il fera les fruiçts siens: en quoy les creanciers auront grande perte & dommage. Aussi ne seroit raisonnable, qu'un Seigneur feodal, soit pendant le cours des criées priué de tous fruiçts & profits de son fief, & contraint receuoir en foy & hommage, & bailler iouissance de son fief à un curateur, sans que ledit curateur paye quelque droit audit Seigneur de fief, lequel droit ne peut estre autre que relief. Et sera bon que le curateur dès le commencement de la cause requiere: Que le Seigneur feodal soit tenu de declarer precisément pour quelles causes, droiçts, & profits, il pretend auoir saisi le fief, duquel est question: mesmes quelles ouuertures il pretend, en quel temps, & par le trespas de quelles personnes: à ce que ledit curateur puisse faire offres pertinentes, & cognoistre si les droiçts pretendus sont deuz, prescripts, ou non: comme il est porté par l'onzième article de l'Ordonnance faite pour le bien & reglement de la Iustice. Et à ce que dessus le curateur doit insister.

Ce qui a esté cy-deuant deduit, s'entend, quand le vassal est decédé. Mais si le vassal est viuant, & soit absent du Royaume pour ses debtes, ou pour autre cause: ou bien soit residant au Royaume, & soit refusant d'entrer en foy & hommage du fief qui luy appartient, & de payer les droiçts qu'il doit à son Seigneur feodal: Le curateur ou Commissaire estably à la requeste des creanciers au fief saisi, peut faire la foy au Seigneur feodal, & demander main-leuée de la saisie feodale au profit des creanciers, en payant les droiçts & deuoirs deuz au Seigneur feodal, lequel ne la peut raisonnablement refuser, attendu qu'estant payé de ce

24
Comme le
curateur
créé à heri-
tages feo-
daux con-
fisquez, ou à
un fief saisi,
se doit con-
duire pour
porter la foy
et auoir
main leuée
de la saisie
feodale.

25
Quand le
vassal est
viuant le
Seigneur
feodal est
tenu rece-
uoir en foy
le curateur
créé au fief
saisi.

qui luy est deu, il est sans interest : Aussi que son vassal est viuant, par le decés duquel il pourra demander droict de relief, s'il luy est deu. Ioinct qu'ordinairement le vassal collude avec son Seigneur feodal, pour frauder ses creanciers. Ce que dessus est porté par le 34. article de la nouvelle Coustume de Paris : laquelle parle du vassal viuant, lequel est refusant de faire la foy & hommage à son Seigneur feodal : Non pas du vassal decedé, le fief duquel a esté saisi à la requeste des creanciers, & du Seigneur feodal : Auquel cas se faut conduire selon qu'il a esté cy-deuant dit. Aussi ce que dessus est traicté par les Docteurs *in capite unico, de pignori dato fundo quid iuris sit, in vsibus feudorum.*

26

Comme le
curateur se
doit condui-
re quand le
Seigneur
feodal ne le
veut rece-
voir en foy.

Si le Seigneur de fief ne veut amiablement recevoir en foy le curateur créé à biens feodaux confisquez ou vacans, ou au fief saisi, ou bien le commissaire establi; ledit curateur, ou bien ledit commissaire, se doit transporter au fief dominant, illec faire foy & hommage, & les offres requises par la Coustume, laisser copie de sa creation de curatelle, ou de son establissement : en tout se conduire & faire ce que le vray vassal se-
roit tenu de faire, suiuant le 63. article de la nouvelle Coustume de Paris. Ce faict, faire adiourner le Seigneur feodal, à ce que la prestation de foy & hommage, & les offres faictes par ledit curateur ou commissaire, soient declarées bonnes & valables, & auoir effect de reception en foy & hommage. En ce faisant main-leuée faicte au demandeur du fief saisi, les commissaires tenus luy rendre compte, & payer le reliqua d'iceluy : & le Seigneur feodal condamné en tous despens, dommages & interests.

27

Comme les
vassaux se
doiuent con-
duire quand
les Sei-
gneurs apres
leurs offres
ne les veu-
lent recevoir
en foy.

Et le semblable peut estre faict par tous les vassaux qui ont deuëment faict leurs offres, & faict la foy & hommage au lieu du fief dominant, en l'absence du Seigneur feodal, lequel ne les veut recevoir en foy : A ce que lesdits vassaux soient en seureté, & puissent cognoistre si les causes, pour lesquelles le Seigneur feodal ne les veut recevoir en foy, sont iustes & raisonnables, ou non, sans demeurer en doute. Combien que le vassal ayant deuëment faict ses offres, & faict foy & hommage sur le lieu du fief dominant, soit reputé auoir faict son deuoir, estimé estre en foy, & son offre valoir foy, en sorte que le Seigneur feodal ne puisse valablement faire saisir son fief, ny gaigner les fruiçts d'iceluy. Et pour ceste cause le vassal ordinairement se contente, quand il a faict la foy & hommage, & ses offres au lieu du fief dominant, sans entrer en proces contre son Seigneur feodal : avec lequel il est expedient viure amiablement, sans l'irriter.

28

De la souf-
france que
les Sei-
gneurs feo-
daux sont
tenus bail-
ler.

Et d'autant qu'auons dit cy-dessus, que plusieurs sont d'aduis, que le Seigneur feodal ne peut estre contraint de recevoir en foy & hommage vn curateur ou commissaire establi à la requeste des creanciers, à quelques heritages feodaux, saisis & mis en criées : mais que le Seigneur feodal doit seulement bailler souffrance, & certain delay, pendant lequel les creanciers pourront faire faire les criées, & adiuger par decret les heritages saisis : Il ne sera hors de propos parler de la souffrance que les Seigneurs feodaux sont tenus bailler des fiefs mouuans d'eux, quand, & à quelles personnes.

Et dire, combien que par le quarante & vniesme article de la nouvelle Coustume de Paris, le Seigneur feodal soit tenu bailler souffrance (c'est à dire delay) au tuteur des mineurs, auxquels appartient aucun fief, de faire la foy & hommage de leur fief, iusques à ce que lesdits mineurs, ou l'un d'eux soit en aage pour la faire: Toutesfois ladite souffrance doit estre demandée par le tuteur, & les droicts Seigneuriaux, si aucuns sont deuz, par luy payez dedans les quarante iours du decez du pere, ou d'autre parent des mineurs, par le trespas duquel ledit fief leur a appartenu. Et à faute de demander souffrance par le tuteur dedans lesdits quarante iours, payer les droicts qui sont deuz, & declarer les noms & aages des mineurs, pour lesquels il demande souffrance, le Seigneur feodal pourra faire saisir à faute d'homme, le fief mouuant de luy, & faire les fructs siens: & le tuteur sera tenu en indemniser ses mineurs, comme la perte des fructs estant prouenuë par sa faute & negligence.

29
Le tuteur
du mineur
est tenu de-
mander
souffrance
au Seigneur
feodal.

Et si apres les offres deuëment faictes, le Seigneur feodal est refusant bailler souffrance & main-leuée de la saisie du fief faicte à sa requeste: le faudra poursuiure en Iustice, afin d'auoir main-leuée, & se voir condamner bailler souffrance: Et à faute de ce faire, qu'il soit ordonné que le tuteur du mineur iouyra du fief saisi, iusques à ce que le mineur soit en aage de porter la foy: Si on ne se veut contenter de la souffrance demandée, & offres faictes au lieu du fief dominant, comme il a esté cy-dessus dit du vassal qui a porté la foy, & faict ses offres sur le lieu.

30
Comme il
faut pour-
suiure le
Seigneur
feodal qui
est refusant
bailler souf-
france.

Le temps de la souffrance baillée par la Coustume de Paris estant expiré, il est besoin que le propriétaire du fief entre en foy: & ledit temps finit aux masles à l'aage de vingt ans, & aux femelles à l'aage de quinze ans accomplis: & ayans atteints cest aage, sont capables de porter la foy, & faire hommage des fiefs ou portions de fiefs qui leur appartiennent. Et à faute d'entrer en foy par les dessusdits, le Seigneur feodal peut faire saisir à faute d'homme le fief mouuant de luy, & faire les fructs siens.

31
Le temps de
la souffrance
baillée par
la Coustume
quand il
expire.

Si lors du decez du pere, auquel appartenoit vn fief, il n'y a aucuns enfans, & la vefue soit demeurée grosse & enceinte d'enfant, la vefue ou les parens du defunct font appeller les parens dudit defunct, pardeuant le Iuge ordinaire, & par leur aduis est esleu & créé vn curateur au ventre de ladite vefue, pour poursuiure, intenter, soustenir, & defendre les droicts & actions dudit ventre, & faire en outre tout ce qui appartiendra. Lequel curateur est tenu dedans les quarante iours du decez du pere, demander au Seigneur feodal souffrance du fief appartenant audit ventre, payer les droicts s'aucuns sont deuz, cōme en la Coustume de Vexin, ou ligne collaterale, faire faire inuentaie, intenter & soustenir toutes les actions necessaires. Et incontinent que l'enfant est né, la curatelle cesse, & est besoin créer vn tuteur audit enfant posthume. Et le tuteur peut demander recolemēt de l'inuentaie, ou bien reddition de compte, au curateur au ventre: lequel aucuns ont appellé curateur au futur posthume, ou curateur au futur enfant posthume, pour l'esperance qu'on a que l'enfant naistra. Toutesfois on n'vise sinon de ces mots, curateur au ventre; parce qu'il n'est point posthume, sinon lors qu'il est né apres le trespas du pere, *posthumus enim est,*

32
Quand on
a accoustu-
mé de créer
vn curateur
au ventre.

33
Quand la
vesue est ac-
couchée, on
crée vn tu-
teur à l'en-
fant post-
hume, & la
curatelle au
ventre cef-
se.

qui posthumum siue mortem patris natus est: & ne luy baille-on point la qualité de tuteur, mais de curateur: conformément au tiltre de ventre in possessionem mittendo, & curatore ventri dando, Digestorum lib. 13. & l. curator ventris. eodem titulo. Et ledit curateur estant tenu de faire faire inventaire avec la vefue, il semble que ladite vefue ne peut estre créée curatrice à son ventre.

34
Le tuteur
créé au post-
hume doit
demander
souffrance,
encores
qu'elle ait
esté baillée
au curateur
au ventre.

Et combien que souffrance ait esté demandée ou baillée au curateur au ventre par le Seigneur feodal: toutesfois tost apres que la vefue sera accouchée, & que le tuteur aura esté créé à l'enfant posthume, ledit tuteur sera tenu demander souffrance au Seigneur feodal, du fief appartenant au mineur, luy payer les droicts s'aucuns luy sont deuz, & declarer le nom & aage du mineur, duquel il est tuteur, & pour lequel il demande souffrance, suiuant le 41. article de la nouvelle Coustume de Paris. Autrement le Seigneur feodal apres la naissance de l'enfant, iustement pourroit faire saisir le fief mouuant de luy par faute d'homme, & faire les fruiets siens: comme la souffrance par luy baillée au curateur au ventre lors de la saisie, cessant & n'ayant plus d'effect par la naissance de l'enfant: pour lequel est besoin demander nouvelle souffrance, & declarer son nom, surnom, & aage. Et le plus seur est, que le tuteur demande la-dite souffrance.

35
Encores
qu'il n'y ait
aucun tu-
teur ny cu-
rateur au
mineur, le
Seigneur
feodal ne
laissera de
faire saisir
& gagner
les fruiets.

Et supposé qu'au ventre n'y ait aucun curateur créé, ny tuteur esleu au posthume, ou bien à l'enfant mineur, qui lors du decez du pere estoit né: neantmoins le Seigneur feodal apres les 40. iours du decez du pere, ou d'autre parent, par la mort duquel le fief sera adueni au ventre, au posthume, ou au mineur, ne laissera de faire saisir, à faute d'homme, droicts & deuoirs non faicts & non payez, le fief mouuant de luy, iceluy exploicter en pure perte, & faire les fruiets siens, suiuant le 1. article de la nouvelle Coustume de Paris.

36
De la souff-
rance qui
est baillée
au gardien
de mineurs.

Aussi le Seigneur feodal est tenu bailler souffrance au gardien Noble ou Bourgeois des enfans mineurs, auxquels appartient vn fief, en luy payant droict de relief, s'aucun d'ailleurs luy est deu. Et si la souffrance est baillée pour & pendant le temps de la garde, & elle soit Bourgeoise, il sera besoin que le tuteur de l'enfant masle demande nouvelle souffrance au Seigneur feodal, lors que ledit masle aura atteint l'aage de quatorze ans, iusques à ce qu'il soit parueni à l'aage de vingt ans. Et *idem* du tuteur de la fille mineur, lors qu'elle aura atteint l'aage de douze ans finis & accomplis, iusques à ce qu'elle soit aagée de quinze ans accomplis: parce qu'és aages susdits, la garde Bourgeoise finit. Mais si le gardien est Noble, il ne sera besoin demander nouvelle souffrance: d'autant que la garde Noble dure aux enfans masles, iusques à vingt ans, & aux femelles iusques à quinze ans accomplis: esquels aages lesdits masle & femelle sont tenus entrer en foy, comme il a esté dit cy-dessus. Et ce selon qu'il est porté par les 41. & 278. articles de la nouvelle Coustume de Paris. Et cōuient noter que le 23. art. de la nouvelle Coustume d'Orleãs porte: Que les gardiēs ne doiuent que la foy, sans profit des heritages des mineurs: & que les Seigneurs de fief sont tenus bailler aux gardiēs souffrance, sans payer profit.

Et

Et ce que dessus s'entend, pourueu que la garde noble, ou bourgeois se dure & ait lieu iusques aux aages cy-dessus declarez. Car si la souffrance est baillée au gardien noble ou bourgeois, pour & pendant le temps de la garde, & auparavant les aages dessusdits la garde est finie, ou par le second mariage du gardien, ou par son decez: En ce cas le tuteur des mineurs est tenu aller demander nouvelle souffrance pour les mineurs, comme la precedente n'ayant plus de lieu ny d'effect. Et est besoin veoir comment, & en quelle forme la souffrance aura esté donnée.

37
Quand la garde finit auparavant l'age des mineurs, faut demander nouvelle souffrance.

Et combien qu'aucuns soient d'aduis que la souffrance se doit demander au Seigneur feodal, ou au lieu du fief dominant, par le tuteur, ou bien par le gardien en personne; ainsi que la foy & hommage se doit faire par le vassal en personne, s'il n'a excuse suffisante; attendu que souffrance tant qu'elle dure, vaut foy, tient lieu de foy, & est equipollée à foy: Toutesfois il semble que la souffrance se peut demander par Procureur, ayant pouuoir & mandement special du tuteur, ou bien du gardien: lequel laissera copie de l'acte de tutelle, ou de l'acte d'acceptation de garde, avec copie de la procuration. Parce que souffrance n'emporte & ne contient qu'un simple terme & delay donné par la Coustume, pour faire la foy & hommage au Seigneur feodal, lors que le mineur aura atteint aage cōpctāt pour la faire & porter: sans que le tuteur ny le gardien soient tenus prester aucun serment de fidelité, ny promesse d'hommage: qui est de seruice personnel, ainsi qu'il est requis en la prestation de foy & hommage: comme auons déclaré au 1. chapitre du Traicté des francs-Fiefs & nouveaux Acquests. Aussi que le Seigneur feodal est hors d'interest, estant payé de tous ses droicts & deuoirs. Le plus seur est, que le tuteur, ou gardien en personne (s'il n'a excuse suffisante) demande souffrance du fief appartenant à son mineur ou mineurs: d'autant qu'en saisie feodale, il faut oster tout doute de crainte de la perte des fruits, depuis le iour de ladite saisie deuëment faicte & signifiée.

38
Que la souffrance se peut demander par Procureur, & non par le tuteur ou gardien en personne.

Aussi il conuient entendre, que le fils aisné mineur de vingt ans, ne peut demander souffrance, ny porter la foy pour ses sœurs: ny par ce moyen les acquiter du relief qu'elles doiuent par l'ancienne Coustume de Paris, à cause de leur premier mariage: Mais si lesdites sœurs sont aagées de quinze ans accōplis, elles doiuent entrer en foy pour les portions qui leur appartiennent au fief. Et le tuteur du fils aisné mineur de vingt ans, doit demander souffrance pour la portion appartenant audit aisné.

39
Le fils aisné mineur de 20. ans, ne peut demander souffrance, ne porter la foy pour ses sœurs.

Si le fils aisné est maieur de vingt ans, il peut porter la foy pour ses sœurs mineures & maieures, & les acquitter du relief qu'elles deuoient à cause de leur premier mariage par l'ancienne Coustume de Paris. Lequel relief est tollu par le 36. article de la nouvelle Coustume. Et par ledit article, les maris sont tenus, incontinent apres leur mariage, entrer en foy, sans payer profit. Et si le fils aisné, apres la prestation de foy faicte, tant pour luy que pour ses sœurs mineures & maieures, decede auparavant qu'elles soient mariées: la foy ne faut que du costé du fils aisné, & pour la portion qui luy appartient au fief seulement, & non pour le regard des sœurs, & pour les portions qui leur appartiennent au fief. Et ne sont tenues

40
Le fils aisné maieur de 20 ans, peut porter la foy pour ses sœurs, & quand ceste foy faut.

d'entrer en foy auparauant leur mariage: Parce que le frere aîné a porté la foy pour elles, & les a acquitées de la foy: comme il est porté par le 35. article de la nouuelle Coustume de Paris.

41
Quand le fils aîné aagé de 20. ans peut porter la foy pour ses freres puisnez mineurs de 20. ans, & quand ladite foy faut.

Mais on a doubté, si le fils aîné aagé de vingt ans peut porter la foy pour ses freres puisnez, tant mineurs de vingt ans, que maieurs de vingt ans. Et combien que la Coustume de Paris ne le decide par mots exprés: toutesfois il semble par le quarante-vnielme article de la nouuelle Coustume, portant ces mots (iusques à ce qu'il, ou l'un d'eux soit en aage pour faire la foy & hommage) que le fils aîné estant aagé de vingt ans, peut auparauant partage, porter la foy du total du fief, tant pour luy, que pour ses freres puisnez, mineurs de vingt ans, ensemble pour ses sœurs, comme representant l'heredité. Et incontinent que chacun des freres puisnez aura atteint l'aage de vingt ans, il doit entrer en foy pour la portion qu'il a au fief. Et si le partage est faict pendant leur minorité, le tuteur desdits puisnez est tenu demander souffrance de leurs portions diuisées. Autrement es cas susdits le Seigneur feodal peut faire saisir les portions du fief desdits puisnez, & faire les fructs siens à faute d'homme, foy & hommage non faicts. Et supposé que le frere aîné decede, pendant la minorité de vingt ans desdits freres puisnez: toutesfois la foy ne vaut que du costé du fils aîné, & pour sa portion seulement: sans qu'il soit besoin renoueller la foy des puisnez: ne que leur tuteur doie demander souffrance de leurs portions indiuisées du fief, pour lesquelles le frere aîné a porté la foy: laquelle il a peu porter, suivant le 41. article de la nouuelle Coustume de Paris cy-dessus allegué. *Secus dicendum*, si la Coustume en termes generaux permettoit à l'aîné porter la foy pour tous ses freres & sœurs mariez, & non mariez. Car il ne seroit besoin renoueller la foy, ny par le moyen de la mort du frere aîné, ny, par le moyen de la majorité des puisnez: mais seulement au cas que partage fust faict du fief, apres la prestation de foy faicte par l'aîné, tant pour luy que pour ses freres puisnez, comme il sera dict cy-apres.

42
Difference entre prestation de foy & reception en foy.

Est besoin entendre qu'il y a difference entre prestation de foy faicte par le fils aîné, tant pour luy que pour ses freres puisnez: & reception en foy faicte du frere aîné, tant pour luy que pour ses freres puisnez.

43
Que c'est que prestation de foy.

Car prestation de foy est dicte, quand le fils aîné au lieu du fief dominant, en l'absence du Seigneur feodal, a deuëment faict ses offres, & porté la foy & hommage, tant pour luy que pour ses freres & sœurs, du fief qui leur appartient en commun: selon la forme prescrite par le 63. article de la nouuelle Coustume de Paris. Et apres lescdites offres & prestation de foy, le fils aîné ne faict aucune poursuite contre le Seigneur feodal, pour faire declarer la prestation de foy & hommage & offres par luy faictes, bonnes & valables, & auoir effect de reception en foy & hommage: comme il pouuoit faire pour oster toute doute, ainsi qu'auons cy-deuant dict. Et pour l'effect de ceste prestation de foy, on regarde seulement ce que la Coustume veut, permet, & ordonne: & d'icelle prestation de foy auons entendu cy-dessus parler.

Mais quand le fils aîné est receu en foy & hommage par le Seigneur

feodal, tant pour luy que pour les freres puisnez, denommez par noms & surnoms en l'acte de reception: ou tant par luy, que comme Procureur desdits puisnez: en ce cas ne faut entrer en aucun doute ny en dispute: parce que les puisnez sont receuz en foy, tout ainsi que s'ils auoient esté presens lors de la reception, soient mineurs ou maieurs. Et la foy pour leur regard ne finit point par la mort de leur frere aisné, ny par leur majorité, & n'est point besoin renouveler la foy pour leur regard: s'il n'est dict & conuenu par la reception de foy, qu'ils seront tenus entrer en foy, lors qu'ils seront maieurs de vingt ans, ou de vingt-cinq ans: comme du Moulin a adnoté sur le 28. article de la nouvelle Coustume de Paris, col. 7. *in fine*.

44
Que c'est
que rece-
ption en foy.

Neantmoins si la reception en foy est faicte auparauant partage du fief qui estoit commun & par indiuis, & par ce moyen des portions indiuisées qui appartenoint, tant à l'aisné qu'à chacun des puisnez, qui estoit vn sixiesme, ou huietiesme pour le regard desdits puisnez: & apres ceste reception en foy, on faict partage, par lequel aduiennent ou bien à l'aisné, ou bien à aucuns des puisnez plus grandes portions au fief, que celles portées par l'acte de reception en foy: En ce cas il semble que ceux qui ont plus grande portion au fief, que ne se montoit leur portion indiuisée portée par l'acte de reception en foy: doiuent de nouuel entrer en foy. D'autant que si le Seigneur feodal faisoit saisir à faute d'homme le fief, gaigneroit les fructs, ce qui excéderoit les portions indiuisées: pour lesquelles, tant l'aisné que les puisnez, auoient chacun pour son regard & quotité esté receuz en foy: comme pour l'outre-plus n'y ayant aucune reception en foy.

45
Quand par-
tage est fait
depuis la re-
ception en
foy, il faut
que les com-
partageans
entrent en
nouuelle
foy.

Que si le Seigneur feodal au lieu de bailler souffrance au tuteur du mineur, comme on a accoustumé faire, a receu ledit tuteur en foy & hommage du fief appartenant au mineur: encores que la tutelle soit finie, & que le mineur ayt atteint l'age de vingt ans ou de vingt-cinq ans: il ne fera besoin que le mineur entre en nouvelle foy, s'il n'est dict par l'acte de reception. Car ce que le tuteur a faict & geré en cest endroict, est censé auoir esté faict par le mineur, à tout le moins comme son procureur: auquel cas il n'est besoin de renouvellement de foy: ainsi que du Moulin a adnoté au lieu dessusdit. Et sur tout est besoin voir comme & en quels termes & mots la reception en foy est faicte & conceüe.

46
Quand le Sei-
gneur feodal
reçoit le tu-
teur en foy
& homma-
ge, la foy ne
doit estre re-
nouuillée
par le mi-
neur estant
fait mineur.

Outre ce que dessus est besoin noter que nous auons amplement déclaré au dernier chapitre du droit de Des-herence, la forme & les solemnitez qu'il conuient obseruer pour faire saisir, crier & vendre par decret les heritages adiugez par confiscation, tant au Roy qu'aux Seigneurs haut-Iusticiers: & ce tant à la requeste du Procureur dudit Seigneur Roy, que des Seigneurs haut-Iusticiers: ensemble à la requeste des creanciers de ceux dont les biens ont esté confisquez. Et pour ce regard conuient auoir recours à la lecture dudit dernier chapitre.

47
Quelles so-
lemnitez sont
requises
pour vendre
par decret
les biens con-
fisquez.

COMME S'ENTEND LA COVSTUME PAR laquelle, qui confisque le corps, il confisque les biens. Que les enfans ont droict de doüaire és biens de leur pere qui sont confisque: Avec plusieurs Arrests concernans les doüaires, & ce qui appartient à la femme és biens confisque de son mary.

- 1 Comme par la disposition de droict les biens des condannez à mort estoient conseruez aux enfans.
- 2 Qui confisque le corps il confisque les biens.
- 3 Le douaire est conserué aux enfans sur les biens confisque.
- 4 Les heritages venus de douaires, appartiennent aux heritiers paternels des enfans douairiers, & non aux maternels.
- 5 Les heritages venus de douaires, appartiennent à tous les freres & sœurs paternels heritiers de l'enfant douairier: encores qu'ils ne soient de mesme mariage.
- 6 Les heritages donnez par le mary à la femme qui s'est remariée, sont estimiez paternels aux enfans.
- 7 Si les heritages donnez à la femme, qui ne s'est point remariée, doivent estre reputez paternels aux enfans.
- 8 Comme s'entendent les Coustumes qui portent, que les parens des deux costez excluent les parens d'un costé seulement.
- 9 Le douaire mobilier appartient au plus proche parent de l'enfant, soit paternel, ou maternel.
- 10 La mere succede au douaire mobilier de ses enfans.
- 11 Le pere ou la mere qui n'a faict inventaire, & a continué la communauté, comme elle succede aux meubles de ses enfans.
- 12 Comme se partagent les meubles de la communauté continuée.
- 13 Dommages qu'ont les peres, ou meres suruiuans qui continuent la communauté.
- 14 Ce que le suruiuant doit faire pour cuitier la cōtinuation de cōmunauté.
- 15 La continuation de communauté n'a lieu que pour le regard des enfans mineurs, mariez ou non mariez.
- 16 La continuation de communauté a lieu, encore que la Coustume n'en face mention.
- 17 Encores que aucuns enfans soient mariez pendant la continuation de communauté, icelle n'est pas dissolue.
- 18 Aduis d'aucuns sur la continuation de communauté.
- 19 Il n'y a point de continuation de communauté entre le beau-pere ou belle-mere, & les enfans d'autre liēt.
- 20 Quels biens entrent en la continuation de communauté, & cōme iceux se doiuent partager.
- 21 Les conquests faicts pendant la continuation de communauté se partagent entre les enfans esgalement & sans droict d'aisnesse.
- 22 Si les heritages donnez entrent en la continuation de communauté.
- 23 Pour dissoudre la continuation de communauté, est besoin faire inventaire, & le tenir pour cloz.
- 24 La closture d'inventaire n'est requise, que pour les inventaires faicts depuis la nouuelle Coustume de Paris.
- 25 Si les meubles aduenus au suruiuant incontinent apres le trespas du

- precedé entrent en la communauté quand le suruiuant n'est en demeure de faire inuentaie.
- 26 Tous les enfans & les suruiuans sont nourris aux despens de la communauté.
- 27 Les deniers baillez pour estre Docteur se doiuent rapporter.
- 28 Si la cōtinuation de la communauté se peut accepter pour partie du temps seulement.
- 29 Comme on demande remplissement d'inuentaie.
- 30 Quand il n'y a point d'inuentaie faict, comme les enfans doiuent former leur demande.
- 31 On ne peut estre heritier simple, ny par benefice d'inuentaie du pere, & douairier ensemble.
- 32 L'heritier par benefice d'inuentaie est vrayement heritier, & pourquoy.
- 33 Deux priuileges de l'heritier par benefice d'inuentaie.
- 34 Si l'heritier par benefice d'inuentaie peut renoncer à la succession qu'il a apprehendée.
- 35 Quand le mineur se portant heritier simple peut exclurre l'heritier par benefice d'inuentaie.
- 36 Le mineur est receu heritier par benefice d'inuentaie de son parent comptable.
- 37 Douaire coustumier en quoy consiste.
- 38 Les heritages substituez sont subjets au douaire coustumier de la femme, payement du dot, & augment d'iceluy.
- 39 Douaire coustumier ne se peut prendre sur les heritages escheuz au mary en ligne collaterale.
- 40 Le douaire coustumier se prend sur les rentes constituées, tant sur l'Hôtel de la ville de Paris que sur particuliers.
- 41 Le denier prouenu de rente subiette à douaire, estant remployé est subiet au douaire.
- 42 Si le mary vend aucuns heritages, mesmes ses conquests, la femme peut sur iceux demander son douaire prefix.
- 43 Si l'heritage acquis à reméré est retiré, la vesue iouyra pour son douaire de moitié du denier prouenu du rachapt.
- 44 En douaire coustumier on regarde en quel estat estoient les heritages lors de la cōsommation du mariage.
- 45 Le douairier est tenu rendre tous les aduantages qu'il a euz de son defunct pere.
- 46 Le douaire est propre aux enfans, ne peut estre aliené, & tient lieu de legitime, combien qu'il soit dit sans retour.
- 47 Encores que la femme suruiue, le douaire sans retour est propre aux enfans.
- 48 L'enfant mineur peut renoncer au douaire, pour deliurer son pere prisonnier.
- 49 Les enfans estans heritiers de leur pere, ne peuvent demander le douaire prefix sans retour de leur mere, lequel la mere peut alier.
- 50 Pour regler les actions tant du douaire, & autres conuentions matrimoniales, quelle Coustume il faut suiure.
- 51 Tout douaire est viager, s'il n'y a conuention au contraire.
- 52 Si le douaire est viager, le denier du rachapt est subiet à restitution, & s'il est perpetuel, le rachapt d'iceluy est aussi perpetuel.
- 53 L'heritier de la douairiere n'a rien és fruiets cueillis apres le trespas de la douairiere.
- 54 A l'achepteur appartiennent les fruiets de l'heritage achepté, du iour

de son contract.

- 55 Au retrayant conuentionel apparteniennēt tous les fructs de l'heritage retiré du iour du remboursement.
- 56 Au retrayant lignager appartenent les fructs du iour de la demande & offre.
- 57 Les acquereurs des biens des Ecclesiastiques gagnent les fructs pro rata temporis.
- 58 L'usufruitier iouyt de l'heritage en tel estat qu'il le trouue sans rembourser les labours.
- 59 Les fructs del'heritage propre de la femme ou du mary, pendans par les racines, lors du trespas, à qui ils appartiennent.
- 60 Comme les fructs se diuisent entre l'heritier du defunct Beneficier & son successeur, & quand l'année doit commencer en ce cas.
- 61 Quand il y a condamnation de mort civile contre le mary, la femme peut demander son douaire & conuentions matrimoniales. Idem, quand la femme est séparée de biens.
- 62 Quand le mary est absent, luy faut créer un curateur par aduis de parens.
- 63 L'enfant ne peut demander le douaire de sa mere pendant la vie de son pere, encores qu'il ait esté adiugé à la mere séparée de biens.
- 64 Le douaire doit estre payé, encores que le dot ne l'ait esté.
- 65 Si, & quand en douaire prefix on doit faire diminution du dot non payé.
- 66 Declaration faicte par le mary pendant le mariage de la reception des deniers dotaux n'est suffisante.
- 67 En douaire n'y a point de droit d'aisnesse.
- 68 In doario non est locus iuri accrescendi.
- 69 Quand aucuns enfans sont heritiers du pere, & aucuns douairiers,

comme le douaire se partit entre eux.

- 70 Comme le manoir d'un fief se partage entre le fils aisné heritier de son pere, & ses freres douairiers.
- 71 Encores que l'heritage subiet au douaire, soit decreté du viuant du pere, le douaire n'est tenu.
- 72 Comme les enfans douairiers se doiuent pouruoir contre l'acquerreur par decret, de l'heritage subiet au douaire Idem, de la femme.
- 73 Quand il y a creanciers precedants le mariage, l'heritage subiet au douaire peut estre decreté.
- 74 Quand le decret est faict apres le decés du pere, il exclut les enfans de leur douaire.
- 75 La douairiere ne se peut opposer afin de distraire, pour son douaire coasumier.
- 76 L'option du douaire est transmise aux heritiers de la femme, & en cas de debat quel douaire on doit adiuger.
- 77 L'heritage subiet au douaire ne peut estre prescript contre la femme pendant la vie de son mary.
- 78 Si ledit heritage peut estre prescript contre les enfans pendant la vie du pere & de la mere.
- 79 Tant la vefue que le douairier sont saisis du douaire, & comme ils en doiuent faire poursuite.
- 80 Tant le simple usufruitier, que le simple propriétaire, peuvent estre poursuivis pour les rentes assignées sur les heritages.
- 81 La femme prenant communauté, est tenue acquiter le pleige que son mary a baillé du douaire à elle promis en mariage.
- 82 Encores que la femme ait don mutuel, n'y a aucune diminution de son douaire.
- 83 Quand il n'y a que simples meubles,

Et y a don mutuel, la femme ne peut demander son douaire.

Et quid, s'il y a des cōquests immeubles. Rursus quid si lesdits meubles & conquests immeubles, & le quint des propres sont leguez à un tiers.

84 Nonobstāt la confiscation des biens du mary, la femme a son droict de communauté, son douaire, & ses conventions matrimoniales.

85 La femme à cause de la communauté n'est point tenue des reparations adiugées contre son mary condamné à mort.

86 Socius non tenetur ex delicto socij.

87 Quand la condamnation d'amende adiugée contre le mary, n'emporte point dissolution de communauté, elle est exécutoire sur les biens de la communauté.

88 La femme apres le decez de son mary n'est tenue reprendre le proces criminel intenté contre son mary.

89 La femme est tenue de moitié de l'amende due à cause du friuole appel interdicté par son mary.

90 En confiscation de biens adiugée

contre la femme mariée, n'est comprise la moitié des meubles, conquests, & conquests immeubles qui luy eussent peu appartenir.

91 Le mary peut donner entre vifs les meubles, conquests, & conquests immeubles, sans le consentement de sa femme.

92 Les condamnations d'amendes & de despens données contre les femmes, pour crimes & delicts, comme se doivent executer.

93 Pour despens dependans de proces criminel, on ne tient prison.

94 L'ordonnance des quatre mois n'a lieu contre les femmes mariées, & personnes Ecclesiastiques, ny es sentences de provision.

95 L'ordonnance des quatre mois a lieu contre les femmes non mariées ou vefues.

96 Par plusieurs Coustumes, encores qu'il y ait condamnation de mort, n'y a confiscation de biens.

97 Sçavoir si la Coustume ne portant confiscation de biens en cas de condamnation de mort, si le Iuge peut confisquer les biens.

CHAPITRE XV.



OMBIEN que par la disposition des Authentiques, les biens des proscript, bannis, ou condamnés à mort, fussent entierement conseruez, non seulement aux ascendants & descendants, mais aussi aux collateraux, iusques au tiers degré : Et que par le droict des Digestes & du

Code, certaine portion des biens des condamnés à mort, fust conseruée à leurs enfans, sinon en crime de leze-Majesté, l. cum raro. ff. de portionibus que liberis damnatorum conceduntur. l. finali. & authen. bona. Cod. de bonis damnat.

Toutesfois par le 183. article de la nouvelle Coustume de la Preuosté & Vicomté de Paris, est porté, Que qui confisque le corps, il confisque les biens. Et cet article de Coustume est si estroittement obserué, non seulement en la Coustume de Paris, mais en plusieurs endroits de ce

¹ Comme par la disposition de droict les biens des condamnés à mort, estoient conseruez aux enfans,

² Qui confisque le corps, il confisque les biens.

Royaume: que les enfans de celui duquel les biens ont esté confisquez, ne peuvent demander legitime ny portion aucune sur les biens de leur defunct pere, ny mesme leur nourriture & alimens.

Raisons de
la Coustume
cy dessus al-
leguée.

Ce qui semble auoir esté statué par nos predecesseurs, pour desmou-
oir les hommes de delinquer, & commettre crimes emportans confisca-
tion de biens: d'autant que nous auons souuent plus de soing de nos en-
fans que de nous mesmes.

3
Le douaire
est conserué
aux enfans
sur les biens
confisquez.

Bien est vray, qu'au lieu de portions qui estoient baillées par la dispo-
sition de droict commun aux enfans, sur les biens de leur defunct pere qui
estoient confisquez, la Coustume de Paris a conserué les enfans, à deman-
der doüaire coustumier sur les biens de leur defunct pere, encores qu'ils
soient confisquez, ou bien le doüaire qui a esté prefix à leur mere.

4
Les herita-
ges venus de
douaires ap-
partienent
aux heri-
tiers pater-
nels des en-
fans douai-
riers, & non
aux mater-
nels.

Lesquels doüaires encores qu'ils soient acquis par la mere, toutesfois
ils sont paternels, au moyen de ce qu'ils se prennent sur les biens du pere,
suiuant la loy *profectitia. ff. de iure dotium*. En ce faisant les heritages venus
aux enfans, à cause du doüaire coustumier, ou bien du doüaire prefix de
leur mere, appartiennent aux heritiers paternels desdits enfans, & non
aux heritiers maternels, qui n'y ont aucun droict, part ny portion. Com-
me il a esté iugé par l'arrest de Gasparde solennellement prononcé le
23. Decembre, 1551. recité par Deluc au Tiltre des Doüaires, arrest
premier.

5
Les herita-
ges venus de
douaires ap-
partienent
à tous les
freres &
sœurs pater-
nels heritiers
de l'enfant
doüairier, en-
cores qu'ils
ne soient de
mesme ma-
riage.

Et les heritages venus aux enfans à cause du doüaire coustumier ou
prefix de leur defuncte mere sont tellement paternels, qu'ils appartiennent
aux freres & sœurs paternels heritiers de l'un desdits enfans doüai-
rier: encores qu'aucuns desdits freres & sœurs ne soient de mesme maria-
ge, ains du second liét du pere: & que par le contract du premier maria-
ge soit porté, que le doüaire sera propre aux enfans dudit mariage: parce
moyen on ait occasion de dire, que les heritages prouenus du doüaire,
acquis par la premiere femme, ne doiuent estre communiquez aux en-
fans issus d'autres mariages: Toutesfois a esté iugé par arrest solennel-
lement prononcé, apres en auoir communiqué aux Chambres le 17.
Mars 1573. pour les enfans de feu Robert Piquet, Que les freres & sœurs
de l'enfant doüairier du premier liét, qui sont issus tant du premier que
du second mariage du pere, succedent ensemblément aux heritages pro-
uenus du doüaire coustumier de la premiere femme, mere de l'enfant de-
cedé. La raison est, parce que lesdits heritages, apres le trespas du pere
estans entrez és biens & patrimoine du defunct enfant doüairier, ils ont
esté confus en la personne, ont faict vn seul patrimoine, ont perdu le nom
& nature de doüaire, & sont demeurez simples heritages propres pater-
nels, auxquels ont deu succeder tous les heritiers du defunct, qui sont du
costé paternel. *Mutatione enim persona mutatur qualitas rei sue scudi. Et
quod castrense erat in persona defuncti, desinit esse castrense in persona hereditis.
l. per procuratorem. in fine. ff. de acq. hered. l. fina. in fi. Cod. de inoff. te-
stam.* Tellement que les freres & sœurs issus du second mariage, qui sont
paternels seulement, concurrent avec les freres & sœurs du premier ma-
riage, encores qu'ils soient paternels & maternels, & sint coniuncti viro-

que

que parente. Et le semblable doit estre gardé, si l'un des enfans issu du second liét decede apres son pere, & apres qu'il a acquis le droict de doüaire de sa mere, tous ses freres & sœurs paternels succederont aux heritages qui luy ont appartenu, à cause du doüaire coustumier ou prefix de sa defuncte mere: supposé que lesdits freres & sœurs soient issus de diuers liêts, & diuers mariages du pere. Et quant aux freres maternels du defunct enfant doüairier, ils n'auront aucun droict, part, ny portion és heritages venus au defunct, à cause du doüaire coustumier, ou prefix de sa defuncte mere.

Le pareil doit estre dit des heritages, qui ont esté donnez en faueur de mariage, par un mary à sa femme, laquelle depuis est conuolée en secondes nopces: par le moyen duquel second mariage, ladite femme de dame & propriétaire des heritages donnez, a esté faicte simple usufructiere: en sorte qu'elle ne les a peu vendre, aliener, obliger, ny hypothéquer: ains les a deu conseruer aux enfans venus du mariage de son mary donateur & d'elle. Et les heritages ainsi donnez estans escheus & aduenus par la mort de la mere, aux enfans issus dudit mariage, ils leur ont esté propres paternels: & par leur decez doiuent appartenir à leurs heritiers paternels, & non aux maternels, *l. cum alijs. vers. quod tamen mulier mariti largitate percepit, id ex eo tantum liberi coniugio procreati filii Speciale, tanquam paternum nouerint patrimonium vindicandum. Co. de secund. nupt. l. femina. Co. eod.* Et ce qui est dit de la femme, doit estre obserué au mary donataire conuolant à secondes nopces.

Les heritages donnez par le mary à la femme qui s'est remariée sont estimez paternels aux enfans.

Si la femme, à laquelle le mary a donné en faueur de mariage quelque heritage, ne se remarie point; ains se contienne en viduité, & n'aliene point l'heritage qui luy auoit esté donné, comme il luy estoit loisible le vendre, aliener, obliger, & hypothéquer: On a douté si cet heritage estant aduenu apres le trespas de la mere, à l'enfant issu du mariage du pere donateur, & de la mere donataire, sera propre paternel audit enfant, comme prouenu des biens & facultez de son pere, suiuant les loix cy dessus alleguées: ou si ledit heritage sera propre maternel audit enfant: en sorte que par son decez il doüe appartenir à ses heritiers maternels, comme ayant esté un acquest faict par sa defuncte mere, laquelle en pouuoit librement disposer: & en la personne dudit enfant ledit heritage ayant esté un propre maternel, suiuant le 230. article de la nouuelle Coustume de Paris, *l. hac edictali. vers. neque vir ijs. Cod. de secund. nupt.* & plusieurs sont d'aduis que tel heritage est maternel: attendu que vrayement il appartenoit à la mere, laquelle pouuant librement disposer d'iceluy, l'a acquis & conserué à son enfant. Ce que dessus est traicté par Monsieur Choppin, en son second Tome sur les Coustumes d'Anjou, liure troisieme, tiltre premier, *De bonis hereditate delatis. Col. 19. & 20.* Et conuient noter que nous n'auons gardé au pays Coustumier de France, la disposition des loix cy-dessus alleguées, & d'autres estans au Code sous le tiltre *de secundis nuptijs*, sinon depuis l'Edict des secondes nopces, verifié en la Cour de Parlement le 5. Aoust, 1560. & non au precedent: Comme il sera dit en l'article 21. du present Traicté.

Si les heritages donnez à la femme qui ne s'est point remariée, doiuent estre reputez paternels aux enfans.

8
Commes'entendent les Coustumes qui portent que les parés des deux costez excluēt les parens d'un costé seulement.

Et qui plus est, les freres & sœurs paternels seulement, sont admis à succeder, avec les freres & sœurs paternels & maternels, aux heritages propres paternels, qui appartennoient à leur defunct frere, non seulement à cause du dotiaire coustumier de sa defuncte mere, mais à tous autres propres paternels, qui estoient en la succession de leur defunct frere: Encores que par la Coustume, au dedans de laquelle les heritages sont assis, soit porté, Qu'en toutes successions collaterales, les parens qui attiennent le defunct *ex utroque parente*, excluent tous autres qui attiennent seulement *ex uno latere*: comme en la Coustume de Blois, article 155. & autres Coustumes semblables: Lesquelles ne s'entendent, & ne sont pratiquées, sinon pour le regard des meubles, acquests, & conquests immeubles du defunct: esquels les parens conioints des deux costez seuls succedent, & excluent ceux qui ne sont conioints que d'un costé. Et quant aux heritages propres paternels ou maternels, ceux qui ne sont conioints que d'un costé, ne sont pas exclus par ceux qui sont conioints des deux costez: ains concurrent avec eux, & succedent ensemblement aux propres, qui sont de leur costé & ligne: Parce qu'ils sont aussi bien parens du defunct, soient freres, sœurs, oncles ou tantes, du costé duquel viennent les heritages paternels, que les autres freres ou sœurs, qui sont du costé paternel & maternel. Aussi sont en mesme degré, aussi proches & habiles à succeder au defunct, que les autres parens du defunct, encores qu'ils luy attiennent des deux costez: partant est raisonnable qu'ils succedent ensemblement: Comme il est noté par Maistre Charles du Moulin, sur le 90. article de la Coustume de Dreux, & douziesme article de la Coustume de Montargis, au Tiltre des Droicts de Succession. *In haredibus, inquit, non attenditur duplicitas vinculi*. Ainsi a esté iugé par Arrest donné au Parlement de Tours en la Coustume de Blois: Entre Loyse Pasquier vefue de feu Michel le Roy, és noms qu'elle procedoit, demanderesse au principal, & appellante d'une part: Maistre Jean Guimier, Renée Pasquier sa femme, & consors, defendeurs & intimez d'autre: prononcé le 20. Fevrier 1593. Et ce en eniendant la sentence donnée par le Bailly de Blois, le cinquiesme Septembre, 1591. Et l'arrest dessusdit semble estre fondé sur les 150. & 156. articles de la Coustume de Blois, interpretatifs du 155. article cy-dessus allegué.

Le parent conioint des deux costez exclud l'autre parent, encores qu'ils ne soient en pareil degré.

Et conuient noter que ledit cent cinquante cinquiesme article de la Coustume a lieu pour succeder aux meubles, acquests, & conquests immeubles du defunct: non seulement quand les parens habiles à succeder sont en pareil degré; mais aussi quand ils sont en diuers degrez: à sçauoir que les parens conioints d'un costé seulement sont plus proches, & les parens conioints des deux costez sont plus esloignez. De faict a esté iugé par arrest donné le 9. Fevrier, 1564. entre Oliue Duguet d'une part, & Aignan le Vasseur d'autre: Que le neveu, le pere duquel estoit conioint au defunct, *utroque parente*, exclud l'oncle conioint *ex uno latere tantum*, quant aux meubles, acquests & conquests immeubles. Parce que l'article de Coustume susdit, porte en termes generaux: Qu'en toutes successions collaterales, les parens qui attiennent le defunct *ex utroque parente*,

excluent tous autres qui attiennent seulement *ex vno latere*. Et le mot general de toutes, n'auroit son effect, si ledit article auoit lieu seulement, quand les parens habiles à succeder sont en pareil degré. Tellement qu'au cas susdit le nepueu, par le moyen de son feux pere attendant le defunct *ex utroque parente*, il a exclu son oncle, frere vterin du defunct. Et ce non-obstant que par le 139. article de ladite Coustume de Blois, n'y ait point de representation en ligne collaterale, si elle n'est accordée. Car il suffit suivant ledit 155. article, pour exclurre le parent conioint d'un costé seulement, & empescher qu'il ne succede aux meubles, acquests, & conquests immeubles, qu'il y ait un parent conioint des deux costez au defunct, en quelque degré que ce soit. Et en ce cas on dit, *quod nepotes utriusque coniuncti succedunt, & alios vno latere tantum coniunctos excludunt iure pralationis, ex privilegio à lege municipalis concessio siue introducto*: Encores qu'il semble impossible par nature, qu'un nepueu puisse estre conioint à son oncle *utroque parente*: veu que le pere ou bien la mere du neveu notoirement est d'autre famille, que le pere ou bien la mere de l'oncle. Pour plus amplement entendre, que les parens conioints des deux costez n'excluent point les parens conioints d'un costé, quant aux propres seulement; mais quant aux meubles, acquests & conquests immeubles, suivant la disposition du droit commun: il est besoin voir le quatriesme chapitre du droit de Desherence. Et en la nouvelle Coustume de Paris n'y a point de difficulté: Que les freres & sœurs, supposé qu'ils ne soient que de pere ou de mere, succedent esgalement avec les autres freres & sœurs de pere & de mere à leur frere ou sœur aux meubles, acquests & conquests immeubles. Et le semblable est obserué, & a lieu aux oncles & autres parens collateraux, qui ne sont conioints que d'un costé: comme il est porté par les 340. & 341. articles de ladite Coustume. Et quant aux propres heritages, les parens qui sont les plus proches au defunct, du costé & ligne dont luy sont aduenus & escheuz les heritages propres, luy succedent esdits heritages, encores qu'ils ne soient plus proches parens du defunct: *Paterna enim paternis, & materna maternis*, selon le 326. article de ladite Coustume.

Il faut entendre ce qui a esté dit cy-dessus: à sçavoir qu'au douaire soit coustumier ou prefix, les heritiers paternels succedent, & non les maternels: quand le douaire consiste en immeubles, comme en heritage, rente fonciere, ou constituée, droit de Justice, de censue, de champart, ou autre droit immobilier. Mais si le douaire prefix à une femme par son contract de mariage, consiste en simples meubles, ou en deniers pour une fois payer: en ce cas le plus proche heritier mobilier de l'enfant douairier, soit paternel ou maternel, succede aux meubles, ou à la somme de deniers qui appartenoit audit enfant, à cause du douaire prefix de sa defuncte mere. Et audit cas le douaire perd la nature de douaire, suivant le 259. article de la nouvelle Coustume de Paris.

Tellement que si une femme est douée de la somme de quatre cens livres tournois pour une fois payer, & le mary decede, delaisant sa femme survivante, & quatre enfans issus de leur mariage, lesquels renoncent

Le douaire mobilier appartenant au plus proche parent de l'enfant, soit paternel ou maternel.

La mere succede au

doüaire mo- à la succession de leur pere, & se tiennent au doüaire de leur mere: Si l'un
bilier de ses desdits enfans decede, la mere succedera à tous les meubles qui apparte-
enfans. noient audit enfant lors de son decez: mesmes au quart du doüaire, qui
 appartenoit audit enfant en propriété, consistant en cent liures tournois
 pour vne fois payer. Si deux desdits enfans vont de vie à trespas, le sem-
 blable sera obserué. Si tous les quatre enfans decedent, la mere succedera
 à tout ledit doüaire mobilier: & luy appartiendra en pleine propriété, la
 somme de quatre cens liures tournois, qui luy auoit esté baillée pour son
 doüaire prefix, sans qu'il soit subiet à restitution apres son trespas.

11
Le pere ou la Ce qui est vray, quand la femme apres le trespas de son mary, a faict
mere qui n'a faire & parfaire avec legitime contradicteur inuentaie solemnel des biens
faict inuen- qui estoient communs durant leur mariage, & au temps du decez du ma-
taire & a ry predecédé, soient meubles ou conquests immeubles, & iceluy tenu
continué la pour clos: en sorte que la communauté ait esté dissoluë. Car s'il y a
communau- eu continuation de communauté entre la mere & les enfans, à faute
té comme d'inuentaie solemnellement faict, & closture d'iceluy dedans le temps
elle succede porté par la Coustume: & que l'un des enfans pendant ceste continua-
aux meubles tion de communauté decede, la mere ne succede aucunement aux meu-
de ses en- bles qui estoient aduenus par le trespas de son mary à son enfant decédé:
fans. & ne succede que pour moitié à la portion du doüaire mobilier qui ap-
 partenoit à sondit enfant. Mais lesdits meubles demeurent en la commu-
 nauté continuée entre elle & ses enfans, & la portion dudit doüaire mo-
 bilier entre en ladite communauté.

12
Comme se En sorte que les meubles qui appartenoint à l'enfant decédé, à cause
partagent de son defunct pere, appartiennent & accroissent entierement aux freres
les meubles & sœurs de l'enfant decédé. Et cela est obserué encores que tous les en-
de la com- fans du viuant de la mere decedent, excepté vn: lequel lors de la dissolu-
munité tion de la communauté prendra autant que si tous les enfans qui viuoient
continuée. lors du decez du pere, estoient encores viuans, au moyen de la conion-
 ction qui estoit entr'eux. Et la mere suruiuant n'aura en tous les meu-
 bles, qui estoient en la communauté de son defunct mary, & d'elle: que
 sa moitié desdits meubles. Et quant aux autres meubles qui seront adue-
 nus ausdits enfans, depuis le decez du pere predecédé, soit par succession
 directe ou collaterale, donation, ou autrement, ils entreront en la com-
 munité, & en iceux la mere aura moitié seulement, & l'autre moitié
 appartiendra aux enfans, ou au dernier des enfans suruiuant les autres, lors
 de la dissolution du mariage. Comme les fructs de tous les heritages &
 autres immeubles, tant propres qu'aduenus par succession ou autrement,
 qui appartiennent, ou à la mere, ou aux enfans, entrent en la commu-
 nauté continuée, pour apres la dissolution d'icelle estre partagez par
 moitié: ainsi que tous les meubles de la communauté se partiront par
 moitié, dont l'une fera baillée à la mere, & l'autre aux enfans ou enfant
 viuant lors de la dissolution de la communauté. Et ce suiuant les 240. 241.
 243. articles de la nouvelle Coustume de Paris. Mesme les arrerages du
 doüaire coustumier ou prefix de la mere escheuz pendant la continuation
 de communauté, sont confondus & noyez en ladite communauté, &

ne peuuent estre demandez par la mere ; mais seulement ceux qui sont escheuz depuis la dissolution de la communauté.

Ce qui est fort remarquable, à ce que les pere ou mere suruiuant ayent incontinent à faire faire inuentaie solemnel, & iceluy clorre pour dissoudre la communauté d'entre eux & leurs enfans, & empescher la continuation d'icelle. Autrement, comme dit est, succedans à leurs enfans, ils seront priuez de tous les meubles, qui appartennoient à leurs enfans, par le decez de leur pere predecédé, ou de leur mere predecédée. Aussi seront priuez de la moitié de tous leurs meubles, qui d'ailleurs estoient aduenus à leursdits enfans, lesquels, comme dit est, entrent en la communauté continuée: Non pas des heritages & immeubles demeurez par le trespas desdits enfans, & par eux acquis pendant qu'ils estoient mariez, ou bien pendant qu'ils n'estoient point en communauté: lesquels appartiendront entierement au pere suruiuant ou à la mere suruiuante, sans que lesdits heritages & immeubles entrent en ladite communauté continuée. Ainsi que les heritages propres des enfans decedez appartiennent à leurs freres & sœurs, & n'entrent point en ladite communauté: comme il est porté par les 311. & 312. articles de la nouvelle Coustume de Paris. Mais les fructs desdits immeubles, tant acquests que propres, entrent en la continuation de communauté, ainsi qu'il sera dict cy-apres: Et par le moyen desdits fructs le pere suruiuant ou la mere suruiuante, pourra estre recompensée de la perte qu'elle a sur les meubles.

Partant on doit conseiller au suruiuant des deux conioints incontinent apres le trespas du predecédé faire eslire tuteur en chef & tuteur subrogé aux mineurs, faire faire inuentaie & le tenir pour clos: le tout au desir de la Coustume: à ce qu'il ne soit priné des successions mobilières de ses enfans, aduenant le decez d'iceux. Et si le suruiuant ne peut commodément faire ce que dessus: parce que le predecédé est mort de maladie contagieuse, ou bien que l'un des enfans est mort peu de temps apres la mere decedée: le pere suruiuant doit aller au Greffe du Chastelet de Paris, sinon pardeuant deux Notaires, & declarer qu'il n'entend aucunement continuer la communauté de biens avec ses enfans, mais faire faire inuentaie & iceluy clorre en Iustice, le plustost que commodément faire pourra: & protestera qu'on ne luy puisse imputer aucune demeure ou negligence: & s'il y a quelque legitime empeschement, le declarera par le dit acte: le fera signifier au tuteur en chef ou subrogé, s'aucun y a, & fera faire inuentaie le plustost que faire se pourra. Aussi sera bon que ladite declaration & protestation soit faicte auparauant le decez de l'enfant, si faire se peut: sinon, incontinent apres, pour les raisons cy-apres deduites.

Et conuient entendre, que ceste continuation de communauté introduitte par la Coustume de Paris contre le suruiuant, à faute de confession d'inuentaie & closture d'iceluy, mentionnée és articles 240. & 241. de ladite Coustume, laquelle on veut fonder en la loy, *ita quoque ff. pro socio. in l. si mulier. ff. soluto matri. in l. 1. §. prater ea sciendum. ff. de separationibus*, n'a lieu pour le regard des heritages collateraux; supposé

13
Dommage
qu'ont les
peres ou me-
res suruiuans
qui conti-
nuent la com-
munauté.

14
Ce que le
suruiuant
doit faire
pour eniter
la continua-
tion de com-
munauté.

15
La continua-
tion de com-
munauté
n'a lieu que
pour le re-
gard des en-
fans mi-
neurs ma-
riez ou non
mariez.

qu'ils fussent mineurs lors que la succession leur est deferée. Mais ladite continuation de communauté a seulement lieu, quand l'un des deux conjoints par mariage va de vie à trépas, & delaisse des enfans dudit mariage, qui lors de la dissolution d'iceluy sont mineurs. Pour le regard desquels mineurs seulement y a continuation de communauté, & non pour le regard des enfans yssus dudit mariage, qui sont majeurs de vingt-cinq ans, lors de la dissolution d'iceluy : encores qu'ils ayent pareil droit & semblable interest que les mineurs, estans heritiers du predecédé comme eux.

Trois raisons pour lesquelles la continuation de communauté a esté introduite.

Et ce que dessus est veritable, & a lieu, encores que les enfans mineurs delaissez par le predecédé fussent mariez, lors de la dissolution du mariage; d'autant que la Coustume generally & distinctement attribue le droit de continuation de communauté aux enfans mineurs; sans faire distinction de ceux qui sont mariez, ou non mariez. Aussi que les trois raisons pour lesquelles la continuation de communauté a esté introduite, militent aux enfans mineurs mariez : A sçavoir la faueur de minorité : le meslange & mixtion de biens & commune iouissance d'iceux, & la negligence & mauuaise foy du suruiuant : qui n'a voulu faire inuentaire, à ce qu'on ne peust auoir cognoissance des biens demeurez par le trépas du predecédé.

16

La continuation de communauté alien encores que la Coustume n'en face mention.

Et les trois raisons susdites ont esté trouuées si iustes, equitables, & raisonnables; que communément on tient, qu'à faute d'inuentaire faict par le pere ou mere suruiuant, il y a continuation de communauté entre le suruiuant & les enfans mineurs yssus de leur mariage; encores que la Coustume de la demeure des parties ne face aucune mention de la continuation de communauté. Et ainsi a esté iugé en la Coustume d'Amiens.

La continuation de communauté n'est dissoluë par le moyen de la majorité suruenante.

Et supposé que les enfans mineurs mariez ou non mariez, pendant la continuation de communauté, deuiennent majeurs de vingt-cinq ans. Toutesfois par le moyen de leur majorité, la continuation de communauté encommencée avec eux, n'est pas dissoluë : ains est continuée, parce que le meslange de biens & commune iouissance d'iceux est continuée. Comme pareillement est censée, continuer la negligence & mauuaise foy du suruiuant, qui ne veut faire inuentaire : la confection duquel est nécessaire pour rompre la continuation de communauté. Aussi que la majorité n'est nombrée entre les moyens ordonnez par la disposition de droit, pour dissoudre vne société & communauté. Ioinct que principalement *in odium* du suruiuant, & pour la mauuaise foy, la continuation de communauté a esté introduite par la Coustume, contre la nature du contract de société. Estant certain que *societas inter duos contracta morte vnius ex sociis soluitur, nec ad heredem defuncti porrigitur; etiam si ab initio pactum fuerit ut heres succedat societati*; comme dict la loy, *ad eum morte socii la loy verum. §. in heredem. ff. pro socio.*

Societas morte vnius ex sociis soluitur.

On a passé outre, & soustenu encores qu'aucuns des enfans, avec lesquels la communauté a esté continuée, ayent esté mariez pendant la continuation de communauté : & qu'à iceux on ait purement & simple-

ment baillé quelques deniers ou quelques biens de la communauté, ou bien les deniers leur ayās esté baillez sur le droict successif qui leur estoit escheu : toutesfois par le moyen de leur mariage, la communauté pour leur regard ne sera du tout dissoluë pour l'aduenir, ny le droict de communauté, qui leur auoit esté acquis, auquel ils n'ont point renoncé, ne sera du tout tollu & osté : mais au *pro rata* seulement de ce qui leur aura esté baillé en faueur de mariage des deniers ou biens de la communauté. Et se doit-on contenter, de ce qu'estans mariez, ils ne sont plus nourris aux despens de la communauté : comme sont, tant le suruiuant, que tous les autres enfans qui participent à la communauté, lesquels sont nourris & entretenus aux despens de la communauté.

Bien est vray, que si on leur auoit baillé autant en mariage, que se monte la part du bien qu'ils auoient en la communauté : ou bien si les deniers leur ont esté baillez pour le droict successif de leur defunct pere predecedé, ou de leur defuncte mere predecedée : en ce cas ils seront du tout priuez à l'aduenir du droict & profit de communauté. Partant le meilleur & plus seur est, lors qu'aucuns enfans mineurs ou majeurs sont mariez pendant la continuation de communauté, & qu'on leur a baillé quelques deniers ou biens d'icelle, les faire renoncer par leur contract de mariage, tant pour le passé, que pour l'aduenir, au droict & profit qu'ils pouuoient, & à l'aduenir pourroient pretendre à cause de la communauté continuée apres le decez de leur defunct pere, ou de leur defuncte mere.

Toutesfois ie ne veux obmettre à dire, qu'aucuns sont d'aduis que la continuation de communauté n'a lieu pour le regard des enfans mineurs, qui estoient mariez lors de la dissolution du mariage. Aussi qu'ils sont d'aduis, encores que la continuation de communauté ait esté commencée avec des mineurs non mariez ; toutesfois qu'elle cesse lors qu'ils ont atteint l'aage de majorité : ou bien lors qu'ils ont esté mariez pendant la continuation de communauté. Parce que deslors de leur majorité, ou bien de leur mariage, par le moyen duquel ils ont esté faicts iouyssans de leurs droicts, ils ont peu agir contre le suruiuant, & le contraindre à faire inuentaire & partage des biens de la communauté. Et s'ils ne l'ont faict, ils se le doiuent imputer : tout ainsi que les enfans qui sont majeurs lors de la dissolution du mariage, lesquels pour ceste raison ne peuuent pretendre continuation de communauté. Aussi que la continuation de communauté a esté principalement introduite en faueur des enfans mineurs, & la minorité cessant, la continuation de communauté doit cesser. Ioint que ceux qui ont esté mariez, tant auparauant la dissolution du mariage, que pendant la continuation de communauté, *transierunt in aliam familiam & societatem* : & pour leur regard y a mutation de personnes. La premiere opinion, qui semble plus iuste & equitable, est communément suivie au Palais.

Pareillement ne veux obmettre que la nouvelle Coustume d'Orleans article 216. redigée depuis la nouvelle Coustume de Paris, admet continuation de communauté entre le suruiuant de deux conjoints par mariage non nobles, & les heritiers du predecedé ; soient enfans yllus

17
Encores que
aucuns en-
fans soient
mariez pen-
dant la con-
tinuation
de commu-
nauté, icelle
n'est pas dis-
solue.

Comme on
doit faire
renoncer les
enfans à la
continua-
tion de com-
munauté.

18
Aduis d'au-
cuns sur la
continua-
tion de com-
munauté.

Nouvelle
Coustume
d'Orleans
touchant la
continua-
tion de com-
munauté.

du mariage, & autres parens du predecedé: & ce à faute d'inuentaie faict par le suruiuant, ou partage faict entre eux. Et ne faict distinction, si les enfans ou autres parens heritiers du predecedé sont majeurs ou mineurs: comme la communauté estant continuée par vn tacite consentement & meslange de biens.

19
il n'y a point
de cōtinua-
tion de com-
munauté
entre le
beau-pere ou
belle-mere,
& les en-
fans d'au-
tre liēt.

Aussi les enfans mineurs du predecedé yllus d'autre mariage, ne peu-
uent, à faute de confection d'inuentaie & closture d'iceluy, pretendre
continuation de communauté avec leur beau-pere ou belle-mere, aus-
quels ils sont du tout estrangers: Mais doiuent poursuiure & demander
en Iustice les biens de leur defunct pere, ou de leur defuncte mere: avec
les fruits, profits, reuenus, emolumens & interets d'iceux, dont le beau-
pere ou belle-mere ont iouy depuis le trespas du predecedé, iusques au
iour de la confection d'inuentaie. Et si lescdits enfans auoient continua-
tion de communauté avec leur beau-pere ou belle-mere, ils pourroient
pretendre la moitié de tous les biens meubles, qui seroient aduenus aus-
dits beau-pere ou belle-mere, par succession, donation, ou autrement, de-
puis le decez de leur pere ou mere, iusques à la confection d'inuentaie &
closture d'iceluy. Ce qui ne seroit raisonnable: principalement veu que
plusieurs estiment la continuation de communauté entre le pere surui-
uant, ou la mere suruiuante, & les enfans yllus de leur mariage, auoir esté
introduite, pour l'amour & affection que le pere suruiuant, ou la mere
suruiuante porte à ses enfans. Ce qu'on ne peut presumer en vn beau-
pere, ny en vne belle-mere, avec lesquels les enfans du predecedé ont or-
dinairement querelles, proces & differens.

Difference
entre la cō-
tinuatiō in-
troduite par
la Coustume
de Paris, &
celle qui est
introduite
par la nou-
uelle Cou-
stume d'Or-
leans.

Et ceste continuation de communauté entre le suruiuant, & les en-
fans dudit suruiuant & du predecedé, introduite par la Coustume de Pa-
ris, est si favorable, qu'elle a lieu encores que lescdits enfans fussent ma-
riez lors du trespas du predecedé; pourueu qu'au temps dudit trespas &
dissolution du mariage ils fussent mineurs de vingt-cinq ans. D'autant
que la Coustume generalement & indistinctement attribué le droict de
continuation de communauté aux enfans mineurs, yllus du mariage du
predecedé & du suruiuant, à faute de faire inuentaie, comme il a esté
dit cy-dessus. Mais la continuation de cōmunauté portée par la nouvelle
Coustume d'Orleans, n'est pareille ny semblable à celle introduitte par la
nouuelle Coustume de Paris. D'autant que par les deux cens seize, & deux
cens dix-septiesme articles de ladite Coustume d'Orleans, la continua-
tion de communauté est baillée à tous heritiers, tant en ligne directe
que collaterale, majeurs ou mineurs. Aussi par lescdits articles de Cou-
stume il est dict, Que les biens & heritages qui eschéent & aduiennent
par succession, don, & legs, pendant la continuation de communauté,
n'entrent point, & ne sont compris en ladite communauté; sinon que de
ce y eust conuention expresse. Combien que le contraire soit obserué en
la Coustume de Paris, pour le regard des meubles & heritages, donnez
par estrangers ou parens collateraux au suruiuant, ou aux enfans qui de-
mandent communauté.

De faict par l'vlsance & commune obseruance de la Preuosté & Vi-
comté,

comté de Paris en ceste continuation de communauté d'entre le suruiuant, & les enfans mineurs du predecédé, entrent tous les meubles qui appartiennent tant au suruiuant, que ausdits enfans, lors que la continuation de communauté a commencé, & tous les meubles qui leur sont respectivement aduenus, pendant ladite continuation de communauté, soit par successions directes ou collaterales, donations ou autrement: ensemble tous les fruiçts escheuz pendant ladite continuation de communauté de tous les heritages, tant propres, qu'acquests, qui leur appartiennent à quelque tiltre que ce soit, lors de la dissolution de ceste communauté: non pas la propriété desdits heritages. Pareillement entrent en ceste continuation de communauté, tous les conquests immeubles, qui sont faicts des deniers de ladite communauté, pendant qu'elle a duré. Et si le suruiuant ne s'est point remarié, ains contenu en viduité: apres son decez tous lesdits meubles, fruiçts d'heritages, & conquests immeubles doiuent estre partis également: moitié baillée aux heritiers dudit suruiuant, & l'autre moitié ausdits enfans, ou au dernier viuant de tous lesdits enfans: suiuant le 343. article de ladite Coustume. S'il y auoit quelques enfans majeurs lors du decez du predecédé, parce que la communauté n'est continuée avec eux, on deduera leurs portions sur toute la masse de la communauté, & s'ils ont esté recompensez des deniers de la communauté de leur droit successif du predecédé, ce sera vn conquest qui entrera en communauté. Et ce que dessus sera obserué, si la communauté continuée pour quelque temps, est dissoluë par confection d'inventaire & closture d'iceluy, ou autrement, pendant la vie du suruiuant, lequel s'est contenu en viduité.

Si le suruiuant, auparauant que faire inventaire, & le tenir pour clos, conuole en secondes nopces avec vne femme qui n'ait point d'enfans, ou bien qui ait enfant, & ait faict inventaire apres le trespas de son mary, & iceluy tenu pour clos: la communauté des enfans du premier liçt sera continuée avec le suruiuant & sa seconde femme. Et en icelle entreront tous les meubles & fruiçts d'heritages qui appartiennent tant au suruiuant & sa seconde femme, qu'aux enfans du premier liçt du suruiuant: ensemble les conquests qui seront faicts pendant ledit second mariage: Tous lesquels meubles, fruiçts d'heritages, & conquests immeubles faicts durant ledit second mariage, seront partis en trois: Vn tiers baillé audit suruiuant, l'autre tiers à ses enfans du premier liçt, l'autre tiers baillé aux heritiers de la seconde femme dudit suruiuant. Et ceste diuision & partage en trois est raisonnable: d'autant qu'il y a trois patrimoines qui sont confus & meslez ensemble: Aussi que *tres contulerunt in societatem*, & que *tot sunt partes, quot sunt socij*: ainsi qu'il est porté par le 242. art. de la nouvelle Coustume de Paris. Auparauant laquelle au cas susdit, les biens de la continuation de communauté se partageoient en quatre. On bailloit aux enfans du premier liçt vn quart: vn autre quart au pere desdits enfans: & aux heritiers de la seconde femme deux quarts, qui estoit moitié: Parce qu'on disoit que les enfans du premier liçt du mary n'auoient aucune société, ny communauté avec la seconde femme: mais avec le mary seulement, par le moyen de la reigle vulgaire, qui porte, *Que socij*

20
Quels biens entrent en la continuation de communauté.

Comme les biens de la continuation de communauté se doiuent partager.

Quand le suruiuant s'est remarié comme se continue la communauté, & comme les biens sont partagez.

Socii mei
socius, me^{us}
socius non
est.

mei socius, meus socius non est. l. qui admittitur. l. nam socij. ff. pro socio. l. consilij. ff. de reg. iuris. Ainsi a esté iugé par arrest donné en la Cour de Parlement de Paris, le 21. Mars 1542. au profit de Mallard, recité par Deluc, *in titulo, De commissa inter coniuges rerum communitate.* Arrest vnziesme.

Les con-
quests faicts
pendant la
viduité du
suruiuant
n'entrent en
la commu-
nauté du se-
cond ma-
riage.

Si la seconde femme n'a faict inuentaie apres le decés de son premier mary, il faudra partager les biens de la communauté en quatre parts: parce qu'il y a meslange, mixtion, & confusion de quatre patrimoines: cōme il est porté par l'art. de Coustume cy-dessus recité. Ce qui est vray pour le regard des meubles & fruiets d'heritages, ensemble des conquests immeubles faicts pendant le second mariage. Mais les conquests immeubles qui ont esté faicts pendant la viduité du suruiuant, & auparavant son second mariage, pendant laquelle viduité y auoit continuation de communauté entre ledit suruiuant, & ses enfans du premier liēt, se partiront en deux seulement: moitié baillée audit suruiuant, ou ses heritiers, & l'autre moitié aux enfans du predecédé: sans qu'en la communauté du second mariage la propriété desdits conquests immeubles y entre aucunement: comme semblablement n'y entre la propriété desheritages qui sont aduenus ausdits enfans, pendant ladite communauté par successions directes ou collaterales. Pareillement n'y entrent lesheritages qui sont aduenus pendant ladite communauté à l'homme & à la femme conioints par mariage, par successions directes ou collaterales. Et les conquests faicts tant pendant la viduité du suruiuant, que pendant son second mariage, qui appartiendront aux enfans du premier liēt, se partiront esgalement entre tous les enfans du premier liēt, sans aucune prerogative & droict d'aisneſſe; *tanquam acquisita ex bonis communibus.* Et les debtes de la continuation de communauté se payeront par tous ceux, qui ont participé à icelle au *pro rata*, & pour telle part & portion qu'ils en ont amendé. Et si apres la dissolution de la communauté l'un des enfans decede, le pere suruiuant, ou la mere suruiuante succedera à tous les meubles & à la part qui est aduenüe à l'enfant decédé, esheritages acquis pendant la continuation de communauté.

21
Les con-
quests faicts
pendant la
continua-
tion de com-
munauté se
partagent
entre les en-
fans esgale-
ment & sans
droict
d'aisneſſe.

23
Si les heri-
tages don-
nez entrent
en la conti-
nuation de
communau-
sé.

On a demandé si en la communauté continuée pendant la viduité du suruiuant, & pendant son second mariage doiuent entrer lesheritages qui ont esté donnez aux enfans du premier liēt, ou bien au suruiuant; ou à la seconde femme: Et si lesheritages ainsi donnez, qui sont acquests, & non propres aux donataires, doiuent estre communs, & esgalement partagez en deux, si pendant la viduité, la donation a esté faicte: ou en trois, si elle a esté faicte pendant le second mariage. Et semble que la continuation de communauté a lieu esheritages ainsi donnez, & qu'ils doiuent estre reputez communs: suiuant le 246. article de la nouvelle Coustume de Paris, qui porte, Que quand la chose immeuble est simplement donnée à l'un des conioincts, elle est commune: fors & excepté les donations faictes en ligne directe: Lequel article de Coustume a lieu, encores que le donataire fust habile à estre en partie heritier du donnant: comme il a esté iugé par arrest prononcé le 24. Iuillet 1563. entre la vefue & les enfans du premier liēt de defunct Pierre Valencourt:

auquel son frere Curé de Bretigny, par son testament auoit donné vne ferme assise à Fontaines: laquelle ferme, en emendant la sentence du Preuost de Paris, fut par ledit arrest declarée conquest, & moitié adiugée à la vefue, pendant le mariage de laquelle la donation auoit esté faite. Aussi que la communauté, qui est continuée pendant la viduité du mary suruiuant, est telle & semblable, que si la femme predecedée estoit viuante, & est représentée par lesdits enfans. Et le semblable doit estre dict, quand la continuation de communauté a passé au second mariage du suruiuant. En sorte que les heritages ainsi donnez seront partagez. comme conquests faicts pendant la communauté. Et si les donations sont faictes aux enfans du premier liét: ils aduiseront s'il leur sera expedient & profitable de demander la continuation de la communauté, ou non: ainsi que par la Coustume il leur est permis de faire: & l'option à eux baillée de prendre la continuation de la communauté, si bon leur semble: suivant le 241. article de la nouvelle Coustume de Paris.

Pour dissoudre & rompre ceste continuation de communauté, il est nécessaire que le suruiuant face faire inuentaie, avec personnes capables & legitimes contradicteurs des biens meubles, lettres & tiltres des conquests immeubles, debtes & creances, qui estoient communs entre le suruiuant & le predecedé, ou la predecedée. A ceste fin face eslire en Justice vn tuteur aux enfans mineurs, & si le suruiuant est esleu tuteur, face eslire vn tuteur subrogé pour assister à la confection d'inuentaie, partage, & actions. Et encores que le suruiuant ne soit esleu tuteur, & que le tuteur esleu n'ait aucunes actions à intenter contre le mineur: Toutesfois il est nécessaire d'eslire vn tuteur subrogé, pour estre present à l'inuentaie & partage: lequel inuentaie & partage le tuteur seul ne peut faire: autrement le tuteur seul seroit creu des biens du mineur, qui doiuent entierement estre contenus en l'inuentaie & au partage. Apres ceste eslection, à la requeste du tuteur en chef, & presence du tuteur subrogé, & des enfans majeurs, ou autres heritiers de la predecedée, s'aucuns y a, ledit inuentaie sera faict pardeuant deux Notaires du Chastelet de Paris: ou pardeuant le Notaire, Tabellion, ou Greffier du lieu, auquel sont les meubles & tiltres, selon l'vsance & commune obseruance du lieu, sans y obmettre aucune solennité. Et l'inuentaie solennellement faict & parfaict, le suruiuant le doit tenir pour clos en Justice, trois mois apres la cōfection d'iceluy, en la presence ou absence du tuteur des enfans, & autres heritiers du predecedé. Et pour voir faire ladite closture d'inuentaie, le meilleur sera faire assigner le tuteur en chef, ou le tuteur subrogé: ou bien luy faire signifier l'acte de closture. Autremēt & à faute de ce faire par le suruiuant, la communauté est cōtinuée, si bon semble aux enfans: ainsi qu'il est porté par les art. de la nouvelle Coustume de Paris, 242. & 141.

Au precedent laquelle nouvelle Coustume, la confection d'inuentaie estoit acte suffisant, pour deroger à la communauté, & la dissoudre: Tellemēt que la closture d'iceluy, cōme n'estant de l'essence & substance de l'inuentaie, n'estoit requise, & ne pouuoit-on agir que pour le recelé: non pas pretendre continuation de communauté. Comme il a esté iugé

²³
Pour dissoudre la continuation de communauté est besoin faire inuentaie, & le tenir pour clos.

Au parant la nouvelle Coustume de Paris, la confection d'inuentaie estoit acte suffisant pour dissoudre la communauté.

par arrest solennellement prononcé le Samedy 13. Aoust 1558. Par lequel en emendant les sentences données par le Preuost de Pontoise, & Bailly de Senlis, fut dit, que le pere nommé Gastinois demeurant à Pontoise, n'estoit tenu faire recepte à sa fille de son premier liët, sinon des meubles contenus en l'inventaire faict en l'an 1547. apres le trespas de sa premiere femme mere de ladite fille : & non selon l'inventaire faict en l'an 1553. apres le decés de sa seconde femme : encores que le premier inventaire n'eust esté tenu pour clos qu'en l'an mil cinq cens cinquante-quatre : & que lors de ladite closture, le pere eust déclaré qu'il auoit obmis à coucher audit premier inventaire la somme de cent cinquante liures tournois. En ce faisant la fille fut debouttée de la continuation de communauté par elle pretendné : au moyen de ce que le premier inventaire n'auoit esté tenu pour clos. Ainsi a esté pratiqué & iugé entre les heritiers de feu de la Grange viuant Procureur en Parlement, par sentence donnée és Requestes du Palais, le 8. Iuillet 1581. Depuis le Ieudy 7. May 1572. la question susdite fut plaidée en la Cour de Parlement, & appointée au Conseil pour personnes demeurans en ceste ville de Paris. Et l'ancienne Coustume de Paris article 118. portoit ces mots : Si le suruiuant des deux conjoints ne faict faire inventaire, ou autre acte derogeant à communauté de biens, qui estoient communs durant ledit mariage, & au temps du trespas : & disoit-on que l'inventaire n'estoit point faict s'il n'estoit clos, & que la closture estoit la faction & perfection de l'inventaire : Mais on respondit qu'un simple acte derogeant à communauté estoit suffisant pour empescher la continuation d'icelle : encores que ce fust vne simple declaration de volonté contraire, faicte en Iugement, ou pardeuant Notaires : & ainsi estoit anciennement tenu. Toutesfois il falloit que toutes les solemnitez eussent esté gardées à la confection de l'inventaire. En sorte que l'inventaire faict par le suruiuant avec vn Procureur du Roy, a esté déclaré insuffisant, pour empescher la continuation de communauté avec les mineurs, ausquels on deuoit créer vn tuteur. Le semblable a esté déclaré de l'inventaire faict par vn pere, comme executeur du testament de sa defuncte femme, sans faire créer tuteur à ses enfans. Car quand on parle de quelque acte, *de actu valido, utili, & perfecto intelligere debemus. l. si se non obtulit. §. condemnatum. ff. de re iudicata. l. tabularum. §. testamentum. ff. quem. testam. aperiant.*

L'inventaire doit estre solennellement faict pour dissoudre la communauté.

²⁴
La closture d'inventaire n'est requise que pour les inventaires faicts d'après la nouvelle Coustume de Paris. Lex noua dat formā futuris negotiis.

Et ceste nouvelle Coustume, qui requiert closture d'inventaire pour la dissolution de la communauté, n'a lieu que pour l'aduenir, depuis le 4. Mars 1580. qu'elle fut arrestée, & non pour le tēps precedent. Auquel tēps la seule confection d'inventaire solennel estoit suffisante, pour dissoudre la communauté : sans qu'il ait esté besoin tenir pour clos les inventaires deuëment faicts auparauant la nouvelle Coustume, & qu'à faute de closture y ait eu continuation de communauté : *Lex enim noua dat formam futuris negotiis, & non prateritis. l. leges & constitutiones. Cod. de legib. Et forma seu solemnitas de nouo introducta, refertur ad actus futuros, & non ad prateritos, perfectos, absolutos, & consummatos. l. iubemus. §. qui in posterum. C. de testam. l. vni. §. finali. Cod. de ead. toll. l. fin. in fi. C. qui pot. in pig. hab.*

Et ceste confection & closture d'inventaire se peut faire par le suruiuant, ou incontinent apres le trespas du predecédé, ou pendant sa viduité, & lors qu'il veut conuoler à secondes nopces: ou pendant son second mariage, & en tout temps que bon luy semble: nonobstant le terme de trois mois prefix par la Coustume, pour la closture de l'inventaire.

L'inventaire se peut faire par le suruiuant en tout temps.

Par laquelle Coustume n'estant prefix aucun temps, dedans lequel le suruiuant soit tenu faire faire inventaire: On a demandé si incontinent apres le trespas de la femme predecédée, ou bien quinze iours ou vn mois apres ledit trespas, l'un des enfans issu du mariage de n'agueres conioint, va de vie à trespas, delaisant plusieurs meubles, qui luy appartenoient par le decez de sa mere predecédée: ou bien si au mary suruiuant tost apres le decez de la femme, ou dedans le temps susdit est escheuë la succession de son pere, frere, ou autre parent, en laquelle y a plusieurs meubles: Si en tous les meubles dessusdits, les enfans de la mere predecédée, doiuent auoir moitié: comme lesdits meubles estans entrez en la communauté, qui a esté continuée entr'eux, & leur pere suruiuant. Attendu que lors que lesdites successions sont escheuës, il n'y auoit inventaire fait ny commencé à faire. Ou bien si tous lesdits meubles doiuent appartenir au pere suruiuant, comme avec luy n'y ayant aucune continuation de communauté, parce qu'il n'a point esté en demeure de faire faire inventaire, ny pareillement le tenir pour clos: attendu qu'il l'a fait faire tost apres les successions aduenuës, & l'a tenu pour clos dedans les trois mois prefix par la Coustume: Et que pour faire inventaire on a accoustumé de presiger quarante iours, pendant lesquels l'heritier delibere, s'il se doit porter heritier, ou renoncer à la succession. Aussi que pour faire inventaire des biens d'un defunct, la loy ciuile donne trois mois, si les biens & heritages sont en mesme Prouince, à commencer l'inventaire trente iours apres le trespas du defunct, & le paracheuer soixante iours apres qu'il aura esté commencé. Et si les biens de la succession sont en diuerses Prouinces, & pareillement les heritiers, terme d'un an leur est donné, pour faire inventaire: suiuant la loy finale, *C. de iure delib.* Et semblable terme d'un an est donné au suruiuant par la nouvelle Coustume d'Orleans, article 217. pour faire inventaire apres les successions de quelques-uns des enfans escheuës. En sorte que le suruiuant faisant faire inventaire, ou bien dedans quarante iours, ou bien dedans trois mois du decez du defunct, ou bien dedans l'an du trespas du predecédé: aucuns sont d'aduis que les enfans mineurs ne pourront pretendre aucune continuation de communauté avec le suruiuant: parce qu'ils estiment qu'il n'a esté en demeure de faire faire inventaire pendant le temps dessusdit: & par consequent que les mineurs ne doiuent auoir droit, part & portion és meubles escheus au pere suruiuant, pendant le temps dessusdit, ny és meubles delaissez par le trespas de l'enfant decédé, incontinent apres le trespas de sa mere: pourueu que ledit inventaire soit tenu pour clos en Iustice, trois mois apres la confection d'iceluy. Et suiuant cet aduis, au cas cy dessus recité a esté iugé au profit de la mere suruiuante, par sentence donnée par le Preuost de Paris, de laquelle y a appel pendant en la Cour de Parlement.

25
Si les meubles aduenus au suruiuant incontinent apres le trespas du predecédé entrent en communauté, quand le suruiuant n'est en demeure de faire inventaire.

Les autres sont d'aduis, que si le suruiuant a faict faire & parfaire inuentaire solemnel des biens de la communauté: & apres iceluy parfaict durant les trois mois donnez par la Coustume de Paris pour le clorre en Iustice, les meubles dessusdits sont escheus au suruiuant: lequel dedans lesdits trois mois, ait tenu pour clos ledit inuentaire: Ou bien apres ledit inuentaire faict & parfaict, & dans les trois mois pour faire la closture d'iceluy, l'un des enfans du mariage soit decedé: & apres ledit decez, dedans ledit temps de trois mois, l'inuentaire ait esté tenu pour clos, suivant la Coustume de Paris: Qu'en ce cas iustement on peut soustenir, que les meubles dessusdits ne sont point entrez en la communauté: comme la confection de l'inuentaire estant acte suffisant, pour deroger à la communauté. Aussi que le suruiuant n'a esté en demeure de faire ce qui est requis par la Coustume, pour dissoudre la continuation de communauté: parce qu'auparauant que lesdits meubles fussent escheus au suruiuant, ou que ledit enfant fust decedé, ledit suruiuant auoit faict faire inuentaire: & l'a tenu pour clos dedans le temps prefix par la Coustume.

*Communauté
mēt on tient
que la com-
munauté
dure iusques
à ce que l'in-
uentaire soit
faict & clos
en Iustice.*

Nonobstant les deux opinions susdites, plusieurs ont esté d'aduis contraire en la nouuelle Coustume de Paris: lesquels ont soustenu que tous les biens meubles qui sont aduenus au suruiuant, par le decez de l'un de ses enfans, ou par autre succession, auparauant la perfection de l'inuentaire des biens de la communauté, & closture d'iceluy, sont entrez en la communauté, qui a esté continuée entre le suruiuant, & les enfans mineurs, s'ils veulent accepter la continuation de communauté: Parce que la communauté estant *ipso iure beneficio legis municipalis*, continuée entre le suruiuant & les enfans mineurs du predecédé, iusques à ce qu'elle soit dissoluë par confection d'inuentaire & closture d'iceluy: il est nécessaire que ladite communauté soit actuellement dissoluë par la forme prescrite par la Coustume: autrement elle a son effect, qui est, que tous les meubles qui aduiennent au suruiuant & aux mineurs, pendant ladite communauté, entrent en icelle.

*Maxime en
matiere de
Regale, &
combiē l'ou-
verture d'i-
celle dure.*

Et dient, Tout ainsi que la Regale estant ouuerte par la mort de l'Euesque, ou autrement, tous les Benefices simples, qui pendant l'ouverture de Regale vacquent tant de faict, que de droit; ou de droit seulement, ou de faict seulement; ou qui lors de l'ouverture de Regale ne sont remplis de faict & de droit en mesme personne: entrent au droit de Regale, & peuuent vallablement estre conferez par le Roy comme vacquans en Regale, iusques à ce que la Regale soit close, par prestation de serment de fidelité faict au Roy par le nouveau Euesque, & que les lettres patentes de prestation de serment de fidelité & de main-leuée, ayent esté deuëment verifiées, & enregistrées en la Chambre des Comptes, comme Monsieur le Maistre a escrit en son Traicté de Regale: Aussi tous les biens meubles qui appartiennent & aduiennent au suruiuant, ou aux enfans mineurs depuis le decez du predecédé, iusques à ce que la communauté continuée entr'eux, soit dissoluë, par la confection d'inuentaire solemnel, & closture d'iceluy, entrent en la communauté d'entre le suruiuant & les enfans mineurs, & tous lesdits meubles sont

faits communs entr'eux. Car pour la dissolution de ceste communauté, la forme qui est essentielle & substantielle étant prescrite par la Coustume, il est besoin exactement l'observer & entierement l'accomplir. Et iusques à ce qu'il ait esté satisfait à tout ce qui est requis par la Coustume, pour l'interruption de la continuation de ceste communauté, ladite communauté dure: Comme il est porté par le 231. article de la nouvelle Coustume de Melun, proche de Paris, en ces mots: Iusques à ce qu'inventaire soit solennellement fait, clos & arresté pardevant Juge competant.

Neantmoins il me semble qu'il faut maintenir, suivant les 240. & 241. articles de la nouvelle Coustume de Paris, que les biens meubles qui appartiennent & eschéent au suruiuant & aux mineurs, auparavant aucun inventaire encommencé, entrent en la communauté continuée: Parce que lors il n'y a aucun acte dérogeant à communauté, laquelle est & demeure continuée *ipso iure, beneficio consuetudinis*, entre le pere suruiuant, & les enfans mineurs, tout ainsi que si leur defuncte mere estoit viuante. Aussi qu'il n'y a aucune declaration de volonté contraire faite par le suruiuant, ny protestation par luy faite, dont a esté cy-dessus parlé. Et ainsi estoit practiqué, & observé au Chastelet de Paris auparavant la nouvelle Coustume. Et disoit-on que c'estoit vne bonne fortune aduenüe aux enfans mineurs, s'ils vouloient prendre continuation de communauté: Et que la Coustume introduisant continuation de communauté estoit du tout fauorable, faite en faueur & aduantage des enfans mineurs, non pas que la Coustume fust penale pour mulcter le suruiuant. En sorte qu'il ne falloit point considerer si le suruiuant auoit esté en demeure de faire inventaire des biens de la communauté, ou non: mais falloit seulement considerer si lors que les biens meubles estoient aduenus au pere suruiuant, ou bien aux mineurs, la communauté duroit ou bien estoit dissolue: quoy que ce soit, si lors y auoit acte dérogeant à communauté. Mais si lesdits meubles eschéent au suruiuant ou aux mineurs apres inventaire encommencé, ou bien fait & parfaict des biens de la communauté, avec personne capable & legitime contradicteur, lesdits meubles n'entrent point en la communauté, pourueu que dedans les trois mois portez par la Coustume le suruiuant tienne l'inventaire pour clos: Parce qu'il a satisfait à tout ce que la Coustume requiert, pour la dissolution de la communauté, dedans le temps prefix par icelle. Et la closture faite, *int. a tempus induciarum à lege municipali datarum*, a effect retroactif au commencement de l'inventaire, lequel *fictione iuris* est réputé clos du iour du commencement d'iceluy: en sorte que le suruiuant n'a esté en aucune demeure. Si la closture de l'inventaire n'est faite dedans trois mois apres la perfection d'iceluy, il est sans doute, que tous les meubles qui sont escheuz au suruiuant, ou aux mineurs, entrent en la communauté continuée entre les enfans mineurs, & le suruiuant.

Et la nouvelle Coustume de Paris a donné trois mois au suruiuant, pour clorre en Iustice l'inventaire qu'il auoit solennellement fait faire des biens de la communauté: A ce que pendant ledit temps le suruiuant se

Interpretation de la Coustume de Paris, Et quand par icelle la continuation de la communauté est dissolue.

Pourquoy la nouvelle Coustume de Paris a donné

né au surui-
uant trois
mois pour
clorre l'in-
ventaire.

peust enquerir des biens de la communauté, pour les faire entierement coucher en l'inventaire, ne peut estre accusé d'en auoir recelé aucuns, & par le moyen du recelement priué de la moitié qui luy appartenoit en iceux, ou autrement contre luy procedé, ainsi que de raison. Et la Coustume de Melun cy-dessus alleguée, ne baille aucun temps pour clorre l'inventaire, comme faict la Coustume de Paris. Et vse de ce mot, iusques à ce que l'inventaire soit faict & clos: lequel mot, & iusques, n'est porté par la Coustume de Paris: ains est dit, à la charge de faire clorre l'inventaire par le suruiuant, trois mois apres qu'il aura esté faict. Tellement que le suruiuant tenant l'inventaire pour clos dedans trois mois, il satisfait à la charge portée par la Coustume.

26

Tous les en-
fans & le
suruiuant
sont nourris
aux despens
de la com-
munauté.

Il conuient entendre, que tant que la communauté continuée entre le suruiuant & les enfans, dure: tant le suruiuant, que tous les enfans qui participent à icelle sont nourris & entretenus des biens de la communauté, sans qu'on leur puisse demander, ny precompter aucune chose de leur nourriture & entretenement: encores que l'un ait despensé beaucoup d'auantage que l'autre, comme pour auoir esté enuoyé estudier és Vniuersitez de Loix, de Medecine, & autres professions, tant au Royaume de France, Italie, qu'ailleurs: comme on ne luy eust peu demander aucune chose, si les pere & mere eussent esté viuans; & que pendant leur mariage la despense eust esté faicte. Et la continuation de communauté par fiction suppose le defunct pere ou mere estre encores viuant, & estre représenté par les enfans. Bien est vray que les deniers baillez pour auoir le degré de Docteur en Theologie, ou en droit Ciuil, ou Canon, ou en Medecine, ou autre profession, ou bien pour estre passé Maistre de quelque mestier, se doiuent rapporter à la succession: Comme les deniers baillez pour l'achapt de quelque estat ou office, sont subiets à rapport.

27

Les deniers
baillez pour
estre Docteur
se doiuent
rapporter.

Aucuns ont doubté si les enfans du premier liét peuvent accepter la continuation de communauté, pour le temps qu'elle a eu cours durant la viduité du suruiuant; sans qu'ils soient contraints la prendre pour le temps du second mariage du suruiuant: ou bien s'ils sont contraints la reprendre en tout & par tout, & non en partie seulement, ou du tout la repudier: A l'exemple de l'heritier, lequel *pro parte hereditatem adire, & pro parte eam repudiare non potest*: & du legataire, lequel *partem rei legata accipere non potest, & partem repudiare. l. & si ex modica. §. finali. l. nam & absurdum. ff. de bonis liber.* & du pupille lequel *maior factus nominatus à tutore contracta, tenetur in totum agnoscere, aut à tota recedere. l. cum queritur. ff. de admini. tutor.* Et souuent aduiert qu'un homme pendant son vefuage a grandement profité, & pendant son second mariage son bien est grandement diminué. Il semble que les enfans du premier liét se doiuent contenter des biens demeurez par le trespas de leur defunct pere predecédé, ou de leur mere predecédée: s'ils ne veulent en tout & par tout prendre la continuation de communauté, comme tenant lieu d'heredité, ou d'autre generalité de biens, laquelle ne se doit diuiser, ains generalement accepter avec ses charges, & non en partie seulement: principalement si lors que le suruiuant est conuolé en secondes nopces, les enfans

enfants estoient majeurs, ou mariez: tellement qu'ils pouuoient demander confection d'inuentaie & partage: en ce faisant, dissoudre la continuation de communauté. Toutesfois si lors que le suruiuant est conuolé en secondes nopces, il a fait faire inuentaie de ses biens meubles, lettres & tiltres, debtes & creances, sans le tenir pour clos: & que les enfans du premier liēt veulent approuuer cet inuentaie & le suiure: il y auroit grande apparence, pour eiter à infinis proces & confusions, de les receuoir à demander continuation de communauté, pendant la viduité du suruiuant seulement.

Si les enfans du premier liēt ne veulent que la communauté ait esté continuée apres le decez de leur defuncte mere, & qu'il y ait eu inuentaie faict apres ledit decez: ils demanderont au suruiuant remplissement de leur inuentaie: qui est moitié des biens contenus en l'inuentaie faict apres le decez de leur mere. Et pour y satisfaire, si le suruiuant a esté leur tuteur, il leur rendra compte. Et s'il y a quelques biens meubles qui soient encores en nature & espee, & soient aduenus au lot des enfans, ils les pourront prendre si bon leur semble, n'estans deteriorez. Et si leldits meubles sont de la succession, & n'en ait point esté faict partage, ils en pourront demander moitié, & l'autre moitié appartiendra au suruiuant: & des autres biens qui ne sont en nature, ou bien s'il n'y a aucuns biens meubles en nature & espee, on leur fera recepte de la prisée, avec creuë de trois, quatre, ou cinq sols pour liure: & la creuë qu'à present en ordonne en Justice, combien qu'elle soit arbitraire, est communément de cinq sols pour liure. Car à vrayement dire, remplissement d'inuentaie n'est qu'une debte, ou bien un compte qu'il faut rendre aux enfans du premier, second, ou tiers liēt. Et leur fait-on recepte de tous les meubles qui sont en nature: & leur sont baillez en nature, s'ils ne sont point deteriorez, & des meubles qui ne sont point en nature, on faict recepte de la prisée portée par l'inuentaie, avec la creuë. Et quand il y a plusieurs inuentaies à remplir, on ordonne qu'ils seront remplis, sans aucune prerogatiue ne preference de ce qui n'est pas en nature, parce qu'il n'est question que de simples meubles, *maximè* quand on est au cas de desconfiture.

Quand le pere a esté tuteur des enfans de son premier liēt, & s'est remarié, & qu'il n'y a eu aucune continuation de communauté, parce qu'il auoit fait faire inuentaie: & qu'apres le trespas dudit pere, la seconde femme qui estoit sa vefue, rend cōpte de la tutelle que son defunct mary auoit eue des enfans de son premier liēt: En la recepte de ce compte, on couche tous les biens meubles maternels desdits enfans, avec le reuenu de tous les heritages & rentes: En la despenſe on met toutes les debtes qui ont esté pour eux payées, les reparations faictes en leurs heritages propres pour le tout: ensemble les frais des obseques & funerailles de leur defuncte mere aussi pour le tout: en sorte qu'en ce compte entrent tous les droicts actifs & passifs desdits enfans. Le compte estant clos y a confusion de moitié du reliqua d'iceluy es personnes desdits enfans, s'ils sont heritiers seuls de leur defunct pere, soit qu'ils doiuent, ou qu'il leur soit deu par la closture dudit compte: Parce que ledit compte est rendu par la communauté de

29
Comme on
demande
rempliss.
n. d.
d'inuentaie.

Quand le
pere s'est re-
marié, &
qu'apres son
decez sa vef-
ue rend cō-
pte aux en-
fans du pre-
mier liēt de
son mary,
qu'il y a con-
fusion de
moitié du
reliqua.

leur defunct pere & de la seconde femme : & est autant que si le defunct pere, & la seconde femme ensemblément rendoient compte : tellement que les enfans du premier liēt estans heritiers de leur pere, se rendent compte à eux mesmes. Si les enfans du premier liēt n'estoient seuls heritiers de leur pere, & y eust des enfans du second, ou d'autre liēt, qui fussent pareillement heritiers de leur pere, il n'y auroit confusion de la moitié du reliqua de compte és personnes des enfans du premier liēt, sinon pour telle part & portion qu'ils seroient heritiers de leur defunct pere.

Le chapitre de despenſe commune du compte doit estre entierement payé par les oyans.

Et d'autant que les frais du chapitre de despenſe commune du compte, doiuent entierement estre payez par les enfans oyans compte, sans que la vefue en soit aucunement tenuë : & que de toute la despenſe portée par le compte, on faict distraction de moitié, au moyen de la confusion qui est és personnes des enfans oyans cōpte, seuls heritiers de leur defunct pere : tellement qu'à cause de ceste distraction la vefue n'auroit sinon moitié des frais du chapitre de despenſe commune : On ordonne que la vefue aura repetition de l'autre moitié desdits frais, & executoire pour s'en faire payer par lesdits enfans oyans compte. Si du consentement des parties n'est conuenu que lesdits frais seront couchez pour le tout en la closture du compte, comme estans entierement deuz par lesdits enfans oyans compte.

Quand le pere rend cōpte de son vivant n'y a aucune confusion du reliqua.

Si c'estoit le pere qui rendist compte de la tutelle des enfans de son premier liēt, selon l'inuentaie faict apres le trespas de la premiere femme ; il n'y auroit aucune confusion du reliqua du compte és personnes desdits enfans : parce que le pere de son chef rendroit compte des biens de ses enfans, qu'il auroit administrez. Et les heritiers de la seconde femme seroient tenus de la moitié du reliqua dudit compte, & l'autre moitié seroit payée par le pere, comme il s'obserue és autres debtes mobiliaries estans de la communauté.

Ce qui a esté dit cy dessus du pere a lieu en la mere pour laquelle on rend compte.

Ce qui a esté dit cy-dessus, est obserué quand le second mary rend compte des biens paternels, aux enfans du premier liēt de la defuncte femme, desquels elle auoit esté tutrice, & qui sont seuls heritiers de ladite seconde femme leur mere. Car és personnes desdits enfans y aura confusion de moitié du reliqua du compte, au moyen de ce que c'est la communauté qui rend ledit compte, de laquelle lesdits enfans sont heritiers pour moitié. Si c'estoit la mere mesme qui rendist compte, il n'y auroit aucune confusion, non plus qu'en la personne du pere qui luy-mesme rend compte.

Quand il y a continuation de communauté, il ne faut point rendre compte.

S'il y a eu continuation de communauté apres le decez du premier decedé, & que le suruiuant se soit contenu en viduité, ou se soit remarié : il ne faudra point de reddition de compte : Mais il faut bailler aux enfans du premier liēt, ou le tiers, ou le quart, ou la moitié des biens meubles, debtes actiues, & conquests immeubles de la communauté : à la charge d'acquitter les debtes passiues de ladite communauté, pour telle part & portion que les enfans y auront prins, & auront amendé d'icelle : comme a esté cy-deuant déclaré.

Si la communauté continuée est tenuë de rendre quelque compte

aux enfans majeurs, qui n'auront aucunement participé à la continuation de communauté, le reliqua de compte se payera par tous les communs, pour telle part & portion qu'ils prennent en la communauté.

On demande comme les enfans du premier liét doiuent former leur demande contre le suruiuant ou heritier du suruiuant, quand il n'y a point d'inventaire faict apres le trespas de leur pere predecédé, ou de leur mere predecédée, & qu'ils ne veulent demander continuation de communauté. Aucuns dient qu'il sera bon de requerir contre l'heritier du suruiuant, qu'il soit tenu exhiber & communiquer aux demandeurs, l'inventaire faict apres le trespas de leur defunct pere predecédé, ou de leur defuncte mere predecédée, de tel temps : & à faute de ce faire, que ledit heritier soit condamné bailler aux demandeurs, la moitié des biens meubles demeurez par le trespas du suruiuant. Et qu'en ceste demande les enfans du premier liét seront bien fondez : parce qu'on presumera, que tous les meubles demeurez par le trespas du suruiuant, luy appartenoint lors du decez de sa premiere femme : si l'heritier ne verifie pas qu'il les a depuis acheptez. Et le semblable pourra estre faict contre le suruiuant, lequel pour la raison & presumption susdite, sera condamné bailler aux enfans du premier liét, moitié des meubles qu'il aura en sa possession, dont il iouyra lors de la demande. Quant aux tiltres, cedules, breuets, & obligations, on cognoistra par la datte d'iceux, s'ils sont de la succession du predecédé, ou du suruiuant. Les autres disent qu'il faut faire adiourner le suruiuant, ou son heritier ; à ce qu'il soit condamné bailler aux demandeurs, les meubles demeurez par le trespas de leur defunct pere, ou de leur defuncte mere, & estans de la succession, s'ils sont en nature, non deterioriez : sinon, leur payer la iuste valeur d'iceux : ensembie leur bailler les lettres, tiltres, & enseignemens, cedules, breuets, & obligations, estans de ladite succession : à ceste fin monstrier & communiquer au demandeur l'inventaire qui a esté faict, ou deu estre faict, apres le trespas de leur defunct pere, ou de leur defuncte mere, decédée dés tel temps. Et à faute de ce faire, il soit condamné payer aux demandeurs la somme de mil escus, ou autre somme pour la valeur desdits meubles, à laquelle ils se restraignent, & dont ils requierent estre creus par serment : ioint la commune renommée, attendu la faculté de la preuve à eux ostée, & condamné en tous despens, dommages & interets. On ordonne que les parties informeront respectiuement des meubles demeurez par le decez du defunct, valeur d'iceux, & autres faicts qu'ils pourront respectiuement articuler. Et selon la preuve on ordonne de la valeur des meubles. Et quant aux immeubles & debtes actiues, on agit selon qu'on peut descouurir, qu'ils estoient de la succession du defunct, ou de la defuncte.

Or pour retourner à nostre propos du doüaire, il conuient entendre, Que le doüaire, soit coustumier ou prefix, mobilier ou immobilier, peut estre demandé par les enfans, encores qu'ils ne soient heritiers ny de pere, ny de mere, *l. si quis. §. 1. in verbis, etenim non adeuntes paternam vel maternam hereditatem eas vendicare. cod. de secund. nupt.* Ou bien qu'ils soient heritiers de leur mere, & ayent renonce à la succession

Quant les communitiez sont tenues rendre compte, le reliqua se paye par tous les communs.

10
Quand il n'y a point d'inventaire fait, comme les enfans doiuent former leur demande.

31
On ne peut estre heritier simple, ny par benefice d'inventaire du pere, & estre doüaier.

de leur pere: Laquelle renonciation à la succession du pere est necessaire, auparavant que pouuoir demander le doüaire, soit prefix ou coustumier. Parce que par le 251. article de la nouvelle Coustume de Paris, Nul ne peut estre heritier & doüairier ensemble, pour le regard du doüaire coustumier ou prefix: Ainsi fut iugé par Arrest de la Cour de Parlement de Paris, pour feu Monsieur le President Baillet, le vingt-troisiesme Feurier, 1545. Depuis iugé par autre arrest, contre vn heritier par benefice d'inuentaie, au profit de Maistre Thomas Bragelonne Conseiller au Chastelet de Paris, contre Montmiral, le 20. Aoust, 1570. Aussi iugé contre vn heritier par benefice d'inuentaie, par arrest solemnellement prononcé le Mardy 9. iour d'Auril, 1591. au profit de Iean Bahuet musnier, contre Maistre Michel Soreau, & Ieanne de l'Aunay sa femme. Lesquels arrests il conuient noter, pour monstrier que l'heritier par benefice d'inuentaie ne peut estre doüairier, non plus que l'heritier simple: encores que par le moyen du benefice d'inuentaie, il n'y ait point confusion d'actions. La raison de ce que dessus est, que la Coustume est generale, portant en termes generaux, Nul ne peut estre heritier & doüairier ensemble. Ce mot d'heritier est general & indifferent: *est nomen analogum*, lequel se refere & adapte tant à l'heritier simple, qu'à l'heritier par benefice d'inuentaie. Aussi par la disposition de droict, *duæ causa lucratua in eodem subiecto, siue in eadem persona subsistere non possunt*. Tellement que tout homme qui demande doüaire, soit coustumier, ou prefix: auparavant qu'il soit receuable en sa demande, est necessaire qu'il monstre la renonciation faicte à la succession de celuy qui a constitué doüaire, soit du pere, ou de l'ayeul, soit de l'enfant qui demande le doüaire, ou le petit fils, ou autre parent.

32

L'heritier
par benefice
d'inuentaie
est vraye-
ment heritier,
& pour-
quoy.

Aussi vn heritier par benefice d'inuentaie est vrayement heritier, prend tous les biens & fruiets de l'heredité, demeure perpetuellement heritier, ne peut renoncer à la succession qu'il a apprehendée sous benefice d'inuentaie, s'il estoit majeur lors de l'adition, & est besoin qu'il se face euincer par vn heritier simple. Tout ce qui est par l'heritier par benefice d'inuentaie, auparavant qu'il soit inquieté & euincé par l'heritier simple, est bon & vallable, *& ratum manet, exemplo curatoris bonis dati*. De faict, s'il y a sentence donnée contre l'heritier par benefice d'inuentaie, l'heritier simple en doit appeller, autrement elle sera executoire à l'encontre de luy. Et sera tenu entretenir les contractz faicts par l'heritier par benefice d'inuentaie, s'il ne les faict rescinder, *l. fina. §. ita tamen ut gesta. Cod. de sentent. pass. & restit. l. de curatore. ff. de curato. bon. dand. l. quod si minor. §. ceuola. ff. de minor.*

33

Deux priuileges de l'heritier par benefice d'inuentaie.

Et l'heritier par benefice d'inuentaie (les lettres duquel sont deuëment enterinées) n'a que deux priuileges: Le premier qu'en sa personne n'y a aucune confusion de patrimoines, ny de biens, ny extinction des actions, que l'heritier auoit contre le defunct. Pour intenter lesquelles, il peut faire créer vn curateur aux actions d'entre le defunct, & ledit heritier, contre lequel ledit heritier puisse agir, afin d'esclaircir & liquider ses droicts, & ce que le defunct luy deuoit, pour en auoir

profit suivant l'Ordonnance. Toutesfois l'heritier estant saisi, & iouissant de tous les biens de l'heredité, il doit surseoir l'exécution des Jugemens par luy obtenus, iusques à ce que les biens de la succession soient vendus & adiugez par decret, ou bien qu'il ait rendu compte. *l. finali. §. in computatione. Cod. de iure deliber.* Et si ledit heritier acquiert des rentes, ou quelques debtes des creanciers de l'heredité, avec cession d'actions: il ne peut agir contre les tiers detenteurs des biens du defunct, ou bien contre les legataires d'aucuns heritages du defunct: parce que ledit heritier iouyt des biens de l'heredité, qui est garand deldits tiers detenteurs & legataires. Et si ledit heritier par benefice d'inventaire, fait cession à vn tiers, des rentes ou debtes par luy acquises, & que ledit cessionnaire agisse contre les tiers detenteurs ou legataires; on soustiendra qu'il n'est non plus receuable que l'heritier, & qu'il ne peut auoir d'auantage de droict, que ledit heritier: Ainsi a esté pratiqué contre le Seigneur de Villemartin, heritier par benefice d'inventaire de sa defuncte mere. Le second priuilege est, que l'heritier par benefice d'inventaire n'est tenu au payement des debtes de la succession, que iusques à la concurrence des biens d'icelle: lesquels les creanciers, ou legataires du defunct peuuent seulement faire prendre par execution, ou saisir, sans s'adresser aux biens qui d'ailleurs appartiennent à l'heritier: encores que ce soient arerages des rentes constituées par le defunct, escheuz du temps de l'heritier par benefice d'inventaire: comme il sera dict au vingt-vniesme chapitre du present Traicté.

Et pour se liberer & descharger par l'heritier sous benefice d'inventaire, du payement des debtes du defunct, duquel il s'est porté heritier, il est necessaire qu'il rende compte à tous les creanciers des biens de la succession; ensemble de tous les fructs qui ont esté par luy perceuz depuis le decez du defunct. Tout ainsi qu'un curateur créé à biens vacans, ou à vne heredité iacente, est tenu rendre compte des biens & fructs par luy perceuz, à cause de sa gestion & administration.

Et supposé que l'heritier par benefice d'inventaire, ait rendu compte en Iustice des biens du defunct, duquel il a esté heritier, & ait payé le reliqua porté par la closture de son compte: aussi que les heritages de la succession soient sur luy saisis & criez, voire ayent esté sur luy decretez: toutesfois il ne delaisse d'estre heritier: & ne peut renoncer à la succession par luy apprehendée, non plus que l'heritier simple: & la qualité d'heritier ne luy est ostée; ains demeure heritier, encores qu'il ayt rendu compte. Tellement que les creanciers, qui n'estoient point apparus lors de la reddition de son compte, le peuuent iustement poursuivre pour l'adiudication de leur deu, sauf l'exécution sur les biens du defunct: & est contraint accorder ou discorder, consentir ou dissenter leurs demandes & conclusions, & demeurer en cause. La raison est, parce que selon la disposition de droict, *qui semel hares extitit, non potest desinere esse hares, sed perpetuò hares manet*: & ne peut repudier la succession qu'il a apprehendée, *sive verbo, sive facto. l. ei qui soluendo. ff. de hared. instit.* Ce qu'on maintient estre vray, encores que l'heritier ait restitué au fidei-

14
Si l'heritier
par benefice
d'inventai-
re peut re-
noncer à la
succession
qu'il a ap-
prehendée.

Semel ha-
res, perpetuò
manet
hares.

commiffaire les biens de la fuccellion. §. *reftituta. de fideicom. hered. in Inftum.* Ou bien que l'heredité ait esté oltée à l'heritier comme indigne, & appliquée au filique: l' *ex facto. §. Iulianus ff. de vulg. & pupil. subst.* Ou bien que l'heritier fust mineur, & eust esté releué de l'adition d'heredité faicte par fon tuteur. l' *si sine. §. si d quod omponius. ff. de minoribus.* Laquelle maxime, combien que principalement el'e foit entenduë de l'heritier fimple, maieur de vingt-cinq ans; toutesfois on l'estend à l'heritier par benefice d'inventaire, auffi maieur: comme ceste maxime eftant generale, indiftincte, & indefinie. En forte que l'heritier par benefice d'inventaire, ne peut repudier la fuccellion qu'il a apprehendée fous benefice d'inventaire, non plus que l'heritier fimple, qui s'est déclaré & porté heritier d'un defunct, ne peut renoncer à la fuccellion dudit defunct.

Côme l'heritier par benefice d'inventaire peut estre receu à renoncer à la fuccellion par luy apprehendée.

Neantmoins d'autant qu'en la perfonne de l'heritier par benefice d'inventaire, n'y a aucune confufion de patrimoine, ny d'actions: que les creanciers n'ont aucun droit és biens de l'heritier par benefice d'inventaire, comme ils ont és biens de l'heritier fimple, qui eft tenu en fon nom, au payement du total des debtes, encorcs que l'heredité ne foit folvable: auffi que les biens de l'heredité font clairs, euidens, & manifestes, comme contenus en l'inventaire faict apres le trespas du defunct, defquels l'heritier par benefice d'inventaire offre rendre compte: & que s'il demeure perpetuellement heritier, il fera contraint foustenuir tous les proces concernans l'heredité, & fe dettourner de fes affaires particuliers à fon grand preiudice: Ioinct qu'il ne pourra facilement estre payé des deniers qui luy eftoient deuz par le defunct: Et qu'il pourra alleguer quelque cas furneu de nouveau, depuis l'apprehenfion d'heredité par luy faicte: Ou bien que le defunct estoit demeurant à Paris, & l'heritier par benefice d'inventaire à Lyon: Que l'inventaire a esté faict en fon abfence, & que les lettres de benefice d'inventaire ont esté obtenües fous le nom dudit heritier, & enterinées avec le Procureur du Roy au Chasteler de Paris, fuiuant la procuration par luy enuoyée incontinent apres la mort du defunct, auparavant que ledit heritier eust eu communication de l'inventaire, & cognoiffance des biens & facultez du defunct: de faict qu'il n'a rien manié ny receu des biens de la fuccellion. Es cas fufdits, l'heritier par benefice d'inventaire, à ce qu'à l'aduenir il ne foit pourfuiuy & tenu en proces par les creanciers du defunct, obtiendra lettres en Chancellerie, par lesquelles il fera mander au Preuoft de Paris le receuoir à repudier l'hoirie & fuccellion du defunct, & renoncer à icelle, tout ainfi qu'il eust peu faire auparavant l'apprehenfion par luy ou fes procureurs faicte de ladite fuccellion fous benefice d'inventaire, & defcharger la caution par luy baillée: fans que cy-apres l'exposant puiffe estre pourfuiuy, comme heritier du defunct, ny pareillement fa caution. Et s'il a manié par quelque temps les biens de la fuccellion, on mettra: En rendant par l'exposant compte de ce qu'il a receu des biens de la fuccellion, enfeble de ce qu'il a frayé & despensé fur iceux. S'il n'a rien receu ny manié, on ne mettra pas la clause fufdite. Et fera bon faire enteriner les lettres fufdites avec le

Procureur du Roy, avec lequel les lettres de benefice d'inventaire auoient esté enterinées. Aussi sera necessaire les faire enteriner avec les creanciers du defunct qui seront mis en proces par l'heritier par benefice d'inventaire. Et semblablement lettres de relief pourront estre obtenues par l'heritier simple, si par dol, fraude, circonvention, & faux donné à entendre, il a esté induict & persuadé à se porter heritier dudict defunct, auparavant la cognoissance des biens & facultez de l'heredité, & pour autres causes & raisons portées par la loy, *qui nondum certus. Cod. de heredit. vel act. vend. l. si quis affirmaverit. ff. de dolo. l. Iulianus. §. venditor. & §. per contrarium. ff. de actio. empti.* J'ay entendu qu'au Chastelet de Paris, ils recoient ordinairement l'heritier par benefice d'inventaire, à renoncer à la succession, apres qu'il a rendu compte des biens d'icelle, à ce qu'il ne soit contraint soustenir les proces qui seroient contre luy intentez. Ce qui se doit entendre quand tous les biens ont esté vendus: que les débats formez au compte, ont esté vuidez; & que le compte a esté rendu avec tous les creanciers: Car ceux qui n'ont esté presens, ny appelez à la reddition du compte, pourront intenter leur action contre l'heritier par benefice d'inventaire, pour former débats contre iceluy, si faire se doit. Ils obseruent le semblable en Chastelet, quand vne femme qui a prins communauté de biens apres le trespas de son mary, trouue qu'elle luy est onereuse, & rend compte des biens de la communauté. Apres la reddition de compte, ils la recoient à renoncer à la communauté, à ce qu'elle ne soit contrainte soustenir les proces qui seroient contre elle intentez. Toutesfois telle renonciation ne peut preiudicier aux creanciers, qui n'ont esté appelez à l'audition du compte, lesquels pourront demander communication d'iceluy, pour le debattre si besoin est. Comme l'heritier par benefice d'inventaire, s'il conteste en cause, est tenu payer les despens en son nom, ainsi qu'il est déclaré au 21. chapitre du present Traicté.

Aussi combien que l'heritier par benefice d'inventaire ne puisse estre exclus par le mineur qui se porte heritier simple: suivant le 343. article de la nouvelle Coustume de Paris: par ce que le mineur pourra estre releué de l'apprehension d'heredité par luy faicte: aussi qu'on presume ceste apprehension d'heredité estre frauduleusement suscitée par vn majeur: Toutesfois si le mineur baille caution, qu'il ne sera aucunement restitué, il exclurra l'heritier par benefice d'inventaire: tout ainsi que le majeur de vingt-cinq ans le pourra exclurre, si l'heritier par benefice d'inventaire ne se veut declarer heritier simple, dans le delay qui luy sera prefix. Ainsi a esté pratiqué auparavant la nouvelle Coustume de Paris en ligne directe, pour les enfans du second liét de feu Maistre Philibert Masnyer, Aduocat en Parlement: suivant l'arrest donné à leur profit, contre la fille du premier liét dudit Masnyer, prononcé le 21. Iuin 1578. Autre arrest solemnellement prononcé le 7. Septembre 1569.

Et supposé, cōme dict est, que le mineur ne puisse exclurre l'heritier par benefice d'inventaire, sinon en la forme qu'il a esté dict: Toutesfois le mineur a ce priuilege, qu'il se peut porter heritier par benefice d'inventaire de

35

Quand le mineur se portant heritier simple peut exclurre l'heritier par benefice d'inventaire.

36

Le mineur est receu heritier par benefice d'inventaire.

*nefice d'in-
ventaire de
son parent
comptable.*

son defunct pere, frere, oncle, cousin, ou autre parent, lequel est decedé en office, charge & administration des finances du Roy: Encores que les parens du defunct, majeurs de vingt-cinq ans, ne soient receuz se porter heritiers par benefice d'inventaire du defunct: ains sont tenus se porter heritiers simples, ou renoncer à la succession.

Comme il est porté par le commencement & par la fin du 16. article de l'Ordonnance faicte pour le bien & reglement de la Iustice, verifié en la Cour le 19. Decembre 1564. La raison de l'Ordonnance est à ce que les mineurs ne soient priuez de la legitime succession de leurs peres, freres, oncles, cousins, & autres parens: & que le Roy se doit contenter de s'adresser aux biens demeurez par le trespass du defunct comptable, sans s'adresser aux biens du mineur vray naturel & legitime heritier du defunct. Et si le mineur estoit heritier simple, les Officiers du Roy feroient incontinent saisir & vendre par decret les biens du mineur, & s'empareroient des deniers procedans de la vente d'iceux. Aussi si le mineur faict maieur, vouloit estre releué de ceste adition d'heredité, comme grandement dommageable, il ne pourroit r'entrer en ses biens, comme vendus par decret & autorité de Iustice. Et si ne pourroit repeter du Roy les deniers prouenus de l'alienation d'iceux; d'autant que les Receueurs & Thresoriers dient n'auoit fonds pour payer les debtes du Roy. En sorte qu'il seroit impossible, quoy que ce soit, bien difficile, de remettre le mineur en tel estat qu'il estoit auparauant l'adition d'heredité faicte par son tuteur: lequel de bonne foy auroit apprehendé la succession du defunct pere, frere ou oncle du mineur estant decedé en Office comptable des Finances du Roy. Et l'Ordonnance susdite est pratiquée en toutes Cours: mesmes a esté pratiquée en la Chambre des Comptes, pour les enfans de Maistre Charles de Brion, heritiers à cause de defunct Maistre Mathurin Sanguin leur oncle, viuant Thresorier extraordinaire des guerres.

*Côme le tu-
teur des mi-
neurs doit
faire renon-
cer les parens
maieurs à
la succession
de leur pa-
rent com-
ptable.*

Les peres, ou bien les tuteurs des mineurs, doiuent prendre garde au priuilege cy-dessus recité: pour iouyr de l'effect duquel, si les mineurs sont en pareil degré, pour succeder au defunct comptable, que les autres parens maieurs de 25. ans: ou bien si les mineurs sont en degré plus lointain; les tuteurs doiuent faire en sorte, que les parens maieurs proches & habiles à succeder avec les mineurs: ou bien les parens maieurs, qui sont plus proches que les mineurs, soient poursuiuis à la requeste de Monsieur le Procureur du Roy en la Chambre des Comptes, & de quelques creanciers, ou bien dudit Seigneur Procureur seul, comme heritiers du defunct, à fin de rendre compte en la Chambre, & payer le reliqua d'iceluy: pareillement payer aux creanciers les sommes qui leur sont deuës. Quand les parens maieurs auront renoncé à la succession du defunct, le tuteur des mineurs obtiendra lettres en Chancellerie, à fin de se porter heritier par benefice d'inventaire du defunct. Et apres lescdites renōciatiōs les parens maieurs de 25. ans ne seront receuz à se porter heritiers par benefice d'inventaire, ou simples du defunct, cōme ils seroiēt receuz apres que le cōpte auroit esté rendu au Roy, & que ledit Seigneur auroit esté satisfait.

Satisfait de ce qui luy estoit deu : ainsi qu'ordinairement il aduient. En ce faisant l'entiere succession demeurera aux mineurs, sans qu'ils en puissent estre euincez par les parens qui sont plus proches à succeder qu'eux : ou bien sans que les parens puissent concurrencer avec les mineurs, & leur oster la moitié, ou les deux tiers, ou autres portions de la succession. Et comme dit est, il faut faire en sorte, que non seulement les parens majeurs de vingt-cinq ans, qui sont au premier degré, renoncent à la succession du defunct : mais aussi les autres parens qui sont au second, ou troisieme degré, renoncent à la succession, s'ils sont plus proches, ou en mesme degré que les mineurs : à ce que cy apres ils ne les puissent exclure de la succession, ou concurrencer avec eux. Combien qu'on n'ait accoustumé, sinon pour suivre les plus proches parens du defunct habiles à luy succeder, qui sont au premier degré, & non les autres parens. Et qu'apres la renonciation des plus proches parens, on face créer par autorité de Justice vn curateur à la succession vacante du defunct, contre lequel on fait pareilles & semblables poursuites, que contre le vray, naturel, & legitime heritier : conformément à la disposition de droit en la loy premiere, §. *denuntiari. ff. de vent. in spic. l. cum adoptio, ff. de adopt.*

Dauantage, encores que par le 342. article de la nouvelle Coustume de Paris, l'heritier en ligne directe, qui se porte heritier par benefice d'inventaire, ne soit exclus par autre parent, qui se porte heritier simple : parce qu'en ligne directe, descendante ou ascendante, *heres habet ius in hereditate, nempè legitimam ei debitam* : en sorte que par ledit article de Coustume, en ligne directe l'heritier par benefice d'inventaire peut concurrencer, & estre admis avec l'heritier simple : Neantmoins d'autant que l'heritier collatéral n'a aucun droit en l'heredité, qui luy est deferée; on tient tant en la Coustume de Paris, qu'autres Coustumes, que l'heritier simple exclut l'heritier par benefice d'inventaire, encore que l'heritier simple ne soit en si proche degré. Ainsi a esté iugé contre les Dumelins freres du defunct, par arrest donné au profit de leur niepce, prononcé sur l'appointé au Conseil le 3. Feurier 1571. Et par arrest donné à l'Audience, le 3. Iuillet audit an, a esté iugé en la Coustume de Poictou, que les filles se portans heritieres simples de leur pere, peuuent exclurre leur frere, lequel s'estoit porté heritier par benefice d'inventaire : si ledit frere ne se vouloit declarer heritier simple, & concurrencer avec elles en la succession de leur pere. *Masuerius in tit. de successio. & ultim. voluntat. §. Item si Tiraguellus in tractatu, le mort saisit le vif, in secunda parte declaratoria. 12. num. 6.*

En ligne collatérale l'heritier par benefice d'inventaire est exclus par l'heritier simple, encore qu'il ne soit en si proche degré.

En Poictou en ligne directe, l'heritier simple exclut l'heritier par benefice d'inventaire en mesme degré.

Bien est vray que l'heritier par benefice d'inventaire n'est tenu restituer l'heredité à l'heritier simple, qu'il ne soit preallablement remboursé des debtes hereditaires par luy payées, & des frais par luy faits, *l. fina. in verbis, non aliter possessor. C. de petit. heredit. l. cum possessor. ff. eod. l. final. §. in computatione, C. de iure deliberan.* Et la nouvelle Coustume d'Orleans en l'article 340. n'admet l'heritier simple à exclurre l'heritier par benefice d'inventaire, sinon en se declarant dedans l'an apres l'apprehension sous benefice d'inventaire, & qu'il face si.

Côme l'heritier par benefice d'inventaire doit estre remboursé par l'heritier simple.

gnifier ladite declaration à l'heritier sous benefice d'inventaire.

37
Doüaire
coustumier
en quoy con-
siste.

38
Les herita-
ges substi-
tuez sont
sujets au
doüaire cou-
stumier de
la femme.

Aussi il conuient entendre, que le doüaire coustumier baillé par la Coustume de Paris aux femmes mariées, est de la moitié des heritages que le mary tient & possède au iour de leurs espousailles & benediction nuptiale: & de la moitié des heritages, qui depuis la consommation du dit mariage, & pendant iceluy aduiennent en ligne directe audit mary. Ce qui est vray, encores que lesdits heritages ayent esté anciennement substituez, & soient sujets à restitution apres le decés du mary: lequel n'estoit simple vsufruitier desdits heritages, ains seigneur d'iceux, à la charge de restitution. Et supposé que lesdits heritages soient affectez à l'aisné masse de la famille: toutesfois celuy qui iouyssoit desdits heritages, pouoit assigner sur iceux & dot à ses filles, & doüaire à sa femme. En sorte que lesdits heritages sont sujets au doüaire coustumier baillé à la femme par la Coustume de Paris. Ainsi a esté iugé par arrest solennellement prononcé le dernier Decembre, 1555. pour des heritages assis en la Preuosté de Paris, declarez sujets au doüaire coustumier de la femme, contre l'heritier, & substitué du defunct mary, qui estoit de la famille de Fleurigny de Vests, & estime que c'estoit pour la Seigneurie de Sauvigny. En laquelle famille y a coustume & loy familiere, par forme de substitution de tout temps obseruée, & confirmée par arrest de la Cour: par laquelle certains fiefs, terres, & seigneuries doiuent appartenir au fils aisné masse de la famille, & où il n'y auroit enfant masse, au plus proche masse de la ligne. Et conuient noter, que celuy contre lequel la vesue agilloit, estoit heritier, & substitué de son defunct mary. Et semble, que s'il n'eust point esté heritier du defunct, mais simplement substitué, la vesue n'eust peu pretendre droict de doüaire és heritages substituez, sinon en defect d'autres biens suffisans pour l'assignation de son doüaire: suiuant les mots portez par l'authentique, *Res quæ in verbis, si liberis portio legitima non sufficit: & in herbis, pro modo honestati personarum congruo.*

Les herita-
ges substi-
tuez sont
sujets au
payement
du dot de la
femme, &
argments
d'iceluy.

Aussi par arrest donné en plaidoyrie le 3. Feurier, 1575. fut dit: Que la Comtesse de Grignan seroit payée de la somme de quatre mil escus pour son dot, & mil escus pour l'augmentation d'iceluy, tant sur les biens propres de son defunct mary, que les biens sujets à substitution: & ce dedans quatre mois. A faute de ce faire, que tous lesdits biens seroient saisis & vendus. Et quant à la donation faicte à ladite Comtesse, portée par le testament de son mary, elle se prendroit seulement sur les biens propres du defunct, & non sur les biens subiets à substitution.

39
Doüaire
coustumier
ne se peut
prendre sur
heritages
escheus au
mary en li-

Mais il faut entendre ce que dessus des heritages, qui pendant le mariage aduiennent au mary en ligne directe ascendante, non pas descendante, ny en ligne collaterale. Tellement, encores que le mary au iour des espousailles, & benediction nuptiale n'eust aucuns heritages, & ne luy en soient aduenus aucuns en ligne directe ou ascendante constant le mariage: mais luy en soient aduenus plusieurs en ligne directe descendante de ses enfans ou petits enfans, ou bien en ligne collaterale, par le

decés de ses freres & oncles : aussi encores qu'il n'y eust aucun contract de mariage passé, & par ce moyen n'y eust aucun doüaire prefix à la femme, en ce faisant fust sans doüaire: toutesfois elle ne pourra demander doüaire coustumier, sur les heritages aduenus à son mary en ligne directe descendante, ou bien en ligne collaterale durant leur mariage : & deura se contenter du droict de communauté qui luy est baillé par la Coustume. Ainsi qu'il fut plaidé & iugé en la Cour le 24. Ianuier, 1578. apres disné. Bien est vray, que si le defunct mary estoit riche & opulent en biens, & la femme soit desnüée de biens, elle pourra demander quelque portion des biens demeurez par le decés de son mary, pour ses alimens & nourriture, suivant l'authentique, *Præterea C. unde vir & uxor.* comme il a esté iugé par sentence du Preuost de Paris, recitée au 33. chapitre du droict d'Aubeine.

Et le doüaire coustumier baillé par la Coustume de la Preuosté & Vicomté de Paris, n'a lieu sinon és heritages situez au dedans des fins & limites de ladite Preuosté & Vicomté: non pas qu'on le puisse estendre és heritages assis en autres Coustumes diuerses, ou contraires à celle de Paris, s'il n'est autrement conuenu par le contract de mariage, & que par iceluy y ait derogation à toutes Coustumes contraires.

Le doüaire coustumier n'a lieu sinon és heritages assis au dedans la Coustume de Paris:

40

Neantmoins ledit doüaire coustumier s'estend aux rentes constituées sur l'Hostel de la ville de Paris, qui appartenoient au mary lors de la benediction nuptiale, ou qui luy soient aduenues pendant son mariage en ligne directe ascendante: encores que l'assignation du payement d'icelles, soit sur les Greniers à sel, tailles, ou subides des pais de Poictou, Anjou, Normandie, ou autre; ou sur le Domaine du Roy esdits lieux, ou bien sur le reuenu temporel du Clergé du Royaume de France: Comme il fut aduisé par Messieurs du Chastelet de Paris, assemblez par Ordonnance de la Cour.

Le doüaire coustumier se prend sur les rentes constituées, tant sur l'hostel de la ville de Paris, que sur particuliers.

Pareillement le doüaire coustumier se prend sur toutes rentes, qui appartenoient au mary au temps desdits, ou qui luy sont aduenues en ligne directe ascendante pendant son mariage, constituées en ceste ville de Paris aux habitans d'icelle, ou bien hors ceste ville, dont le payement est destiné à Paris: Pourueu que lesdites rentes ne soient racheptées pendant le mariage. Car en cas de rachapt, le droict de douaire cesse: & lesdites rentes, qui pendant leurs cours estoient reputées immeubles, le rachapt faict d'icelles sont ameublées & à deniers.

Bien est vray, que si les deniers procedez du rachapt desdites rentes sont remployez en autres rentes ou heritages, sortissans au mary pareille nature de propre que luy forrissoient les rentes racheptées, telles rentes sont sujettes au douaire coustumier ou prefix de la femme, comme subrogées au lieu de rentes racheptées, suivant le 94. article de la nouvelle Coustume de Paris, & disposition de droict commun, par laquelle *subrogatum sapit naturam eius in cuius locum subrogatur. l. si cum. §. qui iniuriarum. ff. si quis casus. Nec videtur alienatum, quod in aliud corpus patrimonij conuersum est. Et prædium ex pretio fundi venditi comparatum vicem fundi venditi obtinet. l. Imperator. §. fin. cum duobus seq. ff. de*

41 Le denier prouenu de rente sujette à douaire estant remployé est sujet au douaire.

leg. 2. l. uxor marito. ff. de donatio. inter vir. & uxor. l. ita constante. cum l. sec. ff. de iure dot. Et si le mary vend lesdites rentes, ou autres heritages de son propre, ou de son acquist faict auparauant son mariage, sans le consentement de sa femme; la femme apres le trespas de son mary aura son action contre l'acquireur & detenteur desdites rentes, ou heritages, afin de la laisser iouyr sa vie durant de moitié d'icelles rentes ou heritages; ou bien perpetuellement, si le doüaire prefix est sans retour: Pourueu, comme dict est, que lesdites rentes n'ayent esté racheptées du viuant du mary.

42
Si le mary
vend aucuns
heritages,
mesmes ses
conquests, la
femme peut
sur iceux
demander
son douaire
prefix.

Le semblable doit estre dict, quand vn mary a constitué cinquante liures de rente par an pour le doüaire prefix de sa femme, ou bien l'a dotié de deux cens liures pour vne fois payer; & a vendu aucun des conquests par luy faicts pendant son mariage, soient rentes constituées, ou heritages. Car combien qu'il ait la libre disposition desdits conquests; & tout ainsi qu'il les a acheptez & acquis, il les puisse vendre & aliener: toutesfois ledit mary par son contract de mariage ayant obligé tous & chacuns ses biens, presens & aduenir, au payement & satisfaction du doüaire & conuentions matrimoniales de sa femme, il ne peut aliener lesdits conquests, non plus que ses propres & acquisti, sans le droict d'hypothèque créé à sa femme, dès l'instant que lesdits conquests ont esté faits, & qu'ils ont esté entre les biens de son mary: Autrement la femme seroit de pire condition que les autres creanciers hypothecaires. Pour ceste cause les acquireurs desdits conquests ou des propres & acquisti du mary bien aduisez, stipulent la renonciation de la femme à son doüaire & autres conuentions matrimoniales; & ainsi est obserué.

43
Si l'heritage
acquis à
remeré est
retiré, la
vesue iouy-
ra pour son
douaire de
moitié du
denier pro-
uenu du ra-
chapt.

On a passé outre, & tient-on: Que si à vn homme, lors de ses espousailles, & benediction nuptiale, pareillement lors de son trespas appartenoyent cent liures de rente constituée au denier douze sur vn particulier: ou bien vn droict de Iustice, de censüe, de champart, ou vn fief, ou autre heritage qu'il auroit acquis du Roy à faculté de rachapt perpetuel: ou bien vne maison ou vne ferme qu'il auoit acquise d'un particulier, à faculté de remeré de dix, vingt, ou trente ans: si quelque temps apres la dissolution du mariage, & que la vesue à cause de son doüaire coustumier a iouy de moitié desdits cent liures de rente, ou de moitié du droict de Iustice, censüe, champart, ou d'autres heritages acquis du Roy à faculté de rachapt perpetuel, ou de moitié de l'heritage achepté à faculté de remeré de dix, vingt, ou trente ans d'un particulier; ladite rente soit racheptée, ou lesdits heritages ou droictz sont retirez: Ladite vesue doit iouyr sa vie durant de moitié des deniers prouenus desdits rachapts: baillant par elle caution de rendre par ses heritiers lesdits deniers apres le trespas. Car il suffit que la vesue ait eu droict de doüaire acquis esdites rentes & heritages pour iouyr d'iceux ou des deniers procedez du rachapt d'iceux, sa vie durant: pourueu que la faculté de remeré en l'heritage acquis d'un particulier, ne soit moindre de dix ans.

44
En douaire
coustumier

Aussi il conuient entendre, que les heritages subiets à doüaire coustumier se doiuent prendre par les enfans, en tel estat qu'ils estoient lors des

espousailles & benediction nuptiale : ou bien en tel estat qu'ils estoient lors qu'ils sont aduenus en ligne directe à leur defunct pere. Tellement que si pendant le mariage, le pere a faict bastir sur son heritage propre vne maison, ou faict autre bastiment neuf; les enfans demandans droit de doüaire sur ledit heritage, seront tenus payer à l'achepteur d'iceluy moitié des bastimens & meliorations faites sur ledit heritage, auparauant qu'il se desiste de la moitié d'iceluy subiet au doüaire coustumier. Le semblable sera obserué, quand par contract de mariage aucune maison, aucune ferme, ou autre heritage aura esté donné par l'homme à la femme, ou par la femme à son futur espoux : Et que pendant le mariage sur l'heritage donné on aura faict quelques bastimens, si par le contract de mariage n'est porté, que le donataire aura la maison donnée, en tel estat qu'elle sera lors de la dissolution du mariage. La raison de ce que dessus est, *quia in contractibus inspicimus tempus quo contrahimus. Vel quantum ad acquisitionem tempus contractus, vel de lationis hereditatis, siue mortis defuncti, consideratur. l. si filius familias ff. de verb. obligat. l. Rutilio Pola. ff. de contra. empt. l. 1. 4. §. rectè, ff. usufruct. quemad. cau. l. quod de bonis. §. fructus. ff. ad leg. Falcid. §. quantitas. Instit. cod.*

on regarde
en quel estat
estoyent les
heritages
lors de la
consomma-
tion du ma-
riage.

[Toutesfois depuis a esté iugé par arrest prononcé en robbes rouges, le 7. Septembre 1601. que l'on auoit esgard en quel estat sont les heritages, lors que le doüaire eschet. N. B.]

Pareillement les enfans demandans doüaire coustumier ou prefix, sont tenus rendre & payer aux heritiers de leur defunct pere; ou bien au curateur créé à ses biens comme vacans; ou bien aux creanciers du defunct, tout ce qu'ils ont eu & receu en mariage, & tous aduantages qui leur ont esté faicts par leur defunct pere: ou moins prendre sur le doüaire. Aussi les petits enfans demandans doüaire du chef de leur pere, sur les biens de leur ayeul, sont tenus rendre & restituer tout ce qui a esté donné à leur pere en mariage par ledit ayeul, & autres aduantages receuz dudit ayeul; encores qu'ils ne soient heritiers de leur defunct pere. Et ce suivant le 308. article de la nouvelle Coustume de Paris; Et qu'il a esté iugé par arrest solennellement prononcé contre les enfans d'un Grenetier de Nogent sur Seine, le 14. Aoust 1564. La raison est, d'autant que le doüaire coustumier ou prefix est *loco legitima*. Et tout ainsi que *per legitimam omnia computantur*: aussi tout est deduit & rabatu aux enfans qui demâdent doüaire coustumier ou prefix: *l. quoniam. Nouella. l. omnimodo. C. de inoffic. testam.* Ainsi a esté iugé par l'arrest de Fueillerets, solennellement prononcé le 8. Aueil auant Pasques, 1562. Et ainsi est porté par le 252. article de la nouvelle Coustume de Paris. Semblablement les enfans, lesquels comme heritiers de leur mere ont eu moitié des meubles & conquests immeubles de la communauté, ne sont receuables à faire poursuite contre l'acquireur & detenteur de l'heritage subiect au doüaire coustumier ou prefix, pour auoir la iouissance de leur doüaire: iusques à ce qu'ils ayent deguerpy en Iustice les conquests immeubles, & restitué les meubles qu'ils ont eu de la communauté: parce qu'ils sont obligez & hypothéquez à la garantie de l'heritage subiect au doüaire vendu par le pere.

49
Le donairier
est tenu ren-
dre tout les
aduantages
qu'il a eu de
son defunct
pere, & abā-
donner les
biens de la
communauté.

Suiuant la reigle vulgaire, *Quem de euictione tenet actio, eundem agentem repellit exceptio. l. vendicantem. ff. de euictio.*

46

Le douaire
qui est propre
aux enfans,
ne peut estre
aliené, &
tient lieu de
legitime:
combien
qu'il soit dit
sans retour.

Dauantage il conuient noter, Combien que la femme, laquelle par son contract de mariage est doiée de douaire prefix, pour elle, ses hoirs, & ayans cause, sans retour, n'ait aucun droict de douaire, si elle decede au parauant son mary; comme le douaire n'ayant lieu, sinon sous condition, si la femme suruit son mary: & que pour raison dudit douaire, qui n'a aucunement subsisté ny résidé en la personne de la femme, ses heritiers ne puissent agir: Toutesfois par la Coustume de Paris, aux enfans appartient le douaire coustumier ou prefix de leur mere: encores qu'elle soit decedée au parauant son mary, pere desdits enfans. Parce que ladite Coustume faict le douaire prefix ou coustumier, propre aux enfans venans du mariage: En telle maniere que les pere & mere desdits enfans dès l'instant de leur mariage ne le peuuent vendre, engager, ne hypothéquer au preiudice de leurs enfans, non plus qu'un heritage subiect à restitution: suiuant les 249. 255. & 263. articles de la nouuelle Coustume de Paris. Tellement que le douaire est baillé aux enfans par ladite Coustume au lieu de la legitime baillée aux enfans par la disposition du droict commun. Et comme les enfans ne peuuent estre priuez de leur legitime, ny en icelle aucunement estre greuez, soit d'usufruit, de legs testamentaire, fideicomis, dilation, condition, restitution, ou autre charge telle qu'elle soit; & que *filii arrogatus non potest grauari in quarta parte bonorum patris arrogatoris, quæ ei principali providentia & constitutione diui Pij concessa & data est.* Aussi les enfans doiuent entierement auoir le douaire coustumier, ou bien le douaire prefix de leur mere, sans qu'il ait peu estre vendu, aliené ny chargé d'aucune debte, rente ou hypothèque créées depuis la consommation du mariage. *l. quoniam in prioribus, l. scimus, & cum autem. auth. nouissima. Cod. de inoffic. testam. l. uxori mea. vbi glossa. ff. de usu & usufruct leg. l. si arrogator, ff. de adoptio.*

47

Encores que
la femme
suruiue, le
douaire
sans retour
est propre
aux enfans.

Et supposé que au cas dessusdit la femme ait suruescu son mary, tellement que le douaire prefix sans retour ait eu lieu: toutesfois s'il y a enfans issus du mariage qui renoncent à la succession de leur pere, & pareillement de leur mere, & se tiennent au douaire, lesdits enfans iouyront dudit douaire prefix, sans qu'il ait peu estre vendu, aliené, ny engagé par leur defuncte mere: *Exemplo fundi dotalis qui nullo modo alienari poterat, etiam cum consensu viri & uxoris, quia eius alienatione lex Iulia prohibebat. l. Iulianus. ff. de fundo dotali.* Et ces mots *sans retour*, s'entendent des heritiers collateraux, & non des enfans venus du mariage; ausquels le douaire prefix est heritage propre, comme le coustumier. Et ledit douaire, encores qu'il soit sans retour, appartient entierement aux enfans venus du mariage, comme paternel; pourueu que lesdits enfans renoncent à la succession de leur pere: Sans que ledit douaire puisse estre aliené ny hypothéqué par le pere ou par la mere: suiuant les articles de Coustume cy-dessus cottez: & le 263. article de ladite Coustume y est formel. Aussi à cet article de Coustume, qui est prohibitive & negative, concernant

la legitime, nourriture, & alimens des enfans, ne peut estre aucunement derogé ny contreuenu.

Neantmoins a esté iugé par arrest solennellement prononcé pour le Seigneur de Boiconuille au pays Chartrain le 11. Avril 1571. Que l'enfant mineur aagé de dix-sept ans peut renoncer au douaire coustumier qu'il a sur l'heritage propre de son pere, & consentir que ledit heritage soit vendu & adiugé par decret, sans charge de douaire, afin de deliurer son pere, & le mettre hors de prison, encores qu'il fust detenu pour crime & malefice. Et ladite renonciation, ensemble celle faite par la mere qui deuoit iouyr dudit douaire sa vie durant, a esté autorisée par la Cour, sans esperance de restitution sous ombre de minorité: & ce en interinuant la requeste presentée par le pere, ensemble par la mere: apres auoir ouy Monsieur le Procureur General du Roy, auquel la requeste pour le mineur fut cōmuniquée. *Huc pertinet authent. si captini. C. de Epif. & Cler. lex sed & si deo. ff. solu. matr.* Et conformément à ce que dessus on tient, que si l'enfant qui a des biens a esté refusant de pleiger & cautionner son pere afin de le deliurer de prison; que iustement le pere le peut exhereder. Et est l'vné des quatorze causes d'exheredation recitées par l'Empereur in §. *fancimus igitur ut cum de appella. reg. in authent. cola. 8.* Semblablement a esté iugé contre le fils de l'Huissier Potier, lequel estant aagé de vingt-quatre ans s'estoit obligé pour son pere detenu prisonnier pour debtes, qu'il ne pouuoit estre restitué sous ombre de minorité. Et seroit bon faire emologuer en Iustice l'obligation passée par le fils, auparauant l'esslargissement du pere: comme il fut faict en l'arrest cy-dessus recité.

Aussi a esté iugé par arrest du vingt-deuxiesme May, 1576. qu'une femme s'obligeant pour son mary detenu prisonnier, afin de le deliurer de prison, ne se peut ayder du benefice de Velleian, ny de l'Authentique *si quamulier*: comme il sera dit au 21. chapitre du present Traicté. Toutesfois le 18. Decembre 1564. a esté iugé en plaidoyrie, qu'un fils aagé de dix-sept à dix-huict ans, estant obligé pour son pere prisonnier, lequel est esslargy pour trois mois, & ledit fils ayant spécialement hypothéqué une maison: depuis le pere estant decedé, le fils ayant renoncé à la succession, & obtenu lettres de rescision fondées sur minorité: aussi qu'il estoit impossible représenter le pere, qui quelque temps apres l'esslargissement estoit decedé, ledit fils a esté déclaré quitte, tant en corps, qu'en biens de la debte: sauf à s'adresser sur les biens qu'on pretendoit luy auoir esté donnez par son pere.

Autre chose seroit si les enfans estoient heritiers de leur pere: Car en ce cas ils ne pourroient estre douairiers, ny demander le douaire prefix à leur defuncte mere, lequel estant sans retour, sortiroit nature de don & d'auantage faict par le mary à sa femme en faueur de mariage, si elle suruit son mary. En sorte qu'en ce cas la femme l'auroit peu vendre & aliener, comme à elle appartenant en pleine propriété. Et les enfans ne le pourroient vendiquer, encores qu'ils renōçassent à la succession de leur mere; comme tenus des faicts & promesses de leur defunct pere:

48
L'enfant mineur peut renoncer au douaire pour deliurer son pere prisonnier.

Le fils mineur s'obligeant pour son pere prisonnier est releué.

49
Les enfans estans heritiers de leur pere ne peuvent demander le douaire prefix sans retour de leur mere. ainsi la mere le peut aliener.

lequel a peu donner à sa femme à perpetuité, l'heritage ou rente, qui luy auoit esté assigné, pour son doüaire prefix sans retour. Ainsi fut aduisé par Messieurs du Chastelet de Paris en la presence de deux de Messieurs de la Cour de Parlement au commencement du mois de Mars l'an 1587.

Arrest notable de ce que dessus.

Et conformément audit aduis, le 23. desdits mois & an, fut donné & solennellement prononcé arrest de la Cour, Entre Maistre Jacques & Parfaict les Malingres, Huissiers en la Cour de Parlement, appellans de la sentence contr'eux donnée par Messieurs des Requestes du Palais, le 21. May 1586. d'une part: & Ieanne Rabache leur mere, vefue en secondes nopces de Maistre Martin Herbelot, inthimée d'autre: laquelle auoit esté doüée par Maistre Iean Malingre son premier mary, pere des appellans, de la somme de cent liures tournois de rente par an, en doüaire, s'il n'y auoit point enfans de leur mariage; ou de quatre vingts liures tournois de rente par an en doüaire, s'il y auoit enfans, racheptable au denier douze. Et estoit porté par le contract de mariage, que ledit doüaire seroit pour elle & ses hoirs sans retour. Ce doüaire de quatre vingts liures tournois par an, ayant esté vendu par ladite Rabache mere des appellans, pendant sa derniere viduité, à Estienne Tarteron, Maistre Menuisier à Paris: les appellans estans poursuiuis par ledit Tarteron acquereur, à fin de luy continuer lesdits quatre vingts liures de rente en doüaire sans retour; & payer les arrerages escheuz, & qui à l'aduenir escherront: Lesdits appellans contre cette demande auroient soustenu, que ledit doüaire estoit viager, & qu'ils n'estoient tenus le payer & continuer, sinon pendant la vie de ladite Rabache leur mere. En tout euenement, que c'estoit vn aduantage, liberalité, & bienfaict, que le mary auoit faict à sa femme: lequel selon la disposition de droict commun, deuoit estre conserué aux enfans issus du mariage. Tellement que leur mere n'estoit que simple vsufruitiere desdits quatre vingts liures de rente en doüaire, *l. femina. l. generaliter. l. hac edictali. §. bis illud. C. de secund. nup.* La disposition desquelles loix a esté confirmée tant par l'Edict faict sur les secondes nopces, verifié en la Cour le 5. Aoust 1560. que par le 279. article de la nouvelle Coutume de Paris. Et lesdits Edict des secondes nopces, & article de Coutume, auoient esté trouuez si iustes, equitables & raisonnables, que par deux arrests solennellement prononcez le 16. May 1587. qui estoit surueille de Pentecoste; & 23. May aussi surueille de Pentecoste 1586. auoit esté iugé, qu'ils auoient lieu, non seulement és femmes vefues qui se remarient; mais aussi és hommes veufs qui conuolent à secondes nopces: Comme Monsieur Fontanon a adnoté és Edicts & Ordonnances qu'il a redigées par tiltres, liure quatriesme, du premier tome de la Iustice, tiltre huitiesme. Ioint que ladite Rabache, pour frustrer les appellans de sa succession, auoit disposé de ses biens, par donation entre vifs, & aliéné la plus grande partie d'iceux. En ce faisant n'estoit vray semblable, que les appellans se portassent heritiers de ladite Rabache apres son decez. Et au cas qu'ils en fussent heritiers, offroient continuer lesdits quatre vingts liures de rente en doüaire, pour leurs portions hereditaires iusques au rachapt, comme lors tenus de la garantie d'icelle rente.

A ce que dessus ladite Rabache, qui auoit prins la cause & garantie pour ledit Tarteron, respondoit, Que son douaire estoit sans retour, partant qu'on ne pouuoit vallablement dire qu'il fust viager. Que les appellans estoient heritiers de leur defunct pere; consequemment tenus de ses faits, promesses & obligations. Aussi estans heritiers de leur pere, ils ne pouuoient estre douairiers, & n'estoient receuables à demander le douaire prefix à ladite Rabache. Mais lesdits quatre-vingts liures de rente, auoient perdu le nom de douaire; c'estoit vne rente annuelle & perpetuelle, rachetable au denier douze. Dénioit que lesdits quatre-vingts liures de rente en douaire, fussent don, liberalité, bien-faict, ou aduantage faict par le defunct pere des appellans à ladite Rabache: ains estoit vne remuneration & recompense qui luy auoit esté faicte par son defunct mary, en contemplation des deniers & autres biens qu'elle luy auoit apportez en mariage: de laquelle recompense elle auoit la libre & entiere disposition. Que son defunct mary durât son mariage n'auoit faict aucuns cōquests: tellement que l'article de Coustume n'estoit aucunement considerable au cas de present, ny l'Edict faict sur les secondes nopces. Disoit qu'elle n'auoit aucuns enfans de son second mariage, & n'auoit disposé sinon d'une partie de ses biens en faueur des enfans de son fils aîné, qui estoit frere des appellans; aussi qu'il luy estoit permis par la loy *femina*, cy-dessus alleguée, *in versi. vel quemlibet ex filijs*.

Par sentence, les appellans furent condamnez passer tiltre nouuel, & recognoissance d'hypothèque audit Estienne Tarteron, des quatre vingts liures de rente en douaire prefix & sans retour mentionnez au proces, continuer iusques à pleins rachapt, & luy en payer les arrerages escheuz & qui escherront cy-apres, sans despens, attendu la qualité des parties. Finalement par arrest, ouy le rapport de deux Conseillers de la Cour, qui auoient enquis d'office, les Officiers, & anciens Aduocats du Chastelet de Paris, sur l'vsance & commune obseruance d'aucuns articles de la Coustume; en vertu de ce qui a esté faict de nouuel; la Cour a mis les appellations au neant, sans amende & despens de la cause d'appel; & ordonné que la sentence sortira son plein & entier effect.

On a demandé si pour reigler le douaire coustumier, ou bien celuy qui a esté prefix & constitué par le mary à la femme; pareillement pour reigler le dot promis par la femme au mary, ensemble la restitution d'iceluy; on doit considerer la Coustume du lieu auquel le contract de mariage a esté passé; ou la Coustume du domicile du mary, lors que le mariage a esté contracté & consommé; ou bien la Coustume du domicile du mary, lors qu'il est decédé.

Il semble pour le regard du douaire Coustumier, lequel par les Coustumes est baillé à toutes femmes mariées, en quelque lieu que leur contract de mariage ait esté passé, & en quelque lieu qu'elles soient demeurantes; Qu'il faut se regler selon la Coustume de la situation des heritages, qui sont baillez & assignez pour le douaire coustumier, soit moitié, le tiers, ou le quart d'iceux: Soit que le douaire coustumier soit propre aux enfans descendans du mariage, renonçans à la succession de leur

10
Pour regler
les actions
tant du dot
que douaire
& autres
conuentions
matrimo-
niales, quel-
le Coustume
il faut sui-
ure.

pere, comme en la Coustume de Paris; ou que le douaire soit pur personnel, comme en la Coustume d'Orleans, & autres: Si par le contract de mariage n'est autrement conuenue & derogé à la Coustume.

La raison de ce que dessus est apparente: d'autant que la femme prend douaire coustumier, par le benefice de la Coustume ou Coustumes, au dedans desquelles les heritages subiets au douaire sont situez: selon lesquelles est besoin se conformer: & iouir desdits heritages, ainsi que les Coustumes ont ordonné.

Quant au douaire prefix, ou bien constitué par le mary à la femme, il faut en tout suiure la conuention portée par le contract de mariage. Et si la conuention est ambiguë, & le douaire prefix consiste en la iouissance de quelque heritage, ou bien en certaine rente en douaire assignée sur certain heritage: Il semble qu'il faut suiure la Coustume au dedans de laquelle l'heritage est situé; parce que les Coustumes sont reelles, & suiuant icelles sont reglez les heritages assis au dedans de leur destroit; comme il a esté dict du douaire coustumier: veu principalement que la creation d'une rente en douaire sur certains heritages contient taiseble delaisement & transport de l'heritage sur lequel elle est assignée, iusques à la concurrence d'icelle rente. Si la rente en douaire estoit constituée généralement sur tous les biens & heritages du mary, lesquels sont assis en diuerses Coustumes, ou bien le douaire prefix consiste en vne somme de deniers; il est besoin suiure la Coustume du lieu, auquel le mary estoit demeurant, lors que le contract de mariage fut passé: attendu que tout douaire est paternel, & se prend entierement sur les biens du mary. Aussi qu'un douaire prefix en rente ou deniers est réputé comme vne rente constituée, ou bien comme vne debte mobiliere: & au payement d'iceluy tant les heritiers mobiliers que immobiliers par la Coustume de Paris sont tenus contribuer, *pro rata bonorum*: comme il sera dict au 16. chap. du present Traicté.

Quant au dot, qui est ce que la femme promet apporter en mariage à son mary, soient deniers comptans, meubles, heritages, ou autres choses, si on parle de la constitution & payement d'iceluy, il faut suiure ce qui a esté conuenue & accordé entre les parties. Et si la conuention portée par le contract de mariage est ambiguë, & le dot consiste en deniers, on doit auoir esgard à la Coustume du lieu, auquel la femme estoit demeurante, lors que le mariage a esté contracté & le contract passé: attendu que le dot se prend des biens de la femme, ainsi que le douaire se prend sur les biens du mary. Si le dot promis consiste en heritages, il est besoin suiure la Coustume, au dedans de laquelle les heritages sont situez & assis.

Au regard de la restitution du dot, laquelle est demandée au mary suruiuant par les heritiers de la femme predecédée; ou bien aux heritiers du mary par la femme suruiuante: on a demandé quelle Coustume on deuoit suiure; ou bien du lieu, auquel le contract de mariage a esté passé, & auquel la femme lors dudit contract estoit de-

meurante, laquelle Coustume portoit que les deniers dotaux se doiuent entierement rendre à la femme, ou à ses heritiers. Ou bien si on doit suiure la Coustume du domicile du mary, auquel incontinent apres le mariage consommé, la femme a esté amenée, & auquel l'homme & la femme mariez ont tousiours faict leur residence; laquelle Coustume portoit que le mary suruiuant gaigne la moitié des deniers comptans baillez en dot, & n'est tenu sinon en rendre moitié: soit qu'il y ait enfans issus du mariage, ou non. On a communément tenu, suiuant l'opinion de Bartole, *in l. cunctos populos. Co. de summa Trinit. Col. 14. 18. & 19. & sequentibus*; de Panorme *in cap. 1. de sponsalibus & matrim. ex.* Que quand il est questio de *exactione siue restitutione dotis, aut de lucro dotis*, on n'a point d'esgard à la Coustume du lieu auquel le contract de mariage a esté passé; supposé que la femme y fust demeurante; sinon pour la forme & solennité, qui a deu estre obseruée en passant le contract, pour l'effect & la validité d'iceluy. Tout ainsi qu'en vn testament on garde la forme & solennité portée par la Coustume du lieu, auquel il est passé, encores que le testateur ait sa demeure en autre Baillage. A sçauoir s'il est passé, à Paris par vn qui faisoit sa demeure à Poictiers ou à Blois, est besoin que le testament soit passé pardeuant deux Notaires, ou vn Notaire & deux tesmoins, ou pardeuant le Curé ou son Vicaire General, & trois tesmoins, signé du testateur & tesmoins, s'ils sçauent signer: soit dicté & nommé, par le testateur &, releu. Ainsi a esté iugé par arrest solennellement prononcé le dernier May mil cinq cens soixante six. Mais au cas susdit, d'autant qu'il est question de la matiere & execution du contenu au contract, on a esgard à la Coustume du lieu auquel le mary estoit demeurant & auoit son domicile, lors que le mariage a esté contracté, parfait & consommé: auquel la femme incontinent apres la consommation du mariage, a esté amenée, & auquel l'homme & la femme mariez ont depuis actuellement demeuré: Et ce suiuant la loy *exigere dotem. ff. de iudicijs*, communément ainsi entenduë. Ce qui est vray, quand le dot consiste en simples meubles, ou simples deniers: car en ce cas, comme aussi en contracts entre vifs ou testamens, on considere le vray domicile du mary, du donateur, ou du testateur. Mais si le dot consiste en heritages, il faut suiure la Coustume, au dedans de laquelle ils sont situez, *quia mobilia sequuntur personam*, suiuent le corps: *immobilia verò spectant territorium*, l'assiette des heritages donnez ou leguez: Conformément à la doctrine de Balde *in lege mercatores. Co. de mercato. & com.* suiue d'aucuns.

Toutesfois le contraire a esté iugé par arrest de la Cour solennellement prononcé le vingt-troisiesme May 1572. Le faict duquel estoit, que par la Coustume generale d'Auuergne, article dixiesme, au tiltre des donations: Biens dotaux retournent à la femme, ou à ses heritiers, le mariage dissolu: tellement que le mary apres le trespas de sa femme est tenu rendre tous les deniers & biens dotaux. Et par la Coustume particulière du Comté de Mont-pensier, au dedans duquel est Aisgueperche, est porté, Que le mary suruiuant gaigne la moitié pour luy & les

siens des deniers dotaux, & iouyt sa vie durant des immeubles. Estoit aduenu qu'un homme & vne femme contractent mariage ensemblement, & est le contract passé sous la Coustume generale d'Auvergne, au dedans de laquelle la femme estoit demeurante, qui bailla en dot à son mary douze cens liures en deniers comptans. Incontinent apres le mariage consommé ils se retirent à Aisgueperche, qui estoit le lieu de la demeure du mary, auquel ils font leur residence ordinaire & continuelle. De ce mariage il y a deux filles & un fils. La mere estant decedee le pere marie les deux filles, & les faict renoncer à la succession de leur mere. Le pere estant decede, & ayant vendu la Seigneurie du Saufay qui luy appartenoit en propre; les filles ayans renoncé à la succession de leur pere, font adiourner le detenteur & propriétaire de ceste Seigneurie, à ce qu'elle soit declarée affectée, obligée, & hypothéquée à la restitution des deux tiers des deniers dotaux de leur defuncte mere, de laquelle elles estoient heritieres, chacune pour un tiers.

Les demanderesses pour leurs moyens alleguent la Coustume generale d'Auvergne cy-dessus recitée, sous laquelle le contract de mariage auoit esté passé. Que par la disposition de droit *in omni dote erat stipulatio vel expressa, vel tacita de ea integre restituenda: Et ad eius restitutionem bona mariti erant tacite obligata, lege prima, in prin. & §. 1. Cod. de rei uxoris actio*. Que les deniers dotaux de leur defuncte mere leur tenoient lieu de legitime, & si elles estoient priuées desdits deniers dotaux, elles estoient priuées de tous biens. Que si en douaire on considere le domicile du mary lors du contract de mariage, parce que le douaire se prend sur les biens du mary: qu'en dot il estoit raisonnable considerer le domicile de la femme, lors qu'elle contracte mariage, attendu que le dot se prend sur les biens de la femme.

Que le contract de mariage estant passé sous la Coustume generale d'Auvergne y auoit tacite conuention de rendre par le mary entierement les deniers dotaux à la femme, ou à ses heritiers: tout ainsi que la femme qui contracte mariage en la Preuosté & Viconté de Paris, a tacite conuention de communauté de biens avec son futur espoux: Que la translation de domicile ne peut immuer ny tollir les conuentions matrimoniales, soient expressees, ou tacites: comme il sera dict au 16. chapitre du present Traicté: Qu'elles auoient esté releuées de la renonciation par elles faicte à la succession de leur defuncte mere: parce que lors elles estoient mineures, aussi qu'elles estoient lésées. Et alleguoient plusieurs autres moyens & autoritez recitées en la Glose marginale de Panorome *in dicto cap. primo de sponsalibus & matrimo. ex.*

Le defendeur apres auoir sommé son garand, pour defenses disoit, que la Coustume locale de Montpensier, qui estoit particuliere, derogeoit à la generale: Que la Coustume en laquelle le contract auoit esté passé n'estoit considerable que pour la solemnité, comme dict a esté: & qu'on ne deuoit auoir aucunement esgard à la demeure de la femme, lors du contract de mariage: parce qu'incontinent apres la consommation du mariage elle estoit venue demeurer à Aisgueperche, & y

auoit tousiours demeuré iusques à son decez. Que quand il est question de l'exécution du contenu au contract de mariage, mesmes de la restitution du dot, ou bien du gain du dot, on regarde le domicile du mary, lequel la femme est tenuë de suiure, & n'en peut auoir d'autre. *l. finali. §. item rescripserunt. ff. ad municipa. & de incol.* Et le Iuriscōsulte *in l. exigere dotem. ff. de iudiciis*, dit: *Que in exactione dotis non debemus spectare locum, in quo instrumentum dotale factum est; sed potius locum in quo maritus domicilium habuit, & in quem mulier per conditionem matrimonij reditura erat.* Disoit qu'il n'estoit question que des simples meubles: auquel cas on regarde le domicile des gens mariez, lesquels n'ont qu'un seul domicile, qui est celui du mary, & que le meuble suit la personne, comme dit Balde *in l. mercatores. C. de commerciis & mercato.* Plus disoit qu'il n'apparoissoit point de la numeration du dot: Partant que les demandereses n'estoient receuables, quoy que ce soit, estoient mal fondées en leurs conclusions, & en deuoient estre deboutées.

Finalemēt par arrest cy-dessus datté la Cour, apres qu'il est apparu de la quittance du dot, en emendant la sentence donnée par le Bailly de Montpensier, qui auoit absous le defendeur, & condamné les demandereses es despens, a déclaré la Seigneurie du Sauſay affectée, obligée, & hypothéquée au payement & restitution des deux tiers, appartenans aux demandereses des deniers dotaux de leur defuncte mere, desquels estoit question.

En cest endroit conuient noter, que tout douaire, soit coustumier ou prefix, est viager s'il n'y a conuention expresse au contraire. De faict par le 263. article de la nouuelle Coustume de Paris est dit: Que douaire prefix ou bien promis à vne femme, soit en espee, rente, ou deniers, n'est qu'à la vie de la femme tant seulement, s'il n'y a enfans naiz & procréez du mariage. Et tel douaire apres le decez de la femme doit reuenir aux heritiers du mary, s'il n'y a contract au contraire, c'est à dire qu'il soit dit sans retour.

Tellement que si vne femme est douée de cent liures de rente en douaire prefix, payable par chacun an aux quatre termes à Paris accoustumez, à prendre sur tous & chacuns les biens presens & aduenir du futur espoux, & soit conuenu qu'il sera racheptable au denier douze: Si l'heritier veut rachepter ledit douaire, & pour le rachapt d'iceluy offre bailler la somme de douze cens liures tournois, ladite somme de douze cens liures sera sujette à restitution apres le trespas de la vefue: laquelle si elle est remariée, sera tenuë bailler bonne & suffisante caution, de rendre ladite somme par ses heritiers apres son trespas: Sinon faudra mettre le denier en main tierce, à la charge qu'elle iouyra du profit d'iceluy, sa vie durant. Et si elle n'est point conuolée en autre mariage, le denier du rachapt sera baillé à ladite vefue, à sa caution iuratoire. C'est à dire qu'elle sera tenuë obliger & hypothéquer tous & chacuns ses biens, à la restitution du denier qui luy sera baillé pour le rachapt dudit douaire: Suiuant le 264. article de la nouuelle Coustume de Paris.

Si le douaire de cent liures tournois de rente par an, promis à la femme

*quel, le ra-
chapt accor-
dé d'iceluy
est perpetuel.*

par son contract de mariage, racheptable au denier douze, est, sans retour, perpetuel, & hereditaire à la femme & aux siens; le rachapt stipulé & accordé dudit doüaire sera pareillement sans retour. En sorte que les heritiers de la femme ne seront point tenus apres le decez de ladite femme, rendre aux heritiers du mary le denier qui aura esté receu pour le rachapt dudit doüaire. En ce faisant le rachapt conuenu & accordé du doüaire est de pareille nature que le doüaire. Tellement que si le doüaire est viager, le denier du rachapt sera sujet à restitutiō, apres le decez de la doüairiere: Si le doüaire est perpetuel, & sans retour, le denier baillé pour le rachapt d'iceluy demeurera entierement & perpetuellement à la doüairiere, & à ses heritiers, sans qu'ils soient tenus de le rendre.

Si le douaire viager consistant en vne somme de deniers est payé à la femme douairiere, laquelle ne se remariant point n'est tenuë de bailler caution, suiuant le 264. article de la Coustume de Paris: Ou bien si le douaire viager, consistant en cent liures de rente racheptable au denier douze, est rachepté du viuant de la femme, & le tuteur du mineur debteur du douaire n'ait prins assurance de la restitution du denier baillé pour le douaire: Ou bien si outre le contract passé pour la restitution du douaire, on veut auoir sentence, afin d'auoir execution parée, apres le trespas de la douairiere: le mineur estant faict majeur fera adiourner la douairiere: Non pas à ce qu'apres son decez elle soit condamnée rendre & payer au demandeur, la somme de deniers qui luy a esté baillée pour son douaire viager, ou pour la iouyssance d'iceluy sa vie durant; ou bien qu'elle soit condamnée faire rendre audit demandeur ladite somme par ses heritiers; ou bien à ce que ses heritiers apres son trespas soient condamnez & tenus rendre au demandeur la somme de deniers qui luy a esté baillée pour la iouyssance de son douaire viager: Mais à ce qu'il soit dit & ordonné, qu'apres le trespas de ladite douairiere, le demandeur sera payé sur tous & chacuns les biens de ladite douairiere, de la somme de tant, laquelle dés tel iour luy a esté baillée pour la iouyssance de son douaire, sa vie durant seulement: Et que tous & chacuns les biens qui luy competoient & appartiennent au iour du contract passé avec le tuteur, & ceux qui de present luy appartiennent & appartiendront au iour de son decez, soient dits & declarez auoir esté & estre affectez, obligez, & hypothéquez au demandeur à la restitution & payement de ladite somme: pour si mestier est, estre saisis, criez & vendus au plus offrant, les deniers baillez au demandeur, iusques à la concurrence de son deu: sans preiudice d'hypothèque precedente. Et les dernieres conclusions sont plus plausibles & plus douces que les precedentes.

*§ 3
Ala douai-
riere appar-
tiennent les
fruits sceil-
lis pendant
sa vie, &*

Le douaire estant de sa nature viager, comme dit est, la femme, qui est douée de douaire coustumier, ou bien de douaire prefix consistant en la iouyssance de quelques heritages, doit iouyr incontinent apres le trespas de son mary, sa vie durant seulement, des heritages sujets à son douaire. Et ladite douairiere, comme ayant la seigneurie vtile desdits heritages, fait siens tous les fruits qui sont cou-

pez en iceux heritages par elle, ou par les Fermiers pendant sa vie, encores qu'ils soient sur le champ, & n'ayent esté transportez hors iceluy. Mais les fruiçts qui sont pendans par les racines desdits heritages; lors du trespas de la douairiere, appartiennent entierement à l'heritier du mary, sans que l'heritier de la douairiere y ait aucun droit, part, ou portion; soient prez, terres, vignes, boistaillis: mesmes n'a aucun droit es cens, ou rentes foncieres, consistans en grains, poulets, chapons, ou deniers, le iour du payement desquels cens & rentes foncieres n'estoit escheu lors du decez de la douairiere: mais le tout appartient au propriétaire; encores qu'un douaire semble estre vne prouision alimentaire. Et ce à l'exemple de l'usufruitier, lequel a droit de seigneurie utile, laquelle par sa mort estant finie & esteinte, son droit cesse. Et la douairiere est du tout comparée à un usufruitier: Entre lequel & le propriétaire pour le gain des fruiçts, on considere, *quis sit dominus tempore collectionis fructuum. Et fructus non collecti non debentur heredi fructuarij pro rata temporis quo constituit ususfructus, sed integri pertinent ad proprietarium.* Ainsi a esté iugé par Arrest solennellement prononcé, le 19. May 1589. contre l'heritier d'une douairiere coustumiere. Conformément à la disposition de droit, *in §. is verò ad quem ususfructus. de rerum diuisio. in Instit. l. defuncta. ff. de ususfructu. l. finali. §. Tryphonio. ff. de iure fisci.* Autre arrest prononcé le 16. Decembre 1589. pour Maistre Fiacre Guedon Aduocat en Parlement, contre l'heritier d'une usufruitiere, appellant des Requestes du Palais. Si ce sont fruiçts ciuils, que nous appellons obventions, comme louages de maisons, & arrerages de rentes constituées, la douairiere les fait siens, pareillement l'usufruitier iusques au iour de son decez, *pro rata temporis. Quia huiusmodi fructus de die in diem cedunt, & quotidie deberi incipiunt.* Comme du Moulin a amplement traité, & clairement déclaré en l'ancienne Coustume de Paris article premier, *Glosa 1. quast. 3.* Ce qu'il faut suivre: combien que par le 207. article de la nouvelle Coustume d'Orleans il soit dit: Que les arrerages des rentes foncieres ou constituées, & loyers de maisons ne sont reputez meubles, sinon lors seulement, que les termes de payement seront escheuz.

Aussi ce que dessus est obserué entre l'homme & la femme mariez, qui ont fait don mutuel & reciproque l'un à l'autre, selon qu'il leur est permis par l'article 280. de la nouvelle Coustume de Paris.

Pareillement ce qui a esté cy-dessus deduit est gardé entre le vendeur & l'acheteur. Car du iour du contract de vendition, tous les fruiçts pendans par les racines en l'heritage vendu, appartiennent à l'acheteur, encores qu'ils soient meurs & prests à cueillir: d'autant qu'apres la vendition & tradition, le vendeur n'a aucun droit, soit de propriété ou autre, en l'heritage vendu: partant ne peut pretendre droit es fruiçts d'iceluy, comme faisant partie de l'heritage, *l. Iulianus. §. si fructibus ff. de actio. empt. l. si fructus pendentes. ff. de rei vendi. l. ult. §. fructus. quæ in fraudem credito.* Et encores ce que dessus est obserué, *in fideicommissario*

son heritier
n'a rien es
fruiçts cueil-
lis apres le
trespas de la
douairiere.

54
A l'ache-
teur appar-
tiennent les
fruiçts de
l'heritage
acheté du
iour de son
contract.

hereditatis aut rei particularis, ad quem omnes fructus fundi, ex causa fideicommissi acquisiti pertinent, licet maior pars anni ante diem fideicommissi cedentem præterierit: comme dit la loy, Herennius. ff. de usuris.

ss
Ainsi a esté iugé par arrest solennellement prononcé le Vendredy dernier May, 1566. pour vn nommé Beaucaire, que celuy qui a vendu son heritage à faculté de reméré de six ans, si dedans le temps conuenu il rend le prix par luy receu, & lors de la restitution les fruiçts sont meurs, il les prend entierement à son profit, sans que l'achepteur y ait aucun droict, part ny portion. Car l'achepteur ayant promis rendre au vendeur l'heritage par luy acquis, en luy rendant le prix qu'il a payé pour l'achapt d'iceluy, il doit rendre l'heritage dès l'instant qu'il a receu ses deniers en l'estat qu'il est. *Et restitutio plena facienda est cum sua causa: estant certain que fructus tanquam accessorium fundum sequuntur, fructusque pendentes sunt pars fundi.* De faict l'achepteur qui pretendoit portion és fruiçts de l'heritage, qui luy estoit retiré par retraict conuentionnel depuis le iour saint Martin iusques au premier de May ensuiuant, qu'il auoit receu les deniers du prix par luy payé, fut debouté de sa demande par l'arrest susdit. Et ce en emendant les sentences tant du Preuost de Chaumont, que des Iuges Presidiaux de Senlis, & condamné és despens de la cause principale, & des causes d'appel. Combien que ledit acheteur remonstrest n'estre raisonnable, que le vendeur ait faict son profit, pendant le temps susdit, des deniers par luy receuz du prix de son heritage, & encores que pendant ledit temps il gaigne les fruiçts de son heritage: Parce qu'en ce faisant, de mesme chose il auroit double profit au preiudice & dommage de l'achepteur, lequel *medio illo tempore erat dominus fundi sub pacto de retrouendendo venditi.* Par le moyen de laquelle propriété & seigneurie les fruiçts luy doiuent appartenir, *prorata temporis*: Suiuant la loy seconde, & la loy *si ex duobus. §. 1. in verbis, emptor medio tempore dominus. ff. de conditio. in diem. l. item quod dictum. ubi glosa. ff. eodem.* Mais on respondoit que pour gaigner les fruiçts *ratione domini*, on regarde seulement, *qui est dominus tempore collectionis fructuum*: Comme du Moulin a amplement traicté au lieu cy-dessus allegué, conformément à la *l. defuncta. ff. de usufructu. l. si pendentes in prin. ff. eodem dicta l. Herennius. ff. de usuris.* Aussi qu'en France on n'a point d'esgard au profit & interest du dernier, sinon du iour qu'il est demandé en iustice. Quant au retrayant lignager, les fruiçts luy sont deuz & luy appartiennent, du iour de l'adournement faict à sa requeste, & de l'offre par luy faicte de bourse, deniers, & à parfaire: comme il est porté par le 134. article de la nouvelle Coustume de Paris. Mais il faut entendre ce que dessus, si par la Coustume des lieux n'est dit, que l'achepteur de l'heritage sujet à retraict lignager ou conuentionnel aura les fruiçts *prorata temporis*: Comme il est porté par le deux cens soixante dix-huictiesme article de la Coustume de Poictou.

56
Ainsi a esté iugé par arrest donné en playdoirie, le 29. Ianuier, 1565. contre les Religieux, Abbé, & Conuent de sainte Cornille: Que ceux qui auoient acquis des heritages qui appartennoient à aucuns Ecclesiastiques

ques du Royaume de France, & qui ont esté contraints les rendre, & s'en desister, suiuant les lettres Patentes obtenues par les Ecclesiastiques, en leur rendant leur sort principal & loyaux cousts; doiuent auoir part és fruiçts des heritages au *pro rata* du temps qu'ils en ont esté possesseurs. Et ce pour les causes & raisons cy-dessus alleguées contre le retrayant cōventionnel. Aussi que les Ecclesiastiques venoiēt de grace à retirer les heritages par eux alienez: Parce qu'ils n'auoiēt aucune faculté de reméré, ains les venditions estoient faictes à perpetuité: Partant les achepteurs, *indemnes recedere debebant*. Ioinēt que l'Edict obtenu par les Ecclesiastiques pour r'entrer en leurs heritages, verifié en la Cour le 27. Ianuier, 1563. contenoit que les acquereurs ioüiroient des fruiçts des terres par eux acheptées au *pro rata* du temps couru depuis l'adiudication à eux faicte, & payement par eux faict de la somme de l'adiudication, iusques au rachapt & payemens à eux faicts, ou consignation faicte en Iustice. Ce que dessus est amplement deduiçt par Monsieur Tiraqueau, en son Traicté du retraict conuentionnel, §. *quinto*, qui est le 278. article de la Coustume de Poictou cy-dessus allegué, *glos. quarta*.

*ecclesiastiques
gagnent les
fruits pro
rata tem-
poris.*

Si la doüairiere, ou bien le donataire ou legataire vsufriictier a faict labourer les terres, ou faict faire les façons des vignes, & soit decedé auparauant la collecte des fruiçts: le propriétaire sera tenu rembourser l'heritier de la doüairiere, ou bien dudit donataire ou legataire vsufriictier, desdits labours & façons de vignes: Combien que la doüairiere, ou bien le donataire ou legataire vsufriictier entrans en la ioüissance de l'vsufriict de l'heritage sujet au doüaire, ou bien donné ou legué, ne soit tenu rembourser l'heritier d'aucuns labours, ou façons de vignes, faicts ou payez par le defunct mary donateur ou testateur: *Quia huiusmodi sumptus eis donati aut legati censentur cum ipso doario sine vsufriictu*. Et la doüairiere & l'vsufriictier prennent l'heritage en tel estat qu'ils le trouuent lors du decez du defunct mary, ou bien du donateur ou testateur: Tellemēt que *vsufriictuarius pendentes & maturos fructus integros feret*, comme dit la loy *si pendentes ff. de vsufriictu*. Pareillement l'heritier des propres prēd à son profit les fruiçts qui se trouuent ensemencez sur les heritages propres du defunct: sans qu'il soit tenu payer à l'heritier des meubles, acquests, & conquests du defunct, les feurs, labours, & semences, faicts par le defunct sur lesdits heritages: Par ce que chacun heritier doit prendre les biens de la succession, en l'estat qu'il les trouue, lors du decez du defunct. Combien que l'heritier des propres, prenant vn heritage, que le defunct auoit retiré par retraict lignager, soit tenu rendre à l'heritier des acquests le prix dudit heritage, dedans l'an & iour du decez: Parce que c'estoit vn acquest conditionné pour demeurer en la famille du defunct, suiuant le 137. article de la nouuelle Coustume de Paris, conforme à l'arrest solennellement prononcé le Ieudy 7. Septembre 1570. Bien est vray, que si les labours des terres, & façons des vignes estoient deuz lors du decez du mary, ou bien du donateur ou testateur; la doüairiere, ou bien le donataire ou legataire vsufriictier, sera tenu les payer, & en acquiter l'heritier du mary, ou du donateur ou testateur: Comme en semblable l'he-

*58
L'vsufriictier iouyt de l'heritage duquel l'vsufriict luy a esté donné en tel estat qu'il le trouue sans rembourser les labours.*

ritier des propres sera tenu en acquiter l'heritier des meubles & acquets.

59

Les fruits de l'heritage propre de la femme ou du mary pendant par les racines lors du trespas à qui ils appartiennent.

La loy Diuortio n'est obseruee en la Coustume de Paris.

60

Comme les fruits se divisent entre l'heritier du defunct Beneficié & son successeur.

Quand l'année des fruits doit commencer entre Beneficié.

Quant aux fruits des heritages propres de la femme, qui lors de son decez & dissolution de son mariage sont pendans par les racines esdits heritages, ils appartiennent entierement à l'heritier de la femme, à la charge de payer la moitié des labours & semences au mary suruiuant. Et le semblable doit estre dit des fruits des heritages propres du mary suruiuant, & des labours & semences faictes sur ses heritages propres lors du decez de la femme, lesquels seront compensez s'ils concurrent en prisee: suiuant le 231. article de la nouuelle Coustume de Paris. En ce faisant la loy *Diuortio. ff. soluto matrimo.* qui baille au mary les fruits des heritages dotaux, *pro rata temporis, quo sustinuit onera matrimonij*, n'est obseruee en la Coustume de Paris.

Mais la decision de ladite loy *Diuortio.* & du chapitre dernier, §. *porro. de officio ordin. in sexto*, est gardée entre Beneficié: *Qui faciunt fructus suos, pro rata temporis, quo sustinuerunt onera beneficij, siue sit Episcopatus, siue Abbatia, siue Prioratus, aut alia Ecclesia.* Comme il a esté iugé par arrest solennellement prononcé le 14. Aoust 1576. entre les heritiers du defunct Euesque d'Angers d'une part: l'Oeconome estably audit Euesché, & les Chanoines & Chapitre de la Sainte Chapelle ayans le droict de Regale du Roy, d'autre, cy-apres recité. Et pour les heritiers d'un Curé: duquel la cause fut plaidée le 24. Ianuier audit an, lesquels demandoient portion des dîmes de la Cure, qui auoient esté recueillies peu apres le trespas dudit Curé: La cause fut appointée au Conseil. Et on disoit ausdits heritiers que les fruits des Benefices ne se retrogradent point entre Beneficié, comme il sera dit cy-apres. Autre arrest pour les heritiers du defunct Euesque de Bayeux, dont la cause fut appointée au Conseil, le 29. Ianuier 1573. On allegue l'arrest du Tillet Euesque de Meaux.

Mais le doute est, quand entre les heritiers du defunct Beneficié, & le successeur au Benefice, on doit commencer l'année: Ou du iour S. Iean Baptiste, precedant la mort, comme il fut iugé par arrest cy-dessus datté, donné contre les heritiers de l'Euesque d'Angers, lequel auoit esté pourueu de l'Euesché en l'an 1532. & estoit decedé en Feurier, 1572. Et ordonné que de tous les fruits de l'année on feroit vne masse, laquelle seroit diuisée entre les heritiers qui en auroient leur part, à commencer depuis le iour saint Iean, iusques au iour du decez, & le surplus baillé à l'Oeconome: & seroient tenus respectiuelement payer les charges: Ou bien si on doit commencer l'année au mois d'Octobre que tous fruits sont nouvellement cueillis & ferrez: ou au mois de Ianuier qui est le commencement de l'an. Et si les fruits doiuent estre retrogradez & prins pour l'année precedente le decez du defunct Beneficié, afin de recompenser l'heritier du defunct Beneficié, qui a deseruy le Benefice pendant quelque temps de l'année en laquelle il est decedé: Ou bien si les fruits doiuent estre prins pour l'année subsequente le decez du Beneficié, afin de nourrir le successeur le reste de ladite année. Et voyons ordinairement que le successeur au Benefice, encores qu'il soit pourueu par mort, se contente

de iouyr du iour de sa prinse de possession, sans rechercher l'heritier de son predecesseur Euesque, Curé, Chanoine, Doyen, Chapelain, Abbé ou Prieur: Sinon quand il y a des Religieux à nourrir, & que le defunct Abbé ou Prieur a prins à son profit tous les fruiçts de l'année de son decez, ou precedents son decez. Auquel cas est besoin pouruoir d'alimens aufdits Religieux, sur les fruiçts prins & perceuz par le defunct Beneficié l'année de son trespas, ou immediatement precedente iceluy.

Aussi suiuant la nouuelle Coustume de Paris cy-dessus recitée, le mary Le mary apres le trespas de sa femme ne peut demander portion en la coupe de bois taillis de sa defuncte femme. apres le trespas de sa femme, ne peut demander portion es deniers prouenus de la coupe faicte apres ledit trespas, des bois taillis, qui estoient propres à ladite femme, au *pro rata* que son mariage a duré: Ains ledit mary se doit contenter d'auoir prins à son profit les fruiçts des heritages propres de sa femme, pendant que la communauté, & société coniugale a duré: apres la dissolution de laquelle, il n'en peut pretendre aucuns. Et neantmoins par arrest solennellement prononcé le 7. Septembre, 1569. partie des deniers prouenus de la coupe des bois taillis propres de la femme, ont esté adiugez apres le trespas de ladite femme, au mary, *pro rata* du temps que le mariage auoit duré, encores que ce fust en pais Coustumier. Mais i'estime que lesdits bois taillis auoient esté baillez en dot à la femme, & faisoient partie des heritages qui auoient esté baillez en faueur de mariage, & sic ad sustinenda onera matrimonij. Et si l'arrest dessusdit auoit lieu, il seroit raisonnable que le mary, lequel pendant son mariage, qui auroit duré peu de temps, a receu entierement les deniers de la coupe des bois taillis de sa femme, rendist à l'heritier de sa femme vne portion des deniers qu'il auroit receuz de ladite coupe, selon que le mariage auroit duré: Ce qu'on n'a point veu pratiquer.

Pour la decision des questions cy-dessus proposées, il faut considerer à quel tiltre & pour quelle cause le defunct iouyssoit des heritages, des fruiçts desquels est question: Si c'estoit *iure dominij directi vel utilis*, comme fait vn propriétaire vsufroiçtier, vn vendeur, vn acheteur, vn retrayant lignager ou conuentionnel: *Aut ratione oneris siue seruitij*, comme sont les Beneficiez: *Aut ratione societatis & communionis*, comme sont gens mariez au pays Coustumier de France: Et respondre selon qu'il a esté cy-dessus deduit & déclaré, & qu'il est traicté *in dicta lege, Diuortio. Et per Ioannem Fabrum in d. §. is vero. de rerum diuisione. in Instit. per glos. in §. item quod si Ecclesia, in verbo, acquirentes. titulo de Annatis in Pragmatica sanctione: & Tiraquellum in libro de Retractu conuentionali. §. quinto. glos. quarta.*

Il faut noter que si *legatum alimentorum causa relictum sit annum, vel in singulos annos præstandum*, que l'heritier du testateur est tenu aduancer, & payer au legataire le legs entier, au commencement de chacune année. Et encores que le legataire decede au commencement de la premiere ou autre subsequente année, le débiteur de la rente ne pourra rien repeter de l'heritier du legataire, de l'année qui auoit esté entierement payée. Et si l'année n'est payée par aduance, l'heritier du

legataire la pourra entierement demander, encores que le legataire soit allé de vie à trespas, au commencement de l'année: *l. in singulos annos relictum. ff. de annuis legat.* Et ce suiuant la disposition de droict commun: mais le dernier cas seroit douteux.

61

Quand il y a condamnation de mort ciuile contre le mary, la femme peut demander son douaire & conuentions matrimoniales.

Combien qu'on tienne communément, qu'une femme ne peut demander son douaire auparauant la mort naturelle de son mary, comme n'y ayant droict de douaire au precedent le decez du mary: *l. Statius Florus. §. Cornelio Felici ff. de iure fisci*: Neantmoins si le mary a esté condamné aux galleres perpetuelles, ou banny du Royaume, ou bien a esté condamné à confiner ses iours en certaine Isle, ou en certain lieu auquel il est deporté, d'autant que tels iugemens emportent condamnation de mort ciuile, en ce cas la femme peut demander son douaire. De faict par arrest solennellement prononcé le 14. Aoust, 1567. entre Damoiselle Anne Spifame, femme de Maistre Jean Musnier, demanderesse & poursuuante les criées de certaines rentes appartenantes & saisies sur ledit Musnier son mary, d'une part: Et Maistre Eustache de Sainctyon Commisfaire & Examineur pour le Roy au Chastelet de Paris, defendeur & opposant d'autre: a esté dit que la demanderesse seroit mise en son ordre d'hypothèque, du iour de son contract de mariage, qui fut le 7. Nouembre, 1553. tant pour les deux tierces parties de tous & chacuns les biens meubles & immeubles mentionnez & estimez par le contract de mariage: lesquels biens par ledit contract luy doiuent estre rendus & restituez comme biens dotaux, & ce en cas de dissolution dudit mariage: que aussi pour son douaire de trois cens liures tournois portez par ledit contract, pour du tout en iouyr dès à present, encores qu'il n'y ait dissolution de mariage par la mort naturelle dudit Musnier son mary: Nonobstant l'empeschement fait par ledit defendeur, dont la Cour l'a debouté & condamné aux despens de la presente instance, tels que de raison. Et conuient noter que ledit de Sainctyon defendeur par ses responses aux causes d'opposition de la demanderesse auoit offert & déclaré qu'il n'empeschoit, que la demanderesse fust mise en son ordre du iour de son contract de mariage, & auparauant ledit de Sainctyon pour ses dot & douaire, pour en iouyr apres le decez dudit Musnier seulement. Aussi conuient entendre que ladite demanderesse auoit esté séparée de biens d'auec ledit Musnier son mary, au moyen de l'emprisonnement faict de sondit mary.

Quand la femme est séparée de biens elle a deliurée de son douaire & conuentions matrimoniales.

Et qui plus est: Encores que le mary ne soit aucunement condamné, si toutesfois il s'est absenté du Royaume, au moyen de ses debtes, ou qu'au moyen du mauuais mesnage & indigence du mary, ou bien pour sa seuicie, la femme soit séparée de biens d'auec son mary: on aduge à la femme, non seulement ses heritages propres, & deniers dotaux, stipulez par son contract de mariage, mais aussi son douaire & toutes autres conuentions matrimoniales pures & simples, & non conditionnelles, auec la moitié des meubles, acquests & conquests immeubles, dont on ordonne inuentaige & partage estre faict, *tanquam casus inopia equiparetur casui mortis*. Et la femme doit demander tout ce que dessus, par la requere-

ste par elle présentée à fin de separation, tout ainsi que si son mary estoit mort; parce que par son faict & faute la communauté est dissoluë. Et doit du tout conformer sa demande à la teneur de son contract de mariage. Tellement que les heritages du mary estans decretez, la femme est mise en ordre de distribution du iour de son contract de mariage. Ainsi a esté iugé par arrest donné au profit d'Agnes Boucher, femme separée de biens de Iean le Riche intimée d'une part: & Catherine Parfaict, vefue de feu Maistre Claude Godefroy, & consorts appellans d'autre, prononcé le 10. Iuillet, 1574. Semblable arrest donné au profit d'Isabeau l'Espicier, femme separée de Iean Gay demanderesse d'une part; & Maistre Noël Testat & consorts defendeurs d'autre, prononcé le 17. Feurier, 1564. Pareil arrest donné pour Denyse Fraudé, femme de Denys Megissier, contre Michel Percheron, prononcé le 21. Feurier, 1561. Aussi Pierre Lorain s'estant absenté à cause de ses debtes, ses biens estans mis en criées, mesmes le moulin & fief de Loyselet, assis sur le pont de Melun, fut ordonné par sentence du Preuost de Paris du dernier Aueil, 1580. que distraction seroit faite de la moitié dudit fief & moulin, pour en iouir par Anne Perrot sa vefue, sa vie durant, à cause de son doüaire cousturier; ensemble des fructs d'icelle moitié, depuis la sentence de separation par elle obtenüe. Le semblable auoit esté ordonné par arrest donné en plaidoyrie au profit de ladite Perrot, le 19. Decembre, 1577. Et lesdits arrests sont conformes à la disposition de droict *in l. si constante. ff. soluto matrimo. in l. ubi adhuc. & in authentica, donationem. C. de iure dotium.* Bien est vray qu'aux cas susdits le doüaire est plustost adiugé à la femme, par forme d'alimens & prouision de viure, que par droict de doüaire. De faict au Chastelet de Paris, on n'adiuge point de doüaire auparauant la mort naturelle du mary: mais on adiuge seulement prouision d'alimens à la femme, montant à mesme somme que le doüaire prefix se monte. Tellement que si le doüaire estoit deu sans retour, il ne seroit gaigné par la femme, si elle ne suruiuoit son mary: supposé qu'elle soit separée de biens d'avec luy, au moyen de son absence, indigence, ou seucie; mais elle en iouira sa vie durant: Comme il fut iugé par arrest solennellement prononcé le huitiesme Iuin 1590. recité au 21. chap. du present Traicté.

Si la separation de biens poursuuie par la femme contre son mary est iugée par defauts & contumaces: & est ordonné qu'inventaire sera faict des biens de la communauté, & que desdits biens on fera deux lots, dont l'un sera pour le mary, & l'autre pour la femme: Si le mary est absent du Royaume, ou bien se soit retiré hors la ville pour certaines occasions, il sera besoin, pour son absence, créer un curateur à sa personne & biens, non pas avec le Procureur du Roy seulement; mais le plus seur est qu'il soit esleu en Justice par les parens: pour avec luy faire faire tant l'inventaire des biens de la communauté, que partage d'iceux: recevoir & defendre à toutes actions que la femme voudra intenter contre ledit curateur. Aussi que ledit curateur pourra intenter toutes les actions, qui seront necessaires d'estre intentées, pour la conseruation des biens de

62

Quand le
mary est ab-
sent luy
faut créer
un curateur
par l'aduis
des parens.

l'absent. Et si la femme apres la confection de l'inventaire veut suivant son contract de mariage renoncer à la communauté, & se tenir à ses conuentions matrimoniales; sera bon que lors de la confection d'inventaire, elle proteste que ladite confection d'inventaire (lequel il faut toujours faire) ne puisse preiudicier à la renonciation à la communauté qu'elle pourra cy-apres faire, si elle trouue que faire se doieue. Et apres l'acceptation ou renonciation à la communauté, ladite femme intentera ses actions, & fera poursuite de ses droicts. Mesmes requerra defences estre faictes au curateur, de la troubler ny empescher en la iouissance de ses propres, soient heritages, rentes, ou autres immeubles.

63
L'enfant ne peut demander le douaire de sa mere, pendant la vie de son pere, encores qu'il ait esté adiugé à la mere separée de biens.

Si la femme pendant la separation de biens d'auec son mary, vient à deceder, l'enfant, encores qu'il soit heritier de sa mere, ne peut demander à son pere le douaire qui n'estoit adiugé à sa mere que par forme d'alimens, comme dit est. Aussi que le douaire, soit coustumier, ou prefix, n'est deu à l'enfant sinon sous deux conditions: s'il suruit son pere, & s'il renonce à la succession de son pere. Ainsi a esté iugé au Chastelet de Paris, contre Pierre le Lorrain le ieune apres le decez d'Anne Pacart sa mere: à laquelle le douaire coustumier auoit esté adiugé pour l'absence de son mary absent pour ses debtes. Et pour le regard du fils fut dict, qu'il iouïroit du douaire, si & quand il auroit lieu. Bien est vray que l'enfant pourroit demander alimens au pere, s'il n'auoit de quoy se substantier & nourrir.

La femme & les enfans pour leur douaire viennent à contribution sur les meubles.

Si le mary n'a laissé que simples meubles, la femme pour son douaire prefix viendra, en cas de desconfiture, à contribution au sol la liure, avec les autres creanciers de son mary, sur les deniers qui prouïendront de la vente desdits meubles, sans aucune preference ny prerogative. Et le semblable sera obserué pour les enfans lesquels renonceront à la succession de leur pere, & se tiendront au douaire prefix de leur mere: comme il sera déclaré au 21. chap. du present Traicté.

Si les conuentions de mariage conditionnelles se peuvent demander quand il y a separation de biens pour indigence du mary.

On entend ce que dessus, quand les conuentions matrimoniales sont pures & simples. Partant on a demandé, quand vne femme a apporté en mariage certaine somme de deniers, aussi qu'elle a ameubly certain heritage, & par le contract de mariage est conuenu que la suruiuante sans enfans pourra renoncer à la communauté, & reprendre franchement tout ce qu'elle a apporté en icelle; ou bien que la femme suruiuante reprendra les habits, bagues, & ioyaux: depuis au moyen de l'indigence & mauuais mesnage du mary, & non pas par seuiçie, est separée de biens: Si en ce cas la femme est redeuable à renoncer à la communauté, & reprendre franchement tout ce qu'elle a apporté; ou bien reprendre ses habits, bagues & ioyaux: attendu que la condition de suruiue, n'est aduenüe, aussi que, *non est dissolutum matrimonium*: laquelle dissolution on considere, pour l'effect des conuentions matrimoniales: comme dit la loy, *ubi adhuc. in fine. C. de iure dot.* Mesme que la renonciation estoit empeschée par les creanciers du mary, auxquels l'heritage ameubly estoit specialement obligé par le mary en la disposition duquel il estoit: Et seulement accordoyent la renonciation permise par la Coustume.

La femme soustenoit, que pour l'effect de ses conuentions matrimoniales, *sufficiebat dissolutam esse inter coniuges societatem*, qui estoit en France le principal effect du mariage: aussi que la separation estoit aduenüe par la faute & mauuais mesnage du mary, & alleguoit la loy vnique, §. *final. C. de rei uxore. actio.* & autres textes parlans de *matrimonio dissoluto repudio*, quin'estoit le cas d'indigence du mary. Ce que dessus fut plaidé en la Cour, & appoincté au Conseil, le leudy 4. Mars 1593.

Si les pere & mere du mary ou autres, sont obligez à la restitution du dot, douaire, & conuentions matrimoniales de la femme, on les fera adiourner, pour assister au proces de separation. Et on requerra que la sentence qui interuiendra, soit executoire contre eux, & que par mesme iugement ils soient condamnez au payement des dot, doüaire, & conuentions matrimoniales de la femme. Ce qui est bon, à ce qu'ils ne puissent debatre la sentence de separation: Et pour la mesme cause, sera fort bon, voire necessaire, sommer aux creanciers du mary, qu'ils ayent à assister au proces de separation, & qu'ils soient nommez en la sentence, comme parties: à ce qu'ils ne la puissent debatre de collusion estant donnée avec eux. Ainsi qu'il fut iugé par le Preuost de Paris: Et depuis la cause fut plaidée en la Cour à huis clos le 27. Iuin 1591.

*Est besoin
sommer le
proces de se-
paration
aux coobli-
gez &
creanciers
du mary.*

Si l'instance de separation iutentée par la femme contre le mary, pardeuant le Iuge lay, & est fondée sur seuicie, mauuais traictement, outrages & excès faits par le mary à la femme; le mary ne peut, pendant ceste instance pourfuiue pardeuant le Iuge ordinaire, ou deuoluë par appel en la Cour de Parlement, faire citer la femme pardeuant l'Official, *in casu adhesionis*, afin de luy adherer, retourner avec luy, *ut obsequia ab uxore marito debita præstet*. Car la seconde instance d'adhesion faict vn preiudice perpetuel, & apporte vne consequence de preiugé, à la premiere instance de separation. Parce qu'estant ordonné que la femme adherera à son mary, & ira demeurer avec luy, le proces de separation est iugé, & décidé, & terminé. *Et sic sententia lata super secunda actione parit exceptionem rei iudicata in prima actione. Ideoque concursus huiusmodi actionum tanquam præiudicium inter se generantiū non admittitur*: mais la poursuite de la seconde instance doit sursoir, iusques à ce que la premiere soit iugée. Et le semblable est obserué, quand au preiudice de l'instance de rapt, pendant pardeuant le Iuge lay, l'homme faict citer la femme pardeuant le Iuge d'Eglise *in casu matrimonij. textus & exemplum in lege, secundum Titianum. cum duobus legibus sequentibus. ff. de exceptio. l. per minorem. ff. de iudi. l. sape. ff. de re iudica.* Partant on a accoustumé d'appeller cōme d'abus de l'octroy de ceste citation, & de la procedure faicte sur icelle. Aussi on a accoustumé d'obtenir telles citations, afin d'empescher la restitution de dot, de doüaire, & des conuentions matrimoniales, lesquelles sont adiugées à la femme par la sentence de separation, & eluder l'effect d'icelle. De la separation faicte pour cause de seuicie est parlé, *in cap. literas, in fine, & in cap. ex transmissa. de restitutio. spoliat. in antiq.* Et quand le proces de separation est pendant en la Cour, & prest à iuger, on ioint l'appel au proces par escript, auquel ont esté faictes les preuues de seuicie; nonobstant les offres d'assurance

& de bon traictement, que le mary peut faire à sa femme: Arrests donnez en plaidoyrie à huis clos, le Mardy 24. Novembre 1592. & le 13. d'Octobre 1556. Et combien que le Iuge lay ne puisse cognoistre, ne pronocer que de la separation de biens, & nō de la separation de corps, qu'on appelle *separationem thori*: toutesfois quand il est question de seucie, il peut ordonner par forme de sequestre, que la femme sera mise en la maison d'une sienne parente, ou d'autre honneste personne ou Dame, suivant le chap. *ex transmissa*. Pour ce que dessus est besoin voir le 7. chap. du present Traicté.

64

Encores que
le dot n'ait
esté payé, le
douaire doit
estre payé.

Et la deliurance, ou bien le payement de douaire, soit coustumier ou prefix, ne peut aucunement estre empesché, quand il n'y a aucun dot promis, & que le futur espoux & la future espouse ont promis se prendre par nom & loy de mariage, aux biens & droicts mobiliers & immobiliers à chacun d'eux appartenans, sans specification ny declaration d'iceux. Et supposé qu'il y ait dot promis par le pere de la future espouse, ou par son tuteur, ou par aucun de ses parens, ou par vn estranger, ou par elle mesme; & que le dot n'ait aucunement esté payé, ou bien partie d'iceluy ait seulement esté payée: la deliurance & payemēt du douaire ne pourra estre empesché. Parce que le douaire est *pretium virginitatis*, ou bien *premium pudicitia*: cōme dit la loy *res uxoris. Cod. de dot. inter virum & uxorem. vel est delibata pudicitia pramiū*. Aussi le douaire coustumier est baillé par la Coustume, sans aucun contract ne conuention. Tellement que le mary ou l'heritier du mary ne pourra auoir, sinon action contre celuy qui aura promis le dot; & cependant sera contrainct payer le douaire, soit coustumier ou prefix, à la femme. Ainsi qu'il est porté par les dernieres annotations faictes sur le 190. article de la Coustume de Blois, & qu'il fut iugé par arrest solennellement prononcé le dernier Iuin 1556. & plaidé le 17. Iuillet 1560. En ce faisant les Constitutions de Iustinian, *De non eligendo secundo nubentes. §. illud quoque. De aqualita. dotis & donatio. propter nuptias, in Authenticis*, ny l'authentique, *Aqualitas*, ny l'authentique, *Sed quæ*, ny la loy *ex morte. Cod. de pactis conuentis tam super dote quàm super donat.* n'ont lieu au pays Coustumier de France: *ut adnotauit Ioannes Faber in dicta authentica, Sed quæ. Et idem sensu Salicetus, in dicta authentica, Aqualitas*.

Le douaire
incognu au
droict civil.

La raison de ce que dessus est, Que le doüaire pratiqué au pays Coustumier de France a esté incognu au droict civil. *Nec est donatio propter nuptias, quæ ad securitatem dotis tantum dabatur*. C'estoit vn heritage assigné par le mary pour seureté du dot: duquel la femme apres le trespas de son mary, deuoit iouyr iusques à ce qu'elle eust esté payée de son dot. Et les Coustumes de Bourgogne & de Nivernois l'appellent Assignat. *Nec est sponsalitia largitas*, qui estoit la donation faite par le futur espoux à la future espouse. Mais en France le doüaire est baillé pour les alimens de la femme, apres le decez de son mary; partant le doüaire de sa nature est viager. Et le doüaire a esté seulement cogueu aux Canonistes, qui l'ont appelé *dotalitium in cap. plerumque. & in cap. nuper. de donat. inter vir. & uxorem*. Aussi par la disposition du Droict civil le dot se repetoit tousiours par la fem-

la femme *soluta matrimonio*. Mais en France le dot mobilier est noyé en la communauté, & la femme renonçant à la communauté perd entièrement tous les deniers comptans & meubles qu'elle a apportez en mariage: partant on ne luy doit desnier son douaire.

Toutesfois quand le douaire est prefix, plusieurs sont d'avis qu'il ne se peut demander si le dot n'a esté aucunement payé: Et si le dot a esté payé en partie seulement, que le doüaire prefix ne se doit payer sinon au *pro rata* de ce qui a esté payé du dot, soit moitié, vn tiers, vn quart, ou autre portion, *sive in cauta, sive in quantitate*: Parce que ordinairement & communément on constituë le douaire prefix à la proportion des deniers dotaux, & a-on accoustumé du tiers d'iceux constituer le doüaire prefix. Et ce conformément aux deux Constitutions de Iustinian, & des deux authentiques cy-deuant citées. Ce qui semble estre vray & raisonnable, quand la future espouse a promis le dot à son futur espoux; ou qu'elle est heritiere pour le tout de celuy qui l'a promis, soit pere, mere, frere, ou autre parent; & si elle n'est seule heritiere, qu'elle en soit tenuë pour sa part & portion hereditaire. D'autant que la femme apres le trespas de son mary demandant son doüaire, l'heritier du mary luy demandera payement du dot qu'elle a promis au defunct: & en tout cuenement l'heritier demandera compensation du doüaire, iusques à la concurrence de la somme qui sera deuë par la femme, à cause du dot par elle promis: autrement elle auroit deceu & circonuenu son mary: *quod lex non patitur*. Et le semblable sera obserué des fructs du doüaire coustumier. *l. pollicitatione. Cod. de donat. ante nupti.* comme du Moulin a adnoté sur le 190. article de la Coustume de Blois. Si la femme n'a point promis le dot, & n'est aucunement heritiere de celuy qui l'a promis, il luy faudra payer son doüaire; sauf à l'heritier du mary son action, pour le payement dudit dot. Lequel payement le mary ou l'heritier du mary ne seroit receuable à demander, si le mariage auoit duré dix ans entiers, pendant lesquels le mary n'eüst faiët aucune poursuite pour le payement dudit dot, & ne s'en fust aucunement plaint, suivant l'authentique, *Quod locum. Cod. de dote cauta & non numerata*: s'il n'y auoit des raisons & presomptions au contraire.

Et conuiënt noter que le tiltre, *de dote cauta marito, & non numerata muliere*, n'est pratiqué en France: non plus que l'exception, *de non numerata pecunia, cum suo scilicet privilegio*, que la femme soit tenuë verifier le payement de son dot, encores que le payement soit porté par son contract de mariage, ou qu'elle ait quittance d'iceluy passée par son mary: *Quia statum instrumento & ei creditur*. Si la quittance passée pardeuant deux Notaires, porte, paycz, comptez, & nombrez en presence des Notaires, en ce cas, mesmes suivant le tiltre susdict, la femme n'est aucunement tenuë verifier le payement de son dot: & est besoin, que le mary, ou bien son heritier entre en maintenue de faux: *Cum instrumentum non solum confessionem, sed receptionem continent. l. prima. ubi Glosa in verbo, instrum. C. de dote cauta & non numerata. l. si ex cautione. cum glosa. Cod. de non numer. pecu.* Bien est vray que si la quittance du dot est passée sous le seing

65
Si & quand
en douaire
prefix on
doit faire
diminution
du dot non
payé.

Le tiltre de
dote cauta
& non nu-
merata n'est
pratiqué en
France.

priué du mary sans tefmoins ; on a accoustumé la débattre, & dire que c'est vn aduantage que le mary a voulu faire à sa femme contre la prohibition de la Coustume. Et on dit le semblable quand la quittance est passée depuis la consommation du mariage, encores qu'elle soit passée pardeuant Notaires : si elle ne porte que les deniers ont esté payez, comptez, & nombrez en presence des Notaires, & des parens du mary : & par ladite quittance soit déclaré d'où sont procedez les deniers. Et ce que dessus fut amplement deduit en la cause de la vefue Milet, plaidée le 27. Aoust 1568.

66
La declaration
faicte
par le mary
pendant le
mariage de
la reception
des deniers
dotaux n'est
suffisante.
Qui non
potest do-
nare, non
potest co-
fiteri.

De faict par contract de mariage estant porté, que la femme renonçant à la communauté, reprendroit franchement & quittement tout ce qu'elle auoit apporté en mariage, sans estre tenuë à aucunes debtes ; qui est reprendre son dot : N'ayant point faict d'inventaire de ce qu'elle auoit apporté : son mary estant malade ayant déclaré par acte passé pardeuant deux Notaires, ou bien par son testament, que sa femme luy auoit apporté trois cens escus, comme faisans partie de son dot. On luy dict que cette declaration & confession estoit faicte en fraude de la coustume & loy nuptiale : qu'elle contenoit vn aduantage & vraye donation, que le mary vouloit faire à sa femme, contre la prohibition de la Coustume ; *Qui non potest donare, non potest fateri*, & que telle confession de debte, ou de recepte est presumée frauduleuse. *l. cum quis decedens. §. Titia. ff. de leg. 3. l. qui testamentum. ff. de probat.* Au contraire la femme disoit que cette declaration & confession estoit vne recognoissance de bonne foy, laquelle les heritiers du defunct ne pouuoient débattre, principalement quand elle estoit iurée & affermée en Iustice, ou pardeuant les Notaires, suiuant ladite loy ; *cum quis decedens. §. codicillis*. Le faict s'estant proposé & plaidé en Chastelet, les vns estans d'aduis qu'on ne deuoit auoir esgard à la declaration susdite, suiuant la disposition de droict cy-dessus alleguée, & qu'on ne deuoit point admettre la preuue par tefmoins, comme estant question de plus de cent liures, suiuant l'Ordonnance : Les autres estans d'aduis qu'on deuoit adiouster foy à la declaration faicte par le mary : Fut dict le Samedy 3. Septembre 1594. qu'il en seroit deliberé au Consei'. Finalement fut ordonné que les parties informeroient respectiuement de leurs faicts : A sçauoir la femme qu'elle auoit apporté en la communauté la somme de trois cens escus, & les heritiers au contraire. Et ce suiuant la loy, *qui testamentum. in versiculo. respondi*, Aussi que l'Ordonnance, qui reiette la preuue par tefmoins, quand il est question de plus de cent liures, s'entend quand on n'a aucune preuue par escrit. Mais quand on a par escrit vne semi-preuue, pour la perfection d'icelle & esclarcissement du different d'entre les parties, on admet la preuue par tefmoins.

67
En douaire
n'y a point
de droict
d'aisnesse.

Outre conuient entendre, qu'en doüaire, soit coustumier ou prefix, n'y a point droict d'aisnesse ou prerogative, ains se partit également entre tous les enfans viuans lors du decez du pere, ou leurs representans ; tout ainsi que la legitime : Suiuant l'authentique *novissima lege. C. de inoffi. testamen.* & le 250. article de la nouuelle Coustume de Paris, De ce on allegue l'ar-

rest de Varicauille. Et le doüaire coustumier, ou bien le doüaire prefix est si esgalement partagé, & si esgalement & personnellement appartient à chacun des enfans, que si aucuns d'eux ne demandent aucune portion au doüaire coustumier de leur defuncte mere, pour auoir eu grands aduantages de leur defunct pere, ou pour autres causes: toutesfois les autres enfans doüairiers ne pourront demander, que leur portion & quotité du doüaire, qui sera vn sixiesme, s'ils sont six enfans, ou vn cinquiesme s'ils sont cinq enfans. Et sic en doüaire coustumier ou prefix, *non est locus iuri accrescendi. Qui non admittuntur ad partem, faciunt partem, & non potentium partes ceteris accrescunt:* comme il se faict en successions, & *in querela inofficiosi testamenti.* Ainsi a esté iugé par l'arrest des Fueillerets, cy-dessus allegué: l. *Papinianus. §. quoniam autem. ff. de inoffi. testam. l. huiusmodi. §. si Titio & Manio. ff. de lega. 1. ubi Bartolus. & in l. qui repudiantis. ff. de inoffi. testam. l. si proponas. §. fina. ff. eod.*

68

In doario non est locus iuri accrescendi,

Ce qui est veritable, encores que l'enfant, qui n'a esté heritier de son pere, n'ait demandé aucune portion du doüaire, ait déclaré qu'il n'en vouloit aucune, & n'ait eu aucuns bienfaits de ses defuncts pere & mere: Parce qu'on presume qu'il a voulu laisser sa portion de doüaire en la succession de son pere, pour acquitter les debtes de sondit pere, à la descharge de son ame: plustost que sa portion de doüaire accroist à ses freres & sœurs; qui n'ont aucuneiment voulu entendre au payement des debtes du defunct.

La portion de l'enfant qui a renoncé au douaire n'accroist aucunement aux autres enfans douairiers.

Et tout ainsi qu'en doüaire *non est locus iuri accrescendi*, comme il a esté dict cy-dessus: semblablement en doüaire, *non est locus iuri decrescendi.* Car quelque vendition, alienation, engagement, hypothèque, ou dette, que les pere & mere puissent faire, créer, & constituer, depuis la consommation de leur mariage: ils ne scauroient diminuer le douaire soit coustumier, ou prefix, qui appartient & est attribué aux enfans venans de leur mariage, dès le iour de leurs espousailles & benediction nuptiale; ny depuis ledit iour faire acte preiudiciable au douaire duquel les enfans suruiuant leur pere, & qui ont renoncé à la succession, sont saisis, & sont vrais seigneurs & propriétaires dès l'instant du trespas du pere, sans payer aucunes debtes prouenans du faict de leur pere, créées & contractées depuis son mariage. Car aux debtes contractées auparauant le mariage l'heritage subiet au douaire est obligé & hypothéqué.

Aussi le douaire appartient entierement aux enfans, qui sont viuant lors du decez du pere. Le temps duquel decez on considere, pour l'acquisition du douaire, & pour le nombre des enfans, auxquels le douaire appartient: non pas le temps du trespas de la mere, encores que le douaire consiste en deniers, & qu'aucuns des enfans soient decedez sans enfans depuis la mere. Car aux enfans decedez le pere n'a peu succeder pour le regard du douaire. Attendu que le douaire vient de luy, de son chef, & de ses biens: non pas des biens de la mere, qui l'a acquis à ses enfans sous deux conditions; s'ils suruiuent leur pere, & renoncent à la succession de leur pere.

Le douaire appartient seulement aux enfans qui sont viuant lors du decez du pere, & non de la mere.

Si aucuns des enfans se portent heritiers de leur pere defunct, & les au-

69
 Quand au-
 cuns enfans
 sont heri-
 tiers du pe-
 re, & au-
 cuns douai-
 riers, com-
 me le douai-
 re se partit
 entre eux.

L'enfant
 heritier du
 pere retient
 sa part du
 douaire.

tres renoncent à la succession, & se tiennent au douaire, les enfans heri-
 tiers ont leur portion au douaire, laquelle est confuse en eux: & *huius-*
modi partem iure suo retinent, & licet non admittantur ad partem douari iure
actionis, tamen faciunt partem iure retentionis. Et en ce cas le douaire perd
 le nom de douaire, dictal. *huiusmodi §. si Titio & Manio. ubi Bartolus l.*
si duobus coniunctim. ff. de lega. 1. En sorte que si vn pere decede delaiss-
 sant deux enfans de mesme mariage, n'ayant pour tous biens qu'un he-
 ritage feodal, ou roturier subiet au douaire coustumier: Si le fils aîné
 se porte heritier de son pere, & le puisné renonce à la succession de son
 pere, & se tiennent au douaire coustumier acquis par sa mere: le frere aî-
 né heritier aura les trois quarts de l'heritage delaislé par le decez du pere,
 soit feodal, ou roturier: & le frere puisné aura vn quart pour son droict
 de douaire: Auquel quart sera comprise la quatriesme portion du manoir
 principal du fief: lequel n'appartiendra entierement au frere aîné enco-
 res qu'il se soit porté heritier, comme il sera dict cy-apres. En ce faisant le
 fils aîné comme heritier a moitié de l'heritage, & *iure confusionis vel*
retentionis, a moitié en l'autre moitié subiecte au douaire. Tellement que
 les enfans heritiers du pere, ont leur part & portion au douaire, soit cou-
 stumier ou prefix, ainsi que les enfans douairiers. A l'exemple de la legi-
 time, laquelle est esgalement deuë à tous les enfans: comme nous auons
 amplement deduict au §. chap. du Traicté du droict de Bastardise, lequel
 il conuient voir.

Nul ne peut
 estre heritier
 & douairier
 ensemble,
 que signifie.

Quand il y
 a enfans de
 plusieurs
 lits comme
 se partit le
 douaire cou-
 stumier.

Mais en ce y a difference; d'autant que la part du douaire qui est con-
 fuse es personnes des enfans heritiers, est subiecte aux debtes du defunct
 pere, & perd le nom de douaire: & la portion de douaire que les enfans
 douairiers prennent, n'est auouement subiecte aux debtes du pere. Ainsi
 fut aduisé au Chastelet de Paris, en presence de deux de Messieurs de la
 Cour: & iugé par arrest solennellement prononcé, le 23. Decembre
 1569. Ainsi a esté iugé par l'arrest des Fueillerets. Quand doncques on
 dit, que nul ne peut estre heritier & douairier ensemble pour le regard
 du douaire coustumier ou prefix, comme il est porté par le 251. article de
 la nouvelle Coustume de Paris: cela se doit entendre, pour prendre le
 douaire franc, & non subiet au debtes du pere: non pas que l'enfant he-
 ritier du pere ne participe au douaire, lequel en ce cas perd le nom de
 douaire, & est subiet aux debtes du pere, tout ainsi que les autres biens
 demeurez par le decez du pere.

Ce que dessus estant veritable, il est certain, que quand vn homme a
 esté marié deux fois, & a doié tant sa premiere que seconde femme de
 douaire coustumier: s'il decede ayant enfans du premier & second lit;
 encores que les enfans du premier lit soient heritiers de leur pere, &
 ceux du second lit se tiennent au douaire de leur mere; toutefois les douai-
 riers n'auront qu'un quart des heritages que le pere auoit lors de son pre-
 mier mariage: Parce que les enfans du premier lit, encores qu'ils soient
 heritiers de leur pere, ne perdent pas le douaire qui appartenoit à leur me-
 re; mais le retiennent, & est confus en eux. Tellement qu'il faut entendre
 le 253. artic. de la nouvelle Coustume de Paris, qui ne baille aux enfans du

second liét, pour leur doüaire coustumier, sinon le quart des immeubles, qui appartenoyent au pere, lors de son premier mariage, generalement & indistinctement, soit que les enfans du premier liét soient heritiers de leur defunct pere, ou bien renoncent à sa succession, & se tiennent au doüaire coustumier acquis par leur defuncte mere.

Et encores que les enfans du premier liét fussent decedez sans enfans, avant leur pere & avant la seconde femme de leur pere : toutesfois le doüaire de la seconde femme, & des enfans du second mariage, ne seroit augmenté, ny pareillement des autres mariages : comme il est porté par le 254. article de ladite nouvelle Coustume de Paris. Ainsi a esté iugé entre les enfans du premier & second liét de defunct Tristand de Furet, par arrest donné au rapport de Monsieur Perrot Conseiller, le 23. Decembre 1569. en execution d'autre arrest donné entre les dessus-dits le 24. Iuin ou d'Aoust 1565.

*Par la mort
des enfans
du premier
liét n'est
augmenté le
douaire des
enfans du
second liét.*

Aussi par arrest donné ledit 23. Decembre fut iugé : Encores que le fils aîné se soit porté heritier de son defunct pere, & les autres enfans puisnez se soient tenus au doüaire de leur mere : toutesfois le fils aîné n'a pas par preciput le manoir principal du fief. Ains les enfans doüairiers ont audit manoir telle portion qu'és autres heritages feodaux ou roturiers, qui est moitié, s'ils sont enfans du premier liét ; ou vn quart, s'ils sont enfans du second liét : deduction faicte de la part de l'aîné, s'il concurre avec les doüairiers : comme il a esté cy-deuant déclaré. Ioinct qu'en doüaire il n'y a point d'aînesse ou prerogative.

*70
Comme le
manoir
d'un fief se
partage en-
tre le fils aî-
né heritier
de son pere,
& ses freres
doüairiers.*

Aussi le doüaire coustumier, ou bien le douaire prefix est tellement favorable ; que le droit d'iceluy ne peut estre tollu, osté ny esteint aux enfans, encores que l'heritage sujet au douaire ait esté solennellement decreté du viuant du pere, & que les enfans mineurs ou majeurs ne se soient aucunement opposez, comme à la verité ils ne pouuoient : d'autant que du viuant du pere ils n'ont aucun droit acquis au douaire, leur droit est en suspend, & n'ont qu'une simple esperance de douaire, sous deux conditions, s'ils suruiuent leur pere, & renoncent à sa succession.

*71
Encores que
l'heritage
sujet au
douaire soit
decreté du
viuant du
pere le
douaire n'est
tollu.*

Au moyen de quoy les enfans douairiers, apres le decez de leur pere, feront adiourner le detenteur de l'heritage decreté ; à fin de se desister de moitié d'iceluy comme à eux appartenant, à cause de leur douaire coustumier. Et si le detenteur obice le decret, ils appelleront d'iceluy, ensemble de la faisie, establisement de Commissaire, & de tout ce qui s'en est ensuiuy. Allegueront ce que dessus, & que la Coustume qui prohibe la vendition, alienation, engagement, & hypothèque du douaire, est prohibitive & negatiue, tellement que ce qui est faict contre la teneur d'icelle est nul. Comme il a esté iugé par plusieurs arrests ; mesmes pour Loys Michel, le 14. Iuin 1562. Autre arrest donné en plaidoyrie le Ieudy 13. Aoust audit an. Autre arrest en plaidoyrie de l'onzieme Mars 1564. Conformément à la disposition de droit in l. i. C. de bonis mater. l. i. C. de annali except.

*72
Comme les
enfans douai-
riers se doi-
uent pour-
ueoir contre
celuy qui a
acquis par
decret l'he-
ritage sub-
jet au douai-
re.*

Le semblable doit estre dit de la femme, laquelle pour son douaire cou-

Le decret
fait du vi-
uant du
mary d'he-
ritage sub-
jet au douai-
re ne nuit à
la femme,
& en doit
appeller.

stumier ou prefix, ne s'est opposée au decret faict du viuant de son mary, d'heritage subiet à son doüaire. Tel decret ne peut nuire à la femme, qui en appellera, & alleguera, que lors dudit decret, le doüaire ne luy estoit acquis, mais auoit vne simple esperance de douaire sous condition incertaine, si elle suruiuoit son mary. Aussi la puissance ou crainte maritale, en laquelle elle estoit pēdant son mariage, ont empesché qu'elle ne s'opposast. Ioinct que pendant son mariage, n'a peu estre fait preiudice à son doüaire, droicts, actions & conuentions matrimoniales, suiuant la loy *in rebus. C. de iure dot.* Et que tant le poursuivant en criées, que l'adiudicataire ne pouuoient vray-semblablement ignorer que l'heritage decreté sur vn mary, estoit subiet au doüaire de la femme. Ainsi a esté iugé par arrest donné en plaidoyrie le Mardy apres disné 6. May 1562. Par lequel l'heritage decreté a esté déclaré affecté, obligé, & hypothequé au doüaire de la femme, appellante du decret.

73
Quand il y
a creanciers
precedans le
mariage,
l'heritage
subiet au
douaire peut
estre decreté.

Comme à
cause du
douaire on
faict bailler
caution aux
opposans
subsequens
le mariage.

Bien est vray que si le poursuivant criées de l'heritage subiet au doüaire coustumier ou prefix, estoit creancier precedant le mariage, ou bien si au decret y auoit vn opposant ou opposans pour debtes precedentes le mariage, plusieurs sont d'aduis: Que les enfans pour leur doüaire, soit coustumier ou prefix, ne se peuuent pouruoir que sur les deniers procedans de la vente de l'heritage subiet au doüaire: & demander moitié desdits deniers, deduction faicte des debtes precedentes le mariage, par le moyen desquelles les enfans n'eussent peu empeschier le decret, si promptement ils n'eussent payé les creanciers precedans le mariage. Pour ceste cause quand on a poursuivy l'adiudication par decret d'un heritage subiet à doüaire; on fait bailler caution aux opposans de rendre les deniers par eux receuz, au cas que l'adiudicataire soit à l'aduenir inquieté & poursuivy pour raison du doüaire: Suiuant la loy *fin. §. licentia creditorib. C. de iure deliberan.* & la loy *fin. C. de petit. h. credita.* Autrement les creanciers, qui *suum receperunt*, soustiendroient n'estre tenus à aucune restitution, suiuant la loy *de hareditate. C. eod.* Mais on leur peut dire & re- pliquer que, *suum debitum non receperunt, nec à debitore suo, nec ex bonis debitoris sui, sed ex bonis actoris*: partant tenus à restitution: Comme Monsieur de l'Estoile a amplement déclaré *in interpretatione legis, repetitio nulla ff. de condict. indeb.* Aussi le demandeur peut dire que *nummi sui penes reum sunt sine causa*, ou bien *eos consumpsit in utilitatem suam, & ex eis locupletior factus est. Ideoque eos condicere potest. l. rogati. §. fin. in fine. ff. si cert. petat. l. nam & si fur. l. si ego. in fine. l. si eum seruum. in fine. ff. eodem. l. mater. in fine. C. de rei vendica.*

74
Le decret
faict d'heri-
tage subiet
à douaire
apres le de-
cez du pere,
du viuant
de la mere,
exclut les

Si le decret d'heritage subiet à doüaire est fait apres le trespas du pere, encores que ce soit du viuant de la mere, il exclut entierement les enfans majeurs, qui ont deu s'opposer: attendu que dés l'instant du decez du pere, le douaire leur a esté acquis purement & simplement, sans aucune condition. Aussi tel decret preiudicie aux enfans mineurs, les tuteurs desquels ont deu s'opposer. Estant certain en France, que les decrets solennellement faicts sont extinctifs & exclusifs de tous droicts, tant de propriété d'vsufruct, d'hypotheque, qu'autres: & excluent toutes personnes,

soient mineurs, majeurs, Ecclesiastiques, le fisque, ou autres, *l. quacumque. de fide instru. & iure hasta fiska. & de additionib. C. lib. 10. l. si eo tempore. C. de remiss. pigno. l. finali. C. de iure dominij impetran.* Toutesfois les mineurs estans faictz majeurs, pourront appeller de tels decrets, saisies, & establissement de Commissaires : & seront bien fondez en leur appel, à fin de conseruer en la famille l'heritage qui leur estoit propre ; principalement si leurs tuteurs sont non solubles, & ne puissent auoir recours à l'encontre d'eux. Car le poursuivant criées & l'adiudicataire se doiuent enquerir de la nature de l'heritage crié & decreté. Et si les mineurs sont encores en tutelle, le tuteur subrogé appellera du decret, non pas le tuteur, lequel negligemment a omis à s'opposer.

enfants de leur douaire.

Mais il est necessaire que l'appel soit interjetté dedans les dix ans de majorité, autrement l'appel ne seroit receuable, parce que le decret a effect de tiltre. En sorte que l'adiudicataire ayant paisiblement possédé par dix ans l'heritage decreté, depuis la majorité du mineur ; il a acquis prescription dudit heritage. Comme il fut plaidé & iugé pour feu Seuyne Procureur en la Cour de Parlement de Paris, par arrest donné en plaidoyrie le 12. Nouembre 1557. Et par autres arrests aussi donnez en plaidoyrie le 12. Mars & 30. Ianuier 1554. & 6. May 1562. Conformément à la disposition de droict, & au 113. article de la nouuelle Coustume de Paris.

Faut appeler du decret fait d'heritage sujet à douaire dedans les dix ans de majorité.

Et combien que pour raison d'un douaire, s'il se doit prendre sur la propriété du total ou de partie d'un heritage mis en criées, il soit besoin s'opposer auparauant l'adiudication par decret, à fin d'annuller, s'il est question du total de l'heritage, ou de distraire & mettre hors des criées, la portion de l'heritage saisi, qui estoit sujette au douaire coustumier ou prefix: Toutesfois on se peut opposer pour le douaire apres l'adiudication par decret, pourueu que ce soit auant le decret leué & seellé pour venir sur le prix de l'heritage decreté. Et en ce cas le douairier est mis en ordre: pour auoir telle part & portion des deniers prouenans de la vente de l'heritage decreté, qu'il auroit en l'heritage auparauant l'adiudication par decret faicte d'iceluy. Ainsi a esté ordonné par arrest prononcé le 3. Aueil 1568. pour Pierre Tronquet & sa femme : & est porté par le 356. article de la nouuelle Coustume de Paris.

Le douairier se peut opposer apres le decret, pour venir sur les deniers de l'heritage sujet au douaire.

Et supposé que l'enfant majeur de vingt-cinq ans ne se soit opposé au decret faict de l'heritage sujet au douaire coustumier, par ce moyen soit debouté du droict de propriété qui luy appartenoit audit heritage, à cause de son douaire: Neantmoins ledit enfant pourra agir contre l'heritier de son pere, ou contre le curateur créé aux biens vacans de sondit pere: à ce qu'il soit condamné luy payer moitié du prix prouenu de vendition de l'heritage sujet au douaire, aliéné par le pere. *Tanquam pretium rei sua exiet apud heredem patris, vel apud curatorem bonis paternis datum sine causa, vel tanquam pater aut eius haeres locupletior factus sit ex re filij.* Tout ainsi que le mineur, le tuteur duquel a vendu son heritage qui a esté prescript, ou qui a esté decreté, estant faict

Le douairier peut demander le denier du douaire vendu par son pere à l'heritier de son pere, ou au curateur aux biens de son pere.

majeur de vingt cinq ou de trente-cinq ans, peut demander à son tuteur, ou bien à l'heritier de son tuteur le denier qu'il a receu, à cause de la vendition par luy faicte de l'heritage dudit mineur : ou bien la valeur dudit heritage, si doulousement il l'a vendu. *l. mater. in verbis, vel alio modo proprietatem eius amisit. & in fine. C. de rei vendicat. l. si & me & Titium. l. si eum seruum. ff. de reb. cred. l. quanquam. in fine. ad senatus c. Velle. l. finali. §. licentia. C. de iure deliberan.*

75

La douairiere ne se peut opposer, afin de distraire pour son douaire coutumier.

Sil'heritage sujet à douaire coutumier est saisi pour estre decreté du viuant du mary, ou sur son heritier apres son decez, la femme ou bien la vesue douairiere ne se peut opposer à fin de distraire & mettre hors des criées moitié de l'heritage saisi : mais le total dudit heritage sera adiugé à la charge du douaire coutumier de la femme, si & quand il aura lieu. Qui est de son vsufruit, & iouyssance sa vie durant apres le trespas de son mary : Ou bien à la charge du douaire coutumier de la vesue, à laquelle il est acquis du iour du decez de son mary.

Que la vesue douairiere s'opposant aux criées de l'immeuble de son mary iouyra à part & à diuis de la terre decretée tant que douaire aualien.

[On a demandé : Si le Receueur des amendes pour auoir payement d'une amende à laquelle le Seigneur de Vernancourt auoit esté condamné par arrest des grands Iours de Troyes, fait decreter la principale terre dudit condamné, la vesue venant à s'opposer aux criées pour son douaire, pour en iouyr à part & à diuis, pourra estre empeschée par ledit Receueur des amendes.

Le Receueur soustenoit *ex speciali fisci privilegio*, qu'ayant le fisque *partem in fundo*, il pouoit contraindre ce luy qui y a part à vendre pour la commodité du fisque à ce que *meliori pretio fundus distrabatur*, suivant la *l. unica de vend. rer. fiscal. cum prima. lib. 10. C.* autrement que *vilissimo pretio fieret venditio*, nul ne voulant acquerir à ceste charge du douaire: que la vesue estoit sans interest, puis qu'on luy offroit la iuste valeur de son douaire, qu'elle prendroit sur les premiers deniers du prix de la vendition : que le douaire se pouuoit estimer, que *Idem erat rem & pretium habere*, que tout l'interest n'alloit, que *ut iusto pretio fundus distraberetur*, que le douaire n'estoit que *ad tempus*.

La vesue au contraire disoit que *partem in fundo habebat ante fiscum*, que la loy vnique n'auoit lieu que *quando fiscus partem in fundo sibi vendicabat, non idem si tantum hypothecam* : qu'au faict particulier le fisque agilloit, en vertu de l'hypothèque generale qu'il auoit sur tous les biens du defunct condamné en grosses amendes : Que si on vouloit estendre ceste constitution de loy assez odieuse, & qui est contre la liberté, au droit d'hypothèque, il en arriueroit infinis inconueniens, car pour chaque amende, *etiam* du fol appel, le Roy ayant hypothèque sur tous les biens pourroit faire decreter. Par arrest du 22. Decembre 1601. prononcé en robes rouges, par Monsieur le premier President de Harlay, l'arrest interuenu sur vn appointment au Conseil, a esté iugé que la terre seroit vendüe à la charge du droit de douaire, pour en iouyr par la vesue, tant que douaire auroit lieu, à part & à diuis : La vesue du Seigneur de Vernancourt & le Receueur des amendes parties. *vide l. 2. C. de rer. comun. alienat. & la l. 2. C. de quadri. prescrip. speciale fisci privilegii. N.B.*

Si la

Si la femme par son contract de mariage est doiïée de douaire prefix ou coustumier, à son choix & option : on la faict adiourner du viuant de son mary, pour opter lequel des deux douaires elle veut prendre. Et en ce cas est bon faire assembler les parens, & faire autoriser l'option par le Iuge, qui s'enquerra diligemment du profit & commodité, ou bien du dommage de l'option. Car si l'option est frauduleuse, ou bien porte grand preiudice aux enfans, aucuns sont d'auis, que iustement on peut appeller de l'emologation de l'option, ou se pourueoir contre icelle par les voyes de droict. Et nonobstant telle option, ils estiment que les enfans seront receuz à demander le douaire non opté ; comme plus ample, plus commode, & plus auantageux. Ainsi qu'il fut plaidé pour les enfans de feu Reoulequin Iodoyn, le 28. May 1554. Pareillement plaidé pour la vefue Laisné, le 8. Aoust 1558. Autre arrest du 2. May 1583. Toutesfois communément on tient, que l'option faicte par la mere, qui a acquis & stipulé le douaire, preiudicie aux enfans : & qu'ils ne peuuent contreuenir à ceste option, faicte & parfaicte par la mere. *Quia qui semel elegit, voluntatem postea mutare non potest, cum prima testatione ius optionis consumptum sit*, comme dict la loy *apud Ausidium. ff. de optio. lega.* Si la fraude & collusion de la mere, qui a esleu le douaire coustumier ou prefix, n'estoit manifeste, & le dommage des enfans clair & euident : Attendu que la mere est simple vsufriictiere du douaire, & les enfans en sont vrais Seigneurs & proprietaires.

Si la femme de son viuant n'a point opté lequel des deux douaires elle vouloit prendre, ceste option est transmise à ses heritiers, suiuant la disposition de droict commun, *in l. illud, aut illud, ff. de optio. lega. §. optionis. de lega. in Instit. l. finali. C. commun. de lega.* Ainsi a esté iugé par l'arrest de Gasparde recité au commencement du present chapitre. Et si les enfans n'ont point pareillement opté, d'autant qu'ils sont decedez mineurs, & lesdits enfans ayent delaiïlé des heritiers en diuers degrez & diuerses sortes : les vns des meubles & acquests, aucuns des propres paternels, & les autres des propres maternels : & lesdits heritiers soient en differend de l'option du douaire, parce que les heritiers mobiliers veulent opter le douaire prefix, lequel consiste en deniers comptans qui leur appartiendront entierement ; & les heritiers immobiliers des propres, veulent prendre & choisir le douaire coustumier, lequel leur appartiendra totalement : En ce cas on a accoustumé suiure la presomptiue volonté de la defuncte : & considerer, lequel des deux douaires vray semblablement elle eust prins & accepté : qui est à dire, le plus commode, le plus ample, & le plus profitable. Et ainsi fut aduisé au Chastelet de Paris, suiuant la loy *si seruus plurium. §. finali. ff. de legat. 1. dictal. finali. C. commun. de legat. l. item legato. §. item interest. ff. de legat. 13. l. tale pactum. §. pater. ff. de pact.*

Outre ce que dessus, conuient noter, que la prescription du douaire soit coustumier ou prefix ne court contre la femme, qui n'a presté consentement à la vendition faicte par son mary, de l'heritage subiect à son douaire : sinon apres le trespas du mary, encores que l'acheteur ait iouy

Sçauoir se l'option faicte par la vefue du douaire prefix ou coustumier doit estre gardée par les enfans.

76
L'option du douaire est transmise aux heritiers de la femme. Et en cas de debat quel douaire on doit adinger.

77
L'heritage subiect au douaire ne peut estre prescript contre la femme pendant la vie de son mary.

dudit heritage paisiblement & publiquement, par l'espace de trente ans & plus, & que la femme n'ait faict aucune protestation : D'autant que la femme pendant la vie de son mary n'auoit que simple esperance de douaire, laquelle estoit conditionnelle, si elle suruiuoit son mary : Et ne pouuoit intenter aucune action, pour raison de son douaire, qui n'estoit encore deu. Ainsi a esté iugé par arrest solennellement prononcé, le 5. Avril 1585. pour vne femme demeurant en Bretagne : conformément à la disposition de droit *in l. in rebus. C. de iure dot. l. finali. C. commun. de legat. l. cum notissimi. §. illud autem. in fine. C. de prescript. 30. vel 40. anno.* Et le cent dix-septiesme article de la nouuelle Coustume de Paris y est exprés.

78

La prescrip-
tion du
douaire ne
doit com-
mencer con-
tre les en-
fans du vi-
uant du pe-
re.

Combien qu'en autres choses qu'au douaire, soient contractz con-
tenans alienation d'heritages, constitutions de rentes, ou autres obli-
gations passées par la femme mariée, pendant sa maiorité ou minori-
té, la prescription de dix, vingt, & trente ans ait lieu, comme contre
les autres personnes : *Sive in personilibus, sive in realibus, sive in restitutio-
nibus in integrum.* Si la femme n'allegue & verifie deuëment la force, &
crainte maritale ; auquel cas prescription ne courroit, qu'apres la crain-
te cellée, & dissolution du mariage, suiuant le 46. article de l'Ordon-
nance du Roy Louys XII. ou bien qu'elle eust protesté, & faict signifier
sa protestation : Autrement ne pourroit seurement contracter avec vne
femme mariée. *Itatenet Ioannes Faber in l. i. C. de bonis mater. l. ut perfectus.
C. de annali exceptio. Bartolus in l. si obturpem. col. penultima. ff. de condict. ob-
turp. causam.* Et en ce cas de crainte & seuiçie maritale, laquelle il con-
uient deuëment verifier, & non simples menaces ; est besoin que la fem-
me soit releuée des contractz par elle passez, comme elle doit estre rele-
uée des autres contractz passez par dol, ou faux donné à entendre. Aussi
la prescription de dix & vingt ans court contre la femme mariée, si le
mary a vendu l'heritage propre de sa femme à vn acheteur de bonne
foy. Tellement que la loy premiere, *C. de bonis maternis*, n'a point de lieu
*in uxore, quemadmodum in filio familias : quia uxor etiam in patria consue-
tudinaria verè non est in potestate mariti :* Comme il sera dict au 21. chapitre
du present Traicté.

Quant à la prescription du douaire contre les enfans, il est certain
qu'elle ne peut commencer contre eux, auparauant le decez du pere.
Attendu qu'au parauant iceluy ils n'ont aucun droit de douaire acquis :
Comme a esté cy-dessus remonsté, & qu'il est porté par le 117. article
de la nouuelle Coustume de Paris cy-dessus allegué.

Si l'heritage
subiect au
douaire peut
estre prescri-
t contre les en-
fans pendāt
la vie de
leur mere
apres le de-
cez du pere.

Mais on a cy-deuant douté, quand la mere a suruescu le pere des en-
fans, qu'elle a parlé à la vendition de l'heritage subiect au douaire, & s'est
obligée à la garantie d'iceluy : Si la prescription de l'heritage vendu ne
commencera à courir, sinon apres le trespas de la mere ; comme le douai-
re n'ayant lieu qu'incontinent apres le trespas du pere & de la mere ;
ainsi qu'il est porté par le 139. article de l'ancienne Coustume de Paris,
& par le 252. article de la nouuelle Coustume : Aussi que la mere doit
iouyr sa vie durant du douaire, & pendant sa iouissance en conseruer la

possession à ses enfans, lesquels auparavant son decez n'ont peu agir: estans incertains, s'ils seroient heritiers de leur mere, qui auoit parlé à la vendition, & laquelle en cas de poursuite faicte par ses enfans eust esté poursuiuie en recours de garantie, & comme faulx venderesse esté emprisonnée: Et pour l'incertitude aucune prescription n'a deu courir à l'encontre d'eux: suiuant la loy *si duobus. §. sin autem sub conditione. C. commu. de successio.* Et apres plusieurs & longues disputes: encores qu'il eust esté remonstré, que le droict de douaire estoit acquis aux enfans, dès l'instant du decez du pere, partant qu'ils pouuoient agir, *ad declarationem iuris*: à tout le moins qu'ils deuoient interrompre la prescription commencée, continuée & parfaite pendant leur minorité, par dix ans, & plus, depuis le decez du pere: A esté iugé par arrest solennellement prononcé le 14. Aoust 1577. contre les heritiers de feu Maistre Michel de Malezy: Qu'au cas dessusdit, la prescription du douaire coustumier ne commence à courir contre les enfans, que du iour du decez de la mere. Et ledit arrest se trouue au Greffe de la Cour, contenant toutes les raisons deduites par les parties. Il y a pareil arrest pour vn douaire prefix donné le dixiesme Feurier mil cinq cens quatre-vingts dix, contre Claude de l'Ange propriétaire de la maison de la Pomme de Pin, size rue saint Denys, deuant les saints Innocens, au profit de Jean Godon, & Catherine Bezard sa femme: de laquelle le pere, auquel ladite maison appartenoit lors de son mariage, estoit decedé en l'an 1553. du temps de l'ancienne Coustume: & la mere estoit allée de vie à trespas en l'an 1583. apres la nouuelle Coustume, depuis laquelle la prescription de dix ans n'auoit esté complete: lesdits pere & mere ayant delaisné ladite Catherine Bezard lors du decez de la mere aagée de quarante trois ans. Par ledit arrest de l'Ange, comme detenteur de ladite maison, a esté condamné payer & continuer ausdits Godon & Bezard sa femme chacun an, cent liures tournois de rente en douaire prefix: nonobstant la prescription de quarante ans par luy alleguée, & decret faict de ladite maison, sur le pere de ladite Bezard depuis son mariage: duquel decret lesdits Godon & sa femme appellerent. Et ce au rapport de Monsieur Bouyn Conseiller, qui auroit rapporté l'arrest du quatorziesme Aoust mil cinq cens soixante-sept.

Arrest de ce
que dessus,

Toutesfois le 117. article de la nouuelle Coustume de Paris a vuidé le doute ancien: & ordonné qu'en matiere de douaire, la prescription commence à courir du iour du decez du mary seulement, entre aagez & non priuilegiez. Et le proces verbal de la Coustume porte que cest article a esté mis pour interpretation, & pour l'aduenir sans preiudice du passé. Tellement qu'on tient à present pour certain, que la prescription du douaire coustumier ou prefix, commence à courir du iour du decez du pere: soit que la mere ait parlé à la vendition & garantie de l'heritage subiect au douaire, ou non, comme dès l'instant du trespas du pere, le droict de douaire ayant esté acquis aux enfans, qui des lors en font saisis par la Coustume: encore que la iouissance pour le regard des enfans soit differée apres le trespas de la mere. En ce faisant ce mot de (mary)

Resolution
de la que-
stion cy des-
sus proposée.

porté par le cent dix-septiesme article de ladite Coustume se doit prendre pour pere : Ainsi a esté aduisé par aucuns anciens Aduocats de la Cour & du Chastelet pour ce assembles : & ainsi iugé par sentence du Preuoist de Paris.

79

Tant la femme que le douairier sont saisis du douaire coustumier ou prefix. Et cōme ils en doivent faire poursuite.

Et tout ainsi que par le 256. article de la nouvelle Coustume de Paris, la femme est saisie de son douaire, soit coustumier ou prefix, sans qu'il soit besoin le demander en iugement : & courent les fruiçts & arrerages du iour du decez du mary. Tellement que la femme ne doit point demander à l'heritier de son mary deliurance de son douaire, parce qu'elle est saisie d'iceluy par la Coustume : ains doit demander partage de l'heritage subiect à son douaire coustumier, pour de moitié d'iceluy iouyr à part & à diuis en douaire sa vie durant : & faire le semblable, quand le douaire prefix cōsiste en heritages ou rentes. Aussi l'enfant qui a renoncé à la succession de son pere, & s'est tenu au douaire acquis par sa mere, soit coustumier ou prefix, est saisy dudit douaire, & dès l'instant du decez de son pere en est seigneur & propriétaire. En sorte qu'apres le decez de son pere, ou bien apres le trespas de sa mere, qui aura suruescu, il ne demandera pas à l'heritier de son pere deliurance de son douaire : mais demandera partage de l'heritage subiect au douaire coustumier, pour de la moitié d'iceluy iouyr comme à luy appartenant : Ou bien formera complainte en cas de saisine & de nouuelleté, contre l'heritier de quelque temps que le douaire soit escheu : comme il a esté iugé par l'arrest de Gasparde cy-deuant recité, & que Deluc a adnoté. Et si l'heritage subiect au douaire est possédé par vn tiers detenteur ; il agira contre luy petitoirement, à fin de se desister & departir, & rendre les fruiçts. Si le douaire prefix consiste en certain heritage, il iouyra d'iceluy : en cas de trouble faict par l'heritier du pere, conclura en cas de saisine & de nouuelleté : & s'il est possédé par vn tiers detenteur, auquel le pere l'auoit aliéné, il agira petitoirement. Ou bien si le douaire prefix consiste en certaine rente, le douairier conclurra au payement & continuation d'icelle contre l'heritier du pere, ou bien contre le detenteur de l'heritage obligé & hypothéqué à la rente baillée en douaire. Et le semblable sera faict par la vefue, pour la iouissance viagere de son douaire. Arrest donné en plaidoyrie le 20. Ianuier, 1557. & 12. Ianuier, 1558.

La vefue iouyssant de son douaire coustumier peut estre poursuiue pour les rentes de son mary constituées auparavant son mariage.

Aussi la vefue qui iouyt sa vie durant de l'heritage, qui luy a esté assigné pour son douaire coustumier ou prefix : parce qu'elle est Dame utile dudit heritage, & prend à son profit les fruiçts d'iceluy : elle se peut qualifier Dame douairiere, ou bien vsufriçtiere. Et comme vsufriçtiere, Dame utile & detenteresse dudit heritage, & iouyssant d'iceluy à tiltre de douaire, peut estre poursuiue hypothecairement & personnellement, à fin de payer les rentes qui auroient esté constituées par son defunct mary, auparavant son contract de mariage, tant & si longuement qu'elle sera vsufriçtiere, Dame utile, & possederesse dudit heritage, partie ou portion d'iceluy. Et quand c'est douaire coustumier, la douairiere n'a recours contre l'heritier de son mary, sinon pour la moitié de la totalité de la rente constituée auparavant son contract de ma-

riage, par lequel elle soit doiée de doüaire coustumier. Et ladite doüairiere est tenuë de la moitié de toutes les rentes constituées par son mary auparavant son mariage, *tanquam hac sint onera fructuum*, & n'est tenuë de plus grande portion. Ce que dessus a esté iugé par arrest solennellement prononcé le Mardy 9. Avril, 1591. pour la vefue de feu de Valles, General des Monnoyes, amplement recité au vingt-vnième chapitre du present Traicté.

Et parce que dessus on peut entendre que le simple vsufruitier d'un heritage, *qui habet usumfructum formalem*, peut estre valablement poursuiuy hypothecairement & personnellement pour les arrerages des rentes qui sont assignées sur l'heritage par luy detenu, soient foncieres, ou constituées: attendu qu'il perçoit, & prend à son profit les fruits dudit heritage: Encores qu'il ne soit propriétaire d'iceluy, & que le 99. article de la nouvelle Coustume de Paris, fasse mention des detenteurs & propriétaires, *qui habent usumfructum causalem*. Mais on peut dire que le simple vsufruitier a la seigneurie utile, tout ainsi que la doüairiere, laquelle est du tout comparée à un vsufruitier: comme il a esté cy-deuant dit. Et l'vsufruitier estant poursuiuy pour rentes, n'aura aucun recours contre le propriétaire de l'heritage, sinon pour les rentes constituées à prix d'argent, ou pour les doüaires prefix par le defunct, ou par le donateur, non pas pour les rentes foncieres, les arrerages desquels l'vsufruitier est tenu payer.

80
Le simple
usufruitier
peut estre
poursuiuy
pour ses ren-
tes assignées
sur l'herita-
ge duquel il
iouys.

Aussi on peut iustement dire, que l'article de la Coustume dessusdite a lieu au simple propriétaire d'un heritage chargé de rente fonciere ou constituée: lequel pourra estre poursuiuy hypothecairement & personnellement, pour le payement des arrerages de ladite rente, encores qu'il n'ait que la simple & nuë propriété de l'heritage, & ne perçoive aucuns fruits d'iceluy, d'autant qu'ils appartiennent à l'vsufruitier: Mais on peut dire qu'il possède civilement: En sorte que s'il veut eiter le payement des arrerages de la rente qui luy est demandée, il doit deguerpir l'heritage, & en Iustice renoncer à la propriété d'iceluy. Et le semblable doit estre fait par l'vsufruitier, lequel doit en Iustice renoncer à son droit d'vsufruit.

Le simple
propriétaire
peut estre
poursuiuy
pour les ren-
tes assignées
sur l'herita-
ge qui luy
appartient.

Et incidemment il conuient noter qu'on prend l'hypothèque du doüaire de la femme, & de ses conuentions matrimoniales, pareillement du dot promis, du iour du contract de mariage, non pas du iour des espousailles & benediction nuptiale, que nous appellons consommation de mariage, ny du iour que le dot est payé & deliuré: comme il est déclaré par Monsieur Tiraqueau en son Traicté de retraict lignager, article premier en la Glose. 10. sur ces mots, dedans l'an, col. 113. *textus in lege prima. ff. qui potiores in pigno. habeant.*

L'hypothèque
du
doüaire se
prend du
iour du con-
tract de ma-
riage.

Et combien que l'hypothèque du douaire soit baillée du iour du contract de mariage, & auparavant la communauté des biens qui est introduitte par la Coustume entre l'homme & la femme conioints par mariage: aussi que le doüaire se doive entierement prendre sur les biens du mary, & non sur la moitié des biens de la communauté aduenüe à la

81.
La femme
prenant com-
munauté est
tenue acqui-
ter le pleige

que son mary a baillé du douaire à elle promis en mariage.

femme, soient meubles, ou conquests immeubles: comme nous monstrerons au 21. chapitre du present Traicté: & qu'on ne puisse dire que dudit doüaire la communauté soit aucunement enflée: Toutesfois si la femme doüairiere apres le decez de son mary, a prins communauté de biens, par ce moyen iouyffe de la moitié des meubles & conquests immeubles faictz par son defunct mary, pendant leur mariage: Elle sera tenuë acquiter, garantir & indemniser le pleige, que son mary aura baillé du doüaire à elle prefix & promis par son contract de mariage, soit que le doüaire consiste en rente, ou en vne somme de deniers, & ce iusques à la concurrence des biens que ladite femme aura amendé, à cause de la communauté: Comme ledit doüaire estant vne debte créée par son mary, au payement, acquit, & indemnité de laquelle tous les biens de la communauté sont obligez & hypothéquez, comme ils sont hypothéquez au payement & acquit de toutes autres debtes, promesses, indemnitez, & obligations faictes & créées par le mary, tant auparauant son mariage, que depuis la consommation d'iceluy. Ainsi a esté iugé par arrest solemnellement prononcé le 14. Aoust, 1579. au profit de Descordes, qui auoit pleigé & cautionné Maistre Iean de la Salle, de la somme de trois cens liures tournois, promise en doüaire à sa future espouse: De laquelle promesse ledit Descordes auoit retiré promesse d'indemnité, passée pardeuant deux Notaires du Chastelet de Paris, le iour du contract de mariage. Et la vesue deuoit sommer la poursuite aux heritiers dudit de la Salle son defunct mary: d'autant qu'ils sont tenus entierement payer le doüaire, comme dit est: & par ce moyen tenus acquitter, garantir, & indemniser ladite vesue de la poursuite contre elle faicte par ledit Descordes.

82
Encores que la femme ait don mutuel n'y a aucune diminution de son douaire.

Le douaire en cas de don mutuel vrayement se prend sur les propres du mary.

Et d'autant que le doüaire se doit entierement prendre sur les biens du mary, il est porté par le 257. article de la nouvelle Coustume de Paris: Que la femme doüée de douaire prefix d'une somme de deniers pour vne fois, ou d'une rente: si durant le mariage est faict don mutuel, elle iouyt apres le trespas de son mary par vsufruit, de la part des meubles & conquests de sondit mary: & sur le surplus des biens dudit mary prend sondit doüaire, sans aucune diminution ne confusion. En ce faisant il est certain que la femme doüée de douaire prefix, encores qu'elle iouyffe par vsufruit de la part de tous les meubles & conquests immeubles de son defunct mary: toutesfois elle sera entierement payée de son douaire prefix, sur les heritages propres de son defunct mary: & les heritiers qui sont derenteurs & proprietaires desdits heritages propres, seront condamnés au payement dudit doüaire prefix personnellement & hypothecairement. Et quant au douaire coustumier, il est sans doute, que nonobstant le don mutuel la femme iouyra dudit doüaire coustumier, qui consiste en la iouissance de la moitié des propres du mary.

83
Quand il n'y a que simples meubles, & y a don mu-

Mais on a demandé si le defunct mary n'auoit aucuns heritages propres, & auoit seulement des meubles: si la femme suruiuante, qui iouyt des meubles par vsufruit sa vie durant, à cause de son don mutuel, peut demander aux heritiers de son defunct mary, payement de son doüaire

prefix viager, consistant en vne somme de deniers, ou en vne rente viagere: A tout le moins si apres son decez les heritiers pourront coucher en la despense du compte, qu'ils sont tenus rendre aux heritiers du defunct mary, des biens meubles, desquels la defuncte a iouy, à cause de son don mutuel, le profit escheu pendant sa vie, de la somme de deniers, à laquelle se monte son douaire, à raison du denier quinze, ou bien les arrerages escheuz pendant sa vie de son douaire prefix, consistant en cinquante liures de rente par an. Et au cas susdit a esté aduisé au Chastelet de Paris, que si le douaire est viager, la femme ny ses heritiers n'en pourront demander aucune chose, ny aucune chose en coucher en la despense de leur compte, comme en meubles, la propriété & l'usufruit qui est la iouissance d'iceux, estans conjoints ensemble: sans qu'on les puisse separer: estant notoire qu'on ne vend pas separément la propriété d'un simple meuble, & qu'on ne laisse pas la iouissance d'iceluy à vne autre personne: Ce qui semble raisonnable. Mais si le douaire estoit sans retour, les heritiers de la femme demanderont aux heritiers du mary, la somme de deniers pour vne fois promise en douaire: ou bien payement & continuation de la rente en douaire, & les arrerages escheus & à escheoir depuis le decez de la femme: Ou bien lesdits heritiers coucheront en la despense de leur compte, ladite somme de deniers, ou bien le sort principal de la rente si elle est rachetable: si mieux les heritiers du mary ne veulent continuer la rente en douaire, iusques au rachapt d'icelle.

Aussi on a demandé, si au cas qu'il n'y ait aucuns heritages propres du mary, mais seulement des meubles & conquests immeubles, desquels la femme iouisse entierement sa vie durant, par le moyen de son don mutuel: si en ce cas la femme pourra demander payement de la somme de cinq cens liures tournois, pour son douaire prefix viager, ou bien payement des arrerages de cinquante liures de rente par an, à elle promise pour son douaire prefix sa vie durant. Aucuns sont d'avis que la femme ne peut demander aucun payement de son douaire, comme confus en elle; comme son douaire estant semblable à vne debte subiette à retour, ou bien à vne rente constituée pendant le mariage: les arrerages de laquelle elle seroit tenuë payer sans pouoir repeter aucune chose, suivant le deux cens quatre-vingts septiesme article de la nouvelle Coustume de Paris. Et que la femme se doit contenter de iouyr sa vie durant, de tous les biens delaissez par le trespas de son mary, sans absorber la propriété d'iceux, au payement ou profit d'une somme de deniers promise en douaire, ou d'arrerages de rente viagere en douaire. Si le douaire est sans retour, il est certain que les heritiers de la femme doivent estre payez d'iceluy par les heritiers du mary, selon & ainsi qu'il a esté dit au cas precedēt. Les autres, qui est l'opinion communément suivie, sont d'avis encores qu'il n'y ait que des meubles & conquests immeubles demeurez par le trespas, & que d'iceux la femme iouisse entierement sa vie durant, par le moyen de son don mutuel: toutesfois qu'elle doit estre payée par les heritiers du mary de son douaire prefix, consistant en vne somme de deniers pour vne fois payer, ou bien des arrerages d'une rente en douaire

mutuel, la femme ne peut demander son douaire.

Quand il n'y a que meubles & conquests immeubles, & que la femme a don mutuel, savoir si elle peut demander douaire prefix.

sa vie durant. Et qu'à faute de paiement dudit douaire, la femme pourra faire exécuter les heritiers simples de son defunct mary, condamnez au paiement dudit douaire : mesmes faire saisir, crier & adiuger par decret la propriété de la moitié des conquests immeubles de son defunct mary, soient rentes, ou heritages. Autrement (ce disent-ils) le don mutuel ne seroit pas esgal comme il doit estre : Parce que le mary suruiuant iouyroit paisiblement de la moitié de tous les meubles & conquests immeubles de sa defuncte femme, sans charge aucune, & sans perdre aucune chose : & la femme perdrait son douaire, lequel luy est deu sans diminution ne confusion. Et dient que ces mots portez par le 257. article de Coustume cy - dessus recité, (Et sur le surplus des biens dudit mary prend sondit douaire) se doiuent entendre non seulement des heritages propres du mary, si aucuns il a ; mais aussi de la propriété de la moitié des meubles & conquests immeubles du defunct mary, *quæ verè sunt de bonis & hereditate defuncti*. Ce qui semble raisonnable : Comme aussi que le profit du denier du douaire viager, ou bien les arrerages de la rente du douaire viager, escheus pendant la vie de la femme, puissent estre couchez au compte, que les heritiers de la femme sont tenus rendre aux heritiers du mary, des biens desquels la femme a iouy, par le moyen de son don mutuel.

Le donataire des meubles, conquests & quint des propres, est tenu contribuer au paiement du douaire prefix, encores que la femme ait don mutuel.

Pareillement on a demandé si vn defunct qui a doiñé sa femme d'une somme de deniers pour une fois payer, ou d'une rente, a delaisé des heritiers, quant aux quatre quints de ses propres, & ait legué par son testament tous ses meubles, conquests immeubles, & quint de ses propres à vn estranger : à la charge de laisser iouyr sa femme suruiuante par vusufruct, de sa part de ses meubles & conquests immeubles, suiuant son don mutuel : Si ladite femme pour le paiement de son doiñaire, poursuit les heritiers du defunct ; sçauoir si le donataire, qui à present ne iouyt d'aucune chose, sera tenu contribuer au paiement dudit doiñaire. Et ont resolu qu'il est tenu contribuer *pro rata bonorum* : & fera-on estimation, tant du quint des propres, duquel il iouyt à present, que de la propriété des meubles & conquests immeubles qui luy appartiennent, par le moyen de la donation ou legs testamentaire. Mais à faute de paiement de sa quotité, on ne pourra l'exécuter en ses meubles ou immeubles, non plus que les autres legataires, ou donataires vniuersels, ne peuuent estre exécutés es biens qui d'ailleurs leur appartiennent, pour le paiement des debtes du defunct ; mais on saisira, & fera-on adiuger le quint des propres, qui luy auoit esté legué, ensemble la propriété de la moitié des conquests immeubles du defunct, lesquels luy appartiennent par le moyen de son legs.

Il y a eu plusieurs autres doutes meuz pour raison des doiñaires coutumier & prefix, qui ont esté vuidez par les arrests de la Cour : lesquels i'ay obmis pour eiter prolixité : Aussi qu'ils ne concernent les droicts de Iustice, desquels à present nous entendons parler.

84
Nonobstant la confiscation

Et pour les continuer, il conuient entendre, que la femme, nonobstant la sentence de mort, & confiscation de biens donnée contre son mary,

mary, encores que ce soit pour crime de leze-Majesté, peut demander à cause de la communauté des biens qui a esté entre son defunct mary & elle, moitié de tous les meubles, acquests & cōquests immeubles demourez par le decez de son mary, & d'iceux faire partage avec le Roy, ou avec le haut-Iusticier, auquel les biens confisquez appartiendront: & sur l'autre moitié desdits meubles, acquests & conquests immeubles, ensemble sur les heritages propres du defunct, ladite femme sera payée non seulement de son doüaire; mais aussi de ses conuentions matrimoniales: sans que ladite confiscation luy fasse aucun preiudice, *leg. ob culpam maritorum. Cod. ne uxor pro marito. dicta l. res uxoris. leg. quisquis. §. uxores. Cod. ad leg. Jul. maiestat. leg. si quis posthac. Codice, de bon. proscript.* Ainsi est contenu au 6. des articles aduisez lors de la redaction de la nouvelle Coustume de Paris, transcripts au deuxiesme chapitre du present Traicté. Et au pays de droict escript, cela est sans doute: Parce que par la disposition d'iceluy, n'y a aucune communauté de biens entre l'homme & la femme mariez, *leg. cum hic status. §. si inter virum & uxorem societas. ff. de donation. inter virum & uxorem.* Et la propriété du doüaire, soit coustumier ou prefix, appartient aux enfans: nonobstant la confiscation des biens du pere adiugée au Roy pour crime de leze-Majesté diuine ou humaine, ou pour autre delict: *Quia filij doarium accipiunt à consuetudine, non à patre.* Et deslors du mariage le doüaire, soit coustumier ou prefix, est le propre heritage des enfans, viuans dudit mariage: en telle maniere que les pere & mere desdits enfans dés l'instant de leur mariage, ne peuvent vendre, engager, ne hypothéquer au preiudice de leurs enfans. Lesquels *accipiunt doarium potius tanquam creditores, quam tanquam filij,* suivant le 249. art. de la nouvelle Coustume de Paris.

Aussi quand il y a sentence portant condamnation de mort, ou confiscation de biens contre le mary: la femme encores qu'elle prenne communauté de biens, & ait moitié des meubles & conquests immeubles, ne sera tenuë payer aucune chose des reparations adiugées aux parties ciuiles, ny des amendes adiugées au Roy contre son mary, à l'occasion des crimes & delicts par luy commis, ny pareillement des despens du proces fait à son mary: Parce qu'és cas susdits le mary est censé & reputé mort dés l'instant du delict par luy commis, & deslors la communauté dissoluë. Aussi qu'en delict il n'y a point de société. *Et socius nunquam tenetur ex delicto socij, etiamsi essent socij omnium bonorum: sed qui maleficiam commisit, ipse tantum damnum sentire debet, & de suo prestare, non autem de communi,* comme dit la loy, *si fratres. §. finali. ff. pro socio.* Chassaneus és Coustumes de Bourgogne, *titulo, des Droicts appartenans à gens mariez, in glossa,* de toutes debtes, col. 6.

85
La femme à cause de la communauté n'est point tenue des reparations adiugées contre son mary condamné à mort.
86
Socius non tenetur ex delicto socij.

De fait, vn homme demeurant à Chastres sous Montlehery, ayant esté atteint & conuaincu d'auoir recelé vn seruiteur qui auoit desrobé quelques deniers à Heruiieu, bourgeois de Paris, estant condamné rendre audit Heruiieu les deniers mal pris par ledit seruiteur, & enuoyé és galles à perpetuité: Fut ordonné par arrest, que la restitution des deniers se prendroient sur la part des meubles & conquests immeubles du mary

condanné, & non sur la part de la femme. Aussi par arrest donné en plaidoyrie le Jeudy septiesme Juillet, 1575. a esté iugé, Que la vesue d'un Notaire n'est aucunement tenuë apres la mort de son mary, de la faute commise par sondit mary en son estat de Notaire. Tellement qu'une quittance passée sans tesmoins, estant debattuë de nullité, la vesue comme garand en partie, estant appellée en sommation par l'heritier qui estoit poursuiuy, afin de defendre aux moyens de nullité alleguez contre la quittance passée par le defunct; à ceste fin se ioindre par ladite vesue avec l'heritier & l'acquitter de moitié des dommages & interests qui pourroient contre luy estre adiugez, attendu qu'elle auoit prins communauté de biens apres le decez de son mary: Ladite vesue ayant remonstré que pendant la communauté il n'y auoit eu aucune poursuite faicte pour raison de ce que dessus, & que la poursuite auoit esté commencée long temps apres le trespas de son mary, elle fut absoute des conclusions contre elle prises par l'heritier. Autre arrest de ce que dessus, donné au profit de Marie Dalbeau, vesue de feu Gilles Martineau, contre Maistre Daniel Luthier, Aduocat à Loches, prononcé le premier Mars, 1586.

87
*Quand la
 condamna-
 tion d'amē-
 de adiugée
 contre le
 mary n'em-
 porte point
 dissolution
 de la com-
 munauté
 elle est exe-
 cutoire sur
 les biens de
 la commu-
 nauté.*

Bien est vray que si par le moyen du delict commis par le mary, la communauté n'a point esté dissoluë, parce qu'il n'y a eu aucune condamnation de mort naturelle, ou ciuile, ny confiscation de biens; ains simple condamnation d'amende enuers la partie ciuile & le Roy: En ce cas tous les biens de la communauté pourroient estre saisis, criez & vendus, & les deniers prouenans de la vente d'iceux, seront conuertis au payement des amendes adiugées contre le mary. Et supposé que la femme apres ceste condamnation, ou auparauant icelle, & depuis le delict commis, demandast contre son mary separation de biens, pour le mauvais mesnage de sondit mary: & que la separation fust ordonnée, apres auoir ouy celuy auquel le delict auoit esté commis, & les autres creanciers du mary: La femme ne pourroit sinon estre payée de ses conuentions matrimoniales sur le total des meubles & conquests immeubles de la communauté, & autres biens de son mary. Non pas qu'elle deust auoir moitié des meubles & conquests immeubles de la communauté, sans payer aucune chose des amendes adiugées contre son mary, à cause du delict par luy perpetré. Car le mary lors du malefice par luy commis estant maistre & seigneur de tous les meubles & conquests immeubles de la communauté: il est raisonnable qu'ils soient subiets à la satisfaction du delict par luy perpetré. Attendu que par le moyen dudit delict n'y a eu dissolution de mariage, ny de communauté: Aussi combien qu'un mary estant decedé pendant la poursuite contre luy faicte d'un proces criminel, la femme apres le trespas dudit mary ne soit tenuë en son nom reprendre le proces, ny proceder en iceluy, soit en l'instance principale ou d'appel: Toutesfois la condamnation d'amende qui s'en ensuiura contre l'heritier du mary, ou contre le curateur créé à ses biens vacquans, sera executée sur tous les meubles & conquests immeubles de la communauté, pour la raison cy-dessus touchée.

Au surplus a esté iugé, par arrest du 2. Ianuier, 1406. recité par De-luc, au Tiltre de la Communauté de biens entre l'homme & la femme: Que la femme est tenuë payer moitié de l'amende du friuol appel inter-iecté par son mary, pendant leur mariage: & ce au cas que la femme prenne communauté, iusques à la concurrence des biens qu'elle a euz à cause d'icelle, parce qu'un friuol appel n'est pas delict.

Si la femme pendant qu'elle est mariée est condamnée à mort, ou autre supplice, & ses biens sont confisquez: ceste confiscation n'a effet, & ne peut estre executée, sinon sur les heritages propres de la femme, & non sur les meubles, acquests & conquests immeubles faicts durant le mariage. D'autant que le mary pendant le mariage estant maistre & seigneur, & ayant la disposition des meubles, acquests & conquests immeubles: mesmes de les donner entre vifs à son plaisir & volonté, sans le consentement de sa femme, & sans qu'apres le decez de son mary elle en puisse demander recompense: comme il a esté iugé par arrest solem-nellement prononcé pour la niepce de feu Cotard, le 4. Aoust, 15-1. & qu'il est porté par le 225. article de la nouvelle Coustume de Paris: la fem-me par le moyen du crime par elle commis, n'a peu faire preiudice à son mary en la propriété ou possession desdits meubles, acquests & conquests im-meubles: Ainsi qu'il est porté par la fin du sixiesme des articles adui-sez lors de la redaction de la nouvelle Coustume de Paris, transcrits au 2. chapitre du present Traicté.

Mais au cas susdit on a demandé en la Coustume de Paris, à qui ap-partiendra la moitié des meubles & conquests immeubles faicts du-rant leur mariage, non confisquez, comme dit est: laquelle moitié apres la dissolution dudit mariage deuoit appartenir à la femme, si elle surui-uoit son mary, ou bien à ses heritiers, si elle predecedoit: Et si ladite moi-tié appartiendra aux heritiers de la femme, ainsi qu'il est porté par le deux cens neufiesme article de la nouvelle Coustume d'Orleans: & si elle sera baillée ausdits heritiers deslors de la condamnation & execution de mort de la femme, comme le mariage deslors estant dissolu: ou apres la mort du mary seulement, comme pendant le mariage le mary estant mai-stre & seigneur de tous les meubles, acquests & conquests immeubles de la communauté; & la femme pendant le mariage n'estant point da-me de la moitié d'iceux: qui est la cause pour laquelle la femme condam-née à mort pour ses demerites, n'a pas confisqué moitié desdits meubles, acquests & conquests immeubles. Ou bien si la moitié desdits meubles, acquests & conquests immeubles non confisquez, doit demeurer & appar-tenir au mary, au preiudice duquel la femme ne confisque; comme il est porté par le sixiesme des articles cy-dessus allegué: *idque vel iure accres-cendi, vel iure communionis & societatis, vel iure retentionis, aut alio quo-cuis modo.* Il semble que la moitié desdits meubles, acquests & con-quests immeubles estant de la communauté, doit demeurer au mary pen-dant sa vie, & apres son decez estre baillée aux heritiers de la femme qui a confisqué: en ce faisant ne sera faict aucun preiudice au mary. Ainsi se doit entendre la Coustume d'Orleans: & ainsi deuoit estre pratiqué

88

La femme apres le de-cez de son mary n'est tenue repré-dre le proces criminel in-tenté contre son mary.

89

La femme est tenue de moitié de l'amende due à cause du friuol appel inter-iecté par son mary.

90

En confisca-tion de biens adiugée con-tre la femme mariée, ne sont compris la moitié des meubles, ac-quests & co-quests im-meubles.

91

Le mary peut donner entre vifs les meubles, ac-quests & co-quests im-meubles, sans le consente-ment de sa femme.

A qui doiuent estre baïlez la moitié des meubles & conquests immeubles de la femme non confis-quez, & quand.

en la Coustume de Paris, si le 6. article cy-dessus allegué, & autres articles concernans les droicts de Iustice, contenus au 2. chapitre du present Traicté eussent esté emologuez pour Coustume: *huc pertinet lex, Statius Florus §. Cornelio felici. ff. de iure fisci.*

92
Les condamnations d'amendes & despens données contre les femmes pour crimes & delicts comme se doiuent exécuter.

Et suiuant ce que dessus, la femme mariée desaduouïée, & non autorisée par son mary, ayant esté condamnée és despens d'un proces contre elle intenté, pour crime & delict: on ne peut pour le payement desdits despens, ny pareillement pour le payement de l'interest ciuil, & amende adiugée, faire proceder par voye d'exécution pendant le mariage sur les meubles, acquets & conquests immeubles de la communauté: encores que le mary ait déclaré que sa femme n'a aucuns heritages propres; mais est besoin attendre la dissolution de la communauté. Et supposé que la femme eust heritages propres, toutesfois on ne pourroit sinon faire vendre la propriété d'iceux à la reservation de l'usufruit, ou plustost iouissance desfruits qui appartiennent au mary pendant & constant le mariage. Comme il a esté iugé par arrest donné en plaidoyrie, le 8. Feurier, 1580. Autre arrest donné sur productions des parties, le trentiesme Aoust, 1578. entre Pierre Rabusseau & sa femme, demandeurs en commandement & execution d'une part: & Nicolas Dubus opposant à ladite execution, & adiourné pour dire ses causes d'opposition d'autre. La femme dudit Dubus non autorisée par luy, auoit esté condamnée és despens d'un proces qui auoit esté contre elle intenté pour iniures par elle dictes à la femme de Rabusseau, les despens estans taxez à la somme de soixante liures neuf sols six deniers parisis. Pour le payement de ceste somme, Rabusseau & sa femme ayans faict proceder par voye d'exécution, sur les biens de la communauté d'entre Dubus & sa femme, Dubus mary s'estant opposé: La Cour dit en ayant aucunement esgard à l'opposition formée par ledit Dubus, mary de ladite Guillemette Dumonstier, à ladite saisie & execution desdits biens meubles faicte à la requeste dudit Rabusseau: que quant à present elle a faict & faict main-leuée desdits biens meubles audit Dubus, & que les gardiens d'iceux seront & demeureront quittes & deschargez, & les descharge la Cour: Sauf toutesfois & sans preiudice audit Rabusseau apres la dissolution du mariage desdits Dubus & ladite Dumonstier, de se pourvoir sur sur les biens de la communauté d'entr'eux, ainsi qu'il verra estre à faire par raison. Et sans despens, dommages & interests: & pour cause.

93
Pour despens dependans de proces criminel, on ne tient prison.

Et encores pour le payement desdits despens procedans de proces criminel, & extraordinaire, la femme ne peut estre contrainte par corps, mesme apres les quatre mois portez par l'Ordonnance de Moulins: comme il a esté iugé par arrest solennellement prononcé pour vne nommée Perrichon, le vingt-troisiesme Decembre, 1579. & par autre arrest donné en plaidoyrie le Mardy 16. Ianuier, 1582. l. 1. *Et authentica, sed hodie. C. de offic. diuers. iudic.* Tellement que l'Ordonnance des quatre mois n'a lieu contre les femmes mariées: *uxor enim in officio mariti esse debet, Et marito operas Et obsequia prestare tenetur. l. sicut ff. de oper. liber.*

Pareillement l'Ordonnance des quatre mois n'a lieu contre les Prestres & personnes Ecclesiastiques constituées és Ordres sacrez: Comme il a esté iugé au profit de Maistre Nicolas Perdriel, Doyen de S. Germain de l'Auxerrois, par arrest de la Cour du Parlement de Paris, le Roy Charles IX. seant en son liect de Justice, le premier Aoust 1569. Lequel arrest pour servir de loy generale, a esté confirmé par Edict verifié en la Cour, le 9. Aoust 1576. Pareillement ladite Ordonnance n'est point pratiquée és sentences de prouision, comme il a esté iugé pour l'Esleu Renaud de Chasteaudun, contre le Prince Portian, par arrest donné en la Chambre des Vacations, le 17. Octobre 1569. D'autant qu'un emprisonnement n'est reparable en diffinitive.

Toutesfois ladite Ordonnance a lieu, & est pratiquée contre les femmes non mariées ou vefues: pour les debtes esquelles elles ont parlé pendant leur mariage, ou lesquelles elles ont cōtractées pendant leur viduité: Ainsi qu'il a esté iugé par arrest donné sur requeste, contre Adriane de Villiers, vefue de feu Claude de Paris, viuant demeurant à Noyon, le 13. Decembre 1584. Aussi il est certain en France, que la femme mariée, ou non mariée, ou vefue, estant valablement obligée par corps au payement de quelque somme de deniers: elle peut estre emprisonnée à faute de payement d'icelle: & tiendra prison iusques à plein payement. Pareillement les femmes pour crimes & delicts par elles commis tiennent prison: Nonobstant la Constitution de l'Empereur Iustinian, qui prohibe emprisonner les femmes, soit pour debtes ciuiles, ou pour crimes par elles commis. *in §. necessarium, ut nulli indicum liceat habere loci seruatore. in Authent. C. de custo. reorum.* Et quand vne femme s'oblige par corps, il est bon la faire renoncer à l'authentique, *sed hodie. C. de offic. diuerso. indic.* & à l'authentique *hodie, C. de custod. reorum.*

Il conuient entendre, que l'article de Coustume cy-dessus recité: par lequel est dict, Que qui confisque le corps il confisque les biens, n'a lieu, sinon pour le regard des biens situez au dedans de la Preuosté & Vicomté de Paris, & autres Coustumes semblables: non pas pour le regard des biens & heritages qui sont situez au pays de droict escrit, ou bien és Duchez d'Anjou, Touraine, le Maine, & autres lieux esquels la confiscation de corps n'emporte confiscation de biens. Tellement que les enfans, & autres parens du condamné succederont és biens estans és lieux susdits: tout ainsi que si le defunct n'eust commis aucun crime ou delict. Et ne seront tenus payer les amendes adiugées contre le defunct, sinon au prorata des biens ausquels ils auront succédé: comme nous auons monsté au 13. chapitre du present Traicté.

Et combien qu'és pays d'Anjou, le Maine, & du Perche, n'y ait confiscation de biens pour cause de crime & delict: Neantmoins aucuns soustiennent, que quand le delict est enorme, le Iuge peut par sa sentence declarer les biens du delinquant acquis au Roy ou haut-Justicier: Comme fit le Bailly d'Alençon, lequel par sa sentence donnée en dernier ressort, suiuant certaines lettres patentes, declara les biens d'une Damoiselle

94

L'Ordon-
nance des
quatre mois
n'a lieu con-
tre les fem-
mes mariées
& personnes
Ecclesiasti-
ques, ny és
sentences de
prouision.

95

L'Ordon-
nance des
quatre mois
a lieu contre
les femmes
non mariées,
ou vefues.

96

Par plu-
sieurs Cou-
stumes, en-
cores qu'il y
ait condam-
nation de
mort, n'y a
confiscation
de biens.

97

Sçauoir si la
Coustume
ne portant
confiscation
de biens en
cas de con-

*damnation
de mort, le
Iuge peut
confisquer
les biens.*

condamnée pour crime de faulſe monnoye, confisque au Roy : encores que les biens de ladite Damoiselle fussent situez au Perche : & que par la Coustume du Perche, n'y ait confiscation en crime de faulſe monnoye : comme il fut plaidé & appointé au Conseil, le Mardy apres disné, 16. May 1553.

LE HAVT-IUSTICIER SOVBS OMBRE DV
droict de confiscation, ne peut debattre l'enterinement de lettres de remission ou de pardon. Et comme les biens confisque doiuent estre rendus quand la remission est obtenüe, & enterinée apres la confiscation adiugée.

- 1 Le haut-Iusticier ne peut debattre l'enterinement des lettres de remission ou de pardon.
- 2 Comme les biens confisque se doiuent rendre, quand la remission est obtenüe apres le iugement de mort & de confiscation.
- 3 Opinion des Docteurs.
- 4 In restitutione iustitiæ, tous les biens doiuent estre rendus au cōdamné: soit qu'ils soient alienez ou non.
- 5 Arrest de ce que dessus.
- 6 In restitutione gratiæ, comme les biens doiuent estre rendus au cōdamné.
- 7 Pour restitution des biens d'un cōdamné, il faut considerer le temps auquel la remission a esté obtenüe.
- 8 En restitution de Prince, faut regarder si le cōdamné est remis en ses biens, ou si la peine luy est seulement remise.
- 9 Comme les fruiets des heritages confisque se doiuent rendre.
- 10 Auparavant que le cōdamné soit receu à se iustifier, il est contraint consigner l'amende adiugée par l'arrest à la partie civile.
- 11 En amende adiugée pour delict, n'y a point cession de biens.
- 12 Encores que le prisonnier ne consigne l'amende adiugée par arrest, on ne laissera de luy faire son proces.

CHAPITRE XVI.

Le haut-Iusticier ne peut debattre l'enterinement des lettres de remission ou de pardon.



ENCORES que par la Coustume de la Preuosté & Vicomté de Paris, le droict de confiscation soit attribué aux Seigneurs haut-Iusticiers, pour le regard des heritages & meubles estans au dedans du destroit & limites de leur haute Iustice; comme il a esté monstré au troisieme chapitre du present Traicté: Toutesfois il a esté iugé par plusieurs arrests de la Cour, mesmes par arrest donné à la Fournelle, le 7. May 1558. Que le Seigneur haut-Iusticier, sous ombre du droict de confiscation qui luy pourroit appartenir, n'est receuable à debattre & empescher l'enterinement d'un pardon, ou d'une remission octroyée par le Roy à un subiect & domiciliaire dudit haut-Iusticier: D'autant que le Roy s'est reserué sur tous les haut-Iusticiers du Royaume, le droict & authorité de donner pardons & remissions, la co-

gnoissance desquelles appartient au Iuge Royal, & non à autre. Et lesdites remissions ne doiuent estre enterinées avec autres qu'avec le Procureur du Roy, & la vefue & parens de l'homicidé; sans que le haut-Iusticier y puisse interuenir. Et ainsi est porté par les lettres patentes, transcrites au septiesme chapitre du present Traicté. Semblable arrest prononcé le dix-huictiesme Ianuier, mil cinq cens soixante sept. Et encores par l'arrest donné le dix-septiesme May, mil cinq cens cinquante-huict.

Et encores par ledit arrest fut dict, que le haut-Iusticier n'estoit receuable à faire poursuite pardeuant le Iuge Royal, de la mort d'un sien seruiteur occis en vne tauerne, *non in contumeliam* dudit Iusticier: & pour raison dudit homicide ne pouuoit demander interest ou reparation: Parce qu'en France *serui non sunt in potestate dominorum*: Et par l'vsance du Royaume, *nullus admittitur ad accusationem, nisi ut tueatur ius suum, vel suorum liberorum, parentum, aut consanguineorum*.

Et incidemment conuient noter, que quand vne remission est enterinée, on ne peut condamner le remissionnaire en amende enuers le Roy, d'autre que ledit Seigneur a remis tout son interest. Mais on peut condamner le remissionnaire en quelque somme de deniers: laquelle sera aumosnée aux quatre Mendians, à fin de prier Dieu pour le salut de l'ame du defunct. Et si le Iuge condamne le remissionnaire en quelque peine corporelle, ou en quelque amende enuers le Roy: il ne doit pas dire, en ayant aucunement esgard aux lettres de remission ou de pardon: mais le doit debouter de ses lettres de remission, & le condamner en telle peine corporelle, ou en telle amende.

Mais on a douté si apres le iugement de mort & de confiscation donné, le Roy auparauant l'exécution de mort, ou bien depuis la condamnation de galleres à perpetuité, octroye grace & remission au condamné, laquelle luy est enterinée, s'estant représenté en Iustice: Si le haut-Iusticier, ou bien celuy qui a acquis les biens confisquez du haut-Iusticier ou du Roy, sera tenu rendre les biens & heritages confisquez.

Ceste question est traictée par les Docteurs, *maximè per Bartolum & Baldum, in l. Gallus. §. & quid sit tantum. ff. de liber. & posth. per Ioannem Fab. in §. cum autem. Institut. quib. mod. ius pat. potest. sol. per Chassaneum, és Coustumes de Bourgogne in titulo des Iustices & droicts d'icelles. §. quinto, in verbis, s'il n'a grace, col. 138. & sequentibus*. Et disent que *huiusmodi remissio siue restitutio, non refertur ad bona alienata, vel in alium translata, siue titulo oneroso, siue titulo lucratiuo*. En sorte que le haut-Iusticier, ny le donataire ou acheteur du haut-Iusticier, ou bien le donataire ou acheteur du Roy, ne sont point tenus rendre les biens confisquez: *Quia princeps numquam tollit ius questum tertio. l. 2. §. meritò. & §. si quis à principe. ff. ne quid in loco pub. l. fin. versic. ita tamen. C. de sentent. pass. lege 2. ff. de decur. l. final. ff. de natal. restit.*

Toutesfois suiuant l'opinion communément tenuë au Palais; il faut considerer deux cas, *nempe restitutionem iustitiæ, & restitutionem gratiæ*: Et dire au premier cas, *scilicet in restitutione iustitiæ*, qui est quand

2
Comme les biens confisquez se doiuent rendre, quand la remission est obtenue

3
apres le iugement de mort & confiscation.

4
Opinion des Docteurs.

5
In restitutione iustitiæ,

tous les biens la sentence ou arrest est donné contre vn mineur ou vn absent *causa rei-*
doivent estre publica, ou par defaults & contumaces: & qu'on obtient lettres pour
rendus au purger la contumace, & par mesme moyen verifie son innocence: ou
condamné, bien qu'elles contiennent pardon ou remission du delict commis en soy
soit qu'ils defendant, & pour la tuition de sa vie; en sorte que les lettres soient
soient alie- de Iustice, & comme telles enterinées par le Iuge: En ce cas les biens
mez ou non. confisquez doiuent estre entierement rendus à l'impetrant, soit qu'ils
 ayent esté vendus ou donnez par le Roy, ou par le haut-Iusticier: D'au-
 tant que tout est mis au neant, & l'accusé se representant en Iustice, *ex-*
tinguit iudicatum, est réceu ou bien à se purger & verifie son innocence,
 ou bien à demander remission ou pardon du delict par luy commis pour
 conseruer sa vie. *Et sic huiusmodi restitutio est iuris, & à iure datur.* Et vul-
 gairement on appelle telles lettres vn ester à droict: lesquelles se peuuent
 adresser au Iuge qui a donné la sentence & iugement, s'il est Royal. Et
 l'impetrant par le moyen de ses lettres ayant verifié son innocence, ou
 bien sa remission luy estant enterinée, comme le cas estant de droict re-
 missible; on ne doit plus auoir esgard aux iugemens donnez par de-
 faults & contumaces: en sorte qu'il est raisonnable que ses biens luy
 soient rendus.

Arrest de ce De faict, le Roy Henry II. ayant r'appellé par Edict general tous ceux
que dessus. lesquels pour le faict de la Religion s'estoient absentez du Royaume: leur
 ayant donné abolition generale, & restitution en tous biens en abiurant:
 Vn quidam estant retourné au Royaume, lequel par sentence donnée
 l'an 1545. par defaults & contumace auoit esté condamné à mort pour
 crime d'heresie, & ses biens confisquez: desquels le Duc d'Orleans, lors
 Seigneur de Coignac, auoit faict don à vn Gentil-homme, qui les auoit
 en l'an 1546. vendus: Ledit quidam appelle de la sentence contre luy don-
 née, faict intimer le detenteur de ses biens confisquez. Et par arrest don-
 né le 27. Iuin 1562. ledit quidam est remis en tous les biens qui luy appar-
 tenoient lors de la condamnation contre luy donnée: & le detenteur
 condamné rendre les fructs par luy perceuz depuis l'adiournement à luy
 donné, & sans despens.

In restitu- Au second cas, *nempe in restitutione gratia*, qui est quand le Prince de
tione gra- son autorité souueraine, & pleine puissance, donne abolition, pardon,
tia, com- remission, & grace apres vn arrest ou iugement souuerain, portant con-
me les biens fiscation de biens: On tient communément au Palais: Si par les lettres la
doient estre peine est remise, l'impetrant restably en ses biens, & les lettres sont ente-
rendus au rinées par le Iuge: que non seulement le Roy, mais aussi le haut-Iusticier
condamné. qui est au lieu du Roy qui le represente, & qui ne peut auoir plus de
 droict que le Roy, sont tenus rendre les biens qui leur auoient esté adi-
 guez par le moyen de la confiscation iugée contre le remissionnaire: *quia*
non habent ius nisi ex condemnatione, quæ extincta fuit, par l'enterinement
 des lettres d'abolition, pardon ou remission. Mais si le Roy ou haut-Iusti-
 cier ont disposé des biens cōfisquez, mesmes les-ont vendus ou autrement
 alienez à tiltre onereux, auparauant l'imperration de la remission: en ces
 cas *emptores tunc sunt*, & ne sont tenus rendre les biens confisquez par eux
 achetez.

achetez ou acquis à tiltre onereux. *Glof. in l. i. C. de sent. passis, qua allegat textum & glosam in cap. quamuis, de rescript. in sexto. l. princeps. ubi notatur. ff. de verb. signif.* Partant les haut-Iusticiers incontinent apres la confiscation adiugée, doiuent disposer des biens qui leur sont aduenus par confiscation : & le plus seur est vser de vendition, plustost que de donation. On pratique ce que dessus en ceux qui sont condamnez à galleres perpetuelles : ou qui sont perpetuellement bannis de France : ou qui sont condamnez confiner leur vie en certain lieu. *Latè tractat Chassaneus in dicto §. quinto, titulo des Iustices & droicts d'icelles, & conuient le voir : ensemble Maître Charles du Moulin sur la Coustume de Paris, article 22. col. 36. 37. 38. & 39.*

Sur tout, il faut regarder quand la remission a esté obtenuë. Car si la remission est obtenuë & enterinée auparauint aucune condamnation : ou bien si elle est obtenuë pendant l'appel interjetté de la condamnation, & qu'en cause d'appel la remission soit enterinée : En ce cas il n'y a aucune condamnation effectuelle : partant est sans doute qu'il faut rendre tous les biens confisque. Mais quand la remission est obtenuë apres que par iugement dernier la confiscation est adiugée, & que le Roy ou le haut-Iusticier ont disposé des biens confisque : en ce cas plusieurs tant Legistes que Coustumiers, disent en termes generaux, que le haut-Iusticier, ny l'achepteur, ou donataire du Roy, ou du haut-Iusticier, ne sont tenus rendre les biens confisque. Toutesfois on suit au Palais la distinction cy dessus recitée, comme iuste & equitable.

Aussi il faut regarder si par les lettres obtenuës du Prince la peine est seulement remise : ou bien si outre la peine l'impetrant est remis en ses biens : suiuant la loy seconde, & autres semblables, *Cod. de sentent. pass.* Pareillement faut considerer si les choses confisquées sont prescrites par les detenteurs d'icelles, ou non.

Quant aux fruiçts des heritages confisque, il conuient noter, que par le 20. art. de l'Edict de Roussillon est porté, Que quand les acculez desquels les biens ont esté saisis & annotez à faute de pouuoir estre apprehendez, ne sont comparus dedans l'an apres la saisie : les fruiçts de leurs heritages annotez & saisis, sont acquis en pure perte à celuy à qui ils appartiennent, & auquel sera ordonné par le Iuge : sans que par le moyen de la comparution y ait lieu de repetition desdits fruiçts.

Et par le 28. art. de l'Ordonnance faicte à Moulins est dit, Que celuy qui a esté en contumace de soy représenter à Iustice par le temps de cinq ans, à compter du iour de la condamnation contre luy donnée par defaults & contumaces, perdra non seulement les fruiçts de ses heritages, mais aussi la propriété de tous ses biens adiugez & confisque par Iustice. Laquelle ordonnance cōtenant plusieurs chefs, est besoïn voir : d'autāt que le Roy peut remettre la rigueur d'icelle, selon les causes, personnes, tēps, circonstances, & autres cōsiderations qui pourront iustement mouuoir sa Majesté à déroger à ladite Ordonnance, à laquelle on n'a pas grand esgard.

Aussi conuient entendre, Que quand par arrest confirmatif de sentence, ou bien par arrest simple donné par defaults & contumaces, on est

7
Pour la restitution des biens d'un condamné, il faut considerer le temps auquel la remission a esté obtenue.

8
En restitution de Prince faut regarder si le cōdamné est remis en ses biens, ou si la peine lui est seulement remise.

9
Comme les fruiçts des heritages confisque se doiuent rendre.

10
Auparauint que le cōdamné soit

receu à se justifier, il est contraint consigner l'amende adiugée par arrest à la partie civile. condamné en quelque somme de deniers, interest ou amende enuers la partie civile; & qu'on a obtenu lettres pour mettre les iugemens donnez par defaults & contumaces au neant, & estre receu à ester à droict, se purger & verifier son innocence: telles lettres ne sont point enterinées, sinon que la consignation del'amende enuers la partie civile, ou bien de l'interest civil ne soit preallablement faicte, en baillant caution de rendre ce qu'on aura receu, s'il est dit que faire se doive. Et ce suiuant l'Ordonnance du Roy Charles VIII. article 57. Ainsi fut ordonné par arrest donné à la Tournelle, iudiciairement leu en la grand' Chambre, l'audience tenant, le Lundy 11. Feurier 1572. Et auparauant auoir esté iugé contre Paucaire par les trois arrests cy-apres recitez & dattez. Et depuis le semblable a esté ordonné par le 10. article de l'Edict faict par le Roy Charles IX. pour le bien & autorité de Iustice, & des Officiers de sa Majesté, publiée en la Cour, le 20. Feurier 1572. Et encores par ledit Edict est porté que pour fournir aux fraiz & despens des proces qui se feront de nouveau contre les defaillans apres la presentation par eux faicte, lesdits defaillans consigneront vne somme d'argent telle qu'il sera ordonné par les Iuges, selon la qualité du faict, & des proces.

11
En amende
adiugée
pour delict,
n'y a point
cession de
biens.

Dauantage est besoin noter, que quand il y a condamnation d'amende pour delict, le condamné n'est point receu à faire cession de biens. *l. fin. §. fin. Et ibi glosa in verbo, dabitur. ff. qua in fraud.* Comme il fut plaidé & iugé pour la vesue du Seigneur de Marsilly, contre Paucaire, le Mardy 15. May, Lundy 29. Iuillet, & Mardy 4. Septembre 1555. Et auparauant iugé par arrest de la Cour, du 10. Decembre 1534. recité par Deluc, *in titulo de cessione bonorum*, arrest quatriesme.

12
Encores que
le prisonnier
ne consigne
l'amende ad-
iugée par ar-
rest, on ne
laissera de
luy faire
son proces.

Combien qu'il ait esté dict cy-dessus, que les contumax ne sont receuz en leurs iustifications, que preallablement ils n'ayent consigné és mains de la partie civile l'interest civil qui luy auoit esté adiugé par arrest de la Cour: aussi que les condamnez pour delict ne sont receuz à faire cession de biens: Toutesfois quand le prisonnier a abandonné ses biens, ou bien quand il a obtenu lettres pour estre receu à faire cession de biens; (comme fit Paucaire) on ne laisse de passer outre à l'instruction du proces criminel, mesmes pour le regard des faicts obiectifs & iustificatifs. Comme il fut dit par arrest donné entre la Dame de Marsilly & Paucaire, le 4. Septemb. 1555. Et nonobstant la rigueur des Ordonnances, tant du Roy Charles VIII. que du Roy Charles IX. cy-dessus recitées; i'estime qu'on ne laissera de iuger le proces lors qu'il sera entierement instruit, encores que le prisonnier n'ait consigné és mains de la partie civile l'amende, ou bien l'interest civil qui luy aura esté adiugé par arrest de la Cour; soit que ledit arrest soit donné en premiere instance, ou bien confirmatif de sentence. Autrement le prisonnier pourroit estre contraint miserablement finir ses iours en prison, encores qu'il fust pur & innocent des cas à luy imposez.

QUE LES SEIGNEURS JUSTICIERS IVGENT
 au peril de l'amende. Ne peuvent desaduoir leurs Officiers. Comme
 & quand les peuvent destituer. Avec plusieurs decisions concernans
 les amendes adiugées par la Cour.


- 1 Les Seigneurs Justiciers iugent au peril de l'amende.
- 2 Les Justiciers ne peuvent desaduoir leurs officiers : combien que le Roy les puisse desaduoir.
- 3 Les Seigneurs peuvent à leur volonté destituer leurs officiers.
- 4 Les officiers Royaux ne peuvent estre destituez qu'en trois cas.
- 5 Ceux qui ont terres en appanage, ou en recôpense du Roy, ne peuvent destituer les Officiers instituez par le Roy.
- 6 Le fermier du fisque ne peut estre expulsé par celuy qui a acquis heritaige appartenant au fisque, lequel estoit baillé à loyer.
- 7 Sentence du Thresor de ce que dessus.
- 8 Un Officier Royal estât troublé en son Office, ne peut former cōplainte : Et se doit pourvoir par opposition.
- 9 Les Officiers subalternes ne peuvent estre destituez, s'ils ont esté pourueux pour recompense de services.
- 10 Arrest de ce que dessus.
- 11 Ce que dessus a lieu au successeur singulier.
- 12 Aussi ce que dessus a lieu au successeur au benefice.
- 13 Quand les prouisions sont iugées estre faictes pour recompense de services.
- 14 Un tuteur ne peut destituer les Officiers.
- 15 L'œconome ne peut destituer les Officiers.
- 16 Forme de dresser prouision d'Office pour recompense de services.
- 17 Comme le Seigneur Justicier peut honnestement destituer son Officier.
- 18 Comme l'Officier subalterne estant destitué se doit pourvoir.
- 19 Comme les Seigneurs s'exemptent de l'amende du mal iugé.
- 20 Le Iuge subalterne n'est tenu en son nom soustenir la sentence par luy donnée.
- 21 Le Iuge subalterne ne doit estre condamné en son nom en l'amende : encores qu'il ait mal iugé.
- 22 Es appellatiōs interjettées en la Cour des Iuges des Pairs de France, n'y a que soixante sols parisis d'amende.
- 23 Forme de conclurre es proces par escrit des appellations interjettées des Pairs de France.
- 24 Quand plusieurs sont cōdamnez en l'amende d'un sol appel, ils ne sont pas contrainsts un seul & pour le tout.
- 25 En amende adiugée pour delict, chacun est solidairement tenu.
- 26 Celuy qui a entierement payé l'amende adiugée pour delict, a recours contre ses consors & condamnez.
- 27 Celuy qui a esté contraint payer la rançon pour son compagnon, le peut contraindre au payement d'icelle.
- 28 Condamnation d'amende emporte hypothèque sur les biens du condamné.
- 29 La cognoissance des amendes adiugées par la Cour, appartient à Messieurs les Conseillers du Thresor.
- 30 Les amendes adiugées par Iuges Royaux, appartiennent au Roy, si ailleurs elles ne sont destinées.
- 31 Quand les habitans sont condamnez en amende enuers le Roy, comme il faut se pourvoir pour le payement d'icelles.

32 Forme d'arrest, pour contraindre des habitans au payement des sommes esquelles ils sont condamnez.

33 La Cour ne remet point les amendes, mais donne surseance de payer pour la pauvreté des condamnez.

CHAPITRE XVII.

1
Les Seigneurs Iusticiers in-
gent au pe-
ril de l'a-
mende.



L conuient entendre, encores que le Roy ait faict ce bien & cest hōneur aux Ducs, Marquis, Côtes, Barons, & autres Seigneurs de son Royaume, de leur dōner & octroyer droict de Iustice, haute, moyenne & basse: ou bien haute, moyenne ou basse au dedans de leurs fiefs, terres & Seigneuries: avec pouuoir de créer & establir officiers pour l'exercice de leurs Iustices, comme Bailly, Preuost, ou Maire, Procureur Fiscal, Greffier & Sergens: Toutesfois ceste cōcession, don & octroy ont esté faicts, à la charge qu'ils iugeront au peril de l'amende, à ce qu'ils soient occasionnez de commettre gens de bien, idoines & suffisans, pour sincerement administrer Iustice à leurs subiects. Tellemēt que si l'appel interiecté du Iuge du Seigneur haut-Iusticier, ressortit nuēment en la Cour de Parlement, & est dict, mal-iugé, le Seigneur est condamné en soixante liures parisis d'amende enuers le Roy: Et si l'appel ressortit pardeuant les Baillifs ou Preuosts Royaux, le haut-Iusticier est condamné en soixante sols parisis d'amende, au autre amende, selon l'vsance & coustume des lieux: Ainsi qu'il est porté par les anciennes Ordonnances, renouuellées par le 27. article de l'Edict faict pour le bien & reglement de la Iustice: publié en la Cour le 19. Decembre 1564.

2
Les Iusticiers ne peu-
uent desad-
uouer leurs
officiers, cō-
bien que le
Roy les puis-
se desad-
uouer.

Et ceste Ordonnance est si exactement obseruée, que les Seigneurs hauts, moyens, ou bas Iusticiers, pour s'exempter de la cōdamnation d'amende, & des despens, dommages & interests contre eux demandez, au moyen des iugemens donnez par leurs Officiers, ou emprisonnemens par eux faicts: ne sont receuables à desaduoir leurs Officiers, & ne peuuent auoir sinon recours à l'encontre d'eux: Cōme il a esté iugé par arrest donné à la Tournelle, au mois de Iuillet 1559. contre le Seigneur d'Aluye, les Officiers duquel auoient faict vn temeraire emprisonnement: Et contre Monsieur de Neuers, les Officiers duquel auoient emprisonné vn Sergeant Royal, sous ombre d'un renuoy par luy faict aux Requestes du Palais, au pardessus des defenses à luy faictes par lesdits Officiers: & ce par arrest dōné en plaidoyrie le 15. Iuin 1560. Combien que le Roy, quoy que ce soit M. le Procureur general puisse desaduoir les Officiers Royaux.

3
Les Seigneurs peu-
uent à leur
volonté de-
stituer leurs
Officiers.

La raison de diuersité est; que les Iuges & autres Officiers des Seigneurs hauts, moyens & bas Iusticiers, peuuent au plaisir & volonté desdits Seigneurs estre reuoquez & destituez de leurs charges & Offices, comme il sera dict cy-apres, & qu'il est porté par le 27. article de l'Ordonnance faicte pour le bien & reiglemēt de la Iustice cy-dessus alleguée. Tellement que les Seigneurs Iusticiers se doivent imputer de ce qu'ils ont tolleré des Officiers mal-versans en l'exercice de la Iustice, & qu'ils ne les ont destituez.

Mais les Officiers Royaux sont perpetuels: & ne peuuent estre reuo-

quez ny destituez de leurs estats & Offices, sinon en trois cas : qui sont, mort, resignation faicte de bon gré & consentement du resignant, dont il apparoit deuëment; ou par forfaiture prealablement iugée & declarée par Iuge competent, l'Officier ouy deuëment : Ainsi qu'il fut conclud és trois Estats tenus à Tours, du temps du Roy Charles VIII. & qu'il est porté par les lettres patentes du Roy Louys XI. de l'an 1467. le 12. Octobre, verifiées en la Cour de Parlement de Paris, le 23. Novembre audit an. Tellement que ces mots, Tant qu'il nous plaira, apposez és lettres de prouision des Officiers Royaux, n'ont aucun effect.

4
Les Officiers
Royaux ne
peuvent
estre desti-
tuez qu'en
trois cas

[On demande si le Seigneur feodal ayant saisi la terre de son vassal, a droit de presenter aux Offices. On distingue: Ou les Offices sont venaux, ou non : si ce sont Offices venaux, & qui licitement le peuvent estre, & ont accoustumé d'estre vendus, comme les Greffes, le Seigneur les ayant saisis les peut vendre: si ce sont Offices non venaux, cōme de Iudicature, le Seigneur feodal pourra, s'ils vacquent durant sa main mise, les conferer simplement ; mais le vassal ayant eu main-leuée de son fief, les pourra reuoquer, *cum bona gratia, ad instar*, que tous Seigneurs peuvent reuoquer leurs Officiers selon les Loix de France : Et faut excepter certains Officiers, l'exercice desquels est destiné directement pour la conseruation de la propriété des droicts domaniaux de la Seigneurie, comme est le Concierge de la maison Seigneuriale, ou autre maison d'importance, & le Gruyer, ou Garde forest, dont est parlé, *in l. sita. §. dominus. ff. de usu & habita.* sous les appellations d'insularins & salutarins : Et dit on que le propriétaire, *etiam* outre le gré de l'usufruitier, les peut établir. *Idem dici potest* du Procureur fiscal, qui a la charge du Domaine & droicts domaniaux de la Seigneurie. Coquille au Tiltre des Fiefs de la Coustume de Niuern. art. 58.

Est à noter. Encores que cy-dessus il soit dit que le Seigneur feodal ayant saisi le fief de son vassal puisse pourvoir aux Offices venaux, comme est l'Office de Greffier: cela ne peut auoir lieu à l'endroit des Seigneurs nouveaux, qui par succession ou engagemens iouissent de quelques terres seigneuriales : ainsi qu'il a esté iugé par arrest de la Cour, le 18. Feurier, 1608. au profit du Greffier de l'Abbaye de S. Germain des Prez, lequel ayant remonstré qu'il y auoit vingt ans qu'il iouissoit dudit Office de Greffier en ladite Abbaye, sans qu'on se fust plaint de luy, nonobstant les offres faicts par le nouveau Seigneur qu'il le rembourseroit, disant, qu'il vouloit reuinir ledit Office au domaine de l'Abbaye, ledit Greffier fut maintenu par ledit arrest en l'exercice dudit Office.

Le mesme a esté iugé pour vn Office de Iudicature de Lieutenant, duquel s'estoit faict pourvoir vn particulier par Madame de Nemours; apres le decez de laquelle Dame ce particulier print lettres de confirmation de Monsieur le Duc de Guise, heritier de ladite Dame. Neantmoins depuis lesdites lettres de confirmation, quelque temps apres, ledit sieur Duc de Guise bailla ses lettres de prouision dudit Office, cōme nouveau Seigneur, à vn autre, lequel dernier pourueu fait appeller celui qui exerceoit ledit Office de Lieutenant, pour voir dire qu'il laisseroit l'exercice

dudit Office, comme en ayant les lettres de prouision dudit sieur Duc de Guise : Neantmoins nonobstant lescdites lettres de prouision, le premier pourueu dudit Office demeura paisible possesseur dudit estat de Lieutenant, par arrest donné en la grand' Chambre, President Monsieur de Thou, le 27. Nouembre, 1607. Voy Loyseau, *lib. 1. cap. 3.* en son liure des Offices. N. B.]

5
Ceux qui
ont terres en
appanage,
ou en r. com-
pense du Roy,
ne peuvent
destituer les
Officiers in-
stituez par le
Roy.

Et encores que le Roy baille en appanage quelques Duchez, Comtez, & autres terres à Messieurs ses Freres : si est-ce qu'ils ne peuvent démettre les Officiers pourueuz par le Roy, & en mettre d'autres. Le semblable doit estre obserué, si le Roy par accord & transaction delaisse quelques terres & Seigneuries à quelque Seigneur, en recompense du droict par luy pretendu en quelque Duché, Comté ou Baronnie, comme au Duché d'Alençon. Ainsi qu'il a esté iugé contre le Roy de Navarre, pour le Lieutenant de Chasteau-neuf en Thymerez, par arrest du 20. Iuillet, 1568. Et contre feu Monsieur d'Anguien, pour les Officiers de Baugé, par arrest donné en plaidoyrie, comme le precedent, le 27. Iuin, 1553. Et contre les heritiers du feu Seigneur de la Barre, qui auoit acquis du Roy la Iustice de Chasteau-fort, par arrest donné le dernier Iuillet audit an. Pareillement iugé contre Madame de Mont-pensier, qui auoit acquis vne terre du Roy, & vouloit destituer le Procureur Fiscal de ladite Seigneurie, par arrest donné à l'Audience, le Vendredy dixseptiesme Nouembre, 1554.

6
Le fermier
du fisque ne
peut estre ex-
pulsé par ce-
luy qui a ac-
quis herita-
ge apparte-
nant au fis-
que, lequel
est. i. baillé
à loyer.

Et ce à l'exemple du fermier du fisque, qui est à dire du Roy, lequel ne peut estre expulsé par celuy qui a acquis, ou qui a eu don du Roy : Ains l'acquireur ou donataire du Roy doit entretenir le bail à loüage faict par le Roy ou ses Officiers, de l'heritage vendu ou donné : Encores que l'acquisition ou donation soit faicte purement & simplement sans la charge du bail. Et l'acquireur ou donataire se doit contenter de receuoir & prendre à son profit le loyer porté par le bail pendant le temps d'iceluy : suivant le texte de la loy, *Valerius in fine. ff. de iure fisci.* Qui est vn cas special, & priuilege du fisque, *Que emptor fisci tenetur stare colono, licet emptor priuati alique pacto non teneatur. l. emptorem. C. de locat. l. si merces. §. qui fundum. ff. eodem.*

7
Sentence du
Thresor de
ce que dessus.

Ainsi a esté iugé par Messieurs les Conseillers du Thresor, entre Jean Bertrand, maistre Ceinturier, lequel auoit prins à loüage de Messieurs les Thresoriers de France pour neuf ans escheuz au iour sainct Iean Baptiste, 1587. vne boutique assise en la ruë au Feurre : Et Jean Bourdon, marchand de ceste ville, qui auoit en l'année 1585. achepté ladite boutique à faculté de remeré, de Messieurs les Commissaires deputez par le Roy, pour l'alienation de son Domaine : sans qu'en son acquisition fust faicte mention du bail d'icelle boutique. Et par ladite sentence qui est du 13. Iuin, 1586. ledit Bourdon fut condamné laisser iouyr ledit Bertrand de ladite boutique, pendant le temps qui restoit à expirer de son bail : en payant par ledit Bertrand audit Bourdon les loyers portez par ledit bail : Et ledit Bourdon condamné és despens de l'instance, dommages & interests procedans à cause du trouble & empeschement faict

audit Bertrand, en la iouissance de ladite boutique.

Toutesfois si vn Officier Royal est destitué de son Office, par celuy qui a acquis du Roy la terre & Seigneurie en laquelle il est Officier, ou bien s'il est troublé en la jouissance & exercice de son estat par vn tiers qui pretend droit en l'Office: ledit Officier Royal ne peut conclurre en cas de saisine & de nouuelleté, pour raison du trouble à luy fait au tiltre & exercice de son Office. *Quia nullum ius nec dominium habet in iurisdictione, officio, vel dignitate, nullumque possessionem, sed habet nudum usum, exercitium & administrationem. Et omne ius, dominium, & possessio, residet penes Principem, vel alium dominum, cuius nomine iurdictio, dignitas, vel officium exercetur. l. 1. ff. de offic. eius cui mandata est iurisd. Bald. in cap. cum vicefinum. in fine, col. 1. versic. quaro quæ etas. de offic. deleg. extra. Alciatus lib. Paradox. 2. cap. 6. Molinæus és Coustumes de Paris, §. 1. glos. 5. in verbo, le hief. col. 57. 58. 59.* Et en ce cas l'Officier Royal se doit pourvoir par opposition qu'il formera lors de la publication & lecture des lettres contenant nouvelle prouision de son Office, ou lors qu'on voudra mettre en possession celuy qui a esté pourueu de son Estat: Ou bien obtiendra commission de Messieurs des Requestes de l'Hostel, en vertu de laquelle il fera assigner pardeuant eux celuy qui l'a destitué, & celuy qui l'a troublé, pour voir ordonner que le demandeur iouyra paisiblement de son Office, comme deuëment pourueu d'iceluy: defences au defendeur de le troubler en l'exercice dudit Office; & se voir condamner en tous despens, dommages & interests.

Par ce qui a esté cy dessus deduit, on peut cognoistre que les successeurs Roys de France doiuent & sont tenus continuer & confirmer en leurs Estats & Offices tous les Officiers Royaux qui ont esté pourueuz par leurs predecesseurs Roys, sans qu'ils les puissent destituer & reuoker, sinon és trois cas cy dessus mentionnez: & sans qu'ils puissent pretendre que par le trespas des defuncts Roys, ou par leur nouuel aduenement à la Couronne, leldits Estats & Offices soient vacans. De fait le Roy Louys XII. ayant enuoyé à la Cour de Parlement de Paris lettres de confirmation de tous les Officiers d'icelle, lesquelles portoient qu'il leur donnoit leurs Offices comme vacquans par son nouuel aduenement à la Couronne, fut protesté par Maistre Nicolas Cheualier, lors Procureur General, que ces mots, comme vacquans, inferez és lettres de confirmation de la Cour, du 17. Iuin, 1498. ne pourroient nuire ne preiudicier aux Officiers de la Cour: dont fut fait registre le 28. dudit mois de Iuin. Et par leldites lettres le Roy confirma & ratifia ce qui auoit esté fait & exercé par les Officiers de la Cour, depuis le trespas dudit Roy decédé, iusques au iour de la publication des lettres de confirmation. Aussi le Roy Louys XI. à son retour du voyage de S. Claude, par lettres patentes verifiées en la Cour le 8. Novembre, 1482. ordonna que Charles Daulphin de Viennois son fils, entretinst & confirmast apres sa mort tous les Officiers Royaux, & spécialement ceux de Iudicature; recognoissant que tous les maux & incōueniens qui luy estoient aduenus apres son aduenement à la Couronne, estoient procedez de ce qu'il n'auoit lors confirmé les Sei-

8

Vn Officier Royal estant troublé en son office ne peut former complainte, & se doit pourvoir par opposition.

Les successeurs Roys de France sont tenus confirmer & continuer les Officiers Royaux.

gneurs & Officiers du Royaume en leurs Estats & Offices. Et suiuant ces lettres patentes, ledit Roy Charles VIII. apres le decez du Roy Loys XI. son pere, retint tous les Officiers, & principalement ceux des Cours souveraines, & les confirma en leurs Estats & Offices par ses lettres patentes du 15. Septemb. 1483. verifiées en la Cour, le 20. dudit mois. Et à l'occasion de ce que dessus on met es lettres de confirmation de l'Officier Royal, qu'il est continué & cōfirmé en l'Office qu'il tenoit & exerçoit du viuant du defunct Roy, & qu'encores à present il tient & exerce. Et adiousté-on suiuant l'ancien styl ces mots: Et lequel Office, entant que besoin seroit, & qu'il pourroit estre dit vacquant, au moyen du trespas de feu nostre tres-honoré Seigneur & Pere, luy auons donné & octroyé, donnons & octroyons par ces presentes: pour par luy l'auoir, tenir, & d'oresnauant exercer, & en iouyr & vler, aux honneurs, autoritez, gages, & droicts y appartenans, tant qu'il nous plaira: Sans qu'il soit pour ce tenu faire autre nouueau serment, que celui qu'il en a faict & presté cy-deuant.

9

*Les Officiers
subalternes
ne peuvent
estre desti-
tuez s'ils ont
esté pour-
neuz pour
recompense
de seruices.*

Or combien qu'il ait esté dit cy-dessus, que les Seigneurs Iusticiers peuuent à leur plaisir & volonté reuoquer leurs Iuges & Officiers de leurs charges & offices: toutesfois cela n'a lieu, si lesdits Officiers ont esté pourueuz pour recompense de seruices, ou autre titre onereux: car en ce cas ils sont comme Officiers Royaux, & ne peuuent estre destituez, sinon par forfaiture, & qu'on leur fasse leur proces.

10

*Arrest de ce
que dessus.*

Ainsi qu'il est porté par le 27. art. de l'Ordonnance cy-dessus alleguée, & qu'il a esté iugé par plusieurs & diuers arrests: mesmes pour Lescaliopier Preuost de Villepreux, contre le Seigneur dudit lieu, le Vendredy apres disné, 26. Ianuier, 1562.

11

*Ce que des-
sus a lieu au
successeur
singulier.*

Et tient-on cela estre veritable, non seulement pour le regard du Seigneur qui a pourueu les Officiers, & de son heritier; mais aussi pour le regard du successeur singulier. Comme il fut plaidé pour le Bailly du village de Mont-fort, contre le Seigneur de Clereuaut, gendre de la Dame d'Armentieres, lequel vouloit destituer ledit Bailly, d'autant qu'il estoit du conseil de ladite Dame d'Armentieres, contre laquelle il auoit plusieurs proces, & la cause fut plaidée le 22. Mars, 1565.

12

*Aussi ce que
dessus a lieu
au succes-
seur au Be-
nefice.*

Le semblable est obserué en vn successeur au Benefice, soit qu'il en ait esté pourueu par mort, permutation, resignation, ou autrement. Quand l'Officier a esté pourueu en recompense des bons & agreables seruices faicts, pour la poursuite & conseruation du domaine & temporel du Benefice, soit Euesché, Abbaye, Prieuré, Commanderie, ou autre. Et allegue-on l'arrest de Faguet contre le Prieur d'Argentueil.

13

*Quand les
promissions
sont iugées
estre faictes
pour recom-
pense de ser-
uices.*

Et en cet endroit faut prendre garde comme les lettres de prouision sont causées. Car si elles portent, pour les bons & agreables seruices à nous faicts, cela est pur personnel, & regarde la personne de l'Euesque, Abbé, Prieur, ou Commandeur qui a pourueu à l'estat & office, lequel estoit vn simple vsufructier; mais si les lettres de prouision portent, en recompense des peines, travaux, & seruices qu'il a faicts, & fera cy-apres pour la poursuite, conseruation & manutention du domaine & droicts de nostre

de nostre Euesché, Abbaye, Prieuré, ou Commanderie : cela est reel & non personnel. Et en ce cas n'y a lieu de destitution : mesmes en la personne d'un Juge, lequel a esté plus de dix ans en l'exercice de son Office. Comme il a esté plaidé & iugé en la Cour, contre vn Commandeur, le Mardy 15. Iuillet, 1586.

Dauantage, on tient que le tuteur d'un Seigneur mineur de vingt-cinq ans, ne peut aucunement destituer les Officiers qui ont esté pourueuz par le defunct pere du mineur, encores qu'ils n'eussent esté pourueuz pour recompense des seruices, ou autre tiltre onereux, ains purement & simplement. Comme il fut plaidé contre Madame de Guise, tutrice de ses enfans, pour le Procureur Fiscal de la Ferté Bernard, le Vredy apres disné, 16. de Feurier, 1564. Et depuis iugé contre la Royné de Nauarre, tutrice de son fils, pour les Officiers pourueuz par Monsieur le Cardinal de Bourbon, qui estoit tuteur auparauant ladite Royné de Nauarre. Pareillement iugé contre la Dame de la Grutur, curatrice de son mary; par arrest donné en plaidoyrie, le 8. Aoust, 1566.

¹⁴
Un tuteur
ne peut de-
stituer les
Officiers.

Le semblable est obserué en vn vsufruitier, pareillement en vne doüairiere qui iouyt en doüaire de toute vne Seigneurie, en laquelle y a haute, moyenne & basse Iustice, lesquels ne peuuent destituer les Officiers instituez par le defunct Seigneur propriétaire de la terre. De faict le Seigneur de Milly ayant delaiillé vn seul fils mineur, lequel dix ou douze ans apres le trespas de son pere seroit decedé, & delaiillé son oncle heritier : auquel entre autres biens seroit aduenü la Seigneurie de Boulancourt: Apres le trespas du fils, ledit oncle ayant destitué les anciens Officiers, & en ayant institué de nouueaux. Aussi apres plusieurs proces meuz entre la mere & l'oncle du fils, ceste Seigneurie de Boulancourt par arrest de la Cour ayant esté assignée à la mere pour en iouyr en doüaire: incontinent apres cet arrest, ladite doüairiere destituë les Officiers instituez par l'oncle, & restituë les anciens Officiers en leurs Estats & Offices. De ceste institution & destitution, l'oncle ayant appellé: Par arrest donné en plaidoyrie, le Ieudy 9. Feurier, 1594. a esté dit, que les anciens Officiers qui auoient esté instituez, tant par le defunct pere du fils dernier decedé, que par la mere, pendant qu'elle estoit tutrice de son fils, & qui iouyssoient au iour du trespas dudit fils, demeureroient en l'exercice de leur Office, sans qu'ils ayent peu estre destituez, ny par l'oncle, ny par la mere depuis le trespas du fils.

Mais la question est, qui pouruoirá aux Offices, mesmes de Juge & de Procureur Fiscal, qui ne sont point venaux : ensemble aux autres Offices qui sont venaux, comme de Greffier, de Notaire, de Sergens, de Priseur, d'Arpenteur, & autres, pendant le temps de l'vsufruitier, ou bien de la doüairiere : Et si le Seigneur propriétaire y pouruoirá : ou bien l'vsufruitier, ou bien la doüairiere, qui est equiparée à vn vsufruitier. Le Seigneur propriétaire pour ses moyens dit, que la collation des Offices estant vn droit honorifique, & recognoissance de superiorité, lequel appartient au Seigneur propriétaire, & non à l'vsufruitier, iceluy se doit contenter de prendre les fruits, profits, & reuenus de la Seigneurie, sans

toucher aux tiltres honorifiques: Qu'un vsufroidier ne peut auoir plus de droict en la Seigneurie de laquelle l'vsufroid luy a esté donné, que ceux qui ont acquis du Roy vne terre à faculté de reméré: lesquels par le trois cens trente-troisieme article de l'Ordonnance faicte aux Estats tenus à Blois, en l'an 1580. ne peuuent faire exercer la Iustice en leurs noms, ny pretendre aucun droict de prouision de Benefices ou Offices dependans desdites terres. Aussi les sentences & contractz ne doiuent estre intitulez du nom du Seigneur vsufroidier. Que par le vingt-cinquiesme article de l'Ordonnance faicte pour le bien & reiglement de la Iustice, estant porté, qu'es lieux esquels la Iustice est exercée en commun, sous l'autorité du Roy & d'aucuns Seigneurs: le Iuge sera commis alternatiuement de trois ans en trois ans par le Roy, ou par celuy auquel la Iustice appartient, s'entend des Seigneurs propriétaires, non pas des Seigneurs vsufroidiers.

15
L'oeconome
ne peut de-
stituer les
Officiers.

Et le semblable est gardé en vn Oeconome ordonné pendant la vacation d'un Euesché, ou d'une Abbaye, lequel ne doit rien immuer, ny destituer aucuns Officiers: comme il fut plaidé & iugé le 12. iour d'Aoust, 1568. & 8. Mars, 1569. contre l'Oeconome de l'Euesché de Paris, qui auoit destitué le Greffier & Geollier du Fort l'Euesque.

16
Forme de
dresser pro-
uision d'Of-
fice pour re-
compense de
seruices.

En cet endroit conuient entendre, encores que la prouision d'un Iuge, ou d'autre Officier d'un Seigneur haut, moyen, ou bas Iusticier, porte en termes generaux, qu'il a esté pourueu de tel Office, pour les bons & agreables seruices qu'il nous a faicts, & esperons qu'il nous fera cy apres: ou bien, en faueur des bons & agreables seruices qu'il nous a faicts: ou bien en rememoration ou souuenance des bons & agreables seruices qu'il nous a faicts: Toutesfois les mots dessusdits ne sont suffisans, pour faire la prouision remuneratoire, faicte pour recompense de seruices, ou tiltres onereux, mais est besoin que les lettres de prouision portent ces mots: En recompense des bons & agreables seruices qu'il nous a faicts: ou, En remuneration des bons & agreables seruices qu'il nous a cy-deuant faicts. Et encores le meilleur, que quelques seruices signalez fussent specifiez. Comme il fut plaidé pour le Comte de Roussi, le 14. May, 1565. Pour le Baron de Guerton, le 26. Iuillet, 1568. Et contre Madame de Neuers, qui auoit destitué un sien Preuost, pourueu par son defunct pere: dont la cause fut plaidée le vingt-neufiesme May, mil cinq cens soixante cinq.

17
Comme le
Seigneur Iu-
sticier peut
honneste-
ment
destituer son
Officier.

Et quand un Seigneur haut, moyen, ou bas Iusticier veut destituer un sien Officier, soit Iuge ou autre, lequel n'est pourueu pour cause remuneratoire ny onereuse: il doit mettre la cause de sa destitution, autrement, *ignominie causa destitutus censeretur. l. 2. §. ignominie. ff. de his qui notantur infra.* Et faut que la cause soit honneste: à sçauoir qu'il se contente du seruice qu'il luy a cy-deuant faict: car s'il y auoit cause infamante, il luy faudroit faire son proces.

18
Cōme l'Of-
ficier subal-

Et la destitution faicte par un Seigneur de son Officier, ledit Officier ne doit pas appeller, *quia à priuata persona non appellatur*: Mais il se doit opposer à la reception de celuy qui est pourueu en son lieu, & se pouruoir

sur son opposition pardevant le Juge Royal. Et si on appelle de ladite destitution, faut par le relief d'appel faire convertir l'appel en opposition: comme il fut plaidé pour la Dame de Curton, le vingt-sixiesme Juillet, 1568.

Et ne estant de l'ité, se doit pourvoir.

Davantage est besoin noter, combien qu'il ait esté dit cy-dessus, que les Seigneurs Justiciers iugent au peril de l'amende: tellement que si l'appel ressortit nuëment en la Cour de Parlement, l'amende est de soixante liures parisis: Toutesfois quand les Seigneurs, lors que la cause est plaidée, cognoissent qu'il a esté mal iugé par leurs Juges; encores que la partie soustienne le iugé, ils supplient la Cour mettre l'appellation au neant, en ce faisant les exempter de l'amende: ce que la Cour faict ordinairement.

19

Comme les Seigneurs s'exemptent de l'amende du mal iugé.

Et le Juge des Seigneurs Justiciers n'est point tenu en son nom soustenir la sentence par luy donnée, encores que la partie, au profit de laquelle la sentence est donnée, ne la veule soustenir: Si de la part du Juge, il n'y auoit dol, fraude ou concussion: comme il fut iugé contre les Juges Presidiaux de Sens, qui auoient condamné vn Juge subalterne à soustenir la sentence: Et ce par arrest donné en plaidoyrie, le vingt-huictiesme Aueil, 1567.

20

Le Juge subalterne n'est point tenu en son nom soustenir la sentence par luy donnée.

Et encores le Juge du Seigneur Justicier, ne doit estre condamné en l'amende du mal iugé, ains ledit Seigneur haut-Justicier y doit estre condamné: Comme il a esté iugé par arrest du 22. Decembre, 1587. donné entre Maistre Louys Bernage Aduocat en Parlement, Bailly de Palaiseau, appellant de certaine sentence donnée par le Preuost de Paris ou son Lieutenant, & les Genstenans le siege Presidial audit lieu, le 12. Novembre, mil cinq cens quatre-vingts six: en ce que par icelle ledit Bailly de Palaiseau ou son Lieutenant a esté condamné en soixante sols parisis d'amende pour le mal iugé, execution d'icelle, & de ce qui s'en est ensuiuy d'une part: Et le Procureur General du Roy prenant la cause pour son Substitut au Thresor, intimé d'autre part: La Cour du consentement dudit Procureur General qui n'a voulu soustenir ladite sentence pour ce regard, a mis l'appellation, & ce dont a esté appellé au neant, sauf à l'appellant son recours pour les despens, dommages & interests contre qui il verra estre à faire par raison.

21

Le Juge subalterne ne doit estre condamné en son nom en l'amende, encore qu'il ait mal iugé.

Aussi combien qu'il ait esté dit cy-dessus, que les haut-Justiciers ressortissans nuëment en la Cour de Parlement, sont condamnés suivant l'ancienne Ordonnance, en soixante liures parisis d'amende pour le mal iugé de leurs Juges: Toutesfois ceux qui sont appellans des sentences, & iugemens donnez par les Juges desdits haut-Justiciers, soient Pairs de France, ou autres, Qui par tiltre, priuilege, octroy, concession ou autrement ressortissent nuëment en la Cour de Parlement: encores que lesdites sentences ou iugemens soient confirmez par arrest de la Cour, ne sont pas condamnés en soixante liures parisis d'amende, comme sont ceux qui appellent de Messieurs des Requestes du Palais, de Messieurs les Conseillers du Thresor, des Baillifs Royaux, & autres Juges Royaux ressortissans immédiatement en la Cour de Parlement.

22

Es appellations inter-jettées en la Cour des Juges des Pairs de France, n'y a que soixante sols parisis d'amende.

Mais lesdits appellans sont seulement condamnez en soixante sols parisis d'amende: encores que l'arrest porte en termes generaux: Et l'appellant condamné en l'amende; ou, & amendera. Et le semblable est obserué, quand on a appellé en la Cour, *omisso medio*. Car ce-luy qui a mal appellé, n'est condamné, sinon en telle amende qu'il eust esté condamné par le Iuge Superieur, s'il eust releué son appel pardeuant luy. Et ainsi est obserué tant en la Cour de Parlement, qu'en la Chambre du Thresor: suiuant les Arrests de la Cour donnez pour Christophle Preuost, les 22. Aoust, 1578. & quatriesme Iuillet, 1579. Autre arrest donné pour Iean Boulenger, le 19. May, 1582.

23
Forme de
conclurre és
proces par
escript, des
appellations
interjettées
des Pairs de
France.

Partant on a accoustumé mettre és conclusions des proces par es-crit receus pour iuger des appellations interjettées des Iuges des Pairs de France, ces mots: Et l'amende pour le Roy, telle qu'elle eust esté parde-uant le Bailly de Vermandois, ou bien pardeuant autre Iuge où l'appel eust ressorty n'estoit la Pairie: ou bien, Et l'amende pour le Roy, telle qu'elle seroit pardeuant le Iuge superieur cessant la Pairie. Et si on a ob-nis à mettre ceste clause en la conclusion, il faut presenter requeste à la Cour, afin de moderation de l'amende. Et lors la Cour declare que l'a-mende n'est que d'un escu vn quart: Comme il a esté iugé par les trois ar-rests cy-dessus citez. Si l'arrest est donné par cōtumace, comme vn congé iugé, & par vertu d'iceluy l'appellant descheu de son appel, & condam-né en l'amende, on fait difficulté de moderer l'amende *in odium contu-macis*. Pareillement on faict difficulté de la moderer en matiere crimi-nelle: parce qu'en ce cas on peut directement appeller en la Cour, encores qu'il ne soit question de mort, ny de mutilation de membres.

24
Quand plu-
sieurs sont
condamnez
en l'amende
ils ne sont
pas con-
traints un
seul & pour
le tout.

Dauantage en cet endroit incidemment on peut dire: Que quand plusieurs appellans sont condamnez en vne amende de soixante liures parisis, ou d'autre moindre somme: on ne les peut contraindre au paye-ment d'icelle solidairement; mais seulement chacun est tenu par corps pour sa quotité & virile portion. Et le semblable est obserué entre plu-sieurs heritiers du condamné, chacun desquels est tenu au paiement de l'amende, en laquelle le defunct a esté condamné, pour sa portion he-reditaire seulement, non pas par corps, mais par faillie & vente de ses biens. Suiuant la loy premiere, *C. si plures vna sententia condemnati sunt. l. reos §. cum in tabulis. ff. de duobus reis*. Encores qu'en amendes adiugées pour crimes & delict, chacun des delinquans soit tenu par corps pour le tout, *l. si duobus. ff. si mentor falsum mod. dix. l. in magistr. ff. de magistr. con-uent. l. 1. §. deiecisse. versic. quoties. ff. de vi & vi arma*.

25
En amende
adiugée pour
delict, cha-
cun est soli-
dairement
tenu.

Et combien qu'ordinairement on tienne qu'en delict il n'y ait point de recours l'un à l'encontre de l'autre: mesmes que les Iuges par leurs sentences ne baillent aucun recours: *tanquam qui delicti proprij pœnam subiit, indignus censcatur, ut à ceteris doli participibus quid consequatur: neque ei mandanda sint actiones, nec utilis actio competat: quia maleficiorum non est societas, nec communicatio iusta damni ex maleficio*: comme dit le Iu-risconsulte in *l. 1. §. planè. ff. de tutel. & ratio. distraben*. Toutesfois d'au-tant que l'un des delinquans a payé non seulement sa portion de la pei-

ne, en laquelle tant luy, que ses confors ont esté solidairement condamnés, mais a entierement acquitté ladite peine: Ordinairement on dict que celuy qui a entierement payé l'amende, ou bien la reparation adiugée à la partie civile, peut valablement agir contre ses confors & adherans, à ce que chacun d'eux soit condamné luy rendre & payer ce qu'il a payé pour chacun d'eux. Et en ce cas est bon prendre cession d'actions de celuy auquel l'amende ou la reparation est adiugée. Et à faire ladite cession d'action, la partie sera condamnée par le Iuge, suivant la loy, *si res obligata. in fine. ff. de legat. l. l. cum aliter. C. de fideiussor. & manda. mesmes le Iuge peut ceder les actions de celuy au profit duquel il donne iugement, à celuy qu'il condamne. l. fin. C. de privileg. fisci. Ainsi se pratique au Chastelet de Paris suivant ladite loy, *si res.**

Le semblable est observé entre ceux qui sont prins prisonniers en guerre: quand l'un d'entre eux a esté enuoyé sous la foy, pour recouvrer deniers, à fin de payer leurs rançons, & n'est retourné: En sorte que les prisonniers ont esté contraints payer la rançon de celuy qui n'est retourné: lequel est tenu la rendre & payer ausdits prisonniers, *l. nam & servus. ff. de neg. gest.*

Aussi combien que les condamnés en l'amende d'un friuol appel, ne soient tenus l'un pour l'autre: toutesfois du iour de la condamnation d'amende il y a hypothèque sur le bien: Tout ainsi qu'il y a hypothèque du iour de la sentence, par laquelle on est condamné à payer quelque somme de deniers, suivant le cinquante troisieme article de l'Edict de Moulins. En sorte que pour le payement de l'amende, on peut agir hypothecairement contre celuy qui a acquis depuis l'amende adiugée. Mais auparavant que pouvoir faire saisir, crier & adiuger l'heritage hypothéqué, il est besoin faire discussion des biens du condamné, suivant l'authentique, *hoc si debitor. C. de pignoribus.*

Outre il conuient entendre, que Messieurs de la Justice du Thresor cognoissent de toutes les amendes adiugées par la Cour; soit qu'elles procedent à cause des friuoles appellations, ou bien à cause de crimes & delicts: & ce priuatiuement à tous Iuges. Et encorés ausdits Conseillers du Thresor appartient la cognoissance de toutes les amendes adiugées au Roy par le Preuost de Paris, & huit Baillifs circonuoisins: Qui sont Senlis, Melun, Brye - Comte - Robert, Estampes, Dourdan, Mante, Meulan, Beaumont sur Oyse, & Chrespy en Vallois. D'autant que les amendes adiugées au Roy, sont reputées domaniales: & la cognoissance du Domaine du Roy & des droicts dependans d'iceluy, estant interdite au Preuost de Paris, pareillemēt aux Baillifs dessus nommez, & attribuée ausdits Seigneurs Conseillers du Thresor; ils doiuent seuls cognoistre des amendes, priuatiuement audit Preuost de Paris & Baillifs susdits. Et ce suivant l'Edict publié à la Cour, le neufiesme Iuin, mil cinq cens quarante-quatre, confirmé par plusieurs arrests de la Cour. Aussi il est certain que toutes amendes adiugées par les Iuges Royaux appartiennent au Roy si le iugement ne porte que l'amende adiugée sera

26

Celuy qui a entierement payé l'amende adiugée pour delict, a recours contre ses confors condamnés.

27

Celuy qui a esté contraint payer la rançon de son compagnon le peut contraindre au payement d'icelle.

28

Condemnation d'amende emporte hypothèque sur les biens du condamné.

29

La cognoissance des amendes adiugées par la Cour appartient aux Conseillers du Thresor.

30

Les amendes adiugées par Iuges Royaux appartiennent au Roy si ailleurs elles ne sont destinées.

appliquée à œuvres publics ou pitoyables. *l. multarum. C. de modo multarum quæ à iudicibus infliguntur.*

31
Quand des
habitans soit
condamnez
en amende
enuers le
Roy, comme
il faut se
pourueoir
pour le
payement
d'icelle.

On a demandé quand vne Communauté d'habitans, mesmes de quel-
que bourg ou village est condamnée en l'amende de soixante liures pari-
sis, ou d'autre somme enuers le Roy; comme on les doit contraindre au
payement d'icelle: quelle forme, ou bien quel ordre on y doit obseruer.
Car il est certain par la disposition de droict commun, qu'on ne se peut
prendre à l'un d'entre eux seul & pour le tout, suiuant la loy vnique, *Vt
nullus ex vicaneis pro alienis vicaneorum debitis teneatur. C. lib. II.* Aussi si le
Receueur du Roy estoit cōtraint faire poursuite cōtre chacun habitant,
& receuoir de chacun sa quotité & portion virile, ce seroit vne chose fort
difficile & incommode; comme dict la loy *tutor. §. Lucius. ff. de usuris.*
Partant apres commandement fait à haute voix aux habitans yssuë de
Messe parochiale, ou de Vespres dictes & celebrées en la paroisse, en
parlant aux Marguilliers Gaigers, ou Procureur Syndic, & plus appa-
rens de ladite paroisse, de payer l'amende adiugée au Roy, ou bien à vne
partie ciuile: on presente requeste à la Cour, donnant à entendre la con-
damnation d'amende, le commandement de payer, & refus de ce faire.
On requiert qu'il soit enjoint aux asseurs de la taille, de faire assiette
sur tous les habitans, de la somme à laquelle se monte la condamnation
d'amende, & ce dedans certain temps: & aux collecteurs d'en faire la le-
uée & collecte dedans certain temps. Et à faute de ce faire, ils soient con-
damnez payer l'amende en leur noms, sauf leur recours contre les habi-
tans condamnez. Sur ceste requeste la Cour a accoustumé ordonner,
Que dedans vn mois du iour de la signification du present arrest, les as-
seurs de ceste presente année, feront asseoir sur les habitans de tel lieu,
& au mois ensuiuant, les collecteurs feront cueillir, leuer, & payer au
Receueur des amendes, ladite somme de soixante liures parisins d'amen-
de adiugée du Roy par arrest du &c. Autrement & à faute de ce faire
dedans ledit temps, & iceluy passé, seront les delayans ou refusans te-
nus payer ladite somme, ou ce qui en restera. Et audit payement sont
dés à present comme deslors, & deslors comme dés à present condam-
nez en leurs propres & priuez noms: sauf leur recours contre lesdits ha-
bitans, ainsi qu'ils verront estre à faire par raison. Si ce sont habitans
d'une ville, lesquels avec les Maire & Escheuins d'icelle, soient con-
damnez de payer certaine somme de deniers: apres le commandement
de payer, on ordonne que dedans deux mois les Maire & Escheuins se-
ront tenus obtenir lettres d'assiette, & faire asseoir & leuer sur les habi-
tans la somme adiugée par arrest au demandeur, & le faire payer d'icel-
le. Et à faute de ce faire, que lesdits Maire & Escheuins seront con-
traints, chacun d'eux seul & pour le tout, payer ladite somme, sauf leur
recours contre les habitans. Et le temps passé on les peut executer en
leurs biens meubles & immeubles: comme il fut iugé au Parlement de
Chaalons, contre le Procureur Syndic & Escheuins de Prouins, le neu-
uesme Decembre, mil cinq cens quatre-vingts & treize. Aussi contre
les Iurez des mestiers, soient Boulengers, Musniers, ou autres, on or-

32
Forme d'ar-
rest pour
contraindre
des habitans
au payemēt
des sommes
e'quelles ils
sont condā-
nez.

donne que dedans deux mois ils seront tenus faire l'assiette & collecte sur ceux du mestier, des deniers esquels il sont condamnez, & icelle faire payer au demandeur. A ceste fin seront assembler ceux du mestier dedans certain temps, pour eslire assieuteurs & collecteurs: Et à faute de ce faire ils seront condamnez en leurs noms à payer la somme, sauf leur recours contre ceux du mestier. Et ce suivant la doctrine de Bartole, *in l. actor. ff. de re iudica*. Et ainsi fut ordonné par arrest de la Cour contre Bahuet Juré des Maistres Musniers de ceste ville de Paris.

Aussi conuient entendre, combien que par la disposition de droit, vne amende adiugée au Roy, qui est remise pour la pauvreté du condamné, ne puisse apres estre demandée: encores que le condamné paruienne à meilleure fortune & opulence de biens: selon le texte *in l. illicitas. §. final. ff. de offic. presid.* toutesfois cela n'est obserué en la Cour de Parlement: Partant on dit que la Cour ne remet point les amendes pour la pauvreté des condamnez: mais elle donne surseance de payer iusques à ce que le condamné soit paruenù à meilleure fortune. Et lors qu'il est paruenù à meilleure fortune, on peut faire proceder par voye de saisie & arrest sur ses biens: non pas de plein vol le faire emprisonner sous ombre qu'on pretend qu'à present il a moyens de payer l'amende en laquelle il est condamné enuers le Roy.

33
La Cour ne remet point les amendes, mais donne surseance de payer pour la pauvreté des condamnez.

LE SEIGNEUR HAUT-IUSTICIER, QUI ABVSE de sa Iustice enuers ses subiects, est priué de son droit de Iustice à tousiours, ou pendant sa vie.

- | | |
|--|--|
| <p>1 Connexité du present chapitre avec le precedent.</p> <p>2 Le Seigneur Iusticier abusant de sa Iustice, est priué du droit d'icelle.</p> <p>3 Arrest de ce que dessus.</p> <p>4 Autre arrest de ce que dessus.</p> <p>5 Vn Seigneur Iusticier, par arrest priué de sa Iustice, pour en auoir abusé.</p> <p>6 Les Chapitres sont ordinairement exempts de la iurisdiction de leurs Euesques: Et pourquoy.</p> <p>7 Les Euesques anciennement estoient esleuz.</p> | <p>8 A present le Roy nomme aux Eueschez & Archeueschez.</p> <p>9 Quelles doivent estre les prisons des haut-Iusticiers.</p> <p>10 Que le Iuge Royal doit visiter les prisons des hauts Iusticiers.</p> <p>11 Que la surueille des quatre festes solennelles de l'an, les hauts Iusticiers doivent enuoyer au Iuge Royal, les noms & surnoms de leurs prisonniers.</p> <p>12 Les haut-Iusticiers doivent donner du pain à leurs prisonniers.</p> |
|--|--|

CHAPITRE XVIII.

1
Connexité
du present
chapitre
avec le pre-
cedent.



O v s auons monstre au chapitre precedent, que les Seigneurs haut-Iusticiers sont responsables des sentences & iugemens donnez par leurs Iuges, & pour le mal iugé sont condamnez en soixante liures parisis d'amende, si l'appel ressortit & est decidé en la Cour de Parlement de Paris: & s'il est vuidé és autres Iustices Royales, soient Preuostez, Baillages ou Seneschauſſées, les Seigneurs haut-Iusticiers sont condamnez en soixante sols parisis, cent sols parisis, dix liures parisis, ou autre amende, selon la Couſtume & vſance des lieux. Pour ceste cause leur est permis destituer leurs Officiers quand bon leur semble, s'ils ne sont pourueuz pour cause remuneratoire.

2
Le Seigneur
iusticier
abusant de
sa Iustice,
est priué du
droict d'i-
celle.
Mais outre les condamnations d'amendes dessusdites, il conuient entendre; Que si le Seigneur haut-Iusticier abuse de sa Iustice, & que par le moyen d'icelle il vſe d'exactions, conſaſſions, cruantez, inhumanitez, ou autres vexations enuers ſes hoſtes & iusticiables: il est à tousiours, ou bien pendant sa vie, priué de son droict de Iustice: ou bien le subiect enuers lequel il a mal vſé de sa Iustice, est declare exempt de son obeyſſance & iurisdiction. Et ce à l'exemple du Seigneur feodal, lequel commettant cruauté, inhumanité, ou felonnie contre son vassal, est priué de la propriété, ou bien de la Seigneurie directe & droict feodal qu'il auoit au fief de son vassal: ſuiuant le texte *in cap. unico, qualiter dominus proprietate feudi priuetur: & cap. unico. §. domino. si de feudo defuncti conuentioſit inter dominum & agnatos vassali, in vſibus feudorum*, & ce qu'auons dict au chapitre ii. du present Traicté.

3
Arrest de ce
que dessus.
De faict vn Gentil-homme de Poictou ayant longuement detenu prisonnier en ſes prisons vn ſien subiect, & vſé enuers luy de plusieurs inhumanitez & cruantez pendant qu'il estoit prisonnier, & tenu tous ſes biens ſaisis, ſans que luy, la femme & enfans en peussent iouyr, ny en eſtre ſecourus pour leurs nourritures & alimens: Par arrest du vingt-vniesme Nouembre mil cinq cens cinquante-huict, fut condamné en plusieurs amendes, & priué du droict de Iustice qu'il auoit eu au dedans de sa terre & Seigneurie. Ordonné que ladite Iustice seroit vnie à la plus prochaine Iurisdiction Royale. Et que pour le payement des gages des Officiers qui exerceroient ladite Iustice, seroit prise chacun an sur le plus clair reuenu de la terre & Seigneurie appartenant audit Gentil-homme, la somme de trente liures parisis. L'arrest fut leu en la grand' Chambre l'audience tenant, ledit vingt-vniesme Nouembre, qui estoit le iour de l'ouuerture du Parlement, en la presence du Gentil-homme, estant debout teste nuë, & ordonné que derechef il seroit leu en la presence dudit Gentil-homme, en l'auditoire du Seneschal de Poictiers, les plaids tenans. Cest arrest est recité par Deluc en l'Epistre liminaire de son recueil d'arrests; avec les crimes & causes pour lesquelles il a esté donné.

Aussi

Aussi le 9. Iuin 1455. y eut arrest de la Cour donné au profit de Jean Delbie, vassal de l'Euesque de Nantes, lequel pour plusieurs torts & oppressions que luy auoit fait ledit Euesque, fut déclaré exempt de son obeysance & Iurisdiction, tant que ledit Euesque viuroit. Cest arrest est recité par Deluc en ses arrests notables, liure 7. tiltre 4. arrest 3.

Semblablement, Pierre Crespat demeurant en Auvergne, Seigneur haut Iusticier d'Artel, ayant faict plusieurs mauuais traitemens à ses sub-
 jets, iusques à les battre, emprisonner, & autrement trauailler lors qu'ils appelloient de ses officiers pardeuant le Iuge du Vicomte de Tournelles, Seigneur dominant, & Superieur du fief d'Artel: Par sentence du Iuge d'Aurillac, contenant plusieurs chefs de condamnations, ladite Seigneu-
 rie d'Artel fut déclarée confisquée, & commise au Seigneur feodal Vi-
 comte de Tournelles, qui estoit poursuiuant ladite commise. Dont ledit Crespat appella à la Cour: Par arrest de laquelle la sentence fut refor-
 mée: & la Iustice d'Artel seulement fut déclarée commise audit Sei-
 gneur Vicomte, pour en iouyr par luy ou les siens durant la vie dudit Crespat: & sauf à ses enfans masles heritiers, le retour d'icelle. Cest arrest sans datte est amplement recité par Maistre Jean Papon en son recueil d'Arrests liure 13. tiltre 1. arrest 12.

Aussi nous voyons en France, que les Doyens, Chanoines & Chapi-
 tres des Eglises Cathedrales & Metropolitaines sont exempts de la Iuris-
 diction de leur Archeuesque ou Euesque, encores qu'il soit leur superieur,
 & que la collation de leurs dignitez, Chanoinies & Prebendes luy appar-
 tiennent. De faict, le Chapitre a sa Iurisdiction & Iuge Ecclesiastique à
 part, qui ne recognoist aucunement l'Official de son Euesque, ou Ar-
 cheuesque. La raison de ce plusieurs dient estre: Que les Archeuesques,
 Euesques, & autres Prelats, estoient anciennement suiuant la disposition
 Canonique & Pragmatique Sanction esleuz par les Doyen, Chanoines,
 & autres Beneficiez de leur Eglise. Apres laquelle election celuy qui
 auoit esté esleu, & qui estoit paruenue à la dignité par luy pretendue, con-
 ceuoit haine, inimitié, & mal-veillance contre aucuns des electeurs
 soient Chanoines ou autres, qui ne l'auoient fauorisé & donné leur voix:
 les faisoient molester, vexer, rechercher, & trauailler, à la requeste de
 son Prémoteur pardeuant son Official. Et que pour ceste cause les Cha-
 pitres qui sont ordinairement en differend & controuerse avec leurs
 Euesques, ou Archeuesques, ont facilement obtenu des Saints Pe-
 res l'exemption de la iurisdiction de leurs Euesques, Archeuesques,
 & Prelats. Et combien que ceste raison cesse à present, parce que le
 Roy nomme aux Archeueschez, Eueschez, & autres Prelatures Ec-
 clesiastiques du Royaume, & qu'à sa nomination le Pape y pouruoit:
 Toutesfois l'exemption de iurisdiction dure encores à present: & n'y a
 quasi Chapitre qui n'ait son Iuge Ecclesiastique, lequel ne reco-
 gnoist point l'Official de son Euesque, ou Archeuesque. Et tels Cha-
 pitres se dient & intitulent immédiatement tenus du saint Siege Apo-
 stolique, comme faict le Chapitre de l'Eglise de Paris.

5
 Vn Seigneur
 Iusticier par
 arrest priué
 de sa Iustice
 pour en
 auoir abusé.

6
 Les Chapi-
 tres sont or-
 dinairement
 exempts de
 la iurisdic-
 tion de leurs
 Euesques:
 & pour-
 quoy.

7
 Les Eues-
 ques an-
 ciennement
 estoient es-
 leus

8
 A present le
 Roy nomme
 aux Eues-
 chez & Ar-
 cheueschez.

*Quelles doi-
uent estre les
prisons des
haut-Iusti-
ciers.*

10

*Que le Iuge
Royal doit
visiter les
prisons des
haut-Iusti-
ciers.*

D'autant qu'auons dit cy-dessus que quelques Seigneurs haut-Iusticiers trauaillent leurs subjets, hostes, & iusticiables par longue detention de prison, & que souuent on ignore leurs emprisonnemens, il est besoin entendre, que par le 2. des articles concernans les droicts de haute Iustice, transcripts au 2. chapitre du present Traicté, est porté: Que pour l'exécution de la Iustice, le haut Iusticier doit auoir Iuges & Officiers, Geollier, prisons bonnes, seures & raisonnables, de hauteur & largeur competente, & non infectes: & doiuent lescdites prisons estre basties à rez de chaussée, sans vîer de Ceps, Grillons, Gruës, & autres instrumens semblables. A l'exécution & entretenement de ce que dessus, le Iuge Royal doit prendre garde & auoir l'œil: Pour cest effect se transporter és prisons des haut Iusticiers, les voir & visiter: regarder si elles sont bonnes, seures & raisonnables, non infectes: & si elles sont basties à rez de chaussée: les contraindre par saisie de leurs terres, Seigneuries, & de leurs Iustices à auoir prisonstelles que dessus, avec vn Geollier: Non pas permettre qu'on mette les pauures prisonniers en basses fosses, en estables à porcs, à vaches, ou à cheuaux, ou autres lieux infects & puants, comme on fait ordinairement és Chasteaux & maisons priuées des Seigneurs, ou bien de leurs Receneurs & Fermiers.

11

*Que la sur-
ueille des
quatre Fe-
stes solen-
nelles de
l'an, les
haut-Iusti-
ciers doi-
uent enuoyer
au Iuge
Royal les
noms &
surnoms de
leurs prison-
niers.*

Aussi est expedient, que quelquesfois le Iuge Royal se transporte, ou bien enuoye és prisons des Seigneurs haut-Iusticiers, pour sçauoir quels prisonniers y sont detenus, depuis quel temps, & pourquoy. Pour le moins la surueille des quatre Festes solennelles de l'an, le Iuge Royal, soit Bailly ou Preuost, comme de Poissy, de Corbeil, de Montlehery, ou autre, doit contraindre tous les Officiers des Seigneurs haut-Iusticiers, qui sont au dedans de son territoire; venir iudiciairement declarer, ou enuoyer les noms & surnoms des personnes qu'ils detiennent en leurs prisons, dès & depuis quel temps, & pourquoy: ainsi que Messieurs de la Cour de Parlement ont acoustumé faire en ceste ville de Paris, és quatre Festes solennelles de l'an. A ce que les Seigneurs haut-Iusticiers, ou bien leurs Officiers, ne puissent abuser de la Iustice qui leur a esté octroyée par les Roys de France: aussi ne puissent par longue detention de prison, vexer, molester, & trauailler leurs subjets, hostes & iusticiables: ny par ce moyen extorquer d'eux choses illicites, iniustes & desraisonnables, ny vser de viadictes & vengeancees enuers eux. Car les prisons ont esté introduites pour la garde des mal-faiçteurs; non pas pour la punition d'iceux. Et sera bon que les Iuges Royaux notifient ce que dessus, lors qu'ils tiendront leurs Assises, à ce que chacun haut-Iusticier ait à y obeyr. En ce faisant l'auctorité, prééminence, & prerogative, que le Roy a sur tous les haut-Iusticiers de son Royaume, sera conseruée & maintenüe par les Iuges dudit Seigneur, chacun en son territoire, fins, & limites d'iceluy.

Et tous les haut-Iusticiers deuroient estre contrains nourrir & susten-

ter, à tout le moins de pain & d'eau, ceux qui sont prisonniers par ordonnance de leurs Iuges : ainsi que le Roy fait aux prisonniers de la Conciergerie du Palais, & du grand Chastelet de Paris. Aussi doivent estre contraincts bailler souuent aux prisonniers de la paille blanche, non pas souffrir qu'ils couchent sur la terre, & meurent de faim, s'ils ne sont secourus des aumosnes des gens de bien.

Les haut-Justicier doivent donner du pain à leurs prisonniers.

SI EN LA VILLE ET FAUX-BOURGS

de Paris, le premier paüé doit estre payé par le Seigneur haut-Justicier ; ou par le Seigneur Censier ; ou bien par les propriétaires des maisons. Avec les arrests donnez pour ce regard.

- 1 Si le premier paüé des maisons doit estre payé par le haut-Justicier : ou par le Seigneur Censier, ou bien par les propriétaires des maisons.
- 2 Moyens par lesquels on soustient, que les Seigneurs Justiciers & Censiers, sont tenus fournir le premier paüé.
- 3 Defenses des haut-Justiciers & Seigneurs Censiers.
- 4 Le Seigneur qui prend peage doit le paüé.
- 5 Arrest de ce que dessus.
- 6 Recit d'un autre arrest, donné entre les haut-Justiciers, les Seigneurs Censiers, & les propriétaires des maisons, pour le premier paüé.
- 7 Defenses des Seigneurs Censiers.
- 8 Sentence du Prevoost de Paris.
- 9 Arrest de ce que dessus.
- 10 Les Seigneurs Censiers doivent moitié du premier paüé, & les propriétaires des maisons l'autre moitié.
- 11 Quand le paüé est mis pour le bien & commodité du public, & de tout un faux-bourg, par qui il doit estre payé.
- 12 Lettres Patentes de ce que dessus.
- 13 Sentence & arrest, par lesquels, par provision les haut-Justiciers ont esté condamnez à payer le premier paüé.

CHAPITRE XIX.



DN a demandé, si le Seigneur haut-Justicier est tenu payer le premier paüé, qu'il conuient mettre deuant les maisons nouvellement basties au dedans de sa haute-Justice, à la charge d'entretenir ledit paüé par les propriétaires des maisons : Ou si le premier paüé doit estre payé par le Seigneur Censier, ou bien

Si le premier paüé des maisons doit estre payé par le haut Justicier, ou par

Le Seigneur par les propriétaires des maisons, deuant lesquelles on veut pauer. Censier, ou Ceste question fut agitée & playdée en la Cour le Vendredy apres bien par les disné, 22. Ianuier 1551. entre Marin Preuost & autres habitans du propriétaires faux-bourg S. Germain des Prez, demandeurs & intimez d'une part, & des maisons. les Religieux, Abbé, & Conuent dudit S. Germain, defendeurs & appellans du Preuost de Paris d'autre.

2
Moyens par
lesquels on
soustient
que les Sei-
gneurs Iu-
sticiers &
Censiers sont
tenus four-
nir le pre-
mier paüé.

Les demandeurs pour leurs moyens disoient, que selon l'ancienne Coustume & vsance de tout temps obseruée en la ville & faux-bourgs de Paris, les Seigneurs haut-Iusticiers estoient tenus fournir le premier paüé, & faire pauer les ruës assises au dedans de leurs hautes Iustices, esquelles on auoit basti & edifié maisons, & que les habitans estoient tenus entretenir le paüé, que ainsi on auoit vescu, partant que ceste vsance & coustume deuoit estre inuiolablement gardée, comme dit la loy tierce, *Cod. de edific. priuat. l. 1. Cod. que sit longa consuet.* Disoient que le Roy liuroit le premier paüé es lieux esquels la haute Iustice luy appartenoit. Alleguoient la loy *adiles. ff. de via publica.* par laquelle ils soustenoient que les propriétaires des maisons n'estoient chargez, sinon de reparer & entretenir le paüé au deuant de leurs maisons: & qu'en ladite loy au lieu de *construat*, il falloit lire *reparat*, selon la version mise à la marge de ladite loy. Pareillement alleguoient la loy *per Berthiniam, de immunitate nemini concedenda. Cod. lib. 10. la loy ad instructionem. Cod. de sacrosanct. Eccles.* lesquelles ne chargent les propriétaires des maisons & heritages, sinon des reparations des chemins & puez. Aussi alleguoient plusieurs loix, & opinions de plusieurs Docteurs, recitées *per Capolam, in tractatu de seruitutibus rusticorum prediorum, cap. de seruitute via, questione vigesima quinta*, que chacun peut voir. Dauantage, disoient que les defendeurs estoient non seulement Seigneurs haut-Iusticiers: mais aussi Seigneurs Voyers: & qui plus est, estoient Seigneurs Censiers des maisons des demandeurs. En sorte que la vraye propriété & seigneurie directe desdites maisons appartenoit aux defendeurs, & les demandeurs n'estoient que Seigneurs vtiles. Aussi que les defendeurs estans Seigneurs Voyers, les ruës & chemins publics leur appartenoint. Partant estoit raisonnable, que les defendeurs liurassent le premier paüé, à la charge que les demandeurs seroient tenus l'entretenir, & faire reparer quand besoin seroit. Attendu le grand profit que les defendeurs tiroient desdites maisons, tant à cause des cens & rentes foncieres, que des lots & ventes quand lesdites maisons estoient vendües. Et par les moyens susdits, les defendeurs auoient esté condamnez par sentence du Preuost de Paris, à fournir le premier paüé necessaire pour pauer deuant les maisons des demandeurs, & les demandeurs condamnez à l'entretenir: dont les defendeurs auoient appellé.

3
Defenses
des hauts
Iusticiers &
seigneurs
censiers.

Lesquels pour leurs defenses & moyens d'appel disoient, Que la sentence quant à la forme, ne se pouuoit soustenir: d'autant qu'elle estoit donnée au preiudice de l'instance, qui estoit pendante pour mesme chose pardeuant le Bailly de Saint Germain des Prez, qui estoit saisi de la

matiere: & au preiudice de l'incompetance alleguée par les defendeurs. Quant à la matiere, disoient qu'il n'y auoit loy, ordonnance, ny coustume locale, qui chargeast le haut-Iusticier, deliurer le premier paué deuant les maisons nouuellement basties au dedans de sa haute Iustice: Desnioient la coustume & ancienne vsance mise en auant par les demandeurs: n'en auoient aucune preuue, ny par escript, ny par tescmoins. Soutenoient que la loy, *ediles de via publica*, alleguée par les demandeurs, estoit formellement contre eux, laquelle portoit ces mots: *Construat autem vias publicas unusquisque, secundum propriam domum*. Aussi que selon la disposition de droict, *Qui agros extra ciuitatem possident, tenentur publicam iteram instaurare & reparare, communibus impendijs: pro modo patrimonij, numero iugerum & ratione facultatum uniuscuiusque. l. absit. de priuileg. domus Aug. Cod. lib. II. l. ad portus. Cod. de operib. publ. l. dudum. l. antiquitatis. Cod. de itinere muniend. in Cod. Theodos. Bartolus in dicta l. per Berthiniam. Capola in dicto capite, de seruitute viae*. Disoient que les demandeurs receuoient toute la commodité, profit & vtilité, de ce que la ruë en laquelle leurs maisons sont assises, estoit paüée: Et quant aux defendeurs n'en receuoient auctin profit ny commodité.

Mesmement que les defendeurs n'auoient aucun droict de peage, barrage, ny de roüage. Et si le Roy auoit liuré le premier paué en quelques endroits, c'estoit au moyen du peage qu'il leuoit esdits lieux, auquel cas les seigneurs sont tenus non seulement liurer le premier paué, mais aussi l'entretenir & reparer: *ut tradit Ioan. de Plat. in l. unica, de Alexandria primatibus Cod. lib. II. & Baldus in tit. de his qui feudum dare po. & in cap. I. §. conuenticula. in secunda col. de pace tenenda. in vsib. feud. Capola in dicto titulo, de seruitute viae, quest. 25. versiculo, secundo casu*. Outre disoient que par arrest cy-deuant donné contre plusieurs habitans esdits faux-bourgs Saint Germain, auoit esté ordonné, que chacun paue-roit endroit soy; qui estoit vn preiugé.

Finalemment la Cour mit les appellations, & ce dont estoit appellé au neant, sans amende, & sans despens: Euoqua le proces principal, & appoincta les parties au Conseil. Et cependant permit aux demandeurs faire pauer deuant leurs maisons: Sauf à recouurer les deniers qui seroient par eux deboursez sur les defendeurs, s'il est dict en fin de cause que faire se doieue.

Semblable question & pareil differend a esté meu pardeuant le Preuost de Paris; entre Charles le Comte Seigneur de la Martiniere, bourgeois de Paris, demandeur d'une part; & les Chantres, Chanoines & Chapitre de Saint Honoré, defendeurs d'autre. Le faict duquel proces estoit, Que la ruë des bons Enfans, prés l'Eglise Saint Honoré, qui consistoit en iardins, auoit esté ouuerte depuis quelque temps: Et en ladite ruë le demandeur auoit faict bastir vne grande & spatieuse maison, le deuant de laquelle il auoit esté contrainct faire pauer. Et d'autant que les defendeurs estoient seigneurs Censiers des maisons de nouuel basties en ladite ruë: & que leurs droicts de lots & ventes, par le moyen des edifices faicts esdits lieux & maisons de nouuel basties, estoient grandement augmen-

4
Le seigneur
qui prend
peage, doit
le paüé.

5
Arrest de ce
que dessus.

6
Recit d'un
autre arrest
donné entre
les hauts-
Iusticiers,
les seigneurs
Censiers, &
les proprie-
taires des
maisons,
pour le pre-
mier paüé.

tez, voire du decuple : Le demandeur auoit faict adiourner les defendeurs, à ce qu'ils fussent condamnez le rembourser des deniers par luy payez ; tant pour le premier paué mis deuant sa maison, peine d'ouuriers, que matieres par luy aduancées, montant le tout à huitz vingts dix liures deux sols vn denier tournois : Alleguant pour les moyens de sa demande, ce qui a esté cy-dessus deduit par les habitans du faux-bourg Saint Germain des Prez.

Les defendeurs outre les moyens alleguez par les Religieux de Saint Germain des Prez cy-deuant recitez, disoient, Qu'ils n'auoient aucun droit en la rue des Petits champs, fust de Iustice, ou de Voirie, ne tiroient aucun profit de la voye publique.

7 *Defenses des Seigneurs Censiers.* Que les droicts de lots & ventes qu'ils perceuoient, estoient suiuant la conuention portée par le bail à cens anciennement par eux faict des lieux, sur lesquels lesdites maisons auoient esté constrüctes & basties. Partant n'y auoit aucune apparence és conclusions contr'eux prises par le demandeur.

8 *Sentence du Preuost de Paris.* Sur ce seroit interuenüe sentence du Preuost de Paris ; par laquelle il auroit condamné les defendeurs suiuant les concüions du demandeur, & és despens : dont ils auroient appellé. En cause d'appel estant ordonné, que le haut-Iusticier des lieux seroit appellé à la diligence de l'intimé, pour luy estre le proces communiqué : Suiuant cest arrest, l'intimé ayant faict appeller Monsieur l'Euesque de Paris, lequel auroit remonstré que la Iustice qu'il auoit en ceste ville, luy coustoit plus à exercer qu'il n'en auoit de profit : & que les confiscations qui pouuoient prouenir à cause du droit de Iustice, estoient cas sinistres, luctueux, & lamentables, lesquels n'estoient aucunement considerables : Tellement qu'au moyen de sa Iustice il n'estoit aucunement subiect aux demandes & conclusions du demandeur, ny à la garantie subordonnement contre luy requise par les appellans.

9 *Arrest de ce que dessus.* Finalement par arrest solennellement prononcé le 14. Aoust, 1566. la Cour a mis l'appellation, & ce dont a esté appellé au neant, sans amende & despens tant de la cause principale que d'appel. En emendant le iugement, a condamné les defendeurs, rembourser le demandeur, de la moitié seulement des fraiz par luy faicts & aduancez, tant pour le premier paué de la rue des bons Enfans, que de la peine des ouuriers & matieres à ce requises. Et quant à l'Euesque de Paris haut-Iusticier de ladite rue des bons Enfans, icelle Cour l'a mis hors de cour & de proces. Et est le dictum aux registres des Iugez, signé le Cirier, & Preuost.

10 *Les Seigneurs censiers doiuent moitié du premier paué, & les proprietaires des maisons l'autre moitié.* Et par cest arrest (qui semble estre general) on peut soustenir que les Seigneurs censiers doiuent payer moitié des deniers desboursez, & frais faicts pour le premier paué mis és rues de ceste ville & faux-bourgs de Paris ; & les proprietaires des maisons doiuent payer l'autre moitié. Si le premier paué est mis en aucunes rues de ceste ville de Paris, ou faux-dourgs d'icelle : non pour l'aisance & commodité des habitans desdites rues ; mais pour le bien, vtilité & commodité du public : D'autant que ceux qui avec cheuaux, chariots, & charrettes, amenoient viures,

marchandises & materiaux pour bastir en ceste ville, ne pouuoient commodément passer par lesdites ruës, & receuoient plusieurs dommages & inconueniens; ou bien que les eaux s'arrestoient & croupissoient esdites ruës, dont l'air estoit infecté, rendu mauuais & contagieux: En ce cas les deniers necessaires pour le premier paué, ouurages & façon, doivent estre payez, tant par le Seigneur haut-Iusticier & censier des lieux, que par les manans & habitans de tout le faux-bourg, spécialement desdites ruës: ensemble par les Preuost des Marchands & Escheuins de ceste ville de Paris; chacun pour vn tiers: Comme il a esté iugé par arrest de la Cour, pour le paué de nouuel mis au faux-bourg Saint Germain des Prez, en la ruë du tour, & autres ruës adiacentes, estans derriere le fossé del'Abbaye, iusques au Pré aux Clercs; & dudit Pré, iusques à la riuere de Seine.

11
Quand le
paué est mis
pour le bien
& commo-
dité du pu-
blic, & de
tout un
fauxbourg;
par qui il
doit estre
payé.

Et pour faire les cottisations & leuées du tiers desdits deniers, montans à la somme de deux mil escus, sur toutes les maisons dudit faux-bourg Saint Germain, & personnes y demeurans, sans aucuns excepter, ne reseruer, exempts, & non exempts, priuilegiez & non priuilegiez: Pareillement pour contraindre les Religieux, Abbé, & Conuent dudit S. Germain des Prez, au payement de pareille somme de deux mil escus, par saisie de leur domaine & reuenu temporel; Aussi contraindre les Preuost des Marchands & Escheuins de ceste ville, à contribuer semblable somme, à prendre sur les deniers prouenans des cottisations faites pour la nouvelle fortification de la ville de Paris: Il y eut lettres patentes adressantes à Messieurs de la Guesle President, Brisart, & Feu, Conseillers en la Cour de Parlement, en datte du 18. Nouembre 1584.

12
Lettre pa-
tentes de ce
que dessus.

Nonobstant ce que dessus, par sentence donnée à la police par le Preuost de Paris ayant esté ordonné, que la ruë du Ponceau, estant près la porte S. Denys, seroit pauée, & par ladite sentence, Monsieur l'Euesque de Paris, & les Religieux, Prieur, & Conuent de S. Martin des Champs, comme hauts-Iusticiers, ayans esté condamnez payer le premier paué, dont ils auroient appellé en la Cour: Guichard Verniot maistre paueur en ceste ville ayant paué la plus grande partie de ladite ruë, & ne pouuant estre payé, il auroit présenté requeste à la Cour, à ce que lesdits Seigneur Euesque & Religieux de Saint Martin fussent condamnez à payer. La cause ayant esté plaidée le dixiesmesme Iuin 1588. se seroit ensuiuy arrest, par lequel apres que Monsieur le Procureur General du Roy auroit dit, que c'estoit aux hauts-Iusticiers à payer le premier paué, & s'il plaisoit à la Cour elle suiuroit les arrests: La Cour ayant aucunement egard à la requeste du demandeur, a ordonné que le paué par luy fait sera toité, prisé & estimé par gens à ce cognoissans, dont les parties conuendront dedans trois iours pardeuant l'un des Contseillers d'icelle, qui à ce sera commis; & à faute d'en conuenir, seront nommez d'office: Ce fait par prouision & sans preiudice des droicts des parties au principal, le demandeur sera payé par moitié de la somme à laquelle sera appréciée sa besongne, à sçauoir par l'Euesque de Paris, & Prieur de Saint Martin des Champs, sans preiudice du recours l'un à l'encontre de l'autre: & de

13
Sentence &
arrest par
lesquels par
prouision les
hauts Iusti-
ciers ont
esté cōdam-
nez à payer
le premier
paué.

la cōtribution par eux pretendüe, tant contre les Preuost des Marchands & Escheuins de ceste ville de Paris, que contre les particuliers habitans de ladite ruë du Ponceau. Et les demolitions ostées, sera tenu le demandeur paracheuer sa besongne dedans deux mois. Et conuient entendre qu'en ladite ruë y auoit vn conduict & canal, qui estoit faict de moillon & de pierres de taille, lesquelles auoient esté appliquées au profit de la ville.

SI LE HAVT IUSTICIER DOIT AVOIR SON
banc au lieu le plus eminent de l'Eglise: En icelle mettre ses amoiries. Si apres son trespas on y peut faire Litre: Et pour raison des droicts susdits former complainte, ou reinte grande.

- | | |
|---|--|
| <ol style="list-style-type: none"> 1 Questions traictées au present chapitre. 2 Sçauoir si pour un banc ou siege estant en une Eglise; peut estre formée complainte par le seigneur haut Iusticier. 3 Recit du faict del' arrest, contenant decision de la question cy-dessus proposée. 4 Raisons par lesquelles on pretend, que pour un banc estant en une Eglise, on ne peut former complainte. 5 Raisons par lesquelles le demandeur maintenoit estre bien fondé en sa complainte. 6 Pour droict de patronage, on peut former complainte. 7 Pour droicts honorifiques, on peut former complainte. 8 Par la Coustume de Touraine, le Chastellain peut auoir Litres & Timbre. 9 Arrest par lequel le patron d'une Eglise peut former complainte pour son banc estant en icelle. 10 Sçauoir si un Seigneur haut-Iusticier peut auoir Litres & Timbres en sa paroisse: et pour icelles intenter reinte grande. 11 Recit du faict de l'arrest cy-apres transcript. 12 Ceux qui ont acquis par engage- | <ol style="list-style-type: none"> ment Iustices du Roy, ne peuuent mettre leurs armoiries és Eglises estans esdites Iustices. 13 Arrest touchant les Litres & Timbres apposez en l'Eglise, par l'heritier de celuy qui auoit acquis la haute Iustice du Roy. 14 Lifferend de deux Gentils-hommes pour droicts honorifiques en leur paroisse. 15 Comme on se doit pourueoir pour droicts honorifiques. 16 Sentence du Bailly de Prouins, pour un banc & armoiries, qu'on vouloit mettre en une Eglise. 17 Deux Gentils-hommes condamez en l'amende pour la prefaceance qu'ils vouloient auoir en l'Eglise. 18 Qui est le patron d'une Eglise. 19 Apres le trespas du patron d'une Eglise, on peut mettre Litre & Ceinture funebre. 20 Apres le trespas du bien-faicteur d'une Eglise, on ne peut mettre Litre & Ceinture funebre. 21 L'heritier du haut-Iusticier, peut faire mettre Litre & Ceinture funebre. 22 Lifferend entre le haut-Iusticier & l'heritier d'un Gentil-homme, pour une Litre mise apres le trespas du Gentil-homme. |
|---|--|

23 Sentence interuenue sur le différend susdit.

24 Moyens alleguez par l'heritier d'un Gentil-homme, pour monstrier qu'il a peu mettre Litre: encores que le defunct ne fust patron de l'Eglise en laquelle il estoit inhumé.

25 Moyens du haut-Iusticier: que l'heritier du Gentil-homme qui n'est

patron de l'Eglise, ne peut faire mettre Litre.

26 Origine des mots Litre, Ceinture & Lisere.

27 Les representations, & paremens d'Autel mis en une Eglise, apres le trespas d'un defunct, appartiennent à l'œuvre & fabrique de l'Eglise.

CHAPITRE XX.



Par Areillement on a demandé, si vn Seigneur haut-Iusticier doit auoir siege au lieu le plus honorable & eminent de l'Eglise bastie au dedans de sa haute Iustice; soit Prieuré, Cure, ou Chapelle: Si en ladite Eglise il peut apposer ses Armoiries: Si ses heritiers apres son decez peuuent mettre Litre, ou bien Ceinture & Lisere funebre au dedans & dehors l'Eglise, en laquelle soient empeintes les Armoiries du defunct: Et si le Seigneur haut-Iusticier ou ses heritiers, estans troublez és droicts susdits, peuuent former complainte en cas de saisine & de nouuelleté. Et semblable differend est ordinairement meü par les Seigneurs feodaux ou Censiers.

Ceste question fut agitée & plaidée en la Cour, le 7. Mars, 1570. Entre Estienne Dalance, Escuyer, Seigneur de la Roche du Broc, appellant d'un appointement de contrariété, donné par Messieurs des Requestes du Palais, & defendeur au principal d'une part: Et Messire Mathurin de Broc Cheualier, Seigneur dudit lieu de Broc, & de Lisardiére, Gentil-homme de la maison du Roy, intimé & demandeur au principal, d'autre.

Le faict dudit arrest estoit; Que le demandeur & intimé soustenoit, que comme haut-Iusticier, patron & fondateur de la Cure assise au dedans de sa Seigneurie & haute Iustice, il auoit de tout temps & ancienneté son banc au lieu le plus eminent de ladite Cure & paroisse du Broc: Et qu'ayant permis au pere du defendeur, d'en auoir vn en ladite paroisse en lieu qui n'estoit si eminent; le defendeur s'estoit efforcé aduancer son banc en ladite Eglise, au lieu le plus eminent d'icelle: en sorte qu'il vouloit preceder le demandeur. Lequel à ceste occasion auoit conclud contre le defendeur en cas de saisine & de nouuelleté: à ce qu'il fust maintenu & gardé en possession & saisine d'auoir son banc au lieu le plus honorable & eminent de l'Eglise: defenses au defendeur de le troubler; & condamné en tous despens, dommages & intersts. En laquelle instance tellement auroit esté procedé pardeuant Messieurs des Requestes du Palais, que le defendeur ayant desnié les faits mis en auant par le demandeur: les parties auroient esté appointées contraires à escrire par interdit, informer & produire. Suiuant cest appointement, les parties ayans fourny d'ad-

1
Questions
traictées au
present cha-
pitre.

2
Sçauoir si
pour un
banc ou sie-
ge estant en
une Eglise
peut estre
formée com-
plainte par
le Seigneur
haut-Iusti-
cier.

3
Recit du
faict de l'ar-
rest conte-
nant deci-
sion de la
question cy-
dessus pro-
posée.

uertissement, le defendeur auroit appellé de l'appoinctement de contrarieté.

4
Raisons par
lesquelles on
pretend que
pour un bāc
estant en
une Eglise
on ne peut
former com-
plainte.

Et pour ses defenses au principal & causes d'appel disoit, Que le demandeur estoit notoirement non receuable en sa complainte : Parce que *ades sacra & Deo dedicata, diuini iuris sunt, humani iuris esse desierunt, in nullius bonis esse dicuntur, à nulloque possidentur.* Tellement qu'en vne Eglise, ny le Seigneur haut-Iusticier, ny le Seigneur feodal, ny le Seigneur Censier, ne peuuent pretendre aucun droict, mesmes de propriété, ny possession aucune; & n'y ont que voir: Comme le lieu estant hors de profanité & à Dieu consacré & dédié. *can. nulli liceat. 12. quest. 2. cap. futuram Ecclesiam. 12. quest. 1. cap. finali. de regul. iur. extra. §. nullius. & §. sacra. Institut. de rerum diuis.*

Secundò, disoit que le demandeur n'ayant aucun droict de propriété en l'Eglise de laquelle estoit question; *iudicium petitorium proponere non poterat, nec per consequens possessorium. l. ultima, ff. quorum bonorum.*

Tertiò, disoit que *laicis non licebat in templis sedes habere, multò minus pro sediliū possessione agere. c. 1. de vita & honesta. cleric. ext. l. nemo Apostolorum. ubi Accursius. C. de sacrosan. Ecl.*

Quartò, disoit, qu'és Eglises il falloit estre en toute simplicité & humilité, non pas par orgueil & prééminence. Et que le demandeur n'auoit aucune qualité, par le moyen de laquelle il peust vser de prohibition enuers le defendeur, & l'empescher d'auoir son bāc au lieu auquel il est à present.

Quintò, disoit que ceste question estoit decidée par I. Fabre, *in §. aliam; Instit. de bonor. poss. in Institu.* qui pose le faict de deux Damoiselles, femmes de deux Gentils-hommes: l'une desquelles vouloit auoir le plus haut siege en sa paroisse, & aller la premiere à l'offrande. Où il dit, que quand tel differend aduient entre Officiers, ou bien entre prieuz; que *potest intentari officium iudicis, ut minor cedat maiori in sedendo, & in aliis: & excludit interdictum, uti possideris.*

Sextò, disoit que pour chose spirituelle, comme pour bancs d'Eglise, on ne pouuoit former complainte ny reintegrande: & qu'il se falloit retirer pardeuers les Marguilliers des paroisses. Comme il fut plaidé le 15. May 1567. pour Maistre Bonnet Bourgonneau: la femme duquel auoit iouy d'un petit siege en vne Chapelle de S. Eustache par plus de trente ans: Et estant troublée en la iouissance dudit siege par l'un des paroissiens, qui vouloit faire clorre ladite Chapelle; fut formée reintegrande pardeuant le Preuost de Paris: lequel mit les parties hors de cour & de proces, & ordonna que ledit Bourgonneau se retireroit pardeuers les Marguilliers de l'Eglise S. Eustache. Par arrest fut ordonné, que deux Cōseillers se transporteroient sur les lieux. Et disoit le defendeur que pareil differend que celui qui s'offre, auoit esté vuidé au profit des Marguilliers de S. Iean en Greue. Et concludoit tant en son appel que à fin d'absolution,

5
Raisons par
lesquelles le
demandeur
maintenoit

Le demandeur & intimé au contraire disoit, Qu'en toutes choses il faut garder vn ordre; Que *minor maiori cedere debet: qui magistratum gerit, praferri debet ei qui dignitatem nō est consecutus: Que digniores in altiori loco sedere debent: Que Romæ in ludis publicis Scipio subsellia Senatorum à plebe distinxerat.* Tellement que qui *in debitum sibi locum usurpauit, sacrilegi*

reus est: comme dient les loix premiere & seconde, *ut dignit. ord. ser. C. lib. 12. l. finali. ff. de albo sribendo. cap. 1. de maior. & obed. Accursius in dicto §. aliam. Instit. de bono. posses.* Que le demandeur estant Seigneur haut Iusticier & feodal, du lieu auquel l'Eglise estoit edifiée, deuoit estre preferé au defendeur qui estoit simple Gentil-homme.

estre bien
fondé en sa
complainte.

Aussi disoit qu'il n'estoit pas seulement Seigneur direct, feodal & haut-Iusticier, du lieu auquel l'Eglise estoit bastie; mais estoit Patron & fondateur de ladite Eglise: Par le moyen duquel droit de patronnage, il auoit retenu droit en l'Eglise, en donnant le lieu auquel elle estoit bastie: *secundum dictum Bartoli, in l. 1. §. per hanc. ff. de rei vend.* Que comme patron il auoit cest honneur & prerogative d'aller le premier à la procession. *con. pia mentis. 16. quest. 7. Septimò,* soustenoit que le droit d'auoir siege au lieu le plus eminent de l'Eglise, faisoit partie de son droit de patronnage. En ce faisant, tout ainsi que le demandeur pour son droit de patronnage estoit bien receuable à former complainte: aussi estoit il bien receuable à la former pour le droit à present contentieux: lequel faisoit partie de son droit de patronnage: alleguoit le chap. *nobis fuit*, & autres, *de iure patro. extra.*

6
Pour droit
de patron-
nage, on
peut former
complainte.

Dauantage remonstroit, que non seulement pour heritage on pouuoit former complainte; mais aussi pour droits incorporels, comme pour droit de Iustice, de Voirie, de Censue; & specialement pour droits honorifiques: comme pour aller le premier à l'offrande: aussi pour places, preferences, & préeminences és Eglises, qui estoient deuës aux patrons & fondateurs d'icelles: Comme il estoit amplement traicté par Iean Fabie *in §. retinenda. Instit. de interdict. & latè per Dionysium Pontanum in Consuetudinibus Llesensibus, articulo quinto, in Glossa nobilium.*

7
Pour droits
honorifi-
ques on peut
former com-
plainte.

Outre le demandeur alleguoit le 60. art. de la nouuelle Coustume de Tours: Par laquelle est dict, que le Seigneur Chastelain est fondé d'auoir préeminence auant ses vassaux, és Eglises, estans en, & de sa Chastellenie: comme d'auoir & tenir Litres en ses armes, & Timbres au dedans & dehors desdites Eglises. Et peut prohiber & defendre qu'autres ses vassaux, ne mettent Litres ne Armoiries esdites Eglises au preiudice de sa préeminence: sinon que son vassal fust fondateur special de ladite Eglise: Auquel cas il pourra auoir & tenir Litres à ses Armes & Armoiries à Timbres, & autrement au dedans & dehors de ladite Eglise. Et le semblable est porté par la Coustume de Lodunois, chap. 5. article 2.

Postremò, alleguoit la commune vsance du pays, qui estoit, Que le Seigneur du lieu auquel l'Eglise estoit bastie, auoit son banc au lieu le plus eminent de l'Eglise. Et disoit que le defendeur estoit d'accord que le demandeur estoit patron & fondateur de l'Eglise de laquelle est question: ou bien il le dénioit. S'il en estoit d'accord, le demandeur indubitablement estoit bien fondé en sa complainte: S'il le dénioit, iustement les parties ont esté appoinctées à escrire, informer & produire: Parce que le droit de patronnage se pouuoit verifïer non seulement par tiltres, mais aussi par tesmoins. Consequemment bien iugé.

8
Par la Cou-
stume de
Touraine, le
Chastelain
peut auoir
Litres &
Timbres.

Finalemēt apres que l'Aduocat du defendeur & appellant a dit, n'a-

9
Arrest par lequel le patron d'une Eglise peut former complainte pour son banc estant en icelle.

uoir charge de desnier, que le demandeur & intimé estoit patrõ & fondateur de l'Eglise & paroisse du Broc, au dedans de laquelle estoit le banc & siege contentieux, & qu'il en auoit communiqué quelques tiltres: La Cour quant à l'appel a dict que l'appellant ne faisoit à recevoir, l'a condamné en l'amende, & és despens de la cause d'appel. Et pour le bien commun des parties, ladite Cour a euoqué l'instance de complainte intentée par l'intimé contre l'appellant aux Requestes. Et y faisant droict, a maintenu & gardé ledit intimé és possessions par luy prinſes & baptisées à l'encontre de l'appellant, pour raison du banc & siege dont est question en l'Eglise & paroisse du Broc. Et condamné iceluy appellant és despens de l'instance principale tels que de raison.

10
Sçavoir si un Seigneur haut-Iusticier peut auoir Litres & Timbres en sa paroisse, & pour icelles intenter reinte-grande.

Aussi le 5. Iuillet 1554. fut plaidée en la Cour vne cause, entre les Religieux, Prieur & Conuent de Saint Martin des Champs à Paris, appellans du Preuoſt de Paris, ou son Lieutenant Criminel, & defendeurs en reintegrande d'une part; Et la vefue d'un Seigneur intimée, & de-manderelle en reintegrande, d'autre.

11
Recit du fait de l'arrest cy-apres transcrit.

Le fait du proces estoit; Que l'intimée apres le trespas de son mary (qui estoit de noble race, & insigne famille, qui auoit esté constitué en grande dignité, & la memoire duquel estoit loüable & recommandable) auoit fait faire vne Litre & Ceinture funebre, tant au dedans que par dehors de l'Eglise du village de Louures en Paris: en laquelle elle auoit fait empceindre les Armoiries de son defunct mary: lequel auoit acquis du Roy, à faculté de remeré la haute Iustice dudit lieu de Louures. Les Religieux de Saint Martin des Champs à Paris, se pretendans non seulement Seigneurs haut-Iusticiers de Louures, mais fondateurs, patrons, & presentateurs de l'Eglise parochiale dudit lieu; auroient fait effacer ladite Litre & Ceinture funebre. Pour raison de quoy informations estans faites par le Preuoſt de Paris ou son Lieutenant Criminel: le proces estant civil, incidemment auoit esté ordonné, que les Litres seroient par provision restablies. Dont les Religieux de Saint Martin auroient appelé, & de plusieurs autres sentences & iugemens.

12
Ceux qui ont acquis par engage-

Les parties amplement ouyes, apres que Messieurs les Gens du Roy ont remonstré que l'intimée, ny les heritiers du defunct, par le moyen de l'acquisition faite par ledit defunct de la haute-Iustice de Louures, appartenant au Roy, *nullum ius sibi arrogare poterant in Ecclesia*; comme la Iustice n'ayant rien de commun avec l'Eglise dediée à Dieu: *quia tanquam res sacra à commercio laicorum exempta est*. Mesmes que les murailles des Eglises estoient sacrées par le moyen des Croix apposées contre icelles par les Euesques, en dediant les Eglises, & eaux benistes iettées contre lesdites murailles, en faisant les Prières & oraisons és dedicaces des Eglises. Aussi ont remonstré qu'il n'estoit pas raisonnable que les acquereurs du Domaine du Roy (qui n'estoient Seigneurs incommutables, ains à temps seulement, & iusques au iour du rachapt qui estoit perpetuel) peussent mettre leurs Armoiries engraüées ou empeintes és Eglises situées au dedans des hautes Iustices par eux acquises du Roy, à faculté de remeré: d'autant que par succession de temps, ils pourroient

entreprendre sur les droicts dudit Seigneur ; & que l'apposition des Armoiries estoit acte de vray Seigneur & propriétaire: Ont appelé des sentences données par ledit Lieutenant Criminel, & requis commission de la Cour leur estre octroyée, pour faire appeller en icelle tous ceux qui au ressort de la Preuosté & Vicomté de Paris, ont acquis du Domaine du Roy, soit fiefs, terres, ou Iustices : A ce qu'ils soient tenus mettre en lieu eminent vn poteau, auquel ils feront imprimer & engraver les Armoiries du Roy, pour monstrier que c'est du Domaine dudit Seigneur : & si au dessous ils veulent mettre leurs Armoiries, faire le pourront. Aussi ont requis que les Armoiries du defunct engraues & empeintes à la muraille de l'Eglise dudit Loures, soient effacées : & defences d'y en plus mettre.

ment Iustices du Roy ne peuuent mettre leurs Armoiries es Eglises estans esdites Iustices.

Finalemēt par arrest donné à la plaidoyrie, la Cour a receu le Procureur General du Roy, comme appellant, l'a tenu pour bien releué. Et faisant droict, tant sur son appel, que sur l'appellation interjettée par les Religieux, Prieur, & Conuent de S. Martin des Champs, de ce que le Preuost de Paris, ou son Lieutenant Criminel a ordonné, que les Litres seront restablies, nonobstant l'appel : A dit qu'il auoit esté mal ordonné & appointé, bien appelé par les appellans, l'intimée condamnée es despens de la cause d'appel. Et entant que touche l'autre appellation, interjettée de ce que ledit Preuost de Paris, ou son Lieutenant Criminel auoit appointé les parties contraires, & à informer : & cependant que lesdites Litres seroient restablies : Ladite Cour a euoqué à elle l'instance principale pendant pardeuant ledit Preuost de Paris. En faisant droict sur icelle, ensemble sur ladite appellation, a mis ceste appellation, & ce dont a esté appelé, & toutes les procédures faictes pardeuant iceluy Preuost, ou son Lieutenant, pour raison desdites Litres, au neant, sans amende : ensemble mis les parties, pour le regard d'icelles Litres, hors de Cour & de proces, sans despens, dommages, & interests: & pour cause. Et suivant la requeste du Procureur General du Roy, a ordonné ladite Cour que les Litres & Armoiries peintes & engraues en pierres en l'Eglise, ou dehors, s'aucunes y a, seront ostées. Et faict defences aux parties *binc inde*, de mettre aucunes Litres ne Armoiries dedans l'Eglise, ny hors, & à l'entour d'icelle. Mais pourra l'intimée mettre vn poteau sur son territoire, & à iceluy ses Armoiries, mettant toutesfois celles du Roy au dessus: pour monstrier de l'achat de la haute Iustice du Roy ; à fin de la rachapter par le Roy à ses bons points, & aïsemens. Et sans preiudice à la haute Iustice pretenduë par lesdits Religieux, Prieur & Conuent de S. Martin. Et quant à la complainte presentement prise par l'intimée contre iceux Religieux, Prieur & Conuent, pour raison du droict de haute Iustice non concernant lesdites Litres & Armoiries, & l'opposition desdits Religieux: Ladite Cour a renuoyé les parties à huitaine, pardeuant les Cōseillers sur le faict de la Iustice du Thresor, pour y proceder ainsi qu'il appartiendra par raison. Et quant à l'autre requeste du Procureur General du Roy, contre les haut Iusticiers de la Preuosté & Vicomté de Paris, ayans achepté la haute Iustice, ou autre Domaine du Roy, à faculté de

13 Arrest touchant les Litres & Timbres apposez en l'Eglise par l'heritier de celui qui auoit acquis la haute Iustice du Roy.

rachapt perpetuel : Ladite Cour a ordonné que ledit Procureur General aura cōmission pour faire en icelle adiourner tous & chacuns lesdits haut Iusticiers, pour iceux ouïs leur faire droit, ainsi qu'il appartiendra par raisō. Ledit arrest est au Greffe de la Cour, avec le plaidoyé de toutes les parties.

[Dargent. en son conseil §. sur la Coustume de Bretagne, où il parle du droict d'apposer les Armes & Litres & Ceintures és Eglises : Loyseau en son Traicté des Seigneuries chapitre II. Quant aux droicts de prefeances honorifiques, il est sans doute qu'ils ne sont cessibles en particulier, & separément du fief, comme estans attachez au fief inseparablement: Secus s'il est question d'un droict de Patronage pour presenter vne fois à un Benefice, qui peut bien estre donné ou baillé en faueur de mariage, avec autres heritages, auxquels ledit droict ne seroit point annexé, par un pere à sa fille, & semblablement mis en partage, entre coheritiers: mais il ne peut estre diuisé, ny partagé entre deux coheritiers ny autres ayans usufruct au fief auquel la presentation est ioint; en sorte qu'au mesme instant un d'iceux ait moitié dudit droict, & l'autre le residu. Car ce seroit vouloir admettre section & diuision és choses incorporelles, cōtre la l. i. §. usufr. ff. ad l. Falci. c. i. de iure Patro. Bal. in l. familia. C. comm. vtriusq. Indic. N. B.]

14
Differend de
deux Gen-
tils-hommes
pour droicts
honorifiques
en leur Pa-
roisse.

Il y a semblable proces intenté pardeuant Messieurs des Requestes du Palais, par le Seigneur & Baron de la Roche-Boisseau & Puymorin, cōtre le Seigneur de la Roche des Aubiers: A ce que ledit Seigneur des Aubiers soit condāné faire oster, abbattre & effacer ses Armoiries, lesquelles depuis quelque tēps il a faict mettre & empeindre au sommet & pinacle du cloché de la Paroisse de Nueil sous Passauāt en Anjou. Lequel cloché est basti sur la Chapelle sainte Catherine de ladite Paroisse: en laquelle Chapelle les predecesseurs du Seigneur de la Roche-Boisseau sont inhummez, & en icelle de toute antiquité sont les Armoiries des Seigneurs de la Roche-Boisseau: Et d'icelle Chapelle le Seigneur de la Roche-Boisseau soustiēt ses predecesseurs estre fondateurs, non pas de l'Eglise parochiale, laquelle est située au dedās du fief, & haute-Iustice du Roy: Et Messieurs de S. Hilaire de Poiētiers sont les fondateurs & vrays Patrons de ladite Eglise Parochiale. Apres lequel proces intenté, le Seigneur de la Roche des Aubiers fait adiourner le Seigneur de la Roche-Boisseau, à ce que defenses luy fussent faictes de le troubler aux droicts & préeminēces honorifiques qu'il dit auoir en l'Eglise dudit Nueil. Et en consequence de ce, le S^r de la Roche-Boisseau soit cōdāné oster, ou faire oster le bāc qu'il a mis au Chœur de ladite Eglise, qu'il pretend estre au lieu du bāc des predecesseurs Seigneurs de la Roche des Aubiers. Aussi faire oster vne Tūbe, qu'il a faict mettre au Chœur de ladite Eglise de Nueil, cōme mise au lieu de la sepulture des Seigneurs des Aubiers: y faisant par le Seigneur de la Roche-Boisseau n'agueres enterrer vne siēne fille. Et que pour les troubles par luy faicts & donnez, il soit condāné en tous despens, dommages & interests.

15
Comme on
se doit pour-
voir pour
droicts ho-
norifiques.

Et les deux proces cy-deuant recitez sont pendans & indecis és Requestes du Palais. Es cas susdits, le meilleur & plus seur est, venir par supplication & requeste présentée au Iuge, pour estre conserué és droicts honorifiques cy-dessus mentionnez: sans former complainte, reintegrande, ou autre interdit, ny pareillement intenter action petitoire.

Aussi le Seigneur haut-Justicier du village du Vieils Champagne, ayant mis en proces pardeuant le Bailly de Prouins, vn Gentil-homme, lequel vouloit auoir vn banc au Chœur de l'Eglise Parochiale dudit Vieils Champagne, & y mettre ses Armoiries: Par sentence dudit Bailly de Prouins, fut dit: Que ledit Gentil-homme pourroit prendre place au Chœur de ladite Eglise, au dessous de la place & bāc dudit Seigneur haut-Justicier, soit à costé dextre ou fenestre: Sās que ledit Gentil-hōme peust au dessus de ladite place faire afficher, ou mettre aucunes Armoiries en ladite Eglise, sinon en cas de funerailles & pompe funebre: Et ce seulement au dessus de la fosse du decedé de ses parens qui seront enterrez en la Nef de ladite Eglise: pour y estre vn an seulement, & en papier, & non autrement. Le tout sans preiudicier aux droicts dudit Seigneur haut-Justicier.

16
Sentence du Bailly de Proui pour vn banc & Armoiries qu'on vouloit mettre en vne Eglise.

Dauantage, le 23. Septembre 1556. fut plaidée vne cause à la Tournelle entre deux Gentils-hōmes, lesquels auoient eu plusieurs querelles, differends, & debats pour la preſeance en vn banc qui estoit en l'Eglise Parochiale du village auquel ils faisoient leur residence. Par arrest furent condānez chacun en vingt liures parisis d'amende enuers le Roy: Dit que le bāc duquel estoit question, seroit osté & mis hors de l'Eglise, à la diligēce des Marguilliers: Et ordonné que lesdits Gentils-hommes s'assembleroient en l'Eglise ainsi qu'ils viēdroient: sans que le dernier venu en l'Eglise se peust mettre au dessus du premier venu. Defenses leur furēt faites de proceder par voyes de faiēt, & respectiuemēt furēt mis en la sauue-garde de la Cour.

17
Deux Gentils-hōmes condamnēz en l'amende, pour la preſeance qu'ils vouloient auoir en l'Eglise.

On tient pour certain que le Patron d'une Eglise (Qui est, ou bien celuy qui l'a fondée, donné le fonds & lieu auquel elle est assise: ou bien celuy qui l'a edifiée, faiēt construire & bastir à ses despens: ou bien celuy qui l'a dotée, donné auparauant la consecration d'icelle, des biens tēporels & reuenus annuels pour le seruice Diuin ordōné en ceste Eglise) a nō seulement droit d'auoir siege ou bāc au lieu le plus honorable & eminent de l'Eglise, auquel ses armoiries serōt empeintes: mais apres son trespas ses heritiers pourront faire mettre & peindre vne Litre & Ceinture funebre, dedans & par dehors l'Eglise, en laquelle seront empeintes les Armoiries du defūct. Et pour raison des droicts susdits, & autres droicts honorifiques en l'Eglise, tant le Patrō, que ses heritiers, pourrōt former cōplainte pour y estre maintenus & gardez. Et au Patron d'une Eglise on a accoustumé d'octroyer le droit de Patronnage (qui est de presenter à l'Euesque ou autre Collateur, le Curé, Chapellain ou Prieur de l'Eglise, de laquelle il est fondateur, edificateur, ou dotateur.) Quant aux bien-faiēteurs d'une Eglise (qui sont ceux qui depuis la consecration d'icelle, y ont donné, legué, aumoīné, ou delaislé quelques biens, soient meubles ou immeubles) leurs heritiers apres leur trespas, ne peunēt faire mettre Litre ny Ceinture funebre au dedans ny dehors l'Eglise. Et encores les Bien-faiēteurs n'ont droit d'auoir siege particulier en l'Eglise avec leurs Armoiries, si ce n'est du cōsentement des Marguilliers, ou Paroissiens. Pour l'intelligence du nom de Patron, & du mot de Bien-faiēteur est besoin voir le Canon

18
Qui est le Patron d'une Eglise.

19
Après le trespas du Patron d'une Eglise on peut mettre Litre & Ceinture funebre.

20
Après le trespas du Bien-faiēteur d'une Eglise, on ne peut mettre Litre & Ceinture funebre.

plia mentis. ubi glosa 16. quaest. 7. & le Canon abbatem. in verbis, possessio- nis dominus. 18. quaest. 2. Et dit-on, Patronum faciunt dos, edificatio fundus.

Aussi on tient que les heritiers du haut-Justicier, en la haute Justice

21
L'heritier
du haut-Iu-
sticier peut
faire mettre
Litre &
Ceinture
funebre.

22
Differend
entre le
haut-Iusti-
cier, & l'he-
ritier d'un
Gentil-hö-
me pour une
Litre mise
apres le tref-
pas du Gen-
til homme.

23
Sentence
intervenüe
sur le diffe-
rend susdit.

24
Moyens al-
leguez par
l'heritier
d'un Gen-
til-homme,
pour mon-
strer qu'il a
peu mettre
Litre, enco-
res que le
defunct ne
fust Patron
de l'Eglise,
en laquelle
il estoit in-
humé.

duquel l'Eglise Parochiale est bastie, peuuent apres son decez, faire met-
tre & peindre Litre & Ceinture funebre, dedans & par dehors l'Eglise, en
laquelle soient empeintes les Armoiries du haut-Iusticier. Ce que les he-
ritiers du moyen ou bas Iusticier ne peuuent faire, ny pareillement les
heritiers du Seigneur feodal ou Censier.

De faict, l'heritier d'un defunct Gentil-homme, qui auoit maison
seigneuriale, plusieurs fiefs, censives, & deux mil liures de reuenu annuel
en vn village & Paroisse d'iceluy, sans toutesfois aucun droict de Iusti-
ce, ayant faict encommencer au dedans & par dehors de l'Eglise Paro-
chiale du village, vne Litre & Ceinture funebre, & en icelle faict empein-
dre les Armoiries du defunct: Le Seigneur haut-Iusticier du village faict
adiourner les Peintres, à ce que defenses leur soient faictes de parache-
uer ladite Litre & Ceinture funebre, & ce qui auoit esté faict, fust effacé
& reblanchy. L'heritier s'estant ioint avec les Peintres, & allegué plu-
sieurs moyens cy-apres recitez.

Par sentence donnée par le Bailly de Mante, le 1. Aurl 1585. en faisant
droict sur les conclusions du Seigneur Iusticier demandeur, les Peintres
& l'heritier du Gentil-homme joint avec eux, auroient esté condamnez
à cesser & faire cesser la Litre & Ceinture funebre entreprinse par l'he-
ritier du Gentil-homme, tant dedans que par dehors l'Eglise Parochia-
le du village. Et si parfaicte auoit esté, auroit esté ordonné qu'elle seroit
effacée, & mise en tel estat qu'elle estoit auparauant l'entreprise. Et par
mesme sentence, defenses furent faictes audit heritier & ses successeurs
au fief dont estoit question, auquel il n'auoit Iustice, à l'aduenir de faire
telles & semblables Ceintures funebres, sur peine d'amende. Ledit heri-
tier condamné és despens. Dont il auroit appellé en la Cour.

Pour les moyens & causes d'appel alleguoit: Que la haute-Iustice du
village n'appartient au demandeur, ains au Roy: & que tous les habi-
tans du village, de tous temps & ancienneté ont esté, & à present vont
plaider pardeuant le Iuge Royal de tel lieu, tant en matiere ciuile que
criminelle: Que le demandeur n'auoit qu'un petit fief au bout du villa-
ge, lequel ne s'estendoit iusques au lieu auquel l'Eglise Parochiale estoit
bastie: Qu'il ne recognoissoit le demandeur, ny pour Seigneur feodal,
ny pour Seigneur censier, ny pour Seigneur Iusticier. En sorte que le de-
mandeur n'auoit droict, tiltre, ny qualité par le moyen de laquelle il peult
prohiber l'appellant de faire ladite Litre & Ceinture funebre. Que ses
predecesseurs estoient enterrez en ladite Eglise Parochiale, y auoient
faict plusieurs donations & legs testamentaires: en recognoissance des-
quels leur auoit esté loisible de faire Litre & Ceinture funebres, comme
ils auoient tousiours faict dedans & dehors ladite Eglise, esquelles estoient
empeintes leurs Armoiries: Que l'Eglise estoit assise au dedans de leur
fief: Que ses predecesseurs auoient tousiours porté, comme il portoit,
le nom & qualité de Seigneurs du village, & de ce que dessus estoient
en possession immemoriable: Que l'appellant auoit suiuy les vestiges de
ses predecesseurs, & faict mettre la Litre par luy encommencée, sur l'an-
cienne Litre de son ayeul, qui estoit encore apparente. Mettoit en auant
que

que ses predecesseurs estoient dotateurs , augmentateurs , & bien-faïcteurs de ladite Eglise : Et que à cause de ce , de temps immemorial ils auoient faïct faire Litre & Ceinture funebre dedans & dehors ladite Eglise. Et encores qu'il ne peust verifïer le faïct de dotation ; toutesfois la preuue de la possession immemorïale estoit suffisante pour obtenir à ses fins : tout ainsi qu'en dismes infeodées , la possession immemorïale est suffisante , *cum allegatione infeudationis ante Concilium Lateranense : ut tradit Panormitanus in cap. cum apostolica. extra, de iis que sunt à prælatis sine consensu Capituli.* Alleguoit que par la loïable Coustume du pays , il estoit loïsible aux heritiers d'un Gentil-homme , de faire mettre Litre & Ceinture funebre avec les Armoiries du defunct , tant dedans que dehors l'Eglise , en laquelle il estoit inhumé ; afin de seruir de memoire recommandable de ses loïables vertus ; & pour seruir d'aiguillon à tous esprits genereux , de faire pareils actes vertueux. Disoit que toutes choses sont permises de droict commun , si elles ne sont defenduës par iceluy : Qu'il n'est prohibé mettre Litre en l'Eglise en laquelle vn Gentil-homme est inhumé : *Que prodest mortuis habere signa sepulture , quia eorum proximi , quoties ad eadem sacra loca veniunt , suorumque sepulturam aspiciunt , recordantur , & pro eis Domino preces fundunt :* comme dit le Canon *cum graui. 13. quæst. 2.* Que le tiltre , *ne quid in loco sacro fiat. ff. prohibitorium quidem est , ne quid in loco sacro fiat deformitatis vel incommodi causa : non autem prohibet aliquid fieri in loco sacro , causa ornamentum , aut gratia sepultura vel religionis :* comme dit la loy premiere de ce tiltre , *in §. ne quid.* Et qui plus est l'appellant auoit le consentement de l'Abbé de , &c. en la presentation duquel , comme Patron , estoit l'Eglise Parochiale dudit village. Et encores l'appellant esperoit auoir lettres Patentes du Roy , auquel la haute , moyenne & basse Iustice du lieu appartenoit : Par lesquelles sa Majesté declareroit auoir agreable ce qui auoit esté faïct par l'appellant , & permettroit que la Litre encommencée fust paracheuée , pour la loïable memoire du defunct , lequel auoit tousiours suiuy les armes , & continuellement faïct seruice à sa Majesté , pendant les troubles & guerres ciuïles du Royaume.

Le demandeur & intimé , outre les moyens deduits au commencement du present chapitre , lesquels il n'est besoin repeter , soustenoit qu'il estoit Seigneur , haut , moyen , & bas Iusticier de tout le village : Que le droict de Iustice n'auoit rien de commun avec le droict de fief ou de censue : Encores que les maisons , terres & heritages qui appartennoient à l'appellant , situez au dedans dudit village & terroïer d'iceluy , ne fussent tenus en fief ny en censue du demandeur & intimé , toutesfois estoient au dedans de sa haute , moyenne , & basse Iustice. Mesmes les fermiers & domestiques de l'appellant de tout temps & ancienneté auoient esté pourluiuïs , & auoient plaidé pardeuant le Iuge du demandeur : & ce que dessus estoit notoire au pays : Que le droict de Patronnage , ensemble les droicts ho-

25
Moyens du
haut Iusti-
cier, que
l'heritier du
Gentil-hom-
me qui n'est
Patron de
l'Eglise, ne
peut faire
mettre Li-
tre.

norifiques cy-dessus specifiez, estoient purs personnels, n'estoient cessibles ny transmissibles à vn tiers, *nisi cum vniuersitate* : Tellement que le consentement du Patron mesme Ecclesiastique, comme estoit l'Abbé, du consentement duquel l'appellant se vouloit preualoir, n'estoit aucunement considerable. Que si les moyens alleguez par l'appellant estoient receus, il n'y a si petit Gentil-homme en France, apres le decez duquel l'heritier ne voulust faire vne Litre & Ceinture funebre, dedans & par dehors l'Eglise, en laquelle il seroit inhumé. Ce qui n'estoit raisonnable : & que cet honneur estoit reserué au Patron de l'Eglise, & au haut Iusticier, sans qu'il fust communiqué à autres personnes.

Le proces d'entre les parties est pendant & indecis en la Cour.

26
Origine des
mots, Litre,
Ceinture, &
Lisiere.

Il conuient entendre, que plusieurs estiment que ce mot de Litre est prins du Latin *Litura*, qui signifie non seulement effaceure, mais aussi enduict ou frottement de quelque liqueur. Aussi le mot de Ceinture est prins du Latin *Cingulum* : parce que la Litre ou Ceinture funebre, enuironne & entoure l'Eglise, tant par dedans que par dehors. Aucuns l'appellent Lisiere, parce qu'elle est faicte en forme de lisiere d'un drap.

27
Les repre-
sentation,
& paremens
d'Autels mis
en vne Egli-
se apres le
trespas d'un
defunct, ap-
partienent
à l'Oeuure
& Fabrique
del'Eglise.

Pareillement conuient entendre, que quand apres le decez d'un defunct, ses heritiers ont faict mettre sur la Tumbe vne representation de velours, de damas, ou de demie ostade : aussi ont faict faire des paremens d'Autel, Custodes, & vne Ceinture ou Lisiere de velours, sarge, ou d'autre chose, à l'entour de la Chapelle en laquelle le defunct est inhumé, esquelles representation, custodes, paremens, & ceinture, les Armoiries du defunct sont empreintes pour y estre par an & iour : Incontinent que le Service du bout de l'an du defunct est faict & celebré, les Marguilliers de la Paroisse ont accoustumé s'emparer, & prendre pour & au profit de l'Oeuure & Fabrique de l'Eglise, lesdites representation, paremens, custodes, & ceinture : sans que les heritiers y puissent rien pretendre, comme le tout à Dieu dedié & consacré. Et de ce on dit y auoir arrest donné au profit des Marguilliers de l'Oeuure & Fabrique S. Iean en Greue. Partant si les heritiers apres l'an & iour du trespas du defunct, veulent retirer les choses dessus-dites ou partie d'icelles, pour les renvoyer en l'Eglise d'aucune de leurs Seigneuries ; ou bien pour les reseruer perpetuellement à la Chapelle en laquelle le defunct est inhumé : est besoin auparauant que mettre les choses susdites en l'Eglise, en laquelle le defunct est inhumé, composer avec les Marguilliers de l'Eglise, & avec eux accorder ce qui demeurera à l'Eglise, & ce que les heritiers reprendront apres le bout de l'an.

AV H A V T I V S T I C I E R A P P A R T I E N N E N T

les desherences & biens vacans estans en sa Iustice. Comme en ce cas les debtes du defunct doiuent estre payées par plusieurs haut-Iusticiers. Aussi comme les debtes par la Coustume de Paris doiuent estre payées par plusieurs heritiers. Et de l'ordre du payement desdites debtes, mesmes du payement des conuentions matrimoniales deuës à la femme. En suite de quoy est traitté de la communauté d'entre l'homme & la femme mariez, de leurs contracts de mariage, & de plusieurs matieres & difficultez resultans d'iceux.

- 1 Iure communi bona vacantia pertinent ad fiscum.
- 2 Par la Coustume de Paris le droit de desherence appartient au haut-Iusticier.
- 3 Par quel espace de temps les Sergens doiuent estre en garnison.
- 4 Quand le droit de Iustice est denié au Seigneur, il est tenu plaider deuant le Iuge Royal.
- 5 Le Roy ne plaide iamais pardeuant un Iuge subalterne.
- 6 En concurrence de sceulx faictz par les Officiers Royaux & subalternes, par qui l'inventaire des biens doit estre faict.
- 7 Quand le droit de desherence appartient à plusieurs Seigneurs, les debtes du defunct se payent pro rata bonorum.
- 8 Comme les debtes d'un defunct doiuent estre payées par ses heritiers, suivant la Coustume de Paris.
- 9 En ligne directe descendante les heritiers payent esgalement les debtes.
- 10 Le fils aisné ne paye point plus grande portion des debtes, que l'un des autres enfans.
- 11 Le fils aisné est tenu des rentes foncieres au prorata de sa detention.
- 12 Les debtes personnelles sont diuisées entre les heritiers, & l'un n'est point tenu pour l'autre.
- 13 Les heritiers en ligne ascendante payent esgalement les debtes.
- 14 En ligne collaterale quand les heritiers succedent esgalement, ils payent les debtes esgalement.
- 15 En ligne collaterale quand les heritiers succedent esgalement, ils payent les debtes pro rata bonorum, encores qu'ils soient en mesme degré.
- 16 L'heritier mobilier n'est tenu contribuer au payement de l'heritage acquis par le defunct.
- 17 Quand le pere iouyt par usufruit de l'heritage qu'il auoit acquis, lequel il n'auoit payé.
- 18 En decrets non habetur fides de pretio.
- 19 Si l'usufruitier est tenu contribuer au payement des debtes du defunct, mesmes le pere suruiuant qui iouyt par usufruit des conquests.
- 20 Le pere suruiuant iouissant des conquests de ses enfans n'est point tenu bailler caution.
- 21 Quand le pere ou mere suruiuant iouyt par usufruit des conquests.
- 22 Un pere s'estant remarié depuis la nouvelle Coustume de Touraine, est priué de l'usufruit qui luy estoit acquis par l'ancienne Coustume.

- 23 Quando consuetudo noua retrotrahitur.
- 24 Quand plusieurs Iusticiers concurrent en desherence ou confiscation, ils payent les debtes du defunct pro rata bonorum.
- 25 Dinerfité entre les heritiers paternels & maternels.
- 26 La Coustume qui baille paterna paternis, & materna maternis, est contraire à la disposition de droict.
- 27 Le haut-Iusticier n'est tenu au payement des debtes, que iusques à la concurrence des biens qu'il a amendé.
- 28 La femme n'est tenue au payement des debtes de la communauté, que iusques à la concurrence de ce qu'elle a amendé de la communauté.
- 29 Quand une femme n'a point parlé és rentes constituées par son mary pendant leur mariage, à quoy elle est tenue.
- 30 Les iugemens donnez contre les femmes, portans condamnation de payer, s'entendent iusques à la concurrence des biens de la communauté.
- 31 Quand la femme prenant communauté de biens apres le trespas de son mary est tenue outre la concurrence d'icelle.
- 32 Si la Coustume ne permet renoncer à la communauté, la femme n'est tenue outre la concurrence d'icelle.
- 33 La femme apres le decez de son mary est tenue faire faire inuentaie, soit qu'elle prenne communauté, ou renonce à icelle.
- 34 L'heritier par benefice d'inuentaie n'est tenu outre le contenu en l'inuentaie.
- 35 Qu'il est profitable à la femme se faire releuer de l'apprehension de communauté.
- 36 Dedans quel temps la femme est tenue faire inuentaie apres le trespas de son mary.
- 37 Dedans quel temps la femme peut renoncer à la communauté.
- 38 La uesue est habillée de dueit aux despens des heritiers de son mary.
- 39 Quand le mary n'a laissé aucuns biens, comme la femme en doit prendre acte pour la discharge de la confection d'inuentaie.
- 40 L'heritier par benefice d'inuentaie est tenu és despens en son nom.
- 41 Comme on se doit pourvoir, pour faire condamner l'heritier par benefice d'inuentaie és despens en son nom.
- 42 Quand un tuteur doit estre condamné és despens en son nom.
- 43 Le tuteur est tenu en son nom des défauts & contumaces.
- 44 Comme le tuteur se doit conduire à la poursuite des proces de son mineur.
- 45 Le creancier peut agir contre l'heritier de son obligé, sans s'adresser à la femme, si bon luy semble.
- 46 Comme la femme, estant poursuivie pour les rentes constituées par son mary auparavant leur mariage a son recours contre les heritiers de son mary.
- 47 Si la femme detenteresse de moitié des cōquests peut estre poursuivie pour les rentes créées par son mary, auparavant leur mariage.
- 48 Rente due par l'un des conioints, rachetée pendant le mariage, est un conquest.

- 49 Que le mary pendant le mariage est seul seigneur des biens de la communauté.
- 50 Le mary peut donner les biens de la communauté.
- 51 Que la femme pendant le vivant du mary n'a aucun droit de propriété es biens de la communauté.
- 52 Comme la femme detentresse des acquets est tenue personnellement, & hypothecairement.
- 53 Qu'au cas dessusdit la femme a recours contre les heritiers du mary.
- 54 Arrest que moitié des conquests de la seconde femme n'est point subicte aux rentes constituées par le mary auparavant leur mariage.
- 55 En la communauté entrent toutes donations, mesmes celles qui sont faites par les Roys ou Roynes.
- 56 La ley cum multa. C. de bo. quæ liber. n'a lieu en France, avec l'interpretation d'icelle.
- 57 A Paris pere & mere n'ont aucun droit d'usufruit, es biens de leurs enfans: & la ley cum oportet. C. de bonis quæ liberis. n'y est observée.
- 58 Soli Romani habebant ius patriæ potestatis.
- 59 En France les peres n'ont point leurs enfans en leur puissance.
- 60 Par la disposition de droit il n'y a point de communauté entre l'homme & la femme.
- 61 L'homme & la femme sont communs en tous biens.
- 62 Responce à un ancien arrest concernant la ley cum multa.
- 63 L'heritage donné en faueur de mariage est propre à celui, auquel la donation est faite, & n'entre en communauté.
- 64 Comme la femme qui a recelé les biens de la communauté, peut estre poursuivie & doit estre condamnée.
- 65 Encores que l'heritier par benefice d'inventaire ait recelé quelques biens, il n'est pas déclaré heritier simple.
- 66 Les femmes qui sont mariées & demeurent en la Coutume de Paris, ont communauté de biens avec leurs maris.
- 67 La Communauté de biens d'entre l'homme & la femme n'est point tollue pour la translation de domicile.
- 68 La translation de domicile ne change & ne corrompt les conventions matrimoniales.
- 69 Quand on est marié au pays de droit escrit, il n'y a aucune communauté de biens entre l'homme & la femme.
- 70 La translation de domicile n'induit communauté entre gens mariez au pays de droit escrit.
- 71 Le douaire & la communauté n'ont rien de commun ensemble.
- 72 Si gens mariez en pays de droit escrit venans demeurer en pays coutumier, peuvent accorder qu'il y aura communauté de biens entre eux.
- 73 Depuis le mariage consommé on ne peut aucunement changer les conventions matrimoniales.
- 74 Quand un homme demeurant à Paris se va marier à Lyon, & amene sa femme à Paris, y a communauté de biens entre eux.
- 75 Pour le gain des meubles on considere le domicile du mary lors de son decez.
- 76 Les heritiers donataires ou legataires universels contribuent au payement des debtes pro rata bonorum.
- 77 Legatarius universalis est loco hæredis.
- 78 Le donataire & autre successeur singulier n'est point tenu des debtes

ny des rentes constituées par le donateur.

- 79 Quand par contract de mariage, le survivant prend tous les meubles & conquests immeubles, il est tenu payer toutes debtes.
- 80 Bona intelliguntur deducto ære alieno.
- 81 Le donataire des meubles par contract de mariage, n'est tenu au paiement des debtes.
- 82 Le domicile de ceux qui suivent la Cour du Roy, est à Paris.
- 83 Le mary, ou femme survivant, qui prend les meubles n'ayant enfans, est tenu payer les debtes mobilières & obseques du defunct.
- 84 A celuy auquel sont donnez les meubles appartiennent les actions mobilières en pays coutumier.
- 85 En pays de droict escrit les debtes ne sont comprises sous les meubles, ny sous les immeubles.
- 86 En pays Coutumier quand les debtes sont consées mobilières ou immobilières.
- 87 La renonciation à la communauté permise à la femme survivante par contract de mariage, quand elle est transmissible à son heritier.
- 88 Ce mot de Survivante n'exclut les enfans de pouvoir renoncer à la communauté.
- 89 Ce mot de Survivante, exclut les heritiers collatéraux de pouvoir renoncer à la communauté.
- 90 Si la faculté de renoncer à la communauté baillée à la femme est conditionnelle, il faut que la condition soit advenue.
- 91 Arrest notable de la faculté donnée à la femme de renoncer à la communauté, au cas qu'elle survive.
- 92 Clause pour esclarcir, quand la renonciation est seulement permise à la

femme, & non à son heritier.

- 93 La renonciation à la communauté permise à la femme par la Coutume est transmissible à son heritier.
- 94 Difference entre la renonciation à la communauté permise à la femme par contract de mariage, & celle qui est permise par la Coutume.
- 95 Anciennement la femme estoit tenue payer moitié des debtes esquelles elle avoit parlé, & n'avoit aucun recours.
- 96 Que la femme qui a renoncé à la communauté, a recours contre son mary, pour les debtes esquelles elle a parlé.
- 97 L'heritier de la femme a pareil recours.
- 98 Si la femme renonçant à la communauté n'a recours sinon sur les biens de la communauté, pour les debtes & rêtes esquelles elle a parlé.
- 99 Si la femme qui a renoncé à la communauté, a recours solidaire pour les rentes & debtes, esquelles elle est obligée.
- 100 Comme le mary peut estre poursuivy pour les debtes de la femme, tant pendant le mariage, qu'après la dissolution d'iceluy.
- 101 Quand est convenu que le mary & la femme se parément payeront leurs debtes faites auparavant leur mariage.
- 102 Sur les deniers baillez en mariage au mary doivent estre payées les debtes de la femme.
- 103 Le mary est tenu payer les arriérés des rentes de sa femme escheus pendant le mariage.
- 104 La confection d'inventaire est nécessaire pour exempter le mary du paiement des debtes de sa femme.
- 105 Quand chacun des mariez doit reprendre ce qu'il a apporté en mariage.

- 106 La femme obligée a recours contre les heritiers de son mary qui ont la communauté, quand elle est véritablement obligée.
- 107 Si la femme obligée solidairement avec son mary à une rente, qui n'a point renoncé au Velleian, & à l'authentique, est tenue au paiement de moitié de la rente, renonçant à la communauté.
- 108 En obligations principales le Velleian n'a point de lieu.
- 109 Le Velleian n'a lieu, quando contrahitur in rem communem, vel contrahentes sunt socij.
- 110 La femme peut renoncer au Velleian.
- 111 En contractz, on considere le temps auquel ils ont esté passez.
- 112 Velleianum subuenit mulieribus deceptis, non decipientibus.
- 113 Au pays coustumier les femmes s'ont en la puissance de leurs marys.
- 114 Le mary est maistre de la communauté.
- 115 Quando mulier dicitur proprio nomine obligata.
- 116 Il faut spécialement renoncer au Velleian & authentique si qua mulier.
- 117 Quand la femme n'a renoncé au Velleian, est besoin obtenir lettres pour casser le contract.
- 118 Quand l'homme & la femme mariez prennent heritage à rente.
- 119 Quand la femme s'oblige à la garantie de l'heritage propre de son mary.
- 120 La femme obligée avec son mary est tenue à moitié de la rente, si elle prend communauté; encore qu'elle n'ait renoncé au Velleian, ny à l'authentique si qua mulier.
- 121 La femme detenteresse d'heritage de la communauté, est solidairement tenue à la rente.
- 122 Encores que la fideiusiō soit faite judiciairement, est besoin que la femme renonce au Velleian.
- 123 La femme s'obligeant pour son mary prisonnier comme elle est tenue.
- 124 Le mineur peut renoncer à son donaire coustumier pour deliurer son pere de prison.
- 125 Arrest donné pour une femme qui auoit passé condamnation de payer la debte de son mary.
- 126 Est besoin que la femme renonce à l'authentique si qua mulier, comme au Velleian.
- 127 Le fils de famille ne peut renoncer au Macedonian.
- 128 Le Clerc tonsuré ne peut consentir de proceder par deuant le Iuge lay.
- 129 Le temps de deux ans n'a lieu pour le regard de l'authentique, si qua mulier, ny la gemination d'obligation.
- 130 Quand la femme peut repeter ce qu'elle a payé à cause de l'intercession par elle faite.
- 131 L'intercession estant cassée le creancier est remis en ses premiers droictz.
- 132 Le pleige baillé par la femme intercedante est releué.
- 133 Quand le pleige du mineur est releué.
- 134 Recit d'un arrest donné contre la femme qui a ratifié l'obligation passée en minorité, sans faire les renonciations.
- 135 Quand la femme simplement est obligée avec son mary, comme elle est tenue.
- 136 Quand l'homme & la femme, & un tiers sont obligez, comme l'obligation se diuise.
- 137 Quand la femme apporte en dot mil escus que le mary luy deuoir, comme on doit agir.
- 138 Les donataires ou legataires uni-

- uersels estans plus proches à succeder au defunct, comme ils doiuent faire faire inuentaire, & quelle protestation ils doiuent faire en Iustice,
- 139 Tous donataires ou legataires vniuersels, sont tenus faire faire inuentaire: autrement ils sont tenus pour toutes les debtes du defunct.
- 140 Les heritiers legataires, ou donataires vniuersels des meubles contribuent au payement des debtes immobiliaries.
- 141 Rente assignée spécialement sur un heritage assis en pays de droict escrit est estimée heritage, & se partit comme heritage.
- 142 Au payement des debtes mobiliaries ou immobiliaries doiuent contribuer l'heritier mobilier & immobilier pro rata bonorum.
- 143 L'heritier, tant mobilier que immobilier, doit contribuer au payement des rentes, encores qu'elles aient esté constituées par le predecesseur du defunct.
- 144 Anciennement à Paris l'heritier mobilier payoit les debtes mobiliaries, & l'heritier immobilier les immobiliaries.
- 145 Ils tiennent en Chastelet, que la moitié des bastimens faits sur les heritages propres de la femme, doit estre payée par les heritiers de la femme.
- 146 Au Palais ils tiennent que lesdits bastimens doiuent estre payez par l'heritier, auquel l'heritage est aduenu.
- 147 La femme, à cause de la communauté, n'est point tenue des debtes reelles precedentes le mariage, comme sont rentes constituées, & recours de garantie.
- 148 Encores qu'une rente soit spécialement assignée sur un heritage, l'heritier auquel l'heritage est aduenu, n'est tenu entièrement payer la rente.
- 149 Les rentes foncieres se payent par les heritiers, auxquels les heritages sont aduenus.
- 150 Que l'hypothèque speciale a plus d'effect que la generale.
- 151 Comme la loy quamuis Co. de pignor. est practiquée en la Coustume de Paris.
- 152 La loy quamuis. C. de pignor. n'a lieu entre le debteur & le creancier.
- 153 Interpretation du 101. article de la Coustume de Paris.
- 154 Arrest, qu'il faut discuter la speciale hypothèque auparauant que s'adresser à la generale.
- 155 La speciale hypothèque contraint l'achepteur d'entretenir le bail à loyer fait par son vendeur.
- 156 Le creancier pour debte precedente le partage ne se peut adresser qu'au lot aduenu à son debteur.
- 157 Les obseques & funerailles sont reputées debtes du defunct.
- 158 Les legs testamentaires ne se prennent que sur les meubles, acquisitions, & conquests immeubles, & quint des propres.
- 159 Les debtes se payent sur tous les biens de l'heredité, mesmes sur les quatre quints des propres.
- 160 Si par testament on a disposé du total de ses propres, le legs sera reduict au quint, sans recompense des autres portions.
- 161 Comme un homme peut par testament disposer de ses propres outre le quint d'iceux.
- 162 Arrest par lequel un legataire d'heritage propre est recompensé des portions excedantes le quint.
- 163 On peut entièrement leguer un heritage propre, quand il n'excede point la valeur du quint de tous

- les propres étant en mesme Coustume.
- 164 Le legataire qui est chargé d'accomplir le testament du defunct, n'est tenu entierement payer ses debtes.
- 165 Pourquoy les debtes du defunct ne sont de l'exécution & accomplissement de son testament.
- 166 Les heritiers estans poursuiuis hypothecairement sont tenus solidairement payer les debtes du defunct.
- 167 Comme la condamnation personnelle & la condamnation hypothecaire se doiuent executer contre l'heritier en partie d'un defunct.
- 168 Hypothecaria actiōe rem tantum persequimur, & non personam.
- 169 Comme se pratique en France, Aut cedat, aut soluat.
- 170 La condamnation hypothecaire ne s'estend que sur les biens du defunct, & non sur ceux de l'heritier.
- 171 L'obligation des biens de ses hoirs se resoult en pure personnalité.
- 172 En France l'hypothecaire ordinairement s'intente contre le tiers detenteur, & non contre l'obligé.
- 173 Le creancier du defunct, pour auoir hypothèque sur les biens des heritiers, doit obtenir condamnation à l'encontre d'eux.
- 174 Comme l'heritier doit passer titre nouveau de la rente constituée par le defunct.
- 175 Sçauoir si l'heritier pour un quart peut estre executé pour tous les arrerages escheux du viuant du defunct.
- 176 Forme de condamner un tiers detenteur pour les arrerages d'une rente.
- 177 Difference entre l'obligation personnelle legale contre l'heritier en

- partie d'un defunct, & l'obligation personnelle coustumiere contre ledit heritier.
- 178 Par la sentence on distingue l'obligation legale, & la coustumiere donnée contre l'heritier detenteur, avec la forme de ladite sentence.
- 179 Es demandes & sentences l'obligation personnelle baillée par la Coustume, ne s'accumule pas avec l'obligation hypothecaire.
- 180 L'obligation personnelle coustumiere est accessoire à l'action hypothecaire.
- 181 Si on doit conclurre hypothecairement ou personnellement suiuant la coustume, aut è conuerso.
- 182 L'action personnelle baillée par la Coustume, n'est point donnée pour les arrerages escheux auparauant la detention.
- 183 L'action hypothecaire dure quarante ans, contre l'heritier & son obligé, en la Coustume de Paris.
- 184 Forme d'agir hypothecairement contre l'heritier de l'obligé.
- 185 Le chapitre final de præscriptionibus, extra, n'est gardé pour la prescription de trente & quarante ans.
- 186 En la præscriptiō de dix & vingt ans, la bonne foy doit estre perpetuelle en la Coustume de Paris.
- 187 L'action de l'hypothèque conuentionnelle dure quarante ans.
- 188 L'action de l'hypothèque legale ne dure que trente ans.
- 189 L'hypothèque créée contre le tuteur combien de temps elle dure.
- 190 L'ordonnance qui baille droit d'hypothèque sur les biens du condamné, est contraire à la disposition de droit.
- 191 La prescription de l'action d'recours de garantie ne commence à courir que du iour du trouble don-

- né à l'acheteur.
- 192 Le tiers detenteur de bonne foy prescript l'heritage par dix ans.
- 193 Encores que le rentier soit payé des arrerages de sa rente, la prescription n'est interrompue.
- 194 Deux effects de l'action personnelle introduicte par la Coustume de Paris contre le tiers detenteur.
- 195 Le tiers detenteur peut estre executé en tous ses biens, pour les arrerages de son temps.
- 196 L'action personnelle introduite par la Coustume de Paris exclut toute discussion.
- 197 Le detenteur qui renonce à l'heritage auparavant contestation, ne paye aucuns arrerages, & gagne tous les fruits. Et quand il renonce apres contestation, à quoy il est tenu.
- 198 Le detenteur est tenu payer les arrerages qu'il doit, encores qu'il appelle de la sentence de debouté de defenses.
- 199 Mora non potest purgari quando creditoris interest.
- 200 Anciennement le tiers detenteur, renonçant apres contestation, payoit tous les arrerages escheuz de son temps.
- 201 Sçavoir si la sentence portant condamnation de payer les arrerages, on n'est pas quitte en rendant les fruits & deguerpissant l'heritage.
- 202 L'heritier deguerpissant les heritages aduenus à son lot, encores que il soit condamné par Arrest, n'est tenu que pour sa portion hereditaire.
- 203 Le preneur de l'heritage le deguerpissant est tenu payer le terme ensuiuant.
- 204 Quand on a promis fournir & faire valoir la rente, on n'est pas recenable à deguerpir l'heritage.
- 205 Le preneur de l'heritage peut de-

- guerpir l'heritage, encores qu'il ne soit en aussi bonne valcur qu'il estoit lors de la prise.
- 206 Par la dispositiō du droict le preneur d'heritage ne le peut deguerpir.
- 207 Le deguerpissement doit estre actuel, & non verbal seulement.
- 208 Quelle offre doit faire le preneur à rente, quand il veut deguerpir l'heritage.
- 209 Quand l'acquerreur du preneur d'un heritage à la charge d'une rente, peut renoncer à l'heritage.
- 210 Par la disposition de droict le deguerpissement d'heritage est permis au tiers detenteur.
- 211 Forme des deguerpissemens, & que celui qui a deguerpy, doit conseruer son droict d'hypothèque.
- 212 La portion deguerpie n'accroist pas aux codetenteurs.
- 213 Le tiers detenteur qui a deguerpy, se doit opposer pour ses labours & semences.
- 214 Celuy qui a deguerpy l'heritage peut apres toutes debtes payées rentrer audit heritage.
- 215 Le detenteur renonçant à l'heritage, n'est tenu rendre les fruits, sinon pour les années des arrerages qu'on luy demande.
- 216 Apres contestation en cause le detenteur doit rendre les fruits de son temps.
- 217 Le simple detenteur ne peut estre poursuiuy pour le payement d'une rente.
- 218 L'heritier par benefice d'inventaire ne peut pour les arrerages des rentes constituées par le defunct estre executé, sinon es biens estans de la succession.
- 219 Toute obligation passée par plusieurs est diuisée entr'eux, s'ils ne sont solidairement obligez, avec les renonciations à ce requises.

220 Plusieurs condamnés sont tenus chacun pour leur portion seulement.

221 Le créancier d'une rente peut agir personnellement contre le détenteur de l'héritage obligé à la rente.

222 Le détenteur de l'héritage baillé en échange de rente peut estre poursuivy personnellement pour le paiement & continuation de la rente baillée en contre-échange.

223 L'action personnelle introduite par la Coutume, n'est baillée que pour rentes, & non pour simples deniers, & n'est baillée qu'au seul créancier de la rente.

224 Pour le paiement du prix de la vendition d'un héritage & profits d'iceluy, on n'a pas d'action personnelle contre le tiers détenteur.

225 Comme l'héritier peut poursuivre en garantie celui qui a acquis de son cohéritier; & l'obligé celui qui a acquis de son coobligé.

226 Comme le premier acquereur doit poursuivre hypothécairement seulement le dernier acquereur.

227 Les codétenteurs comme ils agissent pour leur garantie les uns contre les autres.

228 Quand l'un des pleiges a payé, il n'a aucune action contre ses confidésseurs, mais seulement contre le premier obligé.

229 Quand plusieurs sont solidairement obligés, & qu'ils ont prins indemnité du Gentil-homme pour lequel ils sont obligés, ils sont censés pleiges & cautions.

230 Quand plusieurs sont solidairement obligés, comme ils ont recours l'un à l'encontre de l'autre.

231 Les cohéritiers, comme ils ont recours l'un contre l'autre.

232 Quand le cohéritier, codétenteur, ou coobligé, peut avoir l'action

personnelle introduite par la Coutume de Paris contre le tiers détenteur.

233 Lors qu'on rachète une rente, quand il convient prendre cession d'actions.

234 Comme on cognoist si un contract est pignoratif, ou fait sous faculté de reméré.

235 Si ce mot de, transportans, emporte cession d'actions.

236 Quand & comment la cession d'action, se peut demander.

237 Quand on a retrocession d'une dette, comme il faut estre recu partie au proces.

238 Celui qui a payé pour autrui, & n'a prins cession d'actions, n'a qu'une simple action personnelle contre celui pour lequel il a payé, sans hypothèque.

239 Comme les derniers créanciers peuvent entrer au lieu & droit des premiers.

240 Quand l'acquéreur d'une rente rachetée de son denier par le débiteur d'icelle veut entrer au droit du créancier, duquel la rente est rachetée, trois choses sont nécessaires.

241 Raisons de ceux qui estiment la rente acquise par un cohéritier, ou codétenteur, estre divisée.

242 Que le coobligé, cohéritier, ou codétenteur, qui a acquis la rente due sur l'héritage par luy detenu, peut solidairement agir pour ladite rente contre l'un de ses cohéritiers, coobligés ou codétenteurs, sa portion deduite.

243 L'un des obligés estant insolvable, la perte tombe sur tous les obligés.

244 Quand une dette solidairement due est divisée.

245 Interpretation de la loi, si credi-

- tores. C. de pactis ; & comme elle se pratique.
- 246 Le payement diuisément fait des arrerages d'une rente n'induit pas diuision de la rente.
- 247 Par le moyen de la poursuite faite contre l'un des coobligez la dette n'est pas diuisée.
- 248 Quatre marchands obligent l'un pour l'autre, peuvent estre solidaiement poursuivis au payement de la dette.
- 249 Marchands purement & simplement obligent ne sont tenus l'un pour l'autre.
- 250 Marchands associez sont solidaiement obligent les uns pour les autres.
- 251 On peut iustement payer à l'un des associez, ou bien à l'un des tuteurs.
- 252 Entre marchands associez ou solidaiement obligent les uns pour les autres n'y a point de diuision ny de discussion.
- 253 En transport de dette avec promesse de fournir & faire valoir, la discussion n'est requise entre marchands.
- 254 En simple garantie entre marchands il suffit que la somme transportée soit deuë.
- 255 Quand on a promis payer au cas que le débiteur ne paye, il ne faut point de discussion.
- 256 Quand le fideiussesseur s'est constitué principal débiteur & payeur.
- 257 Comme la vefue & plusieurs heritiers sont tenus payer les despens esquels ils sont condamnés.
- 258 Comme la vefue & les heritiers sont tenus contribuer aux despens du procesz qu'il conuient intenter.
- 259 Tous les heritiers sont tenus comparoir par un procureur.
- 260 Chacun des heritiers condamné

doit contribuer esgalement au remboursement des despens faicts par le frere aîné pour terres feodales.

- 261 Quand le defunct est condamné es despens, sa vefue en doit moitié, & les heritiers sont tenus payer l'autre moitié.
- 262 La contribution que les coheritiers sont tenus faire au payement des dettes pro rata bonorum, ne preiudicie aucunement aux creanciers.
- 263 L'heritier des meubles, conquests & conquests immeubles peut estre poursuivy pour le payement des dettes mobilières.
- 264 Quand le defunct n'a delaisé que simples meubles, les heritiers ne peuvent estre poursuivis hypothecairement.
- 265 Ces mots, biens tenans, que signifient.
- 266 Un heritier n'ayant que simples meubles, n'est tenu sinon payer sa portion hereditaire de la rente constituée par le defunct, encores qu'il ait vendul immeuble.
- 267 L'heritier pour partie deguerpissant les immeubles de la succession, n'est tenu solidaiement aux dettes du defunct.
- 268 En cas de desconfiture chacun creancier vient à contribution au sol la liure.
- 269 En cas de desconfiture la femme n'est point preferée pour son dot, ou doüaire.
- 270 Sur les deniers prouenans de l'adiudication par decret d'office venal on vient par desconfiture.
- 271 En pays de droict escript la femme sur les meubles de son mary est preferée pour son dot & augment d'iceluy à tous creanciers.

- 272 Ordre qu'on garde entre les creanciers opposans aux meubles d'un defunct.
- 273 Preference des frais funeraux.
- 274 Preference des Medecins & Apothicaires.
- 275 Comme le propriétaire de la maison est payé de ses loyers & reparations sur les meubles estans en sa maison.
- 276 Menuës reparations, en quoy elles consistent.
- 277 Privileges donnez aux propriétaires des fermes des champs pour les moissons qui leur sont dues.
- 278 Comme & quand les propriétaires des maisons ont suite sur les meubles de leurs locatifs.
- 279 Le locatif peut librement de bonne foy vendre ses meubles, pareillement celuy qui a achepté avec terme de payer.
- 280 Les meubles estans en une maison, encores qu'ils n'appartiennent au locatif, sont tenus du loüage.
- 281 Le propriétaire peut faire proceder par voye de gagerie sur les meubles estans en sa maison baillée à loüage.
- 282 Difference entre gagerie & execution.
- 283 Comme les sous-locatifs peuvent estre executez.
- 284 Sçavoir si le propriétaire de la maison doit estre preferé au creancier, auquel le locatif a baillé quelques meubles en gage.
- 285 Pourquoi le vendeur de la chose mobiliere avec terme, est plus privilegié, que le propriétaire de la maison.
- 286 Le propriétaire peut faire saisir les meubles de son locatif hors sa maison, & est tenu verifier qu'ils ont occupé sa maison.
- 287 Difference inter iudiciale pignus, & inter pignus prætorium
- 288 Un simple transport ne saisit point.
- 289 Deux formes de transport, ou par simple cession, ou par delegation.
- 290 Apres le premier saisissant les opposans sont payez selon leur ordre.
- 291 Arrest de ce que dessus, mesmes un arrest donné au profit d'un Apothicaire pour les funerailles & medecines.
- 292 Si celuy qui a baillé en emphyteose une maison, a tacite hypothèque & prelation sur les meubles pour les arrerages de la rente fonciere.
- 293 Nonobstant toutes poursuites le premier saisissant est payé.
- 294 Les executans sont tenus faire vendre les meubles dedans deux mois.
- 295 Quand les loyers ou arrerages escheuz, & à escheoir sont saisis à la requeste de plusieurs, à qui ils se baillent.
- 296 Le masson qui a basti la maison preferé à tous creanciers sur les loyers escheuz avant la saisie.
- 297 Les fruicts de l'heritage saisi se distribuent tout ainsi que le prix du decret.
- 298 En France en matiere d'hypothèque, qui prior est tempore, potior est iure.
- 299 Le donaire est toujours prins sur les biens du mary.
- 300 L'employ promis par contract de mariage n'estant fait, c'est

une debte due par la communauté.

301 La femme pour son employ ne peut prendre les premières acquisitions faictes par son mary.

302 Denier destiné en employ d'heritage est reputé immeuble, & à quel heritier il appartient.

303 A quel heritier appartient l'heritage acquis du denier destiné en employ.

304 Les heritages donnez par le pere ou ayeul, leur retournent.

305 Auparavant la nouvelle Coustume de Paris le denier destiné en employ d'heritage, qui auoit faict souche, appartenoit à l'heritier des propres.

306 A qui appartient le denier destiné en employ d'heritage, quand il n'est pas procedé des pere, ou ayeul de la femme.

307 Si le denier de l'employ appartient au pere heritier de l'enfant, quand la conuention ne faict mention que des hoirs.

308 Le denier prouenu du rachapt des rentes paternelles adiugé à la mere heritiere de son enfant.

309 Le denier baillé en mariage, sans aucune destination d'employ en heritage, est un pur meuble, & appartient à tous les heritiers mobiliers.

310 Meuble ne peut sortir nature de propre.

311 Le denier prouenu du rachapt des rentes propres, ou de l'alienation de l'heritage propre, se reprend sur les biens de la communauté, & est debte due par la communauté.

312 Le denier du supplément du iuste prix de l'heritage propre de la

femme est reprins sur les biens de la communauté.

313 Si la femme, qui a donné à sa fille en mariage un heritage qui luy estoit propre, doit estre recompensée de moitié sur les biens de son mary.

314 Par la Coustume de Paris l'homme & la femme mariez ne se peuuent aduantagez l'un l'autre.

315 Comme l'homme & la femme mariez, par la disposition de droict peuuent donner l'un à l'autre.

316 Don mutuel faict entre l'homme & la femme mariez doit estre en tout esgal.

317 La femme qui n'a point d'enfans peut donner aux enfans du premier mariage de son mary, & è conuerso.

318 Un gendre peut leguer à sa belle mere, ayant plusieurs enfans.

319 Raisons pour lesquelles un testateur ne peut vray-semblablement leguer aux enfans de l'un de ses heritiers.

320 En ligne collaterale on peut leguer aux enfans de l'un de ses heritiers.

321 On ne peut leguer au beau pere, ou belle mere de son frere seul heritier dudit beau pere, ou belle mere.

322 On ne peut leguer à la femme du frere heritier en partie du testateur.

323 On peut estre heritier & legataire d'un defunct en diuerses Coustumes.

324 Par contract de mariage les futurs conioints peuuent donner l'un à l'autre tous leurs biens.


- 325 L'institution d'heritier comme se pratique au pays coustumier de France.
- 326 Tous donataires pour cause de mort, legataires substituez & fideicommissaires, sont tenus demander deliurance à l'heritier.
- 327 Quand il y a du dol de la part du mary, ou de la femme, on peut faire casser les donations & avantages.
- 328 Vne femme obtient lettres pour estre restituée contre son contract de mariage & conventions obmises en iceluy.
- 329 On ne peut adiouster peine à un contract de mariage.
- 330 Vn pere absous des dommages & intersts contre luy requis à faute d'accomplissement du mariage de sa fille.
- 331 Comme on fait poursuite pardevant le Iuge d'Eglise, afin de paracheuer le mariage promis.
- 332 Pardevant le Iuge Lay on demande dommages & intersts contre celuy qui n'a voulu paracheuer le mariage.
- 333 La prohibition de se marier faite par le testateur n'est vallable, & on n'y a point d'esgard.
- 334 Comme les bagues & ioyaux donnez pendant les fiançailles se doivent rendre & restituer.
- 335 La femme ayant enfans ne peut donner à son second mary davantage, quel'un de ses enfans amendera d'elle, & est declaré l'Edict des secondes nopces.
- 336 L'Edict des secondes nopces a lieu pour le regard des hommes vesues, & en toutes sortes de donations.
- 337 L'Edict des secondes nopces n'a esté observé que pour l'advenir, & non pour le passé.
- 338 Comme se pratique l'Edict des secondes nopces, & que le donataire tient lieu d'un heritier.
- 339 Pour le nombre des enfans on considere le temps de la mort du donnant.
- 340 Par l'Edict des secondes nopces le mary donataire prend part és conquests immeubles faitz pendant les premiers mariages.
- 341 Ce qui est donné en faueur de mariage doit estre réservé aux enfans dudit mariage.
- 342 Par la nouvelle Coustume de Paris, le second mary donataire ne prend rien és conquests des premiers mariages.
- 343 Les enfans heritiers de leur pere ne peuvent vendre leur propre heritage vendu par leur pere.
- 344 L'heritier du fideiussur peut vendre son heritage propre en rendant le prix, & payant dommages & intersts.
- 345 La femme conuolant en secondes nopces, ne peut en faueur de son mary disposer de ses meubles davantage que de ses propres & conquests.
- 346 Ce qui doit estre baillé au mary donataire de la seconde femme.
- 347 La femme conuolant en secondes nopces, ne peut pendant son second mariage disposer des conquests faitz par ses premiers marys.
- 348 Les enfans du second mariage succedent aux conquests des premiers marys.
- 349 Quand la femme qui a con-

- 350 Le mary pendant son second mariage peut disposer des conquests faicts par ses premiers marys.
- 351 La femme peut disposer pendant son second mariage de l'heritage qu'elle a ameubly à son premier mary.
- 352 Ameublissement d'heritage propre, n'est vray conquest.
- 353 La femme peut donner à l'un des enfans de son second ou autre mariage tous ses biens, sauf la legitime des autres enfans.
- 354 Quand le fils est mauvais mesnager, comme l'ayeul doit disposer de ses biens en faueur de ses petits enfans.
- 355 Les creanciers du fils endebté peuuent demander la legitime qui luy est deue es biens de son pere, ou de sa mere.
- 356 En la legitime on precompte tout ce qui a esté donné à l'enfant & payé à son acquit.
- 357 Le proche parent ne peut au preiudice de ses creanciers renoncer à la succession qui luy est deferée.
- 358 Interpretation du tiltre, quæ in fraudem creditorum.
- 359 Le mort saisit le vif, que signifie.
- 360 Quand tous les enfans des premiers mariages sont decedez les donations faictes au second mary sont bonnes & vallables.
- 361 Le mary qui n'a point d'enfans peut donner par contract de mariage à sa femme qui a des enfans.
- 362 En mariage toutes contrelettres sont prohibées.
- 363 Si la contrelettre est vallable quand l'euuenement de la donation portée par icelle est incertain.
- 364 Si la Coustume de Paris defendant les contrelettres en mariage a effect retroactif.
- 365 Les contrelettres sont prohibées, encores que les contracts de mariage ne soient passez en presence de parens.
- 366 Comme les insinuations s'observent en France.
- 367 Auparavant l'an mil cinq cens trente-neuf, les insinuations n'estoient requises au pays coustumier de France.
- 368 Les insinuations introduites en faueur des creanciers.
- 369 Auparavant l'Ordonnance de l'an 1566. les donations ne pouuoient estre debatues par l'heritier du donnant faute d'insinuation.
- 370 Les donnans ne peuuent debatre les donations à faute d'insinuation.
- 371 Insinuation est confirmation de la donation.
- 372 Il suffit que la donation soit insinuée par le donnant, ou par le donataire.
- 373 Les mineurs par la disposition de droit, ne sont point sujets aux insinuations.
- 374 Encores qu'une substitution n'ait esté enregistrée au Greffe, telle omission d'enregistrement ne nuit aux mineurs.
- 375 Les donations faictes aux Eglises & Hospitaux, ne sont sujettes à insinuation.
- 376 Les donations faictes par les Roys aux Roynes, ne sont sujettes à insinuation.
- 377 Les donations faictes par le mary

- mary à la femme, ne peuvent estre debatues faute d'insinuation.
- 378 Les donations faictes à la femme par un estranger en faueur de mariage, ne sont sujettes à insinuation.
- 379 Les creanciers du mary peuvent debattre la donation faicte à la femme faute d'insinuation.
- 380 Que la femme doit faire insinuer apres la mort de son mary.
- 381 Le douaire de la femme n'est sujet à insinuation.
- 382 Les donations faictes à la femme par autre que son mary, & non en faueur de mariage, sont sujettes à insinuation.
- 383 Les donations doivent estre insinuées en deux Iustices Royales: & sçavoir s'il faut insinuer au domicile du donataire.
- 384 N'est besoin faire insinuer pour le regard des heritages donnez, acquis depuis la donation.
- 385 Les ameublissements d'heritages doivent estre insinuez.
- 386 Que c'est, ameubler un heritage.
- 387 L'ameublissement d'heritage appartenant à un mineur doit estre emologué en Iustice.
- 388 L'emologation de l'ameublissement faict en faueur de mariage doit estre faicte auparavant la consommation dudit mariage.
- 389 Un contract estant emologué en Iustice, ne doit estre insinué.
- 390 En quels cas l'ameublissement d'heritage du mineur, ne doit estre emologué.
- 391 Est bon faire emologuer en Iustice les conventions concernans l'usufruit des heritages des mineurs.
- 392 Comme le mary apres le decez de sa femme, doit former sa demande pour l'ameublissement qui luy a esté faict.
- 393 Si l'heritage ameubly est de pareille nature que le conquest faict par le mary pendant son mariage.
- 394 Sur l'heritage ameubly par la femme, elle sera prescrite à tous creanciers.
- 395 L'heritage ameubly peut estre vendu par le mary, & ne peut estre vendiqué par la femme, encores qu'elle renonce à la communauté.
- 396 Recit d'un arrest que l'heritage ameubly n'est vray conquest. Et audit heritage la mere succede comme heritiere de ses enfans.
- 397 L'insinuation doit estre faicte aux sieges particuliers, & non aux sieges generaux.
- 398 Donations de rente en quels lieux doivent estre insinuées.
- 399 Si la donation faicte de l'usufruit d'un heritage ou d'une rente est sujette à insinuation.
- 400 Quand la chose donnée a esté possedée par plus de dix ans, on peut verifier par temoins la donation, & ne peut estre debatue par faute d'insinuation.
- 401 Donation de simples meubles n'est sujette à insinuation.
- 402 Donation d'université de meubles est sujette à insinuation.
- 403 Quand la donation est faicte partie de meubles, partie d'heritages.
- 404 Si la donation d'une somme de deniers à prendre sur tous les biens d'un homme est sujette à insinuation.
- 405 L'insinuation se peut faire apres

- les quatre mois du viuant du donateur & du donataire.
- 406 L'insinuation n'est pas de l'essence de la donation.
- 407 Les donations pour cause de mort ne sont sujettes à insinuation.
- 408 La vefue est preferée à tous creanciers sur l'heritage procedé d'elle.
- 409 Celuy qui a vendu un meuble & le trouue encores en la possession de son debteur, est preferé à tous creanciers.
- 410 Le bailleur d'heritages est preferé à tous creanciers.
- 411 Le Seigneur Censier pour les lots & ventes est preferé au bailleur de l'heritage.
- 412 De quel temps les biens des Receueurs des Consignations sont hypothéquez aux consignataires.
- 413 Si le tuteur a tacite hypothèque sur les biens de son mineur.
- 414 Comme le tuteur se doit conduire pour auoir hypothèque sur les biens de son mineur.
- 415 Si le creancier a droict d'hypothèque sur l'heritage depuis vendu par son debteur, pour les despens qu'il a obtenu contre ledit debteur.
- 416 Le premier acquerreur a hypothèque du iour de son contract pour ses dommages & intersts.
- 417 Pour le profit du denier on n'a hypothèque que du iour de l'adjudication.
- 418 Le postérieur acquerreur quelle offre il doit faire estant poursuiuy hypothécairement.
- 419 Pour quels despens le premier acquerreur peut pretendre hypothèque contre le dernier acquerreur.
- 420 Quand on constitue rente pour les deniers portez par un breuet, on ne vient en ordre pour les arerages de la rente, que du iour de la constitution d'icelle.
- 421 Interpretation de la regle, Qui prior est tempore, potior est iure.
- 422 Les creanciers du defunct sont preferez aux creanciers de l'heritier sur les heritages du defunct.
- 423 Les creanciers de l'heritier sont preferez aux creanciers du defunct sur les heritages de l'heritier.
- 424 Sçauoir si les creanciers du defunct seront preferez sur les biens de l'heritier aux creanciers de l'heritier qui a constitué rente apres l'apprehension de l'heredité.
- 425 Quand les creanciers d'un defunct doiuent estre preferez aux creanciers de l'heritier sur les meubles du defunct.
- 426 Le tiltre de separationibus bonorum, comme se pratique en France.

CHAPITRE XXI.

 O MME les haut-Iusticiers par le moyen de leur haute Iustice, ont pretendu le droict de confiscation, & se sont attribué les biens, tant meubles qu'immeubles, confisquees, estans au dedans de leurs hautes Iustices, sinon és cas Royaux: Aussi par le moyen de leur haute Iustice ils se sont attribué le droict de Desherence, que

nous appellons communément Biens Vacans: Encorés que *bona vacantia de regalibus sint, & ad fiscum pertineant*: comme dit le texte *intitulo: Quæ sint Regalia. in vsib. feud. in verbis, bona vacantia. l. 1. de bon. vacant. C. lib. 10. in verbis, fisci nostrirationibus vindicandis. l. 1. ff. de success. edict. in verbis bona vacantia fisco sunt delata.*

¹
Iure com-
muni bona
vacantia
pertinent
ad fiscum.

En sorte qu'il est sans doute en la Preuosté & Vicomté de Paris, que quand vn François decede intestat, & ne laisse aucun de son lignage habile à succeder, tels biens appartiennent au haut-Iusticier, en la haute Iustice duquel ils sont trouuez: ensemble tous les biens vacans, qui sont au dedans de la haute Iustice, qui n'appartiennent à aucune personne: Ainsi qu'il est porté par le septiesme des articles aduisez lors de la redaction de la nouvelle Coustume de Paris, transcripts au 2. chapitre du present discours: & par le 167. article de ladicte nouvelle Coustume. Comme nous auons amplement monsté au Traicté de Desherence par nous cy-deuant mis en lumiere, à la lecture duquel est besoin auoir recours.

²
Par la Cou-
stume de
Paris, le
droict de
Desherence
appartient
au haut-
Iusticier.

Et parce que quelquesfois, voire le plus souuent, le Roy & le haut-Iusticier concurrent en seellez: Et quand vn homme ou femme sont decedez sans enfans nez en loyal mariage, ou sans heritiers apparans, tant les Officiers Royaux, que les Officiers du haut-Iusticier font proceder par voye de saisie sur les biens du defunct, & entrent en contention du droict de Iustice, & de la confection d'inventaire. Pendant lequel debat, les vrayz heritiers sont mis en grands frais, peines & traualx, au moyen des Sergens qui sont mis en garnison, lesquels on est contrainct nourrir & payer leurs salaires. Combien que par arrest donné en plaidoyrie le Mardy 7. Februrier 1552. contre deux Sergens de la Iustice de saint Germain des Prez, à chacun desquels auoient esté taxez quarante liures parisis pour auoir esté huit mois en garnison en vne maison, ait esté ordonné que le lendemain du seellé on fera inventaire des biens, si commodément faire se peut: ce faict, que les Sergens sortiront, & les biens seront baillez en garde au prochain voisin. Pour ceste cause il conuient entendre, que quand le droict de Iustice est reuoqué en doute, & desnié par le Procureur du Roy au pretendu haut-Iusticier: en ce cas le Seigneur qui pretend la haute Iustice luy appartenir, est tenu venir plaider pardeuant le Iuge Royal: tout ainsi qu'anciennement à Rome, *quoties contentio erat inter fiscum & priuatum, Procurator Caesaris aduendus erat*: lequel seul cognoissoit des causes Fiscales & Domaniales de l'Empire Romain, priuatiuement à tous autres Iuges, selon le texte *in l. si minori, de iure fisci. Cod. lib. 10. l. 1. Cod. si aduersus fisc. restit. post. l. finali ubi Glosa, in verbo, deinde. ff. de Proc. Caesar.* Ainsi qu'à present, Messieurs du Thresor cognoissent seulement des causes Fiscales & Domaniales entre le Procureur du Roy, & les particuliers: tellement qu'ils sont *veri Procuratores Caesaris*. Et pardeuant le Iuge Royal, le haut Iusticier est tenu faire apparoir de son droict de haute Iustice. Car le Roy n'est tenu en aucun cas plaider en la Cour de son sujet, pour quelque chose à luy appar-

³
Par quel es-
pace de tēps
les Sergens
doient estre
en garni-
son.

⁴
Quand le
droict de Ius-
tice est des-
nié au Sei-
gneur, il est
tenu plaider
pardeuant
le Iuge
Royal.

⁵
Le Roy ne
plaide ja-

*mai parde-
nant un
Iuge subal-
terne.* tenant en tout ou en partie, *etiam in materia feudali*: Comme il est dit au grand Coustumier de France, & instruction de pratique, au tiltre des droicts appartenans au Roy.

6 Et est besoin noter qu'en concurrence de sceillez, les Officiers du Roy doiuent faire l'inuentaie, quand le droict de Iustice est desnié au preten-
*En concur-
rence de seal-
lez faict
par les Offi-
ciers Royaux
& subalter-
nes, par qui
l'inuentaie
de biens doit
estre faict.* du haut-Iusticier, & que le Roy a preueni: Comme il fut dit pour les biens de feu Denisot Bourguignon, ainsi qu'il est recité au tiltre des droicts Royaux, declarez *in libro de Temporalitatibus*, estant en la Chambre des Comptes, fol. 126. Si le droict de Iustice n'est point desnié par le Procureur du Roy, la confection d'inuentaie appartient au haut-Iusticier, principalement quand le Roy n'a pas preueni: Comme il fut iugé par arrest donné en plaidoyrie au profit du Baron de Montmorency contre les Officiers du Chastelet de Paris, qui auoient faict saisir les biens d'un defunct decedé en ladite Baronnie, ledit arrest donné le 9. Mars, 1534. ainsi qu'auons deduit au 2. chapitre du Traicté du droict de Desherence, par nous cy-deuant mis en lumiere. Et quand telles concurrences de sceillez aduiennent en la ville de Paris, entre le Roy & le haut Iusticier, la Cour ordonne que par main-souueraine, inuentaie sera faict par l'un des quatre Notaires, ou l'un des Huissiers de la Cour. Car toutes & quantes fois que le droict de Iustice est reuoqué en doute, la possession & iouissance doit demeurer au Roy: Comme nous auons monsté au 4. chapitre du present Traicté. Et par le moyen des sceillez, les Iuges Royaux font de grandes entreprises sur les Seigneurs haut-Iusticiers. Combien que par le 164. article de l'Ordonnance faicte à la postulation des Estats tenus à Blois il soit porté: Que quand le Sieur Iusticier ou ses Officiers, auront saisi & mis la main, le Roy n'entend que ses Officiers s'y entremettent, *sinon* pour la conseruation des droicts de sa Majesté.

7 Aussi il conuient noter, que quand le Roy concurre au droict de Desherence avec quelques haut-Iusticiers, ou bien quand plusieurs haut-Iusticiers succedent à un François decedé sans hoirs, les debtes du defunct se doiuent payer *pro rata bonorum*: ainsi qu'il s'observe es biens confisquez, comme nous auons dit au 10. chapitre du present Traicté. Et pour clairement entendre comme es cas susdits les debtes doiuent estre payées par les haut-Iusticiers: aussi cognoistre comme les debtes d'un defunct doiuent estre payées & acquitées par ses heritiers, suiuant la Coustume de la Preuosté & Vicomté de Paris, qui est par plusieurs malentendüe & mal pratiquée; il conuient distinguer & considerer quatre cas.

8 Le premier est, quand les heritiers sont en ligne directe descēdante: comme quand les enfans succedent à leur pere ou à leur mere, ou bien les petits enfans succedēt à leur ayeul ou à leur ayeule. En ce cas d'autant qu'ils sont tous en mesme degré, ou de leur chef, ou par representation, ils doiuent tous payer esgalement les debtes du defunct; tant mobiliaries, comme sommes de deniers, grains, ou autres especes; que immobiliaries, comme rentes constituées, ou doiaire prefix par le defunct.

Et le fils aîné, encores qu'à cause de son droit d'aînesse, prenne moitié *Costume de Paris.* des fiefs, s'ils sont plus de deux enfans; & s'ils ne sont que deux, prenne les deux tiers des fiefs, il ne payera point davantage des debtes tant mobilières, qu'immobilières, que l'un des autres enfans; comme le droit d'aînesse luy estant baillé *beneficio legis municipalis; & iure prælegati, nullo onere adiecto*; pour la conservation du nom de la famille. Tellement que l'advantage qui est baillé au fils aîné par la Coustume, *non est quota pars hereditatis, sed particularis portio certarum rerum singularium, videlicet feudorum à defuncto relictorum. Quæ quidem particularis portio quocunque titulo relinquatur, vel alicui detur, non tenetur creditoribus in aliquo: ut latè tractat Molinaus in consuetudinibus Parisiensibus, §. 11. numero 8. & sequentibus*, où il traite tous les differends qui peuvent estre entre le fils aîné & les puînez, pour le payement des debtes de la succession: *Tiraquellus in tractatu de iure primogen. quæst. 35. col. 27. usque ad finem*. Et qu'il est porté par le 324. article de la nouvelle Coustume de Paris, conforme à la disposition de droit *in l. 1. Cod. si cert. pet.* qu'on dit estre la loy des filles aînées. *& l. final. de usufr. legat.*

9
En ligne directe descendante, les heritiers payent également les debtes.

De fait vn nommé Gastellier estant oberé envers plusieurs creanciers; par son decés ayant delaisné à ses quatre enfans plusieurs heritages, mesme vn fief: lequel apres son decés à faute de payement des arrerages de quelques rentes par luy constituées, auroit esté saisi, crié, & adiugé par decret: Les deniers procedez de l'adiudication du fief estans consignez au Greffe: le fils aîné s'estant opposé à la deliurance d'iceux, & requis estre recompensé du droit d'aînesse, qu'il auoit audit fief, qui estoit moitié d'iceluy, tant sur lesdits deniers, que sur les autres biens & heritages de la succession, les creanciers preallablement payez & satisfaits: comme n'estant tenu sinon payer vn quart des debtes de son defunct pere, non plus que l'un de ses autres freres: Ladite recompense fut adiugée audit fils aîné, & ses freres condamnez és despens de l'instance: Par arrest solennellement prononcé le Mercredy 7. iour de Septembre l'an 1552. Lequel arrest est recité par monsieur le Maistre en son Traicté des fiefs & hommages, chapitre 7.

10
Le fils aîné ne paye point plus grande portion des debtes, que l'un des autres enfans.

Arrest donné au profit d'un fils aîné.

Bien est vray que si les fiefs sont chargez de rentes foncières, le fils aîné en payera moitié, s'il prend moitié des fiefs, ou les deux tiers, s'il prend les deux tiers des fiefs. Et le semblable sera obserué si les fiefs ont esté achetez par le pere, à la charge de quelques rentes, encores que lesdites rentes ne soient perpetuelles & foncières, ains racheptables au denier douze: Car telles rentes, *non sunt verè debita hereditaria; sed onera realia ratione rei sue feudi debita, quæ fundum sequuntur, & à feudi possessoribus exoluenda sunt pro modo detentionis. l. cum possessor. ff. de censibus. l. imperatoris. ff. de publicanis & vectigalibus. in verbis, rescripserunt in vectigalibus. Ipsa prædia, non personas conueniri.* De ce on allegue vn arrest donné entre les heritiers de feu du Val, changeur du Thresor: & vn autre arrest donné entre la vefue & les enfans de feu Mailly cy-apres recité. Et encores plusieurs sont d'avis que le fils aîné ne doit pas seulement la moitié ou les deux tiers des rentes deües à cause du fief, auquel il succede pour la moitié, ou pour les deux

11
Le fils aîné est tenu des rentes foncières, au pro rata de sa detention.

tiers: mais que outre il doit portion desdites rentes, eu esgard au reuenu du manoir, auquel il succede seul. Pour ce regard est besoin voir du Moulin sur le 11. article de la Coustume de Paris *num. 16. 17. & seqq.* De faict vne mere ayant acquis vn fief de la somme de neuf mille liures tournois, pour le payement de partie de laquelle somme elle auoit pris six mille liures, moyennant cinq cens liures de rente, & déclaré par la constitution, qu'elle auoit pris les deniers susdits, pour employer au payement de partie du prix dudit fief: ce qui se cognoissoit aussi par la proximité des contracts. Depuis la mere estant decedée, moitié du fief baillée au fils aîné: A esté aduisé par les anciens Aduocats de la Cour, Que le fils aîné estoit tenu payer moitié desdits cinq cens liures de rente. Aussi a esté aduisé que le fils aîné est tenu rembourser la mere, de la moitié de la valeur des bastimens neufs, faicts par le pere

12
Les debtes
personnelles
sont diuisées
entre les he-
ritiers: &
l'un n'est
point tenu
pour l'autre.

13
Les heritiers
en ligne as-
cendante,
payent esga-
lement les
debtes.

14
En ligne col-
laterale,
quand les
heritiers
succedent
esgalement,
ils payent
esgalement
les debtes.

15
En ligne col-
laterale,
quand les
heritiers
succedent
inegalement
ils payent les
debtes, pro
rata bono-
rum, encores
qu'ils soient
en mesme
degré.

durant leur mariage, au chasteau & manoir principal qui luy estoit pro-
pre, sans que les puisnez en soient aucunement tenus; parce que l'aîné
seul succede au chasteau & manoir. Et quant au payement des debtes
personnelles & mobilières d'un defunct, il est tellement diuisé entre ses
heritiers, chacun pour sa portion hereditaire, que si l'un des heritiers est
faict non soluable, le creancier ne se peut adresser aux autres heritiers
pour le payement de ladite portion. *l. legatorum petitio. ff. de legat. 2. l.*
solent in fine. ff. de alim. & cib. leg. l. 1. Cod. si cert. pet. l. ea. qua. Cod. fam.
hercis. notat Stellain l. si creditores. Cod. de pact. Cum heredes ultra portionem
hereditariam extranei loco habentur. l. cum à matre. Cod. de rei vendic.

Le second cas est, quand les heritiers sont en ligne directe ascendan-
te; comme quand les pere & mere succedent és meubles, acquests &
conquests immeubles de leurs enfans; ou les ayeul ou ayeule à leurs pe-
tits enfans. En ce cas, parce qu'il n'y a point de representation ny pre-
rogative aucune; ains succedent esgalement, encores qu'il y ait des fiefs,
& que l'ayeul paternel succede avec l'ayeule maternelle; lesdits heritiers
doient esgalement payer les debtes du defunct, tant mobilières qu'im-
mobilières.

Le troisieme cas est, quand les heritiers sont en ligne collaterale, en
mesme degré, ou de leur chef, ou par representation; comme les nep-
veux venans à la succession de leur oncle ou tante, avec les freres & sœurs
du defunct ou de la defuncte. En ce cas ils succedent tous esgalement,
& prennent autant l'un que l'autre, ils doient payer esgalement les deb-
tes du defunct, tant mobilières qu'immobilières, chacun pour telle
part & portion qu'ils sont heritiers du defunct; suiuant le 332. article de
la nouvelle Coustume de Paris, & disposition de droit commun, *in l.*
pro hereditarijs. C. de her. act. l. ea qua. C. fam. hercis. l. fin. C. si unus ex plu-
rib. heredib. Mais s'ils ne succedent pas esgalement, parce qu'en la suc-
cession collaterale y a vn ou plusieurs fiefs qui appartiennent aux masles
seulement, à l'exclusion des femelles estans en pareil degré, suiuant le
326. article de la nouvelle Coustume de Paris: En ce cas chacun des
heritiers paye des debtes, tant mobilières qu'immobilières, pour por-
tion de l'emolument: ou bien chacun paye pour telle part & portion

qu'il amende des biens du defunct, comme il sera cy apres amplement déclaré.

Toutesfois plusieurs font d'aduis, que si la debte est créée à cause d'un fonds de terre; c'est à dire à cause de l'acquistiō faicte de quelque heritage feodal, auquel le masse succedaſt entieremēt, & non les femelles: ou bien à cause de l'acquisition d'un heritage roturier qui appartient entierement à l'heritier immobilier; au moyen de laquelle acquisition fust deuë la somme de deux ou trois cens escus, ou autre somme: qu'en ce cas le masse seul, ou bien l'heritier immobilier seul sera tenu payer ladite debte; tout ainsi que la rente deuë à cause de l'acquisition dudit heritage, supposé qu'elle soit racheptable, comme il a esté dit cy-dessus: Parce que l'heritage à cause de l'acquisition duquel est deuë quelque rente, ou quelque somme de deniers, est distinct & separé des autres biens de la succession: lesquels à cause de ladite acquisition n'ont receu aucun accroissement, profit, ny emolument, comme ils reçoivent des deniers prouenus des rentes constituées, ou des deniers deubs pour cause de prest: par le moyen desquels deniers lesdits biens ont esté conseruez en la succession, sans auoir esté alienez. Partant estiment estre raisonnable que l'heritier qui seul succede audit heritage, & le prend entierement à son profit, paye la rente & deniers deubs à cause d'iceluy heritage, sans que les autres heritiers en soient aucunement tenus. Aussi que l'heritage vraiment & parfaictement n'a appartenu au defunct, d'autant que les deniers deubs à cause de l'acquisition & achapt d'iceluy n'ont esté payez, comme il sera dit cy-apres: Et que desdits deniers il est besoin payer profit, à cause de la perception des fruiçts de l'heritage, suiuant la *l. curabit. C. de act. emp.* Et ledit profit ne peut estre deu, & ne seroit raisonnable qu'il fust payé par ceux qui n'ont aucun droit en l'heritage, & ne iouyſſent aucunement d'iceluy. *l. secundum naturam. ff. de reg. iur.* Et disent ainsi auoir esté iugé par arrest solennellement prononcé le 23. Mars 1592. donné entre la vefue de feu Maistre François de Mailly, viuant Conseiller en la Cour de Parlement, demanderesse d'une part, & les enfans desdits defunct & vefue defendeurs d'autre. Par lequel a esté ordonné qu'à la mere qui auoit succédé aux meubles & acquests de l'un de ses enfans, appartiendroit en pleine propriété la moitié d'une ferme & heritages assis à Autueil, laquelle moitié ledit enfant auoit acquis d'un de ses freres, pareillement decédé sans enfans, moyennant deux cens cinquante liures de rente par an, racheptables de mil escus. Et que ladite mere seroit tenuë entierement payer & cōtinuer ladite rente, & les arrerages escheuz depuis le decez de l'acquireur: Sans que les freres & sœurs heritiers des heritages propres dudit enfant acquireur, fussent aucunement tenus de ladite rente: & sans qu'en eux comme heritiers des propres du frere vendeur, y eust aucune confusion de ladite rente. Aussi par ledit arrest fut ordonné que ladite mere seroit tenue entierement payer aux Religieux, Abbé, & Conuent de Sainte Geneuiefue, les lots & ventes deuz à cause de l'acquisition de ladite moitié de ferme & heritages. Et tout si mieux ladite mere ne vouloit renoncer à ladite moitié de ferme & d'heritages:

Raisons
pour lesquelles l'heritier est tenu payer les deniers deubs à cause de l'heritage auquel il succede seul.

Ce qu'elle seroit tenuë opter dedans vn mois. En quoy faisant elle demeureroit quitte de ladite rente de deux cens cinquante liures, & arrerages d'icelle; & lesdits freres & sœurs seroient tenus entierement payer lesdits lots & ventes.

Raisons de
ceux qui
sont d'ad-
uis contrai-
re.

Nonobstant cest arrest, aucuns sont d'aduis contraire: & encores qu'il soit raisonnable que la rente deuë à cause de l'acquisition dell'heritage (supposé mesmes qu'elle soit racheptable) doieue entierement estre payée & continuée par celui qui seul succede à l'heritage; toutesfois ils estiment que les deniers qui restent à payer à cause de l'acquisition del'heritage, ensemble les lots & ventes deuz à cause de l'acquisition d'iceluy, doiuent estre payez par tous les heritiers, tant mobiliers que immobiliers, *prorata bonorum*, & selon que chacun a amendé des biens du defunct, comme debtes personnelles descendans d'obligation passée par le defunct, laquelle concerne tous les heritiers. Et disent qu'en l'arrest susdit y auoit des particularitez, & que les qualitez sont considerables, tant des personnes, qui sont la mere & ses enfans, que des heritages ausquels la mere vouloit succeder, encores qu'ils eussent esté propres à l'enfant qui les auoit alienez, comme à luy aduenus par le trespas de son defunct pere. Et la Cour, outre la rente auoit chargé la mere de payer entierement les lots & ventes: à fin de luy donner occasion de renoncer à l'heritage, & le delaisser à ses enfans; à ce qu'elle n'eust rien de commun avec eux, attendu le partage auparauant faict entr'eux. Aussi disent qu'en matiere de succession on considere les choses telles qu'elles sont lors que l'heredité est deferée, comme il sera cy-apres amplement traicté. Et peut aduenir que celui qui seul aura succédé audit heritage, n'aura pas amendé la moitié d'autant que chacun des autres heritiers, & qu'il doit suffire qu'il paye desdits deniers, selon qu'il a amendé des biens du defunct. Ioinct que quand il est question de debte créée par vn defunct, pour raparation ou melioration faicte en vn heritage; telle debte doit estre acquittée par tous les heritiers, au prorata de ce qu'ils ont amendé des biens du defunct, non pas par celui qui seul a succédé à l'heritage.

Pour resolution de la question cy-dessus proposée, il semble suiuant l'arrest cy-deuant recité, lequel a esté solemnellement prononcé pour seruir de loy: aussi que la vefue de Mailly opta payer, & continuer la rente de deux cens cinquante liures par an, & acquiter les lots & ventes: Que non seulement la rente deuë à cause de l'acquisition de l'heritage (encores mesmes qu'elle soit racheptable) doit estre entierement payée par celui qui seul succede à l'heritage: mais aussi que les deniers qui restent à payer à cause de l'acquisition d'iceluy, ensemble les lots & ventes doiuent estre payez par l'heritier, qui seul prend à son profit ledit heritage, sans que les autres heritiers en soient aucunement tenus. Et pour scauoir si ce que dessus doit auoir lieu au fils aîné, faut voir du Moulin sur la Coustume de Paris, art. II. *nu. II.*

16
L'heritier
mobiliern'est

Suiuant ce que dessus on a demandé si vn homme pendant son mariage a acquis par decret, ou bien par achapt volontaire vne maison, ou autre heritage, le prix duquel il n'ait pas payé, si sa femme tost apres ceste acqui-

acquisition decede, & delaisse vn enfant, auquel moitié de cest heritage, comme heritier de sa mere appartienne; quelque temps apres ledit enfant meurt, delaisse pour heritier quant aux meubles son pere, & pour heritier immobilier, son oncle maternel, auquel ladite moitié de maison doit appartenir: Par qui sera payé le prix de la moitié de la maison acquise, de present appartenant à l'oncle maternel: & si le pere comme heritier mobilier du fils, ne sera pas tenu contribuer au payement de ceste debte, au prorata des meubles qu'il a amendé de son fils, comme ceste debte consistant en purs deniers, & qui regarde l'vniuerselle succession de tous les biens demeurez par le trespas du fils: ou bien si ceste debte sera payée par l'heritier immobilier seulement, comme deuë à cause du fond d'heritage, auquel seul il succede, & pour l'acquisitiō d'iceluy. Il semble par les moyens cy-dessus deduits, que le prix de la moitié de ladite maison doit estre entierement payé par l'oncle maternel, lequel prend à son profit la moitié de ladite maison.

Outre ce que dessus, on a demandé si le pere iouyra de ladite moitié de maison par vsufruit sa vie durant: comme estant vn conquest fait pendant son mariage, adueni à son enfant decedé sans enfans: suiuant les 230. & 314. art. de la nouvelle Coustume de Paris. Il faut maintenir n'estre raisonnable qu'il iouisse par vsufruit de moitié de ladite maison, attendu qu'il ne l'a vrayemēt acquise, n'ayant payé le prix d'icelle: sans le payement duquel, ou bien que *fides habita sit de pretio*, l'achepteur ne se peut dire seigneur de la chose achetee, encores qu'elle luy ait esté baillée & deliurée. *l. quod vendidi & tradidi. ff. de cont. empt. l. procuratoris. §. pen. ff. de trib. act. §. vendita. Instit. de re. iud.* veu principalement qu'en decrets & adiudications faictes par autorité de Iustice, *nunquam habetur fides de pretio, sed pignora in vim iudicati capta presenti pecunia distrabi oportet.* En sorte que celuy auquel comme plus offrant & dernier enchereur est adiugé vn heritage par decret ou licitation, ne se peut dire Seigneur ne possesseur de l'heritage qui luy est adiugé, ny faire les fruits siens, sinon du iour qu'il a payé & consigné le prix. *l. si procurator. in fine. ff. de in. fisc. l. à dno Pio. §. si emptor. vers. oportet enim res captas pignori, & distractas presenti pecunia distrabi, non sic ut post tempus pecunia solvatur, ff. de re iud.* Aussi seroit contre droit & equité, que le pere suruiuant iouyst d'un heritage, duquel l'heritier de la mere predecédée auroit payé le prix entier.

On a aussi demandé si l'vsufriictier est tenu contribuer au payement des debtes du defunct: comme si l'vsufriict de tous les biens a esté donné ou legué; ou bien si l'vsufriict de tous les conquests & conquests a esté legué; ou bien si l'vsufriict du quint des propres a esté donné pour cause de mort. Mesme on a demandé si la mere, ou bien le pere suruiuant, qui succede à son enfant dernier decedé quant aux meubles, & iouyt par vsufriict sa vie durant des conquests immeubles qui appartenoient à sondit enfant par le decés de la mere predecédée, ainsi qu'il est porté par les 230. & 314. article de la nouvelle Coustume de Paris, sera tenu à cause dudit vsufriict contribuer au payement des debtes dudit

16
tenu contri-
buer au
payement de
l'heritage
acquis par
le defunct.

17
Quand le
pere iouyt
par vsu-
fruit de
l'heritage
qu'il auoit
acquis, le-
quel il n'a-
uoir payé.

18
En decrets
non habetur
fides
de pretio.

19
Si l'vsufri-
ctier est tenu
contribuer au
payement des
debtes du
defunct,
mesmes le
pere surui-
uant, qui
iouyt par
vsufriict
des conquests.

enfant : ainsi que les heritiers & donataires ou legataires vniuersels y contribuent, comme il sera cy-apres amplement traicté. Semble qu'il faut distinguer entre les debtes reelles ou bien immobilières, comme sont les constitutions de rentes & doüaires prefix : Et dire que l'usufruitier, ou pere suruiuant est tenu contribuer au payement des arrerages des rentes & doüaires : & que le payement de tels arrerages doit estre fait par tous ceux qui iouissent des heritages demeurez par le trespas du defunct, affectez, obligez & hypothéquez ausdites rentes & doüaires, au prorata de leur iouissance ; *quia sunt onera realia, siue fructuum* : mesmes le pere ou mere qui iouyt par usufruit de la part des conquests qui appartennoient au dernier decedé de leurs enfans, est tenu y contribuer.

Quant au payement des debtes mobilières personnelles, comme somme de deniers pour vne fois payer, certaine quantité de grain, ou d'autre espee deuë : Aucuns sont d'avis que l'usufruitier est tenu y contribuer, ou par aduance, sauf à repeter apres son usufruit finy : *Et sic non soluit de suo, sed solum deducit usufructu finito l. usufructu bonorum ff. ad l. Falci.* Ou bien il est tenu d'y contribuer sans repetition, purement & simplement pour vn tiers, auquel l'usufruit ou viage d'un heritage est estimé, & la propriété d'iceluy aux deux tiers, suiuant le 26. article de l'Ordonnance faicte par le Roy Charles VI. sur le rachapt des rentes de la ville & fauxbourgs de Paris : ou bien est tenu contribuer selon l'estimation qui sera faicte de l'usufruit, eu esgard à l'aage de l'usufruitier, suiuant la loy *hereditatum, ad l. Falcid.* A ceste fin alleguent la *l. multum interest.* ou bien *nihil interest. ff. de usufruct. leg.* laquelle porte que si *usufructus bonorum, aut tertia partis bonorum legatus fuerit*, que *as alienum ex bonis deducitur. Non autem deducitur as alienum, si certarum rerum usufructus sit legatus.* Aussi alleguent le 286. article de la nouvelle Coustume de Paris : Lequel porte que le donataire mutuel (lequel nous comparons à vn usufruitier) est tenu aduancer les obseques & funerailles du premier decedé ; ensemble la moitié des debtes communes deuës par ledit premier decedé : lesquelles obseques & funerailles, & moitié des debtes luy doiuent estre deduites sur la part & portion du premier decedé.

Les autres sont d'avis que c'est à l'heritier à payer les debtes. De fait, que suiuant la Coustume de Paris, le donataire mutuel n'auance sinon les obseques & funerailles, & moitié des debtes de la communauté : non pas les autres debtes, comme legs testamentaires, & payement des arrerages des rentes constituées auparauant le mariage, escheuz depuis la dissolution d'iceluy. Aussi disent que l'usufruit des conquests donné par la Coustume au pere ou mere suruiuant, est vne grace & benefice gratuit, & non onereux : & qu'il suffit que le pere ou la mere suruiuant contribué au payement des debtes, au prorata des meubles qu'il a amendé de l'enfant dernier decedé, sans toucher à l'usufruit des immeubles.

Toutesfois par le 230. article de ladite Coustume estant dict, que les

pere ou mere, ayeul ou ayeule succedans à leurs enfans, iouyront par vſufriict leur vie durant de la moitié des conquests qui leur apparte-
noient: il ſemble que ceſt vſufriict ſoit conioinct à la ſucceſſion qui leur
eſt deferée de leurs enfans, & qu'ils ſuccedent audit vſufriict, tout ainſi
qu'aux meubles de leurs enfans, & aux acquests & conquests faiçts par
leursdits enfans: en ſorte que pour le regard de la moitié deſdits con-
quests ledit pere ou ladite mere ſuruiuant doit contribuer au payement
des debtes mobiliaries deſdits enfans par aduance; ou pour vn tiers, au-
quel ordinairement on eſtime l'vſufriict d'un heritage, ſuiuant l'Or-
donnance cy-deſſus alleguée; ou pour telle autre portion qui ſera arbi-
trée ſelon l'eſtimation qui ſera faiçte de l'vſufriict. Car le plus ſouuent
aduient que les enfans decedez n'auoient aucun propre ancien pater-
nel ou maternel, & auoient ſeulement des meubles qui appartiennent
au pere ou mere ſuruiuant; & des conquests faiçts par les pere & mere
dudit enfant, deſquels le pere ou bien la mere ſuruiuante iouyt ſa vie
durant. En ſorte que l'heritier immobilier deſdits enfans ne iouyt d'au-
cuns biens, ſinon apres le decez du pere ou de la mere qui a ſurueſcu
leſdits enfans. Partant eſt raſonnable que le pere ou mere ſuruiuant qui
iouyt par vſufriict des conquests qui appartennoient à ſon enfant, con-
tribue au prorata dudit vſufriict au payement des debtes mobiliaries
qui eſtoient deuës par ledit enfant au iour de ſon decez. Et le ſemblable
doit eſtre dict du donataire ou legataire de l'vſufriict de tous les biens, ou
de partie des biens, d'un defunct, ſoit vn tiers ou vn quart, lequel eſt
tenu contribuer au payement des debtes mobiliaries du defunct, ou bien
par aduance, ou bien pour telle part que l'vſufriict ſera eſtimé. *Secus di-
cendum* du donataire ou legataire de l'vſufriict de certaine maiſon, ou de
certain heritage; lequel n'eſt aucunement tenu contribuer au payement
des debtes: ſuiuant la loy *multum intereſt*, cy-deſſus citée. *l. aris alieni. C.
de donat. l. 1. §. ſi heres. ad SC. Trebell.*

Et le pere ſuruiuant, ou la mere ſuruiuante qui iouyt par vſufriict,
ſuiuant la Couſtume, de la moitié des conquests qui appartennoient à ſon
fils predecédé, n'eſt point tenuë à cauſe de ceſte iouyſſance bailler cau-
tion de rendre les heritages deſquels elle iouyt en bon & ſuffiſant eſtat
apres l'vſufriict finy, encores que tous vſufriictiers ſoient tenus bailler
caution, & que *huiusmodi cautio à teſtatore remitti non poſſit. l. 1. C. de vſu.*
vſuf. & hab. l. 1. vbi gloſ. ff. eod. La raiſon eſt, que la nouuelle Couſtume
qui a attribué ce droit d'vſufriict ne charge point le pere ſuruiuant ou
bien la mere ſuruiuante de bailler caution, comme elle a chargé le dona-
taire mutuel, & la femme douairiere qui ſe remarie. Auſſi que ceſt vſu-
friict eſt donné au pere ſuccedant à ſon enfant: Tellement que ceſt vſu-
friict faiçt partie de la ſucceſſion de ſon enfant. Ioinct que ſelon la diſ-
poſition du droit commun, le pere qui iouyſſoit par vſufriict des biens
maternels de ſes enfans, n'eſtoit point tenu bailler caution de rendre les
meubles en nature, ny les heritages en bon eſtat, apres ſon vſufriict fi-
ny, *l. cum oportet. C. de bon. quæ lib. deſ. l. 1. C. de bon. mat.*

Et incidemment conuient noter que le pere ſuruiuant, ou bien la mere

Raiſons
pour leſquel-
les le pere
iouyſſoit par
vſufriict
des cōquests,
eſt tenu con-
tribuer au
payement
des debtes.

20
Le pere ſur-
uiuant iouyſ-
ſoit des cō-
quests de ſes
enfans, n'eſt
point tenu
bailler cau-
tion.

21
*Quand le
 pere ou mere
 suruiuant
 iouyt par
 vsufruit
 des cōquests.*

suruiuante ne doit iouyr par vsufruit de la part des conquests faicts pendant leur mariage, aduenus par le trespas du pere predecédé, ou de la mere predecédée, à aucuns des enfans yssus de leur mariage, qui decedent sans enfans pendant la vie du suruiuant, incontinent apres le decez de chacun desdits enfans, comme il a esté cy-deuant pratiqué par plusieurs. Mais le suruiuant doit iouyr de la part desdits conquests aduenus à ses enfans, lors que le dernier des enfans yssus de leur mariage sera decédé sans enfans, & sans freres ny sœurs, ny enfans de freres & sœurs : encores que lesdits freres & sœurs soient venus d'autre mariage, pourueu qu'ils soient descendus de l'acquerreur. Et auparauant lesdits trespas le suruiuant ne doit iouyr d'aucune portion desdits conquests : parce que lesdits freres & sœurs & leurs enfans succedent ausdits conquests, à l'exclusion du pere suruiuant, ou bien de la mere suruiuante, comme descendans de l'acquerreur. Mais si les freres ou sœurs de l'enfant dernier decédé sont venus d'autre mariage que de l'acquerreur, & ne sont enfans ou petits enfans de l'acquerreur ; ains sont venus du second mariage du pere suruiuant, ou de la mere suruiuante, ou d'autre mariage precedent du suruiuant, en ce faisant sont freres paternels seulement, à cause du pere suruiuant, ou freres maternels seulement, à cause de la mere suruiuante : ils n'excluront pas le pere suruiuant de l'vsufruit de la moitié des conquests faits pendant le mariage dudit pere suruiuant qui appartenoient à l'enfant decédé à cause de sa defuncte mere : parce que ladite moitié de conquests appartiendra aux oncles maternels ou tantes maternelles de l'enfant decédé : ainsi que les heritages propres dudit enfant leur appartiennent, & non pas aux freres ou sœurs venus du second mariage du suruiuant. Ainsi se doiuent entendre les 230. & 314. articles de la nouvelle Coustume de Paris, suiuant l'arrest de la Cour prononcé le premier iour d'Auril, 1586. entre maistre Iacques le Grand, General des Monnoyes, & Denyse Gaumont sa femme, demandeurs d'une part : & Anne le Cointe, vefue de feu René Gaumont, defenderesse d'autre. Par lequel partie des conquests faits par René Gaumont pere pendant son second mariage, aduenus à deux des enfans dudit second mariage, decedez depuis le pere, sont adiugez aux freres paternels yssus du premier mariage dudit Gaumont, à l'exclusion de ladite le Cointe, mere desdits deux enfans decedez, laquelle pretendoit l'vsufruit des parts des conquests qui estoient aduenus à ses enfans decedez depuis leur pere. Et ladite le Cointe condamnée rendre aux demandeurs les fruits par elle prins & perceuz desdits conquests depuis le trespas desdits enfans, pour les parts & portions appartenans ausdits demandeurs. Et ainsi a esté tousiours obserué, comme il est encores à present au Chastelet de Paris : conformément audit 230. art. de la Coustume, en ces mots, *descendus de l'acquerreur* : & audit 314. art. en ces mots, *descendans d'eux*, acquerreurs *scilicet*. Ainsi fut aduisé audit Chastelet, en presence de deux de Messieurs de la Cour.

22
Vn pere s'estant rema-

Aussi incidemment conuient entendre que par le 24. art. de l'ancienne Coustume de Touraine, sous le tiltre des successions, estoit dict, Que

le suruiuant des deux conioints iouyroit sa vie durant, de la moitié de tous les meubles & conquests immeubles du predecédé, encores qu'il y eust enfans. Et par le 99. article de la nouuelle Coustume dudit Baillage de Touraine est dit, Que si le pere ou la mere suruiuant ayant enfans se remarie, il perd la iouissance des meubles & conquests immeubles appartenans à ses enfans. Est aduenu qu'un mary apres le decez de sa femme decedée pendant l'ancienne Coustume, ayant iouy quelque temps des meubles & conquests appartenans à ses enfans: depuis la nouuelle Coustume s'estant remarié, est mis en proces par ses enfans, afin de faire partage desdits meubles & conquests immeubles, & leur bailler moitié d'iceux pour en iouyr dès à present, & rendre les fructs depuis son dernier mariage; disant que s'estant remarié contre la nouuelle Coustume, *peccauerat in legem municipalem, & inciderat in pœnam à consuetudine statutam*, qui estoit priuation de son vsufriict: Aussi qu'estant conuolé en secondes nopces, il auoit oublié le deuoir paternel, & l'affection paternelle. Combien que le pere, ou bien le mary eust remonstré que le droit d'vsufriict luy auoit esté incommutablement acquis pendant l'ancienne Coustume: Que les loix *dabant formam futuris negotijs, & non præcisiis*, & n'auoient point d'effect retroactif. *l. leges. C. de legi. que noua leges, constitutiones vel consuetudines, aut noua statuta nunquam extendebantur ad actum perfectum, completum & consummatum: & in huiusmodi actu noua leges nullo modo considerabantur: ut notat Bart. in l. omnes populi, col. 29. ff. de iust. & in. Panor. & ceteri adnotant in ca. fin. extra. de const.* Aussi qu'il estoit certain, & sans doute, que par l'ancienne Coustume de Touraine, le mary suruiuant ou la femme suruiuante se remariant ne perdoit point son vsufriict, encores qu'il eust enfant, ou enfans du dernier mariage: Que *pactum & statutum pacificantur*: Tellement que l'vsufriict des meubles & conquests immeubles luy estant baillé par la Coustume, c'est autant que s'il estoit conuenu par son contract de mariage qu'il auroit ledit vsufriict: Laquelle conuention ne pourroit estre tolluë, encores qu'il se remariait, si du second mariage n'estoit faicte expresse mention par le contract. *l. fi. C. de fideius. l. circa locationes. C. de locato.* Neantmoins par arrest solennellement prononcé le 27. Mars, 1584. en confirmant la sentence donnée par le Bailly de Touraine, & infirmant la sentence donnée par le Iuge de Bleré, le pere nommé Philippes Chapelot a esté condamné faire partage à sa fille des meubles & conquests immeubles demeurez par le trespas de sa defuncte mere, qui auoit esté femme dudit Chapelot, laisser iouyr sadite fille de moitié d'iceux, en rendre les fructs depuis qu'il s'estoit remarié, & condamné és despens de la cause d'appel.

Le quatriesme & dernier cas est, *Quando diuersimodè, siue diuerso inter heredes succedunt*: & que les heritiers du defunct sont en diuerses lignes, ou diuers degrez: Tellement que les vns succedent aux meubles, acquests & conquests immeubles, les autres aux propres paternels, les autres aux propres maternels. En ce cas les heritiers sont tenus entr'eux contribuer aux payemens des debtes, chacun pour telle part & portion qu'ils en amendent, eu esgard à la valeur de tous les biens, tant meubles qu'im-

rié depuis la nouuelle Coustume de Touraine, est priué de l'vsufriict qui luy estoit acquis par l'ancienne Coustume.

²¹ Quando consuetudo noua retrotrahitur.

meubles, delaissez par le trespas du defunct, ventilation & estimation faite d'iceux: ou bien chacun paye des debtes au marc, ou au sol la liure, pour autant que chacun prend en la succession, ou bien chacun paye des debtes du defunct au *pro rata* des biens qu'il a eu en la succession du defunct: *Ut lucrum & damnum hereditarium pro rata parte inter eos commune sit. Et sic qui plus capit, plus soluit: qui plus habet, plus solvere debet*: comme il est porté par le 334. art. de la nouvelle Coustume de Paris, & déclaré par les 81. 82. & 83. art. de la Coustume de Vitry en Parlois. Conformément à la disposition de droict, *in §. sed quia heredes. vers. post quod, in fi. & §. ergo si quidem de fid. hered. in Insti. & in l. Celsus. cum l. seq. ff. de relig. & sump. funer. l. 3. C. de sent. pass. l. si vir ux. ff. ad leg. Falc.*

24

Quand plusieurs Justiciers concourent en desherence ou confiscation, ils payent les debtes du defunct *pro rata bonorum.*

Raison de ce que dessus.

25

Diversité entre les heritiers paternels & maternels.

26

La Coustume qui baille la paterna paternis, & materna maternis, est contraire à la disposition de droict.

Arrest de ce que dessus.

27

Le haut Justicier n'est tenu au payement des

Et à l'exemple deidits heritiers les Seigneurs haut-Justiciers qui succedent par desherence à vn François decedé sans hoirs, ou bien qui succedent à biens confisquees, sont tenus payer les debtes du defunct, pour portion de ce qu'ils ont amendé, & au *pro rata* des biens qu'ils ont eu, soient meubles ou immeubles. Qui est le cas qui s'offre à present: comme il est amplement traicté *per Alexandrum de Immol. consi. 31. vol. 1. col. 16. & 17.* La raison de ce que dessus est: *Quia as alienum respicit univsum defuncti patrimonium l. si fideicommissum. §. tractatum. ff. de indi. Et hoc casu heredes non tam censentur heredes quam bonorum possessores. Nullo modo coniuncti sunt, nec re, nec verbis*: & leurs droicts sont du tout divers, distincts & separez. Tellement que l'un peut estre heritier paternel par benefice d'inventaire, l'autre heritier maternel pur & simple. Et si l'heritier paternel renonce à la succession, sa portion n'accroitra pas à l'heritier maternel, *nisi velit*, & si bon ne luy semble; mais on créera vn curateur aux biens paternels, comme vacans. *l. quod si minor. & l. penul. ff. de acqui. hered.* combien que le contraire soit observé *in veris heredibus. l. unica. Cod. quando non petentium partes petentibus accrescant.* Partant on dit que la Coustume qui baille *paterna paternis, & materna maternis*, est heteroclite, anormale, & contraire à la disposition de droict: *Quia admittit remotiores ad bona paterna defuncti, & excludit proximiores.* Et estans plustost *bonorum possessores quam heredes*, il est raisonnable qu'ils contribuent au payement des debtes du defunct au *pro rata* des biens qu'ils ont amendé du defunct. Ainsi a esté iugé par plusieurs arrests de la Cour: mesmes pour les heritiers du feu Commissaire Boulard, par arrest solennellement prononcé le 14. May, 1562. Autre arrest donné en plaidoyrie pour les heritiers de feu Maraudeau, le 9. Feurier audit an, 562. Lesquels deux arrests seront cy-apres amplement recitez. Autre arrest donné en plaidoyrie le dix-septiesme Aupil, 1564. Autre arrest donné en plaidoyrie le 9. Aupil, 1576. entre les heritiers feu Blanchart. Autre arrest solennellement prononcé le 23. Decembre, 1579. touchant la succession de feu Monsieur Crassin.

Aussi le haut-Justicier n'est pas heritier, mais est successeur es biens du defunct decedé sans hoirs. Au moyen de quoy le haut-Justicier n'est tenu au payement des debtes du defunct que iusqu'à la concurrence des biens qu'il a amendé par droict de Desherence ou confiscation. Non

pas qu'il soit tenu au payement de toutes les debtes, comme les heritiers simples sont tenus au total d'icelles: Ainsi que nous auons amplement monstre au troisieme chapitre du droit de Des-herence, lequel il conuient voir.

debtes que
iufques à la
concurrence
des biens
qu'il a
amendé.

28

La femme
n'est tenue
au payement
des debtes
de la com-
munauté
que iufques
à la concu-
rence de ce
qu'elle a
amendé de
la commu-
nauté.

Raisons de
ce que des-
sus.

29

Quand une
femme n'a
point parlé
es rentes co-
stituéés par
son mary
pendant leur
mariage, à
quoy elle est
tenue.

30

Les iugemens
donnez con-
tre les fem-
mes portans
condamna-
tio de payer,
s'entendent
iufques à la
concurrence
des biens de
la commu-
nauté.

Et ce à l'exemple de la femme, laquelle encores qu'apres le decez de son mary ait prins communauté de biens; neantmoins elle n'est tenuë au payement des debtes mobiliaries de la communauté, faictes & créées par son mary, tant auparauant que durant leur mariage, esquelles elle n'a point parlé, que iufques à la concurrence des biens qu'elle a amendé à cause de la communauté: *quatenus erat in peculio communi, vel quatenus ad eam peruenit.* Suiuant les 221. & 228. art. de la nouuelle Coustume de Paris, *l. quasitum ff. de pecul. l. Celsus. cum l. seq. ff. de reli. & sumpt. fune.* Et le semblable est obserué es debtes immobiliaries & rentes constituées par le mary pendant son mariage, esquelles la femme n'a point parlé. Car de moitié desdites rentes, & des arrerages escheuz & à escheoir à cause d'icelles, la femme est tenuë acquitter & descharger les heritiers du mary, iufqu'à la concurrence de la moitié des meubles & conquests immeubles, aduenü à ladite femme à cause de la communauté, comme il est décidé par arrest de la Cour, prononcé au profit de M. Charles & Iean de Neully freres, le 22. Mars, 1544. Et n'est ladite femme tenuë plus auant que iufqu'à ladite concurrence: suiuant ledit 228. art. de la Coust. Autrement le mary contre la prohibition portée par le 226. article de la mesme Coustume, pourroit indirectement charger, obliger & hypothéquer l'heritage propre de sa femme, sans le consentement de sadite femme: d'autant qu'elle seroit contrainte vendre son heritage propre pour acquitter moitié des debtes de la communauté. Pour ceste cause les Iugemens donnez par le Preuost de Paris contre les vefues, portent ordinairement condamnation de payer moitié de la somme demandée, iufqu'à la concurrence des biens qu'elle a amendé de la communauté. Et s'ils ne le portent, taifiblement les mots susdits sont entendus. En ce fait n'y a aucune execution parée contre la femme. Car lors du commandement elle declarera, qu'elle n'a aucuns biens de la communauté, offrira en rendre compte. Et ne pourra valablement estre executée en autres biens que ceux de la communauté: autrement l'execution sera déclarée tortionnaire, par le moyen de son exception, opposition & offre, laquelle se peut proposer *post iudicatum & in executione iudicati.* Et la femme ayant rendu compte en Iustice des biens de la communauté aux creanciers qui la poursuiuent, elle ne pourra, apres la reddition dudit compte deuëment clos, & sans fraude, estre poursuiuie, ne inquietée pour les debtes de la communauté, esquelles elle n'a point parlé. Ainsi ordinairement est pratiqué au Chastelet de Paris. Et ainsi a esté plusieurs fois plaidé & iugé en la Cour: mesmes le Lundy 13. May 1555. pour la vefue Iournée Apothicaire: & pour la vefue l'Huillier, le leudy 19. Iuillet, 1565. On allegue ordinairement l'arrest de la vefue Bourbier. Deluc & Papon recitent plusieurs autres arrests, au tiltre de communauté de biens entre l'homme & la femme, que chacun peut voir.

31
 Quand la
 femme pre-
 nant com-
 munauté de
 biens apres
 le trespas de
 son mary est
 tenuë outre
 la concur-
 rence d'i-
 celle.

Si la Coustume locale n'est semblable à celle de la Preuosté & Vi-
 comté de Paris; & ne porte que le mary ne peut vendre, charger, obliger,
 ny hypothéquer l'heritage propre de la femme sans son consentement;
 mais porte seulement, que la femme peut renoncer à la communauté de
 biens, qui estoit entr'elle & son feu mary: Plusieurs sont d'avis, que si la
 femme apres le decez de son mary ne renõce à la communauté, ainsi qu'il
 luy est permis par la Coustume, ains volontairement prenne la commu-
 nauté, & fasse partage des biens d'icelle avec l'heritier; qu'elle est tenuë
 entierement payer moitié des debtes de la communauté. Et disent auoir
 esté ainsi iugé en la Coustume de Meaux, & autres Coustumes, par
 lesquelles simplement est permis à la femme renoncer à la commu-
 nauté.

32
 Si la mesme
 Coustume
 ne permet
 renoncer à
 la commu-
 nauté, la
 femme n'est
 tenue outre
 la concur-
 rence d'icelle.

Si la Coustume ne permet à la femme renoncer à la communauté,
 comme estoit l'ancienne Coustume de Paris: par laquelle article 165. il
 estoit seulement loisible à la femme noble, extraicte de noble lignée, &
 viuant noblement, de renoncer à la communauté de biens d'entr'elle &
 feu son mary, & non à la femme roturiere: En ce cas la femme ne sera
 tenuë au payement des debtes de la communauté, esquelles elle n'aura
 parlé, & ne sera obligée, que iusques à la concurrence des biens qu'elle aura
 amendé à cause de ladite communauté: *in quantum locupletior facta est*:
 D'autant que par la Coustume elle a esté contrainte prendre la commu-
 nauté de biens, & ne luy a esté loisible renoncer à icelle, *l. i. §. fi. & l. fi. ff.*

33
 La femme
 apres le de-
 cez de son
 mary est te-
 nue faire
 faire inuen-
 taire soit
 qu'elle pren-
 ne commu-
 nauté, ou
 renonce à
 icelle.

de separa. Combien que par la disposition de droict commun il n'y eust
 aucune communauté de biens entre l'homme & la femme mariez: Tel-
 lement que la femme n'estoit point tenuë des debtes du mary, ny le ma-
 ry des debtes de la femme. Aussi le mary ne pouuoit pretendre aucun
 droict es biens de la femme, sinon en ceux qui luy auoient esté donnez
 en dot. *l. cum hic status. §. si inter vir. & uxo societas. ff. de donat. inter vir.*
& uxo. l. i. C. ad leg. Corn. de vi pub. l. i. C. ne uxor pro marito. Partant est ne-
 cessaire que la femme, soit qu'elle prenne communauté de biens, ou re-
 nonce à icelle, fasse faire bon & loyal inuentaie, l'heritier presomptif
 present ou deuëment appelé: si l'heritier n'est apparent, le Procureur du
 Roy au Chastelet, ou du Thresor, s'il a faict seellé de tous les biens meu-
 bles, creances, lettres & tiltres demeurez par le decez de son mary: se-
 lon qu'il est porté par les 228. & 237. art. de la nouvelle Coustume de
 Paris. A ce qu'elle puisse représenter les biens qu'elle a eu de la commu-
 nauté, ou bien rendre compte d'iceux, au cas qu'elle ait accepté la com-
 munauté: & par le moyen dudit compte entierement se descharger du
 payement des debtes de ladite communauté. A l'exemple de l'heritier
 par benefice d'inuentaie: lequel rendant compte des biens contenus en
 l'inuentaie solemnellement faict apres le decez du defunct, duquel il s'est
 porté heritier sous benefice d'inuentaie, est entierement deschargé des
 debtes du defunct, suiuant la loy *fi. C. de in. delib.* Toutesfois il ne peut
 renoncer à la succession, *quia qui semel est heres, non potest desinere esse ha-*
res. l. ei qui in soluendo. ff. de her. in l. & si sine. §. sed quod. ff. eo. Et perpetuo
heres manet, etiam si nullum commodum percipiat. Toutesfois quand il a
 rendu

34
 L'heritier
 par benefice
 d'inuentaie
 n'est tenu
 outre le con-
 tenu en l'in-
 uentaie.

rendu compte, on le reçoit au Chastelet de Paris à renoncer à la succession.

Si la femme, laquelle apres le decez de son mary a faict faire inuenta-
 taire, a déclaré qu'elle entendoit prendre communauté, ou bien ait prins ³⁵ *Qu'il est profitable à la femme se faire releuer de l'aprehension de la communauté.*
 quelques biens de la communauté, encores que par le moyen de ceste
 apprehension de communauté on puisse dire qu'elle ne peut auoir
 aucune perte, ny souffrir aucun dommage, parce qu'elle n'est point te-
 nuë outre la concurrence des biens de la communauté, non plus qu'un
 heritier par benefice d'inventaire: Toutesfois si elle peut estre releuée de
 l'apprehension de communauté par elle faicte par le moyen de la minori-
 té, ou pour la circonuention & faux donné à entendre de l'heritier, ou
 pour autre cause, & estre receuë à renoncer à la communauté, quitter &
 abandonner les biens d'icelle, en rendant & restituant ce qu'elle a prins
 & apprehendé d'iceux; ce luy sera vn grand bien, & vn grand soulage-
 ment: D'autant qu'elle ne sera subiette à rendre compte des biens de la-
 dite communauté, ny en danger d'estre enuelpée en vne infinité de
 proces, par le moyen de ceste reddition de compte, à laquelle toutes
 femmes ayant prins communauté de biens apres le trespas de leurs ma-
 rys sont subiettes. Semblables lettres de relief pourront estre obtenues
 par la femme, laquelle ayant obtenu sentence de separation avec son
 mary, n'a renoncé aux biens de la communauté, comme elle pouuoit
 faire, ains s'est déclarée commune, ou a prins quelques biens de la com-
 munité, desquels inventaire auoit esté faict apres la sentence de se-
 paration.

Et combien que la Coustume de Paris n'ait prefix le temps, dedans le-
 quel la femme suruiuant doit faire faire inventaire des biens de la com-
 munité d'entre son defunct mary & elle: toutesfois le meilleur est qu'elle
 le fasse faire le plustost que commodément elle pourra: ou bien dedans ³⁶ *Dedans quel-
tèps la femme est tenue
faire inuen-
taire apres
le trespas de
son mary.*
 quarante iours apres le trespas de son mary, qui est le temps qu'on a ac-
 coustumé de donner aux heritiers pour deliberer, & cependant faire faire
 inventaire: ou bien dedans trois mois apres le decez du defunct, qui est
 le temps prefix par la disposition de droit à l'heritier pour faire faire inu-
 entaire quand les biens du defunct & les heritiers sont en mesme Prouince:
 ou bien dedans l'an du decez du defunct, quand les biens & les heritiers
 sont en diuerses Prouinces, suivant ladite loy finale, C. de iure deli. com-
 me il sera dit cy-apres.

Aussi la Coustume de Paris n'ayant prefix temps certain, dedans ³⁷ *Dedans quel-
tèps la fem-
me peut re-
noncer à
la commu-
nauté.*
 lequel la femme puisse renoncer à la communauté de biens d'entre son
 defunct mary & elle: comme faict la nouvelle Coustume de Melun, qui
 porte que la femme noble ou roturiere pourra dedans quarante iours
 apres le trespas de son mary renoncer en iugement à la communauté
 des biens meubles, acquests & conquests immeubles d'entre son de-
 funct mary & elle: Il semble que la femme pourra renoncer à la commu-
 nauté lors qu'elle sera inquietée par les creanciers du defunct, soit de-
 dans l'an du decez du defunct, ou apres: pourueu qu'elle n'ait point faict
 acte de commune, & n'ait recelé aucuns biens de la communauté, de la-
 quelle elle aura fait faire inventaire. Et ce à l'exemple du plus proche pa-

rent habile à estre heritier d'un defunct; lequel peut renoncer à la succession du defunct, lors qu'il est poursuiuy par les creanciers, soit dedans l'an, ou apres; pourueu qu'il ne se soit immiscé és biens de la succession, ou n'ait faict acte d'heritier.

38
La vefue est
habillée de
deuil aux
despens des
heritiers de
son mary.

Et lors de la confection d'inventaire on a accoustumé laisser à la vefue l'une de ses robes pour porter le deuil de son defunct mary, outre celle qu'elle a vestuë. Et si ce sont personnes nobles & gens de qualité, la vefue est vestuë de deuil aux despens des heritiers de son defunct mary. Si elle est executeresse du testament de son mary, elle couchera en la despense du compte de l'execution testamentaire, les deniers payez pour ses habits de deuil. Ou bien la vefue estant poursuiue par le marchand, afin de les payer, elle sommra la poursuite aux heritiers de son mary, afin de l'en acquitter: ainsi qu'il est traicté per *Aufrerium in decisionib. Capella Tholosana, quest. 336. per Angelum in l. sed ususfructus. §. dos legata. ff. ad l. Falcid. Ioan. de Immola in l. si ex re. §. illud. ff. de stip. seruor.* Ainsi a esté iugé contre le Seigneur de Lesche au profit de la belle mere. Quant est du mary, les heritiers de la defuncte femme ne sont point tenus de luy bailler ses habits de deuil: *Quia vir non tenetur lugere uxorem per annum, quemadmodum uxor tenetur lugere virum per annum, quo temporis spatio vidua tenetur deferre vestimenta lugubria, ut inquit Immola in d. §. illud. l. i. C. de secun. nup. l. i. ff. de his qui not. infra.*

39
Quand le ma-
ry n'a laissé
aucuns biens,
comme la
femme en
doit prendre
acte, pour la
descharge de
la confection
d'inven-
taire.

Et supposé que le mary n'ait laissé aucuns biens, toutesfois la femme pour sa delcharge doit tost apres le trespas de son mary, auoir acte de Notaires ou de Tabellion, que son mary n'a delaisé aucuns biens: & qu'à ceste fin les Notaires se transportent en la maison en laquelle le defunct est decedé, au lieu auquel il estoit demeurant: & donnent acte à la vefue de ce que les domestiques & voisins ont déclaré, qu'ils n'ont point de cognoissance que le defunct ait delaisé aucuns biens meubles ou immeubles, lettres, ou tiltres: & que la vefue afferme pardeuant lesdits Notaires, ou bien en iugement, n'en sçauoir aucuns. Et si la femme a obmis à faire ce que dessus, & long temps apres le trespas de son mary soit poursuiue pour les debtes de sondit mary, & afin d'exhiber l'inventaire qu'elle a faict ou deu faire: elle obtiendra lettres pour estre releuée de ce que erronément elle a obmis à prendre attestation des voisins, & acte de Notaires, de ce que son defunct mary lors de son decez n'auoit aucuns biens: Mettra en auant, & offrira verifier qu'il n'en auoit aucuns, soient meubles ou immeubles, lettres ou tiltres, cedula ny breuets. Et le semblable sera faict par vn tuteur, quand le pere de ses mineurs n'aura delaisé aucuns biens meubles ou immeubles: Et lors de son election declarera, & par serment affermera, qu'il ne sçait aucuns biens appartenans à ses mineurs, & qu'il est notoire que leur defunct pere n'auoit aucuns biens lors de son trespas: partant qu'il renonce à la succession. Et ce que dessus estant affermé par les parens & assistans à l'election de tutelle, ladite renonciation sera emologuée par le Iuge.

Et combien que l'heritier par benefice d'inventaire, auquel la femme vefue a esté cy dessus comparée, pour n'estre tenuë au payement des deb-

tes de la communauté, outre ce qu'elle a amendé des biens de ladite communauté, ne soit tenu au paiement des debtes du defunct, duquel il s'est porté pour heritier, outre la concurrence des biens dudit defunct, & ne puisse pour raison desdites debtes estre executé en ses biens propres, soient meubles ou immeubles, qui ne sont de la succession du defunct.

Toutesfois l'heritier par benefice d'inventaire est tenu en son propre & priué nom payer les despens esquels il a succombé, soit en demandant ou en defendant, qui sont faits de son temps, lors qu'il conteste en cause; non pas s'il accorde les conclusions du demandeur sans aucune contestation. Et si quelques procedures ont esté faictes du viuant du defunct, les despens d'icelles se prendront sur les biens du defunct. La raison est, tout ainsi que l'heritier par benefice d'inventaire prend à son profit les despens qui luy sont adiugez: aussi il doit payer en son nom les despens esquels il est condamné. Ioinct que tous despens sont personnels, & prouiennent de la temerité des parties litigantes. Partant n'est pas raisonnable que l'heredité du defunct soit chargée au preiudice des creanciers, des despens temerairement faicts par vn heritier par benefice d'inventaire. Car en ce faisant les creanciers payeroient eux mesmes les despens qui leur auroient esté adiugez. Au moyen de quoy auparauant le iugement du proces, on doit requerir que l'heritier par benefice d'inventaire soit condamné és despens en son propre & priué nom. Et supposé que le proces soit iugé, & que par l'arrest qui est interuenu l'heritier par benefice d'inventaire soit purement & simplement condamné és despens du proces, & que telle condamnation se doie prendre en qualité d'heritier par benefice d'inventaire: Toutesfois en presentant requeste à la Cour, & remonstrant ce que dessus, l'heritier sera condamné en son propre & priué nom, payer les despens qui sont de son temps, depuis la reprise par luy faicte du proces au lieu du defunct, & les precedens en qualité d'heritier par benefice d'inventaire. Et sera bon presenter la requeste susdite, ou bien auparauant que faire taxer les despens, & requerir que l'executoire soit deliuré contre ledit heritier en son nom: ou bien il faudra presenter ladite requeste apres l'executoire de despens leué auparauant que le mettre en execution: ou bien on presentera la requeste susdite, apres le commandement & refus faict par l'heritier de payer le contenu en l'executoire de despens, sans faire aucune saisie ny execution: qui sera le meilleur, & est le plus vité. Ainsi a esté iugé au profit de Maître Louys Bernage, Aduocat en Parlement, contre Dame Anne de la Vernade, le sixiesme Auil, 1578. Autres arrests donnez au profit de Mathurin le Beau, contre le Duc d'Arscot, le 13. Decembre, 1575. & 11. Iuillet, 1576. Autre arrest donné au profit de Messire Charles de Nolant, le 12. May, 1586. Autre arrest donné au profit de Marie Guerrier, le 20. Feurier, 1588. Autre arrest donné en plaidoyrie, le 2. Auil, 1568. apres disné, contre les heritiers feu Rageau: les autres arrests dessusdits ont esté donnez sur instances, ou sur simples requestes.

Le contraire est obserué en vn tuteur de mineurs, lequel n'est point condamné és despens en son nom, si de sa part n'y a dol & mauuaise foy

40
L'heritier
par benefice
d'inventaire
est tenu és
despens en
son nom.

41
Comme on
se doit pour-
uoir pour
faire condā-
ner l'heritier
par benefice
d'inventaire
és despens en
son nom.

Arrest de ce
que dessus.

42
Quand un
tuteur doit
estre condā-

né és despens
en son nom.

euidente: *sed sufficit tutori bene & diligenter negotia gessisse, et si euentum aduersum habuit quod gestum est. l. quid ergo. §. sufficit. ff. de contr. tut. act. l. sed ultro. §. 1. de negot. gest.* Et en cas de dol, est besoin requérir la condamnation des despens contre le tuteur en son nom, auparauant le iugement du proces: à ce qu'en procedant au iugement d'iceluy, on puisse cognoistre si de sa part il y a de la calomnie ou non: *l. non est ignotum. C. de administ. tut. l. quoties. §. denique imperator. ff. eod. l. qui solidum. §. etiam. de leg. 2.* Bien

43
Le tuteur est
tenu en son
nom des de-
fauts &
contumaces.

est vray que le tuteur est tenu en son nom des despens des défauts & contumaces contre luy obtenus, parce qu'ils prouiennent de la faute & negligence, *l. 2. de fund. patrim. & salt. C. lib. 11. l. si ideo. ff. de euet. l. sancimus. C. de iud.* Et quand le tuteur est condamné és despens en son nom, il ne les peut coucher en la despense de son compte, & pour raison d'iceux n'a aucun recours contre son mineur. Partant le plus seur est, que le tuteur retire consultation signée d'Aduocats, des proces qu'il intentera: pareillement des proces qu'il soustiendra, qui seront contre luy intentez, pour se defendre des despens desdits proces, si le mineur estant majeur les veut débattre en la despense de son compte. Et s'il est besoin que le tuteur entre en maintenuë de faux de quelque contract, quittance, ou autre piece produite contre le mineur, il doit faire assemblée de parens du mineur, auparauant que d'entrer en maintenuë de faux.

44
Comme le
tuteur se
doit condui-
re à la pour-
suite des
proces de son
mineur.

Et supposé que la femme apres le decez de son mary ait prins communauté de biens, par ce moyen soit tenuë payer la moitié des debtes mobiliaries faictes & accreuës par sondit mary, tant durant son mariage qu'au parauant iceluy: & ce iusques à la concurrence des biens qu'elle a eu de la communauté: comme il est porté par le 221. art. de la nouvelle Coustume de Paris: Toutesfois les creanciers qui ont contracté avec le defunct mary, ou ausquels le mary s'estoit obligé par cedula, breuet, ou autrement, se pourront adresser pour l'entier payement de leur deub aux heritiers dudit defunct mary leur obligé: sauf leur recours & action contre la vefue pour moitié de la somme qui sera ou aura esté par eux payée:

45
Le creancier
peut agir con-
tre l'heritier
de son obli-
gé, sans s'ad-
dresser à la
femme, si
bon luy sem-
ble.

Comme il a esté iugé par arrest prononcé le quatriesme May, 1553. entre Maistre Emery Pioche, tuteur des enfans de feu Maistre Regnaut Pioche, General de la Iustice des Aydes, appellant du Bailly de Reims d'une part, & Nicolas Ruffin, marchand bourgeois de Paris, intimé d'autre. Et le semblable doit estre dit de la femme, laquelle au parauant son mariage estoit valablement obligée à quelque debte: contre laquelle estant vefue, les creanciers pourront agir pour toute la somme par elle deuë: sauf son recours & action pour la moitié de la somme par elle payée, contre les heritiers de son second mary. *Creditoris enim interest ne in plures aduersarios distinguatur, qui cum uno contraxit: comme dit la loy 2. de exerc. act.*

46
Comme la
femme est
poursuieue
pour les ren-
tes consti-

Pareillement si la femme apres le trespas de son mary, comme detēterelle & propriēterelle de quelques heritages propres de son defunct mary, qui luy ont esté donnez en faueur de mariage, est poursuiue pour le payement de quelque rente vendue & constituée par son defunct mary au parauant leur mariage: En ce cas la femme a son recours & action

contre les heritiers de son defunct mary : à ce qu'ils soient condamnés l'acquitter de la poursuite contre elle faicte, & la faire descharger de la totalité de ladite rente : ensemble l'acquitter des arrerages escheuz depuis la dissolution de leur mariage. Et quant aux arrerages precedens, escheuz pendant & auparauant leur mariage, ils se doiuent payer moitié par les heritiers dudit mary predecédé, & moitié par la femme suruiuante, cōme estant vne debte mobiliere. Et le semblable doit estre dict du mary qui est hypothecuairement poursuiuy apres le trespas de sa femme, pour rente constituée par sa femme auparauant leur mariage, s'il est detenteur de quelque heritage de sa femme, à tiltre de donation, ou autrement.

A ce propos on a demandé si vn homme ayant constitué cent liures de rente auparauant son mariage, & au payement d'icelle obligé tous ses biens presens & à venir, *qua habebat, & qua habiturus esset* : depuis ceste constitution de rente, & le debteur d'icelle s'estant marié, ayant acquis pendant son mariage plusieurs heritages : moitié desquels apres son trespas a appartenu à son heritier, & l'autre moitié à sa femme suruiuante : Si le creancier de ceste rente a eu droit d'hypothèque sur tous les heritages acquis par ledit debteur, pendant ledit second mariage : en sorte qu'il puisse poursuiure la femme suruiuante, à ce que comme detenteresse & proprietereesse de partie desdits heritages, elle soit condamnée personnellement & hypothecuairement payer & continuer ladite rente, tant & si longuement qu'elle sera detenteresse & proprietereesse desdits lieux, partie & portion d'iceux : Ou bien si le creancier de la rente peut seulement demander droit d'hypothèque sur la moitié des heritages acquis pendant ledit second mariage, aduenü à l'heritier du mary, & non sur la moitié aduenü à la femme.

Ceste question fut plaidée en la Cour, le Ieudy 12. Mars 1590. pour Maistre Nicolas de la Court, Aduocat en Parlement, appellant du Preuost de Paris : Lequel à cause de sa femme, vefue de feu de Valles, viuant General des Monnoyes, comme detenteur & propriétaire d'heritages acquis par ledit de Valles pendant son mariage, auoit passé sentence, & depuis tiltre nouuel de payer & continuer soixante & quinze liures de rente, qui auoit esté constituée par ledit de Valles auparauant son mariage. Ledit de la Court auoit appellé de ceste sentence, obtenu lettres pour estre releué du consentement porté par icelle, ensemble du tiltre nouuel par luy passé, comme le tout faict par erreur, & sur son appel faict intimer le creancier de ceste rente.

Ledit de la Court pour ses moyens & causes d'appel disoit : *Primò*, que sa femme n'estoit point tenuë à la rente de laquelle estoit question, ny en son nom, parce qu'elle n'auoit point parlé à la constitution d'icelle, ny à cause de la communauté de biens d'entre son defunct mary & elle, parce que c'estoit vne debte immobiliere créée au precedent le mariage dudit de Valles, de laquelle la communauté n'est point chargée : ains de debtes mobilieres seulement, qui entrent en la communauté d'entre l'homme & la femme, & non les immobilieres créées auparauant le mariage : lesquelles n'y entrent aucunement, non plus que les actions immobilieres

tues par son mary auparavant leur mariage, a son recours contre les heritiers de son mary.

47

Si la femme detenteresse de moitié des conquests, peut estre poursuiue pour les rentes créées par son mary, auparavant leur mariage.

Raisons pour la femme.

48
Rente due
par l'un des
conjoints,
racheptée
pendant le
mariage, est
un conquest.

intentées pour rentes, heritages, & autres immeubles. Et si aucunes rentes deuës auparauant le mariage sont racheptées, ou acquittées pendant le second mariage, c'est vn conquest entre l'homme & la femme. Tellement que si la rente racheptée estoit deuë par le mary, l'heritier dudit mary, ou le detenteur de l'heritage subiet à la rente, est tenu continuer moitié de ladite rente à la femme suruiuante, & luy payer les arrerages du iour du decez du mary, iusques à l'entier rachapt. Et le semblable doit estre obserué quand vne rente estoit deuë par vne femme, & est racheptée pendant le mariage: suiuiant les 244. & 245. art. de la nouuelle Coust. de Paris.

Secundò, disoit que ledit de Valles n'auoit obligé au payement & continuation de la rente contentieuse, sinon ses biens presens & aduenir, & non ceux de sa future femme. Qu'és heritages acquis par ledit de Valles pendant son mariage, iceluy de Valles n'auoit que moitié, comme commun avec sa femme en tous biens meubles, & conquests immeubles, du iour de leurs espousailles & benediction nuptiale, qui est dés le commencement de leur mariage: Partant que le creancier de la rente ne pouuoit demander droict d'hypothèque, sinon sur la moitié qui appartenoit à l'heritier dudit de Valles és heritages acquis pendant le mariage, & non sur le total d'iceux.

Tertiò, ledit de la Court disoit, encores que ledit de Valles, pendant son viuant, & durant son mariage, eust eu l'entiere administration & libre disposition des biens de la communauté: toutesfois il n'en pouuoit pas disposer en fraude de sa femme: ce qui aduiendroit si les biens de la communauté estoient obligez & hypothéquez au payement des rentes constituées par ledit de Valles auparauant son mariage. Car fraude est presumée, quand le mary ou son heritier est enrichy, & la femme appauurie: ce qui auroit lieu au cas de present, *l. Sulpitius. l. si sponsus. §. itaque si eos. ff. de donat. inter virum & uxorem.*

Quartò, disoit, encores que le mary eust l'entiere administration & libre disposition des biens de la communauté comme chef de la femme, & maistre de la communauté coniugale: toutesfois on ne pouuoit pas inferer qu'il fust seul seigneur d'iceux, non plus que le Procureur qui est constitué *cum libera*.

Quintò, disoit qu'en tout euenement ceste entiere administration, libre disposition, & totale propriété n'estoit pure, simple, incommutable, & irreuocable: mais estoit limitée pendant le temps du mariage: lequel estant finy, il faillloit le tout reduire à la moitié seulement; comme lors le droict de libre disposition du total & propriété estant resolu & reduit à la moitié. Et pour ceste cause le mary ne peut par testament disposer, sinon de moitié des biens de la communauté. En sorte que quand le creancier de la rente constituée par ledit de Valles, eust eu du viuant dudit de Valles droict d'hypothèque sur le total des heritages acquis par ledit de Valles pendant son mariage; & que de son viuant il eust peu faire saisir, crier, & adiuger par decret le total desdits heritages, & prendre à son profit le total des deniers prouenans de la vente d'iceux: Neantmoins ledit creancier, apres le trespas dudit de Valles, ne pouuoit sinon faire

faisir, crier, & adiuger moitié desdits heritages, laquelle appartenoit à l'heritier dudit de Valles; & non la moitié qui appartenoit à sa vefue: Laquelle, comme dict est, n'estoit debitrice, tenuë, ny obligée à la dite rente, ny sa moitié des biens de la communauté: principalement veu que l'hypothèque suit la nature de la propriété. *l. lex vectigali. ff. de pignoribus.*

Sexto, disoit que le tiltre nouveau passé par ledit defunct de Valles, pendant son mariage, de la rente contentieuse, n'estoit aucunement considerable: parce qu'en contracts *initium est spectandum, & causa consideranda. l. si procuratorem. ff. mandati.*

A ces moyens le creancier intimé respondoit: Disant en premier lieu, que le mary n'auoit pas seulement l'entiere administration, & libre disposition de tous les biens de la communauté, comme l'appellant pretend: ains est vray seigneur du total d'iceux. De faict par le 225. article de la nouvelle Coustume de Paris est dict, Que le mary est seigneur des meubles & conquests immeubles par luy faicts durant & constant le mariage de luy & de sa femme: en telle maniere qu'il les peut vendre, aliener, ou hypothéquer, & en faire & disposer par disposition, ou donation entre vifs, à son plaisir & volonté, sans le consentement de sa femme. Ce qu'estant véritable, l'intimé soustenoit que suiuant son contract de constitution de rente, qui portoit obligation de tous biens presens & à venir, il auoit droit d'hypothèque sur le total des heritages acquis par ledit de Valles depuis ladite constitution de rente, & pendant son mariage: Suiuant la loy finale, *ff. qui pot. in pign. hab. l. si quis mihi. ff. de iure fisci.*

La son con-
tre la fem-
me.

49
Que le ma-
ry est seul
seigneur des
biens de co-
munauté,
pendant le
mariage.

En second lieu disoit, que si le mary pouuoit donner entre vifs le bien de la communauté, qu'à plus forte raison il le pouuoit hypothéquer.

Entiers lieu l'intimé soustenoit, que l'hypothèque qu'il auoit sur les heritages acquis par ledit de Valles depuis sa cōstitution de rente, & pendant le mariage dudit de Valles, estoit créée non seulement suiuant la conuention expresse, & volontaire dudit de Valles, portée par le contract de constitution: mais suiuant la disposition de droit, & estoit vne hypothèque tacite & legale introduicte par la loy finale, *Cod. qua res pig. obl. p. ff.* Tellement qu'on pouuoit dire, que deslors que lesdits heritages ont esté acquis, & *cum ipso dominio pignus quæsitum fuit* à l'intimé: comme dict la loy premiere, §. *fin.* & la loy 2. *ff. de reb. eor. qui sub iur.* Auquel cas de tacite hypothèque on ne peut preiumer fraude: non plus qu'en hypothèque expresse créée auparauant le mariage dudit de Valles, comme au cas de present.

50
Le mary
peut donner
les biens de
la commu-
nauté.

En quatriesme lieu l'intimé dénioit que la femme pendant le mariage eust aucun droit de propriété & seigneurie és heritages acquis par son mary pendant leur mariage: mais auoit vne simple action apres le trespas du mary contre l'heritier dudit mary: à fin de communiquer & faire part de la moitié des heritages acquis par le defunct pendant leur mariage. Et ce à l'exemple de celui qui est associé, lequel n'a aucun droit de propriété és choses acquises par son compagnon,

51
Que la fem-
me pendant
le viuant du
mary n'a
aucun droit
de propriété
és biens de
la commu-
nauté.

& se doit pourvoir par action. *l. cum proponas. C. pro socio.*

52
Comme la femme de-
interesse des
acquits est
tenue per-
sonnellement
& hypothec-
cairement.

En cinquiesme lieu, l'intimé estoit d'accord que la vefue dudit defunct de Valles en son nom, ny à cause de la communauté n'estoit obligée au paiement & continuation de la rente contentieuse: mais en estoit tenuë personnellement & hypothecairement suivant la Coustume de Paris, comme detenteresse & proprieteresse de partie des heritages, obligez & hypothেকেz à ladite rente, lesquels auoient entierement appartenue audit defunct de Valles: & les auoit peu hypotheker suivant la Coustume. Mesmes que ladite vefue ne pouuoit estre de meilleure condition, qu'un tiers detenteur: lequel encores que de bonne foy, & moyennant deniers comptans eust achepté dudit defunct de Valles quelques heritages par luy acquis pendant son mariage, seroit contrainct personnellement & hypothecairement, suivant la Coustume, de payer & continuer à l'intimé, la rente de laquelle est question, ou deguerpir l'heritage par luy achepté: comme il est porté par les 99. & 102. articles de la nouuelle Coustume de Paris.

53
Que au cas
dessusdit la
femme a re-
cours contre
les heritiers
du mary.

En sixiesme lieu l'intimé disoit, que lesdits de la Court & sa femme estoient sans interest, parce qu'ils auoient leur recours contre les enfans dudit feu de Valles & ladite femme, qui estoient heritiers de leur pere, & estoient tenus acquitter, garantir, & indemniser l'appellant & la femme leur mere, de la poursuite contre eux faicte par l'intimé, pour raison desdites soixante quinze liures de rente, & arrerages d'icelle. Et que ladite femme ne deuoit prendre & accepter la communauté de biens, apres le decez dudit defunct de Valles son mary, si elle n'y sentoit profit. Aussi ne le deuoit espouser sans diligemment s'enquerir de ses debtes actiues & passives, biens & facultez.

Quant à la resolution d'hypothèque alleguée par l'appellant, l'intimé la desnioit, & maintenoit qu'ayant eu droict d'hypothèque, sur le total des heritages acquis par ledit de Valles, ladite hypothèque n'auoit peu en tout, ny en partie estre tolluë, sans le consentement dudit intimé: lequel finalement alleguoit que la question cy-dessus proposée, auoit esté iugée au profit des creanciers, par plusieurs sentences données au Chastelet de Paris, ausquelles on auoit tousiours acquiescé sans en auoir appellé. Mesmes l'appellant auoit passé sentence suivant les conclusions de l'intimé, de laquelle long temps apres il auoit appellé, qui est l'appel de la decision duquel est question.

Difference
entre donner
& hypothec-
quer.

Aux moyens susdits l'appellant respondoit, que l'argument n'estoit bon: Le mary peut donner entre vifs tous les biens de la communauté; partant il les peut hypotheker. Car il y a grande difference entre donation & hypothèque. Parce qu'en donation le mary deslors se deslailoit, non seulement de la part de sa femme, mais aussi de la sienne; en sorte qu'on ne peut valablement dire qu'il y ait fraude: ce qui n'est en hypothèque; d'autant que la chose hypothéquée demeure tousiours en la possession du mary, comme au cas de present. Aussi l'appellant desnioit que ledit de Valles eust esté seigneur du total des heritages, acquis pendant son mariage: & soustenoit que la femme par le moyen de la communauté de biens

biens introduite dès l'instant de leur mariage, auoit deslors esté Dame de moitié desdits biens, quoy que ce soit deslors qu'ils auoient esté acquis. De faict estoient appelez conquests, comme acquis par l'homme & par la femme ensemblément: l'homme apportoit sa peine & son travail, la femme le soing & vigilance à conseruer le bien acquis. Pareillement l'appellant disoit, que sous ombre de la disposition permise au mary, l'intention de la Coustume n'auoit point esté, de permettre au mary que par cōtracts faicts auparauant le mariage, la part & portion de la seconde femme fust obligée & hypothéquée par le mary, plus auant que la femme peut deuoir à cause de la cōmunauté, qui est pour debtes mobilières, & nō pour debtes immobilières, contractées auparauant le mariage. Partant la Coustume auoit mis vne exception & limitation, à personne capable, & sans fraude, *cum in contractu societatis bona fides exuberare debeat. l. cum in societatis. Cod. pro socio.* Et ce mot, sans fraude, emportoit, que le mary ne pouoit & ne deuoit aliener le bien de la cōmunauté, sinon quand il en estoit besoin & nécessité, non pas le conuertir à son profit particulier.

Finaleme[n]t les parties ampleme[n]t ouyes, apres que Messieurs les Gens du Roy ont adheré avec l'appellant: elles ont esté appointées au Conseil: comme auparauant elles y auoient esté appointées, sçauoir l'appellant d'une part, & Monsieur Bourguignon Aduocat du Roy au Chastelet de Paris intimé d'autre. Et combien qu'il semble que la question cy-dessus proposée soit décidée par le 190. article de la nouvelle Coustume d'Orleans, declaratiue & interpretatiue de la Coustume de Paris: par lequel est dict que si l'un des conioints par mariage, comme detenteur des conquests est pouruiuy hypothecaireme[n]t, pour les rentes constituées par l'autre des conioints auparauant leur mariage, il aura son recours pour le sort principal & arrerages, escheuz depuis la dissolution de la communauté, contre le constituant ou son heritier, ses biens & heritages. Toutesfois par arrest solemnellement prononcé le Mardy 9. Avril 1561. le proces d'entre ledit Maistre Nicolas de la Court, & Damoiselle Marie Beau-clerc sa femme appellans d'une part, & ledit Maistre Iean Bourguignon intimé d'autre, a esté iugé: & par ledit arrest les appellans ont esté absous des demandes & conclusions contre eux prises par ledit Bourguignon, pour le payement & continuation de la rente de seize escus deux tiers, dont estoit question, en qualité de detenteurs de la moitié des biens de la communauté, d'entre ladite Beau-clerc & ledit defunct Maistre Girard de Valles son premier mary. Dont se voit que la Cour a iugé, que la moitié des conquests faicts par un mary pendant son mariage, appartenant à sa veue ou aux heritiers de sa femme, à cause de la communauté, n'est point subiet par hypothèque, ny autrement aux rentes constituées par le mary, auparauant son mariage. Et faisant droict sur la demande dudit Bourguignon, conclusions par luy prises contre ledit de la Court & sa femme, comme detenteurs à tiltre de doctiaire coustumier, de la moitié des immeubles, soient propres, ou conquests, qui appartennoient audit defunct de Valles, auparauant le mariage d'iceluy avec ladite Beau-clerc, à fin de payement & continuation

54
Arrest que
moitié des
conquests de
la seconde
femme n'est
point sujette
aux rentes
constituées
par le mary
auparavant
leur maria-
ge.

de ladite rente. La Cour a condamné lesdits de la Court & ladite Beauclerc sa femme personnellement & hypothecairement, tant & si longuement qu'ils seront detenteurs, & iouyssans audit tiltre de douaire coustumier de la moitié desdits biens immeubles, payer tous & chacuns les arrerages lors deuz à cause de ladite rente, & ceux qui escherront, & seront deubs à l'aduenir: & d'icelle rente en passer tiltre nouuel & recognoissance: sauf leur recours ainsi, & contre qui ils verront estre à faire, & leurs defences au contraire.

55
En la communauté entrent toutes donations, mesmes celles qui sont faites par les Roys ou Roynes.

56
La l. cum multa. C. de bonis quæ lib. n'a lieu en France, avec l'interprétation d'icelle.

57
A Paris pere & mere n'ont aucun droit d'usufruit és biens de leurs enfans, & la l. cū oportet. C. de bonis quæ lib. n'y est obseruée.

Aussi incidemment on peut dire, qu'en la communauté introduitte par la Coustume de la Preuosté & Vicomté de Paris, entre l'homme & la femme mariez, entrent toutes donations faictes à l'un des conioints, pendant leur mariage; encores qu'elles soient faictes d'heritages, & choses immeubles: pourueu qu'elles ne soient faictes en ligne directe; ou qu'il ne soit dict, que les choses données seront propres au donataire: Et ce suiuant le deux cens quarante-sixiesme article de la nouvelle Coustume de Paris. Ce qui a lieu és donations faictes par le Roy, ou par la Roynie, laquelle iouyt de pareils priuileges que le Roy, *l. princeps. ff. de leg. l. fiscus. in fine. ff. de iure ff.* Tellement que si le Roy ou la Roynie ont donné à vn Gentil-homme seruant, ou à vn valet de Chambre, ou vn Archer de leurs gardes quelque Seigneurie, maison, ou autre heritage, aduenu à leur Majesté par droit d'Aubaine, de Bastardise, Des-herence, confiscation, ou autrement: és choses ainsi données, la femme aura la moitié; comme estant vn conquest, ou bien vn acquest faict pendant le mariage de son mary & elle. En ce faisant la loy *cum multa. C. de bonis quæ lib.* laquelle on a voulu tirer & pratiquer entre associez, mesmes entre l'homme & la femme communs en tous biens meubles, acquests, & conquests immeubles faicts pendant leur mariage, n'est receuë ne pratiquée au pays Coustumier de France, pour quatre raisons.

La premiere, que ladite loy ne faict point mention des associez & communs en tous biens: mais dict seulement que le pere n'aura aucun droit d'usufruit és choses données par le Prince au fils de famille. Et la raison est: d'autant que les choses ainsi données, *pro castrensi peculio habentur*: auquel le pere de famille ne peut pretendre aucun droit. Aussi en la Coustume de la Preuosté & Vicomté de Paris, les peres ny les meres n'ont aucun droit d'usufruit és biens de leurs enfans. Tellement que si on a donné quelques deniers comptans, meubles, rentes, ou bien quelque heritage à vn ieune enfant, qui a encores pere & mere: non seulement lesdits deniers, meubles, rentes, ou heritage doiuent estre conseruez audit enfant; mais aussi les arrerages de la rente, & fruits de l'heritage ainsi donné, luy doiuent estre rendus lors qu'il sera marié, ou aura atteint l'aage de maiorité. En ce faisant la *l. cum oportet. C. de bonis quæ lib.* n'est obseruée en la Coustume de Paris, parce que la puissance paternelle n'y est receuë, mais seulement la reuerence paternelle. Et combien que, quand vn pere veut intenter quelque proces au nom d'un sien enfant mineur, soit Eschohier Juré ou autre: ou bien qu'il veut que son fils se porte heritier de quelque sien parent, le pere ait accoustumé de declarer en Iustice, qu'il eman-

cipe son fils, le met hors de sa puissance, & consent qu'il iouysse de ses droicts; & qu'on ait accoustumé de luy créer vn tuteur ou curateur en Iustice, qui puisse agir pour ledit enfant, & poursuiure ses droicts & actions: Toutesfois ceste emancipation n'est point necessaire: parce qu'en la Coustume de Paris, ny au pays Coustumier de France, les peres n'ont point leurs enfans en leur puissance; comme auoient les citoyens Romains, *Quorum ius proprium & peculiare erat, habere liberos ex iustis nuptiis procreatos in potestate. Ius autem patriæ potestatis ad ceteras nationes vel provincias non pertinebat, nisi iura ciuitatis Romana haberent.* Partant on ne doit trouuer estrange si la puissance paternelle n'est receüe en France, attendu que le Royaume de France n'est point subiect à l'Empire Romain, & ne depend aucunement d'iceluy. Tellement que l'emancipation de laquelle aucuns vsent en la Coustume de Paris, n'est qu'une ombre, vestige, & figure de l'antiquité, faicte pour plus grande assurance & seureté: Ainsi qu'Alciat a adnoté in lib. 2. dispunct. cap. 22. post Accursium in §. fina. Instit. de pat. potest. l. item in potestate. ff. de his qui sunt sui vel alieni iur. Bien est vray que le pere ou la mere, qui a la garde noble ou bourgeois de ses enfans, faict les fruiets siens de tous les immeubles, tant heritages que rentes appartenans à ses enfans pendant le temps que dure la garde, aux charges portées par le 267. article de la nouuelle Coustume de Paris.

La seconde raison pour laquelle la pretenduë disposition de la l. *Cum multa*, C. de bon. qua liber. ne doit estre receüe en France, est, Que par la disposition de droict commun, il n'y auoit aucune communauté entre l'homme & la femme mariez: cōme il n'y en a aucune au pays de droict escrit, l. cum hic status. §. si inter virum. ff. de donat. inter virum & uxorem. Et la communauté de tous biens meubles, acquests & conquests immeubles, faicts constant le mariage de l'homme & de la femme, a esté introduitte par nos Coustumes.

La troiesme raison est, que si la pretenduë disposition de ladite l. *cum multa*, estoit admise au Royaume de France entre l'homme & la femme mariez, plusieurs peres & meres seroient deceuz & circonuenus: lesquels baillent leurs filles en mariage aux Officiers & fauoris des Roys & Roynes, avec grand dot & grandes sommes de deniers, esperant que les maris de leurs filles auront des dons & bien-faicts des Roys & Roynes, & que leurs filles y participeront, comme aux autres acquisitions faictes par leurs maris.

La quatriesme raison est, que la l. *cum multa*, parle non seulement des immeubles & heritages donnez par les Roys & Roynes: mais aussi des deniers comptans, & meubles par eux donnez. Lesquels meubles contre la disposition de ladite loy, il est certain qu'ils entrent en la communauté d'entre l'homme & la femme mariez: & qu'en iceux la femme y a moitié, s'il n'y a prohibition expresse portée par la donation: suiuant l'authentique, *excipitur*. C. de bonis qua liber.

Et ce que dessus doit estre obserué es ieunes Gentils-hommes, & autres qui espousent des Damoiselles & filles de Chābres des Roynes. Cōbien qu'on allegue vn arrest cōtraire à ce que dessus, de l'an 1298. par lequel

58
Soli Romani habebāt ius patriæ potestatis.

59
En France les peres n'ont point leurs enfans en leur puissance.

60
Par la disposition de droict il n'y a point de communauté entre l'homme & la femme.

61
L'homme & la femme sont communs en tous biens.

62
 Responſe à
 un ancien
 arreſt con-
 cernant la
 l. cum mul-
 ta.

la ſeconde femme fut deboutée du droict par elle pretendu en la ſomme de deux cens liures de rente annuelle & perpetuelle, donnée par le Roy à ſon mary pendant leur mariage. Car il y a facile reſponſe audit arreſt, & la raiſon d'iceluy eſt prinſe de la teneur, & des mots de la donation, qui eſtoit faiçte au mary & à ſes enfans yſſus en loyal mariage, leſquels eſtoient venus du premier liçt, & n'y en auoit aucuns de ſon ſecond mariage. Partant la ſeconde femme ne pouuoit rien pretendre en ladite donation, comme faiçte au mary & à ſes enfans ſeulement.

63
 L'heritage
 donné en fa-
 ueur de ma-
 riage eſt
 propre à ce-
 luy auquel
 la donation
 eſt faiçte, &
 n'entre en
 communauté.

Combien qu'il ait eſté dict cy-deſſus, que la choſe immeuble, donnée à l'un des conioints pendant leur mariage, eſt commune entre eux: toutesfois il eſt certain que la choſe immeuble donnée à l'un des conioints par traicté & en faueur de mariage, eſt propre au donataire, & n'eſt point commune entre les futurs conioints, s'il n'eſt expreſſément conuenu qu'elle ſera commune. Ce qui eſt vray, encores que la donation d'heritage ſoit faiçte aux futurs conioints; parce qu'on regarde *contem- platione cuius* la donation eſt faiçte: en ſorte que ſi le donnant eſt parent ou amy du futur eſpoux, l'heritage donné ſera propre au futur eſpoux: s'il eſt parent ou amy de la future eſpouſe, il ſera propre à la future eſpouſe. Auſſi ce que deſſus a lieu encores que le pere de la fille donne un heritage au futur eſpoux. Car la qualité du futur eſpoux monſtre que le pere donne en faueur de ſa fille; à laquelle l'heritage donné ſera propre, s'il n'eſt dict qu'il ſera conqueſt entre les futurs conioints, *l. ſi publi. §. ſed ſi ego. ff. de neg. geſt. l. dotem dedit. ff. de collat. bon. l. ſi pluris. §. in arrogato. ff. de vulgar. & pupil. ſub. Bartolus in l. Titio centum. §. Titio genero. ff. de cond. & dem. Latè traictat Molinaus* és Couſtumes de Paris article 55. queſt. 7. nu. 100. & 101. & eſt porté par le 211. article de la nouuelle Couſtume d'Orleans declaratiue de celle de Paris.

64
 Comme la
 femme qui
 a recelé des
 biens de la
 communauté
 peut eſtre
 pourſuiuie
 & doit eſtre
 condamnée.

Combien que celuy qui a deſtourné, caché ou latité quelques biens meubles, lettres ou tiltres d'une ſucceſſion, *crimine expilata hereditatis teneatur, ſi nondum adita ſit hereditas; & ſi adita ſit, contra eum heres furti agere poſſit. l. 2. ff. de crim. exp. hered. l. 1. C. eo.* Auſſi que *aduerſus ſocium qui rem communem dolo malo amouit, vel contrahit, non ſolum actio pro ſocio con- petat ſed etiam furti. l. rei communis, pro ſocio.* Toutesfois contre la veſue d'un defunct, qui a recelé, caché, latité, & ne faiçt coucher en l'inuentaie tous les biens de la communauté & de la ſucceſſion du defunct, on ne peut agir *nec furti, nec crimine expilata hereditatis: ſed rerum amotarum actio proponenda eſt.* Et eſt beſoin la pourſuiure ciuilement pour raiſon des biens recelez, non exhibez, ny cõpris en l'inuentaie, qu'elle a tenu pour clos, & iudiciai- rement affermé en iceluy auoir faiçt mettre tous les meubles, tiltres, deb- tes, & creances, tant de la communauté, que de la ſucceſſion du defunct, *l. uxor. ff. de crimine expil. hered. l. aduerſus uxorem. C. eo.* Tellemēt que pour raiſon du recelé les heritiers du defunct ne peuuent pourſuiure ſa veſue extraordinairement & criminellemēt, par information, decret de priſe de corps, ou d'adiournement perſonnel decreté ſur icelle, interrogatoires, recolement, & confrontation de teſmoins. De faiçt le Lieutenant criminel du Chastelet de Paris ayant extraordinairement procedé contre

vne femme pour raison du recelé, le proces criminel estant en estat de iuger, par sentence ayant receu les parties en proces ordinaire, appointé contraire à escrire & faire enqueste: du decret & procedure extraordinaire y ayant appel. La Cour par arrest donné en plaidoyrie le Lundy 20. Iuillet, 1592. a ioint l'appel au proces par escrit d'entre les parties, pendant en la premiere Chambre des Enquestes. Et en ce cas on a accoustumé priuer la femme, ou le mary, ou l'heritier, qui a recelé des biens de la communauté de la succession du defunct, du droict, part & portion qui luy appartenoit és biens recelez, & adiuger le total de la rente ou d'autres biens recelez au demandeur & poursuiuant, soit heritier, mary, ou vefue: non pas qu'on priue de toute la communauté celuy qui en a recelé partie. Aussi on n'a pas accoustumé le condamner en l'amende enuers le Roy, pour le recelé, ou bien pour le parjure, outre la restitution des biens recelez. Et l'action du recelé intentée contre la vefue, que nous appellons *actionem rerum amotarum*, n'empesche point la repetition du dot & conuentions matrimoniales de la femme, ny le payement de son doüaire.

Et le semblable est obserué en l'heritier par benefice d'inventaire, lequel sous ombre des biens de l'heredité par luy cachez, recelez, & latitez, n'est déclaré heritier simple, ny priué du priuilege du benefice d'inventaire: mais est condamné rendre ce qu'il a recelé, & en vne amende enuers le Roy, suiuant la *l. rescriptum. ff. de his quib. ut ind. l. Paulus ff. ad l. Falc.* Combien que *iure Codicis* par la *l. fin. §. licentia. in fine. C. de iur. delib. hares qui aliquid ex hereditate subripuit, vel celauit, vel amouendum curauit, postquam fuit conuictus, in duplum id restituere teneatur, vel hereditatis quantitati computare compellatur.* Aussi que par le droict des Authentiques *in §. hinc nobis, de hered. & Falc. in authen.* l'heritier qui a recelé, caché & latité des biens de l'heredité, soit priué du droict de Falcidie, non seulement és biens recelez, mais en tous les biens de l'heredité. Comme il est traicté par Bartole *in d. §. hinc nobis, & per Doctores in d. l. rescriptum.* Toutesfois a esté iugé par arrest de la Cour, que l'heritier par benefice d'inventaire, encores qu'il ait recelé quelques biens de l'heredité, n'est pas fait heritier simple, mais est tenu rendre lesdits biens recelez, & condamné en vne amende enuers le Roy.

Outre ce que dessus il conuient entendre, que toutes femmes demeurantes à Paris n'ont pas communauté de biens avec leurs marys. Partant est besoin de distinguer & dire: Que les femmes qui ont esté mariées en la Preuosté & Vicomté de Paris, ou autre Coustume, en laquelle y a communauté de biens introduite entre l'homme & la femme mariez, & qui lors de leur mariage, & depuis iceluy ont continuellement demeuré en la Preuosté & Vicomté de Paris, ou en Coustume semblable: Que en ce cas il est certain, suiuant le 220. article de la Coustume de Paris, que la femme est commune avec son mary, en tous biens meubles, & conueits immeubles faicts durant & constant leur mariage: soit qu'il y ait contract de mariage par escrit, portant conuention expresse de communauté, ou n'y ait aucun contract par escrit: comme la

65

Encores que l'heritier par benefice d'inventaire ait recelé quelques biens, il n'est pas déclaré heritier simple.

66

Les femmes qui ont esté mariées, & demeurent en la Coustume de Paris, ont communauté de biens avec leurs marys.

convention de communauté estant tacite, baillée par la Coustume, suivant la presomptiue volonté & intention des parties contractantes, lesquelles on presume auoir voulu contracter, selon l'usage & coustume du lieu, auquel elles ont leur domicile, & font leur demeure ordinaire & continuelle, *l. quod si nolit. §. quia assidua. ff. de ed. l. si fundus. ff. de euict.* Aussi la Coustume, qui est la loy du pays, a pareil effect que la convention expresse. *l. cum quid. ff. si cert. pet.* Ioint que *pactum & statutum parificantur. l. fin. C. de fideiuss. l. circa locationes. C. de locato.*

67

La communauté de biens d'entre l'homme & la femme n'est point tollue pour la translation de domicile.

Et ceste communauté expresse ou tacite a lieu, encores que les mariez, pendant leur mariage, aillent demeurer en pays de droict escrit, ou en autre lieu, auquel n'y ait communauté de biens entre l'homme, & la femme, & y decedent : *Cum mutatio domicilij non numeretur inter modos dissoluenda societatis.* Aussi ceste communauté a lieu, encores que le mary acquiere heritage en pays, auquel n'y ait communauté de biens entre l'homme & la femme mariez, ou auquel la femme ne puisse rien pretendre es heritages acquis par son mary : comme la Coustume susdite, sur laquelle est fondée la presomptiue volonté & intention des conjoints par mariage, estant plustost personnelle que reelle; partant extensive & ayant effect en tous lieux, esquels les biens meubles & conquests immeubles faicts durant le mariage, sont situez & assis, comme du Moulin a traitté amplement en ses Conseils & Responses, Conseil cinquante troisieme. Ainsi a esté iugé entre la vefue & les heritiers du feu Seigneur de Villebon lors de leur mariage demeurans au pays Chartrain, auquel y a communauté de biens entre les conjoints par mariage: & lors du decez dudit Seigneur de Villebon estoient demeurans en la ville de Roüen, de laquelle il estoit Gouverneur. Pareillement iugé entre la vefue & les heritiers feu Monsieur Brinon Conseillier au Parlement de Paris, lequel fut pourueu de l'Estat de President de Bordeaux, où il alla demeurer, & y deceda: dont la cause fut plaidée le 10. Septemb. apres disné 1552. Autre arrest solennellement prononcé le 23. May, 1572. en la Coustume d'Auuergne. Ainsi a esté pratiqué en la succession de feu Monsieur Vialard Aduocat en Parlement, depuis President au Parlement de Roüen. Et es cas susdits ordinairement on reuoque en doute le domicile du mary, & dit-on qu'il s'est transporté au lieu auquel il est decédé, pour exercer son Estat, tant qu'il plairoit au Roy, non pas *causa perpetua mora.* Et pour le regard de la translation du domicile, est besoin voir le trente-neufiesme chapitre du droict d'Aubeine par nous cy-deuant mis en lumiere.

68

La translation de domicile ne change & ne corrompt les conventions matrimoniales.

La raison de ce que dessus est, que la translation de domicile ne peut immuer, changer, ny rompre les conventions matrimoniales expresses, ou tacites, ny dissoudre le droict de communauté acquis à gens mariez deslors de leur mariage, par le moyen de la coustume introduisant communauté de biens entr'eux, du iour de leurs espousailles & benediction nuptiale. Aussi si par la translation de domicile y auoit dissolution de communauté, le mary changeant de domicile pourroit grandement s'auantager, contre la prohibition de la Coustume de Paris. Ioint que

post contractum matrimonium maritus mutauerit domicilium, attenditur consuetudo domicilij tempore contractus, & non loci in quo dissoluitur matrimonium: Quia debet inspicilocus in quo inita fuit obligatio, non ubi recepit purificationem: comme dit Panorme in cap. 1. col. fm. extra. de sponsal. & matri. l. exigere dotem. in 2. parte. l. si uxor ff. de iudic.

Si le mariage n'a pas esté contracté en la Coustume de Paris, ou autre Coustume semblable, introduisant communauté de biens entre l'homme & la femme conjoins par mariage: ains a esté contracté au pays de droict escript, ou autre lieu, auquel n'y a communauté entre gens mariez, & que les contractans lors de leur contract y fussent demeurans & residans: encores que quel que temps apres leur mariage consommé, lesdits mariez viennent demeurer à Paris, y fassent leur residence continuelle, & y decedent: toutesfois il n'y aura aucune communauté de biens entr'eux; soit qu'il y ait contract de mariage passé entr'eux, portant qu'il n'y aura aucune communauté, ou que le contract ne fasse aucune mention de communauté, ou bien qu'il n'y ait eu aucun contract de mariage passé. Comme estant tacitement conuenue qu'il n'y auroit aucune société ou communauté, suiuant la disposition de droict escript, & l'vsance du lieu auquel les contractans estoient demeurans, lors qu'ils ont esté mariez, l. cum hic status. §. si inter virum. ff. de donat. int. l. hac lege. Cod. de pact. conu. tam sup. do. & in tit. C. ne uxor pro marito.

69

Quand on est marié au pays de droict escript, il n'y a aucune communauté de biens entre l'homme & la femme.

La raison de ce que dessus peut estre prinse de ce qui a esté cy-deuant deduit: mesmes que la translation du domicile n'a peu dissoudre les conuentions expressees, ou tacites d'entre l'homme & la femme conjoins par mariage, n'y entr'eux induire société & communauté de biens. En ce faisant la femme demeurante à Paris ne pourra, apres le trespas de son mary, demander communauté de biens, ny pretendre moitié des meubles, ny des heritages acquis par son defunct mary, pendant son mariage: Encores qu'elle puisse demander doüaire coustumier es heritages assis en la Preuosté & Vicomté de Paris, comme à elle baillé par la Coustume: supposé qu'elle n'ait esté mariée au dedans d'icelle, & depuis son mariage n'ait demeuré au dedans de ladite Coustume. Aussi qu'elle puisse demander deliurance de ses conuentions matrimoniales, d'autant que le doüaire, & les conuentions matrimoniales n'ont rien de commun avec la communauté de biens. Ainsi a esté iugé contre Doucette Vion vefue de feu Anthoine Lombart, dit Brusquet, qui auoient esté mariez, & auoient quel que temps demeuré en Prouëce, & depuis estoient venus demeurer avec leur famille en la ville de Paris, & y seroient decedez: & ce par sentence du Preuost de Paris, du dernier Iuin, 1571. Aussi la question susdite fut meüe entre la vefue & heritiers feu Monsieur Cortel marié en Auvergne, lors de son decez demeurant à Paris, pourueu de l'Estat de Maistre des Requestes Ordinaire du Roy: & fut decidée par feu Monsieur Bertrandi Garde des Seaux, par l'aduis de deux Aduocats, qui furent partis en opinion (comme i'ay entendu) & ledict Seigneur Garde des Seaux les accorda, & n'y a point eu d'arrest donné entr'eux.

70

La translation de domicile n'induit communauté entre gens mariez au pays de droict escript.

71

Le doüaire & la communauté n'ont rien de commun ensemble.

Si les mariez ont tousiours demeuré en pays de droict escrit, comme à Lyon, où ils auoient contracté mariage, il est certain que la femme ne peut demander communauté de biens, apres le trespas de son mary, ne pretendre moitié des heritages acquis par son mary pendant leur mariage: encores que les heritages soient assis en la Coustume de Paris, ou autre Coustume semblable; parce que lesdits heritages n'ont esté acquis des deniers communs, ains des deniers peculiers du mary, comme il a esté iugé par arrest, vulgairement appellé l'arrest de Sainte Maure, prononcé le premier Mars, 1549. recité par Deluc en son Traicte d'Arrests, au tiltre de *commissa inter coniuges rerum communitate*, Arrest troisieme. Papon au tiltre de communauté de biens, arrests, 10. 11. & 12. On a passé outre, & on a demandé si au cas dessusdit, l'homme & la femme mariez en pays de droict escrit, qui sont venus demeurer en pays coustumier, peuuent conuenir & accorder qu'il y aura communauté de biens entr'eux, suivant la Coustume de la Preuosté & Vicomté de Paris. Aucuns ont esté d'aduis que ceste conuention estoit bonne, comme favorable, & contenant en soy vn rappel, ou bien vne reduction au droict municipal & coustumier; qu'elle estoit fondée en la *l. cum hic status. §. si inter virum. ff. de donat. int. vir.* allegué par du Moulin en ses Conseils & Responses, conf. 53. col. 7. Et que la femme industrieuse peut acquerir autant de biens que le mary. Aussi qu'il peut aduenir à la femme quelque succession, en laquelle pourra y auoir plusieurs meubles & plusieurs heritages, les fruiets desquels avec les meubles entreront en communauté, & desquels le mary aura moitié. Les autres sont d'aduis contraire, & dient que ceste conuention contient vn aduantage fait par le mary à la femme, directement contraire au 232. article de la nouvelle Coustume de Paris; duquel est cy-apres amplement parlé: principalement quand lors de ceste conuention le mary auoit plusieurs meubles & acquests immeubles. Que la question suldite fut appointée au Conseil le 10. Iuin, 1566. en la Coustume de Touraine, où auoit esté conuenu par contract de mariage, passé entrel'homme & la femme, demeurans en Touraine, Qu'il n'y auroit aucune communauté de biens entre les futurs espoux: depuis fut accordé entre le mary & la femme, qu'il y auroit communauté entr'eux. La question estoit si la derniere conuention estoit bonne, & deuoit sortir effect, comme contenant extinction de la premiere. D'auantage, disoient qu'il falloit inuiolablement garder les conuentions matrimoniales, sans que depuis le mariage consommé, on les peust reformer, innouer, changer, augmenter, ou diminuer. Et ce pour vn bien public, afin d'eiter à querelles, differends, & debats qui suruiendroient entre le mary & la femme, afin de se faire aduantager par l'un d'eux: Ainsi qu'il auoit esté iugé par arrest solennellement prononcé le 19. May, 1549. le faict duquel estoit, qu'en la fin d'un contract de mariage estoit dit, Que si la future espouse decedoit sans enfans, le futur espoux suruiuant seroit tenu payer aux heritiers de la future espouse, la somme de deux mil liures tournois, pour tout droict de communauté. Sept ans apres la consommation du mariage, y ayant eu contract, par lequel le mary & la femme, en la

presence

72
Si gens mariez en pays de droict escrit venans demeurer en pays Coustumier, peuuent accorder qu'il y aura communauté de biens entre eux.

73
Depuis le mariage consommé on ne peut aucunement changer les conuentions matrimoniales.

presence du pere du mary, & de la mere de la femme, leurs presomptifs heritiers, auoient faict don mutuel ensemblément, suivant la Coust. de Paris: nonobstant la clause susdite qui demeureroit annullée, accordé que les heritiers de la femme prendroient communauté à perte ou à gain, avec les heritiers du mary, en ce faisant auroient moitié des meubles & conquests immeubles, qui seroient communs au iour de la dissolution de leur mariage. Encores que ce dernier contract eust esté insinué; qu'on eust remonstré que le dernier contract estoit vne recognoissance de bonne foy, & reduction au droict coustumier & municipal: neantmoins en enterinant les lettres de rescision obtenues par le mary, par sentence du Preuost de Paris, confirmée par ledit arrest, tous les biens meubles & immeubles de la communauté furent adingez au mary suruiuant, en payant la somme de deux mil liures tournois à la mere heritiere de la femme decedée sans enfans: & ladite heritiere deboutée de ses cōclusions, tendantes afin de partage des meubles & conquests immeubles, sans despens. Et par le moyen de cet arrest & des raisons susdites: il semble que le mary ne peut r'appeller à communauté sa femme, contre la conuention expresse portée par son contract de mariage, ou contre la conuention tacite introduitte par la Coustume, ou par l'vsance du pays, auquel l'homme & la femme estoient demeurans lors de leur mariage. Et pour donner force à tel r'appel, ou plustost à la conuention de communauté de biens, tant pour le passé que pour l'aduénir, le consentement exprès des heritiers presomptifs de l'homme & de la femme seroit necessaire, & qu'avec eux, de leur consentement le contract fust emologué en Iustice, & sur ce interuint sentence du Iuge, par laquelle il fust ordonné, que le contract seroit entretenu.

Resolution de la question cy dessus.

Si vn homme demeurant à Paris est allé prendre femme à Lyon, ou autre lieu du pays de droict escrit: a passé contract de mariage à Lyon, lequel ne faict aucune mention de communauté de biens entre les futurs mariez, ou bien n'y ait eu aucun contract de mariage passé entr'eux: & incontinent apres le mariage consommé, le mary ait amené sa femme en la ville de Paris, en laquelle il faisoit sa demeure & residence ordinaire: En ce cas il y aura communauté de biens entre l'homme & la femme mariez: comme le mariage estant censé & reputé plustost consommé & parfait au domicile du mary, lequel la femme est tenuë de suiure, que non pas au domicile de la femme, mesmes suivant la vraye intention & destination des parties: comme Panorme a amplement discoursu in C. 1. de spons. & matr. extra. & Bartol. in l. cunctos populos. col. 19. C. de sum. trinit. Secus dicendum, si par le contract de mariage estoit expressement porté, qu'il n'y auroit aucune communauté de biens entre les futurs conioints. Semblablement si vn homme demeurant à Lyon est venu prendre femme à Paris, y ait passé son contract de mariage, ne faisant aucune mention de communauté de biens, ou bien n'y ait eu aucun contract de mariage passé: incontinent apres la celebration des nopces & mariage consommé se soit retiré en la ville de Lyon, illec conduit sa femme, & faict sa demeure & residence ordinaire: En ce cas n'y aura aucune cōmunauté

74

Quand vn homme demeurant à Paris se va marier à Lyon, & amene sa femme à Paris, y a communauté de biens entre eux.

de biens entre l'homme & la femme mariez, si elle n'estoit expressement conuenüe par leur contract de mariage, pour les raisons cy-dessus deduites. Quant au dot & doüaire, si pour la nature, condition, ou restitution d'iceux, on doit considerer la Coustume du lieu, auquel le contract de mariage a esté passé, & la femme demeurant, ou la Coustume du domicile du mary, lors que le contract de mariage a esté passé, ou la Coustume du domicile du mary lors de son decez, a esté deduit au quinziésme chapitre du present Traicté.

75
Pour le gain
des meubles
on considere
le domicile
du mary lors
de son de-
cez.

Toutesfois si homme & femme mariez à Paris, entre lesquels y auoit communauté de biens, ou expressement portée par leur contract de mariage, ou tacitement introduite entr'eux par la Coustume, apres auoir longuement demenré à Paris, transferent leur domicile ailleurs, & vont demeurer en Barrois, ou autre lieu, par le statut ou Coustume duquel le suruiuant des deux conjoints, soit homme ou femme, noble ou roturier, gagne tous les meubles, & les fait siens en pleine propriété, s'il n'y a point d'enfans illus de leur mariage: Au cas susdit on a tenu qu'au suruiuant des deux conjoints appartiendront tous les meubles de la communauté, quelque part qu'ils soient trouuez, soit en Barrois, à Paris, ou autre lieu: Tout ainsi que si vn homme ou femme mariez en Poictou, Anjou, Touraine, ou autre lieu, auquel y a communauté de biens entre gens mariez, apres auoir longuement demeuré en Poictou, ou Anjou, venoient demeurer à Paris, & fussent nobles: le suruiuant pourroit prendre & accepter les meubles estans hors la ville & faux-bourgs de Paris, & les faire siens, en payant les debtes mobiliaries, obseques, & funerailles du defunct, pourueu qu'il n'y eust enfant de leur mariage, & n'en eussent d'autre precedent mariage: suiuant le 238. art. de la nouvelle Coust. de Paris. La raison est, que les meubles suivent la personne, c'est à dire, se reiglent suiuant la Coustume du lieu auquel est le principal domicile des gens mariez, en quelque lieu que les meubles soient trouuez: comme dit Balde *l. mercatores. C. de com. & mercato.* & qu'il a esté iugé entre les heritiers feu Ragueau, par arrest prononcé le 27. Mars 1568. Aussi que ledit statut ou Coustume ne tollit aucunement le droict de communauté, expressement ou tacitement conuenu entre les mariez. Ioint que ledit statut & Coustume est reciproque & à l'auantage tant du mary suruiuant, que de la femme suruiuante: en sorte qu'ils ne s'en peuuent plaindre. Ainsi a esté iugé par sentence donnée par le Preuost de Paris, lequel adiugea à la femme suruiuante demeurant en Barrois, tous les meubles qui estoient à Paris, & toutes les debtes mobiliaries qui estoient deuës par particuliers demeurans en la ville de Paris. De laquelle sentence y ayant appel interietté en la Cour, d'autant qu'on reuoquoit en doute le domicile du defunct, comme en tel cas on a accoustumé de faire, & que les heritiers denioient que le vray domicile du defunct fust en Barrois: au contraire maintenoient que son vray domicile estoit en la ville de Paris, de laquelle il estoit originaire, & qu'il ne s'estoit point retiré en Barrois *causa perpetua mora*, ains pour quelques affaires; les parties furent appointées au Conseil, & ordonné qu'elles informeroient des faicts par elles mis en auant.

Ce qui a esté dit cy-dessus des heritiers, *qui diuersimodè siue diuerso iure succedunt*, est obserué quand il y a des donataires, ou legataires vniuersels. Comme si tous les meubles sont donnez ou leguez à vn quidam, les acquets immeubles à vn autre, le quint des propres à vn autre: Ou bien que tous les meubles, acquets & conquests immeubles & le quint des propres soient donnez ou leguez à vn quidam: en sorte qu'il ne demeure à l'heritier ou heritiers, que les quatre quints des propres, ou bien que tous propres leur appartiennent: ou bien si la moitié, le tiers, le quart, ou autre portion desdits biens est donnée ou leguée: Es cas susdits chacun des heritiers & legataires, ou donataires sera tenu contribuer au paiement des debtes du defunct, tant mobilières & personnelles qu'immobilières, comme sont rentes constituées moyennant deniers: encores qu'au paiement d'icelles certains heritages soient spécialement obligez & assignez: & ce pour telle part & portion qu'il a amendé des biens du defunct: *Quia legatarius vniuersalis, siue omnium bonorum, aut quota partis bonorum, puta dimidia, tertia, aut quarta, aut certi generis bonorum, puta mobilium, vel acquisitionum pro hærede habetur*, & est tenu contribuer au paiement des debtes mobilières & immobilières, tout ainsi que l'un des heritiers, *l. mulier bona ff. de in. dot. l. in pari. ff. de reg. in. l. fin. ff. de ususfr. leg. l. ex facto. ff. de her. instit. l. si certarum. §. i. ff. de test. milit. Secus dicendum in legatario vel donatario certi corporis, vel certa quantitatis, vel certa portionis particularis rerum singularem, qui nullo modo tenetur creditoribus, quocumque titulo huiusmodi particularis portio relinquatur, vel alicui detur: ut latè tract. Moli. sur le 11. art. de la Coust. de Paris, col. 8. & 9.* Tellement que le donataire ou legataire de la propriété, ou de l'usufruit de certaine Seigneurie, ou certaine Maison, n'est tenu de payer aucune portion de debtes, tant mobilières & personnelles, qu'immobilières, comme sont rentes constituées par le donateur ou testateur, moyennant deniers: encores qu'au payement des rentes l'heritage donné ou legué, soit spécialement obligé & assigné. Comme le paiement des debtes tant mobilières, qu'immobilières concernant l'heritier & successeur vniuersel, qui les doit acquiter & payer, & non le successeur particulier, cōme est vn donataire particulier, lequel n'est tenu sinon des charges anciennes, & rentes foncières, desquelles est chargé l'heritage qui luy a esté donné, si autrement n'est porté par la donation. Ce qui a lieu, encores que le donataire sceust les rentes cōstituées, aussi qu'il sceust que l'heritage qui luy estoit donné, fust assigné pour le paiement d'aucunes desdites rentes, *l. i. §. her. ff. ad Sc. Trebell. l. aris alieni. C. de don. §. si quis vna. inst. de fid. her.* Et qui plus est, le donataire ou legataire d'heritage particulier, & tout successeur singulier *non tenetur stare colono*, & peut expulser le fermier du donateur ou testateur, en le rēboursant de ses feurs, labours, & semences, tout ainsi qu'un acheteur, *l. nihil proponi. §. fin. ff. de leg. i. l. labores. §. i. ff. de ususfr. Glo. i. in l. emptorem, in verbo colono. Cod. de locato.*

Des donataires & legataires vniuersels, ou bien de certaines portions des biens, y a arrest donné entre l'heritier, & les legataires de defunct Maistre Iean Boulard, viuant Commissaire & Examineur au Chastelet de Paris, lequel par son testament solennellement faict, auoit legué

76
Les heritiers
donataires
ou legatari-
res vniuer-
sels contri-
buent au
payement
des debtes
pro rata
bonorum.

77
Legatarius
vniuersalis
est loco
hæredis.

78
Le donatari-
re & autre
successeur
singulier
n'est point
tenu des deb-
tes, ny des
rentes con-
stituées par
le donateur.

Arrest con-
cernant le
donataire
ou legataire
vniuersel.

aux trois enfans de son dernier liect, tous ses meubles, debtes, rentes & heritages, estans de son conquest, & le quint de ses propres heritages, pour iceux prendre & percevoir sans aucunes charges, fors & excepté des charges foncieres: & delaisé Maistre Jean Boulard son fils du premier liect heritier aux quatre quints de ses propres, chargez de toutes les debtes. Ledit heritier estant condamné par sentence du Preuost de Paris, faire deliurance dudit legs testamentaire, il auroit appellé en la Cour: Par arrest de laquelle solemnellement prononcé le quatorziesme May, 1562. les appellations & sentences dont auoit esté appellé, furent mises au neant, sans amende, & sans despens, tant de la cause principale, que cause d'appel. En emendant & corrigeant ladite sentence, l'appellant auroit esté condamné faire deliurance à Françoise Fourmentin, mere & tutrice des enfans du second liect, mineurs, de tous les biens meubles, acquests immeubles, & quint des propres dudit defunct Boulard, leguez ausdits mineurs: A la charge de contribuer par iceux legataires, au payement des debtes mobiliaries & immobiliaries dudit defunct, au *pro rata* de la valeur desdites choses leguées: Eu esgard à la valeur de la totalité de tous les biens meubles, acquests immeubles, & de tous les propres delaiséz par ledit defunct: & selon le profit & emolument que chacun desdits appellans, heritiers dudit defunct, & legataires, pourroient auoir & prendre en leur esgard desdits biens meubles, acquests immeubles, & desdits propres. Et fut ordonné que ce present arrest seroit leu & publié en l'Auditoire du Chastelet de Paris, les plaids ordinaires tenans.

Arrest donné entre un legataire vniuersel, & l'heritier de feu Meraudeau.

Il y a semblable arrest donné le dix-septiesme Aueil, 1564. entre Maistre Nicolas de Villiers Aduocat en Parlement, legataire de tous les meubles, acquests & conquests immeubles, & du quint des propres demeurez par le decez de defunct M. Adam Meraudeau, viuant Conseiller au Chastelet de Paris: & Magdelaine Meraudeau autorisée par Iustice au refus de Maistre Mathurin Richer son mary, heritiere par benefice d'inuentaure dudit defunct: Par lequel la Cour ayant aucunement esgard aux offres & acceptions des parties, auroit mis les appellations, & ce dont estoit appellé au neant, sans amende & despens des causes d'appel. Et emendant le Iugement auroit condamné ladite Meraudeau audit nom, faire deliurance recile & actuelle audit de Villiers, des meubles, acquests & conquests immeubles, & du quint des propres demeurez par le decez dudit defunct Maistre Adam Meraudeau; d'iceux laisser & souffrir iouyr ledit de Villiers, & luy en rendre les fruiets & profits qu'il en eust peu prendre & percevoir dès & depuis le decez dudit defunct Meraudeau. Sur lesquels meubles, acquests & conquests immeubles, & quint des propres leguez audit de Villiers, ladite Cour l'auroit condamné payer & acquitter les frais des obseques & funerailles, & legs testamentaires faits par ledit defunct: & en descharger les quatre quints des propres escheuz à ladite Meraudeau, iusques à la concurrence desdites choses à luy leguées. Sans preiudice toutesfois à iceluy de Villiers de ses droicts à l'encontre des autres legataires, & à eux leurs defenses. Et outre est ledit de

Villiers condamné contribuer au payement des debtes mobilières & immobilières dudit defunct, *pro rata* de la valeur & estimation des choses leguées, eu esgard à la valeur de la totalité de tous les biens meubles, acquêts immeubles, & de tous les propres delaissez par ledit defunct, & selon le profit & emolument que chacun desdits Meraudeau & de Villiers pourroient auoir & prendre en leur regard desdits biens. Et outre la Cour auroit ordonné partages & diuisions estre faictes entre les parties, des propres delaissez par ledit feu Maître Adam Meraudeau, & d'iceux faits cinq lots esgaux, dont l'un sera baillé audit de Villiers pour en iouyr par luy à part, & à diuis. Et à ceste fin lesdits Richer & sa femme, seront tenus exhiber toutes les lettres, tiltres, papiers, & inuentaie faisans mention desdits propres, estans en leur possession, & dont ils se purgeront par serment pardeuant l'executeur de ce present arrest, si par dol, ou fraude ils ont delaislé à auoir autres tiltres, que ceux qui seront par eux exhibez. Et seront les cautions baillées par ledit de Villiers, deschargées à pur & à plain : Et ladite Meraudeau condamnée és despens de la cause principale. Et conuient noter que cet arrest est donné du consentement des parties, ainsi qu'ay entendu d'elles. Et si le legataire vniuersel, pour euitier à longueur de proces, n'eust consenty entierement payer les obseques & funerailles, il n'en eust esté tenu qu'au *pro rata*, tout ainsi que des debtes, comme ils tiennent en Chastelet : combien qu'aucuns soient d'aduis contraire, ainsi qu'il sera dit cy-apres au present chapitre.

Et conformément à ce que dessus, par contract de mariage passé entre le Seigneur de Mandosse & sa femme, estant accordé, que au suruiuant des deux conjoints appartiendroient en pleine propriété, tous les meubles & conquests immeubles du premier decédé, ledit Seigneur de Mandosse suruiuant, a esté condamné payer & acquiter toutes les debtes de la communauté créées pendant leur mariage : Par arrest solennellement prononcé le 17. Avril, 1564. auant Pasques : Encores qu'il alleguast que le payement des debtes regardoit l'heritier. La raison dudit arrest semble estre : d'autant que le Seigneur de Mandosse deuoit plustost acquitter les debtes par luy créées, que d'acquérir : & s'il les eust acquittées, il eust moins acquis. Aussi *bona non intelliguntur nisi deducto arc alieno. l. 2. §. illud. ff. de collat. bono. l. sub signatum. §. 1. ff. de verborum signific.* Joint que par le 286. article de la nouvelle Coustume de Paris est dit : Que le donataire mutuel qui iouyt par vsufruct de tous les meubles, & conquests immeubles, faicts durant & constant le mariage de deux conjoints, est tenu aduancer les obseques & funerailles du premier decédé, ensemble la part & moitié des debtes communes deuës par le premier decédé, lesquelles luy doiuent estre deduites sur la part & portion du premier decédé.

Toutesfois par contract de mariage passé à Auignon, entre Messire Florimond Robertet, Cheualier Secretaire d'Estat, & des Finances du Roy, & Dame Ieanne de Haluin : estant conuenu, que s'il n'y auoit enfans de leur mariage, le suruiuant des deux conjoints auroit tous les meubles qui leur appartiendroient lors de la dissolution du mariage :

79

Quand par contract de mariage le suruiuant prend tous les meubles & conquests immeubles, il est tenu payer toutes debtes à part.

Raisons de ce que dessus.

80

Bona intelliguntur deducto arc alieno.

81

Le donataire des meubles par contract de mariage n'est

tenu au
payement des
debtes.

82.
Le domicile
de ceux qui
suivent la
Cour du
Roy, est à
Paris.

Ladite Dame de Haluin suruiuante, suivant ledit contract ayant prins tous les meubles, estant poursuiue par Maistre Estienne Robertet, heritier par benefice d'inventaire du defunct, à ce qu'elle fust condamnée l'acquiter de toutes debtes : parce que par la Coustume de Blois, qui prend les meubles, doit payer les debtes personnelles & mobilières : en tout enenement qu'elle fust condamnée contribuer au payement d'icelles *pro rata bonorum*, comme il a esté cy-dessus dict. Et ladite Dame ayant remontré que la Coustume n'estoit aucunement considerable : Parce qu'elle ne prenoit les meubles desquels estoit question *beneficio legis municipalis vel consuetudinis : sed ex pacto & conuentione contractui matrimonij apposta* : Lequel contract qui estoit vn tiltre particulier, ne portoit aucune charge de payer les debtes : Aussi que le defunct estant ordinairement à la suite de la Cour du Roy, son domicile estoit à Paris comme celuy des Roys de France. Ainsi qu'il auoit esté iugé pour feu Monsieur le Cardinal de Meudon. Ioinct que le defunct auoit maison en ceste ville de Paris, & estoit habitant d'icelle : partant que la Coustume de Blois n'estoit considerable. Qu'elle n'estoit donataire que de simples meubles, non pas des meubles, & conquests immeubles, comme estoit le defunct Seigneur de Mandosse denommé en l'arrest cy-dessus allegué. Et que si le defunct eust suruescu, il eust eu suivant ledit contract de mariage, outre tous les meubles, la somme de dix mil liures tournois, faisant le tiers de trente mil liures, qu'il auoit receu de ladite Dame en faueur de mariage. Par ces moyens & autres, ladite Dame concludoit à fin d'absolution, & s'estoit constituée demanderesse, à ce que l'heritier fust condamné l'acquiter de toutes debtes : Attendu qu'elle auoit renoncé à la communauté de biens d'entre elle & son defunct mary.

83.
Le mary, ou
femme sur
uiuant, qui
prend les
meubles
n'ayant en-
fans, n'est o-
bligé de payer les
debtes mo-
bilières &
obseques du
defunct.

Finalemēt par sentence donnée par Messieurs des Requestes du Palais le 9. Auiil, 1571. ladite Dame fut absoute des sommations, demandes & conclusions contre elle prinſes par ledit Maistre Estienne Robertet, heritier par benefice d'inventaire dudit defunct Messire Florimond. Et faisant droict sur les conclusions de ladite Dame, ledit heritier condamné faire cesser les poursuites cōtre elle faictes par les creanciers du defunct, & condamné és despens. De ceste sentence, l'heritier ayant appellé, par arrest solemnellement prononcé le 22. Decembre audit an, mil cinq cens soixante & vnze, fut dict qu'il auoit esté bien iugé, mal appellé, l'appellant condamné en l'amende & és despens de la cause d'appel.

Si suivant le 238. article de la nouuelle Coustume de Paris, le mary noble suruiuant, ou bien la femme noble suruiuante, prend tous les meubles, estans hors la ville & faux-bourgs de Paris ; comme il est en la faculté de les prendre quand il n'y a enfans : En ce cas le mary, ou bien la femme suruiuante, est tenuë payer les debtes mobilières de la communauté, ou les obseques & funerailles du defunct, selon sa qualité. Partant y a difference de prendre les meubles en vertu de la Coustume ; car en ce cas il est sans doubte que celuy qui les prend, doit payer les debtes

mobiliaires de la communauté: Ou bien de prendre tous les meubles suivant son contract de mariage; d'autant qu'en ce cas il semble suivant l'arrest cy-dessus recité, que la femme renonçant à la communauté, n'en soit point tenuë. Combien qu'aucuns soient d'avis contraire, comme celui qui prend les meubles à quelque titre que ce soit, estât tenu de payer les debtes mobilières: & de ce y a plusieurs Coustumes locales: En tout euenement estât tenu de contribuer au payement d'icelle *pro rata bonorum*, comme il est obserué en la Coustume de Paris.

Et conuient entendre que quand par contract de mariage est porté, Que le mary a donné à la future espouse suruiuant tous les meubles, qui luy appartiendront au iour de son decez, ou bien que la femme les a donnez au futur espoux suruiuant: ou bien quand il est dict que le suruiuant des deux conioints aura les meubles qui se trouueront leur appartenir au iour de la dissolution de leur mariage: En ce cas le suruiuant doit auoir toutes les actions mobilières qui appartenoient au defunct premier decédé: Comme il a esté iugé par arrest donné le 18. Iuin, 1569. entre Dame Anne de la Vernade appellante du Preuost de Paris: & Damoiselle Anne Hardy, à laquelle par contract de mariage François de la Vernade son mary, auoit donné tous ses meubles. Suiuant aussi le 88. article de la nouvelle Coustume de Paris, par lequel il n'y a que deux sortes & especes de biens seulement, à sçauoir meubles & immeubles. A ce que dessus on allegue communément la distinction de Bartole, *in l. mouentium. ff. de verb. signif.*

Mais il faut entendre l'arrest cy-dessus mentionné, auoir lieu en pays coustumier, non pas en pays de droit escrit. Car par la disposition de droit commun les debtes actiues, que nous appellons *nomina debitorum*, *efficiunt tertium genus bonorum per se*, sont distinctes & separées des meubles & immeubles, demeurez par le trespas d'un defunct, *l. quam Tuberonis. §. in peculio autem. ff. de peculio. l. à diuo Pio. §. in venditione. ff. de re ind.* En sorte que si vn testateur a legué tous ses meubles & immeubles, l'heritier aura les debtes actiues *distis iuribus*. Aussi si le testateur a legué tous les meubles qui sont en vne maison, les debtes contenuës és cedulaes, breuets, obligations, & papiers de raisons trouuez en ceste maison, ne seront comprises en ce legs: *quia nomina debitorum, cum incorporalia sint, loco non continentur. l. Caius. ff. de leg. 2. l. uxorem. §. legauerat. vers. item quasitum. ff. de leg. 3. l. si fideicommissum. §. tractatum. ff. de iudic.* Pareillement si vn mary par son testament a legué à sa femme ses habillemens & meubles estans en euidence en la maison, en laquelle il estoit demeurant; en ce legs ne seront comprises les debtes contenuës és cedulaes, breuets & obligations estans en ladite maison: *tanquam huiusmodi nomina loco non contineantur*, comme dict est. Aussi en ce legs ne seront compris les deniers comptans trouuez en ladite maison: parce qu'ordinairement on serre le denier comptant, le tient-on secrettement, & on ne le met pas en euidence. Ainsi fut iugé par arrest solemnellement prononcé le Samedy 22. Decembre 1590. suivant la *l. si chorus. §. 1. ff. de leg. 3. d. l. uxorem. §. legauerat. vers. item quasitum. l. uxori §. 1. ff. de au. & arg. leg.*

84

A celui auquel sont donnez les meubles appartiennent les actions mobilières en pays coustumier.

85

En pays de droit escrit les debtes ne sont cōprises sous les meubles, ny sous les immeubles.

86

En pays cou-
stumier
quand les
debtes sont
censées mo-
biliaires, ou
immobiliai-
res.

Quand en pays coustumier vn testateur a legué tous ses meubles à vn certain personnage, & tous ses immeubles à vn autre : ou bien, quand en pays coustumier il y a vn heritier mobilier, & vn heritier immobilier, & qu'on demande à qui appartiennent les debtes actiues du defunct : On regarde si ce qui est deu & contenu en l'obligation, cedula, ou breuet, est mobilier : comme vne somme de deniers, du grain, vn cheual, vne coupe de bois taillis, ou autre chose semblable ; & telle debte appartient à l'heritier mobilier, ou bien au legataire des meubles. Si ce qui est deu & contenu en l'obligation, contract, ou cedula, est immobilier, comme vn heritage, vne rente constituée, vn droict de censive, de champart, ou autre semblable ; telle debte appartient à l'heritier immobilier, ou bien au legataire des immeubles : Suiuant la doctrine de Bartole *in d. l. mouentium. ff. de verb. sig. Nomina, inquit, debitorum iudicantur secundum naturam eorum, quæ in ipsis continentur : nam si actio continet mobile, & pro mobili proponitur, iudicabitur mobilis : si actio immobile contineat, & pro immobili proponatur, censetur immobilis. Notat Ioannes Sanso, és Coustumes de Tours, au titre des choses réputées meubles, article dernier.*

87

La renon-
ciation à la
cōmunauté
permise à la
femme sur-
uiuante par
contract de
mariage,
quand elle
est transmis-
sible à son
heritier.

Aussi par cy-deuant on a communément tenu, que si par contract de mariage est dict que la future espouse suruiuante le futur espoux, pourra prendre communauté de biens, ou renoncer à icelle, & y renonçant qu'elle aura & prendra franchement, & quittement, sans estre subiecte à aucunes debtes, encores qu'elle eult pailé à icelles, tout ce qu'elle aura apporté avec le futur espoux : ensemble tout ce qui luy sera aduenü & escheu pendant leur mariage, par succession, donation, ou autrement : En l'un & l'autre de ces deux cas, non seulement la femme suruiuante, mais aussi ses enfans (encores qu'ils soient d'autre mariage) pourront renoncer à la communauté. Et par le moyen de ceste renonciation, lesdits enfans auront tout ce que leur defuncte mere aura apporté avec son second mary, & tout ce qui luy sera aduenü & escheu pendant son second mariage, sans estre subiects de payer aucunes debtes : en sorte que ceste permission de renoncer, combien que de prime face elle semble estre pure personnelle, & ne deuoir s'estendre outre la personne de la femme seule dénommée au contract de mariage : *cum non fiat extensio de persona ad personam, nec de re ad rem, nec de casu ad casum* : aussi soit besoin entendre les conuentions, selon les paroles esquelles elles sont conceues, sans y adiouter : Et qu'on vueille dire, que ce mot de suruiuante, contient en soy condition, si la future espouse survit le futur espoux : & partant aucuns ieroient d'auis que les enfans de la femme, à laquelle a esté donnée ceste faculté & permission de renoncer à la communauté, doivent estre exclus de ceste permission, principalement quand ils sont d'autre liêt : alleguans la *l. maritam. l. quia tale. ff. sol. matr. l. & heredi. ff. de pactis. l. stipulatio ista. §. sed si quis, & duob. seqq. ff. de ver. obl.* comme il lera cy-apres amplement deduit.

88

Ce mot de
suruiuante

Toutesfois par sentence du Preuost de Paris, les enfans du premier liêt de la femme predecédée, encores que le contract de mariage portast suruiuante,

suruiuante, ont esté admis à faire ladite renonciation, & à demander au second mary de leur mere, tous les biens apportez en la communauté par leur defuncte mere, ensemble ceux qui luy estoient escheuz pendant ledit mariage: & ce franchement & quittement; Cōme lesdits enfans representans leur defuncte mere, qui est estimée viuante en la personne de ses enfans; lesquels sont censez mesme personne, & *portio viscerum matris: nec mater censetur mortua, aut pater mortuus, qui similem sui reliquit.* Estant certain que les enfans ont pareil priuilege que leur mere: *l. etiam filios. ff. sol. matr. l. asiduus. §. exceptis. C. qui pot. in pig. l. cum acutissimi. C. de fideic. l. in suis. ff. de lib. & posth.* Aussi que l'option de prendre communauté, ou renoncer à icelle, n'est donnée à la femme sous condition, si elle suruit son mary, mais luy est donnée purement & simplement: & par consequent à son heritier auquel elle estoit transmissible. *Qui enim sibi cauit, & heredi suo cauisset censetur, etiam si heredis mentio nulla facta sit. l. si pactum. ff. de pact. Et omnis stipulatio siue dandi, siue faciendi transmittitur ad heredes. Adeo ut licet facti promissi implementum in tempus mortis promissoris collatum sit, & non possit impleri à promissore, ab heredibus eius est implendum: l. fin. C. de contr. & com. stip. Imò vero etiam si stipulatoris persona duntaxat contractu comprehensa sit, & sic taxatiuè stipulatio concepta sit; tamen quod licet stipulatori, & eius heredi permittitur. l. si necessarias. §. de vendendo. ff. de pig. act.* Et ce mot de suruiuante, a esté mis au contract, ou superfluellement, ou pour plus ample expression, *aut ad declarationem eius, quod tacitè inerat;* non pas à l'exclusion des enfans heritiers de la femme: lesquels n'estans expressément ny tacitement exclus de l'option baillée à leur mere, de prendre communauté, ou de renoncer à icelle, y doiuent estre receuz: tout ainsi que leur defuncte mere y eust esté admise. *l. illud aut illud. ff. de op. leg. §. optionis. Inst. de legat.* mesmement quand les dispositions entre vifs, ou testamentaires concernent les enfans, & d'iceux n'est faite mention expresse, tacitement sont entendus esdites dispositions. *l. cum acutissimi. C. de fid. l. tale pactum. §. fin. ff. de pactis.*

n'exclud les
enfans de
pouoir re-
noncer à la
commu-
nauté.

Et de la sentence cy-dessus y ayant appel, fut donné arrest en plaidoyrie le Lundy 16. Feurier 1587. entre Gilles Binois marchand drappier, appellant de la sentence donnée par le Preuost de Paris le 28. Septembre 1586. d'une part, & Perrette le Boul, vefue de feu Anthoine de la Ruë, ayeule & tutrice d'Anthoine & Esperance de la Ruë, enfans mineurs d'ans de feuz Anthoine de la Ruë, & de Marguerite de Chefdeuille, qui a esté depuis femme dudit Gilles Binois, lesdits mineurs heritiers de leur dite mere intimée d'autre: Par lequel la Cour, apres que l'intimée tutrice des mineurs a déclaré auoir tousiours offert, comme elle a encores fait en cause d'appel, de payer la part & portion à eux afferant, tant des frais funeraux, que de l'exécution testamentaire de la defuncte; A mis l'appellation au neant sans amende; ordonné que ce dont estoit appellé sortiroit son plein & entier effect, sans despens de la cause d'appel, & sans que le present arrest puisse estre tiré à consequence en autres causes. Car audit arrest y auoit plusieurs circonstances & cōsiderations particulieres:

A sçauoir que les enfans auoient renoncé à la succession de leur pere, au moyen de ce que leur mere, pour ses conuentions matrimoniales, auoit eu tous les biens de ladite succession, lesquels elle auoit portez avec ledit Binois son second mary; avec lequel elle n'auoit esté que sept mois. Que leur mere voulant conseruer à ses enfans les biens qui luy appartenoient, consistans en simples meubles & marchandises, estimées cinq cens cinquante escus, auoit stipulé de pouuoir renoncer à la communauté, & reprendre franchement tout ce qu'elle auoit apporté en icelle: Que si lesdits enfans estoient frustrés des biens de leur mere, ils estoient priuez de tous biens, tant paternels, que maternels: & offroient acquitter ledit Binois leur beau-pere, de toutes debtes procedans du chef de leur mere, ensemble de l'exécution testamentaire & frais funeraux de leur dite mere: Laquelle mere estoit censée viuante en la personne de ses enfans: partant que ce mot de suruiuant, porté par le contract de mariage, ne leur pouuoit preiudicier.

89
Ce mot de
suruiuant
exclut les
heritiers
collateraux
de pouuoir
renoncer à
la commu-
nauté.

Et ce que dessus a esté communément tenu au Chastelet de Paris, *in suo hærede descendente*, qui sont les enfans, ou petits enfans de la femme, & autres descendans, lesquels peuuent renoncer à la communauté, tout ainſi que leur defuncte mere, ayeule, ou bisayeule: soit que lesdits enfans agissent contre leur pere, ou contre leur beau-pere: principalement quand le pere des enfans s'est remarié, a faict des aduantages à la seconde femme; ou bien est deuenu mauuais mesnager; ou bien est decedé quelque temps apres sa premiere femme; & que les enfans sont contraincts renoncer à la succession, & se tenir au doüaire de leur mere. *Secus in hærede collaterali, aut hærede ascendente*, comme est vn frere, vne sœur, vn oncle, vn neveu, ou cousin, ou bien le pere, ou la mere de la defuncte femme: lesquels au cas dessusdit ne seroient receuz à renoncer à la communauté, & par le moyen de leur renonsiation, remporter franchement, & quittement tout ce que la defuncte auroit apporté à la communauté. *l. etiam filios, & l. maritum. ff. sol matr. l. unica. ubi glosa late tractat. in verbo, ad hæredem. C. de priuil. dotis*: laquelle confirme la distinction cy-dessus recitée. Et ainſi a-on vescu pendant l'ancienne Couſtume de Paris, par laquelle il n'estoit permis à la femme renoncer à la communauté. De faict quand on veut permettre aux heritiers collateraux d'une femme de prendre communauté de biens, ou renoncer à icelle, & renonçant reprendre franchement & quittement tout ce qu'elle aura apporté en mariage, & luy sera escheu pendant iceluy; on a accoustumé de mettre clause expresse és contracts de mariage, distincte, & séparée de la renonsiation permise à la femme. Et la renonsiation telle que dessus peu ſouuent est accordée aux heritiers collateraux de la femme; & si elle leur est consentie, ils ne doiuent pas reprendre entierement ce que la femme a apporté en mariage, & tout ce qui luy est aduenü par succession, donation, ou autrement pendant iceluy: Mais on reſerue au mary à prendre sur les biens apportez par la femme, quelque ſomme de deniers pour le recompenſer des frais des nopces, bagues, habits nuptiaux, & autres charges de mariage. Aussi la clause de renonsiation porte ordinairement, que la femme renonçant à la communauté, reprendra ce qu'elle a apporté en

mariage, avec ses habits, bagues & ioyaux, & doüaire: ce qui demonstre vne vraye personnalité & suruiuance.

Mais depuis la nouvelle Coustume de Paris, laquelle permet à la femme, tant noble que roturiere, renoncer à la communauté des biens, d'entre son defunct mary & elle: Plusieurs sont d'aduis, quand le contract de mariage porte simplement, que la future espouse pourra prendre communauté, ou renoncer à icelle, & y renonçant reprendre franchement tout ce qu'elle aura apporté: Qu'en ce cas non seulement les enfans de la femme, mais aussi les heritiers collateraux peuuent renoncer à la communauté, tout ainsi que la defuncte, comme tacitement compris en la conuention de pouuoir renoncer. Aussi que l'option donnée au contractant, ou stipulant, est transmise à ses heritiers, suiuant la disposition de droit cy dessus allegué, & que la permission de renoncer à la communauté donnée à la femme par la nouvelle Coustume de Paris est transmissible à tous ses heritiers, tant en ligne directe, que collaterale, comme il sera dit cy-apres. Ioinct qu'en France tous heritiers sont semblables, & saisis par la Coustume, *extraneos enim haredes non habemus*. Dauantage que la paction de pouuoir renoncer à la communauté est censée réelle, & non personnelle, ny semblable à la stipulation d'un vusufruit, & autres pactions personnelles, desquelles il est parlé, *in l. stipulatio ista §. si quis ita. cum duob. §§. seqq. ff. de verb. obl.* Qu'en contracts l'on ne considere pas l'intention de l'une des parties seulement, comme on faict en testament, constitutions & ordonnances, qui dependent de la volonté d'une seule personne; mais on regarde ce qui est escrit. Partant n'est besoin auoir recours aux presomptions & coniectures; que le mary vray-semblablement n'a voulu permettre la renonciation à la communauté aux heritiers collateraux. Aussi que s'il y a quelque ambiguité au contract, on l'interprete plustost contre le mary, que contre la femme. Que au cas cy-dessus posé il ne s'agit pas de *privilegio dotis, quod est personale*, mais de *conuentione partium, que transijt ad haredes*, comme dict est. Et estiment par le moyen de la clause susdicte, que les heritiers collateraux remporteront franchement tout ce qui a esté apporté en la communauté par la defuncte. Encores que lesdits heritiers ne puissent demander les habits, bagues, & ioyaux stipulez par preciput, ny le doüaire, supposé qu'il fust sans retour: comme lesdits habits, & doüaire estans contenus en autres clauses du contract de mariage, ausquelles, par la permission de renoncer, n'a esté aucunement derogé. Que *singula singulis distributiue sunt referenda*. Et faut considerer la nature & propriété de chacune chose stipulée, *d. §. si quis ita*. Et à present aucuns des anciens Aduocats de la Cour suiuent indistinctement & generalement ceste opinion en tous heritiers, comme conforme à la disposition de droit, & à la nouvelle Coustume de Paris. Neantmoins en Chastelet ils suiuent la distinction cy-dessus recitée des enfans & petits enfans, qui sont receuz à renoncer, comme leur defuncte mere; & non les heritiers collateraux, ou ascendans. De faict estant porté par un contract de mariage, que la femme pourroit renoncer à la communauté, & reprendre franchement ce qu'elle auroit

apporté en mariage : par sentence donnée audit Chastelet, au mois d'Aoust 1591. sur productions, la femme decedée sans enfans, l'heritier collateral n'a pas esté receu à renoncer à la communauté, & franchement reprendre ce que la femme auoit apporté en mariage, ainsi que la femme eust peu faire, ains a esté debouté de ladite renonciation : Ayans esgard à l'equité, presomptiue intention des parties, cōmune vsance & obseruance cy-dessus recitée, non pas à la rigueur de la loy escrite. N'estant raisonnable, que tous les frais des nopces & charges de mariage tombent sur le mary, la femme estant decedée sans enfans, comme il a esté cy-deuāt remonstré, & que l'intention du mary n'a point esté de faire rel aduantage à l'heritier collateral de sa femme. De laquelle sentence y a appel interiecté, pendant & indecis en la Cour : Tellement qu'au cas susdit il semble bon, pour concilier la rigueur de la loy avec l'equité, aucunement indemniser le mary, & donner occasion aux parties de ne plaider, adiuger au mary pour les frais des nopces & charges de mariage, selon qu'il aura duré, quelque somme de deniers, à prendre sur les biens de la defuncte femme, eu esgard à la qualité des conioints par mariage, & quantité de leurs biens. Et l'opinion du Chastelet semble estre fort iuste, equitable & raisonnable : comme la permission baillée à la femme, de renoncer à la communauté, estant censée pure personnelle, pour les raisons susdites : quoy que ce soit n'estant extensible qu'aux enfans de la femme. Toutesfois la disposition de droict est notoirement au contraire ; & le mary se doit imputer qu'il n'a restrainct la permission de renoncer à la communauté, par luy generalement & indefiniement baillée.

Aussi aucuns trouuent fort rude, quand le mot de suruiuante, est porté par le contract de mariage, que les enfans puissent renoncer à la communauté, au preiudice de leur pere viuant, qui est bon mesnager, & qui ne s'est point remarié, ou bien qui n'a faict aucun aduantage à sa seconde femme. Et qu'il est vray semblable, que le mary a bien voulu permettre à sa femme suruiuante de renoncer à la communauté, au preiudice de ses heritiers, & non de luy : N'ayant entendu ny voulu de son viuant estre depossédé des biens de la communauté ; quoy que ce soit, de ce que la femme auoit apporté en icelle : Et que ses enfans se doiuent contenter, d'auoir moitié des biens de la communauté, & luy delaisser l'autre moitié. Aussi que ce mot de suruiuante, contient en soy condition, & signifie autant que si la femme suruit son mary : laquelle condition n'estant aduenüe, la faculté de renoncer baillée à la femme demeure nulle. Ioint que la Cour, par l'arrest cy-dessus recité, n'a iugé la these generale, ny décidé le point de droict ; ains a dict, sans tirer à consequence en autres causes. Et que ce mot de suruiuante, ne doit estre inutil & frustratoire, ains auoir quelque effect. Tellement que, *sive verba contractus inspiciamus, siue mentem contrahentium consideremus*, la permission de renoncer à la communauté baillée à la femme, est pure personnelle. Toutesfois on dit que les enfans ne demandent sinon ce que leur mere a apporté, & ce qui a esté accordé à leur mere par son contract de mariage.

Pour ces considerations & autres causes, raisons, & moyens cy-deuant
 amplement deduits, en faueur des enfans : aussi qu'on desnie que ce mot
 de suruiuant, emporte condition ; on admet les enfans, & petits enfans,
 à renoncer à la communauté d'entre leur pere, ou beau pere, & leur defun-
 cte mere, & à reprendre frâchement ce que leur mere pouuoit reprendre,
 encores que ce mot de suruiuant soit porté par le contract de mariage :
 principalement quand vn pere a esté mauuais mesnager, ou s'est rema-
 rié & faict des aduantages à sa seconde femme : ou bien que le pere est
 decedé tost apres sa femme, & que les enfans ont renoncé à la succession ;
 ou bien quand c'est vn beau pere, qui est le cas de l'arrest donné en plai-
 doirie le 16. Feburier 1587. cy-dessus recité. Si le pere a esté & est enco-
 res bon mesnager, & ne se soit remarié, il ne sera sans doute, si les enfans
 seront receuz à renoncer à la communauté, & à repeter les deniers dotaux
 de leur defuncte mere, & tout ce qu'elle a porté en la communauté. Mais
 quand ce mot de suruiuant, est porté par le contract de mariage, & qu'il
 est dit que la future espouse suruiuant son futur espoux sans enfans lors
 viuans, pourra renoncer à la communauté d'entre eux : en ce faisant, re-
 prendre & remporter tout ce qu'elle aura apporté avec son futur espoux,
 & son doiaire tel que dessus, habits, bagues & ioyaux, iusques à la som-
 me de cent escus, & tout ce qui luy sera aduenü & escheu constant ledit
 mariage, par succession, donation, ou autrement ; le tout franchement &
 quittement, sans estre tenuë d'aucunes debtes de la communauté, enco-
 res qu'elle y eust parlé & s'y fust obligée : en ce cas les freres & sœurs, ou
 autres heritiers collateraux de la defuncte femme predecédée sans en-
 fans, mesme le pere ou la mere de ladite defuncte, heritiers quant aux
 meubles, acquests & conquests, ne sont receuz, en renonçant à la com-
 munauté de biens d'entre le mary & sa defuncte femme, à demander au
 mary suruiuant, les deniers comptans qui luy ont esté baillez en maria-
 ge, ny les heritages qui luy ont esté ameubliz, & faicts conquests par son
 contract de mariage, iusqu'à certaine somme de deniers, quand l'ameu-
 blissement a esté deuëment emologué en Iustice : mais seulement sont
 receuz à renoncer à la communauté, suiuant la nouuelle Coustume de
 Paris. Ainsi a esté aduisé pour le regard de la mere par les anciens Aduo-
 cats de la Cour : Depuis iugé par sentence du Preuost de Paris, en-datte
 du 23. Octobre 1591. Entre Maistre Iacques Meraut demandeur & de-
 fendeur d'une part : Et Marguerite le Lorain mere, Marie le Noir, Jean
 le Noir, & Anthoine le Noir freres & sœurs, & heritiers de defuncte
 Noëlle le Noir, viuante femme dudit Meraut, defendeurs & deman-
 deurs d'autre. De laquelle sentence y ayant appel en la Cour de Parle-
 ment, elle a esté confirmée pour le regard de la renonciation à la com-
 munauté, par arrest prononcé le Samedy 27. Iuin 1592. & infirmée pour
 le regard de l'ameublissement, comme n'estant deuëment faict, ny so-
 lemnellement emologué, & y auoit appel de la sentence d'emologation,
 comme il estoit besoin d'en appeller, ainsi qu'il sera cy-apres déclaré, en
 traittant des ameublissements.

Si la conuention de pouuoir renoncer à la communauté, ou bien la

90
Si la faculté
de renoncer
à la com-
munauté
baillée à la
femme est
condition-
nelle, il faut
que la con-
dition soit
aduenue.

faculté donnée à la femme de renoncer à la communauté, & reprendre franchement tout ce qu'elle a apporté, est conceüe sous condition, si le mary decede auparauant elle, ou en certain cas, si elle suruit son mary, & non autrement: Lors la femme estant predecédée, ses heritiers, encores qu'ils soient enfans, & renoncent à la succession de leur pere decédé peu apres leur mere, ne peuuent, par le moyen de la conuention, & clause susdite, renoncer à la communauté des biens d'entre leur pere & leur defuncte mere, & franchement reprendre ce que leur dite mere eust repris, si elle eust suruescu; mais peuuent seulement renoncer à la communauté, suiuant le 232. article de la nouuelle Coustume de Paris. Car la conuention, ou bien la faculté de renoncer à la communauté estant conditionnelle, & faicte en certain cas, la condition, ou bien le cas n'estant aduenu, la conuention, ou bien la faculté de renoncer demeure nulle & sans effect. *Cum enim deficit conditio, extinguitur conuentio, siue conuenti aut promissi petitio. l. quæ filio. §. si quis seruum. ff. de hered. inst. l. pater. §. in fideicommiss. ff. de condit. & demonstratio. l. hac venditio. ff. de contrahend. emptio. l. necessario. §. quod si pendente. ff. de per. & com. rei vendi. §. sub conditione. Inst. de verbor. oblig.*

91
Arrest nota-
ble de la fa-
culté don-
née à la
femme de
renoncer à
la commu-
nauté, au
cas qu'elle
suruiue.

De faict, le Mardy 9. Auril 1571. a esté solennellement prononcé arrest entre Iean Bahuet Musnier, appellant du Preuost de Paris d'une part: Et Maistre Ioseph Soreau, Jeanne de Launay sa femme, & Hugues Asselain tuteur des enfans mineurs d'ans de feu Claude de Launay, & de Claude de Villeuort leurs pere & mere intimez d'autre. Le contract de mariage d'entre ledit de Launay & ladite de Villeuort cōtenoit ces mots: Et où ledit Claude de Launay decedast auparauant ladite Claude de Villeuort sa future espouse, en ce cas elle pourra renoncer au droict de communauté, si bon luy semble: Et ledit cas aduenant, reprendra tout ce qu'elle aura porté avec ledit Claude de Launay, ensemble tout ce qui luy pourra estre aduenu par succession de ses pere & mere, avec son doüaire, & habits, franchement & quittement. Ladite de Villeuort estant decédée auparauant ledit de Launay son mary, & ledit de Launay estant esleu tuteur aux enfans yssus de leur mariage: Depuis ledit de Launay estant allé de vie à trespas, le tuteur desdits enfans mineurs se porte heritier simple de la mere, & heritier par benefice d'inventaire du pere. Et les heritages du pere estans decretez, le tuteur soustient contre ledit Bahuet, qui estoit creancier du pere, duquel il auoit acquis vn moulin qui luy auoit esté eüncé, que sur les deniers procedez de l'adiudication par decret desdits heritages, ledit tuteur deuoit estre premier payé, tant des deniers dotaux de la defuncte, que des deniers procedez de la vente des heritages propres de ladite defuncte, encores qu'elle eust parlé à l'alienation d'iceux, ensemble du doüaire coustumier. Et ledit tuteur auoit obtenu lettres en cause d'appel, tant afin d'estre receu à renoncer à la communauté de biens, suiuant la clause portée par le contract de mariage de la mere, qu'à la succession du pere. Ce qui auoit esté empesché par ledit Bahuet, soustenant que la faculté de renoncer estoit faicte sous condition, au cas que ledit de Launay decedast auparauant ladite de Villeuort, & qu'elle fust

suruiuant son mary : lequel cas n'estoit aduenü : Que *nunquam fit exten-*
tio de persona ad personam, nec de casu ad casum, nec de re ad rem : que l'a-
 mour de l'homme & de la femme mariez estoit plus grand de l'un à l'au-
 tre, que du pere & de la mere aux enfans. Que le mary a bien accordé la
 renonciation à sa femme, *quam prædiligebat*, où il decederoit auparauant
 elle, qu'en ce cas elle peüst renoncer à la communauté : Mais ledit de
 Launay n'auoit accordé la renonciation aux enfans, pour le despoüiller
 de son viuant, tant des deniers dotaux de sa femme, qui estoient entrez,
 & estoient noyez en la communauté, que deniers prouenans des herita-
 ges propres de la femme, qui auoient esté vendus de son consentement,
 & les deniers entrez en la communauté auparauant la nouvelle Coustume
 de Paris. Et quant au doüaire coustumier, que le tuteur ne le pouuoit
 demander, les enfans estans heritiers par benefice d'inventaire de leur
 pere : d'autant que par la Coustume de Paris, on ne peut estre heritier &
 doüairier ensemble.

Finalemēt la Cour faisant droict, tant sur le procez par escrit, que ap-
 pellations verbales, a mis les appellations respectiuement interjetées
 par les parties, & ce dont a esté appellé, au neant, sans amende & des-
 pens de la cause d'appel : En emendant le iugement, ayant esgard aux
 lettres des huietième Feurier, & vingt-deuxième Auriil, mil cinq
 cent octante neuf, mentionnées au proces, a receu ledit Soreau es-
 dits noms, à renoncer à ladite succession dudit defunct Claude de
 Launay pere des mineurs, & communauté d'entre luy & defuncte
 Claude de Villeuort leur mere : & en ce faisant prendre le doüaire cou-
 stumier opté & choisi, sur les heritages dudit defunct leur pere, sujets
 audit doüaire, & les arrerages d'iceluy du iour de son decez, sans autres
 interests : en rendant par ledit Soreau audit nom compte, tant de benefi-
 ce d'inventaire, que communauté ; & representant les biens & heritages
 qui sont en nature, pris & perceuz par eux, à cause desdites succession &
 communauté : Lesquels heritages seront vendus & adiugez par de-
 cret ; sans auoir esgard au remploy requis par ledit Soreau, des heri-
 tagés propres de ladite defuncte de Villeuort, alienez par ledit defunct
 de Launay & elle, pendant ladite communauté, auparauant la reda-
 ction de la nouvelle Coustume de Paris : dont ladite Cour l'a debou-
 té & deboute, & du surplus de ses demandes & conclusions : Si mieux
 n'ayme ledit Soreau esdits noms, se tenir aux succession, & commu-
 nauté. Auquel cas, que lesdits mineurs demeurent heritiers, soit par bene-
 fice d'inventaire ou autrement, dudit defunct leur pere, ils ne pourront
 pretendre aucun doüaire sur ses biens. Et seront tant en ladite qualité
 d'heritiers par benefice d'inventaire, qu'à cause de la communauté, tenus
 payer & acquiter les debtes dudit defunct leur pere, & de ladite com-
 munauté, iusques à la concurrence & valeur desdites succession & com-
 munauté : Sans preiudice de l'obligation de leur dite mere, en ce qu'elle
 auroit parlé en la creation desdites debtes. Laquelle option ledit So-
 reau audit nom, sera tenu faire autoriser, & émologuer par l'aduis
 des parens desdits mineurs, dedans vn mois : Autrement n'y sera plus

recéu. Et faut entendre l'option baillée par ledit arrest, au tuteur des mineurs, de renoncer à la communauté de biens d'entre leur defunct pere & leur defuncte mere, estre baillée suiuant la nouvelle Coustume de Paris, non pas suiuant la conuention portée par le contract de mariage, cy-dessus recité, qui est du 19. Iuillet 1563. parce que l'option de renoncer à la communauté estoit baillée à la mere, au cas qu'elle fust suruiuante, & n'a esté transmise aux enfans.

92
*Clause pour
 esclaireir,
 quand la re-
 nonciation
 est seulemēt
 permise à la
 femme, &
 non à son
 heritier.
 Si la clause
 par laquelle
 est permis à
 la femme de
 renoncer à
 la commu-
 nauté, & y
 renonçant
 reprendre
 tout ce qu'il-
 le aura ap-
 porté, aura
 lieu aux en-
 fans.*

Et pour obuier aux doubtes cy-dessus recitez, faut mettre au contract de mariage: Et si la future espouse suruit le futur espoux, audit cas & condition elle pourra prendre communauté, si bon luy semble, ou renoncer à icelle. Ou bien faut mettre, que la future espouse suruiuante, & non ses heritiers, encores qu'ils fussent ses enfans, pourra prendre communauté, si bon luy semble, ou à icelle renoncer.

[Or combien que par les raisons & arrests susdits, on ne deust plus douter, ains tenir pour maxime très-assurée, que la faueur qui estoit donnée à la femme en cas de suruiuance, ou de dissolution de mariage, de pouuoir renoncer à la communauté, & y renonçant reprendre tout ce qu'elle auoit apporté, ceste mesme faueur deuoit estre donnée aux enfans de pouuoir renoncer à ladite communauté: Ce neantmoins la Cour par ses derniers arrests a iugé que ceste faculté estoit pure personalissime, laquelle *non transibat ad liberos*, ainsi qu'il fut iugé en l'Audience entre les creanciers de feu André Frequent d'une part, & Iean Denyson tuteur des enfans dudit Frequent, & Damoiselle de Lassus sa femme d'autre. Le faict estoit.

Les creanciers dudit Frequent ayans eu aduis qu'apres son decez on auoit faict vendre & decreter quelques heritages à luy appartenans; pour seureté de leur deu firent saisir les deniers prouenans de la vente desdits heritages: A ceste saisie s'opposa ledit Denyson audit nom de tuteur, soutenant contre lesdits creanciers, que nonobstant leur saisie, les deniers par eux saisis luy deuoient estre baillez: d'autant que ladite defuncte Damoiselle de Lassus mere desdits mineurs, auoit apporté en faueur de mariage audit Frequent son mary la somme de trois mil escus, dont deux mil escus deuoient sortir nature de propre à ladite Lassus, & mil escus ameublis audit Frequent son mary. D'ailleurs, & par leur contract de mariage, il auoit esté expressément accordé & stipulé, qu'aduenant que ladite future espouse suruiue son dit futur espoux sans enfans de leur mariage, en ce cas il estoit en son choix de prendre le droict de communauté; en y renonçant, reprendre tout ce qu'elle auroit apporté audit mariage, ensemble tout ce qui luy estoit aduenu & escheu pendant iceluy par succession, donation ou autrement: Il seroit aduenu que ladite de Lassus seroit decedée la premiere, & ledit Frequent son mary six mois apres. Apres le decez duquel Frequent pere des mineurs, ledit Denyson audit nom de tuteur, ayant recogneu la succession dudit Frequent estre fort oberée, y auroit renoncé: de façon que par le moyen de ladite renonciation, il soustenoit que sur les deniers qu'il auoit saisis, la somme de mil escus qui auoient esté apportez à la communauté luy deuoit estre baillée, suiuant

suivant la clause du contract de mariage, qui donnoit à la mere la faculté de renoncer à la communauté, & de pouvoir reprendre ses conventions; de laquelle faueur ses enfans, comme heritiers de leur mere doivent iouyr.

A cela respondoient les creanciers, & disoient, que la faculté auoit esté accordée à la mere sous deux conditions, en la non existence des enfans, & la suruiuance au mary, que les enfans mettoient empeschement que la clause n'eust lieu, & que leur existence eust empesché l'effect de la clause au profit de leur mere: laquelle si elle viuoit ne pourroit iouyr du benefice de ceste clause: Et quand on voudroit accorder ceste premiere condition, il en demeureroit tousiours vne autre, qui ne peut plus arriuer, qui est la suruiuance de la femme au mary, estant la femme decedée la premiere; & par ainsi ceste faculté ne luy ayant esté iamais acquise, les enfans n'y venans que du chef de leur mere, il s'ensuit qu'ils n'y peuvent rien pretendre.

Denyson audit nom disoit: Ce qui est accordé à la mere, doit fauorablement estre entendu des enfans, qui ne sont que comme vne mesme personne.

On repliquoit que cela pourroit auoir lieu, quand la chose auroit esté acquise à la mere: mais quand il se rencontre quelque defect, comme icy le defect de deux conditions, qui empesche que iamais la mere n'ait eu ceste faculté, on ne se peut imaginer, que sous ombre d'une suruiuance on doie accorder à l'enfant qu'il represente sa mere, en ce qui iamais n'a esté acquis à la mere.

Sur ceste contestation le Preuost de Paris rend sa sentence le 12. May, 1604. par laquelle il ordonne, que sur le surplus des deniers qui restoient à distribuer de la maison vendue, mandement seroit deliuré audit Denyson audit nom de tuteur de la somme de trois mil liures par ladite defunte & de Lassus portez en deniers comptans audit Frequent, ainsi qu'il est porté par le contract de mariage & quittance d'iceluy, au lieu de laquelle les enfans sont subrogez, & le surplus sera baillé aux creanciers selon la datte de leurs contracts. De laquelle sentence les creanciers auroient appellé, releué appel à la Cour. Monsieur le Bret pour Monsieur le Procureur General s'estant rapporté à la discretion de la Cour d'en ordonner: La Cour par son iugement & arrest mit l'appellation, & ce dont auoit esté appellé au neant, sans despens de la caue d'appel: En emendant le iugement, a déclaré les intimes non receuables en leur demande, si mieux n'aymoient accepter la communauté: Donné en Parlement le 15. Feurier 1605. Monsieur le premier President de Harlay prononçant. Pareil arrest a esté donné en la cinquiesme Chambre des Enquestes le 13. May, 1605. entre Louys Ioubert d'une part, & les Religieuses des Filles-Dieu d'autre part: lesquels deux premiers arrests ont esté depuis confirmez par vn autre arrest solemnellement prononcé en robes rouges, entre Iacques le Grand appellant d'une sentence donnée par le Preuost de Paris d'une part, contre Catherine des Marets tutrice des enfans mineurs de feu Maistre Henry le Begue, & Isabelle Comte intimée d'autre.

*De la clause
quand il n'est
parlé que
des heri-
tiers, s'il au-
ient qu'il y
ait des en-
fans, s'ils se-
ront compris
sous le mot
d'heritiers.*

Le faict estoit, que Maistre Henry le Begue, auroit esté conioint par mariage avec Isabelle le Comte, en faueur duquel Catherine des Marests mere de ladite le Comte luy bailla la somme de douze mil liures: & fut stipulé que de ladite somme de douze mil liures, quatre mil deux cens liures seroient employées en achapt d'heritages qui sortiroient nature de propre à la future espouse, & sept mil huit cens liures qui demeureroient ameublies au mary: Comme pareillement auroit esté accordé, qu'il seroit au choix de la future espouse, au cas qu'elle suruiue, de pouuoir renoncer à la communauté, & y renonçant reprendre sans payer aucunes debtes tout ce qu'elle auroit apporté, & ce qui luy seroit escheu & aduenu par succession, donation ou autrement: Et aduenant que ladite future espouse decedast sans enfans auparauant ledit futur espoux, il seroit quitte, & neantmoins tenu enuers les heritiers de leur rendre franchement sans payer aucunes debtes tout ce qu'elle aura apporté avec luy, & ce qui luy sera aduenu & escheu tant par donation, succession, qu'autrement.

Il seroit aduenu que la femme decede la premiere, ayant delaiissé deux filles, comme pareillement son mary. C'est pourquoy ladite des Marests tutrice des enfans, ayant recogneu la succession du mary estre fort obérée, faict que les enfans renoncent, tant à la succession de leur pere qu'à la communauté, & pour seureté de la somme de douze mil liures qui auoient esté baillées au mary en faueur de mariage, pretendait icelle deuoit estre reprise sur les biens du mary, suiuant la derniere clause portée par le contract de mariage, faict saisie des deniers prouenans de la vente de la moitié d'une maison appartenant au defunct mary. A ceste saisie se seroit opposé ledit le Grand, auquel assignation auroit esté donnée pardeuant le Preuost de Paris, pour voir dire que la somme de deniers que ladite des Marests auoit saisie luy seroit baillée, avec l'interest de ladite somme.

Catherine des Marests tutrice disoit pour ses mineurs: Que l'intention & conuention des parties estoit de donner aux enfans le mesme droict & aduantage de la mere, sans que le mary suruiuant peust estre quitte d'aucune chose, sinon au cas qu'elle decedast sans enfans: auquel cas il deuoit estre quitte des habits, bagues, & ioyaux, & mesme de la somme de quatre cens escus, si elle fust decedée dans deux ans, & sans enfans: mais ayant laissé des enfans, la condition du quittement accordée au mary estoit du tout faillie: de sorte qu'il est demeuré debteur enuers ses enfans, non seulement de la somme de sept mil huit cens liures que leur mere auoit portée à la communauté, mais aussi des bagues & ioyaux de la defuncte.

Et tant s'en faut, que par les termes du contract les enfans soient exclus de la reprise, qu'au contraire elle leur a esté accordée sans aucune diminution, & plus d'auantage qu'à tous autres heritiers: & pour exprimer ceste conuention, l'on a vü de mots assez exprés, *non quæ impediunt, sed indicarent voluntatem.*

Car il appert clairement que ces mots, *Et aduenant, que ladite future es-*

pouse decede sans enfans, sera le dit futur espoux quitte, ont esté apposez pour condition expresse de quittement accordé au mary contre les heritiers de la femme, en cas qu'il n'y eust point d'enfans; & non pas pour condition de la reprise, en telle sorte qu'elle ne peust appartenir aux enfans. *l. Lucius. ff. de hared. instit.* où il est dit. *Titius frater meus ex asse mihi hares esto: si mihi Titius hares esse noluerit, aut (quod abominor) prius morietur, quam meam hereditatem adierit, aut filium filiamue ex se natum natamue non habebit, tunc Stichus & Pamphilus, serui mei, liberi & heredes mihi sunt.* Prudens consilium testantis, inquit Scauola, animaduertitur, non enim solum fratrem heredem prætulit substitutis, sed & eius liberos.

Ainsi au faict qui se presente, où il s'agit des conuentions matrimoniales, autant ou plus fauorables que les legs ou dispositions testamentaires, ayant esté conuenu que le droict de reprise appartiendrait à la femme suruiuante, & au cas qu'elle predecédast sans enfans, les heritiers auroient le mesme droict de reprise, il s'ensuit qu'en ce droict de reprise on a preferé les enfans à tous autres heritiers.

Et comme par la disposition de la *l. cum filius. §. frater. de leg. 2. qui plus uni ex nepotibus legat, videtur omnibus legare*: ainsi & à plus forte raison, ayant esté accordé moins aux heritiers de la femme qu'à elle-mesme, & à ses enfans, il s'ensuit que ce qui a esté accordé aux heritiers, a esté aussi accordé aux enfans.

Aussi sont-ils les vrais heritiers, & seroient tousiours compris sous le nom des heritiers, quand ils n'y seroient pas compris comme enfans: veu mesme que de disposition de droict in *l. 1. ff. de success. edicto: Si filius exclusus est tanquam filius, admittitur tanquam proximus. & in l. 2. ff. unde legit. si repudiauerint sui bonorum possessionem quasi liberi, hanc incipiunt habere quasi legitimi.*

Mais en ce cas la reprise entiere se donne aux enfans en qualité d'enfans, par la conuention mesme, & faut tousiours presumer en faueur des enfans, *minus scriptum esse quàm dictum*, suiuant la disposition de la *l. cum armis. ff. de conditio. & demonstra.* Et mesme pour les preferer à d'autres personnes, comme il est dit en la *l. acutissimi. C. de fideicom. §. ul. l. generaliter de institu. & substit. sub cond. fact.*

Item la reprise a esté accordée à la femme, soit qu'il y eust enfans ou non: tellement que ces mots inserez en la premiere clause, au cas qu'elle suruiue, n'ont esté inserez que par forme de demonstration, pour exprimer qu'elle-mesme feroit la reprise, si elle suruiuoit, & non pas pour exclurre les enfans, au cas qu'elle predecédast, ny mesmes les autres heritiers au defaut d'enfans, comme il appert par la clause immediatement suiuite. Barthole à ce propos remarque sur la *l. in conditionib. ff. de cond. & demonst. conditionem quæ tacite inest, legatum conditionale non facere si exprimat, nisi testator aliter voluerit.*

Or la suruiuance de la femme estoit vne condition tacite, & sous-entendue, en ce qui concernoit la reprise qu'elle eust peu faire en personne, d'autant que pour reprêdre par ses mains, il eust esté besoin qu'elle eust surueu. Et partant ceste condition tacite ayant esté exprimée n'a pas rendu

la reprise conditionnée pour la restreindre à la personne de la femme, sans qu'elle peust passer à ses enfans & heritiers.

Consideré meismement que les contractans ont faict paroistre que leur volonté n'estoit pas de restreindre ce droict de reprise à leur personne, mais au contraire de l'estendre à tous les heritiers : S'il eust esté convenu par le contract, qu'au cas que la femme predecédast sans enfans, ses heritiers ne pourroient faire la reprise : il est sans doute, que telle convention eust assésuré la reprise aux enfans.

Quelle apparence donc y a-il de dire que les enfans en soient exclus, sous ombre de ce qu'en défaut d'enfans on a voulu mesmey admettre des heritiers plus esloignez qui pourroient obtenir gain de cause, à plus forte raison les enfans, suivant la maxime de droict, *Si vinco te vincen-tem, &c.*

Et par la disposition de droict, *in conventionibus contrahentium voluntatem potius quam verba spectari placet. l. in conventionibus. ff. de verb. signi.* De laquelle on peut tirer vne consequence qui peut servir particulièrement en ceste cause ; parce qu'elle estend le nom de heritier au successeur.

Le Grand au contraire pour les moyens disoit, & soustenoit, que ladite des Marets audit nom n'estoit recevable en sa saisie, d'autant que par le contract il n'estoit pas expressement porté que les enfans deussent remporter entierement ladite somme de douze mil liures : au contraire qu'il estoit stipulé qu'en cas de predecez la somme de sept mil huit cens liures appartiendrait au mary, lequel ayant suruescu sa femme, *ex vi clause* du contract, ladite somme luy devoit estre adiugée.

De dire que la clause portée par ledit contract devoit estre entendüe, au cas qu'il n'y eust point d'enfans, auquel cas il estoit sans doute que le mary gagneroit ladite somme : mais estant advenu que la defuncte a delaisé des enfans, la clause demeurerait du tout sans effect, si elle n'operoit quelque chose, qui est que les enfans doivent remporter tout ce que leur mere avoit apporté en mariage.

A cela on respondoit, que ceste clause, sans enfans, ne se pouvoit estendre en leur faueur contre le pere, puis qu'il n'estoit point stipulé par expres, que la mere venant à delaisier des enfans, les enfans deussent remporter la somme toute entiere, & pour cest effect, que les enfans ne pouvoient avoir autre droict que celui qu'un autre heritier eust peu pretendre : Joint que par arrest il auroit esté iugé qu'une femme ayant faculté de pouvoir renoncer à la communauté, advenant le predecez de son mary, ses enfans n'avoient ce droict d'y pouvoir renoncer, s'il n'estoit expressement porté par le contract qu'ils y pourroient renoncer.

Sur ceste contestation le Preuost de Paris ou son Lieutenant Civil auroit appointé les parties en droict : duquel appointment le Grand auroit appellé, en cause d'appel présenté requeste, afin d'euoquer le principal. La Cour sur l'appel interjetté par le Grand de l'appointment en droict, mit l'appellation, & ce dont estoit appellé au neant. En emendant & corrigeant le iugement, a euoqué & euoque le differend principal pendant entre les parties pardevant le Preuost de Paris, & y faisant droict

ladite des Marests est deboutée de ses demandes, fins & conclusions; & sans despens. Prononcé en robes rouges le 22. Decembre 1607. par Monsieur le premier President de Harlay, lequel apres la prononciation dict: Apprenez Aduocats, que les contractz se doiuent entendre nuëment & simplement selon qu'ils sont conceuz par escrit, sans les pouuoir estendre d'auantage, ny y apporter interpretation ou intelligence autre que celle qui resulte de la droicte & naïue signification des termes portez par lesdits contractz. *pro hac re vide l. quicquid astringenda. ff. de verb. obliga. l. epistola. §. inofficioso. ff. de pact.*

De la clause, Aduenant la dissolution de mariage.

Il y a eu vn autre arrest fort remarquable donné en l'Audience, plaidant Monsieur de Lamet Aduocat en la Cour, pour Iean Verbrye marchand bourgeois de Paris, appellant du Preuost de Paris ou son Lieutenant ciuil, d'une part: contre Iean Brice au nom & commetuteur des enfans mineurs de feu Estienne Quentin & de Catherine Brice, d'autre.

Le faict estoit tel: Que ladite feuë Catherine Brice estant vefue dudit Quentin, conuola en secondes nopces avec ledit Verbrye: Par leur contract de mariage ils auoient stipulé & accordé, que aduenant la dissolution du mariage, la future espouse pourroit renoncer à la communauté, & ce faisant remporter franchement & quittement sans charge d'aucunes debtes, tout ce qu'elle auroit apporté, & ce qui luy seroit échue par succession directe ou collaterale pendant & constant la communauté. Quelque temps apres le mariage consommé ladite Brice vient à deceder la premiere, delaisant pour ses heritiers les enfans de son premier liët; lesquels ayans recogneu la succession de leur mere estre fort chargée de debtes, renoncent à la communauté; ce faisant se constituent demandeurs contre ledit Verbrye leur beau-pere, à ce qu'il leur fust permis de reprendre franchement & quittement ce que leur mere luy auoit apporté en faueur de mariage.

Ce qu'ayant esté empesché par ledit Verbrye, le Preuost de Paris ou son Lieutenant Ciuil, auroit appoincté les parties en droict: Duquel appoinctement ledit Verbrye auroit appellé; en cause d'appel présenté requête à fin d'euoquer le principal. Le tuteur pour ses moyens disoit, que la mere de ses mineurs ayant stipulé par son contract de mariage, qu'aduenant la dissolution d'iceluy, elle pourroit remporter franchement sans charges de debtes ce qu'elle auoit apporté, que cela *transit ad heredes, & maxime ad filios*. Et ne seruoit de dire que ceste question auoit esté iugée par plusieurs arrests: respondoit qu'au cas desdits arrests il estoit parlé en cas de suruiuance de la femme, & *sic cogitatum de sola femina*, & que le rapport n'estoit qu'en ce seul cas qu'elle suruesquist; mais au faict qui se presente, il est dit simplement, en cas de dissolution: & partant n'ayant point esté parlé de la suiuiuance de la femme, on deuoit entendre, qu'aduenant que la femme predecadst son mary en delaisant des enfans, en ce cas les enfans auoient droict de reprendre tout ce qui auoit esté accordé à la femme par son contract de mariage.

Monsieur Seruin pour monsieur le Procureur General dit, que la que-

stion auoit esté si souuent iugée, qu'il ne falloit plus en douter: Encores moins nécessaire d'apporter & mettre difference entre ces mots, Surui- uance & Dissolution; estant tres-certain quand on parle qu'aduenant la dissolution de mariage la femme pourra renoncer à la communauté, y renōçant remporter franchement & quittement ce qu'elle aura apporté, la suruiuance y est assez entenduë. Car comment pourroit la femme renō- cer & reprendre si elle ne suruiuoit? Les contractz se doiuent entendre cō- me ils sont conceuz, *Et in his casus omissus pro omisso habetur, neque contra- ctus de persona ad personam extenduntur*: Comme pareillement les stipula- tions personnelles, *non transeunt ad heredes: at stipulatio qua venit à lege*, comme la faculté de renoncer, *transit ad heredes*; la faculté de remporter en renonçant, *quia venit ex vi contractus, non transit*.

Finalemēt, la Cour sur l'appel interiecté par ledit Verbrye de l'ap- pointement en droict, mit l'appellation & ce dont estoit appellé au neant: En emendant & corrigeant le iugement, a euoqué & euoque le different principal pendant entre les parties pardeuant le Preuost de Pa- ris, & y faisant droict, a enuoyé & enuoye absous ledit Verbrye appel- lant des fins & conclusions contre luy prises par les intimez, & sans des- pens. Et depuis l'arrest prononcé, l'Aduocat des intimez demanda pour les parties qu'elles fussent receuës à accepter la communauté desdits de Verbrye & Catherine Brice leur mere, nonobstant la renonciation qu'ils y auoient faicte, à quoy ils soustenoient estre bien fondez. La Cour sur lesdites demandes incidemment faictes auroit permis ausdits incimez d'accepter la communauté. Prononcé en Parlement par Monsieur le President Blanmesny le Ieudy 3. Feurier 1611. N. B.]

93
La renon-
ciation à la
commu-
nauté per-
mise à la
femme par
la Coustu-
me, est trās-
missible à
son heritier.

Bien est vray que les heritiers collateraux de la femme seront receuz à renoncer à la communauté de biens, selon qu'il est permis à la femme par le 237. article de la nouvelle Coustume de Paris: comme ceste re- nonciation n'estant personnelle, ny vn priuilege personnel; ains vne fa- culté transmissible à tous les heritiers de la femme, soit en ligne directe ou collaterale. Ainsi qu'il a esté iugé par arrest donné en plaidoyrie en la Coustume de Meaux, le 15. Autil, 1567. entre Iacques Billette & sa fem- me: Par lequel la Cour mit l'appellation, & ce dont estoit appellé, au neant, sans amende; condamna l'intimé és despens de la caule d'appel: En en emendant le iugement, receut l'heritier, sœur de la feuë femme de l'intimé, à renoncer à la communauté, qu'elle eust peu prendre avec ledit intimé ou ses heritiers: En ce faisant deschargea les propres de la defuncte, des debtes contractées durant la communauté, pourueu qu'el- le n'y fust interuenüë, & qu'elle n'y eust parlé. Et ordonna que si aucuns desdits propres auoient esté pris, saisis, ou alienez pour raison desdites debtes, ils fussent rendus à ladite heritiere. Aussi fut ordonné que ledit ar- rest seroit leu & publié au siege du Baillage de Meaux, & autres sieges y ressortissans, à iours de plaids ordinaires, & iceux tenans; à ce que cy- apres on n'en puisse pretendre cause d'ignorance.

94
Difference

Tellement qu'il y a grande difference entre la renonciation permise par le contract de mariage, & la renonciation permise par la Coustume. Car

au premier cas l'heritier de la femme reprend tout ce que la femme a apporté en mariage, & tout ce qui luy est aduenü pendant iceluy, tant meubles que immeubles, sans estre subiect à aucunes debtes, soient pures mobilières, comme sommes de deniers; ou immobilières, comme rentes constituées; encores que la femme eust parlé à icelles: dont le mary, ou l'heritier du mary est tenu acquiter, garantir, & indemniser la femme ou son heritier. Mais au cas de renonciation permise par la Coustume, l'heritier ne reprend point les meubles apportez par la defuncte; d'autant qu'ils sont entrez en la communauté, à laquelle il renonce; ny pareillement les heritages par elle ameublis & faicts conquests. Et ledit heritier ne reprend que les heritages propres de la defuncte. Et si la femme est suruiuante, & suiuant la Coustume, & à cause de la faculté, qui luy est donnée par icelle, renonce à la communauté, elle ne prend avec ses propres que son douaire; si autrement n'est conuenü par contract de mariage. A ce est expres le 206. article de la nouvelle Coustume d'Orleans.

Et combien qu'on ait cy-deuant tenu, que quand la femme, suiuant la Coustume de Paris, renonçoit à la communauté de biens d'entre son mary & elle, elle n'estoit franche & quitte, sinon des debtes de la communauté, esquelles elle n'auoit point parlé, & ausquelles elle n'estoit tenue payer moitié, sinon à cause de l'apprehension de la communauté: Mais si la femme auoit parlé, & estoit solidairement obligée avec son mary, à aucunes debtes contractées, ou à aucunes rentes constituées, pendant leur mariage & communauté, & que la femme renonçast à la communauté, ou bien son heritier y renonçast, ladite femme estoit tenue payer moitié des debtes, pareillement des rentes constituées, esquelles elle auoit parlé & estoit obligée: sans pour ladite moitié auoir aucun recours contre son mary, ny l'heritier de son mary: comme pour icelle moitié tenue en son nom, & de son chef, & non à cause de la communauté: Aussi la femme ne se pouuant plaindre, que son heritage propre sera vendu: parce que s'obligeant elle a hypothéqué son propre, & consenty la vendition d'iceluy, à faute de payement de la dette par elle contractée. Toutesfois depuis a esté iugé par Messieurs des Requestes du Palais: Que la femme qui s'est obligée avec son mary à aucunes debtes personnelles, ou à aucunes rentes constituées; les deniers desquelles sont entrez en la communauté, à laquelle apres le trespas de son mary elle a renoncé. Si ladite femme, apres le deceds de son mary, est pouruiue pour le payement des dites debtes ou rentes, & est contraincte payer la totalité, ou moitié, ou autre portion d'icelles, elle a recours & action contre les heritiers de son mary, à fin d'entierement l'indemniser, acquitter, & garantir. N'estant raisonnable qu'elle paye aucunes debtes ou rentes deuës par la communauté, attendu qu'elle a renoncé à icelle, & perdu tout ce qu'elle auoit apporté en ladite communauté: ne reprenant que ses propres & son douaire. Aussi que les deniers des dites debtes ou rentes sont entierement entrez en la communauté: les biens de laquelle sont du tout prins par le mary, ou heritier du mary, ou par le curateur créé aux biens vacans du mary. Ioinct qu'il est facile à vn mary, ou bon, ou seuer, ou accort,

entre la renonciation à la communauté permise à la femme par contract de mariage, & celle qui est permise par la Coustume.

95
Anciennement la femme estoit tenue payer moitié des debtes, esquelles elle auoit parlé, & n'auoit aucun recours.

96
Que la femme qui a renoncé à la communauté, a recours contre son mary pour les debtes esquelles elle a parlé.

97
L'heritier
de la fem-
me a pareil
recours.

de faire parler & obliger sa femme, és debtes qu'il créera, ou rentes qu'il constituera. Et ce que dessus doit estre gardé, non seulement en la femme, mais aussi en son heritier, qui suiuant la Coustume renonce à la communauté de biens d'entre le mary & la defuncte femme: lequel agira contre le mary suruiuant, tout ainsi que la femme, si elle eust surueſcu, eust agy contre l'heritier de son mary. Ainsi est porté par le 27. art. de la nouvelle Coustume de Sedan, & par les 205. & 206. articles de la nouvelle Coustume d'Orleans. Lesquels articles plusieurs sont d'aduis de suiure, comme declaratifs de la nouvelle Coustume de Paris, suiuant laquelle ladite nouvelle Coustume d'Orleans a esté dressée, & à icelle conformée. Et ce que dessus, s'il n'y a raison apparente du contraire, à ſçauoir que les deniers procedez de la debte créée, ne soient point entrez en la communauté, ains ayent esté employez au payement des debtes, procedans du chef de la femme, à cause des reliefs deubs des fiefs qui luy estoient aduenus en ligne collaterale, ou en l'acquit des debtes du defunct pere de la femme.

98
Si la femme
qui a renon-
cé à la com-
munauté,
n'a recours,
sinon sur les
biens de la
commu-
nauté, pour
les debtes &
rentes, es-
quelles elle
a parlé.

Mais il peut sembler au cas susdit, quand il n'y a aucune promesse d'indemnité faite par le mary, à la femme, que la femme ne peut auoir recours contre l'heritier de son mary, ou bien l'heritier de sa femme, contre le mary suruiuant, sinon sur les biens de la communauté, & iusques à la concurrence des biens d'icelle communauté, en laquelle sont entrez les deniers procedez des debtes personnelles, ou des constitutions de rente esquelles la femme a parlé. Non pas que la femme, ou son heritier puisse auoir recours sur les heritages propres du mary: Attendu qu'en cas de rachapt faict pendant le mariage des conioincts, & durant leur communauté, de rentes propres à la femme, ou d'alienation faicte pendant ledit mariage & communauté d'heritages propres de la femme, dont remploy n'a esté stipulé par le contract de mariage; la femme, ny son heritier n'a recours, & ne peut demander recompense, sinon sur les biens de la communauté en laquelle les deniers prouenus du rachapt, ou alienation des rentes ou heritages propres de la femme, sont entrez, & desquels la communauté est enflée, comme il est porté par le 232. article de la nouvelle coustume de Paris, & qu'il sera cy apres déclaré. Tellement que si à cause des debtes personnelles, ou constitutions de rentes esquelles la femme a parlé avec son mary, la communauté d'entre le mary & la femme n'a ressenty aucun profit, ny emolument quelconque, parce que c'estoient responses faites pour quelques parens & amis, qui ont touché les deniers: il semble qu'en ce cas la femme, ou l'heritier de la femme, encores qu'ils ayent renoncé à la communauté apres la dissolution du mariage estans poursuiuis pour leſdites rentes ou debtes, n'auront aucun recours contre le mary, ou l'heritier du mary, pour la portion afferente à payer par ladite femme, ou son heritier, à cause desdites rentes ou debtes personnelles; encores que ladite femme ou son heritier ait cession d'actions du creancier: Comme le dommage de la response, & obligation passée par le mary & la femme estant commun & diuisible entr'eux; & qu'en ce cas les causes & raisons du recours cessent.

Neant-

Neantmoins on tient pour certain, quand le denier est entré en la communauté, que la femme ou son heritier qui a renoncé à la communauté, a son recours solidaire contre l'heritier du mary, ou contre le mary s'il est suruiuant: & que ledit recours leur est baillé en termes généraux par les articles de Coustumes cy-dessus alleguées. Et dient que la concurrence des biens de la communauté d'entre l'homme & la femme, n'est aucunement considerable pour le regard du mary: d'autant qu'il est maistre des biens de la communauté, en a l'entiere administration, & libre disposition. Et s'il ne l'a bien administrée, en sorte que les biens d'icelle ne soient suffisans, pour satisfaire aux creanciers, il se le doit imputer. Tellement que la faute prouient de la part du mary, & non de la femme: & si les deniers ne sont aucunement entrez en la communauté, parce que c'estoient des responses, faites pour des parés & amis; la femme pour sa contingente portion n'aura aucun recours contre son mary, ny sur les biens de la communauté, comme dit est. Et la raison en peut estre, parce qu'en ce cas, tant le mary, que la femme ont leur recours tout euident contre ceux, pour lesquels ils se sont obligez: desquels à ceste fin ils ont pris, ou deu prendre lettres d'indemnité.

99
Si la femme qui a renoncé à la communauté, a recours solidaire pour les rentes & debtes esquelles elle est obligée.

Et pour monstrier que l'exception de n'estre tenu, que iusques à la concurrence des biens de la communauté, n'est point pratiquée pour le regard du mary, ny de son heritier, comme elle est pratiquée pour le regard de la femme & de son heritier: Il est certain par le 221. article de la nouvelle Coustume de Paris, que le mary, à cause de la communauté, est tenu personnellement de payer les debtes mobilières deües à cause de sa femme, faictes & créées par sadite femme auparauant leur mariage, & qu'il en peut valablement estre poursuiuy pendant leur mariage: Et apres la dissolution d'iceluy, est tenu payer moitié desdites debtes: pour le payement de laquelle moitié seulement il peut estre actionné, quand la femme suruiuante a pris communauté apres le trespas de son mary; ou bien quel heritier de la femme a accepté la communauté. Et tout ainsi que le mary pendant le mariage, estant poursuiuy pour le payement des debtes de sa femme, ne peut se delcharger du payement du total desdites debtes: *quia anaritus ducendo uxorem videtur contraxisse cum creditoribus uxoris, quem admodum haeres, adeundo hereditatem, censetur contraxisse cum creditoribus hereditarijs*: De mesme ledit mary, apres la dissolution de leur mariage, ne se peut liberer du payement de la moitié du total d'icelles debtes. Et n'est receuable à offrir de payer lesdites debtes, iusques à la concurrence des biens que sa femme a apporté en la communauté: ou iusques à la concurrence du profit & emolument, que le mary a eu des biens de sa femme; ou mesmes iusques à la concurrence des biens de ladite communauté: encores toutesfois que la femme, apres le trespas de son mary, ne soit tenuë au payement des debtes mobilières, faites & créées par son mary, auparauant leur mariage, sinon iusques à la concurrence des biens de la communauté: suivant ledit 221. article de ladite Coustume de Paris. Et ainsi pour le regard dudit mary, a esté iugé au Chastelet de Paris. Et qui plus est, si la femme suruiuante renonce à la communauté

100
Comme le mary peut estre poursuiuy pour les debtes de sa femme, tant pendant le mariage qu'apres la dissolution d'iceluy.

té, l'heritier du mary sera tenu acquiter ladite femme, & pour elle payer toutes debtes mobilières, qu'elle auoit faites & créées auparauant son mariage: Et ce, suiuant la sommation que ladite femme fera audit heritier, des poursuittes contre elle faictes par ses creanciers. Attendu que l'heritier du mary prend à son profit tous les meubles, & debtes mobilières actiues de la femme. Tous lesquels meubles & debtes actiues sont entrez en la communauté d'entre le defunct mary & la femme, & demeurent entierement au profit de l'heritier du mary; lequel ne peut renoncer à la communauté, ny dire qu'il n'est tenu que iusques à la concurrence des biens d'icelle, comme cy-dessus a esté monstré. Et le semblable sera dict si la femme predecède, & son heritier renonce à la communauté.

101
*Quand est
 conuenu
 que le mary
 & la fem-
 me séparé-
 ment paye-
 ront leurs
 debtes fai-
 tes aupara-
 uant leur
 mariage.*

Partant vn mary, pour se descharger du payement des debtes mobilières deuës par sa femme, auparauant qu'elle contractast mariage avec luy, doit stipuler par son contract de mariage, que les deux conioincts payeront séparément leurs debtes, faites au precedent leur mariage; & faire faire inuentaire des biens que la femme aura apporté en mariage: representant lesquels biens contenus en l'inuentaire, ou l'estimation d'iceux, le mary sera quitte des debtes de sa femme. Aussi la femme, par le moyen de la conuention & stipulation susdite, pourra empescher que les biens meubles, qu'elle aura apportez en mariage avec son mary, contenus en l'inuentaire, qui en aura esté faict peu auparauant les espousailles & benediction nuptiale, soient prins par execution, quoy que ce soit vendus, pour les debtes de son mary precedentes leur mariage. Car encores que lesdits biens meubles, nonobstant la conuention susdite, soient entrez en communauté, de laquelle le mary est maistre & seigneur: toutesfois c'est à la charge expresse, qu'ils ne seront point tenus, saisis, ny vendus pour les debtes contractées par son mary, auparauant leur mariage. Non plus que les meubles du mary ne peuuent estre prins par execution, ny vendus pour les debtes de la femme, contractées auparauant leur mariage, quand il est conuenu, que les deux conioincts payeront séparément leurs debtes, faites auparauant leur mariage: comme il est expressement porté par le 122. art. de la nouvelle Coustume de Paris, en ces mots, Auquel cas ils demeureront quittes representans l'inuentaire ou l'estimation d'iceluy. Lesquels mots il conuient entendre, tant du mary, que de la femme; attendu que la conuention est reciproque, & faite autant en faueur de la femme, que du mary. Ce qui est remarquable. Et pour donner plus d'effect à la conuention susdite, il sera bon, à la fin d'icelle, mettre ces mots: Et ne pourront les meubles, ny immeubles de l'un desdits futurs conioincts estre saisis, ny vendus pour les debtes de l'autre precedentes leur mariage, ny pour lesdites debtes, l'un estre poursuivy pour l'autre. Et combien qu'en l'inuentaire faict des biens meubles apportez par la femme en la communauté, ne soient cōpris les deniers comptans qu'elle a baillez à son mary en faueur de mariage: Toutesfois sur lesdits deniers comptans seront payées les debtes de la femme precedentes le mariage; aussi bien que sur les autres meubles, contenus en l'inuentaire

102
*Sur les de-
 niers baillez
 en mariage
 au mary,
 doiuent estre
 payées les
 debtes de la
 femme.*

des biens apportez par la femme : parce que lesdits deniers ont deu estre couchez audit inuentaie, comme les autres meubles, & l'obmission d'iceux est notoirement frauduleuse.

Aussi combien que la conuention & stipulation susdite porte, que les futurs espoux ne seront tenus des debtes & hypotheques l'un de l'autre, faictes & creées auparauant la cōsommation de leur futur mariage: Toutefois s'il y a communauté entr'eux, pour le temps subsequant ladite cōsommation de mariage; & soit dit par leur contract qu'ils seront vns & communs, selon la Coustume de la Preuosté & Vicomté de Paris, & se soient prins aux biens & droicts à chacun d'eux appartenans, comme ordinairement il se pratique.

103
Le mary est tenu payer les arrerages des rentes de sa femme escheuz pendant le mariage.

Il est certain que le mary qui ioiuit de tous les biens, tāt meubles qu'immeubles de sa femme, & prend les fruiets, profits, reuenus, & émolumēs d'iceux, est tenu payer & continuer tous les arrerages des rentes tant foncières, que constituées deües par sa femme, escheuz depuis le iour de leur mariage, & qui escherront pendant iceluy. *Nec enim ferendus est qui lucrū amplectitur, onus autem ferre recusat*, comme dit l'Empereur in l. unica. §. pro secundo. C. de caduc. tollen. l. secundum naturam. ff. de reg. iur. Et quant aux arrerages desdites rentes, escheuz au precedēt le mariage, ensemble les debtes passües de la femme creées auparauant leur mariage, elles se doiuent prendre, par le moyen de la conuention susdite, sur les biens contenus en l'inuentaie qui a esté faict des biens apportez par la femme en la communauté: lesquels inuentaie & biens, est besoin que le mary represente, ensemble les deniers cōptans qui luy ont esté baillez en faueur de mariage, cōme faisans portion des biens apportez par la femme, soit qu'ils soient cōpris en l'inuentaie, ou d'oleufement on les ait obmis, ainsi qu'il a esté dit cy-dessus. Et où il n'y auroit inuentaie faict apres le contract de mariage, & auparauant la consommation d'iceluy, & que *maritus in libellum non contulerit res ab uxore in domum eius illatas, eique subscripserit*, suiuant la loy, *si ego. §. plane. ff. de iure dot.* ou bien à faute de representation des biens contenus audit inuentaie; le mary est tenu payer les debtes creées par la femme auparauant leur mariage. Aussi à faute d'inuentaie faict, la conuention susdite ne fera aucun preiudice aux creanciers ny du mary, ny de la femme: mais ladite conuention seruira aux futurs cōioincts, seulement pour apres la dissolution de leur mariage, reprendre sur les biens l'un de l'autre les deniers qui auront esté respectiuelement prins en la communauté, pour acquitter les debtes de l'un & de l'autre precedentes leur mariage, *l. ait prætor. §. si cum mulier. l. omnes. §. si vir uxori. l. si. §. si à socero. ff. qua in frau. credi.* Et le mary de sa part est tenu faire inuentaie en presēce de sa femme de ce qu'il a apporté en la communauté, & en doit prendre reconnaissance & quittance, aussi biē que la fēme; à tout le moins doit faire inuentaie en la presēce de sa future espouse. Et ny la femme ny le mary ne seront receuables à verifïer par tesmoins cōtre les creanciers, ce qu'ils ont apporté en mariage, ny pour leur regard s'exempter de payer des debtes precedentes le mariage, parce qu'ils ont obmis la forme prescrite par la Coust. qui est la cōfection d'inuētaire des biēs aportez en la communauté.

104
La confession d'inuentaie est nécessaire pour exempter le mary du payement des debtes de sa femme

Et l'inventaire faict quelque peu auparavant le contract de mariage, seroit aucunement considerable: toutesfois ce n'est satisfaire à la Coustume, & falloit recollement; parce que depuis la confection d'iceluy on peut avoir vendu plusieurs meubles & receu plusieurs debtes actives. Aussi que les debtes passives ne sont declarées en l'inventaire.

Et suivant ce que dessus, si le second mary est adiourné pour reprendre le proces intenté contre sa femme, soit par escrit, ou vne appellation verbale; & allegue qu'il n'est tenu le reprendre, parce qu'il est question de dette precedente son mariage, de laquelle par son contract il n'est point tenu: on luy replique qu'il n'a pas faict inventaire des biens apportez en la communauté par sa femme, partant qu'il ne se peut ayder de la convention susdite contre les creanciers. S'il allegue inventaire faict ou autres causes, la femme est autorisée par Iustice, sauf à demander l'exécution de l'arrest tant en principal, que despens contre le mary & sur les biens de la communauté, & ses defenses au contraire. Ainsi qu'il fut ordonné par arrest donné en plaidoyrie le Ieudy 24. Septembre, 1592.

705
*Quand
 chacun des
 mariez doit
 reprendre
 ce qu'il a
 apporté en
 mariage.*

Et la susdite confection d'inventaire a lieu non seulement es cas susdits, mais mesmes est necessaire d'une part & d'autre, quand l'homme & la femme ont contracté mariage, aux biens & droicts qui leur appartiennent, qu'ils promettent apporter l'un avec l'autre, dedans le iour de leurs espousailles; sans toutesfois que les biens, qui ainsi seront par eux, & chacun d'eux portez l'un avec l'autre, soient aucunement communs entr'eux; ny que l'un des futurs mariez, ny leurs hoirs, & ayans cause y puissent pretendre, ou demander l'un sur l'autre aucun droict, part, & portion: ains seront iceux biens reprins par chacun desdits futurs mariez ou leurs heritiers, au iour de la dissolution de leur futur mariage, tels & ainsi que chacun d'eux les auront portez l'un avec l'autre ensemble. Et à ceste fin les futurs conioincts feront inventaire de ce qu'ils apporteront, ou recollement de leurs inventaires en la presence de chacun d'eux. Aussi quand il est convenu, que les debtes passives que les futurs espoux peuvent à present devoir, & devront au iour de leurs espousailles, chacun d'eux sera tenu les payer sur ses biens, & droicts qu'il aura apportez, sans que les biens de l'autre y soient aucunement tenus: duquel payement desdites debtes seront prises quittances, pour en faire diminution sur les biens de celui, qui les aura créées: Et quant aux biens meubles & immeubles, que les futurs mariez amasseront & acquerront ensemble, durant leur futur mariage; est accordé qu'ils seront vns & communs entr'eux, selon les vz & Coustume de la Ville, Preuosté, & Vicomté de Paris: En laquelle communauté y entrera le profit, qui prouindra de tout ce qu'ils porteront l'un avec l'autre, tant en argent, meubles, debtes, creances, & autres choses mobilières, que reuenus de leurs heritages, & arrerages de rentes, qui leur appartiennent de present, & leur appartiendront, & adviendront, & escherront durant & constant leur futur mariage. Es cas des clauses cy-dessus recitées, chacun doit reprendre sur les biens de la communauté avant partage, ce qu'il a apporté, s'il est en nature; ou la valeur & estimation d'iceluy: & le surplus

des biens de la communauté doit estre partagé également entre l'homme & la femme, ou leurs heritiers. Ce qui est vray quand la femme prend communauté. Mais si elle ou bien ses heritiers renoncent à la communauté, comme il leur est permis par la Coustume, d'autant que l'acceptation d'icelle leur seroit dommageable: en ce cas le mary, qui prend entièrement les biens de la communauté, qui a esté maistre d'icelle, en a eu la libre disposition, qui a receu les biens apportez par la femme, en a baillé quittance; est tenu rendre les biens ainsi apportez par la femme, encores qu'expressément il ne soit obligé à la restitution d'iceux: parce que celuy qui reçoit est tenu de rendre: & qu'il n'est pas dit, que les biens apportez seront repris sur les biens de la communauté; mais est dit en termes generaux, qu'ils seront repris.

Que la femme ne peut demander les biens qu'elle a apportez, sinon à celuy *apud quem extant, aut extare debent sine causa*, auquel elle les a baillez. Que le mary n'en a peu disposer au preiudice de sa femme. Ioint qu'on ne peut objecter à la femme la communauté, parce qu'elle n'a point eu de communauté avec son mary. En tout euenemēt estoit creanciere de la communauté, partant son heritier deuoit estre payé par le mary, auquel tous les biens de la communauté appartenoient. Et pour euitter par le mary à ce que dessus, deuoit estre conuenu que chacun reprendroit sur les biens de la communauté, ce qu'il auroit apporté, laquelle communauté la femme ou ses heritiers seroient tenus accepter à perte ou gain, sans y pouuoir renoncer. Aussi la femme au cas susdit, pour euitter à tous doutes & difficultez, deuoit stipuler qu'elle ou ses heritiers pourroient renoncer à la communauté: Et en cas de renonciation, que le mary ou ses heritiers seroient tenus leur rendre franchement & quittement tout ce qu'elle auroit apporté en mariage, ensemble tout ce qui luy seroit aduenü pendant iceluy, comme ordinairement on met és contrats de mariage.

Si par le cōtract de mariage il a esté accordé entre les futurs conjoints, qu'il sera fait inuentaie d'une part & d'autre, de tous les biens qui sont communs entr'eux & leurs enfans, parce qu'ils auoient enfans respectiuellement de leur premier liēt: & apres leur mariage consommé, aduenant la dissolution d'iceluy, que les inuentaies seront remplis, & que chacun desdits conjoints ou leurs heritiers prendront le contenu de leurs inuentaies par preciput sur la communauté des biens, qui sera au iour du trespas du premier mourant: En ce cas, d'autant que la reprise & remplissement des inuentaies est assigné & limité sur les biens de la communauté, s'ils ne sont suffisans pour les remplir, la perte & dommage des biens apportez, doit estre esgalement portée entre l'homme & la femme, & ne peut-on s'adresser sur les propres du mary, qui n'y sont aucunement obligez, si de sa part n'y a dol ou mal-versation. Si l'inuentaie de la femme le monte dauantage, que celuy du mary, il est raisonnable qu'elle prenne dauantage és biens de la communauté, que le mary, comme y ayant lieu de contribution au sol la liure.

Si par le contract de mariage est conuenu qu'il n'y aura aucune com-

munauté de biens entre l'homme & la femme, soit pour le passé, ou pour l'aduenir: En ce cas le mary ne sera aucunement tenu des debtes de la femme créées auparauant, ou constant le mariage. Pareillement la femme ne sera point tenuë des debtes du mary, soient precedentes, ou subsequentes le mariage: & les parties seront és termes du tiltre, *ne uxor pro marito, vel maritus pro uxore*, au Code.

Il a esté cy-dessus dit, que la femme qui est solidairement obligée avec son mary, au payement d'une rente par eux constituée, laquelle renonce à la communauté, a son recours contre l'heritier de son mary, pour entierement recouurer ce qu'elle est contrainte de payer en vertu de l'obligation susdite: d'autant que les deniers receus à cause de la constitution de rente, sont entrez en la communauté, les biens de laquelle appartiennent entierement à l'heritier du mary. Ce qui se doit entendre, quand l'obligation est bonne & valable, & que par icelle la femme est valablement obligée.

106

La femme obligée a recours contre les heritiers de son mary, qui ont la communauté, quand elle est valablement obligée.

A sçauoir, lors que deuëment autorisée de son mary, elle s'est solidairement obligée avec luy, au payement & continuation de la rente, de laquelle est question; a renoncé au benefice de diuision, ordre de droict, & de discussion: mesmes au droict de Velleian, & benefice de l'authentique *si qua mulier*, qui luy ont esté donnez à entendre par les Notaires estre tels, qu'une femme ne se peut obliger, respondre ne interceder pour autrui, mesmes pour son mary, sans spécialement renōcer ausdits droicts & benefice; autrement qu'elle en peut estre releuée: Aussi estre renoncé à tous autres droicts & priuileges faicts & introduits en faueur des femmes: Et ne puisse estre aucunement releuée de ladite obligation, parce qu'elle a esté passée du gré & vouloir de la femme, sans aucune force ne cōtrainte du mary: aussi sans dol, fraude, inductiō, ne seductiō: Auquel cas il est certain que la femme est aussi valablement obligée que le mary; autrement tous creanciers, contractans avec l'homme & la femme mariez solidairement obligez, seroient deceuz & circōuenus. Car si ladite femme n'est valablement obligée, & en la forme que dessus, l'heritier de sondit mary soustiendra contre elle, qu'elle n'est receuable audit recours, parce qu'elle a des defenses de son chef, qu'elle a deu proposer contre le creancier, suivant la loy, *si obligata. C. de emict.*

107

Si la femme obligée solidairement avec son mary à une rente, qui n'a point renoncé au Velleian & à l'authentique, est tenue au payement de

Mais on a demandé quand vne femme qui est solidairement obligée avec son mary, de luy deuëment autorisée, au payement & continuation de cent escus de rente chacun an, moyennant douze cens escus qui leur ont esté payez & comptez; laquelle n'a point renoncé au Velleian, ny à l'authentique *si qua mulier*: & apres le decés de son mary, a renoncé à la communauté de biens d'entre le defunct & elle: Si en ce cas la femme, encores qu'elle ne soit tenuë au total de la rente, parce qu'elle n'a pas renoncé au Velleian, & à l'authentique *si qua mulier*, est pas tenuë enuers le creancier en la moitié de ladite rente. *Primò*, parce que le creancier a suivi la foy, tant de la femme que du mary, & que ladite femme est principalement obligée pour moitié de ladite rente: comme son mary & elle estans *duo rei debendi, quorum quisque pro mediaparte est principaliter obligatus*.

tus, & pro alia dimidia inuicem inter se fideiussisse consentur. l. xcos. §. cum ta- moitié de la
bulis. ff. de duob. reis. Estant certain qu'en obligations principales, & deb- rente renon-
 tes deuës par la femme de son chef, le benefice de Velleian, & l'authen- çant à la
 tique *si qua mulier*, n'ont point de lieu, mais ont lieu *in intercessionibus tan-* communau-
tum. l. 2. l. si aduersarius. C. ad Velleianum. té.

Secundò, parce qu'au cas susdit, la femme constituant rente avec son 108
 mary, & s'obligeant au payement d'icelle, elle se dessaisit de ses heritages, En obliga-
 iusqu'à la concurrence de ce qu'elle doit de ladite rente, qui est pour le tions princi-
 moins la moitié, & est censée vendre de ses heritages iusqu'à ladite con- pales le Vel-
 currence. Or il est certain qu'en cas de vendition, permutation, donation, leian n'a
 ou autre contract, que fideiussion & intercession, le benefice de Velleian point de
 & authentique *si qua mulier*, n'ont point de lieu. Partant la femme ne peut lieu.
 valablement dire qu'elle ne doive la moitié desdits cent escus de rente. l.
Senatusconsult. §. sed si pradia. C. ad Velleianum. l. sed si ego. l. bona fide. ff. eod.

Tertiò, au cas susdit la femme *in rem suam & in commodum sui, saltem pro* 109
media parte contrahere censetur: parce qu'on presume qu'elle a eu moitié Le Velleian
 des deniers baillez, à cause de la constitution de rente, ou bien n'a lieu
xit in rem communem, à cause de la société & communauté qui est entre quando
 son mary & elle, auquel cas le Velleian & l'authentique *si qua mulier*, cōtrahitur
 n'ont point de lieu, *propter ius communionis, quod est individuum, & inter* in rem cō-
socios, vel rem communem habentes cessat Velleianum. l. vir uxori. §. si. in munem,
princ. ff. ad Velle. vel contra-
 hentes sunt
 socij.

Quartò, quand vn homme & vne femme prennent ensemblement de-
 niers pour achepter vn heritage, & solidairement s'obligent au paye-
 ment desdits deniers, encores que la femme n'ait renoncé au Velleian, ny
 à l'authentique *si qua mulier*, la femme est tenuë au payement de la moi-
 tié desdits deniers. Consequemment est tenuë au payement de la moitié
 desdits cent escus de rente, selon le texte, *in d. l. vir uxori. §. fin. versic. et si*
in aliquam emptionem. ff. ad Senatusc. Velleianum.

Quintò, si la femme auoit renoncé au Velleian & à l'authentique *si qua* 110
mulier, (cōme il luy est loisible de renoncer) *l. si. §. fin. ff. ad Senatusc. Vell. l.* La femme
fi. C. quādo mulier tut. offi. il est certain qu'elle seroit tenuë au total des cent peut renon-
 escus de rente, desquels est question. Partant n'y ayant renoncé elle ne cer au Vel-
 peut estre deschargée que de moitié de ladite rente, pour laquelle moitié leian.
 le contract est reputé intercession, & pour l'autre moitié vne principale
 obligation conceüe au nom de la femme autorisée de son mary, *cum*
utile per inutile non vitietur. l. i. §. sed si mihi, ff. de verbo. obligat. Mesme-
 ment que les femmes & les Notaires le plus souuent ne sçauent que c'est
 du Velleian ny de l'authentique *si qua mulier*. Et la femme aussi facile-
 ment eust renoncé aux droits susdits, si on luy eust parlé qu'elle s'est
 obligée au total de la rente. En sorte que l'obmission de la renonciation a
 esté erronément faicte par les Notaires, auxquels il sera bon sommer les
 exceptions & defenses proposées par la femme, à ce qu'ils soient con-
 damnez les faire cesser, comme prouenans par leur faict, faute & coulpe,
 & à faute de ce faire soient condamnez en tous despens, dommages & in-
 terests.

111
Encontrasts
on conside-
re le temps
auquel ils
ont esté pas-
sés.

Sextò, il est notoire qu'en matiere de contracts, on considere le temps auquel ils ont esté faicts & passez, non pas ce que depuis est aduenue. Tellement que si depuis le contract de constitution de rente, l'homme & la femme mariez n'ont augmenté leurs biens & facultez, ains ayent encouru grand dommage & grosses pertes, par le moyen desquelles la femme ait renoncé à la communauté, cela n'est aucunement considerable pour le regard du creancier, auquel les cas fortuits ny mauuais succès ne peuuent estre objectez. *l. si filius famil. ff. de verbo. obligatio. l. quid ergo. §. sufficit. ff. de contra. tutel. act. l. sed an ultro. §. 1. ff. de negot. gest. l. fin. ff. de exerci. act.*

112
Velleianū
subuenit
mulieribus
deceptis,
non deci-
pientibus.

Septimò, le creancier dit que si la femme n'est aucunement tenuë au paiement des cent escus desquels est question, il sera deceu & circonuenue, & sa rente perduë. *Que Senatusc. Velleianum deceptis mulieribus, non autem decipientibus auxiliatur. l. 2. §. nam deceptis. & l. si decipiendi. ff. ad Velleianum.*

113
Au pays
coustumier
les femmes
sont en la
puissance de
leurs maris.

Toutesfois plusieurs sont d'aduis, que au cas susdit la femme n'est aucunement tenuë au creancier pour le paiement de la rente, de laquelle est question: comme le contract estant en tout vne vraye fideiussion, intercession & interuention faicte par la femme pour son mary: attendu que tous les deniers receuz à cause de la constitution de rente sont tournez au profit du mary seul. Ce qui se trouue veritable, soit qu'on considere le temps du contract, ou le temps subsequant le trespas du mary. Car il est certain, qu'au temps du contract la femme estoit en la puissance de son mary, comme sont toutes femmes mariées au pays coustumier de France: ainsi que dit Iean Fabre, *in §. 1. quod cum eo qui in al. Instit.* Aussi est notoire, que le mary est maistre & seigneur des biens de la communauté, & a la libre disposition d'iceux, ensemble des fructs des heritages propres de sa femme, sans que la femme, pendant le mariage, se puisse dire Dame des biens de la communauté, & ait aucune disposition d'iceux. Partant la presumption est, que le mary a seul receu, & seul disposé à sa volonté de tous les deniers prouenus de la constitution desdits cent escus de rente. A l'exemple du pere & du fils de famille, lesquels ensemblement empruntans deniers, & solidairement s'obligeans à la restitution d'iceux, on presume que le pere a entierement disposé desdits deniers. *l. si cum dotem. §. transgrediamur. ff. soluto matrimonio.* Si on considere le temps present, subsequant la mort du mary, il est euidant que la femme qui a renoncé à la communauté de biens d'entre son mary & elle, n'a eu aucun profit des deniers receuz, à cause de la constitution desdits cent escus de rente, lesquels sont entrez en la communauté, les biens de laquelle l'heritier du mary prend entierement. Ioint que toutes les loix cy-dessus alleguées ne parlent pas de la femme obligée avec son mary, ains de la femme obligée avec vn estranger. Aussi que par la disposition de droict commun n'y auoit communauté de biens entre l'homme & la femme: Et que la renonciation faicte par la femme à la communauté *videtur retrahi ad tempus matrimonij.* Tant y a que *verum est dicere, nihil in rem mulieris versum esse:* consequemment *Velleiano & Au-*

114
Le mary est
maistre de
la commu-
nauté.

thentica,

thentica, Si qua mulier, locū esse, adeo ut mulier nullo modo teneatur, suivant la loy i. ff. ad Velleianum, & l'authentique si qua mulier, Cod. eodem. Et au cas de present on ne peut valablement dire que la femme soit principalement en son propre nom obligée. Car *mulier proprio nomine obligata censetur, vel proprio nomine contractum habuisse dicitur, quando ad utilitatem suam contractus habitus est, vel ex eo commodum sensit. l. 1. & ibi gloss. in verbis, si proprio nomine. C. ne uxor pro marito.* Ce que n'estant au contract cy-dessus recité, ledit contract est vne vraye intercession faicte par la femme pour son mary, laquelle est du tout nulle, pour le regard du creancier, à faute de renonciation aux droicts susdits. Lesquels contenant vn droict & priuilege special, introduit en faueur des femmes, contenu au corps du droict, il est necessaire spécialement renoncer ausdits droicts, & les donner à entendre à la femme qui s'oblige. Tellement que la renonciation generale à tous droicts introduits en faueur des femmes ne seroit suffisante: aussi ce mot *renonçant, &c.* ne pourroit s'estendre au droict de Velleian, & authentique *si qua mulier. l. fin. §. ubi gloss. in verbo, non usuram. ff. ad Macedonianum. l. decurionibus de silentiariis & decurionib. lib. 12. Cod. l. etsi. §. quæsitum. ff. si quis caut. l. item apud Labeo. nem. §. ait prætor. ff. de iniuriis.*

Mais il est necessaire que la femme obtienne lettres Royaux, afin de proceder au iugement du proces, sans auoir esgard au contract susdit, comme estant vne vraye intercession faicte pour son mary, laquelle est nulle, à faute de renonciation faicte au droict de Velleian & authentique *si qua mulier.* Aussi que par le moyen dudit contract, n'est tournée aucune chose au profit de ladite femme. Et neantmoins la femme sans preiudicier aux defenses qu'elle pretend auoir de son chef, & lettres de restitution par elle obtenues, sommera la poursuite contre elle faicte à l'heritier de son defunct mary, à ce qu'il soit tenu entierement l'acquitter, garantir, & indemniser, comme il a esté cy-deuant deduit.

Et le semblable sera faict, si l'homme & la femme conioints par mariage, ont ensemblement pris vn heritage à rente, sans renoncer par la femme au Velleian & authentique *si qua mulier.* Parce que l'heritage pris à rente, entre entierement en la communauté, & audit heritage la femme pendant leur mariage, n'a eu aucun droict, ny pareillement apres le trespas de son mary, par le moyen de la renonciation qu'elle a faicte à la communauté.

Aussi le semblable sera faict, si la femme avec son mary a vendu l'heritage propre de son mary, & s'est solidairement obligée à la garantie dudit heritage, sans spécialement renoncer au droict de Velleian & authentique *si qua mulier.* Et que la femme apres le trespas du mary ait renoncé au droict de communauté de biens, qui estoit entre son mary & elle.

Si la femme apres le trespas de son mary a pris communauté, & par ce moyen amendé de moitié des deniers receuz, à cause de la constitution desdits cent escus de rente, ou bien eu moitié de l'heritage pris à rente, ou participé au denier prouenu de la vendition de l'heritage propre de

115
Quando mulier dicitur proprio nomine obligata.

116
Il faut spécialement renoncer au Velleian & à l'authentique, si qua mulier.

117
Quand la femme n'a renoncé au Velleian est besoin obtenir lettres pour casser le contract.

118
Quand l'homme & la femme mariez prennent heritage à rente.

119
Quand la femme s'oblige à la garantie de l'heritage propre de son mary.

120
La femme
obligée avec
son mary est
tenue à moi-
tié de la ren-
te, si elle prend
communauté,
encores
qu'elle n'ait
renoncé au
Velleian, ny
à l'authen-
tique, si qua
mulier.

son mary, d'autant qu'iceluy est entré en la communauté: En ce cas il est certain que la femme est principalement & *proprio nomine* obligée: partant est tenuë de moitié de la rente seulement, attendu qu'elle n'a point renoncé au Velleian, ny à l'authentique *si qua mulier*, & l'autre moitié de la rente doit estre payée par l'heritier du mary. Et le semblable sera obserué, si le creancier verifie, que moitié du denier soit tournée au profit de la femme, soit en acquit de debtes, esquelles elle estoit valablement obligée, ou reparation de ses heritages propres. Et encores quand la femme n'a renoncé à la communauté, il est besoin qu'elle obtienne lettres Royaux, pour estre releuée de la solidaire obligation par elle passée: Par icelles remonstre que ladite obligation ne peut subsister que pour moitié, & que pour l'autre moitié, c'est vne vraye intercession, laquelle est nulle, à faute de renonciation au Velleian, & à l'authentique *si qua mulier*.

121
La femme
detenteresse
des herita-
ges de la
communauté
est solidairement
tenue à la
rente.

Toutesfois si en la communauté apprehendée par la femme y a des heritages, la femme comme detenteresse & proprieteresse desdits heritages, pourra estre pourluiuie par le creancier, pour le total de la rente personnellement, & hypothecairement, suiuant la Coustume de Paris. Ce que dessus est diffusément traicté par Maistre Charles du Moulin *in tractatu commerciorum & usurarum*, quest. 38. où il cite plusieurs Loix, Decisions, & Docteurs. Et finalement estant bien leu & entendu il conclud, que la femme obligée solidairement avec son mary, laquelle n'a renoncé au Velleian & authentique *si qua mulier*, & a renoncé à la communauté, n'est obligée à la rente, sinon *eatenus quatenus pecunia in rem eius versa est*. Ainsi est obserué, & a esté iugé par les arrests cy-apres recitez.

Suiuant ce qui a esté cy-dessus deduit le Ieudy 13. Aoust 1592. la femme d'un Marchand espicier de ceste ville, ayant receu rescription de son mary estant à Lyon, de payer au porteur dedans le mois de Mars cent cinquante escus, qui auoient esté prestez à son mary en la ville de Lyon, & la femme ayant souscript la rescription, qu'on appelloit lettre de change, & promis en son nom payer ladite somme dedans trois mois: ce que n'ayant faict, & estant condamnée au payement d'icelle par sentence des Iuges & Consuls de Paris: depuis le mary estant retourné en ceste ville de Paris, & decedé en icelle, apres son decés la femme ayant renoncé à la communauté, elle appelle de la sentence contre elle donnée, & obtient lettres, par lesquelles est mandé proceder au iugement de la cause d'appel, sans auoir esgard à ladite souscription & promesse, laquelle elle soustenoit estre nulle, d'autant que lors elle n'estoit autorisée par son mary. Aussi que ladite promesse estoit vne vraye intercession, ou bien un vray constitut pour la debte de son mary. Lequel constitut estoit nul, à faute de renonciation faicte au Velleian, & à l'authentique *si qua mulier*, l. si. C. de const. pec. Que ladite femme n'estoit point marchande publique, parce qu'elle ne faisoit point de marchandise réparée, & autre que celle de son mary. Que son mary luy mandant payer, cela s'entendoit des biens de la boutique, ou bien de la communauté, non pas qu'elle s'obli-

geast & hypothequaist ses heritages propres. Que *aliud est soluere, aliud se obligare*. Qu'on ne pouuoit dire que ce fust vne lettre de change, parce qu'on ne changeoit point de débiteur: ains le mary demeuroid tousiours obligé. Que la renonciation faicte à la communauté de biens d'entre son defunct mary & elle, monstroie qu'il n'estoit rien retourné à son profit des deniers du payement desquels estoit question. A ce que dessus on respondoit qu'il s'agissoit de la foy publique entre marchands. Que c'estoit vne vraye lettre de change, parce qu'on auoit presté argent à Lyon, lequel on deuoit payer à Paris: tellement qu'il y auoit changement de lieu pour payer la somme deuë. Que quand vne lettre de change auoit esté acceptée, on ne se pouuoit ayder entre marchands, ny du benefice de Velleian, ny de l'authentique *si qua mulier*, ny du benefice de diuision ne discussion. Que si ladite femme n'eust accepté ladite lettre de change, le creancier eust faict emprisonner son mary en la ville de Lyon. Que *Senatusconsulto Velleiano non subuenitur mulieribus decipientibus*. Que par la loy finale *C. ad leg. Falcid. paria sunt soluere & expromittere, siue ad soluendum se obligare*. Que le mary mandant à sa femme de payer, à plus forte raison il luy mandoit de s'obliger, *quia minus est se obligare, quàm soluere*. La femme disoit que la pretendüe lettre de change estoit vne simple rescription & mandement de son mary, lequel luy mandoit de payer: *tanquam si mulier merci à marito præposita fuisset*, comme dit Iean Faber, *in §. 1. quod cum eo qui in al. pot. in Instit.* Et est certain que *institor nunquam tenetur proprio nomine*. Finalement par arrest de la Cour, en ayant esgard aux lettres obtenues par la femme, a mis l'appellation, & ce dont a esté appellé au neant, sans amende, & a absous la femme des conclusions contre elle prises, & condamné l'appellant es despens de la cause principale, sans despens de la cause d'appel.

Aussi le douziesme Feurier mil cinq cens septante trois, fut plaidé vne cause pour vne femme, laquelle iudiciairement ayant cautionné son fils, qui estoit condamné par les Iuges & Consuls à payer certaine somme de deniers par emprisonnement de sa personne: ladite femme estant condamnée à payer la somme pour laquelle elle s'estoit constituée caution, elle appelle & obtient lettres; donnant à entendre qu'elle n'auoit point renoncé au Velleian, encores qu'on luy objectast que *in iudicio omnia solemniter acta præsumuntur*. Par arrest elle obtient absolution des demandes & conclusions de l'intimé. Car encores que la pleigerie & fideiussion soit faicte en iugement, elle est nulle, si la femme n'a renoncé au Velleian, & si c'est pour son mary à l'authentique *si qua mulier*. Et est besoin que le droict du Velleian & de l'authentique soit exprimé en l'acte, & ne suffit que l'acte porte avec les renonciations à ce requises, *l. 2. §. si. l. ult. §. ff. ad SC. Vell. l. 3. C. eo*. Dauantage Maistre Iean Imbert en son Enchiridion fol. 224. recite, que par arrest donné en la Cour de Parlement de Paris, le 28. Mars 1528. a esté ordonné qu'une femme ne pouuoit valablement estre poursuiuite, en vertu d'une fideiussion par elle faicte pour son mary prisonnier, si elle n'auoit renoncé aux benefices du Velleian & authentique *si qua mulier*. Ce qui sem-

122
Encores que la fideiussion soit faicte iudiciairement, est besoin que la femme renonce au Velleian.

123
La femme
s'obligeant
pour son
mary pri-
sonnier,
comme elle
est tenue.

ble estre fondé *in d.l. 2. §. si. in fine. ff. ad Senatusc. Velleia*. Neantmoins Pa-
pon au tiltre du Velleian recite vn autre arrest donné en plaidoyrie le 15.
Mars 1551. par lequel vne femme, laquelle iudiciairement, sans renon-
cer aux benefices susdits, auoit cautionné son mary prisonnier, fut con-
damnée payer moitié de la somme de laquelle estoit question, sans ap-
probation toutesfois d'aucune communauté entre les mariez pour les
autres debtes. Aussi le 22. May, 1576. fut plaidée vne cause pour vne fem-
me, laquelle pour retirer son mary des prisons de l'Hostel de ville de Pa-
ris, l'auoit cautionné en iugement, sans auoir renoncé au droict de Vel-
leian, & à l'authentique *si qua mulier*. Estant condamnée & emprisonnée
elle appelle, allegue la nullité de l'acte, encores qu'il portast, a faict les re-
nonciations à ce requises. Par arrest fut ordonné que la femme seroit mi-
se hors des prisons, sauf aux creanciers à s'adresser sur les biens de ladi-
te femme. Et par cest arrest on tient que la femme qui s'est obligée pour
la debte de son mary prisonnier, est valablement obligée, encores qu'elle
n'ait renoncé au Velleian, ny à l'authentique *si qua mulier*, non pas par
corps, mais par saisie & vente de ses biens, tant meubles qu'immeubles.
Tout ainsi que le fils mineur qui a renoncé au doüaire coustumier, qu'il
auoit sur l'heritage propre de son pere, pour le deliurer de prison, ne peut
estre releué de ceste renonciation. Et comme bonne & valable a esté
authorisée, sans esperance de restitution, sous ombre de minorité, par ar-
rest solemnellement prononcé l'onzième Aueil 1571. recité au 15. chapi-
tre du present Traicté. Ioint qu'on peut dire, tout ainsi que le Velleian
celle *faure libertatis & dotis*, aussi qu'il doit cesser *faure pietatis, sine
pia causa*, qui est pour deliurer par la femme son mary detenu prisonnier,
l. penult. & l. ult. C. ad Velleia. Et quand on faict obliger vne femme au
payement d'une debte, il est bon de la faire renoncer au benefice de l'au-
thentique, *sed hodie. C. de offi. din. iu.* & de l'authentique *hodie. C. de cust.
& exhib. rea.* par lesquelles est ordonné que les femmes ne peuuent estre
emprisonnées, soit pour debtes ciuiles, ou pour crime, comme il a esté dit
au 15. chapitre du present Traicté.

124
Le mineur
peut renon-
cer à son
doüaire cou-
stumier pour
deliurer son
pere de pri-
son.

125
Arrest don-
né pour vne
femme qui
auoit passé
condamna-
tion de payer
la debte de
son mary.

Semblablement le 27. Nouembre, 1553. fut plaidé vne cause pour la
femme d'un Marchand de Laon, laquelle iudiciairement auoit passé
condamnation de solidairement payer avec son mary vne somme qui
estoit deuë par sondit mary, pour vente de marchandise. Ayant appelé
de ceste sentence, & obtenu lettres pour estre releuée du consentement
par elle presté, comme estant vne vraye intercession faicte pour son ma-
ry encores viuant: nulle, parce qu'elle n'auoit renoncé au Velleian & à
l'authentique *si qua mulier*. Par arrest la sentence de condamnation don-
née contre la femme fut mise au neant: ordonné que le creancier pour-
roit faire saisir tous les meubles, acquests, & conquests immeubles de la
communauté, & les heritages propres du mary, ensemble les fructs des
heritages propres de la femme, lesquels pendant le mariage apparte-
noient au mary, pour sur le tout estre payé par le creancier de son deu. Et
cest arrest est recité par Deluc en son Traicté d'arrests au tiltre de *Se-
natu. Velleiano*. liure 10. tit. 5. arrest premier. Si la femme eust obtenu

sentence de separation de biens d'auec son mary & renoncé à la communauté de biens d'entre son mary & elle, i'estime qu'elle n'eust esté aucunement tenuë à la debte, de laquelle estoit question; & qu'elle eust eu la iouissance de ses heritages propres, de son doüaire, & de ses conuentions matrimoniales.

Aussi le leudy 20. Ianuier 1557. fut plaidé en la Cour, sçauoir si la vendition solidairement faite par le mary & la femme de l'heritage propre du mary estoit bonne quand le femme a renoncé au Velleian, & non à l'authentique *si qua mulier*. Semblable cause fut plaidée le 4. Aueil 1554. Pareille cause fut plaidée le 20. Ianuier 1567. appointée au Conseil, depuis iugée par arrest prononcé le 20. May 1558. d'une femme qui s'estoit obligée à la garantie solidaire de l'heritage propre de son mary, subiect au doüaire coustumier de ses enfans: lesquels demandoient moitié dudit heritage; parce que leur mere n'auoit renoncé à l'authentique *si qua mulier*. Et par lesdits arrests les femmes ou bien leurs heritiers furent cōdamnez, parce que partie des deniers estoient tournez à leur profit. Et lors desdits arrests fut dit qu'il se trouue bien en droit *in l. fin. §. fin. ff. ad Vell. & in l. fin. C. quando mul. tu. ff.* que la femme peut renoncer au droit de Velleian: mais il ne se trouue en droit que la femme puille renoncer à l'authentique, *si qua mulier*. Toutesfois on approuue la renonciation faicte à ladite authentique, tout ainsi qu'au Velleian, comme introduite en faueur des femmes; & que par la disposition de droit, on peut renoncer à ce qui est introduit en sa faueur, suivant la *l. si quis in conscribendo. C. de pactis*. Combien qu'on ne puisse renoncer à ce qui a esté introduit *non solum in fauorem sui. sed in odium alterius*. Et pour ceste cause le fils de famille ne peut renoncer au Macedonian, parce qu'il a esté introduit, non seulement en faueur des fils de famille; mais en haine des creanciers, vsuriers, & fene-rateurs. *l. sed & si pater. in fine. & l. tamen & ibi Glo. in verbo, apposta. ff. ad Maced.* Aussi le Clerc tonsuré ne peut renoncer au priuilege de ne point plaider, ny proceder par deuant le Iuge lay: parce que ce priuilege n'est pas seulement introduit en faueur de tout le Clergé, mais *in odium laicorum. C. si diligenti. de foro comp. extra. & ibi glo. in verbis, pacto priuatorum.*

Or pour ample cognoissance de ce que dessus, & que la femme laquelle s'est obligée pour la debte de son mary, sans renoncer au benefice du Velleian, & l'authentique *si qua mulier*, & depuis le decez de son mary a renoncé à la communauté de biens, n'est aucunement tenuë à ladite debte enuers le creancier: tellement que les renonciations au benefice du Velleian & authentique *si qua mulier*, sont necessaires en France: est besoin voir vn arrest solennellement prononcé le 14. Aoust, 1586. Le faict duquel estoit, qu'une femme s'estoit obligée auec son mary solidairement au payement d'une debte, sans auoir renoncé au benefice du Velleian, & authentique *si qua mulier*. Cinq ou six iours apres son mary estant decedé, son corps estant encores dans le cercueil en la maison, le creancier faict saisir tous les biens demeurez par le trespas du mary. Peu de temps apres la femme pour s'acquitter de ceste debte, vend au creancier vn heritage qui luy estoit propre. Depuis la femme ayant renoncé à la

126

Est besoin
que la fem-
me renonce
à l'authen-
tique si qua
mulier, cō-
me au Vel-
leian.

127

Le fils de fa-
mille ne peut
renoncer au
Macedoniā.

118

Le Clerc
tonsuré ne
peut consen-
tir de proce-
der par de-
uant le Iu-
gelay.

Arrest de ce
que dessus.

communauté de biens, obtient lettres pour estre relcuée, tant de la premiere obligation comme nulle à faute des renonciations susdites, que de la vendition faicte en consequence de la premiere obligation, & requiert estre ordonné qu'elle demeurera quitte du contenu en l'obligation, & qu'elle rentrera en l'heritage par elle vendu. On luy allegue les moyens qui ont esté cy-deuant amplement deduits: Et outre iceux qu'elle n'est receuable, attendu qu'elle ne s'est pas plainte de la premiere obligation *intra biennium*: au contraire, cinq ou six ans apres l'obligation par elle passée, & *sic post biennium*. Qu'en approuuant & confirmant la premiere obligation, elle a passé le contract de vendition. Duquel contract de vendition, ny pareillement de la premiere obligation, encores que ce fust vne vraye intercession faicte par la femme pour raison de son mary, elle ne pourroit estre releuée: *quia obligatio est geminata*, & la seconde passée plus de deux ans apres la premiere, suiuant la *l. si mulier perfecta atatis. C. ad Velleian.* aussi que par la disposition de droict, la femme qui a payé pour le vray debteur, encores que le payement ait esté faict *animo donandi*, ne peut repeter ce qu'elle a payé, ny s'ayder du Velleian. *l. sed si ego. §. sed si tibi. cum l. seq. ff. ad Sc. Vell. l. 1. Cod. eo.* A ces moyens la femme respondoit, que *initium contractus siue origo & causa obligationis inspicitur. l. si procuratorem. ff. mand. l. si filius f. Cod. ad Maced.* Ce qui a esté faict depuis le premier contract, comme faict en consequence d'iceluy, n'est point considerable. *l. 3. §. scio. in verbis, initio inspecto ff. de min. 25. an.* Qu'au cas de present on ne peut dénier que l'obligation passée par la femme ne soit vne vraye interuention & intercession faicte pour son mary: attendu qu'il n'est rien tourné au profit de la femme, ayant renoncé à la communauté. Que la femme n'ayant renoncé au benefice de Velleian, & authentique *si qua mulier*, le premier contract estoit notoirement nul. Aussi estoit nulle la vendition faicte par la femme, en consequence du premier contract, pour se deliurer de la somme de deniers promise par iceluy. Que le temps de deux ans introduit pour le regard du Velleian, & la seconde reiterée intercession faicte par la femme deux ans apres la premiere obligation, ne s'estendoit au benefice de l'authentique *si qua mulier*, laquelle auoit son effect, encores qu'il y eust seconde intercession faicte par la femme pour son mary, & qu'elle eust esté multipliée deux ou trois ans, ou autre temps apres la premiere intercession. De faict ladite authentique contenoit ces mots, *Iubemus hoc nullatenus valere, siue semel, siue multoties huiusmodi aliquid pro eadem re fiat.* Aussi le payement faict par la femme n'empeschoit la rescision, tant de la premiere obligation, que du contract de vendition; parce que le payement faict par la femme auoit esté faict pour se deliurer du contract d'intercession par elle passé; auquel cas le Velleian a lieu: non pas quand vne femme n'estant aucunement obligée, volontairement paye la debte d'un autre; auquel cas il cesse: & si se doit entendre la *l. sed si ego. §. 1.* & la loy suiuite cy-dessus alleguée, suiuant la *l. quamuis. C. ad Vell.* Dauantage, disoit que le contract d'interuention passé, soit pour son mary, ou pour autrui, estoit tellement nul, que le creancier estoit remis

129
Le temps de deux ans n'a lieu pour le regard de l'authentique, si qua mulier, ny la gemination d'obligation.

130
Quand la femme peut repeter ce qu'elle a payé, à cause de l'intercession par elle faicte.

en ses premiers droicts, & pouuoit agir contre le vray debteur, sans auoir esgard à la descharge qui luy auoit esté baillée par le creancier : & sic rescindebatur intercessio, & in veterem debitorē dabatur pristina actio: l. i. quamuis. l. si mulier contra. §. fin. in fine. ff. ad Vell. Et si la femme a baillé pleige & caution de l'intercession par elle passée, ledit pleige sera releué, par le moyen de la restitution obtenuë par la femme. l. mulierem. C. ad Vell. l. exceptiones qua persona. §. intercessionis. ff. de excep. Combien que la caution baillée par le mineur ne puisse estre releuée; supposé que le mineur soit restitué à l'encontre du contract par luy passé. l. in causa cognitione. ff. de minorib. l. Marcellus ff. de fideiuss. Ce qui se doit entendre, quando minor sui facultate deceptus fuit. Et sic exceptio siue causa restitutionis, qua minori competebat, personalis erat, siue iure speciali, ob minorem aetatem ei competebat. Non pas quando minor dolo aduersarij circumscriptus fuit: & tunc exceptio, siue causa restitutionis realis erat, & iure communi concedebatur, puta exceptio doli, metus, vel deceptionis ultra dimidiam iusti pretij. Auquel cas non solum minor, sed & fideiussor eius restituitur, quia etiam maior restitueretur. l. i. & 2. C. de fid. min. ubi Paul. de Castro. l. exceptiones qua persona. ff. de excep. comme nous auons amplement déclaré au 21. chapitre du droict d'Aubeine. Finalement la Cour, en ayant esgard aux lettres obtenuës par la femme, a cassé tant le premier que le second contract, & remis les parties en tel estat qu'elles estoient auparauant iceux: En ce faisant ordonné que la femme rentrera en la possession de l'heritage par elle vendu. Semblable cause que celle cy-dessus recitée, fut plaidée en la Cour le 11. Ianuier 1564. pour vn des heritiers de la vefue Marcel Aduocat, laquelle s'estoit solidairement obligée avec son defunct mary, au payement & continuation de cinquante liures de rente par an, sans auoir renoncé au droict de Velleian, & au benefice de l'authentique si qua mulier. Ledit heritier qui auoit renoncé à la succession de son pere, fut condamné au payement & continuation de la rente, parce que la mere auoit pris communauté, & que tant la mere que les autres heritiers auoient reconnu la rente, ausquels on auoit remis & quitté moitié des arrerages d'icelle.

Depuis quelque temps est aduenü qu'une femme mineure de vingt-cinq ans, autorisée de son mary, estant solidairement obligée avec luy au payement & continuation de cent liures de rente, & ayant renoncé aux droicts de diuision, ordre de droict & de discussion, mesmes au droict de Velleian, & benefice de l'authentique si qua mulier, à elle declarez & donnez à entendre estre tels qu'une femme ne se peut obliger, respondre, n'interceder pour autrui, mesmes pour son mary, sans expressement renoncer ausdits droicts, ausquels & à tous autres, &c. Ladite femme paruenüe en l'aage de maiorité, autorisée de son mary, ratifie l'obligation defusdite, apres que lecture luy en a esté faicte de mot apres autre, & au contenu d'icelle solidairement s'oblige avec son mary: lequel estant decedé la femme renonce à la communauté, & obtient lettres pour estre releuée, tant de la premiere obligation passée en minorité, que de la seconde passée en maiorité: parce qu'en cette seconde obligation n'y a aucune renonciation au droict de Velleian, & benefice de l'authentique si qua mulier,

131

L'intercession estant cassée, le creancier est remu en ses premiers droicts.

132

Le pleige baillé par la femme intercedante est releué.

133

Quand le pleige du mineur est releué.

134

Recit d'un arrest donné contre la femme qui a ratifié l'obligation passée en minorité, sans faire les renonciations.

& qu'ils ne luy ont esté donnez à entendre comme ils deuoient estre. Aussi que des deniers receuz à cause de la constitution de rente, il n'est rien tourné au profit de la femme, au moyen de la renonciation par elle faicte à la communauté. Le creancier au contraire disoit que le priuilege, benefice, & effect tant du Velleian que de l'authentique, *si qua mulier*, auoient esté suffisamment declarez & donnez à entendre à la femme: veu qu'ils estoient contenus & declarez par le menu au premier contract, duquel lecture luy auoit esté faite de mot apres autre, & qu'elle auoit ratifié tout le contenu audit premier contract, auoit promis & s'estoit obligée l'entretenir, l'accomplir, & entierement y satisfaire & fournir. Et que ceste ratification & promesse d'entretienement du premier contract, contenoit, non seulement vne taisible, mais expresse renonciation aux droicts & benefice susdits. Neantmoins le Preuost de Paris par sa sentence a enteriné les lettres obtenuës par la femme, avec absolution des conclusions contre elle prises par le creancier. Dont y a eu appel en la Cour, qui est encores pendant & indecis.

135
 Quand la
 femme sim-
 plement est
 obligée avec
 son mary,
 comme elle
 est tenue.

Aussi on a demandé si l'homme & la femme mariez par simple cedula sous-signée d'eux purement & simplement ont confessé deuoir à quelqu'un la somme de cinq cens escus, qui leur a esté ledit iour prestée comptant, pour subuenir à leurs affaires, & promis icelle somme rēdre à la volonté du creancier: Si pour le payement de toute la somme on peut valablement agir contre le mary, non seulement durāt & cōstant le mariage, pendant lequel il est maistre de la communauté, & iouyt de tous les biens de sa femme, mais aussi apres la dissolution du mariage aduenüe par la mort de la femme, qui a delaißé son mary suruiuant; les heritiers de laquelle ont pris communauté, & eu leur moitié d'icelle, ou bien par la mort du mary, qui a delaißé sa femme suruiuante, qui a accepté la communauté.

Le mary dit que la promesse est faicte tant par luy, que par sa femme: que la foy de tous les deux a esté esleuë & suiuite par le creancier; qu'en ceste promesse n'y a aucune solidité d'obligation: partant que la dette, suiuant la disposition de droit est diuisée, & n'est tenu que de moitié d'icelle; attendu que les heritiers de la femme iouissent de moitié des biens de la communauté; autrement le mary seroit surchargé. Et les heritiers du mary, s'il est predecédé, peuuent dire le semblable, & que le creancier doit agir pour l'autre moitié de sa dette, contre la femme suruiuante, la foy de laquelle il a suiuite, aussi bien que celle du mary; ou bien contre ses heritiers, si elle est predecédée. Et se doit imputer qu'il n'a faict solidairement obliger ses debtors, ou bien qu'il n'a agy contre le mary, auparavant la dissolution du mariage, quoy que ce soit auparavant le partage des biens de la communauté, & que le mary fust delaißy d'iceux. Et tout ainsi qu'une rente de cent liures estant constituée par l'homme & la femme mariez purement & simplement, sans solidité d'obligation, apres la dissolution du mariage, & partage faict des biens de la communauté, la rente doit estre payée, moitié seulement par le mary, & l'autre moitié par les heritiers de la femme: Aussi faut-il faire le semblable

en vne

en vne debte de cinq censescus, purement & simplement contractée par l'homme & la femme mariez.

Le creancier à cela respond, que le prest qu'il a faict a esté en contemplation du mary, & non de la femme, laquelle il a faict entrer en obligation pour plus grande assurance de sa debte. *quod fit in augmentum, cautionem & securitatem maiorem, non debet parere diminutionem, nec detrimentum.*

Que l'homme & la femme *sunt socij* : que *huius societatis maritus est caput* : imò verò, il faut qu'il autorise la femme pour estre valablement obligée. Que si *socij mutuati fuerint pecuniam, vel pecunia in rem cōmunem accepta sit*, pour estre employée en la reparation de l'heritage commun entre l'homme & la femme mariez, ou bien commun entre la femme & vn estranger, cessat *Velleianum* : & *quisque eorum iure civili tenetur in solidum. l. vir uxori. §. fin. ad Vell.* Que le mary pendant la société, ayant esté tenu à toute la debte, il n'a peu estre liberé d'icelle, ny pareillement son heritier, par la dissolution de ceste communauté : mais doit auoir recours contre les heritiers de sa femme qui ont prins communauté : ou bien l'heritier du mary doit auoir recours contre la femme suruiuante, si elle a prins communauté. Et si la femme suruiuante, ou bien son heritier ont renoncé à la communauté, il est certain que le mary ou son heritier est tenu de toute la debte, parce que les deniers d'icelle sont entrez en la communauté, les biens de laquelle sont entierement demeurez par deuers le mary. Aussi alleguoit qu'il ne vouloit point diuiser sa debte, ny auoir deux procez pour vn, & que la femme auoit delaisé plusieurs heritiers, tous lesquels il conuiendroit poursuivre. A esté aduisé que le mary, apres la dissolution du mariage & partage des biens de la communauté, ne peut estre poursuivy que pour la moitié de la somme portée par la cedula ou promesse : parce qu'apres la dissolution du mariage & partage faict des biens de la communauté, la cause pour laquelle on pouuoit agir pour le tout contre le mary, cesse. Ainsi est décidé par du Moulin *in tractatu commerciorum & usurarum. q. 38. nn. 288. & 291.*

[Or aujourdhuy toutes ces difficultez de renonciation stipulées dans les contracts, esquels les femmes interuiennent au *Senatus Consult. Velleian. & auth. Si qua mulier*, sont ostées & leuées, par le moyen de l'Edict du Roy sur ce interuenu au mois d'Aoust 1606. Leu, publié & enregistré, ouy, & consentant le Procureur General du Roy à Paris, en Parlement le 22. May 1607. N. B.]

Pareillement on a demandé si vn homme & vne femme mariez, & leur belle-mere, ou leur beau-pere, ou leur frere, ou bien vn estranger, estans solidairement obligez au payement de cent liures de rente, avec toutes les seuretez & renonciations nécessaires, n'apparoissant aucune-ment au profit de qui les deniers prouenans de la constitution de rente, sont tournez : comme la rente doit estre payée, & si l'homme & la femme mariez en doiuent deux tiers, & l'estranger l'autre tiers : comme estans trois personnes obligées, diuerses, distinctes & separées, entre lesquelles l'obligation est esgalement diuisée. Et comme *in lucratiuis*, l'homme & la femme mariez, en la continuation de communauté, ont deux parts des

Qu'il n'est
nécessaire de
mettre aux
contracts la
renonciation
au *Senatus
Consult.
Velleian.
& auth. Si
qua mu-
lier. & ce
par l'Ordō-
nance nou-
uelle.*

136
Quand l'hō-
me & la
femme &
un tiers sont
obligez, cō-
me l'obliga-
tion se diui-
se.

biens de la communauté, & les enfans du premier liēt n'ont qu'un tiers, suivant le 242. art. de la nouvelle Coust. de Paris: Aussi *in onerosis* l'homme & la femme mariez doiuent payer les deux parts de la debte qu'ils ont contractée avec un estranger. Ou bien si l'homme & la femme mariez ne doiuent que moitié des cent liures de rente, & l'autre moitié soit deuë par la belle-mere, beau-pere, ou par l'estranger, lequel vray-semblablement a eu moitié des deniers prouenus de la constitution de rente: parce que l'homme & la femme mariez ne sont estimez qu'une seule personne, au moyen de la communauté de biens qui est entre eux, de laquelle le mary est maistre & seigneur. Et que la femme mariée n'a accoustumé de prendre separément à son profit partie des deniers prouenus des constitutions de rente, ou d'autres debtes, comme la femme faisoit par la disposition de droit ciuil, par laquelle n'y auoit communauté de biens entre l'homme & la femme mariez. Aussi que la femme n'est entrée en l'obligation, sinon pour seureté du creancier: non pas pour auoir avec son mary plus grande portion au denier, que la moitié d'iceluy. Ils tiennent en Chastelet & ailleurs communément, que la rente de cent liures, ou autre debte cōtractée en la forme dessusdite, doit estre payée par tiers, *tanquam negotium spectet ad singulos tres viriliter*, suivant la *l. reos. §. cum tabulis. ff. de duobus reis*. Ainsi que du Moulin a décidé *in tractatu commerciorum & usurarum, nu. 295. huc pertinet l. fin. §. scio. de leg. 3.*

137

Quand la femme a apporté en dot mil escus que le mary luy deuoit, comme on doit agir.

Dauantage, si un homme estant obligé enuers une femme en la somme de mil escus pour cause de prest, contracte mariage avec ladite femme, laquelle par son contract de mariage promette apporter en dot au iour de leurs espousailles la somme de quinze cens escus sols: à sçauoir la somme de mil escus, en laquelle le futur espoux est redeuable enuers la future espouse, par obligation passée deuant deux Notaires pour cause de prest à luy fait, & les autres 500. escus en deniers comptans & meubles: La femme ayant satisfait à son contract de mariage, mesmes baillé au futur espoux l'obligation des mil escus qu'il luy deuoit: ce mariage ayant duré neuf ou dix ans, y ayant eu enfans d'iceluy, ou bien n'y ayant point d'enfans, inuentaire estant fait des biens de la communauté, les heritiers de la femme, soient enfans ou collateraux, ayans accepté la communauté: Differend s'est meü entre les heritiers de la defuncte, & le mary suruiuant, pour raison de la somme de mil escus que la femme a apportée en dot contenuë en l'obligation cy-dessus mentionnée. Les heritiers ont soutenu que ladite obligation deuoit estre inuentoriée, quoy que ce soit, que le mary suruiuant estoit tenu leur payer la somme de cinq cens escus, faisant moitié desdits mil escus. Le mary au contraire disoit que sa debte auoit esté esteinte & confuse en sa personne, deslors de la consommation du mariage; comme estant entrée en la communauté, de laquelle il estoit maistre & seigneur, & ne pouuoit estre debiteur ny obligé enuers soy-mesme: Aussi l'action actiue & passiue ne pouuoient concurrencer & subsister en la personne du mary: tellement qu'il y auoit extinction d'icelles. *l. neque pignus. ff. de reg. iur. l. ne cum filio fa. ff. de furt. l. frater à fratre. & ibi Glo. in verbo fratre. in fine. ff. de cond. ind.* Et ce à l'exemple de l'heritier, le-

quel estant debteur d'une somme de deniers, & succedant à son creancier, l'obligation est confuse en luy, la debte du tout esteinte, & l'action d'icelle perie; *l. Stichum aut Pamphilum. §. aditio. ff. de solut. l. cum secundum. C. de fidei-com. l. debitori. C. de pact.* Que ladite obligation estoit estimée argent comptant, & tout ainsi que si vraiment la defuncte eust baillé au mary suruiuant la somme de mil escus, on n'eust peu demander au mary suruiuant ladite somme, n'estant trouuée en la communauté: parce qu'il auoit peu librement disposer d'icelle, la iouir, cōsommer & dissiper, ainsi que les autres biens de la communauté: desquels il pouuoit disposer à son plaisir & volonté, sans le consentement de la femme, cōme seigneur de tous les biens de la communauté, selon qu'il est porté par le 225. art. de la nouuelle Coutume de Paris. Que les heritiers ayans pris la communauté ils se doiuent contenter de ce qu'ils trouuent en icelle. Que si le dire des heritiers auoit lieu, il faudroit presupposer & imaginer vn remploy, stipulé par la femme de la somme de cinq cens escus, pour luy estre propre, dōt il n'a point esté parlé ny pensé. Partant le mary soustenoit n'estre tenu payer aucune chose de la somme de mil escus, portée par l'obligation, de laquelle estoit question, laquelle n'estoit plus en nature, & n'apparoissoit aucunement. A ce que dessus les heritiers respondoient, qu'on ne pouuoit vraiment dire, que la debte fust esteinte deslors de la consommation du mariage; attendu qu'elle estoit portée en dot, deuoit entrer en la communauté, & de la somme portée par ladite obligation la communauté estoit enflée. Que ceste debte estoit toujours demeurée en sa nature: d'autant qu'elle n'auoit point esté acquitée pendant le mariage, & le mary durant ledit mariage n'auoit peu la payer à soy-mesme, au preiudice & en fraude de sa femme. Que *mulier nomen in dotem dederat, quod dissolutum non fuerat.* Que ceste somme de mil escus ayāt esté portée en dot, est pareille & semblable à vne autre debte deuë à la femme par vn estranger; laquelle debte estant entrée en la communauté demeure en icelle, si pendant le mariage elle n'est acquitée. Que le mary qui doit à sa femme vne somme de deniers, laquelle est entrée en la communauté, n'est semblable à l'heritier debteur de certaine somme, lequel pour le tout succede à son creancier, & en la personne duquel deslors de l'adition d'heredité, y a extinction de toute sa debte, parce que l'heritier seul a droit en ceste debte. Ce qui n'est au cas de present: d'autant que les mil escus deuz par le mary estans entrez en la communauté, le mary & la femme ensemblement ont droit en ladite somme. Et combien que le mary ait la libre disposition des biens de la communauté: toutesfois cela s'entend pourueu qu'il en dispose à personne capable & sans fraude. Laquelle personne capable ne peut estre le mary: lequel disposant à son profit de ladite somme, & d'icelle s'aquittant soy-mesme, la fraude est euidente. Qu'on ne peut valablement dire que la debte de mil escus soit esteinte, ou bien acquitée: parce que si par le contract de mariage estoit conuenu que la femme pourroit prendre communauté, ou renoncer à icelle, & y renonçant reprendre franchement & quittement tout ce qu'elle auroit apporté en mariage, il est certain qu'il luy faudroit rendre

entierement ladite somme de mil escus: partant la debte n'est pas esteinte, ny la somme acquitée. Combien que la femme ou son heritier renonçant à la communauté, *vi & virtute* de la Coustume, ne pourroit en ce cas demander aucune chose de ladite somme, comme estant des biens de la communauté. Dauantage lesdits heritiers disoient, que si le mary n'estoit tenu de payer aucune chose de ladite somme de mil escus, il faudroit presupposer & imaginer que la femme eust faict donation à son mary de ladite somme, l'eust entierement quitté d'icelle, & conuenu que la communauté n'en seroit aucunement enflée, dont n'a esté parlé ny pensé. Et combien que l'obligation n'apparoisse, comme lacerée par la mary, ou occultement par luy retenuë: toutesfois ladite obligation est suffisamment verifiée par le contract de mariage. Finalement la susdite question estant mise en deliberation & proposée au Conseil: A esté aduisé par les anciens Aduocats de la Cour, que le mary est tenu payer aux heritiers de la femme moitié de ladite somme de mil escus, comme estant la somme entiere de mil escus deuë à la communauté, & n'y ayant que moitié d'icelle seulement confuse & esteinte en la personne du mary. Et le semblable seroit obserué, encores que la femme n'eust point porté ladite somme de mil escus en dot, mais que l'homme & la femme eussent contracté mariage ensemblement aux biens & droicts à chacun d'eux appartenans, & qu'il eust esté conuenu qu'ils seroient vns & communs en meubles & conquests immeubles, suiuant la Coustume de Paris. Tellement que le mary par le contract de mariage a deu stipuler expresse descharge, acquit & liberation de ladite somme de mil escus: ou bien pendant le mariage a deu acquerir quelque heritage ou rente de ladite somme de mil escus, dont depuis il auroit peu disposer sans fraude. Aussi le semblable doit estre dict, si la future espouse estoit debitrice enuers le futur espoux de quelque somme de deniers deuë auparauant le mariage contracté entre eux. Si les mil escus estoient deuz par le futur mary à la femme de reste de plus grande somme, pour vente d'un heritage qui appartenoit à la femme, ou d'un Office Royal, que la femme auoit achepté du Roy, duquel Office son premier mary estoit pourueu, & duquel elle auoit faict pourueoir son second futur mary, auparauant leur contract de mariage: & ait esté stipulé, que ledit heritage ou Office demeureroit propre au futur mary: en ce cas il est raisonnable que le mary paye aux heritiers de la femme moitié de ladite somme de mil escus; autrement il auroit, comme on dict, drap & argent. Il a esté dict cy-dessus que les donataires & legataires vniuersels sont tenus contribuer au payement des debtes du defunct, comme les heritiers. Ce qu'il conuient entendre iusques à la concurrence de ce qu'ils ont amendé, à cause de leurs donations ou legs testamentaires, & non plus auant. Ainsi qu'il a esté dict des haut-Iusticiers: d'autant qu'ils ne sont pas heritiers. Aussi en eux n'y a aucune confusion de patrimoine, ny de debtes, non plus qu'en un heritier par benefice d'inuentaire. Et les creanciers du defunct pour le payement de leurs debtes, ne peuuent faire saisir sinon les biens qui ont esté donnez ou leguez ausdits donataires, ou legataires vniuersels; non pas les biens

qui d'ailleurs leur appartiennent : comme il a esté iugé pour Monsieur de Guise, legataire vniuersel de feu Monsieur le Cardinal de Lorraine son oncle. Conformément à la disposition de droict, *in l. mulier. ff. de in. do. l. fin. ff. de usufr. leg. Glo. in l. aris alieni. C. de donat.*

Et d'autant que les donataires ou legataires vniuersels le plus souuent sont les plus proches à succeder au defunct, ou bien sont leurs parens : en ce cas lesdits donataires ou legataires vniuersels ont accoustumé de faire faire inuentaie à leur requeste, comme habiles à estre heritiers du defunct, & en ceste qualité le tenir pour clos. Et apres l'inuentaie faict en la qualité susdite, lesdits donataires ou legataires vniuersels comparant au Greffe du Chastelet de Paris, déclarent qu'ils acceptent la donation ou legs vniuersel à eux faict : par ce moyen qu'ils renoncent à l'heredité & succession du defunct : Par protestation où ils seroient euincez dudit legs ou donation, ou bien des choses à eux données & leguées, partie ou portion d'icelles, de pouuoir retourner à la succession du defunct, si bon leur semble, & sans y preiudicier. Ou bien se portent heritiers simples, ou par benefice d'inuentaie du defunct : Par protestation, où ils seroient troublez, empeschez, ou euincez de l'heredité ou portion d'icelle, de pouuoir demander leurs donations vniuerselles, ou legs testamentaires, ou bien leurs legs particuliers, sans y preiudicier : suivant la loy premiere, §. *quia autem. ff. quorum legatorum.* Comme nous auons amplement deduit au 12. chap. du droict de Bastardise.

Et si les donataires ou legataires vniuersels plus proches & habiles à succeder au defunct s'estoient saisis & emparez de tous les biens, lettres, & tiltres demeurez par le decez du defunct, sans faire inuentaie ; iustement on pourra dire qu'ils ont faict acte d'heritiers simples : partant tenus au payement des debtes du defunct : suivant le 137. article de la nouuelle Coustume de Paris. Et supposé que lesdits donataires ou legataires vniuersels ne soient les plus proches & habiles à succeder au defunct : Toutesfois si de leur autorité priuée, sans ordonnance de Iustice, & sans auoir deliurance de leurs legs vniuersels avec l'heritier, si aucun y a, ou avec vn curateur créé à la succession vacante, ou avec vn Procureur du Roy, comme ils sont tenus de la demander, se sont emparez de tous les biens demeurez par le decez du defunct, sans en faire inuentaie : ils seront tenus au payement de toutes les debtes du defunct, & non iusques à la concurrence des biens qu'ils diront & affermeront auoir amendé du defunct : attendu qu'il n'appert de ce qu'ils ont amendé, & ont obmis la confection d'inuentaie, qui faict presumer qu'en eux y a dol & fraude. Et ce à l'exemple de l'heritier qui n'a point faict d'inuentaie, lequel est tenu payer toutes les debtes du defunct. Et pour ceste cause les donataires vniuersels, s'il n'y a point d'heritier, font faire inuentaie des biens meubles, lettres & tiltres demeurez par le trespas du defunct, & obtiennent lettres en Chancellerie, à ce qu'ils ne soient tenus au payement des debtes, obseques & funerailles du defunct, que iusques à la concurrence des biens, & font enteriner les lettres, tout ainsi que d'un benefice d'inuentaie obtenu par vn heritier : Et se qualifient donataires ou legataires vni-

138

Les donataires ou legataires vniuersels estant plus proches à succeder au defunct, comme ils doiuent faire inuentaie, & quelle protestation ils donnent faire en l'absence.

139

Tous donataires ou legataires vniuersels sont tenus faire inuentaie, autrement ils sont tenus de toutes les debtes du defunct.

uersels par benefice d'inuentaie de defunct tel. Et principalement lesdites lettres profitent aux donataires ou legataires vniuersels, à ce que comme detenteurs & propriétaires des heritages du defunct, ils ne soient condamnés personnellement au payement des arrerages des rentes constituées par le defunct, & pour le payement desdits arrerages escheuz de leur temps ne puissent estre exécutez en tous leurs biens meubles & immeubles, suivant la Coustume de Paris: non plus que l'heritier par benefice d'inuentaie, comme il sera dit cy-apres. Mais lesdites lettres doiuent estre obtenues incontinent apres le trespas du defunct, à ce qu'on ne leur puisse obiecter, que purement & simplement ils ont accepté le legs vniuersel testamentaire. Comme on pourroit faire pareil obiect à l'heritier par benefice d'inuentaie, qui purement & simplement a apprehendé la succession, fait acte d'heritier simple, & apres a obtenu lettres de benefice d'inuentaie.

[Depuis, ceste façon d'obtenir lettres en Chancellerie, à ce qu'un donataire ne soit tenu au payement des debtes, obseques & funerailles du defunct, que iusques à la concurrence des biens, a esté defendue par arrest de la Cour donné en l'année 1601. en la cause de la vefue le Moine, & Maistre Iean Bois-courjon, Procureur en la Cour de Parlement, & de Flexelles bourgeois de Paris, donataire de defunct Maistre Charles le Moine, viuant Huissier en ladite Cour de Parlement; lequel de Flexelles auoit obtenu lettres pour se dire donataire par benefice d'inuentaie, de l'enterinement desquelles fut debouté par arrest. N.B.]

140
Les heritiers
donataires
ou legataires
vniuersels
des meubles
contribuent
au payement
des debtes
immobili-
res.

Aussi il faut entendre ce que dessus: A sçauoir que chacun heritier donataire ou legataire vniuersel, est tenu contribuer au payement des debtes du defunct, pour telle part & portion qu'ils ont amendé des biens du defunct: Non seulement des debtes personnelles & mobilières, comme sommes de deniers, grains, & autres choses qui sont reputées meubles; mais aussi des debtes reelles & immobilières, comme rentes constituées par le defunct, ou doüaires par luy prefix, ou péñions de Religieuses. Combien qu'aucuns ayent esté d'avis que les articles de Coustume qui ont esté cy deuant alleguez sur ce sujet, ne se doiuent entendre que des debtes personnelles & mobilières, au payement desquelles tous les heritiers legataires ou donataires vniuersels, tant des meubles que des immeubles, estoient tenus contribuer *pro rata bonorum*. Et quant au payement des debtes reelles & immobilières, comme constitutions de rentes & doüaires, encores qu'elles soient personnelles, ont estimé qu'elles se deuoient payer, continuer, & acquitter par les heritiers donataires ou legataires immobilières seulement, sans que les heritiers donataires ou legataires mobilières soient tenus ausdites rentes & doüaires, sinon au payement des arrerages qui estoient escheuz au iour du decez du defunct.

141
Rente assi-
gnée spécia-
lement sur
un heritago
assis en pays

Pour leurs moyens dient, que rentes & doüaires ne sont proprement debtes, ains immeubles. Que rentes constituées se partissent, faillissent, crient, & adiugent par decret comme heritages. Que rentes constituées sont charges reelles qui suivent les immeubles, & non les meubles: de fait en France rentes ne se peuuent constituer sur simples meubles, ains

sur immeubles & heritages. Et sic rentes *verè non sunt æs alienum, sed hereditagium: diminuunt de heritagio, heritagium respiciunt: & faciunt partem heritagij vel fundi, super quo redditus illi annui sunt assignati.* Et celuy qui constitue rente, se dessaisit de l'heritage sur lequel il assigne la rente iusques à la concurrence de la valeur d'icelle. Et pour confirmation de ce que dessus, alleguent vn arrest solennellement prononcé le premier Iuin, 1561. le faict duquel estoit: Qu'un homme demeurant en ceste ville de Paris, ayant plusieurs meubles & heritages, & trois rentes: dont deux generalement constituées sur les heritages des debtors d'icelles: & la troisieme montant cinq cens liures par an, constituée par vn homme demeurant au pays de droict escrit, specialement assignée sur vne Seigneurie assise audit pais de droict escrit. Ledit hōme estant decedé sans enfans, de laissé pour heritiers vn frere & vn nepueu, fils de son defunct frere, lequel par l'ancienne Coustume de Paris ne luy pouuoit aucunement succeder en tous ses meubles, ny és immeubles estans au dedans de la Preuosté & Vicomté de Paris: Parce que representation n'auoit lieu en ligne collaterale. Mais ledit nepueu pouuoit bien succeder és heritages & immeubles assis au pays de droict escrit, auquel representation en ligne collaterale a lieu pour venir par les nepueux aux successions de leurs oncles ou tantes. Apres plusieurs proces & longues disputes: & que le frere entre autres moyens eut allegué que les rêtes constituées estoient innominées, ou plustost incogneuës en droict: que *re vera* rentes constituées *erant nomina debitorum fœneratitia*, contenans promesses de payer certaine somme de deniers par an; & qu'on les deuoit prendre pour simples meubles: partant qu'ils luy appertenoient entierement, mesmes que les arrerages de ladite rente de cinq cens liures se deuoient chacun an payer en ceste ville de Paris. Par ledit arrest tous les meubles du defunct, & les deux rentes generalemēt constituées, furent adiugées au frere: Et quāt à la rente de 500. liu. par an, specialement assignée sur heritages assis en pays de droict escrit, moitié d'icelle fut adiugée au frere du defunct, l'autre moitié au nepueu.

Toutesfois la Coustume estant generale, parlant generalement, indefiniment, & indistinctement des debtes, il la faut generalement entendre de toutes debtes, tant mobilières qu'immobilières, & qu'au paiement d'icelles l'heritier, tant mobilier qu'immobilier, est tenu contribuer pour telle part & portion qu'il a amendé des biens du defunct: Estant raisonnable, tout ainsi que l'heritier immobilier contribue au paiement des debtes mobilières, aussi que l'heritier mobilier contribue au paiement des debtes immobilières: comme sont constitutions de rentes faictes par le defunct, ou doüaires par luy creéz: attendu que ce sont debtes personnelles, faictes & créées par le defunct, lequel au paiement des rentes par luy constituées, & doüaires par luy crééz a aussi bien obligé ses meubles que ses immeubles. Et les meubles & immeubles demeurez par le trespas du defunct faisant vn seul patrimoine, il est raisonnable que sur ledit patrimoine consistant en meubles & immeubles, les debtes personnelles du defunct, tant mobilières qu'immobilières soient payées au pro rata des biens que chacun heritier a amendé du defunct.

142
Au paye-
ment des deb-
tes mobilières
ou im-
mobilières
doivent con-
tribuer l'he-
ritier mobi-
lier ou im-
mobilier pro
rata bono-
rum.

Autrement il y auroit inegalité euidente entre l'heritier mobilier & l'heritier immobilier. Ainsi se pratique au Chastelet de Paris, tant pour le regard des heritiers que des donataires ou legataires vniuersels ; suiuant les articles de Coustume, Loix, Decisions, & Arrests cy dessus alleguez. En ce faisant les rentes constituées par vn defunct ne sont point charges purement reelles, qui regardent seulement l'immeuble, & l'heritage hypothéqué spécialement au payement de la rente : mais sont debtes mixtes, personnelles, au moyen de l'obligation passée par celui qui l'a constituée, & reelles au moyen des heritages hypothéquez.

Arrest de ce que dessus.

De faict, vu quidam demcurant en ceste ville de Paris, estant decedé debteur de cent cinquante liures de rente par luy seul constituée pendant son mariage, delaislé sa vefue suruiuante, & vn enfant son heritier: ledit enfant estant depuis decedé, la mere suruiuante luy ayant succedé quant aux meubles, & ses oncles & tantes ayans esté heritiers des immeubles: Par arrest prononcé le quatorziesme Aoust, 1578. entre Maistre Jacques de Sainctyon, & Maistre Gabriel de la Vergne, la vefue qui auoit pris communauté, & qui auoit succedé à Magdeleine du Bois sa fille, quant aux meubles, fut condamnée à acquitter les heritiers pour moitié de cent cinquante liures de rente, & arrerages, iusques à la concurrence des biens de la communauté d'entre son defunct mary & elle. Pareillement fut condamnée à acquitter lesdits heritiers de l'autre moitié desdits cent cinquante liures de rente, selon l'emolument & profit de la succession mobiliere de l'enfant: ventilation faicte de tous les biens, tant meubles qu'immeubles delaisléz par le trespas dudit enfant; ou bien eu esgard à la valeur des biens, tant meubles qu'immeubles demeurez par le decez dudit enfant. Tellement que pour le payement des debtes, tant mobilières consistans en sommes de deniers, ou autres meubles; qu'immobilières, qui sont les rentes constituées & doüaires prefix, il est necessaire ventiler, ou bien eualuer, priser, & estimer tous les biens meubles, acquests & conquests immeubles propres, tant paternels que maternels, de la succession du defunct: & que chacun contribuë au fol la liure, & au pro rata des biens qu'il a amendé du defunct. *Et sic in tributum venire debent*, selon le cas porté par la *l. i. ff. de trib. act. l. pro debito. C. de bon. act. iud. poss. §. introduxit, & §. caterum. Instit. quod cum eo qui in al. pot.* Et ceste ventilation se faict entre les heritiers, ou bien entre les donataires, non pas avec le creancier, lequel poursuit les heritiers personnellement, chacun pour sa portion hereditaire, & hypothecairement, chacun pour le tout.

143
L'heritier
tā: mobilier
qu'immobi-
lier, doit co-
tribuer au
payemēt des
rentes, enco-
ras qu'elles
ayent esté

Ce que dessus a lieu, encores que les rentes n'ayent pas esté constituées par le defunct, auquel on succede: ains ayent esté constituées par les pere & mere, ayeul, ayeule, oncle, tante ou frere de celui duquel on a esté heritier: & le semblable doit estre dit des doüaires prefix: Comme il a esté iugé par l'arrest cy-dessus recité, donné entre Sainctyon & la Vergne: par lequel a esté ordonné qu'au payement de cent cinquante liures de rente, constituées par defunct maistre Iean du Bois, pere de Magdeleine du Bois, contribueroient, tant la mere heritiere mobiliere de ladite

Magdeleine

Magdeleine, que les heritiers immobiliers des propres d'icelle Magdeleine, selon l'emolument & profit des successions mobilières, & des propres de ladite Magdeleine, ventilation faicte de tous les biens. *Secus dicendum*, en rentes deuës à cause de prises d'heritages, soient foncières ou rachepables, lesquelles doiuent estre payées par ceux auxquels les heritages appartiennent, & sont escheuz par succession: comme il a esté cy-deuant déclaré. La raison de diuersité semble estre, que rentes constituées pour deniers comptans sont cenſées pluſtoſt debtes personnelles que reelles, & *consentur potius debitum fœneratitium, quam solarium*. En ce faisant, les rentes constituées regardent d'auantage les personnes des heritiers qui detiennent les meubles & immeubles obligez au payement de la rente constituée, que non pas les heritages de la succession.

Aussi ce qui a esté cy-dessus dit, que chacun heritier mobilier & immobilier est tenu contribuer au payement des debtes, tant mobilières qu'immobilières, selon l'emolument & profit qu'il a eu des biens du defunct, doit estre obserué entre plusieurs haut-Iusticiers qui succedent par des-herence à vn François decedé sans hoirs, ou qui succedent à des biens confisquez. Combien qu'anciennement en la Coustume de Paris celui qui prenoit les meubles, payoit les debtes mobilières, & celui qui prenoit les immeubles, payoit les debtes immobilières: comme il est obserué en plusieurs Coustumes de ce Royaume. Et suiuant ce qui a esté cy-dessus dit, ils tiennent au Chastelet de Paris, Que quand pendant la communauté d'entre l'homme & la femme il y a des bastimens neufs, faicts sur l'heritage propre de la femme, laquelle par son decez delaisse vn heritier des meubles & acquests, vn heritier des propres paternels, & vn heritier des propres maternels, & qu'à l'heritier des propres paternels est adueni l'heritage sur lequel les bastimens ont esté faicts: Que la moitié de la prisee desdits bastimens doit estre payée au mary suruiuant, par tous les heritiers de la defuncte, au prorata des biens qu'ils ont amendé: comme estant vne debte mobilière, consistant au payement de la moitié des deniers pris en la communauté, pour fournir aux frais desdits bastimens. Aussi que le mary n'a aucun droit de propriété esdits bastimens. Mesmes que pour le payement de la moitié d'iceux, il n'y a aucune hypothèque, ny action contre l'acquireur dudit heritage: comme il a esté iugé par deux arrests solennellement prononcez le 17. Aueil, 1564. & 14. Aoust, 1574. Et le semblable dient deuoir estre obserué, quand les Maſſons & Charpentiers n'ont encores esté payez des bastimens faicts sur aucuns heritages propres, ou d'acquests; ou bien que les labours faicts es vignes propres ou d'acquests, n'ont encores esté payez. Et maintenant que lesdits bastimens & labours doiuent estre payez par tous les heritiers, non pas par l'heritier seul, auquel l'heritage est adueni: d'autant qu'il faut prendre les choses en tel estat qu'elles sont lors, & au temps que la succession est deferée.

Toutesfois on tient au Palais, que le mary doit estre remboursé de moitié de la prisee des bastimens faicts sur l'heritage propre de sa femme, par l'heritier auquel l'heritage est adueni par le trespas de sa femme.

*constituées
par le prede-
cesseur du
defunct.*

144
*Ancienne-
ment à Pa-
ris l'heritier
mobilier
payoit les
debtes mobi-
lières, &
l'heritier im-
mobilier les
immobilières.*

145
*Ils tiennent
en Chastelet,
que la moi-
tié des basti-
mens faicts
sur les heri-
tages propres
de la fem-
me, doit estre
payé par les
heritiers de
la femme.*

146
*Au Palais ils
tiennent que*

lesdits bastimens doiuent estre payez par l'heritier auquel l'heritage est aduenu.

Comme le remboursement de moitié desdits bastimens n'estans vne vraye debte, quoy que ce soit, n'estant debte mobiliere, ains debte reel-le & immobiliere, regardant l'heritage sur lequel les bastimens ont esté faits, deuë à cause d'iceluy, & faisant portion dudit heritage. *Et sic verè non est debitum, aut si debitum est, immobile censebitur, faciens partem fundi.* Pour ceste cause la seconde femme à cause de la communauté, n'est aucunement tenuë des bastimens neufs, faictz sur l'heritage propre de son mary, pendant le premier mariage de sondit mary, comme ceste debte n'estant mobiliere.

147
La femme à cause de la communauté n'est point tenuë des debtes reelles precedentes lo mariage, comme sont rentes constituées, & recours de garantie.

Semblablement la seconde femme n'est point tenuë des rentes constituées par son mary auparauant son second mariage, mais seulement des arrerages escheuz au iour du decez du mary, tant pendant le premier que second mariage, comme mobiliers. Et encores la seconde femme à cause de la communauté, n'est aucunement tenuë de l'action & recours de garantie, intentée pour raison de l'heritage vendu par son mary auparauant son second mariage, ny au payement des dommages & intersts, liquidez à certaine somme de deniers, à cause de l'euiction dudit heritage: comme ceste action, ou bien ceste debte n'estant mobiliere, ains immobiliere & reelle, quoy que ce soit, dependante de la realité, à sçauoir de l'euiction d'un heritage. Ainsi qu'il a esté iugé en plaidoyrie, pour la vesue Bazanier, Conseiller à Eureux, mariée en secondes nopces à Maistre Iean de Quichy, Aduocat en Parlement, par arrest du 9. Mars, 1561.

148
Encores qu'une rente soit spécialement assignée sur un heritage, l'heritier auquel l'heritage est aduenu, n'est tenu entierement payer la rente.

De ce que dessus s'ensuit: Que si le defunct a vendu, & constitué cent liures de rente, & spécialement obligé au payement & continuation d'icelle, vne maison assise en ceste ville de Paris, qui luy estoit propre paternel: ou bien spécialement obligé & assigné ladite rente sur un heritage qui luy estoit propre maternel, soit feodal ou roturier; & generallyment sur tous & chacuns ses biens, tant meubles qu'immeubles: Encores que l'heritage sur lequel la rente est assignée soit entierement aduenu à l'heritier des propres paternels, ou bien à l'heritier des propres maternels, ou bien à l'heritier des acquests: Celuy auquel l'heritage spécialement obligé est aduenu par le decez du defunct, ne fera pas tenu entierement payer la rente assignée sur ledit heritage: mais chacun heritier, tant mobilier qu'immobilier, sera tenu contribuer au payement, continuation & rachat de ladite rente, au pro rata des biens qu'il aura amendé du defunct. Car si l'assignation qui a esté faicte de l'heritage spécialement obligé, à esté faicte *causa demonstrationis*, non pas *causa taxationis*: id est, *defunctus ostendere voluit, unde redditus annuus quotannis solui posset, cum minori incommodo rei familiaris*, non pas qu'il ait voulu descharger les autres biens du payement de ladite rente: veu qu'il les a generallyment obligez au payement d'icelle. *Et obligatio personalis potius inspicitur tanquam principalis, quam hypothecaria, qua subsidiaria est.* Ainsi a esté iugé par arrest donné en plaidoyrie, le Vendredy 24. May, 1560. *l. quidam testamento. ff. de legatis primo.* Latè tractat Molinaus es Coustumes de Paris, art. 11. col. 11. & 12. où il allegue l'arrest du Lorrain.

Bien est vray que s'il y a sur les heritages paternels ou maternels, ou bien sur les heritages d'acquest ou de conquest, quelques rentes foncières, autres que constituées par le defunct, ou quelques doüaires autres que ceux prefix par le defunct; telles rentes anciennes, ou doüaires anciens seront payez par les donataires ou legataires, ausquels lesdits heritages auront appartenu par le decez du defunct: *hac enim sunt onera realia, quæ à dominis & possessoribus fundi exolucenda sunt*: comme nous auons cy-deuant dit du fils aisné.

149
Les rentes
foncières se
payent par
les hoüiers,
ausquels les
heritages
sont adue-
nus.

Combien qu'il ait esté dit cy-dessus, que l'heritier auquel par succession a appartenu vn heritage paternel ou maternel specialement obligé à vne rente, ne soit tenu au payement de la rente d'auantage ny plus auant que les autres heritiers, ausquels les heritages generalement hypothéquez ont appartenu: toutesfois on ne doit pas estimer que l'hypothèque speciale soit du tout semblable à la generale, & ayant mesme effect. Car il est certain par la disposition de droit, *in l. quamuis. C. de pignoribus*, que celui qui a speciale hypothèque, & pareillement generale hypothèque sur les biens de son débiteur, doit premierement discuter la speciale hypothèque: qui est, faire saisir, crier, & adiuger par decret l'heritage specialement obligé, auparauant que de s'adresser à l'heritage obligé generalement. Ce qui se doit entendre pour le regard du tiers detenteur de l'heritage generalement obligé, lequel peut soustenir que le creancier ne peut s'adresser à luy, que preallablement il n'ait discuté le principal obligé, & ses cautions, & qu'il ne se soit adressé au detenteur de l'heritage specialement obligé, l'ait fait saisir & vendre. Aussi la disposition de ladite loy *quamuis*, a lieu *inter plures creditores*. En sorte que le creancier qui a generale hypothèque, encores qu'il soit postérieur, empeschera que le creancier qui a speciale hypothèque (supposé qu'il soit precedent en date) vienne en distribution sur les deniers prouenus de l'adiudication par decret de l'heritage generalement obligé: & soustiendra qu'il n'y doit participer, que preallablement il n'ait discuté l'heritage qui luy est specialement obligé: en baillant par le creancier general caution de rendre les deniers qu'il receura, au cas que le creancier special ne puisse estre payé sur l'heritage qui luy est specialement hypothéqué, *l. quæ specialiter. C. de distr. pig.* Mais ladite *l. quamuis*, n'a point de lieu, *inter debitorem & creditorem*: En sorte qu'il sera en l'option du creancier de faire saisir & adiuger sur son débiteur l'heritage par luy possédé specialement ou generalement obligé: *l. creditoris arbitrio. C. de distr. pig. l. qui pignori. ff. de pig.* Et pour faire cesser ce qui a esté cy-dessus dit, on met és contracts de constitution de rentes ces mots: Sans que la generale obligation deroge à la speciale, ny la speciale à la generale, ains sera à l'option du creancier s'adresser à la generale ou speciale hypothèque, telle que bon luy semblera, sans faire aucune discussion: selon qu'il est porté par le 100. art. de la nouvelle Coustume de Paris. Et par les 99. & 101. art. de la mesme Coust. est porté: Que quand le creancier d'une rente a speciale hypothèque, il se peut adresser pour le payement & conuëction de sa rente, & des arrerages d'icelle au detenteur de l'heritage specialement hypothéqué, sans faire aucune

150
Que l'hypo-
theq: spe-
ciale a plus
d'effect que
la generale.

151
Comme la l.
quamuis C.
de pign. est
pratiquée en
la Coustume
de Paris.

152
La l. *quamuis*
n'a lieu
entre le déb-
teur & le
creancier.

153
Interpreta-
tion du 101.
article de la
Coustume
de Paris.

discussion du débiteur de la rente, & de ses cautions: comme le detenteur estant par la Coustume personnellement obligé pour les arrerages de son temps, & lequel partant pour le payement d'iceux peut estre executé en tous ses biens: & quant aux arrerages precedens, en est tenu hypothecairement. Et neanmoins par le moyen, & en vertu de ceste action hypothecaire, le creancier de la rente peut faire saisir & decreter l'heritage spécialement obligé, sans estre tenu faire au préalable aucune discussion. Ce qui a esté introduit par ladite nouvelle Coustume, és articles cy-dessus cottez, & adiousté à l'ancienne Coustume, durant le temps de laquelle, pour les arrerages precedens le temps du tiers detenteur, il falloit faire discussion avant que s'adresser au tiers detenteur: conformément à la disposition de droict introduit par Iustinian *in auth. sed hodie. C. de obli. & act. Auth. ita & auth. hoc si C. de pignor.* Et ce que dessus doit estre aussi dit de l'heritage qui est obligé seulement generally, & du detenteur d'ice-luy; sc. quand le creancier de la rente a obligation generale, sans aucune speciale hypothèque, ou qu'il y a clause que la speciale ne deroge à la generale, comme il est porté par ledit centiesme article. Mais quand le creancier a speciale hypothèque & generale obligation: c'est à dire que le débiteur de la rente luy a spécialement hypothéqué certains heritages pour l'assurance de sa rente, & generally tous ses biens, & que le contract de constitution de rente ne porte point, sans que la speciale obligation deroge à la generale, ny la generale à la speciale: En ce cas le créancier ne se peut adresser qu'hypothecairement au detenteur de l'heritage generally obligé, aliéné par le débiteur: & ne peut faire saisir ledit heritage, qu'il n'ait discuté le débiteur, ses cautions, & le detenteur de l'heritage spécialement obligé. Parce qu'en ce cas le detenteur de l'heritage generally obligé, n'est obligé personnellement par la Coustume, pour les arrerages de son temps, & le creancier audit cas n'a que vne hypothèque subsidiaire. Et ce que dessus a esté statué par ladite Coustume, à ce que le débiteur de la rente se peust ayder de son bien, & librement vendre les heritages qui n'estoient spécialement obligez à la rente. Aussi que le débiteur de la rente peut estre suffisant, riche & opulent, *l. si quis in pignor. §. fin. ff. de pig. act.* en sorte qu'en ce cas il n'est besoin inquieter vn tiers detenteur.

154
Arrests, qu'il
faut discuter
la speciale
hypothèque
auparavant
que s'ad-
dresser à la
generale.

Sur ceste matiere Monsieur le Maistre en son Traicté des Criées, chapitre 22. allegue deux Arrests. Le premier donné entre les Picots demandeurs, & les heritiers feu Morelet du Muzeau defendeurs, le 20. Aoust, 1558. Par lequel fut dit que lesdits Picots seroient tenus preallablement s'adresser aux heritages spécialement obligez à leur rente, iceux discuter & faire vendre, que de s'adresser aux heritages generally obligez: & si les heritages spécialement hypothéquez n'estoient suffisans, pourroient venir aux generales hypothèques. Le second arrest fut donné le 26. Decemb. 1560. par lequel lesdits Picots ayans faict saisir pour la rêe de huit cens liures par an, & dix huit mil liures d'arrerages autres terres que celles spécialement hypothéquées, en fut faicte mainleuée à vn nommé Brahier: sauf à eux de s'adresser à leur speciale

hypothèque. Et faut entendre que lesdits arrests sont donnez pour heritages assis au dedans de la Coustume du Maine, laquelle est conforme à la disposition de droit commun, & laquelle ne baille aucune action personnelle contre le tiers detenteur, comme faict la Coustume de Paris.

Aussi est certain par l'usage de France, que *specialis hypotheca cogit emptorem stare colono, quod non operatur generalis hypotheca*. En sorte que le propriétaire d'une maison ayant spécialement obligé à l'entretienement du bail à loyer faict de ladite maison, le fonds & propriété d'icelle: si apres le propriétaire vend ceste maison, l'acheteur d'icelle ne peut expulser le locatif, & le contraindre vider, luy, sa femme & sa famille hors ladite maison; encores que l'acheteur luy offre dommages & interets: ains est contraint entretenir le bail à loyer faict par son vendeur. Ce qui ne seroit s'il n'y auoit qu'une obligation generale de biens à l'entretienement de son bail à loyer. Ainsi a esté iugé pour Apollo contre Deneta, par arrest donné en plaidoyrie le 10. Ianuier 1558. *l. si creditor. §. fin. ff. de distr. pig. Notant doctores in l. emptorem. C. de locato. & in l. si filius. f. §. si vir in quinquennium. ff. sol matr. l. son in l. quoties. col. 29. C. de rei vind.*

155
La speciale
hypothèque
contraint
l'acheteur
d'entretenir
le bail à
loyer faict
par son ven-
deur.

Mais on a demandé si celui qui a speciale hypothèque sur un heritage, lequel auparavant partage, appartenoit en partie par indiuis à un heritier son débiteur, peut poursuiure son droit d'hypothèque contre le coheritier, auquel le total de l'heritage qui luy estoit obligé, est aduenu par partage. Ou bien si le creancier le doit adresser aux biens & heritages aduenus au lot de l'heritier qui luy auoit obligé sa portion indiuisée. Et apres plusieurs disputes, a esté iugé par arrest de la Cour, donné entre Marie Iuger, femme autorisée par Iustice, au refus de Maistre Jean Procureur au Chastelet de Paris, & Maistre Jean Poncet & sa femme, appellans de Messieurs des Requestes du Palais, d'une part: Jean & André Baucherons, demeurans à Montmorency, intimez d'autre; Que quand le partage est faict esgalement & sans fraude, soit par autorité de Iustice, ou amiablement pardeuant Notaires, le creancier se doit adresser aux biens & heritages aduenus au lot de son débiteur, lesquels valent autant que valoient ses portions indiuisées: & ce pour euitier à infinis proces. Aussi que le creancier a deu preuoir, qu'il falloit quelque iour faire partage, non pas demeurer perpetuellement en communauté, *l. Iulianus. §. idem Celsus. ff. de act. emp. nonobstant la disposition de la loy, si consentis. §. fin. ff. quib. mo. pig. l. si fratres. C. com. utr. iud. l. creditor. §. post diuisionem. ff. qui pot. in pig. hab.*

156
Le creancier
pour debte
precedente
le partage,
ne se peut
adresser
qu'au lot
aduenu à
son debteur.

Aussi faut noter que les frais des obseques & funerailles du defunct sont reputez debtes: & chacun heritier, tant mobilier qu'immobilier des meubles, acquests, conquests, ou propres paternels & maternels, est tenu contribuer au payement des obseques & funerailles, prorata des biens qu'il a amendé du defunct, tout ainsi qu'au payement des debtes. Qui *enim propter funus aliquid impendit, cum defuncto contrahere creditur, non cum haredede*, comme dict la l. 1. *ff. de rel. & sumpt. fun. l. Celsus. cum l. seq. l. impensa funeris. ff. eo. Glo. in l. 2. C. de hær. act. Et per Falcidiam, quod funeris causa impensum est, deducitur tanquam ex alienum. l. 1. §. final. ff. ad l. Falc.* Combien

157
Les obseques
& funerail-
les sont re-
putées deb-
tes du de-
funct.

qu'aucuns ayent estimé que les obseques & funerailles regardent l'exécution testamentaire, laquelle doit estre printe sur les meubles, acquests, conquests immeubles, & quint des propres, & de laquelle les quatre quintes desdits propres ne peuuent aucunement estre chargez. Tellement que si au donataire ou legataire vniuersel sont adiugez tous les meubles, acquests & conquests immeubles, avec le quint des propres d'un defunct; ils n'estiment que ledit donataire ou legataire est tenu d'acquiter tous & chacuns les legs cōtenus au testament du defunct: ensemble payer les fraiz des obseques & funerailles d'iceluy defunct. Comme il fut iugé par arrest donné avec grande cognoissance de cause, le 7. Septembre, 1571. Entre Eustache Viole, soy disant fils adoptif, & donataire vniuersel de defunct Maistre Eustache Chambon, viuant Conseiller en Parlement, appellant d'une part: Maistre Pierre Viole, Conseiller és Requestes du Palais, & consors, heritiers dudit defunct Chambon, inthimez d'autre. Et pour le regard desdites obseques & funerailles, en auons cy-dessus parlé.

158

Les legs testamentaires ne se prennent que sur les meubles, acquests & conquests immeubles, & quint des propres.

Quant aux legs testamentaires, ils ne se peuuent aucunement prendre sur les quatre quintes des heritages propres, mais se prennent seulement sur les meubles, acquests & conquests immeubles, ensemble sur le quint des heritages propres du defunct. Et chacun heritier mobilier & immobilier legataire ou donataire vniuersel des meubles, acquests & conquests immeubles, & quint des propres est tenu contribuer au payement des legs testamentaires, au prorata de ce qu'il a amendé des meubles, acquests & conquests immeubles, & quint des propres du defunct. Demeurant en l'option de l'heritier de prendre les quatre quintes des propres, francs de toutes dispositions testamentaires, telles qu'elles soient, tenant lieu de legitime, & abandonner les meubles, acquests & conquests immeubles, avec le quint des propres à tous les legataires. En quoy faisant l'heritier demeure faisi des quatre quintes des propres, & les legataires prennent le surplus: les debtes toutesfois prealablement payées sur tous les biens de l'heredité; sçauoir sur tous les meubles, acquests & conquests immeubles, & sur les propres, tant paternels, que maternels, demeurez par le decez du defunct.

159

Les debtes se payent sur tous les biens de l'heredité, mesmes sur les quatre quintes des propres.

En ce faisant les quatre quintes des propres sont subiets au payement des debtes mobiliaries & immobiliaries du defunct: tout ainsi que les meubles, acquests & conquests immeubles estans de son heredité. En sorte qu'en la Preuosté & Vicomté de Paris, on ne prend pas les debtes prealablement sur les meubles, comme en aucunes Coustumes, ny prealablement sur les meubles, acquests & conquests immeubles, comme en autres Coustumes: mais generalement sur tous les biens de l'heredité: ainsi qu'il est porté par le 295. art. de la nouvelle Coustume de Paris. Et la l. *à dino Pio. §. in venditione. ff. de rei ind.* n'est obseruée en ladite Coustume.

160

Si par testament on a disposé du total de ses propres, le legs sera re-

Et le 262. art. de la mesme Coustume, par lequel on ne peut disposer par testament, ou par donation faicte pour cause de mort, sinon de tous ses biens meubles, acquests & conquests immeubles, & de la cinquieme partie de tous ses heritages propres, est si estroittement gardé, selon l'aduis d'aucuns, que si vn homme ou femme par son testament & ordonnance de derniere volonté, ou bien par donation faicte pour cause de

mort, a legué à vn sien parent ou amy, vne maison assise en ceste ville de Paris, ou autre heritage situé au dedans de la Coustume de Paris, qui luy estoit entierement propre, & n'auoit point d'autres heritages propres au dedans de ladite Coustume; le legs testamentaire sera reduit au quint, & le legataire n'aura deliurance que de la cinquiesme partie de la maison, ou heritage propre legué: & les autres quatre quints demeureront à l'heritier du testateur, sans qu'il soit tenu faire recompense desdits quatre quints sur les meubles, acquests & conquests denieurez par le trespass dudit defunct: si le testateur ne l'auoit ainsi ordonné expressément par son testament, ou que d'ailleurs il apparust l'intention & volonté du defunct auoir esté, que le legataire fust recompensé: & en ce cas on dict, *Noluit, quod potuit; voluit, quod non potuit. l. multum interest. C. si quis alteri. l. si genero. C. de in. dot.* Et ce que dessus a lieu, suivant l'aduis dessusdit, encores que le defunct testateur eust des heritages propres assis en autre Coustume que de Paris, comme à Meaux, Melun, ou Estampes: D'autant que par chacune desdites Coustumes il n'a esté permis au defunct de disposer des heritages propres qu'il auoit situez au dedans d'icelle, outre le quint desdits heritages propres: & que chacune Coustume est loy particuliere & municipale. Et les dessusdits soustiennent ainsi auoir esté iugé par arrest donné en la Chambre du Conseil, au rapport de feu Monsieur du Gué, le 23. Iuin, ou d'Aoust, 1565. contre les enfans du second liét de feu Tristan de Furet, auxquels ledit de Furet auoit donné la Seigneurie de la Borde, assise au Baillage d'Estampes, qui luy estoit propre. Le legs fut reduit au quint, sans aucune recompense: encores que ledit de Furet eust des heritages propres, assis tant en la Coustume de Paris que d'Orleans. Partant quand vn homme par testament veut entierement donner son heritage propre, il faut qu'il commence à liciter, *ut perueniat ad illicita*: A sçauoir, qu'il donne à tel la somme de mil escus, ou autre somme. Et neantmoins si ses heritiers veulent delaisser audit tel la maison qui luy appartient, assise en ceste ville de Paris, rue S. Honoré (qui luy est propre, ou sans expression de ces mots) il veut que ledit tel se contente de ladite maison, & que ses heritiers demeurent deschargez de luy bailler ladite somme de mil escus. Et ce que dessus est communément suiuy, tant au Palais qu'au Chastelet de Paris.

Nonobstant l'aduis dessusdit, le 13. Aoust, 1575. fut solennellement prononcé arrest, le faict duquel estoit, que Guy de Fleury Seigneur d'Aizeau, Receueur des Tailles & Taillon de Meaux, ayât plusieurs biens tant meubles que heritages propres, acquests & conquests assis és Baillages de Meaux, d'Orleans, Preuosté & Vicomté de Paris, il auroit legué à Perrette Mariette, vefue de feu Maistre Iean Payen, Esleu de Meaux, sa niepce, au lieu de sa part hereditaire, la mestairie & lieu de Conferant, assise en la paroisse de Marolles, au pays de Solongne, consistant en manoir, terres, estangs, & autres dependances, ensemble les meubles & bestiaux qui se pourroient trouuer en ladite mestairie: avec deux cens liures de rente constituée. Pour auoir deliurance de ce legs testamentaire, les heritiers dudit defunct Fleury ayans esté mis en proces à la requeste de

duit au quint, sans recompense des autres portions.

161

Comme vn homme peut par testament disposer de ses propres outre le quint.

162

Arrest par lequel vn legataire d'heritage propre est recompensé des portions excedentes le quint.

ladite Mariette legataire, ils auroient pour leurs moyens remonstéré ce qui a esté cy-deuant deduit : mesmes que par la Coust. d'Orleans on ne pouuoit par testament disposer sinon du quart de ce qui estoit en censue, & du quint de ce qui estoit en fief : Que le defunct auoit disposé par son testament pour dix-sept mil deux cens liures à vne fois payer : Que le legs faict de ladite mestairie deuoit estre reduit au quart, suiuant la Coustume. Accordoient que ladite Mariette & les autres legataires denomez au testament, prissent le quart des propres du defunct tenus en censue, & le quint des propres tenus en fief, les trois autres quarts & quatre quints demeurans ausdits heritiers francs, suiuant les Coustumes, & que le defunct auoit disposé de tous les meubles, acquests & conquests immeubles. Ladite Mariette acceptoit la deliurance du quart de ladite mestairie de Conferant ; & soustenoit qu'elle deuoit auoir l'estimation des trois autres quarts de ladite mestairie, sur tous les autres biens desquels le defunct auoit peu disposer par testament, tant meubles qu'immeubles, quelque part qu'ils fussent situez & assis. Finalement par ledit arrest fut dict, Que deliurance seroit faicte à la demanderesse des deux cens liures de rente, & arrerages d'icelle, du iour du decez dudit defunct Guy de Fleury, & du quart de la mestairie de Conferant, suiuant la Coustume du Baillage d'Orleans : & des trois autres quarts sur les autres propres demeurez de l'heredité du defunct, soit en la Coustume d'Orleans, ou autres Coustumes semblables, iusques à la concurrence de ce, dont par lesdites Coustumes ledit defunct a peu disposer : demeurant aux defendeurs heritiers d'iceluy defunct ce dont par testament il n'auroit peu disposer par lesdites Coustumes. Et outre furent adiugez à ladite demanderesse les meubles & bestiaux qui estoient en ladite mestairie de Conferant, lors du decez dudit defunct : ensemble les fruiets & moissons qui estoient deubs audit iour à cause d'icelle, & les fruiets depuis escheuz pour portion, iusques au iour que deliurance en seroit faicte à ladite demanderesse, & sans despens. Et cest arrest semble estre fondé sur vne grande equité : *Vt scilicet mens & voluntas testatoris seruetur, qui voluit legatarium rem legatam habere: eius enim estimationem consequendo rem ipsam habere videtur: l. africanus. §. fin. cum l. seq. ff. de leg. 1. l. Scanola ff. ad S. C. Treb. l. si rem. ff. de pet. har. l. non aliter. ff. de leg. 3. l. fin. Cod. quæ res pig. l. planè. §. 1. ff. de leg. 1. §. si res aliena. Instit. de legatis.* Et cest arrest est communément suiuy en la Coustume de Paris. En sorte que si vn heritage propre a esté entierement legué, le legataire aura deliurance du quint d'iceluy : & des autres quatre quints sera recompensé sur les autres biens du defunct, tant meubles, acquests & conquests immeubles, que du quint de ses autres propres, quelque part qu'ils soient situez & assis. De faict, le quatre-vingts douziesme article de ladite Coustume porte, qu'on peut disposer de tous les biens meubles, acquests & conquests immeubles, & de la cinquiesme partie de tous ses propres heritages.

163
On peut en-
sacrerment

Et combien que par ledit article de Coustume il soit dict, qu'on ne peut disposer que de la cinquiesme partie de ses heritages propres : toutes-
fois.

resfois on ne peut pas valablement dire, qu'on ne puisse disposer que de la cinquième partie de chacun des heritages situez au dedans de la Coustume de Paris, & que pour la validité du legs testamentaire, il soit besoin de leguer seulement la cinquième partie de chacun heritage propre assis au dedans de ladite Coustume, & non plus auant. Mais vn testateur peut valablement leguer vn heritage assis en la Coustume de Paris, qui luy est entierement propre: pourueu que ledit heritage n'excede la valeur de la cinquième partie de tous les heritages propres qui luy appartiennent, assis au dedans de ladite Coustume: Et ce pour la commodité tant du legataire que des heritiers, lesquels en ce faisant sont sans interest. Et ne peuvent iustement dire, que le defunct ait legué d'auantage que le quint de ses heritages propres, assis en la mesme Coustume. Et si l'heritage propre qui a esté legué excède la valeur de la cinquième partie de tous les heritages propres du defunct testateur, situez au dedans de la Coustume de Paris, il faut defalquer & distraire de l'heritage legué ce qui excèdera la valeur du quint de tous les heritages propres dudit defunct, assis au dedans de ladite Coustume. Et ne peut-on desnier qu'un homme ayant cinq maisons en la ville de Paris de son propre, estans de pareille valeur: ou bien cinq fermes aux champs de son propre, de pareil reuenue & valeur, situées en la Preuosté & Vicomté de Paris, ne puisse valablement leguer l'une desdites maisons, ou fermes, pour la commodité tant du legataire que de ses heritiers; non pas l'astreindre à leguer la cinquième partie de chacune desdites maisons ou fermes. Si les heritages propres du defunct sont assis en diuerses Coustumes, il faut suivre ce qui a esté ordonné par l'arrest solennellement prononcé le 13. Aoust, 1575. cy-deuant recité.

Dauantage, par le 295. article de la nouvelle Coustume de Paris cy-dessus allegué, on peut dire, que le payement des debtes du defunct ne concerne point l'accomplissement de son testament, mais seulement le payement des legs testamentaires, contenus au testament. De faict vn quidam, par le 3. art. de son testament, ayant ordonné toutes & chacunes des debtes qui apparoiroient estre loyaument par luy deuës, estre payées par les executeurs de son testament: Et apres plusieurs legs particuliers, ledit quidam ayant legué à ses niepces, enfans de sa defuncte sœur, tous & chacuns les meubles, acquests & conquests immeubles, & le quint des heritages propres qui luy appartiendroient au iour de son decez, apres son testament accompli: lesdites niepces demandans deliurance de leur legs, les heritiers des quatre quints des propres auroient requis que lesdites legataires fussent tenuës les acquitter de toutes debtes, obseques, funerailles, & legs testamentaires. Et lesdites niepces legataires ayans offert les acquitter des obseques, funerailles, & legs testamentaires; & soustenu n'estre tenuës acquitter lesdits heritiers des debtes du defunct; & qu'elles estoient seulement tenuës payer desdites debtes au pro rata de ce qu'elles auoient amendé des biens du defunct, encores qu'elles fussent tenuës accomplir le testament d'iceluy defunct: D'autant que le payement des debtes du defunct n'est pas accomplissement du testament du defunct. Car encores que le testateur n'eust pas ordonné que ses

leguer vn heritage propre, quand il n'excede point la valeur du quint de tous les propres estans en mesme Coustume.

164
Le legataire qui est chargé d'accomplir le testament du defunct, n'est tenu entierement payer ses debtes.

165
Pourquoy les debtes du defunct ne sont de l'execution & accomplissement de son testament.

debtes fussent payées, il eust tousiours fallu les payer: & le testateur l'ayant ordonné, il n'a fait sinon ce que la loy & la Coustume veulent & ordonnent estre fait. Aussi le testateur generally a ordonné que ses debtes seroient payées par les executeurs de son testament, non pas par les niepces legataires. En sorte que les legataires qui simplement sont chargez d'accomplir le testament d'un defunct, ne sont point tenus payer toutes les debtes: & pour les y astreindre & assuiettir, il est necessaire expressement les charger du payement des debtes. Autrement ils ne sont point tenus entierement les payer, mais doiuent seulement contribuer au payement d'icelles, *pro rata bonorum*. Ainsi qu'il fut aduisé par les Aduocats du Chastelet de Paris, & leur aduis qui est fondé sur ledit quatre-vingts quinzième article de la Coustume, fut suiuy par les parties litigantes.

166
Les heritiers
estans pour-
suiuis hypo-
thecaire-
ment, sont
tenus soli-
dairement
payer les
debtes du
defunct.
Hypotheca
est indi-
uidua.

Il conuient noter que les articles de Coustume cy-dessus alleguez, qui portent que les heritiers sont tenus payer les debtes du defunct, ou également, ou pour portion de l'emolument; se doiuent entendre quand les heritiers sont poursuiuis personnellement. Mais si les heritiers ou aucuns d'eux sont poursuiuis hypothecairement, comme biens tenans, c'est à dire comme detenteurs du total, ou de partie des heritages qui ont appartenu au defunct, obligez & hypothecuez à la dette créée par le defunct: chacun des heritiers est tenu payer le tout, sauf son recours contre les coheritiers. Comme il est porté par le trois cens trente-troisième article de la nouvelle Coustume de Paris: *Cum hypotheca indiuidua sit, tota in toto, & tota in qualibet parte: & pignoris possessor integrum debitum soluere teneatur, aut fundo obligato cedere: l. finali. C. si unus ex pluribus. l. rem hereditariam. §. idque placebat. ff. de euct. l. pignoris. C. de pignorib.*

167
Comme la
condamna-
tion person-
nelle, & la
condamnation
hypothecai-
re se doiuent
executer cõ-
tre l'heritier
en partie
d'un de-
funct.

Tellement que celuy qui est heritier pour vn quart d'un defunct, estant condamné personnellement comme heritier, payer sa part & portion hereditaire, qui est le quart de la somme de cent escus en laquelle le defunct estoit obligé par breuet passé pardeuant deux Notaires du Chastelet de Paris, & hypothecairement comme detenteur de partie des heritages qui ont appartenu au defunct à payer toute la somme: La condamnation personnelle qui est pour vn quart, s'excutera sur tous les biens meubles & immeubles appartenans à l'heritier, encores qu'ils ne soient pas venus de la succession du defunct. Et la condamnation hypothecaire pour les trois autres quarts, s'excutera seulement sur les heritages demeurez par le decez du defunct, obligez à la dette, detenus par l'heritier condamné: lesquels on pourra faire saisir, crier & adiuger par decret: sans pouuoir faire saisir, ny prendre par execution les autres biens de l'heritier condamné, comme il sera cy-apres amplement monstré. Car en l'action, ou bien en la condamnation hypothecaire donnée contre le detenteur & propriétaire de l'heritage obligé, n'y a aucune personnalité, ains vne simple realité. *Et quemadmodum rei vendicatis rem petitam tantum respicit, quam à detentore tanquam nostram, restitui nobis contendimus: aussi, actio hypothecaria (qua realis est) rem obligatam tantum respicit, & eius detentorem persequimur, ut aut fundo obligato cedat, aut totum debitum soluat.* C'est à dire selon l'usage de France, qu'il soit permis au

168
Hypotheca
aria actio-
ne rem tan-
tum perse-
quimur, &
non perso-
nam.

creancier faire saisir, crier, & adiuger par decret l'heritage obligé à la debte, pour des deniers procedās de la vente d'iceluy estre payé de son deub: si mieux l'heritier detenteur & propriétaire de la chose obligée ne le veut payer de son deub. Non pas que le detenteur & propriétaire de l'heritage obligé à vne debte soit tenu precisément payer, ou quitter & deguerpir l'heritage obligé: mais sur le detenteur & propriétaire, on fera saisir, crier, & adiuger l'heritage obligé, si volontairement il ne veut payer le creancier. Tellement que quand on dit, *Aut soluat, aut cedat fundo obliato: id est permittat ut fundus obligatus vendatur*, permette & delaisse l'heritage obligé, pour estre sur luy saisi, crié & adiugé par decret. Ainsi s'entend le cent-vniesme article de la nouvelle Coustume de Paris: & la loy finale, *C. si unus ex pluribus her. dibus creditoris, vel debitoris partem suam debiti soluerit vel acceperit*.

Ce qu'il faut entendre en simple debte créée par le defunct sous l'obligation de ses biens. Car en rente constituée par le defunct, l'heritier en partie du defunct, detenteur de partie des heritages dudit defunct, est tenu par la Coustume personnellement payer tous les arrerages escheuz de son temps, & pour le paiement d'iceux peut estre executé en tous ses biens, iusques à ce qu'il ait deguerpy en Iustice tous les heritages qu'il detient, estans de la succession de celui qui a créé la rente.

Ce qui a esté cy dessus dict, est tellement & si estroittement obserué, qu'en execution de condamnation hypothecaire donnée contre l'heritier, on ne peut saisir sinon les heritages demeurez par le decez du defunct, aduenus à l'heritier, & non les heritages qui d'ailleurs appartiennent à l'heritier: Parce que l'hypothèque créée par le defunct sur les biens presens & à aduenir, ne s'estend aucunement aux biens qui appartiennent l'heritier d'ailleurs que par la succession du defunct, selon le texte exprés, *in l. Paulus respondit. ff. de pignor. Glo. in l. assiduis. in verbis, licet anterioris, versiculo, item an bona. C. qui pot. in pign.*

Et supposé que par l'obligation passée par le defunct pour somme de deniers, ou bien pour rente cōstituée, le defunct ait obligé non seulement ses biens meubles & immeubles, presens & aduenir; mais aussi ceux de ses hoirs & ayans cause: Toutesfois l'obligation de ses hoirs & ayā cause, se resout en pure personnalité: *atenus quatenus bona defuncti ad heredes suos, velius ab eo habentes perueniunt*: suiuant la loy premiere, *C. com. de leg. in verbis, sed tantum earum rerum, quæ à testatore ad eum peruenerunt*. En ce faisant, les biens appartenans aux heritiers d'ailleurs que par la succession du defunct, pareillement les biens qui d'ailleurs appartiennent à ceux qui ont droit du defunct par donation, vendition ou autrement, ne seront point par le moyen de la conuention susdite, affectez, obligez, ne hypothéquez à la debte du defunct, ou rente par luy constituée: selon le texte *in l. rem alienam. vers. non est idem dicendum. ff. de pig. act. l. seruo. C. de test. man. l. si seruo. ff. qui & à quib. man. lib. non fiant*. La raison est parce que pour constituer droit d'hypothèque sur vn heritage, il est necessaire que le constituant, lors & au temps de la creation de l'hypothèque,

169
Comme se
pratique en
France,
Aut cedat,
aut soluat.

170
La condam-
nation hy-
potheque ne
s'estend
que sur les
biens du de-
funct, &
non sur
ceux de l'he-
ritier.

171
L'obligatiō
des biens de
ses hoirs se
resout en
pure person-
nalité.

soit propriétaire de l'heritage lequel il oblige & hypothèque au payement de sa debte ou bien ait droict en l'heritage, par le moyen duquel il le puisse obliger & hypothéquer: Ou bien si deslors de ladite creation d'hypothèque le débiteur n'est propriétaire dudit heritage, *saltem*, il faut que suivant le cas de la loy, *rem alienam. ff. de pig. act.* il succède au propriétaire dudit heritage, *aut quoquo titulo nansciscatur* la propriété d'iceluy heritage: *ut saltem utiliter pignus conualescat.* Aussi que le creancier sçait certainement que son débiteur n'a aucun droict és biens de son futur heritier, qui est incertain & incogneu: *l. ante omnia. ff. de probat. l. & que nondum. §. quod dicitur. ff. de pignoribus. Licet res heredis, vel aliena legari possit à testatore. l. unum ex familia. §. si rem. de legat. 2. §. si res aliena. Instit. de legatis. Imò verò res aliena possit vendi ab eo, qui nullum ius in ea habet. l. rem. ff. de contr. emp. Ita tenet Ioan. Faber in §. fuerat. vers. Quid si testator ea obligasset expressè. Instit. de act. & in d. l. assiduis.* En sorte que si l'heritier apres le trespas du defunct vend quelques heritages qui luy appartennoient d'ailleurs que par la succession du defunct: le creancier dudit defunct, soit de simple debte ou rente, n'a aucune action personnelle ny hypothécaire contre l'acquéreur dudit heritage: comme les mots susdits, de ses hoirs & ayans cause, n'emportans aucune hypothèque sur les biens de l'heritier pour le tout, ou en partie de celuy qui les a obligez, sans le consentement dudit heritier. Et ainsi communément est tenu & pratiqué.

Toutesfois aucuns sont d'aduis contraire; & dient que l'hypothèque par convention expresse créée par le defunct sur les biens de ses hoirs, est bonne & valable, pour avoir effect & droict d'hypothèque sur les biens appartenans à ses heritiers, chacun pour telle part & portion qu'il est heritier dudit defunct, & non pour d'avantage: & maintiennent que les heritiers du defunct s'estans portez heritiers simples, ont raisiblement approuvé, consenty & ratifié l'hypothèque créée par le defunct sur les biens qui leur appartiennent d'ailleurs que par la succession du defunct; & ce pour telle part & portion qu'ils sont heritiers, cōme censez mesme personne que le defunct, & le representans; & comme l'obligation du defunct estant transmise & transferée à chacun des heritiers pour sa portion hereditaire. Aussi que par l'addition pure & simple de l'heredité, y a confusion de biens & de patrimoines. Ainsi qu'il est amplement traicté per Baldum in l. cum à matre. C. de rei vendicat. Tellement que si le defunct a constitué cent liures de rente, & ait delaisné quatre heritiers, les biens de chacun des heritiers à eux appartenans d'ailleurs que par la succession du defunct, seront du iour du decez du defunct, (qui est le temps de l'addition d'heredité) obligez & hypothéquez au payement & continuation du quart des cent liures de rente, constituée par le defunct, qui sont vingt-cinq liures de rente à chacun desdits heritiers. Si le defunct n'a laissé qu'un heritier, les biens qui d'ailleurs luy appartiennent, seront obligez au payement de la totalité de la rente. En ce faisant si lesdits heritiers apres le trespas du defunct vendent quelques heritages qui leur appartiennent d'ailleurs que par la succession du defunct; l'acquéreur d'iceux pourra estre poursuivy hypothécairement comme detenteur, à fin

de payer la portion de la rente, ou de la debte qui estoit deuë personnellement par l'heritier vendeur, soit vn tiers, vn quart, ou le total, selon l'opinion susdite. Et quant aux biens de ceux qui ont droit à tiltre particulier du defunct, lesquels biens n'ont appartenu audit defunct, ils ne sont par la clause & conuention susdite aucunement obligez au payement des debtes du defunct. Pour confirmation de leur opinion, alleguent la loy finale, ff. rem rat. haberi. l. si Titio. ff. de pign. l. si quis ita legatus. §. quod constitutum. ff. de man. test. Itatenent Bald, & Angelus in l. assiduis. C. qui pot. in pign. Et hoc propter conuentionem defuncti. Glo. marginalis in d. l. Paulus respondit. ff. de pign.

Et en cet endroit conuient noter, qu'en France l'action hypothecaire, que nous appellons *quasi Seruianam* vel *hypothecariam*, s'intente principalement contre le tiers detenteur & propriétaire, à ce que l'heritage par luy detenu, acquis de tel, soit déclaré affecté, obligé, & hypothéqué au payement de telle debte, ou de telle rente, ou du recours de garantie de tel heritage: & non contre le débiteur & obligé, comme elle souloit s'intenter par la disposition de droit commun, à ce qu'il fust condamné de laisser au creancier la possession & iouyssance de l'heritage hypothéqué; pour d'iceluy iouyr par le creancier, & en prendre les fructs, iusques à ce qu'il fust payé de son deub. *Ideoque huiusmodi actio auocatoria dicebatur, quia per eam creditor possessionem rei obligatae, sine pignoris auocabat, & pignus tenebat, donec debitum sibi persolutum fuisset*: Ou bien requeroit qu'il fust permis vendre le gage qui luy auoit esté baillé. Ce qui n'est pratiqué en France: mais à faute de payement, en vertu de l'obligation ou de la condamnation obtenüe contre le débiteur, on fait saisir, crier & adiuger par decret les heritages du débiteur obligé & condamné: l. si ea lege. C. de usur. l. si cum venditor. ff. de cuius.

Pour faire cesser le doute susdit, & acquérir au creancier d'un defunct hypothèque sur les biens de ses heritiers, qui leur appartiennēt d'ailleurs, que par la succession du defunct, & ce pour telles parts & portions qu'ils sont heritiers, & non pour d'auantage: Sera besoin les poursuiure en Iustice, & faire condamner au payement de la somme de deniers qui est deuë audit creancier, au payement & continuation de la rente qui luy a esté constituée par le defunct. Et lors le creancier aura hypothèque sur les biens de l'heritier ou heritiers du condamné, du iour de la sentence ou arrest de condamnation, suivant l'Ordonnance. Tellement que si apres ce iugement portant condamnation, l'heritier vend quelques heritages qui luy appartennoient d'ailleurs que par la succession du defunct, l'acquireur d'iceux pourra hypothecairement estre poursuiuy par le creancier, s'il est question d'une somme de deniers pour vne fois payer. Et s'il est question de rente constituée, ledit acquireur pourra estre poursuiuy personnellement & hypothecairement, pour le payement & continuation de la rente, suivant la Coustume de Paris. Ou bien le creancier fera passer tiltre nouuel par les heritiers du defunct, de la rente qui luy estoit deuë par ledit defunct, avec l'obligation & hypothèque des biens d'icels heritiers.

174

Comme l'heritier doit passer tiltre nouveau de la rente constituée par le defunct.

Partant vn heritier bien aduisé, quand il passera tiltre nouveau & recognoissance d'une rente constituée par le defunct, auquel il aura en partie succédé, n'obligera au payement & continuation de la rente, si non les biens qui luy sont aduenus, & dont il iouyt comme heritier du defunct, & non ses heritages propres, & qui d'ailleurs luy appartiennent. Et si le creancier ne se veut contenter, il obligera ses heritages propres, & ceux qui d'ailleurs luy appartiennent, au payement & continuation de la part & portion de la rente, pour laquelle il aura succédé au defunct, soit vn tiers, soit vn quart, ou autre portion. Laquelle hypothèque l'heritier ne pourra bonnement refuser: parce qu'estant condamné, elle sera créée sur les biens du iour de la condamnation, suiuant l'Ordonnance, comme dit est. Et si vn mary, lequel à cause de sa femme, ou bien la femme duquel de luy autorisée a esté heritiere d'un defunct, passé avec sa femme tiltre nouuel d'une rente constituée par le defunct, parent de sa femme, il n'obligera pas au payement & continuation de la rente ses heritages propres, ny les heritages de la communauté; d'autant qu'il n'est que simple administrateur des heritages propres de sa femme: mais obligera les heritages qui sont aduenus à sa femme par le decez du defunct; ensemble les heritages propres de sa femme, pour la part & portion que sa femme aura esté heritiere du defunct qui a constitué la rente.

Comme la condamnation personnelle & hypothecaire donnée contre un heritier en partie d'un defunct se doit executer.

Si le defunct a constitué une rente, soit de cent liures tournois, ou d'autre somme; & l'heritier pour vn quart est condamné tant personnellement, comme heritier, que hypothecairement comme detenteur & propriétaire de partie des heritages qui ont appartenu au defunct, payer quatre années d'arrerages escheuës au iour du decez du defunct. Aussi est condamné tant personnellement que hypothecairement, comme detenteur, payer deux années d'arrerages escheuz depuis le decez du defunct, au iour saint Remy, 1585. ceux depuis escheuz, & qui cy-apres escherront aux quatre termes à Paris acoustumez, & passer tiltre nouuel de la rente. La condamnation personnelle qui est d'un quart, pour le regard des arrerages escheuz auparavant le decez du defunct, s'executera sur tous les biens de l'heritier: Et la condamnation hypothecaire des trois autres quarts, s'executera seulement sur les heritages du defunct, detenus par l'heritier, sans aucune discussion, comme il a esté cy-dessus clairement monstré, non pas sur les meubles & autres biens immeubles qui appartiennent à l'heritier d'ailleurs que par la succession du defunct: parce que pour lesdits trois quarts n'y a aucune personnalité: & n'y a vnion de l'action personnelle avec l'hypothecaire que pour vn quart seulement: ce qu'il conuient noter. Et quant à la condamnation personnelle & hypothecaire donnée pour les arrerages escheuz depuis le decez du defunct, que l'heritier a esté detenteur & propriétaire de partie de l'heritage obligé: ceste condamnation s'executera sur tous les biens meubles & immeubles qui appartiennent à l'heritier, prouenus tant de la succession du defunct que d'ailleurs. Parce que l'heritier, du iour de sa detention, & dès l'instant qu'il a esté detenteur & propriétaire de partie de l'heritage hypothecqué à la rente, il a esté par la Coustume de Paris personnellement

obligé au payement de tous les arrerages qui escherroient à cause de ladite rente depuis ladite detention, comme escheuz de son temps : en sorte que l'exécution se faict en vertu de la condamnation personnelle donnée par la Coustume.

Toutesfois aucuns sont d'aduis, que quand l'heritier pour vn quart est condamné personnellement & hypothecairement payer les arrerages d'une rente constituée par le defunct, duquel il est heritier, escheuz auparavant le trespas dudit defunct : Que le creancier de la rente, pour le payement du total des arrerages, qui luy sont deubs & adiugez, escheuz auparavant ledit trespas, peut en vertu de son iugement, non seulement faire saisir les heritages escheuz par le trespas du defunct ; mais aussi tous les meubles & immeubles, qui appartiennent audit heritier d'ailleurs, que par la succession du defunct. Parce que l'heritier estant personnellement obligé pour le quart desdits arrerages, l'action personnelle concurre, & est vnue avec l'hypothecaire, & que le defunct est représenté en la personne de l'heritier, *iure transmissionis & confusionis bonorum*. Auquel cas ne faut point de discussion : & selon leur aduis on se peut adresser à l'heritier pour le tout, & le faire executer en ses meubles, & autres biens pour le tout : sauf son recours contre les coheritiers. Et le semblable dient deuoir estre obserué quand le defunct doit par breuet la somme de cent escus, au payement de laquelle il a obligé tous ses biens, & a delaisé quatre heritiers. Tellement qu'ils maintiennent qu'en vn seul cas le detenteur & propriétaire d'un heritage, ou de droit immobilier, ne peut estre executé en ses meubles & autres biens, pour les arrerages qui ne sont escheuz de son temps, ou pour la dette qui n'a esté créée par le detenteur de l'heritage hypothéqué : Qui est, quand l'heritage hypothéqué est detenu par vn tiers qui est estranger, en la personne duquel n'y a aucune obligation personnelle, mais seulement action hypothecaire, laquelle ne se peut executer, que par la saisie & vente de l'heritage hypothéqué.

175
Sçavoir se
l'heritier
pour vn
quart peut
estre execu-
té pour tous
les arrerages
escheuz du
vivant du
defunct.

Partant quand il est question du payement des arrerages d'une rente, on condamne le tiers detenteur personnellement & hypothecairement payer les arrerages de son temps, & hypothecairement les precedens. Et s'il est question d'une dette de somme de deniers, ou bien d'un recours de garantie, on declare l'heritage possédé par le tiers detenteur, obligé, & hypothéqué au payement de la dette, ou du recours de garantie : Pour discussion preallablement faicte, & l'ordre de droit gardé, estre saisy, crié, vendu, & adiugé par decret, pour les deniers, &c. Mais suiuant leur aduis, quand vn heritier est condamné personnellement, & hypothecairement au payement des arrerages d'une rente, ou d'une dette, encores que personnellement il ne doine qu'un tiers ou vn quart, ou autre portion desdits arrerages, ou de ladite dette, il pourra pour tous les arrerages adiugez, ou pour toute la dette adiugée estre executé en tous ses biens meubles & immeubles, au moyen de l'union & concurrence de la personnelle avec l'hypothecaire, supposé que la personne ne soit que pour vn tiers, ou pour vn quart.

176
Forme de
condamner
un tiers de-
tenteur pour
les arrerages
d'une rente.

Resolution
de la questiō
cy-dessus.

Neantmoins la premiere opinion semble estre plus equitable, que la condamnation personnelle se peut executer sur tous les biens de l'heritier, & la condamnation hypothecaire sur les biens aduenus à l'heritier par la succession du defunct, comme il a esté cy-dessus deduit. Attendu que l'heritier, outre sa portion hereditaire, ne represente point le defunct, *sed extranei loco habetur*. Aussi qu'au cas susdit, n'y a vnion pour le tout de l'action personnelle avec l'hypothecaire, ains pour partie seulement: Et que ceste vnion ne peut, sinon oster la discussion, & faire que sans discussion on puisse de plein vol, saisir, crier & adiuger par decret l'heritage obligé. Non pas que pour le payement de tous les arrerages escheuz du viuant du defunct, ou pour le payement de toute la debte créée par le defunct, on puisse faire executer l'heritier pour vn tiers, ou pour vn quart du defunct, en tous les biens meubles & immeubles qui appartiennent audit heritier d'ailleurs, que de la succession du defunct. Ioinct que les sentences & iugemens qu'on donne contre les heritiers, portent ordinairement ces mots, Condamnez personnellement pour telles parts & portions qu'ils sont heritiers, & hypothecairement comme biens tenans chacun pour le tout. Suiuant lesquels iugemens & condamnations les executions doiuent estre reiglées, comme il a esté cy-deuant amplement deduit.

177
Difference
entre l'obligation
personnelle
legale contre
l'heritier en
partie d'un
defunct, &
l'obligation
personnelle
coustumiere
contre ledit
heritier.

En ce faisant quand il est question de rentes, on cognoist qu'en la personne de l'heritier en partie d'un defunct il y a deux obligations personnelles. L'une est legale, baillée par la loy contre tous les heritiers, laquelle concernet tant le payement & continuation de la rente, que les arrerages escheuz du viuant, & apres le trespas du defunct. Et ceste obligation, ou bien condamnation personnelle, ne se peut executer sur les biens appartenans audit heritier, soit de la succession du defunct ou d'ailleurs, que pour la portio hereditaire dudit heritier, qui est vn tiers, ou vn quart, ou autre portion: *l. 2. C. de her. act. l. 1. C. si cert. pet. l. manifesti iuris. C. si unus ex plurib.* L'autre obligation personnelle est coustumiere, baillée par la Coustume de Paris, contre l'heritier en partie d'un defunct, detenteur & propriétaire de partie des heritages qui furent au defunct. Et ceste obligation, ou bien condamnation personnelle ne s'estend aucunement aux arrerages escheuz du viuant du defunct; mais seulement au payement & continuation de la rente pour l'aduenir, & aux arrerages escheuz depuis le trespas du defunct, pour lesquels l'heritier est personnellement obligé par la Coustume. Et peut estre executé en tous les biens pour le payement de tous les arrerages escheuz depuis ledit decez: Parce que dès l'instant d'iceluy decez, ledit heritier a esté faict detenteur & propriétaire de partie des heritages du defunct: consequemment personnellement obligé à tous les arrerages de la rente deuë par le defunct, escheuz depuis ledit decez, comme escheuz du temps dudit heritier.

178
Par la sentence on distingue l'o.

Et par la sentence donnée contre l'heritier en partie d'un defunct, on a accoustumé, comme dit est, de distinguer les deux obligations, ou condamnations personnelles, & dire, Condamné personnellement pour telle part & portion qu'il est heritier du defunct, & encores personnellement
& by -

& hypothecairement comme detenteur & propriétaire de partie des heritages du defunct, pour le tout payer, & continuer chacun an aux quatre termes à Paris accoustumez, les cent liures de rente dont est question, & payer les arrerages escheuz depuis le decez du defunct, & qui cy-apres escherront. Et quant aux arrerages escheuz auparavant le trespas, condamné personnellement les payer pour telle part & portion qu'il est heritier du defunct, & hypothecairement pour le tout, & passer tiltre nouveau de ladite rente : sauf son recours contre ses coheritiers & autres qu'il verra bon estre. Ou bien quand il n'y a point d'arrerages precedens le decez, & qu'ils sont plusieurs heritiers : on dit, Condamnez payer & continuer à tel chacun an aux quatre termes à Paris accoustumez, cent liures tournois de rente, luy payer tant d'années d'arrerages escheuz tel iour, ceux depuis escheuz, & qui cy-apres escherront : & ce personnellement, pour telles parts & portions que les defendeurs sont heritiers du defunct ; & encores personnellement & hypothecairement chacun pour le tout, comme detenteurs & propriétaires des heritages qui furent au defunct, partie ou portion d'iceux, suivant la Coustume. En ceste sentence est l'obligation, ou bien condamnation personnelle legale : laquelle ne se peut executer sur les biens de chacun des condamnez, que pour leur portion hereditaire, qui est vn tiers ou quart. Pareillement est la condamnation personnelle coustumiere, laquelle est executoire pour le tout, & solidairement sur tous les biens de chacun des condamnez, tant meubles qu'immeubles prouenus tant de la succession du defunct que d'ailleurs.

obligation legale, & la coustumiere donnée contre l'heritier detenteur, avec la forme de ladite sentence.

Toutesfois il conuient noter que communément & ordinairement és demandes faictes contre plusieurs heritiers detenteurs d'heritage d'un defunct, ny és sentences contre eux données, on n'accumule pas l'obligation, ny la condamnation personnelle baillée par la Coustume, avec la demande hypothecaire, ou bien avec la condamnation hypothecaire, comme elle est cy-dessus coniointe & cumulée. Mais en matiere de rentes, on conclud seulement contre plusieurs heritiers, à ce que personnellement chacun pour telle part & portion qu'ils sont heritiers du defunct, & hypothecairement comme detenteurs & propriétaires des heritages demeurez par le trespas du defunct, chacun pour le tout soient condamnez payer & continuer les cent liures de rentes constituées par le defunct. Et conformément à ceste demande ils sont condamnez, & est l'usage & stiel commun. Tellement qu'encores que le demandeur ait requis que les heritiers soient condamnez personnellement pour telle part & portion qu'ils sont heritiers du defunct, luy payer la rente par luy demandée : & encores soient condamnez personnellement & hypothecairement, chacun pour le tout, comme detenteurs des heritages, qui ont appartenu au defunct, ny payer & continuer ladite rente, & ce suivant la Coustume : Neantmoins les Iuges ordinaires, ny mesmes la Cour de Parlement ne condamne les heritiers, sinon personnellement, pour telle part & portion qu'ils sont heritiers du defunct, & hypothecairement comme detenteurs des heritages qui luy ont appar-

179

Es demandes & sentences l'obligation personnelle baillée par la Coustume ne s'accumule pas ordinairement avec l'obligation hypothecaire.

tenu, partie ou portion d'iceux, chacun pour le tout, payer & continuer la rente, de laquelle est question. Et dit-on qu'en ceste condamnation hypothecaire est annexée & comprise l'obligation personnelle, introduite par la Coustume de Paris. En sorte qu'en vertu de ceste condamnation hypothecaire, l'heritier en partie du defunct, voire le tiers detenteur sera contraint au payement de tous les arrerages, qui seront escheuz de son temps, par execution & vente de tous les biens prouenus tant de la succession du defunct que d'ailleurs.

180
L'obligation
personnelle
coustumiere
est accessoire
à l'action
hypothecai-
re.

Et par ce moyen on peut cognoistre que l'obligation personnelle introduite par la Coustume de Paris contre le detenteur de l'heritage obligé, n'est pas censée la premiere & principale obligation, comme est l'obligation personnelle baillée par la loy, laquelle est censée premiere & principale obligation, & l'action hypothecaire est seulement accessoire à l'obligation personnelle baillée par la loy. Mais l'obligation personnelle baillée par la Coustume est censée accessoire à l'action hypothecaire: d'autant qu'elle est baillée à cause & en consequence de la detention & propriété de l'heritage obligé & hypothéqué à la rente, contre le detenteur & propriétaire dudit heritage, & non contre autre. Et cela se cognoist manifestement en vn tiers detenteur d'heritage obligé à vne rente, contre lequel n'y a aucune obligation, ny action personnelle baillée par la loy. Neantmoins parce qu'il est detenteur & propriétaire de l'heritage obligé à la rente, la Coustume l'oblige personnellement du iour de sa detention, à payer tous les arrerages escheuz depuis le iour de ladite detention, comme escheuz de son temps. Et pour le payement desdits arrerages, ledit detenteur & propriétaire peut estre executé en tous ses biens, tout ainsi que s'il estoit obligé au payement d'iceux, pardevant deux Notaires du Chastelet de Paris. *Obligatio enim legalis siue statuaria*

181
Si on doit
conclurre hy-
pothecaire-
ment & per-
sonnellemēt
suivant la
Coustume,
aut è con-
uerso.

equiparatur obligationi conuentionali, & ex ea datur condictio ex lege, que personalis est, cum pactum & statutum equiparentur. l. fin. Cod. de fid. Et l'obligation personnelle baillée par la Coustume contre le detenteur de l'heritage obligé, estant accessoire à l'action hypothecaire & baillée en consequence de la detention: il semble qu'il seroit bon de conclurre contre l'heritier en partie du defunct, à ce que hypothecairement & personnellement pour le tout, comme detenteur, il soit condamné payer & continuer la rente de laquelle est question, & les arrerages escheuz depuis le decez, & qui cy-apres escherroient: En ce faisant preferer la condamnation hypothecaire à la condamnation personnelle baillée par la Coustume: comme l'hypothecaire estant la principale, & la personnelle estant accessoire. Et ainsi a esté ordonné par arrest solemnellement prononcé le 9. Aoust 1591. cy-dessus recité: Par lequel Maistre Nicolas de la Court & sa femme, comme detenteurs, à tiltre de doüaire coustumier, de la moitié des propres & acquests de defunct de Valles, ont esté condamnez hypothecairement & personnellement, tant & si longuement qu'ils seront detenteurs & iouyssans desdits biens, payer & continuer cinquante liures de rente, qui estoit due par ledit defunct, les arrerages escheuz & qui escherroient à l'aduenir. Toutesfois on a accou-

stumé de preposer l'action personnelle à l'hypothecaire, *quasi dignior sit & efficacior.*

Aussi il conuient noter qu'en la sentence cy-dessus recitée donnée contre l'heritier en partie du defunct, & detenteur en partie des heritages d'iceluy, il y a au premier chef d'icelle concernant le payement & continuation de la rente & des arrerages escheuz depuis le trespas du defunct, & qui apres escherront, trois condamnations, à sçauoir la condamnation personnelle, suiuant l'obligation legale, contre l'heritier; la condamnation personnelle, suiuant l'obligation personnelle baillée par la Coustume contre ledit heritier, comme detenteur; & la condamnation hypothecaire, en consequence de l'action hypothecaire baillée par la loy, & par la Coustume contre ledit heritier detenteur. Et neantmoins quand il est question de mettre à execution la sentence susdite pour le premier chef d'icelle, on ne s'ayde sinon de la condamnation donnée suiuant l'obligation personnelle baillée par la Coustume: d'autant qu'elle s'execute, pour le payement de tous les arrerages escheuz depuis le trespas du defunct, sur tous les biens tant meubles qu'immeubles du condamné, procedans tant de la succession du defunct, que d'ailleurs. Et la condamnation donnée contre l'heritier, en qualité d'heritier, ne se peut executer sur les biens dudit heritier condamné, sinon pour la part & portion pour laquelle il est heritier, soit vn tiers, ou vn quart. Et la condamnation hypothecaire ne se peut mettre à execution, sinon par saisie, criées & adiudication par decret des heritages qui appartiennent à l'heritier condamné, par le decez & succession du defunct. Partant on s'ayde de la condamnation donnée suiuant l'obligation personnelle baillée par la Coustume, comme plus ample, & ayant plus d'effect, de force & de vigueur, que les deux autres condamnations.

Et au second chef de ladite sentence, concernant le payement des arrerages de la rente escheuz du viuant du defunct, y a deux condamnations. L'une est personnelle suiuant l'obligation legale donnée contre l'heritier en partie du defunct, laquelle pour le payement desdits arrerages, ne peut estre mise à execution contre ledit heritier, sinon pour telle part & portion qu'il est heritier du defunct, soit vn tiers, ou vn quart, & non pour d'auantage. L'autre condamnation est hypothecaire, & en vertu d'icelle apres commandement faict à l'heritier condamné, on peut pour le payement de tous les arrerages deubs & escheuz du viuant du defunct, faire saisir, crier, & adiuger tous les heritages qui ont appartenu au defunct, desquels l'heritier condamné iouyt, & qui luy sont aduenus par le decez & succession du defunct: & ce sans aucune discussion ny diligence faicte contre les autres heritiers, parce que l'action personnelle concurre avec l'hypothecaire: aussi suiuant le 101. article de la nouvelle Coustume de Paris. Et audit second chef de la sentence susdite n'y a aucune condamnation personnelle suiuant la Coustume: Parce que l'obligation personnelle baillée par la Coustume contre l'heritier detenteur, ou contre le tiers detenteur de l'heritage obligé, ne commence, & n'a effect que du iour de la detention & iouissance de l'heritage

obligé à la rente, de laquelle est question: laquelle detention & iouissance ne peut estre en la personne de l'heritier, sinon du iour du decez du defunct, & non auparauant iceluy. Aussi l'action personnelle donnée par la Coustume n'est point baillée contre le tiers detenteur, pour les arrerages precedens sa detention, pour lesquels il est seulement tenu hypothecairement; mais pour les arrerages escheuz depuis sa detention, au payement desquels il est tenu personnellement & hypothecairement: en sorte qu'à faute de payement d'iceux il peut estre executé en tous ses biens meubles & immeubles.

182
L'action
personnelle
baillée par
la Coustume,
n'est
point donnée
pour les ar-
rerages es-
cheuz aupara-
uant la
detention.

Partant quand l'heritage hypothéqué à vne rente est suffisant pour le payement & continuation d'icelle, & des arrerages qui en sont deubs; le creancier qui veut euitier inuolution de proces, & ne point entrer en la dispute de la qualité d'heritier, ny en la distinction de l'action personnelle legale, qui doit estre intentée contre l'heritier en partie du defunct en qualité d'heritier, ny de l'action personnelle baillée par la Coustume, qui doit estre intentée contre ledit heritier, comme detenteur, ny de l'action hypothecaire qui pareillement peut estre proposée contre ledit heritier comme detenteur: doit poursuiure l'heritier du defunct, qui a constitué la rente, comme tiers detenteur, contre luy conclure à ce qu'il ait à declarer, s'il est detenteur & propriétaire des heritages obligez, partie ou portion d'iceux, dès & depuis quel temps: & si tel le dit & declare, il soit condamné personnellement & hypothecairement, suiuant la Coustume, payer & continuer telle rente, avec les arrerages escheus, & qui cy-apres escherront à cause d'icelle. Car pour les arrerages escheuz depuis sa detention, il le fera executer en tous ses biens, & pour les arrerages precedens il fera saisir l'heritage obligé sans aucune discussion, cōme il est porté par ledit 101. art. de la Coust. de Paris. Et l'action personnelle legale que le creancier a contre l'heritier de son obligé, luy demeure saine & entiere, pour l'intenter quand besoin sera, dont il fera protestation par sa demande. Les autres ne veulent laisser en arriere la qualité d'heritier, la ioignent avec la qualité de detenteur, & concluent contre l'heritier en partie du defunct, A ce que comme heritier & detenteur de partie des heritages du defunct, il soit condamné payer chacun an au demandeur cent liures de rente, qui luy a esté constituée par le defunct, luy payer cinq années d'arrerages escheuës au iour S. Remy dernier, ceux depuis escheuz, & qui cy-apres escherront. Et estiment ceste demande & condamnation donnée suiuant icelle estre fort bonne, briefue & claire, comme pure personnelle, & executoire sur tous les biens du condamné. Ce qui est vray, pourueu qu'il n'y ait point d'arrerages escheuz auparauant le decez du defunct: car au payement d'iceux l'heritier, encores qu'il soit detenteur, n'est tenu personnellement que pour sa portion hereditaire, comme il a esté cy-dessus déclaré. Tellement que la condamnation susdite se resolt, & se doit entendre, suiuant l'obligation personnelle baillée par la Coustume contre le detenteur du iour de sa detention, & pour les arrerages escheuz depuis icelle, & non auparauant. Aussi il est bon à ceste demande adiouter la demande & condamnation hypothecaire, qui est, Que

tous & chacuns les heritages & biens immeubles demeurez par le trespas du defunct, possédez par le defendeur, soient declarez affectez, obligez & hypothéquez au payement & continuation desdites cent liures de rente : pour à faute de payement des arrerages d'icelle, estre saisis, criez & adjugez par decret, & les deniers procedz de la vente d'iceux baillez au demandeur iusques à la concurrence de son deub.

Ce qui a esté dict cy-dessus de l'heritier en partie du defunct, deteneur de partie des heritages de la succession, qu'il peut estre executé en tous ses biens pour les arrerages des rentes constituées par le defunct, escheuz depuis la detention, sauf son recours contre ses coheritiers : se doit entendre de l'heritier simple, non pas de l'heritier par benefice d'inventaire ; lequel ne peut estre executé pour les arrerages escheuz de son temps, à cause des rentes constituées par le defunct, es biens qui luy appartiennent d'ailleurs que par la succession du defunct, suiuant l'arrest de la Cour cy-apres recité & daté.

Ce que dessus se doit entendre de l'heritier simple, & non de l'heritier par benefice d'inventaire.

On a demandé si en la Coustume de Paris l'action hypothécaire de quarante ans contre l'obligé & l'heritier de l'obligé est receüe, lors que l'action personnelle est esteinte par trente ans, pendant lesquels on n'a esté aucunement payé, & n'a-on fait aucune poursuite : & si apres les trente ans passéz on peut agir hypothécairement, iusques à quarante ans, à compter du iour de l'obligation, contre l'obligé ou l'heritier de l'obligé : soit pour le payement d'une somme de deniers portée par breuet passé pardeuant Notaires, ou pour le payement & continuation d'une rente promise par contract, portant hypothèque de tous biens. Et ce suiuant la disposition de droit *in l. cum notissimi. §. quamobrem. C. de presc. 30. vel 40. an. l. 1. §. ad hanc. C. de annali exc.* Attendu que la Coustume de Paris, au tiltre de prescription, ne fait aucune mention de l'action hypothécaire : & semble qu'elle ne reconnoisse que la prescription de trente ans entre aagez & non priuilegiez. D'autant que par le 118. article de ladite Coustume est porté, que si aucun a iouy, vlé, & possédé vn heritage, rente, ou autre chose prescriptible par l'espace de trente ans continuellement, tant par luy que par ses predecesseurs franchement, publiquement, & sans aucune inquietation, supposé qu'il ne face apparoir de tiltre, il a acquis prescription entre aagez & non priuilegiez. Et par cest art. de Coustume aucuns sont d'avis, que toute action, mesmes hypothécaire, est tolluë & esteinte : comme du Moulin a adnoté sur le 23. art. de la Coustume de Bourbonnois, pareille à celle de Paris. Les autres ont dit que si l'heritier de bonne foy a iouy & possédé par trente ans, que tant l'action personnelle, que l'action hypothécaire sont prescrites : mais si on agit contre l'obligé mesmes, qui tousiours a esté en mauuaise foy, ou si l'obligé a possédé pendant quelque temps des trente ans ; que l'action hypothécaire demeure iusques à quarante ans.

Toutesfois on tient tant au Palais qu'au Chastelet, qu'en la Coustume de Paris, l'action hypothécaire dure iusques à quarante ans contre l'obligé, & l'heritier de l'obligé, conformément à la disposition de droit cy-dessus alleguée, laquelle parle generalement, indistinctement, & indefi-

*183
L'action hypothécaire dure quarante ans contre l'heritier de l'obligé en la Coustume de Paris.*

184
Forme d'a-
gir hypothe-
cairement
contre l'he-
ritier de l'o-
bligé.

niment de l'obligé & heritier de l'obligé : & par ladite Coustume la disposition de droict n'est point reiettée. En sorte qu'il faut entendre l'article de Coustume cy-dessus recité du tiers possesseur, lequel sans tiltre a possédé par luy ou ses predecesseurs aussi tiers possesseurs, par trente ans l'heritage duquel est question, non pas de l'obligé, ny de l'heritier de l'obligé : comme est porté par la Coustume de Montargis, au tiltre des prescriptions, article 1. Ou bien ledit article de Coustume de Paris est entendu des actions personnelles, & non des hypothecaires. Car la l. 2. C. de luit. pig. dit, *Intelligere debes vincula pignoris durare, personali actione sum-mota*. Partant encores que l'action personnelle soit esteinte par le temps de trente ans ; toutesfois iusques à quarante ans on pourra hypothecairement conclurre contre l'obligé, ou son heritier : A ce que tous & chacuns les heritages, rentes, & immeubles, qui furent & appartindrent au defunct obligé, desquels l'heritier iouyt à present, & luy appartiennent, soient declarez affectez, obligez, & hypothecuez au payement de telle somme de deniers promise par tel breuet, ou au payement & continuation de cent liures de rente constituée tel iour ; ensemble au payement de cinq années d'arrerages escheuz tel iour, ceux depuis escheuz & qui d'oresnauant escherront : pour à faute de payement desdits arrerages, lesdits heritages, rentes & immeubles estre saisis, criez, vendus, & adiugez par decret, les deniers procedans de la vente d'iceux baillez au demandeur, iusques à la concurrence du fort principal & arrerages de ladite rente, frais & loyaux cousts, despens, dommages & interests.

185
Le chapitre
final de
prescrip.
extr. n'est
gardé pour
la prescrip-
tion de tren-
te & qua-
rante ans.

En ce faisant nous ne gardons pas en France pour le regard des prescriptions susdites de trente & de quarante ans, le chap. dernier de *presc. extra.* ny la reigle de droict Canon, *in cap. possessor. de reg. iu. in 6.* qui porte que *possessor mala fidei ullo tempore non prescribit*, & *is qui prescribit in nulla temporis parte rei aliena conscientiam habere debet*. Mais nous suiurons le droict ciuil, par la disposition duquel le debteur & heritier du debteur prescrit l'action personnelle par trente ans, & hypothecaire par quarante ans : encores qu'il sçache bien deuoir la somme de deniers qu'il prescrit ; par ce moyen soit en mauuaise foy. Aussi vn tiers detenteur qui a possédé vn heritage par trente ans continuellement, tant par luy que ses predecesseurs franchement, publiquement & sans inquietation, a acquis la pleine propriété dudit heritage entre aagez, & non priuilegiez : encores qu'il ne face apparoir d'aucun tiltre de sa possession, & ait sceu que l'heritage qu'il possédoit ne luy appartenoit pas. Et ce au moyen de la negligence du vray seigneur de l'heritage prescrit, qui a esté par l'espace de trente ans, sans en faire action, poursuite, ne demande, *l. sicut. l. omnes. l. cum notissimi. Cod. de presc. 30. vel 40. an.* Et à ce que dessus est exprés le 118. article de la nouvelle Coustume de Paris.

186
En la pres-
cription de
dix & vingt
ans la bon-
ne foy doit

Neantmoins en ladite Coustume de Paris, nous suiurons le chapitre dernier de *prescript. extra.* cy-dessus recité, pour le regard de la prescription de dix ans entre presens, & de vingt ans entre absens, non pas la disposition du droict ciuil. Car combien que par la disposition du droict ciuil, *in prescriptione decennali vel vicennali sufficiat bonam fidem fuisse in*

initio contractus, ou bien tempore traditionis, si post contractum res empta aut estre perpe-
 permutata tradita fuerit. Tellement que mala fides medio tempore superue- ^{tuelle en la}
 niens possessori vel heredi possessoris non interruptit prescriptionem decem an- ^{Coustume}
 norum inter presentes, & viginti inter absentes: l. unica. C. de vsuc. transf. ^{de Paris.}
 c. placuit. §. si autem nullo. 16. q. 3. l. sequitur. §. de illo. in fine. l. heres eius.
 & l. si aliena. ff. de vsuc. l. qui fundum. §. qui bona fide. ff. pro empt. Toutes-
 fois par les 113. & 114. articles de la nouvelle Coustume de Paris, pour
 prescrire vn heritage ou rente par dix ans entre presens, & vingt ans en-
 tre absens, trois choses sont requises; iuste tiltre, bonne foy tant en la
 personne du possesseur, que de ses predecesseurs, dont il a le droit & cau-
 se, & possession paisible de dix ans entre presens, & vingt ans entre ab-
 sens. En sorte que scientia rei alienae vel obligatae superueniens in persona pri-
 mi possessoris, vel eius heredis, aut singularis successoris, impedit prescriptionem
 decem vel viginti annorum, & sic in omni tempore prescriptionis decennalis
 vel vicennalis bona fides requiritur, & in omni tempore possessor non debet habere
 conscientiam rei alienae. A l'exemple de celuy qui de bonne foy possede vn
 heritage, lequel *ut fructus suos faciat, necessarium est ut in eo perpetua sit*
bona fides: & si mala fides supervenerit, non lucrabitur amplius fructus. l. bona
 fid. §. in contrarium. l. qui bona fide. ff. de acq. re. do.

Et la raison de la diuersité des prescriptions cy dessus cottées, depend de
 ce que la prescription de trente & quarante ans est entierement fondée
 sur la negligence du propriétaire de la chose prescrite, qui n'en a fait
 aucune poursuite pendant le temps susdit: *unde dicitur esse merè odiosa, &*
introducenda in odium defidis, & proprietaria contemnentis. Où au contraire la
 prescription de dix & vingt ans est totalement fondée sur le iuste tiltre &
 sur la bonne foy du possesseur de l'heritage: lequel s'il a cognoissance pen-
 dant les dix ou vingt ans, que l'heritage qu'il possede est chargé de rente
 enuers quelqu'un, ou qu'il appartient à vn autre, la prescription est inter-
 rompue, & ne peut estre parfaite. l. fin. C. de ann. exc. d. l. sicut. & l. omnes. & l.
 cum notissimi. C. de prescr. 30 vel 40. an. Guido Papa en ses decisions, q. 416.

Ce que dessus fut plaidé en la Cour le Mardy 21. Iuillet, 1592. Le fait de
 la cause estoit, Que M. François Board Procureur en Parlement, en l'an-
 née 1573. auoit achepté du Seigneur de Chaume, quatre-vingts arpens de
 bois en la forest de Seguigny, moyennant la somme de deux mil tant de
 liures. De ces bois ledit Board ayant iouy paisiblement iusques en l'an
 1590. il est adiourné à la requeste de Monsieur Rubantel Conseiller en
 Parlement, à ce que comme detenteur & propriétaire de ces bois, il soit
 condamné luy payer & continuer chacun an cent liures de rente qui luy
 estoit deuë & constituée par le Seigneur de Chaume auparauant la ven-
 dition desdits bois. Contre ceste demande ledit Board alleguant posses-
 sion paisible de dix-sept ans, & par le moyen d'icelle, prescription sui-
 uant l'article de Coustume cy dessus allegué: Ledit sieur Rubantel di-
 soit que ledit Board ne pouuoit alleguer prescription, parce qu'il auoit co-
 gnu & sceu, que les cent liures de rente dont estoit question, estoient deubs
 audit Rubantel par le Seigneur de Chaume. De fait que tost apres l'a-
 chapt desdits bois, ledit Board auoit payé audit Rubantel la somme de

quatre cens tant de liures, faisant partie des deniers procedez de la vente desdits bois, tant pour quelques arrerages desdits cent liures de rente, que pour les despens des procedures: auoit eu main-leuée de la saisie faicte sur le Seigneur de Chaume, & retiré toutes les procedures; par le moyen desquelles il auoit eu certaine cognoissance de la rente dudit Rubantel. Partant n'auoit peu prescrire à l'encontre de luy, ny luy obli-
 cer l'effect de la prescription, par le moyen de la mauuaise foy suruenüe incontinent apres son acquisition, par la cognoissance de ladite rente. A ce ledit Board respondoit & desnioit la science & cognoissance de la-
 dite rente: Et combien qu'à la verité, tost apres son acquisition il eust payé quelques arrerages desdits cent liures de rente: toutesfois il n'a-
 uoit pas faict le payement en son nom, ains au nom du Seigneur de Chaume, & comme ayant charge dudit Seigneur de ce faire: en sorte que ledit payement ne pouuoit preiudicier dudit Board en son nom. *l. ad-
 uersus. §. tutoribus. ff. de inoff. test. l. quadam. Cod. de adm. tut. Secundò*, di-
 soit, que depuis le payement allegué, il auoit possédé seize ans entiers paisiblement, pendant lesquels il a esté en bonne foy, & estimé que les cent liures de rente, dont estoit question, auoient esté racheptez. Et sup-
 posé que pendant le temps susdit, ledit Rubantel eust esté payé par le Seigneur de Chaume des arrerages de sa rente: toutesfois ledit paye-
 ment ne pouuoit empescher le cours de la prescription dudit Board, sui-
 uant le 115. article de la nouuelle Coustume de Paris. *Tertiò*, disoit que ledit Rubantel deuoit interrompre sa prescription, pour le moins par vn
 adiournement, suiuant la *l. cum notissimi in principio*, cy-dessus alleguée. Veu que la prescription de dix ans fondée en iuste tiltre & de bonne foy, ne peut, suiuant la disposition du droict civil, estre interrompuë que par
 contestation en cause, & non par simple adiournement. *l. mora. C. de rei
 vind. l. naturaliter. & ibi Bart. ff. de usuc. Quartò*, disoit qu'en tout eue-
 nement ledit Rubantel auoit deu vser de quelque sommation & inter-
 pellation pour notifier audit Board, & luy donner cognoissance de la
 rente pretenduë par ledit Rubantel, à ce qu'il peust agir contre son au-
 theur & vendeur, lequel à present est decedé. Et ce à l'exemple d'un ache-
 pteur lequel est tenu de donner à son auther & garand la poursuite con-
 tre luy faicte, pour raison de l'heritage achepté: encores que le garand
 sçache bien la poursuite qui est faicte contre l'achepteur, autrement l'a-
 chepteur n'a point de recours contre son vendeur. Tellement que *certus
 certiorandus est*. comme dit la Glose, *in. l. 1. §. fin. in verbis, qui non ignorat.
 ff. de act. empt. Quintò*, disoit que quand on dit que *superueniens mala fides
 interrumpit prescriptionem*; ou bien que *scientia rei aliena vel obligata im-
 pedit prescriptionem*, cela s'entend, de *scientia iniusti tituli*: ce qui n'est au
 cas de present; d'autant que ledit Board auoit achepté à *vero domino*. Fi-
 nalement la Cour a appointté les parties au Conseil. Et depuis, le Same-
 dy 10. Iuillet, 1593. y eut arrest au rapport de Monsieur du Vair, par le-
 quel ledit Board fut condamné payer & continuer la rente, de laquelle il
 auoit eu cognoissance peu apres son acquisition, & en payer les arrerages
 dedans vn an, sans despens de l'instance.

Aussi y a eu arrest de la Cour prononcé le 24. Octobre 1582. au profit de Iean Perdriel bourgeois de Paris, lequel en l'an mil cinq cens septante-cinq, ayant baillé, cédé, & transporté vne maison assise en ceste ville de Paris, rue Saint Thomas du Louure: & en contr'eschange luy ayant esté cedée vne rente de cent escus par an sur l'Hostel de ville, avec promesse de la garantir, fournir, & faire valoir; & que à ladite garantie la maison demeurerait spécialement obligée: Tost apres ce contract, la maison ayant esté acheptée par Maistre Iean Fontenu, sans la charge & hypothèque de ceste rente: Toutesfois par son contract estant porté, que la copie dudit contract d'eschange auoit esté baillée audit Fontenu, en sorte qu'il ne pouuoit desnier qu'il n'eust cognoissance de ladite rente de cent escus. Combien que ledit Fontenu eust paisiblement ioiuy de ladite maison, par seize ans entiers, sans inquietation de ladite rente, estimant qu'elle fust racheptée, alleguast prescription de dix ans, suiuant la Coustume, & que par sentence du Preuost de Paris, les parties eussent esté mises hors de cour & de proces, sauf audit Perdriel son action contre les heritiers de celuy, avec lequel il auoit contracté: Neantmoins par l'arrest susdit, la Cour en emendât le iugement, a déclaré la maison dont estoit question, affectée, obligée, & hypothéquée à la garantie, paiement, & continuation des cent escus de rente mentionnez au proces: & condamné ledit Fontenu payer audit Perdriel deux années & demie d'ar-rerages de ladite rente escheuz au iour S. Iean Baptiste 1589. ceux depuis escheuz, & qui escherroient à l'aduenir, sans despenstant de la cause principale, que de la cause d'appel.

Ce qui a esté dit cy-dessus, que l'action hypothecaire ne se prescrit contre l'obligé & heritier de l'obligé, que par le temps de quarante ans, se doit entendre *in hypotheca conuentionali, quæ per se stat, & quæ ex conuentione partium oritur*. Comme quand le débiteur d'une rente ou d'une somme de deniers, ou le vendeur d'un heritage, a obligé & hypothéqué au paiement de la rente par luy constituée, ou au paiement de la somme par luy deuë, ou à la garantie de l'heritage par luy vendu, ou eschangé, tous & chacuns ses biens meubles & immeubles, presens & à venir, ceux de ses hoirs & ayans cause: En ce cas la loy ne baille pas seulement l'action personnelle, laquelle dure trente ans: Mais aussi elle baille l'action hypothecaire contre l'obligé & son heritier, laquelle dure quarante ans, *& est longioris vitæ*, comme dient les Docteurs.

Autrement est obserué en l'hypothèque tacite, & legale, *quæ sine personalis obligatione vel actione non potest subsistere; & ea sublata, necesse est vt actio hypothecaria euanescat: Vt apparet in hypotheca data à lege in bonis tutoris vel administratoris ciuitatis vel defuncti respectu legatarij*, laquelle n'a aucun effect apres trente ans. De faict apres trente ans, à compter du iour de la maiorité du mineur, on ne peut pourfuiure ny personnellement, ny hypothecairement vn tuteur, ny l'heritier d'un tuteur à rendre compte de la tutelle & administration que le tuteur a eu des personnes & biens de son mineur, comme il a esté iugé par arrest. Et le semblable peut estre dit d'un Escheuin, Marguillier, Gouverneur d'un Hospital, ou

187

L'action de
l'hypothèque conuentionnelle
dure quarante ans.

188

L'action de
l'hypothèque legale
ne dure que trente ans.

autre Administrateur public, & de l'heritier pour le payement du legs testamentaire. Aussi le Seigneur censier, combien que pour le payement des lots & ventes qui luy sont deuz ait hypothèque legale sur l'heritage vendu, & se puisse adresser au detenteur de l'heritage : toutesfois son action ne dure que trête ans, & apres ledit temps ne peut agir, ny personnellement ny hypothecairement : Comme du Moulin a adnoté sur la Coustume de Lorris, au tiltre second des Cens & droicts censuels, article 32. Et la raison principale & generale de ceste diuersité, est, parce que l'obligation personnelle & hypothèque legale sont tellement vnies & connexées ensemble, qu'elles ne se peuuent diuiser aucunement. Où au contraire l'hypothèque conuentionnelle se peut tellement diuiser de l'obligation personnelle, que nous voyons es contractz la conuention de l'hypothèque estre distincte, par clause separee de la constitution de rente, ou de la promesse de payer certaine somme de deniers, ou de la promesse de garantie : & sont deux stipulations & conuentions, ou bien *sunt duo vincula*. Toutesfois pour le regard des tuteurs, & administrateurs, & autres semblables personnes, on peut assigner vne raison particuliere, qui est que n'estans iceux apres trente ans tenus à aucune reddition de compte, on ne peut mōstrer qu'ils soient debtors d'aucuns deniers ou d'aucunes choses : partant on ne peut iustement pretendre hypothèque sur leurs biens : Mais quand l'hypothèque est conuentionnelle, il appert clairement, ou bien de la rente qui a esté cōstituée, ou de la somme de deniers qui est deuë, ou bien de la garantie qui a esté promise. Tellement que la debte estant lors claire & liquide de foy, l'on peut iustement agir hypothecairement, pour le payement & satisfaction d'icelle, mesmes iusques à quarante ans, contre l'obligé, ou son heritier : encores que l'action personnelle soit esteinte : *ut notatur per Cynum & Cynum in l. cum notissimi. C. de præsc. 30. vel 40. ann l. secunda. C. de luit pign.* Si donc le compte est rendu dedans les trente ans, & le tuteur ou son heritier est demeuré debteur & reliquataire, l'hypothèque pour le regard du reliqua, durera quarante ans, à cōpter du iour de la maiorité du mineur, au moyen de ce que la debte est claire & liquide par la reddition du cōpte, comme elle est en l'hypothèque conuentionnelle. Et qui plus est, du iour de la reddition du compte, quoy que ce soit, du iour de la condamnation de payer le reliqua d'iceluy, il y aura action personnelle *in factum ex iudicato* contre le tuteur, laquelle durera trente ans : & encores y aura droict d'hypothèque sur les biens du tuteur condamné, du iour de la condamnation, comme contre tous autres condamnés : laquelle hypothèque durera par le temps de trête ans seulement : suiuant la moderation de la Cour sur le cinquante-troiesime article de l'Ordonnance faicte à Moulins, publiée à la Cour le vingt-troiesime Decembre mil cinq cens soixante-six. Laquelle Ordonnance est contraire à la disposition de droict commun : d'autant que par ladite disposition de droict, *ex iudicato datur tantum actio in factum. l. nam & postea. § fina. l. sed & si possessor. ff. de iureiur. Et non incipit hypotheca ex iudicato, nec creditor habebat ius hypotheca in bonis debitoris in vim iudicati, nisi à tempore executionis, id est, captis pignoribus in vim iudicati*, du iour de la faisie faicte en vertu de la condānation, & sur les biens

189

L'action
creée contre
le tuteur
combien de
temps elle
dure.

190

L'ordonnā-
ce qui baille
droict d'hy-
potheque
sur les biens
du condam-
né est con-
traire à la
disposition
de droict.

faisis seulement. *l. non est mirum. ff. de pignorat. actio. l. 2. Cod. de exer. rei iud.* comme Monsieur le Maistre a déclaré au Traicté des crieés, ch. 32.

Et incidemment conuient noter que l'action personnelle baillée par la loy à l'acheteur, pour le recours de garantie, de l'heritage par luy acheté, lequel luy a esté euincé, ou pour l'heritage par luy acquis, sur lequel on pretend droit de rente, ne dure pas seulement trente ans, à compter du iour du contract d'achapt ou d'eschange, mais dure trente ans à compter du iour de l'euiction, quoy que ce soit, du iour qu'on a esté mis en proces, pour l'euiction de l'heritage acheté ou eschangé: depuis lequel temps on a peu sommer son garand. Et auparauant le trouble faict à l'acheteur, en la possession & iouissance de l'heritage par luy acquis, il ne pouuoit agir contre son vendeur: *nec nata erat actio, nec agendi occasio data.* Partant la prescription de ceste action ne commence à courir que du iour du trouble donné à l'acheteur, comme dit la loy, *empti actio. C. de euictio. & ibi Ioan. Fab. l. ex placito. & ibi glos. C. de rerum permutat. quia non valenti agere non currit prescriptio. l. 1. §. fin. C. de an. exc.* Autrement l'acheteur étant euincé de l'heritage par luy acquis, trente ans apres son acquisition, soit par vn mineur, par vne Eglise, par le fisque, ou par vne femme pour son doüaire coustumier: comme il a esté iugé par arrest solennellement prononcé le 5. Auri1 1583. conformément à la loy *in rebus. C. de iure dotuan.* ou bien d'un heritage substitué, ou sujet à reuerfion & restitution, comme il a esté iugé par arrest solennellement prononcé le 23. Decembre 1586. conformément à la loy finale, *C. com. de legat. l. cum notissimi. §. final. C. de prescri. 30. vel. 40. an.* tel acheteur ou acquereur n'auroit aucun recours contre son vendeur ou compermutant: ce qui ne seroit raisonnable.

Sil'action hypothecaire est intentée contre le tiers detenteur, qui à iuste titre, & de bonne foy a possédé vn heritage par dix ans entre presens, & vingt ans entre absens, il a acquis par le temps susdit, prescription de l'hypothèque pretendüe sur son heritage, contre le creancier, qui a & pretend ledit droit d'hypothèque. Et qui plus est, par le temps desusdit il a acquis l'heritage cõtre le vray seigneur & propriétaire d'iceluy: suivant le cent treiziesme article de la nouvelle Coustume de Paris, conforme à la disposition de droit, *in l. 1. & 2. C. si aduer. cred. l. si à creditore. l. est in arbitrio. C. de verb. obligat. & action.* Ce qui est vray, encores que le creancier de la rente, pendant ledit temps de dix ou vingt ans, ait esté continuellement payé des arrerages de ladite rente par le debteur d'icelle, comme il est porté par le 116. article de ladite nouvelle Coustume de Paris. La raison est, que pendant le temps susdit, le creancier de la rente a deu faire adiourner le nouuel detenteur & propriétaire en declaration d'hypothèque, & interrompre sa possession, non pas le laisser paisiblement iouir pendant le temps requis, pour accomplir & parfaire la prescription.

Et quand on dit, L'heritage est prescript par dix ans, c'est à dire combien que l'acquereur par le moyen de son acquisition n'en fust pas faict seigneur, *quia à non domino emerat*: toutesfois par le moyen de sa longue

191

La prescription de l'action du recours de garantie ne commence à courir, que du iour du trouble donné à l'acheteur.

192

Le tiers detenteur de bonne foy prescrit l'heritage par dix ans.

193

Encores que le rentier soit payé des arrerages de sa rente, la prescription n'est interrompue.

possession de dix ans, accompagnée de titre, & de bonne foy continuée par le temps susdit, il a acquis la propriété & seigneurie dudit heritage, & en a esté fait seigneur, & n'en peut estre euincé, troublé, ny inquieté par autrui: contre lequel le possesseur excipe de presumption, & luy dit, Vous n'estes pas recevable à agir contre moy attendu ma longue possession, qui vous exclut de l'action que pouviez auoir contre moy, laquelle est prescrite & esteinte: *Et sic prescriptio est exceptio temporis; quia possessor excipit de tempore.* Aussi quand on dit, La rente est prescrite; c'est à dire, Que le possesseur de l'heritage, qui estoit chargé & redenable de la rente, a acquis par sa longue possession de dix ans dudit heritage, continuë, paisible, & publique franchise & descharge de ladite rente, en sorte qu'il n'en peut estre inquieté; *contra omnes excipere potest de libertate redditus annui.* Et aucun n'est recevable à demander droit de rente sur l'heritage, qui a esté possédé par dix ans entre presens, à iuste titre, & de bonne foy, & vingt ans entre absens.

194
Deux effets
de l'action
personnelle
introduite
par la Cou-
stume de
Paris contre
le tiers de-
tenteur.

195
Le tiers de-
tenteur peut
estre executé
en ses biens
pour les ar-
rerages de
son temps.

196
L'action per-
sonnelle in-
troduite par
la Coustume
de Paris
exclut toute
discussion

197
Le deten-
teur qui re-
nonce à l'he-
ritage au-
paravant
contestation
ne paye au-
cuns arre-
rages, &
gagne tous
les fruits.

De ce que dessus on peut cognoistre, que la personnalité, ou bien l'action personnelle introduite par la Coustume de la Preuosté & Vicomté de Paris, contre le tiers détenteur & propriétaire de l'heritage hypothéquë à vne rente, a deux effets singuliers & remarquables.

Le premier est, que le détenteur & propriétaire peut estre executé pour le paiement de tous les arrerages de la rente, escheuz depuis le iour de sa detention, en tous ses biens meubles & immeubles; tout ainsi que s'il estoit obligé pardeuant deux Notaires au paiement desdits arrerages.

Car la Coustume l'a obligé personnellement au paiement d'iceux, & ce dès l'instant de sa detention. *Consuetudo finxit eum cum creditoribus redditus annui contraxisse: idque exemplo heredis, qui hereditatem ad eundem, censetur contraxisse cum creditoribus & legatariis defuncti, l. apud Iulianum. §. fina. & l. sequenti ff. ex quibus cau. in poss. §. heres. de oblig. qua ex qua con. in Instit.*

Le second effect de ceste action personnellement introduite par la Coustume est, Qu'elle exclut toute discussion. *Et hoc operatur unio actionis personalis & realis, ut una aliquid habeat ab altera,* comme dit Bartole, in l. eadem. §. Cato. col. 3. ff. de verbo. obligat. Et le tiers détenteur ne se peut exempter du paiement desdits arrerages, si de bonne foy continuée il n'a possédé l'heritage obligé, ou renoncé à la propriété d'iceluy, avant contestation en cause: comme il est porté par le 10. article de la nouvelle Coustume de Paris.

Pour entendre laquelle renonciation ou deguerpissement d'heritage obligé à quelque rente, conuient noter, que le possesseur de bonne foy continuée, renonçant à l'heritage par luy detenu auparavant contestation en cause, n'est tenu payer aucuns arrerages de la rente, qui luy est demandée, encores que les arrerages soient escheuz de son temps: & fait siens tous les fruits par luy, ou pour luy cueillis audit heritage, iusqu'au iour de sa renonciation, ensemble les loyers escheuz iusques audit iour: & par le moyen de ce deguerpissement, est deschargé pour l'aduenir de la rente qui luy est demandée. Bien est vray que si ledit détenteur auoit

pris l'heritage par luy deguerpy, à la charge de quelque rente envers son bailleur, il sera tenu payer les arrerages de ladite rente escheuz iusqu'au iour de son deguerpissement, au creancier de son bailleur, qui le poursuit pour autre rente que celle à la charge de laquelle il auoit pris l'heritage par luy deguerpy : attendu qu'il ne peut desnier estre debteur desdits arrerages, à tout le moins par prouision : comme il a esté iugé par arrest donné en plaidoyrie, sur vn appel interjetté du Preuost de Paris, le Ieudy 17. Feurier, 1594. Aussi ledit tiers detenteur, qui n'a point contesté, ne doit aucuns despens de l'instance contre luy poursuiue; parce qu'il n'a point temerairement plaidé. Et en ce cas on ordonne que les despens de l'instance seront pris sur la chose deguerpie.

Si le possesseur de bonne foy renonce à l'heritage apres contestation en cause, ou apres que par defaults il a esté debouté de defences, il est tenu payer tous les arrerages escheuz de son temps, & depuis son acquisition, iusques à la concurrence des fruiçts par luy perceuz; si les arrerages qui luy sont demandez sont deuz dès le temps de son acquisition, ainsi qu'il sera cy-apres déclaré: Ou bien rendre tous les loyers & fruiçts qu'il a perceuz de son temps, & depuis son acquisition, ou la valeur & estimation desdits fruiçts : comme il est porté par les 103. & 104. articles de la nouvelle Coustume de Paris. Lesquels fruiçts il sera tenu bailler par declaration dedans quinzaine, avec la valeur d'iceux : laquelle declaration il sera tenu affermer, & pendant ledit temps communiquer les baux, s'aucuns il a, suiuant le 98. article de l'Ordonnance de l'an 1539.

Quid, s'il renonce apres contestation en cause.

Et ceste nouvelle Coustume de Paris a décidé l'ancien doute qui estoit: Sçauoir s'il suffisoit que le possesseur de bonne foy, lequel renonçoit apres cōtestation en cause, payast les arrerages de la rente qui luy estoit demandée, iusques à la concurrence des fruiçts qu'il auoit perceuz de l'heritage deguerpy, depuis la demande à luy faicte en iugement : cōme il fut décidé par arrest donné en Parlement le 24. Mars 1433. auant Pasques, apres auoir ouy les Officiers du Chastelet de Paris : Et par autre arrest donné le 3. Octobre 1556. entre Ioseph de Sequeuille, & Ieanne Arnoul. Ou bien si le detenteur de bonne foy, qui renonçoit apres contestation en cause, estoit seulement tenu payer les arrerages de la rente, pour laquelle il estoit poursuiuy, escheuz de son temps, depuis l'adiournement à luy baillé, pour payer & continuer ladite rente; qui est autant, que depuis la demande à luy faicte en iugement : Ainsi qu'il a esté ordonné par arrest donné en plaidoyrie pour Claude Cordier, le premier Mars 1571. Et ladite Coustume de Paris, par le 103. article a statué : Qu'apres contestation le detenteur peut renoncer à l'heritage, en payant les arrerages de son temps, iusqu'à la concurrence des fruiçts par luy perceuz; si mieux il n'ayme rendre lesdits fruiçts : laquelle Coustume sera cy-apres déclarée.

Et du payement desdits arrerages le detenteur ne se peut exempter, encores qu'il obtienne lettres pour mettre au neant la sentence du debouté de defences contre luy obtenüe, & estre receu à renoncer à l'heritage, comme il eust faict auparauant ladite sentence. Car l'effect de la contu-

198

Le detenteur est tenu payer les arrerages qu'il

doit, encores
qu'il appelle
de la senten-
ce de debou-
ré de defen-
ses.

mace demeure tousiours : autrement le contumax seroit de meilleure condition que le present. Aussi que la demeure ne se peut purger, *quando creditoris interest, & ius eius fit deterius. l. si ita quis. §. Scia. in fine. ff. de verbo. obligat. l. Thais. §. intra certa. ff. de fid. lib.* Ainsi a esté iugé par arrest donné en plaidoyrie contre de la Croix Procureur au Chastelet de Paris, le 18. May 1559. & plaidé en la Cour le 27. Feurier 1553.

199

Mora non
potest pur-
gari, quan-
do credi-
toris inter-
est.

Et si on eust voulu suiure la rigueur qui se peut tirer *argumento à contra-rio*, tant du 72. article de l'ancienne Coustume de Paris, que du 102. article de la nouvelle, & obuier à infinis proces qui ordinairement interuiennent sur la liquidation & appreciation des fruiçts perceuz par le tiers detenteur, qui a negligé le benefice de la Coustume, luy permettant renoncer à l'heritage auparauant contestation en cause, sans payer aucuns arrerages : Ledit tiers detenteur, encores qu'il fust possesseur de bõne foy, eust esté tenu, en renonçant à l'heritage apres contestation en cause, payer tous les arrerages escheuz de son temps, à cause de la rente pour laquelle il eust esté pouruiuy, iusques au iour de sa renonciation. Et ainsi estoit obserué au Chastelet de Paris auparauant la nouvelle Coustume, nonobstant les arrests cy-dessus alleguez.

200

Ancienne-
ment le tiers
detenteur
renonçant
apres conte-
statiõ payoit
sous les ar-
rerages es-
cheuz de son
temps.

Aussi ils ont iugé audit Chastelet, en declarant ledit 102. article de la nouvelle Coustume de Paris, que celuy qui auparauant son cõtract d'acquisition, auoit eu cognoissance d'une rente, dont l'heritage par luy acquis estoit chargé ; toutesfois n'auoit acquis l'heritage à la charge de la rente ; qu'il pouuoit renoncer à l'heritage, tant auparauant contestation en cause, que depuis ; mais ne pouuoit, suiuant ledit article, s'exempter du paiement des arrerages de la rente, de laquelle il auoit eu cognoissance auparauant son acquisition ; & estoit tenu payer les arrerages escheuz à cause d'icelle, depuis son acquisition, & le terme ensuiuant son deguerpissement, & ce suiuant les 109. & 110. articles de ladite Coustume : Parce que ledit acquereur ne pouuoit estre de pire condition que le preneur de l'heritage à rente, ou le preneur du preneur ; lesquels peuuent deguerpir, s'ils n'ont promis fournir & faire valoir, ou faire quelque amendement. Quant à celuy qui a acquis vn heritage à la charge de la rente deuë à vn tiers, & a promis en acquiter son vendeur, il ne peut aucunement deguerpir : s'il n'estoit licite à son vendeur de deguerpir, d'autant que ledit vendeur n'auroit point promis fournir, ny faire valoir la rente, ny faire aucun amendement : le tout conformément ausdits 109. & 110.

201

Sçauoir si la
sentence por-
tant con-
damnation
de payer les
arrerages, on
n'est pas
quitte en
rendant les
fruiçts &
deguerpis-
sant l'heri-
tage.

articles de ladite Coustume.

S'il y a non seulement contestation en cause, mais soit interuenüe sentence, par laquelle le tiers detenteur de son consentement, soit condamné personnellement payer & continuer la rente à luy demandée, sans la charge de laquelle il auoit acquis l'heritage, & ce tant & si longuement qu'il sera detenteur d'iceluy, ensemble les arrerages escheuz & à escheoir de son temps, & les precedens hypothecairement : En ce cas aucuns sont d'aduis que, *propter auctoritatem rei indicatæ, cui etiam iniusta parendum est*, comme dit la loy, *Seruo. §. cum prætor. ff. ad Senatusc. Trebell.* aussi parce que *in iudicijs quasi contrahitur. l. 3. §. idem scribit. de peculio* : le detenteur sera tenu payer les arrerages escheuz de son temps, iusques au iour

de la renonciation par luy faicte en iugement, partie presente ou appelée: & ne pourra se deliurer du payement desdits arrerages, encores qu'il offre rendre les fruiçts de son temps, ou la valeur d'iceux. Tellemēt qu'en ce cas, principalement quand ils sont apparus d'autres creanciers depuis la sentence, il est besoin que le detenteur appelle de ladite sentence: & par ses lettres de relief d'appel face mander à la Cour le recevoir à deguerpir en Iustice l'heritage par luy detenu, tout ainsi qu'il pouuoit & deuoit faire lors de la sentence contre luy donnée: & ordonner qu'il demeurera quitte des arrerages escheus de son temps, en rendant les fruiçts escheus depuis son acquisition, ou la valeur d'iceux, suiuant la Coustume: Sans s'arrester ny auoir esgard au consentement porté par ladite sentence, comme erroneement presté, & lors d'icelle ledit detenteur ignorant plusieurs rentes, desquelles l'heritage par luy detenu est chargé, sās la charge desquelles il l'auoit acquis. Ou bien selon l'opinion de plusieurs, laquelle il faut suiure; Encores que contre le detenteur y ait sentence, par laquelle il soit condamné payer & continuer la rente à luy demandée, & les arrerages d'icelle, tant & si longuement qu'il sera detenteur de l'heritage; ledit detenteur pourra renoncer iudiciairement à l'heritage par luy detenu, & estre quitte des arrerages; en rendant les fruiçts de l'heritage depuis son acquisition, ou la valeur d'iceux iusqu'au iour de sa renonciation, suiuant la Coustume: ou bien payant les arrerages iusqu'au iour du deguerpissement. Mesmes ce que dessus a lieu, supposé que le detenteur ait esté condamné par arrest au payement & continuation de la rente & arrerages d'icelle: sans qu'il soit besoin obtenir requeste ciuile contre l'arrest: Comme il a esté iugé en la premiere Chambre des Enquestes, & depuis en plaidoyrie pour Chastelier, le 15. Mars 1591. Et auparauant y eut arrest du 4. Decembre 1590. *Quia exceptio à detentore proposita non impugnat iudicatum, sed lenit & moderat*: & offre satisfaire à ce qui est porté par la Coustume. Si le Iuge nonobstant l'offre condamne le detenteur à payer les arrerages, il appellera tant de la premiere que seconde sentence, & fera mander à la Cour ce que dessus, qui est conforme à la disposition de droit, in l. cum fructuarius. §. sed cum post. de usufr. l. miles. §. decem. ff. de re iud. l. Nescimus. §. fin. ff. de re iudic. Bartol. in l. cum quo. in fine. ff. de aqua plu. arcen.

Et suiuant ce que dessus, vn heritier pour vn sixiesme estant condamné par sentence, & par arrest personnellement, pour telle part & portion qu'il est heritier d'un defunct qui auroit constitué cent liures de rente, & hypothecairement comme biens-tenant pour le tout, à payer & continuer leldites cent liures de rente, & arrerages tant escheuz qu'à escheoir; estant executé pour leldits arrerages, & s'estant opposé, il peut en la Cour renoncer à la proprieté & deguerpir en Iustice, au Greffe d'icelle, l'heritage ou heritages qui luy appartiennent comme heritier du defunct, & qui luy sont aduenus par partage fait avec ses coheritiers; & payera les arrerages escheus iusques au iour de son deguerpissement, ou bien rendra les fruiçts de l'heritage, iusqu'au iour dudit deguerpissement. Et outre la restitution des fruiçts, payera sa portion hereditaire, qui

202

L'heritier
deguerpi-
sant les he-
ritages ad-
uenus à son
lot, encores
qu'il soit
condamné
par arrest,
n'est tenu
que pour sa
portion he-
reditaire.

est vn sixiesme des arrerages deuz, iusqu'au iour du deguerpissement deuëment faict & signifié : ou bien reellement & à descouuert, offrira les payer. Aussi offrira payer & continuer de là en auant, par chacun an sa portion hereditaire, qui est vn sixiesme des arrerages de ladite rente, aux quatre termes en l'an à Paris accoustumez, iusqu'au rachapt & extinction d'icelle rêre. Et declarera les noms, surnoms, & demeureance de ses coheritiers. Ce faict, presentera requeste à la Cour, donnant à entendre son deguerpissement, offre réelle, & declarations susdites. Requerra main-leuée luy estre faicte & baillée des biens sur luy saisis : & qu'il soit ordonné que cy-apres ledit heritier ne sera tenu, sinon payer sa portion hereditaire & personnelle, qui est vn sixiesme des arrerages de ladite rente, & qu'à l'aduenir il ne pourra estre contraint au payement de la totalité desdits arrerages. Car apres le deguerpissement, la condamnation hypothecaire des biens tenans cesse, & demeure seulement la condamnation personnelle contre l'heritier : laquelle ne se peut executer contre luy, que pour sa portion hereditaire. D'autant que l'hypothèque s'entend *in rebus defuncti, & non in rebus heredis*, comme dit la loy 1. *in fine. C. com. de legat.* ainsi qu'il sera cy-apres amplement déclaré. Ce qui est vray, encores que l'heritier ou l'heritiere ait eu & receu du defunct, en faueur de mariage la somme de deux mil escus, ou autre somme de deniers & meubles : parce qu'en France meubles ne sont susceptibles d'hypothèque. Et ainsi se pratique ordinairement, suiuant les 332. & 333. articles de la nouvelle Coustume de Paris, en ces mots : Toutesfois s'ils sont detenteurs d'heritages qui ayent appartenu au defunct, lesquels ayent esté obligez & hypothquez à la debte par le defunct, chacun des heritiers est tenu payer le tout, sauf son recours contre ses coheritiers. Tellement que prenant l'article à *contrario sensu*, s'ils ne sont point detenteurs d'heritages, qui ayent appartenu au defunct, chacun heritier n'est point tenu pour le tout. Or apres le deguerpissement il est vray de dire qu'ils ne sont plus detenteurs des biens qui ayent appartenu au defunct, sur lesquels seulement s'estend l'hypothèque, comme a esté dit. Consequemment ils ne peuuent estre tenus que pour leurs portions hereditaires.

203
 Le preneur
 de l'heritage
 à la charge
 de rente, le
 deguerpis-
 sant, est tenu
 payer le ter-
 me ensui-
 uant.

Ce qui a esté cy-deuant deduit au tiers detenteur & propriétaire de l'heritage obligé à vne rente, lequel veut deguerpir en Iustice l'heritage par luy detenu, n'a lieu en la personne de celuy qui a pris à rente aucun heritage. Car ledit preneur renonçant à l'heritage par luy pris à la charge de rente, est tenu payer tous les arrerages du passé, & le terme ensuiuant. Tellement que ledit preneur est tenu payer tout le terme dedans lequel il deguerpit, & encores le terme ensuiuant. En sorte que si la rente est payable chacun an, à quatre, trois, ou deux termes, il faut outre le terme dedans lequel on deguerpit, payer le terme ensuiuant, soit vn quart, vn tiers, ou moitié de la rente : & si la rente deuë en deniers, ou en grain est payable chacun an à vn seul terme, il faut payer, outre l'année dedans laquelle on deguerpit toute l'année ensuiuante le deguerpissement, comme c'estant le terme ensuiuant, non pas vn quart seulement, ou vn tiers, ou moitié de la rente.

Et encores

Et encores le preneur de l'heritage ne seroit receu à deguerpir l'heritage par luy pris à rente, si les lettres de prise à rente portoient promesse de mettre aucun amendement en l'heritage par luy pris, ce qu'il n'eust fait: Ou qu'il eust promis fournir, & faire valoir ladite rente, & à ce obligé tous ses biens, comme il est porté par le 109. article de la nouvelle Coustume de Paris. Et ceste promesse de fournir & faire valoir la rente a tel effect, & oblige tellement le preneur de l'heritage, qu'il ne le peut deguerpir, ny se peut liberer du payement & continuation de la rente, ny descharger les heritages d'icelle rente: Encores que ledit preneur offre quitter toutes les reparations & meliorations qu'il a faictes en l'heritage montans à telle somme: & qu'il remonstre que la maison qu'il a prise à quatre ou cinq cens liures de rente, ne peut à present, à l'occasion de la misere & calamité du temps, estre aucunement loiiée, ou ne peut estre loiiée plus de quarante ou cinquante liures par an. En sorte que tel preneur à rente ne se peut pourvoir contre le contract de bail à rente, sinon par les voyes de droict: Qui sont dedans dix ans obtenir lettres de rescision fondée sur dol, fraude, circonvention, force, crainte, ou deception d'outre moitié de iuste prix, & de plus de la moitié de la iuste valeur de l'heritage pris à rente, eu esgard au temps du contract: auquel temps la maison ne valoit point cent liures de rente fonciere, non rachetable, & communément on n'en eust point autant trouué: toutesfois elle a esté baillée moyennant deux cens cinq liures de rente fonciere non rachetable. La raison de ce que dessus est, parce que la diminution & detrimement de l'heritage tombé sur le propriétaire d'iceluy, tout ainsi que le propriétaire prend à son profit l'augmentation & accroissement de la valeur de l'heritage: mesmes si la maison prise à rente estoit bruslée ou rasée, pour la fortification de la ville, ou par les ennemis, le preneur, sous ombre de ceste perte & cas fortuit, ne seroit deschargé de la rente, comme il a esté dit cy-dessus. Et ainsi se pratique à present, encores que ce soit la ruine d'infinites personnes: *Quia translatorei dominio, eius periculum in emptorem vel accipientem quoque transfertur, nec danti imminet: ut perspicue tradit Baldus in l. prima. C. de iure emphyteu. iuxta l. Lucius. ff. de cuius.*

Et si le preneur de l'heritage à rente, par stipulation expresse n'a promis fournir & faire valoir la rente, à la charge de laquelle l'heritage est par luy pris, ny promis mettre aucun amendement, il sera bien receuable à le deguerpir, encores que lors du deguerpissement, la maison ou autre heritage ne soit en telle & aussi bonne valeur qu'il estoit lors de la prise, au temps de laquelle il valoit douze cens liures tournois, & lors du deguerpissement il ne vaut que cinq ou six cens liures. Car la valeur ou deterioration des heritages prouient de la prosperité ou calamité du temps, au moyen de la paix ou des guerres, qui ont eu cours. Et ces mots portez par la fin dudit cent-neufiesme article: En laissant toutesfois l'heritage en aussi bon estat & valeur, qu'il estoit au temps de la prise, ne signifient autre chose, sinon que le preneur de l'heritage à rente n'ait point immué la face de l'heritage, comme d'une maison en ait fait une court,

204

Quand on a promis fournir & faire valoir la rente, on n'est pas receuable à deguerpir l'heritage.

205

Le preneur de l'heritage peut deguerpir iceluy, encores qu'il ne soit en aussi bonne valeur qu'il estoit lors de la prise.

d'une vigne, vne terre labourable: ou bien que le preneur n'ait point mal usé dudit heritage; ains en ait tousiours ioüy & usé comme vn bon pere de famille. Non pas que le preneur soit tenu rēdre la maison neufue, comme elle estoit lors de la prise, ny faire qu'elle vaille douze cens liures, comme elle valoit au temps qu'elle fut bailliée à rente: Mais il suffit la rendre en tel estat, ou bien en telle forme & telle valeur qu'elle estoit lors de la prise, fors la deterioration naturelle aduenüe par le succès du temps. Et cela sera rapporté par les Iurez qui visiteront la maison, lesquels rapporteront les deteriorations & reparations qui sont aduenües depuis le temps du bail à rente, lequel rapport il conuiendra suiure, cōme il sera dit cy-après. Et n'est considerable de dire que le preneur de l'heritage en a ioüy pendant le bon temps, & d'iceluy perceu grands profits, & partant qu'il ne doit estre receu à le deguerpir au temps miserable & calamiteux. Car le preneur pendant sa ioüissance ayant tousiours payé & acquitté la rente, à la charge de laquelle il auoit pris l'heritage, on ne luy peut rien obijcer. Et à present ledit preneur deguerpillant l'heritage par luy pris à rente, ne fait sinon ce qui luy est permis par la Coustume.

206
Par la disposition de droit le preneur de l'heritage ne le peut deguerpir.

Et conuient noter toutesfois que la Coustume de Paris, qui permet à celui qui a pris à cens ou rente vn heritage de renoncer à iceluy en iugement, partie presente ou appelée, c'est à dire deuant le Iuge, au Parc Ciuil ou Chambre Ciuite, non pas au Gresse, en payant tous les arrerages du passé, & le terme ensuiuant, est contraire à la disposition de droit commun, par laquelle celui qui est personnellement obligé, & a promis payer certaine redevance, ou faire certain seruice chacun an, à cause de l'heritage feodal ou roturier, qui luy a esté baillé & delaisé à ceste charge, ne peut se deliurer de ceste obligation & promesse personnelle, encores qu'il renonce à l'heritage: ains luy & ses hoirs demeurent perpetuellement obligez au payement de la redevance, ou accomplissement de la charge, *L. quicumque. de fund. patrimo. C. lib. 11. ca. unico, in fine. de capitaneo qui curiam vendidit. in vsib. feud. l. is cum quo. vbi Bart. latè tractat. ff. de aqua plu.* Autrement est obserué au tiers detenteur, qui de bonne foy a acquis l'heritage sans la charge de la rente, lequel n'est point personnellement obligé, & lequel en deguerpillant en Iustice l'heritage par luy detenu, demeure deschargé de la rente pour le payement de laquelle il estoit poursuivy. Et la Coustume de Paris estant contraire à la disposition de droit, ne doit estre obseruée, sinon au dedans de la Preuosté & Vicomté de Paris, & non es autres lieux, comme à Meaux où la disposition de droit doit estre gardée, s'il n'y a Coustume locale semblable à celle de Paris.

207
Le deguerpissement doit estre actuel, & non verbal seulement.

Aussi il est besoin entendre que le deguerpissement doit estre actuel, non pas verbal seulement. En sorte que celui qui a deguerpy en Iustice ne doit plus ioüir de l'heritage par luy deguerpy: & s'il est demeurant en la maison deguerpie, il en doit sortir avec sa femme, famille, & biens. Et d'autant qu'on ne peut pas si promptement sortir d'une maison, en laquelle on est habitué, il est besoin incontinent faire créer vn curateur à la maison deguerpie, lequel la face bailler à loüage par autorité de Iustice, & que celui qui a deguerpy mette son enchere, & se la face adiuger.

Après face signifier son bail iudiciaire au creancier qui l'a contraint de deguerpir, aussi se face poursuivre par le curateur, afin de payer le loüage de l'occupation qu'il a eüe de la maison, depuis le iour de son deguerpissement, iusques au iour de la licitation du loüage: & qu'il somme la poursuite au creancier qui l'a contraint de deguerpir, à ce qu'il ne luy puille demander les arrerages de sa rente, depuis le deguerpissement: estant contraint consentir paiement du loüage estre faict au curateur pour la portion de temps susdite. Ou bien celuy qui a deguerpy face créer vn curateur, & demande, tant avec ledit curateur, qu'avec le creancier delay pour sortir de la maison, à la charge de payer le loüage selon l'estimation qui en sera faicte par gens à ce cognoissans. Car si celuy qui a deguerpy continuoit sa demeure en la maison deguerpie, il seroit condamné payer les arrerages des rentes, comme le deguerpissement n'estant reel & actuel, ains verbal seulement. Et le semblable doit estre dit d'un heritage assis aux champs, si apres le deguerpissement on en a iouï, prins & perceu les fructs. Ou bien si on a receu les arrerages d'une rente escheuz depuis le deguerpissement d'icelle faict en iugement; d'autant que tels deguerpissemens sont censez feints, simulez, & frauduleux. Et celuy qui faict tel deguerpissement est semblable à celuy, qui de parole responce à vne succession, & de faict est heritier iouissant des biens hereditaires, & receuant les debtes de l'heredité. Mais si le deguerpissement est debattu, il semble que celuy qui a deguerpy ne doit incontinent sortir de la maison, ou bien de la iouissance de l'heritage deguerpy: parce qu'il seroit inutile & sans profit, tant à celuy qui l'a deguerpy, si le deguerpissement est déclaré nul, que à celuy à la poursuite duquel le deguerpissement est faict: ou bien au propriétaire, lequel auoit esté adiourné à la requeste du preneur pour voir deguerpir l'heritage en Justice, & voir déclarer le deguerpissement bon & valable; en ce faisant estre deschargé à l'aduenir de la rente, à la charge de laquelle il auoit pris l'heritage.

Et faut aduiser que le preneur ou acquereur du preneur qui veut deguerpir en Justice l'heritage baillé à rente face offre conforme à la Coutume: qui est de payer tous les arrerages du passé, & le terme ensuiuant, & delaisser l'heritage en aussi bon estat & valeur qu'il estoit au temps de la prise. Et cela a lieu, non seulement au preneur de l'heritage, mais aussi en l'acquereur du preneur. Encores que le 110. article de la nouvelle Coustume de Paris ne face mention des deux charges dessusdites: par ce moyen aucuns soient d'aduis que l'acquereur ne soit point tenu payer le terme ensuiuant, ny laisser l'heritage en tel estat qu'il estoit lors de la prise: mais soit tenu d'un simple entretenement, comme est tenu vn bon pere de famille: Neantmoins on dit qu'il faut prendre lesdites deux charges de l'article precedent, comme repetées au subsequent: & que si lors de l'acquisition faicte du preneur, l'heritage n'estoit en bon estat, l'acquereur en a eu meilleur marché: Partant qu'il est tenu le delaisser en aussi bon estat qu'il estoit lors de la prise à rente. Et les deux charges susdites estans conceüs sous vn gerundif (en payant & en

208

Quelle offre doit faire le preneur à rente, quand il veut deguerpir l'heritage.

laissant) qui emporte necessité , condition , & accomplissement des charges : celui qui deguerpit en Iustice l'heritage pris à rente, n'est point deschargé du cours de la rente, qu'au prealable il n'ait actuellement payé tous les arrerages de la rente deuz pour le passé , & le terme ensuiuant, sans demander terme pour le payer , & qu'il n'ait laissé l'heritage en aussi bon estat & valeur, qu'il estoit lors de la prise. *Quia si res deterior reddatur, redditus non censetur. l. 1. §. an in pupillum. vers. si res deposita. ff. depositi. l. 3. §. 1. ff. commodati.* Aussi si l'heritage n'est en bon estat , & tel qu'il doit estre, le propriétaire n'en peut pas faire son profit, & n'est pas tenu de l'accepter. Ioint que par le 43. article de l'Ordonnance faite par le Roy Charles VII. sur le faict des rachapts des rentes de la ville & faux-bourgs de Paris, il est dit: Que si les preneurs, leurs hoirs, ou ayans cause, veulent renoncer aux maisons & lieux qui leur ont esté adiugez , ils seront tenus les delaisser en aussi bon estat & valeur, comme ils estoient au temps desdites adiudications & appreciations. Autrement ils ne seront point receuz à ladite renonciation. S'il appert de la prise, les Iurez rapporteront par leur visitation les deteriorations qui sont aduenues depuis icelle , & declareront les reparations que le preneur , ou acquereur du preneur est tenu faire en la maison deguerpie. S'il n'appert point de la prise, ny du temps d'icelle, celui qui renonce à la maison est tenu la rendre habitable, & faire les reparations qui seront rapportées par les Iurez qui visiteront la maison. Ainsi a esté iugé au Chastelet de Paris le 18. ou 20. Ianvier, 1594. au profit des maistres propriétaires de la grande boucherie de Paris, pour vne maison assise à petit Pont, baillée à rente, vingt ans y auoit, à Gasse boucher, & par ledit Gasse vendue à vn rotisseur, à la charge de payer & continuer les rentes desquelles la maison estoit chargée, sans promesse de l'acquitter & garantir. Et les mots dessusdits, en delaisant l'heritage en aussi bon estat qu'il estoit au temps de la prise, n'obligent pas le preneur ou successeur du preneur à la ruine ou demolition de l'heritage faite par les gendarmeries; mais ces mots susdits signifient seulement entretenir l'heritage, comme vn bon pere de famille.

109
Quand
 l'acquireur
 du preneur
 d'un heri-
 tage, à la
 charge d'u.
 ne rente
 peut renon-
 cer à l'heri-
 tage.

Si le preneur a vendu & transporté à vntiers l'heritage par luy pris à rente, à la charge de ladite rente seulement, l'acquireur dudit preneur peut renoncer à l'heritage en payant les arrerages iusques au iour de son deguerpissement, & le terme ensuiuant : Pourueu qu'il n'ait promis mettre amendement, ce qu'il n'eust fait, ou fournir & faire valoir, & laisser l'heritage en bon estat : ou bien qu'il n'ait promis expressement acquitter & garantir son vendeur & bailleur. Lequels mots, d'acquitter & garantir son vendeur & bailleur, sont substantiaux, & baillez pour la forme essentielle de l'obligation de l'acquireur du preneur : Tellement qu'encores que l'acquireur eust promis, par son contract d'acquisition, acquitter la maison de la rente, à la charge de laquelle elle auoit esté baillée : tel acquireur pourra deguerpir en Iustice ladite maison, & se descharger pour l'aduenir de ladite rente : parce qu'il n'a pas expressement promis acquitter & garantir son vendeur & bailleur : & ainsi ont iugé au Chastelet de Paris, suiuant le 110. art. de la nouuelle Coustume de Paris :

comme la promesse d'acquitter ladite maison de ladite rente n'ayant effect, sinon tant & si longuement que ledit acquereur sera detenteur & propriétaire de ladite maison par luy acquise. *Cum enim forma à lege sine consuetudine, vel statuto data est, ea exactè observanda est, nec aliquid omittendum est. l. staturis. C. de senten. ex breviculo recit. l. cum hi. §. si prator. ff. de transact. l. 1. ff. de iniusto & irritio testa.*

Aussi ne peut-on empêcher, que celui qui est poursuivy pour le paiement d'une rente, comme detenteur & propriétaire d'un heritage: soit qu'il soit poursuivy, comme tiers detenteur & propriétaire de l'heritage ayant ignoré la rente lors de son acquisition; ou comme preneur, ayant pris l'heritage, à la charge de payer la rente, tant & si longuement qu'il sera detenteur & propriétaire d'iceluy; ou comme acquereur du preneur, à la même charge de payer la rente, tant qu'il iouira de l'heritage, ne puisse renoncer à l'heritage, iceluy deguerpir & quitter en Iustice, & par le moyen de ceste renonciation & deguerpissement, se descharger à l'advenir de la rente, pour raison de laquelle il est inquieté: Comme ceste renonciation ou ce deguerpissement estant conforme à la disposition de droit commun; *qui enim tenetur quia rem detinet, rem derelinquendo liberatur, l. & si forte. ff. si servit. vind. l. cum fructuarius. ff. de usufru. Et qui pecuniā debet ratione speciei, quia speciem detinet, puta fundū vel agrum, tradendo speciem liberatur l. si vend. §. fina. ff. soluto matrimonio. Et sicut in rebus animatis, prestatio rei, quæ dedit damnum, liberat debitorem, ita & in inanimatis velut fundis, vel adibus eas tradendo liberatur reus. l. prator ait. §. hoc edictum. ff. de damno infect. l. miles. §. decem ff. de re indic. Et quando quis tenetur quia actionem habet, eam tradendo liberatur. l. quod debetur. ff. de peculio.* Aussi les actions, qui sont intentées contre les detenteurs & propriétaires des heritages obligez au paiement d'une rête, *consentur reales; diriguntur in possessorem, & cessant eo desinente possidere; lege ultima, ff. de rei vindicatione. l. si rem meam. l. si quis ad exhibendum. ff. de excep. rei iud.*

Et convient noter, que les renonciations & deguerpissements d'heritages, qu'on fait en iugement, suivant la Coustume, pour éviter le paiement des rentes, pour lesquelles on est poursuivy, se font par les tiers detenteurs, & autres, apres avoir appelé leurs garands, & leur avoir sommé le deguerpissement, qu'ils entendent faire, pour dire ce qu'ils voudront pour l'empêcher. Aussi les deguerpissements se font, sauf les droits d'hypothèque de celui qui a fait le deguerpissement, tant sur l'heritage deguerpy, que ailleurs, actions & recours contre ses garands, & autres qu'il appartiendra. Tellement que celui qui a deguerpy, se peut opposer aux criées faites de l'heritage deguerpy, tant pour estre payé du denier de son acquisition, que pour autres causes, mêmes pour les despens, dommages & interêts. Et encores celui qui deguerpit auparavant contestation en cause, doit mettre, sans prejudice des fruits & loyers de l'heritage, & arerages de la rente qu'il deguerpit, escheuz depuis son acquisition, iusques au iour de son deguerpissement, lesquels il maintient luy appartenir, comme acquereur & possesseur de bonne foy. Le

210

Par la disposition de droit commun, d'heritage est tenu au tiers detenteur.

211

Forme des deguerpissements, & que celui qui a deguerpy doit conserver son droit d'hypothèque.

deguerpiſſement eſtant faiſt en iugement au Chastelet, en l'abſence de la partie, & à luy ſigniſié, le tiers detenteur requiert le deguerpiſſement eſtre declaré bon & valable; en ce faiſant qu'il ſoit enuoyé abſous des demandes & concluſions contre luy priſes par le demandeur, & que les arrezages eſcheuz depuis ſon acquisition ſoient declarez luy appartenir, & que curateur ſoit créé à l'heritage deguerpy. Ce qu'eſtant ordonné, on faiſt créer vn curateur, avec le Procureur du Roy ſeulement: & ce par vn ſimple acte paſſé avec luy, lequel porte, que tel eſt créé curateur aux heritages deguerpiſtel iour, par tel, qui a faiſt le ſerment de bien & deuëment exercer la curatelle: dont celui qui a deguerpy a requis acte. Ce faiſt on pourſuit le curateur, tout ainſi que celui, qui eſtoit detenteur & propriétaire de l'heritage deguerpy, & le fait-on condamner. Et ſur ledit curateur on faiſt faiſir, crier, & adiuger l'heritage deguerpy; lequel n'eſt aucunement ſubieſt à retraict lignager, comme il eſt porté par le 153. article de la nouuelle Couſtume de Paris. De ce que deſſus eſt parlé en la Couſtume d'Anjou, en la quatrieſme partie des Exponſions, & en la nouuelle Couſtume de Touraine, au titre des Delaiſſemens & Exponſions d'heritages. Et conuient noter, que par leſdites Couſtumes, le tiers detenteur ſeulement peut deguerpir, non pas le preneur & obligé, ny l'heritier de l'obligé: conformément à la diſpoſition de droit, comme il eſt traicté par Bartole *in l. is cum quo ff. de aqua plu. arcen.* A quoy la Couſtume de Paris a derogé, comme il a eſté dit cy-deſſus.

212
La portion
deguerpie
n'accroïſt
pas aux co-
detenteurs.

Quand l'un de pluſieurs detenteurs & propriétaires de l'heritage obligé, à vne rente deguerpit la part & portion qu'il detenoit de l'heritage obligé, la portion deguerpie n'accroïſt pas aux autres detenteurs de l'heritage, ny au creancier de la cenſue ou rente, ſ'il n'y a paſſion de reuerſion, & la clause commiſſoire, auquel cas y auroit conſuſion & extinction de la rente en la perſonne du creancier au *pro rata* de la portion deguerpie. Mais à la portion deguerpie on doit créer vn curateur, ſur lequel on fera faiſir, crier & adiuger par decret la portion deguerpie, à la charge de la rente & redeuance. Et ſi outre icelle il y a des deniers reuenans bons, ils ſeront baillez aux oppoſans, creanciers de celui qui a deguerpy, *in cuius bonis* ladite portion eſtoit.

213
Le tiers de-
tenteur qui
a deguerpy,
ſe doit oppo-
ſer pour ſes
labours &
ſemences.

Par ce qui a eſté dit cy-deſſus on peut cognoiſtre, que quand le tiers detenteur & acquereur de bonne foy, pour euitier le payement de la rente qui luy eſt demandée, deguerpit en Juſtice l'heritage par luy acquis lequel il a faiſt labourer & enſemencer; il ne peut pas demander au creancier qui l'a contraint de deguerpir, qu'il le rembourse de ſes feurs, labours, & ſemences: parce que le deguerpiſſement n'eſt pas faiſt au creancier, & l'heritage deguerpy ne luy appartient pas, & parauenture n'en aura-il aucun profit. Mais celui qui a deguerpy ſe doit oppoſer au bail, qui ſera faiſt de l'heritage deguerpy, & requerrir tant avec le curateur créé à l'heritage, qu'avec les creanciers, eſtre dit, qu'il ſera le premier payé ſur les deniers du bail, de ſes feurs, labours & ſemences. Ce qui ſera ordonné; comme il ſeroit remboursé des baſtimens neufs & meliorations faiſtes en l'heritage deguerpy, ſuiuant la loy, *in venditione. §. ſi fructus. ff. de bon. auct. ind. poſſ.*

Et si depuis le deguerpissement, & auparavant l'adiudication par decret de l'heritage deguerpy, les creanciers sont entierement satisfaits, & payez de leur deub, ou par celuy qui a deguerpy, ou biẽ par ses garãds, celuy qui a deguerpy requerra en Iustice tant avec le curateur, qu'avec les creanciers, qu'il soit ordonné, qu'il rentrera en la pleine proprieté & iouissance dudit heritage, & que les Commissaires establis à iceluy soient deschargez. Et ainsi sera ordonné, parce que la cause du deguerpissement & des faillies & criées cesse. Mesmes le Seigneur censier ne le pourra empêcher: attendu que par le moyen dudit deguerpissement, ne luy sont deus aucuns droicts: & que si l'heritage deguerpy eust esté adingé par decret, les lots & ventes n'eussent appartenu au Seigneur censier, ains à celuy qui a deguerpy, où il auroit achepté ledit heritage, & en auroit payé les lots & ventes au Seigneur censier, au droict duquel pour ce regard il succede cõme il est porté par le 119. art. de la nouvelle Coustume de Paris.

Celuy qui a deguerpy l'heritage, peut apres toutes debtes payees rentrer audit heritage.

Ce qui a esté dit cy-dessus du detenteur & propriétaire d'heritage obligé à une rente, lequel a acquis sans la charge de la rente, qu'il peut renoncer à l'heritage par luy detenu, non seulement apres contestation en cause: mais apres condamnation contre luy donnée: & par le moyen de ladite renonciation & deguerpissement detiement fait en Iustice, demeurer quitte des arrerages à luy demandez, en payant les arrerages de son temps iusques à la concurrence des fructs par luy perceuz, si mieux il n'ayme rendre lesdits fructs: se doit entendre, quand ledit detenteur est poursuivy pour tous les arrerages échuez du temps de sa detention. Car quand un detenteur & propriétaire de bonne foy est poursuivy pour arrerages échuez quelque temps apres son acquisition & detention: comme s'il y a neuf ans qu'il ait acquis, & soit poursuivy pour quatre années d'arrerages, il suffit qu'il rende les fructs de quatre années de iouissance de l'heritage par luy detenu, desquelles quatre années les arrerages soient deus: non pas qu'il soit tenu rendre tous les fructs qu'il a perceuz depuis son acquisition. Et si de bonne foy le detenteur & propriétaire a payé quelques arrerages de rentes à luy demandées auparavant qu'il fust adiourné à la requeste de celuy, par le moyen duquel il a deguerpy: ledit detenteur precomptera lesdits arrerages, sur les fructs par luy perceuz, comme payez de bonne foy. Et si les arrerages ont esté payez depuis l'adiournement qui auoit esté fait au detenteur, ledit detenteur pour lesdits arrerages, entrera au lieu & droict des creanciers, auxquels il aura payé depuis ledit adiournement: à celle fin prendra cession d'action desdits creanciers, lors qu'il les payera, ou apres le payement fait.

Le detenteur renonçant à l'heritage n'est tenu rendre les fructs sinon pour les années des arrerages qu'on luy demande.

Et semble qu'il y auroit grande apparence, que le detenteur & propriétaire de bonne foy, encores qu'il renongait à l'heritage par luy detenu apres contestation en cause, ou condamnation contre luy donnée, fust quitte des arrerages à luy demandez, supposé qu'ils fussent échuez de son temps, en payant les arrerages échuez depuis l'adiournement à luy fait, ou rendant les fructs par luy perceuz depuis ledit adiournement, ou bien payant la valeur desdits fructs: cõme de bonne foy ayant pris à son profit les fructs échuez auparavant ledit adiournement, & ce

Après contestation en cause le detenteur doit rendre les fructs de son temps.

suivant les arrestz de la Cour cy-deuant recitez : Toutesfois le 103. article de la nouvelle Coustume de Paris est contraire ausdits arrestz, & astreint le detenteur & propriétaire de bonne foy, à rendre tous les fruiçts de son temps, selon qu'il a esté cy-dessus déclaré.

217
Le simple
detenteur
ne peut estre
poursuiuy
pour le paye-
ment d'une
rente.

Et faut noter qu'en tout ce discours il a esté tousiours parlé du detenteur & propriétaire conioinctement, & non du detenteur seulement. Car si celuy qui est poursuiuy pour les arrerages d'une rente, est simple detenteur & non propriétaire, comme est vn fermier, vn locataire, ou bien celuy qui precairement possède : Il doit déclarer qu'il est simple fermier ou locataire, & nommer le propriétaire de l'heritage par luy detenu. Et lors le creancier de la rente, fera saisir & arrester, es mains du fermier ou locataire, les moissons ou loyers escheuz & à escheoir; ensemble les deniers à present deubs, & qui cy-apres seront deubs par lesdits fermier ou locataire: les fera adiourner pour affermer, vuidier leurs mains, & proceder en outre comme de raison.

218
L'heritier
par benefice
d'inventai-
re ne peut,
pour les ar-
rerages des
rentes con-
stitues par
le defunct,
estre execu-
té, sinon es
biens estans
de la succes-
sion.

Combien qu'il ait esté cy-dessus amplement monstre, que le detenteur & propriétaire d'un heritage obligé à une rente, est tenu personnellement au paiement des arrerages d'icelle escheuz de son temps: & que pour le paiement d'iceux, il peut estre executé en tous ses biens, tant meubles qu'immeubles sans aucune discussion, & sans qu'on soit tenu faire saisir l'heritage obligé: & qu'il ait aussi esté dict que le mesme est obserué en l'heritier en partie du defunct débiteur de la rente: mesmes qu'anciennement on ait pratiqué ce droit contre l'heritier par benefice d'inventaire: en sorte que pour les arrerages des rentes constituées par le defunct, escheuz depuis le trespas d'iceluy, ledit heritier par benefice d'inventaire peut estre executé en tous ses biens, s'il ne vouloit deguerpir en Iustice les immeubles de la succession, & rendre compte des meubles, soit qu'il fust seul heritier par benefice d'inventaire du defunct ou en partie seulement: Toutesfois par arrest de la Cour prononcé en l'audience le 5. Iuin, 1592. entre Guillemette Baudoiyn, vefue de defunct Maistre Pierre Aubry, viuant Procureur audit Chastelet, & consors, heritiers par benefice d'inventaire de defuncte Odette Baudoiyn leur sœur viuant femme de Laurent de la Combe, appellans de la sentence donnée par le Preuost de Paris, le 19. Feurier audit an, 1592. d'une part: Et Laurent Bouuet maistre Boulenger à Paris intimé d'autre: par laquelle sentence les appellans auoient esté condamnez, chacun pour telle par & portion qu'ils sont heritiers par benefice d'inventaire de ladite defuncte Baudoiyn, & encores personnellement pour le tout, comme detenteurs & propriétaires des lieux & heritages declarez es contrats de constitution de rente, payer & continuer audit Bouuet les vingt-cinq escus de rente en deux parties, dont estoit question, & à payer une année & demie d'arrerages de ladite rente, escheuë au iour Saint Iean Baptiste, 1591. ceux depuis escheuz, & qui d'oresnauant escheront, tant & si longuement qu'ils seront detenteurs desdits lieux, passer titre nouuel & recognoissance: Et outre lesdites lettres de constitution déclarées executoires contre lesdits appellans, tout ainsi qu'elles estoient contre la defuncte, & lesdits appellans

condam-

condamnez és despens. La Cour en faisant droict sur l'appel, a dict, qu'il a esté mal iugé par le Preuost de Paris ou son Lieutenant: bien appelé par les appellans. En emendant & corrigeant ladite sentence, a condamné les appellans payer & continuer ladite rente de vingt-cinq escus audit Bouuet, & les arrerages d'icelle: Sçauoir est personnellement pour telles parts & portions qu'ils sont heritiers de la defuncte, & hypothecairement pour le tout, en ladite qualité d'heritiers par benefice d'inventaire de ladite defuncte Baudouyn; leur recours reserué contre ledit de la Combe, ainsi qu'ils verroient estre à faire. Sauf audit Bouuet de pouuoir faire saisir lesdits heritages, & iceux faire vendre & decreter en la maniere accoustumée, pour les arrerages de ladite rente. Et condamné ledit Bouuet és despens tant de la cause principale que cause d'appel: lesquels despens de la cause d'appel, la Cour a moderez & liquidez à la sōme de six escus. Et ordonné que ledit arrest seroit leu & publié au Chastelet de Paris, l'audience tenant, pour seruir d'oresnauant de loy & reiglement en semblables causes & differens. En sorte qu'à present on ne peut faire executer vn heritier par benefice d'inventaire pour le payement des arrerages des rêtes cōstituées par le defunct, duquel il est heritier, sur les biens qui appartiennent à l'heritier d'ailleurs, que par la succession du defunct, encores que lesdits arrerages soient escheuz depuis le trespas d'iceluy defunct. Mais on peut seulement faire saisir, crier, & decreter sur l'heritier les heritages de la succession, & luy faire rendre compte des meubles d'icelle. En ce faisant l'action personnelle, introduite par la Coustume de Paris, contre le detenteur & propriétaire de l'heritage obligé, n'a lieu contre l'heritier par benefice d'inventaire. Semblablement n'a lieu contre vn donataire ou legataire vniuersel du defunct, lors qu'il a obtenu lettres de benefice d'inventaire, & icelles fait entheriner, ainsi qu'il a esté cy-dessus dit.

La raison dudit arrest plusieurs estiment estre, que quand l'heritier par benefice d'inventaire deguerpiroit en Iustice les heritages de la succession, le creancier ne pourroit sinon faire créer vn curateur aux heritages deguerpis, & sur ledit curateur les faire saisir, crier, & decreter. Ce qui reuiendroit à plus grands frais que de les faire saisir, crier, & decreter sur l'heritier par benefice d'inventaire: en sorte que le creancier est sans interest. Mais ceste raison peut estre adaptée à l'heritier simple en partie d'un defunct, & par luy alleguée, & pareillement par le tiers detenteur, qui a acquis de bonne foy vn heritage obligé à vne rente: lesquels ayans deguerpy l'heritage obligé, on ne peut sinon faire créer vn curateur à l'heritage deguerpy, & le faire saisir, crier, & decreter sur ledit curateur: ce qui reuiendra à plus de frais que de le faire saisir, crier, & adiuger sur l'heritier simple, ou bien sur le tiers detenteur. Partant outre la raison susdite, est besoin dire que l'heritier par benefice d'inventaire est cōme vn curateur, ou bien comme vn Commissaire estably aux biens de la succession du defunct, & est comptable d'iceux. Que s'il estoit tenu en son nom des arrerages escheuz pendant sa detention, à cause des rentes constituées par le defunct, & pour le payement desdits arrerages pouuoit

estre executé es biens qui luy appartiennent d'ailleurs, que par la succession du defunct : Son benefice d'inventaire, lequel empesche qu'il soit aucunement obligé en son nom, pour le faict du defunct, & debtes contractées par ledit defunct, ny que les biens, qui d'ailleurs luy appartiennent, en soient aucunement tenus, & que d'iceux y ait aucune confusion ou meslange, luy seroit inutile & frustratoire. Aussi y auroit diuersité, voire contrariété d'actions en la personne de l'heritier par benefice d'inventaire : D'autant que pour le payement des arrerages des rentes constituées par le defunct, il pourroit estre executé en tous ses biens ; & pour le payement de toutes les autres debtes, on ne pourroit sinon faire saisir les biens demeurez par le trespas du defunct : qui seroit contre la disposition de la loy finale, *C. de in. delib.* & contre la vraye intention de tous les heritiers par benefice d'inventaire, lesquels sont appelez aux successions, qu'ils apprehendent sous benefice d'inventaire, par la loy de nature, & par la Coustume, comme plus proches parens habiles à succeder aux defuncts, & les apprehendent, estimans n'estre aucunement tenus en leurs noms, ny leurs biens aucunement obligez. Ioinct que quand il est question d'executer vne obligation passée, ou vne sentence donnée, on considere la qualité de celuy qui est obligé ou condamné : & s'il n'est obligé ny condamné en son nom, on ne peut l'executer en ses biens. Comme si c'est vn tuteur de mineurs, on saisit les biens des mineurs, desquels il est tuteur : s'il est Escheuin, ou Procureur, ou bien Syndic des habitans d'une ville, on saisira les biens communs appartenans à la ville, ou à la communauté des habitans : si c'est vn Marguillier, on saisira les biens de l'Oeuure & Fabrique, suivant la *l. post mortem in princ. & §. finali. ff. quando ex factotut. l. 1. Cod. eo. l. si se non obtulit. §. tutor. & §. actor municipum. ff. de re iudicata*. Aussi vn heritier par benefice d'inventaire n'estant tenu, obligé, ny condamné qu'en qualité d'heritier par benefice d'inventaire, on ne peut, à faute de payement des arrerages des rentes constituées par le defunct, duquel il est heritier, sinon faire saisir les biens, tant meubles qu'immeubles, estans de la succession du defunct, & faire rendre compte à l'heritier de ce qu'il a receu desdits biens : non pas faire saisir & vendre les biens, soient meubles & immeubles, qui d'ailleurs appartiennent à l'heritier par benefice d'inventaire, comme il a esté dit au 15. chapitre du present Traicté. Et neantmoins ledit heritier par benefice d'inventaire, si c'est vn heritage qui ait esté acquis par le defunct, sans la charge de la rente demandée, le pourra deguerpir en Iustice ; à ce que pour le payement des arrerages de ladite rente, les autres biens de la succession du defunct, ne puissent estre saisis comme ils pourroient estre. Et ce qui a esté dit cy-dessus de l'heritier par benefice d'inventaire, doit estre obserué en la personne du legataire ou donataire vniuersel, ayant obtenu lettres de benefice d'inventaire incontinent apres le trespas du defunct, comme il a esté cy deuant monstre.

Par le moyen des deux effectz cy-dessus deduiets de l'action personnelle introduite par la Coustume de Paris contre le dedenteur &

proprietaire de l'heritage obligé à vne rente, on peut cognoistre la difference qu'il y a entre l'action personnelle baillée par la disposition de droit commun, contre l'heritier detenteur del'heritage, ou de partie de l'heritage obligé à vne rente; qui n'est que pour la portion hereditaire de l'heritier, soit vn tiers, vn quart, ou autre portion; tant pour les arrerages precedens la detention, que pour les subsequens: Et l'action personnelle introduicte par la Coustume, contre l'heritier detenteur de l'heritage obligé à vne rente depuis sa detention: ou bien contre le simple detenteur & proprietaire depuis sa detention: qui est de payer entierement les arrerages escheuz à cause de la rente depuis sa detention, & à faute de payement, pouuoir estre executé en tous les biens meubles & immeubles. *l. 3. §. hares. ff. commodati. l. si plures. ff. de vi & vi arm. Bart. in l. eadem. §. Cato. l. finali. C. si unus ex plurib.*

Combien que par ce qui a esté dit cy-dessus des heritiers d'un defunct debteur d'une rente, il soit clair & euident, que rente fonciere ou constituée est indiuisible, quant à l'hypothèque, entre les heritiers du preneur, ou ayant cause d'eux; chacun desquels en peut estre poursuiuy pour le tout sans diuision: Toutesfois s'ils sont plusieurs preneurs à rente par vn contract, & n'est point dit qu'ils seront tenus l'un pour l'autre, & chacun d'eux seul & pour le tout, au payement de la rente portée par le contract, ils ne sont tenus au payement de ladite rente, que pour leurs parts & portions, qui sera moitié, ou bien vn tiers, ou vn quart; ny pareillement leurs heritiers ou ayans cause. Aussi les portions de l'heritage, ou heritages par eux pris à rente, qui sont aduenues à chacun des preneurs par le partage qu'ils auront fait ensemble, ne seront tenuës & ne respondront pour les portions des autres preneurs. Comme si quatre personnes ensemblement par mesme contract ont prins cent arpens de terre, à quarante liures de rente par an, qu'ils ont purement & simplement promis payer: chacun n'est tenu qu'au payement de dix liures de rente par an; & les heritiers & ayans cause de chacun d'eux ne pourront estre conuenus & contraincts au payement de plus grande rente, que de dix liures: parce que les preneurs ne se sont point obligez l'un pour l'autre: en ce faisant la rente est esgalement diuisée entre eux, pour le regard du creancier: tout ainsi qu'une autre debte mobiliere ou immobiliere seroit diuisée entre les debteurs d'icelle, suiuant la *l. reos. §. cum tabulis. ff. de duob. reis.*

219
Toute obligation passée par plusieurs est diuisée entre eux, s'ils ne sont obligez solidairement, avec les renonciations à ce requises.

Car vne obligation, soit de vendition, de location, de prest, ou pour autre cause, contractée par plusieurs personnes, n'est point solidaire: & l'un des contractans n'est point tenu pour l'autre, si ce mot *in solidum*, chacun d'eux seul & pour le tout, n'est porté par l'obligation: *d. §. cum tabulis. l. si non singuli in solidum. C. si cert. pet.* Et encores que plusieurs se soient solidairement obligez: toutesfois il y a diuision entr'eux, & faut discussion, si les contractans n'ont expressement renoncé au benefice de diuision, ordre de droit, & de discussion: *auth. hoc ita. C. de duob. reis. vbi Glo. l. rectè. C. de fid.* Aussi quand plusieurs purement & simplement sont condamnez payer vne somme de deniers, ils ne peuuent estre contraincts solidairement au

120
Plusieurs
condamnez
sont tenus
chacun
pour leur
portion seu-
lement.

payement de ceste somme: mais chacun est seulement tenu payer son esgale portion d'icelle, soit moitié, vn tiers, ou vn quart: sans estre tenu à d'avantage, encores que les autres ne soient pas solubles. *l. Paulus respondit. ff. de re iud. l. 1. Cod. si plures una sent.* S'il n'y a qu'un qui soit principalement obligé, auquel le denier a esté baillé, & au mesme contract plusieurs interuenient qui se constituent solidairement principaux debtors & payeurs, qui *expromissores vocantur*: d'autant qu'à la verité ils ne sont que simples fideiussieurs, ils auront le benefice de discussion pour le regard du principal obligé: & encores le benefice de diuision entr'eux: si par exprés ils n'ont renoncé aux benefices de diuision, ordre de droict & de discussion: comme ils y peuuent librement renoncer: *Glo. in d. authen. hoc ita, & in tit. de fid. & mand. in authenticis, ubi Glo. in verbo, accedat. Latè tractat Molinæ in tractatu com. & usur. questione septima.*

221
Le creancier
d'une rente
peut agir
personnelle-
ment contre
le detenteur
de l'heritage
obligé à la
rente.

Aussi il est certain par les 99. 100. & 101. articles de la nouvelle Coustume de Paris, Que si aucun a constitué cent liures de rente, & au payement d'icelle obligé tous & chacun ses biens, meubles & immeubles, presens & à venir, ceux de ses hoirs & ayans cause, si apres ceste constitution de rente, il aliene aucun des heritages obligez: le creancier de la rente peut agir contre l'acquireur detenteur & propriétaire desdits heritages, partie & portion d'iceux, à ce qu'il soit condamné, tant personnellement, que hypothecairement luy payer & continuer chacun an lesdits cent liures de rente, tant & si longuement qu'il sera detenteur & propriétaire desdits lieux, partie ou portion d'iceux: Aussi luy payer tant personnellement, que hypothecairement les arrerages escheuz de son temps, qui est depuis la detention, & hypothecairement les precedens. La raison est, parce que, *si fundus pignoratius venditur, transit cum onere pignoris. l. si conuenerit. §. si fundus. de pig. act.*

222
Le deten-
teur de l'he-
ritage bail-
lé en eschä-
ge de rente
peut estre
poursuiuy
personnelle-
ment pour le
payement
& conti-
nuation de
la rente
baillée en
contr'es-
change.

Mais on a demandé si l'action personnelle introduicte par la Coustume contre le tiers detenteur, se peut intenter lors que par eschange à vne maison assise en ceste ville de Paris, ou autre heritage situé aux champs, on a transporté cent liures de rente qu'on auoit droict de prendre sur l'Hostel de la ville de Paris, & que l'acquireur de ladite maison a promis garantir ladite rente de tous troubles, la fournir & faire valoir bonne, soluble & bien payable chacun an aux termes de la constitution d'icelle: nonobstant faicts de Prince, incursion d'ennemis, guerre civile ou estrangere, retranchement de deniers assignez en tout ou partie, cessation de reuenu des assignations, Edicts, & Ordonnances faicts & à faire, arrests, sentences, iugemens, & tous autres cas fortuits & inopinez, pour lesquels, ou aucuns d'iceux, le payement de ladite rente cessast, fust empesché, ou retardé: Auquel cas il sera contraint payer le sort principal de ladite rente & arrerages d'icelle qui en seroient deuz & escheuz. Si en ce cas celui, qui par ledit contract d'eschange a cession & transport de ladite rente de cent liures, ne pouuant estre payé par le Receueur de la ville de Paris des arrerages d'icelle, peut agir personnellemēt

& hypothecairement, ou bien hypothecairement seulement contre celui qui a acquis du cedant la maison baillée en contr'eschange des cent liures de rente, constituée sur l'Hostel de ceste ville de Paris. Et faut soutenir qu'on peut vallablement conclurre à l'encontre de luy, à ce qu'il ait à dire & declarer, s'il est, dès & depuis quel temps, detenteur & propriétaire de ladite maison, partie ou portion d'icelle: & si tel se dit & declare, il soit condamné suivant la Coustume de Paris, tant personnellement que hypothecairement, faire payer le demandeur par le Receveur de la ville de Paris, chacun an aux quatre quartiers, deux mois apres chacun d'iceux escheuz des arrerages desdits cent liures de rente: Et à faute de ce faire dedans ledit temps, & iceluy passé, le defendeur soit dès à present comme deslors, & deslors comme dès à present condamné, tant personnellement que hypothecairement payer audit demandeur chacun an les arrerages desdits cent liures de rente. Outre ledit defendeur soit condamné payer audit demandeur la somme de cent escus, pour les arrerages escheuz, à cause de ladite rente, le dernier de Juin mil cinq cens quatre-vingts & dix, personnellement ceux escheuz du temps de la detention du defendeur, & les precedens hypothecairement, ceux depuis escheuz, & qui d'oresnavant escherront, tant & si longuement que le defendeur sera detenteur & propriétaire de ladite maison, partie & portion d'icelle: Et que lesdits heritages soient declarez affectez, obligez & hypothequez au payement & fournissement desdits cent liures de rente: pour, si mestier est, estre saisis, &c. si mieux le defendeur ne veut deguerpir en Justice les heritages declarez audit contract d'eschange, delaissez & transportez par le demandeur, moyennant lesdits cent liures de rente: Requerant despens de l'instance. Et en ce cas faut maintenir que les heritages transportez, moyennant lesdits cent liures de rente, sont spécialement obligez au payement desdits cent liures de rente: attendu que le demandeur est bailleur & cedant de ladite maison; pareillement que les heritages transportez sont generalement obligez avec tous les biens de l'acquireur de ladite maison. Partant le defendeur, comme detenteur & propriétaire d'icelle, est personnellement tenu au payement des arrerages de ladite rente escheuz de son temps, suivant le 100. art. de la nouvelle Coustume de Paris, qui est formel. Et outre audit cas est bon mettre au contract, que à faute de payement par le Receveur de la ville de Paris, des arrerages de ladite rente, le contractant dès à present l'a constitué sur tous & chacuns ses biens, mesmes sur la maison à luy transportée, qui en demeure spécialement obligée & hypothéquée: sans que la generale, &c. Et que audit cas il promet payer & continuer ladite rente.

Il convient encores entendre à ce propos que l'action personnelle introduite par les 99. & 100. articles de la Coustume de Paris, contre le detenteur & propriétaire de l'heritage chargé & redeuable de cens ou rente, n'est baillée qu'à celui ou ceux auxquels la rente est dueë, qui est le creancier d'icelle, & non au debteur de la rente, ny à ses heritiers, ny à ses pleiges, ny au tiers detenteur de l'heritage obligé. N'estant raisonnable

223

*L'action
personnelle
introduite
par la Cou-
stume n'est
baillée que
pour rentes,*

*En non pour
simples de-
niers : En
n'est baillée
que au seul
creancier de
la rente.*

d'estendre la Coustume d'une personne à autre : attendu qu'elle doit estre prise estroitement, comme contraire à la disposition de droict commun. Aussi la mesme action personnelle introduite par ladite Coustume n'est baillée que contre le tiers detenteur d'heritage obligé à vne rente, ou à autre charge réelle & annuelle pour le payement des arrerages escheuz de son temps. Tellement que ceste action personnelle n'est point baillée pour le payement d'une somme de deniers : encores qu'au payement d'icelle le debteur ait spécialement obligé certains heritages, soit par contract de mariage pour la restitution des deniers doraux, soit pour le payement d'une somme de deniers en doüaire, ou bien pour vendition d'un heritage, ou pour cause de prest. En ce faisant, le creancier ne peut demander contre le tiers detenteur de l'heritage par luy acquis de bonne foy de son debteur, qu'une simple hypothèque : A sçavoir que ledit heritage soit déclaré affecté, obligé & hypothéqué au payement de la somme qui luy est deuë : ou bien que comme detenteur & propriétaire de tel heritage, il soit hypothécairement condamné payer telle somme : non pas que le tiers detenteur soit condamné personnellement & hypothécairement au payement d'icelle somme.

*224
Pour le
payement
du prix de la
vendition
d'un heri-
tage & pro-
fit d'iceluy,
on n'a pas
d'action per-
sonnelle
contre le
tiers deten-
teur.*

De faict, vn quidam ayant acquis par licitation la moitié d'une maison appartenant à vn mineur, moyennant quatre cens escus : Estant ordonné par sentence qu'il seroit tenu faire profit de ladite somme, à raison du denier douze, iusques à plein payement d'icelle : Ceste moitié de maison ayant esté vendüe sans la charge de ceste somme à vn autre acquereur : A esté iugé que le mineur estant faict maieur n'a aucune action personnelle contre le detenteur & acquereur de bonne foy de ladite maison : & qu'il ne peut conclurre contre luy, à ce que personnellement & hypothécairement il soit condamné luy payer ladite somme de quatre cens escus, avec les profits à raison du denier douze, tant escheuz qu'à escheoir : Parce qu'il n'est pas question de rente, ny d'arrerages de rente, ny d'une charge réelle ou annuelle : ains d'une somme de deniers, le payement de laquelle on peut demander toutes & quantes fois que bon semble, ensemble les profits escheuz & à escheoir iusques à plein payement. Mais le creancier peut seulement requérir que la moitié de la maison soit déclarée affectée, obligée, & hypothéquée au payement de ladite somme de quatre cens escus, & des profits d'icelle, à raison du denier douze, tant escheuz qu'à escheoir, iusques à plein payement de ladite somme de quatre cens escus. Pour apres commandement, & à faute de payement faict au demandeur par le defendeur detenteur & propriétaire de ladite moitié de maison, de ladite somme de quatre cens escus, & profits escheuz depuis tel iour, & qui cy-apres escherront aux quatre termes à Paris accoustumez, ladite moitié de maison estre saisie, criée, vendüe & adiugée par decret, les deniers procedans de la vente baillez au demandeur, iusques à la concurrence de son deub. Ou bien le defendeur comme detenteur & propriétaire de la moitié de maison, sera hypothécairement condamné payer au demandeur ladite somme de quatre cens escus, avec les profits, tant escheuz qu'à escheoir : Et à faute

Le paiement, ordonné que ladite moitié de maison sera saisie, &c. sans aucune discussion, laquelle n'est besoin de faire en ce cas, parce que le demandeur est bailleur de l'heritage obligé. Et ces mots, l'heritage déclaré affecté, obligé, & hypothéqué, &c. & tel detenteur de tel heritage condamné hypothécairement payer, sont equipollents, & signifient même chose. Partant doivent estre conjointement mis en vne sentence ou iugement, & suffit y mettre ou l'un ou l'autre. Et parce que le detenteur ayant longuement plaidé, n'est raisonnable qu'il gaigne les fruits depuis contestation en cause: aussi s'il paye la somme due avec les profits d'icelle, n'est raisonnable qu'il rende les fruits par luy perceuz: & qu'il peut auoir fait plusieurs bastimens & meliorations sur l'heritage par luy acquis de bonne foy; pour raison desquels est bon qu'il s'oppose: On a accoustumé de mettre à la fin de la sentence: Sans preiudice des loyers de ladite moitié de maison escheuz depuis contestation en cause, & autres droicts & actions des parties.

Ayant esté dit cy-dessus que l'action personnelle introduitte par la Coutume de Paris, contre le tiers detenteur de l'heritage obligé à vne rente, n'est baillée qu'au creancier de la rente, ou bien à celui auquel la rente est due: Il s'ensuit que l'un des heritiers du debteur d'une rente estant poursuivy personnellement & hypothécairement pour le total de la rente, ne peut par sa sommation conclurre personnellement & hypothécairement contre celui qui a acquis de son coheritier un heritage hypothéqué à la rente: A ce que comme detenteur & propriétaire dudit heritage, il soit tenu faire cesser la poursuite faite contre ledit heritier pour la moitié, ou autre portion pour laquelle le coheritier duquel il a acquis estoit tenu de la rente, & pour ceste portion acquitter, garantir, & indemniser le demandeur. Mais ledit heritier peut seulement conclurre hypothécairement contre l'acquireur, quand le partage est fait pardeuant ou Iuge, ou Notaire: tellement que pour la garantie du partage il y a hypothèque, comme il sera dit au 25. chapitre du present Traicté: à ce que l'heritage par luy acquis soit déclaré auoir esté, & estre affecté, obligé, & hypothéqué au recours de garantie, despens, dommages & interets du demandeur, pour moitié de la poursuite contre luy faite par tel, pour raison de telle rente: pour si mestier est, à faute de paiement & remboursement de moitié du fort principal & arrages de ladite rente, despens, dommages & interets du demandeur, ledit heritage estre saisi, crié, vendu, & adingé par decret, au plus offrant & dernier encherisseur en la maniere accoustumée: & les deniers procedans de la vente d'iceluy baillez au demandeur, iusques à la cōcurrēce de son deub. Le semblable doit estre dit de celui qui a acquis un heritage coobligé à vne rēte, quand l'un des obligez est poursuivy pour toute la rēte, & qu'ils ont promis acquitter l'un l'autre, sous l'hypothèque de leurs biens. Pareillemēt si un premier acquireur est poursuivy pour vne rēte due pour son vendeur, il n'a qu'une simple action hypothécaire cōtre le postérieur acquireur: à ce que les heritages par luy acquis, desquels il est detenteur & propriétaire soient declarez affectez, obligez, & hypothéquez au recours de garantie, despens, dommages & interets du deman-

225
Comme
l'heritier
peut pour-
suivre en
garantie ce-
luy qui a
acquis de
son coheri-
tier, & l'o-
bligé, celui
qui a acquis
de son coo-
bligé.

226
Comme le
premier ac-
quireur doit
poursuivre
hypothéca-
irement le
dernier ac-
quireur.

deur. Et és cas susdits est besoin de discussion auparavant qu'on puisse faire saisir l'heritage hypothéqué; parce qu'il n'y a aucune personnalité contre le detenteur.

227
Les code-
tenteurs
comme ils
agissent pour
leur garan-
ties les uns
contre les
autres.

Quant aux codetenteurs d'heritages obligez à vne rente; encores qu'entre eux n'y ait aucun contract, par le moyen duquel on puisse induire vne action personnelle, aussi que l'action personnelle introduite par la Coustume de Paris, ne soit baillée qu'à celui auquel la rente est deuë, comme il a esté cy-deuant dit: Toutesfois si l'un des detenteurs est poursuuy pour le total de la rente; il peut poursuiure chacun des codetenteurs, à ce qu'il soit tenu l'acquitter & garantir de la poursuite contre luy faicte, pour telle part & portion qu'il detient l'heritage sujet à la rente. Et en ce cas on tient que la loy baille vne action entre tous les codetenteurs, afin de s'acquitter & garantir l'un l'autre, *promodo detentionis, quasi commune negotium inter eos geratur. l. cum possessor. ff. de censib.* Ce qui n'a lieu en ceux auxquels on demande le recours d'indemnité & garantie de la portion qui est deuë par leurs Autheurs, soient coheritiers, coobligez, ou autres.

228
Quand l'un
des pleiges a
payé, il n'a
aucune
action con-
tre ses cofi-
deiusseurs,
mais seule-
ment contre
le premier
obligé.

Et en cest endroit conuient entendre que quand le debteur d'une rente, ou bien d'une somme de deniers a baillé trois ou quatre pleiges & cautions qui sont solidairement obligez avec luy: Si l'un des pleiges a entierement payé la debte ou partie d'icelle, ou entierement racheté la rente, ou payé quelques arrerages, & n'a point cession d'actions du creancier, auquel il a payé; ledit pleige de son chef n'a aucune action ny aucun recours contre ses cofideiusseurs: d'autant qu'il ne s'est pas obligé pour eux, pour leur faict, ny pour leur regard, n'ayant eu aucun profit, à cause de l'obligation. *l. ut fideiussor. ff. de fid. l. cum alter. C. eo. §. si plures, in fine. Institut. eo.* Mais celui qui a payé a son recours contre le vray debteur, pour lequel il s'est obligé, & qui seul a touché les deniers, *contra quem mandati agere debet. l. qui fide. l. ex mandato. ff. mandati. §. si quid Instit. de fideiuss.* Partant, quand l'un des pleiges faict quelque payement, il ne doit obmettre à prendre cession d'action du creancier.

229
Quand plu-
sieurs sont
solidaire-
ment obli-
gez, &
qu'ils ont
pris indem-
nité du Gé-
nit-homme,
pour lequel
ils sont obli-
gez, ils sont
censez plei-
ges & cau-
tions.

Et estime-on le semblable deuoir estre obserué quand vn Gentil-homme & deux bourgeois se sont obligez solidairement à vne rente; & que les deux bourgeois ont pris lettres d'indemnité du Gentil-homme: comme en ce cas les deux bourgeois estans simples fideiusseurs. En sorte que si l'un desdits bourgeois paye quelques arrerages de la rente deuë, ou bien a rachepté la rente, & n'a cession d'actions du creancier d'icelle: il n'a aucune action de son chef contre l'autre bourgeois qui a promesse d'indemnité du Gentil-homme: & ne le peut contraindre à le rembourser du tiers des arrerages par luy payez, ou du tiers de la rente par luy racheptée: mais a seulement action contre le Gentil-homme vray debteur de la rente, pour la raison, & par les textes cy-deuant alleguez. De faict au cas susdit, l'un des bourgeois ayant offert rembourser le creancier du sort principal, & arrerages de la rente, & qu'il eust à luy faire cession & transport d'icelle, ou bien à le descharger de ladite rente: & le creancier l'ayant deschargé: Depuis ledit creancier ayât faict executer l'autre bour-
geois

geois pour les arrerages de toute ladite rente, & a esté payé d'iceux : celui qui auoit payé ayant mis en proces l'autre bourgeois, qui auoit esté deschargé par le creancier, afin de le rembourser du tiers des arrerages par luy payez : Les Aduocats du Chastelet, & plusieurs du Palais ont esté d'aduis que le demandeur de son chef n'auoit aucune action contre le defendeur, & que le creancier l'auoit peu descharger. Combien que aucuns fussent d'aduis contraire, comme la descharge n'ayant peu estre faicte au preiudice du demandeur : Ce qui seroit veritable, si le demandeur de son chef eust eu action contre le defendeur.

Quand plusieurs, comme trois ou quatre, sont obligez solidairement à cent liures de rente, & que chacun a pris le tiers ou le quart du denier, ils sont tacitemēt obligez à se garantir l'un l'autre, & à payer chacun vn tiers ou vn quart de la rente: *quia in quantum pecunia ad eos peruenit, sunt rei debendi, & aequè principaliter obligati creditori, & in quantum pecunia non peruenit ad eos, nec eam receperunt, sunt ad inuicem fideiussores, & ideo mandati vel negotiorum gestorum agere possunt. l. vir uxori. §. fin. ubi Glossa magna. ff. ad Velleian. l. reos. ubi Bart. ff. de duob. reis.* S'ils sont coheritiers, ils ont leur recours l'un à l'encontre de l'autre, pour leurs portions hereditaires : S'ils sont compagnons & associez, ils ont leur recours les vns contre les autres pour les portions, pour lesquelles ils ont contracté société. *l. 2. C. de emict. l. si fratres. C. com. vir. ind.*

230
Quand plusieurs sont solidairement obligez, comme ils ont recours l'un à l'encontre de l'autre.

231
Les coheritiers comme ils ont recours l'un contre l'autre.

Si l'un des debtors de la rêe, ou l'un des heritiers du débiteur, ou le fideiussur, ou bien le detenteur & propriétaire de l'heritage obligé à la rente, lequel est poursuiuy pour le total d'icelle, veut auoir l'action personnelle introduite par la Coustume de Paris, cōtre le detenteur & propriétaire de l'heritage obligé, & auoir recours solidaire, sa portion deduite contre ses coobligez, coheritiers, ou codetenteurs des heritages obligez: il doit payer le creancier des arrerages qui luy sont deuz, à cause de la rêe qui luy a esté constituée; prendre cession d'actions personnelles & hypothecaires, avec subrogation en son lieu & droit. Et lors ledit débiteur fideiussur ou detenteur & propriétaire, cōme ayant les droits cedez du creancier, & subrogé en son lieu & droit, pourra agir solidairement, sa portion deduite, contre tel de ses coobligez, coheritiers, cofideiussurs, ou codetenteurs & copropriétaires des heritages obligez que bon luy semblera: tout ainsi que le creancier pouuoit agir solidairement contre l'un d'eux; auquel creancier seulement est baillée l'action personnelle introduite par la Coustume de Paris. Ainsi se pratique ordinairement, suivant la loy, *emptor hereditatis. C. de hare. vel act. ven. l. fin. Cod. de privileg. fisci. l. 2. Cod. de duob. reis. & ibi Glo. in fine. Paul. de Castro in l. Modestinus. ff. de solut. l. Papinianus. & ibi Glo. ff. mandati. Alia Glo. in l. si diuisa. C. de locato.*

232
Quand le coheritier, codetenteur, ou coobligé peut auoir l'action personnelle introduite par la Coustume de Paris contre le tiers detenteur.

Partant, quand on rachepte vne rente, il faut aduiser si celui qui rachepte la rente la veut totalement esteindre, à ce qu'elle ne soit aucunement subgette aux debtes du creancier. Lors on commence le cōtract par payement; & le creancier confesse auoir receu la somme de douze cens liures tournois, pour le sort principal, & rachapt de telle rente constituée tel iour, & telle somme pour les arrerages : moyennant tel payement le

233
Lors qu'on rachepte vne rente, quand il conuient prendre cession d'actions.

creancier consent la rente estre & demeurer esteinte, amortie, & assoupie. Et les parties accordent la minute du contract de constitution de ladite rente estre deschargée sur le registre des Notaires qui ont receu ledit contract. Laquelle descharge il faut faire, à ce qu'à l'aduenir on ne puisse leuer le contract. Et en ce cas, parce qu'il n'y a aucune cession d'actions, on ne peut agir cōtre son garant, sinō pour le prix & sort principal de la rente, comme esteinte, & non pour les arrerages d'icelle, *l. Modestinus. in princ. ff. de solut.* Ou bien le creancier & le coobligé à la rente sont d'accord de n'esteindre aucunement la rente : lors il ne faut commencer par reception de payement ; mais il faut commencer par cession & transport, & ne point vser de ce mot, rachepté. Confesse auoir cédé, transporté, & delaisné à tel, telle rente constituée tel iour : luy a fait cession & transport de tous ses droicts, noms, raisons, & actions, l'a mis & subrogé en son lieu & droict. *Et tunc est potius nominis emptio quam solutio, & pactum de actione cedenda precessit solutionem. l. cum is. ff. de fid. d. l. Modestinus.* Ou bien le creancier veut esteindre la rente, entierement l'amortir, & ne faire aucune cession d'actions ; à ce que ses creanciers ne puissent auoir aucun droict d'hypothèque sur ladite rente. Ce que le racheptant ne veut consentir : ains soustient qu'il est tenu luy faire cession de ses droicts, noms, raisons & actions, à ce qu'il puisse auoir son recours & actions contre ses garands, coheritiers, cofideiussieurs, codetenteurs, & autres qu'il appartiendra. Lors il faut commencer le contract, non pas par cession & transport, mais par reception de payement : Qu'il confesse auoir eu & receu de tel la somme de douze cēs liures tournois, pour le sort principal de cent liures tournois de rente, constituée tel iour, par tels, & tels, & telle somme pour les arrerages. Moyennant lequel payement ledit tel a rendu audit tel, le contract de constitution de ladite rente. Et neantmoins, entant que mestier est, ou seroit, ledit tel luy a fait cession de ses droicts, noms, raisons, & actions, pour auoir son recours pour raison de ladite rente & arrerages d'icelle, contre ses garands, coobligez, coheritiers, codetenteurs, & autres qu'il appartiendra : sans aucune garantie, ne recours quelconque contre ledit tel, sinon de ses faits, promesses & obligations. Et lors la rente est entierement esteinte, pour le regard du creancier d'icelle, & de ceux qui à cause dudit creancier pourroient pretendre hypothèque sur icelle. Aussi on tient que quand la rente est transportée à l'un des debtors d'icelle, soit l'un des principaux obligez, ou l'un des coheritiers, cofideiussieurs, ou codetenteurs, elle est esteinte pour le regard du creancier d'icelle, & que les creanciers dudit creancier ne peuvent pretendre hypothèque sur ladite rente : encores que ledit creancier ait fait cession & transport de ses droicts, noms, raisons, & actions, par le contract contenant le payement du sort principal de ladite rente.

234
 Comme on
 cognoist si
 un contract
 est pignora-
 tif, on fait
 Aussi incidemment il conuient noter, que quand il est question de cognoistre si un contract est vraye vendition faite sous faculté de remérés ; ou bien si c'est un contract pignoratif, de simple engagement ; ou bien si c'est un contract fait *sub pacto legis commissoria* : on regarde *an contractus inceperit à venditione.*

A vendu tel heritage, moyennant telle somme : Et a esté conuenu qu'en rendant par ledit tel, ladite somme dedans six ans, il pourra r'entrer en la pleine propriété, iouissance, & possession dudit heritage. Ou bien si *contractus incæperit à mutuo & numeratione pecunie*. Confesse deuoir à tel, la somme de tant, laquelle luy a esté baillée & liurée presents les Notaires. Laquelle somme ledit tel, a promis & sera tenu rendre & payer audit tel, dedans vn an. Et à faute de faire ledit payement, & rendre ladite somme dedans le temps susdit, ledit tel a vendu, cédé, & transporté audit tel, tels heritages, moyennant la somme susdite, s'en est dessaisi, & a consenty & consent que ledit tel puisse entrer de son autorité priuée en la iouissance & possession dudit heritage. Ou bien si *contractus incæperit à pignore*: Confesse auoir receu de tel, la somme de tant; laquelle somme il a promis rendre & payer dedans deux ans, pendant lequel temps, ledit tel iouyra de tel heritage, & prendra à son profit tous les fructs & reuenus d'iceluy. Et à faute de payement & restitution de ladite somme, dedans ledit temps de deux ans, ledit tel luy a vendu, cédé, & transporté, & des à present luy vend, cede, & transporte ledit heritage, moyennant ladite somme de, &c. consent & accorde qu'il puisse, incontinent apres lesdits deux ans escheuz & passez, entrer en la plaine propriété, possession, & iouissance dudit heritage. Au premier cas, c'est vn vray contract de vente fait sous faculté de reméré, *sive sub pacto de retrouuendo*: Es autres cas c'est vn vray contract pignoratif: comme il est amplement déclaré in C. conquestus. ext. de usur. C. ad nostram. extra. de empt. & vend. C. illo vos. extra. de pignoribus.

Mais on a demandé, vne rente estant delaissee par rachapt, moyennant le payement du sort principal & arrerages d'icelle: & à la fin du contract y estans contenus ces mots, Transportans, &c. dessaisissans, &c. si en ce cas on peut agir contre le coobligé, pour la moitié du payement & continuation de la rente, ou bien pour la moitié du prix seulement. On peut dire que la rente est esteinte, & que ce mot de Transportans ne la peut faire reuiure, *quia esset contrarium in obiecto*. De fait, en rentes il faut expresse cession d'actions, & *speciali nota opus est*. Toutesfois ces mots, Transportans & dessaisissans estans mis en grosse, emportent expresse cession d'actions, & *sic in continentis facta est cessio, & huiusmodi cessio actui inest*. Partant telle cession est valable, & en vertu d'icelle on peut agir contre les garands.

Et quand on parle de la cession d'actions, & en quel temps elle se peut faire, ou bien en quel temps elle se peut demander, *vel ope exceptionis, aut officio iudicis*: suiuant la loy, si Stichum. §. si mandato. ff. de sol. l. cum is. ff. de fid. l. si diuisa. C. de locato. l. 2. C. de fid. on dit communément, que *cessio actionum fieri debet vel ante solutionem, vel tempore solutionis, si pactum cedendarum actionum interuenerit*: & que la cession d'actions ne se peut faire, apres le rachapt de la rente, ou bien apres le payement de la debte. *Cum enim per solutionem actio perempta sit, amplius cedi non potest*: comme dit la loy Modestinus. ff. de sol. Neantmoins quand on demande, *an aliquo intervallo post solutionem cessio actionum fieri possit*: la Glose & les Docteurs in l. Papi-

235

Si ce mot de
Transportans em-
porte cession
d'actions.

236

Quand &
comment la
cession d'a-
ctions se
peut deman-
der.

nianus. ff. mandati. in l. 1. C. de obl. & act. in tit. de fid. §. si verò tempus in Authent. ubi Glo. in verbis, contrarium: distinguant trois cas. Aut fideiussor vel mandator soluit suo nomine: & hoc casu cessio actionum peti potest ex intervallo, quia censetur soluisse propter fideiussionem vel mandatum, & ipso iure debitor non est liberatus: Aut fideiussor vel mandator soluit nomine debitoris: & tunc ex intervallo cessio actionum peti non potest, quia nulla obligatio remansit, & actio extincta est: Aut simpliciter à fideiussore vel à mandatore solutio facta est, & tunc præsimitur suo nomine soluisse, ut se liberaret, ideoque cessio ex intervallo peti potest. Ou bien il conuient distinguer selon Balde in l. 1. C. de obl. & act. col. 2. Aut is qui soluit, liberaliter soluit, quia nullo modo obligatus erat: & tunc præsimitur soluisse nomine debitoris, ut eum liberaret: & hoc casu ex intervallo non potest peti cessio actionis, cum extincta sit. Aut soluit ex necessitate, quia mandator, fideiussor, aut condemnatus erat: & tunc censetur soluisse suo nomine, ut scilicet se liberaret à mandato, fideiussione, vel condemnatione, atque ita poterit petere cessionem ex intervallo, cum aduersus debitorem actio extincta non sit: & quia pro alio soluit, nomen emisse censetur. Partant on fera adiourner le creancier, à ce qu'il soit condamné faire cession de ses droictz, noms, raisons, & actions, mettre & subroger le demandeur en son lieu & droict, sans aucune garantie, ne restitution de deniers, sinon de ses faictz, promesses & obligations: à ce que le demandeur puisse auoir son recours & action contre ses coobligez, coheritiers, ou codetenteurs. Et sera bon mettre en auant, que lors du payement, le creancier promist faire cession d'actions, tant pour le payement du sort principal, que des arrerages qui estoient deuz, à cause de la rente.

237
*Quand on a
 retrocession
 d'une d'eb-
 te, comme il
 faut estre
 receu partie
 au proces.*

Aussi quand on a cedé vne somme de deniers, soit de deux mil escus, ou autre portée par vne cedula, pour raison de laquelle y a proces pendant & indecis en la Cour de Parlement; & que depuis le cedant a eu retrocession de la debte: il est besoin que le cessionnaire presente requeste à la Cour, à ce qu'il soit receu partie, au lieu de son cedant es instances, tant prouisoires, que principales intentées par ledit tel, contre tels, pendantes & indecises en la Cour; & ordonné que le suppliant en son nom pourra poursuiure lesdites instances, selon les derniers errements & appointemens pris en la cause. Et faisant droict sur lesdites instance, lesdits tels soient condamnés, tant par prouision baillans caution, que diffinitiuement deschargeans la caution, payer au suppliant ladite somme de deux mil escus portée par ladite cedula, avec le profit, à raison du denier douze, suivant l'Ordonnance, & es despens de toutes les instances: Ou pour sur ce ouyr les parties commettre tel de vous, &c. Mais si on auoit cession & transport de la debte, il seroit besoin obtenir lettres de subrogation en Chancellerie, & estre releué du vice de litige.

238
*Celui qui a
 payé pour*

De ce que dessus s'ensuit, que quand vn coobligé, ou vn amy, ou bien autre personne, qui n'est obligé, paye pour autrui, ou rachepte rente deuë par autrui: il doit tousiours prendre cession d'actions du

creancier auquel il paye, à fin d'entrer en son lieu & droict. Et particulièrement cela est nécessaire pour le droict d'hypothèque, qu'auoit le creancier sur les biens de son débiteur. Autrement celui qui a ainsi payé ou racheté la rente due par autrui, n'a qu'une simple action personnelle contre celui, pour lequel il a racheté ou payé: qui est *mandati, aut negotiorum gestorum*: à fin d'estre payé & remboursé des deniers par luy desbourséz, sans aucun droict d'hypothèque. En sorte que si le débiteur, qui est libéré par le moyen du paiement fait de la dette, quelque temps apres ce paiement ainsi fait pour luy, contracte avec autres creanciers sous hypothèque de ses biens: lesdits creanciers, encores qu'ils soient subsequens, seront preferez à celui qui volontairement a payé pour ledit débiteur, ou racheté la rente qui estoit due par ledit débiteur. *l. si cum pecuniā. C. de iure fisci. l. 1. C. de ijs qui in prior. cred. l. 2. C. de in. reip. lib. 11.* Ce qui a lieu, si le rachetant n'auoit promesse d'indemnité du débiteur, sous l'hypothèque de ses biens.

autrui, & n'a prins cession d'actions, n'a qu'une simple action personnelle contre celui pour lequel il a payé, sans hypothèque.

Aussi quand vn second, tiers, ou quart creancier paye le premier creancier de son débiteur, afin de confirmer son hypothèque: il doit prendre cession d'actions dudit creancier, pour entrer en son lieu & droict. Toutesfois si le second creancier paye par autorité de Iustice le premier creancier, ou si en son refus il a consigné en Iustice les deniers qui luy estoient deus: ledit second creancier entre au lieu & droict d'hypothèque du premier creancier, encores qu'il n'ait cession d'actions, laquelle neantmoins est le plus seur de prendre, *l. si prior. §. sciendum. & §. si tertius. ff. qui pot. in pig. l. 1. C. eod. l. fin. C. de ijs qui in prior. cred. Glo. in l. 1. C. de ijs qui in pr. cred.* laquelle declare amplement, comme les derniers creanciers peuuent entrer au lieu & droict des premiers.

239

Comme les derniers creanciers peuuent entrer au lieu & droict des premiers

Et outre en ladite Glose est dict que quand le débiteur d'une rente la veut rachapter de son premier creancier qui le moleste, & faire entrer le dernier creancier, duquel il prend le denier pour faire le rachapt, au lieu & droict du premier creancier, trois choses sont requises & nécessaires. Premièrement que la constitution de rente porte, que les deniers ont esté baillez pour faire le rachapt de telle rente, & que le constituant promette par le contract employer les deniers par luy receuz au rachapt de ladite rente, & bailler au second creancier les lettres de constitution de la premiere rente, avec le rachapt d'icelle. Secondement qu'il soit expressement conuenu, que celui auquel le débiteur constitue semblable rente, est mis & subrogé au lieu & droict du creancier, duquel il veut rachapter la rente, & que les heritages qui estoient obligez au premier creancier, soient spécialement obligez au creancier, des deniers duquel on rachapte la rente. Tiercement qu'on monstre, que la conuention & promesse d'employ a loity effect, & que le rachapt a esté fait des deniers du second creancier. A ceste fin que le rachapt soit fait le mesme iour, ou le lendemain, & porte les mesmes especes qui ont esté baillées par le second creancier. Et si le rachapt portoit que les deniers sont prouenus du second creancier, ce seroit le meilleur: mais

240

Quand l'acquerer d'une rente rachetée de son denier, par le débiteur d'icelle, veut entrer au droict du creancier, duquel la rente est rachetée, trois choses sont nécessaires.

ordinairement celui qui rachapte, ne veut declarer de qui il a pris les deniers, & n'a-on accoustumé de ce faire. Et en ce cas n'est nécessaire la cession d'actions du premier creancier, lequel estime que le denier proveniend de son débiteur: Aussi qu'il ne voudroit faire cession d'actions au second creancier, qui n'est point present: mais aime mieux estreindre la rente, la delaisant par rachapt, à ce qu'elle ne demeure hypothéquée à ses debtors, & qu'à l'advenir il ne puisse estre inquieté: comme il pourroit estre en sommation, si les creanciers poursuivoient hypothecairement celui auquel il auroit fait cession de la rente qui luy appartenoit. Ce qui n'adviendroit en recevant par luy purement & simplement le rachapt de la rente, icelle amortissant, & ne faisant aucune cession d'actions.

Et pour paruenir à ce que dessus, on a accoustumé de mettre en la dernière constitution de rente, apres ces mots, Rachetable à tousiours, en rendant & payant à vne fois & seul payement, la somme de douze cens liures tournois, moyennant laquelle ladite rente de cent liures a esté constituée. Et ledit constituant a déclaré, qu'il a pris ladite somme de douze cens liures, pour conuertir & employer au rachapt de pareille rente de cent liures tournois, qu'il a cy-deuant constituée à tel. Lequel rachapt il promet faire dedans demain, ou dedans trois iours, y employer ladite somme de douze cens liures tournois, & bailler au present acheteur les lettres de constitution de ladite première rente, avec le rachapt d'icelle, à la fin de ladite constitution. Partant ledit tel a consenty & accordé, consent & accorde que le present acheteur soit mis & subrogé, le met & subroge aux mesmes droicts d'hypothèque, & au lieu & droict qu'estoit ledit tel, sur les biens dudit constituant, & sur les heritages qui estoient hypothéqués à la première rente; lesquels ledit vendeur a obligé tant spécialement, comme ils sont cy-dessus declarez, que généralement audit acheteur. Et sans la presente conuention & subrogation, ledit acheteur n'eust baillé ses deniers audit vendeur. Et ne suffiroit de prendre le denier du second creancier, & declarer que c'est pour rachapter la première rente; mais il est besoin qu'il y ait conuention expresse de subrogation, & hypothèque des heritages qui estoient obligés à la première rente. Ainsi a esté iugé au profit de Jacques Giraudon, par arrest de la Cour donné contre Maistre Louys Raquin Procureur en ladite Cour, infirmatif de la sentence donnée à son profit, par Messieurs des Requestes du Palais, le 20. Iuin 1592. Et par ledit arrest ordonné que ledit Giraudon, encores qu'il fust postérieur en datte, seroit preferé & premier payé que ledit Raquin. Et ce sans auoir esgard à la fraude alleguée par iceluy Raquin, ny à ce qu'il disoit que la première rente estât rachaptée, elle estoit esteinte: & qu'on ne pouuoit auoir le droict d'un creancier, ny estre subrogé en son lieu & droict, sans auoir cession de ses actions; & que ceste cession estoit nécessaire. Et de l'opinion dessusdite, scauoir que le second creancier entre au lieu & droict du premier, encores qu'il n'ait cession du premier, est du Moulin *in tractatu com. usur. quest. 37. nu. 275. & 276.* conformément à la loy 1. *C. de his qui in pr. cred. l. si prior. §. à Titio. ff. qui pot. in pig. hab. l. portio. §. fin. eo.* Et la clause portée par le contract dudit

Giraudon, sur laquelle l'arrest est fondé, contenoit ces mots; Declarant ledit de Combet ladite somme estre pour conuertir au rachapt de pareille rente, qu'il a cy-deuant constituée à Denys Touble. Au moyen de quoy il consent que ledit Giraudon acheteur soit subrogé aux mesmes droicts & hypotheques, qu'estoit ledit feu Touble, sur les biens dudit constituant: qui sera tenu luy bailler copie dudit rachapt, pour sa seureté, dedans demain.

[Depuis, sur la remonstration faicte au Roy par plusieurs particuliers, tant Ecclesiastiques, Noblesse, qu'autres du tiers Estat, il fit son Edict & Declaration portant pouuoir de succeder aux hypotheques des anciens creanciers, sans cessions d'iceux: donné à Paris au mois de May l'an de grace 1609. Leu, publié & enregistré, ouy le Procureur General du Roy, à Paris en Parlement le 4. iour de Iuin 1609. signé du Tillet. N. B.]

On peut au-
jourd'huy
succeder
aux hypo-
theques des
anciens
creanciers
sans cession
d'actions.

241

Raisons de
ceux qui
estiment la
rente acqui-
se par un
coheritier
ou codeten-
teur estre
diuisé.

Aussi il conuient entendre, que le recours solidaire a lieu entre cohe-
ritiers, coobligez, ou codetenteurs, par le moyen de la cession d'actions
suscitée, nonobstant la diuision de la rente pretendüe par aucuns. *Tan-
quam cohæres vel codetentor negotium commune gesserit: alleguās la loy finale,
§. quatuor. ff. de legat. 2. & l. 1. & 2. C. si unus ex pluribus appell. Ou bien pro-
pter reflexum actionum, maximè actionis hypothecariae, quam nullo modo diui-
di posse, etiam in persona cohæredis qui redditum annuum emit, existimant: aded
ut eius pars perpetuò obligata maneat: & sic contra eum, esse reflexum actionis
hypothecariae putant: ut latè tractat Imbertus in Institutionibus Forensibus,
capite decimo. in Glossa: §. Sanè illud. Aussi nonobstant la distinction qu'au-
cuns ont voulu faire; disans que in merè personalibus; ut puta inter correos
debendi, vel cofideiussores, qui in solidum personaliter & non hypothecariè
obligati sunt, il n'y a point de diuision: encores que l'un d'eux ait acquis la
rente solidairement constituée par tous avec cession d'actions: En sorte
que celuy qui a acquis la rente avec cession d'actions, peut agir solidai-
rement contre tel des coobligez, ou cofideiussors, que bon luy sem-
blera.*

Mais qu'il y a diuision in purè realibus: à sçauoir quand vn codeten-
teur acquiert vne rente assignée sur vn heritage, au payement de laquelle
tous les codetenteurs n'estoient point personnellement obligez: mais
estoit tenus hypothecairement payer ladite rente, au moyen de ce
qu'ils estoient propriétaires & detenteurs de l'heritage obligé, ou de par-
tie d'iceluy. Et en ce cas, parce qu'il n'y a aucune personnalité solidaire, ils
estiment que celuy des detenteurs qui a acquis la rente, encores qu'il ait
cession d'actions du creancier d'icelle, ne peut agir contre les codeten-
teurs, que pour les portions qu'ils detiennent des heritages obligez, &
non solidairement contre l'un d'eux. *Et idem dicendum existimant in mix-
tis, id est in his qui tam personaliter quàm hypothecariè sunt obligati: comme
en plusieurs heritiers detenteurs d'heritages obligez, l'un desquels ra-
chepte la rente constituée par le defunct: Auquel cas ils estiment la ren-
te estre diuisée entre tous les heritiers propter reflexum actionis hyotheca-
ria: & alleguent la loy cum possessor. ff. de censib. mesmes que l'un des he-
ritiers ne peut contraindre ses coheritiers à rachepter la rente constituée*

par le defunct : comme du Moulin a noté sur la Coustume de Paris, art. 81. col. 14. *vers. Quid si secundo geniti nolint redimere.*

242
Que le co-
obligé, co-
heritier ou
codetenteur
qui a acquis
la rēte due
sur l'herita-
ge par luy
detenu, peut
solidaire-
ment agir
pour ladite
rente, con-
tre l'un de
ses coheri-
tiers, coobli-
gés ou co-
detenteurs,
sa portion
deduite.

Toutesfois iultement on peut dire & soustenir, Que l'acquisitiō faite par l'un des coobligez, coheritiers, ou codetenteurs, ne doit pas profiter aux autres: attendu que l'acquisition n'a pas esté faite des deniers communs, ains des deniers particuliers de l'acquireur. Et est raisonnable que l'acquireur ait pareil droit, & ioiuisse de pareil priuilege, que celuy duquel il a les droicts cede: au nom & cōme cessionnaire duquel il agist, non pas en son nom. Autrement la cession d'actions par luy prinse, luy seroit inutile, frustratoire & sans profit. Que les coobligez coheritiers, ou codetenteurs ne souffriront aucune perte ny dōmage, quand ils payeront solidai-remēt les arrerages de la rente au coobligé codetenteur ou coheritier qui l'a acquise, sa portion deduite: tout ainsi qu'ils estoient tenus solidaire-ment les payer au vray creancier de la rente. Aussi que *nullus erit reflexus actionum*, & qu'on ne pourra intenter aucune action, ny auoir aucun re-cours contre le coobligé codetenteur ou coheritier acquireur de la ren-te, quand il deduera sa portion: & que par la cession d'actions qu'il fera, sans aucune garantie ne restitution de deniers, sera porté, Que celuy qui paye les arrerages de la rente, pourra faire telle poursuite, & auoir son recours pour le remboursement desdits arrerages contre telles personnes qu'il verra bon estre, autres que le cedant: suivant la loy *si diuisa. C. de locato. l. 2. & ibi Glos. C. de duobus reis. l. final. C. de privilegio fisci, l. si res obli-gata, in fine. ff. de legatis primo*. Et l'argument de *reflexu actionum*, est plu-*to*st fondé en subtilité de droict, qu'en raison & equité. Ioinct que chacun des coobligez codetenteurs, ou coheritiers, peut facilement & à moindre prix, rachepter ce qui reste de la rente, qu'il n'eust fait aupara-*uant* l'acquisition faite par son coheritier coobligé ou codetenteur: le-quel ne doit estre de pire condition que celuy duquel il a achepté la rente, lequel il represente, & duquel il a l'action integrale. Et ne doit souffrir dom-mage par particuliers payemens, & multiplicité de proces, qu'il se-*roit* contraint intenter contre plusieurs personnes, afin d'estre particu-*li*erement & par le menu payé des arrerages de la rente qu'il a acquise, pour se liberer de ne payer pour ses coobligez coheritiers, ou codeten-*teurs*, & du simple recours particulier qu'il eust eu contre chacun d'eux, sans l'acquisition de ladite rente, & cession d'action prise de son vendeur creancier de la rente: Estant certain que *cuiusque interest in plures aduer-sarios non distringi, & potius cum uno quàm cum pluribus litigare*, comme dit la loy 2. *ff. de exer. act.* Aussi que *creditor partem debiti recipere non co-gitur, l. tutor. §. Lucius, ff. de usur. cum particularis solutio multa habeat in-commoda, l. planè. ff. fam. herc.* Ioinct que *quod quis ex sua persona non habet, hoc per extraneum quandoque habere potest: l. Aristo. in fine. ff. qua res pig-*vel* hypotheca*. D'ailleurs que *nomen venditum censetur, & pro emptione no-minis pretium numeratum videtur. l. Modestinus. ff. de solut.*

Arrest de ce
que dessus
donné entre
coheritiers.

De ce que dessus, sçavoir pour le regard de coheritiers, y a arrest don-*né* le 14. de Iuin 1586. au profit de Catherine Carles, vefue de feu Iacques
Couppé, fille de defunct Blaise Carles. Lequel estant decedé débiteur de
deux

deux cens liures de rente en deux parties delaisse sept heritiers. Ladite Catherine Carles ayant acquis lesdits deux cens liures de rente des creanciers d'icelle, avec cession de tous droicts, noms, raisons & actions: & ayant pourfuiuy Claude du Lau qui auoit acquis vne maison assise en ceste ville de Paris, rue du Monceau S. Geruais, de l'un desdits sept heritiers; à ce que comme detenteur & propriétaire de ladite maison, il fust condamné luy payer & continuer les six septiesmes desdits deux cens liures de rente, avec les arrerages escheuz, l'autre septiesme demeurant confuse en la personne de ladite Catherine Carles. Et par sentence de Messieurs des Requestes du Palais, apres sommation faicte aux coheritiers, ledit du Lau estant condamné passer tiltre nouuel de la septiesme partie de ladite rente, & payer la septiesme partie des arrerages escheuz, & qui escherront à cause d'icelle; ladite Catherine Carles condamnée és despens: Elle auroit appellé de ceste sentence. En cause d'appel tous les heritiers dudit defunct Blaise Carles ayans esté assignez & ouys: La Cour a mis les appellations & sentence dont estoit appellé au neant, sans amende, & despens des causes d'appel. En emendant ladite sentence, a condamné les vesue & heritiers dudit du Lau, comme detenteurs propriétaires & possesseurs de la maison mentionnée au proces, ensemble les cinq autres heritiers dudit Blaise Carles, nommez par ledit arrest, passer tiltre nouuel chacun d'eux seul & pour le tout à ladite Catherine Carles, vesue dudit defunct Couppé, de vingt-huict escus trente quatre sols quatre deniers tournois de rente, d'une part; & de pareille somme aussi de rente d'autre, restant de soixante six escus deux tiers de rente, en deux parties, constituée par ledit defunct Blaise Carles, & cédée à ladite vesue Couppé: Et luy payer tous & vns chacuns les arrerages escheuz, & qui escherront cy-apres de ladite rente: Si mieux n'ayment tous ensemblément rachepter lesdites rentes, & payer lesdits arrerages. Et lesdits vesue & heritiers du Lau, auroient esté condamnez és despens de la cause principale.

Il y a semblable arrest donné en plaidoyrie le 22. Septembre 1569. au profit de Ieanne le Moine, vesue de feu François Iacquin, heritier pour un sixiesme de son defunct pere. Laquelle ayant rachepté vingt-cinq liures de rente, qui estoit deuë par le defunct, & pris cession d'actions du creancier: ses coheritiers furent *in solidum* condamnez luy payer & continuer ladite rente, la sixiesme portion demeurant confuse en elle: Et ce en confirmant la sentence donnée par les Bailly & Iuges Presidiaux de Chartres, de laquelle ses coheritiers auoient appellé: furent condamnez en l'amende ordinaire de cent sols Parisis enuers le Roy, & és despens de la cause d'appel.

Et suiuant lesdits arrests, si le pere est debteur de cent liures de rente, qu'il auoit constituée avec hypothèque de tous ses biens à l'un de ses enfans moyennant deniers comptans à luy baillez, ou pour autre cause: encores que ledit enfant soit heritier pour un quart de son pere, & detenteur de partie des heritages obligez à la rente, qui appartenoient à son pere: toutesfois apres le trespas de sondit pere, il pourra agir personnel-

Autre arrest donné entre coheritiers.

lement contre chacun de ses coheritiers, pour le quart de sa rente, & hypothecairement pour le tout, sa portion hereditaire, qui est vn quart, deduite, comme confuse & esteinte en luy: Sans qu'on puisse pretendre, que l'hypothèque soit diuisée, *propter præensum reflexum actionis hypothecaria*, comme dit est. Et le semblable sera obserué en simple debte contractée par le breuet. Car en ce cas l'enfant est comme vn creancier: & l'action personnelle estant esteinte pour son regard; par le moyen de la confusion, l'action hypothecaire est pareillement esteinte.

*Arrest de ce
que dessus
donné entre
codeten-
teurs.*

Quant aux codetenteurs, y a arrest donné le 7. Mars 1573. au profit de Damoiselle Louyse Bastonneau, vefue de feu Maistre Louys du Moulin, viuant Procureur du Roy en l'Hostel de la ville de Paris. Laquelle ayant esté pourluiuie par Iacques de la Primaudaye, à ce que comme detenteresse & proprieteresse de partie de plusieurs heritages & lieux du fief de la Porte, sis à Bregy près Baulme, elle fust condamnée payer douze années d'arrerages de deux muids de grain de rente fonciere, que ledit de la Primaudaye auoit droit de prendre chacun an au iour S. Martin d'Hyuer sur les heritages dudit fief de la Porte: Ladite Damoiselle suiuant la sentence contre elle donnée, ayant payé la somme de quinze cens liures tournois pour lesdites douze années d'arrerages, & prins cession d'actions dudit de la Primaudaye: En vertu de laquelle cession, elle auroit pourluiuuy, tant Mathurine Giraut, vefue de feu Iean le Feure l'aîné, que plusieurs codetenteurs, à ce que solidairement & chacun d'eux seul & pour le tout, ils fussent condamnez payer & rembourser ladite Damoiselle de moitié de ladite somme de quinze cens liures tournois, demeurant l'autre moitié cōfuse en elle. Et par sentence du Preuost de Paris, les codetenteurs ayans esté condamnez payer & rembourser ladite Damoiselle, comme ayant les droicts cedez dudit de la Primaudaye de moitié de ladite somme de quinze cens liures tournois; & ce pour telles parts & portions de ladite rente & arrerages, qu'ils estoient detenteurs de terres, lieux & heritages subiets à ladite rente: A ceste fin bailler à ladite Damoiselle declaration par tenans & aboutissans de la quantité de terres que chacun d'eux tenoit subiectes à ladite rente: passer tiltre nouuel & recognoissance de ladite rente avec ladite Damoiselle, au profit dudit de la Primaudaye, pour le payement & continuation d'icelle rente: & ladite Damoiselle condamnée és despens. Dont elle auroit appellé, baillé griefs, & les intimez responses à iceux. La Cour mit l'appellation & sentence de laquelle estoit appellé au neant, sans amende & despens de la cause d'appel. En emendant icelle, a condamné lesdits Mathurin Giraut, & consors defendeurs, & chacun d'eux seul & pour le tout, comme detenteurs de partie & portion du fief de la Porte, à payer & rembourser ladite Damoiselle appellante audit nom, de la somme de sept cens cinquante liures tournois faisant moitié de quinze cens liures payées par l'appellante audit de la Primaudaye, pour lesdites douze années d'arrerages de deux muids de grain, moitié bled & auoyne mentionnez au proces, escheuës au iour & feste saint Martin d'Hyuer 1571. & en passer tiltre nouuel audit de la Primaudaye, avec l'appellan-

te. Et les intimez auroient esté condamnez és despens de la cause principale.

Au regard des coobligez ou cofideiufseurs, Que celuy qui a acquis la rente solidairement constituée, ou qui a entierement payé la debte solidairement créée, & qui a prins cession d'actions du creancier, puisse solidairement agir contre tel de ses coobligez ou cofideiufseurs que bon luy semblera, sa portion confuse & deduite: On allegue l'arrest d'un nommé le Grand, appellant du Seneschal d'Auvergne contre ses coobligez. Et de ce la raison est apparente, parce que *omnes correi debendi, erant in solidum a què principaliter creditori obligati*: tellement que le creancier pouuoit solidairement agir cōtre tel que bon luy sembloit; *licet correi inuicem inter se fideiufsiffe cēseātur, quatenus pecunia ad eos nō peruenit, l. reos. ff. de duob. reis.*

Arrest de ce que dessus donné contre coobligez.

Si lors, ou apres l'acquisition faicte de la rente solidairement deuë, l'un des coobligez ou cofideiufseurs est faict non soluable, la perte & dommage tombe esgalement sur les autres coobligez ou cofideiufseurs, mesmes sur celuy qui auoit acquis la rente du vray creancier d'icelle. Comme il fut iugé par arrest donné contre defunct Barbedor, lequel avec trois autres, ayant constitué cent liures de rente, cognoissant que l'un des coobligez estoit deuenu insoluable, il auoit acquis lesdits cent liures de rente du creancier d'icelle: esperant estre payé par les deux autres obligez de toute la rente, sa contingente portion, qui estoit vn quart, deduite. Fut dit qu'il deduiroit non seulement vn quart de la rente, mais aussi vn tiers d'un autre quart, suiuant le texte *in §. si plures. Insti. de fid. autb. hoc ita. C. de duob. reis. Eiusmodi enim est natura obligationis plurium reorum debendi, ut inter eos sit mutuum periculum, ut adnotauit Stella in l. si creditores. C. de pact.*

243
L'un des obligez est insoluable la perte rōbe sur tous les coobligez.

Partant en cest endroict on peut demander, quand vne simple debte par plusieurs solidairement deuë, ou bien vne rente par plusieurs solidairement constituée, est censée diuisée par le creancier, en sorte qu'il ne puisse demander à chacun des debtors, que leur part & portion contingente: suiuant la loy *si creditores. C. de pact.* Et en tenant l'opinion de Bartole communément suiuite, Que *pactum tacitum diuisionis, uni ex debitoribus in solidam obligatis factum, ceteris etiam absentibus & ignorantibus prodest.*

244
Quand vne debte solidairement deuë est diuisée.

Il conuient dire que *in simplici debito*, quand plusieurs sont solidairement obligez au payement de la somme de cent escus, ou de dix muids de grain, auparauant que la diuision soit presumée, il est nécessaire que *creditor admiserit unum ex debitoribus pro sua persona suuentem*: c'est à dire que la quittance, qui a esté baillée par le creancier à l'un des debtors, porte, Qu'il a receu de tel la somme de vingt-cinq escus pour son chef, ou bien pour sa quotité, ou bien pour sa part & portion de cent escus: Lors la quittance estant volontairement baillée par le creancier, si en icelle n'y a aucune protestation, ou ne soit dict, sans faire aucune diuision du surplus, *saluo iure solidi*, le creancier ne peut plus poursuiure celuy qui a payé sa part de la debte, & ne peut demander aux autres debtors que leur part & portion contingente de ce qui reste à payer: Comme cette

245
Interpretation de la loy si creditores. C. de pactis. Et comme elle se pratique.

quittance contenant tacite descharge de toute la debte, pour le regard de celuy qui a payé ; & tacite diuision de la debte, pour le regard des autres obligez. Mais si la quittance ne portoit ces mots, Pour sa part & portion, encores que le creancier confessast purement & simplement auoir receu la somme de vint-cinq escus, & que à la verité ce fust la part & portion de celuy qui payoit : toutesfois on ne presumeroit aucune diuision, ny pour le regard de celuy qui auroit payé, ny pour le regard des coobligez, suiuant la loy, *si ex toto. §. i. ff. de leg. i.* S'il est question de debite non simplici, sed annuo, qui sont constitutions de rente : Comme quand quatre personnes ont solidaiement constitué cent liures de rente, racheptable moyennant douze cens liures : Si le creancier admet l'un des quatre à rachepter sa part & portion de la rente, & que le rachapt porte ces mots, Pour sa part & portion : on tient communément que celuy qui a rachepté, est totalement deschargé de la rente : & que les trois autres peuuent séparément rachepter leurs portions de la rente, comme tacitement diuisée, & qu'ils ne peuuent depuis le premier rachapt, estre contraincts payer les arrerages de la rente, sinon chacun pour vn quart. *Secus dicendum* si purement & simplement rachapt auoit esté faict par l'un des debtors de la rente, de portion d'icelle rente, encores que ce fust la portion de celuy qui a rachepté. Si le rachapt faict de la portion de l'un des debtors porte par mots exprés, qu'il demeure quitte du surplus de la rente, & que ses heritages en sont deschargez, comme ordinairement on fait, il y auroit moins de doute que la rente feroit & demeureroit diuisée entre tous les debtors : Si le mesme acte ne portoit, que le creancier n'entend diuiser le surplus de sa rente, pour le regard des debtors d'icelle.

La raison de ce que dessus semble estre, d'autant que *natura obligationis plurium reorum debendi originaliter est huiusmodi, ut inter eos sit mutuum periculum. l. i. & l. propter. C. de duob. reis. §. pen. Instit. eo. & §. si plures. Inst. de fid. Quod quidem periculum creditor tollit, admittendo unum ex debitoribus pro persona sua soluentem. Ideoque fit diuisio debiti inter omnes reos debendi in solidum obligatos.* Ou bien la raison peut estre que le creancier en deschargeant l'un des debtors solidaiement obligez, a osté à chacun des autres debtors & coobligez le recours solidaire, sa portion deduite qu'il eust peu auoir contre le coobligé & codebteur deschargé, en prenant cession d'actions du creancier, lesquelles ledit creancier ne peut plus ceder contre celuy qu'il a deschargé. Partant est raisonnable, que la debte soit diuisée entre tous les debtors d'icelle : à ce qu'ils soient de mesme condition, suiuant l'obligation par tous ensemblement passée. Ioinct que la loy presume, que le creancier, lequel a deschargé l'un des debtors de la solidité d'obligation, par la reception de sa part & portion, a eu vouloir, & que son intention a esté, faire le semblable pour le regard des autres coobligez : ausquels vray-semblablement il a porté pareille affection, que à celuy, duquel volontairement il a receu sa part & portion. Partant est raisonnable, que la debte soit entierement diuisée, & que le creancier ne puisse demander à chacun de ses debtors

solidairement obligez, que leur quotité, part & portion contingente.

Neantmoins les Docteurs modernes, comme de Lestolle, Alciat, & autres qui ont interpreté la loy *si creditor es. C. de pact.* ont esté d'opinion contraire; & sont d'aduis, Que la reception de la portion d'un des debtors solidairement obligez, soit de simple debte, ou de sort principal de rente, ou bien de la descharge baillée à l'un des debtors solidairement obligez, ne profite aucunement aux autres coobligez, & ne peut empescher que le creancier ne les puisse solidairement poursuiure pour le surplus de son deub, & que telle descharge ne profite sinon à celuy qui a payé sa part de la debte, ou racheté sa part de la rente constituée ou fonciere. Et ce pour plusieurs raisons par eux alleguées: Mesmes que *pa^{ta} tacita regulariter absentibus non profunt. l. absenti. ff. de donat. l. nec ignoras. C. eo.* Aussi que *pacta personas paciscentium non egrediuntur, nec ad alias extenduntur. l. si unus. §. ante omnia. ff. de pact.* Ioint que *alteri stipulari nemo potest, l. stipulatio ista. §. alteri. ff. de verb. obl.* Aussi *ratum quis habere non potest, quod suo nomine gestum non est. l. si pupilli. §. sed si ego. ff. de neg. gest. C. ratum. de reg. in. in 6.* Et que les conuentions des contractans ne doiuent auoir effect, outre leur vouloir & intention: *l. non omnis. ff. si cert. pet.* Et ceste opinion semble estre fort equitable. Tellement que suiuant icelle est besoin diligemment examiner, comme les quittances & descharges sont faictes & conceuës: comment & pourquoy l'un des debtors solidairement obligez a esté deschargé: & si vray-semblablement l'intention du creancier a esté de diuiser la debte, ou la rente: & à ceste fin dient, qu'il faut considerer le verbe *admisisse* portée par la *l. si creditores.* Et que *lex non inducit tacitum pactum diuisionis & debiti, nisi ex prasumpta mente creditoris.* Aussi dient que la *l. si creditores,* ne parle sinon de deux solidairement obligez, l'un desquels estant deschargé, on ne peut agir que contre l'autre. Mais la premiere opinion, qui est de Bartole, est suiuite, tant au Palais qu'au Châtelet, *tamen in simplici debito quàm annuo.* Et quant aux arrerages de la rente, il est certain, encores que le creancier d'une rente solidairement constituée par plusieurs ait receu de l'un des debtors, par quelques temps, sa part & portion des arrerages de la rente, & que les quittances portent ces mots, Pour sa part & portion: Toutefois sous ombre de ceste reception d'arrerages, le rachapt de la rente ne seroit pas diuisé, & les arrerages qui seroient deubs à l'aduenir ne seroient pareillement diuisez: *quia principale non debet regi ab accessorio: l. cum tale. §. si post diuisionem. ff. de pact. l. qui semisses. ff. de usur. l. fin. C. ne uxor pro ma.* En tout euenement la diuision ne pourroit estre, que pour les arrerages, s'ils auoient esté nominément receuz pour la part & portion de l'un des debtors, par longue espace de temps, excédant dix ans, non pas pour le rachapt de la rente. Et les arrerages se doiuent tousiours payer auparauant le sort principal de la rente. Ce qu'il faut noter pour les rachapts tant volontaires, que necessaires, qui se font des rentes foncieres, ou constituées, *l. cum & sortis. ff. de pig. act.*

246

Le payement fait diuisément des arrerages d'une rente n'induit pas diuision de la rente.

Aussi il est certain, combien qu'on ait poursuiuy en Iustice l'un des deux, trois, ou quatre debtors solidairement obligez, pour payer la

moitié, le tiers ou le quart de la somme de deniers, en laquelle il estoit solidairement obligé: Toutesfois par le moyen de ceste demande & poursuite faicte sur icelle, la debte n'est pas diuisée. Et apres icelle on peut demander le reste de la debte, ou à celuy qu'on a poursuiuy, en augmentant la demande auparauant contestation en cause, ou à tel des debtors que bon semble, *l. reos. l. fin. C. de fide. l. si extoto. §. 1. ff. de leg. 1.* qui est formelle. Mais s'il y auoit eu sentence, par le moyen d'icelle y auroit eu nouation: tellement que le creancier ne seroit receuable à demander au condamné plus grande portion, que celle portée par la sentence par luy obtenüe. *Imò verò* si le creancier auoit poursuiuy en Iustice tous les debtors solidairement obligez, & à chacun d'eux seulement demandé leurs parts & portions contingentes des cent escus, au payement desquels ils estoient solidairement obligez, & sur ce contesté en cause: lors la debte seroit diuisée, suiuant la loy, *liberum, in fine. C. de fid.*

247
Par le moyē
de la pour-
suite faicte
contre l'un
des coobli-
gez la debte
n'est pas
diuisée.

Or combien que, comme il a esté dit cy deuant, quand trois ou quatre sont purement & simplement obligez au payement de mesme somme, ou de mesme chose, ils ne puissent estre poursuiuis chacun, que pour leur part & portion de la debte, qui est vn tiers, ou vn quart, *l. reos. §. cum tabulis ff. de duob. reis.* Aussi que quand plusieurs sont purement & simplement condamnez, ils ne puissent estre executez, que chacun pour leur part & portion de la somme, en laquelle ils sont condamnez: supposé que solidairement ils fussent obligez, comme par la sentence la debte estant innouée, *l. 1. & 2. C. si plures vna sent. l. aliam. ff. de nouat. l. Paulus. ff. de re iud.* Pareillement qu'une obligation ne soit iamais solidaire, ny les denommez en icelle solidairement obligez, & tenus l'un pour l'autre, si ce mot *in solidum*, ou bien l'equipollent n'est porté par l'obligation, *d. l. reos. §. fin. authen. hoc ita. C. de duob. reis.* Et mesmes encores que plusieurs soient obligez au payement d'une somme de deniers solidairement l'un pour l'autre & chacun d'eux seul & pour le tout: toutesfois ils ayent le benefice de diuision & de discussion, s'ils n'ont expressement renoncé ausdits benefices, *d. auth. hoc ita iuncta. Glo. in verbo, ad solutionem.* Neantmoins quatre Marchands ayans achepté de la marchandise de Claude Hinselin Marchand de ceste ville de Paris, & ensemblément faict vne cedula souscrite de leurs mains, par laquelle ils promettoient payer audit Hinselin, l'un pour l'autre, la somme de deux cens soixante-dix escus, dedans trois mois: Ledit Hinselin ayant poursuiuy l'un des obligez, à luy payer entierement ce qui restoit de la somme portée par la cedula: Le débiteur estant condamné par sentence du Preuost de Paris, il en auroit appellé: Alleguant pour son grief, que lesdits Marchands n'estoient point obligez chacun d'eux seul, & pour le tout: & qu'ils n'auoient point renoncé au benefice de diuision, ordre de droict, & de discussion, ce qui estoit requis & necessaire. Aussi que l'appellant à plusieurs fois auoit payé sa part & portion de la debte, qui estoit vn quart: Et que l'intimé auoit receu plusieurs particuliers payemens des coobligez, qui estoient escrits au dos de la cedula. L'intimé ayant remonstré que la cedula portoit ces mots, L'un pour l'autre, lesquels ne deuoient estre inutiles & sans

248
Quatre
marchands
obligez l'un
pour l'autre
peuuent estre
solidairement
poursuiuis
au payement
de la debte.

effect, & entre Marchands emportoient & contenoient effect de solidai-
re obligation, sans observer les subtilitez & formalitez de droit: Aussi
que la recepte par luy faicte de plusieurs parties de sa debte, ne portoit
point pour son chef & quotité: tellement que telle reception ne pouuoit
induire diuision de la debte, suivant la loy, *si creditores. C. de pact. cy-dessus*
declarée. Par arrest donné en plaidoyrie le Jeudy 19. Iuillet 1590. fut or-
donné, que la sentence donnée par le Preuost de Paris sortiroit son ef-
fect: Sauf à l'appellant son recours, & condamné és despens de la cause
d'appel. *Vide Tiraquellum* au titre de Retraict lignager art. 31. col. 11. &
12. Si ces mots, l'un pour l'autre, n'eussent esté portez par la cedula, &
que purement & simplement ils eussent esté obligez, la debte eust esté
diuisée entr'eux: Comme si quatre Marchands acheptoient quelque mar-
chandise, soit bestail, grain, ou vin, & purement & simplement promet-
toient par cedula soubs-signée d'eux, ou par breuet passé pardeuant deux
Notaires, payer pour vente & deliurance de ceste marchandise, la somme
de cent escus: chacun d'eux ne seroit tenu, sinon payer la somme de
vingt cinq escus, comme la debte estant diuisée entr'eux: & l'un n'estant
aucunement tenu ny obligé pour l'autre, suivant la disposition de droit
cy-dessus recitée.

249
Marchands
purement &
simplement
obligez ne
sont tenus
l'un pour
l'autre.

Ce qui se doit entendre, quand les Marchands obligez ne sont point
associez. Car on tient pour certain, que Marchands associez sont solidai-
rement obligez par les cedules & obligations les vns des autres: tellement
que l'un d'entr'eux acheptant de la marchandise, ou bien empruntans de-
niers, *omnes in solidum tenentur*. & peuuent estre solidairement conuenus,
pour payer le tout, & pour recognoistre la cedula & promesse de leur as-
socié. La cedula de l'un est autant que si elle estoit faicte par l'autre, le
faict de l'un est le faict de l'autre, sont tenus solidairement du faict l'un de
de l'autre, & s'obligent l'un l'autre *sive presentes, sive absentes, sive scientes,*
sive ignorantes: censentur enim inuicem exercitores, vel institores, vel prapofiti,
vel magistri. l. 1. C. de duob. reis. Cuiac. ad African. in l. vir uxori. §. vlt. ff. ad
SC. Vell. Aussi la solidité d'obligation entre Marchands est introduitte, ne
in plures aduersarios creditor distinguatur, & cum multis litigare cogatur. Et
cela est certain en France entre Marchands associez de quelque negocia-
tion que ce soit, volontaire ou autre: *ut latè tractat Barto. in l. eadem quest.*
7. ff. de duob. reis. & Bald. in l. cum te. C. si cert. pet. l. instissimè. §. proponitur. ff. de
ed. l. 1. in fine. & tribus seqq. ff. de exerc. act. l. iure prouisum. de Fabric. C. lib. 11.
En ce faisant si deux Marchands empruntent six cens escus à rendre de-
dans six mois, & que l'obligation porte, Associez, ils sont solidairement
obligez, & tenus au payement de la somme deuë.

250
Marchands
associez sont
solidairement
obligez les
uns pour les
autres.

Le semblable doit estre dit des Banquiers, *qui in solidum tenentur. l. si*
unus. ff. de pact. l. argentarius, l. quadam. §. nummularios ff. de edicto Aussi plu-
sieurs tuteurs sont solidairement tenus à rendre compte, & payer le reli-
qua d'iceluy, *nisi à iudice diuisa esset tutela. l. tres tutores. ff. de adm. tut. l. 2. C.*
de diu. tut. Et le semblable est observé entre plusieurs Commissaires esta-
blis au regime & gouuernement d'un heritage saisi, à la requeste d'un
creancier, *l. de curat. §. si plures. & §. si tres. & l. si plures. ff. de curat. bon. dando.*

Idem des Escheuins, Gouverneurs & Administrateurs d'une ville, des Marguilliers, Magistrats & Officiers, *cum in solidum eis commissa sit administratio. l. Imperator. l. Magistratus. ff. ad municipalem. l. 3. & 4. ff. de adm. re. ad civit. pert. l. in magistratus. & l. pen. ff. de mag. con. l. si pupillus. ff. de adm. tut. Bart. in d. l. eandem. ff. de duob. reis. qu. 6.*

251

On peut iustement payer à l'un ou l'autre des associez, ou bien à l'un des tuteurs.

Quand doncques on dit, que *as alienum inter socios diuiditur*, & que *ex communi est soluendum*, aussi que *actio exempto proponenda est cum singulis, proportionem qua socij fuerunt, l. iustissime. §. proponitur. vers. quamuis. ff. de ed. l. omne as alienum. ff. pro socio*: Il faut entendre ceste maxime *in socijs omnium bonorum, vel alicuius partis bonorum*, suiuant la loy *nemo ex socijs. ff. pro socio*: non pas *in socijs mercatoribus, siue mercantiam aut negotiationem exercentibus*, qui sont Marchands trafiquants. Et tout ainsi que les Marchands associez, Banquiers, Tuteurs, Commissaires, Escheuins, Magistrats & Officiers, peuuent solidairement estre poursuiuis par leurs creanciers, & condamnez pour la debte l'un de l'autre, comme il a esté cy-dessus monstré, à ce que les creanciers ne soient contraints plaider contre plusieurs. Aussi les debtors peuuent entierement payer à l'un des dessus-dits, ce qu'ils doiuent à la société, à la banque, au mineur, à la Communauté de ville, ou à la fabrique, à ce que les debtors ne soient astraits payer à plusieurs, & retirer plusieurs quittances: & ce suiuant la loy, *quod si forte. §. v. ff. de solut. l. consilio. §. questum est an alteri, ff. de cur. sur. & prod. dam.* Bien est vray, que s'il y auoit vn personnage commis pour recevoir les deniers de la société, banque, tutele, commission, ou de la Communauté de Ville, Village, ou College, il seroit besoin payer audit Receueur, & non à autre. Et neantmoins les actions s'intèteront au nom des associez, Banquiers, Tuteurs, Commissaires, Gouverneurs de ville, ou autre Communauté, ou des Marguilliers ou fabrique, suiuant la loy, *cum te. C. si cert. pet. ubi Bald. & l. i. §. quibus. & l. nullo. ff. quod cuiusque univers. no. vel contra eam agatur.*

Aussi on a demandé, si les heritiers des Marchands associez sont solidairement obligez, quand l'obligation n'estoit point solidairement conceüe, ains purement & simplement: Que les associez sont decedez, & que partage a esté fait des biens & debtes de la société. Et le Mardy 20. Iuillet, 1591. a esté iugé que defuncts de Noyon & de Paris, ayans emprunté six cens escus, & par cedula portant la qualité d'associez, ayans promis purement & simplement les rendre dedans six mois, ou en constituer rente: leurs heritiers ayans fait partage des biens de la société, ayans remonstré que la solidité d'obligation n'estoit qu'au moyen de la société, laquelle estant dissoluë par la mort des associez, & par le partage, l'effect de la solidité celloit: Par arrest donné en plaidoyrie ledit iour, les heritiers furent condamnez payer chacun moitié du contenu en l'obligation: Sauf au creancier à se pourvoir sur les biens de la société, qui sont entr'autres les debtes qui peuuent estre deuës par plusieurs Marchands à ladite société. Aussi le Ieudy 14. Feurier 1591. fut iugé en plaidoyrie, qu'un Marchand de ceste ville ayant souscrit vne cedula de quinze cens tant d'escus prestez à un sien frere, par un nommé Ioly aussi

252

Entre Marchands associez en solidaire.

Mars

Marchand de ceste ville, & comme principal débiteur auoit promis *dairement* payer: à faute de payement ledit Marchand fut condamné par prouision *obligez les* garnir ladite somme, sans aucune discussion faire sur les biens de son de- *uns pour les* funct frere: encores qu'il alleguast qu'il fust question de prest, & non *autres, n'y* de marchandise. Aussi qu'on ne pouuoit valablement dire qu'il fust *a point de* principal débiteur, ains simple fideiussur: parce qu'il auoit soubscript *diuision ny* la cedula, & estoit interuenue apres qu'elle auoit esté faicte & passée. Tel- *de discus-* sion.

lement que ledit Marchand soustenoit, qu'il falloit discussion: & en tout euenement qu'il y auoit lieu de diuision. Toutesfois on maintenoit, comme la verité est, qu'entre Marchands associoz, ou solidairement obligez, ou respondans les vns pour les autres, il n'y a point de diuision, ny de discussion: & que chacun est tenu solidairement & principalement, suiuant le §. fin. de fideiussor. in authen. ubi Glosa, quam sequitur Bartol. in d. loco, col. 11. De faict *in curia mercatorum negotia deciduntur ex aequo & bono, non obseruatis apicibus siue subtilitatibus iuris*: comme dit Bartole in l. fideiussor. §. quedam. ff. mandati. & Balde in l. si pro ea. C. eo. Or il est certain que *exceptiones discussionis & diuisionis sunt de apicibus iuris, ut tractat Ludonicus Romanus cons. 430. & Glos. in l. si mancipium. in verb. actum. ff. de euiction.* Partant elles ne sont considerables entre Marchands. Et de ce extat edictum nouum Iustiniani, de contractibus argentariorum. Et le semblable fut iugé contre vn Marchand de ceste ville, lequel comme principal débiteur auoit promis de souscrire vne lettre de change à Lyon d'un sien frere, de la somme de deux mil escus, par arrest donné en plaidoyrie le Mardy 14. May 1591. Et conuient noter que de toutes lettres de change on doit faire le protest dedans le temps de la foire: C'est à dire faire signifier la lettre de change à celuy auquel elle est adressante, & à faute de satisfaire au contenu d'icelle, protester de tous despens, dommages, & interets. Et des deniers prestez en la ville de Paris, desquels le payement est destiné en la ville de Lyon en foires, & dont on baille lettres de change, pour se faire payer en la ville de Lyon, on a accoustumé prendre trois pour cent, pour trois mois. Tellement que le profit ou bien l'interet de mil escus pour trois mois est de trente escus, & ainsi d'autres sommes à proportion.

Conformément à ce que dessus, a esté iugé par arrest donné en plaidoyrie, le Mardy 28. Auiil 1592. & depuis par sentence du Preuost de Paris, *253* donnée à la fin du mois de Feurier 1593. sur vn proces qui auoit esté party *En transport* audit Chastelet, depuis departy: Que quand vn Marchand, auquel par *de dette* cedula, pour cause de marchandise, estoit deuë la somme de cent escus, *avec promesse de* faict cession & transport à vn autre Marchand de ladite somme de cent *fournir &* escus, pour demeurer quitte de pareille somme, avec promesse de garan- *faire valoir,* tir, fournir & faire valoir: Qu'en ce cas la discussion n'est requise, com- *la discussion* me elle est requise en vendition & transport de rentes sur particuliers, *n'est requise* avec promesse de les garantir, fournir, & faire valoir, tant en sort princi- *entre Marchands.* pal, arrerages, que rachapt. Tellement que le cessionnaire de ceste dette n'est point tenu de discuter le vray débiteur de la somme, mais seulement le faire adiourner: & apres defenles proposées, ou delais requis par ledit

debteur, & quelques procédures, faire adiourner le cedant, à ce qu'il soit tenu reprendre la cedula par luy transportée, & payer la somme portée par icelle. D'autant, comme dit est, que *exceptio discussionis est de apicibus & subtilitatibus iuris*, qui ne sont considerables entre Marchands: que le cessionnaire, par le moyen du transport par luy accepté, n'a point deschargé le cedant, & n'y a aucune nouation d'obligation, ny de delegation: Aussi qu'entre Marchands, ces mots de Fournir, & faire valoir, contiennent promesse de payer la somme transportée, si le débiteur d'icelle ne la paye apres vne simple sommation: tellement qu'il ne faut point de discussion, suiuant la loy, *fideiussor obligari. §. fin. de fid. cy.* apres declarée. Et combien que le cedant remonstrest, que *in cessione nominis* la promesse de garantir n'emportoit, sinon *debitum subesse*; & la promesse de fournir & faire valoir, ne contenoit sinon *debitorem locupletem esse*: ce qu'on ne pouuoit dire ny alleguer n'estre sans faire discussion des biens du débiteur, *l. si nomen. ff. de har. vel. act. ven. l. si plus vel minus. §. fin. de euct.* Pour euitier au doubte dessus dit, est besoin mettre, outre la promesse de garantir, fournir & faire valoir: Que à faute de payement, apres vn simple adiournement, le cedant sera tenu payer la somme transportée, sans que le cessionnaire soit tenu faire autre diligence, ny discussion aucune. Ce que signifient & contiennent ces mots, Fournir & faire valoir, est déclaré par Maistre Charles du Moulin, en son Traicté des Contrac̃ts, vsures & rentes cōstitué̃es, *quæst. 9. num. 148.* Et conuient entendre ce que dessus entre Marchands, quand vn Marchand a faict transport à vn autre Marchand. Car si vn autre Marchand a faict cession & transport d'vne dette, avec promesse de la garantir, fournir, & faire valoir, on ne peut s'adresser au cedant, sans faire discussion des biens de l'obligé. Dauantage cela se doit entendre, quand le transport contient promesse de garantir, fournir & faire valoir. Car si le trāsport d'vne somme de deniers contient vne simple garantie: encores que ce soit entre Marchands, & pour faict de marchandise, *sufficit prestare debitum subesse*, que la somme transportée est loyaument deuë. Et encores que le débiteur de la somme transportée ne soit soluable, le cessionnaire n'a aucun recours contre son cedant, suiuant la loy *si nomen. ff. de har. vel. act. ven.*

254
En simple
garantie en-
tre Mar-
chands suffit
que la som-
me transpor-
tée soit
deuë.

255
Quand on a
promis payer
au cas que le
débiteur ne
paye, il ne
faut point de
discussion.
Aussi il est certain que quand vn homme s'est obligé pardeuant No-
taires, ou bien par promesse escrite & signée de sa main, a promis payer certaine somme de deniers, si vn tel qui estoit le vray débiteur ne la paye; soit qu'il y ait temps prefix ou non: ou bien si par simple promesse il a promis payer & continuer cent liures de rente, & les arrerages d'icelle; au cas que le débiteur de la rente ne les paye aux quatre termes à Paris accoustumez: En ce cas il suffit d'auoir sommé & interpellé le vray débiteur en son vray domicile, ou au domicile par luy esleu de payer la somme deuë, ou les arrerages escheuz. Et à faute de payement, celui qui a faict la promesse susdite, doit estre condamné payer la somme deuë, ou bien payer & continuer la rente, avec les arrerages escheuz & à escheoir, sans aucune discussion. Car ces mots, au cas, signifient *si non soluerit, vel nisi soluerit*. Tellement que ce n'est point vne simple fideiussion, en la-

quelle est besoïn de discussion, ny vn constitut: Mais c'est vne principale obligation faicte sous condition de payer s'il ne paye: & par l'interpellation le debteur estant en demeure de payer, l'obligation est purifiée, & la condition aduenüe, selon le texte formel, *in l. fideiussor obligari. ff. fin. ff. de fid.* Ainsi a esté iugé par arrest donné en plaidoyrie contre Rossignol Notaire, lequel par promesse escrite & signée de sa main, auoit promis payer & continuer cent escus de rente, constituez par le Seigneur de Mery, & les arrerages d'icelle, au cas qu'ils ne fussent payez aux quatre termes à Paris accoustumez, tout ainsi que s'il eust esté compris au contract de constitution de rente, lequel ledit iour auoit esté receu par ledit Rossignol. Et combien qu'il alleguast auoir esté iugé par arrest donné au profit de Goguiier Notaire, qu'il falloit discussion: Toutesfois on disoit que la promesse faicte par Goguiier, n'estoit qu'une simple responce; & de faict, qu'elle contenoit ce mot, Respond.

Aussi ordinairement on tient, qu'un simple fideiussor, ou bien un simple constituteur, encores qu'en leurs noms ils se soient obligez au payement d'une debte ou d'une rente, & se soient constituez principaux debteurs & payeurs, s'ils n'ont renoncé aux benefices de diuision & de discussion, qu'ils se peuvent ayder desdits benefices, selon la substance du constitut & de la fideiussion, *quæ semper accessoria & subsidiaria est*: & laquelle n'a point innoué ny esteint la principale obligation, comme dit l'Empereur, *in princ. tit. de fideiussor. & mand. in auth. ubi Glo. in verbo. fideiussorem. in fine. l. ubi. ff. de const. pec. Panorm. in C. peruenit, extra. de fid. n. 6. Si, inquit, fideiussor in fideiubendo constituit se principalem pagatorem, succedit nihilominus beneficium authenticæ Prasente, nisi ille beneficio renuntiauit. l. fin. C. de const. pec. Zasius in §. constituta. Inst. de act. nu. ult. Quando enim aliquis conuenitur ex facto, vel obligatione alterius, siue sit fideiussor, intercessor, sponsor aut mandator, ille prius conueniendus est, propter quem alter conuenitur, ut ait Bart. in l. cum in plures. §. vestimenta. ff. locat. l. ob. Faber, in auth. prasente. C. de fid.*

256
Quand le fideiussor s'est constitué principal debteur & payeur.

Combien qu'il ait esté dit cy-deuant, qu'une femme & plusieurs heritiers pour suiuis pour la debte d'un defunct, estans comparus par un seul Procureur, & en termes generaux condamnez es despens, doiuent virilement & esgalement payer lesdits despens selon le nombre des personnes condamnées: tellement que la vefue ne faict qu'un chef, ou bien une part; pareillement le tuteur d'un mineur, ou de plusieurs mineurs, ne faict qu'un chef, ou bien une portion, & chacun des heritiers majeurs, aussi un chef ou une portion: Toutesfois quand il est question de faire poursuite, & intenter proces pour un heritage, qu'on soustient estre de la succession, ou pour une debte qu'on maintient estre deuë au defunct, ou pour le recouurement des debtes actiues de la succession & conseruation des biens d'icelle: la vefue est tenuë contribuer aux frais de la conduite des proces, & poursuite de ce que dessus, pour moitié: parce qu'elle doit prendre moitié de l'heritage, ou de la debte: & chacun des heritiers soit mineurs, ou majeurs, est tenu contribuer prorata de l'emolument & portion qu'il y prend: *tanquam huiusmodi sumptus censeantur in rem facti,*

257
Comme la vefue & plusieurs heritiers sont tenus payer les despens, lesquels ils sont condamnés.

258
Comme lesdits vefue & heritiers sont tenus contribuer aux despens du proces qu'il conuiënt intenter.

ad fundum scilicet consequendum, vel debitum recipiendum. Ainsi qu'il s'obserue aux reparations qu'il conuient faire en vn heritage commun: & pareillement aux frais d'un partage, ausquels chacun copartageant est tenu contribuer, pour la portion qu'il a en l'heritage partagé. Et ainsi se pratique la loy *ex part. ff. fam. herc.* Ainsi a esté ordonné par arrest donné entre les vefue & heritiers feu René Gaumont, le 1. Aueil 1586. En ce faisant il y a difference entre les vefue & heritiers demandeurs, lesquels obtenant gain de cause receuront les despens, qui leur seront adiugez en termes generaux, pour telles parts & portions qu'ils auront contribué à la poursuite du proces, auquel ils auront obtenu: Et les vefue & heritiers defendeurs, lesquels estans condamnés despens, seront tenus les payer esgalement, chacun pour son chef & portion virile, autant de personnes, autant de portions, comme il a esté cy-dessus déclaré. Toutes-fois, si le defunct auoit esté condamné en quelques despens, qui auroient esté taxez, & executoire leué de son viuant, ou bien qui auroient esté taxez depuis son decez: la vefue doit moitié desdits despens, & les heritiers doiuent l'autre moitié, chacun pour la portion hereditaire, tout ainsi que d'une debte personnelle & mobiliere de la succession. Et en cet endroit conuient noter, que plusieurs heritiers d'un defunct estans adiournez pour un mesme heritage, ou pour mesme debte, sont tenus comparoir par un seul Procureur, comme leur cause estant commune, ayans tous mesmes defences, & *ne defensor per plures personas scissa, incommodo aliquo afficiat actorem. Licet aliud sit in heredibus actoris, quibus necessitas non imponitur, ut per unum litigent*, comme dit la loy *iam tamen. §. si tamen. ff. iud. sol. l. 2. ff. de exerc. act.*

259

Tous les heritiers sont tenus comparoir par un Procureur.

260

Chacun des heritiers condamné, doit contribuer esgalement au remboursement des despens faits par le frere aîné pour terres feodales.

Nonobstant la pratique cy-dessus recitée, communément suivie au Chastelet de Paris, un fils aîné ayant poursuivy à ses frais & despens, la rescision d'une donation faicte par son pere de quelques terres feodales, & obtenu à son profit sentence & arrest, lesdites terres estans mises en partage, les freres puînez ne voulans rembourser leur frere aîné, sinon de la moitié des frais & despens de la poursuite, desquels il n'auoit peu estre remboursé, au moyen de l'indigence du condamné: aussi que tous les frais n'estoient venus en taxe: Et soustenans n'estre tenus sinon rembourser moitié desdits frais, parce que ledit frere aîné, à cause de son droit d'aînesse prenoit en partage moitié des terres feodales qu'il auoit poursuivies, en sorte qu'il perceuoit moitié du profit de la poursuite. Par arrest solennellement prononcé le quatorziesme Aoust 1585. fut dit que chacun des heritiers seroit tenu payer sa portion virile & hereditaire des despens: Et qu'en la personne du frere aîné n'y auroit confusion, sinon pour sa portion hereditaire, comme s'il estoit question de payer une debte personnelle du defunct; de laquelle le fils aîné ne seroit pas tenu payer dauantage quel'un des freres puînez. Ainsi qu'il est porté par le 334. article de la nouvelle Coustume de Paris. *Huc pertinet l. quod si minor. §. si vero. ff. de minorib. l. fin. §. quatuor. ff. de leg. 2. l. posthumus. §. si quis ex his. ff. de inoff. test.*

Aussi conuient entendre, Quand on dit que les heritiers, qui diuers-

modè & diuerso iure succedunt, les vns aux meubles, acquests & conquests immeubles, les autres aux propres maternels, ou paternels, sont tenus payer les debtes du defunct, tant mobilières qu'immobilières, pour portion de l'émolument, ou bien *pro rata bonorum*: Cela s'entend entre eux: c'est à dire, que chacun d'eux est tenu contribuer au payement des debtes du defunct, au *pro rata* des biens qu'il a amendé du defunct. Mais ceste contribution ne concerne aucunement les creanciers du defunct, lesquels si pour leur deub ont non seulement action personnelle contre les heritiers; mais hypothèque sur les biens du defunct: ils poursuivront tel des heritiers que bon leur semblera personnellement pour sa portion hereditaire, & hypothécairement pour le tout, comme il a esté cy-dessus déclaré. Si le creancier n'a aucune hypothèque, & n'a qu'une simple action personnelle, comme fondé en simple promesse verbale du defunct, ou en simple cédule non reconnue par le defunct: En ce cas le creancier poursuivra les heritiers du defunct, pour le payement de son deub, chacun pour telle part & portion qu'il est heritier. Tellement que si l'un est heritier des meubles, acquests & conquests immeubles, l'autre est heritier des propres paternels, & l'autre des propres maternels: il les poursuivra chacun pour un tiers: ce qui se fait ordinairement.

262
La contri-
bution que
les coheri-
tiers sont
tenus faire
au payemēt
des debtes
pro rata
bonorum,
ne preiudi-
cie aucune-
ment aux
creanciers.

Ou bien poursuivra celui qui est heritier des meubles, acquests & conquests immeubles, à fin de luy payer entièrement sa dette: Estant raisonnable qu'il paye les debtes mobilières passives, tout ainsi qu'il prend seul à son profit les debtes mobilières actives. Sauf son recours contre ses coheritiers, contre lesquels le creancier offrira faire cession de ses actions, sans aucune garantie, sinon de ses faits, promesses, & obligations. Et ainsi fut jugé par arrest donné en plaidoyrie le 9. Avril, 1576. contre l'un des heritiers de feu Blanchard: Lequel étant heritier par bénéfice d'inventaire des meubles, acquests & conquests immeubles, ensemble des propres paternels, fut condamné payer les debtes du defunct iusques à la concurrence des biens: Sauf son recours contre les heritiers maternels.

263
L'heritier
des meubles,
acquests &
cōquests im-
meubles,
peut estre
poursuivy
pour le paye-
mēt des deb-
tes mobili-
aires.

Davantage, est besoin entendre qu'on ne peut poursuivre personnellement & hypothécairement les heritiers d'un defunct, soit pour dette contractée par breuet, ou pour rente constituée par le defunct, si le defunct n'a laissé que simples meubles: D'autant qu'en France, meubles ne sont susceptibles d'hypothèque: & que par le cent septante deuxiesme article de la nouvelle Coustume de Paris, meubles n'ont point de suite par hypothèque, quand ils sont hors de la possession du débiteur. Tellement qu'en ce cas les heritiers ne peuvent estre poursuivis que personnellement, chacun pour sa part & portion hereditaire, & ne peuvent estre poursuivis hypothécairement pour le tout, attendu qu'il n'y a aucun heritage ou droit immobilier, sans lequel l'hypothèque ne peut subsister, par le stile Coustumier de la France. Et quand on poursuit un heritier pour le tout, comme biens tenant: ces mots de Biens-tenant signifient detendeur d'heritage, ou de droit immobilier, qui soit de la succession du defunct: non pas comme tenant des meubles de la succession dudit de-

264
Quand le
defunct n'a
laissé que
meubles les
heritiers ne
peuvent estre
poursuivis
hypothécai-
rement.

Ces mots
Biens-tenant
que signi-
fient.

funct. Ainsi a esté iugé en la seconde Chambre des Enquestes, conformément aux 332. & 333. articles de la nouvelle Coustume de Paris, en ces mots: Toutesfois s'ils sont detenteurs d'heritages qui ayent appartenue au defunct.

266

Vn heritier n'ayant que simples meubles, n'est tenu si non payer sa portion hereditaire de la rente constituée par le defunct.

Aussi a esté iugé par arrest, qu'un heritier pour un quart d'un defunct, ayant amendé de plusieurs meubles, & d'une maison assise en ceste ville de Paris; ledit heritier ayant vendu ladite maison, est poursuiuy, tant personnellement comme heritier, que hypothecairement comme biens-tenant pour le tout, à fin de payer & continuer cent liures tournois de rente constituée par le defunct, avec plusieurs arrerages. L'heritier ayant faict offre de payer & continuer le quart de la rente, & payer le quart des arrerages escheuz & à escheoir, son offre a esté déclarée bonne & valable: attendu qu'il estoit seulement obligé personnellement, & non hypothecairement: encores qu'il eust receu le denier de la maison par luy vendue, l'eust appliqué à son profit; & que le detenteur de la maison aliénée estant poursuiuy, peust avoir son recours contre ledit heritier: parce, comme dit est, que l'action hypothecaire ne peut estre intentée, que contre le detenteur & propriétaire d'un heritage ou droict immobilier, lequel soit hypothéqué.

267

L'heritier pour partie deguerpiant les immeubles de la succession, n'est tenu solidairement aux debtes du defunct.

Aussi si l'heritier auquel en faueur de mariage on a donné plusieurs deniers, & qui come heritier a recueilly plusieurs meubles d'un defunct, deguerpit en Iustice tous les immeubles qui luy ont esté donnez par le defunct, ou qui luy sont aduenus par la succession d'iceluy defunct, duquel il est heritier; à fin d'eiter qu'il ne soit tenu hypothecairement & solidairement aux debtes & rentes constituées par le defunct; n'est tenu sinon personnellement, & pour sa portion hereditaire au paiement des debtes du defunct, & rentes constituées par iceluy: parce qu'il n'est plus biens-tenans, & hypothèque ne s'estend que sur les immeubles, qui ont appartenu au defunct, ainsi que dit la loy premiere, *Cod. comm. de leg. & fid.* comme il a esté dict.

268

En cas de desconfiture chacun creancier vient à contribution au sold la liure.

Que si le defunct qui n'auoit que simples meubles n'a delaisé aucuns heritiers, & que les meubles ne soient suffisans pour acquitter toutes ses debtes, & y ait lieu de desconfiture: En ce cas chacun creancier vient à contribution au sold la liure sur les meubles du defunct, & n'y a point de preference ou prerogative pour quelque cause que ce soit: encores qu'aucun des creanciers eust faict premier saisir. Comme il est porté par le 179. article de ladite Coustume: conforme à la disposition de droict, *in l. pro debito. C. de bon. auth. indic. possid. l. finali. ff. de tribut. §. is quoque cui tributoria. Instit. quod cum eo qui in alien. pot.*

269

En cas de desconfiture, la femme n'est point preferée pour son dot ou douaire.

Et combien qu'anciennement on ait tenu: Qu'en cas de desconfiture, la femme pour son dot, c'est à dire pour le denier comptant, ou autre chose qu'elle auoit apporté en mariage, lequel par son contract elle deuroit reprendre, deust estre preferée à tous creanciers sur les meubles demeurez par le trespas de son mary: d'autant que ledit dot estoit prouenu d'elle, & en auoit tousiours retenu la possession par le moyen de la communauté: Aussi que le dot est notoirement fauorable & priuilegié.

Joindt que la femme demandant son dot, & le douaire qui luy est a esté accordé en contemplation de son dot, *videtur suum repetere*, & suiure la chose ou bien la chose par elle apportée en mariage; partant priuilegiée & preferable aux autres creanciers, suiuant le 177. article de la nouvelle Coustume de Paris. Mesmes que depuis quelque temps aucuns ont voulu estendre le priuilege du dot au douaire, & conuentions matrimoniales de la femme: encores qu'elle les prinist comme vn pur gain sur les biens du mary. Neantmoins par arrest solemnellement prononcé le vingt-troisiesme Decembre, 1585. a esté dit: En emendant la sentence donnée par Messieurs des Requestes du Palais (par laquelle auoit esté ordonné que Susanne Habert, femme separée de biens d'auec Charles du Iardin son mary, Maistre Orfeure en ceste ville de Paris, & Orfeure du Roy, seroit preferée pour les conuentions matrimoniales aux creanciers dudit du Iardin, qui estoient en cause:) Que les biens meubles dudit du Iardin saisis, tant à la requeste de ladite Habert que desdits creanciers, seroient vendus, & que sur les deniers prouenans de la vente d'iceux les parties viendroient à contribution au sold la liure pour les sommes à elles respectiuellement deuës & adiugées: Sans despens, tant de la cause principale, que d'appel. Il y a semblable arrest pour Magdeleine Fraudé, femme separée de biens de Denys Megissier prononcé le vingtiesme Feurier, mil cinq cens soixante & vn, par lequel a esté ordonné que pour son douaire elle viendra par desconfiture au sold la liure, avec les autres creanciers de son mary, sur les deniers procedans de la vente & adjudication par decret, de l'Office de Mouleur de bois en ceste ville de Paris, duquel son mary estoit pourueu. Sur lequel arrest, ensemble sur vn autre arrest solemnellement prononcé le 4. Iuin, mil cinq cens cinquante-sept, par lequel fut ordonné que le poursuiuant criées, & les opposans viendroient par desconfiture au sold la liure, sur les deniers prouenans de la vente de l'Office de Secretaire du Roy, saisi, & crié sur Maistre Hilaire Martin: est fondé le quatre vingts quatre article de la nouvelle Coustume de Paris: par lequel est dict, que les deniers prouenans de l'adjudication par decret d'un Office, sont subiects à contribution comme meubles, entre les creanciers opposans, qui viennent pour ce regard à desconfiture au sold la liure. Il y a eu semblable arrest que les deux premiers cy-dessus recitez, à sçauoir que la femme vient à contribution au sold la liure pour son douaire: donné en plaidoyrie le 16. Mars 1570. pour Iean Boilet tuteur d'un mineur: par lequel fut dict que ledit Boilet audit nom de tuteur viendrait à contribution au sold la liure avec la vesue du defunct, sur les meubles demeurez par le trespas d'iceluy defunct: sçauoir ladite vesue pour son dot & douaire, & ledit tuteur pour le reliqua du compte deu au mineur, duquel le defunct auoit esté tuteur, & duquel ledit Boilet auoit lors la tutele. Autre & pareil arrest a esté donné en plaidoyrie le Mardy neufiesme Feurier 1593. par lequel fut ordonné, que tant la vesue pour son douaire, que autres creanciers viendroient à contribution au sold la liure, sur les meubles demeurez par le trespas du defunct: Et que celuy qui auoit des gages seroit le premier payé sur les

Arrest de ce
que dessus.

270

Sur les deniers prouenans de l'adjudication par decret d'office venal, on vient par desconfiture.

deniers prouenant de la vente d'iceux. Et que les frais funeraux seroient les premiers pris & payez sur les meubles. Partant la femme incontinent apres le trespas de son mary doit faire saisir les meubles demeurez par son decez, les faire vendre en toute diligence, & se faire payer de son deub auparavant que les autres creanciers soient apparus.

271

En pays de
droict escrit
la femme
sur les meu-
bles de son
mary est
preferée
pour son dot
& augment
d'iceluy à
tous crean-
ciers.

Mais ce qui a esté ordonné par les arrests cy-dessus dattez, que la femme pour son dot & doiaire, viendroit à cōtribution au sold la liure, avec les autres creanciers, sur les meubles delaillez par le trespas de son mary, doit estre entendu auoir lieu en pays coustumier, non pas en pays de droict escrit. De faict par arrest solennellement prononcé le 8. Iuin 1590. encores que les creanciers du mary absent & fugitif pour ses debtes, contre lequel la femme auoit obtenu sentence de separation de biens, eussent faict saisir long-temps auparavant la femme plusieurs deniers qui estoient deubs au mary par ses debteurs: & comme premiers saisissans ils soustinsient deuoir estre preferrez, à tout le moins venir à contribution sur lesdits deniers, comme simples meubles: Toutesfois en emendant la sentence donnée par le Seneschal de Lyon, fut ordonné que la femme seroit payée sur les deniers arrestez auparavant les saisissans & arrestans, tant de son dot montant à certaine somme de deniers, que de l'augment faict par son mary dudit dot, qui estoit moitié d'iceluy. Comme la diligence, ny aussi la contribution n'estant considerables, & n'ayant lieu sinon entre creanciers pareils & esgaux, & non entre priuilegiez, comme estoit la femme pour son dot & augmentation d'iceluy: lequel augment est de pareille nature & de pareil priuilege que le dot, *l. si proprietari. ff. de ius. dot. l. inter eos. ubi Glosa in verb. item hoc accipe inter non priuilegiatos. ff. de re iud. l. in pari. ff. de reg. iur.* Et d'autant que l'augment de dot estoit faict au cas que la femme suruesquist son mary, & qu'il estoit incertain si elle suruiuroit son mary, ou non, fut dict par ledit arrest, que la somme, à laquelle se montoit l'augmentation du dot, seroit mise à profit: duquel profit ladite femme iouyroit sa vie durant. A l'exemple du fisque, lequel iouyt de la chose subiecte à restitution, pendant la vie naturelle de celuy qui a confisqué: parce qu'on considere la mort naturelle, & non la mort ciuile, *l. Statius Florus. §. Cornelio Felici. ff. de iur. fisci. l. cum pater. §. hereditatem. ff. de leg. 2. l. ex ea parte. §. in insulam. ff. de verb. obl.* Et l'arrest dessusdit est fondé en la disposition de la *l. asiduis. C. qui per.*

272

Ordre qu'on
garde entre
les crean-
ciers oppo-
sans aux
meubles
d'un de-
funct.

Aussi il y a plusieurs creanciers, lesquels sont preferrez à la femme, non seulement en pays coustumier: mais aussi en pays de droict escrit, quand il est question de simples meubles. De faict sur les deniers prouenus de la vente des biens meubles demeurez par le trespas d'un defunct, premierement sont payez les frais de Iustice: à sçauoir du sellé, de l'inventaire, de la vente des meubles, & autres, *l. quod priuilegium. vers. planè & ibi Glosa. ff. de positi. l. finali. §. & expensas. Cod. de bon. auct. iud.*

273

Preference
des frais fu-
neraires.

Après sont pris les frais des obseques & funerailles du defunct, lesquels sont arbitrez par le Iuge selon la qualité & facultez du defunct: & sont payez auparavant le loyer de la maison en laquelle le defunct estoit de-

meurant.

meurant & est decedé : suiuant le texte formel *in l. at si quis. §. si colonus. ff. de rel. & sumpt. fun.* où il est dict, *Si colonus vel inquilinus sit is qui mortuus est, nec sit unde funeretur, ex inuectis & illatis cum funerandum esse* Pomponius scribit : & *si quid superfluum remanserit, hoc pro debita pensione teneri. l. impensa funeris. l. si quis sepulchrum. §. sumptus. ff. cod. Cum recip. inter sit, ne corpora maneant insepulta. l. si quis. §. edictum. ff. eo.* & les frais funeraux sont declarez, *in l. funeris sumptus*, au mesme tiltre : à sçauoir les frais des seruiccs & enterremens, comme torches, cierges, salaires de crieurs, & autres semblables frais ; non pas les magnificences & pompes funebres, comme il sera dit cy-apres.

[Ce que dessus doit estre entendu en cas de desconfiture seulement, car quand on n'est pas audit cas de desconfiture, & que la succession est soluable, faut suiure la regle, Qui prend, fait saisir ou arrester les meubles du debiteur, doit estre le premier payé, comme il a esté iugé par arrest entre les creanciers du feu sieur de Saine, lequel plusieurs veulent estendre pour les Apothicaires, qui doiuent estre preferez en tous cas ; qui n'est point, mais seulement en ce cas de desconfiture, comme il a esté iugé par arrest donné en l'année 1603. rapporté par Monsieur Chenu en ses Questions notables, *quæst. 86.* pour Iean Riniere appellant, contre Lombus Apothicaire intimé, lequel par sentence du Bailly de Bourges auoit esté preferé audit Riniere en fait de desconfiture : *Charon. lib. 7. arrest. arrest 50.* Guenois en la Conferencce des Coustumes, au tiltre des prescriptions, article 125. de la Coustume de Paris, Coquille en ses questions, question 101. N. B.]

Apres, selon l'opinion d'aucuns, on ordonne que les Medecins, Barbiers & Apothicaires seront payez de leurs salaires d'auoir pensé & mediquement le defunct, pendant la maladie de laquelle il est decedé, mesme que l'Apothicaire sera payé des drogues & medecines qu'il a liurées pendant ladite maladie, & non durant les precedentes maladies ; pareillement que les gardes du defunct seront payées. Et ce suiuant vn arrest donné apres le trespas du Seigneur de Sauue, cy-apres recité. Et selon l'opinion susdite, on prefere tous les dessusdits au payement des loyers deubs au propriétaire de la maison en laquelle le defunct estoit demeurant, & est decedé. Mais plusieurs sont d'aduis contraire : d'autant qu'en l'arrest du Seigneur de Sauue n'estoit point question de loyer de maison, parce qu'il estoit demeurant en maison qui luy appartenoit en pleine propriété. Et soustiennent, comme il semblera raisonnable, qu'apres les fraiz de Iustice, & des obseques & funerailles, le propriétaire de la maison en laquelle le defunct estoit demeurant, doit estre payé sur les meubles estans en ladite maison, des loyers qui luy sont deubs, tant pour le temps que le bail a duré, que de la paisible reconduction : encores que le locataire n'ait occupé la maison, ains son concierge, ou bien ses meubles seulement. Pareillement le propriétaire est payé sur lesdits meubles des menües reparations estans à faire en la maison : qui sont les âtres & contrecœurs des cheminées, les trous estans es planchers & degrez, les verrieres cassées, gonds des huis & fenestres, clefs des huis, & autres choses

274

Preference
des Medecins & Apothicaires.

275

Comme le propriétaire de la maison est payé de ses loyers & reparations sur les meubles estans en sa maison.

276

Menues reparations, en quoy elles consistent.

277
Privileges
donnez aux
proprietai-
res des fer-
mes des
champs, pour
les moissons
qui leur sont
denies.

semblables : comme lesdites reparations faisans partie du bail, & comme pour lesdits loyers & reparations, le propriétaire ayant tacite hypothèque sur les meubles estans en la maison. *l. 2. & l. eo iure. ff. in quib. cap. pig.* Aussi que la taillable reconduction a pareil effect & privilege que la location : *& pignora pro locatione data remaneant pro reconductione. l. item quaritur. §. qui impleto. ff. locati.* Et par le 171. article de la nouvelle Coustume de Paris, ce que dessus a lieu *tam in pradio urbano*, assis en la ville ou faux-bourgs, *quàm in pradio rustico*, situé aux champs, pour les moissons denies. Combien que par la disposition de droict *in pradio rustico inuenta & illata non sint obligata: nisi expressè conventum sit ut obligata maneat* : & que *dominus sciuerit*. Parce qu'on se peut pourvoir sur les fructs estans sur les heritages baillez à louage. *d. l. eo iure. & in l. in pradiis rusticis. ff. in quib. cap. pig. l. certiuris. C. de locato.*

278
Comme &
quand les
proprietai-
res des mai-
sons ont suit-
te sur les
meubles de
leurs loca-
tifs.

Et la Coustume de Paris en l'article susdit, a tellement fauorisé les propriétaires des maisons sises es villes & faux-bourgs, & des fermes des champs, qu'elle leur a baillé suite sur les biens meubles de leurs locatifs ou fermiers, pour le payement de leurs loyers, ou moisson : encores que par la mesme Coustume, article cent septante, meubles n'ayent point de suite par hypothèque, quand ils sont hors la possession du débiteur, & qu'en France meubles ne soient susceptibles d'hypothèque. Mais il faut entendre ledit cent septante vniésme article de la Coustume principalement au cas porté par iceluy : qui est quand les meubles du fermier, ou locatif ont esté exécutez à la requeste d'un créancier, lors qu'ils estoient en la maison ou ferme, & ont esté transportez hors icelle par le Sergent qui a faict la saisie ; & que le propriétaire les a faict arrester auparavant qu'ils fussent vendus & deliurez par autorité de Iustice. Car apres la vente & deliurance d'iceux, le propriétaire ne seroit receuable à faire arrester lesdits meubles, ny a s'opposer à la deliurance des deniers procedez de la vente d'iceux : & empescher qu'ils ne fussent baillez au créancier saisissant & autres opposans à la saisie & vente desdits meubles : ainsi qu'il est porté par ledit article de Coustume en ces mots, Iusques à ce qu'ils soient vendus & deliurez par autorité de Iustice : ce qui est notable.

279
Le locatif
peut libre-
mēt de bon-
ne foy ven-
dre ses meu-
bles, pareil-
lement celuy
qui a ache-
pté avec ter-
me de payer.

Aussi le propriétaire ne seroit receuable à faire saisir & arrester les meubles de son locatif, si ledit locatif les auoit transportez hors de la maison, iceux vendus & liurez à l'acheteur de bonne foy, ou autrement les auoit alienez sans fraude. Autrement le locatif ne pourroit s'ayder de son bien. Semblablement celuy qui a vendu aucune chose mobilière, & donné terme de payer le prix d'icelle, n'est receuable à la faire saisir & arrester, si l'acheteur d'icelle l'a vendue & liurée à un autre qui l'a achetée de bonne foy. Et s'il s'oppose aux deniers qui sont procedez de la vente d'icelle, faicte par autorité de Iustice, il n'aura pas droict de preference, & ne pourra empescher que les deniers ne soient baillez aux premiers saisissans ou opposans. Parce que le privilege de preference donné à celuy qui a vendu aucune chose mobilière avec terme d'icelle payer, n'a lieu sinon sur la chose : & est

besoin que la saisie soit faicte, ou l'opposition formée sur la chose auparavant qu'elle soit alienée ou vendue par Iustice : non que l'opposition soit formée sur les deniers procedez de la chose, comme il est porté par les cent septante six, & cent septante septiesme articles d'icelle Coustume.

Pareillement si les meubles auoient esté transportez en autre maison, laquelle ils eussent occupée par quelque temps : le second propriétaire sera preferé pour les loyers qui se trouueront luy estre deubs, & d'iceux payé sur les deniers procedans de la vente desdits meubles, auparavant le propriétaire de la maison, laquelle auoit esté premierement occupée par lesdits meubles : parce que le second propriétaire a pareil priuilege que le premier, & outre le priuilege a la possession des meubles estans en la maison, & est saisi d'iceux. Ce qui se doit entendre quand le premier propriétaire a esté long-temps sans faire saisir lesdits meubles : comme deux, trois, quatre mois, ou plus long-temps. Car si huit ou quinze iours, ou bien vn mois, ou six semaines, apres que les meubles ont esté transportez en autre maison : le premier propriétaire les auoit faict saisir & transporter hors la seconde maison : ou bien si le premier propriétaire auoit faict saisir les meubles de son locatif, & iceux baillez en garde audit locatif, qui depuis seroit fort de la maison, & transporté les meubles saisis en autre maison, en laquelle il seroit allé demeurer : en ce cas il seroit raisonnable, si les deux propriétaires ne peuuent estre entierement payez de leur deub, qu'ils soient payez sur les deniers prouenans de la vente des meubles de leur locatif, au sold la liure, comme concurrans en priuilege, & l'effect du priuilege cessant entre eux. De faict le priuilege donné au propriétaire de la maison sur les meubles de son locatif, pour le payement des loyers qui luy peuuent estre deubs, n'a lieu sinon pour les loyers deubs au propriétaire de la maison, pendant que les meubles ont esté en icelle, & auparavant qu'ils fussent pris par execution, & transportez hors icelle : non pas pour les loyers escheuz depuis l'execution & transport des meubles : parce qu'ils n'ont plus occupé la maison. Aussi si le premier propriétaire qui auoit faict saisir les meubles de son locatif, a esté deux mois sans faire poursuite de son execution, & faire vendre les biens pris par ladite execution, à laquelle n'y auoit eu aucune opposition formée, on n'auroit aucun esgard à ceste execution, & demeureroit nulle, suiuant le 172. article de la nouvelle Coustume de Paris.

Dauantage le propriétaire de la maison est preferé à celuy qui a vendu quelque chose mobiliere, & donné terme de payer le prix d'icelle, laquelle a occupé vne maison, soient muids de vin, bleds, vtenfiles d'hostel, ou autres meubles vendus au locatif, avec terme de payer estât en la maison, & saisis à la requeste du propriétaire d'icelle : Car le propriétaire de la maison qui ne peut estre du tout payé des loyers qui luy sont deubs sur le prix prouenant des autres meubles vendus sur son locatif, sera payé du residu de ses loyers sur la chose mobiliere vendue à son locatif, avec terme de la payer, pour portion du lieu que la chose aura occupé en la maison, & au prorata du temps qu'elle aura esté en icelle maison. Et s'il y

*Quand le
dernier pro-
prietaire est
preferé au
premier.*

a long temps que le terme de payer soit escheu, & le creancier n'ait fait aucune diligence de se faire payer, le propriétaire sera preferé audit creancier, pour le payement de tout le loyer qui luy sera deu.

280

Les meubles
estans en une
maison, en-
cores qu'ils
n'appartie-
nent au loca-
tif, sont re-
nus du loua-
ge.

Pareillement ce qui a esté dict cy-dessus sera obserué quand aucun aura baillé en garde ou depost quelque marchandise, ou quelques meubles à vn locatif. Car lesdits marchandise & meubles, encores qu'ils n'appartiennent au locatif, estans pris par execution à la requeste du propriétaire de la maison en laquelle ils sont, & laquelle ils occupent, seront subsidiairement tenus au payement du loyer de ladite maison, eu esgard au lieu qu'ils auront occupé en ladite maison, & pour le temps qu'ils auront esté en icelle. *l. huius. in verb. merces horreorum. ff. qui pot. in pig.* De faict, si vne femme mariée decede en vne maison que son mary tenoit à louage, delaisse des enfans mineurs ausquels le pere soit créé tuteur: soit que le pere face inuentaie & partage des meubles, ou non: si ledit pere continué sa demeure en ladite maison, les meubles y demeurent, comme du viuant de la mere des mineurs, le propriétaire de la maison sera payé des loyers escheuz depuis le decez de la mere, non seulement sur la part des meubles qui appartiennent au pere, du temps duquel les loyers sont escheuz: mais aussi sur la part des meubles appartenans aux mineurs, qui ont occupé la maison. Bien est vray que le tuteur subrogé des mineurs pourra requierir partage estre faict des meubles entre le pere & les enfans, que la part du pere soit prealablement vendue, & où elle ne se trouuera suffisante pour le payement des loyers qui sont deubs, offrira payement du reste qui sera desdits loyers: ou bien que pour ledit reste les meubles appartenans aux mineurs soient vendus, les deniers baillez au propriétaire de la maison, iusques à la concurrence dudit reste: en faisant cession de ses droicts, noms, raisons, & actions contre le pere & tuteur desdits mineurs.

281

Le proprie-
taire peut
faire proce-
der par voye
de gagerie
sur les meu-
bles estans en
sa maison
baillée à
louage.

Aussi par l'article 161. de la Coustume de Paris, le propriétaire de la maison baillée à tiltre de loyer est tellement priuilegié, encores qu'il n'ait point de bail par escrit, ou bien n'ait point son bail en forme probante, qu'en vertu du priuilege porté par la Coustume de Paris, il peut faire proceder par voye de gagerie sur les meubles estans en ladite maison pour tous les termes qui luy sont deubs du louage de ladite maison: combien que celui qui a droit de rente constituée sur vne maison assise en la ville de Paris, ou fauxbourgs d'icelle, qui n'a pas en forme, mais seulement par breuet ses lettres de constitution de rente, ne puisse faire proceder par voye de gagerie sur les biens meubles estans en ladite maison, appartenans au detenteur & propriétaire d'icelle, sinon pour trois termes d'arrerages de ladite rente, & non pour d'auantage: suivant le 163. article de la Coustume de Paris.

282

Différence
entre gage-
me & exe-
cution.

Et conuient noter, encores que la Coustume és cas susdits ne permette sinon proceder par voye de gagerie sur les meubles estans en la maison baillée à louage, ou sur laquelle on a droit de rente constituée, non pas par voye de saisie ou d'executio: En ce faisant on ne doit déplacer lesdits meubles, ny les transporter hors de la maison, cōme on fait en execu-

tion faicte en vertu de lettres obligatoires ou de sentēce: mais seulement bailler en garde les meubles pris par gagerie au locatif de la maison, ou bien au débiteur de la rente, ou à vn voisin resseant & soluable, sans rien déplacer. Toutesfois si le locatif ou débiteur de la rente n'est soluable, le Seigneur le somme & interpelle de bailler gardien suffisant & soluable, & à faute de ce faire, il faict transporter les meubles hors la maison, & les baille en bonne & seure garde. S'il y a opposition, le Sergent donne iour à l'opposant pour dire ses causes d'opposition, sinon pour voir ordonner que les meubles seront vendus. Et ordinairement telles gageries, ou bien saisies se font en vertu des requestes responduës, tant par le Lieutenant Ciuil du Chastelet de Paris, que par les Iuges des Seigneurs haut-Iusticiers de ladite ville de Paris. Et ceste forme de gagerie est fondée en la *l. est differentia. ff. in quib. cap. pig.* où la loy appelle ceste forme de proceder par voye de gagerie, *pensionis nomine percludere, & quasi pignoris nomine retinere.*

Quant aux sous-locatifs, le 162. article de la nouvelle Coustume de Paris porte, que leurs biens peuuent estre pris par gagerie, ou execution, à la requeste du propriétaire de la maison, pour le loyer & charges du bail: neantmoins que leurs biens leur seront rendus, en payant le loyer pour leur occupation: Qui est à dire, que les sous-locatifs estans executez à la requeste du propriétaire de la maison, en laquelle ils sont demeurans, pour le total du loyer de ladite maison, auront main-leuée des biens sur eux pris par execution, en payant le loyer qu'ils sont tenus payer au principal locatif de ladite maison de ce qu'ils tiennent à loiage, & occupent en icelle.

283

Comme les
sous-locatifs
peuuent estre
executez.

Et sera bon que lesdits sous-locatifs ayent leur bail par escrit passé pardeuant Notaires, & pareillement les quittances des payemens qu'ils auront faicts, passées pardeuant Notaires: A ce que le propriétaire de la maison ne leur demande plus grand loyer, & d'avantage de termes qu'ils n'en deurent. Et ledit article de Coustume est conforme à la disposition de droit *in l. solutum. §. solutum ff. de pigno. actio.*

On a demandé, Si les meubles du locatif n'ont pas esté par luy vendus de gré à gré, ou du tout alienez; mais ont esté baillez par le locatif, ou par le fermier en gage & nantissement, ou assurance de certaine somme de deniers prestée audit fermier ou locatif: si le creancier qui est saisi des meubles qui luy ont esté baillez en gage & à hypotheque conuentionnelle, sera preferé au propriétaire de la maison en laquelle les meubles engagez auoient esté par quelque temps pendant le loiage d'icelle maison: attendu que le propriétaire a hypotheque tacite & legale sur lesdits meubles. Aucuns sont d'aduis que le propriétaire doit estre preferé pour le payement de ses loyers, au creancier nanty du gage: attendu qu'il est preferé à celuy qui a faict executer par autorité de Iustice, lequel par le moyen de son execution a gage pretoire & iudiciaire sur les meubles executez, qui est d'avantage qu'un simple gage conuentionnel: Aussi que son hypotheque legale & coustumiere est precedente celle du creancier. Joint que le creancier n'a transferé ny la propriété ny la

284

Sçavoir si le
propriétaire
de la maison
doit estre
preferé au
creancier
auquel le lo-
catif a baillé
quelques
meubles en
gage.

possession de la chose baillée en gage, laquelle est extante: ains le locatif est demeuré seigneur possesseur & saisi d'icelle. Et le propriétaire n'a esté en demeure de faire poursuite de ses loyers, & faire arrester les meubles de son locatif. Car si le propriétaire auoit esté en demeure, & fort long-temps auparavant que faire saisir les meubles de son locatif, & que le creancier de bonne foy eust par long-temps tenu & possédé la chose mobilière à luy baillée en gage, cela seroit fort considerable. Outre dient qu'il a esté iugé au Chastelet de Paris, les deux Chambres assemblées, le 8. Feurier, 1588. Que celui qui a vendu aucune chose mobilière (comme de la vaisselle d'argent) & a donné terme de payer le prix d'icelle: si l'acheteur baille en gage ladite vaisselle d'argent, le vendeur d'icelle la peut faire arrester estant encores extante. Et sur le prix prouenant de la vente de ladite vaisselle, ledit vendeur sera preferé au creancier qui la tient en gage & assurance du denier par luy presté: & ce suiuant le 177. article de la nouvelle Coustume de Paris. Les autres sont d'aduis contraire, & dient qu'il faut entendre le 171. article de la Coustume en son cas special & exception vnique: Qui est quand les meubles du locatif ou fermier ont esté executez & transportez à la requeste d'un creancier, & n'ont encores esté vendus. Auquel cas, parce que les meubles ont esté pris par autorité de Iustice en la maison du propriétaire, transportez hors icelle, & baillez en garde à vn gardien ou Commissaire, lequel les possède au nom & profit de tous les creanciers qui apparoistront, auparavant que lesdits meubles soient vendus & deliurez par autorité de Iustice: ils estiment que le propriétaire doit estre preferé, pour le payement de ses loyers, à tous saissans & creanciers. Et sont d'aduis le semblable deuoir estre dit de celui qui a vendu aucune chose mobilière avec terme d'icelle payer, & que la chose vendüe se trouue saisie sur le débiteur par autre creancier. Lors le vendeur d'icelle peut empêcher la vente, & est preferé sur la chose par luy vendüe aux autres creanciers, suiuant ledit 177. art. de la Coustume. Mais quand les meubles sont transportez hors la maison par le locatif auquel ils appartenoint, & qu'icelui en a disposé par vendition ou engagement (qui est alienation & espece de vendition, & qu'il en a saisi le creancier, qui luy a presté deniers: tellement que les meubles sont hors la possession du débiteur) & ne sont possédez par autorité de Iustice, au profit des creanciers: en ce cas, d'autant que le propriétaire de la maison n'a qu'une hypothèque legale, & n'a priuilege de suite qu'en vn seul cas porté par la Coust. qui est quand les meubles ont esté executez, & pris par execution en la maison du propriétaire, transportez hors icelle, & baillez en garde par autorité de Iustice à vn Commissaire: & que le creancier outre l'hypothèque conventionnelle, a la possession réelle & naturelle de la chose engagée, estant saisi d'icelle par le locatif, auquel elle appartient: Ils sont d'aduis que le creancier doit estre preferé au propriétaire de la maison, attendu la bonne foy du creancier. Et alleguent le 81. article de la Coustume de Paris, qui porte, Que quand le creancier se trouue saisi du meuble qui luy a esté baillé en gage, que tel creancier vient à contribution. Autre-

ment chacun seroit deceu, & les locatifs ne pourroient s'ayder de leurs meubles pour subuenir à leurs nourritures, necessitez & affaires. Estant notoire que les meubles de la plus grande partie des habitans de la ville de Paris ont occupé les maisons tenuës à loüage. Aussi dient que si le locatif a peu valablement vendre ses meubles non saisis ny arrestez par le propriétaire de la maison, sans que ledit propriétaire ait aucune action contre l'acheteur desdits meubles, comme il a esté dit cy-dessus: qu'à plus forte raison il les a peu engager, & en saisir & nantir le creancier qui luy a presté deniers pour la nourriture de luy & de sa famille. Et respondent pour le regard de celuy qui a vendu vn meuble, & donné terme de payer le prix d'iceluy: Combien que de prime face par la confrontation des 171. & 177. articles de la Coustume de Paris, il semble que le vendeur n'a sinon pareil & semblable priuilege, que le propriétaire de la maison, qui est de suiure la chose par luy vendue, estant saisie par autorité de Iustice, sur le débiteur d'icelle, à la requeste d'un autre creancier, s'opposer à la saisie & vente, pour estre preferé sur la chose aux autres creanciers saisissans & opposans. Toutesfois d'autant que tel vendeur a eu plus de droit en la chose mobiliere par luy vendue à credit, qui estoit la pleine propriété & possession d'icelle, que non pas le propriétaire de la maison sur les meubles de son locatif, qui n'a eu qu'une simple hypothèque legale: Ils trouuent raisonnable, que celuy qui a vendu vn meuble, & donné terme de payer le prix d'iceluy, soit preferé au creancier, auquel ledit meuble aura esté baillé en gage par le débiteur d'iceluy; pourueu que le vendeur n'ait esté en demeure, & long temps auparauant que faire poursuite de sa dette. Et ce dernier aduis que le creancier, qui est saisi du gage, doit estre preferé pour son deub, au propriétaire de la maison, pour les loyers qui luy sont deubs à cause d'icelle, est suiuy au Chastelet de Paris, & semble iuste & raisonnable, suiuant ce qui est traité, *per Masuerum in sua Praxi, titulo de obligationibus, col. fin. in verbis, non autem bona quæ iam sunt à domo extracta & alibi translata.* Que si le locatif a seulement destourné & baillé en garde les meubles, qui estoient en la maison par luy prise à loüage: il est certain que non seulement le propriétaire pour les loyers, mais aussi tous les autres creanciers du locatif peuuent faire saisir lesdits meubles. Et le propriétaire de la maison sera preferé à tous lesdits creanciers saisissans ou opposans, pour le paiement du loyer de sa maison, au moyen de l'hypothèque & suite qu'il a sur lesdits meubles qui ont occupé sa maison: & ce tant par la disposition de droit commun, que par la Coustume, comme il a esté cy-dessus deduit. Mais il est nécessaire que ledit propriétaire verifie, que les meubles saisis ont occupé sa maison, & ont esté transportez hors icelle par le locatif, ou autres de par luy, sans le veu, sceu, & gré du propriétaire, clandestinement ou autrement, si les creanciers saisissans ou opposans n'en sont d'accord, ou bien le delinient.

Après les frais de Iustice, frais des obseques & funerailles, paiement des loyers de maison, prix de celuy qui a vendu choses mobilières avec terme, salaires de Medecins & Barbiers, drogues & medecines de l'Apo-

285

Pourquoy le vendeur de la chose mobiliere avec terme est plus priuilegié, que le propriétaire de la maison.

286

Le propriétaire peut faire saisir les meubles de son locatif hors sa maison, & est tenu verifiez qu'ils ont occupé sa maison.

thicaire liurées pendant la maladie, salaire de seruiteurs & seruantes: Ceu-
 luy qui premier a faict saisir les meubles d'un defunct ou d'un viuant, ou
 bien a faict arrester les deniers deubs à un viuant, ou à un defunct, est pre-
 mier payé de toute la debte, pour laquelle il a faict saisir & arrester: & ce
 sur les deniers arrestez, ou bien sur les deniers prouenans de la vente des
 meubles saisis à sa requeste: & est preferé aux autres creanciers, suiuant le
 78. article de la nouuelle Coustume de Paris: *Quia in pignore iudiciali
 melior est conditio occupantis. l. inter eos. ff. de rei. l. pupillus. ff. quæ in frau. cre.*
 s'il n'y a vn opposant priuilegié, comme dit la glose, *in d. l. inter eos.* & qu'il
 sera cy-apres déclaré. *Licet in pignore pratorio, quod fit per missionem in pos-
 sessionem*, par saisie d'un heritage ou autre immeuble, *omnium credito-
 rum conditio equalis sit, & uno in possessionem misso, omnes missi censcan-
 tur: adeo ut possessio unius pro sit omnibus cecreditoribus, l. cum unius. ff. de pri-
 uil. cred.* Partant vne femme bien conseilée, incontinent apres le trespas
 de son mary, doit presenter requeste & faire saisir pour la conseruation,
 seurété & payement de ses doüaire & conuentions matrimoniales, les
 meubles demeurez par le trespas de son mary, & faire arrester les deniers
 qui luy estoient deubs, afin d'estre preferée sur lesdits meubles aux crean-
 ciers de sondit mary: & encores fera saisir entre ses mains les meubles
 & deniers qu'elle a, & pourra auoir & deuoir à l'aduenir à la succession
 de son defunct mary. *Imò verò*, si la femme veut estre separée de biens
 d'avec son mary, elle peut en vertu d'une requeste faire saisir tous les
 meubles de la communauté, & faire adiourner son mary en separation,
 afin de preuenir en saisie les creanciers de son mary.

287
 Difference
 inter pi-
 gnus iudi-
 ciale, & pi-
 gnus præ-
 torium.

238
 Un simple
 transport ne
 saisit point.

Et ceste maxime, que le creancier, qui premier faict saisir les meubles
 appartenans à son débiteur, est preferé à tous autres creanciers, est si exa-
 ctement obseruée, Que si le débiteur faict cession & transport d'une som-
 me de deniers qui luy est deuë: & le creancier du cedant faict saisir & ar-
 rester la somme de deniers ainsi transportée auparauant que le cessionnai-
 re ait faict signifier son transport au débiteur desdits deniers, le creancier
 arrestant sera payé de son deub sur lesdits deniers, & preferé au cession-
 naire: parce que ledit transport n'a point saisi ledit cessionnaire, & ne l'a
 point faict seigneur ny possesseur des deniers transportez, iusques au iour
 de la signification de son transport. Et iusques audit iour, lesdits deniers
 qui sont simples meubles ont appartenu au cedant: *fuerunt in bonis eius, &
 actiones directæ apud eum manserunt l. empt. C. de hered. vel act. vendi. l. quid
 ergo. & ibi glos. in verbo, in nominibus. ff. de peculio. l. cum pater. C. mand.* & en
 est demeuré maistre & seigneur. Partant son creancier iustement a peu
 faire saisir lesdits deniers, & sur iceux sera payé de son deub, & preferé au
 cessionnaire, ainsi qu'il a esté iugé par sentence donnée au Chastelet de
 Paris, confirmée par arrest donné en plaidoyrie le Lundy 28. Septemb.
 1592. encores que la saisie eust esté faicte huit iours apres le transport
 passé, & que le transport fust bien & deuëment faict & parfaict, pour le
 regard du cedant: non toutesfois au prejudice de son creancier, sinon de-
 puis la signification faicte d'iceluy, au débiteur de la somme transportée.
 Et le cedant iusques au iour de la signification du transport, demeure telle-

ment.

ment maistre & seigneur des deniers transportez, que le débiteur desdits deniers iustement les peut payer au cedant: & en ce faisant en demeurer quitte & delchargé: suiuant la loy 3. C. *de nouat.* Et si le cedant, apres le premier transport par luy fait, trāsporte lesdits deniers à vn sien débiteur, ou à vn autre personnage, lequel faillē signifier son transport au débiteur desdits deniers, auparauant le premier cessionnaire, le second cessionnaire sera preferé au premier, & lesdits deniers seront adiugez au second cessionnaire, suiuant la l. *quoties duobus. C. de rei vend.* sauf au premier cessionnaire son action & recours contre son cedant. Aussi si le transport d'une rente doit estre signifié au débiteur d'icelle, à ce que le débiteur ne la puisse rachepter du cedant, & en frustrer le cessionnaire, l. *fin. ff. de transact.* Aussi que les creanciers du cedant ne puissent faire saisir les arrerages, qui seroient escheuz à cause de ladite rente, mesmes auparauant le transport, & iusqu'à la signification d'iceluy, comme ils pourroient faire: & esquels arrerages, comme estans simples meubles, lesdits creanciers saisissans seroient preferez au cessionnaire. Le contraire seroit obserué, si le transport desdits deniers auoit esté fait, non par simple cession, mais par delegation. D'autāt que le transport d'une debte faite par simple cession, que nous appellons *nominis venditiōe, vel iuris cessionem*, se fait *absente, ignorante, & etiam inuito debitore. l. nominis. C. de her. vel act. vend.* En sorte que le cedant est garand de la debte, & *tenetur prestare debitum subesse.* & s'il a promis la fournir & faire valoir, *tenetur prestare debitorem locupletum esse*, qui est payer la debte, discussion faite sur le débiteur d'icelle, ou apres quelques diligences faites, selon la conuention des cedant & cessionnaire, l. *si nomen. ff. de her. vel act. vend.* comme il sera cy-apres dit. Mais quand le transport d'une debte est fait par delegation, il est fait en la presence & du consentement du débiteur, lequel s'est obligé icelle payer au cessionnaire illec present & acceptant, tellement que *delegans est omnino debito liberatus soluisse censetur*, n'a plus de droit es deniers cedez, & le cessionnaire n'a plus d'action ny de recours contre le cedant, encores que le delegué soit insoluable: parce que le cessionnaire *tanquam idoneum debitorem admisit. l. 1. & 3. C. de noua. l. doli mali. ff. eod. l. inter causas. §. abesse. ff. mandati l. 3. l. qui debitorem. ff. de fid.* Ainsi a esté plaidé en la Cour le 13. Aoust 1591. & ainsi se doit entendre le 108. art. de la nouvelle Coutume de Paris, qui porte, Qu'un simple transport ne saisit point, & faut signifier le transport à la partie, & en bailier copie, auparauant que d'excuter: Tellement que ledit article contient deux choses: la premiere est la saisine du transport; la seconde est l'exécution d'iceluy, laquelle ne peut estre que la saisie n'ait precedé.

Apres le premier saisissant, le premier opposant est payé sur les meubles saisis: car son opposition equi-pollie à saisie. Apres est payé le second opposant, le tiers, & le quart. Et si apres la premiere saisie des meubles, il y a autre seconde ou tierce saisie, on conuertit telles saisies en opposition: & les saisissans & opposans sont mis en l'ordre cy-dessus déclaré, pourueu que le defunct, auquel les meubles saisis appartenoiēt, ou bien le débiteur viuant, auquel les meubles appartiennent, ait des meubles & heritages

289

Deux formes de transport, ou par simple cession, ou par delegation.

290

Apres le premier saisissant les opposans sont payez selon leur ordre.

assis en la Preuosté & Vicomté de Paris, ou en autres Baillages & Seneschaussées, & n'y ait lieu de desconfiture. Car en cas de desconfiture tous les creanciers, exceptez les priuilegiez, cōme sont les creanciers des obseques & funerailles, l'Apothicaire, & le propriétaire de la maison, en laquelle estoient les meubles, celuy qui a vendu sans terme, ou avec terme, celuy qui tient en gage & autres, viendroient à contribution, & seroient payez au sold la liure, sans aucune preference, comme il a esté cy-deuant déclaré. Ce que dessus a esté iugé par arrest solemnellement prononcé le Samedi 22. Decembre 1590. Aussi y a arrest donné en plaidoyrie, le 19. Aueil 1580. entre Iean le Comte & autres creanciers de feu Monsieur de Sauue viuant Secretaire d'Etat du Roy, appellant du Preuost de Paris, d'une part, & Pierre du Fresnoy maistre Apothicaire à Paris intimé d'autre: Par lequel fut dit, que ledit du Fresnoy seroit preferé sur les meubles du defunct aux rotisseurs, bouchers, hercutiers, chandeliers, mareschaux, muletiers, & autres creanciers du defunct, pour le contenu en ses parties, tant arrestées par le defunct, que pour la femme pendant leur mariage, & pour celles qui depuis le decez auoient esté appreciées

291
Arrest de ce
que dessus,
mesme un
arrest donné
au profit
d'un apothi-
caire pour
les funerail-
les & mede-
cines.

Pareillement il y eut arrest donné en plaidoyrie le Mardy 5. Iuin, 1591. entre maistre Claude le Gay Aduocat en Parlement, appellant du Preuost de Paris, lequel ayant reponcé à la succession de sa defuncte mere, & l'executeur à l'execution testamentaire, fut contraint d'executer le testament de la defuncte: Pour les obseques & funerailles de laquelle ledit le Gay ayant desboursé plusieurs deniers: La Cour en emendant la sentence du Preuost de Paris, ordonna qu'il seroit le premier payé sur les deniers procedans de la vente des meubles de la defuncte, pour les frais des obseques & funerailles de ladite defuncte, lesquels la Cour taxa à la somme de vingt escus. Et apres ledit le Gay la Cour ordonna, que les Religieux, Abbé & Conuent de Regny en Bourgongne, lesquels auoient baillé en emphyteose à quatre-vingts dix-neuf ans, la maison assise en ceste ville de Paris, en laquelle la defuncte estoit decedée, moyennant deux cens liures de rente par an, payable aux quatre termes à Paris accoustumez, & à la charge de la garnir de biens meubles exploitables, pour seureté du loyer, seroient payez des arrerages qui leur estoient deubs à cause de ladite rente, & preferez au premier saisissant. Combien que le premier saisissant soustint, que la tacite hypothèque baillée par la loy ciuile au locateur d'une maison *in inuectis & illatis*, & le priuilege baillé par la Coustume de Paris au propriétaire d'icelle sur les biens meubles de leurs locatifs estans en la maison, n'auoit lieu sinon *in locatore contra conductorem pro pensionem domus*, non pas *in domino directo aduersus emphyteutam*, quia *emphyteuta dominus & possessor est*, *in eum dominum utile translatus est*, & peut intenter actions petitoires & possessoires. Aussi estoit certain *contractum emphyteuseos à contractu locationis & conductionis separatum esse*. Et combien que communément on die, que celuy qui a baillé en emphyteose, ou bien à rente une maison, a non seulement droit de seigneurie directe en la maison, mais a hypothèque speciale sur ladite maison, pour estre preferé à tous creanciers sur la maison, ou bien

292
Si celuy qui
a baillé en
emphyteose
une maison,
a tacite hy-
potheque &
prelacion
sur les meu-
bles pour les
arrerages de
sa rente fon-
ciere.

sur les deniers procedans de la vente & adiudication par decret, de la maison par luy baillée en emphyteose ou à rente, pour estre payé de sa rente ou redeuance, & des arrerages d'icelle: Toutesfois le bailleur de ladite maison *nullum ius, nec ullam hypothecam habet in re uictis & illatis in domum in emphyteusim datam*: comme a le propriétaire & locateur d'icelle, lequel le plus souuent n'a autre asseurance pour le payement de ses loyers, que les meubles estans en sa maison. Aussi *certis casibus conductor mercedis remissionem petere potest, non autem emphyteuta*. De faict lesdits Religieux ont esté entierement payez des arrerages de leurs deux cens liures de rente fonciere, sans leur faire diminution du tiers des loyers, comme a esté faict aux locatifs des maisons assises en la ville de Paris, par les arrests de la Cour, des 15. Avril 1589. & 8. Ianuier 1592. Lesquels n'ont esté gardez es baux emphyteotiques faits à perpetuité ou à longues années: mais seulement es baux tant iudiciaires, qu'autres faits à neuf ans, & au dessous, s'il n'y auoit quelque cause ou consideration particuliere. *Huc pertinent l. 1. & l. fin. C. de iure emphyteut. l. cadere. §. qui autem ff. arb. furt. cef. l. ex conducto. §. si vis. ff. locati*. Et pour le soustenement de l'arrest donné au profit desdits Religieux de Regny, on dit que *emphyteuta & superficiary dominorum quidem loco habentur, sed reuera sunt conductores, & non domini. l. 1. in fin. ff. si ager uet. l. 3. §. pen. ff. de op. nunc*. Aussi la clause portée par le bail faict par lesdits Religieux de payer le loyer aux quatre termes en l'an à Paris accoustumez, & garnir la maison de biens meubles exploitables pour seureté d'iceluy, semble satisfaire à tous les obiects cy-dessus alleguez, sans laquelle clause i'estime que lesdits Religieux n'eussent esté preferrez au premier saisissant des meubles. Comme ceux qui ont baillé à rente perpetuelle ou rachatpable des maisons qui leur appartenoiēt n'ayans droit de tacite hypothèque, pour les arrerages de leur rente, sur les meubles estans esdites maisons appartenantes aux preneurs d'icelles, ou bien appartenans aux locatifs desdits preneurs. Mais lesdits bailleurs ont seulement droit d'hypothèque, sur le fonds & propriété des maisons par eux baillées: & n'ont la seigneurie directe, s'ils ne sont Seigneurs'censiers & fonciers d'icelles maisons, & dit-on que *omne dominium directum & utile a se abdicarunt, solam autem habent hypothecam*.

293

Par ce que dessus donc, il se voit que quand on n'est point en cas de desconfiture, le creancier, qui fait le premier arrester & saisir les meubles appartenans à son débiteur, ou bien les deniers qui luy estoient deubs, doit estre le premier payé. Ce qui est veritable, encores que les posterieurs saisissans ayent faict plusieurs poursuittes entr'eux, pour raison de leurs saisies: mesmes faict ordonner que les meubles saisis seroiēt vendus, & les deniers à aucuns d'eux baillez, sans toutesfois ouyr le premier arrestant: & ce suiuant la Coustume de Paris, & disposition de droit cy-dessus alleguez: Ainsi qu'il a esté iugé par arrest donné en plaidoyrie le Ieudy 22. Novembre 1590. entre plusieurs creanciers du Seigneur du Alde, & Maître François Chauuelin, qui auoit faict premier saisir quelque vaisselle d'argent appartenant audit Seigneur du Alde: & neantmoins n'auoit faict poursuite aucune depuis la saisie, mesmes pour faire vendre les meubles

294
Les execu-
tans sont te-
nus faire
vendre les
meubles de-
dans deux
mois.

qu'il auoit faict saisir, au moyen de la maladie qui luy estoit suruenue, encores que par le 172. article de la nouuelle Coustume de Paris, les executans soient tenus faire vendre les biens dedans deux mois apres les oppositions iugées & cessées. Et s'il n'y a eu aucune opposition formée, & l'executant ait esté plus de deux mois sans faire vendre les meubles pris par execution: & apres lesdits meubles sont executez à la requeste d'un autre creancier, & trouuez en possession du debteur, on n'a aucun esgard à la premiere saisie, & le dernier executant sera preferé au premier: Et qui plus est, apres les deux mois passez, les gardiens demeurent deschargez de la garde desdits biens, suivant vn arrest de la Cour donné entre Nicolas Saunar demandeur d'une part, & M. Nicolas Mesnart defendeur d'autre, prononcé le 24. Auril, 1592. & publié en Chastelet le 1. Iuillet audit an.

295
Quand les
loyers ou ar-
rerages es-
cheuz & à
escheoir, sont
saisis à la re-
queste de
plusieurs, à
qui ils se
baillent.

Si vn creancier faict saisir & arrester és mains du locatif, les loyers d'une maison appartenant à son debteur, tant escheuz, qu'à escheoir, ou bien les arrerages d'une rente, tant escheuz, qu'à escheoir, ou les moissons deuës par le fermier, & qu'il deura cy-apres à son maistre, sans saisir le fonds de la maison, rente ou heritage, & sans y faire establir Commissaire: En ce cas on a cy-deuant tenu, que le premier saisissant sera entierement payé de la somme des deniers, pour laquelle il a faict saisir, ou des arrerages de la rente, pour le payement desquels il a faict saisir: & cétant sur les loyers & arrerages, ou moissons qui estoient escheuz, & deubs lors & au temps de la saisie, que sur ceux qui sont escheuz depuis icelle, encores qu'il y ait d'autres creanciers precedens ou subsequens en hypothèque, qui depuis ayent faict saisir & arrester lesdits loyers, arrerages & moissons, & qu'iceux soient escheuz apres leurs saisies: parce que tels loyers, arrerages & moissons se convertissent en simples deniers, & sont estimez meubles iusques à ce que le fonds de la maison, ou de la rente, ou bien de l'heritage ait esté saisi, & Commissaire estably pour percevoir lesdits loyers, arrerages ou moissons de la maison, rente, ou heritage saisi. Au contraire depuis, aucuns ont estimé, pour le regard des arrerages qui sont escheuz depuis la seconde saisie, qu'iceux lors de ladite saisie ne sont point meubles, ains plustost immeubles, ou bien droicts incorporels, qui sont censez immobiliers: & partant qu'en ce cas, & pour le regard desdits arrerages, il falloit regarder lequel des arrestans estoit le premier en hypothèque, & qu'iceluy prist à son profit les loyers ou arrerages escheuz depuis ladite seconde saisie: tellement qu'on suiuroit l'ordre des hypothèques: Neantmoins d'autant qu'on n'estime point les loyers, arrerages & moissons escheuz depuis les saisies vraiment immeubles, iusques à ce que le fonds de la rente, ou heritage ait esté saisi, & qu'il y ait eu Commissaire estably en iceluy: Aussi que de iour en iour les loyers & arrerages de rente escheans s'ameublissent, & sont faicts mobiliers, & qu'au temps dudit ameublissement les saisissans apparoiſſent, & que chacun d'eux a veillé & esté diligent: partant est raisonnable que leurs saisies leur apportent quelque profit, & à chacun d'eux selon qu'il a plus veillé. Ioinct que la saisie faite d'arrerages ou loyers non escheuz, est faicte de chose qui n'est point en

nature ; partant ne peut estre dicté chose immeuble, plustost que meuble : & suffit que lesdits loyers ou arrerages se font meubles, au feur & mesure qu'ils eschéent : pour ceste cause on suit la premiere opinion, & laquelle il faut garder & observer, principalement en temps paisible. Car pendant les troubles on a tenu, que les arrerages escheuz depuis les saisies de plusieurs saisissans ou arrestans deuoient estre partis & diuisez entre eux, à compter des iours de leurs saisies, par forme de contribution au sold la liure, *pro rata* des sommes de deniers qui leur estoient deuës, & pour lesquelles ils auoient faict saisir. Et de ce semble y auoir arrest donné en plaidoyrie le premier Feurier 1593. Et ainsi a esté obserué pendant les derniers troubles, tant en la Cour de Parlement, qu'au Chastelet : & ce pour le bien & soulagement du peuple, à fin de subuenir à la nourriture de chacun creancier : mesmes que la saisie & alienation du fonds estoit pour lors interdite : tellement que sans ce reiglement, vn premier & plus ancien creancier eust esté aisément priué du profit & commodité de sa debte, par vn postérieur creancier en hypotheque plus soigneux & plus diligent & prompt à saisir.

Nonobstant ce que dessus, par arrest donné en plaidoyrie le Ieudy 23. Iuillet 1592. Vn maçon lequel moyennant douze cens escus auoit basti vne maison neufue, & n'estant payé de la somme de cinq cens escus, qui restoient à payer, auoit faict saisir les loyers de ladite maison tant escheuz qu'à escheoir ; fut ordonné qu'il seroit premier payé de sa debte sur les loyers tant escheuz auparauant sa saisie, que sur les loyers qui apres escherroient, & qu'il seroit preferé au locatif de ladite maison, lequel pour deniers à luy deubs par le propriétaire de la maison, auoit faict saisir en ses mains auparauant ledit maçon, & vouloit vser de retention, comme il est permis par la loy *Proculus. ff. de nego. gest. l. peculium. l. sed et si. ff. de peculio.* & encores soustenoit que le maçon n'auoit droit d'hypotheque que sur le fonds & propriété de la maison, ou bien sur les bastimens d'icelle ; non pas sur les fructs & loyers escheuz auparauant sa saisie, comme estans purs meubles. Mais le maçon disoit que *res sua extabat*, que sans la peine & sans les materiaux il n'y eust point eu de maison, & n'eust-on peu auoir aucuns loyers, ny retirer aucuns deniers, lesquels luy deuoient estre baillez, comme preferable à tous creanciers : ainsi auoit esté iugé par sentence de Messieurs des Requestes du Palais ; laquelle fut confirmée par ledit arrest, fondé sur la loy *Interdum. ff. qui pot. in pign.* Et conuient noter, quand on fait saisir, ou bien arrester les loyers d'une maison, ou les arrerages d'une rente fonciere ou constituée, ou bien les moissons d'un heritage, pour les arrerages d'une rente deuë au saisissant : D'autant que la saisie ou arrest ne se peut bonnement faire, que pour la somme de deniers, à laquelle se montent les arrerages deubs au saisissant, escheuz lors de la saisie faicte à sa requeste. Toutesfois à ce que la saisie ait effect, pour les arrerages qui escherront & seront deubs au saisissant pendant icelle : Il sera besoin que la saisie soit faicte, tant pour les arrerages escheuz & deubs lors d'icelle, que pour la seureté, conseruation, & payement des arrerages qui apres escherront. Autrement la

296

*Le maçon
qui a basti
la maison,
preferé à
tous crean-
ciers sur les
loyers es-
cheuz auant
sa saisie.*

faisie ne tiendrait & n'auroit effect, que pour les arrerages qui estoient deubs au saisissant, lors & au temps de ladite faisie; en payant lesquels la faisie seroit leuée & ostée.

297

Les fruits
de l'heritage
saisi se di-
stribuent tout
ainsi que le
prix du de-
cret.

Or pour faire cesser la prelation du premier saisissant & arrestant, est besoin faire saisir le fonds de la maison, rente ou heritage, & y establir Commissaire: car en ce cas *contrahitur pignus pratorium, & uno creditore misso in possessionem, omnes creditores missi censentur*: Et la faisie profite à tous les creanciers qui s'opposeront auparavant le decret sceillé: tout ainsi que s'ils s'estoient opposez dès l'instant de la faisie faicte du fonds de l'heritage: suivant la loy *cum unus. ff. de bonis auct. iudic. poss.* Car ils tiennent au Chastelet de Paris, que quand vn heritage est saisi, & Commissaire estably, que le Commissaire doit percevoir tous les fruits de l'heritage escheuz depuis le iour de la faisie, & les cōserver au profit du creancier, sans qu'il en puisse bailler aucune chose, ny au saisissant, ny à aucun opposant, si ce n'est au bailleur de l'heritage, & qu'il soit ainsi ordonné par Iustice: suivant la loy, *Etiam. ff. qui pot. in pig.* Parce que les fruits escheuz depuis la faisie se distribuent, tout ainsi que le prix de l'heritage, selon l'ordre des hypothèques. En sorte que celui qui se sera opposé dix ans apres la faisie, demandera compte au Commissaire de tous les fruits escheuz pendant sa cōmission. Et si quelque creancier veut toucher partie desdits fruits, parce qu'il est premier en hypothèque entre les opposans, il sera tenu bailler caution de rendre lesdits fruits, s'ils surviennent quelques creanciers qui le precedent en hypothèque. Ce qui est vray, encores que ledit creancier opposant ait fait rendre cōpte au Commissaire pendant les criées, & demandé que le reliqua dudit cōpte luy soit baillé, cōme lors premier en hypothèque entre tous les opposans. Car encores il sera tenu de bailler caution de rendre ledit reliqua, s'il survient de nouveau vn plus ancien creancier. Et si l'un des opposans auoit obtenu sentence, tant avec le saisissant, le Commissaire, qu'autres opposans, par laquelle purement & simplement le reliqua du compte rendu par le Commissaire pendant les criées, ou bien partie des fruits de l'heritage saisi luy eussent esté adiugez: Le creancier precedent en hypothèque, qui seroit survenu depuis ladite sentence, & se seroit opposé aux criées, appelleroit de ceste sentence, & pour grief alleguerait ce que dessus. Tellement que celui qui veut toucher les fruits de l'heritage saisi, cōme plus ancien creancier, doit faire proceder à l'adiudication par decret dudit heritage, à ce qu'aucuns creanciers ne puissent estre receuz à eux opposer aux criées d'iceluy. Et ledit Commissaire ne iouyra, sinon des fruits ou loyers escheuz depuis la faisie faicte de l'heritage, auquel il est estably, & non de ceux qui estoient escheuz au precedent: lesquels, s'ils estoient saisis, seront baillez à celui qui les auoit faict saisir, comme purs mobiliers; & s'ils n'estoient saisis, seront baillez au propriétaire de l'heritage saisi, sans que la faisie & establissement de Commissaire se puisse retrograder, & auoir effect auparavant le iour de la faisie. Et pour ceste cause le creancier, qui faict saisir vne maison ou vne rente, par mesme moyen doit faire arrester les mains du locataire les loyers qu'il peut deuoir, ou es mains du debteur de la rête les arrerages par luy deubs. Toutesfois durant les troubles derniers passez, à l'occasion de la misere & calamité du temps; encores que le fonds fust

faisi, on adiugeoit à tous les creanciers saisissans & opposans les loyers, arrerages, ou fruiçts escheuz depuis la saisie, au *pro rata* de leurs debtes, & ce que chacun eust commodité de viure: & au débiteur on luy adiugeoit letiers, pour sa nourriture & entretenement. Ainsi fut iugé par arrest, entre Maistre François de la Grange Aduocat en Parlement, & les creanciers, prononcé le 23. Decembre 1593.

Or pour retourner à nostre propos des deniers dotaux, douïaires, & conuentions matrimoniales de la femme, lequel auons intermis, pour parler en brief de la preference que les creanciers pretendent sur les meubles saisis sur leurs debtors; melmes les proprietaires des maisons, sur les meubles de leurs locataires: Il conuient entendre, comme la femme en pays coustumier, pour son dot, douaire, & conuentions matrimoniales, n'a aucune preference ou prerogative, sur les biens meubles de son defunct mary, ainsi qu'il a esté cy-dessus amplement monstré; aussi elle n'a aucune preference sur les immeubles & heritages demeurez par le trespas de son dit mary, & n'a droit d'hypothèque sur iceux, sinon du iour de son contract de mariage, comme auroit vn autre creancier du iour de son contract. En sorte que les creanciers hypothecaires, qui sont de datte precedente le contract de mariage de ladite femme, sont preferez à elle. Car en France en matiere d'hypothèque, *Qui prior est tempore, potior est iure*: si le creancier n'est priuilegié, & son priuilege receu en France. En ce faisant le priuilege de la loy *assiduis. C. qui pot. in pig.* n'est aucunement gardé: comme il fut plaidé apres disné, & iugé contre la vesue Radin, le 23. Ianuier, 1568. Et ce au pays Coustumier de France, non pas au pays de droit escrit, comme il sera dict cy-apres.

Et combien que le douaire de la femme constitué en espee, rente, ou deniers, soit entierement pris & payé sur les biens du mary, & non sur la part de la femme en la communauté: ny sur les biens desquels la femme doit iouyr par le moyen du don mutuel faict entre eux: ains sur le surplus des autres biens du mary, suiuant les 257. & 260. art. de la nouvelle Coustume de Paris: Toutesfois s'il est question de la restitution du dot de la femme, ou de partie dudit dot consistant en deniers, stipulée par le contract du mariage: ou de l'employ de certaine somme de deniers promis par ledit contract estre faict, pour & au profit de la femme & de ses heritiers, lequel employ u'a esté faict n'exécute: Les sommes de deniers deuës à la femme pour lesdits dot & employ se prendront sur toute la masse, & sur tous les biens de la communauté, qui en est d'autant enflée, & en laquelle lesdits deniers sont entrez. Tellement que si la femme ou ses heritiers ont pris communauté, & y a confusion en eux de moitié des sommes deuës à cause desdits dot & employ: comme estans debtes mobiliaries deuës par la communauté: si le contract de mariage ne porte, que les deniers deuës à cause que dessus seront pris sur les biens du futur espoux, hors part, & sans confusion, ou mots semblables.

Et supposé que pendant le mariage le mary ait acquis quelques heritages: toutesfois la vesue pour son employ ne pourra pas vendre les premiers heritages acquis par son mary, ny maintenir qu'ils luy appartiennent, iusques à la concurrence du denier de son employ:

298

En France
en matiere
d'hypothèque
qui
prior est
tempore
potior est
iure.

299

Le douaire
est tousiours
pris sur les
biens du
mary.

300

L'employ
promis par
contract de
mariage
n'estât faict,
c'est vne
debte deuë
par la com-
munauté.

301

La femme
pour son em-
ploy ne peut
prendre les
premieres
acquisitions
faites par
son mary.

si les acquisitions ne portent par mots exprés, qu'elles ont esté faictes pour satisfaire à la clause du remploy portée par son cōtract de mariage. Combien que de ce on allegue quelques arrests, mesmes vn arrest prononcé pour vn Chapelain de l'Eglise de nostre Dame d'Amiens le 28. May 1574. par lequel a esté ordonné, que les heritiers de la femme prendront des premieres acquisitions de rentes ou heritages, faictes pendant le mariage des defuncts mary & femme, iusques à la somme de quatre mil liures tournois, que le mary estoit tenu employer en propre pour sa femme: Et qu'on die l'intention du mary en acquerant des heritages, auoir esté de se liberer de la promesse du remploy contenuë en son contract de mariage. Et que *debitor ex pluribus causis indistinctè soluens*, sans declarer sur quelle debte il baille ses deniers, *in grauiorem causam soluisse censeatur. l. in iis vero. in principio. ff. de solut.* Car au cōtraire on presume que le mary n'ayant fait la declaration susdite, s'est voulu reseruer la libre disposition des heritages par luy acquis, comme estans conquests: non pas le lier les mains de l'alienation d'iceux. Aussi que luy & son heritier seroient tenus garantir à la femme le premier heritage par luy acquis, & luy delaisser iceluy en pleine propriété, encores qu'il fust grandement augmenté de valeur.

302

Denier destiné en employ d'heritage est réputé immeuble, & à quel heritier il appartient.

Aussi il conuient entendre, que le denier qui a esté baillé par le pere, mere, ayeul ou ayeule de la future espouse, pour estre employé par le futur espoux en heritage propre à la future espouse, ses hoirs, & ayant cause de son costé & ligne, & n'a esté employé, est réputé immeuble à cause de la destination: *etiamsi ad nullum ad eum peruenitum sit, siue de positionis, siue obsequationis, aut sequestrationis*: & en peut la femme demander le profit à raison du denier quinze du iour du decez du mary, ou du iour de la sentence de separation. Et tel denier appartient à l'heritier des acquests & cōquests de la femme, soit pere, mere, ayeul ou ayeule, à l'exclusion du mary: suiuant les 93. & 330. articles de la nouuelle Coustume de Paris: comme estant ce denier propre cōventionnel, & non propre naturel, successif, ancien & radical: tellemēt que l'heritier des propres paternels ou maternels ne pourra pretendre iceluy: conformément à la disposition de droict *in l. quid ergo. §. quid ergo ff. de contract. & vtil. act. tut. l. si nondum. C. de surt. & sent. cor. l. cetera. §. sed si separauit, ff. de lega. primo. l. si chorus. §. 1. ff. de legat. 3. cap. unico. de succ. frat. in vrb. feud. l. quicunque. de omni agro deserto. C. lib. 11. Bart. in l. si forte ff. de castr. pecu. Ioan. Galli. quaest. 1.* Comme Monsieur le Maistre a amplement escrit en son Traicté des Criées chap. 1.

303

À quel heritier appartient l'heritage acquis du denier destiné en employ.

Et ce que dessus a lieu suiuant ladite nouuelle Coustume de Paris, pour le regard des pere ou mere, ayeul ou ayeule qui ont baillé au mary de leur fille, ou petite fille le denier destiné en employ d'heritage; encores que le denier n'eust esté employé, ou bien eust esté employé en achapt d'heritage, & que l'heritage acquis eust non seulement appartenu à fille mariée; mais aussi eust appartenu, & eust faict souche en la personne de l'enfant de la fille, depuis decedé sans enfans. Car es cas susdits, l'heritage acquis du denier destiné en employ, ou le denier non employé appartiendra à l'ayeul ou à l'ayeule maternelle de l'enfant, & non au pere heritier des meubles & acquests de l'enfant, ny à l'heritier des propres maternels dudit enfant.

Et le

Et le semblable est obserué, suivant ladite Coustume, és heritages donnez par les père, mere, ayeul ou ayeule en faueur de mariage de leurs enfans ou petits enfans, encores que les heritages donnez ayant faict souche en la personne des petits enfans descendans de la fille, à laquelle ils auoient esté donnez. En sorte qu'en ce cas l'heritage propre contre la nature remonte, pour retourner à celuy qui l'a donné: Estant raisonnable que la chose donnée retourne à celuy, de la liberalité duquel elle est procedée: *Quemadmodum filia amissa dos profectitiareuertitur ad patrem; ne simul & filia amissa, & pecunia damnum pater sentiat: comme dit la loy, Iure succursum. ff. de iure dot. lege secunda. C. de bonis quæ liberis. l. auia. C. de iure dotium.* Et neantmoins auparauint la nouuelle Coustume de Paris, Si le denier destiné en employ d'heritage, ou bien l'heritage acquis du denier destiné auoit faict souche en la personne de l'enfant de la fille, à laquelle le denier auoit esté donné; lequel enfant fust decedé sans enfans, & que la conuention portaist, pour elle, ses hoirs, & ayans cause de son costé & ligne; ledit denier, ou bien l'heritage acquis dudit denier estoit adiugé & appartenoit à l'heritier des propres de l'enfant; fust oncle, tante, ou cousin, du costé duquel le denier estoit procedé, à l'exclusion du pere, ayeul ou ayeule de l'enfant, encores que l'un d'eux eust baillé le denier. Et est le cas de l'arrest de maistre Iean Iacques de la Vergne Aduocat en Parlement, & Damoiselle Geneuiefue le Maistre sa femme, ordinairement allegué: Ausquels fut adiugée la somme de cinq mil liures tournois destinée en achapt d'heritage, pour estre propre à Damoiselle Claude le Maistre, femme du Seigneur de la Marfilierie Conseiller au grand Conseil, ses hoirs & ayans cause de son costé & ligne: laquelle somme n'auoit esté employée. Et ladite Damoiselle Claude le Maistre auoit delaissé vn fils tost apres decedé sans enfans, qui estoit nepueu de ladite Damoiselle Geneuiefue le Maistre sa tante, & son heritiere quant aux propres maternels: Et ce à l'exclusion, tant du Seigneur de la Marfilierie pere, qui ne pouuoit pretendre ladite somme, parce qu'il n'estoit du costé & ligne des Maistres: Aussi qu'industrieusement il n'auoit faict l'employ; lequel s'il eust faict, l'heritage acquis eust faict souche en la personne du fils, & luy eust esté propre maternel: Que à l'exclusion dudit Seigneur President le Maistre ayeul maternel dudit fils, qui auoit baillé les deniers, & stipulé ledit employ: parce qu'il ne pouuoit estre heritier des meubles ny des acquests, n'estant si proche que le Seigneur de la Marfilierie pere. Pareillement ne pouuoit estre heritier des propres lesquels par l'ancienne Coustume de Paris ne remontoient point. Semblable arrest prononcé solennellement le 23. Decembre 1571. par lequel le pere heritier de son fils, quant aux meubles & acquests, fut debouté du denier qu'il auoit receu en faueur de mariage de sa defuncte femme, pour estre employé en heritage propre à ladite femme, & ses hoirs de son costé & ligne: & le denier ainsi destiné adiugé à l'heritier des propres maternels dudit fils.

Si le denier destiné en employ d'heritage pour la future espouse, ses hoirs & ayans cause de son costé & ligne, n'auoit esté baillé par le pere, mere,

304

Les heritages donnez par le pere ou l'ayeul leur retournent.

305

Auparauint la nouuelle Coustume de Paris le denier destiné en employ d'heritage, qui auoit faict souche, appartenoit à l'heritier des propres.

ayeul ou ayeule de la future espouse: ains luy auroit esté donné par vn estrangier: ou bien le denier appartint à la future espouse lors de son mariage: Le denier ainsi destiné, ou bien l'heritage acquis dudit denier, qui auroit faict souche en la personne de l'enfant decedé sans enfans & descendans de luy, appartiendra à l'heritier des propres anciens & successifs, pourueu qu'il soit frere ou sœur de l'enfant: & s'il n'y a frere ou sœur de l'enfant, ledit denier, ou bien l'heritage acquis dudit denier appartiendra à l'ayeul ou ayeule de l'enfant, & à leur defaut aux heritiers des propres maternels dudit enfant, soit oncle, tante, cousin germain, ou autre parent; & ce suiuant le 315. art. de la nouuelle Coustume de Paris qui y est exprés.

306
Si le denier
de l'employ
appartien-
dra au pere
heritier de
l'enfant,
quand la
conuention
ne fait
mention
que des
hoirs.

Le doubte seroit plus grand si la conuention de remploy ne portoit, sinon que l'heritage acquis du denier destiné en employ seroit propre à la future espouse, ses hoirs, & ayans cause; & non ces mots (de son costé & ligne) & qu'elle fust decedée auparauant que le mary eust esté en demeure & en dol de faire l'employ, & delailié vn enfant qui tost apres seroit decedé sans enfans: pour sçauoir si le pere de l'enfant deueroit succeder au denier destiné non employé, ou bien l'ayeul maternel dudit enfant; & s'il n'y auoit ayeul maternel, les oncles, tantes, ou cousins dudit enfant. Attendu que pour la nature & qualité des choses hereditaires, on considere *tempus delatae hereditatis*. Aussi qu'au cas susdit il ne seroit question que de simple meuble, l'action seroit pure mobiliere. Ioinct que la conuention de remploy ne tendoit à autre fin, sinon que le denier destiné en achapt d'heritage n'entraist point en communauté. Et au cas de present, le pere ne pretend pas le denier contentieux *iure communionis aut societatis*, *sed iure hereditario*, comme heritier de son fils. Aussi que par ces mots generaux & indefinis (ses hoirs & ayans cause) portez par la conuention & stipulation de remploy, *suis heredibus & suorum heredum heredibus consulere voluerat*, non pas aux heritiers de son costé & ligne: Et que les mots susdits se peuent verifier en la personne du pere heritier de son enfant, *l. tale pactū. §. fin. ff. de pact.* A la verité si l'ayeule a baillé à sa defuncte fille les deniers desquels est question, & stipulé remploy d'iceux pour elle, ses hoirs & ayans cause, & ait suruescu sa fille & son petit fils, lefdits deniers doiuent appartenir à l'ayeul, suiuant le 313. article de la nouuelle Coustume de Paris, qui porte, Que les pere, mere, ayeul, ayeule succedent és choses par eux données à leurs enfans decedans sans enfans & descendans d'eux: Mais si l'ayeul n'a pas suruescu son petit fils, & ne luy a pas succedé, ains les oncles, tantes, & cousins maternels dudit enfant, aucuns sont d'avis, qu'au cas susdit le pere suruiuant son fils ne doit succeder au denier destiné en achapt d'heritage propre à la defuncte femme & à ses hoirs: comme le pere de la femme ou bien ladite femme stipulans l'employ susdit pour elle & ses hoirs, estans censez *potius cogitasse de heredibus sua cognationis aut familiae, quam de marito aut cognatione mariti*: autrement *viderentur alienas successiones proprias antepone*re, comme dit la loy, *cum acutissimi. C. de fideicom. l. conficiuntur. ff. de iure. Cod. l. nec adiecit. cum. l. seq. ff. pro socio*. Toutesfois i'estime par les raisons cy-dessus recitées, & autres cy apres amplement deduites, que les deniers non rem-

ployez doiuent estre adiugez au pere heritier des meubles & acquests de son fils. De faict si ledit fils, auquel appartenoit le denier non remployé, auoit suruescu ses pere & mere, ayeul ou ayeule ; & auoit delaisné vn heritier ou donataire des meubles, ou vn heritier ou donataire des acquests & conquests immeubles, & vn heritier ou donataire des propres : en ce cas le denier non remployé doit appartenir à l'heritier mobilier, suiuant la disposition de droit commun, ou bien des acquests suiuant la nouuelle Coustume de Paris cy-apres amplement declarée. Qui est l'opinion de *Ioannes Galli quæst. 1.* & d'Alexandre in *l. cetera*, §. *sed si ff. de leg. quia inspicitur qualis res sit tēpore delatę hereditatis. §. quantitatis. Insti. de lege Falc. l. in quantitate. & in l. ratione ff. ad leg. Fal.* Cela fut doctement plaidé en la Cour le 21. Mars 1577. pour les successions des de Vitry & des Budes. Et la mesme question s'estant presentée en ladite Cour le premier de Iuillet 1591. deux Conseillers de la Cour se trāsporterent au Chastelet de Paris, pour auoir l'aduis des Lieutenans, Conseillers, Aduocats & Procureurs dudit Chastelet, sur vn proces pendāt par appel en ladite Cour, le faict duquel estoit, Que par le contract de mariage de Fiacre le Camus marchand bourgeois de ceste ville de Paris, & de Jeanne Benoitte sa femme, auoit esté accordé, que si pendant & constant leur mariage quelques vns de leurs heritages estoient vendus, ou quelques rentes racheptees, les deniers qui prouuiendroient des venditions ou rachapts seroient remployez au profit de celuy auquel les heritages ou rentes auroient appartenu. Et où remploy n'auroit esté faict, seroient lesdits deniers repris sur la communauté auant part. Pendant ce mariage, qui n'auroit duré que dix mois ou enuiron, on auoit rachepté pour la valeur de trois mil escus de rentes constituées, qui appartenoint audit le Camus de son acquest, & lesquelles il auoit acquises auparauant qu'il cōtractast mariage avec ladite Benoitte. Ledit le Camus estoit decedé auparauāt aucun remploy faict, delaisnée sa veufue suruiuante, & vn seul fils posthume son heritier, nommé Fiacre le Camus, auquel ladite veufue sa mere auoit esté créée tutrice, & vn sien oncle paternel nommé Macé Patrouillard créé tuteur subrogé. Ledit tuteur subrogé auoit mis en proces la mere, à ce qu'il fust dit, que le mineur prendroit sur les deniers comptans, & sur les plus clairs biens de la cōmunauté acceptée par la mere, la somme de trois mil escus, prouenuë du rachapt des rentes, qui appartenoint à son defunct pere: & que la mere seroit tenuë les remployer en rentes ou heritages, au profit du mineur, suiuant le contract de mariage de son defunct pere. Et la mere ayant empesché ladite reprise de deniers & remploy: parce qu'elle maintenoit les rachapts, encores qu'ils fussent pardeuant Notaires, frauduleux, & de faict qu'on n'auroit point trouué en la communauté les deniers, qu'on disoit estre prouenus desdits rachapts: & qu'apres le trespas du defunct, on auoit seulement trouué quatre mil liures tournois en deniers comptans, dont vne partie seulement estoit procedée desdits rachapts, comme il apparoissoit par les bordereaux & ethiquettes des sacs, esquels estoient lesdits deniers. Sur quoy les parties estans appointées contraires auroient respectiuelement fait enquestes, & produit d'une part & d'autre. Et finalement par sentence

du Preuost de Paris les conclusions du tuteur subrogé luy auroient esté adiugées : Sans à ordonner aduenant le decez du mineur, si les rentes acquises desdits deniers seroient estimées, propres, ou acquests audit mineur. Dont ladite vefue auroit appellé en la Cour ; pendant lequel appel le fils seroit decédé : tellement que la difficulté estoit entre ladite mere, ledit tuteur subrogé, & Maistre François le Camus oncles paternels, heritiers quant aux propres du mineur ; Si ladite somme de trois mil escus prouenant des rachapts des rentes, qui auoient appartenu au defunct pere, par acquest fait auparavant son mariage, deuoit appartenir à la mere, comme heritiere des meubles & des acquests de son fils : Ou bien si ladite somme comme reputée immeuble & propre paternel à l'enfant deuoit appartenir à ses oncles paternels heritiers des propres. Et sur ce y eut diuersité d'opinions ; aucuns estimans que lesdits deniers deuoient appartenir aux oncles paternels, comme subrogez au lieu des rentes racheptrées, & tenans le lieu d'icelles. Aussi que lesdits deniers estoient non seulement destinez, mais stipulez par le contract de mariage, pour estre employez en achat d'heritages ou de rentes, au profit dudit le Camus : & soustenoient que ceste distination ou bien stipulation auoit effect d'employ ; suiuant le nonante troisieme article de la nouvelle Coustume de Paris. Ce qu'estant veritable, disoient, Tout ainsi que si l'employ eust esté fait du viuant du defunct pere, l'heritage acquis des deniers dudit employ eust esté propre paternel à l'enfant, & ses oncles eussent succédé audit heritage sans doute aucun : aussi le denier tenant lieu dudit heritage, & estant subrogé au lieu d'iceluy, estoit propre paternel, & à iceluy les oncles deuoient succeder. Ioinct que la stipulation de remploy, qui est plus forte qu'une simple destination, auoit esté faite, pour conseruer les biens en la famille, en laquelle ils estoient, & pour empêcher qu'ils ne sortissent hors d'icelle, suiuant la reigle *paterna paternis, materna maternis*. Et si on adiugeoit à la mere les deniers prouenus des rachapts des rentes, qui appartenoient au pere, ce seroit directement contreuenir à la stipulation de remploy, & à l'intention des parties contractantes, & des propres, ou bien des acquests faits auparavant le mariage, faire des conquests, contre la teneur de contract de mariage cy-dessus recité. Les autres & en plus grand nombre estoient d'aduiz contraire, & disoient en premier lieu, que les deniers ne pouuoient estre estimez autre chose, que ce qu'ils estoient, sçauoir purs meubles : partant qu'ils deuoient appartenir à la mere, comme heritiere des meubles de son fils : d'autant que pour sçauoir la nature & qualité des choses hereditaires, si c'est meuble ou immeuble, on considere le temps de la delation de l'heredité, par les loix cy-dessus alleguées. En second lieu disoient que la destination ou stipulation de remploy, n'est pas vn vray remploy, mais vne simple fiction de remploy, qui n'a pas tel effect que le vray remploy, & la verité est plustost considerée que la fiction : *l. et si forte. ff. de castren. pecu. l. illi citat. §. veritas. ff. de offic. pref.* En troisieme lieu, que les loix qui parlent de *pecunia destinata in emptionem prædiorum*, s'entendoient *quando pecunia extabat*, & que *ultra destinationem peruentum erat ad aliquem actum* :

commé si *pecunia apud sequestrum deposita esset, vel in arca reclusa, aut ab aliis nummis separata. l. quid ergo. §. quid ergo. ff. de cont. act. tut. l. à diuo Pio. §. fin. ff. de reiud. l. cetera. §. sed si se parauit ff. de legat. 1. l. si chorus. §. 1. ff. de legat. 3.* Que au cas de present *pecunia non extabat, & ad nullum actum peruentum erat*: imò apres le trespas du pere, entre les quatre mille liures de deniers comptans, on auoit seulement trouué vn sac de douze cens liures, ethiquetté des deniers prouenans du rachapt de cent liures de rente. En quatriesme lieu, soustenoient que *pretium numquam succedebat loco rei in particularibus*: & que *nummi redacti ex venditione fundi non subrogantur in locum fundi venditi*: mais bien vn corps estoit subrogé au lieu d'un autre corps, ou bien vn heritage au lieu d'un autre heritage: non pas que *pecunia fundum repræsenteret*, ou bien *profundo haberetur, l. qui vas. §. fina. ff. de furt. l. venditor ex hereditate. ff. de herc. vel. act. ven. Licet in vniuersalibus, puta in hereditate, in peculio, in dote pretium succedat loco rei. l. Imperator. §. fina. cum duabus ll. seqq. ff. de leg. 2. l. si rem & pretium, ff. de pet. hered.* En cinquiesme lieu, disoient que les choses sont meubles ou immeubles *per rerum naturam, & non per hominis dispositionem, nec per fictionem. l. quod in rerum ff. de leg. 1. l. fina. C. quando decreto opus non est.* Aussi remonstroient que l'action qui peut estre donnée, à cause de la stipulation de remploy portée par le contract de mariage, ou qui est baillée par le 232. article de la nouvelle Coustume de Paris, ne contient à faute de remploy, qu'une simple reprise de deniers sur les biens de la communauté, iulques à la concurrence des deniers prouenus des rentes qui ont esté racheptées, ou des heritages qui ont esté vendus, qui n'est qu'une action pure mobiliere, sans aucune hypothèque, ny droit de preference baillée par la nouvelle Coustume à celuy auquel les rentes ou heritages vendus appartiennent: A ce qu'il ne soit loisible au mary & à la femme pendant leur mariage, aduantage l'un l'autre: comme ils pouuoient faire pendant l'ancienne Coustume, en vendant leurs heritages: & que cela est la vraye intention de la nouvelle Coustume de Paris: non que ladite nouvelle Coustume ait pensé à quels heritiers mobiliers ou immobiliers des futurs conioints, ou des enfans des futurs conioints, les deniers prouenus de la vente ou rachapt de leurs heritages ou rentes appartiendroient: mais la Coustume a laissé la decision de ce different à la disposition du droit commun, lequel attribué lesdits deniers à l'heritier des meubles & des actions mobiliers, suiuant la doctrine de Bartole, *in l. mouentium. ff. de verb. signific.* En sixiesme lieu, disoient que les 93. & 94. articles de la nouvelle Coustume de Paris, qui parlent de la destination d'employ en achapt d'heritages, des deniers baillez en contemplation du mariage, & du remploy que les tuteurs sont tenus faire des deniers prouenus du rachapt des rentes appartenantes à leurs pupilles, ne parlent que des mineurs de vingt-cinq ans, & non des maieurs. Et que le 232. art. de la nouvelle Coustume de Paris ne parloit point de destination ny de remploy, mais de simple reprise du prix de la vente ou rachapt sur les biens de la communauté, au profit de celuy auquel appartenoit l'heritage vendu ou la rente racheptée. Et le contract de mariage cy-dessus recité ne conte-

noit qu'une simple reprise de deniers sur les biens de la communauté avant part. Tellement qu'avant partage, il convenoit tirer des biens de la communauté les deniers procedez du rachapt desdites rentes. En septiesme lieu, que si ledit defunct le Camus, auquel les rentes racheptées appartenoient, avoit disposé de ses biens, & donné à une personne tous les meubles, acquests & conquests, & à une autre tous ses propres, au donataire des meubles & acquests appartiendroient les deniers, desquels à present est question, comme il a esté dit cy-dessus, principalement veu que les rentes racheptées appartenoient audit le Camus, de son acquest fait auparavant son mariage, & non de son propre ancien, successif & radiqué en sa famille. Et qu'une rente constituée moyennant deniers ne pouvoit estre vray propre, ny radiquée en une famille, parce qu'elle estoit perpetuellement racheptable, & pour ceste cause n'estoit point sujette à retraict lignager, suiuant le cent vingt-neuf article de la nouvelle Coustume de Paris. Tellement qu'encores que les deniers prouenus desdites rentes eussent esté r'employez du viuant dudit defunct le Camus, l'heritage achepté desdits deniers n'eust pas esté un vray & ancien propre à l'enfant, mais un propre naissant, faisant en la personne de l'enfant sa naissance, source, origine, & commencement de propre. Et veritablement les propres conventionnels ne sont pas vrais propres, ains propres impropres, irreguliers, extraordinaires, fictifs & imaginaires. Et supposé qu'incontinent apres le decez dudit defunct le Camus, les deniers procedez du rachapt des rentes qui appartenoient audit defunct eussent esté employez en achapt de rentes ou d'heritages au profit de l'enfant: toutesfois telsheritages ou rentes seroient un acquest à l'enfant: tout ainsi que quand le tuteur acquiert pour son mineur des deniers comptans trouuez apres le trespas de son pere ou de sa mere, un heritage ou rente, ledit heritage ou rente est un pur acquest au mineur, auquel le pere ou la mere suruiuant le mineur succede, comme y succederoit un autre heritier des meubles & acquests. De mesmes, & par indentité de raison, la mere deuoit succeder au denier duquel estoit question, comme acquest appartenant audit mineur son fils, ou à sa succession. On adioustoit aussi, qu'au cas de present il n'estoit pas question de l'alienation d'un heritage propre au mary: mais du rachapt d'une rente constituée, moyennant deniers: laquelle estant racheptée, estoit retournée à sa premiere nature de meubles. Et à ce propos rapportoient auoir esté iugé au Chastelet de Paris, qu'un Office venal, comme de Mouleur de bois, ou de Sergent Royal, ou autre, lequel par contract de mariage auoit esté fait propre au mary, & par son decez auoit appartenu à son fils, à cause de la suruiuance obtenue dudit Office, ayant esté vendu par la mere & tutrice dudit fils, moyennant certains deniers, & depuis le fils estant decédé; les deniers deubs, à cause dudit Office estoient meubles: & de fait, furent adiugez à la mere, comme heritiere mobiliere de son fils: encores que ledit Office fust propre à l'enfant, & ne fust entré en la communauté. Outre, disoient que le defunct pere n'ayant r'employé les deniers prouenus du rachapt desdites rentes, il auoit taisiblement voulu que lesdits deniers demeurassent

Le denier
prouenu du
rachapt des
rentes pater-
nelles, adiu-
gé à la mere
heritiere de
son enfant.

sent purs meubles, & non immeubles. Par ces moyens & plusieurs autres deduits au procès, joint ce qui est amplement traité per *Arnol. Ferronium in cons. Burdeg. tit. de dote. §. 6. Chassan. in consuetu. burg. tit. des droicts appartenans à gens mariez. §. 2. in verb. tous meubles, num. 16. Io. Gall. quest 1. & Tirag. in l. deretract. §. 1. in ver. ou autres choses, num. 102.* les Officiers & Praticiens du Chastelet estoient d'aduis que les deniers contentieux deuoient estre adiugez à la mere heritiere des meubles & acquests de son fils. Ce qui a esté ordonné par arrest solemnellement prononcé le 14. Aoust 1591. Et en emendant la sentence du Preuost de Paris, fut la mere enuoyée absoute des demandes, fins & conclusions contre elle prises par lesdits heritiers paternels, & ordonné que ledit arrest seroit leu au Parc Ciuil du Chastelet de Paris, l'Audience tenant. En prononçant lequel arrest fut rapporté & prononcé autre arrest, le faict duquel estoit: Que Thomas Ioly marchand demurant en ceste ville de Paris, auoit esté marié en l'an 1558. pendant son mariage auoient esté vendus plusieurs heritages qui estoient propres audit Ioly, venus de ses predecesseurs. Ledit Ioly & son fils auoient esté tuez aux tranchées le iour de Toussaincts en l'an 1589. Et estant incertain qui estoit mort le premier, on presuma que le fils auoit suruescu, & delaislé pour heritiere sa mere, quant aux meubles & acquests, & pour heritier, quant aux propres paternels Louys Ioly son cousin. Ledit cousin soustenoit que suiuant le 232. article de la nouvelle Coustume de Paris, il deuoit reprendre à son profit sur les biens de la communauté, le prix procedé de la vente des heritages propres & anciens dudit defunct Ioly, encores que par le contract de mariage n'y eust aucune stipulation de remploy: comme lesdits deniers estans subrogez au lieu des heritages propres alienez. Et estant soustenu au contraire par Louyse Remond mere, pour les raisons & moyens deduits en l'arrest precedent: Par sentence du Preuost de Paris, du Mercredy 24. Octobre 1590. ayant esgard aux offres faictes par ledit Ioly, en ce qu'il s'estoit constitué demandeur, fut ordonné que sur tous & chacuns les meubles, acquests & conquests immeubles delaislez par le decez de defunct Thomas Ioly, ledit Ioly cousin reprendroit, par forme de r'employ, les heritages propres vendus & alienez par ledit defunct, constant la communauté de luy & de ladite Remond sa femme: pourueu que l'alienation se trouuast faicte d'iceux, depuis la reformation de la Coustume de la Preuosté & Vicomté de Paris, ensemble les fruiets escheuz depuis ledit decez, & sans despens. Et la vefue ayant appelé de ceste sentence: par arrest, la Cour a mis l'appellation & sentence, dont a esté appelé au neant, sans amende, & sans despens, tant de la cause principale que d'appel. Et en emendant le iugement, a ordonné que sur les biens de la communauté d'entre feu Thomas Ioly l'aîné, & ladite Remond sa femme, seroiēt repris par forme de r'employ, & au profit dudit defendeur heritier, quant aux propres de feu Thomas Ioly le ieune, tous & chacuns les deniers prouenus des vêtes d'heritages, & rachapts de rentes faicts cōstant ledit mariage qui furēt propres audit Ioly l'aîné: pourueu toutesfois que lesdites alienations & rachapts se trouuent faicts de-

puis la reformation de la Coustume de Paris, sans preiudice des actions de ladite demanderesse, pour les meliorations & impenses faictes par sondit mary durant la communauté sur ses propres, & des defenses au contraire. Et distraction faicte desdits deniers, comme dessus, iouyra ladite demanderesse, tant de son chef, à cause de la communauté, que comme heritiere mobiliere dudit defunct Thomas Ioly son fils, de la totalité des meubles : & de la moitié des conquests immeubles, restans de ladite communauté en pleine propriété, & de l'autre moitié desdits conquests par vusfruct sa vie durant tant seulement. Condamne iceluy defendeur faire deliurance à ladite demanderesse de son doüaire prefix ou coustumier, suivant ladite Coustume, à son choix & option. Et au cas que ledit doüaire prefix soit opté par elle ; ordonne la Cour qu'il sera sans retour, suivant le contract de mariage de ladite Remond. Et seront payez respectiuellement par lesdites parties les frais des obseques & funerailles desdits defuncts Ioly pere & fils, & toutes autres debtes qui seront trouuées par eux deuës, à la raison & proportion de l'emolument que chacune desdites parties prend en la succession dudit Ioly le ieune. Et lors de la prononciation desdits arrests, fut dit par Monsieur le President Brisson, que la diuersité desdits deux arrests estoit, qu'au second arrest estoit question d'heritages, *de rebus soli, quæ in solo consistunt* ; lesquels estoient du propre ancien & radiqué en la famille des Iolis, ensemble de rentes de pareille nature : partant deuoient lesditsheritages & rentes estre conseruées en icelle famille. Mais au premier arrest estoit question d'une rente constituée, moyennant deniers, qui n'appartenoit pas audit defunct le Camus de propre ancien & radical ; ains luy appartenoit par acquist qu'il auoit faict auparauant son mariage : laquelle rente n'estoit pas vn vray heritage. Et encores qu'elle n'eust pas esté racheptée, n'eust pas esté vn propre ancien & radical en la personne de l'enfant, ains vn propre naissant faisant en luy sa naissance, source & commencement de propre. Aussi que le contract de mariage ne contenoit qu'une simple reprise de de deniers à faute de remploy. Tellement que suivant ceste distinction il semble que quand l'heritage, ou bien la rente vendüe ou racheptée pendant le mariage est du propre ancien du mary, encores que le denier proüenu de la vendition dudit heritage, ou rente, n'ait esté employé : toutes-fois que le denier ne doit appartenir à la mere, comme heritiere de son fils, ains à l'oncle paternel : d'autant que les propres anciens doiuent estre conseruez en la famille de laquelle ils procedent. Mais si l'heritage, ou bien la rente vendüe ou racheptée n'estoit qu'un acquist au pere faict auparauant son mariage, que le denier doit appartenir à la mere, comme heritiere des meubles & acquisti de son fils. Et ce qui est dit de la mere, doit estre entendu & pratiqué en la personne du pere survivant son fils, heritier des meubles & acquisti d'iceluy : & semblablement d'autre heritier des meubles, acquisti & conquests dudit fils.

Neantmoins il est certain que le 132. article de la nouvelle Coustume de Paris, qui porte: Que si durant le mariage est vendu ou rachepté aucun heritage ou reate propre appartenant à l'un ou l'autre des conioints par mariage,

mariage, le prix de la venté ou rachapt est repris sur les biens de la communauté, au profit de celuy auquel appartenoit l'heritage ou rente: se doit entendre, non seulement de l'heritage, ou de la rente qui appartenoit à l'un ou à l'autre des deux cōioints de son propre ancien & successif: mais aussi de son acquest faict auparavant leur contract de mariage. Et tel heritage, ou bien telle rente acquise par le mary auparavant son mariage, luy est propre à l'exclusion de sa femme: comme pareillement elle est propre à la femme à l'exclusion du mary. Parce que tel heritage, ou bien telle rente n'entre point en la communauté des biens introduite par la Coutume de Paris entre gens mariez, ny par consequnt le denier procedé de la vente ou rachapt d'un heritage ou rente. En sorte, qu'incōtinent apres la dissolution du mariage, celuy auquel l'heritage ou rente vendue ou rachaptée appartenoit, soit de propre ancien, ou d'acquest faict auparavant son mariage s'il suruit, ou bien son heritier, s'il est decedé, doit reprendre à son profit sur les deniers comptans, & plus clairs biens de la communauté, le prix procedé de la vente ou rachapt de son heritage, ou de sa rente. Et ledit denier doit estre tiré hors des biens de la communauté, auparavant que faire partage d'iceux. En ce faisant la distinction du propre ancien, ou d'acquest cy-dessus recité, n'a lieu sinon quand le pere, ou bien la mere suruit l'enfant issu de leur mariage, luy succede, & qu'il est question des biens estans de la succession dudit enfant, entre le pere ou la mere suruiuant, heritiere de son enfant, & entre les heritiers collateraux dudit enfant. Non pas quand il est question de biens de la communauté entre le mary suruiuant, ou bien la femme suruiuant, & l'heritier du mary predecédé, ou de la femme predecédée, entre lesquels les biens de la communauté se doiuent partager. Car en ce cas le denier prouenu de la vente ou rachapt de l'heritage, ou rente qui estoit propre ou acquest, doit estre repris sur les biens de la communauté, au profit de celuy auquel la rente ou heritage appartenoit, soit en propre, ou par acquest faict auparavant le mariage. D'autant que l'heritage ou la rente vendue ou rachaptée, n'estant entrée en communauté: celuy auquel l'heritage ou rente n'appartenoit aucunement, & qui n'auoit aucun droit, part, ny portion au denier procedé de la vente ou rachapt dudit heritage ou rente. Mais au cas precedent le pere ou la mere suruiuant heritiere de son enfant ne pretend pas le denier contentieux, *iure societatis*, *sed iure hereditatis*, *sive iure hereditario*; comme estant *in bonis* de son enfant, & faisant partie des biens meubles de la succession de son enfant, duquel elle est heritiere.

Ayant conferé avec plusieurs Aduocats & Procureurs, tant de la Cour que du Chastelet de ce que dessus, ils ont esté d'aduis, que quand par contract est porté: Que si pendant le mariage aucuns heritages propres des futurs conioints, sont vendus, ou aucunes rentes propres rachaptées: sur les biens de la communauté seront repris les deniers procedez de la vente desdits heritages, ou rachapt desdites rentes, au profit de celuy duquel lesdits heritages ou rentes appartenoint, pour estre r'employez

en autres heritages ou rentes, sortillans pareille nature de propres, que ceux vendus ou racheptez: Qu'en ce cas le denier prouenu de la vente susdite n'appartient point à l'heritier mobilier du defunct, ny à la mere heritiere de son enfant: ains à l'heritier des propres paternels, si l'heritage estoit paternel: ou bien à l'heritier des propres maternels, si l'heritage estoit maternel. Et ainsi ont iugé au Chastelet par sentence prononcée le seiziesme Septembre 1593. comme le denier estant subrogé au lieu de l'heritage vendu, & estant de mesme nature. Mais si le contract de mariage porte seulement: Que si durant le mariage est vendu aucun heritage, ou rente propre appartenant à l'un ou à l'autre des conioints par mariage, ou si la rente est racheptée, que le prix de la vente ou rachat sera repris sur les biens de la communauté, au profit de celuy auquel appartenoit l'heritage ou rente: Ou bien s'il n'y a point de contract de mariage passé, & qu'il soit besoin du tout se regler, suivant le deux cens trentre-deuxiesme article de la nouvelle Coustume de Paris: ils sont d'aduis que le denier prouenu de la vente de l'heritage propre, ou du rachat de la rente propre, appartient à l'heritier mobilier du defunct, ou bien à la mere heritiere mobiliere de son enfant, comme n'estant question que de purs deniers, & n'y ayant aucune destination, ny stipulation de r'employ. Et est l'aduis de plusieurs Aduocats: Comme l'article de Coustume susdite, qui est sous le tiltre de communauté de biens, n'ayant esté introduit, sinon pour empescher que gens mariez ne puissent s'aduantager l'un l'autre pendant leur mariage, par le moyen de l'alienation de leurs heritages propres. Et estiment le semblable deuoir estre dit, si le contract de mariage porte en termes generaux que les deniers procedans de la vente de l'heritage, ou du rachat de la rente seront repris sur les biens de la communauté, pour estre r'employez en autres heritages ou rentes, au profit de celuy auquel appartenoit l'heritage vendu, ou la rente racheptée.

Toutesfois il me semble qu'on doit tenir en la nouvelle Coustume de Paris, que le denier procedé de la vente d'heritage propre, ou de rente propre racheptée pendant le mariage, qui doit estre repris sur les biens de la communauté, est subrogé & tient lieu de l'heritage vendu, ou de la rente racheptée, & est de mesme nature: soit que du remploy il y ait conuention expresse portée par le contract de mariage, ou n'y ait aucune conuention de remploy, ains de simple reprise: Ou bien de ce n'y ait aucune conuention par le contract de mariage, & soit besoin suiure la nouvelle Coustume de Paris: En ce faisant, que le denier procedé de ce que dessus, appartient à l'heritier des propres du defunct pere, ou bien à l'heritier des propres paternels du defunct enfant, & non à la mere suruiuante, heritiere des meubles & acquests de son enfant, ny à autre heritier des meubles & acquests plus proche à succeder. Et ainsi a esté iugé par le second arrest cy-dessus recité, prononcé en robes rouges le quatorziesme Aoust 1591. lequel est donné sur un contract de mariage passé auparavant la nouvelle Coustume de Paris, auquel contract n'y auoit aucune stipulation, ny conuention de remploy, ny de reprise, en cas d'alie-

nation d'heritage propre, ou rachapt de rente propre. Mais ledit arrest est totalement fondé sur le 232. article de la nouvelle Coustume de Paris : auquel il conuient noter ces mots. Encores qu'en vendant n'eust esté conuenu de remploy : comme le remploy estant tacitement entendu. Et par le moyen du tacite remploy, & destination d'iceluy, le denier est fait immeuble & propre, comme estoit l'heritage vendu, suiuant le 93. & 94. articles de ladite Coustume. Et dudit denier immeuble & propre, & tenant lieu d'heritage propre, on ne peut, sinon leguer le quint par testamēt, non plus que de l'heritage propre. *Secus dicendum*, si l'heritage vendu & la rente racheptée n'estoit pas de propre, ains d'acquest fait auparavant le mariage : comme il a esté iugé par l'arrest du Camus, aussi cy-deuant recité. Si c'est en autre Coustume que celle de Paris, il faut observer ce qui est porté par la Coustume. Et si on agit en vertu du contract de mariage, il est besoin regarder s'il y a conuention expresse de remploy en heritages, sortissans pareille nature que les heritages vendus : lors le denier sera subrogé à l'heritage vendu, tiendra lieu d'iceluy, sera de mesme nature, & appartiendra à l'heritier, auquel l'heritage vendu eust appartenu. S'il y a simple conuention de reprise de deniers sur les biens de la communauté, ce sera vne debte pure mobiliere, comme il a esté dit cy-dessus, & qu'il est amplement traicté *in quest. 1. Iob. Gall.*

Aussi il a esté iugé par arrest solennellement prononcé le 12. May 1581. dont la cause fut plaidée & appointée au Conseil le 28. Iuillet 1575. Estant stipulé par contract de mariage, que si aucunes rentes propres aux futurs espoux, estoient racheptées pendant leur mariage, le remploy seroit fait en autres rentes ou heritages, au profit de celuy auquel les rentes racheptées appartiendroient, ou de ses hoirs, autrement les deniers seroient pris sur les biens de la communauté, premierement & auant partage. Le mary estant decedé, delaisné vn enfant issu de leur mariage, duquel la mere estoit tutrice : pendant la tutelle, & auparavant la nouvelle Coustume de Paris, deux rentes qui estoient propres audit enfant, à cause de son de funct pere, ayans esté racheptées : & tost apres le rachapt desdites rentes, ledit enfant estant decedé, delaisné sa mere heritiere des meubles & acquests, & vn sien oncle heritier des propres paternels, le denier prouenu du rachapt desdites deux rentes, a esté adiugé à la mere par l'arrest cy-dessus datté. Et le semblable a esté iugé pour feu Madame la Presidente Vialard, pour les deniers procedez du rachapt des rentes propres de ses enfans decedez apres le trespas de leur pere, pendant qu'elle estoit leur tutrice. Et ladite Dame Presidente soustenoit, encores qu'elle eust r'employé le denier procedé du rachapt desdites rentes, que c'eust esté vn acquest, auquel elle eust succédé : attendu qu'il n'y auoit aucune stipulation de remploy par son contract de mariage. Toutesfois à present le contraire est obserué en la nouvelle Coustume de Paris, par laquelle article quatre-vingts quatorze, est dit, que les rentes appartenantes à mineurs, qui sont racheptées pendant leur minorité, les deniers du rachapt, ou le r'employ d'iceux en autres rentes ou heritages, sont censés de mesme nature & qualité d'immeubles, qu'estoient les rentes ains

Autre arrest par lequel les deniers prouenus du rachapt des rentes paternelles ont esté adiugés à la mere heritiere de son enfant.

Autre arrest de ce que dessus.

racheptées; pour retourner aux parens du costé & ligne, dont lesdites rentes estoient procedees.

309
Le denier
baillé en
mariage
sans aucune
destination
d'employ en
heritage, est
vn pur meuble.
En ap-
partient à
sous les he-
ritiers mo-
biliers.

110
Meuble ne
peut forcer
nature de
propre.

Interpreta-
tion du 21.
article de la
nouuelle
Coustume
de Paris.

Suiuant laquelle Coustume on a demandé si vn pere a donné à sa fille deux mil escus en mariage, stipulé qu'elle pourroit renoncer à la communauté, & franchement reprendre ladite somme: Depuis le mary decédé; pareillement ladite femme meurt; delaisant vn enfant issu de leur mariage, lequel tost apres seroit allé de vie à trespas, delaissez pour heritiers son ayeul maternel, qui auoit baillé ladite somme de deux mil escus, & son ayeule paternelle. Ledit ayeul maternel, comme heritier de son petit fils qui estoit heritier de sa mere, declare en Iustice qu'il renonce à la communauté du defunct, & à sa succession, & se tient aux conuentions matrimoniales de sa fille, consistant en deux mil escus, qu'il luy auoit baillez en faueur de mariage, lesquels elle pouuoit reprendre franchement & quittement. La question est de sçauoir, si lesdits deux mil escus qui sont purs meubles, sans aucune destination d'employ en achapt d'heritage, pour les faire immeubles, appartiendront entierement à l'ayeul maternel, suiuant le 213. article de la nouuelle Coustume de Paris, qui porte: Que les pere & mere, ayeul ou ayeule succedent es choses données à leurs enfans decedans sans enfans, & descendans d'eux. Ou bien si l'ayeule paternelle qui est heritiere des meubles & acquets, comme l'ayeul maternel, aura moitié en ladite somme de deux mil escus: attendu qu'elle fait pareille renonciation que l'ayeul maternel. Ils ont iugé en Chastelet que lesdits deux mil escus, estans vn pur meuble, appartiennent esgalement aux heritiers des meubles, qui sont, tant l'ayeul maternel, que l'ayeule paternelle. Parce que simple meuble ne peut forcer nature de propre: qu'on ne peut dire que meuble face souche, costé, ou ligne; & qu'on n'a pas accoustumé de rechercher la source & origine d'un simple meuble. Ioint que pour declarer les deux mil escus, desquels est question, entierement appartenir à l'ayeul maternel, il faudroit d'un meuble faire vn immeuble, veu que toutesfois au contraire, par le 259. article de la nouuelle Coustume de Paris, il est porté: Que le doüaire (lequel d'ailleurs est le propre des enfans) consistant en vne somme de deniers pour vne fois payer, venu aux enfans, est reputé mobilier, perd la nature de doüaire, & y succedent les plus proches heritiers mobiliers. De ce y a arrest solennellement prononcé le 15. May 1587. donné au profit d'une ayeule, à laquelle, apres le trespas de l'un de ses petits enfans, a esté adiugée vne portion des deniers, que le pere desdits enfans deuoit prendre par preciput, sur les biens de la communauté de son second mariage. Et le surplus desdits deniers a esté adiugé aux freres & sœurs du petit enfant heritiers de leur pere, comme estoit ledit petit enfant: En ce faisant, il conuient entendre ledit trois cens treiziesme article de ladite Coustume de Paris, auoir lieu en deniers destinez en achapt d'heritage, & en heritages donnez par le pere, mere, ayeul, ou ayeule, non pas en simples meubles, non destinez en employ: si par le contract de mariage n'y auoit cōvention expresse de reuersion au pere, mere, ayeul, ou ayeule des deniers par eux baillez en faueur de mariage, au cas que le

donataire, ou les enfans du donataire decedassent sans enfans. Car en ce cas lesdits pere, mere, ayeul, ou ayeule pourroient pretendre le denier par eux baillé, lez deuoir retourner, ou bien à leur heritier, par le moyen de la conuention susdite, & reuerfion stipulée : non pas comme heritiers de leur fils, ou petit fils, qui pourroient auoir autres heritiers mobiliers que ceux qui auroient baillé le denier dotal. *l. iubeamus. §. sin autem. C. ad Trebell. l. pater. §. ita fideicommissio. ff. de cond. & dem. l. 1. C. de pact.*

Ce qui a esté dit cy-dessus du denier de l'employ promis à la femme par son contract de mariage, est obserué es deniers prouenus du rachapt fait pendant le mariage, des rentes propres à la femme, ou de la vendition de ses heritages propres : les deniers n'ayans esté remployez en autres rentes ou heritages sortissans pareille nature de propre à la femme. D'autant que lesdits deniers se reprendront sur les biens de la communauté seulement : & d'iceux y aura confusion pour moitié, au cas que la femme, ou son heritier prenne communauté : suivant le 232. article de la nouvelle Coustume de Paris. Si ce n'est que par le contract de mariage il ait esté conuenu, qu'à faute de remploy les deniers prouenus des rachapts, ou venditions des rentes, ou heritages propres de la femme seront prins sur les biens du mary, hors part & sans confusion. Ou s'il n'a esté accordé, que ce qui ne pourra estre prins sur les biens de la communauté, & qui defaudra, sera pris sur les propres & autres biens du futur espoux, comme il est raisonnable.

Mais il conuient entendre que ledit 232. art. de la nouvelle Coustume de Paris, n'a lieu, sinon pour les venditions volontaires, ou rachapts de rentes constituées, faits depuis la nouvelle Coustume de Paris, redigée par escrit & arrestée le 4. Mars 1580. & non pour les venditions volontaires, & rachapts de rentes constituées, faits au parauant ladite nouvelle Coustume. Tellement que les deniers prouenus des venditions faites d'heritages, ou bien de venditions, ou rachapts faits de rentes au precedent ladite nouvelle Coustume, sont entrez, comme meubles, en la communauté d'entre l'homme & femme mariez : sans que le mary, ou la femme à l'un desquels l'heritage vendu, ou rente vendue ou rachaptée estoit propre, en puisse demander aucune recompense sur les biens de la communauté : encores que le mariage soit dissolu depuis la nouvelle Coustume de Paris : Si par le contract de mariage n'y auoit stipulation de remploy, ou declaration, lors de la vendition. Et ainsi l'a-on toujours tenu au Palais. De fait, le procès verbal de la nouvelle Coustume de Paris porte, Que ledit 232. article, a esté adiousté pour l'aduenir, sans preiudice du passé. En ce faisant la Coustume est *introductoria iuris noui, & non declaratoria iuris antiqui*. Ainsi a esté iugé en la succession des Grassins, par arrest solennellement prononcé la semaine de Noël, 1579. pour des rentes constituées propres à la femme rachaptées pendant le mariage de feu Monsieur Grassin Conseiller en la Cour. Et le 225. article de la nouvelle Coustume de Melun, proche de Paris, y est expres : *bonis in consuetud. Biturig.* au titre des Coustumes, concernant les mariages. Pareillement a esté iugé par arrest solennellement prononcé le Mardy

311

Le denier
prouenu du
rachapt des
rentes pro-
pres ou de
l'alienation
de l'heritage
propre se re-
prend sur les
biens de la
communauté,
et est
debite ne
par la com-
munauté.

9. Avril, 1591. entre Jean Bahuet, mufnier à Paris appellant; M. Ioseph Soreau & fa femme, & le tuteur des enfans de feu Claude de Launay intimez; Que les enfans dudit Claude de Launay heritiers de leur mere, ne peuuent repeter sur les biens de la communauté, ny sur les biens de la fuccellion de leur pere, aufquelles communauté & fuccellion ils ont renoncé, les deniers prouenus des venditions volontaires, faictes des heritages propres de leur mere, auparavant la nouvelle Couftume de Paris: comme les deniers eftans entrez & noyez en la communauté d'entre leurs defuncts pere & mere. Semblablement a esté iugé par arrest auffi folennellement prononcé le 14. Aouft audit an 1591. Que les heritiers de defunct Thomas Ioly reprendront sur les biens de la communauté les deniers prouenus des alienations des heritages propres dudit Ioly, faictes depuis la nouvelle Couftume de Paris, & non les deniers procedez des alienations faictes defdits heritages propres, auparavant la nouvelle Couftume. Ce qui fe doit entendre quand les enfans, ou heritiers collateraux ne peuuent par le contract de mariage de la defuncte, renoncer à la communauté, & franchement reprendre ce que la defuncte auoit apporté en icelle, enſemble ce qui luy eſt aduenü & eſcheu pendant ſon mariage par ſuccellion, donation, ou autrement; ou qu'il n'y a point ſtipulation de remploy portée par le contract de mariage. Combien que les Aduocats du Chastelet, auparavant la nouvelle Couftume, euſſent touſiours eſté d'aduis de la recompence, par le moyen de l'aduantage prohibé par la Couſtume entre l'homme & la femme mariez.

Quant aux venditions neceſſaires faictes par licitation, au moyen de ce que les heritages ne ſe pouuoient partager, ou pour autre cauſe; on a touſiours auparavant la nouvelle Couſtume, tenu, que le denier procedant de la licitation de l'heritage propre du mary, ou de l'heritage propre de la femme entrant en la communauté, deuoit eſtre repris ſur les biens d'icelle: d'autant que telles venditions eſtoient faictes contre le gré & volonté du propriétaire. Et aucuns eſtoient d'aduis, que le ſemblable deuoit eſtre faict en rachapt de rentes coſtituées; parce qu'iceluy eſt pareillement neceſſaire, & ſe peut faire *inuito nec conſentiente creditore*. Mais la rente coſtituée, eſtant racheptable de ſa nature, & telle notoirement recogneuë; le mary & la femme ſe doiuent imputer, de ce qu'ils n'ont ſtipulé par leur contract de mariage, remploy du denier qui prouiendrait du rachapt de leurs rentes.

312
Le denier
du ſupplément
du iuſte
prix de
l'heritage
propre de la
femme eſt
repris ſur les
biens de la
communauté.

Suiuant ce, on a demandé, Si l'heritage propre de la femme eſtoit vendu, & le denier receu auparavant la nouvelle Couſtume de Paris, depuis ceſte vendition, auffi depuis la nouvelle Couſtume, proces ayant eſté meü pour la reſciſion du contract de vendition, comme y ayant eu leſion d'outre moitié de iuſte prix, lequel auroit eſté ſupplée, & le ſupplément payé: Si la femme de laquelle l'heritage propre auoit eſté vendu, pourra reprendre ſur les biens de la communauté, le denier prouenu du ſupplément: attendu que tel ſupplément de prix eſt cenſé de meſme nature que le prix principal. *l. etiam. C. de iu. do. l. ſi proprietati. ff. eo.* Et tout ainſi que le prix principal ne ſe reprend point par la femme; parce que la ven-

dition n'a esté faicte durant l'ancienne Coustume de Paris: De mesmes le supplément du prix ne se doit reprendre, comme estant reputé de mesme condition & nature que le prix principal. Aussi que quand il est question de la nature & qualité d'un contract, *tempus contractus inspicitur solet. l. filius ff. de verb. obl.* Neantmoins il semble que le denier du supplément estant entré depuis la nouvelle Coustume de Paris en la communauté de biens d'entre l'homme & la femme, & dudit denier prouenu de l'heritage propre de la femme, la communauté estant enflée, la femme doit reprendre ledit denier de supplément, par preciput & avant partage, sur les biens de ladite communauté. Comme en ce cas la raison de la Coustume ayant lieu, consequemment la disposition d'icelle doit auoir effect. Aussi que l'action de la rescision de contract est immobilière, *scilicet* pour rentrer en l'heritage de la femme: partant telle action n'entre point en la communauté d'entre l'homme & la femme. Ioinct que *cum aliquid additur vel detrahatur contractui, noua res fieri dicitur, & pro supplemento iusti pretij noua gabella debetur: l. ius ciuile. ff. de iust. & in. l. Valerianus. ff. de pret. stip. Vide Tiraquellum in lib. de retractu, §. 1. glo. 18. quest. 8.*

Sur ce propos on a demandé, le mary & la femme contractans le mariage de l'une de leurs filles, & issuë d'eux, si la mere, outre les deniers cōpartans, pris en la communauté, donne à ladite fille en faueur de mariage vne rēte, ou bien vn heritage qui estoit propre à ladite mere, ou certaine quantité de grain par an sur son heritage propre: Sçauoir si apres la dissolution du mariage d'entre ledit mary & ladite femme, icelle femme pourra demander aux heritiers de son mary, soient les enfans issus de leur mariage, ou autres heritiers dudit mary, comme aux enfans de son premier mariage ou autres: ou bien si l'heritier de ladite femme pourra demander au mary suruiuant, la valeur de l'heritage donné en mariage à leur dite fille, ou bien moitié d'iceluy: comme telle donation contenant alienation d'heritage propre de la femme faicte durāt leur mariage: ou bien telle donation contenant vn aduantage faict au mary, lequel estoit tenu de doter sa fille, & non la mere, suiuant la *l. fin. C. de dot. pro. l. fin. C. de in. dot. l. neque mater. C. eo. l. si quis à lib. §. si mater. C. de lib. exhib. l. si soc. pro filia dot. ff. pro soc.* En tout euenement si ladite mere, ou son heritier pourra prendre sur tous les biens de la communauté, ou bien sur la part du mary, la valeur de l'heritage ou rente propre donnée à ladite fille en faueur de mariage, tout ainsi qu'elle prend sur les biens de la communauté, les deniers procedez de la vente de son heritage propre, quand il est vendu pendant leur mariage, soit que la femme prenne communauté ou renonce à icelle. Et combien que de prime-face il semble que pour raison de l'heritage propre donné par la mere à sa fille en faueur de mariage, ladite mere n'ait aucune action, attēdu que la femme avec l'autorité de son mary a peu valablement dōner, non seulement à l'un de ses enfans, mais aussi à l'un des enfans de son mary, si elle n'auoit point d'enfans, principalement en faueur de mariage, comme chose fauorable: & que le pere a doté sa fille selonc les facultez, & n'a faict aucune promesse de recōpenser sa femme, lors de la donation par elle faite à leur fille mariée. Qu'au pays coustumier de France les peres n'ont point en

313

Si la femme qui a donné en mariage un heritage qui luy estoit propre, doit estre recompensée de moitié sur les biens de son mary.

leur puissance leurs enfans, & ne iouissent point par vſufruit des biens de leurs enfans, comme ils font par la disposition de droit commun. Aussi que la *l. si socius pro filia dotem*, parle, quand le dot baillé à la fille du mary, a esté pris des biens de la communauté. Et que le 232. article de la nouvelle Couſtume de Paris cy-deſſus allegué, parle de l'heritage vendu pendant le mariage: non pas de l'heritage donné par la femme du consentement de son mary: Ioint que le mary ne iouissant point de l'heritage donné à la fille, on ne peut valablement dire que ce ſoit vn aduantage faict au mary. Toutesſois la donation de laquelle eſt queſtion, n'eſtant vne donatiō pure & ſimple, ains faicte en faueur de mariage à la fille des deux conioincts: Il ſemble qu'il faut conſiderer les termes de la donation, & comme la rente ou l'heritage propre à la femme, a eſté donné à la fille: s'il a eſté donné conioinctement, tant par le pere que par la mere: Car en ce cas la femme ou ſon heritier ſera recompensé ſur les biens du mary, de la moitié de la valeur de la rente, ou de l'heritage donné: ou bien il ſera recompensé ſur la part des biens de la communauté appartenant au mary: comme ceſte donation contenant vne deſcharge pour le mary, de partie du dot promis à ſa fille. Ainſi a eſté practiqué par l'aduiſ des anciens Aduocats de la Cour, pour la fille vnique d'un Commiſſaire du Chastelet de Paris, à laquelle, par ſes pere & mere, en faueur de mariage, auoit eſté donné vn heritage propre de la mere, laquelle fut recompensée de moitié, ſur la part des biens de la communauté appartenant au mary. Et ce que deſſus ſera obſerué principalement quand par contract de mariage aura eſté dit, que la fille ſera tenuë de rapporter en chacune ſucceſſion de ſes pere & mere, moitié de toutes les choſes qui luy ont eſté données en faueur de mariage. Pareillement ſera obſerué quand l'heritage propre de la femme aura eſté baillé à la fille, pour le payement de partie des deniers promis en mariage: Car es cas ſuidits il faudra recompenser la femme de moitié: comme il fut iugé par arbitres, contre le Seigneur de la Cour Rouge: d'autant que par ce moyen le mary eſt deſchargé de la promeſſe par luy faicte: Mais ſi la donation eſtoit faicte par la mere ſeule, en ce cas la mere ny ſon heritier ne pourroit demander aucune recompensé: principalement ſi la donation portoit, Que la fille ſeroit tenuë entièrement rapporter à la ſucceſſion de la mere la choſe immeuble par elle donnée. Ainſi fut aduiſé par arbitres pour Doutre Procureur en Parlement, la femme duquel auoit donné en mariage à l'une de leurs filles vne maiſon propre à ladite femme, aſſiſe en cete ville de Paris. Apres le trespas de la mere la fille auoit renoncé à ſa ſucceſſion, & s'eſtoit tenuë à ce qui luy auoit eſté donné en mariage. Les enfans du premier mariage de ladite femme, qui s'eſtoient portez heritiers d'elle, vouloient repeter dudit Doutre la moitié de la valeur de la maiſon donnée en mariage à la fille illuë de luy & de ſa deſuncte femme: dont ledit Doutre fut ablout. La raiſon de la deciſion des queſtions cy-deſſus traictées, eſemble dudit 232. art. de la nouvelle Couſtume de Paris, eſt priſe du 282. art. de la meſme Couſtume: par lequel eſt dit, Qu'homme & femme conioincts par mariage ne ſe peuvent aduātager l'un l'autre par donation faicte

314
Par la Cou-
ſtume de
Paris, l'hō-
me & la
femme ma-
riez ne ſe
peuvent ad-
uātager
l'un l'autre.

faite entre vifs, par testament ou ordonnance de dernière volonté, ne autrement, directement ou indirectement en quelque manière que ce soit, sinon par don mutuel. Lequel aduantage neantmoins ils pourroient facilement faire, si pendant leur mariage, il leur estoit loisible vendre leurs heritages ou rentes propres pour faire entrer les deniers en la communauté, sans aucune recompense, repetition ne remboursement. Et combien que la prohibition susdite soit cōtraire à la disposition de droit commun, par laquelle l'homme & la femme mariez peuuent donner l'un à l'autre non seulement par donation pour cause de mort, ou par testament, *l. si cum seruum. cum duab. ll. seqq. ff. de don. int.* mais aussi par donation entre vifs, pourueu qu'elle n'ait esté reuōquée par le donateur de son viuāt, *sed ipse in eadem donationis voluntate perseuerauerit, usque ad extremum diem vite.* & que donatarius superuixerit tanquam morte donatoris cōfirmata donatione, comme dit la loy 3. C. de don. int. vir. & ux. l. cum hic status l. papinianus. & ibi Bald. ff. eo. Paulus de Castro in l. filia. C. fam. herc. La raison de ce que dessus est, parce que lors que telles donations doiuent sortir effect, qui est apres le decez du dōnant, les causes de la prohibition cessent, qui estoient, *ne vir & uxor mutuo amore sese spoliaret, vel ne venalia matrimonia essent, aut ne concordia pretio conciliari videretur;* aussi que *honestus amor pendet ex animo, non ex lucro. l. 1. 2. & 3. ff. de donat. int. vir. & uxor. l. libera C. de inut. stip.* Toutesfois la prohibition faite par la Coustume aux conioints par mariage, de s'aduantager l'un l'autre par donation entre vifs, testamentaire, ou autre, est si estroitement gardée, qu'elle a lieu & est obseruee, encores que les heritiers presomptifs du dōnant ayent presté consentement à la donation; comme estant telle donation nulle, faite contre la Coustume, qui est prohibitiue & negatiue. Aussi que les heritiers seront facilement releuez de tel consentement, *tanquam consensus ille sit presumptiue coactus,* presté de crainte d'exheredation & mescontentement. Ainsi a esté iugé par arrest prononcé le neufiesme Aueil 1543. auant Pasques, entre Lancelot Sauuage Escuyer, & sa femme demandeurs d'une part, & maître Nicole Filete, defendeur d'autre. Et encores la prohibition dessusdite est si rigoureusement gardée, que si le don mutuel faict entre gens mariez, qui est le seul moyen par lequel ils se peuuent aduantager l'un l'autre, n'est en tout & par tout esgal, & aussi aduantageux d'une part que d'autre, & y ait de l'un des costez plus d'aduantage & de profit, que de l'autre, ledit don mutuel est nul & sans effect, ainsi qu'il a esté iugé par arrest donné entre Marie Parfait vefue de feu Pierre Poulain, marchand bourgeois de Paris, le septiesme Mars mil cinq cens septante trois, par lequel elle fut deboutée de son don mutuel, & deliurance d'iceluy par elle requise, & condamnée rendre tout ce qu'elle auoit receu en vertu d'iceluy. D'autant que suiuant ce que par contract de mariage auoit esté accordé entr'eux, si ledit Poulain eust suruescu, il n'eust en vertu du don mutuel, iouy sa vie durant, sinon de la somme de trois mil liures tournois, que ladite Parfait luy auoit portez en mariage: Au contraire, en vertu du mesme don mutuel, ladite Parfait suruiuant deuoit iouyr de plus de deux mil liures de rente, sans les me-

315

Comme

l'homme & la femme mariez par la disposition de droit peuuent donner l'un à l'autre.

316

Don mutuel faict entre l'homme & la femme mariez doit estre en tout esgal.

bles & marchandises, montans à grande somme de deniers, qui estoit vne inegalité euidente.

317
La femme
qui n'a en-
fant peut
donner aux
enfants du
premier ma-
riage de son
mary, & à
conuerso.

Nonobstant ce qui a esté cy-dessus deduit, & que les cōioints par mariage ne se puissent aduātager l'un l'autre, par donation faicte entre vifs, par testamēt, ou autrement, directement ou indirectement: Toutesfois si la femme mariée n'a aucuns enfans, elle peut dōner entre vifs, ou par testament leguer aux enfans du premier mariage de son mary, ou le mary n'ayant point d'enfans, aux enfans du premier mariage de sa femme: & telles donations sont bonnes & valables. Et ainsi se doit entendre le 383. article de la nouuelle Coustume de Paris, lequel estant obscurément couché, par escrit a esté interpreté & déclaré par arrest de la Cour donné le 4. Iuillet, 1587. entre Iulian Cingot & sa femme demandeurs d'une part, & Maistre Iean de Buron, & autres defendeurs d'autre. Et par le dit arrest ordonné que les conioints ne pourront donner aux enfans l'un de l'autre, au cas qu'ils ayent enfant de leur mariage, ou que le donnant en ait d'autre mariage precedent. Et où le dit donnant n'auroit aucuns enfans, vaudra la donation faicte aux enfans de l'autre desdits conioints. Et porte l'arrest qu'il sera leu & publié au Chastelet de Paris, à iours de plaid l'audience tenant. Le semblable a esté iugé par arrest donné en plaidoyrie le 13. Iuin 1589. pour le fils de Claude de Raguy marchand demeurant à Paris; auquel la femme dudit Raguy, par son testament, auoit legué tous ses biens meubles, acquests & conquests immeubles. Il y a semblable arrest recité par Deluc, *in titulo de legatis & mort. ca. don.* arrest premier: conformément à la disposition de droict, *in l. vitricus. l. 3. §. sed & si. ff. de don. int. vir. & ux. l. fin. ff. de his quib. ut ind.* Et en telles donations on considere, si les donataires *mereri potuerunt aut non*, s'ils ont faict & peu faire quelques plaisirs ou seruices au donateur ou donatrice. Aussi est bon mettre, que si les donataires decedent sans enfans, les biens donnez retourneront aux heritiers du donnant, sans que le pere ou la mere desdits enfans puissent succeder és choses données ou leguées. Encores toutesfois que ce ne seroit interest apparent ny receuable, de dire que le pere peust estre heritier de son fils, auquel on a donné. *l. post emancipationem. §. l. ff. de lib. leg. Cum parentes non succedant liberis, nisi mortalitatis ordine turbato; & tristem euentum aduersamque fortunam spectare & ominari portentosum sit. l. inter stipulantem §. sacram. de ver. obl.*

318
Vngendre
peut leguer
à sa belle
mere ayant
plusieurs en-
fans.

Et suiuant les raisons des arrests cy-dessus recitez a esté iugé à l'audience le Ieudy 19. Septembre, 1591. Qu'un gendre peut leguer à sa belle-mere. De faict vn nommé Malingre bourgeois de Paris, aagé de quarante-cinq ans, ayant espousé la fille de defunct Gautier viuant Procureur en Parlement, n'ayant point d'enfans, pour ayder à viure à sa belle-mere aagée de 60. ans, chargée de sept enfans, les maisons de laquelle sises és fauxbourgs, près la porte S. Michel, auoient esté demolies: pour les causes susdites portées par son testament, auoit legué à sadite belle-mere tous ses meubles en propriété valans vingt escus, & l'usufruit de ses conquests immeubles valans trois cens escus: Apres que ladite belle-mere a iudiciairement affermé, n'auoir promis rendre aucune chose à sa

filles, de ce qui luy auoit esté legué par le defunct: & que Messieurs les Gens du Roy ont remonstré les arrests dessusdits, & que la Coustume portant prohibition à l'homme & à la femme conioints par mariage, de donner l'un à l'autre, estoit de droit estroit, & ne se deuoit estendre: La Cour a ordonné que ladite belle-mere aura deliurance du legs à elle fait, sans tirer à conséquence en autres causes. Encores que ledit Malingre, quatre ou cinq ans auparauant son decez, eust déclaré pardeuant Notaires, qu'il n'entendoit qu'aucuns contractz qu'il fist aux parens de sa femme fussent valables, & que s'il en faisoit aucuns, ce seroit pour viure en paix. Mais on dit que contractz & testamens sont diuers, & qu'on ne peut restreindre la derniere volonté.

Comme on a cy-deuant doubté, si la femme mariée n'ayant point d'enfans, pouuoit donner ou bien leguer aux enfans de son second mary, attendu qu'elle ne pouuoit donner ny leguer à son mary: aussi on a reuocqué en doute & demandé, Si vn testateur peut leguer aux enfans de l'un de ses heritiers, attendu qu'il ne peut leguer à l'un de ses heritiers. D'autant que par l'article trois cens de la nouvelle Coustume de Paris, est porté, Qu'aucun ne peut estre heritier & legataire l'un defunct ensemble. Laquelle Coustume est generale, & a lieu tant en ligne directe, que collaterale. *Ratio dubitandi* est que le pere & les enfans sont censez mesme personne: tellement que le pere est représenté par ses enfans. En ce faisant quand vn testateur legue à des enfans, est autant que s'il leguoit à leur pere: voire mesmes vn pere aime autant qu'on donne ou legue à ses enfans, qu'à luy-mesme. A ce propos, par la Coust. de la Rochelle estant porté, qu'on ne peut donner à son heritier presomptif de ses propres, & vn testateur qui pour heritiers delaissoit ses freres, ayant par testamēt donné aux enfans de l'un de ses freres, qui estoit heritier cōme les autres, le legs fut déclaré nul par arrest donné en plaidoyrie le leudy 5. Mars, 1586. Et par ladite Coust. de Paris il est certain, qu'un testateur ne peut donner ny leguer aux enfans de son heritier en ligne directe, qui sont les petits enfans du testateur: en sorte que par le 306. art. de ladite Coustume, ce qui a esté donné aux enfans de ceux qui sont heritiers, & viennent à la succession de leur pere, mere, ou autre ascendant, est subiect à rapport, ou à moins prendre. Et la raison cydessus alleguée semble militer & auoir lieu, tant aux enfans de l'un des heritiers en ligne collaterale, qu'és enfans d'un des heritiers en ligne directe. Neantmoins il faut maintenir qu'on peut leguer aux enfans de l'un des heritiers en ligne collaterale. Tellement que si vn homme delaisse ses freres & sœurs pour heritiers, il peut par testament leguer aux enfans de l'un de ses freres, encores qu'il soit heritier avec les autres. La raison est, que la Coust. de Paris ne l'a point prohibé sinon en ligne directe, & ce encores seulement par le moyen d'un rapport, que ladite Coust. a chargé le pere des enfans legataires, de faire à ses freres & sœurs ses coheritiers, de ce qui auroit esté donné ou legué à ses enfans: lequel rapport n'a lieu entre les heritiers collateraux. Partant on doit suiure la disposition de droit commun, par laquelle on peut leguer aux enfans de l'un de ses heritiers, mesme preleguer à ses heritiers. *l. i. C. si cert. pet.* Aussi par l'art. 301. de ladite

319

Raisons pour lesquelles vn testateur peut vraysemblablement leguer aux enfans de l'un de ses heritiers.

320

En ligne collaterale on peut leguer aux enfans de l'un de ses heritiers.

Customes on peut estre donataire entre vifs & heritier en ligne collaterale d'un defunct, ce qui ne peut estre en ligne directe. Ioint que si on peut leguer à un estrange, à plus forte raison il doit estre permis de leguer à ses nepueux, enfans de ses freres & sœurs. De faict, vne femme delaisant pour heritiers *ab intestat* ses freres & sœurs, & par testament ayant legué mil liures tournois, pour vne fois payer, aux petis enfans de l'un de ses freres, & à la charge que les pere & mere desdits petis enfans, qui estoient nepueux de la defuncte, iouyroient de ladite somme de mil liures tournois, sans en faire aucun profit, iusques à ce que lesdits petis enfans fussent mariez; ledit legs fut déclaré bon & valable par sentence du Preuost de Paris, confirmée par arrest donné en plaidoyrie le Lundy 12. Iuin 1589. Aussi par autre arrest donné en plaidoyrie le 15. Septembre, 1592. un legs de cinquante escus faict par la testatrice à chacun des enfans de sa sœur, son heritiere pour moitié, avec les enfans de son frere predecedé, fut déclaré bon & valable. Ainsi a esté iugé par sentence donnée au Chastelet de Paris, au commencement du mois de Iuin, 1593. entre Iacques Brodier & Raoulin Amoy demandeurs d'une part, & Claude Charreau & consors defendeurs, d'autre. Toutesfois aucuns en ont fait difficulté, parce que par la Coustume de Paris, il n'est pas loisible de leguer, ou bien preleguer à l'un de ses heritiers collateraux, comme il est permis par la disposition de droit. Et leguer à l'enfant du pere heritier collateral en partie d'un defunct, c'est taiblement leguer au pere heritier du defunct: comme le pere & l'enfant estans censez mesme personne. *§. ei vera. Instit. de inut. stip. l. ult. C. de imp. & al. subst.* Ce qui seroit vray, si la puissance paternelle estoit receüe en la Coustume de Paris. Pour à quoy obuier, sera bon mettre au testament que si l'enfant legataire decede sans enfans, la chose donnée retournera à ses freres & sœurs, ou bien aux heritiers du testateur, sans que le pere heritier en partie du defunct puisse aucunement succeder à la chose donnée. Aussi sera bon que le pere heritier en partie du defunct declare en iugement, ou pardevant Notaires, qu'il n'entend aucunement succeder à la chose donnée à son enfant, & qu'il renonce à tout le droict qui luy pourroit appartenir en icelle, par le trespas de son enfant, & qu'il entéd que son enfant en iouisse en plein droict de propriété, comme de chose à luy vraiment appartenante. Et ainsi se pratique ordinairement au Chastelet de Paris.

321
On ne peut
leguer au
beau-pere
ou belle-mere
de son frere
seul heritier
dudit
beau-pere,
ou belle-mere.

322
On ne peut
leguer à la
femme du

Toutesfois si un homme qui auroit laissé pour heritiers *ab intestat* ses freres & sœurs, auoit legué quelque rente, heritage ou somme de deniers au beau-pere ou belle-mere de l'un de ses freres, le quel à cause de sa femme deuoit *ordine natura*, seul succeder au legataire son beau-pere ou belle-mere, tel legs seroit nul: d'autant que le profit d'iceluy, selon l'ordre de nature, retourneroit au frere presomptif heritier, à cause de sa femme, de son beau-pere ou belle-mere legataire: si ledit legs n'estoit viager, ou que le legataire fist offre d'en iouyr sa vie durant seulement, & que ledit legs eust esté faict pour bonne & iuste cause. Pareillement, si un testateur delaisant ses freres & sœurs heritiers *ab intestat*, par son testamēt legue quelque heritage, ou somme de deniers au mary de sa sœur, qui est

heritiere en partie : tel legs est reputé nul , au moyen du profit que la sœur heritiere en peut auoir. Et le semblable doit estre dit , quand le legs est faict à la femme , & que le mary est en partie heritier du testateur.

frere heritier
en partie du
testateur.

Et conuient incidemment noter, quand on dit: Qu'aucun ne peut estre heritier & legataire d'un defunct ensemble , cela s'entend des heritages fiz & situez *in eadem prouincia*, c'est à dire en mesme Coustume. Mais quand il y a des heritages assis *in diuersis prouinciis*, en diuerses Coustumes: comme quand vn homme demeurant à Paris, a des heritages assis en la Coustume de Paris, & des heritages situez en pays de Droit escrit, ou bien en Coustume en laquelle en ligne collaterale on peut estre heritier & legataire, celuy qui est demeurant audit Paris, peut leguer à l'un de ses freres, encores qu'il soit son heritier en partie, les heritages qu'il a assis en pays de Droit escrit, ou bien en la Coustume en laquelle on peut estre heritier & legataire d'un defunct ensemble. Et par ce moyen ledit frere sera en partie heritier du defunct, & legataire d'iceluy : d'autant que les heritages se reglent suiuant la Coustume , au dedans de laquelle ils sont assis.

323
On peut
estre heritier
& legataire
d'un defunct
en diuerses
Coustumes.

Aussi il conuient noter, combien qu'il ait esté dit cy-dessus, que l'homme & la femme mariez ne peuuent, pendant leur mariage, aduantager l'un l'autre par donation faicte entre vifs, par testament, ou autrement, directement ou indirectement: Toutesfois par leur contract de mariage ils peuuent donner l'un à l'autre, & faire l'un à l'autre tels aduantages que bon leur semble: soit que la donation soit reciproque, ou en faueur de l'un des futurs mariez seulement. *Nulla enim lege prohibitum est vniuersa bona in dotem marito fœminam dare, etiam cum pacto lucranda dotis. l. nulla lege. C. de in. dot. l. mulier bona sua omnia. ff. eo. l. unica. C. si aduersus dotem.* Et en traicté de mariage on peut apposer telles conditions, conuentions, donations, pactions, & autres contracts que bon semble: *l. legem quam dixisti, cum dotem pro alumna dares, seruari oportet. C. de pact.* Mesmes les futurs conioints peuuent conuenir, que le suruiuant sera heritier du predecédé, en tous les biens qui luy appartiendront au iour de son decez: comme dit *Masuerius in sua Praxi, tit. de societ. §. 7.* comme nous auons amplement deduit au 21. chapitre du droit d'Aubcine. Mais quand en ceste donation generale & vniuerselle de tous biens qui appartiendront au premier mourant au iour de son trespas, les heritages propres du donnant sont compris, on a accoustumé de reduire ceste donation aux meubles, acquets & conquests immeubles, & au quint des propres du donnant. D'autant que l'effect & execution de telle donation est conferé apres le trespas du donnant, lequel ne se desfaist aucunement, ains a la libre disposition de tous les biens donnez, & n'y a aucune translation de propriété des heritages ou meubles, qui lors leur appartiennent; mais seulement de ceux qui appartiendront au premourant, lors de son trespas. En sorte que telle donation est censée plustost pour cause de mort qu'entre vifs: & ainsi a esté iugé par arrest de la Cour. *Secus dicendum*, si la donation estoit de tous les biens qui appartiennent ou appartiendront.

324
Par contract
de mariage
les futurs
conioints
peuuent don-
ner l'un à
l'autre tous
leurs biens.

Aussi quand aucun est institué heritier par contract de mariage, ou par

325
L'institu-
tion d'heri-
tier comme
se pratique
au pays Cou-
stumier de
France.

autre contract, ou bien par testament, telle institution d'heritier ne vaut directement, mais obliquement. En sorte que l'heritier institué, non comme heritier, mais comme donataire, pour cause de mort, ou bien comme legataire, aura les biens, desquels le donateur ou testateur pou-
uoit par la Coustume disposer par donation faicte pour cause de mort, ou par testament : Qui sont les meubles, acquests & conquests immeubles, & quint des heritages propres, les autres quatre quintes demeurans aux vrayz & naturels heritiers du donatur ou testateur. Et ce *ut mens donato-
ris vel testatoris seruetur, qui donare causamortis vel legare voluit* : Suiuant le deux cens nonante & neuuesiesme article de la nouuelle Coustume de Paris, & la loy *Scauola. ff. ad Trebell. l. ubi ita donatur. ff. de don. cau. mor. l. si tibi. in fine. ff. si cert. pet.* Et ledit heritier institué, qui n'est que sim-
ple donataire pour cause de mort, ou simple legataire, n'est pas saisi par la Coustume : ains doit demander deliurance de son don ou legs, au vray & naturel heritier du defunct donateur, ou testateur. Pareillement tous donataires pour cause de mort, ou legataires, tant vniuersels que particu-
liers, sont tenus demander deliurance à l'heritier des choses à eux données ou leguées, comme il a esté dit au huitiesme chapitre du present Trai-
té, nombres quatorze, quinze & seizesiesme. Mesmes les substituez & fideicommissaires vniuersels, ausquels, apres le trespas del'heritier institué, doiuent estre restituez tous les biens d'une succession, ne peu-
uent, apres le trespas dudit heritier, s'emparer & se saisir desdits biens, ains doiuent demander deliurance d'iceux, & faire adiourner l'heritier du defunct heritier institué : A ce que la substitution soit declarée ouuerte, & condamné faire deliurance au demandeur, & le laisser paisiblement iouyr de tous les biens, tant meubles qu'immeubles, estans de la succes-
sion de defunct tel, & qui appartenoint à iceluy defunct au iour de son trespas, si lesdits meubles sont en nature, & non deteriorez : sinon payer la iuste valeur & estimation d'iceux : Et rendre les fruiets des heritages & arrerages des rentes escheuz depuis le trespas dudit defunct heritier insti-
tué : avec toutes les debtes actiues, lettres, tiltres & enseignemens con-
cernans les heritages & biens demeurez par le trespas dudit defunct tel, contenus en l'inventaire faict apres son decez : Et à faute de ce faire, con-
damné és dommages & interests, & és despens de l'instance. Et la Cour prononçant sur vne substitution, dit : Qu'elle a déclaré la substitution faicte à tel, par le testament de tel, ouuerte au profit de tels : ausquels elle a
adiugé & adiuage tous & chacuns les biens qui ont appartenu à iceluy de-
funct, tant meubles qu'immeubles, & autres de quelque qualité & con-
dition qu'ils soient : ensemble les fruiets prouenus d'iceux, depuis le de-
cez dudit defunct, & sans despens.

326
Tous dona-
taires pour
cause de
mort lega-
taires, sub-
stituez, &
fideicom-
missaires
sont tenus
demander
deliurance à
l'heritier.

327
Quand il y
a du dol de
la part du
mary ou de
la femme on
peut faire
casser les do-
nations &
aduantages.

Mais il conuient entendre ce que dessus, à sçauoir que les donations faictes entre les futurs conioints, sont bonnes & valables, quand de la part du mary, ny de la part de la femme il n'y a aucun dol, fraude ou cir-
conuention. Car si le mary contre verité a donné à entendre qu'il auoit de grands biens : mesmes si son pere, ou autre parent en faueur de maria-
ge auoit promis de luy donner deux mil escus, lesquels il ait comptez &

nombrez en presenche de Notaires, & incontinent retirez: Ou bien que le mary estant veuf, ait faict mettre en son premier inuentaie plusieurs debtes actiues qui ne luy estoient deuës, ou plusieurs constitutions de rentes qui estoient racheptées: Et par ce moyen le mary ait attiré la femme majeur de vingt-cinq ans, ou les parens de la fille mineur, à luy faire des aduantages & donations, ou bien à ameublir les heritages de la future espouse: En ce cas la femme apres le trespas de son mary, ou bien ses heritiers obtiendront lettres pour faire casser lesdits aduantages, donations ou ameublissements, fondées, non seulement sur la minorité, si la femme estoit mineure, mais sur le dol *ex proposito*, fraude & circonuention du mary. Et le semblable sera faict de la part du mary, ou de ses heritiers, si la femme a usé de dol, fraude & circonuention. Et ce conformément à la disposition de droit *in l. pollicitatione. C. de don. ante nupt. l. si circumscripta. C. sol. matr. l. cum te fundum. C. de pact. int. emp. & ven. l. cum proponas. in fine. C. de pact.* De ce on allegue vn arrest donné en l'an mil cinq cens quarante huiet, contre vn nommé de Cuulier, lequel auoit enflé son premier inuentaie, pour estre plus richement marié. Ce que dessus fut plaidé en la Cour le Mardy 16. Iuillet 1591. pour vne femme laquelle auoit obtenu lettres pour estre restituée de ce que son tuteur ayant baillé en mariage treize mil liures tournois, n'auoit stipulé r'employ d'vn tiers en propre, & qu'elle peust renoncer à la communauté, en ce faisant, reprendre franchement ce qu'elle auoit apporté en mariage: Et ledit tuteur auoit seulement stipulé r'employ des heritages propres, en cas d'alienation d'iceux, avec vnze cens escus de doiaire, & deux cens escus de preciput pour les habits, bagues & ioyaux. Lesdites lettres estoient fondées sur la minorité, sur la lesion, parce que le mary n'auoit biens comme elle, & n'auoit rien apporté en la communauté, & sur le dol *ex proposito*, & la circonuention du mary, la mere duquel luy ayant promis mil escus en mariage, & iceux payez, les auoit incontinent retirez, ainsi que le mary auoit déclaré par son testament. Mais on disoit que ceste declaration auoit esté pratiquée par la femme, afin de se faire aduantager par son mary, & vexer les heritiers dudit mary: Que la minorité n'estoit aucunement considerable, *quia minor non restituitur, quando iure communi usus est*: Que au tuteur il n'y auoit aucun dol: Et que la Coustume n'auraint point le mary à faire employ en propre du tiers des deniers de sa femme. Pareillement la Coustume ne permet point à la femme de renoncer à la communauté, & franchement & quittement reprendre les deniers comptans qu'elle a apportez, lesquels sont entrez & noyez en la communauté. En sorte que le tuteur n'ayant faict aucun ameublissement des heritages de la femme mineure, & ayant consenty que les deniers comptans & debtes actiues entrassent en la communauté, il n'a faict, sinon ce que la Coustume & la loy municipale du pays veut & ordonne: *& sic iure communi usus est*, partant n'y a lieu de restitution. *l. in causa. 2. ff. de minorib.* Ioint que pour estre releué d'vn contract de societé faicte & accordée par mariage, on considere le commencement d'icelle, & non l'issuë & euement. Et tout ainsi que la femme eult

328

Vne femme
obtient let-
tres pour
estre resti-
tuée contre
son contract
de mariage
& conuen-
tions obmi-
ses en iceluy.

pris la moitié du profit & emolument de la société, si elle fust venue à bon port, & eust esté augmentée: aussi elle doit prendre le peril & dommage d'icelle. D'ailleurs que les marchands ne permettent ordinairement que leurs femmes puissent franchement renoncer apres leur deceds à la communauté, & reprendre les deniers qu'elles ont apportez: d'autant que leurs biens, pour la pluspart, consistent en meubles, comme marchandises & debtes mobilières, que lesdites femmes pourroient aisément cacher & latiter. En fin la Cour appointa les parties au Conseil, & cependant ordonna que la femme iouyroit de son douaire & preciput, à la caution portée par la Coustume. Depuis la cause fut iugée, & la femme obtint arrest à son profit, contre l'opinion de plusieurs. Et faut entendre ce qui a esté dit des donations faictes entre les futurs mariez, quand le mariage s'est ensuiuy, & que la volonté des contractans a perseveré iusques à la fin. Car il est certain, & faut remarquer que les contracts & conventions matrimoniales n'obligent pas necessairement l'un l'autre à parfaire le mariage: tellement que tels peuvent estre accordez & fiancez, qui ne parviennent pas tousiours au mariage. De faict par la disposition civile *alij desponsata renunciare conditioni potest, & alij nubere non prohibetur. Imò licet pœnitere*, comme dit la loy premiere, *Cod. despons. & arrhis*: pource que *periculosum esset ducere eam quam quis odio habet. Cod. 2. despons. & matrim. extra.* Et partant celuy qui a passé contract de mariage, ne peut sinon perdre les arhes qu'il a baillées, ou bien rendre celles qu'il a receuës, avec autant qu'elles peuvent valoir, ou bien le quadruple, s'il estoit ainsi conuenu. Toutesfois il faut noter, que *non potest alia pœna adici*, suiuant la disposition de la loy *fin. C. despons. & arrh.* Et de faict, si au contract de mariage les contractans, ou bien leurs peres & meres ont conuenu de quelque peine pecuniaire, contre celuy qui ne voudroit paracheuer le mariage; ceste peine ne se peut aucunement demander, *quia libera debent esse matrimonia, nec vinculo pœna astringi possunt*, comme dit le Iuriconsulte *in l. Titia. ff. de ver. obl. l. 2. C. de inut. stip. C. gemina. & C. requisit. de spons. & matr. extra. Premio allici possumus ad matrimonia, non ab eis pœna deterri: & certa lege inuitari possumus ad matrimonium; libertas autem eligendi matrimonij pœna metu auferri non debet.* Tellement que si ie legue cent escus à Titius, s'il espouse ma niepce: le legs est bon, & les cent escus luy seront payez, s'il espouse ma niepce: Mais si ie luy legue cent escus, au cas qu'il n'espouse ma niepce; encores qu'il ne l'espouse point, il n'aura pas les cent escus, *l. Titio centum. §. 1. ff. de cond. & dem. l. legatum. C. de cond. inser.* Et à ce propos le Seigneur Destoges en vn contract de mariage par luy passé, ayant apposé peine de quinze mil escus, au cas que le mariage ne s'ensuiuit, la peine a esté déclarée nulle, & luy neantmoins condamné es frais faicts, à cause dudit contract: comme il a esté plusieurs fois allegué en la Cour. Et le 21. May 1577. fut plaidé & appointé au Conseil: Sçauoir si vne mere, laquelle du consentement de son fils auoit passé contract & promesse de mariage avec le pere d'une fille encores impubere; & par contract estant porté, que si son fils ne vouloit espouser ladite fille, qu'elle luy donnoit la somme de huit cens escus, &

329
On ne peut
adionster
peine à un
contract de
mariage.

le don

le don estant repeté & confirmé par son testament : la mere estant decedée, & le fils ne voulant contracter mariage avec la fille : Tant le fils que les autres enfans & heritiers de la mere, estans poursuiuis pour la deliurance du legs, & payement de ladite somme de huit cens escus, ils soustindrent le legs nul, comme contenant peine opposée à la perfection du mariage. Partant faut aduiser comme tels legs se feront, & qu'ils ne soient en forme de peine.

Aussi le premier Mars 1593. vn pere ayant passé contract de mariage de sa fille presente & consentante : depuis sa fille, encores qu'elle eust esté fiancée, n'ayant voulu paracheuer le mariage, parce qu'elle disoit que le ieune homme ne luy portoit bonne affection, & qu'il se vantoit qu'il trouuoit beaucoup de partis plus aduantageux ; les fiançailles estans dissolues par sentence du Iuge d'Eglise, le pere qui auoit promis en mariage à sa fille la somme de six cens escus, estant condamné par sentence du Bailly d'Eu, à accomplir & faire accomplir le contenu au contract de mariage dedans deux mois : & à faute de ce faire, condamné es despens, dommages & interets du ieune homme : Le pere ayant appelé ; pour cause d'appel allegué que les dommages & interets demandez par le ieune homme tenoient lieu de peine, reprouuée en mariage, comme il a esté dit cy-dessus : Que *factum alienum promiserat*, & n'estoit raisonnable de contraindre sa fille à prendre vn mary contre sa volonté : Que le ieune homme n'auoit fait aucuns frais, ny de fiançailles, ny en bagues : Aussi que le pere au moyen de la calamité du temps n'eust peu fournir les six cens escus par luy promis. La Cour, en emendant la sentence donnée par le Bailly d'Eu, mit les parties hors de cour & de proces. Toutesfois si deux maieurs ont passé contract de mariage, & promis se prendre l'un l'autre en mariage ; ou bien si le contract de mariage est passé avec vne fille mineure, avec l'autorité de son pere, les parties contractantes se peuuent poursuiure l'un l'autre pardeuant le Iuge d'Eglise *super facere matrimonij*, lequel les condamnera à celebrer le mariage ; mesmes la fille mineure, si on n'allegue cause d'empeschement legitime : & pour ce regard il faut poursuiure la fille pardeuant le Iuge d'Eglise, non pas le pere. Et si de crainte de mauuais mesnage, ou autrement, les conuentions matrimoniales sont dissolues par l'Official, on poursuit la partie contreuenante pardeuant le Iuge lay, à ce qu'il soit condamné en tous despens, dommages & interets, mesmes le pere de la fille mineure, s'il est en quelque dol, fraude, ou coulpe. Et ceste demande de dommages & interets se pourra intenter pardeuant le Iuge lay ; encores que la femme qui estoit poursuiue pardeuant le Iuge d'Eglise, afin de celebrer le mariage, & qui pour l'empescher auoit mis plusieurs faits en auant, soit decedée pendant le proces, ou bien apres la sentence contr'elle donnée, de laquelle y auoit appel deuolu au superieur : ainsi qu'il a esté aduisé par les anciens Aduocats de la Cour. Et afin de condamnation de dommages & interets, on fera adiourner les heritiers de la defuncte pardeuant le Iuge lay ; lesquels se pourront ayder pour defense des moyens alleguez & iustifiez pardeuant le Iuge d'Eglise, ou bien offriront reprendre le proces

330
Vn pere absout des dommages & interets contre luy requis, à faute d'accomplissement du mariage de sa fille.

331
Comme on fait poursuite pardeuant le Iuge d'Eglise, afin de paracheuer le mariage promis.

332
Pardeuant le Iuge lay on demande dommages & interets contre celui qui n'a voulu paracheuer le mariage.

333
La prohibi-
tion de se
marier fai-
cte par le te-
stateur n'est
valable, &
on s'y a
point d'es-
gard.

pour y estre iugé & terminé. Aussi faut noter, que tout ainsi qu'on ne peut apposer peine, afin d'estre contraint de celebrer mariage avec vne certaine personne, de mesmes on ne peut imposer peine, afin qu'on ne se marie point, & qu'on se contienne en viduité & celibat. Tellement que si vn mary a donné à sa femme cent escus, ou bien vn heritage, ou bien cent liures de rente par an, à la charge qu'elle ne se remariera point, ou bien qu'elle se contiendra en viduité: & si la femme a faict le pareil enuers son mary, ou bien autre testateur ait faict le semblable: Nonobstant ceste prohibition la femme se remariant, ou le mary conuolant en secondes nopces, iouyra du legs à luy faict, *quia viduitas indici siue iniungi non potest. Publicè enim interest Rempublicam multis hominibus legitime progenitis augeri. l. ambiguitates. & l. fin. C. de ind. vid. toll. l. sed si hoc. §. fin. & l. cum ita legatum. & l. hoc modo. ff. de cond. & dem.* Lesquelles loix nous gardons en France, non seulement pour les premieres nopces, ce qui est sans doute: mais aussi pour les secondes, suiuant le conseil de l'Apostre, & non l'authentique *cum relictum. C. eo. de ind. vid. toll.* Partant par testament il ne faut pas donner à l'homme ou à la femme, au cas qu'elle ne se remarie point, ou si elle ne se remarie point: Mais il luy faut donner purement & simplement vn heritage, ou cent liures de rente par an, pour la nourrir & entretenir pendant qu'elle sera en viduité: tellement que conuolant en secondes nopces, elle ne iouyra plus du legs à elle faict. Et ce suiuant l'opinion de la Glose & de Bartole *in d. l. fin. C. de ind. vid. toll.* Et combien que le testateur ne puisse generalement prohiber à vn homme ou à vne femme de se marier: toutesfois il peut valablement prohiber que l'homme ou bien la femme ne se marie à certaines personnes qu'il denommerra. Et si contre la prohibition la femme contracte mariage avec aucun d'eux, elle sera priuée du legs à elle faict. *d. l. cum ita legatum. ff. de cond. & demonst.*

334
Comme les
bagues &
ioyaux don-
nez pendāt
les fiançail-
les se doi-
uent rendre
& restituer.

Ayant esté dit cy-dessus, que les donations faictes par contract de mariage n'ont point d'effect, si le mariage ne s'est ensuiuy: On a demandé si pareillement les anneaux, bagues, ioyaux & habits donnez par le fiancé à la fiancée, ou bien par la fiancée au fiancé, doiuent estre entierement rendus, lors que le mariage ne s'est point ensuiuy: *& an condici poterunt, tanquam ob spem siue causam matrimonij data sint, & causa secuta non sit:* ou bien s'ils doiuent entierement demeurer à celuy ou celle, auquel ou à laquelle ils ont esté donnez, encores que le donateur soit decedé, suiuant la loy *si filia,* & la *l. si tibi. Cod. de don. ante nup.* Il semble suiuant la loy, *cum veterū. C. ex.* qu'il faut regarder, lequel a donné empeschement à la perfection & consommation du mariage. Si c'est le donateur, soit l'homme ou la femme, il ne peut aucunement repeter ce qu'il a donné, mais tout demeure au donataire: si c'est le donataire, il faut qu'il rende tout ce qui luy a esté donné. De faict, par arrest donné en plaidoyrie le 3. Decembre 1571. vn ieune homme, n'ayant voulu consommer le mariage par luy promis, fut debouté de la restitution des bagues qu'il auoit données à son accordée, condamné es dommages & interets liquidez à quatre vingts liures parisis. Ce qui se doit entendre, quand iniustement & contre raison, il a empesché le

mariage. Si de la part de l'un ou de l'autre des parties n'y a eu de leur vivant aucun empeschement, mais le donateur soit decedé pendant les fiançailles : ou bien si le mariage n'a peu estre paracheué par quelque parenté ou affinité, qui estoit incogneüe lors du contract de mariage, laquelle depuis a esté descouverte : Aucuns sont d'aduis, sans auoir elgard à la distinction portée par la loy, *si à sponso. Cod. eo. de osculo interueniente vel non*, que le decez aduenü du donateur, le donataire est tenu rendre tout ce qu'il a receu : suiuant la reigle commune & generale, *Quod ob causam datum est, si causa secuta non sit, condictione ob causam repeti potest*. Les autres sont d'aduis qu'il est raisonnable de laisser au donataire quelque bague ou anneau, selon la qualité des personnes, pour memoire du defunct & souuenance de l'amitié. Les autres sont d'aduis, suiuant ladite loy, *si à sponso*, que la moitié des choses données doit demeurer au donataire, & l'autre moitié estre restituée ; soit que l'homme soit decedé, ou la femme soit allée de vie à trespas, & que *osculum semper interuenisse præsuntur*, si depuis le contract de mariage ils se sont hantez l'un l'autre. Et ce que dessus est fort arbitraire, tellement qu'il faut considerer la qualité des parties, le long-temps qu'ils ont esté accordez ou fiancez, & la cause de la dissolution des conuentions matrimoniales : toutesfois on suit plus communément la seconde opinion.

[Au proces d'entre Boulanger, Collombeau, Piart ; & Regnard, au rapport de Monsieur Ribier en la cinquiesme des Enquestes, l'on a demandé si ce que defunct Collombeau auoit donné à Boulanger sa fiancée, en bagues & habits nuptiaux, *contemplatione futurarum nuptiarum*, qui n'auoient peu s'accomplir, pour auoir peu apres les fiançailles ledit Collombeau esté tué en la ville d'Orleans, le prix desdites bagues & habits estant encores deu chez les marchands de draps de soye & Orfeures, se pouuoit demander par les heritiers du fiancé : disant ladite Boulanger que *per eam non steterat*, que le cas fortuit aduenü par le decez dudit fiancé y auoit mis l'empeschement, qui est vne fallence de Ioannes Faber rapportée à la *l. cum veterum. C. de donat. ante nup.* Qu'en tout cas ladite Boulanger en deuoit auoir la moitié, pour les baisers qu'elle auoit donnez audit fiancé : *l. si à sponso. C. de donat. ante nup. quasi delibata fuisset pudicitia*. Iugé neantmoins que le prix desdites bagues & habits se deuoit rendre par ladite Boulanger, & que l'on ne gardoit en France la disposition de la loy, *si à sponso. vide Glos. in reg. cum non stat. in fi. de reg. iuris. in 6.* Monsieur Loüet en ses arrestz. Semblable arrest donné en la Chambre de l'Edict le 14. Aueil 1601. N. B.]

D'auantage ce qui a esté dit cy-dessus, que l'homme & la femme, par leur contract de mariage peuuent faire donations l'un à l'autre, ou pures & simples, ou reciproques, se doit entendre quand l'homme & la femme qui passent contract de mariage, n'auoient point esté mariez, ou bien n'auoient aucuns enfans de leurs mariages precedens. Car par le deux cens septième & neuf article de la nouvelle Coustume de Paris: Si la femme qui conuole en secondes ou en tierces nopces, a enfans, elle ne peut aduantage son second ou autre subsequant mary de ses propres & acquests plus que

Ce qui est donné par le fiancé, s'il se doit rendre le mariage ne s'estant ensuiuy.

315
La femme ayant enfans ne peut donner à son second mary d'auantage que l'un de ses enfans amendera d'elle, & est déclaré l'E.

dict des se-
condes nop-
ces.

336
L'Edict des
secondes
noces a lieu
pour le re-
gard des
hommes
veufs, & en
toutes sortes
de dona-
tions.

337
L'Edict des
secondes
noces n'a
esté obserué
que pour
l'aduenir &
non pour le
passé.

338
Comme se
pratique
l'Edict des
secondes
noces, &
que le dona-
taire tient
lieu d'un
heritier.

l'un de ses enfans. Et quant aux conquests faicts avec ses precedens ma-
ris, n'en peut disposer aucunement, au preiudice des portions, dont les
enfans desdits premiers mariages pourroient amēder. Laquelle Coustu-
me est fondée, tant en la loy, *hac edictali. C. de sec. nup.* qu'en l'Ordonnan-
ce faicte sur les secondes nopces, verifiée en la Cour le 5. Aoust 1560. Et
lesdites Ordonnance & nouvelle Coustume ont esté trouuées si iustes,
equitables, & raisonnables, que par deux arrests solemnellement pro-
noncez les 16. May 1578. & 23. May 1586. a esté iugé que ladite Or-
donnance, & le premier chef dudit article de Coustume ont lieu, non
seulement és femmes vefues qui se remariant, mais aussi és hommes
veufs, qui conuolent à secondes nopces; encores que lesdites Ordonnance
& Coustume ne facent mention que des femmes: Et ce pour l'identité
de raison. Pareillement par lesdits arrests a esté iugé qu'elles ont lieu, tant
és donations mutuelles & reciproques, que simples, & és donations en-
tre vifs ou testamentaires. Aussi qu'elles ont lieu, tant pour la propriété
des choses données que pour l'usufruit d'icelles, soient meubles, ac-
quests ou conquests immeubles, ou propres heritages du donnant. Mais
lesdites Ordonnance & Coustume n'ont effect retroactif: en sorte que
l'Ordonnance n'a esté obseruée au pays coustumier de France, mesme
en la Coustume de Paris, sinon pour les contracts de mariage qui ont
esté passez depuis le iour que ladite Ordonnance a esté publiée en la
Cour de Parlement de Paris, qui fut le 5. Aoust, 1560. & non pour le
temps precedent. Semblablement la disposition de la nouvelle Coustu-
me de Paris cy-dessus recitée, n'a esté obseruée, sinon pour les contracts
de mariage, qui ont esté passez depuis que ladite Coustume a esté redi-
gée par escrit & arrestée, qui fut le 4. Mars 1580. Comme ayant tant
ladite Ordonnance que Coustume donné *formam futuris negotiis, &*
non prateritis. De faict, auparauant l'Edict fait sur les secondes nopces, la
disposition de la loy *hac edictali*, n'estoit gardée au pays Coustumier de
France: Aussi le proces verbal de la nouvelle Coustume de Paris porte,
que l'article cy-dessus recité a esté de l'aduis de toute l'assistance, ac-
cordé pour nouvelle Coustume. Et depuis ceste Ordonnance & nouvel-
le Coustume on a tenu que le second mary ne peut estre aduantage par
sa femme qui a enfant, soit par donations portées par son contract de ma-
riage, ou autrement, plus auant, que l'un des enfans de ladite femme
peut amender de sa mere. Pareillement la seconde femme ne peut estre
aduantagee par son second mary, par donations portées par son con-
tract de mariage, ou autrement, plus que l'un des enfans dudit second
mary peut amender de son pere. En ce faisant si l'heritier de la femme
donatrice ne veut satisfaire & fournir à la donation faicte au second ma-
ry, laquelle contenoit ameublissement de tous les heritages propres &
acquests de la donnante, ou donation de deux cens liures de rente à per-
petuité, ou de deux mil escus pour vne fois payer, ou autre semblable ad-
uantage; le second mary donataire, tiendra lieu d'heritier avec les enfans de
la donnante. S'ils sont trois enfans, le second mary tiendra lieu de quatries-
me heritier: s'ils sont quatre enfans, il tiendra lieu de cinquiesme heritier.

Pour le nombre des enfans on considere le temps de la mort du donnant.

Et pour le nombre des enfans on considere, non pas le temps du contract de mariage ; mais le temps du decez du donnant, ou bien de la dissolution du mariage. Tellement que si lors du contract de mariage il y auoit quatre enfans, & lors du decez du donnant, ou de la dissolution du mariage, il n'y a que trois enfans, le mary, ou bien la femme donataire tiendra lieu de quatriesme heritier. Si lors du contract de mariage il n'y auoit que trois enfans, & lors du decez du donnant, & dissolution du second mariage il y a six enfans, parce qu'il y en a trois du second mariage, le mary donataire, ou bien la femme donataire tiendra lieu de septiesme heritier, & aura pareil droit & semblable portio, que l'un des enfans du donnant. En ce faisant les enfans tant des premiers mariages, que du dernier font part en la donation : comme il a esté iugé par l'arrest prononcé ledit vingt-troisiesme May 1586. conformément à la disposition de droit, *in §. quia verò hætenus. de nupt. in auth. in verbis, optimum nobis visum est mortis binubi parentis obseruari tempus.* Et sera bon obtenir lettres Royaux pour casser les donations, à tout le moins les reduire à la raison susdite ; qui est à la portion de l'un des enfans du donnant ; qui sera un quart, un quint, ou autre portion des biens demeurez par le trespas du donnant, & faire offre que le donataire prenne la portion dessusdite. Et de ceste offre & reduction le pleige des conventions matrimoniales se pourra aider, encores qu'on allegue qu'il ait esté proxenete du mariage : comme il fut iugé par arrest donné en plaidoyrie le premier Aoust 1584.

340
Par l'Ed. & des secondes nopces le mary donataire prend part es conquests immeubles faits pendant les premiers mariages.

Mais on a demandé si le mary donataire tenant lieu d'heritier aura part en tous les biens tant meubles, que immeubles demeurez par le trespas de la femme donatrice. On tient que si le contract de mariage est passé depuis l'Ordonnance, & auparauant la nouvelle Coustume de Paris, le mary donataire aura pareille & semblable part, que l'un des enfans, en tous les biens demeurez par le trespas de la femme donante, soient meubles, conquests ou conquests immeubles par elle faicts tant pendant les precedens, que dernier mariage, ensemble es propres heritages de ladite femme. Et ne seront distraicts, sinon les biens acquis à la femme, par don & liberalité de ses defuncts maris ; lesquels le dernier mary, ny les enfans issus du second ou autre mariage n'auroient aucun droit ny part : ains lesdits biens seront reseruez & conseruez aux enfans venus du mariage du donateur d'iceux, & de la femme donataire : Comme desdits biens la femme conuolant en secondes nopces, ayant perdu le droit de propriété, & estant faicte simple usufructiere d'iceux. Et le semblable sera obserué pour le regard de la femme donataire de son second mary, lequel n'a peu disposer, en faueur de sa seconde femme, des biens qui luy ont esté donnez par sa premiere femme ; ains les a deu reseruer aux enfans qui sont venus de son premier mariage ; sans que sa seconde femme, ny les enfans venus des subsequens mariages y ayent eu aucun droit, part, ou portion : conformément à l'Ordonnance susdite au second chef d'icelle, & disposition de droit, *in l. fœmina. l. cum alij. l. generaliter. l. hac editali. §. his illud. Cod. de secund. nup.* Que si la femme ne fust point conuolée en secondes nopces, ny pareillement le mary donataire, chacun

341
Ce qui est donné en faueur de mariage doit estre reserué aux enfans audit mariage

342
Par la nou-
uelle Cou-
stume de
Paris le se-
cond mary
donataire
ne prend
rien és con-
quests des
premiers
mariages.

343
Les enfans
heritiers de
leur pere ne
peuvent
vendiquer
leur propre
heritage ve-
du par leur
pere.

344
L'heritier
du fideius-
seur peut
vendiquer
son heritage
propre, en
rendant le
prix &
payant do-
mmages &
interests.

d'eux auoir la libre disposition des choses qui luy auoient esté données en faueur de mariage, & n'estoit point tenu les reseruer aux enfans issus du mariage du donateur, *d. l. hac edictali. §. fin. verò.* comme il a esté dict au 15. chapitre du present Traicté. Si le contract de mariage est passé depuis la nouvelle Coustume de Paris, outre les biens venus de don & liberalité des precedens maris, seront distraits les conquests immeubles faicts par la femme donnante avec les precedens maris; esquels le secõd mary n'aura aucun droit ny portion; ains seront cõseruez à tous les enfans de la femme donnante, sans qu'elle les ait peu aliener: Ainsi qu'il est porté par ledit 279. art. de la Coustume, & qu'il sera dict cy-apres. Tellement que les enfans du premier mariage pourront vendiquer apres le trespas de leur pere, ce qui luy auoit esté donné en faueur de mariage par leur defuncte mere; & ce encores que lesdits enfans soient heritiers de leur pere. Et le semblable sera faict, de ce qui aura esté donné par le pere desdits enfans à leur mere. Mais si lesdits pere ou mere auoient disposé en faueur d'une personne estrange, par vendition, eschange, donation, legs testamentaire, ou autrement, des choses à l'un d'eux données ou leguées en faueur de mariage: on bien si la femme auoit disposé en faueur d'un estrange, de sa part des conquests faits avec son premier mary, ou de portion d'iceux: En ce cas les enfans estans heritiers simples ou de leur pere donataire, ou de leur mere pareillement donataire, ils ne pourront ny de leur chef, ny comme heritiers vendiquer les biens & heritages ainsi vendus & alienez par leur pere ou par leur mere: ny agir contre le detenteur & acquereur d'iceux, pour s'en departir, & en delaisser la possession vuide, & vague ausdits heritiers: comme ils ne pourroient vendiquer leur heritage propre vendu par leur pere, duquel ils sont heritiers simples, ou par leur mere, de laquelle ils sont pareillement heritiers, encores qu'ils offrent rendre le prix de la vendition, voire payer dommages & interests. La raison est, parce que lesdits enfans estans heritiers ne peuuent contreuenir aux faits, promesses, contracts, & obligations de leur defunct pere, ou de leur defuncte mere, qui ont vendu & disposé desdits heritages, ains sont tenus les entretenir & garder, pour telle part & portion qu'ils sont heritiers: comme censez mesme personne que le defunct, & les representans: & l'obligation du defunct vendeur desdits heritages estant transmise & transferee ausdits heritiers, chacun pour sa portion hereditaire: suivant la loy, *cum à matre. & ibi latè Baldus. C. de rei vend. l. venditrici. C. de rebus al. non alien.* & ainsi a esté aduisé par les anciens Aduocats de la Cour. Combien que par la disposition de droict commun, l'heritier d'un pleige & fideiussieur puisse en son nom & de son chef vendiquer l'heritage qui luy appartient, encores qu'il ait esté vendu par un defunct, & qu'à la garantie dudit heritage, celui, duquel le demandeur est heritier, se soit obligé comme pleige & cautiõ du vendeur: suivant la loy finale, *C. de euict.* qui est speciale en son cas. Mais le demandeur, comme heritier dudit fideiussieur, sera tenu de l'euiction: & en qualité d'heritier dudit fideiussieur sera condamné rendre le prix, voire le double du prix, s'il est ainsi conuenu, ou bien outre le prix sera condamné és dommages & interests

de l'acquerreur: *secundum Clos. in d. l. fin. in fine. ubi adnotant Angel. Bald. & ceteri. C. de euict.* La raison de ladite loy est que *fideiussor non tenebatur ad factum sicut venditor: non enim promiserat emptori rem venditam habere licere; sed ad interesse tantum tenebatur*, consistant en la restitution du prix de la chose vendüe, & payement de dommages & interets soufferts, à cause de l'euiction, discussion faite des biens de l'obligé. Tellement que l'heritier du fideiussor iustement peut vendiquer l'heritage qui luy appartient, vendu comme dict est, en rendant le prix, & payant dommages & interets: Parce qu'en ce faisoit il satisfait à ce à quoy le fideiussor, auquel il a succédé, estoit tenu.

Et suivant ce qui a esté cy-dessus deduit, le 29. Ianuier, 1577. fut plaidée vne cause en la Cour, le faict de laquelle estoit, Que Maistre Philibert Masuyer Aduocat en icelle, en qualité de tuteur de sa fille de s^{on} premier mariage auoit cédé & transporté la moitié de la maison de la Leurriere, assise à Paris rue des Marmousers, appartenant de propre maternel à ladite fille, en contr'eschange de cent cinquante liures de rente: en son nom auoit promis garantir ladite moitié de maison, & faire ratifier le contract par sa fille, estant maieure de vingt-cinq ans. Ledit Masuyer estant decedé, de-laisse ladite fille heritiere pour vn tiers, & deux autres filles mineures heritieres chacune pour vn autre tiers: l'acquerreur de ladite moitié de maison estant adiourné à la requeste de ladite fille du premier liët & de son mary, afin de se desister & departir de ladite moitié de maison, offrans luy rendre lesdits cent cinquante liures de rente: soustenant que le contract estoit nul, comme contenant alienation de biens immeubles de mineur, sans aduis de parens & autorité de Iustice: que la promesse de garantie & ratification faicte par ledit Masuyer en son nom n'estoit qu'une simple fideiussion: & par la loy finale, *C. de euict.* l'heritier du fideiussor pouuoit vendiquer l'heritage qui luy appartenoit, en rendant le prix. Et les demandeurs ayans obtenu adiudication de leurs conclusions, par sentence du Preuost de Paris, le detenteur appelle, & somme la poursuite à la vefue dudit Masuyer tât en son nom, que comme tutrice des deux filles mineures, heritieres chacune pour vn tiers, lesquels remonstrentent que les demandeurs n'estoient receuables en leurs cōclusions, parce que ledit defunct Masuyer estoit non seulement fideiussor, mais aussi vendeur: tellement qu'ils estoient heritiers & du vendeur & du fideiussor, tenus de ses faicts & promesses: en ce faisant que la loy finale, *C. de euict.* ne se pouoit adapter au cas de present. Qu'ils estoient garands, non seulement du tiers de l'heritage aliené, & ce personnellement comme heritiers pour vn tiers du defunct, mais estoient garands de toute l'euiction, & ce hypothecairement, comme detenteurs & proprietaires de partie des heritages demeurez par le trespass dudit defunct Masuyer, hypothecuez à l'entretènement du contract d'eschange faict de moitié de maison. En sorte que les parties n'estoient pas és termes de la loy *cū à mat. C. de rei vend.* laquelle auoit lieu, quand l'heritier n'estoit tenu de l'euiction de l'heritage contentieux, sinon pour sa portio hereditaire, qui estoit vn tiers, ou vn quart: non pas quād il estoit tenu du total d'icelle: car en ce cas on pouoit dire iustement, *Quem de euictione tenet actio, eundem agentē repellit exceptio*; & par ce

moyen faire debouter les demandeurs par vne fin de non recevoir, s'ils ne vouloient deguerpir tous les heritages qu'ils detenoient de la succession du defunct. Comme le faict de garantie ou bien d'euiction estant indiuidu, & les demandeurs estans notoirement non receuables pour vntiers, deuoient estre deboutez du total. *l. vindicantem. ff. de euict. l. exceptione. C. eo. l. ex causa. ff. de verb. obl.* Disoient outre que la maison baillée en eschange estoit ruineuse; que le defunct auoit esté homme d'honneur, bon mesnager, & que ce qu'il auoit faict estoit pour le profit de sa fille: & que ceux auxquels appartennoient les autres portions de la maison contentieuse, l'auoient baillée à rente à pareille raison, que ledit defunct Masuyer auoit baillé la portion de sa fille. Disoient que le total de la maison n'estoit loüé que cent liures tournois par an: en ce faisant les demandeurs au lieu de cinquante liures par an, auoient eu le triple, sans estre subiects à reparation: en sorte que *pugnabant aduersus proprium commodum*. Aussi que *paterna pietas optimum consilium pro liberis capit*, auquel l'enfant ne deuoit contreuenir: comme dit le Iurisculte *in l. nec in ea. ff. ad l. iul. de adult.* Finalement la Cour a mis l'appellation, & ce dont a esté appellé, au neant, sans amende, & despens tant de la cause principale, que d'appel: Et attendu la reuerence paternelle ordonné, que le contract d'eschange faict par le pere sera entretenu, & sortira son effect. Et combien que cest arrest ait plusieurs particularitez: toutesfois ont tient communément en France, que l'enfant heritier en partie de son pere, & detenteur de partie des biens du defunct, n'est receuable à vendiquer son heritage propre maternel vendu par son pere, parce qu'il est tenu hypothecairement de toute l'euiction: s'il ne veut deguerpir les heritages qu'il detient de la succession de son pere, & doit agir pour ses dommages & interets contre ses coheritiers chacun pour sa portion hereditaire. Et on respond à la loy, *cum à matre*, que par la disposition de droict les contracts de vendition, d'eschange, & autres, ne contenoient aucune hypothèque sur les biens des contractans, ains vne simple action personnelle, qui estoit donnée cōtre les heritiers du defunct, chacun pour sa portion hereditaire: *leg. finali. §. fin. ff. de contr. emp. leg. cum precibus. cod. de rer. perm.* Mais en la perlonne des demandeurs *concurrerebat personalis actio & hypothecaria*; parce qu'en France tous contracts de vendition, eschange, & autres passez pardeuant Notaires, contiennent hypothèque des biens des contractans, par le moyen de ce mot, Obligeant, appoïé ou entendu en tous contracts. Outre que *actio, quæ pro euictione datur, contra quemlibet heredum potest in solidum proponi. l. cum ex causa ff. de verb. obl. l. i. §. sed si dominus. ff. de exc. rei vend.* Ce que dessus est amplement traicté par Monsieur du Val, *in Tractatu de reb. dub. tra. 9.*

345
La femme
conuolant à
secōdes nop-
ces ne peut
en faueur
de son

Et d'autant que le 279. art. de la Coustume de Paris cy-dessus recité, ne fait mention que des heritages propres de la femme, de ses acquests & conquests par elle faicts avec ses precedens maris, & non de ses meubles: On a demandé si la femme ayant enfant, ou enfans de son premier mariage, peut par contract de mariage donner à son second mary tous les meubles qui luy partiennēt au iour de son cōtract de mariage, ou bien

ou bien qui luy appartiendront au iour de son decez. On tient que la femme, ou bien le mary conuolant en secondes nopces, ne peuuent par donation ou autre disposition particuliere, disposer de leurs meubles au profit du second mary, ou de la seconde femme, plus auant, ny pour plus grande portion que de leurs heritages propres & acquests. Et à ce est formelle l'Ordonnance faicte des secondes nopces, & la disposition de la loy, *hac edictali. C. de sec. nup.* Bien est vray que la femme conuolant en secondes nopces apportera à son second mary tous ses meubles, tout ainsi que le mary apportera les siens : & tous lesdits meubles entreront en la communauté d'entre eux, soit qu'il soit expressement conuenu qu'ils y entreront, ou non.

Et apres la dissolution du mariage tous les meubles de la communauté seront partis esgalement, moitié baillée au mary suruiuant, & l'autre moitié aux enfans heritiers de la femme. Pareillement les conquests faits pendant le second mariage, seront partagez par moitié, comme les meubles. Et en la moitié des meubles & conquests baillée aux enfans de la femme, le mary donataire, auquel sera accordé qu'il tienne lieu d'heritier, aura telle portion que l'un desdits enfans : & encores ledit donataire aura pareille portion que l'un des enfans aux acquests & aux propres heritages de la femme. Et quant aux conquests qui auront esté faicts par la femme avec ses precedents maris, & aux biens qui luy auront esté donnez par lesdits precedents maris, le dernier mary n'y aura aucun droit, part, ny portion ; ains seront entierement conseruez aux enfans, comme il a esté dict. Et ledit donataire, comme en partie heritier du donnant, sera tenu contribuer au payement des debtes, obseques, & funerailles dudit donnant, au *pro rata* des biens desquels il aura amendé par le moyen de sa donation. Partant conuient noter que par la nouvelle Coustume de Paris la moitié des conquests faicts pendant les premiers mariages, laquelle appartient à la femme, à cause de la communauté, est tellement conseruée aux enfans yllus des premiers mariages, que non seulement il est défendu à la femme passant à nouvelles nopces, en donner aucune part ou portion à son second ou autre subsequent mary ; mais il luy est prohibé d'aucunement disposer desdits conquests, pendant son second, troisieme, ou autre subsequent mariage, soit par vendition, constitution de rente, ou autrement, au preiudice des portions, dont les enfans des premiers mariages pourroient amender de leur mere. Tellement que si ladite femme n'a enfans que de son premier mariage, & non des subsequens : lesdits enfans renonçans à la succession de leur mere, feront casser, par le moyen de la Coustume, les venditions, alienations ou constitutions de rentes, & autres hypotheques qui auront esté faictes ou créées par leur mere, pendant son second ou autre subsequent mariage, de la moitié qui leur appartenoit ausdits conquests. Et ladite moitié sera adiugée ausdits enfans en pleine propriété, sans aucune charge d'hypothèque créée par leur defuncte mere, & sans qu'ils soient tenus rendre le prix receu par leur dite mere. Mais si la femme a des enfans des subsequens mariages : les enfans du premier mariage, pendant lequel les conquests auront

mary, disposer de ses meubles à l'usage que de ses propres & acquests.

346

Ce qui doit estre baillé au mary donataire de la seconde femme.

347

La femme conuolant à secondes nopces, ne peut pendant son second mariage, disposer des conquests faicts par ses premiers maris.

348

Les enfans du second mariage succedent aux conquests des premiers maris.

esté faictz, renouans à la succession de leur mere, ne pourront reuoquer les alienations faictes par elle à personnes estranges de la moitié des conquests qui luy appartenoit; sinon pour telles parts & portions, qu'ils eussent amédé desdits cōquests, s'ils n'eussent point esté alienez par leur mere, & le fussent portez heritiers d'icelle: parce que les enfans des subsequens mariages eussent succédé & en leur contingente & esgale portion esdits conquests, s'ils n'eussent esté alienez par leur mere, & d'icelles portions en eussent exclus les enfans du premier mariage: comme il est porté par le susdit article de la Coustume, & qu'il s'observe au doüaire, duquel tous les enfans amendent, encores qu'ils ne soient doüairiers, ains heritiers de leur pere: ainsi qu'auons dict au 15. chapitre du present Traicté. Que si les enfans du premier mariage se portent heritiers de leur mere, ou purs & simples, ou par benefice d'inventaire, ils ne pourront faire casser l'alienation & hypothèque faicte ou créée par leur mere de la moitié desdits conquests; parce qu'ils sont tenus de ses faictz, promesses & obligations, comme il a esté cy-dessus déclaré. Et quant aux enfans des subsequens mariages, ils ne peuuent pretendre aucun droict, part, ou portion es cōquests faictz pendant les precedents mariages, s'ils ne sont heritiers de leur mere. Et cōbien que la femme, pendant son second ou autre subsequent mariage, ne puisse aucunement disposer, vendre, ny engager la moitié desdits conquests au preiudice des portions des enfans du mariage, pendant lequel lesdits conquests ont esté faictz: Toutesfois ladite femme estant vefue, & son second ou autre subsequent mariage estant dissolu, elle peut librement disposer de sa moitié desdits conquests. Pareillement si tous les enfans du mariage pendant lequel les conquests ont esté faictz, decedent sans enfant auparauant leur mere, les alienations faictes par la mere de la moitié desdits conquests, pendant le second ou autre subsequent mariage, demeureront bonnes & valables, & ne pourront estre reuoquées par les heritiers collateraux des enfans du premier mariage, ny par les enfans des subsequens mariages: ainsi qu'il est porté par la fin dudit 279. article de la Coustume.

349
Quand la femme qui a conuolé à secondes nopces, peut disposer des conquests faits par ses premiers maris.

350
Le mary pendant son second mariage, peut disposer des conquests faits pendant son premier mariage.

Mais on a demandé si ceste prohibition faicte à la femme conuolant en secondes nopces, de disposer en quelque façon que ce soit, pendant son second ou autre subsequent mariage, de la moitié des conquests faits avec son premier mary, a lieu au pere conuolant en secondes nopces: & si le mary ne peut pendant son second ou autre subsequent mariage vendre, aliener, ny hypothéquer la moitié qui luy appartient es conquests faictz pendant son premier mariage: & s'il est tenu de les cōseruer aux enfans dudit mariage, ne plus ne moins que la femme: attendu que ledit mary ne peut par l'Ordonnance, & par la Coustume, donner à sa seconde femme de ses propres & acquests, d'auantage que l'un de ses enfans amendera de luy. Et communément on tient, que le pere passant à nouvelles nopces, ne peut donner à sa seconde femme d'auantage de ses conquests que de ses propres & acquests. Mais pendant son second mariage, il les peut vendre, aliener & hypothéquer, au preiudice des enfans de son premier mariage, pendant lequel lesdits conquests ont esté faits: pourueu

que l'alienation ne soit point faicte pour auantager la seconde femme. La raison est que le mary est vrayement maistre & seigneur de la moitié desdits conquests, lesquels il a acquis par son industrie & labeur: aussi que la Coustume ne faict mention que de la femme, & non du mary.

Pareillement on a demandé si la prohibition faicte à la femme, ayāt enfans de son premier liēt, d'aucunemēt disposer, pendant son second ou autre subsequnt mariage, de la moitié des conquests faicts par son premier mary, à elle appartenant, à cause du droict de cōmunauté, a lieu en l'ameublissement faict de l'heritage propre de la femme. Cōme si vne femme maieure de vingt-cinq ans, ou bien le tuteur d'une fille mineure de vingt-cinq ans, suiuant l'aduis des parens deuēment emologué en Iustice, par contract de mariage a ameubly vne maison assise en ceste ville de Paris, qui estoit propre à ladite femme: en sorte que ladite maison est faicte conquest entre les futurs conioints; tout ainsi que si elle eust esté acquise pendant leur mariage: En ce faisant la moitié d'icelle ait appartenu aux enfans dudit mariage, cōme heritiers de leur pere, auquel ladite moitié appartenoit, cōme conquest, par le moyen dudit ameublissement; & l'autre moitié ait appartenu à leur mere: Le doubte sera de sçauoir, si ladite femme, pendant son second ou autre subsequnt mariage, pourra disposer de ladite moitié de maison faicte conquests par le moyen dudit ameublissement, attendu qu'elle ne peut disposer de la moitié des autres conquests faits par son premier mary.

On tient que l'ameublissement de l'heritage propre de la femme, n'est pas vn vray conquest faict par le mary, durant & constant son mariage, duquel conquest la Coustume se doit entendre; mais est vn conquest conuentionnel, fictif & simulé, comme il sera cy-apres déclaré. En sorte que la prohibition portée par la Coustume cy-dessus recitée n'a lieu en la moitié demeurée à la femme de son heritage ameubly: laquelle moitié pour son regard est censée plustost propre que conquest. De faict si ladite moitié d'heritage ameubly est vendüe par la femme, elle est subiecte à retraict lignager. Et outre, ladite femme ne peut disposer par testamēt que du quint d'icelle moitié, comme estant vrayement propre, & non conquest ny cōquest pour le regard de ladite femme. Au moyen de quoy elle peut librement disposer entre vifs, pendant son second ou autre subsequnt mariage, de ladite moitié d'heritage propre ameubly: pourueu que ce ne soit pour aduantager son mary. Il faut aussi noter, combien que par l'Ordonnance dessusdite & disposition de la loy, *hac edictali*, la femme qui a enfans de ses precedens mariages, ne puisse donner à son second mary, ny aux enfans de son second ou autre mary d'auantage que l'un de ses enfans amendera d'elle: Toutesfois si ladite femme a des enfans, ou vn enfant de son second ou autre subsequnt mariage, elle luy peut donner entre vifs tous ses meubles, conquests & conquests immeubles, & tous ses heritages propres; sauf à ses autres enfans leur droict de legitime, si la donation est immense & inofficieuse. Ainsi a esté iugé en la Coust. de Montreuil, par arrest solemnellement prononcé le 6. Septemb. mil cinq cens septante cinq: Suiuant la disposition de droict, *in §. alud quoq; adicere*, de

361

*La femme
peut disposer
pendant son
second ma-
riage de l'he-
ritage qu'elle
a ameubly à son
premier ma-
ry.*

352

*Ameublisse-
ment d'he-
ritage pro-
pre n'est
vray con-
quest.*

353

*La femme
peut donner
à l'un des
enfans de
son second
ou autre
mariage
tous ses biens
sauf la legi-
time des au-
tres enfans.*

nupt. in authen. l. femina. vers. uel ad quemlibet ex filiis. Cod. de secund. nup. Et semblable donation peut estre faicte par la mere, ou par le pere, à tel des enfans, soit du premier, second ou autre liêt que bon luy semblera, *textus in princ. tituli, ut liceat matri & auia, in authen. l. parentibus. Cod. de inoff. test.*

354
Quand le fils
est mauuais
mesnager,
comme l'a-
yeul doit dis-
poser de ses
biens en fa-
ueur de ses
petits en-
fans.

Si l'enfant qui doit succeder est mauuais mesnager, ou bien soit obe-
ré à plusieurs creanciers, & ait enfans, auxquels l'ayeul ou ayeule vueil-
le conseruer ses biens, sans vser de substitutions, & prohibitions d'alie-
ner: ledit ayeul ne doit pas instituer les petits enfans les heritiers, & lais-
ser aliment à son fils mauuais mesnager, suiuant le conseil du Iuriskon-
sulte *in l. si furiosus puberi. ff. de curatore furioso*: Parce que institution d'he-
ritier n'a lieu en la Coustume de Paris: en tout cas, ne peut valider sinon
comme legs, & seulement pour les meubles, acquests, conquests im-
meubles, & quint des propres. Mais ledit ayeul doit donner entre vifs à
ses petits enfans tous les meubles & immeubles qui luy competent & ap-
partiennent, & qui luy competent & appartiendront au iour de son
decez, avec retention de l'vsufruiet d'iceux, & à la charge d'accomplir
son testament, & faire deuëment accepter & insinuer ladite donation.
Et s'il est preuenue de maladie, en sorte qu'il ne puisse faire donation en-
tre vifs, il doit donner pour cause de mort, ou par testament leguer à ses
petits enfans tous les meubles, acquests, & conquests immeubles, & le
quint de ses propres.

355
Les crean-
ciers du fils
endebté peu-
uent deman-
der la legiti-
me qui luy
est deuë es
biens de son
pere ou de sa
mere.

Et d'autant qu'en chacun desdits cas l'enfant peut demander sa legiti-
me, qui est suiuant le 218. article de la nouuelle Coustume de Paris, moi-
tié de ce qu'il eust eu en la succession de son pere, ou de sa mere, si sondit
pere, ou ladite mere, n'eust disposé par donation entre vifs, ou derniere
volonté: On a doubté si les creanciers dudit enfant peuuent demander
ladite legitime, & requerir estre subrogez en son lieu & droict, pour en
faire la poursuite à leurs frais, perils & fortunes: ou bien faire créer vn
curateur pour faire ladite poursuite, & leur bailler les deniers qui pro-
uiendront de ladite legitime, iusques à la concurrence de leur deub. Le-
quel doubte a esté décidé par arrest solemnellement prononcé le Mardy

356
En la legiti-
me on pre-
compte tout
ce qui a esté
donné à l'en-
fant, & payé
à son ac-
quit.

28. Mars, 1589. confirmatif de la sentence donnée par le Preuost de Pa-
ris, entre Iean Fredel, fils de Catherine Ioly demandeur d'une part, &
Haquelin Foucault, defendeur d'autre: Et iugé que les creanciers estoient
bien receuables à demander ladite legitime, & leurs conclusions leur fu-
rent adiugées contre les petits enfans. Et en ladite legitime sera precom-
pté tout ce qui aura esté donné par l'ayeul, ou ayeule à leur fils mauuais
mesnager, & tout ce qui aura esté par eux payé en son acquit. Comme

357
Le proche
parent ne
peut au pre-
indice de ses
creanciers
renoncer à
la succession
qui luy est
deferée.

on faict quand vn fils demande le douaire coustumier, ou prefix de
sa defuncte mere, apres le trespas de son pere: ainsi qu'auons ample-
ment déclaré au 15. chapitre du present Traicté. Et le fils qui veut deman-
der sa legitime, ne doit pas renoncer à la succession de son pere ou mere:
ains se doit porter heritier, *ut sit hares in legitima*. Et suiuant cest arrest &
plusieurs autres donnez en cas pareil on tient: Que si à vn homme obli-
gé à plusieurs creanciers, est escheuë vne succession en ligne directe ou
collaterale, notoirement profitable & sans perte ny dommage, lequel

pour frustrer les creanciers renonce à ceste succession : les creanciers pourront requerir estre subrogez en son lieu & droict pour accepter ladite succession, & estre payez sur icelle, iusques à concurrence de leur deub, selon l'ordre de priorité & posteriorité : Et s'il reste aucune chose les debtes payées, que le surplus reuiendra aux autres heritiers plus proches apres celuy qui a renoncé : Conformément au 278. article de la nouvelle Coustume de Normandie, autiltre de succession en propre. Et ce nonobstant la disposition du droict escrit : en laquelle on tient que le tiltre, *Quæ in fraudem creditorum facta sunt*, n'a lieu sinon *in quasitis, cum scilicet diminuitur patrimonium, quod debitor tempore alienationis habebat, & ei acquisitum erat : non in querendis, cum scilicet agitur de augendo patrimonio, siue de lucro captando*. Tellement que si debitor hereditatem, vel legitimam, vel honorariam, vel testamentariam, aut legatum repudiauerit, cessat edictum de his quæ in fraudem cred. quia debitor acquirere denum noluit, non suum patrimonium diminuere : Comme dit la loy, *qui autem cum possit. ff. quæ in fraudem cred. l. profectitia. §. si pater repudiauerit. ff. de iu. dom. l. cum quidam. ff. de iure fisci*. Aussi que par ladite disposition de droict, *non debet heredi instituto præscribi cur metuat hereditatem adire, vel cur nolit, cum varia sint hominum voluntates, quorundam negotia timentium, quorundam vexationem, &c.* comme dit le Iurisconsulte, *in l. quarta, ad Sc. Trebell.* Mais la faculté de renoncer à vne succession deferée a tousiours esté libre, & n'est heritier qui ne veut. La raison pour laquelle la disposition de droict en ce cas ne doit estre receuë au pays Coustumier de France, est que le mort saisit le vif, c'est à dire, que l'heritier, dès l'instant de la mort du defunct, est fait non seulement seigneur & propriétaire, mais aussi possesseur de tous les biens estans de la succession du defunct, tant meubles qu'immeubles, droicts, noms, raisons & actions, sans aucune apprehension de fait. Tellement que si vn parent plus proche & habile à succeder à vn defunct, renonce à la succession qui luy est deferée, il renonce à tous les biens & droicts de la succession, qui lors luy appartiennent, & qui luy ont esté acquis, dès l'instant du decez du defunct, duquel il estoit plus proche parent & habile à succeder. Et en ce faisant par la raison mesme du droict il diminue son patrimoine, & aliene les biens qui luy appartiennent & estoient acquis dès l'instant de la mort du defunct : dès lequel temps *proximiori agnato fuit delata & quasita defuncti hereditas*, contre la disposition du droict commun ; selon laquelle, pour acquerir vne heredité ou succession, il est necessaire que l'heritier *ab intestat*, ou testamentaire, *adeat hereditatem*, & que de fait il se declare heritier, & apprehende la succession qui luy est deferée *ab intestat*, ou par testament, *l. cum heredes. ff. de acq. vel am. poss.* Et en ce cas les creanciers doiuent offrir bailler caution d'acquitter, garantir & indemniser l'heritier de toute perte & dommage, comme il sera dit cy-apres. Et le semblable doit estre dit, si vn legataire oberé enuers plusieurs creanciers renonce au legs testamentaire utile & profitable qui luy a esté fait, & en fraude de ses creanciers ne le veut accepter, *leg. in fraudem, in verbis idemque iuris est, & si non queratur. ff. de iure fisci, & ibi Glossa, in verbo, queratur*. Laquelle

358

Interpretation du tiltre
que in fraudem creditorum.

359

Le mort saisit le vif, que signifie.

loy on dit estre vne limitation du tiltre de *his qui in fraudem: ut scilicet debitor fisci non possit repudiare hereditatem sibi delatam in præiudicium fisci, licet in præiudicium aliorum creditorum repudiare possit*. Aussi ce que dessus n'a lieu, soit que celuy qui est oberé enuers plusieurs creanciers, soit heritier vniuersel, ou en partie seulement, en ligne directe ou collaterale. De faict le 9. Auil, 1586. fut solennellement prononcé vn arrest, dont le faict estoit, que Marguerite Maillard, vesue, ayant deux enfans, & estant debitrice enuers plusieurs creanciers, luy estant aduenu deux portions de successions d'un sien frere, & d'une sienne sœur, desquels elle pouuoit estre en partie heritiere avec ses freres & sœurs encores viuans, elle renonce ausdites successions, à ce que les creanciers ne peussent estre payez sur les biens qu'elle pourroit auoir, à cause desdites successions, & qu'ils fussent conseruez à ses deux enfans, lesquels ses freres & sœurs feroient participer ausdites successions, ou apertement, ou secrettement. De ceste renonciation les creanciers estans aduertis, ils intentent l'action reuocatoire contre ladite Maillard, à fin de reuoker la renonciation par elle faicte, & qu'elle fust condamnée accepter les successions à elle deferées à leurs perils & fortunes, sans auoir esgard à la renonciation par elle faicte, en baillant par eux caution de l'acquitter & garantir, & indemniser, & de faire les poursuittes des droicts, noms, & actions desdites successions, à ce que sur les biens d'icelles ils fussent payez de leur deb. A quoy les creanciers soustiennent estre bien fondez, par les moyens cy-dessus deduits, & à l'exemple du fideicommissaire, auquel l'heritier institué doit rendre la succession: *Qui potest cogere heredem institutum, ut suo periculo adeat hereditatem, & sibi eam restituat: Nec hoc casu quarta commodo habes uterur, sed totam hereditatem restituere cogetur*, en baillant par le fideicommissaire caution de garantir & indemniser l'heritier institué, *leg. quarta. l. cogi. § si quis habes. ff. ad SC. Trebellia.* Et ayant esté soustenu au contraire par ladite Maillard, ensemble par les heritiers qui auoient apprehendé lesdites successions, interuint sentence du Preuost de Chaumont, par laquelle est ordonné, auant que proceder au iugement du proces, que les heritiers declareront s'ils entendent que les enfans de ladite Maillard succedent en son lieu. Laquelle sentence est confirmée par le Bailly dudit Chaumont, dont y a appel par les creanciers, comme ceste sentence estant inutile, superflue & nullement considerable, pour la decision du differend d'entre les parties. Et qu'il est certain que la mere ayant renoncé aux successions de ses freres & sœurs decedez, lesdits enfans ne doiuent estre admis à succeder au lieu de leur mere, avec leurs oncles & tantes: comme s'ils la representoient & entroient en son lieu, *& tanquam paria sint repudiare & mortuum esse, ut adnotat Angelus in §. si plures. Institut. de legitim. agn. suc.* où il allegue à ceste fin plusieurs textes. Parce qu'en France, *nunquam est representatio de persona viuentis, sed tantum de parente mortuo naturaliter vel civiliter. l. si qua pœna. ff. de his qui sunt sui vel al. in.* comme Monsieur du Moulin a noté sur le 241. article de la Coustume du Maine: En ce faisant il n'y a point de representation que par mort, & non par repudiation de suc-

cession. Finalement la Cour ayant euoqué le proces principal d'entre les parties, & y faisant droit, a mis l'appellation & l'entée, dont a esté appellé, au neant sans amende. En emendant le iugement, sans auoir esgard à la renonciation, a cōdamné ladite Maillard à accepter les parts & portions à elle deferées des deux successions de ses frere & sœur, aux perils & fortunes des creanciers intimez : En baillant par eux bonne & suffisante caution de l'aquiter, garantir, & indemniser de l'acceptation desdites parts & portions d'hereditez. Et a condamné les coheritiers à communiquer aux creanciers les lettres & tiltres de la succession, & leur faire partage; pour les biens qui aduiendront en leur lot estre vendus, les deniers à eux baillez, iusques à la concurrence de leur deub, & que le surplus appartiendra à ladite Maillard. Si mieux n'ayment les coheritiers payer les creanciers de leur deub : le tout sans despens, tant de la cause principale, que d'appel, & sans dommages & interets. Partant en ce cas sera besoin faire appeller les coheritiers, tout ainsi que celuy qui a renoncé à la succession.

D'auantage par la loy *hac edictali*. §. *solutio verò*, & par la disposition, tant del'Ordonnance faicte sur les secondes nopces, que de la nouvelle Coustume de Paris, est porté, Que si tous les enfans des premiers mariages de la femme, qui a donné à son second mary, ou bien si tous les enfans venus des premiers mariages du mary, qui a donné à sa seconde femme, vont de vie à trespas auparauint le donnant, la disposition, tant de l'Ordonnance que de ladite loy cesse. Et en ce cas les donations mutuelles & reciproques, faictes par les futurs conioints, en faueur de mariage, ou par l'un d'eux à l'autre, sont bonnes & valables, & doiuent sortir leur effect, si elles ne sont immenses; ou que les enfans venus du dernier mariage offrent, que leur pere ou bien leur mere donataire, prenne en la succession du defunct donnant, & en tous & chacuns les biens demeurez par son decez, pareille & semblable portion que l'un desdits enfans, sans faire aucune distraction des conquests faits pendant les premiers mariages, ny des biens donnez par les precedens maris, ou precedentes femmes. D'auantage, il conuient entendre la disposition de l'Ordonnance, & de la Coustume dessusdite; quand les futurs conioints par mariage ont respectiuellement enfans de leurs precedens mariages, ou bien que le donnant a des enfans. Mais si le mary n'a point d'enfans, il peut donner par son contract de mariage, tant à sa seconde femme, qu'aux enfans de sadite femme, tous ses biens. Et le semblable est de la femme qui n'a point d'enfant, comme nous auons cy deuant deduit en declarant le 383. art. de la nouvelle Coustume de Paris, par lequel est permis à la femme qui n'a point d'enfant, donner aux enfans de son mary : & le semblable est permis au mary.

Et conuient soigneusement noter à ce qui a esté dit cy-dessus, des aduantages que les futurs conioints font l'un à l'autre par donations, ou mutuelles & reciproques, ou simples: Que s'il y a cōtract de mariage passé entre lesdits futurs conioints en la presence de leurs parens, il faut que lesdites donations & aduantages, soient faictes & portées par ledit contract de mariage: parce que les futurs conioints ne peuvent par

360

Quand tous les enfans des premiers mariages sont decedez, les donations faictes au second mary, sont bonnes & valables.

361

Le mary qui n'a point d'enfant, peut donner par contract de mariage à sa femme qui a des enfans.

362

En mariage toutes contre lettres sont prohibées.

contre lettres faictes à part, & hors la presence des parens qui ont assisté au contract de mariage, faire aucunes donations ou aduantages les vns aux autres, ny aucunement immuër & changer les conuentions portées par ledit contract de mariage passé en la presence des parens : & toutes telles contre-lettres sont nulles, suivant le 258. article de la nouvelle Coustume de Paris, réputées doloüses, deceptiues & frauduleuses, & reprouuées par les arrests de la Cour. Ce qui est veritable, soit que les contractans soient mineurs, ou majeurs de vingt-cinq ans, & n'ayent ny pere ny mere, ny tuteurs, ou curateurs : parce que la Coustume dispose generalement sans distinction de personnes : Soit aussi que lesdites contre-lettres & contre-promesses ayent esté faictes auparauant le contract de mariage, ou depuis iceluy. Car tout ce qui n'est point contenu au contract de mariage, & est hors d'iceluy, ou bien tout ce qui augmente ou diminue le contenu au contract de mariage, est compris sous ce mot de contre-lettres. Et depuis la nouvelle Coustume de Paris, on n'en a pas faict doubte : si on ne met en auant que les pactions non contenuës au contract de mariage qu'on dit estre contre-lettres, sont la vraye intention des parties contractantes, accordées auparauant le contract de mariage : qu'elles ont esté faictes en la presence & du consentement des parens, qui ont assisté au contract de mariage : encores qu'ils ne soient desnommez esdites pactions, & qu'on s'en vueille rapporter au serment de l'homme & de la femme mariez, & des parens. Et sur les faicts susdits, la femme est tenuë respondre, nonobstant l'empeschement du mary : comme il fut plaidé & iugé pour Maistre Pierre Reuel Aduocat en la Cour le Lundy 15. Iuillet, 1591. Et quand on parle de contre-lettres clandestinement faictes hors la presence des parens, on allegue la *l. in tacitis. ff. de leg. 1. l. 3. ff. de iur. fisci. l. fin. ff. de rit. nup. l. non existimo. ff. de adm. tut. l. heredes. §. 1. in verbis. si quid post factum testamentum mutare placuerit, omnia ex integro facienda sunt. ff. de testament.* Et combien que la Coustume generalement defende toutes contre-lettres : toutesfois on a demandé si la contre-lettre est valable quand l'euenement de la donation porté par icelle est incertain. Comme si apres que le contract de mariage est passé par vn homme veuf, & vne femme vesue majeurs de vingt-cinq ans, en la presence de leurs parens, mesmes de la mere de la femme, les futurs conioints auoient faict autre contract hors la presence des parens, & de la mere, par lequel seroit conuenu qu'au suruiuant d'eux, au cas qu'il n'y ait enfans de leur mariage, appartiendroient en pleine propriété tous les meubles & conquests immeubles, qu'ils auroient au iour du decez du predecédé. Et encores que plusieurs fussent d'aduis la contre-lettre susdite estre nulle, par le moyen de la Coustume qui annulle toutes les contre-lettres faictes hors le contract de mariage.

333
Si la contre-
lettre est va-
lable quand
l'euenement
de la dona-
tion portée
par icelle est
incertain.

Neantmoins la contre-lettre susdite ayant esté deuëment insinuée a esté iugé au Chastelet de Paris, que le suruiuant iouyroit sa vie durant seulement, desdits meubles & conquests immeubles, au moyen de l'incertitude de l'euenement de la donation reciproque portée par ladite contre-lettre : de laquelle vn mineur mesme ne pourroit pas estre
releué,

releué, comme dit la loy de fideicommiss. Cod. de transact. Et par mesme moyen fut iugé que la susdite contre-lettre n'auoit peu estre reuocquée pendant le mariage, du consentement de l'homme & de la femme mariez : suiuant l'arrest solemnellement prononcé le 19. May, 1589. cy-deuant recité.

Pareillement on a doubté si l'article de la Coustume dessusdit doit auoir effect retroactif, & auoir lieu pour le passé, quand les contracts de mariage, contre-lettres, & promesses ont esté passez auparauant la nouvelle Coustume de Paris, arrestée le 4. Mars 1580. & que le mariage a esté dissolu depuis la nouvelle Coustume. Ceste question a esté meüe pardeuant le Preuost de Paris, par les heritiers de feu Versoris, lequel en l'an mil cinq cens soixante-quatre, deux iours auparauant que passer son contract de mariage, auoit donné à sa future espouse six vingts liures de rente, pour elle & ses hoirs. Et par le contract de mariage, passé en la presence des parens n'estoit faicte aucune mention de ceste donation : & depuis en l'an 1573. ledit Versoris auoit faict donner par sa femme la propriété de ladite rente à ses presomptifs heritiers, plus proches à succeder audit Versoris, luy present, stipulans & acceptans, l'v'sufruit reserué à ladite femme. Pour raison de ces deux donations, proces estant meü entre les heritiers de l'homme & de la femme, les heritiers du mary soustenoient que la premiere donation estoit nulle, comme estant vne vraye contre-lettre deceptiue & frauduleuse, prohibée par la Coustume, sans le veu & sceu des parens: Que l'Empereur disoit, *Moribus meis non conuenit ut aliud clam, aliud palam fiat: que amicorum presentia dolum & metum tollit. l. transactionem. C. de transact.* Et que la seconde donation estoit bonne & valable deuëment acceptée & insinuée. Les heritiers de la femme au contraire, soustenoient que la premiere donation n'estoit contre-lettre, attendu qu'elle estoit faicte auparauant le contract de mariage, entre personnes non prohibées, & en temps non prohibé. Que l'insinuation n'estoit requise, pour le regard de l'heritier, auparauant l'Ordonnance faicte à Moulins, en l'an 1566. Aussi que la femme en estoit excusée, quand le mary deuoit faire faire l'insinuation, comme il sera dit cy-apres: Que pour la validité de ceste donation le consentement des parens n'estoit requis, par la loy, *Qui potest inuitis aliquibus a renare, multo magis & ignorantibus & absentibus potest. ff. de regulis iuris*: Qu'une nouvelle Coustume non retrahitur ad actum momentaneum, perfectum, & consummatum, comme dit Bartole, in l. omnes populi. ff. de iustitia & iure. Aussi le proces verbal de ladite Coustume porte que ledit deux cens cinquante-huictiesme article a esté adiousté pour l'aduenir, sans preiudice du passé: Qu'au-
 parauant la nouvelle Coustume il estoit licite aux fiancez de reformer leur contract de mariage, iusqu'au iour des espousailles, & faire telles donations & aduantages l'un à l'autre, que bon leur sembloit. Quant à la seconde donation faicte par la femme aux heritiers du mary, disoient que lesdits heritiers n'auoient esté presens ny acceptans, & auoit esté faicte par force, crainte, intimidations & reuerence maritale du mary qui auoit stipulé & accepté ladite donation. Finalement par sentence donnée

364

Si la Cou-
stume de Pa-
ris defendait
les contre-
lettres a ef-
fect retro-
actif.

par le Preuost de Paris, à la fin du mois de Ianuier 1588. faisant droit sur les lettres de rescision respectiuellement obtenues, la premiere donation faicte par l'homme à la femme a esté declarée bonne & valable, & la seconde donation faicte par la femme aux heritiers du mary a esté declarée nulle: dont y a appel pendant & indecis en la Cour. Toutesfois il est certain que toutes telles donations & aduantages faits hors le contract de mariage, & en l'absence des parens, ont tousiours esté reuocquez en doubte. Comme il fut plaidé en la Cour le 22. Mars 1557. par les heritiers de Quatreliures, lequel avec sa future espouse, le iour precedent son mariage, contre la teneur de leur contract de mariage, s'estoient faict donation mutuelle de tous biens au suruiuant d'eux. Et toutes cōtrelettres, faictes contre les conuentions matrimoniales, ont esté declarées nulles & frauduleuses: Comme si vn pere ou autre auoit baillé son fils ou son seruiteur franc & quitte, & auoit prins contre-lettre de l'acquitter des rentes qu'il deuoit: ou bien si vn pere auoit promis bailler en faueur de mariage à son fils cinq cens liures de rente chacun an, ou quelque somme de deniers, & auoit pris contre-lettre de n'en rien payer. En ce cas le pere du mary, qui aura pris telle contre-lettre, sera adiourné à la requeste des pere & mere de la femme: lesquels donneront à entendre, que de leur part ils ont satisfait au contract de mariage de leur fille, requerans que le defendeur soit condamné de sa part y satisfaire: en ce faisant payer chacun an aux mariez cinq cens liures de rente, par luy promis à son fils en faueur de mariage, avec les arrerages escheuz & à escheoir. Et la femme autorisée par Iustice se ioindra en cause. Et s'il allegue contre-lettre, on soustien dra qu'elle est nulle & frauduleuse, & seront obtenues lettres pour la casser, & proceder au iugement du proces, sans auoir esgard à icelles. De ce-cy y a plusieurs arrests de la Cour, mesmes contre vn Chanoine, qui auoit pleuuy son seruiteur franc & quitte, & auoit pris contre-lettre de cinquante liures de rente, que ledit seruiteur deuoit, dont la cause fut plaidée & iugée le 14. Ianuier 1574. Autre arrest donné le 22. Mars, 1584. entre deux Seigneurs, dont le gendre auoit promis ne demander pour dot de sa future espouse que vingt mil liures: combien que le contract de mariage portait trente mil liures. Aussi on a demandé, si le contract de mariage n'a point esté passé en presence des parens, mais par les futurs conioints seulement, qui estoient majeurs de vingt-cinq ans: si la nouvelle Coustume de Paris aura lieu, qui faict expresse mention de la presence des parens. Et tout ainsi que les futurs conioints ont peu entre eux seuls passer leur contract de mariage, sçauoir, si apres ledit contract passé, ils ne pourront pas faire autres promesses & donations mutuelles entre eux, autrement auantager l'un l'autre, principalement veu qu'en France l'egalité de biens n'est requise entre gens mariez, ny pareillement l'egalité de personnes nobles ou roturiers. Toutesfois il semble qu'en ce cas la nouvelle Coustume doit auoir lieu, & que les mesmes raisons qui ont lieu en l'autre cas militent en celuy-cy: Sçauoir, que les conuentions du futur mariage estans accordées, il ne faut point de nouvelles pactions, pour paruenir à l'accomplissement d'iceluy: autrement les mariages se-

365

Les contre-lettres sont prohibées, encores que les contractz de mariage ne soient passez en presence de parens.

ront estimez venaux, & tirera-on des gens amoureux, qui ont leur volonté captiuée, & possédée par des passions & affections desordonnées, telles promesses illicites & desraisonnables, que bon semblera, & par inductions & persuasions, ou bien par menaces de ne parfaire le mariage, on les fera condescendre à ce qu'on voudra. Et à la verité la Coustume ne fait mention que des contre-lettres faictes à part, hors la presence des parens, qui ont assisté au contract de mariage: comme estant le cas le plus frequent, ordinaire & accoustumé: à l'exemple des Jurisconsultes, qui *plerumque decidunt controuersias in specie, & ea quidem, quæ sapius reduciuntur ad praxim: cum tamen ratio dicendi referatur ad genus*: tellement que *nituntur communiter accidentibus, & in iure argumentum à communiter accidentibus valet, ut ex specie referatur ad genus, ex hypothese ad thesim*, comme enseigne le Docteur Zasius, in l. Fulcinus. §. fin. quibus ex causis in possessionem eatur. Ce n'est pas donc qu'és autres cas, que celuy porté par la Coustume, la decision d'icelle ne doive estre observée, pour les raisons sùdites. Bien est vray, que si la contre-lettre n'estoit qu'une simple declaration de quelque clause obscure portée par le contract de mariage, & de la vraye intention des parties contractantes, on y auroit esgard: *quia qui declarat, nihil dat, sed datum significat. l. hæredes palam. §. ff. de testam.*

Et conuient noter que les aduantages & donations faictes par contre-lettres, & hors le contract de mariage, combien qu'elles puissent estre debatues par les heritiers du donnant, toutesfois on tient communément qu'elles ne le peuuent estre par les creanciers dudit donnant: *maximè* quand les contracts, contre-lettres & promesses sont deuëment insinuées es lieux portez par les Ordonnances. Plusieurs passent outre, & sont d'aduis que l'insinuation n'est requise ny necessaire pour la validité des donations faictes à la femme. Et ce suiuant la disposition de droit commun, in l. cum multa, & authent. eo decursum. C. de donat. ante nupt. Pour la

366

Comme les
insinuations
s'observent
en France.

367

Auparauant
l'an 1539. les
insinuations
n'estoient re-
quises au
pays Cou-
stumier de
France.

autrement seroient reputées nulles, & ne commenceroient à auoir leur effect, que du iour de l'insinuation. Et d'autant que ceste Ordonnance, encores qu'elles dispose generalement & vniuersellement de toutes donations, n'estoit entendüe ny pratiquée, sinon es donations entre vifs, qui estoient pures & simples : Le Roy Henry II. par son Ordonnance publiée en la Cour de Parlement de Paris, le quatriesme Mars 1549. en declarant l'Ordonnance de l'an 1539. ordonna, Que sous le nom de donation seroient comprises & subiettes à insinuation, les donations faictes en traicté de mariage, & autres donations faictes entre vifs, combien qu'elles ne soient simples, ains remuneratoires, & autrement causées, & non les donations faictes pour cause de mort, qui se peuuent reuoker par le donateur, iusques à la mort, lesquelles ne seroient subiettes à aucune insinuation. Aussi par ladite Ordonnance, auroit esté ordonné, que l'insinuation se feroit en la Iurisdiction Royale des lieux, où les choses données seroient assises, sans preiudice des proces pendans & iudecis sur l'intelligence & interpretation de l'Ordonnance faicte en ladite année 1539. Or par les deux Ordonnances susdites, n'estans ostez tous les doutes qu'on faisoit sur l'insinuation des donations : & qu'on maintenoit, que pour le defect & obmission d'insinuation, les donations ne pouuoient estre debatues sinon par les creanciers, en faueur desquels elles auoient esté introduites : d'autant que les creanciers ignorans les donations faictes par les donateurs, auparauant leurs contractz, contractoient de bonne foy avec eux, & estoient fraudez de leur deub : ainsi qu'on peut cognoistre par la lecture de l'Edict faict de l'insinuation de tous contractz excédans la somme de cinquante liures tournois, publié en la Cour le 5. May 1553. depuis aboly, pour le regard des Greffiers des insinuations, par le 86. art. de l'Ordonnance faicte à Orleans. Et soustenoit-on que les donations par faute d'insinuation ne pouuoient estre debatues par les donateurs, parce qu'ils estoient personnellement obligez, & ne pouuoient contrenenir à leurs promesses, *l. cum profitearis. C. de reuoc. donat. l. si creditoribus. C. de seruo pig. dato.* Pareillement on soustenoit, que les donations ne pouuoient estre debatues par les heritiers des donateurs, qui estoient tenus personnellement des faicts, promesses, & obligations deditz donateurs, ausquels ils auoient succédé, & lesquels ils representoient : particulièrement ne pouuoient lescits heritiers debatre les donations, esquelles y auoit promesse de garantie : mais deuoient faire deliurance des choses données par leur predecesseur : suiuant la constitution de l'Empereur, in *l. si quis argentum. §. fin. C. de don. & in §. & adde exemplum venditionis, Instit. eo.* Et ainsi auoit esté obserué, suiuant plusieurs arrests de la Cour, donnez tant en plaidoyrie, que sur proces par escrit : mesmes par arrest solennellement prononcé le 10. Avril 1554. Autre arrest du 24. Iuillet 1560. Aussi autre arrest du 25. Novembre 1569. Pour ces causes à fin d'oster à l'aduenir toutes occasiōs de fraudes & de doutes, qui pourroient estre meües entre subiets du Royaume, pour l'insinuation des donations, qui seroient cy-apres faictes : par le 58. article de l'Edict faict à Moulins, publié en la Cour de Parlement de Paris, le 23. Decembre 1566. auroit

368

Les insinuations introduites en faueur des creanciers.

369

Auparauant l'Ordonnance de l'an 1566. les donations ne pouuoient estre debatues par l'heritier du donant faute d'insinuation.

esté ordonné, que d'oresnavant toutes donations faictes entre vifs, mutuelles, reciproques, onereuses, en faueur de mariage, & autres de quelque forme & qualité qu'elles soient, faictes entre vifs, comme dict est, y seront insinuées & enregistrées és Greffes des sieges Royaux ordinaires de l'affiette des choses données, & de la demeure des parties, dedans quatre mois, à compter du iour & datte d'icelles donations, pour le regard des biens & personnes; & dedans six mois, pour ceux qui seroient hors le Royaume. Autrement & à faute de ladite insinuation, seront & demeureront lescdites donations nulles, & de nul effect & valeur, tant pour le regard du creancier que de l'heritier du donnant. Et si dedans ledit temps ledit donnant ou ledit donataire decedoit, pourra neantmoins ladite insinuation estre faicte dans le temps, à compter du iour dudit contract, comme dessus: Sans que la presente Ordonnance face aucun preiudice aux donations cy-deuant faictes, & droict acquis aux subiects du Royaume à cause d'icelles, ny aux instances meües & à mouvoir pour ce regard. Et par le moyen de ceste Ordonnance on a tenu, que les donations qui ont esté faictes depuis la publication d'icelle, peuuent estre debatües à faute d'insinuation, non seulement par les creanciers du dōnant, mais aussi par les heritiers. Et quant aux donations faictes auparavant ladite Ordonnance, elles ne peuuent estre debatües par les heritiers du donnant; ains pour leur regard sortissent leur plein & entier effect. Et ainsi le faut maintenir & soustenir, comme il a esté dict cy-dessus, nonobstant les arrests alleguez au contraire: Pour concilier lesquels, le douziesme Feurier mil cinq cens soixante-vn, fut requis par Messieurs les Gens du Roy, que les Chambres fussent assemblées. Et quāt aux donnans, les donations ne peuuent par eux, à faute d'insinuation, estre debatües: encores qu'elles soient faictes apres l'Edict de Moulins, publié en la Cour le 23. Decembre mil cinq cens soixante six; lequel ne faict mention que des heritiers, & non des donnans, qui sont obligez personnellement, & ne peuuent contreuenir à leurs conuentions & promesses. Tellement que les donnans seront condamnez, non seulement à faire deliurance des choses données; mais à consentir l'insinuation de la donation par eux faicte, és lieux & Iustices, esquelles l'insinuation est requise par les Ordonnances. Ainsi a esté iugé par arrest, solennellement prononcé le 12. May 1581. contre vn pere qui auoit donné à son fils quelques heritages, en faueur de mariage, treize ans y auoit. Et fut condamné rendre les fructs depuis contestation en cause: Combien qu'il soustint, qu'à faute d'insinuation la donation fust nulle: comme l'insinuation estant vne vraye confirmation & ratification de la donation auparavant faicte, & authorisation d'icelle faicte par le Iuge: Et que sans l'insinuation la donation ne deuoit subsister. *Tanquam donare sit perdere, quia sepius in consuetudine donatur*: Et que *in donatione geminatus consensus erat necessarius*; lequel consentement estoit redoublé, par le moyen de l'insinuation: laquelle à peine de nullité, ne pouuoit estre remise en toutes donations, suiuant les Ordonnances cy-dessus recitées. Et d'autant qu'à la verité l'insinuation est vne vraye confirmation, approbation, & ratification de la donation: &

370
Les donnans
ne peuuent
debattre les
donations, à
faute d'insinuation.

371
L'insinuatiō
est cōfirmatiō
de la
donation.

372
Il suffit que
la donation
soit insinuée
par le do-
nant, ou par
le donataire.

Clause reci-
proque, un
contrat de
mariage
pour la
jouissance
des meubles
n'est subiect
à insinua-
tion.

que pour faire l'insinuation, le consentement tant du donnant, que du donataire est requis, suivant la disposition de droit commun: on a accoustumé de mettre à la fin des contrats, contenant donation ou donations entre vifs, que les parties ont respectivement consenty, que le contrat de donation soit insinué, tant en la présence qu'en l'absence des parties, par tout, & en tous lieux qu'il appartiendra: & pour ce faire on constituë certain Procureur, ou le porteur du contrat. Et si ceste clause de constitution de Procureur a esté obmise, & le donnant soit refusant consentir l'insinuation de la donation, le donataire le poursuiura en Iustice; & avec luy fera ordonner, que la donation sera insinuée és lieux requis par les Ordonnances: & le fera condamner à faire tradition & deliurance des choses données. Et le semblable sera fait contre le donataire, si la donation est onereuse, ne vueille accomplir les charges portées par icelle, ny consentir l'insinuation de la donation. Ainsi qu'il fut ordonné par l'arrest cy-dessus recité, & par autre arrest solennellement prononcé le dernier Decembre 1555. Toutesfois par les arrests derniers, & par le 284. article de la nouvelle Coustume de Paris, il suffit que l'insinuation soit faite par l'une des deux parties, soit le donnant, ou le donataire, parce que, comme dit est, les insinuations des donations n'ont esté introduites en France, sinon à ce qu'on puisse avoir cognoissance d'icelles, & que seulement on puisse contracter avec les donateurs.

[Vne difficulté fut plaidée en l'audience, entre Messire Claude de Marle Cheualier Seigneur d'Arcy le Ponfart appellant: Contre Dame Suzanne de Halin veufue de feu Nicolas de Marginat Escuyer Seigneur des Autels: dict a esté que ladite Cour a mis & met l'appellation & sentence dont est appel, au neant, en ce que la clause de donation reciproque des meubles, & jouissance des acquets, sans charge de debtes, contenuë au contrat de mariage d'entre ledit Marle & feu Claude Marginat sa femme, a esté déclarée nulle faute d'insinuation: Et en emendant le iugement, quant à ce, ordonne que ladite clause & conuention matrimoniale, non subiette à insinuation, sera entretenue: prononcé en Parlement le 18. May 1602. N. B]

On a demandé si la donation faite à vn mineur ou à des mineurs, peut estre debatue à faute d'insinuation: attendu que les Ordonnances sont generales, que *statuta ligant minores*, quand ils sont reëls, & concernent les heritages ou autres biens, plustost que les personnes, *l. si sine. §. l. ucius. ff. de administ. tutor. cap. constitutus. de restit. in integr. extra.* & qu'ils peuuent auoir leur recours cõtre leurs tuteurs negligens. Ceste question fut plaidée en la Cour, le 9. Ianuier 1576. pour la donation d'une maison, & de quatre cens liures de rente, qu'un pere conuolant en secondes nopces, par son contrat de mariage auoit fait aux enfans qui viendroient de son second liët. Ladite donation auoit esté deuëment acceptée par la mere, & auoit on pris nantissement des choses données. Elle fut debatue par le fils aîné venu du premier mariage, à faute d'insinuation non faite, suivant l'Ordonnance. Finalement par arrest donné en plaidoyrie ledit 9. Ianuier, ladite donation fut déclarée bonne: sans tirer à consequence, & preiudicier à l'Ordonnan-

ce : attendu que les enfans donataires *tempore donationis, nec nati nec cōcepti erant* : que le pere auoit esté leur tuteur naturel, lequel deuoit faire faire l'insinuation : & y auoit eu nantissement des choses données. Aussi que telle donation auoit traicté à la mort, & l'effect d'icelle conferé apres le treipas du pere donateur. Ioint que le tuteur des enfans obtint lettres Royaux pour proceder au iugemēt du proces sans auoir esgard au defect d'insinuation : soustenant que les mineurs, desquels il estoit tuteur, n'estoient point subiets aux insinuations : non plus que tous autres mineurs de vingt-cinq ans, soient mariez, ou non mariez, suiuant la disposition de droit, *in l. minoribus. C. de don. ante nup. l. fin. §. simili modo. C. de iure dot. l. sancimus. §. alias. C. de don.* Et le priuilege spécialement donné au mineur par la disposition de droit, n'estant point abrogé par les Ordonnances susdites, lesquelles ne font aucune mention des mineurs : il faut maintenir ledit priuilege deuoir estre gardé, & qu'on doit suiure la disposition de droit en ce poinct : tout ainsi qu'on la suit en la discussion des meubles, qu'il faut faire auparavant que paruenir à l'alienation par decret des immeubles des mineurs : nonobstant le 64. art. de l'Ordonnance de l'an 1539. Et faudra que le mineur estant fait maieur, entant que besoin seroit, obtienne lettres Royaux, pour estre releué du defect d'insinuation, prouenu par la faute & negligence de son tuteur, encores qu'elle ne luy puisse preiudicier : Et outre somme la poursuite à celuy qui estoit n'aguere son tuteur, sans aucunement preiudicier à ses droits, exceptions, & defences valables, qu'il pretend auoir de son chef, à ce qu'il ait à faire cesser la poursuite, & obiet du defect d'insinuation, l'en acquiter & garantir : Et à faute de ce faire, en cas d'euidence & condamnation, requerra qu'il soit condamné en ses dōmages & interets, & es despens, tant en demandant qu'en defendant, & de l'instance de sommation. Ainsi qu'il fut plaidé en la Cour, & soustenu par Messieurs les Gens du Roy, le 24. Iuillet, 1561. Et ce que dessus principalement a lieu, quand le tuteur du mineur n'est pas soluable, suiuant la loy *itaque. ff. de furt. §. item. l. si fullo. versiculo, nam si soluendo non sunt. instit. de oblig. quæ ex delicto.* Semblablement le Ieudy 16. May, 1591. fut plaidée en la Cour vne cause d'un testament fait par vn pere, lequel auoit institué sa femme heritiere pour moitié, & son fils mineur heritier pour l'autre moitié. Et au cas que ledit enfant decedast impubere, luy auoit substitué ses cousins germains qui estoient mineurs. Or ceste substitution suiuant le 57. art. de l'Edict de Moulins deuoit estre publiée en iugement à iour de plaidoyrie, & enregistrée és Greffes Royaux, plus prochains des lieux des demeurances de celuy qui auoit fait lesdites substitutions. La publication auoit esté faite en iugement, en la presence des parēs des mineurs, lesquels doiuent estre appelez à ladite publication : mais le Greffier auoit obmis à enregistrer ladite substitution, & ne se trouuoit icelle en ses registres, laquelle par ce moyen on soustenoit estre nulle. Et le Greffier, pour raison de ce que dessus, ayant esté assigné, est mis hors de proces. Et y ayant plusieurs appellations, & les mineurs ayans obtenu lettres pour estre releuez du defect d'enregistrement : La Cour en ayant esgard aux lettres, declara la substitution bonne & valable, & adiugea aux substituez les biens à eux donnez par le testament du defunct.

373

Les mineurs
par la dispo-
sition de
droit ne
sont point
subiects aux
insinuations.

374

Encores
qu'une sub-
stitution
n'ait esté en-
registrée au
Grefse, telle
obmission ne
nuist aux
mineurs.

375
Les dona-
tions faictes
aux Eglises
& Hospi-
taux ne sont
subiectes à
insinuation.

Ce qui a esté cy-dessus dict des mineurs, doit estre gardé & obserué
és donations faictes aux Eglises, Hospitaux, Monasteres & Communau-
tez Ecclesiastiques, & *ad pias causas*: lesquelles par faute d'insinuation
ne peuuent estre debatues, & encores qu'elles excèdent la somme ou
valeur de cinq cens escus: non plus que les donations faictes aux mineurs,
ausquels les Eglises sont comparées, & *pari passu ambulare dicuntur*, cap. 1.
& cap. *auditis. extra. de integ. restitut.* Aussi est leur priuilege incorporé
au droict comme celuy des mineurs, en la loy penultiesme, *C. de don. & §. sancimus, de non alien. aut perm. reb. Eccles. in auth. l. illud. C. de sacr. Eccl.* Et
suiuant ce le Ieudy penultiesme Ianuier, 1592. fut confirmée par arrest la
sentence donnée par le Bailly de Mafcon, lequel auoit déclaré bonne &
valable vne donation entre vifs de cinq escus & demy de rente faict à
l'Hoscel-Dieu de Tournon, par vne femme, à fin de prier Dieu pour le
salut de son ame, & de son defunct mary: encores que la donation n'eust
point esté insinuée. Et fut soustenu par Messieurs les Gens du Roy, que
les donations faictes à mineurs, aux Eglises & lieux pitoyables, ne sont
point subiectes à insinuation: non plus que celles qui sont faictes aux
Roys: *quia sacerdotium & imperium pari passu ambulat*, cōme dict le Spe-
cule. Aussi que les Ordonnances generales ne comprennent les mineurs,
ny les personnes Ecclesiastiques, Hospitaux, & lieux de Religion, si d'i-
ceux n'est faicte expresse mention. Ioint que la rente leguée estoit con-
stituée moyennant deniers, racheptable à tousiours, deuë en pays de
droict escrit, auquel on doutoit si telles rentes estoient meubles ou im-
meubles. Et l'appellant qui estoit Chanoine de Mafcon, fils & heritier de
la defuncte, de laquelle il auoit amendé de grands biens, fut condamné
en l'amende, & és despens enuers les Recteurs & Administrateurs dudit
Hospital de Tournon. Toutesfois pour plus grande seureté les personnes
Ecclesiastiques, & leurs semblables obtiendront lettres Royaux, pour
estre releuez du defect d'insinuation: Comme la faute & negligence
estant prouenuë du predecesseur Euesque, Curé, ou autre Beneficié: ou
de leurs predecesseurs Marguilliers & Administrateurs: lesquels n'ont
peu preiudicier à leurs successeurs. Sommeront la poursuite au predeces-
seur Beneficié, ou ses heritiers, Marguilliers ou Gouverneurs, qui estoient
au temps de la donation & acceptation d'icelle: à ce qu'ils soient tenus
faire cesser ladite poursuite, les en acquiter & indemniser: Et à faute de
ce condamnez en tous despens, dommages & interets. Aussi il est cer-
tain que les donations qui sont faictes par les Roys & Roynes, ou qui
leur sont faictes par des particuliers, ne sont point subiectes à insinua-
tion, à quelque somme & valeur qu'elles se montent, suiuant le texte,
in l. illud. Cod. de sacrosan. eccles. l. sancimus. §. exceptis. & authent. item &
à primatis. C. de donat. Neantmoins le meilleur & plus seur est de faire in-
sinuer les donations qui sont faictes tant aux mineurs, Monasteres, Hos-
pitaux & Eglises, que celles qui sont faictes par les Roys & Roynes, d'au-
tant que les Ordonnances des insinuations sont fort exactement gardées.
Aussi qu'elles sont generales & vniuerselles, ne contiennent nommé-
ment aucune exception de personnes: & *qui totum dicit nihil excludit.*

376
Les dona-
tions faictes
par les Roys
ou Roynes,
ne sont sub-
iectes à in-
sinuations.

Et la

Et la Cour és cas susdits ordinairement adiousté en ses arrests, Sans tirer à consequence.

On a fort douté des donations faites à la femme, si elles deuoient estre declarées nulles à faute d'insinuation ; attendu que les Ordonnances cy-dessus recitées sont generales, & que *mulieribus propter ignorantiam iuris non subuenitur. l. fina. C. de iur. & facti igno.* Aussi que par les Ordonnances faites és années 1549. & 1566. cy-dessus recitées, est dit que les donations faites en traicté de mariage ; ou bien en faueur de mariage, seront insinuées. Pareillement par le 284. article de la nouvelle Coustume de Paris, est dict qu'un don mutuel fait entre l'homme & la femme, pour estre valable, doit estre insinué dedans quatre mois, du iour du contract : & l'insinuation faite par l'un d'eux vaut pour les deux. Ioint que par vne Ordonnance generale, n'est point derogé à vne Coustume locale & speciale, si en l'Ordonnance n'est faite expresse mention de la Coustume speciale & locale ; suiuant le chapitre premier de *constitutionibus, in sexto.* Neantmoins a esté resolu, que les donations faites en faueur de mariage, par le futur espoux à la future espouse, portées par le contract de mariage, soient pures & simples, mutuelles & reciproques, ou autrement causées : pareillement celles qui sont faites par le mary à la femme pendant leur mariage, soit par don mutuel, ainsi qu'il est permis par la Coustume de Paris, ou autrement, selon qu'il est licite par les autres Coustumes, ne peuuent à faute d'insinuation estre debatnës, ny par le mary, ny par ses heritiers. La raison est que c'estoit au mary à faire faire l'insinuation, lequel auoit le contract de donation par deuers luy : Et la femme estant en la puissance de son mary, & n'ayant par deuers elle le contract de la donation qui luy a esté faite par son mary, on ne luy peut imputer aucune faute. Au contraire, les heritiers du mary debatans la donation faite à la femme, & soustenans qu'elle est nulle par faute d'insinuation, ils alleguent le dol & mauuaise foy du mary : lequel voulant frustrer sa femme de la donation qu'il luy auoit faite, n'a fait insinuer le contract de donation : comme dit la loy *cum multa*, & l'authentique *ed decursum. C. de donat. prop. nup.* qui contiennent le priuilege special de la femme, qu'elle n'est tenuë faire insinuer les donations à elle faites par son mary, ou par autre en faueur de mariage, ny celles qui pendant son mariage luy sont faites par son mary. Et lesdites donations à faute d'insinuation ne demeurent nulles & sans effect, comme dit l'authentique *ed decursum.* Partant si vn homme par son contract de mariage a donné à sa future femme, ses hoirs, & ayans cause, quelque heritage, ou cent liures de rente, à prendre sur certain heritage, ou sur tous ses biens, ou bien, tous ses heritages propres & acquests, ou tous les meubles, acquests & conquests immeubles, qui luy appartiendront au iour de son trespas, au cas que ladite femme le suruiue : ou bien ayant fait donation mutuelle au suruiuant d'eux, de tous les biens qui leur appartiendront au iour de leur decez : ou ait esté accordé par leur contract de mariage, que le suruiuant iouyra de tous les meubles & conquests immeubles sa vie durant : ou fait autres aduantages au suruiuant, ou à l'un deux : ou bien le

377

*Les donations
faites par le
mary à la
femme ne
peuuent estre
debatuës
faute d'insinuation.*

378
Les dona-
tions faictes
à la femme
par vn estra-
nger en fa-
ueur de ma-
riage ne sont
subiectes à
insinuation.

mary par son contract de mariage, ou pendant son mariage ait fait don mutuel avec sa femme, de tous les meubles & conquests immeubles qui leur appartiendront au iour de la dissolution de leur mariage, pour en iouyr par le suruiuant en vsufriict suiuant la Coustume de Paris: telles donations seront bonnes & valables pour le regard de la femme, & ne pourront estre debatues par le mary suruiuant, ou par l'heritier du mary predecédé: encores qu'elles n'ayent esté aucunement insinuées. mais pour le regard du mary demeurent nulles à faute d'insinuation: combien que le mary allegue, que ce sont pactions & conuentions, faites sur la société & communauté, portées par leur contract de mariage; *sunt pacta societati adiecta, est lex societati dicta*, non pas donations: & que telles conuentions ne sont subiectes à insinuation. Ce que dessus a esté iugé par arrest donné en plaidoyrie le Lundy quatorzième Iuillet, mil cinq cens quatre-vingts cinq. Autre arrest solennellement prononcé le quatorzième Aoust, mil cinq cens soixante dix sept, contre les heritiers de Iacques Deschamps, les biens duquel ont esté declarez hypothethequez au payement de la somme de sept mil liures, promise à sa fille en faueur de mariage; encores que le contract passé en l'an 1565. n'eust esté insinué. Aussi iugé par Messieurs du Thresor pour Hugues Leger maître Paticier, le 9. Ianuier 1585. Et non seulement les donations faictes à la femme par son mary, portées par leur contract de mariage, ou bien faites pendant leur mariage, ne peuuent estre debatues par le mary, ny par son heritier: mais aussi les donations faictes à ladite femme par vn sien parent, ou par vn estranger, encores qu'elles n'ayent esté insinuées, ne peuuent estre debatues par le donateur, ou son heritier, suiuant l'authentique *ed decus sum. in verbis, etiamsi ab alio detur. C. de dona. prop. nup.* Ce qui se doit entendre, pourueu que lesdites donations ayent esté faictes en faueur de mariage: parce que ladite authentique ne faict mention, sinon des donations faictes par le mary à la femme, ou par l'estranger à la femme, en faueur de mariage, & non des autres donations. Tellement que si aucun parent ou estranger a donné vn heritage ou autre immeuble à vne femme aagée de vingt-cinq ans, auparauant qu'elle fust mariée, ou pendant sa viduité, ou pendant qu'elle a esté coniointe par mariage: si la donation n'a esté aucunement insinuée, elle demeure nulle, tant pour le regard du mary, que pour le regard de la femme: laquelle aura son recours contre l'heritier de son mary, ou bien l'heritier de la femme, contre le mary suruiuant, par la faute & negligence duquel la donation n'a esté insinuée.

379
Les crean-
ciers du ma-
ry peuuent
debattre la
donatiō fai-
te à la fem-
me, faute
d'insinua-
tion.

Ce qui a esté dict cy-dessus, se doit entendre pour le regard du mary, & de ses heritiers, lesquels par faute d'insinuation ne peuuent debattre la donation faicte par le mary à sa femme; parce que c'estoit au mary à la faire insinuer. Mais les creanciers du mary, tant precedens que subsequens le mariage, pourront debattre la donation faicte par le mary à sa femme, & la faire declarer nulle, faute d'insinuation: suiuant les Ordonnances faictes es années 1549. & 66. faisans expresse mention des donations faites en traicté de mariage, ou bien en faueur de mariage, & qu'elles doiuent

estre insinuées, autrement qu'elles demeurent nulles, & de nul effect & valeur, pour les raisons susdites: Sauf à la femme son recours contre l'heritier de son defunct mary, ou à l'heritier de la femme, cōtre le mary suruiuant. De ce y a arrest donné au rapport de Monsieur de Bordeaux, le Samedi 23. Avril 1594. Partant quand les creanciers du mary debattront la donation faicte par le mary à la femme, à faute d'insinuation; mettans en auant que lescdites donations non insinuées ont esté tenuës secretes, & que par le moyen d'icelles ils sont frustrez de leur deub; la femme sommera la poursuite cōtre elle faicte aux heritiers de son defunct mary, si aucun y a; sinon, au curateur créé aux biens vacans de son mary: A ce qu'il soit tenu faire cesser ladite poursuite, cōme l'obmission d'insinuation estât prouenuë par la faute & negligence de son defunct mary; & en cas d'euiction requerra condamnation de despens, dōmages & interests. Neantmoins la femme dedans les quatre mois subsequens la dissolution de son mariage, & trespas de son mary, ne faudra de faire insinuer tant son contract de mariage que don mutuel, & demandera deliurance des choses qui luy auront esté dōnées, ou en propriété, ou en vusufruit. Quāt au douaire, soit coustumier, ou prefix, qui a esté constitué à la femme par son contract de mariage, encores qu'il consiste en certain heritage, ou en reuenu spécialement, ou generally assigné sur les heritages appartenans au mary, & soit baillé à la femme pour elle & ses hoirs sans retour: tel douaire n'est aucunement subiet à insinuation: Parce que douaire n'est pas donation, *datur enim contemplatione dotis: nec est sponsalitia largitas, sed est dotalitium*, duquel est parlé *in cap. plerumque, & in cap. nuper. de donat. inter virum & uxorem. extra.* Aussi le douaire coustumier est baillé à consuetudine, *qua est lex municipalis.* Et est certain que *in his*, *qua à lege dantur*, ou pour acquerir hypotheque tacite & legale, qui est baillée par la loy, n'est besoin d'aucune insinuation, ny mesmes de nantissement és lieux esquels le nantissement est requis. *l. obligantur. §. lege. ff. de obli. & act.* Toutes les autres donations estans faictes de certain ou de certains heritages, ou de rentes spécialement ou generally assignées sur heritages, ou autres immeubles, doiuent suiuant les Ordōnances cy-deuāt recitées, estre insinuées, publiées & enregistrées aux Greffes de deux Iustices Royales: A sçauoir en la Iustice Royale ordinaire de la demeure du donateur: Et si la donation est reciproque, és Iustices Royales de la demeure des deux contractans, parce qu'ils sont tous deux donateurs: Et en chacū des sieges Royaux ordinaires de l'assiette des choses données. Tellement que s'il y a plusieurs heritages donnez, faudra faire insinuer le contract de donation en chacun des Sieges Royaux ordinaires, esquels les heritages donnez seront situez. Et à faute d'insinuation faicte en aucuns sieges de l'assiette des heritages donnez, la donation demeurera nulle, pour le regard des heritages, dont la donation n'aura esté insinuée en la Iustice Royale ordinaire de l'assiette d'iceux. Et l'insinuation qui seroit faicte és Greffes des Iustices des Seigneurs haut-Iusticiers ne seroit considerable: supposé que les donateurs fussent demeurans au dedans desdites Iustices, & que les heritages dōnez y fussent situez & assis. Parce qu'il est requis que les insinuations soient

380

La femme doit faire insinuer apres la mort de son mary.

381

Le douaire de la femme n'est sub. est à insinuation.

382

Les donations faictes à la femme par autres que son mary & non en faueur de mariage, sont subiectes à insinuation.

383

Les donations doiuent estre insinuées en deux Iustices Royales, & sçauoir s'il faut insinuer au domicile du donataire.

faictes és Cours & Iurisdiccions Royales ordinaires des parties, & des choses données, autrement sont reputées nulles. Et conuient noter cōbien que par ces mots de la demeure des parties, il semble que les donations doiuent estre insinuées és Iustices Royales de la demeure, tant du donateur que du donataire: Toutesfois l'insinuation n'est requise sinon en la Iustice Royale de la demeure des donateurs; les donations desquels le public a interest, qu'elles soient publiées & manifestées; à ce que ceux qui contracteront avec eux, ne les puissent ignorer, & ne soient fraudez & deceuz: Ce qu'on ne peut dire des donataires au profit desquels les donations sont faictes. En ce faisant ces mots portez par l'Ordonnance, de la demeure des parties, se doiuent entendre de la demeure des parties donnantes; non pas de la demeure des parties contractantes. Car il n'est pas besoin faire insinuer les donations, és Iustices Royales de la demeure des donataires. Neantmoins pour oster toute doute, le meilleur sera faire insinuer la donation, en la Iustice Royale de la demeure du donataire, pour satisfaire aux termes des Ordonnances de 39. & de 66. qui requierent les donations estre insinuées és sieges Royaux ordinaires de la demeurance des parties, & de l'assiette des choses données. Mais il faut entendre ce que dessus, sçauoir que la donation doit estre insinuée en deux sieges Royaux, qui sont du domicile du donateur, & de l'assiette des heritages donnez, quand les heritages donnez sont certains, & que lors de la donation ils appartiennent au donateur. Tellement que si la donation est faicte de certains heritages qui appartennoient au donateur lors de la donation, & de tous & chacuns les heritages qui luy appartiendront au iour de son trespas: encore que depuis la donation, le donateur ait acquis plusieurs heritages: il suffit que la donation soit insinuée és Iustices Royales du domicile du donateur, & du lieu auquel est assis l'heritage qui appartenoit au defunct, lors & au temps de la donation. Et n'est necessaire que la donation soit insinuée és Iustices Royales, au territoire desquelles sont assis les heritages, que le donateur a acquis depuis la donation. Ainsi a esté iugé pour le Seigneur de la Tour Landry, par arrest prononcé le 13. Feurier 1594. Et neantmoins si on veut faire insinuer la donation és Iustices Royales des heritages depuis acquis, ce sera le meilleur.

384
N'est besoin
faire insi-
nuer pour le
regard des
heritages
donnez ac-
quis depuis
la donation.

385
Les ameub-
lissements
d'heritages
doiuent estre
insinuez.

Aussi si vne femme maieur de vingt-cinq ans, par son contract de mariage ameublit à son futur mary vn heritage, qui estoit propre à ladite femme, ou bien ameublit à son futur espoux ses heritages propres, ou d'acquest, insqu'à la somme de mil escus, ou autre somme: est besoin que tel ameublissement d'heritages soit insinué, comme estant donation faite par la future espouse à son futur espoux. De ce y a arrest donné en la seconde Chambre des Enquestes, & depuis iugé au Chastelet de Paris. Et le 2. Iuillet 1594. y eust arrest donné au rapport de Monsieur Ouderon entre Thibaut Iouvier appellât, & Claude Auberon intimé, par lequel vne femme maieur, n'ayant apporté en la communauté aucuns meubles, & par son contract de mariage ayant ameubly tous ses heritages, & iceux faicts conquests, l'homme & la femme estans decedez: ledit Iouvier creancier du mary pretendait moitié és heritages ameubliz, contre les heritiers

de la femme : lesdits heritiers furent absous, parce que le contract de mariage contenant ameublissement, & par ce moyen donation, n'auoit esté insinué. Combien qu'aucuns veulent dire, qu'un ameublissement d'heritage, faict par contract de mariage, est vn pact de société, sans lequel le mary ne receuoit sa femme à estre commune en biens avec luy; & que telles pactions ne sont subiettes à insinuation : toutesfois il est besoin faire insinuer lesdits ameublissements, comme estans vrayes donations & aduantages faits par la future espouse à son futur espoux, non pas de meubles, mais d'immeubles. Car à vrayement & proprement parler, vn heritage ne s'ameublit point, & ne peut estre faict simple meuble, ny conquest mobilier. Mais ameubler vn heritage, c'est autant que le faire conquest, & en bailler la libre disposition au mary. Lequel s'il n'a point aliéné l'heritage ameubly, il demeure en nature d'heritage & de conquest immeuble : & ne prend pas la nature de meuble. En sorte que le pere estant heritier des meubles, acquests & conquests de son enfant, il ne succedera pas à la moitié de l'heritage, qui luy auoit esté ameubly par sa femme, & laquelle moitié a appartenu à son enfant, par le trespas de ladite femme, parce que ladite moitié d'heritage n'est pas vn meuble : aussi que ce n'estoit pas vn acquest ny conquest en la personne de l'enfant, ains vn propre : tout ainsi que la moitié d'un conquest faict par le pere, eust esté propre en la personne de l'enfant. *Imo*, si la femme qui a ameubly vn heritage à son mary, decede sans enfans, delaisant des heritiers des meubles & acquests, & des heritiers des propres : la moitié de l'heritage ameubly appartiendra à l'heritier des propres de la femme. Et si le mary vend l'heritage ameubly, il pourra estre retiré par retraict lignager par les parens de la femme, comme du Moulin a traité au 55. art. de l'ancienne Coustume de Paris, col. 103. & 104.

Si le tuteur d'un mineur, en faueur de mariage, suiuant l'aduis des parens assistans & denommez au contract, ameublit au futur espoux vn heritage appartenant en propre à la mineure : Ou bien si des heritages propres de la mineure, est ameubly au futur espoux, iusques à la somme de quatre cens escus sol pour vne fois, & soit dit que desdits heritages le futur espoux pourra vendre, aliener & disposer, pour le iuste prix & valeur, iusques à ladite somme de quatre cens escus : Ou bien à proprement parler, si par le contract de mariage de la mineure aucuns de ses heritages propres sont faits conquests entre les futurs conioints, tout ainsi que s'ils auoient esté acquis pendant leur mariage : Combien que tel ameublissement soit permis, par la disposition de droit, *in l. siue generalis. §. dubitari tamen. in verbis, in dotem maritus accipere maluerit. ff. de iure dotium. l. lex quatutores. in verbis vel in donatione propter nuptias, vel in dotem dare. C. de administratione tutorum* : Et qu'on die que la mineure, qui est presente & consentante au contract de mariage, peut donner de ses heritages & immeubles à son futur espoux en faueur de mariage, suiuant la loy *fin. §. cum autem. C. si ma. fa. alien. ra. habuer. l. Titia. ff. de iure dotium*. Toutesfois parce que tel ameublissement & telle conuention contient alienation d'heritages & biens immeubles du mineur : encores qu'aucuns

386

Que c'est
ameubler vn
heritage.

387

L'ameublissement d'heritage appartenant à un mineur doit estre homologué en Iustice.

388
L' emologation de l'ameublissement fait en faueur de mariage doit estre fait auparavant la consommation du mariage.

estiment que ce ne soit vne vraye alienation, ains vne simple mutation & changement de qualité d'heritage, faisant d'un propre un conquest, & le faisant entrer en la communauté d'entre l'homme & la femme : il est besoin que ledit ameublissement soit emologué, autorisé & confirmé en Iustice, par l'aduis de six parens, pour le moins, plus proches & habiles à succeder à la mineure, qui assisteront à l'emologation, *d. l. lex qua tutores. ubi glos. in verbo, vel in dotem. l. prad. l. ob eos. & ibi glos. in verbo, alienum. C. de prad. & al. reb. maior.* Et ainsi se doiuent entendre la loy *fi. C. si ma. fa. la loy Titia*, & autres loix cy-dessus citées, cōme le declare la clause de la loy *lex qua tutores*. Et le plus seur sera, que l'emologation soit faicte auparavant la celebration du mariage, à ce que le futur espoux ne puisse estre fraudé, & qu'on ne puisse dire que ce soit un aduantage, faict par la femme à son mary, pendant leur mariage, contre la Coustume, ou bien vne donation faite par la femme en temps prohibé. Et sera bon qu'il soit porté par le contract, que auparavant la consommation du mariage, l'ameublissement sera emologué en Iustice. Et encores sera bon de faire obliger le tuteur de la mineure en son nom, à faire valablement emologuer en Iustice, par l'aduis des parens, ledit ameublissement, & à le faire ratifier par la mineure, lors qu'elle sera paruenue à l'aage de majorité, & par les heritiers de la mineure, si elle decede auparavant l'aage de majorité : en sorte que ledit ameublissement sortisse son plein & entier effect. Car si ledit ameublissement n'estoit emologué en Iustice, non seulement les heritiers de la femme, mais aussi les creanciers soustiendroient qu'il seroit nul, & obtiendroient lettres Royaux pour le faire declarer nul, casser & rescinder. Et si l'ameublissement est emologué en Iustice, les lettres de rescision ne seront suffisantes : mais sera besoin que le mineur faict majeur, ou bien les heritiers appellent de la sentence d'emologation, l'appel fondé tant sur lesion, que sur ce, que sans cause l'ameublissement a esté faict. Car sans l'appel, le Iuge seroit contraint suiure la sentence d'emologation : Estant certain que par les lettres Royaux, on ne peut mettre au neant les sentences & iugements. Et par les lettres de relief d'appel, sera mandé proceder au iugement du proces d'entre les parties, sans auoir esgard à l'ameublissement : iceluy casser & annuller, comme faict sans cause iuste, & occasion legitime. Aussi sera remonstré que les parens qui ont presté consentement à l'emologation, n'estoient les plus proches à succeder à la future espouse, que le futur espoux auoit peu de biens, n'auoit moyen de gagner sa vie, donnoit à entendre qu'il auoit plusieurs biens, & qu'il a consommé tous les biens de la communauté, à laquelle on est contraint renoncer, à l'occasion des debtes d'icelle, & autres causes semblables.

389
Un contract estant emologué en Iustice ne doit estre insinué.

Si l'ameublissement est deuëment & solennellement emologué en Iustice, par le Iuge du domicile des parties, & de l'assiette des heritages ameublis, il ne sera point besoin faire insinuer la clause contenant ledit ameublissement : parce que l'emologation faicte en Iustice est plus forte & plus solennelle qu'une simple insinuation, laquelle ne signifie que notification ou publication faicte en Iustice, pour auoir cognoissance de la

donation : si on ne le veut faire pour plus grande seureté, & pour oster toute doute. Toutesfois si l'heritage ameubly n'est assis au territoire du Iuge qui a emologué l'aduis des parens, ou que les parties contractantes n'y soient demeurantes, il sera besoin de faire insinuer ledit ameublissement.

Aussi il faut noter, quand l'ameublissement de l'heritage d'une mineure ou d'un mineur n'a esté emologué en Iustice, combien que, suivant la disposition de droit cy dessus recitée, il soit nul, & ne doive avoir effect : toutesfois aucuns dient que la Cour ne s'arreste pas à l'obmission de l'emologation, ains confirme l'ameublissement, quand le mary n'a eu en mariage aucuns deniers comptans, ou bien peu, ny autre chose mobiliere qui soit entrée en communauté ; encore qu'il ait porté tous les frais des nopces, ou charge de mariage ; ou quand ceux qui debattent l'ameublissement comme heritiers de la defuncte mineure, ont assisté au contract de mariage, & esté d'aduis de l'ameublissement, ou bien quand il y a long temps que l'ameublissement a esté fait. Car anciennement on n'emologuoit point les ameublements des heritages, & on se contentoit de l'aduis des presomptifs heritiers, & des parens plus proches de la mineure, qui avoient assisté au contract : laquelle ancienne vñance, *legis vicem obtinere debet*, comme dit la loy *fin. Cod. de testament*. Et neantmoins par arrest du deuxiesme Juillet, mil cinq cens nonante quatre, a esté iugé le contraire. Et faudroit qu'il y eust de grandes particularitez, causes & raisons, pour faire confirmer par la Cour un ameublissement d'heritages non emologué. Pareillement combien qu'on n'ait accoustumé d'emologuer en Iustice, sinon les conventions de mariage, qui contiennent l'alienation de la propriété des heritages, ou bien des immeubles des mineurs, comme le contiennent les ameublements de leurs heritages : Toutesfois le meilleur & le plus seur sera, de faire emologuer en Iustice, suivant l'aduis des parens qui comparoistront pardevant le Iuge, les conventions qui concerneront l'usufruit & iouissance viagere des heritages & biens immeubles du mineur. Comme quand il est convenu, que le futur espoux suruiuant la future espouse, iouyra sa vie durant des heritages propres, ou de partie des heritages propres de la future espouse, qui estoit mineure lors du contract de mariage, s'il n'y a point d'enfans lors de la dissolution de leur mariage : *cum ususfructus pars dominij censeatur, & ius ususfructus sit immobile. l. corruptionem. C. de usufruct. l. vii frui. ff. si usufruct. pet. l. rectè dicimus. ff. de verborum significatione*. En tout euenement telle convention d'usufruit est subiette à insinuation.

Quant à l'effect de l'ameublissement, il est tel, que si par contract de mariage, la femme a ameubly à son futur espoux de ses heritages propres, iusques à la somme de quatre cens escus, & que le mary n'a vendu aucuns heritages de sa femme pendant leur mariage, ledit mary apres la dissolution du mariage doit requerir que les heritiers de sa defuncte femme soient condamnés, suivant son contract de mariage, luy bailler & deliurer des heritages propres de la defuncte, iusques à la valeur de

390

En quel cas l'ameublissement d'heritage du mineur ne doit estre emologué.

391

Est bon faire emologuer en Iustice les conventions concernant l'usufruit des heritages des mineurs.

392

Comme le mary apres le decez de sa femme doit former sa demande pour l'ameublissement qui luy a esté fait.

la somme de quatre cens escus, selon l'estimation qui en sera faicte par gens à ce cognoissans, dont les parties conuiendront, avec les fruicts escheuz depuis le trespas de sa femme, ou bien luy bailler & payer la-dite somme de quatre cens escus, avec le profit d'icelle. A quoy ils seront condamnez, s'ils ne prennent communauté, apres le trespas de la defuncte: Auquel cas ils seront tenus faire deliurance de moitié seulement des heritages ameublis, ou bien de payer seulement moitié de la-dite somme de quatre cens escus. Si l'heritage ameubly est certain, & que d'iceluy le mary ait iouy pendant son mariage; il continuera la iouissance d'iceluy, comme des autres conquests par luy faits, iusques à ce que les heritiers de la femme soient apparus, & ayent demandé partage, lequel se fera comme d'un heritage acquis pendant le mariage. Si le tiers des heritages de la femme est ameubly, & les heritiers de la femme renoncent à la communauté, le mary requerra, que lesdits heritiers soient condamnez luy bailler à part & à diuis vn tiers desdits heritages propres pour en iouyr en plein droict de propriété avec les fruicts escheuz depuis le trespas de la femme. Et si les heritiers de la femme ont pris communauté de biens, le mary demandera à part, & à diuis, seulement vn sixiesme des heritages propres de sa defuncte femme. Tellement que de là appert, que l'effect de l'ameublissement se resout entierement en ce, qu'un heritage ameubly est estimé conquest, & comme vn heritage qui a esté acquis pendant le mariage des conioints. Et neantmoins il conuient entendre, quand l'heritage d'une femme est ameubly, pour sortir nature de conquest, entre les futurs conioints; que tel conquest n'est vray conquest, comme n'estant faict par le mary durant & constant le mariage de luy & de sa femme: Mais est vn conquest fictif, simulé & irregulier; parce que d'un heritage propre, on faict vn conquest, lequel est appelé conquest conuentionnel, au moyen de ce que par la conuention d'ameublissement, l'heritage propre de la femme est faict commun. Partant on a doubté, si de tel conquest le mary auoit la libre disposition, telle qu'elle luy est baillée des conquests par le deux cens trente article de la nouvelle Coustume de Paris, lequel porte, que le mary est seigneur des meubles & conquests immeubles par luy faicts durant & constant le mariage de luy & de sa femme, & qu'il les peut vendre, aliener ou hypotheker, & en faire & disposer, par disposition ou donation faicte entre vifs, à son plaisir & volonté, sans le consentement de sadite femme, & personne capable & sans fraude. Ou bien si le mary a la iouissance du total dudit heritage ameubly pendant son mariage, & que moitié d'iceluy luy appartienne en propriété, l'autre moitié à la femme, comme heritage commun: sans que le mary puisse vendre, aliener, ny hypotheker la moitié appartenant à la femme, sinon du consentement de sadite femme: tout ainsi que *socius in re communi, in præiudicium socij nihil facere potest, nec socij partem alienare aut obligare. l. nemo ex socijs. ff. pro socio. l. per fundum. ff. de seruitu. rustic. prædio*. En sorte que la femme renonçant à la communauté puisse auoir moitié de son heritage ameubly, sans payer aucune debte de la communauté,

393
Si l'heritage
ameubly est
de pareille
nature, que
le conquest
faict par le
mary pen-
dant son
mariage.

nauté; & si ledit héritage ameubly ayant esté vendu par son mary, ladite femme pourra vendiquer sa moitié, en renonçant à la communauté, comme dit est. Car si la femme prend communauté de biens, après le trespas de son mary, elle est garant de la vendition par luy faicte, ou de la rente constituée par luy seul, personnellement pour la moitié, iusques à la concurrence de ce qu'elle a amendé de la communauté, & hypothecairement pour le tout, par saisie & vente des heritages & biens immeubles qu'elle a euz de la communauté, & iusques à la concurrence d'iceux, des fructs desquels elle sera tenuë rendre compte. Le mesme doute se peut mouvoir non seulement de l'heritage ameubly, comme dit est; mais aussi d'un heritage qui a esté simplement donné à une femme mariée, par un sien parent en ligne collaterale, ou par un estranger. Lequel heritage, par le 246. article de la nouvelle Coustume de Paris, est faict commun entre l'homme & la femme mariez, & neantmoins n'est de ses vrais conquests, dont & desquels la Coustume baille la libre disposition au mary. Il semble que la question cy-dessus proposée a esté iugée par un arrest de la Cour solennellemēt prononcé le quatorziesme Aoust, 1589. par lequel, en emendant la sentence donnée par le Bailly de Sens, a esté dit, que la moitié de l'heritage ameubly appartenant à la fille heritiere de la femme, de laquelle l'heritage propre auoit esté ameubly, n'estoit point subiet à l'hypothèque tacite & legale, qu'un mineur pretendoit sur les biens du defunct, auquel l'heritage auoit esté ameubly, lequel auoit esté tuteur de la mineure, enuers laquelle il estoit demeuré redeuable par la closture de son compte. Sauf à ladite mineure son action contre ladite fille heritiere de sa mere, à cause de la communauté qu'elle auoit prise apres le trespas de sadite mere, és autres biens qui estoient communs entre sa mere & le mary, auquel l'heritage auoit esté ameubly. Tellement que suiuant cet arrest, il faudroit dire que la moitié de l'heritage ameubly, qui demeure par deuers la femme, luy appartient, non comme moitié d'un conquest faict par son mary, mais comme son propre, & luy demeure propre, en sorte que le mary n'en auroit peu disposer, ny hypothéquer à ses debtes, ou autres debtes de la communauté. Toutesfois, on tient communément que l'heritage ameubly est entré en communauté, & que la femme ou son heritier renonçant à la communauté, n'y a aucune portion: conséquemment que ledit heritage, par le moyen de la renonciation faicte à la communauté, demeure entierement au mary, ou à son heritier, comme les autres conquests. Aussi que ledit heritage est subiet aux debtes de la communauté, & que le mary l'a peu vendre, aliener & hypothéquer, comme les autres conquests. Outre que le pere apres le trespas de tous ses enfans iouyra suiuant la Coustume, par vsufruct de la moitié de l'heritage ameubly par sa femme, comme de la moitié des autres conquests. Et pour oster le doute cy-dessus deduit: Quand par contract de mariage on ameublit un heritage propre de la femme, il ne faut pas mettre simplement qu'il est ameubly, ou bien qu'il sera commun entre les futurs conioints, ou bien qu'il sera réputé conquest entre les futurs mariez: Mais sera bon

*Arrest pour
la decision
de la ques-
tion cy-
dessus.*

394
Sur l'heritage
ameubly
par la femme
elle sera pre-
ferée à tous
creanciers.

395
L'heritage
ameubly
peut estre
vendu par le
mary, & ne
peut estre
vendiqué par
la femme,
encore qu'elle
renonce à
la communauté.

396
Recit d'un
Arrest que
l'heritage
ameubly
n'est vray
conquest Et
audit heri-
tage la mere
succede com-
me heritiere
de ses en-
fans.

mettre, que l'heritage ameubly sortira nature de vray conquest, & que d'iceluy le mary iouyra, fera & disposera tout ainsi que de chose acquise constant le mariage des futurs conioints, & comme des autres conquests qui pourront estre faits durant & constant ledit mariage: ainsi que du Moulin a denoté sur le cinquante cinquiesme article de l'ancienne Coustume de Paris, *num. 102. & sequenti*, où il traicte des heritages ameublís, ou des heritages propres faicts conquests par contract de mariage. Bien est vray, que sur les deniers procedans de l'adiudication par decret dudit heritage ameubly, qui estoit propre à la femme, elle sera preferée, ou bien son heritier sera preferé pour les conuentions matrimoniales, & aduantages portez par le contract de mariage, à tous les creanciers de son mary: parce que ledit heritage est procedé des biens & substances de ladite femme, comme il sera dit cy apres. Et supposé que par le contract de mariage, portant ameublissement de l'heritage propre de la femme eust esté dit, qu'elle pourroit prendre communauté, ou renoncer à icelle, & y renorçant reprendre franchement & quittement tout ce qu'elle auroit apporté en mariage: Toutesfois l'heritage ameubly, ayant esté vendu par le mary, ne pourra estre vendiqué par la femme, non plus que les conquests vendus par le mary: mais elle pourra demander à l'heritier du mary l'estimation dudit heritage ameubly, ou bien le prix prouenu de l'alienation d'iceluy, s'il a esté vendu: suiuant la loy *Titia in fine. ff. de iu. do.* Et pour le payement de ladite estimation, & de ses conuentions matrimoniales, la femme pourra hypothecairement poursuiure l'acquireur de l'heritage ameubly, ainsi que l'acquireur des conquests qui auroient esté faits par son defunct mary, depuis par luy vendus. Et ce nonobstant l'opinion d'aucuns, qui estiment que la femme renonçant à la communauté, peut vendiquer son heritage ameubly, comme l'ameublissement n'estant faict que sous condition, & la disposition d'iceluy n'estant baillée au mary, sinon sous condition, si elle prend communauté, non pas si elle renonce à icelle.

Suiuant ce qui a esté cy-dessus deduit, que l'heritage propre d'une femme, lequel par contract de mariage est ameubly, & faict conquest entre les futurs conioints, n'est vn vray conquest, & n'est de la nature & qualité du conquest immeuble faict par le mary, durant & constant le mariage de luy & de sa femme, duquel est parlé au 225. art. de la nouvelle Coustume de Paris, dessus cotté, a esté prononcé solennellement vn arrest le Mercredy 14. Aoust 1591. le faict duquel estoit, Que Geneuiefue Fraudé vefue de feu maistre Gilles Boulaud, viuant Procureur en Parlement, ayant vne fille de son premier liét, contracta mariage avec Maistre Estienne Naudier Aduocat au Chastelet de Paris. Par le contract duquel mariage passé en l'an 1558. est cōuenu que tous les heritages propres de ladite Fraudé, & tous les heritages qui luy appartenoint à cause des acquisitions faictes par ledit defunct Boulaud, pendant leur mariage, qui estoient acquests à ladite Fraudé, seroient faicts conquests entre ledit Naudier & ladite Fraudé, comme s'ils auoient esté acquis durant leur mariage. Si ledit Naudier decedoit auparauant ladite Fraudé, sans enfans

viuans de leur mariage, elle iouyroit sa vie durant par vsufruit de la moitié desdits propres & acquests. Si ledit Naudier suruiuoit ladite Fraudé, il iouyroit de la moitié desdits propres & acquests, incontinent apres le trespas de ladite Fraudé. Si ledit Naudier predecéderoit ladite Fraudé, delaisant enfant ou enfans viuans lors de son decez, ladite Fraudé iouyroit de la moitié desdits heritages propres & acquests, faits conquests, iusques à ce que les enfans eussent atteint certain aage, en les nourrissant & entretenant par icelle Fraudé. Seroit aduenue que l'an 1572. ou environ, ledit maistre Estienne Naudier seroit allé de vie à trespas, delaisé pour heritier Denys Naudier son fils yssu de leur mariage, lequel ayant passé l'aage de iouissance portée par le contract de mariage, seroit decédé en l'an 1580. delaissez ladite Fraudé sa mere heritiere quant aux meubles & acquests, & des oncles & tantes heritiers, quant aux propres paternels. Lesquels oncles & tantes font adiourner ladite Fraudé, à ce que partage soit faict desdits heritages propres & acquests, lesquels par ledit contract de mariage, ont esté faits cōquests : Et ausdits oncles & tantes heritiers des propres dudit defunct Denys Naudier baillée moitié desdits heritages, pour en iouyr comme à eux appartenans, & les fruits à eux adiugez depuis le trespas dudit Denys Naudier, comme saisis par la Coustume. Sur laquelle demāde les parties estans appointées en droit à escrire & produire pardeuant Messieurs des Requestes du Palais, ladite Fraudé appelle dudit appointment, & presente requeste à la Cour, à fin d'euoquer le proces principal. Les oncles & tantes pour leurs moyens, disoient que l'inegalité d'âge, auoit esté iuste occasion de faire par ladite Fraudé vefue, & ayant enfans, aduantage & donation audit Naudier, lequel n'auoit esté marié. Que les heritages propres & acquests de ladite Fraudé, par le contract de mariage, estans faits conquests, la moitié d'iceux, dès l'instant dudit mariage, auoit appartenu audit Naudier, en auoit esté faict seigneur, propriétaire & possesseur, & luy auoient esté vn acquest, ou bien conquest. Que la moitié desdits heritages ayant esté vn acquest, & conquest, en la personne dudit maistre Estienne Naudier, ladite moitié d'heritages aduenue audit Denys Naudier son fils & heritier luy estoit propre paternel. Tellement que ledit Denys Naudier allant de vie à trespas sans hoirs de son corps, icelle moitié d'heritages retournoit à ses plus proches parens du costé & ligne dudit maistre Estienne Naudier, par le trespas duquel ladite moitié d'heritages estoit aduenue audit Denys, qui estoient lesdits oncles & tantes, freres & sœurs dudit maistre Estienne, & ce suiuant le 230. article de la nouvelle Coustume de Paris. Qu'il estoit certain que par les dispositions & conuentions des hommes, la nature & qualité des choses, mesmes des heritages, pouuoit estre alterée & changée, de propres estre faicts conquests, & de conquests propres : comme il est dit *in principio tituli, ut liceat matri & auia, in athen. l. castrense peculium. ff. de cast. pec. Idem enim operatur fictio in casu ficto, atq, veritas in casu vero. l. si is qui pro empt. ff. de usucap.* Ce qui auroit lieu en succession, auquel cas *mutatione personæ qualitas rei mutatur.* Tellement que *si paterfam. succed. filiofam. in castrensi pecul. bona castrensis peculij amplius castrensia*

non sunt, sed patrimonium patris: & idem dicendum in extraneo heredem instituto à filiofamil. in bonis castrensis. l. per procuratorem. ff. de acq. vel am. hered. Pareillement, *filius. si à patre emancipatus fuerit, aut alio modo sui iuris effectus sit, res, quas filius. ante emancipationem ex castrensi peculio habebat, cum alijs suis rebus confunduntur, & ex omnibus rebus unum patrimonium congregatur, & peculij nomen evanescit*, comme dit la loy *fin. in fin. C. de inoff. test.* Que ladite Fraudé ne pouuoit s'ayder de l'Ordonnance faicte sur les secondes nopces, ny de la nouvelle Coustume de Paris, portant prohibitio à vne femme, conuolant en secondes nopces, d'auantager vn second mary de ses propres & acquests, plus que l'un de ses enfans, & d'aucunement disposer des conquests faicts avec son premier mary: Parce que lesdites Ordonnances & Coustume n'estoient faictes ne publiées, & n'auoient lieu en France lors du contract de mariage desdits Naudier & Fraudé. Que ladite Fraudé ne pouuoit valablement dire, que son intention n'estoit pas de mettre ses heritages propres en la famille des Naudiers: attendu que ledit contract de mariage portoit que si ledit maistre Estienne Naudier predecedoit ladite Fraudé sans enfans yllus de leur mariage, qu'elle iouyroit par vsufruit sa vie durant des heritages faits conquests par ledit traitté de mariage. Tellement qu'en ce cas il estoit euident que la propriété de la moitié desdits heritages propres & acquests, estoit transferée aux heritiers collateraux dudit maistre Estienne Naudier, fussent freres, sœurs, oncles, tantes & cousins. Aussi qu'en contracts qui dependent de la volonté des contractans, on ne considere pas la volonté & intention de l'un des contractans seulement, comme on faict en testamens, constitutions & ordonnances qui dependent de la volonté d'une seule personne: Mais en contract on regarde ce qui est escrit, sans y adiouster ny diminuer, *l. quidquid adstringenda. ff. de verb. obl.* A ces moyens ladite Fraudé defenderesse respondoit que le 230. art. de Coustume alleguée, duquel les demandeurs faisoient leur principal fondement, s'entendoit *in casu vero*, du vray conquest faict par le mary, durant & constant le mariage de luy & de sa femme, duquel est parlé au 225. art. de la mesme Coustume: non pas *in casu si. 70*, comme est le conquest duquel est question, faict par le contract de mariage, lequel est cōventionnel, irregulier, fictif & simulé. Et quelque chose que les demandeurs ayent voulu dire, la vraye nature des choses ne se peut immuer, alterer, ny changer par la disposition & conuention des hommes, ny par mutation des personnes: *quia veritas inspicitur, non quod quis finxit*, comme dit la *l. si forte. ff. de castren. pec.* Qu'il apparoiſſoit par son contract de mariage, qu'elle auoit donné aux enfans, qui viendroient du mariage dudit defunct M. Estienne Naudier & d'elle, la pleine propriété de la moitié de ses heritages propres & acquests. Que par le 313. art. de la nouvelle Coust. de Paris, les pere & mere succedent es choses par eux données à leurs enfans decedans sans enfans, & descendans d'eux. Que c'estoit le cas qui s'offroit à present, & que ladite Fraudé ne demandoit sinon succeder aux heritages qu'elle auoit dōnez audit Denys Naudier son fils, & que ses propres & acquests fussent conseruez en sa famille. Et au cas susdit, encores que l'heritage donné

ait faict souche, il remonte & retourne à celuy qui l'a donné: suivant le-
dit 313. art. de Coustume: qui estoit l'un des principaux poincts du present
proces, & conformément à la *l. iure succursum. ff. de in. do. Que donauerat
filiis ut filiis, non ut heredibus*: que *filij erant in dispositione, non in condi-
tione. l. Gallus. §. quid si tantum. ff. de lib. & posth.* Que les heritages faits con-
quests par ledit contract de mariage, n'ont peu estre vn vray propre en la
personne dudit Denys Naudier, mais vn vray acquest: parce que ledit
defunct Naudier n'en auoit eu la iouissance sinon par le moyen de la so-
cieté coniugale, à cause de laquelle elle auoit faict ses heritages propres
& acquests communs entre ledit defunct Naudier & elle. Que la posses-
sion, ou bien la propriété que ledit defunct maistre Estienne Naudier en
auoit peu auoir, comme momentanée & de peu de durée, n'estoit con-
siderable. En tout euenement que les heritages faicts conquests par ledit
contract de mariage, n'ont peu en la personne dudit Denys, estre vn
vray propre ancien & radical: mais vn propre naissant, prenant sa nais-
sance, source, origine, & commencement en la personne dudit Denys.
Lequel propre naissant peut remonter. De faict par le trois cent quinziés-
me article de la nouvelle Coustume de Paris, est dict, Que si vn fils faict
acquisition d'heritages, ou d'autres biens immeubles, & decede delais-
sant à son enfant lesdits heritages, & ledit enfant decede apres sans en-
fans & descendans de luy, & sans freres & sœurs, Que l'ayeul & ayeule suc-
cedent ausdits heritages en pleine propriété, & excluent tous autres col-
lateraux. Que si au cas dudit article de Coustume, l'ayeul & ayeule exclu-
ent tous heritiers collateraux, ladite Fraudé qui est mere, doit exclurre les
demandeurs qui sont heritiers collateraux: attendu que les heritages des-
quels est question, prouiennent d'elle, & ne sont heritages prouenus de
la famille des Naudiers. Que le cas allegué par les demandeurs, que ladi-
te Fraudé auoit consenty, les heritages par elle faicts conquests apparte-
nir aux heritiers collateraux dudit defunct Maistre Estienne Naudier, s'il
decedoit sans enfans au parauant ladite Denyse Fraudé, n'estoit aucune-
ment considerable: parce que ledit cas n'estoit aduenü, & sic conditio de-
fecerat. *l. si verò, §. de viro. ff. sol. matr. l. qui filio. §. si quis seruum. ff. de her. inst.*
Partant ladite Fraudé concludoit à fin d'absolution des demandes & con-
clusions contre elle prinſes par les demandeurs, à fin de partage des heri-
tages faicts conquests par son contract de mariage: Ce qui a esté ordon-
né par l'arrest cy-dessus datté. En ce faisant ladite Denyse Fraudé, comme
heritiere dudit Denys Naudier son fils, a eu la moitié des heritages par elle
ameublis, lesquels par le moyen dudit ameublissement auoient apparte-
nu audit Maistre Estienne Naudier son mary, que audit Denys Naudier
son fils, & les oncles & tantes paternels n'y ont eu aucun droit. Et dit-
on que cet arrest est fondé sur ce que la mere, par contract de mariage,
auoit principalement donné aux enfans qui viendroient de leur mariage.
Partant estoit raisonnable, que les biens donnez retournaſſent à la mere,
suivant la Coustume de Paris.

Or en continuant le discours des insinuations, faut entendre que le
ſiege Royal auquel l'insinuation doit estre faicte, soit de la demeure

397
L'insinuatiõ
doit estre
faicte aux
sieges parti-
culiers, & nõ
aux sieges
generaux..

des parties donnantes, ou des choses données, ne doit pas estre le sieg^r capital & general de la Preuosté, Baillage, ou Seneschaulsée: ains l'insinuation doit estre faicte au siege ordinaire & particulier de la Preuosté, Baillage, ou Seneschaulsée de la demeure des parties donnantes, & de l'assiette des choses données, à ce que plus facilement on ait cognoissance des donations. Tellement que si le donnant est demeurant en la ville de Paris, & l'heritage donné soit assis au dedans de la Chastellenie de Corbeil, il faudra faire insinuer le contract de donation, non seulement au Greffe du Chastelet de Paris, mais aussi au Greffe de Corbeil. Et si les heritages donnez sont assis, tant en la Chastellenie de Corbeil, que de Poissy & Gournay, il faudra insinuer la donation és Greffes des trois Chastellenies dessusdites. Autrement la donation demeurera nulle, pour le regard des heritages assis és Chastellenies, esquelles l'insinuation n'aura esté faicte. Et le semblable doit estre dit si le donnant est demeurant en la ville de Corbeil, & l'heritage assis en la ville de Paris. De ce y a arrest donné le 24. Ianuier 1579. au profit de Paul Faulconnier, en la Coustume de la Marche, recité par Monsieur Fontanon, au premier Tome des Edicts & Ordonnances, au tiltre, Que toutes donations, & autres dispositions seront insinuées. Autre arrest donné en la Coustume d'Amiens, par lequel vne donation a esté declarée nulle, parce qu'elle n'auoit esté insinuée en la Preuosté particuliere du Baillage d'Amiens; encores qu'elle eust esté insinuée au Greffe dudit Baillage. Et les donatiõs faictes par le defunct Seigneur de Courlange, ont esté principalement debatues, parce qu'elles n'auoient esté insinuées au siege particulier des heritages donnez, qu'on soustenoit estre la Preuosté de Grez, encores qu'elles eussent esté insinuées au Greffe du Baillage de Nemoux, siege principal des choses données, non pas particulier. Si la donation est faicte de rente fonciere, il faut obseruer le semblable qu'en l'insinuation d'un heritage: parce que la rente fonciere tient lieu de l'heritage, à cause duquel elle est deuë sur lequel elle est assignée. Si c'est vne rente constituée, qui soit deuë au donateur, est besoin insinuer la donation, tant au lieu de la demeure du donateur & du donataire, que du débiteur de la rente. Et s'il y a quelques heritages specialement obligez; la faudra insinuer au siege Royal de l'assiette d'iceux. S'il n'y a qu'obligation generale de tous biens, il suffit faire insinuer és domiciles du donateur, du donataire, & du débiteur: si pour plus grãde seureté on ne veut faire insinuer au lieu auquel le débiteur a ses principaux heritages. Ce qui ne semble necessaire, parce qu'une rente est ³⁹⁸ *incorporale*, lequel n'a certaine assiette ny situation: principalement quand la donation seroit d'une rente à prendre sur tous les biens du donateur generalement, sans aucune specification d'heritages. Secus si le donateur a donné cent liures de rente à prendre sur certains heritages à luy appartenans, specifiez en la donation. Car en ce cas il est besoin faire insinuer la donation, tant au lieu de la demeure du donnant & du donataire, que de l'assiette des heritages specifiez en la donation. Si la donation est faicte de l'usufruit de quelque heritage ou de quelque rente; ou bien si la iouissance d'un heritage ou d'une rente est donnée entre vifs, pour la

398
Donations
de rentes en
quels lieux
doient estre
insinuées.

nourriture & aliment du donataire ; telle donation selon l'opinion de plusieurs est nulle, à faute d'insinuation faicte par l'une ou l'autre des parties: suivant le 284. art. de la nouvelle Coust. de Paris, laquelle requiert insinuation du don mutuel faicte entre l'homme & la femme mariez, de l'usufruit de leurs meubles & conquests immeubles, au suruiuant des deux. Aussi que *usufructus pars domini cōsetur, & est ius immobile*, cōme il a esté dict cy-deuant. Et cōbien que la loy *sancimus. §. fin. C. de donat.* die que *donatio annua ad vitam facta, quæ quotannis legitimum modum, id est quingentos aureos non excedit, insinuatione non indigeat*: Toutesfois en France toute donation d'immeuble de quelque valeur qu'il soit estant subiette à insinuation ; la donation de simple usufruit y est aussi subiette. Et à present par le moyen de la nouvelle Coustume de Paris, ils estiment estre sans doute qu'un don mutuel, pareillement vne donation de simple usufruit d'heritage est subiecte à insinuation. De faict par contract de mariage passé en la ville de Cadillac Seneschaussée de Guyenne, le 3. Feurier 1581. entre Iean de Cointe Escuyer, Capitaine du Chasteau de Foix, & Damoiselle Marie le Bel, estant conuenu, qu'au cas que l'un des futurs espoux precede ses enfans dudit mariage : en ce cas tous les meubles, acquests & conquests immeubles, appartiendront au suruiuant comme propres : Et en outre iouyra le suruiuant sa vie durant des propres du predecédé: L'insinuation du cōtract de mariage estant faicte au Greffe de la Seneschaussée de Guyenne, lieu de la demeure des contractans, & non au Greffe du Chastelet de Paris, en la Coustume & iurisdiction duquel estoient assis les heritages propres de ladite le Bel, lesquels auoient esté alienez, moyennant milliures de rente par an, racheptable de douze mil liures tournois: Ladite Damoiselle estant decedée la donation fut declarée bonne, pour le regard des meubles, acquests & conquests immeubles, qui estoient tous assis en Guyenne, & adiugez au mary suruiuant: Et les heritages propres de la defuncte, qui estoient les mil liures de rente, furent adiugez aux heritiers de la defuncte, avec les arrerages escheuz & à escheoir depuis le decez de la defuncte, sans que le mary suruiuant y eust aucun droit d'usufruit: parce que le cōtract de mariage n'auoit esté insinué au Chastelet de Paris. Et ce par l'aduis de quatre anciens Aduocats de la Cour. Neantmoins la verité est, que le 10. Auil 1554. y eut arrest prononcé solennellement pour Maistre Pierre le Feure Clerc au Greffe ciuil de la Cour de Parlement: par lequel fut dict, que suivant son contract de mariage il iouyroit par usufruit sa vie durant de tous les biens demeurez par le trespas de sa defuncte femme: encores que le contract n'eust esté insinué. Semblable cause fut plaidée & appointée au Conseil le 23. Auil, audit an. Mais les contracts de mariage desquels estoit question, estoient passez auparauant l'Ordonnance faicte à Moulins en l'an 1566. au precedent laquelle les heritiers des donnans n'estoient receuables à debatre les donatiōs par faute d'insinuation. Et encores le quatorziesme Aoust mil cinq cens quatre-vingts deux, y eust arrest aussi solennellement prononcé, par lequel la donation faicte par un pere à vne sienne fille, de l'usufruit de la moitié d'une maison assise en ceste ville de Paris, pour les

379

Si la donation faicte de l'usufruit d'un heritage, ou d'une rente, est subiecte à insinuation.

alimens & nourriture de ladite fille, fut declarée bonne & valable, encores qu'elle n'eust esté insinuée: Et la propriété de la moitié de la maison declarée hypothéquée au creancier du donnant. Mais ladite donation estoit faicte auparauant que l'ancienne Coustume de Paris eust esté reformée, & la nouvelle redigée par escrit. Outre que les donations de simple vsufruit faictes pour nourriture & aliment estant fort fauorables, on pourroit soustenir que par faute d'insinuation elles ne seroient pas nulles: Veu principalement que l'Ordonnance de Moulins article 58. ny les autres Ordonnances parlans des insinuations, ne font aucune mention des donations faictes d'un simple vsufruit, ou bien de simple iouissance d'un heritage pour nourriture & aliment. Et le plus grand doubte seroit en donation d'vsufruit d'heritage assis en la Coustume de Paris, par le moyen du 284. article d'icelle cy-dessus recité.

400
Quand la chose donnée a esté possédée par plus de dix ans, on peut verifiser par tesmoins la donation, & ne peut estre debatue par faute d'insinuation.

Si le donataire, deslors de la donation faicte entre vifs, a eu tradition & deliurance des heritages donnez, & en a iouy paisiblement, publiquement, & continuellement par plus de dix ans, & sic donatio incæperit à traditione, & non à pactione: encores qu'il ne face apparoir par escrit de donation, ny d'insinuation d'icelle, ains la verifie par tesmoins, ensemble la possession; telle possession a plus d'effect qu'une simple insinuation.

Ainsi a esté iugé en plaidoyrie par arrest du 19. lanuier 1572. pour vn homme de village: lequel ayant iouy de la moitié d'une ferme qu'il soustenoit luy auoir esté donnée en faueur de mariage par son beau-pere, qui estoit vn homme rustique: s'estant opposé à la saisie & criées de la totalité de ladite ferme, saisie sur son beau-pere, à fin de distraire moitié d'icelle: son opposition fut declarée bonne & valable, encores qu'il ne fust apparoir de contract de mariage, ny de contract de donation, sur ce qu'il disoit qu'aux champs on ne pouloit point de contract de mariage par escrit: & pareillement ne fust point apparoir d'insinuation. Si la donation est faicte de certains meubles seulement, comme des meubles qui sont en vne maison

401
Donation de simples meubles n'est subiecte à insinuation.

assise à Paris, appartenant au donateur: telle donation n'est subiecte à insinuation, parce que meubles n'ont assiette ny situation, se peuuent transporter de lieu en autre, & en France ne sont susceptibles d'hypothèque. Ainsi a esté iugé en plaidoyrie par arrest donné le 24. Iuillet 1561. Mais si la donation est faicte de tous les meubles qui appartiennent

402
Donation de vniuersité de meubles, est subiecte à insinuation.

ou qui appartiendront au donateur, au iour de son trespas, *huiusmodi donatio omnium mobilium, vniuersitatem, que ius est; continet*, & en icelle sont comprises toutes les debtes actiues mobilières du donateur, comme nous auons dict cy-dessus. Partant telle donation est subiecte à insinuation. *l. si quis argentum. §. sed si quis vniuersitatis. C. de donat.* & ainsi le tient-on au Palais & au Chastelet. Mais il suffit que telle donation soit insinuée en la Iustice Royale de la demeure des parties donnantes. Si la donation est tant de quelques meubles, que de quelques heritages, la donation sera declarée bonne pour le regard des meubles, & sera declarée nulle, par faute d'insinuation, pour le regard des heritages. *l. sanctimus. §. si quid autem. supra. de donat. C.* & la donation des immeubles en

403
Quand la donation est faicte partie de meubles, partie d'heritages.

ce cas

ce cas ne preiudiciera pas à celle des meubles, *quia utile per inutile non vitiatur. l. 1. §. sed si mihi. ff. de verb. obl.* Ainsi a esté iugé par sentence donnée par Messieurs du Threior le 2. Iuillet 1584. Mais on a demandé si la donation qui est faicte de deux mil escus, ou d'autre somme de deniers, à prendre sur tous les biens du donateur, apres son trespas, lesquels à ceste fin il a generalmente affectez, obligez & hypothequez, ou bien sur tous les heritages propres: estant ceste donation faicte entre vifs, & deuëment acceptée, sera subiecte à insinuation, au moyen de l'hypothèque créée sur tous les biens du donateur. Il est certain que si le donataire ne veut pretendre aucun droit sur les heritages demeurez par le trespas du defunct donateur: mais pretend seulement se faire payer sur les meubles & debtes mobilières du defunct, le défaut d'insinuation ne luy peut estre obli-
 cé: Parce qu'en France l'insinuation n'est aucunement requise pour deniers ou meubles donnez, comme elle estoit par la disposition de droit commun, requise lors que la donation excendoit *ducentos aureos*, soit qu'elle fust faicte *de re mobili*, ou bien *de immobili*. Ains est ladite insinuation requise en France, seulement en immeuble de quelque valeur qu'il soit. Mais si le donataire pretend droit d'hypothèque sur les heritages demeurez par le trespas du defunct donateur, & veut estre payé sur le prix prouenant de la vente d'iceux, des sommes de deniers à luy données, le défaut d'insinuation luy sera obli-
 cé, tant par le creancier qui y sera notoirement bien fondé, & par l'acquerer & detenteur de l'heritage, encores qu'il ne l'ait prescript, que par l'heritier du donateur. Et en ce cas a esté ordonné par arrest, que les meubles seroient estimez, & que sur lesdits meubles seulement il seroit payé, sans toucher aux immeubles: attendu que la donation n'estoit point insinuée.

404
 Si la dona-
 tion d'une
 somme de
 deniers à
 prendre sur
 tous les biens
 d'un hom-
 me est subie-
 cte à insi-
 nuation.

Combien qu'on tienne ordinairement que les donations faictes entre vifs, soient simples, mutuelles, remuneratoires, onereuses, en faueur de mariage, ou d'un simple vsufruct, si elles ne sont insinuées dedans quatre mois à compter du iour & datte d'icelles, sont & demeurent nulles, & sans effect & valeur, tant pour le regard du creancier, que de l'heritier du donnant, suiuant l'Edict de Moulins: Et encores que l'insinuation soit faicte apres les quatre mois, qu'on n'y doit auoir aucun esgard: attendu que ladite Ordonnance, *continet & certum tempus & pœnam*, tellement que *pœna est impurgabilis*, comme dient nos Docteurs, suiuant la loy *magnam C. de contrah. & com. stip l. 2. C. de iu. emph.* Toutesfois il semble que quand la donation a esté insinuée du viuant du donnant & du donataire, estans en pleine santé, & de leur mutuel consentement, telle donation doit subsister, & ne doit estre debatue, ny par le donnant, ny par son heritier: & sera bon passer nouvelle procuration, pour faire l'insinuation & confirmation de la donation. Ainsi a esté iugé par arrest de la Cour au rapport de M. le Grand Conseiller, pour vn don mutuel, lequel fut déclaré bon, encores qu'il eust esté insinué apres les quatre mois du viuant du mary & de la femme, estant en pleine santé, & ce long temps apres l'Ordonnance faicte à Moulins en l'année 1566. Autre arrest solennellement prononcé le 27. May 1583. touchant vne donation faicte en faueur de ma-

405
 L'insinua-
 tion se peut
 faire apres
 les quatre
 mois du vi-
 uant du do-
 nateur &
 donataire.

406
L'insinua-
tion n'est
pas de l'es-
sence de la
donation.

riage, par vne nommée de Sainct Aman, à vne sienne niepce; laquelle donation fut déclarée bonne, encores qu'elle eust esté insinuée onze mois apres le contract passé; toutesfois du viuant de la donante & de la donataire. La raison, parce que lors & au temps de l'insinuation faicte, la donation pouuoit estre valablement faicte. Et tant le donateur que le donataire ayant consenty que la donation par eux faicte, fust insinuée apres les quatre mois de la datte d'icelle, il semble qu'ils ont faict vne nouvelle donation, & qu'ils ont renouuellé la donation par eux auparauant faicte, laquelle lors & constant le mariage ils pouuoient faire de nouveau, & au mesme instant la faire insinuer. Et le semblable doit estre dict de ceux qui peuuent donner mutuellement ou simplement, au temps que l'insinuation est faicte. Aussi l'on peut dire pour autre raison de ce que dessus que le donant a esté en pareille faute que le donataire, estans tous deux tenus de faire insinuer la donation par eux passée pardeuant Notaires. Ioinct qu'il est certain que l'insinuation n'est pas de l'essence, substance & perfection de la donation: attendu que sans insinuation, *donatio valet usque ad legitimum modum*, par la disposition de droit, *in d. l. sancimus. §. si quid autem supra. C. de donat.* Et l'insinuation est seulement vne solemnité extrinseque, introduicte en faueur des creanciers, à ce qu'ils ayent cognoissance des donations faictes par ceux avec lesquels ils veulent contracter. En tout euenement la donation, par faute d'insinuation dedans les quatre mois, ne pourroit estre debatüe, sinon par le creancier precedent l'insinuation: lequel voudroit pretendre droit d'hypothèque pour son deub sur la chose donnée; comme la donation sans insinuation ne luy ayant peu faire preiudice: non pas que pourtant elle soit déclarée nulle de toute nullité. Et semble qu'ainsi doit estre obserué, principalement veu que l'Ordonnance faicte en l'an 1539. porte que les donations ne commenceront à auoir effect, que du iour de l'insinuation. Tellement qu'il semble que l'intention de l'Ordonnance n'est, sinon de suspendre l'effect de la donation, iusques au iour de l'insinuation, & qu'icelle faicte par toutes les parties, & du consentement d'icelles, apres les quatre mois, la donation commence seulement alors à produire son effect: non que pourtant auparavant elle laissast de subsister, sans ladite insinuation. Le doubte seroit plus grand, si lors & au temps de l'insinuation faicte apres les quatre mois, la donation ne pouuoit estre faicte par le donant au donataire. Comme si deux futurs conioints par mariage ont conuenü par leur contract, que au suruiuant appartiendront en pleine propriété tous les biens du predecédé, & reciproquement en ont faict don au suruiuant: ou bienn le futur conioinct a donné en pleine propriété à sa future espouse certain heritage; ou la future espouse a faict autre donation à son futur mary; lesquelles donations n'ont esté insinuées qu'un ou deux ans apres le mariage consommé; auquel temps il est certain que lesdites donations ne pouuoient estre faictes, comme en temps prohibé, d'autant que le donateur & le donataire, estans ensemble conioints par mariage, pouuoient seulement faire don mutuel entr'eux, de l'vltimü de leurs meubles & conquests immeubles, s'ils n'auoient point d'enfans, suivant la Coult. de Paris. Et en ce cas il semble que la donation portée par le con-

tract de mariage se doit restreindre, & auoir effect seulement en ce, que le donateur pouuoit lors & au temps de l'insinuation donner au donataire: Comme au cas dessusdit, la donation deuroit seulement auoir effect pour l'usufruit des meubles & conquests immeubles, suiuant ladite Coust. de Paris. Ce qui se doit entendre pour le regard du mary. Car nous auons cy-dessus monsté, que les donations faictes par le futur espoux à la future espouse, ne peuuent estre debatuës par la future espouse, ny par ses heritiers ou creanciers, à faute d'insinuation faite par la femme. Que si la donation n'est aucunement insinuée du viuant du donnant, & les quatre mois lors de son decez sont expirez: il est certain que la donation demeure nulle & de nul effect & valeur, tât pour le regard du creancier que de l'heritier du donnant. Ce que dessus se peut tirer de l'Ordonnance de Moulins, art. 58. laquelle ne porte pas que les donations demeureront nulles, à faute d'insinuation faicte d'icelles dans les quatre mois, à compter du iour & datte d'icelles donations: mais ladite Ordonnance porte seulement, qu'à faute d'insinuation, lesdites donatiōs demeureront nulles & de nul effect & valeur: & ne repete pas ces mots, de quatre mois. Aussi que par toutes les Ordonnances precedentes celle de Moulins, n'y auoit aucun tēps prefix pour faire insinuer les donatiōs: & suffisoit qu'elles fussent insinuées du viuant du donateur. Sur tout s'il est question de meubles, acquests & cōquests immeubles, & autres biens desquels le donnant pouuoit disposer par testament, ou par donation pour cause de mort: il faut regarder si la donation de laquelle est question, encores qu'elle soit conceüe en forme de donation entre vifs, n'est point vne donation pour cause de mort, l'effect & execution de laquelle est cōferée apres le trespas du donnant: ou si le defunct ne s'est point dessaisi des choses données, & ait retenu la libre disposition d'icelles, ou si les choses ont esté données sous condition incertaine, si le donataire suruit le donnant, ou bien si la donation a esté faicte par vn homme ou vne femme estant malade, ou s'il y a autre presumption & cōiectures adnotées *per Bald. in l. 2. C. de iu. dot. & Bart. in l. que dotis. ff. sol. ma.* D'autant que, suiuant les Ordonnances susdites & disposition de droit commun, les donations pour cause de mort ne sont subiectes à insinuation, & ne peuuent estre debatuës par faute d'icelles, *l. fina. C. de don. ca. mortis.* Pareillement ne sont subiectes à acceptatiō, & n'est besoin qu'elles soient acceptées par les donataires, du viuāt des donateurs: non plus que les legs testamentaires, parce que la derniere volōté est tousiours libre & ambulatoire iusques à la mort: & les donatiōs pour cause de mort peuuēt estre reuōquées par les dōnans, iusqu'à la mort, ainsi que les legs testamētares peuuēt estre reuōquez par les testateurs. Et si le dōnant pour cause de mort est appellé pour cōsentir l'insinuatiō de la donatiō par luy faicte, il l'empeschera. Soustiēdra que la donatiō estāt faicte pour cause de mort, ne doit estre insinuée suiuant la dispositiō de droit & ordonnance, parce qu'elle se peut reuōquer par le dōnant iusqu'à sa mort. Aussi que si le donataire decede auparauāt le donateur, ladite donation demeure sās effect: *l. si mort. causa res donata. l. que mortis caus. ff. de don. ca. mor. l. nō omnis. ff. si cer. per.* Et si la donatiō estoit entre vifs, le dōnant ne pourroit

407
Les dona-
tions pour
cause de
mort ne sont
subiectes à
insinuation.

empescher l'insinuation. Ainsi fut iugé par arrest solemnellent prononcé le dernier iour de Decembre, 1555. Neantmoins plusieurs donataires font insinuer les donations faictes pour cause de mort, ensemble les legs testamenraires qui leur sont faicts, encores qu'il ne soit necessaire.

408
La vefue est
preferée à
tous crean-
ciers sur
l'heritage
procedé
d'elle.

Pour reprendre le propos de la preference, que la vefue pourroit pretendre deuoir auoir sur les biens de son defunct mary, pour le payement de ses conuentions matrimoniales: que nous auons laiffé, pour parler de plusieurs autres matieres, qu'il a esté besoin inserer en ce chap. tant pour plus ample intelligence du sujet d'iceluy, que à cause de la suite necessaire deldites matieres: Il faut remarquer pour vne limitation de ce qui a esté dit de la preference desniée à ladite vefue: Que si l'heritage, sur lequel la femme demande ses conuentions matrimoniales, estoit procedé de la femme, ou du pere de la femme, qui l'eust baillé en mariage au lieu de deniers comprans, & eust esté faict conquest entre les futurs cōioints: Il seroit raisonnable que sur les deniers qui prouviendroient de la vente & adjudication par decret dudit heritage, la femme fust preferée à tous les creanciers de son defunct mary, comme en cela suuant la chose, & partant estant preferable sur ledit heritage comme elle seroit preferée sur des meubles, és cas contenus & declarez és articles 176. & 177. de la nouuelle Coustume de Paris, par la mesme raison. Lesquels articles de Coustume, par arrest solemnellement prononcé le 12. Avril, 1586. ont esté declarez auoir lieu en la Coustume de Montfort l'Amaury, encores que ladite Coustume ne faict aucune mention de ce que dessus. Et par arrest du 16. Avril, 1575. pour Jean le Bercher, a esté iugé iceux auoir lieu en la Coustume d'Orleans. Autre arrest du 27. Novembre 1574. Tellement que par lesdits articles, celui qui a vendu quelque chose mobiliere, encores qu'il ait donné terme de payer, & *sic fidem habuerit de pretio, & in creditum abierit*; toutes-fois si le meuble par luy vendu est trouué en la possession de son debteur, qui ne l'auoit encores aliené, & n'estoit encores vendu par Iustice: le vendeur dudit meuble sera preferé sur les deniers prouenus de la vente d'iceluy, à tous les creanciers de l'achepteur, supposé qu'ils ayent faict saisir ledit meuble sur ledit debteur, auparauant le vendeur d'iceluy; & en cas de desconfiture ne viendra à contribution. Combien que par la disposition du

409
Celuy qui a
vendu un
meuble, &
le trouue en-
cores en la
possession de
son debteur
est preferé à
tous crean-
ciers.

droict commun, *qui in creditum abierat, in tributum venire debeat. l. procuratoris. §. planè. vers. & si quidem. ff. de trib. act.* Et conuient noter que *abire in creditum*, en cest endroit, c'est *ex domino rei fieri creditore eiusdem: Quando scilicet rem meam certo pretio vendidi & tradidi, & sic eius rei dominium in emptorem transtuli, eius fidem secutus de pretio. Quod si fidem de pretio non habui, sed rem tradidi, quasi cominus pecuniam recepturus, & rem statim persequor, tunc non abij in creditum: & idè rem meam vindicare possum, & pour-
suiure la chose mobiliere par moy vendue sans iour & sans terme, esperant estre promptement payé, en quelque lieu qu'elle soit transportée, pour estre payé du prix que l'auois vendue, suuant le cent septante-six article de la Coustume de Paris, & disposition de droict, in *l. si quasi recepturus. ff. de pig. act. §. vendita. Inst. de re. diu. l. procur. §. planè. vers. enimvero.**

l. tit. de pig. act. textus in l. quod vendidi & tradidi. ff. de contr. em. Si la chose est vendue par autorité de Iustice, auparavant que le vendeur d'icelle se soit opposé; combien que le vendeur d'icelle s'oppose sur les deniers qui sont encores es mains du Sergent, toutesfois il ne sera aucunement préféré, *quia res vendita & tradita erat, & non erat amplius in bonis debitoris*: & a esté iugé par arrest qu'il n'y a prelation, sinon quand la chose est extante & non vendue. Ceste preference de la susdite vefue, sur l'heritage procedé d'elle, se fait aussi à l'exemple du bailleur d'heritage, lequel est préféré à tous creanciers, & pendant les criées est payé des arrerages de sa rente fonciere. Conformément à la disposition de droit, *in l. etiam. ff. qui pot. in pig. in verbis, ita tamen ut potior causa domini soli sit, si non solvatur ei solarium*. Ainsi a esté iugé au Chastelet de Paris à la fin du mois d'Auril, en l'an 1586. fors au Seigneur censier, lequel, pour ses droicts de lots & ventes, est préféré au bailleur de l'heritage: comme ledit Seigneur estant le premier bailleur du fonds de l'heritage, & pour ceste cause est appelé Seigneur foncier: Aussi comme deslors du bail par luy faict, ayant retenu droit d'hypothèque sur ledit heritage, pour ses droicts de lots & ventes, quand ledit heritage seroit vendu. Ainsi a esté iugé par arrest donné au profit de Maistre Iean Perdrier, fermier de Monsieur l'Euesque de Paris, contre Maistre Iean Deprast le 8. Auril 1570. pour le payement des lots & ventes d'une mailon sise en ceste ville de Paris, rue Coquilliere.

410
Le bailleur
d'heritage
est préféré à
tous crean-
ciers.

411
Le Seigneur
censier pour
les lots &
ventes est
preferé au
bailleur
d'heritage.

Sur ceste matiere de preference de creanciers, on a demandé des Commissaires du Chastelet de Paris, lors qu'ils recoient les consignations & deniers des adiudications par decret faictes au Chastelet: Sçavoir si ceux qui ont consigné es mains desdits Commissaires, ont hypothèque sur leurs biens du iour qu'ils ont esté receuz en l'exercice de leur office, à l'exemple du mineur & du fisque; ou bien du iour des consignations par eux receuës, en sorte que les creanciers precedens soient preferez aux consignataires. Ceste difficulté a esté vuidée par arrest solennellement prononcé le 7. Septembre 1581. entre Mademoiselle la Presidente Boulencourt consignataire, & les creanciers opposans aux criées des heritages du defunct Commissaire de la Vielzuille: Et ordonné que ladite Damoiselle seroit mise en ordre du iour de la consignment par elle faicte es mains dudit de la Vielzuille. La raison de cest arrest semble estre, parce que les Commissaires du Chastelet de Paris n'ont esté principalement instituez pour recevoir les consignations, mais pour la police de la ville, & ne recoient deniers, sinon quand il est ordonné par Iustice, & qu'ils sont nommez par le Iuge. De faict, le Preuost de Paris nommoit lors deux Commissaires aux decrets, l'un pour recevoir le prix de l'adiudication, l'autre pour faire l'ordre de distribution. Aussi auparavant la reception de deniers, aucune hypothèque n'a peu estre créée pour iceux, *Atque huiusmodi hypotheca non potest retrahi, nec referri ad aliud tempus, quam ad diem ob signationis*. Si l'Office de Commissaire estoit saisi & vendu par decret, i'estime que les consignataires seroient preferez à tous autres creanciers, à l'exemple du fisque: & dit-on ainsi avoir esté iugé entre les creanciers

412
De quelz tēps
les biens des
Receueurs
des confi-
gnations
sont hypo-
thequez aux
consigna-
taires.

du feu Commissaire Bailly. A present les Commissaires ne reçoient plus les consignations, ains le Receueur estably par le Roy. Sur les biens duquel i'estime que les consignataires ont droit d'hypothèque, du iour qu'il a esté receu en son estat. Parce qu'il est principalement preposé pour recevoir les consignations, & qu'on est contraint suiure sa foy, comme publique. Et ce *ad exemplum primipili, cuius officium erat, militibus sue legionis stipendia dinumerare, vel annonam militarem per capita militum diuidere. In cuius bonis fisci omnibus creditoribus præferebatur. l. utilitas publica. de primipilo. C. lib. 12. ibi Alciatus.*

413
Si le tuteur
a tacite hy-
potheque sur
les biens de
son mineur.

Aussi on a doubté si le tuteur a tacite hypothèque pour le reliqua de son compte sur les biens de son mineur, du iour de sa tutelle, tout ainsi que le mineur a hypothèque dudit iour sur les biens de son tuteur, comme il a esté dit cy-dessus. Aucuns sont d'aduis que le tuteur a hypothèque pour son deub sur les biens de son mineur, du iour de sa tutelle, tout ainsi que le mineur a hypothèque sur les biens de son tuteur. Attendu que le tuteur *habet actionem tutela contrariam, quemadmodum pupillus habet directam*, & que *utraque actio ex eodem fonte, ex eadem causa, & ex eadem administratione oritur*: Que l'une n'est point plus privilégiée que l'autre, & *æqualitas seruari debet*: Aussi que si le tuteur ne pensoit estre bien & seurement payé, de ce qui luy seroit deub par son mineur, il n'aduanceroit aucuns deniers pour son mineur, l'entretiendroit selon son bien, & ne feroit la despense requise & nécessaire pour l'entretienement des heritages & bastimens du mineur. Partant qu'il est raisonnable que le tuteur soit preferé pour son deub à tous les creanciers qui ont contracté avec le mineur, depuis sa majorité: soit qu'ils ayent hypothèque expresse, ou tacite, ou simple action personnelle. Et ainsi letiennent au Chastelet de Paris. Alleguant la loy *1. ff. de contr. & uti act. tut.* qui dit, que *prouocandi sunt tutores, ut de suo impendant, dum sciunt se recepturos id quod impenderint.* & la loy finale, *C. de duob. reis. in fine, in verbis, cum ex una stirpe, unoque fonte unus effluxit contractus, vel debiti causa ex eadem actione apparuit.* Les autres (qui est l'opinion commune du Palais, & la plus seure) sont d'aduis que le tuteur n'a qu'une simple action personnelle contre son mineur, pour le payement du reliqua de son compte, & deniers qui luy sont deuz par son mineur, suiuant la loy *1. de cont. & ut. act. tut.* cy-dessus alleguée, qui dit que *pupillus tutori suo civiliter obligatur ex administratione.* Soustiennent que le tuteur n'a aucune hypothèque sur les biens de son mineur: attendu que *bona minorum non possunt obligari, nec alienari sine decreto. l. 1. in fine. in verbis, nam ubi dominium quaesitum est minori, cæpit non posse obligari. ff. de reb. eo. qui sub tut.* Dient que le tuteur ne peut auoir hypothèque expresse sur les biens de son mineur, attendu qu'elle ne se peut contracter, sans le consentement exprés du propriétaire de l'heritage hypothéqué. Ce qui ne peut estre en la personne du mineur, auquel l'alienation & hypothèque de son heritage est interdite & defenduë, en cores qu'il ait obtenu benefice d'aage: *l. 2. & 3. C. de his qui veniam et. imp.* Aussi dient que le tuteur ne peut auoir tacite, ou bien legale hypothèque sur les biens de son mineur, attendu que *id lege expressum aut cautum non inuenitur*,

& ne se trouue loy qui baille au tuteur tacite hypothèque sur les biens du mineur. Et est certain, que *tacita hypotheca non possunt extendi ad alias personas, vel ad alias res, quam de quibus lege cautum est, l. unica. §. accedit. vers. neque enim. C. de rei ux. act. l. 2. & ibi notatur. C. de pactis.* Que la loy *pro officio. C. de adm. tut.* a lieu *in directa actione tutela*, non pas *in contraria*. Et que la consequence n'est valable. Le mineur a tacite hypothèque sur les biens de son tuteur, du iour de la tutelle, parât le tuteur a pareille hypothèque sur les biens de son mineur. D'autant que l'un est plus favorable que l'autre: & que ce qui est introduit en faueur du mineur, ne doit estre retorqué contre luy. *l. quod fauore. C. de legib. & d. §. accedit.* Semblablement maintiennent que le tuteur ne peut auoir *pignus pratorium*, *aut iudiciale*, s'il n'a sentence contre son mineur, ou qu'il n'ait fait saisir les biens de son mineur. *l. non est mirum. ff. de pig. act.* Partant le tuteur, auquel est deub par son mineur, doit en toute diligence rendre compte, ou bien poursuire en Iustice son mineur, incontinent qu'il aura esté fait majeur, & obtenir contre luy sentence de reddition de compte: par laquelle les parties seront respectiuellement condamnées à payer l'une d'elles à l'autre le reliqua du compte. Et du iour de ceste sentence, le tuteur aura droit d'hypothèque sur les biens de son mineur, pour le reliqua de son compte: suivant le 53. art. de l'Edict de Moulins. Ou bien le tuteur, lors de son election, doit requérir & faire ordonner par le Iuge, suivant l'aduis des parens, que les biens du mineur sont declarez affectez, obligez, & hypothéquez au paiement de ce que le mineur deura au tuteur, par la closture de son compte: tout ainsi que les biens du tuteur sont declarez affectez, obligez, & hypothéquez au paiement de ce qui se trouuera estre par luy deub au mineur, soit par le reliqua de son compte, ou autrement, à cause de son administration: suivant la loy, *cum oportet. §. fin. C. de bo. qua lib. l. pro officio. C. de adm. tut.* Et à faute de faire par le tuteur ce qui a esté dit cy-dessus, il sera mis pour son deub, entre les creanciers personnels du mineur, duquel il aura administré la tutelle.

414
Comme le tuteur se doit conduire, pour auoir hypothèque sur les biens de son mineur.

Outre les questions cy-dessus traitées, on a demandé, la femme faisant poursuite de son doüaire prefix de cent liures, ou autre somme par an, ou bien le creancier faisant poursuite de cent liures de rente, qui luy a esté constituée: Sçauoir si sur les deniers prouenans de l'adiudication par decret de l'heritage du debteur, le creancier sera mis en ordre du iour de son contract de constitution de rente, ou bien la femme du iour de son contract de mariage, non seulement pour le sort principal, & arerages de sa rente, ou bien de son doüaire: mais aussi pour les despens, qu'il aura esté contraint faire contre le debteur, ou les heritiers du debteur de la rente ou du doüaire. D'autant qu'en toutes obligations, soit de prest ou autres contracts, les Notaires en leur styl ont accoustumé mettre ces mots, Promettant rendre & payer à plein, & sans plaid tous cousts, frais, mises, despens, salaires, iournées, dommages & interests, qui faits & soustenus seroient par defect de ce que dit est guaranty, enteriné, & accôply. Obligeât quant à ce, tous ses biens. Et pour cet effect est besoin leuer le breuet, obligation, ou contract en forme, à ce que les choses com-

415
Si le creancier a droit d'hypothèque sur l'heritage depuis vendu par son debteur, pour les despens qu'il a obtenu contre ledit debteur.

prises sous ces mots (*& cetera*) soient declarées, estenduës, & dilatées. Aussi que les despens comme accessoires du principal, sont estimez de mesme nature que le principal : suiuant la reigle *accessorium. de reg. iu. in 6. l. petitor. ff. de lib. leg.* Et ainsi le tiennent au Chastelet. Toutesfois le contraire a esté iugé par arrest donné au profit de la Voisiere, Substitut de Monsieur le Procureur General du Roy à Montlhery : & ne prend-on l'hypothèque des despens, que du iour de la sentence portant condamnation d'iceux, suiuant le 53. article de l'Edict de Moulins : Comme despens estans accidentaux distincts & separez du principal, prouenans de la contumace ou temerité du débiteur, lesquelles contumace & temerité ne peuuent nuire aux creanciers posterieurs, non plus qu'au fideiussieur. *Et propter contumaciam, multam vel pœnam, crescere non debet principalis obligatio, in præiudicium posteriorum creditorum. l. fideiussores magistratum. ff. de fid. l. 1. ff. de in lit. iu.* Aussi que la promesse portée par le Ityl de Notaire, est incertaine, faicte de chose qui n'est point, n'y ayant lors d'icelle aucuns despens naiz ny adiugez. Ioint qu'un débiteur de mauuaise foy, au préiudice de ses derniers creanciers, sans leur veu & sceu soustient droit vn gros proces, les despens duquel se monteroient autant que tout son bien. Et en l'arrest de la Voisiere estoit question d'un premier acquerreur, lequel estant inquieté en l'heritage par luy acquis, faict adiourner la Voisiere, à ce que l'heritage par luy depuis acquis soit declaré affecté, obligé & hypothéqué à son recours de garantie, despens, dommages & interests : Et sous ombre de ce mot, Despens, ledit premier acquerreur veut estre payé sur les deniers prouenus de l'heritage posterieurement vendu par decret, de tous les despens qu'il auoit faicts, tant en soy defendant contre celuy qui l'auoit euincé, qu'en demandant contre son garand, qui estoit son vendeur. Ce qu'estant ordonné par le Preuost de Paris, ledit de la Voisiere appelle, tant du premier, que du second iugement, en ce qu'il portoit declaration d'hypothèque pour les despens. Et par arrest fut dit mal iugé par le Preuost de Paris, ainsi qu'ay entendu de Monsieur le President le Maistre.

De quel
iour on est
mis en ordre
pour des
despens.

[A esté iugé par arrest donné entre Maistre Jean Ysambert Procureur en Parlement, demandeur & poursuiuant en criées d'une part, & Maistre Toussaincts Morice aussi Procureur en ladite Cour d'autre, par lequel la Cour ordonna que ledit Ysambert viendroit en ordre pour la somme de 600. liures contenuës en vn excutoire de despens de l'an 1588. du iour de la datte de la constitution de sa rente, du 11. Mars 1578. comme estans faicts pour auoir payement de ladite rente, donné en Parlement le 22. Decembre 1609. Voy Monsieur Loüet en son recueil des arrests. On a aussi demandé de quel iour viennent les interests d'une obligation portant, à peine de tous despens, dommages & interests, ou de l'obligation, ou du iour de la demande. La question demandée aux Chambres, par arrest iugé que le creancier pour tels interests d'une obligation, venoit non du iour qu'ils estoient demandez, mais du iour de l'obligation, en vertu de ladite clause, à peine de tous despens, dommages & interests. La raison est, qu'encores que tels interests, par l'Ordonnance, *potius expetitione,*

eione, quàm ex obligatione debeantur, si est-ce qu'ils ne sont qu'accessaires, & sine obligatione, nec peti possent, nec deberentur: par consequent pendent ex obligatione, en vertu de ladite clause. Monsieur Louiet en ses arrests. N.B.]

Quant aux dommages & interets comme intrinseques, & faisans partie du principal, on tient que pour iceux on est mis en ordre d'hypothèque du jour du contract, quand ils sont stipulez par iceluy, comme ils sont en tous contracts, *l. Lucius. ff. qui pot. in pig. hab. in verbis, in omne quod debetur*: Et que les despens ne sont point compris sous les dommages & interets. *hac tractantur à Molinæo in Tractatu commerciorum & usurarum, numer. 224.* Au regard du profit du denier qui est adiugé, à raison du denier quinze ou douze depuis l'adiournement, suivant le 60. article de l'Ordonnance d'Orleans: On tient que pour ledit profit on ne vient en ordre d'hypothèque, que du jour qu'il est adiugé, suivant le 53. article de l'Edict de Moulins: Comme ceste adjudication estant faite *ob contumaciam vel moram* du débiteur commise depuis le contract passé entre les parties: lesquelles contumace, peine & mulct ne peuvent preiudicier aux posterieurs creanciers, par les loix cy-dessus alleguées. Aussi que le profit du denier ne peut en France estre compris sous ces mots, de dommages & interets: Parce que *nummus nummum non parit*. Et auparaavant l'Ordonnance cy-dessus alleguée, on n'adiugeoit point en France profit de deniers s'ils n'estoient pupillaires. Aussi en France on ne peut stipuler profit de deniers: & est besoin qu'il soit adiugé par le Juge, suivant l'Ordonnance. Joint que le profit de deniers n'est pas vn dommage intrinseque & naturel procedant de la chose, comme sont les fructs d'un heritage: mais est extrinseque. Partant quand vn posterieur acquereur sera poursuiuy en recours de garantie par vn premier acquereur, il offrira passer condamnation hypothecaire pour le sort principal, dommages & interets du premier acquereur, & non pour les despens. Et si le Juge declare l'heritage du dernier acquereur hypothéqué pour les despens, il sera besoin d'en appeller. Toutesfois aucuns sont d'avis, à ce que le styl de Notaire ne soit inutile, & que la promesse portée par iceluy ne soit frustratoire, & sans effect: Que le premier acquereur a droit d'hypothèque, sur l'heritage aliené au dernier acquereur, pour les despens que ledit premier acquereur a esté contraint faire contre son garand & vendeur, quand ils se montent à vne petite somme de deniers, & qu'en iceux doivent estre compris l'adiournement en sommation & sentence volontairement passée, ou bien les despens faicts iusques à contestation en cause. Non pas que le premier acquereur ait droit d'hypothèque sur l'heritage vendu au dernier acquereur, pour les despens d'un gros proces poursuiuy contre son garand, & soustenu par ledit garand contre droit & raison: les despens duquel se montent d'avantage, que le sort principal de l'heritage vendu au premier acquereur. De ce que dessus s'ensuit qu'un homme estant débiteur de la somme de trois cens liures par breuet passé en l'an 1550. si en l'an 1560. il constituë vingt-cinq liures de rente, pour demeurer quitte desdites trois cens liures, sans deroguer ne preiudicier à son hypothèque; il ne sera mis en or-

416

Le premier
acquerer
a hypothe-
que du jour
de son con-
tract pour
ses domma-
ges & inte-
rests.

417

Pour le pro-
fit au denier
on n'a hypo-
thèque que
du jour de
l'adjudica-
tion.

418

Le posterieur
acquerer
quelle offre
il doit faire
estant pour
suiuy hypo-
thecaire-
ment.

419

Pour quels
despens le
premier ac-
querer peut
pretendre
hypothèque
contre le
dernier ac-
querer.

420

Quand on
constitue
rente pour
les deniers
portez par

breuet on
vient en
ordre pour
les arrerages
de la dîterete
que du iour
de la consti-
tution d'i-
celle.

dre pour les arrerages de sa rente, sinon de l'an 1560. Parce que de ce iour-là seulement la rente est créée, & au preiudice des creanciers precedens ladite constitution, *debitum grauius uel fœneratitium fieri non potuit.* Mais pour son sort principal il sera mis en ordre de l'an 1550. D'autant que le breuet luy est demeuré pour hypothèque, à laquelle il n'a aucunement derogé. Ainsi a esté iugé au Chastelet de Paris pour vn Architecte: Et vne autre fois pour vn homme qui auoit vendu la maison douze cens liures tournois, payables dedans vn an. Pendant cest an l'achepteur constitué sur ceste maison cinquante liures de rente à vn estranger: & à la fin de l'an ledit achepteur constitué cent liures de rente, pour les douze cens liures deuës pour l'achat de la maison. Le vendeur sera bien preferé pour le sort principal de sa rente, qui est le prix de la chose, non pas pour les arrerages de la rente qui luy a esté constituée. Car auparauant la constitution d'icelle, l'achepteur auoit constitué à vn estranger cinquante liures de rente, qui doiuent preceder les arrerages de la rente depuis constituée au vendeur.

421
Interpreta-
tion de la
reigle, Qui
prior est
tempore
potior est
iure.

D'auantage, il conuient noter en ceste matiere de preference de creancier, quand on dit qu'en France, *Qui prior est tempore, potior est iure*, cela se doit entendre, quand les creanciers hypothecaires ne sont point plus priuilegiez les vns que les autres. Car il est notoire que le creancier qui a baillé son denier *in refectionem adificij*, ou bien *in comparationem fundi*, & qui a stipulé hypothèque expresse sur la maison réparée ou reedifiée, ou sur l'heritage acquis de ses deniers, est preferé à tous autres creanciers. *l. interdum. ff. qui pot. in pig. l. creditor. ff. si cert. pet. l. fin. C. de pig. & hypothecis.*

422
Les crean-
ciers du de-
funct sont
preferex
aux crean-
ciers de l'he-
ritier, sur les
heritages du
defunct.

Aussi il faut entendre la maxime susdite, quand les creanciers sont creanciers d'une mesme personne: Car si aucuns sont creanciers d'un defunct, qui auoit obligé tous ses biens au payement & continuation de cent liures de rente, ou au payement de certaine somme de deniers, les autres sont creanciers de l'heritier du defunct: Si on vend par decret, ou autrement par Iustice les heritages du defunct sur son heritier, les creanciers dudit defunct seront preferex aux creanciers de l'heritier, encores que leur hypothèque soit postérieur à celle des creanciers de l'heritier: D'autant que les hypothèques créées par l'heritier n'ont peu s'estendre, ny auoir lieu sur les biens du defunct auparauant son decez, au precedent lequel l'heritier n'auoit aucun droict esdits biens. *Et hoc casu creditores hereditarij bonorum separationem petuisse & impetrasse censentur.* Mais il n'est besoin de demander la separation de biens pour le regard des immeubles du defunct & de l'heritier, *eum natura ipsa diuisa sunt immobilia, separata sunt pradia, & eorum confusio siue mixtio perraro contingere possit*, comme dit la loy 1. §. *nec ferendus. §. igitur aquisissimum. & §. sciendum est autem. ff. de separat. l. est iurisdictionis. C. de bon. auct. iud. poss.* Neantmoins pour plus grande seureté, & obuier à tout obstacle, il faudroit requérir la separation de biens du defunct d'avec ceux de l'heritier, avec protestation de ne preiudicier au droict d'hypothèque qu'on a sur les biens de l'heritier. Et outre ils ont iugé au Chastelet de Paris que le creancier du defunct sera payé pendant les criées des arrerages de la rente qui luy

est deuë, tout ainsi que le bailleur d'heritage. Aussi si les heritages propres ou acquests de l'heritier sont vendus par decret, sur les deniers procedez de la vente d'iceux, les creanciers hypothecaires de l'heritier seront preferés aux creanciers du defunct; encores que les creanciers du defunct soient precedens en datte. Parce qu'en tout euenement les creanciers du defunct n'ont peu auoir droit d'hypothèque sur les biens de l'heritier, si non du iour qu'il a esté heritier: posé mesmes que lesdits creanciers ayent peu auoir droit d'hypothèque sur lesdits biens de l'heritier. Car on a reuouqué en doute si l'heritier d'un defunct, apres l'adition d'heredité constitué cent liures de rente, & oblige tous & chacuns ses biens au payement d'icelle: sçauoir si le creancier du defunct, auquel ledit defunct auoit non seulement obligé tous ses biens, mais aussi ceux de ses hoirs, sera preferé au creancier des cent liures de rente constituée par l'heritier, depuis le decez du defunct: comme l'hypothèque du creancier du defunct ayant effect sur les biens de l'heritier, du iour qu'il a apprehendé la succession, *tanquam heres adeundo hereditatem, ratam habuerit hypothecam super bonis eius à defuncto constitutam, saltem pro ea parte, pro qua est heres*. La decision de ceste question depend de ce qui a esté cy-dessus traicté, numer. 171. Sçauoir si ces mots (ceux de ses hoirs) emportent hypothèque sur les biens de l'heritier, ou bien s'ils se resoluent en simple personalité. Car s'ils emportent hypothèque, le creancier du defunct sera preferé, cōme precedent & premier en datte. S'ils n'emportent que simple personalité (comme il semble qu'ils n'emportent autre chose, & ne signifient, sinon que *defuncti bona ad heredes suos peruentura, eatenus obligabuntur, quatenus ad heredes suos, vel ius ab eo habentes perueniant*: sans aucun droit d'hypothèque sur les biens de l'heritier) le creancier du defunct ne sera pas preferé au creancier hypothecaire de l'heritier, encores qu'il soit subsequant l'apprehension d'heredité. Partant le creancier du defunct doit incontinent apres le trespas du defunct poursuiure l'heritier, & le faire condamner à luy payer, & continuer sa rente, ou bien la somme de deniers qui luy estoit deuë, afin d'auoir hypothèque sur les biens de l'heritier du iour de la condamnation, & luy faire passer tiltre nouuel de la rente deuë par le defunct. Auquel tiltre nouuel, la question est, de sçauoir si l'heritier pour le tout du defunct sera tenu obliger & declarer, non seulement les biens du defunct, mais aussi tous les biens qui d'ailleurs luy appartiennent: Et si l'heritier pour vn tiers du defunct sera tenu obliger, non seulement les biens de la succession au total de la rente, mais aussi tous ses biens au payement du tiers de ladite rente.

Aussi on a demandé pour le regard des meubles demeurez par le trespas du defunct, si les creanciers du defunct seront preferés sur les deniers prouenans de la vente d'iceux, encores que les creanciers de l'heritier les ayent premierement faict saisir. Il semble que si lesdits meubles sont vendus à la requeste des creanciers de l'heritier, & les deniers à eux baillez, les creanciers du defunct n'auront aucun recours, ny aucune action pour raison desdits biens contre les creanciers de l'heritier, & pourront seulement poursuiure l'heritier pour le payement de leur deub.

RRrr ij

423
Les creanciers de l'heritier sont preferés au creancier du defunct sur les heritages de l'heritier.

424
Sçauoir si les creanciers du defunct seront preferés sur les biens de l'heritier, qui a constitué rente apres l'apprehension d'heredité.

425
Quand les creanciers d'un defunct doiuent estre preferés aux creanciers de l'heritier, sur les meubles du defunct.

426
Le tiltre de separatio-nibus bonorum, comme se pratique en France.

Si les meubles du defunct sont seulement saisis à la requeste des creanciers de l'heritier, les creanciers du defunct s'opposeront & obtiendront lettres Royaux, afin de demander separation des biens du defunct d'avec ceux de l'heritier : pourueu qu'il n'y ait point telle confusion, qu'on ne les puisse separer, & que ce soit au dedans du temps prefix par la disposition du droict commun : qui est de cinq ans consecutifs le deceds du defunct. Apres lequel temps la separation ne pourroit estre demandée. *l. 1. §. praterea sciendum. & §. post multum temporis. ff. de separat.* Et ainsi doit estre pratiqué en France le tiltre *de separationibus bonorum.*

LE HAVLT IVSTICIER NE SVCCEDÉ AVCV-
nement à l'estranger : encores qu'il ait esté naturalisé : Ains le Roy
luy succede par droict d'Aubeine : Avec les arrests donnez pour ce
regard.

- | | |
|--|---|
| <p>1 Le droict d'Aubeine appartient au Roy seul, priuatiuement à tous Seigneurs Iusticiers.</p> <p>2 Le Roy s'est reserué le droict d'Aubeine comme regal.</p> <p>3 Raison de ce que dessus.</p> <p>4 Pourquoy le haut-Iusticier ne doit succeder à l'estranger.</p> <p>5 Ordonnances par lesquelles le Roy seul succede à l'estranger.</p> <p>6 Par la disposition de droict le Roy succede à l'estranger.</p> <p>7 Les haut-Iusticiers ont pretendu droict aux biens des estrangers naturalisez, & de ce alleguent vn arrest donné pour le chapitre de Clergy.</p> | <p>8 Arrests par lesquels les biens des estrangers naturalisez ont esté adiugez au Roy seul.</p> <p>9 Raisons sur lesquelles les arrests cy-dessus recitez sont fondez : contenant que le droict d'Aubeine appartient au Roy seul.</p> <p>10 Le mot d'heritier, ne s'adapte, sinon à celuy qui est de la parenté du defunct.</p> <p>11 Responce aux arrests alleguez par les haut-Iusticiers, pretendans le droict d'Aubeine.</p> <p>12 Le nom d'Aubeine anciennement a esté prins pour Desherence.</p> |
|--|---|

CHAPITRE XXII.

I
Le droict
d'Aubeine
appartient
au Roy seul,
priuatiue-
ment à tous
les Seigneurs
Iusticiers.



O V s auons monstre au chapitre precedent, que le droict de Desherence appartient non seulement au Roy, mais aussi à tous les haut-Iusticiers de la Preuosté & Vicomté de Paris : au *prorata* des biens estans au dedans de leurs hautes Iustices. Toutesfois le droict d'Aubeine n'appartient aucunement au haut-Iusticier, ains au Roy seul, priuatiuement à tous les Seigneurs haut-Iusticiers du Royaume. En sorte que si vn estrangeur demeurant en France, decede au Royaume, tous les biens, tant meubles qu'immeubles demeurez par son trespas, appartiendront au Roy : Encores que tous lesdits biens soient situez au dedans de la haute Iustice d'un Seigneur subalterne, que le de-

funct ait demeuré au dedans de la haute Iustice dudit Seigneur, par long espace de temps ; & qu'il y soit decédé.

Car le Roy s'est réservé le droit d'Aubeine, comme souverain, regal & honorifique sur tous les Pairs, Ducs, Marquis, Comtes, Barons & Iusticiers de son Royaume, priuatiuement à tous. Et ce dés lors de la creation des Pairs, Ducs, Marquis, Comtes, & Barons : comme ce droit estant vn des fleurons de sa Couronne, tout ainsi que le droit de Regale. Ainsi qu'il est porté par mots exprés, és 2. 4. & 9. art. de l'extraict du Greffe de la Chambre des Comptes, transcrit au 3. chap. du droit d'Aubeine, par nous cy-deuant mis en lumiere.

²
Le Roy s'est
reservé le
droit d'Au-
beine com-
me regal.

Et que le droit d'Aubeine appartienne au Roy seul ; la raison est app-
parente. D'autant qu'en France estant certain, que le Roy seul peut don-
ner lettres de naturalité à l'estranger (c'est à dire le faire comme naturel
François : luy donner permission de résider au Royaume : avec congé
d'y acquerir biens, & des biens acquis librement tester : aussi succeder à
ses parens : & que ses parens regnicoles luy puissent succeder) Il est bien
raisonnable que si l'estranger a esté si presomptueux & temeraire de
venir demeurer & acquerir en France, sans permission du Roy, que le
Roy seul luy succede en tous les biens acquis au Royaume : & ce par
droit d'Aubeine.

³
Raison de
ce que dessus

Ou bien le Roy apres le trespas de l'estranger, se peut emparer des
biens de l'estranger, priuatiuement à tous Seigneurs & haut-Iusticiers :
par forme de chose tombée en commise, pour la contrauention faicte
aux loix & statuts du Royaume, par lesquels n'est permis à l'estranger ac-
querir biens en France, pour en pouuoir disposer par testament, non plus
qu'en Boheme, Ferrare & Angleterre.

⁴
Pourquoy le
haut iusti-
cier ne doit
succeder à
l'estranger.

Et ne seroit raisonnable, qu'un haut-Iusticier peust de son autorité pri-
uée, sans le sceu & consentement du Roy, recevoir en sa terre vn est-
ran-
ger, & luy donner congé d'y résider & y acquerir : Parce que ce seroit
attirer l'estranger en France, qui est vne autorité permise au Roy seul :
pour le peril & danger qui en pourroit aduenir : *Cum extraneorum allectio,
attractio, vel inductio in ciuitatem, regnum vel rem publicam plerumque per-
niciosa sit.*

Et que le Roy seul puisse succeder à l'estranger, il est porté non seule-
ment par l'extraict des Comptes cy-dessus cotté : mais aussi par certaines
lettres patentes données à Paris par le Roy Charles VI. le 5. Septembre
1386. Lesquelles on trouuera és Ordonnances n'agueres redigées en til-
tres & chapitres par Monsieur Fontanon, Aduocat en Parlement, hom-
me docte, & qui a bien merité du public.

⁵
Ordonnan-
ces par les-
quelles le
Roy seul
succede à
l'estranger.

Et ce que dessus est conforme à la disposition de droit commun, *in l.*
diuus, & *in l. sed si accepto vsu toga Romana. ff. de iure fisci. in l. unica, non*
licere habitatoribus Metrocomie loca sua ad extraneum trans. ferre. C. lib. 11. l. 1.
C. de heredib. Instit. Notat Guilielmus Benedict. in cap. Raynurius. in ver-
bis, uxorem nomine Adelasiam, numero 1402. Boerius in Consuetudinibus
Biturigum. § fin. titu. de testamentis. Idem Boerius in decisionibus Senatus Bur-
degalensis, decisionem 13. col. 18. & sequent. Chassaneus, titulo des Confisca-

⁶
Par la dis-
position de
droit le
Roy succede
à l'estran-
ger.

tions. §. 1. Glossain Pragmatica Sanctione. §. & quoties. in verbo Liberius, de collationibus. Franciscus Conanus, lib. nono, ca. qui testam. facere poss. Dionysius Pontanus in consuetudines Blasenses, articulo 20. in fine. Lesquels dient que *Rex Francia bona extraneorum occupat per Aubanam, vel iure Albinagij, sine Albinatus.*

Aussi que le droict d'Aubeine appartienne au Roy seul, priuatiuement à tous les hauts Iusticiers du Royaume, a esté iugé par plusieurs arrests de la Cour de Parlement, qu'on peut voir au Traicté du droit d'Aubeine par nous diuulgué.

Et combien que les Seigneurs hauts Iusticiers, ayent pretendu droict és biens des estrangers naturalisez, decedez intestats sans heritiers regnicoles : Comme par le moyen des lettres de naturalité par eux obtenues, estans faits François, & tout obstacle de peregrinité estant osté & esteint : en ce faisant les biens demeurent par leur trespas n'estans subiects au droict d'Aubeine, ains estans biens vacans.

7
Les haut-
Iusticiers
ont preten-
du droict
aux biens
des estran-
gers natu-
ralisez, &
de ce alle-
guent un
arrest donné
pour le Cha-
pitre de
Clery.

Et que de ce les haut-Iusticiers alleguent vn arrest donné au profit des Doyen, Chanoines & Chapitre nostre Dame de Clery, le 27. May, 1569. pour les biens de defunct Maistre Thomas Grossier, en son viuant Chanoine de Clery, natif de Bauieres en Allemagne, lequel auoit obtenu lettres de naturalité du Roy, deuëment verifiées en la Chambre des Comptes. Lesquels biens furent entierement adingez ausdits de Chapitre de Clery, comme vacans par le decez dudit Grossier : & ledit arrest a esté par nous amplement deduit au 34. chap. du droict d'Aubeine, lequel il est besoin voir.

8
Arrests par
lesquels les
biens des
estrangers
naturalisez
ont esté ad-
ingez au
Roy.

Toutesfois depuis cest arrest, l'extraict des Comptes cy-dessus mentionné ayant esté diuulgué ; & le droict d'Aubeine esclaircy, plus qu'il n'estoit auparauant : A esté iugé par plusieurs arrests de la Cour de Parlement, Que les biens demeurent par le trespas des estrangers naturalisez decedez intestats, sans heritiers regnicoles, appartiennent entierement au Roy, priuatiuement à tous Seigneurs Iusticiers.

De faict, le 29. Mars 1580. fut prononcé solennellement & publiquement, arrest confirmatif d'une sentence donnée par le Bailly de Touraine, ou son Lieutenant à Tours : Par lequel tous & chacuns les biens demeurent par le trespas de defunct Iean Brisard, estranger naturalisé par le Roy, demeurant au bourg de la Guimiere, paroisse de Fondettes : saisis à la requeste du Substitut de Monsieur le Procureur General du Roy à Tours ; furent adingez & declarez appartenir à Thibaut Touuoye, Fermier pour le Roy du Domaine de Touraine. Et trois haut-Iusticiers, à sçauoir Messire Iean de la-Val, Baron de Maillé, Maistre Iean Binet Chanoine prebendé en l'Eglise de Tours, Seigneur du fief des Tournelles, & Damoiselle Marie Chauuin Dame de Martigny, deboutez des droicts par eux pretendus és biens, tant meubles qu'immeubles, estans au dedans de leurs hautes Iustices, delaissez par le decez dudit defunct Brisard. En ce faisant ordonné que les deniers qui prouiendront de la vente & adiudication par decret desdits biens seroient mis és mains dudit Touuoye : nonobstant les oppositions formées par lesdits haut-Iusticiers,

dont ils furent deboutez, condamnez és despens de l'instance principale, dommages & interêts: Sans despens de la cause d'appel.

Semblable arrest fut donné le 15. Juillet, 1581. Entre Messire Pierre de la Landre, Cheualier, Seigneur du Chastelet haut en Ardenne, & Dame Ieanne de Bohan son épouse, auparavant vefue de feu Alonce de Rhedy, demandeurs en execution d'arrest du 27. Septembre, 1561. d'une part: Et Antoine Dainernal, Escuyer, Seigneur dudit lieu, & de Liécourt, Baron de Benay, Pierre Cauchon son-curateur: & Messire Antoine de Gourlay, Cheualier, Seigneur de Jumelles, & Dame Adriane de Mau-pas sa femme, auparavant vefue de feu Antoine Dainernal, defendeurs d'autre. Auquel proces conuient entendre que defunct Alonce de Rhedy, premier mary de ladite Dame Ieanne de Bohan, estoit estranger natif du Royaume de Nauarre, naturalisé par lettres patentes obtenues du Roy François premier en l'an 1531. verifiées en la Chambre des Comptes: avec la clause ordinaire, pourueu que ses heritiers soient regnicoles. Lequel pendant son mariage auoit acquis la terre & Seigneurie de Bobigny, assise en la haute Iustice des defendeurs, & tenuë d'eux en foy & hommage, à cause de la Baronnie de Benay. Ledit de Rhedy estant decédé sans heritiers regnicoles, Monsieur Maistre Guillaume Bertrand, Maistre des Requestes ordinaires du Roy, Seigneur de Villemor, obtient don du Roy, des biens demeurez par le decez dudit defunct de Rhedy, deuëment verifié en la Chambre des Comptes. Lequel ayant quelque temps plaidé contre les demandeurs, auroit transigé avec eux. Et par contract leur fait cession de tous ses droicts, noms, raisons & actions, mesmes cede aux demandeurs ladite terre & Seigneurie de Bobigny. Laquelle transaction auroit esté emologuée en la Cour avec Monsieur le Procureur General du Roy. En ce faisant les demandeurs mis & subrogez au lieu & droict, tant du Roy que dudit Seigneur Bertrand donataire dudit Seigneur: & main-leuée à eux faite de ladite Seigneurie de Bobigny, par arrest du 27. Septembre 1571.

Et nonobstant cet arrest, les defendeurs pretendans ladite Seigneurie de Bobigny leur appartenir par le decez dudit de Rhedy, par droict de Desherence & biens vacans: Par arrest prononcé le 15. Juillet, 1581. fut ordonné que l'arrest donné ledit 27. Septembre 1571. seroit executé contre les defendeurs, pour le regard de ladite terre & Seigneurie de Bobigny, de laquelle estoit question. En ce faisant, la Cour fit main-leuée aux demandeurs de la saisie faite d'icelle terre & Seigneurie, à la requeste du Substitut de Monsieur le Procureur General au Baillage de Vermandois à Rheims: Nonobstant le droict de Desherence & biens vacans pretendu par les defendeurs, duquel ils furent deboutez, & cōdamnez és despens de l'instance: Sans preiudice de la saisie reodale, faite à la requeste du Procureur d'office de la Baronnie de Benay, de ladite Seigneurie de Bobigny, sur laquelle les parties seroient plus amplement ouyes pardeuant le Rapporteur du proces.

Les arrests susdits, outre les moyens deduits au 34. chap. du droict d'Aubeine, sont fondez sur trois raisons principales.

9 La premiere est, que la grace portée par les lettres de naturalité, obtenues du Roy par l'estranger : & par la verification desdites lettres, est personnelle : Concernant la personne de l'estranger, auquel est donné congé de tester, & de disposer de ses biens : & les personnes des heritiers regnicoles de l'estranger : auxquels est permis de succeder à leur parent estranger. Non pas que le Roy par les lettres de naturalité, ait voulu & entendu attribuer au haut-Iusticier droict de succeder à l'estranger : en la succession duquel il ne pouuoit rien pretendre. Autrement *beneficium à Principe concessum in eius præiudicium reflecteretur, quod fieri non debet.*

Raisons sur lesquelles les arrests cy-dessus recitez sont fondés, contenant que le droict d'Aubeine appartient au Roy seul.

La seconde raison est que la clause portée par la verification des lettres de naturalité obtenues par l'estranger, pourueu qu'il ait heritiers regnicoles : contient non seulement restriction, mais vne condition : si l'impetrant a heritiers regnicoles. Laquelle condition defaillant & n'estant aduenüe, la grace impetrée du Prince est faite caduque & sans effect. En sorte que le droict d'Aubeine demeure en sa force & vertu, *Et casus redit ad non casum.*

10 La troisieme raison est, que ceste clause, pourueu qu'il ait heritiers regnicoles, exclud notoirement le haut Iusticier. Lequel ne peut estre entendu ne compris sous le nom d'heritier. D'autant que ce mot d'heritier ne s'entend & ne peut s'adapter sinon à celui qui est de la parenté du defunct, & consanguinité du defunct, habile à luy succeder : Non pas à vn heritier estranger anomal & irregulier, que nous appellons successeur es biens : comme est le haut Iusticier. Ainsi qu'il a esté iugé par arrest du 8. Iuin 1576. pour les biens d'un nommé de Champagne, estranger naturalisé : recité au 23. chap. du droict d'Aubeine.

Le mot d'heritier ne s'adapte sinon à celui qui est de la parenté du defunct.

11 Et combien que quelques hauts Iusticiers de ce Royaume, mesmes de ceste ville de Paris, pretendent auoir obtenu quelques sentences du Preuost de Paris, & arrests de la Cour de Parlement : par lesquels les biens demeurent par le trespass des estrangers non naturalisez decedez en leurs terres, leur ont esté adiugez : Toutesfois lesdits arrests ont seulement esté donnez sur le possessoire, & portent ces mots, *Salua nobis super hoc questione proprietatis.* Tellement que les droicts d'Aubeine ayans esté depuis lesdits arrests esclaircis : les biens des estrangers ont esté adiugez au Roy seul, priuatiuement à tous Seigneurs haut-Iusticiers en ce Royaume. Soit que les estrangers ayent obtenu lettres de naturalité du Roy, deuëment verifiées, & soient decedez sans heritiers regnicoles : ou n'ayent obtenu aucunes lettres dudit Seigneur. Et la verité est, qu'anciennement on a pris le mot d'Aubeine pour Desherence, faute d'heritiers, & biens vacans : Ainsi qu'il se peut cognoistre par la lecture de plusieurs sentences, iugemens, arrests, & lettres parentes : mesmes d'aucunes Coustumes de ce Royaume, comme de Dunois, en l'article 16. & autres.

Response aux arrests alleguez par les hauts Iusticiers pretendans le droict d'Aubeine.

12 Le nom d'Aubeine ancienne-ment a esté prins pour Desherence.

LE HAVT IVSTICIER NE PEVT SVCCEDER AV Bastard, si trois cas ne concurrent, encores qu'il ait esté legitimé. Mais le Roy luy succede par le droict de Bastardise.

- | | |
|--|--|
| <p>1 Le haut-Iusticier ne succede au bastard, sinon quand trois cas concurrent.</p> <p>2 Ordonnance, ou bien ancien memoire, concernant les successions des bastards.</p> <p>3 Si trois cas ne concurrent, les biens du bastard appartiennent au Roy.</p> <p>4 Encore que les bastards soient legitimez, les haut-Iusticiers ne leur</p> | <p>peuvent succeder, si trois cas ne concurrent.</p> <p>5 Le bastard peut tester de tous ses biens.</p> <p>6 Le bastard en France ne succede aucunement.</p> <p>7 Les parens du bastard legitimé luy succedent : encores qu'ils n'ayent presté consentement à ses lettres de legitimacion.</p> |
|--|--|

CHAPITRE XXIII.



Ncores que le droict d'Aubeine n'appartienne aucunement au Seigneur haut-Iusticier, ains au Roy seul; comme il a esté deduit au chapitre precedent: Toutes-fois on a admis en France que le droict de Bastardise appartient au Seigneur haut-Iusticier, quand trois cas concurrent: A sçavoir quand le bastard est nay en la terre du haut-Iusticier; qu'il y a faict sa demeure & residence; & qu'il y est decedé. Lors que ces trois cas concurrent, & que le bastard est decedé intestat sans hoirs procrez de son corps en loyal mariage, le haut-Iusticier se peut vendiquer les biens, tant meubles qu'immeubles, demeurez par le trespas du bastard, qui sont au dedans des fins & limites de sa haute Iustice. Et si l'un des trois cas sulcits defect, les biens demeurez par le decez du bastard, appartiennent entierement au Roy, tant meubles qu'immeubles, en quelques hautes Iustices qu'ils soient trouvez, & quelque part qu'ils soient situez. Et ce suivant vne ancienne Ordonnance, ou bien vn ancien memoire enregistré au Greffe de la Iustice du Thresor, qui contient ces mots.

¹
Le haut-Iusticier ne succede au Bastard si non quand trois cas concurrent.

Item au Roy appartient la succession de tous bastards, soient Clercs ou Laiz; s'ils n'ont enfans legitimes procrez de loyal mariage. Toutes-fois aucuns haut-Iusticiers en ont iouy: mais avant qu'ils doiuent auoir la succession, il conuient qu'il y ait trois choses concurrentes ensemble: C'est à sçavoir, que bastards ou bastardes soient naiz en leurs terres. *Secundo loco* qu'ils y soient demeurans. *Tertio*, qu'ils y trespasent. *Alias non.* Le semblable est escrit és registres de la Chambre des Comptes; comme il est porté par vn extraict d'icelle, faict à la requeste du Procureur du Roy au Thresor, le neufiesme Auril mil cinq cens quarante, signé le Maistre. Et encores est contenu au grand Coustumier de France, & In-

²
Ordonnance ou bien ancien memoire concernant les successions des bastards.

struction de pratique, au tiltre des droictz appartenans au Roy, article dernier. Aussi ce que dessus est porté par plusieurs Coustumes locales: mesmes par celles qui ont esté nouvellement redigées par Messieurs les Commissaires à ce deputez. Specialement par le 335. article de la nouvelle Coustume de Rheims. *Latè tractant Boërius in consuetudines Biturigum, §. ultimo, titulo de testamentis: Et Dionysius Pontanus in consuetudines Blasenses, articulo vigesimo, in Glossa, super verbo, illegitimorum.*

Sentence du
Thresor de
ce que des-
sus.

Aussi a esté iugé par Messieurs du Thresor, pour les biens de feu Maître Robert de Barbeuille, Prestre natif de Normandie, Bastard: lequel auoit obtenu dispense en Cour de Rome *super defectum natalium*. Et ce, tant contre les Religieux, Abbé & Conuent de saincte Geneuiefue du Mont de Paris, en la haute Iustice desquels le defunct estoit demeurant; que contre les Seigneurs de Montreuil sur le bois, en la haute Iustice desquels les heritages du defunct estoient situez: Par sentence du 9. Aoust, 1557. amplement deduite au 8. chap. du droict de Bastardise, par nous cy-deuant mis en lumiere.

Et ce que dessus ayât esté de nouuel allegué & produit en vn proces, pendant en la Cour de Parlemēt; Entre frere Alderic de Roëre, dit Chamois, Commandeur de S. Marc d'Orlenas appellāt du Bailly d'Orleans d'une part, & Nicolas de Vernoy valet de fouriere du Roy, donataire dudit Seigneur des biens demeurez par le trespas de defuncte Estiennette Garenne fille bastarde de defunct M. Mathurin Garenne, intimé d'autre: Il y eut arrest interlocutoire du 23. Aoust 1585. Par lequel fut ordonné, que les parties informeroient respectiuellement du lieu de la naissance de ladite defuncte Estiennette Garenne; où elle auoit eu son domicile ordinaire pendant sa vie, & en quel lieu elle seroit decedée. Ce qu'ayant esté fait, & verifié qu'elle auroit esté née en la ville d'Orleans, le feroit le 2. d'Aoust, 1586. ensuiuy arrest, au rapport de Monsieur de Here Conseiller: Par lequel la sentence donnée par le Bailly d'Orleans, contenant adjudication des biens de la defuncte au profit dudit Vernoy donataire du Roy, a esté confirmée: Et l'appellant debouté du droict par luy pretendu esdits biens, comme ayant droict de Iustice, haute moyenne & basse au lieu appellé la Croix de Mont-ioye, paroisse de Salen: Auquel lieu estoient situez vne maison, vigne, iardin, & petit buisson de bois taillis, le tout contenant quatre arpens, ou enuiron, demeurez par le decez de ladite bastarde, lesquels luy appartenoient lors de son trespas. Tellement qu'on peut tenir pour certain, que si les trois cas cy-dessus recitez ne sont concurrens, le Seigneur haut-Iusticier ne peut succeder au bastard, ains le Roy luy succede par droict de bastardise, ou bien d'illegitimation.

3
Si les trois
cas ne con-
current les
biens du ba-
stard appar-
tiennent au
Roy.

Si tous les biens demeurez par le decez du defunct bastard ne sont situez au dedans de la haute Iustice en laquelle il estoit nay, en laquelle il estoit domicilier, & en laquelle il est decedé, & y en ait quelques-vns qui soient situez en la haute Iustice d'autres Seigneurs, ils appartiendront au Roy: Parce que lesdits haut-Iusticiers ne les peuuent pretendre au moyen de ce que les trois cas ne concurrent en eux. Aussi que le

haut Iusticier, auquel les trois cas concurrent, ne peut vendiquer, sinon les biens meubles & immeubles, qui sont assis au dedans de la haute-Iustice, comme nous auons monsté au dixiesme chapitre du present Traicté. Neantmoins le vingt-troisiesme Iuillet, 1595. y eut arrest, donné en plaidoyrie, par lequel vne somme de deniers deüe à cause de prest, ou bien déposée es mains de certain personnage, par vn bastard, fut adiugée au Seigneur haut-Iusticier, en la Iustice duquel le bastard auroit esté nay, auroit continuellement demeuré, & ses biens estoient situez: Encores que ledit bastard fust mort à la guerre, & que le débiteur de la somme de deniers fust demeurant hors la haute Iustice dudit Seigneur: on alleguoit que le defunct *peregrinabatur*, & qu'estant mort à la guerre pour la defense du Royaume, *viuere censebatur*, §. *filij. de excusat. tut. in Instit.* Aussi la verité est, que le Roy n'estoit point interuenu en cause, & n'auoit pas soustenu que la somme de deniers appartenoit à sa Maieité par droict de bastardise. Tellement qu'aucune demande n'ayant esté formée par le Roy, la Cour ne luy pouuoit rien adiuger. Aussi le Ieudy 6. Feurier, mil cinq cens quatre-vingts dixsept, par arrest donné en plaidoyrie, les biens demeurez par le trespas de Cornelio Bombaz, fils bastard de Cortio Bombaz estranger non naturalisé, natif de Ferrare, furent adiugez contre le Roy à l'Abbé Saint Leonard de Coobigny en Niurnois comme haut-Iusticier. D'autant que par le vingt-troisiesme article de la Coustume de Niurnois, au chapitre des successions, est porté, Que si les bastards decedent sans hoirs de leurs corps, le Seigneur haut-Iusticier leur succede. Aussi que ledit Cornelio estoit nay en la ville de Coobigny, ses biens y estoient assis, & estoit mort à la guerre, ou bien retournant de la guerre. Parce que *habebat animum reuertendi, peregrinabatur*, n'auoit iamais faict sa demeure ailleurs qu'à Coobigny, n'auoit point transferé son domicile ailleurs, & auoit tousiours esté censé manant, & habitant, & demeurant en la ville de Coobigny. Ce qui est diligemment à noter, pour le troisieme cas qu'on requiert en vn haut-Iusticier, auparauant qu'il puisse succeder à vn bastard, qui est, que le bastard soit mort en sa terre. Cest arrest est recité au 28. chapitre du droict d'Aubeine: & aucuns sont d'aduis que quand la Coustume defere les successions des bastards au haut-Iusticier. que les trois cas ne sont requis, & qu'il suffit, que les biens soient situez en la haute Iustice du Seigneur haut-Iusticier.

Ce qui a esté dit cy-dessus: à sçauoir, que le Seigneur Iusticier ne peut succeder aux bastards, si trois cas ne concurrent, a lieu, encores que les bastards ayent esté legitimez par le Roy, par lettres deuëment verifiées en la Chambre des Cōptes. Et ce à l'exemple des estrangers qui ont esté naturalisez par le Roy, auxquels les haut-Iusticiers sous ombre des lettres de naturalité ne peuuent aucunement succeder. La raison est, parce que les lettres, ou biē de legitimatiō, ou bien de naturalité, n'ont esté octroyées en faueur ou contemplation des haut-Iusticiers: auxquels le Roy à son preiudice, n'a voulu ny entendu attribuer aucun nouveau droict, ny augmenter les droicts desdits haut-Iusticiers: Ains lesdites lettres ont esté

4
Encores que les bastards soient legitimez, les haut-Iusticiers ne leur peuuent succeder, si les trois cas ne concurrent.

octroyées par le Roy en faueur des impetrans & de leurs heritiers seulement ; comme nous auons monstté au chap. precedent.

5
Le bastard
peut tester
de tous ses
biens.

6
Le bastard
en France
ne succede
aucunmet.

7
Les parens
du bastard
legitimé luy
succedent,
encores
qu'ils n'a-
yent presté
consentemēt
à ses lettres
de legitima-
tion.

Et conuient noter que le bastard , encores qu'il ne soit legitimé par le Roy , peut librement tester , & tant par disposition entre vifs , que testamentaire , librement disposer de tous ses biens , tout ainsi que celuy qui est nay en loyal mariage. Et audit bastard non legitimé succedent ses enfans naiz en loyal mariage : Comme semblablement il succede à ses enfans naturels & legitimes. Et si les enfans du bastard sont naturels seulement , ils ne luy succedent point : Car par l'vlsance de France le Bastard ne succede ny à pere , ny à mere , ny à aucuns parens : comme les pere , mere , & parens du bastard ne luy peuuent succeder : Ainsi qu'il est amplement duduict és 6. & 8. chapitres du droict de Bastardise.

Aussi est besoin entendre , encores que le bastard legitimé par le Roy ne puisse pretendre aucun droict és successions de ses pere , mere , ny d'autres siens parens , s'ils n'ont impetré les lettres de legitimacion octroyées au bastard , ou presté consentement à l'impetration ou verification d'icelles : Neantmoins les parens du bastard legitimé luy succedent , & excluent le Roy & le haut-Iusticier , auquel les trois eas concurrent : encores que les parens du bastard n'ayent esté appelez à la verification des lettres de legitimacion obtenues par le bastard ; & n'ayent presté consentement à l'impetration ou verification d'icelles : Et ce *voluntate impetrantis* , lequel l'a ainsi declaré par ses lettres de legitimacion. Comme il a esté iugé pour les parens de defuncte Catherine Descamin , fille naturelle de Iean Descamin , legitimée par le Roy : & ce par arrest du quatriesme Iuin , mil cinq cens soixante & quinze. Et depuis a esté iugé pour les parens de Denyse Martin , fille naturelle de defunct Guillaume Martin , aussi legitimée , dont l'arrest fut prononcé le quarorzieme Aoust, 1581. Comme on pourra cognoistre par la lecture du 14. chap. du Traicté de Bastardise , avec plusieurs autres questions amplement deduites audit Traicté , lesquelles ne voulons icy repeter. Ce qui se doit entendre des bastards qui sont naiz *ex soluto & soluta* : non pas des adulterins & enfans de Prestres.

LE ROY SEVL PEVT AMORTIR heritages en France : Et non les Seigneurs Iusticiers , Feodaux ou Censiers.

- 1 Que c'est que naturaliser l'estran-
ger.
- 2 Que c'est que legitimer le Ba-
stard.
- 3 Scauoir si le haut-Iusticier peut
amortir heritages.
- 4 Le Roy seul peut amortir herita-

ges en France.

- 5 Que c'est qu'amortir heritages.
- 6 Arrest , que le Roy seul peut
amortir.
- 7 Par la disposition de droict , le
Roy seul peut amortir herita-
ges.

8 Pourquoy le Roy seul peut amortir en France.

9 Heritages amortis sont faictz alaudiaux.

10 Dommage que le Roy auroit, si les haut-Iusticiers pouuoient amor-

tir heritages en France.

11. Les haut-Iusticiers n'ont tant de droit és heritages amortis que les Seigneurs feudaux ou censiers.

CHAPITRE XXIV.



L est certain qu'il n'est loisible aux Seigneurs haut-Iusticiers de naturaliser l'estranger, attendu qu'ils ne luy peuvent aucunement succeder. Pareillement ne leur est permis de legitimer le Bastard, auquel ils ne peuuent succeder sinon quand trois cas concurrent, comme nous auons monsté és deux chapitres precedens. Tellement que le Roy seul peut naturaliser l'estranger: & par le moyen des lettres de naturalité luy permettre de demeurer en France, y acquerir biens, des biens acquis librement tester, succeder à ses parens, & que ses parens regnicoles luy puissent succeder, estant decedé sans auoir faict testament. Aussi le Roy seul peut legitimer le Bastard, luy oster la notte & macule d'illegitimation, & le rendre capable de succeder à ses parens, pourueu que ce soit de leur consentement, & que ses parens luy succedent *ab intestat*, encores qu'ils n'ayent presté aucun consentement aux lettres de legitimation par luy obtenues: comme nous auons monsté és Traictez d'Aubeine & de Bastardise, par nous cy-deuant diuulguez.

¹ Que c'est que naturaliser l'estranger.

² Que c'est que legitimer un Bastard.

Mais on a demandé, & plusieurs fois on a reuouqué en doubte: Si les Seigneurs qui ont haute, moyenne & basse Iustice, peuuent amortir à gens de main-morte (comme sont personnes Ecclesiastiques, Communautéz, & autres) les heritages situez au dedans des fins & limites de leurs hautes Iustices, terres & Seigneuries; & faire en sorte qu'ils ne puissent estre contraints en vuidier leurs mains: mesmes quand les haut-Iusticiers sont Pairs de France, Ducs, Marquis, Comtes, Barons, ou Chastellains.

³ Sçauoir si le haut Iusticier peut amortir heritages.

Ceste question a esté par nous amplement disputée au 41. chapitre du Traicté des droicts de francs-Fiefs, de Nouveaux Acquests, d'Annoblissemens, & d'Amortissemens, n'aguères mis en lumiere. Et tant audit chapitre qu'en plusieurs endroits dudit Traicté auons clairement monsté, Que le Roy seul peut amortir heritages en France; C'est à dire, donner dispense, congé & permission aux gens de main-morte, d'acquerir & posseder heritages au Royaume; sans qu'ils puissent estre contraints en vuidier leurs mains. Que cela soit veritable, il est porté par plusieurs Ordonnances transcriptes audit Traicté, & a esté iugé par plusieurs arrests: Mesmes par arrest donné contre l'Euesque de Chaalons l'an 1277. escrit au liure intitulé, *Olim*, estant en la Cour de Parlement, feuillet 40. Et se commence, *Pronunciatum fuit quod Capitulum*. Et par autre arrest escrit au mesme liure, feuillet 39. commençant, *Ordinatum fuit per consilium domi-*

⁴ Le Roy seul peut amortir heritages en France.

⁵ Que c'est que amortir heritages.

⁶ A esté que le Roy seul peut amortir.

ni Regis, de semblable datte que le precedent. Et ainsi est porté en termes exprés par les lettres patentes transcriptes au 7. chapitre du present discours.

7
Par la dis-
position de
droict le Roy
seul peut
amortir he-
ritages.

Et ceste authorité & prééminence que le Roy seul puisse amortir heritages en France, est conforme à la disposition de droict civil, *in l. finali. ff. ut in possessionem legatorum, in l. sacraloca. versicu. sciendum. ff. de rerum diuis. in l. apud Iulianum. §. finali. ff. de legat. 1.* où il est dit : *Quæ res existens in commercio hominum, non potest fieri publica aut sacra, vel eximi commercio, nec transire in manum mortuam, sine permisso Imperatoris.* Pareillement cela se verifie par la disposition canonique, *in cap. quo iure. distinct. 8. in verbis, per iuraregum possidentur possessiones. & cap. quicumque vos. 23. quæst. 7. cap. inter dilectos. in verbis, per privilegia Romanorum Imperatorum. de fide instrum. extra. Panorm. in cap. veniens. de accusat. extra.* Ainsi qu'il fut plaidé en la Cour le 7. Feurier 1554. en la cause d'entre les Religieux, Prieur & Conuent S. Nicolas d'Assy, & vn nommé Collier.

8
Pourquoy le
Roy seul
peut amortir
en France.

Aussi iustement on peut dire: Tout ainsi que le Roy seul peut en France habiliter & rendre capables les estrangers à acquerir & tenir heritages au Royaume, ensemble les Bastards à succeder : & *ut vulgò dicitur, non successibiles facere successibiles, & incapaces facere capaces*, & seul affranchir & faire libres les gens de condition serue : Aussi le Roy seul peut habiliter & rendre capables les gens de main morte, d'acquerir & posséder heritages en France: combien que de leur chef ils soient incapables : *cap. per venerabilem. extra. qui filij sint legit. notat Baldus in rubrica Codicis, in columna incipiente, Iuxta hoc quaro.* Arrest du 1. Iuin 1571. pour la Dame de Vaudray. Notat Ioannes Ferrault in tractatu de iuribus & privilegiis Regni Franciæ, privilegio 15. & 16.

Et que le Roy seul puisse amortir en France, la raison est apparente: Car tous heritages, tant feodaux que roturiers situez au Royaume, estans tenus du Roy en fief, ou arriere-fief, censive, ou arriere-censive, ou bien en franc aleu, ledit Seigneur ne peut estre priué du droict qu'il a és heritages situez en son Royaume, en tout, ny en partie, sans son gré, vouloir & consentement. *l. finali. ff. de pact. l. id quod nostrum. ff. de regul. iur.*

Heritages
amortis sont
faicts alau-
diaux.

Or il est certain que si les Seigneurs haut-Iusticiers, soient Pairs de France, Ducs, Marquis, Comtes, ou autres, pouuoient amortir les heritages qui sont au dedans de leurs hautes Iustices, Pairies, Duchez, Comtez, & Seigneuries: le Roy seroit entierement priué du droict qu'il a en iceux, & frustré de tous profits, tant feodaux, censuels qu'autres. D'autant qu'heritages amortis sont faicts alaudiaux, par ce moyen francs, libres & exempts de tout droict feodal, Seigneurial & censuel. *Allodium, enim est proprietas quæ à nullo recognoscitur, ut inquit Guillel. Benedict. in ca. Raynutius. in verb. uxorem nomine Adolafiam. decis. 2. col. 5. & Aluarotus in l. inter filiam si de feud. defunct. contro. sit inter don. & agnat. in vsib. feudo. Glo. in l. penult. Cod. de ingen. manumiss.*

Ce qu'estant veritable, il est evident que le Roy seul peut amortir.

D'avantage, il est notoire que les amortissemens ont esté principalement octroyez aux gens de main-morte ; à ce qu'il leur soit loisible perpetuellement posséder les heritages par eux acquis, sans estre contrains en vider leurs mains. Or il est raisonnable que le Roy puisse contraindre les gens de main-morte vider leurs mains des heritages par eux acquis, sans la permission, congé & licence : nonobstant les permissions de posséder heritages à eux octroyées par les Seigneurs de ce Royaume : Au moyen de la perte & dommage que sa Majesté auroit, si telles permissions estoient tolerées, & auoient effect d'Amortissemens : laquelle perte est euidente. Parce qu'aduenant ouuerture des Archeueschez ou Eueschez subjets à Regale, Duchez, Comtez, & autres Seigneuries mouuantes immédiatement du Roy ; desquelles seroient tenus les heritages feodaux & roturiers possédez par les gens de main-morte : le Roy pendant l'ouuerture desdits Eueschez, Duchez, Comtez, & autres Seigneuries, ne pourroit iouyr, ny auoir aucun profit des heritages tenus par les gens de main-morte : Lesquels iamais ne meurent, iamais n'aliennent, de leur part n'y a iamais mutation, & ne peuuent confiscuer. Consequemment est raisonnable que le Roy seul puisse amortir heritages à gens de main-morte.

10
Dommage
que le Roy
auroit, si les
haut-Iustici-
ers pou-
uoient amor-
tir heritages
en France.

Aussi plusieurs Seigneurs haut-Iusticiers en plusieurs terres & Seigneuries n'ont aucun droit de feodalité, ny de censue, ny de Seigneurie directe ; ains ont simple droit de haute-Iustice. Par le moyen de laquelle ils ne peuuent pretendre, sinon droit de confiscation des heritages estans au dedans des fins & limites de leur haute Iustice. Qui n'est vn droit tel, ny si grand & profitable que du Seigneur feodal ; lequel en cas de vendition, ou autre alienation des fiefs mouuans de luy, prend quint denier, requint, relief, rachapt, chambellage, cheual de seruice, & autres profits portez par les Coustumes. Aussi le droit de Iustice n'est tel ny si profitable que du Seigneur censier, lequel en cas de vendition de l'heritage tenu de luy en censue, prend lots, ventes, saisines & amendes. Tellement que les Seigneurs feodaux & censuels ont plus grand interest, perte & dommage, quand les heritages sont amortis à gens de main-morte, que non pas les Seigneurs haut-Iusticiers. Et n'estant permis aux Seigneurs feodaux & censiers amortir à gens de main-morte, les heritages qu'ils detiennent au dedans de leurs fiefs & censues : Il n'est raisonnable qu'il soit permis aux Seigneurs haut-Iusticiers de ce faire, attendu qu'ils ont moins d'interest, & moins de perte & dommage aux heritages amortis, que les Seigneurs feodaux & censuels.

11
Les haut-
Iusticiers
n'ont tant
de droit es
heritages
amortis que
les Seigneurs
feodaux ou
censiers.

Partant iustement on peut conclurre que le Roy seul peut amortir en France heritages possédez par gens de main-morte, & non les Seigneurs haut-Iusticiers.

QUAND LES SEIGNEURS IUSTICIERS ont droict de Tabellionnage, & de Seel à contracts en leurs terres. Que les Notaires Royaux ne peuvent instrumenter és terres des Seigneurs, qui ont droict de Tabellionnage. Avec plusieurs arrests & decisions, concernans les Notaires & Tabellions.

- 1 Siles Seigneurs haut-Iusticiers ont droict de Tabellionnage.
- 2 Raisons de ceux qui soustiennent que le droict de Iustice ne contient droict de Tabellionnage.
- 3 Ordonnance de Philippes le Bel, touchant les Notaires & Tabellions.
- 4 La reception des contracts n'a rien de commun avec le droict de Iustice.
- 5 Diversité du droict de Iustice, & du droict de Tabellionnage.
- 6 Encores que le Roy donne droict de Iustice, il ne donne droict de Tabellionnage.
- 7 Raisons de ceux qui soustiennent que celui qui a droict de Iustice a droict de Tabellionnage.
- 8 Interpretation de l'Ordonnance de Philippes le Bel, touchant les Notaires.
- 9 Les Seigneurs Chastellains ont droict de Tabellionnage.
- 10 Resolution de la question cy-dessus proposée.
- 11 Le droict de Tabellionnage se peut acquerir par possession immémoriale.
- 12 Est fort utile aux Seigneurs alleguer possession immémoriale contre le Roy.
- 13 Effect de la possession immémoriale.
- 14 Siles Notaires Royaux peuvent instrumenter és terres des Seigneurs, ayans droict de Tabellionnage : Et si le Roy y peut
- creer Notaires Royaux.
- 15 Raisons par lesquelles on pretend que le Roy ne peut creer Notaires Royaux és terres des Seigneurs subalternes : Et que les Notaires Royaux n'y peuvent instrumenter.
- 16 Le Roy ne s'est reserué que le cas de ressort, & le cas Royal sur les haut-Iusticiers.
- 17 Domage que les Seigneurs recevroient, si les Notaires Royaux pouvoient instrumenter en leurs terres.
- 18 Edict faict par le Roy pour l'erection d'un Notaire Royal en chacune Paroisse.
- 19 L'erection des Gardes des Seaux aux contracts ne preiudicie aux Seigneurs.
- 20 Vn Notaire ayant longuement instrumenté en la terre d'un Seigneur n'acquiert prescription.
- 21 Raisons par lesquelles il semble que les Notaires Royaux peuvent instrumenter és terres des Seigneurs.
- 22 Que les Notaires Royaux peuvent instrumenter és Seigneuries, esquelles le Roy a preuention.
- 23 Droict de Tabellionnage est actus iurisdictionis voluntariæ.
- 24 Que c'est le profit du public, que les Notaires Royaux instrumentent és terres des Seigneurs.
- 25 Interpretation de l'Ordonnance de Philippes le Bel, parlant des haut-Iusticiers.

- 26 Arrests concernans les questions cy dessus proposées.
- 27 Arrests contenant la decision des questions cy-dessus proposées.
- 28 Le Roy ne peut creer Notaires és terres des Seigneurs, & les Notaires Royaux ne peuvent instrumenter és terres desdits Seigneurs, sinon en deux cas.
- 29 Deux questions des contrats receuz par Notaires hors leurs territoires & limites.
- 30 Les contrats receuz par les Notaires Royaux és terres des Seigneurs, ne peuvent estre arguez de nullité.
- 31 Sçavoir si les contrats receuz par Notaires Royaux hors leurs fins & limites, sont nuls.
- 32 Un contrat receu par un Notaire, present un tescmoin, n'est valable.
- 33 Distinction pour resolution de la question cy-dessus proposée.
- 34 Un contrat receu par un Notaire Royal hors ses limites, est nul.
- 35 Comme doit estre puny le Notaire qui a instrumenté hors son territoire.
- 36 Comme on se doit pourvoir contre la creation de nouveaux Officiers, soient Notaires Royaux, ou autres.
- 37 Qui a droit de Tabellionage, a droit de seel aux contrats.
- 38 Difference entre le Tabellion & le Notaire.
- 39 L'emolument du grossoyement des contrats appartient au Tabellion : encores que les contrats ayent esté passez auparavant son bail.
- 40 Les Commissaires du Chastelet, & Greffiers Royaux de ceste ville, ne peuvent faire les inventaires de biens, & doivent estre faicts par les Notaires Royaux.
- 41 Quels partages peuvent estre faicts par les Commissaires du Chastelet de Paris, & quels par les Notaires.
- 42 Qu'il est besoin faire ratifier pardevant Notaires les partages faicts pardevant les Commissaires du Chastelet de Paris.
- 43 La closture de compte faicte pardevant un Commissaire du Chastelet n'emporte iugement ny execution.
- 44 Es Iustices subalternes, les inventaires se font par les Greffiers.
- 45 Par la Coustume de Paris, les inventaires de biens peuvent estre faicts par le moyen Iusticier.
- 46 Les partages contradictoires se font par les Iuges subalternes : & les volontaires par les Notaires & Tabellions.

CHAPITRE XXV.



N a plusieurs fois demandé si les Seigneurs qui ont haute, moyenne, & basse Iustice en leurs terres, ont droit de Tabellionage, ou bien de Notariat en icelles : Qui est de creer Notaires ou Tabellions, pour recevoir tous contrats & actes volontaires qui sont passez en leurs terres. Ou bien si le droit de Tabellionage & Notariat appartient au Roy és terres des Seigneurs hauts, moyens, & bas Iusticiers. Et en cest endroit nous prenons le nom de Notaire, & le nom de Tabellion, en mesme signification, combien qu'és Ordonnances Royaux, ils soient diversement prins.

Si les Seigneurs haut Iusticiers ont droit de Tabellionage.

2 **Raisons de ceux qui soustiennent que le droict de Iustice ne contient droict de Tabellionnage.** Ceux qui soustiennent que les Seigneurs Iusticiers par le moyen de leur Iustice (encores qu'elle soit haute, moyenne & basse) ne peuvent pretendre droict de Tabellionnage, ou bien de Notariat en leurs terres; & que tel droict appartient au Roy: pour leurs moyens alleguent.

3 **Ordonnance de Philippe le Bel, touchant les Notaires & Tabellions.** Que le Roy Philippes le Bel par son Ordonnance du mois de Mars, 1302. art. 19. de puissance Royale, a osté & interdit à tous Seneschaux, Baillifs, & autres Iusticiers du Royaume de France, s'est retenu & reserué à luy & ses successeurs Roys perpetuellement & à tousiours, la puissance de creer les Notaires publics. Que ceste Ordonnance qui est generale, est conforme à la disposition de droict commun: par laquelle *potestas creandi Notarios, Tabelliones, vel actuarios, ad Imperatorem, siue Regem pertinet. l. actuarios. de numerariis, actuariis, & chartulariis. C. li. 12. §. si vero prater hac, de Tabellionibus. in authent. ca. per venerabilem, extra, qui filij sint leg. notat Innocen. in cap. cum p. Tabellio. extra de fid. instrument. Speculator in titu. de instrument. edit. §. restat. versiculo, sed quis potest facere Tabelliones.*

4 **La reception de contrats n'a rien de commun avec le droit de Iustice.** Aussi dient que la reception de contrats, de testamens, de codicilles, & autres actes volontaires, confection de partages ou d'inventaires de biens, n'ont rien de commun, & ne dependent aucunement du droict de Iustice, ny de l'exercice d'icelle. De fait, que par les Edicts du Roy François I. des mois de Novembre 1542. onzième Decembre 1543. & du Roy Henry II. du 4. Octobre 1553. deuëment verifiez en la Cour de Parlement: Est defendu à tous Iuges, Lieutenans, & Greffiers, de recevoir ne passer aucuns contrats volontaires entre quelques personnes, ne pour quelques causes que ce soient: Ains les laisser recevoir & grossoyer aux Notaires & Tabellions, chacun en son territoire & destroit, sur peine de rendre le quadruple du profit & emolument qu'ils en auront receu; aussi de nullité desdits contrats, & de tous despens, dommages & interests enuers les parties interessées.

5 **Diuerfité du droict de Iustice, & du droict de Tabellionnage.** Et pour monstrier la diuerfité du droict de Iustice, & du droict de Tabellionnage, ils alleguent les tiltres diuers, distincts & separez, estans és Authentiques, *de iudicibus. collat. 6. titulo decimo. Et de Tabellionibus. collat. 4. tit. 7.* Mettent en auant que les Ducs, Comtes, Barons & autres Seigneurs, ont accoustumé distinguer és adueuz & denombrements qu'ils baillent au Roy, le droict de Iustice, haute, moyenne & basse du droict de Tabellionnage, & mettre en vn article le droict de Iustice; & en vn autre article separé, le droict de Tabellionnage ou de Notariat: comme le droict de Iustice, & le droict de Tabellionnage estans droicts diuers, distincts & separez.

6 **Encores que le Roy donne droict de Iustice, il ne donne pas droict de Tabellionnage.** En ce faisant, maintiennent que si le Roy a donné & octroyé à quelque Gentil-homme, tout droict de Iustice, haute, moyenne, & basse en sa terre & Seigneurie: ledit Gentil-homme, sous ombre du don qui luy a esté fait de toute Iustice, ne peut pretendre droict de Tabellionnage, ou de Notariat en sa terre: ains le droict de Tabellionnage demeure, & appartient au Roy. Tellement qu'il est besoin au Seigneur haut, moyen, & bas Iusticier auoir tiltre particulier du Roy, & concession speciale du

droict de Tabellionnage : lequel n'a rien de commun avec le droict de Iustice, & n'est des dependances d'iceluy.

Au contraire, les Seigneurs Iusticiers soustiennent, qu'ayans droict de Iustice, haute, moyenne, & basse en leurs terres: ils ont pareillemēt droict de Tabellionnage, ou bien de Notariat en icelles. Parce que le droict de Tabellionnage ne peut contenir en soy qu'une simple iurisdiction volontaire. Et qu'il est certain en droict, que *is qui habet iurisdictionem contentiosam, tacite & multo maiori ratione habet voluntariam*: suiuant la doctrine de Bartole *in l. 1. C. de emancipat. liber. & in l. 1. ff. de offi. Proconsul. & legat.* du texte, *in cap. Romana. §. contrahentes. de for. compet. in 6. cap. pastoralis. extra. de offi. ord.* Oldradus *consil. 74.* Baldus *consil. 64. volu. 1.*

7
Raisons de ceux qui soustiennent que celuy qui a droict de Iustice, a droict de Tabellionnage.

Aussi les haut-Iusticiers dient : Que l'Ordonnance du Roy Philippes le Bel, cy-dessus alleguée, a esté limitée par la Cour, & déclaré qu'elle n'auoit lieu és Barons & Chastellains : Tellement que pour auoir droict de Tabellionnage, ou bien de Notariat, il suffit d'estre Seigneur Chastellain. En ce faisant soustiennent que les Ducs, Marquis, Comtes, Barons & Chastellains, ont droict de Tabellionnage, & peuuent créer Notaires, ou Tabellions au dedans de leurs terres & Seigneuries, pour recevoir tous contracts, testamens, codicilles, & autres actes volontaires. De faict, que l'Ordonnance du Roy Philippes le Bel imprimée est manquée, & y a omission en icelle. Car l'Ordonnance dudit Philippes le Bel, qui est registrée en la Cour de Parlement en Latin, contient en la fin d'icelle ces mots, *Nolumus autem quod prolati Baronibus & aliis subditis nostris, qui de antiqua consuetudine in terris suis possunt Notarios facere, per hoc præiudicium generetur.* Comme on peut cognoistre par la lecture des Edicts & Ordonnances des Roys de France, n'agueres mis en ordre & tiltres, au tiltre des Notaires & Tabellions, liure 4. du premier Tome de la Iustice. Aussi la dite Ordonnance qui est registrée en la Chambre des Comptes, contient en la fin d'icelle ceste clause : Excepté les Barons, Chastellains, & autres haut-Iusticiers, lesquels ont droict par Coustume, ou longue possession, de créer Notaires en leurs Baronnies, Chastellenies, & hautes Iustices, en sorte que le Roy Philippes par l'Ordonnance susdite n'a prohibé, sinon à ses Seneschaux, Baillifs, & autres Iuges Royaux de créer Notaires : D'autant qu'ordinairement quand il estoit question de passer quelques contracts, les Iuges Royaux faisoient leurs Clercs, Notaires: Non pas que le Roy ait entendu, ou voulu cster le droict de Tabellionnage, ou bien de Notariat aux Seigneurs, Barons, Chastellains, & haut-Iusticiers de son Royaume, auxquels ledit droict appartenoit. Ainsi qu'il fut remonstré par Messieurs les Gens du Roy en la cause du Vidame de Chartres, contre les Notaires Royaux, créés en la Baronnie de Confoulant en Angoulmois, dont sera cy-apres parlé.

8
Interpretation de l'Ordonnance de Philippes le Bel, touchant les Notaires.

D'auantage, remonstrent que l'Edict faict par le Roy François I. sur le faict des Notaires & Tabellions, au mois de Novembre 1542. verifié en la Cour le dernier Iuillet 1543. porte en termes exprés : Que les Seigneurs, Barons & Chastellains, tant des pays reiglez par Droict escript, que des pays reiglez par Coustume, peuuent, & leur est loisible

9
Les Seigneurs Chastellains ont droict de Tabellionnage.

iouir & vser des droicts de Tabellionnage, & de Seaux en leurs Baronnie & Chastellenies.

Et que cela est confirmé par plusieurs Coustumes locales à ce expresse, comme de Blois, article 17. qui porte: Que le Seigneur Chastellain a seel à contracts & droict de Tabellionnage. Et le semblable est porté par la Coustume de Senlis, art. 93. Aussi la Coustume de Touraine art. 75. porte: Que les Comtes, & aussi les Barons peuuent auoir douze Notaires en chacune Comté & Baronnie, & non plus: Et les Seigneurs Chastellains en auront six. Semblablement par la Coustume d'Angoulmois, article 5. est porté: Que le Seigneur Chastellain pourra creer en sa Chastellenie quatre Notaires.

10
Resolution
de la que-
stion cy-des-
sus proposée.

Partant on tient pour certain, que quiconque est Seigneur Chastellain a droict de Tabellionnage, qui est de creer Notaires ou Tabellions pour receuoir tous contracts & actes volontaires passez au dedans de sa Chastellenie, & droict de Seaux pour seeller lesdits contracts. Quant aux autres Seigneurs qui ne sont Chastellains, encores qu'ils ayent droict de Iustice, haute, moyenne & basse, au dedans de leurs fiefs, terres & Seigneuries: toutesfois ils n'ont droict de Tabellionnage, s'ils n'en ont tiltre particulier, priuilege special, ou concession des Roys de France.

11
Le droict de
Tabellion-
nage se peut
acquérir par
possession
immemo-
riale contre
le Roy.

Et supposé que du droict de Tabellionnage vn Seigneur haut, moyen & bas Iusticier, non Chastellain, ait iouy par long espace de temps, & verifié que de tout temps & ancienneté, voire par temps immemorial, son Greffier ait esté intitulé Greffier & Tabellion (comme ordinairement ils s'intitulent) & ait receu tous contracts, partages, & autres actes volontaires: Toutesfois aucuns sont d'aduis que le droict de Tabellionnage n'a peu estre prescript cōtre le Roy, non plus que le droict de naturaliter l'estran-ger, legitimer le Bastard, forger monnoye, & autres semblables. *Cum ius creandi Notarios publicos de regalibus sit, & iuribus principi reseruatis in signum superioritatis, ut tradit Molinæus* és Coustumes de Paris, §. 1. *Glos. 5 in verbo, le fief, col. 54. 55. & 56.* Mais la possession immémoriale ayant effect de tiltre, & par le moyen d'icelle vn Seigneur ayât peu acquérir droict de Iustice: il semble qu'à plus forte raison le Seigneur haut, moyen, & bas Iusticier par possession immémoriale a peu acquérir droict de Tabellionnage: Comme nous auons monsté au 7. chapitre du droict de Desherence par nous n'agueres mis en lumiere, lequel pour ce regard il conuient voir: & *Pontanum in consuet. Blasenses*, art. 17. Aussi Messieurs les Gens du Roy en plaidant ont esté plusieurs fois d'accord que le haut-Iusticier deuoit estre conserué au droict de Tabellionnage, quand il estoit fondé en tiltre, Coustume locale, ou possession immémoriale. Laquelle possession immémoriale doit estre alleguée & deuëment verifiée par le Seigneur Iusticier, s'il n'a aucun tiltre, & n'est fondé en Coustume locale, afin d'estre conserué au droict de Tabellionnage au dedans de sa Iustice.

12
Est fort utile
aux Sei-
gneurs alle-
guer posses-

Car à la verité les meilleures & plus seures defenses que les Seigneurs Iusticiers, feodaux, ou résiers scauroiēt proposer contre le Roy, lors qu'ils n'ont aucun tiltre des droicts, desquels ils iouyssent, ou bien que les tiltres qu'ils ont, sont contraires à leur possession, quoy que ce soit, ne sont vala-

bles : Est d'alleguer possession immemoriale, & deuëment la verifier : En ce faisant mettre en auant qu'à bon & iuste tiltre, ils ont iouy & iouyssent encores à present des droicts qui leur sont controuersez, par dix, vingt, trente, quarante, cinquante, cent ans & plus, & par tel & si long temps qu'il n'est memoire du contraire : consequemment qu'ils ont prescript lesdits droicts, & ne doiuent estre troublez en iceux. Et pendant le proces qui est ordinairement de longue durée, & le plus souuent immortel, les Seigneurs demeurent en leur possession & iouissance. Parce que pendant iceluy ils ne doiuent estre depossédez, comme nous auons dict au trente-sixiesme chapitre du droict d'Aubeine. Et en ce cas suffit verifier la possession immemoriale, encores qu'on ne face apparoir de tiltre; *quia possessio immemorialis habet vim tituli & iuris constituti*: comme dit la loy *hoc iure. §. ductus aqua. ff. de aqua quotidiana. & asili. cap. 1 de prescript. in 6. l. si arbiter. ff. de probat.* Et vn Seigneur Iusticier, Censier, ou feodal, plaidant contre le Roy ne doit exhiber son tiltre, s'ils n'est notoirement bon & valable, & ne puisse aucunement estre impugné ny debatue: ains doit alleguer possession immemoriale s'il la peut verifier, ou par escrit, ou par tesmoins. Car le plus souuent les Seigneurs Iusticiers, feodaux ou Censiers, perdent leurs causes, par le moyen de leurs tiltres: lesquels ne sont verifiez en la Cour de Parlement, & ne contiennent les solemnitez qui sont necessaires pour la validité d'iceux.

Dauantage, on a demandé, Si les Notaires Royaux peuuent instrumenter & recevoir contracts, au dedans des fiefs, terres & Seigneuries des Seigneurs qui ont non seulement haute, moyenne, & basse Iustice, mais droict de Tabellionnage en leurs terres. Et encores on a passé outre, & demandé si le Roy pouuoit és terres desdits Seigneurs créer Notaires qui demeurassent esdites terres, & y receussent tous contracts, par preuention & concurrence aux Notaires subalternes.

Ceste question a esté plusieurs fois agitée & plaidée en la Cour. Les Seigneurs pour leurs moyens alleguoient.

Que par le dix-huictiesme article de l'Ordonnance du Roy Philippes le Bel est porté, Que les Sergens Royaux ne pourront contre la volonté des Seigneurs haut-Iusticiers demeurer en leurs terres, s'ils ne sont nés du lieu, ou s'ils n'y sont mariez. Et encores en ces deux cas, lesdits Sergens ne pourront és terres desdits Seigneurs exercer, ne faire aucun office de Sergent. Et tout ainsi (disoient ils) que les Sergens Royaux ne peuuent resider, & residans ne peuuent exercer leurs estats és terres des Seigneurs haut-Iusticiers: semblablement les Notaires Royaux ne doiuent resider, & ne peuuent instrumenter és terres des Seigneurs qui ont non seulement Iustice, mais Tabellionnage en leurs terres, Fiefs & Seigneuries.

Secondement, disoient que par le quinzième article de la mesme Ordonnance, le Roy ne s'estoit reserué sur les Iuges & Iusticiables des Prelats, Barons, & autres Seigneurs de son Royaume, droict de Iustice, sinon en deux cas: qui estoient le cas de ressort, & le cas Royal, ou bien priuilegié. Et quant au droict de Tabellionnage, qui est de créer Notai-

son immemoriale contre le Roy.

13
Effet de la possession immemoriale.

14
Si les Notaires Royaux peuuent instrumenter és terres des Seigneurs ayans droict de Tabellionnage. Et si le Roy y peut creer Notaires Royaux.

15
Raisons par lesquelles on pretend que le Roy ne peut creer Notaires Royaux és terres des Seigneurs subalternes. Et que les Notaires Royaux n'y peuuent instrumenter.

16
Le Roy ne s'est reserué que le cas de ressort, & le cas Royal sur les haut-Iusticiers.

res au dedans des terres & Seigneuries des Seigneurs haut-Iusticiers pour receuoir les contracts, promesses, obligations, & autres actes qui seroient passez par les subiects & iusticiables des Seigneurs Iusticiers, le Roy ne l'auoit aucunement reserué. Partant les Notaires Royaux ne deuoient resider, & ne pouuoient instrumenter és terres desdits Seigneurs haut-Iusticiers. Et ceste Ordonnance est interpretée *per Ioannem Fabrum in §. 1. de Atiliano tutore, in Instit.*

17
 Dommage
 que les Sei-
 gneurs re-
 ceuoient,
 si les Notai-
 res Royaux
 pouuoient
 instrumen-
 ter en leurs
 terres.

En tiers lieu, les Seigneurs soustenoient que le droict de Tabellionnage leur estoit patrimonial, faisoit partie du domaine, patrimoine, & reuenue annuel de leurs Fiefs. Et s'il estoit permis aux Notaires Royaux instrumenter au dedans des terres & Seigneuries, esquelles lesdits Seigneurs ont droict de Tabellionnage, ce seroit autant diminuer le domaine & reuenue annuel de leurs Fiefs, laquelle diminution n'estoit raisonnable. Car tout ainsi que le vassal ne peut en son Fief faire acte qui puisse preiudicier à son Seigneur feodal & dominant: aussi le Seigneur feodal & dominant, ne peut au dedans du Fief de son vassal, faire acte qui soit preiudiciable, & apporte dommage à son vassal & subiect: Attendu qu'entre le Seigneur feodal & le vassal y a obligation mutuelle & reciproque, & est raisonnable qu'egalité soit gardée entr'eux: *cap. unico, qualiter dominus proprietate feudi priuetur. in vsib. feud.* Et que les Seigneurs ayent perte & dommage, lors que les Notaires Royaux recoiuent contracts en leurs terres & Seigneuries, il est manifeste: Parce que lesdits contracts seroient receuz par les Notaires desdits Seigneurs, lesquels auroient l'emolument d'iceux: Aussi que les Notaires Royaux font tousiours submettre les parties, desquelles ils passent les contracts, à la iustice, iurisdiction & contraincte du Iuge Royal, en la iurisdiction duquel ils sont establis. Et par ce moyen les Iuges Royaux prennent cognoissance des cautes, proces & differends, qui sont meuz à l'occasion des contracts passez pardeuant les Notaires Royaux au dedans des terres desdits Seigneurs.

18
 Edict fait
 par le Roy
 pour l'ere-
 ction d'un
 Notaire
 Royal en
 chacune
 paroisse.

En quatriesme lieu, remonstroient que l'Edict n'aguères faict par le Roy Henry à present regnant, declaratif & executoire de l'Ordonnance du Roy François, pour l'erection & establissement d'un Notaire Royal en chacune paroisse de ce Royaume, verifié en la Cour, le 19. Iuillet 1584. porte par mots exprés: Qu'il n'y aura aucun Notaire Royal estably és terres des Seigneurs haut-Iusticiers qui ont droict de Tabellionnage, & qui ont accoustumé d'en iouyr iusqu'à present. Estant certain que le Roy par ses Edicts & Ordonnances, n'entend point tollir ny preiudicier aux droicts des Seigneurs Iusticiers ou feodaux, estans en son Royaume: Conformément à la loy seconde, §. *merito. ff. ne quid in loc. publ. l. nec anus. C. de emancipat.*

19
 L'erection
 des Gardes
 des Seaux
 aux con-
 tracts, ne
 preiudicie
 aux Sei-
 gneurs.

En cinquiesme lieu alleguoient: Que la verification faicte le 12. Aoust, 1568. en la Cour de Parlement, de l'Edict contenant l'erection des offices des Gardes des Seaux, porte par mots exprés, Que l'Edict ne pourra preiudicier aux Seigneurs qui ont droict de Seaux en leurs terres. Et disoient que le droict de Seaux étant dependant du droict de Tabellionnage, ce qui estoit ordonné pour le droict de Seaux, deuoit estre obserué pour le droict de Tabellionnage.

En sixiesme lieu, les Seigneurs Iusticiers disoient ; Encores qu'un Notaire Royal eust demeuré & instrumēté par quelque temps, fut-il de cent ans, en leurs terres; toutesfois qu'il n'y auoit acquis aucun droit, ny aucune prescription. D'autant que c'estoit vne simple tolerance; auquel cas la prescription n'auoit peu commencer, que *à die contradictionis & prohibitionis. l. qui luminibus ff. de serui. urba. prad. Glosain l. i. C. de seruit.*

20
Un Notaire
ayant lon-
guement in-
strumēté
en la terre
d'un Sei-
gneur, n'ac-
quiert pres-
cription.

Au contraire, Messieurs les Gens du Roy disoient: Encores que le Roy eust faict ce bien & cest honneur aux Ducs, Comtes, Barons, Chastellains, & autres Seigneurs estans en son Royaume, les subiects & vassaux, de leur donner & octroyer droit de Tabellionnage (qui estoit de créer Notaires ou Tabellions en leurs terres & Seigneuries, pour receuoir tous contractz, promesses, obligations, procurations, testamens, codiciles, & autres actes volontaires:) Toutesfois ledit Seigneur ne s'estoit pas priué du tout du droit de Tabellionnage, ou de Notariat, qu'il auoit esdites terres & Seigneuries, ny renoncé audit droit: *sed idem ius, imò vero maius penes se retinuerat.* Tellement que ceste concession n'estoit pas faicte priuatiuement, mais cumulatiuement, ou bien concurremment. Ainsi que les Roys ont faict, quand ils ont octroyé droit de Iustice aux Ducs, Comtes, Barons & autres Seigneurs estans au Royaume: comme il a esté monstré au 9. chap. du present Traicté, lequel il conuient voir. En ce faisant le Roy, à cause de la souueraineté & droit Regal, ayant autorité & pouuoir de créer, instituer & establir Notaires en tout son Royaume, les Notaires qui estoient créez par ledit Seigneur pouuoient instrumenter & receuoir cōtractz en tous les lieux & endroits de leurs limites & ressorts: Encores qu'au dedans desdits limites & ressorts, aucuns Seigneurs eussent droit de Tabellionnage ou de Notariat. Tellement que le Tabellion de Poissy, ou ses substituts, pouuoient receuoir cōtractz en tous les lieux, terres & Seigneuries, estans au dedans de la Chastellenie de Poissy, par preuention & concurrence avec les Notaires des Seigneurs qui auoient droit de Tabellionnage en leurs terres & Seigneuries enclauées au dedans de ladite Chastellenie. Et le semblable deuoit estre dict des Tabellions de Corbeil, de Torcy, de Gournay, & des autres Preuostez ressortissans au Chastelet de Paris.

21
Raisons par
lesquelles il
semble que
les Notaires
Royaux
peuent in-
strumenter
és terres des
Seigneurs.

Mesmes lesdits Seigneurs Gens du Roy soustenoient, qu'en tout euenement, on ne pouuoit empêcher, que les Notaires Royaux ne peussent instrumenter és terres & Seigneuries des Seigneurs qui auoient droit de Tabellionnage; lesquelles estoient situées és prouinces, Bailliaiges & Seneschaussées eiqueselles le Roy a droit de preuention, comme en Champagne, Anjou, & autres. D'autant que si en iurisdiction contentieuse, le Roy a par preuention droit de Iustice, & la cognoissance des causes des subiects & iusticiables desdits Seigneurs: A plus forte raison, le Roy, par preuention a droit de Tabellionnage és terres desdits Seigneurs, & de faire instrumenter les Notaires Royaux esdites terres. Attendu que le droit de Tabellionnage & de reception de contractz est iurisdiction volontaire, laquelle est beaucoup moindre que la iurisdiction contentieuse: Comme il a esté dit cy-dessus.

22
Que les
Notaires
Royaux
peuent in-
strumeter és
Seigneuries
esquelles le
Roy a pre-
uention.

23
Droict de
Tabellion-
nage, est
actus iuris-
dictionis
voluntariæ.

Aussi disoient que le droict de Tabellionnage, ou bien de Notariat, *erat actus voluntarius, & actus iurisdictionis voluntaria*: laquelle se peut exercer par tout & en tous lieux, *inter volentes etiam non subditos*: suivant la loy *emancipari. ff. de adopt. l. etiam. §. fina. ff. de manumissis vindict. glo. in l. 3. ff. de offic. presid. Bart. in l. 1. C. de emancip. liber. Bald. in l. non aliter. ff. de adopt. Pontanus in consuetudines Blasenses, artic. 17. Ce qu'estant veritable, on ne pouuoit empescher que les Notaires Royaux ne peussent receuoir contracts, & tous autres actes volontaires, es terres & Seigneuries estans au dedans de leurs fins, limites & ressorts, encores qu'edites terres, les Seigneurs d'icelles eussent droict de Tabellionnage.*

24
Que c'est le
profit du pu-
blic que les
Notaires
Royaux in-
strumentent
es terres des
Seigneurs.

Pareillement remonstroient, que c'estoit le profit du public, que les contracts fussent passez pardeuant Notaires Royaux, & sous Seaux Royaux, & non pardeuant Notaires subalternes, & Seaux authentiques. Parce que les contracts passez pardeuant Notaires Royaux, & sous seel Royal, ont execution parée, & sont executoires par tout le Royaume contre les obligez, soient domiciliezz, forains, ou autres, en quelque lieu qu'ils fussent demeurans lors de l'obligation passée, & qu'apres icelle ils pussent aller demeurer: Mais les contracts passez pardeuant Tabellions ou Notaires subalternes, & sous Seaux authentiques, ne sont executoires sinon contre les obligez, que au temps de l'obligation estoient demeurans au dedans du destroit & iurisdiction où lesdits Seaux sont authentiques: suivant l'Ordonnance de l'an mil cinq cens trente neuf, art. soixante cinq & soixante six. Tellement que celuy qui veut contracter avec vn marchand forain, ou bien avec autre personne qui n'est demeurante en la terre du Seigneur qui a droict de Tabellionnage, est contraint aller passer son contract pardeuant vn Notaire Royal, qui est quelquesfois demeurant fort loing: A ce qu'il puisse faire proceder par voye d'execution sur les biens de ccluy qui luy est obligé: non pas se pourvoir par action, ou par simple commandement, qui se resoudroit en action: comme il seroit contraint faire, si son contract n'estoit passé pardeuant Notaire Royal. En ce faisant estoit grandement vtile, voire necessaire qu'il y eust Notaires Royaux en toutes paroisses, & principalement es villes, bourgs, bourgades, & autres lieux esquels y auoit foires, marches, & affluence de marchands forains: Et qu'il falloit plustost considerer & auoir esgard au bien public, seureté & commodité de tous les habitans d'un Duché, Comté, Baronnie, Chastellenie, & lieux circonuoisins, que non pas au profit particulier d'un Duc, Comte, Baron ou autre Seigneur. Tellement que la perte & diminution de profit alleguée par les Seigneurs ayans droict de Tabellionnage, ou de Notariat, n'estoit aucunement considerable: estant certain que le bien public doit estre preferé au profit d'un particulier.

25
Interpre-
tation de
l'Ordonnā-
ce de Phi-
lippe le Bel

Quant à l'Ordonnance de Philippes le Bel cy-dessus alleguée, Messieurs les Gens du Roy respondoient: Que ceste Ordonnance concernoit droict de Iustice, & de iurisdiction contentieuse: laquelle n'auoit rien de commun avec la iurisdiction volontaire, de laquelle estoit le droict de Tabellionnage: comme il a esté cy-dessus monsté. En sorte qu'on

qu'on ne pouuoit inferer ny arguer de l'un à l'autre: *Separatorum enim ius est separatum, & diuersaratio nec de vno ad aliud rectè infertur. l. si maritus. ff. de donat. inter vir & uxor. l. Papinianus. ff. de minoribus.* parlant des
haut Iusticiers.

Et les questions susdites (comme a esté cy-deuant dict) ont esté plusieurs fois plaidées en la Cour de Parlement: Mesmes pour les Religieux, Abbé & Conuent de Lagny, contre lesquels Messieurs les Gens du Roy ont soustenu que le Roy, à cause de sa Chastellenie de Torcy, auoit droit de Tabellionnage en la ville de Lagny: dont la cause fut plaidée & appointée au Conseil, le 28. Feurier 1552. Pour le Seigneur d'Aubigny contre les Notaires Royaux dudit lieu: dont la cause fut plaidée les 14. Aueil, & 3. Iuin 1553. & appointée au Conseil. Pour Messire François de Voluyre, Baron de Ruffert, lequel auoit faict adiourner pardeuant le Seneschal d'Angoulesme, vn Notaire Royal demeurant en sa Baronnie, à ce que defences luy fussent faictes d'instrumenter au dedans de sa Baronnie: dont la cause fut plaidée & appointée au Conseil le Lundy 25. Feurier 1554. Pour le Seigneur de Mirebeau, en la ville duquel le Roy auoit créé deux Notaires Royaux, dont la cause fut plaidée le 3. Septembre 1555. & ordonné que l'Edict contenant la creation desdits Notaires seroit communiqué à Monsieur le Procureur General du Roy, pour luy ouy, faire droit aux parties ainsi que de raison. Pour le Seigneur de la Trimouille, Seigneur de Sully, près Orleans, appellant de l'institution de deux Notaires Royaux en ladite ville de Sully, dont la cause fut plaidée & appointée au Conseil le 21. Feurier 1558. Pour les Doyen, Chanoines & Chapitre de Clery, en la ville desquels le Roy auoit créé vn Notaire Royal, dont la cause fut plaidée le 16. Ianuier 1560. & ordonné que l'impetrant demanderoit en la Cour la verification de l'Edict par luy obtenu, contenant la creation d'un Notaire en la ville de Clery. Pour la Dame de Bouillon, touchant la creation d'un Notaire Royal à Nogent le Roy, dont la cause fut plaidée & appointée au Conseil le 2. May, 1577.

Nonobstant les appointez au Conseil cy-deuant recitez, ay trouué és registres de la Cour, que la question cy-dessus proposée fut solennellement plaidée, & publiquement iugée, par arrest donné le dernier Iuillet 1543. Entre François de Vendosme Vidame de Chartres, Prince de Chabanois, Baron de Confoulant, & de Loubert, appellant de l'exécution de certaines lettres Royaux de l'erection & creation de Notaires Royaux en sa Baronnie de Confoulant, de l'institution d'iceux faicte par le Iuge des exempts par appel en la Seneschauflée d'Angoulmois, procedure par luy faicte, & de ce qui s'en estoit ensuiuy, d'une part: Et le Duc d'Orleans & d'Angoulmois, prenant la cause pour son Procureur Fiscal à Angoulesme, maistres Geofroy du Clos, & Iacques Iarronde, eux se disans Notaires Royaux en ladite Baronnie de Confoulant, intimez d'autre part. Et fut dict qu'il auoit esté mal executé & mal procedé par l'executeur des lettres Royaux, bien appelé par l'appellât: Et les intimez, parties priuées, condamnez és despens de la cause d'appel, tels que de raison, qui seroient taxez sans nouuel voyage, sinon que d'un homme de cheual tant seulement. En ce faisant les Notaires Royaux qui auoient esté instituez

26
Arrests concernant les questions cy-dessus proposées.

27
Arrests contenant les décisions cy-dessus proposées.

en la Baronnie de Confoulant par le Roy François I. du nom, à la nomination du Duc d'Orleans & d'Angoulême; furent deboutez des lettres de prouision par eux obtenues. Aussi le 20. Decembre 1575, y eut arrest donné en plaidoyrie entre Maistre Iacques Masuel, & Iean Anguier, Notaires Royaux au Baillage d'Amiens; & Martin Oelliot Sergent Royal demeurant à Saint Vallery, appellans d'une sentence contre eux donnée par le Bailly dudit S. Vallery d'une part. Et les Duc & Duchesse de Nivernois, Pair de France, Seigneur & Dame dudit Saint Vallery sur la mer, prenans le faict & cause pour leurs Officiers audit lieu, anticipans d'autre: Par lequel les parties amplement ouyes, ensemble Monsieur le Procureur du Roy; La Cour ordonna suiuant la requeste & conclusions dudit Seigneur Procureur General, & conformément à l'Ordonnance, Que les Notaires & Sergens Royaux mariez, demeurans en la ville, Baronnie, terre & Seigneurie de S. Vallery, y pourront resider: Toutesfois ne pourront les Sergens exploiter sinon en cas de ressort, ny les Notaires instrumenter; si ce n'est de la permission des Seigneurs: le tout conformément à l'Ordonnance. Pareillement le 11. Feurier, 1580. y eut arrest donné en plaidoyrie, entre Maistre Philippes du Bus, Iacques Bonneau, Estienne Catellier, Notaires Royaux. Aubry Mathelin, Gilles le Feure, Iean du Bus, & Iacques Guillard, Sergens Royaux, appellans d'une sentence ou appointment donné par le Bailly de Rethelois, ou son Lieutenant à Rethel, & anticipez d'une part: Et les Duc & Duchesse de Nivernois, Pair de France, Comte & Comtesse de Rethelois, anticipans d'autre: Par lequel la Cour a mis l'appellation & ce dont estoit appellé au neant, sans amende, & sans despens des causes d'appel, & pour cause. A enoqué à elle le proces principal & differend d'entre les parties, tant pour les Notaires que pour les Sergens Royaux du Comté de Rethelois. Et y faisant droict, pour le regard des Notaires; apres auoir ouy Monsieur le Procureur General du Roy, ordonna que les arrests qui ont esté cy-deuant donnez en cas pareil, seront executez, gardez & observez audit Comté de Rethelois: En ce faisant, que les Notaires residans sur les lieux, en cas de l'Ordonnance; sçauoir est quand ils y seront naiz, ou mariez: ne pourront instrumenter audit Comté, sinon du gré & consentement, ou par la permission des intimez: suiuant l'arrest donné contre les Notaires de Saint Valery. Et quant aux Sergens, la Cour a appointé les parties au Conseil, & ioint le differend à l'appointé au Conseil pour la preuention du Comté de Champagne. Semblablement le Mardy 27. Iuillet 1574. y eut arrest donné en plaidoyrie, pour Messire Guillaume de l'Aubespine, Seigneur de Chasteau-neuf sur Cher: auquel lieu vn Notaire de Dun le Roy, voulant aller resider, & instrumenter ainsi que son predecesseur Notaire auoit faict par long espace de temps, & qu'il auoit esté ordonné par le Prenoist de Dun le Roy, fut dict, mal iugé, & ordonné que ledit Notaire Royal demeureroit à Dun le Roy. Et lors fut dict par Monsieur le premier President de Thou, que le differend d'entre les parties auoit esté vuidé par l'arrest du Vidame de Chartres, cy-dessus recité. Et ledit Seigneur de Thou estant Ad-

uocat en la Cour, auoit plaidé la cause dudit Vidame.

En l'an 1578. y eut arrest donné en la grande Chambre au profit de Monsieur le Marechal d'Amuille, Seigneur, Baron, & Chastelain de Nesle, contre deux Notaires Royaux de la Preuosté d'Angy, qui vouloient demeurer audit Nesle, & y recevoir contracts. Cest arrest est allegué par Monsieur Fontanon és Ordonnances & Edicts des Roys de France, qu'il a mis & redigez par ordre & tiltres avec vn grand trauail & singuliere doctrine, au tiltre des Notaires & Tabellions, liure quatriesme du premier Tome de la Iustice.

Tellement qu'à present on tient pour certain, que le Roy ne peut establir Notaires au dedans des terres des Seigneurs qui ont droit de Tabellionnage, & que les Notaires Royaux ne peuvent instrumenter és terres desdits Seigneurs, sinon en deux cas.

Le premier est, que le Roy en erigeant les terres des Seigneurs en Pairies, Duchez, Marquisats, Comtez, Baronnies, ou Chastellenies, s'est par exprés reserué la faculté & le pouuoir de mettre Notaires Royaux és terres desdits Seigneurs: comme on dit le Roy auoir fait en erigeant le Duché de Montpensier en Pairie.

Le second cas est, quand par la Coustume locale, vsance, & cōmune obseruance de tout temps inuiolablement gardée en la prouince: le Roy a droit, ou de tout temps & ancienneté a accoustumé de mettre & créer Notaires Royaux és terres des Seigneurs estās au dedans de ladite Coust. Ou priuatiuement à tous lesdits Seigneurs: Ou esgalement & autant que chacun d'eux, ou bien certain nombre, comme vn Notaire Royal en chacune Baronnie, Chastellenie, ou autre Seigneurie. *Consuetudo enim loci tanquam lex priuata seruanda est: & possessio immemorialis habet vim tituli & iuris constituti. l. si non speciali. C. de testament. l. si fundus. ff. de euiet. l. hoc iure. §. ductus aquæ. ff. de aqua quot. & asti. cap. 1. de prescript. in sexto.*

Estant certain que les Notaires Royaux ne peuvent instrumenter au dedans des terres des Seigneurs qui ont droit de Tabellionnage: On a demandé si les contracts receuz par les Notaires Royaux au dedans des terres desdits Seigneurs sont nuls, & si en vertu d'iceux on ne peut proceder par voye d'execution ny d'action: à tout le moins si on les peut debatre de nullité, par voye d'opposition formée à l'execution: ou par defenses baillées contre la demande & action. Et le semblable a esté demandé pour le regard des contracts qui sont receuz par les Notaires Royaux hors leurs ressorts & limites. Comme si vn Notaire estably en la Chastellenie de Torcy, a receu vn contract dedans la Chastellenie de Gournay: ou si vn Notaire estably à Tournan, a receu vn contract dedans la Chastellenie de Cressy: ou bien si vn Notaire d'Orleans a receu vn contract dedans le Baillage de Blois.

Et semble quant au premier doute, Que les contracts receuz par Notaires Royaux au dedans des terres des Seigneurs qui ont droit de Tabellionnage, lesquelles sont enclauées aux ressorts & limites desdits Notaires, ne peuvent estre arguez de nullité par les parties contractantes: lesquelles ont voulu passer leurs contracts pardeuant Notaires Royaux,

28
Le Roy ne peut créer Notaires és terres des Seigneurs. Et les Notaires Royaux ne peuvent instrumenter és terres desdits Seigneurs, sinon en deux cas.

29
Deux questions des contracts receuz par Notaires hors leurs terriroires & limites.

30
Les contracts receuz par les Notaires Royaux és terres des Seigneurs

ne peuvent
estre arguez
de nullité.

à ce qu'ils fussent de plus grande efficace, & eussent execution parée par tout le Royaume, comme il a esté cy-dessus remonstré. Et le semblable peut estre dict des testamens, & autres actes volontaires. Aussi que le Roy à cause de la Souueraineté & Couronne, ayant autorité & pouuoir de créer, establir, & instituer Notaires en tout son Royaume: Il semble de prime face que l'exercice de Notariat soit permis aux Notaires, qui sont créez par le Roy, en tous lieux & endroictz des ressorts & limites, au dedans desquels ils sont establis. A tout le moins en leurs Estats & Offices qui sont Royaux, y a quelque vestige & marque de ceste autorité & pouuoir general: partant n'y a lieu de nullité. Et le Seigneur seulement se peut plaindre de la reception de tels contractz: lequel ne peut demander la nullité d'iceux; mais requerer que le Notaire Royal qui les a receuz, soit condamné rendre le profit & émolument qu'il a eu à cause desdits contractz: defenses de cy-apres instrumenter au dedans de sa terre & Seigneurie, & soit condamné en amende enuers le dit Seigneur.

31
Sçavoir si
les contractz
receuz par
Notaires
Royaux
hors leurs
fins & limi-
tes sont
nuls.

Quant au second cas, qui est des contractz, & pareillement des testamens, codiciles, procurations, & autres actes volontaires passez par-deuant Notaires Royaux hors leurs ressorts & limites, le doute est plus grand: d'autant que les Ordonnances des Roys François I. & Henry II. portent par mots exprés, Qu'il n'est loisible aux Tabellions & Notaires d'entreprendre sur les limites l'un de l'autre; ne doiuent recevoir, passer, ou grossoyer aucuns contractz hors leurs limites & ressorts, sur peine de rendre le quadruple du profit & émolument qu'ils en auront receu: aussi de nullité des cōtractz, & de tous despens, dommages & intereſts enuers les parties intereſſées. Ioint qu'un Notaire ou Tabellion hors ses limites & ressort, est reputé pur priué: n'ayant pouuoir & autorité de recevoir contractz, ny d'obliger les parties contractantes; encore moins recevoir hors son territoire, l'obligation & hypothèque des biens meubles & immeubles des contractans, ceux de leurs hoirs, & ayans cause. Tellement que le contract, testament, & autre acte receu par un Notaire hors ses limites & ressort, ne peut estre dict receu par personne capable, publique, & ayant pouuoir de le passer & recevoir. Partant *ex defectu potestatis, quæ non extenditur extra territorium*, on maintient ledit contract, testament, & acte nul & sans effect. Et est l'opinion de plusieurs, mesmes de Paul de Castre, *Consil. 225. volu. 2. argumento legis in agris. ff. de acqui. rer. domi. l. si. ff. de iurisdic. omni. iud. l. 3. ff. de offic. præf. l. fin. ff. de offic. præf. l. ubi. Idem tenent Hostien. & Anto. de Butr. in cap. cum P. Tabellio. extra. de fide instr. & idem de Butr. in cap. sicut ne clerici vel monach.*

32
Un contract
receu par un
Notaire, pre-
sent un tes-
moin, n'est
valable.

Pareillemēt sont d'aduis qu'un cōtract, ou autre acte volontaire est nul, encores qu'il ait esté receu par deux Notaires Royaux, quand il a esté passé au territoire de l'un des Notaires, & hors les limites & ressort de l'autre. Dient que c'est un acte imparfaict, & que le Notaire qui a instrumenté hors ses limites ne peut servir que de témoin. Partant que tel contract ou acte ne peut subsister, tant au moyen de l'incapacité de celui qui l'a receu, qu'au moyen de l'Ordonnance du Roy Louys XII. par

laquelle article 66. est porté, Qu'un seul Notaire ou Tabel'ion ne peut recevoir aucun contract sans qu'il y ait deux tesmoins: nonobstant quelle Coustume locale contraire, laquelle par ladite Ordonnance est declarée nulle & abusive.

Ce qui sembleroit raisonnable, quand vn Notaire estrange institué par le Roy Catholique, par le Duc de Sauoye, par le Duc de Lorraine, ou autre Seigneur, qui ne recognoist aucunement le Roy de France, receuroit vn contract, testament, ou autre acte au dedans du Royaume de France, entre personnes demeurantes au Royaume: Ou bien quand celui qui a receu le contract, n'est point Notaire, ou bien quand c'est vn Notaire subalterne, qui instrumente hors les terres du Seigneur, par lequel il est institué, & reçoit contracts entre personnes qui ne sont subiets du Seigneur qui l'a institué. En ces cas le contract, le testament, & acte seroit du tout nul, comme decide Bartole, *in l. 2. ff. de offic. procons & legat. col. 6. & Speculator in titul. de instrum. edit. §. restat. vers. quid si quis non est Notarius*. Et semble qu'ainsi faut entendre le dire de Paul de Castre. Non pas quand le Notaire qui a receu le contract, a instrumenté dedans le Royaume, terre & Seigneurie de celui qui l'a institué: mais a seulement excédé les bornes & limites qui luy estoient prefix, comme au cas cy-dessus proposé. Car il seroit fort rigoureux, de declarer vn contract signé des parties contractantes, d'un Notaire institué par le Roy de France, duquel les parties contractantes sont subiets iusticiales, & de deux tesmoins, ou bien vn testament signé du testateur, d'un Notaire Royal, & de deux tesmoins, nul & sans effect, sous ombre que le lieu auquel a esté passé, n'est au dedans du ressort & limites du Notaire qui l'a receu, encores qu'il soit au dedans du Royaume de France. Attendu que communément on tient que *iurisdicção voluntaria, inter volentes etiam non subditos & extraneos, exerceri potest. Et multò maiori ratione potest exerceri inter volentes, qui sunt eiusdem regni, ditionis, principatus & potestatis*, & subiets du Prince, par lequel le Notaire qui a receu le contract a esté institué & establi: comme il a esté cy-dessus remonstré. Et comme on dit d'une sentence qui est donnée par Iuge incompetent du consentement des parties, que *si non valet in vim iudicati, valet in vim consensus*, suiuant la loy seconde, *Cod. commun. vir. iud.* Aussi peut-on dire d'un contract qui est receu par vn Notaire Royal hors ses limites: *Si non valet in vim instrumenti publici, valet in vim instrumenti priuati, & consensus partium*. Mesmement quand il est signé des parties, d'un Notaire, & de deux tesmoins, *& sic trium testium subscriptionem habeat*. En ce faisant puisse estre verifiée l'obligation & hypothèque de biens: suiuant la loy *scripturas. C. qui pot in pig. hab. l. comparationes. C. de fide instrumenti. Bald. in l. extra territorium. ff. de iurisdic. omnium iudic. & Speculator in loco supra citato, per l. secundum ff. de offic. procons. & legat. l. emancipari. ff. de adopt. latè tractat Pontanus in Consuetudines Blasenses, art. 17.*

Et suffiroit au cas susdit, condamner le Notaire en l'amende, pour auoir excédé ses limites, non pas declarer les contracts & actes par luy receuz nuls, & de nul effect. Mesmement que les parties le plus souuent

33
Distinction
pour resolu-
tion de la
question cy-
dessus pro-
posée.

34
Un contract
receu par un
Notaire
Royal hors
ses limites,
est nul.

35
Comme doit
estre puny le
Notaire qui
a instrumenté

ignorent les limites & ressort du Notaire, pardeuant lequel elles passent leurs contrats, testamens, codicilles, & autres actes volontaires. Et ne seroit raisonnable receuoir les parties contractantes, ou leurs heritiers, à débattre ce que volontairement elles ont passé & accordé, ny pareillement les heritiers d'un testateur à impugner le testament du defunct: de la volonté duquel il appert tant par la soubscription, que par la signature d'un Notaire Royal, & deux tesmoins instrumentaires, confirmée & autorisée par l'apposition du Seel Royal.

36

Comme on
se doit pour-
voir contre
la creation
de nou-
ueaux Offi-
ciers, soient
Notaires
Royaux, ou
autres.

Il conuient noter, que les Edicts concernans creation de nouveaux Notaires Royaux doiuent estre verifiez en la Cour de Parlement, & non pardeuant les Iuges ordinaires, comme il a esté iugé par l'arrest des Chanoines de Clery cy-dessus allegué, du seziesme Ianuier 1560. Ainsi qu'il est obserué en tous Edicts contenans erection de nouveaux Officiers Royaux. Et lors que les Edicts contenans creation de nouveaux Officiers Royaux, sont leuz en la Cour pour y estre verifiez: ceux qui y ont interest, se doiuent opposer pour empescher la verification d'iceux. Et si ce sont simples lettres patentes decernées apres information faicte *super commodo vel incommodo*, au Conseil priué du Roy, lesquelles sont executées par le Iuge Royal des lieux: il est besoin appeler de l'execution desdites lettres, institution faicte par le Iuge desdits Officiers, & de tout ce qui s'en est ensuiuy. Et si on refuse le relief d'appel en Chancellerie, d'autant que ce sont lettres patentes decernées avec cognoissance de cause, faut presenter requeste à la Cour, à fin d'estre receu appellant, & d'icelle obtenir commission en forme de relief d'appel, attendu le *refusata*. Comme il fut faict en la cause de Monsieur le Vidame de Chartres cy-dessus recitée. Ou bien lors que le Iuge voudra executer lesdites lettres, & instituer l'Officier nouvellement créé par icelles: faudra s'opposer & deduire ses causes d'opposition. Et si le Iuge est refusant receuoir l'opposition, il appellera du refus de le receuoir opposant à l'opposition, & reuclera son appel en la Cour.

37

Qui a droit
de Tabellio-
nage a droit
de seel aux
contracts.

Ce qui a esté dit cy-dessus du droict de Tabellionnage, lequel nous prenons pour droict de Notariat, d'autant qu'en la ville de Paris, il n'y a point de Tabellions Royaux, doit estre entendu du droict de Seel à contrats, comme appendice du droict de Tabellionnage, & octroyé en consequence d'iceluy. Tellement que le Seigneur qui a droict de Tabellionnage, (qui est de créer Notaire ou Tabellion en sa terre) pareillement a droict de seel à contrats, & peut créer un Garde de Seel pour sceller les contrats qui sont passez par son Notaire, ou bien par son Tabellion. Et tel Seel est vulgairement appelé Seel authentique: dont est amplement traité, *per Pontanum* en la Coust. de Blois art. 17. & *Fabrum* in §. *possunt. Institut. de testam. l. vn. C. de confessis. & in l. scriptura. C. de fide instrument.* Et pour cognoistre en quoy consistent les Estats de Gardes des Seaux n'a guerres erigez par tout le Royaume de France, est besoin voir l'Edict verifié en la Cour, le 12. Aoust, 1568.

38

Difference
entre le Ta-

Or combien qu'au present chapitre nous ayons pris le droict de Tabellionnage, pour le droict de Notariat, & le nom de Tabellion pour le nō de

Notaire: au moyen de ce qu'à Paris les Notaires font l'Office de Tabellion, en minuant & grossoyant tous les contrats qui sont passez pardevant eux: Neantmoins l'Estat de Notaire est distingué de l'Office de Tabellion, en plusieurs lieux & villes de ce Royaume, comme à Estampes & Orleâs. Car le notaire reçoit les cōtracts, fait la minute d'iceux & les delivre en papier; le Tabellion les grossoye & met en parchemin, & le Seelleur les scelle. En ce faisant l'emolument de la minute des cōtracts, & de la vacation de l'auoir dressée, appartient au Notaire, le profit de la grosse appartient au Tabellion, & le demier den à cause du Scel appartient au Seelleur. Sur ce on a demandé le droit de Tabellionnage estant saisi sur vne vefue, & des heritiers, auxquels il appartient en propriété, au moyen de l'acquistiō faicte du Roy à faculté de rachapt, depuis bail d'iceluy faict & adiugé par trois ans: Si l'adiudicataire aura & prendra le profit des grosses qui se feront pendant le temps de son bail, non seulement des contrats qui auront esté passez & receuz pendant le temps de sa ferme, mais aussi de ceux qui auront esté passez & receuz auparavant le temps d'icelle: Ou bien si le profit de la grosse des contrats, qui ont esté passez au precedent le temps du bail, appartiendra aux vefue & heritiers dudit Tabellion: comme le profit des minutes appartiendroit au Notaire ou à l'heritier du Notaire qui auroit reçu le contract: & comme les lots & ventes, & les droicts de reliefs, quints & requints appartiennent à celui qui estoit fermier lors que le contract de vendition a esté passé, & l'amende à celui qui estoit fermier lors qu'elle a esté adiugée, encores qu'il y ait eu appel de la condamnation d'icelle. Et par arrest donné en plaidoyrie le Mardy 4. Janvier, 1594. a esté iugé en emendant la sentence donnée par le Seneschal de Ponthieu, Que l'emolument du grossoyement de tous contrats appartient à l'adiudicataire, soit que les contrats grossoyez ayent esté receuz & passez durant le bail de l'adiudicataire, ou auparavant iceluy: Parce que le droit de Tabellionnage n'est deub pour le grossoyement du contract, sinon lors qu'il est grossoyé, non du iour que le contract a esté reçu & passé. Et de faict les parties ne le font grossoyer si bon ne leur semble, quelquesfois ne le font grossoyer, sinon deux ou trois ans ou d'avantage apres qu'il a esté reçu. Aussi que quelquesfois la grosse se leue trois & quatre fois, & autant de fois est deu le droit d'icelle.

Incidemment en cet endroit on peut dire, Que les Notaires au Chastelet de Paris, ont eu plusieurs proces & differends, tant contre les Commissaires & Examineurs audit Chastelet, que les Greffiers des Justices Royales de ceste ville de Paris; comme de la Justice du Thresor, du Bailage du Palais, & autres: Ensemble contre les Iuges & Greffiers des Jurisdictions subalternes de ceste ville & faux-bourgs de Paris: pour la confection des inuentaires, partages & diuisions de biens que lesdits Commissaires & Greffiers entreprenoient de faire. Finalement par plusieurs arrests de la Cour a esté ordonné que les Commissaires & Greffiers des Justices Royales de ceste ville & faux-bourgs de Paris, ne pourrōt faire aucuns inuentaires de biens, encores que par autorité de Justice, le Procureur du Roy, ou autre, eust faict proceder par voye de scel, Royaux.

bellion, & le
Notaire.

39
L'emolument
du grossoyement
des con-
tracts appar-
tient au Ta-
bellion, en-
cores que les
contrats
ayent esté
passez aupara-
vant son
bail.

40
Les Com-
missaires des
Chastelet, &
Greffiers
Royaux de
ceste ville ne
peuvent fai-
re les inuen-
taires des
biens, & doi-
uent estre
faicts par les
Notaires
Royaux.

sur les biens desquels il conuient faire inuentaire, ains les inuentaives se-
ront faits par les Notaires du Chastelet de Paris.

41
Quels par-
tages peuuent
estre faicts
par les Com-
missaires du
Chastelet de
Paris, &
quels par les
Notaires.

Au regard des partages, s'ils sont volontaires, la confection d'iceux appartient aux Notaires du Chastelet de Paris: s'ils sont contradictoires & faicts en executant les sentences données par le Preuost de Paris, ils doiuent estre faits par les Commissaires du Chastelet. Et lesdits arrests, mesmes celuy qui contient le reiglement d'entre les Notaires du Chastelet de Paris, les Commissaires dudit Chastelet, & le Greffier de la Iustice du Thresor, donné le troisieme Decembre 1569. pareillement celuy qui a esté obtenu par lesdits Notaires contre le Greffier du Baillage du Palais, le quatrieme Auriil, 1573. ont esté depuis peu de temps imprimez & diuulguez, avec plusieurs Ordonnances, Edicts, & lettres patentes, concernans les Estats & Offices des Notaires & Tabellions erigez en ce Royaume.

42
Qu'il est bon
faire ratifier
pardeuant
Notaires, les
partages
faits parde-
uant les Com-
missaires du
Chastelet de
Paris.

Et d'autant que les Commissaires au Chastelet de Paris ne sont Iuges ne Notaires, par ce moyen ne peuuent condamner ne obliger les parties copartageantes, à garantir les lots les vns aux autres, ny à accomplir les charges & promesses contenuës és partages qui sont faicts pardeuant eux, encores moins recevoir l'obligation & hypothèque des biens des copartageans, à la garantie des lots & accomplissement des charges & conventions portées par les partages faicts pardeuant eux; & que la loy ciuile pour raison de l'euiction aduenüe à l'un des heritiers, de quelques heritages de son lot, ne baille qu'une simple action personnelle contre ses coheritiers, *que est actio prescriptis verbis, tanquam diuisio vicem permutationis rerum hereditariarum obtineat. l. si familia. C. fami. herci. ubi Doctores, l. cum pater. §. hereditatem. 2. ff. de legat. 2.* Le meilleur & plus seur est, apres les lots iettez & partages faicts, que les parties soient condamnées par sentence du Preuost de Paris à entretenir le contenu és partages faits pardeuant lesdits Commissaires, & garantir les lots les vns aux autres, sous l'obligation & hypothèque de tous & chacuns leurs biens: Ou bien que les copartageans comparent pardeuant deux Notaires, ratifient le partage & ject des lots faict pardeuant le Commissaire, s'obligent respectiuement à la garantie des lots, les vns enuers les autres, promettent entretenir, fournir, & accomplir tout le contenu audit partage. Et à la garantie desdits lots, & accomplissement du contenu audit partage, obligent respectiuement tous & chacuns leurs biens meubles & immeubles, presens & à venir, ceux de leurs hoirs & ayans cause. Toutesfois ce que dessus ne sera necessaire, si par la sentence de partage les parties sont respectiuement condamnées garantir les lots les vns aux autres, & accomplir les charges & promesses, qui seront portées par le partage ordonné entr'eux sous l'obligation & hypothèque de tous & chacuns leurs biens. Ce qui doit estre mis en toutes sentences de partage bien dressées. Et neantmoins encores que la sentence ne fasse mention d'hypothèque: toutesfois ladite hypothèque aura lieu; parce que par l'Edict de Moulins toutes sentences emportent hypothèque. De mesme il est certain qu'une closture de compte faicte pardeuant un Commissaire du Chastelet de

let de Paris, n'a effect de sentence & iugement: en vertu d'icelle on ne peut faire commandement au reliquataire de payer la somme de deniers, de laquelle il est demeuré redeuable par la closture de compte, ny en son refus l'executer en ses meubles, ou saisir ses immeubles. Mais apres ladicte closture de compte, est besoin auoir sentence du Preuost de Paris, contre le reliquataire, par laquelle il soit condamné payer le reliqua de son compte: Si ce n'est que par la sentēce de reddition de compte il soit porté (comme il se doit faire) que les parties sont respectiucement condamnées à payer l'un à l'autre le reliqua dudit compte. Car lors en vertu de ladicte sentence & closture de compte, on peut faire commandement au reliquataire & debiteur de payer la somme de deniers, en laquelle il est demeuré redeuable par la closture de compte: en son refus le faire executer en ses biens: Conformément à la loy 2. *Cod. de iure fisci. lib. 10.* qui dit, *que instar rei iudicatae obtinere non potest computatio à tabularijs facta, nisi sententia Procuratoris Caesaris, id est iudicis fuerit comprobata.*

43
La closture
de compte
faict par de-
uant un Cō-
missaire du
Chastelet
n'emporte
iugement ny
execution.

Quant aux inuentaires qui se font és Iustices subalternes de ceste ville & fauxbourgs de Paris, ils sont ordinairement faits par les Greffiers desdites Iustices: mesmes des biens sur lesquels a esté procedé par voye de seellé, à la requeste du Procureur Fiscal, ou des biens appartenans à mineurs, ausquels le Iuge subalterne a pourueu de tuteurs: ou quand par sentence du Iuge subalterne est ordonné qu'inventaire sera faict. Car és cas susdits, la confection des inuentaires, n'est sinon l'execution des commissions, ou des sentences données par les Iuges subalternes, lesquelles ne peuuent & ne doiuent estre executées sinon par les Officiers desdites Iustices subalternes.

Et combien que communément on tienne que la confection des inuentaires appartient au moyen Iusticier, *ut notat Masuerius in sua praxi, titulo de iudicibus. col. 16. versic item bona:* Toutesfois il semble par le 16. des articles aduisez lors de la redaction de la nouvelle Coustume de Paris, transcripts au second chapitre du present Traicté: Que le moyen Iusticier ne peut faire inventaire, sinon des biens des mineurs ausquels il aura faict pouruoir de tuteurs, & non autrement. D'autant qu'en ce faisant il execute la sentence, par laquelle en pouruoyant de tuteurs a il ordonné inventaire estre faict. Et le semblable doit estre dit, quand le Iuge du moyen Iusticier a ordonné entre coheritiers majeurs, ou bien entre associez majeurs, qu'inventaire sera faict des biens demeurez par le trespas du defunct, duquel ils sont heritiers, ou des biens qui estoient communs entre les associez. Car és cas susdits, la confection d'inventaire n'est que l'execution de la sentence donnée par le Iuge du moyen Iusticier. Et quant aux inuentaires volontaires faites sans ordonnance ne sentence de Iuge, la confection d'iceux, suiuant ledit seiziesme article n'appartiendroit pas au moyen Iusticier, ains à celui qui auroit la haute Iustice, ou bien à celui qui auroit le droit de Tabellionnage. En ce faisant, pour valablement faire faire inventaire par le Greffier d'un moyen Iusticier, soit des biens de mineurs ou de majeurs, il est nécessaire, quoy que ce soit, le plus seur est, qu'il y ait sentence volontaire, ou contradi-

44
Par la Cou-
stume de Pa-
ris les inuen-
taires des
biens peuuent
estre faits
par le moyen
Iusticier.

ctoire, donnée par le Iuge du moyen Iusticier, par laquelle soit ordonné inuentaie estre fait. Au regard de l'inuentaie des biens vacans, il est certain, qu'il ne peut estre fait par le moyen Iusticier: D'autant que lesdits biens ne luy appartiennent, ains par la Coustume de la Preuosté & Vicomté de Paris, ils appartiennent au haut-Iusticier, comme nous auons dit au 21. chapitre du present Traicté.

46
Les partages
contradictoi-
res se font
par les Iuges
subalternes,
& les volon-
taires par les
Notaires &
Tabellions.

Quant aux partages, ils sont ordinairement faits par les Iuges subalternes, en executant leurs sentences. Et les partages volontaires doiuent estre faits par les Notaires ou Tabellions, comme il a esté cy-deuant dit. Ce que dessus fut amplement deduit & remonstré, en la cause plaidée en la Cour, le cinquième Ianuier mil cinq cens cinquante deux: entre les Notaires du Chastelet de Paris, appellans & demandeurs en reiglement d'une part, les Commissaires dudit Chastelet, & les Seigneurs subalternes en ceste ville & faux-bourgs de Paris, intimez & defendeurs d'autre. Laquelle cause ne fut paracheuée au moyen de ce que l'heure sonna.

QUAND LES SERGENS ROYAUX PEUVENT
exploicter & demeurer és terres des Seigneurs haut-Iusticiers. Et si
les Iuges des haut-Iusticiers peuuent certifier criées.

- 1 Comme & quand les Sergens Royaux peuuent exploicter és terres des Seigneurs haut-Iusticiers.
- 2 En deux cas seulement, les Sergens Royaux peuuent exploicter és terres des Seigneurs haut-Iusticiers.
- 3 Les Sergens Royaux ne peuuent mettre à execution les obligations passées sous les seaux des Seigneurs haut-Iusticiers: Ny les sentences données par leurs Iuges.
- 4 Arrest de ce que dessus.
- 5 Si un Sergent Royal besongne en vertu d'obligation passée sous le seel du haut Iusticier, il peut estre adiourné pardenant le Iuge du haut-Iusticier.
- 6 Quand les Notaires & Sergens Royaux, peuuent demeurer és terres des Seigneurs haut-Iusticiers.
- 7 Arrests de ce que dessus.
- 8 Le Iuge subalterne ne peut aucunement cognoistre des contractions faictes par les Notaires ou Sergens Royaux, aux Ordonnances Royaux.
- 9 Les Officiers Royaux sont iusticia-bles en tous cas des Seigneurs haut-Iusticiers, sinon quand il est question de leurs Offices.
- 10 Les Nobles sont tenus respondre pardenant les Iuges des Seigneurs haut Iusticiers, & non pardenant les Preuosts de Corbeil, de Montlebery, & autres Preuosts Royaux inferieurs.
- 11 Les Panonceaux Royaux doiuent estre mis par les Serges Royaux, encorés que les criées soient poursuiues pardenant les Iuges subalternes.
- 12 Toutes criées doiuent estre certifiées

par les Iuges Royaux.

13 Deux raisons de ce que dessus.

14 Quel nombre de Practiciens est requis pour certifier criées.

15 Les Iuges Royaux inferieurs du

Preuost de Paris, ne peut certifier criées.

16 Arrests de ce que dessus.

17 Les criées ne peuvent estre certifiées par les Iuges Presidiaux.

CHAPITRE XXVI.



HACUN peut cognoistre par la lecture du chapitre precedent, que les Notaires Royaux ne peuvent aucunement instrumenter, ny recevoir contracts, testamens, ou autres actes, és terres des Seigneurs haut-Iusticiers qui ont droit de Tabellionnage, sinon du gré, consentement, & aussi par la permission desdits Seigneurs.

1
Comme En
quand les
Sergens
Royaux peu-
uent exploi-
cter és terres
des Sei-
gneurs haut
Iusticiers.

On a demandé si le semblable doit estre obserué pour le regard des Sergens Royaux, qu'ils ne puissent aucunement exploicter és terres des Seigneurs haut-Iusticiers, sinon du gré, vouloir & consentement desdits Seigneurs. Ceste question est decidée par le dix-huictiesme article des Ordonnances faictes par le Roy Philippes le Bel, en l'an mil trois cens deux, au mois de Mars: Laquelle contient ces mots: Que nul Sergent Royal ne voise iusticier és terres des Prelats, Barons, ou autres Feaux du Roy, esquelles ils ont toute haute Iustice & basse: Si ce n'est en cas de ressort, ou autre appartenant au Roy: Et encores que ce soit du commandement ou mandement du Seneschal ou Bailly, & qu'audit mandement soit contenuë la clause, appartenant au Roy. Tellement que par ladite Ordonnance il est clair & euident, que les Sergens Royaux ne peuvent exploicter és terres des Seigneurs haut-Iusticiers, sinon en deux cas. Le premier est de ressort, ou bien d'appel: D'autant que le Roy, qui est seul souuerain en son Royaume, s'est reserué l'hommage & le ressort sur tous les Seigneurs estans en France: Tellement que les appellations des Iuges des Ducs, Marquis, Comtes, Barons & autres Seigneurs estans en France, ressortissent, ou bien pardeuant Preuosts ou Baillifs Royaux, ou bien par priuileges immediatement en la Cour de Parlement, comme des Pairs de France. Le second cas, auquel les Sergens Royaux peuvent exploicter és terres des Seigneurs haut-Iusticiers est en cas appartenans au Roy, que nous appellons cas Royaux, à plein declarez au septiesme chapitre du present Traicté. Et par ladite Ordonnance est requis que les exploicts soient faits en vertu de mandement ou bien de commission du Iuge Royal: laquelle porte l'expression du cas Royal, ou bien du cas de ressort. *Ioannes Faber in §. 1. tit. de Atriliano tutore, in Iustit.*

2
En deux cas
seulement,
les Sergens
Royaux peu-
uent exploi-
cter és ter-
res des Sei-
gneurs haut
Iusticiers.

De ce que dessus s'ensuit, que les Sergens Royaux ne peuvent ad-
iourner les hostes & Iusticiables des Seigneurs haut-Iusticiers pardeuant

3
Les Sergens
Royaux ne

peuvent met-
tre à execu-
tion les obli-
gations pas-
sées sous les
seaux des
Seigneurs
haut Iusti-
ciers: Ny les
sentences don-
nées par
leurs Iuges.

les Iuges desdits Seigneurs. Aussi ne peuvent en vertu d'obligations pas-
sées sous le seel desdits haut-Iusticiers, faire commandement aux hostes
& iusticiables desdits Seigneurs, de payer les sommes de deniers portées
par lesdites obligations: en leur refus prendre par execution leurs meu-
bles, & proceder à la vente d'iceux: Ny pareillement proceder à la saisie
& criées des heritages assis au dedans du territoire desdits Seigneurs haut-
Iusticiers appartenans à leurs hostes & Iusticiables. Semblablement les
Sergens Royaux ne peuvent mettre à execution les sentences données
par les Iuges des Seigneurs haut-Iusticiers sur leurs hostes & iusticiables:
En vertu d'icelles faire commandement de payer, en cas de refus, pren-
dre par execution les meubles, & saisir les immeubles. Et si des exploits,
executions, saisies, ventes & criées desdites faictes par Sergens Royaux,
y a appel par la partie ciuile, ensemble par le Seigneur haut-Iusticier; il
fera dit mal exploitté, mal executé, mal saisi, mal crié, & mal vendu.

Arrest de ce
que dessus.

De ce y a plusieurs arrests de la Cour, donnez es plaidoyries, speciale-
ment pour le Chapitre de Paris: Et pour Monsieur de Villeroy, contre
les Sergens Royaux de Corbeil, le 13. Iuillet, 1551. Aussi le Vendredy 16.
Ianuier, 1587. apres disné, y eut arrest donné en plaidoyrie, au profit de
Messire Louys de Rohan, Prince de Guimené, Comte de Rochefort:
par lequel la Cour en infirmant la sentence donnée par le Bailly de Mont-
fort-Lamaury, cassa & annulla les saisies & criées faictes par vn Ser-
gent Royal dudit Montfort, en vertu d'une obligation passée sous le
seel de Rochefort, d'heritages situez au territoire dudit Rochefort, ap-
partenans à vn habitant dudit lieu de Rochefort: Sauf aux creanciers à
se pourvoir pour la saisie, criées & adiudication par decret des heritages
assis au territoire de Rochefort, pardeuant le Bailly dudit Rochefort, ainsi
que de raison. Et par le mesme arrest la Cour ayant esgard à la requeste &
conclusions de Monsieur le Procureur General du Roy; fit inhibitions
& defenses aux Sergens Royaux d'exploicter en vertu des obligations
passées sous le seel de la Chastellenie de Rochefort. Et cet arrest qui est de
grande importance, sera cy apres plus amplement deduit, lors que parle-
rons de la certification des criées. Il y a pareil & semblable arrest don-
né en plaidoyrie le 20. Decembre, 1575. au profit des Duc & Duchesse
de Niernois, contre les Sergens Royaux demeurans à saint Vallery sur
la mer, duquel est faicte mention au chapitre precedent.

Si vn Sergēt
Royal beson-
gne en vertu
d'obligation
passée sous le
seel du haut-
Iusticier, il
peut estre
adiourné
pardeuant
le Iuge du
haut Iusti-
cier.

D'auantage, plusieurs sont d'auis, & ainsi est pratiqué: Que si vn
Sergent Royal demeurant en la terre d'un haut-Iusticier, faict vne saisie
ou execution sur vn hoste, & iusticiable dudit haut-Iusticier, en vertu
d'obligation passée sous son seel: ledit Sergent peut estre adiourné par-
deuant le Iuge dudit haut-Iusticier, à fin de bailler copie de ses exploits:
est tenu respondre pardeuant ledit Iuge, sans qu'il puisse faire renvoyer
la cause pardeuant le Preuost de Paris, encores qu'il soit Sergent à cheval
au Chastelet dudit lieu: Comme il fut plaidé & iugé au profit de feu
Monsieur Desdormais, Seigneur de Yeure, contre vn Sergent à che-
ual demeurant audit Yeure, le Mardy cinquiesme Mars, mil cinq cens
cinquante-quatre.

Estant certain que les Notaires Royaux ne peuvent aucunement instrumenter és terres des Seigneurs haut-Iusticiers: & que les Sergens n'y peuvent exploiter qu'en deux cas: qui sont de ressort, ou bien d'appel; & ce en cas Royal: Si ce n'est du gré, consentement, & par la permission des Seigneurs haut-Iusticiers. On a demãdé si les Notaires Royaux, pareillement les Sergens Royaux, peuvent demeurer és terres & Seigneuries des haut-Iusticiers, contre leur gré, vouloir & consentement. Ceste question est decidée par l'Ordonnance de Philippes le Bel, cy-deuant recitée: laquelle contient ces mots: Et ne demeureront les Sergens en icelles terres par fraude, contre la volonté des Seigneurs; s'ils ne sont naiz du lieu; ou s'ils n'y sont mariez: & en ces deux cas, n'y pourront lesdits Sergens exercer ne faire aucun Office de Sergent. Et encore si le cas de ressort y escheoit, ou autre cas appartenant au Roy; iceux Sergens demeurans illec, ne s'en pourront entremettre: mais sera mis à execution par autre Sergent. Et ce que dessus a esté confirmé, tant par deux arrests donnez au profit des Duc & Duchesse de Niuernois, contre les Notaires & Sergens demeurans à Saint Vallery sur mer, & en Rethelois, les 20. Decembre, mil cinq cens soixante & quinze, & vnzième Feurier, mil cinq cens quatre vingts: Que par l'arrest donné au profit du Seigneur de l'Aubespine, Seigneur de Chasteau-neuf sur le Cher, contre vn Notaire de Dun le Roy, lequel vouloit venir demeurer audit Chasteau-neuf, le 27. Iuillet 1574. Et lesdits arrests sont recitez au chapitre precedent.

Il conuient noter, encores qu'un Notaire Royal ait receu contracts, testamens, ou autres actes, au dedans des terres des Seigneurs qui ont droit de Tabellionnage: ou bien qu'un Sergent ait exploité en leurs hautes Iustices, hors le cas Royal, & cas de ressort: Toutesfois les Seigneurs ne peuvent faire poursuite contre lesdits Notaires Royaux, ou Sergens Royaux pardeuant leurs Iuges, pour leur faire defenses de cy-apres instrumenter ny exploiter en leurs terres: ou bien pour eux voir condamner en amendes, au moyen des contrauentions par eux faictes: Ains est besoin que lesdits Seigneurs poursuivent lesdits Notaires, ou Sergens, pardeuant le Iuge Royal. Car par l'Ordonnance du Roy Philippes le Bel, cy-dessus recitée, le Iuge subalterne ne peut aucunement cognoistre contre les Officiers Royaux, du faict qui concerne leurs Offices, ny les punir du mesfaict & excès qu'ils auroient faict en exerçant leurs Offices, ou autrement, pour raison de leursdits Offices. Aussi ne peuvent vser d'arrest ou emprisonnement, sur aucuns Officiers ou Sergens Royaux ordinaires, qui exploiteront dedans le destroit de leurs hautes Iustices: & ne peuvent prendre cognoissance des fautes que lesdits Officiers pourroient commettre, en faisant l'exercice de leurs Offices, en leursdites hautes Iustices: ains se doivent plaindre au prochain Bailly Royal qui en fera la Iustice, ainsi qu'il est porté par le 18. article de la nouvelle Coustume de Normandie, & qu'il a esté dict au septiesme chapitre du present Traicté: Et si le Iuge du Seigneur haut-Iusticier a cogneu de ce que dessus: encores qu'il puisse sembler que iustement il

6

Quand les
Notaires &
Sergens
Royaux peu-
uent demeu-
rer és terres
des Sei-
gneurs haut
Iusticiers.

7

Arrest de ce
que dessus.

8

Le Iuge sub-
alterne ne
peut aucun-
ement co-
gnoistre des
contrauen-
tions fai-
ctes par
les Notaires
ou Sergens
Royaux,
aux Ordon-
nances
Royaux.

ait déclaré nuls les cōtraicts receuz par les Notaires Royaux au dedans de son territoire : & que iustement il leur ait fait defenses de cy-apres y instrumenter : aussi que plusieurs puissent estimer, que iustement il ait déclaré nuls, les exploicts faicts par les Sergens Royaux au dedans de son territoire, hors le cas de ressort, & le cas Royal : & que la sentence semble estre fondée sur l'Ordonnance du Roy Philippes le Bel : Toutesfois s'il y a appel de la sentence dessusdite, la Cour ne la confirmera pas, ains la mettra au neant sans amende. Et faisant droict sur la requeste & conclusions de Monsieur le Procureur General du Roy, fera defenses aux Notaires Royaux d'instrumenter au dedans du territoire du Seigneur haut-Iusticier, du Iuge duquel il y auoit appel : & aux Sergens Royaux d'y exploitter, sinon es cas portez par l'Ordonnance. Ainsi qu'il fut ordonné contre les Notaires & Sergens demeurans à Saint Vallery, & en Rethelois, par deux arrestz cy-deuant dattez.

Les Officiers Royaux sont iusticiables en tous cas des Seigneurs haut-Iusticiers, si non quand il est question de leurs Offices.

10 Les nobles sont tenus respondre pardeuant les Iuges des Seigneurs haut-Iusticiers, & non pardeuant les Preuosts de Corbeil, Montlehery, & autres Preuosts Royaux inferieurs.

11 Les Panonceaux Royaux doivent estre mis par les Serges Royaux, entores que les criées soient poursuivies pardeuant les Iuges subalternes.

Conformément au 18. article de la Coustume du pays de Normandie nouvellement dinulguée.

Excepté le cas susdit, les Officiers Royaux demeurans es terres des Seigneurs haut-Iusticiers, sont responsables, tant en matiere ciuile que criminelle, pardeuant le Iuge desdits haut-Iusticiers, comme les autres subiects & iusticiables desdites terres. Et contre eux les Seigneurs Iusticiers peuuent vser de leurs iurisdiccions temporelles, sans fraude, ainsi que contre les autres personnes priuées : Selon qu'il est porté par l'Ordonnance susdite. Mesmes les nobles sous ombre de leur Noblesse n'ont pas leurs causes commises pardeuant les Iuges Royaux : ains sont tenus respondre en toutes causes pardeuant le Iuge subalterne, au territoire duquel ils sont demeurans. Suiuant la declaration faicte par le Roy François premier, sur l'Edict de Cremieu, verifiée en la Cour le vingt-troiesme Auil, mil cinq cens trente-sept. Conformément à laquelle declaration y a eu arrest donné en plaidoyrie apres disné, au profit du Seigneur de Louvier, demeurant au pays de Boulonnois, le Mardi huictiesme Mars, mil cinq cens soixante trois. Toutesfois les Nobles qui sont demeurans es Preuostez de Corbeil, Montlehery, & autres Preuostez Royales inferieurs, ne sont tenus plaider pardeuant les Preuosts desdits lieux, ains pardeuant le Preuost de Paris : Comme il a esté dict par arrest donné en plaidoyrie le treiziesme Feurier, mil cinq cens soixante quatre.

Aussi il conuient entendre : combien que les Iuges subalternes, non Royaux puissent faire saisir, crier & adiuger par decret, les heritages estans au dedans de leur territoire, fins & limites de leur Iustice, haute ou moyenne, & qu'il semble que leurs Sergens puissent faire tous exploicts concernans les criées & adjudications par decret poursuivies pardeuant lesdits Iuges : Toutesfois les Sergens des Seigneurs subalternes, ne peuuent mettre les Panonceaux Royaux, es maisons saisies, Eglises Parochiales, & autres lieux portez par les Ordonnances, supposé que lesdites maisons, Eglises & lieux soient situez au dedans de la Iustice, haute, ou moyenne desdits Seigneurs, & que les criées soient poursuivies

pardeuant leurs Iuges: Ains lesdits Panonceaux qui sont marques Royales, doiuent estre mis par les Sergens Royaux. Et ainsi est obserué au Chastelet de Paris.

On a passé outre, & plusieurs ont soustenu, comme ordinairement on soustient, queles Iuges des Seigneurs hauts, ou moyens Iusticiers, ne peuuent certifier criées, encores qu'elles soient pendantes, & poursuivies pardeuant eux: & que la certification d'icelles appartient aux Iuges Royaux des lieux mis en criées: & maintiennent qu'ainsi se doit entendre le 5. article de l'Ordonnance faicte par le Roy, sur le faict des criées, verifiée en la Cour le 23. Novembre, 1551. qui porte, Que les criées parfaictes, elles seront certifiées pardeuant le Iuge des lieux, lecture faicte d'icelles à iours de plaids, & iceux tenans. De ce ils alleguent deux raisons principales. La premiere, que les criées concernent la Coustume vniuerselle, styl, vñance & commune obseruance de la prouince, de laquelle le Iuge Royal doit respondre, & non autre. La seconde raison est, qu'és sieges Royaux y a affluence de Practiciens, lesquels sont instruits, & scauent la Coustume, styl, vñance, & ancienne obseruance du pays. Et le plus souuent n'y a nombre suffisant de Practiciens és sieges subalternes non Royaux, pour certifier criées: lequel nombre, selon la commune opinion, doit estre de dix Practiciens, comme a deduit Monsieur le Maistre en son Traicté des criées, chap. 25. Ainsi fut aduisé pour des criées poursuivies és Requestes du Palais, certifiées par le Bailly de Chasteaudun, lesquelles il conuient faire certifier par le Bailly de Blois. Et cela est sans doute en la Preuosté & Vicomté de Paris: en laquelle non seulement les Iuges subalternes des Seigneurs haut Iusticiers; mais aussi les Preuosts Royaux inferieurs du Preuost de Paris, qui sont les Preuosts de Corbeil, Montlehery, Poissy, Chasteau-fort, Gournay, Torcy, & Gonnelle, ne peuuent certifier criées, encores qu'elles soient poursuivies pardeuant aucun d'eux, d'heritages assis au dedans de leur territoire: Mais la certification de toutes criées d'heritages assis en la Preuosté & Vicomté de Paris, doit estre faicte par le Preuost de Paris au Chastelet dudit lieu, à iours de plaids, l'audience ordinaire tenant.

De faict il y a arrest du dixiesme Feurier, 1532. recité par Monsieur le Maistre au lieu preallegué, qui porte: Que des criées qui seront faites és Requestes du Palais, d'heritages assis en la Preuosté de Paris, la certification se fera pardeuant le Preuost de Paris en iugement, & à iour de plaids. Et semble ce que dessus auoir esté decidé par l'arrest cy-deuant mentionné, donné le 16. Ianuier 1547. Entre Messire Louys de Rohan, Prince de Guymené, Comte de Rochefort, appellât d'une sentence donnée par le Bailly de Montfort Lamaury d'une part. Et Jacques Petit, Sergēt Royal au Baillage dudit Montfort, & la communauté des Sergens dudit Baillage intimez d'autre: par laquelle sentence ledit Bailly de Montfort, en faisant droict sur l'appel interietté de la sentence donnée par le Iuge de Rochefort, & corrigeant icelle: il auoit confirmé vne saisie, & des criées faictes par vn Sergent de Montfort, sur vn habitant de Rochefort, d'heritages assis au territoire dudit Rochefort, en vertu d'obligation

12
Toutes
criées doiuent
estre certifiées par les
Iuges
Royaux.

13
Deux raisons de ce
que dessus.

14
Quel nombre de Practiciens est requis pour certifier criées.

15
Les Iuges Royaux inferieurs du Preuost de Paris ne peuuent certifier criées.

16
Arrests de ce que dessus.

passée sous le Seel dudit Rochefort : lesquelles auoient esté declarées nulles par ledit Iuge de Rochefort : Et ordonné que lesdites criées pendantes au siege de Rochefort, seroient apportées pardeuers luy pour estre certifiées : depuis auoit procedé à la certification d'icelles. Les parties amplement ouyes, ensemble Monsieur le Procureur General du Roy; La Cour mit les appellations respectiuellement interietées par les parties, & les sentences données, tant par le Bailly de Montfort, que par le Iuge de Rochefort, au neant, sans amende, & sans despens des causes d'appel: Sauf aux creanciers à se pouruoir pour la faisie, criées, & adiudication par decret des heritages assis au territoire de Rochefort, pardeuant le Bailly dudit Rochefort, ainsi que de raison. Et ayant esgard à la requeste & conclusions du Procureur General du Roy; La Cour fit inhibitions & defences aux Sergens Royaux d'exploiter en vertu des obligations passées sous le Seel de la Chastellenie de Rochefort, comme il a esté cy-deuant dict. Et en cest endroict conuient noter que la Cour n'attribuë pas la certification des criées au Iuge de Rochefort: mais seulement la faisie, criées, & adiudication par decret des heritages assis en son territoire. Encores que par le proces verbal de la Coustume de Montfort Lamaury, au cent soixante dix-huictiesme article, il soit porté, que les Iuges des Iurisdiccions subalternes ont pretendu la certification des criées, contre les Bailly & Preuost Royaux dudit Montfort Lamaury. Aussi la verité est que les appellations du Bailly de Rochefort, ne ressortissent pas immediatement en la Cour de Parlement, ains pardeuant le Bailly de Montfort: suiuant le partage faict en l'an mil trois cens dix-sept, entre Yolant & Ieanne, heritieres de la maison de Montfort: Comme lors il fut remonstré par Messieurs les Gens du Roy. Pareillement les criées ne peuvent estre certifiées par les Iuges Presidiaux; comme il fut iugé en plaidoyrie le Lundy vingt-neufiesme Decembre, mil cinq cens quatre-vingts & six. Nonobstant ce qui a esté cy-dessus deduit, plusieurs Iuges des Seigneurs haut-Iusticiers: mesmes ceux desquels les appellations ressortissent nuëment en la Cour de Parlement, par tiltre, priuilege, octroy, concession, ou autrement, entreprennent de certifier criées, & leurs Sergens de mettre les Panonceaux Royaux, requis pour la solemnité d'icelles.

17
Les criées ne
peuent estre
certifiées par
les Iuges
Presidiaux.

Q V E L E S D R O I C T S D E P O I D S , D E
Mesure & d'Arpentage appartiennent aux hauts ou moyens Iusticiers.

- | | |
|---|---|
| <p>1 Sçauoir si les droicts de poids & de mesure appartiennent au Roy seul, ou bien aux Seigneurs Iusticiers.</p> <p>2 Raisons pour môstrer que les droicts de poids & de mesure appartiennent au Roy seul.</p> | <p>3 Le droict de lauge de Gisors adingé au Roy, comme domanial.</p> <p>4 Le domaine de la Couronne de France ne se peut alienier qu'en deux cas.</p> |
|---|---|

- 5 Le tiers du droict de Minage de Montlchery adingé au Roy.
- 6 Cause touchant le Minage de Meulan.
- 7 Cause plaidée pour les droicts de poids & de mesure au pays de Normandie.
- 8 Par la coustume de Normandie, les droicts de poids & de mesure appartiennent au Duc de Normandie.
- 9 Que par la disposition de droict le Roy doit bailler les poids & mesures.
- 10 Edict des Iaugeurs, & pour les poids & mesures.
- 11 Par le Traicté de paix faict entre le Roy & l'Euesque de Paris, le droict de mesure appartient au Roy.
- 12 Moyens des Seigneurs Iusticiers, pour monstrier que le droict de poids & de mesure leur appartient.
- 13 Que les droicts de poids & de mesure dependent du droict de Iustice.
- 14 Responce aux Edicts cy-dessus alleguez.
- 15 Possession immemoriable, & arrests alleguez par les Seigneurs Iusticiers.
- 16 Coustumes locales, par lesquelles les droicts de poids & de mesure sont baillez aux moyens Iusticiers.
- 17 Repliques de Monsieur le Procureur General du Roy.
- 18 Dupliques des Seigneurs Iusticiers, soustenans les droicts de poids & de mesure leur appartenir.
- 19 Les droicts de poids & de mesure appartiennent au haut, & moyens Iusticier.

CHAPITRE XXVII.



OMME on a reuoké en doubte aux Seigneurs Iusticiers le droict de Tabellionnage, & soustenu qu'il n'estoit aucunement dependant du droict de Iustice, ains distinct & separé d'iceluy: Aussi on a controuersé aux Seigneurs Iusticiers, les droicts de poids, mesurage, minage, aulnage, iaugeage, estallonnage, & arpentage: & maintenu qu'à cause de leurs Iustices ils ne peuuent pas pretendre lesdits droicts. Tellement que le Roy ayant donné à vn Gentil-homme droict de Iustice haute, moyenne & basse en la terre; il ne pourra (suiuant l'aduis d'aucuns) pretendre les droicts dessusdits. Et ceste question a esté plusieurs fois agitée & plaidée en la Cour de Parlement; Entre Monsieur le Procureur General du Roy, prenant la cause pour les Substituts, demandeur d'une part: & quelques Seigneurs Iusticiers, & pareillement quelques particuliers defendeurs d'autre.

Ledit Seigneur Procureur General pour ses moyens disoit, Que les droicts de poids, mesurage, aulnage, iaugeage, estallonnage, & arpentage, estoient domaniaux, & appartenoyent au Roy seul, à cause de sa Couronne, inalienables & inseparables du domaine d'icelle. A ceste fin alleguoit plusieurs arrests, sentences, iugemens & poincts de droict.

Mesmes disoit que son Substitut en la Iustice du Thresor, ayant faict saisir le droict de iauge du Baillage de Gisors, Preuosté de Chaumont,

¹ Sçauoir si les droicts de poids & de mesure appartiennent au Roy seul, ou bien aux Seigneurs Iusticiers.

² Raisons pour monstrier que les droicts de poids & de mesure appartiennent au Roy seul.

3
Le droit de
iauge de Gi-
fors adingé
au Roy, com-
me domania-
l.

accroissement de Magny, & Preuosté de Pontoise; comme ledit droit appartenant au Roy, à cause de son Domaine: A ceste faisie Maistre Charles de Tortiers s'estant opposé, pour cause d'opposition allegue; Que le Roy Louys XI. auoit baillé à ses predecesseurs le droit susdit, à tiltre d'Office de Iaugeur hereditail; en recompense d'une maison prinse par ledit Seigneur, pour la fortification de la ville de Gisors: Que les lettres patentes contenans l'alienation dudit droit, & erection dudit Office hereditail, auoient esté verifiées en la Chambre des Comptes: auoit paisiblement iouy dudit droit; obtenu confirmation d'iceluy des Roys Louys XII. & François I. Et encores auoit eu main-leuée dudit droit par iugement donné par les Commissaires cy-deuant deputez sur la reünion du Domaine du Roy. Le Substitut audit Thresor: pour responses aux causes d'opposition, ayant remonstré: Que le droit contentieux estant du Domaine de la Couronne de France, l'alienation faicte d'iceluy estoit nulle. Parce que le Domaine de la Couronne ne se peut aliener qu'en deux cas; L'un pour appanage des puisnez masles de la Maison de France, subiet à retour par leur decez sans hoirs masles: L'autre pour la necessité de la guerre, moyennant deniers comptans, à faculté de rachat perpetuel. Et encores estoit necessaire que l'alienation fust émologuée en la Cour de Parliemēt: ce qui n'estoit au cas de present. Partāt l'alienation pretendue par de Tortiers estoit nulle, suivant l'Ordonnance faicte par le Roy, pour l'union & conseruation de son Domaine, verifiée en la Cour le 13. May 1566. Dauantage ledit Substitut auroit remonstré, que Monsieur le Procureur General, qui lors estoit, auoit plusieurs fois protesté, de faire reuoker les alienations du Domaine qui auoient esté faictes pendant le regne dudit Roy Louys XI. Lesquelles protestations se trouueront registrées au Greffe de la Cour. Et quant aux confirmations alleguées par de Tortiers, ledit Substitut disoit, qu'on n'y deuoit auoir esgard; parce que le commencement & le fondement n'estoient valables: Suivant la reigle à ce vulgaire, *Quod initio vitiosum est, tractu temporis conualescere non potest*. Finalement par arrest solennellement prononcé le 1. Avril 1555. fut confirmée la sentence de Messieurs du Thresor, qui auoient déclaré le droit de iauge des lieux susdits estre du Domaine du Roy, iceluy reüiny & incorporé audit Domaine, ensemble les fruiets, reuenus & emolumens d'iceluy: pour estre d'oresnauant receuz par les Receueurs ordinaires des lieux, & en faire recepte en leurs comptes. Neantmoins ordonné que ledit de Tortiers ne seroit tenu rendre les fruiets, sinon depuis la faisie, & main-mise; non pas depuis sa detention: comme il auoit esté ordonné par ladite sentence. Sauf audit de Tortiers à se pouruoir par deuers le Roy pour la recompense de ladite maison.

5
Le tiers du
droit de mi-
nage de
Montlehery
adingé au
Roy.

Et conformément audit arrest, par sentence de Messieurs les Conseillers du Thresor du le tiers du droit de minage de la ville de Montlehery; duquel deux Chapelains auoient iouy par long espace de temps, & prins à leur profit la tierce sepmaine dudit minage: fut déclaré cōpeter & appartenir au Roy, & reüiny à son Domaine, cōme domanial & inalienable: nonobstant la longue iouissance alleguée par lesdits Chapelains.

Aussi le 22. Decembre 1556. fut plaidée en la Cour vne cause entre Monsieur le Procureur General du Roy, prenant la cause pour son Substitut à Meulan, lequel auoit faict saisir le droict de mesurage, autrement appelé minage de Meulan, appellant de la main-leuée faicte dudit droict d'une part : Et vn nommé Vyon pourueu en tiltre de benefice d'une Maladerie assise près ledit Meulan, intimé d'autre. Laquelle cause apres que ledit Seigneur Procureur General eut remonsté, le droict de mesurage, ou bien de minage appartenir au Roy, & estre domanial : & que ledit Vyon eust soustenu que le droict luy appartenoit, à cause de la fondation & dotation de ladite Maladerie : & que tant ses predecesseurs que luy en auoient iouy par plus de cent ans, partant l'auoient prescrite : Fut appointée au Conseil.

6
Cause touchant le minage de Meulan.

Pareillement le 21. Iuin 1554. fut plaidée vne cause en la Cour : Entre la Dame de Tenteuille, Dame de quelques villes & villages près de Honnefleury, & du Bois de Monjan en Normandie, appellante d'une part, & Monsieur de Montpensier, Vicomte d'Auge, intimé d'autre. En laquelle cause, outre le debat de la tenuë feodale, estoit question des droicts de poids & de mesure, que ladite Dame pretendoit luy appartenir : comme tenant lesdits lieux en foy & hommage du Roy, & ayant droict de Iustice en iceux. Au contraire, ledit Seigneur de Montpensier soustenoit que lesdits droicts luy appartenoint, comme Seigneur feodal & Supérieur des lieux susdits, tenus en Fief de la Vicomté d'Auge : laquelle avec tous les droicts dependans d'icelle, luy auoient esté transportez par le Roy, en recompense des Seigneuries assises en Flandres, qui luy auoient appartenu : lesquelles le Roy François premier auoit delaisées au defunct Empereur Charles le Quint, par le Traicté de Madric. Et mettoit en auant que par la Coustume de Normandie, les droicts de poids & de mesure appartiennent au Duc, qui est le Roy, au lieu & droict duquel le Seigneur de Montpensier se disoit subrogé. Neantmoins Messieurs les Gens du Roy en ladite cause soustindrent, encores que le Seigneur Duc de Montpensier, eust cession generale de tous les droicts qui appartenoient au Roy au Vicomté d'Auge : toutes fois ce n'estoit sinon des droicts qui appartenoient au Roy, comme Vicomte d'Auge, non pas comme Duc de Normandie. Tellement que les droicts de poids & de mesure, contentieux entre les parties, estans domaniaux, & appartenans au Roy, à cause de son Domaine du Duché de Normandie, vny à la Couronne de France, ils n'estoient compris audit transport general : Parce que spécialement lesdits droicts ne pouuoient estre cedez ny transportez comme domaniaux & inalienables. *l. obligatione generali. ff. de pignorib. & hypothec.* En ce faisant lesdits droicts estoient demeurez au Roy, & appartenoient à sa Majesté. Finalement les parties furent appointées au Conseil : Et par prouision le droict de mesurage fut adiugé à la Dame de Tenteuille, pour le regard des Victuailles.

7
Cause plaidée pour des droicts de poids & de mesure au pays de Normandie.

8
Par la Coustume de Normandie, les droicts de poids & de mesure appartiennent au Duc de Normandie.

Et outre les moyens sommairement deduits és arrests cy-dessus recitez : Ledit Seigneur Procureur General pour monstrier que les droicts de poids, mesurage, minage, aulnage, iaugeage, estallonnage, &

arpentage, appartiennent au Roy, & non aux Seigneurs Iusticiers; s'ils n'en ont tiltre particulier & concession des Roys de France, alleguoit, Que les poids & mesures estoient grandemēt authorisez par les anciens:

9 *Que par la disposition de droict, le Roy doit bailler les poids & mesures.* *Que Agyptij libram & mensuram Mercurio tribuebant, & ab eo artem ponderandi & metiendi inuentam existimabant.* Combien que l'inuention des mesures, poids & nombres soit attribuée à plusieurs personnes, selon la diuersité des regions: *ut tradit Polydorus Virgilius libro primo, de rerum inuentoribus, cap. 19.* Soustenoit que le Roy seul a authorité de bailler ou faire bailler poids & mesures, par tout son Royaume: suiuant la disposition de droict cōmun, *in l. modios. de susceptoribus. propositis & arcariis. C. lib. 10. Authentica de collatoribus, & aliis capitulis. §. eos autem. in verbis, iustis ponderibus & mensuris uti precipimus. collat. 9. l. 1. de ponderatoribus & auri illatione. C. lib. 10 l. 1. & 2. de frumento Alexandrino. Cod. lib. 11.* Et se trouuēt plusieurs Constitutions de Charlemagne, *ut pondera sint aqua, & mensura recte. Et Pythagoras dicit, Statera transgredi nulli licere.*

10 *Edicts des Iaugours & pour poids & mesures.* Remonstroit que suiuant lesdites constitutions, le Roy François premier du nom par Edict du mois d'Auril 1540. ordonna que toutes aulnes seroient esgales en ses Royaumes, pays, terres, & Seigneuries. Et le Roy Henry II. du nom, par Edict du mois d'Octobre 1550. crea en chacune des villes estans sur les riuieres de Seine, Marne, Oyse, & es enuironz, iaugeurs, marqueurs, & mesureurs de vaisseaux & fustailles à vins, & autres breuuages & liqueurs. Aussi ledit Seigneur par lettres patentes du 20. May 1557. ordonna que tous les poids & mesures du Royaume de France, seroient reduicts à vn seul poids de mesure: qui seroient dits, nommez, & appelez par tout le Royaume & pays de l'obeyssance du Roy, les poids & mesures du Roy. Et pour executer cest Edict y eut certains Commissaires deputez. Et qu'il est notoire qu'en France y a vn grand mesureur & arpenteur des terres, erigé en tiltre d'Office: Les Priuileges duquel sont registrez au Greffe du Chastelet de Paris, & verifiez en la Cour de Parlement, le 21. Auril 1564. en la Chambre des Comptes, le 12. Septembre 1567.

11 *Par le Traicté de paix fait entre le Roy & l'Euesque de Paris, le droict de mesure appartient au Roy.* D'auantage ledit Seigneur Procureur General alleguoit: Que par le contract vulgairement appellé le Traicté de Paix fait entre le Roy Philippes, & les predecesseurs Euesques de Paris, en l'an 1270. & vn aduis ou iugement escrit *in libro de Temporalitatibus*, estant en la Chambre des Comptes, fol. 12. est porté, Que le droict des mesures de bled & de vin, & des crieurs de vins appartient au Roy en la terre desdits Seigneurs Euesques de Paris. Aussi ce seroit chose fort incommode, qu'il y eust diuersité de poids & de mesure en mesme ville; mesmes en la ville de Paris, capitale du Royaume: en laquelle à present n'y a qu'un seul poids, & vne mesure: Suiuant l'Edict du Roy Henry II. verifié en la Cour le 3. Mars, 1557. auant Pasques, executoire de ses lettres patentes du 20. May audit an.

12 *Moyens des seigneurs Iusticiers,* A ce que dessus les Seigneurs Iusticiers respondoient, Qu'ils estoient d'accord que les droicts de mesurage, de poids, aulnage, minage, estallonnage & arpentage appartiennent au Roy, és villes, lieux, & endroits

esquels ledit Seigneur a Iustice haute, moyenne & basse, exercée par les Officiers, & que lesdits droicts luy sont domaniaux, comme Seigneur des villes & lieux esquels il a Iustice: Non pas que lesdits droicts luy appartiennent, à cause de sa souveraineté & Couronne. Et lesdits Seigneurs desnoient que les droicts susdits appartissent au Roy és lieux esquels sa Majesté n'auoit droict de Iustice.

¹³ pour mōstrer que le droict de poids & de mesure leur appartient.

Maintenoient que lesdits droicts dependent du droict de Iustice, & qu'ils leur sont domaniaux & patrimoniaux, tout ainsi que les Iustices leur sont patrimoniales & domaniales: Tellement que quiconque a haute, ou moyenne Iustice, a droict de bailler à ses subiets poids & mesures marquées de ses armes, & a iurisdiction & coërtion sur ceux qui vsent de faux poids & de fausses mesures: comme il est amplement traité *per Guid. Pap. quest. 490. incipiente Mensura debent fieri*: suivant le texte, *in l. si item quaritur. §. si quis mensuras. in verbis, Magistratus frangi iusserit. ff. locati. l. penult. C. de defend. ciuit. l. penult. ff. ad leg. Cornel. de fal. l. annonam. §. onerant. ff. de extraordin. criminib. vet. Iacob. in titulo, de mixto imperio, in fine, ubi ait, Pondera vel mensuras facere, vel minus legales frangere, esse mixti imperij*. Et dit-on communément que mesurage, est modicatio, prout à Rege vel domino iurisdictionis instituta est.

Quant aux Edicts & Ordonnances des Roys François premier, & Henry II. cy-deuant dattez, disoient les Seigneurs Iusticiers: Que par iceux Edicts le Roy recognoist, que les Princes, Prelats, Ducs, Marquis, Comtes, Vicomtes, Barons, Chastelains, & autres Iusticiers de son Royaume, ont droict de poids, & de mesure, & d'aulnage en leurs terres & Seigneuries: Mais pour vn bien public a esté ordonné que tous poids, mesures & aulnes seront reduits à vne mesme forme: lesquelles toutesfois seront marquées des armoiries des Seigneurs qui ont droict de poids, de mesure & d'aulnage.

Aussi disoient, qu'ils sont en possession immémoriale, continue, paisible, publique & notoire à tous, de iouyr des droicts de mesurage, aulnage, poids, estallonnage, & arpentage, au dedans des terres esquelles ils ont droict de Iustice. Sont en possession & saisine de iusticier les fausses mesures: que leurs tiltres anciens portent *Ius de theloniis*; qui est auoir vn Estallon pour adiufter les mesures. Et des droicts susdits maintiennent auoir obtenu plusieurs sentences, iugemens, & arrests: Mesmes que le droict d'Aulner en la Baronnie de Chasteauroux, & de marquer les aulnes à draps, auoit esté adiugé au Seigneur du lieu, par arrest du premier Aulil, 1544.

¹⁵ Possession immémoriale, & arpentage par les Seigneurs Iusticiers.

Dauantage, les Seigneurs Iusticiers remonstrent, qu'ils sont fondez és droicts susdits par plusieurs Coustumes locales: Mesmes de Tours, article 48. qui porte, Que le moyen Iusticier est fondé de bailler à ses hommes & subiets, mesure à bled, vin & huile. Le semblable est porté par la Coustume de Lodunois, chapitre 2. article second. Aussi par le 40. article de la Coustume d'Anjou, est dict: Que les moyens Iusticiers ont droict de bailler mesures à bled & à vin, du patron & essief du Seigneur, dont ils tiennent leur Iustice. Et en l'interpretation de cest article de

¹⁶ Coustumes locales par lesquelles les poids & de mesure sont baillez aux moyens Iusticiers.

Coustume, les droicts de poids & mesure sont amplement traictez par Monsieur Chopin Aduocat en la Cour, homme docte, & qui a bien merité du public.

17
Repliques de Monsieur le Procureur General du Roy. Pour repliques aux moyens alleguez par les Seigneurs Iusticiers, Monsieur le Procureur General disoit : Qu'il estoit raisonnable que les droicts de poids & de mesure, qui concernent les victuailles, comme pain, vin, huile, lard, & autres choses, appartenissent aux Iusticiers: encores que les droicts de poids & de mesures fussent attribuez au Roy par la Coustume des lieux; laquelle se doit entendre des grandes mesures & gros poids, non pas des petites mesures: Comme il a esté iugé en la Coustume de Normandie, par l'arrest donné au profit de la Dame de Touteuille, cy-dessus recité.

Mais quant au droict de iaugeage, mesurage, & marques de vaisseaux & fustailles à vins, breuuages, & autres liqueurs, ledit Seigneur Procureur General maintenoit, que les Seigneurs Iusticiers ne le pouvoient pretendre: Attendu que le Roy par Edict verifié en la Cour, a erigé en tiltre d'Office Royal, Iaugeurs, Mesureurs, & Marqueurs de vaisseaux & fustailles à vins, breuuages & autres liqueurs: Et que le semblable deuoit estre obserué pour le regard du droict d'aulnage. Et quant au droict de minage, qui est le droict que le Seigneur prend sur la mine de bled, pour le mesurage d'icelle, soustenoit qu'il appartient au Roy, non seulement au dedans de ses villes, terres & Seigneuries; mais aussi es foires & marchez qui ont esté octroyez par le Roy au dedans des terres des Seigneurs. Et au regard du droict d'arpentage, disoit que le grand Arpenteur de France exerce son Estat & Office Royal, tant par luy, que par les Commis par tout le Royaume.

18
Dupliques des Seigneurs Iusticiers, soustennans les droicts de poids & de mesure leur appartenir. Pour dupliques, les Seigneurs Iusticiers disoient: Qu'estans fondez en disposition de droict commun, en Coustumes locales, & possessions immemorables, de bailler à leurs subiets poids & mesures, & d'auoir la Iurisdiction & coërtion d'icelles: on ne leur pouuoit iustement reuocquer en doute les droicts de poids, de mesurage, d'aulnage, minage, iaugeage, estallonnage, & arpentage: Car tous lesdits droicts sont compris sous ces mots de poids & mesure: estant certain qu'Aulnage est mesure pour mesurer les draps & toille: Minage est mesure pour mesurer le bled, auoine, & autres grains: Iaugeage est mesure pour mesurer & iageer les vaisseaux & fustailles: Estallon, sert pour regler & adiufter les poids & mesures: Arpentage n'est autre chose que mesurage des terres. Remonistroient que les Roys François, & Henry, par les Edicts cy-dessus dattéz & recitez, auoient recogneu, qu'aux Ducs, Prelats, Comtes, Barons, Chastelains, & Seigneurs Iusticiers estans en son Royaume, les droicts susdits appartennoient au dedans de leurs terres & Seigneuries. Et supposé que le Roy eust erigé en tiltre d'Office Royal, en quelques lieux de son Royaume les Aulneurs de toilles, & les Iaugeurs de vaisseaux & fustailles à vins: toutesfois telles erections d'Offices ne pouuoient preiudicier aux Seigneurs Iusticiers, auxquels les droicts susdits appartiennent: Non plus que l'erection des

Offices des Gardes des Seaux, des Priseurs, Vendeurs, des Courtiers, & autres semblables. De faict la Cour en la verification des Edicts contenant la creation & erection desdits Offices, met ordinairement ces mots: Sans preiudicier aux droicts des haut-Iusticiers. Outre remonstroient, que le Roy l'philippes le Bel, par le quinzième article de son Ordonnance du mois de Mars, mil trois cens & deux, ne s'estoit reserué es terres des Prelats, Barons, & autres Seigneurs estans en son Royaume, droict de Iustice, sinon en deux cas: qui estoit le cas de ressort, & le cas Royal, ou bien privilege. Et quant au droict de bailler poids & mesures es terres des Seigneurs Iusticiers, le Roy ne l'auoit point reserué: ny pareillement la cognoissance & coërtion de ceux qui useroient de faux poids, ou fausses mesures. Tellement que lesdits droicts & cognoissance d'iceux, appartennoient aux Seigneurs Iusticiers, & non au Roy, ny à ses Officiers.

Partant iustement on peut dire: Que les Seigneurs hauts ou moyens Iusticiers, peuuent en leurs terres bailler poids & mesures à leurs subiets, & que la Iurisdiction & coërtion desdits poids & mesures leur appartient: si par les Coustumes locales n'est autrement disposé: lesquelles en cet endroict conuiendra garder & observer. Mesmes en la Preuosté & Vicomté de Paris, pour raison des droicts dessusdits, il conuiendra observer les dix-sept & vingtiesme articles, aduisez lors de la nouvelle Coustume de Paris, transcripts au second chapitre du present Traicté, lesquels il conuient voir.

19
Les droicts
de poids &
de mesure
appartien-
nent au haut
ou au moyen
Iusticier.

[On a demandé, Sçauoir si vn Seigneur qui n'a que moyenne & basse Iustice, peut faire vn papier terrier, & contraindre ses subiets & hostes de bailler par declaration les heritages, qu'ils tiennent de luy en censive. Ceste cause a esté iugée par arrest de la Cour de Parlement, entre maître Iean Tronson Aduocat en ladite Cour, Seigneur de Chaumontel lez Luzarche, d'une part: Contre la Dame de Luzarche opposante à l'exécution des lettres obtenues par ledit Tronson en forme de papier terrier: Et fut dit par ledit arrest, encores que ledit Tronson n'eust que moyenne & basse Iustice es fiefs qui releuent de ladite Dame à luy appartenans, qu'il pouuoit contraindre ses hostes & iusticiables, tenans en censive de luy, de passer des declartions des heritages qu'ils tenoient en censive: duquel arrest il faut tirer vne consequence, que ce droict de faire vn papier terrier, n'appartient pas seulement au Seigneur haut-Iusticier, mais aussi au Seigneur qui n'a que moyenne & basse Iustice. Coquille en ses questions, question 278. N. B.]

20
Le Seigneur
qui n'a que
moyenne &
basse Iustice
peut faire
un papier
journal.

SI LES DROICTS DE POLICE, DE GVET ET Voirie, appartiennent aux haut-Iusticiers, ou bien au Roy.

- 1 Debat entre les Officiers Royaux, & les Seigneurs iusticiers, à qui appartient la police.
- 2 Raisons alleguées par les Iuges Royaux, pour monstrier que la Police leur appartient.
- 3 Que le droict de Iustice & de police n'ont rien de commun l'un avec l'autre.
- 4 La garde des villes appartient au Roy.
- 5 Inconueniens qui aduiennent, quand les villes sont gouvernées par plusieurs.
- 6 Le Preuost de Paris se qualifie Iuge seul de la police.
- 7 Le moyen ou haut-Iusticier cognoist de la police, au dedans de sa terre. Et le Iuge Royal en cognoist par preuention.
- 8 Le droict de Guet appartient au Roy seul.
- 9 Le droict de Voirie, controuersé entre le Roy & les Seigneurs haut Iusticiers.
- 10 Recit d'un plaidoyé entre Monsieur le Procureur General du Roy & Monsieur l'Euesque de Paris, pour le droict de Voirie.
- 11 Moyens alleguez par Monsieur l'Euesque de Paris.
- 12 Moyens alleguez par Monsieur le Procureur General du Roy, pour monstrier que le droict de Voirie appartient au Roy seul.
- 13 Que par la disposition de droict commun le droict de Voirie appartient au Roy.
- 14 Que par les articles aduisez lors de la redaction de la nouvelle Coustume de Paris, le droict de Voirie appartient au Roy.
- 15 L'Euesque de Paris n'a droict de Voirie, si toutes les maisons de la rue ne sont en sa censue.
- 16 Le Pief de Theroüenne appartenant au Roy en ceste ville de Paris: en quelles rues il consiste & s'estend.
- 17 Le Voyer de Paris, pourquoy est ainsi appelé.
- 18 Qu'on ne peut aucune chose faire ny entreprendre sur la Voirie.
- 19 Le Voyer peut donner des places es Halles de Paris.
- 20 Que le droict de Voirie appartient aux Citoyens de la ville ou bourg.
- 21 Que le droict de Voirie, non potest esse de regalibus.
- 22 Plusieurs Abbayes & Prieurez ont droict de Voirie à Paris.
- 23 Moyens de Monsieur l'Euesque de Paris.
- 24 Le Royne peut exploiter estes des Seigneurs Iusticiers qu'en deux cas.
- 25 Qu'en consequence du droict de police le droict de Voirie appartient aux haut-Iusticiers.
- 26 Monsieur l'Euesque de Paris pretend par possession immemoriable auoir acquis le droict de Voirie.
- 27 Que la redevance pretendue pour chacun auuent est inaccoustumée.
- 28 Contredit à l'extraict des Comptes faisant mention du droict de Voirie.
- 29 Qu'on doit adiouster foy à l'extraict des Comptes, faisant mention du droict de Voirie.
- 30 L'office de Voyer est vny à l'estas de Receueur ordinaire de Paris.

31 Le haut Iusticier n'a droict de Voirie, s'il n'en a titre ou possession immémoriale: & le Roy a droict de preuention.

32 Sentence de ce que dessus, donnée au Thresor.

33 Que les Voyers, encores qu'ils soient

erigez en titre d'Office Royal, n'ont aucune Iurisdiction ne coercion.

34 Le Voyer de Paris a seance près les Gens du Roy au Chastelet de Paris.

35 Le Voyer de Paris n'a aucune Iurisdiction.

CHAPITRE XXVIII.



Ly a tousiours eu, & encore à present y a plusieurs proces & differends entre les Iuges Royaux des villes qui appartiennent au Roy, & les Seigneurs qui ont droict de Iustice, haute, moyenne, & basse, en aucuns lieux & endroits des dites villes, pour sçauoir à qui appartient la police d'icelles villes: Ou aux Iuges Royaux seuls, priuatiuement à tous Seigneurs haut-Iusticiers, Ou bien au Roy au dedās de sa haute Iustice seulemēt, & aussi aux Seigneurs qui sont haut-Iusticiers au dedās des fins & limites de leurs hautes Iustices: Ou bien que les Iuges Royaux cognoissēt de la police, non seulement entre ceux qui sont demeurans au dedans de la haute Iustice du Roy; mais aussi entre ceux qui sont subiects des Seigneurs haut-Iusticiers, par preuention & concurrence. Mesmes ceste question a esté plusieurs fois meüe entre les Officiers du Chastelet de Paris, & les Seigneurs haut-Iusticiers de ceste ville.

Les Iuges Royaux pour leurs moyens dient, Que par la disposition de droict commun, au Iuge ordinaire & Royal, appartient la cognoissance, cure, sollicitude, & superintendance de la police: *Videlicet cura carnis & annonæ, ut iusto pretio prabeatur: sollicitudo fori in quo merces vaneunt, ne in eis vendendis aut emendis fraus committatur: quies popularium custodiatur, ne tumultus aut iurgia excitentur inter ciues, disciplina spectaculorum, & autres choses qui concernent la police: comme dit le texte, in l. 1. §. cura carnis. ff. de offic. præfect. urb. l. unica. C. de annonis. & capitationib.*

Aussi dient, que le droict de Iustice ne contient en soy le droict de police, ains sont droicts distincts & separez: Tellement qu'un Seigneur sous ombre de sa Iustice, ne peut pas pretendre le droict de police: *non enim cuique iudici, aut ordini cuiusque ciuitatis, ius est statuere pretium grani aut frumenti, comme dit le texte in l. Imperatores, ff. ad leg. lul. de anno.* De faict il y a plusieurs communautez des villes qui ont le droict de Police, toutesfois le droict de Iustice ne leur appartient point: ainsi qu'il est obserué es villes d'Amyens, de la Rochelle, & autres.

Dauantage, estant certain que l'exercice de la police contient en soy la conseruation & entretenement des habitans d'une ville, & du bien public d'icelle: on ne peut dire que le droict de police appartienne à autres qu'au Roy. *Nam lex salutem Reipublicæ tueri, nulli magis credidit conuenire nec alium sufficere ei rei, quàm Casarem, inquit Paulus Iurisconsultus in l. nam salutem. ff. de offic. præfect. vigil.*

Joint que si vne ville, soit Paris, Orleans, Dijon, ou autres, est policée,

5
Incōueniens
qui aduen-
nent, quand
les villes sont
gouvernées
par plu-
sieurs.

regie & gouvernée par diuers Iuges, plusieurs incomueniens pourront ad-
uenir: A sçauoir que le plus souuent leurs sentences & iugemens ne seront
conformes & semblables, ains diuers & repugnans: en sorte qu'une ville
sera diuisée en diuerses villes & diuerses regions: *Et singula ciuitates habe-
bunt sua regimina, sicut olim singula Prouincia: ut dicit Glossa in l. fin. in ver-
bis, id est, una Prouincia. C. de prescript. longi temp. Ita decidunt Angelus de Pe-
rusio, & Alexander de Imnola, in l. de die. §. tutor. ff. qui satisf. cogantur.*

6
Le Preuost
de Paris se
qualifie Iuge
seul de la
police.

Et pour ceste cause le Preuost de Paris s'intitule Iuge seul, & pour le
tout, sur le faict de la police des ville & faux-bourgs de Paris: *ad instar
Praefecti urbi, cui uniuersi ciues subditi erant, in l. corporatorum. C. de off.
praef. urbis.*

7
Le haut ou
moyen Iusti-
cier cognoist
de la police,
au dedans de
sa terre: Et le
Iuge Royal
en cognoist
par preuen-
sion.

Neantmoins les Seigneurs haut-Iusticiers maintiennent que la pre-
miere & principale partie de la Iustice, est la police. De faict, chacun haut,
ou moyen Iusticier cognoist de la police, au dedans des fins & limites de
sa Iustice. Et le Iuge Royal, mesmes le Preuost de Paris cognoist d'icelle,
non seulement au dedans de la haute Iustice du Roy; mais en toute la
ville & faux-bourgs de Paris, par preuention & concurrence, avec les
Seigneurs haut-Iusticiers d'icelle. Et par arrest donné en plaidoyrie le
16. Decembre 1561. a esté ingé contre Monsieur l'Euesque de Soissons,
que le Seigneur haut-Iusticier ne peut vendiquer son subiet & iusticia-
ble, estant adiourné pour faict de police pardeuant le Iuge Royal.

En sorte qu'on tient: Que chacun haut, ou moyen Iusticier, cognoist
de la police au dedans des fins & limites de sa Iustice: Et le Iuge Royal
en cognoist par preuention, mesmes quand c'est en mesme ville: Con-
formément au 23. art. de la nouvelle Coust. du pays de Normandie, par le-
quel est porté, Que les Iuges Royaux cognoissent par tout des poids &
mesures, & mesme par preuention aux terres des haut-Iusticiers.

8
Le droict de
Guet appar-
tient au Roy
seul.

Quant au droict de Guet, il appartient au Roy seul, & la cognoissance
d'iceluy est attribuée au Iuge Royal: lequel anciennement *Praefectus Vi-
gilum vocabatur*, cognoissoit de *incendiarijs, effractoribus, furibus, raptoribus
& receptatoribus*: comme dit la loy tierce, §. *cognoscit. ff. de off. praefect. vigil.*
Aussi que la seureté, protection, & defense des habitans des villes appar-
tient au Roy, non pas aux Seigneurs haut-Iusticiers: Suiuant la loy, *nam
salutem, dicto titulo, de offic. praefect. vigil.* Et en ceste ville de Paris, y a vn
Maistre du Guet, qui est pourueu par le Roy en tiltre d'Office: lequel a
ses Lieutenans & Archers qui font le guet par la ville, pendant la nuit: Et
des captures, emprisonnemens & rapports par eux faicts, le Lieutenant
Criminel du Chastelet de Paris, seul en cognoist, comme il est notoire.

9
Le droict de
Voirie con-
trouersé, en-
tre le Roy &
les Seigneurs
haut-Iusti-
ciers.

Au regard du droict de Voirie, il a tousiours esté controuersé entre le
Roy & les Seigneurs haut-Iusticiers: Et pour raison de ce, y a eu plusieurs
plaidoyez faicts entre M^r le Procureur General du Roy, prenant la cause
pour ses Substituts, soustenant que le droict de Voirie appartient au Roy
seul: & les Seigneurs haut-Iusticiers soustenans que le droict de Voirie
leur appartient, au dedans des fins & limites de leurs hautes Iustices.

De faict, le 16. Ianuier, 1552. y eut vne cause plaidée en la Cour en-
tre Monsieur l'Archeuesque, Chanoines, & Chapitre de Lyon, & les Es-

cheuins de ladite ville, appellans de l'exécution de certaines lettres patentes, contenans l'erection en tiltre d'Office Royal, d'un Voyer en la ville de Lyon, d'une part: Et ledit Voyer intimé d'autre: Laquelle fut appointée au Conseil.

Semblablement le Mardy 9. Iuin, 1556. fut plaidée vne cause en la Cour, entre Monsieur l'Euesque de Paris, appellant d'une sentence donnée en la Iustice du Thresor d'une part, & Monsieur le Procureur General du Roy prenant la cause pour le Receueur ordinaire de Paris, intimé, d'autre: Le faict de laquelle estoit: Qu'un Marchand demeurant en ceste ville de Paris rue S. Denys, estant adiourné à la requeste du Receueur ordinaire de Paris, & du Substitut de Monsieur le Procureur General au Thresor, ioint avec le Receueur, afin de luy payer les arrerages de certaine redevance, pour le droict d'auent, qu'il disoit estre de douze deniers parisis par an. Laquelle redevance il soustenoit luy estre permis de leuer chacun an, la seconde sepmaine de Novembre: ainsi qu'il estoit porté par un Extraict de la Chambre des Comptes, contenant les droicts & priuileges du Voyer de Paris: Ledit Marchand estant condamné au payement de ladite redevance par sentence du Thresor, il auroit appellé de ladite sentence, & en cause d'appel sommé ledit Seigneur Euesque de Paris, qui auroit pris la cause pour ledit Marchand, & appellé de ladite sentence.

Pour ses moyens & causes d'appel disoit: Que la maison contentieuse estoit non seulement en sa censue, mais en sa haute Iustice, à cause de laquelle le droict de Voirie luy appartient, & estoit en possession immémoriale dudit droict. De faict auoit son Voyer qui exerçoit son Estat, en tous les lieux & endroits estans au dedans de sa haute Iustice: Et qu'il n'estoit raisonnable le troubler au droict de Voirie, lequel dependoit du droict de Iustice, laquelle ne luy estoit aucunement controuersée.

Au contraire, Messieurs les Gens du Roy disoient: Qu'en l'an 1539. ils auoient soustenu contre tous les Seigneurs haut-Iusticiers de la ville & faux-bourgs de Paris, que le Roy seul auoit droict de Voirie en la ville & faux-bourgs de Paris, & que la cause auoit esté appointée au Conseil. Dénioient que le droict de Voirie fust des dependances du droict de Iustice: au contraire estoit un droict du tout diuers, distinct, & separé: Comme il apparoissoit par un Extraict des Comptes qu'ils auoient en main. Que par la disposition de droict la cause du Roy estoit claire, & ne pouuoit-on reuoker en doute, que le droict de Voirie n'appartinist au Roy seul: Car le texte, *Qua sint Regalia, in vsu feudorum*, porte par mots exprés, Que *via publica de Regalibus sunt, siue iuribus ad Regem pertinentibus. l. 2. §. viam publicam. ff. de via publica. l. 2. §. viam. ff. ne quid in loco publico. Capola in tractatu de seruitutibus rustic. prad. cap. de seruitute vie, quest. 7. & quest. 10.*

Que suiuant ceste disposition de droict estoit porté, par l'unziesme des articles, aduicéz lors de la rédaction de la nouvelle Coustume de Paris, contenus au 2. chapitre du present Traicté: Que le Roy estoit seul Seigneur Voyer, s'il n'y auoit tiltre au contraire, ou possession immémoriale.

de la nou-
uelle Cou-
sme de Pa-
ris, le droict
de Voirie ap-
partient au
Roy.

15
L'Euesque
de Paris n'a
droict de
Voirie, si
toutes les
maisons de
la ruë ne
sont en sa
censue.

16
Le fief de
Theroüenne
appartenant
au Roy en
ceste ville de
Paris, en
quelles rues
il consiste, &
s'estend.

17
Le Voyer de
Paris, pour-
quoy est ain-
si appelé.

18
Qu'on ne
peut aucune
chose faire
ny entrepre-
dre sur la
Voirie.

19
Le Voyer
peut donner
des places
estës es Hal-
les de Paris.

20
Que le droit
de Voirie ap-
partient aux
citoyens de la
ville ou
bourg.

moriale: Et où il y auroit tiltre, le Roy y estoit tousiours en concurren-
ce, pour iuger quand il a preuenü. Qu'ils auoient tousiours soustenu,
que la cognoissance des homicides commis és grands chemins, apparte-
noit au Iuge Royal, parce que les grands chemins appartenoiët au Roy:
comme il a esté dit au 7. chapitre du present Traicté.

Dauantage disoient, que par ledit extraict des Comptes il est porté,
Que nul n'a Voirie à Paris que le Roy, en toute la Banlieuë, fors l'E-
uesque de Paris, là où les maisons sont siennes d'une part & d'autre. Et
si le Roy y a vne maison ou deux, ou trois, ou vn autre Seigneur, qui soit
du propre fief, l'Euesque perd sa Voirie; car nul ne part au Roy. Or il
est notoire qu'en la ruë saint Denys, y a plusieurs maisons qui sont en
la censue & Iustice du Roy, à cause du Fief de Theroüenne, acquis par
le Roy Philippes le Bel, le 17. Ianuier l'an 1330. La censue duquel Fief
commence au coing de la ruë au Feurre, & se continuë és maisons assi-
ses tant en la ruë saint Denys, que ruës adiacentes du costé des Halles,
depuis ledit coing de la ruë au Feurre iusques à la porte S. Denys. Aussi il
est certain qu'en ladite ruë S. Denys, les Religieux, Abbé & Conuent
de saint Magloire, ont droict de Iustice & de censue. Pareillement les
Meres & Religieuses sainte Catherine, fondées en ladite ruë saint De-
nys, ont droict de censue en ladite ruë saint Denys. Partant Monsieur
l'Euesque de Paris ne peut pretendre droict de Voirie en ladite ruë.

Outre, lesdits Seigneurs Gens du Roy disoient, Que le Voyer de
Paris, est appelé Voyer, parce qu'il doit voir & regarder, que l'on fasse
raison & mesure en la Voirie: Que les chemins ne soient encombrez, &
qu'on n'y fasse aucune chose, si ce n'est par son congé. En sorte qu'on
ne peut faire aucuns bastimens sur ruë, sans auoir alignemens du Voyer,
ny auoir aucunes faillies à Paris, ny degrez à monter en sa maison, de-
quoy la voye soit estreffie: Ne faire estail ou siege en la Voirie: Ne vendre
denrée en la Voirie: N'eriger estail à Boucher, qui excède & outrepassé
la muraille de la maison, & s'estende d'un pied ou deux sur la ruë: si ce
n'est par le congé & licence du Voyer: Ny pareillement faire auuent, ny
auoir trauai, sans permission du Voyer. Lequel prend plusieurs menus
droicts sur les Marchands vendans en destail, tant és Halles de Paris, ruë
au Feurre, qu'autres endroits de ceste ville, à plein declarez en l'extraict
contenant les priuileges & pouuoirs du Voyer de Paris. Mesmes le
Voyer peut donner quelques places à vendre beurre, fromages, & autres
marchandises estans és Halles de Paris. Et du soin, sollicitude, & regard
que le Voyer doit auoir sur les grandes ruës & chemins publics, est parlé
in l. *Adiles. ff. de via publica, & itinere publico reficiendo.*

A ce que dessus, Monsieur l'Euesque de Paris respondoit; Que par
la disposition de droict, les chemins publics des villes appartiennent aux
citoyens, ou bien à la communauté des citoyens de la ville, ou bien au
Seigneur de la ville: suiuant le texte, in l. 2. §. *loca enim publica. §. hoc inter-*
dictum. & §. res autem fiscales. ff. ne quid in loco publico: comme il est ample-
ment traicté per Capolam, in loco supra citato, quest. 18. & par plusieurs au-
teurs alleguez en ladite question.

Qu'il n'y auoit apparence de dire, que le droict de Voirie de *Regalibus* erat, & qu'il appartient au Roy, *iure Corona*, à cause de sa souueraineté & superiorité: comme luy appartient *iure Corona*, le droict de legitimer le Bastard, d'annoblir le Roturier, & de naturaliser l'Estranger. Car si cela estoit veritable, le droict de Voirie appartiendrait au Roy en toutes les terres & Seigneuries de son Royaume: & non seulement és villes, mais aussi en tous les bourgs, bourgades, & villages de France: Toutesfois il est notoire & manifeste, que chacun Seigneur, soit de ville, bourg, bourgade, ou village, a son Voyer, qui prend garde aux grands chemins, & qui baille l'allignement quand on veut de nouuel bastir. Aussi qu'il est notoire que les Noyers, Chesnes, Ormes, & autres arbres qui sont plantez sur les grands chemins, ou bien és carrefours, & ruës des bourgs, bourgades & villages, appartiennent aux Seigneurs des lieux.

21
Que le droit
de Voirie
non potest
esse de Re-
galibus.

Que les Seigneurs haut-Iusticiers de la ville & faux-bourgs de Paris, ne doiuent estre de pire condition, que les autres Seigneurs haut-Iusticiers, estans au dedàs du Royaume. Estoit notoire que les Religieux, Abbé & Conuent de S. Germain des Prez: ensemble les Religieux, Prieur, & Conuent de S. Martin des Châps à Paris, qui sont de fondation Royale, & plusieurs autres, iouyssent du droict de Voirie au dedans de leurs hautes Iustices, exercées en ceste ville de Paris. Pareillement en iouyssent les Religieux, Abbé & Conuent de Sainte Geneuiefue, suiuant l'arrest par eux obtenu avec Monsieur le Procureur General du Roy, le 20. Aoust, l'an 1401.

22
Plusieurs
Abbayes &
Prieurez
ont droit
de Voirie à
Paris.

Aussi ledit Seigneur Euesque disoit: Qu'il n'estoit pas seulement Seigneur haut-Iusticier de la maison contentieuse, & des maisons contigues & adiacentes à icelle: mais estoit Seigneur censier, foncier, & direct desdites maisons: & des ruës esquelles lesdites maisons estoient basties: Tellement que le fonds de terre desdites maisons & desdites ruës, directement luy appartenoit, & estoit au dedans de son territoire. Qu'audit territoire, le Roy ne pouuoit pretendre aucun droict: Attendu que par les 15. & 18. art. de l'Ordonnance du Roy Philippes le Bel, du mois de Mars 1302. est porté: Que le Roy ne peut Iusticier és terres des Prelats, Ducs, Comtes, Barons, & haut-Iusticiers estans en son Royaume: sinon en deux cas, à sçauoir en cas de ressort, & en cas Royal. Lesquels cas n'auoient rien de commun avec le droict de Voirie.

23
Moyens de
Monsieur
l'Euesque
de Paris.

Dauantage, disoit que le droict de Police estant des appartenances du droict de haute iustice (cōme il a esté cy-dessus remonstré) qu'en consequence du droict de Police le droict de Voirie luy appartenoit, & à tous autres haut-Iusticiers: Parce que la Voirie est l'une des principales parties de la police, à prendre garde qu'on n'entreprene point sur les ruës & chemins publics, aussi que les ruës soient nettes, & les chemins ne soient point encombrez.

24
Le Roy ne
peut exploi-
ter és terres
des Sei-
gneurs Iu-
sticiers, que
en deux cas.

Outre ledit Seigneur Euesque alleguoit possession immemorale, que tant luy que ses predecesseurs ont tousiours iouy, comme il iouyt à present, du droict de Voirie. Que son Voyer de tout tēps & ancienneté a baillé allignement, lors qu'il a esté question d'edifier maison, ou faire

25
Qu'en cōse-
quence du
droict de Po-
lice, le droict
de Voirie ap-
partient aux
haut Iusti-
ciers.

26
Monsieur
l'Euesque
de Paris pre-
tend, par

possession
immemo-
riale auoir
acquis le
droict de
Voirie.

autres bastimens au dedans des fins & limites de sa haute Iustice. Pareillement a donné permission de faire faillies, auoir auuens, auoir sieges, esuiers, enseignes, & estaux à Bouchers, és maisons qui sont en sa césue, & au dedas de sa haute Iustice: sans que son Voyer ait esté aucunemēt troublé en l'exercice & droicts appartenans à son Office. Disoit que sa possession estoit fondée en plusieurs arrests de la Cour, contradictoiremēt donnez avec Monsieur le Procureur General du Roy: Et en cōtract passé entre le Roy Philippes, & les predecesseurs dudit Seigneur Euesque, en l'an 1270. Par lequel est dict, que le Roy ne peut pretendre droict de Iustice en la terre dudit Seigneur Euesque, *prater murum & raptum*: comme il a esté dict au 9. chapitre du present Traicté.

27
Que la re-
deuāce pre-
tendue pour
chacun au-
uēt est inac-
coustumée.

Pius disoit, que le droict d'auuent pretendu chacun an par le Receueur ordinaire de Paris, estoit vne chose nouuellement inuentée. Qu'il estoit bien raisonnable pour la permission de mettre vn auuēt neuf, payer quelques deniers au Voyer: mais de faire payer vne redeuance annuelle pour chacun auuent, il n'auoit point esté veu: & les comptes de la Recepte ordinaire de Paris n'en faisoient aucune mention. Aussi tel pretendu droict ne se pourroit demander, sinon en la terre du Roy, non pas és terres des Seigneurs Iusticiers, qui sont au dedans de la ville & faux-bourgs de Paris.

28
Contradit à
l'extraict
des comptes,
faisant mē-
tion du
droict de
Voirie.

Quant à l'Extraict sur lequel Messieurs les Gens du Roy se fondoient, ledit Seigneur Euesque disoit, qu'il n'auoit esté present, ny appelé à voir faire ledit Extraict: partant qu'on ne s'en pouuoit aider contre luy. Aussi qu'on ne pouuoit dire que ledit Extraict fust loy, Ordonnance, ou Edict, contract, sentence, ou iugement: D'autant qu'il estoit sans datte, & sans nom d'auteur: *sine die & consule*: partant qu'on n'y deuoit point auoir esgard, ny adiouter foy au contenu d'iceluy. Et par ces moyens concludoit à mal iugé.

29
Qu'on doit
adiouster
foy à l'ex-
traict des
comptes, fai-
sant mētion
du droict de
Voirie.

Pour dupliques, Messieurs les Gens du Roy disoient: Que le Registre duquel ledit Extraict estoit faict, estant en la Chambre des Comptes, *in Archivis Regis & publicis*, on ne le pouuoit impugner: ains foy deuoit estre adioutée au contenu d'iceluy. Et n'estoit beloin faire appeller ledit Seigneur Euesque, pour voir faire ledit Extraict. Car quand on leue des Extraicts de la Chambre des Comptes: ou bien quand on leue par extraict des Arrests de la Cour de Parlement, ou des sentences des Iuges ordinaires, on n'a point accoustumé appeller les parties. Que par ledit Extraict, qui estoit escrit *in libro de Temporalitatibus*, estant en la Chambre des Comptes, fol. 13. 14. & 15. estoit verifié ce qui a esté cy-dessus deduit. Mesmes ledit Extraict portoit, qu'au Voyer appartient chacun an, faire cueillir les rentes des auuens, la seconde sepmaine de Nouembre.

30
L'office de
Voyer, si vny
à l'estat de
Receueur
ordinaire de
Paris.

Quel Office de Voyer estoit à present vny à la Recepte ordinaire de Paris. Tellement que le Receueur ordinaire de Paris estoit Voyer, & n'estoit tenu faire recepte en ses comptes, des droicts qu'il receuoit comme Voyer: d'autant qu'ils luy appartiennent, & en iceux consiste vne partie du profit & emolument de son estat. Par ces moyens lesdits Seigneurs Gens du Roy, comme ayans prins la cause pour le Receueur ordinaire de Paris, soustenoient qu'il auoit esté bien iugé par les Cōseillers du Thresor.

Finale^{ment} les parties furent appointtées au Conseil.

Semble qu'on doit soustenir que le haut Iusticier n'a droit de Voirie, s'il n'en a tiltre ou possession immémoriale. Et encores qu'il ait tiltre, le Roy a droit de preuention, & est tousiours en concurrence pour en iuger quand il a preuenu: comme il est contenu en l'vnziesme des articles aduisez lors de la redaction de la nouuelle Coustume de Paris, transcripts au 2. chapitre du present Traicté. Et semble raisonnable, que le Iuge Royal puisse cognoistre par preuention du droit de Voirie, entreprises & vsurpations faictes sur les grandes ruës, voyes publiques, & grands chemins: Comme le droit de Voirie faisant partie du droit de Police: de laquelle le Iuge Royal peut cognoistre par preuention, & concurrence avec tous les Iuges des Seigneurs Iusticiers estans en France: principalement quand c'est en mesme ville, bourg, ou bourgade: ainsi qu'anons monstré au commencement du present chapitre.

31
Le haut-
Iusticier n'a
droit de
Voirie, s'il
n'en a tiltre,
ou possession
immémoria-
le. Et le Roy
a droit de
preuention.

Et conformément à ce que dessus par sentence donnée par Messieurs les Conseillers en la Iustice du Thresor, le treiziesme Aoust 1579. Entre le Procureur du Roy audit Thresor demandeur d'une part: Et les Religieux, Abbé & Conuent de la Sainte Trinité de Thiron, defendeurs d'autre: Ledsits Religieux ont esté deboutez du droit de Voirie par eux pretendu en ceste ville de Paris: encores que par mesme sentence, on leur ait adiugé, à cause de leur Fief, maison, tour & hostel seigneurial de Thiron, censue, & Iustice haute, moyenne & basse, tant en la ruë S. Anthoine, qu'autres ruës de ceste ville de Paris: avec tous droits appartenans à haut-Iusticiers.

32
Sentence de
ce que dessus
donnée au
Thresor.

Danantage conuient noter que les Voyers qui sont establis en tiltre d'Office Royal en aucunes villes de ce Royaume, n'ont aucune Iustice: & ne peuuent donner aucun iugement, ny condamnation: ny de leur Ordonnance, mandement ou autorité, faire proceder par voye de saisie ou execution, sur les biens de quelque habitant de ville, bourg, bourgade ou village. Mais ledsits Voyers, ou leurs cōmis doiuent faire leur rapport à Iustice des entreprises faictes sur les grands chemins: pareillement des reparations & amendemens qu'il conuient faire en iceux, ou bien es voyes publiques, & ruës passantes, ensemble des perils eiminents qui sont en icelles, à fin d'y estre pourueu par le Iuge de la Police, soit Bailly, ou Preuost. Et ainsi est pratiqué en ceste ville de Paris. En laquelle, combien que le Voyer, qui est le Recqueur ordinaire, ait seance près les Gens du Roy du Chastelet de Paris: & que par ses anciens tiltres soit porté, Que la Voirie de Paris est vne Iustice par soy, & vne garde qui ne touche de rien à la Preuosté de Paris, & que le Roy la vend à vie d'homme, ou donne: Toutesfois ledit Voyer n'a aucune iurisdiction, & est tenu, ou bien son commis, faire rapport pardeuant le Preuost de Paris, ou son Lieutenant Civil, de ce qui concerne son estat de Voyer: Ou bien aduertir Messieurs les Thresoriers de France, de ce que le Roy est tenu faire es grands chemins & voyes publiques: ou es bastimens estans sur icelles, appartenans à sa Majesté, s'ils sont en peril eminent, ou conuient y faire quelques reparations. Et quelle largeur doiuent contenir les grands

33
Que les
Voyers, en-
cores qu'ils
soient rigez
en tiltre
d'Office
Royal n'ont
aucune iu-
risdiction ny
coertion.

34
Le Voyer de
Paris a seance
près les
Gens du Roy
au Chastelet
de Paris.

35
Le Voyer de
Paris n'a
aucune iu-
risdiction.

chemins Royaux, ou bien 20. & 22. pieds de large, ou bien 40. pieds de large, est déclaré par plusieurs & diuerfes Coustumes de ce Royaume, & traicté en la Somme Rurale, au tiltre des droicts des chemins & Voiries transcripse par Monsieur Chopin en son premier liure sur la Coustume d'Anjou tit. 4. de iure Castellania, cap. 43. num. 5. Aussi que la refection des grands chemins appartienne au Iuge Royal, faut voir le mesme Chopin de Dom. Fran. lib. 2. cap. 7. in fine.

LES SEIGNEURS IUSTICIERS OV FEODAVX,
ne peuent auoir moulins, fours, pressoirs Bannaux; ny droicts de Couruées: s'ils n'en ont tiltre valable, ou aduen & denombrement ancien. Et tels droicts ne peuuent estre acquis par possessio immemorale.

- 1 Toutes personnes & tous heritages sont presumez libres.
- 2 Comme les Seigneurs Iusticiers ou feodaux ont entrepris, & se sont attribué le droict de Bannalité.
- 3 Si le Seigneur Iusticier, ou bien le Seigneur feodal, a droict de Bannalité.
- 4 Quand un moulin, four, ou pressoir, sont appelez Panniers.
- 5 Au preiudice du droict de Bannalité du Seigneur, le subiet ne peut auoir four, pressoir, ny moulin.
- 6 Au preiudice du droict de Bannalité, on ne peut aller cuire, pressorer, ne moudre ailleurs, qu'és four, pressoir & moulin du Seigneur.
- 7 Quand il est permis aller moudre, cuire, ou pressorer ailleurs.
- 8 Le Seigneur qui a droict de Bannalité, peut empescher ses voisins, de venir quester en sa terre.
- 9 Loix & passages de ce que dessus.
- 10 Le Seigneur estant troublé en sa Bannalité, peut agir possessoirement, ou petitoirement.
- 21 Forme de concludre possessoirement ou petitoirement, pour un droict de Bannalité.
- 22 Forme qu'il conuient obseruer és conclusions prinsees pour droict de Bannalité.
- 23 Defenses contre les conclusions prin-
- ses pour un droict de Bannalité.
- 14 Le droict de Bannalité concerne tous les habitans d'un village.
- 15 Declaration des habitans desnians le droict de Bannalité.
- 16 Reglement entre les habitans d'un village, & un Seigneur pretendans droict de Bannalité.
- 17 Le droict de Bannalité se doit iuger avec tous les habitans du village, & non avec un particulier.
- 18 Aucuns ont estimé que le haut-Iusticier a droict de Bannalité.
- 19 Par la Coustume de Paris, le Seigneur Iusticier ou feodal, ne peut auoir droict de Bannalité, s'il n'en a tiltre ou aduen, & denombrement ancien.
- 20 Plusieurs estiment n'estre loisible bastir moulin à vent, sans permission du Seigneur haut-Iusticier.
- 21 Raisons sur lesquelles est fondée la Coustume de Paris.
- 22 Le droict de Bannalité doit estre constitué par tous les habitans pour iuste cause.
- 23 Le consentement des deux parts des habitans est requis, pour obliger le corps des habitans.
- 24 Quando aliquid commune est pluribus vt singulis, ou bien pluribus vt vniuersis, comme il se faut conduire.

- 25 *Servitude ne peut estre acquise sans faire apparoir de la constitution d'icelle.*
- 26 *Servitude ne peut estre acquise sans tiltre.*
- 27 *Le droit de bannalité ne se peut acquerir par possession centenaire, & n'est subiect à prescription.*
- 28 *Encores que de tout temps les habitans d'un village, ayent esté moudre au moulin du Seigneur; ils ne peuvent estre contrains à l'advenir d'y aller.*
- 29 *La prescription du droit de bannalité & d'autres droits négatifs, ne commence que du iour de la prohibition & patience.*
- 30 *Le subiect peut prescrire & acquerir liberté du droit de bannalité par trente ans: encores qu'il n'y ait contradiction de la part du Seigneur.*
- 31 *Qu'un adueu & denombrement n'est tiltre: & à qui il profite, & peut nuire.*
- 32 *Les adueux & denombrements doivent estre verifiez: & par qui.*
- 33 *Quand un adueu & denombrement est tiltre valable, pour attribuer droit de bannalité.*
- 34 *Arrest notable par lequel est de-*

- claré, quels grains les subiects banniers sont tenus aller moudre au moulin bannal de leur Seigneur.*
- 35 *Peine statuée contre celuy qui a contrevenu au droit de bannalité.*
- 36 *Le Curé n'est subiect au droit de bannalité.*
- 37 *Droit de Taureau bannier, que c'est.*
- 38 *Ce mot de Ban, ou Bannalité, que signifie.*
- 39 *Le droit de Cornées ne peut estre acquis par un Seigneur, sans tiltre ou adueu, & denombrement ancien.*
- 40 *Cornées en deux especes: & pourquoy sont ainsi appellées.*
- 41 *Comme les Cornées doivent estre faictes, au profit du fermier du Seigneur.*
- 42 *Les subiects sont tenus se nourrir pendant qu'ils font les Cornées à leur Seigneur.*
- 43 *Quand les anciens tiltres portent, que les habitans feront telles Cornées, ou payeront telle somme de deniers; il faut prendre le denier à raison de la forte monnoye.*
- 44 *Matiere des Cornées, où est traitée.*

CHAPITRE XXIX.



Ombien que par la disposition de droit commun, non seulement les personnes, mais aussi tous heritages soient reputés francs, libres & exempts de toute subiection & servitude, *l. libertas ff. de statu homi. l. altius. C. de servitut. & aqua l. cum eo. l. cuius. ff. de servitut. rustic. prad.* Toutesfois plusieurs Seigneurs tant Iusticiers que feudaux, par le moyen de leur autorité & puissance ont contraint leurs iusticiales subiects & vassaux demeurés au dedans de leurs Iustices, Fiefs & Seigneuries, à se submettre, assubiettir & asservir à plusieurs charges, Cornées, subiections & servitudes: Mesmes à venir moudre tous leurs grains au moulin de leur Seigneurie: cuire toutes leurs pastes au four de leur dite Seigneurie: & presser tous leurs vins en leur pressouer. Et lesdits Seigneurs

Toutes personnes & tous heritages sont reputés libres.

Comme les Seigneurs Iusticiers, ou feudaux ont entrepris & se sont attribué le droit de bannalité.

3
Si le Sei-
gneur Iusti-
cier, ou bien
le Seigneur
feodal a
droict de
bannalité.

ont appellé tels moulins, fours & pressouers bannaux, ou bien banniers. Et par le moyen de longue iouissance, ont pretendu droict de bannalité, sur tous ceux qui estoient manans, habitans, & demeurans au dedans de leurs Iustices, Fiefs, & Seigneuries. Et qui plus est, lesdits Seigneurs ont iudiciairement soustenu, qu'à cause de leurs Iustices, ou bien à cause de leurs Fiefs, ils auoient droict de bannalité sans qu'ils fussent tenus faire apparoir de tiltre. Tellement qu'on a douté, & plusieurs fois demandé; si le Seigneur haut, moyen, ou bas Iusticier, à cause de sa Iustice; ou bien le Seigneur feodal, à cause de son Fief, a droict de Bannalité, sur ses iusticiables & subiets: c'est à dire s'il a moulin bannal, four bannal, & pressouer bannal: & puisse contraindre ses iusticiables & subiets, à venir moudre en son moulin, cuire en son four, & pressouer en son pressouer, sans qu'il leur soit loisible aller moudre, cuire, ny pressouer ailleurs.

4
Quand un
moulin,
four, ou
pressouer
sont appel-
lez banniers.

Pour facile intelligence de ceste question, & cognoistre la nature, qualité, & effect des moulins, fours, & pressouers bannaux: il conuient presupposer, que vn moulin est appellé bannal, ou bannier, quand les subjets du Seigneur & propriétaire d'iceluy, sont tenus aller moudre leurs grains audit moulin, & ne leur est loisible aller moudre ailleurs, sans le consentement du Seigneur: & sont appelez subjets banniers. Le semblable doit estre dit d'un four bannier, & d'un pressouer bannal.

5
Au preiudi-
ce du droict
de bannali-
té du Sei-
gneur, le
subiet ne
peut auoir
four, pres-
souer, ny
moulin.

Et en ce cas il n'est permis à aucun des subjets, edifier four ou pressouer en sa maison, ny bastir moulin sur son heritage sans le congé du Seigneur, lequel les pourra faire abbatre & demolir: d'autant que le droict de bannalité, est prohibitif, & exclusif de tous autres moulins, fours & pressouers.

6
Au preiudi-
ce du droit
de bannali-
té, on ne
peut aller
cuire, pres-
souer ne
moudre
ailleurs,
qu'és fours,
pressouer &
moulin du
Seigneur.

Aussi au cas susdit, si aucun des subjets est trouué allant moudre, cuire ou pressouer ailleurs que au moulin, four, ou pressouer bannal du Seigneur: les officiers ou comis dudit Seigneur, peuuent saisir & arrester les grains, farines, pastes, ou vendanges qu'on veut transporter ailleurs, avec les bestes sur lesquelles elles sont portées. Et par aucunes Coustumes, le tout est confisqué au profit du Seigneur: & par les autres n'y a que le bled, farine, paste, ou vendange, qui sont confisquées, & non la poche, beste, ny harnois. Et encores qu'aucune saisie ne soit faite, toutesfois le Seigneur ne laissera de poursuiure son subiet, & le faire condamner en soixante sols parisis d'amende enuers luy, pour la contrauention faite à son droict de bannalité, avec l'interest de la mouture, cuisson, ou pressouage, & fraiz de poursuite. Parce, comme dit est, que le droict de bannalité est prohibitif.

7
Quand il
est permis
aller moul-
dre, ou pres-
souer ail-
leurs.

Bien est vray, que si le grain porté au moulin bannal du Seigneur, n'est moulu vingt quatre heures apres qu'il a esté porté, ou bien dedans le tēps porté par la Coustume locale: le subiet peut licitement porter son grain moudre en tel autre moulin que bon luy semble. Et le semblable doit estre obserué, quand en temps conuenable & competant, le subiect n'a peu cuire au four bannier, ny pressouer au pressouer bannal du Seigneur.

D'auantage le Seigneur qui a moulin bannal, peut empescher que les

Meusniers proches, & voisins de son moulin, ny autres viennent quester en sa terre, ny querir grains pour moudre ailleurs qu'en son moulin bannal. Fera arrester leurs bestes, & condamner en l'amende, ceux qui les auront amenées.

8
Le Seigneur qui a droit de bannalité peut empêcher ses voisins, de venir quester en sa terre.

Ce que dessus est traité in Capite *significante, extra. de appellat. cap. Abbate. cap. super quibusdam. §. preterea, de verbo. signifi. extra. l. si quisquam ff. de diuers. temporal. prescript. l. quominus ff. de fluminibus. l. si manifestè. C. de seruit. aqua l. si quis diuturno. ff. si seruit. vend. & ibi. Glosa. l. Proculus. ff. de damno infecto. l. per agrum C. de seruitutib. l. diuus Pius. ff. de seruitutib. rust. prad. Capola in Tractatu de Seruitutibus Urban. pradio. titulo, de Farno, capite quinquagesimo. Guido Pap. questione 298. de furno construendo in fundo proprio. Latissimè tractat Chassanaus és Coustumes de Bourgogne, au tiltre des forests, pasturages, & riuieres, articles premier, second, & subsequens. Aussi pour l'intelligence de ce que dessus, il conuient voir la Coustume de Nivernois, au tiltre des fours, moulins, & bans d'iceux: la Coustume de Ponthieu, art. 815. 816. & subsequents: ensemble la Coustume de Touraine, articles sept, huit, & subsequents.*

9
Loix & passages de ce que dessus.

D'auantage il conuient entendre, que quand vn Seigneur est troublé & empêché en son droit de bannalité: parce que l'un de ses subiects au preiudice de son droit de bannalité, a fait edifier vn four ou pressouer en sa maison: ou fait bastir vn moulin sur son heritage, au dedans du Fief, terre, & Seigneurie du Seigneur, fins & limites de sa bannalité, ou autrement en quelque sorte que ce soit: le Seigneur peut dedans l'an & iour du trouble, agir possessoirement, & former sa complaincte en cas de saisine & de nouuelleté: ou bien peut agir petitoirement *actione negatoria*.

10
Le Seigneur estant troublé en sa bannalité: peut agir possessoirement, ou petitoirement.

Pour ses moyens doit deduire, qu'à cause de son Fief, il a plusieurs manoirs, terres, heritages, & droicts: Mesmes a pressouer bannal, auquel tous les manans & habitans de son Fief, terre & Seigneurie, sont tenus venir pressorer les vins recueillis au dedans de ladite Seigneurie: sans qu'il leur soit loisible ny permis aller pressorer ailleurs, ny auoir pressouer en leurs maisons: Qu'il a droit, & est en possession de prohiber, interdire, & defendre à tous les habitans de sa Seigneurie, d'aller pressorer ailleurs qu'en son pressouer bannal, & d'auoir pressouers en leurs maisons: en cas de contrauention, les mulcter. Que du droit de bannalité, tant luy, que ses predecesseurs, ont iouy paisiblement, continuellement & publiquement de tout temps & ancienneté, & par tel & si long temps, qu'il n'est memoire du contraire: Mesmes par les dernieres années, an & iour immediatement precedens le trouble duquel est question. Que dudit droit de bannalité, tant luy que ses predecesseurs ont tousiours fait foy & hommage au Roy, & mis en leurs anciens & nouveaux adueuz & denombrements qu'ils auoient moulin, four, & pressouer bannaux: lesquels faisoient & font partie de l'ancien domaine de son Fief: Que lesdits adueuz & denombrements, ont esté deuëment verifiez par les Iuges ordinaires des lieux, & receuz an la Chambre des Comptes. Neanmoins depuis an & iour en ça, tel, au preiudice du droit de bannalité du demandeur, a fait edifier vn pressouer en sa maison, s'il est au dedans de la Seigneurie &

11
Forme de conclurre possessoirement ou petitoirement, pour un droit de bannalité.

bannalité du demandeur. S'il agist possessoirement, il conclurra à ce qu'il soit maintenu & gardé en ses droictz de bannalité. S'il agist petitoirement, conclurra à ce que le droict de bannalité soit déclaré luy appartenir: le defendeur condamné faire abbatre & demolir le pressouer par luy de nouuel basti; & condamné en tous despens, dommages & interets.

12
Forme qu'il
conuient ob-
seruer és
conclusions
prises pour
droict de
bannalité.

Et faut noter, qu'en complainte formée pour droict de Bannalité, il conuient baptiser possessions affirmatiues & negatiues: & dire qu'on est en possession de contraindre les habitans de tel lieu, venir pressorer au pressouer Bannal du demãdeur: de prohiber & interdire ausdits habitans, d'aller pressorer ailleurs que audit pressouer: en cas de contrauention les mulcter: de prohiber qu'il ayent pressouers en leurs maisons, & autres possessions aux cas pertinentes; Comme il fut plaidé & dict par arrest donné le 2. Aoust 1558. Entre les Doyen, Chanoines & Chapitre saint Marcel lez Paris, appellans d'une part: & quelques particuliers qui vouloient faire edifier vn moulin és faux-bourgs dudit Saint Marcel, inthimez d'autre.

13
Defenses
contre les
conclusions
prises pour
vn droict de
bannalité.

Le defendeur pour exceptions & defenses, doit baptiser possessions contraires: desnier le droict de bannalité pretendu par le demandeur, mettre en auant qu'il est en possession immemoriable de liberté, d'aller pressorer son vin en tel pressouer que bon luy semble: Desnier que les vignes qui luy appartiennent, estans au dedans de la Seigneurie du demandeur, soient subiectes & asseruies au droict de bannalité mis en auant par le demandeur: Encores que le defendeur ait cy-deuant esté pressouer au pressouer du demandeur; cela ne peut pas induire vne obligation pour l'aduenir, ny attribuer droict de bannalité au demandeur, comme il sera mōstré cy-apres. Que la presumption & faueur est pour la liberté, & non pour la seruitute: Que le Seigneur *non utendo, vel per non usum* a perdu son pretendu droict de bannalité, *l. si partem. §. i. ff. quom. seruit. amitt.* Par tant conclurra à fin d'absolution.

14
Le droict de
bannalité
concerne
tous les ha-
bitans d'un
village.

La demande cy-dessus recitée, ou bien pareille & semblable, ayant esté faicte par vne Damoiselle, demeurant en la Preuosté & Vicomté de Paris, contre vn bourgeois de ceste ville: Et le defendeur par sentence du Preuost de Paris ayant esté abius des conclusions contre luy prises par ladite Damoiselle, elle en auroit appelle en la Cour. Apres griefs baillez, & responses fournies: La Cour considerant, que l'action intentée ne concernoit pas seulement le defendeur, simple particulier, ains regardoit tous les habitans du village: Par arrest du 21. Iuillet 1584. auoit ordonné que les habitans du village seroient adiournez à iour de Dimanche, issuë de Messe parochiale, pour constituer vn Procureur Syndic, qui declareroit, S'ils entendent accorder ou empescher la bannalité de pressouer, pretenduë sur les habitans dudit village: & si lesdits habitans sont tenus & subiects d'aller pressorer au pressouer de ladite Damoiselle demanderesse; ou en liberté d'aller pressorer en tel pressouer qu'ils aduiseront bon estre: Et qu'à ceste fin ledit Syndic pourroit prendre communication du procez par escript, pendant en la Cour: pour la declaration veuë, ordonner ce que de raison.

Lesdits habitans ayans declaré qu'ils n'auoient iamais entendu, sceu, ny veu, que la Damoiselle, ny ses predecesseurs eussent pressouer bannal, ou droict de bannalité : au contraire, qu'il leur estoit loisible, & à tous ceux qui auoient vignes au dedans du terrouer dudit village & Seigneurie, pressouer leurs vins où bon leur sembloit ; & que ainsi auoient faict de tout temps & ancienneté. Apres ceste declaration seroit interuenue autre arrest : Par lequel la Cour auant que proceder au iugement du proces auoit ordonné : Que ladite Damoiselle, & lesdits habitans contesteront sur la bannalité de pressouer pretendue par ladite Damoiselle ; & desniée par lesdits habitans. A ceste fin que ladite Damoiselle baillera dedans quinzaine ses moyens, auxquels lesdits habitans respondront à la quinzaine ensuiuant ; ce faict produiront, bailleront contredits & saluations dedans le temps de l'Ordonnance. Et seront aucunes personnes ouys & interrogez d'Office sur certains faicts, qui seront extraicts du proces : pource faict estre faict droict aux parties, ainsi que de raison.

Et par ces arrests semble estre donnée la forme qu'il faut garder, pour decider & terminer vn droict de Bannalité : lequel ne se doit conduire ny iuger avec vn particulier, ains avec tout le corps des habitans qui y ont interest : Suiuant la loy *ff. municipales. ff. quod cuiusque vniuersit. l. quod maior. ff. de municip. cap. quod omnes. de regul. iur. in sexto.*

Ce qui a esté cy dessus deduit, presuppposé, il conuient dire pour la decision de la question cy dessus recitée, qui est de sçauoir : Si le Seigneur haut, moyen ou bas Iusticier, à cause de sa Iustice, ou bien le Seigneur feodal, à cause de son fief a droict de bannalité sur ses hostes Iusticiables & subjets. Combien que plusieurs de nos Docteurs, tant Ciuls que Canonistes, ayent estimé que le Seigneur qui a Iustice haute, moyenne & basse, qu'en consequence d'icelle luy appartient droict de bannalité. Aussi combien que quelques Coustumes locales, comme de Toutaine & autres, ayent donné droict de moulin, four, & pressouer bannaux à ceux qui auoient Iustice haute, moyenne ou basse : & ayent dit, que *dominus habens omnimodam iurisdictionem, potest prohibere subditis suis, ne vadant ad aliud molendinum, quam ad molendinum sue iurisdictionis. ut refert Sossinus in consilio 272. Doctores in l. filiusfam. §. diuis. ff. de legat. 1. Boerius decisione 125. in prima parte.*

Toute fois par la Coustume de la Preuosté & Vicomté de Paris (laquelle nous auons deliberé de suiure, & selon icelle nous reigler) le droict de Iustice, ny le droict de fief n'attribuent droict de bannalité : Comme les droicts de Iustice, de fief, & de bannalité, estans droicts diuers, distincts & separez, & l'un n'ayant rien de commun avec l'autre. En sorte que le haut, moyen ou bas Iusticier, ny pareillement le Seigneur feodal, ne peut pretendre four, moulin, ou pressouer bannal, ny contraindre les hostes Iusticiables ou subjets, d'aller moudre en son moulin, cuire en son four, & pressouer en son pressouer, ny les empescher de faire pressouers ou fours en leurs maisons, ou bastir moulins sur leurs heritages : s'il n'en a tiltre valable, ou adueu & denombrement ancien : & si le tiltre n'est auparavant vingt-cinq ans, il n'est réputé valable : Comme il est porté par

15
Declaration
des habitans
desniens le
droict de
bannalité.

16
Reiglement
entre les ha-
bitans d'un
village, &
un Seigneur
pretendant
droict de
bannalité.

17
Le droict de
bannalité se
doit iuger
avec tous les
habitans du
village, &
non avec un
particulier.

18
Aucuns ont
estimé que le
haut iusti-
cier a droict
de bannali-
té.

19
Par la Cou-
stume de Pa-
ris le Sei-
gneur iusti-
cier ou feo-
dal ne peut
auoir droict
de bannali-
té, s'il n'en
a tiltre, ou
adueu, &
denombre-
ment an-
cien.

20
Plusieurs
estiment n'estre
loisible
bastir moulin à vent
sans permission du Seigneur haut Iusticier.

les 171. & 172. articles de la nouvelle Coustume de Paris. Combien que plusieurs estiment n'estre loisible en France, bastir moulins à vent, sans permission du Seigneur haut Iusticier, duquel ils dient estre nécessaire aaccepter le vent. Et ainsi est communément obierué au Royaume. Et par ledit 72. article de la nouvelle Coustume de Paris, le Moulin à vent peut estre bannal, aussi bien que le moulin à eau, pourueu qu'il y ait tiltre, ou recognoissance par escrit, bonne & valable, telle qu'elle est requise par le soixante vniesme article de ladite Coustume.

21
Raisons sur lesquelles est fondée la Coustume de Paris.

Et ceste nouvelle Coustume de Paris, par laquelle, pour auoir droit de Bannalité est requis auoir tiltre valable par escript, semble estre fondée sur trois raisons principales.

22
Le droit de bannalité doit estre constitué par tous les habitans pour iuste cause.

La premiere est, que le droit de Bannalité contenant en soy superiorité & subiection, il est nécessaire, auparauant qu'un Seigneur puisse legitimement pretendre ce droit, qu'il apparaisse par escript, du contract fait entre le Seigneur, & tous ses subiects deuement assemblez, portant promesse, obligation, ou recognoissance desdits subiects : lesquels volontairement, sans contrainte aucune, pour bonne, iuste, & legitime cause, se sont assubiectis à ce droit de bannalité, de ne pouuoir aller moudre, cuire ne pressorer ailleurs que au moulin, four, ou pressouer de leur Seigneur, sur peine d'amende & de confiscation. *Notat Baldus in l. si plures. versic. item si debeas. C. de condit. infer. tam in legat.*

23
Le consentement des deux tiers des habitans est requis pour obliger le corps d'habitans.

Et pour obliger & assubjectir un corps & vniuersité d'habitans d'une ville, bourg ou village à un droit de bannalité, soit de moudre leurs grains au moulin du Seigneur, pressorer leurs vins au pressouer d'iceluy Seigneur, ou bien de cuire leurs pains en son four, ou bien à une redevance & prestation annuelle: Il est nécessaire que les deux tiers des habitans prestent consentement, & soient denommez au contract, pour obliger l'autre tiers, non pas que le tiers ou la moitié des habitans puisse obliger le corps & Vniuersité des habitans. En sorte que quand on dit, faisans & representans la plus grande & saine partie des manans & habitans dudit village: c'est à dire les deux tiers, ou plus grand nombre. Conformément à la loy *Nominationum. in verbis, dua partes ordinis. in verb. posita totius curie instar exhibent. De decurionibus. C. lib. 10. l. nulli. cum lege sequenti. ff. quod curusque vniuersit. l. quod maior. & ibi Glossa ff. ad municipal.*

En cest endroit il conuient noter, quand il est question d'une affaire, negoce, ou droit qui concerne un corps & vniuersité d'habitans, de Chanoines ou autres communautéz, ou bien quelques societez, comme de cōpagnons & associez, de coproprietaires, ou bien d'heritiers ou collegataires, on dit que, *quando aliquid cōmune est pluribus vt singulis. puta hereditibus vel sociis, vel quando aliqua res pertinet ad plures vt singulos, tunc consensus omnium necessarius est, & uno contradicente nihil agitur.* Car chacun a son droit & interest particulier, duquel il peut disposer, sans le consentement des autres: *vt in concidenda seruitute per fundum communem. l. per fundum. ff. de seruit. rustic. prad.* Aussi *sententia contra unum ex coheredibus lata, ceteris non nocet. l. sepe. ff. de re iudic. & hoc casu non est stan-*

dum voluntati maioris partis, nec maior pars ceteros obligat. Mais quando aliquid commune est pluribus ut vniuersis, puta ciuibus, collegis, canonicis, religiosis, vel quando aliqua res pertinet ad plures ut vniuersos: tunc standum est voluntati maioris partis, & maior pars ceteros obligat. l. maio. ff. ad municip. l. planè ff. quod cuiusque vniuersi. c. quod omnes. vbi Dynus. de reg. iur. in sexto. & in tit. de his qua sunt à maiore parte capituli. Partant on dit, *Ea qua sunt vniuersitatis vel ciuitatis non sunt singulorū sed i. suis vniuersitatis vel ciuitatis, ut theatra, stadia.* l. in tantū. §. vniuersitatis. ff. de rer. diuis. l. i. §. quibus. ff. quod cuiusque vniuersi. Aussi vn seul particulier n'est receuable à agir: mais il faut agir per syndicum, id est, defensorem, nomine ciuitatis: dicta l. i. §. quibus. l. si municipes. ff. eodem. Et quod vniuersitati debetur singulis non debetur, nec quod debet vniuersitas, singuli debent. l. sicut. ff. quod cuiusque vniuersi. l. cum senatus. ff. de reb. dub. Partant quand vne vniuersité, ou vne communauté d'habitans, de Chanoines, de Religieux, de musniers, de pasticiers, ou autres, est condamnée au payement de quelque somme de deniers, ou en quelques despens, on ne peut s'adresser & faire executer vn particulier habitant, ou vn Chanoine ou pasticier, pour le payement des deniers adiugez, ou despens taxez, suiuant le tiltre, *ut nullus ex vicaneis pro alienis vicaneorum debitis teneatur.* Codicis libro decimo.

Quādo ali-
quid com-
mune est
pluribus ve
singulis, ou
bien pluri-
bus ut vni-
uersis: com-
me il se faut
conduire.
Quand vne
commu-
nauté d'ha-
bitans est con-
damnée,
comme il se
faut pour-
voir pour
estre payé.

La seconde raison est, que le droit de bannalité estant vne vraye seruitude, contraire à la liberté naturelle, tant des personnes que des heritages, (comme il a esté dit au commencement du present chapitre) il est raisonnable qu'il apparoiſſe par escrit de la constitution de ceste seruitude. Conformément à la disposition de droit, *in §. si quis. Instit. de seruituib. l. in tradendis. ff. communia pradiorum. l. quicquid venditor. ff. eod.*

25
Seruitude
ne peut estre
acquise sans
faire appa-
roir de la
constitution
d'icelle.
26
Seruitude
ne peut estre
acquise sans
tiltre.

La troisieme raison est, que droit de bannalité estant seruitude, il ne se peut acquerir, & aucun ne peut se l'attribuer, ny valablement le pretendre sans tiltre valable, ou recognoissance par escript: Comme il est porté par les cent quatre-vingts six & soixante & douze articles de la nouuelle Coustume de Paris.

27
Le droit de
bannalité
ne se peut
acquerir par
possession
centenaire,
& n'est sub-
iect à pre-
scription.

De ce que dessus s'ensuit, que le droit de bannalité estant censé, & estimé droit de seruitude, & pour l'acquisition d'iceluy estant requis tiltre valable & par escrit, la prescription immémoriale qui est de cent ans, & plus, n'est aucunement considerable pour s'attribuer & acquerir le droit de bannalité: Suiuant le 186. article de la nouuelle Coustume de Paris: & qu'il est porté par le procez verbal d'icelle sur les 71. & 72. articles.

28
Encores que
de tout tēps
les habitans
d'un villa-
ge ayent esté
moudre au
moulin du
Seigneur, ils
ne peuvent
estre con-
traints à
l'aduenir
à y aller.

En ce faisant, combien que les subjets de quelque Seigneur ayent de tout temps & ancienneté esté moudre en son moulin, cuire en son four, ou pressorer en son pressouer: Toutesfois on ne pourra les assubiettir & contraindre à l'aduenir d'y aller moudre, cuire, ou pressorer: ny les empescher d'auoir fours, ou pressouers en leurs maisons, ny de bastir moulins sur leurs heritages. Et presumera-on que ce qui a esté cy-deuant faict, ce a esté par force & violence: auquel cas n'y a lieu de prescription. *l. non est verisimile. §. fenerator. ff. de eo quod met. cau. Innocent. in cap. bona.*

extra. de postul. Ou bien on presumera que ce qui a esté auparauant fait, a esté de pleine volonté, par voisinage, aïssance, ou commodité, sans subiection ne nécessité: auquel cas n'y a lieu de prescription, encores qu'on la voulust pretendre immemoriable, *l. qui iure familiaritatis. D. de acquir. possèss. l. creditor. C. de usuris. l. viam publicam. ff. de via publica, & itinere publico.*

29
La prescri-
ption du
droict de
bannalité,
& d'autres
droicts ne-
gatifs, ne
commence
que du iour
de la prohi-
bition & pa-
tience.

Et encores qu'en droict de bannalité la prescription fust admise, & non reiettee (comme elle est par la nouuelle Coustume de Paris) neantmoins il est certain par la disposition de droict commun, que le droict de bannalité, estant vn droict negatif & prohibitif; en ce cas, *ut in ceteris iuribus negativis quæ in prohibendo consistunt, ut quis possideat & prescribere possit, necesse est ut prohibitio interueniat illius qui sibi ius competere contendit, & sequatur patientia eius cui prohibitio facta est.* Tellement que suiuant le droict commun la possession n'est acquise, & la prescription ne commence à courir, que du iour de la prohibition ou contradiction, & du iour que ce-luy qui a esté empesché, a acquiescé à l'empeschement & prohibition. Et apres la contradiction & paisible possession par trente ans contre les Laiz, & de quarante ans contre les Eglises, le droict de bannalité peut estre ac-quis par prescription. Et sans prohibition & contradiction le droict de bannalité ne pourroit estre acquis. En sorte que le subiet qui auroit par le temps de cent ans, & immemorial, esté moudre, cuire, ou pressorer au moulin, four, ou pressouer de son Seigneur, ne pourroit estre contraint, obligé, ny assubietty d'y aller à l'aduenir moudre, cuire, ou pressorer: *Hæc enim itio censetur facta per modum facultatis & mera voluntatis, & non per modum necessitatis:* Comme dient nos Docteurs: *Glof. Cynus & Bald. in l. 1. Cod. de seruit. & aqua. l. sequitur. §. si viam. ff. de usucap. l. qui lumi-nibus. ff. de seruit. urb. præd. Iason in l. queminus. ff. de fluminib. latè Chassan-cus in consuetudines Burgundia, titulo des forests, pasturages, & riuieres. §. 2.* Et cela est clairement déclaré au chapitre 18. de la Coustume de Ni-uernois, art. 1. & 2. & aux 543. & 544. art. de la Coustume de Bour-bonnois.

30
Le sujet peut
prescrire &
acquiesce li-
berté du
droict de
bannalité
par trente
ans, encores
qu'il n'y ait
contradi-
ction de la
part du Sei-
gneur.

Tout ainsi que le Seigneur ne peut acquerir droict de bannalité sur son subiet, qu'il n'y ait contradiction de sa part, & patience de la part du sub-jet, avec paisible possession depuis la contradiction par trente ans contre les laiz, & quarante ans contre les Eglises. Aussi plusieurs sont d'aduis que le subiet qui est bannier, tenu aller moudre au moulin bannal de son Sei-gneur, cuire au four dudit Seigneur, & pressorer en son pressouer bannal, ne peut s'exempter du droict & seruitude de bannalité, ny acquerir la li-berté dudit droict, si la possession du subiet n'a esté publique, paisible, & continuée par trente ans apres la contradiction & patience contre les laiz, & par quarante ans contre l'Eglise: comme mesme raison militant en mesme subiet. Toute fois le 186. article de la nouuelle Coustume de Paris ne requiert contradiction pour acquerir la liberté d'une seruitude; & n'induit argument de l'un à l'autre: Et porte que droict de seruitude ne s'acquiert par longue iouyssance, quelle qu'elle soit, sans tiltre: encores qu'on en ait iouy par cent ans. Mais la liberté se peut acquerir contre le tiltre

tiltre de seruitude par trēte ans, entre âgez & non priuilegiez. Cōbien que par la disposition de droict pour acquerir liberté, ne soiēt requis que vingt ans, *l. 2. C. de long. temp. prescri. qua pro liber.* Tellement que la liberté estant plus fauorable que la seruitude, la prescription d'icelle sera plus facilement admise en la personne du sujet qui aura esté par trente ans entiers sans aller moudre, cuire ny pressorer au moulin, four, ou pressouer bannaux de son Seigneur, que non pas en la personne du Seigneur, qui veut pretendre droict de bannalité sur son sujet. En ce faisant, encores que pour le regard du Seigneur la contradiction doieue preceder auparauant que la prescription commence à auoir cours: neantmoins on ne peut inferer que la contradiction soit requise, pour induire commencement de prescription pour le regard du sujet: *idque fauore libertatis l. si ita scriptum. ff. de manumissis testamento. l. inter pares. ff. de re iudicata. l. libertas omnibus. ff. de reg. iur.*

Estant porté par le 61. article de la nouuelle Coustume de Paris; que pour acquerir droict de bannalité, est requis tiltre valable, ou adueu & denombrement ancien: On a demandé, quand vn adueu & denombrement doit estre dit ancien, & réputé valable pour attribuer à vn Seigneur, soit Iusticier ou feodal, droict de bannalité sur ses sujets. Attendu qu'on tient communément qu'un adueu & denombrement n'est tiltre, ains vne simple declaration des heritages & droicts que le vassal pretend estre appartenans & dependans de son fief, lesquels le plus souuent il amplifie & estend. Aussi vn adueu & denombrement ne peut faire preuue, faire preiudice, ny induire obligaion, sinon entre le Seigneur dominant, auquel il a esté baillé, & qu'il a receu, & le vassal qui l'a baillé, & avec lequel il a esté receu. Non pas qu'un adueu & denombrement soit tiltre attributif de propriété, de possession, ou d'aucun droict, au preiudice d'un tiers, qui n'est present, appelé, ny ouy au denombrement. *l. qua quisque. ff. de acquir. rer. dom. l. censualis. Cod. de donat. l. functiones. l. solemnibus. Cod. de rei vend. l. si pater. C. de act. empti.*

[Et de faict, s'il y a eu quelque acte de foy, hommage, adueu & denombrement baillez par des Seigneurs à autres qu'au Roy, esquels ils ayent compris quelques choses des dependances de la terre qui releue du Roy, pour l'en frustrer, il est sans doute que tel Seigneur ne se peut preualoir de tels actes contre le Roy: Car si à l'esgard des particuliers, *res inter alios acta, &c.* à plus forte raison à l'esgard du Roy: d'autant que le Domaine a vn priuilege particulier qui est inalienable, le Roy mesme ne le peut vendre: au moyen de quoy on ne peut prescrire lesdits droicts, parce que la prescription est vne espece d'alienation: *alienare videtur qui patitur usucapi*, dit la loy: Les droicts de Domaine sont inalienables, saints & sacrez: ils sont hors de commerce, l'on n'y peut toucher en façon quelconque, ny aucunement les diminuer, retrancher, ou alterer: de façon, que si le Seigneur qui releue du Roy faict quelque declaration, ou baille quelque adueu à autres Seigneurs qu'au Roy, plus à l'aduantage qu'il ne doit, cela ne peut preiudicier aux droicts du Roy. N. B.]

31
Qu'un adueu & denombrement n'est tiltre, & à qui il profite, & peut nuire.

Aduen & denombrement baillé à un Seigneur des terres qui ne releuent de luy, ains du Roy, ne peut preiudicier au Roy.

32
Les adueuz
& denom-
brement doi-
uent estre
verifiez, &
par qui.

Ioint qu'on tient pour certain qu'un adueu & denombrement ne peut servir de tiltre contre le Roy, s'il n'a esté verifié par le Iuge Royal ordinaire des lieux, & depuis receu par Messieurs des Comptes: comme nous auons dit au 5. chapitre du present Traicté. Et qui plus est, nous voyons ordinairement les adueuz & denombrements anciens contenir moins d'heritages, ou moins de droicts, que les modernes, lesquels sont plus amples que les anciens: D'autant que les modernes contiennent droict de Iustice, haute, moyenne & basse: & les anciens ne font mention d'aucune Iustice; ou bien de moyenne & basse seulement: Ou bien contiennent moins de censue que les derniers adueuz; ou bien les anciens adueuz & denombrements ne font aucune mention de moulin bannal, ny de four bannal, ny de pressouer bannal, lesquels sont exprimez & compris és modernes adueuz & denombrements.

33
Quand un
adueu &
denombre-
ment est til-
tre valable
pour attri-
buer droict
de bannali-
té.

Partant, auparauant qu'un adueu & denombrement puisse servir de tiltre, pour attribuer à un Seigneur droict de bannalité, sera besoin diligemment le voir, examiner & discuter. Aussi sera besoin le confronter avec les adueuz anciennement baillez: voir s'il a esté verifié par le Iuge ordinaire des lieux, & s'il est conforme aux denombrements anciennement receus en la Chambre des Comptes: lesquels il faudra faire chercher, & trouuer, afin de les confronter: Pareillement considerer quelle a esté la iouissance du Seigneur. Car il ne seroit raisonnable de bailler droict de bannalité sur des habitans d'un bourg, ou village, sous ombre de l'exhibition d'un simple adueu & denombrement qui seroit contraire, quoy que ce soit, repugnant aux autres adueuz anciens, qui auroient esté celez, cachez & latitez par le Seigneur, à ce que la verité ne fust cogneuë. Dauantage, il semble qu'un adueu & denombrement ne peut estre dit ancien, ne doit servir de tiltre, pour attribuer droict de bannalité, qu'il n'ait esté baillé trente ans auparauant les vingt cinq ans mentionnez en la nouuelle Coustume de Paris, & qu'il ne soit accompagné d'une possession paisible, publique & continuelle, depuis le temps qu'il aura esté baillé. Et cela depend de la prudence de la Cour, & discretion des Iuges. On peut alleguer à ce propos la loy *in finalibus. ff. finium regundorum*, & autres semblables.

34
Arrest nota-
ble par le-
quel est de-
claré, quels
grains les
sujets ban-
niers sont
tenus aller
moudre au
moulin ban-
nal de leur
Seigneur.

Or combien que le droict de bannalité ne soit reuoqué en doute, ains accordé à un Seigneur, soit Iusticier ou feodal: Toutesfois le sujet bannier n'est tenu d'aller moudre au moulin bannal de son Seigneur, sinon le grain qui est necessaire pour la nourriture de luy, sa femme & famille, ou duquel il veut vendre le pain au dedans de la terre, fief & Seigneurie de son Seigneur, ou lequel il a achepté au dedans de la Seigneurie dudit Seigneur. Et ne peut estre contraint d'aller moudre au moulin bannal de son Seigneur, le grain qu'il a achepté hors la terre, fief, & bannalité dudit Seigneur pour faire pain, lequel il veut vendre hors ladite Seigneurie & bannalité: Comme il a esté iugé par arrest de la Cour donné le dix-huictiesme Septembre mil cinq cens soixante cinq. Entre Charles Graffart fermier pour le Roy des moulins banniers de Gonneffe, demandeur original & intimé, d'une part. Et plusieurs particuliers

habitans dudit Gonneſſe, defendeurs & appellans de la ſentence contre eux donnée en la Juſtice du Threſor, d'autre.

Par lequel la Cour mit l'appellation & ſentence au neant, ſans amende & deſpens de la cauſe d'appel. En emendant ladite ſentence, & faiſant droict, tant ſur l'incident de requête, qu'au principal, A condamné les appellans comme banniers, à aller mouldre és moulins de Gonneſſe, les bleds, & grains dont ils font pain, tant pour la nourriture & prouiſion de leur famille & maiſon, que pour vendre & debiter au lieu de la Chaſtellenie de Gonneſſe, & enclaves d'icelle: Et à payer audit Graffart & fermiers deſdits moulins, pour le droict de bannalité, vn boiſſeau de pareil bled & grain pour chacun ſeptier qui aura eſté moulu. A inhibé & defendu auſdits appellans, d'aller ou enuoyer pour ce regard, mouldre ailleurs qu'eſdits moulins banniers, ſur peine de conſiſcation de leurs ſacs, farines, & beſtes portans icelles, & de ſoixante ſols pariſis envers le Roy. Et en ce faiſant le Roy ſera tenu d'entretenir les quatre moulins banniers de Gonneſſe, en bon & ſuffiſant eſtat de tourner & mouldre grains.

Et pour le regard des bleds & grains que leſdits appellans achèptent ou achèpteront hors le territoire & bannalité dudit Gonneſſe, pour faire pain, afin de le vendre, ou faire vendre & debiter en ceſte ville de Paris, & autres lieux, hors le lieu, Chaſtellenie, & enclaves dudit Gonneſſe: Ladite Cour a dit & déclaré iceux appellans, & chacun d'eux exempts dudit droict de bannalité, & n'eſtre aucunement ſujets d'aller mouldre aux moulins banniers dudit Gonneſſe: Ains a permis & permet auſdits appellans, & chacun d'eux, d'aller, ou enuoyer mouldre leſdits bleds & grains ainſi achèptez, par tout & entels moulins que bon leur ſemblera, ſans qu'ils ſoient tenus payer audit Graffart & fermiers deſdits moulins, aucune choſe pour raiſon de ladite bannalité. En ce faiſant a déclaré les ſaiſies & arreſts faiçts à la requête dudit Graffart, comme fermier deſdits moulins, des farines & beſtes portans icelles appartenans auſdits appellans, nuls, tortionnaires & deſraiſonnables. A ordonné qu'auſdits appellans ſeront renduës leſdites farines & beſtes, (ſi renduës n'ont eſté) ou bien la juſte valeur & eſtimation. Et a ladite Cour inhibé & defendu audit Graffart & fermiers deſdits moulins, preſens & à venir de plus faire proceder par telles voyes de ſaiſies & arreſts, pour le regard des farines procedans des bleds & grains achèptez, comme deſſus, hors de la Chaſtellenie de Gonneſſe: ſur peine de tous deſpens, dommages & intereſts, & d'amende arbitraire. Et a condamné ledit Graffart és deſpens deſdites ſaiſies: enſemble és deſpens de la cauſe principale, ſans deſpens dudit incident de requête, dommages & intereſts deſdites ſaiſies, & pour cauſe.

Par ceſt arreſt, qui eſt de grande importance, on cognoiſt outre ce qui a eſté cy-deſſus dit, que quand le ſujet bannier a cōtreuenu au droict de bannalité, il y a en la Preuoſté & Vicomté de Paris, non ſeulement conſiſcation des ſacs, farines, & beſtes portans icelles; mais auſſi cōdam-

35

Peine ſtatuee contre celuy qui a contreuenu au droict de bannalité.

nation de soixante sols parisis d'amende enuers le Seigneur. Laquelle amende toutesfois le Iuge peut remettre ; parce que c'est vne commination de peine, qui est portée, par ledit arrest.

36
Le Curé
n'est sujet
au droict de
bannalité.

On a demandé si vn Seigneur, lequel par contract passé avec ses sujets, a moulin bannal, en sorte que les manans & habitans de son village ne peuuent aller mouldre leurs bleds ailleurs qu'au moulin de sa Seigneurie, peut contraindre le Curé dudit village demeurant au Presbytere, d'aller mouldre bled audit moulin, sans qu'il luy soit loisible le faire mouldre ailleurs : Attendu que ledit Curé & les predecesseurs n'ont point presté de consentement audit contract, n'y sont point denommez : aussi que tel consentement seroit personnel, & ne pourroit obliger le successeur, suiuant le chapitre *veniens. extra. de transactionibus*. Et qu'il est certain que les personnes Ecclesiastiques sont franchises, libres & exemptes de toute subiection & seruitude personnelle, de toutes tailles, collectes, impositions & prestations personnelles, esquelles les laiz peuuent estre tenus & assubiectis, *l. omnis. l. item nulla. C. de exemptis & cleric. cap. non minus. cap. aduersus. extra. de immunitate eccle.* Aussi que le droict de bannalité a lieu, & doit seulement estre pratiqué contre les sujets, hostes & iusticiables du Seigneur. Du nombre desquels le Curé desnie estre, & que le Seigneur n'a que voir au Presbytere, auquel le Curé faict sa residence, comme chose sacrée, & à Dieu dediée. Ce differend est pendant, & indecis au Chastelet de Paris entre le Seigneur de Luzarche, & le Curé audit lieu : Il semble que le Curé est bien fondé en ses exceptions & defenses.

37
Droict de
taureau
bannier, que
s'est.

Outre le droict de bannalité consistant es moulins, pressouers, & four, desquels auons cy-deuant parlé, aucuns Seigneurs haut- Iusticiers, ou bien feodaux, pretendent auoir droict de taureau bannier pour saillir ou courir les vaches de leurs sujets. Et par le moyen de ce droict maintiennent n'estre loisible à autre qu'à eux d'auoir taureau au dedans de leur haute Iustice ou Seigneurie. Et pour chacune vache qui est amenée au taureau bannier, les Seigneurs, ou bien leurs fermiers prennent certaine somme de deniers, qui est de deux carolus, deux sols tournois, deux sols parisis, ou autre somme.

38
Ce mot de
Ban, ou de
Bannalité,
que signifie.

Ayant esté cy-dessus succinctement declarée la nature, l'effect, & la qualité des moulins, fours, pressouers, & taureaux banniers : On peut dire que ce mot de Ban, Bannir, Banniere, ou Bannalité, signifie prohibition & empeschement. Et ce mot de Bannir signifie prohiber & empescher. Ainsi fut interpreté lors du plaidoyé faict pour le moulin des Doyen, Chanoines & Chapitre de Sainct Marcel, qu'ils maintiennent estre bannal. Et en conclusions prinſes pour droict de bannalité, il est besoin vser de ce mot prohiber & empeschier : comme il a esté dit cy-dessus : toutesfois aucuns ont estimé que ce mot de Bannal vient de l'ancien mot François Ban, qui signifie publication, avec inionction sur quelque peine. De faict, en quelques lieux où il y a fours, moulins, ou pressouers bannaux, on a accoustumé d'appeller & crier à haute voix à cor & à cry qu'on vient au four, au moulin, ou au pressouer.

Ce qui a este dit cy-dessus du droict de bannalité: à sçauoir, que pour l'acquisition d'iceluy, est necessaire tiltre valable; ou adueu & denombrement ancien, a lieu pour le regard des Couruées que les Seigneurs Iusticiers, ou feodaux, pretendent sur leurs subiets: Qui sont certaines iournées de personnes, ou de bestes cheualines, bœufs, asnes ou autres, que les subiets sont tenus employer au seruice de leur Seigneur, sans aucun salaire: ou pendant qu'il recueille ses grains; ou pendant qu'il fauche ses prez; ou durant qu'il faict ses vendanges; ou pendant qu'il bastit. Lequel droict de couruées, le Seigneur ne peut pretendre en la Preuosté & Vicomté de Paris, si de ce droict il n'a tiltre valable, ou adueu & denombrement ancien: comme il est porté par le 71. art. de la nouvelle Coustume: conformément à la disposition de droict, *in l. unica. ne opera collatoribus exigantur. C. lib. 10. l. 1. & 2. Ne rustici ad vllum obsequium deuocentur. Cod. lib. 11.*

39
Le droict de couruées ne peut estre acquis par un Seigneur, sans tiltre ou adueu, & denombrement ancien.

Elles sont appellées couruées, à *curuando*: Quia huiusmodi operas prestando; homines curuantur; ils se courbent en labourant, fauchant, coupant les raisins, ou faisant autres actes de labeur. En Latin les couruées *opera vocantur*: Quas quemadmodum iure civili liberti patronis prestant: ita in Gallia à subditis dominis feudi prestantur. Et sont en deux sortes: *Quadam obsequiales*: deuës pour honneur & recognoissance de superiorité seulement. Et les subiets ne sont tenus, & ne peuuent estre contrainsts les faire à autre, qu'à leur Seigneur, *nec alijs prestanda sunt*: *Quadam sunt artificiales siue fabriles*, quæ ratione artificij debentur: & huiusmodi opere artificiales iubente patrono alijs prestari debent. l. error. & l. fabriles. ff. de oper. libert. l. si non sortem. §. libertus ff. de conduct. indeb.

40
Couruées en deux especes & pourquoy sont ainsi appellées.

De faict, par la Coustume de Bourbonnois estant porté, que les subiets doiuent chacun an à leur Seigneur feodal trois iournées de couruées: Le Domaine de Bourbonnois estant baillé à ferme par le Roy, par arrest de la Cour les subiets ont esté condamnez faire lesdites trois iournées de couruées au profit du Fermier du Roy: Apres qu'il a affermé que c'estoit pour faire la collecte des fructs des terres dependantes du Domaine du Roy: ou bien pour reparer le Chasteau dudit Seigneur. *Huiusmodi enim opera in fructus & inter fructus feudi computantur.*

41
Comme les couruées de l'entree de l'ancien profit du fermier du Seigneur.

Aussi par arrest de la Cour solennellement prononcé le 23. Decembre, 1578. a esté iugé, Que les subiets sont tenus se nourrir pendant qu'ils font les couruées deuës au Seigneur: si par la Coustume du pays, ou par le contract contenant la constitution des couruées, n'est porté que le Seigneur les nourrira. Et estoit pour le Seigneur de Marigny, contre les habitans d'un village assis près de Laon en Vermandois. Conformément à la disposition de droict, *in l. sumptu suo. ff. de oper. liber. Guido Papa quæst. 217.*

42
Les subiets sont tenus se nourrir pendant qu'ils font les couruées à leur Seigneur.

Dauantage estant porté par la chartre de Chasteau-villain de l'an 1286. Que les habitans du lieu sont tenus faire chacun au trois couruées de bras, pour les reparations des murailles de la ville & du Chasteau; ou pour chacune couruée payer six deniers: Le Comte de Chasteau-villain disant, qu'il estoit en son option, de contraindre lesdits habitans à faire lesdites

43
Quand les anciens tiltres portent, que les habitans feroient telles couruées, ou

payeront
telle forme
de deniers, il
faut pren-
dre le denier
à raison de
la forte
monnoye.

couruées, ou luy payer lesdits six deniers : Les habitans soustenans au contraire, que l'option leur appartenoit, suivant la disposition de droict. Par arrest donné en plaidoyrie le 18. Ianuier, 1582. fut dict que les manans & habitans de Chasteau-villain demeureroient quittes de la couruée de bras mentionnée en la chartre, en payant au Comte de Chasteau-villain six deniers, sans despens. Sauf & reserué audit Comte de pouuoir demander en l'exécution de l'arrest, que les six deniers soient payez en forte monnoye, non en deniers qui ont cours à present : Et ausdits habitans leurs defences au contraire. Ledit Comte disoit que lesdits six deniers valent à present trois sols tournois.

44
Matiere des couruées, où est traictée.
La matiere des Couruées est amplement traictée per Dominum Boerium, decis. 212. col. 20. Guid. Papa, quest. 472. Chassaneum in consuetud. Burgundie, tit. des mains-mortes. §. 18. col. 19. 20. & seq. Ioan. Fabrum in tit. de acquisitione. per arrogationem, in Institut. versic. scire debes. Aussi d'icelle est faicte ample mention és Coustumes d'Auuergne & de Bourbonnois.

LES RIVIERES NAVIGABLES, ISLES ET
Atterrissemens estans en icelles, appartiennent au Roy ; ensemble les droicts de Peage, Trauers, & Barrage : & non aux Seigneurs Iusticiers, feodaux, ou particuliers: s'ils n'en ont tiltre valable ou possession immemoriable. Avec plusieurs arrests concernans les Peages & baulx faits du Domaine du Roy.

- | | |
|--|---|
| <ol style="list-style-type: none"> 1 Les moulins à eau ne sont Bannaux, si les Seigneurs n'en ont tiltre. 2 A qui appartiennent les riuieres, Isles, & iaucaux. 3 Les riuieres navigables appartiennent au Roy. 4 Ea quæ publica sunt, fisci esse censentur. 5 Les isles & atterrissemens appartiennent au Roy. 6 Loix non pratiquées en France. 7 Lettres patentes pour faire saisir les Isles, iaucaux & assablissmens estans és riuieres navigables. 8 Les atterrissemens faicts hors la riuere appartiennent aux proprietaires des heritages proches. 9 Les Maistres des eaux & forests ont cy-deuant faict baulx des atterrissemens & assablissmens. 10 Messieurs des Comptes & Thresoriers de France, ne peuuent faire | <ol style="list-style-type: none"> baulx du Domaine du Roy, à plus de neuf ans. 11 Raison de ce que dessus. 12 Le Domaine du Roy ne peut estre aliené qu'il n'y ait lettres patentes verifiées en la Cour de Parlement. 13 Arrest notable, que Messieurs des Comptes ne peuuent faire bail du Domaine du Roy outre neuf ans. 14 Jugement executoire de l'arrest cy-dessus recité. 15 Les maisons assises és Halles de Paris adiugées au Roy comme domaniales, s'il n'y auoit possession centenaire. 16 Les maisons des Halles adiugées au Roy, pour l'embellissement des Halles. 17 La permission de bastir moulins sur riuieres navigables appartient au Roy. 18 Le congé de pescher és fleuves na- |
|--|---|

- 28 Sçavoir si les habitans du village sont tenus contribuer à la refection du pont.
- 29 Les peages & barrages du Roy sont baillez à ferme de trois ans en trois ans.
- 30 La clause, pour en iouyr en la maniere accoustumée, a deux effects cy-dessus declarez.
- 31 Les Fermiers des peages ne doivent rien demander aux privilegiez.
- 32 Le noble & privilegié, n'est exempt que de son creu, & de ce qu'il achep-te pour son usage.
- 33 Les Secretaires du Roy exempts des peages, tant du Roy que des Seigneurs.
- 34 Le privilegié qui exerce mestier, est tenu payer au Roy le droit deu à cause de son mestier.
- 35 Arrest de ce que dessus.
- 36 Le bourgeois de Paris tenant à ferme quelques terres est cottisable à la taille.
- 37 Secus du bourgeois de Paris qui tient sa ferme en ses mains.
- 20 Comme les Procureurs du Roy font adiourner les Seigneurs qui levent Peages, à fin d'exhiber leurs titres.
- 21 Les Seigneurs Iusticiers & Feodaux ont ordinairement droit es rivieres, & leur appartient droit de peage.
- 22 Que c'est que droit de Roüage, de forage & de fôilage.
- 23 On peut acquerir droit de peage, par possession immemorale.
- 24 Flaidoyé de ce que dessus.
- 25 Les petites rivieres appartiennent aux particuliers.
- 26 Les droits de peage sont domaniaux, & non d'aide, & à qui appartient la cognoissance d'iceux.
- 27 Le Seigneur qui prend peage est tenu entretenir le pont de toutes reparations.
- 19 Le droit de peage, de trauers & barrage appartient au Roy, & non aux Seigneurs Iusticiers ou Feodaux.

CHAPITRE XXX.



E qui a esté dit au chap. precedent, des moulins à vent bastis sur terre ferme, a lieu, & doit estre obserué aux moulins à eau bastis sur riviere: A sçavoir que lesdits moulins ne peuvent estre bannaux, si le Seigneur & propriétaire d'iceux, n'a tiltre valable, ou adueu & denombrement ancien du droit de bannalité par luy pretendu. Mais on a demandé à qui appartiennent les rivieres & fleuves estans en ce Royaume, nauigables, ou non nauigables: Ou bien au Roy, ou au haut Iusticier, ou au Seigneur feodal, ou bien aux propriétaires des prez, terres & autres heritages adiacens, proches & contigus les rivieres: Et de qui il conuient auoir la permission & congé de bastir moulins sur rivieres. Aussi à qui appartiennent les Isles, jaueaux, atterrissemens, & affablissiemens estans es rivieres & fleuves publics de ce Royaume.

On tient en France, que les fleuves publics & rivieres nauigables appartiennent au Roy, & de regalibus sunt: tant suiuant la dispositiō de droit commun, in titulo, quæ sunt Regalæ, in vsib. feudor. in verbis, flumina nauigabilia. l. fluminū. §. planè & princeps. ff. de dam. infecto. l. quominus. in verb. nisi Impe-

¹
Les moulins à eau ne sont bannaux, si les Seigneurs n'en ont tiltre.

²
A qui appartiennent les rivieres, Isles & jaueaux.

³
Les rivieres nauigables appartiennent au Roy

rator ff. de fluminibus. l. quod principis. l. si in publico. in verbis, sine permissu principis. ff. de aqua plu. arcen.

4
Ea quæ pu-
blica sunt,
fisci esse
censentur.

Que suivant vne pretenduë vsance de France: Par laquelle *ea quæ iure naturali communia sunt omnium, vel quæ publica sunt, & iuris gentium esse dicuntur: ut mare, flumina, littora, portus, ripæ, via publica, itinera publica, forum, theatra, stadia: principis siue Regis esse censentur.* Et tout ce qui est destiné & delaisné à l'usage du public, est censé appartenir au Roy. Quoy que ce soit, les officiers pour & au profit dudit Seigneur s'en emparent. Dient que les actions populaires appartiennent au Roy: & que *lege Regia omne imperium in Casarem translatum est, omnisque populi & plebis potestas in principem translata. l. bene à Zenone. ubi notatur. C. de quadr. præscript. l. de precatio. ff. ad legem Rhodiam. §. item & quod principi. Instit. de iur. nat. gent. & civ.*

5
Les Isles &
atterrisse-
me s'appar-
tiennent au
Roy.

Pareillement on tient, que les Isles, iaeaux, atterrissemens, & assablismens estans és fleuves publics, & Riuieres navigables du Royaume de France, appartiennent au Roy, l. *Casar. ff. de publ. l. insula. ff. de iudic.* Mesmement que les Isles, iaeaux, atterrissemens & assablismens qui sont au dedans des fleuves publics & riuieres navigables, font partie d'icelles. *Et quod iuris est de toto quoad totum, idem est de parte quoad partem. l. quæ de toto. ff. de rei vend. l. qui scit. ff. de usur.*

6
Loix non
pratiquées
en France.

Tellement que la loy *adeo. §. si insula. ff. de acquir. rerum domi.* la loy premiere, §. *si insula. ff. de fluminibus.* le paragraphe *insula. Instit. de rerum diuisione*, & autres semblables: qui attribuent la propriété des Isles, iaeaux, assablismens, & atterrissemens, aux detenteurs & propriétaires des heritages adiacens, proches & contigus des fleuves & riuieres navigables, ne sont receuës ne pratiquées en France.

7
Lettres pa-
rentes pour
faire saisir
les isles, ia-
ueaux, &
assablisse-
mens estans
és riuieres
navigables.

De faict, le 18. Auril 1572. y eut lettres patentes adressantes à Messieurs les Thresoriers & Generaux de France, establis à Paris. Par lesquelles leur estoit mandé, informer des entreprises faictes sur les Isles, atterrissemens & assablismens des principales riuieres du Royaume de France: Mesme des riuieres de Seine, Yonne, Marne, Loyre, Garonne, & la Dordonne; qui de disposition de droict appartiennent au Roy, & font partie de son Domaine: Proceder à la saisie d'icelles, & reunion au Domaine, s'il n'y auoit tiltre au contraire: Pour apres en estre par lesdits Seigneurs Thresoriers & General, faict bail à ferme, ou bien à cens & rente: ainsi qu'ils verroient estre vtile pour l'augmentation du Domaine de la Couronne de France. Et pour cognoistre & decider des oppositions qui seroient formées ausdites saisies: lesdits Seigneurs Thresoriers, avec quatre ou cinq de Messieurs des Conseillers du Thresor, auroient esté commis par lesdites lettres: Et ordonné que leurs sentences & iugemens, seroient executoires nonobstant l'appel: lequel immediatement ressortiroit en la Cour de Parlement. Et l'intitulation des commissions, sentences & iugemens qui estoient donnez par lesdits Commissaires, contenoit ces mots. Les Commissaires ordonnez par le Roy, sur le faict de la reunion des Isles, iaeaux, atterrissemens, & assablismens, estans és riuieres de Seine, Marne, Loyre, Garonne, la Dordonne,

donné, & autres grandes riuieres de France. Au premier Huissier, &c. Suiuant ces lettres patentes, & en vertu de leurs commissions, y eut plusieurs & diuerses saisies d'Isles, iaeaux, atterrissemens, & assablismens, detenustant par plusieurs Seigneurs Iusticiers & Feodaux, que par plusieurs particuliers: Lesquels ayans communiqué leurs tiltres, eurent main-leuée: ou bien pendant le procez, pour iouyr comme personnes estranges & depositaires de Iustice; ou bien diffinitiuement.

Si l'atterrissement faict par alluion n'est au dedans des fleuues publics & riuieres navigables, ains hors icelles, *incrementum alluione factum non fit in aluo fluminis, sed ultra alueum*: il appartiendra à celuy, à l'heritage duquel l'accroissement aura esté faict, pour en iouyr en mesme droit que de son heritage, comme faisant partie d'iceluy. Et ledit accroissement ou bien atterrissement n'appartiendra pas au Roy, ny au Seigneur haut-Iusticier: lesquels n'y pourront pretendre que droit de Iustice ou decensue, si elle leur appartient. Ainsi qu'il est amplement traicté par Monsieur du Moulin en la Coustume de Paris article premier, *glosa quinta. in verbo*, le Fief, *num. 99. fol. 38. Vbi ait predicta non habere locum in pradijs sue agris limitatis*. Et audit lieu est traictée la matiere des alluions, & quand les riuieres delaisent leur propre & naturel cours, *ad quos alueus relictus pertineat*.

8
Les atterrissemens faits hors la riuiere appartiennent aux propriétaires des heritages proches.

Aussi les Grands Maistres, ou bien les Maistres particuliers des eaux & forests du Royaume de France, faisans leurs cheuauchées & visitations ordinaires, s'ils sont aduertis de quelques atterrissemens & assablismens de fleuues publics & riuieres navigables, ils les ont cy-deuant baillez à perpetuité, au plus offrant & dernier encherisseur, à tiltre de cens & de rēte, payables chacun an à la Recepte ordinaire de Paris, aux trois termes accoustumez en ladite Recepte, qui sont les iours & festes de Toussaints, Chandeleur, & d'Ascension; ou à autre Recepte du Roy: Et de ce se trouuent plusieurs baulx. Mais tels baulx sont notoirement nuls, & est vne vraye entreprise faicte sur Messieurs les Thresoriers Generaux de France, ausquels la confection desdits baulx, comme domaniaux appartient.

9
Les Maistres des eaux & forests ont cy-deuant faict baux des atterrissemens & assablismens.

Aussi ausdits Seigneurs Thresoriers de France appartient apres affiches mises en lieux publics, faire les baulx de toutes les fermes domaniales du Roy, mesmes des peages & barrages, & ont accoustumé les bailler en l'Auditoire de la Chambre du Thresor, de trois ans en trois ans. Pareillement faire les baux des maisons, loges, eschopes, boutiques, estaux, moulins, terres, champarts, dismes, & autres heritages, & droicts estans du Domaine dudit Seigneur, qu'ils baillent pour neuf ans. Et ont accoustumé faire lesdits baulx quelque temps auparavant le iour & feste S. Iean Baptiste, pour commencer à iouyr le lendemain dudit iour S. Iean. Comme les fermiers des Aydes commencent à iouyr de leurs fermes le premier Octobre. Et les baulx des choses susdites se font publiquement au plus offrant & dernier encherisseur, en la presence des Aduocat & Procureur du Roy au Thresor, à la chandelle esteinte, & à plus vrayement parler à l'extinction du feu de la chandelle: car tant que le feu dure, on peut encherir, & non pas apres.

Ce qui n'est licite és adiudications par decret faictes en Iustice d'heritages saisis & criez sur particuliers, ny en licitations, lesquelles ne se peuvent faire à la chandelle esteinte, ny à l'extinction du feu, comme se font les baux susdits: Mais les encheres doiuent estre faictes publiquement en l'Auditoire, par toutes personnes, & estre receuës iusqu'à ce que le Iuge sorte du siege, & ait dit, *Adiugé*, comme il s'observe au Chastelet de Paris. De faict par plusieurs arrests donnez en la Cour de Parlement, plusieurs decrets solennellement faicts en Iustice d'heritages saisis & criez, ont esté cassez, parce que l'adiudication auoit esté faite à l'extinction de la chandelle. Et par arrest donné en plaidoyrie le Ieudy 3. Feurier 1594. la Cour cassa le decret faict par le Seneschal de Lyon d'une maison; parce qu'il auoit esté faict à la chandelle esteinte. Et fit defenses audit Seneschal, de cy-apres faire aucunes adiudications par decret à la chandelle esteinte, ny ailleurs qu'en pleine Audience, & nō en la Chambre du Conseil. Et ordonna que l'arrest seroit publié tant au siege de Lyon qu'és autres sieges du ressort de la Cour. Semblable arrest fut donné en plaidoyrie, le Lundy 14. dudit mois de Feurier audit an: sur l'appel interietté d'une adiudication par decret faicte à la chandelle esteinte, par le Bailly d'Amiens.

Aussi és adiudications par decret d'heritages saisis & criez sur particuliers on n'a accoustumé d'vser de tiercemens & doublemens comme on faict aux baulx des fermes domaniales du Roy, peages & barrages, qui se baillent pour trois ans ou moindre temps: pareillement aux baulx des moulins, dismes, champarts, & autres droicts domaniaux, qui se baillent pour neuf ans. Lors desquels baulx Messieurs les Thresoriers ont accoustumé taxer l'enchere à trois, quatre, cinq, ou six escus: & prend-on communément de vingt escus en escu, plus ou moins: tellement que si la ferme est criée sur vingt escus, l'enchere est d'un escu. Et apres la chandelle allumée & proclamations faictes, la ferme, ou bien le peage, moulin ou champart, demeurent à celuy qui se trouue le dernier encherisseur à l'extinction du feu; à la charge des tiercemēs & doublemens. Les tiercemens durent huiétaine, & chacun tiercement vaut trois encheres, qui sont trois escus, si l'enchere est d'un escu: & les doublemens durent pareil temps de huiétaine, & chacun doublement vaut six encheres, qui sont six escus. Combien qu'és fermes des Aydes les tiercemens valent cinq encheres: & les doublemēs dix encheres, & qu'esdites fermes des Aydes les tiercemens durent depuis le premier Iuillet que les fermes se baillent, iusques au dernier Aoust, & les doublemens iusques au dernier Septembre. Et anciennement on faisoit les tiercemens & doublemens des fermes domaniales, moulins, dismes, & champarts baillez à ferme au Greffe du Thresor: quelque temps apres ils furent faicts en l'hostel du Receueur ordinaire de Paris. Et auoit-on accoustumé de deliurer commission, pour exercer la ferme, ou bien pour iouyr du moulin ou champart, à celuy qui se trouuoit le dernier encherisseur, ou à l'extinction du feu, ou par tiercemens, ou par doublemens. Depuis, mesmes en l'an 1578. fut aduisé que le meilleur & plus seur estoit de faire l'adiudication en l'Auditoire de la Chambre du Thresor, le dernier iour de la huiétaine du double-

ment, à la chandelle esteinte & l'extinction du feu: Cè qui fut fait.

Et conuient noter que celuy auquel est demeuré le feu, est receu à encherir par vne simple enchere, sur celuy qui a tiercé pendant le temps des tiercemens: combien que tous autres soient tenus de tiercer, qui est mettre trois encheres. Aussi celuy auquel est demeuré le feu, & pareillement celuy auquel la ferme estoit demeurée par le tiercement, peuuent encherir par vne simple enchere, pendant le temps des doublemens, combien que tous autres soient tenus de doubler, qui est mettre six encheres. Mais il suffit d'auoir vne fois tiercé, ou doublé: tellement que celuy, qui vne fois a tiercé, est receu par vne simple enchere pendant le temps des tiercemens: Et celuy, qui vne fois a doublé, est receu par vne simple enchere, pendant le temps des doublemens. Ainsi a esté anciennement obserué.

Aussi conuient entendre que celuy, auquel la ferme domaniale est demeurée, soit à l'extinction du feu, ou par tiercement, ou par doublement, ne peut apres la huiétaine du doublement passée estre euincé par vne simple enchere, tiercement, doublement, ny autrement, soit par celuy auquel le feu estoit demeuré, soit par celuy auquel la ferme estoit demeurée par le tiercement, ou par ceux qui auoient doublé. Combien qu'és fermes des Aydes les fermiers à qui les fermes par tiercemens ou doublemens ont esté ostées, puissent suiuant les anciennes Ordonnances icelles recouurer, en mettāt vne enchere sur celuy qui l'aura tiercée ou doublée, & semblablement, l'un sur l'autre dedans huiet iours apres le tiercement ou doublement, tant que bon leur semblera, & non autres. Comme il est porté par l'Edict du Roy Henry II. fait sur le reiglement des baulx, tiercemens & doublemens des fermes des Aydes, publié en la Cour des Aydes le 20. iour de May, 1554.

Dauantage est besoin noter que tous ceux qui encherissent pendant le temps des tiercemens & doublemens, soit par simple enchere, tiercement, ou doublement, sont tenus eslire domicile, & faire signifier leur enchere à l'immediat dernier encherisseur, pendant le temps du tiercement, si c'est vn tiercement, ou bien durant les doublemens, si c'est vn doublement. Et celuy auquel la ferme est adiugée comme dernier encherisseur de tous, est tenu dedans trois iours nommer au Greffe de Messieurs les Thesoriers de France ses pleiges & cautions, iceux amener dedans la huiétaine, & les faire receuoir, cōme il s'obserue és fermes des Aydes. Et à faute de ce faire, la ferme ne luy sera point deliurée, & sera tenu payer au Roy la folle enchere par luy mise sur ladite ferme: laquelle sera deliurée au marchand, sur qui le fol encherisseur l'aura encheri; lequel sera tenu se faire pleiger dedans le temps susdit sur la mesme peine de payer la folle enchere, qui est de payer la somme à laquelle son enchere se monte, pendant le temps de la ferme, soit de trois, six ou neuf années. Et si le dernier encherisseur ne veut iouyr de la ferme qui luy a esté adiugée, il le doit declarer au Greffe, payer comptant sa folle enchere, & la faire signifier à l'immediat dernier encherisseur, & au Receueur de Paris dedans la huiétaine de son adiudication. Et le semblable doit estre fait par les sub-

sequeus encherisseurs, auxquels la ferme est retournée par les renonciations faites par les precedens encherisseurs. Et si la signification n'est faite dans la huitaine, & que dedans icelle le dernier encherisseur ne se soit fait pleiger & recevoir ses cautions comme bonnes & solubles, la ferme ne retournera pas à l'immediat dernier encherisseur : mais sera rebaillee au plus offrant & dernier encherisseur, aux peils & fortunes de celui qui ne se sera fait pleiger dedans le temps de l'Ordonnance, & satisfait à icelle.

Ce qui a esté dict cy-dessus, mesmes de l'enchere, tiercemens & doublemens, est obserué non seulement es baulx faits des fermes domaniales du Roy, peages, barrages, moulins, dismes, & champarts qui appartiennent audit Seigneur : mais aussi est gardé es baux qui sont faits par Messieurs les Thresoriers de France des maisons, estaux, boucheries, bancs, eschopes, boutiques, & loges qui sont tant dedans l'enclos du Palais, ioignant les murs d'iceluy, que autres places & endroits de ceste ville de Paris. Et encores les solemnitez desdites encheres, tiercemens & doublemens doiuent estre obseruées es ventes & alienations faites à faculté de rachapt desdites maisons, estaux, eschopes, boutiques, peages, barrages, moulins, terres, Seigneuries, Iustices, heritages, Greffes, Tabelionnages, & autres droicts estés du Domaine du Roy; mesmes des baulx qui se font à perpetuité à cens & rente des terres vaines & vagues; soit que lesdits baulx & alienations soient faites par Messieurs les Thresoriers de France, ou bien par certains Iuges & Commissaires; desquels la commission ou le pouuoir aura esté verifié en la Cour de Parlement & Chambre des Comptes. De fait Messieurs les Commissaires deputez pour la reformation des Halles & pour faire baulx à perpetuité des maisons & places estans en icelles, obseruerent les solemnitez des encheres, tiercemens & doublemens : Les tiercemens valoient trois encheres, & duroient huit iours; & les doublemens valoient six encheres, & duroient pareil temps de huitaine. En sorte que les solemnitez des encheres, tiercemens & doublemens sont requises non seulement es baulx, mais aussi en l'alienation du Domaine de la Maison & Couronne de France, soit à faculté de remercé, ou pour certaines iustes causes à perpetuité.

Nonobstant ce qui a esté cy-dessus deduit, on a amené vne nouvelle forme pour abreger le temps des tiercemens & doublemens. De fait apres quelques remises & affiches reiterées, s'il se trouue des encherisseurs en nombre cōpetant, on reçoit en mesme iour les simples encheres & les tiercemens & doublemens à l'extinction du feu de trois chandelles, la premiere desquelles est allumée pour recevoir les encheres, la seconde est allumée pour recevoir les tiercemens, & la troisieme pour recevoir les doublemens : & adiuge-on iudiciairement la ferme, eschope, terre ou Seigneurie à celui qui se trouue le dernier encherisseur au doublement, ou bien au tiercement si on n'a point doublé, ou bien au premier feu s'il n'y a point eu de tiercemens, ny doublemens. Et par plusieurs & diuerses fois a esté ainsi pratiqué : & contre la propre & vraye signification des mots de tiercemens, & doublemens, on ordonne que le tiercement

vaudra deux encheres seulement, & que le doublement vaudra trois encheres seulement. Aussi quelquesfois on met la reception des encheres à certain iour en la Chambre du Thresor, la reception des tiercemens au lendemain, ou autre iour, & au iour ensuiuant ou à autre iour est remise la reception des doublemens en ladite Chambre du Thresor. Et est bon à chacune remise faire mettre affiches.

Et suiuant la forme dessusdite, Monsieur de Bragelonne lors Thresorier General de France au Bureau de Paris, le 22. Iuin 1593. apres plusieurs affiches & remises, fit les baulx au plus offrant & dernier encherisseur en l'Auditoire de la Chambre du Thresor, des fermes Domaniales du Roy, en la ville & faux-bourgs de Paris, & ce pour vn an seulement, au moyen de la misere & calamité du temps. Ordonna l'enchere de chacune ferme, & furent les encheres receuës à l'extinction du feu de la premiere chandelle. Apres ordonna que le tiercement seroit de deux encheres seulement, pour receuoir lesquelles, la seconde chandelle fut allumée, & celuy auquel le premier feu estoit demeuré, fut receu à encherir par vne simple enchere. Les tiercemens estans reccuz, il ordonna que le doublement seroit de trois encheres, pour receuoir lesquelles la troisieme chandelle fut allumée. Et celuy auquel le feu du tiercement estoit demeuré, fut receu à encherir par vne simple enchere, & non celuy auquel le premier feu estoit demeuré, comme euincé par celuy qui auoit tiercé: combien que plusieurs fussent d'aduis que celuy qui auoit eu le premier feu deuoit estre receu à encherir par simple enchere, comme celuy qui auoit esté euincé par doublement. Et ledit Seigneur Thresorier General en ordonnant la troisieme chandelle estre allumée pour receuoir le tiercement, ordonna que celuy auquel la ferme demurerait comme plus offrant à l'extinction du feu du doublement, pourroit estre euincé de sa ferme, si vn autre mettoit vn doublement, qui estoit de trois encheres, auparauant que ledit Seigneur Thresorier fust leué du Siege & Parquet d'iccluy. Ce qui fut fait en plusieurs fermes. Et apres ce doublement mis, la chandelle estoit allumée entre celuy auquel la ferme estoit demeurée au feu du doublement, & celuy qui de nouuel auoit mis vn doublement, lesquels encherissoient l'un sur l'autre par simple enchere, & la ferme estoit adiugée à celuy des deux, auquel le feu estoit demeuré: Si apres vn autre vouloit doubler la mesme ferme, il y estoit receu; & allumoit-on la chandelle entr'eux deux, comme entre les deux precedens. Et par le moyen sūdit les fermes du Roy furent grandement augmentées. Aussi suiuant la forme cy-dessus prescrite le 13. Iuin 1594. Messieurs les Thresoriers Generaux de France voulans bailler les fermes du Domaine du Roy pour vn an seulement, arresterent de les bailler à vn mesme iour, si faire se pouuoit, & faire allumer les trois chandelles, dont la premiere seroit pour receuoir les encheres: & que celuy qui premier mettroit à prix la ferme, sur lequel la chandelle seroit allumée, & celuy auquel le premier feu seroit demeuré, seroient eux deux seulement, & non autres receuz à encherir par vne simple enchere, tant pendant les tiercemens, qui vaudroient deux encheres seulement, que pendant les dou-

blemens, qui vaudroient trois encheres seulement. Et ordonnerent que celui auquel la ferme seroit demeurée par doublemens, en pourroit estre euincé, si on la doubloit auparavant que Messieurs fussent leuez du Siege, & sortis hors du Parquet d'iceluy. Et neantmoins si bon sembloit à celui qui auoit esté euincé, la chandelle seroit allumée entre luy & celui qui l'auoit euincé, pour encherir l'un sur l'autre par simples encheres, afin de sçauoir auquel des deux la ferme demurerait : Et que pareil doublement pourroit estre mis par un tiers, ainsi qu'il a esté cy-deuant déclaré. S'il y a contention entre deux, trois, ou quatre personnes, auquel d'entre eux le feu de la premiere, seconde, ou troisieme chandelle est demeuré; & que les assistans n'en puissent certainement parler, on ordonne que toutes les encheres mises demeureront, sans qu'elles puissent estre reuocquées, & qu'au moyen de l'incertitude de la derniere voix, ou bien du dernier encherisseur à l'extinction du feu, la chandelle sera r'allumée entre les contendans seulement, lesquels pourront par simples encheres encherir l'un sur l'autre, encores qu'il soit question du feu de la chandelle allumée pour le tiercement ou doublement.

Et ce que dessus, mesmes pour le regard des trois chandelles allumées l'une apres l'autre en mesme heure, & de la taxe des encheres, tiercemens & doublemens à la raison susdite, fut obserué par Messieurs les Commissaires deputez par le Roy, tant pour la reuente des Greffes, Tabellionnages, & Gardes des Seaux, que pour l'alienation du Domaine du Roy à faculté de reméré, ou à perpetuité. Et a esté plusieurs fois arresté qu'on n'auroit aucun esgard à la preference requise par les anciens fermiers, ny par les anciens locataires, ny par ceux qui par long espace de temps auroient iouy par engagement, achapts, ou autrement des Greffes, Tabellionnages, Gardes des Seaux, Chastellenies, fiefs, maisons, eschopes, boutiques, ou autre portion du Domaine du Roy, parce que s'ils estoient preferez au dernier encherisseur, & mis en son lieu, payant le denier de son enchere, ou bien estoient receuz à le rembourser, fort difficilement on trouueroit des encherisseurs : Et l'adiudication estant faicte publiquement, & chacun estant receu à encherir, les anciens fermiers, anciens locataires, & anciens possesseurs doiuent encherir si bon leur semble, non pas requerir à entrer au lieu du dernier encherisseur, & estre receuz à payer le prix de son enchere, ou bien à le rembourser du prix par luy desboursé. En ce faisant la loy *congruit. de locatione pradiorum civilium vel fiscalium. C. l. ii.* n'est obseruée, ny pour le regard du Roy, ny des Ecclesiastiques, des Hospitaux, ny des Communautéz, comme il a esté iugé par arrest.

Sur tout Messieurs les Thresoriers Generaux de France ou autres Commissaires deputez par le Roy, dès le commencement des baux ou execution de leur commission, doiuent faire lire publiquement, ou dire & declarer publiquement les formes, charges, & conditions, auxquelles ils entendent faire lesdits baux, ou bien les alienations des choses Domaniales, taxer la premiere enchere, ensemble les tiercemens & doublemens,

& le temps d'iceux : & si celui qui aura mis le premier prix sur lequel la chandelle aura esté allumée, pareillement celui auquel le premier feu sera demeuré, seront reccuz par simples encheres pendant les doublemens & tiercemens : Semblablement si celui qui auoit tiercé, & a esté euincé par doublement, peut estre receu par simple enchere à encherir pendant le temps du doublement. Aussi s'il suffit d'auoir vne fois tiercé ou doublé, & apres vn tiercement, ou doublement, si ce sont simples encheres, & autres choses concernans lesdits baulx : mesmes de bailler bonne & suffisante caution dedans le temps porté par les Ordonnances, & satisfaire au contenu d'icelles ; autrement les encherisseurs seroient incertains & circonuenus. Pour intelligence de ce que dessus est besoin voir vn Recueil des Ordonnances sur le faict des Aydes, articles huiet, vnze, seize, dixsept. Aussi les Ordonnances faictes par le Roy Louys XII. sur le faict des Aydes, articles vingt-deux & vingt-trois : Ensemble l'Edict faict par le Roy Charles IX. pour la reünion & conseruation du Domaine, publié en la Cour de Parlement le treiziesme May mil cinq cens soixante six. Avec le trois cens trente trois article des Ordonnances faictes à Blois, l'an mil cinq cens octante.

Il conuient entendre comme les licitations & decrets qui sont faicts d'heritages appartenans à particuliers, ne se peuuent faire à la chandelle esteinte, ou bien au feu esteint, & qu'en iceux ne sont receuës que simples encheres, & non tiercemens, ny doublemens : Aussi les folles encheres n'y sont point receuës. Tellement que celui auquel l'heritage licité ou decreté est adiugé comme plus offrant & dernier encherisseur, ne se peut desister de son enchere, en payant le prix que son enchere excède l'immediate & precedente enchere, & contraindre l'immediat encherisseur à prendre l'heritage pour le prix de son enchere. Pareillement si le dernier encherisseur est non soluable, l'immediat encherisseur n'est point tenu de prendre l'heritage decreté pour le prix porté par son enchere : mais l'immediat encherisseur, & tous autres encherisseurs en decrets ou licitations sont deschargez de leurs encheres, deslors qu'on a enchery par dessus eux. En ce faisant la loy *Sabinus. ff. de in diem add.* & l'opinion de Bartole *in l. locatio. ff. de publicanis & vectigalibus*, qui dient que les encherisseurs ne sont point deschargez de leurs encheres, encores qu'on ait enchery d'auantage qu'eux, ne sont point admises ny pratiquées en France, sinon és baulx faicts des fermes du Roy, ou de quelques Seigneurs. Non pas és decrets & licitations, esquelles tous encherisseurs demeurent deschargez de leurs encheres, incontinent qu'on a enchery sur eux. Mais le dernier encherisseur est contraint par emprisonnement de sa personne à payer le prix de son adiudication : & s'il ne le paye, on readiuge l'heritage decreté ou licité aux perils & fortunes de l'adiudicataire, lequel est contraint de payer ce qui defaut du prix de son adiudication. Et le semblable est faict de celui qui est adiudicataire de la

ferme du Roy, lequel n'a renoncé à son adiudication dedans la huiétaine d'icelle, n'a payé comptant sa folle enchere, & faict signifier sa renoncia- tion dedans ladite huiétaine au precedent immediat encherisseur, com- me il est tenu la faire signifier, suiuant la loy *neceffe. ff. de in diem addictio- ne* : & suiuant les articles d'Ordonnances cy-dessus cottées, mesmes par le 18. article d'icelles : comme Monsieur le Maistre a amplement deduit en son Traicté des Criées, chapitre 19. & 36. Bien est vray, que celuy qui a encheri vn heritage, daquel on poursuit l'adiudication par decret, de- meure tousiours obligé pendant les remises de l'adiudication, prendre l'heritage pour le prix porté par son enchere, s'il ne vient vn plus haut en- cherisseur que luy : partant doit demander estre deschargé de son enche- re, ou bien qu'on luy adiuge l'heritage pour le prix porté par icelle. Et ainsi s'obserue au Chastelet de Paris.

10
Messieurs
des Comptes
& Threso-
riers de Frã.
ce ne pœuēt
faire baux
du Domai-
ne du Roy à
plus de neuf
ans.

11
Raisons de
ce que des-
sus.

12
Le Domai-
ne du Roy
ne peut estre
aliené qu'il
n'y ait lettres
patentes ve-
rifiées en la
Cour de
Parlement.

13
Arrest no-
table que
Messieurs
des Comptes
ne pœuent
faire bail du
Domaine du
Roy outre
neuf ans.

Aussi il conuient entendre que Messieurs les Thresoriers de France, ny mesmes Messieurs des Comptes ne pœuent faire bail, ny desdits assablif- semens & atterrissemens, ny des loges, boutiques, eschopes, maisons, estaux, places vagues, ou autres lieux estans du Domaine du Roy, à plus de neuf ans, sans permission expresse, & lettres patentes du Roy deuë- ment verifiées en la Cour de Parlement. La raison est: D'autant que tous baux faicts d'heritages, pour temps excédant neuf ans, contien- nent en soy alienation : qui est translation de seigneurie vtile, de l'heri- tage baillé à loyer ou à maison pour temps excédant neuf ans: Suiuant la disposition de droict, *in Clementina 1. ubi Glos. in verbis, ad tempus modi- cum. de rebus Eccl. non alienandis. cap. ult. ne prelati vices suas extra. l. si fi- deicommissio. §. Aristo. ff. qui & à quib. manumi. l. si. Cod. de præscript. longi tempo. Paulus de Castro. in l. si filio. §. si vir. ff. solut. matrimonio. notant Da- ctiores in l. emptorem. C. de locato.*

Laquelle alienation du Domaine du Roy, partie ou portion d'iceluy, ne peut estre faicte sans lettres patentes deuëment verifiées en la Cour de Parlement, vraye conseruatrice du Domaine de la Couronne de France : Comme il est porté par le 5. article de l'Ordonnance du Roy Charles IX. faicte à Moulins pour l'vnion & conseruation de son Do- maine, publiée en la Cour le 13. May 1566. & par plusieurs Ordonnan- ces precedentes : Conformément à l'authentique, *sed & permutare. C. de sacrosanct. Eccles. §. si nimia. de non alienandis, aut permutan. reb. Eccles. in authen.*

Ainsi a esté iugé par plusieurs arrests de la Cour, mesmes par arrest donné en plaidoyrie : Entre Geruais Larcher appellant & defendeur d'v- ne part, & Monsieur le Procureur General du Roy intimé & demandeur d'autre, le 27. Iuin 1544. & iugement donné par Messieurs les Commis- saires deputez par le Roy pour la reformation des Halles, & autres lieux de ceste ville de Paris, le 27. Feurier 1554. Par lequel arrest, le bail faict par Messieurs des Comptes audit Geruais Larcher en l'an 1479. des Hal- les de Malignes, autrement appellées les Halles au Cuir à poil, assises en ceste ville de Paris, a esté déclaré nul, de nul effect & valeur : & entant que de faict auroit procedé, la Cour l'a cassé, reuoké & annullé. A permis

aux

aux Commissaires deputez par le Roy en faire nouveau bail, suiuant leur commission. Ordonné que l'estimation des reparations selon l'estat present, seroit baillée au defendeur. En deduisant toutesfois sur lesdites reparations, les fructs que le Roy en eust peu prendre & percevoir : outre le reuenue de vingt-deux liures parisis par an : moyennant laquelle somme le bail desdites Halles auoit esté fait.

Et en executant ledit arrest par lesdits Seigneurs Commissaires, contre les vefue & heritiers dudit Larcher : Ordonnerent que le Roy seroit mis reaument & de fait, si mis n'auoit esté en possession reelle & actuelle desdites Halles de Malignes, tout ainsi qu'il estoit auparavant le bail fait d'icelles. Neantmoins que lesdits vefue & heritiers seroient payez & remboursez des reparations par ledit defunct, & eux faictes esdites Halles, selon la valeur, prisee & estimation que lesdites reparations pouuoient monter, le 27. Iuin 1544. que fut donné ledit arrest. Sur icelles reparations toutesfois deduits les fructs desdits lieux, que le Roy en eust peu prendre & percevoir : outre la somme de vingt-deux liures parisis, lors & au temps du bail fait en ladite année 1479. & depuis par trait & accession de temps, & par chacune année, iusques au iour dudit arrest, ayant esgard seulement à l'estat auquel estoient lesdits lieux lors dudit bail. Pour la liquidation desquelles reparations & fructs, lesdits Commissaires reglerent les parties. Et conuient noter que cest arrest contient restitution des fructs du iour du bail, comme notoirement nul, à faute des solemnitez requises en l'alienation d'heritage estant du Domaine de la Couronne de France, mesmes de la verification faicte en la Cour de Parlement. Et ce suiuant que l'on a accoustumé d'alleguer en toutes alienations, tant du Domaine du Roy, que d'heritages appartenans à gens Ecclesiastiques, Mineurs, Hospitaux, & Communautéz. Qui est que l'acquireur de tels heritages, n'ayant obserué les solemnitez requises en l'alienation d'iceux, est censé possesseur de mauuaise foy, partant tenu à la restitution, & de l'heritage par luy acquis, & des fructs d'iceluy du iour de son acquisition, *Tanquam contra iura & legum interdicta mercatus sit, qui non obseruatis iuris communis, vel statuti solemnibus fundum emit. l. 1. C. de fide instru. lib. 10. l. quemadmodum. in fine. C. de agrico. & censu. lib. 11. c. contra iura. de regul. iur. in 6. Tiraq. de retractu, qu. 9. nu. 42.* Et qui plus est, ledit acquireur doit estre priué de la repetition du prix par luy payé, *l. fin. C. de fundis rei priu. lib. 11.* laquelle loy toutesfois n'est suiuite en France.

Et conformément à cest arrest, quasi toutes les maisons assises es Halles de ceste ville de Paris, ont esté adiugées au Roy, par iugemens donnez par lesdits Seigneurs Commissaires: Comme les Halles assises au lieu anciennement appelé Champeaux, prés les Saints Innocens, estans du Domaine de la Couronne de France : lesquelles en l'an mil cent quatre vingts & deux, furent basties par le Roy Philippes Auguste. Et lesdits Seigneurs Commissaires n'eurent aucun esgard aux baulx particuliers anciennement faicts, tant par Messieurs des Comptes, que Messieurs les Thresoriers de France, des maisons, eschopes, boutiques, loges, lieux & places assises au dedans desdites Halles, si lesdits baulx n'estoient faicts

14

Iugement
executoire
de l'arrest
cy dessus re-
cité.

15

Les maisons
assises es
Halles de
Paris, ad-
iugées au
Roy comme
Domania-
les, s'il n'y
auoit posses-
sion cente-
naire.

auparavant cent ans. En sorte que les Doyen, Chanoines, & Chapitre de l'Eglise de Paris, furent euincez de toutes les maisons, boutiques, loges, lieux & places qui estoient en la Halle de la Lingerie, le long des murs des Saints Innocens: encores qu'ils en eussent paisiblement iouy par le temps de quatre-vingts dix-huict ans. Et le semblable fut fait à plusieurs particuliers, possedans maisons, eschopes, & loges situées & assises au dedans de l'enclos des Halles: encores qu'ils en eussent paisiblement, publiquement, & continuellement iouy par le temps de soixante, quatre-vingts, quatre-vingts-dix, voire quatre-vingts dix-neuf ans.

16
*Les maisons
de Halles
adiugées au
Roy pour
l'embellisse-
ment des
Halles.*

Et si les baulx faicts desdites maisons, estaux, eschopes, ou boutiques excedoient le temps de cent ans, ou bien que les possesseurs eussent tiltre bon & valable: ils estoient absous des conclusions petitoires contre eux princes par le Procureur du Roy en la commission de la reformation des Halles. Et neantmoins lesdits Seigneurs Commissaires ordonnoient que lesdites maisons, places, ou estaux seroient prins pour le bien public, vtilité, & commodité des Halles: En payant, ou faisant payer par le Procureur du Roy la vraye valeur & estimation des lieux contentieux, lesquels seroient prisez & estimez par gens à ce cognoissans: dont les parties conuiendroient pardeuant l'un desdits Seigneurs Commissaires.

17
*La permis-
sion de ba-
stir moulins
sur riuieres
nauigables
appartient
au Roy.*

Les fleuves publics, & riuieres nauigables assises en France, estans du Domaine du Roy, & appartenans audit Seigneur; comme il a esté cy-dessus monstrier: Il est certain que la permission & congé de bastir moulins esdites riuieres, ne peut estre donné par autre que par le Roy. Et encores si c'est és riuieres de Seine, Marne, Yonne, Oise, ou autre ayant cours en ceste ville, on a accoustumé d'ouyr & appeller les Preuost des Marchands & Escheuins de Paris: pour sçauoir, si lesdits moulins empeschent la nauigation, & descente des marchandises en ceste ville de Paris. Comme il fut plaidé en la Cour, entre feu Monsieur Alligret, Seigneur de Charantonneau, vn Musnier, & lesdits Preuost des Marchands & Escheuins, le Mardy 24. Mars 1555.

18
*Le congé de
pescher és
fleuves na-
uigables
doit estre im-
petré du
Roy.*

Et le semblable doit estre dit, du droict & permission de pescher és riuieres: lequel ne doit estre donné par autre que par le Roy, ou ses Officiers, ayans pouuoir de le donner, §. *flumina. & ibi Ioannes Faber. Instit. de rerum diuis. l. iniuriarum. §. penult. ff. de iniuriis. l. venditor fundi. ff. communia prediorum tam urb. quam rustic.* De fait, tous les Maistres pescheurs, meismes ceux qui sont demeurans en la Preuosté & Vicomté de Paris, prennent lettres des Grands Maistres, ou bien des Maistres particuliers des eaux & forests: Et chacun an sont tenus payer certaine redevance à la Recepte ordinaire de Paris, pour la permission qui leur est baillée de pescher és riuieres nauigables.

19
*Le droict de
peage, tra-
uers, & bar-
rage appar-
tient au Roy.*

Aussi les fleuves publics & riuieres nauigables, estans du Domaine du Roy, & n'appartenās point aux Seigneurs Iusticiers ou feodaux, il est certain que les Seigneurs Iusticiers, ou feodaux, ne peuuent prendre ny leuer droict de peage, de trauers, de pōtenage, ou autre droict sur les marchandises, & autres choses qui passent par lesdites riuieres, ou qui arriuent és Ports

& riuages d'icelles, ains lesdits droicts appartiennent au Roy. *Nulli enim sine Imperatorum vel Regum rescripto vel concessione vectigalia constituere, aut reformare licet: & huiusmodi iura de regalibus sunt.* Tellement qu'aucun Seigneur ne peut auoir en France, droict de peage, ou de trauers, sinon par grace, liberalité, permission, ou concession des Roys de France: *in titulo, qua sint Regalia. in vfi. feudo. cap. super quibusdam. §. prater ea. extra. de verbo. signific. l. vectigalia. ff. de publi. & vectigalibus l. solent. C. de vectigal.*

En non ains
Seigneurs
Iusticiers ou
feodaux.

20

Comme les
Procureurs
du Roy font
adiourner
les Seigneurs
qui leuent
les peages,
afin d'exhi-
ber leurs til-
tres.

De faict, quand vn Procureur du Roy est aduertý qu'un Seigneur leue peage, ou trauers, ou bien barrage au dedans de sa Seigneurie, il le faict adiourner, afin de luy monstrer & communiquer les lettres, tiltres, & permission, en vertu desquels il prend & leue peage de carpes, ou d'autre poisson, ou bien d'autres marchandises: pour iceux veuz, requerir pour l'interest du Roy ce que de raison: mesmes que defenses luy soient faictes de leuer, prendre & cueillir lesdits droicts: Et proceder en outre, comme de raison. *Vectigalia enim nata non sunt, sed constituta à Principe: de laquelle constitution il est besoin faire apparoir. Et si quid vectigalis nomine exactum sit, quod à Principe constitutum non sit, non solum non debetur, sed exactum restituitur. l. unica. de exact. trib. C. lib. 10.*

21

Les Sei-
gneurs Iu-
sticiers &
feodaux ont
ordinaire-
ment droict
és riuieres,
& leur ap-
partient
droict de
peage.

Nonobstant ce qui a esté dit cy-dessus, nous voyons ordinairement qu'aux Seigneurs Iusticiers ou feodaux appartiennent les fleues publics, & riuieres nauigables, qui sont au dedans de leurs hautes Iustices ou de leurs fiefs. Et eldites riuieres, lesdits Seigneurs ont non seulement droict de bastir moulins, & de pescher, mais peuuent donner à telles personnes que bon leur semble, permission de bastir moulins esdites riuieres, & d'y pescher. Et qui plus est, lesdits Seigneurs ont droict de prendre & leuer peage, trauers, pontenage, ou autre droict, sur toutes les marchandises qui passent, & repassent, ou qui arriuent és Ports d'icelles. Pareillement ont droict d'auoir vn Bac, pour passer & repasser esdites riuieres. Et lesdits Seigneurs tiennent en foy & hommage du Roy lesdites riuieres, ensemble les droicts de pesche, de peage, trauers, pontenage, barrage & bac: les mettent en leurs adueuz & denombrements, comme faisans partie de leurs fiefs.

22

Que c'est
que droict de
roiage, de
forage, &
de fouage.

Comme lesdits Seigneurs ont accoustumé de mettre en leurs adueuz & denombrements, qu'ils ont droict de roiage, qui est de prendre pour chacun chariot ou charette vuide, ou chargée de marchandise, passant par leur Seigneurie, certaine somme de deniers: Pareillemēt qu'ils ont droict d'afforage, ou bien de forage, qui est que toute personne qui veut vendre vin ou autre breuuage en destail, est tenu demander congé au Seigneur, ou à Iustice, pour lequel congé il doit payer vne pinte, ou vn lot de vin pour chacun tonneau. Et en aucuns lieux le prix de vin est mis par la Iustice: Aussi qu'ils ont droict de fouage: qui est de leuer chacun an, sur chacun feu de maison de les hommes & subjets, certaine somme de deniers, ou certaine quantité de grain, avec autres droicts: le discours desquels seroit fort long & prolix.

23

On peut ac-
querir droict

Et si lesdits Seigneurs n'ont tiltre valable pour monstrer par escript que les portions de riuieres qui sont au dedans de leurs fiefs leur appartiennēt,

de peage par
possession
immemo-
riale.

24
Plaidoyé de
ce que des-
fus.

25
Les petites
rivières ap-
partienent
aux parti-
culiers.

26
Les droicts
de peage sont
Domaniaux
& non d'ai-
de, & à qui
appartient
la cognois-
sance d'i-
ceux.

27
Le Seigneur
qui prend
peage est te-
nu entrete-
nir le Pont
de toutes re-
parations.

ensemble les droicts de Pesche, de Peage, ou de Trauers, ils alleguent possession immemoriable de cent ans & plus : laquelle en ce cas est admise comme bonne, valable, & attributive de droict. De faict, la Cour de Parlement le 10. Nouembre 1548. verifiant l'Edict, par lequel estoit enjoint à tous pretendans droict de peage en la riuere de Loyre, d'apporter leurs tiltres : elle declara en la verification de cest Edict, qu'elle n'entendoit deroguer aux permissions de la preuue du temps immemorial octroyées & contenuës en l'Edict du Roy Louys XII. publié en la Cour, pour les peages de ceste riuere de Loyre. Et pour le Baron de Plancy, contre Monsieur le Procureur General du Roy, fut ordonné par arrest qu'il informeroit, tant par lettres, que tesmoins, de la possession immemoriable par luy alleguée, de prendre par luy, ses Receueurs ou fermiers, droict de carpes & de brochets sur les basteaux passans par la riuere. Conformément à la disposition de droict *in l. si quisquam. ff. de diuers. & temporal. præscript. l. iniuriarum. §. ultimo, ff. de iniur. cap. super quibusdam. §. præterea. de verborum significatio. extra. c. i. de præscript. in sexto. l. hoc iure. §. ductus aqua. ff. de aqua quotidiana & æsti.* Et ce que dessus fut amplement deduit en la cause du Vicomte de Melun, lequel a accoustumé leuer vn denier parisis sur chacune botte de poisson, passant par dessous le Pont de Melun, plaidée le 12. Ianuier 1552.

Il y a quelques petites rivières qui ne sont publiques, ny nauigables, mais appartiennent à des particuliers, soient Seigneurs Iusticiers, feodaux, ou autres personnes, tout ainsi que les heritages propres & particuliers : dont est parlé *in l. 1. §. sin autem flumen priuatum sit. ff. de fluminibus.* Et d'iceux nous ne voulons aucunement parler : parce que le Roy, ny les Seigneurs haut-Iusticiers n'y ont non plus de droict, que sur vn autre heritage appartenant à particuliers.

Les droicts de peage, de trauers, & de barrage sont Domaniaux, & non d'aide ny de subside. En sorte, que la cognoissance d'iceux n'appartient aucunement aux Esleuz ny à la Cour des Aydes, ains aux Iuges ordinaires, & par appel à la Cour de Parlement. Et si vn Seigneur obtient lettres patentes du Roy, à ce qu'il luy soit permis leuer plus grand droict de peage qu'il n'auoit accoustumé, au moyen de la ruine aduenüe par les grandes inondations d'eaux du Pont qui estoit basti sur la riuere, lequel il luy conuient reedifier, ou pour autres iustes causes & occasions : Ledit Seigneur doit faire verifier les lettres en la Cour de Parlement, & non pardeuant les Esleuz, ny en la Cour des Aydes. Comme il a esté iugé par arrest donné en plaidoyrie, contre feu Monsieur de Vaudetard Seigneur de Trilbardou, le Ieudy 4. Mars 1562.

Aussi par ledit arrest fut iugé : Qu'un Seigneur auquel appartient vn Pont sur vne riuere, & qui a droict & permission du Roy de prendre peage sur la marchandise qui passe par dessus & par dessous son Pont, est tenu bien & deuëment l'entretenir de toutes reparations. Et n'est receuable à quitter au Roy ledit Pont, & droict de peage, au moyen des grandes reparations qu'il conuient à present faire audit Pont, ou bien parce qu'il cōuient le bastir de neuf, estant tombé par des grandes inondations d'eaux :

D'autant que ledit Seigneur a contracté avec le Roy, duquel contract il ne peut pas reslir & se deslister. De faict par ledit arrest, ledit Seigneur de Vaudetard fut condamné entretenir le pont de Trilbardou, & qu'il ne pourroit leuer que le droict de peage ancien & accoustumé. Et auant que faire droict sur la verification des lettres patentes par luy obtenues, à fin d'auoir permission de leuer plus grand droict de peage que l'ancien; La Cour ordonna que, appelez Monsieur le Procureur General du Roy, les Preuost des Marchands & Escheuins de ceste ville, seroit informé, *super commodo vel incommodo*. Pareillement le Mardy 5. Feurier, 1554. apres disné fut plaidée vne cause en la Cour, entre les habitans de Couruille appellans d'une part, & la Dame dudit lieu intimée d'autre. En laquelle estoit question de sçauoir si lesdits habitans estoient tenus contribuer à la refection du pont basti sur la riuiere dudit Couruille, attendu que ladite Dame prenoit tout le droict de peage à son profit: Aussi que les habitans dudit lieu, avec leurs cheuaux, charettes, & chariots passoient librement par dessus ledit pont, sans payer aucune chose: & que ledit pont n'estoit vn grand chemin & passage ordinaire, ains seruoit ausdits habitans seulement: quoy que ce soit, auoit esté basti pour leur commodité & aisance. Et ladite Dame offroit fournir à tous les frais necessaires pour la reparation dudit pont, en payant par lesdits habitans de Couruille droict de peage, comme les estrangers auoient accoustumé de payer. Et d'autant que lesdits habitans, qui auoient esté condamnez à contribuer pour moitié, alleguoient vne transaction anciennement faite entre les Seigneurs de Couruille & lesdits habitans, avec plusieurs autres faicts: la sentence fut mise au neant, & pour proceder en la cause les parties furent renuoyées pardeuant le Iuge Royal: & dict, que ce qui seroit par luy ordonné seroit executé par prouision, nonobstant oppositions ou appellations quelconques.

28
Sçauoir si
les habitans
du village
sont tenus
contribuer à
la refection
du pont.

[icy est à noter, que le Seigneur lequel a droict de prendre & leuer peage sur sa terre, doit respondre du vol faict en son chemin: Loyseau au Traicté des Seigneuries, chap. 9. de la Police. Boërius sur la Coustume de Tours, chap. des droicts de peages & Coustumes, art. 5. N. B.]

Aussi conuient noter que par arrest donné le 9. Mars, 1539. à la requeste de Monsieur le Procureur General du Roy, a esté ordonné, que tous les Seigneurs peagers seroient tenus faire chacun vn tableau au vray, de leurs droicts de peage, & y mettroient seulement ce qui leur appartenoit tant pour le regard des denrées & marchandises subiectes au peage, que des sommes qui leur sont deuës. Et seroit ledit tableau attaché à vn posteau: & seroient tous lesdits peagers tenus affermer en la Cour, ou deuant le plus prochain Iuge Royal, leurs tableaux contenir verité, à peine de confiscation de leur droict de peage. Et suiuant cest arrest le Seigneur de Conflans saincte Honorine bailla par declaration, & afferma en la Cour les droicts de peages qu'il auoit accoustumé de leuer sur chacune espee de marchandises: & ceste declaration fut registrée en la Cour, par arrest donné en icelle, le 6. May, 1549. Depuis par le 138. art. de l'Ordonnance faicte à Orleans, fut ordonné que tous pretendans droicts

de peage, feroient mettre en lieu eminent, public, & accessible vn tableau ou pancarte, où lesdits droicts seroient deicrits par le menu, signé du Iuge des lieux, ou de deux Notaires. Et defences faites à tous Peagers ou leurs Fermiers, d'exiger des passans ou repassans aucune chose, outre le contenu dudit tableau, à peine de priuation des pretendus droicts de peage, & de punition corporelle contre lesdits Fermiers. Et par l'arrest cy-dessus recité, on peut cognoistre auparauant que mettre les tableaux ou pancartes, contenans par le menu les droicts de peage, barrage, trauers, & autres pretendus par quelque Seigneur, qu'il n'est pas necessaire d'informer, ny faire enqueste en Iustice, qu'on a droict de prendre les droicts specifiez esdits tableaux ou pancartes, & qu'on est en possession immemoriable d'iceux leuer; comme aucuns Iuges ont fait faire: Mais il suffit, suiuant ledit arrest, affermer par deuant le plus prochain Iuge Royal, qu'on a droict, & qu'on est en possession immemoriable de leuer lesdits droicts, & les verifier par lettres & tiltres, adueuz & denombrements, si faire se peut. Car telles informations ou enquestes ne pourroient preiudicier à vn tiers, ny aux redeuables & personnes subiectes aux droicts contenus ausdits tableaux ou pancartes; parce qu'elles ne seroient faites avec eux. Mais lesdits tableaux ou pancartes doiuent porter, que toutes personnes seront receuës à blasmer, contredire, impugner, & debattre le contenu esdites pancartes ou tableaux: & ce dedans six mois, ou tel autre temps qui sera ordonné par le Iuge, par la permission duquel le tableau aura esté affiché. Et ceux qui voudront contredire, impugner, & debattre le contenu audit tableau, se pouruoiront pardeuant le plus prochain Iuge Royal, luy presenteront leur requeste, ou se pouruoiront par opposition, contre la lattie qui sera faite sur leurs marchandises: Parce qu'il n'est pas raisonnable que le Iuge du Seigneur cognoisse des droicts de peage pretendus par ledit Seigneur, auquel il porteroit toute faueur. Et est besoin que les tableaux soient attachez en lieu public & eminent, à ce que facilement ils puissent estre leuz, & que personne n'en puisse pretendre cause d'ignorance, ny euitier la peine de cōmise, en laquelle encourent & tombent ceux, qui ne payent les droicts de peage, ains les defraudent: laquelle peine est de confiscation au Roy, ou au Seigneur auquel le droict de peage appartient de la marchandise que l'on a fait passer sans l'aquitter dudit droict de peage, barrage, ou trauers: *res enim improfessæ & pro quibus vectigal solutum non est, qui n'ont esté declarées au peager & acquittées commissæ dicuntur, vel in commissum cadunt, & sisco acquiruntur. l. commissæ. l. si. §. quoties, & §. si quis professus, ff. de pub. l. 3. C. de vect. & com. l. si ex causa. §. in commissum. de min. 25. an. Et Quintilian dec. 341. dit que, Quod quis professus non est apud publicanos, pro commissæ tenetur. Et passim in legem Censoriam committit, quia professionem omittit.* Ce qui est exactement gardé au payement de la Douane depuis quelque temps establie à Paris.

29

Les peages
& barrages
du Roy sont
bailliez à

Il conuient encores entendre, comme a esté dit cy-deuant, que Messieurs les Thresoriers Generaux de France, baillent de trois ans en trois ans la veille de la S. Iean Baptiste, les fermes de peages, barrages, trauers, & autres fermes domaniales, appartenans au Roy en la ville, Preuosté &

Vicôté de Paris, cōme du Haut-ban, du Ton-lieu, du Treillis du Chaste-
let de Paris, du Cuir & Cordoïan, du fruit & esgrun de la Gruerye du
Charbō, de Châtelage, du pied rōd, des cinq mestiers, & plusieurs autres.

*ferme de
trois ans en
trois ans.*

Et esdits Baulx on met vne clause ordinaire, qui est, Pour en jouyr à
la maniere accoustumée. Laquelle clause a deux effects: Le premier, que
le fermier se doit contenter de prendre & recueillir pareils droicts, soient
deniers ou autres choses, que ses predecesseurs fermiers ont de tout temps
& ancienneté prins & perceu: sans qu'il les puisse augmenter, immuer
ny changer: Le second effect est que le fermier ne doit rien prendre ny
leuer sur les priuilegiez, francs & exempts de payer barrages, peages,
trauers, ou droicts d'autres fermes: encores que le bail soit general, vni-
uersel, & indefiny, de prendre cinq sols pour chacun muid de vin, en-
trant ou sortant de la ville de Paris. Tellement que si aucun se pretend
exempt à cause de sa noblesse, ou pour autre cause, le fermier ne peut
sommier au Procureur du Roy, l'exemption pretenduë, pour la faire
cesser: ains le fermier la doit accorder ou discorder à ses perils & for-
tunes.

*30
La clause
pour en
jouyr en la
maniere ac-
coustumée a
deux effects
cy declarez.*

*31
Les fermiers
des peages
ne doivent
rien deman-
der aux pri-
uilegiez.*

Et incidemment on peut dire: Tout ainsi qu'un Noble ou autre priui-
legié, n'est exempt du payement des droicts de peages, trauers, & bar-
rages qui appartiennent au Roy; ou bien à autres Seigneurs Iusticiers
ou feodaux; sinon de ce qui est de son creu, & de ce qu'il a achepté pour
la prouision de sa maison, ou bien pour son vsage, suivant la loy si publi-
canus. §. de reb. publ. & velt. non pas de ce qu'il a achepté pour reuen-
dre. Ou bien s'il faiet train de marchandise, il n'est aucunement exempt
de ce qui concerne sa negociation & trafic de marchandise: Comme il
est contenu en l'Edict faiet par le Roy François premier, touchant les
priuileges de Chalao Saint-mas, publié en la Cour de Parlement, le
8. Feurier 1540. Et qu'il a esté iugé pour le regard des peages, trauers, &
barrages appartenans à autres Seigneurs qu'au Roy, par arrest de la
Cour donné le 1. de Feurier, 1518. contre le Seigneur de la Rocheguyon,
au profit de Maistre Guillaume Prudhomme, Secretaire du Roy. Le-
quel par ledit arrest fut déclaré exempt, ensemble les autres Secretaires
de la Maison & Couronne de France, de payer le droict de peage audit
Seigneur de la Rocheguyon, du vin & autres choses estans de leur creu.
Conformément à la disposition de droict, in l. nobiliores. C. de commerciis &
mercatoribus. l. ex prastatione. in fine. l. omnibus. l. vniuersi Prouinciales. C. de
vectigalibus & commissis.

*32
Le noble &
priuilegié
n'est exempt
que de son
creu, & de
ce qu'il a
achepté pour
son usage.*

*33
Les Secre-
taires du
Roy exempts
tant des
peages du
Roy que des
Seigneurs.*

Pareillement si vn homme exerce quelque mestier, à cause duquel il est
subiect payer au Roy quelque droict: comme le droict de haut-ban (le-
quel est deub par tous les Maistres Boulangers de ceste ville de Paris, &
par plusieurs autres artisans, lesquels pour raison d'iceluy, sont tenus
payer au fermier du Roy, la somme de six sols parisis par an, au iour
Saint Martin d'hyuer) encores que tel artisan soit priuilegié, comme
estant du nombre des Archers ou Arbalestriers de la ville de Paris; ou
soit des officiers de la Monoye de ceste ville de Paris: Toutesfois ledit Ar-
cher, Arbalestrier, ou Monnoyer, étant maistre Boulanger en ceste ville,

*34
Le priuilegié
qui exerce
mestier, est
tenu payer
au Roy le
droict de son
mestier.*

35
Arrest de ce
que dessus.

sera tenu payer chacun an le droict de haut-ban. Et le semblable doit estre dit des autres artisans de ceste ville : Comme il a esté iugé par sentence donnée par Messieurs les Conseillers du Thresor, le 8. Iuillet, 1570. Entre Iacques Richard fermier du haut-ban de ceste ville & faux-bourgs de Paris, le Procureur du Roy au Thresor ioinct avec luy, demandeur d'une part ; & Iacques Louet Maistre Boulanger & Archer de ceste ville de Paris, les Capitaine & Archers de ladite ville ioincts avec luy, defendeur d'autre. Par laquelle ledit Louet defendeur a esté condamné payer audit Richard demandeur, le droict de haut-ban, pour l'année 1566. à raison de six sols parisis par chacun an : & continuer à l'advenir audit Richard, & autres successeurs fermiers du Roy dudit droict de haut-ban, tant & si longuement que ledit Louet tiendra boutique, & exercera le mestier de Boulanger. Et ce nonobstant chose dite & proposée au contraire par lesdits Louet, Capitaine & Archers de la ville de Paris ioints, dont ils furent deboutez : Et ledit Louet condamné és despens de l'instance. Laquelle sentence a esté confirmée par arrest de la Cour du 27. Mars, 1574.

36
Le bourgeois
de Paris te-
nant à fer-
me quelques
terres est
cottisable à
la taille.

Aussi si vn Gentil-homme, ou vn bourgeois de Paris prend à ferme, ou loiage quelques terres, moulins ou autres heritages assis en vn village ; il sera tenu payer taille au village auquel heritage est situé, encores qu'il n'y soit demeurant : & ce suiuant le 128. art. de l'Ordonnance faicte à Orleans. Bien est vray, que si le bail à ferme ou loiage ne commence sinon à Pasques, S. Iean, ou S. Remy, il ne payera rien de l'année pendant laquelle son bail a commencé : non plus que celuy, qui vient demeurer en vn village apres l'année commencée, ne paye point de taille audit village pendant ladite année : mais il est assis à la taille de l'année suiuite commençant le premier Ianuier.

37
Secus du
bourgeois de
Paris qui
tient sa fer-
me en ses
mains.

Toutesfois encores que le bourgeois de Paris tienne sa ferme, ou bien ses terres en ses mains, il ne doit estre cottisé à la taille, à cause desdites terres ou ferme qu'il faict labourer. Et le semblable doit estre dit de l'homme Ecclesiastique ; ensemble des autres personnes francs & exempts de payer taille ; lesquels supposé qu'ils soient roturiers, ne doiuent estre imposez à la taille, encores qu'ils tiennent en leurs mains, & facent labourer les terres qui leur appartiennent. Et ce, nonobstant le 129. art. de ladite Ordonnance d'Orleans, portant, que toutes personnes roturiers, habitans és villes franches, de quelque qualité qu'ils soient, & toutes personnes Ecclesiastiques de condition roturiere, seront tenus bailler à ferme leurs terres & heritages, afin que le fermier ayde à soulager & descharger le pauvre peuple : autrement & à faute de ce faire, seront eux-mesmes cottisez à la taille, nonobstant quelconques priuileges, lettres d'exemption ou affranchissement qu'ils pourroient alleguer au contraire. Parce que ledit art. d'Ordonnance n'est obserué. Et de faict icelle n'est verifiée en la Cour des Aydes, laquelle cognoist souuerainement des tailles & des exemptions d'icelles.

LES SEIGNEURS IUSTICIERS OV FEODAVX,
ne peuvent auoir Foire ou Marché en leurs Seigneuries, sans tiltre,
concession, ou octroy des Roys de France.

1 Les Seigneurs Iusticiers ou feodaux,
ne peuvent auoir Foire, ou Marché
sans concession du Roy.

2 Arrest & lettres patentes de ce que
dessus.

3 Le Seigneur qui a droit de Foire,
prend à son profit le loyer de toutes
les places, esquelles le iour de la
Foire on vend marchandises.

4 Arrest de ce que dessus.

5 La Foire S. Ladre acheptée par le
Roy Philippes Auguste. Qu'elle se
tient es Halles de Paris, & dure
dix-sept iours.

6 La iurisdiction & abus de la Foire

S. Ladre ont esté abolis, & non les
droicts.

7 Franchises de la Foire S. Germain
des Prez.

8 Priuileges, franchises & exemptions
des Foires du Landit, & de Sainct
Denys.

9 Confirmation faicte par les Roys de
France des priuileges susdits.

10 Sentence du Thresor confirmatiue
des priuileges des Foires du Lan-
dit, & de S. Denys.

11 Priuilege des Foires de Brie & de
Champagne: ensemble de celles de
Lyon.

CHAPITRE XXXI.



NOUS auons dict au precedent chapitre, que les Sei-
gneurs haut-Iusticiers, ou feodaux, ne peuvent auoir
droict de peage, trauers, ou barrage, s'ils n'en ont til-
tre, concession, ou permission des Roys de France. Le
semblable doit estre dict des Foires & Marchez. Car les
Seigneurs Iusticiers ou feodaux, ne peuvent auoir foire
ou marché en leurs terres & Seigneuries, ny leuer aucun droit sur les
marchandises qui seront vendues au dedans de leurs Iustices, fiefs, ou
Seigneuries, sans permission, concession, ou octroy des Roys de France,
l. i. ff. de nundinis. l. unica. C. de nundinis & mercationibus. Et de ce y a vn
ancien arrest donné au Parlement de Pentecoste, l'an 1269. contenant
ces mots: *Quia feriam fecit, sine autoritate domini Regis: cum nullus in re-
gno talia possit facere, absque consensu vel mandato domini Regis: (ut dice-
bant quidam de Consilio:)* Dictum fuit Balliuo quod cadere faceret feriam an-
redictam. Aussi par les lettres patentes cōtenans les cas & droicts Royaux,
transcrites au 7. chapitre du present Traicté, est porté: Qu'au Roy ap-
partient seul & pour le tout, en tout son Royaume, & non à autres
octroyer & ordonner toutes Foires & tous Marchez.

Il conuient noter, Que ceux qui ont droit de Foire, par la permis-
sion & concession des Roys de France, leuent & prennent à leur profit,
le iour de la Foire, le droit & loyer de toutes les places esquelles on
estalle & debite marchandises; soit que les places soient assises au dedans

1
Le Seigneurs
Iusticiers,
ou feodaux,
ne peuvent
auoir Foire
ou Marché
sans conces-
sion du Roy.

2
Arrest &
lettres pa-
tentes de ce
que dessus.

3
Le Seigneur
qui a droit
de foire, prend
à son profit

*le loyer de
toutes les
places es-
quelles le
iour de la
foire on vend
marchandi-
se.*

de leur Iustice, terre & Seigneurie : ou hors les fins & limites d'icelle, proches & contigus le lieu destiné pour la Foire. De faict les Religieux, Prieur, & Conuent de S. Lazare lez Paris, qui ont droict de Foire le iour & feste de Sainct Laurens, depuis le matin iusques au soir, se font payer & prennent à leur profit, le droict, loyer, & redeuance de toutes les places qui sont faictes & ordonnées le iour de la Foire Sainct Laurens, és faux-bourgs dudit Sainct Laurens, pour vendre & estaler les marchandises qui sont apportées en la Foire: Soit que les places soient assises en la haute Iustice, Seigneurie, & Voirie du Roy, ou des Religieux, Abbé & Conuent de S. Denys en France, ou du Chapitre de Paris, ou des Religieux, Abbé & Conuent de S. Magloire: ou des Cheuecier, Chanoines & Chapitre de Saincte Opportune.

*4
Arrest de ce
que dessus.*

Et de ce que dessus, lesdits de S. Lazare ont obtenu arrest à leur profit, contre les Religieux de S. Denys, le 7. Decembre 1369. Contre les Religieux de S. Magloire, le 27. Iuillet 1532. confirmatif de la sentence donnée par le Preuost de Paris, le 29. Iuillet 1528. Aussi lesdits Religieux de S. Lazare, ont obtenu adindication du droict de places, contre le Chapitre de Paris, par sentence donnée par le Preuost dudit lieu, le 7. Aoust 1577. Et contre le Chapitre de Saincte Opportune par sentence donnée le 29. Aoust 1551. Et par lesdites sentences & arrests, defences sont faictes ausdits de Chapitre, ensemble ausdits Religieux de Sainct Denys & S. Magloire, de prendre, leuer & receuoir les deniers des droicts des places & marchandises amenées en ladite Foire; ains les laisser prendre & leuer par lesdits Religieux de S. Lazare.

*5
La foire S.
Ladre ache-
tée par le
Roy Philip-
pes Auguste:
laquelle se
tient es Hal-
les de Paris
& dure dix-
sept iours.*

Aussi il conuient entendre; Que les Religieux, Prieur & Conuent de Sainct Lazare lez Paris, auoient vn droict de Foire, communément appelée la Foire S. Ladre. Pendant laquelle on leuoit plusieurs droicts, qui sont declarez par le menu és Ordonnances concernans les fermes domaniales du Roy en la ville, Preuosté & Vicomté de Paris, estans au Greffe de la Iustice du Thresor. Laquelle Foire se tenoit près le Monastere & Eglise S. Lazare: commençoit le lendemain de la feste des Morts, & duroit dix-sept iours ensuiuans. Elle fut acquise par le Roy Philippes Auguste, l'an 1182. transferée au lieu anciennement nommé Champcaux, près les Saincts Innocens, & à present appelé les Halles, pendant le temps de laquelle Foire y auoit vn Preuost, qui cognoissoit des causes & differends qui estoient meuz entre les marchands qui vendoient & debitoient marchandises en ceste Foire. Et d'autant que ledit Preuost, & autres Officiers de ladite Foire, pendant icelle commettoient plusieurs abus, vexations & exactions: par lettres patentes du Roy Louys XI. du 3. Aoust 1465. obtenues par les Preuost des Marchands & Escheuins de la ville de Paris, la iurisdiction de ladite Foire S. Ladre fut abolie: ensemble les abus, & exactions qui se commettoient pendant icelle, spécifiées en la verification faicte par Messieurs des Comptes desdites lettres patentes, le 13. Nouembre audit an. Mais les droicts de ladite Foire furent conseruez au Roy par ladite verification. De faict les droicts de la Foire S. Ladre se baillent à ferme de trois ans en trois ans, au profit du Roy,

*6
La iurisdic-
tion &
abus de la
foire S. La-
dre ont esté
abolis, &
non les
droicts.*

par Messieurs les Thresoriers Generaux de France. Ladite Foire se tient chacun an és Halles de ceste ville de Paris, en certains lieux & endroits declarez és Ordonnances dessusdites; pendant le temps de dix-sept iours, commençant le lendemain de la feste des Morts. Durant lequel temps les droicts de ladite Foire sont leuez, prins & perceuz par le Fermier du Roy, sur les personnes & marchandises specifiées és Ordonnances contenant la declaration desdits droicts.

Pareillement est expedient d'entendre que par arrest donné en plaidoyrie le 7. Feurier 1579. Entre les Religieux, Abbé & Conuent de S. Germain des Prez lez Paris, demandeurs d'une part : les Preuost des Marchands & Escheuins de la ville de Paris, & le fermier de l'imposition des draps amenez en ceste ville, defendeurs d'autre : fut dict, Que toute Marchandise amenée pour estre vendue en la Foire S. Germain, n'estoit subiette à aucun peage, passage, ne à aucune imposition.

7
*Franchise
de la foire
S. Germain
des Prez.*

Aussi les Religieux, Abbé & Conuent de S. Denys en France, le 10. Aoust 1480. firent confirmer par le Roy Louys vnziesme, les priuileges, franchises & exemptions des deux Marchez ou Foires publiques, qui leur ont esté données par le Roy Dagobert leur fondateur, & autres Roys de France. L'une nommée le Landit, qui commence le second Mercredy de Iuin, & finit la vigile S. Iean Baptiste. L'autre nommée la Foire S. Denys, qui commence le iour S. Denys en Octobre, & dure neuf iours. Et par les lettres patentes dudit Roy Louys XI. est porté; Que les marchands allans & venans esdites deux Foires, y seiournans & retournans, vendans & non vendans, avec toutes les denrées & marchandises qui y seront apportées, rapportées, ou ramenées; vendues, ou eschangées; sont à tousiours mais perpetuellement, francs & exempts de toutes impositions, aydes & subides, mises sus, & à mettre sur les marchands & marchandises: Ensemble de tous barrages, trauers, peages, chaussées, truages, ou acquits, vieils ou nouveaux; & autres choses & redevances quelconques. Et que lesdits marchands venans & amenans denrées & marchandises esdits marchez & foires, iouyront desdites franchises & libertez trois sepmaines parauant lesdits marchez encommencez, durant iceux, & trois sepmaines apres qu'ils seront cessez, pour retourner en leurs maisons, & ailleurs franchement. Lesdites lettres furent verifiées par Messieurs des Comptes, le 7. Aueil 1480. auant Pasques. Lesquels consentirent la franchise & exemption portée par lesdites lettres, excepté du Quatriesme du vin qui seroit vendu à detail esdites deux Foires, & l'autorité Royale demeurant tousiours par dessus. Depuis, lesdits priuileges ont esté confirmez par le Roy Charles huietiesme, Roy de France, de Sicile & de Ierusalem, au mois de Mars, 1495. Et par le Roy Henry II. en Iuin, 1549. Lequel declara que les marchands venans & amenans denrées & marchandises, soit par eau, ou par terre, és Foires du Landit & de S. Denys, iouyront des exemptions & franchises susdites, tant durant lesdites Foires, que trois sepmaines auant le cours de chacune d'icelles, & trois sepmaines apres, pour s'en retourner en leurs maisons. Aussi lesdits priuileges ont esté confirmez par

8
*Priuileges,
franchises,
& exemptions
des
foires du
Landit, & de
S. Denys.*

9
*Confirma-
tion faite
par les Roys
de France
des priuile-
ges susdits.*

Henry troisiéme Roy de France & de Pologne, en Iuin, 1586.

10
Sentence du
Thresor cõ-
firmative
des priuileges
des Foires
du Landit
& de Saint
Denys.

En l'année 1587. le fermier pour le Roy du Treillis du Chastelet de Paris, ayant faict proceder par voye de saisie sur quelques marchandises conduites & menées à la foire du Landit, à faute de payement des droicts de ladite ferme, & acquit d'iceux: Il y eut sentence donnée en la Chambre du Thresor le Vendredy 26. iour de Iuin audit an 1587. Par laquelle main-leuée fut faicte des marchandises saisies, cõme exemptes & non cõtribuables au droict du Treillis: & defenses faictes aux fermiers du Roy, de troubler à l'aduenir les Religieux, Abbé & Conuent de Saint Denys en France, en la iouissance de leurs priuileges: A peine de tous despens, dommages & interests, & de l'amende s'il y eschet.

11
Priuilege
des Foires de
Brie & de
Châpaigne,
ensemble de
celles de
Lyon.

Quant aux priuileges des foires de Brie & de Champagne, & autres choses concernans les droicts des foires & de marchez, est besoin voir ce que Monsieur Chopin en a escrit en ses Commentaires sur la Coustume d'Anjou, liure premier chapitre 34. Et pour le regard des priuileges octroyez aux marchands frequentans les foires de Lyon, on pourra voir le quatorziéme chapitre du droict d'Aubeine, par nous cy-deuant mis en lumiere.

SI LES THRESORS TROVVEZ EN FRANCE
appartiennent au Roy, ou aux Seigneurs haut-Iusticiers: Et à qui ils
sont adiugez.

- | | |
|--|--|
| <p>1 Par la disposition de droict, à qui appartiennent les thresors trouuez.</p> <p>2 Les Procureurs du Roy soustiennent que les thresors consistans en or, trouuez en France, appartiennent au Roy.</p> <p>3 Recit du proces intenté, pour raison d'un thresor consistant en or, trouué au terroir de Sannois: près Mõtmorency.</p> <p>4 Moyens du Procureur du Roy.</p> <p>5 Qu'anciennement les Roys s'attribuoient les thresors.</p> <p>6 Ordonnance par laquelle on pretend que les thresors trouuez en or appartiennent au Roy.</p> <p>7 Un grand thresor trouué en Limosin, pretendu par le Roy d'Angleterre, comme souuerain au pays de Limosin.</p> <p>8 Decés de Richard Roy d'Angleterre surnommé Cœur de Lyon.</p> | <p>9 Les Philosophes anciens adiugeoient le thresor trouué en or, ou aux Dieux, ou aux Roys.</p> <p>10 Arrest par lequel on pretend que le thresor trouué en or appartient au Roy.</p> <p>11 Res quæ in nullius bonis sunt censentur esse Principis.</p> <p>12 Les thresors trouuez doiuent estre denoncez à Iustice.</p> <p>13 Moyens alleguez par les defendeurs contre la demande du Procureur du Roy.</p> <p>14 Par la disposition de droict à qui appartiennent les thresors trouuez.</p> <p>15 Qu'il n'y a aucune Ordonnance, qui attribue les thresors aux Roys de France.</p> <p>16 L'ordonnance de Naples attribuât au Roy les thresors trouuez, abrégée.</p> |
|--|--|

- 17 Que par la Coustume de Paris, les thresors trouvez n'appartiennent au Roy.
- 18 Responce aux arrests cy-dessus alleguez.
- 19 Par la loy de nature les thresors appartiennent à celuy qui les a trouvez en son heritage.
- 20 Responce à la denonciation alleguée par le Procureur du Roy.
- 21 Sentence de Messieurs du Thresor, sur le proces cy-dessus recité.
- 22 Les Seigneurs Iusticiers interviennent en cause, & pretendent les thresors trouvez en leurs hautes Iustices leur appartenir.
- 23 Arrest par lequel est déclaré, à qui appartiennent les thresors trouvez en France.
- 24 Cause d'un thresor trouué en ceste ville de Paris, rue de la Huchette.
- 25 Sentence de Messieurs du Thresor, pour le thresor trouué en la rue de la Huchette.
- 26 Plaidoyé & arrest d'un thresor trouué en l'Abbaye de Soissons.
- 27 Moyens de Monsieur le Procureur General du Roy, pour monstrier que le thresor appartient au Roy.
- 28 A qui appartiennent les thresors trouvez es lieux saints & sacrez.
- 29 Resolution à qui appartiennent les thresors trouvez en France.

CHAPITRE XXXII.



OMB IEN que par la disposition de droit commun soit décidé, à qui appartient vn thresor fortuitement trouué, *nulla ad hoc debita opera, nec arte prohibita*: & que suiuant icelle on tienne, Que quand le propriétaire d'un heritage a trouué en son heritage vn thresor, il luy appartient entierement: S'il est trouué en l'heritage d'au-

¹ Par la disposition de droit, à qui appartient les thresors trouuez.

truy; moitié en appartient au propriétaire de l'heritage, & l'autre moitié à celuy qui l'a descouuert & trouué: Si le thresor est trouué en lieu public qui appartienne au Roy, ou bien qui appartienne à vne Communauté d'habitans, ou à vne Eglise: moitié en appartient au Roy, ou bien aux habitans, ou à l'Eglise, & l'autre moitié appartient à l'inventeur qui fortuitement l'a descouuert & trouué, *l. unica. C. de thesauris. lib. 10. l. 3. §. si in locis. ff. de iure fisci. §. thesaurus, de rerum diuis. in Institut. l. nunquam. §. thesaurus. ff. de acquir. rer. domi. l. 3. §. Neratius. ff. de acquir. possess. l. à tutore. ff. de rei vend. l. diuortio. §. fundum. ff. solut. matrimon. & constitutione Imperatoris Leonis 51. De inuento thesauro cuius esse debeat Franciscus Conanus in Commentarijs iuris, lib 3. capite de thesauris, & rebus adespotis. Renatus Chopin in traicté de Domaino Francie, lib. 2. cap. 5.*

² Les Procureurs du Roy soustiennent que les thresors consistans en or, trouuez en France, appartiennent au Roy.

Toutesfois en France les Procureurs du Roy, & les Seigneurs hautes Iusticiers ont soustenu, que les thresors trouuez au dedans de leurs hautes Iustices leur appartiennent, encores qu'ils soient trouvez en l'heritage qui appartient à vn particulier. Mesmes les Procureurs du Roy ont maintenu que les thresors consistans en or entierement appartiennent au Roy, priuatiuement à tous Seigneurs, & à tous particuliers.

De faict en l'année 1563. le Procureur du Roy en la Iustice du Thresor, estant aduerty, que Iean Fontaine, Vigneron, auoit fortuitement

³ Recit du proces inter-

ré pourrai
son d'un
thresor con-
sistant en or,
trouué au
terroir de
Sannois, près
Montmo-
rency.

trouué au dedans d'un quartier de vignes assis au terroir de Sannois près Montmorency, appartenant à Pierre Brissard Marechal, demeurant à Andely, un thresor consistant en pieces d'or, en forme de fers d'escarcelle ou croissans, & un estrayer d'or: Lesquelles pieces auoient esté vèduës par ledits Brissard & Fontaine à Gilles Mauuallet maistre Changeur à Paris, le prix & somme de douze cens liures tournois. Et que ledit Mauuallet auoit porté lesdites pieces au Maistre de la Monnoye du Moulin du Roy en ceste ville de Paris; duquel il auoit receu huit mil quatre cens quatre-vingts dix-sept liures tournois. Ledit Procureur du Roy auoit faict adiourner ledit Mauuallet, ensemble lesdits Brissard & Fontaine pardeuant Messieurs les Conseillers du Thresor: Et contre ledit Mauuallet conclud à ce qu'il fust condamné payer au Roy, quoy que ce soit, au Receueur ordinaire de Paris, ladite somme de huit mil quatre cens quatre-vingts dix-sept liures tournois: sur ce deduite la somme de douze cens liures tournois par luy baillée ausdits Brissard & Fontaine: Laquelle il requeroit lesdits Brissard & Fontaine estre condamnés rendre & payer au Roy: comme le thresor fortuitement trouué, duquel leldits deniers estoient procedez, appartenant entierement à sa Majesté.

4
Moyens du
Procureur
du Roy.

5
Qu'ancien-
nement les
Roys s'attribu-
aient les
thresors.

6
Ordonnance
par laquelle
on pretend
que les thre-
sors trouuez
en or, appar-
tiennent au
Roy.

7
Un grand
thresor trou-
ué en Limo-
sin, pretendu
par le Roy
d'Angleter-
re, comme
souuerain
au pays de
Limosin.

Et pour le monstrier, ledit Procureur du Roy au Thresor disoit: Que *prista tempestate omnes thesauri in fiscum Principis cogebantur à Theodorico Ostrogoto Italia Rege: qui thesauros vocabat depositivas pecunias ex longa vetustate, dominis carentes: ut refert Cassiodorus lib. 3. variar. lect.* Que par le tiltre de *Thesauris, in Codice Theodosiano, Quisquis thesaurum reperisset, ad fiscum deferre debebat.*

Qu'il y auoit vne ancienne Ordonnance du Roy saint Louys, par laquelle tout thresor consistant en or, appartenoit au Roy: Et qu'ainsi auoit esté iugé par un ancien arrest donné au Parlement de la Natiuité nostre Dame, l'an mil deux cens cinquante neuf, escript au liure *Olim*, fueillet nonante cinq, transcrit és Commentaires de Monsieur Chopin Aduocat en Parlement, sur la Coustume d'Anjou, article 61. lequel chacun peut voir. Aussi que par les Coustumes d'Anjou, du Maine, & plusieurs autres, la fortune d'or trouué en mine appartient au Roy.

De faict, nous lisons és Annales de France, & Chroniques d'Angleterre: Qu'en l'an 1199. un Cheualier du pays de Limosin, trouua en sa terre un grand thresor, auquel y auoit un Empereur, sa femme, ses fils & ses filles, qui estoient de leur grandeur & grosseur, assis à table. Les personnages, tables & treteaux estoient de fin or massif. Et autour de la table y auoit lettres esrites, qui donnoient à entendre les noms & les temps qu'auoit regné l'Empereur qui auoit faict faire ces personnages, tables & treteaux. Richard Roy d'Angleterre (surnommé Cœur de Lyon) aduertie de ce thresor trouué, le voulut auoir, soustenant qu'il luy appartenoit par droit d'Aubeine, cōme souuerain au pays de Limosin. Toutes-fois le Cheualier qui auoit trouué ce thresor en sa terre, qui estoit du fief du Vicomte de Limoges, ne le voulut bailler: ains l'emporta, & se retira deuers le Vicomte de Limoges son Seigneur feodal. Ce qui auoit occasionné ledit Roy d'Angleterre, les assieger dedans le Chasteau appelé

Caulac, ou Chalux. Et voulant faire vne mine à ceste place descendit dedans le fossé, auquel estant, fut tirée du haut de la muraille vne fleche de laquelle il fut blessé au bras gauche, dont douze iours apres il mourut. Fut enterré en l'Abbaye de Fronteuaux, près du Roy Henry son pere, & son cœur porté en l'Eglise nostre Dame de Roïen.

Aussi *Philosophi thesaurum auri, velut rem sanctiorem & diuino numine præfulgentem, aut Regi, aut Dijs cōsecrabant. Vsq̃ue adeò ut ab Asopo scriptum sit, thesauros ad reges solos spectasse. Et Solonis iudicio aliorumque Græcia sapientum, tripus aureus à Milesijs piscatoribus iactu retis captus, Delio Apollini adiudicatus fuit: ut est apud Laërtium. Thesaurus enim est donum fortunæ, vel beneficium Dei: ut ait Tryphoninus in l. si is qui. §. quod si seruus. ff. de acquir. rer. doni.*

En second lieu, ledit Procureur du Roy alleguoit vn arrest donné par appointé: Entre Huguelin de Reuellé appellant du Bailly d'Amiens, lequel auoit entierement adiugé au Roy vn thresor consistant en six vingts florins d'or, que l'appellant auoit trouuez en bastissant sa maison, d'une part: Et Monsieur le Procureur General du Roy prenant la cause pour son Substitut audit Amiens, intimé d'autre. Par lequel, moitié du dit thresor est adiugée au Roy. Et ledit arrest est recité par Maître Jean le Coq, question cent nonante sept, intitulée *de thesauris inuentis*. Et au mesme lieu est faicte mention d'un pareil arrest donné entre les Religieux, Abbé, & Conuent de Saint Germain des Prez lez Paris, demandeurs d'une part: & les Principal & Bourriers du College de Boilly defendeurs d'autre.

En tiers lieu disoit, que par l'vsance generale de France, *Res quæ in nullius bonis sunt, & quæ dominum assertoremque nullum habent* (qu'on appelle vulgairement Espauës) appartiennent au Roy: comme dit Iean Fabre, in §. *thesauros. Instit. de rerum diuis.* Or il est certain que *thesaurus est vetus pecunia depositio, cuius memoria ignoratur, & quæ dominum non habet*. Tellement que *thesauri absconditi nemo se dominum vel possessorem dicere potest. l. 3. §. Neratius ff. de acqui. possess.* Partant soustenoit que les thresors trouuez appartiennent au Roy.

En quatriesme lieu, disoit qu'encores que le Roy n'eust qu'une portion au thresor duquel estoit question, si est-ce que les defendeurs estoient tenus le denoncer à Iustice, & aux Officiers du Roy, non pas le receller & latiter. Et à faute d'auoir par les defendeurs, faict la denonciation à Iustice du thresor par eux trouué, ils doiuent estre priuez de tout le droit, part & portion qu'ils pourroient auoir audit thresor: Et outre payer au Roy autant que peut valoir ledit thresor pour le recellement par eux faict, selon le texte exprés in l. *non intelligitur. §. finali ff. de iure fisci.*

Par ces moyens & plusieurs autres, le Procureur du Roy persistoit en sa demande.

Les defendeurs pour fins de non recevoir, & defenses disoient: Que la demande du Procureur du Roy n'estoit fondée ny en la disposition de droit commun, ny en Ordonnance Royale, ny en Coustume locale, ny en arrest de la Cour. Partant en deuoit estre rebouté.

Decz d. Richard Roy d'Angleterre, surnommé Cœur de Lyon.

9 Les Philosophes anciens adiugeoient le thresor trouué en or, ou aux Dieux, ou aux Roys.

10 Arrest par lequel on pretend que le thresor trouué en or, appartient au Roy.

11 Res quæ in nullius bonis sunt, cēsentur esse Principis.

12 Les thresors trouuez doiuent estre denoncez à Iustice.

13 Moyens allégués par les defendeurs, contre la demande du Procureur du Roy.

14
Par la dispo-
sitiō de droit
à qui appar-
tiennent les
thresors
trouuez.

15
Qu'il n'y a
aucune Or-
donnance, qui
attribue les
thresors aux
Rois de
France.

16
L'Ordonnan-
ce de Naples,
attribuāt au
Roy les thre-
sors trouuez
abrogée.

17
Que par la
Coustume
de Paris, les
thresors trou-
uez n'appar-
tiennent au
Roy.

18
Respōse aux
arrests cy-
dessus alle-
guez.

19
Par la loy de
nature, les
thresors ap-
partienent
à celuy qui
les a trouuez
en son heri-
tage.

20
Responſe à la
denōciation
alleguée par
le Procureur
du Roy.

21
Sentence de
Messieurs du

Quant à la disposition de droit commun, qu'elle est claire par les loix cy-dessus alleguées, par lesquelles des thresors trouuez en heritages appartenans à particuliers, moitié appartient au propriétaire de l'herita- ge, & l'autre moitié est delaisſée à l'inventeur.

Quant aux Ordonnances, il ne s'en trouuoit aucunes faictes par les Roys de France, par lesquelles ils se fuſſent attribué les thresors confi- stans en or, ou argent, trouuez au dedans du Royaume. Et ne s'en trouueroit aucune du Roy Saint Louys, quelque chose qu'on ait voulu dire.

De faict vn Roy de Naples ayant ordonné, Que tous thresors trou- uez en son Royaume luy appartiendroient: Ceste Ordonnance, comme inique & desraisonnable, fut abrogée par son successeur à la postulation des Estats du Royaume. Ainsi que recite *Matth. de Afflict. ad Constitutio- nes Neapolitanas, titulo de Officio Secret. col. 1. Vnde Artaxerxes Xerxis filius, cognomento Longimanus, dicere solebat, Regalius esse addere quàm adimere. Sentiens princeps dignus esse opes eorum quibus imperat augere, potius quàm imminuere. Et sic princeps indignum existimabat, subditis adimere thesauros, ab eis fortuito inuentos.*

Quant à la Coustume, il n'y en a aucune en la Preuoſté & Vicomté de Paris, par laquelle soit dit, que les thresors fortuitement trouuez és he- ritages des particuliers, appartiennent au Roy. Et combien que par l'v- sance de France, les Espauces (qui sont bestes esgarees, & autres choses trouuées, lesquelles on ignore à qui elles appartiennent) soient adiugées aux Seigneurs haut-Justiciers, apres les proclamations solennellement faictes, comme sera dit au prochain chapitre: Toutesfois il y a grande difference entre thresors & espauces: comme il est amplement traicté par Monsieur Conan, *in capite de thesauris, & de rebus ad sporis*, cy-dessus allegué.

Quant aux arrests alleguez, les defendeurs disoient, Qu'ils estoient pluſtoſt contre le Roy, que pour le Roy: Parce que par iceux moitié des thresors trouuez, auoit cité adiugée au haut-Justicier, & non au Roy.

Outre, les defendeurs disoient, que la loy vnique *de thesauris. Cod. lib. 10.* appelloit la demande faicte par le Fisque, pour raison d'un thresor, *inuidiosam calumniam*. Et que *Diuus Adrianus naturalem equi- tatem ſectus, thesauros concessit ei qui in suo fundo inuenit*. En sorte que la demande du demandeur estoit contraire à la loy naturelle, à iustice & equité.

Quant à la denonciation que le Procureur du Roy dit, que les de- fendeurs estoient tenus faire à Iustice du Thresor par eux trouué; ils soustenoient n'y estre aucunement adſtraints. Parce que le thresor du- quel est question, n'a esté trouué, ny en lieu public, ny en lieu qui ap- partient au Roy. Partant que ledit Seigneur n'auoit aucun droit, part- ny portion audit thresor: Et son Procureur deuoit estre debouté de sa de- mande, fins & conclusions, & les defendeurs absous d'icelles.

Sur ce les parties estans appointées à escrire, informer & produire, ayans respectiuement escrit, informé & produit: Le 18. Iuillet, 1564. se- feroit

seroit ensuiuy sentence de Messieurs du Thresor : par laquelle moitié du thresor duquel est question, a esté adiugée au Roy : les defendeurs condamnés mettre és mains du Receueur ordinaire de Paris, moitié des deniers procedez de la vente des pieces d'or trouuées audit thresor. Et l'autre moitié dudit thresor a esté adiugée, tant audit Fontaine inuenteur, qu'audit Brissard propriétaire dudit quartier de vignes. Dont les defendeurs ont appellé, mesmes de l'appoinctement de contrarieté.

*Thresor, sur
le proces cy-
dessus recité.*

Et le 20. Decembre 1563. la cause fut publiquement plaidée, pour la faire vuidier à l'audience. Laquelle pour la consequence de la matiere ayant esté appoinctée au Conseil : & tant les Seigneur & Dame de Montmorency, que maistre Jacques Foin, Prieur d'Argentueil, estans interuenus en cause, & appellé de la sentence donnée au Thresor ; comme pretendus hauts Iusticiers du lieu auquel le thresor controuerfse auroit esté trouué : & par ce moyen soustenans ledit thresor leur appartenir, & non au Roy : Aussi ledit Iean Fontaine ayant obtenu requeste ciuile contre vn arrest passé par appoincté, entre P. Brissard, tant en son nom que comme soy faisant & portant fort dudit Fontaine d'une part, & Gilles Mauuallet d'autre. Sur le tout les parties estans appoinctées au Conseil, les appellans ayans fourny de griefs, & Monsieur le Procureur General du Roy, prenant la cause pour son Substitut au Thresor, de responses à iceux : toutes les parties ayans produit, baillé contredicts & saluations : Toutes les instances estans ioinctes ensemble, & en estat de iuger.

22
*Les sei-
gneurs Iusti-
ciers inter-
uenient en
cause, & pre-
tendent les
thresors
trouuez en
leurs hautes
Iustices leur
appartenir.*

Le 29. Iuillet 1570. s'est ensuiuy arrest de la Cour. Par lequel dict a esté, en faisant droict sur les appellations & instances appoinctées au Cōseil ioinctes : Que la Cour a mis les appellatiōs, & ce dōt a esté appellé au neant, sans amende & sans despens, tant de la cause principale que cause d'appel, & pour cause. En emendant & corrigeant ladite sentence, & enterinant la requeste ciuile du premier iour de Mars lors dernier passé, obtenue par ledit Fontaine : l'a remis en tel estat qu'il estoit auparauant l'arrest, ou appoinctement passé l'vniésime Iuillet 1565. entre ledit Mauuallet, appellant de ladite sentence d'une part ; & ledit Brissard, tant en son nom, que comme soy faisant & portant fort dudit Iean Fontaine intimé d'autre. Et sans y auoir esgard a adiugé vne troisiésme partie, dont les trois font le tout dudit thresor audit Fontaine inuenteur d'iceluy. Vne autre tierce partie audit Brissard, propriétaire du lieu où il auoit esté trouué. Et l'autre troisiésme partie, l'a declarée competer & appartenir au Seigneur haut Iusticier du lieu, où ledit thresor a esté trouué. Et en ayant esgard aux requestes desdits Dame & Seigneur de Montmorency, & Foin, desdits 25. Feurier, & 7. Auril, lors derniers passez : a renuoyé iceux Dame & Seigneur de Montmorency, & Foin, Prieur dudit Argentueil, pardeuant les Gens tenans les Requestes du Palais à huitaine : Pour proceder entre eux en la matiere de complaincte, mentionnée esdites requestes, touchant le droict de la haute Iustice par eux respectiuellement pretendue, en &

23
*Arrest par
lequel est de-
claré, à qui
appartiennent
les
thresors
trouuez en
France.*

sur les lieux, où ledit thresor auoit esté trouué, comme de raison. Les despens entant qu'à eux touche reseruez en diffinitive de ladite complainte: & sans despens pour le regard desdits Briffard & Fontaine. Et quant ausdits Procureur General du Roy, Mauuallet & Desmonts, les a ladite Cour mis, & met hors de cour & de proces, sans despens, dommages & interests, & pour cause.

14
Cause d'un
thresor
trouué en
ceste ville de
Paris rue
de la Hu-
chette.

Depuis cet arrest, en l'année 1580. le Procureur du Roy au Thresor estant aduertý, qu'Antoine Beuray, Maistre Maillon en ceste ville de Paris, fouillant quelques fondemens en la maison où pend pour enseigne l'Annonciation, sise en ceste ville, rue de la Huchette, appartenant à Guillaume de la Croix, auoit trouué vn thresor consistant en quatre cens cinquante trois escus couronne, qui estoient és mains dudit de la Croix: Ledit Procureur du Roy auroit fait adiourner pardeuant Messieurs du Thresor, tant ledit Beuray, pour affermer quels deniers auoient esté trouuez audit thresor, que ledit de la Croix, pour vider ses mains, tant par prouision, que diffinitiuement de ladite somme de quatre cens cinquante trois escus couronne: & icelle bailler au Receueur ordinaire de Paris, comme ledit thresor appartenant au Roy, par les moyens cy-dessus alleguez. Ce qu'estant empesché par ledit Beuray & de la Croix, les parties ayans respectiuement escrit & produit.

25
Sentence de
Messieurs
du Thresor,
pour le thre-
sor trouué en
la rue de la
Huchette.

Le 30. Mars 1580. s'est ensuiuie sentence de Messieurs du Thresor: Par laquelle, tant par prouision, en baillant respectiuement par lesdits de la Croix & Beuray caution, que diffinitiuement les cautions deschargées, a esté ordonné, Que de ladite somme de quatre cens cinquante trois escus couronne, dont estoit question au proces, sera baillé & mis és mains du Roy, ou de son Receueur ordinaire de Paris, le tiers, montant à la somme de cent cinquante & vn escus couronne. Et audit Beuray inuenteur dudit thresor, sera aussi baillé pareille somme de cent cinquante & vn escus couronne. Et l'autre tiers montant pareille somme, sera & demeurera és mains dudit de la Croix, comme propriétaire de la maison de l'Annonciation, sise rue de la Huchette. Lesquelles sommes furent respectiuement adiugées aux parties, pour leur droict pretendu audit thresor trouué, & à ce faire, & vider les mains desdits deux tiers d'icelle somme de quatre cens cinquante trois escus couronne, ledit de la Croix auroit esté condamné: & ordonné qu'il y sera contraint par toutes voyes deuës & raisonnables. Sauf respectiuement aux parties, de pouoir informer & verifier dedans vn mois, qu'il y auoit plus grande quantité de deniers audit thresor trouué que ladite somme de 453. escus couronne: pour ce faict, la verification rapportée par deuers Messieurs du Thresor, ordonner ce que de raison. Et sans despens d'entre lesdits de la Croix & Beuray.

26
Plaidoyé.
Et arrest
d'un thre-
sor trouué
en l'Abbaye
de Soissons.

Auparauant l'arrest & sentence cy-dessus recitez, le 17. Decembre 1555. fut plaidée en la Cour vne cause: Entre vn nommé la Haye, Maillon, lequel fouillant les fondemens d'un vieil bastiment de l'Abbaye de Soissons, auoit trouué vn pot de plomb, dedans lequel estoient quatre ou cinq cens pieces d'or, à la marque d'un Mouton: & autres anciennes pieces d'or. De ce, le Procureur du Roy au Thresor estant aduertý, il auoit

faict adiourner ledit la Haye, à ce qu'il fust condamné vuidier ses mains desdites pieces d'or; & icelles bailler au Receueur ordinaire de Paris: comme estant vn thresor fortuitement trouué, lequel appartenoit au Roy. Et ledit la Haye par defauts & contumaces ayant esté condamné suyuant les conclusions du Procureur du Roy au Thresor; Il auroit appellé en la Cour de la sentence contre luy donnée. Pareillement les Religieuses, Abbessé & Conuent de Soissons, qui auoient receu dudit la Haye lesdites pieces d'or, auroient appellé de ladite sentence: & soustenu que lesdites pieces d'or leur appartenoint: comme le thresor ayant esté trouué en leur fonds, & au dedans de leur heritage. Et ce suyuant la disposition du droit commun cy-deuant recitée.

Au contraire, Monsieur le Procureur General du Roy, prenant la cause pour son Substitut au Thresor, ayant soustenu que le thresor duquel estoit question appartenoit au Roy: non seulement suyuant les ordonnances & arreſts cy-deuant alleguez; mais aussi suyuant la disposition de droit commun, *in l. 3. §. finali. ff. de iure fisci: qui porte, que si in locis fiscalibus, vel publicis, religiosisque, aut in monumentis thesauri reperti fuerint, Diui fratres constituerunt, ut media pars ex his fisco vendicarentur.* Tellemēt que le thresor duquel est questio ayāt esté trouué *in loco sacro & religioso*, il appartenoit au Roy. Les parties amplemēt oüyes, furent appoinctées au Conseil: cependant ordonné que l'exectiō de la sentēce donnée par Messieurs du Thresor surserroit.

27
Moyens de
Monsieur le
Procureur
general du
Roy, pour
monſtrer que
le thresor
appartient
au Roy,

Et pour entōdre à qui appartiennent les thresors trouuez es lieux saincts & sacrez; & ſçauoir, *si thesauri reperti in locis sacris vel religiosis, qui in nullius bonis sunt, media pars ad fiscū pertineat: iuxta cōstitutionem Di. nonū fratrum, in dictal. 3. ff. de iure fisci: An verò thesaurus in locis sacris vel religiosis inuentus, totus sit inuentoris, iuxta edictū diui Adriani, in §. thesauros. de rerū diuisione, in Instit. videndus est dominus Conanus, in Commentariis luvius Civilis, lib. 3. cap. de thesauris & rebus adespotis. Vbi interpretatur & conciliat dictam legem tertiam, cum dicto §. Thesauros.*

28
A qui ap-
partiennent
les thresors
trouuez es
lieux saincts
& sacrez.

Il est dōcques certain, Que d'un thresor trouué en l'heritage d'autrui, vn tiers partiēt au propriétaire de l'heritage; vn tiers à l'inuēteur; & l'autre tiers au Seigneur haut Iusticier du lieu auquel il a esté trouué. Mais quād vn thresor est trouué en l'heritage sien: c'est à dire que le propriétaire d'un heritage, trouue en sō heritage vn thresor caché d'anciēneté, & de tēps immemorial, moitié d'iceluy partiēt au propriétaire, & l'autre moitié au Seigneur haut Iusticier du lieu: Cōme il est porté par le 10. des artic. aduisez lors de la redactiō de la nouvelle Coustume de Paris, trās crits au 2. ch. du presēt Traicté. Si le thresor est trouué en grād chemin & lieu public; le Roy soustiēdra, que moitié luy en partiēt, cōme to^r grāds chemins appartenās à sa Majesté: ou biē le Seigneur haut Iusticier vēdiquera ladite moitié, s'il a droit de Voirie: cōme no^r auōs mōſtré au chap. precedēt: & l'autre moitié du thresor trouué en grād chemin & lieu public, partiēdra à l'inuenteur d'iceluy. Si le thresor est trouué en lieu sainct & sacré,

29
Resolūtion
qui appar-
tiennent les
thresors
trouuez en
France.

mesmes en vne Eglise; moitié en appartiendra à l'Eglise, l'autre moitié à l'inventeur: *secundum Christophorum Porcum in §. Thesaurus. de rer. diuis. in Instit. & Syluestrum Aldobrandinum in dicto loco.* Et le seigneur haut Iusticier n'y aura aucune part. D'autant qu'à cause de sa haute Iustice, il n'a aucun droict és Eglises, ny és lieux saints & sacrez, estans au dedans des fins & limites de sa haute Iustice: comme nous auons monstté au 20. chapitre du present Traicté; lequel il conuient voir.

PAR LA COVSTUME DE PARIS LES ESPAVES
appartiennent au Seigneur haut Iusticier; & non au moyen,
ny au bas Iusticier.

- | | |
|---|--|
| <p>1 A qui appartiennent les Espaves.</p> <p>2 Ce mot (Espave) que signifie.</p> <p>3 Recit du proces meupour Espaves, entre le haut Iusticier, & le moyen Iusticier.</p> <p>4 Moyens du haut Iusticier, pour monstter que l'Espave luy appartient.</p> <p>5 Defenses du moyen Iusticier, pour monstter, que les Espaves luy appartiennent.</p> <p>6 Difference entre Espaves & Biens vacans.</p> <p>7 Difference entre thresors trouuez & Espaves.</p> | <p>8 Repliques du seigneur haut Iusticier.</p> <p>9 Sentence des Requestes du Palais, par laquelle l'Espave est adiugée au haut Iusticier.</p> <p>10 Arrest confirmatif de la sentence dessusdicté.</p> <p>11 Les Espaves appartiennent au haut Iusticier, priuatiuement au moyen, ou bas Iusticier.</p> <p>12 Quelles proclamations se doivent faire des Espaves.</p> <p>13 Auteurs qui ont traicté des Espaves.</p> <p>14 Le haut Iusticier tenu nourrir les enfans trouuez & exposez.</p> |
|---|--|

CHAPITRE XXXIII.

1
A qui appartiennent les Espaves.



2
Ce mot d'Espave que signifie.

Ma esté déclaré au chapitre precedent, à qui appartiennent les thresors fortuitement trouuez en France. Mais on a doubté, mesmes en la Preuosté & Vicomté de Paris, à qui appartiennent les Espaves, qui sont trouuées en quelque ville, village, ou bien és champs: & si elles doivent estre adiugées au Seigneur haut Iusticier; ou bien au moyen ou bas Iusticier. Car il est certain par l'vsance de France, que le seigneur Feodal, ny le propriétaire del'heritage dedans lequel l'Espave est trouué, n'ont aucun droict en l'Espave. Et conuient entendre que nous appellons Espaves bestes esgarées, & autres choses trouuées, qui ne sont aduoiées par aucun, & on ne sçait à qui elles appartiennent. *Qua nullum dominum, nec ullum assertorem habent: & huiusmodi res quarum dominus ignoratur, & que dominis carent, à quibusdam Adepota & Hermea vocantur*, comme il est amplement traicté par Monsieur Conan, in *Commentariis Iuris Civilis, libro tertio, cap. de Thesauris, & rebus Adepositis*: & par autres au.

cheurs denominez à la fin du present chapitre.

La question cy-dessus proposée a esté agitée pardeuant Messieurs des Requestes du Palais, Entre frere Hierosme Chambellan, Prieur de saint Denys de Lestree, & seigneur d'Arcueil, demãdeur d'une part: & maistre ³ Jean Veuillard, Conseiller du Roy, & Auditeur en sa Chambre des Cõ- *Recit du proces mess pour Espaues, entre le haut Iusticier, & le moyen Iusticier.* ptes, seigneur du Fief de saint Eloy, assis audit Arcueil, defendeur d'autre. Le fait estoit, que le Samedy veille de Pentecoste 1577. ayãt esté trouué vn cheual esgaré, garny de sa selle & bride, au dedãs du Fief S. Eloy, appartenant au defendeur: Lequel estant prins & saisi par les officiers du defendeur, ils l'auoient vendu à Jean Riuiere, Marechal demeurãt à Ville-Iuifue. De quoy le demãdeur aduerty, il auoit en vertu d'une requeste respondue du Preuost de Paris, fait saisir & arrester ledit cheual: & fait adiouner ledit Riuiere, à ce qu'il fust condãné bailler, rendre & deliurer au demandeur ledit cheual, comme à luy appartenant. Le defendeur ayant pris la cause pour ledit Riuiere & ses officiers: soustenu que ledit cheual luy appartenoit, & que iustement il auoit receu les deniers procedez de la vente d'iceluy: la cause estant renuoyée par deuant Messieurs des Requestes du Palais, & les parties appointées contraires, à escrire, informer & produire.

Le demandeur pour les moyens de sa demande disoit: Qu'il estoit seul seigneur haut Iusticier du village & terroir d'Arcueil: qu'au seigneur haut ⁴ Iusticier appartenoient les Desherences & Biens vacans, comme il auoit *Moyens du haut Iusticier pour mōstrer que l'Espaue luy appartient.* esté monstřé au 21. chapitre du present Traicté. Pareillement appartenoient au haut Iusticier, les thresors fortuitement trouuez au dedans de la haute Iustice: comme il a esté deduit au chapitre precedent: Que par identitė de raison, les Espaues deuoient appartenir au seigneur haut Iusticier: Que le defendeur en son Fief de saint Eloy, n'auoit aucun droit de haute Iustice, ny exercice d'icelle: Qu'en tout euenement le defendeur ne pouuoit auoir que moyenne & basse Iustice au dedans de son Fief, par le moyen de laquelle il ne pouuoit pretendre les Espaues, ny par consequent le cheual duquel estoit question, qui estoit vne vraye Espaue. Partant le demandeur concludoit à ce que ledit cheual luy fust adiugé, cõme seigneur haut Iusticier d'Arcueil. Defenses au defendeur de soy dire, nommer & qualifier seigneur haut Iusticier d'Arcueil, ny de partie & portion d'iceluy, aussi de pretendre & arrester les Espaues qui seroient cy apres trouuées au dedans de la terre & seigneurie d'Arcueil: & soit condanné en tous despens, dommages & interests.

Le defendeur pour empescher les conclusions du demandeur, soustenoit qu'il estoit vray seigneur, propriétaire & possesseur du Fief de S. Eloy ⁵ assis à Arcueil, lequel il auoit acquis des Doyen, Chanoines & Chapitre *Defenses du moyen Iusticier pour mōstrer que les Espaues luy appartiennent.* de l'Eglise de Paris, le siege Episcopal vacant. Que ledit Fief anciennement auoit appartenu aux Prieurs de S. Eloy de Paris, lesquels audit Fief auoient toute Iustice, haute, moyenne & basse: pour l'exercice d'icelle auoient de tout temps & anciennetė eu, comme le defendeur à present auoit, Preuost, Procureur Fiscal, Greffier & Sergens, lieu certain pour tenir les plaids, avec prisons pour mettre les prisonniers. Que des droits

de Iustice, tant haute, moyenne que basse, ses predecesseurs & luy auoiēt iouy de tout temps & ancienneté, paisiblement, publiquement & continuellement. Que le Fief de S. Eloy appartenant au defendeur, estoit tenu en foy & hommage de Monsieur l'Euesque de Paris, à cause du Priou- ré de S. Eloy, vny à l'Euesché de Paris. Ne recognoissoit aucunement le demandeur, lequel n'auoit que voir ny que rechercher en son Fief. Et supposé que le defendeur n'eust en son Fief de saint Eloy, que Iustice moyenne & basse, laquelle on ne luy pouuoit desnier: toutefois les Espau- es luy appartiendroient, comme ils appartiennent à tous moyens Iusti- ciers, quand elles sont trouuées en leur Fief & iurisdiction: ainsi qu'il est porté par la nouvelle Coustume de Touraine, au tiltre d'Espaues mobi- liaires: & non à celuy auquel appartient la haute Iustice. L'exercice de laquelle consiste principalement en la correction des malefices, crimes & delicts, & *ideò gladij potestatem habere dicitur.*

6
Différence
entre Espa-
ue & Biens
vacans.

Et combien qu'à la verité les Desherences, & Biens vacans appartiennent au haut Iusticier: Toutesfois cela ne se peut adapter aux Espaues: d'autant que les biens vacans ordinairement sont heritages & immeu- bles, ou bien vniuersité des meubles qui sont equiparez à immeubles: de- laissez par celuy qui est decedé sans heritiers habiles à aucunement luy succeder, d'un costé & d'autre: Desquels est parlé au 167. article de la nouvelle Coustume de Paris. Et les Espaues sont simples meubles, com- me bestes esgarées, qui ne sont aduouées par aucun seigneur: ainsi qu'il est porté par le 3. article de la Coustume de Vermandois: & le 143. arti- cle de la nouvelle Coustume de Rheims. Aussi il y a grande difference entre thresors fortuitement descouverts, & Espaues trouuées, en sorte qu'on ne peut iustement inferer de l'un à l'autre: Comme Monsieur Co- nan a amplement monsté au chapitre cy dessus cité. Partant le defen- deur soustenoit que le cheual contentieux, comme Espaue, auoit esté bien saisi & arresté par ses officiers: que les deniers prouenant de la vente du- dit cheual, luy deuoient demeurer. Et le demandeur debouté de ses de- mandes, fins & conclusions: avec condamnation de despens de l'instan- ce, dommages & interests.

7
Difference
entre thresors
trouuez &
Espaues.

Le demandeur pour repliques diroit: Qu'il estoit certain que la Iustice n'auoit rien de commun avec la Feodalité. Et combien que le Fief de S. Eloy appartenant au defendeur, ne fust mouuant, ne tenu en foy & hommage du demandeur: Toutesfois on ne pouuoit pas inferer, que la haute Iustice dudit Fief n'appartinist au demãdeur: cōme il a esté monsté au 4. chapitre du present Traicté. Quant à la Coustume alleguée par le defendeur, elle estoit contraire à la commune vsance & obseruance de France, estoit locale, & ne pouuoit auoir lieu qu'au dedans du Duché de Touraine, & non en la Preuosté & Vicomté de Paris. Que le de- fendeur mettant en auant, qu'il auoit droict de haute Iustice, en son Fief de S. Eloy, estoit en mauuaise foy: Parce que son defunct pere, le 16. Feurier 1569. auoit acquis ledit Fief, des Doyen, Chanoines & Chapitre del'Eglise de Paris, le siege Episcopal lors vacant. Et l'ac- quisition porte, que ledit Fief consiste en Iustice moyenne & basse,

8
Repliques
du seigneur
haut Iusti-
cier.

rente-deux sols parisis de cens ou environ, & quelques rentes foncières. Aussi dès l'an 1563. le pere du defendeur auoit, comme plus offrant & dernier encherisseur, acquis au Chastelet de Paris, le Fief appartenant audit demandeur, assis à Arcueil. Et l'acquisition par luy faicte dudit Fief, porte qu'il consiste en haute Iustice, moyenne, & basse, vingt-cinq liures des Censives, & autres droicts. Depuis ledit Fief fut retiré du pere du defendeur, par les Ecclesiastiques. En sorte que le demandeur pourroit iustement desnier, que le defendeur eust aucun droict de Iustice en son Fief: quoy que ce soit, le defendeur ne peut iustement pretendre la haute Iustice dudit Fief de S. Eloy. Et ne sera prouué que ledit defendeur ou ses predecesseurs seigneurs dudit Fief, ayent cy-deuant fait aucuns actes de hauts Iusticiers.

Finalemēt apres longues procedures & enquestes faictes d'une part & d'autre: par sentēce desdits seigneurs des Requestes du 12. May 1579. le cheual mentionné au proces, a esté déclaré comme Espauē appartenir au demandeur, comme seigneur haut Iusticier d'Arcueil. En ce faisant le defendeur condamné rendre & restituer au demandeur ledit cheual. Et defences faictes au defendeur de soy dire, porter ou nommer seigneur haut Iusticier d'Arcueil, ny partie d'iceluy: Ensemble de prendre & arrester les Espauēs qui seront cy apres trouuées au dedans de ladite terre & seigneurie d'Arcueil: sur peine de tous despens, dommages & interets: Et le defendeur condamné es despens.

De ceste sentence, tant le defendeur, que Messire Pierre de Gondy Euesque de Paris, qui estoit interuenu en cause, & s'estoit joint avec le defendeur, ayant appellé en la Cour: par arrest du 2. Ianuier 1580. fut dict, auoir esté bien iugé, mal & sans grief appellé par les appellans: & lesdits appellans condamnēz en vne amende seulement: enlēble es despens de la cause d'appel.

En sorte qu'il est certain, que les Espauēs appartiennent au haut Iusticier, & non au moyen ou bas Iusticier. Et ainli fut aduisé lors de la redaction de la nouuelle Coustume de Paris: comme il est porté par le 7. des articles concernans les droicts de Iustice, de lors redigez par escrit, transcripts au 2. chap. du present Traicté.

Quelles proclamations & solemnitez sont requises, auparauant que les Espauēs soient déclarées appartenir au seigneur haut Iusticier: aussi que celui qui les a trouuées est tenu les denoncer & nouifier à Iustice: est amplement deduit & déclaré par les 8. & 9. articles transcripts audit 2. chap.

Qui voudra amplement cognoistre la nature, qualité, & effect des Espauēs, & à qui elles appartiennēt, tant par la disposition de droict Civil, que par les Coustumes locales de France: est besoin voir *legem terram*, §. *Nervæ*, & §. *item feras*. & *ibi Doctores ff. de acqu. possess. §. apud verfic. examen*. & *ibi Ioan. Fabrum instit. de ver. diuis. Masuerum in §. item bona vacantia tit. de iudicibus*, & *eorum iurisdic. Benedictum in cap. Raynuitius in verbis*, & *uxorem nomine delasiam, num. 922. & sequ. de testament. Cassanum in Consuetu. Burgundia*, §. 1. tit. des Iustices. Les Coustumes de

9
Sentence
des Reque-
stes du Pa-
lais, par la-
quelle l'Espa-
ne est adiu-
gée au haut
Iusticier.

10
Arrest con-
firmatif de
la sentence
d'icelle.

11
Les Espauēs
appartien-
nēt au haut
Iusticier,
prinatiue-
ment au
moyen ou
bas Iusticier.

12
Quelles pro-
clamations se
doient fai-
re des Espa-
ues.

13
Auteurs
qui ont tri-
té des Espa-
ues.

Meleun és articles 7. 8. & 9. De Meaux, articles 204. & 205. De Sens, articles 9. 10. & 11. De Dunois, articles 54. 55. & 56. & plusieurs autres Coustumes, à ce que dessus expresse.

14
Le haut Iusticier tenu de nourrir les enfans trouuez & exposez.

Il sera icy incidemment noté, que tout ainsi que les Espaves, qui sont choses sans aduen & sans seigneur, appartiennent au seigneur haut Iusticier: aussi les enfans trouuez & exposez, doiuent estre nourris aux despens du seigneur haut Iusticier, en la Iustice duquel ils sont trouuez: ainsi qu'il est obserué en la ville de Paris, en laquelle tant le Roy que tous les hauts Iusticiers contribuent pour la nourriture & entretenement des enfans trouuez & exposez. De fait, suiuant ce que dessus, vn enfant ayant esté exposé & trouué dedans vn village, & porté à la Damoiselle haute Iusticiere du lieu, depuis baillé à vne nourrice: les Marguilliers de la paroisse du village furent adiournez à la requeste de la nourrice, pour luy payer la nourriture de cest enfant: lesquels sommerent la poursuite aux gouuerneurs de l'hospital dudit village, afin de les acquitter de la poursuite contr'eux faicte, & payer la nourriture dudit enfant. Dont ils furent absous, & les Marguilliers condamnez és despens. De ceste sentence les Marguilliers ayans interietté appel, & la cause estant plaidée: Messieurs les Gens du Roy requièrent que la Dame haute Iusticiere fust appelée en la Cour, pour se voir condamner à payer la nourriture dudit enfant: & cependant que les habitans, qui auoient encommencé à payer ladite nourriture, fussent condamnez continuer le payement d'icelle, sauf leur recours contre ladite Dame. Ce qui fut ordonné par arrest donné à l'audience le Mardy 5. Iuillet 1594.

LES SEIGNEURS IUSTICIERS OV FEODAVX
ont droict de Chasse en leurs terres & seigneuries. Et peuuent bastir
Chasteaux & forteresses en leurs Fiefs: Sans permission de
leurs seigneurs dominans.

- | | |
|--|---|
| <p>1 Questions traictées au present chapitre.</p> <p>2 Recit d'un proces pour raison du droict de chasse: entre le haut Iusticier, & le moyen & bas Iusticier.</p> <p>3 Forme de concludre pour le droict de Chasse.</p> <p>4 Moyens du demandeur & complaignant, pour le droict de Chasse.</p> <p>5 Qu'il est permis pour suiure & prendre la beste sauvage leuée en son Fief, dedans l'heritage d'autrui: & pourquoy.</p> <p>6 Moyens du haut Iusticier, pour monstrer que le droict de Chasse luy</p> | <p>appartient, & non à autre.</p> <p>7 Possessions qu'il faut alleguer, pour droict negatif de Chasse.</p> <p>8 Demande du seigneur dominant, à ce que le vassal soit tenu abbatre les forteresses faictes en son Fief.</p> <p>9 Moyens du vassal qu'il luy est permis bastir chasteaux & forteresses en son Fief, sans permission de son seigneur dominant.</p> <p>10 Sentence de Messieurs des Requestes du Palais, sur le proces cy-dessus recité.</p> <p>11 Arrest interuenu sur ladite sentence.</p> |
|--|---|

12 Le vassal est tenu bailler son ad-
ueu & denombrement en parche-
min, passé pardeuant Notaires.

13 Recit d'un autre proces, pour rai-
son du droict de Chasse.

14 Arrest pour le droict de Chasse.

CHAPITRE XXXIV.



Ly a cy deuant eu, & y a encores à present plusieurs pro-
ces, differends, debats & querelles entre les seigneurs Iu-
sticiers & Feodaux, Gentils-hommes & autres person-
nes, pour raison du droict de Chasse. Et plusieurs fois on a
reuoqué en doute, Si le droict de Chasse estoit permis,

Questions
trais. tees au
present cha-
pitre.

non seulemēt au seigneur haut Iusticier: mais au moyen ou bas Iusticier.
Pareillemēt si le seigneur Feodal qui n'a aucune Iustice, peut chasser au
dedans des terres de son Fief, sans congé & permission du seigneur Iu-
sticier: Mesme si le droict de Chasse estoit permis à tous Gentils-hom-
mes, voire à toutes personnes. Dauantage on a demandé: Si le vassal
peut bastir chasteau, faire fossēz & forteresses en son Fief, sans congé,
permission & licence de son seigneur dominant, & haut Iusticier.

Ces deux questions ont esté agitées pardeuant Messieurs des Reque-
stes du Palais: Entre Maistre Iean Matthieu, Conseiller du Roy en son
Grand Conseil, demandeur & complaignant en cas de saisine & de nou-
uelleté, pour raison du droict de Chasse, & defendeur d'une part: Et Da-
me Louise Dorgemont veufue de feu Messire Louis du Broullard, viuāt
Cheualier, Gentil-homme ordinaire de la Chambre du Roy, tant en
son nom, que comme ayant la garde noble des enfans mineurs d'ans
dudit defunct & d'elle, defenderesse & opposante audit cas de saisine &
de nouuelleté, & demanderesse d'autre. Le faict du proces estoit: Que le
demandeur estant seigneur de Villeuauzé à cause de Damoiselle Iustine
Huguenin diète le Duc sa femme, pretendoit audit lieu auoir moyenne
& basse Iustice: & comme seigneur Feodal soustenoit auoir droict de
Chasse, au dedans de son Fief, terre & seigneurie. Estant le demandeur
à la Chasse, sur les terres dependantes de son Fief: il auroit esté troublé
& empesché par la defenderesse: quoy que ce soit, par ses gens: Lesquels
de faict & de force auroient prins & emmené deux leuriers appartenans
au demandeur, & iceux retenus. Pour raison de ce trouble le demandeur
auroit formé complainte contre la defenderesse, pardeuant Messieurs
des Requestes du Palais: Et contre elle conclud, à ce qu'il fust maintenu
& gardé en possession & saisine de chasser & faire chasser en & au de-
dans de son Fief, terre & seigneurie de Villeuauzé: la defenderesse con-
damnée luy rendre & restituer ses deux leuriers, & en tous despens,
dommages & interets.

2
Recit d'un
proces pour
raison du
droict de
Chasse entre
le haut Iu-
sticier & le
moyen &
bas Iusti-
cier.

3
Forme de
conclure
pour le droit
de Chasse.

4
Moyens du
demandeur
& complai-
gnant pour
le droit de
Chasse.

Le demandeur pour ses moyens disoit, Que par le droict des gens fera
bestia sunt primi occupantis. Que omnia animalia, quæ terra, mari, calo capiun-
tur, id est fera bestia, volucres, pisces, capientium sunt: & quod nullius est, na-
turali ratione occupanti conceditur; nec interest, quod ad feras bestias & volu-

eres attinet, utrum in suo fundo aliquis capiat, an in alieno : comme dient les loix premiere, seconde, & tierce, ff. de acqui. rer. domi. §. *fera igitur bestia*. Insti. de rer. diui. Aussi disoit, combien que par la dispositiō du droict, *qui alienum fundum ingreditur venandi aucupandi ve gratia, possit à domino, si is prauiderit, iure prohiberi ne ingrediatur. l. lex Cornelia. l. iniuriarum. §. Et sapissimè rescriptum. §. de iniuriis. l. diuus. ff. de seruit. rustic. præd.* Toutesfois que ceste disposition de droict, n'estoit receuë en France pour le regard de la Chasse. Et que par l'vsance du Royaume, il estoit permis au seigneur Iusticier ou Feodal, non seulement chasser dedans son Fief, terre & seigneurie: mais de poursuiure & prendre la beste sauua- ge leuée au dedans de son Fief, terre & seigneurie; il n'y auroit pas grand exercice, plaisir ne delectation au faict de la Chasse: Parce que les Fiefs, terres & seigneuries sont souuent de petite estenduë. Tellement que *utilitas communis suasisit, ut mutuan hanc alieni fundi ingrediendi licentiam sibi inuicē vicini concederent, sine qua uniuersa venandi ratio nullum exitum habere posset: omnisque eiusdem voluptas, delectatio, & fructus hominibus à se inuicē aquali obstinatione & pertinacia adimeretur.* Partant estoit raisonnable que *vicini in vicini agrum, venandi gratia & persequenda fera occasione ingrederetur.* Soustenoit que par l'vsance & commune obseruance du Royaume de France, il estoit permis, non seulement aux seigneurs Iusticiers ou Feodaux, chasser au dedans de leurs terres & seigneuries: mais estoit permis à tous Gentils-hommes & personnes issus de noble race, chasser en & sur leurs heritages: encores qu'ils n'eussent Iustices ny Fiefs: combien qu'il fust prohibé aux roturiers d'aucunement chasser. Maintenoit estre en possession paisible & publique de chasser en son Fief, terre & seigneurie de Villeaudé, non seulement par les derniers an & iour immédiatement precedens le trouble duquel est question: mais estoit en possession immemorale du droict de Chasse. Et alleguoit plusieurs autres moyens, qui sont amplement deduits per Doctores l. Diuus. ff. de seruit. rustic. præd. Capolam in tractatu de seruitut. rustic. præd. capite de Aucupatione: Boerium in Consuetud. Biturigum, titulo, des Coustumes Prediales, article cinquiesme: Guillelmum Benedictum in repetitione capitis. Raynutium, de testamentis, in verbis, uxorem nomine Adelasiam, decisione quinta. col. 336. 337. & sequent. & per dominum Sudorium disputationum civilium lib. 1. capite Disputatio de iure venationis in Gallia. Lesquels auteurs chacun peut voir.

La defenderesse pour defenses disoit: Qu'elle estoit Dame de la Baronnie de Monjay, de laquelle le Fief de Villeaudé est mouuant & tenu en plein Fief, foy & hommage. Qu'en toute la Baronnie de Monjay, mesmes au village, terre & seigneurie de Villeaudé, elle a droict de toute Iustice haute, moyenne, & basse: en tout euenement que le demandeur n'auoit Iustice que iusques à soixante sols parisis. Que le droict de Chasse estoit droict de haute Iustice: Et tout ainsi que les Espaes, Biens vacans, hereditez iacentes, & choses qui ne sont aduouiées par aucun, &

Qu'il n'est permis pour
suiure &
prendre la
beste sauua-
ge leuée en
son fief de
dans l'heri-
tage d'au-
truy, &
pourquoy.

Moyens du
haut Iusti-
cier pour
monstrer que
quele droict
de Chasse
luy appar-
tient, & non
à autre.

que in nullius bonis sunt, appartiennent au seigneur haut Iusticier, en la haute Iustice duquel elles sont ou situées ou trouuées: Pareillement la defenderesse soustenoit que les bestes sauuages, *que in nullius bonis sunt*, lesquelles sont trouuées au dedans du destroit de sa haute Iustice & Baronnie, luy appartiennent, & n'est loisible à aucun de les prendre, ny chasser à icelles, sans le congé, permission, & licence de la defenderesse. Disoit que ses predecesseurs auoient anciennement baillé aux predecesseurs du defendeur le Fief, terre & seigneurie de Villeuauaté, pour prendre & perceuoir les fructs, profits & emolumens d'iceluy. Que *certum ac definitum est in iure: Venationem fructum fundi non esse, nisi totius fundi redditus in sola venatione consistat. l. venationem. ff. de usur.* P'attant le demandeur ne pouuoit pretendre droit de Chasse en son Fief, comme ne luy ayant esté concedé ny transferé, lors de l'inuestiture de son Fief. Soustenoit estre en possession & saisine de defendre, 'prohiber & empescher le demandeur, ses gens & seruiteurs, de chasser à chiens courans, leuriers, ne à aucuns engins, au dedans de la terre, seigneurie & Baronnie de Monjay, Fiefs, & arrierefiefs dependans d'icelle, sans le congé, licence & permission de la defenderesse: En possession & saisine de prendre ou faire prendre & emmener les chiens, oyseaux, filets, & autres engins, seruans au faict de la Chasse, trouuez en ladite Baronnie: Fiefs & arrierefiefs d'icelle: mesmes en possession & saisine de prohiber & empescher le demandeur, ses gens & seruiteurs, de chasser en & au dedans du Fief, terre, & seigneurie de Villeuauaté, tenuë & mouuante en plein Fief de la Baronnie de Monjay: En possession & saisine de faire reparer & remettre tout trouble & empeschement y mis & apposé en son premier estat & deu. Alleguoit la loy vniue, de *venatione ferarum*, C. li. ii. la loy seconde, de *pascuis publicis & priuatis*. C. eodem libro, le paragraphe, *nemo retia. de pace tenenda & eius violatoribus, in vrb. scud. Chassanum in Consuetu. Burgundia, titulo des forests, pasturages & riuieres. §. septimo.* Ensemble les Ordonnances faictes par les Rois de France sur le faict de la Chasse: mesme par le Roy François I. en l'an 1516. Concluoit afin d'absolution des conclusions du demandeur: & estre maintenue & gardée es possessions par elle basties; avec condānation de dōmages & intersts & despens de l'instance.

7
Possession
qu'il faut
alleguer
pour droit
negatif de
Chasse.

Au surplus, la defenderesse par le moyen de ses defenses, s'estoit constituée demanderesse: à ce que le demandeur fust condāné abatre & demolir les tours, tournelles, carneaux, barbacannes, canonnières, pont-leuis, & autres forteresses, que le demandeur & ses predecesseurs auoient fait bastir & edifier audit Fief de Villeuauaté, faire le tout razer, & combler les fossez faicts à l'entour de l'hostel seigneurial dudit Villeuauaté, restablir & remettre les lieux en leur premier estat & forme ancienne. Et pour auoir par le demandeur & ses predecesseurs, entrepris de faire lesdits bastimens & forteresses au desceu de la defenderesse & ses predecesseurs, seigneurs hauts Iusticiers & dominans, quoy que ce soit, sans leur congé & permission: le demandeur soit declaré encouru en crime de Felonie, avec confiscation dudit Fief de Villeuauaté: A tout le moins condamné en deux mille liures parisis de reparation, ou telle

8
Demande du
seigneur dominant à ce
que le vassal soit tenu
abatre les
forteresses
faictes en
son fief.

autre somme que de raison, & es despens des instances.

9
Moyens du
vassal, qu'il
luy est per-
mis bastir
chasteau &
forteresses
en son fief,
sans permis-
sion de son
seigneur
dominant.

Pour defences à ceste demande incidemment faicte, ledit Matthieu di-
soit: Qu'il n'y auoit loy, ordonnance ny Coustume, par laquelle il soit
defendu à vn vassal d'embellir & decorer son Fief. Alleguoit la liberté,
que *quisque in suo edificare potest, & facere quod sibi prodest, & nemini nocet.*
Mesmes qu'il y auoit constitution des Empereurs *in l. provincias. C. de*
edific. priuat. par laquelle il estoit permis à chacun faire clore de murs sa
maison & lieu auquel il habite. Aussi par la disposition de droict, *Cuilibet*
licitum erat facere edificium, etiam si sit castrum, fortalitium, aut ciuitas, cum
edificia sint de iure gentium, cōme dit Chassanaus es Coustumes de Bour-
gongne, *in loco supra citato. §. ultimo.* & allegue la loy *quicunque de fundis*
limitrophis. C. lib. II. la loy *hoc iure. de iusti. & iur.* & autres loix. Dauantage,
le demandeur disoit, qu'en cet endroit la defenderesse *contra proprium*
commodum certabat. Et cognoissoit-on que de sa part il y auoit vne mau-
uaise volonté: D'autant que la maison seigneuriale du demandeur estāt
ample & somptueusement bastie, s'il aduient qu'il y ayt ouuerture du Fief
de Villeuauaté, par mort, eschange, vendition ou autre alienation, la de-
fenderesse ou ses successeurs en receuront plus grands droicts & profits.

10
Sentence de
Messieurs
des Reque-
stes du Pa-
lais, sur le
proces dessus
recité.

Finallement par sentence des Requestes du Palais du 23. Aoust 1565. le
demandeur a esté déclaré non receuable en sa cōplainte formée pour le
droict de Chasse. Et quant à l'instance faicte par la defenderesse, pour
raison des demolitions par elle pretenduës, le demandeur a esté absous
des fins, requestes & conclusions contre luy prinſes par la defenderesse.
A la charge toutesfois que le demandeur, ses gens, & gardes de sa maison
seront tenus de faire ouuerture de ses maison & chasteau de Villeuauaté,
aux officiers de Monjay, pour l'exercice de leurs offices au faict de la
haute Iustice dudit lieu. Et les despens des deux instances ont esté com-
penſez.

11
Arrest inter-
uenu sur la-
dite senten-
ce.

De ceste sentence ledit Maistre Jean Matthieu ayant appellé: le 23.
Decembre 1566. a esté donné & solemnellement prononcé arrest: Par
lequel la Cour a mis l'appellation & sentence de laquelle estoit appellé
au neant, sans despens de la cause d'appel. En emendant & corrigeant
ladite sentence, & faisant droict sur la premiere cause pour raison de la
Chasse, & incident ioinct à icelle: Sans soy arrester à la requeste de la de-
fenderesse & intimée, pour le regard des faicts dont le demandeur & ap-
pellant auoit requis le reiect: A maintenu & gardé l'appellant, en pos-
session & saisins de chasser & faire chasser, en & au dedans son Fief, ter-
re & seigneurie de Villeuauaté, appartenances & dependances, sans qu'il
soit tenu en demander congé ny permission à l'intimée esdits noms. Et
a condamné l'intimée rendre & restituer à l'appellant les deux leuriers
par elle ou ses gens prins & emmenez, si rendus n'ont esté. Et entant que
touche la deuxiesme cause pour raison des demolitions & forteresse; la
Cour a absous l'appellant des fins, requestes & conclusions contre luy
prinſes par l'intimée esdits noms. Sans preiudice à elle de sa haute Iu-
stice, & de l'exercice d'icelle, en & au dedans ledit Fief, terre & seigneurie
de Villeuauaté, toutes fois & quantes que besoin en sera: suiuant la Cou-

stume de la Preuosté & Vicomté de Paris. Et pour le regard de la troisieme cause qui estoit, quel'appellant auoit baillé son adueu & denombrement en papier, signé de luy, ainsi qu'anciennement on auoit accoustumé faire: La Cour a condamné l'appellant bailler à l'intimée esdits noms dedans quinzaine, autant de l'adueu & denombrement par luy cy-deuant baillé en papier, escript en parchemin, passé pardeuant Notaires. En ce faisant a dès à présent comme deslors, fait main-leuée à l'appellant dudit Fief de Villeaudé, & dependances d'iceluy, saisi à la requeste de l'intimée, à faute d'adueu & denombrement non baillé. Sauf à l'intimée de poursuiure ses blasmes contre ledit adueu & denombrement, suiuant la Coustume. Il y auoit encores d'autres incidens, sur lesquels la Cour a fait droit: Et condamné l'intimée esdits noms en la moitié des despens de la cause principale, l'autre moitié compensée. Et sans dommages & interets; & pour cause.

12
Le vassal
est tenu bail-
ler son ad-
ueu en de-
nombre-
ment en par-
chemin
passé parde-
uant Notai-
res.

[C'est chose qui se remarque dans toute l'antiquité, que tous Seigneurs n'auoient pas droit de fortifier leurs maisons & y faire Chasteaux, ains en prenoient permission des Comtes & Princes Supérieurs du pays, lesquels en donnant la permission bien souuent retenoient ce droit, que les Chasteaux leur seroient tenus & redeuables à grande & petite force, pour par lesdits Seigneurs supérieurs s'en aider quand ils en auroient besoin. Cela estoit au temps, que les Seigneurs de ce Royaume auoient droit de faire guerre les vns aux autres, pour le sostenement de leur honneur ou de leurs droits, & esdites guerres s'aideroient des forteresses de leurs Chasteaux, & des Chasteaux de leurs vassaux contre leurs ennemis. Mais ce droit de faire guerre fut esbranlé du temps du Roy Philippes le Bel, & depuis a esté aboly du tout: Ce qui a esté cause que la Cour de Parlement par son arrest entre maistre Jean Matthieu Conseiller au grand Conseil, Seigneur de Villeaudé simple Fief, sans Justice, & le Seigneur de Monjay, du 23. Decembre 1566. solennellement prononcé, declara ledit Seigneur de Monjay haut Justicier estre non receuable en sa demande, tendant à ce que le Sieur de Villeaudé eust à abattre les tours & autres forteresses, & combler les fossez de son Chateau. Chassanens es Coustumes de Bourgogne, tit. des forests, pasturages & riuieres, §. ult. du Mont & Chopin, tit. 5. du droit de Branno. art. 47. Coustume d'Anjou. Boerius dist. 320. Loysseau en son traicté des Seigneuries, cap. 8. num. 100. Charond. lib. 9. arrest. arresto 21. Papo tit. des maisons & edifices. Chop. lib. 3. pu. 12. de Priuil. ruit. pradio. Vna est, inquit, tota exceptio præterquam limitaneis agris proximè hostes sitis: Petrus Nat. in patrias Pictorum leges, in verbo, droit de Chastel.

Toutesfois à ce que dessus on apporte vne limitation, S'il n'y a Coustume au contraire, qui porte que le vassal ne pourra bastir forteresse sans le congé & permission de son Seigneur dominant, auquel cas *aliud statuendum erit*, ainsi qu'il a esté iugé par arrest du 27. Nouembre 1597. entre maistre Charles de Maillé Seigneur Chastelain

de Melly Brezé, d'une part; & le Seigneur Ioreau son vassal d'autre: Par lequel la Cour ordonna que la fortification faicte par ledit Ioreau en sa maison sans le congé & consentement de son Seigneur dominant, qui est requis par la Coustume, seroit demolie, & la maison remise en tel estat qu'elle estoit auparavant. N.B.]

¹³
Recit d'un
autre proces,
pour raison
du droict de
Chasse.

Il y a eu quasi pareil & semblable differend que celui qui a esté cy-dessus recité: Entre Messire Iordain Marc de Saligny, Cheualier de l'Ordre du Roy, Seigneur & Baron dudit lieu, demandeur complainant en cas de saisine & de nouuelleté d'une part: Et Claude de Bufemant, Escuyer Seigneur de Beaumont, homme d'armes de la compagnie du Seigneur Daumalle, defendeur d'autre. Le defendeur ayant leué vn sanglier au dedans de son fief, qui est tenu & mouuant en foy & hommage du demandeur, & l'ayant poursuiuy & pris dedans la terre, Seigneurie & Baronnie du demandeur, le demandeur pour raison de ce, forme complainte pardeuant Messieurs des Requestes du Palais, Soutient que le defendeur n'ayant droict de Iustice, (comme il estoit d'accord) il n'auoit droict de Chasse. Requier estre maintenu & gardé en possession & saisine, d'interdire & prohiber au defendeur d'aucunement chasser, soit au dedans de son Fief, ou au dedans des fins & limites de la Baronnie & haute Iustice du demandeur. Le defendeur condamné rendre le sanglier par luy prins en la terre du demandeur: & en tous despens, dommages & interets. Ce qu'estant soustenu au contraire par le defendeur, & maintenu qu'estant Gentil-homme & Seigneur de Fief, il ne luy estoit pas seulement permis chasser au dedans de son Fief: mais qu'il luy estoit loisible de poursuiure & prendre la beste sauvage qu'il auoit leuée en son Fief, au dedans des terres & Seigneuries appartenantes au demandeur, ou bien à vn autre Seigneur: Et que telle est l'vsance & commune obseruance du Royaume de France, comme il a esté cy-dessus monstre. Les parties estans appoinctées contraires, le defendeur auroit appellé de cet appoinctement, comme superflu & inutile. Pour le regard duquel appel, la Cour ayant mis les parties hors de cour & de proces, elle a euoqué à elle le proces principal: & apres que les parties ont respectiuellement renoncé à faire enquestes, & ont produit d'une part & d'autre.

¹⁴
Arrest pour
le droict de
Chasse.

Le 17. Mars, 1573. a esté donné & solennellement prononcé arrest: Par lequel, pour le regard du trouble pretendu par le demandeur en la prise du sanglier duquel estoit question: La Cour a mis les parties hors de cour & de proces, sans despens. Neantmoins a maintenu & gardé les parties respectiuellement en possession: A sçauoir le demandeur, de faire chasser en & au dedans de sadite terre de Saligny: & le defendeur aussi en possession de chasser au dedans de sondit Fief de Beaumont. A faict inhibitions & aduenses aux parties, de ne se troubler l'un l'autre esdites possessions.

Il y a plusieurs autres arrests, qui ont esté donnez pour le faict de la Chasse, qu'on pourra voir és auteurs cy-dessus alleguez. Et n'ay voulu faire recit, sinon de ceux qu'ay veu & entendu donner és plai-

doyries publiques de la Cour de Parlement. Esquelles ay continuellement assisté dès & depuis 36. ans en ça.

Aussi il y a quelques autres droicts pretendus par les Seigneurs Iudiciers, desquels n'a esté parlé au présent Traicté: d'autant que le volume en la forme qu'il est dressé, eust esté trop gros. Je pourray en faire recit au sixiesme Traicté, si l'aage & le loisir permettent que ie le puisse dresser. Et prie le lecteur prendre d'aussi bonne affection ce petit œuvre, que de bon zele ay prins peine à le dresser & mettre en ordre pour le profit & vtilité du public: & obuier à infinis proces, differends & querelles, qui ordinairement aduiennent, pour les droicts de Justice, Haute, Moyenne, & Basse.





T A B L E D E S P L V S

REMARQVABLES POINCTS DE DROICT, ET MATIERES TRAICTEES au present Liure, des Droicts de Iustice.

A



Abbayes & Prieurez qui ont droict de voirie en la ville de Paris. 551
Accusare nemini licitum nisi ut tueretur ius suum vel consanguineorum. 207

Achapt d'heritage parfaict par la passation du contract, les fruicts en appartiennent à l'achepteur. 175

Acquereur d'une rente, quelles choses luy sont necessaires s'il veut entrer au droict du creancier. 388

Acquereur postérieur, poursuivy hypothecairement quelle offre doit faire. 407. pour quels despens le premier acquereur peut pretendre hypothèque contre le dernier. *ibid.*

Acquereur du preneur d'un heritage à la charge d'une rente peut renoncer à l'heritage. 372

Acquereur premier a hypothèque du iour de son contract pour ses dommages & interests. 496

Acquereur premier comme doit poursuivre hypothecairement seulement le dernier acquereur. 381

Acquereurs des biens Ecclesiastiques gagnent les fruicts *pro rata temporis.* 177

Acquests, meubles & conquests immeubles, se peuvent donner entre vifs par le mary, sans consentement de la femme. 203. à qui se doit bailler la moitié d'iceux meubles de la femme non confisque, & quand. *ibid.*

Acte se doit prendre par la femme pour la descharge de la confection d'inventaire, quand le mary n'a laissé aucuns biens. 274

Actio personalis est dignior reali. 51

Action de l'hypothèque conventionnelle, legale & crée cōtre le tuteur, combien dure de temps. 261

Action hypothecaire combien dure, contre l'heritier, & son obligé. 377. forme d'agir hypothecairement contre l'heritier & son obligé. 378

Action personnelle introduite par la Coustume ne s'estend aux arrerages escheuz auparavant la detention. 376. de l'effect de celle qui est introduitte par la Coustume de Paris. 364. pourquoy elle est baillée. 381

Actions mixtes, où se doiuent poursuivre. 51. les réelles, où se doiuent intenter. *ibid.*

Actor sequitur forum rei, in actione personali. *ibid.*

Adjudica-

des droicts de Iustice.

Adiudications & licitations, ne se peuvent faire à la chandelle esteinte. 574

Adiourné pardeuant le Iuge supérieur, quoy que mal, doit comparoir. 54

Adiournement personnel decerné contre vn Iuge subalterne qui auoit voulu cognoistre d'un procez intenté pour vn contract passé sous seel Royal. 38

Adueu & denombrement n'est tiltre: à qui il profite & peut nuire. 561. quand est tiltre valable. 562

Adueus & denombrements doiuent estre verifiez, & par qui. *ibid.*

Adueus & denombrements baillez au Roy, par qui doiuent estre verifiez. 17. forme de ce faire. 18. Commission des Comptes pour la verification d'iceux. *ibid.*

Adueu & denombrement baillé à vn Seigneur des terres qui ne releuent de luy, ains du Roy, peut preiudicier au Roy. 561

Aegyptij libram & mensuram Mercurio tribuebant. 542

Aides se doiuent leuer par les gens du Roy. 26

Aleu que signifie en France. 113

Amende adiugée par Arrest à la partie ciuile, se doit consigner auparavant que le condamné soit receu à se iustifier. 210. encores que le prisonnier ne la consigne, on ne laissera de luy faire son proces. *ibid.* Seigneurs Iusticiers iugent au peril d'icelle. 211

Amende adiugée contre le mary, quand elle n'emporte point dissolution de la communauté, est executoire sur les biens de la communauté. 202. se doit payer par la femme de moitié à cause du friuol appel interjecté par son mary. 203. amende contre les femmes pour cri-

mes comme s'execute. 204

Amendes adiugées par Iuges Royaux, appartiennent au Roy, & ailleurs ne sont destinées. 221

Amende du mal iugé, comme les Seigneurs s'en exemptent. 219

Amende imposée par le haut Iusticier en la personne d'un estrange, comment diuisée. 5. ne se paye solidairement par les hauts Iusticiers, suivant l'Arrest & declaration d'iceluy. 220

Amende pour delict emporte hypothèque sur les biens des condamnés. 221

Amendes ne se remettent point par la Cour, mais elle donne surseance de payer pour la pauvreté des condamnés. 223

Ameublir vn heritage, que c'est. 477

Ameublissements d'heritages doiuent estre insinuez. 476. doiuent estre emologuez en Iustice appartenans à vn mineur. 477. en quels cas ne doiuent estre emologuez. 489

Ameublissement d'heritage propre n'est vray conquest. 459

Amortir heritages, que c'est. 509

Amortissements en France se font par le Roy seul. 25. 509

Année des fruits quand doit commencer entre les Beneficiers. 178

Apothecaires preferez à tous autres creanciers pour le payement de leurs parties, cela s'entend toutesfois en cas de desconfiture. 407

Appel du deny de renuoy par le Seigneur haut Iusticier. 66

Appellations interiectées en la Cour des Pairs de France, n'y a que soixante sols parisis d'amende. 219

Armoiries, & bancs estans en vne Eglise, du differend qui en est suruenue. 238

Arpentages, mesurages & bornages peuvent estre faits par le moyen

Table du Traicté

Iusticier entre ses subiets.	6	se doit iuger. 559. Coustume de Paris pour ce faicte. 560. le droit d'icelle n'est subiect à prescription.	562
Arrest pour contraindre des habitans au paiement des sommes esquelles ils sont condamnez.	222	Bas Iusticier, droits luy appartenans. 6. de ses Officiers, & des delinquans sur sa terre.	<i>ibid.</i>
Arrerages des rentes de la femme escheus pendant le mariage se doiuent payer par le mary.	315	Bastards, cas esquelz les hauts Iusticiers leur succedent. 505. ils peuvent tester de tous leurs biens. 506. ils ne succedent en France.	508
Arrerages d'une rente payez diuinement, n'induisent diuision de la rente.	397	Bastimens faicts par moitié sur les heritages de la femme doiuent estre payez par les heritiers de la femme selonc le Chastelet. 336. au Palais tiennent que lesdits bastimens doiuent estre payez par l'heritier auquel l'heritage est aduenu.	338
Articles contenus au cahier presenté à Messieurs les Commissaires deputez pour la reformation de la Coustume de Paris.	3	Baux du Domaine du Roy pour combien de temps se font.	576
Articles des droits de Iustice redigez & aduisez lors de la nouvelle Coustume de Paris, transcrits au present chapitre par l'auteur.	<i>ibid.</i>	Beste sauuage leuée en son fief, est permis la poursuiure & prendre dedans l'heritage d'autrui.	602
Atterrissements faits hors des riuieres à qui appartiennent.	568	Biens confisquezz pour les vendre par decret, quelles solemnitez sont requises.	121
Aubaine, à qui appartient.	500.	Biens des condamnez à mort, par disposition de droit, estoient conseruez aux enfans.	125
pourquoy reseruée au Roy. 501. prise pour desherence.	504	Biens tenans quels sont estimez tels, & que signifient ces mots.	405
Auteur & son intention en diuulgant le present Traicté. 1. la delibération de suiure la Coustume de Paris en iceluy.	2	<i>Bona intelliguntur deducto ære alieno.</i>	293
Authentique, <i>quæ in prouincia. Cod. ubi de crimine agi oportet</i> , comme estoit anciennement pratiquée en France.	61		

B

Bagues & ioyaux donnez pendant les fiançailles comme se doiuent rendre & restituer. 450

Ban ou Bannalité que signifie. 564

Bannalité, le Seigneur qui en a le droit peut empescher ses voisins, de venir quæster en sa terre. 556. le Seigneur estant troublé en icelle comment peut agir. 557. le droit d'icelle concerne tous les habitans d'un village. 558. le droit d'icelle comment

Bourgeois de Paris doit estre appellé deuant son Iuge en defendant, *in actione merè reali, secus in hypotecaria aut personali.* 57

Bourgeois de Paris, priuilege à eux donné qu'ils ne peuuent estre tirez hors des murs, ny tenus plaider hors Paris, cōme s'entēd. 56. s'ils peuuent estre appelez en sōmation ailleurs que par deuant le Preuost de Paris. 57. quand ils cōfessent estre garāds sont tenus proceder par deuant le Iuge du proces principal. 58. quād'ils sōt seulement ioints en cause & non garāds

formels ils ne peuvent demander renuoy pardeuant le Preuost de Paris. *ibid.* si en heredité ou partage ils peuvent estre tirez hors des murs de Paris. 59. en matiere criminelle doivent plaider au lieu auquel ils ont commis le delict. 61

Bourgeois de Paris tenant à ferme quelques terres est cotisable à la taille. 584. *Secus* du Bourgeois de Paris qui tient sa ferme en ses mains. *ibid.*

Bourgeoisies, appartiennent au Roy seul pour le faict du droict d'icelles. 25

Boutefeux qui sont. 22

C

CAs ciuils desquels les Iuges Royaux cognoissent entre les subiets des hauts Iusticiers. 34

Cas concurrens au Droict de Bastardise. 507

Cas reservez au Roy. 547

Cas Royaux seulement cognus par le Iuge Royal. 24. lettres patentes contenans declaration d'iceux. *ibid.*

Causes cognues par le Iuge d'Eglise cōtre les laiz. 31. sont au nombre de quatre pour le moins. 32

Causes cognuës par le Iuge du Seigneur qui a iustice iusques à soixante sols parisis, quelles sont. 73. recit d'un Arrest pour cet effect. 74.

Cautiō comme se baille à cause du doüaire aux opposans subsequens le mariage. 190

Cedat aut soluat, comme se pratique. 347

Cession d'actions, quand & comment se peut demander. 389. n'estant prise par celuy qui a payé pour autruy elle n'emporte qu'une simple action personnelle contre celuy pour lequel il a payé sans hypoteque. *ibid.*

Cession des biens n'a lieu, en

amende adiugée pour delict. 210

Chapitre de despense commune du compte doit estre entierement payé par les oyans. 144

Chapitre final de *prescript. ext.* n'est gardé pour la prescription. 358

Chapitres sont ordinairement exempts de la iurisdiction de leurs Euesques, & pourquoy. 227

Chasse, possessions qu'il faut alleguer pour droict negatif d'icelle, 602. proces pour raison du droict d'icelle. 603

Chastellains ont droict de Tabe-lionage. 515

Citation ny monition ne peuvent estre decernées par le Iuge d'Eglise, contre le Iuge lay. 32

Clause, aduenant la dissolution du mariage, & sous interpretation. 309

Clause reciproque en vn contract de mariage, pour la iouissance des meubles, n'est subiecte à insinuation. 470

Closture de compte faite pardeuant vn Commissaire, n'emporte iugement ny execution. 529

Codeteteurs cōme agissent pour leur garatie les vns contre les autres. 384

Coheritiers cōme ont recours l'un contre l'autre. 385. quand peuvent auoir l'action personnelle introduite par la Coustume. *ibid.*

Coheritiers & coobligez reiglez sur leurs debats, par Arrests. 392

Commissaires du Chastelet & Greffiers Royaux, avec leur pouuoir sur les biens. 528. des partages faits entre iceux. *ibid.*

Committimus, quand s'estend hors le Parlement de Paris, ou non. 56

Communauté, la femme à cause d'icelle n'est point tenuë aux reparations adiugées contre son mary condamné à mort. 201. Arrest de ce que dessus. *ibid.*

Table du Traicté

Communauté, renonciation à icelle permise à la femme suruiuante par contract de mariage, quand elle est transmissible à son herier. 296. si la faculté de renoncer à icelle baillée à la femme est conditionnelle, il faut que la condition soit aduenü. 299

Communauté, se pouuoit dissoudre auparauant la nouvelle Coustume de Paris, par la confection d'inuentaie. 137. on tient qu'elle dure iusques à ce que inuentaie soit fait & clos en Iustice. 140. enfans & le suruiuant sont nourris aux despens d'icelle. 141. deniers baillez pour quelque estat se doiuent rapporter. 142. continuation d'icelle si elle se peut accepter pour partie du temps seulement. *ibid.*

Communauté de biens prise apres le trespas du mary, quand la femme est tenuë outre la concurrence d'icelle. 272. si la mesme Coustume ne permet y renoncer, la femme n'est tenuë outre la concurrence d'icelle. *ibid.* il est profitable à la femme se faire releuer de l'apprehension d'icelle. 273. dedans quel temps la femme peut renoncer à icelle. *ibid.*

Communauté d'habitans quand est condamnée, comme il se faut pouruoir pour estre payé. 561

Communauté de biens d'entre l'homme & la femme n'est point tolüë pour la translation du domicile. 286. elle est entre mariez de Paris & Lyon. 289

Communauté continuée par le pere ou la mere qui n'a faict inuetaire, cōmēt elle succede aux biens de ses enfans. 130. elle n'a lieu que pour le regard des enfans mineurs mariez ou non mariez. 131. elle est introduite pour trois raisons. 132. ne laisse d'auoir lieu encores que la Coustume n'en face mention. *ibid.* ne se peut dis-

soudre par le moyen de la moitié suruenante. *ibid.* encores que quelques enfans soient mariez pendāt icelle, elle n'est pourtant dissoluë. 133. moyen de faire renoncer les enfans à icelle. *ibid.* aduis d'aucuns sur ladite cōtinuation. *ibid.* nouvelle Coustume d'Orleans touchant icelle. *ibid.* elle est nulle entre le beau-pere ou belle-mere, & les enfans d'autre liēt. 134. difference des Coustumes de Paris & d'Orleans pour le faict de ladite continuation. 135. quels biens entrent en icelle. 136. maniere de partager les biens d'icelle. *ibid.* heritages donnez, sçauoir s'ils y entrent. *ibid.* pour la dissoudre est besoin faire inuentaie & le tenir pour clos. 138

Communauté, par la disposition du droict n'est point entre l'homme & la femme. 283

Communautez quand sont tenus rendre compte, le reliqua se paye par tous les communs. 145

Commune pluribus ut singulis, aut pluribus ut vniuersis, quomodo differ. it. 560

Compensation quand peut estre requise par defenses. 43. se peut demander contre le cessionnaire de la debte du cedant. 43. raisons de ceux qui estiment le contraire. *ibid.*

Complaincte ne peut estre formée pour biens confisque. 102

Complaintes formées pour benefice, ne peuuent estre cognues par Iuges subalternes, ny les faire saisir à faute de residence ou reparations. 35

Compte rendu du viuant du pere oste la confusion du reliqua. 144. il ne se doit rendre quand il y a continuation de communauté. 142

Conclure hypothecairement & personnellement, si on le doit, suivant la Coustume. 354

Comtes, Barons & Chastellains

- quels droicts ont. 4
- Condamnation personnelle & hypotecaire donnée contre vn heritier en partie d'un defunct, comme se doit executer. 362
- Condamnation hypotecaire ne s'estend que sur les biens du defunct, & non sur ceux de l'heritier. 363
- Condamnation personnelle & hypotecaire comme se doit executer contre l'heritier en partie d'un defunct. 368
- Condamné à mort, la femme peut demander son doüaire & conuentions matrimoniales. 180
- Condamné, tous biens luy doiuent estre rendus, soit qu'ils soient alienez ou non. 205. *in restitutione iustitia.* 207. Arrest de ce que dessus. 208. doiuent aussi estre rendus, *in restitutione gratia. ibid.* pour la restitution de ses biens, il faut considerer le temps auquel la remission a esté obtenüe. 209. en restitution du Prince, faut regarder s'il est remis en ses biens, ou si la peine luy est seulement remise. *ibid.* auparavant qu'il soit receu à se iustifier, il est contraint consigner l'amende adiugée par arrest à la partie ciuile. *ibid.*
- Condamnez ensemblemēt en amende, n'y sont contraints seuls & pour le tout, sinon en cas de delict. 221
- Condamnez sont tenus chacun pour leur portion, seulement. 380
- Confiscation du mary & de la femme comment se fait. 4
- Confiscation du corps emporte les biens, suivant les raisons alleguées. 26. & 4
- Confiscation de biens & heritages par qui se peut faire. 4. & 5
- Confiscation de biens, adiugée contre la femme, ne preiudicie à la moitié des meubles, acquests & cōquests immeubles. 203. n'est licite par plusieurs Coustumes, encores qu'il y ayt condamnation de mort. 205
- Confiscation d'un faux monnoyeur par sentence du Thresor est adiugée au Roy. 81
- Confiscation de biens des faux monnoyeurs pretenduës par les hauts Iusticiers appuyez d'un arrest. 82
- Confiscation encores qu'elle soit faite des biens du mary, la femme nonobstant a son droit de communauté, de doüaire, & ses conuentions matrimoniales. 201
- Confiscations appartiennent au seigneur haut Iusticier, & non pas au feodal. 78. adiugées pour cas Royal, sçauoir si elles appartiennent au Roy seul. *ibid.* en crime de leze Majesté, cōme se font. 79. elles appartiennent au Roy. 83. moyens par lesquels les hauts Iusticiers les pretendent és cas Royaux, sinon au premier chef de leze Majesté. *ibid.* en tous chefs de leze Majesté, appartiennent au Roy, & és autres cas elles appartiennent aux hauts Iusticiers. 84 les biens confisque des sorciers & magiciens n'appartiennēt point au Roy, cōme n'estans cas Royal. 85. toutes confiscations appartiennent au Roy de droit commun. 99. que c'est que confiscation. *ibid.*
- Confisquant le corps confisque les biens. 4
- Conquests faits pendant la viduité du suruiuant n'entrent en la communauté du second mariage. 136 mais faits pendant la continuation de communauté se partagent entre les enfans également & sans droit d'aînesse. 135

Table du Traicté

Conquests, la moitié qui appartient à la seconde femme, n'est subiette aux rentes cōstituéés par le mary auant le mariage, iugé par arrest. 281

Conseillers du Thresor, à eux appartient la cognoissance des amendes adiugées par la Cour. 221

Consuetudinem prestare, est le mesme que *tributum dare*. 72

Consuetudo noua quando retrahitur. 269

Contract emologué en Iustice ne doit estre insinué. 478. n'a rien de commū avec le droit de iustice. 514

Contract pignoratif, ou sous faculté de reméré. 386. on ne peut adiouster peine à iceluy. 448

Contract receu par vn Notaire, present vn tescmoin, n'est valable. 524

Contracts receus par Notaires Royaux hors leurs territoires & limites, avec questions de ceissuës. 525. ne peuuent estre arguez de nullité, sçauoir s'ils sont nuls. 524. sont valables. 525

Contracts se cognoissent par la disposition de droit par le Iuge, passez en son territoire. 38. quand il y a election de domicile, il est perpetuel & irreuocable. 45. passez sous le seel du Chastelet de Paris, à raison des procez intétez pour iceux, se cognoissent par le Preuost dudit lieu. 33. faut considerer le temps de la passation d'iceux. 32

Contractus & solutionis locus non inspicitur, sed domicilium debitoris. 51

Contrauentions faites par Notaires ou Sergens Royaux aux Ordonnances Royaux par qui cognuës. 535

Contre-lettres prohibées en mariage. 464. si elles sont valables, quand l'euenement de la donation portée par icelles est incertain. 464

Coustume de Paris defendant les

Contrelettres, si elle a effect retroactif. 465. elles sont prohibées encores que les cōtracts de mariage ne soiēt passez en presence de parens. 266

Conuentions matrimoniales & doüaire, se poursuient par la veufue à l'encontre de l'heritier pardeuant le Iuge de son domicile. *In conuentionibus contrahentium voluntatem potius quam verba spectari placet*. 308

Conuentions concernant l'usufruit des heritages des mineurs, est bon les emologuer en iustice. 479

Coobligé, coheritier, ou codetenteur ayant acquis la rente deuë sur l'heritage par luy detenu, sa portion deduite, comme peut agir. 392

Couruées, par qui acquises. 565. pourquoy ainsi appellées. *ibid.* comme doiuent estre faictes. *ibid.* matiere d'icelles où est traictée. 566

Coustume, interpretation de ce mot. 72

Coustume de Paris ne fait aucune distinction entre les enfans à raison des fiefs. 107

Coustume de Paris, que les thresors trouuez n'appartiennēt au Roy. 592

Coustume de Paris n'a que trois sortes de Iustice. 7

Coustume de Paris ne requiert nātissement. 12. & n'admet point Iustice fonciere ny censiere. *ibid.*

Coustume de Paris interpretée quand par icelle la continuation de communauré est dissoluë. 141. pourquoy elle a donné au suruiuant trois mois pour clorre l'inuentaie. *ibid.* il y a confusio de moitié au reliqua quand le pere s'est remarié, & qu'apres son decez la veufue rend compte aux enfans du premier liēt de son mary. 144

Coustumes & fermes domaniales de Paris appartenās tant au Roy que à l'Euesque de Paris, deussent estre baillées ensemblement. 72

des droicts de Iustice.

Coustumes ne preiudicient point
aux droicts du Roy. *ibid.*

Coustume qui baille *paterna pater-
nis, materna maternis*, est contraire à
la disposition de droict. 270. Arrest
de ce que dessus. *ibid.*

Creancier d'une rente quand peut
agir personnellement contre le de-
tenteur de l'heritage hypotequé à sa
rente. 336

Creancier du defunct pour auoir
hypoteque sur les biens des heritiers,
qu'est-ce qu'il doit obtenir. 350

Creancier est remis en ses premiers
droicts, l'intercession estant cessée.

327

Creancier pour debte precedente
le partage ne se peut adresser qu'au
lot aduenu à son débiteur. 341

Creancier s'il a droict d'hypoteque
pour les despens. 506

Creanciers derniers comme peu-
uent entrer au droict des premiers. 389

Creanciers du defunct preferez aux
autres. 498. preference des creanciers
de l'heritier. 499. s'ils sont preferez
sur les biens de l'heritier. *ibid.* quand
doient estre preferez. *ibid.*

Creanciers de fils endebté, que peu-
uent demander. 460

*Creditoris interest ne in plures aduer-
sarios distinguatur, qui cum uno contra-
xit.* 76

Creancier peut agir contre l'heri-
tier de son obligé, sans s'adresser à la
femme si bon luy semble. *ibid.*

Creanciers s'opposans aux meu-
bles d'un defunct, ordre qu'il faut
garder. 406

Creanciers si en crime de leze Ma-
jesté peuvent estre payez sur les biens
reünis au domaine. 79. sçauoir s'ils
peuvent estre payez sur le fief adiugé
au seigneur feodal, pour felonnie con-
tre luy commise. 79. le seigneur feo-
dal est preferé à iceux pour delict.

80. se font payer sur le fief quand il
est confisqué. *ibid.*

Criées doiuent estre certifiées par
les Iuges Royaux. 537. quel nombre
de Praticiens est requis pour certi-
fier criées. *ibid.* ne peuvent estre cer-
tifiées par Iuges Presidiaux. 538

Crime de magie & forcellerie n'est
point cōpris entre les cas Royaux. 85

Crime de leze Majesté & ports
d'armes se cognoissent seulement par
le Iuge Royal. 25. cōme la cognois-
sance des officiers Royaux des mon-
noyes. *ibid.*

Curateur au ventre, quand est don-
né. 117

Curateur créé à heritages feodaux
confisque, ou à un fief saisi, que doit
faire pour son deuoir. 113. que doit
faire quand le seigneur feodal ne le
veut receuoir en foy. 116

Curateur doit estre créé par l'aduis
des parens, quand le mary est absent.
181

Curé n'est sujet au droict de ban-
nalité 564
*Custodia, siue saluagardia, à Rege solo
dari potest in regno.* 54

D

Debte solidairement deuë quand
est diuisée. 395

Debte n'est diuisée par le moyen
de la poursuite faicte contre l'un des
coobligez. 398

Debtes sur quoy se payent. 342

Debtes se payent *pro rata bonorum*
par les heritiers donataires ou lega-
taires vniuersels. 260

Debtes de la femme doiuent estre
payées sur les deniers baillez au ma-
ry en mariage. 314

Debtes en pays de droict escrit, ne
sont comprises sous les meubles ny
sous les immeubles. 295

Table du Traicté

- pays Coustumier quand sont censées mobilières ou immobilières. 311
- Debtes, haut Iusticier n'est tenu au paiement d'icelles que iusques à la concurrence des biens qu'il a amendé. 271. la femme n'est tenuë au paiement des debtes de la communauté que iusques à la concurrence de ce qu'elle a amendé de la communauté. *ibid.* raison de ce que dessus. *ibid.*
- Debtes d'un defunct doiuent estre payées par ses heritiers, suiuant la Coustume de Paris. 260. en ligne directe descendante, les heritiers payent également les debtes. 261 les personnes sont diuisées entre les heritiers, & l'un n'est point tenu pour l'autre. 262
- Debteur se poursuit pardeuant le Iuge de son domicile en action personnelle. 39. ne peut estre poursuivy, encores qu'il ayt promis payer en certain lieu, ou bien y liurer la marchandise promise. 51
- Declaration que les Procureurs du Roy ont accoustumé faire pour descharger leur denonciateur. 31
- Declaration faite par le mary, pendant le mariage de la reception des deniers dotaux, n'est suffisante. 186
- Decret fait du viuant du mary d'heritage suiuet au doüaire ne nuit à la femme, & en doit appeller. 190
- Decret faict d'heritage subiect à doüaire, apres le decez du pere, du viuant de la mere, exclud les enfans de leur doüaire. 190. faut appeller d'iceluy dans les dix ans de maiorité. 191
- Decrets, en iceux *non habetur fides de pretio.* 265
- Defunct quand n'a laissé que meubles, les heritiers ne peuuent estre poursuiuis hypotequairement. 405
- Deguerpissement d'heritage, quand peut ou non estre faict. 367. 368
- Deguerpissement, quel doit estre. 369 permis au tiers detenteur. 373. forme des deguerpissemens, & que celui qui a deguerpy doit conseruer son droit d'hypothèque. *ibid.*
- Delict par effusion de sang, la connoissance appartient au haut Iusticier. 73
- Delinquans en France sont punis par les Iuges des lieux où le delict a esté commis. 161
- Delinquans, ne sont amendables à leurs Euesques condamnés par Iuges d'Eglise, parce que, *Ecclesia fiscum non habet.* 31
- Denier destiné en remploy d'heritage, est reputé immeuble, & à quel heritier il appartient. 422. ayant faict souche il appartenoit à l'heritier des propres, auparauant la nouvelle Coustume de Paris. 423. à qui doit appartenir. 424. prouenu du rachapt des rentes paternelles, adiugé à la mere heritiere de son enfant. 435. 429 baillé en mariage sans aucune destination d'employ en heritage, est vn pur meuble, & appartient à tous les heritiers mobiliers. 436. prouenu du rachapt des rentes propres, ou de l'alienation de l'heritage propre, où se reprend. 437. du supplément du iuste prix de l'heritage propre de la femme, où repris. 439
- Deniers prouenans de l'adiudication par decret d'office venal, on vient par desconfiture. 405
- Desconfiture aduenant, comme sont payez les creanciers. 404. sçauoir si en ce cas, la femme est preferée pour son dot ou debte. *ibid.*
- Desherence, par la Coustume de Paris appartient au haut Iusticier. 259.

259. appartenāt à plusieurs seigneurs, les debtes du defunct se payent *pro rata bonorum*. 259. quand plusieurs Iusticiers concurrent en icelle ou confiscation, ils payent les debtes du defunct *pro rata bonorum*. 270. raison de ce que dessus. *ibid.*

Despēs dependans de proces criminels, on ne tient prison pour iceux.

204

De quel iour on est mis en ordre pour despens. 506

Despens adiugez sur vn prisonnier qui appelle en la Cour du decret de prise de corps contre luy decerné, & fait intimer le seigneur haut Iusticier. 30. en matiere ciuile le seigneur haut Iusticier obtient condamnation de despens. Aussi s'il succombe il est condamné es despens. 31

Despens ne peuuent estre baillez aux hauts Iusticiers, pour les criminels ausquels ils auront fait faire le proces par leurs Iuges. 30. pourquoy en matiere criminelle les hauts Iusticiers n'ont point de despens. *ibid.*

Detenteur qui renonce à l'heritage auparauint contestation, ne paye aucuns arrerages, & gaigne tous les fructs. 364. *quid*, s'il renonce apres? 365. est tenu payer les arrerages qu'il doit, encore qu'il appelle de la sentence de debouté de defenses. 365. n'est tenu rendre les fructs sinon pour les années des arrerages qu'on luy demande. 376. apres contestation en cause doit rendre les fructs de son temps. 375. le simple ne peut estre poursuiuy pour le payement d'une rente. 376. peut estre poursuiuy personnellemēt de l'heritage baillé en eschange de rente pour le payement & continuation d'icelle baillée en contr'eschange. 381

Difference *inter pignus iudiciale*, & *pignus pratorium*. 414

in Doario, non est locus iuri accrescendi. 187

Domaine du Roy aliené, ne peut estre retiré sans lettres patentes. 576. ne se peut aussi retirer par les Thresoriers de France, pour bailler à vn autre particulier. *ibid.* quand, & comme les Thresoriers de France peuvent le retirer. *ibid.*

Domaine du Roy, pour combien d'années peut estre baillé à ferme. 576

Domaine de la Couronne de France ne se peut aliener qu'en deux cas. 540

Domicile de ceux qui suivent la Cour du Roy est à Paris. 294

Domicile peut estre en plusieurs lieux, mais pour la iurisdiction on considere le principal. 44

Domicile translaté ne peut immuer ny tollir les conuentions matrimoniales, soient expressees ou tacites. 360

Domicilium contrahitur per solum incolatum. 44

Don mutuel doit estre en tout egal. 441

Don mutuel ne preiudicie nullement au doüaire. 198. quand il n'y a que meubles, & conquests immeubles, & que la femme a don mutuel, sçauoir si elle peut demander doüaire prefix. 199

Donataire ou autre successeur singulier n'est point tenu des debtes, ny des rentes constituées par le donateur. 291

Donataire des meubles, conquests, & quint des propres, est tenu contribuer au payement du doüaire prefix, encores que la femme ait don mutuel. 200

Donataire de la femme n'est subiect à insinuation. 475

Donataires pour cause de mort,

Table du Traicté

legataires substituez & fideicom-
mulaires, que doiuent faire. 446

Donataires ou legataires vniuer-
sels sont tenus faire faire inuenta-
ire: autrement sont tenus de toutes les
debtes du defunct. 233. moyé de fai-
re inuentaire, & quelle protestation
ils doiuent faire en iustice. *ibid.* doi-
uent contribuer au payement des
debtes immobilières. 335

Donataires & legataires vniuersels
comme sont tenus des debtes du de-
funct. 292

Donation de simples meubles
n'est subiecte à insinuation. 498.
quand elle est mi-partie. *ibid.* deniers
donnez ne sont subiects à insinua-
tion. *ibid.*

Donations doiuent estre insinuées
par le donnant ou par le donataire.
470

Donations faictes à la femme par
autre que son mary, quand sont sub-
iectes à insinuation, & où elle doit
estre faicte. 475. donations de rentes
où sont insinuées. 496. donation d'u-
sufriict sur vn heritage, ou d'une
rente est subiette à insinuation, &
quand elle ne peut estre battuë.
498. celles qui sont pour cause de
mort ne sont subiettes à insinuation.
501

Donation faicte par le Roy d'un
fief ou seigneurie, si le droict de iu-
stice y est compris. 19. raisons de ceux
qui estiment qu'en donation de fief
generalement faicte par le Roy
n'est compris le droict de iustice.
20

Donations & aduantages com-
ment peuuent estre cassez. 474

Donations faictes au second mary
quand sont valables. 456. 457

Donations, mesme celles qui sont
faictes entre Roys & Roynes entrent

toutes en la communauté. 136

Donations faictes aux Eglises &
hospitaux ne sont subiettes à insinua-
tion. 472. faictes par les Roys ou
Roynes, ne doiuent estre insinuées.
ibid. faictes par le mary à la femme,
ne peuuent estre battuës faute d'in-
sinuation. 473. faictes à la femme par
vn estrangier en faueur de mariage ne
se doiuent insinuer. 474. comme le
peuuent debatre. *ibid.*

Dot & doüaire, pour regler les a-
ctions tant de l'un que de l'autre, &
autres conuentions matrimoniales,
quelle Coustume il faut suivre. 179

Dot payé, si & quand en doüaire
prefix en doit estre faite diminution.
185

Dot se prend sur les biens de la
femme, & le doüaire sur les biens du
mary. 186

Doüaire coustumier en quoy con-
siste. 172. il ne se peut prendre sur he-
ritages escheuz au mary en ligne col-
laterale. 173. il n'a lieu sinon aux he-
ritages assis au dedans de la Coustu-
me de Paris. *ibid.* se prend tant sur les
rentes constituées sur l'Hostel de la
ville de Paris, que sur particuliers. *ibid.*
en iceluy on regarde en quel estat
estoyent les heritages lors de la con-
sommation du mariage. 175

Doüaire est conserué aux enfans
sur les biens confisquez. 126. il est
propre à iceux & ne peut estre aliéné,
& tient lieu de legitime, combien
qu'il soit dit sans retour. 176. enco-
res que la femme suruiue, le doüaire
sans retour est propre aux enfans.
ibid. l'enfant mineur peut renoncer à
iceluy pour deliurer son pere de pri-
son. 177. il est viager, s'il n'y a con-
vention au contraire. 187. s'il est via-
ger le denier du rachapt est subiect à
restitution. *ibid.* s'il est perpetuel, le

des droicts de Iustice.

rachapt accordé d'iceluy le sera aussi.
174

Doüaire & conuentions matrimoniales peuuent estre demandées par la femme, le mary estât condamné à mort. 180. n'est point adiugé auparavant la mort du mary, mais seulement prouision d'alimens, montant à mesme somme que le doüaire prefix se monte. 182. deub sans retour ne seroit gaigné par la femme, si elle ne suruiuoit son mary. 185. l'enfant ne le peut demander pendant la vie de son pere, encores qu'il ait esté adiugé à la mere separée de biens. *ibid.* la femme & les enfans pour leur doüaire viennent à contribution sur les meubles. 182. il doit estre payé encores que le dot n'ait esté payé. 185. il est incognu au droict civil. *ibid.* si & quād en iceluy on doit faire diminution du dot payé. 185. n'y a point de droict d'aisnesse. 186. la portion de l'enfant qui a renoncé à iceluy n'accroist aucunement aux autres enfans doüairiers. 187 il appartient seulement aux enfans qui sont viuās lors du deceds du pere, & nō de la mere. *ibid.* moyen de le partir quand aucuns enfans sont heritiers du pere, & aucuns doüairiers. 188. nul ne peut estre heritier & doüairier ensemble, que signifie. *ibi.* moyen de le partir, y ayant enfans de plusieurs liets. 189. rien n'est augmenté aux enfans du second liet par la mort des enfans du premier. *ibid.* il n'est tollu encores que l'heritage subiect au doüaire soit decreté du viuuant du pere. *ibid.* comme à cause d'iceluy, on fait bailler caution aux opposans subsequens le mariage. 190. si l'heritage à luy subiect peut estre prescrit contre les enfans pendant la vie de leur mere, apres le deceds du pere. 192. prescription d'iceluy ne

peut commencer contre les enfans du viuuant du pere. 193

Doüaire & communauté, n'ont rien de commun ensemble. 287

Doüaire mobilier, appartient au plus proche parent de l'enfant, soit paternel ou maternel. 129

Doüaire n'est point diminué, encores que la femme ait don mutuel. 198. en cas de don mutuel, se prend sur les propres du mary. *ibid.* la femme ne le peut demander quād il n'y a que simples meubles, & y a don mutuel. 199

Doüaire tousiours pris sur les biens du mary. 421

Douaire prefix peut estre demandé par la femme si le mary vend aucuns heritages, mesmes ses cōquests. 174. si l'heritage acquis à reméré est retiré, la veufue iouyra pour iceluy de moitié du denier prouenu du rachapt. *ibid.*

Douairier est tenu rendre tous les auantages qu'il a eu de son defunct pere, & abandonner les biens de la communauté. 175

Douairier se peut opposer apres le decret, pour venir sur les deniers de l'heritage subiects au douaire. 283. peut demander le denier du doüaire vendu par son pere, ou à l'heritier de son pere, ou au curateur aux biens de son pere. *ibid.*

Douairiere ne se peut opposer afin de distraire, pour son douaire coustumier. 192

Droict de Iustice des hauts Iusticiers cessant le droict de confiscation pour leur regard doit aussi cesser. 78

Droict de Iustice & de Tabellionage est diuers. 514

Droict de mesure appartient au Roy par le traicté de paix fait entre

Table du Traicté

luy & l'Euesque de Paris.	543	d'icelles.	24
Droict de tiers & Danger que c'est.	72	Emologation de l'emmeublissement fait en faueur de mariage, quand se fait.	478
Droict de Tonlieu, & Coustume de pain vendu és Halles & autres lieux de Paris, appartenoit aux Religieuses, Abbessé & Cōuent de Lonchamp.	92	Emolument du grossoyement des contracts, à qui appartient.	527
Droicts honorifiques, pour iceux on peut former complainte, du debat pour iceux.	235	Employ promis par contract de mariage, n'estant fait, c'est vne debte deuë par la cōmunauté. 421. femme pour iceluy ne peut prendre les premieres acquisitions faictes par son mary.	<i>ibid.</i>
Droicts des poids & mesure appartiennent au haut ou moyen Iusticier.	543	Encherisseurs par tiercemens & doublemens à quoy sont tenus.	570
Droicts appartenans au Roy ayant la haute Iustice d'un village, & le Seigneur la moyenne & basse.	72	Enfant mineur s'obligeant pour son pere prisonnier est releué.	177
Droicts Seigneuriaux & feodaux ne sont deubs par celuy qui a acheté des acquereurs du domaine du Roy, suiuant les raisons alleguées. 96. autres raisons de ceux qui estiment qu'au cas susdit, sont deubz droicts seigneuriaux ou feodaux.	<i>ibid.</i>	Enfans estans heritiers de leur pere ne peuvent demander le doüaire prefix, sans retour de leur mere, ains la mere le peut aliener. 176. Arrest notable de ce, succedent aux conquests de ce que dessus.	178
<i>In dubiis & obscuris quod minimum est præstat.</i>	77	Enfans heritiers de leur pere, ne peuvent vendiquer leur propre vendu. 454. ceux du second mariage succedent aux conquests des premiers maris.	457
E		Enfans quand sont heritiers du pere, & aucuns doüairiers, comme le doüaire se partit entr'eux.	188
E <i>A qua publica, fisci esse censentur.</i>	568	Enfans trouuez & exposez, par qui doiuent estre nourris.	600
Econome, ne peut destituer les officiers.	217	Espaues, que signifient. 596. à qui appartiennent. 599. proclamations d'icelles.	<i>ibid.</i>
Edict des secondes nopces. 451. sur quoy a lieu. 452. pour quoy obserué.	<i>ibid.</i>	Espaue & bien vacant, different.	598
<i>ibid.</i> comme se pratique. 453. mary comme se doit comporter en sa part & en vertu d'iceluy.	<i>ibid.</i>	Estangers, leurs biens adiugez au Roy par arrest, & des raisons de l'arrest.	502. 503. 504
Edict faict par le Roy, pour l'erection d'un Notaire Royal en chacune paroisse.	518	Euesque de Paris, & ses officiers ne peuvent faire executer à mort, en la ville & fauxbourgs de Paris.	68
Edicts des Iaugeurs, & pour les poids & mesures.	542	Euesque de Paris n'a droict de Voirie, si toutes les maisons de la rue	

ne sont en la censue. 549

Euesques anciennement estoient esleuz. 225. à present le Roy nomme aux Eueschez & Archeueschez. *ibid.*

Exceptio non impugnat iudicatum, sed lenit & moderat. 364

Exception ou fin declinatoire & de non proceder doit estre alleguée auant contestation en cause. 54

Executans sont tenus faire vendre les meubles dedans deux mois.

223

Exploits domaniaux, n'y a appel d'iceux. 10

F

Felonnie estant commise par le Seigneur contre son vassal, le priue de son droict feodal. 81

Femme anciennement estoit tenuë payer la moitié des debtes, esquelles elle auoit parlé, & n'auoit aucun recours. 311. ayant renoncé à la communauté a recours contre son mary, pour les debtes esquelles elle a parlé. *ibid.* l'heritier de la femme a pareil recours. 312. si ayant renoncé à la communauté, n'a recours sinon sur les biens d'icelle, pour les debtes & rentes, esquelles elle a parlé. *ibid.* si elle a recours solidaire pour les rentes & debtes esquelles elle est obligée. 313. elle a recours contre les heritiers de son mary, qui ont la communauté, quand elle est valablement obligée. 318. n'ayant renoncé au Velleian & à l'authentique de payer la moitié de la rente. *ibid.* est en la puissance de son mary au pays coustumier. 320. *quando dicitur proprio nomine obligata.* 321. quand s'oblige à la garantie de l'heritage propre à son mary. *ibid.* obligée avec son mary, n'ayant renoncé à la communauté, est tenuë payer la moitié de

la rente, encores qu'elle n'ait renoncé au Velleian. 323. detenter elle des heritages de la communauté est solidairement tenuë à la rente. 322. encores que fideiussion soit faite iudiciairement est besoin qu'elle renonce au Velleian. 323. s'obligeant pour son mary prisonnier, à quoy tenuë. 324. elle doit renoncer à l'authentique, *si qua mulier*, comme au Velleian. 325. quand peut repeter ce qu'elle a payé par l'intercession par elle faite. 226. simplement obligée avec son mary, comme elle est tenuë. 228. apportant en dot mil escus que le mary luy deuoit, comme on doit agir. 230

Femme conuolant à secondes nopces, & de ce qu'elle peut donner. 457. des conquests faits par ses premiers maris. *ibid.* & 451. peut disposer pendant son second mariage de l'heritage qu'elle a ameubly à son premier mary. *ibid.* de ses enfans. 304

Femme detenter elle de moitié des conquests, si elle peut estre poursuivie pour les rentes créés par son mary, auparauant le mariage. 277

Femme doit faire insinuer apres la mort de son mary. 475

Femme qui a donné en mariage vn heritage luy estant propre, doit estre recompensée de moitié sur les biens de son mary. 439. à qui elle peut donner n'ayant enfant. 428.

Femme preferée à tous creanciers, sur l'heritage ameubly. 490

Femme preferée pour son dot sur les meubles de son mary. 406

Femme pendant le viuant de son mary, n'a aucun droict de propriété es biens de la communauté. 279. detenter elle des conquests est tenuë personnellement & hypote-

Table du Traicté

cairement. 280. a recours en ce cas contre les heritiers du mary. *ibid.*

Femme releuée d'une condamnation passée par elle de payer vne dette de son mary. 324

Femmes qui ont esté mariées & demeurent en la Coustume de Paris ont communauté de biens avec leurs maris. 285

Femme qui a recelé des biens de la communauté peut estre poursuiuie, & doit estre condamnée. *ibid.*

Fermiers du Roy & leurs Commis, ne peuuent estre emprisonnez par le haut Iusticier. 35

Fermiers estans establis Commisaires, en fief saisi, en doiuent aduertir leur maistre & en auoir acte. 106. ce qui est donné par le Fiancé, s'il se doit rendre, le mariage ne s'estant ensuiuy. 451

Fideiussur, quand est dict s'estre constitué principal debteur & payeur. 403

Fief acquis par le Seigneur Feodal & mouuant de luy n'est tenu à aucuns droicts ny deuoirs. 106

Fief seruant acquis par le Seigneur dominant, est faict de pareille nature & mouuance que le Fief dominant. 107

Fief & Iustice n'ont rien de commun ensemble. 14

Fief de Theroüenne à qui appartient, & en quelles rues il s'est éd. 550

Fiefs estans au Royaume, sont tenus mediatement ou immediate-ment du Roy. 87

Fiefs estans partagez depuis reception en foy, que doiuent faire les compartageans. 121

Fils aîné ne paye point plus grande portion des debtes, que l'un des autres enfans. 261. Arrest donné au profit du fils aîné. *ibid.* il est tenu des rentes foncieres, *pro rata* de sa

detention. 262

Fils aînéz maieurs de vingt-ans ne peuuent demander souffrance. 119

Fils qui veut demander sa legitime ne doit renoncer à la succession de son pere ou mere. 460

Fils de famille ne peut renoncer au Macedonian. 225

Fiscus ab omnium vectigalium prestationibus immunis est. 18

Fisque, le fermier d'iceluy ne peut estre expulsé par celui qui a acquis heritage, appartenant au fisque, lequel estoit baillé à loyer, comme appert par sentence du Thresor. 214

Foire S. Ladre par qui acheptée, où se tient, & combien dure. 586. abus d'icelle abolis, nō les droicts. *ib.*

Foire de S. Germain des Prez, de sa franchise. 587

Foires du Landy & de S. Denys, priuileges, franchises & exemptions d'icelles. *ibid.*

Foires de Lyon, cas concurrens pour la cognoissance du Conseruateur d'icelles. 51

Foires & Marchez ne se font sans permission du Roy. 26

Forme de conclure es proces par escrit, des appellations interiectées des Pairs de France. 220

Forme de condamner un tiers detenteur pour les arrerages d'une rente. 351

Fourches patibulaires, ne peuuent estre erigées de nouuel, ny réedifiées apres l'an & iour qu'elles sont tombées, sans congé du Roy. 68. elles sont signes de haute Iustice, & se doiuent esleuer selon la Coustume des lieux. 69. Quelles sont celles des hauts Iusticiers en la Preuoité & Vicoté de Paris. *ib.* le Roy les peut esleuer telles que bon luy semble. *ibid.*

Fruits cueillis appartiennent à la doüairiere pendant la vie, & son he-

retier n'a rien és fruitz cueillis apres
le trespas de la doüairiere. 175

Fruitz des heritages confisquezz,
comme se doiuent rendre. 209

Fruitz de l'heritage faisi se distri-
buent toutainsi que le prix du de-
cret. 420

Fruitz de l'heritage propre de la
femme ou du mary pendans par les
racines lors du trespas, à qui ap-
partienent. 178. comme se diuisent
entrel'heritier du defunt beneficier
& son successeur. *ibid.*

Funerailles & obseques du defunct
preferées aux debtes. 406

Futurs conioincts par contract de
mariage peuuent donner l'un à l'au-
tre tous leurs biens. 445

G

Garde des villes appartient au
Roy. 547. des inconueniens qui
aduient quand plusieurs y com-
mandent. 548

Gardes des Seaux erigez aux con-
tracts ne preiudicient aux Seigneurs.
518

Gardes gardiennes, quels priuile-
ges s'attribuēt. 62. en quels Baillages
s'estēdent. 63. elles ne sont vallables
pour obtenir renuoy de cause. *ibid.*

Gardiens de mineurs, quelles souf-
frances doiuent demāder pour eux. 119

Gendre peut leguer à sa belle mere
ayant plusieurs enfans. 442

Grosses des contracts, à qui en ap-
partient l'emolument. 527

Guet, le droict en appartient au
Roy seul. 548

H

Habitans dénians le Droict de
Bānalité. 559. consentemēt des
deux tiers d'iceux est suffisant pour
obliger le reste. 560. quand ne peu-
uent estre contraincts, 561

Habitans, quand sont condamnez
en amende enuers le Roy, comme
il faut se pouruoir pour le payement
d'icelle. 222

Haut iusticier, droicts luy apparte-
nans. 4. ne peut cognoistre des cas
Royaux. *ibid.* de ses officiers. *ibid.* luy
appartiennent les desherences, biens
vacāz & Espauces. *ib.* à quoy tenu. 5. ne
peut appeller de l'octroy de la com-
mission decernée par le Iuge Royal
pour adiourner vn sien subiect & iu-
sticiable. 68

Haut Iusticier & Seigneur, sçauoir
si pour vn banc ou siege estant en
vne Eglise, il peut former complain-
te. 233. raisons par lesquelles on pre-
tend qu'il ne peut. 254

Haut Iusticier, pourquoy ne suc-
cede à l'estranger. 501. il pretend
droict aux biens des estrangers. 502.
s'il peut amortir vn heritage. 509

Haut Iusticier n'a droict de Voirie,
s'il n'en a tiltre, ou possession imme-
moriale. 553. comme ils ont entrepris
& se sont attribué le droict de Ban-
nalité. 555

Hauts Iusticiers doiuent enuoyer les
noms & surnōs de leurs prisonniers
au Iuge Royal, la surueille des qua-
tre Festes solemnelles de l'an. 226. ils
doiuent donner du pain à leurs pri-
sonniers. 227

Hauts Iusticiers dient que le droict
de Chasse leur appartient. 602

Hauts Iusticiers pretendent les
thesors trouuez estre à eux. 593

Hauts Iusticiers, moyēs par lesquels
ils pretendēt les confiscations és cas
Royaux. 82. respōses aux Arreits par
eux alleguez. 84. par la Coustume de
Paris chacū d'eux prend les meubles
cōfisquezz estans en sa haute Iustice.
100. ils doiuent payer les debtes de ce-
luy qui a cōfisque, *pro rata bonorū.* 101

Haut Iusticier quand il doit relict,

Table du Traicté

à cause des heritages qui luy sont
confisquez. 104. il est tenu payer re-
lief au Seigneur feodal des heritages
confisquez, si en iceux il n'auoit que
simple droict de Iustice. *ibid.* est tenu
payer censue au Seigneur censier
des biens confisquez qui ne sont en
sa censue, & à cause de la confisca-
tion ne doit rien. 112. ne doit au-
cuns droits à cause des heritages al-
laudiaux qui luy sont confisquez.
113

Heritage acquis & non payé, si
& comment on en ioiïyt. 165

Heritage acquis à reméré s'il est
retiré, la veufue ioiïyra pour son
doüaire de la moitié du denier pro-
uenü du rachapt. 174

Heritages acquis du denier de-
stiné en employ, à quel heritier ap-
partiennent. 422. donnez par le pere
ou l'ayeul leur retournent. 423

d'Heritages acquis par le seigneur
censier en sa censue, n'est deub au-
cun droict feodal & seigneurial.
109

Heritage ameubly, s'il est de pa-
reille nature que le conquest. 490.
peut estre vendu. 492

Heritage ameubly n'est vray
conquest, & la mere y succede com-
me heritiere de ses enfans, iugé par
Arrest. 497

Heritage hypotequé au doüaire
de la femme, quand peut estre ven-
du par decret. 190

Heritages amortis, sont faicts al-
laudiaux, 510. hauts Iusticiers n'ont
tant de droict sur iceux que les Sei-
gneurs feodaux ou censiers. 511

Heritage censuel faict feodal, se
doit partir noblement, suiuant l'Ar-
rest & Coustume de Paris. 109

Heritages censuels comment sont
faits feodaux. *ibid.*

Heritages confisquez quand sont

en la censue du Seigneur haut Iusti-
cier, il ne doit à cause de la confisca-
tion aucun droict. *ibid.*

Heritage donné en faueur de ma-
riage est propre à celuy auquel la
donation est faicte, & n'entre en
communauté. 284

Heritages donnez acquis depuis la
donation n'ont besoin d'insinuation.
476

Heritage propre comme se peut
leguer. 343

Heritage subiect au doüaire, en-
core qu'il soit decreté du viuant du
pere, le doüaire n'est tollu. 189.
estant acquis par decret, enfans
doüairiers comme se doiuent pour-
ueoir. 189. peut estre decreté quand
il y a creanciers qui precedent le
mariage. 190. ne peut estre prescript
contre la femme, pendant la vie de
son mary. 193. s'il peut estre prescript
contre les enfans pendant la vie de
leur mere apres le decez du pere, sui-
uant les Arrests. 194

Heritages substituez sont subiets
au doüaire Coustumier de la femme.
172. sont aussi subiets au payement
du dot de la femme & augments
d'iceluy. 172

Heritages venus de doüaires ap-
partiennent aux heritiers paternels
des enfans doüairiers, & non aux
maternels. 126. appartiennent aussi à
tous les freres & sœurs paternels he-
ritiers de l'enfant doüairier, encores
qu'ils soient de mesme mariage. *ibid.*
donnez par le mary à la femme qui
s'est remariée, sont estimez pater-
nels aux enfans. 127. que si elle ne
s'est remariée, au contraire. *ibid.*

Heritier, ce mot ne s'adapte sinon à
celuy qui est de parété du defunt. 504

Heritier deguerpissant les arrera-
ges aduenus à son lot, à quoy est te-
nu. 367

Heritier

des droiëts de Iustice.

Heritier & doüairier ensëble, c'est chose contraire, que signifie. 188

Heritier ou doüairier nul ne le peut estre ensemble, suiuant la disposition de droiët, *due causa lucratiua in eadem persona subsistere non possunt.*

146

Heritier & legataire d'un defunct en diuerfes Coustumes. 445

Heritier d'un fideiussieur, & de ce qu'il peut faire. 454. quand il n'est parlé que des heritiers, s'il aduient qu'il y ait enfans s'ils seront compris sous le mot d'heritiers. 306

Heritier mobilier ou immobilier, *pro rata bonorum*, doit contribuer au paiement des debtes mobiliaires ou immobiliaires. 334. comme aussi des rentes, encores qu'elles ayent esté constituées par le predecesseur du defunct. 336. ancienne Coustume de Paris pour les debtes. 337. n'est tenu entierement payer la rente, encores qu'elle soit assignée sur vn heritage. 338

Heritier mobilier n'est tenu contribuer au paiement de l'heritage acquis par le defunct. 265

Heritier n'ayant que simples meubles, à quoy tenu. 404. deguerpissant pour partie, les meubles à quoy subiets. *ibid.*

Heritier par benefice d'inventaire, en quoy peut estre executé. 302. comme peut poursuiure en garantie celui qui a acquis de son coheritier, & l'obligé celui qui a acquis de son coobligé. 383

Heritier par benefice d'inventaire, est tenu és despens en son nom. 275. moyens pour le faire condamner. *ibid.* arrest de ce que dessus. *ibid.*

Heritier par benefice d'inventaire, est vrayement heritier, pourquoy. 146. deux priuileges d'iceluy. *ibid.* s'il peut renoncer à la succession qu'il a

apprehendée. 147. comme il peut estre receu à renoncer à la succession par luy apprehendée. 148. en ligne collaterale est exclus par l'heritier simple, encores qu'il ne soit en si proche degré. 171. il doit estre remboursé par l'heritier simple. *ibid.*

Heritier par benefice d'inventaire, encores qu'il ait recelé quelques biens, il n'est pas déclaré heritier simple. 285

Heritier pour vn quart s'il peut estre executé pour tous les arrerages escheus du viuant du defunct. 356

Heritiers en ligne ascendante, payent egalelement les debtes. 262. en ligne collaterale, quand ils succedent esgalelement, ils payent esgalelement les debtes. *ibid.* quand ils succedent inegalelement, ils payent les debtes *pro rata bonorū*, encores qu'ils soient en mesme degré. *ibid.* raisons pour lesquelles sont tenus payer les deniers deuz à cause de l'heritage auquel ils succedent. 263. raisons contraires. 264. diuersité entre heritiers paternels & maternels. 265

Heritiers poursuiuis hypotecaiement, sont tenus solidairement payer les debtes du defunct. 346

Heritiers sont tenus comparoir par vn Procureur. 404. chacun d'eux condamné, doit contribuer esgalelement au remboursement des despens faits par le frere aîné, pour terres feodales. *ibid.* la contribution qu'ils sont tenus faire des debtes *pro rata bonorū*, ne preiudicie aux creanciers. 405. comment peuuent estre poursuiuis. *ibid.*

Hommages ne doiuent estre receuz par ceux qui tiennent en engagement du Roy. 93

Homme & femme mariez par la Coustume de Paris ne se peuuent

Table du Traicté

aduantager l'un l'autre. 440. peu-
uent donner l'un à l'autre, aupara-
uant le mariage. 441

L'Homme & la femme sont com-
muns en tous les biens. 283

Homicides commis és chemins
publics ne peuuent estre cogneuz
que par le Iuge Royal, suiuant les
Arrests exprés. 26

Homicidé soy-mesme, forme d'y
proceder, tant par proces que par
sentéce. 28. la peine statuée cōtre luy
29. se tuer est double homicide. *ibid.*

*Hypotheca, est indiuiduatota in toto,
& tota in qualibet parte.* 346

*Hypothecaria actio nem tantum per-
sequimur, & non personam.* *ibid.*

Hypoteque, comme s'intente en
France. 349. on ne peut auourd'huy
succeder aux Hypoteques des an-
ciens créanciers sans cessiō d'actiōs. 391

Hypoteque baillée au legataire ne
se diuise point suiuant les Arrests. 49.
la legale a autant d'effect que la con-
ventionnelle. 50

Hypoteque du doüaire se prend
du contract de mariage. 198

Hypoteque n'est que du iour de
l'adiudication pour le profit du de-
nier. 351

Hypoteque speciale a plus d'effect
que la generale. 339. discutiō d'icel-
les. 340. speciale cōtraint l'achepteur
d'entretenir le bail à loyer faict par
son vendeur. 341

I

I Auge de Gisors comment adiu-
gée au Roy. 540

*Inferior in superiorem non habet im-
perium.* 87

Insinuation, & de son etymolo-
gie. 469. où faicte. 470

Insinuation quand se peut faire.
469. elle n'est de l'essence de la do-
nation. *ibid.*

Institution d'heritier comme se

pratique au pays coustumier de
France. 435. 436

Insinuations, comme s'obseruent
en France. 467. introduictes en fa-
ueur des créanciers. 468. besoin d'i-
celles auparauiant l'an 1586. *ib.* à faute
d'icelles les donnans ne peuuent de-
battre les donations. 469

*Inter dominum & vassalum nulla
fraus nec ullum malum ingenium debet
interuenire.* 85

Inuentaie des biens par qui doit
estre faict, en concurrence de seel-
lez faicts par les officiers Royaux &
subalternes. 60

Inuentaie des biens doit estre faict
par la veufue apres le decez de son
mary, ou s'il n'y en a doit demander
acte de ce. 272

Inuentaie doit estre solemnelle-
ment faict pour dissoudre la commu-
nauté. 138. closture d'inuentaie à
quoy requise. *ibid.* se peut faire par
le suruiuant en tout temps. 139. com-
me on demande réplissement d'ice-
luy. 143. enfans comme doiuent for-
mer leur demande quand il n'y en a
point de faict. 145

Inuentaie, la femme apres le de-
ceds de son mary est tenuë à le faire,
soit qu'elle prenne communauté, ou
renonce à icelle. 272. heritier par be-
nefice d'inuentaie, n'est tenu outre
le contenu en l'inuentaie. *ibid.* de-
dans quel temps la femme est te-
nuë le faire apres le deceds de son
mary. 273

Inuentaies des biens peuuent estre
faicts par le moyen Iusticier, selon la
Coustume de Paris. 529

Isles, iaeux, atterrissemēs & assa-
blissemens reduits au Domaine. 567

Iuge Royal peut executer sur les
terres des hants Iusticiers les sen-
tences de mort par luy données. 67

Iuge, sçauoir s'il peut confisquer

des droicts de Iustice.

les biens, la Coustume ne portant confiscation d'iceux au cas de condamnation de mort. 206

Iuge subalterne, n'est point tenu en son nom soustenir la sentence par luy donnée. 219. ne doit estre condamné en son nom en l'amende, encores qu'il ait mal iugé. *ibid.*

Iugemens donnez contre les femmes, portans condamnation de payer, s'entend iusques à la concurrence des biens de la communauté. 271

Iure communi bona vacantia pertinent ad fiscum. 259

Iurisdiction des Iuges & Consuls est improrogables. 46

Ius prehensionis & manus iniectionis concessum fuit dominis feudi vel census propter dominium directum & dominicale, quod in fundis seruientibus habet. 10

Iustice & droict d'icelle, quand est denié au Seigneur, il est tenu plaider pardeuant le Iuge Royal. 259

Iustice fonciere, que c'est. 11

Iustice, le premier & principal fleuron de la Couronne des Roys. 2

Iustice fonciere a lieu au pays de nantissement. 12. de droict ne peut estre tenuë en franc-Aleu. 15

Iustice fonciere & censiere, avec les raisons de ceux qui l'admettent en la Coustume de Paris. 7. vn ancien Arrest faisant mention d'icelle, & autres suiuanz. 9

Iustice, quãd est controuersée, pendant le debat elle doit estre exercée sous la main & nom du Roy, suiuant les Arrests de la Cour. 14. 15. se peut verifïer par adueuz & par possession immémoriale. 16. raisons de ceux qui estiment que son droict se doit verifïer par escrit. *ibid.* elle se peut verifïer par tesmoins, & par possession immémoriale contre le

Roy, suiuant les Arrests. 17. se peut aussi verifïer par acte de foy & hommage. *ibid.* par adueuz & denombrements. *ibid.* quand est cõmune entre le Roy & vn autre Seigneur cõme elle doit estre exercée. 71. encore qu'elle soit commune entre le Roy & vn Seigneur, le Iuge Royal seul cognoistra des cas Royaux. *ibid.*

Iustice n'estant que iusques à soixante sols, est basse Iustice. 75. 76

Iustices en France sont patrimoniales. 41

Iustice du Roy acquise de quelqu'un par engagement, celui-là ne peut mettre ses armoiries és Eglises estans en ladite Iustice. 237. Arrests pour ce regard. *ibid.*

Iusticiables, doiuent estre requis & vendiquez par leurs Seigneurs, pardeuant le Iuge Royal. 66

Iusticiers feodaux comment peuvent tenir foires ou marchez. 585. quel profit en retirent. *ibid.*

Iusticiers & feodaux pourquoy ont ordinairement droict és riuieres. 579

L

Legataire d'heritage propre, est recompensé des portions excédantes le quint, par Arrest. 343. chargé d'accomplir le testament du defunct n'est tenu entierement payer les debtes. 345

Legataire doit poursuiure l'heritier pour auoir deliurãce de son legs pardeuant le Iuge du domicile de l'heritier & non ailleurs. 360. ne peut en France agir ne réellement ne hypothecairement qu'il n'ait eu deliurance de son legs. *ibid.* par la disposition de droict il doit demander à l'heritier deliurance de son legs, ce qui a lieu en France encor qu'il fust legataire vniuersel. 48. de quel iour luy appartiennent les fruicts

Table du Traicté

de la chose leguée. <i>ibid.</i>	Loy <i>cum multa. C. de bon. qua lib.</i> n'a lieu en France, avec l'interpretation d'icelle. 283
<i>Legatarius vniversalis loco heredis est.</i> 291	Loy <i>diuortio</i> n'est obseruée en la Coustume de Paris. 178
Legitimer que c'est. 509	Loy <i>quamuis. Co. de pig.</i> comme est pratiquée en la Coustume de Paris. 339. n'a lieu entre le debteur & le creancier. <i>ibid.</i>
Legs d'alimens cōme se doit payer au commencement de l'année. 179	Loy, <i>si creditores. Cod. de pactis</i> , interpretée, & comme elle se pratique. 395
Legs en ligne collaterale aux enfāns de l'vn de ses heritiers. 443. à qui ne peuuent estre delaillez legs. <i>ibid.</i>	Loy <i>Venditor. ff. de iudiciis</i> , interpretée, qu'elle n'a lieu en deux cas. 59. autre interpretation. 60
Legs testamentaires où se prennēt. 342. reduction d'iceluy au quint, si par testament on a disposé du total de ses propres. <i>ibid.</i>	Loix non pratiquées en France. 568
Lettres patentes pour faire saisir les Isles, iaucaux & assablissemens estans es riuieres nauigables. 568	Loyers ou arrerages escheuz, & à escheoir estans saisis à la requeste de plusieurs, à qui ils se baillent. 418
Lettres de remission ou de pardon, haut Iusticier ne peut debattre l'enterinement d'icelles. 206. estans obtenues, les biens confisquez se doiuent rendre apres le iugement de mort & confiscation. 207. opinion des Docteurs sur ce poinct. <i>ibid.</i>	Lots & ventes sont deuz par celui qui achepte à faculté de reméré, dès l'instant de son acquisition. 95. sont aussi deuz d'un heritage baillé à longues années ou à vies, quand il est vendu. <i>ibid.</i> iugement par lequel celui qui auoit achepté d'un acquerreur du Domaine du Roy, a esté cōdamné payer lesdits lots & ventes. 96. appointement au Conseil pour le faict susdit. 97
Lettres Royaux de confortement. 8	M
<i>Lex noua dat formam futuris negotiis.</i> 138	M aitres des eauls & forests, & baux faits par eux. 569
Litre & ceinture funebre ne se peuuent mettre apres le trespas du Patron del'Eglise. 240. ne se peuuent mettre apres le trespas du bien-faicteur d'une Eglise. 239. l'heritier du haut Iusticier en peut mettre. 240. differend pour vne Litre mise apres le decez d'un Gentil-homme. <i>ibid.</i> sentence suruenue sur ce differend. <i>ibid.</i> origine de ces mots. 242	Maitres, Lecteurs, Regens & supposts en l'Vniuersité de Paris ont leurs causes commises. 63
Litres & timbres, sçauoir si vn haut Iusticier en peut auoir, & pour icelles demander reintegrande. 236	Maisons assises es halles de Paris à qui appartiennent. 578. pourquoy adiugées au Roy. 579
Locatif peut librement de bonne foy vendre ses meubles, pareillement celui qui a achepté avec terme de payer. 408	Maisons baillées en emphyteose, a tacite hypoteque & prelation sur les meubles, pour les arrerages de la rente fonciere. 277
La loy où ne faict distinction, les homes n'en doiuent faire aucune. 75	

des droicts de Justice.

Marchands obligez l'un pour l'autre peuvent estre solidaiement poursuivis au payement de la dette. 398. purement & simplement obligez ne sont tenus l'un pour l'autre. 399. associez sont solidaiement obligez les uns pour les autres. *ibid.* à qui doit estre fait le payement. *ibid.* comment entr'eux il n'y a point de division. 401. discussion, comme entr'eux elle n'est requise. *ibid.* en simple garantie, que suffit, entre iceux. 402. de promesse non tenuë entr'eux. *ibid.*

Mariage promis se poursuit par deuant le Iuge d'Eglise. 449. on demande dommages & interests par deuant le Iuge lay, contre celuy qui n'a voulu paracheuer le mariage. *ibid.* de chose donnée en iceluy.

453.

Mariage estant consommé on ne peut aucunement changer les conventions matrimoniales. 288

Marié au pays de droict escrit, il n'y a aucune communauté de biens entre l'homme & la femme.

283

Mariez en pays de droict escrit, venans demeurer en pays coustumier, peuvent accorder qu'il y aura communauté de biens entr'eux. *ibid.*

Mariez, quād chacun d'eux doit reprendre ce qu'il a apporté en mariage. 316. quand prennent heritage à rente. 321

Mary apres le deceds de sa femme doit former sa demande pour l'emmeublement qui luy a esté fait. 489

Mary & femme, de la convention des debtes auparauint le mariage.

314

Mary, comme peut estre poursuivy pour les debtes de sa femme, tant pendant le mariage qu'apres la disso-

lution d'iceluy. 315. il est exempt de payer les debtes de sa femme par la confection d'inventaire. 315

Mary donataire de la seconde femme, ce qui luy doit estre baillé. 457. pendant son second mariage, peut disposer des conquests faicts pendant le premier. 458

Mary est seul seigneur des biens de la communauté pendant le mariage. 278. il peut donner les biens de la communauté. 279

Mary qui n'a point d'enfans, peut donner par contract de mariage à sa femme qui a des enfans. 452

Maison qui a basti la maison est preferé à tous creanciers, sur les loyers escheus auant la saisie. 419

Medecins & Apothicaires preferenz en dette aux autres creanciers. 409

Menuës reparations en quoy consistent. *ibid.*

Mere succede au bien mobilier de ses enfans. 428

Meuble ne peut sortir nature de propre. 436

Meubles aduenus au suruiuant incontinent apres le trespas du predecedé, sçauoir s'ils entrent en communauté, quand le suruiuant n'est en demeure de faire l'inventaire. 139

Meubles confisqueés à quels seigneurs appartiennent. 99. suivent les domiciles. *ibid.* decision de la question suivant cet effect. *ibid.*

Meubles, à celuy auquel ils sont donnez appartiennent les actions mobilières en pays coustumier.

205

Meubles estans en vne maison, encores qu'ils n'appartiennent au locatif, sont tenus du loüage. 450

Meubles, pour le gain d'iceux on considere le domicile du mary, lors

Table du Traicté

de son deces. 290

Meurtre, rapt, ny l'incendie, ne
peuvent estre cognuz par vn Iuge
subalterne. 22

Minage de Montlhery, le tiers
adiugé au Roy. 538

Mineur estant fait maieur, n'est
tenu renoueller les foy & homma-
ge desia faite par le tuteur. 121

Mineur peut renôcer à son doüai-
re coustumier, pour deliurer son pe-
re de prison. 324

Mineur se portant heritier simple,
quand peut exclure l'heritier par be-
nefice d'inventaire. 149. il est receu
heritier par benefice d'inventaire
pour son parent comptable. 150

Mineurs ne sont subiects aux infi-
mations. 470

*Mobilia sequuntur personam, immo-
bilia verò spectant territorium.* 171

Monition obtenüe contre vn
contract, portant que tout le de-
nier a esté payé cōptant & nombré.
33

Monition se peut obtenir avant
contestation en cause, & forme de
la dresser. 32

*Mora non potest purgari, quando credi-
toris interest.* 366

Mort saisit le vif, que signifie.
461

Moulin, four ou pressoir, quand
sont appelez banniers. 556

Moulins à eau ne sont bannaux, si
les Seigneurs n'en ont tiltre. 167

Moulins sur riuiere, à qui appar-
tient la permission de les faire ba-
stir. 567

Moyen Iusticier, droicts luy appar-
tenans, de ses officiers, & qu'il peut
prendre tous delinquans sur sa
terre. 5

*Murtrum, raptus & incendium, quid
sint.* 22

N

Naturaliser que c'est. 509

*Nemini licet seipsum occidere,
nec spontaneam mortem sibi inferre,
homo enim non est vita sua dominus.*
29

Nobles, pardeuant quels Iuges doi-
uent respondre. 536

Notaires Royaux erigez és pa-
roisses particulieres par Edict. 518

Notaire ayant long temps instru-
mété en la terre d'un Seigneur n'ac-
quiert prescription. 519. punition d'i-
celuy. 525

Notaires & Sergens Royaux quād
peuvent demeurer és terres des
hauts Iusticiers. 535

Notaires Royaux, s'ils peuvent in-
strumenter és terres des seigneurs
ayans droict de Tabellionnage, & si
le Roy y peut creer des Notaires
Royaux. 517. dommage que les sei-
gneurs receuroient, si les Notaires
Royaux pouuoient instrumenter en
leurs terres. 518. peuvent instrumēter
és terres des seigneurs. 519. en quelles
seigneuries ils peuvent instrumen-
ter. *ibid.* c'est le profit du public, que
les Notaires Royaux instrumentent
és terres des Seigneurs. 520

*Nullus admittitur ad accusationem,
nisi ut tueatur ius suum vel consanguini-
eorum.* 207

*Nullus ex vicaneis pro alienis vica-
neorum debitis teneatur.* 222

O

Obligatio est mutua inter patronum
& clientem. 81

Obligation comme se diuise quād
l'homme & la femme & vn tiers
sont obligez. 352

Obligation des biens de ses hoirs,
se resoult en pure personnalité. 347

des droicts de Iustice.

Obligation personnelle legale, & personnelle coustumiere, en quoy different. 352. distinguée par sentence. 353. és demandes & sentences baillées par la Coustume elle ne s'accumule pas avec l'hypotecaire. *ibid.* la coustumiere est accessoire à l'action hypotecaire. 354

Obligation passée par plusieurs est diuisée entr'eux, s'il n'y a exception. 379

Obligez, l'un d'iceux étant insolvable, la perte tombe sur tous les autres. 395

Obseques & funerailles sont réputées debtes du defunct. 341

Obseques du defunct se payent par le mary ou femme suruiuant n'ayant enfans. 294

Officier, comme peut estre honestement destitué par le seigneur Iusticier. 218. étant destitué comment se doit pourvoir. 219

Officier Royal étant troublé en son office ne peut former complainte, & se doit pourvoir par opposition. 254

Officiers Royaux, & les seigneurs ont debat pour le faict de la police. 545

Officiers Royaux ne peuuent estre destituez qu'en trois cas. 213. ceux qui ont terres en appanage, ou en recompense du Roy, ne les peuuent destituer. 214. se doiuent confirmer & continuer tant par les Roys de France que leurs successeurs. 215

Officiers subalternes, ne peuuent estre desaduoiéz par les Iusticiers, combien que le Roy les puisse desaduoiier. 212. les seigneurs les peuuent destituer à leur volonté. *ibid.* ne se peuuent destituer estans pourueus pour recompense. 218

Officiers de l'Euesque de Paris, ne peuuent faire executer à mort en

la ville & fauxbourgs de Paris.

68

Opposans sont payez selon leur ordre, apres le premier saisissant.

415

Option du doüaire est transmise aux heritiers de la femme, & en cas de debat quel doüaire on doit adiuuger. 193

Option faicte par la veufue du doüaire prefix ou coustumier, scauoir si elle doit estre gardée par les enfans. *ibid.*

Ordonnance de Naples, suiuant les Thresors, abrogée. 592

Ordonnance pour le faict des Thresors. *ibid.*

Ordonnance des quatre mois, n'a lieu contre les femmes mariées & personnes Ecclesiastiques, ny és sentences de prouision. 205. elle a lieu contre les femmes non mariées ou veufues. *ibid.*

Ordonnance de Philippes le Bel, touchant les Notaires & Tabellios. 514. interpretation d'icelle. 515

Ordonnance, par laquelle le Roy est tenu vider les mains des heritages confisqueés, interpretée. 88

Ordonnance qui baille droict d'hypoteque sur les biens du condamné, est contraire à la dispositiō de droict.

362

P

PAnonceaux Royaux par qui peuuent estre mis. 536

Paremens d'Autels & representations mises en vne Eglise, apres le trespas d'un defunct appartiennent à l'œuvre & fabrique de l'Eglise. 242

Parens de deux costez par quelles Coustumes excluent ceux qui ne sont parens que d'un costé. 128

Parent proche que peut faire. 460

Table du Traicté

Partage du manoir d'un fief, comme se fait entre le fils aîné héritier de son pere & ses freres doüaiers.

253

Partages contradictoires & volontaires par qui se font. 530

Partages faicts pardevant les Commissaires du Chastelet de Paris se doivent ratifier pardevant les Notaires. *ibid.*

Patron d'une Eglise peut former complainte pour son banc estant en icelle. 233

Patronage est un droit pour lequel on peut former complainte.

235

Patronage se peut donner, non diniser. 238

Paué est deu par celui qui prend le peage. 228

Paué premier des maisons s'il doit estre payé par le haut Iusticier, ou par le seigneur censier, ou par les propriétaires des maisons. *ibid.* moyens par lesquels on soustient qu'ils sont tenus le payer. *ibid.* leurs defenses. *ibid.* Arrests de ce que dessus, avec defenses d'une part & d'autre. 229. doit estre mis par moitié.

230

Paué quand est pour la commodité du public, par qui il doit estre payé. 231. lettres patentes de ce que dessus. *ibid.* sentences & arrests par lesquels par provision les hauts Iusticiers ont esté cōdamnez à payer le premier paué. *ibid.*

Paix traitée entre le Roy & l'Evesque de Paris. 22

Peage, trauers & barrage à qui appartient. 578

Peages, comme s'en peuvent acquierir les droits, & quels sont. 580. combien sont affermez. 582. 583

Peine statuée contre celui qui a cōtrevenu au droit de Bānalité. 564

Pere absout des dommages & interests contre luy requis à faute d'accomplissement du mariage de sa fille. 449

Pere & mere n'ont à Paris aucun droit d'usufruit és biens de leurs enfans, & la l. *cum oportet. C. de bonis, lib.* n'y est obseruée. 282

Peres n'ont point en France leurs enfans en leur puissance. 283

Pere suruiuant ioiuyssant des conquests de ses enfans n'est point tenu bailler caution. 267. quand par usufruit ioiuyt des conquests. 268. estāt remarié depuis la nouvelle Coustume de Touraine, est priué de l'usufruit qui luy estoit acquis par l'ancienne Coustume. 269

Pere ou mere qui n'a fait inuentaie, & a continué la communauté, comme succedent aux biens de leurs enfans. 130. dommage qu'ont les parens suruiuans pour la communauté. 131

Personnes & heritages sont reputez libres. 569

Pescher és fleuves nauigables, de qui faut impetrer congé. 578

Pignus iudiciale & pratorium quomodo differunt. 414

Pilloris, eschelles, & poutaux à mettre carcans, comme de nouuel peuvent estre erigez, ou replantez, & si le Roy a pillory, le haut Iusticier ne le peut auoir en mesme ville. 68

Pleige baillé par la femme intercedante est releué. 327. pleige du mineur quand releué. *ibid.*

Pleige que le mary a baillé du doüaire promis en mariage, se doit acquitter par la femme prenant communauté. 197. 198

Pleige quand l'un a payé il n'a aucune action contre les confideiuseurs, mais seulement contre le present

des droicts de Justice.

premier obligé. 384. quand plusieurs sont obligez ils sont censez pleiges & cautions. *ibid.* comme ont recours l'un à l'encontre de l'autre. 385

Poids & mesure, & les droicts d'iceux dependans du droict de Justice. 541

Poids & mesures à qui en appartiennent les droicts. 543. Cause plaidée pour ce en Normandie. 539

Poids & mesures, les droicts d'iceux appartenans au Duc de Normandie, par la Coustume du lieu. *ibi.* les poids & mesures se baillent par le Roy. 540

Police, le haut ou moyen Iusticier dedans sa terre, cognoist d'icelle: & le Iuge Royal par preuention. 544

Ponts, par qui doiuent estre entretenus. 580. si les habitans sont tenus y contribuer. 581

Portion de l'enfant qui a renoncé au doüaire, n'accroist aucunement aux autres enfans doüairiers. 187

Portion deguerpie n'accroist pas aux codetenteurs. 374

Portion ne peut estre demandée par le mary, apres le trespas de sa femme, en la coupe des bois taillis de sa defuncte femme. 179

Possession est declaratiue du tiltre obscur, & selon icelle on adiuge droict de Justice. 76. decision de la question, quand le seigneur de fief ne verifie possession de la Justice par luy pretendue. 77

Possession immemoriable alleguée contre le Roy, est fort vtile aux Seigneurs. 516. effect d'icelle. 517

Potestas constituendorum magistratum ad iustitiam expediendam de regalibus non est. 13

Poursuite comme se doit faire, tant de la femme que du doüairier saisis du doüaire coustumier ou prefix. 196

Preneur de l'heritage à la charge de rente, le deguerpissant à quoy tenu. 368. quand on a promis fournir, & faire valoir la rente, on n'est pas receuable à deguerpir l'heritage. 369 peut deguerpir l'heritage, encore qu'il ne soit en aussi bonne valeur qu'il estoit lors de la prise. *ibid.* par la disposition de droict, le preneur de l'heritage ne le peut deguerpir. 370. quel offre doit faire pour le deguerpir. 371

Prescription de dix & vingt ans, la bonne foy y est perpetuellement requise, selon la Coustume de Paris. 358

Prescription du doüaire ne peut commencer contre les enfans du vivant du pere. 361

Prescription du droict de bannalité, & d'autres droicts negatifs, quand commence. 361

Prescription de l'action du recours de garantie, quand commēce à courir. 363

Prescriptions d'où dependent. 359

Protestation de foy, & reception en foy, comme different, & que c'est. 120

Preuention, sçauoir si le Roy l'a en France, par tout son Royaume. 65

Preuost de Paris se qualifie Iuge seul de la Police. 548

Preuosté & Vicomté de Paris, anciennement n'auoit point de Duc, & n'y auoit qu'un Comte & quatre Barons. 70

Princeps concedendo castrum, censetur concedere iurisdictionem. 9

à Principe tanquam à fonte omnes iurisdictionum riuuli sine iura manant. 13

Prior tempore, potior est iure, en France, en matiere d'hypoteque. 423

Prisons des hauts Iusticiers, quelles

Table du Traicté

- doiuent estre. 226. le Iuge Royal les doit visiter. *ibid.*
- Priuilege du seel du Chastelet de Paris, a lieu, non seulement contre les obligez, mais aussi contre les heritiers. 55. a lieu aux testamens tout ainsi qu'aux contractz. *ibid.* Il n'a lieu contre le tiers detenteur. *ibid.* s'est céd contre ceux qui sont demeurans hors le Parlement de Paris. *ibid.*
- Priuileges donnez aux proprietaires des fermes des champs, pour les moissons à eux deuës. 408
- Priuilegiez ne doiuent rien pour les peages. 564. exerçans mestier à quoy tenus. 562
- Priuilegiez opposans font euoquer l'instance des criées aux Requestes du Palais, & toutes les dependances. 60. en leurs concurrences, comme on se doit conduire. 63. 64
- Proces criminel intenté contre le mary decedé, ne se doit reprendre par la femme si elle veut. 202
- Proces intentez par contract passez sous seel Royal, raisons de ceux qui estiment les Iuges Royaux n'en pouuoir cognoistre. 38
- Proces est fait en France au delinquant par le Iuge du lieu auquel le delict a esté commis. 61
- Proces ne laissera à estre fait, encores que le prisonnier ne consignel'amende adiugée, par arrest. 210
- Proclamations comme & quand se doiuent faire au profne par le nouveau seigneur Feodal. 106
- Procureurs du Roy & des hauts Iudiciers sont tenus nommer leurs denonciateurs, s'ils en sont requis. 31
- Procureurs du Roy, pourquoy font adiourner les seigneurs. 579
- Procureurs du Roy, des declarations qu'ils font pour descharger leurs denonciateurs. 31
- Prohibition de se marier, faicte par le testateur n'est valable. 450
- Promettant fournir & faire valoir vne rente, n'est plus receuable à deguerpir. 369
- Proprietaire simple peut estre poursuivy pour les rentes assignées sur l'heritage qui luy appartient. 97
- Proprietaire est payé sur les meubles estans en sa maison. 407. comme & quand ont suite sur les meubles de leurs locatifs. 408. le dernier preferé au premier. 409. peut faire proceder par voye de gagerie sur les meubles estans en sa maison, baillée à loiage. 410. s'il doit estre preferé au creancier, auquel le locatif a baillé quelques meubles en gage. *ibid.* peut faire saisir les meubles de son locatif, en verifiant qu'ils ont occupé sa maison. 411
- Protection des Escoliers ne s'est céd point hors le Parlement de Paris. 53
- Prouision d'office, pour recompense de seruice, forme de la dresser. 218
- Prouision, si elle se peut adiuger contre le Roy. 158
- Prouisions quand sont iugées estre faictes pour recompenses de seruice. 216
- Pupillus tutori suo ciuilitur obligatur ex administratione.* 504
- Q**
- Q** Vando de iurisdictione agitur, locus contractus inspicitur. 38
- Quando quid commune est pluribus ut singulis, ou bien, pluribus, ut vniuersis, comme il se faut conduire. 560
- Qui non potest donare, non potest conferri. 186
- Qui semel elegit, voluntate postea mutare non potest. 193
- Quod initio vitiosum est, tractu temporis conualescere non potest. 338

R

R Achapt de rentes paternelles, les deniers prouenus d'iceluy adiugez à la mere comme heritiere de son enfant, par arrests. 435

Rachapt des rentes, & cession d'actions. 385

Ratification par yne femme, d'obligation passée en sa minorité sans faire les renonciations requises, qu'importe. 322

Receueurs des Consignations de quel temps leurs biens sont hypothéquez aux consignataires. 504

Reconuention n'a lieu en Cour laye, comme s'entend. 42. est admise quand elle est proposée par forme d'exemption. *ibid.*

Recours des condamez l'un pour l'autre en l'amende pour delict. 221

Regale, maxime combien l'ouuerture d'icelle dure. 140

Relief n'est deu par le Iusticier qui est seigneur feodal des heritages confisquez. 106

Renonciation à la communauté octroyée à la femme par arrest. 302

Renonciation quand est permise à la femme, & non à son heritier. 319. difference entre renonciation par contract & par la Coustume. 311

si la clause par laquelle il est permis à la femme de Renoncer à la communauté, & y renonçant, reprendre tout ce qu'elle auoit apporté, aura lieu aux enfans. 304

Rente acquise par vn coheritier ou codetenteur peut estre diuisée selon aucuns. 391

Rente, comment appelée heritage. 335

Rente constituée pour deniers portez par vn breuet. 427

Rente subiecte au douaire, denier prouenu d'icelle remployé, est subiect au douaire. 173

Rentes constituées par le mary, la femme n'ayant point parlé, à quoy est tenuë. 271

Rentes constituées par le mary auparavant le mariage, la femme estant poursuiuie, a son recours contre les heritiers de son mary. 277

Rentes foncieres se payent par les heritiers auxquels les heritages sont aduenus. 339

Rentier, encores qu'il soit payé des arrerages de sa rente, la prescription n'est interrompuë. 364

Renuoy ne peut estre donné du Iuge inferieur pardeuant le Iuge superieur. 540

Res sacra à commercio laicorum exempta est. 235

Res quæ in nullius bonis sunt, censentur esse Principis. 568

Ressort par appel n'est compris en la donation faicte par le Roy, du droict de Iustice. 20

Retraict feodal est cessible. 93. ceux qui tiennent engagement du Roy, ne peuuent vser dudit retraict. 94. lettres patentes obtenues par vn seigneur, afin d'vsr dudit retraict au lieu du Roy. *ibid.*

Retrayant conuentionnel, à luy appartiennent tous les fruiçts de l'heritage retiré du iour du remboursement. 176. au lignager appartiennent les fruiçts du iour de la demande. *ibid.*

Retrocession d'une debte, comme il faut estre receu partie au proces. 388

Richard Roy d'Angleterre, de son decez. 591

Riuieres nauigables appartiennent au Roy. 507

Riuieres non nauigables & petites

Table du Traicté

à qui appartiennent.	569	Seigneurs, & les Notaires Royaux	
<i>Romani soli habebant ius patriæ potestatis.</i>	282	n'y peuuent instrumenter, sinon en	
Roiage, forage, & foyage, que		deux cas.	523
c'est.	579	le Roy ne peut exploiter és terres	
Le Roy, seul seigneur Voyer, s'il		des Seigneurs Iusticiers, qu'en deux	
n'y a iuste empeschement. 5. il est fon-		cas.	551
dé de droict commun en toute Ius-		les Rois anciennement s'attri-	
tice, en tout son Royaume. 13. le		buoient les thresors.	590
droict de Iustice depend de luy en			
France. <i>ibid.</i> il n'est point condamné		S	
és despens: aussi on ne luy adiuge		Saisie feodale pour quelle cause	
point de despens. 31. il n'adresse les		peut estre faicte.	115
lettres aux Iuges non Royaux. 34.		Saisie ne peut estre faicte à faute	
sçauoir s'il a droict de preuention		d'homme, par ceux qui tiennent en	
par tout le Royaume. 65. n'a droict		engagement du Roy. 93. ne se fait en	
de preuention en la Preuosté & Vi-		tout cas par le seigneur feodal, que	
comté de Paris. 66. quand il a por-		quarante iours apres la mutation du	
tion en vne Seigneurie, les officiers		vassal aduenü. 105. estant faicte par	
seuls la peuuent bailler à ferme. 71		le seigneur feodal, à faute d'homme	
le Roy possédant heritages au de-		& de droict, se rend propriétaire de	
dans des fiefs & seigneuries des sei-		tous les fruiçts, soit de bois taillis, ou	
gneurs, en quoy sont interessez. 87.		estangs.	<i>ibid.</i>
est tenu vuidier ses mains des herita-		Saisies se peuuent faire en la Cou-	
ges qui luy sont confisquees, lesquels		stume de Paris, par le mandement	
ne sont tenus en fief ou censue de sa		des seigneurs feudaux & censiers, &	
Maiesté. 88. retenant fiefs ou herita-		par Sergents.	12
ges roturiers qui sont confisquees, est		Saisies se peuuent faire par vn sim-	
tenu payer indemnité aux seigneurs		ple mandement du seigneur feodal	
feudaux & censiers desdits heritages.		ou censier. 6. leur sont permises, &	
89. peut retenir par retraict feodal le		toutesfois ne leur attribuent droict	
fief mouuant de luy, & l'vnir à son		de Iustice.	8
domaine. 90. Arrest de ce que dessus.		Saisissant, le premier est payé non-	
<i>ibid.</i> peut ceder le retraict feodal qui		obstant toutes poursuites.	418
luy appartient. <i>ibid.</i> quãd il donne vn		Sauuegarde se donne par le Iuge	
fief qui luy a esté confisqué, n'est deu		Royal, & asseurement par Iuge sub-	
qu'un seul rachapt. 95. il ne plaide ia-		alterne.	54
mais pardeuant vn Iuge subalterne.		Sauuegarde, remissions & rappeaux	
259		de ban se donnent par le Roy seul.	
le Roy nomme aux Eueschez &		25	
Archeueschez. 225. il succede seul à		Seaux Royaux ne sont point attri-	
l'estranger. 501. luy seul peut amortir		butifs de iurisdiction en France.	39
heritages. 509. pourquoy. 510. le Roy		Second mary donataire ne prend	
donnant droict de Iustice, ne donne		rien és conquests des premiers ma-	
pas droict de Tabellionnage. 515. il		riages.	453
ne peut creer Notaires és terres des		Secretaires du Roy exempts tant	

des droicts de Iustice.

des peages du Roy que des Seigneurs. 583

Seigneur censier pour les lots & ventes est preferé au bailleur d'heritage. 503

Seigneur feodal quand est tenu recevoir en foy le curateur crée au fief saisi. 116. comme peut estre contraint de donner souffrance. 117. des fruits du fief des mineurs qu'il peut faire saisir & gager, encores qu'ils n'ayent aucun tuteur ny curateur. 118

Seigneurs priez de leur Iustice en cas d'abus, par arrest. 224

Seigneurs feodaux & censiers qui n'ont Iustice, ne peuvent auoir officiers. 11. se doiuent faire pouruoir par requeste pour faire saisir. 12

Seigneurs sont tenus monstrier tiltre du droict de Iustice par eux pretendu. 14

au Seigneur vsufruitier appartiennent les confiscations escheuës pendant la iouissance de son vsufruit. 95

Seigneur qui n'a que basse & moyenne Iustice peut faire vn papier terrier. 595

Sentence du Thresor, pour le faict des Thresors trouuez en or. 592. 593

Sentence des Requestes pour l'adjudication des Espauës. 577

Separation des biens estant entre la femme & le mary, elle a deliurance de son doüaire & conuentions matrimoniales. 180

Separation de biens faicte pour indigence du mary, si les conuentions de mariage conditionnelles se peuvent demander. 182. coobligez & creanciers du mary doiuent estre sommez au proces de ladite separation. 183

Sergens Royaux comme & quād peuvent exploiter es terres des hauts Iusticiers. 533. de leur pouuoir pour

l'execution des obligations & sentēces données es terres desdits Seigneurs. *ibid.* comment peuvent estre adiournez. 534

Sergens Royaux ne peuvent demeurer es terres des hauts Iusticiers qu'en certains cas. 517. ny mesme exercer leur office. *ibid.*

Sergens Royaux sont iusticiables en tous cas, sinon quand il est question de leur office. 534

Sergens ne peuvent estre créez par Seigneurs feodaux & censiers. 10. saisies doiuent estre faictes par eux. 12

Sergens, par quel espace de temps doiuent estre en garnison. 259

Sergent ne peut en vertu de Gardes gardiennes ou protections faire renuoy des causes, mais seulement en vertu des lettres de *Committimus*. 63

Seruitude ne peut estre acquise sans faire apparoir de la constitution d'icelle. 561. sans tiltre ne se peut acquierir. *ibid.*

Singula singulis distributiue sunt referenda. 299

Societas morte vnus ex sociis soluitur. 132

Socij mei socius, meus socius non est. 136

Socius numquam tenetur ex delicto socij, etiam si socij omnium bonorum. 201

Soubs-locatifs comme peuvent estre executez. 411

Souffrance, quand expire le temps d'icelle baillé par la Coustume 117. elle peut estre demādée par Procureur. 119. quels ne la peuvent demander. *ibid.*

Souffrance que les Seigneurs feodaux sont tenus bailler, en cas de saisie de fief. 117

Subiect du haut Iusticier, comme & quand doit comparoir pardeuant le Iuge Royal estant adiour-

Table du Traicté

né en personne. 67
 Subiets ne peuuent auoir four, pres-
 soir, ny moulin, au preiudice du
 droict de Bannalité du Seigneur. 556.
 quand est permis aller moudre, cui-
 re ou presser ailleurs. *ibid.* quand
 peuuent prescrire & acquerir liberté.
 560. quels grains doiuent moudre.
 561
 Subiets sont tenus se nourrir pen-
 dant qu'ils sont corués à leur Sei-
 gneur. 562. combien sont tenus en
 faire, & à quelle condition. 565
 Submissions emportent proroga-
 tion de iurisdiction par la disposition
 du droict. 38. ne sont attributives de
 iurisdiction, encores que le defen-
 deur soit demeurant dedans le Bail-
 lage. 39. n'ont aucunement lieu quād
 le defendeur demeure hors le Bailla-
 ge. 40. portées par les contrats, ne
 preiudicient aucunement aux Sei-
 gneurs Iusticiers. 41
 Substitution n'ayāt esté enregistrée
 au Greffe ne nuit aux mineurs. 471
 Succession des Bastards, sentence
 du Thresor sur ce. 506
 Suruiuant, ce qu'il doit faire pour
 euitier la continuation de commu-
 nauté. 131
 Suruiuant, s'estant remarié, comme
 se cōtinue la communauté, & com-
 ment les biens sont partagez. 135
 Suruiuant, quand par contract de
 mariage prend tous les meubles &
 conquests immeubles, il est tenu
 payer toutes debtes. 294
 Suruiuante, ce mot inferé au cōtract
 de mariage n'exclud les enfans de
 pouuoir renoncer à la communau-
 té. 297, mais seulement les heritiers
 collateraux. 298

T

Tabellion & Notaire en quoy
 different. 526
 Tabellionnage, si ce droict appar-

tient aux hauts Iusticiers. 513. s'il se
 peut acquerir contre le Roy. 516
 Tabellionnage, est *actus iurisdic-
 tionis voluntariae*. 520. qui a ce droict
 a droict de seel aux contracts. 518
 Tailles pour estre imposées, faut
 considerer le domicile au iour saint
 Remy. 44. en France on n'est tenu
 de payer qu'en vne seule paroisse.
ibid. ne sont pas pures réelles, mais
 mixtes, & censées plustost person-
 nelles que réelles. *ibid.*
 Taureau Bannier que c'est. 564
 Temps de deux ans n'a lieu pour
 le regard de l'authentique, *si qua
 mulier*, ny la gemination d'obliga-
 tion. 226
 Temps de la mort en donnant se
 cōsidere pour le nōbre des enfā. 453
*Territorium probatur ex solutione cen-
 sus, nec ipsum potest esse sine iurisdic-
 tione.* 8
 Testament, comme vn homme par
 iceluy peut disposer de ses pro-
 pres outre le quint. 343. debtes du
 defunct, ne sont de l'erection & ac-
 complissement d'iceluy. 345
 Testateur, raisons par lesquelles il
 peut leguer aux enfans de l'vn de ses
 heritiers. 446
*Testator potest concedere legatario, ut
 rē legatā propria auctoritate accipiat.* 48
 Thresor caché d'ancienneté &
 de temps immemorial comment di-
 tribué, & diuisé. 5. voyez Thresor.
 Tiercemens & doublemens ne se
 font és adiudications par decret. 570
 Tiers detenteur comme se gouuer-
 ne. 363. peut estre executé en les biēs.
 364. payoit arrerages de son temps.
 366.
 Tiers detenteur comme doit estre
 condamné pour les arrerages d'une
 rente. 351
 Tiers detenteur qui a deguerpy, se
 doit opposer pour ses labours &

semences. 374. peut entrer apres toutes debtes payées en l'heritage.

375. on n'a pas action cōtre luy pour le payemēt du prix de l'védition. 382

Tiltre, *qui in fraudem creditorum*, interpreté. 461

Tiltre, *de quibus rebus ad eundem Iudicem eatur*, cōment se pratique. 47

Tiltre, *de separationibus bonorum*, comme se pratique. 499

Tiltre nouveau se doit passer par l'heritier de la rente constituée par le defunct. 350

Tiltres anciens quand portent qu'un Seigneur de fief a Iustice, quelle Iustice luy doit estre adiugée. 76

Ton lieu, quel droict c'est, & à qui appartient. 92

Translation de domicile ne change & ne corrompt les conventions matrimoniales. 236. n'induit communauté entre gens mariez au pays de droict escrit. 288

Transport simple ne saisit point. 414. deux formes de transport. 415

Transportans, s'entendent faire cession d'actions. *ibid.*

Thresor grand trouué en Limosin. 590

Thresor trouué à Paris ruë de la Huchette. 594. autre à Soissons. 594.

595

Thresors & Espaues different. 598

Thresors trouvez en France, à qui appartiennent, arrest sur ce. 589

Thresors trouvez, par la dispositiō de droict à qui appartiennent. 595.

Philosophes anciens à qui les attribuoient. 591. doivent estre denoncez à Iustice. *ibid.* par la Loy de nature, à qui sont. 592. trouvez es lieux sacrez qui se les peut vendiquer. 595

Tuteur des mineurs comme doit faire renoncer les parens maieurs à la succession de leur parent comptable.

170

Tuteur ne peut destituer les officiers. 217

Tuteur quand doit estre condamné es despens en son nom. 276. est tenu en son nom des defaux & contumaces. *ibid.* comme se doit conduire à la poursuite des proces de son mineur. *ibid.*

Tuteur s'il a tacite hypoteque sur les biens de son mineur. 504. conduite d'iceluy pour hypoteque. 505

Tuteurs, curateurs & autres administrateurs doivent estre poursuivis de rendre compte au lieu auquel ils ont administré. 46

Tuteurs & curateurs, par qui créés. 6

Tuteurs des mineurs, tenus demander souffrance aux Seigneurs feudaux. 117

V

V Assal priué de l'usufruit de son fief, pour auoir démenty en iugement son Seigneur feodal. 80

Vassaux refusez par le Seigneur feodal à la prestation de foy & hommage, comme se doivent conduire. 116

Veufue comment preferée aux creanciers. 502

Veufue & plusieurs heritiers cōme sont tenus payer les despens esquels ils ont esté condamméz. 403. sont tenus contribuer aux despens du proces qu'il conuient intenter. 404

Veufue est habillée de ducil aux despens des heritiers de son mary. 274

Veufue iouissant de son doüaire coustumier peut estre poursuivie pour les rentes de son mary constituées auparavant son mariage. 196

Veufue doüaierie s'opposant aux criées de l'immeuble de son mary iotira à part & à diuis de la terre decretée tāt que doüaire aura lieu. 192

Table du Traicté des droicts de Iustice.

Vendeur comment preferé aux creanciers. 502. preference du bailleur. 503

Vendeur de la chose mobiliere avec termes, pourquoy est plus priuilegié, que le propriétaire de la maison. 413

Velleian n'a point de lieu en obligatiō principale. 319. il n'a aussi lieu, *quando contrahitur in rem communem, vel contrahentes sunt socij. ibid.* la femme peut renoncer à iceluy. *ibid.* *Velleianum subuenit mulieribus deceptis non decipientibus.* 320. quand la femme n'a renoncé à iceluy, est besoin obtenir lettres pour casser le contract. 321

Vendito castro censetur vendita iurisdictionio. 9

Vniuersitez & supposts d'icelle sont en la sauue-garde du Roy. 26

Voirie, le droict d'icelle controuersé, entre le Roy & les Seigneurs hauts iusticiers. 548. recit d'yn plaidoyé pour ce faict. 549. le droict d'icelle appartient au Roy. 550. on ne peut riē faire sur icelle. *ibid.* ce droict *non potest esse de Regalibus.* 551. diuerses opinions pour le droict d'icelle. *ibid.* haut iusticier n'a droict d'icelles

s'il n'en a tiltre ou possession immémoriale, & le Roy a droict de preuention. 553

Voyer de Paris, & de sa domination. *ibid.* son pouuoir. *ibid.* vnion de l'office de Voyer. *ibid.* n'a aucune iurisdiction. *ibid.* la seance. *ibid.*

Vsufuictier iouyt de l'heritage duquel l'vsufuict luy a esté donné en tel estat qu'il le trouue, sans rembourser les labeurs. 177

Vsufuictier s'il est tenu contribuer au payement des debtes du defunct, mesme le pere suruiuant qui iouyt par vsufuict des conquests. 265. est tenu contribuer au payement des arerages des rentes. 266. raisons de ceux qui dient deuoir estre contraint de contribuer aux debtes mobilières. *ibid.* opinion contraire. *ib.* iouysant par vsufuict des conquests pourquoy est tenu contribuer au payement des debtes. 267

Vsufuictier simple peut estre poursuiuy pour les rentes assignées sur l'heritage duquel il iouyt. 197

Vxor in officio mariti esse debet, & marito operas & obsequia prestare gnetur. 104

Fin de la Table.

TRAICTE' DE IEAN BACQVET,


ADVOCAT DV ROY
EN LA CHAMBRE DV THRESOR.

DES TRANSPORTS FAICTS
*de Rentes constituées sur l'Hostel de la ville de Paris;
ou deuës par particuliers : Conformément
aux Arrests de la Cour.*



A PARIS,
DE L'IMPRIMERIE
De FRANÇOIS IVLLIOT, rue & près la porte
Saint Victor, au Soleil d'or.

M. DC. XXX.





CLARISSIMO VIRO,
DOMINO IACOBO GVESLEO,
Sacri Consistorij Regij Consiliario,
Regisque Procuratori Generali
integerrimo.

IOANNES BACQVET

S.



*Q*UAE de conventionibus circa annuos pecuniae reditus, & litium quae ex his frequenter oriuntur componendarum ratione conquiesui. Visum est dicare tibi (vir ornatissime.) Non quod libellum hunc te dignum censeam. Absit, non enim formali precio, (quod ait Vlpianus) sed secundum rei veritatem aestimo. Definitiones quaedam sunt amplissimi ordinis decretis comprobatae. Non magna opera opus compositum, plus diligentiae fuit in congerendo, quam industriae in digerendo. Quicquid tamen illud est, quia motis super hac re litibus, hodie perstrepunt Iudicum subsellia inductus sum, Ut in publicum proferrem tibi que inscriberem. Cuius auctoritate, prudentia & consilio non solum huiusmodi controuersiae, sed aliae multo grauiiores & celebriores dirimuntur. Fuit & alia causa muneris huius quantumlibet leuis tibi offerendi: humanitas scilicet tua, qua

me immerentem, meosque omnes iamdudum amplexus es. Quaequidem ut ad tui amorem me attraxit, ita quæ in te est rerum omnium peritiæ comes eloquentia ad tui admirationem rapuit: Verum in publica commoda peccem, si te longiore sermone morer: te inquam,

*Cui vitæ pars nulla perit, quodcumque recedit
Litibus, incumbit studiis, animusque vicissim,
Aut curam imponit populis, aut otia musis.*

Hoc tantum te rogabo, ut à me quæ in fisci patrocínio ab annis quadraginta, quodammodo in partem tui muneris vocatus verso: hoc opusculum benignè accipias. In tenui quidem labore: At tenuis non gloria, si tibi gratum animum meum fuisse animaduvertero. Vale.




T A B L E
DES CHAPITRES
DV PRESENT TRAICTE.

PREMIERE PARTIE CONCERNANT
les transports faicts des Rentes constituées sur
l'Hostel de la ville de Paris.

CHAP. I

II.



*P*OUR QUOY l'Auteur a divulgué le present
Traicté, & l'ordre gardé en iceluy. fucillet 1

*Difference entre les transports de rentes consti-
tuées sur l'Hostel de la ville, faicts par contract de
vendition: & ceux qui sont faits par contract d'es-
change.* 2

III.

*Du transport fait par vendition de rentes sur l'Hostel de ville,
avec promesse de garantie generale de tous troubles: ou sans pro-
messe de garantir.* ibid.

IV.

*Quand le transport fait par vendition de rentes sur l'Hostel de
la ville, contient promesse de garantir, fournir & faire valoir, tant
en sort principal, arrerages, que rachapt.* 4

V.

*Du transport fait par vendition, avec promesse de garantir, four-
nir & faire valoir, nonobstant le faict du Prince, & cas fortuits.* 5

VI.

*A quoy est tenu le cedant d'une rente constituée sur la ville: qui
entre la promesse de garantir, fournir & faire valoir, s'est obligé, à
faute de payement, payer & continuer la rente: & quand le debteur
de la rente, ou le tiers detenteur peut alleguer prescription contre le
creancier d'icelle.* 6

VII.

*Des transports faicts de rentes constituées sur l'Hostel de la ville
de Paris, par contract de mariage: avec promesse de les garantir,
fournir & faire valoir.* 11

VIII.

*Des transports faicts par contract d'eschange de rentes consti-
tuées sur l'Hostel de la ville de Paris: avec promesse de garantie pu-
re, simple & generale.* 14

IX.

Effect des transports faicts de rentes constituées sur l'Hostel de la

Table des Chapitres


- ville de Paris, par contract d'eschange, avec promesse de garantir, fournir & faire valoir, tant en sort principal, arrerages que rachapt.* 17
- X. *Quand le compermutant outre la promesse de garantir, fournir & faire valoir la rente transportée sur l'Hostel de la ville, a promis à faute de paiement la payer & continuer.* 26
- XI. *Si celui qui pour un office venal a cédé & transporté rente constituée sur l'Hostel de la ville de Paris, avec promesse de la garantir, fournir & faire valoir, est tenu payer les arrerages d'icelle, à faute de paiement fait par le Recuteur de la ville.* 27
- XII. *Celui qui est condamné payer & continuer une rente transportée sur l'Hostel de ville, par contract d'eschange, peut demander resolution du contract. Et rendant l'heritage qui luy a esté transporté, est deschargé à l'aduenir de la rente qu'il a cédée.* 33
- XIII. *Comme le cedant de la rente sur l'Hostel de ville, se doit conduire pour faire l'option qui luy a esté donnée de la resolution du contract d'eschange.* 38
- XIV. *Si celui qui rentre en l'heritage baillé en eschange de rente transportée sur l'Hostel de ville, doit estre payé de tous les arrerages escheus à cause de la rente iusques au iour qu'il rentre en son heritage.* 39
- XV. *Si celui qui rentre en la maison qu'il auoit baillée en contr'eschange des rentes constituées sur l'Hostel de ville, le contract estant resolu, doit rembourser tous les bastimens neufs, meliorations & augmentations qui y ont esté faictes.* 42

SECONDE PARTIE CONCERNANT les transports faicts des Rentes deuës par particuliers.

- XVI. **D***ifference entre les transports de rentes deuës par particuliers, faits par contract de vendition, & ceux qui sont faits par contract d'eschange.* 45
- XVII. *Du transport fait de rentes constituées sur particuliers par contract de vendition, avec promesse generale de garantir de tous troubles & empeschemens, ou sans aucune promesse de garantir.* 46
- XVIII. *A quoy est tenu le vendeur d'une rente deuë par particuliers, qui outre la garantie generale, a promis fournir & faire valoir, tant en*

du Traicté des Rentes.

- principal que cours d'arrerages.* 50
- XIX.** *Effect des transports par contrats de rēte due par contract de vendi-
tion avec promesse de garantir, fournir & faire valoir la rente ce-
dée, & à faute de payement la payer & continuer.* 55
- XX.** *Des transports par contract d'eschange de rente due par particu-
liers, avec promesse de la garantie generale.* 56
- XXI.** *A quoy est tenu celuy qui a transporté une rente due par parti-
culiers, en contr'eschange d'un heritage, & a promis garantir, four-
nir & faire valoir la rente ccedée, tant en principal, cours d'arrera-
ges que rachapt.* 57
- XXII.** *Des trāsports faits par contract d'eschange de rentes deues par par-
ticuliers, avec promesse de la garantir, fournir & faire valoir, & à
faute de payement, la payer & continuer.* 66
- XXIII.** *Celuy qui a transporté en contr'eschange d'heritage, une rente
constituée par particuliers, avec promesse de la garantir, fournir,
& faire valoir : & à faute de payement des arrerages, de payer &
continuer, ne peut demander resolution du contract d'eschange, en-
core qu'il offre rendre l'heritage qui luy a esté baillé.* 67
- XXIV.** *Declaration des Edits par le Roy, sur le payement des arrerages
des rentes.* 70
- XXV.** *Que pour rentes constituées sur l'Hostel de la ville de Paris, ou
deues par particuliers, baillées en eschange à heritages roturiers : ne
sont deuz lots ny ventes. Et comme en tels contracts il se faut
conduire.* 77
- XXVI.** *Des transports faits de debtes pecuniaires, sans garantie, ou avec
garantie generale, ou avec promesse de garantir, fournir & faire
valoir.* 85





PREMIERE PARTIE

DV PRESENT TRAICTÉ,

CONCERNANT LES TRANSPORTS

faicts de Rentes constituées sur l'Hostel
de la ville de Paris.

POVRQVOY L'AUTHEVR A
diuulgué le present Traicté, & l'ordre gardé en iceluy.

CHAPITRE I.



YANT cogneu, non seulement pendant la captiuité de la ville de Paris, mais aussi depuis, que par la bonté Diuine elle a esté reduite à l'obeyssance du Roy, nostre vray, naturel, & legitime Prince, que plusieurs proces, differents, & debats, ont esté & ordinairement sont meus & intentez pour raison des cessions & transports qui ont esté faicts des rentes constituées, tant sur l'Hostel de cette ville de Paris,

*Pourquoy
l'Auteur a
diuulgué le
present
Traicté.*

que deuës par particuliers, & que pour ce regard, les aduis sont fort incertains, & se donnent plusieurs iugemens diuers, voire contraires les vns aux autres. Ayant faict vn petit recueil des Arrests donnez pour le payement des rentes ainsi cedées & transportées, il me semble expedient mettre en lumiere ce que briuelement en ay redigé par escrit : à ce qu'on puisse clairement entendre & cognoistre comme en telles matieres il est besoin se conduire, & comme on doit vuider & terminer les differents meus & à mouuoir pour ce regard. Et si cognois que ce petit Traicté soit agreable aux Lecteurs, cela me donnera occasion d'en diuulguer quelques autres qu'ay redigé pendant ces troubles, mesmes les augmentations par moy faictes sur les Traictez cy-deuant mis en lumiere, des droicts du Domaine de la Couronne de France, concernans les Aubeines, Bastardises, Des-herences, Francs-Fiefs, Nouveaux Acquests, Annoblissemens, & droicts de Iustice, haute, moyenne & basse: & pour en cette matiere garder certain ordre; En la premiere partie d'i-

*Traictez cy
deuant mis
en lumiere.*


Ordre gardé
au present
Traicté.

celle, ie traicteray des rentes cedées & transportées sur l'Hostel de la ville de Paris: & en la seconde partie ie parleray des rentes cedées sur particuliers, le tout le plus clairement, & briefuement que faire se pourra, conformément aux Arrests de la Cour de Parlement, qui ont esté publiquement donnez, és plaidoyers, & sur proces par escrit, desquels ay eu cognoissance.

Difference
entre les
transports
de rente faits
par vendi-
tion, ou par
eschange.

DIFFERENCE ENTRE LES TRANSPORTS de rentes constituées sur l'Hostel de la ville, faicts par contract de vendition, & ceux qui sont faicts par contract d'eschange.

CHAPITRE II.



POUR clairement entendre comme sont tenus & peuvent estre pour suivis ceux qui ont cedé & trāsporté rentes cōstituées sur l'Hostel de la ville Paris, desquelles ay delibéré premierement traicter: Il est besoin distinguer les cessions & transports, qui sont faits moyennant deniers, ou pour deniers par contract de vendition, de mariage, & autres semblables, d'auec les cessions & transports qui se font par contract d'eschange & permutation: de chacun desquels il conuient particulièrement parler. Et pour parfaictement cognoistre l'effect, nature, & condition des cessions & transports qui se font par contract de vendition de rentes constituées & assignées sur l'Hostel de la ville de Paris; quelles actions on peut intenter contre les cedans & vendeurs d'icelles, lors qu'on ne peut estre payé des arrerages qui en sont deubs, & à quoy les cedans sont tenus:

Cinq especes
de transports
faits par
vendition.

Il conuient entendre qu'il y a cinq especes de cessions & transports qui se font par contract de vendition, lesquelles seront cy-apres declarées.

DU TRANSPORT FAICT PAR vendition de rentes sur l'Hostel de la ville, avec promesse de garantie generale de tous troubles: Ou sans promesse de garantie.

CHAPITRE III.

Du transport
faict par
vendition,
avec pro-
messe de ga-
rantie gene-
rale.



A premiere espece de cessions & transports faicts par contract de vendition de rentes constituées sur l'Hostel de la ville de Paris, moyennant deniers payez & cōptez est: Quand on a acquis par achapt cent liures de rente qui auoient esté constituées sur l'Hostel de

la ville de Paris, moyennant douze cens liures tournois, & que le vendeur & cedant de cette rente a promis la garantir entemes generaux, de tous troubles & empeschemens quelconques. En ce cas on tient que l'acquireur n'a aucune action contre son vendeur, parce qu'en garantie generale n'est aucunement compris le faict du Prince, d'hostilité, ny autres cas fortuits & extraordinaires. *l. Lucius. ff. de euict. l. qua fortuitu. C. de pignorat. act. l. contractus. in fine. ff. de regul. iur.* Aussi que la promesse de garantie generale ne concerne que le fonds & propriété de la rente, quand on denie qu'elle soit deuë, ou bien quand l'acquireur est euincé de la rente qui luy a esté vendue & transportée, ce qui n'est es rentes constituées sur l'Hostel de la ville de Paris, desquelles n'y a aucune euiction: mais vn simple reculement du payement des arrerages d'icelle, au payement desquels arrerages ne s'estend la promesse generale de garantie, cōme il sera amplement declaré au 8. ch. du present Traicté, lequel il est besoin veoir, ioint que le Roy debteur desdites rentes, & aussi l'Hostel de la ville de Paris, sont noitoirement solubles. De faict les Marguilliers de la Paroisse de S. Nicolas des Champs, ayans transporté à George Regnier, Maistre Masson à Paris, & promis garantir de tous troubles, euictions, obligations, & autres empeschemens generalement quelconques, tant en fort principal que cours d'arrerages, 50. liures de rente constituée sur l'Hostel de ceste ville de Paris, qui leur auoit esté leguée par feu Monsieur Boudet, viuant Seigneur de Lodon: pour demeurer par lesdits Marguilliers quittes enuers ledit Masson de la somme de six cens liures, à cause des pierres par luy liurées pour la construction de partie de leur Eglise: le cessionnaire du Masson n'estant payé par le Receueur de la ville, des arrerages de ladite rente, il met en proces les Marguilliers, afin de luy payer lesdits arrerages. Par Arrest donné en plaidoyrie le Lundy vingtiesme Iuillet, 1592. les parties sont mises hors de cour & de proces.

En garantie generale n'est cōpris le faict du Prince, ny le cas fortuit.

Arrest.

Le semblable doit estre obserué entre coheritiers, qui ont partagé entre eux des rentes constituées sur l'Hostel de la ville de Paris, avec autres heritages, & autres rentes constituées par particuliers estans de la succession d'un defunct, & ont respectiuement promis garantir leurs lots, ou bien n'y a eu entre eux aucune promesse de garantie, & se sont contentez de la garantie tacite & legale baillée entre coheritiers par la loy *fi. familia. Cod. familia eriscunda*. Lesquels pour le regard des rentes bien & deuëment constituées sur l'Hostel de ville n'ont aucun recours les vns contre les autres, non plus que l'acheteur d'une rente constituée sur l'Hostel de ville n'a point de recours contre son vendeur qui a promis vne garantie generale. *Cum diuisio vicem emptionis oblineat*, comme dict la loy premiere. *Cod. communia utr. Iudic.* Combien que pour heritages partages qui sont euincez, & pour rentes constituées sur particuliers non solubles mises en partages, les heritiers ayent recours les vns à l'encontre des autres, pour les portions hereditaires de chacun coheritier, encores qu'il n'y ayt aucune promesse expresse de garantie, comme ceste promesse

En partage de rentes constituées sur l'Hostel de ville n'y a garantie entre coheritiers.

Entre coheritiers a tañsible promesse de garantie.

Si le transport de rente sur la ville de Paris, ne contient aucune promesse de garantie n'y a aucun recours.

estant tacite & legale, dicta lege si familia. l. si cum venditor, §. diuisione. ff. de euct. l. item quamuis in fine. ff. communi diuid. l. si fratres Cod. com. vbi iudic. Si le transport de rente constituée sur l'Hostel de la ville de Paris, ne contient aucune promesse de garantie, le cedant d'icelle n'est aucunement tenu au payement du sort principal, ny des arrerages de la rente, parce que le Roy & la ville de Paris, sont notoirement solubles, & le payement de telles rentes ne peut estre empesché ny retardé sinon par le faict du Prince, hostilité, incursion d'ennemis, ou autres cas fortuits, desquels le cedant n'est aucunement tenu, comme il a esté dict cy-dessus. Bien est vray que si la rente n'estoit bien & deuëment constituée, ou si le cedant auparauant la cession, l'auoit vendue & aliénée, ou bien obligée & hypotequée, en ce cas comme stellionataire & faux vendeur, il en seroit tenu, d'autant qu'il seroit question de ses faicts, promesses & obligations. l. 3. §. maximè. ff. de crim. stellionatus. l. si quis in pignore. §. sed & quis. ff. de pignor. act. l. ex iis pradiis. C. de euct.

QUAND LE TRANSPORT FAICT
par vendition des rentes sur l'Hostel de la ville contient
promesse de garantir, fournir, & faire valoir, tant
en sort principal, arrerages, que rachapt.

CHAPITRE IV.

De transport contenant promesse de garantir, fournir & faire valoir la rente vendue & transportée,



La seconde espece de transports qui se font de rentes assignées sur l'Hostel de la ville de Paris, par contract de vendition est, Quand le vendeur & cedant a promis garantir, non seulement de tous troubles & empeschemens quelconques: mais a promis fournir & faire valoir, tant en sort principal que cours d'arrerages, la rente par luy transportée. En ce cas la Cour a appointé les parties au Conseil, & cependant n'a adiugé aucune prouision, parce qu'on soustient, que les promesses susdites ne contiennent qu'une simple realité. Que la rente est loyaument deuë, bien constituée, & que le Roy debteur de la rente, pareillement la ville, sont notoirement solubles. Qu'il n'y aucune euction de la rente, mais vn simple reculement de payement des arrerages, au moyen de la misere & calamité du tēps, laquelle chacun doit porter, comme il a esté iugé par plusieurs Arrests donnez en plaidoyrie: mesmes l'vnziesme Decēbre, 1590. & le Lundy 12. Aoust 1591. pour Iean Iabier, & Benjamin Regnard, heritiers de feu Leon Cornu, appellās des Requestes du Palais, Contre Damoiselle Catherine Poncet intimée, & infinis autres Arrests semblables, portās appointement au Conseil. Toutesfois tant

aux Requestes du Palais, qu'au Chastelet de Paris, on iugeoit le contraire par le moyen de la promesse, de fournir & faire valoir, tant en sort principal que cours d'arrerages, laquelle on disoit auoir plus d'effect qu'une simple promesse de garantie. Et pour ce regard est besoin veoir ce qui sera dit aux neuf, dix-huict, & vingt-vniesme chapitres du present discours, auquel sera declaré l'effect de la promesse de garantir, fournir, & faire valoir. Et ne veux parler plus auant de la seconde espee de transport fait, par vendition de rentes constituées sur l'Hostel de la ville de Paris, iusques à ce qu'il en ayt esté decidé par la Cour.

*DV TRANSPORT FAIT PAR
vendition, avec la promesse de garantir, fournir &
faire valoir nonobstant le faict du Prince.*

CHAPITRE V.


LA troiesme espee des transports dessusdits est, Quand le vendeur & cedant, moyennant deniers, a promis garantir, fournir & faire valoir la rente par luy vendue & cedée, constituée sur l'Hostel de la ville de Paris, tant en sort principal, que cours d'arrerages, nonobstant faict de Prince, incursions d'ennemis, guerre ciuile ou estrangere, retranchement de deniers assignez en tout ou partie, cessation du reuenu, des assignations, Edicts, Ordonnances, Arrests, Iugemens, & de tous autres cas fortuits & inopinez. Pour lesquels ou aucuns d'iceux, le payement de ladite rente cessast, fust empesché ou retardé. En ce cas on n'observe le semblable, qu'en la seconde espee de cession & transport de vendition cy dessus recitée. Parce que la promesse de cas fortuits ne s'entend sinon de *solitis*, qui sont quelquefois aduenus: nō pas de *insolitis*, qui ne sont iamais aduenus: quoy que ce soit, rarement, & ont passé l'entendement humain, prouidence & prudence des hommes, comme dit la loy seconde, §. *si co tempore. ff. de administrat. rer. ad ciuit. pert. l. fistulas, §. finali, ff. de contract. empr. l. sed si quis. §. quassum. si quis caut.* comme il sera amplement declaré au 9. chapitre du present discours.

Du transport fait avec promesse du Prince.

A QUOY EST TENV LE CEDANT
d'une rente constituée sur la ville, qui outre la promesse de garantir, fournir, & faire valoir, s'est obligé à faute de paiement, payer & continuer la rente. Et quand le débiteur de la rente, ou le tiers détenteur peut alleguer prescription contre le créancier d'icelle.

CHAPITRE VI.

Des transports contenant promesse de payer & continuer la rente à faute de paiement des arrerages d'icelle.



A quatriesme espece de cessions & transports faicts par contract de vendition de rentes assignées sur l'Hostel de la ville de Paris est: Quand outre la promesse de garantie simple, ou bien outre la promesse de fournir, & faire valoir, tant en sort principal que cours d'arrerages, nonobstant le faict du Prince, & autres cas fortuits, le vendeur & cedant de la rente a promis payer & continuer la rente par luy transportée apres vn simple commandement fait au Receueur de la ville de Paris. Ou bien a promis payer les arrerages d'icelle apres vne simple sommation faicte au Receueur de la ville faute de paiement. Ou bien apres vn simple refus de payer, fait par le Receueur de la ville. Ou bien outre les promesses & assurances susdites, est conuenu & accordé que si l'achepteur estoit cy- apres empesché en la jouïssance, perception & continuation de la rente, en quelque sorte, & pour quelque cause que ce soit, en ce cas le vendeur & cedant sera tenu, a promis, promet & gaige en son propre & priué nom, payer & continuer, fournir, & faire valoir à l'achepteur, ses hoirs & ayans cause, la rente vendue & cedée aux quatre quartiers de l'an à Paris accoustumez, generallyment sur tous & chacuns les heritages & biens meubles & immeubles, presens & aduenir. En ce cas au moyē de la personnalité & promesse de paiement portée par le contract, de payer au cas, quoy qu'il ne soit payé par le Receueur de la ville de Paris, qui est vne vraye constitution de rente sur soy & sur ses biens. L'achepteur & cessionnaire de la rente apres vn simple commandement fait au Receueur de la ville de Paris, ou bien à faute de paiement à chacun terme, peut valablement agir contre son vendeur & cedant, à ce qu'il soit condamné suiuant sa promesse, payer ou faire payer par le Receueur de Paris, à l'achepteur les arrerages deubs & escheus, & qui cy apres escheront à cause de ladite rente. Conformément à la loy *fideiussor, §. finali. ff. de fidei.* Aussi *nihil est tam congruum humane fidei, quam ea quæ inter contrahentes placuerunt seruare. Et quod conuentum est præstandum est. l. empt. ff. de act. empt. l. in provinciali. C. de seruit. & aqua. l. 1. ff. de pact.*

Et anciennement auparavant que d'agir on auoit accoustumé de faire commandement au Receueur de la ville, de payer les arrerages qui estoient escheus, lequel ne faisoit iamais de refus, & respondoit, que lors il n'auoit fonds pour faire le payement, & que la recepte des deniers assignez estoit reculée pour quelque peu de temps. Mais à present qu'il est notoire qu'on ne paye point les arrerages des rentes constituées sur l'Hostel de la ville de Paris, il n'est point necessaire de faire apparoir de commandement ou bien de refus fait par le Receueur de la ville, & sans en faire apparoir, on peut valablement agir contre le cedant : lequel promptement & sur le champ est condamné, suivant sa promesse, payer ou faire payer les arrerages de la rente par luy cedée. Et encores qu'il apparust par escrit du refus fait par le Receueur de la ville de Paris, de payer les arrerages de la rente cedée. Toutesfois on ne pourroit proceder en vertu du contract de transport par execution contre le cedant, ains est besoin se pouruoir par voye d'action, comme il sera dit au 22. chapitre du present traicté.

Anciennement on auoit accoustumé faire un commandement au Receueur de payer les arrerages de la rente cedée.

Et conuient noter qu'au cas susdit la prescription de trente ans ne commence à courir contre l'obligé, ou heritier de l'obligé, sinon du iour que l'acheteur n'a peu estre payé des arrerages de la rente, & qu'il a esté empesché en la iouissance & continuation d'icelle par deux raisons : La premiere, parce que la promesse de payer & continuer est conditionnelle, faite sous condition si l'acheteur cy apres est empesché en la iouissance & perception de la rente, & est certain que *ex conditionali obligatione non oritur neque datur actio ante conditionis euentum. l. cum notissimi, §. illud autem. Cod. de prescript. 30. vel 40. anno. l. hac venditio. ff. de contrahen. empt. l. cedere dicm. ff. de verbor. & rer. signif. l. necessario. ff. de peri. & com. rei vend.* La seconde raison est, qu'auparavant la cessation de payement, l'acheteur n'auoit cause ny occasion d'agir contre son vendeur, & ne pouuoit valablement agir à l'encontre de luy, non plus que celuy qui a acquis vn heritage ne peut agir contre son vendeur ou compermutant, auparavant qu'il soit inquieté ou empesché en la iouissance dudit heritage. *Et ante litem motam non nascitur, nec datur actio de euctione, cum emptor venditori litem denunciare non possit priusquam lis mota sit.* & est notoire en droit que *non valenti agere non currit prescriptio. l. empti actio. C. de euct.* & ibi Ioannes Faber. l. i. §. final. C. de annali except. Glossa in lege explicato. in verbis, nulla re secuta C. de rerum permut. Et conformément à ce que dessus a esté donné Arrest au rapport de feu Monsieur Michon, contre vn Secretaire du Roy, prononcé le dernier Feurier 1592.

La prescription ne commence à courir que du iour de la cessation de payement.

L'acheteur ne peut agir s'il n'est inquieté en l'heritage acheté.

Mais il faut entendre ce que dessus de l'obligé qui a promis payer, & continuer la rente, au cas qu'à l'aduenir elle ne fust payée à l'heritier de l'obligé qui a fait la promesse susdite, non pas du tiers détenteur de l'heritage qui estoit specialement ou generalement obligé au payement, continuation & fournissement de la rente : Lequel ayant possédé ledit heritage, & iouy d'iceluy à juste tiltre, & de bonne

Le tiers détenteur prescrit par dix ans la rente assignée sur

Un heritage
encores, que
le creancier
ait tousiours
esté payé.

foy, tant par luy que ses predecesseurs, dont il a le droict & cause, franchement & sans inquietation, par dix ans entre presens, & vingt ans entre absens, aagez, & non priuilegez, a acquis prescription d'iceluy heritage, & de toutes rentes & hypoteques qu'on pourroit pretendre sur ledit heritage, encores que ledit heritage eust esté anciennement baillé par le creancier de la rente, en contr'eschange de la rente de laquelle il demande à present le payement, & que son compermutant ayt depuis vendu & aliené cest heritage, sans charge de la rente. Et ce que dessus a lieu, encores que le creancier eust tousiours esté bien payé par le Receueur de la ville de Paris, des arrerages de sa rente, iusques en l'année cinq cens quatre-vingts sept, ou bien iusques au commencement des troubles. Et ce suiuant les cent treize, cent quatorze, & cent quinziésme articles de la nouvelle Coustume de Paris, conformes à la disposition de droict, *in l. super longi. C. de prescript. long. temp. §. 1. de usucap. & longi temp. prescrip. in instit. l. 1. & 2. C. si aduer. creditorem prescrip. opponatur.*

Raisons de
ce que dessus

La raison de ce que dessus est, parce que le creancier pendant les dix ans, a deu veiller & a peu pendant iceux valablement agir contre le detenteur & acquereur de l'heritage obligé à sa rente, à ce que ledit heritage fust déclaré affecté, obligé, & hypotequé au payement & continuation d'icelle, au cas qu'il ne fust cy apres payé des arrerages de ladite rente, par le Receueur de la ville de Paris; ou autres commis au payement des rentes constituées sur l'Hostel de la ville: tellement qu'il se doit imputer la perte qu'il souffre, par le moyen de sa negligence, comme dit la loy: *nam enim negligentibus. ff. ex quib. maior. l. 1. & l. ut perfectius. C. de annali except.*

Le tiers detenteur d'un heritage qui a eu cognoissance de la rente constituée sur iceluy, ne la peut prescrire par 10. ny 20. ans.

Bien est vray que si l'acquireur de l'heritage a eu cognoissance de la rente, soit deslors & au temps de son acquisition, parce que le vendeur de l'heritage luy a déclaré ladite rente, & a promis l'en acquitter & descharger: ou bien parce que le contract d'eschange fait de la maison par luy acquise, à l'encontre de cent liures de rente constituée sur l'Hostel de la ville de Paris, fut lors de l'acquisition mis en ses mains, ou bien mentionné en son contract d'acquest, ou par autres moyens, ou autres pieces, l'acquireur a eu cognoissance de la rente, à laquelle la maison par luy acquise estoit affectée, obligée & hypotequée: En ce cas la prescription de dix ans entre presens, ou de vingt ans entre absens, ne peut profiter au detenteur de la maison acquise: encores que d'icelle il ayt paisiblement ioui par dix, quinze, vingt ans, & plus, sans qu'il ayt esté inquieté de la rente, à la garantie de laquelle la maison est affectée & hypotequée. Ainsi a esté iugé par Arrest donné entre Iean Perdriel, Bourgeois de Paris, demandeur d'une part, & Maistre Iean Fontenu, Procureur en la Chambre des Comptes, defendeur d'autre, prononcé le 24. Octobre 1592. Par lequel en emendant la sentence du Preuoist de Paris, qui auoit mis les parties hors de Cour & de proces, le defendeur qui auoit paisiblement ioui l'espace de seize ans, d'une maison sise rue Saint Thomas du Louure, fut condamné payer au demandeur deux années & demie d'arrerages, de certaine rente constituée sur l'Hostel de la ville de Paris, qui auoit

auoit esté transportée sur ladite ville, en contr'eschange de ladite maison, & les arrerages depuis escheus, & qui escherront à l'aduenir, & la maison déclarée affectée, obligée, & hypotequée au payement & continuation de ladite rente. Parce que lors del'acquisition de la maison, on auoit baillé copie du contract d'eschange au defendeur, encores qu'il n'eust acquis ladite maison à la charge de la dessusedite rente, & qu'il estimast que depuis son vendeur eust racheté ladite rente, & se fust fait descharger d'icelle.

La raison de cet Arrest est: Parce que pour acquerir prescription d'un heritage par le moyen de la possession de dix ans, suiuant les articles de Coustume cy dessus alleguez: Il ne suffit pas *bonam fidem* En la prescription de 10. & 20. ans receue à Paris la bonne foy est *ad fuisse in initio contractus, quemadmodum iure civili tantum requiritur, adeo ut mala fides medio tempore superueniens possessori vel heredi possessoris non interrumpat prescriptionem decem annorum inter presentes, & viginti inter absentes. l. unica, C. de usucapione transformanda. l. sequitur. §. de illo, in fine l. heredes eius. l. si aliena. ff. de usucap. l. qui fundum. §. qui bona fide. ff. pro empt. l. Can. Placuit. §. si autem nullo 16. quest. 3.*

Mais pour prescrire suiuant la Coustume de Paris, un heritage ou renre par dix ans entre presens, & vingt ans entre absens, trois choses sont requises: iuste titre, bonne foy, tant par luy que par ses predecesseurs d'oit il a le droit & cause; & possession paisible de dix ans entre presens, & vingt ans entre absens: En sorte que contre la disposition de droit commun, *scientia rei alienae vel obligata superueniens, siue in persona primi possessoris aut in persona eius heredis, vel singularis successoris, impedit prescriptionem decem vel viginti annorum. Et sic in omni tempore prescriptionis decennialis vel vincennialis bona fides requiritur, & in omni tempore possessor non debet habere conscientiam rei alienae.* Autrement il ne peut prescrire par 10. ny par 20. ans un heritage situé au dedans de la Coustume de Paris, & ce à l'exemple de celuy qui de bonne foy possède un heritage, lequel *ut fructus suos faciat, necessarium est, ut in eo perpetuo sit bona fides, quod si mala fides superueniat non lucratur amplius fructus. l. bona fidei. §. in contrarium, & l. qui bona fide ff. de acq. rer. do.*

Ce que dessus fut doctement plaidé en la Cour, le Mardy 21. Iuillet mil cinq cens quatre-vingts douze, & les parties estans appointées au Conseil, il fut iugé au profit de Monsieur Rubentel, Conseiller en la Cour, demandeur, par Arrest prononcé le 10. Iuillet, 1593. Par lequel le defendeur qui depuis l'acquisition par luy faite de quelques bois taillis, auoit eu cognoissance que son vendeur estoit debteur enuers ledit Seigneur Rubentel, de la somme de cent tant de liures de rente. Et ce par le moyen de quelques sentences & executoires de despens qu'il auoit payez du prix de partie de son acquisition en l'acquit de son vendeur, debteur de la rente, fut condamné payer & continuer ladite rente, cōme detempteur & propriétaire desdits bois, encores qu'il en eust paisiblement iouy par 16. ans entiers, sans inquietation ny demande de ladite rente.

Aussi des dix ou vingt ans, pendant lesquels par la Coustume de Paris on peut prescrire un heritage, ou bien vne rente, pareillement de la pre-

Pendant les cinq années,

scription de trente ans : faut deduire & defalquer le temps qui a couru pendant les troubles commencez le premier Ianuier mil cinq cens quatre-vingts neuf, suiuant la disposition de droit, *in cap. ex transmissa, de prescript. ex. in verbis prescriptioe hostilitatis tempore non currente. Can. prima actione. 16. quest. 3. in verbis non enim erit obicienda prescriptio temporis, ubi necessitas intererit hostilitatis ab hostibus. C. quib. non obicitur longi temporis prescriptio.* Ce qui se doit entendre non seulement entre ceux qui estoient de diuers party, qui est sans doute, mais aussi entre ceux qui estoient de mesme party, soit qu'ils fussent seruiteurs du Roy, ou en la Ligue. En sorte que pendant les troubles n'y a aucun cours du temps de prescription entre concitoyens, mesmes entre ceux qui continuellement ont demeuré en la ville de Paris, soit d'action personnelle, reelle ou hypothecaire: & pendant ledit temps on n'a peu commencer, continuer ny paracheuer aucune prescription d'heritage, de rente, ou de simple debte. Ains toute prescription telle qu'elle soit, a esté interrompuë, encores qu'on die qu'ils ont peu agir l'un à l'encontre de l'autre, & que la iustice a tousiours esté ouuerte & administrée en la ville de Paris.

Raisōs pour
lesquelles la
prescription
n'a peu cou-
rir à Paris
pendant les
troubles.

Ce que dessus se peut confirmer par plusieurs raisons. La premiere est la disposition de droit cy dessus alleguée, laquelle est generale, que pendant la guerre toute prescription est interrompuë, & le temps d'icelle ne court point. Ce qui se doit entendre non seulement *inter hostes, ut hostis contra hostem tempore belli prescribere non possit*: mais aussi entre ceux qui sont demeurans en mesme ville, cité, Royaume, Principauté ou Souueraineté, qui n'ont aucune guerre, differend ny querelle l'un à l'encontre de l'autre: mais y a guerre en leur pays contre l'estranger: ou bien y a guerre ciuile en leur pays. La seconde raison est, que par arrest donné en la Cour de Parlement de Paris pendant les troubles le vingt-neufiesme Ianuier 1582. est ordonné que les cinq ans de l'Ordonnance pour les arrerages des rentes qui peuuent estre demandez en iustice, ne courrōt tant & si longuement que les troubles dureront. Si la prescription des arrerages des rentes constituées ne peut courir pendāt ledit tēps des troubles: aucune prescription ne peut courir pendant ledit temps des troubles du droit principal de la rente. Comme le principal de la rente & les arrerages deuz à cause d'icelle, estans de mesme nature & substance. Et tout ainsi que pendant les troubles les rentes constituées à prix d'argent (lesquelles par Coustume sont reputées immeubles & heritages) ne peuuent estre prescriptes, aussi les heritages ne peuuent estre prescripts: & cet arrest a esté obserué entre les concitoyens & habitans de la ville de Paris. La troisieme raison est, qu'on a tenu tant en la Cour de Parlement qu'au Chastelet de Paris, que pendant les troubles n'y a eu aucune peremption d'instance: & encores que la poursuite d'une instance ou bien d'un proces encommencé ait esté discontinuée par trois ans entiers; toutesfois l'instance n'aura esté perie, ains pourra estre reprise pour proceder suiuant les derniers erremens, & appointement d'icelle prins entre les parties, pendant les trois années precedentes les troubles: Et tout ainsi que pendant les troubles on n'a point esté contraint de poursui-

Pendant les
troubles n'y
a point de
peremption
d'instance.

urel'instance ou l'action intentée pour empescher la peremption d'icelle: aussi pendant les troubles on n'a point esté cōtraint d'intenter action, & former vne instance, ou bien former vn nouveau proces afin d'interrompre la prescription de l'action, soit personnelle ou réelle: attendu qu'il y a identité de raison de l'un à l'autre. La quatriesme raison est, que dès le commencement des troubles Messieurs de la Cour de Parlement ayans esté iniustement emprisonnez, & y ayant eu interdiction du Roy nostre naturel & legitime Seigneur, on ne peut dire que la iustice ayt vrayement eu son cours; mesmement que toutes les procedures faites, sentences & iugemens obtenus contre les absens ont esté cassez & annullez par l'Edict fait de la reduction lors de la ville de Paris en l'obeissance du Roy, & tous les despens, frais & mises qu'il auoit conuenu faire pour obtenir lescdites sentences & iugemens entierement perdus, sans repetition aucune. La cinquiesme raison est, que pendant les troubles, les habitans de la ville de Paris estant enclos & enfermez au dedans des murailles d'icelle, sans pouuoir ny oser sortir, ils ne peuuent valablement dire qu'ils ayent ioüy des heritages situez hors l'enclos de la ville, partant ne les ont peu prescrire, ny ce qui est de la nature d'heritages, & réputé immeuble. La sixiesme raison est, que les habitans de Paris pendant les troubles auoient caché & mis en lieux secrets leurs titres & enseignemens, tellement qu'ils n'eussent peu iustifier les droicts qui leur appartenoient, aussi la misere & calamité les empeschoit de plaider. Partant n'est pas raisonnable que pendant les troubles prescription ait peu courir entre les habitans de la ville de Paris, encores qu'ils ayent continuellement demeuré en icelle, & ainsi doit estre obserué,

DES TRANSPORTS FAICTS DE
rentes constituées sur l'Hostel de ville de Paris, par
contract de mariage, avec promesse de les garantir, fournir & faire valoir.

CHAPITRE VII.



A cinquiesme sorte & espee de cessions & transports de rentes constituées sur l'Hostel de la ville de Paris, est par cōtract de mariage: soit pour & au lieu de deniers contans, ou simplement en faueur de mariage. Quand vn pere ou vne mere, ou autre parent, ou bien vn pere & vne mere ensemblement ont baillé à leur fils ou à leur fille, cent lures de rente constituée sur l'Hostel de la ville de Paris, avec promesse de la garantir, fournir & faire valoir, tant en sort principal que cours d'arrages. Ou bien quand les pere & mere, ou le beau-pere & la mere, ont promis en faueur de mariage à leur fils ou fille

*Diverses
sortes de
bailler en
faueur de
mariage des
rentes con-
stituées sur
l'Hostel de
ville.*

*Si les ar-
rages des ren-
tes sur l'Ho-
stel de ville,
baillées en
faueur de
mariage
doivent estre
payez par les
bailleurs d'i-
celles.*

*Arrest con-
cernant la de-
cision de ce
que dessus.*

bailler six mil liures tournois : en ont baillé trois mil en deniers com-
ptans, & pour les autres trois mil leur ont cedé & transporté deux cens
cinquante liures de rente constituée sur l'Hostel de la ville de Paris,
auec promesse de garantir, fournir & faire valoir ladite rente, tant en
fort principal que cours d'arrerages. Ou bien quand vne mere apres le
decez de son mary, a promis bailler à l'une de ses filles en faueur de ma-
riage la somme de cinq mil liures tournois en ceste maniere, à sçauoir
deux cēs cinquāte liures de rente sur l'Hostel de ville, laquelle elle a pro-
mis garantir, fournir & faire valoir, tant en fort principal que cours d'ar-
rerages, & deux mil liures en deniers comptans. Et ce tant sur & tant
moins du droit successif mobilier ou immobilier du defunct pere de la-
dite fille, qu'en aduancement d'hoirie de la mere, & moyennant ce soit
conuenu que la mere ioiuyra sa vie durant du bien paternel de la fille,
sans qu'elle soit tenuē en rendre compte. On a demandé si es cas sus-
dits les peres & meres sont tenus payer les arrerages des rentes par eux
baillées en mariage auec les promesses susdites, attendu qu'il a esté dit
au quatriesme chapitre du present Traicté, que les vendeurs & cedans
de rentes constituées sur l'Hostel de la ville de Paris, auec promesse de
garantir, fournir & faire valoir, ne sont contraincts au payement des ar-
rerages d'icelles, & que telles causes sont appointées au Conseil. Ou
bien si es cas susdits, on doit auoir esgard à la faueur du dot & du ma-
riage, & considerer que les rentes cedées & baillées en faueur de maria-
ge, ont esté baillées pour causes tres-onereuses qui est pour la nourri-
ture, alimens & entretenement des futurs espoux des enfans, qui vien-
dront de leur mariage, & de leur famille. Et afin de subuenir aux charges
que gens mariez sont contraincts de porter, lesquelles sont grandes, &
quelquesfoistres-difficiles & tres-pressantes : aussi qu'il est notoire que
les arrerages des rentes assignées sur l'Hostel de la ville de Paris, ne se
payent point, tellement que pour le regard d'icelles la discussion est tou-
te faite.

Es deux premiers cas cy dessus recitez, y a eu arrest donné entre Eli-
zabeth le Comte, femme séparée de Guillaume le Peuple son mary
absent, demanderesse d'une part, & Maistre Eustache le Veillard, & Ma-
rie Payan sa femme, auparauant veufue de feu Iean le Peuple, pere du-
dit Guillaume le Peuple defendeurs d'autre, prononcé le 20. Mars, mil
cinq cens quatre-vingts & douze, le faict duquel est. Que Iean le Peuple
marchand bourgeois de Paris estant decedé, delaissez Marie Payan sa
veufue, Guillaume le Peuple son fils, & autres enfans ses heritiers. Ladi-
te Payā conuole à secōdes nopces, & est mariée auec M. Eustache Veil-
lard, lequel est esleu tuteur ausdits enfans, mesmes audit Guillaume le
Peuple, auquel en faueur & par cōtract de mariage, ledit Veillard tuteur
& beau-pere, & ladite Marie Payan mere, promettent bailler la somme
de mil escus, tant sur & tāt moins du droit successif de son defunct pere,
qu'en auancemēt d'hoirie de sa mere. Pour satisfaire à la promesse portée
par le cōtrat de mariage, lesdits Veillard & Payan sa fēnie baillent 400.
escus comptans, & pour le surplus montant six cens escus, font cessiō &

transport audit Guillaume le Peuple, de la somme de cinquante escus de rente constituée sur l'Hostel de la ville de Paris, avec promesse solidaire de la garantir, fournir & faire valoir, tant en sort principal que cours d'arrerages. Par ce contract de mariage ledit Guillaume le Peuple ayant doüé Elizabeth le Comte sa future espouse de certaine somme de deniers, & faict quelques aduantages, ledit le Peuple s'estant absenté de cette ville, ladite le Comte obtient sentence de separation de biens, fait créer vn curateur aux biens de l'absent, avec lequel elle obtient deliurance & condamnation de payement de ses conventions matrimoniales. Ce fait tant la femme que le curateur, poursuivent lesdits Veillard & Payan, afin de leur payer ou faire payer les arrerages deuz & escheus, à cause desdits cinquante escus de rente: lesquels nonobstant leurs defenses & offre de rendre compte des biens de l'absent, ont esté condamnez par l'arrest cy-dessus datté, faire payer aux demandeurs dedans vn mois prochain, par le Preuost des Marchans & Escheuins de la ville de Paris, deux années d'arrerages de ladite rente de cinquante escus, escheus au iour de Pasques dernier, ensemble ceux qui sont escheus au iour & feste de Noel aussi dernier: & ceux qui escherront trois mois apres chacun terme escheu: autrement & à faute de ce faire, lesdits Veillard & sa femme sont condamnez payer lesdits arrerages en leurs propres & priuez noms: à quoy faire ils seront contraints par toutes voyes deuës & raisonnables. En baillant toutesfois par les demandeurs leurs quittances aux defendeurs, pour se faire payer & rembourser desdits arrerages par lesdits Preuost des Marchands, & Escheuins qu'ils verront bon estre: & les defendeurs sont condamnez és despens de l'instance.

Le dernier des trois cas dessusdits, fondé sur le contract de mariage duquel la teneur a esté cy-deuant recitée, fut plaidé en la Cour le *Autre arrest.*
Vendredy matin vingt-neufiesme May mil cinq cens quatre-vingts douze, & appointé au Conseil. Depuis iugé par arrest prononcé le douziesme Septembre audit an, par lequel la mere a esté condamnée faire payer dedans vn mois prochain au demandeur par les Preuost des Marchands & Escheuins de ceste ville de Paris, les arrerages escheus au iour S. Remy dernier, de la rente de deux cens cinquante liures tournois mentionnée au proces, autrement & à faute de ce faire dedans ledit temps & iceluy passé, est condamnée en son propre & priué nom iceux payer par quart de deux mois, en deux mois: & quant aux arrerages escheus depuis le iour S. Remy iusques au iour saint Iean Baptiste dernier, est condamnée iceux faire payer dedans trois mois, & à faute de ce faire les payer en son propre & priué nom, de trois mois en trois mois aussi par quart. Et pour le regard de ceux qui escherront à l'aduenir trois mois apres chacun terme escheu: sans despens de l'instance.

Et plusieurs sont d'aduis que le semblable doit estre dit quand on a donné ou legué rente constituée sur l'Hostel de la ville de Paris, à vne Eglise, Monastere ou Hospital, avec promesse de la garantir de tous troubles, fournir & faire valoir, tant en sort principal qu'arrerages, à la

Des rentes constituées sur l'Hostel de ville, leguées à vne Eglise.

charge de dire, chanter & celebrer quelques Messes & autre Seruice diuin chacun iour, ou à certains iours pour le salut de l'ame du donateur ou testateur. Comme Monsieur Tiraqueau a amplement recité en son traicté *de priuilegiis pia causa*.

*En rentes
denées par
particuliers,
baillées en
mariage est
besoin faire
discussion.*

Mais si les rentes baillées en faueur de mariage estoient constituées par particuliers, encores qu'on eust promis les garantir, fournir & faire valoir, tant en sort principal qu'en cours d'arrages, il faut discussion des debtors de la rente, auparauant que s'adresser à celuy qui les a cedées & transportées, car le priuilege de mariage ou bien du dot n'oste point l'exception de discussion qui est introduitte par le droit commun, & on soustient le semblable deuoir estre obserué quand on a donné ou legué à vne Eglise cent escus de rente constituée par vn particulier, avec promesse de la garantir, fournir & faire valoir, tant en sort principal que cours d'arrages: à la charge de dire chacun iour vne Messe basse. En ce on ne se peut adresser aux heritiers du donateur ou testateur pour le payement de la rente, qu'on n'ait discuté le debteur d'icelle, encores que la celebration de la Messe, & du diuin Seruice cesse: toutesfois il peut y auoir des considerations particulieres qui iustement pourront mouuoir la Cour à condamner les heritiers au payement & continuation de la rente, quand ils sont collateraux, & ont amendé de grands biens demeurez par le decez du defunct.

DES TRANSPORTS FAICTS PAR contrat d'eschange des rentes constituées sur l'Hostel de la ville de Paris, avec promesse de garantie pure, simple & generale.

CHAPITRE VIII.

*Des transports
faits
par eschan-
ge.*



ARCE qui a esté dit cy-dessus on peut briefuement cognoistre la nature & condition des transports faits de rentes constituées sur l'Hostel de la ville de Paris: mais pour en auoir plus ample & plus parfaicte cognoissance, il est necessaire voir ce qui sera dict des cessions & transports des rentes assignées sur ladite ville, faits par contrats d'eschange & permutation: pour cognoistre l'effect, nature & condition desquels, il conuient entendre qu'on a accoustumé de dresser & passer lesdits transports en trois sortes, ou bien en trois manieres.

*Du transport
fait par es-
change de
rente consti-
tuée sur la
ville, avec
promesse de
garantie ge-
nerale.*

La premiere est quand par contrat d'eschange on cede ou transporte vne maison assise en ceste ville de Paris, ou bien vn heritage situé aux champs; lequel on promet garantir de tous troubles & empeschemens quelconques, comme on a accoustumé faire: & qu'en contre eschange on cede & transporte cent liures de rente qu'on a droit de prendre &

percevoir chacun an sur l'Hostel de la ville de Paris, & que purement, simplement & generally on promet garantir la rente cedée sur l'Hostel de ville, de tous troubles & empeschemens quelconques, tout ainsi qu'on a promis garantir la maison, ou bien l'heritage cédé & transporté par eschange. En ce cas nonobstant plusieurs aduis, celui qui a cédé & transporté la rente constituée sur l'Hostel de la ville, & qui simplement & generally a promis la garantir, n'est point tenu payer les arrerages d'icelle, encores qu'ils ne soient à present payez par le Receueur de la ville: Parce que le cedant n'a promis garantir sinon de garantie ordinaire & generale: ne s'est point obligé fournir & faire valoir ladite rente, ny à icelle payer en cas de cessation. Aussi ne s'est point obligé du faict du Prince ou d'aucun cas fortuit, soit d'hostilité ou autre. Et comme si la maison baillée en eschange estoit bruslée par l'ennemy, ou bien estoit rasée, la place d'icelle appliquée pour fortification de la ville, ou pour faire vne esplanade sans recompense aucune: le propriétaire de la maison n'auroit aucune action, ny aucun recours contre son compermutant, ny sur les rentes par luy baillées en eschange de la maison: Semblablement & per identité de raison, si la rente constituée sur l'Hostel de ville, baillée en eschange, n'est payée par le faict du Prince, hostilité, ou par autre cas fortuit, le propriétaire de ceste rente n'a aucune action contre son cedant, ny aucun recours sur l'heritage par luy transporté. Et le semblable doit estre dict de celui qui a prins à rente fonciere vne maison, & a promis la garantir, fournir & faire valoir, sur tous ses biens, laquelle il est tenu de payer & continuer, encores que la maison ait esté bruslée ou rasée, suyuant la loy *Lucius ff. de euict.* Parce que la perte & dommage qui aduient à la chose mobiliere ou immobiliere, depuis la perfection du contract & l'alienation d'icelle, tombe sur le seigneur & propriétaire de la chose: tout ainsi que le gain, profit & augmentation d'icelle luy appartient: *Translatio enim dominio, eius quoque periculum in emptorem vel accipientem transferri certum est, & periculum danti imminet, dicta lege Lucius. l. necessario, ff. de peric. & com. rei vendi. l. ex mille. ff. de euict. §. cum autem instit. de empt. & vendit. Bald. in l. i. C. de iure emphit.*

La perte de la chose tombe sur le propriétaire.

Ioinct qu'on dict qu'à present il n'est question que d'un reculement de payement des arrerages des rentes constituées sur l'Hostel de la ville de Paris, en sorte qu'il n'y a aucune euiction, & y a esperance certaine qu'elles seront payées à l'aduenir.

De ce que dessus y a deux arrests de la Cour, esquels pour la consequence d'iceux les raisons cy-dessus deduites sont contenues & amplement recitées. Le premier est du 23. Mars 1591. donné entre Maître Simon Bigot & autres heritiers de defuncte Marie Bigot, appellans du Prestre de Paris d'une part, & les Prieur, Procureur & Boursiers du College des Cholets, intimez d'autre. Les intimez demandeurs originaires auoient requis, Que les appellans defendeurs fussent condamnez leur payer & continuer chacun an 241. liures treize sols trois deniers tournois de rente: au lieu de pareille rente en trois parties, que les

Recit d'un arrest donné en transport par eschange de rente sur l'Hostel de ville avec garantie generale.

appellans defendeurs leur auoient cedé & transporté, tant sur l'Hostel de la ville de Paris, que sur les Greniers à sel: en contre eschange d'une maison assise en ceste ville de Paris, laquelle appartenoit aux demandeurs, & ce par contract du seiziesme Feurier 1561, & les defendeurs condamnez à payer les arrerages escheus & qui escherront cy-apres. Si mieux les defendeurs n'aymoient accorder que le contract d'eschange demeurast nul & resolu: en ce faisant que les demandeurs rentrassent en la propriété & iouissance de la maison par eux cedée, & que les defendeurs iouissent des rentes par eux cedées, desquelles ils offroient faire retrocession, en payant les arrerages qui se trouueroient estre deuz aux demandeurs, nonobstant les exceptions, defences & moyens cy-dessus deduits, lesquels auoient esté proposez contre la demande faicte par lesdits Prieur, Procureur & Boursiers du College des Cholets. Les defendeurs par sentence du Preuost de Paris, ayans esté condamnez payer ou faire payer aux demandeurs dedans trois mois, tant par le Receueur de la ville de Paris, que par le Payeur des rentes assignées sur le sel, les arrerages deuz aux demandeurs à cause desdits deux cens quarante & vne liures treize sols trois deniers tournois de rente à eux baillées en contre eschange de sa maison, sise ruë saint Iacques: En faisant par les demandeurs cession desdits arrerages, sans aucune garantiene restitution de deniers, & icelles rentes & arrerages payer & continuer trois mois apres chacun terme escheu, si mieux les defendeurs n'aymoient que les parties fussent remises en tel estat qu'elles estoient lors du contract d'eschange, en quoy faisant ils demeureroient deschargez, & lesdits defendeurs condamnez és despens. De cette sentence les defendeurs ayant appellé en la Cour de Parlement, conclud en leur appel comme en proces par escrit. Le proces veu avec la forclusion de fournir de griefs & produire de nouuel. La Cour par iugement & arrest a mis l'appellation & sentence dont estoit appellé au neant, sans amende & despens de la cause d'appel: en emendant le iugement a debouté les demandeurs de leurs demandes, fins & conclusions, & d'icelle en a absous les defendeurs, & neantmoins sans despens, & pour cause.

*Autre ar-
rest de ce que
dessus.*

Le second arrest semblable à celuy qui a esté cy-dessus recité, fut prononcé le 15. Iuin 1591. donné entre Pierre Sucart Bourgeois de Paris, demandeur aux fins d'un exploit faict à sa requeste le 13. Auril 1590. selon la requeste par luy présentée à la Cour le douziesme Octobre ensuiuant d'une part, & Maistre Ioseph Bordereul Thresorier general de la maison du Sieur de Mercure, & François Daubray sa femme defendeurs d'autre. Et encores lesdits Bordereul & Daubray incidemment demandeurs par le moyen des defences par eux baillées par escrit le 27. Nouembre 1590. au cas que le demandeur obtint d'une part, & ledit Sucart defendeur d'autre. Par lequel veu par la Cour lesdits exploits & requeste, tendans à fin que lesdits defendeurs fussent condamnez à faire payer audit demandeur, trois années d'arrerages à luy deuz & escheuz le dernier iour de Decembre cinq cens quatre vingts neuf, à cause de cent soixante & dix escus sol, cinquante sols tournois de rente,

par

par lesdits defendeurs cede par eschange audit demandeur sur l'Hostel de cette ville, & à faute de ce faire, payer en leur priué nom lesdits arrerages, & ceux qui escherroient cy-apres. Si mieux ils n'aymoient que les parties fussent remises és choses par-elles baillées en eschange. Defenses desdits defendeurs, par lesquelles ils auroient soustenu le demandeur n'estre bien fondé en feldites conclusions: d'autant que lesdits defendeurs n'auoient promis garantir lesdites rentes, sinon de garantie ordinaire & generale, & ne seroient obligez icelles fournir & faire valoir, ny promiscelles payer en cas de cession, ny obligez du fait du Prince, ny d'aucuns cas fortuit ou d'hostilité. Ioint qu'il n'estoit à present question que d'un reculement de payement des arrerages desdites rentes, & qu'il y auoit esperance qu'elles seroient payées à l'aduenir. Appointemēt en droit, escritures & productions desdites parties, & tout considéré. Dict a esté que la Cour a absous & absout lesdits defendeurs des demandes, fins & conclusions dudit demandeur: sans despens neantmoins, & pour cause: ce sont les propres mots de l'arrest.

EFFECT DES TRANSPORTS FAICTS
de rentes constituées sur l'Hostel de la ville de Paris,
par contract d'eschange, avec promesse de ga-
rantir, fournir & faire valoir, tant en sort
principal, arrerages, que rachapt.

CHAPITRE IX.



N second lieu, on a accoustumé de dresser & passer les cessions & transports qui sont faits par contracts d'eschange de rentes constituées sur l'Hostel de la ville Paris en ceste forme. A sçauoir qu'on cede & transporte par contract d'eschange, vne maison assise en ceste ville de Paris, ou vn heritage situé aux champs, ou bien autre chose immobiliere, ou vn droit immobilier, lequel on promet garantir de tous troubles & empeschemens quelconques. Et en contre eschange on baille, cede & transporte cent liures de rente constituée sur l'Hostel de la ville de Paris, laquelle on promet garantir de tous troubles & empeschemens quelconques, & icelle fournir & faire valoir, tant en sort principal, cours d'arrerages, que rachapt. En cecas si le cessionnaire de la rente ne peut estre payé des arrerages d'icelle, comme à present on n'en peut estre payé, il pourra valablement agir contre son cedant. Donnera à entendre que le cedant iouyt paisiblement de la maison qui a esté cedée & transportée en eschange par le demandeur, & que le demandeur ne peut estre payé des arrerages des cent liures de rentes qui

Du trans-
port par es-
change avec
promesse de
garantir,
fournir &
faire valoir
la rente
transportée.

Forme d'a-
gir par le
cessionnaire
contre son
cedant.

luy ont esté baillez en contre-eschange: requerra que le defendeur soit condamné luy payer ou faire payer les arrerages qui luy sont deubs à cause d'icelle rente, & ceux qui cy-apres escherront: constituer sur luy ladite rente, & luy en passertiltre nouuel. Si mieux le defendeur n'ayme le contract d'eschange estre déclaré nul & resolu, consentir que le demandeur r'entre en la propriété & iouyssance de la maison par luy transportée, & le defendeur en la iouyssance desdits cent liures de rente, de laquelle il offrira faire retrocession, en payant par le defendeur les arrerages qui seront deuz à cause de la rente, iusques au iour que le demandeur r'entrera en la pleine propriété & paisible iouyssance de ladite maison: ou bien fera la demande pure & simple, sans mettre l'option de resolution du contract cy-dessus mentionnée.

Recit d'un
proces men
pour eschā-
ge de rente
constituée
sur l'Hostel
de ville, avec
promesse de
garantir,
fournir &
faire valoir.

Ceste demande, ou bien pareille & semblable, ayant esté faicte par Geneuiefue Rougeoreille, vesue de defunt Maistre Guillaume Lugo-ly, viuant Procureur au grand Conseil, demanderesse d'une part, à l'encontre de Chistophle de Baigneux Sieur de Beaufort, defendeur d'autre. La demanderesse qui auoit cedé au defendeur vne maison assise en ceste ville de Paris en contre-eschange de quatre vingts trois escus vu tiers de rente, constituée sur l'Hostel de ceste ville. Pour les moyens de sa demande, alleguoit la promesse faite par le defendeur non seulement de garantir la rente, mais aussi de fournir & faire valoir ladite rente, tant en sort principal que cours d'arrerages. Que par le moyen de ceste promesse qui contenoit vne obligation personnelle, le defendeur estoit tenu en cas de cessation de payement des arrerages de ladite rente, de les payer, & que ceste promesse de fournir & faire valoir contenoit vne preuoyance & asseurance de payement des arrerages de ceste rente qui estoit deuë par le Roy: au cas que par le faict du Prince, incursion d'ennemy, ou autre cas fortuit les arrerages de ladite rente ne fussent payez, & qu'on ne pouuoit considerer d'autre cas, attendu que la rente estoit deuë par le Roy. Aussi (& qui est grandement considerable) que la nature du contract d'eschange, ou bien de permutation, estant autre que du contract d'achapt & de vendition. *Quia venditor tenetur tantum rem venditam tradere, eius possessionem transferre, & euictionem prestare.* Mais in permutatione il est necessaire, *rem transferre, & rerum permutatarum dominium transferri*, tellement que *res aliena potest vendi. l. rem alienam. ff. de contr. empt. l. naturalis. l. & siquidem. ff. de prescr. verb.* Et encore y a autre diuersité entre le contract de vendition & le contract de permutation, parce que le contract de vente & d'achapt est parfaict par le seul consentement du vendeur & de l'achepteur: mais le contract de permutation ou bien d'eschange, ne prend pas sa perfection par le consentement des parties contractantes: ains par l'accomplissement de ce qui a esté promis, & tradition réelle des choses eschangées. *Et sic permutationis contractus ex traditione rei perficitur, & ante rei traditionem ex permutatione agi non potest. l. ex placito. C. de rer. permut. l. 1. §. permutatio. ff. eodem.* Partant si celui qui de

sa part a accompli le contract d'eschange, & qui a transferé la propriété & possession de l'heritage par luy promis, ne peut paisiblement iouir de la rente ou heritage qui luy a esté baillé en contre-eschange, ou bien en est euincé: *Tunc quia res euicta pro non data habetur*, & par ce moyen, *is qui rem euictam tradidit, non censetur eam tradidisse*: Il est au choix & option de celuy qui de sa part a accompli le contract d'eschange, d'agir contre son compermutant, ou bien à ce qu'il soit condamné es dommages & interets qu'il a eus & soufferts, aura & souffrira à cause de l'euiction & non iouissance de l'heritage qui luy auoit esté transporté, ou bien requerir qu'il soit ordonné qu'il r'entrera en la propriété & iouissance de l'heritage qu'il auoit baillé en eschange. *Tanquam fundus ob causam datus sit, & causa secuta non sit. l. quoniam C. de rer. permut. l. 1. C. de rer. perm. l. 1. C. de donat. qua sub modo.* Mesmes cela s'observe en permutation de benefices & en meubles: *Quod datum est ex causa permutationis, ex capite poenitentia repeti potest, si res ex altera parte tradita euicta fuerit. l. 1. ff. de prescr. ver. l. 2. in fine ff. de rer. permut. l. finali. ff. de conditione causa data causa non secuta.* Toutesfois cela n'a lieu en contract d'achapt & de vendition, *nec etiam in aliis contractibus nominatis.* En vertu desquels on ne peut agir sinon à l'accomplissement de ce qui a esté promis, & à faute de ce faire, à condanation de dommages & interets, s'il n'y a clause resolutoire au contract. Tellement que celuy qui a vendu son heritage, à faute de payement du prix promis pour la vente d'iceluy, ne peut r'entrer en son heritage: mais doit poursuiure le payement du prix qui luy a esté promis: & apres sentence obtenuë contre l'achepteur faire saisir l'heritage par luy vendu, & le faire adiuger par decret, ensemble les autres biens de l'achepteur, *l. 2. in verbo resolveretur. C. de condit. ob causam l. ex empto. ff. de act. empt. l. inciuile. C. de remed. glosa in l. 1. C. de rer. permut. in verbo agitur.* Que la resolution du contract offerte par la demanderesse estoit iuste & raisonnable, conforme à la disposition de Droit cy-dessus alleguëe, & mettoit le defendeur hors de tout interest: Ioint que l'energie de ce mot (de permutation) emporte & contient en soy toute perfection & entiere assurance des choses eschangées.

Le defendeur pour defences à ceste demande disoit, qu'il ne s'estoit point obligé aux cas fortuits, mesmes à celui du Prince, hostilité, incursion d'ennemis, retranchement de deniers, ou autres, lesquels *humanum consilium prouidere non potuit*, comme dict la loy seconde, §. *si eo tempore ff. de administ. rer. ad ciuit. pert. l. qui fortuitis. C. de pignor. act.* Que des rentes de l'Hostel de ville, n'y auoit aucune euiction, mais vn simple reculement de payement pour la misere & calamité du temps, laquelle misere & calamité la demanderesse deuoit porter & souffrir aussi bien que le defendeur. Et supposé qu'il y eust euiction desdites rentes, elle estoit extraordinaire, inopinée, & passoit l'entendement des hommes. En tout euenement, c'estoit vne euiction de faict, non pas de droit, laquelle prouenoit à l'occasion des troubles & guerres ciuiles, de laquelle euiction de faict & reculement de payement des arrerages des rentes desquelles estoit question, le defendeur n'estoit aucunement

Forme d'agir pour contract d'eschange.

Moyens alleguez par le defendeur.

teu, suyuant la loy *expulsos. C. de act. empt.* Que ces mots (fournir & faire valoir) en matiere d'eschange ou d'achapt, n'auoient aucun effect, & n'operoient non plus que la promesse de garâtir de tous troubles & empeschemens quelconques, comme il sera declaré au 17. chap. du present Traicté, lequel il cōuient veoir pour plus ample cognoissance du present chap. Aussi disoit que si celuy qui a achepté vne rente sur l'Hostel de la ville de Paris, avec promesse de la garantir, fournir, & faire valoir, tant en sort principal qu'arrerages, ne peut valablement agir contre le vendeur de la rente, encore qu'il ne puisse estre payé des arrerages d'icelle, comme a esté dict au 5. chap. du present Traicté, & la decision de ce different soit appoinctée au Conseil. Que par identité de raison le commutuant ne doit estre receuable à agir pour le payement de arrerages de la rente qui luy a esté cedée en échange d'heritages. D'autant que les deniers baillez par l'achepteur pour la rente à luy vendue, sont aussi fauorables & aussi precieux, que l'heritage baillé en contr'eschange d'une rente. Ioint que le contract de permutation & le contract de vendition, sont de mesme nature, l'un est semblable à l'autre: Tellement que *permutatio vicem emptionis obtinet*, comme dict la loy secorde, *Cod. de rer. permut.* Et *qui rem permutatam accipit emptoris similis est*, selon le Iurisculte, *in l. finali ff. ex quib. cau. in poss. datur.* Ce qu'estant veritable le defendeur maintenoit qu'il n'y a point plus de raison de contraindre le cedant au payement des arrerages de la rente qu'il a transportée par contract de permutation, que de ne point contraindre le cedant au payement des arrerages de la rente qu'il a transportée par contract de vendition: & que l'un n'y est point plus tenu que l'autre. Quant à la resolution du contract offerte par la demanderessse, n'estoit raisonnable, attendu qu'elle n'estoit stipulée. Et tout ainsi que si la maison transportée au defendeur auoit esté brulée ou rasée pour la fortification de la ville, sans aucune recompense: le defendeur pour raison de tel cas fortuit, n'auoit aucun recours sur la demanderessse, parce que la perte, diminution, ou dommage de la chose, tombe sur la propriété d'icelle, tout ainsi que le profit, augmentation, & emolument luy appartient, suyuant les loix cy-deuant alleguées, aussi il est raisonnable que la perte, ou plustost le reculement du payement des rentes constituées sur l'Hostel de ville, tombe sur les proprietaires d'icelles.

Finalemēt apres longues procedures le defendeur par sentence de Messieurs des Requestes du Palais, du 14. May cinq cens quatre vingts quatre, ayant esté absous des demandes & conclusions de la demanderessse, avec condamnation de despens. Et la demanderessse de ceste sentence ayant appellé, le quatorzième Auriil 1587. s'est ensuiuy Arrest, par lequel la Cour a mis l'appellation & sentence de laquelle estoit appellé au neant, sans amende & despens de la cause d'appel. Et en emendant icelle a condamné ledit de Baigneux faire payer ladite Rougeoreille dedans quatre mois prochainement venans, par le Receueur de la ville de Paris, les arrerages d'une demie année, escheuë le dernier Iuin, 1582. & ceux depuis escheus, à cause des quatre vingts

trois escus vntiers de rente, qu'il luy auoit baillez en contr'eschange, & promis garantir, fournir & faire valoir, par contract du 5. Feurier 1580. ensemble la faire payer des arrerages qui escherront d'icelle rente à l'aduenir, dedans vn mois apres chacun terme de payement escheu. En fournissant par ladite Rougeoreille de ses quittances pour les receuoir sur ledit Hostel de ville: autrement & à faute de ce faire dedans ledit temps, & iceluy passé, dès à present comme deslors, & deslors comme dès à present, a condamné ledit de Baigneux payer à ladite Rougeoreille lesdits arrerages escheus, & payer & continuer ceux qui escherront à l'aduenir, vn mois apres chacun terme de payement porté par les lettres de constitution d'icelle rente. Au payement des arrerages de laquelle rente, ladite Cour a déclaré les biens meubles & immeubles du dit Baigneux, presens & à venir, obligez, affectez, & hypothéquez, & spécialement la maison sise en la ville de Paris, rue de Betisy, à luy baillée en contr'eschange par ladite Rougeoreille pour, si mestier est, à faute de payement des arrerages d'icelle rente estre venduz, criez & subhaitez au plus offrant & dernier encherisseur, en la maniere accoustumée: si mieux n'ayme ledit defendeur consentir la resolution du contract d'eschange. En ce faisant delaisser à ladite Rougeoreille, ladite maison à luy baillée en eschange: en luy faisant par ladite Rougeoreille retrocession de la rente à elle baillée en contr'eschange, & le remboursant des reparations & meliorations vtils & necessaires par luy faictes en icelle maison depuis le contract d'eschange. Laquelle option il sera tenu faire dedans vn mois prochainement venant, à compter du iour de la signification faicte à sa personne, ou à son domicile. Et à faute de ce faire dedans ledit temps, & iceluy passé, sera ladite option referée à ladite Rougeoreille, & ledit de Baigneux condamné es despens.

Semblable Arrest a esté donné le 13. Aoust 1588. entre Maistre Guillaume Garnier, Notaire & Secretaire du Roy, demandeur & intimé d'une part, & Jacques de la Rochette, Escuyer, Seigneur des Molieres, prés Cheureuse, defendeur & appellant du Preuost de Paris d'autre. Il estoit question de cinq cens liures de rente cedées sur l'Hostel de la ville de Paris, avec promesse de garantir, fournir, & faire valoir, en eschange de la moitié de la Seigneurie des Molieres. Laquelle rente ledit Seigneur des Molieres a esté condamné tant par sentence du Preuost de Paris, que par Arrest confirmatif d'icelle, payer & continuer, si micux il ne veut accorder la resolution du contract.

Autre Arrest.

Pareil Arrest donné en plaidoirie le 16. Aoust 1579. entre Maistre Jean le Charon, Seigneur de Louans, appellant d'une part: & Adam Boucher & conforis intimez d'autre. Auquel estoit question du payement des arrerages des rentes assignées sur l'Hostel de la ville de Paris, baillées en eschange de la Seigneurie de Louans, par ledit Arrest les parties au principal furent appointées au Conseil, & par prouision, sans tirer à consequence, ordonné que l'appellant à son choix & option, quittera l'eschange, ou payera les arrerages de la rente en son nom.

Autre Arrest.

Autre Arrest du 22. Iuin 1577. entre Maistre Iuin Soreau, Procureur

Autre Arrest.

au Chastellet de Paris, demandeur & intimé d'une part, & Claude Reuerend Bourgeois de Paris, defendeur & appellant du Preuost de Paris d'autre. Il y a plusieurs Arrests pareils & semblables, lesquels sont vulgaires & notoires.

Autre Ar-
rest.

Aussi le 22. Iuin 1595. a esté plaidée vne cause, entre Messire Nicolas de Neufuille, Cheualier, Seigneur de Villeroy, & Dame Magdelaine de Laubespine son espouse, appellans de deux sentences données par le Preuost de Paris, ou son Lieutenant, d'une part; & Marie Hinselín, Damoiselle veufue de feu Mathurin Morin, Escuyer, Seigneur de la Planchette, tant en son nom que comme tutrice de Damoiselle Isabel Morin sa fille, intimée d'autre part. Encore lesdits de Neufuille & sa femme demandeurs en sommation d'une autre part, Messire Guillaume de Laubespine, defendeur & demandeur en contre-sommation, & plusieurs defendeurs d'autre. Le faict estoit qu'en l'an mil cinq cens soixante & quinze, defunct Mathurin Morin, mary de l'intimée, ceda & transporta aux appellans vne maison assise en ceste ville de Paris, rue des Bourdonnois, appelée la maison de la Chasse, avec ses appartenances & dependances, laquelle il promist garantir de tous troubles & empeschemens quelconques. Et en contr'eschange les appellans cederent & transporterent quatre cens liures de rente sur particuliers: & cinq cens liures de rente à prendre sur l'Hostel de la ville de Paris, laquelle les appellans solidairement promirent garantir de tous troubles & empeschemens quelconques, mesme du faict du Prince, fournir & faire valoir, tant en cours d'arrerages que principal & rachapt. Des arrerages de ceste rente, l'intimée n'estant aucunement payée, elle auroit en consequence de la promesse susdite poursuiuy les appellans à ce qu'ils fussent condamnez vn seul & pour le tout, luy payer ou faire payer les arrerages qui estoient deubs, à cause de la rente de cinq cens liures par an, & ceux qui cy apres escherront. En ce proces tellement a esté procedé, que par sentence donnée par le Preuost de Paris, le dernier Aoust mil cinq cens quatre vingts quatorze, lecture faicte du contract d'eschange, contenant la clause & promesse dessusdite: Les appellans ont esté diffinitiuement condamnez vn seul & pour le tout, à payer ou faire payer à l'intimée esdits noms dans vn mois prochainement venant, deux années, trois termes escheus au iour de Noel 1588. à cause desdits cinq cens liures de rente, sur ce deduit ce qu'ils monstrent auoir sur icelle payé: & la demie année courante, escheuë au iour S. Jean Baptiste dernier passé: Ensemble luy payer les arrerages de ladite rente escheus depuis ledit iour de Noel quatre vingts huit, iusques à Noel quatre vingts treize dernier, suivant l'Edict du Roy, & les arrerages qui cy apres escherront, deux mois apres chacun terme escheu: & les appellans condamnez es despens, sauf leur recours à l'encontre de qui ils verront bon estre. De ceste sentence lesdits Seigneur de Villeroy & sa femme, ayans appellé, pour causes d'appel, allegué les moyens qui ont esté cy deuant deduits au present chapitre. Mesmes que de leur part il n'y auoit point de

promesse de payer, ny aucune constitution sur eux: & que lors du contract d'eschange, ils auoient baillé au defunct mary de l'intimée plusieurs lettres & tiltres, concernans la garantie de ladite rente de cinq cens liur. Par lesquels on cognoissoit qu'elle leur auoit esté baillée en faueur de mariage, & pour partie de succession, par le sieur de Laubespine, avec promesse de la garantir, fournir, & faire valoir. Partant estoit besoin que l'intimée s'adressast au Seigneur de Laubespine, & le discutast auparavant que s'adresser aux appellans, & que c'estoit la vraye intention des parties. Neantmoins les appellans auoient sommé la presente poursuite audit Seigneur de Laubespine, afin de les acquitter & garantir, lequel auoit fait appeller ses garands qui luy auoient transporté ladite rente par eschange, avec mesmes clauses & promesses de garantir, fournir & faire valoir, lesquels garands auoient fait appeller d'autres garands. Et pour l'intimée a esté dit, qu'elle ne se doit adresser à autres qu'à ceux avec lesquels son defunct mary a contracté, qui ioiuyssent & ont tousiours paisiblement ioiuy de la maison de laquelle est question: En faisant le transport de laquelle maison, ledit defunct Morin, mary de l'intimée auoit esté lezé, pour la grande valeur de ladite maison, laquelle lors du contract d'eschange valoir, & encores à present vaut beaucoup dauantage que les rentes baillées en contr'eschange, comme il est notoire. Finalement, la Cour apres auoir oüy toutes les parties, ensemble les Preuost des Marchands & Escheuins, & Monsieur le Procureur General du Roy par eux sommé, Amis l'appellation au neant, sans amende, ordonné que ce dont est appellé sortira son effect, sans despens de la cause d'appel. Et faisant droit sur les sommations & contre-sommations respectiuellement faictes par les parties: les a condamnées & condamne s'acquitter, garantir, & rendre indemnez l'un l'autre, du principal, arrerages, despens, dommages & interets. Et sur la sommation du Seigneur de Villepeinte, contre le Preuost des Marchands, & contresommation à Monsieur le Procureur General du Roy, est ordonné que la Cour en deliberera au Conseil.

Pareillement le vingtiesme Iuillet mil cinq cens quatre vingts & quinze, a esté plaidée vne cause entre le Seigneur de Roissi, appellant des Requestes du Palais d'une part, & le Seigneur de la Bretonniere intimé d'autre. Le faict estoit, qu'en l'an mil cinq cens soixante & vnze, l'intimé auoit cédé & promis garantir de tous troubles à l'appellant, quatre vingts trois arpens de terre, assises à Roissi en France, avec quelques censives, & en contr'eschange l'appellant auoit cédé & transporté à l'intimé deux cens escus de rente, à prendre sur l'Hostel de la ville de Paris, avec promesse de la garantir, fournir, & faire valoir. En consequence de ceste promesse, en l'année mil cinq cens quatre-vingts quatorze, l'intimé fait adiourner l'appellant, à ce qu'il soit condamné luy payer les arrerages escheuz depuis le premier Iuillet mil cinq cens quatre vingts & sept, à cause desdits deux cens escus de rente, & ceux qui cy apres escherront. Par sentence des Requestes.

Autre Ar.
rest.

l'appellant est condamné payer ou faire payer à l'intimé la somme de cinq cens escus, deubs pour les arrerages des années cinq cens quatre-vingts sept, & quatre-vingts huit, & pour la demie année escheuë au iour S. Iean Baptiste, mil cinq cens quatre vingts quatorze, d'une-part, & cent escus pour autre demie année, escheu au iour de Noel audit an. Et outre payer ou faire payer à l'intimé suiuant le reglement des rentes, les arrerages escheuz pendant les années mil cinq cens quatre-vingts neuf, dix, vnze, douze, & treize, ensemble ceux depuis escheuz, & continuer à l'aduenir, en baillant par l'intimé à l'appellant ses quittances desdits arrerages, pour iceux receuoir sur l'Hostel de la ville de Paris: Si mieux l'appellant n'ayme consentir & accorder pour l'aduenir, la resolution dudit eschange, en ce faisant delaisser à l'intimé lesdits heritages & censiuës, & faisant par l'appellant retrocession de la rente: l'intimé condamné és despens de l'instance, & de tout ce qui s'en est ensuiuy. De ceste sentence le Seigneur de Roissi appelle, pour ses moyens d'appel disoit; Combien qu'il eust seulement promis garantir, fournir & faire valoir, & qu'il ne fust point obligé au faict du Prince, calamité publique, & autres cas fortuits, toutesfois il offroit payer les arrerages des années 87. 88. 94. 95. & continuer à l'aduenir. Mais il soustenoit n'estre tenu payer les arrerages escheus pendant les cinq années des troubles: parce qu'il n'auoit aucunement iouy pendant le tēps susdit, desdits 83. arpens de terre, ny desdites censiuës. Et qu'il n'estoit raisonnable qu'il portast la perte des fruiets des terres, & la perte des arrerages de la rente, pendant les cinq années des troubles. Car ce seroit porter double perte & double dommage, & offroit faire cession à l'intimé de ses actions, pour agir contre le fermier desdites terres. En tout euenement soustenoit qu'il ne pouuoit estre tenu des arrerages, sinon du iour de la demande, comme il auoit esté iugé au profit du Seigneur Mareschal de Rets, par Arrest recité au 14. chapitre du present Traicté. L'intimé respondoit que la promesse de fournir & faire valoir, emportoit promesse de payer tous les arrerages de la rente cedée. Que l'intimé n'auoit peu agir auparauant la reduction de la ville de Paris en l'obeissance du Roy, parce qu'il auoit tousiours esté seruiteur du Roy, & l'appellant estoit tousiours demeuré en ceste ville de Paris, pendant la rebellion d'icelle: Et qu'en l'Arrest du Seigneur Mareschal de Rets, la demande auoit esté faicte dès l'an 1587. incontinent apres qu'on auoit cessé de payer les arrerages des rentes assignées sur l'Hostel de ceste ville de Paris: Aussi que ledit Seigneur Mareschal auoit consenty la resolution du contract d'eschange, ce que l'appellant ne vouloit accorder, ains retenir par deuers luy les heritages & censiuës qui luy auoient esté transportez. Finalement la Cour a mis l'appellation au neant, sans amende, ordonné que ce dont est appellé sortira son effect: l'appellant condamné és despens de la cause d'appel, & sera la sentence executée pour les arrerages, suiuant le reglement & Arrest.

*Quand on a
promis ga-*

Outre ce qui a esté cy dessus deduit, il conuient noter, encores que par le contract d'eschange il n'y ait point promesse generale de garantir,
fournir

fournir, & faire valoir tant en sort principal, arrerages, que rachapt, la rente constituée sur l'Hostel de la ville de Paris. Mais y ayt seulement promesse de la garantir, fournir & faire valoir, tant en principal que rachapt, de tous troubles & empeschemens generalement quelconques, mesmes du faict du Roy, le cedant de la rente est tenu payer les arrerages escheus à cause de la rente cedée, & ceux qui escherront à l'aduenir. Parce qu'on ne peut rachepter vne rente sans payer les arrerages escheus iusques au iour du rachapt. Ainsi a esté iugé par sentence des Requestes du Palais, donnée le 9. May 1588. entre Marguerite Petit, veufue de feu Maistre Estienne Fortin, viuant Docteur Regent en la Faculté de Medecine, & conforts demandeurs d'une part, & Maistre Henry Nicolas, Conseiller du Roy aux Eaux & Forests de la Table de Marbre du Palais à Paris, tuteur d'une mineure, defendeur d'autre: ladite sentence a esté confirmée par Arrest de la Cour. Et estoit question de deux cens liures de rente constituées sur l'Hostel de ville, baillée en contr'eschange du fief de Nonfelou, & de quelques heritages roturiers assis au val de Gallie, laquelle rente le pere de la mineure auoit promis garantir en la forme cy dessus declarée.

Et encore conuient noter, comme en eschange d'heritage à rente constituée sur l'Hostel de la ville de Paris, quand il y a promesse de garantir, fournir, & faire valoir la rente, tant en sort principal, arrerages, que rachapt. Le cedant de la rente est tenu, lors qu'on n'en peut estre payé par le Receueur de la ville, payer les arrerages escheus à cause d'icelle, & continuer le payement à l'aduenir, s'il ne veut consentir la resolution du contract d'eschange, & que le cessionnaire s'entre en son heritage (comme il a esté cy dessus déclaré.) Aussi quand on a cedé & transporté des rentes deuës par particuliers, bonnes, valables, bien exigibles, & desquelles on est bien payé, ou desquelles le cessionnaire depuis l'eschange a receu le rachapt: & en contr'eschange des rentes deuës par particuliers, on a baillé, cedé, & transporté des rentes constituées sur l'Hostel de la ville de Paris, avec la promesse susdite de les garantir, fournir & faire valoir: En ce cas à faute de payement fait par le Receueur de la ville de Paris, le cedant des rentes constituées sur l'Hostel de ville, est tenu payer au cessionnaire d'icelles les arrerages escheus & à escheoir, à cause desdites rentes, si mieux il ne veut rendre les rentes qui luy ont esté cedées sur particuliers, avec les arrerages qu'il a receus à cause d'icelles. Parce que par le 94. article de la Coustume de Paris, rentes constituées à prix d'argent, sont reputées immeubles, & comme heritages, iusques à ce qu'elles soient racheptées: & ainsi a esté iugé par sentence des Requestes du Palais, donnée au profit de Damoiselle Marguerite du May, veufue de feu Monsieur Coutel, viuant Conseiller en la Cour de Parlement.

D'eschange
de rentes
deuës par
particuliers
contre ren-
tes consti-
tuées sur la
ville.

QUAND LE COMPERMUTANT

oultre la promesse de garantir, fournir, & faire valoir
la rente transportée sur l'Hostel de ville, a promis
à faute de payement la payer & continuer.

CHAPITRE X.

*Du cōtract
d'eschange
contenant
promesse de
payer à fau-
te de paye-
ment des
arrerages.*



Vtre les deux especes de cessions & transports faicts par contract d'eschange de rente constituée sur l'Hostel de la ville de Paris, declarées és deux chapitres precedens: Il y a vne troisieme sorte de transports de rentes constituées sur la ville, qui se font par contract d'eschange, laquelle est plus ample que les deux precedentes. A sçavoir, quand par contract d'eschange on a cedé, transporté & delaislé vne mailon en ceste ville de Paris, ou vn heritage assis aux champs, lequel on a promis garantir de tous troubles & empeschemens quelsconques; & en contr'eschange on a cedé, transporté, & delaislé cent liures de rente, constituée sur l'Hostel de la ville de Paris, laquelle on a promis garantir, fournir, & faire valoir, tant en sort principal que cours d'arrerages; Nonobstant faict de Prince, hostilité, incurSION d'ennemis, retranchemens de deniers, & autres cas fortuits solites & insolites: Et outre les promesses & assurances susdictes, par le contract d'eschange est conuenu & accordé, que si le cessionnaire est troublé & empesché en la ioyissance & perception de sa rente, & au payement des arrerages d'icelle, le cedant sera tenu la payer & continuer, la constituë sur luy, & au payement d'icelle oblige tous ses biens. Au cas susdit, il est sans doute que le cessionnaire n'estant payé des arrerages de sa rente, peut valablement agir pour le payement d'icelle contre son cedant, comme le cas porté par la promesse estant aduenü, & ce suivant le texte, *in l. fideiussor obligari. §. finali. ff. de fideiuss.* Aussi au cas susdit, il est certain que la prescription de trente ans ne commence à courir contre l'obligé & l'heritier de l'obligé, que du iour de la cessation du payement, comme nous auons amplement deduit au 6. chapitre du present Traicté, à la lecture duquel est besoin auoir recours,

Et en l'espece d'eschange cy dessus proposé & allegué, on a demandé, & a esté plaidé en la Cour le Vendredy vnzième d'Aoust, mil cinq cens quatre-vingts & quinze, entre le Seigneur de Rets, & conforts appellans, & le seigneur Dorgerus, intimé: estant conuenu que le cedant ne pourra r'achepter les rentes par luy transportées sur l'Hostel de la ville de Paris, Si ceste clause vicie le contract, comme estant contre la substance d'iceluy, attendu la constitution de rente faicte sur le cedant & sur ses biens: tout ainsi que ceste clause vicie le contract de

constitution de rente faicte moyennant deniers, en sorte qu'on ne sera point tenu payer d'arrerages de ceste rente: encores que ceste cause pour plusieurs particularitez ayt esté appointée au Conseil, toutesfois il semble qu'elle ne vicie aucunement le contract d'eschange, & qu'elle ne peut empescher que le cedant ne soit tenu payer les arrerages, parce que ce n'est pas vn cōtract de constitutiō de rente fait moyennant deniers, ains vn contract d'eschange, par le moyen duquel le cedant est tenu payer les arrerages de la rente à l'occasion de la clause de garantir, fournir & faire valoir, encores qu'il n'y eust aucune constitution de la rente sur le cedant, comme il a esté déclaré au chapitre precedent: Et tout ainsi que le cessionnaire a eu l'heritage du cedant à perpetuité, aussi le cedant a voulu auoir rentes qui luy estoient baillées en eschange à perpetuité, pour le regard du cedant, & qu'il fust seulement permis aux debtors de la rente, qui estoient les Preuost des Marchands & Escheuins de la ville de Paris, de la rachepter, ioinct que *utile per inutile vitatur*, la clause de non rachepter sera déclarée nulle, mais le contract d'eschange demeurera en sa force & vertu. Aussi *quasi duo negotia gesta censentur*, l'eschange, & l'assurance de l'eschange, par le moyen de la constitution de rente sur le cedant. Au surplus le cessionnaire mettoit le cedant hors d'interest, parce qu'il le receuoit à rachepter la rente par luy cedée, laquelle il n'auoit iamais demandée par rachapt: En sorte qu'il ne se pouoit plaindre de la clause, ou bien l'admettoit à rendre l'heritage eschangé, en payant les arrerages qui seront lors deubs & escheuz au temps du rachapt.

SI CELVY QUI POUR VN OFFICE
venal a cedé & transporté rente constituée sur l'Hostel de la ville de Paris, avec promesse de la garantir, fournir & faire valoir, est tenu payer les arrerages d'icelle, à faute du payement faict par le Receueur de la ville.

CHAPITRE XI.



N a demandé si le resignataire d'un office venal, lequel moyennant la deliurance qui luy a esté faicte par le resignant des lettres de prouision dudit office bien & deuement expédiées en son nom; A cedé & transporté à son resignant deux cens liures de rente, qu'il auoit droit de prendre sur l'Hostel de la ville de Paris, avec promesse de la garantir, fournir, & faire valoir, tant en sort principal,

Du transport fait de rente sur l'Hostel de ville, pour un office venal.

cours d'arrerages que rachapt, doit estre condamné payer les arrerages de la rente par luy cedée à faute de paiement fait par le Receueur de la ville de Paris. Tout ainsi que celui qui a cedé vne rente constituée sur l'Hostel de ceste ville, avec la promesse susdite, en contr'eschange d'une maison ou d'autre heritage, y doit estre condamné (comme il a esté dit au 9. chapitre du present traité.) Ou bien si tel resignataire ne doit estre contraint au paiement des arrerages de ladite rente, non plus que celui qui a cedé & transporté vne rente sur l'Hostel de ceste ville, avec la promesse susdite, par contract de vendition, moyennant deniers comptans à luy baillez & payez: comme il a esté déclaré au quatriesme chapitre.

*Recit d'un
proces pour
raison de ce
que dessus.*

Cette question a esté plaidée en la Cour de Parlement, à huys clos, le 20. Feurier mil cinq cens quatre-vingts dix. Le faict estoit, le pere des appellans par contract passé pardevant deux Notaires du Chastelet de Paris, en l'an mil cinq cens soixante & dix, a confessé que par le moyen de la resignation à luy faicte par l'intimé, il a esté bien & deuëment pourueu par le Roy de l'Estat & Office de Thresorier de France, & qu'il a receu les lettres de prouision dudit Office, bien & deuëment, & en bonne forme expedies & seellées. Et par le mesme contract est porté que pour auoir par l'intimé permission de resigner ledit Office, il fut contraint bailler au Roy la somme de douze mil liures tournois, laquelle fut portée à l'Hostel de ceste ville de Paris. Et moyennant la deliurance actuelle à luy faicte des lettres de prouision dudit Office, le defunct pere des appellans a cedé & transporté à l'intimé, pour luy, ses hoirs & ayans cause, deux mil neuf cens quatre-vingts trois liures quatre sols deux deniers tournois de rente, en six parties constituées sur l'Hostel de la ville de Paris, lesquelles il promet garantir à l'intimé, ses hoirs, & ayans cause, de tous troubles & empeschemens quelsconques, fournir & faire valoir, tant en cours d'arrerages, principal que rachapt, nonobstant tous euenemens, cas fortuits, retranchement de deniers, hostilité, incursions d'ennemis, puissance, auctorité & faict du Roy, & de tous autres euenemens & empeschemens semblables ou diuers aux precedens, par le moyen desquels le cours desdites rentes seroit empesché, en tout ou partie, & à l'entretenement dudit contract, le pere des appellans a obligé tous & chacuns ses biens, meubles & immeubles, presens & à venir, ceux de ses hoirs & ayans cause.

Suiuant ce contract le pere des appellans ayant ioüy dudit Office de Thresorier de France, & l'ayant resigné à l'un de ses enfans, à luy delaislé, en rapportant à ses coheritiers la somme de douze mil escus, & depuis le fils l'ayant resigné & vendu moyennant ladite somme, seroit aduenü que les arrerages des rentes constituées sur l'Hostel de la ville de Paris, n'ont point esté payées. Au moyen de quoy l'intimé a mis en proces pardevant Messieurs des Requestes du Palais les enfans & heritiers du defunct resignataire dudit Office, lesquels

par sentence du dixiesme Iuillet 1589. sont condamnéz personnellement, pour telles parts & portions qu'ils sont heritiers de leur defunt pere, & hypothecairement pour le tout, garnirés mains de l'intimé dedans six mois, lors prochains venans, trois années d'arrerages escheuës le dernier Decembre 588. à cause desdits deux mil neuf cens quatre-vingts trois liures quatre sols deux deniers tournois de rente mentionnée au proces: Sauf à deduire ce qui se trouuera auoir esté sur ce payé. Ensemble garnir les arrerages depuis escheuz, & qui escherront cy-apres à cause de ladite rente, vn mois apres le terme escheu: En baillant par l'intimé caution, faisant retrocession des arrerages payez, & baillant quittance pour les receuoir du Receueur de la ville de Paris.

De ceste sentence les enfans & heritiers du defunct ayans appellé, releué leur appel en la Cour, & à icelle présenté requeste à ce qu'il luy pleust euoquer le proces principal, estant ordonné que les parties viendroient plaider.

Les appellans pour leurs causes d'appel & defenses au principal disoient.

Moyens des appellans. Raisons pour monstrier que le contract est vraye vente.

Primò, que le contract cy-dessus recité, estoit vn vray contract de vente & non d'eschange, parce qu'en France, vn contract ne peut estre dict contract d'eschange, sinon quand on cede & transporte vn heritage à l'encontre d'un autre heritage, ou bien vn immeuble pour vn autre immeuble. Tellement que si on baille vn meuble pour vn immeuble, encores que le meuble ne soit aucunement estimé, tel contract est reputé vraye vendition, l'heritage baillé est subiet à retraict lignager, & pour raison d'iceluy sont deubs lots & ventes, comme Monsieur Tiraqueau, *post Chassanæum, Molinæum & alios*, a amplement déclaré en son Traicté de Retraict lignager. §. I. *Glossa 14. in verbis*, ou equipolent à vente.

Or les appellans soustiennent que l'Office de Thresorier de France est meuble, dient que tous Offices venaux sont reputez meubles en France, partant que le contract duquel est question est vraye rente, & non eschange.

Secundò, disoient encores que l'Office de Thresorier de France fust reputé immeuble, toutesfois qu'au cas de present on ne pouuoit dire qu'il n'eust esté vendu la somme de douze mil escus: Attendu que pour ledit Office le pere des appellans auoit baillé des rentes constituées sur l'Hostel de la ville de Paris: insques à la concurrence de douze mil escus ou enuit on, & qu'il n'estoit besoin de les estimer par le contract, parce que leur valeur estoit certaine & notoire. Aussi que par le contract est porté, que l'intimé fut contraint bailler douze mil liures tournois, pour auoir permission de resigner ledit Office, qui estoit letiers denier d'iceluy, deub au Roy pour resignation d'Offices venaux: Et encores ledit contract porte que le defunct a cedé tous les droicts qu'il auoit esdites deux mil neuf cens quatre-vingts trois liures quatre sols tournois de rente de present vendus: Qu'il est certain

en droit que *astimatio rei immobilis siue expressa siue tacita facit emptio-*
rem. l. cum dotem. C. iure dot. l. plerumque. ff. eod.

Que le contract duquel est question estant contract de vente, encores qu'il y ait promesse de garantir & faire valoir les rentes portées par iceluy, les appellans ne peuuent estre contraints payer les arrerages des rentes cedées par ledit contract. Comme il est amplement deduit és quatre & cinquiesme chapitres du present Traicté, lesquels il conuient veoir.

Tertio, disoient que par ledit contract il n'y auoit aucune promesse faite par leur defunct pere de payer les arrerages des rentes desquelles est question. Mais y auoit vne simple promesse de les garantir, fournir & faire valoir, laquelle ne contenoit qu'une realité & non personnalité, comme il est déclaré és chapitres precedens. Et encores que le defunct se fust obligé aux cas fortuits, toutesfois cela s'entendoit de *solitis*, non pas de *insolitis*, qui auoient passé la prudence humaine, & n'auoient peu estre aucunement preueus. *l. 2. §. si eo tempore. ff. de adm. rer. ad ciuit. perti. l. fistulas. §. fin. ff. de contrab. empt. l. quæ fortuitis. C. de pig. actio.*

Quarto, disoient que les Offices de Thresoriers de France auoient esté supprimez, depuis doublez, triplez, & decuplez, & qu'on auoit esté contraint bailler finance au Roy. Et ainsi que les appellans pour raison de ceste suppression, mutation & augmentation n'auoient aucunement agy contre l'intimé, & auoient le tout prins en patience; aussi l'intimé deuoit souffrir le reculement qui auoit esté fait pour certain temps seulement du payement des arrerages des rentes constituées sur l'Hostel de la ville de Paris. Non pas agir contre les appellans pour le payement des arrerages d'icelles, attendu qu'elles n'estoient point deniées ny reuouquées en doute.

Quinto, les appellans disoient, encores qu'ils fussent tenus au payement des arrerages des rentes desquelles est question (que non) Toutesfois qu'ils ne pouuoient estre condamnez au payement d'icelles par prouision, sinon personnellement chacun pour telle part & portion qu'il est heritier de leur defunct pere, & non hypotecairement, chacun pour le tout. *Quia bares extra portionem hereditariam extranei loco habetur. l. cum à matre. C. de rei vend. l. legatorum petitio. ff. de leg. 2.*

L'intimé pour defenses aux causes d'appel des appellans, & pour les moyens de sa demande, disoit: Que sa demande estoit fondée en contract passé pardeuant deux Notaires, les conuentions, promesses & obligations duquel, il failloit entretenir & accomplir de poinct en poinct, sans rechercher des moyens obliques, subtilitez & euasions pour y contreuenir, *Nihil enim tam congruum est humanae fidei quam ea quæ inter contrahentes placuerint seruare. Et quod conuentum præstandum est. l. empto. ff. de act. emp. l. 1. ff. de pact.*

Que l'intimé de sa part auoit entierement accompli le contract duquel est question, & que le defunct pere des appellans s'en estoit contenté, que par ledit contract le defunct auoit promis garantir, fournir &

faire valoir à l'intimé, ses hoirs, & ayans cause, tant en cours d'arrérages, principal, que rachapt, les rentes spécifiées audit contract: non-obstant le faict du Prince, cas foruits, hostilité, & de tous euenemens & empeschemens.

Que le cas de cessation du payement des arrerages desdites rentes, estoit aduenü par hostilité à l'occasion des guerres ciuiles, faict du Prince, & autres empeschemens notoires & cognus à tous. Partant que les appellans, comme heritiers & biens tenans de leur defunct pere, sont tenus accomplir la promesse par luy faicte, ainsi que l'intimé a accompli la sienne. En ce faisant doiuent fournir & faire valoir à l'intimé les arrerages desdites rentes, luy payer ceux qui sont à present escheus, & continuer ceux qui cy-apres escherront. *Vt vtrunque aqualitas seruetur. l. non tantum. ff. de re iudica. l. naturalis. §. & siquidem. & §. at. cum do ff. de prescript. ver. l. Iulianus. §. offerri. ff. de act. empt.*

Que pour l'accomplissement du contract duquel est question, il n'est point necessaire de sçauoir comme il doit estre appellé, ou de vente, ou d'eschange. Mais il faut regarder les promesses & conuentions portées par iceluy, & la vraye intention des parties contractantes. Qui est que l'intimé & ses hoirs seront payez par le Receueur de la ville de Paris, à chacun terme, des arrerages des rentes qui luy ont esté transportées par le defunct pere des appellans. Et à faute de payement, que le defunct ou les appellans ses heritiers payeront lesdits arrerages: laquelle intention & volonté des parties contractantes il faut suyure & accomplir.

Aussi il ne seroit raisonnable, iuste ny equitable, que l'intimé perdist son Estat de Thresorier de France, & les douze mil liures qu'il a esté contrainct payer pour faire admettre la resignation d'iceluy. Et que les appellans eussent par deuers eux & à leur profit sans cause legitime, la somme de douze mil escus, qu'ils ont receuë pour la vente dudit Office. Car en ce faisant les appellans, *Cum aliena iactura locupletarentur, quod natura non patitur. l. iure succursum. ff. de iure dot. l. non hoc natura. ff. de condict. indeb.*

Et quant au premier moyen allegué par les appellans, l'intimé respondoit, Qu'il denie qu'en France les Offices venaux soient meubles, comme les appellans mettent en auant, ains estoient immeubles. De faict par le quatre-vingts quinzième article de la nouuelle Coustume de Paris, est porté: Qu'Office venal est reputé immeuble, & qu'il a suite par hypothèque, quand il est saisi sur le debteur par auctorité de Iustice parauant resignation admise, & prouision faicte au profit d'un tiers. Aussi en la saisie, criées & adiudication par decret d'un Office venal, sont requises mesmes solemnitez qu'à un heritage. Et quand un homme qui est pourueu d'un Office venal se marie, son Office n'entre point en la communauté des biens, qui est introduite par la Coustume entre l'homme & la femme mariez. Ioint qu'ordinairement le resignataire d'un Office venal constitue rente à son resignant, à cause de la resignation & vendition à luy faicte de l'Office.

Si les Offices venaux sont meubles ou immeubles.

Et oblige non seulement tous les biens , mais spécialement l'Office qui luy a esté resigné. Ce que dessus estant véritable, & le defunct pere des appellans , ayant cédé & transporté pour & à l'encontre de l'Office de Thresorier de France qui luy a esté resigné par l'intimé, les rentes portées par ledit contract: On ne peut valablement dire que ledit contract ne soit vn vray contract d'eschange , parce qu'on a baillé vn Office qui est immeuble à l'encontre des rentes constituées qui sont immeubles , comme il est porté par le quatre-vingts quatriesme article de la nouvelle Coustume de Paris.

Quant au second moyen allegué par les appellans, l'intimé respond. Encores que la valeur des rentes constituées soit certaine: toutesfois quand elles sont baillées en contre-eschange d'un heritage , le contract est censé eschange & non vente, & pour raison d'iceluy ne sont deubs lots ny ventes au Segineur censier , ny droict de quint au Seigneur feodal , comme il est notoire. Et le payement du tiers denier qu'il a conuenu payer au Roy pour faire admettre la resignation dudit Office , ne concerne aucunement le contract duquel est question , lequel estant vray contract d'eschange , les appellans sont tenus payer les arrerages des rentes portées par ledit contract: suivant les arrests recitez au 9. chap. du present Traicté.

Au regard du troiesme moyen proposé par les appellans , l'intimé respondoit que la personnalité estoit assez notoire par la lecture du contract duquel est question , contenant les promesses faictes par le defunt pere des appellans , de garantir , fournir & faire valoir les rentes dont est question , tant en cours d'arrerages , principal que rachapt, nonobstant tous cas fortuits , euenemens & empeschemens qu'on pourroit imaginer: ce qui est licite & conforme à la disposition de droict , *in l. si quis fundum. ff. de locat. quæ fortius in fin. C. de pig. actio.*

Quant au quatriesme poinct contenant les pretendues suppressions, mutations & augmentations des Thresoriers de France , milés en auant par les appellans, respondoit l'intimé, qu'elles n'estoient aucunement considerables. *¶* *Tum* parce que l'intimé n'auoit aucunement promis garantir l'Office duquel est question , & le pere des appellans s'estoit contenté des lettres de prouision , qui luy auoient esté baillées dudit Office de Thresorier de France , bien & deuëment expedies en son nom. Et par ledit contract estoit expressément porté que l'intimé ne seroit tenu d'aucune garantie des gages: *¶* *Tum* , parce que l'Office resigné par l'intimé n'auoit point esté supprimé , & auoit esté vendu par l'un des appellans fils du defunct la somme de douze mil escus: Au contraire le pere des appellans auoit promis garantir , fournir & faire valoir à l'intimé les rentes par luy cedées , nonobstant tous cas fortuits , euenemens & empeschemens quelconques , laquelle promesse les appellans doiuent effectuer , executer & accomplir: En ce faisant payer les arrerages desdites rentes , desquelles on ne pouuoit estre aucunement payé par le Receueur de la ville de Paris.

Quant à la condamnation hypothecaire donnée contre les appellans, laquelle

laquelle ils dient n'auoir peu estre donnée contre eux par prouision, mais la personne seulement comme heritiers de leur defunct pere, dict l'intimé, Que les appellans iustement ont esté condamnez par prouision payer les arrerages desquels est question, tant personnellement que hypotecairement, pour deux raisons. La premiere, parce que par le contract duquel est question, le pere des appellans a non seulement promis garantir, fournir & faire valoir les rentes dont il s'agit: Mais à l'accomplissement de ceste promesse a obligé & hypotequé tous ses biens. En sorte que les appellans, comme heritiers de leur defunct pere sont tenus personnellement, & comme detenteurs & propriétaires des biens du defunct sont tenus par le mesme contract hypotecairement, à l'accomplissement de la promesse susdite. La seconde raison est que par les 100. & 101. articles de la nouuelle Coustume de Paris, les detenteurs & propriétaires d'heritages chargez & redevables de rentes, sont tenus personnellement & hypotecairement payer & continuer les arrerages des rentes, desquelles lesdits heritages sont chargez, tant & si longuement qu'ils en sont detenteurs, ou de partie & portion.

Consequemment l'intimé soustient auoir esté bien iugé, & estre bien fondé en sa demande & conclusions principales.

Finalemēt la Cour a euoqué à elle le proces & principal differend d'entre les parties pendant es Requestes du Palais, & tant sur iceluy que sur l'appel plaidé de la sentence de prouision, a ordonné qu'elle en deliberera au Conseil, le iugement duquel proces n'a esté poursuiuy, au moyen des troubles. Et de la decision de ceste cause ie ne dois parler, parce que ie l'ay plaidée pour l'intimé.

CELUY QUI EST CONDAMNE'

payer & continuer vne rente transportée sur l'Hostel de la ville, par contract d'eschange, peut demander resolution du contract. Et rendant l'heritage qui luy a esté transporté, est deschargé à l'aduenir de la rente qu'il a cedée.

CHAPITRE XII.



AR les arrests recitez au neufiesme chapitre du present recueil, on peut cognoistre, que celuy qui a cedé vne rête sur l'Hostel de la ville de Paris en eschange d'autre heritage, avec promesse de la garantir, fournir & faire valoir, tant en sort principal qu'arrerages: estant poursuiuy pour la continuation de la rente & payement des arrerages d'icelle elcheus & à eschoir, peut demander la resolution du contract d'eschan-

ge. En ce faisant estre receu à delaisser l'heritage qui luy a esté baillé en eschange, en luy faisant retrocession de la rente qu'il a baillée en contre-eschange. Encore que la resolution ne soit offerte par le demandeur, comme ordinairement on a accoustumé de l'offrir. La raison est, parce que l'euiction des rentes constituées sur l'Hostel de la ville de Paris, est extraordinaire, inaudite, insolite, & qui n'a peu estre preueuë par la prudence humaine. Aussi qu'il semble que le cedant se doit contenter quand on luy rend en bon & suffisant estat, l'heritage qu'il auoit baillé en eschange. Combien qu'en droit on soustienne, qu'il n'y a que celuy qui de sa part a accompli le contract d'eschange, qui puisse demander la resolution du contract, en ce faisant r'entrer en son heritage: ou bien requerir l'accomplissement & entretenement du contract. Non pas que l'option soit baillée à celuy qui de sa part n'a pas accōply le contract, ou bien qu'il a baillé vn heritage, lequel a esté euincé, ou vne rente de laquelle on ne peut estre payé. *l. naturalis. §. 1. ff. de prescript. verb. l. cum precibus in fine. C. de rer. permut. l. 2. in fine ff. eodem.*

Arrest de ce
que dessus.

Ce que dessus outre les arrests cy-dessus recitez a esté specifiquement iugé, par arrest donné le neufiesme Mars, mil cinq cens quatre vingts & onze: Entre Ambroise Danez, veufue de defunct maistre Iean Veillart, viuant Auditeur des Comptes, & Maistre Iean Veillart à present Auditeur en ladite Chambre, demandeurs & appellans de Messieurs des Requestes du Palais d'une part. Et Nicole le Lorrain, veufue de feu Noel de Here, viuant marchand bourgeois de Paris, és noms qu'elle procede, defenderesse & intimée d'autre. Par lequel arrest en confirmant par la Cour la sentence desdites Requestes, a esté ordonné, que ladite le Lorrain esdits noms seroit deschargée à l'aduenir, de toutes garanties de six cens quatre escus vingt-trois sols de rente constituée tant sur particuliers que sur l'Hostel de la ville, par ledit defunt Noel de Here, baillées en eschange d'une maison assise en ceste ville de Paris, fors des faits & promesses desdits de Here & sa femme. Si mieux lesdits Danez & Veillart n'aymoient suiuant les offres faictes par ladite le Lorrain, consentir la resolution du contract d'eschange mentionné au proces. En ce faisant delaisser à ladite le Lorrain esdits noms lesdits six cens quatre escus vingt quatre sols de rente baillée en contre-eschange pour ce qui le trouuera en nature, & non rachepté. Et pour le surplus en constituant rente à ladite le Lorrain esdits noms par lesdits Danez & Veillart, sur ladite maison iusques à la concurrence de ce qui aura esté amorty. En faisant par ladite le Lorrain retrocession ausdits Danez & Veillart de ladite maison, sans remboursement des reparations & meliorations vtils & necessaires que ladite le Lorrain, ou feu son mary, pourroient auoir faict faire en la maison depuis le contract d'eschange. Laquelle option lesdits Danez & Veillart seroient tenus faire dans vn mois, & à faute de ce faire, sera referée à ladite le Lorrain: sans despens d'une part & d'autre.

Semblable arrest donné en plaidoyrie le sixiesme Aoust, mil cinq

cens quatre-vingts & vnze, entre Maistre Iean de Peyras, Notaire au Chastelet de Paris, & conforst, appellans du Preuost de Paris, & demandeurs en sommation, d'une part: & Marie Hochel, vefue de feu Iean Bourgeois & conforst intimez d'autre, & Maistre Pierre Viart aussi Notaire & conforst defendeurs en sommation d'autre part, par lequel la Cour ayant esgard aux offres desdits Viart, & conforst, a déclaré le contract d'eschange fait entre les parties, de deux maisons, & quelques heritages assis à la Villette, à l'encontre de cent liures de rente constituée sur l'Hostel de la ville de Paris, avec promesse de la fournir & faire valoir, resolu. En ce faisant a permis aux intimez d'entrer en leurs heritages en retrocedant la rente à eux baillée en contre-eschange. Si mieux ils n'ayment descharger lesdits Viart & conforst, de la garantie de ladite rente, laquelle option ils seront tenus faire dedans huitaine.

Autre arrest donné entre Maistre Iean Bergeon Conseiller du Roy, & Thresorier general de France en Picardie, demandeur d'une part, & Philippes & Claude du Resnel Bourgeois de Paris, defendeurs d'autre, prononcé le septiesme Mars, mil cinq cens quatre vingts & onze: par lequel lesdits du Resnel ont esté condamnez payer & continuer audit demandeur, cinq cens quatre-vingts liures de rente constituée sur l'Hostel de la ville de Paris, laquelle Nicolas du Resnel leur pere auoit baillée en eschange d'une maison sise rue saint Denys, à laquelle est pour enseigne la clef d'argent; avec promesse de garantir ladite rente de tous troubles, & la fournir & faire valloir, tant en assiete, hypoteque, cours fort, principal, qu'arrerages, non obstant cas inopiné qui aduienne ou puisse aduenir. Si mieux les defendeurs n'ayment consentir & accorder la resolution du contract d'eschange, & rendre ladite maison au demandeur, sans aucune repetition des frais & mises par eux pretendus, tant en bastimens neufs, que meliorations & augmentations en ladite maison. En quoy faisant les defendeurs demurreroient quittes & deschargez de la somme de huit cens soixante trois escus vn tiers, deuë pour quatre années & demie d'arrerages, escheus au iour saint Iean Baptiste, mil cinq cens quatre vingts & vnze, à cause desdites cinq cens quatre-vingts liures de rente par an. Si tant lesdits bastimens, meliorations & augmentations se montent. Lesquelles à ceste fin audit cas seront veuës, & visitées par gens à ce cognoissans, dont les parties conuiendront pardeuant le Rapporteur de l'arrest. Et à faulte d'en conuenir en seront par luy prins d'office, qui priseront & estimeront lesdits bastimens, meliorations & augmentations eu esgard au temps qu'ils vallent de present. Et si tant ne se montent lesdits arrerages deubs, les defendeurs audit cas, sont condamnez payer le surplus d'iceux arrerages audit demandeur. Laquelle option les defendeurs seront tenus faire dedans le lendemain de Quasimodo prochain venant: autrement sera ladite option referée au demandeur, & les defendeurs condamnez es despens de l'instance,

& de tout ce qui s'en est ensuiuy. Sauf auldicts defendeurs leur recours contre les Preuost des Marchands & Escheuins & Receueur de la ville, & à eux leurs defences au contraire.

Si le cedant de la rente constituée sur l'Hostel de la ville, qui a esté condamné payer & continuer ladite rente, si mieux il n'aymoit accorder la resolution du contract d'eschange, & delaisser au cessionnaire les heritages qui luy auoient esté transportez, volontairement a payé depuis l'arrest contre luy donné, les arrerages de la rente, & retenu l'heritage; il ne peut apres refuser le payement & continuation de ladite rente, ny valablement dire qu'il ne la veut plus payer, & qu'il offre rendre l'heritage. Parce qu'il ne peut varier, & que depuis l'arrest ayant volontairement payé les arrerages de la rente, il a taiblement opté le payement & continuation d'icelle. Aussi que depuis l'arrest l'heritage a peu estre diminué de la valeur. Comme il fut iugé en plaidoyrie le 2. Auiil 1592. Conformément à la disposition de droit. *in l. si feudus. §. eleganter. ff. de lege commissoria. l. apud Aufidinum. ff. de opt. legat.*

Le propriétaire de la maison qui a offert s'en desister, peut reuoker son offre.

Neantmoins si celuy auquel l'heritage auoit esté cédé & transporté, a opté la resolution du contract & offre de rendre l'heritage, il peut reuoker son offre, si elle n'a point esté acceptée & executée. Comme firent lesdits Philippes & Claude du Resnel, lesquels incontinent apres que la ville de Paris fut reduite en l'obeissance du Roy, reuokerent l'offre qu'ils auoient faicte, & le consentement qu'ils auoient presté de la resolution du contract d'eschange passé par leur defunct pere. Et estime encores que l'offre de resolution du contract d'eschange eust esté executée, & que celuy qui auoit transporté l'heritage fust rentré en la propriété & possession d'iceluy: Toutesfois qu'en luy payant & continuant la rente qui luy auoit esté cedée sur l'Hostel de la ville de Paris, avec tous les arrerages escheus: ou racheptant ladite rente, & luy payant les meliorations, si aucunes il a fait, que celuy qui auoit consenty la resolution du contract, & s'estoit desisté au moyen de la misere & calamité du temps, de l'heritage qui luy appartenoit par le contract d'eschange, pourra r'entrer en la pleine propriété & paisible iouissance dudit heritage. Et si besoin est, obtiendra lettres en Chancellerie pour estre releué de l'option par luy faicte, & appellera des sentences qui auront esté données en consequence de ladite option. Et dece que dessus le cedant de l'heritage ne se peut plaindre, parce qu'il est hors de toute perte & dommage, & le desistement qui a esté fait, a esté à l'occasion de la misere & calamité du temps.

La resolution du contract d'eschange se peut demander apres l'arrest donné.

Aussi i'estime, encores que par la sentence, ou bien par l'arrest, contenant condamnation de payer & continuer la rente cedée sur l'Hostel de la ville de Paris, ne soit baillée l'option au cedant, de se deliurer du payement & continuation de ladite rente, s'il veut consentir la resolution du contract d'eschange, & rendre l'heritage qui luy a esté transporté en contr'eschange de la rente par luy cedée, mais soit purement & simplement condamné au payement & continuation de ladite rente. Toutesfois en execution de la sentence, ou bien de l'arrest contre

luy donné, il peut demander la resolution du contract, & requerir estre deschargé à l'aduenir du payement & continuation de ladite rente, en rendant l'heritage, & le remettant és mains de celuy qui l'a transporté. Lequel par mesme moyen sera tenu faire retrocession de la rente qui luy aura esté cedée. Et chacun garantira de ses faicts, promesses & obligations, seulement ce qu'il retrocedera. Et ce que dessus ne peut estre empesché: Parce que *huiusmodi exceptio non impugnat iudicatum*. Aussi qu'estant en l'option du cedant de la rente de la payer & continuer, ou bien de se descharger du payement d'icelle, en rendant l'heritage qui luy a esté baillé, il peut en execution de sentence faire l'un ou l'autre, & satisfaisant à l'un, il est deschargé de l'autre: à l'exemple du tiers détenteur de l'heritage obligé à vne rente, ou bien du simple preneur d'un heritage à la charge d'une rente, lesquels en execution de sentence contre eux donnée, portant condamnation de payement & continuation de la rente à eux demandée, peuuent deguerpir l'heritage obligé à la rente, ou prins à la charge de rente. Comme celuy qui *noxali iudicio condemnatus est*, peut en execution de sentence, *iudicatum soluere, vel seruum noxa dedere, & facultatem noxa dedenda à lege accipit*, l. miles. §. decem. ff. de re iudicata. l. cum fructuarius. §. sed cum post. ff. de usufructu. l. 1. C. de iur. & facti ignor. Bartolus in l. is cum quo ff. de aqua pluuiar. arcend. Ainsi a esté iugé par Arrest donné en plaidoyrie le deuxiesme May, mil cinq cens quatre vingts dix: Entre Catherine le Clerc, veufue de feu Maistre Remy Leger, tant en son nom que comme tutrice, demanderesse en requeste d'une part, & Raoul Peaudeloup, defendeur d'autre: Encores que par Arrest auparavant donné, la demanderesse eust esté condamnée payer & continuer la rente constituée sur l'Hostel de la ville de Paris, baillée en contr'eschange d'une maison, & de quelques terres: Et ordonné que ladite demanderesse payeroit les arrerages six mois apres chacun terme escheu. Toutesfois la Cour ayant elgard à la requeste ordonna que le contract d'eschâge fait entre les parties demeureroit resolu. En ce faisant le defendeur rentrerait en ses heritages & terres, & la demanderesse és rêtes par elle baillées en contr'eschâge, sans que le defendeur soit tenu d'aucun remboursement des reparations & meiorations que la demanderesse pourroit auoir fait esdits heritages, suiuant l'offre & consentement de ladite demanderesse: Si mieux n'ayme le defendeur descharger la demanderesse de la garantie des rentes à luy cedées par la demanderesse. Et neantmoins est la demanderesse condamnée à payer au defendeur la somme de cent, cinquante liures, pour les arrerages escheus du passé, les cinquante liures restans confus en la personne du defendeur. Et pour ce faire est donné delay d'un an à la demanderesse.

Si l'option de la resolution du contract d'eschange est baillée à celuy qui a transporté la rente sur particuliers, avec promesse de la garantir, fournir & faire valoir, & à faute de payement, la payer & continuer; sera amplement déclaré au 23. chapitre du present Traicté.

COMME LE CEDANT DE LA RENTE
constituée sur l'Hostel de la ville, se doit conduire
pour faire l'option qui luy est donnée de la
resolution du contract d'eschange.

CHAPITRE XIII.

Comme il se
fait condui-
re pour opier
la resolution
du contract
d'eschange,
ou l'entree
nément d'i-
celuy.



En cet endroit convient noter, Que quand par senten-
ce ou Arrest, l'option est donnée au cedant de la rente
constituée sur l'Hostel de la ville de Paris, de payer &
continuer la rente qu'il a promis fournir & faire valoir,
ou bien de consentir la resolution du contract d'es-
change, en ce faisant rendre la maison qui luy a esté
baillée en eschange, en luy retrocedant la rente qu'il a cedée. Et que par
la sentence, ou bien par l'Arrest, il est porté que le defendeur sera tenu
faire l'option dedans huitaine, à compter du iour de la signification fai-
te à sa personne, ou à son domicile, & à faute de ce faire dedans ledit
temps & iceluy passé, que l'option sera referée au demandeur. En ce cas
le defendeur doit dedans la huitaine faire signifier son option con-
tenuë en vn acte, passé pardevant deux Notaires, ou en vne requeste qu'il
presentera à la Cour. Si dedans la huitaine il ne fait l'option le deman-
deur presentera requeste à la Cour, à ce que le defendeur soit debouté
de l'option à luy deferée, & que l'option suivant l'Arrest soit referée au
demandeur: & requerra acte de ce qu'il offre r'entrer en la maison par
luy baillée en eschange, & retroceder la rente qui luy a esté transportée.
La Cour sur ladite requeste a accoustumé d'ordonner, que le defen-
deur sera tenu faire l'option portée par l'Arrest dans huitaine, autre-
ment forclos: La huitaine étant escheüe, le demandeur presente autre
requeste, à ce que le defendeur purement & simplement soit debouté
de l'option à luy deferée, & que ladite option soit déclarée referée au
demandeur, & requerra acte de ce que d'abondant il opte & declare
vouloir r'entrer en ladite maison, & retroceder à la rente qui luy a esté
cedée par le defendeur. En ce faisant soit ordonné que le demandeur
r'entrera en la pleine propriété & possession de ladite maison, le defen-
deur condamné l'en laisser paisiblement iouir, luy en faire retroces-
sion, avec promesse de garantie de ses faits, promesses & obligations.
seulement, & luy rendre les lettres & tiltres concernans ladite maison.
Offrant le demandeur en ce faisant promptement luy faire retrocession
de ladite rente, avec semblable garantie. Et si l'option dessusdite est
baillée à celuy qui avoit transporté la maison, en remboursant les
reparations & meiorations vtils & necessaires faictes en la maison
depuis le contract d'eschange, il doit preuenir, & dedans le temps qui

luy est baillé pour faire l'option, doit presenter requeste à la Cour, & donner à entendre que l'option n'estant à son profit & aduantage, il ne la peut bonnement & certainement faire, qu'on ne luy baille par estat les reparations & meliorations que le defendeur pretend auoir fait faire en ladite maison, & qu'elles ne soient liquidées. Et requerra le delay de faire l'option sur soy, iusques à ce que les reparations & meliorations ayent esté baillées par estat, & soient liquidées: à ce qu'il ne soit circonuenue, & que pensant faire son profit, il ne fût son dommage. Ainsi qu'il fut plaidé en la Cour les vingtsixiesme May & trentiesme Iuillet mil cinq cens quatre vingts douze, pour Maître François Mallet, Auditeur des Comptes, demandeur en requeste, contre Iean le Charron, Seigneur de Monceaux defendeur.

SI CELUY QUI R'ENTRE EN L'HERITAGE baillé en eschange de rente transportée sur l'Hostel de ville, doit estre payé de tous les arrerages escheuz à cause de la rente, iusques au iour qu'il r'entre en son heritage.

CHAPITRE XIV.



Auantage par les Arrests cy dessus amplement recitez, on peut manifestement cognoistre, que quand le contract d'eschange faict d'une maison assise en ceste ville de Paris, ou bien d'un heritage situé aux champs, à l'encontre de cent liures de rente, cedée sur l'Hostel de la ville de Paris, est resolu, Qu'il est demeuré nul, cassé, rescindé, & sans effect, en ce faisant que les parties respectiuement sont remises en leurs droicts, & que chacun r'entre en la plaine propriété & paisible iouissance des choses par chacun d'eux cedées & transportées. En ce cas celui qui a cedé l'heritage, & qui r'entre en la propriété & possession d'iceluy, doit estre payé des arrerages de la rente qui luy auoit esté transportée sur l'Hostel de ville, par celui qui rend l'heritage, qui sont escheuz iusques au iour de la restitution dudit heritage. A l'exemple de celui qui deguerpit en Iustice l'heritage par luy prins à rente, lequel est tenu de payer les arrerages de la rente iusques au iour de son deguerpissement. Aussi que la resolution du contract se fait de grace contre la nature du contract d'eschâge qui est obligatoire d'une part & d'autre. Et contre la promesse de garantir, fournir & faire valoir la rente, tant en principal que cours d'arrerages. En ce faisant celui qui rend la maison assise à Paris, ou bien l'heritage situé aux champs, ne se peut exempter

Celui qui rend l'heritage est tenu de payer tous les arrerages de la rente par luy cedée.

du payement des arrerages de la rente, sous ombre qu'il dit n'auoir peu iouyr de l'heritage situé aux champs: ou bien n'auoir peu loier la maison assise en ceste ville de Paris, pendant le temps des arrerages demandez. Pareillement ne peut s'exempter du payement desdits arrerages, encore qu'il offre transporter autant d'années de fruiçts escheuz à cause de l'heritage qu'il y a d'années d'arrerages de la rente escheuës à prendre les fruiçts sur les fermiers de l'heritage. Ou bien rendre les fruiçts qu'il a perceus pendant les années des arrerages demandez à cause de la rente: Et qu'il fasse pareille offre pour le regard des loyers de la maison assise en ceste ville, laquelle il delaisse & retrocede. Ainsi a esté iugé par Arrest donné entre ledit Maistre Jean Bergeron, demandeur d'une part: & Philippes & Claude du Resnel, defendeurs d'autre part: prononcé le septiesme Mars 1592. recité au 12. Chapitre du present Traicté.

Aussi par Arrest donné entre Jacques Coisinot, Marchand bourgeois de Paris, demandeur en requeste d'une part: & Maistre François Viuian, Aduocat en Parlement, tant en son nom, que comme tuteur de ses freres & sœurs, & consorts, defendeurs d'autre. La Cour faisant droit sur ladite requeste, a déclaré le contract d'eschange du 5. Nouembre 1571. resolu, a condamné le demandeur laisser aux defendeurs la possession vuide & vague de la moitié de maison, où pēd pour enseigne la petite Sereine, rue S. Denys, mentionnée audit contract, & leur payer la somme de seize escus deux tiers, dedans quinzaine, & pareille somme de trois mois en trois mois, iusques à fin de payement des arrerages à eux deubs, iusques à huy, à cause des rentes cedées par ledit contract. En ce faisant a ordonné que les defendeurs feront retrocession au demandeur des soixante & quinze liures de rente qu'il auoit baillées en contr'eschange, ensemble des arrerages escheuz, & qui escherront, iusques au iour de l'exécution du present Arrest, le tout sans repetition des reparations & meliorations faictes par ledit Coisinot, demandeur en ladite moitié de maison: sans aucune garantie respectiuellement par les parties, fors de leurs faicts, promesses & obligations seulement, & sans despens de l'instance. Ledit Arrest fut prononcé le 30. May 1592.

Autre Arrest.

Pareil Arrest donné le 2. May 1590. Entre Catherine le Clerc, veufue, demāderesse d'une part: & Raoul Poideloup, defendeur d'autre, recité au 12. chapitre du premier discours.

Autre Arrest.

Et encores pareil Arrest donné entre Hugues le Febure, au nom qu'il procede, demandeur & intimé d'une part: Et Baptiste Riué & sa femme, defendeurs & appellans des Requestes du Palais d'autre, prononcé le dernier Feurier 1592. Par lequel entre autres choses est ordonné que la veufue dudit Riué nommée Seuyn, sera deschargée à l'aduenir de toute garantie des cinq cens liures de rente, baillées en contr'eschange d'une maison, sinon des faicts & promesses d'elle & dudit defunct Riué son mary: Si mieux ledit le Febure n'ayme consentir la resolution du contract d'eschange, en ce faisant delaisser à ladite Seuyn es noms qu'elle procede lesdits cinq cens liures de rente, en payant par elle audit le Febure, les arrerages de ladite rente iusques au lixième

Auril

Auril 1590. d'as deux ans par esgale portion. Payât aussi par ladite Seuyn audit le Febure, les loyers de ladite maison depuis le 6. dudit mois d'Auril iusques au iour de la prononciation du present Arrest, au dire de gens à ce cognoissans. En faisant respectiuellement retrocession des choses cedées & transportées. Et ledit le Febure sera tenu faire ladite option dedans six mois.

Dauantage, le 22. Iuin 1595. a esté plaidée vne cause: Entre Messire Louys de l'Hospital, Cheualier, Seigneur de Vitry Coubert, appellant de Messieurs des Requestes du Palais, & demandeur en euocation d'une part: Et Messire Albert de Gondy, Duc de Rets, Marechal de France, intimé & defendeur d'autre. L'appel estoit de ce que Messieurs des Requestes du Palais auoient cassé plusieurs procedures faictes entre les parties, tant auparauant que pendant les troubles. Et au principal estoit question qu'en l'an 1571. le pere de l'appellant auoit cédé, transporté, delaiué & promis garantir à l'intimé vne terre, avec ses appartenances. Et l'intimé en contr'eschange auoit cédé & transporté trois mil liures de rente, à prendre sur l'Hostel de la ville de Paris: avec promesse de la garantir, fournir, & faire valoir de tous troubles & empeschemens, mesmes du faict du Prince, & autres cas fortuits & à aduenir. Et en consequence de ceste clause, l'appellant auoit requis & à present requeroit, suiuant les Arrests donnez en cas preiel: Attendu que notoirement on ne peut estre payé des arrerages des rentes de l'Hostel de ville, l'intimé fust condamné payer les arrerages tant escheus qu'à escheoir, desdites trois mil liures de rente, veu qu'il auoit iouy & iouyssoit de la terre à luy baillée en eschange. L'intimé pour defenses disoit: Que la sentence donnée par Messieurs des Requestes estoit conforme à l'Edict fait par le Roy, lors de la reduction de la ville de Paris en son obeissance. Que la terre de present appartenoit au Seigneur de Cipiere, qui auoit espousé la fille du defunct Seigneur de la Tour, lequel n'en auoit peu iouyr pendant les troubles, offroit & consentoit s'en departir. Et en consequence de ce consentement, l'intimé offroit rendre ladite terre à l'appellant, en pareil estat qu'elle estoit lors du contract. Apres laquelle offre il soustenoit que l'appellant n'estoit receuable en sa demande, afin de payement & continuation des trois mil liures de rente, ny des arrerages par luy demandez. En tout euenement offroit que l'appellant prinst les fruiets qui estoient deubs par les fermiers de la terre, & accordoit l'euocation de l'instance principale. A quoy estoit repliqué par l'appellant qu'il acceptoit l'offre de rendre la terre, en payant les arrerages, & qu'elle fust en pareil estat qu'elle estoit lors de l'eschange. Finalement la Cour a mis l'appellation, & ce dont est appelé au neant, & les parties en ce regard hors de cour & de proces. Et au regard de la requeste a euoqué le principal, & y faisant droit, ayant esgard à l'offre acceptée, a condamné l'intimé bailler, delaiuer, & rendre à l'appellant la terre baillée en eschange, en tel estat qu'elle estoit lors dudit eschange, & payer les arrerages depuis la demande.

Et par le moyen de cet Arrest, plusieurs sont d'aduis qu'on ne doit pas

Aduis que les Arrerages

ne soient
deus ius-
ques au iour
de la resti-
tution de
l'heritage.

generalement & indistinctement dire, que celuy qui rend l'heritage eschangé, est tenu payer tous les arrerages deus jusques de la restitution de l'heritage, à cause de la rente qu'il auoit transportée sur l'Hostel de la ville. Et que iustement il peut soustenir qu'il ne doit les arrerages de la rente, que du iour de la demande d'iceux. Parce que si plustost ils eussent esté demandez, il eust plustost consenty la resolution du contract d'eschange, & rendu l'heritage: depuis la restitution duquel il n'eust esté tenu à aucuns arrerages. Aussi qu'il peut y auoir des particularitez, causes & raisons qui peuuent mouuoir la Cour à adiuger les arrerages depuis la demande seulement, ou depuis tel autre temps que de raison. Et pour ce regard est besoin voir le dernier Arrest recité au 9. chapitre du present Traicté.

*SI CELVY QUI R'ENTRE EN LA
maison qu'il auoit baillée en contr'eschange de rente
constituée sur l'Hostel de la ville, le contract estant re-
solu, doit rembourser tous les bastimens neufs, meliora-
tions, & augmentations qui y ont esté faictes.*

CHAPITRE XV.



Raisons par
lesquelles on
soustient que
celuy qui
r'entre en la
maison, est
tenu rem-
bourser tou-
tes les melio-
rations.

N a demandé si le contract d'eschange estoit resolu, cassé & annullé, en ce faisant celuy qui auoit transporté vne maison assise en ceste ville de Paris, en cōtr'eschange le cent liures de rente, cōstituée sur l'Hostel de cette ville, reellement & de faict r'entre en la pleine propriété & paisible iouissance de ladite maison, avec toutes ses appartenances & dependances. Si tout ainsi que le cedant de ceste maison doit estre entierement payé par le cedant de la rente, de tous les arrerages escheuz à cause d'icelle, iusques au iour qu'il est remis & installé en la maison, cōme il a esté monstré au chapitre precedent. Semblablement le cedant de la maison n'estant pastenu rembourser le cedant de la rente qui auoit esté baillée en contr'eschange de ladite maison, de tous les bastimens neufs, meliorations & augmentations vtils & necessaires, faictes de bonne foy en ladite maison, depuis le contract d'eschange passé entre les parties. Ce qui semble iuste, equitable, & raisonnable.

Car le contract estant resolu, les parties doiuent estre remises en tel estat & en tels droicts qu'elles estoient lors du contract d'eschange, & ne seroit raisonnable que le cedant de la maison fust enrichy au dommage du cedant de la rente, laquelle il pourra perdre entierement. Et ce suiuant la disposition de droict, *in lege unica. de re iudicati. l. si quis in iudicio restitutionis in integrum. l. facta ff. de adilitio. c. l. l.*

quod si minor. §. restitutio. ff. de minorib. l. iure succursum. ff. de iure dot. Aussi il est certain que celuy qui a fait des meliorations & augmentations vtilles & necessaires en vn heritage, duquel il est contraint se desister & departir, soit par le moyen de la reuendication contre luy intentée, petition d'heredité contre luy proposée, ou pour autre occasion. Il a pour le payement & remboursement des meliorations & augmentations par luy faictes, non seulement action & exception, mais aussi retention de l'heritage, *l. domum. c. de reuend. l. si necessarias. ff. de pignor. l. act. l. si in area in fine. ff. de condict. indeb.* Ioinct que par l'arrest recité au neuuesme chapitre du present Recueil, donné au profit de Geneuiefue Rougeoreille, qui est le premier donné en ceste matiere, lequel fut meurement deliberé, conclud & arresté en la seconde Chambre des Enquestes, en laquelle preside Monsieur Amelot, personnage d'honneur & de vertu, digne de tenir le premier lieu en ceste compagnie, est expressement porté: Que ladite Rougeoreille r'entrera en la maison par elle baillée en eschange, en remboursant le cedant de la rente qui auoit esté baillée en contr'elchange de ladite maison, des reparations & meliorations vtilles & necessaires par luy faictes en ladite maison, depuis le contract d'eschange. Pareillement par Arrest donné en plaidoyrie le vingt-huictiesme Septembre mil cinq cens quatre-vingts & vnze, entre lean le Charon, Seigneur de Monceaux, appellant & demandeur en euocation d'une part: Et Maistre François Mallet, Auditeur des Comptes, intimé & defendeur d'autre. La Cour euoquant l'instance principale, & y faisant droit, ayant aucunement esgard aux offres & response faicte, declara le contract d'eschange, duquel estoit question, resolu. En ce faisant ordonna que l'intimé r'entreroit en la propriété, possession, & iouyssance de la terre par luy transportée à tiltre d'eschange à l'appellant. En retrocedant audit appellant, ce qui reste des rentes baillées en contr'elchange, tant sur l'Hostel de la ville, que sur particuliers. Et au lieu des rentes qui ont esté rachetées, baillera l'intimé à l'appellant autres rentes sur particuliers qu'il sera tenu garantir, fournir, & faire valoir. Aussi l'appellant est condamné payer à l'intimé les arrerages desdites rentes escheuës, iusques au iour du present Arrest. Sur iceux deduites les reparations & meliorations vtilles & necessaires par ledit appellant faictes en ladite terre. Lesquelles à ceste fin seront prises & estimées par gens à ce cognoissans, dont les parties conuendront. Et à faute d'en conuenir, en sera prins & nommé d'office, &c. Le tout si mieux n'ayme l'intimé descharger l'appellant de la garantie des rentes à luy baillées en contr'elchange sur l'Hostel de ville, laquelle option il sera tenu faire dedans huictaine: sans despens. Et quant à l'Arrest de Veillart, & de la veufue de Heré, recité au vnzieme chapitre du present Recueil: on peut respondre qu'au contract d'eschange, sur lequel est interuenu ledit Arrest, il y auoit beaucoup d'auantage de rentes constituées sur particuliers, que sur l'Hostel de la ville de Paris. Aussi que la veufue dudit de Heré auoit offert quitter les

Arrest de ce
que d. ffus.

Autre Ar.
rest.

44 Des Rentes constituées sur l'Hostel de ville.

reparations & meliorations qui auoient esté faites en la maison de laquelle estoit question. Et si celuy qui r'entre en la maison qu'il auoit baillée en eschange de rentes constituées sur l'Hostel de la ville de Paris, ne peut payer les deniers esquels les reparations & meliorations seront estimées: Il est raisonnable qu'il en constituë rente sur la maison, & generally sur tous ses biens, ainsi qu'il fut ordonné par l'Arrest donné entre ledit Veillart & ladite veufue de Heré, prononcé le 9. Mars 1591.

Les meliorations ne sont tousiours remboursées par ceux qui r'entrent en leurs maisons.

Neantmoins à present la Cour ne condamne pas generally ceux qui r'entrent es maisons eschangées à rentes constituées sur l'Hostel de la ville de Paris, à rembourser les bastimens neufs, meliorations & reparations faites esdites maisons. Car quelquesfois les meliorations sont si grandes, qu'il leur seroit impossible les payer: tellement que *ipsis adibus carere cogerentur*. Comme dit la loy, *in fundo. ff. de rei uendicatione*. Mais la Cour compense les meliorations avec les arrerages deubs & escheus à cause des rentes baillées en eschange. Comme elle ordonna par Arrest, prononcé le 7. Mars 1592. recité au 12. chapitre du present Recueil, donné entre Maistre Iean Bergeon, demandeur d'une part, & Philippes & Claude du Resnel defendeurs d'autre: pour vne maison sise rue S. Denys, en laquelle y auoit plusieurs bastimens neufs de grande valeur, qui auoient plus cousté que les rentes baillées pour la maison. Quelquefois la Cour ordonne, qu'aucun remboursement ne sera fait des reparations & meliorations, & que les cedans suiuant leur promesse & contract, payeront & continueront la rente; si mieux ils ne veulent delaisser la maison en l'estat qu'elle est: comme il fut iugé par l'Arrest donné contre Catherine le Clerc, veufue de feu Remy Liger, prononcé le 2. May, 1590. recité au 11. chapitre du present Traicté. Et par l'Arrest donné entre Iean Coisnot, demandeur, & Maistre Iean Viuian defendeur, prononcé le 30. May 1592. recité au chapitre precedent. La raison est, parce que la resolution du contract d'eschange est permise de grace au cedant de la rente, contre la disposition de droit commun, qui veut qu'on ne se puisse desister de l'entretienement des contracts volontairement passez entre les parties, sans leur mutuel consentement. *l. sicut. Cod. de act. & obligat. l. de contractu. C. de rescind. vendit.* Aussi que la resolution du contract d'eschange est contraire aux promesses, conuentions & obligations portées par iceluy. Tellement que le remboursement des impenses, meliorations, & augmentations est fort arbitraire: Sçauoir, s'il sera fait pour le tout, ou en partie seulement: ou bien s'il n'y aura aucun remboursement. Et le plus souuent la Cour pour ce regard suit les offres des parties, comme il appert par la lecture des Arrests cy dessus recitez.

Fin de la premiere partie.



SECONDE PARTIE

DV PRESENT TRAICTE,
CONCERNANT LES TRANSPORTS FAICTS
de rentes deuës par particuliers.

D I F F E R E N C E E N T R E L E S
transports de rentes deuës par particuliers faiçts par
contract de vendition, & ceux qui sont faits
par contract d'eschange.

CHAPITRE XVI.



OMME pour donner cognoissance de l'effect, nature & condition des transports faiçts des rentes constituées sur l'Hostel de la ville de Paris, dont a esté amplement traicté en la premiere partie du present discours: Nous auons distingué les cessions & transports faits moyennant deniers, ou pour deniers par contract de vendition, de mariages & autres semblables, d'auec les cessions & transports qui sont faits par cōtracts d'eschange & permutation: & auons particulieremēt parlé de chacū d'iceux: Aussi à present qu'il cōuient traicter des trāsports faits des rentes cōstituées & deuës par particuliers; il est necessaire distinguer les transports des rentes qui sont faits par contracts de vendition, d'auec les transports faits par contracts d'eschange & permutation. Et pour auoir vraye, entiere & parfaicte cognoissance de l'effect & condition des cessions & transports qui se font par contract de vendition des rentes deuës par particuliers: Comme on peut poursuiure les cedans & vendeurs desdites rentes, lors qu'on ne peut estre payé des arrerages deuz, & escheus à cause d'icelles: Quelle cōclusion on peut prendre à l'encontre desdits cedans, & à quoy ils sont tenus. Il est besoin entendre, qu'on a accoustumé faire les transports de

*Difference
de trāsports
faits par
vendition,
& ceux faits
par eschāge.*

rentes deuës par particuliers en trois sortes, desquelles nous parlerons particulierement & par ordre.

DV TRANSPORT FAICT DES
rentes constituées sur particuliers par contract de ven-
dition, avec promesse generale de garantir de tous
troubles & empeschemens, ou sans aucune
promesse de garantir.

CHAPITRE XVII.



A forme ordinaire anciennement obseruée, & encores à present communément gardée és cessions & transports qui se font par contract de vendition, moyennant deniers comptans de rentes deuës & constituées par particuliers est: Que celuy auquel appartiennent & sont deuës cent liures de rente qui luy ont esté constituées par vn particulier, vend, cede & transporte, & promet garantir ceste rente de tous troubles & empeschemens quelconques, moyennant la somme de douze cens liures tournois qui luy est payée. Et faict cession de tous ses droicts, noms, raisons & actions, à l'acquireur de ceste rente, le met & subroge du tout en son lieu & droict.

Incontinent apres ce transport fait, l'acquireur de la rente le doit faire signifier au debteur d'icelle, & luy en faire bailler copie, à ce qu'il n'en pretende cause d'ignorance, & qu'il ne paye les arrerages d'icelle à autre qu'au cessionnaire: aussi qu'il ne la rachapte du vendeur cedant, comme valablement il pourroit faire, & estre deschargé tant du sort principal, payement & continuation de la rente, que des arrerages d'icelle. Attendu que de bonne foy ledit payement & rachapt seroit faict, & que les actions directes sont tousiours demeurées pardeniers le cedant, conformément à la loy tierce. *Cod. de nouat. & delegat. l. emptor. C. de heredit. vel act. vendi. l. cum pater. Cod. mandati l. quis ergo, & ibi glosa. in verbo in nominib. ff. de peculio.* Aussi la signification dudit transport est necessaire à ce qu'un creancier du cedant de la rente ne face saisir & arrester és mains du debteur d'icelle, les arrerages escheus auparauant le iour du transport, lesquels arrerages estoient deubs & appartenoyent au cedant, & desquels le cessionnaire encores qu'il en eust cession, ne se pouuoit dire saisy, iusques à ce qu'il eust faict signifier son transport. En sorte que lesdits arrerages estans purs meubles, ils apparten-droient au creancier du cedant, qui premier les auroit fait saisir. Parce que lors de la saisie ils appartenoyent au cedant qui en estoit vray Seigneur & possesseur, & estoient purs meubles. Suivant les cent huict, &

cent soixante dixhuitième articles de la nouvelle Coustume de Paris.

Et apres que le cessionnaire a fait signifier son transport au débiteur de la rente, il le doit poursuivre, le faire condamner au payement, & continuation d'icelle, à passer titre nouvel. Et apres ceste condamnation luy faire commandement de bailler le titre nouvel mentionné en la sentence, & pour son refus l'adiourner pour voir ordonner que ses biens seront & demeureront saisis iusques à ce qu'il ait passé & baillé au demaendeur ledit titre nouvel. Et le contraindre par saisie & vente de ses biens tant meubles qu'immeubles, à payer les arrerages à cause de la rente qui luy a esté cedée.

Car le cessionnaire de la rente par le moyen de la promesse, qui luy a faicte par le cedant de la garantir de tous troubles & empeschemens quelconques n'a aucune action contre son cedant, iusques à ce qu'il ait entierement discuté & faict vendre tous les biens tant meubles qu'immeubles que possède le débiteur de la rente: ou bien, s'il est defunt, qu'il possédoit au iour de son decés: non pas qu'il soit tenu discuter les heritages qu'il auoit vendus de son viuant, encores qu'ils fussent affectez, obligez & hypotequez au payement de la rente cedée, & que les detenteurs d'iceux puissent estre poursuivis personnellement & hypotecairement pour le payement & continuation de la rente cedée & des arrerages échus de leur temps, suiuant la Coustume de Paris, parce que ce ieroit discuter les tiers detenteurs, non pas le débiteur de la rente. Et ceste discussion doit estre faite *usque ad sacculum & per am*, cōme dient nos Docteurs, *in l. decem ff. de verbo. obligat. l. 1. §. prius tamen. ff. de magistr. conuen. l. 1. C. de reuocandis ys que in fraud. credi.* Et aucuns estiment que le cessionnaire de la rente, est tenu discuter & faire vendre tous les biens du débiteur de la rente qui sont assis dedans le Royaume de France, terres & Seigneuries de l'obeyssance du Roy, encores qu'ils soiēt hors le ressort du Parlement de Paris: mesmes quand les heritages assis hors le Parlemēt de Paris, sont specialement obligez au payement & continuation de la rente cedée. Comme il fut plaidé en la Cour le deuxiesme Iuin 1593. touchant le Duc Duzez, les biens duquel sont assis en Languedoc. *ita tenet Iason in l. sciendum. §. possessor. ff. qui satisd. cog. Baldus in fideicommissum. §. tractatum. ff. de indic.*

Si le cessionnaire a faict faire par vn Sergent vn rapport de biens non trouuez qui contienne qu'il s'est trāsporté en la maison du débiteur de la rente, & qu'apres commandement de payer n'a trouué aucuns biens. Et que les voisins enquis par le Sergent ayent declaré qu'ils n'en scauent aucuns appartenans audit débiteur, & n'y ait aucuns heritages specifiez par le contract de constitution de rente. Le cedant sera tenu de indiquer au cessionnaire les biens meubles, ou immeubles, qui appartiennent au débiteur de la rente, lesquels le cessionnaire sera tenu discuter aux perils & fortunes, frais & despens du cedant, lesquels frais & despens le cessionnaire est tenu aduancer, sauf à repeter, parce qu'il est chargé de la discussion. Et si le cedant a mal indiqué, il sera tenu des despens de toutes les procedures, dominages & intereests du cessionnaire.

Le cessionnaire d'une rente est tenu discuter tous les biens du débiteur de la rente.

Rapport de biens non trouuez.

Comme l'achepteur ne peut agir auparavant l'euiction, aussi le cessionnaire d'une rente ne peut agir auparavant la discussion.

48 Et comme l'achepteur d'un heritage ne peut de euictione agere contra venditorem, quandiu ei fundum habere licet, & donec fundus emptus euictus sit. l. habere licere. ff. de euict. l. 3. C. eodem. Aussi le cessionnaire d'une rente, en vertu de la promesse generale de garantir, ne peut agir contre le cedant pour le payement des arrerages de la rente cedée, iusques à ce qu'il ait entierement discuté le debteur de la rente, & fait vendre tous ses biens: Et ceste discussion est la vraye euiction de la rente. Et tout ainsi que l'achepteur d'un heritage, estant troublé en la iouissance d'iceluy, ou bien estant poursuiuy pour rente pretendue sur l'heritage, il somme le poursuitt à son vendeur, afin de la faire cesser & l'en acquiter, garantir & indemniser: pareillement le cessionnaire d'une rente, quand il ne peut estre payé des arrerages d'icelle, & qu'il a discuté les biens qu'il scauoit appartenir au debteur de la rente, il poursuit son cedant à ce qu'il soit condamné luy payer & continuer la rente cedée, ensemble les arrerages deuz & escheuz à cause d'icelle; ou bien luy indiquer biens appartenans au debteur de la rente: & ceste discussion est tellement requise, que le cessionnaire de la rente ne s'en peut descharger, encore qu'il offre retroceder la rente au cedant d'icelle avec cession de tous ses droicts, noms, raisons & actions. Ce que dessus a tousiours esté ainsi obserué, pour les raisons qui seront deduites au prochain chapitre, lequel il conuient voir.

En transport de rentes deues par particuliers la garantie est tenue, encor qu'elle ne soit promise.

Et qui est à noter, encore que par un contract de vendition, cession & transport fait moyennant deniers comptans d'une rente due par un particulier, n'y ait aucune promesse de garantie faite par le cedant d'icelle: Toutesfois la garantie est due tout ainsi qu'en vendition d'heritage. En ce faisant le cessionnaire de la rente peut agir contre le cedant d'icelle, en montrant que le debteur de la rente estoit insoluable lors du transport, & qu'il n'auoit de quoy payer: tout ainsi que l'achepteur peut agir contre le vendeur de l'heritage euincé, encore que de la part du vendeur n'y ait aucune promesse de garantie, comme estant tacite & de la nature, tant de la vendition d'un heritage, que de la cession & transport fait moyennant deniers d'une rente due par un particulier. l. non dubitatur. C. de euict. l. fin. C. de com. rerum alienat. La raison est que la vendition ou bien la cession & transport d'une rente, non est nominis venditio, sed rei immobilis, non vendidit nomen, sed fundum. D'autant que par le 84. article de la nouuelle Coustume de Paris, rentes constituées à prix d'argent sont reputées immeubles, iusques à ce qu'elles soient rachetées.

La garantie de ses faits & promesses, ce qu'elle emporte.

Si le vendeur & cedant a seulement promis garantir de ses faits, promesses & obligations la rente par luy cedée & transportée, moyennant deniers: Il est seulement tenu rendre le prix qu'il a receu à cause du transport de ladite rente, sans payer aucuns arrerages ny dommages & interets: sinon ceux qui sont escheus depuis la poursuite contre luy faite, s'il y a eu contestation en cause ou long refus de payer. Et ce suiuant la disposition de droit. in l. emptorem §. qui autem. ff. de act. empt.

Si cette promesse de garantir de ses faits, promesses & obligations seulement, n'est point apposée au contract de transport fait par forme de vendition. Et si le cessionnaire est euincé de la rente qui luy a esté cedée avec promesse generale de garantie de tous troubles & empeschemens quelconques, ou bien sans aucune promesse de garantie comme tacite & taisiblement entenduë. En ce cas le cessionnaire obtiendra cōtre son cedant non seulement condamnation de luy payer & continuer la rente cedée, ensemble les arrerages tant escheus que ceux qui escherrōt à l'aduenir: Mais aussi condamnation de tous despens, dommages & interests, & despens, tant en demandant qu'en defendant, & de l'instance de sommation.

La promesse de garantie generale ce qu'elle opere.

Tout ainsi que l'achepteur de l'heritage euincé obtient la condamnation susdite contre son vendeur. *l. cum successoribus & l. si cum quæst. C. de euict.* Aussi par ce qui a esté cy dessus deduit, il est clair & euident qu'il ne suffit au vëdeur & cedant vne rēte, encōres qu'il n'y ait aucune promesse expresse de garantir la rente cedée; ou bien que la garantie generale soit promise seulement; ou bien que le cedant n'ait promis garantir sinon ses faits, promesses & obligations; de dire que *debitum subest*, que la rente est loyaument deuë, bien & deuëment constituée. Mais est tenu *prestare debitorem redditus annui locupletem esse*, qu'il est suffisant & soluable, suivant la loy *si nomen cum lege sequenti. ff. de heredit. vel act. vendit. l. si plus vel minus, in fine. ff. de euictionibus.*

En cession de rentes le cedant est tenu de la suffisance du débiteur.

Et cette suffisance s'estend du temps du contract contenant transport fait de la rente cedée. Tellement que si le débiteur d'icelle depuis le transport, est fait non soluable, ou bien à l'occasion de guerres, ou par son mauvais mesnage: ceste perte & dommage tombe sur le cessionnaire, selon le texte *in l. pupilli. §. soror. ff. de solu.* La raison est, parce que du iour de la cession le cessionnaire est le seigneur & propriétaire de la rente cedée. Partant tout ainsi que la perte, diminution ou dommage de l'heritage vendu tombe sur l'achepteur & propriétaire d'iceluy du iour du contract de vendition fait & parfait. *l. ex persona. C. de probat. l. i. §. si magistratus. ff. de magist. conueni. l. fin. C. in quibus causis tutorem habenti.* Pareillement la perte & dommage de la rente transportée tombe sur le cessionnaire du iour du transport.

Il suffit que le débiteur soit soluable au temps du transport.

Si depuis le transport on a decreté quelques heritages sur le débiteur de la rente, aux criées desquels le cessionnaire de la rente ne se soit point opposé, par ce moyen la rente soit perduë: Il se doit imputer, & n'a aucun recours contre son cedant. Encōres qu'aucuns veulent dire que le cedant de la rente estoit tenu de s'opposer aux criées de l'heritage vendu comme le cessionnaire, & qu'il deuoit veiller comme le cessionnaire. Parce qu'il n'estoit pas deschargé de la garantie de la rente par luy cedée. Toutesfois la verité est, que le cessionnaire auoit plus d'interest que le cedant: partant deuoit dauantage veiller, *Et de fide sua pœnas luere debet. l. i. C. de diuid. tut. l. non negligentibus, ff. ex quib. cau. maio.*

Le cessionnaire se doit opposer aux criées des heritages du détenteur de la rente.

*A QUOY EST TENU LE VENDEUR
d'une rente deuë par particuliers, qui outre la garantie
generale, a promis la fournir & faire valoir, tant
en principal que cours d'arrerages.*

CHAPITRE XVIII.

*Du transport
portant pro-
messe de
fournir &
faire valoir.*



VTRE l'ancienne forme & maniere accoustumée de vendre, ceder & transporter rentes deuës par particuliers cy-deuant declarée, qui est de promettre garantir la rente cedée moyennant deniers, de tous troubles & empeschemens quelconques. On a adiousté depuis quelque temps à ceste promesse de garantie generale vne nouvelle promesse, qui est de promettre fournir & faire valoir la rente cedée, tant en sort principal, cours d'arrerages, que rachapt. En ce cas on a demandé, si la discussion entiere des biens tant meubles qu'immeubles du débiteur de la rente est necessaire, auparauant que le cessionnaire de la rente puisse agir contre le cedant pour le payement des arrerages deuz & escheus à cause de la rente cedée. Tout ainsi que la discussion est necessaire, quand le transport de la rente ne contient qu'une simple garantie generale, comme nous auons amplement deduit au chapitre precedent.

*Antienne-
ment la pro-
messe de
fournir &
faire valoir
estoit la dis-
cussion.*

Et à la verité on a cy-deuant communément tenu, que l'acheteur & cessionnaire d'une rente, avec promesse de la garantir, fournir & faire valoir, tant en sort principal que cours d'arrerages, lequel auoit faict faire commandement au débiteur de la rente, de payer les arrerages deuz & estoit refusant de les payer. Ou bien qui auoit faict adiourner le débiteur afin d'auoir payement des arrerages escheus, & auoit proposé quelques defenses dilatoires ou autre: ou bien, lequel en vertu du transport & lettres de constitution de rente, auoit fait executer le débiteur de la rente, & se feroit opposé à l'execution. Lors le cessionnaire de la rente, sommoit au vendeur & cedant d'icelle le refus faict par le débiteur de la rente, ou les defenses par luy proposées, ou l'oppositiion par luy formée: & sans qu'il fust contraint faire autres procédures ny contraintes, il obtenoit iugement contre son cedant, par lequel il estoit condamné faire payer dedans certain temps le cessionnaire des arrerages qui luy estoient deuz à cause de la rente cedée, & à faute de ce faire dedans le temps prefix, & iceluy passé, le cedant estoit condamné en son nom payer les arrerages escheus; & à l'aduenir faire payer les arrerages vn mois apres chacun terme escheu: &

à faute de les faire payer dedans le temps susdit, les payer en son nom: & à ce faire contraint par saisie, vente & exploitation de ses biens.

Et ce que dessus est fondé sur ce que plusieurs maintiennent que ces mots de fournir & faire valoir, contiennent promesse personnelle de payer & continuer la rente, quoy que ce soit les arrerages d'icelle, s'ils n'estoient payez par le débiteur aux quatre termes à Paris accoustumez. Tout ainsi (disent-ils) que *fideiussor qui promisit solvere quadraginta reo credita, si reus ea non soluerit, tenetur debitum exolvere, si reus interpellatus non satisfecerit*. Tellement qu'en ce cas vne simple sommation est suffisante, sans qu'il soit besoin faire discussion. Comme ceste promesse faicte sous condition, estant purifiée par vne simple sommation: selon le texte de la loy, *fideiussor obligari. §. finali ff. de fideiuss.* Pareillement (disent-ils) celui qui a promis garantir, fournir & faire valoir vne rente, tant en sort principal qu'arrerages, est tenu payer les arrerages d'icelle, s'ils ne sont payez par le débiteur de la rente, apres qu'il a esté sommé de les payer: ou bien que pour le payement d'iceux il a esté adiourné ou executé en ses biens. Dauantage soustiennent que les mots de fournir & faire valoir la rente cedée, tant en principal qu'arrerages ne doiuent estre inutiles, non plus que tous les autres mots apposez en contracts, testamens ou autres actes. *l. i. ff. de eo quod metus causa. l. si quando uxori. ff. de legatis primo*. Ains les mots dessusdits de fournir & faire valoir, doiuent auoir plus d'effect que la promesse de simple garantie: & doiuent operer l'effect de payer ou de faire payer les arrerages de la rente vendüe & transportée, quand ils ne sont payez aux termes portez par le contract de constitution de rente, *Authentica si quando, versiculo satisfiet. Cod. const. per*. Ioint que si le débiteur de la rente est soluable, le cedant d'icelle qui l'a promis fournir & faire valoir est sans interest, perte & dommage. Parce que le cessionnaire offre faire cession au cedant des arrerages qu'il luy payera, lesquels il recouvrera du débiteur de la rente, lequel il recognoist fort bien, avec lequel il a contracté, & qui est son vray & naturel débiteur.

Toutesfois depuis on a tenu & tient-on à present le contraire, suivant les arrests de la Cour clairs & manifestes cy-apres recitez & dattez. Et comme celui auquel a esté vendüe & cedée vne rente, avec promesse pure, simple & generale de la garantir de tous troubles & empeschemens quelconques, ne peut agir contre son vendeur & cedant pour le payement des arrerages de la rente cedée, qu'il n'ait discuté & faict vendre tous les biens meubles & immeubles du débiteur de la rente: Comme il a esté dict au chapitre precedent.

Aussi celui auquel a esté vendüe, cedée & transportée vne rente, avec promesse faicte par le vendeur & cedant d'icelle de la garantir, fournir & faire valoir, tant en sort principal, cours d'arrerages, que rachapt, ne peut valablement agir contre son cedant pour le payement des arrerages de la rente cedée, qu'il n'ait entierement discuté & faict vendre les biens du débiteur de la rente. Et ce pour plusieurs raisons.

Raison de ceux qui dient que la promesse de fournir & faire valoir ostela discussion.

Raisõs pour
lesquelles la
discutiõ n'est
point ostée
par le moyen
de promesse
de fournir
& faire va-
loir.

Primò, parce que ces mots, a promis garantir, fournir & faire valoir la rente transportée, ne peuvent contenir autre chose, sinon *debitum subesse & debitorem locupletem esse*: ou bien *debitum ab eo exigere posse*, comme dient les loix, *si nomen ff. de her. vel act. vendit. l. si plus vel minus. § fin. de emt.* Or on ne peut dire que le débiteur d'une rente soit insolvable, & n'ait de quoy payer la rente par luy constituée, si on ne discute ses biens, & soient entierement vendus, *usque ad sacculum & per am.* Autrement *poterit à venditore siue cedente obici exceptio excussionis. l. i. §. pius tamen. ff. de mag. st. conueni.*

Secundo, le transport d'une dette ou bien d'une rente, est une vraie delegation que le créancier fait de son débiteur, qui luy deuoit une somme de deniers, ou bien une rente: auquel le cessionnaire se doit adresser, non pas à son cedant, sinon en deux cas. Si le débiteur ne doit: & s'il n'est pas solvable: ce qui ne se peut cognoître sans faire discussion des biens du débiteur. *l. deleg. l. si quis. ff. de nouat. & delegat. l. si quis debitorem delegat ff. de fideiuss.* Partant le cessionnaire d'une rente, lequel a accepté le débiteur d'icelle qui luy a esté deleguée & baillée par le cedant doit discuter les biens du débiteur de la rente qui luy a esté deleguée. Et si celui qui a transporté une rente, estoit contraint payer les arrerages d'icelle, ce seroit contre son intention. Parce qu'il a delegué son débiteur & transporté la rente qui luy estoit deuë, à ce qu'il ne fust contraint constituer rente au cessionnaire pour les deniers qu'il receuoit de luy, & payer les arrerages d'icelle.

Tertio, tout ainsi qu'un créancier ne se peut adresser à un pleige, caution ou fideiussur, que préalablement il n'ait discuté les biens meubles & immeubles des principaux obligez, suivant l'authentique *præsente Cod. de fideiuss. § si quis igitur & §. non solum de fideiuss. & mandat. in authenticis.* Aussi le cessionnaire d'une rente ne se peut adresser à son cedant pour le paiement des arrerages de la rente cedée, que préalablement il n'ait discuté tous les biens du débiteur de la rente. Comme le cedant étant subsidiairement obligé au cas que le débiteur ne soit solvable, & n'ait de quoy payer, ou bien qu'il ne soit entierement solvable, mais en partie seulement. Auquel cas le vendeur & cedant de la rente qu'il a promis garantir, fournir & faire valoir, tant en sort principal qu'arrerages, sera tenu payer au cessionnaire, *quanto minus à debitore consequi poterit*, comme dict la loy, *decem. ff. de verbo. obligat. l. non recte. in fine. Cod. de fideiuss.*

Quarto, la promesse de garantir, fournir & faire valoir la rente cedée, ne contient en soy sinon une réalité & assurance. Qui est que le débiteur de la rente a de quoy payer, & est solvable: & non aucune personnalité, ny obligation de payer la rente ou les arrerages d'icelle, sinon après discussion des biens du débiteur de la rente. Partant la discussion des biens du débiteur de la rente, est nécessaire.

Quinto, on maintient que la promesse de fournir & faire valoir la rente cedée, n'a point plus d'effect, que de la garantir de tous troubles & empeschemens quelconques, & que c'est une clause nouvellement inuen-

tée & adioustée par les Notaires, du tout inutile & superflü. Comme il est amplement deduit par Monsieur du Moulin, en son traité des contrats, vsures, rentes constituées, interests, & monnoyes, question neuuesme, col. 148.

Et soustient que la clause de fournir & faire valoir, n'est considerable, & n'a effect sinon en trois cas. Le premier, quand en constitution de rente ou promesse de garantie d'un heritage vendu, il n'y a qu'hypothèque particuliere de certaine terre ou terres, dont on doute que lors ou à l'aduenir, elles ne soient suffisantes au payement & continuation de la rente constituée, ou à la garantie de l'heritage vendu, & n'y a point d'hypothèque generale. Ainsi qu'il est déclaré au lieu susdit. Le deuxiesme cas est quand on fait cession & transport d'une dette, *cum nomen venditur aut ceditur*. En ce cas d'autant que la promesse de garantir ne contient sinon *debitum subesse*, on adioste la clause de fournir & faire valoir, qui signifie *Debitorem locupletem esse, dicta lege si nomen in fin. cum l. sequenti. ff. de hered. vel act. vendit*. Le 3. cas est en baux d'heritages faits à cens ou à rētes. Si le preneur outre la promesse de payer les cēs ou rente, à la charge desquels le bail est fait, a promis fournir & faire valoir la rente, & à ce obligé tous ses biens: En ce cas il ne peut renoncer à l'heritage par luy prins à rente: comme il pourroit y renoncer & le deguerpir en Iustice, si la clause de fournir & faire valoir n'estoit portée par le bail à rente. Comme il est porté par le 109. article de la nouvelle Coustume de Paris.

Les moyens cy-dessus deduits avec plusieurs autres qu'on peut suppléer, ayans esté proposcz & alleguez en la cause d'appel, plaidée en la Cour le 20. Mars 1599. entre Germain Herlement bourgeois de Paris, ayāt pris la cause pour Robert le Feure aussi bourgeois de Paris, appellāt d'une sentence donnée cōtre ledit le Feure par le Preuost de Paris ou son Lieutenant Ciuil, le treiziesme Feurier mil cinq cens nonante neuf, aux perils & fortunes de Maistre Iules Cesar Bernier son garand, demandeur en sommation & requeste formelle d'une part, & M. Guillaume Oliuier & sa femme intimez d'autre. Par laquelle sentence ledit le Feure auoit esté condamné payer à l'intimé les arrerages de la rente par luy cédée avec promesse de la garantir, fournir & faire valoir, tant en sort principal que cours d'arrerages. Par arrest donné en plaidoyrie ledit vingtiesme Mars, lecture faite de la sentence dont estoit appellé, ensemble du cōtract de trāsport de la rente de laquelle estoit question, cōtenant clause & promesse de fournir & faire valoir. La Cour mit l'appellation & ce dont estoit appellé au neant, sans amende, & sans despens de la cause d'appel: En emendant le iugement, ordonna que l'intimé auparavant que se pouoir adresser à l'appellant, en vertu de la promesse de fournir & faire valoir, fera discuter les biens de Bernier, & iceluy rendre insoluable.

Aussi y a sentence donnée par Messieurs des Requestes du Palais, le dixseptiesme Octobre 1571. entre les Chantre, Chanoines, & Chapitre de S. Honoré, demandeurs d'une part, & Damoïelle Marie Brus-

Arrest de ce que dessus.

Sentence & Arrest.

Autre Ar-
rest.

lard, veufue de feu Maistre Charles le Preuost, viuant Seigneur de Granduille, defenderesse, d'autre. Par laquelle la defenderesse a esté condamnée à fournir & faire valoir aux demandeurs les cent liures de rente mentionnées au proces: ensemble à payer les arrerages d'icelle rente escheus, & ceux qui escherront cy apres; discussion prealablement faicte sur le Seigneur de Vallery, & Maistre Anne de Terrieres Aduocat en Parlement: les demandeurs condamnez és despens du proces. Laquelle sentence a esté confirmée par Arrest d'acquiescement du dix-septiesme Decembre audit an cinq cens soixante & vnze.

Semblable Arrest donné entre Pierre de la Corde, Marchand bourgeois de Paris, & Anne Clavier sa femme, demandeurs en requeste d'une part. Et Iean Videleine & Marie Meraut sa femme, defendeurs d'autre, prononcé le quatorzième Aoust mil cinq cens quatre-vingts & vnze, par lequel entr'autres choses, lesdits de la Corde & sa femme sont condamnez ceder & transporter ausdits Videleine & sa femme deux cens soixante six escus deux tiers de rente, en vne, deux ou trois parties, sur particuliers, bons, payables, & bien solubles, & promettre icelles rentes garantir, fournir & faire valoir, & payer, discussion prealablement faicte des biens de ceux qui deuront lesdites rentes.

Autre Ar-
rest.


Autre & semblable Arrest, donné entre Guy Palliard, bourgeois de Paris, demandeur à l'enterinement d'une requeste d'une part, & le Seigneur de Roissi, defendeur à l'enterinement de ladite requeste, & demandeur en Sommation d'autre: Et Dame Magdeleine Keruer, veufue, defenderesse à ladite sommation d'autre, prononcé le sixiesme Feurier mil cinq cens quatre-vingts treize: Par lequel le defendeur est condamné payer audit Palliard demandeur les arrerages de deux cens liures de rente, dont est question. Et faisant droit sur l'instance de sommation, ladite Keruer est condamnée acquitter & desdommager ledit Seigneur de Roissi du payement & continuation desdits arrerages, discussion prealablement faicte par iceluy Seigneur de Roissi sur le débiteur de ladite rente, & sans despens.

Il y a d'autres Arrests donnez pour raison des transports faicts par contract d'eschange de rentes deuës par particuliers avec promesse de garantir, fournir, & faire valoir la rente cedée, tant en sort principal, cours d'arrerages, que rachapt, lesquels il conuient voir, comme concernans la difficulté proposée au present chapitre, & seront amplement recitez au 21. chapitre du present Traicté.

EFFECT DES TRANSPORTS FAICTS

des rentes deuës par particuliers par contract de vendition, avec promesse de garantir, fournir, & faire valoir la rente cedée, & à faute de paiement la payer & continuer.

CHAPITRE XIX.



Il y a vne troisieme espece de transports qui sont par contract de vendition de rentes deuës par particuliers, qui contiennent promesse de garantie de la rente cedée, plus ample que les deux especes de transports declarées es deux chapitres precedents. A sçauoir, quand le vendeur & cedant la promet, non seulement garantir de tous troubles & empeschemens queisconques, fournir & faire valoir tant en sort principal, cours d'arrerages, que rachapt: mais aussi il promet à faute de paiement des arrerages d'icelle, fait chacun terme par le débiteur de la rente, de le payer & continuer, apres vne simple sommation faicte & simple refus, ou bien apres vn simple commandement, adiournement ou execution. En ce cas, au moyen de la promesse & obligation personnelle, apres vn simple refus, le cessionnaire de la rente peut valablement agir contre son cedant, le faire condamner & contraindre au paiement des arrerages de la rente cedée, sans aucune discussion des biens du débiteur d'icelle. En luy faisant retrocession des arrerages qu'il payera, pour en auoir son recours & action ainsi qu'il verra bon estre, sans aucune garantie, restitution de deniers, sinon de ses faicts, promesses & obligations. Et si le cedant qui a fait les promesses cy dessus declarées, a acquis d'un autre par contract de vendition la rente par luy cedée, lequel ait seulement promis garantir, fournir & faire valoir la rente qu'il a cedée, tant en sort principal, cours d'arrerages, que rachapt: Tel cedant n'aura aucune action ny recours contre celui qui luy a vendu & cedé ceste rente, que prealablement il n'ait discuté & fait vendre tous les biens, meubles, & immeubles du débiteur de la rente, & l'ait rendu insoluable: & se doit imputer & prendre à soy-mesme de ce qu'il s'est obligé plus auant & dauantage que son auteur & vendeur. Comme il a esté dit aux deux chapitres precedents. Et pour plus ample connoissance & intelligence du present chapitre, il est besoin auoir recours à la lecture du 6. chapitre du present Traicté.

Du transport par lequel le cedant s'oblige à payer la rente, à faute de paiement par le débiteur d'icelle.

DES TRANSPORTS FAICTS PAR
*contracts d'eschange de rentes deuës par particuliers,
 avec promesse de la garantie generale.*

CHAPITRE XX.

*En transport
 de rente
 avec garan-
 tie generale,
 le cession-
 naire ne peut
 agir qu'il
 n'ait discu-
 té le débiteur
 de la rente.*



Ovs auons declaré és trois chapitres precedents, la nature & condition des transports faits des rentes deuës par particuliers, par contracts de vendition, moyennant deniers comptans. Il reste à present parler des transports faicts des rentes deuës par particuliers par contract d'eschange. A sçauoir, quand on baille, cede, & transporte vne maison assise en ceste ville de Paris, ou bien vn heritage assis aux champs, & en contr'eschange on cede & transporte cent liures de rente qui est deuë par vn particulier. Et ordinairement on a accoustumé de promettre garantir la rente ainsi cedée & transportée, de tous troubles & empeschemens quelsconques, tout ainsi qu'on a promis garantir de tous troubles & empeschemens l'heritage transporté: En ce cas il est certain que le cessionnaire de la rente est tenu discuter le débiteur d'icelle, auparauant que de s'adresser à son cedant, encore qu'il ne soit payé à chacun terme, ou à la fin de chacune année des arrerages de ladite rente, laquelle ne luy est point déniée par le débiteur, & au payement des arrerages de laquelle le cedant n'est point obligé. En sorte, qu'il n'est question que de faire poursuite du payement des arrerages, par saisie, exploictation & vente des biens, tant meubles qu'immeubles, du débiteur de la rente, lesquels il est condamné payer, & lesquels il ne dénie point de uoir.

*Quand la
 rente est de-
 niée, le
 cedant est
 tenu entrer
 en cause.*

Car si la rente estoit déniée & reuouquée en doute, le cedant d'icelle iustement seroit sommé par le cessionnaire, afin d'entrer en cause, & soutenir que la rente a esté bien & deuëment constituée, qu'elle est loyaument deuë, & faire condamner le débiteur au payement d'icelle, suiuant la loy, *si nomen. ff. de heredi. vel actio. vendi*. Mais la rente estant confessée, encores que les arrerages ne soient payez par le débiteur d'icelle: le cessionnaire ne peut valablement dire qu'il soit euincé de la rente qui luy a esté cedée, & qu'elle ne soit pas bonne, perceptible & exigible, iusques à ce qu'il ait fait discussion des biens du débiteur d'icelle tant meubles qu'immeubles, *vsque ad saccum & peram*. Auparauant laquelle euiction, qui ne se peut cognoistre qu'apres la discussion des biens du débiteur de la rente, le cessionnaire ne peut monstrier que le débiteur de la rente soit insoluable: & par consequent ne peut agir contre le cedant pour le payement des arrerages de la rente qui luy a esté cedée. Comme a esté amplement monstré és 3.8. & 17. chapitres du

present Traicté, le contenu desquels il n'est besoin repeter, ny les Arrests recitez ausdits chapitres.

A QVOY EST TENV CELVY QVI
a transporté vne rente deuë par particuliers en contr'es-
change d'heritage, & a promis garantir, fournir,
& faire valoir la rente cedée, tant en principal
cours d'arrerages, que rachapt.

CHAPITRE XXI.



Ncores qu'ordinairement en eschange d'heritages à rentes deuës par particuliers, on ait accoustumé seulement promettre garantir les rentes transportées de garantie generale de tous troubles & empeschemens quelconques, tout ainsi qu'on promet garantir l'heritage cedé de garantie generale de tous troubles & empeschemens: Toutesfois plusieurs, outre la garantie susdite, promettent non seulement garantir, mais fournir & faire valoir la rente cedée, tant en principal, cours d'arrerages, que rachapt. En ce cas on a cy-deuant tenu tant aux Requestes du Palais, qu'au Chastelet de Paris, que le cedant de la rente estoit tenu payer les arrerages d'icelle, si le cessionnaire n'en estoit payé apres vn simple commandement, ou adiournement fait au debteur de la rente, & quelque poursuite faite sur iceluy commandement ou adiournement. Sans que le cessionnaire fust tenu faire discussion des biens du debteur de la rente, comme il est tenu la faire, quand il y a simple promesse de garantie, ainsi qu'il a esté dit au chapitre precedent. Et de ce on allegue quatre raisons principales.

La 1. est fondée sur les causes & moyens amplement deduits au 9. *1. Raison.* chapitre du present Traicté, & sur les Arrests recitez audit chapitre, par lesquels moyens & arrests est décidé, Que celuy qui a transporté vne rente constituée sur l'Hostel de la ville de Paris, en eschange d'une maison, ou d'autre heritage: lequel a promis garantir, fournir, & faire valoir la rente par luy cedée, est tenu payer les arrerages d'icelle, apres vn simple commandement & refus fait par le Receueur de la ville de Paris, de payer les arrerages de ceste rente. Et dit-on, que par identité de raison le semblable doit estre obserué pour le regard de celuy qui a transporté par eschange vne rente deuë par particuliers, laquelle il a promis garantir, fournir, & faire valoir.

La 2. raison est fondée sur ce que plusieurs disent, que la promesse de fournir & faire valoir, ne contient pas seulement *debitum subesse*, & *debitorem locupletem esse*: mais contient que *neque per venditorem, neque per*

permutantem, neque per heredem suum, neque per quemuis alium fieri, quominus emptori vel permutanti rem habere liceat: Et qu'à chacun terme le cessionnaire de la rente sera payé des arrerages d'icelle, sans qu'il soit tenu faire discussion des biens des debtors de la rente. Autrement la promesse de fournir & faire valoir adioustée à la promesse de garantie generale seroit inutile, frustratoire & sans aucun effect. Et le cessionnaire estimant s'asseurer par le moyen de ceste promesse seroit circonuenu, ce qui ne seroit raisonnable, comme il a esté dit au 18. chapitre.

3. raison.

La 3. est prise de la nature du contract d'eschange, qui est, *Qu'il faut dare, & rei permutata dominium transferre*: Tellement que pour la perfection & accomplissement du contract d'eschange, il est necessaire que le compermutant iouysse paisiblement de la chose qui luy a esté baillée par eschange. *Et qui alienam rem tradit, non vestit placitum permutacionis, nec facit ut sit contractus: Quia res aliena data, pro non data habetur*, comme dit la loy premiere, *in fine, ff. de rer. permut. l. naturalis. §. & si quidem ff. de prescript. verb.* Partant que celuy qui n'est payé à chacun terme, ou bien à la fin de chacune année, des arrerages de la rente qui luy a esté transportée, peut iustement dire qu'il ne iouyt pas de la rente qui luy a esté cedée: comme fait son compermutant de l'heritage qui luy a esté baillé en elchange. En ce faisant qu'il est euincé de sa rente.

4. raison.

La quatriesme raison est prise de la disposition de droit commun, par lequel il est en l'option de celuy qui de sa part a accomply le contract d'eschange de demander: Ou bien l'accomplissement & execution de son contract, contre celuy avec lequel il a contracté, en ce faisant poursuivre son cedant de la rente, pour le payement des arrerages d'icelle: Ou bien peut requerer la resolution du contract d'eschange, en ce faisant qu'il r'entre en la pleine propriété & entiere iouissance de l'heritage par luy baillé en contr'eschange de la rente qui luy a esté transportée, comme le cedant de sa part n'ayant satisfait audit cōtract, *l. cum precibus, l. quoniam. C. de rerū permut.*

Raisons
pour lesquelles
on soutient
qu'il faut faire
discussion
en rentes sur
particuliers
baillées en
eschange.

Nonobstant les quatre raisons dessusdites, & plusieurs autres moyens qu'on peut recueillir des chapitres 8. 9. 17. & 18. du present Traicté. On tient à present, encor' qu'en contract d'eschange le cedant de la rente deuë par particuliers ayt promis garantir, fournir & faire valoir la rente par luy cedée, tant en principal, cours d'arrerages que rachapt, qu'il ne peut estre poursuivy pour le payement des arrerages de la rente par luy transportée, ny contraint les payer, que le cessionnaire n'ait discuté & rendu insolubles les debtors & obligez au payement de la rente: Parce qu'auparauant ceste discussion le cessionnaire ne peut dire qu'il soit euincé de la rente qui luy a esté transportée, laquelle ne luy est déniée & controuersée. Aussi on ne peut pretendre que la rente ne soit pas bonne, perceptible, & exigible, & que les debtors d'icelle soient insolubles: iusques à ce que le cessionnaire ait discuté tous leurs biens, tant meubles qu'immeubles, & iceux fait vendre au plus offrant & dernier encherisseur. Auparauant laquelle euiction, qui se cognoist par la discussion des biens des debtors de la rente, le cession-

naire n'a aucune action contre le cedant de la rente, pour le payement des arrerages d'icelle. D'autant que le cedant ne s'est aucunement obligé au payement des arrerages de ladite rente: mais a seulement promis la garantir, fournir, & faire valoir, tant en sort principal, arrerages, que rachapt. Laquelle promesse ne contient en soy qu'une simple realité que la rente est loyaument deuë, & que les debtors d'icelle sont solubles, & qu'il n'y a aucune personnalité. De faict n'y a aucune convention ny stipulation, que le cedant sera tenu payer les arrerages de la rente par luy cedée, si n'estoient payez à chacun terme, ou à la fin de chacune année: laquelle convention estoit necessaire pour donner action personnelle au cessionnaire de la rente contre le cedant d'icelle, à faute de payement des arrerages de ladite rente. Comme il a esté amplement deduit és 4. 9. & 18. chapitres du present discours, lesquels il convient voir.

Et aux quatre raisons cy dessus alleguées, on respond, Quant à la premiere, que notoirement il y a euiction des arrerages des rentes constituées sur l'Hostel de la ville de Paris: d'autant qu'ils ne se payent point, & qu'on ne peut aucunement en estre payé, quelque poursuite & diligence qu'on puisse faire, en sorte que la discution est toute faicte. Ce qu'on ne peut dire des rentes constituées sur particuliers, iusques à ce que les biens des debtors des rentes transportées, soient discutez, vendus & adiugez par decret. Auparavant laquelle discution on ne peut pretendre les debtors de la rente estre insolubles, ny euiction des rentes transportées.

Quant à la seconde raison cy dessus alleguée, On dénie que la promesse de garantir, fournir & faire valoir la rente cedée, contienne obligation de payer les arrerages d'icelle, s'ils ne sont payez à chacun terme, ou à la fin de chacune année. Mais ladite promesse contient seulement que la rente deuë, & que les debtors d'icelle sont solubles, tellement que la discution est necessaire.

Et quant à l'obiection fondée sur ce qu'on dit, Que si nonobstant la promesse de garantir, fournir, & faire valoir la rente cedée, la discution est necessaire auparavant qu'on puisse agir contre le cedant de la rente, que les mots de fournir & faire valoir, seront superflus, & sans aucun effect, & la promesse portée par iceux du tout inutile. Parce que celui auquel on a cedé une rente, & auquel en termes generaux on a promis la garantir, peut apres discution faicte des biens du debteur de la rente agir contre le cedant d'icelle, & le faire condamner, tant à la restitution du sort principal de la rente, & au payement des arrerages d'icelle, qu'en tous despens, dommages, & interets. Et qu'il ne seroit raisonnable que les mots dessusdits n'eussent aucun effect, d'autant que le cessionnaire estimant s'asseurer par le moyen desdits mots, & oster la discution, seroit circonvenu, contre la disposition de droit, *in l. i. C. de his qui ven. at. impet.*

On respond, encore que plusieurs ayent esté d'avis qu'en contract de vente & d'eschange, les mots de fournir & faire valoir estoient

superflus, & n'auoient aucun effect; comme Monsieur du Moulin a amplement deduit en son Traicté des contracts, vsures, rentes constituées, interests, & monnoyes, quest. 9. col. 145. Ainsi qu'il est déclaré au 17. chapitre du present Traicté.

Toutesfois quand on voudra exactement considerer ceste promesse de fournir & faire valoir la rente cedée, tant en sort principal & arrerages qu'en rachapt, aucuns estiment qu'on trouuera que ceste promesse n'est point inutile, & qu'on luy peut attribuer quatre effects.

Quatre effects de la promesse de fournir & faire valoir.

Le 1. encor' que celuy qui a promis garantir en termes generaux la rente par luy transportée, ne soit tenu sinon *prestare debitorem tempore cessionis locupletem esse*. Que lors du transport le débiteur de la rente estoit soluable, & auoit de quoy payer tant le sort principal que les arrerages d'icelle: En sorte que si depuis le transport, les biens du débiteur de la rente ont esté dissipéz: ou par le moyen des guerres, cas fortuit aduenu par feu ou autrement, les meubles & immeubles soient tellement diminuez qu'il soit deuenu insoluable: en ce cas le cedant de la rente qui generallement a promis la garantir n'en soit aucunement tenu, parce que *periculum nominis post cessionem pertinet ad cessionarium, & non ad cedentem* selon le texte formel, in l. pupilli, §. soror. & ibi glosa. ff. de solut. Aussi qu'en tous contracts on regarde, *tempus contractus. Et detrimentum quod post contractum accidit, domino cedit. l. necessario. ff. de peric. & com. rei venditæ*. Toutesfois celuy qui a promis non seulement garantir, mais fournir & faire valoir la rente par luy cedée, est tenu de la perte & dommage aduenu depuis la cession des biens du débiteur de la rente. Comme estant obligé à dauantage que celuy qui simplement a promis garantir, aussi que les mots de fournir & faire valoir sont generaux & indefinis, & peuuent s'estendre non seulement au temps precedent le transport, & au temps qui estoit lors du transport: mais au temps subsequnt le transport.

2. ff. ff.

Le 2. effect de ceste promesse de fournir & faire valoir la rente cedée est, encore que celuy qui a transporté vne rente avec promesse de garantie generale, soit deschargé de la garantie de la rente, si lors du transport fait d'icelle, le débiteur estoit soluable. Et que le cessionnaire ne puisse s'adresser au cedant, si depuis la cession quelques heritages du débiteur ont esté decretez, aux criées desquels le cessionnaire ne se soit point opposé. En ce faisant la rente soit en tout ou en partie perdue, & se doie imputer ceste perte au moyen de sa negligence, suivant la loy premiere de *periculo nominatorum, codicis lib. 11. l. non enim negligentibus. ff. de acquiribus cau. maiores*. Toutesfois si le cedant de la rente a promis non seulement la garantir, mais la fournir & faire valoir, tant en principal que arrerages. Et depuis le transport aucuns heritages du débiteur de la rente ayent esté decretez: aux criées desquels n'y ayt eu opposition formée pour la confirmation de ladite rente, & par ce moyen soit perdue. Plusieurs ont soustenu que le cessionnaire de la rente pourra agir contre le cedant, lequel a deu veiller & s'opposer audit decret pour la cōseruation de la rente, de laquelle il estoit garād, & laquelle il auoit promis fournir

& faire valoir, & n'ayant formé oppositiō, il doit imputer la perte de la rente à sa negligence. Tellemēt que le cessionnaire ayant deux obligez à sa rēte, le débiteur d'icelle & le cedant, le débiteur estant deuenu insoluable, il se peut adresser au cedant de la rente. A l'exemple de celuy qui habet duos reos debendi, vel qui habet reum & fideiussorem, l. 2. & l. reos. ff. de duobus reis. Et ce qui a esté dit de l'heritage decreté peut estre dit de l'heritage qui appartenoit au débiteur de la rente: lequel depuis le transport a esté vendu & aliéné par ledit débiteur, & prescrit par l'acquéreur d'iceluy: sans que sa possession ait esté interrompue par le cessionnaire, ny par le cedant de la rente.

Le 3. effect qu'aucuns ont voulu attribuer à la clause de fournir & faire valoir, outre la promesse de garantie generale est; Encores que debtes que le débiteur de la rente ne soit du tout insoluable, mais en partie seulement, celuy qui a promis fournir & faire valoir la rente, sera tenu par fournir ce qui defaudra, non seulement du sort principal & arrerages de la rente cedée, mais aussi payer tous despens, dommages & interets.

Le 4. effect qu'on veut attribuer à la promesse de fournir & faire valoir la rente cedée est, Qu'au cas de ladite promesse la discussion des biens des debtors de la rente, ne sera si exacte & si rigoureuse qu'elle seroit au cas de simple garantie. Tellement qu'il suffira que le cessionnaire auquel on a promis garantir, fournir, & faire valoir la rente cedée, discute les biens qui sont au Baillage de la demeure des debtors de la rente: ou bien au dedans du Parlement auquel ils font leur residence. Non pas tous les biens qui leur appartiennent, situez dedans le Royaume de France, terres & seigneuries de l'obéissance du Roy. Lesquels celuy auquel la garantie generale auroit esté seulement promise, seroit tenu discuter & faire vendre. Comme le Royaume de France estant vne seule Cité, ou bien vne seule Prouince, regie sous l'obéissance d'un seul Roy. Aussi que la discussion de biens estant requise, s'entend de tous biens, usque ad sacum & per am, comme disent nos Docteurs. Et qu'il a esté déclaré au 17. chap. du present Recueil.

Quant à la troisieme raison cy dessus proposée, on respond, que le cedant de la rente, *rem alienam non tradidit, sed ex parte sua contractum impleuit.* Ayant cédé vne rente legitimelement constituée & non déniée: bien perceptible & exigible du débiteur d'icelle, qui est suffisant & soluable, ainsi qu'on cognoist par la discussion de ses biens, lesquels le cessionnaire doit faire vendre, & sur les deniers procedans de la vente d'iceux, se faire payer des arrerages qui luy sont deus. Auparavant laquelle vente & discussion de biens, le cessionnaire ne peut pretendre euiction de la rente des arrerages de laquelle il n'est payé. Partant ledit cessionnaire n'a aucune aēt on contre son cedant, lequel n'a promis payer les arrerages de la rente par luy cedée, mais seulement a promis fournir & faire valoir la rente, tant en principal qu'arrerages, au cas que le débiteur d'icelle ne soit soluable en tout ou en partie. En sorte que pour sçavoir s'il est soluable ou non, la discussion des biens du débiteur de la rente, est requise & necessaire. l. 1. Cod. de reuoc.

Response à la troisieme raison cy dessus indiquée.

his qua in fraud. credit. l. 2. C. si quis omiffa causa test.

*Response à
la quatrief-
me raison
cy dessus al-
leguée.*

Au regard de la quatriefme raison cy-dessus mise en auant, on respond, Que le cedant de sa part ayant accompli le contract d'eschange (comme il a esté dict en respondant à la troisieme raison cy-deuant alleguée) le cessionnaire n'a aucune action contre le cedant pour l'accomplissement dudit contract, auquel il a entierement satisfait. Aussi ledit cessionnaire est notoirement non receuable à demander la resolution dudit contract qui a esté parfait, & auquel reciproquement les parties ont satisfait. Mais ledit cessionnaire doit poursuivre le payement des arrerages qui luy sont deubs par la vente des biens du debteur de la rente. Non pas les demander au cedant de la rente, avec lequel n'y a aucune stipulation ny conuention de payer lesdits arrerages, à faute de payement d'iceux à chacun terme, ou à la fin de chacune année.

*Arrest qui en
eschange de
rente deuë
par parti-
culiers fait
discussion.*

Or que la discussion soit necessaire en rentes deuës par particuliers baillées en contre-eschange d'heritages, encores qu'on ait promis les garantir, fournir, & faire valoir, tant en sort principal, arrerages, que rachapt; a esté iugé par plusieurs Arrests. Entre autres par Arrest donné entre Messire Arnoul Boucher, Cheualier Seigneur Dorlay, premier President au grand Conseil, & Dame Elisabeth Malon son espouse, demandeurs & intimez d'une part: Et Damoiselle Anne Turpin, vefue de feu Maître Nicolas le Grand, viuant Medecin ordinaire du Roy, defenderesse & appellante de Messieurs des requestes du Palais d'autre: prononcé le trentiesme May, mil cinq cens quatre-vingts & douze. Le faict du proces estoit, Que ledit defunct le Grand, mary de l'appellante, ayant cédé & transporté à feu Maître Claude Malon, Seigneur de Bercy, predecesseur des intimez, plusieurs rentes en contre-eschange d'une grande maison si- sée en ceste ville de Paris, rue sainte Croix de la Bretonnerie: mesmes six vingts trois escus vn tiers de rente, qui estoit deuë audit le Grand, & luy auoit esté constituée par quelques Seigneurs & Bourgeois de ceste ville de Paris: payable aux quatre termes en l'an à Paris accoustumez, avec promesse de garantir, fournir & faire valoir ladite rente, tant en sort principal, arrerages, que rachapt. Les intimez n'estans payez des arrerages de ceste rente, ils mettent en proces l'appellante, vefue dudit defunct le Grand, à ce qu'elle soit condamnée leur payer ou faire payer dedans certain temps les arrerages qui estoient deubs & escheus à cause d'icelle rente, & ceux qui cy-apres escherroient. L'appellante ayant offert payer aux intimez les arrerages escheus depuis l'adiournement à elle faict, & ceux qui apres escherroient: en luy faisant cession de leurs droicts & actions. Et les intimez n'ayans voulu accepter ceste offre, se seroit ensuiuie sentence de Messieurs des Requestes; pardeuant lesquels le proces estoit pendant, par laquelle l'appellante est condamnée faire payer les intimez par les debtors de la rente des arre-

rages escheus à cause d'icelle, & ce dedans six semaines. Et à faute de ce faire & le temps passé, dès à present comme deslors & deslors comme dès à present, l'appellante est condamnée en son propre & priué nom, payer aux intimez les arrerages escheus à cause de ladite rente, & ceux qui d'oresnauant escherront, & leur en passer tiltre nouuel. En quoy faisant les intimez seroient tenus faire retrocession desdits arrerages, pour s'en faire payer par l'appellante, ainsi qu'elle verroit estre à faire par raison. De ceste sentence l'appellante ayant interietté appel, & obtenu lettres en Chancellerie, pour reuoker l'offre par elle faicte de payer les arrerages escheus depuis la demande, & ceux qui apres escherroient, & en estre releuée comme erronément & inconsultement faicte. Les griefs ayans esté fournis avec la response à iceux: & l'appellante ayant faict production nouuelle: La Cour par son iugement & arrest ayant aucunement esgard ausdites lettres, & en vertu de ce qui a esté de nouuel produict: mist l'appellation & sentence de laquelle estoit appellé au neant, sans amende. En emendant le iugement, condamna l'appellante fournir & faire valoir aux intimez la rente de six vingts trois escus vn tiers, de laquelle estoit question au proces, & en payer les arrerages escheus & qui escherront cy-apres, discussion neantmoins prealablement faicte à la diligence des intimez sur les principaux obligez à ladite rente, sans despens, tant de la cause principale & d'appel, qu'incident desdites lettres.

Autre arrest donné en plaidoyrie le 25. Iuin 1591. Entre Charlotte Regnaut vefue de feu Pierre Passart, viuant bourgeois de Paris, au nom, & comme tutrice des enfans mineurs d'ans dudit defunct & d'elle, & consors appellans du Preuost de Paris d'une part, & Damoiselle Françoise l'Archer, vefue de feu Maistre Eustache Oliuier, viuant Seigneur de Herbelay, intimez d'autre. Le faict estoit, que ledit defunct Passart auoit cédé & transporté en contre-eschange d'une maison assise en ceste ville de Paris, rue S. Auoye, cinq cens liures de rente en deux parties, qui luy auoient esté constituées par des particuliers bourgeois de ceste ville de Paris: lesquelles il auoit promis garantir, fournir & faire valoir, tant en sort principal, arrerages que rachapt. Des arrerages de l'une de ces rentes, l'intimée n'estant payée, elle poursuit les appellans, afin de la faire payer dedans certain temps des arrerages deus à cause de ceste rente: & à faute de ce faire les payer en leurs noms, ensemble ceux depuis escheus, suivant ces conclusions. Les appellans estans condamnez, tant par prouision que diffinitiuement par mesme sentence donnée par le Preuost de Paris, les appellans en interiettent appel, parce qu'il n'estoit point ordonné que le principal debteur seroit auparauant discuté & rendu insoluable. Lecture faicte de la sentence, la Cour mist l'appellation & ce dont estoit appellé au neant, sans amende, & sans despens de la cause d'appel. Et en emendant le iugement ordonna, que l'intimée auant que se pouuoir adresser à l'encontre des appellans, seroit tenuë faire discuter le debteur principal obligé à la rente. Et à ceste fin les appellans seroient tenus luy indiquer

les biens du débiteur dedans trois iours , laquelle disction se fera aux perils des appellans.

Autre Arrest.

Autre arrest donné à l'audience le vnziesme Mars, 1591. entre Pierre de Combes marchand bourgeois de Paris, appellant du Preuost de Paris d'une part, & François Buille, & Catherine Versoris sa femme intimez d'autre. Et encores entre ledit de Cōbes demādeur en sōmation & requeste formelle d'une autre part: Richard Gangé, Germain Veron, & autres defendeurs d'autre. Auquel proces estoit question de rentes deuës par particuliers baillées en eschange d'une maison assise en ceste ville de Paris, avec promesse de les garantir, fournir & faire valoir, tant en principal, arrerages que rachapt. La Cour, par ledit arrest mist l'appellation, & ce dont estoit appelé au neant, sans amende. Et faisant droict sur le principal differēd, ordōna que l'intimé auant qu'il se puisse adresser contre l'appellant en recours de garantie, sera tenu faire discuter les debtors particuliers des rentes, & les rendre insoluables: Si mieux il n'ayme accepter l'offre de l'appellant pour la resolution du contract, & rentrer dedans sa maison, sans aucun r'emboursement des meliorations. En ce faisant retroceder les rentes à luy cedées par ledit appellant. Laquelle option il sera tenu de faire dedans trois iours.

Autre Arrest.

D'auantage le vingt-sixiesme May, 1592. fut plaidée vne cause en la Cour, entre Damoiselle Anne le Clerc vefue de defunct Maistre Iean Dugué, viuant Seigneur de Champs, Thresorier de France, appellant d'une sentence donnée par le Preuost de Paris, ou son Lieutenant, le dixiesme iour de Novembre, 1590. & de ce qui s'en est ensuiuy, d'une part. Et Damoiselle Magdeleine le Iay, vefue de feu Maistre François de Maluaut, viuant Conseiller au grand Conseil, tant en son nom, que comme tutrice de ses enfans, intimée d'autre. Le faict estoit que defunct Maistre François de Maluaut, & l'intimée sa femme, auoient cédé & trāsporté audit defunt Seigneur de Chāps, vn fief & ferme cōsistans en quelques droicts Seigneuriaux, Maison, terres labourables, prez, & autres appartenāces; le tout assis au terroir & village de Chāps, & es enuiron: avec promesse de garantie de tous troubles & empesche- & mens quelconques. Et en contre-eschange ledit Seigneur de Champs & l'appellante sa femme, auoient cédé & transporté ausdits de Maluaut & à l'intimée sa femme, deux cens tant d'escus de rente en trois parties, constituées & deuës par Seigneurs & bourgeois de ceste ville de Paris. Et solidairement auoient promis les garantir, fournir & faire valoir, tant en principal, cours d'arrerages que rachapt. L'intimée n'ayant peu estre payée des arrerages de ces trois rentes, elle auoit poursuiuy l'appellante, à ce qu'elle fust condamnée luy payer les arrerages qui estoient escheus, & continuer ceux qui escherroient à l'aduenir aux quatre termes à Paris accoustumez: offrant en receuant lesdits arrerages, en faire cession à l'appellant en la maniere accoustumée. Par sentence du Preuost de Paris, l'appellante est condamnée payer à l'intimé cinq termes d'arrerages desdites trois rentes: & payer les arre-

rages qui cy-apres escherront deux mois apres chacun terme desdites rentes escheu, dont y a eu appel. Pour les moyens duquel, l'appellante principalemēt alleguoit, que l'intimée n'auoit aucune action à l'encontre d'elle, que prealablement elle n'eust discuté les debtors des trois rentes qui luy auoient esté cedées: lesquels estoient notoirement riches & opulans. Et où l'intimée ne voudroit se contenter des rentes à elle & à son defunct mary cedées, elle accordoit la resolution du contract d'eschange, & les parties estre remises en tel estat qu'elles estoient auparauant iceluy. En ce faisant rendre lesdits fief & ferme avec les fruiçts par elle perceus, ou la somme de cent escus par an, à laquelle le reuenu desdits fief & ferme, auoit esté eualué par le contract du premier iour d'Aoust mil cinq cens quatre-vingts neuf. En rendant & retrocedant par l'intimée lesdits deux cens tant d'escus de rente en trois parties, & les arrerages par elle receus. L'intimée ne voulant accepter ceste offre, & soustenant que la promesse de la garantir, fournir & faire valoir, tant en principal qu'arrerages, ostoit la discussion, & induisoit vne action personnelle contre le cedant, de payer les arrerages des rentes cedées, s'ils n'estoient payez aux termes promis. Aussi l'intimée alleguant plusieurs moyens pour le soustenement de sa demande. La Cour apres auoir ouy les Aduocats des parties, ordonna qu'elle verroit les pieces & en delibereroit au Conseil. Suiuant cet appointement les parties fournissent de leurs plaidoyez & respectiuelement produisent. Et le quatriesme Mars, mil cinq cens quatre-vingts quinze, y a arrest par lequel la Cour a mis l'appellation, & ce dont a esté appellé au neant, sans amende. En emendant ladite sentence ordonné, auant que faire droict sur les fins & conclusions de ladite le Iay, qu'elle fera discussion des rentes à elle cedées par ladite le Clerc, pour ce fait, & rapporté pardeuers la Cour, estre fait ce que de raison. Si mieux elle n'ayme, suiuant l'offre de ladite le Clerc, consentir la resolution desdits contracts: en ce faisant les parties estre remises en tel estat qu'elles estoient auparauant. Despens tant de la cause principale que d'appel compensez.

Il y a plusieurs autres arrests semblables à ceux qui ont esté cy-dessus recitez: qui ont esté donnez, tant es plaidoyries que sur procez par escrit, le recit desquels seroit superflu. Aussi y a plusieurs arrests qui sont recitez es quatriesme & dix-huictiesme chapitres du present Traicté, par lesquels est decidé, que celui auquel on a vendu, cedé & transporté vne rente deuë par vn particulier moyennant deniers comptans: encorès que le vendeur & cedant ait promis la garantir, fournir & faire valoir, tant en sort principal, arrerages, que rachapt: Toutefois l'acquireur & cessionnaire de ceste rente n'estant payé des arrerages d'icelle par les debtors & obligez à la rente, ne peut agir contre son vendeur & cedant, qu'il n'ait discuté & rendu insolubles les debtors & obligez à la rente. Combien que le cedant de la rente ait par deuers luy les deniers comptans, que actuellement il a receu à cause du transport fait d'icelle, & iouysse paisiblement d'iceux: ou bien en ait

Comme en transport par vèdition de rentes deuës par particuliers y a discussion, le semblable est en permutation.

acquis les heritages, estats & offices: ou autrement les ait employez à son profit & vtilité. Et semble que celuy qui par eschange a baillé son heritage à l'encontre d'une rente qui luy a esté cedée, ne doit auoir d'auantage de priuilege que celuy qui a baillé deniers comptans, pour une rente qui luy a esté transportée: parce que les deniers payez comptant pour la cession d'une rente valient autant que l'heritage baillé en contre eschange d'icelle. Et que l'un ne doit estre plus fauorisé ne priuilegié que l'autre, pour estre payé des arrerages de la rente cedée par le cedant d'icelle, lequel n'a aucunement promis payer les arrerages de ladite rente, & pour ce regard n'y a aucune stipulation ny conuention passée entre les parties, laquelle conuention estoit non seulement requise, mais necessaire, comme il sera dict au prochain chapitre.

DES TRANSPORTS FAICTS

*par contract d'eschange de rente deuë par particuliers,
avec promesse de la garantir, fournir & faire va-
loir, & à faute de payement, la
payer & continuer.*

CHAPITRE XXII.

*Quand le
cedant à
faute de
payement a
promis payer
la rente ce-
dée.*



V T R E la promesse de garantie generale, la promesse de fournir & faire valoir la rente cedée par contract d'eschange, il y en a plusieurs lesquels cedans & transportans leurs maisons ou autres heritages, & prenans en contre-eschange des rentes deuës & constituées par particuliers, ils font obliger les cedans des rentes, non seulement à les garantir, fournir & faire valoir, tant en sort principal, arrerages que rachapt. Mais aussi à payer les arrerages d'icelles, s'ils n'en sont payez apres un simple commandement, adiournement & refus faict par le débiteur de la rente, de payer les arrerages deus à cause d'icelle: sans que le cessionnaire soit tenu faire aucune execution ou saisie, sur les meubles ou immeubles du débiteur, ny aucune procedure ou poursuite à l'encontre de luy. Et en ce cas il n'est besoin que le cessionnaire de la rente face discussion des biens du débiteur d'icelle. Et apres le refus il doit poursuiure en Iustice le cedant, & contre luy conclure, à ce qu'il soit condamné luy payer les arrerages escheus de la rente qu'il luy a cedée & transportée. Ce qu'il ne scauroit empescher, attendu sa promesse & la conuention susdite. Et est besoin faire apparoir de la sommation, ou bien du commandement faict au débiteur de la rente, de payer les arrerages d'icelle, & du refus qu'il a faict de les payer, le tout par escrit: autrement le cessionnaire ne seroit receuable à agir contre son cedant.

Et encores que le cessionnaire ait par escrit, le refus faict par le débiteur de la rente de payer les arrerages d'icelle: toutesfois il ne peut en vertu de son contract faire proceder par voye d'exécution sur les biens du cedant de la rente par faute de payement des arrerages d'icelle: Parce que son contract ne contient pas promesse pure & simple faicte par le cedant, de payer les arrerages de la rente par luy cedée: mais ceste promesse est faicte sous condition, au cas que le débiteur de la rente ne paye les arrerages d'icelle aux termes portez par le contract. Tellement que la promesse estant conditionnelle, elle n'emporte pas exécution parée, & est besoin que le cessionnaire se pouruoye par action, non pas par voye d'exécution. *l. hæc venditio. ff. de contrab. empt. l. necessario. ff. de peric. & com. rei vendit. l. cedere diem. ff. de verb. signific.*

Contre le cedant qui a promis payer à faute de payement se faut pouruoir par action.

Et pour plus ample intelligence du contenu au present chapitre est besoin auoir recours à la lecture des 6. 10. & 18. chapitres du present Traicté.

CELUY QUI A TRANSPORTE
en contre-eschange d'heritage vne rente constituée par particuliers, avec promesse de la garantir, fournir & faire valoir; & à faute de payement des arrerages la payer & continuer: ne peut demander resolution du contract d'eschange, encores qu'il offre rendre l'heritage qui luy a esté baillé.

CHAPITRE XXIII.



N a demandé si celui qui en contre-eschange d'une maison assise en ceste ville de Paris, ou d'un heritage assis aux chāps, a transporté vne rente deuë par vn particulier, avec promesse de la garantir, fournir & faire valoir, tant en sort principal, cours d'arrerages, que rachapt; & à faute de payement apres vn simple commandement, a promis la payer & continuer, & au payement d'icelle obligé tous ses biens. Si tel cedant se peut descharger de la promesse de garantie par luy faicte de la rente qu'il a baillée en échange: En offrant rendre l'heritage qui luy a esté baillé, & consentant que le bailleur d'iceluy r'entre en la pleine propriété & entiere iouissance dudit heritage. En ce faisant s'il peut demander la resolution du contract d'eschange, & que les parties soient remises en tel estat qu'elles estoient lors & auparauant ledit contract, ainsi que nous auons dict au douzième chapitre du pre-

En échange de rentes deuës par particuliers on ne peut demander resolution du contract.

sont Traicté, estre permis à celuy qui est pourſuiuy pour le payement des rentes, constituées sur l'Hostel de ceste ville de Paris, qu'il a baillées en contre-eschange d'heritages, lequel par le moyen de ceste offre, & demande de resolution de contract d'eschange, se peut liberer du payement des rentes par luy transportées.

*Recit d'un
arrest donné
au cas cy-
dessus posé.*

Ceste question a esté agitée & plaidée en la Cour de Parlement, le quinzième d'Octobre mil cinq cens quatre-vingts & vnze, entre Nicolas de Bray, marchand bourgeois de Paris, tuteur des enfans de feu Jean Chanuillier & de Claude Goullier à present sa femme, demandeur en requeste du cinquiesme Aoust audit an mil cinq cens quatre-vingts & vnze, d'une part, & Maître Jean du Chef de la ville, Conseiller du Roy, & Auditeur en la Chambre des Comptes, defendeur d'autre. Le faict estoit, que le defendeur auoit transporté à Jean Chanuillier, premier mary de la femme du demandeur, vne maison & cinq arpens de vignes assies à Villiers sur Marne. Et en contre-eschange des lieux ledit Chanuillier auoit cédé au defendeur deux cens vingt-cinq liures de rentes constituée sur particuliers, avec promesse de les garantir, fournir & faire valoir. Et à faute de payement apres vn simple commandement, auoit promis les payer & continuer sous l'obligation & hypothèque de tous ses biens. Le defendeur n'estant payé des arrerages de cent liures de rente, faisant partie desdits deux cens vingt-cinq liures, il met en proces le demandeur pardeuant le Preuost de Paris, à ce qu'il soit condamné luy payer les arrerages desdits cent liures de rente. Lors le demandeur presente requeste à la Cour, par icelle donne à entendre qu'au moyen des troubles & guerres ciuiles, il ne pouuoit iouyr des maisons & vignes qui luy auoient esté transportées. Demande resolution du contract d'eschange, & les parties estre remises en tel estat qu'elles estoient auparauant, & lors d'iceluy, ainsi qu'il auoit esté iugé pour les rentes constituées sur l'Hostel de la ville de Paris, baillées en eschange d'heritages. Que quand chacun r'entre en l'heritage, ou autre chose qu'il a baillé, il n'a occasion de se plaindre.

*Pourquoy
on ne peut
demander
resolution
du transport
de rēte deuë
par particu-
liers.*

A ceste demande de resolution de contract & moyens dessusdits, le defendeur respondoit, que de sa part il auoit accompli le contract d'eschange: & dès le mois d'Octobre mil cinq cens quatre-vingts huit, auoit baillé la possession paisible des lieux & heritages par luy transportez à Jean Chanuillier predecesseur du demandeur, lequel des lors auoit despoüillé les vignes sans payer aucuns labours ne façons d'icelles. Que depuis il auoit iouy des lieux, que le defendeur n'auoit promis garantir les heritages par luy transportez, sinon d'une garantie generale & ordinaire: en laquelle n'est compris cas d'hostilité, d'incursion d'ennemis, & autres cas fortuits, auxquels il est impossible d'obuier & les empescher. Que le contract d'eschange estant parfait le dommage & diminution qui aduient en l'heritage tombe sur le propriétaire d'iceluy: tout ainsi qu'il prend le profit de l'augmentation de l'heritage. Comme il a esté cy deuant amplement deduit au huietième chapitre du present Traicté. Que l'option de resoudre le

contract d'eschange est baillée par la disposition de droict à celui qui de sa part a accompli le contenu au contract: Lequel à faute d'accomplissement d'icelui de l'autre part, peut requerir estre ordonné qu'il r'entrera dedans son heritage. Et ceste option & permission n'est pas baillée à celui qui n'a satisfait au contract. Car si telle option & licence luy estoit baillée, le contract d'eschange ne seroit pas obligatoire d'une part & d'autre: & le delayant ne pourroit estre contraint de l'accomplir. Ce qui seroit contre la nature de tous contracts, lesquels du commencement sont de volonté, & apres de nécessité, *l. sicut. C. de act. & obligat. l. in commodato. §. sicut. ff. commodati.* Que le defendeur ne demandoit sinon l'accomplissement de la promesse faite par ledit Chanuillier, predecesseur du demandeur: lequel apres un simple commandement & refus s'estoit obligé payer & continuer les rentes par luy transportées au defendeur, lequel payement le demandeur pouuoit faire, en sorte que de sa part il n'y auoit aucune impossibilité: que l'euiction des rentes constituées sur l'Hotel de la ville de Paris estoit extraordinaire, inaudite, insolite, & excendoit la prouidence humaine. Et pour ceste cause auoit esté permis à ceux qui estoient obligez à la garantie d'icelles, demander resolution du contract d'eschange par eux passé, & rendre l'heritage qui leur auoit esté baillé en contr'eschange des rentes par eux transportées. Ainu qu'auons declaré au douzieme chapitre du present Traicté. Ce qui se peut dire des rentes deuës par particuliers, desquels les cedans ont bonne cognoissance, & doiuent sçauoir s'ils estoient soluable ou non: attendu qu'ils ont contracté avec eux. Qu'au cas de present il n'est pas question d'un bail à rente, auquel on a accoustumé d'user de deguerpissement ou bien de renonciation à l'heritage prins à rente: mais est question d'un contract d'eschange reciproque & obligatoire d'une part & d'autre, à la resolution & annulation duquel on ne peut paruenir, sinon par les voyes de droict, qui sont deception d'outre moitié de iuste prix, ou bien verifier qu'il a esté passé par dol, fraude, force, ou faux donné à entendre. Et supposé qu'il fust question d'un bail à rente, le demandeur ne seroit receuable à deguerpir les heritages desquels est question: Parce que Chanuillier son predecesseur a promis garantir, fournir, & faire valoir les rentes qu'il a baillées en eschange, & au payement d'icelles obligé tous ses biens. Et ce suiuant le 109. article de la nouvelle Coustume de Paris.

Aux moyens suidits le demandeur respondoit, qu'au cas de present il faut suiure l'equité, & non la rigueur de la loy: que le defendeur r'entrant en son heritage qui estoit en aussi bon estat qu'il estoit lors, & au temps du cōtract d'eschange passé entre les parties: il estoit hors de tout interest, perte & dommage. En tout euenement que le defendeur estoit tenu discuter les debtors des rentes transportées, non pas estreindre le demandeur qui estoit tuteur des mineurs à la discussion des biens des debtors. Et que si les mineurs estoient contraints payer les arrerages escheus & à escheoir des 225. liures de rente desquelles est question, ils n'auroient pas de quoy viure.

Replique du demandeur.

Finallyment la Cour apres auoir entendu les Aduocats des parties, sans auoir esgard à la requeste de resolution du contract, requise par le demandeur: A ordonné que le contract sera entretenu. Et ce faisant a condamné le demandeur payer les arrerages escheuz. A sçauoir vn tiers dedans vn mois, & les autres tiers de mois en mois: en luy retrocedant par le defendeur ses droicts & actions, pour le recouurement desdits arrerages sur les debtors de la rente. Et outre l'a condamné es despens taxez à trois escus.

DECLARATION DES EDICTS faicts par le Roy sur le payement des arrerages des rentes.

CHAPITRE XXIV.

*Obscurité
des Edicts
faicts sur les
arrerages
des rentes.*



'Autant que les deux Edicts faicts par le Roy, sur le payement des arrerages des rentes, verifiez en la Cour de Parlement, le vniesme Aoust mil cinq cens quatre vingts quatorze, & vingt-sixiesme May mil cinq cens quatre-vingts quinze, imprimez & diuulguez, sont obscurement conceus & diuersement entendus. Et combien que par les verifications faictes en la Cour ils soient aucunement elclaircis, toutesfois en l'execution d'iceux se sont meuz, encores à present se meuuent plusieurs differents, & ont esté intentez quelques proces. Partant il m'a semblé estre expedient faire recit d'aucuns doutes & differens qui cy deuant pour ceregard ont esté meus.

*Les Edicts
faicts sur les
arrerages
des rentes
ont lieu en-
cores qu'elles
soient consti-
tuées pendāt
les troubles.*

Le premier doute a esté de sçauoir: Si les Edicts cy dessus mentionnez ont lieu, & sont obseruez aux rentes constituées pendant les troubles, qui ont commencé le premier Ianuier mil cinq cens quatre-vingts & neuf, d'autant que le premier Edict verifié en la Cour le vniesme Aoust, mil cinq cens quatre-vingts & quatorze, semble estre fondé, sur ce que le malheur vniuersel aduenu en ce Royaume, n'auoit peu estre preueu au temps de la constitution des rentes, des arrerages desquelles diminution du tiers est faicte par les Edicts, & termes sont donnez pour payer les arrerages d'icelles. Et aucuns estiment que ceste raison portée par le narré du premier Edict, cesse es rentes constituées pendant les troubles: parce que les constituans d'icelles auoient lors cognoissance du malheur vniuersel aduenu au Royaume. Partant que les debtors desdites rentes ne peuuent s'aider des diminutions & termes portez par lesdits Edicts, comme la raison d'iceux cessant pour leur regard.

Toutesfois le contraire a esté ingé, & est à present pratiqué, pour trois raisons: La premiere est, parce que le dispositif du premier Edict estant general & vniuersel, & ne contenant qu'une seule exception, qui est des

pensions viagères constituées pour les alimens des filles Religieuses: l'Edict doit estre généralement observé & avoir lieu en toutes constitutions de rentes faictes tant auparavant que durant les troubles: & le semblable doit estre dit du second Edict. La 2. raison est, que ceux qui ont constitué rentes pendant les troubles, à la verité lors de la constitution d'icelles, avoient veu & cogneu la misère & calamité qui lors estoit au Royaume de France, & qui avoit précédé les cōtraicts de constitutions de rentes par eux passéz: mais ils n'avoient pas preneu ne peu prevoir les malheurs, miseres & calamitez qui depuis sont aduenuz au Royaume: Lesquelles de iour en iour sont creuës & augmentées: & ont passé la prudence humaine, conseil & entendement des hommes, comme dit la loy seconde, §. *si eo tempore ff. de administrat. re. ad civit. pert.* La troisieme raison est; Comme par l'arrest de la Cour, donné pendant les troubles, le huitiesme Ianvier mil cinq cens quatre-vingts douze, diminution a esté faicte des loyers des maisons assises en ceste ville de Paris, non seulement pour le tēps des baux faits auparavant les troubles, mais aussi pour le temps des baux faicts pendāt iceux. Et cest Arrest a esté observé, encores que par les baux faicts depuis les troubles il eust esté spécialement conuenu, qu'on ne pourroit demander diminution des loyers des maisons prises à loüage, pour quelque cause que ce fust, & pour quelque cas fortuit qui pourroit apres aduenir, comme il a esté iugé au profit de Germain Chesnart, bourgeois de Paris, par Arrest prononcé le 2. Mars 1591. Aussi il est raisonnable que les debtors des rentes constituées pendant les troubles, se puissent aider des Edicts cy dessus mentionnez. Et suiuant iceux demander la diminution du tiers des arrerages escheuz pendant les cinq années des troubles, aussi qu'ils ne puissent estre contraincts payer les arrerages par eux deuz, sinon es termes portez par les Edicts.

En second lieu, on a douté si les Edicts cy dessus mentionnez ont lieu es interets de deniers adiugez par sentences & iugemens, soient à mineurs ou maieurs: & si on y doit observer le semblable qu'es arrerages des rentes, tant pour la diminution du tiers, que pour les termes de les payer. Et a esté vuidé au Chastelet de Paris, que le semblable y doit estre observé: parce que rentes constituées à vrayement parler, ne sont que deniers feneratifs, ou bien deniers baillez à profit. Le profit desquels est tolleré par les Ordonnances Royaux, & Arrests de la Cour. Au moyen de ce que le denier baillé à rente est aliené irreuocablement, & ne se peut aucunement repeter, mais on peut seulement demander le payement des arrerages de la rente, & non le fort principal d'icelle.

En tiers lieu, on tient que les Edicts cy deuant dattez ont lieu, non seulement es arrerages des rentes constituées par particuliers, à raison du denier douze, quinze, vingt, vingt cinq, ou trente: deuës à des mineurs, à maieurs, Ecclesiastiques, privilegez, ou autres personnes telles qu'elles soient, sinon pour les pensions viagères des Religieuses, comme dit est. Mais aussi lesdits Edicts sont observéz es rentes foncières & de baux d'heritages: & autres rentes deuës en deniers,

*Les Edicts
des rentes
ont lieu es
interets de
deniers.*

grains, ou autres especes. Pareillement ont lieu és rentes deuës à cause des eschanges avec garantie, soit que les rentes soient constituées sur l'Hostel de la ville de Paris, ou sur particuliers. Et encores ont lieu és doüaires deuz aux vesues, comme il est contenu és deux Edicts cy dessus mentionnez.

*Les Edicts
ont lieu és
gros deuz
aux Curez.*

Aussi on tient que les Edicts cy dessus mentionnez, sont obseruez és interets qu'un tuteur doit des deniers qu'il a deu employer au profit de ses mineurs prouenus de la vente de leurs meubles, ou du rachapt de quelques rentes qui appartenöient ausdits mineurs, ou à cause de deniers comptans trouuez apres le trespas de leur pere ou de leur mere, ayeul ou ayeule, ou d'autre parent, auquel ils ont succédé. D'auantage ont lieu és deniers deuz à cause des rapports de mariage, encores que les profits d'iceux ne se rapportent que du iour de la succession escheüe de celuy qui les a baillez, à raison du dernier vingt seulement, suiuant le 309. article de la Coustume de Paris.

Pareillement les deux Edicts cy deuant recitez sont obseruez, és gros qui sont deuz à quelques Curez, ou à quelques Religieux, ausquels on deduit le tiers. Parce que ceux qui doiuent le gros, ont pour le moins deduit le tiers aux fermiers qui tiennent à ferme les heritages sur lesquels le gros est assigné. Aussi qu'il est raisonnable deduire le tiers du gros, encores qu'il soit destiné pour nourriture & aliment de ceux ausquels il est deu: attendu que le tiers des doüaires deuz aux vesues pour leurs alimens est deduit par les Edicts, ioinct que par plusieurs Arrests donnez pendant les troubles, les Abbez, Prieurs, Chapitres, & autres Communautéz Ecclesiastiques, ont esté deschargez du payement du gros, en quittant aux Curez ou autres, ausquels le gros estoit deu, les fruits des heritages sur lesquels le gros estoit spécialement assigné pour l'année de laquelle on demandoit payement. Comme il a esté iugé par Arrest donné en plaidoyrie, le 28. Septembre 1593. Auparauant iugé pour les Religieux de S. Germain des Prez: & pour le Chapitre de l'Eglise de Paris, conformément à la disposition de droit: *in lege stipulantiem. §. sacram. versic. pro quo. ff. de verb. obligat. l. cum certus. ff. de riti. vino & oleo legatis.*

*Celuy qui
deguerpit
iournt du be-
nefice de
l'Edict.*

Semblablement on garde que celuy qui deguerpit vn heritage, ou bien qui renonce à la propriété d'un heritage, lequel il auoit pris à rente, peut deduire le tiers des arrerages escheus pendant les troubles, & iournt des termes portez par les Edicts. Encores que par le cent neuuesime article de la Coustume de Paris, il soit tenu auparauant que d'estre receu à son deguerpissement, payer les arrerages du passé, & le terme ensuiuant.

*On ne de-
duit point le
tiers des ar-
rerages
payez.*

Toutesfois il conuient noter, que des arrerages payez & acquittez on ne fait aucune deduction, & n'y a aucune repetition de ce qui a esté payé à cause du tiers d'iceux: encores qu'ils soient escheuz pendant les troubles. Et ce suiuant les verifications faictes par la Cour, lors de la publication des Edicts. Mais on fait seulement deduction du tiers des arrerages qui sont encores deuz, & non payez, escheus pendant les

cinq années des troubles, commençant le 1. Ianuier 1589. & finissans le dernier Decembre 1593. Et au regard des arrerages deuz auparauant le 1. Ianuier 1589. & depuis le dernier Decembre 1593. n'en est faicte aucune deduction, & se doiuent entierement payer aux termes portez par les Edicts. Bien est vray que si on auoit esté contraint depuis la publication des Edicts de payer entierement les arrerages escheuz pendant les troubles: ou bien si volontairement on auoit accordé auparauant les Edicts, que repetition se pourroit faire de partie des arrerages payez, au cas qu'aucune deduction fust apres ordonnée. En ce cas on pourroit repe-
ter ce qui aura esté trop payé.

Et suiuant ce que dessus on a demandé: Si comme celuy le quel au-
parauant la publication des Edicts cy dessus recitez, est condamné pure-
ment, simplement & generally, payer les arrerages de la rente par
luy deuë, escheus pendant les troubles, peut deduire le tiers des arrerages
escheuz pendant iceux, sans qu'il soit contraint appeller de la sentence
contre luy donnée. Semblablement si celuy le quel auparauant les Edicts,
volontairement s'est obligé pardeuant Notaires, ou par promesse par-
ticuliere, à entierement payer les arrerages par luy deuz, escheuz pendant
les troubles, peut demander la diminution & deduction du tiers des
arrerages, au payement desquels il s'est volontairement obligé. Il a esté
aduisé que non, & qu'il n'est receuable en sa demande. Parce que ceste
promesse ou obligation est réputée transaction, ou bien accord & con-
uention particuliere, sans laquelle le creancier se fust deslors fait payer
des arrerages qui luy estoient deuz par la vente des biens du débiteur
desdits arrerages. Et tout ainsi que le creancier, le quel par contract, ou
bien par promesse faicte pendant les troubles, ou depuis iceux, aupara-
uant la publication & verification des Edicts, a entierement remis &
quitté les arrerages qui luy estoient deuz & escheuz pendant les trou-
bles, ou bien qui a remis moitié d'iceux, ne peut par le moyen des Edicts
depuis suruenus, demander les deux tiers des arrerages par luy remis.
Semblablement le débiteur des arrerages ne peut contreuenir à sa pro-
messe, contract, ou conuention par luy passée. Et y a identité de raison
de l'un à l'autre. Et ce que dessus est fondé sur la verification faicte par la
Cour du premier Edict: laquelle porte que les accords & conuentions
particulieres faictes pour le payement des arrerages des rentes seront
entretenus.

Aussi selon ce qui a esté cy deuant dit, on tient que celuy qui aupara-
uant la publication des Edicts a pris en payement la somme de cent es-
cus, qui luy estoient bien & loyaument deuz des arrerages d'une rente
qui estoient deuz à son débiteur, escheuz pendant les troubles, & ce ius-
ques à la concurrence de son deu, ne peut empescher la deduction du
tiers des arrerages requise par le débiteur de la rente, ny que les arrera-
ges deuz ne soient payez aux termes portez par le dernier Edict. Parce
que le cessionnaire d'une dette n'a point plus de droit que le cedant
d'icelle: & les exceptions qui se peuuent proposer contre le cedant, se
peuuent alleguer contre le cessionnaire, comme il sera dit au dernier

*Le cession-
naire d'ar-
rerages de
rentes ne
peut empes-
cher l'effect
des Edicts.*

*La deductio
du tiers se
peut deman-
der contre le
cessionnaire.*

chapitre du present Traicté. Aussi le cessionnaire ne peut demander cassation de son contract, ny auoir aucun recours contre son cedant: *Quia post cessionem periculum nominis pertinet ad cessionarium*, suiuant la loy, *pupilli. §. soror. ff. de solut.* comme nous auons amplement deduit au 29. chapitre du present Traicté, lequel il conuient voir. Aussi que *prior contractus est nouatus & extinctus*, & le cedant n'est point tenu des cas fortuits aduenus depuis le transport par luy fait, entre lesquels est le faict du Prince.

Comme sui-
uant l'Edict
les arrerages
se doiuent
payer.

Outre ce qui a esté cy deuant deduit, il conuient principalement entendre la forme qui est prescrite par le dernier Edict & verification d'iceluy, pour le payemēt des arrerages des rentes, laquelle est telle, Qu'il est necessaire, & qu'on peut estre contraint de payer les arrerages des rentes qui sont escheus pendant l'année commencée le 1. Ianuier 1594. & finie le dernier Decembre ensuiuant: Ensemble les arrerages qui sont escheus pendāt l'année mil cinq cens quatre-vingts quinze, & qui escheront pendāt ladite année à chacun terme, lors qu'il sera escheu, sans aucune diminution. Et le semblable sera obserué es années ensuiuantes, à chacun des quatre termes accoustumez, ou autres termes portez par les lettres de constitution de rente. Et outre les arrerages desdites années, il conuient payer à chacun des quatre termes de l'année mil cinq cens quatre-vingts quinze, vn terme des arrerages des precedentes années, avec la deduction du tiers, s'ils sont escheuz pendant les cinq années des troubles. Et s'ils sont escheuz auparauant les troubles, ne sera faicte aucune deduction du tiers. Et le semblable sera fait es années subsequentes. Tellement que celuy qui doit trois années precedentes l'année 594. il les doit payer pendant trois années, qui sont 95. 96. & 97. aux douze termes des trois années, & à chacun terme deduir le tiers. S'il doit cinq années d'arrerages escheuës le dernier Decembre 1593. il sera contraint les payer pendant cinq années aux vingt termes d'icelles, deduction faicte du tiers. S'il doit neuf années escheuës ledit dernier Decembre cinq cens quatre-vingts treize, il les payera en neuf années, & aux termes d'icelles, sans aucune diminution du tiers, pour le regard de ce qui est deu & escheu auparauant les troubles. Et les vieils & anciens arrerages se payeront les premiers. Et ce suiuant le dernier Edict, qui porte: Que le debteur, outre le quartier & terme de l'année courante, sera tenu payer vn quartier d'année des arrerages du passé, & ainsi continuer de terme en terme, iusques à ce qu'il soit entierement quitte du passé, & deduction faicte du tiers des cinq années des troubles, dont les debtors demeureront quittes entierement. Aussi ledit dernier Edict porre, qu'il sera permis à toutes personnes amortir & esteindre les rentes par eux deuës, constituées à prix d'argent, en rendant & payant aux creanciers le principal, frais & loyaux cousts.

Et quant aux arrerage tant des cinq années suiuant la diminution, que des années escheuës auparauant l'année 589. ils seront payez d'an en an, & de quartier en quartier: A sçauoir vne année en

chacun an, sans aucune diminution pour le regard des années precedentes les cinq, & de l'année mil cinq cens quatre vingts quatorze, les' arrerages de laquelle, qui se trouueront deuz en cas de rachapt, seront entierement payez. Et on dit, tout ainsi que les arrerages des années precedentes les troubles, se payent avec l'année courante d'an en an, & de quartier en quartier, sans aucune diminution: Aussi les arrerages escheuz pendant les troubles, se doiuent payer d'an en an, & de quartier en quartier, avec la diminution du tiers sur chacun quartier. En sorte que de chacun quartier escheu pendât les troubles, qui se payera avec l'année courante, on deduirà le tiers: En ce faisant iusques à ce que les vieux & anciens arrerages, precedans le premier iour de Ianuier mil cinq cens quatre-vingts quatorze, soient entierement payez & acquittez, il faudra payer chacun an à chacun terme doubles arrerages de la rente deue, deduction faicte du tiers de ceux qui seront escheuz pendant les troubles, & les subsequens se payent presentement. Ainsi a esté practiqué depuis la publication du dernier Edict, du consentement des creanciers & debtors des rentes, & suiuant l'aduis des Practiciens.

Tontesfois aucuns estiment qu'on doit faire vn amas & bloc de tous les arrerages escheuz auparauant l'année 1594. Tellement que s'il y a trois années deues, il sera besoin faire distraction d'une année, & payer entierement les deux autres années en deux ans, qui sont quatre-vingts quinze, & quatre-vingts seize, és huit termes d'icelles années. Et s'il y a six années, on doit suiuant leur opinion faire distraction de deux années, & payer les quatre années qui estoient deues, en quatre années, qui sont 9. 5. 6. 7. & 8. és seize termes desdites quatre années. Parce disent-ils que le dernier Edict, comme il a esté cy dessus monstré, porte: Que le debteur de la rente, outre le quartier & termes de l'année courante, payera vn quartier d'année des arrerages du passé, &c. Aussi la verification faicte par la Cour dudit dernier Edict, porte que les creanciers pourront faire proceder par execution pour les arrerages de l'année mil cinq cens quatre vingts quatorze, & autres termes depuis escheuz, & pour vn quartier de l'une des precedentes années. Et soustiennent que chacun quartier doit estre entier, & entierement payé, encores qu'il soit escheu pendant les troubles, non pas faire diminution du tiers de chacun terme, ou quartier escheu pendant les troubles, sinon en la forme dessusdite: Parce que ce ne seroit pas payer vn quartier, comme il est requis & porté par l'Edict. Neantmoins le premier a esté suiuy iusques à present. Et si par cy apres pour ce regard se donne quelque reglement ou Arrest de la Cour, le faudra suivre, & y obeir.

Bien est vray que si les arrerages de rente consistent en grain ou autre espece, & soit payable au iour saint Martin d'Hyuer, qui est vne fois l'an: on appreciera le grain deu, selon qu'il a communément valu chacune année. Et le debteur de la rente sera tenu payer les deux tiers de l'appréciation de la plus ancienne année au iour saint Martin de l'année 1593. non pas aux quatre termes d'icelle année.

Autre forme de payer les arrerages precedens l'année 1594

Comme se payent les arrerages des rentes deues en grain.

Et le semblable sera fait en l'année 1596. & autres années subseqüentes iusques à ce que les arrerages escheus le dernier Decembre 1593. soient entierement payez & acquitez. Avec la deduction du tiers, pour le regard des arrerages escheus pendant les troubles, & sans deduction des precedens & subseqüens.

Comme sui- Dauantage il est besoin entendre, que suiuant le dernier Edict il est
uant l'Edict permis au debteur de la rente constituée moyennant deniers, ou d'autre
les arrerages rēte rachepable, d'amortir, esteindre, ou rachepier la rente par luy deuë.
se doiuent En payant au creancier d'icelle le sort principal, frais, & loyaux cousts, &
payer en cas les arrerages qui seront escheus pendant les années 1594. & 1595. & an-
de rachapt. nées subseqüentes, iusques au iour du rachapt; ensemble les arrerages
escheus auparauant le 1. Ianuier 1594. dont les termes de payement se-
ront escheus au iour du rachapt. Et quant aux autres arrerages desquels
les termes de payement ne seront escheus lors du rachapt, ils se payeront
aux termes subseqüens le rachapt: selon & ensuiuant le dernier Edict. A
la charge que les lettres de constitution de rente demeureront au crean-
cier pour seureté & assurance des arrerages restans à payer, & afin de
faire pour suite valable pour le payement desdits arrerages.

Arrest du Depuis les deux Edicts cy dessus recitez, est interuenu Arrest du Con-
Conseil, seil Priuë du Roy, sur les rentes de bail d'heritage, des maisons & lieux
pour les ren- assis aux fauxbourgs de Paris, en datte du dernier Mars 1595. Par lequel a
tes deuës à esté ordonné, que les manans & habitans desdits fauxbourgs, pour-
cause des ront deguerpir les maisons qu'ils ont cy deuant prises à tiltre de bail
maisons des à rente esdits fauxbourgs, en payant les arrerages escheus iusques
fauxbourgs. au iour du deguerpissement, ensuiuant la moderation & deduction fai-
cte par les Ordonnances & Declaration de sa Majesté, sur le payement
des rentes constituées & foncieres. Excepté toutesfois les places des
maisons qui souloient estre basties sur la leuée & contr'escarpe des fos-
sez, dont la reedification pourroit estre defenduë pour la seureté de la
ville. Lesquelles pourront estre deguerpies purement & simplement, en
payant les arrerages escheus auant la demolition & ruine d'icelles: Si
mieux n'aiment lesdits habitans retenir lesdites places, & les autres mai-
sons assises esdits fauxbourgs. Auquel cas chacun d'eux à leur regard de-
meureront entierement deschargez de tous les arrerages escheus depuis
le 1. iour de Ianuier 1589. ensemble les arrerages de l'année courante. A
la charge de payer & continuer à l'aduenir les rentes conformément
aux baux d'icelles maisons. Ce qu'ils seront tenus opter dans le iour &
feste de S. Jean prochain. Pendant lequel temps, toutes saisies, execu-
tions, & contraintes, seront tenuës en surseance. Et cest arrest a esté
donné afin d'inciter ceux qui ont prins à rente les maisons des faux-
bourgs à les retenir & faire restablir, pour le bien public & embellis-
sement, tant de la ville que des fauxbourgs.

QUE POUR RENTES CONSTITUEES
sur l'Hostel de la ville de Paris, ou deuës par particuliers,
baillées en eschange d'heritages roturiers, ne sont
deus lots ny ventes. Et comme en tels contracts
il se faut conduire.

CHAPITRE XXV.

Est certain en la Coustume de Paris, qu'en eschange d'heritages roturiers ne sont deus lots ny ventes. Telle-
 ment que si aucun cede & transporte vne maison assise en
 ceste ville de Paris, & qu'en contre-eschange on luy ce-
 de & transporte cent arpens de terres, prez, bois, ou vi-
 gnes, ne sont deus aucuns lots ny ventes. La raison est, parce que par
 ladite Coustume ne sont deus lots ne ventes, sinon en cas de vendi-
 tion, quand aucun achapte à prix d'argent quelque heritage, ou bien
 le prend à rente rachetable, moyennant certaine somme de deniers. Car
 bail d'heritage faict à rente rachetable, est reputé vendition; selon les soi-
 xante & dixhuiet, & quatre-vingts troisieme articles de la susdite
 Coustume. Et deslors du contract de reprise à rente rachetable, sont
 deubs lots & ventes du sort principal de la rente, sans attendre le ra-
 chapt d'icelle. Comme il a esté iugé par Arrest donné sur l'interpre-
 tation des cinquante-huiet, cinquante-neuf, soixante, & soixante &
 vniesme articles de l'ancienne Coustume de Paris, prononcé en iuge-
 ment le 10. May 1557. lequel Arrest est imprimé & amplement recité
 par Monsieur du Moulin, au cinquante & huitiesme article de ladi-
 te Coustume de Paris, col. 75. *in verbis statim pure debentur.* Et ainsi est
 porté par la fin de l'octante & troisieme article de la nouvelle Cou-
 stume de Paris.

*En eschange
 d'heritages
 roturiers ne
 sont deubs
 lots ny ventes.*

Aussi sont deubs lots & ventes, quand aucun vend vne rente fon-
 ciere, qu'il auoit droict de prendre sur vn heritage roturier, ou bien
 quād il delaisse par rachapt la rente fonciere qui estoit non rachetable à
 celuy qui deuoit la rente: comme il est porté par le 87. article de ladite
 Coustume. Parce que la rente fonciere faict partie de l'heritage, &
 quand le propriétaire d'iceluy l'a baillé à rente fonciere, le Seigneur
 censier à cause de ce bail n'a receu aucun lots ny ventes. Aussi quand
 l'heritage sera vendu à la charge de la rente fonciere, le Seigneur cen-
 sier n'aura lots ny ventes pour le regard de la rente: mais seulement
 pour le regard du denier desboursé. Partant a esté trouué raisonnable
 que le Seigneur censier soit payé des lots & ventes de la vendition de la

*Pour rente
 fonciere ven-
 due, sont
 deubs lots &
 ventes.*

rente fonciere, tout ainsi que de l'heritage, comme faisant partie de l'heritage.

*Pour rentes
baillées en
eschège d'he-
ritages ne
sont deuës
lots ny ventes.*

Mais on a demandé s'ils sont deuës lots & ventes quand en contre-eschange d'un heritage roturier, on a cédé & transporté des rentes constituées sur l'Hostel de ville de Paris, ou bien des rentes constituées moyennant deniers, deuës par particuliers. Attendu que la valeur d'icelle est certaine, & que quand un homme baille cent liures de rente constituée sur l'Hostel de la ville de Paris, en contre-eschange d'une maison assise en ceste ville, c'est autant que s'il bailloit douze cens liures tournois. Aussi que rente constituée moyennant deniers, n'est qu'un denier feneratif, & baillé à profit, lequel profit est toleré par les Ordonnances Royaux & Arrests de la Cour, pour un bien public & commodité des subiets du Roy, à ce qu'ils ne soient contraints vendre leurs heritages, ains les conseruent en leurs familles. Aussi que le denier baillé pour la constitution de rente est irreuocablement aliéné, sans qu'il se puisse repeter, pourueu qu'on soit payé des arrerages de la rente constituée. On a tenu & tient-on pour certain en la Coustume de Paris: Que quand on a baillé rentes constituées moyennant deniers, en contre-eschange d'un heritage, qu'ils ne sont deuës aucuns lots ny ventes au Seigneur censier de l'heritage. La raison est parce que par le quatre-vingts quatorziesme article de la Coustume, rentes constituées à prix d'argent, sont reputées immeubles, iusques à ce qu'elles soient racheptées: Tellement qu'elles tiennent lieu d'heritages, sont subiettes à hypothèque, & ont suite par hypothèque comme heritages, iusqu'à ce qu'elles soient racheptées. Se partagent comme heritages. Sont saisies, criées, vendues & adiugées par decret comme heritages: Et les solemnitez requises au decret des heritages, y sont entierement gardées & obseruées. Ainsi a esté iugé par sentence du Preuost de Paris, au profit de Iacques Robineau, bourgeois de Paris, qui auoit acquis une maison assise en ceste ville, en la censue des Religieux, Prieur, & Conuent de S. Martin des Châps: & en eschange d'icelle auoit baillé 500. liures de rentes constituées sur l'Hostel de ville de Paris. Il fut absous des lots & ventes qui luy estoient demandez par lesdits Religieux, à cause dudit contract d'eschange.

*Encores que
le cedant ait
promis payer
la rente, ne
sont deuës
ventes.*

Et ce que dessus est obserué, & ne sont deuës aucuns lots ny ventes à cause de rentes constituées baillées en eschange d'heritages. Encores que par le contract d'eschange y ait promesse de les garantir, fournir & faire valoir, tant en sort principal, arrerages, que rachapt, & que le cedant à faute de payement des arrerages d'icelles à chacun terme ait promis les payer & continuer, les ait constituées sur luy, & au payement & continuation d'icelles obligé tous ses biens.

La raison est, parce que la constitution de rente faicte par le cedant sur ses biens, est conditionnelle, faicte sous condition, au cas que les arrerages des rentes constituées sur l'Hostel de ville, ne soient payez par le Receueur d'icelle. Aussi au cas que les arrerages des rentes deuës par les particuliers ne soient payez aux termes portez par les lettres de constitution.

Et on espere qu'ils seront bien payez, ainsi qu'anciennement ils estoient, comme il a esté amplement deduit és sixiesme & vingt-deuxiesme chapitres du present Traicté.

Toutesfois en tels contracts d'eschange d'heritage à rente constituée moyennant deniers, il faut prendre garde que les contracts soient bien conçus & bien dressez. Qu'ils ne ressentent aucunement la nature & qualité du contract de vendition, & que par iceluy on ne puisse reconnoistre que la vraye intention des parties ait esté de vendre l'heritage, non pas de l'eschanger. Partant il est besoin que le contract d'eschange soit purement & simplement conceu en forme d'eschange but à but: sans faire mention de la valeur & estimation de l'heritage, ny de la rente baillée en échange: ny mesmes de la somme à laquelle se monte le rachapt de la rente: & si possible est qu'il n'y ait point de soulte de deniers, pour laquelle soulte seulement seroient deubs lots & ventes. Car si la rente est estimée par le contract, & baillée comme pour deniers comptās: en ce cas seroient deubs lots & ventes, comme il a esté anciennement iugé par sentence de la Chambre du Thresor confirmée par Arrest de la Cour, contre feu Deners Notaire au Chastelet de Paris, lequel en échange d'une maison assise en ceste ville Paris, auoit baillé & transporté cent escus de rente constituée par vn particulier, vallant 120. escus, & racheptable pour ladite somme, ainsi qu'il estoit porté par le contract. Il fut condamné payer au Roy cent escus pour les lots & ventes de l'acquisition de ladite maison.

*Forme de
dresser les
contracts
d'eschange.*

Aussi le cedant de la rente s'il auoit promis par contre-lettre secrette, depuis descouuerte, rachepter dedans certain temps la rente par luy transportée; Ou bien auoit tousiours ioüy d'icelle, & continuellement en auoit receu les arrerages; Ou bien si dans l'an du contract d'eschange le cedant de la rente baillée en contre-eschange d'heritages, la rachepte du cessionnaire, sont deubs lots & ventes au Seigneur censier de l'heritage, à cause du contract d'eschange. Et au dernier cas n'est besoin verifier la fraude: parce qu'elle est presumée *eo ipso*, que le rachapt de la rente est fait dedans l'an du contract par celui qui deuoit la rente, quoy que ce soit estoit obligé à la garantie d'icelle. Conformément à la disposition de droit *in l. annus. ff. de calumniatoribus*, & du cent vingt-vniesme article de la Coustume de Meleun. Le semblable sera obserué, si le rachapt de la rente est fait au profit du cedant d'icelle, dedans l'an du contract par personne interposée, & que l'accommodation de nom soit deuement verifiée. Comme il a esté iugé en la Chambre du Thresor par plusieurs & diuerses sentences. Combien qu'il ait esté iugé par Messieurs des Requestes du Palais, au profit du defunct Commissaire Aubert, lequel auoit acquis vne maison assise au village de Sully, en échange de cent liures de rente, deuë & constituée par vn particulier, laquelle il auoit cedée & transportée, que ledit Aubert ne deuoit aucuns lots ny ventes, à cause du contract d'eschange par luy passé, & que la maison par ledit Aubert acquise, n'estoit point iubiectionnée à retraict lignager: Encores qu'au mesme temps & à l'instant

*Quand la
rente baillée
en échange
est racheptée
par le cedant
dedans l'an,
sont deubs
lots & ventes.*

du contract d'eschange le cessionnaire de la rente l'eust venduë à vn estranger, & receu le sort principal d'icelle, lequel estranger auoit esté indiqué par ledit Aubert. Mais ne luy prestoit point son nom, & ledit estranger retenoit pour luy & à son profit la rente baillée en échange de ladite maison.

*A proprement
parler la rente
baillée en es-
change, ne
se rachapte
point par le
cedant d'i-
celle.*

En cet endroit conuient noter, qu'à proprement parler, Quand celui qui a baillé vne rente constituée en échange d'un heritage, la retire dedans l'an, ou apres l'an, & en prend cession ou bien retrocession. Il ne rachapte pas la rente: parce qu'il n'est pas débiteur d'icelle, & que la rente retrocedée n'est pas esteinte & amortie, comme sont les rentes rachaptées. Mais la rente retirée par celui qui l'auoit baillée en échange, demeure en nature, pour s'en faire payer par le Receueur de la ville de Paris, ou par celui qui est débiteur de la rente. Toutes-fois communément on vse de ce mot de rachapt, au lieu du mot de retrocession: De faict la Coustume de Melun cy-dessus alleguée vse de ce mot de rachapter. Parce que celui qui a baillé vne rente en échange d'heritage, est estimé débiteur d'icelle, au moyen de la promesse qu'il a faicte de la garantir, fournir, & faire valoir, tant en sort principal, cours d'arrerages, que rachapt. Et qu'à faute de payement à chacun terme il a promis la payer, & y a obligé tous ses biens. En sorte que prenant retrocession de la rente par luy cedée, il se libere & descharge de la promesse de garantie qu'il auoit faicte, & du payement qu'il eust esté contraint de faire du sort principal, & des arrerages de la rente, à faute de payement faict par le Receueur de la ville de Paris: ou bien si le débiteur d'icelle se trouuoit insoluable. En ce faisant la rente par luy retirée, & qui luy a esté retrocedée, pour son regard est esteinte & amortie: parce que pour raison d'icelle on ne peut intenter aucune action, ny faire aucune poursuite à l'encontre de luy.

*Côme apres
l'an du con-
tract le ce-
dant doit re-
tirer la rente
qu'il a bail-
lée.*

Si apres l'an du contract d'eschange soient trois, quatre, cinq, six ans ou autre temps, le cedant de la rente baillée en échange d'heritage la rachapte, & luy est delaislée par rachapt, ou à plus proprement parler en retrocession. On a fort doubté s'il doit lots & ventes, à cause du contract d'eschange par luy passé. Comme par le moyen de ce rachapt la convention & promesse de rachapter estant presumée. Aussi estant presumée par la retrocession faite de ladite rente par le cessionnaire au cedant d'icelle: encores que depuis le contract d'eschange le cessionnaire ait continuellement iouy de la rente cedée, & receu les arrerages d'icelle: ioint que l'acquerer de la rente iouyt & de l'heritage & de la rente. Partât lors que le cedant de la rente baillée en échange d'heritages la voudra retirer, il ne fera pas conceuoir son cōtract en forme de delaissement par rachapt, ne de retrocession: Car en ce cas i'estime qu'il deuroit lots & ventes: Mais il achaptera la rente par luy cedée comme vn estranger, & s'en fera faire cession & transport, avec promesse de garantie des faicts, promesses, & obligations du vendeur seulement: moyennant deniers comptans, ou autres choses qu'il luy baillera: Et l'acquisition,

vente & transport de la rente cedée par eschange, estant faicte apres l'an du contract d'eschange, la fraude ne sera point presumée. Car l'acquerateur de la rente dira qu'elle luy appartient, *nontitulo prioris contractus permutationis, sed nouo titulo venditionis*, suiuant la loy, *sed & si manente, ff. de precario*. Et soustiendra que pour la vendition & achapt de ceste rente ne sont deubs aucun lots ny ventes en la Coustume de Paris, comme il sera dict cy apres: & si le Seigneur censier met enauant la fraude, & allegue que lors du contract d'eschange il y auoit promesse faicte par le cedant de rachepter la rente par luy transportée: Le Seigneur sera tenu, suiuant la disposition de droit, de prouuer & verifier son faict, & à faute de preuue d'iceluy sera debouté de sa demande & du payement des lots & ventes par luy requis à cause du cōtract d'eschange. Et ainsi le faut maintenir & soustenir, pourueu qu'il n'y ait eu aucun dol, fraude, collusion ny intelligence entre le cedant & le cessionnaire de la rente, lors & au temps du contract d'eschange. Car il est certain par l'arrest cy-dessus recité qui est imprimé, donné le 10. May 1557. Que pour rentes constituées à prix d'argent, sur maisons ou autres heritages assis és villes, Preuosté & Vicomté de Paris, ne sont deus aucuns droicts de lors & ventes, ny autres profits Seigneuriaux, soit pour la constitution ou rachapt desdites rentes. Tellement que le Seigneur censier ne peut prendre lots & ventes à cause du rachapt des rentes constituées à prix d'argent, mais seulement à cause du contract d'eschange, comme feint & simulé, & estāt vn vray cōtract de vête, & non d'eschāge. Ce que le Seigneur censier est tenu verifier quand le rachapt de la rente est faict apres l'an du cōtract d'eschange. Toutesfois on pourra iustement dire, que l'arrest cy-deuant allegué ne s'entend pas du rachapt des rentes baillées en eschange d'heritages: ains des rentes purement & simplement constituées moyennant deniers, depuis racheptées par les debtors d'icelles, qui estoit le vray sujet del'arrest. Comme on pourra cognoistre par le plaidoyé sur lequel ledit arrest est interuenu faict en la Cour le 19. May 1556. Entre les Preuost des Marchands & Escheuins de la ville de Paris demandeurs en requeste, & appellans de certain appoinctement donné par les Commissaires commis à la redaction des Coustumes de la Preuosté & Vicomté de Paris d'une part: & les Religieux, Prieur & Conuent de S. Martin des Chāps, Prieur & Religieux du Temple, Abbé & Conuent de sainte Geneuiève, & autres defendeurs d'autre. Aussi on pourra dire que ce mot de rachapt, faict presumer la promesse de rachepter les rentes baillées en eschange d'heritage lors & au temps du contract d'eschange, comme il a esté dict cy-dessus. Partant faudra achepter lesdites rentes, non pas les rachepter: aussi en prendre cession, non pas retrocession. Et plusieurs estans mis en proces par les Seigneurs censiers de leurs maisons, qu'ils auoient acquises par eschange de rentes constituées, lesquels cinq ou six ans apres les contracts d'eschange passez, ils auoient acheptées, ou racheptées, ou bien pris retrocession d'icelles, du cessionnaire des rentes: Ont amiablement composé avecques les Seigneurs censiers de leurs maisons, ou bien avec les fermiers desdits Seigneurs.

Si l'heritage
est rachepté
dedans l'an
sont deus
lots & ventes.

Il conuient noter, que ce qui a esté cy-deuant dict de la rente eschangée depuis racheptée, a lieu & est obserué en l'heritage eschangé, lequel depuis le contract d'eschange est accepté par celuy qui l'auoit trāsporté, & l'achapt est faict dedans l'an, ou apres l'an du contract d'eschange.

Et au cas susdit le meilleur seroit apres l'an du cōtraet d'eschange passé faire achepter la rête par vn tiers qui'en iouyst par quelque tēps, & apres que le cedant d'icelle l'acquist par rachapt du dernier cessionnaire. Et sur tout faut prendre garde que la collusion & intelligence ne soit descouuerte. Car l'action pour le payement des lots & ventes, ny l'an & iour, pour le retraict lignager de l'heritage eschangé, ne commenceront à courir, *nisi à die detectæ fraudis*, du iour que la collusion sera venue à la cognoissance du censier, & du parent lignager de l'heritage eschangé, suiuant la loy, *annus*, cy-deuant alleguée: Ainsi qu'il a esté iugé par arrest donné en plaidoyrie le premier Decembre 1569. sur l'appel interjetté d'une sentence donnée par le Senechal du Maine, ou son Lieutenant au Mans, au profit d'un retrayant lignager.

Pour rachapt
necessaire &
non volōtai-
re ne sont
deus lots ny
ventes.

Si le rachapt des rentes baillées en eschange d'heritages a esté faict non volontairement, mais par contrainte. D'autant que le cessionnaire pouuoit estre payé des arerages des rentes constituées sur l'Hostel de la ville de Paris, qui luy auoient esté cedées: Ou bien que les debtors des rentes deues par particuliers estoient trouuez insolubles. Ou bien que le cessionnaire des rentes estoit poursuuiuy hypotecairement pour les debtes du cedant, lequel pour les causes susdites a esté contraint de retirer les rentes qu'il auoit baillées en eschange d'heritage. En ce cas le cedant qui rachepte, ou bien qui prend retrocession des rentes par luy trāsportées, ne doit à cause du rachapt d'icelles, ny à cause du cōtrat d'eschange par luy passé, aucuns lots ny ventes. Parce que le rachapt n'est pas volōtaire, ains necessaire & cōtraint: Et ce suiuant la doctrine de Bartole *in l. Gideo. columna fin. ff. de condict. furtiua*. Ainsi a esté iugé cōtre Monsieur l'Euesque de Paris, Seigneur de Gentilly, au profit de Jean Gouffier Seigneur de Roquemont bourgeois de Paris, lequel auoit esté condamné rachepter vne rente qu'il auoit baillée en contre-eschange d'une maison assise à Gentilly: au moyen de ce que le débiteur de la rente s'estoit trouué insoluble, & ce par sentence donnée par le Preuost de Paris, le 16. Nouembre 1580. Par laquelle ledit Seigneur Euesque fut debouté des lots & ventes par luy pretendus à cause du rachapt de ladite rente. Et pour paruenir au moyen cy-dessus déclaré, qui est du rachapt necessaire, lequel aucuns estiment le plus seur: Quand on veut retirer les rentes baillées en eschange de maisons ou d'autres heritages, on a accoustumé de former vne instance & poursuite contre le cedant des rentes, pour l'une des causes susdites, mesmes à cause des hypoteques demandées sur les rentes cedées, & faire condamner le cedant à les rachepter dedans certain tēps. A ceste fin on s'accommode du nom d'un creancier, comme dict la loy: *At qui natura, §. si cum me. ff. de negot. gest.* Mais la fraude & collusion s'aucune y a estant descouuerte, les lots & ventes sont deus: Et s'il n'y a aucune fraude, collusion ny intelligence, & que le rachapt des rentes cedées ait esté fait non volontairement, ains par contrainte, ne se-

ront deus aucuns lots ny ventes. Comme il a esté iugé au profit du defunct Seigneur de Lansac, lequel pour obuier aux poursuites qu'on vouloit cōtre luy faire, non toutesfois faites ny intentées: ayant racheté dixhuict cens liures de rentes constituées sur l'Hostel de la ville de Paris, qu'il auoit baillées vingt ans y auoit en contre-eschange de sa maison & hostel assis en ceste ville ruë saint Honoré. Il fut poursuiuy à la requeste de M. l'Euesque de Paris Seigneur censier de la maison, pour payement des lots & ventes qu'il pretendoit estre deus, à cause du contract d'eschange faict de ladite maison, comme feint & simulé: & estant vn vray contract de vente & achapt, comme l'euenement l'auoit monstté, par le moyen du rachapt qui auoit esté faict des rentes baillées en eschange. Ou bien pretendoit lesdits lots & ventes à cause du rachapt desdites rentes. Pareillement ledit Seigneur de Lansac incontinent apres le rachapt desdites rentes, fut poursuiuy en retraict lignager, à la requeste d'un parent de celuy qui auoit transporté par eschange ladite maison. De ces deux demandes ledit Seigneur de Lansac fut absous par arrest de la Cour donné au commencement des troubles. Est

*Difference
entre rachat
de rente &
transport de
rente.*

besoin entendre que quand vne rente est rachetée, elle est esteinte & amortie, & n'est aucunement subiecte aux debtes & hypoteques de celuy auquel elle appartenoit, & duquel elle est rachetée: Mais quād on a faict cession & transport d'une rente, elle demeure en nature de rente, & est subiecte aux debtes de celuy qui la transporte. Partant le creancier d'une rente la doit delaisser par rachapt, non pas en faire cession & transport à ce que ses creanciers ne puissent pretendre droit d'hypoteque sur ceste rente, & à l'aduenir en estre inquieté. Aussi pour mesme cause le debteur de la rente la doit prendre par rachapt, quand luy seul doit la rente, & n'a aucun recours ny action pour raison d'icelle. Car s'il prend par cession & transport, la rente demeure en nature de rente, & est subiecte aux debtes & hypoteques de celuy auquel elle appartenoit, comme dict est. Et en ce cas le debteur de la rente doit receuoir son contract en forme de rachapt pur & simple. En ce faisant le creancier confessera auoir receu telle somme, pour le sort principal, arrerages, rachapt, extinction & amortissement de telle rente. Sans aucune cession d'action ny transport d'aucuns droicts.

Mais quand celuy qui veut rachapter la rente ne doit que portion d'icelle: Parce qu'il a des coheritiers ou coobligez, Ou bien ne doit rien de la rente, parce qu'il est tiers detenteur d'un heritage qu'il a acquis sans la charge de la rente, ou bien qu'il a promesse d'indemnité s'estant obligé pour autrui. Et qu'il veut auoir cession des droicts, noms, raisons & actions du creancier, pour auoir son recours & action contre ses coheritiers, coobligez ou autres. Et que le creancier offre receuoir le rachapt de sa rente, & l'amortir, mais il est refusant de faire cession de ses droicts & actions, craignant que ses creanciers pretendent droit d'hypoteque sur ceste rente, comme n'estant esteinte: & qu'il ne soit contraint par Iustice à rachapter les rentes qu'il doit, auxquelles on maintient que ceste rente non esteinte est hypotequée comme les autres heritages.

On a demandé, si en ce cas le creancier sera tenu faire cession de ses droicts & actions.

*Sentence de
ce que dessus*

*Forme du
contract cõ-
tenant cession
d'actions.*

Par sentence du Preuost de Paris, iudiciairement donnée, le creancier a esté condamné à faire cession de ses droicts, noms, raisons & actions. Comme ceste cession ne contenant que ses actions recursoires: & comme la rente, par le moyen du rachapt & remboursement faict du sort principal, arrerages & loyaux cousts d'icelle, estant esteinte pour le regard du creancier, & de ceux qui à cause de luy pourroient prendre droict sur la rente. Et le contract qui sera faict au cas susdit, ne doit pas commencer par cession & transport, moyennant telle somme pour le sort principal & pour les arrerages: comme ordinairement commencent les transports purs & simples. Mais le contract commencera par reception de deniers. En ce faisant le creancier confessera auoir eu & receu de tel, la somme de tant, pour le rachapt & remboursement du sort principal & arrerages de telle rente constituée tel iour, fraiz & loyaux cousts d'icelle. De laquelle rente & arrerages d'icelle, entant que besoin est ou seroit, le creancier fera cession & transport à tel: ensemble de tous ses droicts, noms, raisons & actions, sans aucune garantie ne restitution de deniers. Pour par ledit tel auoir son recours & action, pour raison de ladite rente & arrerages d'icelle, contre qu'il appartiendra autres que ledit creancier. Le tout aux perils & fortunes dudit tel. Et à ceste fin le creancier le subrogera en son lieu & droict, & luy baillera les lettres de constitution de rente. Et notez que pour oster tout doute il est besoin vser de ce mot rachapt & remboursement du sort principal.

Et pour plus grande seurété si on veut auoir sentence contre le creancier de la rente, le Iuge le condamnera à la delaisser par rachapt, & faire cession de ses droicts & actions pour auoir par le racheptant son recours. Et par la mesme sentence le Iuge declarera la rente esteinte & amortie pour le regard du creancier qui l'a delaissée par rachapt, & de tous ceux qui par son moyen y pourroient prendre droict soit d'hypothèque, ou autre. Et ordonnera que la rente demeure en nature pour le regard du racheptant, afin d'auoir son recours & action contre ceux qu'il appartiendra. Et ce afin d'oster toutes les difficultez, car plusieurs ne veulent pas que ce mot de rachapt, soit mis au contract: Estimans qu'il emporte & contient l'extinction de la rente, que par ce moyen le racheptant ne peut aucunement agir pour auoir payement des arrerages d'icelle à l'aduenir.

DES TRANSPORTS DE DEBTES

*pecuniaires faictz sans garantie, ou avec garantie
generale, ou avec promesse de garantir, four-
nir, & faire valoir.*

CHAPITRE XXVI.



Vtre les transports qui se font de rentes constituées sur l'Hostel de la ville de Paris, ou de rentes deuës par particuliers par contract de vendition ou d'eschange : desquels auõs cy dessus amplement traicté. Il y a vne autre espeece de cessions & transports qui se font de debtes pecuniaires & sommes de deniers, portées par contracts & obligations passées par deuant Notaires, ou bien portées par cedulaes, simples promesses & conuentions particulieres. Comme quand on cede & transporte la somme de cent escus, ou autre somme qui est deuë au cedant par vne tierce personne, moyennant pareille somme qui luy est baillée & payée comptant, ou pour demeurer par le cedant quitte de semblable somme qu'il deuoit au cessionnaire. En ce cas si la cession est purement & simplement faite sans mention d'aucune garantie, ou bien avec promesse de garantie generale de tous troubles ou empeschemens quelconques. Le cedant n'est tenu, *huiusmodi venditione siue cessione nominis*, sinon *præstare debitum subesse*. Que la debte, ou bien la somme de deniers transportée est bien & loyalement deuë. Encores que le debteur d'icelle ne fust soluable lors & au temps du transport, toutesfois le cessionnaire qui a baillé son denier moyennant ledit transport : ou bien moyennant ledit transport, a baillé quittance de la somme qui luy estoit deuë par le cedant ; N'a aucune action ny recours contre le cedant, soit pour repetition du denier qu'il a baillé, ou pour r'entrer en ses droits & ancienne obligation. S'il n'y a dol de la part du cedant, cõme dit le Iuriconsulte, *in l. plus vel minus. § final. ff. de euct. l. si nomen. ff. de heredit. vel act. ver. d.*

De faict vn marchand de ceste ville de Paris, debteur de mil escus envers vn marchand de Lyon qui estoit par deça, en payement de ceste somme de mil escus, ayant transporté pareille somme de mil escus qui lui estoit deuë par vn autre marchand de ceste ville portée par la cedula. Le marchand de Lyon ayant accepté le transport qui luy estoit fait avec garantie generale: Quelque temps apres le transport, le marchand debteur de la somme s'estant absenté de ceste ville, & trouué insoluable, le marchand de Lyon perdit entierement les mil escus qui luy estoient deubs. Car auparauant que d'accepter le transport, il se deuoit enquerir si le debteur de la somme transportée estoit soluable ou non, tellement qu'il se doit imputer ceste perte, comme prouenue par la

*Des trans-
ports faictz
de debtes
pecuniaires.*

*En cession de
debte on
n'est tenu si-
non monstres
que la som-
me cedée est
dene.*

*Retit d'un
faict de ce
que dessus.*

On n'a rien
pour rien.

faute. Dont s'en suit que le commun dire des marchands, qu'on n'a rien pour rien n'est veritable. Aussi à tel commun dire resiste la loy, *emptorem. §. qui autem. versiculo nisi forte*, & la loy, *si iactum retis. ff. de action. empt.*

Transport
avec pro-
messe de
fournir &
faire valoir.

En sorte que pour auoir recours & action contre le cedant d'une debte pecuniaire, ou bien vne somme de deniers transportée, si le debteur d'icelle n'est soluable, il est besoin que le transport porte promesse, non seulement de la garantir, mais de la fournir & faire valoir. Et lors le cedant *tenetur non solum prestare debitum subesse, sed debitorem locupletem esse*. Qu'il a de quoy payer la somme de deniers qui a esté transportée au cessionnaire. Et apres discussion faite des biens du debteur, le cedant est tenu payer la somme de deniers par luy transportée, *dicta lege, si nomen, cum lege sequenti. ff. de heredit. vel act. vend.* Aussi ceste discussion est necessaire en transport fait de rentes deuës par particuliers, lesquelles on a promis garantir, fournir & faire valoir. Ainli qu'il a esté déclaré au 18. chapitre du present Traicté, lequel il conuient voir.

Clause pour
oster la dis-
cussion.

Si le cessionnaire d'une debte ne veut aucunement estre tenu de discuter le debteur de la somme de deniers qui luy est transportée, il doit outre la promesse de fournir & faire valoir, faire mettre en son transport, Qu'apres vn simple commandement, ou apres vn simple adiournement fait au debteur, & refus par luy fait de payer la somme transportée, le cedant sera tenu payer la somme par luy cedée, & reprendre l'obligation, breuet ou cedula dont il fait cession & transport, sans que le cessionnaire soit tenu faire aucunes procedures ny poursuites contre le debteur. Et si le cessionnaire a depuis fait retrocession à vne autre personne de la somme qui luy auoit esté cedée, & s'oblige à d'auantage que son cedant n'estoit obligé enuers luy, parce que son cedant ne s'estoit point obligé à fournir & faire valoir la debte par luy cedée, ou bien ne s'estoit point obligé à payer la debte transportée, apres vn simple refus fait par le debteur d'icelle payer. En ce cas le premier cessionnaire n'a aucun recours contre son cedant pour le regard de ce qu'il s'est obligé à d'auantage que ne portoit son transport, comme il a esté déclaré au 19. chapitre du present discours.

Entre mar-
chands l'ex-
ception de
discussion
n'est receue.

Mais il conuient entendre qu'on tient en France qu'entre marchands la discussion n'est point necessaire, & ne se peuuent aider l'un contre l'autre de l'exception de discussion. Tellement que si vn marchand doit cent escus pour vente & deliurance de marchandise, & pour le payemēt d'icelle, il fait cession & transport au marchand vendeur de pareille somme de cent escus, qui luy estoit deuë par vn autre marchand ou par vne autre personne: & promet garantir, fournir, & faire valoir la debte, ou bien la somme de deniers par luy cedée. En ce cas le cessionnaire de ceste debte n'est point tenu de discuter le debteur d'icelle, mais seulement le faire adiourner. Et apres defenses proposées, ou delais requis par le debteur, & quelques procedures contre luy faictes, faudra faire adiourner le cedant à ce qu'il soit tenu reprendre la cedula par luy transportée, & payer la somme portée par icelle. Et ainsi sera ordonné: D'autant

que le cessionnaire par le moyen du transport par luy accepté n'a point deschargé le cedant, & n'y a aucune nouation d'obligation, ny de legation. Aussi qu'entre marchands ces mots de fournir & faire valoir, contiennent promesse de payer la somme transportée, si le débiteur d'icelle ne la paye apres vne simple sommation, tellement qu'il ne faut point de discussion. Suiuant la loy *fideiussor obligari*, §. *finali*. plusieurs fois alleguée *ff. de fideiuss.* Aussi *in curia mercatorum*, *negotia deciduntur ex aequo & bono*, non obseruatis *apicibus*, *sive subtilitatibus iuris*, comme dit Bartole, *in l. fideiussor*. §. *quadam*. *ff. mandati*, & Balde, *in l. si pro ea*. *C. eodem*. Et est certain que *exceptiones excussionis & diuisionis sunt de apicibus iuris*, *ut tractat Ludouicus Romanus consil. 430.* & *Glosa marginalis in l. mancipium*, *in verbo actum*. *ff. de euiet.* Partant elles ne sont considerables entre marchands. Ainsi a esté iugé par Arrest donné en plaidoyrie le Mardy vingt-huitiesme Auril mil cinq cens quatre-vingts douze. Et depuis par sentence donnée par le Preuost de Paris, à la fin du mois de Feurier mil cinq cens quatre-vingts treize, sur vn proces qui auoit esté party au Chastellet, depuis departy.

Exception-
nes discus-
sionis & ex-
cussionis
sunt de api-
cibus iuris.

Aussi on tient en France, qu'entre marchands associez au faict & trafic de quelque marchandise & negociation n'y a point de diuision, ny de discussion. Mais sont solidairement obligez par les cedules & obligations les vns des autres. Tellement que l'un d'entr'eux acheptant de la marchandise, ou bien empruntant deniers, *omnes in solidum tenentur*. Peuent estre solidairement conuenus pour payer le tout, & pour recognoistre la cedula & promesse de leur associé, la cedula de l'un est autant que si elle estoit faicte par l'autre, le faict de l'un est le faict de l'autre, sont tenus solidairement du faict l'un de l'autre, & s'obligent l'un l'autre, *sive presentes, sive scientes, sive absentes, sive ignorantes*. *Censentur enim inuicem exercitores, vel institores, vel prepositi, vel magistri*. Aussi la solidité d'obligation entre marchands est introduite, *Ne in plures aduersarios creditor distinguatur, & cum multis litigare cogatur*. *Ut latè tractat Bartolus in l. eadem quæst. 7. ff. de duobus reis.* & *Baldus in l. cum te*, *C. si cert. pet. l. iustissime*. §. *proponitur*, *ff. de edil. edict. l. iure prouisum est, de fabricantibus*. *Cod. libro 11. l. 1. in fine*, §. *2. 3. & 4. ff. de exercit. act.* *Textus expressus in §. finali de fideiussoribus in Authenticis*, *ubi glosa in verbo moderno*, *quam sequitur Bartolus in dicto loco col. 11.*

Entre mar-
chands as-
sociez il n'y
a point de
discussion
ny de diui-
sion.

Quand doncques on dit que, *as alienum inter socios diuiditur*, & que, *ex communi est exoluendum*. Aussi que *actio ex empto, proponenda est cum singulis, proportionem qua socij sunt*, *l. iustissime*. §. *proponitur*, *versiculo quamuis*. *ff. de edil. edict. l. omne as alienum ff. pro socio*. Il faut entendre ceste maxime, *in sociis omnium bonorum, vel alicuius partis bonorum*, suiuant la loy, *nemo ex sociis*, *ff. pro soc. non pas, in sociis mercatoribus sive mercantiam aut negotiationem exercentibus*. Qui sont marchands trafiquans, entre lesquels il n'y a lieu de diuision ne de discussion.

Comme les
débtes se doi-
uent payer
par associez.
Vn marchand
ayant sous-
crit vne ce-
dule est tenu
solidaire-
ment.

Et suiuant ce que dessus, le Iendy 14. Feurier 1591. fut iugé en plaidoyrie, Qu'un marchand de ceste ville ayant souscrit vne cedula de quinze cens tant d'escus, prestez à vn sien frere par vn

autre marchand de ceste ville, & comme principal débiteur ayant promis payer, ou à faute de paiement y auroit eu terme porté par la promesse: Le marchand fut condamné par prouision garnir la somme, sans aucune diuision ny discussion faite sur les biens de son defunct frere: encores qu'il alleguast qu'il fust question de prest, & non de marchandise. Aussi qu'il soustint qu'on ne pouuoit valablement dire qu'il fust principal débiteur, ains simple fideiussur. Parce qu'il auoit souscrit la cedula, & estoit interuenue apres qu'elle auoit esté faite & passée. En ce faisant ledit marchand maintenoit qu'il falloit discussion, en tout euenement qu'il y auoit lieu de diuision, suivant la disposition de droit à ce vulgaire. A quoy la Cour n'eut aucun esgard.

Ces mots, l'un pour l'autre, emportent solidité d'obligation entre marchands

Aussi le Ieudy 19. Iuillet 1590. fut donné Arrest en plaidoyrie, Le faict duquel estoit que quatre marchands, non associez, auoient achepté de la marchandise de Claude Hinselin, marchand de ceste ville de Paris, & ensemblement fait vne cedula souscrite de leurs mains. Par laquelle ils promettoient payer audit Hinselin, l'un pour l'autre, la somme de 70. escus dedans trois mois: ledit Hinselin ayant poursuiuy l'un des obligez afin de payer entierement ce qui restoit de la somme portée par la cedula: L'obligé estant condamné par sentence du Preuost de Paris payer la somme demandée, il en appelle. Allegue pour griefs que les quatre marchands n'estoient obligez chacun d'eux seul & pour le tout, & qu'ils n'auoient point renoncé au benefice de diuision, ordre de droit, & discussion, ce qui estoit necessaire par la loy, *reos. §. finali, ff. de duobus reis. authentica hoc ita C. eodem. ubi glossa in verbo ad solutionem.* Aussi que l'appellant à plusieurs & diuerses fois auoit payé sa part & portion de la debte, qui estoit un quart: & que l'intimé auoit receu plusieurs particuliers payemens des coobligez, qui estoient escripts au dos de la cedula. L'intimé respond, que la cedula portoit ces mots, l'un pour l'autre, lesquels ne deuoient estre inutiles, & sans effect: & que lesdits mots entre marchands emportoient & contenoient effect de solidaire obligation, sans obseruer les subtilitez & formalitez de droit, comme il a esté dit cy dessus, & qu'il est amplement deduit par Monsieur Tiraqueau en son Traicté de Retraict lignager, article trente & vn, col. 11. & 12. Aussi que la recepte par luy faite de plusieurs parties de debte d'aucuns des obligez au total de la somme, ne portoit point que le paiement fait par aucun d'eux eust esté fait pour son chef, part & quotité. Tellement que

Les marchands non associez ne sont point solidaires entre obligez.

ceste reception ne pouuoit induire diuision de la debte, suivant la loy, *si creditores, C. de pact.* Par Arrest, la sentence donnée par le Preuost de Paris, fut confirmée, ordonné qu'elle sortiroit son effect. Sauf à l'appellant son recours contre ses coobligez, & condamnés despens de la cause d'appel. Si ces mots l'un pour l'autre n'eussent esté portez par la cedula, & que purement & simplement les quatre marchands eussent esté obligez, & n'eussent aucunement esté associez, comme ils n'estoient point, la debte eust esté diuisée entr'eux. Comme si quatre marchands acheptent quelque marchandise, soit bestial, grain, ou vin, & purement & simplement promettoient par cedula sous-

signée

signée d'eux ou par breuet passé pardeuant Notaires, payer pour vente & deliurance de ceste marchandise la somme de cent escus. Chacun d'eux ne seroit tenu sinon payer 25. escus, comme la debte estant diuiféc entr'eux, & l'un n'estant aucunement tenu ny obligé pour l'autre. Suiuant la disposition de droit cy dessus recitée.

Mais on a demandé si ceste solidité d'obligation passe aux heritiers des marchands associez: Et si leurs heritiers ne se peuvent aider des benefices de diuision & de discussion, quand l'obligation n'estoit point solidairement conceüe, ains purement & simplement, & que les heritiers des associez ont fait partage des biens & debtes de la société. Ceste question fut plaidée le Mardy 2. Iuillet 1591. & iugé que les heritiers des defuncts de Noyon & de Paris, viuans marchands bourgeois de Paris, ne seroient tenus payer sinon chacun moitié de la somme de six cens escus, laquelle les defuncts auoient empruntée, en auoient fait cedula, portant la qualité d'associez, & auoient purement & simplement promis les rendre dedans six mois, ou en constituer rente. Et remonstroient la solidité d'obligation n'estre introduite & baillée, sinon au moyen de la société, laquelle estant dissoluë par la mort des associez, & du partage fait entre leurs heritiers, l'effect de la solidité de l'obligation cessoit. Et neantmoins par ledit arrest fut permis au creancier de se pouruoir sur les biens de la société, qui sont entr'autres, les debtes qui peuvent estre deues par plusieurs marchands à ladite société: lesquelles le creancier pourroit faire saisir pour la totalité de la somme qui luy estoit deue.

La solidité d'obligation entre marchands associez ne se passe pas contre leurs heritiers apres partage fait.

Dauantage il conuient entendre qu'en transport fait par delegation, il n'y a point de garantie, cōme ordinairement il y a garantie en transport fait par cession avec la promesse de fournir & faire valoir, & ce au moyen de la difference qui est entre la cession d'une debte ou bien d'une somme de deniers qui est deuë, & la delegation qui est faicte d'une debte ou bien d'une somme de deniers qui est deue. La difference est, que la cession d'une debte que nous appellons *nominis venditionem vel iuris cessionem*, se fait absente, ignorante, & etiam inuito debitore, l. *nominis. Cod. de heredit. vel act. vendit.* Partant le cedant est garand de la debte cedée, & *tenetur prestare debitum subesse*: & s'il a promis la fournir & faire valoir, *tenetur prestare debitorem locupletem esse*, comme il a esté déclaré au commencement du present chapitre. Mais quand le transport d'une debte est faict par delegation, il est fait en la presence & du consentement du débiteur, lequel s'est obligé d'icelle payer au cessionnaire illec present & acceptant. En sorte que *delegans est omni debito liberatus, soluisse censetur*, n'a plus de droit és deniers cedez par delegation, & le cessionnaire n'a plus d'action ny de recours contre le cedant, encores que le delegué soit insoluable. Parce que le cessionnaire *tanquam idoneum debitorem admittit*. Et qui plus est le delegué n'est receuable à dénier qu'il doie la somme de deniers pour laquelle il est delegué par le cedant, & esté accepté par le cessionnaire: ou bien qu'il doie partie d'icelle seulement, ny alleguer aucune exception à l'encontre du cessionnaire precedente la delegation, autrement il l'auroit circonuenu. Ce qui n'a lieu au débiteur

Difference entre le transport fait par delegation & celui qui est fait par cession.

Effect de la delegation.

d'une somme de deniers cedée & transportée en son absence, sans son veu, & sans son sceu. l. 1. & l. 3. C. de nouat. l. doli mali ff. eodem, l. inter caus. is. §. abesse. ff. mandati. l. qui debitorem delegat. ff. de fideiuss. Ainsi qu'il fut plaidé & iugé en la Cour, le 13. Aoust 1591.

Contre le
cessionnaire
on peut al-
leguer ce
qu'on pour-
roit alleguer
contre le ce-
dant.

Partant on tient que le débiteur d'une somme de deniers transportée en son absence par forme de cession, peut obiecter au cessionnaire tous les moyens, exceptions & defences qu'il pouuoit obiecter, & dont il se pouuoit aider contre le cedant, lors du transport par luy faict, soit de payement, de prescription, de violence, de crainte, de minorité, ou autre, & obtenir lettres de restitution en entier, tant contre le cedant que contre le cessionnaire: *Quia ius excipiendi transit contra singularem successorem.* Aussi le cessionnaire n'a pas plus de droit que le cedant, & subrogé au lieu & droit du cedant: & tout ainsi que l'exception qui se pouuoit proposer contre le vendeur, peut estre alleguée contre l'acheteur: pareillement l'exception qui pouuoit estre alleguée contre le cedant, *succedit alterius, eo iure quo ille vii debet, cap. qui in ius, de regul. iur. in sexto, l. fin. de except. rei vend. l. in hoc iudicium. §. si inter socios. ff. communi diuid.*

La compen-
sation de la
debte du ce-
dant se peut
demander
contre le ces-
sionnaire.

Mesmes l'exception de compensation se peut alleguer, & la compensation se peut demander par le débiteur contre le cessionnaire, tout ainsi que contre le cedant. En sorte que si le cedant lors du transport estoit redevable de cent escus, enuers le débiteur de la somme de deux cens escus qu'il a cedée, le débiteur demandera compensation de la somme de cent escus contre le cessionnaire des deux cens. Autrement le cedant (auquel le débiteur n'osoit demander son deu de peur d'estre contrainct de payer le surplus) frustreroit de débiteur de ce que loyaument il luy doit, & le feroit contraindre de payer entierement à son cessionnaire tout ce qui luy seroit deu, sans faire deduction de ce que de sa part il doit. Tellement que *ex ipso facto & euentu*, la cession est notoirement frauduleuse. Et le cedant lors du transport ne pouuoit valablement dire, que luy fust deuë la somme de deux cens escus, attendu que ledit cedant deuoit au débiteur de deux cens escus, la somme de cent escus. En ce faisant ne luy estoient plus deuz que cent escus, *Cum enim inuicem pecunia debetur ipso iure compensatio fit usque ad concurrentes quantitates.* Comme dit l'Empereur *in l. si constat. & in l. finali. C. de nouat.* En sorte que le cedant n'a peu valablement faire cession que de cent escus, & le cessionnaire n'en peut iustement demander d'auantage, comme n'ayât point plus de droit que son cedant, suivant la loy *traditio ff. de acquir. rer. domin.* Aussi l'exception de compensation n'estant pas personnelle, comme aucuns estiment, ains réelle & *adharens rei*, elle peut estre alleguée par le débiteur & son fideiussur non seulement contre le cedant, mais aussi contre le cessionnaire, *qui est procurator in rem suam*, & contre toute personne qui aura le droit du cedant, encores qu'il soit singulier successeur. Et le cessionnaire doit auoir recours contre son cedant, duquel volontairement il a accepté la debte & prins cession d'icelle, *l. in rem suam procurator, & l. si quid. ff. de compensat. latissime tract. Dinus in dicta regula, is qui in ius. Baldus & Angelus in l. si quid. C. de compens. Bartolus, Baldus, &*

Angelus, in l. si quis in rem, ff. de procurat. Ainsi le faut maintenir suiuant les textes & opinions des Docteurs susdits, & ainsi se pratique.

Outre ce qui a esté dit cy dessus, il conuient noter, que par le cent huitiesme article de la Coustume de Paris, vn simple transport ne fait point : & faut signifier le transport à la partie, & en bailler copie auparavant que d'exécuter. En ce faisant le transport fait d'une somme de deniers n'a aucun effect, & n'emporte translation d'aucun droit, soit de propriété ou de possession au cessionnaire de la somme cedée, iusques à ce qu'il ait fait signifier son transport au débiteur de la somme transportée, & auparavant la signification du transport le cessionnaire n'est aucunement saisi, & n'a aucun droit en la somme de deniers qui luy a esté cedée. Et en consequence de ce, si l'un des creanciers fait saisir & arrester la somme de deniers, qui a esté transportée és mains du débiteur d'icelle, auparavant que le cessionnaire ait fait son transport au débiteur de ladite somme : Le creancier arrestant sera payé de son deu sur les deniers arrestez, & preferé au cessionnaire, parce que le transport n'a point saisi le cessionnaire, & ne l'a point fait seigneur ny possesseur des deniers transportez iusques au iour de la signification de son transport, & iusques à ce iour les deniers qui sont simples meubles ont appartenu au cedant, lequel en est demeuré seigneur & possesseur. *Nummi fuerunt in bonis eius, & actiones non solum directæ, sed etiam utiles apud eum manserunt, l. emptor. C. de hered. vel act. vend. l. quis ergo, & ibi Glosa in verbo in nominibus, ff. de peculio. l. cum pater. Cod. mandati.* Partant le creancier iustement a peu faire saisir lesdits deniers sur iceux, sera payé de son deu, & preferé au cessionnaire. Ainsi a esté iugé par sentence donnée au Chasteller de Paris, confirmée par Arrest donné en plaidoyrie le Lundy vingt-huitiesme Septembre mil cinq cens quatre-vingts douze, encores que la saisie eust esté faite huit iours apres la datte du transport, lequel estoit bon & parfait, pour le regard du cedant, & du cessionnaire, non toutesfois au preiudice du creancier du cedant, sinon depuis la signification faite du transport au débiteur de la somme transportée.

L. simple transport ne fait point auparavant la signification d'ice-luy.

Et le cedant iusques à la signification du transport, demeure tellement maistre & seigneur des deniers transportez, que le débiteur desdits deniers iustement les peut payer au cedant, en ce faisant en demeurer valablement quitte & deschargé, suiuant la loy tierce, *C. de nouat.* Et si le cedant apres le premier transport par luy fait transporte lesdits deniers à vne autre personne, soit creanciers du cedant, ou estranger, lequel face signifier son transport au débiteur des deniers transportez auparavant le premier cessionnaire, le second cessionnaire sera preferé au premier, & les deniers seront adiugez au second cessionnaire, suiuant la loy *quoties duobus. C. de rei vendit.* Sauf au premier cessionnaire son action & recours contre son cedant. Et ce que dessus sera obserué és arrerages des rentes cedées & transportées, qui seront escheus non seulement auparavant le transport fait des rentes, mais aussi és arrerages qui seront escheus depuis la datte du transport, iusques au iour de la signification d'iceluy.

Le cedant demeure seigneur des deniers transportez iusques au iour de la signification du transport.

Lesquels appartiendront au creancier du cedant qui les aura fait saisir pour le payement de son deu, comme les arrerages escheus tant auparavant le transport de la rente, que depuis ledit transport iusques à la signification d'iceluy, estant purs meubles. Ainsi qu'il a esté déclaré au 17. chapitre de present Traicté.

Toutesfois il faut entendre ce que dessus, en simple transport, lequel se fait en l'absence & sans la cognoissance ny consentement du débiteur de la somme transportée. Non pas en delegation, laquelle se fait en la presence, du gré & consentement du débiteur, comme nous auons cy deuant dit, & l'artic. de la Coustume cy dessus recité contient deux choses, la premiere est la saisie de la chose transportée, laquelle on ne peut acquerir par la signification du transport fait au débiteur de la somme transportée, & la seconde chose portée par ledit article de Coustume, est l'exécution du transport, laquelle on ne peut faire, sans auparavant bailler copie du dit transport.

Et prie le Lecteur prendre d'aussi bonne affection ce petit Traicté, que de bon zele ay prins peine à le dresser & mettre en ordre, pour le profit & vtilité du public, afin d'obuier à infinis proces & differens qui ordinairement aduennent à cause des transports faits des rentes tant constituées sur l'Hôtel de la ville de Paris, que deues par particuliers.

F I N.





TABLE DES MATIERES

CONTENUES AV PRESENT

Traicté des Rentes.

A



ACTION que le
cessionnaire doit
intenter con-
tre le cedant,
quand il ne peut
estre payé des
arrerages de la
rente qui luy a

esté cedée.

22

Action que doit intenter celuy qui
de sa part a accompli le cōtract d'es-
change, au refus de l'accomplir par
le compermutant.

25

Actions recursoires que le crean-
cier est tenu ceder, lors qu'on rache-
pte la rente qui luy estoit deuë.

84.

& seq.

Arrest que le cessionnaire auquel
par vendition on a cedé la rente con-
stituée sur la ville avec promesse de
garantie generale, n'a point d'action
contre son cedant, pour estre payé
des arrerages d'icelle.

3

Appoinctement au Conseil, si le
vendeur de rente cōstituée sur la vil-
le avec promesse de fournir, & fai-
re valoir en sort principal, arrerages
& rachapt, est tenu payer les arrera-
ges d'icelle.

4

Arrest que la prescription de tren-
te ans, ne court point contre l'obligé

& son heritier, sinon du iour qu'on
a cessé de payer les arrerages des
rentes de l'Hostel de ville.

8

Arrest que le tiers detenteur ne
peut prescrire en la Coustume de Pa-
ris, s'il a eu cognoissance que l'heri-
tage par luy acquis estoit hypotequé
à la rente qui luy est demandée.

10

Arrests donnez touchant les rentes
transportées par contract de maria-
ge.

11

Arrest qu'en eschange de rente con-
stituée sur l'Hostel de ville, avec pro-
messe de garantie generale, n'y a point
de recours contre le cedant.

20

Arrest qu'en eschange de rentes
constituées sur l'Hostel de ville, avec
promesse de les garantir, fournir &
faire valoir à faute de paiement d'i-
celles, le cedant est tenu payer & con-
tinuer les arrerages, s'il ne veut ren-
dre l'heritage.

21.24

Appointé au Conseil si le trans-
port de rentes constituées sur la vil-
le, pour vn estat venal, est contract
d'eschange ou de vente.

27

Arrests que celuy qui a baillé ren-
tes sur l'Hostel de ville en eschange
d'heritage se peut descharger de la
rente en rendant l'heritage, & de-
mandant resolution du contract.

28

Table des matieres

Arrests donnez touchant les ar-
rages qu'est tenu payer celuy qui a
demandé la resolution du contract
d'eschange, & rendu l'heritage qui
auoit esté transporté en eschange de
rentes sur la ville. 35

Arrests donez pour les reparations
qui doiuent estre payées par celuy qui
rentre en l'heritage, qu'il auoit bail-
lé en eschange de rentes constituées
sur l'Hostel de ville. 42

Arrests qu'en transport de rentes
sur particuliers par contract de vèdi-
tion, discussion est necessaire aupara-
uant que le cessionnaire puisse agir
contre le cedant, encore qu'on ait
promis fournir & faire valoir. 38

Arrests qu'en transport de rentes
deues par particuliers, par contract
d'eschange, est besoin faire discussion
auparavant que le cessionnaire
puisse agir contre le cedant, enco-
res qu'il y ait promesse de fournir &
faire valoir. 37

Arrest que celuy qui a baillé en
eschange rentes constituées sur par-
ticuliers, ne peut demander re-
solution du contract d'eschange, &
se descharger de la rente offrant ren-
dre l'heritage. 65. 67

Arrest donné au Conseil Priué du
Roy, pour les rentes deuës à cause
des maisons assises es faux-bourgs de
la ville de Paris. 76

Arrest que pour heritage pris à ren-
te racheptable sont deus lots & ven-
tes, deslors du bail à rente. 77

Arrest que pour constitution ou ra-
chapt de rêtes cōstituées sur maison
ou heritages assis es ville, Preuosté
& Vicomté de Paris, ne sont deus
droiets de lots & ventes, ny autres
profits Seigneuriaux. 46

Arrest que pour l'achapt de rentes
baillées en eschange, forcé & con-
traint par auctorité de iustice, ne sont

deus lots ny ventes. 82

Arrest qu'entre marchands il n'y a
point de discution, & estans associez
sont solidairement tenus. 87

Arrest que quatre marchands s'e-
stans simplement obligez l'un pour
l'autre, encores qu'ils ne fussent asso-
ciez sont solidairement tenus. 88

Arrest que la solidité d'obligation
ne passe point aux heritiers des mar-
chands associez, apres la dissolu-
tion de l'association, & que partage
est faict entre-eux. 89

C

Cessionnaire qui s'oblige à d'a-
uantage que son cedant n'a point
de recours contre son cedant. 37

Quand la rente cedée est déniée,
le cessionnaire est tenu entrer en
cause. 38

Le cessionnaire se doit pouruoir
par action, & non par execution con-
tre le cedant, encores qu'à faute de
payement, il ait promis payer la ren-
te. *ibid.*

Qu'en ce Cas est besoin faire appa-
roir du refus faict par le debteur de la
rente transportée. 68

Cas fortuits declarez par le menu. 5
Cas fortuit promis s'entend *de solitis*,
ibid.

Creancier d'une rente sera contraint
faire cession de ses actions, à celuy
qui l'a racheptée, pour auoir son re-
cours. Et comme le contract doit
estre dressé. 86

En cession de debte pecuniaire sans
mention de garantie, ou avec garan-
tie generale; il suffit garantir que la
somme transportée est deuë, encores
que le debteur ne soit soluable. 85

En cession de debte pecuniaire, la
promesse de fournir & faire valoir,
oblige le cedant à payer la debte, si le
debteur est insoluable. 86

du Traicté des Rentes.

Cession de la debte pecuniaire, est differente de la delegation faicte d'icelle, avec declaration de l'une & de l'autre. 86.87

Contre le cessionnaire d'une debte, on peut alleguer toutes les exceptiōs qu'on pourroit alleguer contre le cedant. 89

Compensation de la debte du cedant, se peut demander contre le cessionnaire, tout ainsi que contre le cedant. Et pourquoy. 90

D

Difference entre les transports faicts par vendition par eschāge, sur la ville, ou sur particuliers. 43

le Dōmage & la perte qui aduient à la chose vendue ou eschāgée depuis la perfection du contract, tombe sur le propriétaire de la chose. 20

la Discussion est necessaire auparavant que le cessionnaire, avec garantie generale, puisse agir contre le cedant de rentes deues par particuliers. 44

Discussion de biens comme se doit faire. 47

Decret d'heritage obligé, faict apres le transport d'une rente, est au dommage du cessionnaire de la rente, s'il n'y a promesse de fournir & faire valoir. 50

Discussiō est requise encores qu'on ait promis fournir, & faire valoir la rente cedée sur vn particulier. 48

Clause pour oster la Discussion en transport de debte pecuniaire. 86

Discussion est requise auparavant que s'adresser au fideiussur. 52

Raisons de ceux qui dient la Discussion n'estre necessaire en contract d'eschange de rentes sur particuliers, avec promesse de fournir & faire valoir. 57

Qu'au cas susdit la discussion est necessaire. 62

la Discussion est toute faicte, es rentes constituées sur l'Hostel de la ville de Paris. 56

Discussion est requise encores qu'on ait promis fournir & faire valoir une debte, ou somme de deniers cedée, sinon entre marchands. Et de ce faut voir sous la lettre M.

Discussion ny diuision ne sont receues entre marchands. 87

Debtes entre compagnons & associez comme se doiuent payer. 88

Delegation de debtes, & cession de debtes sont differentes, avec la declaration d'icelles. 89

en Delegation de debte n'y a aucune garantie, comme il y a en cession. 90

Demande que le cessionnaire doit faire contre le cedant, quand il ne peut iouyr de la rente cedée. 18

Demande que doit faire celuy qui a accomply le contract d'eschange, contre celuy qui est refusant de l'accomplir. 19

E

Les rentes dōnées ou leguées aux Eglises, constituées sur l'Hostel de ville, ou deues par particuliers, comme se doiuent garantir. 20

Nature du contract d'Eschange : & en quoy il est different du contract de vendition. 24

Des transports faicts de rentes constituées en Eschange d'heritages, est besoin voir sous la lettre T.

Celuy qui de sa part a accomply le cōtract d'Eschange, au refus de l'accomplir par le compermutāt, peut demander resolution du contract : ce faisant r'entrer en son heritage : ou dommages & intersts. 33

N'y a euiction des rentes constituées sur l'Hostel de ville, ains simple reculement. 34

Table des matieres

Euiction de faict non de droict. 31
 Eschange se faict de rentes par particuliers, contre des rentes constituées sur l'Hostel de ville. 28.59

Contract ne peut estre d'eschange, sinon quād on baille immeuble pour immeuble: non pas vn meuble. 58

Æstimatio facit emptionem. 30

En contract d'eschange de rente deuë par particuliers, avec promesse de garantie generale, la discution est requise. 52

Quand on baille en charge vne rente deuë par particuliers, & qu'on a promis payer, ou faute y auroit de payement par les debtors de la rente, ne faut point de discution. 67

Edicts faict par le Roy sur le payement des arrerages de rentes declarez. 70

Les Edicts ont lieu en rentes constituées pendant les troubles en intersts de deniers, és rentes foncieres, baux d'heritages en deniers, grains ou és gros deuz aux Curez, ou autres Ecclesiastiques, en rapports de mariage, & autres cas. 71

Ecclesiastiques deschargez du gros qu'ils doiuent aux Curez & autres, en quittant les fruiçts de l'année. 72

Les Edicts n'ont lieu sinon és arrerages deus, non pas és arrerages payez & acquitez. 71

Les Edicts ont lieu, pour le regard de ceux qui sont condānez au payement des arrerages, non pas de ceux qui volontairement y sont obligez, lesquels sont tenus satisfaire à leur promesse & conuention. 73

Les Edicts ont lieu contre le cessionnaire de la rente, ou des arrerages de la rente. *ibid.*

Comme suiuant les Edicts, les arrerages precedens l'année 1594. se doiuent payer. 74

Cōme suiuant les Edicts, se payent les arrerages deus en grains precedens l'année 1594. 75

Comme suiuant les Edicts on peut rachepter les rentes cōstituées. 70.71

Comme les contracts d'Eschange d'heritages à rentes constituées, doiuent estre dressez pour n'estre subiets à lots & ventes. 78

F

Fournir & faire valoir vne rente, tant en sort principal, arrerages, que rachapt que signifient. 20.46

Si la promesse de fournir & faire valoir contient obligation personnelle. 46

La promesse de Fournir & faire valoir a quatre effects. 64

Fournir de contract de rachapt de rente, contenant cession d'actions. 84

Forme de dresser vn contract d'eschange d'heritages, contre des rentes constituées. 79

G

Garantie generale ne contient le faict du Prince ny les cas fortuits. 18

n'y a Garantie en rente generalement transportée sur l'Hostel de ville, sinon qu'elle est bien constituée & qu'elle est deuë. 4

Promesse de garantir tant en sort principal, que rachapt, contient payement des arrerages, parce qu'on ne peut rachepter sans payer les arrerages. 5

Garantie est deuë, encores qu'elle ne soit promise en cession de rente sur particuliers: tout ainsi qu'en uendition d'heritage. 50

Garand de ses, promesses & obligations seulement, à quoy est tenu. 37.51

Encores qu'il n'y ait promesse de garantir

du Traicté des Rentes.

garantir la rente cedée, toutesfois le cedant de la rente sur particuliers doit non seulement *prestare debitum subesse, sed debitorem locupletem esse.* 52

H

Sl vn Heritier peut estre condamné par prouision personnellemēt & hypothecairement. 30

Heritiers de marchands associez ne sont receus solidairement, apres la dissolution de la societé & partage fait. 89

L

L'Achepteur d'un heritage ne peut agir contre son vendeur: s'il n'est troublé ou euincé de l'heritage qui luy a esté vendu. 50

Lots & ventes sont deubs, pour heritage prins à rente rachetable, deslors du bail à rente. 77

Lots & ventes sont deubs, pour vente de rentes foncieres. 78

Lots ny ventes ne sont deubs, pour rentes constituées, baillées en eschange d'heritage. 77

Lots & ventes sont deubs au Seigneur censier de l'heritage baillé en eschange de rentes constituées s'il y a promesse de les rachapter, ou si elles sont rachaptées dedans l'an du contract. 77.78

Lots ny ventes ne sont deus, quand apres l'an du contract on a achepté la rēte qu'on auoit baillée en eschange d'heritages. Et comme en ce cas il se faut conduire. 80

Lots ny ventes ne sont deubs pour la constitution ou rachapt de rentes. 78

Lots & ventes sont deubs pour heritage eschangé, rachapté dedans l'an du contract. 82

L'an & iour ne court. *ibid.*

Lots ny ventes ne sont deubs pour rachapt de rentes baillées en eschange forcé & contrainct par auctorité de Iustice. 81

Ces mots l'un pour l'autre, emportent solidité d'obligation entre Marchands. 88

M

Des transports de rentes constituées sur l'Hostel de ville en faueur de mariage. 23

Arrests donnez pour ce regard. 16

Des rentes deues par particuliers baillées en faueur de mariage. 20.21

Marchands associez s'obligent solidairement l'un l'autre, & l'un est solidairement tenu pour le fait de l'autre. 87

Quatre marchands non associez purement & simplement obligez, à la somme de cent escus pour vente de marchandise: ne doiuent chacun que 25. escus. 88

O

Ordre gardé au presēt Traicté. 2
Siles Offices venaux sont meubles ou immeubles en France. 31

Option faicte de rendre l'heritage baillé en eschange de rente peut estre reuoquée comme faicte au moyen de la misere & calamité du temps. 36

L'option estant baillée d'entretenir le contract ou demander la resolution d'iceluy: comme il se faut conduire. 31

L'option de resoudre le contract est baillée à celuy qui l'a accompli, non pas à celuy qui ne l'a pas accompli. *ibid.*

On n'a rien pour rien, cōmun proverbe des marchāns n'est veritable. 86

P

Partage simplement fait entre coheritiers de rentes constituées

Table des matieres

sur l'Hostel de ville, n'emporte aucune garantie ny recours. 3

Partage de rentes deues par particuliers ou d'heritages: emporte tacite promesse de garantie. *ibid.*

Prescription ne commence à courir contre celuy qui a promis payer vne rente constituée sur la ville, au cas qu'elle ne fut payée, ny contre son heritier, sinon du iour qu'on a cessé de payer les arrerages. 7

Prescription comme elle peut estre alleguée, par le tiers détenteur de l'heritage. 8

En prescription de 10. & 20. ans la bonne foy est perpetuellement requise en la Coustume de Paris. 9

Arrest de ce que dessus. *ibid.*

De toute prescription faut deduire les cinq années des troubles mesmes entre citoyens. 10

Peremption d'instance n'a lieu pendant les troubles. *ibid.*

La Prescription des cinq années d'arrerages de rentes constituées n'a lieu pendant les troubles. 11

R

à presēt n'est besoin faire apparoir du Refus de payer fait par le Receveur de la ville de Paris. 7

la clause de ne pouuoir rachepter la Rente constituée sur l'Hostel de ville baillée en eschange, ne vicié pas le contract. 27

Resolution du contract d'eschange, peut estre demandée par celuy qui par eschange a baillé rente sur l'Hostel de ville, & offrir rendre l'heritage. 25

ceste Resolution peut estre demandée en execution de sentence ou arrest, encores qu'il porte condamnation de payer & cōtinuer la rente. 25

si celuy qui r'entre en son heritage par le moyen de la Resolution du contract d'eschange, doit estre payé de tous les arrerages escheus, ius-

qu'au iour qu'il iouyt de son heritage. 22

Auis d'aucuns qui estiment que les arrerages des Rentes baillées en eschange de l'heritage retrocedé, ne se doiuent payer que du iour de la demande. 38. 39

si celuy qui r'entre en son heritage par le moyen de la Resolution du contract d'eschange, doit rembourser toutes les reparations & meliorations faictes en la maison. 40

pour Reparations faictes en heritage on a action, exception, & retention. 43

Rapport de biens non trouuez. 47

Resolution de contract ne peut estre demandée par celuy qui a baillé en eschange des rentes deues par particuliers, & pourquoy. 67

Rentes constituées pourquoy sont tolerées en France. 78

Rachapt vrayement ne se fait par celuy qui a transporté vne rente constituée. 80

Rente racheptée est esteinte, Rente cedée & transportée, demeure en nature de rente. 83

Comme celuy qui veut rachepter vne rente & auoir cession d'actions, se doit conduire & doit faire dresser son contract. Et comme le creancier doit faire cession d'actions. 84

S

Signification du transport de rente est necessaire & pourquoy: Et iusqu'à la signification, le cedant demeure seigneur & propriétaire de la chose cedée. 46

Suffisance du debteur est considérée au temps du transport. 47

Sentence du Preuost de Paris, que pour rentes constituées baillées en eschange d'heritages ne sont deus lots ny ventes. 78

Sentence du Preuost de Paris, que

du Traicté des Rentes.

pour rachapt par contraincte & non volontaire ne sont deus lots ny ventes. 82

Souscription de cedula faicte par vn autre marchand ce qu'emporte. 87

T

T Raictez cy deuant diuulguez par l'Autheur. 1

Transports de rentes faicts par vendition en cinq especes. 2

Transport faict par vendition de rentes sur l'Hostel de ville, avec garantie generale, ou sans garantie, ce qu'il contient. 3

Transport faict par vendition de rente sur la ville, avec promesse de garantir, fournir & faire valoir, ce qu'il emporte. 4

Transport faict de rente sur la ville avec la promesse susdite, & du faict du Prince, & cas fortuits, ce qu'il contient. 5

Transport faict par vendition de rente cōstituée sur l'Hostel de ville avec promesse de payer, à faute de payement des arrerages d'icelle quel effect il a. 7

Transports des rentes faicts par contract de mariage. 11

Transports faicts des rentes sur la ville par eschange, avec promesse generale de garantir. 27

Des transports d'eschange de rentes constituées sur l'Hostel de ville, avec promesse de garantir, fournir & faire valoir. 26

Transport de rentes sur l'Hostel de ville, par contract d'eschange, avec promesse à faute de payement de la payer & continuer. 25

Transport faict de rente constituée sur la ville contre vn Office venal, si c'est cōtract d'eschāge ou de vete. 27

Trāsport faict par vendition de rente deuë par vn particulier, avec garantie generale, ou sans garantie. 14. 15

Transport de rente est comme vne delegation. 89

Transport par vendition de rente sur particuliers, avec promesse de le payer à faute de payement. 48

Transports de debtes pecuniaires sans mention de garantie, ou avec garantie generale, ou avec promesse de garantir, fournir & faire valoir. 85

Transports faicts par delegation du debteur, ou par cession des debtes, sont differens. 89

Transport simple par cession, ne faist point iusques au iour de la signification du transport: avec l'effect de la signification & interpretation de ces mots, ne faist point. 91

Transport faict par delegation faist, & non celuy qui est faict par cession. *ibid.*

V


D Es trāsports faits par Vendition des rentes constituées sur l'Hostel de ville, voyez à la lettre T.

en vertu d'un contract de Vendition, on ne peut agir sinon à l'accomplissement d'iceluy, & non à la resolution. 18

que le denier baillé en Vendition de rente, est aussi precieux que l'heritage baillé en eschange. Partant que l'un ne doit estre plus priuilegié que l'autre. 17

Vendeur d'une rente sur particuliers qui a promis la garantir, fournir & faire valoir, à quoy est tenu, voyez à la lettre F.





GretagMacbeth™ ColorChecker Color Rendition Chart

